

藐三菩提我即是法法是我所我即是道道是我所我即世尊世尊即是我所我即聲聞聲聞即是我所我能說法令他聽受我轉法輪餘人不能如來終不作如是計是故如來不轉法輪善男子若有人作如是妄計我即是眼眼即是我所耳鼻舌身意亦復如是我即是色色是我所乃至法亦如是我即是地地即是我所水火風等亦復如是善男子若有人言我即是信信是我所我是多聞多聞即是我所我是檀波羅蜜檀波羅蜜即是我所我是尸波羅蜜尸波羅蜜即是我所我是羼提波羅蜜羼提波羅蜜即是我所我是毗梨耶波羅蜜毗梨耶波羅蜜即是我所我是禪波羅蜜禪波羅蜜即是我所我是般若波羅蜜般若波羅蜜即是我所我是四念處四念處即是我所四正勤四如意足五根五力七覺分八聖道分亦復如是善男子如來終不作如是計是故如來不轉法輪善男子若言常住無有變易云何說言佛轉法輪是

故汝今不應說言如來方更轉於法輪善男子譬如因眼緣色緣明緣思惟因緣和合得生眼識善男子眼不念言我能生識色乃至思惟終不念言我生眼識眼識亦復不作念言我能自生善男子如是等法因緣和合得名為見善男子如來亦尔因六波羅蜜三十七助菩提之法覺了諸法復因咽喉舌齒唇口言語音聲為憍陳如初始說法名轉法輪以是義故如來不名轉法輪也善男子若不轉者即名為法法即如來善男子譬如因燧因鑽因手因乾牛糞而得生火燧亦不言我能生火鑽手牛糞各不念言我能生火火亦不言我能自生如來亦尔因六波羅蜜乃至憍陳如名轉法輪如來亦復不生念言我轉法輪善男子若不生者是則名為轉正法輪是轉法輪即名如來善男子譬如因酪因水因攢因瓶因繩因人手捉而得出蘇酪不念言我能出蘇乃至人手亦不念言我能出蘇蘇亦不言我能自出眾緣和合故得出蘇

如來亦不終不念言我轉法輪善男子若不出者是則名為轉正法輪是轉法輪即是如來善男子譬如因子因地因水因火因風因糞因時因人作業而牙得生善男子子亦不言我能生牙乃至作業亦不念言我能生牙亦不言我能自生如來亦不終不念言我轉法輪善男子若不能者是則名為轉正法輪是轉法輪即是如來善男子譬如因鼓因空因皮因人因桴和合出聲鼓不念言我能出聲乃至桴亦如是聲亦不言我能自生善男子如來亦不終不念言我轉法輪善男子轉法輪者名為不作不作者即轉法輪轉法輪者即是如來善男子轉法輪者乃是諸佛世尊境界非諸聲聞緣覺所知善男子虛空非生非出非作非造非有為法如來亦不非生非出非作非造非有為法如來性佛性亦不非生非出非作非造非有為法善男子諸佛世尊語有二種一者世語二者出世語善男子如來為諸聲聞緣覺說於世語為

畜生有得心樂三昧能壞餓鬼有得
歡喜三昧能壞阿修羅有得日光三
昧能斷弗婆提有得月光三昧能斷
瞿耶尼有得熱炎三昧能斷鬱單越
有得如幻三昧能斷閻浮提有得一
切法不動三昧能斷四天處有得難
伏三昧能斷三十三天處有得悅意
三昧能斷炎摩天有得青色三昧能
斷兜率天有得黃色三昧能斷化樂
天有得赤色三昧能斷他化自在天
有得白色三昧能斷初禪有得種種
三昧能斷大梵天有得雙三昧能斷
二禪有得雷音三昧能斷三禪有得
雲雨三昧能斷四禪有得如虛空三
昧能斷無想有得照鏡三昧能斷淨
居阿那含有得无尋三昧能斷空處
有得常三昧能斷識處有得樂三昧
能斷不用處有得我三昧能斷非想
非非想處有善男子是名菩薩得二
十五三昧斷二十五有善男子如是
薩摩訶薩入如是等諸三昧王若欲
吹壞須弥山王隨意即能欲知三千

大千世界所有衆生心之所念亦悉能知欲以三千大千世界所有衆生內於己身一毛孔中隨意即能亦令衆生無迫近想若欲化作无量衆生悉令充滿三千大千世界中者亦能隨意欲分一身以為多身復合多身以為一身雖作如是心無所著猶如蓮花善男子菩薩摩訶薩得入如是三昧王已即得住於自在之地菩薩得住是自在力隨欲生處即得往生善男子譬如聖王領四天下隨意所行無能障碍菩薩摩訶薩亦復如是一切生處若欲生者隨意往生善男子菩薩摩訶薩若見地獄一切衆生有可化令住善根者菩薩即往而生其中菩薩雖生非本業果菩薩摩訶薩住自在力因緣故而生其中善男子菩薩摩訶薩雖在地獄不受熾然碎身等苦善男子菩薩摩訶薩所可成就如是功德無量无边百千万億尚不可說何況諸佛所有功德而當可說

尔時衆中有一菩薩名住無垢藏王

有大威德成就神通得大惣持三昧
具足得無所畏即從座起偏袒右肩
右膝著地長跪合掌白佛言世尊如
佛所說諸佛菩薩所可成就功德智
慧無量無邊百千萬億實不可說我
意猶謂故不如是大乘經典何以故
因是大乘方等經力故能出生諸佛
世尊阿耨多羅三藐三菩提時佛讚
言善哉善哉善男子如是如是如汝
所說是諸大乘方等經典雖復成就
無量功德欲比是經不得為喻百倍
千倍百千萬億倍乃至算數譬喻所
不能及善男子譬如從牛出乳從乳
出酪從酪出生酥從生酥出熟酥從
熟酥出醍醐醍醐最上若有服者衆
病皆除所有諸藥悉入其中善男子
佛亦如是從佛出生十二部經從十
二部經出修多羅從修多羅出方等
經從方等經出般若波羅蜜從般若
波羅蜜出大涅槃猶如醍醐言醍醐
者喻於佛性佛性者即是如來善男
子以是義故說言如來所有功德無
量尤邊不可稱計

世間有佛樹者能除一切諸天世人及阿修羅煩惱毒蛇若諸衆生住是佛樹陰涼中者煩惱諸毒悉得消滅大仙是人若當未來世中作善逝者我等悉當得滅無量熾然煩惱如是之事實為難信何以故无量百千諸衆生等發於阿耨多羅三藐三菩提心見少微緣於阿耨多羅三藐三菩提即便動轉如水中月水動則動猶如畫像難成易壞菩提之心亦復如是難發易壞大仙如有多人以諸鎧仗牢自莊嚴欲前討賊臨陣恐怖則便退散無量衆生亦復如是發菩提心牢自莊嚴見生死過心生恐怖即便退散大仙我見如是无量衆生發心之後皆生動轉是故我今雖見是人修於苦行無惱无熱住於險道其行清淨未能信也我今要當自往試之知其實能堪任荷負阿耨多羅三藐三菩提大重擔不大仙猶如車有二輪則能載用鳥有二翼堪任飛行是苦行者亦復如是我雖見其堅持禁戒未知其人有深智不若有深智

當知則能堪任荷負何得多羅三藐
三菩提之重擔也大仙譬如魚母多
有胎子成就者少如菴羅樹花多果
少衆生發心乃有無量及其成就少
不足言大仙我當與汝俱往試之大
仙譬如真金三種試已乃知其真謂
燒打磨試彼苦行者亦當如是
尔時釋提桓因自變其身作羅刹像
形甚可畏下至雪山去其不遠而便
立住是時羅刹心無所畏勇健難當
辯才次第其聲清雅宣過去佛所說
半偈

諸行無常

是生滅法

說是半偈已便住其前所現形貌甚
可怖畏願眄遍視觀於四方是苦行
者聞是半偈心生歡喜譬如估客於
險難處夜行失伴恐怖推求還遇同
侶心生歡喜踊躍無量亦如久病未
遇良醫瞻病好藥後卒得之如人沒
海卒遇舩舫如渴乏人遇清冷水如
為怨逐忽然得脫如久繫人卒聞得
出亦如農夫炎旱值雨亦如行人還
得歸家家人見已生大歡喜善男子

我於今時聞是半偈心中歡喜亦復如是即從座起以手舉髮四向顧視而說是言向所聞偈誰之所說今時亦更不見餘人唯見羅刹即說是言誰開如是解脫之門誰能雷震諸佛音聲誰於生死睡眠之中而獨覺寤唱如是言誰能於此示道生死飢饉衆生無上道味无量衆生沉生死海誰能於中作大船師是諸衆生常為煩惱重病所纏誰能於中為作良醫說是半偈啓悟我心猶如半月漸開蓮花善男子我於今時更無所見唯見羅刹復作是念將是羅刹說是偈耶仍復生疑或非其說何以故是人形容甚可怖畏若有得聞是偈句者一切恐怖醜陋即除何有此人形貌如是能說此偈不應火中出於蓮花非日光中出生冷水善男子我於今時復作是念我今無智而此羅刹或能得見過去諸佛從諸佛所聞是半偈我今當問即便前至是羅刹所作如是言善哉大士汝於何處得是過去離怖畏者所說半偈大士復於何

起貢高者亦令得見我為一偈捨此身
命如棄草木我於今時說是語已尋
即放身自投樹下下未至地時虛空
之中出種種聲其聲乃至阿迦尼吒
今時羅刹還復釋身即於空中接取
我身安置平地今時釋提桓因及諸
天人大梵天王稽首頂礼於我足下
讚言善哉善哉真是菩薩能大利益
無量衆生欲於无明黑闇之中然大
法炬由我愛惜如來大法故相憐憫
唯願聽我懺悔罪各汝於未來必定
成就阿耨多羅三藐三菩提願見濟
度今時釋提桓因及諸天衆頂礼我
足於是辭去忽然不現善男子如我
往昔為半偈故捨棄此身以是因緣
便得超越足十二劫在弥勒前成阿
耨多羅三藐三菩提善男子我得如
是無量功德皆由供養如來正法善
男子汝今亦令發於阿耨多羅三藐
三菩提心則已超過無量无邊恒河
沙等諸菩薩上善男子是名菩薩住
於大乘大般涅槃修於聖行
大般涅槃經卷第十四

平丑歲高麗國大藏都監奉

勅雕造

大般涅槃經卷第十五

迦

梵行品第八之一

北涼天竺三藏曇無讖譯

善男子云何菩薩摩訶薩梵行善男子
子菩薩摩訶薩住於大乘大般涅槃
住七善法得具梵行何等為七一者
知法二者知義三者知時四者知足
五者自知六者知眾七者知尊卑善
男子云何菩薩摩訶薩知法善男子
是菩薩摩訶薩知十二部經謂修多
羅祇夜授記伽陀優陀那尼陀那阿
波陀那伊帝目^尊多伽闍陀伽毗佛略
阿浮陀達摩優波提舍善男子何等
名為修多羅經徒如是我聞乃至歡
喜奉行如是一切名修多羅何等名
為祇夜經佛告諸比丘昔我與汝愚
無智慧不能如實見四真諦是故流
轉久處生死沒大苦海何等為四苦
集滅道如佛昔日為諸比丘說契經
竟今時復有利根眾生為聽法故後
至佛所即便問人如來向者為說何
事佛時知已即因本經以偈頌曰

我昔與汝等不見四真諦是故久流轉
生死大苦海若能見四諦則得斷生死
生有既已盡更不受諸有

是名祇夜經何等名為授記經如有
經律如來說時為諸大人受佛記別
汝阿逸多未來有王名曰壤佉當於
是世而成佛道号曰弥勒是名授記
戒律其餘有說四句之偈所謂

諸惡莫作 諸善奉行 自淨其意
是諸佛教

是名伽陀經何等名為優陀那經如
佛晡時入於禪定為諸天眾廣說法
要時諸比丘各作是念如來今者為
何所作如來明旦從禪定起無有人
問以他心智即自說言比丘當知一
切諸天壽命極長汝諸比丘善哉為
他不求已利善哉少欲善哉知足善
哉寂靜如是諸經无問自說是名優
陀那經何等名為尼陀那經如諸經
偈所因根本為他演說如舍衛國有
一丈夫羅網捕鳥得已籠繫隨與水
穀而復還放世尊知其本末因緣而

為勝妙如諸味中甘露取上如是菩薩於人天中取勝取上不可譬喻善男子是名菩薩摩訶薩住於大乘大涅槃經住七善法菩薩住是七善法已得具梵行

復次善男子復有梵行謂慈悲喜捨迦葉菩薩白佛言世尊若多修慈能斷瞋恚修悲心者亦斷瞋恚去何而言四無量心推義而言則應有三世尊慈有三緣一緣衆生二緣於法三則無緣悲喜捨心亦復如是若從是義唯應有三不應有四衆生緣者緣於五陰願與其樂是名衆生緣法緣者緣諸衆生所須之物而施與之是名法緣無緣者緣於如來是名无緣慈者多緣貧窮衆生如來大師永離貧窮受第一樂若緣衆生則不緣佛法亦如是以是義故緣如來者名曰無緣世尊慈之所緣一切衆生如緣父母妻子親屬以是義故名曰衆生緣法緣者不見父母妻子親屬見一切法皆從緣生是名法緣無緣者不住法相及衆生相是名无緣悲喜捨

心亦復如是是故應三不應有四世

尊人有二種一者見行二者愛行見

行之人多修慈悲愛行之人多修喜

捨是故應二不應有四世尊夫无量

者名曰無邊邊不可得故名无量若

無量者則應是一不應言四若言四

者何得无量是故應一不應四也佛

告迦葉善男子諸佛如來為諸衆生

所宣法要其言秘密難可了知或為

衆生說一因緣如說何等為一因緣

所謂一切有為之法善男子或說二

種因之與果或說三種煩惱業苦或

說四種無明諸行生與老死或說五

種所謂受愛取有及生或說六種三

世因果或說七種謂識名色六入觸

受及以愛取或說八種除无明行及

生老死其餘八事或說九種如城經

中除無明行識其餘九事或說十一

如為薩遮尼犍子說除生一法其餘

十一或時具說十二无明乃至生老

為迦葉等具說十二无明乃至生老

病死善男子如一因緣為衆生故種

種分別无量心法亦復如是善男子

以是義故於諸如來深秘行處不應
生疑善男子如來世尊有大方便无
常說常常說無常說樂為苦說苦為
樂不淨說淨淨說不淨我說無我无
我說我於非衆生說為衆生於實衆
生說非衆生非物說物物說非物非
實說實實說非實非境說境境說非
境非生說生生說非生乃至無明說
明明說无明色說非色非色說色非
道說道道說非道善男子如來以是
無量方便為調衆生豈虛妄耶善男
子或有衆生貪於財貨我於其人自
化其身作轉輪王於无量歲隨其所
須種種供給然後教化令其安住阿
耨多羅三藐三菩提若有衆生貪著
五欲於無量歲以妙五欲充足其願
然後勸化令其安住阿耨多羅三藐
三菩提若有衆生榮豪自貴我於其
人無量歲中為作僕使趨走給侍得
其心已即復勸化令其安住阿耨多
羅三藐三菩提若有衆生性悞自是
須人呵諫我於無量百千歲中教呵
教喻令其心調然後復勸令其安住

其心善男子譬如剋豆乾時雖剋終不可著煩惱堅硬亦復如是雖一日夜繫心不散難可調伏又如家犬不畏於人山林野鹿見人怖走瞋恚難去如守家狗慈心易失如彼野鹿是故此心難可調伏以是義故不名大慈復次善男子譬如畫石其文常在盡水速滅勢不久住瞋如畫石諸善根本如彼盡水是故此心難得調伏如大火聚其明久住電光之明不得暫停瞋如火聚慈如電明是故此心難得調伏以是義故不名大慈善男子菩薩摩訶薩住於初地名曰大慈何以故善男子寂極惡者名一闍提初住菩薩修大慈時於一闍提心無差別不見其過故不生瞋以是義故得名大慈善男子為諸衆生除无利益是名大慈欲與衆生無量利樂是名大悲於諸衆生心生歡喜是名大喜無所擁護名為大捨若不見我法相已身見一切法平等无二是名大捨自捨已樂施與他人是名大捨善男子唯四無量能令菩薩增長具足

六波羅蜜其餘諸行不必能介善男子菩薩摩訶薩先得世間四無量心然後乃發阿耨多羅三藐三菩提心次第方得出世間者善男子因世無量得出世無量以是義故名大無量迦葉菩薩白佛言世尊除无利益與利樂者實無所為如是思惟即是虛觀無有實利世尊譬如比丘觀不淨時見所著衣志是皮相而實非皮所可食噉皆作虫相而實非虫觀大豆羹作下汁想而實非羹觀所食酪猶如髓腦而實非腦觀骨碎末猶如麤相而實非麤四無量心亦復如是不能真實利益衆生令其得樂雖口發言與衆生樂而實不得如是之觀非虛妄耶世尊若非虛妄實與樂者而諸衆生何故不以諸佛菩薩威德力故一切受樂若當真實不得樂者如佛所說我念往昔獨修慈心經此劫世七返成壞不來此生世界成時生梵天中世界壞時生光音天若生梵天力勢自在无能摧伏於千梵中取勝取上名大梵王有諸衆生皆於我

所生取上想三十六返作忉利天王
釋提桓因無量百千作轉輪王獨修
慈心乃得如是人天果報若不實者
云何得與此義相應佛言善哉善哉
善男子汝真勇猛無所畏懼即為迦
葉而說偈言

若於一衆生 不生瞋恚心 而願與彼樂
是名為慈善 一切衆生中 若起於悲心
是名聖種性 得福報元量 設使五通仙
悉滿此大地 有大自然天 奉施其所安
為馬種種物 所得福報果 不及修一慈
十六分中一

善男子夫修慈者實非妄想諦是真
實若是聲聞緣覺之慈是名虛妄諸
佛菩薩真實不虛云何知耶善男子
菩薩摩訶薩修行如是大涅槃者觀
土為金觀金為土地作水相水作地
相水作火相火作水相地作風相風
作地相隨意成就無有虛妄觀實衆
生為非衆生觀非衆生為實衆生悉
隨意成無有虛妄善男子當知菩薩
四無量心是實思惟非不真實復次
善男子云何名為真實實思惟謂能斷

所謂大乘非諸聲聞辟支佛味願諸
衆生得一甜味无有六種差別之味
願諸衆生唯求法味無尋佛法所行
之味不求餘味善男子菩薩摩訶薩
於慈心中布施漿時應當堅發如是
等願復次善男子菩薩摩訶薩於慈
心中施車乘時應作是願我今所施
悉與一切衆生共之以是因緣普令
衆生成於大乘得住大乘不退於乘
不動轉乘金剛座乘不求聲聞辟支
佛乘向於佛乘无能伏乘無羸乏乘
不退沒乘無上乘十力乘大功德乘
未曾有乘希有乘難得乘无邊乘知
一切乘善男子菩薩摩訶薩於慈心
中施車乘時常應如是堅發誓願復
次善男子菩薩摩訶薩於慈心中布
施衣時當作是願我今所施悉與一
切衆生共之以是因緣令諸衆生得
慚愧衣法界覆身裂諸見衣衣服離
身一尺六寸得金色身所受諸觸柔
軟无身光色潤澤皮膚細軟常光無
量無色離色願諸衆生皆悉普得无
色之身過一切色得入無色大般涅

睺善男子菩薩摩訶薩布施衣時應當如是堅發誓願

復次善男子菩薩摩訶薩於修慈中布施花香塗香末香諸雜香時應作是願我今所施悉與一切衆生共之以是因緣令諸衆生一切皆得佛花三昧七覺妙鬘繫其首頂願諸衆生形如滿月所見諸色微妙第一願諸衆生皆成一相百福莊嚴願諸衆生隨意得見可意之色願諸衆生常遇善友得無尋香離諸臭穢願諸衆生具諸善根无上珍寶願諸衆生相視和悅无有憂苦衆善各備不相憂念願諸衆生戒香具足願諸衆生持無尋戒香氣馥馥充滿十方願諸衆生得堅牢戒無悔之戒一切智戒離諸破戒恚得无戒未曾有戒无師戒無作戒无荒戒無汙染戒竟已戒究竟戒得平等戒於香塗身及以斫判等無憎愛願諸衆生得无上戒大衆之戒非小衆戒願諸衆生悉得具足尸波羅蜜猶如諸佛所成就戒願諸衆生悉為布施持戒忍辱精進禪智之

所薰修願諸衆生悉得成於大般涅槃微妙蓮花其花香氣充滿十方願諸衆生純食大乘大般涅槃無上香餌猶蜂採花但取香味願諸衆生悉得成就无量功德所薰之身善男子菩薩摩訶薩於慈心中施花香時常當堅發如是誓願

復次善男子菩薩摩訶薩於慈心中施牀敷時應作是願我今所施悉與一切衆生共之以是因緣令諸衆生得天中天所卧之牀得大智慧坐四禪處卧於菩薩所卧之牀不卧聲聞辟支佛牀離卧惡牀願諸衆生得安樂卧離生死牀成大涅槃師子卧牀願諸衆生坐此牀已復為其餘无量衆生示現神通師子遊戲願諸衆生住此大乘大宮殿中為諸衆生演說佛性願諸衆生坐無上牀不為世法之所降伏願諸衆生得忍辱牀離於生死飢饉凍餓願諸衆生得無畏牀永離一切煩惱怨賊願諸衆生得清淨牀專求无上正真之道願諸衆生得善法牀常為善友之所擁護願諸

男子慈即虛空虛空即慈慈即如來
善男子慈即是常常即是法法即是
僧僧即是慈慈即如來善男子慈即
是樂樂即是法法即是僧僧即是慈
慈即如來善男子慈即是淨淨即是
法法即是僧僧即是慈慈即如來善
男子慈即是我我即是法法即是僧
僧即是慈慈即如來善男子慈即甘
露甘露即慈慈即佛性佛性即法法
即是僧僧即是慈慈即如來善男子
慈者即是一切菩薩無上之道道即
是慈慈即如來善男子慈者即是諸
佛世尊无量境界無量境界即是慈
也當知是慈即是如來

善男子慈若无常無常即慈當知是
慈是聲聞慈善男子慈若是苦苦即
是慈當知是慈是聲聞慈善男子慈
若不淨不淨即慈當知是慈是聲聞
慈善男子慈若无我无我即慈當知
是慈是聲聞慈善男子慈若妄想妄
想即慈當知是慈是聲聞慈善男子
慈若不名檀波羅蜜非檀之慈當知
是慈是聲聞慈乃至般若波羅蜜亦

復如是善男子慈若不能利益衆生
如是之慈是聲聞慈善男子慈若不
入一乘之道當知是慈是聲聞慈善
男子慈若不能覺了諸法當知是慈
是聲聞慈善男子慈若不能見如來
性當知是慈是聲聞慈善男子慈若
見法恚是有相當知是慈是聲聞慈
善男子慈若有漏有漏慈者是聲聞
慈善男子慈若有為有為之慈是聲
聞慈善男子慈若不能住於初住非
初住慈當知即是聲聞慈也善男子
慈若不能得佛十力四無所畏當知
是慈是聲聞慈善男子慈若能得
四沙門果當知是慈是聲聞慈也
善男子慈若有無非有非无如是之
慈非諸聲聞辟支佛等所能思議善
男子慈若不可思議法不可思議佛
性不可思議如來亦不可思議善男
子菩薩摩訶薩住於大乘大般涅槃
修如是慈雖復安於睡眠之中而不
睡眠勤精進故雖常覺悟亦无覺悟
以无眠故於睡眠中諸天雖護亦無
護者不行惡故眠不惡夢无有不善

離睡眠故命終之後雖生梵天亦無
所生得自在故善男子夫修慈者能
得成就如是無量無邊功德善男子
是大涅槃微妙經典亦能成就如是
無量無邊功德諸佛如來亦得成就
如是无量無邊功德

大般涅槃經卷第十五

辛丑歲高麗國大藏都監奉
勅雕造

徒所可教。詔純說虛空。隨其至處。初
无安樂。彼人間已。即懷怖畏。頭面敬
禮。尼捷子足白言。大師我等今者當
設何計。尼捷答言。沙門瞿曇性好叢
林。流泉清水。外設有者。宜應破壞。汝
等便可相與出城。諸有之處。斫伐令
盡。莫使有遺流泉井池。悉置糞屍。堅
閉城門。各嚴器仗。當壁防護。勤自固
守。彼設來者。莫令得前。若不前。若汝
當安隱我等。亦當作種種術。令彼瞿
曇復道還去。彼諸人民聞是語已。敬
諾施行。斬伐樹木。汙辱諸水。莊嚴器
仗。牢自防護。善男子。我於今時至彼
城已。不見一切樹木叢林。唯見諸人
莊嚴器仗。當壁自守。見是事已。尋生
憐愍慈心。向之所有樹木。還生如本。
復更生長。其餘諸樹。不可稱計。河池
井泉。其水清淨盈滿。其中如青琉璃。
生衆雜花。弥覆其上。變其城壁為紺
琉璃。城內人民悉得徹見我及大衆。
門自開闢。無能制者。所嚴器仗。變成
雜花。盧至長者而為上首。與其人民
俱共相隨。往至佛所。我即為說種種

法要令彼諸人一切皆發阿耨多羅三藐三菩提心善男子我於今時實不化作種種樹木清淨流水盈滿河池變其本城為紺琉璃令彼人民徹見於我開其城門器仗為花善男子當知皆是慈善根力能令彼人見如是事

復次善男子舍衛城中有婆羅門女姓婆私吒唯有一子愛之甚重遇病命終今時女人愁毒八心狂亂失性裸身無耻遊行四衢啼哭失聲唱言子子汝何處去周遍城邑无有疲已而是女人已於先佛殖眾德本善男子我於是女起慈愍心是時女人即得見我便生子想還得本心前抱我身嗚啞我口我時即告侍者阿難汝可持衣與是女人既與衣已便為種種說諸法要是女聞法歡喜踊躍發阿耨多羅三藐三菩提心善男子我於今時實非彼子彼非我母亦無抱持善男子當知皆是慈善根力令彼女人見如是事

復次善男子波羅捺城有優婆夷字

曰摩訶斯那達多已於過去無量先
佛種諸善根是優婆夷夏九十日請
命衆僧奉施醫藥是時衆中有一比
丘身嬰重病良醫訖之當須肉藥若
得肉者病則可除若不得肉命將不
全時優婆夷聞醫此言尋持黃金遍
至市廛唱如是言誰有肉賣吾以金
買若有肉者當等與金周遍城市求
不能得是優婆夷尋自取刀割其胫
肉切以為臠下種種香送病比丘比
丘服已病即得差是優婆夷患瘡苦
惱不能堪忍即發聲言南无佛陀南
無佛隨我於今時在舍衛城聞其音
聲於是女人起大慈心是女尋見我
持良藥塗其瘡上還合如本我即為
其種種說法聞法歡喜發阿耨多羅
三藐三菩提心善男子我於今時實
不往至波羅捺城持藥塗是優婆夷
瘡善男子當知皆是慈善根力令彼
女人見如是事

復次善男子調達惡人貪不知足多
眠穌故頭痛腹痛受大苦惱不能堪
忍發如是言南無佛陀南无佛隨我

論不加其惡菩薩摩訶薩亦復如是見諸衆生若墮地獄畜生餓鬼或人天中造作善惡心常念之初不放捨若行諸惡終不生瞋以惡加之是故此地復名一子

迦葉菩薩白佛言世尊如佛所說其言秘密我今智淺云何能解若諸菩薩住一子地能如是者云何如來昔為國王行菩薩時斷絕余所婆羅門命若得此地則應護念若不得者復何因緣不墮地獄若使等視一切衆生同於子想如羅睺羅何故復向提婆達多說如是言癡人无著食人涕唾令彼聞已生於瞋恨起不善心出佛身血提婆達多造是惡已如來復託當墮地獄一劫受罪世尊如是之言云何於義不相違背世尊須菩提者住虛空地凡欲入城求乞飲食要先觀人若有於已生嫌嫉心則止不行乃至極飢猶不行乞何以故是須菩提常作是念我憶往昔於福田所生一惡念由是因緣墮大地獄受種種苦我今寧飢終日不食終不令彼

於我起嫌墮於地獄受苦惱也復作是念若有衆生嫌我立者我當終日端坐不起若有衆生嫌我坐者我當終日立不移處行卧亦亦是須菩提護衆生故尚起是心何況菩薩菩薩若得一子地者何緣如來出是虛言使諸衆生起重惡心善男子汝今不應作如是難言佛如來為諸衆生作煩惱因緣善男子假使蚊虻能盡海底如來終不為諸衆生作煩惱因緣善男子假令大地悉為非色水為堅相火為冷相風為住相三寶佛性及以虛空作無常相如來終不為諸衆生作煩惱因緣善男子假使毀犯四重禁罪及一闍提謗正法者現身得戒十力無畏三十二相八十種好如來終不為諸衆生作煩惱因緣善男子假使聲聞辟支佛等常住不變如來終不為諸衆生作煩惱因緣善男子假使十住諸菩薩等犯四重禁作一闍提謗正法如來終不為諸衆生作煩惱因緣善男子假使一切元量衆生喪滅佛性如來究竟入般涅槃

瞋如來終不為諸衆生作煩惱因緣
善男子假使擲瓦能繫縛風齒能破
鐵爪壞須彌如來終不為諸衆生作
煩惱因緣寧與毒蛇同共一處內其
兩手餓師子口佉陀羅炭用洗浴身
不應發言如來世尊為諸衆生作煩
惱因緣善男子如來真實能為衆生
斷除煩惱終不為作煩惱因也

善男子如汝所言如來往昔煞婆羅
門者善男子菩薩摩訶薩乃至蟻子
尚不故煞況婆羅門菩薩常作種種
方便惠施衆生無量壽命善男子夫
施食者則為施命菩薩摩訶薩行檀
波羅蜜時常施衆生无量壽命善男
子修不煞戒得壽命長菩薩摩訶薩
行尸波羅蜜時則為施與一切衆生
無量壽命善男子慎口无過得壽命
長菩薩摩訶薩行羼提波羅蜜時常
勸衆生莫生怨想推直於人引曲向
己無所諍訟得壽命長是故菩薩行
羼提波羅蜜時已施衆生无量壽命
善男子精勤修善得壽命長菩薩摩
訶薩行毗梨耶波羅蜜時常勸衆生

大般涅槃經卷第一

三

北涼天竺三藏曇無讖譯

壽命品第一

如是我聞一時佛在拘尸那國力士
生地阿利羅跋提河邊娑羅雙樹間
余時世尊與大比丘八十億百千人
俱前後圍遶二月十五日臨涅槃時
以佛神力出大音聲其聲遍滿乃至
有頂隨其類音普告衆生今日如來
應正通知憐愍衆生覆護衆生等視
衆生如羅睺羅為作歸依屋舍室宅
大覺世尊將欲涅槃一切衆生若有
所疑今悉可問為寂後問余時世尊
於晨朝時從其面門放種種光其明
雜色青黃赤白頗梨馬瑙光遍照此
三千大千佛之世界乃至十方亦復
如是其中所有六趣衆生遇斯光者
罪垢煩惱一切消除是諸衆生見聞
是已心大憂愁同時舉聲悲啼號哭
嗚呼慈父痛哉苦哉舉手拍頭捶胸
叫喚其中或有身體戰慄涕泣哽咽
余時大地諸山大海皆悉震動時諸

衆生共相謂言且各裁抑莫大愁苦
當疾往詣拘尸那城力士生處至如
來所頭面礼敬勸請如來莫般涅槃
住世一劫若減一劫乎相執手復作
是言世間空虛衆生福盡不善諸業
增長出世仁等今當速往速往如來
不久必入涅槃復作是言世間空虛
世間空虛我等從今无有救護無所
宗仰貧窮孤露一旦遠離無上世尊
設有疑惑當復問誰

時有無量諸大弟子尊者摩訶迦旃
延尊者薄俱羅尊者優波難陀如是
等諸大比丘遇佛光者其身戰掉乃
至大動不能自持心濁迷悶發聲大
喚生如是等種種苦惱尔時復有八
十百千諸比丘等皆阿羅漢心得自
在所作已辦離諸煩惱調伏諸根如
大龍王有大威德成就空慧遠得已
利如梅檀林梅檀圍遶如師子王師
子圍遶成就如是無量功德一切皆
是佛之真子於其晨朝日始初出離
常住處嚼楊枝時遇佛光明並相謂
言仁等速疾漱口澡手作是言已舉

身毛豎遍體血現如波羅奢花涕泣
盈目生大苦惱為欲利益安樂衆生
成就大乘第一空行顯發如來方便
密教為不斷絕種種說法為諸衆生
調伏因緣故疾至佛所稽首佛足繞
百千匝合掌恭敬却坐一面

今時復有拘陀羅女善賢比丘尼優
波難陀比丘尼海意比丘尼與六十
億比丘尼等一切亦是大阿羅漢諸
漏已盡心得自在所作已辦離諸煩
惱調伏諸根猶如大龍有大威德成
就空慧亦於晨朝日初出時舉身毛
豎遍體血現如波羅奢花涕泣盈目
生大苦惱亦欲利益安樂衆生成就
大乘第一空行顯發如來方便密教
為不斷絕種種說法為諸衆生調伏
因緣故疾至佛所稽首佛足繞百千
匝合掌恭敬却坐一面於比丘尼衆
中復有諸比丘尼皆是菩薩人中之
龍位階十地安住不動為化衆生現
受女身而常修集四無量心得自在
力能化作佛

余時復有一恒河沙菩薩摩訶薩人

中之龍位階十地安住不動方便現身其名曰海德菩薩無盡意菩薩如是等菩薩摩訶薩而為上首其心皆悉敬重大乘安住大乘深解大乘愛樂大乘守護大乘善能隨順一切世間作是誓言諸未度者當令得度已於過世無數劫中修持淨戒善持所行解未解者紹三寶種使不斷絕於未來世當轉法輪以大莊嚴而自莊嚴成就如是無量功德等觀衆生如視一子亦於晨朝日初出時過佛光明舉身毛豎遍體血現如波羅奢花涕泣盈目生大苦惱亦為利益安樂衆生成就大乘第一空行顯發如來方便密教為不斷絕種種說法為諸衆生調伏因緣故疾至佛所稽首佛足繞百千匝合掌恭敬却坐一面

此時復有二恒河沙諸優婆塞受持五戒威儀具足其名曰威德無垢稱王優婆塞善德優婆塞等而為上首深樂觀察諸對治門所謂苦樂常無常淨不淨我無我實不實歸依非歸依衆生非衆生恒非恒安非安為無

為斷不斷涅槃非涅槃增上非增上
常樂觀察如是等法對治之門亦欲
樂聞無上大乘如所聞已能為他說
善持淨戒渴仰大乘既自充足復能
充足餘渴仰者善能攝取无上智慧
受樂大乘守護大乘善能隨順一切
世間度末度者解未解者紹三寶種
使不斷絕於未來世當轉法輪以大
莊嚴而自莊嚴心常深味清淨戒行
悉能成就如是功德於諸衆生大
悲心平等无二如視一子亦於晨朝
日初出時為欲闍毗如來身故人人
各取香木万束栴檀沉水牛頭栴檀
天木香等是一一木文理及附皆有
七寶微妙光明譬如種種雜彩畫飾
以佛力故有是妙色青黃赤白為諸
衆生之所樂見諸木皆以種種香塗
鬱金沉水及膠香等散以諸花而為
莊嚴優鉢羅花拘物頭花波頭摩花
分陀利花諸香木上懸五色幡柔軟
微妙猶如天衣憍奢耶衣蓍摩繒綵
是諸香木載以寶車是諸寶車出種
種光青黃赤白棘鞞皆以七寶廁填

是一一車駕以四馬是一一馬駿疾如風一一車前豎立五十七寶妙幢真金羅網弥覆其上一一寶車復有五十微妙寶蓋一一車上垂諸花鬘優鉢羅花拘物頭花波頭摩花分陀利花其花純以真金為葉金剛為臺是花臺中多有黑蜂遊集其中歡娛受樂又出妙音所謂無常苦空無我是音聲中復說菩薩本所行道復有種種歌儻伎樂箏笛篳篥篳篥鼓吹是樂音中復出是言苦哉苦哉世間空虛一一車前有優婆塞等四寶案是諸案上有種種花優鉢羅花拘物頭花波頭摩花分陀利花鬱金諸香及餘薰香微妙第一諸優婆塞為佛及僧辦諸食具種種備足皆是梅檀沉水香薪八功德水之所成熟其食甘美有六種味一苦二醋三甘四辛五鹹六淡復有三德一者輕軟二者淨潔三者如法作如是等種種莊嚴至力士生處娑羅雙樹間復以金沙遍布其地以加陵伽衣鉢婆羅衣及繒絲衣而覆沙上同匝遍滿十二由

旬為佛及僧敷置七寶師子之座其
座高大如須弥山是諸座上皆有寶
帳垂諸瓔珞諸娑羅樹悉懸種種微
妙幡蓋種種好香以塗樹身種種名
花以散樹間諸優婆塞各作是念一
切衆生若有所乏須食與食須飲與
飲須頭與頭須目與目隨諸衆生所
須之物皆悉給與作是施時離欲瞋
恚穢濁毒心無餘思惟求世福樂唯
期无上清淨菩提是優婆塞等皆已
安住於菩薩道復作是念如來今者
受我食已當入涅槃作是念已身毛
皆豎遍體血現如波羅奢花涕泣盈
目生大苦惱各各賣持供養之具載
以寶車香木幢幡寶蓋飲食疾至佛
所稽首佛足以其所持供養之具供
養如來遶百千匝舉聲號泣哀動天
地掇臂大叫淚下如雨復相謂言苦
哉仁者世間空虛世間空虛便自舉
身投如來前而白佛言唯願如來哀
受我等寂後供養世尊知時默然不
受如是三請悉皆不許諸優婆塞不
果所願心懷悲惱默然而住猶如慈

父唯有一子卒病喪亡送其屍骸置於塚間歸還悵悵愁憂苦惱諸優婆塞憂愁苦惱亦復如是以諸供具安置一處却在一面默然而坐

尔時復有三恒河沙諸優婆夷受持五戒威儀具足其名曰壽德優婆夷德驍優婆夷毗舍佉優婆夷等八萬四千而為上首悉能堪任護持正法為度無量百千衆生故現女身呵責家法自觀己身如四毒蛇是身常為无量諸虫之所啖食是身臭穢貪欲獄縛是身可惡猶如死狗是身不淨九孔常流是身如城血肉筋骨皮裹其上手足以為却敵樓櫓目為竅孔頭為殿堂心王處中如是身城諸佛世尊之所棄捨凡夫愚人常所味著貪婬瞋恚愚癡羅刹止住其中是身不堅猶如蘆葦伊蘭水泡芭蕉之樹是身無常念念不住猶如電光暴水幻炎亦如畫水隨畫隨合是身易壞猶如河岸臨峻大樹是身不久當為狐狼鴟梟鷂鷲烏鵲餓狗之所食斃誰有智者當樂此身寧以牛跡盛大

海水不能具說是身無常不淨臭穢
寧九大地使如糞等漸漸轉小猶薄
塵子乃至微塵不能具說是身過患
是故當捨如棄涕唾以是因緣諸優
婆夷以空無相无願之法常修其心
深樂諮受大乘經典聞已亦能為他
演說護持本願毀此女身甚可患厭
性不堅牢心常修集如是正觀破壞
生死無際輪轉渴仰大乘既自充足
復能充足餘渴仰者深樂大乘守護
大乘雖現女身實是菩薩善能隨順
一切世間度未度者解未解者紹三
寶種使不斷絕於未來世當轉法輪
以大莊嚴而自莊嚴堅持禁戒皆悉
成就如是功德於諸衆生生大悲心
平等無二如視一子亦於晨朝日初
出時各相謂言今日宜應至雙樹間
諸優婆夷所設供具倍勝於前持至
佛所稽首佛足遶百千匝而白佛言
世尊我等今者為佛及僧辦諸供具
唯願如來哀受我供如來默然而不
許可諸優婆夷不果所願心懷惆悵
却坐一面

今時復有四恒河沙毗耶離城諸離
車等男女大小妻子眷屬及閭浮提
諸王眷屬為求法故善修戒行威儀
具足摧伏異學壞正法者常相謂言
我等當以金銀倉庫為令甘露無盡
正法深奧之藏久住於世願今我等
常得修學若有誹謗佛正法者當斷
其舌復作是願若有出家毀禁戒者
我當罷令還俗策使有能深樂護持
正法我當敬重如事父母若有衆僧
能修正法我當隨喜令得勢力常欲
樂聞大乘經典聞已亦能為人廣說
皆悉成就如是功德其名曰淨無垢
藏離車子淨不放逸離車子恒水无
垢淨德離車子如是等各相謂言仁
等今可速往佛所所辦供養種種具
足一一離車各嚴八万四千大為八
万四千駟馬寶車八万四千明月寶
珠天木栴檀沉水薪束種種各有八
万四千一一為前有寶幢幡蓋其蓋
小者周匝縱廣滿一由旬幡最短者
長三十二由旬寶幢卑者高百由旬
持如是等供養之具往至佛所稽首

佛足遶百千匝而白佛言世尊我等
今者為佛及僧辦諸供具唯願如來
哀受我供如來默然而不許可諸離
車等不果所願心懷愁惱以佛神力
去地七多羅樹於虛空中默然而住
今時復有五恒河沙大臣長者敬重
大乘若有異學謗正法者是諸人等
力能摧伏猶如電雨摧折草木其名
曰日光長者護世長者護法長者如
是之等而為上首所設供具五倍於
前俱共往詣娑羅雙樹間稽首佛足
遶百千匝而白佛言世尊我等今者
為佛及僧設諸供具唯願哀愍受我
等供如來默然而不受之諸長者等
不果所願心懷愁惱以佛神力去地
七多羅樹於虛空中默然而住

今時復有

應有六恒河沙

毗舍離王及其後宮夫

人眷屬閭浮提內所有諸王除阿闍世
并及城邑聚落人民其名曰月無垢
王等各嚴四兵欲往佛所是一一王
各有一百八十萬億人民眷屬是諸
車兵駕以為馬為有六牙馬疾如風
莊嚴供具六倍於前寶蓋之中有極

小者周匝縱廣滿八由旬幡極短者
十六由旬寶幢卑者三十六由旬是
諸王等皆悉安住於正法中惡賤邪
法敬重大乘深樂大乘憐愍衆生等
如一子所持飲食香氣流布滿四由
旬亦於晨朝日初出時持是種種上
妙甘饌詣雙樹間至如來所而白佛
言世尊我等為佛及比丘僧設是供
具唯願如來哀愍受我家後供養如
來知時亦不許可是諸王等不果所
願心懷愁惱却住一面

今時復有七恒河沙諸王夫人唯除
阿闍世王夫人為度衆生現受女身
常觀身行以空無相無願之法薰修
其心其名曰三界妙夫人愛德夫人
如是等諸王夫人皆悉安住於正法
中修行禁戒威儀具足憐愍衆生等
如一子各相謂言今宜速往詣世尊
所諸王夫人所設供養十倍於前香花
寶幢繒綵幡蓋上妙飲食寶蓋小者
周匝縱廣十六由旬幡最短者三十
六由旬寶幢卑者六十八由旬飲食
香氣周遍流布滿八由旬持如是等

供養之具往來所稽首佛足遶百
千匝而白佛言世尊我等為佛及比
丘僧設是供具唯願如來哀愍受我
最後供養如來知時默然不受時諸
夫人不果所願心懷愁惱自拔頭髮
捉臂大哭猶如新喪所愛之子却在
一面默然而住

今時復有八恒河沙諸天女等其名
曰廣目天女而為上首作如是言汝
等諸姉諦觀諦觀是諸人眾所設種
種上妙供具欲供如來及比丘僧我
等亦當如是嚴設微妙供具供養如
來如來受已當入涅槃諸姉諸佛如
來出世甚難家後供養亦復倍難若
佛涅槃世間空虛是諸天女愛樂大
乘欲聞大乘聞已亦能為人廣說渴
仰大乘既自充足復能充足餘渴仰
者守護大乘若有異學憎嫉大乘勢
能摧滅如電摧草護持戒行威儀具
足善能隨順一切世間度未度者脫
未脫者於未來世當轉法輪紹三寶
種使不斷絕修學大乘以大莊嚴而
自在嚴成就如是無量功德等慈眾

生如視一子亦於晨朝日初出時各取種種天木香等倍於人間所有香木其木香氣能滅人中種種臭穢白車白蓋駕四白馬一一車上皆張白帳其帳四邊懸諸金鈴種種香花寶幢幡蓋上妙甘饌種種伎樂敷師子座其座四足純紺琉璃於其座後各各皆有七寶倚牀一一座前復有金机復以七寶而為燈樹種種寶珠以為燈明微妙天花遍布其地是諸天女設是供已心懷哀感涕淚交流生大苦惱亦為利益安樂衆生成就大乘第一空行顯發如來方便密教亦為不斷種種說法往詣佛所稽首佛足遶百千匝而白佛言世尊唯願如來哀受我等衆後供養如來知時默然不受諸天女等不果所願心懷憂惱却在一面默然而坐

尔時復有九恒河沙諸龍王等住於四方其名曰和修吉龍王難陀龍王婆難陀龍王而為上首是諸龍王亦於晨朝日初出時設諸供具倍於人天持至佛所稽首佛足遶百千匝而

白佛言唯願如來哀受我等寂後供養如來知時默然不受是諸龍王不果所願心懷愁惱却坐一面

尔時復有十恒河沙諸鬼神王毗沙門王而為上首各相謂言仁等今者可速詣佛所設供具倍於諸龍持往佛所稽首佛足遶百千匝而白佛言唯願如來哀受我等寂後供養如來知時默然不許是諸鬼王不果所願心懷愁惱却坐一面

尔時復有二十恒河沙金翅鳥王降怨鳥王而為上首復有三十恒河沙乾闥婆王那羅達王而為上首復有四十恒河沙緊那羅王善見王而為上首復有五十恒河沙摩睺羅伽王大善見王而為上首復有六十恒河沙阿修羅王跋婆利王而為上首復有七十恒河沙陀那婆王無垢河水王跋提達多王等而為上首復有八十恒河沙羅剎王可畏王而為上首捨離惡心更不食人於怨憎中生慈悲心其形醜陋以佛神力皆悉端正復有九十恒河沙樹林神王樂香王

而為上首復有千恒河沙持呪王大
幻持呪王而為上首復有一億恒河
沙貪色鬼魅善見王而為上首復有
百億恒河沙天諸婬女藍婆女鬱婆
尸女帝路沾女毗舍佉女而為上首
復有千億恒河沙地諸鬼王白濕王
而為上首復有十萬億恒河沙等諸
天子及諸天王四天王等復有十萬
億恒河沙等四方風神吹諸樹上時
非時花散雙樹間復有十萬億恒河
沙主雲雨神皆作是念如來涅槃焚
身之時我當注雨令火時滅衆中熱
悶為作清涼復有二十恒河沙大香
爲王羅睺爲王金色爲王甘味爲王
紺眼爲王欲香爲王等而為上首敬
重大乘愛樂大衆知佛不久當般涅
槃各各拔取無量无邊諸妙蓮花來
至佛所頭面礼佛却住一面復有二
十恒河沙等師子獸王師子孔雀而
為上首施與一切衆生無畏持諸花
菓來至佛所稽首佛足却住一面復
有二十恒河沙等諸飛鳥王鳬鴈鴛
鴦孔雀諸鳥鵲闍婆鳥迦蘭陀鳥鵲

鵝鴨鵲俱翅羅鳥婆喜伽鳥迦陵頻
伽鳥耆婆耆婆鳥如是等諸鳥持諸
花菓來至佛所稽首佛足却住一面
復有二十恒河沙等水牛牛羊徃至
佛所出妙香乳其乳流滿拘尸那城
所有溝坑色香美味悉皆具足成是
事已却住一面復有二十恒河沙等四
天下中諸神仙人忍辱仙等而為上
首持諸香花及諸甘果來詣佛所稽
首佛足遶佛三匝而白佛言唯願世
尊哀受我等最後供養如來知時默
然不許時諸仙人不果所願心懷愁
惱却住一面閻浮提中一切蜂王妙
音蜂王而為上首持種種花來詣佛
所稽首佛足遶佛一匝却住一面
今時閻浮提中比丘比丘尼一切皆
集唯除尊者摩訶迦葉阿難二衆復
有無量阿僧祇恒河沙等世界中間
及閻浮提所有諸山須弥山王而為
上首其山莊嚴叢林翳鬱諸樹茂盛
枝條扶疎蔭蔽日光種種妙花周遍
而有龍泉流水清淨香潔諸天龍神
梵圍婆阿修羅迦樓羅緊那羅摩睺

羅伽神仙呪術作倡伎樂如是等衆
彌滿其中是諸山神亦來詣佛稽首
佛足却住一面復有阿僧祇恒河沙
等四大海神及諸河神有大威德具
大神足所設供養倍勝於前諸神身
光伎樂燈明悉蔽日月令不復現以
占婆花散熙連河來至佛所稽首佛
足却住一面

今時拘尸那城娑羅樹林其林變白
猶如白鶴於虛空中自然而有七寶
堂閣雕文刻鏤綺飾分明周匝欄楯
衆寶雜廁堂下多有涼泉浴池上妙
蓮花彌滿其中猶如北方鬱單越國
亦如忉利歡喜之園今時娑羅樹林
中間種種莊嚴甚可愛樂亦復如是
是諸天人阿修羅等咸覩如來涅槃
之相皆悉悲感愁憂不樂

今時四天王釋提桓因各相謂言汝
等觀察諸天世人及阿修羅大設供
養欲於軍後供養如來我等亦當如
是供養若我軍後得供養者檀波羅
蜜則為成就滿足不難今時四天王
所設供養倍勝於前持曇羅花摩

訶曼陀羅花迦提樓伽花摩訶迦提
樓伽花曼殊沙花摩訶曼殊沙花散
多尼迦花摩訶散多尼迦花愛樂花
大愛樂花普賢花大普賢花時花大
時花香城花大香城花歡喜花大歡
喜花發欲花大發欲花香醉花大香
醉花普香花大普香花天金葉花龍
華波利質多樹花拘毗羅樹花復持
種種上妙甘饌來至佛所稽首佛足
是諸天人所有光明能覆日月令不
復現以是供具欲供養佛如來知時
默然不受今時諸天不果所願愁憂
苦惱却住一面

今時釋提桓因及三十三天設諸供
具亦倍勝前及所持花亦復如是香
氣微妙甚可愛樂持得勝堂并諸小
堂來至佛所稽首佛足而白佛言世
尊我等深樂愛護大衆唯願如來哀
受我食如來知時默然不受時諸釋
天不果所願心懷愁惱却住一面乃
至第六天所設供養展轉勝前寶幢
幡蓋寶蓋小者覆四天下幡窳短者
周圍四海幢窳卑者至自在天微風

吹幡出妙音聲持上甘饍來詣佛所
稽首佛足白佛言世尊唯願如來哀
受我等寂後供養如來知時默然不
受是諸天等不果所願心懷愁惱却
住一面上至有頂其餘梵衆一切來
集尔時大梵天王及餘梵衆放身光
明遍四天下欲界人天日月光明悉
不復現持諸寶幢繒綵幡蓋幡極短
者懸於梵宮至娑羅樹間來詣佛所
稽首佛足白佛言世尊唯願如來哀
受我等寂後供養如來知時默然不
受尔時諸梵不果所願心懷愁惱却
住一面上時毗摩質多阿修羅王與
無量阿修羅大眷屬俱身諸光明勝
於梵天持諸寶幢繒綵幡蓋其蓋小
者覆千世界上妙甘饍來詣佛所稽
首佛足而白佛言唯願如來哀受我
等寂後供養如來知時默然不受諸
阿修羅不果所願心懷愁惱却住一
面尔時欲界魔王波旬與其眷屬諸
天姝女無量無邊阿僧祇衆開地獄
門施清冷水因而告曰汝等今者無
所能為唯當專念如來應正遍知建

立寢後隨喜供養當令汝等長夜獲
安時魔波旬於地獄中悉除刀劍無
量苦毒熾然炎火注雨滅之以佛神
力復發是心令諸眷屬皆捨刀劍弓
弩鎧仗鉞樂長鈎金鋸鉞斧闔輪羅
索所持供養倍勝一切人天所設其
蓋小者覆中千界來至佛所稽首佛
足而白佛言我等今者愛樂大乘守
護大乘世尊若有善男子善女人為
供養故為怖畏故為誑他故為財利
故為隨他故受是大乘或真或偽我
等今時當為是人除滅怖畏說如是呪
唵呬吒羅唵呬盧呵呬摩訶盧
呵呬阿羅遮羅多羅莎呵

是呪能令諸失心者怖畏者說法者
不斷正法者為伏外道故護已身故
護正法故護大乘故說如是呪若有
能持如是呪者無惡為怖若至曠野
空澤嶮處不生怖畏亦無水火師子
虎狼盜賊王難世尊若有能持如是
呪者悉能除滅如是等怖世尊持是
呪者我當護之如龜藏六世尊我等
今者不以諭誦說如是事持是呪者

我當至誠益其勢力唯願如來哀受我等寂後供養今時佛告魔波旬言我不受汝飲食供養我已受汝所說神呪為欲安樂一切衆生四部衆故佛說是已默然不受如是三請皆亦不受時魔波旬不果所願心懷愁惱却住一面

今時大自在天王與其眷屬無量無邊及諸天衆所設供具悉覆梵釋護世四王人天八部及非人等所有供具梵釋所設猶如聚墨在珂貝邊悉不復現實蓋小者能覆三千大千世界持如是等供養之具來詣佛所稽首佛足遶無數匝白佛言世尊我等所獻微末供具喻如蚊子供養於我亦如有人以一掬水投於大海然一小燈助百千日春夏之月衆花茂盛有持一花益於衆花以亭廬子益須弥山豈當有益大海日明衆花須弥世尊我今所奉微末供具亦復如是若以三千大千世界滿中香花伎樂幡蓋供養如來尚不足言何以故如來為諸衆生常於地獄餓鬼畜生諸惡

趣中受諸苦惱是故世尊應見哀愍
受我等供

尔時東方去此無量無數阿僧祇恒河
沙數微塵等世界彼有佛土名意樂
美音佛号虚空等如来應供正遍知
明行足善逝世間解無上士調御丈
夫天人師佛世尊尔時彼佛即告第
一大弟子言善男子汝今宜往西方
娑婆世界彼土有佛号釋迦牟尼如
来應供正遍知明行足善逝世間解
無上士調御丈夫天人師佛世尊彼
佛不久當般涅槃善男子汝可持此
世界香飯其飯香美食之安隱可以
此食奉獻彼佛世尊世尊食已入般
涅槃善男子并可礼敬請次所疑尔
時無邊身菩薩摩訶薩即受佛教從
座而起稽首佛足右遶三匝與無量
阿僧祇菩薩俱從彼國發来至此娑
婆世界應時此間三千大千世界大
地六種震動於是衆中梵釋四天王
魔王波旬摩醯首羅如是大衆見是
地動舉身毛豎喉舌枯燥驚怖戰慄
各欲四散自見其身無復光明所有

威德殫滅無餘是時文殊師利法王子即從座起告諸大眾諸善男子汝等勿怖汝等勿怖何以故東方去此無量無數阿僧祇恒河沙微塵等世界有世界名意樂美音佛号虛空等如來應正遍知十号具足彼有菩薩名無邊身與無量菩薩欲來至此供養如來以彼菩薩威德力故令汝身光悉不復現是故汝等應生歡喜勿懷恐怖尔時大眾悉皆遙見彼佛大眾如明鏡中自觀己身時文殊師利復告大眾汝今所見彼佛大眾如見此佛以佛神力復當如是得見九方無量諸佛尔時大眾各相謂言苦哉苦哉世間空虛如來不久當般涅槃是時大眾一切悉見無邊身菩薩及其眷屬是菩薩身一一毛孔各各出生一大蓮花二蓮花各有七万八千城邑縱廣正等如毗耶離城牆壁諸璽七寶雜廁多羅寶樹七重行列人民熾盛安隱豐樂閭浮檀金以為却敵一一却敵各有種種七寶林樹花果茂盛微風吹動出微妙音其聲

和雅猶如天樂城中人民聞是音聲
即得受於上妙快樂是諸塹中妙水
盈滿清淨香潔如真琉璃是諸水中
有七寶船諸人乘之遊戲漂浴共相
娛樂快樂無極復有無量雜色蓮花
優鉢羅花拘物頭花波頭摩花分陀
利花其花縱廣猶如車輪其塹岸上
多有園林一一園中有五泉池是諸
池中復有諸花優鉢羅花拘物頭花
波頭摩花分陀利花其花縱廣亦如
車輪香氣芬馥甚可愛樂其水清淨
柔軟第一鳬鴈鴛鴦遊戲其中其園
各有衆寶宮宅一一宮宅縱廣正等
滿四由旬所有牆壁四寶所成所謂
金銀琉璃頗梨真金為嚮周帀欄楯
玫瑰為地金沙布上是宮宅中多有
七寶涼泉浴池一一池邊各有十八
黃金梯階閭浮檀金為芭蕉樹如忉
利天歡喜之園是一一城各有八万
四千人王一一諸王各有無量夫人
婢女共相娛樂歡喜受樂其餘人民
亦復如是各於住處共相娛樂是中
衆生不聞餘名純聞無上大乘之聲

是諸花中一一各有師子之座其座
四足皆紺琉璃柔軟素衣以布座上
其衣微妙出過三界一一座上有一
王坐以大乘法教化衆生或有衆生
書持讀誦如說修行如是流布大乘
經典尔時无邊身菩薩安止如是無
量衆生於自身已令捨世樂皆作是
言苦哉苦哉世間空虛如來不久當
般涅槃尔時无邊身菩薩與無量菩
薩同匝圓遶示現如是神通力已持
是種種无量供具及以上妙香美飲
食若有得聞是食香氣煩惱諸垢皆
悉消滅以是菩薩神通力故一切大
衆悉皆得見如是變化无邊身菩薩
身大無邊量同虛空唯除諸佛餘无
能見是菩薩身其量邊際尔時無邊
身菩薩及其眷屬所設供養倍勝於
前來至佛所稽首佛足合掌恭敬白
佛言世尊唯願哀愍受我等食如來
知時默然不受如是三請悉亦不受
尔時無邊身菩薩及其眷屬却住一
面南西北方諸佛世界亦有無量無
邊身菩薩所持供養倍勝於前來至

佛所乃至却住一面皆亦如是

尔时娑罗雙樹吉祥福地縱廣三十
二由旬大衆充滿間无空缺尔時四
方无邊身菩薩及其眷屬所坐之處
或如錐頭針鋒微塵十方如微塵等
諸佛世界諸大菩薩悉來集會及閻
浮提一切大衆亦悉來集唯除尊者
摩訶迦葉阿難二衆阿闍世王及其
眷屬乃至毒蛇視能煞人蠃蝨蝓
及十六種行惡業者一切來集随那
婆神阿修羅等悉捨惡念皆生慈心
如父如母如姉如妹三千大千世界
衆生慈心相向亦復如是除一闍提
尔時三千大千世界以佛神力故地
皆柔軟元有丘壠土沙礫石荆棘毒
草衆寶莊嚴猶如西方無量壽佛極
樂世界是時大衆悉見十方如微塵
等諸佛世界如於明鏡自觀己身見
諸佛土亦復如是尔時如來面門所
出五色光明其光明曜覆諸大會令
彼身光悉不復現所應作已還從口
入時諸天人及諸會衆阿修羅等見
佛光明還從口入皆大恐怖身毛為

聖復作是言如來光明出已還入非
无因緣必於十方所作已辦將是寂
後涅槃之相何期苦我何期言我如
何世尊一旦捨離四无量心不受人
天所奉供養聖慧日光從今永滅無
上法解於斯沉沒嗚呼痛哉世間大
苦舉手捉臂悲號帝央支節戰動不
能自持身諸毛孔流血灑地
大般涅槃經卷第一

壬寅歲高麗國大藏都監奉
勅彫造

大般涅槃經卷第二

迦 延

北京天竺三藏曇無讖譯

壽命品第一之二

尔時會中有優婆塞是拘尸那城工巧之子名曰純隨與其同類十五人俱為令世間得善果故捨身威儀從座而起偏袒右肩右膝著地合掌向佛悲泣墮淚頂礼佛足而白佛言唯願世尊及比丘僧哀受我等最後供養為度無量諸衆生故世尊我等從今無主无親無救无護無歸无趣貧窮飢困欲從如来求將來食唯願哀愍受我微供然後乃入於般涅槃世尊譬如刹利若婆羅門毗舍首陀以貧窮故遠至他國役力農作得好調牛良田平正無諸沙鹵惡草株杻唯怖天雨言調牛者喻身口七良田平正喻於智慧除去沙鹵惡草株杻喻除煩惱世尊我今身有調牛良田除去株杻唯怖如来甘露法雨貧四姓者即我身是貧於無上法之財寶唯願哀愍除斷我等貧窮困苦拯及無

量苦惱衆生我今所供雖復微少具得充足如來大衆我今無主无親無歸願垂矜愍如羅睺羅

余時世尊一切種智無上調御告純陀曰善哉善哉我今為汝除斷貧窮無上法雨雨汝身曰今生法芽汝今於我欲求壽命色力安辯我當施汝常命色力安無尋辯何以故純陀施食有二果報无差別等為二一者受已得阿耨多羅三藐三菩提二者受已入於涅槃我今受汝取後供養令汝具足檀波羅蜜今時純陀即白佛言如佛所說二施果報無差別者是義不然何以故先受施者煩惱未盡未得成就一切種智亦未能令衆生具足檀波羅蜜後受施者煩惱已盡已得成就一切種智能令衆生普得具足檀波羅蜜先受施者直是衆生後受施者是天中天先受施者是離食身煩惱之身是後邊身是無常身後受施者無煩惱身金剛之身法身常身無邊之身云何而言二施果報等无差別先受施者未能具足檀波

羅蜜乃至般若波羅蜜唯得肉眼未
得佛眼乃至慧眼後受施者已得具
足檀波羅蜜乃至般若波羅蜜具足
佛眼乃至慧眼云何而言二施果報
等無差別世尊先受施者受已食取
入腹消化得命得色得力得安得無
尋辯後受施者不食不消无五事果
云何而言二施果報等無差別

佛言善男子如來已於无量無邊阿
僧祇劫无有食身煩惱之身無後邊
身常身法身金剛之身善男子未見
佛性者名煩惱身雜食之身是後邊
身菩薩今時受飲食已入金剛三昧
此食消已即見佛性得阿耨多羅三
藐三菩提是故我言二施果報等无
差別菩薩今時破壞四魔今入涅槃
亦破四魔是故我言二施果報等無
差別菩薩今時雖不廣說十二部經
先已通達今入涅槃廣為衆生分別
演說是故我言二施果報等無差別
善男子如來之身已於无量阿僧祇
劫不受飲食為諸聲聞說言先受難
陀難陀波羅二牧牛女所奉乳糜然

後乃得阿耨多羅三藐三菩提我實
不食我今為於此會大眾是故受汝
最後所奉實亦不食

今時大眾聞佛世尊普為大會受於
純陀最後供養歡喜踊躍同聲讚言
善哉善哉希有純陀汝今立字名不
虛稱言純陀者名解妙義汝今建立
如是大義是故依實從義立名故名
純陀汝今現世得大名利德願滿足
甚奇純陀生在人中復得難得無上
之利善哉純陀如優曇花世間希有
佛出於世亦復甚難值佛生信聞法
復難佛臨涅槃最後供養能辦是事
復難於是南無純陀南無純陀汝今
已具檀波羅蜜猶如秋月十五日夜
清淨圓滿無諸雲翳一切衆生無不
瞻仰汝亦如是而為我等之所瞻仰
佛已受汝最後供養令汝具足檀波
羅蜜南無純陀是故說汝如月盛滿
一切衆生无不瞻仰南無純陀雖受
人身心如佛心汝今純陀真是佛子
如羅睺羅等無有異今時大眾即說
偈言

汝雖生人道 已超第六天 我及一切衆

今故稽首請 人中最勝尊 今當入涅槃

汝應愍我等 唯願速請佛 久住於世間

利益無量衆 演說智所讚 无上甘露法

汝若不請佛 我命將不全 是故應見為

稽請調御師

今時純陀歡喜踊躍辟如有人父母

卒喪忽然還活純陀歡喜亦復如是

復起禮佛而說偈言

快哉獲已利 善得於人身 蠲除貪恚等

永離三惡道 快哉獲已利 遇得金寶聚

值遇調御師 不懼墮畜生 佛如優曇花

值遇生信難 遇已種善根 永離餓鬼苦

亦復能損減 阿修羅種類 芥子投針鋒

佛出難於是 我以具足檀 度人天生死

佛不染世法 如蓮花處水 善斷有頂種

永度生死流 生世為人難 值佛世亦難

猶如大海中 盲龜遇浮孔 我今所奉食

願得無上報 一切煩惱結 摧破不堅牢

我今於此處 不求天人身 設使得之者

心亦不甘樂 如來受我供 歡喜无有量

猶如伊蘭花 出於栴檀香 我身如伊蘭

如來受我供 如出栴檀香 是故我歡喜

我今得現報 寂勝上妙處 釋梵諸天等

悉來供養我 一切諸世間 悉生諸苦惱

以知佛世尊 欲入於涅槃 高聲唱是言

世間无調御 不應捨衆生 應視如一子

如來在僧中 演說无上法 如須弥寶山

安處于大海 佛智能善斷 我等無明闇

猶如虛空中 起雲得清涼 如來能善除

一切諸煩惱 猶如日出時 除雲光普照

是諸衆生等 啼泣面目腫 悉皆為生死

苦水之所漂 以是故世尊 應長衆生信

為斷生死苦 久住於世間

佛告純陀如是如是如汝所說佛出

世難如優曇花值佛生信亦復甚難

佛臨涅槃寂後施食能具足檀復倍甚

難汝今純陀莫大愁苦應生踊躍喜

自慶幸得值寂後供養如來成就具

足檀波羅蜜不應請佛久住於世汝

今當觀諸佛境界悉皆無常諸行性

相亦復如是即為純陀而說偈言

一切諸世間 生者皆歸死 壽命雖無量

要必當有盡 夫盛必有衰 合會有別離

壯年不久停 盛色病所侵 命為死所吞

无有法常者 諸王得自在 勢力無等雙

一切皆遷動 壽命亦如是 衆苦輪无際
流轉無休息 三界皆无常 諸有無有樂
有道本性相 一切皆空無 可壞法流轉
常有憂患等 恐怖諸過惡 老病死衰惱
是諸無有邊 易壞怨所侵 煩惱所纏裹
猶如瑩處鹽 何有智慧者 而當樂是處
此身苦所集 一切皆不淨 扼縛癰瘡等
根本無義利 上至諸天身 皆亦復如是
諸欲皆無常 故我不貪著 離欲善思惟
而證於真實 究竟斷有者 今日當涅槃
我度有彼岸 已得過諸苦 是故於今者
純受上妙樂 以是因緣故 證無戲論邊
永斷諸纏縛 今日入涅槃 我無老病死
壽命不可盡 我今入涅槃 猶如大火滅
純陀汝不應 思量如來義 當觀如來住
猶如須弥山 我今入涅槃 受於第一樂
諸佛法如是 不應復啼哭
尔時純陀白佛言世尊如是如是誠
如聖教我今所有智慧微淺猶如蚊
豈何能思議如來涅槃深奧之義世
尊我今已與諸大龍爲菩薩摩訶薩
斷諸結漏文殊師利法王子等世尊
譬如幼年初得出家雖未受具即墮

僧數我亦如是以佛菩薩神通力故得在如是大菩薩數是故我今欲令如來久住於世不入涅槃辟如飢人終無變吐願使世尊亦復如是常住於世不入涅槃

尔時文殊師利法王子告純陀言純陀汝今不應發如是言欲使如來常住於世不般涅槃如彼飢人無所變吐汝今當觀諸行性相如是觀行具空三昧欲求正法應如是學純陀問言文殊師利夫如來者天上人中尊尊最勝如是如來豈是行耶若是行者為生滅法譬如水泡速起速滅往來流轉猶如車輪一切諸行亦復如是是我聞諸天壽命極長云何世尊是天中天壽命更促不滿百年如聚落主勢得自在以自在力能制他人是人福盡其後貧賤人所輕蔑為他策使所以者何失勢力故世尊亦尔同於諸行同諸行者則不得稱為天中天何以故諸行即是生死法故是故文殊勿觀如來同於諸行復次文殊為知而說不知而說而言

如來同於諸行設使如來同諸行者則不得言於三界中為天中天自在法王譬如人王有大力士其力當千更無有能降伏之者故稱此人一人當千如是力士王所愛念偏賜爵祿封賞自然所以得稱當千人者是人未必力敵於千但以種種伎藝所能能勝千故故稱當千如來亦亦降煩惱魔陰魔天魔死魔是故如來名三界尊如彼力士一人當千以是因緣成就具足種種無量真實功德故稱如來應正遍知文殊師利汝今不應憶想分別以如來法同於諸行譬如巨富長者生子相師占之有短壽相父母聞已知其不任紹繼家嗣不復愛重視如莠草夫短壽者不為沙門婆羅門等男女大小之所敬念若使如來同諸行者亦復不為一切世間人天衆生之所奉敬如來所說不變不異真實之法亦無受者是故文殊不應說言如來同於一切諸行

復次文殊譬如貧女無有居家救護之者加復病苦飢渴所逼遊行乞食

止他客舍寄生一子是客舍主耻逐
令去其產未久勢抱是兒欲至他國
於其中路遇惡風雨寒苦並至多為
致虫蜂螫毒虫之所宴食經由恒河
抱兒而渡其水漂疾而不放捨於是
母子遂共俱沒如是女人慈念功德
命終之後生於梵天文殊師利若有
善男子欲護正法勿說如來同於諸
行不同諸行唯當自責我今愚癡未
有慧眼如來正法不可思議是故不
應宣說如來定是有為定是無為若
正見者應說如來定是無為何以故
能為衆生生善法故生憐愍故如彼
貧女在於恒河為愛念子而捨身命
善男子護法菩薩亦應如是寧捨身
命不說如來同於有為當言如來同
於無為以說如來同無為故得阿耨
多羅三藐三菩提如彼女人得生梵
天何以故以護法故云何護法所謂
說言如來同於無為善男子如是之
人雖不求解脫解脫自至如彼貧女
不求梵天梵天自至文殊師利如人
遠行中路疲極寄止他舍卧寐之中

其室忽然大火率起即時驚寤尋自思惟我於今者定死不疑具慚愧故以衣纏身即便命終生忉利天從是已後滿八十返作大梵王滿百千世生於人中為轉輪王是人不再生三惡趣展轉常生安樂之處以是緣故文殊師利若善男子有慚愧者不應觀佛同於諸行文殊師利外道邪見可說如來同於有為持戒比丘不應如是於如來所生有為想若言如來是有為者即是妄語當知是人死入地獄如人自處於已舍宅文殊師利如來真實是無為法不應復言是有為也汝從今日於生死中應捨无智求於正智當知如來即是無為若能如是觀如來者具足當得三十二相速疾成就阿耨多羅三藐三菩提尔時文殊師利法王子讚純陀言善哉善哉善男子汝今已作長壽因緣能知如來是常住法不變異法無為之法汝今如是善覆如來有為之相如彼火人為慚愧故以衣覆身以是善心生忉利天復為梵王轉輪聖王不

至惡趣常受安樂汝亦如是善覆如
來有為相故於未來世必定當得三
十二相八十種好十八不共法無量
壽命不在生死常受安樂不久得成
應正遍知純陀如來次後自當廣說
我之與汝俱亦當覆如來有為有為
無為且共置之汝可隨時速施飯今
如是施者諸施中取若比丘比丘尼
優婆塞優婆夷遠行疲極所須之物
應當清淨隨時給與如是速施即是
具足檀波羅蜜根本種子純陀若有
取後施佛及僧若多若少若足不足
宜速及時如來正令當殷涅槃純陀
答言文殊師利汝今何故貪為此食
而言多少足與不足令我時施文殊
師利如來昔日苦行六年尚自支持
況於今日須臾間耶文殊師利汝今
實謂如來正覺受斯食耶然我定知
如來身者即是法身非為食身今時
佛告文殊師利如是如是如純陀言
善哉純陀汝已成就微妙大智善入
甚深大乘經典文殊師利語純陀言
汝謂如來是無為者如來之身即是

長壽若作是知佛所悅可純陀答言
如來非獨悅可於我亦復悅可一切
衆生文殊師利言如來於汝及以於
我一切衆生皆悉悅可純陀答言汝
不應言如來悅可夫悅可者則是倒
想若有倒想則是生死有生死者即
有為法是故文殊勿謂如來是有為
也若言如來是有為者我與仁者俱
行顛倒文殊師利如來無有愛念之
想夫愛念者如彼母牛愛念其子雖
復飢渴行求水草若足不足忽然還
歸諸佛世尊無有是念等視一切如
羅睺羅如是念者即是諸佛智慧境
界文殊師利譬如國三調御駕駟欲
令驢車而及之者無有是處我與仁
者亦復如是欲盡如來微密深奧亦
无是處文殊師利如金翅鳥飛昇虛
空無量由旬下觀大海悉見水性魚
鼈龜龍龜龍之屬及見已影如於明
鏡見諸色像凡夫少智不能籌量如
是所見我與仁者亦復如是不能籌
量如來智慧文殊師利語純陀言如
是如是如汝所說我於此事非為不

達直欲試汝諸菩薩事

尔時世尊從其面門出種種光其光明曜照文殊身文殊師利遇斯光已即知是事尋告純陀如来今者現是瑞相不久必當入於涅槃汝先所設取後供養宜時奉獻佛及大眾純陀當知如来放是種種光明非无因緣純陀聞已情塞默然佛告純陀汝所奉施佛及大眾今正是時如来正尔當般涅槃第二第三亦復如是尔時純陀聞佛語已舉聲啼哭悲咽而言苦哉苦哉世間空虛復白大眾我等今者一切當共五體投地同聲勸佛莫般涅槃尔時世尊復告純陀莫大帝矣令心顛顛當觀是身猶如芭蕉熱時之炎水泡幻化乾闥婆城坏器電光亦如畫水臨死之囚熟果段肉如織經盡如碓上下當觀諸行猶雜毒食有為之法多諸過患於是純陀復白佛言如来不欲久住於世我當云何而不啼泣苦哉苦哉世間空虛唯願世尊憐愍我等及諸衆生久住於世勿般涅槃佛告純陀汝今不應發

如是言憐愍我故久住於世我以憐
愍汝及一切是故今欲入於涅槃何
以故諸佛法尔有為亦是故諸佛
而說偈言

有為之法 其性無常 生已不住

寂滅為樂

純陀汝今當觀一切行雜諸法無我
無常不住此身多有无量過患猶如
水泡是故汝今不應啼泣尔時純陀
復白佛言如是如是誠如尊教雖知
如來方便示現入於涅槃而我不能
不懷苦惱覆自思惟復生慶悅佛讚
純陀善哉善哉能知如來示同衆生
方便涅槃純陀汝今當聽如婆羅婆
鳥春陽之月皆共集彼阿耨達池諸
佛亦尔皆至是處純陀汝今不應思
惟諸佛長壽短壽一切諸法皆如幻
相如來在中以方便力無所染著何
以故諸佛法尔純陀我今受汝所獻
供養為欲令汝度於生死諸有涼故
若諸人天於此寂後供養我者悉皆
當得不動果報常受安樂何以故我
是衆生良福田故汝若復欲為諸衆

生作福田者速辦所施不且久停尔
時純陀為諸衆生得度脫故低頭飲
淚而白佛言善哉世尊我若堪任為
福田時則能了知如来涅槃及非涅
槃我等今者及諸聲聞緣覺智慧猶
如蚊蟻實不能量如来涅槃及非涅
槃時純陀及其眷屬愁憂啼泣圍遶
如来燒香散花盡心敬奉尋與文殊
從座而去供辦食具其去未久是時
此地六種震動乃至梵世亦復如是
地動有二或有地動或大地動小動
者名為地動大動者名大地動有小
聲者名曰地動有大聲者名大地動
獨地動者名曰地動山河樹木及大
海水一切動者名大地動一向動者
名曰地動周迴旋轉名大地動動名
地動動時能令衆生心動名大地動
菩薩初從兜率天下閻浮提時名大
地動從初生出家成阿耨多羅三藐
三菩提轉於法輪及般涅槃名大地
動今日如来將入涅槃是故此地如
是大動時諸天龍乾闥婆阿修羅迦
樓羅緊那羅摩睺羅伽人及非人間

是語已身毛皆豎同聲哀泣而說偈言
稽首札調御我等今勸請遠離於人仙
永無有救護今見佛涅槃我等沒苦海
愁憂懷悲惱猶如犢失母貧窮無救護
猶如困病人無醫隨自心食所不應食
衆生煩惱病常為諸見害遠離法醫師
服食邪毒藥是故佛世尊不應見捨離
如國無君主人民皆飢餓我等亦如是
失蔭及法味今聞佛涅槃我等心迷亂
如彼大地動迷失於諸方大仙入涅槃
佛日墜於地法水悉枯涸我等定當死
如來般涅槃衆生極苦惱譬如長者子
新喪於父母如來入涅槃如其不還者
我等及衆生悉无有救護如來入涅槃
乃至諸畜生一切皆愁怖苦惱焦其心
我等於今日云何不愁惱如來見放捨
猶如棄涕唾譬如日初出光明甚暉炎
既能還自照亦滅一切闇如來神通光
能除我苦惱處在大衆中譬如須弥山
世尊譬如國王生育諸子形貌端正
心常愛念先教後藝悉令通利然後
將付魁膾令煞世尊我等今日為法
王子蒙佛教誨以具正見願莫放捨

如棄放捨則同王子唯願久住不入
沮得世尊譬如有人善學諸論復於
此論而生怖畏如來亦亦通達諸法
而於諸法復生怖畏若使如來久住
於世說甘露味充足一切如是衆生
則不復畏墮於地獄世尊譬如有人
初學作務為官所收閉之囹圄有人
問之汝受何事答曰我今受大憂苦
若其得脫則得安樂世尊亦亦為我
等故修諸苦行我等今者猶未得免
生死苦惱云何如來得受安樂世尊
譬如醫王善解方藥偏以秘方教授
其子不教其餘外受學者如來亦亦
獨以甚深秘密之藏偏教文殊遺棄
我等不見願慙如來於法應無慙慙
如彼醫王偏教其子不教外來諸受
學者彼醫王所以不能普教情存勝負
故有秘惜如來之心終无勝負何故
如是不見教誨唯願久住莫般涅槃
世尊譬如老少病苦之人離於善徑行
於險路路險澀難多受苦惱更有異
人見之憐愍即便示以平坦好道世
尊我亦如是所謂少者喻未增長法

身之人老者喻重煩惱病者喻未脫生死險路者喻二十五有唯願如來示導我等甘露正道久住於世勿入涅槃
尔時世尊告諸比丘汝等比丘莫如凡夫諸天人等愁憂啼哭當勤精進繫心正念時諸天人阿修羅等聞佛所說止不啼哭猶如有人殞喪子已止不啼哭尔時世尊為諸大眾說是偈言

汝等當開意 不應大愁苦 諸佛法皆尔
是故當默然 樂不放逸行 守心正憶念
遠離諸非法 慰意受歡樂

復次比丘若有疑念今皆當問若空不空若常無常若苦不苦若依非依若去不去若歸非歸若恒非恒若斷若常若衆生非衆生若有若無若實不實若真不真若滅不滅若密不密若二不二如是等種種法中有所疑者今應諮問我當隨順為汝斷之亦當為汝先說甘露然後乃當入於涅槃諸比丘佛出世難人身難得值佛生信是事亦難能忍難忍是亦復難成就禁戒具足無缺得阿羅漢果是

事亦難如求金沙優曇鉢花汝諸比丘離於八難得人身難汝等遇我不應空過我於往昔種種苦行今得如是無上方便為汝等故無量劫中捨身手足頭目髓腦是故汝等不應放逸汝等比丘云何莊嚴正法寶城具足種種功德珍寶戒定智慧以為牆塹埤垸汝今遇是佛法寶城不應取此虛偽之物譬如商主遇真實城取諸凡礫而便還家汝亦如是值遇寶城取虛偽物汝諸比丘勿以下心而生知足汝等今者雖得出家於此大索不生貪慕汝諸比丘身雖得服袈裟染衣其心猶未得染大乘清淨之法汝諸比丘雖行乞食經歷多處初未曾乞大乘法食汝諸比丘雖除鬚鬚未為正法除諸結使汝諸比丘今當真實教勅汝等我今現在大眾和合如來法性真實不倒是故汝等應當精進攝心勇猛摧諸結使十力慧日既滅沒已汝等當為無明所覆諸比丘譬如大地諸山藥草為衆生用我法亦尔出生妙善甘露法味而為

衆生種種煩惱病之良藥我今當令
一切衆生及以我子四部之衆悉皆
安住秘密藏中我亦復當安住是中
入於涅槃何等名為秘密之藏猶如
伊字三點若竝則不成伊縱亦不成
如摩醯首羅面上三日乃得成伊三
點若別亦不得成我亦如是解脫之
法亦非涅槃如來之身亦非涅槃摩
訶般若亦非涅槃三法各異亦非涅
槃我今安住如是三法為衆生故名
入涅槃如世伊字

尔時諸比丘聞佛世尊定當涅槃皆
悉憂愁身毛為豎涕淚盈目稽首佛
足遶無量匝白佛言世尊快說無常
苦空无我世尊譬如一切衆生跡中
為跡為上是无常想亦復如是於諸
想中取為第一若有精勤修習之者
能除一切欲界欲愛色无色愛無明
憍慢及无常想世尊如來若離無常
想者今則不應入於涅槃若不離者
云何說言修无常想離三界愛无明
憍慢及无常想世尊譬如農夫秋月
之時深耕其地能除穢草是无常想

亦復如是能除一切欲界欲愛色无
色愛无明憍慢及无常想世尊譬如
耕田秋耕為勝如諸跡中為跡為勝
於諸想中无常想為勝世尊譬如帝
王知命將終恩赦天下獄囚繫閉悉令
得脫然後捨命如來今者亦應如是
度諸衆生一切無知无明繫閉皆令
解脫然後乃入於般涅槃我等今者
皆未得度云何如來便欲放捨入於
涅槃世尊譬如有人為鬼所持遇良
呪師以呪力故便得除差如來亦亦
為諸聲聞除無明鬼令得安住摩訶
般若解脫等法如世伊字世尊譬如
香為為人所縛雖有良師不能禁制
頻絕羈鎖自恣而去我未如是脫五
十七煩惱繫縛云何如來便欲放捨
入於涅槃世尊如人病瘡值遇良醫
所苦得除我亦如是多諸患苦邪命
熱病雖遇如來病未除愈未得无上
安隱常樂云何如來便欲放捨入於
涅槃世尊譬如醉人不自覺知不識
親疎母女姊妹迷荒淫亂言語放逸
卧糞穢中時有良師與藥令眼服已

吐酒還自憶識心懷慚愧深自剋責
酒為不善諸惡根本若能除斷則遠
衆罪世尊我亦如是往昔已來輪轉
生死情色所醉貪嗜五欲非母母想
非姉姉想非女女想於非衆生生衆
生想是故輪轉受生死苦如彼醉人
卧糞穢中如來今當施我法藥令我
還吐煩惱惡酒而我未得醒寤之心
云何如來便欲放捨入於涅槃世尊
譬如有人歎芭蕉樹以為堅實无有
是處世尊衆生亦尔若歎我人衆生
壽命養育知見作者受者是真實者
亦無是處我等如是修无我想世尊
譬如槃滓无所復用是身亦尔無我
无主世尊如七葉花無有香氣是身
亦尔無我无主我等如是心常修習
無我之想如佛所說一切諸法无我
我所汝諸比丘應當修習如是修已
則除我慢離我慢已便入涅槃世尊
譬如鳥跡空中現者無有是處有能
修习无我想者而有諸見亦無是處
尔時世尊讚諸比丘善哉善哉汝等
善能修无我想時諸比丘即白佛言

世尊我等不但修無我想亦更修習
其餘諸想所謂苦想无常想無我想
世尊譬如人醉其心惛眩見諸山河
石壁草木宮殿屋舍日月星辰皆悉
迴轉世尊若有不修苦無常想无我
等想如是之人不名為聖多諸放逸
流轉生死世尊以是因緣我等善修
如是諸想

尔時佛告諸比丘諦聽諦聽汝向所
引醉人喻者但知文字未達其義何
等為義如彼醉人見上日月實非迴
轉生迴轉想衆生亦尔為諸煩惱无
明所覆生顛倒心我計无我常計無
常淨計不淨樂計為苦以為煩惱之
所覆故雖生此想不達其義如彼醉
人於非轉處而生轉想我者即是佛
義常者是法身義樂者是涅槃義淨
者是法義汝等比丘何而言有我
想者憍慢貢高流轉生死汝等若言
我亦修習无常苦無我等想是三
種修无有實義我今當說勝三修法
苦者計樂樂者計苦是顛倒法无常
計常常計無常是顛倒法无我計我

計無我是顛倒法不淨計淨淨計不淨是顛倒法有如是等四顛倒法是人不知正修諸法汝諸比丘於苦法中生於樂想於元常中生於常想於無我中生於我想於不淨中生於淨想世間亦有常樂我淨出世亦有常樂我淨世間法者有字无義出世間者有字有義何以故世間之法有四顛倒故不知義所以者何有想顛倒心倒見倒以三倒故世間之人樂中見苦常見無常我見無我淨見不淨是名顛倒以顛倒故世間知字而不知義何等為義無我者名為生死我者名為如來元常者聲聞緣覺常者如來法身苦者一切外道樂者即是涅槃不淨者即有為法淨者諸佛善知字知義若欲遠離四顛倒者應知如是常樂我淨

時諸比丘白佛言世尊如佛所說離四倒者則得了知常樂我淨如來今者永无四倒則已了知常樂我淨若已了知常樂我淨何故不住一劫半

劫教導我等今離四倒而見放捨欲
 入涅槃如來若見願念教勅我當至
 心頂受修習如來若入於涅槃者我
 等云何與是毒身同共止住修於梵
 行我等亦當隨佛世尊入於涅槃今
 時佛告諸比丘汝等不應作如是語
 我今所有無上正法悉以付囑摩訶
 迦葉是迦葉者當為汝等作大依止
 猶如如來為諸衆生作依止處摩訶
 迦葉亦復如是當為汝等作依止處
 譬如大王多所統領若遊巡時悉以
 國事付囑大臣如來亦尔所有正法
 亦以付囑摩訶迦葉汝等當知先所
 修習無常苦想非是真實譬如春時
 有諸人等在大池浴乘船遊戲失球
 瑠寶沒深水中是時諸人悉共入水
 求覓是寶競捉凡石草木沙礫各各
 自謂得瑠璃珠歡喜持出乃知非真
 是時寶珠猶在水中以珠力故水皆
 澄清於是大衆乃見寶珠故在水下
 猶如仰觀虛空月形是時衆中有一
 智人以方便力安徐入水即便得珠
 汝等比丘不應如是修習無常苦無

我想不淨想等以為實義如彼諸人
各人凡石草木沙礫而為寶珠汝等
應當善學方便在在處處常修我想
常樂淨想復應當知先所修習四法
相貌恚是顛倒欲得真實修諸想者
如彼智人巧出寶珠所謂我想常樂
淨想今時諸比丘白佛言世尊如佛
先說諸法無我汝當修學修學是已
則離我想離我想者則離憍慢離憍
慢者得入涅槃是義云何

佛告諸比丘善哉善哉汝今善能諮
問是義為自斷疑譬如國王閭鉉少智
有一醫師性復頑置而王不別厚賜
俸祿療治眾病純以乳藥亦復不知
病起根原雖知乳藥復不善解或有
風病冷病熱病一切諸病恚教服乳
是王不別是醫知乳好醜善惡復有
明醫曉八種術善療眾病知諸方藥
從遠方來是時舊醫不知諮受反生
貢高輕慢之心彼時明醫即便依附
請以為師諮受醫方秘奧之法語舊
醫言我今請仁以為師範唯願為我
宣暢解說舊醫答言卿今若能為我

給使四十八年然後乃當教汝醫法
時彼明醫即受其教我當如是我當
如是隨我所能當給走使是時舊醫
即將客醫共入見王是時客醫即為
王說種種醫方及餘伎藝大王當知
應善分別此法如是是可以治國此法
如是是可以療病今時國王聞是語已
方知舊醫癡騃無智即便驅逐令出
國界然後倍復恭敬客醫是時客醫
作是念言欲教王者今正是時即語
王言大王於我實愛念者當求一願
王即答言從此右辭及餘身分隨意
所求一切相與彼客醫言王雖許我
一切身分然我不敢多有所求今所
求者願王宣令一切國內從今已往
不得復服舊醫乳藥所以者何是藥
毒害多傷損故若故服者當斬其首
斷乳藥已終更無有橫死之人常處
安樂故求是願時王答言汝之所求
蓋不足言尋為宣令一切國內有病
之人皆悉不聽以乳為藥若為藥者
當斬其首今時客醫以種種味和合
衆藥謂辛苦鹹甜醋等味以療衆病

無不得差其後不久王復得病即命
是醫我今病重困苦欲死當云何治
醫占王病應用乳藥尋白王言如王
所患應當服乳我於先時所斷乳藥
是大妄語今若服者寧能除病王今
患熱正應服乳時王語醫汝今狂耶
為熱病乎而言服乳能除此病汝先
言毒今云何服欲欺我耶先醫所讚
汝言是毒今我驅遣今復言好寧能
除病如汝所言我本舊醫定為勝汝
是時客醫復語王言王今不應作如
是語如虫食木有成字者此虫不知
是字非字智人見之終不唱言是虫
解字亦不驚怪大王當知舊醫亦介
不別諸病患與乳藥如彼虫道偶成
於字是先舊醫不解乳藥好醜善惡
時王問言云何不解客醫答王是乳
藥者亦是毒害亦是甘露云何是乳
復名甘露若是特牛不食酒糟滑草
麥藁其犢調善放牧之處不在高原
亦不下濕飲以清流不令馳走不與
特牛同共一羣飲餒調適行住得所
如是乳者能除諸病是則名為甘露

妙藥除是乳已其餘一切皆名毒害
今時大王聞是語已讚言大醫善哉
善哉我從今日始知乳藥善惡好醜
即便服之病得除愈尋時宣令一切
國內從今已往當服乳藥國人聞之
皆生瞋恨咸相謂言大王今者為鬼
所持為狂顛耶而誑我等復令服乳
一切人民皆懷瞋恨恚集王所王言
汝等不應於我而生瞋恨而此乳藥
服與不服恚是醫教非是我各今時
大王及諸人民踊躍歡喜倍共恭敬
供養是醫一切病者皆服乳藥病恚
除愈汝等比丘當知如來應正遍知
明行足善逝世間解无上士調御丈
夫天人師佛世尊亦復如是為大醫
王出現於世降伏一切外道邪醫諸
王眾中唱如是言我為醫王欲伏外
道故唱是言無我无人眾生命養
育知見作者受者比丘當知是諸外
道所言我者如虫食木偶成字耳是
故如來於佛法中唱言无我為調眾
生故為知時故說是无我有因緣故
亦說有我如彼良醫善知於乳是藥

非藥非如凡夫所計吾我凡夫愚人
所計我者或言大如拇指或如芥子
或如微塵如來說我悉不如是是故
說言諸法無我實非无我何者是我
若法是實是真是常是主是依性不
變易者是名為我如彼大醫善解乳
藥如來亦尔為衆生故說諸法中真
實有我汝等四衆應當如是修習
是法

大般涅槃經卷第二

壬寅歲高麗國大藏都監奉
勅彫造

大般涅槃經卷第三

迦

北涼天竺三藏曇無讖譯

壽命品第一之三

佛復告諸比丘汝於戒律有所疑者
今恣汝問我當解說令汝心喜我已
修學一切諸法本性空寂了了通達
汝等比丘莫謂如來唯修諸法本性
空寂復告諸比丘若於戒律有所疑
者今可致問時諸比丘即白佛言世
尊我等無有智慧能問如來應正遍
知所以者何如來境界不可思議所
有諸定不可思議所演教誨不可思
議是故我等無有智慧能問如來世
尊譬如老人年百二十身嬰長病寢
卧牀席不能起居氣力虛劣餘命无
幾有一富人緣事欲行當至他方以
百斤金寄是老人而作是言我今他
行以是寶物持用相寄或十年還二
十年還汝當還我是時老人即便受
之而此老人復無繼嗣其後不久病
薦命終所寄之物悉皆散失財主行
還債索無所如是癡人不知籌量可

寄不可寄是故行還債索無所以是
因緣喪失財寶世尊我等聲聞亦復
如是雖聞如來懇勸教誡不能受持
令法久住如彼老人受他寄付我今
無智於諸戒律當何所問佛告諸比
丘汝等今者若問於我則能利益一
切衆生是故告汝聽隨所疑恣意而
問今時諸比丘白佛言世尊譬如有
人年二十五盛壯端正多有財寶金
銀琉璃父母妻子眷屬宗親悉皆存
在亦有人來寄其寶物語其人言我
有緣事欲至他處事訖當還汝當還
我是時壯人守護是物如自己有其人
遇病即命家屬如是金寶是他所寄
彼若來索悉皆還之智者如是善知
籌量行還索物皆悉得之無所亡失
世尊亦令若以法寶付囑阿難及諸
比丘不得久住何以故一切聲聞及
大迦葉悉當無常如彼老人受他寄
物是故應以无上佛法付諸菩薩以
諸菩薩善能問答如是法寶則得久
住無量千世增益熾盛利安衆生如
彼壯人受他寄物以是義故諸大菩

薩乃能問耳我等智慧猶如蚊蚋何
能諮請如來深法時諸聲聞默然而
住今時佛讚諸比丘言善哉善哉汝
等善得无漏之心阿羅漢心我亦曾
念以此二緣應以大乘付諸菩薩令
是妙法久住於世今時佛告一切大
衆善男子善女人我之壽命不可稱
量樂說之辯亦不可盡汝等宜可隨
意諮問若戒若歸第二第三亦復如
是今時衆中有一菩薩摩訶薩本是
多羅聚落人也姓大迦葉婆羅門種
年在幼稚以佛神力即從座起偏袒
右臂遶百千匝右膝著地合掌向佛
而白佛言世尊我於今者欲少諮問
若佛聽者乃敢發言佛告迦葉如來
應正遍知恣汝所問當為汝說斷汝
所疑今汝歡喜

今時迦葉菩薩摩訶薩白佛言世尊
如來哀愍已垂聽許今當問之然我
所有智慧微少猶如蚊蚋如來世尊
道德巍巍純以梅檀師子難伏不可
壞衆而為眷屬如來之身猶真金剛
色如琉璃真實難壞復為如是大智

慧海之所圍遶是衆會中諸大菩薩
摩訶薩等皆志成就無量無邊深妙
功德猶如香爲於如是等大衆之前
豈敢發問爲當承佛神通之力及因
大衆善根威德少發問耳即於佛前
說偈問曰

云何得長壽 金剛不壞身 復以何因緣
得大堅固力 云何於此經 究竟到彼岸
願佛開微密 廣爲衆生說 云何得廣大
爲衆作依止 實非阿羅漢 而與羅漢等
云何知天魔 爲衆作留難 佛說波旬說
云何分別知 云何諸調御 心喜說真諦
正善具成就 演說四顛倒 云何作善業
大仙今當說 云何諸菩薩 能見難見性
云何解滿字 及與半字義 云何共聖行
如婆羅婆鳥 迦隣提日月 太白與歲星
云何未發心 而名為菩薩 云何於大衆
而得無所畏 猶如閻浮金 無能說其過
云何處濁世 不汙如蓮華 云何處煩惱
煩惱不能染 如醫療衆病 不爲病所汙
生死大海中 云何作船師 云何捨生死
如蛇脫故皮 云何觀三寶 猶如天意樹
三乘若無性 云何而得說 猶如樂未生

云何名受樂 云何諸菩薩 而得不壞衆
云何為生盲 而作眼目導 云何示多頭
唯願大仙說 云何說法者 增長如月初
云何復示現 究竟於涅槃 云何勇進者
亦人天魔道 云何知法性 而受於法樂
云何諸菩薩 遠離一切病 云何為衆生
演說於秘密 云何說畢竟 及與不畢竟
如其斷疑網 云何不定說 云何而得近
寂勝無上道 我今請如來 為諸菩薩故
願為說甚深 微妙諸行等 一切諸法中
患有安樂性 唯願大仙尊 為我分別說
衆生大依止 兩足尊妙藥 今欲問諸陰
而我無智慧 精進諸菩薩 亦復不能知
如是等甚深 諸佛之境界

尔時佛讚迦葉菩薩善哉善哉善男
子汝今未得一切種智我已得之然
汝所問甚深密藏如一切智之所諮
問等無有異善男子我坐道場菩提
樹下初成正覺尔時無量阿僧祇恒
河沙等諸佛世界有諸菩薩亦曾問
我是甚深義然其所問句義功德亦
皆如是等無有異如是問者則能利
益無量衆主尔時迦葉菩薩復白佛

言世尊我無智力能問如來如是深
義世尊譬如蚊虻不能飛過大海彼
岸周遍虛空我亦如是不能諮問如
來如是智慧大海法性虛空甚深之
義世尊譬如國王是中明珠付典藏
以藏已得已頂戴恭敬增加守護我
亦如是頂戴恭敬增加守護如來所
說方等深義何以故令我廣得深智
慧故今時佛告迦葉菩薩善男子諦
聽諦聽當為汝說如來所得長壽之
業菩薩以是業因緣故得壽命長是
故應當至心聽受若業能為菩提因
者應當誠心聽受是義既聽受已轉
為人說善男子我以修習如是業故
得阿耨多羅三藐三菩提今復為人
廣說是義善男子譬如王子犯罪繫
獄王甚憐愍愛念子故躬自迴駕至
其繫所菩薩亦今欲得長壽應當護
念一切衆生同於子想生大慈大悲
大喜大捨授不殺戒教修善法亦當
安止一切衆生於五戒十善復入地
獄餓鬼畜生阿修羅等一切諸趣拔
濟是中苦惱衆生脫未脫者度未度

者未涅槃者令得涅槃安慰一切諸
恐怖者以如是等業因緣故菩薩則
得壽命長遠於諸智慧而得自在隨
所壽終生於天上

今時迦葉菩薩復白佛言世尊菩薩
摩訶薩等視衆生同於子想是義深
隱我未能解世尊如來不應說言菩
薩於諸衆生修平等心同於子想所
以者何於佛法中有破戒者作逆罪
者毀正法者云何當於如是等人同
子想耶佛告迦葉如是如是我於衆
生實作子想如羅睺羅迦葉菩薩復
白佛言世尊昔十五日僧布薩時曾
於受具清淨衆中有一童子不善修
習身口意業在屏隈處盜聽說戒密
迹力士承佛神力以金剛杵碎之如
塵世尊是金剛神極成暴惡乃能斷
是童子命根云何如來視諸衆生同
於子想如羅睺羅佛告迦葉汝今不
應作如是言是童子者即是化人非
真實也為欲驅遣破戒毀法令出衆
故金剛密迹亦是化耳迦葉毀謗正
法及一闍提或有殺生乃至邪見及

故犯禁我於是等恚生悲心同於子
想如羅睺羅善男子辭如國王諸群
臣等有犯王法隨罪誅戮而不捨置
如來世尊不如是也於毀法者與驅
遣羯磨呵責羯磨置羯磨舉罪羯磨
不可見羯磨滅羯磨未捨惡見羯磨
善男子如來所以與謗法者作如是
等降伏羯磨為欲示諸行惡之人有
果報故善男子汝今當知如來即是
施惡衆生無恐懼者若放一光若二
若五或有遇者悉令遠離一切諸惡
如來今者具有如是無量勢力善男
子未可見法汝欲見者今當為汝說
其相貌我涅槃已隨其方面有持戒
比丘威儀具足護持正法見壞法者
即能驅遣呵責徵治當知是人得福
無量不可稱計善男子辭如有王專
行暴惡會遇重病有隣國王聞其名
聲興兵而來規欲殲滅是時病王無
力勢故方乃恐怖改心修善而是隣
王得無量福持法比丘亦復如是驅
遣呵責壞法之人令行善法得福無
量善男子辭如長者所居之處田宅

屋舍生諸毒樹長者知已即便斫伐
永令滅盡又如壯人首生白髮愧而
剪拔不令生長持法比丘亦復如是
見有破戒壞正法者即應驅遣呵責
舉處若善比丘見壞法者置不呵責
驅遣舉處當知是人佛法中怨若能
驅遣呵責舉處是我弟子真聲聞也
迦葉菩薩復白佛言世尊如佛所言
則不等視一切衆生同於子想如羅
睺羅世尊若有一人以刀害佛復有
一人持旃檀塗佛佛於此二若生等
心云何復言當治毀禁若治毀禁是
言則失佛告迦葉菩薩善男子譬如
國王大臣宰相產育諸子顏貌端正
聰明黠慧若二三四將付嚴師而作
是言君可為我教詔諸子威儀禮節
伎藝書疏技計竿數悉令成就我今
四子就君受學假使三子病杖而死
餘有一子必當苦治要令成就雖喪
三子我終不恨迦葉是父及師得殺
罪不不也世尊何以故以愛念故為
欲成就無有惡心如是教誨得福無
量善男子如來亦亦視壞法者等如

一子如來今以无上正法付囑諸王大臣宰相比丘比丘尼優婆塞優婆夷是諸國王及四部衆應當勸勵諸學人等令得增上戒定智慧若有不學是三品法懈怠破戒毀正法者王者大臣四部之衆應當苦治善男子是諸國王及四部衆尚有罪不不也是諸國王及四部衆當有罪不不也是尊善男子是諸國王及四部衆尚無有罪何況如來善男子如來善修如是平等於諸衆生同一子想如是修者是名菩薩修平等心於諸衆生同一子想善男子菩薩如是修習此業得壽命長亦能善知宿世之事迦葉菩薩復白佛言世尊如佛所說菩薩若有修平等心視諸衆生同於子想得壽命長如來不應作如是說何以故如知法人能說種種孝順之法還至家中以諸凡石打擲父母而是父母是良福田多所利益難遭難遇應好供養反生惱害是知法人言行相違如來所言亦復如是菩薩修習等心衆生同子想者應得長壽善知宿命常住於世無有變易今者世

尊以何因緣壽命極短同人間耶如
來將無於諸衆生生怨憎想世尊昔
日作何惡業斷幾命根得是短壽不
滿百年佛告迦葉善男子汝今何緣
於如來前發是虛言如來長壽於諸
壽中寂上寂勝所得常法於諸常中
寂為第一

迦葉善菩薩復白佛言世尊云何如來
得長壽命長佛告迦葉善男子如八大
河一名恒河二名閼摩羅三名薩羅
四名阿梨羅跋提五名摩訶六名辛
頭七名博叉八名悉陀是八大河及
諸小河悉入大海迦葉如是一切人
中天上地及虛空壽命大河悉入如
來壽命海中是故如來壽命無量復
次迦葉譬如阿耨達池出四大河如
來亦尔出一切命迦葉譬如一切諸
常法中虛空第一如來亦尔於諸常
中寂為第一迦葉譬如諸藥醍醐第
一如來亦尔於衆生中壽命第一
迦葉善菩薩復白佛言世尊如來壽命
若如是者應住一切若減一切常宜
妙法如雲大雨迦葉汝今不應於如

來所生滅盡想迦葉若有比丘比丘
居優婆塞優婆夷乃至外道五通神
仙得自在者若住一劫若減一劫經
行空中坐卧自在左脇出火右脇出
水身出烟炎猶如火聚若欲住壽能
得如意於壽命中脩短自任如是五
通尚得如是隨意神力豈況如來於
一切法得自在力而當不能住壽半
劫若一劫若百劫若百千劫若無量
劫以是義故當知如來是常住法不
變易法如來此身是變化身非雜食
身為度衆生示同毒樹是故現捨入
於涅槃迦葉當知佛是常法不變易
法汝等於是第一義中應勤精進
一心修習既修習已廣為人說

尔時迦葉菩薩白佛言世尊出世之
法與世間法有何差別如佛言曰佛
是常法不變易法世間亦說梵天是
常自在天常無有變易我常性常微
塵亦常若言如來是常法者如來何
故不常現耶若不常現有何差別何
以故梵天乃至微塵世性亦不現故
佛告迦葉譬如長者多有諸牛色雖

種種同共一羣付放牧人令逐水草
但為醍醐不求乳酪彼牧牛者搆已
自食長者命終所有諸牛悉為羣賊
之所抄掠賊得牛已无有婦女即自
搆將得已而食尔時羣賊各相謂言
彼大長者畜養此牛不期乳酪但為
醍醐我等今者當設何方而得之耶
夫醍醐者名為世間第一上味我等
无器設使得乳無安置處復共相謂
唯有皮囊可以盛之雖有盛處不知
攢搖漿猶難得况復生酥尔時諸賊
以醍醐故加之以水以水多故乳酪
醍醐一切俱失凡夫亦尔雖有善法
皆是如来正法之餘何以故如来世
尊入涅槃後盜竊如来遺餘善法若
或定慧如彼諸賊劫掠羣牛諸凡夫
人雖復得是我定智慧無有方便不
能解說以是義故不能獲得常或常
定常慧解脫如彼羣賊不知方便喪
失醍醐亦如羣賊為醍醐故加之以
水凡夫亦尔為解脫故說我衆生壽
命士夫梵天自在天微塵世性我定
智慧及與解脫非想非非想天即是

涅槃實亦不得解脫涅槃如彼羣賊
不得醍醐是諸凡夫有少梵行供養
父母以是因緣得生天上受少安樂
如彼羣賊加水之乳而是凡夫實不
知因修少梵行供養父母得生天上
又不能知戒定智慧歸依三寶以不
知故說常樂我淨雖復說之而實不
知是故如來出世之後乃為演說常
樂我淨如轉輪王出現於世福德力
故羣賊退散牛無損命時轉輪王即
以諸牛付一牧人多巧便者是人方
便即得醍醐以醍醐故一切衆生无
有患苦法輪聖王出現世時諸凡夫
人不能演說戒定慧者即便退散如
賊退散今時如來善說世法及出世
法為衆生故令諸菩薩隨而演說菩
薩摩訶薩既得醍醐復令無量无边
衆生獲得無上甘露法味所謂如來
常樂我淨以是義故善男子如來是
常不變易法非如世間凡夫愚人謂
梵天等是常法也此常法稱要是如
來非是餘法迦葉應當如是知如來
身迦葉諸善男子善女人常當繫心

修此二字佛是常住迦葉若有善男子善女人修此二字當知是人隨我所行至我至處善男子若有修習如是二字為滅相者當知如來則於其人為般涅槃善男子涅槃義者即是諸佛之法性也

迦葉菩薩白佛言世尊佛法性者其義云何世尊我今欲知法性之義唯願如來哀愍廣說夫法性者即是捨身捨身者名無所有若无所有身云何存身若存者云何而言身有法性身有法性云何得存我今云何當知是義佛告迦葉菩薩善男子汝今不應作如是說滅是法性夫法性者無有滅也善男子譬如无想天成就色陰而无色想不應問言是諸天等云何而住歡娛受樂云何行想云何見聞善男子如來境界非諸聲聞緣覺所知善男子不應說言如來身者是滅法也善男子如是滅法是佛境界非諸聲聞緣覺所及善男子汝今不應思量如來何處住何處行何處見何處樂善男子如是之義亦非汝等

之所知及諸佛法身種種方便不可思議

復次善男子應當修習佛法及僧而作常想是三法者無有異想无無常想無變異想若於三法修異想者當知是輩清淨三歸则无依處所有禁戒皆不具足終不能證聲聞緣覺菩提之果若能於是不可思議修常想者則有歸處善男子譬如因樹則有樹影如来亦尔有常法故則有歸依非是無常若言如来是无常者如来則非諸天世人所歸依處迦葉菩薩白佛言世尊譬如閻中有樹無影迦葉汝不應言有樹无影但非肉眼之所見耳善男子如来亦尔其性常住是不變異無智慧眼不能得見如彼閻中不見樹影凡夫之人於佛滅後說言如来是无常法亦復如是若言如来異法僧者則不能成三歸依處如汝父母各各異故故使无常迦葉菩薩復白佛言世尊我從今始當以佛法衆僧三事常住啓悟父母乃至七世皆令奉持其奇世尊我今當學

如來法僧不可思議既自學已亦當
為人廣說是義若有諸人不能信受
當知是輩久修無常如是之人我當
為其而作霜雹今時佛讚迦葉菩薩
善哉善哉汝今善能護持正法如是
護法不欺於人以不欺人善業緣故
而得長壽善知宿命

大般涅槃經金剛身品第二

爾時世尊復告迦葉善男子如來身
者是常住身不可壞身金剛之身非
雜食身即是法身迦葉菩薩白佛言
世尊如佛所說如是等身我悉不見
唯見無常破壞微塵雜食等身何以
故如來當入於涅槃故佛言迦葉汝
今莫謂如來之身不堅可壞如凡夫
身善男子汝今當知如來之身無量
億劫堅牢難壞非人天身非恐怖身
非雜食身如來之身非身是身不生
不滅不習不修無量無邊無有足跡
無知无形畢竟清淨無有動搖无受
无行不住不作無味无雜非是有為
非業非果非行非滅非心非數不可
思議常不可思議無識離心亦不離

心其心平等无有亦有無有去來而亦去來不破不壞不斷不絕不出不滅非主亦主非有非无非覺非觀非字非不字非定非不定不可見了了見無處亦處无宅亦宅無間无明無有寂靜而亦寂靜是无所有不受不施清淨無垢无諍斷諍住无住處不取不墮非法非非法非福田非不福田無盡不盡離一切盡是空離空雖不常住非念念滅无有垢濁无字離字非聲非說亦非修習非稱非量非一非異非像非相諸相莊嚴非勇非畏無寂不寂無熱不熱不可觀見无有相貌如來度脫一切衆生無度脫故能解衆生無有解故覺了衆生无覺了故如實說法无有二故不可量無等等平如虛空無有形貌同無生性不斷不常常行一乘衆生見三不退不轉斷一切結不戰不觸非性住性非合非散非長非短非圓非方非陰入界亦陰入界非增非損非勝非負如來之身成就如是無量功德无有知者無不知者無有見者无不見

者非有為非無為非世非不世非作
非不作非依非不依非四大非不四
六非因非不因非衆生非不衆生非
沙門非婆羅門是師子大師子非身
非不身不可宣說除一法相不可算
數般涅槃時不般涅槃如來法身皆
悉成就如是無量微妙功德迦葉唯
有如來乃知是相非諸聲聞緣覺所
知迦葉如是功德成如來身非是雜
食所長養身迦葉如來真身功德如
是云何復得諸疾患苦危脆不堅如
坏器乎迦葉如來所以示病苦者為
欲調伏諸衆生故善男子汝今當知
如來之身即金剛身汝從今日常當
專心思惟此義莫念食身亦當為人
說如來身即是法身

迦葉菩薩白佛言世尊如來成就如
是功德其身云何當有病苦無常破
壞我從今日常當思惟如來之身是
常法身安樂之身亦當為他如是廣
說唯然世尊如來法身金剛不壞而
未能知所因云何佛言迦葉以能護
持正法因緣故得成就是金剛身迦

葉我於往昔護法因緣今得成就是
金剛身常住不壞善男子護持正法
者不受五戒不修威儀應持刀劍弓
箭鉞槊守護持戒清淨比丘迦葉告
薩白佛言世尊若有比丘離於守護
獨處空閑塚間樹下當說是人為真
比丘若有隨逐守護者行當知是輩
是禿居士佛告迦葉莫作是語言禿
居士若有比丘隨所至處供身趣足
讀誦經典思惟坐禪有來問法即為
宣說所謂布施持戒福德少欲知足
雖能如是種種說法然故不能作師
子吼不為師子之所圍遶不能降伏
非法惡人如是比丘不能自利及利
衆生當知是輩懈怠懶墮雖能持戒
守護淨行當知是人無所能為若有
比丘供身之具亦常豐足復能護持
所受禁戒能師子吼廣說妙法謂修
多羅祇夜受記伽陀優陀那伊帝日
多加闍陀伽毗佛略阿浮陀達磨以
如是等九部經典為他廣說利益安
樂諸衆生故唱如是言涅槃經中制
諸比丘不應畜養奴婢牛羊非法之

物若有比丘畜如是等不淨之物應
當治之如來先於異部經中說有比
丘畜如是等非法之物某甲國王如
法治之驅令還俗若有比丘能作如
是師子吼時有破戒者聞是語已咸
共瞋恚害是法師是說法者設復命
終故名持戒自利利他以是緣故我
聽國主羣臣宰相諸優婆塞護說法
人若有欲得護正法者當如是學迦
葉如是破戒不護法者名禿居士非
持戒者得如是名善男子過去之世
无量無邊阿僧祇劫於此拘尸那城
有佛出世号歡喜增益如來應正遍
知明行足善逝世間解無上士調御
丈夫天人師佛世尊今時世界廣博
嚴淨豐樂安隱人民熾盛無有飢渴
如安樂國諸菩薩等彼佛世尊住世
無量化衆生已然後乃於娑羅雙樹
入般涅槃佛涅槃後正法住世无量
億歲餘四十年佛法未滅今時有一
持戒比丘名曰覺德多有徒衆眷屬
圍遶能師子吼頌宣廣說九部經典制
諸比丘不得畜養奴婢牛羊非法之

物尔時多有破戒比丘聞作是說皆
生惡心執持刀杖逼是法師是時國
三名曰有德聞是事已為護法故即
便往至說法者所與是破戒諸惡比
丘極共戰鬥令說法者得免危害王
於尔時身被刀劍箭槊之瘡體無完
處如芥子許尔時覺德尋讚王言善
哉善哉王今真是護正法者當來之
世此身當為無量法器王於是時得
聞法已心大歡喜尋即命終生阿闍
佛國而為彼佛作第一弟子其王將
從人民眷屬有戰鬥者有隨喜者一
切不退菩提之心命終悉生阿闍佛
國覺德比丘却後壽終亦得往生阿
闍佛國而為彼佛作聲聞衆中第二
弟子若有正法欲滅盡時應當如是
受持擁護迦葉尔時王者則我身是
說法比丘迦葉佛是迦葉護正法者
得如是等無量果報以是因緣我於
今日得種種相以自莊嚴成就法身
不可壞身

迦葉菩薩復白佛言世尊如來常身
猶如畫石佛告迦葉菩薩善男子以

是因緣故比丘比丘尼優婆塞優婆
夷應當勤加護持正法護法果報廣
大無量善男子是故護法優婆塞等
應執刀杖擁護如是持法比丘若有
受持五戒之者不得名為大乘人也
不受五戒為護正法乃名大乘護正
法者應當執持刀劍器仗侍說法者
迦葉白佛言世尊若諸比丘與如是
等諸優婆塞持刀杖者共為伴侶為
有師耶為無師乎為是持戒為是破
戒佛告迦葉莫謂是等為破戒人善
男子我涅槃後濁惡之世國土荒亂
互相抄掠人民飢餓今時多有為飢
餓故發心出家如是之人名為禿人
是禿人輩見有持戒威儀具足清淨
比丘護持正法驅逐令出若煞若害
迦葉菩薩復白佛言世尊是持戒人
護正法者云何當得遊行村落城邑
教化善男子是故我今聽持戒人依
諸白衣持刀杖者以為伴侶若諸國
王大臣長者優婆塞等為護法故雖
持刀杖我說是等名為持戒雖持刀
杖不應斷命若能如是即得名為第

一持戒

涅槃經第三卷 第五品

迦葉言護法者謂具正見能廣宣說
大乘經典終不捉持王者寶蓋油瓶
穀米種種果菰不為利養親近國王
大臣長者於諸檀越心無諂曲具足
威儀摧伏破戒諸惡人等是名持戒
護法之師能為衆生真善知識其心
弘廣譬如大海迦葉若有比丘以利
養故為他說法是人所有徒衆眷屬
亦効是師貪求利養是人如是便自
壞衆迦葉衆有一種一者犯戒雜僧
二者愚癡僧三者清淨僧破戒雜僧
則易可壞持戒淨僧利養因緣所不
能壞云何破戒雜僧若有比丘雖持
禁戒為利養故與破戒者坐起行來
共相親附同其事業是名破戒亦名
雜僧云何愚癡僧若有比丘在阿蘭
若處諸根不利闇鈍憂鬱少欲乞食
於說戒日及自恣時教諸弟子清淨
懺悔見非弟子多犯禁戒不能教令
清淨懺悔而便與共說戒自恣是名
愚癡僧云何名清淨僧有比丘僧不
為百千億數諸魔之所沮壞是菩薩

衆本性清淨能調如上二部之衆悉
令安住清淨衆中是名護法無上大
師善持律者為欲調伏利衆生故知
諸戒相若輕若重非是律者則不證
知若是律者則便證知云何調伏衆
生故若諸菩薩為化衆生常入聚落
不擇時節或至寡婦婬女舍宅與同
住止經歷多年若是聲聞所不應為
是名調伏利益衆生云何知重若見
如來因事制戒汝從今日慎莫更犯
如四重禁出家之人所不應作而便
故作非是沙門非釋種子故名為重
云何為輕若犯輕事如是三諫若能
捨者是名為輕非律不證者若有讚
說不清淨物應受用者不共同止是
律應證者善學戒律不近破戒見有
所行隨順戒律心生歡喜如是能知佛
法所作善能解說故名律師善解一
字善持契經亦復如是如是善男子
佛法無量不可思議如來亦尔不可
思議迦葉菩薩白佛言世尊如是如
是誠如聖教佛法無量不可思議如
來亦尔不可思議故知如來常住不

壞無有變異我今善學亦當為人廣宣是義。今時佛讚迦葉菩薩善哉善哉。如來身者即是金剛不可壞身。善薩應當如是善學。正見正知。若能如是了了知見。即是見佛金剛之身。不可壞身。如於鏡中見諸色像。

大般涅槃經名字功德品第三

爾時如來復告迦葉善男子。汝今應當善持是經文字章句。所有功德。若有善男子善女人聞是經名。生四趣者。無有是處。何以故。如是經典。乃是無量無邊諸佛之所修習。所得功德。我今當說。迦葉菩薩白佛言。世尊。當何名此經。菩薩摩訶薩云。何奉持佛告。迦葉。是經名為大般涅槃。上語亦善。中語亦善。下語亦善。義味深遠。其文亦善。純備具足。清淨梵行。金剛寶藏。滿足無缺。汝今善聽。我今當說。善男子。所言大者。名之為常。如八大河。志歸大海。此經如是降伏一切諸結煩惱。及諸魔性。然後要於大般涅槃。放捨身命。是故名曰大般涅槃。善男子。又如醫師有一秘方。悉攝一切所有。

醫方善男子如來亦亦所說種種妙法秘密深奧藏門悉皆入於大般涅槃是故名為大般涅槃善男子譬如農夫春月下種常有怖望既收果實衆望都息善男子一切衆生亦復如是修學餘經常怖滋味若得聞是大般涅槃怖望諸經所有滋味悉皆永斷是大涅槃能令衆生度諸有涼善男子如諸跡中象跡為最此經如是於諸經三昧家為第一善男子譬如耕田秋耕為勝此經如是諸經中勝善男子如諸藥中醍醐第一善治衆生熱惱亂心是大涅槃為最第一善男子譬如甜酥八味具足大般涅槃亦復如是八味具足云何為八一者常二者恒三者安四者清涼五者不老六者不死七者無垢八者快樂是為八味具足具是八味是故名為大般涅槃若諸菩薩摩訶薩等安住是中復能處處示現涅槃是故名為大般涅槃迦葉善男子善女人若欲於此大般涅槃而涅槃者當如是學如來常住法僧亦然迦葉菩薩復白佛

言其奇世尊如來功德不可思議法
僧亦尔不可思議是大涅槃亦不可
思議若有修學是經典者得正法門
能為良醫若未學者當知是人盲無
慧眼无明所覆

大般涅槃經卷第三

辛丑歲高麗國大藏都監奉

勅雕造

大般涅槃經卷第四

選

北涼天竺三藏曇無讖譯

如來性品第四之一

佛復告迦葉善男子菩薩摩訶薩分別開示大般涅槃有四相義何等為四一者自正二者正他三者能隨問答四者善解因緣義云何自正若佛如來見諸因緣而有所說譬如比丘見大火聚便作是言我寧抱是熾燃火聚終不敢於如來所說十二部經及秘密藏謗言云是波旬所說若言如來法僧無常如是說者為自侵欺亦欺於人寧以利刀自斷其舌終不說言如來法僧是无常也若聞他說亦不信受於此說者應生憐愍如來法僧不可思議應如是持自觀己身猶如火聚是名自正

云何正他佛說法時有一女人乳養嬰兒來詣佛所稽首佛足有所願念心自思惟便坐一面今時世尊知而故問汝以愛念多哈兒酥不知籌量消與不消今時女人即白佛言甚奇

世尊善能知我心中所念唯願如來
教我多少世尊我於今朝多與兒蘇
忍不能消將無夭壽唯願如來為我
解說佛言汝兒所食尋即消化增益
壽命女人聞已心大踊躍復作是言
如來實說故我歡喜世尊如是為欲
調伏諸衆生故善能分別說消不消
亦說諸法无我無常若佛世尊先說
常者受化之徒當言此法與外道同
即便捨去復告女人若兒長大能自
行來凡所食敗能消難消本所與蘇
則不供足我之所有聲聞弟子亦復
如是如汝嬰兒不能消是常住之法
是故我先說苦無常若我聲聞諸弟
子等功德已備堪任修習大乘經典
我於是經為說六味云何六味說苦
醋味無常鹹味無我苦味樂如甜味
我如辛味常如淡味彼世間中有三
種味所謂无常無我无樂煩惱為薪
智慧為火以是因緣成涅槃飯謂常
樂我令諸弟子悉皆甘嗜復告女人
汝若有緣欲至他處應驅惡子令出
其舍忘以寶藏付示善子女人白佛

實如聖教珍寶之藏應示善子不示
惡子婦我亦如是般涅槃時如來微
密無上法藏不與聲聞諸弟子等如
汝寶藏不示惡子要當付囑諸菩薩
等如汝寶藏委付善子何以故聲聞
弟子生變異想謂佛如來真實滅度
然我真實不滅度也如汝遠行未還
之頃汝之惡子便言汝死汝實不死
諸菩薩等說言如來常不變易如汝
善子不言汝死以是義故我以無上
秘密之藏付諸菩薩善男子若有衆
生謂佛常住不變異者當知是家則
為有佛是名正他

能隨問答者若有人來問佛世尊我
當云何不捨錢財而得名為大施檀
越佛言若有沙門婆羅門等少欲知
足不受不畜不淨物者當施其人奴
婢僕使修梵行者施與女人斷酒肉
者施以酒肉不過中食施過中食不
著花香施以花香如是施者施名流
布遍至他方財寶之費不失毫釐是
則名為能隨問答今時迦葉菩薩白
佛言世尊食肉之人不應施肉何以

故我見不食肉者有大功德佛讚迦
葉善哉善哉汝今乃能善知我意護
法菩薩應當如是善男子從今日始
不聽聲聞弟子食肉若受檀越信施
之時應觀是食如子肉想迦葉菩薩
復白佛言世尊云何如來不聽食肉
善男子夫食肉者斷大慈種迦葉又
言如來何故先聽比丘食三種淨肉
迦葉是三種淨肉隨事漸制迦葉菩
薩復白佛言世尊何因緣故十種不
淨乃至九種清淨而復不聽佛告迦
葉亦是因事漸次而制當知即是現
斷肉義迦葉菩薩復白佛言云何如
來稱讚魚肉為美食耶善男子我亦
不說魚肉之屬為美食也我說甘蔗
粳米石蜜一切穀麥及黑石蜜乳酪
蘇油以為美食雖說應畜種種衣服
所應畜者要是壞色何況貪著是魚
肉味迦葉復言如來若制不食肉者
彼五種味乳酪酪漿生酥熟酥胡麻油
等及諸衣服縞奢耶衣珂貝皮革金
銀玉器如是等物亦不應受善男子
不應同彼尸軀所見如來所制一切

禁戒各有異意異意故聽食三種淨肉異想故斷十種肉異想故一切悉斷及自死者迦葉我從今日制諸弟子不得復食一切肉也迦葉其食肉者若行若住若坐若卧一切衆生聞其肉氣悉生恐怖辟如有人近師子已衆人見之聞師子鼻亦生恐怖善男子如人噉蒜鼻穢可惡餘人見之聞鼻捨去設遠見者猶不欲視況當近之諸食肉者亦復如是一切衆生聞其肉氣悉皆恐怖生畏死想水陸空行有命之類悉捨之走咸言此人是我等怨是故菩薩不習食肉為度衆生示現食肉雖現食之其實不食善男子如是菩薩清淨之食猶尚不食況當食肉善男子我涅槃後無量百歲四道聖人悉復涅槃正法滅後於像法中當有比丘似像持律少讀誦經貪嗜飲食長養其身身所被服麤陋醜惡形容顛顛無有威德放畜牛羊擔負薪草頭鬚髮不悉皆長利雖服袈裟猶如獵師細視徐行如猫伺鼠常唱是言我得羅漢多諸病

苦眠卧糞穢外現賢善內懷貪嫉如
受症法婆羅門等實非沙門現沙門
像邪見熾盛誹謗正法如是等人破
壞如來所制戒律正行威儀說解脫
果離不淨法及壞甚深秘密之教各
自隨意反說經律而作是言如來皆
聽我等食肉自生此論言是佛說乎
共諍訟各自稱是沙門釋子善男子
今時復有諸沙門等貯聚生穀受取
魚肉手自作食執持油瓶寶蓋革屨
親近國王大臣長者占相星宿勤修
鑒道畜養奴婢金銀琉璃車乘馬瑙
頗梨真珠珊瑚虎珀璧玉珂貝種種
果蘇學諸伎藝畫師泥作造書教學
種植根栽蠶道呪幻和合諸藥作倡
伎樂香花治身擣菹園基學諸工巧
若有比丘能離如是諸惡事者當說
是人真我弟子今時迦葉復白佛言
世尊諸比丘比丘尼優婆塞優婆夷
因他而活若乞食時得雜肉食云何
得食應清淨法佛言迦葉當以水洗
令與肉別然後乃食若其食器為肉
所汙但使無味聽用無罪若見食中

多有肉者則不應受一切現肉悉不應食食者得罪我今唱是斷肉之制若廣說者則不可盡涅槃時到是故略說是則名為能隨問答

迦葉云何善解因緣義如有四部之衆來問我言世尊如是之義如來初出何故不為波斯匿王說是法門深妙之義或時說深或時說淺或名為犯或名不犯云何名墮云何名律云何名波羅提木叉義佛言波羅提木叉者名為知足成就威儀無所受畜墮於地獄乃至阿鼻論其遲速過於暴雨聞者驚怖堅持禁戒不犯威儀修習知足不受一切不淨之物又復墮者長養地獄畜生餓鬼以是諸義故名曰墮波羅提木叉者離身口意不善邪業律者八戒威儀深經善義遮受一切不淨之物及不淨因緣亦遮四重十三僧殘二不定法三十捨墮九十一墮四悔過法衆多學法七滅諍等或復有人盡破一切戒云何一切謂四重法乃至七滅諍法或復

有人誹謗正法甚深經典及一闡提
具足成就盡一切相無有因緣如是
等人自言我是聰明利智輕重之罪
悉皆覆藏覆藏諸惡如龜藏六如是
衆罪長夜不悔以不悔故日夜增長
是諸比丘所犯衆罪終不發露是使
所犯遂復滋蔓是故如來知是事已
漸次而制不得一時今時有善男子
善女人白佛言世尊如來久知如是
之事何不先制將元世尊欲令衆生
入阿鼻獄譬如多人欲至他方迷失
正路隨逐邪道是諸人等不知迷故
皆謂是道復不見人可問是非衆生
如是迷於佛法不見正真如來應為
先說正道勅諸比丘此是犯戒此是
持戒當如是制何以故如來正覺是
真實者知見正道惟有如來天中之
天能說十善增上功德及其義味是
故啓請應先制戒佛言善男子若言
如來能為衆生宣說十善增上功德
是則如來視諸衆生如羅睺羅云何
難言將无世尊欲令衆生入於地獄
我見一人有墮阿鼻地獄因緣尚為

是人住世一劫若減一劫我於衆生
有大慈悲何緣當誑如子想者令入
地獄善男子如王國內有納衣者見
衣有孔然後方補如來亦尔見諸衆
生有入阿鼻地獄因緣即以戒善而
為補之善男子譬如轉輪聖王先為
衆生說十善法其後漸漸有行惡者
王即隨事漸漸而斷斷諸惡已然後
自行聖王之法善男子我亦是雖
有所說不得先制要因比丘漸行非
法然後方乃隨事制之樂法衆生隨
教修行如是等衆乃能得見如來法
身如轉輪王所有輪寶不可思議如
來亦尔不可思議法僧二寶亦不可
思議能說法者及聞法者皆不可思
議是名善解因緣義也菩薩如是分
別開示四種相義是名大乘大涅槃
中因緣義也

復次自正者所謂得是大般涅槃正
他者我為比丘說言如來常存不變
隨問答者迦葉因汝所問故得廣為
菩薩摩訶薩比丘比丘尼優婆塞優
婆夷說是甚深微妙義理因緣義者

聲聞緣覺不解如是甚深之義不問
伊字三點而成解脫涅槃摩訶般若
成秘密藏我今於此闡揚分別為諸
聲聞開發慧眼假使有人作如是言
如是四事云何為一非虛妄耶即應
反質是虛空無所有不動无尋如是
四事有何等異是豈得名為虛妄乎
不也世尊如是諸句即是一義所謂
空義自正正他能隨問答解因緣義
亦復如是即大涅槃等無有異

佛告迦葉若有善男子善女人作如
是言如來无常云何當知是無常耶
如佛所言滅諸煩惱名為涅槃猶如
火滅悉無所有滅諸煩惱亦復如是
故名涅槃云何如來為常住法不變
易耶如佛言曰離諸有者乃名涅槃
是涅槃中無有諸有云何如來為常
住法不變易耶如衣壞盡不名為物
涅槃亦尔滅諸煩惱不名為物云何
如來為常住法不變易耶如佛言曰
離欲寂滅名曰涅槃如人斬首則无
有首離欲寂滅亦復如是空無所有
故名涅槃云何如來為常住法不變

易耶如佛言曰

涅槃經第卅卷

第十張迴

號

譬如熱鐵 槌打星流 散已尋滅
莫知所在 得正解脫 亦復如是
已度婬欲 諸有淤泥 得無動處
不知所至

云何如來為常住法不變易耶迦葉
若有人作如是難者名為邪難迦葉
汝亦不應作是憶想謂如來性是滅
盡也迦葉滅煩惱者不名為物何以
故永畢竟故是故名常是句寂靜為
無有上滅盡諸相无有遺餘是句鮮
白常住不退是故涅槃名曰常住如
來亦尔常住无變言星流者謂煩惱
也散已尋滅莫知所在者謂諸如來
煩惱滅已不在五趣是故如來是常
住法無有變易復次迦葉諸佛所師
所謂法也是故如來恭敬供養以法
常故諸佛亦常迦葉菩薩復白佛言
若煩惱火滅如來亦滅是則如來無
常住處如彼迸鐵赤色滅已莫知所
至如來煩惱亦復如是滅無所至又
如彼鐵熱與赤色滅已無有如來亦
尔滅已無常滅煩惱火便入涅槃當

知如來即是無常善男子所言鐵者
名諸凡夫凡夫之人雖滅煩惱滅已
復生故名無常如來不令滅已不生
是故名常迦葉復言如鐵赤色滅已還
置火中赤色復生如來若令應還生
結若結還生即是無常佛言迦葉汝
今不應作如是言如來無常何以故
如來是常善男子如彼燃木滅已有
灰煩惱滅已便有涅槃壞衣斬首破
瓶等喻亦復如是如是等物各有名
字名曰壞衣斬首破瓶迦葉如鐵冷
已可使還熱如來不令斷煩惱已畢
竟清涼煩惱熾火更不復生迦葉當
知無量衆生猶如彼鐵我以無漏智
慧熾火燒彼衆生諸煩惱結迦葉復
言善哉善哉我今諦知如來所說諸
佛是常佛言迦葉譬如聖王素在後
宮或時遊觀在於後園王雖不在諸
姝女中亦不得言聖王命終善男子
如來亦尔雖不現於閻浮提界入涅
槃中不名元常如來出於無量煩惱
入于涅槃安樂之處遊諸妙樂歡娛
受樂

迦葉復問如佛言曰我已久度煩惱
大海若佛已度煩惱海者何緣復共
耶輸陀羅生羅睺羅以是因緣當知
如來未度煩惱諸結大海唯願如來
說其因緣佛告迦葉汝不應言如來
久度煩惱大海何緣復共耶輸陀羅
生羅睺羅以是因緣當知如來未度
煩惱諸結大海善男子是大涅槃能
建大義汝等今當至心諦聽廣為人
說莫生驚疑若有菩薩摩訶薩住大
涅槃須彌山王如是高廣志能令入
葶藶子糴其諸衆生依須彌者亦不
迫迮無來往想如本不異唯應度者
見是菩薩以須彌山內葶藶糴復還
安止本所住處善男子復有菩薩摩
訶薩住大涅槃能以三千大千世界
置葶藶糴其中衆生亦无迫迮及往
來想如本不異唯應度者見是菩薩
以此三千大千世界置葶藶糴復還
安止本所住處善男子復有菩薩摩
訶薩住大涅槃能以三千大千世界
內一毛孔乃至本處亦復如是善男
子復有菩薩摩訶薩住大涅槃斷取

十方三千大千諸佛世界置於針鋒
如貫衆葉擲著他方異佛世界其中
所有一切衆生不覺往返為在何處
唯應度者乃能見之乃至本處亦復
如是善男子復有菩薩摩訶薩住大
涅槃斷取十方三千大千諸佛世界
置於右掌如陶家輪擲置他方微塵
世界無一衆生有往來想唯應度者
乃見之耳乃至本處亦復如是善男
子復有菩薩摩訶薩住大涅槃斷取
一切十方無量諸佛世界悉內已身
其中衆生悉無迫近亦無往返及住
處想唯應度者乃能見之乃至本處
亦復如是善男子復有菩薩摩訶薩
住大涅槃以十方世界內一塵中其中
衆生亦无迫近往返之想唯應度者
乃能見之乃至本處亦復如是善男
子是菩薩摩訶薩住大涅槃則能示
現種種无量神通變化是故名曰大
般涅槃是菩薩摩訶薩所可示現如
是無量神通變化一切衆生无能測
量汝今云何能知如來習近姪欲生
羅睺羅

善男子我已久住是大涅槃種種示
現神通變化於此三千大千世界百
億日月百億閻浮提種種示現如首
楞嚴經中廣說我於三千大千世界
或閻浮提示現涅槃亦不畢竟取於
涅槃或閻浮提示入母胎令其父母
生我子想而我此身畢竟不從姪欲
和合而得生也我已久從無量劫來
離於姪欲我今此身即是法身隨順
世間示現入胎善男子此閻浮提林
微及園示現從母摩耶而生生已即
能東行七步唱如是言我於人天阿
修羅中最尊最上父母人天見已驚
喜生希有心而諸人等謂是嬰兒而
我此身無量劫來久離是法如來身
者即是法身非是肉血筋脉骨髓之
所成立隨順世間衆生法故示為嬰
兒南行七步示現欲為無量衆生作
上福田西行七步示現生盡永斷老
死是寂後身北行七步示現已度諸
有生死東行七步示為衆生而作導
首四維七步示現斷滅種種煩惱四
魔種性成於如來應正遍知上行七

步示現不為不淨之物之所染汙猶如虛空下行七步示現法雨滅地獄火令彼衆生受安隱樂毀禁戒者示作霜雹於閻浮提生七日已又示剃髮諸人皆謂我是嬰兒初始剃髮一切人天魔王波旬沙門婆羅門無有能見我頂相者況有持刀臨之剃髮若有持刀至我頂者无有是處我久已於無量劫中剃除鬚髮為欲隨順世間法故示現剃髮我既生已父母將我入天祠中以我示於摩醯首羅摩醯首羅即見我時合掌恭敬立在一面我已久於无量劫中捨離如是入天祠法為欲隨順世間法故示現如是我於閻浮提示現穿耳一切衆生實无有能穿我耳者隨順世間衆生法故示現如是復以諸寶作師子璫用莊嚴耳然我已於無量劫中離莊嚴具為欲隨順世間法故作是示現示入學堂修學書疏然我已於无量劫中具足成就遍觀三界所有衆生無有堪任為我師者為欲隨順世間法故示入學堂故名如來應正遍知

習學垂爲盤馬捫力種種伎藝亦復如是於閻浮提而復示現爲王太子衆生皆見我爲太子於五欲中歡娛受樂然我已於無量劫中捨離如是五欲之樂爲欲隨順世間法故示如是相相師占我若不出家當爲轉輪聖王王閻浮提一切衆生皆信是言然我已於无量劫中捨轉輪王位爲法輪王於閻浮提現離婬女五欲之樂見老病死及沙門已出家修道衆生皆謂悉達太子初始出家然我已於無量劫中出家學道隨順世法故示如是我於閻浮提示現出家受具足戒精勤修道得須陀洹果斯陀含果阿那含果阿羅漢果衆人皆謂是阿羅漢果易得不難然我已於無量劫中成阿羅漢果爲欲度脫諸衆生故坐於道場菩提樹下以草爲座摧伏衆魔衆皆謂我始於道場菩提樹下降伏魔官然我已於无量劫中又降伏已爲欲降伏剛強衆生故現是化我又示現大小便利出息入息衆皆謂我有大小便利出息入息然我

是身所得果報悉無如是大小便利
出入息等隨順世間故示如是我又
示現受人信施然我是身都無飢渴
隨順世法故示如是我又示同諸衆
生故現有睡眠然我已於無量劫中
具足无上深妙智慧遠離三有進止
威儀頭痛腹痛背痛木槍洗足洗手
洗面漱口嚼楊枝等衆皆謂我有如
是事然我此身都无此事我足清淨
猶如蓮花口氣淨潔如優鉢羅香一
切衆生謂我是人我實非人我又示
現受糞掃衣浣濯縫打然我久已不
須是衣衆人皆謂羅睺羅者是我之
子輸頭檀王是我之父摩耶夫人是
我之母處在世間受諸快樂離如是
事出家學道衆人復言是王太子瞿
曇大姓遠離世樂求出世法然我久
離世間姪欲如是等事悉是示現一
切衆生咸謂是人然我實非善男子
我雖在此閻浮提中數數示現入於
涅槃然我實不畢竟涅槃而諸衆生
皆謂如來真實滅盡而如來性實不
永滅是故當知是常住法不變易法

善男子大涅槃者即是諸佛如來法界我又示現閻浮提中出於世間衆生皆謂我始成佛然我已於無量劫中所作已辦隨順世法故復示現於閻浮提初出成佛我又示現於閻浮提不持禁戒犯四重罪衆人皆見謂我實犯然我已於無量劫中堅持禁戒無有漏缺我又示現於閻浮提為一闍提衆人皆見是一闍提然我實非一闍提也一闍提者云何能成阿耨多羅三藐三菩提我又示現於閻浮提破和合僧衆生皆謂我是破僧我觀人天元有能破和合僧者我又示現於閻浮提護持正法衆人皆謂我是護法悉生驚怖諸佛法亦不應驚怖我又示現於閻浮提為魔波旬衆人皆謂我是波旬然我久於無量劫中離於魔事清淨無染猶如蓮花我又示現於閻浮提女身成佛衆人皆言甚奇女人能成阿耨多羅三藐三菩提如來畢竟不受女身為欲調伏無量衆生故現女像憐愍一切諸衆生故而復示現種種色像我又示

現閻浮提中生於四趣然我久已斷
諸趣因以業因故墮於四趣為度衆
生故生是中我又示現閻浮提中作
梵天王令事梵者安住正法然我實
非而諸衆生咸皆謂我為真梵天示
現天像遍諸天廟亦復如是我又示
現於閻浮提入婬女舍然我實無貪
婬之想清淨不汙猶如蓮花為諸貪
婬嗜色衆生於四衢道宣說妙法然
我實無欲穢之心衆人謂我守護女
人我又示現於閻浮提入青衣舍為教
諸婢令住正法然我實元如是惡業
墮在青衣我又示現閻浮提中而作
博士為教童蒙令住正法我又示現
於閻浮提入諸酒會博奕之處示受
種種勝負聞諍為欲拔濟彼諸衆生
而我實無如是惡業而諸衆生皆謂
我作如是之業我又示現久住塚間
作大鷲身度諸飛鳥而諸衆生皆謂
我是真實鷲身然我久已離於是業
為欲度彼諸鳥鷲故示如是身我又
示現閻浮提中作大長者為欲安立
無量衆生住於正法又復示作諸二

大臣王子輔相於是衆中各為第一
為修正法故住王位我又示現閻浮提
中疾病劫起多有衆生為病所惱先
施醫藥然後為說微妙正法令其安
住無上菩提衆人皆謂是病劫起又
復示現閻浮提中飢餓劫起隨其所
須供給飲食然後為說微妙正法令
其安住無上菩提又復示現閻浮提
中刀兵劫起即為說法令離怨害使
得安住無上菩提又復示現為計常
者說無常想計樂想者為說苦想計
我想者說无我想計淨想者說不淨
想若有衆生貪著三界即為說法令
離是處度衆生故為說無上微妙法
藥為斷一切煩惱樹故種植无上法
藥之樹為欲拔濟諸外道故說於正
法雖復示現為衆生師而心初無衆
生師想為欲拔濟諸下賤故現入其
中而為說法非是惡業受是身也如
來正覺如是安住於大涅槃是故名
為常住無變如閻浮提東菴于逮西
瞿耶尼北鬱單越亦復如是如四天
下三千大千世界亦尔二十五有如

首楞嚴經中廣說以是故名大般涅槃。若有菩薩摩訶薩安住如是大般涅槃，能示如是神通變化而無所畏。迦葉以是緣故，汝不應言羅睺羅者是佛之子，何以故？我於往昔无量劫中已離欲有是故，如來名曰常住無有變易。

迦葉復言：如來云何名曰常住？如佛言曰：如燈滅已，元有方所。如來亦尔。既滅度已，亦無方所。佛言：迦葉，善男子，汝今不應作如是言。燈滅盡已，元有方所。如來亦尔。既滅度已，無有方所。善男子，譬如男女然燈之時，燈燭大小悉滿，中油隨有油在其明，猶存。若油盡已，明亦俱盡。其明滅者，喻煩惱滅。明雖滅盡，燈燭猶存。如來亦尔。煩惱雖滅，法身常存。善男子，於意云何？明與燈燭為俱滅？不。迦葉答言：不也。世尊，雖不俱滅，然元常。若以法身喻燈燭者，燈燭元常，法身亦尔。應是元常。善男子，汝今不應作如是難。如世間言：器如來世尊，無上法器而器元常，非如來也。一切法中，涅槃為

常如來體之故名爲常復次善男子
言燈滅者即是羅漢所證涅槃以滅
貪愛諸煩惱故喻之燈滅阿那含者
名曰有貪以有貪故不得說言同於
燈滅是故我昔覆相說言喻如燈滅
非大涅槃同於燈滅阿那含者非數
數來又不還來二十五有更不受於
是身重身食身毒身是則名爲阿那
含也若更受身名爲那含不受身者
名阿那含有去來者名曰那含無去
來者名阿那含

大般涅槃經卷第四

壬寅歲高麗國大藏都監奉

勅彫造

大寶藏經卷第五

三

北涼天竺三藏曇無讖譯

如來性品第四之二

今時迦葉菩薩白佛言世尊如佛所說諸佛世尊有秘密藏是義不然何以故諸佛世尊唯有密語無有密藏譬如幻主機關木人人雖覩見屈申俯仰莫知其內而使之然佛法不令咸令衆生悉得知見云何當言諸佛世尊有秘密藏佛讚迦葉善哉善哉善男子如汝所言如來實无秘密之藏何以故如秋滿月處空顯露清淨無翳人皆覩見如來之言亦復如是開發顯露清淨无翳愚人不解謂之秘藏智者了達則不名藏善男子譬如有人多積金銀至無量億其心慳恡不肯惠施拯濟貧窮如是積聚乃名秘藏如來不令於無邊劫積聚無量妙法珍寶心无慳恡常以惠施一切衆生云何當言如來秘藏善男子譬如有人身根不具或无一目一手一足以著耻故不令人見人不見

故名爲秘藏如來不令所有正法具足無缺今人覩見云何當言如來秘藏善男子譬如貧人多負人財怖畏債主隱不欲現故名爲藏如來不令不負一切衆生世法雖負衆生出世之法而亦不藏何以故恒於衆生一子想而爲演說無上法故善男子譬如長者多有財寶唯有一子心甚愛重情無捨離所有珍寶悉用示之如來亦令視諸衆生同於一子善男子如世間人以男女根醜陋鄙惡以衣覆蔽故名爲藏如來不令永斷此根以无根故無所覆藏善男子如婆羅門所有語論終不欲令剎利毗舍首陀等聞何以故以此論中有過惡故如來正法則不如是初中後善是故不得名爲秘藏善男子譬如長者唯有一子心常憶念憐愛无已將詣師所欲令受學懼不速成尋便將還以愛念故晝夜懇懇教其半字而不教誨毗伽羅論何以故以其幼稚力未堪故善男子假使長者教半字已是兄即時能得了知毗伽羅論不不

也世尊如是長者於是子所有秘藏
不不也世尊何以故以子年幼故不
為說不以秘故恡而不說所以者何
若有嫉妬秘恡之心乃名為藏如來
不尔云何當言如來秘藏佛言善哉
善哉善男子如汝所言若有瞋心嫉
妬恡恡乃名為藏如來无有瞋心嫉
妬云何名藏善男子彼大長者謂如
來也所言一子者謂一切衆生如來
視於一切衆生猶如一子教一子者
謂聲聞弟子半字者謂九部經毗伽
羅論者所謂方等大乘經典以諸聲
聞無有慧力是故如來為說半字九
部經典而不為說毗伽羅論方等大
乘善男子如彼長者子既長大堪任
讀學若不為說毗伽羅論可名為藏
若諸聲聞有堪任力能受大無毗伽
羅論如來秘惜不為說者可言如來
有秘密藏如來不尔是故如來無有
秘藏如彼長者教半字已次為演說
毗伽羅論我今亦尔為諸弟子說於
半字九部經已次為演說毗伽羅論
所謂如來常存不變

復次善男子譬如夏月興大雲雷
注大雨令諸農夫下種之者多獲果
實不下種者无所尅獲无所獲者非
龍王各而此龍王亦無所藏我今如
來亦復如是降大法雨大涅槃經若
諸衆生種善子者得慧芽果無善子
者則无所獲无所獲者非如來各然
佛如來實无所藏迦葉復言我今定
知如來世尊無所秘藏如佛所說毗
伽羅論謂佛如來常存不變是義不
然何以故佛昔說偈
諸佛與緣覺及以弟子衆猶捨無常身
何況諸凡夫

今者乃說常存無變是義云何佛言
善男子我為一切聲聞弟子教半字
故而說是偈善男子波斯匿王其母
命終悲號戀慕不能自勝來至我所
我即問言大王何故悲苦懊惱乃至
於此王言世尊國大夫人是日命終
假使有能令我母命還如本者我當
捨國爲馬七珍及以身命悉以賞之
我復語言大王且莫愁惱憂悲啼哭
一切衆生壽命盡者名之爲死諸佛

緣覺聲聞弟子尚捨此身况復凡夫
善男子我為波斯匿王教半字故而
說是偈我今為諸聲聞弟子說毗伽
羅論謂如來常存無有變易若有人
言如來無常云何是人舌不墮落
迦葉復言如佛所說

無所聚積 於食知足 如鳥飛空
跡不可尋

是義云何世尊於此衆中誰得名為
无所積聚誰復得名於食知足誰行
於空跡不可尋而此去者為至何方
佛言迦葉夫積聚者名曰財寶善男
子積聚有二種一者有為二者無為
有為積聚者即聲聞行無為積聚者
即如來行善男子僧亦有二種有為
無為有為僧者名曰聲聞聲聞僧者
無有積聚所謂奴婢非法之物庫藏
穀米鹽豉胡麻大小諸豆若有說言
如來聽畜奴婢僕使如是之物舌則
卷縮我諸所有聲聞弟子名無積聚
亦得名為於食知足若有貪食名不
知足不貪食者是名知足跡難尋者
則近无上菩提之道我說是人雖去

无至迦葉復言若有為僧尚無積聚
况無為僧元為僧者即是如來如來
云何當有積聚夫積聚者名為藏匿
是故如來凡有所說無所恡惜云何
名藏跡不可尋者所謂涅槃涅槃之
中無有日月星辰諸宿寒熱風雨生
老病死二十五有離諸憂苦及諸煩
惱如是涅槃如來住處常不變易以
是因緣如來至是娑羅樹間於大涅
槃而般涅槃佛告迦葉所言大者其
性廣博猶如有人壽命无量名大丈
夫是人若能安住正法名人中勝如
我所說八大人覺為一人有為多人
有若一人具八則為寂勝所言涅槃
者無諸瘡疣善男子譬如有人為毒
箭所射多受苦痛值遇良醫為拔毒
箭傳以妙藥令其離苦得受安樂是
醫即便遊於城邑及諸聚落隨有患
苦瘡疣之處即往其所為療眾苦善
男子如來亦亦成等正覺為大醫王
見閻浮提苦惱眾生無量劫中被姪
怒癡煩惱毒箭受大苦切為如是等
說大樂經甘露法藥療治此已復至

他方有諸煩惱毒箭之處示現作佛
為其療治是故名曰大般涅槃大般
涅槃者名解脫處隨有調伏衆生之
處如來於中而作示現以是真實甚
深義故名大涅槃迦葉菩薩復白佛
言世尊世間醫師悉能療治一切衆
生瘡疣病不善男子世間瘡疣凡有
二種一者可治二不可治凡可治者
醫則能治不可治者則不能治迦葉
復言如佛言者如來則為於闍浮提
治衆生已若言治已足諸衆生其中
云何復有未能得涅槃者若未悉得
云何如來說言治竟欲至他方善男
子闍浮提內衆生有二一者有信二
者无信有信之人則名可治何以故
定得涅槃无瘡疣故是故我說治闍
浮提諸衆生已無信之人名一闍提
一闍提者名不可治除一闍提餘悉
治已足故涅槃名无瘡疣

世尊何等名涅槃善男子夫涅槃者
名為解脫迦葉復言所言解脫為是
色耶為非色乎佛言善男子或有是
色或非是色言非色者即是聲聞緣

覺解脫言是色者即是諸佛如來解脫善男子是故解脫亦色非色如來為諸聲聞弟子說為非色世尊聲聞緣覺若非色者云何得住善男子如非想非非想天亦色非色我亦說為非色若人難言非想非非想天若非色者云何得住去來進止如是之義諸佛境界非諸聲聞緣覺所知解脫亦亦色非色說為非色亦想非想說為非想如是之義諸佛境界非諸聲聞緣覺所知

余時迦葉菩薩復白佛言世尊唯願哀愍重垂廣說大涅槃行解脫之義佛讚迦葉善哉善哉善男子真解脫者名曰遠離一切繫縛若真解脫離諸繫縛則無有生亦无和合譬如父母和合生子真解脫者則不如是是故解脫名曰不生迦葉譬如醍醐其性清淨如來亦亦非因父母和合而生其性清淨所以示現有父母者為欲化度諸衆生故真解脫者即是如來如來解脫無二元別譬如春月下諸種子得濕氣已尋便出生真解脫

者則不如是又解脫者名曰虛無虛
無即是解脫解脫即是如來如來即
是虛無非作所作凡是作者猶如城
郭樓觀却敵真解脫者則不如是是
故解脫即是如來又解脫者即元為
法譬如陶師作已還破解脫不令真
解脫者不生不滅是故解脫即是如
來如來亦令不生不滅不老不死不
破不壞非有為法以是義故名曰如
來入大涅槃不老不死有何等義老
者名為遷變髮白面皺死者身壞命
終如是等法解脫中无以無是事故
名解脫如來亦无髮白面皺有為之
法是故如來无有老也无有老故則
无有死又解脫者名曰無病所謂病
者四百四病及餘外来侵損身者是
處無故故名解脫无疾病者即真解
脫真解脫者即是如來如來無病是
故法身亦无有病如是無病即是如
來死者名曰身壞命終是處无死即
是甘露是甘露者即真解脫真解脫
者即是如來如來成就如是功德云
何嘗言如來无常若言無常无有是

處是金剛身云何無常是故如來不
名命終如來清淨无有垢穢如來之
身非胎所汙如分陀利本性清淨如
來解脫亦復如是如是解脫即是如
來是故如來清淨无垢又解脫者諸
漏瘡疣永无遺餘如來亦尔无有一
切諸漏瘡疣又解脫者无有閼諍譬
如飢人見他飲食生貪奪想解脫不
尔又解脫者名曰安靜凡夫人言夫
安靜者謂摩訶首羅如是之言即是
虛妄真安靜者畢竟解脫畢竟解脫
即是如來又解脫者名曰安隱如多
賊處不名安隱清夷之處乃名安隱
是解脫中無有怖畏故名安隱是故
安隱即真解脫真解脫者即是如來
如來者即是法也又解脫者无有等
侶有等侶者如有國王有隣國等夫
解脫者則無如是无等侶者謂轉輪
聖王無有能與作齊等者解脫亦尔
無有等侶无等侶者即真解脫真解
脫者即是如來轉法輪王是故如來
无有等侶有等侶者無有是處又解
脫者心無憂愁有憂愁者譬如國王

畏難強隣而生憂愁夫解脫者則無是事譬如壞然則无憂慮解脫亦尔是無憂畏无憂畏者即是如來又解脫者名无憂喜譬如女人只有一子從從遠行卒得凶問聞之愁苦後復聞活便生歡喜夫解脫中无如是事無憂喜者即真解脫真解脫者即是如來又解脫者無有塵垢譬如春月日沒之後風起塵霧夫解脫中無如是事无塵霧者喻真解脫真解脫者即是如來譬如聖王璽中明珠无有垢穢夫解脫性亦復如是无有垢穢無垢穢者喻真解脫真解脫者即是如來如真金性不雜沙石乃名真實有人得之生於財想夫解脫性亦復如是如彼真實彼真實者喻真解脫真解脫者即是如來譬如凡餅破而聲斲金剛寶瓶則不如是夫解脫者亦無斲破金剛寶瓶喻真解脫真解脫者即是如來是故如來身不可壞其聲斲者如蜾蠃子盛熱之時置之日曝出聲震爆夫解脫者无如是事如彼金剛真實之餅無斲破聲假使

無量百千之人悉共射之无能壞者
无斯破聲喻真解脫真解脫者即是
如來如貧窮人負他物故為他所繫
枷鎖策罰受諸苦毒夫解脫中無如
是事无有負債猶如長者多有財寶
无量億數勢力自在不負他物夫解
脫者亦復如是多有無量法財珍寶
勢力自在無所負也无所負者喻真
解脫真解脫者即是如來又解脫者
名無逼切如春涉熱夏日食甜冬日
吟觸真解脫中無有如是不適意事
无逼切者喻真解脫真解脫者即是
如來又無逼切者譬如有人飽食魚
肉而復飲乳是人則為近死不久真
解脫中无如是事是人若得甘露良
藥所患得除真解脫者亦復如是甘
露良藥喻真解脫真解脫者即是如
來云何逼切不逼切耶譬如凡夫我
慢自高而作是念一切眾中誰能害
我即便携持蛇虺毒虫當知是人不
盡壽命則為橫死真解脫中無如是
事不逼切者如轉輪王所有神珠能
伏螭蜥九十六種諸毒虫等若有聞

是神珠香者諸毒消滅真解脫者亦復如是皆志遠離二十五有毒消滅者喻真解脫真解脫者即是如來又不逼切者譬如虛空解脫亦尔彼虛空者喻真解脫真解脫者即是如來又逼切者如近乾草然諸燈火近則熾然真解脫中無如是事又不逼切者譬如日月不逼衆生解脫亦尔於諸衆生無有逼切无有逼切喻真解脫真解脫者即是如來又解脫者名无動法猶如悉親真解脫中無如是事又不動者如轉輪王更无聖王以爲親友若更有親則无是處解脫亦尔更无有親若有親者亦無是處彼王無親喻真解脫真解脫者即是如來如來者即是法也又無動者譬如婆師花欲令有臭及青色者無有是處解脫亦尔欲令有臭及諸色者亦无是處是故解脫即是如來又解脫者名爲希有譬如水中生於蓮花非爲希有火中生者是乃希有有人見之便生歡喜真解脫者亦復如是

其有見者心生歡喜彼希有者喻真
解脫真解脫者即是如來其如來者
即是法身又希有者譬如嬰兒其齒
未生漸漸長大然後乃生解脫不介
无有生與不生又解脫者名曰虛寂
无有不定不定者如一闍提究竟不
移犯重禁者不成佛道無有是處何
以故是人若於佛正法中心得淨信
念時即便戒一闍提若復得作優婆
塞者亦得斷滅於一闍提犯重禁者
滅此罪已則得成佛是故若言畢竟
不移不成佛道无有是處真解脫中
都無如是滅盡之事又虛寂者墮於
法界如法界性即真解脫真解脫者
即是如來又一闍提若盡滅者則不
得稱一闍提也何等名為一闍提耶
一闍提者斷滅一切諸善根本心不
攀緣一切善法乃至不生一念之善
真解脫中都無是事无是事故即真
解脫真解脫者即是如來又解脫者
名不可量譬如穀聚其量可知真解
脫者則不如是譬如大海不可度量
解脫亦介不可度量不可量者即真

解脫真解脫者即是如來又解脫者
名無量法如一衆生多有業報解脫
亦尔有無量報無量報者即真解脫
真解脫者即是如來又解脫者名為
廣大譬如大海无與等者解脫亦尔
无能與等無與等者即真解脫真解
脫者即是如來又解脫者名曰寂上
譬如虛空寂高无比解脫亦尔寂高
無比高无比者即真解脫真解脫者
即是如來又解脫者名無能過譬如
師子所住之處一切百獸无能過者
解脫亦尔無有能過無能過者即真
解脫真解脫者即是如來又解脫者
名為無上譬如北方諸方中上解脫
亦尔為无有上無有上者即真解脫
真解脫者即是如來又解脫者名无
上上譬如北方之於東方為無上上
解脫亦尔无有上上無上上者即真
解脫真解脫者即是如來又解脫者
名曰恒法譬如人身身壞命終是名
曰恒非不恒也解脫亦尔非是不恒
非不恒者即真解脫真解脫者即是
如來又解脫者名曰堅實如佉陀羅

梅檀沉水其性堅實解脫亦尔其性
堅實性堅實者即真解脫真解脫者
即是如來又解脫者名曰不虛辟如
竹葦其體空疎解脫不尔當知解脫
即是如來又解脫者名不可汙辟如
牆壁未被塗治致重在上止住遊戲
若以塗治彩畫雕飾五聞彩香即便
不住如是不住喻真解脫真解脫者
即是如來又解脫者名曰无邊辟如
聚落皆有邊表解脫不尔辟如虚空
无有邊際解脫亦尔無有邊際如是
解脫即是如來又解脫者名不可見
辟如空中鳥跡難見如是難見喻真
解脫真解脫者即是如來又解脫者
名曰甚深何以故聲聞緣覺所不能
入不能入者即真解脫真解脫者即
是如來又甚深者諸佛菩薩之所恭
敬辟如孝子供奉父母功德甚深功
德甚深喻真解脫真解脫者即是如
來又解脫者名不可見辟如有人不
見自頂解脫亦尔聲聞緣覺所不能
見不能見者即真解脫真解脫者即
是如來又解脫者名无屋宅譬如虛

空無有屋宅解脫亦尔言屋宅者喻
二十五有无有屋宅者喻真解脫真
解脫者即是如来又解脫者名不可
取如阿摩勒果人可取持解脫不尔
不可取持不可取持即真解脫真解
脫者即是如来又解脫者名不可執
譬如幻物不可執持解脫亦尔不可
執持不可執持即真解脫真解脫者
即是如来又解脫者無有身體譬如
有人體生瘡疣及諸癰疽癩狂乾枯
真解脫中無如是病无如是病喻真
解脫真解脫者即是如来又解脫者
名為一味如乳一味解脫亦尔唯有
一味如是一味即真解脫真解脫者
即是如来又解脫者名曰清淨如水無
沮澄靜清淨解脫亦尔澄靜清淨澄
靜清淨即真解脫真解脫者即是如
来又解脫者名曰一味如空中雨一
味清淨一味清淨喻真解脫真解脫
者即是如来又解脫者名曰除却譬
如滿月無諸雲翳解脫亦尔無諸雲
翳无諸雲翳即真解脫真解脫者即
是如来又解脫者名曰寂靜譬如有

人熱病除愈身得寂靜解脫亦尔身
得寂靜身得寂靜即真解脫真解脫
者即是如来又解脫者即是平等辟
如野田毒蛇鼠狼俱有殺心解脫不
尔无有殺心無殺心者即真解脫真
解脫者即是如来又平等者辟如父
母等心於子解脫亦尔其心平等心
平等者即真解脫真解脫者即是如
来又解脫者名无異處辟如有人唯
居上妙清淨屋宅更无異處解脫亦
尔無有異處無異處者即真解脫真
解脫者即是如来又解脫者名自知
足譬如飢人值遇甘饌食之無厭解
脫不尔如食乳糜更無所須更无所
須喻真解脫真解脫者即是如来又
解脫者名曰斷絕如人被縛斷縛得
脫解脫亦尔斷絕一切疑心結縛如
是斷疑即真解脫真解脫者即是如
来又解脫者名到彼岸辟如大河有
此彼岸解脫不尔雖無此岸而有彼
岸有彼岸者即真解脫真解脫者即
是如来又解脫者名曰默然辟如大
海其水沉浪多諸音聲解脫不尔如

是解脫即是如來又解脫者名曰美妙譬如眾藥雜呵梨勒其味則苦解脫不尔味如甘露味如甘露喻真解脫真解脫者即是如來又解脫者除諸煩惱譬如良醫和合諸藥善療眾病解脫亦尔能除煩惱除煩惱者即真解脫真解脫者即是如來又解脫者名曰無進譬如小舍不容多人解脫不尔多所容受多所容受即真解脫真解脫者即是如來又解脫者名滅諸愛不雜婬欲譬如女人多諸愛欲解脫不尔如是解脫即是如來如來如是无有貪欲瞋恚愚癡憍慢等結又解脫者名曰无愛愛有二種一者餓鬼愛二者法愛真解脫者離餓鬼愛憐愍眾生故有法愛如是法愛即真解脫真解脫者即是如來又解脫者離我我所如是解脫即是如來如來者即是法也又解脫者即是滅盡雜諸有貪如是解脫即是如來如來者即是法也又解脫者即是救護能救一切諸怖畏者如是解脫即是如來如來者即是法也又解脫者即

是歸處若有歸依如是解脫不求餘
依譬如有人依恃於王不求餘依雖
復依王則有動轉依解脫者无有動
轉無動轉者即真解脫真解脫者即
是如來如來者即是法也又解脫者
名為屋宅譬如有人行於曠野則有
險難解脫不尔無有險難无險難者
即真解脫真解脫者即是如來又解
脫者是無所畏如師子王於諸百獸
不生怖畏解脫亦尔於諸魔眾不生
怖畏無怖畏者即真解脫真解脫者
即是如來又解脫者无有迮狹譬如
隘路乃至不受二人並行解脫不尔
如是解脫即是如來又有不迮譬如
有人翼席墮井解脫不尔如是解脫
即是如來又有不迮如大海中捨壞
小船得堅牢船乘之渡海到安隱處
心得快樂解脫亦尔心得快樂得快
樂者即真解脫真解脫者即是如來
又解脫者拔諸因緣譬如因乳得酪
因酪得酥因酥得醍醐真解脫中都
无是因無是因者即真解脫真解脫
者即是如來又解脫者能伏憍慢譬

如大王慢於小王解脫不尔如是解脫即是如來如來者即是法也又解脫者伏諸放逸謂放逸者多有貪欲真解脫中無有是名無是名者即真解脫真解脫者即是如來又解脫者能除無明如上妙酥除諸滓穢乃名醍醐解脫亦尔除无明滓生於真明如是真明即真解脫真解脫者即是如來又解脫者名為寂靜純一無二如空野鳥獨一無侶解脫亦尔獨一无二獨一無二即真解脫真解脫者即是如來又解脫者名為堅實如竹葦蟬麻莖幹空虛而子堅實除佛如來其餘人天皆不堅實真解脫者遠離一切諸有流等如是解脫即是如來又解脫者名能覺了增益於我真解脫者亦復如是如是解脫即是如來又解脫者名捨諸有譬如有人食已而吐解脫亦尔捨於諸有捨諸有者即真解脫真解脫者即是如來又解脫者名曰決定如婆師花香七葉中无解脫亦尔如是解脫即是如來又解脫者名曰水大譬如水大於諸

大勝能潤一切草木穀子解脫亦亦
能潤一切有生之類如是解脫即是
如來又解脫者名曰為入如有門戶
則通入路金性之處金則可得解脫
亦亦如彼門戶修無我者則得入中
如是解脫即是如來又解脫者名曰
為善辭如弟子隨逐於師善奉教勅
得名為善解脫亦亦如是解脫即是
如來又解脫者名出世法於一切法
最為出過如眾味中酥乳家勝解脫
亦亦如是解脫即是如來又解脫者
名曰不動辭如門閭風不能動真解
脫者亦復如是如是解脫即是如來
又解脫者名無濤波如彼大海其水
濤波解脫不亦如是解脫即是如來
又解脫者辭如宮殿解脫亦亦當知
解脫即是如來又解脫者名曰所用
如閭浮檀金多有所任無有能說是
金過惡解脫亦亦无有過惡无有過
惡即真解脫真解脫者即是如來又
解脫者捨嬰兒行辭如大人捨小兒
行解脫亦亦除捨五陰除捨五陰即
真解脫真解脫者即是如來又解脫

者名曰究竟如被繫者從繫得脫洗浴清淨然後還家解脫亦今畢竟清淨畢竟清淨即真解脫真解脫者即是如來又解脫者名無作樂無作樂者貪欲瞋恚愚癡故喻如有人誤飲蛇毒為除毒故即服吐藥既得吐已毒即除愈身得安樂解脫亦今吐於煩惱諸結縛毒身得安樂名無作樂無作樂者即真解脫真解脫者即是如來又解脫者名斷四種毒蛇煩惱斷煩惱者即真解脫真解脫者即是如來又解脫者名離諸有滅一切苦得一切樂永斷貪欲瞋恚愚癡拔斷一切煩惱根本拔根本者即真解脫真解脫者即是如來又解脫者名斷一切有為之法出生一切無漏善法斷塞諸道所謂若我无我非我非无我唯斷取者不斷我見我見者名為佛性佛性者即真解脫真解脫者即是如來又解脫者名不空空空空者名無所有無所有者即是外道及犍子等所計解脫而是足犍實无解脫故名空空真解脫者則不如是故

不空空不空空者即真解脫真解脫者即是如來又解脫者名空不空如水酒酪酥蜜等瓶雖无水酒酪酥蜜時猶故得名為水等瓶而是瓶等不可說空及以不空若言空者則不得有色香味觸若言不空而復無有水酒等實解脫亦亦不可說色及以非色不可說空及以不空若言空者則不得有常樂我淨若言不空誰受是常樂我淨者以是義故不可說空及以不空空者謂无二十五有及諸煩惱一切苦一切相一切有為行如瓶无酪則名為空不空者謂真實善色常樂我淨不動不變猶如彼瓶色香味觸故名不空是故解脫喻如彼瓶彼瓶遇緣則有破壞解脫不亦不可破壞不可破壞即真解脫真解脫者即是如來又解脫者名曰離愛辟如有人愛心怖瑩釋提桓因大梵天王自在天王解脫不亦若得成於阿耨多羅三藐三菩提已无愛無疑无愛無疑即真解脫真解脫者即是如來若言解脫有愛疑者无有是處又解

脫者斷諸有貪斷一切相一切繫縛一切煩惱一切生死一切因緣一切果報如是解脫即是如來如來即是涅槃一切衆生怖畏生死諸煩惱故故受三歸譬如羣鹿怖畏獵師既得免離若得一跳則喻一歸如是二跳則喻三歸以三跳故得受安樂衆生亦亦怖畏四魔惡獵師故受三歸依三歸依故則得安樂受安樂者即真解脫真解脫者即是如來如來者即是涅槃涅槃者即是无盡無盡者即是佛性佛性者即是決定決定者即是一義者云何說言有三歸依佛告迦葉善男子一切衆生怖畏生死故求三歸以三歸故則知佛性決定涅槃善男子有法名一義異有法名義俱異名一義異者佛常法常比丘僧常涅槃虛空皆亦是常是名名一義異名義俱異者佛名為覺法名不覺僧名和合涅槃名解脫虛空名非善亦名无尋是為名義俱異善男子三

歸依者亦復如是名義俱異云何為

涅槃經第五卷 阿含經

八

一是故我告摩訶波闍波提憍曇彌
莫供養我當供養僧若供養僧則得
具足供養三歸摩訶波闍波提即答
我言衆僧之中无佛無法云何說言
供養衆僧則得具足供養三歸我復
告言汝隨我語則供養佛為解脫故
即供養法衆僧受者則供養僧善男
子是故三歸不得為一善男子如來
或時說一為三說三為一如是之義諸
佛境界非是聲聞緣覺所知迦葉復
言如佛所說畢竟安樂名涅槃者是
義云何夫涅槃者捨身捨智若捨身
智誰當受樂佛言善男子譬如有人
食已心悶出外欲吐既得吐已而復
迴還同伴問之汝今所患竟為老不
而復來還答言已老身得安樂如來
亦尔畢竟遠離二十五有永得涅槃
安樂之處不可動轉無有盡滅斷一
切受名無受樂如是无受名為常樂
若言如來有受樂者无有是處是故
畢竟樂者即是涅槃涅槃者即真解
脫真解脫者即是如來

迦葉復言不生不滅是解脫耶如是如是善男子不生不滅即是解脫如是解脫即是如來迦葉復言若不生不滅是解脫者虛空之性亦無生滅應是如來如來性即是解脫

佛告迦葉善男子是事不然世尊何故不然善男子如迦蘭伽鳥及命命鳥其聲清妙寧可同於烏鵲音不不也世尊烏鵲之聲比命命等百千万倍不可為比迦葉復言迦蘭伽等其聲微妙身亦不同如來云何比之烏鵲無異葶苈比須弥山佛與虛空亦復如是迦蘭伽聲可喻佛聲不可以喻烏鵲之音今時佛讚迦葉菩薩言善哉善哉善男子汝今善解甚深難解如來有時以因緣故引彼虛空以喻解脫如是解脫即是如來真解脫者一切人天無能為足而此虛空實非其喻為化衆生故以虛空非喻為喻當知解脫即是如來如來之性即是解脫解脫如來無二无別善男子非喻者如無比之物不可引喻有因緣故可得引喻如經中說面貌端正

猶月盛滿江勝經卷五者云下云白爲鮮潔猶如雪山滿月

不得即同於面雪山不得即是白鳥
善男子不可以喻喻真解脫爲化衆
生故作喻耳以諸譬喻知諸法性皆
亦如是

迦葉復言云何如來作二種說佛言
善男子譬如有人執持刀劍以瞋恚
心欲害如來如來和悅無恚恨色是
人當得壞如來身成逆罪不不也世
尊何以故如來身界不可壞故所以
者何以無身聚唯有法性法性之性
理不可壞是人云何能壞佛身直以
惡心故成无間以是因緣引諸譬喻
得知實法今時佛讚迦葉菩薩善哉
善哉善男子我所欲說汝今已說又
善男子譬如惡人欲害其母住於野
田在穀積下母爲送食其人見已尋
生害心便前磨刀母時知已逃入積
中其人持刀遶積遍斫斫已歡喜生
已殺想其母尋後從穀積出還至家
中於意云何是人成就无間罪不不
也世尊不可定說何以故若說有罪
母身應壞身若不壞云何言有若說

無罪生已殺想心懷歡喜云何言無
是人雖不具足逆罪而亦是逆以是
因緣引諸譬喻得知實法佛讚迦葉
善哉善哉善男子以是因緣我說種
種方便譬喻以喻解脫雖以無量阿
僧祇喻而實不可以喻為比或有因
緣亦可喻說或有因緣不可喻說是
故解脫成就如是無量功德趣涅槃
者涅槃如來亦有如是無量功德以
如是等元量功德成就滿故名大涅
槃迦葉菩薩白佛言世尊我今始知
如來至處為无有盡處若無盡當知
壽命亦應無盡佛言善哉善哉善男
子汝今善能護持正法若有善男子
善女人欲斷煩惱諸結縛者當作如
是護持正法

大般涅槃經卷第五

王寅歲高麗國大藏部監
勅彫造

大般涅槃經卷第六

選

北涼天竺三藏曇無讖譯

如來性品第四之三

善男子是大涅槃微妙經中有四種人能護正法建立正法憶念正法能多利益憐愍世間為世間依安樂人天何等為四有人出世具煩惱性是名第一須陀洹人斯陀含人是名第二阿那含人是名第三阿羅漢人是名第四是四種人出現於世能多利益憐愍世間為世間依安樂人天云何名為具煩惱性若有人能奉持禁戒威儀具足建立正法從佛所聞解其文義轉為他人分別宣說所謂少欲是道多欲非道廣說如是八大人覺有犯罪者教令發露懺悔滅除善知菩薩方便所行秘密之法是名凡夫非第八人第八人者不名凡夫名為菩薩不名為佛

第二人者名須陀洹斯陀含若得正法受持正法從佛聞法如其所聞聞已書寫受持讀誦轉為他說若聞法

已不寫不受不持不說而言奴婢不淨之物佛聽畜者無有是處是名第二人如是之人未得第二第三住處名為菩薩已得受記

第三人者名阿那含阿那含者誹謗正法若言聽畜奴婢僕使不淨之物受持外道典籍書論及為客塵煩惱所障諸舊煩惱之所覆蓋若藏如來真實舍利及為外病之所惱害或為四大毒蛇所侵論說我者患無是處若說无我斯有是處說著世法无有是處若說大乘相續不絕斯有是處若所受身有八万虫亦無是處永離婬欲乃至夢中不失不淨斯有是處臨終之日生怖畏者亦無是處阿那含者為何謂也是人不還如上所說所有過患永不能汙往返周旋名為菩薩已得受記不久得成阿耨多羅三藐三菩提是則名為第三人也

第四人者名阿羅漢阿羅漢者斷諸煩惱捨於重擔遠得已利所作已辦住第十地得自在智隨人所樂種種色像悉能示現如所莊嚴欲成佛道

即能得成能成如是無量功德名阿
羅漢是名四人出現於世能多利益
憐愍世間為世間依安樂人天於人
天中取尊取勝猶如如來名人中勝
為歸依處

迦葉白佛言世尊我今不依是四種
人何以故如瞿師羅經中佛為瞿師
羅說若天魔梵為欲破壞變為佛像
具足莊嚴三十二相八十種好圓光
一尋面部圓滿猶月盛明眉間毫相
白踰珂雪如是莊嚴來向汝者汝當
檢校定其虛實既覺知已應當降伏
世尊魔等尚能變作佛身況當不能
作羅漢等四種之身坐卧空中左脇
出水右脇出火身出烟炎猶如火聚
以是因緣我於是中心不生信或有
所說不能稟受亦无敬念而作依止
佛言善男子於我所說若生疑者尚
不應受況如是等是故應當善分別
知是善不善可作不可作如是作已
長夜受樂善男子譬如偷狗夜入人
舍其家婢使若覺知者即應驅罵汝
亦出去若不出者當奪汝命偷狗聞

之即去不還汝等從今亦應如是降
伏波旬應作是言波旬汝今不應作
如是像若故作者當以五繫繫縛於
汝魔聞是已便當還去如彼偷狗更
不復還

迦葉白佛言世尊如佛為瞿師羅長
者說若能如是降伏魔者亦可得近
大般涅槃如來何必說是四人為依
止處如是四人所言說未必可信
佛告迦葉善男子如我所說亦復如
是非為不尔善男子我為聲聞有肉
眼者說言降魔不為修學大乘人說
聲聞之人雖有天眼故名肉眼學大
乘者雖有肉眼乃名佛眼何以故是
大乘經名為佛乘而此佛乘寂上寂
勝善男子譬如有人勇健威猛有怯
弱者常來依附其勇健人常教怯者
汝當如是持弓執箭修學稍道長鉤
羅索又復告言夫鬪戰者雖如履刃
不應生於怖畏之想當視人天生輕
弱想應自生心作勇健想或時有人
素無膽勇詐作健相執持弓刀種種
器仗以自莊嚴未至陣中唱呼大喚

汝於是人亦復不應生於憂怖如是
華人若見汝時不怖畏者當知是人
不久散壞如彼偷狗善男子如來亦
亦告諸聲聞汝等不應畏魔波旬若
魔波旬化作佛身至汝所者汝當精
勤堅固其心降伏於魔時魔即當愁
憂不樂復道而去善男子如彼健人
不從他習學大乘者亦復如是得聞
種種深密經與其心欣樂不生驚怖
何以故如是修學大乘之人已曾供
養恭敬礼拜過去無量萬億佛故雖
有無量億千萬魔衆欲來侵燒於是事
中終不驚畏善男子譬如有人得阿
竭陀藥不畏一切毒虵等畏是藥力
故亦能消除一切毒等是大乘經亦
復如是如彼藥力不畏一切諸魔毒
等亦能降伏令更不起

復次善男子譬如龍性甚妬慙欲
害人時或以眼視或以氣嗔是故一
切師子虎豹豺狼狗犬皆生怖畏是
等惡獸或聞聲見形或觸其身無不
喪命有善呪者以呪力故能令如是
諸惡毒龍金翅鳥等惡爲師子虎豹

豺狼皆志調善任為御乘如是等獸
見彼善呪即便調伏聲聞緣覺亦復
如是見魔波旬皆生恐怖而魔波旬
亦復不生畏懼之心猶行魔業學大
乘者亦復如是見諸聲聞怖畏魔事
於此大乘不生信樂先以方便降伏
諸魔志令調善堪任為乘因為廣說
種種妙法聲聞緣覺見調魔已不生
怖畏於此大乘無上正法方生信樂
作如是言我等從今不應於此正法
之中而作障導

復次善男子聲聞緣覺於諸煩惱而
生怖畏學大乘者都無恐懼修學大
乘有如是力以是因緣先所說者為
欲令彼聲聞緣覺調伏諸魔非為大
乘是大涅槃微妙經典不可消伏甚
奇甚特若有聞者聞已信受能信如
來是常住法如是之人甚為希有如
優曇花我涅槃後若有得聞如是大
乘微妙經典生信敬心當知是等於
未來世百千億劫不墮惡道

今時佛告迦葉菩薩善男子我涅槃
後當有百千元量衆生誹謗不信是

大涅槃微妙經典迦葉菩薩復白佛
言世尊是諸衆生於佛滅後久近便
當誹謗是經世尊復有何等純善衆
生當能拔濟是謗法者

佛告迦葉善男子我般涅槃後四十
年中於閻浮提廣行流布然後乃當
隱沒於地善男子譬如甘蔗稻米石
蜜乳酥醍醐隨有之處其土人民皆
言是味味中第一或復有人純食粟
米及以稗子是人亦言我所食者寧
為第一是薄福人受業報故若是福
人耳初不聞粟稗之名所食唯是粳
粳甘蔗石蜜醍醐是大涅槃微妙經
典亦復如是鈍根薄福不樂聽聞如
彼薄福憎惡粳粳及石蜜等二乘之
人亦復如是憎惡無上大涅槃經或
有衆生其心甘樂聽受是經聞已歡
喜不生誹謗如彼福人食於稻糧
善男子譬如王居在山中險難惡
處雖有甘蔗稻糧石蜜以其難得貪
惜積聚不敢取食懼其有盡唯食粟
稗有異國王聞之憐笑即以車載稻
糧甘蔗而送與之其王得已即便分

張舉國共食民既食已皆生歡喜咸
作是言因彼王故令我得是希有之
食善男子是四種人亦復如是為此無
上大法之將是四種中或有一人見
於他方無量菩薩雖學如是大乘經
典若自書寫者令他書為利養故為
稱譽故為了法故為依止故為用博
易其餘經故不能廣為他人宣說是
故持是微妙經典送至彼方與彼菩
薩令發無上菩提之心安住菩提而
是菩薩得是經已即便廣為他人演說
令無量衆得受如是大乘法味皆悉
是此一菩薩力所未聞經志令得聞
如彼人民因王力故得希有食又善
男子是大涅槃微妙經典所流布處
當知其地即是金剛是中諸人亦如
金剛若有能聽如是經者即不退轉
於阿耨多羅三藐三菩提隨其所願
悉得成就如我今日所可宣說汝等
比丘應善受持若有衆生不能聽聞
如是經典當知是人甚可憐愍何以
故是人不能受持如是大乘經典甚
深義故

迦葉菩薩白佛言世尊如來滅後四十年中是大乘典大涅槃經於閻浮提廣行流布過是已後沒於地者却後久近復當還出

佛言善男子若我正法餘八十年前四十年是經復當於閻浮提雨大法雨

迦葉菩薩復白佛言世尊如是經典正法滅時正戒毀時非法增長時無如法衆生時誰能聽受奉持讀誦令其通利供養恭敬書寫解說唯願如來憐愍衆生分別廣說令諸菩薩聞已受持持已即得不退阿耨多羅三藐三菩提心

今時佛讚迦葉善哉善哉善男子汝今善能問如是義善男子若有衆生於黑連河沙等諸佛所發菩提心乃能於是惡世受持如是經典不生誹謗善男子若有能於一恒河沙等諸佛世尊發菩提心然後乃能於惡世中不謗是法愛樂是典不能為人分別廣說善男子若有衆生於二恒河沙等佛所發菩提心然後乃能於惡

世中不謗是法正解信樂受持讀誦
亦不能為他人廣說若有衆生於三
恒河沙等佛所發菩提心然後乃能
於惡世中不謗是法受持讀誦書寫
經卷雖為他說未解深義若有衆生
於四恒河沙等佛所發菩提心然後
乃能於惡世中不謗是法受持讀誦
書寫經卷為他廣說十六分中一分
之義雖復演說亦不具足若有衆生
於五恒河沙等佛所發菩提心然後
乃能於惡世中不謗是法受持讀誦
書寫經卷廣為人說十六分中八分
之義若有衆生於六恒河沙等佛所
發菩提心然後乃能於惡世中不謗
是法受持讀誦書寫經卷為他廣說
十六分中十二分義若有衆生於七
恒河沙等佛所發菩提心然後乃能
於惡世中不謗是法受持讀誦書寫
經卷為他廣說十六分中十四分義
若有衆生於八恒河沙等佛所發菩
提心然後乃能於惡世中不謗是法
受持讀誦書寫經卷亦勸他人令得
書寫目能聽受復勸他人令得聽受

讀誦通利擁護堅持憐愍世間諸衆
生故供養是經亦勸他人令其供養
恭敬尊重讀誦禮拜亦復如是具足
能解盡其義味所謂如來常住不變
畢竟安樂廣說衆生悉有佛性善知
如來所有法藏供養如是諸佛等已
建立如是無上正法受持擁護若有
始發阿耨多羅三藐三菩提心當知
是人未來之世必能建立如是正法
受持擁護是故汝今不應不知未來
世中護法之人何以故是發心者於
未來世必能護持無上正法善男子
有惡比丘聞我涅槃不生憂愁今日
如來入般涅槃何期快哉如來在世
遮我等利今入涅槃誰復當有遮奪
我者若無遮奪我則還得如本利養
如來在世禁戒嚴峻今入涅槃悉當
放捨所受袈裟本為法式今當廢壞
如木頭幡如是等人誹謗拒逆是大
乘經善男子汝今應當如是憶持若
有衆生成就具足無量功德乃能信
是大乘經典信已受持其餘衆生有
樂法者若能廣為解說此經其人聞

已過去無量阿僧祇劫所作惡業皆
悉除滅若有不信是經典者現身當
為無量病苦之所惱害多為衆人所
見罵辱命終之後人所輕賤顏貌醜
陋資生艱難常不供足雖復少得處
遘弊惡生生常處貧窮下賤誹謗正
法邪見之家若臨終時或值荒亂刀
兵競起帝王暴虐怨家讎隙之所侵
逼雖有善友而不遭遇資生所須求
不能得雖少得利常患飢渴唯為凡
下之所顧識國王大臣悉不齒錄設
復聞其有所宣說正使是理終不信
受如是之人不至善處如折翼鳥不
能飛行是人亦合於未來世不能得
至人天善處若復有人能信如是大
乘經典本所受形雖復處陋以經功
德即便端正威顏色力日更增多常
為人天之所樂見恭敬愛戀情無捨
離國王大臣及家親屬聞其所說悉
皆敬信若我聲聞弟子之中欲行第
一希有事者當為世間廣宣如是大
乘經典

善男子譬如霧露勢雖欲住不過日

出日既出已消滅無餘善男子是諸
衆生所有惡業亦復如是住世勢力
不過得見大涅槃日是日既出悉能
除滅一切惡業

復次善男子譬如有人出家剃髮雖
服袈裟故未得受沙彌十戒或有長
者來請衆僧未受戒者即與大衆俱
共受請雖未受戒已隨僧數善男子
若有衆生發心始學是大乘典大涅
槃經書持讀誦亦復如是雖未具足
位階十住則已墮於十住數中或有
衆生是佛弟子或非弟子若因貪怖
或因利養聽受是經乃至一偈聞已
不謗當知是人則為已近阿耨多羅
三藐三菩提善男子以是因緣我說
四人為世間依善男子如是四人若
以佛說言非佛說無有是處是故我
說如是四人為世間依善男子汝應
供養如是四人世尊我當云何識知
是人而為供養
佛告迦葉若有建立護持正法如是
之人應從啓請當捨身命而供養之
如我於是大乘經說

有知法者

若老若少

故應供養

恭敬禮拜

猶如事火

婆羅門等

有知法者

若老若少

故應供養

恭敬禮拜

亦如諸天

奉事帝釋

迦葉菩薩白佛言世尊如佛所說供

養師長正應如是今有所疑唯願廣

說若有長宿護持禁戒從年少邊諮

受未聞云何是人當禮敬不若當禮

敬是則不名為持戒也若是年少護

持禁戒從諸宿舊破戒人邊諮受未

聞復應禮不若出家人從在家人諮

受未聞復當禮不然出家人不應禮

敬在家人也然佛法中年少幼小應

當恭敬耆舊長宿以是長宿先受具

戒成就威儀是故應當供養恭敬如

佛言曰其破戒者是佛法中所不容

受猶如良田多有穉穉又如佛說有

知法者若老若少故應供養如事帝

釋如是二句其義云何將非如來虛

妄說耶如佛言曰持戒比丘亦有所

犯何故如來而作是說世尊亦於餘

經中說聽治破戒如是所說其義未了

佛告迦葉善男子我為未來諸菩薩

等學大乘者說如是偈不為聲聞弟子說也善男子如我先說正法滅已毀正戒時增長破戒非法盛時一切聖人隱不現時受畜奴婢不淨物時是四人中當有一人出現於世剷除鬚髮出家修道見諸比丘各各受畜奴婢僕使不淨之物淨與不淨一切不知是律非律亦復不識是人為欲調伏如是諸比丘故與共和光不同其塵自所行處及佛行處善能別知雖見諸人犯波羅夷默然不舉何以故我出於世為欲建立護持正法是故默然而不舉處善男子如是之人為護法故雖有所犯不名破戒善男子如有國三遇病崩亡儲君稚小未任紹繼有旃陀羅豐饒財寶巨富無量多有眷屬自以強力伺國虛弱篡居三位治化未久國人居士婆羅門等三數逃走遠投他國雖有在者乃至不欲眼見是王或有長者婆羅門等不離本土譬如諸樹隨其生處即是中死旃陀羅王知其國人逃殺者衆尋即還遣諸旃陀羅守邏諸

道復於七日擊鼓唱令諸婆羅門有能為我作灌頂師者當以半國而為爵賞諸婆羅門聞是語已悉無來者各作是言何處當有婆羅門種作如是事旃陀羅王復作是言婆羅門中若無一人為我師者我要當令諸婆羅門與旃陀羅共住食宿同其事業若有能來灌我頂者半國之封此言不虛呪術所致三十三天上妙甘露不死之藥亦當共分而服食之

爾時有一婆羅門子在弱冠修治淨行長髮為相善知呪術往至王所白言大王王所勅使我志能為爾時大王心生歡喜受此童子作灌頂師諸婆羅門聞是事已皆生瞋恚責此童子汝婆羅門云何乃作旃陀羅師爾時其王即分半國與是童子因共治國經歷多時爾時童子語其王言我捨家法來作王師然教大王微密呪術而今大王猶不見親時王答言我今云何不親汝耶童子答言先王所有不死之藥猶未共食王言善哉善哉大師我實不知師若須者唯願

持去是時童子聞王語已即取歸家
請諸大臣而共食之諸臣食已即共
白王快哉大師有是甘露不死之藥
王既知已語其師言云何大師獨與
諸臣服食甘露而不見分今時童子
更以其餘雜毒之藥與王令服王既
服已須臾藥發悶亂躄地無所覺知
猶如死人今時童子立本儲君還以
為王作如是言師子御座法不應令
旃陀羅昇我從昔來未曾聞見旃陀
羅種而為王也若旃陀羅治國理民
无有是處汝今應還紹繼先王正法
治國今時童子經理是已復以解藥
與旃陀羅令其醒寤既醒寤已駭令
出國是時童子雖為是事猶故不失
婆羅門法其餘居士婆羅門等聞其
所作歎未曾有讚言善哉善哉仁者
善能駭遣旃陀羅王善男子我涅槃
後護持正法諸菩薩等亦復如是以
方便力與彼破戒假名受畜一切不淨
物僧同其事業今時菩薩若見有人
雖多犯戒能治毀禁諸惡比丘即往
其所恭敬禮拜四事供養經書什物

志以奉上如其自無要當方便從諸
檀越求覓而與為是事故應畜八種
不淨之物何以故是人為治諸惡比
丘如彼童子驢旃陀羅人時菩薩雖
復恭敬礼拜是人受畜八種不淨之
物志无有罪何以故以是菩薩為欲
損治諸惡比丘令清淨僧得安隱住
流布方等大乘經典利益一切諸天
人故善男子以是因緣我於經中說
是二偈令諸菩薩皆共讚嘆護法之
人如彼居士婆羅門等稱讚童子善
哉善哉護法菩薩正應如是若有人
見護法之人與破戒者同其事業說
有罪者當知其入自受其殃是護法
者實無有罪善男子若有比丘犯禁
戒已慙悔心故覆藏不悔當知是人
名真破戒菩薩摩訶薩為護法故雖
有所犯不名破戒何以故以無慙悔
發露悔故善男子是故我於經中覆
相說如是偈

有知法者 若老若少 故應供養
恭敬礼拜 猶如事火 婆羅門等
如第二天 奉事帝釋

以是因緣我亦不為學聲聞人但為菩薩而說是偈

迦葉菩薩白佛言世尊如是等菩薩摩訶薩於戒極緩本所受戒為具在不佛言善男子汝今不應作如是說何以故本所受戒如本不失設有所犯即應懺悔悔已清淨善男子如故堤塘穿穴有孔水則淋漏何以故無人治故若有人治水則不出菩薩亦亦雖與破戒共作布薩受戒自恣同其僧事所有戒律不如堤塘穿穴淋漏何以故若无清淨持戒之人僧則損減慢緩懈怠日有增長若有清淨持戒之人即能具足不失本戒善男子於乘緩者乃名為緩於戒緩者不名為緩菩薩摩訶薩於此大乘心不懈慢是名本戒為護正法以大乘水而自澡浴是故菩薩雖現破戒不名為緩迦葉菩薩白佛言眾僧之中有四種人如菴羅果生熟難知破戒持戒云何可識

佛言善男子因大涅槃微妙經典則易可知云何因是大涅槃經可得知

耶。譬如田夫種稻穀等。芸除稗糲。以肉眼觀。名為淨田。至其成實。草穀各異。如是八事。能汙染僧。若能除却。以肉眼觀。則知清淨。若有持戒破戒。不作惡時。以肉眼觀。難可分別。若惡彰露。則易可知。如彼稗糲。易可分別。僧中亦尔。若能遠離於八不淨。毒蛇之法。是名清淨。聖衆福田。應為人天之所供養。清淨果報。非是肉眼所能分別。復次善男子。如迦羅迦林。其樹衆多。於是林中。唯有一樹。名鎮頭迦。是迦羅迦樹。鎮頭迦樹。二果相似。不可分別。其果熟時。有一女人。恚皆拾取。鎮頭迦果。纔有一分。迦羅迦果。乃有十分。是女不識。賣來詣市。而街賣之。凡愚小兒。復不別。故買迦羅迦果。取已。命終。有智人。輦聞是事。已。即問女人。婦於何處。持是果來。是時女人。即示方所。諸人即言。如是方所。多有無量迦羅迦樹。唯有一根。鎮頭迦樹。諸人知已。笑而捨去。善男子。大衆之中。八不淨法。亦復如是。於是衆中。多有受用如是八法。唯有一人。清淨持戒。不

受如是八不淨法而知諸人受畜非
法然與同事不相捨離如彼林中一
鎖頭迦樹有優婆塞見是諸人多有
非法併不恭敬供養是人若欲供養
應先問言大德如是八事為受畜不
佛所聽不若言佛聽如是之人得共
布薩羯磨自恣不是優婆塞如是問
已衆皆答言如是八事如來憐愍皆
悉聽畜優婆塞言祇洹精舍有諸比
丘或言金銀佛所聽畜或言不聽有
言聽者是不聽者不與共住說或自
恣乃至不共一河飲水利養之物悉
不共之汝等云何言佛聽許佛天中
天雖復受之汝等衆僧亦不應畜若
有受者乃至不應與共說或自恣羯
磨同其僧事若共說或自恣羯磨同
僧事者命終即當墮於地獄如彼諸
人食迦羅果已而便命終
復次善男子譬如城市有賣藥人有
妙甘藥出於雪山亦復多賣其餘雜
藥味甘相似時有諸人咸皆欲買然
不識別至賣藥所問言汝有雪山藥
不其賣藥人即答言有是人欺詐以

餘雜藥語買者言此是雪山甘好妙
藥時買藥者以肉眼故不能善別即
買持去復作是念我今已得雪山甘
藥迦葉若聲聞僧中有假名僧有真
實僧有和合僧若持戒破戒於是衆
中等應供養恭敬禮拜是優婆塞以
肉眼故不能分別喻如彼人不能分
別雪山甘藥誰是持戒誰是破戒誰
是真僧誰是假僧有天眼者乃能分
人不應給施禮拜供養若知是人受
畜八法亦復不應給施所須禮拜供
養若於僧中有破戒者不應以袈裟
袈因緣恭敬禮拜

迦葉菩薩復白佛言世尊善哉善哉
如來所說真實不虛我當頂受譬如
金剛珍寶異物如佛所說是諸比丘
當依四法何等為四依法不依人依
義不依語依智不依識依了義經不
依不了義經如是四法應當證知非
四種人

佛言善男子依法者即是如來大般
涅槃一切佛法即是法性是法性者

即是如來是故如來常住不變若復有言如來無常是人不知不見法性若不知見是法性者不應依止如上所說四人出世護持法者應當證知而為依止何以故是人善解如來微密深奧藏故能知如來常住不變若言如來無常變易無有是處如是四人即名如來何以故是人能解如來密語及能說故若有人能了知如來甚深密藏及知如來常住不變如是之人若為利養說言如來是無常者無有是處如是之人尚可依止何況不依是四人也依法者即是法性不依人者即是聲聞法性者即是如來聲聞者即是有為如來者即是常住有為者即是無常善男子若人破戒為利養故說言如來無常變易如是之人所不應依善男子是名定義依義不依語者義者名曰覺了覺了義者名不羸劣不羸劣者名曰滿足滿足義者名曰如來常住不變如來常住不變義者即是法常法常義者即是僧常是名依義不依語也何等

語言所不應依所謂諸論綺飾文辭
如佛所說無量諸經貪求无厭多奸
諛諂詐現親附現相求利經理白衣
為其執役又復唱言佛聽比丘畜諸
奴婢不淨之物金銀珍寶穀米倉庫
牛羊爲馬販賣求利於飢饉世憐愍
子故聽諸比丘儲貯陳宿手自作食
不受而取如是等語所不應依

依智不依識者所言智者即是如來
若有聲聞不能善知如來功德如是
之識不應依止若知如來即是法身
如是真智所應依止若見如來方便
之身言是陰界諸入所攝食所長養
亦不應依是故知識不可依止若復
有人作是說者及其經書亦不應依
依了義經不依不了義經不了義經
者謂聲聞乘聞佛如來深密藏處生
疑怖不知是藏出大智海猶如嬰
兒無所別知是則名為不了義也
了義者名為菩薩真實智慧隨於自
心无尋大智猶如大人無所不知是
名了義又聲聞乘名不了義无上大
乘乃名了義若言如來無常變易名

不了義若言如來常住不變是名了義聲聞所說應證知者名不了義菩薩所說應證知者名為了義若言如來食所長養是不了義若言常住不變易者是名了義若言如來入於涅槃如薪盡火滅名不了義若言如來入法性者是名了義聲聞乘法則不應依何以故如來為欲度衆生故以方便力說聲聞乘猶如長者教子半字善男子聲聞乘者猶如初耕未得果實如是名為不了義也是故不應依聲聞乘大乘法則應依止何以故如來為欲度衆生故以方便力說於大乘是故應依是名了義如是四依應當證知

復次依義者義名質直質直者名曰光明光明者名不羸劣不羸劣者名曰如來又光明者名為智慧質直者名為常住

如來常者名為依法法者名常亦名無邊不可思議不可執持不可繫縛而亦可見若有說言不可見者如是之人所不應依是故依法不依於人

若有人以微妙之語宣說無常如是之言所不應依是故依義不依於語依智者衆僧是常無為不變不畜八種不淨之物是故依智不依於識若有說言識作識受無和合僧何以故夫和合者名无所有无所有者云何言常是故此識不可依止

依了義者了義者名為知足終不詐現威儀清白憍慢自高貪求利養亦於如來隨宜方便所說法中不生執著是名了義若有能住如是等中當知是人則為已得住第一義是故名為依了義經

不依不了義不了義者如經中說一切燒燃一切無常一切皆苦一切皆空一切无我是名不了義何以故以不能了如是義故令諸衆生墮阿鼻獄所以者何以取著故於義不了一切燒者謂如來說涅槃亦燒一切無常者涅槃亦无常苦空无我亦復如是是故名為不了義經不應依止善男子若有人言如來憐愍一切衆生善知時宜以知時故說輕為重說重

為輕如米觀知所有弟子有諸檀越
供給所須令無所乏如是之人佛則
不聽受畜奴婢金銀財寶販賣市易
不淨物等若諸弟子无有檀越供給
所須時世飢饉飲食難得為欲建立
護持正法我聽弟子受畜奴婢金銀
車乘田宅穀米賣易所須雖聽受畜
如是等物要當淨施為信檀越如是
四法所應依止若有戒律阿毗曇修
多羅不違是四亦應依止若有說言
有時非時有能護法不能護法如來
悉聽一切比丘受畜如是不淨物者
如是之言不應依止若有戒律阿毗
曇修多羅中有同是說如是三分亦
不應依我為肉眼諸衆生等說是四
依終不為於有慧眼者是故我今說
是四依法者即是法性義者即是如
來常住不變智者了知一切衆生悉
有佛性了義者了達一切大乘經典
大般涅槃經卷第六

壬寅歲高麗國大藏都監奉
勅彫造

大般涅槃經卷第七

迦

北涼天竺三藏曇無讖譯

如來性品第四之四

今時迦葉白佛言世尊如上所說四種人等應當依耶

佛言如是如是善男子如我所說應當依止何以故有四魔故何等為四如魔所說諸餘經律能受持者

迦葉菩薩白佛言世尊如佛所說有四種魔若魔所說及佛所說我當云何而得分別有諸衆生隨逐魔行復有隨順佛所教者如是等輩復云何知佛告迦葉我般涅槃七百萬歲後是魔波旬漸當沮壞我之正法譬如獵師身服法衣魔王波旬亦復如是作比丘像比丘尼像優婆塞像優婆夷像亦復化作須陀洹身乃至化作阿羅漢身及佛色身魔王以此有漏之形作无漏身壞我正法是魔波旬壞正法時當作是言菩薩昔於兜率天上沒來在此迦毗羅城白淨王宮依因父母愛欲和合生育是身若言有人

生於人中為諸世間天人大眾所恭敬者无有是處又復說言往昔苦行種種布施頭目髓腦國城妻子是故今者得成佛道以是因緣為諸人天乳闍婆阿修羅迦樓羅緊那羅摩睺羅伽之所恭敬若有經律作是說者當知是魔之所說

善男子若有經律作如是言如來正覺久已成佛今方示現成佛道者為欲度脫諸眾生故示有父母依因愛欲和合而生隨順世間作是示現如是經律當知真是如來所說若有隨順魔所說者是魔眷屬若能隨順佛說經律即是菩薩

若有說言如來生時於十方面各行七步不可信者是魔所說

若復有說如來出世於十方面各行七步此是如來方便示現是名如來所說經律若有隨順魔所說者是魔眷屬若能隨順佛所說者即是菩薩若有說言菩薩生已父王使人將詣天祠諸天見已悉下禮敬是故名佛復有難言天者先出佛在於後云何

諸天禮敬於佛作是難者當知即是波旬所說

若有經言佛到天祠是諸天等摩醯首羅大梵天王釋提桓因皆悉合掌敬禮其足如是經律是佛所說若有隨順魔所說者是魔眷屬若能隨順佛所說者即是菩薩

若有經律說言菩薩為太子時以貪心故四方聘妻處在深宮五欲自娛歡悅受樂如是經律波旬所說

若有說言菩薩久已捨離貪心妻息之屬乃至不受三十三天上妙五欲如棄涕唾何況人欲剝除鬚髮出家修道如是經律是佛所說若有隨順魔經律者是魔眷屬若有隨順佛經律者即是菩薩

若有說言佛在舍衛祇陀精舍聽諸比丘受畜奴婢僕使牛羊象馬驢騾鷄猪狗金銀琉璃真珠頗梨車渠馬珊瑚虎珀珂貝璧玉銅鐵金銀大小銅盤所須之物耕田種植販賣市易儲積穀米如是衆事佛大慈故憐愍衆生皆聽畜之如是經律悉是

魔說

若有說言佛在舍衛祇陀精舍鄰梨樓鬼所住之處。今時如來因婆羅門字殺輕德及波斯匿王說言。比丘不應受畜金銀琉璃頗梨真珠車渠瑪瑙珊瑚虎珀珂貝璧玉奴婢僕使童男童女牛羊鳥馬驢騾雞猪狗等獸。銅鐵金銀大小銅槃種種雜色牀敷卧具資生所須。所謂屋宅耕田種植販賣市易。自手作食。自磨自舂。治身呪術調鷹方法。仰觀星宿推步盈虛。占相男女解夢吉凶。是男是女。非男非女。六十四能復有十八。惑人呪術種種工巧。或說世間无量俗事。散香末香塗香薰香。種種花鬘治髮方術。姦偽諂曲貪利无厭。愛樂憒鬧戲笑談說貪嗜魚肉。和合毒藥治押香油捉持寶蓋。及以草屣造扇箱篋種種畫像。積聚穀米大小麦豆及諸果蓏。親近國王王子大臣及諸女人高聲大笑。或復默然於諸法中。多生疑惑多語妄說長短好醜。或言不善好著好衣。如是種種不淨之物。於施主前

躬自讚歎出入遊行不淨之處所謂
沽酒姪女博奕如是之人我今不聽
在比丘中應當休道還俗役使譬如
穉穉悉滅无餘當知是等經律所制
悉是如來之所說也若有隨順魔所
說者是魔眷屬若有隨順佛所說者
即是菩薩

若有說言菩薩為欲供養天神故入
天祠所謂梵天大自在天遍陀天迦
旃延天所以入者為欲調伏諸天人
故若言不尔无有是處若言菩薩不
能入於外道邪論知其威儀文章伎
藝僕使聞諍不能和合不為男女國
王大臣之所恭敬又亦不知和合諸
藥以不知故乃名如來如其知者是
邪見輩又復如來於怨親中其心平
等如以刀割及香塗身於此二人不
生增益損減之心唯能處中故名如
來如是經律當知是魔之所說也
若有說言菩薩如是示入天祠外學
法中出家修道示現知其威儀禮節
能解一切文章伎藝示入書堂伎巧
之處能善和合僕使聞諍於諸大眾

童男童女後宮妃后人民長者婆羅門等王及大臣貧窮等中家尊卑上復為是等之所恭敬亦能示現如是等事雖處諸見不生愛心猶如蓮花不受塵垢為度一切諸衆生故善行如是種種方便隨順世法如是經律當知即是如來所說若有隨順魔所說者是魔眷屬若能隨順佛所說者是大菩薩若有說言如來為我解說經律若惡法中輕重之罪及偷蘭遮其性皆重我等律中終不為之我久忍受如是之法汝等不信我當云何自捨已律就汝律耶汝所有律是魔所說我等經律是佛所制如來先說九部法印如是九印印我經律初不聞有方等經典一句一字如來所說無量經律何處有說方等經耶如是等中未曾聞有十部經名如其有者當知必定調達所作調達惡人以滅善法造方等經我等不信如是等經是魔所說何以故破壞佛法相是非故如是之言汝經中有我經中無我經律中如來說言我涅槃後惡世當

有不正經律所謂大乘方等經典未
來之世當有如是諸惡比丘我又說
言過九部經有方等典若有人能了
知其義當知是人正了經律遠離一
切不淨之物微妙清淨猶如滿月若
有說言如來雖為一一經律說如恒
河沙等義味我律中無將知為無如
其有者如來何故於我律中而不解
說是故我今不能信受當知是人則
為得罪是人復言如是經律我當受
持何以故當為我作知足少欲斷除
煩惱智慧涅槃善法因故如是說者
非我弟子

若有說言如來為欲度衆生故說方
等經當知是人真我弟子若有不受
方等經者當知是人非我弟子不為
佛法而出家也即是邪見外道弟子
如是經律是佛所說若不如是是魔
所說若有隨順魔所說者是魔眷屬
若有隨順佛所說者即是菩薩

復次善男子若有說言如來不為無
量功德之所成就無常變異以得空
法宣說無我不順世間如是經律名

魔所說

涅槃經卷第七 第八經退

若有人言如來正覺不可思議亦為
無量阿僧祇等功德所成是故常住
无有變異如是經律是佛所說若有
隨順魔所說者是魔眷屬若有隨順
佛所說者即是菩薩

復有人言或有比丘實不毀犯波羅
夷罪衆人皆謂犯波羅夷如斷多羅
樹而是比丘實無所犯何以故我常
說言四波羅夷若犯一者猶如折石
不可還合若有自說得過人法是則
名為犯波羅夷何以故實無所得詐
現得相故如是之人退失人法是名
波羅夷所謂若有比丘少欲知足持
戒清淨住空閑處若王大臣見是比
丘生心念言謂得四辟漢即前讚歎恭
敬禮拜復作是言如是大師捨是身
已當得阿耨多羅三藐三菩提比丘
聞已即答王言我實未得沙門道果
王莫稱我已得道果唯願大王勿為
我說不知足法不知足者乃至謂得
阿耨多羅三藐三菩提皆默然受我
今若當默然受者當為諸佛之所呵

責知足之行諸佛所讚是故我欲終身歡樂奉修知足又知足者我定自知未得道果王稱我得我今不受故名知足時王答言大師實得阿羅漢果如佛無異尔時其王普皆宣告内外人民中宮妃后悉令皆知得沙門果是故咸令一切聞者心生敬信供養尊重如是比丘真是梵行清淨之人以是因緣普令諸人得大福德而是比丘實不毀犯波羅夷罪何以故前人自生歡喜之心讚歎供養故如是比丘當有何罪若有說言是人得罪當知是經是魔所說

復有比丘說佛秘藏甚深經典一切衆生皆有佛性以是性故斷無量億諸煩惱結即得成於阿耨多羅三藐三菩提除一闍提若王大臣作如是言比丘汝當作佛不作佛耶有佛性不比丘答言我今身中定有佛性成以不成未能審之王言大德如其不作一闍提者必成无疑比丘言尔實如王言是人雖言定有佛性亦復不犯波羅夷也復有比丘即出家時作

是思惟我今必定成阿耨多羅三藐三菩提如是之人雖未得成無上道果已為得福无量無邊不可稱計假使有人當言是人犯波羅夷一切比丘無不犯者何以故我於往昔八十億劫常離一切不淨之物少欲知足威儀成就善修如來無上法藏亦自定知身有佛性是故我今得成阿耨多羅三藐三菩提得名為佛有大慈悲如是經律是佛所說若有不能隨順是者是魔眷屬若能隨順是大菩薩

復有說言無四波羅夷十三僧殘二不定法三十捨墮九十一墮四懺悔法衆多學法七滅諍等無偷蘭遮五逆等罪及一闍提若有比丘犯如是等墮地獄者外道之人悉應生天何以故諸外道等无戒可犯是故如來示現怖人故說斯戒若言佛說我諸比丘若欲行婬應捨法服著俗衣裳然後行婬復應生念婬欲因緣非我過各如來在世亦有比丘習行婬欲得正解脫或命終後生於天上古今

有之非獨我作或犯四重或犯五戒
或行一切不淨律儀猶故而得真正
解脫如來雖說犯突吉羅如忉利天
日月歲數八百万歲墮在地獄亦是
如來示現怖人言波羅夷至突吉羅
輕重無差是諸律師妄作此言言是
佛制畢定當知非佛所說如是言說
是魔經律若復說言於諸戒中若犯
小戒乃至微細當受苦報無有齊限
如是知已防護自身如龜藏六若有
律師復作是言凡所犯戒都無罪報
如是之人不應親近如佛所說
若過一法 是名妄語 不見後世
無惡不造

是故不應親近是人我佛法中清淨
如是況復有犯偷蘭遮罪或犯僧殘
及波羅夷而非罪耶是故應當深自
防護如是等法若不守護更以何法
名為禁戒我於經中亦說有犯四波
羅夷乃至微細突吉羅等應當苦治
衆生若不護持禁戒云何當得見於
佛性一切衆生雖有佛性要因持戒
然後乃見因見佛性得成阿耨多羅

三藐三菩提九部經中无方等經是
故不說有佛性也經雖不說當知實
有若作是說當知是人真我弟子
迦葉菩薩白佛言世尊如上所說一
切衆生有佛性者九部經中所未曾
聞如其說有云何不犯波羅夷耶
佛言善男子如汝所說實不毀犯波
羅夷也善男子譬如有人說言大海
唯有七寶無八種者是人无罪若有
說言九部經中無佛性者亦復无罪
何以故我於大乘大智海中說有佛
性二乘之人所不知見是故說无不
得罪也如是境界諸佛所知非是聲
聞緣覺所及善男子若人不聞如來
甚深秘密藏者云何當知有佛性耶
何等名為秘密之藏所謂方等大乘
經典善男子有諸外道或說我常或
說我斷如來不尔亦說有我亦說無
我是名中道若有說言佛說中道一
切衆生悉有佛性煩惱覆故不知不
見是故應當勤修方便斷壞煩惱若
有能作如是說者當知是人犯四
重若不能作如是說者是則名為犯

波羅夷若有說言我已成就阿耨多
羅三藐三菩提何以故以有佛性故
有佛性者必定當成阿耨多羅三藐
三菩提以是因緣我今已得成就菩
提當知是人則名為犯波羅夷罪何
以故雖有佛性以未修習諸善方便
是故未見以未見故不能得成阿耨
多羅三藐三菩提善男子以是義故
佛法甚深不可思議迦葉菩薩白佛
言世尊有王問言云何比丘墮過
人法

佛告迦葉若有比丘為利養故為飲
食故作諸諛諂姦偽欺詐云何當令
諸世間人定實知我是乞士也以是
因緣令我大得利養名譽如是比丘
多愚癡故長夜常念我實未得四沙
門果云何當令諸世間人謂我已得
復當云何今諸優婆塞優婆夷等咸
共指我作如是言是人福德真是聖
人如是思惟正為求利非為求法行
來出入進止安詳執持衣鉢不失威
儀獨坐空處如阿羅漢今世間人咸
作是言如是比丘善好第一精勤苦

行修寂滅法以是因緣我當大得門
徒弟子諸人亦當大致供養衣服飲食卧具醫藥令多女人敬念愛重若有比丘及比丘尼作如是事墮過人法復有比丘為欲建立無上正法住空寂處非阿羅漢而欲令人謂是羅漢是好比丘是善比丘寂靜比丘令无量人生於信心以此因緣我得無量諸比丘等以為眷屬因是得教破戒比丘及優婆塞悉令持戒以是因緣建立正法光揚如來無上大事開顯方便等大乘法化度脫一切無量衆生善解如來所說經律輕重之義復言我今亦有佛性有經名曰如來秘藏於是經中我當必定得成佛道能盡無量億煩惱結廣為無量諸優婆塞說言汝等盡有佛性我之與汝俱當安住如來道地成阿耨多羅三藐三菩提盡無量億諸煩惱結作是說者是人不知墮過人法名為菩薩若言有犯毘舍離者忉利天上日月歲數八百万歲墮地獄中受諸罪報何況故犯偷蘭遮罪此大乘中若有比丘

犯偷蘭遮不應親近何等名為大乘
經中偷蘭遮罪若有長者造立佛寺
以諸花鬘用供養佛有比丘見花貫
中縷不問輒取犯偷蘭遮若知不知
亦如是犯若以貪心破壞佛塔犯偷
蘭遮如是之人不應親近若王大臣
見塔朽故為欲修補供養舍利於是
塔中或得珍寶即寄比丘比丘得已
自在而用如是比丘名為不淨多起
鬪諍善優婆塞不應親近供養恭敬
如是比丘名為無根名為二根名不
定根不定根者欲貪女時身即為女
欲貪男時身即為男如是比丘名為
惡根不名為男不名為女不名出家
不名在家如是比丘不應親近供養
恭敬於佛法中沙門法者應生悲心
覆育衆生乃至蟻子應施無畏是沙
門法遠離飲酒乃至麝香是沙門法
不得妄語乃至夢中不念妄語是沙
門法不生欲心乃至夢中亦復如是
是沙門法

迦葉菩薩白佛言世尊若有比丘夢
行姪欲是犯或不

佛言不也應於婬欲生臭穢想乃至
不生一念淨想遠離女人煩惱愛想
若夢行婬寤應生悔比丘乞食受供
養時應如飢世食子肉想若生婬欲
應疾捨離如是法門當知是佛所說
經律若有隨順魔所說者是魔眷屬
若能隨順佛所說者是名菩薩若有
說言佛聽比丘常翹一脚寂默不言
投洩赴火自墜高巖不避險難服毒
斷食卧灰土上自縛手足教害衆生
方道呪術旃陀羅子無根二根及不
定根身根不具如是等輩如來悉聽
出家為道是名魔說佛先聽食五種
牛味及以油蜜酪耆耶衣草屨等物
除是之外若有說言聽著摩訶楞伽
一切種子悉聽貯畜草木之屬皆有
壽命佛說是已便入涅槃若有經律
作是說者當知即是魔之所說我亦
不聽常翹一脚若為法故聽行住坐
卧又亦不聽服毒斷食五熱炙身繫
縛手足殺害衆生方道呪術珂貝為
牙以為草屨儲畜種子草木有命著
摩訶楞伽若言世尊作如是說當知

是為外道眷屬非我弟子我唯聽食
五種牛味及油蜜等聽著草屨憍奢
耶衣我說四大無有壽命若有經律
作是說者是名佛說若有隨順佛所
說者當知是等真我弟子若有不隨
佛所說者是魔眷屬若有隨順佛經
律者當知是人是大菩薩善男子魔
說佛說差別之相今已為汝廣宣分別
迦葉白佛言世尊我今始知魔說佛
說差別之相因是得入佛法深義佛
讚迦葉善哉善哉善男子汝能如是
曉了分別是名點慧

善男子所言苦者不名聖諦何以故
若言若是苦聖諦者一切牛羊驢馬
及地獄衆生應有聖諦善男子若復
有人不知如來甚深境界常住不變
微密法身謂是食身非是法身不知
如來道德威力是名為苦何以故以
不知故法見非法非法見法當知是
人必墮惡趣輪轉生死增長諸結多
受苦惱若有能知如來常住无有變
易或聞常住二字音聲若一經耳即
上天上後解脫時乃能證知如來常

住無有變易既證知己而作是言我
於往昔曾聞是義今得解脫方乃證
知我於本際以不知故輪轉生死周
遍無窮始於今日乃得真智若如是
知真是修苦多所利益若不知者雖
復勤修無所利益是名知苦名苦聖
諦若人不能如是修習是名為苦非
苦聖諦苦集諦者於真法中不生真
智受不淨物所謂奴婢能以非法言
是正法斷滅正法不令久住以是因
緣不知法性以不知故輪轉生死多
受苦惱不得生天及正解脫若有深
智不壞正法以是因緣得生天上及
正解脫若有不知苦集諦處而言正
法無有常住是滅法以是因緣於
元量劫流轉生死受諸苦惱若能知
法常住不異是名知集名集聖諦若
人不能如是修習是名為集非集聖
諦苦滅諦者若有多修習學空法是
為不善何以故滅一切法故壞於如
來真法藏故作是修學是名修空修
苦滅者逆於一切諸外道等若言修
空是滅諦者一切外道亦修空法應

有滅諦若有說言有如來藏雖不可見若能滅除一切煩惱今乃得入若發此心一念因緣於諸法中而得自在若有修習如來密藏無我空寂如是之人於無量世在生死中流轉受苦若有不作如是修者雖有煩惱疾能滅除何以故因知如來秘密藏故是名苦滅聖諦若能如是修習滅者是我弟子若有不能作如是修是名修空非滅聖諦道聖諦者所謂佛法僧寶及正解脫有諸衆生顛倒心言無佛法僧及正解脫生死流轉猶如幻化修習是見以此因緣輪轉三有久受大苦若能發心見於如來常住無變法僧解脫亦復如是乘此一念於無量世自在果報隨意而得何以故我於往昔以四倒故非法計法受於無量惡業果報我今已滅如是見故成佛正覺是名道聖諦若有人言三寶无常修習是見是虛妄修非道聖諦若修是法為常住者是我弟了真見修習四聖諦法是名四聖諦迦葉菩薩復白佛言世尊我今始知修

習甚深四聖諦法

涅槃經第七卷 第三十頌

三

佛告迦葉善男子謂四倒者於非苦中生於苦想名曰顛倒非苦者名為如來生苦想者謂於如來无常變異若說如來是無常者名大罪苦若言如來捨此苦身入於涅槃如薪盡火滅是名非苦而生苦想是名顛倒我若說言如來常者即是我見以我見故有無量罪是故應說如來无常如是說者我則受樂如來无常即為是苦若是苦者云何生樂以於苦中生樂想故名為顛倒樂生苦想名為顛倒樂者即是如來苦者如來無常若說如來是无常者是名樂中生於苦想如來常住是名為樂若我說言如來是常云何復得入於涅槃若言如來非是苦者云何捨身而取滅度以於樂中生苦想故名為顛倒是名初倒无常常想常无常想是名顛倒無常者名不修空不修空故壽命短促若有說言不修空寂得長壽者是名顛倒是名第二顛倒無我我想我無我想是名顛倒世間之人亦說有我

佛法之中亦說有我世間之人雖說
有我無有佛性是則名為於無我中
而生我想是名顛倒佛法有我即是
佛性世間之人說佛法無我是名我
中生无我想若言佛法必定无我是
故如來勅諸弟子修習無我名為顛
倒是名第三顛倒淨不淨想不淨淨
想是名顛倒淨者即是如來常住非
雜食身非煩惱身非是肉身非是筋
骨繫縛之身若有說言如來无常是
雜食身乃至筋骨繫縛之身法僧解
脫是滅盡者是名顛倒不淨淨想名
顛倒者若有說言我此身中無有一
法是不淨者以無不淨定當得入清
淨之處如來所說修不淨觀如是之
言是虛妄說是名顛倒是則名為第
四顛倒

迦葉菩薩白佛言世尊我從今日始
得正見世尊自是之前我等恙名邪
見之人世尊二十五有有我不耶
佛言善男子我者即是如來藏義一
切衆生恙有佛性即是我義如是我
義從本已來常為無量煩惱所覆是

故衆生不能得見善男子如貧女人
舍內多有真金之藏家人大小無有
知者時有異人善知方便語貧女人
我今雇汝汝可為我芸除草穢女即
答言我不能也汝若能示我子金藏
然後乃當速為汝作是人復言我知
方便能示汝子女人答言我家大小
尚自不知況汝能知是人復言我今
審能女人答言我亦欲見并可示我
是人即於其家掘出真金之藏女
人見已心生歡喜生奇特想宗仰是
人善男子衆生佛性亦復如是一切
衆生不能得見如彼寶藏貧人不知
善男子我今普示一切衆生所有佛
性為諸煩惱之所覆蔽如彼貧人有
真金藏不能得見如來今日普示衆
生諸覺寶藏所謂佛性而諸衆生見
是事已心生歡喜歸仰如來善方便
者即是如來貧女人者即是一切無
量衆生真金藏者即佛性也

復次善男子譬如女人生育一子嬰
孩得病是女愁惱求覓醫師醫師既
來合三種藥酥乳石蜜與之令服因

告女人見服藥已且莫與乳須藥消
已余乃與之是時女人即以苦物用
塗其乳母語兒言我乳毒塗不可復
觸小兒渴乏欲得母乳聞乳毒氣便
遠捨去遂至藥消母人以水淨洗其
乳嘆其子言來與汝乳是時小兒雖
復飢渴先聞毒氣是故不來母復語
言為汝服藥故以毒塗汝藥已消我
已洗竟汝便可來飲乳无苦是兒聞
已漸漸還飲善男子如來亦為度
一切教諸衆生修无我法如是修已
永斷我心入於涅槃為除世間諸妄
見故示現出過世間法故復示世間
計我虛妄非真實故修无我法清淨
身故喻如女人為其子故以苦味塗
乳如來亦為修空故說言諸法悉
无有我如彼女人淨洗乳已而喚其
子欲令還服我今亦說如來藏是
故比丘不應生怖如彼小兒聞母喚
已漸還飲乳比丘亦應自分別如
來秘藏不得不有

迦葉菩薩白佛言世尊實无有我何
以故嬰兒生時无所知曉若有我者

即生之日尋應有知以是義故定知
无我若定有我受生已後應無終殁
若使一切皆有佛性是常住者應無
壞相若无壞相云何而有利利婆羅
門毗舍首陀及旃陀羅畜生差別今
見業緣種種不同諸趣各異若定有
我一切衆生應无勝負以是義故定
知佛性非是常法若言佛性定是常
者何緣復說有煞盜婬兩舌惡口妄
言綺語貪恚邪見若我性常何故酒
後迷荒醉亂若我性常盲應見色聾
應聞聲瘖應能語拘蹙能行若我性
常不應避於火坑大水毒藥刀劍惡
人禽獸若我常者本所更事不應忘
失若不忘失何緣復言我曾何處見
是人耶若我常者則不應有少壯老
等衰盛力勢憶念往事若我常者止
住何處為在涕唾青黃赤白諸色中
耶若我常者應遍身中如胡麻油聞
無空處若斷身時我亦應斷佛告迦
葉善男子譬如王家有大力士其人
眉間有金剛珠與餘力士較力相撲
而彼力士以頭拉觸其額上珠尋沒

膚中都不自知是珠所在其處有瘡
即命良醫欲自療治時有明醫善知
方藥即知是瘡因珠入體是珠入皮
即便停住是時良醫尋問力士卿額
上珠為何所在力士驚答大師醫王
我額上珠乃无去耶是珠今者為何
所在將非幻化憂愁啼哭是時良醫
慰喻力士汝今不應生大愁苦汝因
闔時寶珠入體今在皮裏影現於外
汝曹闔時瞋恚毒盛珠陷入體故不
自知是時力士不信醫言若在皮裏
膿血不淨何緣不出若在筋裏不應
可見汝今云何欺誑於我時醫執鏡
以照其面珠在鏡中明了顯現力士
見已心懷驚怖生奇特想善男子一
切衆生亦復如是不能親近善知識
故雖有佛性皆不能見而為貪婬瞋
恚愚癡之所覆蔽故墮地獄畜生餓
鬼阿修羅旃陀羅利利婆羅門毗舍
首陀生如是等種種家中因心所起
種種業緣雖受人身盲盲瘖瘖拘蹙
癡跛於二十五有受諸果報貪婬瞋
恚愚癡覆心不知佛性如彼力士實

珠在體謂乎失去衆生亦令不知親近善知識故不識如來微密寶藏修學無我喻如非聖雖說有我亦復不知我之真性我諸弟子亦復如是不知親近善知識故修學無我亦復不知無我之處尚自不知無我真性况復能知有我真性善男子如來如是說諸衆生皆有佛性喻如良醫示彼力士金剛寶珠是諸衆生為諸無量億煩惱等之所覆蔽不識佛性若盡煩惱今時乃得證知了了如彼力士於明鏡中見其實寶珠善男子如來秘藏如是無量不可思議

復次善男子譬如雪山有一味藥名曰樂味其味極甜在深叢下人无能見有人聞香即知其地當有是藥過去往世有轉輪王於此雪山為此藥故在在處處造作木甬以接是藥是藥熟時從地派出集木甬中其味真正王既歿已其後是藥或醋或鹹或甜或苦或辛或淡如是一味隨其流處有種種異是藥真味停留在山猶如滿月凡人薄福雖以鑿斷加功困

苦而不能得復有聖王出現於世以
福因緣即得是藥真正之味善男子
如來秘藏其味亦介為諸煩惱叢林
所覆無明衆生不能得見一味者喻
如佛性以煩惱故出種種味所謂地
獄畜生餓鬼天人男女非男非女刹
利婆羅門毗舍首陀佛性雄猛難可
沮壞是故無有能殺害者若有殺者
則斷佛性如是佛性終不可斷性若
可斷无有是處如我性者即是如來
秘密之藏如是秘藏一切無能沮壞
燒滅雖不可壞然不可見若得成就
阿耨多羅三藐三菩提今乃證知以
是因緣無能殺者

迦葉菩薩復白佛言世尊若无殺者
應當无有不善之業

佛告迦葉實有殺生何以故善男子
衆生佛性住五陰中若壞五陰名曰
殺生若有殺生即墮惡趣以業因緣
而有刹利婆羅門等毗舍首陀及旃
陀羅若男若女非男非女二十五有
差別之相流轉生死非聖之人橫計
於我大小諸相猶如稗子或如米豆

乃至母指如是種種妄生憶想妄想之想無有真實出世我相名為佛性如是計我是名取善

復次善男子譬如有人善知伏藏即取利鑿斷地直下磐石沙礫直過无難唯至金剛不能穿徹夫金剛者所有刀斧不能沮壞善男子衆生佛性亦復如是一切論者天魔波旬及諸人天所不能壞五陰之相即是起作起作之相喻如石沙可穿可壞佛性者喻如金剛不可沮壞以是義故壞五陰者名為殺生善男子必定當知佛法如是不可思議

大般涅槃經卷第七

壬寅歲高麗國大藏都監奉

勅彫造

大般涅槃經卷第八

迦

北涼天竺三藏曇無讖譯

如來性品第四之五

善男子方等經者猶如甘露亦如毒藥迦葉菩薩復白佛言如來何緣說方等經譬如甘露亦如毒藥

佛言善男子汝今欲知如來秘藏真實義不如葉言今我今實欲得知如來秘藏之義今時世尊而說偈言

或有服甘露傷命而早夭 或有復服甘露壽命得長存 或有服毒生有緣服毒死 無尋智甘露 所謂大乘典 如是大乘典 亦名雜毒藥 如酥醍醐等 及以諸石蜜 服消則為藥 不消則為毒 方等亦如是 智者為甘露 愚不知佛性 服之則成毒 聲聞及緣覺 大乘為甘露 猶如諸味中 乳最為第一 如是勤精進 依因於大乘 得至於涅槃 成人中為王 衆生知佛性 猶如迦葉等 无上甘露味 不生亦不死 迦葉汝今當 善分別三歸 如是三歸性 則是我之性 若能諦觀察 我性有佛性 當知如是人 得入秘密藏 知我及我所

是人已出世 佛法三寶性

无上第一尊

如我所說偈 其性義如是

今時迦葉復說偈言

我今都不知 歸依三寶處

云何當歸趣

無上无所畏 不知三寶處

云何作无我

云何歸佛者 而得於安慰

云何歸依法

唯願為我說 云何得自在

云何不自在

云何歸依僧 轉得无上利

云何真實說

未來成佛道 未來若不成

云何歸三寶

我今無預知 當行次第依

云何未懷妊

而作生子想 若必在胎中

則名為有子

子若在胎中 定當生不久

是名為子義

衆生業亦然 如佛之所說

愚者不能知

以其不知故 輪迴生死獄

假名優婆塞

不知真實義 唯願廣分別

除斷我疑網

如來大智慧 唯垂哀分別

願說於如來

秘密之寶藏 迦葉汝當知

我今當為汝

善開微密義 今汝疑得斷

今當至心聽

汝於諸菩薩 則與第七佛

同其一名号

歸依於佛者 真名優婆塞

終不更歸依

其餘諸天神 歸依於法者

則離於煞害

歸依聖僧者 不求於外道

如是歸三寶

則得無所畏 迦葉白佛言

我亦歸三寶

是名為正路 諸佛之境界 三寶平等相
常有大智性 我性及佛性 无二無差別
是道佛所讚 正進安止處 亦名正遍見
故為佛所稱 我亦趣善逝 所讚無上道
是家為甘露 諸有所無有

尔時佛告迦葉菩薩善男子汝今不
應如諸聲聞凡夫之人分別三寶於
此大乘無有三歸分別之相所以者
何於佛性中即有法僧為欲化度聲
聞凡夫故分別說三歸異相善男子
若欲隨順世間法者則應分別有三
歸依善男子菩薩應作如是思惟我
今此身歸依於佛若即此身得成佛
道既成佛已不當恭敬礼拜供養於
諸世尊何以故諸佛平等為衆生
作歸依故若欲尊重法身舍利便應
礼拜諸佛塔廟所以者何為欲化度
諸衆生故亦令衆生於我身中起塔
廟想礼拜供養如是衆生以我法身
為歸依處一初衆生皆依非真邪偽
之法我當次第為說真法又有歸依
非真僧者我當為作依真僧處若有
分別三歸依者我當為作一歸依處

無三差別於生盲衆為作眼目復當
為諸聲聞緣覺作真歸處善男子如
是菩薩為无量惡諸衆生等及諸智
者而作佛事

善男子譬如有人臨陣戰時即生心
念我於是中軍為第一一切兵衆悉
依恃我亦如王子如是思惟我當調
伏其餘王子紹繼大王霸王之業而
得自在今諸王子悉見歸依是故不
應生下劣心如王王子大臣亦令善
男子菩薩摩訶薩亦復如是作是思
惟云何三事與我一體善男子我亦
三事即是涅槃如來者名无上士辟
如人身頭軍為上非餘支節手足等
也佛亦如是軍為尊上非法僧也為
欲化度諸世間故種種示現差別之
相如彼梯橙是故汝今不應受持如
凡愚人所知三歸差別之相汝於大
乘猛利決斷應如剛刀迦葉菩薩白
佛言世尊我知故問非為不知我為
菩薩大勇猛者問於无垢清淨行處
欲令如來為諸菩薩廣宣分別奇特
之事稱揚大乘方等經典如來大悲

今已善說我亦如是安住其中所說
菩薩清淨行處即是宣說大涅槃經
世尊我今亦當廣為衆生顯揚如是
如來秘藏亦當證知真三歸處若有
衆生能信如是大涅槃經其人則能
自然了達三歸依處何以故如來秘
藏有佛性故其有宣說是經典者皆
言身中盡有佛性如是之人則不遠
求三歸依處何以故於未來世我身
即當成就三寶是故聲聞緣覺之人
及餘衆生皆依於我恭敬禮拜喜男
子以是義故應當正學大乘經典迦
葉復言佛性如是不可思議三十二
相八十種好亦不可思議

今時佛讚迦葉菩薩善哉善哉善男
子汝已成就深利智慧我今當更善
為汝說入如來藏若我住者即是常
法不離於苦若無我者修行淨行无
所利益若言諸法皆无有我是即斷
見若言我住即是常見若言一切行
無常者即是斷見諸行常者復是常
見若言苦者即是斷見若言樂者復
是常見修一切法常者墮於斷見修

一切法斷者墮於常見如步屈重要
因前脚得移後足修常斷者亦復如
是要因斷常以是義故修餘法苦者
皆名不善修餘法樂者則名為善修
餘法无我者是諸煩惱分修餘法常
者是則名曰如來秘藏所謂涅槃无
有窟宅修餘無常法者即是財物修
餘常法者謂佛法僧及正解脫當知
如是佛法中道遠離二邊而說真法
凡夫愚人於中無疑如羸病人服食
酥已氣力輕便有无之法體性不定
譬如四大其性不同各相違反良醫
善知隨其偏發而消息之善男子如
來亦尔於諸衆生猶如良醫知諸煩
惱體相差別而為除斷開示如來秘
密之藏清淨佛性常住不變若言有
者智不應染若言无者即是妄語若
言有者不應默然亦復不應戲論諍
訟但求了知諸法真性凡夫之人戲
論諍訟不解如來微密藏故若說於
苦愚人便謂身是无常說一切苦復
不能知身有樂性若說无常者凡夫
之人計一切身皆是無常譬如凡坏

有智之人應當分別不應盡言一切
無常何以故我身即有佛性種子若
說無我凡夫當謂一切佛法悉無有
我智者應當分別無我假名不實如
是知已不應生疑若言如來秘藏空
寂凡夫聞之生斷滅見有智之人應
當分別如來是常無有變易若言解
脫喻如幻化凡夫當謂得解脫者即
是摩滅有智之人應當分別人中師
子雖有去來常住無變若言無明因
緣諸行凡夫之人聞已分別生二法
想明與無明智者了達其性無二无
二之性即是實性若言諸行因緣識
者凡夫謂二行之與識智者了達其
性無二无二之性即是實性若言十
善十惡可作不可作善道惡道白法
黑法凡夫謂二智者了達其性無二
无二之性即是實性若言應修一切
法若凡夫謂二智者了達其性無二
无二之性即是實性若言一切行無
常者如來秘藏亦是無常凡夫謂二
智者了達其性無二无二之性即是
實性若言一切法無我如來秘藏亦

无有我凡夫謂二智者了達其性無二無二之性即是實性我與无我性無有二如來秘藏其義如是不可稱計无量無邊諸佛所讚我今於是一切功德成就經中皆悉說已

善男子我與無我性相无二汝應如是受持頂戴善男子汝亦應當堅持意念如是經典如我先於摩訶般若波羅蜜經中說我无我無有二相如因乳生酪因酪得生酥因生酥得熟酥因熟酥得醍醐如是酪性為從乳生為從自生從他生耶乃至醍醐亦復如是若從他生即是他作非是乳生若非乳生乳無所為若自生者不應相似相續而生若相續生則不俱生若不俱生五種之味則不一時雖不一時定復不從餘處來也當知乳中先有酪相甘味多故不能自變乃至醍醐亦復如是是牛食水草因緣血脉轉變而得成乳若食甘草其乳則甜若食苦草乳則苦味雪山有草名曰肥膩牛若食者純得醍醐無有青黃赤白黑色穀草因緣其乳則

有色味之異是諸衆生以明无明業
因緣故生於二相若无明轉則變為
明一切諸法善不善等亦復如是无
有二相

迦葉菩薩白佛言世尊如佛所說乳
中有酪是義云何世尊若言乳中定
有酪相以微細故不可見者云何說
言從乳因緣而生於酪法若本无則
名為生如其已有云何言生若言乳
中定有酪相百草之中亦應有乳如
是乳中亦應有草若言乳中定無酪
者云何因乳而得生酪若法本无而
後生者何故乳中不生於草

善男子不可定言乳中有酪乳中無
酪亦不可說從他而生若言乳中定
有酪者云何而得體味各異是故不
可說言乳中定有酪性若言乳中定
無酪者乳中何故不生兔角置毒乳
中酪則煞人是故不可說言乳中定
無酪性若言是酪從他生者何故水
中不生於酪是故不可說言酪從他
生善男子是牛食敗草因緣故血則
變白草血滅已衆生福力變而成乳

是乳雖從草血而出不得言二唯得
名為從因緣生酪至醍醐亦復如是
以是義故得名牛味是乳滅已因緣
成酪何等因緣若酢若煖是故得
名從因緣有乃至醍醐亦復如是是
故不得定言乳中元有酪相從他生
者離乳而有元有是處善男子明與
元明亦復如是若與煩惱諸結俱者
名為無明若與一切善法俱者名之
為明是故我言元有二相以是因緣
我先說言雪山有草名曰肥膩牛若
食者即成醍醐佛性亦尔

善男子衆生薄福不見是草佛性亦
尔煩惱覆故衆生不見譬如大海雖
同一鹹其中亦有上妙之水味同於
乳喻如雪山雖復成就種種功德多
生諸藥亦有毒草諸衆生身亦復如
是雖有四大毒蛇之種其中亦有妙
藥大王所謂佛性非是作法但為煩
惱客塵所覆若剎利婆羅門毗舍首
陀能斷除者即見佛性成无上道譬
如虛空震雷起雲一切鳥牙上皆生
花若無雷震花則不生亦无名字衆

生佛性亦復如是常為一切煩惱所覆不可得見是故我說衆生无我若得聞是大般涅槃微妙經典則見佛性如鳥牙花雖聞契經一切三昧不聞是經不知如來微妙之相如無雷時爲牙上花不可得見聞是經已即知一切如來所說秘藏佛性喻如天雷見鳥牙花聞是經已即知一切無量衆生皆有佛性以是義故說大涅槃名為如來秘密之藏增長法身猶如雷時鳥牙上花以能長養如是大義故得名為大般涅槃若有善男子善女人有能習學是大涅槃微妙經典當知是人能報佛恩真佛弟子迦葉菩薩白佛言甚奇世尊所言佛性甚深甚深難見難入聲聞緣覺所不能服

佛言善男子如是如是如汝所歎不違我說迦葉菩薩白佛言世尊佛性者云何其甚深難見難入

佛言善男子如百盲人為治目故造詣良醫是時良醫即以金鐸決其眼膜以一指示問言見不盲人答言我

猶未見復以二指三指示之乃言少
見善男子是大涅槃微妙經典如來
未說亦復如是無量菩薩雖具足行
諸波羅蜜乃至十住猶未能見所有
佛性如來既說即便少見是菩薩摩
訶薩既得見已咸作是言甚奇世尊
我等流轉无量生死常為無我之所
惑亂善男子如是菩薩位階十地尚
不了了知見佛性何況聲聞緣覺之
人能得見耶復次善男子譬如仰觀
虛空鵝鴈為是虛空為是鵝鴈諦觀
不已翳翳見之十住菩薩於如來性
知見少分亦復如是况復聲聞緣覺
之人能得知見善男子譬如醉人欲
涉遠路矇矓見道十住菩薩於如來
性知見少分亦復如是善男子譬如
渴人行於曠野是人渴逼遍行求水
見有叢樹樹有白鶴是人迷悶不能
分別是樹是水諦觀不已乃見白鶴
及以叢樹善男子十住菩薩於如來
性知見少分亦復如是善男子譬如
有人在大海中乃至無量百千由旬
遠望大舶樓櫓堂閣即作是念彼是

樓槽為是虛空久視乃生必定之心
知是樓槽十住菩薩於自身中見如
來性亦復如是善男子譬如王子身
極懦弱通夜遊戲至明清旦目視一
切悉不明了十住菩薩雖於自身見
如來性亦復如是不大明了復次善
男子譬如臣吏王事所拘逼夜還家
電明燵發因見牛聚即作是念為是
牛耶聚雲屋舍是人久視雖生牛想
猶不審定十住菩薩雖於自身見如
來性未能審定亦復如是復次善男
子如持戒比丘觀無虫水而見虫相
即作是念此中動者為是虫耶是塵
土耶久視不已雖知是塵亦不明了
十住菩薩於己身中見如來性亦復
如是不大明了復次善男子譬如
人於陰闇中遠見小兒即作是念彼
為是牛就鳥人耶久觀不已雖見小
兒猶不明了十住菩薩於己身分見
如來性亦復如是不大明了復次善
男子譬如有人於夜闇中見畫菩薩
像即作是念是菩薩像自在天像大
梵天像成漆衣耶是人久觀雖復意

謂是菩薩像亦不明了十住菩薩於
己身分見如來性亦復如是不大明
了善男子所有佛性如是甚深難得
知見唯佛能知非諸聲聞緣覺所及
善男子智者應作如是分別知如來
性迦葉菩薩白佛言世尊佛性如是
微細難知云何肉眼而能得見

佛言迦葉善男子如彼非想非非想
天亦非二乘所能得知隨順契經以
信故知善男子聲聞緣覺信順如是
大涅槃經自知己身有如來性亦復
如是善男子是故應當精勤修習大
涅槃經善男子如是佛性唯佛能知
非諸聲聞緣覺所及

迦葉菩薩白佛言世尊非聖凡夫有
衆生性皆說有我

佛言譬如二人共為親友一是王子
一是貧賤如是二人不相往返是時
貧人見是王子有一好刀淨妙第一
心中貪著王子後時捉持是刀逃至
他國於是貧人後於他家寄卧止宿
即於眠中調語刀刀傍人聞之収至
王所時王問言汝言刀者何處得耶

是人具以上事荅王王今設使屠割
臣身分張手足欲得刀者實不可得
臣與王子素為親厚先與一處雖曾
眼見乃至不敢以手摸觸况當故取
王復問言卿見刀時相貌何類荅言
大王臣所見者如殺羊角王聞是已
欣然而笑語言汝今隨意所至莫生
憂怖我庫藏中都無是刀况汝乃於
王子邊見時王即問諸羣臣言汝等
曾見如是刀不言已崩背尋立餘子
紹繼王位復問輔臣卿等曾於官藏
之中見是刀不諸臣荅言臣等曾見
覆復問言其狀何似荅言大王如殺
羊角王言我官藏中何處當有如是
相刀次第四王皆悉檢校求索不得
却後數時先逃王子從他國還來至
本土復得為王既登王位復問諸臣
汝見刀不荅言大王臣等皆見覆復
問言其狀何似荅言大王其色清淨
如優鉢羅花復有荅言形如羊角復
有說言其色紅赤猶如火聚復有荅
言猶如黑麴時王大笑卿等皆悉不
見我刀真實之相

善男子菩薩摩訶薩亦復如是出現
於世說我真相說已捨去喻如王子
持淨妙刀逃至他國凡夫愚人說言
一切有我有我如彼貧人止宿他舍
調語刁刁聲聞緣覺問諸衆生我有
何相荅言我見我相大如母指或言
如米或如稗子有言我相住在心中
熾然如日如是衆生不知我相喻如
諸臣不知刀相菩薩如是說於我法
凡夫不知種種分別妄作我相如問
刀相荅似羊角是諸凡夫次第相續
而起邪見為斷如是諸邪見故如來
示現說於無我喻如王子語諸臣言
我庫藏中無如是刀善男子今日如
來所說真我名曰佛性如是佛性我
佛法中喻如淨刀善男子若有凡夫
能善說者即是隨順無上佛法若有
善能分別隨順宣說是者當知即是
菩薩相貌善男子所有種種異論呪
術言語文字皆是佛說非外道說
迦葉菩薩白佛言世尊云何如來說
字根本佛言善男子說初半字以為
根本持諸記論呪術文章諸陰實法

凡夫之人學是字本然後能知是法非法

迦葉菩薩復白佛言世尊所言字者其義云何善男子有十四音名為字義所言字者名曰涅槃常故不流若不流者則為无盡夫無盡者即是如来金剛之身是十四音名曰字本噯者不破壞故不破壞者名曰三寶喻如金剛又復噯者名不流故不流者即是如来如来无作是故不流又復噯者名為功德功德者即是三寶是故名噯阿者名阿闍梨阿闍梨者義何謂耶於世間中得名聖者何謂為聖聖名無著少欲知足亦名清淨能度衆生於三有流生死大海是名為聖又復阿者名曰制度修持淨戒隨順威儀又復阿者名依聖人應學威儀進止舉動供養恭敬禮拜三尊孝養父母及學大乘善男女等具持禁戒及諸菩薩摩訶薩等是名聖人又復阿者名曰教誨如言汝来如是應作

如是莫作若有能遮非威儀法是名聖人是故名阿

億者即是佛法梵行廣大清淨无垢喻如滿月汝等如是應作不作是義非義此是佛說此是魔說是故名億伊者佛法微妙甚深難得如自在天大梵天王法名自在若能持者則名護法又自在者名四護世是四自在則能攝護大涅槃經亦能自在敷揚宣說又復伊者能為衆生自在說法復次伊者為自在故說何等是也所謂修習方等經典復次伊者為斷嫉妬如除穢穢皆恚能令變成吉祥是故名伊

郁者於諸經中取上取勝增長上上謂大涅槃復次郁者如來之性聲聞緣覺所未曾聞如一切處北鬱單越取為殊勝菩薩若能聽受是經於一切衆取為殊勝以是義故是經得名取上取勝是故名郁優者喻如牛乳諸味中上如來之性亦復如是於諸經中取尊取上若有誹謗當知是人與牛無別復次優者是人名為無慧

正念誹謗如來微密秘藏當知是人
甚可憐愍遠離如來秘密之藏說无
我法是故名優

哩者即是諸佛法性涅槃是故名哩
野者謂如來義復次野者如來進止
屈申舉動無不利益一切衆生是故
名野

烏者名煩惱義煩惱者名曰諸漏如
來永斷一切煩惱是故名烏炮者謂
大乘義於十四音是究竟義大乘經
典亦復如是於諸經論寔為究竟是
故名炮

菴者能遮一切諸不淨物於佛法中
能捨一切金銀寶物是故名菴阿者
名勝乘義何以故此大乘典大涅槃
經於諸經中寔為殊勝是故名阿
迦者於諸衆生起大慈悲生於子想
如羅睺羅作妙上善義是故名迦佉
者名非善友非善友者名為雜穢不
信如來秘密之藏是故名佉伽者名
藏藏者即是如來秘藏一切衆生皆
有佛性是故名伽咄者如來常音何
等名為如來常音所謂如來常住不

變是故名唯能者一切諸行破壞之相是故名能

遮者即是修義調伏一切諸衆生故名爲修義是故名遮車者如來覆蔭一切衆生喻如大蓋是故名車闇者

是正解脫無有老相是故名闇瞢者煩惱繁茂喻如稠林是故名瞢若者是智慧義知真法性是故名若

乞者於閻浮提示現半身而演說法喻如半月是故名乞佗者法身具足喻如滿月是故名佗茶者是愚癡僧不知常與無常喻如小兒是故名茶祖者不知師恩喻如羖羊是故名祖拏者非是聖義喻如外道是故名拏多者如來於彼告諸比丘宜離驚畏當爲汝等說微妙法是故名多他者名愚癡義衆生流轉生死纏裹如蠶蟻蝨是故名他陀者名曰大施所謂大乘是故名陀彈者稱讚功德所謂三寶如須弥山高峻廣大元有傾倒是故名彈那者三寶安住無有傾動喻如門闥是故名那

波者名顛倒義若言三寶悉皆滅盡

當知是人為自疑惑是故名波頗者
是世間灾若言世間灾起之時三寶
亦盡當知是人愚癡无智違失聖旨
是故名頗婆者名佛十力是故名婆
沱者名為重擔堪任荷負无上正法
當知是人是大菩薩是故名沱摩者
是諸菩薩嚴峻制度所謂大乘大般
涅槃是故名摩

地者是諸菩薩在在處處為諸衆生
說大乘法是故名地囉者能壞貪欲
瞋恚愚癡說真實法是故名囉囉者
名聲聞乘動轉不住大乘安固無有
傾動捨聲聞乘精勤修習无上大乘
是故名羅和者如來世尊為諸衆生
雨大法雨所謂世間呪術經書是故
名和奢者遠離三箭是故名奢沙者
名具足義若能聽是大涅槃經則為
已得聞持一切大乘經典是故名沙
婆者為諸衆生演說正法令心歡喜
是故名娑呵者名心歡喜奇哉世尊
離一切行恠哉如來入般涅槃是故
名呵唎者名曰魔義无量諸魔不能
毀壞如來秘藏是故名唎復次唎者

乃至示現隨順世間有父母妻子是故名喎

曾流盧樓如是四字說有四義謂佛法僧及以對法言對法者隨順世間如調婆達示現壞僧化作種種形貌色像為制戒故智者了達不應於此而生畏怖是名隨順世間之行以是故名曾流盧樓

吸氣舌根隨鼻之聲長短起聲隨音解義皆因舌齒而有差別如是字義能令衆生口業清淨衆生佛性則不如是假於文字然後清淨何以故性本淨故雖復處在陰界入中則不同於陰入界也是故衆生志應歸依諸菩薩等以佛性故等視衆生無有差別是故半字於諸經書記論文章而為根本又半字義皆是煩惱言說之本故名半字滿字者乃是一切善法言說之根本也譬如世間為惡之者名為半人修善之者名為滿人如是一切經書記論皆因半字而為根本若言如來及正解脫入於半字是事不然何以故離文字故是故如來於

一切法无尋無著真得解脫何等名
為解了字義有知如來出現於世能
減半字是故名為解了字義若有隨
逐半字義者是人不知如來之性何
等名為無字義也親近修習不善法
者是名无字又無字者雖能親近修
習善法不知如來常與无常恒與非
恒及法僧二寶律與非律經與非經
魔說佛說若有不能如是分別是名
隨逐无字義也我今已說如是隨逐
無字之義善男子是故汝今應離半
字善解滿字

迦葉菩薩白佛言世尊我等應當善
學字數今我值遇無上之師已受如
來懇勸誨勅佛讚迦葉善哉善哉樂
正法者應如是學

尔時佛告迦葉菩薩善男子鳥有二
種一名迦隣提二名鴛鴦遊止共俱
不相捨離是苦無常无我等法亦復
如是不得相離

迦葉菩薩白佛言世尊云何是苦無
常无我如彼鴛鴦迦隣提鳥

佛言善男子異法是苦異法是樂異

法是常異法無常異法是我異法无
我譬如稻米異於麻麦麻麦復異豆
粟甘蔗如是諸種從其萌芽乃至葉
花皆是无常果實成熟人受用時乃
名為常何以故性真實故

迦葉白佛言世尊如是等物若是常
者同如來耶

佛言善男子汝今不應作如是說何
以故若言如來如須弥山劫壞之時
須弥崩倒如來今時豈同壞耶善男
子汝今不應受持是義善男子一切
諸法唯除涅槃更無一法而是常者
直以世諦言果實常

迦葉菩薩白佛言世尊善哉善哉如
佛所說佛告迦葉如是如是善男子
雖修一切契經諸定乃至未聞大般
涅槃皆言一切悉是无常聞是經已
雖有煩惱如無煩惱即能利益一切
人天何以故曉了己身有佛性故是
名為常復次善男子譬如菴羅樹其
花始敷名无常相若成果實多所利
益乃名為常如是善男子雖修一切
契經諸定未聞如是大涅槃時咸言

一切悉是無常聞是經已雖有煩惱
如无煩惱即能利益一切人天何以
故曉了自身有佛性故是名為常復
次善男子譬如金鑛消融之時是无
常相融已成金多所利益乃名為常
如是善男子雖修一切契經諸定未
聞如是大涅槃時咸言一切悉是无
常聞是經已雖有煩惱如无煩惱即
能利益一切人天何以故曉了自身
有佛性故是名為常復次善男子譬
如胡麻未被堅時名曰無常既堅成
油多有益乃名為常善男子雖修
一切契經諸定未聞如是大涅槃經
咸言一切悉是無常聞是經已雖有
煩惱如无煩惱即能利益一切人天
何以故曉了自身有佛性故是名為
常復次善男子譬如眾流皆歸于海
一切契經諸定三昧皆歸大乘大涅
槃經何以故究竟善說有佛性故善
男子是故我言異法是常異法無常
乃至無我亦復如是

迦葉菩薩白佛言世尊如來已離憂
悲毒箭前夫憂悲者名為天如來非天

憂悲者名為人如來非人憂悲者名
二十五有如來非二十五有是故如
來無有憂悲何故稱言如來憂悲善
男子无想天者名為無想若无想者
則無壽命若无壽命云何而有陰界
諸入以是義故無想天壽不可說言
有所住處善男子譬如樹神依樹而
住不得定言依枝依節依莖依葉雖
无定所不得言無无想天壽亦復如
是善男子佛性亦尔甚深難解如來
實无憂悲苦惱而於衆生起大慈悲
現有憂悲視諸衆生如羅睺羅復次
善男子無想天中所有壽命唯佛能
知非餘所及乃至非想非非想處亦
復如是迦葉如來之性清淨无染猶
如化身何處當有憂悲苦惱若言如
來无憂悲者云何能利一切衆生弘
廣佛法若言無者云何而言等視衆
生如羅睺羅若不等視如羅睺羅如
是之言則為虛妄以是義故善男子
佛不可思議法不可思議衆生佛性
不可思議无想天壽不可思議如來
有憂及以無憂是佛境界非諸聲聞

緣覺所知善男子譬如空中舍宅微塵不可住立若言舍宅不因空住无有是處以是義故不可說舍住於虚空不住虚空凡夫之人雖復說言舍住虚空而是虚空實无所住何以故性无住故善男子心亦如是不可說言住陰界入及以不住無想天壽亦復如是如來憂悲亦復如是若无憂悲云何說言等視衆生如羅睺羅若言有者復云何言性同虚空善男子譬如幻師雖復化作種種宮殿煞生長養繫縛放捨及作金銀琉璃寶物叢林樹木都无實性如來亦尔隨順世間示現憂悲無有真實善男子如來已入於般涅槃云何當有憂悲苦惱若謂如來入於涅槃是无常者當知是人則有憂悲若謂如來不入涅槃常住不變當知是人無有憂悲如來有愁及以无愁無能知者復次善男子譬如下人能知下法不知中上中者知中不知於上上者知上及知中下聲聞緣覺亦復如是齊知自地如來不尔悉知自地及以他

地是故如來名无尋智示現幻化隨
順世間凡夫肉眼謂是真實而欲盡
知如來無尋无上智者無有是處有
愁无愁唯佛能知以是因緣異法有
我異法无我是名鴛鴦迦隣提鳥性
復次善男子佛法猶如鴛鴦共行是
迦隣提及鴛鴦鳥盛夏水漲選擇高
原安處其子為長養故然後隨本安
隱而遊如來出世亦復如是化無量
衆令住正法如彼鴛鴦迦隣提鳥選
擇高原安置其子如來亦令諸衆
生所作已辦即便入於大般涅槃善
男子是名異法是苦異法是樂諸行
是苦涅槃是樂第一微妙壞諸行故
迦葉菩薩白佛言世尊云何衆生得
涅槃者名第一樂佛言善男子如我
所說諸行和合名為老死

謹慎無放逸 是處名甘露 放逸不謹慎
是名為死句 若不放逸者 則得不死處
如其放逸者 常趣於死路

若放逸者名有為法是為法為第
一苦不放逸者則名涅槃彼涅槃者
名為甘露第一寂樂若趣諸行是名

死處受第一苦若至涅槃則名不死
受寂妙樂若不放逸雖集諸行是亦
名為常樂不死不破壞身云何放逸
云何不放逸非聖凡夫是名放逸常
死之法出世聖人是不放逸無有老
死何以故入於第一常樂涅槃以是
義故異法是苦異法是樂異法是我
異法無我如人在地仰觀虛空不見
鳥跡善男子衆生亦今無有天眼在
煩惱中而不自見有如來性是故我
說無我密教所以者何无天眼者不
知真我橫計我故因諸煩惱所造有
為即是無常是故我說異法是常異
法無常

精進勇健者 若處於山頂 平地及曠野
常見諸凡夫 昇大智慧殿 无上微妙臺
既自除憂患 亦見衆生憂

如來悉斷無量煩惱住智慧山見諸
衆生常在无量億煩惱中迦葉菩薩
復自佛言世尊如偈所說是義不然
何以故入涅槃者無憂无喜云何得
昇智慧臺殿復當云何住在山頂而見
衆生佛言善男子智慧殿者即名涅

臊无憂愁者謂如來也有憂愁者名
凡夫人以凡夫憂故如來無憂須弥
山頂者謂正解脫勤精進者喻須弥
山无有動轉地謂有為行也是諸凡
夫安住是地造作諸行其智慧者則
名正覺離有常住故名如來如來愍
念無量衆生常為諸有毒箭所中是
故名為如來有憂迦葉菩薩復白佛
言世尊若使如來有憂感者則不得
稱為等正覺佛言迦葉皆有因緣隨
有衆生應受化處如來於中示現受
生雖現受生而實无生是故如來名
常住法如迦隣提鴛鴦等鳥

大般涅槃經卷第八

壬寅歲高麗國大藏都監奉

勅彫造

大般涅槃經卷第九

卷九

如來性品第四之六

北涼天竺三藏曇無讖譯

復次善男子譬如有人見月不現皆言月沒而作沒想而此月性實無沒也轉現他方彼處衆生復謂月出而此月性實無出也何以故以須彌山障故不現其月常生性无出沒如來應正遍知亦復如是出於三千大千世界或閻浮提示有父母衆生皆謂如來生於閻浮提內或閻浮提示現涅槃而如來性實无涅槃而諸衆生皆謂如來實般涅槃喻如月沒善男子如來之性實無生滅為化衆生故示生滅善男子如此滿月餘方見半此方半月餘方見滿閻浮提人若見月初皆謂一日起初月想見月盛滿謂十五日生盛滿想而此月性實無虧盈因須彌山而有增減善男子如來亦示於閻浮提或現初生或現涅槃現始生時猶如初月一切皆謂童子初生行於七步如二日月或復示

現入於書堂如三日月示現出家如
八日月放大智慧微妙光明能破无
量衆生魔衆如十五日盛滿之月或
復示現三十二相八十種好以自莊
嚴而現涅槃喻如月蝕如是衆生所
見不同或見半月或見滿月或見月
蝕而此月性實無增減蝕取之者常
是滿月如來之身亦復如是是故名
為常住不變復次善男子喻如滿月
一切悉現在在處處城邑聚落山澤
水中若井若池若瓮若鍤一切皆現
有諸衆生行百由旬百千由旬見月
常隨凡夫愚人妄生憶想言我本於
城邑屋宅見如是月今復於此空澤
而見為是本月為異於本各作是念
月形大小或如鍤口或復有言大如
車輪或言猶如四十九由旬一切皆
見月之光明或見團圓喻如金盤是
月性一種種衆生各見異相善男子
如來亦亦出現於世或有人天而作
是念如來今者在我前住復有衆生
亦生是念如來今者在我前住或有
龍鼉亦見如來有鼉相衆生雜類

言音各異皆謂如來志同已語亦各
生念在我舍宅受我供養或有衆生
見如來身廣大無量有見微小或有
見佛是聲聞像或復有見為緣覺像
有諸外道復各念言如來今者在我
法中出家學道或有衆生復作是念
如來今者獨為我故出現於世如來
實性喻如彼月即是法身是無生身
方便之身隨順於世示現無量本業
因緣在在處處示現有生猶如彼月
以是義故如來常住无有變易復次
善男子如羅睺羅阿修羅王以手遮
月世間諸人咸謂月蝕阿修羅王實
不能蝕以阿修羅障其明故是月團
圓無有虧損但以手障故使不現若
攝手時世間咸謂月已還生皆言是
月多受甚惱假使百千阿修羅王不
能惱之如來亦示有衆生於如來
所生慈悲心出佛身血起五逆罪至
一闍提為未來世諸衆生故如是示
現壞僧斷法而作留難假使百千无
量諸魔不能侵出如來身血所以者
何如來之身无有肉血筋脉骨髓如

來真實實元惱壞衆生皆謂法僧毀壞如來滅盡而如來性真實無變无有破壞隨順世間如是示現復次善男子如二人鬪若以刀杖傷身出血雖至於死不起殺想如是業相輕而不重於如來所本無煞心雖出身血是業亦尔輕而不重如來如是於未來世為化衆生示現業報復次善男子猶如良醫勤教其子醫方根本此是根藥此是莖藥此是色藥種種相貌汝當善知其子敬奉父之所勅精勤習學善解諸藥是醫後時壽盡命終其子號咷而作是言父本教我根藥如是莖藥如是花藥如是色相如是如來亦尔為化衆生示現制戒應當如是受持莫犯作五逆罪誹謗正法及一闡提為未來世起是事者是故示現欲令比丘於佛滅後作如是知此是契經甚深之義此是戒律輕重之相此是阿毗曇分別法句如彼醫子

復次善男子如人知月六月一蝕而上諸天須臾之間已見月蝕何以故

彼天日長人間短故善男子如來亦
亦天人咸謂如來壽短如彼天人須
臾之間頻見月蝕如來又於須臾之
間示現百千萬億涅槃斷煩惱魔陰
魔死魔是故百千萬億天魔悉知如
來入般涅槃又復示現無量百千先
業因緣隨順世間種種性故示現如
是無量无边不可思議是故如來常
住無變復次善男子譬如明月衆生
樂見是故稱月号为樂見衆生若有
貪恚愚癡則不得稱為樂見也如來
如是其性純善清淨無垢是故可稱
為樂見也樂法衆生視之无厭惡心
之人不意瞻覩以是義故故言如來
譬如明月復次善男子譬如日出有
三時異謂春夏冬冬日則短春日慶
中夏日極長如來亦於此三千大
千世界為短壽者及諸聲聞示現壽
短斯等見已咸謂如來壽命短促喻
如冬日為諸菩薩示現中壽若至一
劫若減一劫喻如春日唯佛觀佛其
壽無量譬如夏日善男子如來所說
方等大乘微密之教示現世間兩大

法雨於未來世若有人能護持是典
開示分別利益衆生當知是輩真是
菩薩喻如盛夏降甘雨若有聲聞
緣覺之人聞佛如來微密之教喻如
冬日多遇冷惠菩薩之人若聞如是
微密教誨如來常住性无變易喻如
春日萌芽開敷而如來性實無長短
為世間故示現如是即是諸佛真實
法性復次善男子譬如衆星晝則不
現而人皆謂晝星滅沒其實不沒所
以不現日光映故如來亦尔聲聞緣
覺不能得見喻如世人不見晝星復
次善男子譬如陰闇日月不現愚夫
謂言日月失沒而是日月實不失沒
如來正法滅盡之時三寶現沒亦復
如是非為永滅是故當知如來常住
无有變易何以故三寶真性不為諸
垢之所染故

復次善男子譬如黑月彗星夜現其
明炎熾暫出還沒衆生見已生不祥
想諸辟支佛亦復如是出無佛世衆
生見已皆謂如來真實滅度生惡惡
想而如來身實不滅度如彼日月無

有滅沒

復次善男子。譬如日出。衆霧悉除。此大涅槃微妙經典。亦復如是。出興於世。若有衆生。一經耳者。悉能滅除一切諸惡。無間罪業。是大涅槃甚深境界。不可思議。善說如來微密之性。以是義故。諸善男子。善女人等。應於如來生。常住心。无有變易。正法不斷。僧寶不滅。是故應當多修方便。勤學是典。是人不久當得成於阿耨多羅三藐三菩提。是故此經名為無量功德所成。亦名菩提不可窮盡。以不盡故。故得稱為大般涅槃。有善光故。猶如夏日。身無邊。故名大涅槃。

復次善男子。如日月光。諸明中。取一切諸明。所不能及。大涅槃光。亦復如是。於諸契經。三昧光明。取為殊勝。諸經三昧。所有光明。所不能及。何以故。大涅槃光。能入衆生諸毛孔。故衆生雖無菩提之心。而能為作菩提因緣。是故復名大般涅槃。迦葉菩薩白佛。言。世尊。如佛所說。大涅槃光。入於一切衆生毛孔。衆生雖无菩提之心。而

能為作菩提因者是義不然何以故
世尊犯四重禁作五逆人及一闍提
光明入身作菩提因者如是等輩與
淨持戒修習諸善有何差別若無差
別如來何故說四依義世尊又如佛
言若有衆生聞大涅槃一經於耳則
得斷除諸煩惱者如來云何先說有
人於恒河沙等佛所發心聞大涅槃
不解其義若不解義云何能斷一切
煩惱佛言善男子除一闍提其餘衆
生聞是經已悉皆能作菩提因緣法
聲光明入毛孔者必定當得阿耨多
羅三藐三菩提何以故若有人能供
養恭敬無量諸佛方乃得聞大涅槃
經薄福之人則不得聞所以者何大
德之人乃能得聞如是大事廝下小
人則不得聞何等為大所謂諸佛甚
深秘藏謂佛性是以是義故名為大
事迦葉菩薩白佛言世尊云何未發
菩提心者得菩提因佛告迦葉若有
聞是大涅槃經言我不用發菩提心
誹謗正法是人即於夢中見羅刹像
心中怖懷羅刹語言唯善男子汝今

若不發菩提心當斷汝命是人惶怖
覺已即發菩提之心是人命終若在
三惡及在人天續復憶念菩提之心
當知是人是大菩薩摩訶薩也以是
義故是大涅槃威神力故能令未發
菩提心者作菩提因善男子是名菩
薩發心因緣非無因緣以是義故大
乘妙典真佛所說復次善男子如虛
空中興大雲雨注於大地枯木石山
高原堆阜水所不住流注下田陂池
悉滿利益無量一切衆生是大涅槃
微妙經典亦復如是雨大法雨普潤
衆生唯一闍提發菩提心無有是處
復次善男子譬如焦種雖遇甘雨百
千万劫終不生芽芽若生者亦無是
處一闍提輩亦復如是雖聞如是大
般涅槃微妙經典終不能發菩提心
牙若能發者無有是處何以故是人
斷滅一切善根如彼焦種不能復生
菩提根牙復次善男子譬如明珠置
濁水中以珠威德水即為清投之於
泥不能令清是大涅槃微妙經典亦
復如是置餘衆生五逆間罪四重禁

法濁水之中猶可澄清發菩提心投
一闍提淤泥之中百千万歲不能令
清起菩提心何以故是一闍提滅諸
善根非其器故假使是人百千万歲
聽受如是大涅槃經終不能發菩提
之心所以者何無善心故

復次善男子譬如藥樹名曰藥王於
諸藥中實為殊勝若和酪漿若蜜若
蘇若水若乳若末若丸若以塗瘡薰
身塗目若見若嗅能滅衆生一切諸
病如是藥樹不作是念一切衆生若
取我根不應取葉若取葉者不應取
根若取身者不應取皮若取皮者不
應取身是樹雖復不生是念而能除
滅一切病苦善男子是大涅槃微妙
經典亦復如是能除一切衆生惡業
四波羅夷五無間罪若內若外所有
諸惡諸有未發菩提心者因是則得
發菩提心何以故是妙經典諸經中
王如彼藥樹諸藥中王若有修習是
大涅槃及不修者若聞有是經典名
字聞已敬信所有一切煩惱重病皆
悉除滅唯不能令一闍提輩安止住

於阿耨多羅三藐三菩提如彼妙藥
雖能療愈種種重病而不能治必死
之人復次善男子如人手瘡捉持毒
藥毒則隨入若无瘡者毒則不入一
闍提輩亦復如是無菩提因如无瘡
者毒不得入所謂瘡者即是無上菩
提因緣毒者即是第一妙藥完无瘡
者謂一闍提復次善男子譬如金剛
无能壞者而能破壞一切之物唯除
龜甲及白羊角是大涅槃微妙經典
亦復如是若能安止無量衆生於菩
提道唯不能令一闍提輩立菩提因
復次善男子如馬齒草娑羅翅樹屈
迦羅樹雖斷枝莖續生如故不如多
羅斷已不生是諸衆生亦復如是若
得聞是大涅槃經雖犯四禁及五無
間猶故能生菩提因緣一闍提輩則
不如是雖得聽受是妙經典而不能
生菩提道因復次善男子如佉陀羅
樹鎮頭迦樹斷已不生及諸焦種一
闍提輩亦復如是雖得聞是大涅槃
經而不能發菩提因緣猶如焦種復
次善男子譬如大雨終不住空是大

涅槃微妙經典亦復如是普雨法雨
於一闡提則不能住是一闡提周體
密綴猶如金剛不容外物迦葉菩薩
白佛言世尊如佛說偈

不見善不作 唯見惡可作 是處可怖畏
猶如險惡道

世尊如有所說有何等義佛言善男
子不見者謂不見佛性善者即是阿
耨多羅三藐三菩提不作者所謂不
能親近善友唯見者見無因果惡者
謂謗方等大乘經典可作者謂一闡
提說無方等以是義故一闡提輩無
心趣向清淨善法何等善法謂涅槃
也趣涅槃者謂能修習賢善之行而
一闡提無賢善行是故不能趣向涅
槃是處可畏謂謗正法誰應怖畏所
謂智者何以故以謗法者無有善心
及方便故險惡道者謂諸行也迦葉
復言如佛所說

云何見所作 云何得善法 何處不怖畏
如王夷坦道

是義何謂佛言善男子見所作著發
露諸惡從生死際所作諸惡悉皆發

露至无至處以是義故是處無畏喻
如人王所遊正路其中盜賊悉皆逃
走如是發靈一切諸惡悉滅無餘復
次不見所作者謂一闍提所作衆惡
而不自見是一闍提憍慢心故雖多
作惡於是事中初無怖畏以是義故
不得涅槃喻如猕猴捉水中月善男
子假使一切無量衆生一時成於阿
耨多羅三藐三菩提已此諸如來亦
復不見彼一闍提成於菩提以是義
故名不見所作又復不見誰之所作
所謂不見如來所作佛為衆生說有
佛性一闍提輩流轉生死不能知見
以是義故名為不見如來所作又一
闍提見於如來畢竟涅槃謂真無常
猶如燈滅膏油俱盡何以故是人惡
業不虧損故若有菩薩所作善業迴
向阿耨多羅三藐三菩提時一闍提
輩雖復毀此破壞不信然諸菩薩猶
故施與欲共成於无上之道何以故
諸佛法尔
作惡不即受如乳即成酪猶灰覆火上
愚者輕蹈之

一闍提者名為無目是故不見阿羅漢道如阿羅漢不行生死險惡之道以无目故誹謗方等不欲修習如阿羅漢勤修慈心一闍提輩不修方等亦復如是若人說言我今不信聲聞經典信受大乘讀誦解說是故我今即是菩薩一切衆生悉有佛性以佛性故衆生身中即有十力三十二相八十種好我之所說不異佛說汝今與我俱破无量諸惡煩惱如破水瓶以破結故即得見於阿耨多羅三藐三菩提是人雖作如是演說其心實不信有佛性為利養故隨文而說如是說者名為惡人如是惡人不速受果如乳成酪譬如王使善能談論巧於方便奉命他國寧喪身命終不匿王所說言教智者亦尔於凡夫中不惜身命要必宣說大乘方等如來秘藏一切衆生皆有佛性善男子有一闍提作羅漢像住於空處誹謗方等大乘經典諸凡夫人見已皆謂真阿羅漢是大菩薩摩訶薩是一闍提惡比丘輩住阿蘭若處壞阿蘭若法

見他得利心生嫉妬作如是言所有
方等大乘經典悉是天魔波旬所說
亦說如來是無常法毀滅正法破壞
衆僧復作是言波旬所說非善順說
作是宣說邪惡之法是人作惡不即
受報如乳成酪灰覆火上愚輕蹈之
如是人者謂一闡提是故當知大乘
方等微妙經典必定清淨如摩尼珠
投之濁水水即為清大乘經典亦復
如是復次善男子譬如蓮花為日所
照無不開敷一切衆生亦復如是若
得見聞大涅槃日未發心者皆悉發
心為菩提因是故我說大涅槃光所
入毛孔必為妙因彼一闡提雖有佛
性而為無量罪垢所纏不能得出如
墜處墮以是業緣不能生於菩提妙
因流轉生死無有窮已

復次善男子如優鉢羅花鉢頭摩花
拘牟頭華分陀利華生於淤泥而終
不為彼泥所汙若有衆生修大涅槃
微妙經典亦復如是雖有煩惱終不
為此煩惱所汙何以故以知如來性
相力故善男子譬如國多清冷風

若觸衆生身諸毛孔能除一切鬱蒸之惱此大乘典大涅槃經亦復如是遍入一切衆生毛孔為作菩提微妙因緣除一闍提何以故非法器故復次善男子譬如良醫解八種藥滅一切病唯除必死一切契經禪定三昧亦復如是能治一切貪恚愚癡諸煩惱病能拔煩惱毒刺等箭而不能治犯四重禁五無間罪善男子復有良醫過八種術能除衆生所有病苦唯不能治必死之病是大涅槃大乘經典亦復如是能除衆生一切煩惱安住如來清淨妙因未發心者令得發心唯除必死一闍提輩

復次善男子譬如良醫能以妙藥治諸盲人令見日月星宿諸明一切色像唯不能治生盲之人是大乘典大涅槃經亦復如是能為聲聞緣覺之人開發慧眼令其安住無量無邊大乘經典未發心者謂犯四禁五無間罪恚能令發菩提之心唯除生盲一闍提輩復次善男子譬如良醫善解八術為治衆生一切病苦與種種方

吐下諸藥及以塗身熏藥灌鼻散藥
丸藥若貧愚人欲服之良醫愍念
即將是人還其舍宅強與令服以藥
力故所患得除女人產時兒衣不出
與之令服服已即出并令嬰兒安樂
無患是大乘典大涅槃經亦復如是
所至之處若至舍宅能除衆生无量
煩惱犯四重禁五無間罪未發心者
悉令發心除一闡提迦葉菩薩白佛
言世尊犯四重禁及五無間名極重
惡辟如斷截多羅樹頭更不復生是
等未發菩提之心云何能與作菩提
因佛言善男子是諸衆生若於夢中
夢墮地獄受諸苦惱即生悔心哀哉
我等自招此罪若我今得脫是罪者
必定當發菩提之心我今所見取是
極惡從是覺已即知正法有大果報
如彼嬰兒漸漸長大常作是念是醫
家良善解方藥我本處胎與我母藥
母以藥故身得安隱以是因緣我命
得全奇哉我母受大苦惱滿足十月
懷抱我胎既生之後推乾去濕除去
不淨大小便利乳哺長養將護我身

以是義故我當報恩色養侍衛隨順
供養犯四重禁及無間罪臨命終時
念是大乘大涅槃經雖墮地獄畜生
餓鬼天上人中如是經典亦為是人
作菩提因除一闍提復次善男子譬
如良醫及良醫子所知深奧出過諸
醫善知除毒無上呪術若惡毒蛇若
龍若蝮以諸呪術呪藥令良復以此
藥用塗革屨以此革屨觸諸毒虫毒
為之消唯除一毒名曰大龍是大乘
典大涅槃經亦復如是若有衆生犯
四重禁五無間罪悉能消滅令住菩
提如藥革屨能消衆毒未發心者能
令發心安止住於菩提之道是彼大
乘大涅槃經威神藥故令諸衆生生
於安樂唯除大龍一闍提輩

復次善男子譬如有人以雜毒藥用
塗大鼓於大衆中擊之發聲雖無心
欲聞聞之皆死唯除一人不攬死者
是大乘典大涅槃經亦復如是在在
處處諸行衆中有聞聲者所有貪欲
瞋恚愚癡恚皆滅盡其中雖有無心
思念是大涅槃因緣力故能滅煩惱

而結自滅犯四重禁及五無間問是
經已亦作無上菩提因緣漸斷煩惱
除不橫死一闍提也復次善男子譬
如闇夜諸所營作一切皆息若未訖
者要待日明學大乘者雖修契經一
切諸定要待大乘大涅槃日聞於如
來微密之教然後乃當造菩提業安
住正法猶如天雨潤益增長一切諸
種成就果實悉除飢饉多受豐樂如
來秘藏無量法雨亦復如是悉能除
滅八種熱病是經出世如彼果實多
所利益安樂一切能令衆生見於佛
性如法花中八千聲聞得受記莢成
大果實如秋收冬藏更無所作一闍
提輩亦復如是於諸善法無所營作
復次善男子譬如良醫聞他人子非
人所持尋以妙藥并遣一使勅語使
言卿持此藥速與彼人彼人若遇諸
惡鬼神以藥力故悉當遠去卿若遲
晚吾自當往終不令彼枉橫死也若
彼病人得見使者及吾威德諸苦當
除得安隱樂是大乘典大涅槃經亦
復如是若比丘比丘尼優婆塞優婆

夷及諸外道有能受持如是經典讀誦通利復為他人分別廣說若自書寫令他書寫斯等皆為菩提因緣若犯四禁及五逆罪若為邪鬼毒惡所持聞是經典所有諸惡悉皆消滅如見良醫惡鬼遠去當知是人是真菩薩摩訶薩也何以故暫得聞是大涅槃故亦以生念如來常故暫得聞者尚得如是何况書寫受持讀誦除一闍提其餘皆是菩薩摩訶薩復次善男子譬如聾人不聞音聲一闍提輩亦復如是雖復欲聽是妙經典而不得聞所以者何無因緣故復次善男子譬如良醫一切醫方無不通達兼復廣知無量呪術是醫見王作如是言大王今者有必死病其王答言卿不見我腹內之事云何而言有必死病醫即答言若不見信應服下藥既下之後王自驗之王不肯服亦時良醫以呪術力令王糞門遍生瘡疱兼復瘳下虫血難出王見是已生大怖懷讚彼良醫善哉善哉卿先所白吾不用之今乃知卿於吾此身作大

利益恭敬是醫猶如父母是大乘典
大涅槃經亦復如是於諸衆生有欲
無欲恚能令彼煩惱崩落是諸衆生
乃至夢中夢見是經恭敬供養喻如
大王恭敬良醫是大良醫知必死者
終不治之是大乘典大涅槃經亦復
如是終不能治一闍提輩復次善男
子譬如良醫善知八種恚能療治一
切諸病唯不能治必死之人諸佛菩
薩亦復如是恚能救療一切有罪唯
不能治必死之人一闍提輩復次善
男子譬如良醫善知八種微妙經術
復能博達過於八種以已所知先教
其子若水若陸山澗藥草恚令識知
如是漸漸教八事已次復教餘寂止
妙術如來應正遍知亦復如是先教
其子諸比丘等方便除滅一切煩惱
修學淨身不堅固想謂水陸山澗水
者喻身受苦如水上泡陸者喻身不
堅如芭蕉樹其山澗者喻煩惱中修
無我想以是義故身名無我如來如
是於諸弟子漸漸教學九部經法令
善通利然後教學如來秘藏為其子

故說如來常如來如是說大乘典大涅槃經為諸衆生已發心者及未發心作菩提因除一闡提如是善男子是大乘典大涅槃經无量無數不可思議未曾有也當知即是無上良醫最尊最勝衆經中王

復次善男子譬如大船從海此岸至於彼岸復從彼岸還至此岸如來應正遍知亦復如是乘大涅槃大乘寶船周旋往還濟渡衆生在在處處有應度者悉令得見如來之身以是義故如來名曰無上船師譬如有船則有船師以有船師則有衆生渡於大海如來常住化度衆生亦復如是復次善男子譬如有人在大海中乘船欲渡若得順風湏臾之間則能得過無量由延若不得者雖復久住經無量歲不離本處有時船壞沒水而死衆生如是在於愚癡生死大海乘諸行船若得值遇大般涅槃猛利之風則能疾到無上道岸若不值遇當久流轉無量生死或時破壞墮於地獄畜生餓鬼復次善男子譬如有人

不過風王久住大海作是思惟我等
今者必在此死如是念時忽遇利風
隨順渡海復作是言快哉是風未曾
有也令我等輩安隱得過大海之難
衆生如是久處愚癡生死大海困苦
窮頓未遇如是大涅槃風則應生念
我等必定墮於地獄畜生餓鬼是諸
衆生思惟是時忽遇大乘大涅槃風
隨順吹向入於阿耨多羅三藐三菩
提方知真實生奇特想嘆言快哉我
從昔來未曾見聞如是如來微密之
藏今乃於是大涅槃經生清淨信
復次善男子如蛇脫皮為死滅耶不
也世尊善男子如來亦今方便示現
棄捨毒身可言如來無常滅耶不也
世尊如來於此闍浮提中方便捨身
如彼毒蛇捨於故皮是故如來名為
常住復次善男子譬如金師得好真
金隨意造作種種諸器如來亦今於
二十五有悉能示現種種色身為化
衆生拔生死故是故如來名無邊身
雖復示現種種諸身亦名常住無有
變易

復次善男子如菴羅樹及閻浮樹一
年三變有時生花光色敷榮有時生
葉滋茂莢鬱有時彫落狀似枯死善
男子於意云何是樹實為枯滅不耶
不也世尊善男子如來亦於三界
中示三種身有時初生有時長大有
時涅槃而如來身實非無常迦葉菩
薩讚言善哉誠如聖教如來常住無
有變易善男子如來密語甚深難解
譬如大王告諸羣臣先施婆來先施
婆者一名四寶一者鹽二者器三者
水四者馬如是四法皆同此名有智
之臣善知此名若王洗時索先施婆
即便奉水若王食時索先施婆即便
奉鹽若王食已將欲飲漿索先施婆
即便奉器若王欲遊索先施婆即便
奉馬如是智臣善解大王四種密語
是大乘經亦復如是有四無常大乘
智臣應當善知若佛出世為衆生說
如來涅槃智臣當知此是如來為計
常者說無常相欲令比丘修無常想
或復說言正法當滅智臣應知此是
如來為計樂者說於苦相欲令比丘

多修苦想或復說言我今病苦衆僧
破壞智臣當知此是如來為計我者
說无我相欲令比丘修無我想或復
說言所謂空者是正解脫智臣當知
此是如來說正解脫無二十五有欲
令比丘修學空想以是義故是正解
脫則名為空亦名不動謂不動者是
解脫中无有苦故是故不動是正解
脫為無有相謂無相者无有色聲香
味觸等故名无相是正解脫常不變
易是解脫中無有无常熱惱變易是
故解脫名曰常住不變清涼或復說
言一切衆生有如來性智臣當知此
是如來說於常法欲令比丘修正常
法是諸比丘若能如是隨順學者當
知是人真我弟子善知如來微密之
藏如彼大王智慧之目善知王意善
男子如是大王亦有如是密語之法
何況如來而當無耶善男子是故如
來微密之教難得知唯有智者乃
能解我甚深佛法非是世間凡夫品
類所能信也

復次善男子如波羅奢樹迦尼迦樹

阿耨迦樹值天无旱不生花實及餘
水陸所生之物皆悉枯槁無有潤澤
不能增長一切諸藥无復勢力善男
子是大乘與大涅槃經亦復如是於
我滅後有諸衆生不能恭敬無有威
德何以故是諸衆生不知如来微密
藏故所以者何以是衆生薄福德故
復次善男子如来正法將欲滅盡尔
時多有行惡比丘不知如来微密之
藏嬾惰懈怠不能讀誦宣揚分別如
来正法譬如癡賊棄捨真實擔負草
柴不解如来微密藏故於是經中憊
怠不勤哀哉大險當來之世甚可怖
畏苦哉衆生不勤聽受是大乘與大
涅槃經唯諸菩薩摩訶薩等能於是
經取真實義不著文字隨順不逆為
衆生說復次善男子如牧牛女為欲
賣乳貪多利故加二分水轉賣與餘
牧牛女人彼女得已復加二分轉復
賣與近城女人女人得已復加二分
轉復賣與城中女人彼女得已復加
二分詣市賣之時有一人為子納婦
當須好乳以贍賓客至市欲買是賣

乳者多索價數是人答言汝乳多水
不直余許正值我今瞻待賓客是故
當取取已還家煮用作糜都無乳
味雖復無味於苦味中千倍為勝何
以故乳之為味諸味中取善男子我
涅槃後正法未滅餘八十年今時是
經於閻浮提當廣流布是時當有諸
惡比丘抄略是經分作多分能滅正
法色香美味是諸惡人雖復誦讀如
是經典滅除如來深密要義安置世
閒莊嚴文飾無義之語抄前者後抄
後著前前後著中中著前前後當知如
是諸惡比丘是魔伴侶受畜一切不
淨之物而言如來悉聽我畜如牧牛
女多加水乳諸惡比丘亦復如是雜
以世語錯定是經令多衆生不得正
說正寫正取尊重讚嘆供養恭敬是
惡比丘為利養故不能廣宣流布是
經所可分流少不足言如彼牧牛貧
窮女人展轉賣乳乃至成糜而无乳
味是大乘典大涅槃經亦復如是展
轉薄淡無有氣味雖元氣味猶勝餘
經足一千倍如彼乳味於諸苦味為

千倍勝何以故是大乘典大涅槃經
於聲聞經取為上首喻如牛乳味中
最勝以是義故名大涅槃

復次善男子若善男子善女人等無
有不求男子身者何以故一切女人
皆是衆惡之所住處復次善男子如
蚊子屎不能令此大地潤洽其女人
者姪欲難滿亦復如是譬如大地一
切作丸如葶藶子如是等男與一女
人共為欲事猶不能足假使男子數
如恒沙與一女人共為欲事猶不能
足善男子譬如大海一切天雨百川
衆流皆悉投注而被大海未曾滿足
女人之法亦復如是假使一切悉為
男者與一女人共為欲事而亦不足
復次善男子如阿耨迦樹波吒羅樹
迦尼迦樹春花開敷有終萎取色香
細味不知猒足女人欲男亦復如是
不知猒足善男子以是義故諸善男
子善女人等聽是大乘大涅槃經常
應呵責女人之相求於男子何以故
是大經典有丈夫相所謂佛性若人
不知是佛性者則無男相所以者何

不能自知有佛性故若有不能知佛性者我說是等名為女人若能自知有佛性者我說是人為丈夫相若有女人能知自身定有佛性當知是等即為男子善男子是大乘典大涅槃經無量無邊不可思議功德之聚何以故以說如來秘密藏故是故善男子善女人若欲速知如來秘密藏應當方便勤修此經迦葉菩薩白佛言世尊如是如是如佛所說我今已有丈夫之相得入如來微密藏故如來今日始覺悟我因是即得決定通達佛言善哉善哉善男子汝今隨順世間之法而作是說迦葉復言我不隨順世間法也佛讚迦葉善哉善哉汝今所知無上法味甚深難知而能得知如蜂採味汝亦是復次善男子如蚊子澤不能令此大地沾洽當來之世是經流布亦復如是如彼蚊澤正法欲滅是經先當沒於此地當知即是正法衰相復次善男子譬如過夏初月名秋秋雨連注此大乘典大涅槃經亦復如是為於南方諸菩薩故

當廣流布降注法雨弥滿其處正法
欲滅當至刹寶具足無缺潛沒地中
或有信者或不信者如是大乘方等
經典甘露法味悉沒於地是經沒已
一切諸餘大乘經典皆悉滅沒若得
是經具足无缺人中爲王諸菩薩等
當知如來無上正法將滅不久
大般涅槃經卷第九

辛丑歲高麗國大藏都監奉

勅雕造

大毘盧遮那經卷第十

北凉天竺三藏曇無讖譯

如來性品第四之七

尔時文殊師利白佛言世尊今此純
陀猶有疑心唯願如來重為分別令
得除斷佛言善男子云何疑心汝當
說之當為除斷文殊師利言純陀心
疑如來常住以得知見佛性力故若
見佛性而為常者本未見時應是無
常若本無常後亦應尔何以故如世
間物本無今有已有還无如是等物
恚是無常以是義故諸佛菩薩聲聞
緣覺無有差別尔時世尊即說偈言
本有今无 本無今有 三世有法
無有是處

善男子以是義故諸佛菩薩聲聞緣
覺亦有差別亦无差別文殊師利讚
言善哉誠如聖教我今始解諸佛菩
薩聲聞緣覺亦有差別亦无差別迦
葉菩薩白佛言世尊如來所說諸佛
菩薩聲聞緣覺性无差別唯願如來
分別廣說利益安樂一切衆生佛言

善男子諦聽諦聽當為汝說善男子
譬如長者若長者子多畜乳牛有種
種色常令一人守護將養是人有時
為祠祀故盡稱諸牛者一器中見其
乳色同一白色尋便驚恠牛色各異
其乳云何皆同一色是人思惟如此
一切皆是衆生業報因緣令乳色一
善男子譬聞緣覺菩薩亦令同一佛
性猶如彼乳所以者何同盡漏故而
諸衆生言佛菩薩聲聞緣覺而有差
別有諸聲聞凡夫之人疑於三乘云
何无別是諸衆生久後自解一切三
乘同一佛性猶如彼人悟解乳相由
業因緣復次善男子譬如金鑛淘鍊
滓穢然後消融成金之後價直无量
善男子聲聞緣覺菩薩亦令皆得成
就同一佛性何以故除煩惱故如彼
金鑛除諸滓穢以是義故一切衆生
同一佛性无有差別以其先聞如來
密藏後成佛時自然得知如彼長者
知乳一相何以故以斷無量億煩惱
故迦葉菩薩白佛言世尊若一切衆
生有佛性者佛與衆生有何差別如

是說者多有過各若諸衆生皆有佛性何因緣故舍利弗等以小涅槃而般涅槃緣覺之人於中涅槃而般涅槃菩薩之人於大涅槃而般涅槃如是等人若同佛性何故不同如來涅槃而般涅槃善男子諸佛世尊所得涅槃非諸聲聞緣覺所得以是義故大般涅槃名為善有世若無佛非无二乘得二涅槃迦華復言是義云何佛言无量無邊阿僧祇劫乃有一佛出現於世開示三乘善男子如汝所言菩薩二乘無差別者我先於此如來密藏大涅槃中已說其義諸阿羅漢無有善有何以故諸阿羅漢悉當得是大涅槃故以是義故大般涅槃有畢竟樂是故名為大般涅槃迦葉言如佛說者我今始知差別之義無差別義何以故一切菩薩聲聞緣覺未來之世皆當歸於大般涅槃譬如衆派歸於大海是故聲聞緣覺之人悉名為常非是无常以是義故亦有差別亦无差別迦葉言云何性差別佛言善男子聲聞如乳緣覺如酪菩

薩之人如生熟酥諸佛世尊猶如醍醐以是義故大涅槃中說四種性而有差別迦葉復言一切衆生性相云何佛言善男子如牛新生乳血未別凡夫之性雜諸煩惱亦復如是迦葉復言拘尸那城有旃陀羅名曰歡喜佛記是人由一發心當於此界千佛數中速成無上正真之道以何等故如來不記尊者舍利弗目犍連等速成佛道佛言善男子或有聲聞緣覺菩薩作誓願言我當久久護持正法然後乃成無上佛道以發速願故與速記復次善男子譬如商人有無價寶詣市賣之愚人見之不識輕笑寶主唱言我此寶珠價直無數聞已復笑各各相謂此非真實是頗梨珠善男子聲聞緣覺亦復如是若聞速記則便懈怠輕笑薄賤如彼愚人不識真實於未來世有諸比丘不能翹勤修習善法貧窮困苦飢餓所逼因是出家長養其身心志輕躁邪命諂曲若聞如來授諸聲聞速疾記者便當大失輕慢毀此當知是等即是破戒

自言已得過人之法以是義故隨經
速願故與速記護正法者為授速記
迦葉菩薩復白佛言世尊菩薩摩訶
薩云何當得不壞眷屬佛告迦葉若
諸菩薩勤加精進欲護正法以是因
緣所得眷屬不可沮壞迦葉菩薩復
白佛言世尊何因緣故衆生得此眷
口乾焦佛告迦葉若有不識三寶常
存以是因緣脣口乾焦如人口爽不
知甜苦辛醋鹹淡六味差別一切衆
生愚癡無智不識三寶是常住法是
故名為脣口乾焦復次善男子若有
衆生不知如來是常住者當知是人
則為生盲若知如來是常住者如是
之人雖有肉眼我說是等名為天眼
復次善男子若有能知如來是常當
知是人久已修習如是經典我說是
等亦名天眼雖有天眼而不能知如
來是常我說斯等名為肉眼是人乃
至不識自身手脚支節亦復不能令
他識知以是義故名為肉眼

復次善男子如來常為一切衆生而
作父母所以者何一切衆生種種形

類二足四足多足無足佛以一音不
為說法彼彼異類各自得解各各歎
言如來今日為我說法以是義故名
為父母

復次善男子如人生子始十六月雖
復語言未可解了而彼父母欲教其
語先同其音漸漸教之是父母語可
不正耶不也世尊善男子諸佛如來
亦復如是隨諸衆生種種音聲而為
說法為令安住於正法故隨所應見
而為示現種種形像如來如是同彼
語言可不正耶不也世尊何以故如
來所說如師子吼隨順世間種種音
聲而為衆生歎說妙法

大般涅槃經一切大衆所問品第五

今時世尊從其面門放種種色青黃
赤白紅紫光明照純陀身純陀遇已
與諸眷屬持諸餽餼疾往佛所欲奉
如來及比丘僧取後供養種種器物
充滿具足持至佛前今時有大威德
天人而遮其前周匝圍繞謂純陀言
且住純陀勿便奉施當余之時如來
復放无量無邊種種光明諸天大衆

遇斯光已尋聽純陀前至佛所奉其
所施余時天人及諸衆生各各自取
所持供養至於佛前長跪白佛唯願
如來聽諸比丘受此飲食時諸比丘知
是時故執持衣鉢一心安詳余時純
陀為佛及僧布置種種師子寶座懸
繒幡蓋花香瓔珞余時三千大千世
界莊嚴微妙猶如西方安樂國土余
時純陀住於佛前憂悲悵快重白
佛言唯願如來猶見哀愍住壽一切
若減一劫佛告純陀汝欲令我久住
世者宜當速奉哀後具足檀波羅蜜
余時一切菩薩摩訶薩天人雜類異
口同音唱如是言奇哉純陀成大福
德能令如來受取哀後無上供養而
我等輩無福所致所設供具則為唐
捐余時世尊欲令一切衆望滿足於
自身上一一毛孔化無量佛一一諸
佛各有无量諸比丘僧是諸世尊及
无量衆悉皆示現受其供養釋迦如
來自受純陀所奉設者余時純陀所
持粳糧成熟之食摩伽陀國滿足八
斛以佛神力皆悉充足一切大會余

時純陀見是事已心生歡喜踊躍無量一切大眾亦復如是。今時大眾承佛聖言各作是念：「如來今日受我等施不久便當入於涅槃。」作是念已，心生悲喜。今時樹林其地狹小，以佛神力如針鋒處，皆有無量諸佛世尊及其眷屬等坐而食所食之物，亦无差別。是時天人阿修羅等啼泣悲歎而作是言：「如來今日已受我等寂後供養受供養已，當般涅槃。我等當復更供養誰？我今永離无上調御，言無眼目。」今時世尊為欲慰喻一切大眾而說偈言：

汝等莫悲歎 諸佛法應念 我入於涅槃
已經无量劫 常受寂勝樂 永處安隱處
汝今至心聽 我當說涅槃 我已離食想
終無飢渴患 我今當為汝 說其隨順願
令諸一切眾 咸得安隱樂 汝聞應修行
諸佛法常住 假使鳥角鴉 同共一樹棲
猶如親兄弟 今乃永涅槃 如來視一切
猶如羅睺羅 常為眾生尊 云何永涅槃
假使地鼠負 同處一穴遊 相愛如兄弟
今乃永涅槃 如來視一切 猶如羅睺羅

常為衆生尊

云何永涅槃

假使七葉花

轉為婆師香

迦留迦果樹

轉為鎮頭果

如來視一切

猶如羅睺羅

云何捨慈悲

永入於涅槃

假使一闍提

現身成佛道

永處第一樂

今乃入涅槃

如來視一切

皆如羅睺羅

云何捨慈悲

永入於涅槃

假使一切衆

一時成佛道

遠離諸過患

今乃入涅槃

如來視一切

皆如羅睺羅

云何捨慈悲

永入於涅槃

假使蚊子衆

浸壞於大地

諸山及百川

大海悉盈滿

若有如是事

今乃入涅槃

悲心視一切

皆如羅睺羅

常為衆生尊

云何永涅槃

以是故汝等

應深樂正法

不應生憂惱

號泣而啼哭

若欲自正行

應修如來常

當觀如是法

長存不變易

復應生是念

三寶皆常住

是則獲大護

如呪枯生菓

是名為三寶

四衆應善聽

聞已應歡喜

即發菩提心

若能計三寶

常住同真諦

此則是諸佛

衆上之誓願

若有比丘比丘尼優婆塞優婆夷能

以如來衆上誓願而發願者當知是

人無有愚癡堪受供養以此願力功

德果報於世衆勝如阿羅漢若有不

能如是觀了三寶常者是旃陀羅若有能知三寶常住寶法因緣離苦安樂無有燒害能留難者今時人天大眾阿修羅等聞是法已心生歡喜踊躍無量其心調柔善滅諸蓋心無高下威德清淨顏貌怡悅知佛常住是故施設諸天供養散種種花末香塗香鼓天伎樂以供養佛今時佛告迦葉菩薩言善男子汝見是衆希有事不迦葉荅言已見世尊見諸如來无量无邊不可稱計受諸大衆人天所奉飯食供養又見諸佛其身殊大所坐之處如一針鋒多衆圍遶不相障礙復見大衆悉發誓願說十三偈亦知大衆各心念言如來今者獨受我供假使純陀所奉飯食碎如微塵一塵一佛猶不周遍以佛神力悉皆充足一切大衆唯諸菩薩摩訶薩及文殊師利法王子等能知如是希有事耳悉是如來方便示現聲聞大衆及阿修羅等皆知如來是常住法今時世尊告純陀言汝今所見為是希有奇特事不實今世尊我先所見元量

諸佛三十二相八十種好莊嚴其身
今志見為菩薩摩訶薩體貌異殊
大殊妙唯見佛身喻如藥樹為諸菩
薩摩訶薩等之所圍繞佛告純陀汝
先所見无量佛者是我所化為欲利
益一切衆生令得歡喜如是菩薩摩
訶薩等所可修行不可思議能作无
量諸佛之事純陀汝今皆已成就菩
薩摩訶薩行得住十地菩薩所行具
足成辦迦葉菩薩白佛言世尊如是
如是如佛所說純陀所修成菩薩行
我亦隨喜今者如來欲為未來无量
衆生作大明故說是大乘大涅槃經
世尊一切契經說有餘義无餘義耶
善男子我所說者亦有餘義亦無餘
義純陀白佛言世尊如佛所說
所有之物 布施一切 唯可讚歎
无可虧損

世尊是義云何持戒毀戒有何差別
佛言唯除一人餘一切施皆可讚歎
純陀問言云何名為唯除一人佛言
如此經中所說破戒純陀復言我今
未解唯願說之佛言純陀言破戒者

謂一闍提其餘在所一切布施皆可
讚歎獲大果報純陀復問一闍提者
其義云何佛言純陀若有比丘及比
丘尼優婆塞優婆夷發惡言誹謗
正法造是重業永不改悔心无慚愧
如是等人名為趣向一闍提道若犯
四重作五逆罪自知定犯如是重事
而心初無怖畏慚愧不肯發露於佛
正法永无護惜建立之心毀訾輕賤
言多過咎如是等人亦名趣向一闍
提道若復說言無佛法僧如是等人
亦名趣向一闍提道唯除如此一闍
提輩施其餘者一切讚歎

今時純陀復白佛言世尊所言破戒
其義云何答言純陀若犯四重及五
逆罪誹謗正法如是等人名為破戒
純陀復問如是破戒可拔濟不答言
純陀有因緣故則可拔濟若被法服
猶未捨遠其心常懷慚愧恐怖而自
孝責咄哉何為犯斯重罪何期恠哉
造斯苦業其心改悔生護法心欲建
正法有護法者我當供養若有讀誦
大乘典者我當諮問受持讀誦既通

利已復當為他分別廣說我說是人
不為破戒何以故善男子譬如日出
能除一切塵翳闇冥是大涅槃微妙
經典出興於世亦復如是能除衆生
无量劫中所作衆罪是故此經說護
正法得大果報拔濟破戒若有毀謗
是正法者能自改悔還歸於法自念
所作一切不善如人自害心生恐怖
驚懼慙愧除此正法更无救護是故
應當還歸正法若能如是如說歸依
布施是人得福無量亦名世間應受
供養若犯如上惡業之罪若經一月
或十五日不生歸依發露之心若施
是人果報甚少犯五逆者亦復如是
能生悔心內懷慙愧今我所作不善
之業其為大苦我當建立護持正法
是則不名五逆罪也若施是人得福
无量犯逆罪已不生護法歸依之心
有施是者福不足言又善男子犯重
罪者汝今諦聽我當為汝分別廣說
應生是心謂正法者即是如來微密
之藏是故我當護持建立施是人者
得勝果報善男子譬如女人懷妊垂

產值國荒亂逃至他土在一天廟即
便生產聞其舊邦安隱豐熟將其
子欲還本土中路值河水漲暴急荷
負是兒不能得渡即自念言我今寧
與一處併命終不捨棄而獨渡也念
已母子俱共沒命命終之後尋生天
中以慈念子欲令得渡而是女人本
性弊惡以愛子故得生天中犯四重
禁五无間罪生護法心亦復如是雖
復先為不善之業以護法故得為世
間無上福田是護法者有如是等无
量果報

純陀復言世尊若一闍提能自改悔
恭敬供養讚歎三寶施如是人得大
果報不佛言善男子汝今不應作如
是說善男子辭如有人食菴羅果吐
校置地而復念言是菓校中應有甘
味即復還取破而嘗之其味極苦心
生悔恨恐失菓種即還收拾種之於
地勤加修治以蘇油乳隨時澆灌於
意云何寧可生不不也世尊假使天
降無上甘雨猶亦不生善男子彼一
闍提亦復如是燒然善根當於何處

而得除罪善男子若生善心是則不
名一闍提也善男子以是義故一切
所施所得果報非無差別何以故施
諸聲聞所得報異施辟支佛得報亦
異唯施如來獲无上果是故說言一
切所施非無差別

純陀復言何故如來而說此偈佛言
純陀有因緣故我說此偈王舍城中
有優婆塞心無淨信奉事左鍵而來
問我布施之義以是因緣故說斯偈
亦為菩薩摩訶薩等說秘密藏義如
斯偈者其義云何一切者少分一切
當知菩薩摩訶薩人中之雄攝取持
戒施其所須捨棄破戒如除穢穢
復次善男子如我昔日所說偈言

一切江河 必有迴曲 一切叢林
必名樹木 一切女人 必懷諂曲
一切自在 必受安樂

余時文殊師利菩薩摩訶薩即從座
起偏袒右臂右膝著地前禮佛足而
說偈言

非一切河 必有迴曲 非一切林
悉名樹木 非一切女 必懷諂曲

一切自在 不必受樂

佛所說偈其義有餘譬垂哀愍說其
因緣何以故世尊於此三千大千世
界有渚名拘耶尼其渚有河端直不
曲名娑婆耶喻如繩墨直入西海如
是河相於餘經中佛未曾說唯願如
來因此方等阿含經中說有餘義令
諸菩薩深解是義世尊譬如有人先
識金鑛後不識金如來亦亦盡知法
已而所演說有餘不盡如來雖作如
是餘說應當方便解其意趣一切叢
林必是樹木是亦有餘何以故種種
金銀琉璃寶樹是亦名林一切女人
必懷諂曲是亦有餘何以故亦有女
人善持禁戒功德成就有大慈悲一
切自在必受樂者是亦有餘何以故
有自在者轉輪聖帝如來法王不屬
死魔不可滅盡梵釋諸天雖得自在
悉是無常若得常住无變易者乃名
自在所謂大乘大般涅槃佛言善男
子汝今善得樂說之辯且止諦聽文
殊師利譬如長者身嬰病苦良醫訖
之為合膏藥是時病者貪欲多服醫

語之言若能消者則可多服汝今體
羸不應多服當知是膏亦名甘露亦
名毒藥若多服不消則名為毒善男
子汝今勿謂是醫所說違失義理喪
膏力勢善男子如來亦為諸國王
后妃太子王子大臣因波斯匿王王
子后妃憍慢心故為欲調伏示現恐
怖如彼良醫故說偈言

一切江河 必有迴曲 一切叢林
必名樹木 一切女人 必懷諂曲
一切自在 必受安樂

文殊師利汝今當知如來所說无有
漏失如此大地可令反覆如來之言
終無漏失以是義故如來所說一切
有餘尔時佛讚文殊師利善哉善哉
善男子汝已久知如是之義愍哀一
切欲令衆生得智慧故廣問如來如
是偈義

尔時文殊師利法王之子復於佛前
而說偈言

於他言語 隨順不逆 亦不觀他
作以不作 但自觀身 善不善行
世尊如是說此法藥非為正說於他

語言隨順不逆者。准願如來垂哀正說。何以故。世尊常說一切外學。九十
五種。皆趣惡道。聲聞弟子皆向正路。若護禁戒。攝持威儀。守慎諸根。如是
等人。深樂大法。趣向善道。如來何故於九部中。見有毀他。則便呵責。如是
偈義為何所趣。佛告文殊師利。善男子。我說此偈。亦不盡為一切衆生。今
時。准為阿闍世王。諸佛世尊。若無因緣。終不逆說。有因緣故。乃說之耳。善
男子。阿闍世王害其父已。來至我所。欲折伏我。作如是問。云何世尊。有一
切智。非一切智耶。若一切智。調達往昔無量世中。常懷惡心。隨逐如來。欲
為殺害。云何如來聽其出家。善男子。以是因緣。我為是王而說此偈。
於他語言隨順不逆。亦不觀他作以不作。但自觀身。善不善行。佛告
大王。汝今害父已作逆罪。家重無間。應當發露。以求清淨。何緣乃更
見他過。各善男子。以是義故。我為彼王而說。是偈復次。善男子。亦為護持
不毀禁戒。成就威儀。見他過者而說。

是偈若復有人受他教誨遠離衆惡
復教他人令遠衆惡如是之人則我
弟子

尔時世尊為文殊師利而說偈言

一切畏刀杖 無不愛壽命 恕已可為喻
勿殺勿行杖

尔時文殊師利復於佛前而說偈言
非一切畏杖 非一切愛命 恕已可為喻
勤作善方便

如來說是法句之義亦是未盡何以
故如阿羅漢轉輪聖王玉女為馬主
藏大臣若諸天人及阿修羅執持利
劍能害之者无有是處勇士烈女馬
王獸王持戒比丘雖復對至而不恐
怖以是義故如來說偈亦是有餘若
言恕已可為喻者是亦有餘何以故
若使羅漢以已喻彼則有我想及以
命想若有我想及以命想則應擁護
凡夫亦應見阿羅漢志足行人若如
是者即是邪見若有邪見命終之時
即應生於阿鼻地獄又復羅漢設於
衆生生害心者无有是處无量衆生
亦復无能害羅漢者佛言善男子言

我想者謂於衆生生大悲心无煞害
想謂阿羅漢平等之心勿謂世尊無
有因緣而逆說也昔日於此王舍城
中有大獵師多殺羣鹿請我食肉我
於是時雖受彼請於諸衆生生慈悲
心如羅睺羅而說偈言
當令汝長壽 久久住於世 受持不害法
猶如諸佛壽

是故我說是偈

一切畏刀杖 无不受壽命 恕已可為喻
勿殺勿行杖

佛言善哉善哉文殊師利為諸菩薩
摩訶薩故諮問如來如是密教

尔時文殊師利復說是偈

云何敬父母 隨順而尊重 云何修此法
墮於无間獄

於是如來復以偈答文殊師利

若以貪愛母 无明以為父 隨順尊重是
則墮无間獄

尔時如來復為文殊師利菩薩重說
偈言

一切屬他 則名為苦 一切由已
自在安樂 一切憍慢 勢極暴惡

賢善之人 一切愛念

今時文殊師利菩薩摩訶薩白佛言
世尊如來所說是亦不盡唯願如來
復垂哀愍說其因緣何以故如長者
子從師學時為屬師不若屬師者義
不成就若不屬者亦不成就若得自
在亦不成就故如來所說有餘復
次世尊譬如王子无所綜習觸事不
成是亦自在愚闇常苦如是王子若
言自在義亦不成若言屬他義亦不
成以是義故佛所說義名為有餘是
故一切屬他不必受苦一切自在不
必受樂一切憍慢勢極暴惡是亦有
餘世尊如諸烈女憍慢心故出家學
道護持禁戒威儀成就守攝諸根不
令馳散是故一切憍慢之結不必暴
惡賢善之人一切愛念是亦有餘如
人內犯四重禁已不捨法服堅持威
儀護持法者見已不愛是人命終必
墮地獄若有賢人犯重禁已護法見
之即驅令出罷道還俗以是義故一
切賢善何必恚愛今時佛告文殊師
利有因緣故如來於此說有餘義又

有因緣諸佛如來而說是法時王舍城有一女人名曰善賢還父母家因至我所歸依於我及法衆僧而作是言一切女人勢不自由一切男子自在無尋我於今時知是女心即為宣說如是偈頌文殊師利善哉善哉汝今能為一切衆生問於如來如是密語文殊師利復說偈言

一切諸衆生皆依飲食存一切有大力其心无嫉妬一切因飲食而多得痛苦一切修淨行而得受安樂

如是世尊今受純陀飲食供養將無如來有恐怖耶今時世尊復為文殊而說偈言

非一切衆生盡依飲食存非一切大力心皆無嫉妬非一切因食而致病苦患非一切淨行悉得受安樂

文殊師利汝若得病我亦如是應得病苦何以故諸阿羅漢及辟支佛菩薩如來實无所食但欲化彼示現受用无量衆生所施之物令其具足檀波羅蜜拔濟地獄畜生餓鬼若言如來六年苦行身羸瘦者无有是處諸

佛世尊獨拔諸有不同凡夫云何而得身羸劣耶諸佛世尊精勤修習獲金剛身不同世人危脆之身我諸弟子亦復如是不可思議不依於食一切大力无嫉妬者亦有餘義如世間人終身永无嫉妬之心而亦无力一切病苦因食得者亦有餘義亦見有人得客病者所謂刺刺刀劍鋒槩一切淨行受安樂者是亦有餘世間亦有外道之人修於梵行多受苦惱以是義故如來所說一切有餘是名如來非無因緣而說此偈有因故說昔日於此優禪居國有婆羅門名殺鞞德來至我所欲受第四八戒齋法我於今時為說是偈

今時迦葉菩薩白佛言世尊何等名為無餘義耶云何復名一切義乎善男子一切者唯除助道常樂善法是名一切亦名無餘其餘諸法亦名有餘亦名无餘欲令樂法諸善男子知此有餘及无餘義迦葉菩薩心大歡喜踊躍无量前白佛言甚奇世尊等視衆生如羅睺羅今時佛讚迦葉菩薩

善哉善哉汝今所見微妙甚深

迦葉菩薩白佛言世尊唯願如來說
是大乘大涅槃經所得功德佛告迦
葉善男子若有得聞是經名字所得
功德非諸聲聞辟支佛等所能宣說
唯佛能知何以故不可思議是佛境
界何況受持讀誦通利書寫經卷
今時諸天世人及阿修羅即於佛前
異口同音而說偈言

諸佛難思議 法僧亦復然 是故今勸請
唯願小停住 尊者大迦葉 及以阿難等
二衆之眷屬 且待須臾至 并及摩伽主
阿闍世大王 至心敬信佛 猶故未來此
唯願於如來 少垂哀愍住 於此大衆中
斷我諸疑網

今時如來為諸大衆而說偈言

我法最長子 是名大迦葉 阿難勤精進
能斷一切疑 汝等當諦觀 阿難多聞士
自然當解了 是常及無常 以是故不應
心懷於憂惱

今時大衆以種種物供養如來供養
佛已即發阿耨多羅三藐三菩提心
无量無邊恒河沙等諸菩薩輩得住

初地亦時世尊與文殊師利迦葉菩薩及以純陀而受記莢受記莢已說如是言諸善男子自修其心慎莫放逸我今背疾舉體皆痛我今欲卧如彼小兒及常患者汝等文殊當為四部廣說大法今以此法付囑於汝乃至迦葉阿難等來復當付囑如是正法亦時如來說語已為欲調伏諸衆生故現身有疾右脇而卧如彼病人

大般涅槃經卷第十

壬寅歲高麗國大藏都監奉

勅彫造

大般涅槃經卷第十一

迹

現病品第六

北涼天生三藏曇無讖譯

尔時迦葉菩薩白佛言世尊如來已
免一切疾病患苦悉除無復怖畏世
尊一切衆生有四毒箭則為病因何
等為四貪欲瞋恚愚癡憍慢若有病
因則有病生所謂愛熱肺病上氣吐
逆皮膚瘡瘡其心悶乱下痢噦噎小
便淋瀝眼耳疼痛背滿腹脹顛狂乾
消鬼魅所著如是種種身心諸病諸
佛世尊悉無復有今日如來何緣願
命文殊師利而作是言我今背痛汝
等當為大衆說法有二因緣則無病
苦何等為二一者憐愍一切衆生二
者給施病者醫藥如來往昔已於無
量万億劫中修菩薩道常行愛語利
益衆生不令苦惱施疾病者種種醫
藥何緣於今自言有病世尊世有病
人或坐或卧不安處所或索飲食勅
誡家屬修治產業何故如來默然而
卧不教弟子聲聞人等尸波羅蜜諸

禪解脫三摩跋提修諸正勤何緣不
說如是甚深大乘經典如來何故不
以無量方便教大迦葉人中爲王諸
大人等令不退於阿耨多羅三藐三
菩提何故不治諸惡比丘受畜一切
不淨物者世尊實無有病云何默然
右脇而卧諸菩薩等凡所給施病者
醫藥所得善根悉施衆生而共迴向
一切種智爲除衆生諸煩惱障業障
報障煩惱障者貪欲瞋恚愚癡忿怒
纏蓋焦惱嫉妬慳吝奸詐諛諂無慚
無愧慍慍放逸貢高憍恨諍訟邪命諂
媚詐現異相以利求利惡求多求無
有恭敬不隨教誨親近惡友貪利無
厭纏縛難解欲於惡欲貪於惡貪身
見有見及以無見頻申喜睡欠呿不
樂貪嗜飲食其心憂瞢心緣異想不
善思惟身口多惡好喜多語諸根闇
鈍發言多虛常爲欲覺恚覺害覺之
所覆蓋是名煩惱障業障者五無間
罪重惡之病報障者生在地獄畜生
餓鬼誹謗正法及一闍提是名報障

如是三障名為大病而諸菩薩於無量劫修菩提時給施一切疾病醫藥常作是願令諸衆生永斷如是三障重病復次世尊菩薩摩訶薩修菩提時給施一切病者醫藥常作是願願令衆生永斷諸病得成如來金剛之身又願一切無量衆生作妙藥王斷除一切諸惡重病願諸衆生得阿伽陀藥以是藥力能除一切無量惡毒又願衆生於阿耨多羅三藐三菩提無有退轉速得成就無上佛藥消除一切煩惱毒箭又願衆生勤修精進成就如來金剛之心作微妙藥療治衆病不令有人生諍訟想亦願衆生作大藥樹療治一切諸惡重病又願衆生拔出毒箭得成如來無上光明又願衆生得入如來智慧大藥微密法藏世尊菩薩如是已於無量百千萬億那由他劫發是誓願令諸衆生悉無復病何緣如來乃於今日唱言有病復次世尊世有病人不能坐起俯仰進止飲食不御漿水不下亦復不能教戒諸子修治家業尔時父母

妻子兄弟親屬知識各於是人生必死想世尊如來今日亦復如是右脇而卧無所論說此間浮提有諸愚人當作是念如來正覺必當涅槃生滅盡想而如來性實不畢竟入於涅槃何以故如來常住無變易故以是因緣不應說言我今背痛

復次世尊世有病者身體羸損若偃若側卧著牀褥尔時家室心生惡賤起必死想如來今者亦復如是當為外道九十五種之所輕慢生無常想彼諸外道當作是言不如我等以我性常自在時節微塵等法而為常住無有變易沙門瞿曇无常所遷是變易法以是義故世尊今日不應默然右脇而卧復次世尊世有病者四大增損牙不調適羸瘦乏極是故不能隨意坐起卧著牀褥如來四大無不和適身力具足亦無羸損世尊如十小牛力不如一大牛力十大牛力不如一青牛力十青牛力不如一凡為力十凡為力不如一野為力十野為力不如一二牙為力十二牙為力不

如一四牙爲力十四牙爲力不如雪山一白鳥爲力十雪山白鳥爲力不如一香鳥爲力十香鳥爲力不如一青鳥爲力十青鳥爲力不如一黃鳥爲力十黃鳥爲力不如一赤鳥爲力十赤鳥爲力不如一白鳥爲力十白鳥爲力不如一山鳥爲力十山鳥爲力不如一優鉢羅鳥爲力十優鉢羅鳥爲力不如一拘物頭鳥爲力十拘物頭鳥爲力不如一分陀利鳥爲力十分陀利鳥爲力不如人中一力士力十人中力士力不如一鉢健提力十鉢健提力不如一八臂毘羅延力十毘羅延力不如一十住菩薩一節之力一切凡夫身中諸節節不相到人中力士節頭相到鉢健提身諸節相接毘羅延身節頭相拘十住菩薩諸節骨解盤龍相結是故菩薩其力最大世界成時從金剛際起金剛座上至道場菩提樹下菩薩坐已其心即時逮得十力如來今者不應如彼嬰孩小兒嬰孩小兒愚癡無智無所能說以是義故隨意偃側無人譏訶如來世尊有大智慧照明一切人中之龍具大威德

成就神通無上仙人永斷疑網已抄
毒箭進止安詳威儀具足得無所畏
今者何故右脇而卧令諸人天悲愁
苦惱尔時迦葉菩薩即於佛前而說
偈言

瞿曇大聖德願起演妙法不應如小兒
病者卧牀席調御天人師倚卧雙樹間
下愚凡夫見當言必涅槃不知方等典
甚深佛所行不見微密藏猶盲不見道
惟有諸菩薩文殊師利等能解是甚深
譬如善射者三世諸世尊大悲為根本
如是大慈悲今為何所在若無大悲者
是則不名佛佛若必涅槃是則不名當
惟願無上尊哀受我等請利益於衆生
摧伏諸外道

尔時世尊大悲熏心知諸衆生各各
所念將欲隨順畢竟利益即從卧起
結跏趺坐顏貌熙怡如融金聚面目
端嚴猶月盛滿形容清淨無諸垢穢
放大光明充遍虛空其光大盛過百
千日照于東方南西北方四維上下
諸佛世界惠施衆生大智之炬悉令
得滅無明黑闇令百千億那由他衆

生安止不退菩提之心。今時世尊心
無疑慮。如師子王以三十二大人之
相八十種好莊嚴其身。於其身上二
切毛孔一一毛孔出一蓮花。其花微
妙各具千綵。純真金色。琉璃為莖。金
剛為鬚。玫瑰為臺。形大團圓。猶如車
輪。是諸蓮花各出種種雜色。光明青
黃赤白紫頗梨色。是諸光明皆悉遍
至阿鼻地獄。想地獄。黑繩地獄。衆合
地獄。叫喚地獄。大叫喚地獄。焦熱地
獄。大焦熱地獄。是八地獄。其中衆生
常為諸苦之所逼切。所謂燒煮火炙
所刺劇剥。遇斯光已。如是衆苦悉滅。
無餘安隱清涼快樂無極。是光明中
宣說如來秘密之藏。言諸衆生皆有
佛性。衆生聞已。即便命終。生人天中。
乃至八種寒冰地獄。所謂阿波波地
獄。阿吒吒地獄。阿羅羅地獄。阿婆婆
地獄。優鉢羅地獄。波頭摩地獄。拘物
頭地獄。分陀利地獄。是中衆生常為
寒苦之所逼惱。所謂擘裂身體碎壞
牙相殘害。遇斯光已。如是等苦亦滅。
無餘。即得調和溫煖。適身是光明中。

亦說如來秘密之藏言諸衆生皆有
佛性衆生聞已即便命終生人天中
亦時於此閻浮提界及餘世界所有
地獄皆悉空虛無受罪者除一闍提
餓鬼衆生飢渴所逼以髮纏身於百
千歲未曾得聞漿水之名遇斯光已
飢渴即除是光明中亦說如來微密
秘藏言諸衆生皆有佛性衆生聞已
即便命終生人天中令諸餓鬼亦悉
空虛除謗大乘方等正典畜生衆生
互相煞害共相殘食遇斯光已悉心
悉滅是光明中亦說如來秘密之藏
言諸衆生皆有佛性衆生聞已即便
命終生人天中當尔之時畜生亦盡
除謗正法是一一花各有一佛圓光
一尋金色晃曜微妙端嚴取上無比
三十二相八十種好莊嚴其身是諸
世尊或有坐者或有行者或有卧者
或有住者或有震雷音者或澍雨者
或放電光或復興風或出烟焰身如
火聚或復示現七寶諸山池泉河水
山林樹木或復示現七寶國土城邑
聚落宮殿屋宅或復示現爲馬師子

虎狼孔雀鳳凰諸鳥或復示現今闍
浮提所有衆生悉見地獄畜生餓鬼
或復示現欲界六天復有世尊或說
陰界諸入多諸過患或復有說四聖
諦法或復有說諸法因緣或復有說
諸業煩惱皆因緣生或復有說我與
无我或復有說苦樂二法或復有說
常無常等或復有說淨與不淨復有
世尊為諸菩薩演說所行六波羅蜜
或復有說諸大菩薩所得功德或復
有說諸佛世尊所得功德或復有說
聲聞之人所得功德或復有說隨順
一乘或復有說三乘成道或有世尊
左脇出水右脇出火或有示現初生
出家坐於道場菩提樹下轉妙法輪
入于涅槃或有世尊作師子吼令此
會中有得一果二果三果至第四果
或復有說出離生死无量因緣尔時
於此闍浮提中所有衆生遇斯光已
盲者見色聾者聽聲啞者能言拘躄
能行貧者得財慳者能施恚者慈心
不信者信如是世界無一衆生修行
惡法除一闍提尔時一切天龍鬼神

乾闥婆阿修羅迦樓羅緊那羅摩睺
羅伽羅剎健陀憂摩陀阿婆魔羅人
非人等悉共同聲唱如是言善哉善
哉无上天尊多所利益說是語已踊
躍歡喜或歌或舞或身動轉以種種
花散佛及僧所謂天優鉢羅花拘物
頭花波頭摩花分陀利花曼陀羅花
摩訶曼陀羅花曼殊沙花摩訶曼殊
沙花散陀那花摩訶散陀那花盧脂
那花摩訶盧脂那花香花大香花適
意花大適意花愛見花大愛見花端
嚴花第一端嚴花復散諸香所謂沉
水多伽樓香栴檀鬱金和合雜香海
岸聚香復以天上寶幢幡蓋諸天伎
樂箏笛笙瑟篳篥鼓吹供養於佛而
說偈言

我今稽首大精進 無上正覺兩足尊
天人大衆所不知 惟有瞿曇乃能了
世尊往昔為我故 於无量劫修苦行
如何一旦放本誓 而便捨命欲涅槃
一切衆生不能見 諸佛世尊秘密藏
以是因緣難得出 輪轉生死墜惡道
如佛所說阿羅漢 一切皆當至涅槃

如是甚深佛行處

凡夫下愚誰能知

施諸衆生甘露法

為欲斷除諸煩惱

若有服此甘露已

不復受生老病死

如來世尊以療治

百千無量諸衆生

令其所有諸重病

一切消滅无遺餘

世尊久已捨病苦

故得名為第七佛

惟願今日雨法雨

潤漬我等功德種

是故大衆及人天

如是請已默然住

說是偈時蓮花臺中一切諸佛從閻

浮提遍至淨居悉皆聞之尔時佛告

迦葉菩薩善哉善哉善男子汝已具

足如是甚深微妙智慧不為一切諸

魔外道之所破壞善男子汝已安住

不為一切諸邪惡風之所傾動善男

子汝已成就樂說辯才已曾供養過

去无量恒河沙等諸佛世尊是故能

問如來正覺如是之義善男子我於

往昔無量无边億那由他百千万劫

已除病根永離倚卧迦葉過去无量

阿僧祇劫有佛出世号無上勝如來

應供正遍知明行足善逝世間解无

上士調御丈夫天人師佛世尊為諸

聲聞說是大乘大涅槃經開示分別

顯發其義我於今時亦為彼佛而作
聲聞受持如是大涅槃典讀誦通利
書寫經卷廣為他人開示分別解說
其義以是善根迴向阿耨多羅三藐
三菩提善男子我從是來未曾有惡
煩惱業緣墮於惡道誹謗正法作一
闍提受黃門身无根二根及逆父母
煞阿羅漢破塔壞僧出佛身五犯四
重禁從是已來身心安隱无諸苦惱
迦葉我今實無一切疾病所以者何
諸佛世尊久已遠離一切病故迦葉
是諸衆生不知大乘方等密教便謂
如來真實有疾

迦葉如言如來人中師子而如來者
實非師子如是之言即是如來秘密
之教迦葉如言如來人中大龍而我
已於无量劫中捨離是業迦葉如言
如來是人是天而我真實非人非天
亦非鬼神軋闍婆阿修羅迦樓羅緊
那羅摩睺羅伽非我非命非可養育
非人士夫非作非不作非受非不受
非世尊非聲聞非說非不說如是等
語皆是如來秘密之教

迦葉如言如來猶如大海須弥山王
而如來者實非鹹味同於石山當知
是語亦是如來秘密之教迦葉如言
如來如分陀利而我實非分陀利也
如是之言即是如來秘密之教迦葉
如言如來猶如父母而如來者實非
父母如是之言亦是如來秘密之教
迦葉如言如來是大船師而如來者
實非船師如是之言亦是如來秘密
之教迦葉如言如來猶如商主而如
來者實非商主如是之言亦是如來
秘密之教迦葉如言如來能摧伏魔
而如來者實无惡心欲令他伏如是
之言皆是如來秘密之教迦葉如言
如來能治癰瘡而我實非治癰師也
如是之言亦是如來秘密之教迦葉
如我先說若有善男子善女人善能
修治身口意業捨命之時雖有親族
取其屍骸或以火燒或投大水或棄
塚間狐狼禽獸競共食噉然心意識
即生善道而是心法實無去來亦无
所至真是前後相似相續相貌不異
如是之言即是如來秘密之教迦葉

我今言病亦復如是亦是如來秘密
之教是故願命文殊師利吾今背痛
汝等當為四眾說法迦葉如來正覺
實無有病右脇而卧亦不畢竟入於
涅槃迦葉是大涅槃即是諸佛甚深
禪定如是禪定非是聲聞緣覺行處
迦葉汝先所問如來何故倚卧不起
不索飲食戒勅家屬修治產業迦葉
虛空之性亦无坐起求索飲食勅戒
家屬修治產業亦無去來生滅老壯
出沒傷破解脫繫縛亦不自說亦不
說他亦不自解亦不解他非安非病
善男子諸佛世尊亦復如是猶如虛
空云何當有諸病苦耶

迦葉世有三人其病難治一謗大乘
二五逆罪三一闡提如是三病世中
極重患非聲聞緣覺菩薩之所能治
善男子譬如有病必死難治若有瞻
病隨意醫藥若無瞻病隨意醫藥如
是之病定不可治當知是人必死不
疑善男子是三種人亦復如是若有
聲聞緣覺菩薩或有說法或不說法
不能令其發阿耨多羅三藐三菩提

心迦葉譬如病人若有瞻病隨意醫藥則可令老若无此三則不可老聲聞緣覺亦復如是從佛菩薩得聞法已即能發於阿耨多羅三藐三菩提心非不聞法能發心也迦葉譬如病人若有瞻病隨意醫藥若無瞻病隨意醫藥皆悉可老有一種人亦復如是或值聲聞不值聲聞或值緣覺不值緣覺或值菩薩不值菩薩或值如來不值如來或得聞法或不聞法自然得成阿耨多羅三藐三菩提所謂有人或為自身或為他身或為怖畏或為利養或為諛諂或為誑他書寫如是太涅槃經受持讀誦供養恭敬為他說者

迦葉有五種人於是大乘大涅槃典有病行處非如來也何等為五一斷三結得須陀洹果不墮地獄畜生餓鬼人天七返永斷諸苦入於涅槃迦葉是名第一人有病行處是人未來過八万劫便當得成阿耨多羅三藐三菩提迦葉第二人者斷三結縛薄貪恚癡得斯陀含果名一往來永斷

諸苦入於涅槃迦葉是名第二人有
病行處是人未來過六万劫便當得
成阿耨多羅三藐三菩提迦葉第三
人者斷五下結得阿那含果更不來
此永斷諸苦入於涅槃是名第三人
有病行處是人未來過四万劫便當
得成阿耨多羅三藐三菩提迦葉第
四人者永斷貪欲瞋恚愚癡得阿羅
漢果煩惱無餘入於涅槃亦非麒麟
獨一之行是名第四人有病行處是
人未來過二万劫便當得成阿耨多
羅三藐三菩提迦葉第五人者永斷
貪欲瞋恚愚癡得辟支佛道煩惱无
餘入於涅槃真是麒麟獨一之行是
名第五人有病行處是人未來過十
千劫便當得成阿耨多羅三藐三菩
提迦葉是名第五人有病行處非如
來也

大般涅槃經聖行品第七之一

尔時佛告迦葉菩薩善男子菩薩摩
訶薩應當於是大般涅槃經專心思
惟五種之行何等為五一者聖行二
者梵行三者天行四者嬰兒行五者

病行善男子菩薩摩訶薩常當修習
是五種行復有一行是如來行所謂
大乘大涅槃經迦葉云何菩薩摩訶
薩所修聖行菩薩摩訶薩若從聲聞
若從如來得聞如是大涅槃經聞已
生信信已應作如是思惟諸佛世尊
有無上道有大正法大衆正行復有
方等大乘經典我今當為愛樂貪求
大乘經故捨離所愛妻子眷屬所居
舍宅金銀珍寶微妙瓔珞香花伎樂
奴婢僕使男女大小爲馬車乘牛羊
雞犬猪豕之屬復作是念居家迫近
猶如牢獄一切煩惱由之而生出家
寬曠猶如虛空一切善法因之增長
若在家居不得盡壽淨修梵行我今
應當剷除鬚髮出家學道作是念已
我今定當出家修學无上正真菩提
之道菩薩如是欲出家時大魔波旬
生大苦惱言是菩薩復當與我興大
戰諍善男子如是菩薩何處當復與
人戰諍是時菩薩即至僧坊若見如
來及佛弟子威儀具足諸根寂靜其
心柔和清淨寂滅即至其所而求出

家剎除鬚髮服三法衣既出家已奉
持禁戒威儀不缺進止安詳無所觸
犯乃至小罪心生怖畏護戒之心猶
如金剛善男子譬如有人帶持浮囊
欲渡大海尔時海中有羅刹即從
其人乞索浮囊其人聞已即作是念
我今若與必定沒死答言羅刹汝寧
煞我浮囊叵得羅刹復言汝若不能
全與我者見惠其半是人猶故不肯
與之羅刹復言汝若不肯惠我半者
幸願與我三分之一是人不肯羅刹
復言若不能者當施手許是人不肯
羅刹復言汝今若復不能與我如手
許者我今飢窮衆苦所逼願當濟我
如微塵許是人復言汝今所索誠復
不多然我今日方當渡海不知前途
近遠如何若與汝者氣當漸出大海
之難何由得過脫能中路沒水而死
善男子善薩摩訶薩護持禁戒亦復
如是如彼渡人護惜浮囊善薩如是
護戒之時常有煩惱諸惡羅刹語善
薩言汝當信我終不相欺但破四禁
護持餘戒以是因緣令汝安隱得入

涅槃菩薩亦時應作是言我今寧持如是禁戒墮阿鼻獄終不毀犯而生天上煩惱羅刹復作是言卿若不能破四禁者可破僧殘以是因緣令汝安隱得入涅槃菩薩亦應不隨其語羅刹復言卿若不能犯僧殘者亦可故犯偷蘭遮罪以是因緣令汝安隱得入涅槃菩薩亦復不隨羅刹復言卿若不能犯偷蘭遮者可犯捨墮以是因緣可得安隱入於涅槃菩薩亦不隨之羅刹復言卿若不能犯捨墮者可破波夜提以是因緣令汝安隱得入涅槃菩薩亦不隨之羅刹復言卿若不能犯波夜提者幸可毀破突吉羅戒以是因緣可得安隱入於涅槃菩薩亦時心自念言我今若犯突吉羅罪不發露者則不能渡生死彼岸而得涅槃菩薩摩訶薩於是微小諸戒律中護持堅固心如金剛菩薩摩訶薩持四重禁及突吉羅敬重堅固等元老別菩薩若能如是堅持則為具足五根諸戒所謂具足菩薩根本業清淨戒前後眷

屬餘清淨戒非諸惡覺覺清淨戒護
持正念念清淨戒迴向阿耨多羅三
藐三菩提戒

迦葉是菩薩摩訶薩復有二種戒一
者受世教戒二者得正法戒菩薩若
受正法戒者終不為惡受世教戒者
白四羯磨然後乃得復次善男子有
二種戒一者性重戒二者息世譏嫌
戒性重戒者謂四禁也息世譏嫌戒
者不作販賣輕秤小斗欺誑於人因
他形勢取人財物害心繫縛破壞成
功然明而卧田宅種植家業坐肆不
畜鳥馬車乘牛羊馳驢雞犬獼猴孔
雀鸚鵡共命及拘拏羅豺狼虎豹猫
狸猪豕及餘惡獸童男童女大男大
女奴婢僮僕金銀琉璃頗梨真珠車
渠馬珊瑚琥珀璧玉珂貝諸寶赤銅白
臘鍮石孟器瓊瑜璚玢拘執毼衣一
切穀米大小麦豆糜粟稻麻生熟食
具常受一食不曾再食若行乞食及
僧中食常知止足不受別請不食肉
不飲酒五辛能熏惡不食之是故其
身无有臭處常為諸天一切世人恭

敬供養尊重讚歎趣足而食終不長
受所受衣服纔足覆身進止常與三
衣鉢具終不捨離如鳥二翼不畜根
子莖子節子接子子子不畜寶藏若
金若銀飲食厨庫衣裳服飭高廣大
牀爲牙金牀雜色編織悉不用坐不
畜一切細軟諸蓆不坐爲薦馬薦不
以細軟上妙衣服用敷牀卧其牀兩
頭不置二枕亦不受畜妙好丹枕安
黃木枕終不觀看爲閭馬閭車閭丘
閭男閭女閭牛閭羊閭水牛鷄雉鸚
鵡等閭亦不故往觀看軍陣不應故
聽吹貝鼓角琴瑟箏笛篳篥歌叫伎
樂之聲除供養佛搏菹園碁波羅塞
戲師子爲閭彈碁六博拍鞠擲石投
壘牽道八道行成一切戲笑悉不觀
作終不瞻相手脚面目不以抓鏡芝
草楊枝鉢盂髑髏而作卜莖亦不仰
觀虛空星宿除欲解睡不作王家往
返使命以此語彼以彼語此終不諛
諂邪命自活亦不宜說王臣盜賊閭
諍飲食國土飢饉恐怖豐樂安隱之
事善男子是名菩薩摩訶薩息世譏

嫌戒善男子菩薩摩訶薩堅持如是
遮制之戒與性重戒等無差別

善男子菩薩摩訶薩受持如是諸禁
戒已作是願言寧以此身投於熾然
猛火深坑終不毀犯過去未來現在
諸佛所制禁戒與刹利女婆羅門女
居士女而行不淨復次善男子菩薩
摩訶薩復作是願寧以熱鐵周匝纏
身終不敢以破戒之身受於信心檀
越衣服復次善男子菩薩摩訶薩復
作是願寧以此口吞熱鐵丸終不敢
以毀戒之口食於信心檀越飲食復
次善男子菩薩摩訶薩復作是願寧
卧此身大熱鐵上終不敢以破戒之
身受於信心檀越牀敷卧具復次善
男子菩薩摩訶薩復作是願我寧以
身受三百鉾終不敢以毀戒之身受
於信心檀越醫藥復次善男子菩薩
摩訶薩復作是願寧以此身投熱鐵
鑊不以破戒受於信心檀越房舍屋
宅復次善男子菩薩摩訶薩復作是
願寧以鐵槌打破此身從頭至足令
如微塵不以破戒受諸刹利婆羅門

居士恭敬禮拜復次善男子菩薩摩訶薩復作是願寧以熱鐵^批其兩目不以染心視他好色復次善男子菩薩摩訶薩復作是願寧以鐵錐遍身撓刺不以染心聽好音聲復次善男子菩薩摩訶薩復作是願寧以利刀割去其鼻不以染心貪嗅諸香復次善男子菩薩摩訶薩復作是願寧以利刀割裂其舌不以染心貪著美味復次善男子菩薩摩訶薩復作是願寧以利斧斬斫其身不以染心貪著諸觸何以故以是因緣能令行者墮於地獄畜生餓鬼迦葉是名菩薩摩訶薩護持禁戒菩薩摩訶薩護持如是諸禁戒已悉以施於一切衆生以是因緣願令衆生護持禁戒得清淨戒善戒不缺戒不掛戒大乘戒不退戒隨順戒畢竟戒具足成就波羅蜜戒善男子菩薩摩訶薩修持如是清淨戒時即得住於初不動地云何名為不動地耶菩薩住是不動地中不動不墮不退不散善男子譬如須彌山旋藍猛風不能令動墮落退散菩

薩摩訶薩住是地中亦復如是不為
色聲香味所動不墮地獄畜生餓鬼
不退聲聞辟支佛地不為異見邪風
所散而作邪命復次善男子又復動
者不為貪欲恚癡所動又復墮者不
墮四重又復退者不退戒還家又復
散者不為違逆大乘經者之所散壞
復次善男子菩薩摩訶薩亦復不為
諸煩惱魔之所傾動不為陰魔所墮
乃至坐於道場菩提樹下雖有天魔
不能令其退於阿耨多羅三藐三菩
提亦復不為死魔所散善男子是名
菩薩摩訶薩修習聖行善男子去何
名為聖行聖行者佛及菩薩之所行
處故名聖行以何等故名佛菩薩為
聖人耶如是等人有聖法故常觀諸
法性空寂故以是義故故名聖人有
聖戒故復名聖人有聖定慧故故名
聖人有七聖財所謂信戒慚愧多聞
智慧捨離故名聖人有七聖覺故故
名聖人以是義故復名聖行

八品涅槃經卷第十一

年丑歲高麗國大藏都監奉

勅雕造

大般涅槃經卷第十二

述

聖行品第七之二

北涼天竺三藏曇無讖譯

復次善男子菩薩摩訶薩聖行者觀
察是身從頭至足其中唯有髮毛爪
齒不淨垢穢皮肉筋骨脾腎心肺肝
膽腸胃生熟二藏大小便利涕唾目
淚肪膏腦膜骨髓膿血腦液諸脉菩
薩如是專念觀時誰有是我我為屬
誰住在何處誰屬於我復作是念骨
是我耶離骨是耶菩薩今時除去皮
肉唯觀白骨復作是念骨色相異所
謂青黃赤白及以鵠色如是骨相亦
復非我何以故我者亦非青黃赤白
及以鵠色菩薩繫心作是觀時即得
斷除一切色欲復作是念如是骨者
從因緣生依因足骨以拄踝骨依因
踝骨以拄膊骨依因膊骨以拄膝骨
依因膝骨以拄胫骨依因胫骨以拄
腕骨依因腕骨以拄腰骨依因腰骨
以拄脊骨依因脊骨以拄肋骨復因
脊骨上拄項骨依因項骨以拄頤骨

依因頷骨以拄牙齒上有髑髏復因
項骨以拄膊骨依因膊骨以拄臂骨
依因臂骨以拄腕骨依因腕骨以拄
掌骨依因掌骨以拄指骨菩薩摩訶
薩如是觀時身所有骨一切分離得
是觀已即斷三欲一形貌欲二姿態
欲三細觸欲菩薩摩訶薩觀青骨時
見此大地東西南北四維上下悉皆
青相如青色觀黃白鵝色亦復如是
菩薩摩訶薩作是觀時眉間即出青
黃赤白鵝等色光是菩薩於是二一
諸光明中見有佛像見已即問如此
身者不淨因緣和合共成云何而得
坐起行住屈申俯仰視瞬喘息悲泣
喜笑此中無主誰使之然作是問已
光中諸佛忽然不現復作是念或識
是我故使諸佛不為我說復觀此識
次第生滅猶如流水亦復非我復作
是念若識非我出息入息或能是我
復作是念是出入息直是風性而是
風性乃是四大四大之中何者是我
地性非我水火風性亦復非我復作
是念此身一切悉无有我唯有心風

因緣和合示現種種所作事業譬如呪力幻術所作亦如莖篴隨意出聲是故此身如是不淨假衆因緣和合共成而於何處生此貪欲若被罵辱復於何處而生瞋恚而我此身三十六物不淨臭穢何處當有受罵辱者若聞其罵即便思惟以何音聲而見罵耶二音聲不能見罵若一不能多亦不能以是義故不應生瞋若他來打亦應思惟如是打者從何而生復作是念因手刀杖及以我身故得名打我今何緣損瞋於他乃是我身自招此各以我受是五陰身故譬如因的則有箭中我身亦亦有身有打我若不忍心則散亂心若散亂則失正念若失正念則不能觀善不善義若不能觀善不善義我則行惡法惡法因緣則墮地獄畜生餓鬼菩薩亦時作是觀已得四念處得四念處已則得住於堪忍地中菩薩摩訶薩住是地已則能堪忍貪欲恚癡亦能堪忍寒熱飢渴蚊虻蚤虱暴風惡觸種種疾疫惡口罵詈撻打楚撻身心苦惱

一十能忍是故名爲住堪忍地迦葉
菩薩摩訶薩白佛言世尊菩薩未得
住不動地淨持戒時頗有因緣得破
戒不善男子有菩薩未得住不動地
有因緣故可得破戒迦葉敬諾何者
是耶佛言迦葉若有菩薩知以破戒
因緣則能令人受持愛樂大乘經典
又能令其讀誦通利書寫經卷廣爲
他說不退轉於阿耨多羅三藐三菩
提爲如是故故得破戒菩薩今時應
作是念我寧一切若減一切墮於阿
鼻地獄受罪要必當令如是之人不
退轉於阿耨多羅三藐三菩提迦葉
以是因緣菩薩摩訶薩得毀淨戒今
時文殊師利菩薩摩訶薩白佛言世
尊若有菩薩攝取護持如是之人令
不退於菩提之心爲是毀戒若墮阿
鼻无有是處今時佛讚文殊師利善
哉善哉如汝所說我念往昔於此閻
浮提作大國王名曰仙預愛念敬重
大乘經典其心純善無有虛惡嫉妬
慳慳口常宣說愛語善語身常攝護
貧窮孤獨布施精進无有休廢時世

無佛聲聞緣覺我於今時愛樂大乘
方等經典十二年中事婆羅門供給
所須過十二年施安已訖即作是言
師等今應發阿耨多羅三藐三菩提
心婆羅門言大王菩提之性は無所
有大乘經典亦復如是大王云何乃
令人物同於虛空善男子我於今時
心重大乘聞婆羅門誹謗方等聞已
即時斷其命根善男子以是因緣從
是已來不墮地獄善男子擁護攝持
大乘經典乃有如是無量勢力

復次迦葉又有聖行所謂四聖諦苦
集滅道是名四聖諦迦葉苦者逼迫
相集者能生長相滅者寂滅相道者
大乘相復次善男子苦者現相集者
轉相滅者除相道者能除相復次善
男子苦者有三相苦苦相行苦相壞
苦相集者二十五有滅者滅二十五
有道者修戒定慧復次善男子有漏
法者有二種有因有果無漏法者亦
有二種有因有果有漏果者是則名
苦有漏因者則名為集无漏果者則
名為滅無漏因者則名為道復次善

男子八相名苦所謂生苦老苦病苦死苦愛別離苦怨憎會苦求不得苦五盛陰苦能生如是八苦法者是名為因無有如是八法之處是名為滅十力四无所畏三念處大悲是名為道善男子生者出相所謂五種一者初出二者至終三者增長四者出胎五者種類生何等為老老有二種一念念老二終身老復有二種一增長老二滅壞老是名為老去何為病病謂四大毒地于不調適亦有二種一者身病二者心病身病有五一者因水二者因風三者因熱四者雜病五者客病客病有四一者非分強作二者忘誤墮落三者刀杖_及石四者鬼魅所著心病亦有四種一者踊躍二者恐怖三者憂愁四者愚癡復次善男子身心之病凡有三種何等為三一者業報二者不得遠離惡對三者時節代謝生如是等因緣名字受分別病因緣者風等諸病名字者心悶肺脹上氣咳逆心驚下痢受分別者頭痛目痛手足等痛是名為病何等

為死死者捨所受身捨所受身亦有
二種一命盡死二外緣死命盡死者
亦有三種一者命盡非是福盡二者
福盡非是命盡三者福命俱盡外緣
死者復有三種一者非分自害死二
者橫為他死三者俱死又有三種死
一放逸死二破戒死三壞命根死何
等名為放逸死若有誹謗大乘方等
般若波羅蜜是名放逸死何等名為
破戒死耶毀犯去來現在諸佛所制
禁戒是名破戒死何等名為壞命根
死捨五陰身是名壞命根死如是名
曰死為大苦何等名為愛別離苦所
愛之物破壞離散所受之物破壞離
散亦有二種一者人中五陰壞二者
天中五陰壞如是人天所愛五陰分
別揅計有無量種是名愛別離苦何
等名為怨憎會苦所不愛者而共聚
集所不愛者而共聚集復有三種所
謂地獄餓鬼畜生如是三趣分別揅
計有無量種如是則名怨憎會苦何
等名為求不得苦求不得苦復有二
種一者所惴望處求不能得二者多

役功力不得果報如是則名求不得
苦何等名為五盛陰苦五盛陰苦者
生苦老苦病苦死苦愛別離苦怨憎
貪苦求不得苦是故名為五盛陰苦
迦葉生之根本凡有如是七種之苦
老苦乃至五盛陰苦迦葉夫衰老者
非一切有佛及諸天一向定無人中
不定或有或无迦葉三界受身無不
有生老不必定是故一切生為根本
迦葉世間衆生顛倒覆心貪著生相
獸患老死迦葉菩薩不尔觀其初生
已見過患迦葉如有女人入於他舍
是女端正顏貌瓌麗以好瓔珞莊嚴
其身主人見已即便問言汝字何等
繫屬於誰女人答言我身即是功德
大天主人問言汝所至處為何所作
女人答言我所至處能興種種金銀
琉璃頗梨真珠珊瑚琥珀車渠馬瑙
烏馬車乘奴婢僕使主人聞已心生
歡喜踴躍无量我今福德故令汝來
至我舍宅即便燒香散花供養恭敬
禮拜復於門外更見一女其形醜陋
衣裳弊壞多諸垢膩皮膚皺裂其色

艾白見已問言汝字何等繫屬誰家
女人荅言我字黑闇復問何故名為
黑闇女人荅言我所行處能令其家
所有財寶一切喪耗主人聞已即持
利刀作如是言汝若不去當斷汝命
女人荅言汝甚愚癡無有智慧主人
問言何故名我癡无智慧女人荅言
洪舍中者即是我姊我常與姊進止
共俱汝若驅我亦當驅彼主人還入
問功德天外有一女云是汝妹實為
是不功德天言實是我妹我與此妹
行住共俱未曾相離隨所住處我常
作好彼常作惡我常利益彼常作害
若愛我者亦應愛彼若見恭敬亦應
敬彼主人即言若有如是好惡事者
我俱不用各隨意去是時二女俱共
相將還其所止尔時主人見其還去
心生歡喜踴躍無量是時二女復共
相隨至一貧家貧人見已心生歡喜
即請之言從今已去願汝二人常住
我家功德天言我等先以為他所驅
汝復何緣俱請我住貧人荅言汝今
念我我以汝故復當敬彼是故俱請

今住我家迦葉菩薩摩訶薩亦復如是。是不顧生天以生當有老病死。故是以俱棄曾無愛心。凡夫愚人不知老病死等過患。是故貪受生死二法。復次迦葉。如婆羅門幼稚童子。為飢所逼。見人糞中有菴羅果。即便取之。有智見已。呵責之言。汝婆羅門種姓。清淨何故取是糞中穢果。童子聞已。赧然有愧。即答之言。我實不食。為欲洗淨。還棄捨之。智者語言。汝大愚癡。若還棄者。本不應取。喜男二菩薩摩訶薩亦復如是。於此生分。不受不捨。如彼智者呵責童子。凡夫之人。欣生惡死。如彼童子取果。還棄復次。迦葉。譬如四衢道頭。有人器盛滿食色香味具。而欲賣之。有人遠來。飢虛羸乏。見其飯食色香味具。即指之言。此是何物。食主答言。此是上食色香味具。若食此食。得色得力。能除飢渴。得見諸天。唯有一患。所謂命終。是人聞已。即作是念。我今不用色力。見天亦不用死。即作是言。食是食已。若命終者。汝今何用於此。賣之。食主答言。有智之

人終不肯買唯有愚人不知是事多
與我價貪而食之善男子菩薩摩訶
薩亦復如是不願生天得色得力見
於諸天何以故以其不免諸苦惱故
凡夫愚癡隨有生處皆悉貪愛以其
不見老病死故復次善男子譬如毒
樹根亦能煞莖亦能煞皮花果實悉
亦能煞善男子二十五有受生之處
所受五陰亦復如是一切能煞復次迦
葉譬如糞穢多少俱臭善男子生亦
如是設壽八万下至十歲俱亦受苦
復次迦葉譬如嶺岸上有草覆於彼
岸邊多有甘露若有食者壽夭十年
永除諸病安隱快樂凡夫愚人貪其
味故不知其下有大深坑即前欲取
不覺腳跌墮坑而死智者知己捨離
遠去善男子菩薩摩訶薩亦復如是
尚不欲受天上妙食况復人中凡夫
之人乃於地獄吞取鐵丸况復人天
上妙餚饌而不能食迦葉以如是喻
及餘無量无邊譬喻當知是生實為
大苦迦葉是名菩薩摩訶薩住於大
乘大涅槃經觀於生苦

迦葉云何菩薩摩訶薩於是大乘大
涅槃經觀於老苦老者能為咬逆上
氣能壞勇力憶念進持盛年悅樂憍
慢貢高安隱自恣能作背腰懸怠懶
墮為他所輕迦葉譬如池水蓮花滿
中開敷鮮榮其可愛樂值天降雹恚
皆破壞善男子老亦如是恚能破壞
威壯好色復次迦葉譬如國王有一
智臣善知兵法有敵國王拒逆不順
王遣此臣往討伐之即便擒獲將來
詣王老亦如是擒獲壯色將付死王
復次迦葉譬如折軸无所復用老亦
如是無所復用復次迦葉如大富家
多有財寶金銀琉璃珊瑚琥珀車乘
馬瑤有諸怨賊若入其家即能劫奪
恚令空盡善男子盛年好色亦復如
是常為老賊之所劫奪復次迦葉譬
如貧人貪著上饍細軟衣裳雖復怖
望而不能得善男子老亦如是雖有
貪心欲受富樂五欲自恣而不能得
復次迦葉如陸地龜心常念水善男
子人亦如是既為衰老之所乾枯心
常憶念壯時所受五欲之樂復次迦

葉猶如秋月所有蓮花皆為一切之所樂見及其萎黃人所惡賤善男子
盛年壯色亦復如是恙為一切之所愛樂及其老至衆所惡賤復次迦葉
譬如甘蔗既被壓已滓無復味善男子壯年盛色亦復如是既被老壓无
三種味一出家味二讀誦味三坐禪味復次迦葉譬如滿月夜多光明晝
則不令善男子人亦如是壯則端嚴形貌瓌瑋老則衰羸形神枯頹復次
迦葉譬如有王常以正法治於國土真實無曲慈悲好施時為敵國之所
破壞流離逃迸遂至他土他土人民見已生於憐愍之心咸作是言大王
往日正法治國不枉万姓如何一旦流離至此善男子人亦如是既為衰
老所壞敗已常讀壯時所行事業復次迦葉譬如燈炷唯賴膏油膏油既
盡勢不久停善男子人亦如是唯賴壯膏壯膏既盡衰老之炷何得久停
復次迦葉譬如枯河不能利益人及非人飛鳥走獸善男子人亦如是為
老所枯不能利益一切作業復次迦

葉譬如河岸臨峻之樹若遇暴風必當顛墜善男子人亦如是臨老險岸死風既至勢不得住復次迦葉如車軸折不任重載善男子老亦如是不能諮受一切善法復次迦葉譬如嬰兒為人所輕善男子老亦如是常為一切之所輕毀迦葉以是等喻及餘无量無邊譬喻當知是老實為大苦迦葉是名菩薩摩訶薩修行大乘大涅槃經觀於老苦

迦葉云何苦菩薩摩訶薩修行大乘大涅槃經觀於病苦所謂病者能壞一切安隱樂事譬如電雨傷壞穀苗復次迦葉如人有怨心常憂愁而懷恐怖善男子一切衆生亦復如是常畏病苦心懷愁憂復次迦葉譬如有人形貌端正為王夫人欲心所愛遣使逼喚與共交通時王捕得即使使人挑其一目截其一耳斷一手足是人亦時形容改異人所惡賤善男子人亦如是雖復身體耳目具足既為病苦所纏逼已則為衆人之所惡賤復次迦葉如芭蕉樹竹葦蘆驪有子則

死善男子人亦如是有病則死復次
迦葉如轉輪王主兵大臣常在前導
王隨後行亦如魚王蟻王蠶王牛王
商主在前行時如是諸衆志皆隨從
無捨離者善男子死轉輪王亦復如
是常隨病臣不相捨離魚蟻蠶牛商
主病王亦復如是常為死衆之所隨
逐迦葉病因緣者所謂苦惱愁憂悲
嘆身心不安或為怨賊之所逼害破
壞浮囊搔撒橋梁亦能劫奪正念根
本復能破壞威壯好色力勢安樂除
捨慚愧能為身心焦熱熾然以是等
喻及餘無量無邊譬喻當知病苦是
為大苦迦葉是名菩薩摩訶薩修行
大乘大涅槃經觀於病苦

迦葉云何菩薩摩訶薩修行大乘大
涅槃經觀於死苦所謂死者能燒滅
故迦葉如火災起能燒一切唯除二
禪力不至故善男子死火亦尔能燒
一切唯除菩薩住於大乘大般涅槃
勢不及故復次迦葉如水災起一切
漂沒唯除三禪力不至故善男子死
亦尔漂沒一切唯除菩薩住於大

乘大般涅槃復次迦葉如風災起能吹一切志令散滅唯除四禪力不至故善男子死風亦尔志能吹滅一切所有唯除菩薩住於大乘大般涅槃迦葉菩薩白佛言世尊彼第四禪以何因緣風不能吹水不能漂火不能燒佛告迦葉善男子彼第四禪內外過患一切無故善男子初禪過患內有覺觀外有火災二禪過患內有歡喜外有水災三禪過患內有喘息外有風災善男子彼第四禪內外過患一切俱无是故諸災不能及之善男子菩薩摩訶薩亦復如是安住大乘大般涅槃內外過患一切皆盡是故死王不能及之復次善男子如金翅鳥能瞰能消一切龍魚金銀等寶唯除金剛不能令消善男子死金翅鳥亦復如是能瞰能消一切衆生唯不能消住於大乘大般涅槃菩薩摩訶薩復次迦葉譬如河岸所有草木大水瀑漲悉隨漂流入於大海唯除楊柳以其軟故善男子一切衆生亦復如是悉皆隨流入于死海唯除菩薩

住於大乘大般涅槃。復次迦葉。如那羅延。志能摧伏一切力士。唯除大風。何以故。以無尋故。善男子。死那羅延。亦復如是。志能摧伏一切衆生。唯除菩薩。住於大乘大般涅槃。何以故。以無尋故。復次迦葉。譬如有人。於怨憎中。詐現親善。常相追逐。如影隨形。伺求其便。而欲煞之。彼怨謹慎堅牢。自脩。故使是人不能得煞。善男子。死怨亦亦常伺衆生。而欲煞之。唯不能煞。住於大乘大般涅槃。菩薩摩訶薩。何以故。以是菩薩不放逸。故復次迦葉。譬如率降金剛。暴雨。志壞藥木。諸樹山林。土沙。凡石。金銀琉璃一切之物。唯不能壞。金剛真實。善男子。金剛死。雨亦復如是。志能破壞一切衆生。唯除金剛菩薩。住於大乘大般涅槃。復次迦葉。如金翅鳥。能取諸龍。唯不能取。受三歸者。善男子。死金翅鳥。亦復如是。是能取一切無量衆生。唯除菩薩。住三定者。何謂三定。空。无。相。願。復次迦葉。如摩羅毒地。凡所觸。整雖有良呪。上妙好藥。無如之何。唯阿竭多是。

呪能令除愈善男子死毒所整亦復
如是一切醫方无如之何唯除菩薩
住於大乘大般涅槃呪復次迦葉譬
如有人為王所瞋其人若能以軟善
語貢上財寶便可得脫善男子死王
不介雖以軟語錢財珍寶而貢上之
亦不得脫善男子夫死者於險難處
无有資糧去處懸遠而無伴侶晝夜
常行不知邊際深邃幽闇无有燈明
入無門戶而有處所雖无痛處不可
療治往無遮止到不得脫无所破壞
見者愁毒非是惡色而令人怖敷在
身邊不可覺知迦葉以是等喻及餘
無量无边譬喻當知是死真為大苦
迦葉是名菩薩摩訶薩修行大乘大
涅槃經觀於死苦

迦葉云何菩薩摩訶薩住於大乘大
涅槃經觀愛別離苦愛別離苦能為
一切衆苦根本如說偈言

因愛生憂 因愛生怖 若離於愛
何憂何怖

愛因緣故則生憂苦以憂苦故則令
衆生生於衰老愛別離苦所謂命終

善男子以別離故能生種種微細諸
苦今當為汝分別顯示善男子過去
之世人壽無量時世有王名為善住
其王今時為童子身太子治事及登
王位各八万四千歲時王頂上生一
肉疱其疱柔軟如兜羅綿細軟劫貝
漸漸增長不以為患足滿十月疱即
開剖生一童子其形端正奇異少雙
色像分明人中第一父王歡喜字之
頂生時善住王因以國事委付頂生
棄捨宮殿妻子眷屬入山學道滿八
万四千歲今時頂生於十五日處在
高樓沐浴受齋即時東方有金輪寶
其輪千輻轂軻具足非工匠造自然
成就而來應之頂生大三即作是念
我昔曾聞五通仙說若剎剎王於十
五日處在高樓沐浴受齋若有金輪
千輻不減轂軻具足非工匠造自然
成就而來應者當知是王即當得作
轉輪聖帝復作是念我今當試即以
左手擎此輪寶右執香爐右膝著地
而發誓言是金輪寶若實不虛應如
過去轉輪聖王所行道去作是誓已

是金輪寶飛昇虛空遍十方已還來
住在頂生左手今時頂生心生歡喜
踊躍無量復作是言我今定當作轉
輪王其後不久復有烏寶狀貌端嚴
如白蓮花七支拄地頂生見已復作
是念我昔曾聞五通仙說若轉輪王
於十五日處在高樓沐浴受齋若有
烏寶狀貌端嚴如白蓮花七支拄地
而來應者當知是王即是聖王復作
是念我今嘗試即擎香爐右膝著地
而發誓言是白烏寶若實不虛應如
過去轉輪聖王所行道去作是誓已
是白烏寶從旦至夕周遍八方盡大
海際還住本處今時頂生心大歡喜
踊躍無量復作是言我今定是轉輪
聖王其後不久次有馬寶其色紺炎
髦尾金色頂生見已復作是念我昔
曾聞五通仙說若轉輪王於十五日
處在高樓沐浴受齋若有馬寶其色
紺艷髦尾金色而來應者當知是王
即是聖王復作是念我今嘗試即執
香爐右膝著地而發誓言是紺馬寶
若實不虛應如過去轉輪聖王所行

道去作是誓已。是紺馬寶從旦至夕。周遍八方。盡大海際。還住本處。尔時頂生心大歡喜。踊躍无量。復作是言。我今定是轉輪聖王。其後不久。復有女寶形容端正。微妙第一。不長不短。不白不黑。身諸毛孔。出旃檀香。口氣香潔。如青蓮花。其目遠視。見一由旬耳聞鼻嗅。亦復如是。其舌廣大。出能覆面。形色細薄。如赤銅。素心聰散。哲有大智慧。於諸衆生。常有軟語。是女以手觸王衣時。即知王身安樂病患。亦知王心所緣之處。尔時頂生復作是念。若有女人。能知王心。即是女寶。其後不久。於王宮內。自然而有寶摩尼珠。純青琉璃。大如人脰。能於闇中照一由旬。若天降雨。滂如車軸。是珠力能作蓋。遍覆足一由旬。遮此大雨。不令下過。尔時頂生復作是念。若轉輪王得是寶珠。必是聖王。其後不久。有主藏臣。自然而出。多饒財寶。巨富无量。庫藏盈溢。無所乏少。報得眼根力能徹見一切地中。所有伏藏。隨王所念。皆能辦之。尔時頂生復欲試之。

即共乘船入於大海告藏臣言我今
欲得珍異之寶藏臣聞已即以兩手
撓大海水時十指頭出十寶藏以奉
聖王而白王言大王所須隨意用之
其餘在者當投大海今時頂生心大
歡喜踊躍無量復作念言我今定是
轉輪聖王其後不久有主兵臣自然
而出勇健猛略策謀第一善知四兵
若在闔者則現聖王若不任者退不
令現未摧伏者能令摧伏已摧伏者
力能守護今時頂生復作是念若轉
輪王得是兵寶當知定是轉輪聖王
今時頂生轉輪聖帝告諸大臣汝等
當知此閻浮提安隱豐樂然我今已
七寶成就千子具足更何所為諸臣
答言唯然大王東弗婆提猶未歸德
王應往討今時聖王與其七寶一切
營從飛空而往東弗婆提彼土人民
歡喜歸化復告大臣我閻浮提及弗
婆提安隱豐樂人民熾盛悉來歸化
七寶成就千子具足復何所為諸臣
答言唯然大王西瞿陀尼猶未歸德
今時聖王復與七寶一切營從飛空

而往西瞿陀尼王既至彼彼土人民亦復歸化復告大臣我閻浮提及弗婆提此瞿陀尼安隱豐樂人民熾盛咸以歸化七寶成就千子具足復何所為諸臣答言唯然大王北鬱單越猶未歸化今時聖王復與七寶一切營從飛空而往北鬱單越王既至彼彼土人民歡喜歸德復告大臣我四天下安隱豐樂人民熾盛咸已歸德七寶成就千子具足更何所為諸臣答言唯然聖王三十三天壽命極長安隱快樂彼天身形端嚴无比所居宮殿牀檣卧具悉是七寶自恃天福未來歸化今可往討令其摧伏今時聖王復與七寶一切營從飛騰虛空上忉利天見有一樹其色青綠聖王見已即問大臣此是何色大臣答言此是波利質多羅樹忉利諸天夏三月日常於其下娛樂受樂復見白色猶如白雲復問大臣彼是何色大臣答言是善法堂忉利諸天常集其中論人天事於是天主釋提桓因知頂生王已來在外即出迎逆見已執手

昇善法堂分座而坐彼時二王形容
相貌等無差別唯有視眴為別異耳
是時聖王即生念言我今寧可退彼
王位即住其中為天王不善男子今
時帝釋受持讀誦大乘經典開示分
別為他演說唯於深義未盡通達以
是讀誦受持分別為他廣說因緣力
故有大威德善男子而是頂生於此
帝釋生惡心已即便墮落還閻浮提
與所愛念人天離別生大苦惱復遇
惡病即便命終今時帝釋迦葉佛是
轉輪聖王則我身是善男子當知如
是愛別離者極為大苦善男子菩薩
摩訶薩尚憶過去如是等輩愛別離
苦何況苦薩住於大乘大涅槃經而
當不觀現在之世愛別離苦

善男子云何菩薩摩訶薩修行大乘
大涅槃經觀怨憎會苦善男子是苦
薩摩訶薩觀於地獄畜生餓鬼人中
天上皆有如是怨憎會苦譬如人觀
牢獄繫閉枷鎖杻械以為大苦菩薩
摩訶薩亦復如是觀於五道一切受
生悉是怨憎會大苦復次善男子

譬如有人常畏怨家劫鎗和械捨離
父母妻子眷屬珍寶產業而遠逃避
善男子菩薩摩訶薩亦復如是怖畏
生死具足修行六波羅蜜入於涅槃
迦葉是名菩薩摩訶薩修行大乘大
般涅槃觀怨憎會苦

善男子云何菩薩修行大乘大般涅槃
觀求不得苦求者一切盡求盡求
者有二種一求善法二求不善法善
法未得苦惡法未離苦是則略說五
盛陰苦迦葉是名苦諦

今時迦葉菩薩摩訶薩白佛言世尊
如佛所說五盛陰苦是義不然何以
故如佛往昔告釋摩男若色苦者一
切衆生不應求色若有求者則不名
苦如佛告諸比丘有三種受苦受樂
受不苦不樂受如佛先為諸比丘說
若有人能修行善法則得受樂又如
佛說於善道中六觸受樂眼見好色
是則為樂耳鼻舌身意思好法亦復
如是如佛說偈

持戒則為樂 身不受衆苦 睡眠得安隱
寤則心歡喜 若受衣食時 誦習而經行

獨處於山林如是為寂樂若能於衆生
晝夜常修慈因是得常樂以不惱他故
少欲知足樂多聞分別樂無著阿羅漢
亦名為受樂菩薩摩訶薩畢竟到彼岸
所作衆事辦是名為寂樂

世尊如諸經中所說樂相其義如是
如佛今說云何當與此義相應佛告
迦葉善哉善哉善男子善能諮問如
來是義善男子一切衆生於下苦中
橫生樂想是故我今所說苦相與本
不異尔時迦葉菩薩白佛言如佛所
說於下苦中生樂想者下生下老下
病下死下愛別離下求不得下怨憎
會下五盛陰如是等苦亦應有樂世
尊下生者所謂三惡趣中生者所謂
人中上生者所謂天上若復有人作
如是問若於下樂生於苦想於中樂
中生無苦樂想於上樂中生於樂想
當亡何答世尊若下苦中生樂想者
未見有人當受千罰初一下時已生
樂想若不生者云何說言於下苦中
而生樂想佛告迦葉如是如是如汝
所說以是義故无有樂想何以故猶

如彼人當受千罰受一下已即得脫者是人亦時便生樂想是故當知於無樂中妄生樂想迦葉言世尊彼人不以一下生於樂想以得脫故而生樂想迦葉是故我昔為釋摩男說五陰中樂實不虛也迦葉有三受三苦三受者所謂樂受苦受不苦不樂受三苦者所謂苦苦行苦壞苦善男子苦受者名為三苦所謂苦苦行苦壞苦餘二受者所謂行苦壞苦善男子以是因緣生死之中實有樂受苦菩薩摩訶薩以苦樂性不相捨離是故說言一切皆苦善男子生死之中實無有樂但諸佛菩薩隨順世間說言有樂迦葉菩薩白佛言世尊諸佛菩薩若隨俗說是虛妄否如佛所說修行善者則受樂報持戒安樂身不受苦乃至衆事已辦是為寂樂如是等經所說樂受是虛妄否若是虛妄諸佛世尊久於無量百千萬億阿僧祇劫修善提道已離妄語今作是說其義云何佛言善男子如上所說諸受樂偈即是菩提道之根本亦能長養阿

稱多羅三藐三菩提以是義故先於
經中說是樂相善男子譬如世間所
須資生能為樂因故名為樂所謂女
色耽恡飲酒上饌甘味渴時得水寒
時遇火衣服瓔珞為馬車乘奴婢僮
僕金銀琉璃珊瑚真珠倉庫穀米如
是等物世間所須能為樂因是名為
樂善男子如是等物亦能生苦因於
女人生男子苦憂愁悲泣乃至斷命
因酒甘味乃至倉穀亦能令人生大
憂惱以是義故一切皆苦无有樂相
善男子菩薩摩訶薩於是八苦解苦
無苦善男子一切聲聞辟支佛等不
知樂因為如是人於下苦中說有樂
相唯有菩薩住於大乘大般涅槃乃
能知是苦因樂因

大般涅槃經卷第十二

辛丑歲高麗國大藏都監奉

勅雕造

大般涅槃經卷第十三

迹

聖行品第七之三

北凉天竺三藏曇無讖譯

善男子云何菩薩摩訶薩住於大乘
大般涅槃觀察集諦善男子菩薩摩
訶薩觀此集諦是陰因緣所謂集者
還愛於有愛有二種一愛已身二愛
所須復有二種未得五欲繫心專求
既求得已堪忍專著復有三種欲愛
色愛無色愛復有三種業因緣愛煩
惱因緣愛苦因緣愛出家之人有四
種愛何等為四衣服飲食卧具湯藥
復有五種貪著五陰隨諸所須一切
愛著分別校計无量無邊善男子愛
有二種一者善愛二不善愛不善愛
者惟愚求之善法愛者諸菩薩求善
法愛者復有二種不善與善求二乘
者名為不善求大乘者是名為善善
男子凡夫愛者名之為集不名為諦
菩薩愛者名之實諦不名為集何以
故為度衆生所以受生不以愛故而
受生也迦葉菩薩白佛言世尊如佛

世尊於餘經中為諸衆生說業為因緣或說憍慢或說六觸或說無明為五盛陰而作因緣今以何義說四聖諦獨以愛性為五陰因佛讚迦葉善薩善哉善哉善男子如汝所說諸因緣者非為非因但是五陰要因於愛善男子譬如大王若出遊巡大日眷屬悉皆隨從愛亦如是隨愛行處是諸結等亦復隨行譬如膩衣隨有塵著著則隨住愛亦如是隨所愛處業結亦住復次善男子譬如濕地則能生牙愛亦如是能生一切業煩惱牙善男子菩薩摩訶薩住是大乘大般涅槃深觀此愛凡有九種一如債有餘二如羅刹女婦三如妙花莖有毒蛇纏之四如惡食性所不便而強食之五如娼女六如摩樓迦子七如瘡中息肉八如暴風九如彗星云何名為如債有餘善男子譬如窮人負他錢財雖債欲畢餘未畢故猶繫在獄而不得脫聲聞緣覺亦復如是以有愛習之餘氣故不能得成阿耨多羅三藐三菩提善男子是名如債有餘

善男子云何如羅刹女婦善男子譬
如有人以羅刹女而為婦妾是羅刹
女隨所生子生已便取子既盡已復
敢其夫善男子愛羅刹女亦復如是
隨諸衆生生善根子隨生隨食善子
既盡復取衆生令墮地獄畜生餓鬼
唯除菩薩是名如羅刹女婦善男
云何如妙花莖毒蛇纏之譬如有人
性愛好花不見花莖毒蛇過患即便
前捉捉已蛇螫螫已命殄一切凡夫
亦復如是貪五欲花不見是愛毒蛇
過患而便受取即為愛毒之所螫螫
命殄墮於三惡道中唯除菩薩是名
如妙花莖毒蛇纏之善男子云何所
不便食而強食之譬如有人所不便
食而強食之食已腹痛患下而死愛
食亦亦五道衆生強食貪著以是因
緣墮三惡道唯除菩薩是名所不便
食而強食之善男子云何婬女譬如
愚人與婬女通而被婬女巧作種種
諂媚現親恣奪是人所有錢財錢財
既盡便復驅逐愛之婬女亦復如是
愚人無智與之交通而是愛女奪其

所有一切善法善法既盡驅逐令墮
三惡道中唯除菩薩是名婬女善男
子云何摩樓迦子譬如摩樓迦子若
鳥食已隨糞墮地或因風吹來在樹
下即便生長纏繞縛束尼拘陀樹令
不增長遂至枯死愛摩樓迦子亦復
如是纏縛凡夫所有善法不令增長
遂至枯滅既枯滅已命終之後墮三
惡道唯除菩薩是名摩樓迦子善男
子云何瘡中息肉如人久瘡中生息
肉其人要當勤心療治莫生捨心若
生捨心瘡息增長虫疽復生以是因
緣即便命終凡夫愚人五陰瘡癘亦
復如是愛於其中而為息肉應當勤
心療治愛息若不治者命終即墮三
惡道中唯除菩薩是名瘡中息肉善
男子云何暴風譬如暴風能偃山移
岳拔深根哉愛暴大風亦復如是於
父母所而生惡心能拔大智舍利弗
等無上深固菩提根哉唯除菩薩是
名暴風善男子云何如彗星譬如彗
星出現天下一切人民飢饉病瘦癯
諸苦惱愛之彗星亦復如是能斷一

切善根種子令凡夫人孤窮飢饉生
煩惱病流轉生死受種種苦唯除菩
薩是名慧星善男子菩薩摩訶薩住
於大乘大般涅槃觀察愛結如是九
種善男子以是義故諸凡夫人有苦
無諦聲聞緣覺有苦有苦諦而无真
實諸菩薩等解苦無苦是故无苦而
有真實諸凡夫人有集無諦聲聞緣
覺有集有集諦諸菩薩等解集無集
是故無集而有真諦聲聞緣覺有滅
非真菩薩摩訶薩有滅有真諦聲聞
緣覺有道非真菩薩摩訶薩有道有
真諦

善男子云何菩薩摩訶薩住於大乘
大般涅槃見滅見滅諦所謂斷除一
切煩惱若煩惱斷則名為常滅煩惱
火則名寂滅煩惱滅故則得受樂諸
佛菩薩求因緣故名為淨更不復
受二十五有故名出世以出世故名
為我常於色聲香味觸男女生住滅
苦樂不苦不樂不取相貌故名畢竟
寂滅真諦善男子菩薩如是住於大
乘大般涅槃觀滅聖諦善男子云何

菩薩摩訶薩住於大乘大般涅槃觀
道聖諦善男子譬如闇中因燈得見
麤細之物菩薩摩訶薩亦復如是住
於大乘大般涅槃因八聖道見一切
法所謂常元常有為無為有衆生非
衆生物非物苦樂我无我淨不淨煩
惱非煩惱業非業實不實乘非乘知
不知施羅驃非施羅驃求那非求那
見非見色非色道非道解非解善男
子菩薩如是住於大乘大般涅槃觀
道聖諦

迦葉菩薩白佛言世尊若八聖道是
道聖諦義不相應何以故如來或說
信心為道能度諸漏或時說道不放
逸是諸佛世尊不放逸故得阿耨多
羅三藐三菩提亦是菩薩助道之法
或時說言精進是道如告阿難若有
人能勤修精進則得成於阿耨多羅
三藐三菩提或時說言觀身念處若
有繫心精勤修習是身念處則得成
於阿耨多羅三藐三菩提或時說言
正定為道如告大德摩訶迦葉夫正
定者真實是道非不正定而是道也

若入正定乃能思惟五陰生滅非不能淨衆生滅除一切憂愁苦惱逮得正法所謂念佛三昧或復說言修無常想是名為道如告比丘有能多修無常想者能得阿耨多羅三藐三菩提或說空寂阿蘭若處獨坐思惟能提或說空寂阿蘭若處獨坐思惟能得速成阿耨多羅三藐三菩提或時說言為人演法是名為道若聞法已疑網即斷疑網斷已則得阿耨多羅三藐三菩提或時說言持戒是道如告阿難若有精勤修持禁戒是人則度生死大苦或時說言親近善友是名為道如告阿難若有親近善知識者則具淨戒若有衆生能親近我則得發於阿耨多羅三藐三菩提心或時說言修慈是道修學慈者斷諸煩惱得不動處或時說言智慧是道如佛昔為波闍波提比丘尼說姊妹如諸聲聞以智慧刀能斷諸流諸漏煩惱或時如來說施是道如佛往昔告波斯匿王大王當知我於往昔多行惠施以是因緣今日得成阿耨多羅

三藐三菩提世尊若八聖道是道諦者如是等經豈非虛妄若彼諸經非虛妄者彼中何緣不說八道為道聖諦若彼不說如來往昔何故錯謬然我定知諸佛如來久離錯謬

今時世尊讚迦葉菩薩善哉善哉善男子汝今欲知菩薩大乘微妙經典所有秘密故作是問善男子如是諸經志入道諦善男子如我所說若有信道如是信道是信根本是能佐助菩提之道是故我說無有錯謬善男子如來善知无量方便欲化衆生故作如是種種說法善男子譬如良醫識諸衆生種種病原隨其所患而為合藥并藥所禁唯水一種不在禁例或服薑水或甘草水或細辛水或黑石蜜水或阿摩勒水或尼婆羅水或鉢畫羅水或服冷水或服熱水或蒲萄水或安石榴水善男子而是良醫善知衆生所患種種藥雖多禁水不在例如來亦尔善知方便於一法相隨諸衆生分別廣說種種名相彼諸衆生隨所說受受已修習除斷煩惱

如彼病人隨良醫教所患得除復次善男子如有一人善解雜語在大衆中是諸大衆熱渴所逼咸發聲言我欲飲水我欲飲水是人即時以清冷水隨其種類說言是水或言波尼或言薺持或言紫利藍或言紫利或言婆耶或言甘露或言牛乳以如是等無量水名為大衆說善男子如來亦以一聖道為諸聲聞種種演說從信根等至八聖道復次善男子譬如金師以一種金隨意造作種種瓔珞所謂鉗鐶環釵釵璫天冠臂印雖有如是差別不同然不離金善男子如來亦以一佛道隨諸衆生種種分別而為說之或說一種所謂諸佛一道無二復說二種所謂定慧復說三種謂見慧智復說四種所謂見道修道无學道佛道復說五種所謂信行道法行道信解脫道見到道身證道復說六種所謂須陀洹道斯陀含道阿那含道阿羅漢道辟支佛道佛道復說七種所謂念覺分擇法覺分精進覺分喜覺分除覺分定覺分捨覺

分復說八種所謂正見正思惟正語正業正命正精進正念正定復說九種所謂八聖道及信復說十種所謂十力復說十一種所謂十力大慈大悲復說十二種所謂十力大慈大悲復說十三種所謂十力大慈大悲念佛三昧復說十六種所謂十力大慈大悲念佛三昧及佛所得三正念處復說二十道所謂十力四無所畏大慈大悲念佛三昧三正念處善男子是道一體如來昔日為衆生故種種分別復次善男子譬如一火因所然故得種種名所謂木火草火糠火藁火牛馬糞火善男子佛道亦尔一而無二為衆生故種種分別復次善男子譬如一識分別說六若至於眼則名眼識乃至意識亦復如是善男子道亦如是一而无二如來為化諸衆生故種種分別復次善男子譬如一色眼所見者則名為色耳所聞者則名為聲鼻所嗅者則名為香舌所嘗者則名為味身所覺者則名為觸善男子道亦如是一而无二如來為欲化衆

生故種種分別善男子以是義故以
八聖道分名道聖諦善男子是四聖
諦諸佛世尊次第說之以是因緣無
量衆生得度生死

迦葉菩薩白佛言世尊昔佛一時在
恒河岸尸首林中今時如來取其樹
葉告諸比丘我今手中所捉葉多一
切因地草木葉多諸比丘言世尊一
切因地草木葉多不可稱計如來所
捉少不足言諸比丘我所覺了一切
諸法如因大地生草木等為諸衆生
所宣說者如手中葉世尊今時說如
是言如來所了無量諸法若入四諦
則為已說若不入者應有五諦今時
佛讚迦葉菩薩善哉善哉善男子汝
今所問則能利益安隱快樂无量衆
生善男子如是諸法悉已攝在四聖
諦中迦葉菩薩復作是言如是等法
若入四諦如來何故唱言不說佛言
善男子雖復入中猶不名說何以故
善男子知四聖諦有二種智一者中
二者上中者聲聞緣覺智上者諸佛
菩薩智善男子知諸陰苦名為中智

分別諸陰有無量相是諸苦非諸聲聞緣覺所知是名上智善男子如是等義我於彼經竟不說之善男子知諸入者名之為門亦名為苦是名中智分別諸入有無量相是諸苦非諸聲聞緣覺所知是名上智如是等義我於彼經亦不說之善男子知諸界者名之為分亦名為性亦名為苦是名中智分別諸界有無量相是諸苦非諸聲聞緣覺所知是名上智如是等義我於彼經亦不說之善男子知色壞相是名中智分別諸色有無量相是諸苦非諸聲聞緣覺所知是名上智如是等義我於彼經亦不說之善男子知受覺相是名中智分別諸受有無量覺相非諸聲聞緣覺所知是名上智善男子如是等義我於彼經亦不說之善男子知想取相是名中智分別是想有無量取相非諸聲聞緣覺所知是名上智如是等義我於彼經亦不說之善男子知行作相是名中智分別是行無量作相非諸聲聞緣覺所知是

名上智善男子如是等義我於彼經
亦不說之善男子知識分別相是名
中智分別是識无量知相非諸聲聞
緣覺所知是名上智善男子如是等
義我於彼經亦不說之善男子知愛
因緣能生五陰是名中智一人起愛
無量无边聲聞緣覺所不能知能知
一切衆生所起如是等愛是名上智
如是等義我於彼經亦不說之善男
子知滅煩惱是名中智分別煩惱不
可稱計滅亦如是不可稱計非諸聲
聞緣覺所知是名上智如是等義我
於彼經亦不說之善男子知世諦者
是名中智分別世諦無量无边不可
稱計非諸聲聞緣覺所知是名上智
如是等義我於彼經亦不說之善男
子一切行無常諸法无我涅槃寂滅
是第一義是名中智知第一義無量
无边不可稱計非諸聲聞緣覺所知

是名上智如是等義我於彼經亦不說之

尔時文殊師利菩薩摩訶薩白佛言
世尊所說世諦第一義諦其義云何
世尊第一義中有世諦不世諦之中
有第一義不如其有者即是一諦如
其無者將非如來虛妄說耶善男子
世諦者即第一義諦世尊若尔者則
无二諦佛言善男子有善方便隨順
衆生說有二諦善男子若隨言說則
有二種一者世法二者出世法善男
子如出世人之所知者名第一義諦
世人知者名為世諦善男子五陰和
合稱言某甲凡夫衆生隨其所稱是
名世諦解陰無有某甲名字離陰亦
无某甲名字出世之人如其性相而
能知之名第一義諦復次善男子或
復有法有名有實或復有法有名无
實善男子有名無實者即是世諦有
名有實者是第一義諦善男子如我
衆生壽命知見養育丈夫作者受者
熱時之炎軋闍婆城龜毛兔角旋火
之輪諸陰界入是名世諦苦集滅道

名第一義諦善男子世法有五種一者名世二者句世三者縛世四者法世五者執著世善男子云何名世男女瓶衣車乘屋舍如是等物是名名世云何句世四句一偈如是等偈名為句世云何縛世捲合繫結束縛合掌是名縛世云何法世如鳴提集僧嚴鼓戒兵吹貝知時是名法世云何執著世如望遠人有染衣者生想執著言是沙門非婆羅門見有結繩橫佩身上便生念言是婆羅門非沙門也是名執著世善男子如是名為五種世法善男子若有衆生於如是等五種世法心無顛倒如實而知是名第一義諦復次善男子若燒若割若死若壞是名世諦无燒無割无死無壞是名第一義諦復次善男子有八苦相名為世諦无生無老无病无死無愛別離无怨憎會無求不得无五盛陰是名第一義諦復次善男子譬如一人多有所能若其走時則名走者或收刈時復名刈者或作飲食名作食者若治材木則名工匠鍛金銀時

言金銀師如是一人有多名字法亦如是其實是一而有多名依因父母和合而生名為世諦十二因緣和合生者名第一義諦

文殊師利菩薩摩訶薩白佛言世尊所言實諦其義云何佛言善男子言實諦者名曰真法善男子若法非真不名實諦善男子實諦者無顛无倒無顛倒者乃名實諦善男子實諦者无有虚妄若有虚妄不名實諦善男子實諦者名曰大乘非大乘者不名實諦善男子實諦者是佛所說非魔所說若是魔說非佛說者不名實諦善男子實諦者一道清淨無有二也善男子有常有樂有我有淨是則名為實諦之義文殊師利白佛言世尊若以真實為實諦者真實之法即是如来虚空佛性若如是者如来虚空及與佛性無有差別佛告文殊師利有苦有諦有實有集有諦有實有滅有諦有實有道有諦有實善男子如来非苦非諦是實虚空非苦非諦是實佛性非苦非諦是實文殊師利所

言苦者為无常相是可断相是為實諦如來之性非苦非無常非可断相是故為實虛空佛性亦復如是復次善男子所言集者能令五陰和合而生亦名為苦亦名无常是可断相是為實諦善男子如來非是集性非是陰因非可断相是故為實虛空佛性亦復如是善男子所言滅者名煩惱滅亦常無常二乘所得名曰无常諸佛所得是則名常亦名證法是為實諦善男子如來之性不名為滅能滅煩惱非常非無常不名證知常住无變是故為實虛空佛性亦復如是善男子道者能断煩惱亦常无常是可修法是名實諦如來非道能断煩惱非常無常非可修法常住不變是故為實虛空佛性亦復如是復次善男子言真實者即是如來如來者即是真實真實者即是虛空虛空者即是真實真實者即是佛性佛性者即是真實文殊師利有苦有苦因有苦盡有苦對如來非苦乃至非對是故為實不名為諦虛空佛性亦復如是苦

者有為有漏無樂如來非有為非有漏湛然安樂是實非諦文殊師利白佛言世尊如佛所說不顛倒者名為實諦若今者四諦之中有四倒不如其有者云何說言无有顛倒名為實諦一切顛倒不名為實佛告文殊師利一切顛倒皆入苦諦如諸衆生有顛倒心名為顛倒善男子譬如有人不受父母尊長教勅雖受不能隨順修行如是人等名為顛倒如是顛倒非不是苦即是苦也文殊師利言如佛所說不虛妄者即是實諦若今者當知虛妄則非實諦佛言善男子一切虛妄皆入苦諦如有衆生欺誑於他以是因緣墮於地獄畜生餓鬼如是等法名為虛妄如是虛妄非不是苦即是苦也聲聞緣覺諸佛世尊遠離不行故名虛妄如是虛妄諸佛二乘所斷除故故名實諦文殊師利言如佛所說大乘是實諦者當知聲聞辟支佛乘則為不實佛言文殊師利彼二乘者亦實不實聲聞緣覺漸諸煩惱則名為實無常不住是變易法

名為不實文殊師利言如佛所說若
佛所說名為實者當知魔說則為不
實世尊如魔所說聖諦攝不佛言文
殊師利魔所說者二諦所攝所謂苦
集凡是一切非法非律不能令人而
得利益終日宣說亦無有人見苦斷
集證滅修道是名虛妄如是虛妄名
為魔說文殊師利言如佛所說一道
清淨无有二者諸外道等亦復說言
我有一道清淨無二若言一道是實
諦者與彼外道有何老別若无老別
不應說言一道清淨佛言善男子諸
外道等有苦集諦無滅道諦於非滅
中而生滅想於非道中而生道想於
非果中生於果想於非因中生於因
想以是義故彼无一道清淨無二
文殊師利言如佛所說有常有我有
樂有淨是實義者諸外道等應有實
諦佛法中無何以故諸外道輩亦復
說言諸行是常云何是常可意不可
意諸業報等受不失故可意者名十
善報不可意者十不善報若言諸行
悉皆無常而作業者於此已滅誰復

於彼受果報乎以是義故諸行是常
然生因緣故名為常世尊若言諸行
悉無常者能然可然二俱无常若無
常者誰於地獄而受罪報若言定有
地獄受報者當知諸行實非无常世
尊繫心專念亦名為常所謂十年所
念乃至百年亦不忘失是故為常若
無常者本所見事誰憶誰念以是因
緣一切諸行非无常也世尊一切憶
想亦名為常有人先見他人手脚頭
項等相後時若見便還識之若無常
者本想應滅世尊諸所作業以久修
習若從初學或經三年或經五年然
後善知故名為常世尊等數之法從
一至一從二至三乃至百千若无常
者初一應滅初一若滅誰復至二如
是常一終無有二以一不滅故得至
二乃至百千是故為常世尊如讀誦
法讀一阿含至二阿含乃至三四阿
含如其無常所可讀誦終不至四以
是讀誦增長因緣故名為常世尊瓶
衣車乘如人力負債大地形相山河樹
林藥木草葉衆生治病皆悉是常亦

復如是世尊一切外道皆作是說諸行是常若是常者即是實諦世尊有諸外道復言有樂云何知耶受者定得可意報故世尊凡受樂者必定得之所謂大梵天王大自在天釋提桓因毗紐天及諸人天以是義故名定有樂世尊有諸外道復言有樂能令衆生生求望故飢者求食渴者求飲寒者求溫熱者求涼極者求息病者求老欲者求色若無樂者彼何緣求以有求者故知有樂世尊有諸外道復作是言施能得樂世間之人好施沙門諸婆羅門貧窮困苦衣服飲食卧具醫藥爲馬車乘末香塗香衆花屋宅依止燈明作如是等種種惠施爲我後世受可意報是故當知決定有樂世尊有諸外道復作是言以因緣故當知有樂所謂受樂者有因緣故名爲樂觸若無樂者何得因緣如无兔角則無因緣有樂因緣則知有樂世尊有諸外道復作是言上中下故當知有樂下受樂者釋提桓因中受樂者大梵天王上受樂者大自

在天以有如是上中下故當知有樂
世尊有諸外道復言有淨何以故若
無淨者不應起欲若起欲者當知有
淨又復說言金銀珍寶琉璃頗梨車
渠馬瑤珊瑚真珠璧王珂貝流泉浴
池飲食衣服花香末香塗香燈燭之
明如是等物志是淨法復次有淨謂
五陰者即是淨器盛諸淨物所謂人
天諸仙阿羅漢辟支佛菩薩諸佛以
是義故名之為淨世尊有諸外道復
言有我有所覩見能造作故譬如有
人入陶師家雖復不見陶師之身以
見輪繩定知其家必是陶師我亦如
是眼見色已必知有我若无我者誰
能見色聞聲乃至觸法亦復如是復
次有我云何得知因相故知何等為
相喘息視眴壽命役心受諸苦樂貪
求瞋恚如是等法恚是我相是故當
知必定有我復次有我別味故有
人食果見已知味是故當知必定有
我復次有我云何知耶執作業故執
鑿能刈執斧能斫執瓶盛水執車能
御如是等事我執能作當知必定而

有我也復次有我云何知耶即於生時欲得乳哺乘宿習故是故當知必定有我復次有我云何知耶和合利益他衆生故譬如瓶衣車乘田宅山林樹木烏馬牛羊如是等物若和合者則有利益此內五陰亦復如是眼等諸根有和合故則利益我是故當知必定有我復次有我云何知耶有遮法故如有物故則有遮尋物若无者則無有遮若有遮者則知有我是故當知必定有我復次有我云何知耶伴非伴故親與非親非是伴侶正法邪法亦非伴侶智與非智亦非伴侶沙門非沙門婆羅門非婆羅門子非子晝非晝夜非夜我非我如是等法為伴非伴是故當知必定有我世尊諸外道等種種說有常樂我淨當知定有常樂我淨世尊以是義故諸外道等亦得說言我有真諦

佛言善男子若有沙門婆羅門有常有樂有淨有我者是非沙門非婆羅門何以故迷於生死離一切智大導師故知是沙門婆羅門等沉沒諸欲

善法羸損故是諸外道繫在貪欲瞋
恚癡獄堪忍愛樂故是諸外道雖知
業果自作自受而猶不能遠離惡法
是諸外道非是正法正命自活何以
故無智慧火不能消故是諸外道雖
欲貪著上妙五欲貪於善法不勤修
故是諸外道雖欲往至正解脫中而
持戒足不成就故是諸外道雖欲求
樂而不能求樂因緣故是諸外道雖
復憎惡一切諸苦然其所行未能遠
離諸苦因緣是諸外道雖為四大毒
地所纏猶行放逆不能謹慎是諸外
道無明所覆遠離善友樂在三界无
常熾然大火之中而不能出是諸外
道遇諸煩惱難愈之病而復不求大
智良醫是諸外道方於未來當涉無
邊險遠之路而不知習善法資糧而
自在嚴是諸外道常為婬欲灾毒所
害而反抱持五欲霜毒是諸外道瞋
恚熾盛而復反更親近惡友是諸外
道常為無明之所覆蔽而反推求邪
惡之法是諸外道常為邪見之所誑
惑而反於中生親善想是諸外道怖

食甘果而種苦子是諸外道亡虜煩惱闇室之中而反遠離大智炬明是諸外道患煩惱渴而復反飲諸欲鹹水是諸外道漂沒生死無邊大河而復遠離無上船師是諸外道迷惑顛倒言諸行常諸行若常无有是處六般涅槃經卷第十三

三子歲高麗國大藏都監奉

勅雕造

大般涅槃經卷第十四

迹

北涼天竺三藏曇無讖譯

聖行品第七之四

善男子我觀諸行悉皆無常云何知
耶以因緣故若有諸法從緣生者則
知无常是諸外道無有一法不從緣
生善男子佛性无生無滅无去無來
非過去非未來非現在非因所作非
無因作非作非作者非相非无相非
有名非無名非名非色非長非短非
陰界入之所攝持是故名常善男子
佛性即是如來如來即是法法即是
常善男子常者即是如來如來即是
僧僧即是常以是義故從因生法不
名為常是諸外道無有一法不從因
生善男子是諸外道不見佛性如來
及法是故外道所可言說悉是妄語
无有真諦諸凡夫人先見瓶衣車乘
舍宅城郭河水山林男女爲馬牛羊
後見相似便言是常當知其實非是
常也善男子一切有爲皆是无常虛
空無為是故為常佛性无為是故為

常虛空者即是佛性佛性者即是如
來如來者即是無為无為者即是常
常者即是法法者即是僧僧即無為
无為者即是常善男子有為之法凡
有二種色法非色法非色法者心心
數法色法者地水火風善男子心名
無常何以故性是攀緣相應分別故
善男子眼識性異乃至意識性異是
故無常善男子色境界異乃至法境
界異是故无常善男子眼識相應異
乃至意識相應異是故無常善男子
心若常者眼識應獨緣一切法善男
子若眼識異乃至意識異則知无常
以法相似念念生滅凡夫見已計之
為常善男子諸因緣相可破壞故亦
名無常所謂因眼因色因明因思惟
生於眼識耳識生時所因各異非眼
識因緣乃至意識異亦是復次善
男子壞諸行因緣異故心名無常所
謂修無常心異修苦空无我心異心
若常者應常修無常尚不得觀苦空
无我況復得觀常樂我淨以是義故
外道法中不能攝取常樂我淨善男

予當知心法必定無常復次善男子
心性異故名為无常所謂聲聞心性
異緣覺心性異諸佛心性異一切外
道心有三種一者出家心二者在家
心三者在家遠離心樂相應心異苦
相應心異不苦不樂相應心異貪欲
相應心異瞋恚相應心異愚癡相應
心異一切外道心相亦異所謂愚癡
相應心異疑惑相應心異邪見相應
心異進止威儀其心亦異善男子心
若常者亦復不能分別諸色所謂青
黃赤白紫色善男子心若常者諸憶
念法不應忘失善男子心若常者凡
所讀誦不應增長復次善男子心若
常者不應說言已作今作當作若有
已作今作當作當知是心必定無常
善男子心若常者則无怨親非怨非
親心若常者則不應言我物他物若
死若生心若常者雖有所作不應增
長善男子以是義故當知心性各各
別異有別異故當知无常善男子我
今於此非色法中演說無常其義已
顯復當為汝說色无常是色無常本

無有生生已滅故內身處胎歌羅邏
時本无有生生已變故外諸牙莖本
亦無生生已變故是故當知一切色
法悉皆无常善男子所有內色隨時
而變歌羅邏時異安浮陀時異伽那
時異閉手時異諸疱時異初生時異
嬰孩時異童子時異乃至老時各各
變異所謂外色亦復如是牙異莖異
枝異葉異花異果異復次善男子內
味亦異歌羅邏時乃至老時各各變
異外味亦尔牙莖枝葉花果味異歌
羅邏時力異乃至老時力異歌羅邏
時狀貌異乃至老時狀貌亦異歌羅
邏時果報異乃至老時果報亦異歌
羅邏時名字異乃至老時名字亦異
所謂內色壞已還合故知無常外諸
樹木亦壞已還合故知无常次第漸
生故知無常次第生歌羅邏時乃至
老時次第生牙乃至果子故知无常
諸色可滅故知無常歌羅邏滅時異
乃至老滅時異牙滅時異乃至果滅
時異故知無常凡夫无知見相似生
計以為常以是義故名曰無常若无

常即是苦若苦即是不淨善男子我
因迦葉先問是事於彼已答

復次善男子諸行無我善男子惣一
切法謂色非色色非我也何以故可
破可壞可裂可打生增長故我者不
可破壞裂打生長以是義故知色非
我非色之法亦復非我何以故因緣
生故善男子若諸外道以專念故知
有我者專念之性實非我也若以專
念為我性者過去之事則有忘失有
忘失故定知無我善男子若諸外道
以憶想故知有我者无憶想故定知
無我如說見人手有六指即便問言
我先何處共相見耶若有我者不應
復問以相問故定知無我善男子若
諸外道以有遮故知有我者善男子
以有遮故定知無我如言調達終不
發言非調達也我亦如是若定是我
終不遮我以遮我故定知无我若以
遮故知有我者汝今不遮定應无我
善男子若諸外道以伴非伴知有我
者以無伴故應无有我有法無伴所
謂如來虛空佛性我亦如是實无有

伴以是義故定知無我復次善男子
若諸外道以名字故知有我者无我
法中亦有我名如貧賤人名字富貴
如言我死若我死者我則煞我而我
實不可煞假名煞我亦如雉人名為
長者以是義故定知无我復次善男
子若諸外道以生已求乳知有我者
善男子若有我者一切嬰兒不應執
持糞穢火虵毒藥以是義故定知無
我復次善男子一切衆生於三法中
悉有等智所謂婬欲飲食恐怖是故
無我復次善男子若諸外道以相貌
故知有我者善男子相故无我無相
故亦无我若人睡時不能進止俯仰
視眴不覺苦樂不應有我若以進止
俯仰視眴知有我者機關木人亦應
有我善男子如來亦尔不進不止不
俯不仰不視不眴不苦不樂不貪不
恚不癡不行如來如是真實有我復
次善男子若諸外道以見他食果口
中生涎知有我者善男子以憶念故
見則生涎涎非我也我亦非涎非喜
非悲非欠非笑非卧非起非飢非飽

以是義故定知無我善男子是諸外道癡如小兒无慧方便不能了達常與無常苦樂淨不淨我无我壽命非壽命衆生非衆生實非實有非有於佛法中取少許分虛妄計有常樂我淨而實不知常樂我淨如生盲人不能識乳色便問他言乳色何似他人答言色白如貝盲人復問是乳色者如貝聲耶答言不也復問貝色為何似耶答言猶稻米末盲人復問乳色柔軟如稻米末耶稻米末者復何所似答言猶如雨雪盲人復言彼稻米末冷如雪耶雪復何似答言猶如白鶴是生盲人雖聞如是四種譬喻終不能得識乳真色是諸外道亦復如是故我佛法中有真實諦非於外道文殊師利白佛言希有世尊如來於今臨般涅槃方更轉於無上法輪乃作如是分別真諦佛告文殊師利汝今云何故於如來生涅槃想善男子如來實是常住不變不般涅槃善男子若有計我是佛我成阿耨多羅三

諸菩薩說出世語善男子是諸大衆
復有二種一者求小乘二者求大乘
我於昔日波羅捺城為諸聲聞轉于
法輪今始於此拘尸那城為諸菩薩
轉大法輪復次善男子復有二人中
根上根為中根人於波羅捺轉於法
輪為上根人人中為王迦葉菩薩等
今於此間拘尸那城轉大法輪善男
子極下根者如來終不為轉法輪極
下根者即一闍提復次善男子求佛
道者復有二種一中精進二上精進
於波羅捺為中精進轉於法輪今於
此間拘尸那城為上精進轉大法輪
復次善男子我昔於波羅捺城初
轉法輪八万天人得須陀洹果今於
此間拘尸那城八十万億人不退轉
於阿耨多羅三藐三菩提復次善男
子波羅捺城大梵天王稽首請我轉
於法輪今於此間拘尸那城迦葉菩
薩稽首請我轉大法輪復次善男子
我昔於波羅捺城轉法輪時說無
常苦空無我今於此間拘尸那城轉
法輪時說常樂我淨

復次善男子我昔於彼波羅捺城轉法輪時所出音聲聞于梵天如來今於拘尸那城轉法輪時所出音聲遍於東方二十恒河沙等諸佛世界南西北方四維上下亦復如是復次善男子諸佛世尊凡有所說皆悉名為轉法輪也善男子譬如聖王所有輪寶未降伏者能令降伏已降伏者能令安隱善男子諸佛世尊凡所說法亦復如是无量煩惱未調伏者能令調伏已調伏者令生善根善男子譬如聖王所有輪寶則能消滅一切怨賊如來演法亦復如是能令一切諸煩惱賊皆悉寂靜復次善男子譬如聖王所有輪寶下上迴轉如來說法亦復如是能令下趣諸惡衆生上生人天乃至佛道善男子是故汝今不應讚言如來於此更轉法輪今時文殊師利白佛言世尊我於此義非為不知所以問者為欲利益諸衆生故世尊我已久知轉法輪者實是諸佛如來境界非是聲聞緣覺所知今時世尊告迦葉菩薩善男子是名菩薩

住於大乘大涅槃經所行聖行

迦葉菩薩白佛言世尊復以何義名為聖行善男子聖名諸佛世尊以是義故名為聖行世尊若是諸佛之所行者則非聲聞緣覺菩薩所能修行善男子是諸世尊安住於此大般涅槃而作如是開示分別演說其義以是義故名曰聖行聲聞緣覺及諸菩薩如是聞已則能奉行故名聖行善男子是菩薩摩訶薩得是行已則得住於無所畏地善男子若有菩薩得住如是无所畏地則不復畏貪恚愚癡生老病死亦復不畏惡道地獄畜生餓鬼善男子惡有二種一者阿修羅二者人中中有三種惡一者一聞提二者誹謗方等經典三者犯四重禁善男子住是地中諸菩薩等終不畏墮如是惡中亦復不畏沙門婆羅門外道邪見天魔波旬亦復不畏受二十五有是故此地名无所畏善男子菩薩摩訶薩住無畏地得二十五三昧壞二十五有善男子得無垢三昧能壞地獄有得无退三昧能壞

迦葉菩薩白佛言世尊如佛所讚大
涅槃經猶如醍醐軍上軍妙若有能
服衆病悉除一切諸藥悉入其中我
聞是已竊復思念若有不能聽受是
經當知是人為大愚癡無有善心世
尊我於今者實能堪忍剥皮為紙判
血為墨以髓為水拊骨為筆書寫如
是大涅槃經書已讀誦令其通利然
後為人廣說其義世尊若有衆生貪
著財物我當施財然後以是大涅槃
經勸之令讀若尊貴者先以愛語而
隨其意然後漸當以是大乘大涅槃
經勸之令讀若凡庶者當以威勢逼
之令讀若憍慢者我當為其而作僕
使隨順其意令其歡喜然後當以大
般涅槃而教導之若有誹謗大乘經
者當以勢力摧之令伏既摧伏已然
後勸之令讀大涅槃經若有愛樂大
乘經者我躬當往恭敬供養尊重讚
嘆尔時佛讚迦葉菩薩善哉善哉汝
甚愛樂大乘經典貪大乘經愛大乘
經味大乘經信敬尊重供養大乘善
男子汝今以此善心因緣當得超越

無量无邊恒河沙等諸大菩薩在前
得成阿耨多羅三藐三菩提汝亦不
久復當如我廣為大衆演說如是大
般涅槃如来佛性諸佛所說秘密之
藏善男子過去之世佛日未出我於
今時作婆羅門修菩薩行志能通達
一切外道所有經論修寂滅行具足
威儀其心清淨不為外來能生欲想
之所破壞滅瞋恚火受持常樂我淨
之法周遍求索大乘經典乃至不聞
方等名字我於今時住於雪山其山
清淨流泉浴池樹林藥木充滿其地
處處石間有清流水多諸香花周遍
嚴飾衆鳥禽獸不可稱計甘果滋繁
種別難計復有無量藕根甘根青木
香根我於今時獨處其中唯食諸果
食已繫心思惟坐禪經无量歲亦不
聞有如來出世大乘經名善男子我
修如是難行苦行時釋提桓因等諸
天人心大驚為怪即共集會各各相謂
而說偈言

各共相指示清淨雪山中 寂靜離欲主
功德莊嚴王 以離貪瞋慢 永斷諂愚癡

口初未曾說 處惡等語言

尔時衆中有一天子名曰歡喜復說
偈言

如是離欲人 清淨勤精進 將不求帝釋
及以諸天耶 若是外道者 修行諸苦行
是人多欲求 帝釋所坐處

尔時復有一仙天子即為帝釋而說
偈言

天主憍尸迦 不應生此慮 外道修苦行
何必求帝處

說是偈已復作是言憍尸迦世有大
士為衆生故不貪己身為欲利益諸
衆生故而修種種無量苦行如是之
人見生死中諸過各故設見珍寶滿
此大地諸山大海不生貪著如視涕
唾如是大士棄捨財寶所愛妻子頭
目髓腦手足支節所居舍宅為馬車
乘奴婢僮僕亦不願求生於天上唯
求欲令一切衆生得受快樂如我所
解如是大士清淨无染衆結永盡唯
欲求於阿耨多羅三藐三菩提釋提
桓因復作是言如汝言者是人則為
攝取一切世間所有衆生大仙若此

處而得如是半如意珠大士是半偈
義乃是過去未來現在諸佛世尊之
正道也一切世間無量衆生常為諸
見羅網所覆終身於此外道法中初
不曾聞如是出世十力世雄所說空
義善男子我問是已即答我言大婆
羅門汝今不應問我是義何以故我
不食來已經多日處處求索了不能
得飢渴苦惱心亂調語非我本心之
所知也假使我今力能飛行虛空至
鬱單越乃至天上處處求食亦不能
得以是之故我說是語善男子我時
即復語羅刹言大士若能為我說
是偈竟我當終身為汝弟子大士汝所
說者名字不終義亦不盡以何因緣
不欲說耶夫財施者則有竭盡法施
因緣不可盡也雖无有盡多所利益
我今聞此半偈法已心生驚疑汝今
幸可為我除斷說此偈竟我當終身
為汝弟子羅刹答言汝智太過但自
憂身都不見念今我定為飢苦所逼
實不能說我即問言汝所食者為是
何物羅刹答言汝不足問我若說者

令多人怖我復問言此中獨處更無
有人我不畏汝何故不說羅刹答言
我所食者唯人暖肉其所飲者唯人
熱血自我薄福唯食此食周遍求索
困不能得世雖多人皆有福德兼為
諸天之所守護而我無力不能得煞
善男子我復語言汝但具足說是半
偈我聞偈已當以此身奉施供養大
士我設命殄如此之身無所復用當
為虎狼鴟鵂鷂之所敗食然復不
得一毫之福我今為求阿耨多羅三
藐三菩提捨不堅身以易堅身羅刹
答言誰當信汝如是之言為八字故
棄所愛身善男子我即答言汝真无
智譬如有人施他凡器得七寶器我
亦如是捨不堅身得金剛身汝言誰
當信者我今有證大梵天王釋提桓
因及四天王能證是事復有天眼諸
菩薩等為欲利益無量衆生修行大
乘具六度者亦能證知復有十方諸
佛世尊利衆生者亦能證我為八字
故捨於身命羅刹復言汝若如是能
捨身者諦聽諦聽當為汝說其餘半

偈善男子我於今時聞是事已心中
歡喜即解已身所著鹿皮為此羅剎
敷置法座白言和上願坐此座我即
於前叉手長跪而作是言唯願和上
善為我說其餘半偈令得具足羅剎
即說

生滅滅已 寂滅為樂

今時羅剎說是偈已復作是言菩薩
摩訶薩汝今已聞具足偈義汝之所
願為悉滿足若必欲利諸衆生者時
施我身善男子我於今時深思此義
然後處處若石若壁若樹若道書寫
此偈即便更繫所著衣裳恐其死後
身體露現即上高樹今時樹神復問
我言善哉仁者欲作何事善男子我
時答言我欲捨身以報偈價樹神問
言如是偈者何所利益我時答言如
是偈句乃是過去未來現在諸佛所
說開空法道我為此法棄捨身命不
為利養名聞財寶轉輪聖王四大天
王釋提桓因大梵天王人中樂為
欲利益一切衆生故捨此身善男子
我捨身時復作是言願令一切慳惜
之人悉來見我捨離此身若有少施

說偈言

莫輕小罪 以為無殃 水滄雖微 漸盈大器

是名尼陀那經何等名為阿波陀那經如戒律中所說譬喻是名阿波陀那經何等名為伊帝曰譯多伽經如佛所說比丘當知我出世時所可說者名曰戒經鳩留秦佛出世之時名甘露鼓拘那含牟尼佛時名曰法鏡迦葉佛時名分別空是名伊帝曰多伽經何等名為闍陀伽經如佛世尊本為菩薩修諸苦行所謂比丘當知我於過去作鹿作羆作麀作兔作栗散王轉輪聖王龍金翅鳥諸如是等行菩薩道時所可受身是名闍陀伽何等名為毗佛略經所謂大乘方等經典其義廣大猶如虛空是名毗佛略何等名為未曾有經如彼菩薩初出生時無人扶持即行七步放大光明遍觀十方亦如獼猴手捧蜜器以獻如來如白項狗佛邊聽法如魔波旬變為青牛行凡鉢間令諸凡鉢手相椽觸無所傷損如佛初生入天廟時

令彼天像起下礼敬如是等經名未
曾有經何等名為優波提舍經如佛
世尊所說諸經若作議論分別廣說
辯其相貌是名優波提舍經菩薩若
能如是了知十二部經名為知法云
何菩薩摩訶薩知義菩薩摩訶薩若
於一切文字語言廣知其義是名知
義云何菩薩摩訶薩知時善男子菩
薩善知如是時中任修寂靜如是時
中任修精進如是時中任修捨定如
是時中任供養佛如是時中任供養
師如是時中任修布施持戒忍辱精
進禪定具足般若波羅蜜是名知時
云何菩薩摩訶薩知足善男子菩薩
摩訶薩知足所謂食飲衣藥行住坐
卧睡寤語嘿是名知足善男子云何
菩薩摩訶薩自知是菩薩自知我有
如是信如是戒如是多聞如是捨如
是慧如是去來如是正念如是善行
如是問如是答是名自知云何菩薩
摩訶薩知衆善男子是菩薩知如是
等是刹利衆婆羅門衆居士衆沙門
衆應於是云如是行來如是坐起如

是說法如是問答是名知衆善男子
云何菩薩摩訶薩知人中尊卑善男
子人有二種一者信二者不信菩薩
當知信者是善其不信者不名為善
復次信有二種一者常往僧坊二者
不往菩薩當知其往者善其不往者
不名為善往僧坊者復有二種一者
禮拜二不禮拜菩薩當知禮拜者善
不禮拜者不名為善其禮拜者復有
二種一者聽法二者不聽法菩薩當
知聽法者善不聽法者不名為善其
聽法者復有二種一至心聽二不至
心菩薩當知至心聽者是則名善不
至心者不名為善至心聽法復有二
種一者思義二不思義菩薩當知思
義者善不思義者不名為善其思義
者復有二種一如說行二不如說行
如說行者是則為善不如說行不名
為善如說行者復有二種一求聲聞
不能利安饒益一切苦惱衆生二者
迴向無上大乘利益多人令得安樂
菩薩應知能利多人得安樂者取上
取善善男子如諸寶中如意寶珠取

阿耨多羅三藐三菩提善男子如來如是於無量歲以種種方便令諸衆生安住阿耨多羅三藐三菩提豈虛妄耶諸佛如來雖處衆惡无所染汙猶如蓮花善男子應如是知四無量義善男子是无量心體性有四若有修行生大梵處善男子如是无量伴侶有四故名四夫修慈者能斷貪欲修悲心者能斷瞋恚修喜心者能斷不樂修捨心者能斷貪欲瞋恚衆生善男子以是義故得名為四非一二三善男子如汝所言慈能斷瞋悲亦如是應說三者汝今不應作如是難何以故善男子恚有二種一能奪命二能鞭撻修慈則能斷彼奪命修悲能除彼鞭撻者善男子以是義故豈非四耶復次瞋有二種一瞋衆生二瞋非衆生修慈心者斷瞋衆生修悲心者斷非衆生復次瞋有二種一有因緣二無因緣修慈心者斷有因緣修悲心者斷无因緣復次瞋有二種一者久於過去修習二者於今現在修習修慈心者能斷過去修悲心

者斷於現在復次瞋有二種一瞋聖人二瞋凡夫修慈心者斷瞋聖人修悲心者斷瞋凡夫復次瞋有二種一上二中修慈斷上修悲斷中善男子以是義故則名為四何得難言應三非四是故迦葉是无量心伴侶相對分別為四復以器故應名為四器若有慈則不得有悲喜捨心以是義故應四無減善男子以行分別故應有四若行慈时无悲喜捨是故有四善男子以無量故亦得名四夫无量者則有四種有無量心有緣非自在有無量心自在非緣有無量心亦緣亦自在有無量心非緣非自在何等无量有緣非自在緣於無量无邊衆生而不能得自在三昧雖得不定或得或失何等無量自在非緣如緣父母兄弟姊妹欲令安樂非无量緣何等無量亦緣亦自在謂諸佛菩薩何等无量非緣非自在聲聞緣覺不能廣緣無量衆生亦非自在善男子以是義故名四无量非諸聲聞緣覺所知乃是諸佛如來境界善男子如是四

事聲聞緣覺雖名无量少不足言諸佛菩薩則得名為無量无边迦葉菩薩白佛言世尊如是如是實如聖教諸佛如來所有境界非諸聲聞緣覺所及世尊頗有菩薩住於大乘大般涅槃得慈悲心非是大慈大悲心不佛言有善男子菩薩若於諸衆生中三品分別一者親人二者怨憎三者中人於親人中復作三品謂上中下怨憎亦亦是菩薩摩訶薩於上親中與增上樂於中下親亦復平等與增上樂於上怨中與少分樂於中怨所與中品樂於下怨中與增上樂菩薩如是轉復修習於上怨中與中品樂於中下怨等與增上樂轉復修習於上中下等與上樂若上怨中與上樂者今時得名慈心成就菩薩今時於父母所及上怨中得平等心無有差別善男子是名得慈非大慈也世尊何緣菩薩得如是慈猶故不得名為大慈善男子以難成故不名大慈何以故久於過去無量劫中多集煩惱未修善法是故不能於一日中調伏

除諸煩惱故善男子夫修慈者能斷貪欲修悲心者能斷瞋恚修喜心者能斷不樂修捨心者能斷貪恚及眾生相以是故名真實思惟復次善男子菩薩摩訶薩四無量心能為一切諸善根本善男子菩薩摩訶薩若不得見貧窮眾生無緣生慈若不生慈則不能起惠施之心以施因緣令諸眾生得安隱樂所謂食飲車乘衣服花香牀卧舍宅燈明如是施時心無繫縛不生貪著必定迴向阿耨多羅三藐三菩提其心亦時无所依止妄相永斷不為怖畏名稱利養不求人天所受快樂不生憍慢不望返報不為誑他故行布施不求富貴凡行施時不見受者持戒破戒是田非田此是知識此非知識施時不見是器非器不擇日時是處非處亦復不計飢饉豐樂不見因果此是眾生此非眾生是福非福雖復不見施者受者及以財物乃至不見斷及果報而常行施無有斷絕善男子菩薩若見持戒破戒乃至果報終不能施若不布施

則不具足檀波羅蜜若不具足檀波羅蜜則不能成阿耨多羅三藐三菩提善男子譬如有入身被毒箭其人眷屬欲令安隱為除毒故即命良醫而為拔箭彼人方言且待莫觸我今當觀如是毒箭從何方來誰之所射為是剎利婆羅門毗舍首陀復更作念是何木耶竹耶柳耶其鏃鐵者何冶所出剛耶柔耶其毛羽者是何鳥翼為鴟鷂耶所有毒者為從作生自然而有為是人毒惡蝕毒耶如是癡人竟未能知尋便命終善男子菩薩亦尔若行施時分別受者持戒破戒乃至果報終不能施若不能施則不具足檀波羅蜜若不具足檀波羅蜜則不能成阿耨多羅三藐三菩提善男子菩薩摩訶薩行布施時於諸衆生慈心平等猶如子想又行施時於諸衆生起悲愍心譬如父母瞻視病子行施之時其心歡喜猶如父母見子病愈既施之後其心放捨猶如父母見子長大能自在活是菩薩摩訶薩於慈心中布施食時常作是願

我今所施悉與一切衆生共之以是因緣令諸衆生得大智食勤進迴向無上大乘願諸衆生得善智食不求聲聞緣覺之食願諸衆生得法喜食不求愛食願諸衆生悉得般若波羅蜜食皆令充滿攝取无碍增上善根願諸衆生悟解空相得無碍身猶如虛空願諸衆生常為受者憐愍一切為衆福田善男子菩薩摩訶薩修慈心時凡所施食應當堅發如是等願復次善男子菩薩摩訶薩於慈心中布施漿時當作是願我今所施悉與一切衆生共之以是因緣令諸衆生趣大乘河飲八味水速涉无上菩提之道離於聲聞緣覺枯竭渴仰求於无上佛乘斷煩惱渴渴仰法味離生死愛愛樂大乘大般涅槃具足法身得諸三昧入於甚深智慧大海願諸衆生得甘露味菩提出世離欲寂靜如是諸味願諸衆生具足无量百千法味具法味已得見佛性見佛性已能雨法雨雨法雨已佛性遍覆猶如虛空復令其餘无量衆生得一法味

衆生得右脇卧牀依因諸佛所行之
法善男子菩薩摩訶薩於慈心中施
牀敷時應當堅發如是誓願

復次善男子菩薩摩訶薩於慈心中
施舍宅時常作是願我今所施志與
一切衆生共之以是因緣令諸衆生
處大乘舍修行善友所行之行修大
悲行六波羅蜜行大正覺行一切善
薩所行道行无邊廣大如虛空行願
諸衆生皆得正念遠離惡念願諸衆
生悉得安住常樂我淨永離四倒願
諸衆生悉皆受持出世文字願諸衆
生必為無上一切智器願諸衆生悉
得入於甘露屋宅願諸衆生初中後
心常入大乘涅槃屋宅願諸衆生於
未來世常處菩薩所居宮殿善男子
菩薩摩訶薩於慈心中施舍宅時常
當堅發如是誓願

復次善男子菩薩摩訶薩於慈心中
施燈明時常作是願我今所施志與
一切衆生共之以是因緣令諸衆生
光明無量安住佛法願諸衆生常得
照明願諸衆生得色微妙光澤第一

願諸衆生其目清淨无諸翳網願諸衆生得大智炬善解無我无衆生相無人无命願諸衆生皆得覩見清淨佛性猶如虛空願諸衆生肉眼清淨徹見十方恒沙世界願諸衆生得佛光明普照十方願諸衆生得无尋明皆悉得見清淨佛性願諸衆生得大智明破一切闇及一闇提願諸衆生得无量光普照無量諸佛世界願諸衆生然大乘燈離二乘燈願諸衆生所得光明滅無明闇過於千日普照之功願諸衆生得火珠明悉滅三千大千世界所有黑闇願諸衆生具足五眼悟諸法相成无師覺願諸衆生無見无明願諸衆生悉得大乘大般涅槃微妙光明示悟衆生真實佛性善男子菩薩摩訶薩於慈心中施燈明時常應勤發如是誓願

善男子一切聲聞緣覺菩薩諸佛如來所有善根慈為根本善男子菩薩摩訶薩修習慈心能生如是無量善根所謂不淨出息入息无常生滅四念處七方便三觀處十二因緣無我

等觀暖法頂法忍法世第一法見道
修道正勤如意諸根諸力七菩提分
八聖道四禪四無量心八解脫八勝
處一切入空無相願无諍三昧知他
心智及諸神通知本際智聲聞智緣
覺智菩薩智佛智善男子如是等法
慈為根本善男子以是義故慈是真
實非虛妄也若有人問誰是一切諸
善根本當言慈是以是義故慈是真
實非虛妄也

善男子能為善根者名實恩惟實恩
惟者即名為慈慈即如來慈即大乘
大乘即慈慈即如來善男子慈即菩
提道菩提道即如來如來即慈善男
子慈即大梵大梵即慈慈即如來善
男子慈者能為一切衆生而作父母
父母即慈慈即如來善男子慈者乃
是不可思議諸佛境界不可思議諸
佛境界即是慈也當知慈者即是如
來善男子慈者即是衆生佛性如是
佛性久為煩惱之所覆蔽故令衆生
不得覩見佛性即慈慈即如來善男
子慈即大空大空即慈慈即如來善

大般涅槃經卷第十六

迦

梵行品第八之二

北齊天竺三藏曇無讖譯

迦葉菩薩白佛言世尊菩薩摩訶薩
所有思惟志是真實聲聞緣覺非真
實者一切衆生何故不以菩薩威力
等受快樂若諸衆生實不得樂當知
菩薩所修慈心為無利益佛言善男
子菩薩之慈非不利益善男子有諸
衆生或必受苦或有不受苦若有衆生
必受苦者菩薩之慈為无利益謂一
闍提若有受苦不必定者菩薩之慈
則為利益令彼衆生悉受快樂善男
子譬如有人遇見師子虎豹豺狼羅
刹鬼等自然生怖夜行見坑亦生怖
畏善男子如是諸人自然怖畏衆生
如是見修慈者自然受樂善男子以
是義故菩薩修慈是實思惟非無
利益

善男子我說是慈有无量門所謂神
通善男子如提婆達教阿闍世欲害
如來是時我入王舍大城次第乞食

阿闍世王即放護財狂醉之鳥欲令
害我及諸弟子其鳥於時躡然無量
百千衆生衆生死已多有血氣是鳥
驟已狂醉倍常見我翼從被服赤色
謂呼是血而復見趣我弟子中未離
欲者四怖馳走唯除阿難於時王舍
大城之中一切人民同時舉聲啼哭
號泣作如是言惟哉如來今日滅沒
如何正覺一旦散壞是時調達心生
歡喜瞿曇沙門滅沒甚善從今已往
真是不現快哉此計我願得遂善男
子我於今時為欲降伏護財鳥故即
入慈定舒手示之即於五指出五師
子是鳥見已其心怖畏尋即失翼舉
身投地訖禮我足善男子我於今時
手五指頭實無師子乃是修慈善根
力故令彼調伏復次善男子我欲涅
槃始初發足向拘尸那城有五百力
士於其中路平治掃灑中有一石衆
欲舉棄盡力不能我時憐愍即起慈
心彼諸力士尋即見我以足母指舉
此大石擲置虛空還以手接安置右
掌吹令碎末復還聚合令彼力士貢

高心息即為略說種種法要令其俱發阿耨多羅三藐三菩提心善男子如來亦時實不以指舉此大石在虛空中還置右掌吹令碎末復合如本善男子當知即是慈善根力令諸力士見如是事

復次善男子此南天竺有一大城名首波羅於是城中有一長者名曰盧至為衆導主已於過去無量佛所殖衆善本善男子彼大城中一切人民信伏邪道奉事尼犍我時欲度彼長者故從王舍城至彼城邑其路中間相去六十五由旬步涉而往為欲化度彼諸人故彼衆尼犍聞我欲至首波羅城即作是念沙門瞿曇若至此者此諸人民便當捨我更不供給我等窮賴奈何自活諸尼犍輩各各分散告彼城人沙門瞿曇今欲來此然彼沙門妻棄父母東西馳騁所至之處能令土地穀米不登人民飢饉死亡者衆病瘦相尋无可救解瞿曇無賴純將諸惡羅刹鬼神以為侍從无父無母孤窮之人而來諮啓為作門

時住在優禪尼城聞其音聲即生慈心。尔時調達尋便見我。往至其所。手摩頭腹。授與鹽湯。而令服之。服已。平復。善男子。我實不往調婆達所。摩其頭腹。授湯令服。善男子。當知皆是慈善根力。令調婆達見如是事。

復次善男子。憍薩羅國有諸群賊。其數五百。羣黨抄劫。為害滋甚。波斯匿王患其縱暴。遣兵伺捕。得已。挑目。遂著黑闇叢林之下。是諸群賊已於先佛殖眾德本。既失目。已受大苦。惱各作是言。南無佛。陀南无佛。陀我等今者。無有救護。啼哭號咷。我時住在祇洹精舍。聞其音聲。即生慈心。時有涼風吹香山中。種種香藥滿其眼眶。尋還得眼。如本不異。諸賊開眼。即見如來。住立其前。而為說法。賊聞法已。發阿耨多羅三藐三菩提心。善男子。我於尔時。實不作風吹香山中。種種香藥住其人前。而為說法。善男子。當知皆是慈善根力。令彼群賊見如是事。復次善男子。琉璃太子以愚癡故。廢其父王自立。為主。復念宿嫌。多害釋

種取萬二千釋種諸女別割耳鼻斷截手足推之坑塹時諸女人身受苦惱作如是言南無佛陀南无佛陀我等今者無有救護復大號咷是諸女人已於先佛種諸善根我於今時在竹林中聞其音聲即起慈心諸女今時見我來至迦毗羅城以水洗瘡以藥傅之苦痛尋除耳鼻手足還復如本我時即為略說法要悉令俱發阿耨多羅三藐三菩提心即於大愛道比丘尼所出家受具足戒善男子如來今時實不往至迦毗羅城以水洗瘡傅藥止苦善男子當知皆是慈善根力令彼女人得如是事悲喜之心亦復如是善男子以是義故菩薩摩訶薩修慈思惟即是真實非虛妄也善男子夫無量者不可思議菩薩所行不可思議諸佛所行亦不可思議是大乘典大涅槃經亦不可思議復次善男子菩薩摩訶薩修慈悲喜已得住極愛一子之地善男子云何是地名曰極愛復名一子善男子譬如父母見子安隱心大歡喜菩薩摩

訶薩住是地中亦復如是視諸衆生
同於一子見修善者生大歡喜是故
此地名曰極愛善男子譬如父母見
子遇患心生苦惱慙之愁毒初無捨
離菩薩摩訶薩住是地中亦復如是
見諸衆生為煩惱病之所纏切心生
愁惱憂念如子身諸毛孔血皆流出
是故此地名為一子善男子如人小
時拾取土塊糞穢凡石枯骨木枝置
於口中父母見已恐為其患左手捉
頭右手挑出菩薩摩訶薩住是地中
亦復如是見諸衆生法身未增或行
身口意業不善菩薩見已則以智手
拔之令出不欲令彼流轉生死受諸
苦惱是故此地復名一子善男子譬
如父母所愛之子捨而終亡父母愁
惱顛與併命菩薩亦亦見一闍提墮
於地獄亦願與俱生地獄中何以故
是一闍提若受苦時或生一念改悔
之心我即當為說種種法令彼得生
一念善根是故此地復名一子善男
子譬如父母唯有一子其子睡寤行
住坐卧心常念之若有罪咎善言誘

勤修善法衆生行已得無量壽命是
故菩薩行毗梨耶波羅蜜時已施衆
生無量壽命善男子修攝心者得壽
命長菩薩摩訶薩行禪波羅蜜時勸
諸衆生修平等心衆生行已得壽命
長是故菩薩行禪波羅蜜時已施衆
生無量壽命善男子於諸善法不放
逸者得壽命長菩薩摩訶薩行般若
波羅蜜時勸諸衆生於諸善法不生
放逸衆生行已以是因緣得壽命長
是故菩薩行般若波羅蜜時已施衆
生無量壽命善男子以是義故菩薩
摩訶薩於諸衆生終無棄命善男子
汝向所問煞婆羅門時得是地不善
男子時我已得以愛念故斷其命根
非惡心也善男子譬如父母唯有一
子愛之甚重犯官憲制是時父母以
怖畏故若擯若煞雖復擯煞无有惡
心菩薩摩訶薩為護正法亦復如是
若有衆生謗大乘者即以鞭撻苦加
治之或大棄其命欲令改往遵修善法
菩薩常當作是思惟以何因緣能令
衆生發起信心隨其方便要當為之

諸婆羅門命終之後生阿鼻地獄要
有三念一者自念我從何處而來生
此即便自知從人道中來二者自念
我今所生為何處即便自知是阿
鼻獄三者自念乘何業緣而來生此
即便自知乘謗方等大乘經典不信
因緣為國主而然而來生此念是事
已即於大乘方等經典生信敬心尋
時命終生甘露鼓如來世界於彼壽
命具足十劫善男子以是義故我於
往昔乃與是人十劫壽命亡何名煞
善男子有人掘地刈草斫樹斬截死
屍罵詈鞭撻以是業緣墮地獄不迦
葉菩薩白佛言世尊如我解佛所說
義者應墮地獄何以故如佛昔為聲
聞說法汝諸比丘於餘樵木莫生惡
心何以故一切眾生因惡心故墮于
地獄尔時佛讚迦葉菩薩善哉善哉
如汝所說應善受持善男子若因惡
心墮地獄者菩薩尔時實无惡心何
以故菩薩摩訶薩於一切眾生乃至
虫蟻悉生憐愍利益心故所以者何
善知因緣諸方便故以方便力欲令

衆生種諸善善根善男子以是義故我於今時以善方便雖奪其命而非惡心善男子婆羅門法若煞蟻子滿足十車無有罪報蚊虻蚤虱猫狸師子虎狼熊羆諸惡虫獸及餘能爲衆生害者煞滿十車鬼神羅刹拘槃荼迦羅富單那顛狂乾枯諸鬼神等能爲衆生作燒害者有奪其命悉无罪報若煞惡人則有罪報煞已不悔則墮餓鬼若能懺悔三日斷食其罪消滅無有遺餘若煞和上害其父母女人及牛無數千年在地獄中善男子佛及菩薩知煞有三謂下中上下者蟻子乃至一切畜生唯除菩薩示現生者善男子菩薩摩訶薩以願因緣示受畜生是名下煞以下煞因緣墮於地獄畜生餓鬼具受下苦何以故是諸畜生有微善根是故煞者具受罪報是名下煞中煞者從凡夫人至阿那含是名爲中以是業因墮於地獄畜生餓鬼具受中苦是名中煞上煞者父母乃至阿羅漢辟支佛畢定菩薩是名爲上以是業因緣故墮於阿

鼻大地獄中具受上苦是名上煞善男子若有能煞一闍提者則不墮此三種煞中善男子彼諸婆羅門等一切皆是一闍提也譬如掘地刈草而樹斬截死屍罵詈鞭撻元有罪報煞一闍提亦復如是無有罪報何以故諸婆羅門乃至无有信等五根是故雖煞不墮地獄

善男子汝先所言如來何故罵提婆達多癡人貪睡汝亦不應作如是問何以故諸佛世尊凡所發言不可思議善男子或有實語為世所愛非時非法不為利益如是之言我終不說善男子或復有言虛擲虛妄非時非法聞者不愛不能利益我亦不說善男子若有語言雖復虛擲真實不虛是時是法能為一切衆生利益聞雖不悅我要說之何以故諸佛世尊應正遍知知方便故善男子如我一時遊彼墉野聚落葉樹在其林下有一鬼神即名墉野純食肉血多煞衆生復於其聚日食一人善男子我於尔時為彼鬼神廣說法要然彼羣衆愚

癡無智不受教法我即化身為大力
鬼動其宮殿令不安所彼鬼于時將
其眷屬出其宮殿欲來拒逆鬼見我
時即失心念惶怖躑躅地迷悶斷絕猶
如死人我以慈愍手摩其身即還起
坐作如是言快哉今日還得身命是
大神王具大威德有慈愍心救我慙
咎即於我所生善信心我即還復如
來之身復更為說種種法要令彼鬼
神受不煞戒即於是日墮野村中有
一長者次應當死村人已送付彼鬼
神鬼神得已即以施我我既受已便
為長者更立名字名手長者今時彼
鬼即白我言世尊我及眷屬唯仰血
肉以自存活今以戒故當云何法我
即答言從今當勅聲聞弟子隨有修
行佛法之慮悲當令其施汝飲食善
男子以是因緣為諸比丘制如是戒
汝等從今常當施彼墮野鬼食若有
仕處不能施者當知是輩非我弟子
即是天魔徒黨眷屬善男子如來為
欲調伏衆生故示如是種種方便非
故令彼生怖畏也善男子我亦以木

打護法鬼又於一時在一山上推羊
頭鬼令墮山下復於樹頭撲護獼猴
鬼令護財鳥見五師子使金剛神怖
薩遮尼捷亦以針刺箭毛鬼身雖作
如是亦不令彼諸鬼神等有滅沒者
直欲令彼安住正法故示如是種種
方便善男子我於今時實不罵辱提
婆達多提婆達多亦不愚癡食人啖
唾亦不生於惡趣之中阿鼻地獄受
罪一切亦不壞僧出佛身血亦不違
犯四重之罪誹謗正法大乘經典非
一闍提亦非聲聞辟支佛也善男子
提婆達多者實非聲聞緣覺境界唯
是諸佛之所知見善男子是故汝今
不應難言如來何緣呵責罵辱提婆
達多汝於諸佛所有境界不應如是
生於疑網

迦葉菩薩白佛言世尊譬如甘蔗數
數煎煮得種種味我亦如是從佛數
聞多得法味所謂出家味離欲味寂滅
味道味世尊譬如真金數數燒打融
消鍊治轉更明淨調和柔軟光色微
妙其價難量然後乃為人天寶重世

尊如來亦令鄭重諮問則得聞見甚深之義令深行者受持奉修无量衆生發阿耨多羅三藐三菩提心然後為諸人天所宗恭敬供養

今時佛讚迦葉菩薩善哉善哉善哉菩薩摩訶薩為欲利益諸衆生故諮啓如來如是深義善男子以是義故我隨汝意說於大乘方等甚深秘密之法所謂極愛如一子地

迦葉菩薩白佛言世尊若諸菩薩修慈悲喜得一子地者修捨心時復得何地佛言善哉善哉善男子汝善知時知我欲說汝則諮問菩薩摩訶薩修捨心時則得住於空平等地如須菩提善男子菩薩摩訶薩住空平等地則不見有父母兄弟姊妹兒息親族知識怨憎中人乃至不見陰界諸入衆生壽命善男子譬如虛空無有父母兄弟妻子乃至無有衆生壽命一切諸法亦復如是無有父母乃至壽命菩薩摩訶薩見一切法亦復如是其心平等如彼虛空何以故善能修習諸空法故迦葉菩薩白佛言世

尊云何名空善男子空者所謂內空
外空內外空有為空无為空無始空
性空无所有空第一義空空空大空
菩薩摩訶薩云何觀於內空是菩薩
母怨親中人衆生壽命常樂我淨如
來法僧所有財物是內法中雖有佛
性而是佛性非內非外所以者何佛
性常住無變易故是名菩薩摩訶薩
觀於內空外空者亦復如是無有內
法內外空者亦復如是善男子唯有
如來法僧佛性不在二空何以故如
是四法常樂我淨是故四法不名為
空是名內外俱空善男子有為空者
有為之法悉皆是空所謂內空外空
內外空常樂我淨空衆生壽命如來
法僧第一義空是中佛性非有為法
是故佛性非有為法空是名有為空
善男子云何菩薩摩訶薩觀无為空
是無為法悉皆是空所謂無常苦不
淨无我陰界入衆生壽命相有為有
漏內法外法無為法中佛等四法非
有為非无為性是善故非無為性常

住故非有為是名菩薩觀无為空云
何菩薩摩訶薩觀無始空是菩薩摩
訶薩見生死无始皆悉空寂所謂空
者常樂我淨皆悉空寂无有變易衆
生壽命三寶佛性及無為法是名菩
薩觀無始空云何菩薩觀於性空是
菩薩摩訶薩觀一切法本性皆空謂
陰界入常無常苦樂淨不淨我无我
觀如是等一切諸法不見本性是名
菩薩摩訶薩觀於性空云何菩薩摩
訶薩觀無所有空如人无子言舍宅
空畢竟觀空无有親愛愚癡之人言
諸方空貧窮之人言一切空如是所
計或空或非空菩薩觀時如貧窮人
一切皆空是名菩薩摩訶薩觀无所
有空云何菩薩摩訶薩觀第一義空
言男子菩薩摩訶薩觀第一義時是
眼生時無所從來及其滅時去無所
至本无今有已有還無推其實性无
眼無主如眼无性一切諸法亦復如
是何等名為第一義空有業有報不
見作者如是空法名第一義空是名
菩薩摩訶薩觀第一義空云何菩薩

聞辟支佛等所述沒處善男子是有
是無是名空空是是非是是是名空
空善男子十住菩薩尚於是中通達
少分猶如微塵况復餘人善男子如
是空空亦不同於聲聞所得空空三
昧是名菩薩觀於空空善男子云何
菩薩摩訶薩觀於大空善男子言大
空者謂般若波羅蜜是名大空善男
子菩薩摩訶薩得如是空門則得住
於虛空等地善男子我今於是大衆
之中說如是等諸空義時有十恒河
沙等菩薩摩訶薩即得住於虛空等
地善男子菩薩摩訶薩住是地已於
一切法中無有滯身繫縛拘執心無
迷悶以是義故名虛空等地善男子
辭如虛空於可愛色不生貪著不愛
色中不生瞋恚菩薩摩訶薩住是地
中亦復如是於好惡色心无貪恚善
男子辭如虛空廣大無對恚能容受
一切諸法菩薩摩訶薩住是地中亦
復如是廣大無對恚能容受一切諸
法以是義故復得名為虛空等地

善男子菩薩摩訶薩住是地中於一切法亦見亦知若行若緣若性若相若因若緣若衆生心若根若禪定若樂若善知識若持禁戒若所施如是等法一切知見復次善男子菩薩摩訶薩住是地中知而不見云何為知知自餓法投淵赴火自墜高巖常翹一脚五熱炙身常卧灰土棘刺編掾樹葉惡草牛糞之上衣麤麻衣冢間所棄糞掃毼褐欽婆羅衣麀鹿皮革翦草衣裳茹菜噉草藕根油滓牛糞根果若行乞食限從一家主若言無即便捨去設復還喚終不迴顧不食鹽肉五種牛味常所飲服糠汁沸湯受持牛戒狗鷄雉戒以灰塗身長髮為相以羊祠時先呪後煞四月事火七日服風百千億花供養諸天諸所欲願因此成就如是等法能為無上解脫因者無有是處是名為知云何不見菩薩摩訶薩不見一人行如是法得正解脫是名不見復次善男子菩薩摩訶薩亦見亦知何等為見見諸衆生行是邪法必墮地獄是名為

見云何為知知諸衆生從地獄出生
於人中若能修行檀波羅蜜乃至具
足諸波羅蜜是人必得入正解脫是
名為知復次善男子菩薩摩訶薩復
有亦見亦知云何為見見常無常苦
樂淨不淨我無我是名為見云何為
知知諸如來定不畢竟入於涅槃知
如來身金剛無壞非是煩惱所成就
身又非臭穢腐敗之身亦復能知一
切衆生悉有佛性是名為知復次善
男子菩薩摩訶薩復有亦見亦知云
何為知知是衆生信心成就知是衆
生求於大乘是人順流是人逆流是
人正住知是衆生已到彼岸順流者
謂凡夫人逆流者從須陀洹乃至緣
覺正住者諸菩薩等到彼岸者所謂
如來應正遍知是名為知云何為見
菩薩摩訶薩住於大乘大涅槃修
梵行心以淨天眼見諸衆生造身口
意三業不善墮於地獄畜生餓鬼見
諸衆生修善業者命終當生天上人
中見諸衆生從閻闍有諸衆生從
閻闍入明有諸衆生從明入閻闍有諸衆

生從明入明是名為見復次善男子
菩薩摩訶薩復有亦知亦見菩薩摩
訶薩知諸衆生修身修戒修心修慧
是人今世惡業成就或因貪欲瞋恚
愚癡是業必應地獄受報是人直以
修身修戒修心修慧現世輕受不墮
地獄云何是業能得現報懺悔發露
所有諸惡既悔之後更不敢作慚愧
成就故供養三寶故常自呵責故是
人以是善業因緣不墮地獄現世受
報所謂頭痛目痛腹痛背痛橫羅死
殃呵責罵辱鞭杖閑繫飢餓困苦受
如是等現世輕報是名為知云何為
見菩薩摩訶薩見如是人不能修習
身戒心慧造少惡業此業因緣應現
受報是人少惡不能懺悔不自呵責
不生慚愧無有怖懼是業增長地獄
受報是名為見復有知而不見云何
知而不見知諸衆生皆有佛性為諸煩惱
之所覆蔽不能得見是名知而不見
復有知而少見十住菩薩摩訶薩等
知諸衆生皆有佛性見不明了猶如
闇夜所見不了復有亦見亦知所謂

諸佛如來亦見亦知復有亦見亦知
不見不知亦見亦知者所謂世間文
字言語男女車乘瓶甕舍宅城邑衣
裳飲食山河園林衆生壽命是名亦
知亦見云何不見不知聖人所有微
密之語無有男女乃至園林是名不
見不知復有知而不見知所惠施知
所供處知於受者知因果報是名為
知云何不見不見所施供處受者及
以果報是名不見菩薩摩訶薩知有
八種即是如來五眼所知
大般涅槃經卷第十六

壬寅歲高麗國大藏都監奉
勅彫造

大般涅槃經卷第十七

迹

北涼天竺三藏曇無讖譯

梵行品第八之三

迦葉菩薩白佛言世尊菩薩摩訶薩
能如是知得何等利佛言善男子菩
薩摩訶薩能如是知得四無尋法无
尋義無尋辭无尋樂說無尋法无尋
者知一切法及法名字義無尋者知
一切法所有諸義我能隨諸法所立名
字而為作義辭无尋者隨字論正音
論闡陀論世辯論樂說無尋者所謂
菩薩摩訶薩凡所演說无有障尋不
可動轉無所畏省難可摧伏善男子
是名菩薩能如是見知即得如是四
无尋智復次善男子法無尋者菩薩
摩訶薩遍知聲聞緣覺菩薩諸佛之
法義無尋者乘雖有三知其歸一終
不謂有差別之相辭無尋者菩薩摩
訶薩於一法中作種種名經無量劫
說不可盡聲聞緣覺能作是說无有
是處樂說無尋者菩薩摩訶薩於无
量劫為諸衆生演說諸法若名若義

種種異說不可窮盡復次善男子法
無尋者菩薩摩訶薩雖知諸法而不
取著義无尋者菩薩摩訶薩雖知諸
義而亦不著辭无尋者菩薩摩訶薩
雖知名字亦不取著樂說無尋者菩
薩摩訶薩雖知樂說如是寂上而亦
不著何以故善男子若取著者不名
菩薩

迦葉菩薩復白佛言世尊若不取著
則不知法若知法者則是取著若知
不著則無所知云何如來說言知法
而不取著佛言善男子夫取著者不
名無尋无所取著乃名無尋善男子
是故一切諸菩薩等有取著者則無
无尋若無无尋不名菩薩當知是人
名為凡夫何故取著名為凡夫一切
凡夫取著於色乃至著識以著色故
則生貪心生貪心故為色繫縛乃至
為識之所繫縛以繫縛故則不得免
生老病死憂悲大苦一切煩惱是故
取著名為凡夫以是義故一切凡夫
無四无閑善男子菩薩摩訶薩已於
无量阿僧祇劫知見法相以知見故

則知其義以見法相及知義故而於色中不生繫著乃至識中亦復如是以不著故菩薩於色不生貪心乃至識中亦不生貪以無貪故則不為色之所繫縛乃至不為識之所縛以不縛故則得脫於生老病死憂悲大苦一切煩惱以是義故一切菩薩得四無尋善男子以是因緣我為弟子十二部中說繫著者名為魔縛若不著者則脫魔縛譬如世間有罪之人為王所縛無罪之人王不能縛菩薩摩訶薩亦復如是有繫著者為魔所縛無繫著者魔不能縛以是義故菩薩摩訶薩而無所著

復次善男子法无尋者菩薩摩訶薩善知字持而不忘失所謂持者如地如山如眼如雲如人如母一切諸法亦復如是義无尋者菩薩雖知諸法名字而不知義得義無尋則知於義云何知義謂地持者如地普持一切衆生及非衆生以是義故名地為持善男子謂山持者菩薩摩訶薩作是思惟何故名山而為持耶山能持地

今無傾動是故名持何故復名眼為持耶眼能持光故名為持何故復名雲為持耶雲名龍氣龍氣持水故名雲持何故復名人為持耶人能持法及以非法故名持何故復名母為持耶母能持子故名母持菩薩摩訶薩知一切法名字句義亦復如是辯無尋者菩薩摩訶薩以種種辯演說一義亦無有義猶如男女舍宅車乘衆生等名何故无義善男子夫義者乃是菩薩諸佛境界辯者凡夫境界以知義故得辯無尋樂說无尋者菩薩摩訶薩知辯知義故於無量阿僧祇劫說辯說義而不可盡是名樂說無尋善男子菩薩摩訶薩於无量無邊阿僧祇劫修行世諦以修行故知法無尋復於无量阿僧祇劫修第一義諦故得義無尋亦於无量阿僧祇劫習毗伽羅那論故得辯無尋亦於无量阿僧祇劫修習說世諦論故得樂說無尋善男子聲聞緣覺若有得是四无闕者無有是處善男子九部經中我說聲聞緣覺之人有四無尋

聲聞緣覺真實无有何以故菩薩摩訶薩為度衆生故修如是四無尋智緣覺之人修寂滅法志樂獨處若化衆生但現神通終日默然无所宣說云何當有四無尋智何故默然而无所說緣覺不能說法度人使得煖法頂法忍法世第一法須陀洹斯陀舍阿那含阿羅漢辟支佛菩薩摩訶薩不能令人發阿耨多羅三藐三菩提心何以故善男子緣覺出世世間无有九部經典是故緣覺無辯无尋樂說无尋善男子緣覺之人雖知諸法無法无尋何以故法無尋者名為知字緣覺之人雖知文字无字無尋何以故不知常住二字故是故緣覺不得法无尋雖知於義无義無尋真知義者知諸衆生悉有佛性佛性義者名為阿耨多羅三藐三菩提以是義故緣覺之人不得義无尋是故緣覺一切無有四無尋智云何聲聞無四无尋聲聞之人無有三種善巧方便何等為三一者必須軟語然後受法二者必須麁語然後受化三者不軟

不廣然後受化聲聞之人無此三故
無四无尋復次聲聞緣覺不能畢竟
知解知義無自在智知於境界無有
十力四无所畏不能畢竟度於十二
因緣大河不能善知衆生諸根利鈍
老別未能永斷二諦疑心不知衆生
種種諸心所緣境界不能善說第一
義空是故二乘無四无尋迦葉菩薩
白佛言世尊若諸聲聞緣覺之人一
切無有四无尋者云何世尊說舍利
弗智慧第一大目犍連神通第一摩
訶拘絺羅四無尋第一如其無者如
來何故作如是說今時世尊讚迦葉
言善哉善哉善男子譬如恒河有無
量水卒頭大河水亦无量博又大河
水亦無量恚陀大河水亦無量阿耨
達池水亦无量大海之中水亦無量
如是諸水雖同無量然其多少其實
不等聲聞緣覺及諸菩薩四无尋智
亦復如是善男子若說等者無有是
處善男子我為凡夫說摩訶拘絺羅
四無尋智為最第一汝所問者其義
如是善男子聲聞之人或有得一或

有得二若具足四無有是處

迦葉菩薩白佛言世尊如佛先說梵
行品中菩薩知見得四無尋者菩薩
知見則無所得亦无有心言無所得
世尊是菩薩摩訶薩實无所得若使
菩薩心有得者則非菩薩名為凡夫
云何如來說言菩薩而有所得佛言
善男子善哉善哉我將欲說而汝復
問善男子菩薩摩訶薩實无所得無
所得者名四無尋善男子以何義故
無所得者名為无尋若有得者則名
為尋有障尋者名四顛倒善男子菩
薩摩訶薩無四倒故得无尋是故
菩薩名無所得復次善男子無所得
者則名為慧菩薩摩訶薩得是慧故
名無所得有所得者名為无明菩薩
永断无明闇故故無所得是故菩薩
名無所得復次善男子无所得者名
大涅槃菩薩摩訶薩安住如是大涅
槃中不見一切諸法性相是故菩薩
名無所得有所得者名二十五有菩
薩永断二十五有得大涅槃是故菩
薩名無所得復次善男子無所得者

名為大乘菩薩摩訶薩不住諸法故
得大乘是故菩薩名無所得有所得
者名為聲聞辟支佛道菩薩永斷二
乘道故得於佛道是故菩薩名無所
得復次善男子无所得者名方等經菩
薩讀誦如是經故得大涅槃是故菩
薩名無所得有所得者名十一部經
菩薩不修純說方等大乘經典是故
菩薩名无所得復次善男子無所得
者名為虛空世間无物名為虛空菩
薩得是虛空三昧無所見故是故菩
薩名無所得有所得者名生死輪一
切凡夫輪迴生死故有所見菩薩永
斷一切生死是故菩薩名无所得復
次善男子菩薩摩訶薩無所得者名
常樂我淨菩薩摩訶薩見佛性故得
常樂我淨是故菩薩名無所得有所
得者名無常无樂無我无淨菩薩摩
訶薩斷是無常無樂无我無淨是故
菩薩名无所得復次善男子無所得
者名第一義空菩薩摩訶薩觀第一
義空悉无所見是故菩薩名無所得
有所得者名為五見菩薩永斷是五

見故得第一義空是故菩薩名无所
得復次善男子無所得者名為阿耨
多羅三藐三菩提菩薩摩訶薩得阿
耨多羅三藐三菩提時悉無所見是
故菩薩名无所所得有所得者名為聲
聞緣覺菩提菩薩永斷二乘菩提是
故菩薩名無所得善男子汝之所問
亦無所得我之所說亦無所得若有
所得是魔眷屬非我弟子迦葉菩薩
白佛言世尊為我說的是菩薩無所得
時無量衆生斷有相心以是事故我
敢諮啓無所得義今如是等无量衆
生離魔眷屬為佛弟子

迦葉菩薩白佛言世尊如來先於娑
羅雙樹間為純陀說偈

本有今無 本無今有 三世有法
無有是虛

世尊是義云何佛言善男子我為化
度諸衆生故而作是說亦為聲聞辟
支佛故而作是說亦為文殊師利法
王子故而作是說不但正為純陀一
人說是偈也時文殊師利將欲問我
我知其心而為說之我既說已文殊

師利即得解了迦葉菩薩言世尊如
文殊等誰有幾人能了是義惟願如
來更為大衆廣分別說善男子諦聽
諦聽今當為汝重敷演之言本有者
我昔本有無量煩惱以煩惱故現在
無有大般涅槃言本无者本無般若
波羅蜜以無般若波羅蜜故現在具
有諸煩惱結若有沙門若婆羅門若
天若魔若梵若人說言如來去來現
在有煩惱者無有是處復次善男子
言本有者我本有父母和合之身是
故現在無有金剛微妙法身言本無
者我身本無三十二相八十種好以
本無有三十二相八十種好故現在
具有四百四病若有沙門若婆羅門
若天若魔若梵若人說言如來去來
現在有痛苦者無有是處復次善男
子言本有者我昔本有无常無我无
樂無淨以有无常無我无樂無淨故
現在无有阿耨多羅三藐三菩提言
本無者本不見佛性以不見故无常
樂我淨若有沙門若婆羅門若天若
魔若梵若人說言如來去來現在無

常樂我淨者無有是處復次善男子
言本有者本有凡夫修苦行心謂得
阿耨多羅三藐三菩提以是事故現
在不能破壞四魔言本无者我本無
有六波羅蜜以本無有六波羅蜜故
修行凡夫苦行之心謂得阿耨多羅
三藐三菩提若有沙門若婆羅門若
大若魔若梵若人說言如來去來現
在有苦行者無有是處復次善男子
言本有者我昔本有雜食之身以有
食身故現在無有无邊之身言本無
者本無三十七助道法以無三十七
助道法故現在具有雜食之身若有
沙門若婆羅門若天若魔若梵若人
說言如來去來現在有雜食身者無
有是處復次善男子言本有者我昔
本有一切法中取著之心以是事故
現在無有畢竟空定言本无者我本
無有中道實義以無中道真實義故
於一切法則有著心若有沙門若婆
羅門若天若魔若梵若人說言如來
去來現在說一切法是有相者无有
是處復次善男子言本有者我初得

阿耨多羅三藐三菩提時有諸鉢根聲聞弟子以有鉢根聲聞弟子故不得演說一乘之實言本无者本無利根人中爲王迦葉菩薩等以无利根迦葉等故隨宜方便開示三乘若有沙門若婆羅門若天若魔若梵若人說言如來去來現在畢竟演說三乘法者無有是處復次善男子言本有者我本說言却後三月於娑羅雙樹當般涅槃是故現在不得演說大方等典大般涅槃言本無者本昔无有文殊師利大菩薩等以無有故現在說言如來無常若有沙門若婆羅門若天若魔若梵若人說言如來去來現在是無常者无有是處

善男子如來普爲諸衆生故雖知諸法說言不知雖見諸法說言不見有相之法說言無相无相之法說言有相實有无常說言有常實有有常說言无常我樂淨等亦復如是三乘之法說言一乘一乘之法隨宜說三略相說廣廣相說略四重之法說偷蘭遮偷蘭遮法說言四重犯說非犯非

犯說犯輕罪說重重罪說輕何以故
如來明見衆生根故善男子如來雖
作是說終無虛妄何以故虛妄之語
即是罪過如來悉斷一切罪過云何
當有虛妄語耶善男子如來雖无虛
妄之言若知衆生因虛妄說得法利
者隨宜方便則為說之善男子一切
世諦若於如來即是第一義諦何以
故諸佛世尊為第一義故說於世諦
亦令衆生得第一義諦若使衆生不
得如是第一義者諸佛終不宣說世
諦善男子如來有時演說世諦衆生
謂佛說第一義諦有時演說第一義
諦衆生謂佛說於世諦是則諸佛甚
深境界非是聲聞緣覺所知善男子
是故汝先不應難言菩薩摩訶薩无
所得也菩薩常得第一義諦云何難
言無所得耶迦葉復言世尊第一義
諦亦名為道亦名菩提亦名涅槃若
有菩薩言有得道菩提涅槃即是无
常何以故法若常者則不可得猶如
虛空誰有得者世尊如世間物本无
今有名為無常道亦如是道若可得

則名无常法若常者无得无生猶如
佛性無得无生世尊夫道者非色非
不色不長不短非高非下非生非滅
非赤非白非青非黃非有非無云何
如來說言可得菩提涅槃亦復如是
佛言如是如是善男子道有二種一
者常二者無常菩提之相亦有二種
一者常二者無常涅槃亦亦外道道
者名為無常內道道者名之為常聲
聞緣覺所有菩提名為无常菩薩諸
佛所有菩提名之為常外解脫者名
為無常內解脫者名之為常善男子
道與菩提及以涅槃名之為常一切
衆生常為無量煩惱所覆无慧眼故
不能得見而諸衆生為欲見故修戒
定慧以修行故見道菩提及以涅槃
是名菩薩得道菩提及涅槃也道之
性相實不生滅以是義故不可捉持
善男子道者雖無色像可見稱量可
知而實有用善男子如衆生心雖非
是色非長非短非廣非細非縛非解
非是見法而亦是有以是義故我為
須達說言長者心為城主長者若不

護心則不護身口若護心者則護身
口以不善護是身口故令諸衆生到
三惡趣護身口者則令衆生得人天
涅槃得名真實其不得者不名真實
善男子道與菩提及以涅槃亦復如
是亦有亦常如其无者云何能斷一
切煩惱以其有故一切菩薩了了見知
善男子見有二種一相貌見二了了
見云何相貌見如遠見烟名為見火
實不見火雖不見火亦非虛妄見空
中鶴便言見水雖不見水亦非虛妄
如見花葉便言見根雖不見根亦非
虛妄如人遙見籬間牛角便言見牛
雖不見牛亦非虛妄如見女人懷妊
便言見欲雖不見欲亦非虛妄如見
樹生葉便言見水雖不見水亦非虛
妄又如見雲便言見雨雖不見雨亦
非虛妄如見身業及以口業便言見
心雖不見心亦非虛妄是名相貌見
云何了了見如眼見色善男子如人
眼根清淨不壞自觀掌中阿摩勒果
菩薩摩訶薩了了見道菩提涅槃亦
復如是雖如是見初無見相善男子

以是因緣我於往昔告舍利弗一切世間若有沙門若婆羅門若天若魔若梵若人之所不知不見不覺惟有如來悉知見覺及諸菩薩亦復如是舍利弗若諸世間所知見覺我與菩薩亦知見覺世間衆生之所不知不見不覺亦不自知不知見覺世間衆生所知見覺便自說言我知見覺舍利弗如來一切悉知見覺亦不自言我知見覺一切菩薩亦復如是何以故若使如來作知見覺相當知是則非佛世尊名為凡夫菩薩亦尔

迦葉菩薩言如佛世尊為舍利弗說世間知者我亦得知世間不知我亦悉知其義云何善男子一切世間不知不見不覺佛性若有知見覺佛性者不名世間名為菩薩世間之人亦復不知不見不覺十二部經十二因緣四倒四諦三十七品阿耨多羅三藐三菩提大般涅槃若知見覺者不名世間當名菩薩善男子是名世間不知見覺云何世間所知見覺所謂梵天自在天八臂天性時微塵法及

非法是造化主世界終始斷常二見
說言初禪至非非想名為涅槃善男
子是名世間所知見覺菩薩摩訶薩
於如是事亦知見覺菩薩如是知見
覺已若言不知不見不覺是為虛妄
虛妄之法則為是罪以是罪故墮於
地獄善男子若男若女若沙門若婆
羅門說言无道菩提涅槃當知是筆
名一闍提魔之眷屬名為謗法如是
謗法名謗諸佛如是之人不名世間
不名非世間今時迦葉聞是事已即
以偈頌而讚歎佛

大慈愍衆生 故令我歸依 善拔衆毒箭
故稱大醫王 世醫所療治 雖老還復生
如來所治者 畢竟不復發 世尊甘露藥
以施諸衆生 衆生既服已 不死亦不生
如來今為我 演說大涅槃 衆生聞秘藏
即得不生滅

迦葉菩薩說是偈已即白佛言世尊
如佛所說一切世間不知見覺菩薩
悉能知見覺者若使菩薩是世間者
不得說言世間不知不見不覺而是
菩薩能知見覺若非世間有何異相

佛言善男子言菩薩者亦是世間亦非世間不知見覺者名為世間知見覺者不名世間汝言有何異者我今當說善男子若男若女若有初聞是涅槃經即生敬信發阿耨多羅三藐三菩提心是則名為世間菩薩一切世間不知見覺如是菩薩亦同世間不知見覺菩薩聞是涅槃經已知有世間不知見覺應是菩薩所知見覺知是事已即自思惟我當云何方便修習得知見覺覆自念言惟當深心修持淨戒善男子菩薩今時以是因緣於未來世在在生處戒常清淨善男子菩薩摩訶薩以戒淨故在在生處常無憍慢邪見疑網終不說言如來畢竟入於涅槃是名菩薩修持淨戒戒既清淨次修禪定以修定故在在生處正念不忘所謂一切衆生悉有佛性十二部經諸佛世尊常樂我淨一切菩薩安住方等大涅槃經悉見佛性如是等事憶而不忘因修定故得十一空是名菩薩修清淨定戒定已偕次修淨慧以修慧故初不計

著身中有我我中有身是身是我非
身非我是名菩薩修習淨慧以修慧
故所受持戒牢固不動善男子譬如
須弥不為四風之所傾動菩薩摩訶
薩亦復如是不為四倒之所傾動善
男子菩薩亦時自知見覺所受持戒
無有傾動是名菩薩所知見覺非世
間也善男子菩薩見所持戒牢固不
動心無悔恨无悔恨故心得歡喜得
歡喜故心得悅樂得悅樂故心則安
隱心安隱故得无動定得無動定故
得實知見實知見故厭離生死厭離
生死故便得解脫得解脫故明見佛
性是名菩薩所知見覺非世間也善
男子是名世間不知見覺而是菩薩
所知見覺

迦葉復言云何菩薩修持淨戒心無
悔恨乃至明了見於佛性佛言善男
子世間戒者不名清淨何以故世間
戒者為於有故性不定故非畢竟故
不能廣為一切衆生以是義故名為
不淨以不淨故有悔恨心以悔恨故
心無歡喜无歡喜故則無悅樂无悅

樂故則無安隱无安隱故無不動定
無不動定故無實知見无實知見故
則无厭離無厭離故則無解脫无解
脫故不見佛性不見佛性故終不能
得大般涅槃是名世間戒不清淨善
男子菩薩摩訶薩清淨戒者戒非戒
故非為有故定畢竟故為衆生故是
名菩薩戒清淨也善男子菩薩摩訶
薩於淨戒中雖不欲生無悔恨心無
悔恨心自然而生善男子譬如有人
執持明鏡不期見面面像自現亦
如農夫種之良田不期生牙而牙自
生亦如然燈不期滅闇而闇自滅善
男子菩薩摩訶薩堅持淨戒无悔恨
心自然而生亦復如是以淨戒故心
得歡喜善男子如端正人自見面貌
心生歡喜持淨戒者亦復如是善男
子破戒之人見戒不淨心不歡喜如
形殘者自見面貌不生喜悅破戒之
人亦復如是善男子譬如牧牛有二
女人一持酪瓶一持漿瓶俱共至城
而欲賣之於路脚踏二瓶俱破一則
歡喜一則愁惱持戒破戒亦復如是

持淨戒者心則歡喜心歡喜故則便
思惟諸佛如來於涅槃中說有能持
清淨戒者則得涅槃我今修習如是
淨戒亦應得之以是因緣心則悅樂
迦葉復言喜之與樂有何差別善男
子菩薩摩訶薩不作惡時名為歡喜
心淨持戒名之為樂善男子菩薩摩
訶薩觀於生死則名為喜見大涅槃
名之為樂下名為喜上名為樂離世
共法名之為喜得不共法名之為樂
以戒淨故身體輕柔口無虛過菩薩
今時若見若聞若輕若嘗若觸若知
悉無諸惡以無惡故心得安隱以安
隱故則得靜定得靜定故得實知見
實知見故厭離生死故則得
解脫得解脫故得見佛性見佛性故
得大涅槃是名菩薩清淨持戒非世
間戒何以故善男子菩薩摩訶薩所
受淨戒五法佐助云何為五一信二
慚三愧四善知識五宗敬戒離五蓋
故所見清淨離五見故心無疑網離
五疑故一者疑佛二者疑法三者疑
僧四者疑戒五者疑不放逸菩薩今

時即得五根所謂信念精進定慧得五根故得五種涅槃謂色解脫乃至識解脫是名菩薩清淨持戒非世間也善男子是名世間之所不知不見不覺而是菩薩所知見覺

善男子若我弟子受持讀誦書寫演說大涅槃經有破戒者有人呵責輕賤毀辱而作是言若佛秘藏大涅槃經有威力者云何令汝毀所受戒若人受持是涅槃經毀禁戒者當知是經為無威力若无威力雖復讀誦為無利益緣是輕毀涅槃經故復令無量无边衆生墮於地獄受持是經而毀戒者則是衆生惡知識也非我弟子是魔眷屬如是之人我亦不聽受持是典寧使不受不持不修不以毀戒受持修習善男子若我弟子受持讀誦書寫演說涅槃經者當正身心慎莫調戲輕躁舉動身為調戲心為輕動求有之心名為輕動身造諸業名為調戲若我弟子求有造業不應受持是大乘典大涅槃經若有如是受持經者人當輕呵而作是言若佛

秘藏大涅槃經有威力者云何令汝
未有造業若持經者求有造業當
知是經為無威力若無威力雖復受
持為無利益緣是輕毀涅槃經故復
令无量無邊衆生墮於地獄受持是
經求有造業則是衆生惡知識也非
我弟子是魔眷屬復次善男子若我
弟子受持讀誦書寫演說是涅槃經
莫非時說莫非國說莫不請說莫輕
心說莫處處說莫自歎說莫輕他說
莫滅佛法說莫熾然世法說善男子
若我弟子受持是經非時而說乃至
熾然世法說者人當輕呵而作是言
若佛秘藏大涅槃經有威力者云何
令汝非時而說乃至熾然世法而說
若持經者作如是說當知是經為無
威力若無威力雖復受持為无利益
緣是輕毀涅槃經故令无量衆生墮
於地獄受持是經非時而說乃至熾
然世法而說則是衆生惡知識也非
我弟子是魔眷屬善男子若欲受持
者說大涅槃者說佛性者說如來秘
藏者說大乘者說方等經者說聲聞

乘者說辟支佛乘者說解脫者見佛性者先當清淨其身以身淨故則無呵責無呵責故令无量人於大涅槃生清淨信信心生故恭敬是經若聞一偈一句一字及說法者則得發於阿耨多羅三藐三菩提心當知是人則是衆生真善知識非惡知識是我弟子非魔眷屬是名菩薩非世間也善男子是名世間之所不知不見不覺而是菩薩所知見覺

大般涅槃經卷第十七

壬寅歲高麗國大藏都監奉

勅彫造

六船涅槃經卷第十八

迄

梵行品第八之四

北凉天竺三藏曇無讖譯

復次善男子云何復名一切世間所不知見覺而是菩薩所知見覺所謂六念處何等為六念佛念法念僧念戒念施念天善男子云何念佛如來應正遍知明行足善逝世間解無上士調御丈夫天人師佛世尊常不變易具足十力四無所畏大師子吼名大沙門大婆羅門大淨畢竟到於彼岸無能勝者无見頂者無有怖畏不驚不動獨一無侶无師自悟疾智大智利智深智解脫智不共智廣普智畢竟智智寶成就人中為王人中牛王人中龍王人中丈夫人中蓮花分陀利花調御人師為大施主大法之師以知法故名大法師以知義故名大法師以知時故名大法師以知足故名大法師以知我故名大法師知大衆故名大法師以知衆生種種性故名大法師以知諸根利鈍中故名

大法師說中道故名大法師

云何名如來如過去諸佛所說不變
云何不變過去諸佛為度衆生說十
二部經如來亦尔故名如來諸佛世
尊從六波羅蜜三十七品十一空來
至大涅槃如來亦尔是故号佛為如
來也諸佛世尊為衆生故隨宜方便
開示三乘壽命無量不可稱計如來
亦尔是故号佛為如來也

云何為應世間之法恙名怨家佛應
害故故名為應夫四魔者是菩薩怨
諸佛如來為菩薩時能以智慧破壞
四魔是故名應復次應者名為遠離
為菩薩時應當遠離無量煩惱故名
為應復次應者名樂過去諸佛為菩
薩時雖於無量阿僧祇劫為衆生故
受諸苦惱終无不樂而常樂之如來
亦尔是故名應又復應者一切人天
應以種種香花瓔珞幢幡伎樂而供
養之是故名應

云何正遍知正者名不顛倒遍知者
於四顛倒無不通達又復正者名為
苦行遍知者知因苦行定有苦果又

復正者名世間中遍知者畢竟定知
修習中道得阿耨多羅三藐三菩提
又復正者名為可數可量可稱遍知
者不可數不可量不可稱是故号佛
為正遍知善男子聲聞緣覺亦有遍
知亦不遍知何以故遍知者名五陰十
二入十八界聲聞緣覺亦得遍知是
名遍知云何不遍知善男子假使二
乘於無量劫觀一色陰不能盡知以
是義故聲聞緣覺無有遍知

云何明行足明者名得無量善果行
名脚足善果者名阿耨多羅三藐三
菩提脚足者名為戒慧乘戒慧足得
阿耨多羅三藐三菩提是故名為明
行足也又復明者名呪行者名吉足
者名果善男子是名世間義呪者名
為解脫吉者名為阿耨多羅三藐三
菩提果者名為大般涅槃是故名為
明行足也又復明者名光行者名業
足者名果善男子是名世間義光者
名不放逸業者名六波羅蜜果者名
為阿耨多羅三藐三菩提又復明者
名為三明一菩薩明二諸佛明三無

明明菩薩明者即是般若波羅蜜諸
佛明者即是佛眼無明明者即畢竟
空行者於無量劫為衆生故修諸善
業足者明見佛性以是義故名明行足
云何善逝善者名高逝名不高善男
子是名世間義高者名為阿耨多羅
三藐三菩提不高者即如來心也善
男子心若高者不名如來是故如來
名為善逝又復善者名為善知識逝
者善知識果善男子是名世間義善
知識者即初發心果者名為大般涅
槃如來不捨寂初發心得大涅槃是
故如來名為善逝又復善者名好逝
者名有善男子是名世間義好者名
見佛性有者名大涅槃善男子涅槃
之性實非有也諸佛世尊因世間故
說言是有善男子譬如世人實無有
子說言有子實無有道說言有道涅
槃亦尔因世間故說言為有諸佛世
尊成大涅槃故名善逝

善男子云何世間解善男子世間者
名為五陰解者名知諸佛世尊善知
五陰故名世間解又世間者名為五

欲解名不著不著五欲故名世間解

又世間解者東方無量阿僧祇世界

一切聲聞緣覺不知不見不解諸佛

悉知悉見悉解南西北方四維上下

亦復如是是故号佛為世間解又世

間者一切凡夫解者知諸凡夫善惡

因果非是聲聞緣覺所知惟佛能知

是故号佛為世間解又世間者名曰

蓮花解名不汙善男子是名世間義

蓮花者即是如來不汙者如來不為

世間八法之所染汙是故号佛為世

間解又世間解者諸佛菩薩名世間

解何以故諸佛菩薩見世間故故名

世間解善男子如因食得命名食為

命諸佛菩薩亦復如是見世間故故

名世間解云何無上士上士者名之

為斷無所斷者名無上士諸佛世尊

無有煩惱故无所斷是故号佛為無

上士又上士者名為諍訟無上士者

無有諍訟如來無諍是故号佛為無

上士又上士者名語可壞無上士者

語不可壞如來所言一切衆生所不

能壞是故号佛為無上士又上士者

名為上座無上士者名無上座三世
諸佛更無過者是故号佛為無上士
上者名新士者名故諸佛世尊體大
涅槃無新無故是故号佛為無上士
云何調御丈夫自既丈夫復調丈夫
善男子言如來者實非丈夫非不夫
夫因調丈夫故名如來為丈夫也善
男子一切男女若具四法則名丈夫
何等為四一善知識二能聽法三思
惟義四如說修行善男子若男若女
具是四法則名丈夫善男子若有男
子無此四法則不得名為丈夫也何
以故身雖丈夫行同畜生如來調伏
若男若女是故号佛調御丈夫復次
善男子如御馬者凡有四種一者觸
毛二者觸皮三者觸肉四者觸骨隨
其所觸稱御者意如來亦尔以四種
法調伏衆生一為說生令受佛語如
觸其毛隨御者意二說生老便受佛
語如觸毛皮隨御者意三者說生及
以老病便受佛語如觸毛皮肉隨御
者意四者說生及老病死便受佛語
如觸毛皮肉骨隨御者意善男子御

者調馬無有決定如來世尊調伏衆生必定不虛是故号佛為調御丈夫云何天人師師有二種一者善教二者惡教諸佛菩薩常以善法教諸衆生何等善法謂身口意善諸佛菩薩教諸衆生作如是言善男子汝當遠離身不善業何以故以身惡業是可遠離得解脫故是故我以此法教汝若是惡業不可遠離得解脫者終不教汝令遠離也若諸衆生離惡業已墮三惡者無有是處以遠離故成阿耨多羅三藐三菩提得大涅槃是故諸佛菩薩常以此法教化衆生口意亦亦是故号佛為無上師復次昔未得道今已得之以所得道為衆生說從本已來未修梵行今已修竟以已所修為衆生說自破無明復為衆生破壞無明自得淨目復為衆生破除盲冥令得淨眼自知二諦復為衆生演說二諦既自解脫復為衆生說解脫法自度無邊生死大河復令衆生皆悉得度自得無畏復教衆生令無怖畏自既涅槃復為衆生演大涅槃

是故号佛為無上師天者名晝天上
晝長夜短是故名天又復天者名無
愁惱常受快樂是故名天又復天者
名為燈明能破黑闇而為大明是故
名天亦以能破惡業黑闇得於善業
而生天上是故名天又復天者名吉
以吉祥故得名為天又復天者名日
日有光明故名日為天以是義故名
為天也人者名日能多恩義又復人
者身口柔軟又復人者名有憍慢又
復人者能破憍慢善男子諸佛雖為
一切衆生無上大師然經中說為天
人師何以故善男子諸衆生中惟天
與人能發阿耨多羅三藐三菩提心
能修十善業道能得須陀洹果斯陀
舍果阿那含果阿羅漢果辟支佛道
得阿耨多羅三藐三菩提是故名佛
為天人師云何為佛佛者名覺既自
覺悟復能覺他善男子譬如有人覺
知有賊賊無能為菩薩摩訶薩能覺
一切無量煩惱既覺了已令諸煩惱
無所能為是故名佛以是覺故不生
不老不病不死是故名佛婆伽婆者

婆伽名破婆名煩惱能破煩惱故名
婆伽婆又能成就諸善法故又能善
解諸法義故有大功德無能勝故有
大名聞遍十方故又能種種大慧施
故又於無量阿僧祇劫吐女根故善
男子若男若女能如是念佛者若行
若住若坐若卧若晝若夜若明若闇
常得不離見佛世尊善男子何故名
為如來應正遍知乃至婆伽婆而有
如是無量功德大名稱耶善男子菩
薩摩訶薩於昔無量阿僧祇劫恭敬
父母和上諸師上座長老於元量劫
常為衆生而行布施堅持禁戒修集
忍辱勤行精進禪定智慧大慈大悲
大喜大捨是故今得三十二相八十
種好金剛之身又復菩薩於昔元量
阿僧祇劫修集信念進定慧根於諸
師長恭敬供養常為法利不為食利
菩薩若持十二部經若讀若誦常為
衆生令得解脫安隱快樂終不自為
何以故菩薩常修出世間心及出家
心無為之心無諍訟心無垢穢心無
繫縛心無取著心無覆蓋心無元記

心無生死心無疑網心無貪欲心無
瞋恚心無愚癡心無憍慢心无穢濁
心無煩惱心無苦心無量心廣大心
虛空心無心無无心調心不護心無
覆藏心無世間心常定心常修心常
解脫心無報心無願心善願心无誤
心柔軟心不住心自在心無漏心第
一義心不退心無常心正直心無諂
曲心純善心無多少心無堅硬心無
凡夫心無聲聞心無緣覺心善知心
界知心生界知心住界知心自在界
心是故今得十力四無所畏大悲三
念處常樂我淨是故得稱如來乃至
婆伽婆是名菩薩摩訶薩念佛云何
菩薩摩訶薩念法善男子菩薩摩訶
薩思惟諸佛所可說法取妙取上因
是法故能令衆生得現在果惟此正
法無有時節法眼所見非肉眼見然
不可以譬喻為比不生不出不住不
減不始不終無為无數無舍宅者為
作舍宅無歸作歸無明作明未到彼
岸令到彼岸為無香處作无尋香不
可見見不動不轉不長不短永斷諸

樂而安隱樂畢竟微妙非色斷色而
亦是色乃至非識斷識而亦是識非
業斷業非結斷結非物斷物而亦是
物非界斷界而亦是界非有斷有而
亦是有非入斷入而亦是入非因斷
因而亦是因非果斷果而亦是果非
虛非實斷一切實而亦是實非生非
滅永離生滅而亦是滅非相非非相
斷一切相而亦是相非教非不教而
亦是師非怖非安斷一切怖而亦是
安非忍非不忍永斷不忍而亦是忍
非止非不止斷一切止而亦是止一切
法頂志能永斷一切煩惱清淨无相
永脫諸相無量衆生畢竟住處能滅
一切生死熾火乃是諸佛所遊居處
常不變易是名菩薩念法云何念僧
諸佛聖僧如法而住受正直法隨順
修行不可覩見不可捉持不可破壞
無能燒害不可思議一切衆生良祐
福田雖為福田無所受取清淨无穢
無漏無為廣普無邊其心調柔平等
無二無有撓濁常不變易是名念僧
云何念戒菩薩思惟有戒不破不漏

不壞不雜雖無形色而可護持雖無觸對善修方便可得具足無有過各諸佛菩薩之所讚歎是大方等大涅槃因善男子譬如大地船舫瓔珞大姓大海灰汁舍宅刀鋸橋梁良醫妙藥阿伽陀藥如意寶珠脚足眼目父母陰涼無能劫盜不可燒害火不能焚水不能漂大山梯蹬諸佛菩薩妙寶勝幢若住是戒得須陀洹果我亦有分然我不須何以故若我得是須陀洹果不能廣度一切衆生若住是戒則得阿耨多羅三藐三菩提我亦有分是我所欲何以故若得阿耨多羅三藐三菩提當為衆生廣說妙法而作救護是名菩薩摩訶薩念戒云何念施菩薩摩訶薩深觀此施乃是阿耨多羅三藐三菩提因諸佛菩薩親近修集如是布施我亦是親近修集若不惠施不能莊嚴四部之衆施雖不能畢竟斷結而能除破現在煩惱以施因緣故常為十方無量无边恒河沙等世界衆生之所稱歎菩薩摩訶薩施衆生食則施其命以是

果起成佛之時常不變易以施樂故成佛之時則得安樂菩薩施時如法求財不侵彼施此是故成佛得清淨涅槃菩薩施時令諸衆生不求而得是故成佛得自在我以施因緣令他得力是故成佛獲得十力以施因緣令他得語是故成佛得四無尋諸佛菩薩修集是施為涅槃因我亦如是修集布施為涅槃因廣說如雜花中云何念天有四天王處乃至非想非非想處若有信心得四天王處我亦有分若戒多聞布施智慧得四天王處乃至得非想非非想處我亦有分然非我所欲何以故四天王處乃至非想非非想處皆是無常以無常故生老病死以是義故非我所欲譬如幻化誑於愚夫智慧之人所不惑著如幻化者即是四天王處乃至非想非非想處愚者即是一切凡夫我則不同凡夫愚人我曾聞有第一義天謂諸佛菩薩常不變易以常住故不生不老不病不死我為衆生精勤求於第一義天何以故第一義天能令

衆生除斷煩惱猶如意樹若我有信
乃至有慧則能得是第一義天當為
衆生廣分別說第一義天是名菩薩
摩訶薩念天善男子是名菩薩非世
間也是為世間不知見覺而是菩薩
所知見覺善男子若我弟子謂受持
讀誦書寫演說十二部經及以受持
讀誦書寫敷演解說大涅槃經等無
差別者是義不然何以故善男子大
涅槃者即是一切諸佛世尊甚深秘
藏以是諸佛甚深秘藏是則為勝善
男子以是義故大涅槃經甚奇甚特
不可思議迦葉菩薩白佛言世尊我
亦知是大涅槃經甚奇甚特不可思
議佛法衆僧不可思議菩薩菩提大
般涅槃亦不可思議世尊以何義故
復言菩薩不可思議善男子菩薩摩
訶薩無有教者而能自發菩提之心
既發心已勤修精進正使大火焚燒
身首終不求救捨念法心何以故菩
薩摩訶薩常自思惟我於無量阿僧
祇劫或在地獄餓鬼畜生人中天上
為諸結火之所燒燃初不曾得一決

定法決定法者即是阿耨多羅三藐三菩提若我為於阿耨多羅三藐三菩提終不護惜身心與命我為阿耨多羅三藐三菩提正使碎身猶如微塵終不放捨勤精進也何以故勤進之心即是阿耨多羅三藐三菩提因善男子如是菩薩未見阿耨多羅三藐三菩提乃能如是不惜身命况復見已是故菩薩不可思議又復不可思議菩薩摩訶薩所見生死无量過患非是聲聞緣覺所及雖知生死無量過惡為衆生故於中受苦不生厭離是故復名不可思議菩薩摩訶薩為衆生故雖在地獄受諸苦惱如三禪樂是故復名不可思議善男子譬如長者其家失火長者見已從舍而出諸子在後未脫火難長者今時定知火害為諸子故旋還赴救不顧其難菩薩摩訶薩亦復如是雖知生死多諸過惡為衆生故處之不歇是故復名不可思議善男子無量衆生發菩提心見生死中多諸過惡心即退沒或為聲聞或為緣覺若有菩薩聞

是經者終不退失菩提之心而為聲聞辟支佛也如是菩薩雖復未階初不動地而心堅固無有退沒是故復名不可思議善男子若有人言我能浮渡大海之水如是之言可思議不不也世尊如是之言或可思議或不可思議何以故若人渡者則不可思議阿修羅渡則可思議善男子我亦不說阿修羅也正說人耳世尊人中亦有可思議者不可思議者世尊人亦二種一者聖人二者凡夫凡夫之人則不可思議賢聖之人則可思議善男子我說凡夫不說聖人世尊若凡夫人實不可思議善男子凡夫之人實不能渡大海水也如是菩薩實能渡於生死大海是故復名不可思議善男子若有人能以藕根絲懸須弥山可思議不不也世尊善男子菩薩摩訶薩已於無量阿僧祇劫常觀生死無常無我無樂無滯而為衆生分別演說常樂我淨雖如是說然非

邪見是故復名不可思議善男子如
人入水水不能漂入大猛火火不能
燒如是之事不可思議菩薩摩訶薩
亦復如是雖處生死不為生死之所
惱害是故復名不可思議善男子人
有三品謂上中下下品之人初入胎
時作是念言我今處廁衆穢歸處如
死屍間衆穢刺中大黑闇處初出胎
時復作是念我今出廁出衆穢處乃
至出於大黑闇處中品之人作是念
言我今入於衆樹林中青淨河中房
舍屋宅出時亦念上品之人作是念
言我果殿堂在花林間乘馬乘烏登
涉高山出時亦念菩薩摩訶薩初入
胎時自知入胎住時知住出時知出
終不生於貪瞋之心而未得階初住
地也是故復名不可思議善男子阿
耨多羅三藐三菩提實不可以譬喻
為比善男子心亦不可以方喻為比
而皆可說菩薩摩訶薩無有師諮受
學之處而能得於阿耨多羅三藐三
菩提法得是法已心無慳恡常為衆
生而演說之是故復名不可思議善

男子菩薩摩訶薩有身遠離非口有口遠離非身有非身非口而亦遠離身遠離者謂離煞盜婬是名身遠離非口口遠離者謂離妄語兩舌惡口無義語是名口遠離非身非身非口是遠離者所謂遠離貪嫉瞋恚邪見善男子是名非身非口而亦遠離善男子菩薩摩訶薩不見一法是身是業及與離主而亦有離是故復名不可思議口亦如是善男子從身離身從口離口從慧遠離非身非口善男子實有此慧然不能令菩薩遠離何以故善男子無有一法能壞能作有為法性異生異滅是故此慧不能遠離善男子慧不能破火不能燒水不能爛風不能動地不能持生不能生老不能老住不能住壞不能壞貪不能貪瞋不能瞋癡不能癡以有為性異生異滅故菩薩摩訶薩終不生念我以此慧破諸煩惱而自說言我破煩惱雖作是說非是虛妄是故復名不可思議迦葉復言世尊我今始知菩薩摩訶薩不可思議佛法衆僧大

涅槃經及受持者菩提涅槃不可思議世尊無上佛法當久近住幾時而滅善男子若大涅槃經乃至有是五行所謂聖行梵行天行病行嬰兒行若我弟子有能受持讀誦書寫演說其義為諸衆生之所恭敬尊重讚歎種種供養當知今時佛法未滅善男子若大涅槃經具足流布當今之時我諸弟子多犯禁戒造作衆惡不能敬信如是經典以不信故不能受持讀誦書寫解說其義不為衆人之所恭敬乃至供養見受持者輕毀誹謗汝是六師非佛弟子當知佛法將滅不久迦葉菩薩復白佛言世尊我親從佛聞如是義迦葉佛法住世七日然後滅盡世尊迦葉如來有是經不如其有者云何言滅如其無者云何說言大涅槃經是諸如來秘密之藏佛言善男子我先說言惟有文殊乃解是義今當重說至心諦聽善男子諸佛世尊有二種法一者世法二者第一義法世法者則有壞滅第一義法則不壞滅復有二種一者無常无

我無樂無淨二者常樂我淨無常無
我無樂無淨則有壞滅常樂我淨則
無壞滅復有二種一者二乘所持二
者菩薩所持二乘所持則有壞滅菩
薩所持則無壞滅復有二種一者外
二者內外法者則有壞滅內法者則
無壞滅復有二種一者有為二者無
為有為之法則有壞滅無為之法無
有壞滅復有二種一者可得二者不
可得可得之法則有壞滅不可得者
無有壞滅復有二種一者共法二者
不共法共法壞滅不共之法無有壞
滅復有二種一者人中二者天中人
中壞滅天無壞滅復有二種一者十
一部經二者方等經十一部經則有
壞滅方等經典無有壞滅善男子若
我弟子受持讀誦書寫解說方等經
典恭敬供養尊重讚歎當知今時佛
法不滅善男子汝向所問迦葉如來
有是經不者善男子大涅槃經悉是
一切諸佛秘藏何以故諸佛雖有十
一部經不說佛性不說如來常樂我
淨諸佛世尊永不畢竟入於涅槃是

故此經名為如來秘密之藏十一部
經所不說故故名為藏如人七寶不
出外用名之為藏善男子是人所以
藏積此物為未來事故何等未來事
所謂穀貴賊來侵國值遇惡王為用
贖命道路溢難財難得時乃當出用
善男子諸佛如來秘密之藏亦復如
是為未來世諸惡比丘畜不淨物為
四眾說如來畢竟入於涅槃讀誦世
典不敬佛經如是等惡現於世時如
來為欲滅是諸惡令得遠離邪命利
養如來則為演說是經若是經典秘
密之藏滅不現時當知今時佛法則
滅善男子大涅槃經常不變易云何
難言迦葉佛時有是經不善男子迦
葉佛時所有眾生貪欲微薄智慧滋
多諸菩薩摩訶薩等調柔易化有大
威德惣持不忘如大為王世界清淨
一切眾生悉知如來終不畢竟入於
涅槃常住不變雖有是典不須演說
善男子今世眾生多諸煩惱愚癡意
忘無有智慧多諸疑網信根不立世
界不淨一切眾生咸謂如來無常遷

變畢竟入於大般涅槃是故如來演
說是典善男子迦葉佛法實亦不滅
何以故常不變故善男子若有衆生
我見無我無我見我常見無常無常
見常樂見無樂無樂見樂淨見不淨
不淨見淨滅見不滅不滅見滅罪見
非罪非罪見罪輕罪見重重罪見輕
乘見非乘非乘見乘道見非道非道
見道實是菩提見非菩提實非菩提
謬見菩提苦見非苦集見非集滅見
非滅實見非實實是世諦見第一義
諦第一義諦見是世諦歸見非歸非
歸見歸以真佛語名為魔語實是魔
語以為佛語如是之時諸佛乃說大
涅槃經善男子寧說空嘆盡大海底
不可說言如來法滅寧說口吹須弥
散壞不可說言如來法滅寧言以索
繫縛猛風不可說言如來法滅寧言
佉陀羅火中生蓮花不可說言如來
法滅寧說阿伽陀藥而為毒藥不可
說言如來法滅寧說月可令熱日可
令冷不可說言如來法滅寧說四大
各捨已性不可說言如來法滅善男

子若佛初出得阿耨多羅三藐三菩提已未有弟子解甚深義彼佛世尊便涅槃者當知是法不久住世復次善男子若佛初出得阿耨多羅三藐三菩提已有諸弟子解甚深義佛雖涅槃當知是法久住於世復次善男子若佛初出得阿耨多羅三藐三菩提已雖有弟子解甚深義无有篤信白衣檀越敬重佛法佛便涅槃當知是法不久住世復次善男子若佛初出得阿耨多羅三藐三菩提已有諸弟子解甚深義多有篤信白衣檀越敬重佛法佛雖涅槃當知佛法久住於世復次善男子若佛初出得阿耨多羅三藐三菩提已有諸弟子解甚深義雖有篤信白衣檀越敬重佛法而諸弟子演說經法貪為利養不為涅槃佛復滅度當知是法不久住世復次善男子若佛初出得阿耨多羅三藐三菩提已有諸弟子解甚深義復有篤信白衣檀越敬重佛法彼諸弟子凡所演說不貪利養為求涅槃佛雖滅度當知是法久住於世復次

善男子若佛初出得阿耨多羅三藐三菩提已雖有弟子解甚深義復有
為信白衣檀越敬重佛法而諸弟子
多起諍訟互相是非佛復涅槃當知
是法不久住世復次善男子若佛初
出得阿耨多羅三藐三菩提已有諸
弟子解甚深義復有為信白衣檀越
敬重佛法彼諸弟子修和敬法不相
是非互相尊重佛雖涅槃當知是法
久住不滅復次善男子若佛初出得
阿耨多羅三藐三菩提已雖有弟子
解甚深義復有為信白衣檀越敬重
佛法彼諸弟子為大涅槃而演說法
互相恭敬不起諍訟然畜一切不淨
之物復自讚言我得須陀洹果乃至
阿羅漢果佛復涅槃當知是法不久
住世復次善男子若佛初出得阿耨
多羅三藐三菩提已有諸弟子解甚
深義復有為信白衣檀越敬重佛法
彼諸弟子為大涅槃演說經法善修
和敬互相尊重不畜一切不淨之物
亦不自言得須陀洹乃至得阿羅漢
彼佛世尊雖復滅度當知是法久住

於世復次善男子若佛初出得阿耨
多羅三藐三菩提已有諸弟子乃至
不畜不淨之物又不自言得須陀洹
乃至阿羅漢各執所見種種異說而
作是言長老諸佛所制四重之法乃
至七滅諍法為衆生故或遮或開十
二部經亦復如是何以故佛知國土
時節各異衆生不同利鈍老別是故
如來或遮或開有輕重說善男子譬
如良醫為病服乳為病遮乳熱病聽
服冷病則遮如來亦令觀諸衆生煩
惱病根亦開亦遮長老我親從佛聞
如是義惟我知義汝不能知惟我解
律汝不能解我知諸經汝不能知彼
佛復滅當知是法不久住世復次善
男子若佛初出得阿耨多羅三藐三
菩提已有諸弟子乃至不言我得須
陀洹果至阿羅漢亦不說言諸佛世
尊為衆生故或遮或開長老我親從
佛聞如是義如是法如是律長老當
依如來十二部經此義若是我當受
持如其非者我當棄捨彼佛世尊雖
復涅槃當知是法久住於世善男子

我法滅時有聲聞弟子或說有神或說神空或說有中陰或說無中陰或說有三世或說無三世或說有三乘或說無三乘或言一切有或言一切無或言衆生有始有終或言衆生無始無終或言十二因緣是有為法或言因緣是無為法或言如來有病苦行或言如來無病苦行或言如來不聽比丘食十種肉何等為十人麤爲馬驢狗師子猪狐獼猴其餘悉聽或言一切不聽或言比丘不作五事何等為五不賣生口刀酒酪沙胡麻油等其餘悉聽或言不聽入五種舍何等為五屠兒婬女酒家王宮旃陀羅舍餘舍悉聽或言不聽著憍奢耶衣餘一切聽或言如來聽諸比丘受畜衣食卧具其價各直十萬兩金或言不聽或言涅槃常樂我淨或言涅槃直是結盡更無別法名為涅槃譬如織纒名之為衣衣既壞已名之無衣實無別法名無衣也涅槃之體亦復如是善男子當今之時我諸弟子正說者少邪說者多受正法少受邪法

多受佛語少受魔語多善男子。爾時拘睺彌國有二弟子。一者羅漢。二者破戒。破戒徒衆凡有五百。羅漢徒衆其數一百。破戒者說。如來畢竟入於涅槃。我親從佛聞。如是義。如來所制四重之法。若持亦可。犯亦無罪。我今亦得阿羅漢果。四無尋智。而阿羅漢亦犯如是四重之法。四重之法。若是實罪。阿羅漢者終不應犯。如來在世。制言堅持。臨涅槃時。皆忘放捨。阿羅漢比丘言。長老。汝不應說。如來畢竟入於涅槃。我知如來常不變易。如來在世及涅槃後。犯四重禁。罪無差別。若言羅漢犯四重禁。是義不然。何以故。須陀洹人尚不犯禁。況阿羅漢。若長老言。我是羅漢。阿羅漢者終不想我得羅漢。阿羅漢者惟說善法。不說不善。長老所說。純是非法。若有得見十二部經。定知長老非阿羅漢。善男子。爾時破戒比丘徒衆。即共斷是阿羅漢命。善男子。是時魔王。因是二衆忿恚之心。悉共害是六百比丘。爾時凡夫各共說言。哀哉佛法。於是滅。

盡而我正法實不滅也。爾時其國有十二萬諸大菩薩善持我法云：何當言我法滅耶？當于爾時閻浮提內無一比丘為我弟子。爾時波旬恚以大火焚燒一切所有經典，其中或有遺餘在者，諸婆羅門即共偷取處處採拾安置，已典以是義，故諸小菩薩佛未出時，率共信受婆羅門語。諸婆羅門雖作是說：『我有齋戒，而諸外道真實無也。』諸外道等雖復說言：『有我樂淨，而實不解我樂淨義。』直以佛法一字二字一句二句說言：『我典有如是義。』今時拘尸那城娑羅雙樹間，無量無邊阿僧祇衆聞是語已，悉共唱言：『世間虛空，世間虛空，迦葉菩薩告諸大衆汝等，且莫憂愁啼哭。世間不空，如來常住，無有變易。』法僧亦尔。爾時大衆聞是語已，啼哭即止，悉發阿耨多羅三藐三菩提心。

大般涅槃經卷第十八

辛丑歲高麗國大藏部監奉
勅雕造

大般涅槃經卷第十九

近

梵行品第八之五

北涼天竺三藏曇無讖譯

尔時王舍大城阿闍世王其性弊惡
急行煞戮具口四惡貪恚愚癡其心
熾盛唯見現在不見未來純以惡人
而為眷屬貪著現世五欲樂故父王
無辜橫加逆害因害父已心生悔熱
身諸瓔珞伎樂不御心悔熱故遍體
生瘡其瘡臭穢不可附逆尋自念言
我今此身已受花報地獄果報將近
不遠尔時其母字辜提希以種種藥
而為傅之其瘡遂增無有降損王即
白母如是瘡者從心而生非四大起
若言衆生有能治者無有是處時有
大臣名曰月稱往至王所在一面立
白言大王何故愁煩顏容不悅為身
痛耶為心痛乎王即荅言我今身心
豈得不痛我父無辜橫加逆害我從
智者曾聞是義世有五人不得脫地獄
謂五逆罪我今已有無量无边阿僧
祇罪云何身心而得不痛又無良醫

治我身心。臣言大王莫大愁苦。即說偈言。

若常愁苦 愁遂增長 如人意眠
眠則滋多 貪婬嗜酒 亦復如是
如王所言。世有正人不脫地獄。誰往
見之。來語王耶。言地獄者。即是世間
多智者說。如王所言。世無良醫治身
心者。今有大醫名富蘭那。一切知見
得自在。定畢。竟修習清淨梵行。常為
無量無邊衆生演說無上涅槃之道。
為諸弟子說。如是法無有黑業。無黑
業報。無有白業。無白業報。無黑白業
無黑白業報。無有上業。及以下業。是
師。今在王舍城中。唯願大王屈駕往
彼。可令是師療治身心。時王答言。審
能如是滅除我罪。我當歸依。

復有一臣名曰藏德。復往王所。而作
是言。大王何故。面貌顛顛。唇口乾焦。
音聲微細。猶如怯人。見大怨敵。顏色
皺裂。將何所苦。為身痛耶。為心痛乎。
王即答言。我今身心云何不痛。我之
癡盲。無有慧目。近諸惡友。而為親善。
隨調婆娑。達惡人之言。正法之王。橫加

逆害我昔曾聞智人說偈

若於父母 佛及弟子 生不善心

起於惡業 如是果報 在阿鼻獄

以是事故令我心怖生大苦惱又無

良醫而見救療大臣復言唯願大王

且莫愁怖法有二種一者出家二者

王法王法者謂害其父則王國土雖

云是逆實無有罪如迦羅羅至要壞

母腹然後乃生生法如是雖破母身

實亦無罪騾懷妊等亦復如是治國

之法法應如是雖然父兄實無有罪

出家法者乃至蚊蟻然亦有罪唯願

大王寬意莫愁何以故

若常愁苦 愁遂增長 如人意眠

眠則滋多 貪婬嗜酒 亦復如是

如王所言世無良醫治身心者今有

大師名末伽梨拘舍離子一切知見

憐愍衆生猶如赤子已離煩惱能拔

衆生三毒利箭一切衆生於一切法

無知見覺唯是一人獨知見覺如是

大師常為弟子說如是法一切衆生

身有七分何等為七地水火風苦樂

壽命如是七法非化非作不可毀害

如伊師迦草安住不動如須弥山不捨不作猶如乳酪各不諍訟若苦若樂若善不善投之利刀無所傷害何以故七分空中無妨碍故命亦無害受無說無聽无有念者及以教者常說是法能令衆生滅除一切無量重罪是師今在王舍大城唯願大王往至其所王若見者衆罪消滅時王答言審能如是除滅我罪我當歸依復有一臣名曰實得復到王所即說偈言

大王何故 身脫瓔珞 首髮蓬乱
乃至如是 王身何故 戰慄不安
猶如猛風 吹動花樹

王今何故容色愁頓猶如農天下種之後天不降雨愁苦如是為是心痛為身痛耶王即答言我今身心豈得不痛我父先王慈愛流悃特見矜念實無辜羊各往問相師相師答言是兒生已定當害父雖聞是語猶見瞻養曾聞智者作如是言若人姦母及比丘尼偷僧祇物煞發無上菩提心者

害及其父如是之人畢定當墮阿鼻
地獄我今身心豈得不痛大目復言
唯願大王且莫愁苦如其父王修解
脫者害則有罪若治國法煞則無罪
大王非法者名為非法無法者名為
無法譬如無子名為無子亦如惡子
名之無子雖言無子實非無子如食
無鹽名為無鹽食若少鹽亦名無鹽
如河無水名之無水若有少水亦名
無水如念念滅亦言無常雖住一劫
亦名無常如人受苦名為無樂雖受
少樂亦名無樂如不自在名之無我
雖少自在亦名無我如闇夜時名之
無日雲霧之時亦言無日大王雖言
少法名為無法實非無法願王留神
聽臣所說一切衆生皆有餘業以業
緣故數受生死若使先王有餘業者
今王煞之竟有何罪唯願大王寬意
莫愁何以故

若常愁苦 愁遂增上 如人意眠
眠則滋多 貪婬嗜酒 亦復如是
如王所言世無良醫治身心者今有
大師名刪闍耶毗羅脰子 切知見

其智淵深猶如大海有大威德具大神通能令衆生離諸疑網一切衆生不知見覺唯是一人獨知見覺今者近在王舍城住為諸弟子說如是法一切衆中若是王者自在隨意造作善惡雖為衆惡悉無有罪如火燒物無淨不淨王亦如是與火同性譬如大地淨穢普載雖為是事初無瞋喜王亦如是與地同性譬如水性淨穢俱洗雖為是事亦無憂喜王亦如是與水同性譬如風性淨穢等吹雖為是事亦無憂喜王亦如是與風同性如秋飢樹春則還生雖復斫斫實無有罪一切衆生亦復如是此間命終還此間生以還生故當有何罪一切衆生苦樂果報悉皆不由現在世業因在過去現在受果現在無因未來無果以現果故衆生持戒勤修精進遮現惡果以持戒故則得無漏得無漏故盡有漏業以盡業故衆苦得盡衆苦盡故故得解脫唯願大王速往其所令其療治身心苦痛王若見者衆罪則除王即荅言審有是師能除

我罪我當歸依

卷之三

三

復有一臣名志知義即至王所作如是言王今何故形不端嚴如失國者如泉枯涸池無蓮花樹无花葉破戒比丘身無威德為身痛耶為心痛乎王即荅言我今身心豈得不痛我父先王慈惻流念然我不孝不知報恩常以安樂安樂於我而我背恩反斷其樂先王無辜橫興逆害我亦曾聞智者說言若有害父當於無量阿僧祇劫受大苦惱我今不久必墮地獄又無良醫救療我罪大旨即言唯願大王放捨愁苦王不聞耶昔者有王名曰羅摩害其父已得紹王位跋提大王毗樓真王那睺沙王迦帝迦王毗舍佉王月光明王日光明王愛王持多人王如是等王皆害其父得紹王位然無一王入地獄者於今現在毗琉璃王優陀那王惡性王鼠王蓮花王如是等王皆害其父悉無一王生愁惱者雖言地獄餓鬼天中誰有見者大王唯有二有一者人道二者畜生雖有是二非因緣生非因緣死

若非因緣何有善惡唯願大王勿怖
愁怖何以故

若常愁苦 愁遂增長 如人患眠

眠則滋多 貪婬嗜酒 亦復如是

如王所言世無良醫治身心者今有

大師名阿耨多翅舍欽婆羅一切知

見觀金與土平等無二刀破右脇左

塗梅檀於此二人心無差別等視怨

親心無異相此師真是世之良醫若

行若立若坐若卧常在三昧心無分

散告諸弟子作如是言若自作若教

他作若自斫若教他斫若自炙若教

他炙若自害若教他害若自偷若教

他偷若自婬若教他婬若自妄語若

教他妄語若自飲酒若教他飲酒若

煞一村一城一國若以刀輪煞一切

衆生若恒河已南布施衆生恒河已

北煞害衆生悉無罪福無施戒定今

者近在王舍城住願王速往王若見

者衆罪除滅王言大臣審能如是除

滅我罪我當歸依

復有大臣名曰吉德復往王所作如

是言王今何故面無光澤如日中燈

如畫時月如失國君如荒敗土大王
今者四方清夷無諸怨敵而今何故
如是愁苦為身苦耶為心苦乎有諸
王子常生此念我今何時當得自在
大王今者已果所願自在王領摩伽
陀國先王寶藏具足而得唯當快意
縱情受樂如是愁苦何用經懷王即
答言我今云何得不愁惱大臣辟如
愚人但貪其味不見利刀如食雜毒
不見其過我亦如是如鹿見草不見
深穿如鼠貪食不見貓狸我亦如是
見現在樂不見未來不善苦果曾從
智者聞如是言寧於一日受三百鑽
不於父母生一念惡我今已近地獄
熾火云何當得不愁惱耶大臣復言
誰來誑王言有地獄如剃頭利誰之
所造飛鳥色異復誰所作水性潤漬
石性堅硬如風動性如火熱性一切
万物自死自生誰之所作言地獄者
直是智者文辭造作言地獄者為有
何義臣當說之地者名地獄者名破
破於地獄無有罪報是名地獄又復
地考名人獄者名天以害其父故到

人天以是義故婆娑數仙人唱言煞羊
得人天樂是名地獄又復地者名命
獄者名長以煞生故得壽命長故名
地獄大王是故當知實無地獄大王
如種麥得麥種稻得稻煞地獄者還
得地獄煞害於人應還得人大王今
當聽臣所說實無煞害若有我者實
亦無害若無我者復無所害何以故
若有我者常不變易以常住故不可
煞害不破不壞不繫不縛不瞋不喜
猶如虛空云何當有煞害之罪若無
我者諸法無常以無常故念念壞滅
念念滅故煞者死者皆念念滅若念
念滅誰當有罪大王如火燒木火則
無罪如斧斫樹斧亦無罪如鑷刈草
鑷實無罪如刀煞人刀實非人刀既
無罪人云何罪如毒煞人毒實非人
毒藥非罪人云何罪一切万物皆亦
如是實無煞害云何有罪唯願大王
莫生愁苦何以故

若常愁苦 愁遂增長 如人意眼

眠則滋多 貪婬嗜酒 亦復如是

如王所言世無良醫治惡業者今有

大師名迦羅鳩駄迦旃延一切知見
明了三世於一念頃能見無量無邊
世界聞聲亦能令衆生遠離過惡
猶如恒河若內若外所有諸罪皆悉
清淨是大良師亦復如是能除衆生
內外衆罪為諸弟子說如是法若人
煞害一切衆生心無慚愧終不墮惡
猶如虛空不受塵水有慚愧者即入
地獄猶如大水潤濕於地一切衆生
悉是自在天之所作自在天喜衆生
安樂自在天瞋衆生苦惱一切衆生
若罪若福乃是自在天之所為云何
當言人有罪福譬如工匠作機關木
人行住坐卧唯不能言衆生亦尔自
在天者喻如工匠木人者喻衆生身
如是造化誰當有罪如是大師今者
近在王舍城住唯願速往如得見者
衆罪消滅王即答言審有是人能滅
我罪我當歸依復有一日名無所畏
往至王所說如是言大王世有愚人
一日之中百喜百愁百眠百寤百驚
百哭有智之人斯無是事大王何故
憂愁如是如失侶客如墮深泥無救

拔者如人渴乏不得漿水猶如迷人
無有導者如困病人無醫救療如海
船破無救接者大王今者為身痛耶
為心痛乎王即荅言我今身心豈得
不痛我近惡友不觀口過先王無辜
橫興逆害我今定知當入地獄復無
良醫而見救濟臣即白言唯願大王
莫生愁毒夫剎利者名為王種若為
國土若為沙門及婆羅門為安人民
雖復煞害無有罪也先王雖復恭敬
沙門不能承事諸婆羅門心無平等
心無平等故則非剎利大王今者為
欲供養諸婆羅門煞害先王當有何
罪大王實無煞害夫煞害者煞害壽
命命名風氣風氣之性不可煞害云
何害命而當有罪唯願大王莫復愁
苦何以故

若常愁苦 愁遂增長 如人意眠
眠則滋多 貪婬嗜酒 亦復如是
如王所言世無良醫而療治者今有
大師名尼軋陀若提子一切知見憐
愍衆生善知衆生諸根利鈍達解一
切隨宜方便世間八法所不能行寂

靜修習清淨梵行為諸弟子說如是
言無施無善無父无母無今世後世
無阿羅漢无修無道一切衆生經八
万劫於生死輪自然得脫有罪無罪
悉亦如是如四大河所謂辛頭恒河
博叉私陀悉入大海無有差別一切
衆生亦復如是得解脫時悉無差別
是師今在王舍城住唯願大王速往
其所若得見者衆罪消除王即答言
審有是師能除我罪我當歸依

尔時大醫名曰耆婆往至王所白言
大王得安眠不王即以偈答言

若有能永斷一切諸煩惱不貪染三界
乃得安隱眠若得大涅槃演說甚深義
名真婆羅門乃得安隱眠身無諸惡業
口離於四過心無有疑網乃得安隱眠
身心無熱惱安住寂靜處獲致無上樂
乃得安隱眠心無有取著遠離諸怨讎
常和無諍訟乃得安隱眠若不造惡業
心常懷慚愧信惡有果報乃得安隱眠
敬養於父母不害一生命不盜他財物
乃得安隱眠調伏於諸根親近善知識
破壞四魔衆乃得安隱眠不見吉不吉

及以苦樂等為諸衆生故輪轉於生死
若能如是者乃得安隱眠
誰得安隱眠所謂諸佛是深觀空三昧
身心安不動誰得安隱眠所謂慈悲者
常修不放逸視衆如一子衆生無明冥
不見煩惱果常造諸惡業不得安隱眠
若為於自身及以他人身造作十惡業
不得安隱眠若言為樂故害父無過各
隨是惡知識不得安隱眠若食過節度
冷飲而過差如是則病苦不得安隱眠
若於王有過邪念他婦女及行墳路者
不得安隱眠持戒果未熟太子未紹位
盜者未獲財不得安隱眠

耆婆我今病重於正法王興惡逆害
一切良醫妙藥呪術善巧醫病所不
能治何以故我父法王如法治國實
無辜各橫加逆害如魚處陸當有何
樂如鹿在檻初無歡心如人自知命
不終日如王失國逃逆他土如人間
病不可療治如破戒者聞說罪過我
昔曾聞智者說言身口意業若不清
淨當知是人必墮地獄我亦如是云
何當得安隱眠耶今我又無無上大

醫演說法藥除我病苦者婆耆言善哉善哉王雖作罪心生重悔而懷慚愧大王諸佛世尊常說是言有二白法能救衆生一慚二愧慚者自不作罪愧者不教他作慚者內自羞耻愧者發露向人慚者著人愧者著天是名慚愧無慚愧者不名為人名為畜生有慚愧故則能恭敬父母師長有慚愧故說有父母兄弟姊妹善哉大王具有慚愧大王且聽臣聞佛說智者有二一者不造諸惡二者作已懺悔愚者亦二一者作罪二者覆藏雖先作惡後能發露悔已慚愧更不敢作猶如濁水置之明珠以珠威力水即為清如烟雲除月則清明作惡能悔亦復如是王若懺悔懷慚愧者罪即除滅清淨如本大王富有二種一者為馬種種畜生二者金銀種種珍寶為馬雖多不敵一珠大王衆生亦尔一者惡富二者善富多作諸惡不如一善臣聞佛說修一善心破百種惡大王如少金剛能壞須弥亦如少火能燒一切如少毒藥能害衆生少

善亦亦能破大惡雖名少善其實是大何以故破大惡故大王如佛所說覆藏者漏不覆藏者則無有漏發露悔過是故不漏若作衆罪不覆不藏以不覆故罪則微薄若懷慚愧罪則消滅大王如水滯雖微漸盈大器善心亦亦二善心能破大惡若覆罪者罪則增長發露慚愧罪則消滅是故諸佛說有智者不覆藏罪善哉大王能信因果信業信報唯願大王莫懷愁怖若有衆生造作諸罪覆藏不悔心無慚愧不見因果及以業報不能諮啓有智之人不近善友如是之人一切良醫乃至瞎病所不能治如迦摩羅病世醫拱手覆罪之人亦復如是云何罪人謂一闍提一闍提者不信因果無有慚愧不信業報不見現在及未來世不親善友不隨諸佛所說教戒如是之人名一闍提諸佛世尊所不能治何以故如世死屍醫不能治一闍提者亦復如是諸佛世尊所不能治大王今者非一闍提云何而言不可救療

如王所言無能治者大王當知迦毗
羅城淨飯王子姓瞿曇氏字悉達多
無師覺悟自然而得阿耨多羅三藐
三菩提三十二相八十種好莊嚴其
身具足十力四無所畏一切知見大
慈大悲憐愍一切如羅睺羅隨善衆
生如犢逐母知時而說非時不語實
語淨語妙語義語法語一語能令衆
生永離煩惱善知衆生諸根心性隨
宜方便無不通達其智高大如須弥
山深邃廣遠猶如大海是佛世尊有
金剛智能破衆生一切惡罪若言不
能無有是處今者去此十二由旬在
拘尸那城娑羅雙樹間而為無量阿
僧祇等諸菩薩僧演種種法若有若
無若有為若無為若有漏若无漏若
煩惱果若善法果若色法若非色法
若非色非非色法若我若非我若非
我非非我若常若非常若非常非非
常若樂若非樂若非樂非非樂若相
若非相若非相非非相若斷若非斷
若非斷非非斷若世若出世若非世
非出世若乘若非乘若非乘非非乘

若自作自受若自作他受若無作無受大王若當於佛所聞无作無受所有重罪即當消滅王今且聽釋提桓因命將欲歿有五相現一者衣裳垢膩二者頭上花萎三者身體臭穢四者腋下汗出五者不樂本座時天帝釋或於靜處若見沙門若婆羅門乃至其所生於佛想今時沙門及婆羅門見帝釋來深自慶幸即說是語天主我今歸依於汝釋聞是已乃知非佛復自念言彼若非佛不能治我五退沒相是時御臣名般遮尸語帝釋言憍尸迦輒聞婆王名敷浮樓其王有女字須跋陀王若能以此女見與臣當示王除衰相處釋即答言善男子毗摩質多阿修羅王有女舍脂是吾所敬卿若必能示吾消滅惡相處者猶當相與况須跋陀憍尸迦有佛世尊字釋迦牟尼今者在於王舍大城若能往彼諮稟未聞衰沒之相必得除滅善男子若佛世尊審能滅者便可迴駕至其住處御臣奉命即迴車來到王舍城耆闍崛山至於佛所

頭面礼足却坐一面白佛言世尊天人之中誰為繫縛憍尸迦慳貪嫉妬又言慳貪嫉妬因何而生答言因無明生又言無明復因何生答言因放逸生又言放逸復因何生答言因顛倒生又言顛倒復因何生答言因疑心生世尊顛倒之法因疑生者實如聖教何以故我有疑心以疑心故則生顛倒於非世尊生世尊想我今見佛疑網即除疑網除故顛倒亦盡顛倒盡故無有慳心乃至妬心佛言汝言無有慳妬心者汝今已得阿耨舍耶阿耨舍者無有貪心若無貪心云何為命來至我所而阿耨舍實不求命世尊有顛倒者則有求命無顛倒者則不求命然我今者實不求命所欲求者唯佛法身及佛智慧憍尸迦求佛法身及佛智慧將來之世必當得之尔時帝釋闍佛說已五衰沒相即時消滅便起作礼遶佛三匝恭敬合掌而白佛言世尊我今即死即生失命得命又聞佛記當得阿耨多羅三藐三菩提是為更生為更得命世

尊一切人天云何增益復以何緣而致損減憍尸迦闍諍因緣人天損減善修和敬則得增益世尊若以闍諍而損減者我從今日更不復與阿修羅戰佛言善哉善哉憍尸迦諸佛世尊說忍辱法是阿耨多羅三藐三菩提因

尔時釋提桓因即前礼佛於是還去大王如來以能除諸惡相是故稱佛不可思議王若往者所有重罪必當得除大王且聽有婆羅門子字曰不害以煞無量諸衆生故名爲崛魔復欲害母惡心起時身亦隨動身心動者即五逆因五逆因故必墮地獄後見佛時身心俱動復欲害身心動者即五逆因五逆因故當入地獄是人得遇如來大師即時得滅地獄因緣發阿耨多羅三藐三菩提心是故稱佛爲無上醫非六師也大王復有須毗羅王子其父瞋之截其手足推之深井其母矜愍使人牽出將至佛所尋見佛時手足還具即發阿耨多羅三藐三菩提心大王以見佛故得

現果報是故稱佛為無上醫非六師也大王如恒河邊有諸餓鬼其數五百於無量歲初不見水雖至河上純見流火飢渴所逼發聲號哭今時如來在其河側瞿曇鉢林坐一樹下時諸餓鬼來至佛所白佛言世尊我等飢渴命將不遠佛言恒河流火汝何不飲鬼即答言如來見水我則見火佛言恒河清流實無火也以惡業故心自顛倒謂為是火我當為汝除滅顛倒今汝見水今時世尊廣為諸鬼說慳貪過諸鬼即言我今渴乏雖聞法言都不入心佛言汝若渴乏先可入河恣意飲之是諸鬼等以佛力故即得飲水既飲水已如來復為種種說法既聞法已悉發阿耨多羅三藐三菩提心捨餓鬼形得於天身大王是故稱佛為無上醫非六師也大王舍婆提國群賊五百波斯匿王挑出其目無有前導不能得往至於佛所佛憐愍故即至賊所慰喻之言善男子善護身口更勿造惡諸賊即時聞如來音微妙清徹尋還得眼即於佛

前合掌礼佛而白佛言世尊我今知
佛慈心普覆一切衆生非獨人天
時如来即為說法既聞法已悉發阿
耨多羅三藐三菩提心是故如来真
是世間無上良醫非六師也大王舍
婆提國有旃陀羅名曰氣虛煞無量
人見佛弟子大目犍連即時得破地
獄因緣而得上生三十三天以有如
是聖弟子故稱佛如来為無上醫非
六師也大王波羅捺城有長者子名
阿逸多姪匿其母以是因緣煞戮其
父其母復與外人共通子既知己便
復害之有阿羅漢是其知識於此知
識復生愧耻即便煞之煞已即到祇
桓精舍求欲出家時諸比丘具知此
人有三逆罪無敢聽者以不聽故倍
生瞋恚即於其夜大放猛火焚燒僧
坊多煞無辜然後復往王舍城中至
如来所求哀出家如来即聽為說法
要令其重罪漸漸輕微發阿耨多羅
三藐三菩提心是故稱佛為世良醫
非六師也大王王本性暴惡信受惡
人提婆達多放大醉為欲令踐佛為

既見佛即時醒悟佛便伸手摩其頂
上復為說法志令得發阿耨多羅三
藐三菩提心大王畜生見佛猶得破
壞畜生業果況復人耶大王當知若
見佛者所有重罪必當得滅大王世
尊未得阿耨多羅三藐三菩提時魔
與無量无边眷屬至菩薩所菩薩亦
時以忍辱力壞魔惡心令魔受法尋
發阿耨多羅三藐三菩提心佛有如
是大功德力大王有墮野鬼多害衆
生如來亦時為善賢長者至墮野村
為其說法時墮野鬼聞法歡喜即以
長者授於如來然後便發阿耨多羅
三藐三菩提心大王波羅捺國有屠
兒名曰廣額於日日中煞無量羊見
舍利弗即受八戒經一日一夜以是
因緣命終得為北方天王毗沙門子
如來弟子尚有如是大功德果况復
佛也大王比天竺有城名曰細石其
城有王名曰龍印貪國重位戮害其
父害其父已心生悔恨即捨國政來
至佛所求哀出家佛言善來即成比
丘重罪消滅發阿耨多羅三藐三菩

提心大王當知佛有如是無量元邊
大功德果大王如來有弟提婆達多
破壞衆僧出佛身血害蓮花比丘尼
作三逆罪如來為說種種法要令其
重罪尋得微薄是故如來為大良醫
非六師也大王若能信臣語者唯願
速往至如來所若不見信願善思之
大王諸佛世尊大悲普覆不限一人
正法弘廣無所不苞然親平等心無
憎愛終不偏為一人令得阿耨多羅
三藐三菩提餘人不得如來非獨四
部之師普是一切天人龍鬼地獄畜
生餓鬼等師一切衆生亦當視佛如
父母想大王當知如來不但獨為豪
貴之人跋提迦王而演說法亦為下
賤優波離等不獨偏受須達多阿邨
邨垣所奉飯食亦受貧人須達多食
不但獨為舍利弗等利根說法亦為
鈍根周梨睒特不但獨聽大迦葉等
無貪之性出家求道亦聽大貪難陀
出家不但獨聽煩惱薄者優樓頻螺
迦葉等出家求道亦聽煩惱深厚造
重罪者波斯匿王弟優陀耶出家求

道不以沙草恭敬供養拔其瞋根鷺
 崛摩羅惡心欲害捨而不救不但獨
 為有智男子而演說法亦為極愚昧
 合智者女人說法不但獨令出家之
 人得四道果亦令在家得三道果不
 但獨為富多羅等捨諸忿務閑寂思
 惟而說法要亦為頻婆娑羅王等統
 領國事理王務者而說法要不但獨
 為斷酒之人亦為耽酒郁伽長者荒
 醉者說不但獨為入禪定者離婆多
 等亦為喪子亂心婆羅門女婆私吒
 說不但獨為已之弟子亦為外道尼
 軋子說不但獨為盛壯之年二十五
 者亦為衰老八十者說不但獨為根
 熟之人亦為善根未熟者說不但獨
 為末利夫人亦為婬女蓮花女說不
 但獨受波斯匿王上饌甘味亦受長
 者尸利邇多雜毒之食大王當知尸
 利邇多往昔亦作逆罪之因以遇佛
 聞法即發阿耨多羅三藐三菩提心
 大王假使一月常以衣食供養恭敬
 一切衆生不如有人一念念佛所得
 功德十六分一大王假使鍛金為人

車馬載寶其數各百以用布施不如
有人發心向佛舉足一步大王假使
復以爲車百乘載大秦國種種珍寶
及其女人身佩瓔珞數亦滿百持用
布施猶故不如發心向佛舉足一步
復置是事若以四事供養三千大千
世界所有衆生猶亦不如發心向佛
舉足一步復置是事若使大王供養
恭敬恒河沙等無量衆生不如一往
娑羅雙樹到如來所誠心聽法今時
大王答言耆婆如來世尊性已調柔
故得調柔以爲眷屬如栴檀林純以
栴檀而爲圍遶如來清淨所有眷屬
亦復清淨猶如大龍純以諸龍而爲
眷屬如來寂靜所有眷屬亦復寂靜
如來無貪所有眷屬亦復无貪佛無
煩惱所有眷屬亦無煩惱吾今既是
極惡之人惡業纏裹其身臭穢繫屬
地獄云何當得至如來所吾設往者
恐不顧念接叙言說卿雖勸吾今往
佛所然吾今日深自鄙悼都無去心
今時虛空尋出聲言無上佛法將欲
長歿甚深法河於是欲涸大法明燈

將滅不久法山欲頽法船欲沉法橋
欲壞法殿欲崩法幢欲倒法樹欲折
善友欲去大怖將至法餓衆生將至
不久煩惱瘦病將欲流行大闇時至
渴法時來魔王欣慶解釋甲冑佛曰
將沒大涅槃山大王佛若去世王之
重惡更無治者大王汝今已造阿鼻
地獄極重之業以是業緣必受不疑
大王阿者言無鼻者名閻闍无暫樂
故名無間大王假使一人獨墮是獄
其身長大八万由延遍滿其中間无
空處其身周匝受種種苦設有多人
身亦遍滿不相妨碍大王寒地獄中
暫遇熱風以之為樂熱地獄中暫遇
寒風亦名為樂活地獄中設命終已
若聞活聲即便還活阿鼻地獄都無
此事大王阿鼻地獄四方有門一一
門外各有猛火東西南北交過通徹
八万由延周匝鐵牆鐵網弥覆其地
亦鐵上火徹下下火徹上大王若魚
在鐵脂膏焦然是中罪人亦復如是
大王作一逆者則便具受如是一罪
若造二逆罪則二倍五逆具者罪亦

五倍大王我今定知王之惡業必不得免唯願大王速往佛所除佛世尊餘無能救我今愍汝故相勸導今時大王聞是語已心懷怖懼舉身戰慄五體掉動如芭蕉樹仰而答曰汝為是誰不現色像而但有聲大王吾是汝父頻婆娑羅汝今當隨耆婆婆所說莫隨邪見六目之言時王聞已悶絕躄地身瘡增劇臭穢倍前雖以冷藥塗而治之瘡愈熾毒熱但增無損大般涅槃經卷第十九

辛丑歲高麗國大藏都監奉
勅雕造

大般涅槃經卷第二十

迦

梵行品第八之六

北涼天竺三藏曇無讖譯

爾時世尊在雙樹間見阿闍世闍絕
躡地即告大眾我今當為是王住世
至無量劫不入涅槃迦葉菩薩白佛
言世尊如來當為無量衆生不入涅
槃何故獨為阿闍世王佛言善男子
是大衆中無有一人謂我畢定入於
涅槃阿闍世王定謂我當畢竟永滅
是故闍絕自投於地善男子如我所
言為阿闍世不入涅槃如是密義汝
未能解何以故我言為者一切凡夫
阿闍世者普及一切造五逆者又復
為者即是一切有為衆生我終不為
無為衆生而住於世何以故夫無為
者非衆生也阿闍世者即是具足煩
惱等者又復為者即是不見佛性衆
生若見佛性我終不為久住於世何
以故見佛性者非衆生也阿闍世者
即是一切未發阿耨多羅三藐三菩
提心者又復為者即是阿難迦葉二

衆阿闍世者即是阿闍世王後宮妃
后及王舍城一切婦女又復為者名
為佛性言阿闍者名為不生世者名
怨以不生佛性故則煩惱怨生煩惱
怨生故不見佛性以不生煩惱故則
見佛性以見佛性故則得安住大般
涅槃是名不生是故名為阿闍世
善男子阿闍者名不生不生者名涅
槃世名世法為者名不汙以世八法
所不汙故無量无边阿僧祇劫不入
涅槃是故我言為阿闍世無量億劫
不入涅槃善男子如來密語不可思
議佛法衆僧亦不可思議菩薩摩訶
薩亦不可思議大涅槃經亦不可思議
今時世尊大悲導師為阿闍世王入
月愛三昧入三昧已放大光明其光
清涼徃照王身身瘡即愈鬱蒸除滅
王覺瘡愈身體清涼語者婆言曾聞
人說劫將欲盡三月並現當是之時
一切衆生患苦悉除時既未至此光
何來照觸吾身瘡苦除愈身得安樂
耆婆答言此非劫盡三月並照亦非
火日星宿藥草寶珠天光王又問言

此光若非三月並照寶珠明者為是誰光大王當知是天中天所放光明是光無根无有邊際非熱非冷非常非滅非色非無色非相非無相非青非黃非赤非白欲度衆生故使可見有相可說有根有邊有熱有冷青黃赤白大王是光雖尔實不可說不可觀見乃至無有青黃赤白王言耆婆彼天中天以何因緣放斯光明大王今是瑞相將為大王以王先言世無良醫療治身心故放此光先治王身然後治心王言耆婆如來世尊亦見念耶耆婆荅言譬如一人而有七子是七子中一子遇病父母之心非不平等然於病子心則偏多大王如來亦尔於諸衆生非不平等然於罪者心則偏重於放逸者佛則慈念不放逸者心則放捨何等名為不放逸者謂六住菩薩大王諸佛世尊於諸衆生不觀種姓老少中年貧富時節日月星宿工巧下賤僮僕婢使惟觀衆生有善心者若有善心則便慈念大王當知如是瑞相即是如來入月愛

三昧所放光明王即問言何等名為
月愛三昧耆婆答言譬如月光能令
一切優鉢羅花開敷鮮明月愛三昧
亦復如是能令衆生善心開敷是故
名為月愛三昧大王譬如月光能令
一切行路之人心生歡喜月愛三昧
亦復如是能令修習涅槃道者心生
歡喜是故復名月愛三昧大王譬如
月光從初一日至十五日形色光明
漸漸增長月愛三昧亦復如是令初
發心諸善根本漸漸增長乃至具足
大般涅槃是故復名月愛三昧大王
譬如月光從十六日至三十日形色
光明漸漸損減月愛三昧亦復如是
光所照處所有煩惱能令漸減是故
復名月愛三昧大王譬如盛熱之時
一切衆生常思月光月光既照鬱熱
即除月愛三昧亦復如是能令衆生
除貪惱熱大王譬如滿月衆星中王
為甘露味一切衆生之所愛樂月愛
三昧亦復如是諸善中王為甘露味
一切衆生之所愛樂是故復名月愛
三昧

王言我聞如來不與惡人同止坐起
語言談論猶如大海不宿死死如鴛
鴦鳥不住清廁釋提桓因不與鬼住
云何而得往見設其見者我身將不
陷入地耶我觀如來寧近醉爲師子
虎狼猛火絕焰終不近於重惡之人
是故我今思忖是已當有何心往見
如來耆婆答言大王辭如渴人速赴
清泉飢者求食怖者求救病求良醫
熱求蔭涼寒者求火王今求佛亦應
如是大王如來尚爲一闍提等演說
法要何況大王非一闍提而當不蒙
慈悲救濟王言耆婆我昔曾聞一闍
提者不信不聞不能觀察不得義理
何故如來而爲說法耆婆答言大王
辭如有人身遇重病是人夜夢昇一
柱殿服蘇油脂及以塗身卧灰食灰
攀上枯樹或與獼猴遊行坐卧沉水
沒泥墮墜樓殿高山樹木爲馬牛羊
身著青黃赤黑色衣喜笑歌儻或見
烏就鴛狐狸之屬幽駭墮落裸形枕狗
卧畜共穢中復興亡者行住坐起携手

食散毒地滿路而從中過或復夢與
被殺女人共相抱持多羅樹葉以為
衣服乘壞驢車正南而逝是人夢已
心生愁惱以愁惱故身病踰增以病
增故諸家親屬遣使命醫所可遣使
形體缺短根不具足頭蒙塵土者并
壞衣載故壞車語彼醫言速疾上車
尔時良醫即自思惟今見是使相貌
不吉當知病者難可療治復作是念
使雖不吉當復占日為可治不若四
日六日八日十二日十四日如是日
者病亦難治復作是念日雖不吉當
復占星為可治不若是火星金星昂
星閻羅王星濕星滿星如是星時病
亦難治復作是念星雖不吉復當觀
時若是秋時冬時及日入時夜半時
月入時當知是病亦難可治復作是
言如是衆相雖復不吉或定不定當
觀病人若有福德皆可療治若無福
德雖吉何益思惟是已尋與使俱在
路復念若彼病者有長壽相則可療
治短壽相者則不可治即於前路見
二小兒相牽鬪諍捉頭找鬚瓦石刀

杖共相撩打見人持火自然殲滅或見有人斫伐樹木或復見人手曳皮草隨路而行或見道路有遺落物或見有人執持空器或見沙門獨行無侶復見虎狼烏鴞野狐見是事已復作是念所遣使人乃至道路所見諸相悉皆不祥當知病者定難療治復作是念我若不往則非良師如其往者不可救療復更念言如是衆相雖復不祥且當捨置往至病所患惟是已復於前路聞如是聲所謂亡失死喪崩破壞折剥脫墮墜焚燒不來不可療治不能拔濟復聞南方有飛鳥聲所謂烏鴞舍利鳥聲若狗若鼠野狐兔猪聞是聲已復作是念當知病者難可療治今時即入病人舍宅見彼病人數寒數熱骨節疼痛目赤流淚耳聲聞外咽喉結痛舌上裂破其色正黑頭不自勝體枯無汗大小便利擁隔不通身卒肥大紅赤異常語聲不均或虛或細舉體斑駁異色青黃其腹脹滿言語不了醫見是已問瞻病言病者昨來意志云何答言大

師其人本來敬信三寶及以諸天今者變異敬信情息本意惠施今者慳怯本性少食今則過多本性弊惡今則和善本性慈孝恭敬父母今於父母無恭敬心醫聞是已即前與之優鉢羅香沉水雜香畢迦多香多加羅香多摩羅跋香鬱金香栴檀香炙肉臭補陀酒臭燒筋骨臭魚臭糞臭知香臭已即前觸身覺身細軟猶如繒綿劫貝娑花或硬如石或冷如冰或熱如火或澁如沙今時良醫見如是等種種相已定知病者必死不疑然不定言是人當死語瞻病者吾今勵務明當更來隨其所須恣意勿遮即便還家明日使到復語使言我事未訖兼未合藥智者當知如是病者必死不疑大王世尊亦於一闍提輩善知根性而為說法何以故若不為說一切凡夫當言如來無大慈悲有慈悲者名一切智若無慈悲云何說言一切智人是故如來為一闍提而演說法大王如來世尊見諸病者常施法藥病者不服非如來各大王一

闍提輩分別有二一者得現在善根
二者得後世善根如來善知一闍提
輩能於現在得善根者則為說法後
世得者亦為說法今雖無益作後世
因是故如來為一闍提演說法要一
闍提者復有二種一者利根二者中
根利根之人於現在世能得善根中
根之人後世則得諸佛世尊不空說
法大王譬如淨人墜墮清廁有善知
識見而憇之尋前提駿而拔出之諸
佛如來亦復如是見諸衆生墮三惡
道方便救濟令得出離是故如來為
一闍提而演說法王語耆婆若使如
來審如是者明當選擇良日吉星然
後乃往耆婆白王大王如來法中無
有選擇良日吉星大王如重病人猶
不看日時節吉凶惟求良醫王今病
重求佛良醫不應選擇良時好日大
王如旃檀火及伊蘭火二俱燒相無
有異也吉日凶日亦復如是若到佛
所俱得滅罪惟願大王今日速往介
時大王即命一臣名曰吉祥而告之
言大臣當知吾今欲往佛世尊所速

辦供養所須之具臣言大王善哉善哉我所須供具一切悉有阿闍世王與其夫人嚴駕車乘一万二千殊壯大爲其數五万一一爲上各載三人寶持幡蓋花香伎樂種種供具無不備足導從馬騎有十八万摩伽陀國所有人民尋從王者其數足滿五十八万尔時拘尸那城所有大衆滿十二由旬悉皆遙見阿闍世王與其眷屬尋路而來尔時佛告諸大衆言一切衆生爲阿耨多羅三藐三菩提近因緣者莫先善友何以故阿闍世王若不隨順耆婆語者来月七日必定命終墮阿鼻獄是故近因莫若善友阿闍世王復於前路聞舍婆提毗流離王乘船入海遇火而死瞿伽離比丘生身入地至阿鼻獄須臾剎多作種種惡到於佛所衆罪得滅聞是語已語耆婆言吾今雖聞如是二語猶未審定汝来耆婆吾欲與汝同載一鳥設我當入阿鼻地獄莫汝捉持不令我墮何以故吾昔曾聞得道之人不入地獄

尔時佛告諸大衆言阿闍世王猶有
疑心我今當為作決定心尔時會中
有一菩薩名持一切白佛言世尊如
佛先說一切諸法皆無定相所謂色
無定相乃至涅槃亦無定相如來今
者云何而言為阿闍世作決定心佛
言善哉善哉善男子我今定為阿闍
世王作決定心何以故若王疑心可
破壞者當知諸法無有定相是故我
為阿闍世王作決定心當知是心為
無決定善男子若彼王心是決定者
王之逆罪云何可壞以無定相其罪
可壞是故我為阿闍世王作決定心
尔時大王即到娑羅雙樹間至於佛
所仰瞻如來三十二相八十種好猶
如微妙真金之山尔時世尊出八種
聲告言大王時阿闍世左右顧視此
大衆中誰是大王我既罪戾又無福
德如來不應稱為大王尔時如來即
復喚言阿闍世大王時王聞已心大
歡喜即作是言如來今日願命語言
真知如來於諸衆生大悲憐愍等無
差別白佛言世尊我今疑心永無遺

餘定知如來真是衆生無上大師。爾時迦葉並菩薩語持一切菩薩言。如來已為阿闍世王作決定心。爾時阿闍世王即白佛言。世尊。假使我今得與梵王釋提桓因坐起飲食。猶不欣悅。得遇如來一言。願命深以欣慶。爾時阿闍世王即以所持幡蓋香花伎樂供養前。禮佛足。右繞三匝。禮敬畢。已却坐一面。

爾時佛告阿闍世王言。大王。今當為汝說正法要。汝當一心諦聽。諦聽。凡夫常當繫心觀身。有二十事。一。所謂我此身中。一。無元漏。二。無諸善根本。三。我此生死未得調順。四。墮墜深坑。無處不畏。五。以何方便得見佛性。六。云何修定。得見佛性。七。生死常苦。無常。我淨八八難之難。難得遠離。九。恒為怨家之所追逐。十。無有一法能遮諸有。十一。於三惡趣未得解脫。十二。具足種種諸惡邪見。十三。亦未造立度五逆。十四。生死無際。未得其邊。十五。不作諸業。不得果報。十六。無有我作他人受果。十七。不作樂因。終無

樂果十八若有造業果終不失十九
因無明生亦因而死二十去來現在
常行放逸大王凡夫之人常於此身
當作如是二十種觀作是觀已不樂
生死不樂生死則得正觀今時次第
觀心生相住相滅相次第觀心生住
滅相定慧進戒亦復如是觀生住滅
已知心相乃至戒相終不作惡無有
死畏三惡道畏若不繫心觀察如是
二十事者心則放逸無惡不造阿闍
世言如我解佛所說義者我從昔來
初未曾觀是二十事故造衆惡造衆
惡故則有死畏三惡道畏世尊自我
招殃造茲重惡父王無辜擯加逆害
是二十事設觀不觀必定當墮阿鼻
地獄佛告大王一切諸法性相無常
無有決定王云何言必定當墮阿鼻
地獄阿闍世王白佛言世尊若一切
法無定相者我之煞罪亦應不定若
煞定者一切諸法則非不定佛言大
王善哉善哉諸佛世尊說一切法悉
無定相王復能知煞亦不定是故當
知煞無定相大王如汝所言先父無

韋橫加逆害者何者是父但於假名
衆生五陰妄生父想於十二入十八
界中何者是父若色是父四陰應非
若四是父色亦應非若色非色合為
父者無有是處何以故色與非色性
無合故大王凡夫衆生於是色陰妄
生父想如是色陰亦不可言何以故
色有十種是十種中唯色一種可見
可持可稱可量可牽可縛雖可見縛
其性不住以不住故不可得見不可
捉持不可稱量不可牽縛色相如是
云何可然若色是父可然可害獲罪
報者餘九應非若九非者則應无罪
大王色有三種過去未來現在過去
現在則不可害何以故過去過去故
現在念念滅故遮未來故名之為然
如是一色或有可然或不可然有然
不然色則不定若色不定然亦不定
然不定故報亦不定云何說言定入
地獄大王一切衆生所作罪業凡有
二種一者輕二者重若心口作則名
為輕身口心作則名為重大王心念
口說身不作者所得報輕大王昔日

口不勅煞但言削足大王若勅侍臣
立斬王首坐時乃斬猶不得罪况王
不勅云何得罪王若得罪諸佛世尊
亦應得罪何以故汝父先王頻婆娑
羅常於諸佛種諸善根是故今日得
居王位諸佛若不受其供養則不為
王若不為王汝則不得為國生害若
汝煞父當有罪者我等諸佛亦應有
罪若諸佛世尊無有罪者汝獨云何
而得罪耶大王頻婆娑羅往有惡心
於毗富羅山遊行獵鹿周遍曠野悉
無所得唯見一仙五通具足見已即
生瞋恚惡心我今遊獵所以不得正
坐此人驅逐令去即勅左右而令煞
之其人臨終生瞋惡心退失神通而
作誓言我實無辜汝以心口橫加戮
害我於來世亦當如是還以心口而
害於汝時王聞已即生悔心供養死
屍是王如是尚得輕受不墮地獄况
王不介而當地獄受果報耶先王自
作還自受之云何令王而得煞罪如
王所言父王無辜者大王云何言無
辜有罪者則有罪報無惡業者則无

罪報汝父先王若無辜罪云何有報
頻婆娑羅於現世中亦得善果及以
惡果是故先王亦復不定以不定故
煞亦不定煞不定故云何而言定入
地獄

天王衆生狂惑凡有四種一者貪狂
二者藥狂三者呪狂四者本業緣狂
大王我弟子中有是四狂雖多作惡
我終不記是人犯戒是人所作不至
三惡若還得心亦不言犯王本貪國
逆害父王貪狂心作云何得罪大王
如人酒醉逆害其母既醒寤已心生
悔恨當知是業亦不得報王今貪醉
非本心作若非本心云何得罪大王
譬如幻師四衢道頭幻作種種男女
爲馬瓔珞衣服愚癡之人謂為真實
有智之人知非真有煞亦如是凡夫
謂實諸佛世尊知其非真大王譬如
山間響聲愚癡之人謂之實聲有智
之人知其非真煞亦如是凡夫謂實
諸佛世尊知其非真大王如人有怨
詐來親附愚癡之人謂為實親智者
了達乃知虛詐煞亦如是凡夫謂實

諸佛世尊知其非真大王如人執鏡
自見面像愚癡之人謂為真面智者
了達知其非真然亦如是凡夫謂實
諸佛世尊知其非真大王如熱時火
愚癡之人謂之是水智者了達知其
非水然亦如是凡夫謂實諸佛世尊
知其非真大王如乳闍婆城愚癡之
人謂為真實智者了達知其非真然
亦如是凡夫謂實諸佛世尊知其非
真大王如人夢中受五欲樂愚癡之
人謂之為實智者了達知其非真然
亦如是凡夫謂實諸佛世尊知其非
真大王然法然業然者然果及以解
脫我皆了之則無有罪王雖知然云
何有罪大王譬如有人主知典酒如
其不飲則亦不醉雖復知火亦不燒
然王亦如是雖復知然云何有罪大
王有諸衆生於日出時作種種罪於
月出時復行劫盜日月不出則不作
罪雖因日月令其作罪然此日月實
不得罪然亦如是雖復因王王實無
罪大王如王宮中常勅屠羊心初無
懼云何於父獨生懼心雖復人畜尊

卑老別寶命畏死二俱無異何故於
羊心輕無懼於父先王生重憂苦大
王世間之人是愛僮僕不得自在為
愛所使而行煞害設有果報乃是愛
罪王不自在當有何咎大王譬如涅
槃非有非無而亦是有煞亦如是雖
非有非無而亦是有慚愧之人則為
非有無慚愧者則為非无受果報者
名之為有空見之人則為非有有見
之人則為非無有有見者亦名為有
何以故有有見者得果報故无有見
者則無果報常見之人則為非有無
常見者則為非無常常見者不得為
無何以故常常見者有惡業果故是
故常常見者不得為無以是義故雖
非有無而亦是有大王夫衆生者名
出入息斷出入息故名為煞諸佛隨
俗亦說為煞大王色是無常色之因
緣亦是無常從无常因生色云何常
乃至識是無常識之因緣亦是無常
從無常因生識云何常以無常故苦
以苦故空以空故無我若是无常苦
空無我為何所煞煞無常者得常涅

得真我大王若無無常苦空无我者
則與我同我亦然於無常苦空無我
不入地獄汝云何入

尔時阿闍世王如佛所說觀色乃至
觀識作是觀已即白佛言世尊我今
始知色是無常乃至識是無常我本
若能如是知者則不作罪世尊我昔
曾聞諸佛世尊常為衆生而作父母
雖聞是語猶未審定今則定知世尊
我亦曾聞須弥山王四寶所成所謂
金銀琉璃頗梨若有衆鳥隨所集處
則同其色雖聞是言亦不審定我今
來至佛所須弥山則與同色與同色者
則知諸法無常苦空無我世尊我見
世間從菴蘭子生菴蘭樹不見菴蘭
生栴檀樹我今始見從菴蘭子生栴
檀樹菴蘭子者我身是也栴檀樹者
即是我心無根信也無根者我初不
知恭敬如來不信法僧是名無根世
尊我若不遇如來世尊當於無量阿
僧祇劫在大地獄受無量苦我今見
佛以是見佛所得功德破壞衆生所

有一切煩惱惡心

涅槃經卷第十 第五十卷

卷

佛言大王善哉善哉我今知汝必能破壞衆生惡心世尊若我審能破壞衆生諸惡心者使我常在阿鼻地獄無量劫中為諸衆生受大苦惱不以為苦今時摩伽陀國無量人民悉發阿耨多羅三藐三菩提心以如是等無量人民發大心故阿闍世王所有重罪即得微薄王及夫人後宮嫔女悉皆同發阿耨多羅三藐三菩提心今時阿闍世王語耆婆言耆婆我今未死已得天身捨於短命而得長命捨無常身而得常身令諸衆生發阿耨多羅三藐三菩提心即是天身長命常身即是一切諸佛弟子說是語已即以種種寶幢幡蓋香花瓔珞微妙伎樂而供養佛復以偈頌而讚歎言

實語甚微妙 善巧於句義 甚深秘密藏 為衆故顯示 所有廣博言 為衆故略說 具足如是言 善能療衆生 若有諸衆生 得聞是語者 若信及不信 定知是佛說 諸佛常軟語 為衆故說廣 廣語及軟語

皆歸第一義是故我今者歸依於世尊

如來語一味猶如大海水是名第一諦

故無无義語如來今所說種種無量法

男女大小聞同獲第一義無因亦无果

無生及無滅是名大涅槃聞者破諸累

如來為一切常作慈父母當知諸衆生

皆是如來子世尊大慈悲為衆故苦行

如人著鬼魅狂乱多所作我今得見佛

所得三業善願以此功德迴向無上道

我今所供養佛法及衆僧願以此功德

三寶常在世我今所當得種種諸功德

願以此破壞衆生四種魔我遇惡知識

造作三世罪今於佛前悔願後更莫造

願諸衆生等悉發菩提心繫心常思念

十方一切佛復願諸衆生永破諸煩惱

了了見佛性猶如妙德等

今時世尊讚阿闍世王善哉善哉若

有人能發菩提心當知是人則為莊

嚴諸佛大衆大王汝昔已於毗婆尸

佛初發阿耨多羅三藐三菩提心從

是已來至我出世於其中間未曾墮

於地獄受苦大王當知菩提之心乃

有如是無量果報大王從今已往常

當勤修菩提之心何以故從是因緣
當得消滅無量惡故今時阿闍世王
及摩伽陀舉國人民從座而起
繞佛三匝辭退還宮天行品者如雜
花說

大般涅槃經嬰兒行品第九

善男子云何名嬰兒行善男子不能
起住來去語言是名嬰兒如來亦尔
不能起者如來終不起諸法相不能
住者如來不著一切諸法不能來者
如來身行無有動搖不能去者如來
已到六般涅槃不能語者如來雖為
一切衆生演說諸法實无所說何以
故有所說者名有為法如來世尊非
是有為是故無說又无語者猶如嬰
兒語言未了雖復有語實亦無語如
來亦尔語未了者即是諸佛秘密之
言雖有所說衆生不解故名无語又
嬰兒者名物不一未知正語雖名物
不一未知正語非不因此而得識物
如來亦尔一切衆生方類各異所言
不同如來方便隨而說之亦令一切
因而得解又嬰兒者能說大字如來

亦今說於大字所謂婆伽者有為
婆者無為是名嬰兒伽者名為无常
婆者名為有常如來說常眾生聞已
為常法故斷於無常是名嬰兒行又
嬰兒者不知苦樂晝夜父母菩薩摩
訶薩亦復如是為眾生故不知苦樂
無晝夜想於諸眾生其心平等故無
父母親疎等相又嬰兒者不能造作
大小諸事菩薩摩訶薩亦復如是菩
薩不造生死作業是名不作大事者
即五逆也菩薩摩訶薩終不造作五
逆重罪小事者即二乘心菩薩終不
退菩提心而作聲聞辟支佛乘又嬰
兒行者如彼嬰兒啼哭之時父母即
以楊樹黃葉而語之言莫啼莫啼我
與汝金嬰兒見已生真金想便止不
啼然此楊葉實非金也木牛木馬木
男木女嬰兒見已亦復生於男女等
想即止不啼實非男女以作如是男
女想故名曰嬰兒如來亦余若有眾
生欲造眾惡如來為說三十三天常
樂我淨端正自恣於妙宮殿受五欲
樂六根所對無非是樂眾生聞有如

是樂故心生貪樂止不為惡勤作三
十三天善業實是生死無常无樂無
我無淨為度衆生方便說言常樂我
淨又嬰兒者若有衆生獸生死時
來則為說於二乘然實無有二乘之
實以二樂故知生死過見涅槃樂以
是見故則能自知有斷不斷有真不
真有修不修有得不得善男子如彼
嬰兒於非金中而生金想如來亦亦
於不淨中而為說淨如來已得第一
義故則無虛妄如彼嬰兒於非牛馬
作牛馬想若有衆生於非道中作真
道想如來亦說非道為道非道之中
實無有道以能生道微因緣故說非
道為道如彼嬰兒於木男女生男女
想如來亦亦知非衆生說衆生想而
實無有衆生相也若佛如來說无衆
生一切衆生則墮邪見是故如來說
有衆生於衆生中作衆生想者則不
能破衆生相也若於衆生破衆生相
者是則能得大般涅槃以得如是大
涅槃故止不啼哭是名嬰兒行善男
子若有男女受持讀誦書寫解說是

五行者當知是人必定當得如是五行如葉菩薩白佛言世尊如我解佛所說義者我亦定當得是五行佛言善男子不獨汝得如是五行今此會中九十三萬人亦同於汝得是五行大般涅槃經卷第二十

壬寅歲高麗國大藏都監奉

勅彫造

大般涅槃經卷第三十一

壹

北涼天竺三藏曇無讖譯

光明遍照高貴德王菩薩品第十之一

尔時世尊告光明遍照高貴德王菩薩摩訶薩言善男子若有菩薩摩訶薩修行如是大涅槃經得十事功德不與聲聞辟支佛共不可思議聞者驚恠非內非外非難非易非相非非相非是世法無有相類世間所无何等為十一者有五何等為五一者所不聞者而能得聞二者聞已能為利益三者能斷疑惑之心四者慧心正直無曲五者能知如來密藏是為五事何等不聞而能得聞所謂甚深微密之藏一切衆生悉有佛性佛法衆僧无有差別三寶性相常樂我淨一切諸佛无有畢竟入涅槃者常住不變如來涅槃非有非無非有為非無為非有漏非无漏非色非不色非名非不名非相非不相非有非不有非物非不物非因非果非待非不待非明非闇非出非不出非常非不常非

斷非不斷非始非終非過去非未來
非現在非陰非不陰非入非不入非
界非不界非十二因緣非不十二因
緣如是等法甚深微密昔所不聞而
能得聞復有不聞所謂一切外道經
書四毗陀論毗伽羅論衛世師論迦
毗羅論一切呪術醫方伎藝日月博
蝕星宿運變占書識記如是等經初
未曾聞秘密之義今於此經而得知
之復有十一部經除毗佛略亦无如
是深密之義今因此經而得知之善
男子是名不聞而能得聞聞已利益
者若能聽受是大涅槃經志能具知
一切方等大乘經典甚深義味譬如
男女於明淨鏡見其色像了了分明
大涅槃鏡亦復如是菩薩執之志得
明見大乘經典甚深之義亦如有人
在闇室中執大炬火志見諸物大涅
槃炬亦復如是菩薩執之得見大乘
深奧之義亦如日出有千光明志能
照了諸山幽闇令一切人遠見諸物
是大涅槃清淨慧日亦復如是照了
大乘深遠之處令一乘人遠見佛道

所以者何以能聽受是大涅槃微妙
經典故善男子若有菩薩摩訶薩聽
受如是大涅槃經得知一切諸法名
字若能書寫讀誦通利為他廣說思
惟其義則知一切諸法義理善男子
其聽受者唯知名字不知其義若能
書寫受持讀誦為他廣說思惟其義
則能知義復次善男子聽是經者聞
有佛性未能得見書寫讀誦為他廣
說思惟其義則得見之聽是經者聞
有檀名未能得見檀波羅蜜書寫讀
誦為他廣說思惟其義則能得見檀
波羅蜜乃至般若波羅蜜亦復如是
善男子菩薩摩訶薩若能聽是大涅
槃經則知法知義具二元尋於諸沙
門婆羅門等若大魔梵一切世中得
無所畏開示分別十二部經演說其
義無有差違不從他聞而能自知近
於阿耨多羅三藐三菩提善男子是
名聞已能為利益斷疑心者疑有二
種一者疑名二者疑義聽是經者斷
疑名心思惟義者斷疑義心復次善
男子疑有五種一者疑佛定涅槃不

二者疑佛是常住不三者疑佛是真
樂不四者疑佛是真淨不五者疑佛
是實我不聽是經者疑佛涅槃則得
永斷書寫讀誦為他廣說思惟其義
四疑永斷復次善男子疑有三種一
疑聲聞為有為无二疑緣覺為有為
无三疑佛乘為有為无聽是經者如
是三疑永滅无餘書寫讀誦為他廣
說思惟其義則能了知一切衆生悉
有佛性復次善男子若有衆生不聞
如是大涅槃經其心多疑所謂若常
无常若樂不樂若淨不淨若我无我
若命非命若衆生非衆生若畢竟不
畢竟若他世若過世若有若无若苦
若非苦若集若非集若道若非道若
滅若非滅若法若非法若善若非善
若空若非空聽是經者如是諸疑悉
得永斷復次善男子若有不聞如是
經者復有種種衆多疑心所謂色是
我耶受想行識是我耶眼能見耶我
能見耶乃至識能知耶我能知耶色
受報耶我受報耶乃至識受報耶我
受報耶色至他世耶我至他世耶乃

至識亦如是生死之法有始有終耶
无始無終耶聽是經者如是等疑亦
得永斷復有人疑一闍提人犯四重禁
作五逆罪謗方等經如是等輩有佛
性耶无佛性耶聽是經者如是等疑
悉得永斷復有人疑世間有邊耶世
間无邊耶有十方世界耶无十方世
界耶聽是經者如是等疑亦得永斷
是名能斷疑惑之心慧心正直无邪
曲者心若有疑則所見不正一切凡
夫若不得聞是大涅槃微妙經典所
見邪曲乃至聲聞辟支佛人所見亦
曲云何名為一切凡夫所見邪曲於
有漏中見常樂我淨於如來所見无
常苦不淨无我見有衆生壽命知見
計非有想非无想處以為涅槃見自
在天有八聖道有見斷見如是等見
名為邪曲菩薩摩訶薩若得聞是大
涅槃經修行聖行則得斷除如是邪
曲云何名為聲聞緣覺邪曲見耶見
於菩薩從兜率下化乘白鳥降神母
胎父名淨飯母曰摩耶迦毗羅城處
胎滿足十月而生生生未至地帝釋捧

接難陀龍王及婆難陀吐水而浴摩
尼跋陀大鬼神王執持寶蓋隨後侍
立地神化花以承其足四方各行滿
足七步到於天廟令諸天像悉起承
迎阿私陀仙抱持占相旣占相已生
大悲苦自傷當終不覩佛興詣師學
書筭計射禦畧識伎藝處在深宮六
万姝女娛樂受樂出城遊觀至迦毗
羅園道見老人乃至沙門法服而行
還至宮中見諸姝女形體狀貌猶如
枯骨所有宮殿塚墓无異猷惡出家
夜半踰城至鬱陀伽阿羅邏等大仙
人所聞說識處及非有想非无想處
旣聞是已諦觀是處是非常苦不淨
无我捨至樹下具修苦行滿足六年
知是苦行不能得成阿耨多羅三藐
三菩提尔時復到阿剌跋提河中洗
浴受牧牛女所奉乳糜受已轉至菩
提樹下破魔波旬得成阿耨多羅三
藐三菩提於波羅捺為五比丘初轉
法輪乃至於此拘尸那城入般涅槃
如是等見是名聲聞緣覺曲見善男
子菩薩摩訶薩聽受如是大涅槃經

患得斷除如是等見若能書寫讀誦
通利為他演說思惟其義則得正直
元邪曲見善男子菩薩摩訶薩修行
如是大涅槃經諦知菩薩元量劫來
不從兜率降神母胎乃至拘尸那城
入般涅槃是名菩薩摩訶薩正直之
見能知如來深密義者所謂即是大
般涅槃一切衆生悉有佛性懺四重
禁除謗法心盡五逆罪滅一闍提然
後得成阿耨多羅三藐三菩提是名
甚深秘密之義復次善男子云何復
名甚深之義雖知衆生實无有我而
於未來不失業果雖知五陰於此滅
盡善惡之業終不敗亡雖有諸業不
得作者雖有至處无有去者雖有繫
縛无受縛者雖有涅槃亦无滅者是
名甚深秘密之義今時光明遍照高
貴德王菩薩摩訶薩白佛言世尊如
我解佛所說聞不聞義是義不然何
以故法若有者便應定有法若无者
便應定无無不應生有不應滅如其
聞者是則為聞若不聞者則為不聞
云何而言聞所不聞世尊若不可聞

是為不聞若已聞者則更不聞何以故已得聞故云何而言聞所不聞譬如去者到則不去去則不到亦如生已不生不生不生得已不得不得不得聞已不聞不聞不聞亦復如是世尊若不聞聞者一切衆生未有菩提即應有之未得涅槃亦應得之未見佛性應見佛性云何復言十住菩薩雖見佛性未得明了世尊若不聞聞者如來往昔從誰得聞若言得聞何故如來於阿舍中復言无師若不聞不聞如來得成阿耨多羅三藐三菩提者一切衆生不聞不聞亦應得成阿耨多羅三藐三菩提如來者當不聞如是大涅槃經見佛性者一切衆生不聞是經亦應得見世尊凡是色者或有可見或不可見聲亦如是或是可聞或不可聞是大涅槃非色非聲云何而言可得見聞世尊過去已滅則不可聞未來未至亦不可聞現在聽時則不名聞聞已聲滅更不可聞是大涅槃亦非過去未來現在若非三世則不可說若不可說則不可

聞云何而言菩薩修是大涅槃經聞所不聞

尔時世尊讚光明遍照高貴德王菩薩摩訶薩言善哉善哉善男子汝今善知一切諸法如幻如焰如乾闥婆城畫水之跡亦如泡沫芭蕉之樹空无有實非命非我無有苦樂如十住菩薩之所知見時大衆中忽然之頃有大光明非青見青非黃見黃非赤見赤非白見白非色見色非明見明非見而見尔時大衆遇斯光已身心快樂譬如比丘入師子王定尔時文殊師利菩薩摩訶薩白佛言世尊今此光明誰之所放尔時如來默然不說迦葉菩薩復問文殊師利何因緣故有此光明照於大衆文殊師利默然不答尔時无邊身菩薩復問迦葉菩薩今此光明誰之所有迦葉菩薩默然不說淨住王子菩薩復問无邊身菩薩何因緣故是大衆中有此光明无邊身菩薩默然不說如是五百菩薩皆亦如是雖相諮問然无答者尔時世尊問文殊師利言文殊師利

何因緣故是大衆中有此光明文殊師利言世尊如是光明名為智慧智慧者即是常住常住之法无有因緣云何佛問何因緣故有是光明是光明者名大涅槃大涅槃者則名常住常住之法不從因緣云何佛問何因緣故有是光明是光明者即是如來如來者即是常住常住之法不從因緣云何如來問於因緣光明者名大慈大悲大慈大悲者名為常住常住之法不從因緣云何如來問於因緣光明者即是名常住常住之法不從因緣云何如來問於因緣光明者即是一切聲聞緣覺不共之道聲聞緣覺不共之道即名常住常住之法不從因緣云何如來問於因緣世尊亦有因緣因滅无明則得熾然阿耨多羅三藐三菩提燈佛言文殊師利汝今莫入諸法甚深第一義諦應以世諦而解說之文殊師利言世尊於此東方過二十恒河沙等世界有佛世界名曰不動其佛住處縱廣正等足滿一万二千由旬其地

七寶无有土石平正柔軟无諸溝坑
其諸樹木四寶所成金銀琉璃及以
頗梨花果茂盛无時不有若有衆生
聞其花香身心安樂譬如比丘入第
三禪周匝復有三千大河其水微妙
八味具足若有衆生在中浴者所得
喜樂譬如比丘入第二禪其河多有
種種諸花優鉢羅花波頭摩花拘物
頭花分陀利花香花大香花微妙香
花常花一切衆生无遮護花其河兩
岸亦有衆花所謂阿提目多伽花占
婆花波吒羅花婆師羅花摩利迦花
大摩利迦花新摩利迦花須摩那迦
花由提迦花檀菟迦利花常花一切
衆生無遮護花底布金沙有四梯桂
金銀琉璃雜色頗梨多有衆鳥遊集
其上復有无量帝狼師子諸惡鳥獸
其心相視猶如赤子彼世界中一切
無有犯重禁者誹謗正法及一闍提
五逆等罪其土調適无有寒熱飢渴
苦惱无貪欲恚放逸嫉妬无有日月
晝夜時節猶如第二忉利天上其土
人民等有光明各各无有憍慢之心

一切悉是菩薩大士皆得神通具大
功德其心志皆尊重正法樂於大乘
愛念大乘貪樂大乘護惜大乘大慧
成就得大摠持心常憐愍一切衆生
其佛号曰滿月光明如來應供正遍
知明行足善逝世間解无上士調御
丈夫天人師佛世尊隨所住處有所
講宣其土衆生无不得聞為琉璃光
菩薩摩訶薩講宣如是大涅槃經佛
言善男子菩薩摩訶薩若能修行大
涅槃經所不聞者皆悉得聞彼琉璃
光菩薩摩訶薩問滿月光明佛亦如
此間光明遍照高貴德王菩薩摩訶
薩所問等无有異彼滿月光明佛即
告琉璃光菩薩言善男子西方去此
二十恒河沙佛土彼有世界名曰娑
婆其土多有山陵堆阜土沙礫石荆
棘毒刺周遍充滿常有飢渴寒熱苦
惱其土人民不能恭敬沙門婆羅門
父母師長貪著非法欲於非法修行
邪法不信正法壽命短促有行姦詐
王者治之王雖有國不知滿足於他
所有生貪利心興師相伐枉死者衆

王者修行如是非法四天善神心無
歡喜故降災旱穀米不登人民多病
苦惱无量彼中有佛号釋迦牟尼如
來應供正遍知明行足善逝世間解
無上士調御丈夫天人師佛世尊大
悲純厚慈衆生故於拘尸那城娑羅
雙樹間為諸大衆敷演如是大涅槃
經彼有菩薩名光明遍照高貴德王
已問斯事如汝無異佛今答之汝可
速往自當得聞世尊彼琉璃光菩薩
聞是事已與八万四千菩薩摩訶薩
欲來至此故先現瑞以此因緣有此
光明是名因緣亦非因緣今時琉璃
光菩薩與八万四千諸菩薩俱持諸
幡蓋香花瓔珞種種伎樂倍勝於前
俱來至此拘尸那城娑羅雙樹間以
已所持供養之具供養於佛頭面礼
足合掌恭敬右繞三匝修敬已畢却
坐一面

今時世尊問彼菩薩善男子汝為到
來為不到來琉璃光菩薩言世尊到
亦不來不到亦不來我觀是義都无
有來世尊諸行若常亦復不來若是

無常亦无有來。若人見有衆生性者。有來不來。我今不見衆生定性。云何當言有來不來。有憍慢者。見有去來。無憍慢者。则无去來。有取行者。見有去來。无取行者。则无去來。若見如來畢竟涅槃。则无去來。不聞佛性。则无去來。聞佛性者。则无去來。若見聲聞辟支佛。人有涅槃者。则无去來。不見聲聞辟支佛。人有涅槃者。则无去來。若見聲聞辟支佛。人常樂我淨。则无去來。若不見者。则无去來。若見如來。无常樂我淨。则无去來。若見如來。常樂我淨。则无去來。世尊且置斯事。欲有所問。唯垂哀愍。少見聽許。佛言善男子。隨意所問。今正是時。我當為汝分別解說。所以者何。諸佛難值。如優曇花。法亦如是。難可得聞。十二部經中。方等復難。是故應當專心聽受。時琉璃光菩薩摩訶薩。既蒙聽許。兼被誡勅。即白佛言。世尊。云何菩薩摩訶薩。有能修行大涅槃。經聞所不聞。今時如來讚言善哉善哉。善男子。汝今欲盡

如是大乘大涅槃海正復值我能善
解說汝今所有疑網毒鏃我為大醫
能善拔出汝於佛性猶未明了我有
慧炬能為照明汝今欲度生死大河
我能為汝作大船師汝於我所生父
母想我亦於汝生赤子心汝心今者
貪正法實值我多有能相惠施諦聽
諦聽善思念之吾當為汝分別宣釋
善男子欲聽法者今正是時若聞法
已當生敬信至心聽受恭敬尊重於
正法所莫求其過莫念貪欲瞋恚愚
癡莫觀法師種性好惡既聞法已莫
生憍慢莫為恭敬名譽利養當為度
世甘露法利亦莫生念我聽法已先
自度身然後度人先自解身然後解
人先自安身然後安人先自涅槃然
後令人而得涅槃於佛法僧應生等
想於生死中生大苦想於大涅槃應
生常樂我淨之想先為他人然後為
身當為大乘莫為二乘於一切法當
无所住亦莫專執一切法相於諸法
中莫生貪相常生知法見法之相善
男子汝能如是至心聽法是則名為

聞所不聞善男子有不聞聞有不聞
不聞有聞不聞有聞聞善男子如不
生生不生不生不生生生如不到
到不到不到到到到世尊云何
不生生善男子安住世諦初出胎時
是名不生生云何不生生善男子
是大涅槃无有生相是名不生生
云何生生不生善男子世諦死時是名
生生不生云何生生善男子一切凡夫
是名生生何以故生生不斷故一切
有漏念念生故是名生生四住菩薩
名生生不生何以故生自在故是名生
不生善男子是名內法云何外法未
生生未生生未生生善男子
譬如種子未生牙時得四大和合人
切作業然後乃生是名未生生云何
未生未生譬如敗種及未遇緣如是
等輩名未生生云何生生如牙
生已而不增長是名生生未生生云何生
生如牙增長若生生不生則无增長如
是一切有漏是名外法生生琉璃光
菩薩摩訶薩白佛言世尊有漏之法
若有生者為是常耶是无常乎生若

是常有漏之法則无有生若无常則有漏是常世尊若生能自生生无自性若能生他以何因緣不生无漏世尊若未生時有生者云何於今乃名為生若未生時无生者何故不說虚空為生佛言善哉善哉善男子不生不生不可說生生亦不可說生不生亦不可說不生亦不可說有因緣故亦可得說云何不生生不可說不生名為生云何可說何以故以其生故云何生生不可說生生故生生故不生亦不可說云何生不生不可說生即名為生生不自生故不可說云何不生不生不可說不生者名為涅槃涅槃不生故不可說何以故以修得故云何生亦不可說以生無故云何不生不生不可說以有得故云何有因緣故亦可得說十因緣法為生作因以是義故亦可得說善男子汝今莫入甚深空定何以故大眾鈍故善男子有為之法生亦是常以住无常生亦无常住亦是常以生生故住亦无

常異亦是常以法无常異亦无常壞
亦是常以本无今有故壞亦无常善
男子以性故生住異壞皆悉是常念
念滅故不可說常是大涅槃能斷滅
故故名无常善男子有漏之法未生
之時已有生性故生能生无漏之法
本無生性是故生不能生如火有本
性遇緣則發眼有見性因色因明因
心故見衆生生法亦復如是由本有
性遇業因緣父母和合則便有生尔
時琉璃光菩薩摩訶薩及八万四千
菩薩摩訶薩聞是法已踊在虛空高
七多羅樹恭敬合掌而白佛言世尊
我蒙如來慇懃教誨因大涅槃始得
悟解聞所不聞亦令八万四千菩薩
深解諸法不生等世尊我今已解
斷諸疑網然此會中有一菩薩名曰
无畏復欲諮稟唯垂聽許尔時世尊
告无畏菩薩善男子隨意問難吾當
為汝分別解說尔時无畏菩薩與六
万一本云
與八万四千諸菩薩等俱從座起更
整衣服長跪合掌而白佛言世尊此
土衆生當造何業而得生彼不動世

界其土菩薩云何而得智慧成就人中為王有大威德具修諸行利智獲疾聞則能解余時世尊即說偈言

不害衆生命 堅持諸禁戒 受佛微妙教
則生不動國 不奪他人財 常施惠一切
造招提僧坊 則生不動國 不犯他婦女
自妻不非時 施持戒卧具 則生不動國
不為自他故 求利及恐怖 慎口不妄語
則生不動國 莫壞善知識 遠離惡眷屬
口常和合語 則生不動國 如諸菩薩等
常離於惡口 所說人樂聞 則生不動國
乃至於戲笑 不說非時語 謹慎常時說
則生不動國 見他得利養 常生歡喜心
不起嫉妬結 則生不動國 不惱於衆生
常生於慈心 不生方便惡 則生不動國
邪見言无施 父母及去來 不起如是見
則生不動國 曠路作好井 殖殖果樹林
常施乞者食 則生不動國 若於佛法僧
供養一香燈 乃至獻一花 則生不動國
若為恐怖故 利養及福德 書是經一偈
則生不動國 若為怖利福 能於一日中
讀誦是經典 則生不動國 若為无上道
一日一夜中 受持八戒齋 則生不動國

不與犯重禁 同共一處住 呵謗方等者
則生不動國 若能施病者 乃臣於一果
歡喜而瞻視 則生不動國 不犯僧擄物
善守於佛物 塗掃佛僧地 則生不動國
造像及佛塔 猶如大姆指 常生歡喜心
則生不動國 若為是經典 自身及財寶
施於說法者 則生不動國 若能聽書寫
受持及讀誦 諸佛秘密藏 則生不動國
尔時元畏菩薩摩訶薩白佛言世尊
我今已知所造業緣得生彼國是光
明遍照高貴德王菩薩摩訶薩普為
憐愍一切衆生先所諮問如來若說
則能利益安樂人天阿修羅乾闥婆
迦樓羅緊那羅摩睺羅伽等尔時世
尊即告光明遍照高貴德王菩薩善
哉善哉善男子汝今於此當至心聽
吾當為汝分別解說有因緣故未到
不到有因緣故不到到有因緣故到
不到有因緣故到到何因緣故未到
不到善男子夫不到者是大涅槃凡
夫未到以有貪欲瞋恚愚癡故身業
口業不清淨故及受一切不淨物故
犯四重故謗方等故一闡提故五逆

罪故以是義故未到不到善男子何
因緣故不到到不到者名大涅槃何
義故到永斷貪欲瞋恚愚癡身口惡
故不受一切不淨物故不犯四重故
不謗方等經故不作一闍提故不作
五逆罪故以是義故名不到到須陀
洹者八万劫到斯陀含者六万劫到
阿那含者四万劫到阿羅漢者二万
劫到辟支佛者十千劫到以是義故
名不到到善男子何因緣故名不到不
到到者名為二十五有一切衆生常
為无量煩惱諸結之所覆蔽往來不
離猶如輪轉是名為到聲聞緣覺及
諸菩薩已得永離故名不到為欲化
度諸衆生故示現在中亦名為到善
男子何因緣故名到到者即是
二十五有一切凡夫須陀洹乃至阿
那含煩惱因緣故名到到善男子聞
所不聞亦復如是有不聞聞有不聞
不聞有聞不聞有聞聞云何不聞聞
善男子不聞者名大涅槃何故不聞
非有為故非音聲故不可說故云何
亦聞得聞名故所謂常樂我淨以是

義故名不聞聞尔時光明遍照高貴
德王菩薩摩訶薩白佛言世尊如佛
所說大涅槃者不可得聞云何復言
常樂我淨而可得聞何以故世尊斷
煩惱者名得涅槃若未斷者名為不
得以是義故涅槃之性本无今有若
世間法本无今有則名无常譬如瓶
等本无今有已有還无故名无常涅
槃亦尔云何說言常樂我淨復次世
尊凡因莊嚴而得成者悉名无常涅
槃若尔應是无常何等因緣所謂三
十七品六波羅蜜四無量心觀於骨
相阿那波那六念處破析六大如是
等法皆是成就涅槃因緣故名无常
復次世尊有名无常若涅槃是有亦
應无常如佛昔於阿含中說聲聞緣
覺諸佛世尊皆有涅槃以是義故名
為无常復次世尊可見之法名為無
常如佛先說見涅槃者則得斷除一
切煩惱復次世尊譬如虛空於諸眾
生等无障碍故名為常若使涅槃是
常等者何故眾生有得不得涅槃若
尔於諸眾生不平等者則不名常世

尊辟如百人共有一怨若害此怨則多人受樂若使涅槃是平等法一人得時應多人得一人斷結應多人亦斷若不如是云何名常辟如有人恭敬供養尊重讚歎國王王子父母師長則得利養是不名常涅槃亦今不名為常何以故如佛昔於阿含經中告阿難言若有人能恭敬涅槃則得斷結受无量樂以是義故不名為常世尊若涅槃中有常樂我淨名者不名為常如其無者云何可說

今時世尊告光明遍照高貴德王菩薩摩訶薩言涅槃之體非本无今有若涅槃體本无今有者則非无漏常住之法有佛无佛性相常住以諸衆生煩惱覆故不見涅槃便謂为无苦薩摩訶薩以戒定慧勤修其心斷煩惱已便得見之當知涅槃是常住法非本无今有是故為常善男子如閻室中并種種七寶人亦知有閻故不見有智之人善知方便然大明燈持往照了悉得見之是人於此終不念水及七寶本无今有涅槃亦本

自有之非適今也煩惱闇故衆生不見大智如來以善方便燃智慧燈今諸菩薩得見涅槃常樂我淨是故智者於此涅槃不應說言本无今有善男子汝言因症嚴故得成涅槃應无常者是亦不然何以故善男子涅槃之體非生非出非實非虛非作業生非是有漏有為之法非聞非見非墮非死非別異相亦非同相非往非還非去來今非一非多非長非短非圓非方非尖非斜非有相非无相非名非色非因非果非我我所以是義故涅槃是常恒不變易是以无量阿僧祇劫修集善法以自在嚴然後乃見善男子譬如地下有八味水一切衆生而不能得有智之人施功穿掘則便得之涅槃亦尔譬如盲人不見日月良醫療之則便得見而是日月非是本無今有涅槃亦尔先自有之非適今也善男子如人有罪繫之囹圄久乃得出還家得見父母兄弟妻子眷屬涅槃亦尔善男子汝言因緣故涅槃之法應無常者是亦不然何以

故善男子因有五種何等為五一者
生因二者和合因三者住因四者增
長因五者遠因云何生因生因者即
是業煩惱等及外諸草木子是名生
因云何和合因如善與善心和合不
善與不善心和合无記與无記心和
合是名和合因云何住因如下有柱
屋則不墮山河樹木因大地故而得
住立內有四大無量煩惱衆生得住
是名住因云何增長因因緣衣服飲
食等故令衆生增長如外種子火所
不燒鳥所不食則得增長如諸沙門
婆羅門等依因和上善知識等而得
增長如因父母子得增長是名增長
因云何遠因譬如因呪鬼不能害毒
不能中依憑國王无有盜賊如茅依
因地水火風等如水攢及人為蘇遠
因如明色等為識遠因父母精血為
衆生遠因如時節等悉名遠因善男
子涅槃之體非是如是五因所成云
何當言是无常因復次善男子復有
二因一者作因二者了因如陶師輪
繩是名作因如燈燭等照闇中物是

名了因善男子大涅槃者不從作因而有唯有了因了因者所謂三十七助道法六波羅蜜是名了因善男子布施者是涅槃因非大涅槃因檀波羅蜜乃得名為大涅槃因三十七品是涅槃因非大涅槃因无量阿僧祇助菩提法乃得名為大涅槃因今時光明遍照高貴德王菩薩摩訶薩白佛言世尊云何布施不得名為檀波羅蜜云何布施而得名之檀波羅蜜乃至般若云何不得名為般若波羅蜜云何得名為般若波羅蜜云何名涅槃云何名大涅槃

佛言善男子菩薩摩訶薩修行方等大般涅槃不聞布施不見布施不聞檀波羅蜜不見檀波羅蜜乃至不聞般若不見般若不聞般若波羅蜜不見般若波羅蜜不聞涅槃不見大涅槃菩薩摩訶薩修大涅槃知見法界解了實相空无所有無有和合覺知之相得无漏相无所作相如幻化相熱時炎相乾闥婆城虛空之相菩薩今時得如是

相无貪恚癡不聞不見是名菩薩摩訶薩真實之相安住實相菩薩摩訶薩自知此是檀此是檀波羅蜜乃至此是般若此是般若波羅蜜此是涅槃此是大涅槃

善男子云何是施非波羅蜜見有乞者然後乃與是名為施非波羅蜜若无乞者開心自施是則名為檀波羅蜜若時時施是名為施非波羅蜜若修常施是則名為檀波羅蜜若施他已還生悔心是名為施非波羅蜜施已不悔是則名為檀波羅蜜菩薩摩訶薩於財物中生四怖心王賊水火歡喜施與是則名為檀波羅蜜若望報施是名為施非波羅蜜施不望報是則名為檀波羅蜜若為恐怖名聞利養家法相續天上五欲為憍慢故為勝他故為知識故為來報故如市易法善男子如人種樹為得蔭涼為得花果及以材木若人修行如是等施是名為施非波羅蜜

菩薩摩訶薩修行如是大涅槃者不見施者受者財物不見時節不見福

田及非福田不見因不見緣不見果
報不見作者不見受者不見多不見
少不見淨不見不淨不輕受者已身
財物不見見者不見不見者不計已
他唯為方等大般涅槃常住法故修
行布施為利一切諸眾生故而行布
施為斷一切眾生煩惱故行於施為
諸眾生不見受者施者財物故行於施
善男子譬如有人墮大海水抱持死
屍則得度脫菩薩摩訶薩修大涅槃
行布施時亦復如是如彼死屍善男
子譬如有人閉在深獄門戶堅牢唯
有廁孔便從中出到無尋處菩薩摩
訶薩修大涅槃行布施時亦復如是
善男子譬如貴人恐怖急厄更无恃
怙依旃陀羅菩薩摩訶薩修大涅槃
行於布施亦復如是善男子譬如病
人為除病苦得安樂故服食不淨菩
薩摩訶薩修大涅槃行於布施亦復
如是善男子如婆羅門值穀勇貴為
壽命故食噉狗肉菩薩摩訶薩修大
涅槃行於布施亦復如是善男子大
涅槃中如是之事從无量劫來不聞

而聞尸羅尸羅波羅蜜乃至般若般若波羅蜜如佛雜花經中廣說
大般涅槃經卷第三

壬寅歲高麗國大藏都監奉

勅彫造

大般涅槃經卷第三十二

壹

北涼天竺三藏曇無讖譯

光明遍照高貴德王菩薩品第十之三

善男子云何菩薩摩訶薩修大涅槃
不聞而聞十二部經其義深邃昔來
不聞今因是經得具足聞先雖得聞
唯聞名字而今於此大涅槃經乃得
聞義聲聞緣覺唯聞十二部經名字
不聞其義今於此經具足得聞是名
不聞而聞善男子一切聲聞緣覺經
中不曾聞佛有常樂我淨不畢竟滅
三寶佛性无差別相犯四重罪謗方
等經作五逆罪及一闍提悉有佛性
今於此經而得聞之是名不聞而聞
光明遍照高貴德王菩薩摩訶薩白
佛言世尊若犯重禁謗方等經作五
逆罪一闍提等有佛性者是等云何
復墮地獄世尊若使是等有佛性者
云何復言无常樂我淨世尊若斷善
根名一闍提者斷善根時所有佛性
云何不斷佛性若斷云何復言常樂
我淨如其不斷何故名為一闍提耶

世尊犯四重禁名為不定謗方等經作五逆罪及一闍提名不定如是等輩若決定者云何得成阿耨多羅三藐三菩提得須陀洹乃至辟支佛亦名不定若須陀洹至辟支佛是決定者亦不應成阿耨多羅三藐三菩提世尊若犯四重不決定者須陀洹乃至辟支佛亦不決定如是是不定諸佛如來亦復不定若佛不定涅槃體性亦復不定至一切法亦復不定云何不定若一闍提除一闍提則成佛道諸佛如來亦應如是入涅槃已亦應還出不入涅槃若如是者涅槃之性則為不定不決定故當知无有常樂我淨云何說言一闍提等當得涅槃今時世尊告光明遍照高貴德王菩薩摩訶薩言善哉善哉善男子為欲利益无量衆生令得安樂憐愍慈念諸世間故為欲增長發菩提心諸菩薩故作如是問善男子汝已親近過去无量諸佛世尊於諸佛所種諸善根久已成就菩提功德降伏衆魔令其退散已教无量無邊衆生令

得至阿耨多羅三藐三菩提久已通達諸佛如來所有甚深秘密之藏已問過去无量無邊恒河沙等諸佛世尊如是甚深微密之義我都不見一切世間若人若天沙門婆羅門若魔若梵有能諮問如來是義今當誠心諦聽諦聽吾當為汝分別演說善男子一闡提者亦不決定若決定者是善提以不決定是故能得如汝所言佛性不斷云何一闡提斷善根者善男子善根有二種一者內二者外佛性非內非外以是義故佛性不斷復有二種一者有漏二者無漏佛性非有漏非無漏是故不斷復有二種一者常二者无常佛性非常非无常是故不斷若是斷者則應還得若不還得則名不斷若斷已得名一闡提犯四重者亦是不定若決定者犯四重禁終不能得阿耨多羅三藐三菩提謗方等經亦復不定若決定者謗正法人終不能得阿耨多羅三藐三菩提作五逆罪亦復不定若決定者五

逆之人終不能得阿耨多羅三藐三
菩提色與色相二俱不定香味觸相
生相至无明相陰入界相二十五有
相四生乃至一切諸法皆亦不定善
男子譬如幻師在大衆中化作四兵
車步爲馬作諸瓔珞嚴身之具城邑
聚落山林樹木泉池河井而彼衆中
有諸小兒无有智慧觀見之時悉以
爲實其中智人知其虛誑以幻力故
惑人眼目善男子一切凡夫乃至聲
聞辟支佛等於一切法見有定相亦
復如是諸佛菩薩於一切法不見定
相善男子譬如小兒於盛夏月見熱
時焰謂之爲水有智之人於此熱焰
終不生於實水之想但是虛焰誑人
眼目非實是水一切凡夫聲聞緣覺
見一切法亦復如是悉謂是實諸佛
菩薩於一切法不見定相善男子譬
如山澗因聲有響小兒聞之謂是實
聲有智之人解无定實但有聲相誑
於耳識善男子一切凡夫聲聞緣覺
於一切法亦復如是見有定相諸菩
薩等解了諸法悉无定相見无常相

空寂等相无生滅相以是義故菩薩
摩訶薩見一切法是无常相善男子
亦有定相云何為定常樂我淨在何
處耶所謂涅槃善男子須陀洹果亦
復不定不決定故經八万劫得阿耨
多羅三藐三菩提心斯陀含果亦復
不定不決定故經六万劫得阿耨多
羅三藐三菩提心阿羅漢果亦復不
定不決定故經二万劫得阿耨多羅三
藐三菩提心辟支佛道亦復不定不
決定故經十千劫得阿耨多羅三藐
三菩提心善男子如來今於拘尸那
城娑羅雙樹間示現倚卧師子之牀
欲入涅槃今諸未得阿羅漢果衆弟
子等及諸力士生大憂苦亦令天人
阿修羅乾闥婆迦樓羅緊那羅摩睺
羅伽等大設供養欲使諸人以千端
疊纏裹其身七寶為棺盛滿香油積
諸香木以火焚之唯除二端不可得
燒一者觀身二眾在外為諸衆生分
散舍利以為八分一切所有聲聞弟

子咸言如來入於涅槃當知如來亦
不畢定入於涅槃何以故如來常住
不變易故以是義故如來涅槃亦復
不定善男子當知如來亦復不定如
來非天何以故有四種天一者世間
天二者生天三者淨天四者義天此
間天者如諸國王生天者從四天王
乃至非有想非无想天淨天者從須
陀洹至辟支佛義天者十住菩薩摩
訶薩等以何義故十住菩薩名為義
天以能善解諸法義故云何為義見
一切法是空義故善男子如來非王
亦非四天乃至非有想非无想天從
須陀洹至辟支佛十住菩薩以是義
故如來非天然諸衆生亦復稱佛為
天中天是故如來非天非非天人
非非人非鬼非非鬼非地獄畜生餓
鬼非非法非非法非色非非色非長
衆生非法非非法非色非非色非長
非非長非短非非短非相非非相非
心非非心非有漏非无漏非有為非
无為非常非無常非幻非非幻非名
非非名非定非非定非有非无非說

非非說非如來非不如來以是義故
如來不定善男子何故如來不名世
天世天者即是諸王如來久於無量
劫中已捨王位是故非王非非王者
如來生於迦毗羅城淨飯王家是故
非非王非生天者如來久已離諸有
故是故非生天非非生天何以故昇
兜率天下閻浮提故是故如來非非
生天亦非淨天何以故如來非是須
陀洹乃至非辟支佛是故如來非是
淨天非非淨天何以故世間八法所
不能染猶如蓮花不受塵水是故如
來非非淨天亦非義天何以故如來
非是十住菩薩故是故如來非義天
也非非義天何以故如來常修十八
空義故是故如來非非義天如來非
人何以故如來久於無量劫中離人
有故是故非人亦非非人何以故生
於迦毗羅城故是故非非人如來非
鬼何以故不害一切諸衆生故是故
非鬼亦非非鬼何以故亦以鬼像化
衆生故是故非非鬼如來亦非地獄
畜生餓鬼何以故如來久離諸惡業

故是故非地獄畜生餓鬼亦非非地
獄畜生餓鬼何以故如來亦復現受
三惡諸趣之身化衆生故是故非非
地獄畜生餓鬼亦非衆生何以故久
已遠離衆生性故是故如來非衆生
亦非非衆生何以故或時演說衆生
相故是故如來非非衆生如來非法
何以故諸法各各有別異相如來不
尔唯有一相是故非法亦非非法何
以故如來法界故是故非非法如來
非色何以故十色入所不攝故是故
非色亦非非色何以故身有三十二
相八十種好故是故非非色如來非
長何以故斷諸色故是故非長亦非
非長何以故一切世間无有能見頂
髻相故是故非非長如來非短何以
故久已遠離憍慢結故是故非短亦
非非短何以故為瞿師羅長者示三
尺身故是故非非短如來非相何以
故久已遠離諸相相故是故非相亦
非非相何以故善知諸相故是故非
非相如來非心何以故虛空相故是
故非心亦非非心何以故有十力心

法故亦能知他衆生心故是故非非
心如來非有為何以故常樂我淨故
是故非有為亦非无為何以故有來
去坐卧示現涅槃故是故非无為如
來非常何以故身有分故是故非常
云何非常以有知故常法无知猶如
虛空如來有知是故非常云何非常
有言說故常法無言亦如虛空如來
有言是故无常有姓氏故名曰无常
无姓之法乃名為常虛空常故无有
姓氏如來有姓姓瞿曇氏是故無常
有父母故名曰無常无父母者乃名
曰常虛空常故无有父母佛有父母
是故無常有四威儀名曰无常無四
威儀乃名曰常虛空常故無四威儀
佛有四威儀是故无常常住之法无
有方所虛空常故無有方所如來出
在中天竺地住舍婆提或王舍城是
故无常以是義故如來非常亦非非
常何以故生永斷故有生之法名曰
無常无生之法乃名為常如來无生
是故為常常法无性有性之法名曰
无常如來無生无性無生无性故常

有常之法遍一切處猶如虛空无處
不有如来亦尔遍一切處是故為常
无常之法或言此有或言彼无如来
不尔不可說言是處有彼處無是故
為常无常之法有時是有有時是无
如来不尔有時是有有時是无是故
為常常住之法无名無色虛空常故
无名无色如来亦尔无名無色是故
為常常住之法無因無果虛空常故
無因无果如来亦尔无因無果是故
為常常住之法三世不攝如来亦尔
三世不攝是故為常如来非幻何以
故永断一切虛誑心故是故非幻亦
非非幻何以故如来或時分此一身
為无量身無量之身復為一身山壁
直過無有障碍履水如地入地如水
行空如地身出烟焰如大火聚雲雷
震動其聲可畏或為城邑聚落舍宅
山川樹木或作大身或作小身男身
女身童男童女身是故如来亦非非
幻如来非定何以故如来於此拘尸
那城娑羅雙樹間示現入於般涅槃
故是故非定亦非非定何以故常樂

我淨故是故如來亦非非定如來非
有漏何以故斷三漏故故非有漏三
漏者欲界一切煩惱除無明是名欲
漏色無色界一切煩惱除無明是名
有漏三界無明名無明漏如來永斷
是故非漏復次一切凡夫不見有漏
云何凡夫不見有漏一切凡夫於未
來世生有疑心未來世中當得身耶
不得身耶過去世中身本有耶為本
無耶現在世中是身有耶是身無耶
若有我者是色耶非色耶色非色耶
非色非非色耶想耶非想耶想非想
耶非想非非想耶是身屬他耶不屬
他耶屬不屬耶非屬非不屬耶有命
無身耶有身無命耶有身有命耶無
身無命耶身之與命有常耶無常耶
常無常耶非常非無常耶身之與命
自在作耶時節作耶無因作耶世性
作耶微塵作耶法非法作耶士夫作
耶煩惱作耶父母作耶我住心耶住
眼中耶遍滿身中耶從何來耶去何
至耶誰生耶誰死耶我於過去是婆
羅門姓耶是刹利姓耶是毗舍姓耶

是首陀羅姓耶當於未來得何姓耶
我此身者過去之時是男身耶是女
身耶畜生身耶若我然生當有罪耶
當無罪耶乃至飲酒當有罪耶當無
罪耶我自作耶為他作耶我受報耶
身受報耶如是疑見無量煩惱覆衆
生心因是疑見生六種心決定有我
決定無我我見我我見無我无我見
我我作我受我知是名邪見如來永
拔如是無量見漏根本是故非漏善
男子菩薩摩訶薩於大涅槃修聖行
者亦得永斷如是諸漏諸佛如來常
修聖行是故无漏

善男子凡夫不能善攝五根則有三
漏為惡所牽至不善處善男子譬如
惡馬其性很快能令乘者至險惡處
不能善攝此五根者亦復如是令人
遠離涅槃善道至諸惡處譬如惡鳥
心未調順有人乘之不隨意去遠離
城邑至空曠處不能善攝此五根者
亦復如是將人遠離涅槃城邑至於
生死曠野之處善男子譬如佞臣教
王作惡五根佞臣亦復如是常教衆

生造無量惡善男子辟如惡子不受
師長父母教勅則无惡不造不調五
根亦復如是不受師長善言教勅无
惡不造善男子凡夫之人不攝五根
常為地獄畜生餓鬼之所賊害亦如
怨盜害及善人善男子凡夫之人不
攝五根馳騁五塵辟如牧牛不善守
護犯人苗稼凡夫之人不攝五根常
在諸有多受苦惱善男子菩薩摩訶
薩修大涅槃行聖行時常能善調守
攝五根怖畏貪欲瞋恚愚癡憍慢嫉
妬為得一切諸善法故善男子若能
善守此五根者則能攝心若能攝心
則攝五根辟如有人擁護於王則護
國土護國土者則護於王菩薩摩訶
薩亦復如是若得聞是大涅槃經則
得智慧得智慧故則得專念五根若
散念則能止何以故是念慧故善男
子如善牧者設牛東西噉他苗稼則
便遮止不令犯暴菩薩摩訶薩亦復
如是念慧因緣故守攝五根不令馳
散菩薩摩訶薩有念慧者不見我相
不見我所相不見衆生及所受用見

一切法同法性相生於土石瓦礫之
相譬如屋舍從眾緣生无有定性見
諸眾生四大五陰之所成立推无定
性無定性故菩薩於中不生貪著一
切凡夫見有眾生故起煩惱菩薩摩
訶薩修大涅槃有念慧故於諸眾生
不生貪著復次菩薩摩訶薩修大涅
槃經者不著眾生相作種種法相善
男子譬如畫師以眾雜彩畫作眾像
若男若女若牛若馬凡夫无智見之
則生男女等相畫師了知无有男女
菩薩摩訶薩亦復如是於法異相觀
於一相終不生於眾生之相何以故
有念慧故菩薩摩訶薩修大涅槃或
時覩見端正女人終不生於貪著之
相何以故善觀相故善男子菩薩摩
訶薩知五欲法無有歡樂不得暫停
如犬齧枯骨如人持火逆風而行如
蓮毒地夢中所得路首有果樹多人
所擲亦如段肉眾鳥競逐如水上泡
畫水之迹如織經盡如囚趣市猶如
假借勢不得久觀欲如是多諸過惡
復次善男子菩薩摩訶薩觀諸眾生

為色香味觸因緣故從昔無量
劫來常受苦惱一二衆生一切之中
所積身骨如王舍城毗富羅山所飲
乳汁如四海水身所出血多四海水
父母兄弟妻子眷屬命終哭泣所出
目淚多四大海盡地草木為四寸等
以數父母亦不能盡無量劫來或在
地獄畜生餓鬼所受行苦不可稱計
揣此大地猶如糞等易可窮極生死
難盡菩薩摩訶薩如是深觀一切衆
生以是欲因緣故受苦無量菩薩以
是生死行苦故不失念慧善男子譬
如世間有諸大衆滿二十五里王勅
一臣持一油鉢經由中過莫令傾覆
若棄一帝當斷汝命復遣一人拔刀
在後隨而怖之臣受王教盡心堅持
經歷今所大衆之中雖見可意五邪
欲等心常念言我若放逸著彼邪欲
當棄所持命不全濟是人以是怖因
緣故乃至不棄一帝之油菩薩摩訶
薩亦復如是於生死中不失念慧以
不失故雖見五欲心不貪著若見淨
色不生色相唯觀苦相乃至識相亦

復如是不作生相不作滅相不作因相觀和合相菩薩今時五根清淨根清淨故護根戒具一切凡夫五根不淨不能善持名曰根漏菩薩永斷是故无漏如來拔出永斷根本是故非漏復次善男子復有離漏菩薩摩訶薩欲為無上甘露佛果故離於惡漏云何為離若能修行大涅槃經書寫受持讀誦解說思惟其義是名為離何以故善男子我都不見十二部經能離惡漏如此方等大涅槃經善男子譬如良師教諸弟子諸弟子中有受教者心不造惡菩薩摩訶薩修大涅槃微妙經典亦復如是心不造惡善男子譬如世間有善呪術若有一聞却後七年不為一切毒藥所中他不曾螫若有誦者乃至命盡无有眾惡善男子是大涅槃亦復如是若有眾生一經耳者却後七劫不墮惡道若有書寫讀誦解說思惟其義必得阿耨多羅三藐三菩提淨見佛性如彼聖王得甘露味善男子是大涅槃有如是等无量功德善男子若有人能

書寫是經讀誦解說為他敷演思惟其義當知是人真我弟子善受我教是我所見我之所念是人諦知我不涅槃隨如是人所住之處若城邑聚落山林曠野房舍田宅樓閣殿堂我亦在中常住不移我於是人常作受施或作比丘比丘尼優婆塞優婆夷婆羅門梵志貧窮乞人去何當今是人得知如來受其所施之物善男子是人或於夜卧夢中夢見佛像或見天像沙門之像國王聖王師子王像蓮花形像優曇花像或見大山或大海水或見日月或見白鳥及白馬像或見父母得花得果金銀琉璃頗梨等寶五種牛味今時當知即是如來受其所施寤已喜樂尋得種種所須之物心不念惡樂修善法善男子是大涅槃志能成就如是元量阿僧祇等不可思議無邊功德善男子汝今應當信受我語若有善男子善女人欲見我者欲恭敬我欲同法性而見於我欲得空定欲見實相欲得修習首楞嚴定師子王定欲破八魔八魔

者所謂四魔无常無樂无我无淨欲
得人中天上樂者見有受持大涅槃
經書寫讀誦為他解說思惟義者當
往親近依附諮受供養恭敬尊重讚
歎為洗手足布置牀席四事供給令
无所乏若從遠來應十由延路次奉
迎為是經故所重之物應以奉獻如
其無者應自賣身何以故是經難遇
過優曇花善男子我念過去无量无
邊那由他劫尔時世界名曰娑婆有
佛世尊号釋迦牟尼如来應正遍知
明行足善逝世間解无上士調御丈
夫天人師佛世尊為諸大衆宣說如
是大涅槃經我於尔時從善友所轉
聞彼佛當為大衆說大涅槃我聞是
已其心歡喜欲設供養居貧无物欲
自賣身薄福不集即欲還家路見一
人而便語言吾欲賣身若能買不其
人答曰我家作業人無堪者汝設能
為我當買汝我即問言有何作業人
無堪能其人見答吾有惡病良醫處
藥應當日服人肉三兩卿若能以身
肉三兩日日見給便當與汝金錢五

救我時聞已心中歡喜我復語言汝
與我錢假我七日須我事訖便還相
就其人見答七日不可審能介者當
許一日善男子我於今時即取其錢
還至佛所頭面礼足盡其所有而以
奉獻然後誠心聽受是經我時聞鉢
雖得聞經唯能受持一偈文句

如來證涅槃永斷於生死若有至心聽
常得无量樂

受是偈已即便還至彼病人家善男
子我時雖復日日與三兩肉以念偈
因緣故不以為痛日日不廢足滿一
月善男子以是因緣其病得差我身
平復亦无瘡痍我時見身具足完具
即發阿耨多羅三藐三菩提心一偈
之力尚能如是何況具足受持讀誦
我見此經有如是利復倍發心願於
未來成得佛道字釋迦牟尼善男子
以是一偈因緣力故令我今日於大
衆中為諸天人具足宣說善男子以
是因緣是大涅槃不可思議成就无
量無邊功德乃是諸佛如來甚深秘
密之藏以是義故能受持者斷離惡

漏所謂惡者惡鳥惡馬惡牛惡狗毒蛇住處惡刺土地懸崖嶮岸暴水迴瀘惡人惡國惡城惡舍惡知識等如是等輩若作漏因菩薩即離若不能作則不遠離若增有漏則便離之若不增長則不遠離若作惡法則便離之若能作善則不遠離云何為離不持刀杖常以正慧方便而遠離之是故名為正慧遠離為生善法則離惡法菩薩摩訶薩自觀其身如病如瘡如癰如怨如箭入體是大苦聚志是一切諸惡根本是身雖復不淨如是菩薩猶故瞻視將養何以故非為貪身為善法故為於涅槃不為生死為常樂我淨不為无常無樂我淨為菩提道不為有道為於一乘不為三乘為三十二相八十種好微妙之身不為乃至非有想非无想身為法輪王不為轉輪王善男子菩薩摩訶薩常當護身何以故若不護身命則不全命若不全則不能得書寫是經受持讀誦為他廣說思惟其義是故菩薩應善護身以是義故菩薩得離一切

惡漏善男子如欲渡者應善護柂臨
路之人善護良馬田夫種植善護糞
穢如為孝毒善護毒蛇如人為財護
旃陀羅為壞賊故將護健兒亦如寒
人愛護於火如癩病者求於毒藥菩
薩摩訶薩亦復如是雖見是身无量
不淨具足充滿為欲受持大涅槃經
故猶好將護不令乏少菩薩摩訶薩
觀於惡鳥及惡知識等无有二何以
故俱壞身故菩薩摩訶薩於惡鳥等
心无怖懼於惡知識生畏懼心何以
故是惡鳥等唯能壞身不能壞心惡
知識者二俱壞故是惡鳥等唯壞一
身惡知識者壞無量善身无量善心
是惡鳥等唯能破壞不淨臭身惡知
識者能壞淨身及以淨心是惡鳥等
能壞肉身惡知識者壞於法身為惡
鳥然不至三惡為惡友然必至三惡
是惡鳥等但為身然惡知識者為善
法然是故菩薩常當遠離諸惡知識
如是等漏凡夫不離是故生漏菩薩
離之則不生漏菩薩如是尚无有漏
況於如來是故非漏云何親近漏一

切凡夫受取衣食卧具醫藥為身心樂求如是物造種種惡不知過未輪迴三趣是故名漏苦薩摩訶薩見如是過則便遠離若須衣時即便受取不為身故但為於法不長憍慢心常卑下不為嚴飾但為羞耻障諸寒暑惡風惡雨惡虫蚤蠅蚤蝮螫雖受飲食心無貪著不為身故常為正法不為肌膚但為衆生不為憍慢為身力故不為怨害為治飢瘡雖得上味心无貪著受取房舍亦復如是貪慢之結不令居心為菩提舍遮止結賊障惡風雨故受屋舍求醫藥者心无貪慢但為正法不為壽命為常命故善男子如人病瘡為蘇麁塗以衣裹之為出膿血蘇麁塗拊為瘡愈故以藥全之為惡風故在深屋中苦薩摩訶薩亦復如是觀身是瘡故以衣覆為九孔膿求索飲食為惡風雨取受房舍為四毒發求不覓醫藥苦薩受取四種供養為菩提道非為壽命何以故苦薩摩訶薩作是思惟我若不受是四供養身則磨滅不得堅牢若不

堅牢則不忍苦若不忍苦則不能得
修習善法若能忍苦則得修習无量
善法我若不能堪忍衆苦則於苦受
生瞋恚心於樂受中生貪著心若求
樂不得則生元明是故凡夫於四供
養生於有漏苦菩薩摩訶薩能深觀察
不生於漏是故菩薩名為无漏云何
如来當名有漏是故如来不名有漏
大般涅槃經卷第二十二

辛丑歲高麗國大藏都監奉
勅雕造

大般涅槃經卷第三十三

宣

北凉天竺三藏曇無讖譯

光明遍照高貴德三菩薩品第十之三
復次善男子一切凡夫雖善護身心
猶故生於三種惡覺以是因緣雖斷
煩惱得生非想非非想處猶故還墮
三惡道中善男子譬如有人渡於大
海垂至彼岸没水而死凡夫之人亦
復如是垂盡三有還墮三塗何以故
無善覺故何等善覺所謂六念處凡
夫之人善心羸劣不善熾盛善心羸
故慧心薄少慧心薄故增長諸漏菩
薩摩訶薩慧眼清淨見三覺過知是
三覺有種種患常與衆生作三乘怨
三覺因緣乃令無量凡夫衆生不見
佛性无量劫中生顛倒心謂佛世尊
無常樂我唯有一淨如來畢竟入於
涅槃一切衆生無常无樂無我无淨
顛倒心故言有常樂我淨實无三乘
顛倒心故言有三乘一實之道真實
不虛顛倒心故言无一實是三惡覺
常為諸佛及諸菩薩之所呵責是三

惡覺常害於我或亦害他有是三覺
一切諸惡常來隨從是三覺者即是
三縛連綴衆生無邊生死菩薩摩訶
薩常作如是觀察三覺菩薩或時有
因緣故應生欲覺默然不受譬如端
正淨潔之人不受一切糞穢不淨如
熱鐵丸人無受者如婆羅門性不受
牛肉如飽滿人不受惡食如轉輪王
不與一切旃陀羅等同坐一牀菩薩
摩訶薩惡賤三覺不受不味亦復如
是何以故菩薩思惟衆生知我是良
福田我當云何受是惡法若受惡覺
則不任為衆生福田我自不言是良
福田衆生見相便言我是我今若起
如是惡覺則為欺誑一切衆生我於
往昔以欺誑故无量劫中流轉生死
墮三惡道我若以惡心受人信施一
切天人及五通仙悉當證知而見呵
責我若惡覺受人信施或令施主果
報減少或空無報我若惡心受檀越
施則與施主而為怨讎一切施主恒
於我所起赤子想我當云何欺誑於
彼而生怨想何以故或令施主不得

果報或少果報故我常自稱為出家
人夫出家者不應起惡若起惡者則
非出家出家之人身口相應若不相
應則非出家我棄父母兄弟妻子眷
屬知識出家修道正是修習諸善覺
時非是修習不善覺時譬如有人入
海求寶不取真實直取水精亦如有
人棄妙音樂遊戲糞穢如棄寶女與
婢交通如棄金器用於瓦盂如棄甘
露服食毒藥如捨親舊良善之醫從
怨惡醫求藥而服

我亦如是捨離大師如來世尊甘露
法味而服魔怨種種惡覺人身難得
如優曇花我今已得如來難值過優
曇花我今已值清淨法寶難得見聞
我今已聞猶如盲龜值浮木孔人命
不停過於山水今日雖存明亦難保
云何縱心令住惡法壯色不停猶如
奔馬云何恃怙而生憍慢猶如惡鬼
伺求人過四大惡鬼亦復如是常來
伺求我之過失去何當令惡覺發起
譬如朽宅垂崩之屋我命亦尔云何
起心我名沙門沙門之人名覺善覺

我今乃起不善之覺云何當得名沙
門也我名出家出家之人名修善道
我今行惡云何當得名為出家我今
名為真婆羅門婆羅門者名修淨行
我今乃行不淨惡覺云何當得名婆
羅門我今亦名刹利大姓刹利姓者
能除怨敵我今不能除惡怨敵云何
當得名刹利姓我名比丘比丘之人
名破煩惱我今不破惡覺煩惱云何
當得名為比丘世有六處難可值遇
我今已得云何當令惡覺居心何等
為六一佛世難遇二正法難聞三怖
心難生四難生中國五難得人身六
諸根難具如是六事難得已得是故
不應起於惡覺菩薩今時修行如是
大涅槃經常勤觀察是諸惡心一切
凡夫不見如是惡心過患故受三覺
名為受漏苦菩薩見已不受不著放捨
不護依八聖道推之令去斬之令斷
是故菩薩无有受漏云何當言如來
有漏以是義故如來世尊非是有漏
復次善男子凡夫若遇身心苦惱起
種種惡若得身病若得心病令身口

意作種種惡以作惡故輪迴三趣具受諸苦何以故凡夫之人无念慧故是故生於種種諸漏是名念漏菩薩摩訶薩常自思惟我從往昔無數劫來為是身心造種種惡以是因緣流轉生死在三惡道具受衆苦遂令我遠三乘正路菩薩以是惡因緣故於已身心生大怖畏捨離衆惡趣向善道善男子譬如有王以四毒蛇盛之一箠令人瞻養餒餒飼卧起摩洗其身若令一蛇生瞋恚者我當准法戮之都市今時其人聞王切令心生惶怖捨箠逃走王時復遣五旃陀羅拔刀隨後其人迴顧見後五人遂疾捨去是時五人以惡方便截所持刀密遣一人詐為親善而語之言汝可還來其人不信投一聚落欲自隱匿既入聚中闚看諸舍都不見人執捉瓦器悉空无物既不見人求物不得即便坐地聞空中聲咄哉男子此聚空曠无有居民今夜當有六大賊來汝設遇者命將不全汝當云何而得免之今時其人恐怖遂增復捨而去路值一

河其河漂急无有舢舨以怖畏故即取種種草木為棧復更思惟我設住此當為毒地五旃陀羅一詐親者及六大賊之所危害若渡此河棧不可依當沒水死寧沒水死終不為彼地賊所害即推草機置之水中身倚其上手抱脚蹋截流而渡既達彼岸安隱无患心意泰然怖恐消除

菩薩摩訶薩得聞受持大涅槃經觀身如篋地水火風如四毒蛇見毒觸毒氣毒齧毒一切衆生遇是四毒故喪其命衆生四大亦復如是或見為惡或觸為惡或氣為惡或齧為惡以是因緣遠離衆善復次善男子菩薩摩訶薩觀四毒蛇有四種姓所謂剎利婆羅門毗舍首陀是四大蛇亦復如是是有四種性堅性濕性熱性動性是故菩薩觀是四大與四毒蛇同其種性復次善男子菩薩摩訶薩觀是四大如四毒蛇云何為觀是四毒蛇常伺人便何時當視何時當觸何時當齧何時當齧四大毒蛇亦復如是常同衆生求其短缺若為四蛇之所

殺者終不至於三惡道中若為四大之所煞害必至三惡道定无有疑是四毒蛇雖復瞻養亦欲煞人四大亦令雖常供給亦常害人造作衆惡是四毒蛇若一瞋者則能煞人四大之性亦復如是若一大發亦能害人是四毒蛇雖同一處四心各異四大毒蛇亦復如是雖同一處性各別異是四毒蛇雖復恭敬難可親近四大毒蛇亦復如是雖復恭敬亦難親近是四毒蛇若害人時或有沙門婆羅門等若以呪藥則可療治四大煞人雖有沙門婆羅門等神呪良藥則不能治如自喜人聞四毒蛇氣臭可惡則便遠離諸佛菩薩亦復如是聞四大臭即便遠離令時菩薩復更思惟四大毒蛇生大怖畏背之馳走修八聖道

五旃陀羅即是五陰去何菩薩觀於五陰如旃陀羅旃陀羅者常能令人思愛別離怨憎集會五陰亦令人貪近不善之法遠離一切純善之法復次善男子如旃陀羅種種器仗以

自莊嚴若刀若楯若弓若箭若鎧若
稍能害於人五陰亦亦以諸煩惱牢
目莊嚴害諸癡人令墮諸有善男子
如旃陀羅有過之人得便害之五陰
亦亦有諸結過常能害人以是義故
菩薩深觀五陰如旃陀羅復次菩薩
觀察五陰如旃陀羅旃陀羅人无慈
愍心怨親俱害五陰亦亦无慈愍心
善惡俱害如旃陀羅惱一切人五陰
亦亦以諸煩惱常惱一切生死衆生
是故菩薩觀於五陰如旃陀羅復次
菩薩觀察五陰如旃陀羅旃陀羅人
常懷害心五陰亦亦常懷諸結惱害
之心如人無足刀杖侍從當知必為
旃陀羅人之所煞害衆生亦亦无足
无刀無有侍從則為五陰之所賊害
足名為戒刀名為慧侍從名為善知
識也无此三事故為五陰之所賊害
是故菩薩觀於五陰如旃陀羅

復次善男子菩薩摩訶薩觀察五陰
過旃陀羅何以故衆生若為五旃陀
羅之所煞者不墮地獄為陰煞者則
墮地獄以是義故菩薩觀陰過旃陀

羅作是觀已而作願言我寧終身近
旃陀羅不能暫時近於五陰旃陀羅
者唯能害於欲界癡人是五陰賊遍
害三界凡夫衆生旃陀羅人唯能煞
戮有罪之人是五陰賊不問衆生有
罪無罪恚能害之旃陀羅人不害衰
老婦女稚小是五陰賊不問衆生老
稚婦女一切恚害是故菩薩深觀此
陰過旃陀羅是故發願寧當終身近
旃陀羅不能暫時親近五陰復次善
男子旃陀羅者唯害他人終不自害
五陰之賊自害害他過旃陀羅旃陀
羅人可以善言錢財寶貨求而得脫
五陰不令不可強以善言誘喻錢財
寶貨求而得脫旃陀羅人於四時中
不必常煞五陰不令常於念念害諸
衆生旃陀羅人唯在一處可有逃避
五陰不令遍一切處元可逃避旃陀
羅人雖復害人害已不隨五陰不令
煞衆生已隨逐不離是故菩薩寧以
終身近旃陀羅不能暫時近於五陰
有智之人以善方便得脫五陰善方
便者即八聖道六波羅蜜四無量心

以是方便而得解脫身心不為五陰所害何以故身如金剛心如虛空是故身心難可沮壞以是義故菩薩觀陰成就種種諸不善法生大怖畏修八聖道亦如彼人畏四毒蛇五旃陀羅涉路而去无所顧留

詐親善者名為貪愛菩薩摩訶薩深觀愛結如怨詐親者知實者則无能為若不能知必為所害貪愛亦尔若知其性則不能令衆生輪轉生死苦中如其不知輪迴六趣具受衆苦何以故愛之為病難捨離故如怨詐親難可遠離怨詐親者常伺人便令愛別離怨憎合會愛亦如是令人遠離一切善法近於一切不善之法以是義故菩薩摩訶薩深觀貪愛如怨詐親見不見故聞不聞故如凡夫人見生死過雖有智慧以癡覆故後還不見聲聞緣覺亦復如是雖見不見雖聞不聞何以故以愛心故所以者何見生死過不能疾至阿耨多羅三藐三菩提以是義故菩薩摩訶薩觀此愛結如怨詐親云何名為怨詐親相

如怨不實詐現實相不可親近詐現
近相實是不善詐現善相實是不愛
詐為愛相何以故常伺人便欲為害
故愛亦如是常為衆生非實詐實非
近詐近非善詐善非愛詐愛常誑一
切輪迴生死以是義故菩薩觀愛如
怨詐親怨詐親者但見身口不覩其
心是故能誑愛亦如是唯為虛誑實
不可得是故能惑一切衆生怨詐親
者有始有終易可遠離愛不如是无
始無終難可遠離怨詐親者遠則難
知近則易知愛不如是近尚難知况
復遠耶以是義故菩薩觀愛過於詐
親一切衆生以愛結故遠大涅槃近
於生死遠常樂我淨近无常苦无我
不淨是故我於處處經中說為三垢
於現在事以无明故不見過患不能
捨離愛怨詐親終不能害有智之人
是故菩薩深觀此愛生大怖畏修八
聖道猶如彼人畏四毒蛇五旃陀羅
及一詐親涉路不迴

空聚落者即是六入菩薩摩訶薩觀
內六入空無所有猶如空聚如彼怖

人既入聚已乃至不見有一居人遍捉現器不得一物菩薩亦亦諦觀六入空無所有不見衆生一物之實是故菩薩觀內六入空無所有如彼空聚善男子彼空聚落羣賊遠望終不生於虛空之想凡夫之人亦復如是於六入聚不生空想以其不能生空想故輪迴生死受无量苦善男子羣賊既至乃生空想菩薩亦亦觀此六入常生空想生空想故則不輪迴生死受苦菩薩摩訶薩於此六入常无顛倒無顛倒故是故不復輪迴生死復次善男子如有羣賊入此空聚則得安樂煩惱諸賊亦復如是入此六入則得安樂如賊住空聚心无所畏煩惱羣賊亦復如是住是六入亦無所畏如彼空聚乃是師子虎狼種種惡獸之所住處是內六入亦復如是

一切衆惡煩惱走獸之所住處是故菩薩深觀六入空無所有純是一切不善住處復次善男子菩薩摩訶薩觀內六入空無所有如彼空聚何以故虛誑不實故空无所有作有想故

實无有樂作樂想故實无有人作人想故内六入者亦復如是空无所有而作有想實无有樂而作樂想實无有人而作人想唯有智人乃能知之時有人或時無人六入不尔一向無人何以故性常空故智者所知非是眼見是故菩薩觀内六入多諸怨害修八聖道不休不息猶如彼人畏四毒蛇五旃陀羅一詐親善及六大賊怖著正路

六大賊者即外六塵菩薩摩訶薩觀此六塵如六大賊何以故能劫一切諸善法故如六大賊能劫一切人民財寶是六塵賊亦復如是能劫一切衆生善財如六大賊若入人舍則能劫奪現家所有不擇好惡令巨富者忽尔貧窮是六塵賊亦復如是若入人根則能劫奪一切善法善法既盡貧窮孤露作一闍提是故菩薩諦觀六塵如六大賊復次善男子如六大賊欲劫人時要因内人若無内人則便中還是六塵賊亦復如是欲劫善

法要因內有衆生知見常樂我淨不
空等相若內无有如是等相六塵惡
賊則不能劫一切善法有智之人內
無是相凡夫則有是故六塵常來侵
奪善法之財不善護故為其所劫護
者名慧有智之人能善防護故不被
劫是故菩薩觀是六塵如六大賊等
無差別復次善男子如六大賊能為
人民身心苦惱是六塵賊亦復如是
常為衆生身心苦惱六大賊者唯能
劫人現在財物是六塵賊常劫衆生
三世善財六大賊者夜則歡樂六塵
惡賊亦復如是處无明闇則得歡樂
是六大賊唯有諸王乃能遮止六塵
惡賊亦復如是唯佛菩薩乃能遮止
是六大賊凡欲劫奪不擇端正種姓
聰哲多聞博學豪貴貧賤六塵惡賊
亦復如是欲劫善法不擇端正乃至
貧賤是六大賊雖有諸王截其手足
猶故不能令其心息六塵惡賊亦復
如是雖須陀洹斯陀含阿那含截其
手足亦不能令不劫善法如勇健人
乃能摧伏是六大賊諸佛菩薩亦復

如是乃能摧伏六塵惡賊譬如有人
多諸種族宗黨熾盛則不為彼六賊
所劫衆生亦亦有善知識不為六塵
惡賊所劫是六大賊若見人物則能
偷劫六塵不尔若見若知若聞若嗅
若觸若覺皆悉能劫六大賊者唯能
劫奪欲界人財不能劫奪色無色界
六塵惡賊則不如是能劫三界一切
善寶是故菩薩諦觀六塵過彼六賊
作是觀已修八聖道直往不迴如彼
怖人畏四毒蛇五旃陀羅一詐親者
及六大賊捨空聚落涉路而去

路值一河者即是煩惱云何菩薩觀
此煩惱猶如大河如彼駛河能漂香
魚煩惱駛河亦復如是能漂緣覺是
故菩薩深觀煩惱猶如駛河深難得
底故名為河邊不可得故名為大其
中多有種種惡魚煩惱大河亦復如
是唯佛菩薩能得底故故名極深唯
佛菩薩得其邊故故名廣大常言一
切癡衆生故故名惡魚是故菩薩觀
此煩惱猶如大河河水能長一
切草木叢林煩惱大河亦復如是能

長衆生二十五有是故菩薩觀此煩惱猶如大河譬如有人墮大河水無有慚愧衆生亦亦墮煩惱河无有慚愧如墮河者未得其底即便命終墮煩惱河亦復如是未盡其底周迴輪轉二十五有所言底者名為空相若有不修如是空相當知是人不得出離二十五有一切衆生不能善修空無相故常為煩惱駛河所漂如彼大河唯能壞身不能漂沒一切善法煩惱大河則不如是能壞一切身心善法彼大暴河唯能漂沒欲界中人煩惱大河乃能漂沒三界人天世間大河手抱腳踏則到彼岸煩惱大河唯有菩薩因六波羅蜜乃能得渡如大河水難可得渡煩惱大河亦復如是難可得渡云何名為難可得渡乃至十住諸大菩薩猶故未能畢竟得渡唯有諸佛乃畢竟渡是故名為難可得渡譬如有人為河所漂不能修習毫釐善法衆生亦亦為煩惱河所漂沒者亦復不能修習善法如人墮河為水所漂餘有力者則能拔濟墮煩

惱河為一闍提聲聞緣覺乃至諸佛不能拔濟世間大河劫盡之時七日並照能令枯涸煩惱大河則不如是聲聞緣覺雖修七覺猶不能乾是故菩薩觀諸煩惱猶如暴河

譬如彼人畏四毒蛇三旃陀羅一詐親善及六大賊捨空聚落隨路而去既至河上取草為筏者菩薩亦亦畏四大蛇五陰旃陀羅愛詐親善六入空聚六塵惡賊至煩惱河修戒定慧解脫解脫知見六波羅蜜三十七品以為船筏依乘此筏渡煩惱河到於彼岸常樂涅槃菩薩修行大涅槃者作是思惟我若不能忍受如是身苦心苦則不能令一切衆生渡煩惱河以是思惟雖有如是身心苦惱默然忍受以忍受故則不生漏如是菩薩尚无諸漏况佛如來而當有漏是故諸佛不名有漏云何如來非無漏也如來常行有漏中故有漏即是二十五有是故聲聞凡夫之人言佛有漏諸佛如來真實无漏善男子以是因緣諸佛如來無有定相善男子是故

犯四重禁謗方等經及一闡提志皆不定

今時光明遍照高貴德王菩薩摩訶薩言如是如是誠如聖教一切諸法皆志不定以不定故當知如來亦不畢竟入於涅槃如佛先說菩薩摩訶薩修大涅槃聞不聞中有涅槃大涅槃云何涅槃云何大涅槃

今時佛讚光明遍照高貴德王菩薩摩訶薩言善哉善哉善男子若有善男子如世人言有海大海有河大河有山大山有地大地有城大城有衆生大衆生有王大王有人大人有天天中天有道大道涅槃亦亦有涅槃有大涅槃云何涅槃善男子如人飢餓得少飯食名為安樂如是安樂亦名涅槃如病得差則名安樂如是安樂亦名涅槃如人怖畏得歸依處則得安樂如是安樂亦名涅槃如貧窮人獲七寶物則得安樂如是安樂亦名涅槃如人觀骨不起貪欲則得安樂如是安樂亦名涅槃如是涅槃不

得名為大涅槃也何以故以飢渴故
病故怖故貧故生貪著故是名涅槃
非大涅槃善男子若凡夫人及以聲
聞或因世俗或因聖道斷欲界結則
得安樂如是安樂亦名涅槃不得名
為大涅槃也能斷初禪乃至能斷非
想非非想處結則得安樂如是安樂
亦名涅槃不得名為大涅槃也何以
故還生煩惱有習氣故云何名為煩
惱習氣聲聞緣覺有煩惱氣所謂我
身我衣我去我来我說我聽諸佛如
來入於涅槃涅槃之性无我無樂唯
有常淨是則名為煩惱習氣佛法眾
僧有差別相如来畢竟入於涅槃聲
聞緣覺諸佛如来所得涅槃等无差
別以是義故二乘所得非大涅槃何
以故无常樂我淨故常樂我淨乃得
名為大涅槃也善男子譬如有處能
受眾水名為大海隨有聲聞緣覺善
薩諸佛如来所入之處名大涅槃四
禪三三昧八背捨八勝處十一切處
隨能攝取如是无量諸善法者名大
涅槃

善男子譬如有河第一香鳥不能得底則名為大聲聞緣覺至十住菩薩不見佛性名為涅槃非大涅槃若能了了見於佛性則得名為大涅槃也是大涅槃唯大魚王能盡其底大魚王者謂諸佛也善男子若摩訶那伽及鉢建陀大力士等經歷多時所不能上乃名大山聲聞緣覺及諸菩薩摩訶那伽大力士等所不能見如是乃名大涅槃也復次善男子隨有小王之所住處名為小城轉輪聖王所住之處乃名大城聲聞緣覺八万六万四万二万一万住處名為涅槃無上法主聖王住處乃得名為大般涅槃以是故名大般涅槃善男子譬如有人見四種兵不生怖畏當知是人名大衆生若有衆生於三惡道煩惱惡業不生怖畏而能於中廣度衆生當知是人得大涅槃若有人能供養父母恭敬沙門及婆羅門修治善法所言誠實无有欺誑能忍諸惡惠施貧乏名大丈夫菩薩亦尔有大慈悲憐愍一切於諸衆生猶如父母能度

衆生於生死河普示衆生一實之道
是則名為大般涅槃善男子大名不
可思議若不可思議一切衆生所不
能信是則名為大般涅槃唯佛菩薩
之所見故名大涅槃以何因緣復名
為大以無量因緣然後乃得故名為
大善男子如世間人以多因緣之所
得者則名為大涅槃亦余以多因緣
之所得故故名為大云何復名為大
涅槃有大我故名大涅槃涅槃無我
大自在故名為大我云何名為大自
在耶有八自在則名為我何等為八
一者能示一身以為多身身數大小
猶如微塵充滿十方无量世界如來
之身實非微塵以自在故現微塵身
如是自在則為大我
二者示一塵身滿於三千大千世界
如來之身實不滿於三千大千世界
何以故以無尋故直以自在故滿於
三千大千世界如是自在名為大我
三者能以滿此三千大千世界之身
輕舉飛空過於二十恒河沙等諸佛
世界而无障碍如來之身實無輕重

以自在故能為輕重如是自在名為
大我

四者以自在故而得自在云何自在
如來一心安住不動所可示化無量
形類各令有心如來有時或造一事
而令衆生各各成辦如來之身常住
一土而令他土一切悉見如是自在
名為大我

五者根自在故云何名為根自在耶
如來一根亦能見色聞聲嗅香別味
覺觸知法如來六根亦不見色聞聲
嗅香別味覺觸知法以自在故令根
自在如是自在名為大我

六者以自在故得一切法如來之心
亦無得想何以故無所得故若是有
者可名為得實无所有云何名得若
使如來計有得想是則諸佛不得涅
槃以無得故名得涅槃以自在故得
一切法得諸法故名為大我

七者說自在故如來演說一偈之義
經无量劫義亦不盡所謂若戒若定
若施若慧如來今時都不生念我說
彼聽亦復不生一偈之想世間之人

以四句為偈隨世俗故說名為偈一切法性亦無有說以自在故如來演說以演說故名為大我

八者如來遍滿一切諸處猶如虛空虛空之性不可得見如來亦尔實不可見以自在故令一切見如是自在名為大我如是大我名大涅槃以是義故名大涅槃

復次善男子譬如寶藏多諸珍異百種具足故名大藏諸佛如來甚深奧藏亦復如是多諸奇異具足无缺名大涅槃復次善男子無邊之物乃名為大涅槃無邊是故名大

復次善男子有大樂故名大涅槃涅槃无樂以四樂故名大涅槃何等為四一者斷諸樂故不斷樂者則名為苦若有苦者不名大樂以斷樂故则无有苦無苦無樂乃名大樂涅槃之性無苦无樂是故涅槃名為大樂以是義故名大涅槃復次善男子樂有二種一者凡夫二者諸佛凡夫之樂無常敗壞是故无樂諸佛常樂无有變異故名大樂復次善男子有一種

受一者苦受二者樂受三者不苦不樂受不苦不樂是亦為苦涅槃雖同不苦不樂然名大樂以大樂故名大涅槃

二者大寂靜故名為大樂涅槃之性是大寂靜何以故遠離一切憤鬧法故以大寂故名大涅槃

三者一切知故名為大樂非一切知不名大樂諸佛如來一切知故名為大樂以大樂故名大涅槃

四者身不壞故名為大樂身若可壞則不名樂如來之身金剛無壞非煩惱身無常之身故名大樂以大樂故名大涅槃

善男子世間名字或有因緣或无因緣有因緣者如舍利弗母名舍利因母立字故名舍利弗如摩訶羅道人生摩訶羅國因國立名故名摩訶羅道人如目犍連目犍連者即是姓也因姓立名故名目犍連如我生於瞿曇種姓因姓立名稱為瞿曇如毗舍佉道人毗舍佉者即是星名因星為名名毗舍佉如有六指因六指故名

六指人如佛奴天奴因佛因天故名
佛奴天奴因濕生故故名濕生如因
聲故名為迦迦羅名究究羅咀羅
如是等名是因緣名无因緣者如蓮
花地水火風虛空如曇陀婆一名二
實一名殿堂二名飲漿堂不飲漿亦
復得名為曇陀婆如薩婆車多名為
地蓋實非地蓋是名无因強立名字
如垢羅婆夷名為食油實不食油強
為立名名為食油是名无因強立名
字善男子是大涅槃亦復如是无有
因緣強為立名善男子譬如虛空不
因小空名為大空也涅槃亦尔不因
小相名大涅槃善男子譬如法不
可稱量不可思議故名為大涅槃亦
尔不可稱量不可思議故得名為大
般涅槃以純淨故名大涅槃云何純
淨淨有四種何等為四一者二十五
有名為不淨能永斷故得名為淨淨
即涅槃如是涅槃亦得名有而是涅
槃實非是有諸佛如來隨世俗故說
涅槃有譬如世人非父言父非母言
母實非父母而言父母涅槃亦尔隨

世俗故說言諸佛有大涅槃二者業
清淨故一切凡夫業不清淨故无涅
槃諸佛如來業清淨故故名大淨以
大淨故名大涅槃三者身清淨故身
若无常則名不淨如來身常故名大
淨以大淨故名大涅槃四者心清淨
故心若有漏名曰不淨佛心无漏故
名大淨以大淨故名大涅槃善男子
是名善男子善女人修行如是大涅
槃經具足成就初分功德

大般涅槃經卷第二十三

壬寅歲高麗國大藏都監奉

勅彫造

大般涅槃經卷第二十四

壹

北涼天竺三藏曇無讖譯

光明遍照高貴德王菩薩品第十四

復次善男子云何菩薩摩訶薩修大涅槃成就具足第二功德善男子菩薩摩訶薩修大涅槃昔所不得而今得之昔所不見而今見之昔所不聞而今聞之昔所不到而今得到昔所不知而今知之云何名為昔所不得而今得之所謂神通昔所不得而今乃得通有二種一者內二者外所言外者與外道共內復有二一者二乘二者菩薩菩薩修行大涅槃經所得神通不與聲聞辟支佛共云何名為不與聲聞辟支佛共二乘所作神通變化一心作一不得眾多菩薩不介於一心中則能具足現五趣身所以者何以得如是大涅槃經之勢力故是則名為昔所不得而今得之又復云何昔所不得而今得之所謂身得自在心得自在何以故一切凡夫所有身心不得自在或心隨身或身

隨心

云何名為心隨於身譬如醉人酒在身中尔時身動心亦隨動亦如身懶心亦隨懶是則名為心隨於身又如嬰兒其身稚小心亦隨小大人身大心亦隨大又如有人身體羸瘠心常思念欲得膏油潤漬令軟是則名為心隨於身

云何名為身隨於心所謂去來坐卧修行施戒忍辱精進愁惱之人身則羸頓歡喜之人身則肥鮮恐怖之人身體戰動專心聽法身則怡悅悲泣之人涕淚橫流是則名為身隨於心菩薩不尔於身心中俱得自在是則名為昔所不得而今得之

復次善男子菩薩摩訶薩所現身相猶如微塵以此微身悉能遍至无量无邊恒河沙等諸佛世界无所障碍而心常定初不移動是則名為心不隨身

是亦名為昔所不到而今能到何以復名昔所不到而今能到一切聲聞辟支佛等所不能到菩薩能到是故

名為昔所不到而今能到一切聲聞
辟支佛等雖以神通不能變身如細
微塵遍至无量恒河沙等諸佛世界
聲聞緣覺身若動時心亦隨動菩薩
不尔心雖不動身无不至是名菩薩
心不隨身復次善男子菩薩化身猶
如三千大千世界以此大身入一塵
身其心尔時亦不隨小聲聞緣覺雖
能化身令如三千大千世界而不能
以如此大身入微塵身於此事中尚
自不能况能令心而不隨動是名菩
薩心不隨身復次善男子菩薩摩訶
薩以一音聲能令三千大千世界衆
生悉聞心終不念令是音聲遍諸世
界使諸衆生昔所不聞而今得聞而
是菩薩亦初不言我令衆生昔所不
聞而今得聞菩薩若言因我說法令
諸衆生不聞聞者當知是人終不能
得阿耨多羅三藐三菩提何以故衆
生不聞我為說者如此之心是生死
心一切菩薩是心已盡以是義故菩
薩摩訶薩所有身心不相隨逐善男
子一切凡夫身心相隨菩薩不尔為

化衆生故雖現身小心亦不小何以
故諸菩薩等所有心性常廣大故雖
現大身心亦不大云何大身身如三
千大千世界云何小心行嬰兒行以
是義故心不隨身菩薩摩訶薩已於
无量阿僧祇劫遠酒不飲而心亦動
心无悲苦身亦流淚實无恐怖身亦
戰慄以是義故當知菩薩身心自在
不相隨逐菩薩摩訶薩唯現一身而
諸衆生各各見異

復次善男子云何菩薩摩訶薩修大
涅槃昔所不聞而今得聞菩薩摩訶
薩先取聲相所謂為聲馬聲車聲人
聲貝聲鼓聲簫笛等聲歌聲哭聲而
修習之以修習故能聞無量三千大
千世界所有地獄音聲復轉修習得
異耳根異於聲聞緣覺天耳何以故
二乘所得清淨耳通若依初禪淨妙
四大唯聞初禪不聞二禪乃至四禪
亦復如是雖可一時得聞三千大千
世界所有音聲而不能聞无量无边
恒河沙等世界音聲以是義故菩薩
所得異於聲聞緣覺耳根以是異故

昔所不聞而今得聞雖聞音聲而心
初無聞聲之相不作有相常相樂相
我相淨相主相依相作相因相定相
果相以是義故諸菩薩等昔所不聞
而今得聞

尔時光明遍照高貴德王菩薩摩訶
薩言若佛所說不作定相不作果相
是義不然何以故如来先說若人聞
是大涅槃經一句一字必定得成阿
耨多羅三藐三菩提如来於今云何
復言无定無果若得阿耨多羅三藐
三菩提即是定相即是果相云何而
言无定無果聞惡聲故則生惡心生
惡心故則至三塗若至三塗則是定
果云何而言无定無果

尔時如来讚言善哉善哉善男子能
作是問若使諸佛說諸音聲有定果
相者則非諸佛世尊之相是魔王相
生死之相遠涅槃相何以故一切諸
佛凡所演說無定果相善男子譬如
刀中見人面像豎則見長橫則見闊
若有定相云何而得豎則見長橫則
見闊以是義故諸佛世尊凡所演說

無定果相善男子夫涅槃者實非聲
果若使涅槃是聲果者當知涅槃非
是常法善男子譬如世間從因生法
有因則有果无因則無果因无常故
果亦无常所以者何因亦作果果亦
作因以是義故一切諸法无有定相
若使涅槃從因生者因无常故果亦
無常而是涅槃不從因生體非是果
是故為常善男子以是義故涅槃之
體无定無果善男子夫涅槃者亦可
言定亦可言果云何為定一切諸佛
所有涅槃常樂我淨是故為定无生
老壞是故為定一闍提等犯四重禁
誹謗方等作五逆罪捨除本心必定
得故是故為定

善男子如汝所言若人聞我說大涅
槃一字一句得阿耨多羅三藐三菩
提者汝於是義猶未了了汝當諦聽
吾當為汝更分別之善男子若有善
男子善女人聞大涅槃一字一句不
作字相不作句相不作聞相不作佛
相不作說相如是義者名无相相以
無相相故得阿耨多羅三藐三菩提

善男子如汝所言聞惡聲故到三塗者是我不然何以故非以惡聲而至三塗當知是果乃是惡心所以者何有善男子善女人等雖聞惡聲心不生惡是故當知非因惡聲生三塗中而諸衆生因煩惱結惡心滋多生三惡趣非因惡聲若聲有定相諸有聞者一切志應生於惡心或有生者有不生者是故當知聲无定相以无定故雖復因之不生惡心世尊聲若无定云何菩薩昔所不聞而今得聞善男子聲無定相昔所不聞今諸菩薩而今得聞以是我故我作是說昔所不聞而今得聞善男子云何昔所不見而今得見善男子菩薩摩訶薩修大涅槃微妙經典先取明相所謂日月星宿熒熒燈燭珠火之明藥草等光以修習故得異眼根異於聲聞緣覺所得云何為異二乘所得清淨天眼若依欲界四大眼根不見初禪若依初禪不見上地乃至自眼猶不能見若欲多見極至三千大千世界菩薩摩訶薩不脩天眼見妙色身志是

骨相雖見他方恒河沙等世界色相
不作色相不作常相有相物相名字
等相作因緣相不作見相不言是眼
微妙淨相唯見因緣非因緣相云何
因緣色是眼緣若使是色非因緣者
一切凡夫不應生於見色之相以是
義故色名因緣非因緣者菩薩摩訶
薩雖復見之不生色相是故非緣以
是義故菩薩所得清淨天眼異於聲
聞緣覺所得以是異故一時遍見十
方世界現在諸佛是名菩薩昔所不
見而今得見以是異故能見微塵聲
聞緣覺所不能見以是異故雖見自
眼初无見相見无常相見凡夫身三
十六物不淨充滿如於掌中觀阿摩
勒果以是義故昔所不見而今得見
若見衆生所有色相則知其人大小
乘根一觸衣故亦知是人善惡諸根
差別之相以是義故昔所不知而今
得知以一見故昔所不知而今得知
以此知故昔所不見而今得見復次
善男子云何菩薩昔所不知而今得
知菩薩摩訶薩雖知凡夫貪恚癡心

初不作心及心數相不作衆生及以物相修第一義畢竟空相何以故一切菩薩常善修習空性相故以修空故昔所不知而今得知云何為知知無有我無有所知諸衆生皆有佛性以佛性故一聞提等捨離本心志當得成阿耨多羅三藐三菩提如此皆是聲聞緣覺所不能知菩薩能知以是義故昔所不知而今得知復次善男子云何昔所不知而今得知菩薩摩訶薩修大涅槃微妙經典念過去世一切衆生所生種姓父母兄弟妻子眷屬知識怨憎於一念中得殊異智異於聲聞緣覺智慧云何為異聲聞緣覺所有智慧念過去世所有衆生種姓父母乃至怨憎而作種姓至怨憎相菩薩不尔雖念過去種姓父母乃至怨憎終不生於種姓父母怨憎等相常作法相空寂之相是名菩薩昔所不知而今得知復次善男子云何昔所不知而今得知菩薩摩訶薩修大涅槃微妙經典得他心智異於聲聞緣覺所得云何為異聲聞

緣覺以一念智知人心時則不能知
地獄畜生餓鬼天心菩薩不念於一
念中遍知六趣衆生之心是名菩薩
昔所不知而今得知復次善男子復
有異知菩薩摩訶薩於一心中知須
陀洹初心次第至十六心以是義故
昔所不知而今得知是為菩薩修大
涅槃具足成就第二功德

復次善男子云何菩薩摩訶薩修大
涅槃成就具足第三功德善男子菩
薩摩訶薩修大涅槃捨慈得慈得慈
之時不從因緣云何名為捨慈得慈
善男子慈名世諦菩薩摩訶薩捨世
諦慈得第一義慈第一義慈不從緣
得復次云何捨慈得慈慈若可捨名
凡夫慈慈若可得即名菩薩无緣之
慈捨一闡提慈犯四重禁慈謗方等
慈作五逆慈得憐愍慈得如來慈世
尊之慈无因緣慈云何復名捨慈得
慈捨黃門慈无根二根女人之慈屠
脍獵師畜養鷄猪如是等慈亦捨聲
聞緣覺之慈得諸菩薩无緣之慈不
見目慈不見他慈不見持戒不見破

戒雖自見悲不見衆生雖有苦受不見受者何以故以修第一真實義故是名菩薩修大涅槃成就具足第三功德

復次善男子云何菩薩摩訶薩修大涅槃成就具足第四功德善男子菩薩摩訶薩修大涅槃成就具足第四功德有十事何等為十一者根深難可傾拔二者自身生決定想三者不觀福田及非福田四者修淨佛土五者滅除有餘六者斷除業緣七者修清淨身八者了知諸緣九者離諸怨敵十者斷除二邊云何根深難可傾拔所言根者名不放逸不放逸者為是何根所謂阿耨多羅三藐三菩提根善男子一切諸佛諸善根本皆不放逸不放逸故諸餘善根轉轉增長以能增長諸善根故於諸善中取為殊勝善男子如諸跡中鳥跡為上不放逸法亦復如是於諸善法取為殊勝善男子如諸明中日光為取不放逸法亦復如是於諸善法取為殊勝善男子如諸王中轉輪聖王為取第

一不放逸法亦復如是於諸善法為
寢第一善男子如諸流中四河為寢
不放逸法亦復如是於諸善法為上
為寢善男子如諸山中須弥山王為
寢第一不放逸法亦復如是於諸善
法為寢第一善男子如水生花中青
蓮花為寢不放逸法亦復如是於諸
善法為寢為上善男子如陸生花中
婆利師花為寢為上不放逸法亦復
如是於諸善法為寢為上善男子如
諸獸中師子為寢不放逸法亦復如
是於諸善法為寢為上善男子如飛
鳥中金翅鳥王為寢為上不放逸法
亦復如是於諸善法為寢為上

善男子如大身中羅睺阿修羅王為
寢為上不放逸法亦復如是於諸善
法為寢為上善男子如一切衆生若
二足四足多足無足中如來為寢不
放逸法亦復如是於善法中為寢為
上善男子如諸衆中佛僧為上不放
逸法亦復如是於善法中為寢為上
善男子如佛法中大涅槃法為寢為
上不放逸法亦復如是於諸善法為

取為上善男子以是義故不放逸根
深固難拔云何不放逸故而得增長
所謂信根戒根施根慧根忍根聞根
進根念根定根善知識根如是諸根
不放逸故而得增長以增長故深固
難拔以是義故名為菩薩摩訶薩修
大涅槃根深難拔

云何於身作決定想於自身所生決
定心我今此身於未來世定當為阿
耨多羅三藐三菩提器心亦如是不
作狹小不作變易不作聲聞辟支佛
心不作魔心及自樂心樂生死心常
為衆生求慈悲心是名菩薩於自身
中生決定心我於來世當為阿耨多
羅三藐三菩提器以是義故菩薩摩
訶薩修大涅槃於自身中生決定想
云何菩薩不觀福田及非福田云何
福田外道持戒上至諸佛是名福田
若有念言如是等輩是真福田當知
是心則為狹劣菩薩摩訶薩念觀一
切无量衆生无非福田何以故以善
修習異念處故有異念處善修習者
觀諸衆生无有持戒及以毀戒常觀

諸佛世尊所說施雖四種俱得清淨
報何等為四一者施主清淨受者不
淨二者施主不淨受者清淨三者施
受俱淨四者施受二俱不淨

云何施淨受者不淨施主具有戒聞
智慧知有慧施及以果報受者破戒
專著邪見无施果報是名施淨受者
不淨

云何名為受者清淨施主不淨施主
破戒專著邪見言无慧施及以果報
受者持戒多聞智慧知有惠施及施
果報是名施主不淨受者清淨

云何名為施受俱淨施者受者俱有
持戒多聞智慧知有惠施及施果報
是名施受二俱清淨

云何名為一俱不淨施者受者破戒
邪見言无有施及施果報若如是者
云何復言得淨果報以无施無報故
名為淨善男子若有不見施及施報
當知是人不知破戒專著邪見若依
聲聞言不見施及施果報是則名為
破戒邪見若依如是大涅槃經不見
惠施及施果報是則名為持戒正見

菩薩摩訶薩有異念處以修習故不見衆生持戒破戒施者受者及施果報是故得名持戒正見以是義故菩薩摩訶薩不觀福田及非福田

云何名為淨佛國土菩薩摩訶薩修大涅槃微妙經典為阿耨多羅三藐三菩提度衆生故離煞害心以此善根願與一切衆生共之願諸衆生得壽命長有大勢力獲大神通以是擔願因緣力故於未來世成佛之時國土所有一切衆生得壽命長有大勢力獲大神通

復次善男子菩薩摩訶薩修大涅槃微妙經典為阿耨多羅三藐三菩提度衆生故離偷盜心以此善根願與一切衆生共之願諸佛國土地所有純是七寶衆生富足所欲自恣以此擔願因緣力故於未來世成佛之時所得國土純是七寶衆生富足所欲自恣

復次善男子菩薩摩訶薩修大涅槃微妙經典為阿耨多羅三藐三菩提度衆生故離婬欲心以此善根願與

一切衆生共之願諸佛土所有衆生
無有貪欲瞋恚癡心亦无飢渴苦惱
之者以是誓願因緣力故於未來世
成佛之時國土衆生遠離貪瞋恚
癡心一切無有飢渴苦惱

復次善男子菩薩摩訶薩修大涅槃
微妙經典為阿耨多羅三藐三菩提
度衆生故離妄語心以此善根願與
一切衆生共之願諸佛土常有花樹
果樹香樹所有衆生得妙音聲以是
誓願因緣力故於未來世成佛之時
所有國土常有花樹果樹香樹其中
衆生悉得清淨上妙音聲

復次善男子菩薩摩訶薩修大涅槃
微妙經典為阿耨多羅三藐三菩提
度衆生故遠離兩舌以此善根願與
一切衆生共之願諸佛土所有衆生
常共和合講說正法以是誓願因緣
力故成佛之時國土所有一切衆生
悉共和合講論法要

復次善男子菩薩摩訶薩修大涅槃
微妙經典為阿耨多羅三藐三菩提
度衆生故遠離惡口以此善根願與

一切衆生共之願諸佛土地平如掌
無有沙礫瓦石之屬荊棘惡刺所有
衆生其心平等以是捨願因緣力故
於未來世成佛之時所有國土地平
如掌无有沙礫荊棘惡刺所有衆生
其心平等

復次善男子菩薩摩訶薩修大涅槃
微妙經典為阿耨多羅三藐三菩提
度衆生故離无義語以此善根願與
一切衆生共之願諸佛土所有衆生
无有苦惱以是捨願因緣力故於未
來世成佛之時國土所有一切衆生
無有苦惱

復次善男子菩薩摩訶薩修大涅槃
微妙經典為阿耨多羅三藐三菩提
度衆生故遠離貪嫉以此善根願與
一切衆生共之願諸佛土一切衆生
无有貪嫉惱害邪見以此捨願因緣
力故於未來世成佛之時國土所有
一切衆生志無貪嫉惱害邪見

復次善男子菩薩摩訶薩修大涅槃
微妙經典為阿耨多羅三藐三菩提
度衆生故遠離惱害以此善根願與

一切衆生共之願諸佛土所有衆生
悉共修習大慈大悲得一子地以是
捨願因緣力故於未來世成佛之時
世界所有一切衆生悉共修習大慈
大悲得一子地

復次善男子菩薩摩訶薩修大涅槃
微妙經典為阿耨多羅三藐三菩提
度衆生故遠離邪見以此善根願與
一切衆生共之願諸佛土所有衆生
悉得摩訶般若波羅蜜以是捨願因
緣力故於未來世成佛之時世界衆
生悉得受持摩訶般若波羅蜜是名
菩薩修淨佛土

云何菩薩摩訶薩滅除有餘有餘有
三二者煩惱餘報二者餘業三者餘有
善男子云何名為煩惱餘報若有衆
生習近貪欲是報熟故墮於地獄從
地獄出受畜生身所謂鵠雀鴛鴦鸚
鵡耆耆婆耆婆舍利伽鳥青雀魚鱉獼
猴麀鹿若得人身受黃門形女人二
根无根姪女若得出家犯初重戒是
名餘報

復次善男子若有衆生以殷重心習

近瞋恚是報熟故墮於地獄從地獄出受畜生身所謂毒蛇具四種毒見毒觸毒齧毒飲毒師子虎狼熊羆貓狸鷹鷂之屬若得人身具足十六諸惡律儀若得出家犯第二重戒是名餘報

復次善男子若有修習愚癡之人是報熟時墮於地獄從地獄出受畜生身所謂爲猪牛羊水牛蚕虱蚤蠹蟻子等形若得人身瞽盲瘖啞瘡殘背瘦諸根不具不能受法若得出家諸根闇鈍意犯重戒乃至五錢是名餘報復次善男子若有修習憍慢之人是報熟時墮於地獄從地獄出受畜生身所謂糞虫駝驢犬馬若生人中受奴婢身貧窮乞食或得出家常爲衆生之所輕賤破第四戒是名餘報如是等名煩惱餘報如是餘報菩薩摩訶薩以能修習大涅槃故恚得除滅云何餘業謂一切凡夫業一切聲聞業須陀洹人受七有業斯陀含人受二有業阿那含人受色有業是名餘業如是餘業菩薩摩訶薩以能修習

大涅槃故志得斷除

云何餘有阿羅漢得阿羅漢果辟支佛得辟支佛果无業无結而轉二果是名餘有如是三種有餘之法菩薩摩訶薩修習大乘大涅槃經故得滅除是名菩薩摩訶薩滅除有餘

云何菩薩修清淨身菩薩摩訶薩修不煞戒有五種心謂下中上中上上乃至正見亦復如是是五十心名初發心具足決定成五十心是名滿足如是百心名百福德具足百福成於一相如是展轉具足成就三十二相名清淨身所以復修八十種好世有衆生事八十神何等八十十二日十二大天五大星北斗馬天行道天婆羅墮跋闍天功德天二十八宿地天風天水天火天梵天樓陀天因提天拘摩羅天八臂天摩醯首羅天半闍羅天鬼子母天四天王天造書天婆藪天是名八十為此衆生修八十好以自在嚴是名菩薩清淨之身何以故是八十天一切衆生之所信伏是故菩薩修八十好其身不動令彼

衆生隨其所信各各而見見已宗敬
各發阿耨多羅三藐三菩提心以是
義故菩薩摩訶薩修於淨身善男子
譬如有人欲請大王要當莊嚴所有
舍宅極令清淨辦具種種百味餽饍
然後王當就其所請菩薩摩訶薩亦
復如是欲請阿耨多羅三藐三菩提
法輪王故先當修身極令清淨无上
法王乃當處之以是義故菩薩摩訶
薩要當修於清淨之身善男子譬如
有人欲服甘露先當淨身菩薩摩訶
薩亦復如是欲服無上甘露法味般
若波羅蜜要當先以八十種好清淨
其身善男子譬如妙好金銀盃器盛
之淨水中表俱淨菩薩摩訶薩其身
清淨亦復如是盛阿耨多羅三藐三
菩提水中表俱淨善男子如波羅櫟
素白之衣易受染色何以故性白淨
故菩薩摩訶薩亦復如是以身淨故
疾得阿耨多羅三藐三菩提以是義
故菩薩摩訶薩修於淨身云何菩薩
摩訶薩善知諸緣菩薩摩訶薩不見
色相不見色緣不見色體不見色生

不見色滅不見一相不見異相不見見者不見相貌不見受者何以故了因緣故如色一切法亦如是是名菩薩了知諸緣

云何菩薩離諸怨敵一切煩惱是菩薩怨敵菩薩摩訶薩常遠離故是名菩薩壞諸怨敵五住菩薩視諸煩惱不名為怨所以者何因煩惱故菩薩有生以有生故故能展轉教化衆生以是義故不名為怨何等為怨所謂誹謗方等經者菩薩隨生不畏地獄畜生餓鬼唯畏如是謗方等者一切菩薩有八種魔名為怨家遠是八魔名離怨家是名菩薩離諸怨家

云何菩薩遠離二邊言二邊者謂二十五有及愛煩惱是名菩薩遠離二邊是名菩薩摩訶薩修大涅槃具足成就第四功德

今時光明遍照高貴德王菩薩摩訶薩言如佛所說若有菩薩修大涅槃悉作如是十事功德如來何故唯修九事不修淨土

佛言善男子我於往昔亦常見修如是十事一切菩薩及諸如來无有不修是十事者若使世界不淨充滿諸佛世尊於中出者无有是處善男子汝今莫謂諸佛出於不淨世界當知是心不善狹劣汝今當知我實不出閻浮提界譬如有人說言此界獨有日月他方世界无有日月如是之言无有義理若有菩薩發如是言此佛世界穢惡不淨他方佛土清淨嚴麗亦復如是善男子西方去此娑婆世界度三十二恒河沙等諸佛國土彼有世界名曰無勝彼土何故名曰無勝其土所有嚴麗之事皆悉平等无有差別猶如西方安樂世界亦如東方滿月世界我於彼土出現於世為化衆生故於此界閻浮提中現轉法輪非但我身獨於此中現轉法輪一切諸佛亦於此中而轉法輪以是義故諸佛世尊非不修行如是十事善男子慈氏菩薩以捨願故當來之世今此世界清淨莊嚴以是義故一切諸佛所有世界无不嚴淨

復次善男子云何菩薩摩訶薩修大
涅槃微妙經典具足成就第五功德
善男子菩薩摩訶薩修大涅槃具足
成就第五功德有五事何等為五一
者諸根完具二者不生邊地三者諸
天愛念四者常為天魔沙門刹利婆
羅門等之所恭敬五者得宿命智菩
薩以是大涅槃經因緣力故具足如
是五事功德

光明遍照高貴德王菩薩言如佛所
說若有善男子善女人修於布施則
得具成五事功德今云何言因大涅
槃得是五事
佛言善哉善哉善男子如是之事其
義各異今當為汝分別解說施得五
事不定不常不淨不勝不異非元漏
不能利益安樂憐愍一切衆生若依
如是大涅槃經所得五事是定是常
是淨是勝是異是无漏則能利益安
樂憐愍一切衆生善男子夫布施者
則離飢渴大涅槃經能令衆生悉得
遠離二十五有渴愛之病布施因緣
令生死相續大涅槃經能令生死斷

不相續因布施故受凡夫法因大涅槃得作菩薩布施因緣能斷一切貧窮苦惱大涅槃經能斷一切貧善法者布施因緣有分有果因大涅槃得阿耨多羅三藐三菩提元分無果是名菩薩摩訶薩修大涅槃微妙經典具足成就第五功德

善男子云何菩薩修大涅槃微妙經典具足成就第六功德菩薩摩訶薩修大涅槃得金剛三昧安住是中不能破散一切諸法見一切法皆是元常皆是動相恐怖因緣病苦劫盜念念滅壞无有真實一切皆是魔之境界无可見相菩薩摩訶薩住是三昧雖施衆生乃至不見一衆生實為衆生故精勤修習尸波羅蜜乃至修習般若波羅蜜亦復如是菩薩若見有一衆生不能畢竟具足成就檀波羅蜜乃至具足般若波羅蜜善男子譬如金剛所擬之處无不碎壞而是金剛元有折損金剛三昧亦復如是所擬之法無不碎壞而是三昧无有折損善男子如諸寶中金剛最勝菩薩

所得金剛三昧亦復如是於諸三昧
為最第一何以故菩薩摩訶薩修是
三昧一切三昧悉來歸屬善男子如
諸小王悉來歸屬轉輪聖王一切三
昧亦復如是悉來歸屬金剛三昧善
男子譬如有人為國怨讎人所欺患
有人煞之一切世人无不稱讚是人
功德金剛三昧亦復如是菩薩修習
能壞一切衆生怨敵是故常為一切
三昧之所宗敬善男子譬如有人其
力威壯人無當者復更有人力能伏
之當知是人世所稱美金剛三昧亦
復如是力能摧伏難伏之法以是義
故一切三昧悉來歸屬善男子譬如
有人在大海浴當知是人已用諸河
泉池之水菩薩摩訶薩亦復如是修
習如是金剛三昧當知已為修習其
餘一切三昧善男子如香山中有一
泉水名阿那婆釩多其泉具足八味
之水有人飲之无諸病苦金剛三昧
亦復如是具八正道菩薩修習斷諸
煩惱瘡疣重病善男子如人供養摩
醯首羅當知是人已為供養一切諸

天金剛三昧亦復如是有人修習當
知已為修習一切諸餘三昧善男子
若有菩薩安住如是金剛三昧見一
切法元有障尋如於掌中觀阿摩勒
果菩薩雖復得如是見終不作想見
一切法善男子譬如有人坐四衢道
頭見諸衆生來去坐卧金剛三昧亦
復如是見一切法生滅出沒善男子
譬如高山有人登之遠望諸方皆悉
明了金剛定山亦復如是菩薩登之
遠望諸法元不明了善男子譬如春
月天降甘雨其滂微緻間元空處明
眼之人見之了了菩薩亦令得金剛
定清淨之目遠見東方所有世界其
中或有國土成壞一切皆見了了無
障乃至十方亦復如是善男子如由
乾陀山七日並出其山所有樹木叢
林一切燒盡菩薩修習金剛三昧亦
復如是所有一切煩惱叢林即時消滅
善男子譬如金剛雖能摧破一切有
物終不生念我能摧破金剛三昧亦
復如是菩薩修已能破煩惱終不生
念我能壞結善男子譬如大地能持

万物終不生念我力能持火亦不念
我能燒物水亦不念我能潤漬風亦
不念我能動物空亦不念我能容受
涅槃亦復不生念言我令衆生而得
滅度金剛三昧亦復如是雖能滅除
一切煩惱而初无心言我能滅若有
菩薩安住如是金剛三昧於一念中
變身如佛其數无量遍滿十方恒河
沙等諸佛世界而是菩薩雖作是化
其心初无憍慢之想何以故菩薩常
念誰有是定能作是化唯有菩薩安
住如是金剛三昧乃能作耳菩薩摩
訶薩安住如是金剛三昧於一念中
遍到十方恒河沙等諸佛世界還其
本處雖有是力亦不念言我能如是
何以故以是三昧因緣力故菩薩摩
訶薩安住如是金剛三昧於一念中
能斷十方恒河沙等世界衆生所有
煩惱而心初无斷諸衆生煩惱之想
何以故以是三昧因緣力故菩薩住
是金剛三昧以一音聲有所演說一
切衆生各隨種類而得解了示現一
色一切衆生各各皆見種種色相安

住一處身不移易能令衆生隨其方面各各而見演說一法若界若入一切衆生各隨本解而得聞之

菩薩安住如是三昧雖見衆生而心初无衆生之相雖見男女无男女相雖見色法无有色相乃至見識亦无識相雖見晝夜无晝夜相雖見一切无一切相雖見一切煩惱諸結亦无一切煩惱之相雖見八聖道无聖道相雖見菩提无菩提相雖見於涅槃无涅槃相何以故善男子一切諸法本无相故菩薩以是三昧力故見一切法如本无相何故名為金剛三昧善男子譬如金剛若在中色則不定金剛三昧亦復如是在於大衆色亦不定是故名為金剛三昧善男子譬如金剛一切世人不能評價金剛三昧亦復如是所有功德一切人天不能評量是故復名金剛三昧善男子譬如貧人得金剛寶則得遠離貧窮困苦惡鬼邪毒菩薩摩訶薩亦復如是得是三昧則能遠離煩惱諸苦諸魔邪毒是故復名金剛三昧是名

菩薩修大涅槃具足成就第六功德
大般涅槃經卷第三十四

癸卯歲高麗國大藏都監奉
勅彫造

大般涅槃經卷第三

六

北凉天竺三藏曇無讖

光明遍照高貴德王菩薩品第十之五

復次善男子云何菩薩摩訶薩修大涅槃微妙經典具足成就第七功德善男子菩薩摩訶薩修大涅槃微妙經典作是思惟何法能為大般涅槃而作近因菩薩即知有四種法為大涅槃而作近因若言勤修一切苦行是大涅槃近因緣者是義不然所以者何若離四法得涅槃者无有是處何等為四一者親近善友二者專心聽法三者繫念思惟四者如法修行善男子譬如有人身遇眾病若熱若冷虛勞下瘧眾邪鬼毒到良醫所良醫即為隨病說藥是人至心善受醫教隨教合藥如法服之服已病愈身得安樂有病之人喻諸菩薩大良醫者喻善知識良醫所說喻方等經善受醫教喻善思惟方等經義隨教合藥喻如法修行三十七助道之法病除愈者喻滅煩惱得安樂者喻得涅槃

勝常樂我淨

法華經卷第二 華嚴經

善男子譬如有王欲如法治令民安樂諮諸智臣其法云何諸臣即以先王舊法而為說之王既聞已至心信行如法治國無諸怨敵是故令民安樂无患善男子王者喻諸菩薩諸智臣者喻善知識智臣為王所說治法喻十二部經王既聞已至心信行喻諸菩薩繫心思惟十二部經所有深義如法治國喻諸菩薩如法修行所謂六波羅蜜以能修習六波羅蜜故无諸怨敵喻諸菩薩已離諸結煩惱惡賊得安樂者喻諸菩薩得大涅槃常樂我淨

善男子譬如有人遇惡癩病有善知識而語之言汝若能到須弥山邊病可得差所以者何彼有良藥味如甘露若能服者病无不愈其人至心信是事已即往彼山採服甘露其病除愈身得安樂惡癩病者喻諸凡夫善知識者喻諸菩薩摩訶薩等至心信受喻四無量心須弥山者喻八聖道甘露味者喻於佛性癩病除愈喻離

煩惱得安樂者喻得涅槃常樂我淨
善男子譬如有人畜諸弟子聰明大
智是人晝夜常教不倦諸菩薩等亦
復如是一切衆生有信不信而常教
化无有疲厭

善男子善知識者所謂菩薩佛辟支
佛聲聞人中信方等者何故名爲善
知識耶善知識者能教衆生遠離十
惡修行十善以是義故名善知識復
次善知識者如法而說如說而行云
何名爲如法而說如說而行自不然
生教人不然乃至自行正見教人正
見若能如是則得名爲真善知識自
修善提亦能教人修行善提以是義
故名善知識自能修行信戒布施多
聞智慧亦能教人信戒布施多聞智
慧復以是義名善知識善知識者有
善法故何等善法所作之事不求自
樂常爲衆生而求於樂見他有過不
訟其短口常宣說純善之事以是義
故名善知識
善男子如空中月從初一日至十五
日漸漸增長善知識者亦復如是令

諸學人漸遠惡法增長善法善男子
若有親近善知識者本未有戒定慧
解脫解脫知見即便有之未具足者
則得增廣何以故以其親近善知識
故因是親近復得了達十二部經甚
深之義若能聽是十二部經甚深義
者名為聽法聽法者則是大乘方等
經典聽方等經名真聽法真聽法者
即是聽受大涅槃經大涅槃中聞有
佛性如來畢竟不般涅槃是故名為
專心聽法專心聽法名八聖道以八
聖道能斷貪欲瞋恚愚癡故名聽法
夫聽法者名十一空以此諸空於一
切法不作相貌夫聽法者名初發心
乃至究竟阿耨多羅三藐三菩提心
以因初心得大涅槃不以聞故得大
涅槃以修習故得大涅槃

善男子譬如病人雖聞醫教及藥名
字不能愈病以服食故能得差病雖
聽十二深因緣法不能得斷一切煩
惱要以繫念善思惟故能得除斷是
名第三繫念思惟復以何義名繫念
思惟所謂三三昧空空三昧无相三昧

無作三昧空者於二十五有不見一實无作者於二十五有不作願求无相者無有十相所謂色相聲相香相味相觸相生相住相滅相男相女相修習如是三三昧者是名菩薩繫念思惟云何名為如法修行如法修行即是修行檀波羅蜜乃至般若波羅蜜知陰入界真實之相亦如聲聞緣覺諸佛同於一道而般涅槃法者即是常樂我淨不生不老不病不死不飢不渴不苦不惱不退不沒善男子解大涅槃甚深義者則知諸佛終不畢竟入於涅槃

善男子第一真實善知識者所謂菩薩諸佛世尊何以故常以三種善調御故何等為三一者畢竟軟語二者畢竟呵責三者軟語呵責以是義故菩薩諸佛即是真實善知識也復次善男子佛及菩薩為大醫故名善知識何以故知病知藥應病授藥故譬如良醫善八種術先觀病相相有三種何等為三謂風熱水有風病者授之蘇油熱病之人授之石蜜水病之

人授之薑湯以知病根授藥得差故名良醫佛及菩薩亦復如是知諸凡夫病有三種一者貪欲二者瞋恚三者愚癡貪欲病者教觀骨相瞋恚病者觀慈悲相愚癡病者觀十二緣相以是義故諸佛菩薩名善知識善男子如大船師善渡人故名大船師諸佛菩薩亦復如是度諸衆生生死大海以是義故名善知識復次善男子因佛菩薩令諸衆生具足修得善法根本故善男子譬如雪山乃是種種微妙上藥根本之處佛及菩薩亦復如是恚是一切善根本處以是義故名善知識善男子雪山之中有上香藥名曰娑呵有人見之得壽无量無有病苦雖有四毒不能中傷若有觸者增長壽命滿百二十若有念者得宿命智何以故藥勢力故諸佛菩薩亦復如是若有見者即得斷除一切煩惱雖有四魔不能干亂若有觸者命不可夭不生不死不退不沒所謂觸者若在佛邊聽受妙法若有念者得阿耨多羅三藐三菩提以是義故

諸佛菩薩名善知識善男子如香山
中有阿那婆釩多池水由是池故有
四大河所謂恒河辛頭私陀博叉世
間衆生常作是言若有罪者浴此四
河衆罪得滅當知此言虛妄不實除
此已往何等為實諸佛菩薩是乃為
實所以者何若人親近則得滅除一
切衆罪以是義故名善知識復次善
男子譬如大地所有藥木一切叢林
百穀甘蔗花果之屬值天炎旱將欲
枯死難陀龍王及婆難陀憐愍衆生
從大海出降澍甘雨一切叢林百穀
草木滋潤還生一切衆生亦復如是
所有善根將欲消滅諸佛菩薩生大
慈悲從智慧海降甘露雨令諸衆生
具足還得十善之法以是義故諸佛
菩薩名善知識善男子譬如良醫善
八種術見諸病人不觀種姓端正好
醜錢財寶貨志為治之是故世稱為
大良醫諸佛菩薩亦復如是見諸衆
生有煩惱病不觀種姓端正好醜錢
財寶貨生慈愍心志為說法衆生聞
已煩惱病除以是義故諸佛菩薩名

善知識以是親近善友因緣則得近於大般涅槃

云何菩薩聽法因緣而得近於大般涅槃一切衆生以聽法故則具信根得信根故樂行布施持戒忍辱精進禪定智慧得須陀洹果乃至佛果是故當知得諸善法皆是聽法因緣勢力善男子譬如長者惟有一子遺至他國市易所須示其道路通塞之處而復誡之若遇姪女慎莫親愛若親愛者喪身殞命及以財寶弊惡之人亦莫交遊其子敬順父之教勅身心安樂多獲寶貨菩薩摩訶薩為諸衆生敷演法要亦復如是示諸衆生及四部衆諸道通塞是諸衆生以聞法故遠離諸惡具足善法以是義故聽法因緣則得近於大般涅槃善男子譬如明鏡照人面像无不明瞭聽法明鏡亦復如是有人照之則見善惡明了无翳以是義故聽法因緣則得近於大般涅槃善男子譬如估客欲至寶渚不知道路有人示之其人隨語即至寶渚多獲諸珍不可稱計一

切衆生亦復如是欲至善處採取道
寶不知其路通塞之處菩薩示之衆
生隨已得至善處獲得无上大涅槃
寶以是義故聽法因緣則得近於大
般涅槃善男子譬如醉爲狂騃暴惡
多欲然害有調爲師以大鐵鈎鈎斲
其頂即時調順惡心都盡一切衆生
亦復如是貪欲瞋恚愚癡醉故欲多
造惡諸菩薩等以聞法鈎斲之令住
更不得起造諸惡心以是義故聽法
因緣則得近於大般涅槃是故我於
處處經中說我弟子專心聽受十二
部經則離五蓋修七覺分以是修習
七覺分故則得近於大般涅槃以聽
法故須陀洹人離諸恐怖所以者何
須達長者身遇重病心大愁怖聞舍
利弗說須陀洹有四功德十種慰喻
聞是事已恐怖即除以是義故聽法
因緣則得近於大般涅槃何以故開
法眼故世有三人一者无目二者一
目三者二目言无目者常不聞法一
目之人雖暫聞法其心不住二目之
人專心聽受如聞而行以聽法故得

知世間如是三人以是義故聽法因緣則得近於大般涅槃善男子如我昔於拘尸那城時舍利弗身遇病苦我時顧命阿難比丘廣為說法時舍利弗聞是事已告四弟子汝昇我牀往至佛所我欲聽法時四弟子即共昇往既得聞法聞法力故所苦除盡身得安隱以是義故聽法因緣則得近於大般涅槃

云何菩薩思惟因緣而得近於大般涅槃因是思惟心得解脫何以故一切衆生常為五欲之所繫縛以思惟故志得解脫以是義故思惟因緣則得近於大般涅槃復次善男子一切衆生常為常樂我淨四法之所顛倒以思惟故得見諸法无常无樂無我无淨如是見已四倒即斷以是義故思惟因緣則得近於大般涅槃復次善男子一切諸法有四種相何等為四一者生相二者老相三者病相四者滅相以是四相能令一切凡夫衆生至須陀洹生大苦惱若能繫念善思惟者雖遇此四不生於苦以是義

故思惟因緣則得近於大般涅槃。復次善男子。一切善法无不因於思惟。而得何以故。有人雖於無量無邊阿僧祇劫。專心聽法。若不思惟。終不能得阿耨多羅三藐三菩提。以是義故。思惟因緣則得近於大般涅槃。復次善男子。若有衆生信佛法。僧无有變。易而生恭敬。當知皆是繫念思惟。因緣力故。因得斷除一切煩惱。以是義故。思惟因緣則得近於大般涅槃。云何菩薩如法修行。善男子。斷諸惡法。修習善法。是名菩薩如法修行。復次云何如法修行。見一切法空。无所。有。无。常。无。樂。無。我。無。淨。以是見故。寧捨身命。不犯禁戒。是名菩薩如法修行。復次云何如法修行。修有二種。一者真實。二者不實。不實者。不知涅槃。佛性。如來。法。僧。實相。虛空等相。是名不實。云何真實。能知涅槃。佛性。如來。法。僧。實相。虛空等相。是名真實。云何名為知涅槃。相涅槃之相。凡有八事。何等為八。一者盡。二善性。三實。四真。五常。六樂。七我。八淨。是名涅槃。復有

八事何等為八一者解脫二者善性
三者不實四者不真五者无常六者
无樂七者无我八者無淨復有六相
一者解脫二者善性三者不實四者
不真五者安樂六者清淨若有衆生
依世俗道斷煩惱者如是涅槃則有
八事解脫不實何以故以不常故以
无常故則無有實无有實故則无有
真雖斷煩惱以還起故无常無我无
樂无淨是名涅槃解脫八事云何六
相聲聞緣覺斷煩惱故名為解脫而
未能得阿耨多羅三藐三菩提故名
為不實以不實故名為不真未來之
世當得阿耨多羅三藐三菩提故名
无常以得无漏八聖道故名為淨樂
善男子若如是知是知涅槃不名佛
性如來法僧實相虛空

云何菩薩知於佛性佛性有六何等
為六一常二淨三實四善五當見六
真復有七事一者可證餘六如是
名菩薩知於佛性

云何菩薩知如來相如來即是覺相
善相常樂我淨解脫真實示道可見

是名菩薩知如來相

云何菩薩知於法相法者若善不善若常不常若樂不樂若我无我若淨不淨若知不知若解不解若真不真若修不修若師非師若實不實是名菩薩知於法相

云何菩薩知於僧相僧者若常樂我淨是弟子相可見之相善真不實何悟法性故是名菩薩知於僧相

云何菩薩知於實相實相者若常无常若樂無樂若我无我若淨无淨若善不善若有若無若涅槃非涅槃若解脫非解脫若知不知若斷不斷若證不證若修不修若見不見是名實相非是涅槃佛性如來法僧虛空是名菩薩因修如是大涅槃故知於涅槃佛性如來法僧實相虛空等法差別之相

善男子菩薩摩訶薩修大涅槃微妙經典不見虛空何以故佛及菩薩雖有五眼所不見故惟有慧眼乃能見之慧眼所見無法可見故名爲見若

是无物名虚空者如是虚空乃名為
實以是實故則名常无以常无故無
樂我淨善男子空名無法無法名空
譬如世間無物名空虚空之性亦復
如是无所有故名為虚空善男子衆
生之性與虚空性俱无實性何以故
如人說言除滅有物然後作空而是
虚空實不可作何以故無所有故以
无有故當知無空是虚空性若可作
者則名无常若無常者不名虚空善
男子如世間人說言虚空无色無尋
常不變易是故世稱虚空之法為第
五大善男子而是虚空實无有性以
光明故故名虚空實无虚空猶如世
諦實无其性為衆生故說有世諦善
男子涅槃之體亦復如是无有住處
直是諸佛斷煩惱處故名涅槃涅槃
即是常樂我淨涅槃雖樂非是受樂
乃是上妙寂滅之樂諸佛如來有二
種樂一寂滅樂二覺知樂實相之體
有三種樂一者受樂二寂滅樂三覺
知樂佛性一樂以當見故得阿耨多
羅三藐三菩提時名菩提樂

今時光明遍照高貴德王菩薩摩訶
薩白佛言世尊若煩惱斷處是涅槃
者是事不然何以故如來往昔初成
佛道至丘連禪河邊今時魔王與其
眷屬到於佛所而作是言世尊涅槃
時到何故不入佛告魔王我今未有
多聞弟子善持禁戒聰明利智能化
衆生是故不入若言煩惱斷滅之處
是涅槃者諸菩薩等於无量劫已斷
煩惱何故不得稱為涅槃俱是斷處
何緣獨稱諸佛有之菩薩无耶若斷
煩惱非涅槃者何故如來昔告生名
婆羅門言我今此身即是涅槃如來
昔時在毗舍離國魔復啓請如來昔
以未有弟子多聞持戒聰明利智能
化衆生不入涅槃今已具足何故不
入如來今時即告魔言汝今莫生悵
遲之想却後三月吾當涅槃世尊若
使滅度非涅槃者何故如來自期三
月當般涅槃世尊若斷煩惱是涅槃
者如來往昔初在道場菩提樹下斷
煩惱時便是涅槃何故復言却後三
月當般涅槃世尊若使今時是涅槃

者云何方為拘尸那城諸力士等說
言後夜當般涅槃如來誠實云何出
是虛妄之言

今時世尊告光明遍照高貴德王菩
薩摩訶薩言善男子若言如來得廣
長舌當知如來於無量劫已離妄語
一切諸佛及諸菩薩凡所發言誠諦
無虛善男子如汝所言波旬往昔啓
請於我入涅槃者善男子而是魔王
真實不知涅槃定相何以故波旬意
謂不化衆生默然而住便是涅槃善
男子譬如世人見人不言无所造作
便謂是人如死無異魔王波旬亦復
如是意謂如來不化衆生默无所說
便謂如來入般涅槃善男子如來不
說佛法衆僧无差別相惟說常住清
淨二法无差別耳善男子佛亦不說
佛及佛性涅槃无差別相惟說常恒
不變无差別耳善男子佛亦不說涅
槃實相無差別相惟說常有實不變
易无差別耳善男子今時我諸聲聞
弟子生於諍訟如拘睺弥諸惡比丘
違反我教多犯禁戒受不淨物貪求

利養向諸白衣而自讚歎我得无漏
謂須陀洹果乃至我得阿羅漢果毀
辱於他於佛法僧戒律和上不生恭
敬公於我前言如是物佛所聽畜如
是等物佛不聽畜我亦語言如是等
物我實不聽復反我言如是等物實
是佛聽如是惡人不信我言為是等
故我告波旬汝莫悞遲却後三月當
般涅槃善男子因如是等惡比丘故
今諸聲聞受學弟子不見我身不聞
我法便言如來入於涅槃惟諸菩薩
能見我身常聞我法是故不言我入
涅槃聲聞弟子雖復發言如來涅槃
而我實不入於涅槃善男子若我所
有聲聞弟子說言如來入涅槃者當
知是人非我弟子是魔伴黨邪見惡
人非正見也若言如來不入涅槃當
知是人真我弟子非魔伴黨正見之
人非惡邪也

善男子我初不見弟子之中有言如
來不化衆生默然而住名般涅槃也
善男子譬如長者多有子息捨至他
方未得還頃諸子並謂父已死矣而

是長者實亦不死諸子顛倒皆生死
想聲聞弟子亦復如是不見我故便
謂如來已於拘尸那城娑羅雙樹間
而般涅槃而我實不般涅槃也聲聞
弟子生涅槃想善男子譬如明燈有
人覆之餘不知者謂燈已滅而是明
焰實亦不滅以不知故生於滅想聲
聞弟子亦復如是雖有慧目以煩惱
覆令心顛倒不見真身而便生於滅
度之想而我實不取滅度也

善男子如生盲人不見日月以不見
故不知晝夜明闇之相以不知故便
說无有日月之實實有日月盲者不
見以不見故生於倒想言无日月聲
聞弟子亦復如是如彼生盲不見如
來便謂如來入於涅槃如來實不入
於涅槃以倒想故生如是心善男子
譬如雲霧覆蔽日月癡人便言无有
日月日月實有直以覆故衆生不見
聲聞弟子亦復如是以諸煩惱覆智
慧眼不見如來便言如來入於滅度
善男子直是如來現嬰兒行非滅度
也善男子如閻浮提日入之時衆生

不見以黑山障故而是日性實无没
入衆生不見生没入想聲聞弟子亦
復如是為諸煩惱山所障故不見我
身以不見故便於如來生滅度想而
我實不趣滅度也

是故我於毗舍離國告波旬言却後
三月我當涅槃善男子如來玄見迦
葉菩薩却後三月善根當熟亦見香
山須跋陀羅竟安居已當至我所是
故我告魔王波旬却後三月當般涅
槃善男子有諸力士其數五百終竟
三月亦當得發阿耨多羅三藐三菩
提心我為是故告波旬言却後三月
當般涅槃善男子純陀等輩及五百
梨車菴羅果女却後三月无上道心
善根成熟為是等故我告波旬却後
三月當般涅槃善男子須那剎多親
近外道及軋子等我為說法滿十二
年彼人邪見不信不受我知是人邪
見根栽却後三月定可斫伐我為是
故告波旬言却後三月當般涅槃
善男子何因緣故我於往昔屢連河
邊告魔王波旬我今未有多智弟子是

故不得入涅槃者我時欲為五比丘
等於波羅捺轉法輪故復次欲為五
比丘等所謂耶奢富那毗摩羅闍
梵波提須婆睺次復欲為郁伽長者
等五十人次復欲為摩伽陀國頻婆
娑羅王等无量人天次復欲為優樓
頻螺迦葉門徒五百比丘次復欲為
鄒提迦葉伽耶迦葉兄弟二人及五
百弟子次復欲為舍利弗目犍連等
二百五十比丘轉妙法輪是故我告
魔王波旬不般涅槃

善男子有名涅槃非大涅槃云何涅
槃非大涅槃不見佛性而斷煩惱是
名涅槃非大涅槃以不見佛性故无
常无我惟有樂淨以是義故雖斷煩
惱不得名為大般涅槃也若見佛性
能斷煩惱是則名為大涅槃也以見
佛性故得名為常樂我淨以是義故
斷除煩惱亦得稱為大般涅槃

善男子涅槃者言不涅槃者言織不織之
義名為涅槃又言覆不覆之義乃
名涅槃言去來不去不來乃名涅
槃者言取不取之義乃名涅槃

言不定定無不定乃名涅槃言新
故无新故義乃名涅槃言障碍无
障碍義乃名涅槃善男子有憂羅迦
迦毗羅弟子等言障者名相无相之
義乃名涅槃善男子障者言有尽有
之義乃名涅槃名和合無和合義
乃名涅槃障者言苦无苦之義乃名
涅槃善男子断煩惱者不名涅槃不
生煩惱乃名涅槃善男子諸佛如來
煩惱不起是名涅槃所有智慧於法
无碍是為如來如來非是凡夫聲聞
緣覺菩薩是名佛性如來身心智慧
遍滿无量無邊阿僧祇土无所障碍
是名虛空如來常住无有變易名曰
實相以是義故如來實不畢竟涅槃
是名菩薩修大涅槃微妙經典具足
成就第七功德

復次善男子云何菩薩摩訶薩修大
涅槃微妙經典具足成就第八功德
善男子菩薩摩訶薩修大涅槃除断
五事遠離五事成就六事修習五事
守護一事親近四事信順一實心善
解脫慧善解脫

善男子云何菩薩除斷五事所謂五陰色受想行識所言陰者其義何謂能令衆生生死相續不離重擔分散聚合三世所攝求其義理了不可得以是諸義故名為陰菩薩摩訶薩雖見色陰不見其相何以故於十色中推求其性悉不可得為世界故說言為陰受有百八雖見受陰初无受相何以故受雖百八理無定實是故菩薩不見受陰想行識等亦復如是菩薩摩訶薩深見五陰是生煩惱之根本也以是義故方便令斷

云何菩薩遠離五事所謂五見何等為五一者身見二者邊見三者邪見四者戒取五者見取因是五見生六十二見因是諸見生死不絕是故菩薩防之不近

云何菩薩成就六事謂六念處何等為六一者念佛二者念法三者念僧四者念天五者念施六者念戒是名菩薩成就六事

云何菩薩修習五事所謂五定一者知定二者寂定三者身心受快樂定

四者无樂定五者首楞嚴定修習如是五種定心則得近於大般涅槃是故菩薩勤心修習

云何菩薩守護一事謂菩提心菩薩摩訶薩常勤守護是菩提心猶如世人守護一子亦如瞎者護餘一目如行墳野守護導者菩薩守護菩提之心亦復如是因護如是菩提心故得阿耨多羅三藐三菩提因得阿耨多羅三藐三菩提故常樂我淨具足而有即是无上大般涅槃是故菩薩守護法

云何菩薩親近四事謂四无量心何等為四一者大慈二者大悲三者大喜四者大捨因是四心能令无量無邊衆生發菩提心是故菩薩繫心親近云何菩薩信順一寶菩薩了知一切衆生皆歸一道一道者謂大乘也諸佛菩薩為衆生故分之為三是故菩薩信順不逆

云何菩薩心善解脫貪恚癡心永斷滅故是名菩薩心善解脫云何菩薩慧善解脫菩薩摩訶薩於

一切法知无障碍是名菩薩慧善解脫因慧解脫昔所不聞而今得聞昔所不見而今得見昔所不到而今得到尔時光明遍照高貴德王菩薩摩訶薩言世尊如佛所說心解脫者是義不然何以故心本无繫所以者何是心本性不為貪欲瞋恚愚癡諸結所繫若本无繫云何而言心善解脫世尊若心本性不為貪結之所繫者何等因緣而能得繫如人搆角本无乳相雖加功力乳无由出搆乳之者不得如是加功雖少乳則多出心亦如是本无貪者今云何有若本无貪後方有者諸佛菩薩本无貪相今恚應有世尊譬如石女本無子相雖加功力无量因緣子不可得心亦如是本无貪相雖造眾緣貪无由生世尊如攢濕木火不可得心亦如是雖復攢求貪不可得云何貪結能繫於心世尊譬如押沙油不可得心亦如是雖復押之貪不可得當知貪心二理各異設復有之何能汙心世尊譬如有人安極於空終不得住安貪於心亦

復如是種種因緣不能令貪繫縛於心世尊若心無貪名解脫者諸佛菩薩何故不拔虛空中刺世尊過去世心不名解脫未來世心亦无解脫現在世心不與道共何等世心名得解脫世尊如過去燈不能滅闇未來世燈亦不滅闇現在世燈復不滅闇何以故明之與闇二不並故心亦如是云何而言心得解脫世尊貪亦是有若貪无者見女相時不應生貪若因女相而得生者當知是貪真實而有以有貪故墮三惡道世尊譬如有人見畫女像亦復生貪以生貪故得種種罪若本无貪云何見畫而生於貪若心无貪云何如來說言菩薩心得解脫若心有貪云何見相然後方生不見相者則不生也我今現見有惡果報當知有貪瞋恚愚癡亦復如是世尊譬如衆生有身无我而諸凡夫橫計我想雖有我想不墮三惡云何貪者於无女相而起女想墮三惡道世尊譬如攢木而生於火然是火性衆緣中无以何因緣而得生耶世尊

貪亦如是色中无貪香味觸法亦復
無貪云何於色香味觸法生於貪耶
若衆緣中悉无貪者云何衆生獨生
於貪諸佛菩薩而不生耶世尊心亦
不定若心定者无有貪欲瞋恚愚癡
若不定者云何而言心得解脫貪亦
不定若不定者云何因之生三惡趣
貪者境界二俱不定何以故俱緣一
色或生於貪或生於瞋或生愚癡是
故貪者及與境界二俱不定若俱不
定何故如來說言菩薩修大涅槃心
得解脫

尔時世尊告光明遍照高貴德王菩
薩摩訶薩言善哉善哉善男子心亦
不為貪結所繫亦非不繫非是解脫
非不解脫非有非无非現在非過去
非未來何以故善男子一切諸法无
有自性故善男子有諸外道作如是
言因緣和合則有果生若衆緣中本
无生性而能生者虚空不生亦應生
果虚空不生非是因故以衆緣中本
有果性是故合集而得生果所以者
何如提婆達欲造牆壁則取泥上不

取彩色欲造畫像則集彩色不取草木作衣取縷不取泥木作舍取泥不取縷線以人取故當知是中各能生果以能生果故當知因中必先有性若无性者一物之中應當出生一切諸物若是可取可作可出當知是中必先有果若无果者人則不取不作不出惟有虛空无取無作故能出生一切万物以有因故如屈拘陀子作屈拘陀樹乳有醍醐縷中有布泥中有瓶善男子一切凡夫无明所盲作是定說色有著義心有貪性復言凡夫心有貪性亦解脫性遇貪因緣心則生貪若遇解脫心則解脫雖作此說是義不然有諸凡夫復作是言一切因中悉無有果因有二種一者微細二者麤大細即是常麤則无常從微細因轉成麤因從此麤因轉復成果麤无常故果亦无常善男子有諸凡夫復作是言心亦無因貪亦无因以時節故則生貪心如是等輩以不能知心因緣故輪迴六趣具受生死善男子譬如枷大繫之於柱終日繞

柱不能得離一切凡夫亦復如是被
无明枷繫生死柱繞二十五有不能
得離善男子譬如有人墮於圜廁既
得出已而復還入如人病差還為病
因如人涉路值空曠處既得過已而
復還來又如淨洗還塗泥土一切凡
夫亦復如是已得解脫无所有處唯
未得脫非非想處而復還來至三惡
趣何以故一切凡夫惟觀於果不觀
因緣如犬逐塊不逐於人凡夫之人
亦復如是惟觀於果不觀因緣以不
觀故從非想退還三惡趣

善男子諸佛菩薩終不定說因中有
果因中无果及有无果非有非無果
若言因中先定有果及定无果定有
无果定非有非无果當知是等皆魔
伴黨繫屬於魔即是愛人如是愛人
不能永斷生死繫縛不知心相及以
貪相善男子諸佛菩薩顯示中道何
以故雖說諸法非有非無而不決定
所以者何因眼因色因明因心因念
識則得生是識決定不在眼中色中
明中心中念中亦非中間非有非無

從緣生故名之為有。无自性故名之為无。是故如來說言諸法非有非无。善男子。諸佛菩薩終不定說心有淨性及不淨。性淨不淨。性无住處。故從緣生。貪故說非无。本無貪性。故說非有。善男子。從因緣故。心則生。貪從因緣故。心則解脫。善男子。因緣有二。一者隨於生死二者隨大涅槃。善男子。有因緣故。心共貪生。共貪俱滅。有不共貪生。不共貪俱滅。有不共貪生。不共貪俱滅。善男子。若云何心共貪生。共貪俱滅。善男子。若有凡夫未斷貪心。修習貪心如是之人心共貪生。心共貪滅。一切衆生不斷貪心。心共貪生。心共貪滅。如欲界衆生一切皆有。初地味禪若修不修常得成就。遇因緣故即便得之。言因緣者謂火災也。一切凡夫亦復如是。若修不修。心共貪生。心共貪滅。何以故不斷貪故。

故不斷貪故

心共貪生不共貪滅如聲聞人未證四果有因緣故生於貪心證四果時貪心得滅是名心共貪生不共貪滅菩薩摩訶薩得不動地時心共貪生不共貪滅云何不共貪生共貪俱滅若菩薩摩訶薩斷貪心已為衆生故示現有貪以示現故能令無量無邊衆生諮受善法具足成就是名不共貪生共貪俱滅

云何不共貪生不共貪滅謂阿羅漢緣覺諸佛除不動地其餘菩薩是名不共貪生不共貪滅以是義故諸佛菩薩不決定說心性本淨性本不淨善男子是心不與貪結和合亦復不與瞋癡和合善男子譬如日月雖為烟塵雲霧及羅睺羅之所覆蔽以是因緣令諸衆生不能得見雖不可見日月之性終不與彼五翳和合心亦如是以因緣故生於貪結衆生雖說心與貪合而是心性實不與合若是貪心即是貪性若是不貪即不貪性不貪之心不能為貪貪結之心不能不貪善男子以是義故貪欲之結不

能汙心諸佛菩薩永破貪結是故說
言心得解脫一切衆生從因緣故生
於貪結從因緣故心得解脫

善男子譬如雪山懸峻之處人與獼
猴俱不能行或復有處獼猴能行人
不能行或復有處人與獼猴二俱能
行善男子人與獼猴能行處者如諸
獵師純以麋膠置之案上用捕獼猴
獼猴癡故往手觸之觸已粘手欲脫
手故以腳踏之脚復隨著欲脫脚故
以口齧之口復粘著如是五處悉無
得脫於是獵師以杖貫之負還歸家
雪山嶮處喻佛菩薩所得正道獼猴
者喻諸凡夫獵師者喻魔波旬麋膠
者喻貪欲結人與獼猴俱不行者喻
諸凡夫魔王波旬俱不能行獼猴能
行人不能者喻諸外道有智慧者諸
惡魔等雖以五欲不能繫縛人與獼
猴俱能行者一切凡夫及魔波旬常
處生死不能修行凡夫之人五欲所
縛今魔波旬自在將去如彼獵師麋
捕獼猴擔負歸家

善男子譬如國王安住已界身心安

樂若至他界則得衆苦一切衆生亦復如是若能自住於己境界則得安樂若至他界則遇惡魔受諸苦惱自境界者謂四念處他境界者謂五欲也云何名為繫屬於魔有諸衆生无常見常常見无常苦見於樂樂見於苦不淨見淨淨見不淨无我見我我見无我非實解脫橫見解脫真實解脫見非解脫非乘見乘乘見非乘如是之人名繫屬魔繫屬魔者心不清淨復次善男子若見諸法真實是有捨別定相當知是人若見色時便作色相乃至見識亦作識相見男男相見女女相見日日相見月月相見歲歲相見陰陰相見入入相見畧畧相如是見者名繫屬魔繫屬魔者心不清淨復次善男子若見我是色色中有我我中有色色色屬於我乃至見我是識識中有我我中有識識屬於我如是見者繫屬於魔非我弟子善男子我聲聞弟子遠離如來十二部經修習種種外道典籍不修出家寂滅之法純營世俗在家之事何等名為在家

事也受畜一切不淨之物奴婢田宅
爲馬車乘馳驢雞犬獼猴猪羊種種
穀麥遠離師僧親附白衣違反聖教
向諸白衣作如是言佛聽比丘受畜
種種不淨之物是名修習在家之事
有諸弟子不爲涅槃但爲利養親近
聽受十二部經招提僧物及僧塲物
衣著食飲如自己所有慳惜他家及以
稱譽親近國王及諸王子卜筮吉凶
推步盈虛圍碁六博搏菹投壘親近
比丘尼及諸處女畜二沙弥常遊屠
獵酤酒之家及旃陀羅所住之處種
種販賣手自作食受使隣國通致信
命如是之人當知即是魔之眷屬非
我弟子以是因緣心共貪生心共貪
滅乃至癡心共生共滅亦復如是善
男子以是因緣心性不淨亦非不淨
是故我說心得解脫若有不受不畜
一切不淨之物爲大涅槃受持讀誦
十二部經書寫解說當知是等真我
弟子不行惡魔波旬境界即是修習
三十七品以修習故不共貪生不共
貪滅是名菩薩修大涅槃微妙經典

具足成就第八功德

大般涅槃經卷第二十五

壬寅歲高麗國大藏都監表

勅彫造

大般涅槃經卷第二十六

壹

北涼天竺三藏曇無讖譯

光明遍照高貴德王菩薩品第十之六
復次善男子云何菩薩摩訶薩修大
涅槃微妙經典具足成就第九功德
善男子菩薩摩訶薩修大涅槃微妙
經典初發五事悉得成就何等為五
一者信二者直心三者戒四者親近
善友五者多聞

云何為信菩薩摩訶薩信於三寶施
有果報信於二諦一乘之道更无異
趣為諸衆生速得解脫諸佛菩薩分
別為三信第一義諦信善方便是名
為信如是信者若諸沙門若婆羅門
若天魔梵一切衆生所不能壞因是
信故得聖人性修行布施若多若少
悉得近於大般涅槃不墮生死或聞
智慧亦復如是是名為信雖有是信
而亦不見是為菩薩修大涅槃成就
初事

云何直心菩薩摩訶薩於諸衆生作
質直心一切衆生若遇因緣則生誦

曲菩薩不尔何以故善解諸法志因緣故菩薩摩訶薩雖見衆生諸惡過各終不說之何以故恐生煩惱若生煩惱則墮惡趣如是菩薩若見衆生有少善事則讚歎之云何為善所謂佛性讚佛性故令諸衆生發阿耨多羅三藐三菩提心

尔時光明遍照高貴德王菩薩摩訶薩白佛言世尊如佛所說菩薩摩訶薩讚歎佛性令无量衆生發阿耨多羅三藐三菩提心是義不然何以故如來初開涅槃經時說有三種一者若病人得良醫藥及瞎病者病則易差如其不得則不可愈二者若得不得志不可差三者若得不得志皆可差一切衆生亦復如是若遇善友諸佛菩薩聞說如法則得發於阿耨多羅三藐三菩提心如其不遇則不能發所謂須陀洹斯陀含阿那含呵羅漢辟支佛

二者雖遇善友諸佛菩薩聞說妙法亦不能發若其不遇亦不能發謂一闍提三者若遇不遇一切志能發阿

釋多羅三藐三菩提心所謂菩薩若言遇與不遇悉發阿耨多羅三藐三菩提心者如來今者云何說言因讚佛性令諸衆生發阿耨多羅三藐三菩提心世尊若遇善友諸佛菩薩聞說妙法及以不遇悉不能發阿耨多羅三藐三菩提心當知是義亦復不然何以故如是之人當得阿耨多羅三藐三菩提故一闍提輩以佛性故若聞不聞悉亦當得阿耨多羅三藐三菩提故世尊如佛所說何等名為一闍提耶謂斷善根如是之義亦復不然何以故不斷佛性故如是佛性理不可斷云何佛說斷諸善根如佛往昔說十二部經善有二種一者常二者无常常者不斷無常者斷无常可斷故墮地獄常不可斷何故不遮佛性不斷非一闍提如來何以作如是說言一闍提世尊若因佛性發阿耨多羅三藐三菩提心何故如來廣為衆生說十二部經世尊譬如四河從阿耨婆伽多池出若有大人諸佛世尊說言是河不入大海當還本源

無有是處菩提之心亦復如是有佛性者若聞不聞若戒非戒若施非施若修不修若智非智悉皆應得阿耨多羅三藐三菩提世尊如優陀延山日從中出至于正南日若念言我不至西還東方者无有是處佛性亦尔若不聞不戒不施不修不智不得阿耨多羅三藐三菩提者無有是處世尊諸佛如來說因果性非有非無如是之義是亦不然何以故如其乳中無酪性者則无有酪及拘陀子无五丈性者則不能生五丈之質若佛性中無阿耨多羅三藐三菩提樹者云何能生阿耨多羅三藐三菩提樹以是義故所說因果非有非无如是之義云何相應

尔時世尊讚言善哉善哉善男子世有二入甚為希有如優曇花一者不行惡法二者有罪能悔如是之人甚為希有復有二人一者作惡二者念恩復有二人一者諮受新法二者温故不忘復有二人一者造新二者修故復有二人一樂聞法二樂說法復

有二人一善問難二善能答善問難者汝身是也善能答者謂如來也善男子因是善問即得轉于无上法輪能枯十二因緣大樹能度無邊生死大河能與魔王波旬共戰能摧波旬所立勝幢善男子如我先說三種病人值遇良醫瞻病好藥及以不遇病患得善是義云何若得不得謂定壽命所以者何是人已於無量世中修三種善謂上中下以修如是三種善故得定壽命如鬱單越人壽命千年有遇病者若得良醫好藥瞻病及以不得患皆得善何以故得定命故善男子如我所說若有病人得遇良醫好藥瞻病病得除差若不遇者則不得差是義云何善男子如是之人壽命不定命雖不盡有九因緣能大其壽何等為九一者知食不安而反食之二者多食三者宿食不消而復更食四者大小便利不隨時節五者病時不隨醫教六者不隨瞻病教勅七者強耐不吐八者夜行以夜行故惡鬼打之九者房室過度以是緣故

我說病者若遇醫藥病則可差若不遇者則不可愈善男子如我先說若遇不遇俱不差者是義云何有人命盡若遇不遇悉不可差何以故以命盡故以是義故我說病人若遇醫藥及以不遇悉不得差衆生亦今發菩提心者若遇善友諸佛菩薩諮受深法若不遇之皆悉當成何以故以其能發菩提心故如鬱單越人得定壽命如我所說從須陀洹至辟支佛若聞善友諸佛菩薩所說深法則發阿耨多羅三藐三菩提心若不值遇諸佛菩薩聞說深法則不能發阿耨多羅三藐三菩提心如不定命以九因緣命則中夭如彼病人值遇醫藥病則得差若不遇者病則不差是故我說遇佛菩薩聞說深法則能發心若不值遇則不能發

如我先說若遇善友諸佛菩薩聞說深法若不值遇俱不能發是義云何善男子一闍提輩若遇善友諸佛菩薩聞說深法及以不遇俱不得離一闍提心何以故斷善法故一闍提輩

亦得阿耨多羅三藐三菩提所以者何若能發於菩提之心則不復名一闍提也善男子以何緣故說一闍提得阿耨多羅三藐三菩提一闍提輩實不能得阿耨多羅三藐三菩提如命盡者雖遇良醫好藥瞻病不能得差何以故以命盡故

善男子一闍提名信提名不具不具信故名一闍提佛性非信衆生非具以不具故云何可斷一闍名善方便提名不具故云何可斷一闍名進提名不具進不具故名一闍提佛性非進衆生非具以不具故云何可斷一闍名念提名不具念不具故名一闍提佛性非念衆生非具以不具故云何可斷一闍名定提名不具定不具故名一闍提佛性非定衆生非具以不具故云何可斷一闍名慧提名不具慧不具故名一闍提佛性非慧衆生非具以不具故云何可斷一闍名无常善提名不具以无常善不具足故名

一聞提佛性是常非善非不善何以故善法要從方便而得而是佛性非方便得是故非善何故復名非不善耶能得善果故善果即是阿耨多羅三藐三菩提又善法者生已得故而是佛性非生已得是故非善以斷生得諸善法故名一聞提

善男子如汝所言若一聞提有佛性者云何不遮地獄之罪善男子一聞提中无有佛性善男子譬如有王聞笙篴音其聲清妙心即耽著喜樂愛念情無捨離即告大臣如是妙音從何處出大臣荅言如是妙音從笙篴出王復語言持是聲來今時大臣即持笙篴置於王前而作是言大王當知此即是聲王語笙篴出聲出聲而是笙篴聲亦不出今時大王即斷其絃聲亦不出取其皮木悉皆指裂推求其聲了不能得今時大王即瞋大臣云何乃作如是妄語大臣白王夫取聲者法不如是應以衆緣善巧方便聲乃出耳衆生佛性亦復如是元有住處以善方便故得可見以可見

故得阿耨多羅三藐三菩提一闡提
輩不見佛性云何能遮三惡道罪善
男子若一闡提信有佛性當知是人
不至三惡是亦不名一闡提也以不
自信有佛性故即墮三惡墮三惡故
名一闡提

善男子如汝所說若乳無酪性不應
出酪丘拘陀子無五丈性則不應有
五丈之質愚癡之人作如是說智者
終不發如是言何以故以無性故善
男子如其乳中有酪性者不應復假
衆緣力也善男子如水乳雜卧至一
月終不成酪若以一帝頗求樹汁投
之於中即便成酪若本有酪何故待
緣衆生佛性亦復如是假衆緣故則
便可見假衆緣故得成阿耨多羅三
藐三菩提若待衆緣然後成者即是
無性以无性故能得阿耨多羅三藐
三菩提善男子以是義故菩薩摩訶
薩常讚人善不訟彼缺名實直心復
次善男子云何菩薩質直心也菩薩
摩訶薩常不犯惡設有過失即時懺
悔於師同學終不覆藏慚愧自責不

敢復作於輕罪中生極重想若人詰問答言實犯復問是罪為好不好答言不好復問是罪為善不善答言不善復問是罪是善果耶不善果耶答言是罪實非善果又問是罪誰之所造將非諸佛法僧所作答言非佛法僧我所作也乃是煩惱之所攝集以直心故信有佛性信佛性故則不得名一闡提也以直心故名佛弟子若受衆生衣服飲食卧具醫藥種各千萬不足為多是名菩薩質直心也云何菩薩修治於戒菩薩摩訶薩受持禁戒不為生天不為恐怖乃至不受狗戒鷄戒牛戒雉戒不作破戒不作缺戒不作瑕戒不作雜戒不作聲聞戒受持菩薩摩訶薩戒尸羅波羅蜜戒得具足戒不生憍慢是名菩薩修大涅槃具足第三戒云何菩薩親近善友菩薩摩訶薩常為衆生說於善道不說惡道說於惡道非善果報善男子我身即是一切衆生真善知識是故能斷富伽羅婆羅門所有邪見善男子若有衆生親

近我者雖有生於地獄因緣即得生
天如須那剎多等應墮地獄以見我
故即得斷除地獄因緣生於色天雖
有舍利弗目犍連等不名衆生真善
知識何以故生一闍提心因緣故善
男子我昔住於波羅捺國時舍利弗
教二弟子一觀白骨一令數息經歷
多年各不得定以是因緣即生邪見
言无涅槃無漏之法設其有者我應
得之何以故我能善持所受戒故我
於今時見是比丘生此邪心嘆舍利
弗而呵責之汝不善教云何乃為是
二弟子顛倒說法汝二弟子其性各
異一主浣衣一是金師金師之子應
教數息浣衣之人應教骨觀以汝錯
教令是二人生於惡邪我於今時為
是二人如應說法二人聞已得阿羅
漢果是故我為一切衆生真善知識
非舍利弗目犍連等若使衆生有極
重結得遇我者我以方便即為斷之
如我弟難陀有極重欲我以種種善
巧方便而為除斷驚掘魔羅有重瞋
恚以見我故瞋恚即息阿闍世三有

重愚癡以見我故癡心即滅如婆熙伽長者於无量劫修習成就極重煩惱以見我故即便斷滅設有弊惡廝下之人親近於我作弟子者以是因緣一切人天恭敬愛念尸利龜多邪見熾盛因見我故邪見即滅因見我故斷地獄因作生天緣如氣噓旃陀羅命垂終時因見我故還得壽命如犒口迦狂心錯亂因見我故還得本心如瘦瞿曇彌屠家之子常修惡業以見我故即便捨離如闍提比丘因見我故寧捨身命不毀禁戒如草繫比丘以是義故阿難比丘說半梵行名善知識我言不尔具足梵行乃名善知識是名菩薩修大涅槃具足第四親善知識

云何菩薩具足多聞菩薩摩訶薩為大涅槃十二部經書寫讀誦分別解說名菩薩具足多聞除十一部惟毗佛略受持讀誦書寫解說亦名菩薩具足多聞除十二部經若能受持是大涅槃微妙經典書寫讀誦分別解說名菩薩具足多聞除是經典

具足全體若能受持一四句偈復除
是偈若能受持如來常住性元變易
是名菩薩具足多聞復除是事若知
如來常不說法亦名菩薩具足多聞
何以故法無性故如來雖說一切諸
法常无所說是名菩薩修大涅槃成
就第五具足多聞

善男子若有善男子善女人為大涅
腺具足成就如是五事難作能作難
忍能忍難施能施云何菩薩難作能
作若聞有人食一胡麻得阿耨多羅
三藐三菩提者信是語故乃至无量
阿僧祇劫常食一麻若聞入火得阿
耨多羅三藐三菩提者於无量劫在
阿鼻地獄入熾火聚是名菩薩難作
能作云何菩薩難忍能忍若聞受苦
手杖刀石斫打因緣得大涅槃即於
无量阿僧祇劫身具受之不以為苦
是名菩薩難忍能忍云何菩薩難施
能施若聞能以國城妻子頭目髓腦
惠施於人得阿耨多羅三藐三菩提
者即於无量阿僧祇劫以其所有國
城妻子頭目髓腦惠施於人是名菩

薩難施能施菩薩雖復難作能作終
 不念言是我所作難施能施亦復如是
 善男子譬如父母惟有一子愛之甚
 重以好衣裳上妙甘饌隨時將養令
 无所乏其子若於是父母所生輕慢
 心惡口罵辱父母愛故不生瞋恨亦
 不念言我與是兒衣服飲食菩薩摩
 訶薩亦復如是視諸衆生猶如一子
 若子遇病父母亦病為求醫藥勤而
 療治病既差已終不生念我為是兒
 惱病生愛念心而為說法以聞法故
 諸煩惱斷煩惱斷已終不念言我為
 衆生斷諸煩惱若生此念終不得成
 阿耨多羅三藐三菩提惟作是念无
 一衆生我為說法令斷煩惱菩薩摩
 訶薩於諸衆生不瞋不喜何以故善
 能修習空三昧故菩薩若修空三昧
 者當於誰所生瞋生喜善男子譬如
 山林猛火所焚若人斫伐或為水漂
 而是林木當於誰所生瞋生喜菩薩
 摩訶薩亦復如是於諸衆生无瞋无
 喜何以故修空三昧故

今時光明遍照高貴德王菩薩摩訶
薩白佛言世尊一切諸法性自空耶
空空故空若性自空者不應修空然
後見空云何如來言以修空而見空
也若性自不空雖復修空不能令空
善男子一切諸法性本自空何以故
一切法性不可得故善男子色性不
可得云何色性色性者非地水火風不
離地水火風非青黃赤白不離青黃
赤白非有非無云何當言色有自性
以性不可得故說為空一切諸法亦
復如是以相似相續故凡夫見已說
言諸法性不空寂菩薩摩訶薩具足
五事是故見法性本空寂善男子若
有沙門及婆羅門見一切法性不空
者當知是人非是沙門非婆羅門不
得修習般若波羅蜜不得入於大般
涅槃不得現見諸佛菩薩是魔眷屬
善男子一切諸法性本自空亦因菩
薩修習空故見諸法空善男子如一
切法性元常故滅能滅之若非無常
滅不能滅有為之法有生相故生能
生之有滅相故滅能滅之一切諸法

有苦相故苦能令苦善男子如塩性
鹹能鹹異物石蜜性甘能甘異物苦
酒性酢能酢異物薑本性辛能辛異
物呵梨勒苦能苦異物菴羅果酸能
酸異物毒性能害令異物害甘露之
性令人不死若合異物亦能不死菩
薩修空亦復如是以修空故見一切
法性皆空寂

光明遍照高貴德王菩薩復作是言
世尊若塩能令非鹹作鹹修空三昧
若如是者當知是定非善非妙其性
顛倒若空三昧惟見空者定是無法
為何所見

善男子是空三昧見不空法能令空
寂然非顛倒如塩非鹹作鹹是空三
昧亦復如是不空作空善男子貪是
有性非是空性貪若是空衆生不應
以是因緣墮於地獄若墮地獄云何
貪性當是空耶善男子色性是有何
等色性所謂顛倒以顛倒故衆生生
貪若是色性非顛倒者云何能令衆
生生貪以生貪故當知色性非不是
有以是義故修空三昧非顛倒也善

男子一切凡夫若見女人即生女相
菩薩不尔雖見女人不生女相以不
生相貪則不生貪不生故非顛倒也
以世間人見有女相故菩薩隨說言
有女人若見男時說言是女則是顛
倒是故我為闍提說言汝婆羅門若
以晝為夜是即顛倒以夜為晝是亦
顛倒晝為晝相夜為夜相云何顛倒
善男子一切菩薩住九地者見法有
性以是見故不見佛性若見佛性則
不復見一切法性以修如是空三昧
故不見法性以不見故則見佛性諸
佛菩薩有二種說一者有性二者無
性為衆生故說有法性為諸賢聖說
无法性為不空者見法空故修空三
昧令得見空無法性者亦修空故空
以是義故修空見空

善男子汝言見空空是無法為何所
見者善男子如是如是菩薩摩訶薩
實无所見無所見者即无所有無所
有者即一切法菩薩摩訶薩修大涅
槃於一切法悉無所見若有見者不
見佛性不能修習般若波羅蜜不得

入於大般涅槃是故菩薩見一切法
性无所有善男子菩薩不但因見三
昧而見空也般若波羅蜜亦空禪波
羅蜜亦空毗梨耶波羅蜜亦空羼提
波羅蜜亦空尸波羅蜜亦空檀波羅
蜜亦空色亦空眼亦空識亦空如來
亦空大般涅槃亦空是故菩薩見一
切法皆悉是空是故我在迦毗羅城
告阿難言汝莫愁惱悲泣啼哭阿難
即言如來世尊我今眷屬悉皆死喪
去何當得不愁啼耶如來與我俱生
此城俱同釋種親戚眷屬去何如來
獨不愁惱光顏更顯善男子我復告
言阿難汝見迦毗真實而有我見空
寂悉无所有汝見釋種悉是親戚我
修空故悉無所見以是因緣汝生愁
苦我身容顏益更光顯諸佛菩薩修
習如是空三昧故不生愁惱是名菩
薩修大涅槃微妙經典成就具足第
九功德

善男子云何菩薩修大涅槃微妙經
典具足取後第十功德善男子菩薩
修習三十七品入大涅槃常樂我淨

為諸衆生分別解說大涅槃經顯示
佛性若須施沮斯施舍阿耨舍阿羅
漢辟支佛菩薩信是語者悉得入於
大般涅槃若不信者輪迴生死

今時光明遍照高貴德王菩薩白佛言
世尊何等衆生於是經中不生恭敬
善男子我涅槃後有聲聞弟子愚癡
破戒喜生鬪諍捨十二部經讀誦種
種外道典籍文頌手筆受畜一切不
淨之物言是佛聽如是之人以好拵
檀貨易凡木以金易鍤石銀易白臘
絹易氎褐以甘露味易於惡毒云何
拵檀貨易凡木如我弟子為供養故
向諸白衣演說經法白衣情逆不喜
聽聞白衣處高比丘在下兼以種種
饋饌飲食而供給之猶不肯聽是名
拵檀貨易凡木云何以金貨易鍤石
鍤石喻色聲香味觸金喻於戒我諸
弟子以色因緣破所受戒是名以金
貨易鍤石云何以銀易於白臘銀喻
十善臘喻十惡我諸弟子放捨十善
行十惡法是名以銀貨易白臘云何
以絹貨易氎褐氎褐喻於元慚無愧

綃喻慚愧我諸弟子放捨慚愧習元
慚愧是名以綃貨易麤褐云何甘露
貨易毒藥毒藥喻於種種利養甘露
喻於諸无漏法我諸弟子為利養故
向諸白衣若自讚譽言得无漏是名
甘露貨易毒藥

以如是等惡比丘故是大涅槃微妙
經典廣行流布於閻浮提當是時也
有諸弟子受持讀誦書寫是經廣說
流布當為如是諸惡比丘之所煞害
時惡比丘共相聚集立嚴峻制若有
受持大涅槃經書寫讀誦分別說者
一切不得共住共坐談論語言何以
故涅槃經者非佛所說邪見所造邪
見之人即是六師六師經典非佛經
典所以者何一切諸佛志說諸法无
常无我無樂无淨若言諸法常樂我
淨云何當是佛所說經諸佛菩薩聽
諸比丘畜種種物六師所說不聽弟
子畜一切物如是之義云何當是佛
之所說諸佛菩薩不制弟子斷牛五
味及以食肉六師不聽食五種鹽五
種牛味及以脂血若斷是者云何當

是佛之正典諸佛菩薩說於三乘而
是經中總說一乘謂大涅槃如此之
言云何當是佛之正典諸佛畢竟入
於涅槃是經言佛常樂我淨不入涅
槃是經不在十二部數即是魔說非
是佛說善男子如是之人雖我弟子
不能信順是涅槃經善男子當今之
時若有衆生信此經典乃至半句當
知是人真我弟子因如是信即見佛
性入於涅槃

今時光明遍照高貴德王菩薩白佛
言世尊善哉善哉如來今日善能開
示大涅槃經世尊我因是事即得悟
解大涅槃經一句半句以解一句至
半句故見少佛性如佛所說我亦當
得入大涅槃是名菩薩修大涅槃微
妙經典具足成就第十功德

大般涅槃經卷第五十六

辛丑歲高麗國大藏都監奉

勅雕造

大般涅槃經卷第三十七

七

北涼天竺三藏曇無讖譯

師子吼菩薩品第十二之一

尔時佛告一切大衆諸善男子汝等
若疑有佛無佛有法無法有僧无僧
有苦無苦有集无集有滅无滅有道
无道有實無實有我无我有樂无樂
有淨無淨有常无常有乘无乘有性
無性有衆生無衆生有有无有有真
无真有因無因有果無果有作无作
有業无業有報无報者今恣汝所問
吾當為汝分別解說善男子我實不
見若天若人若魔若梵若沙門若婆
羅門有來問我不能答者

尔時會中有一菩薩名師子吼即從
座起鍛容整服前礼佛足長跪叉手
白佛言世尊我適欲問如來大慈復
垂聽許

尔時佛告諸大衆言諸善男子汝等
今當於是菩薩深生恭敬尊重讚歎
應以種種香花伎樂瓔珞幡蓋衣服
飲食卧具醫藥房舍殿堂而供養之

迎來送去所以者何是人已於過去
諸佛深種善根福德成就是故今於
我前欲師子吼

善男子如師子王自知身力牙爪鋒
芒四足踞地安住巖穴振尾出聲若
有能具如是諸相當知是則能師子
吼真師子王晨朝出穴頻申欠呿四
向願望發聲震吼為十一事何等十
一一為欲壞實非師子詐作師子故
二為欲試自身力故三為欲令住處
淨故四為諸子知處所故五為群輩
無怖心故六為眠者得覺寤故七為
一切放逸諸獸不放逸故八為諸獸
來依附故九為欲調大香為故十為
教告諸子息故十一為欲莊嚴自眷
屬故一切禽獸聞師子吼水性之屬
潛沒深淵陸行之類藏伏窟穴飛者
墮落諸大香為怖走失真諸善男子
如彼野干雖逐師子至于百年終不
能作師子吼也若師子子始滿三年
則能哮吼如師子王

善男子如來正覺智慧牙爪四如意
足六波羅蜜滿足之身十力雄猛大

悲為尾安住四禪清淨窟宅為諸衆
生而師子吼摧破魔軍示衆十力開
佛行處為諸邪見作歸依所安撫生
死怖畏之衆覺寤無明睡眠衆生行
惡法者為作悔心開示邪見一切衆
生令知六師非師子吼故破富蘭那
等憍慢心故為令二乘生悔心故為
教五住諸菩薩等生大力心故為令
正見四部之衆於彼邪見四部徒衆
不生怖畏故從聖行梵行天行窟宅
頻申而出為欲令彼諸衆生等破憍
慢故欠呿為令諸衆生等生善法故
四向願望為令衆生得四無尋故四
足踞地為令衆生具足安住尸波羅
蜜故故師子吼師子吼者名決定說
一切衆生悉有佛性如來常住无有
變易善男子聲聞緣覺雖復隨逐如
來世尊无量百千阿僧祇劫而亦不
能作師子吼十住菩薩若能修行是
三行處當知是則能師子吼諸善男
子是師子吼菩薩摩訶薩今欲如是
大師子吼是故汝等應當深心供養
恭敬尊重讚歎

今時世尊告師子吼菩薩摩訶薩言
善男子汝若欲問今可隨意師子吼
菩薩摩訶薩白佛言世尊云何為佛
性以何義故名為佛性何故復名常
樂我淨若一切衆生有佛性者何故
不見一切衆生所有佛性十住菩薩
住何等法不了了見佛住何等法而
了了見十住菩薩以何等眼不了了
見佛以何眼而了了見

佛言善男子善哉善哉若有人能為
法諮啓則為具足二種莊嚴一者智
慧二者福德若有菩薩具足如是二
莊嚴者則知佛性亦復解知名為佛
性乃至能知十住菩薩以何眼見諸
佛世尊以何眼見

師子吼菩薩言世尊云何名為智慧
莊嚴云何名為福德莊嚴善男子慧
莊嚴者謂從一地乃至十地是名慧
莊嚴福德莊嚴者謂檀波羅蜜乃至
般若非般若波羅蜜復次善男子慧
莊嚴者所謂諸佛菩薩福德莊嚴者
謂聲聞緣覺九住菩薩

復次善男子福德莊嚴者有為有漏

有有有果報有身非常是凡夫法慧
莊嚴者元為無漏元無無果報元身
常住善男子汝今具足是二莊嚴是故
能問甚深妙義我亦具足是二莊嚴
能答是義

師子吼菩薩摩訶薩言世尊若有菩
薩具足如是二莊嚴者則不應問一
種二種云何世尊說言能答一種二
種所以者何一切諸法無一二種一
種二種者是凡夫相

佛言善男子若有菩薩元二種莊嚴
則不能知一種二種若有菩薩具二
莊嚴則能解知一種二種若言諸法
無一二者是義不然何以故若元一
二云何得說一切諸法无一無二善
男子若言一二凡夫相是乃名為
十住菩薩非凡夫也何以故一者名
為涅槃二者名為生死何故一者名
為涅槃以其常故何故二者名為生
死愛無明故常涅槃者非凡夫相生
死二者亦非凡夫相以是義故具二
莊嚴者能問能答

善男子汝問云何為佛性者諦聽諦

聽吾當為汝分別解說善男子佛性者名第一義空第一義空名為智慧所言空者不見空與不空智者見空及與不空常與无常苦之與樂我與無我空者一切生死不空者謂大涅槃乃至无我者即是生死我者謂大涅槃見一切空不見不空不名中道乃至見一切无我不見我者不名中道中道者名為佛性以是義故佛性常恒无有變易无明覆故令諸衆生不能得見聲聞緣覺見一切空不見不空乃至見一切無我不見於我以是義故不得第一義空不得第一義空故不行中道无中道故不見佛性善男子不見中道者凡有三種一者定樂行二者定苦行三者苦樂行定樂行者所謂菩薩摩訶薩憐愍一切諸衆生故雖復處在阿鼻地獄如三禪樂定苦行者謂諸凡夫苦樂行者謂聲聞緣覺聲聞緣覺行於苦樂作中道想以是義故雖有佛性而不能見如汝所問以何義故名佛性者善男子佛性者即是一切諸佛阿耨多

羅三藐三菩提中道種子復次善男子道有三種謂下上中下者梵天无常謬見是常上者生死無常謬見是常三寶是常橫計无常何故名上能得寂上阿耨多羅三藐三菩提故中者名第一義空无常見無常常見於常第一義空不名為下何以故一切凡夫所不得故不名為上何以故即是下故諸佛菩薩所修之道不上不下以是義故名為中道

復次善男子生死本際凡有二種一者无明二者有愛是二中間則有生老病死之苦是名中道如是中道能破生死故名為中以是義故中道之法名為佛性是故佛性常樂我淨以諸衆生不能見故无常無樂无我無淨佛性實非无常無樂无我无淨善男子譬如貧人家有寶藏是人不知以不見故无常無樂无我無淨有善知識而語之言汝舍宅中有金寶藏何故如是貧窮困苦无常无樂無我無淨即以方便令彼得見以得見故是人即得常樂我淨佛性亦衆生

不見以不見故无常無樂无我无淨
有善知識諸佛菩薩以方便力種種
教告令彼得見以得見故衆生即得
常樂我淨

復次善男子衆生起見凡有二種一
者常見二者斷見如是二見不名中
道无常無斷乃名中道无常无斷即
是觀照十二因緣智如是觀智是名
佛性二乘之人雖觀因緣猶亦不得
名為佛性佛性雖常以諸衆生无明
覆故不能得見又未能渡十二因緣
河猶如兔馬何以故不見佛性故善
男子是觀十二因緣智慧即是阿耨
多羅三藐三菩提種子以是義故十
二因緣名為佛性善男子譬如胡瓜
名為熱病何以故能為熱病作因緣
故十二因緣亦復如是善男子佛性
者有因有因有果有果果有因者
即十二因緣因因者即是智慧有果
者即是阿耨多羅三藐三菩提果果
者即是无上大般涅槃善男子譬如
无明為因諸行為果行因識果以是
義故彼无明體亦因亦因因識亦果

亦果果佛性亦尔善男子以是義故
十二因緣不出不滅不常不斷非一
非二不來不去非因非果善男子是
因非果如佛性是果非因如大涅槃
是因是果如十二因緣所生之法非
因非果名為佛性非因果故常恒无
變以是義故我經中說十二因緣其
義甚深無知无見不可思惟乃是諸
佛菩薩境界非諸聲聞緣覺所及以
何義故甚深甚深衆生業行不常不
斷而得果報雖念念滅而无所失雖
无作者而有作業雖无受者而有果
報受者雖滅果不敗亡無有慮知和
合而有一切衆生雖與十二因緣共
行而不見知不見知故无有終始十
住菩薩惟見其終不見其始諸佛世
尊見始見終以是義故諸佛了了得
見佛性善男子一切衆生不能見於
十二因緣是故輪轉善男子如蜚作
墮自生自死一切衆生亦復如是不
見佛性故自造結業流轉生死猶如
拍毬善男子是故我於諸經中說若
有人見十二緣者即是見法見法者

即是見佛佛者即是佛性何以故一切諸佛以此為性善男子觀十二緣智凡有四種一者下二者中三者上四者上上下下智觀者不見佛性以不見故得聲聞道中智觀者不見佛性以不見故得緣覺道上智觀者見了了不了了故住十住地上上智觀者見了了故得阿耨多羅三藐三菩提道以是義故十二因緣名為佛性佛性者即第一義空第一義空名為中道中道者即名為佛佛者名為涅槃今時師子吼菩薩摩訶薩白佛言世尊若佛與佛性無差別者一切眾生何用修道佛言善男子如汝所問是義不然佛與佛性雖無差別然諸眾生未具足善男子譬如有人惡心害母害已生悔三業雖善是人故名地獄人也何以故是人定當墮地獄故是人雖无地獄陰界諸入猶故得名為地獄人善男子是故我於諸經中說若見有人修行善者名見天人修行惡者名見地獄何以故定受報故善男子一切眾生定得阿耨多羅

三藐三菩提故是故我說一切衆生
悉有佛性一切衆生真實未有三
二相八十種好以是義故我於此經
而說是偈

本有今無 本无今有 三世有法
無有是處

善男子有者凡有三種一未來有二
現在有三過去有一切衆生未來之
世當有阿耨多羅三藐三菩提是名
佛性一切衆生現在悉有煩惱諸結
是故現在无有三十二相八十種好
一切衆生過去之世有斷煩惱是故
現在得見佛性以是義故我常宣說
一切衆生悉有佛性乃至一闍提等
亦有佛性一闍提等无有善法佛性
亦善以未來有故一闍提等悉有佛
性何以故一闍提等定當得成阿耨
多羅三藐三菩提故善男子譬如有
人家有乳酪有人問言汝有蘇耶答
言我有酪實非蘇以巧方便定當得
故故言有蘇衆生亦尔悉皆有心凡
有心者定當得成阿耨多羅三藐三
菩提以是義故我常宣說一切衆生

志有佛性

涅槃經卷第三

第三

三

善男子畢竟有二種一者莊嚴畢竟二者究竟畢竟一者世間畢竟二者出世畢竟莊嚴畢竟者六波羅蜜究竟畢究竟者一切衆生所得一無一無者名為佛性以是義故我說一切衆生志有佛性一切衆生志有一乘以無明覆故不能得見善男子如薺單越三十三天果報覆故此間衆生不能得見佛性亦令諸結覆故衆生不見復次善男子佛性者即首楞嚴三昧性如醍醐即是一切諸佛之母以首楞嚴三昧力故而令諸佛常樂我淨一切衆生志有首楞嚴三昧以不修行故不得見是故不能得成阿耨多羅三藐三菩提善男子首楞嚴三昧者有五種名一者首楞嚴三昧二者般若波羅蜜三者金剛三昧四者師子吼三昧五者佛性隨其所作處處得名善男子如一三昧得種種名如禪名四禪根名定根力名定力覺名定覺正名正定八大人覺名為定覺首楞嚴定亦復如是善男子一切衆

生具足三定謂上中下上者謂佛性也。以是故言一切衆生悉有佛性中者。一切衆生具足初禪。有因緣時則能修習。若无因緣則不能修。因緣二種。一謂火災。二謂破欲界結。以是故言一切衆生悉具中定。下定者。十大地中心數定也。以是故言一切衆生悉具下定。一切衆生悉有佛性煩惱覆故不能得見。十住菩薩雖見一乘不知如來是常住法。以是故言十地菩薩雖見佛性而明了。善男子。首楞嚴者。名一切畢竟嚴者。名堅。一切畢竟而得堅固。名首楞嚴。以是故言首楞嚴。定名為佛性。

善男子。我於一時住尸連禪河。告阿難言。我今欲洗汝可取衣。及以澡豆。我既入水。一切飛鳥水陸之屬悉來觀我。尔時復有五百梵志來在河邊。因到我所。各相謂言。云何而得金剛之身。若使瞿曇不說。斷見我當從其啓受齋法。善男子。我於尔時以他心智知是梵志心之所念。告梵志言。云何謂我說於斷見。彼梵志言。瞿曇先

於處處經中說諸衆生悉无有我既
言无我云何而言非斷見耶若无我
者持戒者誰破戒者誰佛言我不
說一切衆生悉無有我我常宣說一
切衆生悉有佛性佛性者豈非我耶
以是義故我不說斷見一切衆生不見
佛性故無常无我无樂無淨如是則
名說斷見也時諸梵志聞說佛性即
是我故即發阿耨多羅三藐三菩提
心尋時出家修菩提道一切飛鳥水
陸之屬亦發无上菩提之心既發心
已尋得捨身善男子是佛性者實非
我也為衆生故說名為我

善男子如來有因緣故說無我為我
真實无我雖作是說无有虛妄善男
子有因緣故說我為無我而實有我
為世界故雖說无我而無虛妄佛性
無我如來說我以其常故如來是我
而說無我得自在故

尔時師子吼菩薩摩訶薩白佛言世
尊若一切衆生悉有佛性如金剛力
士者以何義故一切衆生不能得見
佛言善男子譬如色法雖有青黃赤

白之異長短質像盲者不見雖復不見亦不得言無青黃赤白長短質像何以故盲雖不見有目見故佛性亦余一切衆生雖不能見十住菩薩見少分故如來全見十住菩薩所見佛性如夜見色如來所見如晝見色善男子譬如瞎者見色不了有善良醫而為治目以藥力故得了了見十住菩薩亦復如是雖見佛性不能明了以首楞嚴三昧力故能得明了善男子若有人見一切諸法无常無我无樂无淨見非一切法无常無我無樂无淨如是之人不見佛性一切者名為生死非一切者名為三寶聲聞緣覺見一切法无常無我无樂无淨非一切法亦见无常元我無樂无淨以是義故不見佛性十住菩薩見一切法無常无我無樂无淨非一切法分見常樂我淨以是義故十分之中得我無樂无淨非一切法見常樂我淨以是義故見於佛性如觀掌中阿摩勒果以是義故首楞嚴定名為畢竟

善男子譬如初月雖不可見不得言無佛性亦尔一切凡夫雖不得見亦不得言无佛性也

善男子佛性者所謂十力四无所畏大悲三念處一切衆生悉有三種破煩惱故然後得見一闡提等破一闡提然後能得十力四无所畏大悲三念處以是義故我常宣說一切衆生悉有佛性

善男子十二因緣一切衆生等共有之亦内亦外何等十二過去煩惱名為无明過去業者則名為行現在世中初始受胎是名為識入胎五分四根未具名為名色具足四根未名觸時是名六入未別苦樂是名為觸染習一愛是名為受習近五欲是名為愛内外貪求是名為取為内外事起身口意業是名為有現在世識名未來生現在名色六入觸受名未來世老病死也是名十二因緣善男子一切衆生雖有如是十二因緣或有未具如歌羅邏時死則無十二從生乃至老死得具十二色界衆生無三縛

受三種觸三種愛无有老病亦得名為具足十二無色衆生无色乃至无有老病亦得名為具足十二以定得故故名衆生平等具有十二因緣善男子佛性亦尔一切衆生定當得成阿耨多羅三藐三菩提故是故我說一切衆生悉有佛性善男子雪山有草名為忍辱牛若食者則出醍醐更有異草牛若食者则无醍醐虽无醍醐不可說言雪山之中無忍辱草佛性亦尔雪山者名為如来忍辱草者名大涅槃異草者十二部經衆生若能聽受諮啓大般涅槃則見佛性十二部中雖不聞有不可說言无佛性也善男子佛性者亦色非色非色非非色亦相非相非非相亦一非一非一非非一非常非断非非常非非断亦有亦无非有非無亦盡非盡非盡非非盡亦因亦果非因非果亦義非義非義非非義亦字非字非字非非字云何為色金剛身故云何非色十八不共非色法故云何非色非非色色非色無定相故云何為相三十

二相故云何非相一切衆生相不現
故云何非相非相相非相不決定
故云何為一切衆生患一乘故云
何非一說三乘故云何非一非非一
無數法故云何非常從緣見故云何
非斷離斷見故云何非非常非非斷
无終始故云何為有一切衆生患皆
有故云何為無從善方便而得見故
云何非有非無虛空性故云何名盡
得首楞嚴三昧故云何非盡以其常
故云何非盡非非盡一切盡相斷故
云何為因以了因故云何為果果決
定故云何非因非果以其常故云何
為義志能攝取義无尋故云何非義
不可說故云何非義非非義畢竟空
故云何為字有名稱故云何非字名
無名故云何非字非非字斷一切字
故云何非苦非樂斷一切受故云何
非我未能具得八自在故云何非非
我以其常故云何非我非非我不作
不受故云何為空第一義空故云何
非空以其常故云何非空非非空能
為善法作種子故善男子若有人能

思惟解了大涅槃經如是之義當知
是人則見佛性佛性者不可思議乃
是諸佛如來境界非諸聲聞緣覺所
知善男子佛性者非陰界入非本无
今有非已有還无從善因緣衆生得
見譬如黑鐵入火則赤出冷還黑而
是黑色非內非外因緣故有佛性亦
余一切衆生煩惱火滅則得聞見善
男子如種滅已芽則得生而是芽性
非內非外乃至花果亦復如是從緣
故有善男子是大涅槃微妙經典成
就具足无量功德佛性亦余志是无
量无边功德之所成就

今時師子吼菩薩摩訶薩言世尊菩
薩具足成就幾法得見佛性而不明
了諸佛世尊成就幾法得了了見善
男子菩薩具足成就十法雖見佛性
而不明了云何為十一者少欲二者
知足三者寂靜四者精進五者正念
六者正定七者正慧八者解脫九者
讚歎解脫十者以大涅槃教化衆生
師子吼菩薩言世尊少欲知足有何
差別善男子少欲者不求不取知足

者得少之時心不悔恨少欲者少有所欲知足者但為法事心不愁惱善男子欲者有三一者惡欲二者大欲三者欲欲惡欲者若有比丘心生貪欲欲為一切大眾上首令一切僧隨逐我後令諸四部悉皆供養恭敬讚歎尊重於我令我先為四眾說法皆令一切信受我語亦令國王大臣長者皆恭敬我令我大得衣服飲食卧具醫藥上妙屋宅為生死欲是名惡欲云何大欲若有比丘生於欲心云何當令四部之眾悉皆知我得初住地乃至十住得阿耨多羅三藐三菩提得阿羅漢果乃至須陀洹果我得四禪乃至四无闕智為於利養是名大欲欲欲者若有比丘欲生梵天魔天自在天轉輪聖王若剎利居士若婆羅門皆得自在為利養故是名欲欲若不為是三種惡欲之所害者是名少欲欲者名為二十五愛无有如足不求恭敬是名少欲得不積聚是

名知足善男子亦有少欲不名知足
有知足不名少欲有亦少欲亦知足
有不知足不少欲少欲者謂須陀洹
知足者謂辟支佛少欲知足者謂阿
羅漢不少欲知足者所謂菩薩善
男子少欲知足復有二種一者善二
者不善不善者所謂凡夫善者聖人
菩薩一切聖人雖得道果不自稱說
不稱說故心不惱恨是名知足善男
子菩薩摩訶薩修習大乘涅槃經
欲見佛性是故修習少欲知足云何
寂靜寂靜有二一者心靜二者身靜
身寂靜者終不造作身三種惡心寂
靜者亦不造作意三種惡是則名為
身心寂靜身寂靜者終不親近四衆不
預四衆所有事業心寂靜者終不修
習貪欲瞋恚愚癡是則名為身心寂
靜或有比丘身雖寂靜心不寂靜有
心寂靜身不寂靜有身心寂靜又有
身心俱不寂靜身寂靜心不寂靜者
或有比丘坐禪靜處遠離四衆心常
傾集貪欲瞋恚是名身寂靜心不寂
靜心寂靜身不寂靜者或有比丘親

近四衆國王大臣斷貪患癡是名心
寂靜身不寂靜身心寂靜者謂佛菩
薩身心不寂靜者謂諸凡夫何以故
凡夫之人身心雖靜不能深觀无常
无樂無我無淨以是義故凡夫之人
不能寂靜身口意業一聞提輦犯四
重禁作五逆罪如是之人亦不得名
身心寂靜

云何精進若有比丘欲令身口意業
清淨遠離一切諸不善業修習一切
諸善業者是名精進是勤精進者繫
念六處所謂佛法僧戒施天是名正
念具正念者所得三昧是名正定具
正定者觀見諸法猶如虛空是名正
慧具正慧者遠離一切煩惱諸結是
名解脫得解脫者為諸衆生稱美解
脫言是解脫常恒不變是名讚歎解
脫解脫即是无上大般涅槃涅槃者
即是煩惱諸結火滅又涅槃者名為
室宅何以故能遮煩惱惡風雨故又
涅槃者名為歸依何以故能過一切
諸怖畏故又涅槃者名為洲渚何以
故四大暴河不能漂故何等為四一

者欲暴二者有暴三者見暴四者无明暴是故涅槃名為洲渚又涅槃者名畢竟歸何以故能得一切畢竟樂故若有菩薩摩訶薩成就具足如是十法雖見佛性而不明了

復次善男子出家之人有四種病是故不得四沙門果何等四病謂四惡欲一為衣欲二為食欲三為卧具欲四為有欲是名四惡欲是出家病有四良藥能療是病謂糞掃衣能治比丘為衣惡欲乞食能破為食惡欲樹下能破卧具惡欲身心寂靜能破比丘為有惡欲以是四藥除是四病是名聖行如是聖行則得名為少欲知足寂靜者有四種樂何等為四一者出家樂二寂靜樂三永滅樂四畢竟樂得是四樂名為寂靜具四精進故名精進具四念處故名正念具四禪故故名正定見四聖實故故名正慧永斷一切煩惱結故故名解脫呵說一切煩惱過故故名讚歎解脫善男子菩薩摩訶薩安住具足如是十法雖見佛性而不明了

復次善男子。菩薩摩訶薩。聞是經已。親近修習。遠離一切世間之事。是名少欲。既出家已。不生悔心。是名知足。既知足已。近空閑處。遠離愼鬧。是名寂靜。不知足者。不樂空閑。夫知足者。常樂空寂。於空寂處。常作是念。一切世間志。謂我得沙門道果。然我今者。實未能得我今云何。誑惑於人。作是念已。精勤修習沙門道果。是名精進。親近修習大涅槃者。是名正念。隨順天行。是名正定。安住是定。正見正知。是名正慧。正見知者。能得遠離煩惱結縛。是名解脫。十住菩薩。為衆生故。稱美涅槃。是則名為讚歎解脫善男子。菩薩摩訶薩。安住具足如是十法。雖見佛性。而不明了。

復次善男子。夫少欲者。若有比丘。住空寂處。端坐不卧。或住樹下。或在塚間。或在露處。隨有草地而坐其上。乞食而食。隨得為足。或一坐食。不過一食。惟畜三衣。糞衣毳衣。是名少欲。既行是事。心不生悔。是名知足。修空三昧。是名寂靜。得四果已。於阿耨多羅

三藐三菩提心不休息是名精進繫
心思惟如來常恒无有變易是名正
念修八解脫是名正定得四無尋是
名正慧遠離七漏是名解脫稱美涅
槃无有十相名讚歎解脫十相者謂
生老病死色聲香味觸無常遠離十
相者名大涅槃善男子是名菩薩摩
訶薩安住具足如是十法雖見佛性
而不明了

復次善男子為多欲故親近國王大
臣長者剎利婆羅門毗舍首陀自稱
我得須陀洹果乃至阿羅漢果為利
養故行住坐卧乃至大小便利若見
檀越猶行恭敬接引語言破惡欲者
名為少欲雖未能壞諸結煩惱而能
同於如來行處是名知足善男子如
是二法乃是念定近因緣也常為師
宗同學所讚我亦常於處處經中稱
美讚歎如是二法若能具足是二法
者則得近於大涅槃門及五種樂是
名寂靜堅持戒者名為精進有慚愧
者名為正念不見心相名為正定不
求諸法性相因緣是名正慧无有相

故煩惱則斷是名解脫稱美如是大
涅槃經名讚歎解脫善男子是名菩
薩摩訶薩安住十法雖見佛性而不
明了善男子如汝所言十住菩薩以
何眼故雖見佛性而不了了諸佛世
尊以何眼故見於佛性而得了了善
男子慧眼見故不得明了佛眼見故
故得明了為菩提行故則不了了若
無行故則得了了住十住故雖見不
了住不住故則得了了菩薩摩訶薩
智慧因故見不了了諸佛世尊斷因
果故見則了了一切覺者名為佛性
十住菩薩不得名為一切覺故是故
雖見而不明了善男子見有二種一
者眼見二者聞見諸佛世尊眼見佛
性如於掌中觀阿摩勒果十住菩薩
聞見佛性故不了了十住菩薩唯能
自知定得阿耨多羅三藐三菩提而
不能知一切衆生悉有佛性善男子
復有眼見諸佛如來十住菩薩眼見
佛性復有聞見一切衆生乃至九地
聞見佛性菩薩若聞一切衆生悉有
佛性心不生信不名聞見善男子若

有善男子善女人欲見如來應當修習十二部經受持讀誦書寫解說師子吼菩薩摩訶薩言世尊一切衆生不能得知如來心相當云何觀而得知耶善男子一切衆生實不能知如來心相若欲觀察而得知者有二因緣一者眼見二者聞見若見如來所有身業當知是則為如來也是名眼見若觀如來所有口業當知是則為如來也是名聞見若見色貌一切衆生无與等者當知是則為如來也是名眼見若聞音聲微妙寂勝不同衆生所有音聲當知是則為如來也是名聞見若見如來所作神通為爲衆生為爲利養若為衆生不為利養當知是則為如來也是名眼見若觀如來以他心智觀衆生時為利養說為衆生說若為衆生不為利養當知是則為如來也是名聞見云何如來而受是身何故受身為誰受身是名眼見若觀如來云何說法何故說法為誰說法是名聞見以身惡業加之不腹當知是則為如來也是名眼見以

口惡業加之不悲當知是則為如來
也是名聞見若見菩薩初生之時於
十方面各行七步摩尼跋陀富那跋
陀鬼神大將執持幢蓋震動无量無
邊世界金光晃曜彌滿虛空難陀龍
王及跋難陀以神通力浴菩薩身諸
天形像承迎礼拜阿私陀仙合掌恭
敬盛年捨欲如棄涕唾不為世樂之
所迷惑出家修道樂於閑寂為破邪
見六年苦行於諸衆生平等无二心
常在定初无散亂相好嚴麗莊飾其
身所遊之處丘墟皆平衣服離身四
寸不墮行時直視不顧左右所食之
物物無完過坐起之處草不動亂為
調衆生故往說法心無憍慢是名眼
見若聞菩薩行七步已唱如是言我
今此身取是後邊阿私陀仙合掌而
言大王當知悉達太子定當得成阿
耨多羅三藐三菩提終不在家作轉
輪王何以故相明了故轉輪聖王相
不明了悉達太子身相炳著是故必
得阿耨多羅三藐三菩提見老病死
復作是言一切衆生甚可憐愍常與

如是生老病死共相隨逐而不能觀
常行於苦我當斷之從阿羅邏五通
仙人受天想定既成就已後說其非
從鬱陀伽仙受非有想非无想定既
成就已說非涅槃是生死法六年苦
行無所克獲即作是言修是苦行空
无所得若是實者我應得之以虛妄
故我無所得是名邪術非正道也既
成道已梵天勸請惟願如來當為衆
生廣開甘露說无上法佛言梵王一
切衆生常為煩惱之所障覆不能受
我正法之言梵王復言世尊一切衆
生凡有三種所謂利根中根鈍根利
根能受惟願為說佛言梵王諦聽諦
聽我今當為一切衆生開甘露門即
於波羅捺國轉正法輪宣說中道一
切衆生不破諸結非不能破非破非
不破故名中道不度衆生非不能度
是名中道非一切成亦非不成是名
中道凡有所說不自言師不言弟子
是名中道說不為利非不得果是名
中道正語實語時語真語言不虛發
微妙第一如是等法是名聞見善男

子如來心相實不可見若有善男子
善女人欲見如來應當依是二種
因緣

大般涅槃經卷第三十七

王寅歲高麗國大藏都監奉

勅彫造

大般涅槃經卷第三十八

壹

北凉天竺三藏曇無讖譯

師子吼菩薩品第十三之三

今時師子吼菩薩摩訶薩白佛言世尊如先所說菴羅果喻四種人等有人行細心不正實有人心細行不正實有人心細行亦正實有人心不細行不正實是初二種云何可知如佛所說雖依是二不可得知

佛言善哉善哉善男子菴羅果喻三種人等實難可知以難知故我經中說當與共住住若不知當與久處久處不知當以智慧智若不知當深觀察以觀察故則知持戒及以破戒善男子具是四事共住久處智慧觀察然後得知持戒破戒善男子戒有二種持戒亦二一究竟戒二不究竟有人以因緣故受持禁戒智者當觀是人持戒為為利養為究竟持善男子如來戒者无有因緣是故得名為究竟戒以是義故菩薩雖為諸惡衆生之所傷害不生恚怒是故如來得名

成就畢竟持戒究竟持戒善男子我
昔一時與舍利弗及五百弟子俱共
止住摩伽陀國瞻婆大城時有獵師
追逐一鵠是鵠惶怖至舍利弗影猶
故戰慄如芭蕉樹至我影中身心安
隱恐怖得除是故當知如來世尊畢
竟持戒乃至身影猶有是力善男子
不究竟戒尚不能得聲聞緣覺何況
能得阿耨多羅三藐三菩提復有二
種一為利養二為正法為利養故受
持禁戒當知是戒不見佛性及以如
來雖聞佛性及如來名猶不得名為
聞見也若為正法受持禁戒當知是
戒能見佛性及以如來是名眼見亦
名聞見復有二種一者根深難拔二
者根淺易動若能修習空无相願是
名根深難拔若不修習是三三昧雖
復修習為二十五有是名根淺易動
復有二種一為自身二為衆生為衆
生者能見佛性及以如來持戒之人
復有二種一者性自能持二者須他
教勅若受戒已經無量世初不漏失
或值惡國遇惡知識惡時惡世聞邪

惡法邪見同止。今時雖無受戒之法。
修持忍辱。本无所毀犯。是名性自能持。
若遇師僧。白四羯磨。然後得戒。雖得
戒已。要憑和上諸師同學善友誨喻。
乃知進止。聽法說法。備諸威儀。是名
須他教勅。善男子。性能持者。眼見佛
性。及以如來。亦名聞見。戒復有二。
一。聲聞戒。二。菩薩戒。從初發心。乃至得
成阿耨多羅三藐三菩提。是名菩薩
戒。若觀白骨。乃至證得阿羅漢果。是
名聲聞戒。若有受持聲聞戒者。當知
是人。不見佛性。及以如來。若有受持
菩薩戒者。當知是人。得阿耨多羅三
藐三菩提。能見佛性。如來涅槃。師子
吼。菩薩言。世尊。何因緣故。受持禁戒。
佛言。善男子。為心不悔。故何故不悔。
為受樂。故何故受樂。為遠離。故何故
遠離。為安隱。故何故安隱。為禪定。故
何故禪定。為實知見。故何故為實知
見。為見生死諸過患。故何故為見於
生死過患。為心不貪著。故何故為心
不貪著。為得解脫。故何故為得解脫。
為得无上大涅槃。故何故為得大般

涅槃為得常樂我淨法故何故為得
常樂我淨為得不生不滅故何故為
得不生不滅為見佛性故是故菩薩
性自能持究竟淨戒善男子持戒比
丘雖不發願求不悔心不悔之心自
然而得何以故法性亦故雖不求樂
遠離安隱真實知見見生死過心不
貪著解脫涅槃常樂我淨不生不滅
見於佛性而自然得何以故法性亦
故師子吼菩薩言世尊若因持戒得
不悔果因於解脫得涅槃果者戒則
无因涅槃无果戒若无因則名為常
涅槃有因則是无常若今者涅槃則
為本無今有若本无今有是為无常
猶如然燈涅槃若今云何得名我樂
淨耶佛言善男子善哉善哉汝以曾
於无量佛所種諸善根能問如來如
是深義善男子不失本念乃如是問
也我憶往昔過无量劫波羅捺城有
佛出世号曰喜得今時彼佛三億歲
中演說如是大涅槃經我時與汝俱
在彼會我以是事諮問彼佛今時如
來為衆生故三昧正受未答此義善

哉大士乃能憶念如是本事諦聽諦聽當為汝說戒亦有因謂聽正法聽正法者是亦有因謂近善友近善友者是有因因有二種一者聽法二思惟義善男子信心者因於聽法聽法者因於信心如是二法亦因亦因亦果亦果善男子譬如足軋立拒舉瓶牙為因果不得相離善男子如元明緣行行緣無明是元明行亦因亦因亦果亦果乃至生緣老死老死緣生是生老死亦因亦因亦果亦果善男子生能生法不能自生不自生故由生生生生不自生復賴生故生是故一生亦因亦因亦果亦果善男子信心聽法亦復如是善男子是果非因謂大涅槃何故名果是上果故沙門果故婆羅門果故斷生死故破煩惱故是故名果為諸煩惱之所呵責是故涅槃名果煩惱者名為過過善男子涅槃元因而體是果何以故无生滅故無所作故非有為故是无為故常不變故无受所

故无始終故善男子若涅槃有因則不得稱為涅槃也。脬者言因殷涅槃言无无有因故故稱涅槃。

師子吼菩薩言如佛所說涅槃無因是義不然。若言无者則合六義一者畢竟无故故名為無如一切法无我無我所二者有时无故故名為无如世人言河池無水無有日月三者少故故名為無如世人言食中少鹹名為无鹹甘漿少甜名為无甜四者无受故故名為无如旃陀羅不能受持婆羅門法是故名為无婆羅門五者受惡法故名為無如世人言受惡法者不名沙門及婆羅門是故名為无有沙門及婆羅門六者不對故故名為無譬如无白名之為黑无有明故名之無明世尊涅槃亦亦有时无因故名涅槃。

佛言善男子汝今所說如是六義何故不引畢竟无者以喻涅槃。乃取有時无耶。善男子涅槃之體畢竟无因猶如无我及無我所。善男子世法涅槃終不相對是故六事不得為喻善

男子一切諸法悉无有我而此涅槃
真實有我以是義故涅槃无因而體
是果是因非果名為佛性非因生故
是因非果非沙門果故名非果何故
名因以了因故善男子因有二種一
者生因二者了因能生法者是名生
因燈能了物故名了因煩惱諸結是
名生因衆生父母是名了因如穀子
等是名生因地水糞等是名了因復
有生因謂六波羅蜜阿耨多羅三藐
三菩提復有了因謂佛性阿耨多羅
三藐三菩提復有了因謂六波羅蜜
佛性復有生因謂首楞嚴三昧阿耨
多羅三藐三菩提復有了因謂八正
道阿耨多羅三藐三菩提復有生因
所謂信心六波羅蜜師子吼菩薩言
世尊如佛所說見於如來及以佛性
是義云何世尊如來之身无有相貌
非長非短非白非黑無有方所不在
三界非有為相非眼識識云何可見
佛性亦尔

佛言善男子佛身二種一者常二者
无常無常者為欲度脫一切衆生方

便示現是名眼見常者如來世尊解脫之身亦名眼見亦名聞見佛性亦二一者可見二不可見可見者十住菩薩諸佛世尊不可見者一切衆生眼見者謂十住菩薩諸佛如來眼見衆生所有佛性聞見者一切衆生九住菩薩聞有佛性如來之身復有二種一者是色二者非色色者如來解脫非色者如來永斷諸色相故佛性二種一者是色二者非色色者阿耨多羅三藐三菩提非色者凡夫乃至十住菩薩十住菩薩見不了了故名非色善男子佛性者復有二種一者是色二者非色色者謂佛菩薩非色者一切衆生色者名為眼見非色者名為聞見佛性者非內非外雖非內外然非失壞故名衆生悉有佛性師子吼菩薩言世尊如佛所說一切衆生悉有佛性如乳中有酪金剛力士諸佛佛性如淨醍醐云何如來說言佛性非內非外

佛言善男子我不說乳中有酪酪從乳生故言有酪世尊一切生法各

有時節善男子乳時无酪亦无生蘇
熟蘇醍醐一切衆生亦謂是乳是故
我言乳中无酪如其有者何故不得
二種名字如人二能言金鐵師酪時
无乳生蘇熟蘇及以醍醐衆生亦謂
是酪非乳非生熟蘇及以醍醐亦復
如是善男子因有二種一者正因二
者緣因正因者如乳生酪緣因者如
醵燖等從乳生故故言乳中而有酪性
師子吼菩薩言世尊若乳无酪性角
中亦无何故不從角中生耶
善男子角亦生酪何以故我亦說言
緣因有二一醵二燖角性燖故亦能
生酪

師子吼言世尊若角能生酪求酪之
人何故求乳而不取角

佛言善男子是故我說正因緣因師
子吼菩薩言若使乳中本无酪性今
方有者乳中本无菴摩羅樹何故不
生二俱無故

善男子乳亦能生菴摩羅樹若以乳
灌一夜之中增長五尺以是義故我
說二因善男子若一切法一因生者

可得難言乳中何故不能出生菴摩
羅樹善男子猶如四大為一切色而
作因緣然色各異差別不同以是義
故乳中不生菴摩羅樹世尊如佛所
說有二因者正因緣因衆生佛性為
是何因善男子衆生佛性亦二種因
一者正因二者緣因正因者謂諸衆
生緣因者謂六波羅蜜
師子吼言世尊我今定知乳有酪性
何以故我見世間求酪之人唯取於
乳終不取水是故當知乳有酪性
善男子如汝所問是義不然何以故
一切衆生欲見面像即便取刀
師子吼言世尊以是義故乳有酪性
若刀无面像何故取刀

佛言善男子若此刀中定有面像何
故顛倒豎則見長橫則見闊若是自
面何故見長若是他面何得稱言是
己面像若因己面見他面者何故不
見驢馬面像師子吼言世尊眼光到
彼故見面長

佛言善男子而此眼光實不到彼何
以故近遠一時俱得見故不見中間

所有物故善男子光若到彼而得見者一切衆生悉見於火何故不燒如人遠見白物不應生疑鶴耶幡耶人耶樹耶若光到者云何得見水精中物洲中魚石若不到見何故得見水精中物而不得見壁外之色是故若言眼光到彼而見長者是義不然善男子如汝所言乳有酪者何故賣乳之人但取乳價不賣酪直賣草馬者但取馬價不賣駒直善男子世間之人无子息故故求娉婦婦若懷妊不得言女若言是女有兒性故故應娉者是義不然何以故若有兒性亦應有孫若有孫者則是兄弟何以故一腹生故是故我言女無兒性若其乳中有酪性者何故一時不見五味若樹子中有石拘陀五文質者何故一時不見茅莖枝葉花果形色之異善男子乳色時異味異果異乃至醍醐亦復如是云何可說乳有酪性善男子譬如有人明當服蘇今已患臭若言乳中定有酪性亦復如是善男子譬如有人有筆紙墨和合成字而是

紙中本元有字以本无故假緣而成
若本有者何須眾緣譬如青黃合成
綠色當知是二本無緣性若本有者
何須合成善男子譬如眾生因食得
命而此食中實元有命若本有命未
食之時食應是命善男子一切諸法
本元有性以是義故我說是偈
本無今有 本有今無 三世有法
无有是處

善男子一切諸法因緣故生因緣故
滅善男子若諸眾生内有佛性者一
切眾生應有佛身如我今也眾生佛
性不破不壞不牽不捉不繫不縛如
眾生中所有虛空一切眾生悉有虛
空元罣碍故各不自見有此虛空若
使眾生元虛空者則無去來行住坐
卧不生不長以是義故我經中說一
切眾生有虛空界虛空界者是名虛
空眾生佛性亦復如是十住菩薩少
能見之如金剛珠善男子眾生佛性
諸佛境界非是聲聞緣覺所知一切
眾生不見佛性是故常為煩惱繫縛
流轉生死見佛性故諸結煩惱所不

能繫解脫生死得大涅槃師子吼菩薩言世尊一切衆生有佛性性如乳中酪性若乳无酪性云何佛說有二種因一者正因二者緣因緣因者一醲二燖虛空无性故無緣因

佛言善男子若使乳中定有酪性者何須緣因師子吼菩薩言世尊以有性故故須緣因何以故欲明見故緣因者即是了因世尊譬如闇中先有諸物為欲見故以燈照了若本无者燈何所照如泥中有瓶故須人水輪繩杖等而為了因如反拘陀子須地水糞而作了因乳中醲燖亦復如是須作了因是故雖先有性要假了因然後得見以是義故定知乳中先有酪性

善男子若使乳中定有酪性者即是了因若是了因復何須了善男子若是了因性是了者常應自了若自不了何能了他若言了因有二種性一者自了二者了他是義不然何以故了因一法云何有二若有二者乳亦應二若使乳中无二相者云何了因

而獨有二師子吼言世尊如世人言我共八人了因亦尔自了了他

佛言善男子了因若尔則非了因何以故數者能數自色他色故得言八而此色性自无了相無了相故要須智性乃數自他是故了因不能自了亦不了他善男子一切衆生有佛性者何故修習无量功德若言修習是了因者已同酪壞若言因中定有果者戒定智慧则无增長我見世人本无禁戒禪定智慧從師受已漸漸增益若言師教是了因者當師教時受者未有戒定智慧若是了者應了未有无何乃了戒定智慧令得增長師子吼菩薩言世尊若了因无者云何得名有乳有酪

善男子世間答難凡有三種一者轉答如先所說何故名戒以不悔故乃至為得大涅槃故二者默然答如有梵志來問我言我是常耶我時默然三者疑答如此經中若了因有二乳中何故不得有二善男子我今轉答如世人言有乳酪者以定得故是故

得名有乳有酪佛性亦尔有衆生有佛性以當見故師子吼言世尊如佛所說是義不然過去已滅未來未到云何名有若言當有名為有者是義不然如世間人見无兒息便言无兒一切衆生无佛性者云何說言一切衆生悉有佛性

佛言善男子過去名有譬如種橘芽生子滅芽亦甘甜乃至生果味亦如是熟已乃醋善男子而是醋味子芽乃至生果悉無隨本熟時形色相貌則生醋味而是醋味本无今有雖本无今有非不因本如是本子雖復過去故得名有以是義故過去名有云何復名未來為有譬如有人種植胡麻有人問言何故種此答言有油實未有油胡麻熟已取子熬炆擣壓然後乃得出油當知是人非虛妄也是義故名未來有云何復名過去有耶善男子譬如有人私屏罵王經歷年歲王乃聞之聞已即問何故見罵答言大王我不罵也何以故罵者已滅王言罵者我身二俱存在云何言

滅以是因緣喪失身命善男子是三寶元而果不滅是名過去有云何復名未來有耶辭如有人往陶師所問有瓶不答言有瓶而是陶師實未有瓶以有泥故故言有瓶當知是人非妄語也乳中有酪衆生佛性亦復如是欲見佛性應當觀察時節形色是故我說一切衆生悉有佛性實不虛妄師子吼言一切衆生无有佛性者云何而得阿耨多羅三藐三菩提以正因故故令衆生得阿耨多羅三藐三菩提何等正因所謂佛性世尊若屈拘陀子无屈拘陀樹者何故名為屈拘陀子而不名為佉陀羅子世尊如瞿曇姓不得稱為阿坵耶姓阿坵耶姓亦復不得稱瞿曇姓屈拘陀子亦復如是不得稱為佉陀羅子佉陀羅子不得稱為屈拘陀子猶如世尊不得捨離瞿曇種姓衆生佛性亦復如是以是義故當知衆生悉有佛性

佛言善男子若言子中有屈拘陀者是義不然如其有者何故不見善男

子如世間物有因緣故不可得見云
何因緣謂遠不可見如空中鳥跡近
不可見如人眼睫壞故不見如根敗
者亂想故不見如心不專一細故不
見如小微塵障故不見如雲表星多
故不見如稻聚中麻相似故不見如
豆在豆聚屋拘陀樹不同如是八種
因緣如其有者何故不見若言細障
故不見者是義不然何以故樹相
麤故若言性細云何增長若言障故
不可見者常應不見本元麤相今則
見麤當知是麤本元其性本無見性
今則可見當知是見亦本元性亦
如是本元有樹今則有之當有何咎
師子吼言如佛所說有二種因一者
正因二者了因屋拘陀子以地水糞
作了因故今細得麤

佛言善男子若本有者何須了因若
本無性了何所了若屋拘陀中本元
麤相以了因故乃生麤者何故不生
佉陀羅樹二俱元故善男子若細不
見者麤應可見譬如一塵則不可見
多塵和合則應可見如是子中麤應

可見何以故是中已有芽莖花果一
一果中有元量子一一子中有元量
樹是故名麤有是麤故故應可見善
男子若反拘陀子有反拘陀性而生
樹者眼見是子為火所燒如是燒性
亦應本有若本有者樹不應生若一
切法本有生滅何故先生後滅不一
時耶以是義故當知无性

師子吼菩薩言世尊若反拘陀子本
無樹性而生樹者是子何故不出於
油二俱无故善男子如是子中亦能
生油雖無本性因緣故有

師子吼言何故不名胡麻油耶善男
子非胡麻故善男子如火緣生火水
緣生水雖俱從緣不能相有反拘陀
子及胡麻油亦復如是雖俱從緣各
不相生反拘陀子性能治冷胡麻油
者性能治風善男子譬如甘蔗因緣
故生石蜜黑蜜雖俱一緣色貌各異
石蜜治熱黑蜜治冷

師子吼菩薩言世尊如其乳中无有
酪性麻无油性反拘陀子無有樹性
泥无瓶性一切衆生無佛性者如佛

先說一切衆生悉有佛性是故應得
阿耨多羅三藐三菩提者是義不然
何以故人天無性以無性故人可作
天天可作人以業因緣不以性故苦
薩摩訶薩以業因緣故得阿耨多羅
三藐三菩提若諸衆生有佛性者何
因緣故一闍提等斷諸善根墮于地
獄若菩提心是佛性者一闍提等不
應能斷若可斷者云何得言佛性是
常若非常者不名佛性若諸衆生有
佛性者何故名爲初發心耶云何而
言是毗跋致阿毗跋致毗跋致者當
知是人無有佛性世尊菩薩摩訶薩
一心趣向阿耨多羅三藐三菩提大
慈大悲見生老病死煩惱過患觀大
涅槃無生老死煩惱諸過信於三寶
及業果報受持禁戒如是等法名爲
佛性若離是法有佛性者何須是法
而作因緣世尊如乳不假緣必當成
酪生蘇不令要待因緣所謂人功水
瓶攢繩衆生亦令有佛性者應離因
緣得阿耨多羅三藐三菩提若定有
者行人何故見三惡苦生老病死而

生退心亦不須修六波羅蜜即應得
成阿耨多羅三藐三菩提如乳非緣
而得成酪然非不因六波羅蜜而得
成於阿耨多羅三藐三菩提以是義
故當知衆生悉無佛性如佛先說僧
寶是常如其常者則非無常非无常
者云何而得阿耨多羅三藐三菩提
僧若常者云何復言一切衆生悉有
佛性世尊若使衆生從本已來无菩
提心亦無阿耨多羅三藐三菩提心
後方有者衆生佛性亦應如是本无
後有以是義故一切衆生應元佛性
佛言善哉善哉善男子汝已久知佛
性之義為衆生故作如是問一切衆
生實有佛性汝言衆生若有佛性不
應而有初發心者善男子心非佛性
何以故心是無常佛性常故汝言何
故有退心者實无退心心若有退終
不能得阿耨多羅三藐三菩提以遲
得故名之為退此菩提心實非佛性
何以故一闍提等斷於善根墮地獄
故若菩提心是佛性者一闍提輩則
不得名一闍提也菩提之心亦不得

名為元常也是故定知菩提之心實非佛性

善男子汝言衆生若有佛性不應假緣如乳成酪者是義不然何以故若言五緣成於生蘇當知佛性亦復如是譬如衆石有金有銀有銅有鐵俱稟四大一名一實而其所出各各不同要假衆緣衆生福德爐冶人功然後出生是故當知本无金性衆生佛性不名為佛以諸功德因緣和合得見佛性然後得佛汝言衆生悉有佛性何故不見者是義不然何以故以諸因緣未和合故善男子以是義故我說二因正因緣因正因者名為佛性緣因者發菩提心以二因緣得阿耨多羅三藐三菩提如石出金善男子汝言僧常一切衆生无佛性者善男子僧名和合和合有二一者世和合二者第一義和合世和合者名聲聞僧義和合者名菩薩僧世僧無常佛性是常如佛性常義僧亦亦復次有僧謂法和合法和合者謂十部經十二部經常是故我說法僧

是常善男子僧名和合和合者名十二因緣十二因緣中亦有佛性十二因緣常佛性亦亦是故我說僧有佛性又復僧者謂諸佛和合是故我說僧有佛性

善男子汝言衆生若有佛性云何有退有不退者諦聽諦聽我當為汝分別解說善男子菩薩摩訶薩有十三法則便退轉何等十三一者心不信二者不作心三者疑心四者恡惜身財五者於涅槃中生大怖畏云何乃令衆生永滅六者心不堪忍七者心不調柔八者愁惱九者不樂十者放逸十一者自輕已身十二者自見煩惱无能壞者十三者不樂進趣菩提之法善男子是名十三法令諸菩薩退轉菩提復有六法壞菩提心何等為六一者恡法二者於諸衆生起不善心三者親近惡友四者不勤精進五者自大憍慢六者營務世業如是六法則能破壞菩提之心善男子有人得聞諸佛世尊是人天師於衆生中最上無比勝於聲聞辟支佛等法

眼明了見法无碍能度衆生於大苦
海間已即復發大誓願如其世間有
如是人我亦當得以是因緣發阿耨
多羅三藐三菩提心或復為他之所
教誨發菩提心或聞菩薩阿僧祇劫
修行苦行然後乃得阿耨多羅三藐
三菩提聞已思惟我今不堪如是苦
行云何能得是故有退善男子復有
五法退菩提心何等為五一者樂在
外道出家二者不修大慈之心三者
好求法師過惡四者常樂處在生死
五者不喜受持讀誦書寫解說十二
部經是名五法退菩提心復有二法
退菩提心何等為二一者貪樂五欲
二者不能恭敬尊重三寶以如是等
衆因緣故退菩提心

云何復名不退之心有人聞佛能度
衆生生老病死不從師諮自然修習
得阿耨多羅三藐三菩提若菩提道
是可得者我當修習必令得之以是
因緣發菩提心所作功德若多若少
悉以迴向阿耨多羅三藐三菩提作
是誓願願我常得親近諸佛及佛弟

子常聞深法五情完具若遇苦難不失是心復願諸佛及諸弟子常於我所生歡喜心具五善根若諸衆生斫伐我身斬截手足頭目支節當於是人生大慈心深自喜慶如是諸人為我增長菩提因緣若元是者我當何緣而得成就阿耨多羅三藐三菩提復發是願莫令我得无根二根女人之身不繫屬人不遭惡主不屬惡王不生惡國若得好身種姓真正多饒財寶不生憍慢令我常聞十二部經受持讀誦書寫解說若為衆生有所演說願令受者敬信无疑常於我所不生惡心寧當少聞多解義味不願多聞於義不了願作心師不師於心身口意業不與惡交能施一切衆生安樂身戒心慧不動如山欲為受持无上正法於身命財不生慳恡不淨之物不為福業正命自活心无邪詖受恩常念小恩大報善知世中所有事藝善解衆生方俗之言讀誦書寫十二部經不生懈怠懶惰之心若諸衆生不樂聽聞方便引接令彼樂聞

言常柔軟口不宜惡不和合衆能令
和合有憂怖者令離憂怖飢饉之世
令得豐足疾病之世作大醫王病藥
所須財寶自在令疾病者悉得除愈
刀兵之劫有大力勢斷其殘害令无
遺餘能斷衆生種種怖畏所謂若死
閉繫打擲水火王賊貧窮破戒惡名
惡道如是等畏悉當斷之父母師長
深生恭敬怨憎之中生大慈心常修
六念空三昧門十二因緣生滅等觀
出息入息天行梵行及以聖行金剛
三昧首楞嚴定无三寶處令我自得
寂靜之心若其身心受大苦時莫失
无上菩提之心莫以聲聞辟支佛心
而生知足無三寶處常在外道法中
出家為破邪見不習其道得法自在
得心自在於有為法了了見過令我
怖畏二乘道果如惜命者怖畏捨身
為衆生故樂處三惡如諸衆生樂切
利天為一人於無量劫受地獄苦
心不生悔見他得利不生妬心常生
歡喜如自得樂若值三寶當以衣服
飲食卧具房舍醫藥燈明花香伎樂

幡蓋七寶供養若受佛戒堅固護持終不生於毀犯之想若聞菩薩難行苦行其心歡喜不生悔恨自識往世宿命之事終不造作貪瞋癡業不為果報而集因緣於現在樂不生貪著善男子若有能發如是願者是名菩薩終不退失菩提之心亦名施主能見如來明了佛性能調衆生度脫生死善能護持无上正法能得具足六波羅蜜善男子以是義故不退之心不名佛性

善男子汝不可以有退心故言諸衆生元有佛性譬如二人俱聞他方有七寶山山有清泉其味甘美有能到者永斷貧窮服其水者增壽萬歲唯路懸遠嶮阻多難時彼二人俱欲共往一人莊嚴種種行具一則空往無所賣持相與前進路值一人多賣寶貨七珍具足二人便前問言仁者彼土實有七寶山耶其人答言實有不虛我已獲寶飲服其水唯患路嶮多有盜賊沙塵棘刺之於水草往者千萬達者甚少聞是事已一人即悔尋

作是言路既懸遠艱難非一往者無量達者元幾而我去何當能到彼我今產業粗自供足若涉斯路或失身命身命不全長壽安在一人復言有人能過我亦能過若得果達則得如願採取珍寶飲服甘水如其不達以死為期是時二人一則悔還一則前進到彼山所多獲財寶如願服水多賣所有還其所止奉養父母賑給宗親時悔還者見是事已心中生熱彼去已還我何為住即便莊嚴涉道而去七寶山者喻大涅槃甘美之水喻於佛性其二人者喻二菩薩初發道心嶮惡道者喻於生死所逢人者喻佛世尊有盜賊者喻於四魔沙塵棘刺喻諸煩惱无水草者喻不修習菩提之道一人還者喻退轉菩薩其直往者喻不退菩薩善男子衆生佛性常住不變猶彼嶮道不可說言人悔還故令道元常佛性亦令善男子菩提道中終元退者善男子如向悔者見其先伴獲寶而還勢力自在供養父母給足宗親多受安樂見是事已心

中生熱即復在嚴復道還去不惜身
命堪忍衆難遂便到彼七寶山中退
轉菩薩亦復如是善男子一切衆生
定當得成阿耨多羅三藐三菩提以
是義故我經中說一切衆生乃至五
逆犯四重禁及一闡提悉有佛性
師子吼言世尊云何菩薩有退不退
善男子若有菩薩修習如來三十二
相業因緣者得名不退得名菩薩摩
訶薩也名不動轉名為憐愍一切衆
生名勝一切聲聞緣覺名阿毗跋致
善男子若菩薩摩訶薩持戒不動施
心不移安住實語如須彌山以是業
緣得足下平如奩底相
若菩薩摩訶薩於父母所和上師長
乃至畜生以如法財供養供給以是
業緣得成足下千輻輪相

若菩薩摩訶薩不煞不盜於父母師
長常生歡喜以是業緣得成三相一
者手指纖長二者足跟長三者其身
方直如是三相同一業緣若菩薩摩
訶薩修四攝法攝取衆生以是業緣
得網縵指如白鵝王

若菩薩摩訶薩父母師長若病苦時
自手洗拭捉持案摩以是業緣得手足軟

若菩薩摩訶薩持戒聞法惠施无厭
以是業緣得節踰躡滿身毛上靡
若菩薩摩訶薩專心聽法演說正教
以是業緣得鹿王蹲

若菩薩摩訶薩於諸衆生不生害心
飲食知足常樂惠施瞻病給藥以是
業緣其身圓滿如月拘陀樹立手過
膝頂有肉髻无見頂相若菩薩摩訶
薩見怖畏者為作救護見裸跣者施
與衣服以是業緣得陰藏相

若菩薩摩訶薩親近智者遠離愚人
善喜問答掃治行路以是業緣皮膚
細軟身毛右旋若菩薩摩訶薩常以
衣服飲食卧具醫藥香花燈明施人
以是業緣得身金色常光明曜若菩
薩摩訶薩行施之時所珍之物能捨
不吝不觀福田及非福田以是業緣
得七處滿相

若菩薩摩訶薩布施之時心不生疑
以是業緣得柔軟聲

若菩薩摩訶薩如法求財以用布施
以是業緣得缺骨充滿師子上身臂
肘脯臍

若菩薩摩訶薩遠離兩舌惡口恚心
以是業緣得四十牙齒白淨齊密

若菩薩摩訶薩於諸衆生修大慈悲
以是業緣得二牙相

若菩薩摩訶薩常作是願有來求者
隨意給與以是業緣得師子類

若菩薩摩訶薩隨諸衆生所須飲食
悉皆與之以是業緣得味中上味

若菩薩摩訶薩自修十善兼以化人
以是業緣得廣長舌

若菩薩摩訶薩不訟彼短不謗正法
以是業緣得梵音聲

若菩薩摩訶薩見諸怨憎生於喜心
以是業緣得目睞紺色

若菩薩摩訶薩不隱他德稱揚其善
以是業緣得白毫相善男子若菩薩

摩訶薩修習如是三十二相業因緣
時則得不退菩提之心善男子一切

衆生不可思議諸佛境界業果佛性
亦不可思議何以故如是四法皆悉

是常以是常故不可思議一切衆生
煩惱覆障故名爲常斷常煩惱故故
名无常若言一切衆生常者何故修
習八聖道分爲斷衆苦衆苦若斷則
名无常所受之樂則名爲常是故我
言一切衆生煩惱覆障不見佛性以
不見故不得涅槃

大般涅槃經卷第二十八

壬寅歲高麗國大藏都監奉

勅彫造

大般涅槃經卷第二十九

壹

北涼天竺三藏曇無讖譯

師子吼菩薩品第十一之三

師子吼言世尊如佛所說一切諸法
有二種因一者正因二者緣因以是
二因應無縛解是五陰者念念生滅
如其生滅誰有縛解世尊因此五陰
生後五陰此陰自滅不至彼陰雖不
至彼能生彼陰如因子生芽子不至
芽雖不至芽而能生芽衆生亦尔云
何縛解善男子諦聽諦聽我當為汝
分別解說善男子如人捨命受大苦
時宗親圍遶啼哭懊惱其人惶怖莫
知依投雖有五情無所知覺肢節戰
動不能自持身體虛冷煖氣欲盡見
先所修善惡報相善男子如日垂沒
山陵堆阜影現東移理無西逝衆生
業果亦復如是此陰滅時彼陰續生
如燈生闇滅燈滅闇生善男子如蠟
印印泥印與泥合印滅文成而是蠟
印不變在泥文非泥出不餘處來以
印因緣而生是文現在陰滅中陰陰

生是現在陰終不變為中陰五陰中陰五陰亦非自生不從餘來因現陰故生中陰陰如印印泥印壞文成名雖无差而時節各異是故我說中陰五陰非肉眼見天眼所見是中陰中有三種食一者思食二者觸食三者意食中陰二種一善業果二惡業果因善業故得善覺觀因惡業故得惡覺觀父母交會牝合之時隨業因緣向受生處於母生愛於父生瞋父精出時謂是已有見已心悅而生歡喜以是三種煩惱因緣中陰陰壞生後五陰如印印泥印壞文成生時諸根有具不具具者見色則生於貪生於貪故則名為愛狂故生貪是名无明貪愛无明二因緣故所見境界皆悉顛倒無常見常无我見我无樂見樂无淨見淨以四倒故作善惡行煩惱作業業作煩惱是名繫縛以是義故名五陰生是人若得親近於佛及佛弟子諸善知識便得聞受十二部經以聞法故觀善境界觀善境界故得大智慧大智慧者名正知見得知見

故於生死中而生悔心生悔心故不生歡樂不生歡樂故能破貪心破貪心故修八聖道修八聖道故得無生死無生死故名得解脫如火不遇薪名之為滅滅生死故名為滅度以是義故名五陰滅師子吼言空中无別云何言拔陰無繫者云何繫縛佛言善男子以煩惱鎖繫縛五陰離五陰已無別煩惱離煩惱已无別五陰善男子如柱持屋離屋无柱離柱无屋衆生五陰亦復如有煩惱故名為繫縛无煩惱故名為解脫善男子如拳合掌繫結等三合散生滅更无別法衆生五陰亦復如有煩惱故名為繫縛无煩惱故名為解脫善男子如說名色繫縛衆生名色若滅則无衆生離名色已無別衆生離衆生已无別名色亦名名色繫縛衆生亦名衆生繫縛名色師子吼言世尊如眼不自見指不自觸刀不自割受不自受云何如來說言名色繫縛名色何以故言名色者即是衆生言衆生者即是名色若言名色繫縛衆生即是名

色繫縛名色佛言善男子如二手合時更無異法而來合也名之與色亦復如是以是義故我言名色繫縛衆生若離名色則得解脫是故我言衆生解脫師子吼言世尊若有名色是繫縛者諸阿羅漢未離名色亦應繫縛善男子解脫二種一者子斷二者果斷言子斷者名斷煩惱阿羅漢等已斷煩惱衆結爛壞是故子結不能繫縛未斷果故名果繫縛諸阿羅漢不見佛性以不見故不得阿耨多羅三藐三菩提以是義故可言果繫不得說言名色繫縛善男子譬如然燈油未盡時明則不滅若油盡者滅則无疑善男子所言油者喻諸煩惱燈喻衆生一切衆生煩惱油故不入涅槃若得斷者則入涅槃師子吼言世尊燈之與油二性各異衆生煩惱則不如是衆生即是煩惱煩惱即是衆生衆生名五陰五陰名衆生五陰名煩惱煩惱名五陰云何如來喻之於燈佛言善男子喻有八種一者順喻二者逆喻三者現喻四者非喻五者

先喻六者後喻七者先後喻八者遍
喻云何順喻如經中說天降大雨溝
瀆皆滿溝瀆滿故小坑滿小坑滿故
大坑滿大坑滿故小泉滿小泉滿故
大泉滿大泉滿故小池滿小池滿故
大池滿大池滿故小河滿小河滿故
大河滿大河滿故大海滿如來法雨
亦復如是衆生成戒滿戒滿足故不悔
心滿不悔心滿故歡喜滿歡喜滿故
遠離滿遠離滿故安隱滿安隱滿故
三昧滿三昧滿故正知見滿正知見
滿故厭離滿厭離滿故呵責滿呵責
滿故解脫滿解脫滿故涅槃滿是名
順喻云何逆喻大海有本所謂大河
大河有本所謂小河小河有本所謂
大池大池有本所謂小池小池有本
所謂大泉大泉有本所謂小泉小泉
有本所謂大坑大坑有本所謂小坑
小坑有本所謂溝瀆溝瀆有本所謂
大雨涅槃有本所謂解脫解脫有本
所謂呵責呵責有本所謂厭離厭離
有本所謂正知見正知見有本所謂
三昧三昧有本所謂安隱安隱有本

所謂遠離遠離有本所謂喜心喜心
有本所謂不悔不悔有本所謂持戒
持戒有本所謂法雨是名逆喻云何
現喻如經中說衆生心性猶如獼猴
獼猴之性捨一取一衆生心性亦復
如是取著色聲香味觸法无暫住時
是名現喻云何非喻如我昔告波斯
匿王大王有親信人從四方來各作
是言大王有四大山從四方來欲害
人民王若聞者當設何計王言世尊
設有此来无逃避處惟當專心持戒
布施我即讚言善哉大王我說四山
即是衆生生老病死生老病死常来
切人云何大王不修戒施王言世尊
持戒布施得何等果我言大王於人
天中多受快樂王言世尊扃阇樹
持戒布施亦於人天受安隱耶我言
大王扃阇樹不能持戒修行布施
如其能者則受无異是名非喻云何
先喻我經中說譬如有人貪著妙花
採取之時為水所漂衆生亦貪受
五欲為生死水之所漂没是名先喻
云何後喻如法句說

莫輕小罪

以為无殃

水滯雖微

漸盈大器

是名後喻云何先後喻譬如芭蕉生
果則死愚人得養亦復如是如驢懷
妊命不久全云何遍喻如經中說三
十三天有波利質多樹其根入地深五
由延高百由延枝葉四布五十由延
葉熟則黃諸天見已心生歡喜是葉
不久必當墮落其葉既落復生歡喜
是枝不久必當變色枝既變色復生
歡喜是色不久必當生疱見已復喜
是疱不久必當生塢見已復喜是塢
不久必當開剖開剖之時香氣周遍
五十由延光明遠照八十由延今時
諸天夏三月時在下受樂善男子我
諸弟子亦復如是葉色黃者喻我弟
子念欲出家其葉落者喻我弟子剃
除鬚髮其色變者喻我弟子白四羯
磨受具足戒初生疱者喻我弟子發
阿耨多羅三藐三菩提心塢者喻於
十住菩薩得見佛性開剖者喻於菩
薩得阿耨多羅三藐三菩提香者喻
於十方无量衆生受持禁戒光者喻

於如來名号无尋周遍十方夏三月
者喻三三昧三十三天受快樂者喻
於諸佛在大涅槃得常樂我淨是名
遍喻善男子凡所引喻不必盡取或
取少分或取多分或復全取如言如
來面如滿月是名少分善男子譬如
有人初不見乳轉問他言乳為何類
彼人荅言如水蜜貝水則濕相蜜則
甜相貝則色相雖引三喻未即乳實
善男子我言燈喻喻於衆生亦復如
是善男子離水无河衆生亦亦離五
陰已无別衆生善男子如離輶輦輪
軸輻輳更无別車衆生亦亦善男子
若欲得合彼燈喻者諦聽諦聽我今
當說炷者喻於二十五有油者喻愛
明喻智慧除破黑闇喻破无明熾喻
聖道如燈油盡明焰則滅衆生愛盡
則見佛性雖有名色不能繫縛雖復
處在二十五有不為諸有之所汙染
師子吼言世尊衆生五陰空无所有
誰有受教修習道者佛言善男子一
切衆生皆有念心慧心發心勤精進
心信心定心如如是等法雖念念生滅

猶故相似相續不斷故名修道師子
吼言世尊如是等法皆念念滅是念
念滅亦相似相續云何修習佛言善
男子如燈雖念念滅而有光明除破
闇冥念等諸法亦復如是善男子如
衆生食雖念念滅亦令飢者而得飽
滿譬如上藥雖念念滅亦能愈病日
月光明雖念念滅亦能增長樹林草
木善男子汝言念念滅云何增長者
心不斷故名為增長善男子如人誦
書所誦字句不得一時前不至中中
不至後人之與字及以心想俱念念
滅以久修故而得通利善男子譬如
金師從初習作至于皓首雖念念滅
前不至後以積習故所作遂妙是故
得稱善好金師讀誦經書亦復如是
善男子譬如種子地亦不教汝當生
芽以法性故牙則自生乃至花亦不
教汝當作果以法性故而果自生衆
生修道亦復如是善男子譬如數法
一不至二二不至三雖念念滅而至
千萬衆生修道亦復如是善男子如
燈念念滅初滅之焰不教後焰我滅

汝生當破諸闇善男子譬如犢子生
便求乳求乳之智實無人教雖念念
滅而初飢後飽是故當知不應相似
若相似者不應異生衆生修道亦復
如是初雖未增以久修故則能破壞
一切煩惱師子吼言世尊如佛所說
須陀洹人得果證已雖生惡國猶故
持戒不煞盜婬兩舌飲酒須陀洹陰
即此處滅不至惡國修道亦亦不至
惡國若相似者何故不生淨妙國土
若惡國陰非須陀洹陰云何而得不
作惡業佛言善男子須陀洹者雖生
惡國終不失於須陀洹名陰不相似
是故我引犢子為喻須陀洹人雖生
惡國以道力故不作惡業善男子譬
如香山有師子王是故一切飛鳥走
獸絕跡此山无敢近者有時是王至
雪山中一切鳥獸猶故不住須陀洹
人亦復如是雖不修道以道力故不
作諸惡善男子譬如有人服食甘露
甘露雖滅以其力勢能令是不生
不死善男子如須弥山有上妙藥名
楞伽利有人服之雖念念滅以藥力

故不遇患苦善男子如轉輪王所坐之處王雖不在无人敢近何以故王威力故須陀洹人亦復如是雖生惡國不修習道以道力故不作惡業善男子須陀洹陰於此而滅雖生異陰猶故不失須陀洹陰善男子譬如衆生為果實故於種子中多役作業糞治溉灌未得果實而子復滅亦得名為因子得果須陀洹陰亦復如是善男子譬如有人資產巨富惟有一子先已終歿其子有子復在他土其人忽然奄便命終孫聞是已還收產業雖知財貨非其所作然其收取无遮護者何以故以姓一故須陀洹陰亦復如是師子吼言如佛說偈

比丘若修習 戒定及智慧 當知是不退 親近大涅槃

世尊云何修戒云何修定云何修慧佛言善男子若有人受持禁戒但為自利人天受樂不為度脫一切衆生不為擁護无上正法但為利養畏三惡道為命色力安无尋辯畏懼王法惡名穢稱為世事業如是護戒則不

得名修習戒也善男子云何名為真修習戒受持戒時若為度脫一切衆生為護正法度不度故解未解故歸无歸故未入涅槃令得入故如是修時不見戒不見戒相不見持者不見果報不觀毀犯善男子若能如是是則名為修習戒也云何復名修習三昧修三昧時為自度脫為於利養不為衆生不為護法為見貪欲穢食等過男女等根九孔不淨聞訟打刺互相煞害若為此事修三昧者是則不名修習三昧善男子云何復名真修三昧若為衆生修習三昧於衆生中得平等心為令衆生得不退法為令衆生得聖心故為令衆生得大乘故為欲護持无上法故為令衆生不退菩提故為令衆生得首楞嚴故為令衆生得金剛三昧故為令衆生得陀羅尼故為令衆生得四无碍故為令衆生見佛性故作是行時不見三昧不見三昧相不見修者不見果報善男子若能如是是則名為修習三昧云何復名修於智慧若有修者作是

思惟我若修習如是智慧則得解脫
度三惡道誰能利益一切衆生誰能
度人於生死道佛出世難如優曇鉢
花我今能斷諸煩惱結必得解脫果
是故我當勤修智慧速斷煩惱早得
度脫如是修者不得名為修習智慧
云何名為真修習者智者若觀生老
死苦一切衆生无明所覆不知修習
无上正道願我此身悉代衆生受大
苦惱衆生所有貧窮下賤破戒之心
貪瞋癡業願皆悉來集于我身願諸
衆生不生貪取不為名色之所繫縛
願諸衆生早度生死令我一身處之
不歇願令一切皆得阿耨多羅三藐
三菩提如是修時不見智慧不見智
慧相不見修者不見果報是則名為
修習智慧善男子修習如是戒定智
慧是名菩薩不能如是修戒定慧是
名聲聞

復次善男子云何復名修習於戒若
能破壞一切衆生十六惡律儀何等
十六一者為利餽養羔羊肥已轉賣
二者為利買已屠殺三者為利餽養

脂豚肥已轉賣四者為利買已屠殺
五者為利餵養牛犢肥已轉賣六者
為利買已屠煞七者為利養雞令肥
肥已轉賣八者為利買已屠煞九者
釣魚十者鴉師十一者劫奪十二者
魁膾十三者網捕飛鳥十四者兩舌
十五者獄卒十六者呪詭能為衆生
永斷如是十六惡業是名修戒云何
修定能斷一切世間三昧所謂无身
三昧能令衆生生顛倒心謂是涅槃
有无邊心三昧淨聚三昧世邊三昧
世斷三昧世性三昧世丈夫三昧非
想非非想三昧如是等定能令衆生
生顛倒心謂是涅槃若能永斷如是
三昧是則名為修習三昧云何復名
修習智慧能破世間所有惡見一切
衆生志有惡見所謂色即是我亦是
我所色中有我我中有色乃至識亦
如是常即是我色滅我存色即是我
色滅我滅復有人言作者名我受者
名色復有人言作者名色受者名我
復有人言无作無受自生自滅恚非
因緣復有人言无作無受恚是自在

之所造作復有人言无有作者無有受者一切志是時節所作復有人言作者受者志无所有地等五大名為衆生善男子若能破壞一切衆生如是惡見是則名為修智慧也善男子修習戒者為身寂靜修習三昧為心寂靜修習智慧為壞疑心壞疑心者為修習道修習道者為見佛性見佛性者為得阿耨多羅三藐三菩提故得阿耨多羅三藐三菩提者為得无上大涅槃故得大涅槃者為斷衆生一切生死一切煩惱一切諸有一切諸界一切諸諦故斷於生死乃至斷諦為得常樂我淨法故

師子吼言世尊如佛所說若不生不滅名大涅槃者生亦如是不生不滅何故不得名為涅槃善男子如是如是如汝所言是生雖復不生不滅而有始終世尊是生死法亦无始終若無始終則名為常常即涅槃何故不名生死為涅槃耶善男子是生死法悉有因果有因果故不得名之為涅槃也何以故涅槃之體無因果故師

子吼言世尊夫涅槃者亦有因果如佛所說

從因故生天從因墮惡道從因故涅槃是故皆有因

如佛往昔告諸比丘我今當說沙門道果言沙門者謂能具修戒定智慧道者謂八聖道沙門果者所謂涅槃世尊涅槃如是豈非果耶云何說言涅槃之體元因無果佛言善男子我所宣說涅槃因者所謂佛性佛性之性不生涅槃是故我言涅槃無因能破煩惱故名大果不從道生故名無果是故涅槃無因無果師子吼言世尊衆生佛性為悉共有為各各有若共有者一人得阿耨多羅三藐三菩提時一切衆生亦應同得世尊如二十人同有一怨若一人能除餘十九人皆亦同除佛性亦尔一人得時餘亦應得若各各有則是無常何以故可筭數故然佛所說衆生佛性不一不二若各各有不應說言諸佛平等亦不應說佛性如空佛言善男子衆生佛性不一不二諸佛平等猶如虛空

一切衆生同共有之若有能修八聖道者當知是人則得明見善男子雪山有草名曰忍辱牛若食之則成醍醐衆生佛性亦復如是師子吼言如佛所說忍辱草者一耶多耶如其一者牛食則盡如其多者云何而言衆生佛性亦如是耶如佛所說若有修習八聖道者則見佛性是義不然何以故道若一者如忍辱草則應有盡如其有盡一人修已餘則無分若道多者云何得言具足修習亦不得名薩婆若智佛言善男子如平坦路一切衆生悉於中行无障碍者中路有樹其陰清凉行人在下憩駕止息然其樹陰常住不移亦不消壞無持去者路喻聖道陰喻佛性善男子譬如大城唯有一門雖有多人經由入出都无有能作障碍者亦復無人破壞毀落而賣持去善男子譬如橋梁行人所由亦无有人遮止障碍毀壞持去善男子譬如良醫遍療衆病亦無有能遮止是醫治此捨彼聖道佛性亦復如是師子吼言世尊所引諸喻義

不如是何以故先者在路於後則妨
云何而言无有障碍餘亦皆尔聖道
佛性若如是者一人修時應妨餘者
佛言善男子如汝所言義不相應我
所喻道是少分喻非一切也善男子
世間道者則有障碍此彼之異无有
平等无漏道者則不如是能令衆生
无有障碍平等无二無有方處此彼
之異如是正道能為一切衆生佛性
而作了因不作生因猶如明燈照了
於物善男子一切衆生皆同无明因
緣於行不可說言一人无明因緣行
已其餘應无一切衆生悉有无明因
緣於行是故說言十二因緣一切平
等衆生所修無漏正道亦復如是等
断衆生煩惱四生諸界有道以是義
故名為平等其有證者彼此知見無
有障碍是故得名薩婆若智師子吼
言一切衆生身不一種或有天身或
有人身畜生餓鬼地獄之身如是多
身差別非一云何而言佛性為一佛
言善男子譬如有人置毒乳中乃至
醍醐皆悉有毒乳不名酪酪不名乳

乃至醍醐亦復如是名字雖變毒性不失遍五味中皆悉如是若服醍醐亦能煞人實不置毒於醍醐中衆生佛性亦復如是雖處五道受別異身而是佛性常一无變

師子吼言世尊十六大國有六大城所謂舍婆提城婆枳多城瞻婆城毗舍離城波羅捺城王舍城如是六城世中取大何故如來捨之在此邊地弊惡極陋隘小拘尸那城入般涅槃善男子汝不應言拘尸那城邊地弊惡取陋隘小應言是城微妙功德之所莊嚴何以故諸佛菩薩所行處故善男子如賤人舍王若過者則應讚歎是舍嚴麗功德成就令大王迴駕臨顧善男子如人重病服微弊藥服已病愈即應歡喜讚歎是藥取上取妙能愈我病善男子如人乘船在大海中其船平壞无所依倚因倚死屍得到彼岸到彼岸已應大歡喜讚歎是屍我賴相遇而得安隱拘尸那城亦復如是乃是諸佛菩薩行處云何而言邊地弊惡陋隘小城善男子

我念往昔過恒河沙劫劫名善覺時
有聖王姓憍尸迦七寶成就千子具
足其王始初造立此城周匝縱廣十
二由延七寶莊嚴土多有河其水清
淨柔軟甘美所謂尸連禪河伊羅跋
提河憍連禪河伊跋耆河毗婆舍
那河如是等河其數五百河此彼岸
樹木繁茂花果鮮潔今時人民壽命
無量時轉輪聖王過百年已作是唱
言如佛所說一切諸法皆悉無常若
能修習十善法者能斷如是無常大
苦人民聞已咸共奉修十善之法我
於今時聞佛名號受持十善思惟修
習初發阿耨多羅三藐三菩提心發
是心已復以是法轉教無量無邊衆
生言一切法無常變壞是故我今續
於此處亦說諸法無常變壞惟說佛
身是常住法我憶往昔所行因緣是
故今來在此涅槃亦欲酬報此地往
恩以是義故我經中說我眷屬者受
恩能報

復次善男子往昔衆生壽無量時今
時此城名拘舍跋提周匝縱廣五十

由延時間浮提居民隣接雞飛相及
有轉輪王名曰善見七寶成就千子
具足王四天下第一太子思惟正法
得辟支佛時轉輪王見其太子成辟
支佛威儀庠序神通希有見是事已
即捨王位如棄涕唾出家在此娑羅
樹間八萬歲中修習慈心悲喜捨心
各八萬歲善男子欲知今時善見聖
王則我身是是故我今常樂遊止如
是四法是四法者名為三昧以是義
故如來之身常樂我淨善男子以是
因緣今來在此拘尸那城娑羅樹間
三昧正受

善男子我念往昔過无量劫此城今
時名迦毗羅衛其城有王名曰白淨
其王夫人名曰摩耶王有一子名悉
達多今時王子不由師教自然思惟
得阿耨多羅三藐三菩提有二弟子
一名舍利弗二名大目犍連給侍弟
子名曰阿難今時世尊在雙樹間演
說如是大涅槃經我時在會得預斯
事聞諸衆生悉有佛性聞是事已即
於菩提得不退轉尋自發願願未來

世成佛之時父母國土名字弟子侍
使之人說法教化如今世尊等无有
異以是因緣今來在此敷揚演說大
涅槃經善男子我初出家未得阿耨
多羅三藐三菩提時頻婆娑羅王遣
使而言志達太子若為聖王我當臣
屬若不樂家得阿耨多羅三藐三菩
提者願先來至此王舍城說法度人
受我供養我時默然已受彼請善男
子我初得阿耨多羅三藐三菩提已
向竭闍國時伊連憚河有婆羅門姓
迦葉氏與五百弟子在彼河側求无
上道我為是人故往說法迦葉言瞿
曇我今年邁已百二十摩伽陀國所
有人民及其大王頻婆娑羅咸謂我
已證羅漢果我今若當在於汝前聽
受法者一切人民或生倒心大德迦
葉非羅漢耶幸願瞿曇速往餘處若
此人民定知瞿曇功德勝我我等無
由復得供養我時答言迦葉汝若於
我不生殷重大瞋恨者見容一宿明
當早去迦葉言瞿曇我心无他深相
愛重但我住處有一毒龍其性暴急

恐相危害我言迦葉毒中之毒不過
三毒我今已斷世間之毒我所不畏
迦葉復言苟能不畏善哉聽住善男
子我於今時故為迦葉現十八變如
經中說今時迦葉及其眷屬五百等
輩見聞是已證羅漢果是時迦葉復
有二弟一名伽耶迦葉二名那提迦
葉師徒眷屬復有五百亦皆證得阿
羅漢果時王舍城六師之徒聞是事
已即於我所生大惡心我時赴信受
彼王請詣王舍城未至中路王與无
量百千之衆悉來奉迎我為說法時
聞法已欲界諸天八万六千發阿耨
多羅三藐三菩提心頻婆娑羅王所
將營從十二万人得須陀洹果无量
衆生成就忍心既入城已度舍利弗
大目犍連及其眷屬二百五十人令
捨本心出家學道我即住彼受王供
養外道六師相與聚集詣舍衛城時
彼城中有一長者名須達多為兒姊
婦詣王舍城既達彼城寄止長者珊
檀那舍時此長者中夜而起告諸眷
屬仁等可起速共莊嚴掃治宅舍辦

具銷饒須達聞已尋自思惟將非欲
請摩伽王耶為有婚姻歡樂會乎思
惟是已尋前問言大士欲請摩伽陀
王頻婆娑羅耶為有婚姻歡樂會乎
遷務不安乃如是耶長者答言不也
居士我明請佛无上法王須達長者
初聞佛名身毛皆豎尋復問言何等
名佛長者答言汝不聞耶迦毗羅城
有釋種子字悉達多姓瞿曇氏父名
白淨其生未久相師占之定當得作
轉輪聖王如菴羅果已在手中心不
願樂捨之出家无師自覺得阿耨多
羅三藐三菩提貪恚癡盡常住无變
不生不滅无有憂畏於諸衆生其心
平等猶如父母等視一子所有身心
衆中取勝雖勝一切而無憍慢塗割
二事其心无二智慧通達於法无碍
具足十力四无所畏五智三昧大慈
大悲及三念處故号为佛明受我請
是故忘忘未暇相瞻須達多言善哉
大士所言佛者功德无上今在何處
長者答言今在此間王舍大城住迦
蘭陀竹林精舍時須達多一心念佛

所有功德十力無畏五智三昧大慈大悲及三念處作是念時忽然大明其明猛盛猶如白日即尋光出至城門下佛神力故門自開闢既出門已路有天祠須達經過禮拜致敬尋還黑闇心生惶怖復欲還返所止之處時彼城門有一天神告須達言仁者若往如來所者多獲善利須達多言云何善利答言長者假使有人真實玆琅駿馬百疋香爲百頭寶車百乘鑄金爲人其數復百端正女人身瓔瓔琅衆寶廁填上妙宮宅殿堂屋宇雕文刻鏤金盤銀粟銀盤金粟數各一百以施一人如是展轉盡閻浮提所得功德不如有人發意一步詣如來所須達多言善男子汝是誰耶答言長者我是勝相婆羅門子是汝往昔善知識也我因往日見舍利弗大目犍連心生歡喜捨身得作北方天王毗沙門子專知守護此王舍城我因禮拜舍利弗等生歡喜心尚得如是妙好之身況當得見如來大師禮拜供養須達長者聞是事已即還復

道來詣我所到已頭面敬禮我足我時即為如應說法長者聞已得須陀洹果既獲果證復請我言如來大慈惟願臨顧至舍衛城受我微供我即問言卿舍衛國頗有精舍相客受不須達多言若佛哀愍必見垂顧便當自竭營辦成立善男子我於今時默然受請須達長者已蒙聽許即白我言我從昔來未為斯事惟願如來遣舍利弗指授儀則我即願命勅令營佐時舍利弗與須達多共載一車往舍衛城我神力故經一日夜便到所止時須達多白舍利弗大德此大城外何處有地不近不遠多饒泉池有好林樹花果鬱茂清淨閑豫我當於中為佛世尊及比丘僧造立精舍舍利弗言祇陀園林不近不遠清淨寂寞多有泉池樹木花果隨時而有此處最勝可安立精舍時須達多聞是語已即往祇陀大長者所告祇陀言我今欲為无上法王造立僧坊惟仁園地任中造立吾今欲買能見與不祇陀答言設以真金遍布其地猶不

相與須達多言善哉祇陀林地屬我
汝便取金祇陀答言我園不賣云何
取金須達多言若意不了當共往詣
斷事人所時二長者即共俱往斷事
者所斷事者言園屬須達祇陀取金
須達長者即時使人車馬載負隨集
布地一日之中唯五百步金未周遍
祇陀言曰長者若悔隨意聽止須達
多言吾不悔也自念當出何藏金足
祇陀念言如來法王真實无上所說
妙法清淨无染故使斯人輕寶乃尔
即語須達餘未遍者不復須金請以
見與我自為佛造立門樓常使如來
經由出入祇陀長者自造門樓須達
長者七日之中成立大房足三百口
禪房靜處六十三所冬室夏堂各各
別異厨坊浴室洗脚之處大小園廁
无不備足所設已訖即執香鑪向王
舍城遙作是言所設已辦惟願如來
慈哀憐愍為諸衆生受是住處我時
玄知是長者心即與大衆發王舍城
譬如壯士屈伸臂須至舍衛城祇陀
園林須達精舍我既到已須達長者

以其所設奉施於我我時受已即住
其中

大般涅槃經卷第二十九

辛丑歲高麗國大藏都監奉

勅雕造

大般涅槃經卷第三

壹

北涼天竺三藏曇無讖譯

師子吼菩薩品第十一之四

時諸六師心生嫉妬恚共集詣波斯
匿王作如是言大王當知王之土境
清夷閑靜真是出家住止之處是故
我等為斯事故而來至此大王以法
正治為民除患沙門瞿曇年既幼稚
學日又淺道術無施此國先有耆舊
宿德自怙王種不生恭敬若是王種
法應治民如其出家應敬宿德大王
善聽沙門瞿曇真實不生王種之中
瞿曇沙門若有父母何由劫奪他之
父母大王我經中說過千歲已有一
妖祥幻化物出所謂沙門瞿曇是也
是故當知沙門瞿曇无父無母若有
父母云何說言諸法無常苦空无我
無作无受以幻術故誑惑衆生愚者
信受智者捨之大王夫人王者天下
父母如秤如地如風如火如道如河如
槁如燈如日如月如法斷事不擇怨
親沙門瞿曇不聽我活隨我去處追

逐不捨惟願大王聽我等輩與彼瞿曇較其道力若彼勝我我當屬彼我若勝彼彼當屬我王言大德汝等各各自有行法止住之處亦各不同我今定知如來世尊於汝無妨六師荅言云何无妨沙門瞿曇以幻術法誘誑諸人及婆羅門歸伏已盡王若聽我與較道力王之善名流布八方如其不者惡聲盈路王言大德汝以未知如來道力威神巍巍故求較試若定知者忍不能也大王汝今已受瞿曇幻耶唯願大王留神聽察莫輕我等構之虛言不如驗之以實王言善哉善哉六師之徒歡喜而出時波斯匿王即勅嚴駕來至我所頭面敬礼右繞三匝退坐一面而白我言世尊六師向來求較道力我不量度敢已許之

佛言大王善哉善哉但當更於此國處處造立僧坊何以故我若與彼較其神力彼衆之中受化者多此處狹小云何容受善男子我於今時為六師故從初一日至十五日現大希有

神通變化當是時也无量衆生發阿
耨多羅三藐三菩提心無量衆生於
三寶所生信不疑六師徒衆其數無
量破邪見心正法出家无量衆生於
菩提中得不退心无量衆生得陀羅
尼諸三昧門無量衆生得須陀洹果
至阿羅漢果

今時六師內心慚愧相與圍繞至婆
提多城教彼人民信受邪法瞿曇沙
門但說空事善男子我時為母虔切
利天波利質多樹安居說法是時六
師心大歡喜唱言善哉瞿曇幻術今
已滅沒復教无量無數衆生增長邪
見今時頻婆娑羅王波斯匿王及四
部衆白目連言大德此閻浮提邪見
增長衆生可愍行大黑闇惟願大德
至彼天上稽首世尊如我言曰辟如
犢子其生未久若不得乳必死無疑
我等衆生亦復如是惟願如來哀愍
衆生還來住此今時目連默然而許
如大力士屈申臂須往彼天上至世
尊所白佛言閻浮提中所有四衆渴
仰如來思見聞法頻婆娑羅王波斯

匿王及四眾等稽首足下此閻浮提
所有眾生邪見增長行大黑闇甚可
憐愍譬如犢子其生未久若不得乳
必死不疑我等亦今惟願如來為眾
生故還來在此閻浮提中佛告目連
汝今速還至閻浮提告諸國王及四
部眾却後七日我當還下為六師故
復當至彼婆枳多城過七日已我與
釋天梵天魔天无量天子及首陀會
一切天人前後圍繞至婆枳多城大
師子吼作如是言惟我法中獨有沙
門及婆羅門一切諸法无常無我涅
槃寂靜離諸過惡若言他法亦有沙
門及婆羅門有常有我有涅槃者无
有是處今时无量无边眾生發阿耨
多羅三藐三菩提心是時六師各相
謂言若我法中實無沙門婆羅門者
云何而得世間供養於是六師復相
集聚詣毗舍離善男子我於一時住
毗舍離菴羅林間時菴羅女知我在
中欲來我所我於今時告諸比丘當
觀念處善修智慧隨所修習心莫放
逸云何名為觀於念處若有比丘觀

察內身不見於我及以我所觀察外
身及內外身不見於我及以我所觀
受心法亦復如是是名念處云何名
為修習智慧若有比丘真實而見苦
集滅道是名比丘修習智慧云何名
為心不放逸若有比丘念佛法念
僧念戒念捨念天是名比丘心不放
逸時菴羅女即至我所頭面作禮右
繞三匝修敬已畢却坐一面善男子
我於今時為菴羅女如應說法是女
聞已發阿耨多羅三藐三菩提心時
彼城中有梨車子其數五百來至我
所頭面作禮右繞三匝修敬已畢却
坐一面我時復為諸梨車子如應說
法諸善男子夫放逸者有五事果何
等為五一者不得自在財利二者惡
名流布於外三者不樂慧施窮乏四
者不樂見於四眾五者不得諸天之
身諸善男子因不放逸能生世法出
世間法若有欲得阿耨多羅三藐三
菩提者應當勤修不放逸法夫放逸
者復有十三果報何等十三一者樂
為世間作業二者樂說无益之言三

者常樂久寢睡眠四者樂說世間之事五者常樂親近惡友六者常懈怠懶惰七者常為他人所輕八者雖有所聞尋復忘失九者樂處邊地十者不能調伏諸根十一者食不知足十二者不樂空寂十三者所見不正是名十三善男子夫放逸者雖得近佛及佛弟子猶故為遠諸梨車子言我等自知是放逸人何以故如其我等不放逸者如來法王當出我土時大會中有婆羅門子名曰無勝語諸梨車子善哉善哉如汝所言頻婆娑羅王已獲大利如來世尊出其國土猶如大池生妙蓮花雖生在水水不能汙諸梨車子佛亦如是雖生彼國不為世法之所滯尋諸佛世尊元出無入為衆生故出現於世不為世法之所滯尋仁等自迷耽荒五欲不知親近往如來所是故名為放逸之人非佛出於摩伽陀國名放逸也何以故如來世尊猶彼日月非為一人二人出世時諸梨車聞是語已尋發阿耨多羅三藐三菩提心復作是言善哉

善哉无勝童子快說如是善妙之言
時諸梨車各各脫身所著一衣以施
無勝无勝受已轉以奉我復作是言
世尊我從梨車得是衣物惟願如來
哀愍衆生受我所獻我於今時愍彼
无勝即為納受時諸梨車同時合掌
作如是言惟願如來於此土地一時
安居受我微供我時默然受梨車請
是時六師聞是事已師宗相與詣波
羅捺城今時我復往波羅捺住波羅
河邊時波羅捺有長者子名曰寶稱
耽荒五欲不知非常以我到故自然
而得白骨觀法見其殿舍宮人姝女
恚為白骨心生怖懼如刀毒虵如賊
如火即出其舍來詣我所隨路而言
瞿曇沙門我今如為賊所追逐甚大
怖懼願見救濟佛言善男子佛法衆
僧安隱无懼長者子言若三寶中无
所畏者我今亦當得无所畏我即聽
其出家為道時長者子復有同友其
數五十遙聞寶稱欲出家即共和
順相與出家六師聞已展轉復詣瞻
婆大城時瞻婆大國一切人民悉共

奉事六師之徒初未曾聞佛法僧名
多有諸人作極惡業我於今時為衆
生故往瞻婆城時彼城中有大長者
无有繼嗣供事六師以求子息其後
不久婦則懷妊長者知已往六師所
歡喜而言我婦懷妊男耶女耶六師
答言生必是女長者聞已心生愁惱
復有知識來謂長者何故愁惱乃如
是耶長者答言我婦懷妊未知男女
故問六師六師見語如我相法生必
是女我聞是語自惟年老財富无量
如其非男无所付囑是故我愁知識
復言汝无智慧先不聞耶優樓頻螺
迦葉兄弟為誰弟子佛耶六師耶六
師若是一切智者迦葉何故捨之不
事為佛弟子又舍利弗目犍連等及
諸國王頻婆娑羅等諸王夫人末利
夫人等諸國長者須達多等如是諸
人非佛弟子耶曠野鬼神阿闍世王
護財醉魚鳶鷲魔羅惡心熾盛欲害
其母如是等輩斯非如來所調伏耶
長者如來世尊於一切法知見无碍
故名為佛發言无二故名如來斷煩

惱故名阿羅訶世尊所說終无有二
六師不介云何可信如來今者近在
此住若欲實知當詣佛所今時長者
即與是人來詣我所頭面作礼右遶
三币合掌長跪而作是言世尊於諸
衆生平等无二怨親一相我為愛結
之所繫縛於怨親中未能无二我今
欲問如來世事深自愧懼未敢發言
世尊我婦懷妊六師相言生必是女
是事云何佛言長者汝婦懷妊是男
無疑其兒生已福德无比今時長者
聞我語已生大歡喜便退還家今時
六師聞我玄記生者必男有大福德
心生嫉妬以菴羅果和合毒藥持往
其家語長者言快哉瞿曇善說其相
汝婦臨月可服此藥服此藥已兒則
端正產者无患長者歡喜受其毒藥
與婦令服服已尋死六師歡喜周遍
城市高聲唱言沙門瞿曇記彼長者
婦當生男其兒福德天下无勝今兒
未生母已喪命今時長者復於我所
生不信心即依世法殯殮棺蓋送至
城外多積乾薪以火焚之我以道眼

明見此事願命阿難取我衣來吾欲
往彼摧滅邪見

時毗沙門天告摩丘跋陀大將而作
是言如來今欲詣彼塚間卿可速往
平治掃灑安師子座求妙花香莊嚴
其地今時六師遙見我往各相謂言
瞿曇沙門至此塚間欲啖肉耶是時
多有未得法眼諸優婆塞各懷羞愧
而白我言彼婦已死願不須往今時
阿難語衆人言且待須臾如來不久
當廣開闡諸佛境界我時到已坐師
子座長者難言所言无二可名世尊
母已終亡云何生子我言長者卿於
今時都不見問母命脩短但問所懷
為是男女諸佛如來發言无二是故
當知定必得子是時死屍火燒腹裂
子從中出端坐火中猶如鴛鴦處蓮
花臺六師見已復作是言妖哉瞿曇
善為幻術長者見已心復歡喜呵責
六師若言幻者汝何不作我於今時
尋告耆婆汝往火中抱是兒來耆婆
欲往六師前牽語耆婆言瞿曇沙門
所作幻術未必常尔或能不能如其

不能脫相燒害汝今云何信受其言
耆婆答言如來使入阿鼻地獄所有
猛火尚不能燒况世間火今時耆婆
前入火聚猶入清涼大河水抱持
是兒還詣我所授兒與我我受兒已
告長者言一切衆生壽命不定如水
上泡衆生若有殷重業果火不能燒
毒不能害是兒業果非我所作時長
者言善哉世尊是兒若得盡其天命
惟願如來為立名字佛言長者是兒
生於猛火之中火名樹提應名樹提
今時會中見我神化无量衆生發阿
耨多羅三藐三菩提心今時六師周
遍六城不得停足慚愧低頭復來至
此拘尸那城既至此已唱如是言諸
人當知沙門瞿曇是大幻師誑惑天
下遍六大城譬如幻師幻作四兵所
謂車兵馬兵爲兵步兵又復幻作種
種瓔珞城郭宮宅河池樹木沙門瞿
曇亦復如是幻作王身為說法故或
作沙門身婆羅門身男身女身小身
大身或作畜生鬼神之身或說無常
或說有常或時說苦或時說樂或說

有我或說无我或說有淨或說无淨
或時說有或時說无所為虛妄故名
為幻譬如因子隨子得果瞿曇沙門
亦復如是摩耶所生母既是幻子不
得非沙門瞿曇无實知見諸婆羅門
經年積歲修習苦行護持禁戒尚言
未有真實知見何況瞿曇年少學淺
不修苦行云何而有真實知見若能
具滿七年苦行見猶不多況所修習
不滿六年愚人无智信受其教如大
幻師誑惑愚者沙門瞿曇亦復如是
善男子如是六師於此城中大為衆
生增長邪見善男子我見是事心生
憐愍以其神力請出十方諸大菩薩
雲集此林周而圓滿四十由延今於
此中大師子吼善男子雖於空處多
有所說則不得名師子吼也於此智
人大衆之中真得名為大師子吼師
子吼者說一切法悉无常苦无我不
淨惟說如來常樂我淨今時六師復
作是言若瞿曇有我我亦有所言
我者見者名我瞿曇譬如有人向中
見物我亦如是向喻於眼見者喻我

佛告六師若言見者名我是義不然
何以故汝所引喻因向見者人在一
向六根俱用若定有我因眼見者何
不如彼一根之中俱伺諸塵若一根
中不能一時聞見六塵當知无我所
引向喻雖經百年見者因之所見无
異眼根若今年邁根熟亦應无異人
向異故見內見外眼根若今亦應內
外一時俱見若不見者云何有我六
師復言瞿曇若无我者誰能見耶
佛言有色有明有心有眼是四和合
故名爲見是中實无見者受者衆生
顛倒言有見者及以受者以是義故
一切衆生所見顛倒諸佛菩薩所見
真實六師若言色是我者是亦不然
何以故色實非我色若是我不應而
得醜陋形貌何故復有四姓差別恚
不一種婆羅門耶何故屬他不得自
在諸根缺陋生不具足何故不作諸
天之身而受地獄畜生餓鬼種種諸
身若不能得隨意作者當知必定无
有我也以无我故名爲无常无常故
苦苦故爲空空故顛倒以顛倒故一

切衆生輪轉生死受想行識亦復如是六師如來世尊永斷色縛乃至識縛是故名爲常樂我淨復次色者即是因緣若因緣者則名无我若無我者名爲苦空如來之身非是因緣非因緣故則名有我若有我者即常樂淨六師復言瞿曇色亦非我乃至識亦非我我者遍一切處猶如虛空佛言若遍有者則不應言我初不見若初不見則知是見本无今有若本无今有是名無常若无常者云何言遍若遍有者五道之中應具有身若有身者應各受報若各受報云何而言轉受人天汝言遍者一耶多耶我若一者則无父子然親中人我若多者一切衆生所有五根悉應平等所有業慧亦應如是若如是者云何說言根有具足不具足者善業惡業愚智差別瞿曇衆生我者无有邊際法與非法則有分齊衆生修法則得好身若行非法則得惡身以是義故衆生業果不得無差

佛言善男子法與非法若如是者我

則不通我若遍者則應悉到如其到者修善之人亦應有惡行惡之人亦應有善若不尔者云何言遍瞿曇譬如一室然百千燈之各自明不相妨等衆生我者亦復如是修善行惡不相離合善男子汝等若言我如燈者是義不然何以故彼燈之明從緣而有燈增長故明亦增長衆生我者則不如是明從燈出住在異處衆生我者不得如是從身而出住在異處彼燈光明與闇共住何以故如闇室中然一燈時照則不了及至多燈乃得明了若初燈破闇則不須後燈若須後燈當知初明與闇共住瞿曇若无我者誰作善惡

佛言若我作者云何名常如其常者云何而得有時作善有時作惡若言有時作善惡者云何復得言我无邊若我作者何故而復冒行惡法如其我是作者知者何故生疑衆生无我以是義故外道法中定无有我若言我者則是如來何以故身无邊故无疑網故不作不受故名爲常不生不

滅故名為樂无煩惱垢故名為淨无
有十相故名為空是故如來常樂我
淨空无諸相諸外道言若言如來常
樂我淨无相故空當知瞿曇所說之
法則非空也是故我今當頂戴受持
尔時外道其數无量於佛法中信心
出家善男子以是因緣故我於此娑
羅雙樹大師子吼師子吼者名大涅
槃善男子東方雙者破於无常獲得
於常乃至北方雙者破於不淨而得
於淨善男子此中衆生為雙樹故護
娑羅林不令外人取其枝葉斫截破
壞我亦如是為四法故今諸弟子護
持佛法何等名四常樂我淨此四雙
樹四王典掌我為四王護持我法是
故於中而般涅槃善男子娑羅雙樹
花果常茂常能利益无量衆生我亦
如是常能利益聲聞緣覺花者喻我
果者喻樂以是義故我於此間娑羅
雙樹入大寂定大寂定者名大涅槃
師子吼言世尊如來何故二月涅槃
善男子二月名春春陽之月万物生
長種植根栽花果敷榮江河盈滿百

獸孚乳是時衆生多生常想為破衆
生如是常心說一切法志是无常惟
說如來常住不變善男子於六時中
孟冬枯頽衆不愛樂陽春和液人所
貪愛為破衆生世間樂故演說常樂
我淨亦尔如來為破世我世淨故說
如來真實我淨言二月者喻於如來
二種法身冬不樂者智者不樂如來
无常入於涅槃二月樂者喻於智者
愛樂如來常樂我淨種植者喻諸衆
生聞法歡喜發阿耨多羅三藐三菩
提心種諸善根河者喻於十方諸大
菩薩來詣我所諮受如是大涅槃典
百獸孚乳者喻我弟子生諸善根花
喻七覺果喻四果以是義故我於二
月入大涅槃師子吼言如來初生出
家成道轉妙法輪皆以八日何故涅
槃獨十五日佛言善哉善哉善男子
如十五日月無虧盈諸佛如來亦復
如是入大涅槃无有虧盈以是義故
以十五日入般涅槃善男子如十五
日月盛滿時有十二事何等十一一
能破闇二令衆生見道非道三令衆

生見道邪正四除鬱蒸得清涼樂五
能破壞熒火高心六息一切賊盜之
想七除衆生畏惡歎心八能開敷優
鉢羅花九合蓮花十引發行人進路
之心十一令諸衆生樂受五欲多獲
快樂善男子如來滿月亦復如是一
者破壞无明大闇二者演說正道邪
道三者開示生死邪嶮涅槃平正四
者令人遠離貪欲瞋恚癡熱五者破
壞外道无明六者破壞煩惱結賊七
者除滅畏五蓋心八者開敷衆生種
善根心九者覆蓋衆生五欲之心十
者發起衆生進修趣向大涅槃行十
一者令諸衆生樂修解脫以是義故
於十五日入大涅槃而我真實不入
涅槃我弟子中愚癡惡人定謂如來
入於涅槃譬如母人多有諸子其母
捨行至他國土未還之頃諸子各言
我母已死而是母人實不死也

師子吼菩薩言世尊何等比丘能莊
嚴此娑羅雙樹善男子若有比丘受
持讀誦十二部經正其文句通達深
義為人解說初中後善為欲利益无

量衆生演說梵行如是比丘則能莊嚴娑羅雙樹師子吼菩薩言世尊如我解佛所說義者阿難比丘即其人也何以故阿難比丘受持讀誦十二部經為人開說正語正義猶如寫水置之異器阿難比丘亦復如是從佛所聞如聞轉說

善男子若有比丘得淨天眼見於十方三千大千世界所有如觀掌中菴摩勒果如是比丘亦能莊嚴娑羅雙樹師子吼言世尊若如是者阿尼樓駄比丘即其人也何以故阿尼樓駄天眼見於三千大千世界所有乃至中陰悉能明了元障尋故

善男子若有比丘少欲知足心樂寂靜勤行精進念定慧解如是比丘則能莊嚴娑羅雙樹師子吼言世尊若如是者迦葉比丘即其人也何以故迦葉比丘善修少欲知足等法

善男子若有比丘為益衆生故不為利養修習通達无諍三昧聖行空行如是比丘則能莊嚴娑羅雙樹師子吼言世尊若如是者須菩提比丘即

其人也何以故須菩提者善修元誨
聖行空行故

善男子若有比丘善修神通一念之
中能作種種神通變化一心一定能
作二果所謂水火如是比丘則能莊
嚴娑羅雙樹師子吼言世尊若如是
者目連比丘即其人也何以故目連
連者善修神通无量變化故

善男子若有比丘修習大智利智疾
智解脫智甚深智廣智无邊智无勝
智實智具足成就如是慧根於恣親
中心無差別若聞如來涅槃无常心
不憂感若聞常住不入涅槃不生欣
慶如是比丘則能莊嚴娑羅雙樹師
子吼言世尊若如是者舍利弗比丘
即其人也何以故舍利弗者善能成
就具足如是大智慧故

善男子若有比丘能說衆生悉有佛
性得金剛身无有邊際常樂我淨身
心無尋得八自在如是比丘則能莊
嚴娑羅雙樹師子吼言世尊若如是
者惟有如來即其人也何以故如來
之身金剛无邊常樂我淨身心无尋

具八自在故世尊惟有如來乃能莊嚴娑羅雙樹如其无者則不端嚴惟願大慈為莊嚴故常住於此娑羅林中佛言善男子一切諸法性无住住汝云何言願如來住善男子凡言住者名為色法從因緣生故名為住因緣无處故名不住住如來已斷一切色縛云何當言如來住耶受想行識亦復如是善男子住名慍慢以慍慢故不得解脫不得解脫故名為住誰有慍慢從何處來是故得名為无住住如來永斷一切慍慢云何而言願如來住住者名有為法如來已斷有為之法是故不住住名空法如來已斷如是空法是故獲得常樂我淨云何而言願如來住住者名為二十五有來住住者即是一切凡夫諸聖无去無來无住如來已斷去來住相云何言住夫无住者名无邊身身无邊故云何而言惟願如來住娑羅林若住此林則是有邊身若有邊則是无常如來是常云何言住夫无住者名曰

虛空如來之性同於虛空云何言住
又无住者名金剛三昧金剛三昧壞
一切住金剛三昧即是如來云何言
住又无住者則名為幻如來同幻云
何言住又無住者名無始終如來之
性无有始終云何言住又無住者名
無邊法界无邊法界即是如來云何
言住又无住者名首楞嚴三昧首楞
嚴三昧知一切法而無所著以无著
故名首楞嚴如來具足首楞嚴定云
何言住又無住者名處非處力如來
成就處非處力云何言住又无住者
名檀波羅蜜檀波羅蜜若有住者則
不得至尸波羅蜜乃至般若波羅蜜
以是義故檀波羅蜜名為无住如來
乃至不住般若波羅蜜云何願言如
來常住娑羅樹林又无住者名修四
念處如來若住四念處者則不能得
阿耨多羅三藐三菩提是名不住住
又无住者名无邊衆生界如來悉到
一切衆生无邊界分而無所住又無
住者名無屋宅无屋宅者名為无有
無有者名為无生無生者名為无死

無死者名為元相無相者名為元繫
元繫者名為无著無著者名為无漏
無漏即善善即无為無為者即大涅
槃大涅槃即常常者即我我者即淨
淨者即樂常樂我淨即是如來善男
子譬如虛空不住東方南西北方四
維上下如來亦尔不住東方南西北
方四維上下善男子若有說言身口
意惡得善果者无有是處身口意善
得惡果者亦无是處若言凡夫得見
佛性十住菩薩不得見者亦无是處
一闍提輩犯五逆罪謗方等經毀四
重禁得阿耨多羅三藐三菩提者亦
无是處六住菩薩煩惱因緣墮三惡
道亦无是處菩薩摩訶薩以真女身
得阿耨多羅三藐三菩提者亦无是
處一闍提常三寶无常亦无是處如
來住於拘尸那城亦无是處善男子
如來今於此拘尸那城入大三昧深
禪定窟衆不見故名入涅槃

師子吼言如來何故入禪定窟善男
子為欲度脫諸衆生故未種善根者
今得種故已種善根者得增長故善

果未熟令得熟故為已熟者說趣阿
耨多羅三藐三菩提故輕賤善法者
令生尊重故諸有放逸者令離放逸
故為與文殊師利等諸大香為共論
議故為欲教化樂讀誦者深愛禪定
故為以聖行梵行天行教化眾生故
為觀不共深法藏故為欲呵責放逸
弟子故如來常寂猶尚樂定况汝等
輩煩惱未盡而生放逸為欲呵責諸
惡比丘受畜八種不淨之物及不少
欲知足故為令眾生尊重所聞禪
定法故以是因緣入禪定窟師子吼
言世尊无相定者名大涅槃是故涅
槃名為无相以何因緣名為无相善
男子无十相故何等為十所謂色相
聲相香相味相觸相生住壞相男相
女相是名十相無如是心故名無相
善男子夫著相者則能生癡癡故生
愛愛故繫縛繫縛故受生受生故有
死死故无常不著相者則不生癡不
生癡故則无有愛無有愛故則无繫
縛无繫縛故則不受生不受生故則
无有死無有死故則名為常以是義

故涅槃名常師子吼言世尊何等比丘能斷十相佛言善男子若有比丘數數修習三種相者則斷十相數數修習三昧定相數數修習智慧之相數數修習捨相是名三相師子吼言世尊云何名為定慧捨相定是三昧者一切衆生皆有三昧云何方言修習三昧若心在一境則名三昧若更餘緣則不名三昧如其不定非一切智非一切智云何名定若以一行得三昧者其餘諸行亦非三昧若非三昧則非一切智若非一切智云何名三昧慧捨二相亦復如是

佛言善男子如汝所言緣於一境得名三昧其餘諸緣不名三昧是義不然何以故如是餘緣亦一境故行亦如是又言衆生先有三昧不須修者是亦不然所以者何言三昧者名善三昧一切衆生真實未有云何而说不須修習以住如是善三昧中觀一切法名善慧相不見三昧智慧異相是名捨相

復次善男子若取色相不能觀色常

無常相是名三昧若能觀色常无常相是名慧相三昧慧等觀一切法果名捨相善男子如善御駕馭遲疾得所遲疾得所故名捨相菩薩亦尔若三昧多者則修習慧若慧多者則修習三昧三昧慧等則名為捨善男子十住菩薩智慧力多三昧力少是故不得明見佛性聲聞緣覺三昧力多智慧力少以是因緣不見佛性諸佛世尊定慧等故明見佛性了了无碍如觀掌中菴摩勒果見佛性者名為捨相奢摩他者名為能滅能滅一切煩惱結故又奢摩他者名曰能調能調諸根惡不善故又奢摩他者名曰寂靜能令三業成寂靜故又奢摩他者名曰遠離能令衆生離五欲故又奢摩他者名曰能清能清貪欲瞋恚愚癡三濁法故以是義故故名定相毗婆舍那名為正見亦名了見名為能見名曰遍見名次第見名別相見是名為慧慧畢又者名曰平等亦名不諍又名不觀亦名不行是名為捨善男子奢摩他者有二種一者世間

二者出世間復有二種一者成就二不成就成就者所謂諸佛菩薩不成就者所謂聲聞辟支佛等復有三種謂下中上下者謂諸凡夫中者聲聞緣覺上者諸佛菩薩復有四種一者退二者住三者進四者能大利益復有五種所謂五智三昧何等為五一者无食三昧二者无過三昧三者身意清淨一心三昧四者因果俱樂三昧五者常念三昧復有六種一者觀骨三昧二者慈三昧三者觀十二因緣三昧四者阿耨婆那三昧五者正念覺觀三昧六者觀生滅住異三昧復有七種所謂七覺分一者念處覺分二者擇法覺分三者精進覺分四者喜覺分五者除覺分六者定覺分七者捨覺分復有七種一者須陀洹三昧二者斯陀含三昧三者阿那含三昧四者阿羅漢三昧五者辟支佛三昧六者菩薩三昧七者如來覺知三昧復有八種謂八解脫三昧一者內有色相外觀色解脫三昧二者內无色相外觀色解脫三昧三者淨解脫身證三

昧四者空處解脫三昧五者識處解脫三昧六者元所有處解脫三昧七者非有想非无想處解脫三昧八者滅盡定處解脫三昧復有九種所謂九次第定四禪四空及滅盡定三昧復有十種所謂十一切處三昧何等為十一者地一切處三昧二者水一切處三昧三者風一切處三昧四者青一切處三昧五者黃一切處三昧六者赤一切處三昧七者白一切處三昧八者空一切處三昧九者識一切處三昧十者无所有一切處三昧復有无数種所謂諸佛菩薩善男子是名三昧相善男子慧有二種一者世間二者出世間復有三種一者般若二者毗婆舍那三者闍那般若者名一切衆生毗婆舍那者一切聖人闍那者諸佛菩薩又般若者名為別相毗婆舍那者名為總相闍那者名為破相復有四種所謂觀四真諦善男子為三事故修奢摩他何等為三一者不放逸故二者莊嚴大智故三者得自在故復次為三事故修毗婆

舍那何等為三一者為觀生死惡果
報故二者為欲增長諸善根故三者
為破一切諸煩惱故

大般涅槃經卷第三十

辛丑歲高麗國大藏都監奉

勅雕造

大般涅槃經卷第三十一

佛

北凉天竺三藏曇無讖譯

師子吼菩薩品第十一之五

師子吼言世尊如經中說若毗婆舍
那能破煩惱何故復修奢摩他耶佛
言善男子汝言毗婆舍那破煩惱者
是義不然何以故有智慧時則无煩
惱有煩惱時則无智慧云何而言毗
婆舍那能破煩惱善男子譬如明時
无闇闇時無明若有說言明能破闇
無有是處善男子誰有智慧誰有煩
惱而言智慧能破煩惱如其无者則
无所破善男子若言智慧能破煩惱
為到故破不到故破若不到破者凡
夫衆生則應能破若到故破者初念
應破若初念不破後亦不破若初到
便破是則不到云何說言智慧能破
若言到與不到而能破者是義不然
復次毗婆舍那破煩惱者為獨能破
為伴故破若獨能破菩薩何故修八
正道若伴故破當知獨則不能破也
若獨不能伴亦不能如一盲人不能見

色雖伴衆盲亦不能見毗婆舍那亦復如是善男子如地堅性火熱性水濕性風動性而地堅性乃至風動性非因緣作其性自尔如四大性煩惱亦尔性自是断若是断者云何而言智慧能断以是義故毗婆舍那決定不能破諸煩惱善男子如鹽性鹹令異物鹹蜜本性甘令異物甘水本性濕令異物濕智慧性滅令法滅者是義不然何以故若法无滅云何智慧強能令滅若言鹽鹹令異物鹹慧滅亦尔能令異法滅者是亦不然何以故智慧之性念念滅故若念念滅云何而言能滅他法以是義故智慧之性不破煩惱善男子一切諸法有二種滅一者性滅二者畢竟滅若性滅者云何而言智慧能滅若言智慧能燒煩惱如火燒物是義不然何以故如火燒物則有遺燼智慧若尔應有餘燼如斧伐樹斫處可見智慧若尔有何可見慧若能令煩惱離者如是煩惱應餘處現如諸外道離六大城拘尸那現若是煩惱不餘處現則知智

慧不能令離善男子一切諸法性若
自空誰能令生誰能令滅異生異滅
無造作者善男子若修習定則得如
是正知正見以是義故我經中說若
有比丘修習定者能見五陰生滅之
相善男子若不修定世間之事尚不
能了況於出世若无定者平處顛墜
心緣異法口宣異言耳聞異語心解
異義欲造異字手書異文欲行異路
身涉異徑若有修習三昧定者則大
利益乃至阿耨多羅三藐三菩提
善男子菩薩摩訶薩具足二法能大
利益一者定二者智善男子如刈管
草執急則斷菩薩摩訶薩修是二法
亦復如是善男子如拔堅木先以手
動後則易出菩薩定慧亦復如是先
以定動後以智拔善男子如浣垢衣
先以灰汁後以清水衣則鮮潔菩薩
定慧亦復如是善男子如先讀誦後
則解義菩薩定慧亦復如是善男子
譬如勇人先以鎧仗牢自莊嚴然後
御陣能壞怨賊菩薩定慧亦復如是
善男子譬如巧匠鉗錫盛金自在隨

意撓攪融消菩薩定慧亦復如是善男子譬如明鏡照了面像菩薩定慧亦復如是善男子如先平地然後下種先從師受後思惟義善菩薩定慧亦復如是以是義故菩薩摩訶薩修是二法能大利益善男子菩薩摩訶薩修是二法調攝五根堪忍衆苦所謂飢渴寒熱打擲罵辱惡獸所嚙蚊蟲所螫常攝其心不令放逸不為利養行於非法客塵煩惱所不能汙不為諸邪異見所惑常能遠離諸惡覺觀不久成就阿耨多羅三藐三菩提為欲成就利衆生故善男子菩薩摩訶薩修是二法四倒暴風不能吹動如頂弥山雖為四風之所吹鼓不能令動不為外道邪師所拔如帝釋幢不可移轉衆邪異術不能誑惑常受微妙第一安樂能解如來深秘密義受樂不欣逢苦不感諸天世人恭敬讚歎明見生死及非生死善能了知法界法性身有常樂我淨之法是則名為大涅槃樂

善男子定相者名空三昧慧相者名

無願三昧捨相者名无相三昧善男子若有菩薩摩訶薩善知定時慧時捨時及知非時是名菩薩摩訶薩行菩提道師子吼言世尊云何菩薩知時非時善男子菩薩摩訶薩因於受樂生大憍慢或因說法而生憍慢或因精勤而生憍慢或因解義善問答時而生憍慢或因親近惡知識故而生憍慢或因布施所重之物而生憍慢或因世間善法功德而生憍慢或慢或因世間豪貴之人所恭敬故而生憍慢當知今時不宜修智宜應修定是名菩薩知時非時若有菩薩勤修精進未得利益涅槃之樂以不得故生於悔心以鈍根故不能調伏五情諸根諸垢煩惱勢力盛故自疑戒律有羸損故當知今時不宜修定宜應修智是名菩薩知時非時善男子若有菩薩定慧二法不平等者當知今時不宜修捨二法若等則宜修之是名菩薩知時非時善男子若有菩薩修習定慧起煩惱者當知今時不宜修捨宜應讀誦書寫解說十二部經念

佛念法念僧念戒念天念捨是名修捨善男子若有菩薩修習如是三法相者以是因緣得无相涅槃

師子吼言世尊無十相故名大涅槃為无相者復以何緣名為無生无出無作屋宅洲歸安隱滅度涅槃寂靜无諸病苦無所有耶佛言善男子无因緣故故名无生以無為故故名無出无造業故故名无作不入五見故名屋宅離四瀑水故名為洲調衆生故故名歸依壞結賊故故名安隱諸結火滅故名滅度離覺觀故名曰涅槃遠憤鬧故名曰寂靜永斷必死故名无病一切無故名無所有善男子若菩薩摩訶薩作是觀時即得明了見於佛性師子吼言世尊菩薩摩訶薩成就幾法能見如是无相涅槃至无所有佛言善男子菩薩摩訶薩成就十法則能明見涅槃无相至無所有何等為十一者信心具足云何名為信心具足深信佛法衆僧是常十方諸佛方便示現一切衆生及一闍提悉有佛性不信如來生老病死及

修苦行提婆達多真實破僧出佛身
血如來畢竟入於涅槃正法滅盡是
名菩薩信心具足二者淨戒具足云
何名為淨戒具足善男子若有菩薩
自言戒淨雖不與彼女人和合見女
人時或生嘲調言語戲笑如是菩薩
成就欲法毀破淨戒汙辱梵行令戒
雜穢不得名為淨戒具足復有菩薩
自言戒淨雖不與彼女人身合嘲調
戲笑於壁障外遙聞女人璎珞環釧
種種諸聲心生愛著如是菩薩成就
欲法毀破淨戒汙辱梵行令戒雜穢
不得名為淨戒具足復有菩薩自言
戒淨雖復不與女人和合言語嘲調
聽其音聲然見男子隨逐女時或見
女人隨逐男時便生貪著如是菩薩
成就欲法毀破淨戒汙辱梵行令戒
雜穢不得名為淨戒具足復有菩薩
自言戒淨雖復不與女人和合言語
嘲調聽其音聲見男女相隨然為生
天受五欲樂如是菩薩成就欲法毀
破淨戒汙辱梵行令戒雜穢不得名
為淨戒具足善男子若有菩薩清淨

持戒而不為戒不為尸羅波羅蜜不
為衆生不為利養不為菩提不為涅
槃不為聲聞辟支佛唯為寂上第一
義故護持禁戒善男子是名菩薩淨
戒具足三者親近諸善知識善知識
者若有能說信戒多聞布施智慧令
人受行是名菩薩善知識也四者樂
於寂靜寂靜者所謂身心寂靜觀察
諸法甚深法界是名寂靜五者精進
精進者所謂繫心觀四真諦設頭火
然終不放捨是名精進六者念具足
念具足者所謂念佛念法念僧念戒
念天念捨是名念具足七者軟語軟
語者所謂實語妙語先意問評時語
真語是名軟語八者護法護法者所
謂愛樂正法常樂演說讀誦書寫思
惟其義廣宣敷揚令其流布若見有
人書寫解說讀誦讚歎思惟義者為
求資生而供養之所謂衣服飲食卧
具醫藥為護法故不惜身命是名護
法九者菩薩摩訶薩見有同學同戒
有所乏少轉從他乞熏鉢染衣瞻病
所須衣服飲食卧具房舍而供給之

十者具足智慧智慧者所謂觀於如來常樂我淨一切衆生悉有佛性觀法二相所謂空不空常无常樂無樂我无我淨不淨異法可斷異法不可斷異法從緣生異法從緣見異法從緣果異法非緣果是名具足智慧善男子是名菩薩具足十法即能明見涅槃无相

師子吼言世尊如佛先告純陀汝今已得見於佛性得大涅槃成就阿耨多羅三藐三菩提是義云何世尊如經中說若施畜生得百倍報施一闍提得千倍報施持戒者百千倍報若施外道斷煩惱者得无量報奉施四向及以四果至辟支佛得無量報施不退菩薩及寂後身諸大菩薩如來世尊所得福報无量無邊不可稱計不可思議純陀大士若受如是无量報者是報無盡何時當得阿耨多羅三藐三菩提世尊經中復說若人重心造善惡業必得果報若現世受若次生受若後世受純陀善業慳重心作當知是業必定受報若定受報云

何得成阿耨多羅三藐三菩提云何
復得見於佛性世尊經中復說施三
種人果報元盡一者病人二者父母
三者如來世尊經中復說佛告阿難
一切衆生如其元有欲界業者即得
阿耨多羅三藐三菩提色無色業亦
復如是世尊如法句偈非空非海中
非入山石間无有地方所脫之不受
業又阿尼樓駄言世尊我憶往昔以
一食施八万劫中不墮三惡世尊一
食之施尚得是報何況純施信心施
佛具足成就檀波羅蜜世尊者善果
報不可盡者謗方等經犯五逆罪毀
四重禁一闡提罪云何可盡若不可
盡云何能得見於佛性成阿耨多羅
三藐三菩提佛言善哉善哉善男子
唯有二人能得无量無邊功德不可
稱計不可宣說能竭生死漂流瀑河
降魔怨敵摧魔勝幢能轉如來无上
法輪一者善問二者善答善男子佛
丁力中業力寂深善男子有諸衆生
於業緣中心輕不信為度彼故作如
是說善男子一切作業有輕有重

重二業復各有二一者決定二者不決定善男子或有人言惡業无果若言惡業定有果者云何氣噓旃陀羅而得生天鶖掘摩羅得解脫果以是義故當知作業有定得果不定得果我為除斷如是邪見故於經中說如是語一切作業无不得果善男子或有重業可得作輕或有輕業可得作重非一切人唯有愚智是故當知非一切業悉定得果雖不定得亦非不得善男子一切衆生凡有二種一者智人二者愚癡有智之人以智慧力能令地獄極重之業現世輕受愚癡之人現世輕業地獄重受師子吼言世尊若如是者則不應求清淨梵行及解脫果佛言善男子若一切業定得果者則不應求梵行解脫以不定故則修梵行及解脫果善男子若能遠離一切惡業則得善果若遠善業則得惡果若一切業定得果者則不應求修習聖道若不修道則无解脫一切聖人所以修道為壞定業得輕報故不定之業无果報故若一切業

定得果者則不應求修習聖道若人
遠離修習聖道得解脫者无有是處
不得解脫得涅槃者亦無是處善男
子若一切業定得果者一世所作純
善之業應當永已常受安樂一世所
作極重惡業亦應永已受大苦惱業
果若尔則无修道解脫涅槃人作人
受婆羅門作婆羅門受若如是者則
不應有下姓下人人應常人婆羅門
應常婆羅門小時作業應小時受不
應中年及老時受老時作惡生地獄
中地獄初身不應便受應待老時然
後乃受若老時不煞不應壯年得壽
若無壯壽云何至老業无失故業若
无失云何而有修道涅槃善男子業
有二種定以不定定業有二一者報
定二者時定或有報定而時不定緣
合則受或三時受所謂現受生受後
受善男子若定心作善惡等業作已
深生信心歡喜若發誓願供養三寶
是名定業善男子智者善根深固難
動是故能令重業為輕愚癡之人不
善深厚能令輕業而作重報以是義

故一切諸業不名決定菩薩摩訶薩
无地獄業為衆生故發大誓願生地
獄中善男子往昔衆生壽百年時恒
沙衆生受地獄報我見是已即發大
願受地獄身菩薩今時實无是業為
衆生故受地獄果我於今時在地獄
中經无量歲為諸罪人廣開分別十
二部經諸人間已壞惡果報令地獄
空除一闡提是名菩薩摩訶薩非現
生後受是惡業復次善男子是賢劫
中无量衆生墮畜生中受惡業果我
見是已復發誓願為欲說法度衆生
故或作麀鹿熊羆狝猴龍蛇金翅鳥
鵠魚鼃兔象牛馬之身善男子菩薩摩
訶薩實无如是畜生惡業以大願力
為衆生故現受是身是名菩薩摩訶
薩非現生後受是惡業復次善男子
是賢劫中復有无量無邊衆生生餓
鬼中或食吐汁脂肉膿血屎鼻涕唾
壽命无量百千万歲初不曾聞漿水
之名况復眼見而得飲也設遙見水
生意往趣到則變成猛火膿血或時
不變則有多人手執矛槊遮護捉持

不令得前或天降雨至身成火是名
惡業果報善男子菩薩摩訶薩實无
如是諸惡業果為化衆生令得解脫
故發誓願受如是身是名菩薩摩訶
薩非現生後受是惡業善男子我於
賢劫生屠膾家畜養雞猪牛羊掘獵
羅網戲捕旃陀羅舍作賊劫盜菩薩
實无如是惡業為度衆生令得解脫
以大願力受如是身是名菩薩摩訶
薩非現生後受是惡業善男子是賢
劫中復生邊地多作貪欲瞋恚愚癡
習行非法不信三寶後世界報不能
恭敬父母親老者舊長宿善男子菩
薩今時實无是業為令衆生得解脫
故以大願力而生其中是名菩薩摩
訶薩非現生後受是惡業善男子是
賢劫中復受女身惡身貪身瞋身癡
身妬身慳身幻身誑身經蓋之身善
男子菩薩今時亦无是業但為衆生
得解脫故以大願力願生其中是名
菩薩摩訶薩非現生後受是惡業善
男子我於賢劫受黃門身无根二根
及不定根善男子菩薩摩訶薩實无

如是諸惡身業為令衆生得解脫故
以大願力願生其中是名菩薩摩訶
薩非現生後受是惡業善男子我於
賢劫復習外道尼乾子法信受其法
无施无祠无施祠報無善惡業无善
惡業報無現在世及未來世无此無
彼無有聖人无變化身無道涅槃善
男子菩薩實無如是惡業但為衆生
令得解脫以大願力受是邪法是名
菩薩摩訶薩非現生後受是惡業

善男子我念往昔與提婆達多俱為
商主各各自有五百商人為利益故
至大海中採取珍寶惡業緣故路遇
暴風吹破舩舫伴黨死盡今時我與
提婆達多不殺果報長壽緣故為風
所吹俱至陸地時提婆達多貪惜寶
貨生大憂苦發聲啼哭我時語言提
婆達多不須啼哭提婆達多即語我
言諦聽諦聽譬如有入貧窮困苦至
塚墓間手捉死屍而作是言願汝今
者施我死樂我當施汝貧窮壽命今
時死屍即便起坐語貧人言善男子
貧窮壽命汝自受之我今甚樂如是

死樂實不欣汝貧窮而生然我今日
既無死樂兼復貧窮云何而得不啼
哭耶我復慰喻汝且莫愁今有二
珠價直無數當分一枚以相惠施我
即分與復語之言有命之人能得此
寶如其无命誰能得耶我時疲弊詣
一樹下止息眠卧提婆達多貪心熾
盛為餘一珠即生惡心刺壞我目劫
奪我珠我時患瘡發聲呻號時有一
女來至我所而問我言仁者何故呻
號如是我即為其廣說本事女人聞
已復重問我汝名字何我即答言名
為實語女言云何知汝為實語耶我
即立誓若我今於提婆達多有惡心
者目當如是永為盲瞽如其无者當
還得眼言已其目平復如故善男子
是名菩薩摩訶薩說現世報

善男子我念往昔生南天竺富單那
城婆羅門家是時有王名迦羅富其
性暴惡憍慢自大年壯色美耽著五
欲我於今時為度衆生在彼城外寂
默禪思今時彼王春木花敷與其眷
屬宮人嫖女出城遊觀在樹林下五

欲自娛其諸姝女捨王遊戲遂至我所我時欲為斷彼貪故而為說法時王尋來即見我時便生惡心而問我言汝今已得羅漢果耶我言不得復言獲得不還果耶我言不得復作是言汝今若未得是二果則為具足貪欲煩惱云何自恣觀我女人我即答言大王當知我今雖未斷於貪結然其內心實无貪著王言癡人世有諸仙服氣食果見色猶貪況汝盛年未斷貪欲云何見色而當不貪我言大王見色不著實不因於服氣食果皆由繫心无常不淨王言若有輕他而生誹謗云何得名修持淨戒我言大王若有妬心則有誹謗我无妬心云何言謗王言大德云何名戒大王忍名為戒王言若忍是戒者當截汝耳若能忍者知汝持戒即截其耳時我被截顏色不變時王群臣見是事已即諫王言如是大士不應加害王告諸臣汝等云何知是大士諸臣答言見受苦時容色不變王復語言我當更試知變不變即劓其鼻刖其手足

今時菩薩已於无量無邊世中修習
慈悲愍苦衆生時四天王心懷瞋忿
雨沙礫石王見是已心大怖畏復至
我所長跪而言唯願哀愍聽我懺悔
我言大王我心无瞋亦如無貪王言
大德云何得知心無瞋恨我即立誓
我若真實无瞋恨者令我此身平復
如故發是願已身即平復是名菩薩
摩訶薩說現世報

善男子善業生報後報及不善業亦
復如是菩薩摩訶薩得阿耨多羅三
藐三菩提時一切諸業悉得現報不
善惡業得現報者如王作惡天降惡
雨亦如有人示獵師罝處及寶色鹿
其手墮落是名惡業現受果報生報
者如一闍提犯四重禁及五逆罪後
報者如持戒人深發誓願願未來世
常得如是淨戒之身若有衆生壽百
年時八十年時於中當作轉輪聖王
教化衆生善男子若業定得現世報
者則不能得生報後報菩薩摩訶薩
修三十二大人相業則不能得現世
報也若業不得三種報者是名不定

善男子若言諸業定得報者則不得
有修習梵行解脫涅槃當知是人非
我弟子是魔眷屬若言諸業有定不
定定者現報生報後報不定者緣合
則受不合不受以是義故應有梵行
解脫涅槃當知是人真我弟子非魔
眷屬善男子一切衆生不定業多次
定業少以是義故有修習道修習道
故決定重業可使輕受不定之業非
生報受善男子有二種人一者不定
作定報現報作生報輕報作重報應
人中受在地獄受二者定作不定應
生受者迴為現受重報作輕應地獄
受人中輕受如是二人一愚二智智
者為輕愚者令重善男子譬如二人
於王有罪眷屬多者其罪則輕眷屬
少者應輕更重愚智之人亦復如是
智者善業多故重則輕受愚者善業
少故輕則重受善男子譬如二人一
則肥壯一則羸瘦俱沒深泥肥壯能
出羸者則沒善男子譬如二人俱共
服毒一有呪力及阿伽陀一者无有
賴呪藥者毒不能傷其无呪藥服時

即死善男子譬如二人俱多飲漿一
火力勢盛一則微弱火力勢多者則能
消化火力勢弱者則為其患善男子譬
如二人為王所繫一有智慧一則愚
癡其有智者則能得脫愚癡之人无
有脫期善男子譬如二人俱涉險路
一則有目一則盲瞽有目之人直過
無患盲者墜落墮深坑險善男子譬
如二人俱共飲酒一則多食一則少
食其多食者飲則无患其少食者飲
則成患善男子譬如二人俱敵怨陣
一則鎧仗具足莊嚴一則白身其有
仗者能破怨敵其白身者不能自勉
復有二人糞穢汙衣一覺尋浣一覺
不浣其尋浣者衣則淨潔其不浣者
垢穢日增復有二人俱共乘車一有
副軸一无副軸有副軸者隨意而去
无副軸者則不移處復有二人俱行
曠路一有資糧一則空往有資糧者
則得度險其空往者則不能過復有
二人為賊所劫一有寶藏一則无藏
有寶藏者心無憂戚其无藏者心則
愁惱愚智之人亦復如是有善藏者

重業輕受無善藏者輕業重受

師子吼菩薩言世尊如佛所說非一切業悉得定果非一切衆生定受世尊云何衆生令現輕報地獄重受地獄重報現世輕受佛言一切衆生凡有二種一者有智二者愚癡若能修習身戒心慧是名智者若不能修身戒心慧是名愚者云何名為不修習身若不能攝五情諸根名不修身不能受持七種淨戒名不修戒不調心故名不修心不修聖行名不修慧復次不修身者不能具足清淨戒體不修戒者受畜八種不淨之物不修心者不能修習三種相故不修慧者不能修梵行故復次不修身者不能觀身不能觀色及觀色相不觀身相不知身數不知是身從此到彼於非身中而生身相於非色中而作色相是故貪著我身身數名不修身不修戒者若受下戒不名修戒受持邊戒為自利戒為自調戒不能普為安樂衆生非為護持無上正法為生天上受五欲樂不名修戒不修心者若心散亂

不能專一守自境界自境界者謂四
念處他境界者所謂五欲若不能修
四念處者名不修心於惡業中不善
護心名不修慧復次不修身者不能
深觀是身无常無住危脆念念滅壞
是魔境界不修戒者不能具足尸波
羅蜜不修心者不能具足禪波羅蜜
不修慧者不能具足般若波羅蜜復
次不修身者貪著我身及我所身我
身常恒无有變易不修戒者為自身
故作十惡業不修心者於惡業中不
能攝心不修慧者以不攝心不能分
別善惡等法復次不修身者不斷我
見不修戒者不斷戒取不修心者作
貪瞋業趣向地獄不修慧者不斷癡
心復次不修身者不能觀身雖无過
咎而常是怨善男子譬如男子有怨
常逐伺求其便智者覺已繫心慎護
若不慎護則為其害一切衆生身亦
如是常以漿水飲食冷煖調適將養
若不如是將護守慎即當散壞善男
子如婆羅門奉事火天常以香花讚
歎禮拜供養承事期滿百年若一觸

時尋燒人手是火雖得如是供養終無一念報事者恩一切衆生身亦如是雖於多年以好香花瓔珞衣服飲食卧具病瘦醫藥而供給之若遇内外諸惡因緣即時滅壞都不憶念往日供給衣食之恩善男子譬如有王畜四毒蛇置之篋以付一人仰令瞻養是四蛇中設一生瞋則能害人是人恐怖常求飲食隨時守護一切衆生四大毒蛇亦復如是若一大瞋則能壞身善男子如人久病應當至心求醫療治若不勤救必死不疑一切衆生身亦如是常應攝心不令放逸若放逸者即便滅壞善男子譬如坏瓶不耐風雨打擲槌押一切衆生身亦如是不耐飢渴寒熱風雨打繫惡罵善男子如薤未熟常當善護不令人觸設有觸者即大苦痛一切衆生身亦如是善男子如驀懷妊自害其軀一切衆生身亦如是内有風冷身即受害善男子譬如芭蕉生實則枯一切衆生身亦如是善男子亦如芭蕉内無堅實一切衆生身亦如是善

男子如蛇鼠狼各各相於常生怨心
衆生四大亦復如是善男子譬如鵝
王不樂塚墓善菩薩亦不於身塚墓亦
不貪樂善男子如旃陀羅七世相繼
不捨其業是故為人之所輕賤是身
種子亦復如是種子精血究竟不淨
以不淨故諸佛菩薩之所輕呵善男
子是身不如摩羅耶山生於栴檀亦
不能生優鉢羅花芬陀利花瞻婆花
摩利迦花婆師迦花九孔常流膿血
不淨生處臭穢醜陋可惡常與諸虫
共在一處善男子譬如世間雖有上
妙清淨園林死尸至中則為不淨衆
共捨之不生愛著色界亦不雖復淨
妙以有身故諸佛菩薩悉共捨之善
男子若有不能作如是觀名不修身
不修戒者善男子若不能觀戒是一
切善法梯橙亦是一切善法根本如
地恙是一切樹木所生之本是諸善
根之導首也如彼商主導衆商人戒
是一切善法勝幢如天帝釋所立勝
幢戒能永斷一切惡業及三惡道能
療惡病猶如藥樹戒是生死險道資

糧戒是摧結破賊鎧仗戒是滅結毒
蛇良呪戒是度惡業行橋梁若有不
能如是觀者名不修戒不修心者不
能觀心輕躁動轉難捉難調馳騁奔
逸如大惡象念念迅速如彼電光躁
擾不住猶如猕猴如幻如炎乃是一
切諸惡根本五欲難滿如火獲薪亦
如大海吞受諸流如身陷山草木滋
多不能觀察生死虛妄耽惑致患如
魚吞鈎常先引導諸業隨從猶如貝
母引導諸子貪著五欲不樂涅槃如
飡食蜜乃至於死不顧荆棘深著現
樂不觀後過如牛貪苗不懼杖楚馳
騁周遍二十五有猶如疾風吹堯羅
毬所不應求求無厭足如无智人求
無熱火常樂生死不樂解脫如紅婆
丘樂紅婆樹迷惑愛著生死臭穢猶
如獄囚樂獄卒女亦如廁猪樂處不
淨若有不能如是觀者名不修心不
修慧者不觀智慧有大勢力如金翅
鳥能壞惡業壞無明闇猶如日光能
拔陰樹如水漂物焚燒邪見猶如猛
火慧是一切善法根本佛菩薩母之

種子也若有不能如是觀者不名修
慧善男子第一義中若見身身相身
因身果身聚身一身二此身彼身身
滅身等身修修者若有如是見者名
不修身善男子若見戒戒相戒因戒
果上戒下戒戒聚戒一戒二此戒彼
戒戒滅戒等戒修修者戒波羅蜜若
有如是見者名不修戒若見心心相
心因心果心聚心及心數心一心二此
心彼心心滅心等心修修者上中下
心善心惡心若有如是見者名不修
心善男子若見慧慧相慧因慧果慧
聚慧一慧二此慧彼慧慧滅慧等上
中下慧鈍慧利慧慧修修者若有如
是見者名不修慧善男子若有不修
身戒心慧如是之人於小惡業得大
惡報以恐怖故常生是念我屬地獄
作地獄行雖聞智者說地獄苦常作
是念如鐵打鐵石還打石木自打木
火至樂火地獄之身還似地獄若似
地獄有何苦事譬如蒼蠅為唾所粘
不能得出是人亦介於小罪中不能
自出心初元悔不能修善覆藏瑕疵

雖有過去一切善業悉為是罪之所
垢汙是人所有現受輕報轉為地獄
極重惡果善男子如小器水置鹽一
升其味鹹苦難可得飲是人罪業亦
復如是善男子譬如有人負他一錢
不能償故身被繫縛多受衆苦是人
罪業亦復如是師子吼菩薩言世尊
是人何故令現輕報轉地獄受佛言
善男子一切衆生若具五事令現輕
報轉地獄受何等為五一者愚癡故
二者善根微少故三者惡業深重故
四者不懺悔故五者不修本善業故
復有五事一者修習惡業故二者无
戒財故三者遠離諸善根故四者不
修身戒心慧故五者親近惡知識故
善男子是故能令現世輕報地獄重
受師子吼言世尊何等人能轉地獄
報現世輕受善男子若有修習身戒
心慧如先所說能觀諸法同如虛空
不見智慧不見智者不見愚癡不見
愚者不見修習及修習者是名智者
如是之人則能修習身戒心慧是人
能令地獄果報現世輕受是人設作

極重惡業思惟觀察能令輕微作是
念言我業雖重不如善業譬如毳花
雖復百斤終不能敵真金一兩如恒
河中投一升鹽水无鹹味飲者不覺
如巨富者雖多貧人千万寶物无能
繫縛令其受苦如大香象能壞鐵鎖
自在而去智慧之人亦復如是常思
惟言我善力多惡業羸弱我能發露
懺悔除罪惡業能修智慧智慧力多
無明力少如是念已親近善友修習
正見受持讀誦書寫解說十二部經
見有受持讀誦書寫解說之者心生
恭敬兼以衣食房舍卧具病藥花香
而供養之讚歎尊重所至到處稱說
其善不訟其短供養三寶敬信方等
大涅槃經如來常恒无有變易一切
衆生悉有佛性是人能令地獄重報
現世輕受善男子以是義故非一切
業悉有定果亦非一切衆生定受
大般涅槃經卷第三十一

壬寅歲高麗國大藏都監奉
勅彫造

大般涅槃經卷第三十二

體

北凉天竺三藏曇無讖譯

師子吼菩薩品第十一之六

師子吼菩薩言世尊若一切業不定得果一切衆生悉有佛性應當修習八聖道者何因緣故一切衆生悉不得是大般涅槃世尊若一切衆生有佛性者即當定得阿耨多羅三藐三菩提何須修習八聖道耶世尊如此經中說有病人若得醫藥及瞻病人隨病飲食若使不得皆悉除老一切衆生亦復如是若遇聲聞及辟支佛諸佛菩薩諸善知識若聞說法修習聖道若不遇不聞不修習道悉當得成阿耨多羅三藐三菩提何以故以佛性故世尊譬如日月無有能遮令不得至頻多山邊四大河水不至大海一闡提等不至地獄一切衆生亦復如是无有能遮令不得至阿耨多羅三藐三菩提何以故以佛性故世尊以是義故一切衆生不須修道以佛性力故應得阿耨多羅三藐三等

提不以修習聖道力故世尊若一闍
提犯四重禁五逆罪等不得阿耨多
羅三藐三菩提者應須修習以因佛
性定當得故非因修習然後得也世
尊譬如磁石去鐵雖遠以其力故鐵
則隨著衆生佛性亦復如是是故不
須勤修習道佛言善哉善哉善男子
如恒河邊有七種人若為洗浴恐畏
寢賊或為採花則入河中第一人者
入水則沉何以故羸無勢力不習浮
故第二人者雖沒還出出已復沒何
以故身力大故則能還出不習浮故
出已還沒第三人者沒已即出出更
不沒何以故身重故沒力大故出先
習浮故出已即住第四人者入已便
沒沒已還出出已即住遍觀四方何
以故重故則沉力大故還出習浮則
住不知出處故觀四方第五人者入
已即沉沉已便出出已即住住已觀
方觀已即去何以故為怖畏故第六
人者入已即去淺處則住何以故觀
賊近遠故第七人者既至彼岸登上
大山無復恐怖離諸怨賊受大快樂

善男子生死大河亦復如是有七種
人畏煩惱賊故發意欲渡生死大河
出家剃髮身被法服既出家已親近
惡友隨順其教聽受邪法所謂衆生
身者即是五陰五陰者即名五大衆
生若死永斷五大斷五大故何須修
習善惡諸業是故當知无有善惡及
善惡報如是則名一闍提也一闍提
者名斷善根斷善根故沒生死河不
能得出何以故惡業重故无信力故
如恒河邊第一人也善男子一闍提
輩有六因緣沒三惡道不能得出何
等為六一者惡心熾盛故二者不見
後世故三者樂習煩惱故四者遠離
善根故五者惡業障隔故六者親近
惡知識故復有五事沒三惡道何等
為五一者於比丘邊作非法故二者
比丘尼邊作非法故三者自在用僧
殘物故四者母邊作非法故五者於
五部僧平生是非故復有五事沒三
惡道何等為五一者常說无善惡果
故二者殺發菩提心衆生故三者意
說法師過失故四者法說非法非法

說法故五者為求法過而聽受故復有三事沒三惡道何等為三一謂如來無常永滅二謂正法無常遷變三謂僧寶可滅壞故是故常沒三惡道中第二人者發意欲渡生死大河斷善根故沒不能出所言出者親近善友則得信心是信心者信施施果信善善果信惡惡果信生死苦无常敗壞是名為信以得信心修習淨戒受持讀誦書寫解說常樂惠施善修智慧以鈍根故復遇惡友不能修習身戒心慧聽受邪法或值惡時處惡國土斷諸善根斷善根故常沒生死如恒河邊第二人也第三人者發意欲渡生死大河斷善根故於中沉沒親近善友得名為出信於如來是一切智常恒无變為衆生故說无上道一切衆生悉有佛性如來非滅法僧亦无有滅壞一闡提等不斷其法終不能得阿耨多羅三藐三菩提要當遠離然後乃得以信心故修習淨戒修習戒已受持讀誦書寫解說十二部經為諸衆生廣宣流布樂於惠施

修習智慧以利根故堅住信慧心无
退轉如恒河邊第三人也第四人者
發意欲渡生死大河斷善根故於中
沉沒親近善友故得信心是名為出
得信心故受持讀誦書寫解說十二
部經為衆生故廣宣流布樂於惠施
修習智慧以利根故堅住信慧心无
退轉遍觀四方觀四方者四沙門果
如恒河邊第四人也第五人者發意
欲渡生死大河斷善根故於中沉沒
親近善友故得信心是名為出以信
心故受持讀誦書寫解說十二部經
為衆生故廣宣流布樂於惠施修習
智慧以利根故堅住信慧心無退轉
無退轉已即便前進前進者謂辟支
佛雖能自渡不及衆生是名為去如
恒河邊第五人也第六人者發意欲
渡生死大河斷善根故於中沉沒親
近善友獲得信心得信心故名之為
出以信心故受持讀誦書寫解說十
二部經為衆生故廣宣流布樂於惠
施修習智慧以利根故堅住信慧心
無退轉无退轉已即復前進遂到淺

處到淺處已即住不去住不去者所謂善薩為欲度脫諸衆生故住觀煩惱如恒河邊第六人也第七人者發意欲渡生死大河斷善根故於中沉沒親近善友獲得信心得信心已名為出以信心故受持讀誦書寫解說十二部經為衆生故廣宣流布樂於惠施修習智慧以利根故堅住信慧心无退轉無退轉已即便前進既前進已得到彼岸登大高山離諸恐怖多受安樂善男子彼岸山者喻於如來受安樂者喻佛常住大高山者喻大涅槃善男子是恒河邊如是諸人悉具手足而不能渡一切衆生亦復如是實有佛寶法寶僧寶如來常說諸法要義有八聖道大般涅槃而諸衆生悉不能得此非我咎亦非聖道衆生等過當知悉是煩惱過惡以是義故一切衆生不得涅槃善男子譬如良醫知病說藥病者不服非醫咎也善男子如有施主以其所有施一切人有不受者非施主咎善男子譬如日出幽冥皆明盲瞽之人不見

道路非日過也善男子如恒河水能
除渴乏渴者不飲非水咎也善男子
譬如大地普生果實平等无二農夫
不種非地過也善男子如來普為一
切衆生廣開分別十二部經衆生不
受非如來各善男子若修道者即得
阿耨多羅三藐三菩提善男子汝言
衆生悉有佛性應得阿耨多羅三藐
三菩提如礧石者善哉善哉以有佛
性因緣力故得阿耨多羅三藐三菩
提若言不須修聖道者是義不然善
男子譬如有人行於曠野渴乏遇井
其井幽深雖不見水當知必有是人
方便求覓罐綆汲取則見佛性亦尔
一切衆生雖復有之要須修習无漏
聖道然後得見善男子如有胡麻則
得見油離諸方便則不得見甘蔗亦
尔善男子如三十三天北鬱單越雖
是有法若无善業神通道力則不能
見地中草根及地下水以地覆故衆
生不見佛性亦尔不修聖道故不得
見善男子如汝所說世有病人若遇
時病良醫好藥隨病飲食及以不遇

惡得老者善男子我為六住諸菩薩等說如是義善男子譬如虛空於諸衆生非內非外非內外故亦无罣碍衆生佛性亦復如是善男子譬如有入財在異方雖不現前隨意受用有人問之則言我許何以故以定有故衆生佛性亦復如是非此非彼以定得故言一切有善男子譬如衆生造作諸業若善若惡非內非外如是業性非有非无亦復非是本無今有非无因出非此作此受此作彼受彼作彼受无作無受時節和合而得果報衆生佛性亦復如是亦復非是本无今有非內非外非有非无非此非彼非餘處來非无因緣亦非一切衆生不見有諸菩薩時節因緣和合得見時節者所謂十住菩薩摩訶薩修入聖道於諸衆生得平等心今時得見不名為作善男子汝言如礧石者是義不然何以故石不吸鐵所以者何无心業故善男子異法有故異法出生異法無故異法滅壞无有作者無有壞者善男子猶如猛火不能焚薪

火出新壞名為焚薪善男子譬如葵
藿隨日而轉而是葵藿亦无敬心无
識无業異法性故而自迴轉善男子
如芭蕉樹因雷增長是樹无耳無心
意識異法有故異法增長異法无故
異法滅壞善男子如阿叔迦樹女人
摩觸花為之出是樹无心亦無覺觸
異法有故異法出生異法无故異法
滅壞善男子如摘得尸果則滋多而
是摘樹无心無觸異法有故異法滋
多異法無故異法滅壞善男子如安
石^石播塿骨糞故果實繁茂安石播樹
亦无心觸異法有故異法出生異法
無故異法滅壞善男子磁石吸鐵亦
復如是異法有故異法出生異法无
故異法滅壞衆生佛性亦復如是不
能吸得阿耨多羅三藐三菩提善男
子无明不能吸取諸行行亦不能吸
取識也亦得名為无明緣行行緣於
識有佛无佛法界常住

善男子若言佛性住衆生中者善男
子常法无住若有住處即是无常善
男子如十二因緣无定住處若有住

處十二因緣不得名常。如來法身亦無住處。法界法入法陰。虛空悉无住處。佛性亦尔。都無住處。善男子。譬如四大力。雖均等有堅有熱有濕有動有重有輕有赤有白有黃有黑。而是四大亦無有業異法界故。各不相似。佛性亦尔。異法界故。時至則現。善男子。一切衆生不退佛性。故名之為有阿毗跋致。故以當有故。決定得故。決定見故。是故名為一切衆生悉有佛性。善男子。譬如有王告一大臣。汝牽一象以示盲者。尔時大臣受王勅已。多集衆盲。以象示之時。彼衆盲各以手觸大臣。即還而白王言。臣已示竟。尔時大王即喚衆盲。各各問言。汝見象耶。衆盲各言。我已得見。王言。象為何類。其觸牙者。即言。象形如蘆葦。服根其觸耳者。言。象如箕。其觸頭者。言。象如石。其觸鼻者。言。象如杵。其觸脚者。言。象如木。曰。其觸脊者。言。象如床。其觸腹者。言。象如甕。其觸尾者。言。象如繩。善男子。如彼衆盲不說象體。亦非不說。若是衆相。悉非象者。離是之外。

更無別象善男子王喻如來正遍知也臣喻方等大沮脌經象喻佛性盲喻一切無明衆生是諸衆生聞佛說已或作是言色是佛性何以故是色雖滅次第相續是故獲得无上如來三十二相如來色常如來色者常不斷故是故說色名為佛性譬如真金質雖遷變色常不異或時作釧作鈎作盤然其黃色初无改易衆生佛性亦復如是質雖无常而色是常以是故說色為佛性或有說言受是佛性何以故受因緣故獲得如來真實之樂如來受者謂畢竟受第一義受衆生受性雖復无常然其次第相續不斷是故獲得如來常受譬如有人姓憍尸迦人雖无常而姓是常經千萬世无有改易衆生佛性亦復如是以是故說受為佛性又有說言想是佛性何以故想因緣故獲得如來真實之想如來想者名无想想無想想者非衆生想非男女想亦非色受想行識想非想斷想衆生之想雖復无常以想次第相續不斷故得如來常恒

之想善男子譬如衆生十二因緣衆生雖滅而因緣常衆生佛性亦復如是。是以是故說想為佛性。又有說言行為佛性。何以故。行名壽命。壽命因緣故。獲得如來常住壽命。衆生壽命雖復无常而壽次第相續不斷。故得如來真實常壽。善男子。譬如十二部經聽者說者。雖復无常而是經典常存不變。衆生佛性亦復如是。是以是故說行為佛性。又有說言識為佛性。識因緣故。獲得如來平等之心。衆生意識雖復无常而識次第相續不斷。故得如來真實常心。如火熱性火雖无常熱非無常。衆生佛性亦復如是。是以是故說識為佛性。又有說言離陰有我。我是佛性。何以故。我因緣故。獲得如來八自在。我有諸外道說言去來見聞悲喜語說為我。如是我相。雖復无常而如來我真實是常。善男子。如陰入界雖復无常而名是常。衆生佛性亦復如是。善男子。如彼盲人各各說象。雖不得實。非不說象。說佛性者亦復如是。非即六法不離六法。善男子。是

故我說衆生佛性非色不離色乃至
非我不離我善男子有諸外道雖說
有我而實无我衆生我者即是五陰
離陰之外更無別我善男子譬如莖
葉鬚臺合為蓮花離是之外更无別
花衆生我者亦復如是善男子譬如
牆壁草木和合名之為舍離是之外
更無別舍如佉陀羅樹波羅奢樹尼
拘陀樹鬱曇鉢樹和合為林離是之
外更无別林譬如車兵象馬步兵和
合為軍離是之外更无別軍譬如五
色雜練和合名之為綺離是之外更
無別綺如四姓和合名為大衆離是
之外更无別衆衆生我者亦復如是
離五陰外更无別我善男子如來常
住則名為我如來法身無邊无等不
生不滅得八自在是名為我衆生真
實无如是我及以我所但以必定當
得畢竟第一義空故名佛性善男子
大慈大悲名為佛性何以故大慈大
悲常隨菩薩如影隨形一切衆生必
定當得大慈大悲是故說言一切衆
生悉有佛性大慈大悲者名為佛性

佛性者名為如來大喜大捨名為佛性何以故菩薩摩訶薩若不能捨二十五有則不能得阿耨多羅三藐三菩提以諸衆生必當得故是故說言一切衆生悉有佛性大喜大捨者即是佛性佛性者即是如來佛性者名大信心何以故以信心故菩薩摩訶薩則能具足檀波羅蜜乃至般若波羅蜜一切衆生必定當得大信心故是故說言一切衆生悉有佛性大信心者即是佛性佛性者即是如來佛性者名一子地何以故以一子地因緣故菩薩則於一切衆生得平等心一切衆生必定當得一子地故是故說言一切衆生悉有佛性一子地者即是佛性佛性者即是如來佛性者名第四力何以故以第四力因緣故菩薩則能教化衆生一切衆生必定當得第四力故是故說言一切衆生悉有佛性第四力者即是佛性佛性者即是如來佛性者名十二因緣何以故以因緣故如來常住一切衆生定有如是十二因緣是故說言一切

衆生悉有佛性十二因緣即是佛性
佛性者即是如來佛性者名四无尋
智以四无尋因緣故說字義無尋字
義無尋故能化衆生四无尋者即是
佛性佛性者即是如來佛性者名頂
三昧以修如是頂三昧故則能惣攝
一切佛法是故說言頂三昧者名為
佛性十住菩薩修是三昧未得具足
雖見佛性而不明了一切衆生必定
得故是故說言一切衆生悉有佛性
善男子如上所說種種諸法一切衆
生定當得故是故說言一切衆生悉
有佛性善男子我若說色是佛性者
衆生聞已則生邪倒以邪倒故命終
則生阿鼻地獄如來說法為斷地獄
是故不說色是佛性乃至說識亦復
如是善男子若有衆生了佛性者則
不須修道十住菩薩修八聖道少見
佛性况不修者而得見耶善男子如
文殊師利諸菩薩等已无量世修習
聖道了知佛性云何聲聞辟支佛等
能知佛性若諸衆生欲得了了知佛
性者應當一心受持讀誦書寫解說

供養恭敬尊重讚歎是涅槃經見有受持乃至讚歎如是經者應當以好房舍衣服飲食卧具病瘦醫藥而供給之兼復讚歎禮拜問訊善男子若有已於過去无量無邊世中親近供養无量諸佛深種善根然後乃得聞是經名善男子佛性不可思議佛法僧寶亦不可思議一切衆生悉有佛性而不能知是亦不可思議如來常樂我淨之法亦不可思議一切衆生能信如是大涅槃經亦不可思議師子吼菩薩言世尊如佛所說一切衆生能信如是大涅槃經不可思議者世尊是大衆中有八万五千億人於是經中不生信心是故有能信是經者名不可思議善男子如是諸人於未來世亦當定得信是經典見於佛性得阿耨多羅三藐三菩提

師子吼言世尊云何不退菩薩自知決定有不退心佛言善男子菩薩摩訶薩當以苦行自試其心日食一胡麻經一七日粳米菰豆麻子粟縻及以白豆亦復如是各一七日食一麻

時作是思惟如是苦行都无利益無
利益事尚能為之况有利益而當不
作於無利益心能堪忍不退不轉是
故定得阿耨多羅三藐三菩提如是
等日修苦行時一切皮肉消瘦皺減
如斷生肌置之日中其目大陷如井
底星肉盡肋出如朽草屋脊骨連現
如重線埽所坐之處如馬蹄跡欲坐
則伏欲起則偃雖受如是无利益苦
然不退於菩提之心復次善男子菩
薩摩訶薩為破衆苦施安樂故乃至
能捨内外財物及其身命如棄菟草
若能不惜是身命者如是菩薩自知
必定有不退心我定當得阿耨多羅
三藐三菩提復次菩薩為法因緣刻
身為燈蠟纏皮肉糝油灌之燒以為
炷菩薩尔時受是大苦自呵其心而
作是言如是苦者於地獄苦百千万
分未是一分汝於無量百千劫中受
大苦惱都无利益汝若不能受是輕
苦云何而能於地獄中救苦衆生苦
薩摩訶薩作是觀時身不覺苦其心
不退不動不轉菩薩尔時應深自知

我定當得阿耨多羅三藐三菩提善男子菩薩今時具足煩惱未有斷者為法因緣能以頭目髓腦手足血肉施於衆生以釘釘身投巖赴火菩薩今時雖受如是無量衆苦若心不退不動不轉菩薩當知我今定有不退之心當得阿耨多羅三藐三菩提善男子菩薩摩訶薩為破一切衆生苦惱願作廣大畜生之身以身血肉施於衆生衆生取時復生憐愍菩薩今時閉氣不喘示作死相令彼取者不生殺害疑網之想菩薩雖受畜生之身終不造作畜生之業何以故善男子菩薩既得不退心已終不造作三惡道業菩薩摩訶薩若未來世有微塵等惡業果報不定受者以大願力為衆生故而悉受之譬如病人為鬼所著藏隱身中以呪力故即時相現或語或喜或瞋或罵或啼或哭菩薩摩訶薩未來之世三惡道業亦復如是菩薩摩訶薩受熊身時常為衆生演說正法或受迦賓闍羅鳥身為諸衆生說正法故受瞿陀身鹿身兔身象身

殺羊身狢猴白鴿金翅鳥龍蛇之身
受如是等畜生身時終不造作畜生
惡業常為其餘畜生衆生演說正法
令彼聞法速得轉離畜生身故菩薩
今時雖受畜生身不作惡業當知必
定有不退心菩薩摩訶薩於飢饉世
見餓衆生作龜魚身无量由延復作
是願願諸衆生取我肉時隨取隨生
因食我肉離飢渴苦一切悉發阿耨
多羅三藐三菩提心菩薩發願若有
因我離飢渴者未來之世速得遠離
二十五有飢渴之患菩薩摩訶薩受
如是苦心不退者當知必定得阿耨
多羅三藐三菩提復次菩薩於疾疫
世見二病苦者作是思惟如藥樹王若
有病者取根取莖取枝取葉取花取
果取皮取膚悉得愈病願我此身亦
復如是若有病者聞聲觸身服食血
肉乃至骨髓病悉除愈願諸衆生食
我肉時不生惡心如食子肉我治病
已常為說法願彼信受思惟轉教復
次善男子菩薩具足煩惱雖受身苦
其心不退不動不轉當知必定得不

退心成阿耨多羅三藐三菩提復次
善男子若有衆生為鬼所病菩薩見
已即作是言願作鬼身大身健身多
眷屬身使彼聞見病得除愈菩薩摩
訶薩為衆生故勤修苦行雖有煩惱
不汙其心復次善男子菩薩摩訶薩
雖復修行六波羅蜜亦不求於六波
羅蜜果修行无上六波羅蜜時作是
願言我今以此六波羅蜜施一切衆
生二衆生受我施已悉令得成阿
耨多羅三藐三菩提我亦自為六波
羅蜜勤修苦行受諸苦惱當受苦時
願我不退菩提之心善男子菩薩摩
訶薩作是願時是名不退菩提之相
復次善男子菩薩摩訶薩不可思議
何以故菩薩摩訶薩深知生死多諸
罪過觀大涅槃有大功德為諸衆生
處在生死受種種苦心无退轉是名
菩薩不可思議復次善男子菩薩摩
訶薩无有因緣而生憐愍實不受恩
而常施恩雖施於恩而不求報是故
復名不可思議復次善男子或有衆
生為自利益修諸苦行菩薩摩訶薩

為利他故修行苦行是名自利是故復名不可思議

復次菩薩具足煩惱為壞怨親所受諸苦修平等心是故復名不可思議復次菩薩若見諸惡不善衆生若呵責若軟語若驅擯若捨之有惡性者現為軟語有憍慢者現為大慢而其內心實無憍慢是名菩薩方便不可思議復次菩薩具足煩惱少財物時而求者多心不近小是名菩薩不可思議復次菩薩於佛出時知佛功德為衆生故於无佛處受邊地身如盲如聾如跛如瘓是名菩薩不可思議復次菩薩深知衆生所有罪過為度脫故常與共行雖隨其意罪垢不汙是故復名不可思議

復次菩薩了了知見無衆生相无煩惱汙無修習道離煩惱者雖為菩提无菩提行亦無成就菩提行者无有受苦及破苦者而亦能為衆生壞苦行菩提行是故復名不可思議復次菩薩受後邊身處兜率天是亦名為不可思議何以故兜率陀天欲界中

勝在下天者其心放逸在上天者諸根闇鈍是故名勝修施修戒得上下身修施戒定得兜率身一切菩薩毀譽諸有破壞諸有終不造作兜率天業受彼天身何以故菩薩若處其餘諸有亦能教化成就衆生實无欲心而生欲界是故復名不可思議菩薩摩訶薩生兜率天有三事勝一者命二者色三者名菩薩摩訶薩實不求於命色名稱雖无求心而所得勝菩薩摩訶薩深樂涅槃然有因緣亦勝是故復名不可思議菩薩摩訶薩如是三事雖勝諸天而諸天等於菩薩所終不生於瞋心妬心憍慢之心常生喜心菩薩於天亦不憍慢是故復名不可思議菩薩摩訶薩不造命業而於彼天畢竟壽命是名命勝亦无色業而妙色身光明遍滿是名色勝菩薩摩訶薩處彼天宮不樂五欲唯為法事是故名稱充滿十方是名名勝是故復名不可思議菩薩摩訶薩下兜率天是時大地六種震動是故復名不可思議何以故菩薩下時欲

色諸天悉來侍送發大音聲讚歎菩薩以口風氣故令地動復有菩薩人中象王人中象王名為龍王龍王初入胎時有諸龍王在此地下或怖或喜是故大地六種震動是故復名不可思議菩薩摩訶薩知入胎時住時出時知父知母不淨不汙如帝釋髀青色寶珠是故復名不可思議善男子大涅槃經亦復如是不可思議善男子譬如大海有八不思議何等為八一者漸漸轉深二者深難得底三者同一鹹味四者潮不過限五者有種種寶藏六者大身衆生在中居住七者不宿死尸八者一切万流大雨投之不增不減善男子漸漸轉深有三事何等三一者衆生福力二者順風而行三者河水入故乃至不增不減亦各有三是大涅槃微妙經典亦復如是有八不思議一者漸漸深所謂優婆塞戒沙彌戒比丘戒菩薩戒須陀洹果斯陀含果阿那含果阿羅漢果辟支佛果菩薩果阿耨多羅三藐三菩提果是涅槃經說是等法

是名漸漸深是故此經名漸漸深二者深難得底如來世尊不生不滅不
得阿耨多羅三藐三菩提不轉法輪
不食不受不行惠施是故名為常樂
我淨一切衆生悉有佛性佛性非色
不離於色非受想行識乃至不離於
識是常可見了因非作因須陀洹乃
至辟支佛當得阿耨多羅三藐三菩
提亦无煩惱亦無住處雖无煩惱不
名為常是故名深復有甚深於是經
中或時說我或說无我或時說常或
說無常或時說淨或說不淨或時說
樂或時說苦或時說空或說不空或
說一切有或說一切無或說三乘或
說一乘或說五陰即是佛性金剛三
昧及以中道首楞嚴三昧十二因緣
第一義空慈悲平等於諸衆生頂智
信心知諸根力一切法中无聖尋智
雖有佛性不說決定是故名深三者
一味一切衆生同有佛性皆同一乘
同一解脫一因一果同一甘露一切當
得常樂我淨是名一味四者潮不過
限如是經中制諸比丘不得受畜八

不淨物若我弟子有能受持讀誦書
寫解說分別是大涅槃微妙經典寧
失身命終不犯之是名潮不過限五
者有種種寶藏是經即是無量寶藏所
言寶者謂四念處四正勤四如意分五
根五力七覺分八聖道分嬰兒行聖行
梵行天行諸善方便衆生佛性菩薩
功德如來功德聲聞功德緣覺功德
六波羅蜜無量三昧無量智慧是名
寶藏六者大身衆生所居住處大身衆
生者謂佛菩薩大智慧故名大衆生
大身故大心故大莊嚴故大調伏故
大方便故大說法故大勢力故大徒
衆故大神通故大慈悲故常不變故
一切衆生无罣碍故容受一切諸衆
生故是名大身衆生所居之處七者
不宿死尸死尸者謂一闍提犯四重
禁五无間罪誹謗方等非法說法法
說非法受畜八種不淨之物佛物僧
物隨意而用或於比丘比丘尼所作
非法事是名死尸是涅槃經離如是
等是故名為不宿死尸八者不增不
減无邊際故無始終故非色故非作

故常住故不生滅故一切衆生悉平等故一切法性同一性故是名无增減是故此經如彼大海有八不思議師子吼言世尊者言如來不生不滅名為深者一切衆生有四種生卵生胎生濕生化生是四種生人中具有如施婆羅比丘優婆施婆羅比丘迦羅長者母尼拘陀長者母半閼羅長者母各五百子同於卵生當知人中則有卵生濕生者如佛所說我於往昔作菩薩時作頂生王及手生王如今所說菴羅樹女迦不多樹女當知人中則有濕生劫初之時一切衆生皆悉化生如來世尊得八自在何因緣故不化生耶佛言善男子一切衆生四生所生得聖法已不得如本卵生濕生善男子劫初衆生皆悉化生當今之時佛不出世善男子若有衆生遇病苦時須醫須藥劫初之時衆生化生雖有煩惱其病未發是故如來不出其世劫初衆生身心非器是故如來不出其世善男子如來世尊所有事業勝諸衆生所謂種姓眷

屬父母以殊勝故凡所說法人皆信受是故如來不受化生善男子一切衆生父作子業子作父業如來世尊若受化身則無父母若无父母云何能令一切衆生作諸善業是故如來不受化身善男子佛正法中有二種護一者內二者外內護者所謂戒禁外護者族親眷屬若佛如來受化身者則无外護是故如來不受化身善男子有人恃姓而生憍慢如來為欲破如是慢故生在貴姓不受化身善男子如來世尊有真父母父名淨飯母名摩耶而諸衆生猶言是幻云何當受化生之身若受化身云何得有碎身舍利如來為益衆生福德故碎其身而令供養是故如來不受化身一切諸佛悉无化生云何獨令我受化身今時師子吼菩薩合掌長跪右膝著地以偈讚佛

如來無量功德聚 我今不能廣宣說
今為衆生演一分 唯願哀愍聽我說
衆生無明闇中行 具受无邊百種苦
世尊能令遠離之 是故世稱為大悲

衆生往返生死繩

放逸迷荒无安樂

如來能施衆安樂

是故永斷生死繩

佛能施衆安樂故

自於已樂不貪樂

為諸衆生修苦行

是故世間興供養

見他受苦身戰動

處在地獄不覺痛

為諸衆生受大苦

是故無勝无有量

如來為衆修苦行

成就具足滿六度

心處邪風不傾動

是故能勝世大士

衆生常欲得安樂

而不知修安樂因

如來能教令修習

猶如慈父愛一子

佛見衆生煩惱患

心苦如母念病子

常思離病諸方便

是故此身繫屬他

一切衆生行諸苦

其心顛倒以為樂

如來演說真苦樂

是故稱号为大悲

世間皆處无明翳

無有智喙能破之

如來智喙能啄壞

是故名為最天子

不為三世所攝持

无有名字及假号

覺知涅槃甚深義

是故稱佛為大覺

有河洄復沒衆生

無明所盲不知出

如來自渡能渡彼

是故稱佛大船師

能知一切諸因果

亦復通達盡滅道

常施衆生病苦藥

是故世稱大醫王

外道邪見說苦行

因是能得无上樂

如來演說真樂行 能令衆生受快樂
如來世尊破邪道 開示衆生正真路
行是道者得安樂 是故稱佛為導師
非自非他之所作 亦非共作无因作
如來所說苦受事 勝於一切諸外道
成就具足戒定慧 亦以此法教衆生
以法施时无妬恚 是故稱佛無緣悲
无所造作無因緣 獲得无因无果報
是故一切諸智者 稱說如來不求報
常共世間放逸行 而身不為放逸汙
是故名為不思議 世間八法不能汙
如來世尊无怨親 是故其心常平等
我師子吼讚大悲 能吼无量師子吼
大般涅槃經卷第三十二

壬寅歲高麗國大藏都監奉

勅彫造

大般涅槃經卷第三十三

體

北凉天竺三藏曇無讖譯

迦葉菩薩品第十二之一

迦葉菩薩白佛言世尊如來憐愍一切衆生不調能調不淨能淨无歸依者能作歸依未解脫者能令解脫得八自在為大醫師作大藥王善星比丘是佛菩薩時子出家之後受持讀誦分別解說十二部經壞欲界結獲得四禪云何如來記說善星是一闍提廝下之人地獄劫住不可治人如來何故不先為其演說正法後為菩薩如來世尊若不能救善星比丘云何得名有大慈愍有大方便佛言善男子譬如父母唯有三子其一子者有信順心恭敬父母利根智慧於世間事能速了知其第二子不敬父母無信順心了知其第三子不敬父母無信順心鈍根無智父母若欲教告之時應先教誰先親愛誰當先教誰知世間事迦葉菩薩白佛言世尊應先教授有

信順心恭敬父母利根智慧知世事者其次第二乃及第三而彼二子雖無信心恭敬之心為慙念故次復教之善男子如來亦令其三子者初喻菩薩中喻聲聞後喻一闍提如十二部經修多羅中微細之義我先已為諸菩薩說淺近之義為聲聞說世間之義為一闍提五逆罪說現在世中雖無利益以憐愍故為生後世諸善種子善男子如三種田一者渠流便易无諸沙塽瓦石棘刺種一得百二者雖無沙塽瓦石棘刺渠流險難實減半三者渠流險難多諸沙塽瓦石棘刺種一得一為橐草故善男子農夫春月先種何田世尊先種初田次第第二田後及第三初喻菩薩次喻聲聞後喻一闍提善男子譬如三甕一者完二者漏三者破若欲盛置乳酪水蘇先用何者世尊應用完者次用漏者後及破者其完淨者喻菩薩僧漏喻聲聞破喻一闍提善男子如三病人俱至醫所一者易治二者難治三者不可治善男子醫若治者當

先治誰世尊應先治易次及第二後及第三何以故為親屬故其易治者喻菩薩僧其難治者喻聲聞僧不可治者喻一闍提現在世中雖無善果子譬如大王有三種馬一者調壯大力二者不調齒壯大力三者不調羸老無力王若乘者當先乘誰世尊應當先乘調壯大力次用第二後用第三善男子調壯大力喻菩薩僧其第二者喻聲聞僧其第三者喻一闍提現在世中雖无利益以憐愍故為種後世諸善種子善男子如大施時有三人來一者貴族聰明持戒二者中姓鈍根持戒三者下姓鈍根毀戒善男子是大施主應先施誰世尊應先施於貴姓之子利根持戒次及第二後及第三其第一者喻菩薩僧其第二者喻聲聞僧其第三者喻一闍提善男子如大師子殺香象時皆盡其力殺兔亦尔不生輕想諸佛如來亦復如是為諸菩薩及一闍提演說法時切用无二

善男子我於一時住王舍城善星比丘為我給使我於初夜為天帝釋演說法要弟子法應後師眠卧今時善星以我久坐心生惡念時王舍城小男小女若啼不止父母則語汝若不止當將汝付薄拘羅鬼今時善星反被拘執而語我言速入禪室薄拘羅來我言癡人汝常不聞如來世尊无所畏耶今時帝釋即語我言世尊如是人等亦復得入佛法中耶我即語言憍尸迦如是人者得入佛法亦有佛性當得阿耨多羅三藐三菩提我雖為是善星說法而彼都无信受之心善男子我於一時在迦尸國尸婆富羅城善星比丘為我給使我時欲入彼城乞食无量衆生虚心渴仰欲見我跡善星比丘尋隨我後而毀滅之既不能滅而令衆生生不善心我入城已於酒家舍見一尼軋蹠脊蹲地食食酒糟善星比丘見已而言世尊世間若有阿羅漢者是人最勝何以故是人所說無因无果我言癡人此常不聞阿羅漢者不飲酒不害人

不欺誑不偷盜不婬姪是人殺害父母食噉酒糟云何而言是阿羅漢是人捨身必定當墮阿鼻地獄阿羅漢者永斷三惡云何而言是阿羅漢善星即言四大之性猶可轉易欲令是人必墮阿鼻无有是處哉言癡人汝常不聞諸佛如來誠言無二我雖為是善星說法而彼絕无信受之心善男子我於一時與善星比丘住王舍城尔時城中有一尼軋名曰苦得常作是言衆生煩惱无因無緣衆生解脫亦無因緣善星比丘復作是言世尊世間若有阿羅漢者苦得為上我言癡人若得尼軋實非羅漢不能解了阿羅漢道善星復言何因緣故阿羅漢人於阿羅漢而生嫉妬我言癡人我於羅漢不生嫉妬而汝自生惡邪見耳若言苦得是羅漢者却後七日當患宿食腹痛而死死已生於食吐鬼中其同學輩當舁其尸置寒林中尔時善星即往苦得尼軋子所語言長老汝今知不沙門瞿曇記汝七日當患宿食腹痛而死死已生於食

吐鬼中同學同師當昇汝尸置寒林中長老好善思惟作諸方便當令瞿曇墮妄語中今時苦得聞是語已即便斷食從初一日乃至六日滿七日已便食黑蜜食黑蜜已復飲冷水飲冷水已腹痛而終終已同學昇其尸喪置寒林中即受食吐餓鬼之形在其尸邊善星比丘聞是事已至寒林中見苦得身受食吐形在其尸邊蹠脊蹲地善星語言大德死耶苦得荅言我已死矣云何死耶荅言因腹痛死誰出汝尸荅言同學出置何處荅言癡人汝今不識是寒林耶得何等身荅言我得食吐鬼身善星諦聽如來善語真語時語義語法語善星如來口出如是實語汝於今時云何不信若有衆生不信如來真實語者彼亦當受如我此身今時善星即還我所作如是言世尊苦得尼軋命終之後生三十三天我言癡人阿羅漢者无有生處云何而言苦得生於三十三天世尊實如所言苦得尼軋實不生於三十三天今受食吐餓鬼之身

我言癡人諸佛如來誠言无二若言如來有二言者无有是處善星即言如來今時雖作是說我於是事都不生信善男子我亦常為善星比丘說真實法而彼絕无信受之心

善男子善星比丘雖復讀誦十二部經獲得四禪乃至不解一偈一句一字之義親近惡友退失四禪失四禪已生惡邪見作如是說无佛無法无有涅槃沙門瞿曇善知相法是故能得知他人心中我於今時告善星言我所說法初中後善其言巧妙字義真正所說無雜具足成就清淨梵行善星比丘復作是言如來雖復為我說法而我真實謂無因果善男子汝若不信如是事者善星比丘今者近在尼連禪河可共往問今時如來即與迦葉往善星所善星比丘遇見如來見已即生惡邪之心以惡心故生身陷入墮阿鼻獄

善男子善星比丘雖入佛法无量寶聚空无所獲乃至不得一法之利以放逸故惡知識故辟如有人雖入大

海多見衆寶而无所得以放逸故又如入海雖見寶聚自戮而死或為羅刹惡鬼所殺善星比丘亦復如是入佛法已為惡知識羅刹大鬼之所殺害善男子是故如來以憐愍故常說善星多諸放逸善男子若本貧窮於是人所雖生憐愍其心則薄若本巨富後失財物於是人所生於憐愍其心則厚善星比丘亦復如是受持讀誦十二部經獲得四禪然後退失甚可憐愍是故我說善星比丘多諸放逸多放逸故斷諸善根我諸弟子有見聞者於是人所無不生於重憐愍心如初巨富後失財者我於多年常與善星共相隨逐而彼自生惡邪之心以惡邪故不捨惡見善男子我從昔來見是善星有少善根如毛髮許終不記彼斷絕善根是一闍提廡下之人地獄劫住以其宣說无因無果无有作業今乃記彼永斷善根是一闍提廡下之人地獄劫住善男子譬如有人没園廁中有善知識以手撓之若得首髮便欲拔出之求不得今

乃息意我亦如是求覓善星微少善根便欲拔濟終日求之乃至不得如毛髮許是故不得拔其地獄迦葉菩薩言世尊如來何故記彼當墮阿鼻地獄善男子善星比丘多有眷屬皆謂善星是阿羅漢是得道果我欲壞彼惡邪心故記彼善星以放逸故墮於地獄善男子汝今當知如來所說真實无二何以故若佛所記當墮地獄若不墮者無有是處聲聞緣覺所記剋者則有二種或虛或實如目犍連在摩伽陀國通告諸人却後七日天當降雨時竟不雨復記犍牛當生白犢及其產時乃產駁犢記生男者後乃產女

善男子善星比丘常為无量諸衆生等宣說一切无善惡果尔時永斷一切善根乃至無有如毛髮許善男子我久知是善星比丘當斷善根猶故共住滿二十年畜養共行我若遠棄不近左右是人當教無量衆生造作惡業是名如來第五解力世尊一闍提輩以何因緣無有善法善男子一

闡提輩斷善根故衆生悉有信等五
根而一闡提輩永斷滅故以是義故
殺害蟻子猶得殺罪殺一闡提无有
殺罪世尊一闡提者終无善法是故
名為一闡提耶佛言如是如是世尊
一切衆生有三種善所謂過去未來
現在一闡提輩亦不能斷未來善法
云何說言斷諸善法名一闡提耶善
男子斷有二種一者現在滅二者現
在障於未來一闡提輩具足二斷是
故我言斷諸善根善男子譬如有人
沒園廁中唯有一髮毛頭未沒雖復
一髮毛頭未沒而一毛頭不能勝身
一闡提輩亦復如是雖未來世當有
善根而不能救地獄之苦未來之世
雖可救拔現在之世无如之何是故
名為不可救濟以佛性因緣則可得
救佛性者非過去非未來非現在是
故佛性不可得斷如朽敗子不能生
芽一闡提輩亦復如是世尊一闡提
輩不斷佛性佛性亦善云何說言斷
一切善善男子若諸衆生現在世中
有佛性者則不得名一闡提也如世

間中衆生我性佛性是常三世不攝
三世若攝名為無常佛性未來以當
見故故言衆生悉有佛性以是義故
十住菩薩具足莊嚴乃得少見迦葉
菩薩言世尊佛性者常猶如虛空何
故如來說言未來如來若言一闍提
輩无善法者一闍提輩於其同學同
師父母親族妻子豈當不生愛念心
耶如其生者非是善乎佛言善哉善
哉善男子使發斯問佛性者猶如虛
空非過去非未來非現在一切衆生
有三種身所謂過去未來現在衆生
未來具足莊嚴清淨之身得見佛性
是故我言佛性未來善男子我為衆
生或時說因為果或時說果為因是
故經中說命為食見色為觸未來身
淨故說佛性世尊如佛所說義如是
者何故說言一切衆生悉有佛性善
男子衆生佛性雖現在无不可言無
如虛空性雖无現在不得言无一切
衆生雖復無常而是佛性常住無變
是故我於此經中說衆生佛性非内
非外猶如虛空非内非外如其虛空

有內外者虛空不名為一為常亦不得言一切處有虛空雖復非內非外而諸衆生悉皆有之衆生佛性亦復如是如汝所言一闍提輩有善法者是義不然何以故一闍提輩若有身業口業意業取業求業施業解業如是等業悉是邪業何以故不求因果故善男子如呵梨勒果根莖枝葉花實悉苦一闍提業亦復如是

善男子如來具足知諸根力是故善能分別衆生上中下根能知是人轉下作中能知是人轉中作上能知是人轉上作中能知是人轉中作下是故當知衆生根性无有決定以无定性定者終不先斷斷已復生亦不應說一闍提輩墮於地獄壽命一切善男子是故如來說一切法無有定相迦葉菩薩白佛言世尊如來具足知諸根力定知善星當斷善根以何因緣聽其出家佛言善男子我於往昔初出家時吾弟難陀從弟阿難調婆達多子羅睺羅如是等輩皆悉隨我

出家修道我若不聽善星出家其人
次當得紹王位其力自在當壞佛法
以是因緣我便聽其出家修道善男
子善星比丘若不出家亦斷善根於
無量世都無利益今出家已雖斷善
根能受持戒供養恭敬耆舊長宿有
德之人修習初禪乃至四禪是名善
因如是善因能生善法善法既生能
修習道既修習道當得阿耨多羅三
藐三菩提是故我聽善星出家善男
子若我不聽善星比丘出家受戒則
不得稱我為如來具足十力

善男子佛觀衆生具足善法及不善
法是人雖具如是二法不久能斷一
切善根具不善根何以故如是衆生
不親善友不聽正法不善思惟不如
法行以是因緣能斷善根具不善根
善男子如來復知是人現世若未來
世少壯老時當近善友聽受正法苦
集滅道今時則能還生善根善男子
譬如有泉去村不遠其水甘美具八
功德有人熱渴欲往泉所邊有智者
觀是渴人必定無疑當至水所何以

故無異路故如來世尊觀諸衆生亦復如是是故如來名為具足知諸根力尔時世尊取地少土置之爪上告迦葉言是土多耶十方世界地土多乎迦葉菩薩白佛言世尊爪上土者不比十方所有土也善男子有人捨身還得人身捨三惡身得受人身諸根完具生於中國具足正信能修習道修習道已能得解脫得解脫已能入涅槃如爪上土捨人身已得三惡身捨三惡身得三惡身諸根不具生於邊地信邪倒見修習邪道不得解脫常樂涅槃如十方界所有地土善男子護持禁戒精勤不懈不犯四重不作五逆不用僧鬘物不作一闍提不斷善根信如是等涅槃經典如爪上土毀戒懈怠犯四重禁作五逆罪用僧鬘物作一闍提斷諸善根不信是經如十方界所有地土善男子如來善知衆生如是上中下根是故稱佛具知根力

迦葉菩薩白佛言世尊如來具足是知根力是故能知一切衆生上中下

根利鈍老別知現在世衆生諸根亦
知未來衆生諸根如是衆生於佛滅
後作如是說如來畢竟入於涅槃或
不畢竟入於涅槃或說有我或說无
我或有中陰或無中陰或說有退或
說无退或言如來身是有為或言如
來身是無為或有說言十二因緣是
有為法或說因緣是无為法或說心
是有常或說心是无常或有說言受
五欲樂能障聖道或說不遮或說世
第一法唯是欲界或說三界或說布
施唯是意業或有說言即是五陰或
有說言有三無為或有說言无三無
為復有說言或有造色復有說言或
無造色或有說言有無作色或有說
言无無作色或有說言有心數法或
有說言无心數法或有說言有五種
有或有說言有六種有或有說言八
戒齋法優婆塞戒具足受得或有說
言不具受得或說比丘犯四重已比
丘戒在或說不在或有說言須陀洹
人斯陀舍人阿那含人阿羅漢人皆
得佛道或言不得或說佛性即衆生

有或說佛性離衆生有或有說言犯
四重禁作五逆罪一闡提等皆有佛
性或說言无或有說言有十方佛或
有說言無十方佛如其如來具足成
就知根力者何故今日不決定說
佛告迦葉菩薩善男子如是之義非
眼識知乃至非意識知乃是智慧之
所能知若有智者我於是人終不作
二是亦謂我不作二說於无智者作
不定說而是无智亦復謂我作不定
說善男子如來所有一切善行悉為
調伏諸衆生故譬如醫王所有醫方
悉為療治一切病苦善男子如來世
尊為國土故為時節故為他語故為
諸人故為衆根故於一法中作二種說
於一名法說无量名於一義中說无
量名於无量義說無量名云何一名
說无量名猶如涅槃亦名涅槃亦名
無生亦名无出亦名無作亦名无為
亦名歸依亦名窟宅亦名解脫亦名
光明亦名燈明亦名彼岸亦名无畏
亦名无退亦名安處亦名寂靜亦名
無相亦名无二亦名一行亦名清涼

亦名無闇亦名无罣亦名無諍亦名
无濁亦名廣大亦名甘露亦名吉祥
是名一名作無量名云何一義說无
量名猶如帝釋亦名帝釋亦名憍尸
迦亦名婆蹉婆亦名富蘭陀羅亦名
摩佉婆亦名因陀羅亦名千眼亦名
舍支夫亦名金剛亦名寶頂亦名寶
幢是名一義說无量名云何於无量
義說無量名如佛如來亦名如來義
異名異亦名阿羅呵義異名異亦名
三藐三佛陀義異名異亦名船師亦
名導師亦名正覺亦名明行足亦名
大師子王亦名沙門亦名婆羅門亦
名寂靜亦名施主亦名到彼岸亦名
大醫王亦名大象王亦名大龍王亦
名施眼亦名大力士亦名大無畏亦
名寶聚亦名商主亦名得脫亦名大
丈夫亦名天人師亦名大分陀利亦
名獨无等侶亦名大福田亦名大智
慧海亦名无相亦名具足八智如是
一切義異名異善男子是名无量義
中說無量名復有一義說无量名所
謂如陰亦名為陰亦名顛倒亦名為

諦亦名四念處亦名四食亦名四識
住處亦名為有亦名為道亦名為時
亦名衆生亦名為世亦名第一義亦
名三修謂身戒心亦名因果亦名煩
惱亦名解脫亦名十二因緣亦名聲
聞辟支佛亦名地獄餓鬼畜生人天
亦名過去現在未來是名一義說无
量名善男子如來世尊為衆生故廣
中說略略中說廣第一義諦說為世
諦說世諦法為第一義諦云何名為
廣中說略如告比丘我今宣說十二
因緣云何名為十二因緣所謂因果
云何名為略中說廣如告比丘我今
宣說苦集滅道苦者所謂无量諸苦
集者所謂无量煩惱滅者所謂無量
解脫道者所謂無量方便云何名為
第一義諦說為世諦如告比丘吾今
此身有老病死云何名為世諦說為
第一義諦如告憍陳如汝得法故名
阿若憍陳如是故隨人隨意隨時故
名如來知諸根力善男子我若當於
如是等義作定說者則不得稱我為
如來具知根力善男子有智之人當

知香象所負非驢所勝一切衆生所
行無量是故如來種種為說无量之
法何以故衆生多有諸煩惱故若使
如來說於一行不名如來具足成就
知諸根力是故我於餘經中說五種
衆生不應還為說五種法為不信者
不讚正信為毀禁者不讚持戒為慳
貪者不讚布施為懈怠者不讚多聞
為愚癡者不讚智慧何以故智者若
為是五種人說是五事當知說者不
得具足知諸根力亦不得名憐愍衆
生何以故是五種人間是事已生不
信心惡心瞋心以是因緣於无量世
受苦果報是故不名憐愍衆生具知
根力是故我先於餘經中告舍利弗
汝慎无為利根之人廣說法語鈍根
之人略說法也舍利弗言世尊我但
為憐愍故說非是具足根力故說善
男子廣略說法是佛境界非諸聲聞
緣覺所知善男子如汝所言佛涅槃
後諸弟子等各異說者是人皆以顛
倒因緣不得正見是故不能自利利
他善男子是諸衆生非唯一性一行

一根一種國土一善知識是故如來為
彼種種宣說法要以是因緣十方三
世諸佛如來為衆生故開示演說十
二部經善男子如來說十二部經
非為自利但為利他是故如來第五
力者名為解力是二力故如來深知
是人現在能斷善根是人後世能斷
善根是人現在能得解脫是人後世
能得解脫是故如來名无上力士
大般涅槃經卷第三十三

壬寅歲高麗國大藏都監奉

勅彫造

大般涅槃經卷第三十四

體

迦葉菩薩品第十二之二

北凉天竺三藏曇無讖譯

善男子若言如來畢竟涅槃不畢竟
涅槃是人不解如來意故作如是說
善男子是香山中有諸仙人五万三
千皆於過去迦葉佛所修諸功德未
得正道親近諸佛聽受正法如來欲
為如是人故告阿難言過三月已吾
當涅槃諸天聞已其聲展轉乃至香
山諸仙聞已即生悔心作如是言去
何我等得生人中不親近佛諸佛如
來出世甚難如優曇花我今當往至
世尊所聽受正法善男子今時五万
三千諸仙即來我所我時即為如應
說法諸大士色是无常何以故色之
因緣是无常故無常因生色云何常
乃至識亦如是今時諸仙聞是法已
即時獲得阿羅漢果善男子拘尸那
竭有諸力士三十万人無所繫屬自
恃憍恣色力命財狂醉乱心善男子
我為調伏諸力士故告目連言汝當

調伏如是力士時目犍連敬順我教
於五年中種種教化乃至不能令一
力士受法調伏是故我復為彼力士
告阿難言過三月已吾當涅槃善男
子時諸力士聞是語已相與集聚平
治道路過三月已我時便從毗舍離
國至拘尸那城中路遙見諸力士輩
即自化身為沙門像往力士所作如
是言諸童子作何事耶力士聞已皆
生瞋恨作如是言沙門汝今云何謂
我等輩為童子耶我時語言汝今大
衆三十萬人盡其身力不能移此微
末小石云何不名為童子乎諸力士
言汝若謂我為童子者當知汝即是
大人也善男子我於今時以足二指
掘出此石是諸力士見是事已即於
已身生輕劣想復作是言沙門汝今
復能移徙此石今出道不我言童子
何因緣故嚴治此道諸力士言沙門
汝不知耶釋迦如來當由此路至娑
羅林入於涅槃以是因緣我等平治
我時讚言善哉善哉童子汝等已發
如是善心吾當為汝除去此石我時

以手舉擲大石高至阿迦尼吒時諸力士見石在空中皆生驚怖尋欲四散我復告言諸力士等汝今不應生恐怖心各欲散去諸力士言沙門若能救護我者我當安住尔時我復以手接石置之右掌力士見已心生歡喜復作是言沙門是石常耶是无常乎我於尔時以口吹之石即散壞猶如微塵力士見已唱言沙門是石无常即生愧心而自考責云何我等恃怙自在色力命財而生憍慢我知其心即捨化身還復本形而為說法力士見已一切皆發菩提之心善男子拘尸那竭有一工巧名曰純陀是人先於迦葉佛所發大誓願釋迦如來入涅槃時我當寂後奉施飲食是故我於毗舍離國顧命比丘優波摩那善男子過三月已吾當於彼拘尸那竭娑羅雙樹入般涅槃汝可往告純陀令知善男子王舍城中有五通仙名須跋陀年百二十常自稱是一切智人生大憍慢已於過去无量佛所種諸善根我亦為欲調伏彼故告阿難

言過三月已吾當涅槃須臾聞已當
來我所生信敬心我當為彼說種種
法其人聞已當得盡漏善男子羅閱
耆王頻婆娑羅其王太子名曰善見
業因緣故生惡逆心欲害其父而不
得便亦時惡人提婆達多亦因過去
業因緣故復於我所生不善心欲害
於我即修五通不久獲得與善見太
子共為親厚為太子故現作種種神
通之事從非門出從門而入從門而
出非門而入或時示現象馬牛羊男
女之身善見太子見已即生愛心喜
心敬信之心為是事故嚴設種種供
養之具而供養之又復白言大師聖
人我今欲見舅陀羅花時調婆達多
即便往至三十三天從彼天人而求
索之其福盡故都无與者既不得花
作是思惟舅陀羅樹無我我所我若
自取當有何罪即前欲取便失神通
還見已身在王舍城心生慙愧不能
復見善見太子復作是念我今當往
至如來所求索大眾佛若聽者我當
隨意教詔勅使舍利弗等亦時提婆

達多便來我所作如是言唯願如來
以此大衆付囑於我我當種種說法
教化令其調伏我言癡人舍刹弗等
聰明大智世所信伏我猶不以大衆
付囑況汝癡人食唾者乎時提婆達
復於我所倍生惡心作如是言瞿曇
汝今雖復調伏大衆勢亦不久當見
磨滅作是語已大地即時六返震動
提婆達多尋時躡地於其身邊出大
暴風吹諸塵土而汙塗之提婆達多
見惡相已復作是言若我此身現世
必入阿鼻地獄我要當報如是大怨
時提婆達多尋起往至善見太子所
善見見已即問聖人何故顏容憔悴
有憂色耶提婆達言我常如是汝不
知乎善見答言願說其意何因緣介
提婆達言我今與汝極成親愛外人
罵汝以為非理我聞是事豈得不憂
善見太子復作是言國人士何罵辱
於我提婆達言國人罵汝為未生怨
善見復言何故名我為未生怨誰作
此名提婆達言汝未生時一切相師
皆作是言是兒生已當殺其父是故

外人皆悉号汝為未生怨一切內人
護汝心故謂為善見事提夫人聞是
語已既生汝身於高樓上棄之於地
壞汝一指以是因緣人復号汝為婆
羅留枝我聞是已心生愁憤而復不
能向汝說之提婆達多以如是等種
種惡事教令殺父若汝殺父我亦能
殺瞿曇沙門善見太子問一大臣名
目雨行大王何故為我立字作未生
怨大臣即為說其本末如提婆達所
說无異善見聞已即與大臣収其父
王閉之城外以四種兵而守衛之聿
提夫人聞是事已即至王所詣守王
人遮不聽入尔時夫人生瞋恚心便
呵罵之時諸守人即告太子大王夫
人欲得往見父王不審聽不善見聞
已復生瞋嫌即往母所前牽母髮拔
刀欲斫尔時耆婆白言大王有國已
來罪雖極重不及女人况所生母善
見太子聞是語已為耆婆故即便放
捨遮斷父王衣服卧具飲食湯藥過
七日已王命便終善見太子見父喪
已方生悔心雨行大臣復以種種惡

邪之法而為說之大王一切業行都無有罪何故今者而生悔心者婆復言大王當知如是業者罪無二種一者殺害父王二者殺須陀洹如是罪者除佛更无能除滅者善見王言如來清淨無有穢濁我等罪人云何得見善男子我知是事故告阿難過三月已吾當涅槃善見聞已即來我所我為說法重罪得薄獲无根信善男子我諸弟子聞是說已不解我意故作是言如來定說畢竟涅槃善男子菩薩二種一者實義二者假名假名菩薩聞我三月當入涅槃皆生退心而作是言如其如來无常不住我等何為為是事故无量世中受大苦惱如來世尊成就具足無量功德尚不能壞如是死魔況我等輩當能壞耶善男子是故我為如是菩薩而作是言如來常住无有變易善男子我諸弟子聞是說已不解我意定言如來終不畢竟入於涅槃

善男子有諸衆生生於斷見作如是言一切衆生身滅之後善惡之業无

有受者我為是人作如是言善惡果報實有受者云何知有善男子過去之世拘尸那竭有王名曰善見作童子時經八万四千歲作太子時八万四千歲及登王位亦八万四千歲於獨處坐作是思惟衆生薄福壽命短促常有四怨而隨逐之不自覺知猶故放逸是故我當出家修道斷絕四怨生老病死即勅有司於其城外作七寶堂作已便告群臣百官宮內妃后諸子眷屬汝等當知我欲出家能見聽不今時大臣及其眷屬各作是言善哉大王今正是時時善見王將一使人獨住堂上復經八万四千年中修習慈心是慈因緣於後八万四千世中次第得作轉輪聖王三十世中作釋提桓因无量世中作諸小王善男子今時善見豈異人乎莫作斯觀即我身是善男子我諸弟子聞是說已不解我意唱言如來定說有我及有我所又我一時為諸衆生說言我者即是性也所謂內外因緣十二因緣衆生五陰心界世間功德業行自

在天世即名為我我諸弟子聞是說
已不解我意唱言如來定說有我善
男子復於異時有一比丘來至我所
作如是言世尊云何名我誰是我耶
何緣故我我時即為比丘說言比丘
無我我所眼者即是本无今有已有
還无其生之時无所從來及其滅時
亦無所至雖有業果無有作者无有
捨陰及受陰者如汝所問云何我者
我即期也誰是我者即是業也何緣
我者即是愛也比丘辟如二手相拍
聲出其中我亦如是衆生業愛三因
緣故名之為我比丘一切衆生色不
是我我中无色色中无我乃至識亦
如是比丘諸外道輩雖說有我終不
離陰若說離陰別有我者无有是處
一切衆生行如幻化熱時之焰比丘
五陰皆是無常无樂無我无淨善男
子今時多有无量比丘觀此五陰無
我我所得阿羅漢果善男子我諸弟
子聞是說已不解我意唱言如來定
說无我

善男子我於經中復作是言三事和

合得受是身一父二母三者中陰是
三和合得受是身或時復說阿那舍
人現般涅槃或於中陰入般涅槃或
復說言中陰身根具足明了皆因往
業如淨醍醐善男子我或時說弊惡
衆生所受中陰如世間中麤澁穢褐
純善衆生所受中陰如波羅奈所出
白氈我諸弟子聞是說已不解我意
唱言如來說有中陰善男子我復為
彼逆罪衆生而作是言造五逆者捨
身直入阿鼻地獄我復說言曇摩雷
枝比丘捨身直入阿鼻地獄於其中
聞无止宿處我復為彼犢子梵志說
言梵志若有中陰則有六有我復說
言无色衆生無有中陰善男子我諸
弟子聞是說已不解我意唱言佛說
定无中陰

善男子我於經中復說有退何以故
因於无量懈怠懶惰諸比丘等不修
道故說退五種一者樂於多事二者
樂說世事三者樂於睡眠四者樂近
在家五者樂多遊行以是因緣令比
丘退說退因緣復有二種一內一外

阿羅漢人雖離內因不離外因以外
因緣故則生煩惱生煩惱故則便退
失復有比丘名曰瞿菴六返退失退
已慙愧復更進修第七即得得已恐
失以刀自害我復或說有時解脫或
說六種阿羅漢等我諸弟子聞是說
已不解我意唱言如來定說有退善
男子經中復說譬如焦炭不還爲木
亦如瓶壞更无瓶用煩惱亦尔阿羅
漢斷終不還生亦說衆生生煩惱因
凡有三種一者未斷煩惱二者不斷
因緣三者不善思惟而阿羅漢无二
因緣謂斷煩惱無不善思惟善男子
我諸弟子聞是說已不解我意唱言
如來定說无退

善男子我於經中說如來身凡有二
種一者生身二者法身言生身者即
是方便應化之身如是身者可得言
是生老病死長短黑白是此是彼是
學无學我諸弟子聞是說已不解我
意唱言如來定說佛身是有爲法法
身即是常樂我淨永離一切生老病
死非白非黑非長非短非此非彼非

學非无學若佛出世及不出世常住不動無有變易善男子我諸弟子聞是說已不解我意唱言如來定說佛身是無為法

善男子我經中說云何名為十二因緣從无明生行從行生識從識生名色從名色生六入從六入生觸從觸生受從受生愛從愛生取從取生有從有生生從生則有老死憂苦善男子我諸弟子聞是說已不解我意唱言如來說十二緣定是有為我又一時告喻比丘而作是言十二因緣有佛無佛性相常住善男子有十二緣不從緣生有從緣生非十二緣有從緣生亦十二緣有非緣生非十二緣有十二緣非緣生者謂未來世十二支也有從緣生非十二緣者謂阿羅漢所有五陰有從緣生亦十二緣者謂凡夫人所有五陰十二因緣有非緣生非十二緣者謂虛空涅槃善男子我諸弟子聞是說已不解我意唱言如來說十二緣定是无為善男子我經中說一切衆生作善惡

業捨身之時四大於此即時散壞純
善業者心即上行純惡業者心即下
行善男子我諸弟子聞是說已不解
我意唱言如來說心定常善男子以
於一時為頻婆婆羅王而作是言大
王當知色是無常何以故從無常因
而得生故是色若從无常因生智者
云何說言是常若色是常不應壞滅
生諸苦惱今見是色散滅破壞是故
當知色是无常乃至識亦如是善男
子我諸弟子聞是說已不解我意唱
言如來說心定斷善男子我經中說
我諸弟子受諸香花金銀寶物妻子
奴婢八不淨物獲得正道得正道已
亦不捨離我諸弟子聞是說已不解
我意定言如來說受五欲不妨聖道
又我一時復作是說在家之人得正
道者无有是處善男子我諸弟子聞
是說已不解我意唱言如來說受五
欲定遮正道

善男子我經中說遠離煩惱未得解
脫猶如欲界修習世間第一法也善
男子我諸弟子聞作是說不解我意

唱言如來說第一法唯是欲界又復
我說瞋法頂法忍法世間第一法在
於初禪至第四禪我諸弟子聞是說
已不解我意唱言如來說如是法在
於色界又復我說諸外道等先已得
斷四禪煩惱修習瞋法頂法忍法世
第一法觀四真諦得阿那含果我諸
弟子聞是說已不解我意唱言如來
說第一法在無色界善男子我經中
說四種施中有三種淨一者施主信
因信果信施受者不信因果與施二
者受者信因果施施主不信因果及
施三者施主受者二俱有信四者施
主受者二俱不信是四種施初三種
淨我諸弟子聞是說已不解我意唱
言如來說施唯意善男子我於一時
復作是說施者施時以五事施何等
為五一者施色二者施力三者施安
四者施命五者施辯以是因緣施主
還得五事果報我諸弟子聞是說已
不解我意唱言佛說施即五陰

善男子我於一時宣說涅槃即是遠
離煩惱永盡滅元遺餘猶如燈滅更

無法生涅槃亦尔言虚空者即无所
有譬如世間無所有故名爲虚空非
智緣滅即無所有如其有者應有因
緣有因緣故應有盡滅以其无故無
有盡滅我諸弟子聞是說已不解我
意唱言佛說无三無爲善男子我於
一時爲目犍連而作是言目連夫涅
槃者即是章句即是足跡是畢竟處
是無所畏即是大師即是大果是畢
竟智即是大忍無尋三昧是大法界
是甘露味即是難見目連若說无涅
槃者云何有人生誹謗者墮於地獄
善男子我諸弟子聞是說已不解我
意唱言如來說有涅槃復於一時我
爲目連而作是說目連眼不牢固至
身亦尔皆不牢固不牢固故名爲虛
空食下迴轉消化之處一切音聲皆
名虚空我諸弟子聞是說已不解我
意唱言如來決定說有虚空无爲復
於一時爲目連說目連有人未得須
陀洹果住忍法時斷於無量三惡道
報當知不從智緣而滅我諸弟子聞
是說已不解我意唱言如來決定說

有非智緣滅

善男子我又一時為跋波比丘說跋波若比丘觀色已若過去若未來若現在若近若遠若麤若細如是等色非我我所若有比丘如是觀已能斷色愛跋波又言云何名色我言四大名色四陰名名我諸弟子聞是說已不解我意唱言如來決定說言色是不解我意唱言如來決定說言色是四大善男子我復說言譬如因鎖則有像現色亦如是因四大造所謂麤細澁滑青黃赤白長短方圓斜角輕重寒熱飢渴煙雲塵霧是名造色猶如響像我諸弟子聞是說已不解我意唱言如來說有四大則有造色或有四大無有造色善男子往昔一時菩提王子作如是言若有比丘護持禁戒若發惡心當知是時失比丘戒我時語言菩提王子戒有七種從於身口有无作色以是無作色因緣故其心雖在惡无記中不名失戒猶名持戒以何因緣名无作色非異色因不作異色因果善男子我諸弟子聞是說已不解我意唱言佛說有无作

色善男子我於餘經作如是言戒者
即是遮制惡法若不作惡是名持戒
我諸弟子聞是說已不解我意唱言
如來決定宣說无無作色

善男子我於經中作如是說聖人色
陰乃至識陰皆是无明因緣所出一
切凡夫亦復如是從無明生愛當知
是愛即是無明從愛生取當知是取
即无明愛從取生有是有即是无明
愛取從有生受當知是受即是行有
從受因緣生於名色无明愛取有行
受觸識六入等是故受者即十二支
善男子我諸弟子聞是說已不解我
意唱言如來說無心數善男子我於
經中作如是說從眼色明惡欲等四
則生眼識言惡欲者即是无明欲性
求時即名為愛愛因緣取取名為業
業因緣識識緣名色名色緣六入六
入緣觸觸緣想受愛信精進定慧如
是等法因觸而生然非是觸善男子
我諸弟子聞是說已不解我意唱言
如來說有心數
善男子我或時說唯有一有或說二

三四五六七八九至二十五我諸弟子聞是說已不解我意唱言如來說有五有或言六有善男子我往一時住迦毗羅衛尼拘陀林時釋摩男來至我所作如是言云何名為優婆塞也我即為說若有善男子善女人諸根完具受三歸依是則名為優婆塞也釋摩男言世尊云何名為一分優婆塞我言摩男若受三歸及受一戒是名一分優婆塞也我諸弟子聞是說已不解我意唱言如來說優婆塞戒不具受得善男子我於一時住恒河邊今時迦旃延來至我所作如是言世尊我教衆生今受齋法或一日或一夜或一時或一念如是之人成齋不耶我言比丘是人得善不名得齋我諸弟子聞是說已不解我意唱言如來說八戒齋具受乃得善男子我於經中作如是說若有比丘犯四重已不名比丘名破比丘亡失比丘不復能生善牙種子譬如焦種不生果實如多羅樹頭若斷壞則不生果犯重比丘亦復如是我諸弟

子聞是說已不解我意唱言如來說
諸比丘犯重禁已失比丘戒善男子
我於經中為純陀說四種比丘一者
畢竟到道二者示道三者受道四者
行道犯四重者即是行道我諸弟子
聞是說已不解我意唱言如來說諸
比丘犯四重已不失禁戒善男子我
於經中告諸比丘一乘一道一行一
緣如是一乘乃至一緣能為衆生作
大寂靜永斷一切繫縛愁苦苦及苦
因令一切衆到於一有我諸弟子聞
是說已不解我意唱言如來說須陀
洹乃至阿羅漢人皆得佛道善男子
我於經中說須陀洹人人間天上七返
往來便般涅槃斯陀舍人一受人天
便般涅槃阿那含人凡有五種或有
中間般涅槃者乃至上流般涅槃者
阿羅漢人凡有二種一者現在二者
未來現在亦斷煩惱五陰未來亦斷
煩惱五陰我諸弟子聞是說已不解
我意唱言如來說須陀洹至阿羅漢
不得佛道善男子我於此經說言佛
性具有六事一常二實三真四善五

淨六可見我諸弟子聞是說已不解
我意唱言佛說衆生佛性離衆生有
善男子我又說言衆生佛性猶如虛
空虛空者非過去非未來非現在非
內非外非是色聲香味觸攝佛性亦
亦我諸弟子聞是說已不解我意唱
言佛說衆生佛性離衆生有善男子
我又復說衆生佛性猶如貧女宅中
寶藏力士額上金剛寶珠轉輪聖王
甘露之泉我諸弟子聞是說已不解
我意唱言佛說衆生佛性離衆生有
善男子我又復說犯四重禁一闡提
人謗方等經作五逆罪皆有佛性如
是衆生都无善法佛性是善我諸弟
子聞是說已不解我意唱言佛說衆
生佛性離衆生有善男子我又復說
衆生者即是佛性何以故若離衆生
不得阿耨多羅三藐三菩提是故我
與波斯匿王說於象喻如盲說象雖
不得象然不離象衆生說色乃至說
識是佛性者亦復如是雖非佛性非
不佛性如我為王說筌筍喻佛性亦
亦善男子我諸弟子聞是說已不解

我意作種種說如盲問乳佛性亦介以是因緣或有說言犯四重禁謗方等經作五逆罪一闍提等悉有佛性或說言無善男子我於處處經中說言一人出世多人利益一國土中二轉輪王一世界中二佛出世无有是處一四天下八四天王乃至二他化自在天亦无是處然我乃說從閻浮提阿鼻地獄上至阿迦膩吒天我諸弟子聞是說已不解我意唱言佛說無十方佛我亦於諸大乘經中說有十方佛

大般涅槃經卷第三十四

癸卯歲高麗國大藏都監奉
勅彫造

大般涅槃經卷第三十五

體

迦葉菩薩品第三十二之三

北凉天竺三藏曇無讖譯

善男子如是諍訟是佛境界非諸聲聞緣覺所知若人於是生疑心者猶能摧壞无量煩惱如須弥山若於是中生決定者是名執著迦葉菩薩白佛言世尊云何執著佛言善男子如是之人若從他聞若自尋經若他故教於所著事不能放捨是名執著迦葉復言世尊如是執著為是善耶是不善乎善男子如是執著不名為善何以故不能摧壞諸疑網故迦葉復言世尊如是人者本自不疑云何說言不壞疑網善男子夫不疑者即是疑也世尊若有人謂須陀洹人不墮三惡是人亦當名著名疑善男子是可名定不得名疑何以故善男子譬如有人先見人樹後時夜行遙見杙根便生疑想人耶樹耶善男子如人先見比丘梵志後時於路遙見比丘即生疑想是沙門耶是梵志乎善男

子如人先見牛與水牛後遇見牛便
生疑想彼是牛耶是水牛乎善男子
一切衆生先見二物後便生疑何以
故心不了故我亦不說須陀洹人有
墮三惡不墮三惡是人何故生於疑
心迦葉言世尊如佛所說要先見已
然後疑者有人未見二種物時亦復
生疑何等是耶所謂涅槃世尊譬如
有人路遇濁水然未曾見而亦生疑
如是水者深耶淺耶是人未見云何
生疑善男子夫涅槃者即是斷苦非
涅槃者即是苦苦也一切衆生見有二
種見苦非苦苦者即是飢渴寒
熱瞋喜病瘦安隱老壯生死繫縛解
脫思愛別離怨憎聚會衆生見已即
便生疑當有畢竟遠離如是苦惱事
不是故衆生於涅槃中而生疑也汝
意若謂是人先來未見濁水云何疑
者是義不然何以故是人先於餘處
見已足故於此未曾到處而復生疑
世尊是人先見深淺處時已不生疑
於今何故而復生疑佛言善男子本
未行故所以生疑是故我言不了故疑

迦葉菩薩白佛言世尊如佛所說疑
即是著著即是疑為是誰耶善男子
斷善根者迦葉言世尊何等人輩能
斷善根善男子若有聰明黠慧利根
能善分別遠離善友不聽正法不善
思惟不如法住如是之人能斷善根
離是四事心自思惟无有施物何以
故施者即是捨於財物若施有報當
知施主常應貧窮何以故子果相似
故是故說言無因无果若如是說无
因無果是則名為斷善根也復作是
念施主受者及以財物三事無常无
有停住若无停住云何說言此是施
主受者財物若無受者云何得果以
是義故无因無果若如是說无因無
果當知是人能斷善根復作是念施
者施時有五事施受者受已或時作
善或作不善而是施主亦復不得善
不善果如世間法從子生果果還作
子因即施主果即受者而是受者不
能以此善不善法令施主得以是義
故无因無果若如是說无因無果當
知是人能斷善根復作是念无有施

物何以故施物无記若是無記云何而得善果報耶無善惡果即是无記財若无記當知即无善惡果報是故無施無因无果若如是說無因无果當知是人能斷善根復作是念施主若為佛像天像命過父母而行施者即无受者若无受者應無果報若无果報是為無因若无因者是為无果若如是說无因無果當知是人能斷善根復作是念無父无母若言父母是衆生因生衆生者理應常生无有斷絕何以故因常有故然不常生是故當知無有父母復作是念无父無母何以故若衆生身因父母有一人應具男女二根然無具者當知衆生非因父母復作是念非因父母而生衆生何以故眼見衆生不似父母謂身色心威儀進止是故父母非衆生因復作是念一切世間有四種无一者未生名

无如泥團時未有瓶用二者滅已名
無如瓶壞已是名為无三者各異
无如牛中無馬馬中無牛四者畢竟
名无如兔角龜毛衆生父母亦復如
是同此四无若言父母衆生因者父
母死時子不必死是故父母非衆生因
復作是念若言父母衆生因者應因
父母常生衆生然而復有化生濕生
是故當知非因父母生衆生也復作
是念自有衆生非因父母而得生長
譬如孔雀聞雷震聲而使得娠又如
青雀飲雄雀尿而使得娠如命命鳥
見雄者舞即便得娠作是念時如其
不遇善知識者當知是人能斷善根
復作是念一切世間无善惡果何以
故有諸衆生具十善法樂於惠施勤
修功德是人亦復添病集身中平次
喪財物損失多諸憂苦有行十惡慳
貪嫉妬懶惰懈怠不修諸善身安无
病終保年壽多饒財寶无諸愁苦是
故當知无善惡果復作是念我亦曾
聞諸聖人說有人修善命終多墮三
惡道中有人行惡命終生於人天之

中是故當知无善惡果復作是念一切聖人有二種說或說殺生得善果報或說殺生得惡果報是故當知聖說不定聖若不定我云何定是故當知无善惡果復作是念一切世間無有聖人何以故若言聖人應得正道一切衆生具煩惱時修正道者當知是人正道煩惱一時俱有若一時有當知正道不能破結若无煩惱而修道者如是正道為何所作是故具煩惱者道不能壞不具煩惱道则无用是故當知一切世間无有聖人復作是念無明緣行乃至生緣老死是十二因緣一切衆生等共有之八聖道者其性平等亦應如是一人得時一切應得一人修時應一切苦滅何以故煩惱等故而今不得是故當知无有正道復作是念聖人皆有同凡夫法所謂飲食行住坐卧睡眠喜笑飢渴寒熱憂愁恐怖若同凡夫如是事者當知聖人不得聖道若得聖道應當永斷如是等事如是等事如其不斷當知无道復作是念聖人有身受

五欲樂亦復罵辱搥打於人嫉妬憍慢受於苦樂作善惡業是因緣故知无聖人若有道者應斷是事是事不斷當知無道復作是念多憐愍者名為聖人何因緣故名為聖人道因緣故名為聖人若道性憐愍便應愍念一切衆生不待修已然後方得如其無愍何故聖人因得聖道能憐愍耶是故當知世无聖道復作是念一切四大不從因生衆生等有是四大性不觀衆生是邊應到彼不應到若有聖道性應如是然今不尔是故當知世無聖人復作是念若諸聖人有一涅槃當知是則無有聖人何以故不可得故常住之法理不可得不可取捨若諸聖人涅槃多者是則无常何以故可數法故涅槃若一人得時一切應得涅槃若多是則有邊如其有邊云何名常若有說言涅槃體一解脫是多如蓋是一牙舌是多是義不然何以故一一所得非一切得以有邊故是應无常若無常者云何得名為涅槃耶涅槃若无誰為聖人是

故當知无有聖人復作是念聖人之道非因緣得若聖人道非因緣得何故一切不作聖人若一切人非聖人者當知是則无有聖人及以聖道復作是念聖說正見有二因緣一者從他聞法二者內自思惟是二因緣若從緣生所從生者復從緣生如是展轉有無窮過若是二事不從緣生一切衆生何故不得作是觀時能斷善根善男子若有衆生深見如是无因无果是人能斷信等五根善男子斷善根者非是下劣愚鈍之人亦非天中及三惡道破僧亦尔迦葉菩薩白佛言世尊如是之人何時當能還生善根佛言善男子是人二時還生善根初入地獄出地獄時善男子善有三種過去現在未來若過去者其性自滅因雖滅盡果報未熟是故不名斷過去果斷三世因故名為斷迦葉菩薩白佛言世尊若斷三世因名斷善根斷善根人即有佛性如是佛性為是過去為是現在為是未來為遍三世若過去者云何名常佛性

亦常是故當知非過去也若未來者
云何名常何故佛說一切衆生必定
當得若必定得云何言斷若現在者
復云何常何故復言必定可見如來
亦說佛性有六一常二真三實四善
五淨六可見若斷善根有佛性者則
不得名斷善根也若无佛性云何復
言一切衆生悉有佛性若言佛性亦
有亦斷云何如來復說是常佛言善
男子如來世尊為衆生故有四種答
一者定答二者分別答三者隨問答
四者置答善男子云何定答若問惡
業得善果耶不善果乎是應定答得
不善果善亦如是若問如來一切智
不是應定答是一切智若問佛法是
清淨不是應定答必定清淨若問如
來弟子如法住不是應定答有如法
住是名定答云何分別答如我所說
四真諦法云何為四苦集滅道何謂
苦諦有八苦故名曰苦諦云何集諦
五陰因故名為集諦云何滅諦貪欲
瞋癡畢竟盡故名為滅諦云何道諦
三十七助道法故名為道諦是名分

別答云何隨問答如我所說一切法
無常復有問言如來世尊為何法故
說於无常答言如來為有為法故說
無常无我亦尔如我所說一切法燒
他又問言如來世尊為何法故說一
切燒答言如來為貪瞋癡說一切燒
善男子如來十力四無所畏大慈大
悲三念處首楞嚴等八万億諸三昧
門三十二相八十種好五智印等三
万五千諸三昧門金剛定等四十二
百諸三昧門方便三昧無量无邊如
是等法是佛佛性如是佛性則有七
事一常二我三樂四淨五真六實七
善是名分別答善男子後身菩薩佛
性有六一常二淨三真四實五善六
少見是名分別答如汝先問斷善根
人有佛性者是人亦有如來佛性亦
有後身佛性是二佛性障未來故得
名為无畢竟得故得名為有是名分
別答如來佛性非過去非現在非未
來後身佛性現在未來少可見故得
名現在未具見故名為未來如來未
得阿耨多羅三藐三菩提時佛性因

故亦是過去現在未來果則不亦有
是三世有非三世後身菩薩佛性因
故亦是過去現在未來果亦是是
名分別答九住菩薩佛性六種一常
二善三真四實五淨六可見佛性因
故亦是過去現在未來果亦是是
名分別答八住菩薩下至六住佛性
五事一真二實三淨四善五可見佛
性因故亦是過去現在未來果亦如
是是名分別答五住菩薩下至初住
佛性五事一真二實三淨四可見五
善不善善男子是五種佛性六種佛
性七種佛性斷善根人必當得故故
得言有是名分別答若有說言斷善
根者定有佛性定無佛性是名置答
迦葉菩薩言世尊我聞不答乃名置
答如來今者何因緣答而名置答善
男子我亦不說置而不答乃說置答
善男子如是置答復有二種一者遮
止二者莫著以是義故得名置答
迦葉菩薩白佛言世尊如佛所說云
何名因亦是過去現在未來果亦過
去現在未來非是過去現在未來佛

言善男子五陰二種一者因二者果
是因五陰是過去現在未來是果五
陰亦是過去現在未來亦非過去現
在未來善男子一切無明煩惱等結
志是佛性何以故佛性因故從無明
行及諸煩惱得善五陰是名佛性從
善五陰乃至獲得阿耨多羅三藐三
菩提是故我於經中先說衆生佛性
如雜血乳血者即是无明行等一切
煩惱乳者即是善五陰也是故我說
從諸煩惱及善五陰得阿耨多羅三
藐三菩提如衆生身皆從精血而得
成就佛性亦尔須陀洹人斯陀含人
斷少煩惱佛性如乳阿那含人佛性
如酪阿羅漢人猶如生酥從辟支佛
至十住菩薩猶如熟酥如來佛性猶
如醍醐善男子現在煩惱為作障故
令諸衆生不得覩見如香山中忍
辱草非一切牛皆能得食佛性亦尔
是名分別答迦葉菩薩白佛言世尊
五種六種七種佛性若未來有者云
何說言斷善根人有佛性耶佛言善
男子如諸衆生有過去業因是業故

衆生現在得受果報有未來業以未
生故終不生果有現在煩惱若无煩
惱一切衆生應當了了現見佛性是
故斷善根人以現在世煩惱因緣能
斷善根未來佛性力因緣故還生善
根迦葉言世尊未來云何能生善根
善男子猶如燈日雖復未生亦能破
闇未來之生能生衆生未來佛性亦
復如是是名分別答

迦葉菩薩白佛言世尊若言五陰是
佛性者云何說言衆生佛性非內非
外佛言善男子何因緣故如是失意
我先不說衆生佛性是中道耶迦葉
言世尊我實不失意直以衆生於此
中道不能解故故發斯問善男子衆
生不解即是中道或時有解或有不
解善男子我為衆生得開解故說言
佛性非內非外何以故凡夫衆生或
言佛性住五陰中如器中有果或言
離陰而有猶如虛空是故如來說於
中道衆生佛性非內六入非外六入
內外合故名為中道是故如來宣說
佛性即是中道非內非外故名中道

是名分別答復次善男子云何名為
非內非外善男子或言佛性即是外
道何以故菩薩摩訶薩於無量劫在
外道中斷諸煩惱調伏其心教化衆
生然後乃得阿耨多羅三藐三菩提
是以佛性即是外道或言佛性即是
內道何以故菩薩雖於無量劫中修
習外道若離內道則不能得阿耨多
羅三藐三菩提是以佛性即是內道
是故如來遮此二邊說言佛性非內
非外亦名內外是名中道是名分別
答復次善男子或言佛性即是如來
金剛之身三十二相八十種好何以
故不虛誑故或言佛性即是十力四
無所畏大慈大悲及三念處首楞嚴
等一切三昧何以故因是三昧生金
剛身三十二相八十種好故是故如
來遮此二邊說言佛性非內非外亦
名內外是名中道是名分別答復次
善男子或有說言佛性即是內善思
惟何以故離善思惟則不能得阿耨
多羅三藐三菩提故是故佛性即是
內善思惟或有說言佛性即是從他

聞法何以故從他聞法則能內善思惟若不聞法則无思惟是以佛性即是從他聞法是故如來遮此二邊說言佛性非內非外亦名內外是名中道復次善男子復有說言佛性是外謂檀波羅蜜從檀波羅蜜得阿耨多羅三藐三菩提是以說言檀波羅蜜即是佛性或有說言佛性是內謂五波羅蜜何以故離是五事當知则无佛性因果是以說言五波羅蜜即是佛性是故如來遮此二邊說言佛性非內非外亦內亦外是名中道復次善男子或有說言佛性在內譬如力士額上寶珠何以故常樂我淨如寶珠故是以說言佛性在內或有說言佛性在外如貧寶藏何以故方便見故佛性亦在衆生外以方便故而得見之是故如來遮此二邊說言佛性非內非外亦內亦外是名中道善男子衆生佛性非有非无所以者何佛性雖有非如虚空何以故世間虚空雖以无量善巧方便不可得見佛性可見是故雖有非如虚空佛性

雖无不同兔角何以故龜毛兔角雖以無量善巧方便不可得生佛性可生是故雖无不同兔角是故佛性非有非无亦有亦無云何名有一切悉有是諸衆生不斷不滅猶如燈焰乃至得阿耨多羅三藐三菩提是故名有云何名无一切衆生現在未有一切佛法常樂我淨是故名无有無合故即是中道是故佛說衆生佛性非有非无善男子如有人問是種子中有果無耶應定答言亦有亦无何以故離子之外不能生果是故名有子未出芽是故名無以是義故亦有亦無所以者何時節有異其體是一衆生佛性亦復如是若言衆生中別有佛性者是義不然何以故衆生即佛性佛性即衆生直以時異有淨不淨善男子若有問言是子能生果不是果能生子不應定答言亦生不生世尊如世人說乳中有酪是義云何善男子若有說言乳中有酪是名執著若言無酪是名虛妄離是二事應定說言亦有亦无何故名有從乳生酪

因即是乳果即是酪是名為有云何
名无色味各異服用不同熱病服乳
冷病服酪乳生冷病酪生熱病善男
子若言乳中有酪性者乳即是酪酪
即是乳其性是一何因緣故乳在先
出酪不先生若有因緣一切世人何
故不說若無因緣何故酪不先出若
酪不先出誰作次第乳酪生蘇熟蘇
醍醐是故知酪先元今有若先無今
有是無常法善男子若有說言乳有
酪性能生於酪水無酪性故不生酪
是義不然何以故水草亦有乳酪之
性所以者何因於水草則出乳酪若
言乳中定有酪性水草无者是名虛
妄何以故心不等故故言虛妄善男
子若言乳中定有酪者酪中亦應定
有乳性何因緣故乳中出酪酪不出
乳若无因緣當知是酪本无今有是
故智者應言乳中非有酪性非無酪
性善男子是故如來於是經中說如
是言一切衆生定有佛性是名為著
若无佛性是名虛妄智者應說衆生
佛性亦有亦无善男子四事和合生

於眼識何等為四眼色明欲是眼識性非眼非色非明非欲從和合故便得出生如是眼識本无今有已有還無是故當知无有本性乳中酪性亦復如是若有說言水無酪性故不出酪是故乳中定有酪性是義不然何以故善男子一切諸法異因異果亦非一因生一切果非一切果從一因生善男子如從四事生於眼識不可復說從此四事應生耳識善男子離於方便乳中得酪酪出生酥不得如是是要須方便善男子智者不可見離方便從乳得酪謂得生酥亦應如是離方便得善男子是故我於是經中說因生故法有因滅故法无善男子如塩性鹹能令非鹹使鹹若非鹹物先有鹹性世人何故更求塩耶若先無者當知先無今有以餘緣故而得鹹也若言一切不鹹之物皆有鹹性微故不知由此微性塩能令鹹若本無性雖復有塩不能令鹹譬如種子自有四大緣外四大而得增長芽莖枝葉塩性亦尔者是義不然何以故

不鹹之物先有鹹性者鹽亦應有微
不鹹性是鹽若有如是二性何因緣
故離不鹹物不可獨用是故知鹽本
無二性如鹽一切不鹹之物亦復如
是若言外四大種力能增長內四大
者是義不然何以故次第說故不從
方便乳中得酪生蘇乃至一切諸法
皆不如是非方便得四大亦復如是
若說從外四大增內四大不見從內
四大增外四大如尸利沙果先无形
質見昇星時果則出生足長五寸如
是果者實不因於外四大增

善男子如我所說十二部經或隨自
意說或隨他意說或隨自他意說云
何名為隨自意說如五百比丘問舍
利弗大德佛說身因何者是耶舍利
弗言諸大德汝等亦各得正解脫自
應識之何緣方作如是問耶有比丘
言大德我未獲得正解脫時意謂无
明即是身因作是觀時得阿羅漢果
復有說言大德我未獲得正解脫時
謂愛无明即是身因作是觀時得阿
羅漢果或有說言行識名色六入觸

受愛取有生飲食五欲即是身因尔
時五百比丘各各自說已所解已共
往佛所稽首佛足右遶三匝礼拜畢
已却坐一面各以如上已所解義向
佛說之舍利弗白佛言世尊如是諸
人誰是正說誰不正說佛告舍利弗
善哉善哉一一比丘无非正說舍利
弗言世尊佛意云何佛言舍利弗我
為欲界衆生說言父母即是身因如
是等經名隨自意說云何名為隨他
意說如巴叱羅長者來至我所作如
是言瞿曇汝知幻不若知幻者即大
幻人若不知者非一切智我言長者
知幻之人名幻人耶長者言善哉善
哉知幻之人即是幻人佛言長者舍
衛國內波斯匿王有旃陀羅名曰氣
虛汝知不耶長者答言瞿曇我久知
之佛言汝久知者可得即是旃陀羅
不長者言瞿曇我雖知是旃陀羅然
我此身非旃陀羅佛言長者汝得是
義知旃陀羅非旃陀羅我今何故不
得知幻而非幻乎長者我實知幻知
幻人知幻果報知幻伎術我知殺知

殺人知殺果報知殺解脫乃至知邪見知邪見人知邪見果報知邪見解脫長者若說非幻之人名為幻人非邪見人說邪見人得无量罪長者言瞿曇如汝所說我得大罪我今所有恙以相上幸莫令彼波斯匿王知我此事佛言長者是罪因緣不必失財乃當因是墮三惡道是時長者聞惡道名心生恐怖白佛言聖人我今失意獲得大罪聖人今者是一切智應當了知獲得解脫我當云何得脫地獄餓鬼畜生今時我為說四真諦長者聞已得須陀洹果心生慙愧向佛懺悔我本愚癡佛非幻人而言是幻我從今日歸依三寶佛言善哉善哉長者是名隨他意說云何名為隨自他說如我所說如一切世間智者說有我亦說有智人說無我亦說无世間智人說五欲樂有元常苦無我可斷我亦說有世間智人說五欲樂有常我淨無有是處我亦如是說无是處是名隨自他說善男子如我所說十住菩薩少見佛性是名隨他意說

何故名少見十住菩薩得首楞嚴等
三昧三千法門是故了了自知當得
阿耨多羅三藐三菩提不見一切衆
生定得阿耨多羅三藐三菩提是故
我說十住菩薩少見佛性善男子我
常宣說一切衆生悉有佛性是名隨
自意說一切衆生不斷不滅乃至得
阿耨多羅三藐三菩提是名隨自意
說一切衆生悉有佛性煩惱覆故不
能得見我說如是汝說亦亦是名隨
自他意說

善男子如來或時為一法故說无量
法如經中說一切梵行因善知識一
切梵行因雖無量說善知識則已攝
盡如我所說一切惡行邪見為因一
切惡行因雖无量若說邪見則已攝
盡或說阿耨多羅三藐三菩提信心
為因是菩提因雖復无量若說信心
則已攝盡善男子如來雖說无量諸
法以為佛性然不離於陰入界也
善男子如來說法為衆生故有七種
語一者因語二者果語三者因果語
四者喻語五者不應說語六者世流

布語七者如意語云何名因語現在
因中說未來果如我所說善男子汝
見衆生樂殺乃至樂行邪見當觀是
人即地獄人善男子若有衆生不樂
殺生乃至邪見當觀是人即是天人
是名因語云何果語現在果中說過
去因如經中說善男子如汝所見貧
窮衆生顏兒醜陋不得自在當知是
人定有破戒妬心瞋心無慙愧心若
見衆生多財巨富諸根完具威德自
在當知是人定有戒施精勤慙愧无
有妬瞋是名果語云何因果語如經
中說善男子衆生現在六入觸因是
名過去業果如來亦說名之為業是
業因緣得未來果是名因果語云何
喻語如說師子王者即喻我身大象
王大龍王波利質多羅樹七寶聚大
海須弥山大地大雨船師導師調御
丈夫力士牛王婆羅門沙門大城多
羅樹如是喻經名為喻語云何不應
語我經中說天地可合河不入海如
為波斯匿王說四方山來如為鹿母
優婆夷說若娑羅樹能受八戒則得

受於人天之樂如說十住菩薩有退
轉心不說如來有二種語寧說須陀
洹人墮三惡道不說十住有退轉心
是名不應語云何世流布語如佛所
說男女大小去來坐卧車乘房舍瓶
衣衆生常樂我淨軍林城邑僧幻合
散是名世流布語云何如意語如我
呵責毀禁之人令彼自責護持禁戒
如我讚歎須陀洹人令諸凡夫生於
善心讚歎菩薩為令衆生發菩提心
說三惡道所有苦惱為令修習諸善
法故說一切燒唯為一切有為法故
無我亦亦說諸衆生悉有佛性為令
一切不放逸故是名如意語

大般涅槃經卷第三十五

壬寅歲高麗國大藏都監奉

勅彫造

大般涅槃經卷第三十六

體

北京天生三藏雲無識譯

迦葉菩薩品第十二之四

善男子如來復有隨自意語如來佛性則有二種一者有二者无有者所謂三十二相八十種好十力四無所畏三念處大慈大悲首楞嚴等无量三昧金剛等无量三昧方便等无量三昧五智印等無量三昧是名為有無者所謂如來過去諸善不善无記業因果報煩惱五陰十二因緣是名為無善男子如有无善不善有漏无漏世間非世間聖非聖有為无為實不實寂靜非寂靜諍非諍界非界煩惱非煩惱取非取受記非受記有非有三世非二世時非時常无常我無我樂无樂淨無淨色受想行識非色受想行識内入非内入外入非外入十二因緣非十二因緣是名如來佛性有无乃至一闡提佛性有无亦復如是善男子我雖說言一切衆生悉有佛性衆生不解佛如是等隨自意

語善男子如是語者後身菩薩尚不能解況於二乘其餘菩薩善男子我往一時在耆闍崛山與弥勒菩薩共論世諦舍利弗等五百聲聞於是事

中都不識知何況出世第一義諦善男子或有佛性一闡提有善根人无或有佛性善根人有一闡提無或有佛性二人俱有或有佛性二人俱无善男子我諸弟子若解如是四句義者不應難言一闡提人定有佛性定无佛性若言衆生悉有佛性是名如来隨自意語如来如是隨自意語衆生云何一向作解善男子如恒河中有七衆生一者常没二者暫出還没三者出已則住四者出已遍觀四方五者遍觀已行六者行已復住七者水陸俱行言常没者所謂大魚受大惡業身重處深是故常没暫出還没者如是大魚受惡業故身重處淺暫見光明因光故出重故還没出已住者謂垢弥魚身處淺水樂見光明故出已住遍觀万者所謂鰈魚為求食故遍觀四方是故觀方觀已行者謂

是鰕魚遇見餘物謂是可食疾行趣之故觀已行行已復住者是魚趣已既得可食即便停住故行已復住水陸俱行者即是龜也善男子如是微妙大涅槃河其中亦有七種衆生從初常沒乃至第七或入或出所言沒者有人聞是大涅槃經如來常住无有變易常樂我淨終不畢竟入於涅槃一切衆生悉有佛性一闡提人謗方等經作五逆罪犯四重禁必當得成菩提之道須陀洹人斯陀含人阿那含人阿羅漢人辟支佛等必當得成阿耨多羅三藐三菩提聞是語已生不信心即作是念作是念已便作是言是涅槃典即外道書非是佛經是人亦時遠離善友不聞正法雖時得聞不能思惟雖復思惟不思惟善不思善故如惡法住惡法住者則有六種一者惡二者無善三者汙法四者增有五者惱熱六者受惡果是名為沒何故名沒无善心故常行惡故不修對治故是名為沒所言惡者聖人呵責故心生怖畏故善人遠離故不益衆

生故是名為惡言无善者能生无量
惡果報故常為無明所纏繞故樂與
惡人為等侶故无有修善諸方便故
其心顛倒常錯謬故是名無善言汙
法者常汙身口故汙淨衆生故增不
善業故遠離善法故是名汙法言增
有者如上三人所行之法能增地獄
畜生餓鬼不能修習解脫之法身口
意業不厭諸有是名增有言惱熱者
是人具行如上四事能令身心二事
惱熱遠離寂靜則名為熱受地獄報
故名為熱燒諸衆生故名為熱燒諸
善法故名為熱善男子信心清涼是
人不具是故名熱言受惡果者是人
具足行上五事死墮地獄餓鬼畜生
善男子有三惡事復名惡果一者煩
惱惡二者業惡三者報惡是名受惡
果報善男子是人具足如上六事能
斷善根作五逆罪能犯四重能謗三
寶用僧毀物能作種種非法之事是
因緣故沉沒在於阿鼻地獄所受身
形縱廣八万四千由旬是人身口心
業重故不能得出何以故其心不能

生善法故雖有無量諸佛出世不聞
不見是故名常沒如恒河中大魚善男
子我雖復說一闍提等名為常沒復
有常沒非一闍提何者是耶如人為
有修施戒善是名常沒善男子有四
善事獲得惡果何等為四一者為勝
他故讀誦經典二者為利養故受持
禁戒三者為他屬故而行布施四者
為於非想非非想處故繫念思惟是
四善事得惡果報若人修習如是四
事是名沒已還出出已還沒何故名
沒樂三有故何故名出以見明故明
者即是聞戒施定何故還沒增長邪
見生憍慢故是故我於經中說偈
若有衆生樂諸有 為有造作善惡業
是人迷失涅槃道 是名暫出還復沒
行於黑闇生死海 雖得解脫雜煩惱
是人還受惡果報 是名暫出還復沒
善男子如彼大魚因見光故暫得出
水其身重故還復沉沒如上二人亦
復如是善男子或復有人樂著三有
是名為沒得聞如是大涅槃經生於
信心是名為出何因緣故名之為出

聞是經已遠離惡法修習善法故名
為出是人雖信亦不具足何因緣故
信不具足是人雖信大般涅槃常樂
我淨言如來身无常無我无樂無淨
如來則有二種涅槃一者有為二者
無為有為涅槃无常樂我淨无為涅
槃有常樂我淨雖信佛性是衆生有
不必一切皆悉有之是故名為信不
具足善男子信有二種一者信二者
求如是之人雖復有信不能推求是
故名為信不具足信復有二一從聞
生二從思生是人信心從聞而生不
從思生是故名為信不具足復有二
種一信有道二信得者是人信心唯
信有道都不信有得道之人是故名
為信不具足復有二種一者信正二
者信邪言有因果有佛法僧是名信
正言无因果三寶性異信諸邪語富
蘭伽等是名信邪是人雖信佛法僧
寶不信三寶同一性相雖信因果不
信得者是故名為信不具足是人成
就不具足信所受禁戒亦不具足何
因緣故名不具足因不具故所得禁

戒亦不具足復何因緣名不具足戒有二種一威儀戒二從戒戒是人唯具威儀等戒不具從戒戒是故名為戒不具足復有二種一者作戒二者無作戒是人唯具作戒不具无作戒是故名為戒不具足復有二種一從身口得於正命二從身口不得正命是人雖從身口不得正命是故名為戒不具足復有二種一者求戒二者捨戒是人唯具求有之戒不得捨戒是故名為戒不具足復有二種一者隨有二者隨道是人唯具隨有之戒不具隨道是故名為戒不具足復有二種一者善戒二者惡戒身口意善是名善戒牛戒狗戒是名惡戒是人深信是二種戒俱有善果是故名為戒不具足是人不具信戒二事所修多聞亦不具足云何名為聞不具足如來所說十二部經唯信六部不信六部是故名為聞不具足雖復受持是六部經不能讀誦為他解說无所利益是故名為聞不具足又復受是六部經已為論議故為勝他故為利

養故為諸有故受持讀誦解說是故名為聞不具足善男子我於經中說聞具足云何具足若有比丘身口意善先能供養和上諸師有德之人是諸師等於是人所生愛念心以是因緣教授其法是人至心受持誦習持誦習已獲得智慧得智慧已能善思惟如法而住善思惟已則得正義得正義已身心寂靜身心寂已則生喜心喜心因緣心則得定因得定故得正知見正知見已於諸有中心生歡悔悔諸有故能得解脫是人无有如是等事是故名為聞不具足是人不具如是三事施亦不具施有二種一者財施二者法施是人雖復行於財施為求有故雖行法施亦不具足何以故秘不盡說畏他勝故是故名為施不具足財法二施各有二種一者聖二者非聖聖者施已不求果報非聖施已求於果報聖者法施為增長法非聖法施為增諸有如是之人為增財故而行財施為增有故而行法施是故名為施不具足復次是人受

六部經見受法者而供給之不受法者則不供給是故名為施不具足是人
不具如上四事所修智慧亦不具足
智慧之性性能分別是人不能分別
如來是常無常如來於此涅槃經
中說言如來即是解脫解脫即是如
來如來即是涅槃涅槃即是解脫於
是義中不能分別梵行即是如來如
來即是慈悲喜捨慈悲喜捨即是解
脫解脫即是涅槃涅槃即是慈悲喜
捨於是義中不能分別是故名為智
不具足復次不能分別佛性佛性即
是如來如來即是一切不共之法不
共之法即是解脫解脫即是涅槃涅
槃即是不共之法於是義中不能分
別是故名為智不具足復次不能分
別四諦苦集滅道不能分別四真諦
故不知聖行不知聖行故不知如來
不知如來故不知解脫不知解脫故
不知涅槃是故名為智不具足是人
不具如是五事則有二種一增善法二
增惡法云何名為增長惡法是人不
見已不具足自言具足而生著心於

同行中自謂為勝是故親近同已惡友既親近已復得更聞不具足法聞已心喜其心染著起於憍慢多行放逸因放逸故親近在家人亦樂聞說在家之事速離清淨出家之法以是因緣增長惡法增惡法故身口意等起不淨業三業不淨故增長地獄畜生餓鬼是名暫出還沒暫出還沒者我佛法中其誰是耶謂提婆達多瞿伽離比丘憍手比丘善星比丘伍舍比丘滿宿比丘慈地比丘尼曠野比丘尼方比丘尼慢比丘尼淨潔長者求有優婆塞舍勒釋種象長者名稱優婆夷光明優婆夷難陀優婆夷軍優婆夷鈴優婆夷如是等人名為暫出還沒辟如大魚見明故出身重故沒第二之人深自知見行不具足不具足故求近善友近善友故樂諮未聞聞已樂受受已樂善思惟善思惟已能如法住如法住故增長善法增善法故終不復沒是名為住我佛法中其誰是耶謂舍利弗大目犍連阿若憍陳如等五比丘耶舍等五比丘阿

毘樓陀童子迦葉摩訶迦葉十力迦
葉瘦瞿曇彌比丘尼波吒羅花比丘
尼勝比丘尼實義比丘尼意比丘尼
跋陀比丘尼淨比丘尼不退轉比丘
尼頻婆娑羅王郁伽長者須達多長
者釋摩男貧須達多鼠狼長者子
名稱長者具足長者師子將軍優波
離長者刀長者无畏優婆夷善住優
婆夷愛法優婆夷勇健優婆夷天得
優婆夷善生優婆夷具身優婆夷牛
得優婆夷曠野優婆夷摩訶斯那優
婆夷如是等比丘比丘尼優婆塞優
婆夷得名為住云何為住常樂觀見
善光明故以是因緣若佛出世若不
出世如是等人終不造惡是名為住
如恆弥魚樂見光明不沉不沒如是
等衆亦復如是是故我於經中說偈
若人善能分別義 至心求於沙門果
若能呵責一切有 是人名為如法住
若能供養无量佛 則能无量世修道
若受世樂不放逸 是人名為如法住
親近善友聽正法 內善思惟如法住
樂見光明修習道 獲得解脫安隱住

善男子智不具足凡有五事是人知
已求近善友如是善友當觀是人貪
欲瞋恚愚癡思覺何者偏多若知是
人貪欲多者即應為說不淨觀法瞋
恚多者為說慈悲思覺多者教令數
息著我多者當為分析十八界等是
人聞已至心受持心受持已如法修
行如法行已次第獲得四念處觀身
受心法得是觀已次第復觀十二因
緣如是觀已次得煖法迦葉菩薩白
佛言世尊一切衆生悉有煖法何以
故如佛所說三法和合名為衆生二
壽二煖三識若從是義一切衆生應
先有煖云何如來說言煖法因善友
生佛言善男子如汝所問有煖法者
一切衆生至一闡提皆悉有之如我
今者所說煖法與因方便然後乃得
本無今有以是義故非諸衆生一切
先有是故汝今不應難言一切衆生
皆有煖法善男子如是煖法是色界
法非欲界有若言一切衆生有者欲
界衆生亦皆應有欲界无故當知一
切不必都有善男子色界雖有非一

切有何以故我弟子有外道則无以是義故一切衆生不必都有善男子一切外道唯觀六行我諸弟子具足十六是十六行一切衆生不必都有迦葉菩薩白佛言世尊所言煖法云何名煖為自性煖為他故煖佛言善男子如是煖法自性是煖非他故煖迦葉菩薩言世尊如來先說焉師滿宿无有煖法何以故於三寶所无信心故是故无煖當知信心即是煖法善男子信非煖法何以故因於信心獲得煖故善男子夫煖法者即是智慧何以故觀四諦故是故名之為十六行行即是智善男子如汝所問何因緣故名為煖者善男子夫煖法者即是八聖道之火相故名為煖善男子譬如攢火先有煖氣次有火生後則煙出是無漏道亦復如是煖者即是十六行也火者即是須陀洹果煙者即是修道斷結迦葉菩薩復白佛言世尊如是煖法亦是有法亦是有為是法報得色界五陰是故名有是因緣故復名有為若是有為云何能

為無漏道相佛言善男子如是如是如汝所說善男子如是煖法雖是有為有法還能破壞有為有法是故能為无漏道相善男子如人乘馬亦愛亦策煖心亦亦愛故受生獸故觀行是故雖復有法有為而能與彼正道作相得煖法人七十三種欲界十種是人具足一切煩惱從斷一分至于九分如欲界初禪乃至无所有處亦復如是是名七十三種如是等人得煖法已則不復能斷於善根作五逆罪犯四重禁是人二種一遇善友二遇惡友遇惡友者暫出還沒遇善友者遍觀四方觀四方者即是頂法是法雖復性是五陰亦緣四諦是故得名遍觀四方得頂法已次得忍法是忍亦亦性亦五陰亦緣四諦是人次得世第一法是法雖復性是五陰亦緣四諦是人次第得苦法忍忍性是慧緣於一諦如是忍法緣一諦已乃至見斷煩惱得須陀洹果是名第四遍觀四方四方者即是四諦迦葉菩薩白佛言世尊如佛先說須陀洹

人所斷煩惱猶如縱廣四十里水其餘在者如一毛滄山中云何說斷三結名須陀洹一者我見二者非因見因三者疑網世尊何因緣故名須陀洹遍觀四方復何因緣名須陀洹復何因緣說須陀洹喻以錯魚佛言善男子須陀洹人雖復能斷無量煩惱此三重故亦攝一切須陀洹人所斷結故善男子譬如大王出遊巡時雖有四兵世人但言王來王去何以故世間重故是三煩惱亦復如是何因緣故名之為重一切衆生常所起故微難識故是故名重如是三結難可斷故能為一切煩惱因故是三對治之怨敵故謂戒定慧善男子有諸衆生聞須陀洹能斷如是无量煩惱則生退心便作是言衆生云何能斷如是無量煩惱是故如來方便說三如汝所問何因緣故須陀洹人喻觀四方善男子須陀洹人觀於四諦獲得四事一者住堅固道二者能遍觀察三者能如實見四者能壞大怨堅固道者是須陀洹所有五根无能動者

是故名為住堅固道能遍觀者志能
呵責內外煩惱如寶見者即是忍智
壞大怨者謂四顛倒如汝所問何因
緣故名須陀洹者善男子須名无漏
陀洹名修習修習无漏名須陀洹善
男子復有須者名流流有二種一者
順流二者逆流以逆流故名須陀洹
迦葉菩薩言世尊若從是義何因緣
故斯陀舍人阿邨舍人阿羅漢人不
得名為須陀洹耶善男子從須陀洹
乃至諸佛亦得名為須陀洹若斯陀
舍乃至諸佛无須陀洹云何得名斯
陀舍乃至佛一切衆生名有二種一
者舊二者客凡夫之時有世名字既
得道已更為立名名須陀洹以先得
故名須陀洹以後得故名斯陀舍是
人亦名須陀洹亦名斯陀舍乃至佛
亦復如是善男子流有二種一者解
脫二者涅槃一切聖人皆有是二亦
可得名須陀洹亦名斯陀舍乃至佛
亦復如是善男子須陀洹者亦名菩
薩何以故菩薩者即是盡智及无生
智須陀洹人亦復求索如是二智是

故當知須陀洹人得名菩薩須陀洹人亦得名覺何以故正覺見道斷煩惱故正覺因果故正覺共道及不共道故斯陀含乃至阿羅漢亦復如是善男子是須陀洹凡有二種一者利根二者鈍根鈍根之人人天七返是鈍根人復有五種或有六五四三二種利根之人現在獲得須陀洹果至阿羅漢果善男子如汝所問何因緣故須陀洹人喻以鰈魚善男子鰈魚有四事一者骨細故輕二者有翅故輕三者樂見光明四者銜物堅持須陀洹人亦有四事言骨細者喻煩惱微言有翅者喻奢摩他毗婆舍那樂見光明喻於見道銜物堅持喻聞如來說無常苦無我不淨堅持不捨猶如魔王化作佛像首羅長者見已心驚魔見長者其心動已即語長者我先所說四真諦者是說不真今當為汝更說五諦六陰十三入十九界長者聞已尋觀法相都无此理是故堅持其心不動迦葉菩薩白佛言世尊是須陀洹先得道故名須陀洹以初

果故名須陀洹。若先得道名須陀洹者得苦法忍時何故不得名須陀洹。乃名為向。若以初果名須陀洹。外道之人先斷煩惱至无所有處。修無漏道得阿那含果。何故不名為須陀洹。善男子。以初果故名須陀洹。如汝所問外道之人先斷煩惱至无所有處。修无漏道得阿那含。何故不名須陀洹。善男子。以初果故名須陀洹。是人亦時具足八智及十六行。迦葉言。世尊。得阿那含亦復如是。亦得八智。具十六行。何故不得名須陀洹。善男子。有漏十六行有二種。一者共二者不共。无漏十六行亦有二種。一者向果二者得果。八智亦二。一者向果二者得果。須陀洹人捨共十六行得不共十六行。捨向果八智得得果八智。阿那含人即不如是。是故初果名須陀洹。善男子。須陀洹人緣於四諦。阿那含人唯緣一諦。是故初果名須陀洹。以是因緣。喻以鰈魚。遍觀已行行者。即是斯陀含人。繫心修道。為斷貪欲。瞋癡憍慢。如彼鰈魚。遍觀方已。為食。

故行行已復住喻阿那含得食已住
是阿那含凡有二種一者現在得阿
那含進修即得阿羅漢果二者貪著
色界無色界中寂靜三昧是不受
欲界身故名阿那含是阿那含復有
五種一者中般涅槃二者受身般涅
槃三者行般涅槃四者无行般涅槃
五者上流般涅槃復有六種五種如
上加現在般涅槃復有七種六種如
上加无色界般涅槃行般涅槃復有
二種或受二身或受四身若受二身
是名利根若受四身是名鈍根復有
二種一者精進無自在定二者懈怠
有自在定復有二種一者具精進定
二者不具是二善男子欲色衆生有
二種業一者作業二者受生業中涅
槃者唯有作業無受生業是故於中
而般涅槃捨欲界身未至色界以利
根故於中涅槃是中涅槃阿那含人
有四種心一者非學非无學二者學
三者无學四者非學非無學入於涅
槃云何復名中般涅槃善男子是阿
那含四種心中二是涅槃二非涅槃

是故名為中般涅槃受身涅槃復有
二種一者作業二者生業是人捨欲
界身受色界身精勤修道盡其壽命
入於涅槃迦葉菩薩言世尊若言盡
命入涅槃者云何而言受身涅槃佛
言善男子是人受身然後乃斷三界
煩惱是故名為受身涅槃善男子行
般涅槃者常修行道有為三昧力故
能斷煩惱入於涅槃是名行般涅槃
無行般涅槃者是人定知當得涅槃是
故懈怠亦以有為三昧力故壽盡則
得入於涅槃是名无行般涅槃上流
般涅槃者若有人得第四禪已是人
生於初禪愛心以是因緣退生初禪
是有二流一流煩惱流二者道流以道
流故是人壽盡生二禪愛以愛因緣
生於二禪至第四禪亦復如是是四
禪中復有二種一者入无色界二者
入五淨居如是二人一樂三昧二樂
智慧樂智慧者入五淨居樂三昧者
入无色界如是二人一者修第四禪
有五階老二者不修云何為五下中
上上中上上修上上者處无小天修

上中者處善見天修上品者處善可
見天修中品者處無熱天修下品者
處少廣天如是二人一樂論議二樂
寂靜樂寂靜者入无色界樂論議者
處五淨居復有二種一者修熏禪二
者不修熏禪修熏禪者入五淨居不
修熏禪者生无色界盡其壽命而般
涅槃是名上流般涅槃若欲入於无
色界者即不能修四禪五老若修四禪五
老則能呵責无色界定迦葉菩薩白
佛言世尊中涅槃者則是利根若利
根者何不現在入涅槃耶何故欲界
有中涅槃色界則無佛言善男子是
人現在四大羸劣不能修道雖有比
丘四大康健無有房舍飲食衣服卧
具醫藥衆緣不具是故不得現在涅
槃善男子我昔一時在舍衛國阿邠
邠恆精舍有一比丘來至我所作如
是言世尊我常修道而不能得須陀
洹果至阿羅漢果我時即告阿難言
汝今當為如是比丘具諸所須今時
阿難將是比丘至祇陀林與好房舍
是時比丘語阿難言大德唯願為我

故行行已復住喻阿那含得食已住
是阿那含凡有二種一者現在得阿
那含進修即得阿羅漢果二者貪著
色界無色界中寂靜三昧是不受
欲界身故名阿那含是阿那含復有
五種一者中般涅槃二者受身般涅
槃三者行般涅槃四者无行般涅槃
五者上流般涅槃復有六種五種如
上加現在般涅槃復有七種六種如
上加无色界般涅槃行般涅槃復有
二種或受二身或受四身若受二身
是名利根若受四身是名鈍根復有
二種一者精進無自在定二者懈怠
有自在定復有二種一者具精進定
二者不具是二善男子欲色衆生有
二種業一者作業二者受生業中涅
槃者唯有作業無受生業是故於中
而般涅槃捨欲界身未至色界以利
根故於中涅槃是中涅槃阿那含人
有四種心一者非學非无學二者學
三者无學四者非學非無學入於涅
槃云何復名中般涅槃善男子是阿
那含四種心中二是涅槃二非涅槃

是故名為中般涅槃受身涅槃復有
二種一者作業二者生業是人捨欲
界身受色界身精勤修道盡其壽命
入於涅槃迦葉菩薩言世尊若言盡
命入涅槃者云何而言受身涅槃佛
言善男子是人受身然後乃斷三界
煩惱是故名為受身涅槃善男子行
般涅槃者常修行道有為三昧力故
能斷煩惱入於涅槃是名行般涅槃
無行般涅槃者是人定知當得涅槃是
故懈怠亦以有為三昧力故壽盡則
得入於涅槃是名无行般涅槃上流
般涅槃者若有人得第四禪已是人
生於初禪愛心以是因緣退生初禪
是有二流一煩惱流二者道流以道
流故是人壽盡生二禪愛以愛因緣
生於二禪至第四禪亦復如是是四
禪中復有二種一者入无色界二者
入五淨居如是二人一樂三昧二樂
智慧樂智慧者入五淨居樂三昧者
入无色界如是二人一者修第四禪
有五階若二者不修云何為五下中
上上中上上修上上者處无小天修

上中者處善見天修上品者處善可
見天修中品者處無熱天修下品者
處少廣天如是二人一樂論議二樂
寂靜樂寂靜者入无色界樂論議者
處五淨居復有二種一者修熏禪二
者不修熏禪修熏禪者入五淨居不
修熏禪者生无色界盡其壽命而般
涅槃是名上流般涅槃若欲入於无
色界者即不能修四禪五老若修四禪五
老則能呵責无色界定迦葉菩薩白
佛言世尊中涅槃者則是利根若利
根者何不現在入涅槃耶何故欲界
有中涅槃色界則無佛言善男子是
人現在四大羸劣不能修道雖有比
丘四大康健無有房舍飲食衣服卧
具醫藥衆緣不具是故不得現在涅
槃善男子我昔一時在舍衛國阿邨
邨伍精舍有一比丘來至我所作如
是言世尊我常修道而不能得須陀
洹果至阿羅漢果我時即告阿難言
汝今當為如是比丘具諸所須今時
阿難將是比丘至祇陀林與好房舍
是時比丘語阿難言大德唯願為我

是人唱言我今已得親近果報如是
果者因有二種一者近因二者遠因
近者信心遠者善友是名親近果餘
殘果者如因不殺得第三身延年益
壽是名殘果如是果者有二種因一
者近因二者遠因近者即是身口意
淨遠者即是延年益壽是名殘果平
等果者謂世界器如是果者亦二種
因一者近因二者遠因近因者所謂
衆生修十善業遠因者所謂三灾是
名平等果果報果者如人獲得清淨
身已修身口意清淨三業是人便說
我得報果如是果者因有二種一者
近因二者遠因近因者所謂現在身
口意淨遠因者所謂過去身口意淨
是名果報果遠離果者即是涅槃離
諸煩惱一切善業是涅槃因復有二
種一者近因二者遠因近因者即是三
解脫門遠因者即无量世所修善法
善男子如世間法或說生因或說了
因出世之法亦復如是亦說生因亦
說了因善男子三解脫門三十七品
能為一切煩惱作不生生因亦為涅

豚而作了因善男子遠離煩惱則得
了了見於涅槃是故涅槃唯有有了因
無有生因善男子如汝所問云何沙
門部云何沙門果者善男子沙門部
者即八正道沙門果者從道畢竟永
斷一切貪瞋癡等是名沙門部沙門果
迦葉菩薩言世尊何因緣故八正道
者名沙門部善男子世言沙門名之
為之部者名道如是道者斷一切之
斷一切道以是義故名八正道為沙
門部從是道中獲得果故名沙門果
善男子又沙門部者如世間人有樂
靜者亦名沙門如是道者亦復如是
能令行者離身口意惡邪命等得樂
寂靜是故名之為沙門部善男子如
世下人能作上人是名沙門如是道
者亦復如是能令下人作上人故是
故得名為沙門部善男子阿羅漢人
修是道者得沙門果是故得名到於
彼岸阿羅漢果者即是无學五分法
身戒定慧解脫解脫知見因是五分
得到彼岸是故名為到於彼岸到彼
岸故而自說言我生已盡梵行已立

所作已辦更不受有善男子是阿羅漢永斷三世生因緣故是故自說我生已盡亦斷三界五陰果故是故復言我生已盡所修梵行已畢竟故是故唱言梵行已立又捨學道亦名已立如本所求今日已得是故唱言所作已辦修道得果亦言已辦獲得盡智无生智故唱言我生已盡盡諸有結以是義故名阿羅漢得到彼岸如阿羅漢辟支佛亦復如是菩薩及佛具足成就六波羅蜜名到彼岸是佛菩薩得阿耨多羅三藐三菩提已名為具足六波羅蜜何以故得六波羅蜜果故以得果故名為具足

善男子是七衆生不修身不修戒不修心不修慧不能修習如是四事則能造作五逆重罪能斷善根犯四重禁謗佛法僧是故得名為常沉沒善男子是七人中有能親近善知識者至心聽受如來正法內善思惟如法而住精勤修習身戒心慧是故得名渡生死河到於彼岸若有說言一闍提人得阿耨多羅三藐三菩提者是

名染著若言不得是名虛妄善男子
是七種人或有一人具七或有七人
各一善男子若有心口異想異說言
一聞提得阿耨多羅三藐三菩提者
當知是人謗佛法僧若人心口異想
異說言一聞提不得阿耨多羅三藐
三菩提是人亦名謗佛法僧善男子
若有說言八聖道分凡夫所得是人
亦名謗佛法僧若有說言八聖道分
非凡夫得是人亦名謗佛法僧善男
子若有說言一切衆生定有佛性定
无佛性是人亦名謗佛法僧善男子
是故我於契經中說有二種人謗佛
法僧一者不信瞋恚心故二者雖信
不解義故善男子若人信心无有智
慧是人則能增長无明若有智慧無
有信心是人則能增長邪見善男子
不信之人瞋恚心故說言无有佛法
僧寶信者无慧顛倒解義令聞法者
謗佛法僧善男子是故我說不信之
人瞋恚心故有信之人无智慧故是
人能謗佛法僧寶善男子若有說言
一聞提等未生善法便得阿耨多羅

三藐三菩提是人亦名謗佛法僧若復有言一闡提人捨一闡提於異身中得阿耨多羅三藐三菩提是人亦名謗佛法僧若復說言一闡提人能生善根生善根已相續不斷得阿耨多羅三藐三菩提故言一闡提得阿耨多羅三藐三菩提當知是不謗三寶善男子若有人言一切衆生定有佛性常樂我淨不作不生煩惱因緣故不可見當知是人謗佛法僧若有說言一切衆生都无佛性猶如兔角從方便生本無今有已有還无當知是人謗佛法僧若有說言衆生佛性非有如虛空非無如兔角何以故虛空常故兔角无故是故得言亦有亦無有故破兔角無故破虛空如是說者不謗三寶善男子夫佛性者不名一法不名十法不名百法不名千法不名万法未得阿耨多羅三藐三菩提時一切善不善無記盡名佛性如来或時因中說果果中說因是名如来隨自意語隨意語故名如来隨意語故名阿羅呵隨意語故名三藐

三佛隨

大般涅槃經卷第三十六

辛丑歲高麗國大藏都監奉

勅雕造

大般涅槃經卷第三十七

體

北凉天竺三藏曇無讖譯

迦葉菩薩品第十二之五

迦葉菩薩言世尊如佛所說衆生佛性猶如虛空云何名為如虛空耶善男子虛空之性非過去非未來非現在佛性亦尔善男子虛空非過去何以故無現在故法若現在可說過去以无現在故無過去亦无現在何以故無未來故法若未來可說現在以无未來故無現在亦无未來何以故無現在過去故若有現在過去則有未來以無現在過去故則无未來以是義故虛空之性非三世攝善男子以虛空无故無有三世不以有故無三世也如虛空花非是有故无有三世虛空亦尔非是有故无有三世善男子無物者即是虛空佛性亦尔善男子虛空无故非三世攝佛性常故非三世攝善男子如來已得阿耨多羅三藐三菩提所有佛性一切佛法常无變易以是義故无有三世猶如

虛空善男子虛空无故非內非外佛性常故非內非外故說佛性猶如虛空善男子如世間中无罽罽處名為虛空如來得阿耨多羅三藐三菩提已於一切佛法无有罽罽故言佛性猶如虛空以是因緣我說佛性猶如虛空迦葉菩薩白佛言世尊如來佛性涅槃非三世攝而名為有虛空亦非三世所攝何故不得名為有耶佛言善男子為非涅槃名為涅槃為非如來名為如來為非佛性名為佛性云何名為非涅槃耶所謂一切煩惱有為之法為破如是有為煩惱是名涅槃非如來者謂一闍提至辟支佛為破如是一闍提等至辟支佛是名如來非佛性者所謂一切牆壁瓦石无情之物離如是等無情之物是名佛性善男子一切世間無非虛空對於虛空迦葉菩薩白佛言世尊世間亦无非四大對而猶得名四大是有虛空无對何故不得名之為有

佛言善男子若言涅槃非三世攝虛空亦尔者是義不然何以故涅槃是

有可見可證是色足跡章句是有是相是緣是歸依處寂靜光明安隱彼岸是故得名非三世攝虛空之性无如是法是故名无若有離於如是等法更有法者應三世攝虛空若同是有法者不得非是三世所攝善男子如世人說虛空名為无色無對不可覩見若无色無對不可見者即心數法虛空若同心數法者不得不是三世所攝若三世攝即是四陰是故離四陰已无有虛空復次善男子諸外道言夫虛空者即是光明若是光明即是色法虛空若尔是色法者即是無常是无常故三世所攝云何外道說非三世若三世攝則非虛空亦可說言虛空是常善男子復有人言虛空者即是住處若有住處即是色法而一切處皆是無常三世所攝虛空亦常非三世攝若說處者知无虛空復有說言虛空者即是次第若是次第即是數法若是可數即三世攝若三世攝云何言常善男子若復說言夫虛空者不離三法一者空二者實

三者空實若言空是當知虛空是無常法何以故實處无故若言實是當知虛空亦是无常何以故空處无故若空實是當知虛空亦是无常何以故二處无故是故虛空名之為無善男子如說虛空是可作法如說去樹去舍而作虛空平作虛空覆於虛空上於虛空盡虛空色如大海水是故虛空是可作法一切作法皆是无常猶如瓦瓶虛空若尔應是无常善男子世間人說一切法中无罣罣名虛空者是无罣處於一切法所為具足有為分有耶若具足有當知餘處則無虛空若分有者則是彼此可數之法若是可數當知无常善男子若有人說虛空无罣與有並合又復說言虛空在物如器中果二俱不然何以故若言並合則有三種一異業合如飛鳥集樹二共業合如兩羊相觸三已合共合如二雙指合在一處若言異業共合異則有二一是物業二虛空業若空業合物空則无常若物業合空物則不遍如其不遍是亦無

常若言虛空是常其性不動與動物
合者是義不然何以故虛空若常物
亦應常物若无常空亦無常若言虛
空亦常无常無有是處若共業合是
義不然何以故虛空名遍若與業合
業亦應遍若是遍者應一切遍若一
切遍應一切合不應說有合與不合
若言已合共合如二雙指合是義不
然何以故先无有合後方合故先无
後有是无常法是故不得說言虛空
已合共合如世間法先無後有是物
无常虛空若亦應无常若言虛空
在物如器中果是義不然何以故如
是虛空先无器時在何處住若有住
處虛空則多如其多者云何言常言
一言遍若使虛空離空有住有物亦
應離虛空住是故當知无有虛空善
男子若有說言指住之處名為虛空
當知虛空是無常法何以故指有四
方若有四方當知虛空亦有四方一
切常法都無方所以有方故虛空无
常若是无常不離五陰要離五陰是
無所有善男子有法若從因緣住者

當知是法名為無常善男子譬如一
切衆生樹木因地而住地無常故因
地之物次第無常善男子如地因水
水無常故地亦無常如水因風風无
常故水亦無常風依虛空虛空無常
故風亦無常若無常者云何說言虛
空是常遍一切處虛空无故非是過
去未來現在亦如兔角是無物故非
是過去未來現在是故我說佛性常
故非三世攝虛空无故非三世攝善
男子我終不與世間共諍何以故世
智說有我亦說有世智說無我亦說
無迦葉菩薩言世尊菩薩摩訶薩具
足幾法不與世諍不為世法之所沾
汗佛言善男子菩薩摩訶薩具足十
法不與世諍不為世法之所沾汗何
等為十一者信心二者有戒三者親
近善友四者內善思惟五者具足精
進六者具足正念七者具足智慧八
者具足正語九者樂於正法十者憐
愍衆生善男子菩薩具足如是十法
不與世諍不為世法之所沾汗如優
鉢羅花迦葉菩薩白佛言世尊如佛

所說世智說有我亦說有世智說无
我亦說無何等名為世智有无佛言
善男子世智若說色是无常苦空无
我乃至識亦如是善男子是名世間
智者說有我亦說有善男子世間智
者說色无有常樂我淨受想行識亦
復如是善男子是名世間智者說無
我亦說無迦葉菩薩白佛言世尊世
間智者即佛菩薩一切聖人若諸聖
人色是无常苦空无我云何如來說
佛色身常恒無變世間智者所說无
法云何如來說言是有如來世尊作
如是說云何復言不與世諍不為世
法之所沾汙如來已離三種顛倒所
謂想倒心倒見倒應說佛色實是无
常今乃說常云何得名遠離顛倒不
與世諍佛言善男子凡夫之色從煩
惱生是故智說色是无常苦空無我
如來色者遠離煩惱是故說是常恒
無變

迦葉菩薩言世尊云何為色從煩惱
生善男子煩惱三種所謂欲漏有漏
無明漏智者應當觀是三漏所有罪

過所以者何知罪過已則能遠離辟
如醫師先診病脉知病所在然後授
藥善男子如人將盲至棘林中捨之
而還盲人於後甚難得出設得出者
身體壞盡世間凡夫亦復如是不能
知見三漏過患則隨逐行如其見者
則能遠離知罪過已雖受果報果報
輕微善男子有四種人一作業時重
受報時輕二作業時輕受報時重三
作業時重受報俱重四作業時輕受
報俱輕善男子若人能觀煩惱罪過
是人作業受果俱輕善男子有智之
人作如是念我應遠離如是等漏又
復不應作如是等鄙惡之事何以故
我今未得脫於地獄餓鬼畜生人天
報故我若修道當因是力破壞諸苦
是人觀已貪欲瞋恚愚癡微弱既見
貪欲瞋癡輕已其心歡喜復作是念
我今如是皆由修道因緣力故令我
得離不善之法親近善法是故現在
得見正道應當勤加而修習之是人
因是勤修道力遠離无量諸惡煩惱
及離地獄餓鬼畜生人天果報是故

我於契經中說當觀一切有漏煩惱
及有漏因何以故有智之人若但觀
漏不觀漏因則不能斷諸煩惱也何
以故智者觀漏從是因生我今斷因
漏則不生善男子如彼醫師先斷病
因病則不生智者先斷煩惱因者亦
復如是有智之人先當觀因次觀果
報知從善因生於善果知從惡因生
於惡果觀果報已遠離惡因觀果報
已復當次觀煩惱輕重觀輕重已先
離重者既離重已輕者自去善男子
智者若知煩惱煩惱因煩惱果報煩
惱輕重是人亦時精勤修道不息不
悔親近善友至心聽法為滅如是諸
煩惱故善男子譬如病者自知病輕
必可除差雖得苦藥服之不悔有智
之人亦復如是勤修聖道歡喜不愁
不息不悔善男子若人能知煩惱煩
惱因煩惱果報煩惱輕重為除煩惱
故勤修聖道是人亦從煩惱生色受
想行識亦復如是若不能知煩惱煩
惱因煩惱果報煩惱輕重不勤修道
是人則從煩惱生色受想行識亦復

如是善男子知煩惱煩惱因煩惱果
報煩惱輕重為斷煩惱修行道者即
是如來以是因緣如來色常乃至識
常善男子不知煩惱煩惱因煩惱果
報煩惱輕重不能修道即是凡夫是
故凡夫色是无常受想行識悉是无
常善男子世間智者一切聖人菩薩
諸佛說是二義我亦是說是二義
是故我說不與世間智者共諍不為
世法之所沾汙迦葉菩薩復白佛言
世尊如佛所說三有漏者云何名為
欲漏有漏无明漏耶佛言善男子欲
漏者內惡覺觀因於外緣生於欲漏
是故我昔在王舍城告阿難言阿難
汝今受此女人所說偈頌是偈乃是
過去諸佛之所宣說是故一切內惡
覺觀外諸因緣名之為欲是名欲漏
有漏者色无色界內諸惡法外諸因
緣除欲界中外諸因緣內諸覺觀是
名有漏无明漏者不能了知我及我
所不別內外名无明漏善男子無明
即是一切諸漏根本何以故一切衆
生无明因緣於陰入界憶想作相名

為衆生是名想倒心倒見倒以是因緣生一切漏是故我於十二部經說無明者即是貪因瞋因癡因迦葉菩薩言世尊如來昔於十二部經說言不善思惟因緣生於貪欲瞋癡今何因緣乃說无明善男子如是二法亦為因果亦相增長不善思惟生於无明无明因緣生不善思惟善男子其能生長諸煩惱者皆悉名為煩惱因緣親近如是煩惱因緣名為無明不善思惟如子生芽子是近因四大遠因煩惱亦亦迦葉菩薩白佛言世尊如佛所說無明即漏云何復言因无明故生於諸漏佛言善男子如我所說無明漏者是內無明因於无明生諸漏者是內外因若說无明漏是名內倒不識無常苦空无我若說一切煩惱因緣是名不知外我我所若說無明漏是名无始無終從無明生陰入界等迦葉菩薩白佛言世尊如佛所說有智之人知於漏因云何名為知於漏因善男子智者當觀何因緣故生是煩惱造作何行生此煩惱於

何時中生此煩惱共誰住時生此煩惱何處止住生此煩惱觀何事已生於煩惱受誰房舍卧具飲食衣服湯藥而生煩惱何因緣故轉下作中轉中作上下業作中中業作上菩薩摩訶薩作是觀時則得遠離生漏因緣如是觀時未生煩惱遮令不生已生煩惱便得除滅是故我於契經中說智者當觀生煩惱因迦葉菩薩白佛言世尊衆生一身云何能起種種煩惱佛言善男子如一器中有種種子得水雨已各各自生衆生亦尔器雖是一愛因緣故而能生長種種煩惱迦葉菩薩言世尊智者云何觀於果報善男子智者當觀諸漏因緣能生地獄餓鬼畜生是漏因緣得人天身即是無常苦空无我是身器中得三種苦三種無常是漏因緣能令衆生作五逆罪受諸惡報能斷善根犯四重禁誹謗三寶智者當觀我既受得如是之身不應生起如是煩惱受諸惡果迦葉菩薩言世尊有无漏果復言智者斷諸果報无漏果報在斷中

不請得道人有无漏果如其智者求
無漏果云何佛說一切智者應斷果
報若其斷者今諸聖人云何得有善
男子如來或時因中說果果中說因
如世間人說泥即是瓶縷即是衣是
名因中說果果中說因者牛即水草
人即是食我亦如是因中說果先於
經中作是說言我從心身

因心還身
故名心身

至梵

天邊是名因中說果果中說因此六
入者名過去業是名果中說因善男
子一切聖人真實无有無漏果報一
切聖人修道果報更不生漏是故名
為無漏果報善男子有智之人如是
觀時即得永滅煩惱果報善男子智
者觀已為斷如是煩惱果報修習聖
道聖道者即空无相願修是道已能
滅一切煩惱果報迦葉菩薩白佛言
世尊一切衆生皆從煩惱而得果報
言煩惱者所謂惡也從惡煩惱所生
煩惱亦名為惡如是煩惱則有二種
一因二果因惡故果惡果惡故子惡
如紅婆果其子苦故花果莖葉一切
皆苦猶如毒樹其子毒故果亦是毒

因亦衆生果亦衆生因亦煩惱果亦
煩惱煩惱因果即是衆生衆生即是
煩惱因果若從是義云何如來先喻
雪山亦有毒草微妙藥王若言煩惱
即是衆生衆生即是煩惱云何而言
衆生身中有妙藥王佛言善哉善哉
善男子无量衆生成同此疑汝今能
為啓請求解我亦能斷諦聽諦聽善
思念之今當為汝分別解說善男子
雪山喻者即是衆生言毒草者即是
煩惱妙藥王者即淨梵行善男子若
有衆生能修如是清淨梵行是名身
中有妙藥王迦葉菩薩白佛言世尊
云何衆生有清淨梵行善男子猶如
世間從子生果是果有能與子作因
有不能者有能作者有名果子若不
能作唯得名果不得名子一切衆生
亦復如是皆有二種一者有煩惱果
是煩惱因二者有煩惱果非煩惱因
是煩惱果非煩惱因是則名為清淨
梵行

善男子衆生觀受知是一切漏之近
因所謂內外漏受因緣故不能斷絕

一切諸漏亦不能出三界牢獄衆生
因受著我我所生於心倒想倒見倒
是故衆生先當觀受如是受者為一
切愛而作近因是故智者欲斷愛者
當先觀受善男子一切衆生十二因
緣所作善惡皆因受時是故我為阿
難說言阿難一切衆生所作善惡皆
是受時是故智者先當觀受既觀受
已復當更觀如是受者何因緣生若
因緣生如是因緣復從何生若无因
生无因何故不生无受復觀是受不
因自在天生不因士夫生不因微塵
生非時節生不因想生不因性生不
從自生不從他生非自他生非无因
生是受皆從緣合而生因緣者即是
愛也是和合中非有受非无受是故
我當斷是和合斷和合故則不生受
善男子智者既觀因已次觀果報衆
生因受受於地獄餓鬼畜生乃至三
界無量苦惱受因緣故受无常樂受
因緣故斷於善根受因緣故獲得解
脫作是觀時不作受因云何名為不
作受因謂分別受何等受能作愛因

何等愛能作受因善男子衆生若能如是深觀愛因受因則便能斷我及我所善男子若人能作如是等觀則應分別愛之與受在何處滅即見愛受有少滅處當知亦應有畢竟滅亦時即於解脫生信生信心已是解脫處何由而得知從八正即便修習云何名為八正道耶是道觀受有三種相一者苦二者樂三者不苦不樂如是三種俱能增長身之與心何因緣故能增長耶觸因緣也是觸三種一者無明觸二者明觸三者非明无明觸言明觸者即八正道其餘二觸增長身心及三種受是故我應斷二種觸因緣觸斷故不生三受善男子如是受者亦名為因亦名為果智者當觀亦因亦果云何為因因受生愛名之為因云何名果因觸生故名之為果是故此受亦因亦果智者如是觀是受已次復觀愛受果報故名之為愛智者觀愛復有二種一者雜食二者无食雜食愛者因生老病死一切諸有無食愛者斷生老病死一切諸

有貪无漏道智者復當作如是念我
若生是雜食之愛則不能斷生老病
死我今雖貪无漏之道不斷受因則
不能得无漏道果是故應當先斷是
觸觸既斷已受則自滅受既滅已愛
亦隨滅是名八正道善男子若有衆
生能如是觀雖有毒身其中亦有微
妙藥王如雪山中雖有毒草亦有妙
藥善男子如是衆生雖從煩惱而得
果報而是果報更不復為煩惱作因
是即名為清淨梵行

復次善男子智者當觀受愛二事何
因緣生知因想生何以故衆生見色
亦不生貪及觀受時亦不生貪若於
色中生顛倒想謂色即是常樂我淨
受是常恒无有變易因是倒想生貪
恚癡是故智者應當觀想云何觀想
當作是念一切衆生未得正道皆有
倒想云何倒想於非常中生於常想
於非樂中生於樂想於非淨中生於
淨想於空法中生於我想於非男女
大小晝夜歲月衣服房舍卧具生於
男女至卧具想是想三種一者小二

者大三者无边小因緣故生於小想
大因緣故生於大想无量緣故生無
量想復有小想謂未入定復有大想
謂已入定復有無量想謂十一切入
復有小想所謂欲界一切想等復有
大想所謂色界一切想等復有無量
想謂无色界一切想等三想滅故受
則自滅想受滅故名爲解脫迦葉菩
薩言世尊滅一切法名爲解脫如來
云何說想受滅名解脫耶佛言善男
子如來或時因衆生說聞者解法或
時因法說於衆生聞者亦解說於衆
生云何名爲因衆生說聞者解法如
我先爲大迦葉說迦葉衆生滅時善
法則滅是名因衆生說聞者解法云
何因法說於衆生聞者亦解說於衆
生如我先爲阿難說言我亦不說親
近一切法亦復不說不親近一切法
若法近已善法衰羸不善熾盛如是
法者不應親近若法近已不善衰滅
善法增長如是法者是應親近是名
因法說於衆生聞者亦解說於衆生
善男子如來雖說想受二滅則已惣

說一切可斷智者既觀如是想已次觀想因是无量想因何而生知因觸生是觸二種一者因煩惱觸二者因解脫觸因无明生名煩惱觸因明生者名解脫觸因煩惱觸生於倒想因解脫觸生不倒想觀想因已次觀果報迦葉菩薩白佛言世尊者以因此煩惱之想生於倒想一切聖人實有倒想而无煩惱是義云何佛言善男子云何聖人而有倒想迦葉菩薩言世尊一切聖人牛作牛想亦說是牛馬作馬想亦說是馬男女大小舍宅車乘去來亦念是名倒想善男子一切凡夫有二種想一者世流布想二者著想一切聖人唯有世流布想无有著想一切凡夫惡覺觀故於世流布生於著想一切聖人善覺觀故於世流布不生著想是故凡夫名為倒想聖人雖知不名倒想智者如是觀想因已次觀果報是惡想果在於地獄餓鬼畜生人天中受如我因斷惡覺觀故无明觸斷是故想斷因想斷故果報亦斷智者為斷如是想因修

八正道善男子若有能作如是等觀則得名為清淨梵行善男子是名衆生毒身之中有妙藥王如雪山中雖有毒草亦有妙藥

復次善男子智者觀欲欲者即是色聲香味觸善男子即是如來因中說果從此五事生於欲耳實非欲也善男子愚癡之人貪求受之於是色中生顛倒想乃至觸中亦生倒想倒想因緣便生於受是故世間說因倒想生十種想欲因緣故在於世間受惡果報以惡加於父母沙門婆羅門等所不應作而故作之不惜身命是故智者觀是惡想因緣故生欲心智者如是觀欲因已次觀果報是欲多有諸惡果報所謂地獄餓鬼畜生人中天上是名觀果報若是惡想得除滅者終不生於此欲心也無欲心故不受惡受無惡受故則无惡果是故我應先斷惡想斷惡想已如是等法自然而滅是故智者為滅惡想修八正道是則名為清淨梵行是名衆生毒身之中有妙藥王如雪山中雖有毒

草亦有妙藥

涅槃經第三十卷

第三段 體

復次善男子智者如是觀是欲已次當觀業何以故有智之人當作是念受想觸欲即是煩惱是煩惱者能作生業不作受業如是煩惱與業共行則有二種一作生業二作受業是故智者當觀於業是業三種謂身口意善男子身口二業亦名為業亦名業果意唯名業不名為果以業因故則名為業善男子身口二業名為外業意業名內是三種業共煩惱行故作二種業一者生業二者受業善男子正業者即意業也期業者謂身口業先發故名意業從意業生名身口業是故意業得名為正智者觀業已次觀業因業因者即無明觸因无明觸衆生求有求有因緣即是愛也愛因緣故造作三種身口意業善男子智者如是觀業因已次觀果報果報有四一者黑黑果報二者白白果報三者雜雜果報四者不黑不白不黑不白果報黑黑果報者作業時垢果報亦垢白白果報者作業時淨果報亦

淨雜雜果報者作業時雜果報亦雜
不白不黑不白不黑果報者名无漏
業迦葉菩薩白佛言世尊先說無漏
无有果報今云何言不白不黑果報
耶佛言善男子是義有二一者亦果
亦報二者唯果非報黑黑果報亦名
為果亦名為報黑因生故得名為果
能作因故復名為報淨雜亦无漏
果者因有漏生故名為果不作他因
不名為報是故名果不名為報迦葉
菩薩白佛言世尊是无漏業非是黑
法何因緣故不名為白善男子无有
報故不名為白對治黑故故名為白
我今乃說受果報者名之為白是无
漏業不受報故不名為白名為寂靜
如是業者有定受報處如十惡法定
在地獄餓鬼畜生十善之業定在人
天子不善法有上中下上因緣故受
地獄身中因緣故受畜生身下因緣
故受餓鬼身人業十善復有四種一
者下二者中三者上四者上上下下因
緣故生鬱單越中因緣故生弗婆提
上因緣故生瞿陀尼上上因緣生閻

浮提有智之人作是觀已即作是念
我當云何斷是果報復作是念是業
因緣無明觸生我若斷除无明與觸
如是業果則滅不生是故智者為斷
无明觸因緣故修八正道是則名為
清淨梵行善男子是名衆生毒身之
中有妙藥王如雪山中雖有毒草亦
有妙藥

復次善男子智者觀業觀煩惱已次
觀是二所得果報是二果報即是苦
也既知是苦則能捨離一切受主智
者復觀煩惱因緣生於煩惱業因緣
故亦生煩惱煩惱因緣復生於業業
因緣生苦苦因緣故生於煩惱煩惱
因緣生有有因緣生苦有因緣生有
有因緣生業業因緣生煩惱煩惱因
緣生苦苦因緣生苦善男子智者若
能作如是觀當知是人能觀業苦何
以故如上所觀即是生死十二因緣
若人能觀如是生死十二因緣當知
是人不造新業能壞故業善男子有
智之人觀地獄苦觀一地獄乃至二
百三十六所二地獄有種種苦皆

是煩惱業因緣生觀地獄已次觀餓鬼畜生等苦作是觀已復觀人天所有諸苦如是衆苦皆從煩惱業因緣生善男子天上雖无大苦惱事然其身體柔軟細滑見五相時極受大苦如地獄苦等无差別善男子智者深觀三界諸苦皆從煩惱業因緣生善男子譬如坏器即易破壞衆生受身亦復如是既受身已是衆苦器譬如大樹花果繁茂衆鳥能壞如多乾草小火能焚衆生受身為苦所壞亦復如是善男子智者若能觀苦八種如聖行中當知是人能斷衆苦善男子智者深觀是八苦已次觀苦因苦因者即愛無明是愛無明則有二種一者求身二者求財求身求財二俱是苦是故當知愛無明者即是苦因善男子是愛無明則有二種一者內二者外內能作業外能增長又復內能作業外作業果斷內愛已業則得斷斷外愛已果則得斷內愛能生未來世苦外愛能生現在世苦智者觀愛即是苦因既觀因已次觀果報苦果

報者即是取也愛果名取是取因緣
即內外愛則有愛苦善男子智者當
觀愛因緣取取因緣愛若我能斷愛
取二事則不造業受於衆苦是故智
者為斷愛苦修八正道善男子若有
人能如是觀者是則名為清淨梵行
是名衆生毒身之中有妙藥王如雪
山中雖有毒草亦有妙藥

大般涅槃經卷第三十七

壬寅歲高麗國大藏都監奉

勅彫造

道人孫祥

大般涅槃經卷第三十八

體

迦葉菩薩品第十二之六

北凉天竺三藏曇無讖譯

迦葉菩薩白佛言世尊云何名為清淨梵行佛言善男子一切法是迦葉菩薩言世尊一切法者義不決定何以故如來或說是善不善或時說為四念處觀或說是十二入或說是善知識或說是十二因緣或說是衆生或說是正見邪見或說十二部經或說即是二諦如來今乃說一切法為淨梵行悉是何等一切法耶佛言善哉善哉善男子如是微妙大涅槃經乃是一切善法寶藏譬如大海是衆寶藏是涅槃經亦復如是即是一切字義秘藏善男子如須弥山衆藥根本是經亦尔即是菩薩滅之根本善男子譬如虛空是一切物之所住處是經亦尔即是一切善法住處善男子譬如猛風無能繫縛一切菩薩行是經者亦復如是不為一切煩惱惡法之所繫縛善男子譬如金剛无能

壞者是經亦尔雖有外道惡邪之人不能破壞善男子如恒河沙无能數者如是經義亦復如是无能數者等男子是經典者為諸菩薩而作法幢如帝釋幢善男子是經即是趣涅槃城之商主也如大導師引諸商人趣向大海善男子是經能為諸菩薩等作法光明如世日月能破諸闇善男子是經能為病苦衆生作大良藥如香山中微妙藥王能治衆病善男子是經能為一聞提杖猶如羸人因之得起善男子是經能為一切惡人而作橋梁猶如世橋能渡一切善男子是經能為行二十五有者遇煩惱熱而作陰涼如世間蓋遮覆暑熱善男子是經即是大无畏王能壞一切煩惱惡魔如師子王降伏衆獸善男子是經即是大神呪師能壞一切煩惱惡鬼如世呪師能去魍魎善男子是經即是无上霜電能壞一切生死果報如世電雨壞諸果實善男子是經能為壞戒目者作大良藥猶如世間安闍那藥善療眼痛善男子是經能

住一切善法如世間地能住衆物善男子是經即是毀戒衆生之明鏡也如世明鏡見諸色像善男子是經能為无慙愧者而作衣服如世衣裳障蔽形體善男子是經能為貧善法者作大財寶如功德天利益貧者善男子是經能為渴法衆生作甘露漿如八味水充足渴者善男子是經能為煩惱之人而作法床如世之人遇安隱床善男子是經能為初地菩薩至十住菩薩而作瓔珞香花塗香末香燒香清淨種性具足之乘過於一切六波羅蜜受妙樂處如忉利天波利質多羅樹善男子是經即是剛利智斧能伐一切煩惱大樹即是利刀能割習氣即是勇健能摧魔怨即是智火焚煩惱薪即因緣藏出辟支佛即是聞藏生聲聞人即是一切諸天之眼即是一切人之正道即是一切畜生依處即是餓鬼解脫之處即是地獄無上之尊即是一切十方衆生无上之器即是十方過去未來現在諸佛之父母也善男子是故此經攝一

切法如我先說此經雖攝一切諸法
我說梵行即是三十七助道法善男
子若離如是三十七品終不能得聲
聞正果乃至阿耨多羅三藐三菩提
果不見佛性及佛性果以是因緣梵
行即是三十七品何以故三十七品
性非顛倒能壞顛倒性非惡見能壞
惡見性非怖畏能壞怖畏性是淨行
能令衆生畢竟造作清淨梵行迦葉
菩薩白佛言世尊有漏之法亦復能
作无漏法因如來何故不說有漏為
淨梵行善男子一切有漏即是顛倒
是故有漏不得名為清淨梵行迦葉
菩薩白佛言世尊世第一法為是有
漏是无漏耶佛言善男子是有漏也
世尊雖是有漏性非顛倒何故不名
清淨梵行善男子世第一法无漏因
故似於無漏向无漏故不名顛倒善
男子清淨梵行發心相續乃至畢竟
世第一法唯是一念是故不得名淨
梵行迦葉菩薩白佛言世尊衆生五
識亦是有漏非是顛倒復非一念何
故不名清淨梵行善男子衆生五識

雖非一念然是有漏復是顛倒增諸
漏故名為有漏體非真實著想故倒
云何名為體非真實著想故倒非男
女中生男女想乃至舍宅車乘瓶衣
亦復如是是名顛倒善男子三十七
品性无顛倒是故得名清淨梵行善
男子若有菩薩於三十七品知根知
因知攝知增知主知導知勝知實知
畢竟者如是菩薩則得名為清淨梵
行迦葉菩薩白佛言世尊云何名為
知根乃至知畢竟耶佛言善男子善
哉善哉菩薩發問為於二事一者為
自知故二者為他知故汝今已知但
為无量衆生未解啓請是事是故我
今重讚歎汝善哉善哉善男子三十
七品根本是欲因名明觸攝取名受
增名善思主名為念導名為定勝名
智慧實名解脫畢竟名為大般涅槃
善男子善欲即是初發道心乃至阿
耨多羅三藐三菩提之根本也是故
我說欲為根本善男子如世間說一
切苦惱愛為根本一切疾病宿食為
本一切斷事鬪諍為本一切惡事虛

妻為本迦葉菩薩白佛言世尊如來先於此經中說一切善法不放逸為本今乃說欲是義云何佛言善男子若言生因善欲是也若言了因不放逸是如世間說一切果者子為其因或復有說子為生因地為了因是義亦尔迦葉菩薩言世尊如來先於餘經中說三十七品佛是根本是義云何善男子如來先說衆生初知三十七品佛是根本若自證得欲為根本世尊云何明觸名之為因善男子如來或時說明為慧或說為信善男子信因緣故親近善友是名為觸親近因緣得聞正法是名為觸因聞正法身口意淨是名為觸因三業淨獲得正命是名為觸因正命故得淨根戒因淨根戒樂寂靜處因樂寂靜能善思惟因善思惟得如法住因如法住得三十七品能壞無量諸惡煩惱是名為觸善男子受名攝取衆生受時能作善惡是故名受為攝取也善男子受因緣故生諸煩惱三十七品能破壞之是故以受為攝取也因善思

惟能破煩惱是故名增何以故勤修
習故得如是等三十七品若觀能破
諸惡煩惱要賴專念是故以念為主
如世間中一切四兵隨主將意三十
七品亦復如是皆隨念主善男子既
入定已三十七品能善分別一切法
相是故以定為導是三十七品分別
法相智為寂勝是故以慧為勝如是
智慧知煩惱已智慧力故煩惱消滅
如世間中四兵壞怨或一或二勇健
者能三十七品亦復如是智慧力故
能壞煩惱是故以慧為勝善男子雖
因修習三十七品獲得四禪神通安
樂亦不名實若壞煩惱證解脫時乃
名為實是三十七品發心修道雖得
世樂及出世樂四沙門果及以解脫
亦不得名為畢竟也若能斷除三十
七品所行之事是名涅槃是故我說
畢竟者即大涅槃

復次善男子善愛念心即是欲也因
善愛念親近善友故名為觸是名為
曰因近善友故名為受是名攝取因
近善友能善思惟故名為增因是四

法能生長道所謂欲念定智是即名為主導勝也因是三法得二解脫除斷愛故心得解脫斷无明故慧得解脫是名為實如是八法畢竟得果名為涅槃故名畢竟復次善男子欲者即是發心出家觸者即是白四羯磨是名為因攝者即是受二種戒一者波羅提木叉戒二者淨根戒是名為受是名攝取增者即是修習四禪主者即是須陀洹果斯陀含果導者即是阿耨舍果勝者即是阿羅漢果實者即是辟支佛果畢竟者即是阿耨多羅三藐三菩提果

復次善男子欲名為識觸名六入攝名為受增名無明主名名色導名為愛勝名為取實名為有畢竟者名生老病死迦葉菩薩言世尊根本因增如是三法云何有異善男子所言根者即是初發因者即是相似不斷增者即是滅相似已能生相似復次善男子根即是作因即是果增即可用善男子未來之世雖有果報以未受故名之為因及其受時是名為增復

次善男子根即是求得即是因用即是增善男子是經中根即是見道因即修道增者即是無學道也復次善男子根即正因因即方便因從是二因獲得果報名為增長迦葉菩薩言世尊如佛所說畢竟者即是涅槃如是涅槃云何可得善男子若菩薩摩訶薩比丘比丘尼優婆塞優婆夷能修十想當知是人能得涅槃云何為十一者無常想二者苦想三者無我想四者厭離食想五者一切世間不可樂想六者死想七者多過罪想八者離想九者滅想十者無愛想善男子菩薩摩訶薩比丘比丘尼優婆塞優婆夷修習如是十種想者是人畢竟定得涅槃不隨他心自能分別善不善等是名真實稱比丘義乃至得稱優婆夷義

迦葉菩薩言世尊云何名為菩薩乃至優婆夷等修無常想善男子菩薩二種一初發心二已行道無常想者亦復二種一麤二細初心菩薩觀無常想時作是思惟世間之物凡有二

種一內二外如是內物无常變異我見生時小時大時壯時老時死時是諸時節各各不同是故當知內物无常復作是念我見衆生或有肥鮮具足色力去來進止自在無尋或見病苦色力毀悴顏良麤損不得自在或見財富庫藏盈溢或見貧窮觸事虧乏或見成就無量功德或見具足无量惡法是故定知內法無常復觀外法子時芽時莖時葉時花時果時如是諸時各各不同如是外法或有具足或不具足是故當知一切外物定是無常既觀見法是无常已復觀聞法我聞諸天具足成就極妙快樂神通自在亦有五相是故當知即是无常復聞初初有諸衆生各各具足上妙功德身光自照不假日月无常力故光滅德損復聞昔有轉輪聖王統四天下成就七寶得大自在而不能壞无常之相復觀大地往昔之時安處布置无量衆生間無空處如車輪許具足生長一切妙藥叢林樹木果實滋茂衆生薄福令此大地无復勢

力所生之物遂成虛耗是故當知內外之法一切无常是則名為麤無常也既觀麤已次觀細者云何名細菩薩摩訶薩觀於一切內外之物乃至微塵在未來時已是无常何以故具足成就破壞相故若未來色非無常者不得言色有十時老別云何十時一者膜時二者泡時三者疱時四者肉團時五者股時六者嬰孩時七者童子時八者少年時九者盛壯時十者衰老時菩薩觀膜若非无常不應至泡乃至盛壯非無常者終不至老若是諸時非念念滅終不漸長應當一時成長具足无是事故是故當知定有念念微細無常復見有人諸根具足顏色晬晬後見枯悴復作是念是人定有念念無常復觀四大及四威儀復觀內外各二苦因飢渴寒熱復觀是四若无念念微細无常亦不得說如是四苦若有菩薩能作是念是名菩薩觀細无常如內外色心法亦尔何以故行六處故行六處時或生喜心或生瞋心或生愛心或生念

心展轉異生不得一種是故當知一切色法及非色法悉是无常善男子菩薩若能於一念中見一切法生滅無常是名菩薩具无常想善男子智者修習無常想已遠離常慢常倒想倒

次修苦想何因緣故有如是苦深知是苦因於无常因無常故受生老病死生老病死因緣故名為无常無常因緣故受内外苦飢渴寒熱鞭打罵辱如是等苦皆因无常復次智者深觀此身即無常器是器即苦以器苦故所受盛法亦復是苦善男子智者復觀生即是苦滅即是苦苦生滅故即是無常非我我所修无我想智者復觀苦即无常無常即苦若苦无常智者云何說言有我苦非是我無常亦尔如是五陰亦苦無常衆生云何說言有我復次觀一切法有異和合不從一和合生一切法亦非一法是一切和合果一切和合皆无自性亦無一性亦无異性亦無物性亦無自在諸法若有如是等相智者云何說

言有我復作是念一切法中无有一
法能為作者若使一法不能作者衆
法和合亦不能作一切諸法性終不
能獨上獨滅和合故滅和合故生是
法生已衆生倒想言是和合從和合
生衆生想倒無有真實云何而有真
實我耶是故智者觀於无我又復諦
觀何因緣故衆生說我是我若有應
一應多我若一者云何而有剎剎婆
羅門毗舍首陀人天地獄餓鬼畜生
大小老壯是故知我非是一也我若
多者云何說言衆生我者是一是遍
無有邊際若一若多二俱无我
智者如是觀無我已次復觀於厭離
食想作是念言若一切法无常苦空
無我云何為食起身口意三種惡業
若有衆生為貪食故起身口意三種
惡業所得財物衆皆共之後受苦果
無共分者善男子智者復觀一切衆
生為飲食故身心受苦若從衆苦而
得食者我當云何於是食中而生貪
著是故於食不生貪心復次智者當
觀因於飲食身得增長我今出家受

戒修道為欲捨身今貪此食云何當得捨此身耶如是觀已雖復受食猶如曠野食其子肉其心厭惡都不甘樂深觀揣食有如是過次觀觸食如被剥牛為無量虫之所啖食次觀思食如火聚識食猶如三百鑽矛善男子智者如是觀四食已於食終不生貪樂想若猶生貪當觀不淨何以故為離食愛故於一切食善能分別不淨之想隨諸不淨令與相似如是觀已若得好食及以惡食受時猶如塗癰瘡藥終不生於貪愛之心善男子智者若能如是觀者是名成就厭離食想迦葉菩薩言世尊智者觀食作不淨想為是實觀虛解觀耶若是實觀所觀之食實非不淨若是虛解是法云何名為善想佛言善男子如是想者亦是實觀亦是虛解能壞貪食故名為實非重見重故名虛解善男子一切有漏皆名為虛亦能得實善男子若有比丘發心乞食預作是念我當乞食願得好者莫得麤惡願必多得莫令少亦願速得莫令遲

晚如是比丘不名於食得獸離想所
修善法日夜衰耗不善之法漸當增
長善男子若有比丘欲乞食時先當
願言令諸乞者悉得飽滿其施食者
得无量福我若得食為療毒身修習
善法利益施主作是願時所修善法
日夜增長不善之法漸當消滅善男
子若有比丘能如是修當知是人不
空食於國中信施

善男子智者具足如是四想能修世
間不可樂想作是念言一切世間無
處不有生老病死而我此身无處不
生若世間中無有一處當得離於生
老病死我當云何樂於世間一切世
間无有進得而不退失是故世間定
是無常若是无常云何智人而樂於
世二衆生周遍經歷一切世間具
受苦樂雖復得受梵天之身乃至非
想非非想天命終還墮三惡道中雖
為四王乃至他化自在天身命終生
於畜生道中或為師子虎豹豺狼象
馬牛驢次觀轉輪聖王之身統四天
下豪貴自在福盡貧困衣食不供智

者深觀如是事已生於世間不可樂
想智者復觀世間有法所謂舍宅衣
服飲食卧具醫藥香花瓔珞種種伎
樂財物寶貨如是等事皆為離苦而
是等物體即是苦云何以苦欲離於
苦善男子智者如是觀已於世間物
不生愛樂而作樂想善男子譬如有
人身嬰重病雖有種種音樂倡伎香
花瓔珞終不於中生貪愛樂智者觀
已亦復如是善男子智者深觀一切
世間非歸依處非解脫處非寂靜處
非可愛處非彼岸處非是常樂我淨
之法若我貪樂如是世間我當云何
得離是法如人不樂處闇而求光明
還復歸闇闇即世間明即出世若我
樂世增長黑闇遠離光明闇即无明
光即智明是智明因即是世間不可
樂想一切貪結雖是繫縛然我今者
貪於智明不貪世間智者深觀如是
法已具足世間不可樂想

善男子有智之人已修世間不可樂
想次修死想觀是壽命常為无量怨
讎所遶念念損減无有增長猶山瀑

水不得停住亦如朝露勢不久停如
囚趣市步步近死如牽牛羊詣於屠
所迦葉菩薩言世尊云何智者觀念
念滅善男子譬如四人皆善射術聚
在一處各射一方俱作是念我等四
箭俱發俱墮復有一人作是念言如
是四箭及其未墮我能一時以手接
取善男子如是之人可說疾不迦葉
菩薩言如是世尊佛言善男子地行
鬼疾復速是人若有飛行鬼復速地行
四天王疾復速飛行日月神天復速
四王行堅疾天復速日月衆生壽命
復速堅疾善男子一息一瞬衆生壽
命四百生滅智者若能觀命如是是
名能觀念念滅也善男子智者觀命
繫屬死王我若能離如是死王則得
永斷无常壽命復次智者觀是壽命
猶如河岸臨峻大樹亦如有人作大
逆罪及其受戮無憐惜者如師子王
大飢困時亦如毒蛇吸大風時猶如
渴馬護惜水時如大惡鬼瞋恚發時
衆生死王亦復如是善男子智者若
能作如是觀是則名為修習死想善

男子智者復觀我今出家設得壽命
七日七夜我當於中精勤修道護持
禁戒說法教化利益衆生是名智者
修於死想復以七日七夜為多若得
六日五日四日三日二日一日一時
乃至出息入息之頃我當於中精勤
修道護持禁戒說法教化利益衆生
是名智者善修死想智者具足如上
六想即七想因何等名七一者常修
想二者樂修想三者无瞋想四者無
姪想五者善願想六者無慢想七者
三昧自在想善男子若有比丘具足
七想是名沙門名婆羅門是名寂靜
是名淨潔是名解脫是名智者是名
正見名到彼岸名大醫王是大商主
是名善解如來秘密亦知諸佛七種
之語名正見知斷七種語中所生疑
網善男子若人具足如上六想當知
是人能呵三界遠離三界滅除三界
於三界中不生愛著是名智者具足
十想若有比丘具足十想即得稱可
沙門之相尔時迦葉菩薩即於佛前
以偈讚佛

憐愍世間大醫王

身及智慧俱寂靜

無我法中有真我

是故敬礼无上尊

發心畢竟二不別

如是二心先心難

自未得度先度他

是故我礼初發心

初發已為人天師

勝出聲聞及緣覺

如是發心過三界

是故得名寂无上

世救要求然後得

如來无請而為師

佛隨世間如犢子

是故得名大悲牛

如來功德滿十方

凡下无智不能讚

我今讚歎慈悲心

為報身口二種業

世間常樂自利益

如來終不為是事

能斷衆生世果報

是故我礼自他利

世間逐親作益厚

如來利益无怨親

佛无是相如世人

是故其心等無二

世間說異作業異

如來如說業无老

凡所修行斷諸行

是故得名為如來

先已了知煩惱過

示現處之為衆生

久於世間得解脫

樂處生死慈悲故

雖現天身及人身

慈悲隨逐如犢子

如來即是衆生母

慈心即是小犢子

自受衆苦念衆生

悲念時心不悔沒

憐愍心盛不覺苦

故我稽首拔苦者

如來雖作无量福

身口意業恒清淨

常為衆生不為已 是故我礼清淨業
如來受苦不覺苦 見衆受苦如已苦
雖為衆生處地獄 不生苦想及悔心
一切衆生受異苦 悉是如來一人苦
覺已其心轉堅固 故能勤修无上道
佛具一味大慈心 悲念衆生如子想
衆生不知佛能救 故謗如來及法僧
世間雖具衆煩惱 亦有无量諸過惡
如是衆結及罪過 佛初發心已能壞
唯有諸佛能讚佛 除佛無能讚歎者
我今唯以一法讚 所謂慈心遊世間
如來慈是大法聚 是慈亦能度衆生
即是無上真解脫 解脫即是大涅槃
大般涅槃經卷第三十八

辛丑歲高麗國大藏都監奉

勅雕造

大般涅槃經卷第三十九

體

北涼天竺三藏曇無讖譯

憍陳如品第十三之一

尔時世尊告憍陳如色是无常因滅
是色獲得解脫常住之色受想行識
亦是无常因滅是識獲得解脫常住
之識憍陳如色即是苦因滅是色獲
得解脫安樂之色受想行識亦復如
是憍陳如色即是無我因滅是色獲得解
脫真我之色受想行識亦復如是憍
陳如色是不淨因滅是色獲得解脫
清淨之色受想行識亦復如是憍陳
如色是生老病死之相因滅是色獲
得解脫非生老病死相之色受想行
識亦復如是憍陳如色是无明因因
滅是色獲得解脫非無明因色受想
行識亦復如是憍陳如乃至色是生
因因滅是色獲得解脫非生因色受
想行識亦復如是憍陳如色者即是
四顛倒因因滅倒色獲得解脫非四

倒因色受想行識亦復如是憍陳如
色是无量惡法之因所謂男女等身
食愛欲愛貪瞋嫉妬惡心慳心悭食
識食思食觸食卵生胎生濕生化生
五欲五蓋如是等法皆因於色因滅
色故獲得解脫无如是等無量惡色
受想行識亦復如是憍陳如色即是
縛因滅縛色獲得解脫無縛之色受
想行識亦復如是憍陳如色即是流
因滅流色獲得解脫非流之色受想
行識亦復如是憍陳如色非歸依因
滅是色獲得解脫歸依之色受想行
識亦復如是憍陳如色是瘡疣因滅
是色獲得解脫无瘡疣色受想行識
亦復如是憍陳如色非寂靜因滅是
色獲得涅槃寂靜之色受想行識亦
復如是憍陳如若有人能如是知者
是名沙門名婆羅門具足沙門婆羅
門法憍陳如若離佛法无有沙門無
婆羅門亦无沙門婆羅門法一切外
道虛假詐稱都无實行雖復作相言
有是二實无是處何以故若无沙門
婆羅門法云何而言有沙門婆羅門

我常於此大衆之中作師子吼汝等亦當在大衆中作師子吼今時外道有無量人聞是語已心生瞋惡瞿曇今說我等衆中無有沙門及婆羅門亦无沙門婆羅門法我當云何廣設方便語瞿曇言我等衆中亦有沙門有沙門法有婆羅門有婆羅門法時彼衆中有一梵志唱如是言諸仁者瞿曇之言如狂无異何可檢校世間狂人或歌或舞或哭或笑或罵或讚於怨親所不能分別沙門瞿曇亦復如是或說我生淨飯王家或言不生或說生已行至七步或說不行或說從小習學世事或說我是一切智人或時處宮受樂生子或時獸患呵責惡賤或時親修苦行六年或時呵責外道苦行或言從彼鬘頭藍弗阿羅邏等京承未聞或時說其无所知曉或時說言菩提樹下得阿耨多羅三藐三菩提或時說言我不至樹无所勉獲以時說言我今此身即是涅槃或言身滅乃是涅槃瞿曇所說如狂無異何故以此而愁憂耶諸婆羅門即

便答言大士我等今者何得不愁沙
門瞿曇先出家已說無常苦空无我
等法我諸弟子聞生恐怖云何衆生
無常苦空无我不淨不受其語今者
瞿曇復來至此娑羅林中為諸大衆
說有常樂我淨之法我諸弟子聞是
語已悉捨我去受瞿曇語以是因緣
生大愁苦今時復有一婆羅門作如
是言諸仁者諦聽諦聽瞿曇沙門名
修慈悲是名虛妄非真實也若有慈
悲云何教我諸弟子等自受其法慈
悲果有隨順他意今違我願云何言
有若有說言沙門瞿曇不為世間八
法所染是亦虛妄若言瞿曇少欲知
足今者云何奪我等利若言種姓是
上族者是亦虛妄何以故從昔已來
不見不聞大師子王殘害小鼠若使
瞿曇是上種姓如何今者惱亂我等
若言瞿曇具大勢力是亦虛妄何以
故從昔已來亦不見聞金翅鳥王與
烏共誦若言力大復以何事與我共
爭若言瞿曇具他心智是亦虛妄何
以故若具此智以何因緣不知我心

諸仁者我昔曾從先舊智人聞說是事過百年已世間嘗有一妖幻出即是瞿曇如是妖惑今於此處婆羅林中將滅不久汝等今者不應出今時復有一尼犍子答言仁者我今愁苦不為自身弟子供養但為世間癡闇肉眼不識福田及非福田棄捨先舊智婆羅門供養年少以為愁耳瞿曇沙門大知呪術因呪術力能令一身作無量身令无量身還作一身或以自身作男女像牛羊象馬我力能滅如是呪術瞿曇沙門呪術既滅汝等當還多得供養受於安樂今時復有一婆羅門作如是言諸仁者瞿曇沙門成就具足無量功德是故汝等不應與諍大衆答言癡人云何說言沙門瞿曇具大功德其生七日母便命終是可得名福德相耶婆羅門言為時不瞋打時不報當知即是大福德相其身具足三十二相八十種好無量神通是故當知是福德相心無憍慢先意問評言語柔軟初无麁獷年志俱盛心不卒暴王國多財無所

愛戀捨之出家如棄涕唾是故我說沙門瞿曇成就具足无量功德大衆答言善哉仁者瞿曇沙門實如所說成就無量神通變化我不與彼捕試是事瞿曇沙門受性柔軟不堪苦行生長深宮不綜外事唯可軟語不知伎藝書籍論議請共詳辯正法之要彼若勝我我當給事我若勝彼彼當事我今時多有无量外道和合共往摩伽陀王阿闍世所王覓便問諸仁何來汝等各各修習聖道是出家人捨離財貨及在家事然我國人皆共供養敬心瞻視无相犯觸何故和合而來至此諸仁者汝等各受異法異戒出家不同亦復各各自隨戒法出家修道何因緣故今者一心而共和合猶如落葉旋風所吹聚在一處說何因緣而來至此我常擁護出家之人乃至不惜身之與命今時一切諸外道衆咸作是言大王諦聽大王今者是大法橋是大法礪是大法秤即是一切功德之器一切功德真實之性正法道路即是種子之良田也一

切國土之根本也一切國土之大明鏡一切諸天之形像也一切國人之父母也大王一切世間功德寶藏即是王身何以故名功德藏王斷國事不擇怨親其心平等如地水火風是故名王為功德藏大王現在衆生雖復壽短王之功德如昔長壽安樂時王亦如頂生善見忍辱那睺沙王耶耶帝王尸毗王一又鳩王如是等王具足善法大王今者亦復如是大王以王因緣國土安樂人民熾盛是故一切出家之人慕樂此國持戒精勤修習正道大王我經中說若出家人隨所住國持戒精進勤修正道其王亦有修善之分大王一切盜賊王已整理出家之人都无畏懼今者唯有一大惡人瞿曇沙門王未檢校我等甚畏其人自恃豪族種姓身色具足又因過去布施之報多得供養恃此衆事生大憍慢或因呪術而生憍慢以是因緣不能苦行受畜細軟衣服卧具是故一切世間惡人為利養故徃集其所而為眷屬不能苦行呪術

力故調伏迦葉及舍利弗目犍連等
今復來至我所住處娑羅林中宣說
是身常樂我淨誘我弟子大王瞿曇
先說无常無樂无我無淨我能忍之
今乃宣說常樂我淨我實不忍惟願
大王聽我與彼瞿曇論議王即荅言
諸大士汝等今者為誰教導而令其
心狂乱不定如水濤波旋火之輪獲
猴擲樹是事可耻智人若聞即生憐
愍愚人聞之即生嗤笑汝等所說非
出家相汝若病風黃水患者吾悉有
藥能療治之如其鬼病家兄耆婆善
能去之汝等今者欲以手爪鉤須弥
山欲以口齒齧金剛諸大士譬如
愚人見師子王飢時睡眠而欲悟之
如人以指置毒蛇口如欲以手觸灰
覆火汝等今者亦復如是善男子譬
如野狐作師子吼猶如蚊子共金翅
鳥捕行遲疾如兔渡海欲盡其底汝
等今者亦復如是汝若夢見勝瞿曇
者是夢狂惑未足可信諸大士汝等
今者興建是意猶如飛蛾投大火聚
汝隨我語不須更說汝雖讚我平等

如秤勿令外人復聞此語

今時外道復作是言大王瞿曇沙門所作幻術到汝邊耶乃令大王心疑不信是等聖人大王不應輕蔑如是大士大王是月增減大海鹹味摩羅延山如是等事誰之所作豈非我等婆羅門耶大王不聞阿竭多仙十二年中恒河之水停耳中耶大王聞瞿曇仙人大現神通十二年中變作釋身并令釋身作羴羊形作千女根在釋身耶大王不聞耆菟仙人一日之中飲四海水令大地乾耶大王不聞婆藪仙人為自在天作三眼耶大王不聞阿羅邏仙人變迦富羅城作臯土耶大王婆羅門中有如是等大力諸仙現可檢校大王云何見輕蔑耶王言諸仁者若不見信故欲為者如來正覺今者近在娑羅林中汝等可往隨意問難如來亦當為汝分別稱汝意答今時阿闍世王與諸外道徒眾眷屬往至佛所頭面作礼右遶三匝修敬已畢却住一面白佛言世尊是諸外道欲隨意問難唯願如來隨

意答之佛言大王且止我自知時
尔時衆中有婆羅門名闍提首部作
如是言瞿曇汝說涅槃是常法耶如
是如是大婆羅門婆羅門言瞿曇若
說涅槃常者是義不然何以故世間
之法從子生果相續不斷如從埜出
瓶從縷得衣瞿曇常說修无常想獲
得涅槃因是无常果云何常瞿曇又
說解脫欲貪即是涅槃解脫色貪及
無色貪即是涅槃滅無明等一切煩
惱即是涅槃從欲乃至无明煩惱皆
是无常因是无常所得涅槃亦應无
常瞿曇又說從因故生天從因故墮
地獄從因得解脫是故諸法皆從因生
若從因故得解脫者云何言常瞿曇
亦說色從緣生故名无常受想行識
亦復如是如是解脫若是色者當知
無常受想行識亦復如是若離五陰
有解脫者當知解脫即是虚空若是
虚空不得說言從因緣生何以故是
常是一遍一切處瞿曇亦說從因生
者即是苦也若是苦者云何復說解
脫是樂瞿曇又說无常即苦苦即无

我若是無常苦无我者即是不淨一切從因所生諸法皆無常苦无我不淨云何復說涅槃即是常樂我淨若瞿曇說亦常无常亦苦亦樂亦我無我亦淨不淨如是豈非是二語耶我亦曾從先舊智人聞說是語佛若出世言則无二瞿曇今者說於二語復言佛即我身是也是義云何佛言婆羅門如汝所說我今問汝隨汝意答婆羅門言善哉瞿曇佛言婆羅門汝性常耶是无常乎婆羅門言我性是常婆羅門是性能作一切内外法之因耶如是瞿曇佛言婆羅門云何作因瞿曇從性生大從大生慢從慢生十六法所謂地水火風空五知根眼耳鼻舌身五業根手脚口聲男女二根心平等根是十六法從五法生色聲香味觸是二十一法根本有三二者染二者塵三者黑染者名愛塵者名瞋黑名无明瞿曇是二十五法皆因性生婆羅門是大等法常无常耶瞿曇我法性常大等諸法悉是無常婆羅門如汝法中因常果无常然我

法中因雖無常果是常者有何等過
婆羅門汝等法中有二因不答言有
佛言云何有婆羅門言一者生因二
者了因佛言云何生因云何了因婆
羅門言生因者如涅槃出瓶了因者如
燈照物佛言是二種因因性是一若
是一者可令生因作於了因可令了
因作生因不不也瞿曇佛言若使生
因不作为了因了因不作生因可得說
言是因相不婆羅門言雖不相作故
有因相婆羅門了因所了即同了不
不也瞿曇佛言我法雖從无常獲得
涅槃而非无常婆羅門從了因得故
常樂我淨從生因得故无常無樂无
我無淨是故如來所說有二如是二
語无有二也是故如來名无二語如
汝所說曾從先舊智人邊聞佛出於
世无有二語是言善哉一切十方三
世諸佛所說无老是故說言佛无二
語云何无老有同說有无同說無故
名一義婆羅門如來世尊雖名二語
為了一語故云何二語了於一語如
眼色二語生識一語乃至意法亦復

如是婆羅門言瞿曇善能分別如是語義我今未解所出二語了於一語余時世尊即為宣說四真諦法婆羅門言苦諦者亦二亦一乃至道諦亦二亦一婆羅門言世尊我已知已佛言善男子云何知已婆羅門言世尊苦諦一切凡夫二是聖人一乃至道諦亦復如是佛言善哉已解婆羅門言世尊我今聞法已得正見今當歸依佛法僧寶唯願大慈聽我出家今時世尊告憍陳如汝當為是闍提首耶剝除鬚髮聽其出家時憍陳如即受佛勅為其剃髮即下手時有二種落一者鬚髮二者煩惱即於坐處得阿羅漢果

復有梵志姓婆私吒復作是言瞿曇所說涅槃常耶如是梵志婆私吒言瞿曇將不說无煩惱為涅槃耶如是梵志婆私吒言瞿曇世間四種名之為无一者未出之法名之為无如瓶未出涅槃名為无瓶二者已滅之法名之為无如瓶壞已名為无瓶三者異相亦無名之為无如牛中無馬馬

中無牛四者畢竟無故名之為无如
龜毛兔角瞿曇若以除煩惱已名涅
睬者涅槃即無若是無者云何言有
常樂我淨

佛言善男子如是涅槃非是先无同
涅槃時瓶亦非滅无同瓶壞無亦非畢
竟无如龜毛兔角同於无善男子
如汝所言雖牛中无馬不可說言牛
亦是无雖馬中無牛亦不可說馬亦
是無涅槃亦令煩惱中無涅槃涅槃
中无煩惱是故名為无相无無婆私
吒言瞿曇若以无為涅槃者夫无
無者无常樂我淨瞿曇云何說言涅槃
常樂我淨佛言善男子如汝所說是
无無者有三種無牛馬患是先无後
有是名先無已有還无是名壞無无
相无者如汝所說善男子是三種无
涅槃中無是故涅槃常樂我淨如世
病人一者熱病二者風病三者冷病
是三種病三藥能治有熱病者蘇能
治之有風病者油能治之有冷病者
蜜能治之是三種藥能治如是三種
惡病善男子風中无油油中无風乃

至蜜中無冷冷中无蜜是故能治一切衆生亦復如是有三種病一者貪二者瞋三者癡如是三病有三種藥不淨觀者能為貪藥慈心觀者能為瞋藥觀因緣智能為癡藥善男子為除貪故作非貪觀為除瞋故作非瞋觀為除癡故作非癡觀三種病中无三種藥三種藥中無三種病善男子三種病中无三藥故无常無我无樂無淨三種藥中无三種病是故得稱常樂我淨婆私吒言世尊如來為我說常无常云何為常云何無常佛言善男子色是无常解脫色常乃至識是无常解脫識常善男子若有善男子善女人能觀色乃至識是无常者當知是人獲得常法婆私吒言世尊我今已知常无常法佛言善男子汝云何知常無常法婆私吒言世尊我今知我色是无常得解脫常乃至識亦如是佛言善男子汝今善哉已報是身告憍陳如是婆私吒已證阿羅漢果汝可施其三衣鉢器時憍陳如如佛所勅施其衣鉢時婆私吒受衣

鋒已作如是言大德憍陳如我今因
是弊惡之身得善果報唯願大德為
我屈意至世尊所具宣我心我既惡
人觸犯如來祇瞿曇姓唯願為我懺
悔此罪我亦不能久住毒身今入涅槃
時憍陳如即往佛所作如是言世尊
婆私吒比丘生慙愧心自言頑嚚觸
犯如來祇瞿曇姓不能久住是毒身
今欲滅身寄我懺悔佛言憍陳如
婆私吒比丘已於過去无量佛所成
就善根今受我語如法而住如法住
故獲得正果汝等應當供養其身今
時憍陳如從佛聞已還其身所而設
供養時婆私吒於焚身時作種種神
足諸外道輩見是事已高聲唱言是
婆私吒已得瞿曇沙門呪術是人不
久復當勝彼瞿曇沙門

今時象中復有梵志名曰先尼復作
是言瞿曇有我耶如來默然瞿曇元
我耶如來默然第二第三亦如是問
佛皆默然先尼言瞿曇若一切眾生
有我遍一切處是一作者瞿曇何故
默然不答佛言先尼汝說是我遍一

一切處耶先尼答言瞿曇不但我說一切智人亦如是說佛言善男子若我周遍一切處者應當五道一時受報若有五道一時受報汝等梵志何因緣故不造衆惡為遮地獄修諸善法為受天身先尼言瞿曇我法中我則有二種一作身我二者常身我為作身我修離惡法不入地獄修諸善法生於天上佛言善男子如汝說我遍一切處如是我者若作身中當知无常若作身无云何言遍瞿曇我所立我亦在作中亦是常法瞿曇如人失火燒舍宅時其主出去不可說言舍宅被燒主亦被燒我法亦尔而此作身雖是无常當无常時我則出去是故我我亦遍亦常佛言善男子如汝說我亦遍亦常是義不然何以故遍有二種一者常二者无常復有二種一色二無色是故若言一切有者亦常亦无常亦色亦无色若言舍主得出不名無常是義不然何以故舍不名主主不名舍異燒異出故得如是我則不尔何以故我即是色色即是

我無色即我我即無色云何而言色
無常時我則得出善男子汝意若謂
一切衆生同一我者如是即違世出
世法何以故世間法名父子母女若
我是一父即是子子即是父母即是
女女即是母怨即是親親即是怨此
即是彼彼即是此是故若說一切衆
生同一我者是即違背世出世法先
尼言我亦不說一切衆生同於我一
乃說一人各有一我佛言善男子若
言一人各有一我是為多我是義不
然何以故如汝先說我遍一切若遍
一切一切衆生業相應同天得見時
佛得亦見天得作時佛得亦作天得
聞時佛得亦聞一切諸法皆亦如是
若天得見非佛得見者不應說我遍
一切處若不遍者是即无常先尼言
瞿曇一切衆生我遍一切法與非法
不遍一切以是義故佛得作異天得
作異是故瞿曇不應說言佛得見時
天得應見佛得聞時天得應聞佛言
善男子法與非法非業作耶先尼言
瞿曇是業所作佛言善男子若法非

法是業作者即是同法云何言異何以故佛得業處有天得我天得業處有佛得我是故佛得作時天得亦作法與非法亦應如是善男子是故一切衆生法與非法若如是者所得果報亦應不異善男子從子出果是子終不思惟分別我唯當作婆羅門果不與刹利毗舍首陀而作果也何以故從子出果終不障尋如是四姓法與非法亦復如是不能分別我唯當與佛得作果不與天得作果作天得果不作佛得果何以故業平等故先尼言瞿曇譬如一室有百千燈炷雖有異明則無老燈炷別異喻法非法其明无老喻衆生我佛言善男子汝說燈明以喻我者是義不然何以故室異燈異是燈光明亦在炷邊亦遍室中汝所言我若如是者法非法邊俱應有我我中亦應有法非法若法非法元有我者不得說言遍一切處若俱有者何得復以炷明為喻善男子汝意若謂炷之與明真實別異何因緣故炷增明盛炷枯明滅是故不

應以法非法喻於燈炷光明无差喻
於我也何以故法非法我三事即一先
尼言瞿曇汝引燈喻是事不吉何以
故燈喻若吉我已先引如其不吉何
故復說善男子我所引喻都亦不作
吉以不吉隨汝意說是喻亦說離炷
有明即炷有明汝心不等故說燈炷
喻法非法明則喻我是故責汝炷即
是明離炷有明法即有我我即有法
非法即我我即非法汝今何故但受
一邊不受一邊如是喻者於汝不吉
是故我今還以破汝善男子如是喻
者即是非喻是非喻故於我即吉於
汝不吉善男子汝意若謂若我不吉
汝亦不吉是義不然何以故見世間
人自刀自害自作他用汝所引喻亦
復如是於我則吉於汝不吉先尼言
瞿曇汝先責我心不平等今汝所說
亦不平等何以故瞿曇今者以吉向
已不吉向我以是推之真是不平佛
言善男子如我不平能破汝不平是
故汝平我之不平即是吉也我之不
平破汝不平令汝得平即是我平何

以故同諸聖人得平等故先尼言瞿
曇我常是平汝云何言壞我不平一
切衆生平等有我云何言我是不平
耶善男子汝亦說言當受地獄當受
餓鬼當受畜生當受人天我若先遍
五道中者云何方言當受諸趣汝亦
說言父母和合然後生子若子先有
云何復言和合已有是故一人有五
趣身若是五處先有身者何因緣故
為身造業是故不平善男子汝意若
謂我是作者是義不然何以故若我
作者何因緣故自作苦事然今衆生
實有受苦是故當知我非作者若言
是苦非我所作不從因生一切諸法
亦當如是不從因生何因緣故說我
作耶善男子衆生苦樂實從因緣如
是苦樂能作憂喜憂時無喜喜時无
憂或喜或憂智人云何說是常耶善
男子汝說我常若是常者云何說有
十時別異常法不應有歌羅邏時乃
至老時虛空常法尚无一時况有十
時善男子我者非是歌羅邏時乃至
老時云何說有十時別異善男子若

我作者是我亦有盛時衰時衆生亦有盛時衰時若我今者云何是常善男子我若作者云何一人有利有鈍善男子我若作者是我能作身業口業口業若是我所作者云何口說无有我耶云何自疑有耶无耶善男子汝意若謂離眼有見是義不然何以故若離眼已別有見者何須此眼乃至身根亦復如是汝意若謂我雖能見要因眼見是亦不然何以故如有人言須曼那花能燒大村云何能燒因火能燒汝立我見亦復如是先尼言瞿曇如人執鐮則能刈草我因五根見聞至觸亦復如是善男子人鐮各異是故執鐮能有所作離根之外更无別我去何說言我因諸根能有所作善男子汝意若謂執鐮能刈我亦如是是我有手耶为无手乎若有手者何不自執若无手者云何說言我是作者善男子能刈草者即是鐮也非我非人若我能何故因鐮善男子人有二業一則執草二則執鐮是鐮唯有能斷之功衆生見法亦復

如是眼能見色從和合生若從因緣和合見者智人云何說言有我善男子汝意若謂身作我受是義不然何以故世間不見天得作業佛得受果若言不是身作我非因受汝等何故從於因緣求解脫耶汝先是身非因緣生得解脫已亦應非因而更生身如身一切煩惱亦應如是先尼言瞿曇我有二種一者有知二者无知無知之我能得於身有知之我能捨離身猶如坏瓶既被燒已失於本色更不復生智者煩惱亦復如是既滅壞已終不更生佛言善男子所言知者智能知耶我能知乎若智能知何故說言我是知耶若我知者何故方便更求於智汝意若謂我因智知同花喻壞善男子譬如刺樹性自能刺不得說言樹執刺刺智亦如是智自能知云何說言我執智知善男子如汝法中我得解脫无知我得知我得耶若無知得當知猶故具足煩惱若知得者當知已有五情諸根何以故離根之外別更无知若具諸根云何復

名得解脫耶若言是我其性清淨離
於五根云何說言遍五道有以何因
緣為解脫故修諸善法善男子譬如
有人拔虛空刺汝亦如是我若清淨
云何復言斷諸煩惱汝意若謂不從
因緣獲得解脫一切畜生何故不得
先尼言瞿曇若無我者誰能憶念佛
告先尼若有我者何緣復忘善男子
若念是我者何因緣故念於惡念念
所不念不念所念先尼復言瞿曇若
无我者誰見誰聞佛言善男子内有
六入外有六塵内外和合生六種識
是六種識因緣得名善男子譬如一
火因木得故名為木火因草得故名
為草火因糠得故名為糠火因牛糞
得名牛糞火衆生意識亦復如是因
眼因色因明因欲名為眼識善男子
如是眼識不在眼中乃至欲中四事
和合故生是識乃至意識亦復如是
若是因緣和合故生智不應說見即
是我乃至觸即是我善男子是故我
說眼識乃至意識一切諸法即是幻
也云何如幻本無今有已有還无善

男子譬如酥酪蜜薑胡椒葷菜蒲萄
胡桃石榴櫻子如是和合名歡喜丸
離是和合無歡喜丸內外六入是名
衆生我人士夫離內外入無別衆生
我人士夫先尼言瞿曇若元我者云
何說言我見我聞我苦我樂我憂我
喜佛言善男子若言我見我聞名有
我者何因緣故世間復言汝所作罪
非我見聞善男子譬如四兵和合名
軍如是四兵不名為一而亦說言我
軍勇健我軍勝彼是內外入和合所
作亦復如是雖不是一亦得說言我
作我受我見我聞我苦我樂先尼言
瞿曇如汝所言內外和合誰出聲言
我作我受佛言先尼從愛无明因緣
生業從業生有從有出生無量心數
心生覺觀覺觀動風風隨心觸喉舌
齒脣衆生想倒聲出說言我作我受
我見我聞善男子如幢頭鈴風因緣
故便出音聲風大聲大風小聲小无
有作者善男子譬如熱鐵投之水中
出種種聲是中真實无有作者善男
子凡夫不能思惟分別如是事故說

言有我及有我所我作我受先尼言
如瞿曇說無我我所何緣復說常樂
我淨佛言善男子我亦不說內外六
入及六識意常樂我淨我乃宣說滅
內外入所生六識名之為常以是常
故名之為我有常我故名之為樂常
我樂故名之為淨善男子衆生獸苦
斷是苦因自在遠離是名為我以是
因緣我今宣說常樂我淨先尼言世
尊唯願大慈為我宣說我當云何獲
得如是常樂我淨佛言善男子一切
世間從本已來具足大慢能增長慢
亦復造作慢因慢業是故今者受慢
果報不能遠離一切煩惱得常樂我
淨若諸衆生欲得遠離一切煩惱先
當離慢先尼言世尊如是如是誠如
聖教我先有慢因慢因緣故稱如來
祇瞿曇姓我今已離如是大慢是故
誠心啓請求法云何當得常樂我淨
佛言善男子諦聽諦聽今當為汝分
別解說善男子若能非自非他非衆
生者遠離是法先尼言世尊我已知
解得正法眼佛言善男子汝云何言

知已解已得正法眼世尊所言色者
非自非他非諸衆生乃至識亦復如
是我如是觀得正法眼世尊我今甚
樂出家修道願見聽許佛言善來比
丘即時具足清淨梵行證阿羅漢果
外道衆中復有梵志姓迦葉氏復作
是言瞿曇身即是命身異命異如來
默然第二第三亦復如是梵志復言
瞿曇若人捨身未得後身於其中間
豈可不名身異命異若是異者瞿曇
何故默然不荅善男子我說身命皆
從因緣非不因緣如身命一切法亦
如是梵志復言瞿曇我見世間有法
不從因緣佛言梵志汝云何見世間
有法不從因緣梵志言我見大火焚
燒榛木風吹絕焰墮在餘處是豈不
名無因緣耶佛言善男子我說是火
亦從因生非不從因梵志言瞿曇絕
焰去時不因薪炭云何而言因於因
緣佛言善男子雖无薪炭因風而去
風因緣故其焰不滅瞿曇若人捨身
未得後身中間壽命誰為因緣佛言
梵志无明與愛而為因緣是无明愛

二因緣故壽命得住善男子有因緣
故身即是命命即是身有因緣故身
異命異智者不應一向而說身異命
異梵志言世尊唯願為我分別解說
令我了了得知因果佛言梵志因即
五陰果亦五陰善男子若有衆生不
然火者是則无煙梵志言世尊我已
知已我已解已佛言善男子汝云何
知汝云何解世尊火即煩惱能於地
獄餓鬼畜生人天燒然煙者即是煩
惱果報無常不淨臭穢可惡是故名
煙若有衆生不作煩惱是人则无煩
惱果報是故如來說不然火則無有
煙世尊我已正見唯願慈矜聽我出
家今時世尊告憍陳如聽是梵志出
家受戒時憍陳如受佛勅已和合衆
僧聽其出家受具足戒經五日已得
阿羅漢果外道衆中復有梵志名曰
富那復作是言瞿曇汝見世間是常
法已說言常耶如是義者實耶虛耶
常无常亦常無常非常非无常有邊
無邊亦有邊亦无邊非有邊非无邊
是身是命身異命異如來滅後如去

不如去亦如去不如去非如去非不
如去佛言富那我不說世間常虛實
無常亦常无常非常非無常有邊无
邊亦有邊無邊非有邊非无邊是身
是命身異命異如來滅後如去不如
去亦如去不如去非如去非不如去
富那復言瞿曇今者見何罪過不作
是說佛言富那若有人說世間是常
唯此為實餘妄語者是名為見見所
見處是名見行是名見業是名見著
是名見縛是名見苦是名見取是名
見怖是名見熱是名見纏富那凡夫
之人為見所纏不能遠離生老病死
迴流六趣受无量苦乃至非如去非
不如去亦復如是富那我見是見有
如是過是故不著不為人說瞿曇若
見如是罪過不著不說瞿曇今者何
見何著何所宣說佛言善男子夫見
著者名生死法如來已離生死法故
是故不著善男子如來名為能見能
說不名為著瞿曇云何能見云何能
說佛言善男子我能明見苦集滅道
分別宣說如是四諦我見如是故能

遠離一切見一切愛一切流一切慢
是故我具清淨梵行无上寂靜獲得
常身是身亦非東西南北富鄉言瞿
曇何因緣故常身非是東西南北佛
言善男子我今問汝隨汝意答於意
云何善男子如於汝前然大火聚當
其然時汝知然不如是瞿曇是火滅
時汝知滅不如是瞿曇富鄉若有人
問汝前火聚然從何來滅何所至當
云何答瞿曇若有問者我當答言是
火生時賴於衆緣本緣已盡新緣未
至是火則滅若復有問是火滅已至
何方面復云何答瞿曇我當答言緣
盡故滅不至方所善男子如來亦尔
若有无常色乃至無常識因愛故然
然者即受二十五有是故然時可說
是火東西南北現在愛滅二十五有
果報不然以不然故不可說有東西
南北善男子如來已滅无常之色至
無常識是故身常身若是常不得說
有東西南北富鄉言請說一喻唯願
聽採佛言善哉善哉隨意說之世尊
如大村外有娑羅林中有一樹先林

而生足 百年是時林主灌之以水
隨時修治其樹陳朽皮膚枝葉悉皆
脫落唯貞實在如來亦今所有陳故
悉已除盡唯有一切真實法在世尊
我今甚樂出家修道佛言善來比丘
說是語已即時出家漏盡證得阿羅
漢果

復有梵志名曰清淨作如是言瞿曇一
切衆生不知何法見世間常无常亦
常无常非有常非无常乃至非如去
非不如去佛言善男子不知色故乃
至不知識故見世間常乃至非如去
非不如去梵志言瞿曇衆生知何法
故不見世間常乃至非如去非不如
去佛言善男子知色故乃至知識故
不見世間常乃至非如去非不如去
梵志言世尊唯願為我分別解說世
間常无常佛言善男子若人捨故不
造新業是人能知常與無常梵志言
世尊我已知見佛言善男子汝云何
見汝云何知世尊故名无明與愛新
名取有若人遠離是無明愛不作取
有是人真實知常无常我今已得正

法淨眼歸依三寶唯願如來聽我出家
佛告憍陳如聽是梵志出家受戒
時憍陳如受佛勅已將至僧中為作
羯磨令得出家十五日後諸漏永盡
得阿羅漢果

大般涅槃經卷第三十九

壬寅歲高麗國大藏都監奉

勅彫造

大般涅槃經卷第四十

體

北凉天竺三藏曇無讖譯

憍陳如品第十三之三

犢子梵志復作是言瞿曇我今欲問
能見聽不如來默然第二第三亦復
如是犢子復言瞿曇我久與汝共為
親友汝之與我義無有二我欲諮問
何故默然尔時世尊作是思惟如是
梵志其性儒雅純善質直常為知故
而來諮啓不為惱乱彼若問者當隨
意答佛言犢子善哉善哉隨所疑問
吾當答之犢子言瞿曇世有善耶如
是梵志有不善耶如是梵志瞿曇願為
我說令我得知善不善法佛言善男
子我能分別廣說其義今當為汝簡
略說之善男子欲名不善解脫欲者
名之為善瞋恚愚癡亦復如是殺名
不善不殺名善乃至邪見亦復如是
善男子我今為汝已說三種善不善
法及說十種善不善法若我弟子能
作如是分別三種善不善法乃至十
種善不善法當知是人能盡貪欲瞋

志愚癡一切諸漏斷一切有梵志言
瞿曇是佛法中頗有一比丘能盡如
是貪欲瞋癡一切諸漏一切有不佛
言善男子是佛法中非一二三乃至
五百乃有無量諸比丘等能盡如是
貪欲癡癡一切諸漏一切諸有瞿曇
置一比丘是佛法中頗有一比丘尼
能盡如是貪欲瞋癡一切諸漏一切
有不佛言善男子是佛法中非一二
三乃至五百乃有無量諸比丘尼能
斷如是貪欲瞋癡一切諸漏一切諸
有瞿曇言瞿曇置一比丘一比丘尼
是佛法中頗有一優婆塞持戒精勤
梵行清淨度疑彼岸斷於疑網不佛
言善男子我佛法中非一二三乃至
五百乃有無量諸優婆塞持戒精勤
梵行清淨斷五下結得阿那含度疑
彼岸斷於疑網瞿曇言瞿曇置一比
丘一比丘尼一優婆塞是佛法中頗
有一優婆夷持戒精勤梵行清淨度
疑彼岸斷疑網不佛言善男子我佛
法中非一二三乃至五百乃有無量
諸優婆夷持戒精勤梵行清淨斷五

下結得阿那含度疑彼岸斷於疑網
犢子言瞿曇置一比丘一比丘尼盡
一切漏一優婆塞一優婆夷持戒精
勤梵行清淨斷於疑網是佛法中頗
有優婆塞受五欲樂心無疑網不佛
言善男子是佛法中非一二三乃至
五百乃有無量諸優婆塞斷於三結
得須陀洹薄貪恚癡得斯陀含如優
婆塞優婆夷亦如是世尊我於今者
樂說譬喻佛言善哉樂說便說世尊
譬如難陀婆難陀龍王等降大雨如
來法雨亦復如是平等雨於優婆塞
優婆夷世尊若諸外道欲來出家不
審如來幾月試之佛言善男子皆四
月試不必一種世尊若不一種唯願
大慈聽我出家今時世尊告憍陳如
聽是犢子出家受戒時憍陳如受佛
勅已立衆僧中為作羯磨於出家後
滿十五日得須陀洹果既得果已復
作是念若有智慧從學得者我今已
得堪任見佛即往佛所頭面作禮修
敬已畢却住一面白佛言世尊諸有
智慧從學得者我今已得唯願為我

重分別說令我獲得无學智慧佛言
善男子汝勤精進修習二法一奢摩
他二毗婆舍那善男子若有比丘欲
得須陀洹果亦當勤修如是二法若
復欲得斯陀含果阿那含果阿羅漢
果亦當修習如是二法善男子若有
比丘欲得四禪四无量心六神通八
背捨八勝處无諍智頂智畢竟智四
無所智金剛三昧盡智无生智亦當
修習如是二法善男子若欲得十住
地無生法忍无相法忍不可思議法
忍聖行梵行天行菩薩行虛空三昧
智印三昧空无相無作三昧地三昧
不退三昧首楞嚴三昧金剛三昧阿
耨多羅三藐三菩提佛行亦當修習
如是二法犢子聞已礼拜而出在娑
羅林中修是二法不久即得阿羅漢
果是時復有無量比丘欲往佛所犢
子見已問言大德欲何所至諸比丘
言欲往佛所犢子復言諸大德若至
佛所願為宣啓犢子梵志修二法已
得無學智今報佛恩入般涅槃時諸
比丘至佛所已白佛言世尊犢子比

丘寄我等語世尊。猶子梵志修習二
法。得無學智。今報佛恩。入於涅槃。佛
言。善男子。猶子梵志。得阿羅漢果。汝
等可往。供養其身。時諸比丘。受佛勅。
已。還其尸所。大設供養。

納衣梵志復作是言。瞿曇。如瞿曇所
說。元量世中作善不善。未來還得善
不善身。是義不然。何以故。如瞿曇說。
因煩惱故。獲得是身。若因煩惱。獲得
身者。身為在先煩惱。在先。若煩惱在
先。誰之所作。住在何處。若身在先去
何說。言因煩惱。得是故。若言煩惱在
先。是亦不可。若身在先。是亦不可。若
言一時是。亦不可。先後一時義俱不
可。是故我說一切諸法。皆有自性。不
從因緣。

復次。瞿曇。堅是地性。濕是水性。熱是
火性。動是風性。无所罣碍。是虛空性。
是五大性。非因緣。有若使世間有一
法性。非因緣。有。一切法性。亦應如是。
非因緣。有。若有一法。從於因緣。何因
緣。故五大之性。不從因緣。瞿曇。衆生
善身及不善身。獲得解脫。皆是自性。

不從因緣是故我說一切諸法自性
故有非因緣生

復次瞿曇世間之法有定用處譬如
工匠云如是木任作車轡如是任作
門戶床机亦如金師所可造作在額
上者名之為釵在頸下者名之為環
在臂上者名之為釧在指上者名之
為環用處定故名之為定性瞿曇一切
衆生亦復如是有五道性故有地獄
餓鬼畜生人天若如是者云何說言
從於因緣

復次瞿曇一切衆生其性各異是故
名為一切自性瞿曇如龜陸生自能
入水犢子生已能自飲乳魚見釣餌
自然吞食毒蛇生已自然食土如是
等事誰有教者如刺生已自然頭尖
飛鳥毛羽自然色別世間衆生亦復
如是是利有鈍有富有貧有好有醜
有得解脫有不得解脫是故當知一切
法中各有自性

復次瞿曇如瞿曇說貪欲瞋癡從因
緣生如是三毒因緣五塵是義不然
何以故衆生瞋時遠離五塵亦復生

於貪欲瞋癡在胎亦初出胎時未能分別五塵好醜亦復生於貪欲瞋癡諸仙賢聖處在寂處无有五塵亦能生於貪欲瞋癡亦復有人因於五塵生於不貪不瞋不癡是故不必從於因緣生一切法以自性故

復次瞿曇我見世人五根不具多饒財寶得大自在有根具足貧窮下賤不得自在為人僕使若有因緣何故如是是故諸法各有自性不由因緣瞿曇世間小兒亦復未能分別五塵或笑或啼笑時知喜啼時知愁是故當知一切諸法各有自性復次瞿曇世法有二一者有二者無有即虛空無即兔角如是一法一是有故不從因緣二是无故亦非因緣是故諸法有自性故不從因緣

佛言善男子如汝所言如五大性一切諸法亦應如是是義不然何以故善男子汝法中以五大是常何因緣故一切諸法悉不是常若世間物是无常者是五大性何因緣故不是无常若五大常世間之物亦應是常是故

汝說五大之性有自性故不從因緣
令一切法同五大者无有是處

善男子汝言用處定故有自性者是
義不然何以故皆從因緣得名字故
若從因得名亦從因得義云何名為
從因得名如在額上名之為髮在頸
名環在臂名釧在車名輪火在草木
名草木火善男子樹初生时无箭稍
性從因緣故工造為箭從因緣故工
造為稍是故不應說一切法有自性也
善男子汝言如龜陸生性自入水犢
子生已性能飲乳是義不然何以故
若言入水非因緣者俱非因緣何不
入火犢子生已性能喫乳不從因緣者
俱非因緣何不喫角善男子若言諸
法患有自性不須教習无有增長是
義不然何以故今見有教緣教增長
是故當知无有自性善男子若一切
法有自性者諸婆羅門一切不應為
清淨身殺羊祠祀若為身祠是故當
知無有自性善男子世間語法凡有
三種一者欲作二者作時三者作已
若一切法有自性者何故世中有是

三語有三語故故知一切無有自性
善男子若言諸法有自性者當知諸
法各有定性若有定性甘蔗一物何
緣作漿作蜜石蜜酒苦酒等若有一
性何緣乃出如是等味若一物中出
如是等當知諸法不得一定各有一
性善男子若一切法有定性者聖人
何故飲甘蔗漿石蜜黑蜜酒時不飲
後為苦酒復還得飲是故當知无有
定性若无定性云何不因因緣而有
善男子汝說一切法有自性者云何
說喻若有喻者當知諸法无有自性
若有自性當知無喻世間智者皆說
譬喻當知諸法无有自性無有一性
善男子汝言身為在先煩惱在先者是
義不然何以故若我當說身在先者
汝可難言汝亦同我身不在先何因
緣故而作是難善男子一切衆生身
及煩惱俱無先後一時而有雖一時
有要因煩惱而得有身終不因身有
煩惱也汝意若謂如人二眼一時而
得不相因待左不因右右不因左煩
惱及身亦如是者是義不然何以故

善男子世間眼見炷之與明雖復一時明要因炷終不因明而有炷也善男子汝意若謂身不在先故知無因是義不然何以故若以身先无因緣故名為无者汝不應說一切諸法皆有因緣若言不見故不說者今見瓶等從因緣出何故不說如瓶身先因緣亦復如是善男子若見不見一切諸法皆從因緣无有自性善男子若言一切法悉有自性无因緣者汝何因緣說於五大是五大性即是因緣善男子五大因緣雖復如是亦不應說諸法皆同五大因緣如世人說一切出家精勤持戒旃陀羅等亦應如是精勤持戒善男子汝言五大有定堅性我觀是性轉故不定善男子酥蠟胡膝於汝法中名之為地是地不定或同於水或同於地故不得說自性故堅善男子白鐵鉛錫銅鐵金銀於汝法中名之為火是火四性流時水性動時風性熱時火性堅時地性云何說言定名火性善男子水性名流若水凍時不名為地故名水者何

因緣故波動之時不名為風若動不
名風凍時亦應不名為水若是二義
從因緣者何故說言一切諸法不從
因緣善男子若言五根性能見聞覺
知觸故皆是自性不從因緣是義不
然何以故善男子自性之性性不可
轉若言眼性見者常應能見不應有
見有不見時是故當知從因緣見非
元因緣善男子汝言非因五塵生貪
解脫是義不然何以故善男子生貪
解脫雖復不同五塵因緣惡覺觀故
則生貪欲善覺觀故則得解脫善男
子內因緣故生貪解脫外因緣故則
能增長是故汝言一切諸法各有自
性不因五塵生貪解脫无有是處善
男子汝言具足諸根乏於財物不得
自在諸根殘缺多饒財寶得大自在
因此以明有自性故不從因緣者是
義不然何以故善男子衆生從業而
有果報如是果報則有三種一者現
報二者生報三者後報貧窮巨富根
具不具是業各異若有自性具諸根
者應饒財寶饒財寶者應具諸根今

則不尔是故定知無有自性皆從因緣如汝所言世間小兒未能分別五塵因緣亦啼亦笑是故一切有自性者是義不然何以故若自性者笑應常笑啼應常啼不應一笑一啼若一笑一啼當知一切悉從因緣是故不應說一切法有自性故不從因緣梵志言世尊若一切法從因緣有如是身者從何因緣佛言善男子是身因緣煩惱與業梵志言世尊如其是身從煩惱業是煩惱業可斷不耶佛言如是如是梵志復言世尊唯願為我分別解說令我聞已不移是處悉得斷之佛言善男子若知二邊中間無碍是人則能斷煩惱業世尊我已知解得正法眼佛言汝云何知世尊二邊即色及色解脫中間即是八正道也受想行識亦復如是佛言善哉善哉善男子善知二邊斷煩惱業世尊唯願聽我出家受戒佛言善來比丘即時斷除三界煩惱得阿羅漢果尔時復有一婆羅門名曰弘廣復作是言瞿曇知我今所念不佛言善男

子涅槃是常有為无常曲即邪見直
即聖道婆羅門言瞿曇何因緣故作
如是說善男子汝意每謂乞食是常
別請无常曲是戶鑰直是帝幢是故
我說涅槃是常有為无常曲謂邪見
直謂八正非如汝先所思惟也婆羅
門言瞿曇實知我心是八正道悲令
衆生得盡滅不

尔時世尊默然不答婆羅門言瞿曇
已知我心我今所問何故默然而不
見答時憍陳如即作是言大婆羅門
若有問世有邊无邊如來常尔默然
不答八聖是直涅槃是常若修八聖
即得滅盡若不修習則不能得大婆
羅門譬如大城其城四壁都无孔竅
唯有一門其守門者聰明有智能善
分別可放則放可遮則遮雖不能知
出入多少定知一切有入出者皆由
此門善男子如來亦尔城喻涅槃明
喻八正守門之人喻於如來善男子如
來今者雖不答汝盡與不盡其有盡
者要當修習是八正道婆羅門言善
哉善哉大德憍陳如如來善能說微

妙法我今實欲知城知道自作守門
憍陳如言善哉善哉汝婆羅門能發
無上廣大之心佛言止止憍陳如是
婆羅門非適今日發是心也憍陳如
乃往過去過无量劫有佛世尊名普
光明如來應供正遍知明行足善逝
世間解无上士調御丈夫天人師佛
世尊是人先已於彼佛所發阿耨多
羅三藐三菩提心此賢劫中當得作
佛久已通達了知法相為衆生故現
處外道示无所知以是因緣汝憍陳
如不應讚言善哉善哉汝今能發如
是大心

今時世尊知已即告憍陳如言阿難
比丘今為所在憍陳如言世尊阿難
比丘在婆羅林外去此大會十二由
旬而為六万四千億魔之所燒乱是
諸魔衆悉自變身為如來像或有宣
說一切諸法從因緣生或有說言一
切諸法不從因生或有說言一切因
緣皆是常法從緣生者悉是无常或
有說言五陰是實或說虛假入界亦
今或有說言有十二因緣或有說言

正有四緣或說諸法如幻如化如熱時焰或有說言因聞得法或有說言因思得法或有說言因修得法或復有說不淨觀法或復有說出息入息或復有說四念處觀或復有說三種觀義七種方便或復有說煖法頂法思法世間第一法學无學地菩薩初住乃至十住或有說空無相无作或復有說修多羅祇夜毗伽羅那伽陀憂陀那尼陀那阿波陀那伊帝目多伽闍陀伽毗佛略阿浮陀達摩優波提舍或說四念處四正勤四如意足五根五力七覺分八聖道或說內空外空內外空有為空无為空无始空性空遠離空散空自相空無相空陰空入空界空善空不善空无記空菩提空道空涅槃空行空得空第一義空空空大空或有示現神通變化身出水火或身上出水身下出火身下出水身上出火左脅在下右脅出水右脅在下左脅出水一脅震雷一脅降雨或有示現諸佛世界或復示現菩薩初生行至七步處在深宮受五

欲時初始出家修苦行時往菩提樹
坐三昧時壞魔軍衆轉法輪時示大
神通入涅槃時世尊阿難比丘見是
事已作是念言如是神變昔來未見
誰之所作將非世尊釋迦作耶欲起
欲語都不從意阿難比丘入魔胃故
復作是念諸佛所說各各不同我於
今者當受誰語世尊阿難今者極受
大苦雖念如來無能救者以是因緣
不來至此大衆之中今時文殊師利
菩薩摩訶薩白佛言世尊此大衆中
有諸菩薩已於一生發阿耨多羅三
藐三菩提心至无量生發菩提心已
能供養无量諸佛其心堅固具足修
行檀波羅蜜乃至般若波羅蜜成就
功德久已親近无量諸佛淨修梵行
得不退轉菩提之心得不退忍不退
轉持得如法忍首楞嚴等无量三昧
如是等輩聞大乘經終不生疑善能
分別宣說三寶同一性相常住不變
聞不思議不生驚怖聞種種空心不
怖懍了了通達一切法性能持一切
十二部經廣解其義亦能受持无量

諸佛十二部經何憂不能受持如是
大涅槃典何因緣故問憍陳如阿難
所在今時世尊告文殊師利諦聽諦
聽善男子我成佛已過二十年住王
舍城今時我告諸比丘言諸比丘今
此衆中誰能為我受持如來十二部
經供給左右所須之事亦使不失自
身善利時憍陳如在彼衆中來白我
言我能受持十二部經供給左右不
失所作自利益事我言憍陳如汝已
朽邁當須使人云何方欲為我給使
時舍利弗復作是言我能受持佛一
切語供給所須不失所作自利益事
我言舍利弗汝已朽邁當須使人云
何方欲為我給使乃至五百諸阿羅
漢皆亦如是佛悉不受今時目連在
大衆中作是思惟如來今者不受五
百比丘給使佛意為欲令誰作耶思
惟是已即便入定見如來心在阿難
許如日初出光照西壁見是事已即
從定起語憍陳如大德我觀如來欲
令阿難給事左右今時憍陳如與五
百阿羅漢往阿難所作如是言阿難

汝今當為如來給使請受是事阿難
言諸大德我實不堪給事如來何以
故如來尊重如師子王如龍如火我
今穢弱云何能辦諸比丘言阿難汝
受我語給事如來得大利益第二第
三亦復如是阿難言諸大德我亦不
求大利益事實不堪任奉給左右時
目犍連復作是言阿難汝今未知阿
難言大德唯願說之目犍連言如來
先日僧中求使五百羅漢皆求為之
如來不聽我即入定見如來意欲令
汝為汝今云何反更不受阿難聞已
合掌長跪作如是言諸大德若有是
事如來世尊與我三願當順僧命給
事左右目犍連言何等三願阿難言
一者如來設以故衣賜我聽我不受
二者如來設受檀越別請聽我不往
三者聽我出入无有時節如是三事
佛若聽者當順僧命奉給如來時憍
陳如五百比丘還來我所作如是言
我等已勸阿難比丘唯求三願若佛
聽者當順僧命文殊師利我於今時
讚阿難言善哉善哉阿難比丘具足

智慧預見譏嫌何以故當有人言汝為衣食奉給如來是故先求不受故衣不隨別請憍陳如阿難比丘具足智慧入出有時即不能得廣作利益四部之衆是故求欲出入無時憍陳如我為阿難開是三事隨其意願時目捷連還阿難所語阿難言吾已為汝啓請三事如來大慈皆已聽許阿難言大德若佛聽者請往給侍

文殊師利阿難事我二十餘年具足八種不可思議何等為八一者事我已來二十餘年初不隨我受別請食二者事我已來初不受我陳故衣服三者自事我來至我所時終不非時四者自事我來具足煩惱隨我入出諸王刹利豪貴大姓見諸女人及天龍女不生欲心五者自事我來持我所說十二部經一經於耳曾不再問如寫瓶水置之一瓶唯除一問善男子琉璃太子殺諸釋氏壞迦毗羅城阿難亦時心懷愁惱發聲大哭來至我所作如是言我與如來俱生此城同一釋種云何如來光顏如常我則

焦悴我時答言阿難我修空定故不
同汝過三年已還來問我世尊我往
於彼迦毗羅城曾聞如來修空三昧
是事虛實我言阿難如是如是如汝
所說六者自事我來雖未獲得知他
心智常知如來所入諸定七者自事
我來未得願智而能了知如是衆生
到如來所現在能得四沙門果有後
得者有得人身有得天身八者自事
我來如來所有秘密之言悉能了知
善男子阿難比丘具足如是八不思
議是故我稱阿難比丘為多聞藏善
男子阿難比丘具足八法能具足持
十二部經何等為八一者信根堅固
二者其心質直三者身无病苦四者
常勤精進五者具足念心六者心无
憍慢七者成就定慧八者具足從聞
生智文殊師利毗婆尸佛侍者弟子
名阿叔迦亦復具足如是八法尸棄
如來侍者弟子名耆摩迦羅毗舍浮
佛侍者弟子名優波扇陀迦羅鳩村
駄佛侍者弟子名曰跋提迦那含牟尼
佛侍者弟子名曰蘇垣迦葉佛侍者

弟子名葉婆蜜多皆亦具足如是八法我今阿難亦復如是具足八法是故我稱阿難比丘為多聞藏

善男子如汝所說此大衆中雖有无量無邊菩薩是諸菩薩皆有重任所謂大慈大悲如是慈悲之因緣故各各急務調伏眷屬莊嚴自身以是因緣我涅槃後不能宣通十二部經若有菩薩或時能說人不信受文殊師利阿難比丘是吾之弟給事我來二十餘年所可聞法具足受持喻如寫水置之一器是故我今顧問阿難為何所在欲令受持是涅槃經善男子我涅槃後阿難比丘所未聞者弘廣菩薩當能流布阿難所聞自能宣通文殊師利阿難比丘今在他處去此會外十二由延而為六万四千億魔之所惱乱汝可往彼發大聲言一切諸魔諦聽諦聽如來今說大施羅尼一切天龍乾闥婆阿修羅迦樓羅緊那羅摩睺羅伽人與非人山神樹神河神海神舍宅等神聞是持名无不恭敬受持之者是施羅尼十恒河沙

諸佛世尊所共宣說能轉女身自識
宿命若受五事一者梵行二者斷肉
三者斷酒四者斷辛五者樂在寂靜
受五事已至心信受讀誦書寫是陀
羅尼當知是人即得超越七十七億
弊惡之身今時世尊即便說之

阿摩隸 毗摩隸 涅槃隸 瞿伽隸 醯
摩羅若竭鞞 三曼多跋提隸 娑婆
羅他娑檀尼 婆羅磨他娑檀尼 磨
邨斯阿步提 毗羅氏 菴摩賴伍婆
嵐弥 婆嵐摩莎隸 富囉泥富囉邨
摩奴賴綈

今時文殊師利從佛受是陀羅尼已
至阿難所在魔衆中作如是言諸魔
眷屬諦聽我說所從佛受陀羅尼呪
魔王聞是陀羅尼已悉發阿耨多羅
三藐三菩提心捨於魔業即放阿難
文殊師利與阿難俱來至佛所阿難
見佛至心禮敬却住一面佛告阿難
是娑羅林外有一梵志名須跋陀其
年極老已百二十雖得五通未捨憍
慢獲得非想非非想定生一切智起
涅槃想汝可往彼語須跋言如來出

世如優曇花於今中夜當般涅槃若有所作可及時作莫於後日而生悔心阿難汝之所說彼定信受何以故汝曾往昔五百世中作須跋陀子其人愛心習猶未盡以是因緣信受汝語今時阿難受佛勅已往須跋陀所作如是言仁者當知如來出世如優曇花於今中夜當般涅槃欲有所作可及時作莫於後日生悔心也須跋言善哉阿難我今當往至如來所今時阿難與須跋陀還至佛所

時須跋陀到已問訊作如是言瞿曇我今欲問隨我意答佛言須跋今正是時隨汝所問我當方便隨汝意答瞿曇有諸沙門婆羅門等作如是言一切衆生受苦樂報皆隨往日本業因緣是故若有持戒精進受身心苦能壞本業本業既盡衆苦盡滅衆苦盡滅即得涅槃是義云何佛言善男子若有沙門婆羅門等作是說者我為憐愍常當往來如是人所既至彼已我當問之仁者實作如是說不彼若見答我如是說何以故瞿曇我見衆

生習行諸惡多饒財寶身得自在又見修善貧窮多乏不得自在又見有人多役力用求不能得又見不求自然得之又見有人慈心不殺又更中夫又見意殺終保年壽又見有人淨修梵行精勤持戒有得解脫有不得者是故我說一切衆生受苦樂報皆由往日本業因緣須臾我復當問仁者實見過去業不若有是業為多少耶現在苦行能破多少耶能知是業已盡不盡耶是業既盡一切盡耶彼若見答我實不知我便當為彼人引喻譬如有人身被毒箭其家眷屬為請醫師令拔是箭既拔箭已身得安隱其後十年是人猶憶了了分明是醫為我拔出毒箭以藥塗拊令我得老安隱受樂仁既不知過去本業云何能知現在苦行定能破壞過去業耶彼若復言瞿曇汝今亦有過去本業何故獨責我過去業瞿曇經中亦作是說若見有人豪貴自在當知是人先世好施如是不名過去業耶我復答言仁者如是知者名為比知不

名真知我佛法中或有從因知果或有從果知因我佛法中有過去業有現在業汝則不尔唯有過去業无現在業汝法不從方便斷業我法不尔從方便斷汝業盡已則得苦盡我即不尔煩惱盡已業苦則盡是故我今責汝過去業被人若言瞿曇我實不知從師受之師作是說我實无咎我言仁者汝師是誰彼若見答是富蘭鄰我復言曰汝昔何不一一諮啟大師實知過去業不汝師若言我不知者汝復云何受是師語若言我知復應問言下苦因緣受中上苦不中苦因緣受下上苦不上苦因緣受中下苦不若言不者復應問言云何說苦樂之報唯過去業非現在耶復應問言是現在苦過去有不若過去有過去之業悉已都盡若都盡者云何復受今日之身若過去無唯現在有云何復言衆生苦樂皆過去業仁者若知現在苦行能壞過去業現在苦行復以何破如其不破苦即是常苦若是常云何說言得苦解脫若更有

行壞苦行者過去已盡云何有苦仁者如是苦行能令樂業受苦果不復令苦業受樂果不能令無苦无樂業作不受果不能令現報作生報不能令生報作現報不令是二報作无報不能令定報作无報不能令無報作定報不彼若復言瞿曇不能我復當言仁者如其不能何因緣故受是苦行仁者當知定有過去業現在因緣是故我言因煩惱生業因業受報仁者當知一切衆生有過去業有現在因衆生雖有過去壽業要賴現在飲食因緣仁者若說衆生受苦受樂定由過去本業因緣是事不然何以故仁者譬如有人為王除怨以是因緣多得財寶因是財寶受現在樂如是之人現作樂因現受樂報譬如有人殺王愛子以是因緣喪失身命如是之人現作苦因現受苦報仁者一切衆生現在因於四大時節土地人民受苦受樂是故我說一切衆生不必盡因過去本業受苦樂也仁者若以斷業因緣力故得解脫者一切聖人

不得解脫何以故一切衆生過去本業无始終故是故我說修聖道時是道能遮无始終業仁者若受苦行便得道者一切畜生悉應得道是故先當調伏其心不調伏身以是因緣我經中說斫伐此林莫斫伐樹何以故從林生怖不從樹生欲調伏身先當調心心喻於林身喻於樹須跋陀言世尊我已先調伏心佛言善男子汝今云何能先調心須跋陀言世尊我先思惟欲是无常無樂無淨觀色即是常樂清淨作是觀已欲界結斷獲得色處是故名為先調伏心次復觀色色是无常如癰如瘡如毒如箭見無色常清淨寂靜如是觀已色界結盡得無色處是故名為先調伏心次復觀想即是無常癰瘡毒箭如是觀已獲得非想非非想處是非想非非想處即一切智寂靜清淨無有墮墜常恒不變是故我能調伏其心佛言善男子汝云何能調伏心耶汝今所得非想非非想定猶名為想涅槃无想汝云何言獲得涅槃善男子汝已先

能呵責麤想今者云何受著細想不知呵責如是非想非非想處故名爲想如癰如瘡如毒如箭善男子汝師鬱頭藍弗利根聰明尚不能斷如是非想非非想處受於惡身況其餘者世尊云何能斷一切諸有佛言善男子若觀實相是人能斷一切諸有須跋陀言世尊云何名爲實相善男子無相之相名爲實相世尊云何名爲无相之相善男子一切法无自相他相及自他相无无因相无作相无受相无作者相无受者相无法非法相无男女相无士夫相无微塵相无時節相无爲自相無爲他相無爲自他相無有相無无相無生相无生者相无因相無因因相无果相無果果相無晝夜相无明闇相無見相無見者相无聞相無聞者相无覺知相無覺知者相无菩提相無得菩提者相无業相無業主相无煩惱相無煩惱主相善男子如是等相隨所滅處名真實相善男子一切諸法皆是虛假隨其滅處是名爲實是名實相是名法

不名畢竟智名第一義諦名第一

空善男子是相法界畢竟智第一義
諦第一義空下智觀故得聲聞菩提
中智觀故得緣覺菩提上智觀故得
無上菩提說是法時十千菩薩得一
生寶相萬五千菩薩得二生法界二
萬五千菩薩得畢竟智三萬五千菩
薩悟第一義諦是第一義諦亦名第
一義空亦名首楞嚴三昧四萬五千
菩薩得虛空三昧是虛空三昧亦名
廣大三昧亦名智印三昧五萬五千
菩薩得不退忍是不退忍亦名如法
忍亦名如法界六萬五千菩薩得陀
羅尼是陀羅尼亦名大念心亦名无
尋智七萬五千菩薩得師子吼三昧
是師子吼三昧亦名金剛三昧亦名
五智印三昧八萬五千菩薩得平等
三昧是平等三昧亦名大慈大悲无
量恒河沙等衆生發阿耨多羅三藐
三菩提心無量恒河沙等衆生發緣
覺心无量恒河沙等衆生發聲聞心
人女天女二萬億人現轉女身得身
子身須跋陀羅得阿羅漢果

法華經卷第四十

三藏高麗國大藏都監奉

造

佛說大般涅槃經卷第一

三

東晉平陽沙門法顯譯

序品第一

如是我聞一時佛在拘夷城力士生地毘連河側堅固林雙樹間與八百億比丘前後圍繞二月十五日臨般涅槃時諸衆生各各悅樂自計清淨無疑厭想忽自覺悟今日如來應供等正覺哀愍世間覆護世間為世間歸等觀衆生如視一子恬淡寂滅大牟尼尊告諸衆生今當滅度諸有疑難皆應來問為最後問如是覺已各懷憂感尔時世尊從其面門放種種光青黃赤白頗梨紅色明耀殊特普照三千大千世界乃至十方一切佛土六趣衆生其蒙光者罪垢諸惱皆悉除滅咸皆悲慟淚下如雨更相謂言恠哉仁者世間虛空恠哉仁者衆生福盡恠哉仁者苦法增長如來不久當般涅槃一何駛哉世間虛空一何駛哉世間眼滅我等當共疾往詣佛禮拜供養勸請世尊不般涅槃住壽

一切若過一切若佛泥洹誰為我等親
善慈導誰為我等殺諸厄難是故仁等
有所不了當詣如來諮決所疑今時大
地六種震動時八百億比丘皆阿羅漢
心得自在所作已辦離諸煩惱降伏諸
根譬如大龍成就空慧逮得已利如
栴檀林以為眷屬功德具足為佛真
子其名曰尊者迦旃延尊者薄拘羅
尊者優波難陀等是諸比丘晨用揚
枝漂漱清淨時有妙光來照其身如
日初出照青樹葉赤脉悉現此諸比
丘亦復如是舉身支節一切毛孔血
流如雨心大苦痛哀愍安樂諸衆生
故欲發大乘方便密教故教化因緣
故疾漂漱訖來詣佛所稽首礼足繞
百千匝恭敬問評於一面住復有二
十五億比丘皆阿羅漢心得自在
所作已辦離諸煩惱降伏諸根譬如
大龍成就空慧逮得已利其名曰拘
隣女須跋陀羅比丘尼優婆塞難陀比
丘尼海智比丘尼等如日初出照青
樹葉赤脉悉現此諸比丘尼亦復如
是舉身支節一切毛孔血流如雨心

大苦痛哀愍安樂諸衆生故欲發大
乘方便密教故教化因緣故來詣佛
所稽首礼足繞百千匝恭敬問評於
一面住復有諸比丘居皆是菩薩人
中雄猛得十地行教化因緣故現為
女身遊四無量能現為佛種種變化
復有一恒河沙菩薩摩訶薩人中雄
猛一切功德皆已具足以方便身深
樂大乘正向大乘飢虛大乘貪求大
乘渴仰大乘善能隨順一切世間未
度者度未脫者脫於無數劫修習淨
戒度脫衆生於無數劫修習淨戒安
慰衆生於無數劫修習淨戒興隆三
寶於無數劫脩習淨戒轉正法輪於
無數劫修習淨戒成大莊嚴於無數
劫修習淨戒行處堅固如是等無量
功德皆悉成就等觀衆生如視一子其
名曰海德菩薩無盡智菩薩等如日
初出照青樹葉赤脉悉現此諸菩薩
亦復如是舉身支節一切毛孔血流
如雨心大苦痛愍念安樂諸衆生故
欲發大乘方便密教故教化因緣故
來詣佛所稽首礼足繞百千匝恭敬

問評於一面住復有二恒河沙五戒
優婆塞深樂一切諸對治法苦樂常
無常我非我空非空依無依衆生非
衆生恒非恒吉非吉有為無為泥洹
非泥洹深樂如是對治之法欲聞妙
義闡揚大法於無數劫淨修梵行而
無毀失欲行大乘為人廣說修習淨
戒欲學堅固大乘欲學隨順世間欲
學度脫世間欲學興隆三寶欲學轉
法輪欲學大莊嚴如是無量功德具
足等觀衆生如視一子其名曰光無垢
穢王優婆塞善德優婆塞如是等二恒
河沙優婆塞於晨朝時為供養如來故
人人各作五千栴檀床帳沉水床帳衆
寶床帳天香床帳鬱金香華床帳等
其諸床帳悉以牛頭栴檀香薰莊嚴
種種奇妙七寶校飾金繩羅網以覆
其上青色青光黃色黃光赤色赤光
白色白光紅色紅光頗梨色頗梨光
如意珠色如意珠光以如是等雜色
莊嚴殊勝希有周匝障幙皆以七寶
羅網羅覆其上周迴四面懸衆寶幡
種種雜香以塗其上金鏤織成以為

垂帶其實帳內種種異色莊嚴如上
七寶織成以為茵蓐柔軟香薰以敷
其內一一床帳各載以寶車其車嚴
好七寶莊嚴前後皆有寶幢幡蓋一
一幡蓋皆以七寶羅網青黃赤白七
寶莊嚴及四種華優鉢鉢羅鉢曇摩拘
牟頭分陀利亦以七寶校飾如前結
衆雜寶以為華鬘鮮好白氎面畫如
來本生之像表現菩薩從初發意至
于成佛中間受身種種苦行無不記
列俠道兩邊作衆伎樂其諸樂器皆
用七寶其音和雅皆出無常苦空之
音咸言恠哉世間虛空悲號泣淚聲
振天地為供養故各賣名華細末雜
香又辦種種上味之食用山澗水然
以香薪令食細軟香味具足又於堅
固林內外掃灑布七寶沙香薰寶衣
以覆其上周迴敷置三十二行師子
之座皆以七寶莊嚴雕文刻鏤五色
晃曜衆妙雜香用薰其座七寶茵
蓐以敷其上衆事辦已而作是念一
切衆生有所須欲我悉施與衣服飲
食財物珍寶國城妻子頭目髓腦血

肉肌體貧富貴賤隨其所湏各令充足
唯除色欲毒藥及害生等不淨之
施是諸優婆塞發菩薩心而作是念
我等持是床帳寶車衆物供具施佛
及僧是為最後供養大施各作是念
佛及大衆受我供已今日如來當般
泥洹作是念已其心悲亂辟如日出
照青樹葉赤脉悉現諸優婆塞亦復
如是舉身毛孔血流如雨身心毒痛
悲泣流淚又於堅固林側施大帳幔
七寶莊校高廣嚴好上際虛空於其
帳內立七寶舍饌具畢已來詣佛所
稽首佛足幢蓋供養遍滿虛空燒香
散華猶如雲雨咸皆悲慕哀動天地
撫臆號叫淚下如雨更相謂言往哉
仁者世間虛空一何駛哉世間眼滅
頭面著地同聲請佛願佛及僧哀愍
我等與諸大衆俱受我請受我請已
當般泥洹令我等飯佛大衆得最後
施福世尊知時默然不受如是三請
佛亦默然時諸優婆塞一切望絕愁
憂苦惱猶如慈父唯有一子卒病命
終送殯而還愁憂苦惱諸優婆塞愁

憂苦惱亦復如是作禮而起於一面
住復有三恒河沙優婆夷皆持五戒
功德具足現為女像化度衆生呵責
己身猶如四地八万户虫侵食其體
是身臭穢貪欲所惑譬如死尸無一
可樂是身不淨九孔常漏血肉筋骨
共相依假以為偽城手足支節以為
却敵爪齒耳目以為窰孔幻偽心法
以為窰障放逸調慢以為樓觀惡賊
意王居其城内貪利蕩逸馳騁六境
如此賊城諸佛所棄愚夫所樂貪欲
瞋恚愚癡羅刹依止其中如伊蘭叢
林無可愛樂聚沫芭蕉無有堅固電
光野馬呼聲之響水月幻化如海濤
波駛流立草湏臾不住丘塚叢林穢
惡充滿狐狼鵲鷲烏鴉餓狗諸惡虫
輦競止其中如此穢身安可堪處若
以一毛滯大海水尚可知數此毒樹
身四百四病無量衆穢不可稱計如
世尊說譬喻天下草木斬以為籌大
地土石末為微塵猶可知數此身不
淨無量雜惡其數過是是身暴害滅
諸善法是等優婆夷能捨此身猶如

棄唾習行空行無相无住深樂大乘
常為人說其名曰耆婆尸利優婆夷
勝鬴優婆夷毗舍佉優婆夷等於晨
朝時光明照已即覺斯瑞便各疾辦
衆供養具倍勝於前來詣佛所頭面
著地請佛及僧世尊不受愁憂苦惱
在一面住復有四恒河沙諸離車童
子在毗舍離城內并外來者及閼浮
提邊國諸王大臣俱樂正法導修戒
行衆德成就伏諸異學及亂法者普
能惠施無畏之法為衆演說無盡法
藏志能修習諸佛所說甘露妙法摧
伏衆魔外道邪論自持律行令持戒
僧得力安隱自持律行樂聽大乘為
人廣說普慈愍傷一切衆生德皆如
上其名曰淨離垢藏離車童子常快
淨離車童子恒水離垢淨離車童子
等是諸離車各辦八十四億栴檀牀
帳沉水牀帳鬱金牀帳栢木牀帳毘
樓香木牀帳亦各八十四億雕文刻
鏤七寶莊嚴五色光耀嚴飾如前各
辦八万四千寶馬八万四千大鳥王
八万四千四馬寶車患以神珠明寶

絞絡莊飾端嚴殊妙行如疾風又辦
八万四千明月神珠晝夜常明幢蓋
幡華大寶帳幔白疊畫像次第如前
其寶華蓋廣一由旬彩畫細疊以為
畫像三十二由旬其幔高顯各百由
旬其幡各長一千由旬七寶莊校嚴
飾如前其飯香氣薰一由旬敷置床
座於堅固林供具悉備來詣佛所稽
首請佛頭面礼訖於一面住復有閻
浮提內大長者五恒河沙深樂正法
法者深樂大乘其名日月光王菴蔔
華首長者法首長者如是等長者子
及長者女五恒河沙於晨朝時承佛
威神辦眾供具倍復勝前來詣佛所
稽首請佛頭面礼足於一面住復有毗
舍離王內外眷屬及閻浮提主大小城
邑聚落野人君主除阿闍世其餘諸王
月離垢藏王日離垢王等六恒河沙
各將一百八十万億眷屬皆悉勇健
力如龍鳥行如疾風深樂正法淳修
戒行眾德成就伏諸異學及乱法者
所作供具轉倍勝前來詣佛所稽首

請佛頭面礼足於一面住復有閻浮提主大小諸王夫人嫫女七恒河沙除阿闍世王夫人嫫女皆厭患女身修行空行深樂大乘廣為人說所修功德志如前說諸優婆夷其名曰三界妙夫人念德夫人等所作供具倍復勝前於晨朝時來詣佛所稽首請佛頭面礼足於一面住

復有八恒河沙諸天衆俱普明天子等皆樂大乘廣為人說修行淨戒渴仰大乘諸衆生類樂大乘者以大乘法斷其渴仰修行淨戒貪樂大乘堅固大乘覺悟大乘於大乘法不起嫉憍伏諸異學及乱法者護持正法修行淨戒隨順世間未度者度未脫者脫欲轉法輪欲興隆三寶永使不絕欲建大莊嚴如是等无量功德皆悉具足等慈衆生猶如一子是諸天等於晨朝時光明照已覺斯瑞相咸作是念如來不久當般涅槃來詣佛所見衆供具各相謂言汝等觀彼人間供養莊嚴殊特與天無異供養如來為最後供種種飯食供佛及僧取後

大施而今世尊悉皆不受諸仁者我等今日亦當為佛及僧并諸眷屬為軍後施成大施度如來及僧并諸眷屬哀受我等軍後供施當般泥洹佛世難值軍後施度倍復甚難恠哉仁者世間虛空一何駛哉世間眼滅是諸天衆咸作是念我等亦當供養如來即辦供具倍勝人間床帳車乘幢幡華蓋面像幔帳悉以天香天繒天寶莊嚴校飾供具辦已來詣佛所稽首禮足繞百千匝恭敬問訊於一面往復有九恒河沙諸龍王從四方來其名曰和修吉龍王難頭優鉢難陀龍王等衆德具足哀愍世間於晨朝時光明照已各作是念如來不久當般泥洹辦衆供具倍勝人天來詣佛所稽首請佛繞百千匝於一面往復有十恒河沙諸鬼神王毗沙門等一切鬼王所作供養悉皆如前來詣佛所稽首請佛繞百千匝於一面往復有二十恒河沙伽留羅王龍怨伽留羅王等三十恒河沙捷闍婆王那羅達捷闍婆王等四十恒河沙緊那羅王

快見緊鄰羅王等五十恒河沙摩睺
羅伽王大快見摩睺羅伽王等六十
恒河沙阿修羅王遊空阿修羅王等
七十恒河沙陀鄰婆王法水離垢勝
王等八十恒河沙羅刹王廣怖畏羅
刹王等九十恒河沙藥林主王樂香
藥林主王等千恒河沙持呪王大幻
持呪王等一億恒河沙欲色衆善現
欲色等百億恒河沙天女衆藍婆天
女等千億恒河沙負多王宿君垣負
多王等百千億恒河沙天子四天王
等百千億恒河沙風神王一億恒河
沙樂雲雨神王一切世間寂靜雲雨
王是諸王等於晨朝時光明照已覺
斯瑞相各作是念如來不久當般泥
洹雨衆供具倍勝人天來詣佛所稽
首請佛繞百千匝於一面住復有二
十恒河沙香爲王金色紺眼爲王等
是諸爲王隨其力能於雪山中取衆
香藥草及諸名華優鉢鉢羅鉢曇摩拘
牟頭分陀利華等大如車輪及山川
水陸所生諸華以用莊嚴牀帳供具
悲鳴號吼聲震天地一何駛哉世間

虛空一何駛哉世間眼滅來詣佛所
頭面礼足於一面住復有三恒河沙
師子王大震吼師子王等皆於衆生
普施無畏及諸鳥王迦蘭陀鳥迦陵
頻伽鳥王等所作供養悉如鳥王復
有諸牛羊王詣堅固林出好香乳一
切坑池乳皆流溢復有諸蜜蜂王皆
以香蜜盈滿其中如是等比數如恒
河沙悉詣佛所頭面礼足於一面住
復有万恒河沙五通神仙與四天下
一切衆仙俱忍辱仙人等作種種神
力所作供養悉倍勝前來詣佛所以
賤布地稽首佛足於一面住尔時十
六大國比丘比丘尼唯除尊者大迦
葉尊者阿難二衆餘者悉集滿一由
旬悉皆如前比丘比丘尼衆於晨朝
時來詣佛所稽首佛足繞百千匝於
一面住復有万恒河沙諸小山神王
大山神王世界中間諸鬼神神王須弥
山神王食諸樹葉華果種種生類皆
有神力放大光明來詣佛所稽首礼
足於一面住復有百千万恒河沙八
大河大海大地諸神天子大小諸王

皆有神力放大光明蔽於日月於堅
固林出甘露水滿漚連河微流清徹
處處皆作七寶階道令諸會衆飲之
無厭尔時力士生地北面南向有自
然善法重閣講堂文飾刻畫七寶莊
嚴五色光耀清泉浴池華果園林亦
自化成譬如忉利天歡喜之園甚可
愛樂其諸天人阿修羅悉覩如來泥
洹之相咸皆悲感愁憂歎息復有一
億阿僧祇四天王諸天子皆悉來會
各相謂言汝等觀此天人阿修羅為
最後供養如來故作此勝妙殊特供
具種種飲食佛與大衆受彼施已當
般泥洹我等亦當辦衆供具倍勝於
彼皆用天華天香天食曼陀羅華摩
訶曼陀羅華迦拘羅花摩訶迦拘羅
華曼珠沙花摩訶曼珠沙花散多那
華摩訶散多那華如是等種種天花
及諸天香以成供具來詣佛所稽首
請佛於一面住釋提桓因與阿僧祇
三十三天衆所作供養乃至第六天
王與諸眷屬所作供養轉倍勝前除
四無色及色有無想天其餘諸天亦

辦供具轉倍勝前。今時娑婆世界主
梵天王與諸梵天子。无量眷屬各放
身光遍四天下。欲界人天身諸光明
皆蔽不現。普雨天衣及天名華。供辦
天食。一一天幢。天幡。天蓋。從堅固林
上至梵天。辦衆具已。來詣佛所。稽首
請佛於一面住。復有毗摩質多羅阿
修羅王。與無量阿修羅眷屬。俱放身
光明。遍四天下。釋提桓因及諸梵王
身諸光明。皆蔽不現。亦辦飯食及衆
供具。其諸寶蓋。悉皆彌覆。小千世界
辦衆供已。來詣佛所。稽首請佛於一面
住。今時天魔波旬。與無量魔天女衆
俱。即以神力。普開一切諸地獄門。隨
彼地獄衆生。有所願樂。皆給濟之。又
復普告地獄衆生。言汝等當念如來
應供等正覺。作軍後隨喜。此是汝等
力所堪能。修行福利。當令汝等長獲
安樂。永得解脫。地獄楚毒。以如來威
神。故令魔波旬。心轉調伏。與眷屬俱
皆悉。莊嚴兵仗。刀劍弓箭。金鍔鉞斧
羅索。長鈎。闔戟。衆具。地獄衆生長夜
瘧。冥遠離正法。受諸苦痛。城郭門戶。

盛火熾然興雲大雨令火悉滅。今時地獄衆生離苦獲安。離苦獲安已。一諸魔與其眷屬。辦衆供具。倍勝於前。來詣佛所。稽首請佛。唯願世尊哀受我供。受我供已。其有善男子善女人。稱摩訶衍名者。若真若偽。我等皆當為是人等作無畏之護。而說是咒。佉趺吒羅佉趺。曾樓麗摩訶。曾樓麗阿邏摩。邏多羅。悉波呵。

是咒能令諸乱心者得深妙定。是咒能令諸恐怖者離諸恐怖。是咒能令為法師者辯才无斷。是咒能令降伏外道。諸有能護正法者。為是咒所護。如佩神劍。我此咒術。所說誠諦。其有人能持此咒者。若在曠野凶害毒歟。水火難等。若持若說。衆難悉除。如龜藏六。我等今日皆悉以離諸魔。諂曲。惟願世尊哀受我供。願并印可。所說神呪。今時世尊即告魔言。我不受汝飯食供養。為安隱一切衆生故。今當受汝神呪。法施如是。三請世尊亦三默然不受。時魔波旬及魔天女稽首。佛足於一面住。復有大自然在。天王與

無量大力諸天子俱放大光明遍照三千大千世界梵釋諸天乃至阿修羅眾身諸光明悉蔽不現辦眾供具倍勝於前華蓋光明遍照三千大千世界百億日月悉如聚墨光明不現大般泥洹經大身菩薩品第二

東方去此無數阿僧祇恒河沙佛土微塵佛刹有世界名意樂美音佛号虚空等如来應供等正覺在世教授告第一聲聞菩薩名曰大身善男子西方有世界名曰娑婆佛号釋迦牟尼如来應供等正覺臨當滅度持此國土滿鉢香飯香徹三千大千世界并以我心現彼大眾彼如来受我飯已當般泥洹又持眾寶牀帳供具獻彼如来汝等并自請决所疑是時大身菩薩稽首佛足右繞訖合掌受教與無數阿僧祇菩薩摩訶薩俱來向此娑婆世界尔時三千大千世界地普大動時會大眾釋梵四天王魔王阿修羅及大力諸天見此地動舉身毛豎各自見身光明不現悉如聚墨尔時大眾一切驚起文殊師利童子

告諸釋梵護世魔王諸天王言汝等勿怖汝等勿怖東方去此無數阿僧祇恒河沙國土微塵佛刹有世界名意樂美音佛号虛空等如來應供等正覺告第一聲聞菩薩汝行詣娑婆世界有佛号釋迦牟尼如來應供等正覺臨當滅度供飯彼佛及比丘僧汝等并自請決所疑即時大身菩薩稽首佛足右繞訖合掌受教與無央數阿僧祇菩薩摩訶薩俱來詣此娑婆世界放身光明故令汝等光明志蔽不現彼虛空等如來應供等正覺供養世尊故遣菩薩來汝等皆當一心隨喜時釋梵天王及諸大衆即復歎曰何其恠哉世間虛空如來不久當般泥洹一何駛哉世間眼滅皆悉舉聲哀號悲哭時彼大身菩薩摩訶薩與無量阿僧祇諸菩薩俱從意樂美音佛土各各遍身放大光明來詣娑婆世界其大身菩薩舉身毛孔光明化為无量雜種蓮華一一華上各有七百八十萬城高廣嚴好其城七重城各七寶閭浮檀金以為却敵其

却敵上列植寶樹其樹悉生衆寶蓮
果皆以金繩連綿樹間以七寶網重
羅樹外微風吹動作五音聲其音和
雅猶如天樂人民安隱快樂自在其
城外有七寶池周匝圍繞八功德水
湛然充滿不冷不熱微流清淨皆生四
種七寶蓮華大如車輪青黃赤白五
色光耀乘七寶船遊戲其中又其城
內亦有浴池四種蓮華大如車輪五
色嚴好其池四邊以黃金白銀琉璃
頗梨面各一寶牙相映發玫瑰為底
布以金沙二浴池各有十八黃金
梯陛種種雜寶校飾莊嚴梯陛中間
皆以閻浮檀金為芭蕉樹列植道側
天優鉢羅鉢曇摩拘牟頭分陀利華
大如車輪遍覆池上異類衆鳥遊戲
其中其浴池上悉有種種天香華樹四
方風吹遍散池上其水香淨如天梅
檀其城內外有八万四千大王一一
諸王各有無量夫人婁女五欲自娛
人民舍宅各四由旬垣牆七重悉皆
七寶亦各自有園觀浴池五欲快樂
隨意遊居无有適主其地柔軟散五

色華薰以天香又復彼處無有聲聞緣覺之名淳一大乘一一華上皆有大王處師子座寶机承足衆寶帳幔彌覆其上以大乘法化度衆生其諸衆生志在華上聽受大乘書持誦念如說修行大身菩薩毛孔光明神通變化其餘菩薩亦復如是時諸衆生無有欲樂但有憂惱悲泣隨路漸漸行詣拘夷大城各相謂言汝等觀此天人供養殊特之事諸來菩薩亦辦供具衆味飯食鮮潔香美无可為喻大身菩薩與諸眷屬從身毛孔出寶蓮華所賣飯食供佛及僧其飯香氣普薰三千大千世界衆生聞者一切煩惱皆悉除滅蓮華寶帳幢幡華蓋一切供具無可為喻從其本國來向此土乘虛而至猶若高臺一切衆生無不悉見大身菩薩及諸眷屬設衆供養倍過諸天唯除如來光明梵釋諸天光蔽不現彼諸菩薩其身毛孔皆雨蓮華其花香薰普遍三千大千世界諸聞香者罪垢消除發菩提心大身菩薩身大无量遍滿虛空白捨

如來餘無能測稽首奉獻飯食衆供
於一面住南方世界諸來菩薩其身
毛孔出寶蓮華如閻浮提從蓮華上
起七寶城倍勝東方西方世界諸來
菩薩毛孔蓮花如四天下城等衆具
轉倍勝前北方世界諸來菩薩毛孔
蓮華如小千世界城郭浴池亦倍勝
前乃至十方世界无量阿僧祇諸來
菩薩皆如大身菩薩身滿虛空毛孔
蓮華猶如三千大千世界雨種種花
及衆供具自捨如來其身光明悉蔽
衆會稽首奉獻於一面住今時堅固
林側為大吉祥地周迴敷座三十二
行其處狹小而諸菩薩身大無量諸
天世人皆悉雲集而不迫迮有座如
鍼鋒處者有座如毛端處者有座如
豪鉋處者有座如微塵處者隨身大
小各得安立而不苦患乃至十方微
塵數世界六種大動神通變化現希
有相各各隨力設供如前時閻浮提
唯除尊者大迦葉眷屬尊者阿難眷
屬阿闍世王眷屬其餘衆生元不來
會今時起地毒螫諸惡虫類魔鬼羅

刹雜咒蠱道皆生慈心不相侵害如
視一子唯除一闍提輩今時佛威神
故此三千大千世界地皆柔軟无有
丘墟沙礫荆棘毒草衆寶莊嚴猶如
西方極樂國土時會天人阿修羅衆
盡見十方微塵數世界其中所有志
在目前如觀鏡像今時如來從其面
門出種種光明耀殊特諸來會者其
身光明皆蔽不現一切衆生稽首勸
請所應作已還從口入時諸天人阿修
羅等即大恐怖身毛皆豎各相謂言
如來光明遍照十方無量世界所應
作已還從口入更無餘事必是寂後
泥洹之相天人奉獻皆悉不受何其
恠哉四功德牙一旦廢捨聖慧日光
從今永滅慈悲寶船於斯沉沒嗚呼
痛哉衆生望絕悲號啼哭血淚如雨
譬如大雲普雨世界時諸大衆啼哭
流淚亦復如是

大般泥洹經長者純陀品第三

今時會中有拘夷城長者名曰純陀
與五百長者子俱威儀庠序觀察衆
會皆已來集更整衣服為佛作礼心

懷憂感如日初出照青樹葉赤脉志
現時彼長者亦復如是舉身血出淚
下如雨繞百千匝合掌白佛唯願世
尊與諸大衆哀受我等寂後供養當
令我及一切衆生悉蒙解脫譬如田
家貧子仲春之節耕田下種仰怖天
雨今我如是身口意患煩惱衆垢始
蒙少習獸離之想唯願世尊當惠法
雨與諸大衆哀受我請枯旱之田得
蒙慈澤今時世尊一切種智知一切
時告薄陀言如來應供等正覺與諸
大衆當受汝請寂後供養時諸天人
阿修羅聞如來應供等正覺受長者
純陀寂後供養一切大衆內懷歡喜
異口同聲歎未曾有善哉善哉純陀
長者德願滿足甚奇純陀生人道中
難得之利汝今已得如優曇鉢華世
間希有佛出於世難值於此信心難
得聞法亦難佛臨涅槃寂後供養復
難於彼又復純陀譬如春月十五日
夜純淨圓滿无諸雲翳一切衆生莫
不瞻仰汝亦如是如來應供等正覺
與諸大衆受汝寂後檀波羅蜜善哉

純陀是故說汝如月盛滿一切衆生
無不瞻仰奇哉純陀為佛真子雖生
人道今皆謂汝為天中天是故我等
當稽首礼咸共舉聲而讚頌曰

雖生人道中 天相悉具足 我及一切衆
今當稽首請 今若哀許者 當宣微心願
若欲度衆生 唯應速勸請 今日天中天
人中調御士 圓應神通眼 无量功德相
為衆生哀請 捨涅槃方便 天中天住世
廣說甘露法 久遠生死苦 從是獲安隱
尔時純陀長者歡喜踊躍猶如有人
卒喪父母憂悲頓至臨送墓所忽然
還活瞻奉悲喜倍增敬情純陀長者
及諸眷屬歡喜踊躍亦復如是五體
投地叉手合掌以偈頌曰

快哉我今得大利 人中妙果悉已獲
快哉我今得大利 永開涅槃趣門
快哉我今得大利 生世得值无上果
猶如沙中求妙寶 忽遇金剛大歡喜
快哉我今得善離 在在處處畜生惑
快哉我今得大利 憂憂針華堅固信
快哉我今得善離 餓鬼慳貪飢渴苦
快哉我今得大利 難得施度到彼岸

從今永閑諸惡趣

阿修羅王究竟離

快哉我今得大利

如來出世甚難遇

憂曇鉢華今得值

亦如芥子投針鋒

快哉我今得善離

四天大王計常想

快哉我今得大利

法王大寶今悉見

乃至欲天十生處

諦了分明不染著

快哉我今得大利

世雄難遇今奉覲

猶如芥子投針鋒

值佛甚難復過是

盡三界源二十五

針鋒為喻亦復然

快哉我今得大利

值遇如來願滿足

摧滅一切諸凶惡

无量癡冥無知賊

快哉我今得大利

生值難垢蓮華尊

快哉我今永得離

弥淪濤波生死海

快哉生世值如來

如海盲龜遇浮木

快哉我今永得離

生死大海盲龜惑

快哉我今得大利

世未曾有無倫匹

天人哀請悉不受

難請之寶我今得

快哉我今得大利

天人修羅所尊奉

快哉今得現法果

大仙受我最後請

快哉我今得大利

與諸天人俱勸請

捨彼天人上妙饌

哀愍受我鹿澀供

快哉我今得大利

天人獻供願不果

我供鹿澀如伊蘭

如來大慈哀愍受

諸天人民阿修羅 愁憂號泣稽首請
如來大悲普慈愍 等視衆生如一子
假令不受衆飯供 願哀天人不滅度
彼諸天人無餘求 唯願如來永住世
猶如須弥處大海 踰金剛輪安不動
山水映發端嚴好 如來如是嚴大會
法王威光曜四衆 猶如重雲舉世間
日光顯出除衆冥 今諸天人亦如是
久遠憂悲癡冥闇 唯願如來久住世
聖慧日光志除滅 願長住世大智尊
願長住世大雄士 令我等心離憂怖
猶若須弥安不動

尔時世尊告純陀曰如是純陀佛興
於世甚難得值猶如海沙一金剛粟
人身難得又復過是具足信心亦復
甚難猶如盲龜值浮木孔得遇如來
臨般泥洹取後所供檀波羅蜜復難
於彼如優曇鉢華時一現耳汝今純
陀莫生憂惱應大歡喜所以者何當
作是念今日如來與諸大衆受我取
後大施供養以是善利故應歡喜汝
今純陀勿請如來長住此世當觀世
間皆悉無常一切衆行性亦如是尔

時世尊即為純陀而說偈言

正使久在世 終歸會當滅 雖生長壽天
命亦要之盡 事成皆當敗 有者悉磨滅
壯為老所壞 強者病所困 人生皆有死
无常安可久 無色无強力 亦無有壽命
妻子及為馬 錢財悉復然 世間諸親戚
眷屬皆別離 三界大恐怖 乃至惡道苦
斯等悉歸滅 安可不厭患 有有生老相
所謂慙耻法 計常所侵欺 而謂為長存
清涼殊勝法 遠離於恐怖 亦得離生老
病死之大患 乱心愚癡垢 此等謂皆度
无量無有餘 妙勝之寂滅 其義實无常
亦非蔭護法 但是界苦聚 虛偽非堅固
無堪无所忍 亦非可常保 斯等如塗虫
結網而自纏 輪迴三界中 无一可樂處
唯有生老苦 病死之大患 知義者能見
壽命日夜流 衰滅欺誑法 恐怖无暫歡
疾病憂悲惱 諸非義盈滿 欲火輪熾然
衆難競來集 智者永不住 受斯大苦痛
曉了五欲患 是非功德利 離欲無所貪
明了見真實 是為解脫觀 捨除諸生者
呵責言結怨 究竟棄諸有

從此疾離一切數 猶如新盡盛火滅

妙色湛然常安隱 不為衰老所減磨
無量疾苦不逼迫 壽命長存无終極
無邊苦海悉已度 不隨時節劫數遷
快哉如來超三界 生死輪迴不復惑
汝莫觀我永滅度 猶如須弥踰大海
純陀我今當泥沮 平等正法永安樂
諸明智者聞斯義 諦了分明不憂惑
莫以生死危脆身 微淺智慧測量佛
我身真實處安隱 唯是天尊能諦了
尔時純陀白佛言善哉善哉世尊我
等凡劣得知如來泥沮不可思議世
尊我今便得與彼大人諸菩薩衆及
諸羅漢等无有異如文殊師利童子
及阿羅漢此等衆中若有最初受戒
即受戒曰得在僧數我今凡劣亦復
如是蒙佛威神得同斯等大賢衆數
唯然世尊願使如來長存於世不願泥
沮如焦敗種文殊師利語純陀言莫
作是願所以者何當作是觀有為行
法性自如是如是觀者空慧具足欲
求正法當作是覺純陀答曰文殊師
利夫如來者是人中尊為天中天名
為應供豈是行耶若是行者為生滅

法譬如水泡速起速滅往來流轉猶如車輪若使如來是行數者終不得出人天之上非天中天亦非應供復次文殊師利汝豈不聞有天長壽而今如來不滿百歲云何生死之法稱人天上為天中天名曰應供文殊師利譬如有人作聚落主隨其功勳漸漸遷轉得為高位衆人所敬財力自在受福既盡還為貧賤人不齒錄若使如來是行數者亦復如是非人中上非天中天亦非應供轉為下劣所以者何起滅法故是故文殊師利莫作是觀如來應供等正覺是行數也復次文殊師利為知而說為不知而說如何妄想而謂如來是行數耶若如來是行數者不名三界自在法王所以者何譬如王勇猛多力一人當千時人号名千力士王以能降伏千力士故如來應供等正覺亦復如是降伏煩惱魔陰魔死魔自在天魔如是諸魔力士憍慢患伏是故如來應供等正覺得為三界自在法王若使如來是死法者无實功德如千力

士王也是故文殊師利汝莫於如來起行如妄想復次文殊師利譬如巨富長者唯生一子相師占子有短壽相父母聞之心大愁感我等薄相居門不言生短壽子不復愛重所以者何夫天人婆羅門中有短壽者斯等同輩自不受敬以短壽故如是文殊師利若當如來同世人壽者亦如世人不為父母之所愛敬如來應供等正覺是行數者亦復不為人天阿修羅之所愛敬現見轉變故所以者何同一切法退敗知見而為衆生說解脫教如是義者何名正覺是故文殊師利莫於如來起行數妄想也復次文殊師利如貧女人無有居止加復疾病遊行乞食止他客舍寄生一子其客舍主驅遣令出抱兒隨道向豐樂國於路困乏蚊虻毒虫啖食其身經由恒水抱子而渡水流漂急不放其子遂至沒溺母子俱死由是慈心救子功德身壞命終生淨妙天所以者何以不惜命救護子故文殊師利菩薩如是欲護正法者不於如來而

造行觀造行觀者當知是人盲無慧
眼於世尊所應正觀察不可思議當
知如來非有為法以是現化安樂界
生彼貧女人救護其子不惜身命故
生淨妙天護法菩薩亦復如是能知
如來非有為法是長存法是久住法
因此護法得現法果速成解脫復次
文殊師利譬如丈夫遠行寄止他舍
疲極而卧大火卒起焚燒此家驚覺
見火燒逼其身欲出火難衣服燒盡
自愧裸身不出火宅遂至燒死以慙
愧功德故身壞命終八十千返為三
十三天王復百千返為梵天王來生
人中常為轉輪聖王不墮惡趣永處
安樂因慙愧故如是文殊師利當知
如來是方便行應如彼丈夫慙愧而
死寧同外道翫習邪見不為持戒比
丘於無為如來作有為想知而妄語
若於如來作有為想者當知是人阿
鼻地獄常為室宅是故莫於如來作
有為數能於如來作無為想者從是
得度智慧大海不為死尸之所迷惑
是為甚深智度成就以此智果疾逮

如來具足相好

大般泥洹經卷第一

第三十張

三

尔時文殊師利謂純陀言善哉善男子應如是知如來常住無為非變易法汝善男子有是智者亦能如佛隱覆有為方便示現汝今不久當成佛道如此勝妙奇特功德唯佛世尊乃能歎說復次純陀應時施及法施出於一切衆施之上應時施者若比丘比丘尼優婆塞優婆夷若遠行來若在道路隨其力能疾應所須是檀波羅蜜種子生大果報純陀汝今隨其力能為佛及僧施軍後供宜知是時世尊滅度垂至純陀荅曰文殊師利何煩催此垢穢食為如來寧當待此食耶如來六年在道樹下難行苦行日食麻米猶自支持況今須臾豈不能耶汝謂如來食此食乎如來法身非穢食身尔時世尊告文殊師利純陀所說真實說也又語純陀汝成大智明解大乘文殊師利謂純陀言汝今便為稱可如來為佛所念純陀荅言如來豈偏念耶一切衆生悉平等念汝莫作此顛倒想說念可念首

是二志無當作是行夫愛念者譬如乳牛雖復飢渴行求水草若足未足忽念其子便疾還歸諸佛世尊无此苦念視一切衆生皆如一子是智慧念諸佛境界又文殊師利譬如爲馬寶車遲速不同如是我等九部之衆不能等問如來智慧又文殊師利譬如金翅鳥王陵虛而飛經由大海影現水中其身長大水性之類莫能測量其形大小如嬰兒病不堪大藥文殊師利言如純陀所說然我爲諸菩薩故於甚深功德而立此論今時世尊從其面門復放種種色光文殊師利童子見此光明知如來泥洹時至便告長者純陀言汝爲如來臨般泥洹施寂後供其時已到宜應速設純陀當知如來不以無事而放光明其義有以宜速宜速莫令失時如過採之華長者純陀默然而住佛告純陀如來須臾泥洹汝供養僧今正是時如是再三純陀悵悵舉聲歎曰何其恠哉世間虛空如來長逝悲號流淚而復啓請願哀久住世尊告曰純陀汝

莫啼哭自亂其心當正思惟修野馬
觀芭蕉夢幻電光坏器等無有堅實
當知有為為災患宅純陀白佛如來
不哀住世世間虛空我等焉得而不
啼哭佛言純陀今我哀汝及一切衆
生而般泥洹諸佛法亦有為之法性
亦復然汝於一切諸有為行當思我
昔說無常偈苦偈空偈非我之偈我
說此身為災患偈如水上泡生滅之
偈莫但憂悲如凡人法純陀白佛如
是世尊誠知如來方便泥洹我故悲
惱不能自持佛告純陀善哉善哉善
男子應知如來方便泥洹當知佛經
如涉大海長壽非長壽起法滅法幻
法方便法時非時性非性如是等盡
應知純陀汝欲疾度三有海者可速
設供諸天人阿修羅所貴供具今當
得為取後供養令一切衆生從我得
不動快樂汝及餘人值良福田汝於
如來等正覺所設檀波羅蜜不留難
者亦當自成如來福田
時純陀長者欲度一切衆生故低頭
泣淚猶如雨下譬如日出照青樹葉

赤脉悉現純陀長者亦復如是血淚俱下而白佛言唯然世尊今當從教然如來涅槃甚深之義非我凡細所能測量亦非聲聞緣覺所知唯佛世尊智慧境界

尔時純陀與諸眷屬為度一切衆生故稽首佛足右繞畢燒香散華供養世尊并復供養文殊師利以供辦飯故還歸其家

大般涅槃經卷第一

癸卯歲高麗國大藏都監奉
勅彫造

大般涅槃經卷第二

東晉平陽沙門法顯譯

哀歎品第四

是時普地六種震動其中聚落城邑
山海乃至十方皆悉大動時諸衆生
各大恐怖天人阿修羅衆聲悲歎稽
首礼足供養畢咸皆同時以偈頌曰
稽首人中雄 哀我今孤露 投身尊足下
眷仰妙功德 聽我說生死 種種无量苦
諸天人聞者 莫不生厭離 譬如孤梵子
困病自嬰身 雖遇良醫治 其疾猶未老
而醫忽中道 捨之適他方 我等及一切
窮苦亦如是 始蒙方便治 衆邪煩惱見
世尊大醫王 忽當捨我去 便如窮病子
失醫无所怙 嗚呼此世間 從今永虛空
亦如國荒亂 復失賢明主 哀哉諸天人
皆當羅刹鬼 猶如穀貴劫 民遭飢饉苦
哀哉諸天人 永失甘露味 譬如盛火起
衆生皆燒死 哀哉諸天人 惡道永熾然
哀哉諸天人 長夜受大苦 輪轉生死流
如象溺深塗 哀哉今天人 血流從身出
憂悲增苦惱 戀慕心如是 世尊猶滅度

行業難復測 日月隱重雲 慧光從此滅
哀哉天人衆 長夜處幽冥 是故懷憂苦
非物所能喻 視身无可樂 欲捨如棄唾
不欲常在世 聞佛泥洹聲 唯願大智尊
住世說甘露 雲除日光顯 重冥皆悉滅
如來慧日光 永消生死障

尔時世尊告諸比丘汝等比丘莫如
凡夫諸天人輩愁憂啼哭當勤精進
奉持如來所說實法專念守行時諸
天人阿修羅等聞佛為諸比丘說法已
願請塋斷忍割悲戀譬如孝子慈母
新喪祖送丘墓長訣而還哀感懊惱
強自抑止於是世尊而說偈言

汝等當開意 諸佛法應尔 各各還復坐
諦聽我所說 攝心莫放逸 守持於淨戒
定諸乱意想 善自護其心

復次諸比丘若有疑惑今皆當問若
空不空常無常歸无歸依無依恒无
恒衆生非衆生實不實諦不諦泥洹
非泥洹密不密二法不二法如是等
種種法中諸有疑惑今皆應問當為
汝等隨順說之當為汝等開不死門
然後滅度是故汝今現心所疑各各

當問所以者何。儻興難值。人身難得。得信亦難。離八難處。及持戒具。足此復益難。猶恒沙求金粟。亦如優曇華。復次比丘。百穀藥木。及諸珍寶。皆從地出。一切衆生。依得生長。如來如是出生。妙善諸甘露法。衆生因此長養。法身是故。比丘。當問所疑。如來悉為說。決定義。然後泥洹安樂。一切諸衆生。故時諸比丘。聞如來決定泥洹已。心懷悲怖。身毛皆豎。如日初出。照青樹葉。赤脉悉現。其身如是。舉體支節。血淚交流。稽首佛足。右繞畢。白佛言。善哉。世尊。快說非常苦空之教。如一切衆生。跡象跡為上。如是世尊。說无常想。於諸想中。最為第一。精勤修習。能離一切欲界。貪愛。色愛。有愛。无明。憍慢。從此永滅。又復世尊。譬如田夫。於秋月時。草實未熟。深耕其地。春殖五穀。草穢不生。行者如是。深念無常。想精勤修習。能離一切欲界。貪愛。色愛。有愛。无明。憍慢。永不復生。夫田家子。以秋耕為上。世尊法中。以无常想為第一。又如帝王。知命將終。恩赦天

下獄囚閉繫患蒙解脫然後命終今日世尊亦復如是臨欲滅度說甘露法惠利衆生貪愛牢獄皆患解脫然後淚洟如人為惡鬼所持遭遇呪師便得解脫如是衆生為貪愛羅刹所持幸蒙如來聖慧大呪得脫衆邪恩愛羅刹如人瘡病遇良醫藥苦患悉除我等亦然无量身病邪見煩惱得世尊法藥皆蒙除愈如人醉酒不識親疎尊卑長幼尋後醒悟心懷慙愧深自剋責我等如是於无邊生死山醉於情欲迷于邪見始蒙醒悟猶如蘆草及伊蘭樹无有堅實此身如是我人壽命等无有堅固佛告比丘汝等如是修無我想耶諸比丘荅曰唯然世尊我等常修无我想餘人亦修無常苦空非我之想世尊如人言日月星宿山地轉此非為轉但衆生眩惑謂之為轉如是人言無常苦空非我當知此等衆生亦是世俗眩惑我等所修是平等修佛告比丘如汝說喻此譬喻中說味說義汝猶未解我當更說如人言日月山地轉此非為轉但眩惑謂之為轉如

是衆生愚癡顛倒計我計常計樂計
淨然彼佛者是我義法身是常義泥
洎_泥是樂義假名諸法是淨義汝等比
丘莫眩惑想而言我於一切法修無
常苦空不淨想也比丘白佛言世尊
我等亦修三種修淨佛告比丘此三
種修於我法中亦元實義間間苦修
性昇降故苦樂想顛倒樂苦想顛倒
元常常想顛倒常無常想顛倒非我
我想顛倒我非我想顛倒不淨淨想
顛倒淨不淨想顛倒如是四顛倒想
者不識平等於此所修非為正修苦
不苦修無常常修非我我修不淨淨
修此四種修是世間樂常我淨離世間
亦有四種樂常我淨汝等當知名味
者世間法義者出世間法時諸比丘
白佛言世尊我當云何如世尊教修
三想見四顛倒者唯願如來住世一
劫若過一劫如世尊教我當修行若當
如來不住世者我等何能久與毒地
山其窟宅永遠如來誰當住世任持
正法當隨如來入於泥洎佛告比丘
莫作是語莫作是語比丘當知如來

正法付大迦葉大迦葉者當為汝等
作歸依處亦普救護一切衆生如佛
無異比丘當知譬如大王與領諸國若
欲遊行餘國要立一大臣兼知國事如
王在時我亦如是於此世界尋當安
立摩訶迦葉但汝等比丘先所修習
元常苦空非我想者非真實修譬如
春月諸商人輩至歡會時遊戲水邊
衆中一人有失瑠璃墮深水底時諸
商人各各入水為求寶故或得瓦石
沉木謂為是寶歡喜持出乃知非真
彼瑠璃珠故在水中光色徹照明踰
日月衆人見光知是名寶歎其奇特
各欲求取時有一人巧智方便取得
真實如是比丘汝於一切苦空元常
不淨作盡想受言我修習猶如彼人
手執非寶而自欺誑汝等比丘莫如
彼人空自欺誑當如商人有黠慧者
比丘當知有我有常有樂有淨汝等
所修一切攝受皆是顛倒如彼不識
瑠璃寶珠汝等比丘修真實法如得
寶珠於不真實法修元常想諸比丘
言如世尊說一切諸法皆悉無我當

如是修如是修時我想即滅我想滅已正向涅槃此有何義唯願世尊哀故更說佛言善哉善哉諸比丘汝等欲除吾我惑者應如是問譬如有王閻鉢少智時有藥師亦不明了欺誑天下受王奉祿唯知乳藥復不善解而常以此療治國人又復不知風痰涎唾病之所宜而閻鉢王謂為上醫時有明醫曉八種術從遠方來語舊醫言汝為我師我為弟子當從汝學舊醫言善哉當教汝不死藥法汝當勤學四十八年令汝盡知無上醫術便將後醫出入王宮是閻鉢王亦相愛樂彼後醫便白王言大王應當學諸技藝王大歡喜便從受學智慧漸增乃知舊醫無智欺誑令出國加敬後醫彼後醫知時已至復白王言欲有所請當隨我意王荅言今醫言大王先醫乳藥毒害危險不復可服應捨此法王即從教普下國內自今已後服乳藥者當重罰之今時後醫以五種藥甘酢鹹苦辛等五味用療一切時王得病請醫治之醫觀王病應用乳藥

便白王言唯有乳藥能令不死王語
醫言汝今狂耶先言是毒令我駁彼
而今復言應服乳藥後醫答言不也
大王此言有意譬如板木有虫食跡
似王名字不善書者謂是真字其善
書者乃知非真先醫如是雖合乳藥
不知分別時節所應當知乳藥有能
殺人亦不殺人不殺人者養乳牛時
放在曠野无毒草處擇水而飲不加
杖捶出入以時搆彼乳時泡沫不起
當知此乳救一切病為不死藥王言
大善便服乳藥時國人民聞王服乳
皆悉驚怖來詣王所咸言此師將非
鬼耶先言殺人今令大王還服乳藥
時王即為人民廣說乳之昇降王及
人民增加恭敬供養後醫奉用其法
常服乳藥比丘當知如來應供等正
覺明行足善逝世間解無上士調御
丈夫天人師佛世尊為大醫王出興
於世為壞外道邪醫術故與衆生王
漸相習近知愛樂已便教令捨外道
邪受而語之言无有吾我衆生壽命
似彼虫食為書諸異道輩受吾我故

而言无我一切衆生承如來言展轉
相教皆說無我此是如來知時方便
濟衆生故說一切法其性无我非如
世間所受吾我故說一切法其性無
我時復說我如彼良醫明乳藥法當
知我者是實我者常住非變易法非
磨滅法我者是德我者自在如善乳
藥醫如來亦然為諸衆生說真實法
一切四衆當如是學今時世尊復告
比丘於諸法律若有疑惑當問如來
諸比丘言唯然世尊我等已脩諸修
之上解知身相皆悉空寂佛告比丘
汝等莫如一切智說而言我修一切
身相皆悉空寂復告比丘汝於法律
猶有疑惑應當更問諸比丘言世尊
如來應供等正覺平等之義非我境
界豈敢重問諸佛所說不可思議諸
佛所行不可思議是故我等及諸衆
會皆悉不堪重問如來世尊辟如有
人年百二十身嬰長疾委在床蓐有
一丈夫无有智慧財富無量來詣其
所就彼床上執病人手而語之言善
男子汝當取我珍寶庫藏我欲餘行

遠至他國或經十年或二十年我後還時悉當歸我時彼病人无有子息又無眷屬病轉增篤遂便命終所寄財物皆悉散失財主後還欲往求索不知所在如是世尊告我等言於諸法律若有所疑今皆當問若使聲聞問如來者恐此正法不得久住又復不知何者應問能令一切衆生咸蒙其慶是故世尊我等今者不堪重問如有士夫相師占之年百二十眷屬成就財富无量復有人來語士夫言我有財寶今以寄汝汝當為我出入息利或經十年或二十年還悉歸我彼時士夫即取財物為其生利主後來索悉皆還之如是世尊尊者阿難諸聲聞等護持如來所說法藏欲令長存无有是處所以者何以聲聞乘故唯諸菩薩摩訶薩迦葉等應令詔受百千万劫堪任奉持如來法藏一切衆生悉當蒙慶是故世尊當令菩薩為衆生故請決所疑非是我等凡品所堪今時世尊告諸比丘善哉善哉汝等比丘得无漏法成阿羅漢故

能作此真實之說深解我意有二因緣當令菩薩任持正法能使大乘法藏久住又使一切衆生悉蒙其慶

大般涅槃經長壽品第五

爾時世尊普告大會諸善男子善女人於三法中及諸律教有所疑者今皆應問如是至三爾時座中有鄒羅聚落菩薩姓迦葉氏婆羅門種承佛威神從坐起整衣服偏袒右肩稽首佛足遶百千匝右膝著地以天香花供養畢白佛言世尊欲有所問唯願世尊慈愍敷演佛告迦葉菩薩摩訶薩言如來應供等正覺恣汝所問當為汝說迦葉菩薩白佛言世尊我所問者皆承如來威神力故亦因一切衆生善根故今日如來四大賢衆以為眷屬諸大師子以為眷屬諸金剛士以為眷屬妙智大海以為眷屬其會菩薩皆悉成就無量功德如是等衆以為眷屬我等凡劣欲有所問不蒙如來神力加助不能發問是故我今敢有所問當知皆是如來神力即於佛前以偈問曰

何因得長壽 金剛不壞身 云何受持此
契經甚深義 菩薩化衆生 說法有幾種
何等人能堪 名為真實依 雖非阿羅漢
量與羅漢等 天魔如來說 云何能分別
云何知平等 四聖真諦義 及四顛倒相
苦空非我行 云何見菩薩 如來難見性
云何得具足 曉了半字義 云何善化現
如鴈鶴舍利 云何得智慧 如日月宿王
云何為菩薩 願哀決定說
如此諸法門 无量甚深義 我等所應知
故能發斯問 豈敢問如來 諸佛之境界
佛告迦葉善哉善哉善男子 漸階如
來一切種智乃能問斯甚深經義一
一方面阿僧祇恒沙諸佛從本已來
自於世界坐道樹下成等正覺其數
無量本為菩薩得菩提道次第開覺
皆悉因問如來深法藏故汝等今日
亦復如是能以一切種智境界而問
於我安樂一切衆生迦葉菩薩白佛
言世尊我不堪任請問世尊一切種
智境界譬如蚊蚋不能飛過虛空大
海彼岸亦復不能悉飲海水我亦如
是不堪世尊虛空大海甚深智慧而

得无畏世尊又如大王髻中明珠其
守藏者增加守護如護其頂我亦如
是今問如來甚深正法如來廣說決
其疑網佛告迦葉善男子我今當說
長壽之業菩薩摩訶薩行此業者為
等覺因汝等諦聽善思念之聽彼行
本廣為人說因生等覺善男子我亦
因行彼業廣為人說故得阿耨多羅
三藐三菩提譬如大王其子犯罪閉
在牢獄為其子故普赦諸囚以救其
子如是菩薩修長壽業一切衆生如
一子想於諸衆生大慈大悲大喜大
捨受持淨戒不害衆生立一切衆生
於五戒十善業跡隨其力能濟諸地
獄餓鬼畜生為斷一切惡趣業緣未
脫者脫未度者度志念堅強成方便
智因此業行得依果報果長壽无極
成大妙智無畏自在菩薩如是永離
死法迦葉菩薩白佛言如世尊說善
薩摩訶薩等視衆生猶如一子此有
何義若言菩薩摩訶薩等視衆生如
一子者無有是處所以者何於佛法
中或有犯戒作五逆罪誹謗正法於

是衆生皆當修習一子想耶世尊告
曰如是迦葉我視一切衆生如羅睺
羅迦葉白佛若當介者云何一時月
十五日布薩大會衆僧清淨有一末
受具足戒者盜入聽律時金剛力士
瞻佛神旨持金剛杵碎令如塵云何
一切等視如子佛告迦葉莫作是語
彼童子者是化作耳欲明正法犯罪
應棄以肅將來令懷盜心者及一闍
提輩惡心潛伏如王大臣執犯法者
隨罪治之佛亦如有壞法人以理
懲罰令犯惡者自見罪報如來常以
自身光明安慰衆生不忍不害雖有
衆生不蒙光明而至死者如來於彼
不捨大悲復次迦葉汝等若能善解
如來微密義者今當更說譬如迦葉
他方有諸比丘持戒清淨道德淳一
威儀具足彼方如來已般涅槃諸比
丘衆无任持者以彼衆僧無大師故
无道之人惱諸比丘時有國王好樂
佛法害彼惡人或逐出國以逐彼惡
人安立正法故獲福無量所以者何
罰其重過立大法故又如人家生諸

毒樹應速翦滅如是法中犯戒亂法
如害主奴皆應逐出若不逐出當知
是輩去我法遠若逐出者是我弟子
迦葉菩薩白佛言以是義故不等衆
生同一子也塗割等觀此言乖矣若
言如來治壞法人何有此義佛告迦
葉如王大臣長者居士生子端正聰
明黠慧舉世无雙衆所愛重父將其
子往詣師門學諸技藝白彼師言我
雖生此子福德端正未學技藝為我
教學必令成就若不如法勤加杖策
我有四子皆就君學正使三子由杖
而死餘有一子故當告治要令成就
我猶不恨佛告迦葉於意云何父母
及師苦教其子乃至失命父母及師
犯殺罪耶迦葉白佛不也世尊愛念
子故欲令成就雖加杖楚无憎害意
其福無量无有殺罪如是善男子如
來亦然其有壞法犯戒之人等視如
子慈愍教誡欲令成就壞法犯戒應
當苦治无有過也是故當知菩薩摩
訶薩等視衆生如一子想修習如是
平等三昧心不懷害是為菩薩長壽

之業智慧自在迦葉菩薩白佛言一切衆生如一子想菩薩摩訶薩修行此想得長壽耶佛言如是迦葉菩薩復白佛言唯願世尊勿說此義如戲兒法兩種語也世尊辟如戲兒於大會中歎說種種供養父母自還其家反逆不孝惱亂二親不報恩養世尊亦復如是言菩薩摩訶薩視一切衆生如一子想緣是功德便得長壽智慧自在常住不死而今世尊同人間壽得无世尊無數劫中常於一切衆生懷刀劍想耶惟哉世尊受斯短壽害衆生果同其世人百歲壽命尚非菩薩況復如來佛告迦葉莫於如來應供等正覺前發斯麤言汝善男子當知如來長壽無量當知如來是常住法當知如來非變易法當知如來非磨滅法迦葉菩薩白佛言云何得知如來長壽佛告迦葉如閻浮提八大河及諸泉流悉歸于海无有盡極當知大海泉流之器如來亦然諸天世人一切壽命皆歸如來壽命大海以是義故當知如來其壽无量又復迦葉辟

如虛空常住不變如來常住亦復如是亦如醍醐清涼之藥能除熱惱如來應供等正覺常以清涼醍醐法藥廣為衆生除諸患難是故如來常住清涼元諸患惱迦葉菩薩白佛言世尊若當如來長壽無量又欲安樂一切衆生者今日世尊應當住世一切若過一切以清涼法水普雨衆生唯願世尊哀愍住世佛告迦葉莫於如來作盡滅想若比丘比丘尼優婆塞優婆夷及諸外道尚有五德能住壽一切若過一切經行虛空坐卧自在左脅出火右脅出水從身出烟能令自身大而无極細入無間有此五德便得如是自在神力豈況如來成就一切無量功德而力不能住世一切若過一切是故當知如來常住非變易法非磨滅法當知此身非穢食身於此世界應化之身如毒藥樹今當捨之是故迦葉當知如來法身常住非變易法非磨滅法廣為人說迦葉菩薩白佛言世尊世間者出世間者有何等異佛言如來常住世人亦言

常住我迦葉種說先師梵天其神有
常周遊往來若如來常住者世間法
離世間法未見其異佛告迦葉譬如
長者有一乳牛付牧牛者令其養飼
別放曠野无毒草處不與羣牛共繫
一廐愛護飼養欲得好酥以給眷屬
如是不久其人命終彼牧牛者尋後
復死時有野人遊行澤中得此乳牛
便搗其乳以自給活欲作酪酥不知
法用盛以弊器冷暖不適竟不成酪
亦不得酥復壞乳味壞乳凝濁謂是
酪酥作酪酥想而取食之衆生愚癡
亦復如是正法淳澤深廣妙義佛既
滅度如牛主死彼諸衆生在生死曠
澤如彼野人以世俗智於佛正法淳
澤律儀作顛倒想言有衆生我人壽
命此是解脫此是常生是諸衆生邪
惑所覆不識解脫不識常住習諸異
見不得出要遠離真諦律儀行處不
知如來是常住法如愚野人不得牛
乳五種時味自謂食酥而實不得五
種味中一種味也但著世俗梵天造
化言是常是衆生是解脫因求梵天

修少梵行離邪姪故孝養父母故少
得生天自然樂食如彼野人食其壞
乳善男子世俗梵行供養父母不知
三歸當知此果非有常也供養父母
不邪姪等可得如佛所化无常糠糲
世俗法耳唯有如來常住不滅是故
善男子當作方便離諸狐疑勤思如
來是常住法復次善男子是時野人
畜彼乳牛會遇轉輪聖王出興于世
轉輪王法應有乳牛王德力故令彼
野人捨牛餘行牛自然往轉輪聖王
主藏臣所主寶藏臣知此乳牛必出
五時精味之乳定是聖王福德感應
佛為法王出世之時亦復如是如彼
乳牛世間所受常法音聲遷為如來
常法之音凡俗野人摧伏破散捨牛
而去常法乳牛之音便往如來弟子
寶巨前住衆生福力故令常法乳牛
出常香乳是故善男子當知如來常
法非變易法世間凡愚所不能了皆
因如來常住音聲故得知耳彼諸世
間應作是念夫常法音即是如來常
法音也從此音聲當知如來无數無

量如是善男子善女人若持如來常住二字歷劫修習是等衆生不久當成等正覺道如我無異汝善男子慎勿放逸常修二字堅固受持今日如來當般涅槃此是一切諸佛定法迦葉菩薩白佛言世尊何等為法法有何義願聞定法其性云何佛告迦葉汝今欲聞法性耶迦葉白佛願聞廣說佛告迦葉法性者捨身迦葉白佛捨身者增疑論佛告迦葉莫作是觀謂如來捨身更受身也迦葉白佛不問受身佛告迦葉莫作是說諸法斷也復次迦葉如非想天彼無色陰其諸衆主云何住云何死云何現彼諸心想云何迴轉是佛境界汝應當問亦應當問我更受身若人問汝彼元想衆生形想住處受樂云何以何答乎但非聲聞緣覺菩薩境界所及唯是如來境界行處又善男子如來身者方之於彼倍復難知非諸聲聞緣覺菩薩境界所及如來為何處住云何現如來不可思議方便身非汝境界善男子汝於我所但作是念如來常

住法僧亦然山三事者非无常江常
住不變清涼真實離諸惱患者不介
者彼善男子善女人清淨三歸志不
成就應如是修不可思議常住之法
善男子譬如有此樹者必有此影若
无彼樹亦無彼影若不見樹而言見
影無有是處如是既有如来必為一
切常作大樹覆護衆生為衆生依若
使如来是无常者不名應供為諸天
人作最上依迦葉白佛言云何世尊
夜闇冥中樹影現耶佛言有影既有
其樹云何無影但非肉眼所能見耳
是故當知既有如来則為常住非變
易法非磨滅法如彼樹影闇冥之中
肉眼不見佛涅槃日常住不變肉眼
不見亦復如是而彼妄想於如来所
作无常念若善男子汝等父母及所
尊重於佛法僧作非常想者悉於三
歸皆不清淨汝今當以三法常住而
勸教之令於三法得成菩薩三歸之
名迦葉白佛唯然世尊我從今日始
當以佛法僧三法常住啓悟父母乃
至七世皆令奉持常住之法奇哉世

尊三法常住我當受學廣為人說若
彼不受此真妙教當知是等無常惑
者然我當日日三時為說令其親近
佛言善哉善哉善男子護持正法應
當如是亦常修習不害慈心彼不害
果便得菩薩長壽無極智慧自在
大般涅槃經金剛身品第六

尔時世尊復告迦葉善男子如來身
者是常住身是不壞身是金剛身非
穢食身是則法身當作是觀迦葉菩
薩白佛言世尊非我凡品所能觀也
所以者何若當如來般涅槃者便是
破壞身塵土身穢食身若當如來永
不泥洹應當隨順修平等觀佛告迦
葉善男子莫謂我身與世人同危脆
破壞長夜劫數輪轉生死如來身者
是不壞身非世人身亦非天身非穢
食身是非身身亦不生亦不滅不集
起不流轉无邊際無足非智非行本
性清淨無所有无所受無來去不住
不動不味不觸無識无思無等无上
非趣趣永斷非斷法非事非實非
覺非想非始造非終成非建立非盈

滿非方處非舍宅非止息非寂靜廣
淨離諸煩惱非取非染著非諍離諍
常住非住故不伏不死非法非非法非
田非非田非可盡非比丘非非比丘
離名字離讚歎離言說離修習離思
願非和合非不和合非量非非量非
到非不到非通非尋非相離相相相
莊嚴非持非有離有能為福田實不
可見不可示如如真實度一切眾生
而无所度脫一切眾生而无所脫淨一
切眾生而無所淨覆一切眾生而无
所覆教授眾生而無有二无等無等
等无量等虛空等无處等無生等无
所有等無等離等寂滅非斷行不轉
轉究竟一切攝受斷甚深妙現不二
教不捨自性非成非長非短非陰非
界非入非有為相非无為處非長養
不高不下非藏積非非藏積非地非
非地如是無量不可思議功德為如
來身无有知者無有見者无有說者
無有論者非世間所攝受非因非无
因一切妄想取相言涅槃无以為比
如是無量功德成就名如來身如是

迦葉如來身相者非聲聞辟支佛所知如是成就如來身者是為法身非穢食身云何當有若病若惱若壞如坏器耶隨受化者現老病死如來法身金剛難壞迦葉汝從今日當作是知如來身者非穢食身廣為人說從妙因生則為法身為金剛身為淳厚身當作是知常住法也迦葉菩薩白佛言世尊如來功德具足如是云何當有若病若死我從今日當觀如來法身常住非變易法善勝寂滅為人廣說唯然世尊如來法身金剛不壞而未能知所因云何佛告迦葉護持正法功德為因迦葉白佛云何護法佛告迦葉其護法者非為五戒亦非習行賢者律儀於惡世中不惜身命執持利器防護法師諸持戒者是為護法迦葉白佛比丘與彼持器仗人共俱行止將无非比丘耶佛言不也迦葉菩薩復白佛言此則剃頭居士耳佛告迦葉莫作是語所以者何若有獨處閑居修行頭陀九法乞食少欲靜默禪思觀身經行亦為人說施戒修

德行業因果而不能廣宣无畏亦復不能降化詐偽惡人當知是人不能自度亦不度彼修持梵行獨善而已若復比丘行頭陀法兼得无畏廣宣九部修多羅祇夜授記伽陀因緣如是語本生方廣未曾有以化衆生自度度彼又為人說契經要句言某經所說不畜奴婢牛馬畜生及不應法物若當畜者非出家法是人犯制罷道駮出諸犯戒者聞作是說羣黨瞋恚害彼法師彼雖命終猶能自度亦能度彼是故迦葉諸優婆塞若王大臣當護持法亦當降伏剃頭居士復次迦葉過去久遠阿僧祇劫時世有佛名難提跋檀如來應供等正覺出興于世亦常於此拘夷城住時此世界廣博嚴淨譬如西方極樂國土其諸衆生皆悉安樂无飢渴想純諸菩薩彼佛在世無量億劫而般泥洹遺法住世亦復無量億劫如是餘四十年佛法未滅時有比丘名佛度達多出於世間大衆眷屬前後圍遶成就無畏而為說法以九部經教諸比丘言其契經

說不得畜養奴婢畜生及不應法物
諸犯戒者便起瞋恚羣黨相助欲害
法師時彼國王名婆伽達多聞彼惡
人欲害法師為護法故即執利器與
共苦闘摧滅惡人王身被瘡詣法師
所法師為王說護法功德王聞法已
尋便命終生阿閼佛國時王眷屬共
護法者命終次第皆得往生阿閼佛
國發心隨喜者皆成菩提佛度達多
尋復命終亦生彼國為阿閼佛第一
弟子婆伽達多王為第二弟子佛告
迦葉時國王者豈異人乎我身是也
時法師者迦葉佛是迦葉當知護持
正法功德无量我本以不惜身命護
正法故得此金剛不壞法身迦葉菩
薩白佛言如世尊說如來法身真實
常住非磨滅法我意諦信猶如畫石
佛告迦葉是故善男子若比丘比丘
居優婆塞優婆夷當勤方便護持正
法亦當廣說護法果報又復迦葉夫
為法師持淨戒者常應自護无自防
具勿輕舉動若優婆塞不受具戒而
學大乘為護法故持器仗者當依是

等以為伴侶迦葉菩薩復白佛言世尊已說與持杖俱為非律儀佛告迦葉我般泥洹後濁世之中因穀貴疾疫詐形利養衆多無數時有法師持戒持律威儀具足為彼驅逐若害若殺當尔之時持戒法師遊諸城邑險難曠野我聽與彼國王大臣野人居士旃陀羅等不受具戒能護法者以為伴侶彼諸人等雖不受戒護法功德果報无量勝受戒者其法師者奉持戒行清淨威儀深樂大乘為人廣說能以香油幡華供具與諸國王大臣長者更相獻遺而不毀失沙門法行是名法師持戒者自身攝持真實之法猶如大海威儀具足是名持戒若復持戒不樂快樂不慕名譽厭惡利養常為人說少欲知足如是等比已利損減眷屬不悅不名法師於自徒衆起厭倦想自壞眷屬亦名壞僧僧有三種犯戒僧童蒙僧清淨僧於三種中壞犯戒僧及童蒙僧不壞清淨僧犯戒僧者愚騃凡夫順犯戒者不相檢察為貪濁故而共和合是也

犯戒僧正使自身能持戒者亦復名
為犯戒數也如是等僧不應行而行
若能化此諸非法者名為法師童蒙
僧者習行无事鈍根愚癡設得利養
自供眷屬各各修立不共和合自恣
布薩亦復不與犯戒者同若能化以
愚癡非法是名法師如法律僧者如
是等僧衆魔百千不能沮壞若菩薩
僧性常清淨彼二種僧是師犯戒持
律師者善教化知時知重知輕不斷
非律亦不斷當如法律者云何名為
善教化知時所教化者或是菩薩或
是童蒙若菩薩教者為護法故亦不
觀察時非時餘无餘若開若制隨其
所應聚落莊園自在遊止護法心故
無所違犯唯除伎兒窻婦姪女諸童
女家學聲聞處所不應行餘一切處
護法菩薩來往周旋終日无過是名
法師知時教化知重者若見如來制
戒初始所因起事輕慢心犯及四重
法不名出家是名知重知輕者若見
比丘一一緣起所犯輕戒心亦不重
或自憶念如如來戒犯事不滿是名

知輕不斷有餘律者若畜奴等諸不
淨物於律有餘不應斷當常不欲與
犯戒者諍是名非律不應斷當雖非
戒律餘經中說與戒律同者是亦名律
不應斷當隨言說者是名守文不解
一字若能解者三世諸佛所說經中
心得无畏如是佛教深廣無量能護
持者速成如來法王不可思議於是
迦葉菩薩白佛言唯然世尊如來法
王不可思議如來常住非變易法我
當奉持廣為人說佛言善哉善哉迦
葉奉持金剛不壞法身欲學等觀如
來身者當修金剛不壞法觀菩薩摩
訶薩如是修者便得等觀无上法身
大般涅槃經受持品第七

復次善男子持此甚深契經功德我
今當說其有衆生聞是經者生生不
墮四趣之中在所生處常近諸佛迦
葉菩薩白佛言當何名斯經云何奉
持佛告迦葉是經名為大般涅槃初
語亦善中語亦善後語亦善善義善
味淳一滿淨金剛寶藏我今當說善
男子如閻浮提八大河水皆歸大海

其水无盡大般泥洹亦復如是滅煩
惱降衆魔背生死捨離化身故名泥
洹一切諸佛同此妙法无有盡極又
如醫法有微密術者名為大醫一切
方藥悉入其中如來所說微密法藏
亦復如是一切九部悉入其中故名
大般泥洹譬如夏月耕田下種常有
怖望既收其實衆望都息行者如是
於一切經修習禪定常有怖望學此
經已速成解脫超三界有復次善男
子如人重病如服醍醐次服八種甘
味之藥其藥最良如是衆生於佛密
教有惑亂病漸以大乘經而教化之
然後為說大般泥洹八味法藥八種
味者常住法寂滅法不死清涼
虛通不動快樂是八種味名大般泥
洹若有菩薩住此大般泥洹者常能
處處示現泥洹是故名為大般泥洹
若善男子欲於大般泥洹而般泥洹
者當作是學如來常住法僧亦然其
有善男子善女人行此大般泥洹經
者當於如來作常住學迦葉菩薩白
佛言世尊如來法身不可思議所說

妙法不可思議衆僧功德不可思議
此經不可思議我從今日其諸衆生
心剛強者當為彼滅長夜生死无知
餘冥

大般涅槃經卷第二

壬寅歲高麗國大藏都監奉

勅彫造

大般涅槃經卷第三

率

東晉平陽沙門法顯譯

四法品第八

佛告迦葉善男子菩薩摩訶薩成就
四法能為人說大般涅槃經何等為
四能自專正能正他人能隨問答善
解因緣是為四法自專正者聞佛切
教能隨厭怖身毛皆堅如佛所說寧
抱熾燃枯樹舉身焦爛不於如來方
便密教其心未悟聞說有常便起誹
謗而言魔教世論歌頌說无常者而
謂真實寧以舌舐熾燃枯樹不說如
來真實無常若聞他說輒便驚怖於
說法者而起悲念深信如來法身長
存老病死法所不能壞當知世尊不
可思議教法亦然如我所說枯樹經
等善自執持是為菩薩能自專正能
正人者如世尊說法有一女人乳養
嬰兒來詣佛所稽首佛足有所願念
在於一面思惟而住尔時世尊知其
所念即以其子為喻而說法言譬如
母人善養其子初以指爪而含凝蘇

令其消已漸復更增時彼女人心即
開解便白佛言世尊大聖知我心念
而作是說我今晨朝多與兒蘇將無
損壽佛言不也此兒已大堪食无患
女人歡喜而白佛言奇哉世尊善說
隨順消不消法為受化者先說無常
苦空不淨若當衆生信心未固便為
彼說常住法者壞彼信根常蘇不消
佛言善哉善女人應如是學初養子
法漸與易消柔軟之食年既長大與
堅實者能消无患我亦如是為諸弟
子先說不淨無常苦空柔軟之食道
心既增堪受大乘然後為說此摩訶
衍大般涅槃甜苦辛酢鹹淡六味堅
實之食以苦酢味無常鹹味非我苦
味悅樂甜味吾我淡味常法辛味以
煩惱薪燃幻行火熟大般涅槃甘露
法食復次善女人譬如姊妹有諸緣
事捨家出行詣他聚落或久不還汝
有二子一者純善一者弊惡臨欲行
時珍寶秘藏不語惡子而付善子女
人白佛實尔世尊佛問女人何故實
藏不語惡子女人白佛彼惡子者所

作非義為放逸行食用无度是故不語其善子者能立門戶榮顯宗族是以付之佛言應尔我法亦然欲入方便般涅槃時如來寶藏秘密法要悉付弟子不授犯戒諸邪見者汝今於我為作滅想為作常想女人白佛我於如來作常住想佛言姊妹如汝所說應作是觀莫作滅想當知如來是常住法非變易法非磨滅法其有衆生於如來所修常住想者當知是等家家有佛是名能正他人能隨問答者猶若有人來問如來我當云何得大施之名流聞天下而不捨財佛告族姓子唯有清素不畜童僕修持梵行而樂施彼奴婢妻妾斷除肉味而樂施以肉避酒不飲而樂勸以酒常習時食而施以非時離諸香華嚴具器物悉以香花莊嚴之具而施與之如是等類隨其所施皆悉歸已為大施主若如是者便得大施名聞天下未曾損己一毫之費如是比說能隨問答尔時迦葉菩薩白佛言如世尊說不食肉者而以肉施其食肉者得无

大過豈不增長外道邪見是故應立
不食肉法佛告迦葉善哉善哉善男
子善察佛意護法菩薩法應如是善
男子我從今日制諸弟子不聽食肉
設得餘食常當應作食子肉想云何
弟子而聽食肉諸佛所說其食肉者
斷大慈種迦葉菩薩白佛言云何世
尊聽食三種淨肉佛告迦葉此三種
肉隨事漸制故作是說迦葉復問何
目佛言有九種受離十種肉佛告迦葉
此亦漸制當知則現不食肉也迦葉
菩薩又白佛言云何世尊稱歎魚肉
以為美食佛告迦葉我不說魚肉以
為美食我說甘蔗粳米石蜜及諸甘
果以為美食如我稱歎種種衣服為
莊嚴具又歎三種壞色之服當知魚
肉隨順貪欲腥穢食耳迦葉菩薩白
佛言若世尊制不食肉者彼五種乳
麻油繒綿珂貝皮革亦不應受佛言
異想莫作外道丘捷子見迦葉菩薩
白佛言世尊今當云何佛告迦葉善
男子我從今日制諸弟子不聽食三
種淨肉及離九種受十種肉乃至自

死一不得食所以者何其食肉者若
行住坐卧一切衆生見皆怖畏聞其
煞氣如人食興藥及蒜若入衆會悉
皆憎惡其食肉者亦復如是一切衆
生聞其煞氣恐怖畏死水陸空行有
命之類見皆馳走是故菩薩未曾食
肉為化衆生隨時現食其實不食復
次善男子我般泥洹後久遠世時當
有比丘雖為學道而自貢高言我是
須陀洹斯陀舍阿那舍阿羅漢於惡
世中流離貧乏困苦出家種種安解
名字比丘為利養故恭勤白衣形狀
憔悴如放牧者身著袈裟如舊師像
怖望世利如猫捕鼠病瘦疥癩身體
不淨而被羊屮賢聖被服形如餓鬼
貧窮寒悴非真沙門為沙門像於當
來世正法壞時於我所削法律行處
經典正論皆悉違反各各自造經論
戒律言我戒律食肉清淨是佛所說
自造頌論各相違反皆稱沙門釋迦
弟子復次善男子我說教法受生穀
米及食魚肉自手作食則非清淨習
押油業學諸技術工巧木匠皮革之

師往來國王觀星曆造醫方學音聲
論巧世文辭畜奴婢聚錢財金銀珊瑚
珂貝玉石真珠寶物畜養師子虎豹
狢兒猫狸居毒藥持呪術作畫師造
書牒茂羅業起蠱道歌儻幻惑捕力
涂齒香薰塗身著花鬘治形體及餘
種種非法像類非法器服我說斯等
非清淨法迦葉菩薩白佛言世尊若
有國土多食肉者一切乞食皆悉雜肉
諸比丘比丘尼優婆塞優婆夷云何
於中應清淨命佛告迦葉善男子若
食雜肉應著水中食與肉別然後可
食非越比丘尼迦葉菩薩復白佛言若
食與肉不可分者此當云何佛告迦
葉善男子若常食肉國一切食皆有
肉現我聽却肉去汁壞其本味然後
可食若魚鹿肉等自分可知食者得
罪我今日說有因緣者制不食肉無
因緣者因說大般涅槃亦復制令不
應食肉是名能隨問答善解因緣者
若比丘優婆塞問如是義云何世尊
如來應供等正覺初出世時不為弟
子一一制戒不一一說如是法門不究

竟說波羅提木叉者其義云何比丘有
何義善男子聽我分別波羅提木叉義
波羅提木叉者少欲知足成就威儀
不多受畜離諸染著於一切淨命墮者
墮四惡趣泥犁燒煮彼威儀少欲不
受畜一切淨命墮言非墮者墮阿
鼻泥犁中是名為墮布薩者長養二
種義波羅提木叉者離於邪說比丘
者微細教誡調伏威儀又不受非法
物亦不施人是名比丘其中有犯四
重法者有犯十三有餘法有犯三十
捨墮法有犯九十一墮法有犯四悔
過法有犯衆學法有犯二不定法有
犯七滅諍法有謗毀經教及一闍提
輩有是等罪不向明者發露悔過一
向覆藏如龜藏六犯戒之罪日夜增
長云何世尊知有是罪而不結戒令
彼衆生墮惡趣中猶如有人將多人
衆欲至他方示其要路其中有人迷
失正道墮非道行彼黠慧者追喚令
還得本正路如來教法亦復如是初
說直道若諸比丘多作諸過然後為
說犯罪果報為其制戒如是世尊示

真諦路為衆生說十善功德天中之
天正法之王普哀衆生說十善功德
等觀衆生如視一子若一衆生在地
獄中為度其人免地獄故在地獄中
住壽一劫若過一劫云何令彼犯戒
比丘長墮惡道辟如織師織成新衣
後破壞已復更補治辟如轉輪聖王
初以十善教化人民衆生後時惡行
轉增復因自在金輪神寶生制法律
令其調伏世尊亦復如是初時未結
波羅提木叉戒後諸比丘犯罪轉增
然後以犯戒因緣為根本已而為制
戒其諸衆生樂修法者見彼所起因
緣為證信心增長乃至等觀四諦甚
深微妙之義如轉輪王金輪自在諸
佛法輪亦復如是是則无量諸佛教
法是諸佛不可思議所說教法不可
思議聞此法者不可思議能信此經
亦不可思議是名善解因緣是為善
薩摩訶薩成就四法能為人說般泥
洹經說現因緣及大般泥洹因緣是大
般泥洹經因是為善解因緣自專正
者說已誠向自己專向此大般泥洹

經當知是名能自尊正能正他者知
諸比丘意所誠向而為說此大般泥
洹經言如來長存當知是為能正他
人隨問答者如我為汝迦葉說菩薩
摩訶薩微妙利智種種秘要方便密
教非諸聲聞緣覺所測所謂大般泥
洹經當知是名能隨問答隨彼衆生
心想所應而為說法非為虛妄譬如
有人說虛空多名為空為虛為无所
有為無數如是等說皆非虛妄如來
說法亦復如是大般泥洹經四種說
者悉有所應非為虛妄迦葉菩薩白
佛言若當如來長存者與佛所說契
經相違

譬如燒鐵丸投之於冷水熱勢漸消滅
莫知所歸處如是等解脫度諸生死測
安快永不動莫知其所之

佛告迦葉汝善男子莫於此偈而作
妄解於如來所起永滅想非鐵丸投
水熱勢漸滅諸佛如來泥洹永滅亦
復如是如鐵丸投水熱勢消滅如來
亦然无量煩惱結患消滅如鐵丸投
水火熱雖滅鐵性猶存如是如來無

量劫數煩惱盛火皆悉消滅如來金剛其性常在非變易法非磨滅法如是等解脫度諸生死洎者彼無量劫生死煩惱河如來已度入於涅槃諸趣永滅處不可知是故說言

如是等解脫度諸生死洎安快永不動莫知其所之

迦葉菩薩白佛言云何世尊如鐵丸投水熱勢消滅猶可更使入於火中如來涅槃其實常住更為衆生入於無量生死盛火斷除一切衆生結患善哉世尊如來長存為決定說佛告迦葉如是如是善男子譬如轉輪聖王入後宮中婢女娛樂湏臾復遊園觀浴池快樂自在宮中不現莫呼永失諸佛世尊捨閭浮提示現无常亦復如是莫呼永滅如彼國王捨於深宮遊戲園林快樂自在如來亦然捨於无量煩惱深宮入於持園七覺華池遊觀快樂乘方便智自在現化無量結患久已消滅迦葉菩薩白佛言如世尊說無量無數劫生死煩惱患如來志磨滅已度五欲海何故如來

為菩薩時在於深宮嫪女自娛為羅
睺羅父是故當知不盡結患度諸欲
海佛告善男子莫於如來應供等正
覺而作是言所以名大般涅槃者能建
大義汝今諦聽廣為人說勿生疑怖
菩薩摩訶薩住是大般涅槃者能以須
彌山王入一粟糲其諸衆生依須彌
山住者无所燒害來去住止不知誰
為其餘衆生有知見者知是住大般
涅槃菩薩安置須彌在粟糲中然後
還復住大般涅槃菩薩摩訶薩境界
如是復次善男子住大般涅槃菩薩
摩訶薩取此三千大千世界大地置
粟糲中其中衆生無所燒害各不自
知誰持來去誰安在此其餘衆生有
知見者知是住大般涅槃菩薩取此
三千大千世界置粟糲中然後還復
復次善男子住是大般涅槃菩薩復取
三千大千世界安置已身一毛孔中
於彼衆生而无所燒害各不自知誰持
來去誰安在此其餘衆生有知見者
知是住大般涅槃菩薩取此三千大
千世界置於自身毛孔之中然後還

復復次善男子住大般泥洹菩薩住此世界能舉十方諸佛國土置於鍼鋒如以鍼鋒擎持棗葉徙著他方異佛國土於諸衆生无所燒害各不自知誰持來去誰安在此其餘衆生有所爲復次善男子住大般泥洹菩薩持十方國土置其右掌如陶家輪擲著他方微塵世界於諸衆生无所燒害各不自知誰持來去誰安在此其餘衆生有所爲復次善男子住大般泥洹菩薩神力所爲復次善男子住大般泥洹菩薩者取十方世界內一塵處於諸衆生无所燒害各不自知誰持來去誰安在此其餘衆生有所爲如是住大般泥洹菩薩力之所爲如是善男子住此大般泥洹菩薩摩訶薩有大神力種種示現是故名爲大般泥洹住大般泥洹菩薩在所爲作一切衆生不能測量汝今云何能知如來習近五欲爲羅睺羅父復次善男子我住此大般泥洹能爲大事於此三千大千世界百億日月百億閻

淨提種種現化如首楞嚴三昧所說
於三千大千世界閻浮提以大般泥
洹亦現泥洹而無畢竟般泥洹者復
於閻浮提五欲之中現受胎生其諸
父母謂我為子而我過去無數劫來
愛欲永盡无染汙身無穢食身清淨
法身諸生已斷以方便智隨順世間
於閻浮提生現為童子北行七步而
自稱言我於天人阿修羅為無上尊
父母歡喜舉聲歎曰我生童子墮地
行七步世未曾有時諸衆生皆言奇
特而我未曾為童子也无數劫來離
嬰兒行清淨法身非為骨肉穢食所
長法身示現而為童子隨順世間南
行七步現為一切无上福田西行七
步現究竟斷生老病死於一切衆生
為最後邊東行七步現為一切衆生
前導向於四維行七步者現斷衆邪
煩惱魔行自在天子皆悉降伏當成
應供等正覺道上方躡虛行七步者
現如虚空無能染者又向下方行七
步者現滅一切泥犁盛火興大法雲
震大法雨安樂衆生雨大法電破諸

惡戒生閻浮提現遣頂髮欲令衆生
知此童子頂髮俱生諸天世人無能
執刀臨其頂上為剃髮者於無數劫
已離頂髮現有頂髮隨順世間現入
天祠大力天神釋梵護世稽首奉敬
歸命礼足於元數劫為天人尊現入
天祠隨順世間於閻浮提或現穿耳
實无有人敢穿其耳垂髮右旋如師
子髮一切人民皆見童子垂師子髮
於無數劫已離垂髮現垂右旋師子
之髮隨順世間於閻浮提現入書堂
於三界中莫能為師唯我應為天人
作師是故名為一切種智於無數劫
已曾學書成阿耨多羅三藐三菩提
現行學書隨順世間現乘為馬寶車
畜諸寶藏身處深宮姝女自娛領理
國事實无染著久已捨離猶如棄唾
現受五欲領理國事為轉輪王王閻
浮提於元數劫已捨王位能轉無上
甘露法輪現轉輪王隨順世間於閻
浮提現老病死棄捨中宮種種欲樂
出家學道衆人皆見童子出家為度
人故而現出家隨順世間現為須陀

洹斯陀舍阿那舍阿羅漢四沙門果

九次正受修四真諦衆生悉見而我
疾成无上羅漢已無數劫究竟羅漢
為度人故示現初成往詣樹下現坐
草蓐降伏衆魔成无上道於無數劫
衆魔諸惱皆已降伏得甘露法現出
入息大小便利清淨法身无此諸患
現於人法隨順世間現受飲食為衆
生故其實无有飢渴之想為現飲食
隨順世間於無數劫常得甚深諸波
羅蜜不隨時節現居舍宅其實无有
睡眠熾患久喏頻申身諸苦痛現依
舍宅隨順世間示現坐卧經行瞻視
顧盼屈伸俯仰真實法身无此形類
示現洗浴麻油塗身楊枝澡漱著明
目藥斯非清淨法身所須手足柔軟
如蓮華葉口氣香潔如優鉢羅其目
清淨猶如明月示現此法隨順世間
現行少欲乞食麤疎著糞掃衣於無
量劫沙門苦行志已究竟現處人間
為羅睺羅父淨飯王子其母摩耶眷
屬成就厭世樂出家學道處林樹
間現欲之優劣樂之差降捨王太子瞿

曇大姓現行出家度衆生故非為如
來染著五欲為羅睺羅父現有父母
隨順世間其諸衆生謂為世人其實
如來非天非人復於閻浮提現般泥
洹而不畢竟入於泥洹衆生皆謂如
來永滅而今如來法身常住非變易
法非磨滅法諸佛常法示現泥洹又
為比丘犯四重法衆人悉見其實不
為懈怠之行或復現為一闍提行或
現破僧衆人悉見作无間業其實無
有壞僧之心亦无有僧而可壞者於
閻浮提護持正法衆生悉見護法大
士此則諸佛菩薩常法於閻浮提現
為天魔衆生悉見其實不為衆魔之
業於閻浮提現為女像衆生見已悉
皆嘆曰奇哉今日女人作佛其實如
來非為女身稱彼所欲各隨因緣現
男女像隨順世間於閻浮提現生四
種畜生趣中衆生皆謂真實畜生其
實不為彼畜生行現入畜生隨順世
間入梵天中現為梵天而作師長其
諸衆生事梵天者方便誘進使入正
法不習彼業現梵天像隨順世間現

入婬舍度諸婬種不興欲想心如蓮
華塵水不汙莊嚴其身遊諸四衢方
便誘化染心衆生入諸妓舍現為女
人化以正法入學書堂現為師長化
諸童蒙或入酒會博弈戲處為教化
故不同彼業往詣塚間度諸鳥獸不
取見想入諸長者授以正法入大臣
中教令正治入諸王子化令護法入
諸王者化以先王正法治國現疾疫
劫為之設藥令諸病者厭離身苦導
以正法衆生謂是真疾疫劫現穀貴
劫飢乏衆生施甘露食導以正法衆
生謂是真穀貴劫現刀兵劫衆生各
各共相傷害化令和同導以正法衆
生謂是真刀兵劫現為劫燒計常衆
生示无常相衆生謂是真實劫燒於
一切衆生各同其語音聲微妙勝彼
彼類樂音衆生因而得度現為四種
地水火風一一隨種染著衆生因斯
得度現為藥樹救療衆生因斯得度
入諸邪道而現出家各為彼衆而作
導師於無數劫已離外道示現出家
導以正法現為工巧醫方呪術一切

衆生及諸外道各懷憍慢故於其中種種現化降伏衆邪憍慢貢高導以正法衆生見已謂為世人如來常住離世間法乃至現為下賤僕使隨類度人於閻浮提種種異業无不現化其實如來不與同事現為其像隨順世間北鬱單曰西拘耶尼東弗于逮二十五處乃至三千大千世界於中現化隨順世間如首楞嚴三昧廣說如來成就大方便智一切所為无不現化是故名曰大般泥洹菩薩摩訶薩住是功德悉能隨類種種變化自在无畏不應復疑羅睺羅父當知如來於無數劫已離生死愛欲大海是故如來為常住法非變易法非磨滅法迦葉菩薩白佛言若使如來是常住法非磨滅法非變易法者云何如來稱歎泥洹譬如燈滅其所至處莫能知者佛告迦葉我現此喻非如是說善男子譬如器盛酥油燃燈酥油既盡名為燈滅其器猶存如來亦然酥油煩惱熾燃悉滅如來燈器常存不滅若當酥油與器俱盡者如來

泥洹亦當俱盡燈滅器存是故如來
不沒不生泥洹快樂復次善男子我
說燈滅喻阿羅漢非謂泥洹阿羅漢
者得增上果世間微食貪欲悉滅究
竟欲舍譬如燈滅阿那含者其義亦
然故我方便說微密教非說泥洹迦
葉菩薩白佛言阿那含者有何等義
佛告迦葉不還受身名阿那含迦葉
菩薩白佛言云何世尊如來亦有隱
秘之法如幻師耶佛言不也我所說
法譬如秋月盛滿之時離婬怒癡無
諸障蔽亦无隱秘又如長者錢財巨
億唯有一子情所愛重將詣師門教
學半字時節未久懼不速成父自追
還晝夜慇懃教學半字云何善男子
其父教子學半字時寧能悉知一切
記論不若能悉知一切記論其父云
何教學半字豈於愛子有所隱覆不
教記論耶迦葉荅曰不也世尊其子
童蒙未能知論故不教學若當秘恡
名為隱覆虛心勸勵隨力漸教不名
隱覆佛告迦葉善哉善哉善男子如
汝所說恡恨慳惜而秘恡者名為隱

覆我於一切衆生慈心愛念如一子
想以其童蒙未堪深法故不為說如
彼教子初學半字我亦如是說九部
經十種智力四真諦法八聖道分甚
深記論方等大乘悉不為說復次善
男子譬如長者教其愛子先學半字
半字既正次第教學甚深記論令子
成就我亦如是但為弟子說九部經
知其堪受然後為說大乘記論如來
長存非變易法令諸衆生慧眼開廣
又善男子譬如夏時興雲雷電必雨
大雨百穀草木悉蒙潤澤如來今日
亦復如是興大泥洹微密法雲震大
菩薩白佛言如世尊說無所藏積曉
了博食如鳥飛空足跡難尋此有何
義佛告迦葉積者聚積義受取增益
義藏者庫藏義藏有所受故曰藏積
藏積有二種有為藏積元為藏積有
為藏積者謂聲聞元為藏積者謂如
來僧有二種等僧无等僧等僧者聲
聞僧聲聞僧者亦无藏積而今云何
受畜僮僕錢財倉庫麻油鹽等尚不成

積如來豈聽畜僮僕等作是說言如來聽者世世當墮拔舌地獄聲聞等僧無藏積者能了搏食不懷搏食貪味之想斯等至處足跡難尋速成无上等正覺道足跡難尋故名如來若有為僧尚不藏積况無為僧無為僧者諸佛如來諸佛如來豈有隱密若有隱密便是藏積其難尋者謂是不動快樂泥洹无彼虛空日月雲雨地水火風生老病死煩惱諸相常住不變快樂不動故名泥洹因得泥洹故名如來大般泥洹其為大者辦大事故所謂大者有為數名若有一人壽命无量名為大人人能行法為人中大若復成就八大人念是名大人是故大者有為數名泥洹者離諸瘡疣故名泥洹譬如有人身被毒箭遭大苦痛得遇良醫為治瘡患苦痛悉除其善男子得離瘡疣復遊諸國普為衆生療治瘡患如來應供等正覺亦復如是閻浮提中一切衆生於无量劫姪怒癡等煩惱毒痛為說大乘甘露法藥療治瘡患於此衆生離瘡患已復現餘國

為諸衆生療治衆病是故名為大般
泥洹真實之義及方便義皆悉名曰
大般泥洹現入諸趣及入解脫隨彼
受化於處處現此為要義是故名曰
大般泥洹迦葉菩薩白佛言云何世
尊為良醫法能治一切瘡患差已復
現餘方治諸病耶佛言如是善男子
能療一切恙令離病唯除重病不可
治者諸佛世尊亦復如是除一闡提
諸餘一切衆病患治迦葉復問解脫
者為何等類佛告迦葉其解脫者色
無色無色者聲聞緣覺解脫色者如
來解脫解脫雖色不說是色何以故
如非想非非想行天色无色亦不是
色有問非想非非想天色無色亦不
是色云何住云何樂此事應說是佛
境界非諸聲聞緣覺所知迦葉菩薩
白佛言唯願世尊重說如來大般泥
洹解脫之義佛告迦葉其解脫者於
一切縛和合恙離離和合者不生之
生如因父母而生其子是名為生其
解脫者則不如是猶如醍醐本性清
淨不因父母愛欲長養度衆生故示

現有生是故解脫不生之生又其生者譬如種穀而生萌芽其解脫者則不如是是故說曰解脫不生其解脫者即是如來是故如來不生之生非作所作其實作者如城郭樓觀有人造作其實解脫則不如是是故解脫无有作者其解脫者即是如來是故當知如來非作是名无為其有為者譬如陶家埏埴作器有作有壞其實解脫則不如是亦无有作亦無有壞是故解脫无作無壞其解脫者即是如來當知如來不生不死是故如來是无為法故說如來入大涅槃无衰老相形枯體瘦髮白齒落是為老相其實解脫則不如是永離一切老毀變故名為解脫其解脫者即是如來是故如來无衰老相故曰無病其名病者有四百四病其餘橫疾數不可稱離此諸患故名解脫其解脫者即是如來法身清淨无病是故說曰如來無病以無病故無死衆生常死无解脫故有盡有死永離死名故說解脫其解脫者即是如來如來成就如

是無量上妙功德言有死者无有是
處金剛法身清淨不壞豈有無常變
壞之相是故不死離諸垢穢譬如鮮
好白疊蘇油所汙其實解脫則不如
是猶白蓮華清淨无垢如來解脫亦
復如是永離愛欲諸塵垢穢是故如
來名曰无垢離諸限尋如有主制謂
之限尋其實解脫无諸限尋其解脫
者即是如來是故如來无尋清涼清
涼處者世俗天廟謂為清涼是則妄
說唯解脫者真實清涼其解脫者即
是如來是故如來清涼安隱其安隱者
譬如道路無諸盜賊謂之安隱真解
脫者則不如是其性无畏謂之安隱
其解脫者即是如來是故如來安隱
无畏離諸恐懼其恐懼者譬如國王
常畏怨敵真解脫者永无此畏譬如
轉輪聖王無諸恐懼真解脫者亦復
如是其解脫者即是如來如來法王
轉无上輪無諸怨敵是故如來無畏
无王及其憂畏者譬如國王有謀逆者
不能降伏常懷憂畏真解脫者無此
憂畏譬如國王降伏怨家无憂快樂

其解脫者即是如來如來无憂離諸塵穢其塵穢者譬如春風起諸塵空真解脫者離諸塵空如轉輪王髻中明珠无諸塵垢其解脫者即是如來是故如來離諸塵穢離諸虛偽其虛偽者喻如坏瓶真解脫者則不如是猶如金剛無有虛偽其解脫者即是如來是故如來无諸虛偽離不自在不自在者如貧窮人負他財物財主制持不得自在真解脫者則不如是其解脫者即是如來是故如來自在无尋無諸侵患諸侵患者如人春時涉熱夏時飲酒冬日涉寒則傷其身自生侵患真解脫者則不如是无諸侵患其解脫者即是如來是故如來無諸侵患離諸慘濁譬如虛空無諸慘濁真解脫者亦復如是无諸慘濁其解脫者即是如來是故如来无諸慘濁无諸纏綿其纏綿者朋友眷屬真解脫者無此纏綿如轉輪王獨善无侶其解脫者即是如來是故如來獨善奇特如水蓮華此非奇特火生蓮華乃為奇特衆人愛樂真解脫者

亦復如是衆人愛樂其解脫者即是
如來是故如來希有奇特无能為者
譬如嬰兒其齒未出不能令生真解
脫者亦復如是是非時得者无有是處
如一闍提懈怠懶墮尸卧終日言當
成佛若成佛者无有是處假使信法
諸優婆塞欲求解脫度彼岸者亦无
是處況彼尸卧所以者何性非他成
故是故解脫无能為者其解脫者即
是如來是故如來無能為者无量無
數譬如大海尚可知量真解脫者无
來無量取勝其取勝者莫能為比譬
如大海無以為比其解脫者即是如
來是故如來取勝高顯其高顯者譬
如虛空無有過者其解脫者即是如
來如來高顯衆聖中王譬如師子
為諸獸王真解脫者諸法之王解
脫光明照一切法其解脫者即是如
來為最為上譬如諸方以鬱單曰為
上解脫最上亦復如是其解脫者即
是如來是故如來最上无上譬如諸
方鬱單曰最為无上解脫无上亦復

如其解脫者即是如來是故如來
无上常法如諸天人死為常法解脫
常法則不如是其解脫者即是如來
是故如來常住堅固芭蕉泡沫无有
堅固真解脫者則不如是其解脫者
即是如來離諸弊漏夫朽牆者蚊蚋
所止其解脫者則不如是譬如畫牆
無能止者解脫如是一切惡法所不
能染其解脫者即是如來无有邊際
如聚落國土而有邊際真解脫者則
不如是譬如虛空无邊快樂其解脫
者即是如來微妙不現如鳥飛空足
跡不現解脫不現亦復如是其解脫
者即是如來甚深難測父母生養恩
德甚深无能測者真解脫者亦復如
是其解脫者即是如來甚深難見如
諸衆生各各自身有如來性微密難
見真解脫者微密難見亦復如是其
解脫者即是如來无能見者猶如頂
相無能見者解脫如是非諸聲聞緣
覺所見其解脫者即是如來无有窟
宅其窟宅者所居止處屋舍名稱真
解脫者則不如是譬如虛空二十五

傷生死所居永不可得其解脫者即是如來无有所取其名取者猶如手執阿摩勒果真解脫者則不如是猶如幻師所作變化無能取者其解脫者即是如來離諸雜穢其雜穢者猶如雜色疥癩牛皮以為衣服真解脫者則不如是猶如時乳一色一味真解脫者微妙一相亦復如是其解脫者即是如來其性清淨淤泥濁水謂不清淨真解脫者則不如是如空中雨一味清淨其解脫者即是如來其性真妙猶如滿月无諸雲翳解脫如是无垢真妙其解脫者即是如來真妙恬靜如救頭然則不恬靜其解脫者永滅熾燃煩惱灾患其解脫者即是如來其性平等其不等者如二狂夫其性不平等真解脫者則不如是其性平等猶如母子其解脫者即是如來其性寂滅得取上處无餘求想猶如飢人得香美食飽足意滿无餘求想真解脫者亦復如是其解脫者即是如來其性已斷辟如鈎餌鈎繩已斷真解脫者亦復如是其解脫者即是如來度

於彼岸譬如河流有彼此岸无量生死名為此岸真解脫者名為彼岸其解脫者即是如來清淨洋其洋者非諸河水猶如大海其解脫者亦復如是其解脫者即是如來其味洋美如種居舍子其味轉苦真解脫者則不如是其解脫者即是如來離諸放逸其放逸者耽樂五欲真解脫者則不如是其性清淨離婬怒癡其解脫者即是如來伏諸渴愛愛有二種有念愛有法愛法愛者哀念衆生真解脫者无有念愛離我我所其解脫者即是如來其性滅盡一切生死習氣鈎鑊恚滅是名解脫其解脫者即是如來為世間舍度一切有為作覆蔭其解脫者即是如來為世間依猶如國王遊諸國邑真解脫者則不如是不動快樂是名解脫其解脫者即是如來其處常安辟如曠野險難恐怖真解脫者則不如是猶師子王於諸獸類无諸恐怖其解脫者即是如來離諸逼迫猶如有人為惡獸所迫无諸救護今度厄難真解脫者則不

如是猶如舩師得牢堅舩能度大海
其解脫者即是如來離諸滓濁譬如
從乳出酪從酪出生蘇從生蘇出熟
蘇從熟蘇出醍醐唯有醍醐自性清
淨離諸滓穢解脫如是其解脫者即
是如來伏諸高慢譬如國王高慢自
大謂无與等其解脫者則不如是離
諸高慢無我我所其解脫者即是如
來滅除无明譬如乳酪展轉相生乃
至醍醐其醍醐者離諸滓穢自性明
淨解脫如是其解脫者即是如來離
欲閑靜無有倫匹二法等者獨行獨
步如空野爲解脫如是其解脫者即
是如來離諸欺誑解脫我所入如來
藏其諸天人呵修羅身无有堅實猶
如伊蘭蘆葦芭蕉无有堅實離如來
藏真解脫者入如來藏離諸虛偽斷
一切有解脫如是其解脫者即是如
來入佛正法非正法者如百葉華真
解脫者則不如是其解脫者即是如
來入於一性種種性者一切衆生性
種種壽者一切衆生壽真解脫者則
不如是其解脫者即是如來入於一

處於諸入門元有我所解脫如是其
解脫者即是如來是為善法譬如孝
子孝於父母解脫如是其解脫者即
是如來出於世間於一切法出過其上
一切味中真解脫味為最第一其解
脫者即是如來湛然不動其名動者
如海涌波真解脫者則不如是因
陀羅幢四方風吹不能動搖其解脫
者即是如來昇於法堂世間堂者如
王殿堂真解脫堂則不如是其解脫
者即是如來光明照耀如煉真金解
脫如是其解脫者即是如來止息快
樂譬如國王敵國新伏身心快樂真
解脫者捨諸苦陰泥洹快樂其解脫
者即是如來无餘畢竟離諸結縛生
死牢獄譬如囚徒罪畢出獄解脫如
是其解脫者即是如來離諸結毒无
量煩惱毒蛇結患患已解脫息一切
有離一切苦得一切樂長息解脫其
解脫者即是如來離婬怒癡一切煩
惱永已除盡拔三毒根无餘解脫
其解脫者即是如來離一切有一切
諸有於斯永滅入於泥洹究竟解脫

其解脫者即是如來超越諸陰超越一切諸不善法長處解脫其解脫者即是如來離於自在離諸我所世俗非我真實无我佛性顯現其解脫者即是如來其性虛空其虛空者所有无所有皆不可得如是捷等有无所有真解脫者則不如是又其空者如蘇蜜瓶无蘇蜜故名爲空瓶其實不空因無物故形色猶存當知非空解脫不空亦復如是有形有色故說不空无量煩惱二十五有生死輪轉世界行處往來永絕如無蘇蜜名爲空瓶滅諸過患故名爲空如瓶色像離世間法周旋行處不動快樂常住不變然彼瓶色是无常法真解脫者常住不變是故名曰不空之空其解脫者即是如來離處所著處所著者樂爲帝釋大力梵王覺慧成滿是諸愛著皆悉解脫其解脫者即是如來无貪滅盡一切有求貪欲永盡脫諸習著是名爲滅其滅盡者即是解脫其解脫者即是如來泥洹快樂其泥洹者辟如羣鹿遇諸獵師危怖殆死逃走

山野值仙人窟便得蘇息安隱快樂
蘇息快樂是名泥洹其泥洹者非為
盡滅於一切有无量生死顛倒煩惱
怨家解脫方便進避得入正法仙人
窟宅牟尼止處第三歸依蘇息快樂
无量衆生蘇息快樂名為泥洹非為
盡滅若諸衆生得三歸依名為泥洹
豈況如來一切種智永捨此身而非
泥洹安隱快樂入泥洹者如人迷醉
有人來問為安樂不彼醉解已荅
言安樂如是衆生於無數劫迷醉生
死二十五有得正覺時泥洹快樂安
隱常住不動解脫非為滅盡其解脫
者即是如來今時迦葉菩薩白佛言
世尊不生不起即是解脫是如來耶
佛告迦葉如是如是善男子不生不
起即是解脫亦是如來迦葉菩薩復
白佛言彼虛空性不生不起亦是如
來耶佛告迦葉究竟解脫非如虛空
復次善男子如加陵毗伽及命命鳥
其聲清徹寧同鷄梟迦葉白佛不也
世尊其聲各異不可為比有因緣故
諸佛如來方便說喻佛告迦葉善哉

善哉善解音聲其深之義是故解脫
即是如來其如來者即是解脫其解
脫者无可為喻諸天世人阿修羅等
一切无能非喻為喻唯有如來為教
化者能方便說非喻為喻說解脫喻
所以者何其解脫者即是如來其如
來者即是解脫无二無異所謂非喻
為喻者面如滿月其大白為猶如雪
山諸佛世尊亦復如是說諸非喻為
解脫喻化衆生故方便說法及說實法
迦葉菩薩白佛言以何等故二種說
法佛告迦葉善男子譬如有人於如
來所起瞋恚心便以刀劍加害如來
然其如來无有痛想云何善男子彼
人當成无間罪不迦葉白佛不也世
尊所以者何於長養身不傷壞者无
無間罪如來無有長養之身名自在法
身云何傷害以彼發心惡方便故得
无間罪是名方便法性真實

佛言善哉善哉善男子我所說法亦
復如是復次善男子如有惡人欲害
其母其母覺已遠離本處其人不知
來詣本處加其刀杖謂為已死其實

不死去何善男子此人寧得无間罪不
迦葉白佛言不也世尊若煞事滿足
名无間罪而今其母陰界諸入無所
傷損非无間罪應得相似無間罪報
亦名無間是名方便法之真實迦葉
菩薩白佛言善哉善哉世尊善說方
便應以不應

佛告迦葉有因緣故宣說解脫有因
緣故廣說諸喻如是无量功德成就
名為泥洹亦名如來是則趣彼大般
泥洹今日如來當入泥洹以是義故
名大般泥洹迦葉菩薩白佛言世尊
是為如來不趣滅盡當知如來其壽
無盡

佛告迦葉善哉善哉善男子護持正
法應當如是滅諸狐疑學決定智善
男子是為菩薩摩訶薩成就四法善
說方等般泥洹經

大般泥洹經卷第三

壬寅歲高麗國大藏都監奉

勅彫造

大般泥洹經卷第四

率

東晉平陽沙門法顯譯

四依品第九

佛復告迦葉有四種人於此大般泥洹經能趣正法護持正法能為四依多所度脫多所饒益出於世間何等為四一者凡夫未離煩惱出於世間多所度脫多所饒益二者得須陀洹斯陀含果三者得阿那含四者得阿羅漢是四種人為真實依多所度脫多所饒益彼凡夫人者自持戒德威儀具足為護法城於如來所聽受正法誦持義味廣為人說能自少欲復為人說大人八念化諸犯戒慙令悔過善知衆生種種語言習行菩薩護法功德是名第一凡夫菩薩此諸凡夫未為如來之所記別為菩薩位彼須陀洹斯陀含者已得正法離諸疑惑不為人說非法經書離佛契經世間歌頌文飾記論畜養奴婢非法等如是名須陀洹菩薩雖未得第二第三菩薩住地已為諸佛面前授記阿

那舍者已得正法離諸狐疑不為人
說非法典籍離佛拜經世間歌頌文
飾記論受畜奴婢非法等物未起諸
結能即覺知過去諸結永不復縛有
所說法不斷佛性德行清淨身無外
病四大毒蛇依起諸病所不能中善
說非我度我見者離世間我而行方
便隨順世間常大乘化不說餘道身
中無有八萬戶虫無量灾患心離愛
欲无惡夢想離一切有生死恐怖行
如是者是為第三阿那舍人不復還
有名阿那舍習諸德本久遠過惡所
不能染名阿那舍是名阿那舍菩薩
發心受決發心受決者其不久當
成佛道阿羅漢者煩惱已盡離諸重
擔所作已作具足十地已得記別甚
深法忍一切色像悉能化現於諸方
面隨意所欲為如來應供等正覺如
是功德皆悉具足名阿羅漢是為四
種人於此大般泥洹經多所度脫多
所饒益出於世間為天人師如諸如
來是四種人為真實依迦葉菩薩白
佛言世尊是四種人為真實依不可

信也所以者何如世尊為長者瞿師
羅說若天魔梵現身為佛三十二相
八十種好圓光一尋現眉間相來詣
汝者汝當覺知令彼降伏我今聽汝
伏彼弊魔所以然者非阿羅漢而自
稱羅漢故若使弊魔坐卧空中左脅
出火右脅出水或舉身炯然而出烟
雲種種變化又復能說九部契經猶
不可信是故汝當伏彼弊魔莫生疑
惑譬如有人於夜冥中賊狗入舍其
人覺知賊狗入舍便即罵言賊狗出
去莫令我今須臾煞汝於是賊狗便
疾走出不敢復還弊魔波旬亦復如
是變化來者汝當以我五繫之法而
繫縛之被五繫已弊魔波旬馳走恐怖
譬如賊狗如是佛為瞿師羅長者說
汝今若能降弊魔者漸近泥洹以何
等故世尊今日說四種人為真實依
是故我今不生信心佛告迦葉如是
善男子我說是法皆因聲聞諸肉眼
輩說應降伏非為受行摩訶衍者諸
聲聞中雖有天眼我說是等為肉眼
數正使肉眼信摩訶衍者我說是等

為佛眼數所以者何是人能持摩訶
衍經為佛乘故復次善男子猶如大
將善知兵法教怯劣者學其武術語
其人言汝應如是執持刀劍鬪戰之
具當正其心如火熾然慎莫反顧及
至臨陣各執器仗攘臂大呼猶如猛
火賊兵必退世雄導師為三界將教
諸聲聞降伏眾魔亦復如是復次善
男子譬如有人種性勇猛承習戰法
無有怯劣於諸戰士寧為先首如是
善男子習學大乘聞摩訶衍甚深契
經微密之教不生恐怖當知是人已
曾供養無量諸佛受學大乘信根堅
固億百千魔種種現化終無恐怖亦
不於彼起豪駿想而彼魔眾見有人
學摩訶衍者則生恐怖如怯劣夫譬
如毒蛇見諸呪藥則生恐怖天魔波
旬亦復如是億百千魔得聞如是摩
訶衍經音聲香氣光明所照離諸憊
慢貢高自大復次善男子猶如有人
若見惡龍毒蛇師子虎豹豺狼皆悉
恐怖或聞其聲亦生恐怖或復有人
能伏惡獸如彼丈夫見彼惡獸生恐

怖者當知一切聲聞緣覺亦復如是
若見諸魔便生恐懼則為諸魔之所
得便如彼丈夫能伏惡獸當知是學摩
訶衍者亦復如是能伏衆魔既降伏
已而為說法如彼毒獸魔波旬輩心
已調伏便作是言我從今日於佛正
法生信樂心不復嬖亂當知聲聞故
有煩惱習氣恐怖摩訶衍者恐怖永
斷摩訶衍者大精進力是故我說諸
聲聞輩應當降伏莫生恐怖如是善
男子此摩訶衍大般泥洹經甚為希
有若聞是經如來長存能信受者奇
哉希有如優曇鉢花難得值遇此大
乘經亦復如是奇哉希有我泥洹已
遇此大乘經亦復如是奇哉希有我
泥洹已諸衆生等聞此經者亦甚希
有何其惟哉善男子當來之世當有
衆生謗斯經者迦葉菩薩白佛言世
尊久如當有諸衆生等謗斯經者為
何等入於當來世護持此法佛告迦
葉我滅度後四十年中此法流布然
後便沒善男子譬如世間甘蔗粳米
酥油乳酪以為飲食有諸衆生服食

此食而更生病反食麋澀草木果實
如彼粳粮酥油美食等摩訶衍經不
欲聽聞反食麋澀草木果實諸聲聞
素未捨如是大般涅槃經法美食不
欲聽聞

復次善男子譬如有王居深山中無
有粳粮酥油等食其諸人民有諸美
食皆送奉王自食麋澀草木果實其
有諸人親近王者承王力故初未曾
見斯等食比而得食之如是善男子
彼四種人於佛法中為勇猛將彼諸
菩薩摩訶薩中若有一人出興于世
在所至處以大般涅槃摩訶衍經教
化衆生便自書持若教人書書其經
卷施諸衆生或有衆生於彼菩薩摩
訶薩邊聞般涅槃大乘法食皆是菩
薩光明神力故使得聞此未曾有法
文字句義乃至一字如彼衆生蒙王
力故得諸美食是故善男子大般泥
洹摩訶衍經在所至處當知此地悉
為金剛其有衆生聞此法者書持誦
說乃至一字當知舉身亦是金剛其
諸衆生薄德少福而此大乘摩訶衍

經於自國土正法流布而不聽受如
彼衆生自國土出種種上味而不得
食哀哉衆生聞真實義而不聽受迦
葉菩薩復白佛言世尊如來滅後四
十年中此法興世然後便沒其後久
如復當流布佛告迦葉善男子我後
正法欲沒之餘八十年在此大乘經
當復流布於閻浮提經四十年此經
復沒迦葉菩薩復白佛言如世尊說
此大般涅槃經法欲滅時當復興世
當尔之時持戒者少犯戒者多正法
欲滅正趣損滅何等人能聽受此法能
持能讀能誦能供養能解說能自書
能教人書唯願世尊分別解說令一
切衆生因此得度有諸菩薩樂學深
法聞世尊說當隨其教佛告迦葉善
哉善哉善男子若有衆生於獼連河
沙等數諸如來所發菩提心是等衆
生能於正法欲沒之時起菩薩心雖
未決定於無上道能不誹謗此方等
經一恒河沙諸如來所發菩提心能
於正法欲滅之時於此方等不起誹
謗得信樂心而未能為衆生廣說二

恒河沙諸如來所發菩提心能於正
法欲滅之時於方等經不起誹謗身
自受學亦復未能為人廣說三恒河
沙諸如來所發菩提心能於正法欲
滅之時於方等經不起誹謗能受能
說能書而未能解義四恒河沙諸如
來所發菩提心能於正法欲滅之時
於方等經不起誹謗能受能說解深
法義十六分之一五恒河沙諸如來所
發菩提心能於正法欲滅之時於方
等經不起誹謗能受能說能書能持
解深法義八分之一六恒河沙諸如
來所發菩提心能於正法欲滅之時
於方等經不起誹謗能受能說能書
能持解深法義四分之一七恒河沙
諸如來所發菩提心能於正法欲滅
之時於方等經不起誹謗能受能說
能書教人書能持解深法義二分之
一八恒河沙諸如來所發菩提心能
於正法欲滅之時於方等經不起誹
謗能受能書教人書能持能讀誦說
能轉能善隱密亦能守護亦能顯示
哀愍世間普令恭敬供養經卷轉教

他人令其供養智慧滿足解深要義
善知如來是常住法非變易法非磨
滅法安隱快樂善解衆生各各自分
有如來性普為開發是諸菩薩歷事
過去無量諸佛故能護持如來正法
若復今日發菩提心者彼於來世亦
當堪能護持正法此等及餘諸衆生
輩汝善男子當作是觀於今現在及
未來世其有樂法發菩提心當知是
人為護法者又善男子有諸外道為
利養故聞佛泥洹呼謂長死而不憂
感反更歡喜有當來世假被袈裟於
我法中出家學道懶惰懈怠誹謗斯
等方等契經當知此等皆是今日諸
異道輩如是無量功德成就信此方
等大般泥洹樂深法者正使是善男
子過去曾作無量諸罪種種惡業是
諸罪報頭痛則除或被輕易或形狀
醜陋衣服不足飲食麤疎求財不利
生貧賤家及邪見家或遭王難及餘
種種人間苦報現世輕受斯由護法
功德力故善男子譬如霜雪日未出
時凝積不減日光既出皆悉消盡如

是衆生造無量惡此大般涅槃經日
光未出無量惡報凝積不滅此大般
泥洹日光出已無量惡報皆悉消滅
復次善男子譬如有人出家學道雖
不持戒得與如來大衆共俱在在處
處假被袈裟受人供養名字得入如
來僧數如是善男子若有菩薩摩訶
薩十地成滿及諸外道能信受此摩
訶衍經一言歷耳斯等皆入如來菩
薩大衆之數正使利養為名譽故讀
誦此經但不誹謗如是等輩皆悉當
成如來應供等正覺道是故我說彼
四種人為真四依彼四人中但使一
人能自決定不以世俗外道記論名
如來說名是故名為真實四依當加供
養受學護法云何供養若有此人於
摩訶衍經能受持者應隨是人盡其
形壽受學護法從其學已增加供養
是故我說此偈

若知正法者 不問其長幼 盡心加供養
如人事火法 若人知法者 不問其長幼
盡心恭敬礼 如天奉帝釋

迦葉菩薩白佛言世尊如佛所說於

諸師長應加恭敬礼事供養假使長老從少者學亦應恭敬為作礼不若復長老雖知經法不持禁戒年少弟子能持戒行當敬礼不又復白衣善知經法出家之人從其受學恭敬承事法應云何佛告迦葉其出家人於白衣所不應礼拜非福田故其出家人凡是長老一切福田應當敬礼若犯戒者是所不應所以者何長養草穢害穀苗故迦葉菩薩復白佛言如世尊說盡心恭敬礼如天奉帝釋如是二偈與義相違若當一切礼敬長老者諸持戒比丘多有犯罪云何世尊而說是偈又復如來於此契經說犯戒者應當降伏佛告迦葉我為當來菩薩故說至心恭敬礼如天奉帝釋此二偈說為菩薩故非為聲聞善男子我般泥洹後如來正法欲滅之時持戒衆減犯戒衆增其諸清淨得解脫者皆志潛隱諸出家者受非法財畜養奴婢當尔之時四種人中若有一人出興於世信家非家出家學道亦現同彼受非法財畜養奴婢然

是人者自能分別是法非法是律非律悉知他人不持戒行亦知自己所犯輕重能知如來所應行處解知時節方土法用誦讀如來九部經典時有誦習九部經典犯戒違律是人雖知彼犯重罪為護法故方便嘿然不說其過而自謙卑從彼受學於護法心而無所壞當知是人為護法故出現於世善男子譬如有國其王命終王子幼弱未能治國有一野人旃陀羅種以強力故為彼國王時諸長者婆羅門等而作是念今旃陀羅主領此國我等何緣往返承順便捨逃走外奔他國彼旃陀羅王遣人追逐斷其徑路旃陀羅王擊鼓宣令告諸長者婆羅門等汝等莫去我當與汝分國半治國中人民有不走者王復語言諸婆羅門汝等各各轉相告語言却後七日婆羅門等及諸士人為旃陀羅王施設大會當共相與往詣王所與彼國王及其親族旃陀羅輩飲食宿止若有一人不從教者我當苦治又復語言我家中有三十三天甘

露之藥其服食者能令不死并有方
論當持相與尔時有一縈駿梵志專
修淨行聞王教已來詣王所頭面礼
足而白王言大王當知能行不忍天
下大惡則我是也王當與我官爵奉
祿我能唱令王即聽許時彼梵志即
受王命唱令國內是時國中諸婆羅
門皆志瞋恚呵責罵之然其梵志猶
與彼王共知國事至於後時大目犍
志便白王言我與大王共同國事至
於今日猶未體信而不見教學一術
法王告梵志我當徐徐教汝術法今
我家有先王之餘甘露味藥當共汝
食即便以此甘露味藥并其方術與
彼梵志梵志大目得此甘露及方術
已為彼王合隨食之藥王服彼藥即
便命終時梵志大目即立先王太子
還紹王位護持先王正法治化如是
梵志大目非捨婆羅門法習旃陀羅
法故是梵志修行菩薩拯濟之業國
土人民歎言善哉此婆羅門護持王
法是時菩薩持正法故為婆羅門作
計方便立彼王子以為國王宮中內

外及諸大目皆受正法旃陀羅王妻
子眷屬皆與毒藥令其迷悶然後駢
出菩薩摩訶薩亦復如是現犯戒相
畜養奴婢受非法財詣彼犯戒惡比
丘所承事受學書其經卷書經卷已
轉來教授持戒者故與彼惡人同其
止宿周旋飲食自手作食人不授食
讚正法故便作方便以諸八種非法
之事而降伏之令其迷悶不復與彼
同其自恣布薩和合降伏一切諸犯
戒者與諸清淨和合之衆布薩自恣
以摩訶衍方等街法廣為人說安隱
濟度無量衆生是為菩薩護持正法
我為是等而說斯偈若有比丘聞我
所說無護法心而欲方便效彼菩薩
起諸過者佛所不聽自言菩薩而實
寬縱作過惡者我說是等為懈怠輩
我此方便微密之教為護法菩薩故
說此偈

若知正法者不問其長幼盡心加供養
如人事父法若人知法者不問其長幼
盡心恭敬礼如天奉帝釋

迦葉菩薩白佛言世尊如是菩薩慢

縱懈怠於具足戒得清淨不佛告迦
葉善男子彼具足戒若懺悔者當言
清淨善男子譬如坡塘破壞其水流
出所以者何不勤修故然善男子坡
塘破壞更修治者其水還復彼懈怠
者亦復如是於具足戒布薩自恣
所破壞處戒水流出所以者何精進
損減懈怠增故然是比丘戒行損減
應更修治從彼護法諸菩薩所改勵
懺悔令得清淨迦葉菩薩白佛言猶
如世尊阿摩勒果喻經所說持戒犯
戒其相難知云何分別佛告迦葉善
男子持戒犯戒欲知其相依大般泥
洹經能善分別善男子譬如田夫種
植五穀除麤草穢名為淨田故有稊
稗似善穀苗至其成實草穀各異後
後方知真偽有別護法菩薩亦復如
是修田之法先除八種麤惡罪行除
麤過已名為肉眼清淨衆僧良福田
數乃至聖果肉眼之外名清淨僧但
除八種毒蛇大過名為衆僧良福田
數雖未都淨已為天人之所供養為
良福田況復終成賢聖妙果清淨福

田出彼肉眼所見之表復次善男子
譬如國中有二果樹一名迦留二名
沾牟迦留樹者是苦果樹沾牟樹者
是甜果樹華葉果實狀類相似有人
不識雜取其果詣市賣之食者多死
時有智人疑是毒果便往問之汝等
何處取是果來答言某方便語彼人
此必雜毒故多煞人宜速棄之如是
善男子懈怠之僧成就八惡時有持
戒在其中者如彼甜果在毒樹林護
法菩薩教令棄捨不令信心諸弟子
等禮拜供養恭敬親近斷慧命根墮
地獄中是故信心優婆塞等當善分
別莫見形服便相習近當志問之彼
為成就八種法不自恣布薩為和合
不若彼已離八種惡法如是等僧世
尊亦受哀衆生故於祇桓林與共和
合如真金聚當知是等所應供養若
言不受不共和合布薩自恣當知是
等非是天人所應供養是諸比丘不
應與共布薩自恣若其問評猶不能
知當依如來真實契經而分別之若
彼愚夫不善分別而便恭敬供施所

須與相習近我說是等當墮惡道復次善男子譬如雪山有好甜藥時諸商人合持諸藥遊行而賣時有一人不識諸藥問彼商人汝有雪山甜藥草不荅言我有便從其買而彼商人輒與苦藥其買藥者求甜藥故反得苦藥清淨衆者如雪山藥與彼懈怠犯戒比丘而共和合其信心者供養礼事當知是等肉眼凡夫猶如彼人不識甜藥清淨犯戒其相難知凡夫肉眼不能分別唯天眼者乃能別知是故成就八種惡法雖著法服不應受人礼拜供養若能改悔除八種過名清淨僧迦葉菩薩白佛言善哉善哉世尊快說斯法我當頂受是金剛寶尔時迦葉菩薩復白佛言如世尊說告諸比丘有四依法何等為四依法法不依人依決定說不依未定依於智慧不依於識依於義不依文字我等信此為四種依不信四人為真實依佛告迦葉其名法者即是如來大般涅槃一切諸佛皆同此法諸佛如來得此法已常住不變非磨滅法

若於如來作無常想者我說斯等非
知法人為不可信如我所說四種人
者善解如來方便密教知諸如來是
常住法非變易法非磨滅法諸佛如
來亦復在彼四種人數及餘衆生於
如來常住方便密教善解其義我說
斯等為根本依當知可信以是義故
說四種人為真實依依於法者是諸
聲聞大德智慧於正法中心不失念
其正法者如來常住於此正法精勤
方便名為依法不依人者若當此人
犯戒貪濁復說如來是无常法彼非
可信是故我說不依於人依決定義
決定義者是菩薩也諸聲聞等於此
如來方便密教疑惑不信大乘智海
令其決定離諸疑惑又決定者是大
乘智永離諸尋尋者是聲聞智其諸
菩薩能以決定大乘智慧解諸如來
是常住法是故菩薩所言可信未決
定者是聲聞智言諸如來穢食之身
泥洹滅盡譬如火滅則不可信所以
如來說斯等經方便教化如或二道
諸衆生輩聲聞智者是則有餘為非

決定是故諸聲聞名不決定數以彼智慧不了如來大聖尊說是故說彼為不可信是故佛說決定義者是真四依依於智慧其智慧者即是如來法身可信方便身者則不可信云何但見如來方便身已而謂實有陰界諸入若其無者為何處來而今現有舍利積聚以有舍利現於世故謂其法身是穢食身妄作是想以是之故識不可信識不可信故作識想者當知其人亦不可信依於義者義者正義正者滿義滿者不消滅義不消滅者如來常義如來常者是法常義其法常者衆僧常義是則佛說名為依義若有諂曲凡夫得蒙如來慈心蔭覆出家學道而便懈怠放捨禁戒言佛聽我受畜奴婢諸非法財若飢餒時言我諸弟子莫自苦困我聽受畜奴婢錢財金銀寶物牛馬穀米以賣生利彼作如是種種文辭說經律者皆不可信信是說者當知其人亦不可信以是義故說名依義其非義者言此三法是皆無常變易磨滅是名非

義是名文字是故說言依義不依文字正使外道所說經義合摩訶衍者是皆可信非為文字是故四依乃至肉眼四種人數為真實依善男子是為四依當作是學

大般涅槃經分別邪正品第十

佛告迦葉有四種法有魔說經有佛說經有諸衆生隨魔教者隨佛教者迦葉菩薩白佛言世尊我當云何而分別知願欲聞之佛告迦葉善男子我般涅槃七百歲後如來教法從此漸滅魔作比丘壞亂正法為鴉師相而自覆藏作比丘像比丘尼像優婆塞像優婆夷像須陀洹像斯陀含像阿那含像阿羅漢像及作佛像是魔波旬作離俗相而行俗法壞亂我教波旬說言如來從兜率天沒降神來下淨飯王家摩耶夫人愛欲和合而從彼生若言不從愛欲生者無有是處同人間法而為諸天世人阿修羅等恭敬供養所以者何以其宿世殖衆德本自身妻子種種施與故得為佛如是相貌當知是為魔說經律所

以者何如來應供等正覺化衆生故出現於世非為如來從其父母習愛欲生現斯相行隨順世間如是相貌當知是為佛說經律若有衆生於魔經律從而信者當知是輩為隨魔教若於如來所說經律從而信者當知菩薩又說如來出生於世周向十方各行七步非為示現言示現者是不可信是等經律當知魔說若言如來初生於世周向十方各行七步是則如來方便示現是等經律當知佛說魔說經律從而信者當知是輩為隨魔教佛說經律從而信者當知菩薩又說如來往詣天廟恭敬禮拜非是天神禮拜菩薩所以者何天神在前如來在後故如是當知魔說經律如來方便現入天廟諸天釋梵皆悉恭敬禮拜菩薩如是相貌為如來說魔說經律從而信者當知是輩為隨魔教佛說經律從而信者當知菩薩又說如來為王太子宫人採女五欲自娛當知是為魔說經律言彼如來現處深宮採女娛樂如棄涕唾捨家學道

如是說者當知是為如來經律魔說
經律從而信者當知是輩為隨魔教
佛說經律從而信者當知菩薩又說
如來應供等正覺在於祇樹給孤獨
園受畜錢財金銀寶物奴婢鳥馬牛
羊鷄狗猫狸狢鼠銅鐵琉璃真珠珂
貝金銀寶玉珊瑚琥珀種種雜物種
種田宅種種販賣畜養男女積聚穀
米如此諸物哀愍世間故皆悉受之
如是像類當知魔說如來應供等正
覺哀愍一切諸衆生類住那羅林為
彌羅耆羅婆羅門及波斯匿王說言
大王我諸弟子受非法物無有是處
若畜金銀奴婢鳥馬牛羊鷄狗猫狸
狢鼠銅鐵琉璃金銀真珠珂貝玉石
珊瑚琥珀種種雜物種種田宅種種
販賣畜養男女積聚穀米自熟教熟
學相學呪學衆鳥語推步盈虛日月
博蝕仰觀歷數學結華鬘工巧木作
學書占夢六十四術服諸消食治瘡
齒藥花鬘塗身諂曲徐步現知足相
而實無厭戲笑談話貪味飲食魚肉
饒饒合諸毒藥合諸香油作諸樂器

革屐繖蓋竹作織作刻畫文繡服種種藥合和諸香學造王家談語坐起言笑宴嘿學作女人華嚴飾具調戲語言雜色衣服造金樓閣入酒會處及姪女家如是種種非法之物或作或受或持施人如是大王是諸像類我所不聽所以者何此等非法猶如草穢害善穀苗我聽苦治駢擯今出如是說者當知是為如來經律魔說經律從而信者當知是輩為隨魔教佛說經律從而信者當知菩薩又言如來不能示現入於天廟亦復不能降伏於彼諸天人輩亦復不能於九十六種道中出家不能現劫成敗不學一切諸醫方術亦不能現為人僕使男女藥樹若王大臣若使如來為是事者非為如來是邪見輩如來平等塗割處中無怨无愛亦非有此如是相貌當知是為魔說經律現入一切諸天神廟於九十六種而現出家現劫成敗入諸呪術學書之堂現為僕使為男為女或為藥草國王大臣現入姪舍或為長者居士梵志貧窮男

女及諸不男周遍一切二十五有種種現化不為彼彼之所惑亂猶如蓮華不著塵水當知化度諸衆生故隨順世間如是相貌當知如來所說經律魔說經律從而信者當知是輩為隨魔教佛說經律從而信者當知菩薩言我經律世尊所說是罪是惡是輕是重是名麤罪是為性罪是為制罪我說戒律為是真實汝說為實寧捨我說取汝說乎汝謂此律世俗論耶我此經律如來所說九部契經已印封竟九部印中我未曾聞有方等經一句一字片言之音如來說經有十部耶方等經者其部無量當知皆是調達所作壞一切義而作虛說言方等經出意妄造我所不信佛告迦葉如是說者亂我法教誹謗如來方等契經如是說者當知是為魔說經律當來之世有如是輩各各自言我有經律邪說經律而共諍論有諸比丘於九部經表知我別說此摩訶衍方等大經有信向心不於戒律執著邪見不淨威儀恣能捨離於我法律

清淨具足猶如滿月知一二經一一法律一一戒行其數恒沙不可稱計真實之義種種之義皆是佛說若言我經律無有是戒當知是戒非佛所說言我限數持是戒者當知是等為犯戒人其有經說少欲清素合於佛語當知此義皆是摩訶衍經之所宣說若言如來安隱濟度一切衆生故說如此大乘泥洹方等經者當知此等是我弟子其有異者我非彼師不於我所出家學道皆是邪見外道弟子如是相貌當知是為佛說經律魔說經律從而信者當知是輩為隨魔教若於如來所說經律從而信者當知菩薩如來成就無量功德得空無慧為衆生說苦空非我今口無常入於泥洹亦不示現隨順世間如是說者當知魔教當知如來不可思議無量無數功德成就為佛世尊是常住法非變易法非是一切如截多羅樹而世尊說四不度法如截多羅樹復說一一不度猶如折石說過人法者無間等上是過人法未得言得故有一比

丘少欲知足又多知識若王大目及
餘世人見皆恭敬而說偈頌讚彼比
丘種種功德言是尊者捨此身已當
成佛道比丘聞已便作是言汝等莫
於未得果人以道果讚歎是多欲名
字佛所不許汝等嘿然莫盡形壽為
我樂法之人作多欲名字未得道果
我自知之而彼國王及諸大目語比
丘言今汝尊者便為是佛舉世悉聞
皆從汝學律經記論當知彼王及諸
大目得頌讚歎功德無量然彼比丘
修持梵行無所違犯非為不度不犯
自稱得過人法復有比丘廣說如來
藏經言一切衆生皆有佛性在於身
中无量煩惱悉除滅已佛便明顯除
一闍提時有國王及諸大目問比丘
言汝當作佛不作佛耶汝等身中皆
有佛性彼比丘言不知我當得作佛不
然我身中實有佛性復語比丘汝今
莫作一闍提輩而自計數我當作佛
比丘言尔但我身中實有佛性然彼
比丘雖作是說非為自稱得過人法
實有佛性施戒生故復有比丘作是

思惟我當成佛決定无疑作是思惟
雖未得道果其福無量以是義故一
切比丘皆應修行是思惟法所以者
何八十億種不清淨法從是得離清
淨少欲志得成就如來真性由斯顯
現逮得百千諸法寶藏大悲世尊而
作是說如是相貌當知如來所說經
律魔說經律從而信者當知是輩為
隨魔教佛說經律從而信者當知菩
薩又復說言亦無四墮十三僧殘三
十捨法九十一墮法衆多學法四悔
過法二不定法七滅諍法無越比尼
亦無麁罪亦無五逆無謗經法無一
闍提亦無犯此諸戒果報墮泥犁中
其諸比丘及與外道皆當生天然佛
世尊恐怖人故說斯戒律若欲恣心
極世樂者當捨法服還受五欲獸五
欲已悔過修善如來在世亦有比丘
受習五欲得生天上亦得解脫古今
有是非我獨造犯四墮法乃至五戒
及諸一切不淨律儀受非法物皆得
解脫若作是說越比尼罪如忉利天
日月歲數八万四千歲墮泥犁中諸

餘篇罪差降轉重是諸律師虛誑妄
說假稱佛教是不可信如是相貌當
知是為魔說經律越比尼罪取為微
細若有比丘犯此一二微細律儀知
而藏覆如龜藏六當知是輩不可習
近如我說偈

若犯微細罪 嘿然妄語者 不計於後世
无惡而不為

斯等皆是如來教誡決定之說况犯
麤罪戒無麤細當堅固持為佛性故
若言九部不說衆生皆有佛性又方
等經亦說非我是為誹謗九部契經
云何不起衆生見耶九部經中一切
衆生皆有佛性未所曾聞我當何取
或能自稱說過人法當知是等如言
大海无種種寶彼雖受學九部契經
方等要藏摩訶衍海種種法寶非彼
境界然佛所說法非為一切聲聞緣
覺悉非其境界見佛所說因緣相貌
亦復能知一切衆生有如來性不壞
吾我壽命之相心存中道言我身中
皆有佛性我當得佛我今但當盡諸
煩惱如是說者是我聲聞若異此者

名為目稱有過人法又復說言我已作佛我已見法住於佛地是為自說得過人法其不尔者是等不久當成佛道如是決定甚深佛教而諸比丘於中自說得過人法為利養故諂曲徐步現行乞食愚癡犯戒未得道果而言得果向人稱說普共聞知恭敬承事轉增貪著伺望供養不修法念示現威儀取悅人意我說是輩為自稱說得過人法復有比丘護持正法故現求利養貪著名聲作是思惟當令一切人所知識稱歎善哉恭敬承事我當目是降伏外道諸犯戒者光揚如來天尊之德廣宣方等般泥洹經開導衆生善解如來所說經律及律眷屬長養自身如來種子速令佛性開發顯現無量結患一時除滅告諸衆生汝等皆成如來之性滅諸煩惱心在護法而作是說我說斯等為菩薩也以護法故無有自稱得過人法越比丘罪如忉利天數八万四千歲在泥犁中何況麁罪其摩訶衍有重罪者皆當駢出有所取者便是

麁罪人所受護塔物取如芥子及不問主而取經卷者皆是麁罪賊心壞塔亦犯麁罪恙應駢出若王大臣有故塔寺欲作供養為舍利故或恭敬故立一比丘為經營主付其錢物而彼比丘輒取自用令主呵責是等比丘亦應駢出正使不男及二根者皆應駢出所以者何越五戒故乃至蟻子皆當慈心施以無畏是沙門法設有酒香亦隨遠離是沙門法正使夢中猶不妄語是沙門法夢中不與女人同處是沙門法若於夢中與共同處雖不犯戒如香華等令人寬縱心起放逸皆由晝見心隨生故則有夢想彼夢覺已亦增亂念以食子想而行乞食云何而令恣心得生夢中生心應速除滅如是相貌當知是為如來經律魔說經律從而信者當知是輩為隨魔教佛說經律從而信者當知菩薩言如來聽受大人坐法行止威儀受不言法投巖飲毒斷食煞生繫縛衆生自治身體作茂羅業呪術盡道旃陀羅等不男二根支節不具

聽出家愍衆生故乳蜜綿繒珂貝皮
革諸穀米等悉不服食於諸草木作
壽命想慈悲心故泥洹長滅如是相
貌當知是為魔說經律除大人坐四
種威儀若言我聽飲毒入火斷食投
巖殘斂衆生作茂羅業呪術蠱道乳
蜜綿繒珂貝穀米作熟肉想一切草
木作壽命想如是說者我所不聽作
是說者當知是輩外道弟子隨我所
聽而能行者是我弟子不說四大有
壽命想如是說者當知是為佛說經
律如是比說衆多無量魔說經律從
而信者當知是輩為隨魔教佛說經
律從而信者當知菩薩善男子如是
所說是為魔所說經佛所說經若別
之相當分別知迦葉菩薩白佛言善
哉世尊我等今日始解如來甚深之
說佛告迦葉善哉善哉善男子當作
是學是為黠慧

大般涅槃經卷第四

壬寅歲高麗國大藏都監奉

勅雕造

大般泥洹經卷第五

率

東晉平陽沙門法顯譯

四諦品第十一

今時佛告迦葉善男子若使是苦名苦諦者地獄畜生皆有苦諦名苦諦者謂知如來常住法身非穢食身衆生不得如來尊智知苦故以非法為法久遠癡愛煩惱結縛弥劫生死苦輪常轉假使如來常住二字暫經耳者欲生天上及求解脫必得聖果自然快樂智者自知皆由如來常住之音暫經耳故得此妙果久遠以來不知如來常住法故往返无量生死苦惑如是知苦為知苦諦若異此者非知苦諦苦集諦者諸法之實不知實故增其愛集畜養奴婢諸非法物非法為法而生妄取正法則滅以無智故長處生死輪轉苦惑當知是等為壞正法終不得果生天解脫不知苦集真實相故為壞正法妄說之報亦復長夜生死苦惱如是知者為知集諦若異此者不名知集苦滅諦者

若修行空一切盡滅壞如來性若修行空名滅諦者彼諸外道相違義者亦修行空得滅諦耶當知一切皆有如來常住之性滅諸結縛煩惱永盡顯現如來常住之性起於一心便得妙果常樂自在名法自在王是為修行苦滅聖諦若復修行於如來性作空無我相當知是輩如蛾投火名滅諦者是如來性是如來實滅除一切無量煩惱所以者何是如來性因故如是知者為知如來平等滅諦若異此者不名知滅苦滅道者如來法僧解脫之性此四種法名為道諦於四種法不知實故長處生死無量苦惑於生死中能勤修行了知如來法僧解脫是常住法非變易法非磨滅法不盡不壞起於一心得微妙果快樂自在於此常住不空四法作非法想者當知是輩得邪見果報苦滅道者於此三法作常住修者是則名為知苦滅道諦如是修行常住想者當知是等是我弟子知四真諦是為菩薩知四真諦迦葉菩薩白佛言世尊我

今始知修四真諦

大般涅槃經四倒品第十二

佛復告迦葉所謂顛倒苦有樂想如
來無常滅盡涅槃如薪盡火滅則為
大苦而作是想如來無常是為顛倒
樂有苦想於如來長存作衆生見是
為顛倒於三有苦而作樂想是亦顛
倒是為第一顛倒無常常想顛倒常
無常想顛倒常元常想者如來泥
洹修極空想是為顛倒修極空已
短壽衆生便得長壽於是修果謂
常存法名為顛倒是名第二顛倒
非我我想顛倒我非我想顛倒言一
切世間有我是為顛倒佛說如來性
是真實我而於此義作非我終是名
第三顛倒淨不淨想顛倒不淨淨想
顛倒如來常住非穢食身而肉眼者
言穢食身非清淨法法僧解脫亦當
滅盡是名顛倒諸不淨身無一淨想
愚癡倒惑而起淨想是名第四顛倒
如是善男子是名四顛倒迦葉菩薩
白佛言善哉世尊我從本來常著顛
倒而今始知如來正見

大般泥洹經如來性品第十三

迦葉菩薩復白佛言世尊如來有我二十五有為有為無佛告迦葉真實我者是如來性當知一切衆生悉有但彼衆生無量煩惱覆蔽不現譬如貧家舍內有珍寶藏而不能知時有一人善知寶相語貧子言汝為我作我當與汝錢財寶物貧子荅言我不能去所以者何我先家中有珍寶藏不能捨去彼人復言汝愚癡人不知寶處且與我作給汝珍寶用之無盡便從其語然後彼人出其宅中珍寶與之貧人歡喜起奇特想知彼士夫實可依怙一切衆生亦復如是各各皆有如來之性無量煩惱覆蔽隱沒不能自知如來方便誘進開化令知自身有如來性歡喜信受復次善男子譬如母人生子尚小而便得病藥師方便為合良藥蘇乳石蜜令子服之語其母言慎莫與乳令子藥消然後與之復合苦藥塗其乳上子欲飲乳聞苦藥氣即便捨去知其藥消然後洗乳令子乳之如是善男子如來

誘進化衆生故初為衆生說一切法
修無我行修无我時滅除我見滅我
見已入於泥洹除世俗我故說非我
方便密教然後為說如來之性是名
離世真實之我迦葉菩薩白佛言世
尊人初生時智慧尚少漸漸長大智
亦隨明若有我者始終應一以彼智
慧漸漸增故當知无我又復我者應
無生死而有生死當知無我若使一
切皆有如來性者應无有異而今現
有長者梵志刹利居士旃陀羅等諸
衆生類種種異業受身不同若使衆
生有如來性者應當同等而今不同
故知無有如來之性若復真實有如
來性不應煞盜作諸種種不善惡業
若當衆生有如來性聾者應聽盲者
應視啞者應言若使各有如來性者
為住何所彼和合身青黃赤白於種
種色為住一處為遍身中佛告迦葉
譬如國王有大力士摩尼寶珠能除
毒痛繫著頭上與敵國共鬪為彼所
繫摩尼寶珠陷入身中血肉皮覆遂
失寶珠求覓不得便作失想時有良

醫來為治病因語醫言我有寶珠遂
便忘失處處求覓不知所所在當知財
寶非常之物如水上海速生速滅虛
誑如幻如是永作失寶珠想良醫答
言寶珠不失莫作失想汝因闢時珠
入身中血肉皮覆是故不現彼人不
信而謂醫言血肉之中何處有珠是
虛言耳時彼良醫即為出珠彼得珠
已方信良醫所知奇特一切衆生亦
復如是各各皆有如來之性習惡知
識起婬怒癡墮三惡道乃至周遍二
十五有種種受身如來之性摩尼寶
珠沒在煩惱婬怒癡瘡不知所在於
世俗我修無我想不解如來良醫方
便密教作無我想而不能知真實之
我於是如來復為方便令滅無量煩
惱熾然開示顯現如來之性復次善
男子譬如雪山有好甜藥名為上味
轉輪聖王未出世時隱沒不現其諸
病者皆詣藥所掘地埋筒以承藥汁
或得甜味或得苦味或得辛味或得
酢味或得鹹味或得淡味而諸病者得
此諸味不得真實上味之藥掘地不

深薄福德故轉輪聖王福德力故出於世時便得真實上味之藥如是善男子如來性者多種之味无量煩惱愚癡覆蔽是故衆生不得上味如來之性種種行業處處受身彼如來性無可煞害其諸死者名為壽短如來之性名為真壽不斷不壞乃至成佛如來之性無害無煞唯長養身有害有煞如諸病人作衆邪業種種報應剎利梵志乃至生死二十五有不得真實如來性故復次善男子如人穿地求金剛寶手執利鑿鑿堅土石不能令碎唯有金剛莫能斷截如來之性亦復如是天魔利劍所不能傷唯長養身受其傷壞非如來性是故當知如來之性無害無煞是為如來決定之教方等契經甘露毒藥迦葉菩薩白佛言世尊方等契經甘露毒藥義何所趣佛告迦葉善男子汝今諦聽當為汝說今時世尊即說偈言或有食甘露而得長仙壽有人服甘露傷壽而早夭或因飲毒死或緣飲毒生其甘露者是摩訶衍無尋之智其毒

藥者亦是摩訶衍無尋之智猶如醍醐蘇油石蜜食之不消名為毒藥食之消者名為甘露無智衆生不解方等大乘密教則於是人名為毒藥聲聞緣覺住大乘法及諸菩薩人中之雄名為甘露譬如乳牛雖色不同其乳一味如是迦葉當知菩薩成無畏者之所歸依如來法性彼性我性皆同一味於是迦葉菩薩即說偈言
我今歸三寶甚深如來性 自身如來藏
佛法僧是三如是歸依者 是名寂上依
尔時世尊復為迦葉而說偈言

不知三寶者 何名知歸依 依義尚不了
云何知佛性 若以歸依佛 是為寂吉安
復有何因緣 而復歸依法 歸依於法者
是為自心想 復有何因緣 而歸於衆僧
不信歸依佛 決定真實者 三寶如來性
何由能悉知 云何未知義 而生豫計想
佛法比丘僧 三寶之梯橙 猶如不懷妊
而作生子想 如是思惟者 但增其惑乱
如人尋空響 離真復婆塞 當勤求方便
大乘決定義 如來隨順說 令汝除疑網
迦葉菩薩復說偈言

為優婆塞法 歸依於佛者 一切諸天神
不生歸依想 為優婆塞法 歸依於法者
不以害生法 而為非法祠 為優婆塞法
歸依於僧者 不於眾邪道 請求良福田
是故歸三寶 除俗三非法 此三歸法者
亦是如來說 我昔由此法 今得安隱處
汝等亦當行 終歸至我所 如是平等路
汝等隨行者 疾得免眾苦 輪迴生死惑
如來之性者 亦從世尊說 我及諸眾生
同此如來性 諸佛隨順道 我等悉由之
乃至諸魔天 亦有此甘露 終歸同諸佛
離有奔屋尊

今時世尊復為迦葉重說偈言

汝莫如聲聞 童蒙之智慧 唯是一歸依
當知非有三 如是平等道 佛法僧一味
為滅癡邪見 故立此三法 汝今欲示現
隨順世間者 應當從此教 歸依於三寶
若人歸依佛 便為歸依我 歸依等正覺
正覺我已得 分別歸依者 則亂如來性
當於如來所 而作平等心 合掌恭敬禮
則禮一切佛 我與諸眾生 為最真實依
清淨妙法身 我已具足故 若禮舍利塔
應當敬禮我 我與諸眾生 為最真實塔

亦是真舍利。是故應勅。若歸依法者。
願當歸依我。清淨妙法身。我已具足。故
我與諸衆生。為最真實法。若歸依衆僧。
亦當歸依我。諸餘一切衆。皆佛僧所攝。
我與諸衆生。為最正覺僧。无目衆生類。
為之生道眼。是故聲聞衆。及諸緣覺僧。
如來僧。悉攝歸依。最真實。

佛告迦葉。如是善男子。菩薩摩訶薩。
當作是念。正使不善。无知。積聚。應作。
是知我有佛性。如彼健士。鬪戰之時。
當知我為軍中之將。為一切衆所依。
怙者。譬如王子。為太子時。應當自知。
我為一切王子之上。當紹王位。為諸
王子作真實依。終不生心。作下劣想。
善男子。菩薩摩訶薩。亦復如是。立金
剛志。超彼三法。如彼王子。成就無畏。
於三法中。離種種想。如來最上。猶如
頂相。取為第一。非佛非法。非比丘僧。
種種差別。如梯橙也。為世間依。度世
間故。於真實法。示現種種。而為三法。
誘化童蒙。無知衆生。令入大乘深利。
智慧。迦葉。菩薩復說偈言。

知此直實義。而問於如來。欲顯發菩薩。

勇猛離垢故 善哉世尊說 菩薩之所行
大乘深利智 如練金剛慧 善哉世尊說
安立諸菩薩 如來善顯示 我今亦當然
一切衆生類 悉應自觀察 自身如來藏
皆是三歸依 一切衆生類 信受此經者
若已離煩惱 及諸未離欲 皆當歸自身
如來微妙藏 唯是正歸依 无二亦無三
所以然者何 世尊廣分別 各各自身有
如來微妙藏 以知此義故 不復歸於三
我已為一切 世間真實依 法及比丘僧
一切攝受故 聲聞辟支佛 皆悉當敬禮
以是諸菩薩 正向大乘道 如是如來性
為不可思議 具三十二相 八十種好故
佛告如葉善哉善哉善男子其諸菩
薩應如是學其深利智復次善男子
我當更說入如來藏即說偈言

有我長存者 終不經苦患 若使無我者
空為修梵行 一切法无我 是名斷滅教
言我長存者 則為計常說 一切法無常
是則為斷說 一切法常者 是則為常說
一切法是苦 是則斷滅說 一切法是樂
是則計常說 一切修常想 是疾得斷說
一切修無常 是疾得常想 譬如拆樓虫

得一速望三如是修常者是速得斷滅
若修斷滅者亦疾得常想如是所說喻
得一更求餘異法修苦者則說不善分
異法修樂者是則說善分異法修無我
無量諸煩惱異法修常存佛性及涅槃
異法修无常則身不堅固異法修常者
如來等三寶及平等解脫是諸法真實
如來之所說不同於彼喻當知除二邊
處中而說法計常及斷滅是見二俱離
世間凡愚輩於佛說迷惑喻如羸病人
頓服蘇迷亂有无增其患譬如重病人
四大平增損而平等和合痰癰增不息
風種起燒然風癰已違諍涎唾亦復增
如是不和合舉體發狂亂良醫善方療
隨順安四種除滅一切病悅樂全身強
如四大毒蛇無量煩惱患良醫善方療
平等性安隱其平等性者是名如來藏
得聞如來性離於一切界常住不變易
有無等不著凡愚而妄說不了微密教
如來為衆生方便說身苦凡愚不能了
謂我身斷滅慧者了真諦不捨一切受
能知我身中有安樂種子聞我為衆生
方便說無常凡愚謂我身如陶家坏器

慧者能諦了。不捨一切受。能知我身有微妙法身。種聞我為衆生。方便說非我。凡愚謂佛法一切無我所。智者能諦了。非盡假名說。不惑於清淨。如來真法性。聞佛為衆生。方便說空教。愚夫不能知。謂恙言語斷。慧者能諦了。不捨一切受。知如來法身。長存不變易。聞我為衆生。方便說解脫。愚夫謂佛身。解脫恙磨滅。慧者能諦了。不恙往來斷。如來人師子。自在獨遊步。我為衆生說。无明緣諸行。凡愚不能知。謂是為二法。慧者能諦了。明非明。雖異。解脫真實法。則無有二相。緣諸行。生識。凡愚謂為二。慧者知行緣。雖二而不二。十善及十惡。凡愚隨二相。慧者能諦了。雖二而不二。有罪及无罪。凡愚謂為二。慧者能諦了。自性則不二。清淨不淨相。凡愚謂為二。慧者能諦了。自性則不二。作者及不作。說一切諸法。凡愚不能知。謂為是二法。慧者能諦了。自性則不二。說一切諸法。為苦及樂分。凡愚不能知。謂為是二法。慧者能諦了。自性則不二。我為衆生說。一切行無常。凡愚不能知。捨修如來性。慧者能諦了。

自性則不二我為衆生說一切法無我
凡愚不能知謂佛說无我慧者了自性
我非我無二无量無數佛說是如來藏
我亦說一切功德積聚經我非我不二
汝等善受持

善男子當憶念一切功德聚經我說
般若波羅蜜大經不二彼如是說我
非我不二譬如從乳出酪從酪出生
蘇從生蘇出熟蘇從熟蘇出醍醐為
始終是一為從餘處來若即是一者
即作本事若乳即為酪者然今乳時
而無酪相如是因緣展轉相生非已
有故而言展轉若餘處來者彼在何
處住當於乳時不見酪等從餘處來
彼一切分皆有醍醐自性但諸過覆
故異分現牛食過故乳則血氣牛食
甘草乳則甜香牛食苦草乳有苦味
於雪山下有甘澤草牛食是草出成
醍醐不作餘色當如牛食種種味草則
有種種異色明及无明不二之法亦復
如是行業過故明非明轉一切善法
及不善法皆无有二是故當知如來
之性如彼醍醐自性清淨煩惱過故

有異相現譬如人言大海水鹹非為一切其水悉鹹其中亦有八味之水譬如雪山多諸毒草而彼雪山先有良藥一切衆生身亦如是四大和合譬如毒蛇然此身中先有佛性如彼良藥其如來性始終常有非作所作但無量煩惱中間競起凡諸衆生欲求佛者當除無量煩惱結患譬如春月興大雲雷而未降雨草木華果皆未萌芽夏時大雨一切扶疏如來之性亦復如是無量煩惱結患所覆雖聞契經及諸三昧猶故不知如來之性以不知故而起於我及非我想大般泥洹方等契經密教法藏聞于世間衆生聞已如來之性皆悉萌芽能長養大義是故名為大般泥洹如是善男子其有衆生學此方等般泥洹者名為畢報如來之恩迦葉菩薩白佛言善哉世尊如來之性於諸聲聞及辟支佛甚為難見難得之寶佛告迦葉如是如是善男子我亦常說甚為難見譬如有人膚翳覆眼不見五色就彼良醫為治其目翳便為除少分

膚肉而以一物示之令見彼視惑亂謂
二謂三久久諦視騁騁見之如是善男
子善薩摩訶薩淨治道地成就十住於
自身中觀察如來真實之性猶為无我
輪之所惑況復聲聞及辟支佛而能知
之當知善男子如來之性難見如是又
如有人仰觀飛鳥遠則不識為是為
非極明其目騁騁識之十住菩薩亦
復如是於自身中觀如來性猶生惑
想久乃騁騁況復聲聞及辟支佛又
復如人痰癰增故迷於諸方欲有所
至心心相續專念記識猶失徑路十
住菩薩亦復如是於自身中觀如來
性專心方便猶有惑亂況復聲聞及
辟支佛復次如人遠行曠野熱渴所
亂遠見野馬或謂為水或謂林樹或
言聚落十住菩薩亦復如是於自身
中觀如來性亦生惑想復次辟如有
人登高臨下遠觀佛塔或作水想或
謂虛空或謂屋舍或謂野馬山石草
樹方便諦觀乃知是塔十住菩薩亦
復如是於自身中觀如來性猶生惑
想方便極視乃知真實復次如人舩

行大海遠見城郭而生感想或謂虛空或言物像十住菩薩亦復如是於自身中觀如來性亦生感想復次辟如王子竟夜觀伎至日光現見人生自身中觀如來性亦生感想復次辟如大臣往詣王所諮詳王事夜闌還家於電光中若見白牛而生感想或謂屋舍或謂丘塚十住菩薩亦復如是於自身中觀如來性亦生感想復次辟如持戒比丘自漉淨水復重諦視若見微毫或謂為虫或謂塵末十住菩薩亦復如是於自身中觀如來性亦生感想復次如人觀高山頂若有行人或謂禽獸十住菩薩亦復如是於自身中觀如來性亦生感想如是於自身中觀如來性亦生感想如是甚深難見唯佛境界非諸聲聞及辟支佛所能知見如是善男子如來教法慧者所知應當信受迦葉菩薩白

佛言如世尊說如來之性甚深微妙諸肉眼者云何得見佛告迦葉譬如非想非非想天唯佛境界一切聲聞及辟支佛云何能見但彼隨順如來契經信心方便然後等觀如是善男子一切聲聞及辟支佛當於方等般泥洹經而生信心知其自身有如來性是故當知如來之性唯佛境界非諸聲聞及辟支佛迦葉菩薩白佛言世尊世間衆生皆言有我此義云何佛告迦葉譬如一時二人為友一是王子一貧窮人結好往來其王子者有調伏咒貧人見之彼於後時共至他國於一客舍暮共止宿而彼貧者於夢中言咒來咒來聲徹于外時有人聞將至王所以其所聞具白國王王即問言何處有咒時彼貧人便白王言我无咒也善知識有我曾見之王即復問其狀云何復白王言其角似羊作是語已王語貧人汝自還去何處有咒彼亦无有為虛說耳而咒似羊傳於天下如是不久其王命終太子即位亦訪求咒而不能得次後

其子續立為王亦復如是求咒不得
展轉相傳恒於咒上而作平想如是
菩薩摩訶薩出於世時為衆生說真
實之我其無知者聞一切衆生皆有
佛性不知其真便妄想說我如寸燈
在於心中種種衆生我人壽命如彼
夢說展轉相承皆起邪見計有吾我
求吾我性不得實我作无我說而諸
世間一切衆生常作妄想計有吾我
及無我想如是善男子我說如來之
性實為真實若世間說我隨順法者
當知是則為離世俗當知皆是菩薩
變化現同俗說

大般涅槃經文字品第十四

佛復告迦葉一切言說呪術記論如
來所說為一切本迦葉菩薩白佛言
世尊其義云何佛告迦葉初現半字
為一切本一切呪術言語所持真實
法聚童蒙衆生從此字本學通諸法
是法非法知其差別是故如來化現
字本不為非法迦葉菩薩白佛言世
尊云何字本佛告迦葉初十四音名
為字本是十四音常為一切不盡之

本不盡有何義不破壞義不漏義如
來義名不盡義如來法身金剛不壞
故名不壞如來無有九道諸漏故名
不漏如來常住故說不盡无作之義
初短阿者吉義吉者三寶義次長阿
者現聖智義其名聖者離世間數清
淨少欲能度一切三有之海故名為
聖聖者正也能正法度行處律儀及
世間法度是其義也復次阿者有所
長養皆依於聖一切真實正行之本
孝養二親皆依是知曉了正法住摩
訶行善男子善女人持戒比丘及菩
薩如是所行皆名依聖又復阿者世
界言語法之所依如言善男子阿伽
車如言男子莫作阿那遮邏是故阿
者亦是世間言語所依短伊者此也
言此法者是如來法梵行離垢清淨
猶如滿月顯此法故諸佛世尊而現
此名又復伊者言此是義此非義此
是魔說此是佛說依是分別故名為
此其長伊者名為自在名大自在自
在梵王能於如來難得之教以自在
力護持正法以是之故名為自在又

復伊者於此自在大乘方等般泥洹經自在攝持令此教法自在熾然令餘衆生自在受學此方等經又復伊者自在方等能除伊者嫉妬邪見如治田苗去諸穢草如是等比是故如來說伊自在短憂者上也於此契經說取上義其諸聲聞及辟支佛所未曾聞一句一字片言歷耳譬如諸方鬱單越為福德之上大乘方等亦復如是一言歷耳當知是等人中之上為菩薩也是故如來說此憂字長憂者如香牛乳其乳香味是大乘經取為上味廣說如來真實之性非法憍慢皆悉消滅又復憂者名為大憂於如來藏慧命根斷著无我說當知是等名為大憂是故說憂哩者是也言是佛法如來泥洹亦說是法哩者如來也有來去義以是故說如來如去鳥者下也下賤煩惱悉除滅已名為如來是故說鳥炮者是摩訶衍於十四音炮為究竟是故說名為摩訶衍於一切論為究竟論是故說炮安者一切也如來教法離於一切錢財寶

物安者遮義一闡提義最後阿者盡也一切契經摩訶行者寂為窮盡迦者一切衆生如一子想於諸一切皆起悲心是故說迦呿者掘也發掘如來甚深法藏智慧深入無有堅固是故說呿伽者藏也一切衆生有如來藏是故說伽重音伽者吼也常師子吼說如來常住伽者脆也一切諸行速起速滅故說為伽遮者行也成就衆生故名為遮車者照耀如來常住之性是故說車闍者生也生諸解脫非如生死危脆之生是故說闍重音闍者燒也一切煩惱燒令速滅故說為闍若者智也知法真實是故說若吒者示也於問淨提現不具足而彼如來法身常住是故說吒吒者示滿足也平等滿足是故說陀茶者輕仙不沒是故說茶重音茶者不知慚耻重恩不報是故說茶拏者不正可如諸外道是故說拏多者遮一切有令不相續是故說多他者無知也如蜚虫作壘是故說他陀者於摩訶行歡喜方便是故說陀重音陀者持也

護持三寶如須弥山不令沉沒是故
說陀那者如城門側因陀羅幢豎立
三寶是故說那波者起顛倒想三寶
沉沒而自迷亂是故說波頗者世界
成敗持戒成敗自己成敗是故說頗
婆者力也如諸如來無量神力非但
十力是故說婆重音婆者能擔正法
為菩薩道是故說婆摩者限也入菩
薩法限自強其志為衆重擔是故說
摩耶者習行菩薩四種功德是故說
耶羅者滅煙怒癡入真實法是故說羅
輕音羅者不受聲聞辟支佛乘受學
大乘是故說羅和者一切世間呪術
制作菩薩志說是故說和賒者三種
毒刺皆悉已拔是故說賒沙者滿義
悉能聞受方等契經是故說沙婆者
豎立正法是故說娑呵者驚聲也恠
哉諸行悉皆究竟恠哉如來而般泥
洹離諸喜樂是故說呵羅來雅者魔也
天魔億千無能破壞如來正僧隨順
世間而現有壞又復隨順世間現為父
母諸宗親等是故說羅來雅釐釐樓
樓此四字者長養四義佛及法僧示

現有對隨順世間示現有對如調達
壞僧僧實不壞如來方便示現壞僧
化作是像為結戒故若知如來方便
義者不應恐怖當知是名隨順世間
是故說此取後四字吸氣之聲舌根
之聲隨鼻之聲超聲長聲以斯等義
和合此字如此諸字和順諸聲入衆
言音皆因舌齒而有差別因斯字故
無量諸患積聚之身陰界諸入因緣
和合休息寂滅入如來性佛性顯現
究竟成就是故半字名為一切諸字
之本若觀法實及如來解脫亦無文
字言語之相字相味相皆悉遠離是
故一切遠離名為解脫其解脫者即
是如來因是半字能起諸法而无諸
法因字之想是名善解文字之義若
異是者不解文字分別諸法是法非
法如來之性三寶解脫而不能知是
經非經是律非律魔說佛說悉不能
知我說是等不知字故是故善男子汝
等應當善學半字亦當入彼解文字
數迦葉菩薩白佛言世尊我當善學
斯等半字今我世尊始為佛子得取

上師我今始入學書之堂佛告迦葉
善哉善哉善男子樂修正法應當如是
大般涅槃經鳥喻品第十五

佛復告迦葉鴈鶴舍利鳥者所謂種
種無常苦空非我等法如衆鴈鶴舍
利之鳥迦葉白佛此義云何佛告迦
葉有法無常有法是有法非我譬如田
法是樂有法是我有法非我譬如田
夫殖殖五穀及諸果樹從其萌芽乃
至華葉其人恒作非常之想至其成
熟收其果實得受用時而生常想所
以者何真實現故迦葉菩薩白佛言
世尊云何五穀之常與如來同不磨
滅耶佛告迦葉猶以如來喻頃彌山
其須彌山世界敗時豈不壞耶善男
子莫於譬喻而生是問一切諸法悉
歸磨滅唯有涅槃是常法耳隨世言
說以彼為喻迦葉菩薩白佛言唯然
世尊善哉斯說佛告迦葉如是善男
子一切契經修諸三昧乃至未聞大
般涅槃方等契經諸衆生等修無常
想聞此經已若善男子善女人所懷
煩惱疑結永離曉了常法所以者何

各於自身如來之性得顯現故復次
善男子譬如金師銷鎔其金至器未
成作非常想寶器成已常得受用如
是善男子一切契經修諸三昧乃至
未聞大般泥洹方等契經其諸衆生
修無常想聞此經已所懷煩惱疑結
永離曉了常法所以者何各於自身
如來之性得顯現故復次善男子譬
如有人種甘蔗胡麻乃至未熟常作
種種諸味之想麻油石蜜成已乃知
真味如是善男子一切契經修諸三
昧乃至未聞大般泥洹方等契經其
諸衆生修無常想聞此經已所懷煩
惱疑結永離曉了常法所以者何各
於自身如來之性得顯現故譬如百
川皆歸于海如是一切契經及諸三
昧悉歸方等般泥洹經所以者何如
來之性究竟說故是故我說有法無
常有法是常如舍利鳥憂悲劒刺如
來已斷而於此論多有疑者然其如
來現有憂悲非如人天及餘衆生之
憂悲也如非想處云何有想若無有
想不應有壽有壽无想何有想陰界

入之名又如林樹皆有神依若神依
樹為依根莖為依枝條如是諸處悉
皆不現為依何住如是如來教法甚
深當知如來現有憂悲於羅睺羅而
起慈心乃至非想非非想處亦復如是
唯佛與佛乃知此義斯等皆是諸佛
之法尚無心意何有憂悲憂悲若無
教法相違如一子想是則空言說一
切法皆不可信但如來所說不可思議
諸佛教法亦不可思議如來佛法不
可思議是為真實譬如虛空不可於
中造立宮室而諸幻士能於中造凡
愚見已而作是念云何空中而得安
立如心意轉如是所說尚無心意何
有憂悲憂悲若無羅睺羅喻是則不
實如虛空中如來憂悲則不可得如
其幻化隨心意轉如來則有憂悲之
想聞般湏洹而作是念何有憂悲聞
其轉者常有憂悲是故如來常住若
無常者无有憂悲而今如來非是無
常如來憂悲及無憂悲悉不能知下
者知下不知中上中者知中下不知
其上唯有上者一切悉知其諸聲聞

及辟支佛各各自知而不能知如來境界如來悉知是故名為離諸障導
辟如幻士種種現化如來亦然種種
示現隨順世間能知是者名為默慧
肉眼凡夫無想之想非其境界而於
如來作憂無憂想是故我說有法是我
有法非我如舍利鳥復次善男子
譬如鴈鶻及舍利鳥於夏月雨時江
河湯溢選擇高處而安其子然後遊
行如是如來出興于世化無量眾令
入正法為受化者方便說法或說苦
法或說樂法有為諸行是名為苦泥
洹極樂離有為行說名為樂迦葉白
佛其義云何佛告迦葉所謂如迦葉
白佛云何眾生得泥洹樂佛言迦葉
如我先說一切諸行無生老死所謂
若無放逸 是處不死 若其放逸
是為死徑 無放逸者 得不死處
若放逸者 常處生死
若放逸者是有為行彼有為行則為
苦法非泥洹者是為死處若作放逸
是名作行當知是行則為大苦不趣
泥洹是為死徑無放逸者是不作行

雖復作行亦不生死是名金剛不壞之身其世俗者是名放逸離世俗者是無放逸離生老死泥洹快樂是故如來有說苦法有說樂法有說非我有說是我如鳥飛空不見其跡無有天眼煩惱未斷不自見身如來之性是故我說有法無我為煩惱故說微密教其諸衆生無有天眼而計吾我無量煩惱造有為行故為彼說諸法無常是故我說有法無常

猶如明目住山頂

諦了其地愚夫等

如來道眼昇慧臺

無憂憂念羣生類

如是無量煩惱悉滅名住山頂觀其无量煩惱熾然下劣衆生誰為登慧臺何名為無憂若無憂者云何名為憂念世間若泥洹滅盡何有觀愚者若使如來泥洹滅盡云何能昇智慧高臺若當泥洹云何山頂能觀其下智慧臺者謂滅盡泥洹無憂憂念者謂是如來憂念世間無量羣生山頂者謂解脫住者行人地者有為行愚者無巧方便說諦了者正覺也如來者憂苦永離是常法故以自離憂見被

利刺憂惱衆生為之生憂者使如來
永離憂者不名正覺隨彼衆生應
受化者如來等正覺即為彼現是故
當知如來常住種種示現猶如鴈鷺
舍利之鳥

大般涅槃經月喻品第十六

佛復告迦葉善男子如月不現人謂
為沒一切人民皆作沒想於餘方現
餘方人民皆謂月出然其彼月不沒
不出因須彌山故現有出沒如是如
來應供等正覺於大千世界或閻浮
提修因父母現生為子閻浮提人皆
作生想又閻浮提現般涅槃而此衆
生皆作滅想其實如來不生不滅復
次善男子如月餘方現滿彼方衆生
皆作滿想此閻浮提現有初生此方
人民作初生想漸漸增長乃至月滿
便作滿想然其彼月不增不減因須
彌山現有增減如來應供等正覺亦
復如是或於閻浮提現有涅槃而諸
衆生皆作滅想或於閻浮提示現出
生猶如初月閻浮提人作嬰兒想如
月三日現行遊步如月四日現行學

書如月八日現行出家乃至月滿現
大光明破壞无量衆魔闇冥現般泥
洎三十二相八十種好莊嚴其身猶
如明月列宿國遠沒而不現閻浮提
人或作生想或作滅想其實如來不
增不减常如滿月是故當知如來常
住復次善男子猶如明月一切皆見
處處城邑聚落山澤隨器大小是諸
水中一切悉現若人遊行百千由旬
而月常隨彼諸人等而作是想為是
本月隨我而來為是異月愚人見月
猶如鏡面中人見月猶如車輪上人
見月圓五由旬及餘衆生隨力所見
如來明月亦復如是一切悉見而諸
衆生各作是念謂佛世尊哀愍我故
在我舍住及畜生道亦復如是瞽盲
瘖瘂及諸癱殘各謂如來為已像類
種種語種種書種種身皆作是念諸
佛如來唯作我語我書我身我食又
作異想或謂聲聞或謂緣覺或謂種
種異道出家或謂如來為我與世然
其如來法身真實无有變異為衆生
故以方便身現種種相如良藥樹如

來亦然為衆生故現百千變隨順世
間是故如來是常住法復次善男子
如羅睺阿修羅捉日月時其諸衆生
謂彼蝕月彼捨月已謂為吐月彼障
月光世間不現便作蝕想彼捨月已
世間還現謂為吐月然其彼月若隱
若顯實無增損如來應供等正覺亦
復如是如彼調達傷壞佛身作無間
業等乃至一闍提輩皆為當來諸衆
生故現傷佛身壞法破僧如來法身
實無傷壞正使天魔億百千數亦不
能得斷法壞僧是故如來法身真實
無有損壞現損壞相隨順世間譬如
二人共闍隨其傷壞量罪輕重諸佛
如來亦復如是現傷壞相表無間罪
為制法律以戒將來復次善男子譬
如良醫善教其子令學醫方識諸藥
草根莖華葉香味色像患令曉了命
終之後其子續立善知醫法諸佛如
來亦復如是種種變化療治衆生現
五逆罪謗毀經法乃至一闍提輩皆
惡化現為當來故般泥洹後令諸比
丘隨順經律如如來說知罪輕重以

自戒慎復次善男子如人間月六月一食而上諸天日見月食或復見月須臾而食所以者何天日月長人間短故諸佛如來亦復如是或謂長壽如六月食者及至須臾般泥洹者為煩惱魔陰魔死魔自在天魔億百千種所不能壞現無量生隨順世間如來之壽實無有量是故如來是常住法復次善男子譬如明月一切衆生皆悉愛樂如來應供等正覺亦復如是樂法衆生悉皆愛樂復次善男子譬如日出有三時變春夏冬異冬日則短春日處中夏日極長如來應供等正覺日亦復如是現三種壽為諸衆生聲聞緣覺現短壽相斯等見已心則悲歎一何恠哉如來短壽為諸菩薩現其中壽若至一切若過一切唯佛觀佛其壽无量復次善男子如來所說方等大乘微密之教示現世間雨大法雨於當來世其有衆生以此正法摩訶衍品開示世間當知是等為真菩薩猶如夏雨猶如冬日多有冷患令人損壽聲聞緣覺聞佛方便

微密之教為其示現短壽之報猶如冬日諸菩薩等成微妙慧而為彼現如來常法喻如春日如是如來隨順世間現三時壽譬如衆星晝日不現其實不沒如是如來與諸聲聞及辟支佛俱出於世俱現泥洹非獨一切聲聞緣覺有无常也當知亦是常住之法如晝星也復次善男子猶如天陰日月不現愚夫謂言日月沒失如來正法滅盡之時三寶現沒亦復如是非為永滅當知如來是常存法亦不變易亦不磨滅非彼諸過所能染汙復次善男子只如斗星月盡後夜明闇中間暫現光明衆人見已尋即還滅人謂其滅而實不滅如是善男子如來正法滅盡之時諸辟支佛出興于世開示教化无量衆生立於正法尋即滅度其實長存而不永滅但諸衆生不能悉見復次善男子譬如日出衆冥悉除如是善男子此摩訶衍般泥洹經出興于世其有聞者無間罪業無量積聚皆悉消滅如是善男子此摩訶衍大般泥洹其深

境界不可思議善說如來微妙之性若
善男子善女人欲知如來是常住法
正法無盡僧寶不滅當勤方便修學
此經我說此人為近佛地

大般涅槃經卷第五

壬寅歲高麗國大藏都監奉

勅彫造

大般泥洹經卷第六

六

東晉平陽沙門法顯譯

問菩薩品第十七

迦葉菩薩白佛言何等為菩薩摩訶薩佛告迦葉已發意者及未發意是等一切悉為菩薩善男子譬如冬日蘇油凝結無有津澤如是修習一切契經諸餘三昧發心望果而求菩提是輩名為未發道意不能速成菩薩之道所以者何無勤方便如冬日故又善男子如春時日其熱猛烈一切蘇油悉皆津澤其餘冰結一切鎔銷湖池諸水亦復消竭如是迦葉若善男子善女人內道外道若有至心及名聞利養聽此方等大般泥洹散心歷耳有發菩提未發心者如斯之等一切身中悉皆津澤為菩提因是故我說善男子善女人悉為菩薩如是方等般泥洹經功德積聚覺慧元盡是故我說名為春澤所以者何開發如來常住法故復次善男子譬如日月光明照耀諸餘光明悉不復現如

是大乘般涅槃經光明照耀諸餘契
經及諸三昧功德光明悉不復現是
故善男子善女人聞是方等大乘泥
洹雖未能發無上道心泥洹日光已
入身中為菩提因是故名為大乘泥
洹迦葉菩薩白佛言世尊一切衆生
必有菩提因緣入身中者以何等故
世尊說犯四墮法作無間罪誹謗經
法及一闍提於正法中作毒刺耶

如佛所言若未發意有菩提因者有
何差別彼四種人應無惡罪佛告迦
葉除一闍提諸餘衆生其有聞此大
般涅槃方等契經為菩提因者當知
是等已曾供養无量諸佛故得聞此
經其餘諸罪無能為也所以者何此
摩訶衍大方便力開發一切如來性
故迦葉菩薩白佛言世尊未發心者
無有樂向聞則背捨何由得為菩提
之因佛告迦葉未發意者雖不樂向
而背捨去猶憶此經心不忘失卧則
夢中見大鬼神現恐怖相咄善男子
當念菩提若不樂向我當煞汝彼即
驚怖便念菩提乃至覺已心猶續念

又復彼人命終之後墮泥犁中見其罪報亦復憶念墮餓鬼中及生天上亦皆憶念於彼能發菩提之心於此大乘般泥洹經不樂之心從是永滅如是則為菩提之目如是為目如是為緣即立菩提復次善男子如虛空中興大雲雨雨於大地枯木山石及諸高原其水不住流澍下田陂池悉滿衆生受用此摩訶衍大乘法雨雨一闡提如雨木石高原之地不受菩提目緣津澤復次善男子譬如種子熬令乾焦雖復時雨百千万劫不能令生一闡提輩亦復如是於此方等般泥洹經雖百千劫闡終不能發菩提萌芽所以者何如焦穀種善根滅故復次善男子譬如明珠著濁水中水即澄清投之淤泥不能令清此摩訶衍般泥洹經亦復如是著諸衆生五無間罪犯四墮法濁水之中猶可澄清發菩提心投一闡提淤泥之中百千万歲不能令清起菩提目所以者何無善根故復次善男子譬如藥樹名曰藥王無所不治根莖華葉若

汁若香或有人服或復塗身或但聞
香意樂不樂其病悉除唯除必死之
病不能令盡如是善男子此摩訶衍
般泥洹經一切衆生惡業重病悉能
療治若四墮法無間罪業及諸外道
不樂菩提聞斯方等一經耳者為善
提目所以者何此摩訶衍般泥洹經
一切諸惡無不治故唯除一闍提所
以者何無菩提目故猶如人身有傷
壞處苾芻藥得行除衆疾病若不傷壞
苾芻藥不行一闍提輩亦復如是不可
傷壞受菩提因復次善男子譬如金
剛能壞衆寶而力不能壞白羊角是
摩訶衍般泥洹經成就一切諸惡之
法皆能破壞立菩提因唯不能破一
闍提惡起菩提因復次善男子譬如
諸樹斷其枝幹尋生如故如是衆生
作諸罪業聞摩訶衍般泥洹經生善
提因如多羅樹斷則不生一闍提輩
亦復如是終不能生菩提柯葉復次
善男子譬如空中興大雲雨而彼雨
沛不住空中此摩訶衍般泥洹經普
雨法雨於一闍提雨則不住

不修真實亦不來 彼究竟處莫能見
謂彼諸惡不善業 則為世間大鄙陋
其善修者謂修菩提不來者若自不
修終不自得真實者微密勝業如是
勝業於誰不來謂一闍提輩永離善心名
一闍提諸增上慢一闍提輩以何為本誹
謗經法不善之業以是為本誹謗經法
凶逆暴害當知是等智者所畏譬如
險道多諸盜賊暴慢愚夫不知恐懼
肆意直往為賊所害大力法王遊行
此路無有恐懼不見究竟處者永不
見彼一闍提輩究竟惡業亦不見彼
無量生死究竟之處我略說彼諸惡
積聚若具聞者甚可怖畏假令一切
衆生一時發意成無上道此諸正覺
猶不見彼一闍提輩諸惡究竟成正
覺時復於何等不見究竟一切衆生
破壞生死皆成佛道不見諸佛無餘
泥洹無常滅盡如燈火滅謂彼諸惡
業世間大鄙陋者一闍提輩永離善
提因緣功德斯等名為世間鄙陋於
此大乘最後覺悟得為佛名是亦鄙
陋諸佛法介

已作惡業者 如薩闍乳酪 愚者輕被燒
如灰覆火上

有似阿羅漢一闍提而行惡業似一
闍提阿羅漢而行慈心有似阿羅漢
一闍提者是諸衆生誹謗方等似一
闍提阿羅漢者毀訾聲聞廣說方等
語衆生言我與汝等俱是菩薩所以
者何一切皆有如來性故然彼衆生
謂一闍提而言如來授我等決汝亦
如是我與汝等皆當俱離無量煩惱
衆魔惡業如壞水瓶於此契經必成
菩提勿復生疑譬如烈士奉王使令
至他國中稱歎王德寧失身命要不
移易我等今日亦復如是如來記說
一切衆生皆有佛性我等要當不惜
身命於凡愚中廣說此經是名似一
闍提摩訶薩也若阿練若愚癡無智
狀似阿羅漢而誹謗方等愚騃凡夫
謂真阿羅漢謂是大士是惡比丘示
現空閑阿練若處而自處置似真阿
羅漢於阿練若行永不隨順而作異
說起四因緣言方等經皆是魔說言
摩訶衍者是諸黠慧正法判劍諸佛

世尊皆當無常而說常住當知是為
毀滅正法破僧之相作是說者名一
闍提是故說言

已作惡業者 如薩闍乳酪 愚者輕被燒
如灰覆火上

如是善男子當知方等般涅槃經諸
佛如來決定之說摩訶衍行者寂為無
上如摩尼珠明淨離垢復次善男子
譬如蓮華日光照已無不開敷一切
衆生亦復如是此摩訶衍般涅槃經
一闍提耳若未發意不樂菩提是等
必為菩提之因彼一闍提於如來性
所以永絕斯由誹謗作大惡業如彼
蜚虫綿網自纏而無出處一闍提輩
亦復如是於如來性不能開發起菩
提因乃至一切極生死際復次善男子如
優鉢羅鉢曇摩拘牟頭分陀利生於
泥中而不為彼淤泥所汙若衆生
修摩訶衍般涅槃經亦復如是不為
煩惱之所汙染所以者何如來之性
不受染故復次善男子譬如國土清
涼風起一切衆生身諸毛孔遇斯風
者熱惱悉除如是善男子此摩訶衍

般泥洹經甘露法味一切衆生無不
蒙潤發菩提因除一闍提復次善男
子譬如良醫解八種術一切諸病皆
悉能治唯除阿薩闍病如是善男子
一切契經及諸三昧能治一切姪
怒癡等諸煩惱病而不能治犯四
重禁無間罪業善男子復有良醫
過八種術一切衆生諸有疾病命行
未盡悉能療治唯命行盡不能令老
此摩訶衍般泥洹經亦復如是
一切衆生諸煩惱患乃至不樂菩提未發
心者悉皆能治令發菩提唯除一闍
提輩復次善男子譬如盲人不見五
色良醫能治令目開明唯不能療彼
生盲者此摩訶衍般泥洹經亦復如
是一切衆生聲聞緣覺不樂菩提未
發心者悉皆療治令開慧眼發菩提
心唯除生盲一闍提輩復次善男子
譬如良醫過八種術一切衆生有疾
病者書其呪術著於身上能令諸病
悉得除愈此摩訶衍般泥洹經亦復
如是一切衆生諸煩惱患不樂菩提
未發意者及四重禁無間罪業皆能

除滅安立菩提迦葉菩薩白佛言世尊犯四重禁及無間罪如截多羅樹及不樂菩提未發心者云何能令發菩提因佛告迦葉是諸衆生若於夢中若命終時墮泥犁中而生悔心哀哉我等毀犯正法自招此罪而生誓心於此得免生餘處者在在處處要當發心為菩薩道是摩訶衍般泥洹經威神力故是等衆生生天人中必得發心為菩提因是故我說犯四重禁及無間業皆得發心為菩提因復次善男子譬如良醫合和諸藥名阿伽陀如此良藥在所著處一切諸毒皆悉消歇唯除一種增上毒蛇不能消伏此摩訶衍般泥洹經亦復如是一切憍慢四種毒蛇犯四重禁及無間業不樂菩提未發意者皆悉安立於菩提道所以者何此摩訶衍般泥洹經最為無上第一良藥故唯除增上毒蛇一闡提輩復次善男子譬如良醫合和諸藥以塗其鼓若有衆生鬪戰被瘡聞彼鼓聲一切悉愈唯除命盡必應死者此摩訶衍般泥洹經

法鼓音聲亦復如是一切衆生聞其音聲姪怒癡箭不樂菩提未發意者犯四墮法及無間罪一切除愈唯除一闍提輩復次善男子譬如夜闇闇浮提人一切家業皆悉休廢日光出已其諸人民得修家事如是衆生聞諸契經及諸三昧猶如夜闇聞此大乘般泥洹經微密之教猶如日出見諸正法如彼田夫遇夏時雨摩訶衍經無量衆生皆悉受決現如來性八千聲聞於法華經得受記別唯除冬水一闍提輩復次善男子猶如有人為非人所持若被惡毒而得良醫或遣呪術或遣呪藥彼患即消如是善男子此摩訶衍般泥洹經若比丘比丘尼乃至外道在在處處若書經卷為人演說其有衆生若讀若聞斯等皆為菩提之因不樂菩提未發道意及四重禁五無間罪諸邪惡毒皆悉消滅唯除一闍提輩復次善男子猶如大王身中有虫密食其肉而王未覺時有良醫知其病相語彼王言身中有患應疾治之時王不信不欲令

治其師畏怖不敢與藥密加呪術令
虫自落王見病已乃信師語厚相待
遇諸衆生等亦復如是聞摩訶衍般
泥洹經不樂菩提及來發意諸佛菩
薩方便為說雖不即受而於夢中若
命終時便自覺悟發菩提因除一
闍提復次善男子譬如良醫善教其
子學八種術上要秘方隱而未授知
八種術善通達已然後悉教上要秘
方如來應供等正覺亦復如是教法
王子比丘比丘尼優婆塞優婆夷先
學滅除無量煩惱於身修習不堅固
想衆苦積聚無常變壞空無我所又
復教學九部契經令善通利然後教
學此摩訶衍般泥洹經令知衆生有
如來性是常住法志發無上菩提之
因除一闍提如是善男子此摩訶衍
般泥洹經無量無數不可思議當知
此經無上之術良醫秘要復次善男
子譬如舡師乘舡度人到彼岸已還
度餘人諸佛如來亦復如是乘摩訶
衍般泥洹舡隨彼衆生應受化者而
濟度之般泥洹已復於餘處度諸衆

生是故如來名大船師是故如來為
常住法為度人故現有出沒復次善
男子如人乘船欲度大海若得利風
速到彼岸若不得風或經年歲或能
溺死如是衆生得摩訶衍般泥洹風
速度生死到菩提岸若不得者永溺
生死輪迴苦海復次善男子如人入
海遇值波浪計無濟理端坐待死忽
遇風王吹到一國不覺闇至欣慶無
量生奇特想如是此摩訶衍般泥洹
經為大風王衆生不知而不樂向發
菩提心般泥洹風密吹令至菩提境
界方知真實生奇特想復次善男子
如蛇脫皮更遊餘處而實不死如是
善男子如來泥洹捨彼故身如脫皮
去是故如來名為善逝捨毒藥樹方
便之身或復於餘闇浮提方便現化
是故善男子當知如來是常住法復
次善男子譬如金師得好真金隨意
能造諸莊嚴具種種器服諸佛如來
亦復如是隨彼受化於二十五有悉
能現身而度脫之是故如來名無量
身亦名常住復次善男子如菴羅樹

及閻浮樹於三時變有時茂葉有時華果有時衰落非為彼樹枯而更生如是善男子如來應供等正覺方便之身為教化故亦三時現示有出生成佛現般涅槃其實常存而不減盡善男子如來密身其如此也如來密口方便密教亦復難知方便密教者善男子譬如大王命諸羣臣亦有如是隱密之教如有時言持先陀婆來而先陀婆一名四寶一者鹽二者澡槃三者馬四者劍是四種物皆名先陀婆若王食時命其左右索先陀婆諸臣應知王必索鹽若王食已索先陀婆諸臣應知必索澡槃欲詣林園索先陀婆諸臣應知王必索馬臨陣闕時索先陀婆諸臣應知必索利劍王有如是隱覆之言諸臣亦應知其旨趣如是善男子此摩訶衍隱密之教亦有四種如說無常其諸善男子應知如來生閻浮提當現涅槃是摩訶衍修無常想若當如來說正法滅其諸弟子應作是知如來說告此摩訶衍修行苦想如來說身為

衆惠器又言僧寶亦當歸滅其諸弟子應作是知佛說無我此摩訶衍修無我想若說無想空无所有及解脫者其諸弟子應作是知此摩訶衍說二十五有而得解脫是故說空衆苦悉滅說無所有極樂無想無常變易所不能壞是故名爲常住非變易法當知解脫即是如來其如來者即如來性一切衆生身中悉有如是知者是我弟子善解如來微密之教復次善男子譬如天旱藥草香華甘果樹木皆悉萎悴不成果實諸餘一切水陸草木亦皆枯乾而無光澤又於來年復難生長如是善男子此摩訶衍般涅槃經我滅度後其諸弟子如旱天華果不能成實如被賊城亡失真實守糠糲聚衆惡比丘既失寶已抄略撰集不善解義寬縱慢墮哀哉大陰當來之世甚可怖畏快哉大利當來衆生此摩訶衍般涅槃經得聞其耳隨所聞經受持諷誦解其義趣廣爲人說因斯當得真實善提復次善男子如有國土城邑聚落

有賣乳者或持水雜欺誑他人而求財物其販乳者亦復如是以水雜賣展轉相欺人買食之無有乳味如是善男子我泥洹後正法未滅八十餘年此摩訶衍般泥洹經於閻浮提流行於世諸惡比丘寬縱懈怠衆魔伴黨壞亂正法自造經論偈讚頌歎以非為是以是為非抄略增損為利養故欲多畜積非法財物壞亂正味令法薄淡加復邪說文字不正誤受學者亦不尊重供養恭敬內懷邪諂為利養故現樂法相此摩訶衍般泥洹經當於今時為斯等輩之所毀辱復次迦葉以斯義故善男子善女人於摩訶衍般泥洹經當勤方便立丈夫志所以者何如來性者丈夫法故女人志者於一切法多生染著力不堪任發摩訶衍深經妙味善男子譬如蚊蚋身出津澤不能令此大地潤洽其女人法猶如大地多諸渴愛譬如大海一切天雨百川衆流皆歸于海而彼大海未曾滿足女人之法亦復如是貪受五欲而無厭足是故迦葉

若善男子善女人欲得方便離女人
法當勤脩習此摩訶衍般泥洹經所
以者何此摩訶衍般泥洹經說如來
性丈夫法故若有衆生不知自身有
如來性世間雖稱名為男子我說此
輩是女人也若有女人能知自身有
如來性世間雖稱名曰女人我說此
等為男子也如是善男子此摩訶衍
般泥洹經無量無邊功德積聚廣說
衆生有如來性若善男子善女人欲
得疾成如來性者當勤方便修習此
經迦葉菩薩白佛言善哉世尊我今
修習般泥洹經始知自身有如來性
今乃決定是男子也佛告迦葉善哉
善哉善男子當勤方便學此深法如
蜂採華盡深法味譬如迦葉蚊虫津
澤不能令此大地沾洽如是善男子
當來之世界惡比丘壞亂經法無數
無量如高旱地非此大乘般泥洹經
所能津潤所以者何當知正法滅盡
衰相現故復次善男子譬如夏末冬
初秋雨連澍溫澤潛伏如是善男子
此摩訶衍般泥洹經我般泥洹後正

法衰滅于時此經流布南方為彼衆
邪異說非法雲雨之所漂沒時彼南
方護法菩薩當持此契經來詣罽賓
潛伏地中及諸一切摩訶衍方等契
經於此而沒哀哉是時法滅盡相非
法雲雨盈滿世間修習如來恩澤法
雨護法菩薩人中之雄皆悉潛隱尔
時迦葉菩薩白佛言世尊諸佛如來
聲聞緣覺性無差別唯願廣說令一
切衆生皆得開解佛告迦葉譬如有
人多養乳牛青黃赤白各別為群欲
伺天時集一切牛盡擠其乳著一器
中同一珂色如是善男子諸佛如來
聲聞緣覺其性清淨皆同一色所以
者何同漏盡故譬如金師取其金鑛
種種異色銷鎔精煉純一金色所以
者何無量無數塵鏽煩惱皆消滅故
是故當信此摩訶衍般涅槃經一切
衆生皆有真實如來之性悉同一色
迦葉菩薩白佛言如世尊說一切衆
生皆有佛性而無差別於此未了且
置衆生如世尊說聲聞緣覺及諸善
薩不得大般涅槃唯有如來得此大

般泥洹是故當知非聲聞緣覺及諸
菩薩同如來也若無差別云何世尊
獨於無量阿僧祇劫修行方便積累
功德佛告迦葉我先所說是則如來
方便密教言諸聲聞不得泥洹是
故當知一切皆以此大般泥洹經而
般泥洹唯佛境界是故此經名大般
泥洹迦葉菩薩白佛言世尊是則為
異如佛所說聲聞緣覺及諸菩薩皆
當志歸如來泥洹猶如百川歸於大
海常住之法佛告迦葉我家常也迦
葉白佛云何世尊如來之性不異異
耶佛言有異迦葉白佛云何為異佛
告迦葉譬如牛乳一切聲聞如來之
性亦復如是猶如成酪一切緣覺如
來之性亦復如是猶如成蘇菩薩摩
訶薩如來之性亦復如是猶如醍醐
諸佛如來其性亦然如是善男子此
摩訶衍般泥洹經四種差別迦葉菩
薩白佛言世尊一切衆生其性云何
佛告迦葉如乳未成與水血合無量
煩惱覆蔽如來真實之性迦葉菩薩
白佛言如世尊說拘夷城有旃陀羅

名曰歡喜當成佛道於此世界千佛之數世尊記別一發念頃便成佛道以何等故世尊不記尊者舍利弗目捷連等速成佛道佛告迦葉或有聲聞及辟支佛諸菩薩等不發速願護持正法有速願者斯等發願有差降故因善提力世尊記別速成佛道復次善男子譬如商人載摩尼寶道路經由野人聚落唱賣珍寶諸野人輩聞聲來看見寶不識即便大笑謂為磚石如是善男子如來記別諸聲聞等當成佛道得寂勝處當來之世有諸比丘寬縱懈怠不識真實猶如野人疾病困苦貧窮出家信心淺薄邪命諂曲若聞如來授聲聞決即便大笑當知是輩為沙門像非真沙門是故善男子或有發願速持正法又復不發速持願者是故如來隨其遲速而授彼記迦葉菩薩白佛言世尊菩薩摩訶薩云何當得不壞眷屬佛告迦葉勤修方便護持正法是為菩薩摩訶薩人中之雄不壞眷屬迦葉菩薩白佛言世尊何等衆生不知六味

佛告迦葉不知三寶始終長存是等衆生不知六味如人口爽不知甜苦辛酢鹹淡六味差別一切衆生亦復如是愚癡無智不知三寶是長存法是故名為不知味者復次善男子其諸衆生不知如來是常住法我說斯等名為生盲肉眼衆生知如來性是常住者我說等名為天眼若有衆生聞摩訶衍能信樂者我說等亦名天眼正使衆生有天眼者不知如來是常住法我說斯等名為冥眼所以者何如來之性常住真實而彼不能勤修習故復次善男子當知如來為一切衆生而作父母所以者何一切衆生種種形類悉能化現同其境界而為說法一音說法彼彼異類各自得解歎言善哉如來以我音聲說法復次善男子如人生子始十六月言語不正而彼父母欲教其語先同其音漸漸教學當知父母非實不正諸佛如來亦復如是為教化故同彼形類音聲語言然其如來不實同彼方便示現隨順世間

大般涅槃經隨喜品第十八

大般涅槃經卷第六 第三十卷 華

四九

尔時世尊從其面門放種種色光普照四衆光明照已純陀長者便疾奉施如來大衆最後供養尔時純陀與諸眷屬得大歡喜舉聲歎曰哀哉希有供養如來難復再遇即以種種衆寶之鉢盛上味飯持來向佛當於尔時有大威神天而遮其前謂純陀言勿便供養願令我等復得須臾瞻覩如來尔時世尊復放光明照彼天子時彼天神承佛聖旨聽純陀前尔時天人及諸衆生種種雜類各異音聲內懷悲感哀聲動地與純陀俱供佛及僧奉施最後檀波羅蜜尔時世尊欲令比丘比丘尼及諸衆會知時到故復放光明悉照衆會時諸比丘知時已至各整威儀執持應器如受施法純陀長者為佛及僧布置種種衆寶牀座懸繒幡盖香華瓔珞尔時三千大千世界莊嚴殊妙猶如西方極樂國土純陀長者住於佛前憂悲悵怏重白佛言唯願世尊猶可哀愍住壽一切若過一切佛告純陀汝欲令

我久住世者。且知是時當疾供設。最後檀波羅蜜。純陀白佛。唯然。世尊。此時一切衆生。異類天人。菩薩同聲唱言。奇哉。純陀。為最後施。奇哉。純陀。為極大施。然今我等所設供具。於茲便成無用之物。各各歎恨愁憂苦惱。尔時世尊。自身毛孔一一皆出無量。化佛一一皆有比丘眷屬。應彼一切。令得供養。時諸衆生。皆大歡喜。尔時純陀所設供具。承佛威神。諸來大會。皆得充足。純陀歡喜。而自念言。今日如來一切大衆。皆悉受我。最後供養。然後如來當般泥洹。其餘衆生。亦作是念。今日如來與諸大衆。受我。最後飯食供養。然後泥洹。不受餘請。是時堅固林側。其地狹小。以佛神力。故如針鋒處。皆有無量諸佛。及其眷屬於中坐食。尔時天人阿修羅衆。皆大悲歎而作是言。今日如來受我。最後飯食供養。當般泥洹。我等復當何所奉事。哀哉。我等孤無蔭護。尔時世尊。即為一切而說偈言。

汝等莫悲歎。諸佛法應尔。雖曰為泥洹。

亦未究竟盡。如來常住法。永處寂安隱。
諸有狐疑者。諦聽我今說。我已離食想。
身無飢渴患。我今當為汝。說其隨喜法。
令一切衆生。得安隱快樂。諸佛如來性。
真實常住法。今汝等聞已。當勤方便修。
如鳥及鵲鳥。其性甚相違。能令同群遊。
止宿相娛樂。如來視一切。猶若羅睺羅。
應當捨慈悲。永入於泥洹。能令咸毒地。
免羅同其穴。如來捨慈悲。永入於泥洹。
能令伊蘭樹。同百葉華香。如來捨慈悲。
永入於泥洹。能令迦留果。味同耽摩羅。
如來捨慈悲。永入於泥洹。能令一闍提。
悉成平等覺。如來捨慈悲。永入於泥洹。
若一切衆生。一時成佛道。如來捨慈悲。
永入於泥洹。假使蚊蚋水。浸壞此大地。
百川皆流溢。大海悉盈滿。如來捨慈悲。
永入於泥洹。汝等諸衆生。深樂正法故。
謂如來永滅。憂悲而愁歎。從今於如來。
莫念非常想。當知如來性。長存不變易。
法僧亦復然。皆非磨滅法。

如是善男子。此三法者。常住不變真。
諦之言。一切衆生。遭諸恐怖。此真諦。
說能令安隱。欲度一切險難。曠野此。

真諦說能令得度此真諦說能令枯
樹更生華葉若此四界聞是三法常
住隨喜說者設未發意不樂向者斯
等皆為菩提之因三法常住是為如
來寂妙隨喜誠諦之說若比丘比丘
居能為一切衆生解說三法常住當
知是等堪受一切羅漢供養若異此
者則不堪受乃至一切旃陀羅等樂
聞如來隨喜說者亦復得離諸憂恐
怖今時天人阿修羅等聞說如來為
常住法心得歡喜心得柔軟心得真
實心離陰蓋心得清淨顏貌怡悅如
蓮華敷散諸天華燒衆名香鼓天伎
樂供養如來及比丘僧今時世尊告
迦葉言善男子汝見何等希有之事
特未曾有事見一切諸天人民阿修
羅等設供具者各得如來與諸大衆
受其飲食又見是中其地狹小容諸
如來大衆床座一針鋒處乃有無量
諸佛眷屬而受供食說隨喜偈彼諸
衆生各不相知而謂如來獨受我請
而今世尊與諸大衆哀愍純陀受彼

寂後檀波羅蜜佛神力故令此大眾
皆得滿足然其世尊實不揣食唯諸
菩薩摩訶薩文殊師利法王子等人
中之雄能知如來方便現化為此奇
特未曾有事聲聞緣覺所不能知其
奇世尊無數無量如來常法今時世
尊告純陀言汝見奇特未曾有不純
陀白佛唯然已見向見如來三十二
相八十種好莊嚴其身如是如來無
量無數與諸菩薩眷屬圍繞今見世
尊真實之身獨處大眾猶如藥樹與
諸菩薩前後圍繞佛告純陀向者諸
佛皆是現化哀愍安樂一切衆生開
其意故令彼功德不可得盡作此現
化而諸衆生悉不能知唯諸菩薩成
就無量菩薩功德人中之雄能知如
來方便現化汝今純陀亦復成就菩
薩功德十地之行純陀白佛如是世
尊我等皆當修習菩薩一切隨喜佛
告純陀莫隨貪果如餘契經純陀白
佛諸餘契經為非經耶佛告純陀彼
說有餘純陀白佛言其義云何佛告
純陀如我所說

一切歎布施 無有呵謗者 施犯戒福少
施持戒福增

我說是與經雖歎一切施而施有差
降施犯戒者無毫釐福布施持戒獲
其大果不必悉同純施白佛云何世
尊而說斯偈一切讚歎布施功德佛
告純施除一種人歎一切施純施白
佛除何等人歎一切施佛告純施除
一闍提犯戒謗法歎一切施純施白
佛何等名為一闍提佛告純施若比
丘比丘尼優婆塞優婆夷誹謗經法
口說惡言永不改悔於諸經法心無
歸依如是等人向一闍提道若復衆
生犯四重禁作無間罪不自改悔而
無慚耻彼於正法永無護惜不與護
法之人以為知識於諸善事未曾讚
歎若復邪見無佛法僧我說斯等向
一闍提道除斯等類歎一切施純施
白佛何名犯戒佛告純施犯四重禁
五無間業誹謗正法純施白佛言如
此重罪有差降耶佛言有差降彼雖
犯戒尚服法衣而生慚愧咄哉我今
犯斯重罪何其恠哉造斯大咎而懷

恐怖生護法心我當讚歎護諸法者
當復降伏諸非法者於方等經諸禪
三昧方便勤修若如是者我說斯等
為不犯戒所以者何如日光出微塵
障翳皆悉不現如是修習此摩訶衍
契經日光無數無量衆罪積聚皆悉
消滅是故此經說護法者得大果報
若不尔者是則名為寂大犯戒若施
此等無毫釐福復次善男子犯四重
禁能知真實如來之性興護法心若
施此等所以得大果報者何辟如有
女人國土荒亂將一嬰兒欲至他國
道遇大水汎漲流湯携兒而度水流
漂急不捨其兒母子俱溺然彼女人
曾作大惡以護子功德命終生天如
是善男子犯四重禁五無間業深自
悔責興護法心本作不善獲惡之業
以護法故得為福田堪受信施護法
功德亦得大果純陀白佛言世尊若
一闍提還生信心悔過三尊者人施
與得大果不佛告純陀莫作是語辟
如有人食菴羅果并取其核壞而食
之持彼空核種著地中雖復溉灌終

不得生彼一闍提亦復如是壞善種子欲令改悔生其善心無有是處是故名為一闍提也布施持戒得大果者果亦不同所以者何布施聲聞及辟支佛所得果報皆有差別唯施如來獲最上果是故說言非一切施得大果報純陀白佛言何故世尊而說此偈佛告純陀有因有緣時王舍城有不信優婆塞奉事屈捷而來問我布施之義我攝彼故為說斯偈當知如來方便密說為菩薩人中之雄當於悉能了知是故菩薩人中之雄當於如來有餘說中分別其義降伏一切諸犯戒人如除穢穉害善苗者復次善男子如我所說偈

一切江河必迴曲 一切叢林必樹木
一切女人必諂偽 一切大力必安樂
爾時文殊師利即從坐起整衣服為佛作禮而說偈言

非一切河必迴曲 非一切林必樹木
非悉女人心諂偽 非為大力悉安樂
如是世尊略說法門非決定說所以者何此三千世界中閻浮提外餘閻

浮提有正直河其直如繩從其西海
直至東海如方等阿含中說是則如
來有餘之說一切藥林必樹木亦有
餘說所以者何林有二種亦有金銀
琉璃寶樹之林一切女人必諂偽者
亦有餘說有諸女人持戒清淨其心
質直一切大力必安樂亦有餘說如
來法王軍為大力名為安樂轉輪聖
王及諸天神亦名大力而不安樂是
故當知非一切大力皆為安樂唯有
常住非變易法大力泥洹安隱快樂
辟如良醫與彼病者醍醐令服時彼
病者請良醫言更與我藥我堪食之
良師答言但食尔許消已更食若頗
食不消或能煞人時彼良師實哀病
者恐其死故如是如來慈哀愍傷欲
滅波斯匿王大臣夫人高慢心故說
此偈言

一切江河必迴曲 一切藥林必樹木
一切女人必諂偽 一切大力必安樂
當知世尊言無漏失如此大地可令
反覆如來之言終無有失是故一切
有餘無餘皆是如來攝衆生故佛言

善哉善哉文殊師利哀愍一切諸衆
生故廣說如來有餘無餘爾時文殊
師利復於佛前而說偈言

於他善隨順 不觀作不作 但自觀身行
諦視善不善

如是世尊說此正法亦復非為究竟
之說所以者何衆邪外道皆向涅槃
然佛世尊教諸弟子皆向涅槃若生
天上此則名為毀譽之說如是種種
不隨順說云何世尊偈中說言於他
善隨順爾時佛告文殊師利我所
說善隨順者有因有緣時阿闍世王
害父王已來詣我所而問我言云何
世尊為一切智非一切智耶若一切
智者提婆達多於百千生中於如來
所常懷惡心云何聽使而得出家我
即為彼而說此偈於他善隨順彼阿
闍世王有害父罪而不自覺如來欲
使自省已過令其罪輕是故說言但
自觀身行諦視善不善汝今云何見
不隨順若有持戒修行慈心而觀彼
過是則諸佛如來之法欲令已身及
諸衆生悉皆安樂是以應觀他作不

作已身亦然常作是觀是我弟子尔
時世尊復語文殊師利言如我說偈
一切皆懼死 莫不畏杖痛 恕已可為譬
勿煞勿行杖

尔時文殊師利復於佛前而說偈言
非一切懼死 一切畏杖痛 亦不悉喻已
而恕彼衆生

如是世尊略說法門亦非究竟所以
者何如阿羅漢轉輪聖王王女為馬
大目之寶若諸天人及餘衆生能加
害者無有是處勇士烈女野馬獸王
持戒比丘雖有對至而不恐怖一切
皆懼死莫不畏杖痛是則有餘說又
復不可以已喻彼所以者何若阿羅
漢以已喻彼則為命想若命想者此
非上士計命想者愚夫邪見向惡趣
門又復羅漢我及衆生空無所有誰
死誰煞起害想者無有是處而彼所
說我為喻者為有我喻為無我喻若
是我喻則為下劣若無我喻是阿羅
漢無有譬喻然佛世尊不以無因而
妄說法有王舍城大猶師主煞生供
施請佛及僧唯願哀受然佛世尊未

曾食肉等視一切如羅睺羅即為瞋師而說此偈

當觀長壽者不害衆生故一切皆懼死莫不畏杖痛恕已可為喻勿煞勿行杖佛言善哉善哉文殊師利人中之仙安慰衆生善說如來方便密教尔時文殊師利復說偈言

恭敬於父母增加其供養緣斯孝道故死墮無擇獄

世尊此偈說無明恩愛以為父母衆生隨順令其增長造諸惡業死即當墮無擇地獄尔時世尊復告文殊師利如我所說偈

一切因他勢力苦一切已力自在樂一切憍慢勢力暴害一切賢善人所愛文殊師利復說偈言

非一切因他力苦亦非已力自在樂非一切憍慢勢力暴害非一切賢人所愛

此是世尊略現法門非究竟說所以者何如庶民子從師而學俯仰進止悉由於師道藝既成永得安樂如王者子已力自在不隨他教愚闇常苦所以如來說此偈者其諸衆生為魔

所持不得自在如來為彼而說此偈
是故當知非為一切他力故苦亦非
一切已力故樂一切慍慢勢暴害者
此亦有餘說非一切慢為盡暴害猶
如有人慍慢傲俗出家學道或計福
德持戒清淨當知是等雖為慍慢非
為暴害一切賢善人所愛者亦有餘
說如內法中犯四重禁能自剋勵執
持威儀雖修賢行以破正業人所不
愛何因世尊而說此偈今時佛告文
殊師利諸佛如來不以無因而妄說
法時王舍城有拘鄰女名須跋陀羅
惡厭世俗來詣佛所欲求出家女人
之法不得自在制由男子自歸三寶
佛知其意亦知是時而說此偈一切
由他勢力苦善哉善哉文殊師利人
中之仙能問如來方便密教文殊師
利復說偈言

一切眾生類 皆依飲食存 一切諸嬰兒
悉無恡惜心 一切諸世間 搗食增其病
一切行法者 同止得安樂

如是世尊今受純陀飯食供養將無
增患今時世尊復為文殊師利而說

偈言

非一切衆生皆依飲食存非一切嬰兒
悉無恡惜心非一切世間搗食增其病
非一切行法同止得安樂

汝文殊師利所得病者我當得病諸
阿羅漢及辟支佛菩薩如來悉不搗
食此則諸佛如來定法若言羅漢及
辟支佛菩薩如來曾搗食者壞大士
義而受衆生百千布施讚歎一切布
施功德欲濟衆生度三惡道無邊苦
海雖不搗食而常歎施欲令衆生成
檀波羅蜜端坐樹下六年苦行豈謂
不食而形瘦耶勿謂如來衆生同數
如來已度愛欲諸流不同世人境界
行處如來境界不可思議聲聞弟子
亦復如是言搗食者是有餘說一切
嬰兒離恡惜者亦有餘說乃有無量
永離恡心無動快樂一切搗食增其
病者亦有餘說外來之病劒刺瘡疣
其數無量一切行法同止安樂者亦
是如來有餘之說其法多種亦有修
習世俗善法身口意業種種淨法種
種信心而共同止不相隨順是故當

知諸佛如來不以無因緣故違義而
說以教化故方便說法時有半頭梵
志與諸同止修天祠齋法來詣佛所
為降伏彼令捨異見而說此偈尔時
迦葉菩薩白佛言云何世尊諸餘契
經皆是如來有餘說耶佛言不也善
男子若有衆生功德成就善解深法
如來為說常住安樂無餘之法諸餘
衆生樂聞法者如來為彼或有餘說
或無餘說迦葉菩薩即大歡喜白佛
言奇哉世尊等視衆生猶如一子佛
告迦葉善哉善男子應當如是諦解
深法迦葉菩薩白佛言世尊唯願如
來說此方等般涅槃經所得功德佛
告迦葉此摩訶衍般涅槃經聞其名
者所得功德非是聲聞及辟支佛能
究竟說此摩訶衍般涅槃經所生功
德不可思議唯是諸佛如來境界尔
時諸天世人及阿修羅即於佛前一
心同聲以偈頌曰
如來天中天 甚深難思議 如來之所說
方等涅槃經 出生諸功德 亦不可思議
正法難思議 僧寶亦復然 唯願天中天
之慈心 留住 上座尊迦葉 尋屬須臾至
尊者阿難陀 多聞大仙士 及摩竭提王

國王阿闍世斯等於如來取親密弟子

彼諸正士等必懷疑惑想如來為泥洹

為當長存世此等心懷疑於何而取定

願哀湏臾住待至為決疑

尔時世尊為諸大眾而說偈言

諸懷疑惑者汝等勿憂慮我法生長子

上座大迦葉阿難多聞士是等湏臾至

要令彼見我我當般涅槃如斯智慧士

觀如來雙足彼自知我身常無常真實

尔時一切大眾眷屬供養如來天繒

華盖燒衆名香作天伎樂其數無量

不可為喻供養佛已万恒河沙諸衆

生等發阿耨多羅三藐三菩提心住

於菩薩寂初住地純隨長者歡喜踊

躍菩提甘露以灌其頂尔時世尊告

文殊師利法王子迦葉菩薩純隨菩

薩汝善男子自修其心慎莫放逸我

今背疾舉身皆痛欲湏燕卧汝文殊

師利當為一切四衆說法如來正法

今付囑汝乃至上座摩訶迦葉及阿

難到汝當廣說於是世尊化衆生故

現身有疾右脅著地係念明想

大般涅槃經卷第六

壬寅歲高麗國大藏都監平

初彫造

大般涅槃經後分卷上

大唐南海波洩國沙門若鄒跋陀羅譯

憍陳如品餘

尔時須跋陀羅從佛聞說大般涅槃
甚深妙法而得法眼見法清淨愛護
正法已捨邪見於佛法中深信堅固
即從如來欲求出家佛言善哉善哉
須跋陀羅善來比丘悅可聖心善入
佛道於是須跋陀羅歡喜踊躍忻慶
無量即時鬚髮自落而作沙門法性
智水灌注心原無復縛著漏盡意解
得羅漢果須跋陀羅既證果已即前
佛所瞻仰尊顏頭面礼足偏袒右肩
右膝著地長跪合掌悲喜交流深自
悔責在昔罪咎而白佛言世尊恨我
毒身久劫已來常相欺惑令我長沒
無明邪見淪溺三界外道法中痛哉
苦哉為害滋甚今大喜慶蒙如來恩
得入正法世尊智慧大海慈愍無量
竊自惟忖累劫碎軀未能報此須臾
之恩須跋陀羅說是語已悲泣流淚
不能自裁復白佛言世尊我年老邁

餘命无幾未脫衆苦行苦邊遍唯願
世尊少住教誡哀愍救護真般涅槃
尔時世尊默然不許須跋陀羅不果
所請愁憂熱惱高聲唱曰苦哉苦哉
世間虛空世間虛空如何於今大怖
即至熱惱流行哀哉一哉衆生福盡
正慧眼滅復更流淚心號哽咽遍體
血現發聲大哭於如来前舉身投地
慌亂濁心昏迷悶絕久乃蘇醒涕淚
哽咽而白佛言世尊我今不忍見於
如来入般涅槃中心痛切難任我抑
我自何能與此坏器毒身共住今前
尔時須跋陀羅說是語已悲戀哽咽
於是時頃即入涅槃
尔時不可說不可說無數億恒河沙
諸大菩薩比丘比丘尼一切世間天
人阿修羅等同聲唱言苦哉苦哉如
何正覺一旦捨離無主无歸無依无
趣追思戀慕悲感號泣手扣執手提
臂悶絕迷失諸方哀慟三千大千世
界尔時世尊出八種聲普告大衆莫
大號哭猶如嬰兒各相裁抑勿自亂

心汝等於此行苦生死大海勤修淨
心莫失念慧疾求正智速出諸有
界受身苦輪無際无明即主恩愛魔
王役使身心策為僮僕遍緣境界造
生死業貪恚狂癡念念傷害无量劫
來常受苦惱何有智者不反斯原汝
等當知我曠劫來已入大寂无陰界
入永斷諸有金剛寶藏常樂我淨我
今於此顯難思議現方便力入大涅
槃示同世法欲令衆生知身如電生
戀慕心生死瀑河漂流速疾諸行輪
轉法應如是如來涅槃甚深甚深不
可思議乃是諸佛菩薩境界非諸聲
聞緣覺所知

佛復告諸大衆是須跋陀羅已曾供
養恒河沙佛於諸佛所深種善根以
本願力常在凡軋外道法中出家修
行以方便慧誘進邪見失道衆生令
入正智須跋陀羅乘本願力今得遇
我寂後涅槃得聞正法既聞正法得
羅漢果既得果已復入涅槃自我得
道度阿若憍陳如寂後涅槃度須跋
陀羅吾事究竟無復施為設我久住

無異今也。今時世尊說是語已。即嘆長歎。唱言。善哉。善哉。須跋陀羅。為報佛恩。汝等大衆。應當供養其屍。安立塔廟。今時大衆。惆悵慘結。掩淚栽抑。即依佛教。以香木蘇油茶毗其屍。須跋陀羅。當焚屍時。即於火中放大光明。現十八變。身上出水。身下出火。右脇出火。左脇出水。小復現。大大復現。小滿虛空中。今時无量大衆及諸外道邪見衆生。發菩提心得入正見。須跋陀羅。現神變已。還復火中茶毗已。訖是時。大衆悲感傷悼。收取舍利起塔供養。

大般涅槃經遺教品第一

今時佛告阿難。普及大衆。吾滅度後。汝等四衆。當勤護持我大涅槃。我於無量萬億阿僧祇劫。修此難得大涅槃法。今已顯說。汝等當知此大涅槃。乃是十方三世一切諸佛。金剛寶藏。常樂我淨。周圓无缺。一切諸佛於此涅槃。而般涅槃。取後究竟理極。無遺諸佛於此。放捨身命。故名涅槃。汝等欲得決定真報佛恩。疾得菩提。諸佛

摩頂世世所生不失正念十方諸佛
常現其前晝夜守護令一切衆得出
世法當勤修習此涅槃典

佛復告阿難吾未成佛示入鬱頭藍
弗外道法中修學四禪八定受行其
教吾成佛來毀此其法漸漸誘進寂
後須跋陀羅皆入佛道如來以大智
炬燒邪見幢如乾草葉投大火焰阿
難今我親戚諸釋種子吾甚憂念我
涅槃後汝當精勤以善教誡我諸眷
屬授與妙法深心誨誘勿得調戲放
逸散心入諸境界受行邪法未脫三
界世間痛苦早求出離於此五濁愛
欲之中應生憂畏无救護想一失人
身難可追復畢此一形常須警察無
常大鬼情求難脫憐愍衆生莫相煞
害乃至蠢動應施無畏身業清淨常
生妙土口業清淨離諸過惡莫食肉
莫飲酒調伏心地令入道果深思行
業善惡之報如影隨形三世因果循
環不失此生空過後悔無追涅槃時
至示教如是

尔時阿難聞佛語已身心戰動情識

忙然悲哽啗咽深沒憂海舉體迷悶
昏亂濁心投如來前猶如死人尔時
阿泥樓逗安慰阿難輕其愁心而語
之言咄哉何為愁苦如來涅槃時至
今日雖有明且則無汝依我語諮啓
如來如是四問佛涅槃後六羣比丘
行汙他家惡性車匿去何共住而得
示教如來在世以佛為師世尊滅後
以何為師若佛在世依佛而住如來
既滅依何而住如來滅後結集法藏
一切經初安何等語尔時阿難如從
夢中間阿泥樓逗安慰其心令致四
問漸得醒悟哀不自勝具陳上問而
以白佛

佛告阿難何為憂苦悲哀乃尔諸佛
化周施為已訖法歸是處善哉善哉
阿難汝致四問為取後問能大利益
一切世間汝等諦聽善思念之唯然
世尊願樂欲聞佛告阿難如汝所問
佛涅槃後六羣比丘惡性車匿行汙
他家去何共住而得示教阿難車匿
比丘其性鄙惡我涅槃後漸當調伏
其心柔和捨本惡性阿難我弟難陀

具極重欲其性鄙惡如來以善方便
示教利喜知其根性以波若慧為說
十二因緣所謂無明緣行行緣識乃
至老死憂悲苦惱皆是无明憎愛集
林一切行苦弥滿三界遍流六道大
苦根本无明所起以波若慧示以性
淨諦觀根本即斷諸有過患無明根
本滅故無明滅無明滅則行滅乃至
老死憂悲苦惱皆滅得此觀時攝心
定住即入三昧以三昧力得入初禪
漸漸次第入第四禪繼心正念如是
修習然後自當得證上果離三界苦
阿難今時難陀比丘深生信心依我
教法勤心修習不久即得阿羅漢果
教示六羣車匿比丘深心依此清淨
正法不久自當得證上果阿難當知
皆因无明增長三界生死大樹飄沒
愛河衆苦長夜黑闇崖下繞生死挂
六識為枝妄念為本無明波浪心識
榮使遊戲六塵種苦惱芽无能制者
自在如王是故我言無明即主念念
傷害衆生不覺輪轉生死阿難一切

衆生為此無明起諸愛結我見覆蔽
八万四千煩惱郎主役使其身身心
破裂不得自在阿難无明若滅三界
都盡以是因緣名出世人阿難若能
諦觀十二因緣究竟無我深入本淨
即能遠離三界大火阿難如來是真
語者說誠實言軍後付囑汝當修行
阿難如汝所問佛去世後以何為師
者阿難尸波羅蜜戒是汝大師依之
修行能得出世甚深定慧阿難如汝
所問佛涅槃後依何住者阿難依四
念處嚴心而住觀身性相同於虛空
名身念處觀受不在內外不住中間
名受念處觀心但有名字名字性離
名心念處觀法不得善法不得不善
法名法念處阿難一切行者應當依
此四念處住阿難如汝所問如來滅
後結集法藏一切經初安何等語者
阿難如來滅後結集法藏一切經初
當安如是我聞一時佛住某方某處
與諸四衆而說是經

尔時阿難復白佛言若佛在世若涅槃後有信心檀越以金銀七寶一切

樂具奉施如來云何舉置佛告阿難
若佛現在所施佛物僧衆應知若佛
滅後一切信心所施佛物應用造佛
形像及造佛衣七寶幡蓋買諸香油
寶花以供養佛除供養佛餘不得用
用者即犯盜佛物罪阿難復白佛言
若佛現在若復有人以金銀七寶房
舍殿堂妻子奴婢衣服飲食一切樂
具深心恭敬禮拜供養如來佛涅槃
後若復有人以金銀七寶妻妾奴婢
衣服飲食一切樂具供養如來形像
深心恭敬禮拜供養世尊如是二人
深心供養所得福德何者為多佛告
阿難如是二人皆以深心供養所得
福德其福無異何以故雖佛滅後法
身常存是以深心供養其福正等阿
難復白佛言若佛現在若復有人還
以深心如上供養恭敬如來佛涅槃
後若復有人還以深心如上供養恭
敬全身舍利世尊如是二人所得福
德何者為多佛告阿難如是二人得
福正等功德廣大無量无邊乃至畢
苦其福不盡阿難復白佛言若佛現

在若復有人如上深心一切供養恭敬如來佛涅槃後若復有人如上深心供養恭敬半身舍利世尊如是二人所得福德何者為多佛告阿難如是二人深心供養得福無異所得福德無量无边阿難若佛滅後若復有人深心供養如來舍利四分之一八分之一十六分之一百分之一千分之一万分之一恒河沙分之一乃至如芥子許皆以深心供養恭敬尊重讚歎若佛現在若復有人深心供養恭敬如來如是二人所得福德皆悉無異其福无量不可稱計阿難當知若佛現在若涅槃後若復有人深心恭敬供養禮拜尊重讚歎如是二人所得福德无二無別佛告阿難及諸大衆我涅槃後天上人間一切衆生得我舍利悲喜交流哀感欣慶恭敬禮拜深心供養得无量无边功德阿難若見如來舍利即是見佛見佛即是見法見法即是見僧見僧即是見涅槃阿難當知以是因緣三寶常住無有變易能為衆生作歸依處阿難復白佛

言佛涅槃後一切大眾依何法則茶毗如來而得舍利深心供養佛告阿難我般涅槃汝等大眾當依轉輪聖王荼毗方法阿難復白轉輪聖王荼毗法則其事云何佛告阿難轉輪聖王命終之後經停七日乃入鐵棺既入棺已即以微妙香油注滿棺中閉棺令密復經七日從棺中出以諸香水灌洗沐浴既灌洗已燒衆名香而以供養以兜羅綿遍體襯身然後即以無價上妙白氎千張次第相重遍纏王身既已經訖以衆香油滿鐵棺中聖王之身亦乃入棺密閉棺已載以香木七寶車上其車四面垂諸瓔珞一切寶紋莊嚴其車無數花幡七寶幢蓋一切妙香一切天樂圍繞供養亦乃純以衆妙香木表裏文鈐徹妙香油荼毗轉輪聖王之身荼毗已訖收取舍利於都城內四衢道中起七寶塔塔開四門安置舍利一切世間所共瞻仰阿難其轉輪王以少福德紹此王位未脫諸有具足五欲妻妾婢女惡見三毒一切煩惱諸結使

等未斷一毫命終之後世間猶乃如是法則起塔供養一切瞻仰阿難何況如來已於無量無邊無數阿僧祇劫永捨五欲妻妾婬女於世間法已作霜電難勤能勤難行能行一切菩薩出世苦行勤苦修習十方三世一切諸佛所行之道甚深微妙清淨戒定慧解脫解脫知見六波羅蜜無不具足修習如來十力大悲四無所畏三解脫門十八大空六通五眼三十七品十八不共法三十二相八十種好一切諸佛壽命一切淨佛國上一切成就衆生一切難行苦行一切攝善法戒一切攝衆生戒一切攝律儀戒一切功德一切智慧一切莊嚴一切大願一切方便如是等不可思議福德智慧皆已成就无不具足斷除一切不善斷除一切煩惱斷除一切煩惱餘習通達四諦十二因緣於菩提樹降伏四魔成就種智如是妙法悉修習已尔乃一切諸佛唱言善哉善哉同以法性智水灌法身頂乃成阿耨多羅三藐三菩提以是因緣我

今号天人師十方種覺至極世尊天
上人間無與等者等視衆生如羅睺
羅故名如來應供正遍知明行足善
逝世間解無上士調御丈夫天人師
佛世尊憐愍世間化緣周畢為衆生
故今入涅槃隨世間法如轉輪王為
令衆生普得供養阿難我入涅槃如
轉輪王經停七日乃入鐵棺以妙香
油注滿棺中密蓋棺門其棺四面應
以七寶間雜莊嚴一切寶幢香花供
養經七日已復出鐵棺既出棺已應
以一切衆妙香水灌洗沐浴如來之
身既灌洗已以上妙燒羅綿遍體纏
身次以微妙无價白氎千張復於綿
上纏如來身又入鐵棺復以微妙香
油盛滿棺中閉棺令密尔乃純以微
妙牛頭栴檀沉水一切香木盛七寶
車一切衆寶以為莊嚴載以寶棺至
茶毗所無數寶幢无數寶蓋無數寶
衣無數天樂無數香花同遍虚空悲
哀供養一切天人無數大衆應各以
栴檀沉水微妙香油茶毗如來哀號
戀慕茶毗已訖天人四衆收取舍利

盛七寶瓶於都城内四衢道中起七寶塔供養舍利能令衆生得大功德離三有苦至涅槃樂阿難當知一切四衆起佛舍利七寶塔已應當更起三塔供養所謂辟支佛塔阿羅漢塔轉輪王塔為令世間知歸依故阿難白佛言如來出世悲愍衆生顯示十力大悲四無所畏十二因緣四諦之法三解脫門八種梵音雷震三界五色慈光遍照六道隨順衆生心業所轉或得四果三乘所行或證无漏無為緣覺之道或入無減無生菩薩之地或得無量諸陀羅尼或得五眼或得六通或脫三惡或出八難或離人間人天四衆起七寶塔供養舍利得大功德能令衆生脫三界苦入正解脫以是因緣佛般涅槃一切世間人天大衆報佛甚深无量慈恩起七寶塔供養舍利理應如是世尊其餘三塔於諸衆生得何等利而今起立恭敬供養佛告阿難其辟支佛怙法因

緣入深法性已脫諸有一切過患能
為人天而作福田以是因緣起塔供
養所得福德次於如來能令衆生皆
得妙果阿難其阿羅漢於三界中生
分已盡不受後有梵行已立能為世
間而作福田是故應當起塔供養所
得福德次辟支佛亦令衆生皆得解
脫阿難其轉輪王雖未解脫三界煩
惱福德力故治四天下而以十善化
育羣生是諸衆生之所尊敬以是四
衆起塔供養所得福德亦復无量
阿難白佛言佛般涅槃一切四衆當
於何所茶毗如來得収舍利唯願示
教佛告阿難佛般涅槃一切四衆若
於拘尸城內茶毗如來其城中人皆
紹王位則相討罰諍訟無量亦令一
切得福階差阿難一切四衆可於城
外茶毗如來為令世間得福等故阿
難白佛言佛入涅槃茶毗已訖一切
四衆収取舍利安置寶瓶當於何所
起七寶塔一切皆得深心供養唯願
示教佛告阿難佛般涅槃茶毗既訖
一切四衆収取舍利置七寶瓶當於

拘尸那伽城內四衢道中起七寶塔
高十三層上有相輪一切妙寶間雜
莊嚴一切世間衆妙花幡而嚴飾之
四邊欄楯七寶合成一切莊校靡不
周遍其塔四面面開一門層層間次
窓牖相當安置寶瓶如來舍利天人
四衆瞻仰供養阿難其辟支佛塔應
十一層亦以衆寶而嚴飾之阿難其阿
羅漢塔成以四層亦以衆寶而嚴飾之
阿難其轉輪王塔亦七寶成无復層
級何以故未脫三界諸有苦故今時
阿泥樓逗白佛言佛涅槃後荼毗已
訖一切天人四部大衆如何分布如
來舍利而得供養今時佛告阿泥樓
逗我般涅槃汝等天人取佛舍利以
平等心分布三界一切六道世間供養
今時釋提桓因白佛我今從佛敬請
如來半身舍利而我深心願供養故
佛告天帝如來等視衆生如羅睺羅
汝不應請半身舍利何以故平等利
祐諸衆生故佛告天帝我今與汝右
邊上頷一牙舍利可於天上起塔供
養能令汝得福德无盡

尔時天人一切大衆悲哀流淚不能
自裁尔時世尊普告四衆佛般涅槃
汝等天人莫大愁惱何以故佛雖涅
槃而有舍利常存供養復有無上法
寶修多羅藏毗耶耶藏阿毗達磨藏以
是因緣三寶四諦常住於世能令衆
生深心歸依何以故供養舍利即是
佛寶見佛即見法身見法即見賢聖
見賢聖故即見四諦見四諦故即見
涅槃是故當知三寶常住無有變易
能為世間作歸依故佛復告諸大衆
汝等莫大愁苦我今於此垂欲涅槃
若戒若歸若常无常三寶四諦六波
羅蜜十二因緣有所疑者當速發問
為究竟問佛涅槃後無復疑悔三過
告衆尔時四衆憂悲苦惱哽咽流淚
痛切中心追思戀慕愁毒悶絕佛神
力故掩淚寂然無發問者何以故一
切四衆已於戒歸三寶四諦通達曉
了無有疑故尔時世尊知諸四衆無
復餘疑歎言善哉善哉汝等四衆已
能通達三寶四諦无有疑也猶如淨
水洗蕩身垢汝等當勤精進早得出

離莫生愁惱迷悶亂心

大般涅槃經卷第二

第八發覺

七

尔時世尊於師子座以真金手却身
所著僧伽梨衣顯出紫磨黃金師子
臂臆普示大衆告言汝等一切天人
大衆應當深心看我紫磨黃金色身
尔時四衆一切瞻仰大覺世尊真金
色身目不暫捨悉皆快樂譬如比丘
入第三禪難生是中介時世尊以黃
金身示大衆已即放无量無邊百千
万億大涅槃光普照十方一切世界
日月所照无復光明放是光已復告
大衆當知如來為汝等故累劫勤苦
截身手足盡修一切難行苦行大悲
本願於此五濁成阿耨多羅三藐三
菩提得此金剛不壞紫磨色身具足
三十二相八十種好無量光明普照
一切見形遇光無不解脫佛復告諸
大衆佛出世難如優曇花希有難見
汝等大衆寧後遇我為於此身不生
空過我以本誓願力生此穢土化緣
周畢今欲涅槃汝等以至誠心看我
紫磨黃金色身汝當修習如是清淨
之業於未來世得此果報

尔時世尊如是三反懇懃三告以真
金身示諸大衆即從七寶師子大牀
上昇虛空高一多羅樹一反告言我
欲涅槃汝等大衆看我紫磨黃金色
身如是展轉高七多羅樹七反告言
我欲涅槃汝等大衆應當深心看我
紫磨黃金色身從空中下坐師子牀
復告大衆我欲涅槃汝等深心看我
紫磨黃金色身尔時世尊從師子牀
復昇虛空高一多羅樹復告大衆我
欲涅槃汝等深心看我紫磨黃金色
身如是展轉高七多羅樹七反告言
我欲涅槃汝等大衆看我紫磨黃金
色身從空中下坐師子牀復告大衆
我欲涅槃汝等深心看我紫磨黃金
色身尔時世尊從師子牀復昇虛空
高一多羅樹復告大衆我欲涅槃汝
等深心看我紫磨黃金色身如是展
轉高七多羅樹七反告言我欲涅槃
汝等深心看我紫磨黃金色身從空
中下坐師子牀復告大衆我欲涅槃
汝等深心看我紫磨黃金色身尔時
世尊顯出如來紫磨黃金色身普示

大衆如是三反上昇虛空高七多羅樹三反從空中下坐師子牀如是慇懃二十四反告諸大衆我欲涅槃汝等深心看我金剛堅固不壞紫磨黃金無畏色身如優曇花難可值遇汝等當知我欲涅槃汝等應當以至誠心看我紫磨黃金色身如熱渴人遇清冷水飲之令飽無復餘念汝等大衆亦復如是我欲涅槃汝等大衆應當深心瞻仰為是軍後見於如來自此見已無復再覩汝等大衆瞻仰令足無復後悔佛復告諸大衆我涅槃後汝等大衆應廣修行早出三有勿復懈怠散心放逸今時一切世界天人四衆遇涅槃光瞻仰佛者一切三塗八難世間人天所有煩惱四重五逆極惡罪各永滅无餘皆得解脫今時世尊顯出紫磨黃金色身慇懃相告示大衆已還舉僧伽梨衣如常所披大般涅槃經應盡還源品第二

佛復告諸大衆我今時至舉身疼痛說是語已即入初禪以涅槃光遍觀世界入寂滅定今時世尊所言未訖即

入初禪從初禪出入第二禪從二禪
出入第三禪從三禪出入第四禪從四
禪出入虛空處從空處出入無邊識
處從識處出入不用處從不用出入
非想非非想處從非非想處出入滅盡
定從滅盡定出還入非想非非想處
從非非想出入不用處從不用出入
無邊識處從無邊識處出入虛空處
從空處出入第四禪從四禪出入第
三禪從三禪出入第二禪從二禪出
入第一禪今時世尊如是逆順入諸
禪已普告大眾我以甚深波若遍觀
三界一切六道諸山大海大地含生
如是三界根本性離畢竟寂滅同虛
空相无名無識永斷諸有本來平等
無高下想无見無聞無覺无知不可
繫縛不可解脫无衆生無壽命不生
不起不盡不滅非世間非非世間涅
槃生死皆不可得二際平等諸法
故閑居靜住无所施為究竟安置必
不可得從無住法法性施為斷一切
相一無所有法相如是其知是者名
出世人是事不知名生死始汝等大

衆應斷無明滅生死始今時世尊說
是語已復入超禪從初禪出入第三
禪從三禪出入虛空處從虛空出入
無所有處從無所有出入滅盡想定
從滅盡定出次第還入至非想非非想
處從非非想出入無邊識處從識處
出入第四禪從四禪出入第二禪從
二禪出入於初禪如是逆順入超禪
已復告大衆我以摩訶般若遍觀三
界有情無情一切人法悉皆究竟無
繫縛者無解脫者無主無依不可攝
持不出三界不入諸有本來清淨元
垢無煩惱與虛空等不平等非不平
等盡諸動念思想心息如是法相名
大涅槃真見此法名為解脫凡夫不
知名曰無明作是語已復入超禪從
初禪出乃至入滅盡定從滅盡定出乃
至入初禪如是逆順入超禪已復告
大衆我以佛眼遍觀三界一切諸法
無明本際性本解脫於十方求了不
能得根本無故所因枝葉皆悉解脫
無明解脫故乃至老死皆得解脫以
是故我今安住常寂滅光名大涅

照尔時阿鞞無極悲哀憂愁痛苦心
狂慌乱情識昏迷如重醉人都無知
覺不見四象不知如来已入涅槃為
未涅槃

尔時世尊如是三過從超入諸禪定
遍觀法界普為大衆三反說法如来
如是展轉二十七反入諸禪定阿難
以不知故佛入一禪即致一問如是
二十七反問阿難樓逼佛已涅槃為
未涅槃阿難樓逼深知如来入諸禪
定二十七反皆答阿難佛未涅槃尔
時一切大衆皆悲慌乱都不覺知如
来涅槃為未涅槃尔時世尊三反入
諸禪定三反示誨衆已於七寶牀右
脇而卧頭枕北方足指南方面向西
方後背東方其七寶牀微妙瓔珞以
為莊嚴娑羅樹林四雙八隻西方一
雙在如来前東方一雙在如来後北
方一雙在佛之首南方一雙在佛之
足尔時世尊娑羅林下寢卧寶牀於
其中夜入第四禪寂然無聲於是時
須臾般涅槃大覺世尊入涅槃已其
娑羅林東西二雙合為一樹南北二

雙合為一樹垂覆寶牀蓋於如來其
樹即時慘然變白猶如白鶴枝葉花
果皮幹悉皆爆裂墮落漸漸枯頽摧
折無餘

余時十方無數萬億恒河沙普佛世
界一切大地皆大震動出種種音唱
言苦哉苦哉世界空虛演出無常苦
空哀歎之聲余時十方世界一切諸
山目真隣陀山摩訶目真隣陀山鐵
圍山大鐵圍山諸須彌山香山寶山
金山黑山一切大地所有諸山一時
震裂悉皆崩倒出大音聲震吼世界
唱言苦哉苦哉如何一旦世間孤露
慧日滅沒大涅槃山一切衆生喪真
慈父失所欲天無瞻仰者余時十方
世界一切大海悉皆混濁沸涌濤波
出種種音唱言苦哉苦哉正覺已滅
衆生罪苦長夜久流生死大海迷失
正路何由解脫余時一切江河溪澗
溝壑川流泉源渠井浴池悉皆傾覆
水盡枯涸余時十方世界大地虛空
寂然大闇日月精光悉無復照黑闇
愁惱弥布世界於是時間忽然黑風

鼓怒驚振吹扇塵沙弥闍世界尔時
大地一切卉木藥草諸樹花果枝葉
悉皆摧折碎落無遺於是時頃十方
世界一切諸天遍滿虛空哀號悲歎
震動三千大千世界雨無數百千種
種上妙天香天花遍滿三千大千世
界積高須弥供養如來於上空中復
雨無數天幢天幡天璫珞天軒蓋天
寶珠遍滿虛空變成寶臺四面珠璣
七寶紋結光明華彩供養如來於上
空中復奏無數微妙天樂鼓吹絃歌
出種種音唱言苦哉苦哉佛已涅槃
世界空虛羣生眼滅煩惱羅刹大欲
流行行苦相續痛輪不息尔時阿難
心慌迷悶都不覺知不識如來已入
涅槃未入涅槃唯見非恒境界復問
樓陀佛涅槃耶樓陀答言大覺世尊
已入涅槃尔時阿難聞是語已悶絕
躄地猶如死人寂無氣息冥冥不曉
尔時樓陀以清冷水灑阿難面扶之
令起以善方便而慰喻之語阿難言
哀哉哀哉痛苦奈何奈何莫大愁毒
熱惱乱心如來化緣周畢一切人天

無能留者苦哉苦哉奈何奈何期
今日人天之師為事究竟無能留者
奈何我與汝等且共裁抑復慰喻言
阿難佛雖涅槃而有舍利無上法寶
常住於世能為衆生而作歸依我與
汝等當勤精進以佛法寶授與衆生
令脫衆苦報如來恩今時阿難聞慰
喻已漸得醒悟哽咽流淚悲不自勝
其拘尸那城娑羅林間縱廣三十二由
旬天人大衆皆悉遍滿尖頭針鋒受
無量衆間無空缺不相障蔽今時无
數億菩薩一切大衆悉皆迷悶昏亂
濁心都不覺知如來涅槃及未涅槃
唯見非恒變動一時同問樓逗佛涅
槃耶今時樓逗告諸大衆一切天人
大覺世尊已入涅槃今時无数一切
大衆聞是語已一時昏迷悶絕躃地
苦毒入心院聲不出其中或有隨佛
滅者或失心者或身心戰掉者或牙
相執手哽咽流淚者或常提臂大叫
者或舉手拍頭自拔髮者或有唱言
痛哉痛哉荼毒苦者或有唱言如來
涅槃一何疾哉或有唱言失我所敬

天者或有歎言世界空虛衆生眼滅
者或有歎言煩惱大鬼已流行者或
有歎言衆生善芽種子滅者或有歎
言魔王欣慶解甲冑者或自呵責身
心無常觀者或有正觀得解脫者或
有傷歎無歸依者中有遍體血現流
灑地者如是異類殊音一切大衆哀
聲普震一切世界尔時娑婆世界主
尸棄大梵天王知佛已入涅槃與諸
天衆即從初禪飛空而下舉聲大哭
流淚悲咽投如來前悶絕躋地久乃
蘇醒哀不自勝即於佛前以偈悲歎
世尊往昔本誓願 為我等故居忍土
乃隱無量自在力 貧所樂法度衆生
方便逐宜隨應說 衆生無不受安樂
誘進令出三有苦 究竟皆至涅槃道
如來慈母育衆生 普飲衆生大悲乳
何期一旦忽捨離 人天孤露無所依
痛哉衆生善種芽 無天甘露令增長
善芽漸漸衰滅已 罪業相牽墮惡道
奈何世界悉空虛 衆生正慧眼已滅
既行無明黑闇中 墮落三有淪溺苦
奈何衆生罪无救 願依舍利得解脫

勸請如來大悲力

救護令我脫苦地

何其痛哉此惡世

如來棄我入涅槃

尔時釋提桓因與諸大衆從空而下

唱言苦哉苦哉發聲大哭悲泣流淚

投如來前悶絕躄地久乃蘇醒悲哀

哽咽胡跪佛前說偈哀歎

如來歷劫行苦行

昔為我等群生故

得成無上正覺道

等育衆生如一子

施法藥中為上藥

療病醫中為勝醫

大慈悲雲蔭衆生

甘露慧雨雨一切

慧日光照無明闇

無明衆生見聖道

聖月慈光照六趣

三有蒙光脫衆苦

何期於今捨大慈

已入涅槃衆不見

本誓大悲今何在

棄捨衆生如涕唾

我等一切諸衆生

如犢失母必當死

四衆手相執手哭

提胃大哀動三界

苦哉苦哉諸有人

如何一旦盡孤露

我等福盡苦何甚

善芽焦燃無復潤

唯願法寶舍利光

照我令脫三有苦

哀哉痛哉我等衆

幾何重得見如來

今時樓逗悲哀號

泣傷悼無量胡跪

佛前以偈悲讚

正覺法王育我身

教我法乳長法身

六經集註卷之六
先生法身成立

又復慧命少資糧

應以八音常演暢

令衆聞已悉悟道

常放大慈五色光

令衆蒙光皆解脫

如何今日永涅槃

行苦衆生何依趣

苦哉世尊捨大悲

我等孤窮必當死

雖知世尊現方便

我等無能不悲哀

四衆迷悶昏失心

哀動天地震三界

世尊獨處大安樂

衆生大苦欲何之

世尊往昔為我等

衆劫捨頭截手足

得成無上正覺道

不久住世即涅槃

我及四衆處无明

魔王欣慶捨甲冑

哀哉世尊願大悲

舍利慈光攝我等

伏請世尊愍四衆

法寶流潤願不窮

我等不能即殞滅

苟存餘命能幾何

苦哉痛切難堪忍

重見世尊无復期

余時阿難悶絕漸醒

舉手拍頭捉臂

哽咽悲泣流淚哀

不自勝長跪佛前

以偈悲歎

我昔與佛誓願力

幸共同生釋種中

如來得成正覺道

我為侍者二十載

深心敬養情未足

一旦見棄入涅槃

痛哉哀哉荼毒苦

無極長夜痛切心

我身未脫諸有網

無明之障未出誰

世尊慧業未啄破

如何見捨疾涅槃

我如初生之嬰兒

失母不久必當死

世尊如何見放捨

獨出三界受安樂

我今懺悔於世尊

侍佛已來二十年

四威儀中多懈墮

不能悅可大聖心

願正覺尊大慈悲

施我甘露令安樂

我願窮盡未來際

常覲世尊為侍者

唯願世尊大慈光

一切世界攝受我

痛哉痛哉不可說

喑咽何能陳聖恩

今時無數億恒河沙菩薩一切世間

天人大眾手相執手悲泣流淚哀不

自勝各相裁抑即皆自辦無數微妙

香花曼陀羅花摩訶曼陀羅花曼珠

沙花摩訶曼珠沙花無數天上人間

海岸樹檀沉水百千万種和香無數

香泥香水寶蓋寶幢寶幡真珠璣珞

遍滿虛空投如來前悲哀供養今昔

拘尸城內男女大小一切人眾悲哀

流淚各辦無數微妙香花幡蓋等供

勝於前投如來所悲哀供養今時四

天王與諸天眾悲哀流淚各辦無數

香花一切供養等三倍於前悲泣流

淚來詣佛所投如來前悲哀供養三

天如是倍勝於前色界無色界諸天
亦如是倍勝供養

大般涅槃經後分卷上

壬寅歲高麗國大藏都監奉

勅彫造

大般涅槃經後分卷下

率

大唐南海波淩國沙門若那跋陀羅譯

機感荼毗品第三

尔時拘尸城内一切男女悲泣流淚不知荼毗法則去何問阿難言如來涅槃如何法則可以荼毗尔時帝釋具陳上事而以荅言如佛所說依輪王法尔時拘尸城内一切人民悲泣流淚惣入城中即作金棺七寶莊嚴即辦微妙無價白氎千張無數細軟妙毳羅綿辦無數微妙栴檀沉水百千萬種和香香泥香水一切繒蓋幡花等如雲遍滿在於空中積高須弥既辦已訖悲哀流淚將至佛所投如來前悲咽不勝而申供養尔時拘尸城内一切人民及諸大衆重復悲哀哽咽流淚復持无量香花幡蓋一切供具如雲遍滿空中互相執手捉臂哽咽涕泣盈目哀震大千投如來前悲哀供養尔時大衆悲哽暗咽深重敬心各以細妙白氎障手扶於如來入金棺中注滿香油棺門即閉尔

時拘尸城內一切士女貪福善心相
欲劫取如來功德不令天人一切大
衆同舉佛棺即共詳議遣四力士壯
大無雙脫其所著瓔珞衣服期心請
舉如來聖棺欲入城內自申供養盡
其神力都不能勝今時城內復遣八
大力士至聖棺所脫所著衣共擎佛
棺皆盡其神力都亦不得拘尸城內
復遣十六極大力士來至棺所脫所
著衣共舉佛棺亦不能勝今時樓逗
語力士言縱使盡城內人男女大小
舉如來棺欲入城內亦不能得何況
汝等而能勝耶汝等當請大衆及諸
天力助汝舉棺乃得入城樓逗所言
未訖今時帝釋即持微妙大七寶蓋
無數香花幢幡音樂與諸天衆悲泣
流淚垂在空中供養聖棺至第六天
及色界天皆如帝釋供養聖棺今時
世尊大悲普覆令諸世間得平等心
得福無異於娑羅林即自舉棺昇虛
空中高一多羅樹拘尸城內一切人
民及諸世間人天大衆等共不得舉
佛聖棺今時帝釋及諸天衆即持七

寶大蓋四柱寶臺四面莊嚴七寶瓔
珞垂虛空中覆佛聖棺無數香花幢
幡瓔珞音樂微妙雜綵空中供養至
第六天色界諸天倍前帝釋覆佛聖
棺及申供養尔時拘尸城內一切人
民見佛聖棺昇在空中耷臂大哭悲
咽懊惱尔時一切天人於大聖尊寶
棺前路遍散七寶真珠香花瓔珞微
妙雜綵繽紛如雲地及虛空悉皆遍
滿哀泣流淚供養如來七寶靈棺同
聲唱言苦哉苦哉我等无福舉佛聖
棺遂不能得我等孤露何有善根尔
時世尊大聖金棺於娑羅林虛空之
中徐徐乘空從拘尸城西門而入尔
時拘尸城內一切士女無數菩薩聲
聞天人大衆地及虛空悉皆遍滿隨
從如來大聖靈棺手相執手號聲大
哭耷臂叫喚哽咽流淚各持無數香
花寶幢幡蓋地及虛空悉皆遍滿悲
號哀歎供養靈棺其拘尸城一面
縱廣四十八由旬尔時如來七寶金
棺徐徐乘空從拘尸城東門而出垂
空右繞入城南門漸漸空行從北門

出乘空左繞還從拘尸西門而入如是展轉遶三匝已乘空徐徐還入西門乘空而行從東門出空行左遶入城北門漸漸空行從南門出乘空右遶還入西門如是展轉遶經四匝如是左右遶拘尸城經于七匝

尔時七寶聖棺當入城時一切大眾悲號哽咽各持無數微妙香木栴檀沉水一切寶香文理香潔普熏世界復持無數寶幢幡蓋香花瓔珞至茶毗所悲哀供養尔時四天王及諸天眾悲泣流淚各持天上上妙栴檀沉水表裏香潔芬馥周遍各五百根大如車輪復持一切寶香寶幢寶蓋妙花瓔珞至茶毗所悲哀供養第二天各一千根第三天各二千第四天各三千第五天各四千第六天各五千及幡花至茶毗所悲哀供養尔時色界無色諸天惟有香花至茶毗所悲哀供養尔時一切世間大眾各持微妙栴檀沉水香花幡蓋至茶毗所悲哀供養尔時樓遮涕泣盈目哀悼無極從諸天人乞妙香木栴檀沉水足

六千根文理香潔芬馥周遍至茶毗所悲哀供養阿耨達池四面縱廣二百由旬出四大河佛初成道恒河北岸一樹栴檀隨佛而生大如車輪高七多羅樹香氣普熏供養如來其香樹神與樹俱生常取此香供養於佛佛入涅槃此一檀樹即隨佛滅皮葉俱落神亦隨死有諸異神取此香樹送茶毗所悲哀供養其地乃是三世諸佛茶毗之處大覺世尊乘本願力亦於是處茶毗是處有諸往古諸佛無量寶塔金剛不壞堅固之處今時如來大聖寶棺漸漸空行至茶毗所徐徐垂空下安亡寶牀上其牀一切衆妙瓔珞無價雜綵以為莊嚴於是時頂復經七日今時拘尸城內一切士女無數菩薩聲聞三十三天一切大衆悲哀哽咽持諸幡蓋寶幢香花隨從佛棺經於七日以佛神力一切天人無飢渴想一無思食唯見哀泣戀慕如來既滿七日大聖如來將欲出棺今時拘尸城內一切士女無數大衆復大哀泣震動世界復持香花无

數幢蓋微妙天樂投佛棺前哀咽供養是時大衆悲哽流淚各以細微白氎自障其手深重慙心從寶棺中扶於如來紫磨黃金三十二相八十種好堅固不壞金剛之身安詳而出置七寶牀

尔時大衆重大悲哀聲震十方普佛世界復持一切香花繒蓋音樂深心供養悶絕哽咽投如來前是時大衆復更悲咽盈目流淚各持無數香水香泥深重慙心從頭至足灌洗如來三十二相八十種好無量福德智慧莊嚴金剛堅固紫磨黃金不壞色身復洗寶棺微妙清淨既灌洗已是時大衆復大號哭悲哀哽咽燒微妙香散七寶花無數寶幢幡蓋地及虛空悉皆遍滿悲哀號泣供養如來是時大衆咸哀喑咽即持無數妙毘羅綿從頭至足纏裹如來金剛色身既纏身已復以上妙無價白氎千張於毘羅上次第相重纏如來身纏身已訖是時大衆重大悲哀號哭悶絕復持香花幡蓋寶幢音樂哽咽供養是時

大衆哀泣流淚深重敬心各以白氎障手暗咽悲哽共扶如來入寶棺中注滿香油棺門尋開尔時大衆重大悲哀聲震世界復持香花幡蓋音樂號慟悲泣供養寶棺尔時一切大衆所集微妙香木積高須弥芬馥香氣普薰世界相重密次成大香樓四面七寶莊嚴幢蓋幡花瓔珞雜綵通空如雲以為莊嚴人天音樂悲哀供養是時天人大衆將欲舉棺置香樓上復大悲哀捉臂大叫聲震大千復持幢蓋香花音樂悲哀供養是時大衆哀悼悲結深重慙心各以白氎障手共舉如來大聖寶棺置於莊嚴妙香樓上復大號泣絕而復穌唱言苦哉苦哉何期孤露無有依恃悲咽流淚復散香花寶幢幡蓋音樂雜綵一切盡心悲哀供養尔時如來大聖寶棺既上微妙寶香樓已將欲舉火荼毗如來是時大衆復大號哭驚震大千復更深重悲哀供養大聖寶棺及妙香樓尔時一切大衆哀泣盈目各持七寶香燭大如車輪焰彩光明遍照

世界一時大哭茶毗香樓震大千
一切世界復以香花遍滿供養是時
寶燭至香樓所自然殂滅是時一切
諸天復持無上七寶大燭焰光普照
悲哀流淚投香樓所皆悉殂滅今時
一切海神持海中火七寶大燭無數
光焰投香樓所亦皆殂滅是時大衆
長時號哭一切供養不知如來何緣
未畢投火香樓茶毗不燃今時世尊
大悲普潤待迦葉衆來至乃燃時大
迦葉與五百弟子在耆闍崛山去拘
尸城五十由旬身心寂然入于三昧
於正受中倏尔心驚舉身戰慄從定
中出見諸山地皆大震動即知如來
已入涅槃告諸弟子我佛大師入般
涅槃時經七日已入棺中苦哉苦哉
應當疾往至如來所恐已茶毗不得
見佛三十二相八十種好真淨色身
迦葉以敬佛故不敢飛空往如來所
即將弟子尋路疾行悲哀速往正滿
七日至拘尸城城東路首迦葉遇見
一婆羅門執一天花隨路而來迦葉
問言仁者何來荅曰佛般涅槃我於

茶毗所來復問此是何花答言於木
毗所得此天花迦葉就乞答言不得
我期將歸擬示六親家中供養迦葉
就借著其頂上便即悶絕昏迷躄地
喑咽悲哽良久乃蘇即自惟忖於此
號泣不見如來八十種好紫磨色身
何所追益即與弟子疾共前進至拘
尸城北門而入於其城中入一僧坊
見諸比丘聚聚一處語迦葉言汝等
遠來深勞苦耶安坐待食迦葉答言
我之大師已入涅槃我有何情安此
待食諸比丘言汝師是誰答言汝不
知耶哀哉痛苦大覺世尊今已涅槃
比丘聞已各大歡喜而作是言快哉
快哉如來在世禁制我等戒律嚴峻
我等甚不堪忍不能依行今已涅槃
嚴峻禁戒已應放捨汝且待食有何
急耶佛神力故接諸天耳及大迦葉
諸弟子等皆悉不聞惡比丘語唯有
迦葉獨自聞之於是迦葉即將弟子
悲泣流淚疾往佛所是時迦葉與諸
弟子竊共思念我等如何得諸供物
將至佛所供養如來迦葉復言我自

生長在此城中乞供養物亦應可得
將諸弟子即就城內次第告乞得妙
白氎足滿千張復得無數妙堯羅綿
復得無量寶花香泥香水香油寶幢
幡蓋音樂絃歌瓔珞雜綵悉皆具足
迦葉與諸弟子悲哀流淚即持疾往
出城西門今時迦葉即聞茶毗之所
一切大衆悲咽號哭共問帝釋已供
養訖如何得火燃此香樓茶毗如來
帝釋答言人衆且待摩訶迦葉即時
而至釋言未訖一切大衆正於哀中
即見迦葉與諸弟子尋路悲來衆即
停哀便為開路迦葉前進遙見佛棺
將諸弟子一時禮拜號哭哽咽悶絕
躡地昏濁亂心良久乃醒流淚不勝
漸漸前行問大衆言如何得聞大悲
聖棺大衆答言佛入涅槃已經二七
恐有損壞如何得開迦葉答言如來
之身金剛堅固常樂我淨不可沮壞
德香芬馥若旃檀山作是語已涕泗
交流至佛棺所今時如來大悲平等
為迦葉故棺自然開白氎千張及堯
羅綿皆即解散顯出三十二相八十

種好真金紫磨堅固色身迦葉與諸
弟子見已悶絕躡地喑咽哀哽良久
乃蘇涕泣盈目與諸弟子徐上香檮
近佛棺邊復更喑咽號哭悲哽即以
所得香花幡蓋寶幢瓔珞音樂絃歌
哀號供養即以香泥香水灌洗如來
金色之身燒香散花哀泣供養灌洗
已訖迦葉與諸弟子持其所得妙瓔
羅綿纏於如來紫磨色身次以舊綿
纏新綿上瓔羅纏已復以所得白氎
千張次第相重於瓔羅上纏如來身
纏白氎已復持舊氎者新氎上次第
相纏惣纏已訖棺門即閉七寶瓔珞
一切莊嚴尔時迦葉復重悲哀與諸
弟子右繞七匝盈目流淚長跪合掌
說偈哀歎

苦哉苦哉大聖尊 我今荼毒苦切心
世尊滅度一何速 大悲不能留待我
我於崛山禪定中 遍觀如來悉不見
又觀見佛已涅槃 倏尔心戰大震驚
忽見閻雲遍世界 復觀山地大震動
即知如來已涅槃 故我疾來已不見
世尊大悲不普我 令我不見佛涅槃

不蒙一言相教告

我今孤露何所依

世尊我今大痛苦

情乱迷悶昏濁心

我今為礼世尊頂

為復哀礼如来寶

為復敬礼大聖手

為復悲礼如来寶

為復敬礼如来臍

為復深心礼佛足

何苦不見佛涅槃

惟願示我敬礼處

如来在世衆安樂

今入涅槃皆大苦

哀哉哀哉深大苦

大悲示教所礼處

余時迦葉哽咽悲哀說是偈已世尊

大悲即現二足千輻輪相出於棺外

迴示迦葉從千輻輪放千光明遍照

十方一切世界余時迦葉與諸弟子

見佛足已一時礼拜千輻輪相即更

悶絕昏迷躄地良久乃醒與諸弟子

哀歸哽咽右遶七匝遶七匝已復礼

佛足悲哀哭泣聲震世界復更說偈

哀歎佛足

如来究竟大悲心

平等慈光無二照

衆生有感無不應

示我二足千輻輪

我今深心歸命礼

千輻輪相二尊足

千輻輪中放千光

遍照十方普佛刹

我今歸依頭面礼

千輻輪相長光照

衆生遇光皆解脫

三塗八難皆離苦

我復歸依頭面礼

輪光普救諸惡趣

世尊往昔無數劫

為我等故修苦行

今證得此金剛體

足下由放千光明

悲哀稽首歸命礼

安於衆生千輻輪

佛修衆德為一切

修道樹日降四魔

四魔降已伏外道

衆生因此得正見

稽首歸依頭面礼

衆生正見光明足

佛為一切真慈父

足光平等度衆生

我復歸依頭面礼

平等離苦輪足光

我遇千輻光明足

悲喜交流哀切心

我復悲哀頭面礼

有感千輻輪光相

稽首歸依輪足光

乘究竟乘出三界

敬礼天人歸依足

輪光普照三有苦

衆生未得脫苦門

皆悉歸命輪光足

我等輪迴未出離

如何輪足見放捨

哀哉哀哉諸衆生

長夜莫覩輪足光

悔過世尊大慈悲

示敬千輻輪光足

哀哉今遇輪光相

自此當何復再覩

尔時迦葉與諸弟子

說是偈已復重

悶絕昏迷躄地良久

漸醒悲哀哽咽

不能自裁大覺世尊

千輻輪相金剛

雙足還自入棺封閉

如故尔時城内

一切士女天人大衆

見大迦葉復重

號哭捉臂大叫哀震大千無量世界
各將所持悲哽供養

尔時拘尸城内有四力士瓔珞嚴身
持七寶炬大如車輪焰光普照以焚
香樓茶毗如来炬投香樓自然殑滅
迦葉告言大聖寶棺三界之火所不
能燒何況汝力而能燒耶城内復有
八大力士更持七寶大炬光焰一切
將投棺所亦皆殑滅城内復有十六
極大力士各持七寶大炬來投香樓
亦悉殑滅城内復有三十六極大力
士各持七寶大炬來投亦皆殑滅
尔時迦葉告諸力士一切大衆汝等
當知縱使一切天人所有炬火不能
茶毗如来寶棺汝等不須勞苦強欲
為作尔時城内士女天人大衆復重
悲哀各以所持號泣供養一時禮拜
右邊七匝悲號大哭聲震三千尔時
如来以大悲力從心胷中火踊棺外
漸漸茶毗經于七日焚妙香樓尔乃
方盡尔時城内士女天人大衆於七
日間悲號哭泣哀聲不斷各以所持
供養不歇尔時四天王各作是念我

以香水注火令滅急取舍利天上供養作是念已即持七寶金瓶盛滿香水復將須弥四埵四大香潔出甘乳樹樹各千圍高百由旬隨四天王同時而下至茶毗所樹流甘乳注寫香瓶一時注火注已火勢轉高都无減也尔時海神莎伽羅龍王及江神河神見火不滅各作是念我取香水注火令滅急取舍利住處供養作是念已各持寶瓶盛取無量香水至茶毗所一時注火注已火勢如故都亦不減尔時樓逗語四天王及海神等汝注香水令火滅者可不欲取舍利還本所居而供養耶答言實尔樓逗語四天王言汝大貪心汝居天上舍利隨汝若在天宮地居之人如何得往而供養耶復語海神汝等住在大海而供養耶復語海神汝等住在大海江河如來舍利汝收取者地居之人如何得往而供養耶尔時四天王即皆懺悔悔已各還天宮尔時大海江河神等皆亦懺悔誠如聖言悔已各還大般涅槃經聖軀廓潤品第四

尔時帝釋持七寶瓶及供養具至茶

毗所其火一時自然滅盡帝釋即開
如來寶棺欲請佛手樓逗即問汝何
為耶答言欲請佛手還天供養樓逗
言莫輒自取可待大眾尔乃共分釋
言佛先與我一牙舍利是以我來火
即自滅帝釋說是語已即開寶棺於
佛口中右畔上領取牙舍利即還天
上起塔供養尔時有二捷疾羅刹隱
身隨釋衆皆不見盜取一雙佛牙舍
利尔時城內一切士女一切大眾即
一時來欲爭舍利樓逗告言大眾當
知待且安詳如佛所說應當如法共
分供養尔時城內士女一切大眾不
聞樓逗所言乃各執持矛稍弓箭刀
劍絹索一切戰具各自莊嚴欲取舍
利尔時城內人衆即開佛棺堯羅白
氎宛然不燒大眾見已復大號哭流
淚盈目各將所持悲哀供養深心礼
拜流淚長跪同說偈讚

如來以大自然自在力 於一切世得自在

大悲本願處斯土 周旋苦海度衆生

無量智慧神通力 出沒生死無罣碍

能以一身為多身 多身一身為無量

神變普應咸皆見 無緣即現入涅槃
我等福盡無應緣 故乃如來見放捨
佛於娑羅寶棺中 大力士舉皆不起
大悲之力自輕舉 昇空高一多羅樹
乘虛徐遶拘尸城 七日大聖遶七匝
遶已自臨荼毗所 不共神力所施為
一切天人莫能測 佛於大般涅槃中
金剛不壞力自在 一切荼毗火不燃
自於心中出慈火 焚燒七日示現盡
人天不能滅此火 如來大悲示應力
帝釋來至火便滅 妙梵羅綿纏佛身
大火焚燒都不燃 白氎隨佛寶棺內
火中儼然而不燒 方知如來自在力
於法自在為法王 敬礼大悲三界尊
敬礼聖中無畏者 敬礼普覆大慈力
敬礼神變自在者 我等從今離世尊
沒苦無能見救護 哀哉哀哉大聖尊
方今長別何由見

尔時大衆說是偈已重復悲泣各以
所持盡哀供養尔時樓逗普為天人
一切大衆與城內人共於棺所徐舉
白氎及梵羅綿其迦葉等白氎千張
火全不燒其城內人白氎千張除外

一重餘者灰燼其堉羅綿宛然如故
余時接逗取此白氎及堉羅綿細破
分之與諸大眾令起寶塔而供養之
樓逗復取氎灰亦細分衆令起寶塔
而供養之其餘燼灰無復得分衆各
自取起塔供養其城內人先已遣匠
造八金塔八師子座各以七寶而為
莊嚴其七寶塔各受一斛各置七寶
師子座上其八師子七寶之座座別
各有三十二力士各嚴七寶瓔珞雜
綵纏身共舉七寶八師子座座上復
各有八嫗女身嚴七寶瓔珞雜綵持
七寶塔座上復各有八嫗女身嚴身瓔
珞執七寶蓋覆金塔上座上復各有
八嫗女身嚴瓔珞持七寶劍衛七寶
塔座上復各有八嫗女身嚴瓔珞執
雉毛毳毼塔四面座別各有無量人
衆持妙音樂幢幡寶蓋香花瓔珞圍
遶供養座各復有無量人衆各持弓
箭矛稍羅索長鈎一切戰具而圍遶
之從拘尸城前後圍遶向荼毗所其
八師子七寶之座出城去後城內人
衆即持無數香泥香水尋力士後平治

塗地作香泥路廣博嚴事向茶毗所
其路兩邊無數寶幢幡蓋香花直珠
環珞衆妙雜綵音樂絃歌嚴飾路邊
儼然供養待大聖尊舍利而還其諸
力士持八師子七寶之座圍遶至茶
毗所即大哀泣號哭哽咽聲震大千
各以所持深心供養

尔時世尊大悲力故碎金剛體成末
舍利惟留四牙不可沮壞尔時大衆
既見舍利復重悲哀以其所持流淚
供養尔時撲逗與城内人涕泣盈目
收取舍利著師子座七寶臺中滿八
金臺舍利便盡尔時一切天人大衆
見佛舍利入金臺中重更悲哭涕泣
流淚各將所持深心供養尔時城内
諸大力士及諸士女將欲持佛舍利
金臺向拘尸城尔時大衆復重悲哀
各將所持流淚供養尔時城内諸大
力士及圍遶衆并城内人悲咽流淚
舉八師子七寶之座隨香泥路迴向
拘尸尔時一切人天大衆復大悲哀
聲震世界各將所持隨從舍利哀號
供養如來舍利至城内已置四衢道

中尔時拘尸城人即嚴四兵無數軍
衆身著甲鎧各執戰具遶拘尸城四
面周匝無數重兵儼然而住擬防外
人來抄掠故雖為儀式无戰諍心復
有五日大呪術師守城四門為遮難故
後有無數寶幢幡蓋微妙莊嚴大雉
毛纛於城四維儼然供養為標式故
尔時城内一切士女天人大衆復大
悲哀各將所持深心供養其舍利塼
置師子座經于七日於七日中一切
大衆日夜悲號哀聲不斷盡以所持
深心供養其八師子七寶之座各有
五百大呪術師各共持之遮有太龍
夜叉神鬼來欺奈故經七日間尔時
如來本生眷屬迦毗羅國王諸釋種
等佛神力故都不覺知佛入涅槃佛
涅槃後經三七日尔乃方知時彼國
王諸釋種等悲哭號泣即共疾來至
拘尸城見諸兵衆無數千人圍繞城
外復見寶幢幡蓋列城四維映蔽國
界復見大呪術師守城四門王及釋
等問呪術師言佛涅槃耶答云佛涅槃
來過四七日荼毗已竟將分舍利王

言我等是佛所生眷屬佛神力故令
我不知如來涅槃我今欲見如來舍
利卿可開路令我得入呪師兵衆聞
是語已即聽入城王及釋種得入城
已見佛舍利在師子座悲號哽咽涕
淚交流右遶七匝遶七匝已收淚而
言我今欲請如來舍利一分將還供
養大衆荅曰雖知汝是釋種眷屬然
佛世尊先已有言分布舍利未見及
汝各有請主汝如何得汝可還耶尔
時王及釋種不果所請號哭悲哀悶
絕躋地良久乃醒悲不自勝語衆人
言如來世尊是我釋種愍汝等故於
此涅槃汝等如何見有欺忽乃不分
我一分舍利作是語訖各礼舍利右
遶七匝悲泣流淚生忿恨心慨悼還家
尔時摩伽陀王阿闍世王害父王已
深生悔恨身生惡瘡既遇世尊月愛
光觸身瘡漸愈來詣佛所求哀懺悔
世尊大悲即以甘露微妙法藥洗蕩
身瘡極重罪滅即還本宮都不覺知
如來涅槃於涅槃夜夢見月落日從
地出星宿雲雨繽紛而墮復有煙氣

從地而出見七彗星現於天上復夢
天上有大火聚遍空熾燃一時墮地
夢已尋覺心大驚戰即召諸臣具陳
斯夢此何祥耶曰咎王言是佛涅槃
不祥之相佛滅度後三界衆生六道
有識煩惱橫起故現大火從天落地
佛入滅度月愛慈光慧雲普潤悉皆
滅沒即雲月落星落地者佛涅槃後
八万律儀一切戒法衆生違反不依
佛教乃行邪法墮於地獄日出地者
佛涅槃後三塗惡道苦衆日光出現
世間故感斯夢王聞是語將諸臣從
夜半即來至拘尸城見諸無數四兵
之衆陳衛拘尸無量重數復見城門
有呪術師防止外難王見是已即問
呪師佛涅槃耶呪師荅言佛涅槃
來已經四七當今大衆將分舍利王
言佛入涅槃我都不知我於夜夢見
不祥事以問諸臣方知如來入大涅
槃我欲入城禮拜如來金剛舍利汝
為通路呪師聞已即聽前入王至城
內四衢道中見師子座舍利金曇復
覩大衆悲哀供養王與徒衆一時禮

拜悲泣流淚右遶七匝哀慄供養
尔時王就大衆請求如來一分舍利
還國供養大衆荅言何晚至耶佛已
先說分布方法舍利皆已各有所請
无有仁分仁可還宮阿闍世王不果
所請愁憂不樂即礼舍利惆悵而還
尔時毗離外道名王佛涅槃後經三
十七已尔乃方知即將目從疾往拘尸
既至拘尸即見無數四兵之衆防衛
拘尸遶無量重尔時阿勒伽羅王佛
涅槃後經三十七已尔乃方知即將目
從疾往拘尸既至拘尸即見無數四
兵之衆防衛拘尸遶無量重尔時毗
耨隊不畏王佛入涅槃經三十七已尔
乃方知尔時遮羅伽羅國王佛入涅槃
經三十七已尔乃方知尔時師伽那
王佛入涅槃經三十七已尔乃方知尔
時波肩羅外道名王佛入涅槃經三
十七已尔乃方知即將目從疾往拘尸
既至拘尸即見無數四兵之衆防衛
拘尸遶無量重復見城門有大呪師
防止外難王問呪師佛涅槃耶荅言
佛涅槃來已經四十七當今大衆將分

舍利王語呪師佛入涅槃我都不知
故今晚至我欲入城礼拜供養如來
舍利汝可開路呪師聞已即聽前入
至四衢道見師子座七寶莊嚴安置
七寶舍利金塔復見大眾悲哀供養
王將從衆一時礼拜悲哀流淚右邊
七匝各以所持慍慍供養王語衆言
佛入涅槃我都不知一何苦哉不得
見佛請衆與我一分舍利還國供養
衆言汝何來晚佛已先說分布法軌
舍利皆已各有所請無有仁分仁可
還宮王及目衆不果所請愁憂不樂
即礼舍利悲戀而還尔時諸菩薩及
聲聞衆天人龍鬼國王長者大目人
民一切大眾悲號涕泣捉臂大哭五
體投地作礼而去

大般涅槃經後分卷下

壬寅歲高麗國大藏都監奉

刊

佛說方等般泥洹經卷上

賓

西晉月氏三歲竺法護譯

哀泣品第一

聞如是一時佛遊鳩夷那竭國雙樹間力士所生處時佛欲般泥洹告賢者阿難言多陀竭出於山間般泥洹時本瑞云何如今日寧見聞叢樹間感應不乎答吾所問尔時阿難以偈答佛言

願聽我所夢其色近可怪憶夜之所見心竊為危懼夢此閻浮提有樹生甚奇七寶雜技成花實常豐茂覆蓋佛世界其蔭清且涼開發踊躍意滅除衆憂病上行高無極姿好亦無數見者眼清淨聞者耳徹聽樹出無量音清淨之法音具足空寂滅則令一切安其樹奮大光遍照東方刹其數如恒沙諸佛之國土亦照於十方蠕動荷救護一切蒙光者安隱難思議樹出衆名香器有百種分其有聞香者終不歸惡道地獄以畜生及在餓鬼路於彼聞是香疾得生善處大樹德如是苞潤衆生類忽然於樹間

沒于力士地於時無數千群萌不可計
悲泣悲哀慕如盲失其目不復聽甘聲
亦不見樹形猶不聞其香虛劣若飢人
恐懼衣毛豎畏怖情使然於夜夢如是
願尊為解說

尔時淨居天子釋梵四天王魔子導
師各與八十那術之衆俱到力士所
生處叢樹間前詣佛所稽首作礼却
住一面同時舉聲為賢者阿難說偈言
尊天今滅度阿難豈知耶嗚呼感癡毒
佛將般泥洹大鎧翳無明佛今欲滅度
世尊般泥洹遠遠於擁護

於是佛為諸天子釋梵四天王魔子
導師說偈言

汝等勿愁憂所夢無有異我於雙樹間
今當般泥洹樹中之寂樹奇妙難可量
光香甚殷盛沒於叢樹下世尊譬大樹
復在叢樹中寢處無有識如火得水消
万物皆無常法起當有滅世雄之所了
是故為人說阿難知之乎佛尊猶泥洹
造迦利比丘智通度彼岸阿難汝今往
告勅釋須檀尊者阿那律徹視度無極
阿難行告語拘絺迦旃延分褥文陀弗

菩提及摩夷須菩提面王善來覺薄拘
難陀羅雲停度知際馬師一切諸比丘
來度恐畏者疾去患告語今知我泥曰
尔時阿難以偈答世尊言
我身已疲極譬如飢羸人聞佛泥曰故
愁慘不自勝其身無有力口亦不能言
志意加怯劣世眼云何行不任告尊者
今世不可念適見便不現永失於擁護
無護甚勤苦何忍任往告尊老聞此問
安能堪惶懼世間大光明滅盡為甚疾
棄世亦何速厄難遂盲冥不任詣長老
陳此酸毒事正覺願更遣無有愁感者
於是佛為阿難說偈

阿難巨億大啼泣感悲哀宮殿難檀廬
空虛無人天宣告諸比丘侍者之常業
泥曰後來者得無益哀酷

尔時賢者阿那律於須弥山頂為忉
利諸天廣講法語見諸大尊神妙天
子各從宮殿遑遑不安阿那律心念
言此諸天子何故棄捨天妓之娛擾
擾上下或飛或走眷屬離散其處空
虛忽不復現時阿那律從須弥頂遙
見寶積山下之地於是阿那律立須

彌頂舉聲以偈讚歎佛言

導利於群黎施世之安隱正覺為衆祐
云何便泥曰

嗚呼世尊喻父母為世之眼除諸冥
為世良醫療衆病今世尊雄便泥曰
見姪怒人如放逸覺悟愚癡斷生死
為法尊上傷慳貪令離瞋諍立大道
天中天尊右金臂救拔一切授正戒
佛動是國六震地周遍世界聞大音
如大石山一旦崩其音宣廣聞者悸
世雄如是今泥曰音暢遐方聞摧悴
魔兵興惡若干變金剛器械不可數
有戴大山或持火世雄威光毛不動
降伏怒害魔官屬得甘露跡無憂懼
便轉法輪解四諦今日尊雄便泥曰
世尊見化無數種三千世界如一毛
能令衆生無毀害今日尊雄便泥曰
今天中天為來入至于力士所生地
五百眷屬圍繞佛於雙樹間便泥曰
佛天中天百世來奉行四禪開度人
所修行道闡甘露我輩後見佛泥曰
所遊往來無生死其惠布施無悔恨
其奉正戒無諛諂我輩後見佛泥曰

於億劫中那術數

所為精進無過者

忍辱無量譬若地

我今後見佛泥曰

佛天中尊所生處

供養諸覺億那術

致甘露跡志惟壹

我今後見佛泥曰

佛天中尊所生處

智慧第一了三達

十方世雄無量礙

今我後見佛泥曰

大力有十等一切

通無與等立金剛

求比難比無殊者

我今後見佛泥曰

十力世雄相嚴身

所周旋處光巍巍

進止所歷如金摸

我今後見佛泥曰

化億那術立道證

消盡諸欲無塵垢

濟人生死燒勤苦

我今後見佛泥曰

天億那術立虛空

雨種種色拘文華

雨雜名香天芬薰

我今後見佛泥曰

佛人中尊行住立

若入都邑蹈門闔

盲者得眼覩諸色

我今後見佛泥曰

佛人中尊蹈門時

病者得愈懷喜踊

一切安隱脫勤苦

我今後見佛泥曰

佛入城時拘閑解

長得安隱自歡娛

愁苦休除慧家上

我今後見佛泥曰

身不知老無死憂

已脫眾礙智無雙

為人秦祖無過佛

我今後見佛泥曰

十力世尊上忉利

度母摩耶立妙道

化那術天不可計 我今後見佛泥曰
第七梵天住衆疑 佛刹其因授道真
彼王自投來稽首 我今後見佛泥曰
有兇暴賊罪力強 降立害者甘露道
納邪術人無央數 我今後見佛泥曰
調達懷毒兇患盛 驅作醉魚力難當
佛於大城令調伏 我今後見佛泥曰
佛於衆會法導人 能動天地震山陵
大海波蕩水居擾 我今後見佛泥曰
是時阿那律說此偈已應時佛放威
神令閻浮提所在比丘除大迦葉眷
屬餘盡來會三千大千世界諸天龍
神捷沓怱阿須倫迦留羅真陀羅摩
睺勒衆等共到力士生地詣佛所稽首
作禮皆大啼哭舉聲呼佛思慕崩絕
如喪父母各各相牽共悲泣者還顧
相視共淚出者或手相搏拍臚拍頭
或開目閉目諸根變異面頰憔悴肥
色困皴或有却行右膝著地呼嗟救
眼涕泣交橫悲哀歎佛皆言毒痛嗚
呼世雄嗚呼大醫嗚呼師子嗚呼法
王嗚呼日月王嗚呼覺正覺嗚呼大
光明施甘露無量蹟如是號咷或有

自撲而擗地者或有覆面拍地者尔時阿難從座起下踟躕累膝兩手據地仰向視佛而說偈言

見人衆號慕皆與悲毒俱各各號哭哀
益令我酸毒譬如賈客行中道逢劇賊
逢見大火光若草懼熾然因見熾火故
其心為恐懼意以懷悚慄拜天從求哀
我情勤無極憂鬱焉可勝又見蒸庶人
悲叫舉兩臂惟慮去來事願佛住一劫
今日何忍見尊人般泥洹我常行求佛
不見天中天祇洹用丘空但覩於餘人
若人維耶離豪右問評佛無上尊所生
我當云何答無央數千人泣涕淚流面
無上釋師子仁今使安在諸人哀哭催
無不思見佛云何入大城遠遠人中尊
當立於誰後當為誰持鉢為誰掌衣被
誰當親勸我誰當為我說聞持是何謂
誰解我疑言阿難知如海從誰聞正法
深奧難解句我當從何受無量興妙法
尔時佛告阿難汝為如來於雙樹間
敷師子牀所以者何多羅竭於夜半
時乃般泥洹與本願合故也於是阿
難啼從座起於力土地雙樹下敷師

子牀令北首敷已說此偈言

今為大神通 寂後敷此牀 終始不能得

復安清淨座 我當何忍入 於是雙樹間

光明今滅度 遠離於至尊

於是阿那律為阿難說偈言

佛從本已說 万物盡無常 獨不得自在

於是何為啼

尔時阿難以偈答阿那律言

云何說是談 仁便答我意 見尊般泥洹

仁豈無憂耶

於是阿那律以偈答阿難言

我見人哀危 動與憂惱俱 我淚流滿目

悲涕潺橫流 我亦察天人 以天眼涕泣

我亦用是故 悲叫憎悞毒 不用啼哭故

便可有所得 是故勉喻人 莫啼亦勿愁

四童現生品第二

尔時世尊從座起入雙樹間於師子

牀上右脅倚卧卧已應時東方去此

百億万佛國有佛号師子嚮作如來

今現在說法其世界名解脫華佛告

阿難彼之世界何故名曰解脫華乎

常以七寶華遍布滿地無有空缺其

花柔軟色甚鮮好出一切香有七寶

樹以寶合成有栴檀樹以諸栴檀共相裝校其色妙絕種種無數有樹常出伎樂之音音節和雅無量調合有樹常出七寶之器種種具足有樹常數寶圍以衆七寶轉雜相成如天所有所止宮殿以諸如意摩尼天珠紫磨黃金校鏤相成辟如第六天上所居宮殿其菩薩大士生彼佛國者皆離世會專尚法講神通大聖度於无極得諸佛法高明之慧所問能答及離世間所語所念常志法事以善方便現於內明遠諸諛諂得法會離諸想得智慧度無極度彼岸已具足學善權方便常供事諸佛離於世語但說不退轉菩薩法事是諸菩薩不樂餘話但議菩薩陀隣尼金剛行法三品清淨佛功德力無所畏是故彼界名解脫華彼有菩薩名善思義忽遷神命生閻浮提羅閱祇國為王向閻世作子適生即便結加趺坐而說偈言
吾今所以從 師子嚮刹來 欲見釋師子
正覺為在不

於是有他天為童子說此偈言

今日人中尊 釋師子垂衣 當於雙樹間
寂然定泥曰

尔時童子以偈答天言

吾從東方來 經百億刀剎 至於釋師子
欲聽聞上法 今日人中尊 當寂取泥曰
至此吾有緣 不以无緣到 今日吾來至
佛當般泥曰 天上及世間 當憂何況我
發意頃不住 即欲往見佛 吾來至於此
有益不唐舉 佛興難可值 故啓大王言
无得為放逸 當詣多陀竭 億百千劫中
時有一佛起 於德化當知 无枉衆庶民
今日於大王 諫寤國之尊 放意從欲故
云何絕父命 習近惡知識 調達則大賊
王從受彼教 斷絕父之命 起於吾我想
癡欲造逆害 王父為法行 則佛之子孫
王已得其罪 為犯於逆事 以故墮沉冥
阿鼻摩地獄 喜意淨信佛 便當得解脫
然後為人尊 即可得正覺 佛般泥曰已
正覺雖復見 但能得供養 於無我舍利
吾不以欲故 來到於此國 大王見忍從
我欲往見佛 今日夜半時 世尊當泥曰
吾從師子嚮 聞佛說如是 我欲見佛故

故至此忍界敬謝中外親諸家且自安
我當往覲佛神通生死盡欲見佛者俱
前侍尊泥曰

於是王阿闍世以偈告子言

子汝且忍於是夜我當求勇并力往
力士之士去此遠不可便以車乘至
尔時童子以偈答父王阿闍世言

我精進力甚衆多發意之頃便能來
是夜能越無數劫我不懈怠如大王
我今日夜所從來亦不可計甚長遠
超越中間無數國力士之處何足言
尔時童子從座下步行出羅閱祇大
城便說偈言

其欲生天離地獄欲得名聞為尊雄
可疾隨我後從來當前詣佛家泥曰
童子適出羅閱祇大城說此偈已應
時城中二万人無數億天龍鬼神捷
沓起阿須倫迦留羅真陀羅摩睺勒
來會於是與若干之衆圍繞共到力
士生地雙樹間至佛所

尔時佛於師子牀上右脅倚卧時南
方去此五十万佛國有佛号寶積示
現如來今現在說法其世界名寶種

彼有菩薩名曰喜信淨忽遷神命生閻浮提舍衛大城為師子長者作子適生即便結加趺坐說此偈言

所以手足施及用耳與鼻至于億世中忍以頭為惠勇惠施無懼妻婦及男女欲度一切故釋尊豈在不所以億劫中肌肉施於人欲度衆生故世眼為在不於是師子長者即恐懼衣毛為豎以偈問子言

為天捷沓怒鬼神真陀羅嬰孩能讚歎辯才說妙言中外皆怪怖小大馳四散吾用聞佛聲是故獨不去
尔時童子以偈答父言

我為天亦龍亦鬼真陀羅我為天中天亦為人長者

於是師子長者以偈問子言

用聞是語故子益令我疑所歎乃如是使我增恐懼云何為天龍何鬼捷沓怒何謂天中天何謂子為人
尔時童子以偈答父言

南方有佛名寶積如來尊我從彼剎來今至此佛國怒害我為釋為六天亦然若苦則為梵亦作轉輪王於彼咸龍像

為神至於此 鬼色捷杳想 長者當了是
我當為一切 哀傷設擁護 致得天人尊
覺則為上度 我所化亦久 從劫至億劫
終無有盡時 長者我欲去

童子白父言 寶積示現如來所說當
學不當習諸入之事 所修當念行廣
大之業 菩薩有三法行 疾得阿惟越
致無上正真道 何等為三一者 種種
深覺二者 入無數意三者 念要句三
昧是為三法行 菩薩疾得阿惟越致
無上正真道 於時師子長者告子言
我未知是處

童子以偈現說其處

深慧難曉亦難了 世間皆疑於是句
一切了知是義者 唯獨有佛多陀竭
佛所解句无瑕穢 已有無想為上智
其無思念清淨道 不行想行是謂智
无央數意無有意 心之所入志寂定
無所入者是謂意 此意則為見一切
金剛三昧得上覺 於是之句无入句
我立於信妙金剛 此之句跡謂上要
彼斷要者不為信 佛讚信法為持家
是一切法為如空 習行三昧得為佛

一切所知無有智 一切所行无有行
一切所學無有學 一切所說無有說
深入慧者無法想 入於寂定無寂想
雖成覺道无覺想 度脫人民无入想
是之勇猛離見同 皆覺了究深道事
入於一切生死海 度脫群萌諸起滅
於是童子說此偈已師子長者及二
百人具足發無上正真道意應時得
不起法忍八億天發无上正真道意
即立不退轉地成無上正真道四部
衛人遠塵離垢得諸法眼淨尔時童
子便說偈言

吾不徒尔来 有勸釋尊教 度脫無億數
令發佛道意 於釋師子法 懷来宣善義
立人於忍地 无得不退轉 我立父兄弟
諸家於佛道 八億諸天人 皆命患大棄
我為一切人 除其貧窶行 我為得法利
難計難思議

尔時童子說此偈已與父母及百千
億人无数億天龍神捷沓想阿湏倫
迦留羅真陀羅摩睺睺勒耆屬圍繞往
到力士生地詣佛所

是時佛於師子牀上右脅倚卧時西

方去此八十億万佛國有佛号妙樂
如來今現在說法其世界名樂園彼
有菩薩名曰空无忽遷神命生閻浮
提於波羅奈城為須福長者作子適
生便結加趺坐說此偈言

法本為空無 欲有則為著 不得脫勤苦
常立於憤惱 法為不可得 是謂為定止
亦盡亦無盡 彼為患无有 空者不智習
亦不无有習 彼若無因緣 何從有所緣
彼所可說法 深寂亦難解 釋師子人尊
正覺為在不 大師子震吼 梵音无起滅
今日於樹間 光日没不現 佛於眾僧中
譬如月盛滿 諸人不復見 世雄說法時
佛於眾僧中 如踞須弥頂 世尊不復樂
出入於城中 為天世吼道 說空无我法
一切不復得 聞服大音聲 離吾無有我
讚唱於空法 今世尊泥曰 寢疾於樹間
余時童子說此偈已應時波羅奈大
城中十万人同時舉聲俱讚歎言未
曾有也此幼童子乃能有是深智慧
意智慧入智慧光明智慧清淨智慧
高明說上妙偈生而逮忍嚮慧摧慧
其處難及所未嘗有其身未長乃有

大力辭如目見如來正覺願令我等
智慧如是童子曰仁等真願是智慧
當願如佛之智慧微妙无合會寂無
與等者離諸所有高明无損致諸行
法一切善本一切諸佛力無所畏立
於大慈大哀仁等當願得此智慧我
今與仁當共發無上正真道意應時
大衆俱發无上正真道意尋為說法
皆立不退轉成无上正真道仁等已
發大道意便可共往見如來無所著
等正覺於是童子與父母及十万人
無數億天龍鬼神捷沓想阿湏倫迦
留羅真陀羅摩睺勒眷屬圍繞到力
士生地詣佛所是時佛於師子牀上
右脅倚卧時北方去此六十四萬億
佛國有佛号覺跡如來今現在說法
其世界名華跡彼界及樹華實晝夜
常出覺華行之音諸天龍鬼神捷沓
和阿湏倫迦留羅真陀羅摩睺勒其
聞音者皆立覺跡之道行彼如來有
是德其有人見覺跡行光明者皆得
不退轉無上正真道彼如來本願之
所致佛語阿難覺跡如來華跡世界

无求二道者亦不教人求亦不為弟子緣覺之乘也但學大乘亦教勸人佛言覺跡如來作佛已來六十万四千劫无弟子緣覺衆唯有菩薩衆辟如轉輪聖王其子衆多以子為臣子為門監子為侍者覺跡如來國亦如是唯以諸菩薩為輔弼以諸菩薩為元首以諸菩薩為珍寶以是故其佛國諸菩薩充滿具足為佛境界阿難覺跡如來世界可有豐殖熾盛安隱快樂菩薩輻湊四遍清淨無不神通者也以諸金剛為財物合會所聞聞無疑結其會所聞皆精進行以法意會皆勤力行勉修定意一切尊習諸持持門積於智慧平等之要彼有菩薩名神通華忽遷神命生閻浮提維耶離大城中為師子主兵臣作子適生便結加趺坐說此偈言

於釋釋中尊善說上妙法度脫億億人正覺為在不法意所隨起其意不可得三界無與等正覺為在不無世尊無色於人無所比無有與等者明眼為在不精進度無極一心禪三昧智慧辟如海

正覺為在不

於是覺跡如來化作天象童子說偈言
正覺住一切 當復過是數 正覺後故在
可往自娛樂 童子且習欲 是為大王家
鼓樂絃清曲 簫成以自娛
尔時童子以天意想說偈報覺跡如
來言

其有隨欲者 此人則為癡 不了解正覺
及佛之教誡 賭馬及駱駝 狐狼之與驢
是輩為習欲 非佛子所行 盲瞶无所知
瘖瘂不能言 是輩為習欲 非佛子所行
飛蛾蜜蜂蠅 馬畜不自知 是輩為習欲
非佛子所行 假使闔浮利 合滿其中火
寧墮於其中 不習於欲事 樂欲以為上
於欲何足習 其有稱譽欲 是為不知法
不以貪欲故 被蒙見識別 佛化來問我
我謂為是天 我從佛所聞 法王說如見
今日夜半時 世尊當泥洹 我當往見佛
神通無起滅 欲往可共俱 詣於尊泥洹
覺跡天中天 人中尊說尔 得善度无極
以光導御人 於百千劫中 所建功德事
不如泥洹日 世尊之所度 矜覆一切者
是世為擁護 今佛當泥洹 衆生復勤苦

佛為一切眼 今日當泥洹 是世當更遇
值於大閻冥 醫王滅衆病 今日當泥洹
已無人中尊 世間甚勤苦 能斷一切疑
今日當泥洹 是世狐疑者 當復轉盛火
佛除媼怒癡 今日當泥洹 是世當復值
三火之興熾 為一切所敬 天人所欽奉
今沒是樹間 衆庶永无見

四童子品第三

是時佛於師子牀上右脅倚卧應時四
方有四童子以大功德而自莊嚴動
為感應往詣佛所此四童子所至郡
國城郭縣邑一切人民无遠無近皆
傾側瞻仰无不欣戴此四童子經行
之時上諸天衆從四方來雨於天華
遍滿其地於虛空中鼓億那術百千
伎樂佛亦時於四面現四師子座於
時阿難見大變化在所色像以偈問
佛言

世間之光明 誰於是四方 右敷師子座
願尊為我說 世間之光明 誰於是四面
震動一切地 名山及大海 世間之光明
誰於是四方 四童子之來 為僧衆大鎧
世間之光明 誰於是四面 譬如夜半時

月出奮其耀 世間之光明 誰於是四方
人物一切動 江河水波蕩 世間之光明
誰於是四面 一切之音聲 皆隨四童後
世間之光明 誰與天神俱 譬如日月住
在於虛空中

佛告阿難汝寧見四方四童來不其
威德光類面貌殊妙神明炤耀端正
无量其行具足有四種梵音入深施
義有愧吉祥常自著慙以自勉成其
所至到輒度人民有智黠眼有威神
德有布施戒忍精進一心智慧神通
諸度无極皆起一切戒善法義譬如
優曇鉢華億那術百千劫難值難見
奉行无数諸佛之行於無量億那術
百千佛所殖諸德本各從四方諸異
佛刹天中所來生此閻浮提聞我身
當般泥洹欲見我般泥洹今日夜半
如來當於力士所生地般泥洹定般
泥洹

佛告阿難見此童子從東方來者不
乎姿顏溫雅光色閑妙與无数億那
術百千之衆眷屬圍繞為億天所供
養天華伎樂來詣如來者阿難此童

子於師子嚮作如來國來常於彼國
作轉輪王與主千世界為一切天人
講說法事以神通慧聖賢之智往來
周旋曾无斷絕治國積十八億歲於
十八億歲中教授十八億那術菩薩
令始發意立無所從生法忍應時捨
家行學八十一億歲未曾知坐八十一億
歲未曾睡卧未曾念欲未曾念諍說
未曾念毀害亦無欲想亦无事想无
毀害想亦无地水火風想亦無說想
亦无虛空想亦無男子想亦无女人
想亦无飢想亦無渴想亦无樹想亦
無我想亦无我人想亦無城郭想亦
无起滅想所以者何是菩薩大士得
滅諸想三昧空无相無願得無起行
三昧无滅三昧得一切菩薩三昧得
越一切陀隣尼門三昧皆得一切善
摧方便得神通智慧度无極得一切
菩薩大慈哀行於一切世界轉法輪
立一切人於無上正真道所願轉於
不退轉法輪如是於一切有大哀令
一切安隱童子之德无数具足如是

為復精進更行上二法何等為二離
於肉眼行彼亦無離行說於法會行
亦無說之想如是之比曾無雜言但
詠菩薩法品於八十億歲教授八十
億那術菩薩立於無上正真道皆始
發意志立於不起法忍應時八十一
億那術菩薩各各去至他方佛國天
中天所是諸佛一生以今日夜半同
時於師子牀上右脅倚卧是諸世尊
皆名釋迦文皆於五濁惡世作佛是
諸佛天中天今日中夜皆於力士生
地雙樹間當般泥洹阿難如來皆知
皆見不以肉眼見也復過見无央數
不啻一切弟子緣覺所不及也阿難
若比丘比丘尼清信士清信女天龍
鬼神捷沓和阿湏倫迦留羅真陀羅
摩睺勒人非人其有聞是經法歡喜
信一發意須勝於供養那術佛終竟
那術劫也阿難此童子其智慧意如
是今日於我法中一夜所開度蠕動
之類勝舍利弗及一切弟子從本已
來所教授若一切壽說法所不能及
也此童子所度人民功德无量乃如是

佛告阿難寧見此童子從南方來者
不乎譬如夏日之光照於水中如月
盛滿有盛明也如持寶杖捶地已出
大音譬如良工作金銀鉢其形圓好
無有瑕穢已離於垢出五品具足音
十品因緣音離六十二塵音百一品
具足音五十種具足音十品手具足
音十品眼清淨音奉行十六善音八
部具足音十二事具足音千品金銀
清淨音所信所生轉勝音寂生金色
音離一切諸瑕音以香作成音所作
廣生音六品男子清淨微妙音其種
具足音五億柔軟音有安隱想除勤
苦音念如來有歡喜想音降伏魔力
音壞見聞音滅諸塵勞音有踊躍於
佛想音安隱无生想音不退轉法輪
音安隱寂音覺音一心法門三昧三
摩越音十力無畏音大慈大悲音出
十嚮音寶杖捶地出是鞞聲阿難南
方去是五十万佛國有佛名寶積亦
現如來无所著等正覺今現在說法
其世界名寶種彼世界所以名寶種
其國无衆邪異道皆審發無上正真

道真人國也其國不聞穢濁塵勞之名也亦不聞三念名謂婬怒癡念也行彼國不以揣食養身其人唯有二食何等為二樂歡喜說一切智以為食彼亦無說二事弟子緣覺乘也但說一切智事如是專行一行菩薩法品天人亦諷誦此事阿難彼世界以是名寶種若他方世界菩薩生彼佛國者適生即立不退轉地及無上正真道見无央數那術菩薩說如來一切事廣議菩薩法句適生一切佛國皆聞今日某菩薩生此佛國阿難我若一劫億那術劫說寶種世界二人所行功德尚未竟亦不可以喻說盡也我但粗略為汝說寶種世界之德耳喜信淨菩薩於彼神變生閻浮提土欲見我般泥洹時亦欲歎其本國功德宣彼佛之名字為諸求菩薩道者故來自觀意无想也阿難是喜信淨菩薩本行菩薩道時於提桓竭如來世時轉輪聖王名祇世多從日出至早食時授教開度三十六億菩

薩皆令發意立不起法忍提桓竭般泥曰已後出下躡髮具足千歲中轉法輪度無數人然後日欲入時開導具足六十億菩薩令初發意立不起法忍應時令七十那術人漏盡意解阿難般泥洹經所益義如是我若為汝說喜信淨菩薩之功德那術劫尚未竟也汝為喜信淨菩薩於我前敷座所以者何此童子行道已久心不罷厭其有聞喜淨信菩薩名歡喜者如值佛世何況面自見踊躍者阿難其有比丘比丘尼清信士清信女天龍鬼神捷智想阿須倫迦留羅真陀羅摩睺勒人非人間是經能一發意頂戴歡喜如來皆見是輩吾預記是等皆當見寶種亦現如來及寶種世界諸菩薩阿難默持是經勿妄輕傳所以者何閻浮提人未曾聞是經未暢菩薩無限之法故也

佛告阿難寧見此童子從西方來者不乎憐其兩足叵俄其身地為二反大震動見者肅然收毛為豎降伏一切眾邪外道盡却一切諸魔官屬壞

諸往見令一切安除諸勤苦令一切
歡喜消諸地獄餓鬼畜生度脫一切
令歸善道以大音救濟衆生又見西
方大香交露帳來不唯然天由天已
見阿難從西方來香交露者是謂導
御一切菩薩之香也汝豈復聞西方
有大音聲出不空聲光明聲寂定聲
佛聲唯天中天已聞阿難此之所出
四大音者是空無菩薩緣身毛孔之
所出也四大音聲柔軟可意微妙无
瑕出是聲時令六十八億那術百千
人漏盡意解六十八億那術百千人
立不起法忍九億人立不退轉地為
无上正真道使諸佛國各二那術天
遠塵離垢諸法法眼淨阿難西方去
此八十億万佛刹有佛名妙樂如來
無所著等正覺今現在說法其世界
名樂園阿難彼世界所以名樂園一
切皆以佛法為樂珍寶為人光明清
淨不退轉菩薩大士所居清淨諸菩
薩無數无有弟子緣覺二乘也唯學
一切智乘但行佛道諸天皆立一切
智其得音安諦解知一切法界往來

供養諸佛天中天以萬種物降伏衆
魔力化墮見人滅盡一切塵勞裂壞
一切魔羅網志於法品令一切立不
退轉地不說餘說但講一切智事轉
菩薩法品超諸塵勞之界无復魔行
意无恚怒行慈悲喜護一切一一諸
毛孔出此六百不退轉法聲菩薩法
品之義得三脫門過於弟子緣覺之
事度於三界行一切法界於彼世界
住皆見諸佛越一切摠持法門得諸
佛之覺智得諸菩薩之三昧離諸惡
智斷諸疑結得諸佛身智之智得神
通度无極離於諛諂所願轉得供養
諸佛立一切人於无上正真道令多
願人得無起度无極智當來劫菩薩
之行所立無瑕穢發意頃現生一切
諸佛前无復生老病死啼哭愁憂已
得寂善摧現三十二相裝校其色已
得法身現於凡身供養奉事一切諸
佛心意踴躍娛樂智慧度於无極樂
此之樂令餘人亦然其世界諸菩薩
所行所樂如是以故名曰樂園復次
其樂園世界有八種交道七寶浴池

中有八味水滿其池其水底有七寶沙中有四種蓮華青曰優鉢紅曰波曇黃曰拘文白曰分陀利其光色具好有無數耀其國有八重寶樹金樹銀樹瑠璃樹水精樹車渠樹碼碯樹爲磁寶樹吉祥寶樹覺轉寶樹舍羅寒寶樹碧英寶樹月光寶樹踰日月寶樹雜玉寶樹阿牟勒寶樹鳩彌勒味寶樹赤青白色真珠樹赤梅檀青梅檀黃梅檀蒲萄酒梅檀樂會天梅檀作味梅檀汙勒梅檀樹蜜香黑妙香樹根香莖節枝荼華實各各熾盛有果樹器樹衣樹瓔珞裝飾樹伎樂樹其枝荼華實各亦熾盛樹香之氣芬馥甚美如天上所有阿難其世界如是以金為交露出柔軟音聲其餘不可計功德亦出柔軟音世界是故名樂園空无菩薩於彼神變來生於此閻浮提欲見我般泥洹適生度无央數人以為佛事轉於法輪空无菩薩從无數劫來身體諸毛出是四大音柔軟可意微妙无瑕佛言阿難乃往去世有佛名無垢眼尔時有比丘名

慧樂其比丘從佛聞四大音義無數
慧句勤力句處處句眼句天句音句
信句佛句法句僧句師子句金剛句
樂慧句因緣句導御句遠現句苦諦
句苦習句苦盡句向道句彼於七夜
常念不離是句遠於異講心念四義
无所捨無所起清淨志觀壞諸見從
億數佛受是四大無數義句住於法
說至諸郡國縣邑在人家六年於衆
中講法度無數人阿難尔時有魔名
曰耆陁化作龍象其衆無數雨澆金
剛墮此比丘身上令其命過阿難其
慧樂比丘者空无菩薩是也用彼精
進多智六年於衆會中說法故從無
數劫已來毛孔出此柔軟可意微妙
无瑕四大音聲其一一毛度无数人
闍浮提人其聞空无菩薩名者為得
大利善慶何況面見歡喜者空無菩
薩得無數諸度无極故來欲見如來
般泥洹阿難汝為空無菩薩於我前
敷座從是當得大智慧尊於是阿難
即受教於佛前為空无菩薩敷座佛
言汝用敷是座故我般泥洹後汝於

座上當一心得六通福若不志為現
清淨行者敷座之福可得恒沙之數
轉輪聖王一作聖王當一見佛得為
無上正真道家正覺其有比丘比丘
尼優婆塞優婆夷天龍鬼神犍沓和
阿湏倫迦留羅真陀羅摩睺勒及餘
含氣蠕動之類聞是大清淨法若今
日見現在如來若如來般泥洹後為
法師比丘敷座適敷當得十座功德
何等十一者尊者座二者轉輪聖王
座三者釋座四者梵座五者第六天
座六者法師比丘座七者在所座處
當得法座八者菩薩大士詣佛樹下
時當得佛座九者得轉法輪度脫無
數億天人一切世界普聞音座十者
作如是般泥洹時天龍鬼神犍沓和
等眷屬圍繞然後得如來師子座是
為十阿難汝為空無菩薩又十指說
是偈言

其離根為寂定

空無出大光明

我為勇猛叉手

為師子大吼禮

志一心及精進

積智慧以具足

我為真善叉手

禮無有與等者

於是佛為賢者阿難說偈言

為空无菩薩汝一心叉手 所當得福者
且聽我所說

佛告阿難汝用是叉手福德我般泥
洹已後六月中當獨作佛天上天下
人皆當稽首向汝作礼若行道入郡
國若住精舍男子女人小男小女諸
邪異道沙門梵志諸王大臣講堂交
露及鼓山谷師子虎野牛為駱駝牛
馬驢狒猴犍沓和阿須倫迦留羅真
陀羅摩睺勒天龍鬼神女鬼樹木枝
葉華實諸藥草有想者无想者皆當
捐讓恭敬禮汝佛告阿難譬如如來
无所著等正覺得佛道之門時諸樹
藥樹有想无想者皆捐讓佗仰向佛
樹阿難其有比丘比丘尼優婆塞優
婆夷天龍鬼神犍沓和等及餘含氣
有命之類有說是大清淨法語者如
來今現在若泥洹後以宣心無諛諂
之意一心叉手向說法者諸佛天中
天皆當授其决及少功德者皆當
具足得是法何況樂喜无瑕穢者佛
所語无異聞是大清淨法語少有歡

喜信者多不樂聞其有聞說信歡喜
如來已豫見知其人不少於一佛所殖
諸德本為志於億那術佛所積累功
德皆見我說是大般泥洹會當復供
養弥勒如來見弥勒佛來下作佛時
當復聞說大般泥洹經當復見空無
菩薩身毛孔出音大音聲當復得方
等經當復聞見四童子亦時說是經
天人阿須倫諸世間人當復恭敬捐
讓又手作礼亦當得師子座於是佛
告賢者阿那律汝寧見四十億天於
虛空中聞是經法又手向我者不對
曰唯然天中天已見佛告阿那律是
四十億天用是叉手福億阿僧祇劫不
歸三惡道各各當一恒沙數更作轉
輪聖王一一作聖王常值見佛更是
數已然後得作佛號願寂如來無所
著等正覺皆同一字亦時於眾會中
有力士一名那尼二名羅提三名首
羅颺四名叉摩迦樓五名覆咄嗽六
名波因遮七名阿比他八名維那提
九名優多羅十名浮浮樓遮十一名
和利前十二名醯犁闍十三名醯梨

陀樓十四名又摩遮二一力士與五百之衆俱悲啼哭往詣佛所稽首作禮泣下交橫白佛言唯世尊我等為空无菩薩善思議菩薩喜信淨菩薩神通華菩薩及大會諸菩薩及此大經諸大弟子衆又手捐讓恭敬作禮持是功德求無上正真道時佛便笑賢者阿難以偈問佛言

佛為世光明 今何因緣笑 善為我等解 無數億人疑 於是佛為阿難說偈言

阿難汝為見 諸力士之衆 各五百眷屬 發大道意不 為我又手恭 及空无童子 一切諸菩薩 於是經尊法 勸助大道意 哀念於一切 各與五百衆 皆當得佛道 無央數億劫 終不歸惡道 觀於叉手者 其福乃如是 我忍住一切 及數億百劫 諸佛得道時 其國甚快樂 所行至轉尊 其國則豐盛 我忍住一切 說得未能竟 阿難我今日 於夜中半時 汝為最後說 見佛人中尊

佛告阿難汝寧見此童子從北方來 有大金光耀來者不其威神照於北

方草木藥樹樹木莖節枝葉華實宮
殿交露山陵谿谷及人非人皆同現
為金色對曰唯然天中天已見阿難
汝見北方七寶交露精舍來不對曰
唯然天中天已見阿難汝見金交露
中結加趺坐者不對曰唯然天中天
已見佛告阿難北方去此六十四億
万佛國有佛名覺跡如來无所著等
正覺今現在說法神通華菩薩於彼
神變來生此閻浮提欲見我般泥洹
時光明所照謂是如來光明威神其
七寶交露謂華跡世界其七寶金交
露帳中坐童子謂如來也自然作是
世界生此七寶金交露帳中令無央
數人具足於德本阿難此佛國有無
央數億百千人與此童子殖衆德本
是童子適生於是佛國志當令其同
輩之衆滿盡意解得住學地於无上
正真道得不退轉於是四菩薩往詣
佛所同一時前稽首佛足佛告阿難
如來所當作者及如來弟子以今一
切具足得其所是神通華菩薩以此
金交露之變化令七十億人得阿羅

漢七十億那術人住學地七十億百
人立无上正真道七十億那術人得
不起法忍立無數人當值弥勒時
佛說方等般泥洹經卷上

辛丑歲高麗國大藏都監奉
勅雕造

佛說方等般泥洹經卷下

賓

西晉月氏三藏竺法護譯

鳴累品第四

尔時賢者阿難白佛言唯世尊住一劫復過一劫所以者何唯天中天如来無所著等正覺在於世者是諸正士来至此我等得見跪拜承事如来般泥洹已後我曹永絕於三處何等為三佛法僧是等正士為離三處於是阿難說此語已啼泣蹠地於時善思義菩薩為阿難說此偈言

阿難仁莫啼 万物皆无常 合會有別離

况人焉可常 於是空無法 阿難何為啼

咸有聚會者 諸會難得久 佛道亦无得

阿難何為悲 所合會為空 慧慧亦復空

若念若不念 一切法无念 無獲空无有

譬若如野馬 又如化象馬 園果樹木華

巧幻師所現 佛弟子如是

於是阿難以偈答善思義菩薩言

實然如仁言 諸法無所念 我今日當離

違遠於世尊 云何入舍衛 彼問以何答

正覺為在不 法眼當来不 若入香積山

不見人中尊 但見其空座 何忍住於彼
若出香積山 入迦利精舍 人中尊在中
廣說於四諦 見迦利羅空 無世雄光神
若入音聲國 於中獨啼哭 用不見正覺
馳走趣四方 其淚充滿目 何忍住於彼
尔時喜信淨菩薩為賢者阿難說偈言
若億歲愁憂 安可有所得 阿難且觀是
法界甚難得 譬如芭蕉樹 葉葉分解之
獲之無所得 万物皆如是 譬如天雨時
水中之有泡 適起便復漂 万物亦如是
譬如水之沫 但可以眼觀 獲之不可得
四種亦如是 譬如明鏡淨 影現不可得
三界亦如是 阿難何為啼
於是阿難以偈答喜信淨菩薩言
非為不知是 不為不見是 三界元所有
經常載說此 見是億人眾 淚下皆交流
至我所愁泣 用是益感感 今世尊當去
人上忽不現 當於何求索 誰復為我護
當從誰聞法 深奧難解句 當入何所難
嗚呼佛難值

尔時空無菩薩為阿難說偈言

阿難起莫憂 觀於法非法 法為不可得
何緣當有滅 如諸佛生時 得道亦如是

如佛轉法輪 泥洹亦如是 生不生於生
佛道亦無滅 於无生之法 阿難何為啼
觀我身毛孔 諸所講說業 說佛空无有
法界亦如是

於是阿難以偈答空無菩薩言

仁等各當去 於諸界無憂 當見億諸佛
講說上妙法 我等及億天 周匝相圍繞
比丘比丘尼 共舉聲吁嗟 或從數千里
皆來至我所 號呼聲遠聞 釋師子所在
勿利及焰天 兜術泥摩羅 世尊為至梵
何時當來下 在閑居三月 人中尊一心
世雄何時起 當復擊法鼓

尔時神通華菩薩為阿難說偈言

我為以知是 自期於三月 示現於仁前
阿難可勿啼 我當故為汝 啓白于如來
令轉第一法 用離釋尊故 諸佛有大家
當來至人所 阿難勿得悲 人中尊以起
諸天龍尚憂 何況於汝身 如是之光明
乃於世滅盡 佛為以說是 面從世尊聞
雖住於億劫 諸會猶別離

於是阿難起住佛前三舉聲一說此偈言
佛為一切護 今日當泥洹 世間當復冥
為以失眠明 國王及尊者 昇虓國勤苦

何忍聞是言 佛當般泥洹 力士力士妻
力士子俱來 悲哀皆啼泣 寂後見世尊
諸天龍之類 周匝五由旬 涕流至于膝
除餘諸人民 難頭和難龍 六十億龍俱
皆來共啼哭 寂後見世尊 和陵摩奈龍
娑竭有大力 淚啼一由旬 往詣於佛所
阿耨達龍王 百億衆圍繞 淚涕如車輪
往至於佛所 伊隸鉢龍王 化作大身來
啼泣發洪音 往到於佛所 千億諸鬼神
及百那術衆 前稽首佛足 寂後見世尊
諸釋有億千 其衆百那術 前行禮佛足
明眼莫泥洹 於是億梵天 明焰是天地
前禮於佛足 願尊住一切 魔子於彼衆
導師自言在 哀念一切故 願尊住一切
余時空無菩薩為釋梵天龍鬼神健
沓和魔子導師說偈言
汝等皆无知 但作強法語 已為放逸行
於今甫啼泣 譬如諸高樓 所住於無點
若人以刀擊 即便懷悲喚 卿等亦如是
一切皆啼泣 若正覺在者 故行放逸行
今日光當去 其智譬如海 卿等當何作
釋尊已泥洹

是時佛告賢者阿那律大迦旃延分

釋文陀尼弗鳩摩迦葉須菩提目呵
羅耶大拘締汝等皆伸臂授如來掌
應時十方比丘伸臂授世尊掌佛以
左手授諸比丘掌右手持阿難羅云
掌著諸比丘手中我所以親敬阿難
羅云囑累汝等今時即如其像有大
自然音其音遍告一佛國其千比丘
聞所囑累欲放身命言我等當先沒
泥洹不忍見世雄般泥洹時也於是
佛伸臂向北方應時他方世界五百
佛伸手授佛掌佛便持阿難羅云手
著諸佛掌中我持所親阿難及子羅
云累諸世雄今時佛便說偈言

我持子羅云及侍者阿難面以此囑累
諸佛之世尊誰為元護者能為作擁護
獨諸佛世尊其智無量礙今日之夜半
天龍世人民在閻浮提者不復得見我
遍觀諸世界無量難思議都不見一人
當為住度者无央數億劫譬如恒邊沙
能以一人故忍住今所劫其奉敬佛法
我義度此人以无恭敬者億佛不能療
今時五百佛各欲還其國土授阿難
羅云掌已便說偈言

其奉敬諸佛 佛義度此人 所示現濟脫
輒廣弘法鼓 釋師子世尊 摧除諸憂患
飽滿億數人 如天雨潤地

於是阿難羅云為諸佛跪啼泣悲訴
說偈言

願諸大勇猛 勸尊住一劫 諸佛之威神
令明住一劫 令無數億人 得義住正諦
天龍諸鬼神 皆發大道意

爾時五百佛各各還其世界已告賢
者阿難羅云言止阿難羅云無憂無
悲諸佛天中天法仲辭者為已竟若
放光明及來若住是為諸佛之示現也
度地獄品第五

於是佛便三昧右足大指放億那術
百千光明一一光明端化作億百千
蓮華一一蓮華上化作億百千座一
一座上有一化如來坐說法一一如
來令億那術百千人立不起滅地時
佛復以左足大指放億那術百千光
明十足指放十億那術百千光明十
手指放十億那術百千光明兩膝放
二億那術百千光明兩臍放二億那
術百千光明陰馬藏放億那術百千

光明齊中放億那術百千光明兩肩
肘放二億那術百千光明腦戶放億
那術百千光明左右脅放二億那術
百千光明四十齒放四十億那術百
千光明面放億那術百千光明頂相
放億那術百千光明三十二大人相
放三十二億那術百千光明兩眉間
相放億那術百千光明八十種好一
一好各放億那術百千光明一一光
明端有化億那術百千蓮華一一蓮
華上有化億那術百千座一一座上
各有坐如來說法是諸佛世尊不講
異義但詠菩薩法品捻持金剛行三
品清淨力无所畏二化如來令億
那術百千人立不退轉法佛亦時便
於雙樹間更化作佛往至先儒大泥
犁放光明其光遍照思想大獄中佛
亦時便說偈言
是諸人已解脫 復數數有思想
用習起思想故 令其生於苦惱
於世間有得道 佛世尊放光明
其所說於正法 令滅盡諸苦惱
無所盡无所得 無有起亦無滅

其有知是法者

終不歸於惡道

佛適說是偈竟已應時具足億那術百千人於思想地獄得脫即生忉利天上時佛便復往忉利天上便重說此偈言

是諸人已解脫

復數數有思想

用習思想之故

令其生苦痛中

於世間有得道

佛世尊放光明

其所說於正法

令滅盡諸苦惱

無所盡无所得

无有滅亦無起

其有知是法者

終不歸於惡道

世尊說是偈適竟應時具足億那術

百千人聞是法得須陀洹道得神通

已便說此偈言

無有起亦无盡

无有生亦無滅

吾之等解於法

得忍道之滅度

其智慧如光明

炤知人諸根本

現因緣為解脫

轉於彼脫人民

滅愁苦得大智

療治於一切人

諸一切佛所療

終不歸於惡道

大光明為甚疾

於世間而滅盡

億人民被燒炙

令度脫想地獄

於是佛復至燒炙無盡叫喚雨黑沙

燒人四大地獄中施金色光明遍於一切光明於佛之光明柔軟可意以哀眼視一切施眼令安隱慧戒使清涼作寂定光明皆遍其中其威神尊清淨第一於垢無所染遠離於垢施與於智行大慈念大哀施无限安樂施慧无碍之眼施戒之香炤於一切施於法味達於一切已示現於法身施法心之眼斷一切不善之本授與一切清白之法忘壞魔力忘令怖懼使邪異道皆斷諸見令衆一切得安隱想開於天門閉塞於惡戶以無盡之德代諸勤苦一心精進行慈悲喜護常導衆人於大無為施眼耳鼻口身意身一切諸毛孔放大光明說經法柔軟可意悲哀口說尊語

我為施安於世 我為脫諸苦痛
我為衆勤勞者 除若干之苦塵
我之所可說法 炤尊光清淨安
一切人聞是法 皆棄捐諸惡道
其有人歸命佛 彼則為得大利
於億劫生死數 終不墮諸惡道
佛說是偈已應時大地獄二地獄

具足各各億那術百千人得脫生坑
率天上用聞是法故悉得阿那含道
得神通已便說此偈言

譬如在厄道 有智慧導師 令大眾賈人
度怨賊鬼神 佛所度如是 以光明為道
免脫億人民 離厄淫怒癡 我等歸命佛
導師放光明 已發慈悲意 得濟諸勤苦
當歸命於法 撫養於我身 僧為尊重寶
其德難思議

余時佛往詣合會大合會不可意三
地獄中放金色五百万億那術種光
明遍照其中以寂定无人無有万物
無起无滅以布施持戒忍辱精進一
心智慧諸度無極用大慈大悲大喜
大護以四恩行用如來十力四无所
畏諸佛十八法不共如來尊行世慧
神足變化說法變化教授變化以用
大慧以根力覺意三昧三摩越用一
切菩薩之行以无尋佛慧以無尋佛
眼以無尋法眼以无尋慧眼以無尋
天眼以無尋肉眼以大慈大哀於一
切用一切佛法無上之德用一切如
來覺法於彼八億那術百千有命之

類悉蒙五百万億那由種光音除諸
勤苦皆得安隱出彼合會大合會不
可意地獄得生波羅尼蜜惹耶越天
聞是法已著志得阿那含道於是佛
便住於梵天說偈言

諸人無勤苦 則為第一安 為說勤苦應
諸想無有念 一切無所想 如於此所說
在三界豈安 數數有生死 其有解空空
彼空乃為空 其說深縛者 彼能解於空
空者无有起 思想無有界 已見非我法
則為佛之子 是法為非吾 亦不可得我
已无吾我者 於何復有喜

佛說是偈已應時彼億那由百千人
聞法者心悉斷一切塵勞生死已盡
得阿羅漢證便放身命般泥洹我等
不忍見世尊般泥洹時

現諸佛品第六

尔時佛於梵天忽然不現即住雙樹
間佛心念言今日夜半如來於是當
般泥洹人民哀後見佛終竟我聊復
令眾庶歡悅得安隱想斷諸穢毒令
念如來作大善本想離大眾惱得无
極慶發大慈大悲真諸魔事懷來諸

佛法皆除裂諸見網悉滅諸塵勞悉
捨諸諛諂悉捐諸大見來諸度元極
歎詠菩薩之行現諸如來令一切目
見作大變化說於佛法

於是世尊於師子牀上右脅倚卧如
師子無恐懼大尊雄周觀十方以足
指案地六反震動十方境界佛即如
其像三昧正受一一毛孔出恒邊沙
等數之光明二光明炤恒沙等佛
國二光明終不相錯以是之數一
切諸毛孔各各放恒邊沙數之光明
放已即如其像三昧正受令一切人
眼還得佛眼皆見諸佛國土所有余
時佛告諸比丘言汝等寧見東方縱
廣上下各十萬由旬滿其中塵東方
諸佛其數如此塵一塵為一佛皆右
脅倚卧所見變化亦如是一切諸佛
其所教度皆已周畢悉入力士生地
雙樹間皆名為釋迦文一切皆於師
子牀上卧皆當於今日夜半般泥洹
汝等寧見東方不可計不可數不可
思議無有量諸菩薩行具足往詣佛
樹下寧復見無央數得佛道者不寧

復見餘无央數轉法輪者不復見餘
無央數說法者不復見无有量放壽
命者不復見無有限右脅倚卧於師
子床上如我卧者不衆會對曰已見
不知其數佛言譬如三千大千世界
上至三十三天下盡地際滿其中塵
於汝等意云何寧能有知是塵數者
不唯天中天不可計不可量不可稱
不可數佛言譬如是三千大千世界
更有如是比億百千三千大千世界
滿其中塵有如此塵數東方佛國
菩薩名釋迦文來詣佛樹下得佛道
者數亦如是轉法輪者數亦如是教
授說法者數亦如是放身命者數亦
如是如我右脅倚卧者數亦如是無
起餘於泥洹界般泥洹者其數如是
皆名為釋迦文母名摩耶父名悅頭
檀其國名迦維羅衛其世名忍界舍
利弗摩訶目犍連尊弟子阿難為侍
者如東方之所有九方亦如是皆為
釋迦文如釋迦之數名提桓竭者亦
如是名曰提名多羅者亦如是名維
衛者亦如是名或者亦如是名隨葉

者亦如是名拘樓秦者亦如是名拘
那舍者亦如是名迦葉者亦如是是
諸佛天中天如是柔軟微妙為名號
出柔軟音聲皆同一號為釋迦文如
來皆以具足肉眼見是尚不足言其
所見廣大過此无央數其有居家修
道若出家學道令一佛國諸菩薩皆
得作佛具足一切供養此諸佛名復
有聞是說現諸佛經品聞已須臾樂
歡信勝於三千大千世界人民皆得
佛共供養具足一切諸菩薩已慧解
如是疾近無上正真道說是經時六
十二億菩薩得難具足法如是得護
不可思議意不退轉立於無上正真
道十那術菩薩初發大道意立不退
轉地无上正真道三十二億菩薩得
不起法忍恒沙數等人斷一切塵勞
滅生死證說無央數人當與弥勒會
於時弊魔懷毒恨心垂淚白佛唯世
尊我本願欲使如來早般泥洹欲令
人民不出我界如來無著等正覺所
度遂益多若住其壽命令至一切所
度之數不能復過今日之所度也今

天中天已空我界於是佛以手兩指
取地土用著爪上告熒魔言於汝意
云何如來爪上土多大地土多魔白
佛言如來爪上土少大地土多不可
計也佛言波旬我之所度立於無為
其數如爪上之土其從汝之教者復
多於大地土汝當歡喜怡懌人之種
如是不可盡元有數佛告波旬汝欲
求人種如求空於是波旬卿所當作
者便為之今日夜半如來當般泥洹
尔時佛告諸比丘置是諸佛世尊之
數置是諸佛世尊國土所有快樂置
是諸菩薩之興盛對曰唯然天中天
悉在耳佛告阿難若我從一切至那
術劫作辟合會校計說譬喻法講義
說諸佛无有竟時不可竟也無央數
諸佛天中天現在者如是如來皆以
具足肉眼見復過是所見不可限於
是佛告諸比丘如來為一切所當為
者以度一切矣無有不度之想名如
毛幾所以者何故告汝等尔時佛即
如其像三昧現神足令是諸佛世尊
所說經悉使此刹人聞聞是法者恒

沙等人立於三乘十億百千人得無
上正真道十億千人立緣覺道其餘
者皆放身命

佛國淨品第七

尔時佛以三十二大人相八十種好
及八千種好十億聲六十億那術百
千種語无限億那術百千種具足音
受持諸佛法之相如來寂定如來十
力如來四无所畏如來四神足如來
四解智諸佛十八法不共如來世上
行悲令面見諸法於是佛所說法即
現是三千大千之世界平等如掌無
沙礫石但有摩尼真珠琉璃帝珀碑
渠金銀三千大千世界周匝有諸寶
殿無央數宮珍寶交露摩尼宮殿交
露遍有明月珠樹明月珠蓋明月珠
幢幡明月珠舍明月珠座具足三千
大千世界周遍八方有八交道以金
銀琉璃水精車渠馬瑙象瑠璃寶
赤車釤寶吉祥福寶月光明寶踰日
寶阿牟勒寶鳩弥勒寶味寶碧英寶
以此衆寶轉相莊校為樹為蓋幢幡
其樹根莖節枝葉華實熾盛幡蓋麗

妙有器樹衣樹瓔珞莊飾被服果樹
滿無空缺有赤梅檀紅梅檀汁勒梅
檀蜜香黑妙音有曼陀勒花大曼陀
勒花巾迦勒花大巾迦勒花麝華大
麝花柔軟華大柔軟華度晝花太度
晝花波羅犁花大波羅犁花善優波
羅犁花月華大月花周遍月華摸花
大摸花周遍摸花善敬摸花蓋華大
蓋花周遍蓋花懼生花大懼生花周
遍懼生花周而遍滿是三千大千世
界无空缺皆有珍寶蓮華有九十九
億那術百千殿舍青琉璃黃金帝珀
馬瑙以為殿舍吉祥福寶摩尼寶以
為車有軟妙衣垂挂車上周而遍是
三千大千世界三千大千世界有數
自然師子之座一切樹下皆有自然
師子座以好純純錦繡綾綺上妙衣
服以為座具有雜色網幔其文交錯
狀如綬紛或以黃金焰光摩尼以為
莊按一切諸師子座有坐菩薩三十
二相嚴飾其身是三千大千世界周
而遍布赤珠青珠白珠有赤梅檀之
辦香蜜香黑妙香散以粟金

於是三千大千世界上虛空中通有摩尼珠網幔出天之伎樂音聲以珠挂諸幔上以妙貫珠寶貫珠師子賴珠毼蹠賴買珠以金縷交錯為條以金種種莊嚴為寶帳幔以純金為帳幔是三千大千世界周匝下盡地際上至三十三天以摩尼寶遍以紫磨金周匝為莊嚴從黃金帳出无央數億那由百千之好音聲空无相无願聲非常苦空非身之聲寂定戒三昧智慧解脫度知見聲調損忍辱慙愧聲慈悲喜護安詳奉行聲布施聲布施度无極聲持戒聲持戒度无極聲忍辱聲忍辱度无極聲精進聲精進度无極聲一心聲一心度无極聲智慧聲智慧度无極聲神通聲神通度无極聲菩薩行聲懷來菩薩使至不退轉地聲菩薩得不起法忍聲一切諸佛法聲如須摩提國阿彌陀佛光明如阿耨佛世尊及與香王國所有為上妙如寶香天中天如法焰光佛國土之世雄如摩尼王世尊如日寶藏又若日寶藏如音響王佛

如善覺佛如須弥劫正覺佛國興盛
安樂釋師子國土興樂亦如是用哀
一切故示現般泥洹人得知無疑世
尊剎貧窮用哀是等故示現國快樂
如一切諸佛尊行佛道事釋師子剎
如是毛髮无異無增无減又若一切
佛國土之快樂嚴淨好釋師子剎如
是毛髮而不差異

天菩薩品第八

尔時賢者阿那律啼泣悲哀便說是
偈言

好如月盛住虛空 若日柔軟千光明
辟火摩尼焰一切 世尊不復入教授
誰當復護諸世間 無央數人流生死
一切世間復盲冥 用世尊入樹間故
一切三界群生類 諸所得安及快樂
悲蒙佛法及尊僧 用荷哀傷得撫養
善釋師子巧醫王 療治憂苦度彼岸
勉濟一切諸勤苦 法王入於雙樹間
一切世間當狂乱 用不見佛釋師子
除無央數姪怒癡 人民眊眩墮躄地
天中之天滅生死 金翅龍鳥皆歸命
鬼阿須倫摩睺勒 世尊去後皆墮冥

无有姪欲離慢塵 炤四方明為已滅
一切世間當大冥 佛般泥洹當奈何
阿耨律說此偈已應時有諸異天乘
車來者獨乘者乘象者乘馬車者在
交露車者在座上者在殿上者在窓
牖者在交露帳者在戶上者在半月
上者在梯陞上者各從所乘各從在
所下下已啼泣呼嗟往諸力士所生
地到佛所稽首佛足或有天散優鉢
青蓮黃白諸花或有散雜栴檀或有
天自取寶冠寶珥手著之寶及以天
衣持散佛上供養於佛於是賢者羅
云啼泣悲哀說偈言

功德特異慧無量 為衆所奉開迷亂
除一切惡勤勞憂 入於力士所生地
佛為福地衆所仰 尊為醫王滅諸病
尊相好好如蓮華 尊今寢卧於樹間
佛踰日月諸世間 無量之曜消天光
佛為法主過須弥 度脫億人勤苦惱
佛入空法寂無有 第一無想度彼岸
尊棄一切世間願 法王已入諸樹間
世尊之眼滅世冥 三達無尋去來今
佛為導師度生死 佛用哀故寢樹間

尊師子吼出妙聲

佛所語明如月照

佛軟音響衆喜樂

佛用哀故寢樹間

賢者羅云讚十力

即便眴眩尋躡地

於地婉轉自擗撲

法王加哀莫泥洹

尊者羅云說此偈已應時東方不可

議無央數不可稱无崖際世界諸佛

天中天國不可計無央數不可思議

無有限諸菩薩啓辭諸佛來至此刹

欲見如來般泥洹及諸大會菩薩欲

見如來稽首跪拜承事供養諸菩薩

來所經世界無數無量一切天宮天

伎樂不鼓自鳴雨於天香天華被諸

世界諸天子有大德學大乘者及諸

天王龍王鬼神阿須倫王迦留羅王

甄陀羅王摩睺勒王皆侍從諸菩薩

來供養者菩薩以諸寶自在校來者

或以天子被服來者或以第六天子

被服來者或以梵天被服來者或以

自在天子被服來者或以善化天子

被服來者或以梵術天子被服來者

或以天帝釋被服來者或以日天子

被服來者或以月王被服來者有菩

薩入摩尼寶殿舍中結加趺坐來者

或入摩尼寶宮中坐來者或入摩尼寶交露帳中坐來者復有菩薩入香殿香宮香交露帳中結加趺坐來者或入紫磨金殿或入一切寶殿或入一切寶交露帳中結加趺坐來者復有菩薩入赤梅檀殿入一切栴檀殿舍中結加趺坐來者復有菩薩入七寶花殿或入月光焰明踰日月摩尼寶殿或入如意寶珠殿或入如意寶珠宮或入如意摩尼寶交露帳中結加趺坐來者

諸菩薩以三十二相莊嚴其身有元數光明不可思議之光曜無數廣大光明其光明除一切人勤苦令一切得善想光明除一切地獄餓鬼畜生光明將一切誼善道光明令身有福功德相端正殊好見者歡喜愛其色則無與等者其色為一切所觀覩有梵聲柔軟音響令諸道歡喜音恐諸魔音益一切人音出諸法諸福德音滅除一切惡出無量法明音彼有菩薩大士雨諸寶天花遍三千大千世界往詣如來或雨衣者或雨瓔珞莊

餉者或雨蓋者或雨幡綵者或雨雜
栴檀者或雨紫磨金者或雨蓮華者
或雨如意珠者或雨踰天所有諸寶
者遍三千大千世界下詣如來或有
菩薩化作諸寶莊餉蓋如三千大千
世界踰諸天寶用供養如來或有菩薩
以諸瓔珞莊嚴如三千大千世界化
作蓮華細根青琉璃車渠帝珎吉祥
藏寶以為車如意珠車皆悉周遍焰
光珠摩尼黃金以一切為莊餉或有
化作一宮殿如三千大千世界或有
化作踰天諸寶交露帳如三千大千
世界以焰光珠黃金一切為莊按或
有化作清淨處如三千大千世界甚
大不可計無央數不可思議無有量
無崖底所化乃如是以供養如來無
所著等正覺八方上下来如是不可
計不可數不可思議无有量諸菩薩
來供養佛是諸菩薩皆同時前稽首
佛足繞世尊三匝各從其所方來化作
大蓮華師子座諸寶焰光珠黃金為
莊按座一一菩薩各為佛於雙樹間
化作師子座以无量清淨踰天衣敷

其上以無央數種種色无量色不可計色不可計億那術百千色踰天上諸所有以為莊校焰光珠黃金諸寶紫磨金以為帳而莊嚴踰天上香而為芬熏令諸惡道為善本想令一切歡喜怡懌如一菩薩所作莊飾諸菩薩皆亦如是二菩薩各各所化不相雜錯所以者何寂定無諛諂於諸法无所著譬如如意珠於諸塵垢无所染汙學善權方便於諸法所念清淨得諸尊慧法如身所行口亦如是為大布施主住於法无所著是諸菩薩皆歎如來本求道不可計无央數不可量不可稱勤苦行以義示現如米化說法品第九

尔時賢者阿難以偈讚佛言

眼明淨好如月滿 十力神足慧无塵
為天龍王所供事 今日世尊入樹間
若佛衆捻入大城 世雄以足蹈門閭
則動天地至六反 放其光明遍佛國
琴瑟簫鼓諸樂器 不鼓自出柔軟音
師子虎鹿及野牛 諸龍大象止雪山
孝吼咆陸心歡喜 皆有慈意向如來

其聲可樂勝衆寶
見佛光明皆踊躍
鵝鴨鸕鷀鴈拘逸
於鐵圍山鳥鸚鵡
人本所失諸寶藏
諸瞋患者悉慈心
天住虛空雨天華
諸宮采女及天子
色淨如是當不現
譬如犢子斷母乳
十方從本无塵垢
諸世雄界為自在
誰為光王踰日月
誰當忍辱等如地
當以精進及一心
若子憶世與母離
子愁思親四方求
愁憂勤苦无復樂
及見講堂以精舍
讚歎十方法施人
即便躡地蓬婉轉
余時世尊以一切持句三昧正受作
安隱行現三昧善說三昧雷雨三昧

諸牛那術及百千
得安无量樂無數
又羅瞻无無數衆
鳴喜欣欣至佛所
皆還得之至世尊
以清淨意奉事佛
又羅蓮花有千葉
各為供養於世尊
佛今泥洹當奈何
斷絕擁護為甚劇
已離生死為衆枯
其受得住不減劫
誰當有力踰鐵圍
世尊導人使離塵
智慧示現度一切
暫得一會便復別
世尊泥洹我亦尔
見佛經行及坐處
奈何斷無吉祥得
無量勤苦賢釋子
我家意見月善月

師子響三昧光耀響三昧威神光明
三昧放光明三昧微妙句三昧力三
昧力句三昧無量力三昧意持炤明
三昧起世有三昧鼓響三昧月三昧
大月三昧周帀月三昧月響三昧上
月三昧藏三昧諦藏三昧琉璃藏三
昧觀視三昧无量觀視三昧遍炤一
切十方三昧除一切疑光明三昧至
誠三昧諦至誠三昧至語三昧說一
切行三昧所說諦至誠三昧無量三
昧寂定三昧寂定句三昧諦寂定語
三昧布施三昧諦布施三昧大布施
士三昧光明三昧善光明三昧大光
明三昧無量光明三昧照明句三昧
斷一切疑光明三昧說諸善本三昧
除說諸疑結三昧諦說見三昧於是
斷疑三昧善施廢解三昧作諸佛三
昧現說一切行三昧善說一切行三
昧善說轉法輪三昧善開度其處三
昧以是善說現在諸佛慧三昧正受
所住處二毛出不可計不可議不可
稱不可量無崖底億那術百千光明
二光端化無央數不可計議無量浴

池一一浴池化作不可計議無數无限
億那術百千蓮花一一蓮華上化作不
可計議無數无限億那術百千座一
切諸座上皆有如來坐說法二化如
來所開導人使立不退轉地住於佛
法其數如蓮華上所坐化佛得須陀
洹斯陀含阿那含阿羅漢二各如是
緣覺之數及不退轉立善本者其數
亦尔生天上者數亦如是不復隨苦
諸浴池際各有四寶樹无数莖節枝
葉花實一一莖節枝葉花實上化作
無數不可計議不可稱量如來化出
坐師子座上說法度脫一切其數如
化樹上如來之數開度一切已便說
此偈言

衆祐人中尊 諦覺於一切 人見歡喜者
皆棄捐惡道 其久有神通 世雄難得值
如優曇鉢花 其色可意好 其欲供養佛
及奉事我身 彼聞是經法 其心當歡喜
其欲見現在 世尊人中上 世光明威神
當信樂吉祥 其當來諸佛 以光導御人
欲見是世尊 當信是吉祥 其有求大樂
彼則有大利 聞是經法已 則奉侍於佛

其目得清淨及耳鼻之根身口意諸根
為斷無所受三昧戒清淨智慧解脫淨
解脫示現智脫現為至誠解於一切法
於我无所起所知無所滅即不憂諸響
諸化如來說此偈已應時不可計人
立於三乘無數世界人民皆得一心无
數佛國諸地獄皆滅盡諸畜生皆脫
勤苦餓鬼皆得安隱尔時佛入量寶
三昧正受如來住是三昧者隨一切
人所欲得寶則如其意見佛國寶皆
悉在前見諸佛樹以寶莊飾隨意所
好所欲見色則見諸郡國縣邑及國
人民即如意見滿諸佛國盡形壽見
所欲莊飾則如意見男子女人小男
小女瓔珞莊飾亦復見諸天龍鬼神
捷施羅阿須倫迦留羅真陀羅摩睺
勒所欲服飾所欲食飲所欲舍宅如
意所好皆見皆得佛告阿難有三昧
名慧行諸佛世尊住是三昧隨人所
欲得三昧如意即見一切人願阿難
諸佛世尊有三昧名無量過度三昧
吉祥威神隨人所欲得萬物即如意
在前得万物已供養如來阿難諸佛

世尊有三昧名眼住是三昧時令一切人不復習欲樂道德欲於淫欲不淨想不復習也於夢中亦不樂阿難諸佛世尊有三昧名意慙愧住是三昧時令諸佛國中人民皆有愧心無恚亂意阿難諸佛世尊有三昧名目王住是三昧盲者得目阿難諸佛世尊有三昧名無憂主住是三昧時若入城令一切人無復憂患阿難諸佛世尊有三昧名神通主住是三昧令無神通者飛行虛空神足能高七樹阿難諸佛世尊有三昧名世光耀住是三昧時盲者得見世尊阿難諸佛世尊有三昧名受清淨住是三昧時足蹈門闕令諸天龍鬼神捷陀羅王阿須倫王迦留羅王真陀羅王摩睺勒王釋梵於彼稽首礼佛阿難諸佛世尊有三昧名過師子英住是三昧時諸外異道這見如來威神皆降伏自歸阿難諸佛世尊有三昧名金剛光明住是三昧足蹈地時三千大千諸鐵圍大鐵圍山須弥山王及黑山諸溝坑谿谷山林及地皆正高者為

昇丘墟為平其地柔軟辟如好衣阿
難諸佛世尊有三昧名伏諸魔力住
是三昧時令諸魔恐懼怖懷不安各
各不樂其宮舍怖懷不止至于見佛
歸命如是稽首佛足阿難諸佛世尊
有三昧名無恐懼住是三昧時令一
切人無傷害意相向无諸恐懼亦無
憍慢阿難諸佛世尊有三昧名妙句
住是三昧時令諸世界人無有食者
得諸無數種種之味阿難諸佛世尊
有三昧名顏色住是三昧時令一切
人得好妙色不復多病阿難諸佛世
尊有三昧名為他故令无衣者得自
然衣住是三昧時拘閑獸者皆得解
脫諸在厄難者令免難苦得諸安樂
慳貪者喜布施惡戒者住淨戒恚怒
者立忍辱懈怠者使精進斷諸不善
法習增善法乱意者令得一心惡智
者得淨智慧阿難諸佛世尊有三昧
名說无意行善說句住是三昧時諸
憂愁者悉令喜踊阿難諸佛世尊有
三昧名二光住是三昧時於去來今諸
法無所罣碍无有不等亦現智慧阿

難諸佛世尊有三昧名於諸法無諛
諂便去住是三昧時令諸菩薩大士
得不起法忍佛說如是賢者阿難諸
尊舉子十方諸會菩薩諸天龍神世
間人民為佛作禮而去

佛說方等般泥洹經卷下

壬寅歲高麗國大藏都監奉

勅彫造

四童子三昧經卷上

賓

隋北印度健陀羅國三藏闍那崛多譯

如是我聞一時婆伽婆在俱尸那國
力士居地娑羅林所二雙樹間尔時
如來思惟今日涅槃時到應當取滅
長老阿難即於其夜欲得惡夢驚怖
憂惱馳向佛所愁慘合掌瞻仰世尊
目不暫捨尔時佛告長老阿難瞿曇
弥子何故如是熟視於我眼不暫瞬
尔時阿難即白佛言世尊我於昨夜
忽然見夢身毛為豎甚大怖懼必是
如來涅槃先相世尊我既見是非吉
夢已心無情賴深生憂惱恐畏世尊
速入涅槃佛告阿難瞿曇弥子汝見
何夢知是如來涅槃先相而生驚怖
尔時如來即以此偈問阿難曰
汝夢何所見 在娑羅林所謂涅槃先相
彼相為我說

尔時阿難即以偈頌白世尊曰

昨夜所見夢 可畏身毛豎 恐怖心大驚
世尊今當聽 忽於世界中 出生廣大樹
微妙甚可觀 常有諸花果 普覆衆生界

其蔭甚清涼 若蒙在樹下 受樂除憂患
觀樹得淨眼 聞聲得淨耳 成就多功德
高至於有頂 彼樹出妙聲 具說諸法相
微妙義具足 安樂諸衆生 彼樹出光明
如恒河沙數 充滿如是剎 所照无不遍
諸有十方界 无量難思議 光明所觸者
必當得利益 彼樹出妙香 普熏十方剎
若聞此香氣 不墮諸惡道 亦不墮地獄
及不墮畜生 餓鬼阿修羅 皆至於善趣
如是大妙樹 安樂諸衆生 摧折力土地
卧於雙樹間 今時千數衆 无量不思議
見此大樹倒 悲號而哀泣 忽不聞彼聲
亦復不聞香 各不能自起 我亦迷悶倒
我昨夢如是 无量可畏相 如我所見事
具眼為我說

今時淨居諸天子及娑婆世界主大
梵天王并商主魔王子天主憍尸迦
四天王等并諸眷屬各於住處聞佛
世尊涅槃之相各及八十餘那由他
眷屬諸天子等前後圍遶往詣佛所
頂禮佛足皆悉同聲悲號懊惱憂愁
泣淚即向阿難而說偈言

嗚呼大苦哉 阿難汝具知 如來雙樹間

欲取於滅度 無燈為作燈 无歸為作歸
欲入於寂靜 无餘大涅槃

尔時世尊向慧命阿難及諸天衆而
說偈言

汝賢莫憂苦 如所見無異 今夜取涅槃
在於雙林下 彼之大樹者 枝葉不思議
具光明香氣 摧折雙樹間 如樹佛亦然
今欲詣彼所 入無餘滅度 如水滅大火
舍利目連等 神通智慧最 二人已滅度
汝今豈不知 諸行皆如是 无常生滅法
佛知如是相 知己為衆說 阿難汝當告
我諸聲聞等 上座尼婁陀 天眼最第一
上座迦旃延 上座俱絺羅 富婁須菩提
難陀及牛伺 輸那摸伽王 耆舊掃衣者
難陀羅睺羅 及餘諸聲聞 學无學人等
及諸餘凡夫 一切速告知 不久我滅度
勿於涅槃後 而生彼苦惱 有學及凡夫
不見大生苦 我慰喻彼等 曉示真法相
諸行皆如夢 無常汝莫憂

尔時世尊如是說已慧命阿難即以
偈頌白世尊曰

世尊我迷方 舉身皆戰慄 聞佛欲滅度
我愁憂不少 體畏无歡喜 心益增悲悼

離欲亦如是 其眼云何去 云何告上座
諸眼第一者 今日大悲尊 見已更不見
我今日憂苦 云何告彼苦 上座云何聞
苦惱大師事 學人云何住 及餘諸凡夫
憂悲箭所射 願尊住一切 云何於四眾
宣說世尊滅 世尊為我說 願尊住一切
大炸逝速疾 滅沒於世間 世間大黑闇
世間永盲冥 我不能告彼 世間大苦事
世尊更遣餘 无有憂苦者
佛告阿難瞿曇 汝莫憂苦諸行
性相悉皆无常 今時世尊即說偈言
阿難憶諸天 聞佛欲涅槃 悉捨天宮殿
憂愁大苦惱 侍者汝正業 汝去告比丘
我涅槃之後 懊惱不見我

今時慧命阿尼婁陀在須彌山頂為
三十三天正當說法是時即以清淨
天眼過於人眼觀見大威德諸天子
等捨於宮殿復聞諸天叫喚大聲悲
號啼哭復見已之徒眾眷屬悉皆四
散時阿尼婁陀正念甚深天眼之明
重複觀察諸天子等各及眷屬捨已
欲樂憂悲苦惱速疾捨離相續而去
時阿尼婁陀更復觀見須彌山王及

諸山峯或高百由旬或二百由旬三
百由旬四百由旬摧剝崩倒或五百
由旬或復无量須弥山峯崩倒墮落
大海水中於彼衆生无所損惱亦無
傷害尚不損惱於一衆生況多衆生
亦不傷害於一衆生況當傷害於多
衆生彼須弥山王所有依住天龍夜
叉乾闥婆阿修羅緊那羅摩睺羅伽
闍於如來欲入涅槃悉皆憂悲生大
苦惱同時趣向俱尸那城速疾急行
當速行處須弥山峯而自崩倒音響
震動竝出聲言今大釋種釋迦牟尼
釋中勝王於阿僧祇億劫苦行修諸
善根今於力士所生之地娑羅林所
在雙樹間欲入無餘寂滅涅槃諸天
人等皆當眼滅彼皆忿遑速疾而行
大須弥山及大海水皆忿撓動以是
事故此大須弥山王之峯及大山谷
崩倒墮落沒入大海尔時阿尼婁陀
正住須弥山頂即發大音而說偈言
世間大商主 衆生大福田 與世間樂報
此仙今涅槃
往昔能作大功德 是大醫王治衆病

我判無尋无所著 彼仙今欲入涅槃
見諸衆生多欲患 輪轉无明生老死
處在牢獄顛倒見 起大慈悲為說法
勸者魔衆頭患來 猛毅鋒刃欲加害
或執大石及山崖 示現種種恐怖事
如是等衆其可畏 見之身毛不驚動
彼尊能破如是魔 今欲入滅雙樹間
右手舒展指於地 振吼聚落及諸山
彼仙自在大法王 今欲涅槃雙林間
能打大地出大聲 聞不思議十方界
彼勝衆生大智者 今欲涅槃雙林間
昔魔兵衆大可畏 已得難動無畏處
彼大仙人為衆說 轉於四諦大法輪
現諸神通无與等 一切世界置毛端
衆生不知亦不覺 彼尊今欲入涅槃
今已到於力土地 在於娑羅雙林間
入大寂靜三昧中 欲趣涅槃如火滅
余時尊者阿尼婁陀說此偈已以佛
神力聞浮提內所有比丘比丘尼優
婆塞優婆塞夷惟除上座摩訶迦葉及
諸弟子徒衆眷屬自餘二百四比丘
衆諸餘所有四部衆等馳趣娑羅雙
樹林間同來聚集礼世尊足各作是

念我等今者即是寂後覲見世尊時
阿尼婁陀說是偈已應時三千大千
世界所有大威德諸天人等及諸天
天子天女諸龍龍子龍女及諸夜叉
夜叉男女毗舍遮毗舍遮男女一切
諸天人阿修羅迦樓羅緊那羅摩睺
羅伽人非人等星宿行處如是等一
切大衆皆悉號咷流血灑地面淚滿
目心皆迷毒叫喚舉聲哀慟大吼駭
動天地憂箭所射心無情賴惋歎感
傷啞吟咭嗟諸根悲塞頻悶斷絕死
轉于地舉身戰慄手足垂蹠受大苦
惱其間或有相覩而哭或以手拳自
拍頭頂摑裂軀面而大號哭或有轉
眼或復轉膝而大號哭或按兩脰如
燒脚足而大號哭或復唱言嗚呼佛
陀嗚呼佛陀而大號哭或手拭眼或
手捫面而大號哭苦箭入心號咷哽
絕痛哀悲惱不能自定而大號哭如
是無量千億衆生淚墮如雨長歎歎
息絕而復甦或合爪掌涕淚交流而
復號哭或以右手揩頭涕淚佯墮蹠
地而大號哭或以左手扣頭悵悵憂

火所燒而大號哭或身體萎悴宛轉
煩窻而大號哭或擲兩手面失本已
迷悶哽塞而大號哭亦時彼諸天龍
夜叉乾闥婆阿修羅迦樓羅緊那羅
摩睺羅伽各及眷屬馳趣佛所到佛
所已在於佛前皆悉撲地如斫樹倒
或禮佛足或大叫喚或大號咤宛轉
于地或在佛前舉雙兩臂遙相攀摩
叫呼號哭並唱是言嗚呼佛陀嗚呼大
尊嗚呼達摩嗚呼大慈嗚呼大宅嗚
呼大歸憐愍我等救護我等三界之
眼失路亦路一切世間當成空曠一切
衆生當盲无目大智焯明今日永滅
手相執挽如喪父母親戚兄弟姊妹
兒女如是種種號咤悲哽呼聲大哭
或如是言嗚呼我尊嗚呼我等大善
知識嗚呼巧說微妙美言嗚呼行步
如師子王嗚呼行步如大牛王嗚呼
行步如大象王嗚呼演暢甘露法王
如是種種无量哀辭悼傷痛切而大
號哭或從虚空撲身墮地悶絕宛轉
悲哽號哭亦時阿難悶絕撲地如斫
樹倒良久乃穌在於佛前兩手據地

瞻仰世尊目不暫捨而說偈言

倍生我苦惱以見衆生等被苦箭所射

悲號大哭泣譬如絕閭路商人被劫賊

忽見大火明照於衆人前更增彼大怖

无方得馳走觸處無依怙以見火聚故

以如来滅度多衆皆悲苦如是无救者

更被苦箭射世尊不住世餘者復涅槃

寂勝人滅度我見云何忍放熾大光明

如薪盡火滅墮於力士地我云何忍見

今更不復見在於竹林下及在祇陀園

如常說法時云何入毗耶離車寂勝城

向諸離車語寂勝人滅度云何入迦毗

釋種寂勝城告彼不喜言寂勝人滅度

云何詣閻世摩伽陀勝王云何說此言

如来入滅度多數千衆生數數而哀泣

云何慰喻彼釋師子滅度比丘比丘尼

及諸在家衆云何告此言汝釋王滅度

或在經行所及入大禪定天龍所問時

无畏云何說阿難佛何在福田寂勝人

諸上座問已世尊我何報我為誰敷設

師子大法座復為誰敷設大師子卧牀

衆中无所畏如大師子吼復更誰邊聞

甚深無比法與誰洗足水為誰執袈裟

寂勝人滅後

更為誰執捉

誰復大衆前

讚歎我勤劬

誰復讚歎我

夕聞大智海

智慧大辯才

无邊衆歡悅

我更對誰聞

微妙軟美言

彼聞持佛子

如是傷歎已

在於佛足邊

悶絕而倒地

今時世尊告阿難言瞿多弥子莫過

愁毒莫大迷悶我於前時已曾語汝

如此之義一切思愛志有別離一切

諸行並皆無常如夢如幻如焰如泡

如沫如露虛妄不實諸行亦尔汝已

知之瞿多弥子汝時可起但當速去

可為如來於雙樹間安置牀鋪頭向

東首高如牛頭面正向北右手楷頰

雙樹之下偏約南邊如來世尊今後

夜尔當入涅槃滅除无餘有為身分

此之涅槃

尔時阿難啼哭號咷愁毒懊惱淚下

滿面奉世尊勅敷師子牀於彼娑羅

雙樹林所舒安訖已而說偈言

我今寂後設

大仙師子牀

於後更不敷

寂勝人卧鋪

我去何忍見

空林雙樹間

寂勝人滅後

寂不見世尊

諸護林神等

空守於長夜

更不見如來

云何樂住此

嗚呼無常行如幻如夢泡 丈夫教導師
今日當滅度

尔時尊者阿尼婁陀即便說偈告阿
難言

如來先已說 諸行悉无常 因緣不自在
汝強心莫憂 豈以汝憂悲 及以啼哭故
無常事已尔 智者莫迷悶

說此語已是時阿難即復以偈報大
尊者尼婁陀言

無畏尼婁陀 願莫作是語 觀勝人滅度
尊豈无憂愁

是時尊者阿尼婁陀復更以偈報阿
難曰

我眼豈无淚 為之以裁忍 見万類衆生
多為愛所逼 又我天眼見 諸苦惱衆生
為彼等大悲 是以應啼哭 為利於世間
不以懊惱故 是故我語仁 莫憂當念法
尔時世尊從座而起一切天人諸龍
夜叉乾闥婆緊那羅摩睺羅伽阿修
羅迦樓羅等百千億衆圍遶世尊詣
娑羅樹林至已右脇卧師子牀世尊
卧彼師子牀已時虛空中即雨天華
及天末香作諸天樂億百千種又寶

世間種種人華種種末香種種塗香
種種音聲供養世尊植諸善業各口
唱言此是世尊多陀阿伽度阿羅訶
三藐三佛陀寂後而卧亦是我等寂
後觀見世尊於彼刹那羅婆牟休多
間是時東方有一世界名寶鳴主去
此佛刹十千俱致彼國土中有佛名
曰師子鳴聲多陀阿伽度阿羅訶三
藐三佛陀其世界中有一菩薩名善
思義從彼應託來到此土王舍城中
我從師子乳 如來刹土來 聞此有世尊
釋師子在世
今時空中有一天子以偈報彼善思
義菩薩言

今者彼人王 世尊釋師子 於娑羅雙樹
欲入於涅槃

說是語已時善思義菩薩摩訶薩即
便以偈報彼天言

難計諸佛刹 百千俱致數 我從彼土來
聽釋師子法 值彼欲滅度 當趣雙樹間
我不實空來 到於斯刹土 我今已來此

彼尊當涅槃 諸天等世間 志愁况於我
一念此不住 應速見世尊 勿令我空來
而不得見佛 善思義勸諫 摩伽陀國王
發哀美善言 令彼心歡悅 大王聽我語
大人出世間 王莫放縱心 速詣於佛所
於數千億劫 或當一遇時 今既值彼師
智者莫空過 願王勿疑意 謂我小兒癡
我非癡小兒 王自小兒耳 貪於世欲樂
殺父造逆殃 此是小兒癡 當墮於惡道
王近惡知識 調達闍闍人 隨順彼逆心
故殺無過父 王如法無比 真是佛子儔
但以有我心 无智故興逆 如此大惡逆
恐怖事非輕 以是王必當 墮大阿鼻獄
及佛今現在 未入涅槃間 當興供養心
佛諸舍利骨 願王施歡喜 我欲詣佛邊
來生此土中 不為受諸欲 我以聞本土
師子鳴如來 稱此大仙人 猶師子滅度
欲得奉見故 來生此土中 諸刹利宗親
一時詣向佛

今時阿闍世王即以偈告彼童子言
力士生地去此遙 不可輕往須嚴駕
童子汝但今夜待 明勅兵馬安樂行
今時善思義童子還復以偈報阿闍

世王言

四庫全書 卷一百一十五 寶

大王慎莫生嬾惰 我神通力不思議
我今若欲過東方 無量佛刹无限尋
光從所來佛刹土 經歷無量无有邊
其間佛國如恒沙 力士生地竟何遠
尔時童子從阿闍世懷裏而起徒步
而行發王舍城安庠而出說此偈言
欲觀清淨无過佛 大力能降寂勝人
汝等隨我速往見 及彼釋仙未入滅
尔時童子從王舍城徒步出已當彼
刹鄰羅婆時頃有於七万二千人衆
集聚圍繞復有无量無邊百億那由
他諸天衆隨彼童子往詣佛所為欲
頂礼如来足故
尔時世尊作人師子右脅卧已於彼
刹鄰羅婆半休多聞從彼南方去此
佛刹五百千億佛之世界有一佛刹
彼佛号曰寶積善現如来十号具足
彼有菩薩名寂靜轉從彼刹沒於此
世界閻浮提地舍衛城内生大居士
似師子家即於初生而說偈言
於我數億劫 割捨其手足 挑眼破身分
新截无量頭 妻妾男女等 一切諸財寶

於千億數劫求无上菩提為度諸群生
布施廣修福無量百億劫彼眼者希有
尔時似師子居士以偈報童子言

汝為是天龍為夜叉羅刹汝即生之頃
分明出語言我眷屬恐怖馳走散諸方
我聞佛名聲是故我不走

尔時童子以偈報居士言

我非天非龍非夜叉羅刹汝居士不知
謂我是世人言天龍夜叉緊那摩睺羅
我是天中天居士汝當知

尔時似師子復以偈答童子言

我心復有疑童子我復驚聞汝如是言
同於智者說云何天及龍夜叉緊那羅
云何天中天童子更重說
尔時童子以偈報居士言

去此南方界有佛名寶積現在如師子
我從彼處來百過作帝釋自在亦作來
百過作梵天亦作轉輪王我欲多時說
一切或億劫不可得說盡智者速詣佛

唯然大居士汝常應修如此法行親
近心念廣作顯示大居士何者法行
如來當說彼寶積善現如來十号具
足有諸菩薩摩訶薩等成就三法於

菩提心得不退轉復當速證无上菩
提何等為三一者入無邊心二者入
甚深智三者入堅固修行三昧今時
彼童子欲重宣此義而說偈言

若欲入於甚深智 諸天世人所愛重
惟有諸佛大名稱 善能知因及非因
彼句無非菩提者 此智元有染著處
捨諸著已離毒箭 證法智已得作佛
念心無邊无有心 入如是心得寂靜
隨順是心名為入 此心名為遍一切
若破若斫彼不堅 无破諸法如來說
諸有猶如虛空體 如是真如如金剛
應知如是自性空 若能修此無所著
彼即出離煩惱網 當成正覺離諸有
當知一切元有知 當證一切無所證
當覺一切無所覺 一切聞聲元取著
入甚深法无法想 解脫衆生無脫想
廣寂無有廣寂想 得證菩提无道想
彼真健人除毒箭 了達衆生諸所趣
知一切故名為佛 難可輒近无所著

今時童子說此偈已於剎那羅婆牟
休多時似師子居士即與眷屬二百
人俱左右圍遶便發阿耨多羅三藐

三菩提心迴向菩提於諸法中得无
生忍十八億諸天子等亦發阿耨多
羅三藐三菩提心究竟菩提无有退
轉復有四那由他衆生於諸法中遠
離塵垢得法眼淨尔時童子復說偈言
我今不空來 往釋師子所 於生死怖中
度那由他衆 有多衆生數 已發菩提心
住无上平等 證得无生忍 我父住法忍
我母兄眷屬 十八億諸天 皆住菩提道
我得大財寶 无量不思議 於佛法轉近
去貧窮稍遠

尔時寂靜轉童子化其父母及眷屬
已出舍衛大城共其父母并諸眷屬
無量百千諸衆生等左右圍繞在於
衆前趣向力士所生之地娑羅林所
欲礼佛足覲見世尊尔時如來在於
師子牀上右脅卧時於彼刹那羅婆
牟休多時西方去此過八億百千佛
刹有佛名号樂音如來十号具足彼
佛刹土有一菩薩摩訶薩名无繫緣
從彼佛刹隱滅身已於此佛刹閻浮
提地波羅奈國大城之内有大居士
名善鬼宿於其家内而忽化生時無

攀緣童子即於生時而說偈言

諸法无攀緣 愚癡覺所轉 彼不脫衆苦
增長諸憂惱 諸法無處所 求之不可得
皆盡及不盡 一切无所有 虚空無所依
非空亦无依 空法因緣无 因緣亦不無
彼諸所說法 深隱難知見 頗有能說者
人尊釋師子 大象大師子 如梵无諸欲
今日於雙林 將滅世間眼 在於大衆中
如月十五日 為衆說妙法 彼更不可見
比丘衆圍繞 如帝釋山頂 自今更不入
一切諸妙城 天人中極尊 法鼓寂勝者
發音令衆悅 我等不復聞 无我無作者
如來說是法 今欲入滅度 娑羅雙樹間
尔時无攀緣 菩薩說此偈已 波羅奈
城一千徒衆作如是言 此童子者甚
奇希有智慧辯才无畏 深入生已乃
能憶知宿命生生之事 復能巧說種
種妙偈 乃有如是大力智慧 無畏難
伏淨妙辯才 願令我等得如是智 若
此童子 尔時無攀緣 童子欲令大衆
入不退地 世間所无不共之法 希有
難得 無量无邊 令彼得入 亦令得入
無生忍法 尔時大衆白童子言 善哉

童子我等今者隨童子去往詣彼所
覲見世尊并欲供養。爾時元攀緣菩
薩摩訶薩共彼眷屬徒衆百千圍繞
恭敬在於彼前。從波羅奈大城而出
任詣佛所。為欲覲見及供養故。
爾時於彼剎鄰羅婆牟休多時。從於
北方去此佛剎過六萬四百千億佛
土。有佛名曰住菩提分轉如來十號
具足。於彼佛剎有菩薩摩訶薩名曰
開敷神通德。從彼沒身生此剎土間
浮提中毗耶離大城大將師子。於彼
家內忽然化生。爾時開敷神通德菩
薩摩訶薩生彼家已。即說偈言

頗聞佛世尊 增長釋種家 度脫諸厄難
無量百千億 頗聞佛世尊 無邊智慧海
精進及禪定 甚深達彼岸 如來拔毒箭
得忍心調柔 為衆常說法 亦不著法相
頗聞佛世尊 不著於三界 世間行不行
智慧遍一切 欲界及色界 乃至无色界
能以智稱量 彼眼者在不

時大將家有一天女名轉菩提分化
作人形現童子前。以偈報童子言

世尊住一切 或復過一切 汝後當見佛

今且受五欲 食勝妙福祿 猶如大王家
種種妙音聲 歌舞作倡等

今時童子具知如來已益衆生諸天
人等善根成就以得報天女言

彼愚癡衆生 樂於五欲樂 不聞正遍知

及諸佛教法 我不受五欲 五欲无堅牢

五欲如刀劍 誰能信五欲 猪狗及野干

騾馬牛驢等 此輩貪五欲 諸佛聲聞訶

盲瞎根殘缺 座陋及摩跢 如是等貪欲

諸佛聲聞訶 蚍蜉蟻蝻蠅 俱起羅孔雀

如是等行欲 我勝彼故訶 譬如火火坑

熾然悶溷滿 彼如盲墜墮 貪欲亦如是

諸欲无常苦 智者所呵責 若人不知過

此等為欲轉 我不受五欲 世尊已證知

能聞此義者 當知彼如佛 我從佛邊聞

彼須弥山王 於後夜分時 彼佛當滅度

我等速往詣 盡諸結使者 欲見者可去

恐彼世尊滅 轉菩提分尊 最勝人所說

於億千數劫 難逢種種善根 若於淫脬所

親見釋種尊 聞釋師子法 當生善種子

若天人夜叉 往至如來所 若愛釋種種

速見大名稱 今時聞敷神通德童子菩薩摩訶薩

四童子經卷上 第三疏實

品

說此偈已與諸衆生无量百千左右
圍繞寂居衆首從毗耶離出徑詣佛
所欲礼佛足親覲供養

四童子三昧經卷上

辛丑歲高麗國大藏都監奉

勅雕造

四童子三昧經卷中

六

隋北印度健陀羅國三藏闍那崛多譯

尔時世尊右脅卧於師子牀上時四童子從四方來各與大眾前後圍繞導在衆首悉皆平等智慧神通威德法行无所老別不乖毫毛共趣佛所往到佛前恭敬合掌彼四童子到佛邊時各隨城邑所從眷屬一切天人百千衆生雜類皆悉合掌一切靜心歡喜踊躍曲躬瞻仰向四童子彼四童子當於來時四方縱廣滿一由旬諸天雨華遍滿於地鼓天音樂種種百千諸天歌詠讚歎無量尔時多陀阿伽度阿羅訶三藐三佛陀普於四方自然顯現四師子座尔時尊者阿難以偈白佛言

世尊何因緣一切智四邊右脅現四牀
師子廣大敷

作是語已佛告阿難阿難汝見此四童子已不從四方來面如滿月過日光明蔽四天下威德特尊齒白明耀發智慧光得大精進入甚深智成就

切德識智了達有深信行護界慚愧
行業滿足意見深遠得正念定智慧
善巧有大方便第一揅持為諸衆生
隨順說法增長善本於無量億百千
佛所種諸善根各住四方各於佛剎
聞我涅槃各從彼剎諸如來所諮發
啓請生此剎土欲聞見我及我名稱
說法利益功德之事觀看今日如來
後夜分時於力士生地娑羅雙樹間
當入無餘涅槃不思議涅槃一切世
間无等涅槃一切世間希有涅槃一
切世間安樂涅槃一切世間難伏涅
槃一切世間斷離諸趣清淨涅槃如
來當取如是微妙取上涅槃阿難此
東方來童子者其色微妙具大功德
端正可憐光明遍照威德熾然猶如
盛火放大光明以多百千徒衆圍繞
及以億數諸天之衆所共供養受天
雨華來詣佛所欲供養佛阿難此童
子者於彼師子音鳴聲如來國土曾
作轉輪聖王領千世界而得自在諸
天人等之所供養彼治化時於欲界
天上及於人間恒多講法受持句義

為於无量百千衆生解說妙趣成就
彼等種諸善根得諸神通達解法行
衆聖咨嗟无邊無斷取上微妙得無
畏力深入法相成就辯才智慧善巧
得到无邊智慧彼岸滿足如是諸法
行已於十八億年如法治化不用刀
杖惱乱衆生不為受欲貪於王位於
彼十八億年成熟十八那由他衆生
令住阿耨多羅三藐三菩提於菩薩
法得不退地彼善男子從初發心得
不退地已乃至畢竟成就阿耨多羅
三藐三菩提彼王如是於後一時剎
除鬚髮著袈裟衣捨家出家即出家
已於八十一億年行於梵行從出家
已未嘗坐卧况復睡眠於八十一億
年中乃至不起一念欲想及於瞋心
况有殺害惱乱等心无不善事及憎
愛想亦復不念修行不修行想常住
二法何等為二一者雖得肉眼无肉眼
想雖能分別知諸法聚而不取著法
聚之想於彼八十一億年中更不論
說諸无利益他餘事想若地想水想
火想風想若虚空想及識想若婦女

想及丈夫想飢渴想聚落想空閑處
想城邑等想違逆之想不違逆想遠
離想禪定想自我想他我想色想无
色想邊想中想生想滅想少想多想
如是等諸餘乱想皆忘寂滅不生分
別惟除二十箇藏法本思量修習其
間成熟八万那由他衆生決定於阿
耨多羅三藐三菩提彼諸衆生皆初
發心於如此刹即剎那羅婆時於彼
佛剎自在而去各更別往諸餘佛剎
到彼諸剎世尊所奉觀承事於彼世
界一一佛剎一身到一身一事無二
並者彼諸剎土一一諸佛皆同於此
一剎那羅婆時右脅而卧同於此日
後夜分中當入涅槃悉在娑羅雙樹
之間力士生地皆如如來彼諸佛等
同名釋迦牟尼十号具足彼諸佛等
亦同出於五濁惡世阿難我以如是
无量無邊无尋肉眼正知正見非諸
聲聞辟支佛等之所能入非境界故阿
難若有比丘比丘尼優婆塞優婆夷
聞此法門聞已生信羨我肉眼正知
見智欲得此智乃至滿足一切種智

及發一念正信之心相續不捨適發
心已即生無量福德之聚況得无量
無邊大功德聚阿難若有善男子善
女人於十八那由他諸如來所復於
十八那由他億年以一切樂具供養
恭敬尊重讚歎親承奉事彼諸如來
於十八那由他年所得功德雖復无
量猶故不及聞此法門羨願之心生
功德者不可譬喻阿難此童子者於
我法中一日一夜教化利益无量衆
生何況多時所作利益若舍利弗目
犍連等及餘聲聞不能如是多作利
益度脫如是无量衆生阿難假使汝
等一切壽命多諸衆生說法教化不
念餘事晝夜不休雖作如是教化利
益但自汝等於我法中不能荷負佛
法重擔如今所見此來童子所荷負
者又復告言如是阿難如是童子為
諸衆生作大利益具足憐愍念諸衆
生饒益衆生而此童子有无量功德
阿難汝見從南方來童子已不如秋
滿月十五日夜光明熾盛右手執持
衆寶莊嚴杖打此大地打大地已出

如是聲辟如摩伽陀國有一寶器或用金作或用銀作作之成就善加瑩治无有塵垢無有瑕隙无有破漏善好明淨无有塵土無有脂膩種種因緣衆事所成種種功能練精明淨五虜具滿十處遠離一千分觀瞻遠離十二處金銀煩惱垢種性真正金性寂勝百練所成新成非故具足八分一千巧匠一心觀瞻塵膩垢翳一切悉无如是妙器打之出聲若聞聲者能滅衆苦阿難如是辟喻如是器聲我少說耳而此童子衆寶間錯嚴潔之杖打此大地所出之聲亦復如是阿難此童子者名寂靜轉是大菩薩摩訶薩也從南方寶積現多陀阿伽度阿羅訶三藐三佛陀刹土而來彼佛世界名寶莊嚴阿難於汝意云何彼世界何故名寶莊嚴阿難彼佛世界無一衆生住不定者亦無邪定阿難彼諸衆生皆志正定於阿耨多羅三藐三菩提阿難彼刹是菩薩刹彼刹衆生無男女想阿難彼諸衆生皆志梵行无諸穢欲智行清淨乃至無有

穢欲之名阿難彼在嚴佛剎諸衆生等无有一切不善思想亦無食想唯有二食何等為二一者以定慧為食二者以法喜為食阿難彼佛剎不說五陰不說三乘惟廣演說一切智陰菩薩匿藏阿難以是義故彼佛世界名寶莊嚴阿難此土所有他方佛剎衆生生此土者復有願生彼佛土者願生之者彼衆生等皆得不退轉於阿耨多羅三藐三菩提阿難或有菩薩從餘佛剎來生彼者生已即自能知彼佛剎內一切諸事彼等菩薩亦生彼已即於剎那羅婆牟侯多時各各想已自身是佛阿難彼寶積現如來為彼無量无边那由他諸菩薩摩訶薩等廣說一切種智及菩薩匿藏法門不曾斷絕更不說餘阿難假使我於無量千劫說彼佛剎功德之事及一一分別菩薩摩訶薩等所得勝法所謂發願莊嚴佛剎不可得盡阿難我但略說彼佛世界功德名字此寂靜轉菩薩摩訶薩從彼方來為欲看我入般涅槃復為憐愍无量无边

諸衆生等令發无上菩提之心復為
欲顯彼刹功德莊嚴之事復為顯彼
實積現佛利益名稱所謂顯諸菩薩
法行大事亦說真實名稱之事欲令
此刹無量无边諸衆生等攝受正法
故來到此釋迦佛刹為令未來諸菩
薩等生歡喜心阿難此童子者於往
昔時行菩薩行值燃燈佛出現於世
尔時曾作轉輪聖王名曰降怨阿難
尔時降怨聖王為無量億无边衆生
說於正法成熟善根時彼聖王從旦
日初至於食頃化度三十六億衆生
住不退地於阿耨多羅三藐三菩提
入正定聚證得无生忍法而此聖王
於彼燃燈如來般涅槃後發大精進
剷除曠埃捨家出家既出家已滿一
千年續燃燈佛轉正法輪然彼聖王
利益無量无边衆生作利益已於後
一時日没之頃復化三万六億衆生
令住阿耨多羅三藐三菩提還於日
没之時令七万那由他衆生皆悉漏
盡成阿羅漢况當證道見諦學人不
可稱計阿難假使我欲以佛智慧說

此寂靜轉菩薩童子往昔之時為諸
衆生作利益事不可得盡阿難汝為
此寂靜轉善男子就於我前敷座安
坐汝當得元量無邊勝妙功德若有
衆生聞此寂靜轉菩薩名者彼等衆
生如現在見佛等無有異阿難若有
衆生聞此功德莊嚴受記法本名字
者乃至一念發淨信心為欲見彼寶
積現如來多陀阿伽度阿羅訶三藐
三佛陀為欲承迎礼拜親近供養有
發心者欲聞法者阿難我今皆與彼
等受記往生彼刹奉覲如來聞於正
法彼佛刹中所生菩薩亦欲同行彼
諸法行惟除願力菩薩摩訶薩等阿
難彼諸衆生善得大利若能聞此所
說功德莊嚴法本名字乃至經耳何
況聞已得淨信心阿難如是等法句
如實不虛汝當善護善念憶持所以
者何阿難閻浮提人未曾得聞如是
等修多羅章句及以名字阿難若名
字菩薩及謗法人如是人等莫令得
聞何以故以其謗法罪大深重故阿
難汝見西方如是輦輦衆寶莊嚴乘

空而來汝見已不阿難白佛言如是已見佛復告阿難汝見其間一童子不二足神通變化所作騰空飛來動此大地動大動震大震大地動時所化衆生怖畏毛豎阿難報言如是婆伽婆如是修伽陀我今見已此童子者神通遊戲種種示現乘空而來佛告阿難如此輦譽衆寶間錯在童子前而來出於種種異妙之香滿此佛剎阿難白言如是婆伽婆如是修伽陀佛復告阿難言此事還是彼善男子智力所現能使輦舉出是妙香阿難汝聽復能出於四種之聲所謂空聲無所有聲寂靜聲佛聲阿難白言如是婆伽婆佛復告阿難還是童子毛孔所出如是等聲阿難此聲出時有六十八那由他衆生大得饒益復千世界諸衆生數有多衆生於無為法心漏永盡便得解脫阿難聞一佛名已有九億菩薩住不退轉地得入聖道於阿耨多羅三藐三菩提於此剎上人天世界有二百十那由他天人得阿毗跋致地決定住阿耨多羅

三藐三菩提阿難此善男子所住西
方有佛名曰喜樂音多陀阿伽度阿
羅訶三藐三佛陀世界名樂毛從彼
剎來欲見如來入於涅槃此善男子
然其來已為於无量無邊衆生作大
利益阿難今善男子來此剎時大作
佛事亦如如來轉大法輪彼亦如是
轉大法輪阿難此善男子乃從阿僧
祇劫已來諸毛孔中恒常出此四種
之聲所謂空寂等聲於一一聲中為
無量无邊衆生作大利益阿難白佛
言世尊此善男子往昔之時作何善
根乃能於諸毛孔出如是諸聲佛告
阿難我念往昔過去无量無數劫時
有佛出世名無垢眼善逝世間解无
上士調御丈夫天人師佛世尊此善
男子於彼佛所出家作大沙門名曰
智樂淨修梵行而彼沙門於彼如來
問於真理難知智慧甚深句義所謂
不生不滅一切諸法空無所有一切
諸法本性寂靜一切諸佛皆同一體
而彼沙門七日七夜相續不斷不念
疲倦不念餘事不捨重擔於此四句

躬自受持善味諷習善持通利善意
貫穿研精已行阿難彼時沙門者此
童子是也以此四句妙義億數諸佛
所共說之入諸佛法攝諸衆生復自
然得覺了之事而彼沙門愍諸衆生
緣諸村舍聚落城邑為彼說法阿難
念時法師智樂沙門者以多聞知法
義趣復以真心六年為他宣說如是
法句以是因緣於阿僧祇劫從諸毛
孔出如是聲神通以是事故此善男
子從身毛孔出如是四種法聲為多
衆生作大利益如是次第此童子者
於阿僧祇劫身毛孔中成就如是四
種妙聲阿難闍浮提人得大善利得
第一利若聞此无攀緣菩薩名字者
已獲善利况聞其法阿難若有善男
子及善女人或在天中或在人間聞
此无攀緣菩薩乃至名字已得淨心
所得功德不可思議何況瞻對覲覲
見者所以者何阿難此无攀緣菩薩
摩訶薩於諸菩薩地已得功德不可
思議不可稱說阿難而此菩薩摩訶
薩故欲來見如來入般涅槃阿難汝

今可為彼大菩薩施設牀敷於如來
前用擬此善男子坐阿難汝當得大
安樂利益亦當速得勝妙神通阿難
汝設此敷業因緣故所獲果報或坐
或卧常得安隱於一念頃當現證得
阿羅漢果无為聖法阿難汝於無漏
聲聞聖果未證入者我今與汝授記
當得汝復應有諸功德分迴向阿耨多
羅三藐三菩提當得諸佛如來大法
阿難若有比丘比丘尼優婆塞優婆
夷若天若龍若夜叉若犍闍婆阿修
羅迦樓羅緊那羅摩睺羅伽人若非
人及餘衆生聞此寂靜轉所說授記
聞已得淨深心及信解者若復有人
欲得聞此寂靜說授記法門或如來
邊聞或聲聞邊聞復能為彼法師
敷設牀座所得功德如彼法師坐此
座上復當說斯寂靜說授記法門如
斯无异所以者何阿難彼人敷設座
已當得十種敷設功德何等為十一
者當得轉輪聖王座二者得帝釋座
三者得梵天王座四者得世主座五
者世世於諸佛所得法師座六者菩

薩地滿既得位已在道場菩提樹下
坐於蓮華師子高座七者證一切智
已得无上菩提坐於佛座八者轉大
法輪時得无量億數諸天所共莊嚴
轉法輪座九者欲現大神通時過出
一切諸世間道為得如來無上顯現
軍大神通師子高座十者欲現入於
大涅槃時得彼多陀阿伽度阿羅訶三
藐三佛陀令諸天龍夜叉犍闥婆阿修
羅迦樓羅摩睺羅伽人非人等心生歡
喜得清淨信寂後寂滅一切諸行住
金剛三昧得如來座阿難汝當得如
是等十種師子高座果報阿難若有
善男子善女人淨心聞此寂靜說受
記法本句偈之義為於法師敷設法
座愛敬尊重彼法師故以是因緣彼
彼成就十種師子敷座果報以是義
故阿難汝應可合掌向无攀緣菩薩
邊汝應當得大利安樂大福德聚因
此功德汝速當得發於神通今時尊
者阿難為无攀緣善男子敷法座已
合掌向無攀緣菩薩摩訶薩生清淨
心尊重心慙愧心即於今時而說偈言

合掌向健兒 降伏龍入定 大智衆王者
無攀緣光明 得智及精進 智慧禪定聚
世間无等侶 向無畏合掌

尔時世尊以偈告阿難言

汝今敬合掌 供養无攀緣 所獲諸果報
我當為汝說 阿難合掌敬 自我涅槃後
於村舍聚落 及我弟子間 或於入聚時
或出彼村落 及經行坐卧 一切威儀中
當作大佛事 汝於諸世間 所有衆物類
或識及无識 悉皆向汝邊 恭敬而偃身
若男若女天男天女及諸外道波利
婆等若沙門婆羅門若王大臣若國
師若兵將及餘官屬若長者居士自
餘凡類但是有形乃至六畜象馬走
獸及諸飛鳥若見汝者皆得淨信一
切樹木藥草苗稼所有華果悉皆向
汝偃身恭敬一切臺殿屋宇重閣樓
櫓却敵竅孔車乘輦輦舉以汝福德威
光之力覆蔽於彼皆悉如是向汝偃
身阿難譬如多陀阿伽度阿羅訶三
藐三佛陀初證阿耨多羅三藐三菩
提得无碍解脫時一切苗稼樹木藥
草及諸華果乃至略說人非人等周

而充滿菩提道場皆向如來偃身恭敬阿難如是如是汝今以此於無攀緣善男子邊合掌偃身因緣力故汝於却後一切威儀隨所在處人非人等一切苗稼樹木藥草皆當向汝偃身恭敬阿難若有善男子善女人於如來涅槃之後或於我今現前之須臾聞此莊嚴說授記法本乃至一合十指掌一念因緣或以真心思惟此義發一信心彼人尚得如是福報如我前說如是阿難當來之世少有衆生得聞此法亦復少有但聞如是法本名字若一聞再聞尚不可得何況聞已得真信心恭敬尊重不生誹謗滅除疑惑思惟修習生實想者我於如是善男子善女人等復以佛眼悉皆現見復以佛智悉皆現知如是人等非於一佛所修行供養非一佛所種諸善根阿難今在此衆集會我前一切大衆天人男女故來欲見如來世尊入於涅槃阿難如是等衆於當來世弥勒菩薩初欲證於阿耨多羅三藐三菩提時受智位已後乃至

坐於菩提道場設大供養尊重恭敬
如是次第乃至弥勒世尊入涅槃時
亦復觀看還於今時在如來邊亦復
得見此四童子如是聽法如今我前
得見得聞无攀緣善男子於毛孔內
廣聞大法微妙之聲得聞聲已生大
歡喜是故阿難汝今得聞說如是等
微妙義趣汝應數數偃身合掌淨心
敬信所以者何汝以如是淨心敬信
善業因緣所在之處一切衆生諸天
世人恭敬供養尊重讚歎躬偃汝邊
乃至於汝涅槃之後諸天世人起塔
供養汝之舍利

今時世尊告阿尼婁陀言阿尼婁陀
汝見上界有四十億諸天人衆聞此
經典皆悉合掌偃身而住阿尼婁陀
白佛言如是婆伽婆佛復告阿尼婁
陀彼天人等因聞此法信心合掌偃
躬善根於未來世阿僧祇劫不墮惡
道或在天上或在人間於恒沙世流
轉生已一二得作轉輪聖王一切生處
恒值諸佛於諸佛所成就善根成善
根已乃至得證阿耨多羅三藐三菩

提同一名号名為一切衆類偃身多
陀阿伽度阿羅訶三藐三佛陀說是
語已時大衆中有諸力士及其眷屬
各有五百其名曰娛樂力士頭俱耶
力士大力力士天威力士勝天力士
郁千踐力士无畏力士婆藪力士真
寶力士優多羅力士婆儔力士一切
忍力士如是等二力士各及眷屬
五百圍繞聚集來會在其衆首為欲
供養向如來所皆半偃身合掌悲泣
哀哽大叫流淚兩面而白佛言世尊
我等今者為欲供養如來世尊及无
攀緣童子菩薩并餘無量大菩薩等
乃至一切大德聲聞此修多羅微妙
句義清淨法門為供養故合掌偃身
世尊我等以此一念善根迴向阿耨
多羅三藐三菩提今時世尊即便微
笑諸佛法尔若微笑時即從口出種
種微妙雜色光明所謂青黃赤白金
色玻璃放斯光已遍至无量无边世
界光明所照乃至梵宮還來旋遶世
尊三帀從佛頂入尔時慧命阿難見
是事已即以偈頌而白佛言

世燈何因放如此大光明善哉決我疑及餘衆生等

佛告阿難汝見已不此力士子一心集聚合掌向我及無攀緣童子菩薩并於此經至心淨信復發无上大菩提心阿難白言見已世尊佛復告阿難言此力士子從今已後阿僧祇億劫不墮惡趣然後證得阿耨多羅三藐三菩提今時世尊欲重宣此義而說偈言

阿難汝不見摩羅子集聚心生大歡喜曲躬而向我歡喜說此言當得无上道大智力士子此等供養我及於無攀緣於法生尊重我諸聲聞等如是合掌已阿僧祇劫數當不墮惡道因此合掌業及向我曲躬假令一切說或無數億劫此等當證道成就諸佛土行於寂勝行其數不可測於億數等劫思量不能知阿難今不久於此後夜分吾共汝等別是寂後相見

佛復告阿難阿難汝見從北方有大金光照耀來已不彼之威光映蔽一切其方所有樹木苗稼藥草華果山

崖埤阜臺殿樓閣輦輦車衆人非人
等於上虛空皆成一色所謂金色阿
難白佛言如是婆伽婆佛復告阿難
汝見北方復有七閻浮檀金輦輦從
彼來不中央輦輦其上童子結加跏
坐威光軍勝功德巍巍阿難白佛言
如是婆伽婆我今已見佛復告阿難
北方去此刹土六十四百千俱致有
佛刹名曰俱蘇摩拔垵隋言多華彼刹世尊
号名菩提分轉多陀阿伽度阿羅訶
三藐三佛陀彼佛刹中有此童子菩
薩摩訶薩名曰華敷神通德從彼捨
身來生此土阿難彼世界出諸法聲
名曰菩提分音彼處衆生有聞聲者
成諸善根阿難彼菩提分轉如來從
證阿耨多羅三藐三菩提已來六十
四千劫現在說法阿難彼如來元有
聲聞衆唯菩薩衆阿難譬如灌頂轉
輪聖王多有諸子彼諸子等為作大
臣為作國師為作諸小國王如是如
是彼佛如來諸菩薩等亦復如是亦
名為子亦名大臣彼佛亦亦有二菩
薩取為殊勝於諸菩薩獨為侍者還

以菩薩而為僧寶阿難如是次第說彼佛刹皆悉菩薩滿彼國界阿難彼佛世界資生所須皆悉豐足無所乏少具足無畏安隱快樂微妙可瞻人民充滿菩薩功德皆悉滿足住諸神通寂為殊勝以三昧力周旋往返猶彼朋友智慧之聚寂為殊勝智藏滿足常能修習菩提之心常能講論一切智法於諸菩薩一切深法無量無邊皆悉證得阿難如是等諸菩薩摩訶薩滿彼世界彼佛刹中此華敷神通德菩薩摩訶薩善男子來生此土閻浮提毗舍離城彼善男子今現神通而來此者為欲頂禮如來足故又欲觀見如來世尊入大涅槃阿難此大光明現者是彼如來多陀阿伽度阿羅訶三藐三佛隨威神之力阿難所謂此七閻浮檀金輦輦者是彼如來七菩提分助道法故為作化現阿難此閻浮提有無量千俱胝諸衆生諸天人等共此童子往昔已來同種善根而此童子亦生此閻閻浮提時令彼衆生即得歡喜踊躍無量復有衆生當得

污盡或有衆生當得學地或有衆生得無學地或有衆生未發菩提心者當能令發菩提之心或有衆生發於本性不退忍心阿難如此童子處中輦舉加趺坐者所出光明此之光明是彼如來神通威力之所現耳從此光明出生彼之六輦舉也阿難汝看以彼如來威神之力此華敷神通德菩薩摩訶薩能於此處現種種神通又此光明之力於此世界能為无量無邊諸衆生等作大利益所謂以彼正法共相攝受今時彼童子等悉皆和合歡喜踊躍復與无量百千衆生前後圍繞於一剎那之頃兩種種華詣向佛所到已頂礼佛足今時世尊告慧命阿難言阿難如來為諸衆生所可作者及如來長子諸菩薩摩訶薩等所應作者我於今者皆已具足我為衆生所作利益者今已作竟阿難此華敷神通德菩薩摩訶薩在於閻浮檀金輦舉中儼然而坐所作神通以如是等教化那由他衆生證於阿羅漢果復教俱胝那由他數衆

生已得學地復有百俱脰數衆生令
於三寶得生淨信受持五戒復有七
百俱脰諸天令得住於不退轉地決
定當得阿耨多羅三藐三菩提復有
七俱脰衆生令住无生法忍復有無
量阿僧祇那由他俱脰衆生當令值
遇弥勒世尊初首法會
四童子三昧經卷中

壬寅歲高麗國大藏都監奉
勅彫造

四童子三昧經卷下

賓

隋北印度健陀羅國三歲闍那崛多譯

今時慧命阿難白佛言世尊惟願世尊或住一切或滅一切憐愍此等諸衆生故所以者何如來多陀阿伽度阿羅訶三藐三佛陀若住世者如是大事常現於世又今是等真善大士數數往返閻浮提內我等衆生復應於此如許時間當見此等菩薩大衆承事供養又於此時如是經典復應當得廣行流布復如許時我等得聞合佛法義如許時間我得見如來世尊及大士等種種現化神通之力若如來今日不住於世入涅槃者我等衆生於如來世尊滅度之後遠離三事何等為三所謂不見佛不聞正法三者不見此等大士弘廣之心亦復不得承奉供養有如是失慧命阿難說是言已悲號大哭憂歎懊惱涕淚滿目宛轉在地如斫樹倒並唱是言我等速疾共佛別離諸善知識亦復別離今時衆中有菩薩摩訶薩名

曰善思義以偈白慧命阿難言

阿難莫憂惱 諸行悉無常 世法欲常者
此處不可得 若言有諸行 此言不可得
如是諸法空 汝今何憂苦 諸智皆悉空
於佛智亦空 佛尚不可得 汝今何憂愁
汝莫生分別 智者捨分別 諸有如虛空
如陽焰似水 亦如幻師化 象馬諸乘等
園林衆聚落 樹木諸花果 世諦亦如是
如幻化無實 諸佛及聲聞 亦如是不異
今時慧命阿難以偈報善思義菩薩言
如是如所說 諸法無有相 此寂為勝法
我今寂後聞 云何向舍衛 所問我何報
阿難佛何在 世眼何時來 我昔往彼處
常見佛世尊 今往彼處空 大智我鄉住
今時寂靜轉 善男子復向慧命阿難
以偈白言

汝於億年哭 此事難可得 阿難汝諦觀
法界難見處 譬如芭蕉莖 葉葉皆除去
其間元有實 法體亦如是 猶如天降雨
普下諸水滸 泡起已還滅 諸有為亦然
如水沫搗聚 有眼者觀見 此處元有實
世相亦如是 譬如鏡中像 其體無有實
三界世相尔 智者莫涕泣

尔時慧命阿難以偈報寂定菩薩摩訶薩言

我非不知此如汝智者說三相皆无常
經中大仙說但此億數天泣淚皆啼哭
向我邊叫喚以是生我苦世尊不久去
捨我等眼者我等何趣向誰能救護我
正法從誰聞寂靜深无比我今供養誰
嗚呼佛難見

尔時無攀緣菩薩摩訶薩以偈告慧命阿難言

尊者阿難起但觀法莫憂法无有來者
亦無有去者譬如佛有生證菩提亦尔
譬如轉法輪涅槃亦如是諸佛不曾生
亦復不曾滅如是真法中阿難何以哭
汝聞我毛孔出如是諸聲諸有空寂靜
佛等四種事

尔時慧命阿難以偈白無攀緣菩薩摩訶薩言

大士等不久各各別剎去彼國見諸佛
說於甘露法汝聞彼佛法甚深諸妙義
見彼佛徒眾及諸菩薩等令我億數天
哭泣而圍繞世尊涅槃已智者我鄰住
優婆塞千數今日承聽我大苦惱憂悲

我云何慰喻 三十三焰摩 堯率及他化
自在及梵天 如是等天來 云何令歡喜
釋牛王滅後 云何宣彼法 我口云何辯
諸天問我時 阿難尊何在 彼問我何報
人牛王滅後 一切諸處所 甚深如來住
我於經行林 今在何處所
尔時開敷華 神通德善男子 以偈白
慧命阿難言

我以知汝行 善於三月中 數現身向汝
阿難莫哭泣 自餘千數佛 我告為汝故
諸佛為汝說 化作釋種身 諸佛有慈念
以汝好事佛 當來向汝邊 阿難莫大哭
天等諸世間 今日可憂悲 如是大教師
隱寂而不現 如來昔曾說 壽命住億劫
諸行念念滅 我對教師聞
尔時慧命阿難住於佛後 三大叫喚
而說偈言

衆生所歸者 能與彼等眼 導師入滅後
衆生轉盲冥 勝王阿闍世 聞此不善言
導師入滅後 憂苦云何住 勝人今涅槃
於後力士子 如是等憂惱 悲號大哭泣
彼等集聚已 寂後見導師 敬心而尊重
合掌以曲躬 天龍夜叉滿 縱廣五由旬

此處无空缺 人類無入處 雨微妙香花
充滿至于膝 復雨諸末香 供養寂勝仙
難陀優波陀 及六十億龍 悉來涅槃處
寂後見導師 摩那斯婆論 娑伽羅大龍
睽睽目真陀 各百億圍遶 起雲雨香水
散灑此大地 降大雨而來 寂後見導師
諸天雨天華 及雨淨香水 天龍等敬心
供養世尊故 阿耨達龍王 六十俱胝等
雨種種寶雨 到人牛王邊 伊羅鉢啼哭
須弥子大地 供養世尊故 寂後奉見佛
諸龍有百千 億數那由他 起雲震雷電
來到導師所 彼等澍大雨 清淨諸香水
亦為供養故 寂後見世尊 夜叉千億數
或百那由他 念佛諸功德 皆來欲見佛
復有四天王 悲泣滿面淚 來至導師邊
寂後覲見佛 釋提摩那民 諸天衆圍遶
六十三千數 已來到佛所 彼等雨天花
微妙曼陀羅 及雨栴檀末 供養寂勝仙
毗求螺髻梵 二梵衆圍遶 悲泣到佛所
寂後見如來 淨居天威力 多百億諸天
號哭到佛所 以佛今涅槃 諸天百億數
種種悲哀泣 勸請大導師 願住於一劫
魔子大智慧 名娑陀婆訶 愴怏到佛所

勝仙涅槃故。捧執世尊足。偈身勸請佛。
願愍世間故。釋王住一切。世尊若住者。
為大仁諸天。當不思議利。請尊住一切。
今時无攀緣善男子。以偈告彼一切。
諸天世人及諸梵天王。商主魔王子。
等而說偈言。

汝等悉不知。小兒如獼猴。恒常心放逸。
以何號啼哭。譬如瞋睡眠。忽起失本念。
被刀斫剝時。驚怖馳奔走。我意如是見。
汝等皆如是。昔不聞法者。以貪放逸故。
今日智慧炬。將滅而不現。及佛猶現在。
汝應作善業。

今時世尊告慧命阿難及富婁那。須。
菩提并不空見。王童子迦葉上座大俱。
絺羅及諸上座。今告汝等。諸比丘言。
將汝右手來。與我彼諸比丘聞佛世。
尊如是言已。即白佛言。善哉世尊。今。
時諸比丘等滿一千人。各以右手奉。
授世尊。今時世尊復以左手執彼一。
切諸比丘右手執已。復以右手執羅。
睺羅及阿難手。付與諸比丘手中。口。
誡。囑曰。汝等比丘。我阿難賢及羅睺。
羅上座。今付囑汝等。遺囑汝等於如。

是時出大叫聲如是叫聲悲號啼哭
震動天地甚大可畏而彼大聲遍此
佛刹今時羅睺羅阿難當付囑時衆
中五百比丘見是事已便捨身命所
以者何彼諸比丘不忍見佛入於滅
度彼作是念寧使我等先入涅槃不
忍見此世間大燈世間導師大慈悲
父最善知識憐愍衆生常與世樂今
入滅盡我豈忍見今時於彼刹那羅
婆浮休多時五百諸佛各住自刹皆
伸右手與釋迦牟尼今時世尊又以
手執阿難羅睺羅上座手付囑與彼
如來手中而說偈言

此我羅睺子 阿難我侍者 今在諸佛前
我付囑此二 於今後夜分 我當入涅槃
更不復見我 天龍及人等 亦無有歸依
救護憐愍者 惟除諸世尊 覆不思議慈
我觀諸世間 不思議无量 不見一衆生
今我為誰住 無量千數劫 猶如恒河沙
我於如是劫 為一衆生住 我已利衆生
有信敬心者 自餘無信心 億佛不能化
今時五百諸佛異口同聲而說偈言
尊已衆生利 尊作佛事已 現種種神通

擊大法鼓竟已充億衆生如雲雨潤地
拔衆生毒箭釋種大仙人

尔時長老阿難慧命羅睺羅兩膝著
地以偈白彼諸佛曰

大丈夫勸請今尊住一切以佛威力故
一切見眼者取勝二足尊大智住世故
多有衆生信得利不思議增長諸天人
阿修羅減少聲聞及菩薩多生不思議
尔時彼五百諸佛告慧命阿難及羅
睺羅言汝等善男子莫大啼哭莫大
愁憂本性如是事盡如是真實如是
諸行如是一切有為法一切作法一切
世諦法悉皆如是盡際如是已捨身
命如來行乃无量以世諦法如是故
不得自在又如來者是法身非有為
身无住世法汝等不應請如來住諸
善男子汝等且止到我佛剎釋迦如
來即時當伸右手當放光明彼之光
明照我剎土照彼土已汝等還來見
釋迦佛在汝等前為汝說法令汝等
聞是故汝等莫大憂愁尔時世尊入
於三昧住三昧已即伸右手於右手
中乃至大拇指端及於左手諸身節

分乃至千輻輪處足相之中及手足
柔軟網縵相中赤銅色爪甲及以十
指妙色掌文寶手之間皆悉放於百
千億光明一一光明化生蓮華百千
億數二華臺化出化師子高座百
千億數一座上見一佛坐二化佛
教化无量百千億衆生其間或得漏
盡或得離欲地如是一切諸相好中
所放光明事相皆亦如是如是等廣
輪之間及陰馬藏相亦復如是面輪
眉間亦復如是今時世尊從於頂上
放百千種光明一一光明端化出蓮
華百千億數二花臺化作師子臺
座百千億數一座上化一佛坐為說
妙法彼諸如來不說餘法唯說菩薩
密藏修多羅及諸陀羅尼金剛章句
為人顯說清淨三輪如來諸力无畏
法等似彼法門二化佛一一說法能
淨無量无边衆生令住不退轉地向
於阿耨多羅三藐三菩提今時世尊
於娑羅雙樹間右脅師子卧床中化
現一佛右脅而卧化已自身即至活
大地獄中到彼處已身放光明放光

明已其光遍照活地獄中。今時世尊
以此光明照於活大地獄已而說偈言
此衆生數死數數還復活又不捨彼想
故生諸苦惱。世有此聖出世尊能作明
能說諸正法滅除諸苦惱。无為亦無盡
無滅亦無行。若能如是解彼不墮諸趣
今時如來說。是偈已於彼剎那羅婆
摩休多時。令彼活大地獄三十億數
諸苦衆生。便得捨身即捨身已。生於
三十三天。今時世尊復至三十三天
還說此偈。以佛神力聲遍一切諸大
地獄。彼地獄趣无量百千億諸衆生
捨地獄身。生兜率陀天。得生天已。還
復憶念前所說法。皆得阿耨含果。今
時諸天子得法果已。證法證果入於
諸法共說偈言。

譬如大曠路。有智慧商主。度脫多衆生
被賊諸獸者。世尊亦如是。无上大商主
能脫億衆生。縛在生死中。我等歸依佛
光明大商主。於我起慈悲。能脫諸苦惱
我等歸依法。我等身已證。我等歸依僧
功德難思議。

今時世尊以涼冷光明普照阿鼻脂

地獄處作涼冷口除滅熱惱一切苦
毒成就諸法千數億分能令一切得
諸喜樂愍哀潤益一切衆生安慰柔
軟哀憐喜慶利益衆生合三空門無
相无願及以無作告彼地獄諸衆生
等而說偈言
空法及無相 無生及无滅 若解如是法
彼即脫惡道

尔時八百千億衆生得聞偈已此偈
所說三世无礙是諸法分成百千種
已至耳邊清淨微妙聞是聲已從於
阿鼻脂大地獄捨地獄身即生他化
自在天宮尔時世尊住梵天宮復說
此偈言

衆生寂上樂 無有諸苦處 名相所說處
及諸顛倒想 健兒應當捨 即免諸苦惱
諸想皆顛倒 及著非色想 三界何有樂
數數流轉生 死已復更生 增長相續苦
能以智知空 亦不著於空 彼人即知空
不著知空者 此知法義已 亦復無有我
既不得於我 此處何有苦 空是无為法
相亦不可得 能見無我智 此是真佛子
尔時彼百千億數諸衆生等所生之

處即得無漏天仙妙果即便憶念宿命之時受地獄苦復念如來丈夫功德知報佛恩先取滅度又復不忍見於如來多陀阿伽度阿羅訶三藐三佛施入於涅槃時諸天子已得果者異口同聲而說偈言

我等不忍見大慈 調御丈夫入滅度
能為衆生作光明 我不忍見先取滅
作是語已即於此處入於涅槃

余時世尊於彼剎那半休多時從梵天宮便自隱身即至娑羅雙樹之間
余時世尊作如是念曰我於今日後夜分時入於涅槃即是事後見於衆生我今當可令其歡喜滅一切苦而受快樂顯現如來大神通力令彼衆生即便得入安隱之門欲顯如來無餘涅槃合諸佛意故示神通余時世尊作是念已歌右脅卧猶如師子心無所畏觀察十方一切大衆猶大龍象如是觀已即以右足第一拇指按此大地出大音聲六種震動遍十方界示現无尋不思議光照曜十方余時世尊從身諸相復放光明放光明

已一一毛孔復出微妙恒河沙數微妙光明一一光明遍照恒河沙等諸佛剎土彼之光明不相雜入無所妨碍如是數數從毛孔中次第放諸微妙光明如是毛孔各各次第復放光明還復如是遍照如前尔時世尊更復顯現作諸神通現神通已以佛神力佛護持力令諸衆生皆得具足所見境界佛眼无異彼諸衆生住此佛剎皆悉覩見如來光明所照一切諸佛剎土尔時世尊告諸比丘汝等見彼東方世界有城周圍縱廣一千由旬如是廣大上下亦尔以諸微塵百千億數滿此四城汝等見不諸比丘白佛言如是婆伽婆如是修伽陀我等皆見佛復告曰汝諸比丘於意云何此微塵數是為多不諸比丘言如是如是婆伽婆佛復告言諸比丘若有人能於諸法中知如是等无為之法不生不滅无漏無為如是知者彼諸衆生得脫諸苦一切惡道當於尔時有三十億諸衆生等聞此法已即得阿耨含果既得果已異口同聲而

說偈言

無為法无盡 無漏亦不滅 聖法如是知
我等證寂滅 知以如是得 如實知諸根
為憐愍衆生 示現因緣法 如來化我等
拔除毒箭病 一切智與藥 及與於涅槃
智炬令速疾 智眼不久滅 億衆苦逼切
從活地獄出 拔箭大醫師 治衆生病者
能救无數衆 今不墮惡道

尔時世尊立住黑繩大地獄岸上放
大光明遍照彼大地獄拔於彼處无
量衆生置於天上如是等熱惱地獄
大熱惱地獄亦皆如是叫喚大叫喚
大地獄衆合大衆合地獄拔出无量
無邊衆生安置善道及涅槃道尔時
世尊復以金色光明照八大地獄其
光明力能令衆生所觸身者皆得安
樂遍體潤益身心歡喜苦惱消除眼
目所觀心地歡慶快得清涼從慈悲
生令身安隱光明遍照大地獄已滅
諸熱惱和軟流潤彼大地獄所有衆
生在大火聚熾然中者與彼樂故於
諸毛孔次第而放如是光明尔時世
尊以大光明普覆一切无量衆生今

心柔軟堪任法器具足無量百千功德以微妙語而說偈言

我與世間樂 解脫諸憂苦 見諸苦逼切
示現涅槃道 我所說諸法 寂靜无畏樂
若能知彼法 此不墮惡趣 能歸依佛者
被人得大利 百千諸劫數 更不見諸苦
余時如來說此偈已即於剎鄰羅婆
牟休多時諸比丘衆及諸衆生多於
前數復有無量无邊諸佛右脅而卧
師子牀上彼諸世尊從師子牀起還
復示現如是神通尔時彼四部衆白
佛言世尊此諸佛等皆悉欲於剎鄰
羅婆牟休多時入般涅槃現神通耶
如今世尊所現無異佛告諸比丘如
是如是彼諸佛等今日同欲捨寂後
身入於涅槃彼諸佛等悉皆同名釋
迦牟尼皆於力士所生之地婆羅雙
樹卧師子牀今後夜分當入涅槃尔
時世尊於南方及西南方西方及西
北方北方及東北方東方及東南方
上下二方遍告十方諸比丘言汝等
比丘見於東方无量無邊諸佛世尊
證得阿耨多羅三藐三菩提不諸比

丘言如是如是婆伽婆我等皆見以
世諦故見非第一義佛復告諸比丘
譬如四天下世界微塵悉滿乃至從
金剛際至梵天宮諸比丘於汝意云
何頗有人知其數不能以譬喻知其
數不諸比丘言不也世尊難得知
佛復告諸比丘譬如前所說微塵譬
喻如是等四天下世界如是百千億
世界皆悉充滿彼微塵衆諸比丘彼
所有微塵如是等微塵我以肉眼見
此世界諸佛世尊所住在東方如一
步地但以肉眼無尋无分別見前世
界如向所說如是南西北方四維上
下亦復如是諸比丘譬如四大天下
諸世界若百千億數滿彼微塵從金
剛際至梵天宮所有微塵一一方面
各有若干諸佛世尊一一方面我皆
現見此諸世尊坐於道場或有已坐
或始坐者彼等一切諸佛世尊皆悉
同名釋迦牟尼如是復有无量諸佛
與然燈佛同一名号我復見有諸佛
世尊名勝一切亦同名号如是一切
諸佛同名蓮華上如是等上佛同一

名者如是上名稱佛同一名者如是
拘樓孫佛同一名者如是拘那含佛
同一名者如是迦葉佛同名号者如
是各各佛同名号者我在於此皆悉
現見彼諸佛等各各名号我於世間
得最勝法微妙法无極之法但有能
稱名者皆得善根彼等諸佛各各名
号如是无邊如是等諸佛世尊我住
於此皆悉現見如是等現在世間種
種名字或入無餘涅槃或現住世轉
於法輪我住於此悉皆現見彼佛世
尊於我肉眼无尋無妨皆現在前諸
比丘如來如是復勝此知更復勝知
不可思議更復不可思議无量無邊
復有無量无邊如是等無量知見諸
比丘以是義故如來智見無邊如是
无邊不可稱量如是不可稱如是不
可思議但以肉眼况復盡於諸佛智
法諸比丘譬如此刹所有一切衆生
若在家若出家彼諸衆生假使悉成
阿耨多羅三藐三菩提具足十力四
无所畏彼諸世尊有一善男子能以
四事供養承事足滿一切尊重恭敬

種種樂具諸莊嚴事无量無邊不可思議復有善男子善女人等能信我此顯示一切諸佛所說法門乃至一念頃能生實想不起疑心彼人即於發心之時所得功德近諸如來所有功德復勝三千大千世界所有衆生證得諸佛一切智已經劫供養得福雖多不如於此法門生一念信福多於彼若有菩薩信此智者彼之菩薩即得近諸世尊阿耨多羅三藐三菩提今時世尊說此肉眼功德之時有六十二億諸衆生迴向阿耨多羅三藐三菩提者還生退心所以者何佛阿耨多羅三藐三菩提難可證故我等但於此處滅盡諸苦取漏盡果復有无量無邊衆生住於學地復有十那由他菩薩成就寂初發菩提心復有三十二億諸菩薩等得无生忍法今時魔王波旬愴怏苦惱泣淚滿面白佛言世尊我為何事欲令多陀伽度阿羅訶三藐三佛施早入涅槃乃令無量无邊衆生出我境界今者世尊東方黃晦日未現頃所作佛事

如住一切若住一切未能過此利益
度脫多數衆生所謂住於般涅槃道
如來今者令我境界悉皆空虛時魔
波旬說是言已佛告波旬汝莫啼哭
汝猶大有不作善業及不信者
是汝朋友在汝境界汝是彼伴今時
世尊即以甲爪取地上塵告魔波旬
於汝意云何為我爪上土塵多耶為
此大地上塵多乎作是語已時魔波
旬白佛言世尊指甲上土少不足言
如是語已佛告波旬譬如甲上土塵
甚少我所度衆生入涅槃者復少於
此爪甲上土波旬譬如大地上土塵甚
多元量無邊在汝境界衆生亦復如
是甚多元量波旬汝莫憂愁應生歡
喜何以故衆生在汝境界多大地土
故波旬然諸衆生自作不善去涅槃
遠非汝所為所以者何但衆生界無
有邊際波旬汝欲所作但當作之如
來今日於後夜分當入涅槃今時世
尊告諸比丘汝諸比丘見此世界諸
佛已不諸比丘白佛言世尊如是如
是婆伽婆我等已見佛復告諸比丘

此諸佛剎復多无量汝等當知見諸
佛剎莊嚴已不復見諸菩薩莊嚴淨
土已不復見諸聲聞莊嚴已不諸比
丘白佛言世尊如是婆伽婆如是修
伽陀佛復告諸比丘如來如是知見
復信上數知見無量更復无量皆悉
了知諸比丘假使我於一切所說如
是佛剎莊嚴之事如我見於十方世
界亦復如是假使於一百劫於一千
劫億載數劫那由他劫更倍譬喻廣
分別說猶不可盡然諸比丘導師所
作者為諸聲聞所作已訖於一切處
我已說訖示現內外諸法真心示現
皆已說竟諸佛於法无有慍惜無不
辯者乃至一莖草等一毛髮許汝等
比丘從今已去應須如法勤而修行
我已為汝示現涅槃我已為汝說涅
槃道已成就衆生善根我所證得阿
耨多羅三藐三菩提乃於往昔行大
苦行及於難行汝等今者於彼大法
具足受持勿令隱沒汝等應作如是
修行今時世尊現大神通十方諸佛
所有說法及說法處此剎衆生皆得

聞知彼諸如來所有教勅所有衆生
承奉教勅皆已證知復有恒河沙數
衆生住於三種智復有十億百千諸
衆生等發菩提心住於阿耨多羅三
藐三菩提復有十百千億那由他諸
衆生等住於辟支佛地自餘諸衆生
等得漏盡證如是次第无量無邊阿
僧祇不可數不可量不可思那由他
諸衆生聞此法已得大饒益今時世
尊告諸比丘汝等比丘當知我今不
久涅槃汝等應當護持如來教法為
自利為他利故汝等諸比丘應當如
是修學佛說經已慧命阿難及天人
龍阿修羅捷閼婆等一切世間聞佛
所說頂戴奉行

四童子三昧經卷下

辛丑歲高麗國大藏都監奉

勅雕造

大悲經卷第一

賓

高齊天竺三藏那連提耶舍譯

梵天品第一

如是我聞一時佛在拘尸那城力士
生地娑羅雙樹間今時世尊臨般涅
脩告慧命阿難言汝可於娑羅雙樹
間安置敷具如師子王右脇卧法吾
今後夜當般涅脩阿難我已究竟涅
脩斷除一切有為言說我已作佛事
已說甘露無有窟宅寂滅定甚深微
妙難見難覺難可測量明智所知諸
賢聖法我已三轉无上法輪若有沙
門婆羅門若天若魔若梵若人以世
共法無能轉者我已擊法鼓吹法蠶
建法幢置法船作法橋降法雨我已
光照三千大千世界滅除大闇開示
衆生解脫正道充益天人所應度者
皆悉已度我已降伏一切外道及諸
異論動魔宮殿摧魔勢力大師子吼
作諸佛事建丈夫業滿本誓願護持
法眼教大聲聞授菩薩記為於未來
佛眼不斷故阿難我今於後更无所

作唯般涅槃

尔時阿難聞是語已為憂箭所射極大愁惱悲泣流淚白佛言世尊婆伽婆涅槃太速修伽陀涅槃太速世間眼滅世間孤獨世間无救無有導師余時佛告慧命阿難止莫憂悲阿難生法有法有為法壞法若不滅者無有是處我昔告汝一切所愛稱意等事必有離散阿難汝已慈心不二心無惡心及與身業孝養隨順而无限量侍養於我阿難若復天人阿修羅等給侍供養聲聞緣覺若滅一切若滿一切若復給侍供養如來於一念頃其福多彼汝已供養大神通佛乃至般涅槃當得大福廣大功德猶如甘露第一甘露寂後甘露究竟涅槃是故阿難汝莫憂悲

尔時阿難憂悲投淚即為如來於雙樹間猶如師子右脇卧法安置敷具即時三千大千世界所有樹木藥草叢林皆向如來涅槃方所有欲倒者有偃偻者有欲至地者有躡地者於此三千大千世界所有衆流大河小

河泉池陂湖佛神力故止不流動三千大千世界所有禽獸佛神力故默然而住不鳴不食三千大千世界所有日月星宿火光明珠乃至熒火佛神力故皆不顯現无有光明不能照曜三千大千世界所有猛火佛神力故皆悉止息不燃不熱不能燒炙三千大千世界所有一切地獄猛火佛神力故皆悉清涼彼諸地獄所有衆生於剎那頃佛神力故皆得安樂三千大千世界所有畜生一切皆起慈心慈心不相瞋惱加害斷命一切餓鬼皆不飢渴一切衆生佛神力故身心踊悅離苦得猗具足稱意第一安樂當於世尊右脇卧時三千大千世界於中所有須弥山王鐵圍山大鐵圍山目真隣陀山香山雪山及諸黑山大地大海一切皆悉六種震動所謂動踊起震吼覺三千大千世界一切風輪皆不鼓動一切衆生於剎那頃捨諸作業得猗而住離於睡眠心無散乱欲作皆息默然無聲三千大千世界所有天龍夜叉乾闥婆阿修羅

迦樓羅緊那羅摩睺羅伽梵天釋天
護世王等佛神力故各見宮殿牀座
園林皆悉闇昧无復威光不生愛樂
彼等眷屬憂煩不樂千世界主梵天
王三千大千世界主大梵天王高心
自恃作如是念作如是解念此世界
及諸衆生是我所作是我所化彼三
千大千世界主大梵天王佛神力故
見己宮殿及牀座等闇昧無光不生
愛樂魔醯首羅淨居天等亦復如是
今時三千大千世界主大梵天王作
如是念是誰力故而現此相令我
樂宮殿牀座是時大梵天王遍觀於
此三千大千世界中造作富貴大自
在主如來應供正遍知今日後夜當
涅槃相時大梵王作是念已憂愁不
樂戰悚毛豎極疾忿忿梵衆圍遶共
詣佛所其三千大千世界諸餘梵天
皆悉已曾信受聖法安住聖法

今時三千大千世界主大梵天王到
佛所已頭面作禮而白佛言唯願世

尊教勅於我云何而住云何修行作
是語已如來即問大梵王言梵天汝
今實作如是念言我是大梵天我能
勝他他不如我我是智者我是三千
大千世界中大自在主我造作衆生
化作衆生我造作世界化作世界不
大梵天言如是婆伽婆如是修伽陀
佛言梵天汝復為誰所作為誰所化
時彼梵天默然而住佛見梵天默然
住故而復問言梵天有時三千大千
世界為劫火焚燒炎熾洞燃於意云
何是汝所作是汝所化耶時大梵天
而白佛言不也世尊佛言梵天如此
大地依水聚住水依風住風依虛空
如是大地厚六百八十萬由旬不裂
不散梵天於意云何是汝所作是汝
所化耶梵天言不也世尊佛言梵天
此三千大千世界百億日月流轉之
時梵天於意云何是汝所化耶梵天
言不也世尊佛言梵天有時日月天
子不在宮殿宮殿空虛梵天於意云
何是汝所作是汝所化是汝所加耶
梵天言不也世尊佛言梵天如是春

秋冬夏時節於意云何是汝所作是
汝所化是汝所加耶梵天言不也世尊
佛言梵天如是水鏡蘇油摩尼頗梨
及餘淨器現諸色像所謂大地山河
樹林園苑宮殿舍宅聚落城邑駝驢
魚鳥麋鹿鳥獸日月星宿聲聞緣覺
菩薩如來釋梵護世人非人等種種
色像梵天於意云何是汝所作是汝
所化是汝所加耶梵天言不也世尊
佛言梵天如是山崖深谷大小諸鼓
歌舞等戲麋鹿鳥獸人非人等所出
音聲梵天於意云何是汝所作是汝
所化是汝所加耶梵天言不也世尊
佛言梵天如諸衆生於其夢中見種
種色聞種種聲見種種香嘗種種味
覺種種觸知種種法作種種戲種種
啼哭呻號怖畏苦樂等受梵天於意
云何是汝所作是汝所化是汝所加
耶梵天言不也世尊佛言梵天如四
姓人端正醜陋貧窮巨富福德多少
善戒惡戒善慧惡慧梵天於意云何
是汝所作是汝所化是汝所加耶梵
天言不也世尊佛言梵天一切衆生

所有怖畏苦切惱害所謂水火刀風
崖岸毒藥惡獸怨讎人非人畏及以
種種加害於他常有怖畏梵天於意
云何是汝所作是汝所化是汝所加
耶梵天言不也世尊佛言梵天衆生
所有種種疾病所謂風冷熱病及諸
雜病時節代謝四大相違若他所作
若先業報所謂眼耳鼻舌身病若復
衆生種種心意熱惱等苦梵天於意
云何是汝所作是汝所化是汝所加
耶梵天言不也世尊佛言梵天衆生
所有曠野嶮賊水災等難或復中劫
刀兵疫病及以飢饉梵天於意云何
是汝所作是汝所化是汝所加耶梵
天言不也世尊佛言梵天衆生所有
愛別離苦所謂父母兄弟姊妹宗親
善友離別之苦梵天於意云何是汝
所作是汝所化是汝所加耶梵天言
不也世尊佛言梵天衆生所作種種
惡業所謂販賣生口酒麴紫礦押油
之具若入大海曠野嶮處遊行諸方
若諸仙方術及餘種種斷事之法梵
天於意云何是汝所作是汝所化是

汝所加耶梵天言不也世尊佛言梵
天衆生所作種種業道以是業因受
於地獄畜生餓鬼人天之報衆生所
有若身口意善行惡行及世間所有
十惡業道於諸衆生都无慈愍作諸
苦惱不利益事墮惡道因緣所謂殺
生偷盜邪婬妄語兩舌惡口綺語貪
瞋邪見梵天於意云何是汝所作是
汝所化是汝所加耶梵天言不也世
尊佛言梵天衆生所有種種苦事所
謂斬首截其手足刳剝耳鼻節節支
解熱油所灌火炙熬煮刀劍鋒稍斫
刺鞭打繫閉牢獄鬪諍言訟梵天於
意云何是汝所作是汝所化是汝所
加耶梵天言不也世尊佛言梵天衆
生所作婬欲邪行或婬母女姊妹淨
持戒者及餘惡業梵天於意云何是
汝所作是汝所化是汝所加耶梵天
言不也世尊佛言梵天衆生所有種
種殺害厭蟲起屍呪術方藥鬼魅所
著及餘種種惡業方便斷命因緣梵
天於意云何是汝所作是汝所化是
汝所加耶梵天言不也世尊佛言梵

天世間所有生老病死憂悲苦惱無常法盡法變易法於四姓人无所忌難能令一切所愛無厭種種之物敗壞離散梵天於意云何是汝所作是汝所化是汝所加耶梵天言不也世尊佛言梵天衆生所有貪瞋癡障結使纏縛及餘種種苦惱所縛以是因緣令諸衆生堅著瞋怒迷惑心故造作無量種種業行梵天於意云何是汝所作是汝所化是汝所加耶梵天言不也世尊佛言梵天所有三惡趣地獄畜生餓鬼其處衆生為種種事受諸苦惱梵天於意云何是汝所作是汝所化是汝所加耶梵天言不也世尊佛言梵天一切所有若種子生无種子生樹木藥草若水陸生華果香樹種種勝味甘苦鹹辛酸澁之味隨諸衆生所喜不喜作損益者梵天於意云何是汝所作是汝所化是汝所加耶梵天言不也世尊佛言梵天五道流轉生死成壞所有衆生無明覆蓋與愛結相應馳走流轉始終難知及未來生死流轉不斷其處人天

若魔若梵沙門婆羅門此等世間如
亂絲纏縛常馳流轉彼此往來此諸
衆生於流轉中不知求出梵天於意
云何是汝所作是汝所化是汝所加
耶梵天言不也婆伽婆佛言梵天汝
從何因作是念言此諸衆生是我所
作是我所化是我所加所有世界是
我所作是我所化是我所加耶梵天
言世尊我以无智邪見未斷顛倒心
故常於如來所說正法不聽受故我
本曾作如是惡見如是惡說此諸衆
生是我所作是我所化所有世界是
我所作是我所化世尊我今還復問
佛此義所有世界是誰所作是誰所
化一切衆生是誰所作是誰所化是
誰所加是誰力生佛言梵天所有世
界是業所作是業所化一切衆生是
業所作是業所化業力所生何以故
梵天无明緣行行緣識識緣名色名
色緣六入六入緣觸觸緣受受緣愛
愛緣取取緣有有緣生生緣老死憂
悲苦惱故有如是大苦聚集梵天無
明滅乃至憂悲苦惱滅更无作者使

作者安置者唯有業有法和合因緣故有衆生若能離此業法和合當知是人則能遠離生死流轉梵天如是世間業盡煩惱盡苦盡苦息如是出離是名得於寂定涅槃梵天於彼誰得涅槃若業是業盡若煩惱是煩惱離若苦是苦息如是等法以諸佛神力故諸佛所加故有何以故梵天若非諸佛出世顯說則不聞有如是等法梵天若諸佛世尊出興世時得有顯說如是寂定甚深難覺光明法門若諸衆生得聞生法從生得解脫得聞老病死憂悲苦惱法從彼老病死憂悲苦惱法而得解脫梵天是故諸佛現作是加梵天諸佛作是開示顯說所謂諸行猶如光影無常動轉不定不究竟盡法變易法假使諸佛滅度之後正法隱沒亦復如是示現所加所謂諸行猶如光影若佛不現一切諸行於剎那頃如光影者則不應說一切諸行猶如光影如夢如響梵天諸佛以知一切諸行猶如光影如夢如響無常動轉盡法變易法故說

言諸行猶如光影如夢如響智者於彼觀其相已以其相以其攀緣因緣義故得知諸行无常動轉盡法變易法破壞離散時節代謝於剎那頃乃至日夜半月乃至一月一歲乃至百歲一切乃至百劫一切盡壞有大火聚燃已還滅有大水聚流已還止有大猛風吹已還息世界大地有已還无有諸大山所謂鐵圍山大鐵圍山須弥山及諸黑山等有已還無日月星宿及諸眷屬有已還无不明不照而復墮落諸天宮殿有已還滅諸有王都城邑聚落樹林園池可樂之事生已還滅諸天人等生已還滅滅已復生諸有智者見其相已心生厭離以此諸行无常離壞變易盡故以平等信心捨家出家得知諸行猶如光影如夢如響及見水中日月星宿等諸光影已以彼相以彼攀緣因緣義故得到菩提有諸智士蒙佛教勅及善友教授或自思惟得知諸行猶如光影如夢如響生於信心捨家出家或有得證須陀洹果斯陀含果阿那

含果阿羅漢果若大乘人或得初忍
或得第二第三忍及能得到无上菩
提假使諸佛滅度之後於世間中亦
復如是說法流行若諸衆生得聞法
已於三乘得度所謂聲聞辟支佛乘
一切種智無上大乘梵天汝應當知
此法次第亦是諸佛之所加也是故
智者見其相已心生厭離能知諸行
是无常苦動轉不定盡法變易法猶
如光影如夢如響梵天此等亦是諸
佛境界諸佛所加有諸衆生已曾修
行因成就者得聞如是正法聲已於
如來所思念敬信一切諸行無常壞
滅猶如光影如夢如響有諸衆生於
諸佛所曾修梵行者或有在家受禁
戒者以是因緣解知如是一切諸行
無常壞滅猶如光影如夢如響知已
生信捨家出家諸佛世尊雖未出世
以有如是諸佛加故以諸佛所種善
根故得到菩提梵天應如是知此等
皆是諸佛境界諸佛所加梵天此三
千大千世界非梵刹土亦非外道六
師刹土唯是我等諸佛刹土梵天我

昔於此无量百千億那由他阿僧祇
劫修菩薩行无量阿僧祇諸如來所
種无量阿僧祇善根淨持禁戒苦修
梵行及修無量百千億那由他難行
苦行攝此佛土修治令淨如諸衆生
所修善根隨其所堪而清淨者隨其
時器應得度者我於長夜以四攝事
攝此衆生所謂布施愛語利行同事
彼等以我誓願力故生此佛土聞我
說法即能信解不復歸信梵釋護世
諸天王等梵天應如是知此是佛土
非是梵釋護世刹土亦非外道六師
刹土

今時娑婆世界主大梵天王及百千
梵衆現憂愁相作如是言諸佛世尊
通達希有勝妙之法是三千大千世
界主大梵天王於如來所生希有心
諸佛希有乃有无量不可思議無盡
境界大梵天王即時歸依為佛弟子
於世尊所請求教勅作如是言婆伽
婆是我大師修伽陀是我大師唯願
世尊教勅於我去何而住去何修行
佛告梵天此三千大千世界是我佛

土我今以此付囑於汝汝當順我勿使真道善眼令有斷絕無上佛眼法眼僧眼令有斷絕莫作末後滅法人也梵天當有長子童真弥勒菩薩摩訶薩從佛口生從法化生大悲憐愍為欲利益一切衆生欲令得樂欲令安隱彼亦於此三千大千世界如法補處如我居此等无有異汝既現在隨順我教亦應順彼勿令如是真道法母佛眼法眼僧眼而有斷絕何以故梵天乃至如是法母不斷者隨其時節佛眼法眼僧眼得不斷絕釋梵天眼人眼解脫眼乃至涅槃眼得不斷絕梵天是故我今付囑於汝我此佛土三千大千世界梵天我已教勅汝應隨順莫作末後滅法人也尔時三千大千世界所有梵天大梵天彼等一切先於聖法已得正信彼三千大千世界主大梵天王即時於聖法中深得正信

大悲經商主品第二

尔時有魔子名曰商主已於佛所深得敬信聞佛涅槃心懷憂惱戰悚毛

堅速詣佛所到已頂禮退住一面而

大悲經卷第一 第六段 實

至

白佛言唯願世尊憐愍衆生安樂衆生救護世間憐愍利益諸天人故住世一切莫入涅槃我亦憐愍諸天人故如是勸請世尊勿使衆生盲冥太速無有說者無導无救無依无趣尔時商主作是語已佛即告言商主汝父波旬先已請我令入涅槃作如是言婆伽婆入般涅槃修伽陀入般涅槃婆伽婆今者正是入涅槃時商主汝父波旬如是請我我隨彼意許入涅槃商主以是因緣我今時至稱其所許故入涅槃商主復言世尊是魔波旬非是我父非我善友常求殺害是我怨家大惡知識常欲令我不得樂事和合安隱但作毀壞不欲利益世尊是魔於我極欲作惡毀謗天人作大怨讎常於如是慧炬慧光大智明燈求欲滅之世尊若有正實語人作如是言諸天人中有一極毒惡人出於世者當知即是魔波旬也世尊若有正實語人作如是言有人不為益己身故不益他故不益多衆生故

而發心者當知即是魔波旬也世尊
若復有正實語人作如是言有人不
為憐愍利益天人魔梵阿修羅沙門
婆羅門一切世間故又不欲令和合
安隱故欲令退落受苦惱故而發心
者當知即是魔波旬也世尊我親從
佛聞如是說有二種人一者如法二
者非法當知世尊所許波旬入涅槃
者是不如法唯願世尊於此所許莫
生堅著但為憐愍利益安樂諸天人
等一切衆生捨此所許住世一切若佛
久住諸天人等利益安樂是故世尊
莫速涅槃佛告商主善哉善哉若令
衆生得利益者正應如是商主若人
供給灌頂登位剎利大王或有供給
王子大目或有防護國土城邑聚落
等者是人從其剎利王所得大榮爵
受於福祿其剎利王常於此人及其
子孫親友眷屬亦寵福祿擁護蔭覆
商主汝今若於如來應供正遍知無
上法王所心生淨信以淨信故如來
則當慰喻於汝與汝福報我今慰喻
汝者以汝佛所心生淨信種善根故

如是應知商主汝當以此淨信善報
於我滅後未來世中作辟支佛名曰
悲愍商主我涅槃後正法滅已魔
波旬得大喜悅以喜悅故墜落魔宮
墮於阿鼻大地獄中具受无量種種
苦惱何以故以魔波旬於是大勝慧
燈慧光隱滅之時生大喜故商主若
有正實語人作如是言有人為自害
故為自壞故與已作惡故而發心者
當知即是魔波旬也何以故商主我
滅度後乃至有是正法住世隨其時
節是魔波旬得住魔宮我法滅已
魔極大喜踊欣慶得大稱意於剎那
頃墜落魔宮墮阿鼻地獄商主譬如
有人上於大樹其樹花果悉以具足
是人取其稱意花果既受用已還復
折其所住之枝商主於意云何是人
今時住彼折枝得住樹不又於其樹
受安樂已還折其枝可名有智不商
主言不也婆伽婆不也修伽陀佛言
商主魔亦如是常希如來應供正遍
知入涅槃故常樂隱滅如來所說正
法毗尼故商主乃至正法住世是魔

波旬於其時節得住魔宮我法滅時
其魔波旬生大踊悅喜慶稱意故墜
落魔宮墮阿鼻地獄商主喻如彼人
於其樹上而自害故勤作是事魔亦
如是為自害故為害他故而勤發心
商主魔於後時墮阿鼻地獄受大苦
痛如奪命苦為苦觸已當念我言如
來應供正遍知是真語者實語者不
異語者不虛語者如是善說善哉身
律儀善哉口律儀善哉意律儀是身
善行是口善行是意善行獲得可樂
可欲可愛稱意果報是身惡行是口
惡行是意惡行獲得不可樂不可欲
不可愛不稱意果報我昔與彼身惡
行相應口惡行相應意惡行相應以
是業報今墮地獄受如是等極痛極
切極苦極惱極不可忍如臨死之苦
是魔波旬當於今時憶我所說得淨
信心得淨信已即時於彼地獄命終
生三十三天何以故商主若其惡心
於如來所作諸過失身壞命終墮大
地獄若復慈心供養如來不求過者
身壞命終得生善道天人之中彼以

善根得值諸佛值諸佛已復種善根
種善根已次第當得無漏涅槃商主
汝於如來應供正遍知心得淨信以
此善根弥勒出世當得值遇值弥勒
已則能覺悟睡眠放逸諸衆生等作
如是言諸衆生輩應當勇猛勤作善
業如來應供正遍知出世甚難如憂
曇華時乃一現如來亦今時乃一出
无家宅涅槃時有說者人身難得入
難難難得值佛世生於中國亦復甚
難是故汝等慎莫放逸當勤修行於
後莫悔商主汝於弥勒佛所稟受法
教攝彼弥勒元上法王國土人民常
以慈心無惡心無怨讎心愍心樂心
普覆心護持養育以此善根於魔宮
殿次補魔處具大富貴為自在主商
主若有衆生於如來所種諸善根乃
至得發一念淨心彼等衆生以此善
根得近甘露第一甘露寂後甘露商
主汝以善根於彼廣受人天報已經
八十劫於末後身作辟支佛名曰悲
愍何以故商主以汝聞我涅槃聲已
便於我所生淨信心於衆生所生悲

愍心為諸衆生得安樂故求請我住
不般涅槃汝復於彼弥勒法中悲愍
衆生覺悟睡眠放逸衆生令得憶念
而不放逸教以善法以是因緣得辟
支佛記商主我當與汝如是善報應
當深心喜悅稱意商主此等是汝勸
請如來善根因緣如來即以法施蔭
覆報汝善根今時商主復白佛言世
尊若佛不受我所勸請入涅槃者願
我從今乃至法住離於五欲專持孝
道不樂遊戲不著異衣不用華鬘塗
香末香及不受用諸天勝報何以故
如是世尊衆生之寶明當與我別離
異處更不合會更不復有畢竟不可
見世尊我有何樂有何戲笑有何可
樂有何稱意如是取大慧炬慧燈大
智光明若隱滅者我當有何踊悅稱
意喜慶等事是大智日有无量百千
光炎眷屬滅除无明大黑闇者作大
智明者如是滅没我當有何踊悅稱
意有何可樂有何戲笑我於如是衆
生之寶有別離故測量衆生不缺滅
衆生與明衆生無罪衆生无礙衆生

无上衆生寂上衆生無似衆生無等衆生无等等衆生能救一切衆生衆生妙衆生衆生所供衆生共乘衆生調伏衆生者憐愍衆生者真語者實語者時語者應時語者不異語者如說修行者住大慈悲者於諸衆生心无罣碍者於諸衆生平等心者無戲論者无我我所者无積聚者无窟宅者無依倚者无荒嶮者無垢者救濟者引導者化度者預備者解縛者養育者令衆生憶念者令惺悟者教誨者於戰鬪勝者拔鏃者醫王治心者施大良藥者究竟度苦者說法者商主將去者示淺處者持梢尾者持炬者作明者作光者照曜者施目者示導者令到安隱國土者遠離一切荒嶮垢者无渴愛者離諸煩惱者離憍慢者離貪瞋癡者離諸煩惱者離憍慢怒者如是大丈夫妙丈夫極丈夫健丈夫猛丈夫蓮華丈夫芬陀利丈夫龍丈夫師龍丈夫師子丈夫上首丈夫兒丈夫雄丈夫爲丈夫無上丈夫無上調御丈夫共乘者具一切力者

具十力者得四无所畏者具十八不共法者得大福智力者滿足无量法藏者无嫉妬者悦豫一切衆生者无上大施主寂勝施主心无嫌恨者得大禅定者得諸禅三昧三摩跋提境界者无量慧者無障慧者得无等慧者住彼岸者到无畏处者除一切衆生怖畏者安慰一切衆生者大衆生堅固者於今後夜當有別離更不可見世尊如來常於諸大衆中正師子吼更不得聞我當有何踊悦稱意世尊譬如有人於其灌頂剎利王所得福祿者王命終後生大憂苦知王恩養念王恩養賞王恩養彼諸衆生爲其王故專持孝道或一日二日乃至七日若半月乃至一月憶念流淚世尊我亦如是如來滅後乃至正法住世隨其時節捨離五欲專持孝道不樂戲笑不著異衣不用華鬘塗香末香及不受用諸天果報

大悲經帝釋品第三

今時釋提桓因往詣佛所到已頂礼

退作一面而白佛言唯願世尊教勅
於我云何修行世尊昔於一時四大
阿修羅王嚴駕著鎧將諸眷屬來詣
三十三天所欲共鬪戰當於今時聖
者目連仍住在世如是諸天共阿修
羅對陣之時聖者目連到四阿修羅
所以如法伏之如是諸天及諸阿修
羅悉得安隱无復鬪戰之苦共相違
反毀訾諍論世尊是大目連既已滅
度如來今復欲般涅槃我等如是於
後數數當復鬪戰共相違反願垂教
勅若四阿修羅王與我戰時我於彼
等作何方計佛告釋提桓因言憍尸
迦止莫憂悲莫愁莫慮若持戒者所
願必成唯淨戒者成非不淨戒梵行
者非不梵行離欲者非不離欲離瞋
者非不離瞋離癡者非不離癡智慧
者非不智慧而得成也憍尸迦我從
今後當作加被憍尸迦乃至我之正
法未滅若有諸天阿修羅等共相鬪
戰隨其時節稱我名故諸天得勝今
時四大阿修羅王聞佛說是加護聲
已其心忿恨毛豎怖畏來詣佛所到

已頂礼却住一面白佛言世尊何故
如來作是加護佛告四大阿修羅言
汝等莫憂莫慮有時汝等得大自在
過彼三十三天無復鬪戰无諍無覓
无相違反是故汝等慎莫鬪戰莫相
毀訾莫相諍論勿作違反心當作慈
心愍心得衆欲具足諸仁者命不久
停為自在主亦復無常諸仁者世間
所有具足合會必歸離散諸仁者當
觀如來窮无常際於諸衆生無所怨
讎无違無競常為和合一切衆生平
等發心何況汝等薄少善根彼此迭
相樂鬪諍者諸仁者若有發心惱害
他者是人長夜還得惱害諸仁者若
人喜殺是人還得短壽之報若意鬪
諍是人常有怖畏死報不具大眷屬
无大勢力諸仁者善惡二業終不敗
亡是故汝等從今已後各住慈心住
身業慈口業慈意業慈莫鬪莫覓莫
相毀訾以是因緣汝等長夜得利益
安樂後則不悔作是語已四阿修羅
王白佛言世尊如是婆伽婆如是修
伽陀我等如是依如來教如是修如

是住世尊我從今後一切當捨闔閭之具各修慈心尔時擇提桓因聞佛涅槃為憂箭所射極大愁惱悲泣流淚而白佛言世尊我從今日乃至法住不受五欲不入內宮不著異衣大德婆伽婆譬如家長喪亡是人知識得恩養者心生苦惱憶念舊恩念恩養故悲泣流淚專持孝道世尊我亦如是乃至法住隨其時節悲泣流淚專持孝道不行五欲不入內宮不著異衣何以故無上導師明當別離不可得見更不合會擇提桓因作是語已即便伏面啼哭而住

大悲經卷第一

癸卯歲高麗國大藏都監奉
勅彫造

大悲經卷第二

賓

羅睺羅品第四

高齊天竺三藏那連提耶舍譯

尔時大德羅睺羅作如是念我今有何喜悅有何稱意有何欣慶而能堪忍面見世尊入般涅槃作是念已東北去此十佛國土彼有世界名摩離支佛号難勝如来應正遍知尔時慧命羅睺羅從拘尸城力士生地沒向東北方難勝如来應正遍知所到已稽首作礼却住一面憂愁不樂尔時難勝如来告羅睺羅言羅睺羅汝莫憂悲羅睺羅一切所愛稱意等事有為和合必皆離散羅睺羅凡是事法尔諸佛世尊作佛事訖皆般涅槃羅睺羅汝可還彼今釋迦牟尼如来應正遍知力士生地娑羅雙樹間如師子王右脇而卧今日後夜於无餘涅槃界而般涅槃羅睺羅汝必須往若佛如来入涅槃後汝必憂悔作是語已時羅睺羅白難勝佛言世尊我不忍聞釋迦牟尼如来應正遍知入

涅槃聲况能忍見彼佛世尊入般涅槃是故我不堪忍往彼今時羅睺羅答彼難勝佛已即於彼沒往詣上方過九十九世界到第百世界彼有如來應正遍知号曰商主今現在世今時羅睺羅到已頭面作礼悲泣流淚憂愁啼哭却住一面住一面已時商主佛告羅睺羅言止羅睺羅汝莫憂悲羅睺羅一切諸法生者不生老者不老病者不病死者不死盡者不盡无有是處羅睺羅過去諸佛聲聞緣覺寂滅離而般涅槃未來諸佛聲聞緣覺寂滅離而般涅槃現在諸佛聲聞緣覺寂滅離而般涅槃羅睺羅假使如來住世一切若百劫必當如是入般涅槃羅睺羅諸佛世尊更无餘法唯是究竟寂滅涅槃羅睺羅究竟寂滅者是究竟定究竟清涼究竟盡究竟樂究竟安隱所謂无罣宅涅槃界羅睺羅生苦老苦病苦死苦恩愛別離怨憎合會所求不得五陰重擔如是皆苦羅睺羅唯涅槃是樂羅睺羅汝亦不久當般涅槃羅睺羅汝及

釋迦牟尼佛入涅槃處无生無老无
病無死无愛別離無怨憎會無不適
意羅睺羅汝莫悲戀莫憂莫愁羅睺
羅汝當思惟誰是生者誰是老者誰
是死者誰是流轉誰復還生羅睺羅
皆是虛妄顛倒取者未聞聖法諸凡
夫等未見諸聖未信聖法未學聖法
未解聖法未知聖法未住聖法故心
顛倒想顛倒見顛倒以顛倒故生生
故老老故死死已還生馳走流轉枯
焦敗壞愛戀憂愁推賢號哭羅睺羅
一切聖人唯以此法毗尼息一切行於
上更無所作羅睺羅如是導師所作
已訖聲聞弟子所作者已作於上更
无所作羅睺羅汝莫悲戀莫憂莫愁
羅睺羅彼釋迦牟尼佛无上法王於
釋種中尊汝當往彼家後禮拜供養
恭敬若涅槃後汝必憂悔羅睺羅彼
釋迦牟尼佛今在力士生地娑羅林
間如師子王右脇而卧思欲見汝羅
睺羅汝必須往作是語已慧命羅睺
羅白商主佛言世尊我不忍聞釋迦
牟尼如來應正遍知入涅槃聲况能

忍見彼佛世尊入般涅槃作是語已
身心悶絕不自勝持復作是言而彼
世尊釋迦牟尼於釋種中尊无上法
王衆生中寶我今何能忍見彼佛入
般涅槃憐愍一切世間者一切世間
形相无與等者與一切世間作燈者
與一切世間作眼目者與一切世間
作慧炬者照耀一切世間者明日離
散当无所有作是語已時商主如來
告羅睺羅言止羅睺羅汝莫憂悲羅
睺羅汝可不聞彼佛世尊說如是法
一切行无常一切行苦一切法無我寂
滅涅槃羅睺羅彼佛世尊說如是偈
諸行無常 是生滅法 生已還滅
滅彼為樂

羅睺羅言如是世尊佛告羅睺羅彼
佛世尊昔可不作如是說也一切所
愛稱意等事必歸磨滅不久離散假
使久住會亦有離羅睺羅言如是婆
伽婆如是修伽陀佛言羅睺羅有為
諸法生法有法覺知法分別起法從
因緣生若不滅者無有是處

尔時羅睺羅憶念已父釋迦牟尼如

來應正遍知已流淚而言我於明日
更不見佛諸比丘衆圍繞說法如大
海中須弥山王衆相莊嚴起光明照
猶如滿月衆星圍繞如日千光處空
照耀如深大海无量衆寶所藏積處
如轉輪王無量眷屬而共圍繞如雪
山王根力覺花之所開敷如鐵圍山
一切惡風所不能動如是世尊一切外
道諸論議風不能傾動猶如蓮花處
在池中不為世法之所能染猶如大
梵具梵眷屬猶如帝釋有千眼目如
師子王坐師子座無所恐懼離諸怖
畏能師子吼我於明日更不得見時
羅睺羅作是語已默然悲泣思惟而
住今時商主如來告羅睺羅言汝今
速可詣彼佛所彼佛如來思欲見汝
羅睺羅汝當速去莫更重問致有稽
留慎莫勞擾彼佛世尊羅睺羅汝必
須往何以故羅睺羅諸佛法今佛以
慈悲思欲見汝不入涅槃今時羅睺
羅頭面礼彼商主佛已辟如壯士屈
申臂頃復如申臂屈頃時羅睺羅即
於彼沒詣拘尸城力士生地娑羅雙

樹間到如來所亦復如是到已頭面
禮足右繞三匝却住一面憂愁悲泣
合掌流淚尔時世尊告羅睺羅言羅
睺羅汝莫悲戀憂愁啼哭心生熱惱
所作子事訖羅睺羅汝莫生戀憂愁
悲悔羅睺羅我與汝等俱為一切衆
生得无畏故發勤精進不作怨讎不
作惱害故發大精進羅睺羅我今般
涅槃已更不與他作父羅睺羅汝亦
當般涅槃更不與他作子羅睺羅我
與汝等二俱不作惱乱不作怨讎尔
時羅睺羅白佛言世尊婆伽婆莫般
涅槃修伽陀莫般涅槃唯願世尊住
世一切為於多衆安隱樂故憐愍世
間故利益安樂諸天人故作是語已
佛告羅睺羅言羅睺羅如來應正遍
知盡知諸法於世間中得名為佛羅
睺羅然彼佛法不消不盡不生不滅
不來不去不成不壞不坐不卧不合
不散何以故羅睺羅如是法住畢竟
不生畢竟不滅畢竟空畢竟无自性
寂定涅槃不入衆數无窟宅不可說

非語言道此是諸佛法所謂畢竟住
故畢竟滅故畢竟寂滅故畢竟離故
畢竟離欲故畢竟不和合故畢竟不
作故畢竟盡故羅睺羅我隨宜說此
法假使諸佛若出世若不出世如是
諸法住諸法如法尔故法不變易故
法離欲故法无自性故羅睺羅如是
如來不將戒聚入般涅槃不將定聚
慧聚解脫聚解脫知見聚入般涅槃
羅睺羅汝莫悲戀莫憂莫愁羅睺羅
一切諸行無常无定無所恃望無常
盡變易法羅睺羅乃至息一切行厭
捨不著唯求解脫羅睺羅此是我之
教法佛為羅睺羅說此見實諦品時
脫二十五比丘尼亦心解脫得盡諸
漏無量天人遠塵離垢得法眼淨六
万八千諸菩薩得无生法忍一切皆
悉歡喜踊躍歎言佛法不可思議彼
等皆悉以優波羅花波頭摩花拘牟
頭花芬陀利花而散佛上各作是言
我於來世亦當如是作天人師出興
於世說如是法世間無上无相涅槃

如是以大涅槃而般涅槃彼諸菩薩作是語已默然而住

大悲經迦葉品第五

尔時阿難在佛牀邊悲啼流淚問絕
躡地猶如臨崖斫斷大樹作如是言
婆伽婆涅槃太速修伽陀涅槃太速
衆生中寶大慈悲者隱沒太速世間
大燈世間大炬天人中取隱沒太速
衆生芬陀利於世間中隱沒太速衆
生龍象善自調者復調衆生未調者
令調隱沒太速無上導師能示世間
安隱道者隱沒太速世間慧眼大光
普照能示世間隱沒太速世間盲冥
無引導者衆生父母於世間中隱沒
太速世間孤獨无所恃怙衆生中寶
云何明日我更不見唯有名在尔時
世尊告阿難言止阿難莫憂悲我曾
告汝一切所受稱意等事和合之法
必有離散阿難有為諸法生法有法
覺知法因緣法滅壞法若不壞者无
有是處彼若得住亦無是處阿難假
使久住法當如是必亦有離是故阿
難汝莫憂悲尔時阿難瞻仰尊顏目

不斲捨思惟是已亦復躋地猶如臨
崖斫斷大樹佛復告言阿難止莫憂
悲不以憂悲令我住世阿難我曾告
汝一切所愛稱意等事有為和合必
當別離假使久住會亦當滅諸行法
尔阿難汝以身口慈孝如來无量安
樂心無有二無瞋无恨無有怨讎尔
時阿難從地而起救淚而言世尊我
何得不愁何得不悲我與如是大慈
悲者出一切世間者憐愍一切世間
者一切世間所愛惜者一切世間所
歸趣者導引一切世間者利益一切
世間者安樂一切世間者如是大寶
衆生明當別離尔時阿難大號哭已
救淚而言奇哉奇哉諸行是屍而作
欺陵能令如是大燈大炬大日光明
无量光炎百千億那由他炎幢眷屬
普現世間見知念慧境界普照大寶
衆生隱沒太速大智慧者大光明者
今於世間隱沒太速世間孤獨作覆
護者隱沒太速如來具足神通變化
今於世間隱沒太速世尊我何得不
愁何得不悲世尊我今自怪心不破

裂以為百分世尊我亦自怪不於佛
前而取命終必是世尊神力加我以
是義故不取命終何以故我於佛所
親承面受八万四千諸法寶藏受持
不忘末廣流布在於十方諸天人故
世尊我為如來神力所加以是義故
我不命終世尊我何得不愁何得不
悲世尊我到迦毗羅城世尊生處釋
種集時作何等語可言日種釋迦年
尼佛釋種中尊无上法王般涅槃耶
我到王舍城毗提希子阿闍世王所
作何等語可言大師佛日隱沒能拔
世間无間業箭醫王去耶我到舍婆
提城作何等語可言大悲憐愍世間
者隱沒去耶我到祇陀林給孤獨長
者而問我言如來何時來住祇陀林
給孤獨園作何言答我到毗舍離城
諸離車子前當作何言可言憐愍世
間取大尊師隱沒去耶諸方所有善
男子善女人來問義者作何言答可
言是大智人世間智者斷一切疑者
隱沒去耶諸方所有諸比丘衆為欲
見佛供養禮拜問評世尊為布薩故

來問法者來問義者我更不見不聞
彼說得上人法世尊滅後有如是等
神通變化修梵行者隱沒於世我何
得不愁何得不悲作是語已佛告阿
難言阿難止汝莫憂愁我之梵行當
廣流布久住世間利益天人阿難我
滅度後過四百年迦葉共汝及諸弟
子展轉相承作神通變化修行梵行
利益天人阿難汝莫憂悲我之正法
當廣流布久住世間利益天人阿難
我涅槃後迦葉比丘共汝發心令我
阿僧祇億那由他劫所集无上三藐
三菩提法增益諸善使不退失何以
故阿難是迦葉比丘少欲知足遠離
精進樂不忘念樂不戲論定慧現前
阿難迦葉比丘能於大眾示教利喜
於諸梵行說法不倦猶如父母阿難
迦葉比丘於諸四眾所見懸遠憐愍
世間為欲利益安樂眾生諸天人故
發如是心今時阿難白佛言世尊迦
葉比丘如是發心利益安樂幾許諸
天人眾佛言阿難迦葉比丘入涅槃
時作是誓願願我滅後以我神力所加

持故令我身衣不變不壞不壞髮毛膚色
諸根支節亦不變壞乃至弥勒如來
應正遍知出興世時令我此身見彼
世尊共作初會如是第二第三大會
以我願力所加持故當今多百衆生
多千衆生多千万衆生多百千億那
由他衆生得聖道果若弥勒佛見我
身衣不變不壞三會聲聞亦見我身
不變不壞諸根支節及袈裟已然後
我身住在空中以已身火闍維其身
闍維身已灰炭不現阿難是為迦葉
發心利益安樂衆生阿難迦葉比丘
如是願力所加持故成熟如是諸衆
生已而般涅槃阿難迦葉比丘般涅
槃已有四石山當來到迦葉所覆障
其身合成為一阿難是迦葉身在彼
四石山中身不變壞至弥勒佛出興
於世隨介許時迦葉比丘身住不壞
及袈裟衣亦住不壞何以故阿難持
淨戒者修梵行者有智慧者所願能
成非或不淨不修梵行无智有欲所
能成也阿難迦葉比丘先以願力所
加持故入般涅槃入涅槃已彼迦葉

身常不變壞髮毛血肉諸根支節及以衣服亦不變壞身亦不臭乃至弥勒阿難彼弥勒佛出興世時共彼初會九十六億諸比丘衆到迦葉所阿難是弥勒佛以迦葉身示彼九十六億諸比丘衆作如是言諸比丘此迦葉比丘於釋迦牟尼如來法中作大聲聞住勝頭陀少欲知足遠離精進樂不妄念樂不戲論定慧現前能於多衆示教利喜於諸梵行說法不倦猶如父母諸比丘是迦葉比丘於諸四衆所見懸遠畢竟無疑隨順多衆諸比丘汝觀迦葉憐愍世間為欲利益安樂一切諸人天故發如是心阿難弥勒如來應正遍知第二會時共九十四億諸聲聞衆來到其所第二迦葉所阿難彼弥勒佛示彼九十二億比丘衆言此迦葉比丘於釋迦牟尼如來法中取大聲聞住勝頭陀少欲知足乃至發心為欲利益安樂一切諸天人故阿難弥勒如來當於彼時舒金色右手摩迦葉頂觀察諸比

比丘言諸比丘是迦葉比丘於釋迦牟尼佛滅度之後廣持正法而此衆中無有一人於我滅後廣能如是持我正法如迦葉者阿難是迦葉比丘於彼第三大會以本願力所加持故住虛空中現種種神通種種變化已以身火闇維其身闇維身已灰炭不現時弥勒佛當於彼時發起迦葉已為彼九十二億諸比丘衆數數說法多百多千多億那由他百千天人得聖道果阿難迦葉比丘發心利益多衆生故汝亦發心利益安樂多衆生故如是阿難迦葉比丘及汝發心故過四百年能持我之正法及作神通種種變化修行梵行各能增益諸天人衆

大悲經持正法品第六

余時世尊復告阿難汝莫憂悲我之梵行當廣流布各能增益諸天人衆阿難我滅度後摩偷羅城優樓菴荼山有僧伽藍名那馳迦於彼當有比丘名毗提奢有大神通具大威力正智得道多聞无畏持修多羅持毗尼

持摩多羅迦於諸梵行示教利喜說法不倦彼亦當作神通變化修行梵行廣行流布我之正法增益天人阿難汝莫憂悲我滅度後還於優樓婁茶山那馳迦僧伽藍當有比丘名提知迦有大神通具大威力於諸梵行說法不倦能令我法廣行流布增益天人阿難汝莫憂悲我滅度後還於優樓婁茶山傍有山名優尸羅彼有四万比丘集會有神通有大威力多所堪能正智得道多聞无畏持修多羅持毗尼持摩多羅迦各能於諸梵行示教利喜說法不倦彼等比丘神通變化修行梵行令我正法廣行流布增益天人衆阿難汝莫憂悲我滅度後還於優樓婁茶山傍當有比丘名優波毼多有大神通具大威力乃至亦能神通變化修行梵行令我正法廣行流布增益天人於彼當有千阿羅漢集八万八千諸比丘衆共一布薩作一羯磨心不欺詐共相授記彼等皆能神通變化修行梵行令我正法廣行流布各能增益諸

天人衆阿難汝莫憂悲是優波邇多
及諸弟子各各能令我之正法廣行
流布於諸天人能正顯說阿難汝莫
憂悲我滅度後於波離弗城有僧伽
藍名跋多尼彼有比丘名阿輸婆邇
多三明六通具八解脫禪智二分解
脫自在有大神通具大威力乃至彼
等亦能神通變化修行梵行令我正
法廣行流布增益天人阿難汝莫憂
悲我滅度後還於波離弗城有僧伽
藍名鳩鳩吒當有比丘名鬱多羅有
大神通具大威力乃至亦能神通變
化修行梵行廣行流布我之正法增
益天人阿難汝莫憂悲我之梵行當
廣流布各能增益諸天人衆阿難我
滅度後於騫伽國當有我諸聲聞作
般遮跋瑟迦會彼處當有過一万三
千阿羅漢集彼等一切有大神通具
大威力有多堪能乃至於諸梵行說
法不倦彼有上座名設陀沙茶有大
神通具大威力有多堪能於諸梵行
說法不倦彼等亦能神通變化修行
梵行令我正法廣行流布各能增益

諸天人衆阿難汝莫憂悲我滅度後
金鉢志隨城當有二比丘於婆羅門
種中出家一名毗頭羅二名刪闍耶
各有神通具大威力有多堪能乃至
亦能神通變化修行梵行令我正法
廣行流布增益天人阿難汝莫憂悲
我滅度後婆羅多城當有比丘名大
精進有大神通具大威力乃至亦能
神通變化修行梵行令我正法廣行
流布於諸天人阿難汝莫憂悲我滅
度後當有比丘名末田提三明六通
具八解脫禪智二分解脫自在有大
神通具大威力乃至於諸梵行說法
不倦北天竺國罽賓川中當有元量
諸龍夜叉乾闥婆等具大身力依住
彼川是末田提比丘到於彼處為彼
諸龍夜叉乾闥婆等來共闡諍是末
田提比丘神通變化以法降伏諸龍
夜叉乾闥婆等令得敬信得敬信已
令人住在彼罽賓川建立諸僧伽藍
多有聲聞多百多千聲聞衆集阿難
是末田提比丘於一切時令彼住處
具諸善事阿難我若具足稱揚廣說

彼末田提所有功德不能窮盡阿難
是末田提比丘具諸功德能令我法
毗尼神通梵行於諸天人廣行流布
阿難汝莫憂悲我滅度後於北天竺
軋陀羅國當有比丘名曰迦葉有大
神通具大威力有多堪能正智得道
多聞無畏持修多羅持毗尼持摩多
羅迦乃至亦能令我正法廣行流布
阿難汝莫憂悲我滅度後於北天竺國
有城名得叉尸羅彼有長者名闍知
迦名震諸方具大豪富多饒財寶具
足功德智慧相稱端正可愛相好第
一彼闍知迦長者深信於我及諸聲
聞供養恭敬尊重讚歎次第積集菩
提善根於未來世滿千劫已成阿耨多
羅三藐三菩提佛號普光劫名造賢
世界名具大莊嚴阿難彼闍知迦長
者於諸天人廣行流布我之正法阿
難汝莫憂悲我滅度後於北天竺國當
有王都名富迦羅跋帝人民熾盛豐
樂安隱彼處多有諸婆羅門長者居
士隨順修多羅深信於我及諸聲聞
供養恭敬尊重讚歎彼有元量聲聞

弟子有大神通具大威力有多堪能
阿難於彼多有長者居士正智得道
多聞無畏具大智慧阿難彼富迦羅
跋帝王都所有在家諸白衣等彼命
終已生梵率天諸出家者悉墮地獄
何以故彼不住戒不住律儀故阿難
彼富迦羅跋帝王都所有婆羅門長
者居士等當作是念釋迦牟尼佛之
正法必當隱沒何以故諸比丘等於
諸利養增上貪求多毀禁戒其心散
亂不樂閑林捨離禪樂與諸四衆數
相往來破戒違道共諸婆羅門長者
居士等親友交通不相敬重飲食花
果迭相贈遺不依律儀无有慚愧姪
彼女婦彼諸婆羅門長者居士等見
聞彼諸比丘作非法已生大驚怖心
甚憂惱作如是言佛之正法可隱沒
耶當於彼時還於富迦羅跋帝王都
當有優婆塞名曰法增有大神通具
大威力有大福德正智得道多聞無
畏持修多羅摩多羅迦善巧方便是
優婆塞為欲令彼婆羅門長者居士
等生敬信故上昇虛空示教利喜而

作是言汝等諸人慎莫怖畏莫疑莫慮彼釋迦牟尼佛之正法猶住在世汝可發勤精進作諸善業未得者令得未證者令證未達者令達聖法今在宜可速求時婆羅門長者居士等心皆喜悅而行布施作諸功德於我舍利裝飾嚴持及諸聲聞勤作供養聽受讀誦轉為他說受持禁戒勤修禪定彼諸婆羅門長者居士等為彼法增示教利喜皆趣善道及涅槃道阿難彼優婆塞亦能令我正法廣行流布增益天人如是阿難於我滅後亦當多有俗人於我法中深得敬信曾於過去供養多百多千无量諸佛殖諸善根於我舍利勤修莊嚴及諸聲聞供養恭敬尊重讚歎阿難彼等亦令我之正法廣行流布增益天人阿難我滅度後於未來世北天竺國當有比丘名祁婆迦出興於世曾於過去无量百佛殖諸善根供養恭敬深信具足安住大乘為欲憐愍利益安樂諸衆生故發如是心多聞持菩薩藏稱揚大乘顯發大乘是比丘見

我舍利形像塔廟有破壞者裝校修治以金莊嚴堅立幢幡寶蓋鈴網出微妙音興造如來无量形像及諸塔廟其諸塔廟皆以半月師子莊嚴能令諸天人衆心生信樂為欲滿足菩提善根故憐愍衆生故護持養育故攝受我法故為不敬信者令敬信增修故亦令多衆種善根故作般遮跋瑟迦會阿難當於尔時多有比丘不持禁戒多作非法不樂閑林捨離禪樂破戒違道共相言訟貪惜積聚獨占一房與諸俗人互相往來捨離佛法於諸梵行不生敬重形似沙門當於尔時有少比丘發勤精進遠離憒鬧係念現前定慧一心安住善法少欲知足樂修乞食安住聖種多聞無畏持修多羅持毗尼持摩多羅迦當於尔時邪婆迦比丘令諸比丘著袈裟者其心柔軟諸根无缺具足深信第一敬重於彼所有著袈裟者起持戒想作福田想而行布施修諸善根彼邪婆迦比丘修集无量種種寂勝菩提善根已而取命終生於西方過

億百千諸佛世界无量壽國於彼佛
所種諸善根復經八十億諸如來所
修諸梵行以此善根於未來世過九
十九億劫而成正覺佛号无垢光世
界名一切功德莊嚴阿難彼祁婆迦
比丘令我正法於諸天人廣行流布
阿難汝莫憂悲我之梵行當廣流布
天人信樂阿難我滅度後於未來世
當有邊國名曰舍摩彼有國王名曰
大施而於我法心生淨信於我舍利
及諸聲聞勤修供養稱揚讚歎阿難
彼大施王於舍摩國集我聲聞諸比
丘衆尊重供養於彼當有過三千阿
羅漢皆有神通功德威力乃至於諸
梵行說法不倦阿難彼等亦能令我
正法於諸天人廣行流布阿難汝莫
憂悲我滅度後北天竺國有城名興
渠末但那彼得我舍利尊重供養當
以花鬘塗香末香音聲伎樂幢幡寶
蓋衣服卧具衆寶金銀以用莊嚴阿
難時彼精舍當有多人以信出家受
持禁戒修行善法諸俗人等修行善
法亦復无量阿難彼有持戒多聞有

智於我法中深得淨信於我聲聞及
我舍利勤修裝飾嚴治供養於佛法
僧供養加護以此善根於天人中受
福報已有得阿耨多羅三藐三菩提
者有得緣覺乘者有得聲聞乘而涅
服者阿難彼以如是種種供養當得
如是神通威力阿難是等諸人開示
演說令我正法於諸人天廣行流布
阿難汝莫憂悲我之正法當廣流布
增益天人阿難我之舍利及我形像
遍閻浮提何況人不見處所謂天龍
夜叉羅刹乾闥婆阿修羅迦樓羅緊
那羅摩睺羅伽鳩睺茶等宮殿之中
所造形像阿難汝莫憂悲我法毗尼
於諸天人當廣流布
大悲經舍利品第七

尔時世尊復告阿難我滅度後若有
善男子善女人若在家若出家乃至
供養我之舍利如芥子等恭敬尊重
謙下供養我說是人以此善根一切
皆當得涅槃果盡涅槃際阿難若我
滅後所有善男子善女人心生敬信
為我造立形像塔廟阿難應生深信

慎莫疑惑我說是人以此善根一切
皆當得涅槃果盡涅槃際阿難且置
現在供養我者且置我滅度後供養
如芥子等舍利者且置為我造立形
像及塔廟者阿難若有信心念佛功
德乃至一花散於空中我說是人以
此善根一切皆當得涅槃果盡涅槃
際阿難若復有人見佛世尊神通威
力為供養故乃至一花散於空中猶
能得涅槃果何況親承如來而供養
者及我滅後供養舍利者阿難諸佛
境界不可思議若復有人能供養者
所得福德亦不可思議阿難若人念
佛乃至一花散於空中我以佛智見
知是人所得果報不可思議汝應當
信何況未來所有佛子深得敬信思
惟佛功德求佛智者余時阿難聞佛
語已心懷踊躍生大歡喜而白佛言
希有婆伽婆希有修伽陀今正是時
唯願世尊說其念佛乃至一花散於
空中而供養者所得果報諸比丘等
從佛所聞讀誦受持以是當得憐愍
世間利益安樂諸天人故於現在世

及未來世所有衆生從彼聞者復得
數數種諸善根心生敬信得大稱意
彼作是念釋迦牟尼於釋種中无上
法王大慈悲者憐愍世間者勸喻我
等令我生念發大精進作是語已佛
告阿難諦聽諦聽善思念之吾當為
汝分別解說所得果報阿難白言如
是世尊願樂欲聞佛告阿難若有衆
生以念佛故乃至一花散於空中如
是福德所得果報不可窮盡阿難如
是衆生從前際來劫數長遠生死流
轉不可得知於未來際亦復如是若
有衆生以至誠心念佛功德乃至一
花散於空中於未來世當得釋天王
梵天王轉輪聖王於其福報亦不能
盡以其善根福報邊際不可盡故要
當入般涅槃何以故阿難施佛福田
不以有為果報所能盡邊我說是人
必得涅槃盡涅槃際阿難且置親承
供養我者且置供養我如芥子等舍
利者且置為我造立形像及諸塔廟
而供養者且置以念佛故乃至一花
散於空中而供養者若復有人在於

室內以念佛故乃至一花散於空中
阿難我說是人當得涅槃得第一涅槃
盡涅槃際寂滅涅槃妙涅槃清淨
涅槃安住涅槃阿難以是因緣諸福
田中佛為寂佛為王何以故施佛曰
者非謂世間果報所能盡也以是因
緣於佛福田為寂第一阿難諸佛如
來順正道者能作无上究竟福田於
佛福田所有施者必窮盡涅槃際得
第一涅槃阿難且置如是以花散佛
所得功德若復有人但心念佛一生
敬信我說是人亦當得涅槃果盡涅
槃際阿難且置人中念佛功德若有
畜生於佛世尊能生念者我亦說其
善根福報當得涅槃盡涅槃際阿難
汝今當觀諸佛世尊與諸衆生作福
田者能令衆生當得如是神通威力
是故阿難汝莫憂悲若有善男子善
女人乃至畜生諸衆生等於佛生信
當得如是神通果報廣大功德譬如
甘露第一甘露盡甘露際阿難汝以
身口慈孝如來无量安樂心無有二
无瞋無恨无有怨心阿難若有三千

大千世界滿中須陀洹斯陀含阿那含阿羅漢如甘蔗竹筴若麻若草若有善男子善女人若一切若減一切以諸稱意一切樂具恭敬尊重謙下供養阿難於意云何是善男子善女人所得福德寧為多不阿難言甚多婆伽婆如婆伽佛言阿難若復有人於諸佛所但一合掌一稱名如是福德比前福德百分不及一千分不及一百千億分不及一數分不及一迦羅分不及一何以故阿難以佛如來諸福田中為最無上是故施佛成大功德神通威力阿難且置三千大千世界所有聲聞阿羅漢等若復三千大千世界滿中辟支佛如甘蔗竹筴若麻若草若有善男子善女人若一切若減一切以諸稱意一切樂具恭敬尊重謙下供養彼辟支佛若辟支佛滅度後起七寶塔若有善男子善女人乃至盡形以諸香花塗香末香衣服卧具寶幢幡蓋恭敬尊重謙下供養阿難於意云何是人於彼所得福德寧為多不阿難言甚多婆伽婆

甚多修伽陀佛言阿難若復有人於
如來所起一淨信思惟信解作如是
言諸佛智慧不可思議以此信解善
根功德比前供養彼辟支佛所得功
德迦羅分不及一乃至優婆尼沙陀
分不及一何以故阿難諸佛世尊无
量大慈無量大悲无量戒無量定无
量慧无量解脫無量解脫知見无量
修集無量遠證阿難諸佛世尊智慧
不可思議諸佛境界亦不可思議若
有供養不可思議者當得不可思議
報阿難汝莫憂悲汝當得大神通功
德利益何以故阿難汝以身口意慈
供養我來過二十年受持如來八万
四千諸法寶聚於諸多聞取為第一
巧言辯慧問答中取正智得道多聞
无畏持修多羅持毗尼持摩多羅迦
於諸四衆說法不倦阿難我滅度後
汝共大德摩訶迦葉當作第一取大
導師大作佛事阿難汝莫憂悲汝當
得大神通功德利益

大悲經卷第二

壬寅歲高麗國大藏都監奉

勅影造

大悲經卷第三

賓

高僧天竺三藏鄒蓮提耶舍譯

禮拜品第八

尔時世尊復告阿難若有衆生聞佛
名者我說是人畢定當得入般涅槃
阿難若有稱言南無佛者此有何義
阿難白言佛是一切諸法之本佛是
眼目能引導者佛是演說一切法者
善哉世尊願為比丘解釋此義我今
親承得聞受持尔時世尊復告阿難
諦聽諦聽善思念之吾當為汝分別
解說尔時阿難聞佛語已而白佛言
願樂欲聞佛言阿難所言南無佛者
此是決定諸佛世尊名号音聲阿難
以是決定諸佛名号音聲義故稱言
南无諸佛阿難我為是義故說譬喻
令諸衆生於此法中增益信心復令
一切諸善男子善女人聞佛世尊名
号音聲深得敬信阿難曾於過去有
大商主將諸商人入於大海到彼海
已其船卒為摩竭大魚欲來吞噬阿
難尔時商主及諸商人心驚毛豎憂

愁不樂恐命不濟无救無護无歸無趣各皆悲泣呻訴憂悔種種悲歎嗚呼痛哉彼閻浮提如是可樂如是希有世間人身如是難得我今當與父母離別兄弟姊妹婦兒親戚朋友別離我更不見亦不得見佛法衆僧極大悲哭憂悲不樂各皆祈請諸尊神天欲求自濟阿難尔時商主正見明遠於佛法僧心得淨信更不信事諸餘天神尔時商主告諸商人諸人當知若欲存濟免此危難得解脫者汝等應當一時同聲隨我所說假令我等不得解脫後生善道時彼商人聞此語已各言商主我當從教唯願速說阿難尔時商主偏袒右肩右膝著地住於船上一心念佛合掌礼拜高聲唱言南无諸佛得大無畏者大慈悲者憐愍一切衆生者如是三稱時諸商人亦復同時合掌礼拜異口同音唱言南无諸佛能施無畏者大慈悲者憐愍一切衆生者如是三稱尔時彼摩竭魚聞佛名号礼拜音聲生大愛敬得不殺心時摩竭魚聞即閉

口阿難。今時商主及諸商人。皆悉安隱。得免魚難。船及商人。所願得稱。安隱而還。到閭浮提時。摩竭魚聞佛音。聲心生喜樂。更不敢食餘諸衆生。因是命終。彼命終已。得生人中。生人中已。於其所聞法毗尼。深得淨信。捨家出家。得出家已。近善知識。謙下供養。得阿羅漢道。具足六通。於无餘涅槃界而般涅槃。阿難。汝觀彼魚。生畜生道。得聞佛名。聞佛名已。得生人道。因生人道。便得出家。得出家已。即便得證阿羅漢果。得阿羅漢已。便般涅槃。阿難。汝觀諸佛神力。如是彼魚。聞已。獲得神通名号。稱譽畢定利益。何況有人。得聞佛名。聽聞正法。親於佛所。種諸善根。而不畢定利益。阿難。如我昔說。作少善根。得少分報。滿分善根。得滿分報。阿難。所言少分善根者。是人為欲速成熟。故種聲聞種子。作聲聞乘。以是善根。得滿聲聞地。種緣覺種子。作緣覺乘。以是善根。得滿緣覺地。阿難。以是因緣。我說少分行阿難言。滿分行者。是人從无始來。於諸佛

所種佛種子一切善根久遠修行以是善根因緣力故得值諸佛值諸佛已為欲積集滿足菩提諸善根故滿足菩提諸善根已得成佛道所謂如來應供正遍知聲震於世是名滿分行阿難此滿分行如我諸經昔已廣說如是次第汝應當知若少分行得少分果若滿分行得滿分果

阿難如我經中亦復說言乃至受持四句偈等如是說者我為鉉根薄德少智諸衆生故隨宜而說阿難我為一切無歸衆生為作歸趣无舍衆生為作舍宅无護衆生為作救護無明衆生為作燈明盲無目者為作眼目阿難一切外道癡冥无智不能自救何能救他正作歸趣阿難我為一切天人教師憐愍一切諸衆生者於當來世法欲滅時當有比丘比丘尼於我法中得出家已手牽兒婢而共遊行從酒家至酒家於我法中作非梵行彼等雖為以酒因緣於此賢劫一切皆當得般涅槃阿難何故名為賢劫阿難此三千大千世界劫欲成時

盡為一水時淨居天以天眼觀見此世界唯一大水見有千枚諸妙蓮華二蓮華各有千葉金色金光大明普照香氣芬薰甚可愛樂彼淨居天因見此已心生歡喜踊躍无量而讚歎言奇哉奇哉希有希有如此劫中當有千佛出興於世以是因緣遂名此劫号之為賢阿難我滅度後此賢劫中當有九百九十六佛出興於世拘留孫如來為首我為第四次後弥勒當補我處乃至寂後盧遮如來如是次第汝應當知阿難於我法中但使性是沙門汗沙門行自稱沙門形似沙門當有披著袈裟衣者於此賢劫弥勒為首乃至寂後盧遮如來彼諸沙門如是佛所於无餘涅槃界次第當得入般涅槃無有遺餘何以故阿難如是一切諸沙門中乃至一稱佛名一生信者所作功德終不虛設阿難我以佛智測知法界非不測知阿難所有白業得白報黑業得黑報若有淨心諸衆生等作是稱言南无佛者阿難彼人以是善根必定涅槃得近

涅槃流注相續入涅槃際何況值佛
在世親承恭敬謙下迎送尊重供養
及佛滅後供養舍利者阿難彼沙門
性汙辱沙門自謂沙門形似沙門者
乃至應有一稱佛名何況餘心能生
敬信種諸善根阿難我為是義說如
是偈

諸佛如是不思議 佛之正法亦復然
若能敬信不思議 必當獲得不思報
過去一切諸如來 能作光明悲愍者
亦曾供養大勢佛 悟勝菩提不可數
我昔與檀常相應 布施愍濟諸衆生
淨信根深勤精進 以勤精進化一切
愛重衆生如父母 兄弟親戚諸知識
於諸親戚无瞋恨 悟勝菩提不可數
我求安樂菩提時 於無量劫行布施
悲心憐愍衆生故 捨身頭目肌肉血
亦捨无量重王位 所愛妻妾及男女
无量寶乘爲馬車 爲求取勝菩提故
無量千万億劫時 數數精勤而馳走
淨心无量行布施 爲求此勝菩提故
忍受無量衆苦惱 冰寒毒熱及飢渴
發勤精進死不捨 爲求取勝菩提故

我若百年及一切 說其行相不可盡
悲愍一切衆生故 為求安樂勝菩提
輪迴生死常值遇 百千億數諸如來
彼諸如來大勢力 常以金花而奉獻
銷饍飲食及衣服 塗香末香衆花鬘
多億寶幢勝幡蓋 供養如是諸如來
无量多億諸衆生 輪迴生死無有邊
我常到彼而安慰 勝檀廣益一切衆
尸羅鼻提勤精進 禪定三昧慧方便
身等念處四正勤 善修習行四神足
亦修五根及五力 七菩提分八聖道
一切助道我修習 怖求此勝菩提故
我以正智修諸業 無有一切諸不善
常不放逸修諸行 曾無一毫之過惡
大悲經善根品第九

今時世尊復告阿難若有衆生於諸
佛所一發信心如是善根終不敗亡
何況復作諸餘善根阿難我為衆生
知彼義故而作譬喻諸有智者以喻
得解阿難譬如有人折破一毛以為
百分取一分毛霜一滴水持至我所而
作是言瞿曇我以此水寄付瞿曇莫
令此水而有增減亦復莫令風日飄

曝乾竭此水不令鳥獸飲之令盡勿使異水而有和雜以器盛持莫置在地如來今時即受彼寄受彼寄已置恒河中不令入迴亦復不令餘物措突如是水滂在大河中隨流而去使不入迴復無遮尋諸鳥獸等亦不飲盡如是水滂不增不減一等如故共大水聚漸入大海若是水滂毗嵐風起壞世界時假使是人住世一切我亦如是得住一切彼人今時至劫盡時而來我所作如是言瞿曇我本寄水今有無耶阿難如來今時知彼水滂在大海中見知住處不與餘水共相和雜不增不減平等如故持還彼人阿難如是如來應正遍知有大神通有大威力有多堪能清淨大智不可量智无尋知見如是等事明了無障於受寄人中軍尊軍勝若於佛所寄付如是微細水滂經於久遠而不虧損此義應知阿難細毛端者喻心意識恒河者喻生死流一滂水者喻一發心微少善根大海者喻佛如來應正遍知所寄人者喻彼清信婆羅

門長者居士等住一切者喻佛如來
受彼寄水終不虧損亦如彼人寄彼
水滯經於久遠不虧一毫如是阿難
若於佛所一發信心善根不失何況
諸餘勝妙善根我說是人一切志是
趣涅槃果乃至盡涅槃際阿難設復
有人於如來所得一發心一生敬信以
餘不善惡業障故墮在地獄畜生餓
鬼以本造業自作自受若大慈悲諸
佛世尊出興於世以無鄣碍智知此
衆生本作善根以餘不善惡業鄣故
墮在地獄佛知是已從彼地獄拔之
令出安置岸上無所畏處安置岸已
復令衆生憶念往昔所作善事而教
之言善男子汝等應當憶念往昔所
種善根如是善根在於某時某世界
中於某佛所修行種植彼諸人等承
佛威力即得憶念得憶念已作如是
言如是婆伽婆如是修伽陀佛復告
言善男子汝等昔於諸如來所種少
善根不虧不損於彼得利所謂息一
切苦得一切樂善男子汝得來此是
佛境界汝於長夜行非境界從无始

來生死流轉汝於佛所種少善根終
不虧損譬如王子若王大臣設有餘
過聞在牢獄說本事緣令其改悔放
之今出如是阿難彼諸衆生本於如
來所種善根設作餘惡不善業故若
墮地獄畜生餓鬼諸惡道中若大慈
悲諸佛世尊出興於世本以發心善
根因緣所加持者佛皆見知於地獄
中拔之令出安置涅槃清涼岸上無
所畏虞置無畏處已令其憶念而教
之言善男子汝當憶念以本造作善
根因緣得如是報彼諸衆生作如是
言如是婆伽婆如是修伽陀我等承
佛威神加故如是憶知

大悲經布施福德品第十

今時世尊復告阿難汝應當知如是
等輩作少善根終不虛設乃至發心
生一念信我說是人皆得涅槃盡涅
槃際以是義故故作譬喻令諸清信
男子女人深得淨信轉復敬重生大
愛樂歡喜踊躍阿難如捕魚師為得
魚故在大池水安置釣餌令魚吞食
魚吞食已雖在池中不久當出何以

故如是等魚為彼堅牢鈎繩所中雖復在水當知是魚必在岸上何以故如是鈎繩繫岸樹故時捕魚師來到其所即知得魚便牽鈎繩安置岸上隨意所用如是阿難一切衆生於諸佛所得生敬信種諸善根修行布施乃至發心得一念信雖復為餘惡不善業之所覆障墮在地獄畜生餓鬼及諸難處若佛世尊出興於世以佛眼觀見諸衆生行菩薩乘若緣覺乘若聲聞乘此諸衆生種諸善根此諸衆生斷諸善根此諸衆生墮在退分此諸衆生在勝進分此諸衆生種諸種子置賢聖地於佛福田乃至發心一生敬信修行布施以此善根諸佛世尊以佛眼觀見此衆生發心勝故從於地獄拔之令出既拔出已置涅槃岸置涅槃已令其憶念本於某佛種諸善根彼憶念已作如是言如是婆伽婆如是修伽陀佛言善男子汝等以此善根得大果報得大利益以於佛所修行布施種善根故善男子如是寄者終不虧損假使久遠乃至

百千億那由他劫彼一善根必得涅槃盡涅槃際阿難所言魚者喻諸凡夫池者喻生死海釣喻佛所殖一善根繩喻四攝捕魚師者喻佛如來隨意用魚喻諸如來安置衆生於涅槃果阿難如是次第汝應當知若施佛田假使久遠終不敗亡終無窮盡无有邊際必當趣涅槃果阿難我今當復更作譬喻若施佛田得第一涅槃盡涅槃際阿難若有衆生貪世間報行世間行愛樂世間怖求世間於諸佛所修行布施以此善根迴向怖求人天善道復有衆生於諸佛所種諸善根作如是言以此善根願我世世莫入涅槃阿難是等衆生以此善根不入涅槃无有是處何以故阿難如是諸佛無上福田無諸荒穢亦無棘刺離欲垢過極甚清淨如是田中種少善根福德種子於餘田中不生長者於三種菩提能作種子若无上菩提若緣覺菩提若聲聞菩提彼諸善根終不差失以是布施心生敬信增上因緣得趣善道及清淨法必入涅槃

阿難譬如長者營田之時地不荒穢
無諸荆棘及以瓦礫糞壤肥良墾治
調柔以新種子咸以寶器不腐不敗
依於時節下種田中隨時澆灌鋤治
料理於一切時常善護持阿難若是
長者營田之士於餘時中到彼田所
住在田畔作如是言咄哉種子汝莫
作種莫生莫長我不求利亦不求報
阿難於意云何可以田夫語故種子
不生不作種也阿難言不也婆伽婆
不也修伽陀彼必作果非無果實佛
言如是如是阿難若有衆生樂著生
死三有愛果於佛福田種善根者作
如是言以此善根願我莫般涅槃阿
難是人若不涅槃无有是處阿難是
人雖不樂求涅槃然於佛所種諸善
根我說是人必得涅槃盡涅槃際乃
至佛所得一發心一生敬信種善根
者一切皆當得般涅槃盡涅槃際阿
難於當來世有邊地王彼雖不解
佛法功德見佛精舍及見形像心生
信者我昔曾於五道之中處處受生
修行一切菩薩行時以四攝法布施

愛語利行同事攝彼邊王阿難彼邊地王見我精舍及見形像心生敬信以此善根必得涅槃盡涅槃際阿難彼邊地王當有群臣并諸王子大臣輔佐親戚骨血及諸伴侶於我滅度後見我精舍及見形像雖不解知諸佛功德及佛正法少修善根心生信者我本修行菩薩行時亦曾以四攝法攝護彼等以是善根所加持故當得涅槃盡涅槃際阿難我於長夜憐愍衆生以四攝法長夜攝受以諸佛法利益養育阿難汝觀如來在路行時能令大地高處令下下者令高高下諸處悉得平正如來過後地輒還復一切樹林傾側向佛樹神現身任頭禮拜如來過後樹輒還復丘陵坑坎屏廁臭穢荆棘叢林一切瓦礫皆悉掃除嚴治平正清淨无穢馨香芬烈甚可愛樂衆華布地莊嚴光麗如來足履蹈上而過阿難汝觀如來本所修行諸善功德在路行時無有衆生而不傾側稽首礼者無情諸物大地山崖樹林藥草於佛行處无不傾

側何以故阿難我本修行菩薩行時
於諸師所傾側禮拜亦於父母第一尊
重傾側禮拜者年長宿中年少年親
友骨血無不傾側於佛菩薩善知識
所聲聞緣覺及以外道五通諸仙沙
門婆羅門如是一切應受供人諸佛
菩薩及善知識聲聞緣覺外道諸仙
沙門婆羅門父母兄弟親友骨血及餘
耆年中年少年同師等侶无不傾側
讓下禮敬阿難我以如是善業報故
於無上菩提得成佛已彼諸事物有
情无情如來行時無不傾側佐頭禮
拜阿難我本曾以清淨微妙稱意資
產至心自手施諸師長及餘衆生阿
難以是業報如來行時大地平正掃
灑嚴治清淨無泥又无瓦礫阿難我
於無量諸如來所菩薩知識聲聞緣
覺外道諸仙在路行時我昔曾與掃
治道路泥治房舍若行若住於佛精
舍我以慈心平等心無高下心无諂
曲心清淨心掃治令淨於一切時常
求阿耨多羅三藐三菩提為一切衆
生故安樂一切衆生故憐愍一切衆

生故利益安樂諸天人故阿難以是
善根若佛如來在在處處若行若住
若坐若思惟念欲行來路首自然街
巷清淨地平如掌阿難如來所有身
業功德殊勝難知不可得邊阿難我
今為欲滿此義故當有清信善男子
善女人於如來所深生敬信得未曾
有阿難須彌山王高八万四千由旬
在大海中亦八万四千由旬阿難假
使我減度時如此堅固高大山王无
不傾側何況諸餘黑山藥草叢林若
不傾者無有是處阿難且置堅固須
彌山王所有鐵圍山高十六万八千
由旬彼等亦是金剛堅固佛涅槃時
無不傾側伽頭礼敬若欲遠避不傾
側者亦無是處何以故阿難我本修
行菩薩行時一切衆生所作事業終
不別離若有衆生瞋恚乖張我令和
合昔不和者能令和合堅固安住具
足不壞各生慈心愍心阿難以是善
根因緣力故如來獲得不可壞身亦
令眷屬堅固不壞阿難如來復獲眷
屬堅固不可壞法所謂四念處四正

勤四如意足五根五力七覺分八聖道分阿難此三十七助菩提法是佛如來大眷屬所有諸佛聲聞緣覺安住其中一切世間諸天人衆所不能壞何以故阿難佛以是法一切世間諸天魔梵沙門婆羅門及諸眷屬天人阿修羅及須彌山大鐵圍山大地草木佛涅槃時无不恆頭傾側而向何能破壞若有壞者無有是處何以故阿難如來身者不可破壞佛之舍利亦不可壞阿難如來憐愍一切衆生以本願故碎此舍利令如芥子爲令佛法增廣流布阿難如來本修菩薩行時發如是願我於阿耨多羅三藐三菩提成正覺已般涅槃後令我舍利增廣流布阿難以本願故我滅度後令此舍利增廣流布彼諸衆生見佛如來般涅槃故得聖道果佛爲憐愍彼等衆生分此舍利令如芥子阿難如來應正遍知臨般涅槃時憐愍世間諸衆生故入如是三昧分此舍利令如芥子然如來身不受苦痛一切支節分散解時能令舍利猶如

芥子時佛如來无有苦痛乃至如是
憐愍攝受彼諸衆生及攝未來諸衆
生故今得安隱諸善道故供養舍利
尊重迎送謙下供養種種莊嚴種種
華香塗香末香衣服幢幡及衆寶蓋
歌舞音樂我說彼等當得涅槃果乃
至盡涅槃際阿難我滅度後一百年
中於波離弗城當有國王名阿輸迦
於孔雀戶種姓中生以法治世彼於
我法當得敬信得敬信已令我舍利
增廣流布一日一時起八万四千塔安
我舍利阿難汝莫憂愁我之舍利於
天人中當廣流布阿難且置現在供
養如來且置我滅度後供養舍利如
芥子者阿難若有夢中見佛精舍心
生敬信我說彼人以此善根當得涅
槃得第一涅槃盡涅槃際阿難於未
來世所有諸佛出興於世是諸如來
無不稱我功德行者亦如我今稱讚
過去諸佛功德未來諸佛稱我名字
亦復如是阿難我說法時凡諸衆生
遠塵離垢得法眼者阿難彼諸衆生
我本修行菩薩行時一切皆悉先已

成熟阿難若施僧田功德有盡施四方僧功德亦盡施辟支佛所作功德於中不盡若於佛所作功德者不可窮盡復次阿難如我前說諸福田所作功德者皆悉當得涅槃果盡涅槃際阿難且置親承供養我者且置我滅度後供養我舍利者阿難若有念佛乃至一華散於空中我以佛智見彼善根不可量不可說阿難彼等衆生所作善根以念佛心乃至一華散空中者盡此劫來馳走流轉從初至末不可得知於流轉時於如來所奉散一華所得果報不可稱說或作梵天王釋天王轉輪聖王以其善根不可盡故必得涅槃盡涅槃際何以故阿難如是諸佛大神通所奉施一華得如是等无量福報廣大利益大功德聚不可稱量無有邊際必當趣涅槃界阿難若於佛所作功德者當得如是不可稱量無邊福報乃至佛所得一發心生一念信者我說是人梵行究竟安隱究竟盡究竟際是故阿難若有善男子善女人欲求梵天王

轉輪聖王護世四天王三十三天夜
摩天兜率陀天化樂天他化自在天
及餘諸天諸龍夜叉乾闥婆阿修羅
迦樓羅緊那羅摩睺羅伽人非人等
一切世間主得自在者應當如是尊
重迎送恭敬供養諸佛世尊若欲怖求
聲聞地者辟支佛地者及求无上三
藐三菩提者如是善男子善女人亦
應如是恭敬尊重謙下供養阿難我
昔為求阿耨多羅三藐三菩提時於
无量佛無量百佛無量百千佛乃至
無量億那由他百千佛所恭敬尊重
謙下供養衣服飲食牀座卧具病瘦
因緣所須湯藥若行若住若坐若卧
以諸華鬘塗香末香栴檀沉水幢幡
寶蓋供養彼佛彼佛滅後起立塔廟
種種莊嚴以諸香花塗香末香歌舞
嬉戲百千伎樂恭敬尊重謙下供養
憐愍世間諸衆生故利益安樂諸天
人故未得度者欲令得度未解脫者
令得解脫未安隱者令得安隱未涅
槃者令得涅槃故阿難我以五莖優
波羅華散然燈佛於彼即悟无生法

忍如是善根是少分報阿難我以然燈如來應正遍知所散五茎華及餘善根少分福報汝欲知不阿難白言如是世尊願樂欲聞如是婆伽婆如是修伽陀今正是時唯願世尊分別顯示於然燈佛種少善根所得果報今時世尊舒金色右臂以一小指放天優波羅華杳遍滿三千大千諸佛世界百億日月所流行處無不周遍今時世尊於諸天人阿修羅中現此奇特未曾有法於諸佛所種少善根所得福報示現不虛不虧損故今時世尊而說此偈

諸佛不思議 如來法亦然 能信不思者 必獲不思報 有想无想等 一切諸衆生 無量百億劫 一切悉供養 所有辟支佛 无漏阿羅漢 不可思議劫 供養彼一切 正覺若住世 若佛涅槃後 乃至一合掌 此福勝於前 佛或无缺漏 三昧得自在 於法無疑惑 佛眼無不了

若於善逝修慈者 若晝若夜少時間 如是供養福无量 三界無等无有比 過去阿僧祇劫中 於諸世間導師所

諸天人中作光明

修諸善業不可數

阿僧祇劫流轉時

受彼福報不可盡

我以彼福為因緣

能得如是勝菩提

我昔憐愍衆生故

无量百千億佛所

世世常修勝供養

佛不與我授記別

彼佛世尊人中上

知我善根未純熟

雖行諸善不得記

以我無是勝忍故

我又見彼然燈佛

奉散五茎優波羅

右跋沱泥令佛蹈

即悟无生勝法忍

時彼導師然燈佛

即授我記昇虛空

汝於來世阿僧祇

當得成佛号釋迦

從此生死流轉來

修行无量諸善業

愍衆生故受諸苦

為求如是勝菩提

我見世間孤獨苦

悲心憐愍常布施

彼福無限无有量

導師廣說不能盡

我為菩薩修行時

於諸善逝佛世雄

晝夜稱名而供養

无量億劫不可數

一三三四五至十

二十三十略稱名

愍諸衆生故修行

軍勝佛本所供養

如我本修苦行時

无量衆苦我忍受

世世不捨菩提心

一切諸佛無能比

我於世世流轉時

棄捨百千万億頭

捨寶國土及王位

為求聞法多善說

我為无上正法時

深心樂求不可量

布施持戒及忍辱

精進覺悟勝菩提

諸佛勢力不思議

以諸功德所建立

能演正法不思者

亦能顯示勝菩提

大悲經殖善根品第十一

今時世尊復告阿難言我從然燈佛
來次復值佛名蓮華上我以金華奉
散彼佛為求阿耨多羅三藐三菩提
故次復值佛名一切世間取勝自在
我以銀華奉散彼佛為求如是一切
種智次復值佛名極高行我把寶錢
奉獻彼佛為求如是不可知智次復
值佛名日上譽我把衆寶奉獻彼佛
為求如是无障尋智次復值佛号釋
迦牟尼我以雜華散彼佛上為求如
是无上菩提次復值佛名曰帝沙我
以赤旃檀末塗散彼佛亦復為求無
障尋智次復值佛名曰弗沙我以深
信七日七夜目不暫瞬以無量偈讚
彼世尊次復值佛名毗婆尸我復以
豆散彼世尊次復值佛名曰尸棄我
以無價寶衣奉上彼佛次復值佛名
毗舍浮我以餽饍飲食供養彼佛世

尊阿難此賢劫初次有佛興名拘留
孫我於彼所淨修梵行為求如是自
然智故次復值佛名拘那含牟尼我
於彼佛修行梵行次復有佛名曰迦
葉時我於彼亦修梵行我於是等
一切佛所為求阿耨多羅三藐三菩
提為自度亦為度未度者自得解脫
亦為未解脫者令得解脫自得涅槃
亦為未涅槃者令得涅槃汝今觀我
供養亦許無量阿僧祇諸佛世尊恭
敬尊重讚下供養具足無量諸善功
德為求如是阿耨多羅三藐三菩提
故阿難如是次第汝應當知雖於佛
所種少善根當得如是大神通大利
益廣大功德阿難我於佛所種植如
是不可思議菩提善根今得如是不
思議報無等元敵無有邊際汝應當
信今時世尊重說偈言

我於然燈兩足尊 值遇修行菩薩行
五莖青蓮散彼佛 即時記我无上道
次有佛名蓮華上 我時亦復得值遇
以金寶華散彼佛 為求寂勝菩提故
次復有佛大導師 名諸世間最自在

極高上行及上譽
毗婆尸棄毗舍浮
迦葉佛等皆供養
此等及餘過去佛
悲愍一切衆生故
彼佛千億皆供養
降魔勢力及眷屬
我轉无上大法輪
天人龍等緊那羅
我已顯示安隱道
若欲救度諸苦者
大悲經卷第三

釋迦帝沙弗沙佛
拘留孫佛拘那含
為求取上勝菩提
我皆修行勝供養
為求無上勝菩提
積集善根已滿足
獲得无憂安隱道
為衆生故顯正法
應菩提器我度竟
未來諸佛及聲聞
應當修習我德行

辛丑歲高麗國大藏都監奉
勅雕造

大悲經卷第四

賓

高齊天竺三藏那連提耶舍譯

以諸譬喻付囑正法品第十二

今時世尊復告慧命阿難言且置我
薩道時功德利益緣覺尚无何況聲
聞及餘衆生阿難我菩薩時久修苦
行棄捨王位婦兒妻子及諸姝女身
命手足頭目耳鼻血肉骨髓及受種
種无量苦痛彼等一切悉為汝等怖
求阿耨多羅三藐三菩提故阿難一
切難捨我悉已捨所受衆苦悉為衆
生阿難此等功德若我廣說則不可
盡如有聞者心則迷悶況有說者阿
難若有衆生起一念心悲愍釋迦牟
尼如來應供正遍知本昔修行菩薩
苦行作如是言為我等故具受無量
種種苦痛難為之事阿難我說彼等
一發心者必定當得寂後涅槃何況
我所種善根者阿難或有愚人湯捍
无信聞我本修菩薩苦行乃至不生
一念悲心不言如來有大利益亦不

敬信是故所有殊勝行者能得涅槃
阿難如是功德利益勝法緣覺所無
何況一切聲聞凡夫所能有也阿難
諸有修行菩薩行者所得大悲亦非
緣覺所能有也阿難若有如我修菩
薩行者得於大悲得大悲已忘皆當
得阿耨多羅三藐三菩提是故此法
大慈大悲之所攝也以是因緣緣覺
所無以是義故彼不得作如來應供
正遍知不具十力四無所畏大慈大
悲阿難我知本昔修菩薩行推求善
法於彼生死心常驚怖於諸衆生修
大悲心而於夢中見大鐵圍有崩倒
處世界中間有諸衆生在大地獄為
彼獄卒之所逼切身體碎壞周遍熾
燃猶如火聚受大苦切如奪命苦我
詣其所彼諸衆生合掌礼拜而作是
言仁者汝今受樂我等今受地獄之
苦楚毒難忍如奪命苦无救無護无
歸无趣大丈夫若欲救我如是苦者
必定堪能阿難我時於彼地獄衆生
起大悲心即於夢中悲泣流淚如恒
河水我時安慰彼衆生言諸仁者莫

生怖畏我令汝等脫是苦聚阿難我時令彼地獄衆生集在一處以其右手普摩其頂而告之曰諸仁者莫生怖畏我當必定救度汝等作是語已地獄火聚即時得滅其諸衆生於剎那頃得受安樂阿難我於今時從夢悟已振衣取淚以器盛置阿難我本如是具大悲法修菩薩行何況今得阿耨多羅三藐三菩提阿難汝應當知如是之法亦非緣覺所能有也何況聲聞凡夫人等阿難若有此法者是修菩薩行阿難當觀如來本昔所修菩薩行時於諸衆生具足如是憐愍利益大悲之心如是功德若我具以口業宣說不得邊際阿難過去之世有大商主為採寶故將諸商人入於大海彼所乘船衆寶悉滿至海中聞其船卒壞時彼商人心懷怖畏極生憂惱其中或有得船板者或有浮者有命終者阿難我於今時作彼商主在大海中用以浮囊安隱而渡時有五人呼商主言大士商主唯願惠施我等無畏說是語已今時商主即

告之言諸大夫勿生怖畏我令汝等
從此大海安隱得渡阿難彼時商主
身帶利劍而作是念大海之法不居
死屍如其我今自捨身命此諸商人
必能得渡大海之難作是念已即喚
商人置已身上令善捉持彼諸商人
有騎背者有抱肩者有提膝者尔時
商主為欲施彼无怖畏故大悲修心
起大勇猛勵身心力即以利劍斷已
命根速取命終于時大海湧其死屍
置之岸上時五商人便得渡海安隱
受樂平吉無難還闍浮提阿難彼時
商主豈異人乎我身是也五商人者
今五比丘是也是五比丘昔於大海
而得渡脫今復於此生死大海而得
渡脫安置无畏涅槃彼岸阿難汝今
當觀修何苦行具足云何无量功德
得為菩薩摩訶薩也阿難如是功德
次第應知亦非緣覺所能有也阿難
如諸菩薩功德如是諸辟支佛無此
法故不作如來應供正遍知不成阿
耨多羅三藐三菩提阿難以能如是
修諸苦行得為菩薩大悲憐愍一切

衆生阿難復有愚人於我佛所不生敬信以是因緣不得作阿耨多羅三藐三菩提根本種子亦不得證無上涅槃彼若於我心生敬信即便得作菩提種子能證涅槃阿難修少分行得少分功德修滿足行得滿分功德阿難我當更說餘行決定若有衆生乃至能發一念敬信以此善根得為種子何況復種種勝上善根阿難若於佛所種善根者乃至一念發心念佛我說彼等猶如甘露寂後甘露阿難行者應當以一切種而念如來所謂念於如來所念念如來善根念如來姓曰姓不相似以菩薩種上姓生故姓曰者為離諸闇而作光明阿難我生釋種故種姓清淨阿難當念如來生念如來種族念如來姓念如來積財具足念如來端正念如來所生國土念如來相念如來隨形好念如來十力念如來四无所畏念如來十八不共法念如來所生具足念如來可美念如來無患癡念如來本行具足念如來願具足念如來戒定慧解脫

解脫知見具足念如來慈悲喜捨具足念如來威儀具足阿難若有人隨所念佛彼彼功德得大神通大利益廣大功德猶如甘露第一甘露軍後甘露阿難我於往昔為菩薩時行檀波羅蜜我以佛智觀彼功德不得邊際何況所修尸波羅蜜羣提波羅蜜毗梨耶波羅蜜禪波羅蜜般若波羅蜜如是等諸餘功德若彼菩薩未得授記所有功德佛智觀察不得邊際何況授記所有功德乃至何況得成佛時一切功德於百千億那由他劫觀察宣說不得邊際何以故如來應供正遍知功德无量阿難我以實智觀此利益如是說也若有憶念我菩薩時功德利益心生敬信以此善根悉皆當得後際涅槃是故阿難汝莫憂悲我為令汝與諸天人作大利益作大攝受已說道法令彼得向無上安隱後際涅槃汝等於此勤修方便慎莫放逸

今時世尊告諸比丘言吾今後夜當般涅槃汝等今者寂後見我寂後受

化取後合會汝等從今更不見我我亦不復見於汝等汝諸比丘止莫憂悲一切所愛稱意之物皆當離散諸比丘生法有法有為法老別法覺知法因緣所生敗壞之法若不滅者無有是處諸比丘假使久住會當去矣諸比丘凡有生者无不有死一切諸行無有常定究竟不變諸比丘生死是苦涅槃是樂汝若欲令未得者得未達者達未證者證當勤求之諸比丘勤修方便慎莫放逸諸佛世尊以不放逸故得阿耨多羅三藐三菩提及餘一切助道善法是故汝等當受我化

今時大衆比丘比丘尼優婆塞優婆夷天龍夜叉乾闥婆阿修羅迦樓羅緊那羅摩睺羅伽釋天梵天四天王等得聞如是取後教已愁苦不樂為憂箭所射啼哭流淚極大號叫作如是言婆伽婆入般涅槃一何駛哉修伽陀入般涅槃一何駛哉世間眼滅世間盲冥一何疾哉我今云何與衆生實別離太速

尔時阿難聞是語已瞻仰如來目不
暫瞬即便思惟悲踊啼哭放身投地
猶如斫倒臨峻大樹

尔時世尊告阿難言止莫憂悲我向
豈不如是語汝一切稱意所愛之事
皆當別離生法有法有為法老別法
覺知法因緣所生敗壞之法若不滅
者无有是處慧命阿難聞是語已即
白佛言婆伽婆我何得不愁修伽陀
我何得不悲我與如是衆生之寶衆
生共乘衆生導師世間所求世間歸
趣天人大師當有別離是故婆伽婆
我何得不愁修伽陀我何得不悲世
尊我與如是大悲憐愍一切衆生世
間親友一切世間眼目之寶作光明
者當有別離而我自恠心不破裂以
為百分世尊我復自恠而得住此不
取命終世尊又我自恠身不破壞猶
如麥莖世尊我復思惟今得如是不
命終者皆由如來神力加故婆伽婆
我那得不愁修伽陀我那得不悲今
者如是衆生共乘世間導師憐愍世
者明當不住更不可見

今時佛告慧命阿難言汝愛我耶阿難言甚愛婆伽婆甚愛修伽陀佛言難言云何愛我阿難言我愛世尊非以口業言說可盡亦不可以喻況能盡婆伽婆我愛如是修伽陀我愛如是世尊我為如來棄捨身命亦无怪惜婆伽婆我愛如是修伽陀我愛如是世尊我愛如來唯佛證知婆伽婆我愛如是修伽陀我愛如是

今時世尊復告阿難汝若愛我申汝右手來今時阿難即舒右手于時世尊以金色右手其掌柔軟色如紫礦執阿難手而作是言阿難汝若愛我應當為我而作愛事何者為我所作愛事我於無量百千億那由他阿僧祇劫所習阿耨多羅三藐三菩提大法寶藏付囑於汝汝當隨順如我所轉當如是轉令得廣行而不斷絕莫作中間滅法人也阿難我今為汝當作護持令佛所說正法毗尼而得增長不退減故不失壞故我今說喻諸有智者從喻得解譬如貴族巨富長者豪富饒財多諸庫藏所須之物無

不具足如是財寶不共他有種姓具足籍胄剎遠所生因緣患亦具足如是長者生育一子子既長大勤教令學歷筭書印及餘種種深密工巧深密智慧子既學已後時長者語其子言我今於汝所作已竟汝既學得歷筭書印深密工巧深密智慧今日是我家後教勅一切財寶是我所有我今志當付囑於汝汝從今日當學三事可得存我門族舊業何等為三一者欲二者精進三不放逸如是豪貴巨富長者如是善巧教其一子而彼一子狂惑放逸父母財產費用皆盡阿難於意云何彼長者子受父教不阿難言不也婆伽婆不也修伽陀佛言阿難如是長者為與其子作父事不阿難言作也婆伽婆作也修伽陀佛言阿難如來則為世間之父汝如一子今日是我家後教誡付囑於汝我此百千億那由他阿僧祇劫所習无上法寶庫藏汝等亦應學於三事何等為三一者欲二者精進三不放逸如是汝等若住三事我此阿僧祇

劫所習无上法寶庫藏則得久住未
達善法者令得通達已通達者令不
退失是故汝等應當堅持我此阿僧
祇劫所習阿耨多羅三藐三菩提法
寶庫藏未住三事者令住三事未達
善法令得通達已通達者令不退失
何以故我為慈悲憐愍利益諸世間
故為令彼等得安樂故阿難我與世
間已作父事親友事竟我於汝等應
作已作復次阿難我於阿僧祇劫所
習阿耨多羅三藐三菩提法三事因
緣當有隱沒何等為三一者無信二
者不住決定之行三者不懺悔是故
阿難今當護持正法寶藏為住深信
決定懺悔應作欲進不放逸等三事
方便如是汝等於我法尊世間之父
如其子事應作已作阿難以是義故
我復說喻令此无上正法寶藏而得
成就增上付囑以此喻故諸有智者
聞說得解復得增上深愛敬信便生
念言彼釋迦牟尼如來應供正遍知
為我等故臨涅槃時以其右手執阿
難手付囑於此阿僧祇劫所習阿耨

多羅三藐三菩提法譬如商主遠遊
道路所應作者皆已作訖阿難於意
云何而彼商主為當還家為在道住
阿難言世尊彼來還家不在道住阿
難如是如來世間之父世間親友世
間導師是大商主以阿耨多羅三藐
三菩提智所應作者皆已作訖更无
佛事而可作也一切衆生所應度者
皆已度竟所應度者无不善調阿難
有於三事不滿不得如來應供正遍
知不般涅槃何等為三所謂菩薩摩
訶薩未得住於不退轉法若於如來
無上正法隱沒之時或經一切百劫
千劫或百千劫百千億那由他劫未
能得成阿耨多羅三藐三菩提諸佛
世尊雖涅槃時至見此菩薩善根未
熟為令成熟住不退故以神通力加
其自身住世不滅待此菩薩得不退
已即時授其次次第補處阿耨多羅三
藐三菩提記是佛如來然後入於無
餘涅槃是故我今與弥勒等无量百
千億那由他菩薩摩訶薩授阿耨多
羅三藐三菩提記令其住於阿毗跋

致此是諸佛憐愍衆生應作已作復次阿難若諸衆生應於如來當得解脫而未度者如來終不入於涅槃若佛世尊知彼无量百千億劫餘佛世尊未出於世若自世界若餘世界於五道中所有衆生或經一歲或百歲千歲或百千歲或百千億那由他歲乃至一切若過一切是等於我應得度脫不於一切聲聞緣覺而得度脫以佛智慧如是知已彼佛世尊雖涅槃時至憐愍彼故以神通力加其自身住世不滅乃至令彼得成熟已然後度脫阿難此是第二諸佛世尊應作已作然後入於無餘涅槃復次阿難如來所說若修多羅若毗盧若摩得勒伽所有深義非學无學聲聞大衆共議能知於其衆中設有比丘生疑欲問敬重佛故恐畏惱乱不敢輒問於是如來應供正遍知佛智知已化作一比丘至如來所問言世尊此所作事云何而作佛即告彼化比丘言比丘此所作事應如是作阿難此是三事諸佛世尊必定須作

其事不滿不入涅槃彼等一切我於
今者已作已滿更无所作更無所說
阿難我今已為諸聲聞說修學毗尼
波羅提木叉為盡苦故示於正道說
行決定正作其事是故阿難汝等從
今我不說者慎莫說之我所說者勿
令斷絕阿難如我所說應如是學應
如是作慎莫放逸樂不放逸故則得
道果以是義故教勅汝等莫憂莫悲
阿難吾今後夜當般涅槃我今當捨
已之國土已之境界更不復來至此
世界亦復不到他世界也

他世界者
後世生處

汝

等從今更不見我我亦不復見於汝
等阿難我當入於無餘涅槃如是涅
槃寂靜清涼无塵離垢一切苦息捨
於宮宅無生无老無病无死無憂无
悲無苦无惱无不稱意无諸悔恨無
怨憎會無愛別離如恒河沙等諸佛
世尊及與一切聲聞緣覺皆悉已去
今去當去阿難汝今當觀我猶愛彼
无餘涅槃有諸愚癡凡夫之人而不
愛彼勝妙寂靜安樂涅槃亦復不能
一念發心隨順解脫是人若能一念

發心以是因緣即為種子當得涅槃
阿難一切凡夫何有是力一切凡夫
羸劣無力阿難我觀一切愚癡凡夫
猶如麥莖是故阿難愚癡凡夫何得
有力何得有安所有不能一念發心
順解脫者若能發心決定得為涅槃
種子阿難一切愚癡凡夫之人无有
戒力定力慧力阿難我已具足無量
佛力具足阿僧祇不可思議無量無
等戒定慧解脫解脫知見力漸力愧
力久積集力智力捨力福力慧力根
力加力具足十力猶故愛彼无餘涅
槃阿難有諸凡夫闇鈍无智少於知
法樂著生死牢獄經縛乃至不能一
念發心隨順解脫當令彼等得為涅
槃根本種子阿難如是如來所讚所
說諸修多羅留在未來若佛滅後未
來世中有人得聞聞已發心即便得
入正法寶藏无餘涅槃界阿難我當
說喻令得增上深解其義阿難譬如
商主將諸商人涉於廣大曠野嶮路
免諸賊難到無畏城其中有人失伴
在後極其怖畏尋跡而去逐諸商人

甚大苦惱得過嶮路見諸商伴阿難如是如來成阿耨多羅三藐三菩提已演說如是諸修多羅留在未來於佛滅後有諸善男子善女人等若得聽聞聞已發心到我所留正法寶城無餘涅槃界到正法城已思惟憶念護持顯說我法寶藏阿難我為一人尚當付此無上正法令汝堅持何況无量百千衆生是故我今以此億那由他阿僧祇劫所習阿耨多羅三藐三菩提正法寶藏付囑於汝汝等應當善誦堅持為諸淨信四部大衆開示分別莫作中間滅法人也阿難當來之世有諸衆生不聞如是修多羅義而生退沒是故阿難我當說喻譬如豪貴巨富長者多饒財寶庫藏盈滿資生所須皆悉具足然彼長者唯有一子遠行他方時彼長者身遇重病痛苦極甚臨命終時以多寶物摩尼真珠琉璃珂貝金銀錢財寄餘長者作如是言汝應當知我子既已遠行他方然我今者身遇重病不久命終為我子故以是无量庫藏財寶寄

付於汝如其我子他方來還為我教之令莫放逸當令堅住不放逸法然後付此庫藏寶物當付寶時應作是言童子汝父往日臨命終時為於汝故以此寶物寄付於我今我還汝是汝已物應當領受慎莫放逸堅持守護勿令損失尔時豪貴巨富長者作是語已即以所有衆多寶物而寄付之彼餘長者即便領受受已不久其長者子他方而還彼餘長者所受寄物悉不還之阿難於意云何是誰過也慧命阿難白佛言世尊受寄者過非餘人也何以故其受寄者親自受彼豪貴長者衆多寶物不還彼子故佛言阿難豪貴長者喻如來也臨命終者喻於如來欲入涅槃言一子者喻未來世有諸淨信善男子善女人等遠行他方者喻流轉五道大寶藏者喻於如來億那由他阿僧祇劫所習无上大法寶藏受寄長者喻於汝等諸大聲聞菩薩摩訶薩護正法者阿難如是億那由他阿僧祇劫所習无上大法寶藏為未來世諸善男子

善女人等寄付於汝及大迦葉弥勒等諸大菩薩汝等若能順我付囑彼未來世所有受化淨信佛子應以法寶而授與之何以故阿難有諸衆生是我往昔為菩薩時所成熟者以惡業故墮於地獄畜生餓鬼如是衆生如來滅後得出惡道生於人中所有諸根增長成熟故於我法中以少因緣能生敬信其中或有得出家者聞我所說諸修多羅當發勝行或於聲聞乘或於緣覺乘或於大乘而般涅槃阿難我為未來諸善男子善女人等付囑於汝我此百千億那由他阿僧祇劫所習無上大法寶藏今彼得聞何以故彼等衆生若不聞此真道正法當有退沒是故我今為彼未來善男子等付囑於汝大法寶藏若彼得聞則无有退以是因緣我復說喻阿難譬如轉輪王廣開庫藏勅諸典臣諸丈夫汝當布施一切沙門婆羅門貧窮乞人及行路者隨其所須求食與食須飲與飲須乘與乘及以華鬘塗香末香衣服卧具清淨房舍活

命之具諸庫藏臣得王勅已而不行
施阿難於意云何是誰過也阿難言
大德婆伽婆諸藏臣過非輪王也佛
言阿難如是如是我為法王於億那
由他阿僧祇劫廣集如是大法庫藏
自覺悟已欲令增廣於天人中開示
顯說乃至為汝所開示者為諸敬信
沙門婆羅門一切凡夫求法義者悉
令得聞是故阿難我今以此大法寶
藏已廣開顯付囑於汝汝若不為淨
信沙門婆羅門長者居士及諸凡夫
樂法義者廣宣分別則於如來當有
過失何以故阿難我為无上法轉輪
王多有法寶功德庫藏多諸助道七
覺法財十力無畏皆悉具足於諸法
中而得自在故名法王汝持我此八
万四千正法寶藏為諸淨信沙門婆
羅門長者居士淨信凡夫諸法師等
求法義者具足演說勿生分別莫作
中間滅法人也是故阿難汝若以我
億那由他阿僧祇劫所習阿耨多羅
三藐三菩提無上法寶能為四眾而
顯說者則於如來無諸過失若不說

者有大過也

復次阿難若漏盡阿羅漢比丘證無為故不能為他分別顯說是人不益如來導師亦不護持我之正法是故我今付囑汝法何以故阿難譬如有入於大黑闇執持草炬還歸舍宅復有多人欲度黑闇其執炬者依此草炬得度黑闇到已舍宅到已除滅而不與他阿難於意云何是人既知草炬未盡及知大眾皆欲度闇自用此炬而不與他可名正作為好不也阿難言不也婆伽婆不也修伽陀佛言如是如是阿難若有比丘得阿羅漢果證元為法已亦知大眾度生死闇而不為他分別顯說我阿僧祇劫所習法寶今得增廣是不名利益導師不名攝受我之正法是故阿難我今以此億那由他阿僧祇劫所習法寶付囑於汝乃至堅持為他廣說勿令斷絕如是真道莫作末後滅法人也阿難若有比丘比丘尼優婆塞優婆夷於此法寶自安住已必能為他分別顯說我此億那由他阿僧祇劫

所習法寶應付彼等當與其分是故
阿難我此億那由他阿僧祇劫所習
善法第二付囑為於未來諸衆生故
勿令如是諸衆生等不得聽聞而有
退失

復次阿難譬如豪貴巨富長者多諸
庫藏摩尼真珠珊瑚珂貝資生所須
皆悉具足時有怨家燒其庫藏如是
長者復有諸怨及怨親友於長者所
心常樂作不利益者有不樂彼得喜
樂者有不樂彼得安隱者如是諸怨
見其大火燒庫藏時捨之默住不滅
此火而彼長者復有親善常欲憐愍
利益心者欲令安隱者見其火已捨
而默住不欲滅之阿難於意云何如
是親友可名正發隨順理不阿難言
不也婆伽婆不也修伽陀佛言阿難
彼等親友見其大火焚燒庫藏捨而
不收故復加增熾盡燒一切庫藏不
耶阿難言如是婆伽婆如是修伽陀
佛言如是如是阿難我於億那由他
阿僧祇劫所習无上善根法寶壞滅
之時有諸比丘心無敬信毀破淨戒

習行惡法於歌舞處能為上首不樂
離欲修行禪定心多散亂懈怠懶惰
少於聞法不樂讀誦何能為他分別
顯說令人得聞住持法寶

復次阿難譬如灌頂剎利大王唯有
一子遠行不在其剎利王身遇重病
既得病已以諸寶藏種種雜物持往
寄付大臣長者作如是言若我子還
汝當置立令紹王位以諸庫藏悉皆
付之諸臣長者各各別受彼王所寄
既受寄已王便命終王命終已其子
行還即紹王位既登位已具得自在
諸臣長者而不還彼寶藏財物作如
是言善哉大王正法治化以此寶物
賜與我等阿難於意云何其所受寄
大臣長者於彼王所有過不耶阿難
言如是婆伽婆如是修伽陀彼有過也
佛言阿難其遠行者喻五道衆生病
者喻佛欲入涅槃多寶藏者喻三十
七助道善法大臣長者喻諸阿羅漢
付寶物者喻我以此億那由他阿僧
祇劫所習法寶付囑於汝乃至如是
為彼未來諸弟子故阿難當來之世

有諸衆生我於往昔所成熟者以惡業故生於地獄畜生餓鬼我滅度後於彼命終得生人中所有諸根增長成熟於我法中心生敬信有得出家者有在家者有得須陀洹者乃至有得阿羅漢者有於學地而命終者有於佛地發深信者有種人天諸善根者如是當得具足利益有得如是敬信心者作如是言彼世間久善付我等復得生於增上敬信阿難我為彼故以此法寶付囑於汝乃至令彼得聞如是法寶藏故是故阿難汝當以我大法寶藏令彼淨信諸善男子善女人等而得聞也阿難若不令彼而得聞者汝於如來則為有過何以故阿難彼善男子善女人等若聞如是大法寶藏或有得成殊勝之行或有得生大愛樂心或有聞時流淚毛豎阿難若復有人聞是法門念佛功德流淚毛豎者我記彼等以此善根皆得涅槃

大悲經卷第四

壬寅歲高麗國大藏都監奉

大悲經卷第五

賓

高齊天竺三藏那連提耶舍譯

殖善根品第十三

復次阿難若有比丘受持如是諸法門
已有諸清信善男子善女人等樂聞
法故有來聽者不為演說是人則為
如來怨讎何以故是諸人等應為法
器樂欲聞法不為說故彼不得聞以
不聞故即便退失已之善根亦復退
失他人善根所以者何是人不知應
可為說不可為說阿難我以是義欲
令明了故說譬喻猶如商人多賣寶
貨至大曠野嶮難路中開諸寶貨布
之在地喚諸群賊而告之言我此寶
貨希有難得汝與我價我以此寶當
賣與汝阿難時彼群賊即於曠野執
持刀杖打諸商人奪其眾寶阿難於
意云何是諸商人可於曠野布眾寶
物喚諸群賊言買物不阿難白言是
諸商人猶尚不應曠野嶮路開諸寶
貨况喚群賊世尊如是商人應自牢
藏眾珍寶物著鎧持仗以自防衛於

曠野處安隱而度此事應尔尔時世尊復告阿難復有商人亦持諸寶從遠方來到諸城邑王都聚落到已開諸寶物布之在地彼有好人來買寶物是諸商人方執刀仗共買寶者而共鬪戰阿難於意云何是諸商人得名點不阿難白言不也婆伽婆不也修伽陀世尊是諸商人應作是言我此寶物希有難得汝與我價當賣與汝世尊是諸商人應當如是不應布諸寶已著鎧持仗共相禦逆佛言阿難有諸比丘受持流通諸法寶藏所謂修多羅祇夜伽陀毗耶迦羅那優陀那尼陀那阿波那伊帝毗利多迦闍多迦毗弗略阿浮陀達磨優波提舍而於彼等應為法器不為說故彼不得聞以不聞故信等樂欲善心不生以不生故不得種諸善根修殊勝行而般涅槃彼諸不應為法器者而為演說彼得聞已信等樂欲善心不生以不生故不得解脫是人便生誹謗毀訾作諸罪業墮三惡道阿難猶如彼愚癡商人應開寶處而不為開

不應開處而便強開應可與處而不
肯與不應與處而便強與阿難若有
清信善男子善女人善心清淨樂欲
聞法應為法器來聽法者應可為說
而不為說不應為說而便強說是故
阿難若有如是堪為法器深信樂欲
求涅槃者應當為說若有不堪為法
器者无信樂欲求其過失破戒惡行
伺求他過為欲違反佛正法眼不隨
順故不應為說何以故勿令彼諸愚
癡人等聞此法已生增上過是故阿
難當如是學若有善男子善女人應
為法器樂聞法者勤心為說諸有聽
者亦復應當攝心專聽阿難彼若如
是俱能廣生無量阿僧祇大功德聚
阿難於意云何所有地界及衆生界
何者為多阿難白言如我解佛所說
義衆生界多非地界也佛言阿難如
是如是如汝所說衆生界多非彼地
界亦非水火等界阿難及餘三千大
千世界所有衆生有可知者有不可
知者有可見聞有不可見聞是等一
切於一剎那一羅婆一摩睺多項假使

俱時得作人身悉成男子於一剎那
一羅婆一摩睺多項皆悉得成緣覺
菩提阿難乃至无量無邊諸世界中
所有地土是諸地土邊際不可知如是
地土悉作微塵彼諸微塵假使皆悉
得作人身悉成男子彼作人已於一
剎那一羅婆一摩睺多項皆悉得成
緣覺菩提阿難若復无量無邊諸世
界中有須弥山鐵圍山大鐵圍山雪
山香山及餘黑山乃至三千大千世
界所有藥草樹木叢林悉為微塵有
可知者不可知者有可見聞有不可
見聞皆得人身悉成男子於一剎那
一羅婆一摩睺多項假使一時皆悉得
成緣覺菩提阿難彼諸緣覺假使壽
命從過去際盡未來際壽命住世不
可得知彼衆生中惟有一人獨不得
成緣覺菩提然彼一人為大長者亦
從過去盡未來際於中住壽不可得
知時彼長者亦隨住壽供養衆數諸
辟支佛飲食衣服牀座卧具病瘦湯
藥一切供身樂具恭敬尊重謙
下供養彼辟支佛若辟支佛般涅槃

後起七寶塔以諸天人寶幢幡蓋種種花鬘塗香末香及以燒香衣服歌舞音聲伎樂盡天人中取上供具恭敬尊重謙下供養阿難於意云何彼大長者得福多不阿難白言如我解佛所說義若能供養恭敬尊重一辟支佛所得福德尚多无量不可算數無等無限不可思議何況供養尔許辟支佛隨其住壽若滅度後恭敬尊重謙下供養尔時世尊復告阿難我今以實告汝彼辟支佛具足戒定慧解脫解脫知見衆受彼長者種種供養有一如來應正遍知出興於世不受長者衣服飲食牀座卧具病瘦湯藥亦不說法然彼長者但見如來應正遍知凡常威儀示現於世所得福德多於供養彼辟支佛具足戒定慧解脫解脫知見者百千億那由他倍不及長者見佛如來凡常威儀示現於世所得福德何以故以佛如來具足无量阿僧祇不可思議大功德故阿難諸佛如來但以威儀福德善根猶尚不能窮其邊際何況如來所有無

量諸善功德阿難若於辟支佛所修行布施所得福德无量阿僧祇若於佛所修行布施所得福德亦復無量无有限者有何老別阿難彼所布施非无老別阿難譬如有人為求利故詣於他方彼得利已即便迴還阿難若施辟支佛所得福德比佛如来亦復如是阿難若復有人於諸佛所修行布施所得福德不可為譬何以故阿難若於佛所修行布施所得福德無量阿僧祇不可思議无等無疋无有邊際不可窮盡阿難若於佛所修行布施所得福德我當為汝而作譬喻諸有智者以喻得解阿難譬如畫師畫雖精好其中猶有少許鄙拙不端嚴處復有畫師所作端正轉更勝前如是阿難若於辟支佛所修行布施所得福德比於佛所修行布施所得福德亦復如是何以故阿難彼辟支佛以其智故得名辟支佛此辟支佛智皆從如来智慧而生諸佛如来一切種智轉更勝前是故阿難若於佛所乃至盡形衣服飲食牀座卧具病瘦

湯藥恭敬尊重謙下供養所得福德
寧為多不阿難白言如是婆伽婆如
是修伽陀若於佛所乃至盡形恭敬
供養所得福德甚多元量世尊若於
佛所乃至發心一生敬信所得福德
尚多無量不可思議不可算數何況
有人於如來所乃至盡形恭敬尊重
謙下供養作是語已佛告阿難且置
供養一佛如來以一切樂具乃至盡
形而供養者且置供養二三四五乃
至十佛若二十三十乃至百佛千佛
百千佛億佛百億佛千億佛百千億
佛億那由他百億那由他千億那由
他百千億那由他乃至遍滿閻浮提
如來應正遍知盡四天下千世界二
千世界三千大千世界其中百億日
月百億須彌山百億鐵圍山百億大
海百億閻浮提百億鬱單越百億弗
婆提百億瞿陀尼八万洲渚并諸眷
屬百億四天下百億四天王天百億
三十三天百億須夜摩天百億兜率
陀天百億化樂天百億他化自在天
百億梵天乃至阿迦貳吒天此名三

千大千世界彼悉滿中諸佛如來應
正遍知辟如甘蔗若竹若筆若佉陀
利林若迦賒林彼諸如來壽命長遠
如恒河沙劫時有長者壽命住世亦
復如是乃至盡形衣服飲食牀座卧
具病瘦湯藥恭敬尊重謙下供養彼
諸如來若佛滅後起七寶塔以天幢
幡諸妙寶蓋種種香華塗香末香一
切花鬘諸妙蓮花優波羅花拘牟頭
花芬陀利花一切歌舞種種音樂以
如是等一切樂具恭敬尊重謙下供
養阿難於意云何彼大長者所得福
德寧為多不阿難白言如是婆伽婆
如是修伽陀彼大長者於一如來以
諸餽饌飲食供養所得福德尚多無
量不可算數何況如是於諸佛所住
恒河沙劫而設供具恭敬尊重謙下供
養彼佛滅後起七寶塔種種供養所
得福德不可為譬作是語已佛告阿
難我今以實告汝若彼長者於諸佛
所隨其壽命恭敬尊重謙下供養彼
佛滅後起七寶塔以諸勝妙種種供
養所得福德阿難若有善男子善女

人於諸如來分別演說菩提道時信
解樂欲具足深信法是善說僧是發
心善修行者信解諸行一切無常一
切苦一切空一切法无我寂滅涅槃
阿難以此信解所得福德轉復勝前
阿難若復有人信解如是諸法寶藏
轉為他說所得福德如是廣大如是
無量如是阿僧祇如是不可思議如
是无等如是無限何以故阿難如是
法寶无上法藏初中後善若有修行
如是布施所得功德比此法藏猶如
草芥應如是知何以故阿難如是布
施世間有漏是生死法阿難我此無
量阿僧祇億那由他劫所集法藏斷
除生死離諸雜食流轉故有阿難若
有眾生聞此法藏從此生法而得解
脫乃至老死憂悲苦惱法而得解脫
阿難我觀此義故作是說有二種人
得大福德一者慇心為說二者至心
專聽作是語已慧命阿難白佛言世
尊若有善男子善女人深信具足如
實修行分別諸法信解樂欲法是善
說僧是發心善修行者信解一切諸

行无常若苦若空一切法無我寂滅
涅槃如是善思深正念者得幾許福
佛言阿難若復有人但知法是善說
僧是發心善修行者如是善男子善
女人深正思惟攝心專聽得聞法已
乃至一彈指頃深正思惟法是善說
僧是發心善修行者是人於彼所得
福德无量無邊何況善男子善女人
深正思惟攝心專聽聽聞法已乃至
一彈指頃如實修行解知諸行一切
无常一切苦一切空諸法无我寂滅
涅槃阿難若於無量无边諸世界中
所有一切諸衆生界於一剎那一羅婆
一摩睺多頃假使一時俱得人身彼
得人已於一剎那一羅婆一摩睺多
頃假使一時於阿耨多羅三藐三菩
提成等正覺彼諸如來假使壽命從
過去際不可得知於未來際亦復如
是阿難假使是等諸衆生中惟有一人
於阿耨多羅三藐三菩提成正覺
然彼一人為大長者亦隨壽命從過
去際不可得知於未來際亦復如是
余時長者乃至盡形恭敬尊重護下

供養彼諸如來以諸樂具衣服飲食
牀座卧具病瘦湯藥而以供養彼諸
如來入涅槃後起七寶塔起寶塔已
寶幢幡蓋一切花鬘塗香末香盡世
所有恭敬尊重謙下供養阿難於意
云何時彼長者所得福德寧為多不
阿難自言若彼長者恭敬尊重謙下
供養一佛如來所得福德甚多无量
不可算數不可思議無等无限何況
如是於諸佛所隨其壽命恭敬尊重
謙下供養所得福德不可思量佛言
阿難如是如是如汝所說如是長者
所得福德不可思議是故阿難我今
以實告汝若彼長者於諸佛所隨其
壽命恭敬尊重謙下供養所得福德
若復有人深正思惟攝心專聽得聞
法已乃至一彈指頃信解樂欲法是
善說僧是發心善修行者信解諸行
一切无常一切苦一切空諸法無我寂
滅涅槃所得福德不可譬類所能知
也阿難如我先說有二種人得福甚
多一者至心為說二者專心勤聽尔
時世尊說是偈言

為於二種義應聽佛所說一切漏行盡
近聖成菩提若有說法者及聽佛正法
二俱得福多能建諸仙幢

尔時世尊復告阿難有二種人共魔
波旬極大戰諍何者為二一者至心
為說二者專心勤聽何以故阿難如
是梵行得滿足者謂善知識及善等
侶善心流注何以故阿難若有衆生
遇善知識遇知識已從生得解脫乃
至老病死憂悲苦惱法而得解脫阿
難此事我昔告諸聲聞有二因緣能
生正見一者從他聞法二者內正思
惟從他聞者當知從佛所聞內正思
惟者亦從佛知何以故阿難如諸凡
夫佛未出時自无內正思惟佛出世
已教諸凡夫作如是事阿難我觀是
義故作是說內正思惟亦從佛生尔
時世尊說是偈言

善哉妙丈夫得見增諸智若有斷疑者
令凡得明慧見聖者得樂共居亦得樂
不見諸凡愚如常有樂者

是故阿難我為是義隨宜演說梵行
滿足者諸善知識及善等侶能生善

心相續流注何以故阿難若有衆生
遇善知識得生善心生善心已心則
得信心得信已所作皆善所作善已
則得善法得善法已安住善法住善
法已於佛世尊深得敬重於法僧所
亦深敬重當得聖所愛或自在戒智
所讚或趣涅槃戒阿難如雲降雨小
坑滿小坑滿已大坑滿大坑滿已小
河滿小河滿已大河滿大河滿已大
海滿如是阿難若有善男子善女人
於諸佛所聞佛說已得善根力得善
根已近善知識近善知識已得善等
侶得善等侶已得善流注得善流注
已得寂勝善得寂勝善已得善心得
善心已乃至如法順法發心修行究竟
轉究竟无垢究竟梵行究竟寂後阿
難汝觀如是一切外物同時生長花
果成時無有違失何況汝等所作善
行豈有違失若有違失无有是處是
故阿難汝等應當修行善行无有衆
生修行善行而不得果有違失者阿
難我亦曾修一切善行無有違失阿
難我本修行菩薩行時所修一切諸

善功德所得果報無有違失阿難汝觀如來所行道路於彼所有丘陵坑坎高下平正屏廁是處清淨香潔株杙荆棘數林藁草穢惡隱沒善好伍首樹神現身傾側禮拜城邑巷路所有衆生見佛如來隨佛而行如來過後各還如故阿難汝觀如來於過去世諸佛菩薩善知識所聲聞緣覺師僧父母耆年長宿沙門婆羅門傾側稽首獲得如是寂勝果報一切外物見諸佛已應伍首者即便伍首高者令下下者令高高下諸處皆悉平正阿難汝觀一切愚癡凡夫於諸尊長不修恭敬亦不禮拜憍慢自恃為慢所害為慢所纏阿難汝觀如來網繆手足一切皆以善行所得阿難汝觀如來本修善行布施愛語利行同事以此善行攝護衆生不作分別此是我父此是我母兄弟姊妹親戚善友阿難我於衆生一味平等心无老別阿難我於久遠無有衆生而不攝受布施愛語利行同事如是攝護愚癡凡夫然彼不知以已善根福德因緣

生死本際受諸果報阿難我於衆生
與其善根所得福樂多於自身修諸
善業所得果報阿難一切世間所有
樂具皆悉无常是變易法如此樂具
是无常故我本修行菩薩行時為諸
凡愚成熟佛道令得无為聖無漏樂
是无漏樂常不變易更不敗壞是故
阿難如是聖智當修諸業如是聖智
修諸業者是名正業如是阿難我本
亦曾以此聖智修諸善業阿難我亦
更說諸餘善行若有衆生為涅槃故
乃至發心作少善根種諸種子聞佛
如來說諸妙法深解義趣憶念如來
心生愛敬有拔淚者長歎者毛豎者
若墮地獄畜生餓鬼无有是處若於
菩提不得究竟亦無是處阿難復有
衆生憶念如來於法覺悟有流淚者
毛豎者歎息者阿難莫作異觀彼諸
衆生墮於惡道地獄畜生餓鬼中者
无有是處是故阿難汝莫放逸應勤
方便修諸善業阿難諸佛世尊以不
放逸得證菩提及助道法亦以不放
逸故得阿難若有如是善受教者求

利益者求安樂者求憐愍者起悲愍
心應如是作所應作者我已作竟汝
等今者亦應當作勿令如是真道斷
絕又復勿令佛正法眼而有隱沒阿
難汝應如是令佛法眼使得久住各
於人天廣行流布阿難我今以是正
法寶藏付囑於汝勿令毀滅應如是
作是我教法

大悲經教品第十四

尔時慧命阿難白佛言世尊我今云
何修行法眼若我修行佛正法眼云
何久住於諸天人廣行流布世尊我
復云何結集法眼云何顯說作是語
已佛告阿難我滅度後有諸大德諸
比丘衆集法毗尼時彼大德摩訶迦
葉取為上首阿難時彼大德諸比丘
衆當如是問世尊何處說大阿波陀
那何處說摩訶尼陀那何處說大集
法何處說五三法何處諸天來問何
處天帝釋問何處諸天來下何處說
梵網經如是次第彼諸比丘復當問
汝阿難佛在何處說修多羅何處說
祇夜何處說毗耶迦羅那何處說伽

隨何處說憂陀那何處說尸陀那何處說伊帝毗利多迦何處說闍多迦何處說毗弗略何處說阿波陀那何處說阿浮陀達磨何處說憂波提舍阿難佛在何處說聲聞藏佛在何處說緣覺藏佛在何處說菩薩藏阿難時彼比丘如是問已汝應如是答如是我聞一時佛在摩伽陀國菩提樹下初成正覺如是我聞一時佛在伽耶城如是我聞一時佛在摩伽陀國阿閼波羅尼拘陀樹下修苦行處如是我聞一時佛在波羅捺仙人住處鹿野苑中如是我聞一時佛在耆闍崛山如是我聞一時佛在毗富羅山如是我聞一時佛在摩伽陀國鞞提訶山如是我聞一時佛在王舍城仙人山中火黑方石如是我聞一時佛在舍衛國祇樹給孤獨園如是我聞一時佛在毗舍離城菴羅樹園如是我聞一時佛在毗舍離城大林精舍重閣講堂如是我聞一時佛在瞻波城竭伽池邊如是我聞一時佛在伽耶城伽耶山頂如是我聞一時

佛在拘睢彌國瞿師羅園如是我聞
一時佛在娑呾多城阿踰闍園迦羅
迦林如是我聞一時佛在釋種住處
迦毗羅城屈拘陀園如是我聞一時
佛在波離弗城鳩吒園如是我聞
一時佛在摩偷羅城頻陀林中如是
我聞一時佛在拘尸那城力士生地
阿利羅跋提河邊娑羅雙樹間阿難
以如是次第在在處處佛所說法在
在處處大衆所集隨其時節隨其句
義隨其因緣隨其問答發起因緣隨
所為人隨所為事為欲分別顯其智
故隨其名味句義次第種種演說隨
彼由緒有因有緣善義善味廣為人
說佛說經已一切大衆皆大歡喜頂
戴奉行阿難汝應如是結集法眼如
是分別種種顯說如來應供正遍知
說如是語如是我聞一時已大地極
慍六種震動甚大可畏令人毛豎當
於今時此三千大千世界六種震動
現十八相東踊西沒西踊東沒南踊
北沒北踊南沒中踊邊沒邊踊中沒
十八相者動遍動等遍動踊遍踊等

遍踊震遍震等遍震吼遍吼等遍吼
起遍起等遍起覺遍覺等遍覺當於
爾時无量天龍夜叉乾闥婆阿修羅
迦樓羅緊那羅摩睺羅伽釋梵護世
人非人等悲啼流淚作如是言婆伽
婆涅槃太速修伽陀涅槃太速世間
眼目隱沒太速世間盲冥无目太速
世間導師隱沒太速爾時世尊復告
阿難汝莫憂悲一切有為生法有法
分別法覺知法因緣生法滅壞法若
不壞者无有是處阿難汝於長夜以
身口意慈孝如來无量安樂心無有
二无瞋無恨无有怨嫌阿難汝以如
是當得大神通大功德廣大無量猶
如甘露第一甘露盡甘露際是故阿
難汝於梵行亦復應當以身口意恭
敬供養亦當如我應如是學何以故
阿難我滅度後於未來世法欲盡時
寂後五百年持戒明黨熾盛誹謗正
欲盡滅破戒非法明黨熾盛誹謗正

法壽命短促衆生壞時法滅壞時比丘僧壞時阿難當於今時驚畏恐懼有諸比丘不修身不修心不修戒不修慧彼等不修身戒心慧者貪著六處何等為六一者貪著鉢二者貪著衣三者貪著食四者貪著牀座五者貪著房舍六者病瘦因緣貪著湯藥彼等貪求勝妙衣鉢乃至上好衆味藥故更共鬭諍迭相言訟上至官司口如刀劍互相誹謗迭共憎嫉如是為彼衣鉢飲食牀座房舍湯藥因緣共相憎嫉心不純熟濁心相向是故阿難汝於梵行身口意慈當好供給具足供養於諸梵行若見若聞若展若細若信若行當於彼所莫起惱亂應如是學何以故阿難當於今時極大怖畏命濁劫濁衆生濁見濁煩惱濁俗人今時極受諸苦為苦所中為苦所惱為極飢饉為極病疫為賊所惱亢旱水災為諸蟲蟲種種惱觸阿難時彼婆羅門長者居士雖復如是為苦所惱為苦所切猶有淨信恭敬尊重於佛法僧數數得生具足深信彼以信

佛法僧因緣於一比丘亦生深信修行布施作諸功德受持禁戒讀誦受持為人解說有聽受者得聞法已心生愛敬歡喜踊悅如法修行種諸善根以此善根身壞命終得生善道諸天人中阿難汝觀如是諸惡比丘當以信心捨家出家得出家已貪著衣鉢六種因緣墮三惡道在家俗人為苦所惱尚生敬信以信善根得生善道是故阿難應正身律儀口律儀意律儀當作是念願我敬信速得具足願我深心正直具足願我身心具善思惟何以故阿難身口意業不善思惟有五種過何者為五一者妄語二者兩舌三者綺語四者貪欲五者身壞命終墮三惡道生地獄中阿難善思惟者當得五種功德利益何者為五一者不妄語二者不兩舌三者不綺語四者不貪欲五者身壞命終得生善道諸天人中復次阿難若人鬪諍毀訾言訟違覓相對心不調柔濁心變壞者有五過失一者妄語二者兩舌三者於諸持戒不生敬信四者

晝夜憂苦惡意而住五者身壞命終
墮三惡道生地獄中阿難若復有人
心住慈善當得十一種功德利益何
者十一一者睡眠得安隱悟則心歡
喜二者不見惡夢三者人非人愛四
者諸天擁護五者毒不能害六者刀
箭不傷七者火所不燒八者水所不
溺九者常得好衣餽饌飲食牀座卧
具病瘦湯藥十者得上人法十一者
身壞命終得生梵天阿難心住慈善
得此十一功德利益是故阿難若我
現在及滅度後自然法燈自作法歸
莫求他燈莫求他歸阿難云何比丘
自然法燈自作法歸不求他燈不求
他歸阿難若有比丘觀內身循身觀
勤精進繫念一心除世貪憂阿難如是觀
內身循身觀觀內受內心內法勤精
進繫念一心除世貪憂阿難是為比
丘自然法燈自作法歸不求他燈不
求他歸是故阿難我為導師於諸聲
聞所應作者我已作竟汝等今者應
如是作此是我之教法當於阿蘭若
處冢間樹下空舍露地應當一心勤

修止觀思滅苦本慎莫放逸汝若放逸後必憂悔今時世尊說是偈言

我已說正道拔諸无智箭汝今應勤修諸佛所說法為淨諸見故除此更无道修者得解脫能斷諸魔縛若能修此行如佛之所說能度一切苦得滿諸佛願今時世尊說是經已慧命阿難及諸比丘諸來大眾及諸天人阿修羅乾闥婆一切世間聞佛說已隨順悲喜舉手拍頭椎胸號叫悲啼流淚頂戴奉行

大悲經卷第五

壬寅歲高麗國大藏都監奉

勅彫造

大唐新譯三藏聖教序

歸

皇太后御製

朕聞真空無象非象教無以譯其真
實際無言非言緒無以筌其實是以
龍宮法鏡圓照而於三千驚嶺玄門
方廣周於百億師無師之智必藉修
多學無學之宗終資祇夜自金人感
夢寶偈方傳貝葉靈文北天之訓逾
遠貫花微旨西秦之譯更新大乘小
乘逗根機而演教半字滿字逐權實
而相曉觀唐之御寓載叶昌期代傳
三聖年將七十舜河與定水俱清堯
燭與慈燈並照緇衣西上寧唯法顯
之流白馬東來豈直摩騰之輩大弘
釋教諒屬茲辰朕爰自幼齡歸心彼
岸務廣三明之路思崇八正之門往
者風遶閑凶邊遠嚴蔭近以孝誠無
感復背慈顏露草之恨日深風樹之
悲鎮切凡是二親之所蓄用兩京之所
舊居莫不惣結招提之宇咸充無
盡之藏仍集京城大德等凡有十人
共中天竺國三藏法師地婆訶羅於

西太原寺同譯經論法師等並業隣
初地道架弥天為佛法之棟梁乃慧
海之舟楫前後翻譯凡有十部以垂
拱元年歲次大梁月旅夷則汗青方
就裝縹畢叨甘露之旨既深大雲之
喻方遠庶永垂沙劫廣濟塵區傳火
之義自明寫餅之辯逾潤朕以虛昧
欽承願託常願紹隆三寶安大寶之
鴻基發揮八聖固先聖之不業所以
四句微言極提河之深致一音妙義
盡菴園之奧旨擊大法鼓響振於無
間吹大法螺聲通於有頂為暗室之
明炬實昏衢之慧月菩提了義其在
茲乎部帙條流列之於後

方廣大莊嚴經卷第一

一名神
通遊戲

大唐天竺三藏地婆訶羅奉 詔譯

序品第一

如是我聞一時佛在舍衛國祇樹給
孤獨園與大比丘衆萬二千人俱皆
是大阿羅漢其名曰阿若憍陳如摩
訶迦葉舍利弗摩訶目犍連摩訶迦
旃延富婁那弥多羅尼子摩訶南阿
菟婁駄劫賓那跋提羅優波離難陀

娑伽陀阿難羅睺羅如是衆所知識
大阿羅漢等菩薩摩訶薩三萬二千
人皆是一生補處遊戲神通三昧自
在大願滿足入無尋慧獲諸法忍具
陀羅尼辯才無滯一切皆從波羅蜜
生已能圓滿菩薩諸地已得一切菩
薩自在其名曰弥勒菩薩陀羅尼自
在菩薩師子王菩薩成就義菩薩寂
戒慧菩薩常精進菩薩無尋慧菩薩
大悲思惟菩薩與如是等菩薩衆俱
余時世尊為諸四衆比丘比丘尼優
婆塞優婆夷國王王子大臣官屬刹
利婆羅門長者居士及諸外道無央
數衆常以四事恭敬施安於供養中
寂為殊勝佛心無染猶如蓮華不著
於水名稱高遠遍於十方所謂如來
應供正遍知明行足善逝世間解無
上士調御丈夫天人師佛世尊成就
五眼具足六通於此世間及餘國土
為諸天人演說正法初中後善其義
深遠其言巧妙純一圓滿具足清白
梵行之相

尔時如來於中夜分入佛莊嚴三昧

從於頂髻放大光明其光名為憶念
過去諸佛無著智上照淨居天宮為
欲開發諸天子故光明網中而說偈言
牟尼身口意清淨 智慧光明照世間
此光寂勝除冥暗 於釋師子應歸命
智慧大海勝威德 知法自在為法王
世間應供天中天 覺悟自在應歸命
所有難調心已調 意淨超出諸魔網
其所見聞不空過 解脫彼岸應歸命
佛無體性無與等 所作無邊常寂然
知淨妙理除疑惑 一切深信應歸命
施甘露藥大醫王 辯才雄猛摧邪道
法為眷屬知勝義 導師演說無上法
今時淨居天子聞如是偈從禪定起
即時憶念過去無量無邊阿僧祇劫
諸佛如來及佛國土功德莊嚴說法
衆會皆志明了時摩醯首羅難陀頽
難陀等無數淨居天衆光明赫奕威
神巍巍照祇樹給孤獨園來詣佛所
頂礼佛足一心合掌恭敬而立白佛
言世尊有經名為方廣神通遊戲大
莊嚴法門顯示菩薩衆德之本處於
兜率微妙天宮思惟降生示現勝種

具諸功德行童子事藝業伎術工巧
書算捕力騎武而於世間皆志寂勝
亦受五欲具菩薩道降伏魔軍出生
如來力無畏等一切佛法此經如是
過去無量諸佛世尊皆已宣說所謂
波頭摩勝佛法幢佛為照明佛功德
幢佛功德性佛大性佛仙天佛勝光
明佛真幢佛金剛堅固佛降伏一切
佛真金色佛極高行佛珊瑚海佛花
幢佛寂勝色佛善明佛仙護佛勝輪
佛高勝佛開敷蓮花佛眉間光明佛
蓮花臺佛善光明佛吉祥佛善見佛
師子光佛堅牢惠施佛香春佛廣大
名稱佛底沙佛弗沙佛世間端嚴佛
普光明佛寶稱佛寂勝光明佛梵光
佛善聲佛妙花佛美音佛上色行佛
微笑目佛功德聚佛大雲聲佛善色
佛壽光佛為王遊步佛世間欣樂佛
降伏魔怨佛正應供佛毗婆尸佛尸
棄佛毗葉浮佛迦羅孫佛俱那含牟
尼佛迦葉佛如是等過去無量諸佛
如來皆說此經唯願世尊還如過去
諸佛利益安樂無量衆生悲愍世間

今得義利令諸天人於大乘中而得
增益降伏異道摧滅魔怨顯發菩薩
所行功德而於上乘勸勉精進攝受
正法紹三寶種使不斷絕示現成佛
事業圓滿故亦說是經如來今時哀
愍諸天默然受請是時諸天蒙佛垂
許歡喜踊躍生清淨心稽首作禮右
遶三匝散天曼陀羅花供養於佛忽
然不現

今時世尊於晨朝時詣迦羅道場敷
座而坐諸大菩薩及聲聞衆恭敬圍
遶告諸比丘昨於中夜摩醯首羅及
難陀難陀等無數淨居天衆稽首
我足合掌恭敬而白我言唯願如來
演說神通遊戲大嚴經典憐愍一切
世間天人今諸菩薩現在未來而得
增益我時默然可其所請汝等諦聽
我今宣說

兜率天宮品第二

今時佛告諸比丘何等名為方廣神
通遊戲大嚴經典所謂顯於菩薩住
兜率宮常為無量威德諸天之所供
養逮得灌頂百千梵衆之所稱揚願

力同滿能正了知諸佛法藏慧眼清
淨其心普洽慚愧知足正念慧行熾
然修行布施持戒忍辱精進禪定智
慧方便善巧勝波羅蜜大慈大悲大
喜大捨梵行明達得大神通知見現
前無著無尋念處正勤神足根力覺
支正道菩提分法皆盡邊際具足相
好莊嚴其身利益衆生無時暫替如
說而作無虛妄語演說正法無所貪
求心淨質直離諸邪諂無有怖畏亦
無憍慢於一切衆生其心平等供養
无量百千万億諸佛如來恒為無量
百千那由他諸大菩薩恭敬尊重又
為梵釋四王摩醯首羅天龍夜叉軻
闍婆阿修羅迦婁羅緊那羅摩睺羅
伽等聞名稱讚生歡喜心入無尋解
方便善巧一切文句老別之相皆悉
能知凡有宣說曾無所著如大商主
乘大法船遊生死海得三十七菩提
之分無量珍寶而於佛法得陀羅尼
憶念修行終不錯謬如大導師越四
瀑流誓願滿足降伏魔怨摧諸異學
以金剛慧及大悲軍能破煩惱辟如

蓮華出於功德廣大池中增上願力之所生起大菩提心而為其根潤以甚深清淨法水方便善巧以為其臺菩提為莖禪定為葉離諸熱惱清淨廣大以為其葉多聞持戒及不放逸無所罣碍以為其香非世八法之所能染如師子王福智為體神通為足聖諦為爪梵住為牙四攝為頭覺十二緣以生其軀三十七品菩提分法明了之智以為其頂三解脫門以為頻申禪定智慧以為其目以諸三昧為其巖穴毗奈耶林四威儀路怡悅其身十力四無所畏慣習所成而為其力離諸貪欲為其行步自在無畏無我無法以為其吼摧伏外道如制群鹿無上丈夫人中之日禪定解脫智慧為光外道塗燭皆悉掩蔽无明昏翳破之無餘於天人中廓然大照譬如明月白分圓滿世間樂見清涼無雲衆星之中皎然最勝亦解脫路照菩提道開敷天人拘物頭花譬如輪王於四天下法化平等七菩提分以為其實於一切衆生心行平等以

為十善大願成就無尋之法以為其
輪辟如巨海深廣難入無量衆寶充
滿其中潮不過限緣起智慧深廣難
入一切法寶充滿其中應衆生揆為
不過限其心平等離諸憎愛如地水
火風其量高妙堅固難動如須弥山
智慧廣大不為諸垢之所染著猶如
虛空意樂清淨能行惠施久積淨業
無虛妄語已能具足一切善根自在
熏修七阿僧祇所習善根皆已迴向
初五福德施七淨財行十善道增長
五十二種善根已能修習正行相應
四十分位已能修習捨願相應四十
分位已能修習意樂相應四十分位
已能修習正直解脫四十分位曾於
四百億那由他拘脰佛所隨佛出家
曾於五十百億那由他拘脰佛所而
行大施已曾親近三百五十拘脰諸
辟支佛已曾教化無量阿僧祇諸聲
聞衆皆令住於正方便中為欲證阿
耨多羅三藐三菩提乃趣一生補處
從此命終生兜率天為彼天子名曰
淨幢恒為諸天之所供養當於彼沒

後生人中證阿耨多羅三藐三菩提
佛告諸比丘彼天宮中有三萬二千
微妙安樂所住之處高閣重門層樓
大殿軒檻窓牖花蓋繒幡寶鈴垂飾
珠網交絡散以曼陀羅花摩訶曼陀
羅花處處盈滿諸天姝女百千拘脰
那由他奏天伎樂其諸寶樹生衆天
花所謂阿提目多花俱毗羅花詹波
迦花波吒羅花目真隣陀花阿輸迦
花鎮頭迦花阿娑那花建尼迦花堅
固花大堅固花處處開敷以為嚴飾
真金線網弥覆其上同匝閭廁種種
莊嚴諸寶池中生摩利迦花蘇曼那
花跋羅花婆利師迦花拘旦羅花蘇
建提花天妙意花優鉢羅花波頭摩
花拘物頭花芬陀利花妙香花如是
等花成大花帳處處莊嚴無量羽族
鸚鵡舍利拘呖羅鳥鵝鴈鴛鴦孔雀
翡翠迦陵頻伽命命等鳥雜類形色
出微妙音諸天子等百千拘脰那由
他數大集法堂圍遶菩薩聽受所說
無上大法除斷貪瞋憍慢結使一切
煩惱生廣大心踊躍歡喜住安隱樂

菩薩久修淨業所感諸天伎樂八万
四千皆出種種微妙音聲其音聲中
而說頌曰

尊憶然燈記	積集無邊福	超越於生死
智慧發光明	長時修恩施	其心常離染
三垢憍慢盡	語業無諸過	憶昔无邊劫
種姓恒處尊	戒忍及精進	定慧久修習
又念無邊劫	供養諸如來	既起生老死
當度所應度	衆生可悲愍	惟尊勿捨之
諸天龍鬼神	皆悉共瞻待	衆生久渴欲
如海納群流	惟尊智充足	當救諸渴者
遠於世譏嫌	樂法捨貪欲	離垢清淨眼
哀愍諸世間	菩薩宿福德	處於兜率宮
天衆百千億	聞法曾無倦	當下閻浮提
垂慈灑甘露	已過於欲界	無數億諸天
亦復共希望	菩薩當下生	必壞於魔業
能摧諸異學	佛道如觀掌	至時宜勿住
煩惱火增盛	願為布慈雲	普雨於法雨
滅除諸猛焰	前佛已過去	今佛作醫王
當以三脫門	為樂除衆病	今彼諸舍識
得至於涅槃	如來大法音	外道悉摧伏
譬如師子吼	百獸咸驚怖	智慧以為手
從於精進生	无量諸魔軍	自在能摧伏

梵釋百千數 敬心祈見佛 四王當奉鉢
唯憐速下生 尊今應豫觀 欲依何種族
當往閻浮界 示行菩薩道 如器成珍寶
其器自嚴潔 智慧淨摩尼 於彼雨甘露
諸天樂器中 演出如是偈 勸請於菩薩
大悲救衆生

勝族品第三

佛告諸比丘 今時菩薩聞如是偈 即
從座起 出於自宮 詣法集堂 坐師子
座 復有無量無邊 同乘同行 大菩薩
衆 皆昇法堂 坐師子座 各有六十八
拘脰 眷屬 前後圍遶 菩薩將欲降生
十二年前 有淨居天下 閻浮地 作婆
羅門 說團陀論 彼論所載 十二年後
有一勝人 現白鵝形 入於母胎 其人
具足三十二種大人之相 有二決定
若在家者 當為轉輪聖王 若出家者
當得成佛 復有天子 下閻浮提 告辟
支佛 作如是言 仁者 應捨此土 何以
故 十二年後 當有菩薩降神入胎 是
時王舍城尾盤山 中有辟支佛名曰
摩燈聞是語 已自見其身 猶如委土
從座而起 踊在虛空 高七多羅樹化

火焚身入於涅槃唯餘舍利從空而下是故此地名仙人墮處諸比丘是時波羅奈國五百辟支聞天語已亦復如是化火焚身入於涅槃唯餘舍利從空而下復以過去有仁慈王施於群鹿無畏之處是故彼地亦名仙人鹿苑

今時菩薩處於天宮以四種心而遍觀察一者觀時二者觀方三者觀國四者觀族比丘何故觀時菩薩不於劫初而入母胎唯於劫減世間衆生明了知有老病死苦菩薩是時方入母胎何故觀方菩薩不於東弗婆提西瞿耶尼北鬱單越及餘邊地唯現閻浮所以者何閻浮提人有智慧故何故觀國菩薩不生邊地以其邊地人多頑鈍無有根器猶如羶羊而不能知善與不善言說之義是故菩薩但生中國何故觀族菩薩不生旃陀羅毗舍首陀家四姓之中唯於二族刹帝利種及婆羅門於今世間重刹帝利是故菩薩生刹利家如是觀已默然而住今時會中諸菩薩衆及諸

天子各相謂言菩薩今者當於何國
依何種姓而託生耶

或有天言摩伽陀國毗提訶王豪貴
甚盛可生於彼復有說言菩薩不生
於彼何以故其王父母俱不真正憍
慢率暴善根微少無大福德不宜
生彼

或有天言憍薩羅王種望殊勝多有
財寶象馬車乘吏民僮僕可生於彼
復有說言菩薩不生於彼何以故其
王本是摩燈伽種父母宗親悉皆鄙
劣少信薄福不宜生彼

或有天言彼犢子王種姓豪強富樂
熾盛好行惠施可生於彼復有說言
菩薩不生於彼何以故其王凡劣無
大威德暴戾可畏母族卑下篡竊君
位不宜生彼

或有天言毗耶離王尊貴富盛安隱
快樂無諸怨敵人民衆多宮室花園
林泉花果莊嚴綺麗猶若天宮可生
於彼復有說言菩薩不生於彼何以
故其國土中諸離車子不相敬順各
自稱尊是故菩薩不宜生彼

或有天言勝光王有大威力統御兵衆能破怨敵可生於彼復有說言菩薩不生於彼何以故其王剛強不修善業是故菩薩不宜生彼

或有天言摩偷羅城王名善辟勇猛安樂富貴自在可生於彼復有說言菩薩不生於彼何以故其王本是邪見種族殘害無道不宜生彼

或有天言般荼婆王都在為城勤事勇健支體圓滿人相具足能制怨敵可生於彼復有說言菩薩不生於彼何以故其王閹官之人室家壞乱雖有五男皆非其胤不宜生彼

或有天言弥梯羅城莊嚴綺麗王名善友威伏諸王為馬四兵皆悉具足珍寶無量樂聞正法可生於彼復有說言菩薩不生於彼何以故其王雖有如是美事年時衰暮無有力勢復多子息不宜生彼

佛告諸比丘無量菩薩及諸天子於閻浮提十六大國所有威德勝望王種周遍觀察皆悉不堪菩薩往生相與籌議竟不能知菩薩生處尔時會

中有一天子名曰智幢善入大乘心不退轉告衆天子言汝等宜應往問菩薩當生何處諸天子等咸共合掌誚菩薩所而前問言閻浮提中何等種姓具何功德補處菩薩當生其家今時菩薩告諸天子閻浮提中若有勝望種族成就六十四種功德者取後身菩薩當生其家何等名為六十四德一者國土寬廣種姓真正二者衆所宗仰三者不生雜姓四者人相端嚴五者族類圓滿六者內外無嫌七者心無下劣八者二族高貴九者二族可敬十者二族有望十一者二族有德十二者其家多男十三者所生無畏十四者無有瑕疝十五者貪愛微薄十六者遵奉禁戒十七者皆有智慧十八者凡是用要令群下先觀試之十九者人皆工巧二十者與朋友善終始如一二十一者不害衆生二十二者不忘恩義二十三知行儀式二十四者依教行事二十五者疑即無成二十六者不愚於業二十七者不恠於物二十八者不作

罪惡二十九者功不唐捐三十者施
心殷重三十一者志性決定三十二
者善於取捨三十三者於施信樂三
十四者丈夫作用三十五者所為成
辦三十六者勤勇自在三十七者勇
猛增上三十八者供養仙人三十九
者供養諸天四十者供養論師四十
一者供養先靈四十二者常無怨恨
四十三者名振十方四十四者有大
眷屬四十五者不阻善友四十六者
有多眷屬四十七者有強眷屬四十
八者無亂眷屬四十九者威德自在
五十者孝順父母五十一者敬事沙
門五十二者遵婆羅門五十三者七
珍具足五十四者五穀豐盈五十五
者為馬無數五十六者多諸僕從五
十七者不為他侵五十八者所作成
就五十九者轉輪王種六十者宿世
善根而為資糧六十一者其家一切
所有皆由菩薩善根增長六十二者
無諸過失六十三者無諸譏嫌六十
四者家法和順如是名為六十四德
若有成就如上功德補處菩薩當生

其家

若有女人成就三十二種功德當為
菩薩之母何等名為三十二德一者
名稱高遠二者衆所咨嗟三者威儀
無失四者諸相具足五者種姓高貴
六者端正絕倫七者名德相稱八者
不長不短不麤不細九者未曾孕育
十者性戒成就十一者心無執著十
二者顏色和悅十三者運動順右十
四者識用明悟十五者姿性柔和十
六者常無怖懼十七者多聞不忘十
八者智慧莊嚴十九者心無諂曲二
十者無所欺誑二十一者未嘗忿恚
二十二者恒無慍恚二十三性不
嫉妬二十四者性無躁動二十五者
容色滋潤二十六者口無惡言二十
七者於事能忍二十八者具足慚愧
二十九者三毒皆薄三十者遠離一
切女人過失三十一者奉夫如戒三
十二者衆相圓滿如是名為三十二
德若有成就如上功德方乃堪任為
菩薩母菩薩不於黑月入胎要以白
月弗沙星合其母受持清淨齋戒菩

薩於是方現入胎彼諸菩薩及諸天子聞說如是種族清淨父母功德各自思惟誰有具此諸功德者復作是念唯有釋氏輪頭檀王族堅殊勝轉輪王種所都國邑人民衆多安隱豐饒其可愛樂其輪檀王人相圓滿顏容端正微妙第一威德光大福智莊嚴所為必善以善化俗其家豪貴富有財寶為馬七珍皆悉盈滿深達業果難諧惡見於釋種中唯此為主四方歸伏見者歡喜開習伎藝不老不少知教知時世間軌式無不解了以法為王依法御物又其國土所有人民宿植善根咸以一心承事其主王之聖后名曰摩耶善覺王女年少威滿具足相好未嘗孕育端正無雙姿色妍美猶如彩畫無諸過惡所言誠諦出妙音詞身心恬和無罪離惱亦無嫉妬語必應時樂行惠施性戒成就常於已夫而生知足心不輕動情無外滌支節相稱眉高而長額廣平正髮彩紺黑猶如玄蜂含笑而言美聲柔軟所作順右質直無曲無諂

無詬有慚有愧心性安靜顏容清淨
三毒皆薄溫和能忍而於面目及以
手足善自防閑身體柔軟如迦隣陀
衣目淨脩廣如青蓮花脣色赤好如
頻婆果頸如螺旋美若虹蜺脩短合
度容儀可法其肩端好其臂備長支
體圓滿膚彩潤澤猶如金剛不可沮
壞善解衆藝故号摩耶常處王宮猶
如寶女亦如化女又似天女住歡喜
園具斯衆德乃能堪任為菩薩母如
是功德唯釋種有非餘有之於是頌曰
菩薩在兜率 處於法集堂 同乘及天衆
皆恭敬圍遶 共觀於勝族 菩薩何處生
見此閻浮提 刹利王大姓 釋氏最清淨
於彼應降神 城号迦毗羅 積代輪王種
安隱無怨敵 善化衆所歸 其國甚嚴好
万姓皆歡喜 奉法而從善 咸同王者心
親屬多勝能 力將巨焉比 或與二三焉
其力共齊等 勇武多伎藝 不傷害衆生
其王之聖后 千妃中第一 端正無倫匹
故号為摩耶 容貌過天女 支節皆相稱
天人阿修羅 覩之無厭足 清淨離諸過
而無穢欲心 言詞甚微妙 質直復柔軟

身體常香潔 一切無可惡 含笑不頰感
知法具慚愧 無憍慢諂曲 及以嫉妬心
離邪淨諸業 行慈好惠施 世間女人過
其身志超越 一切諸天人 無有能踰者
具足諸功德 宜應懷大聖 曾於五百生
恒為菩薩母 其王亦如是 多生以為父
母請持禁戒 經三十二月 梵行積威德
其身常光明 聖后所遊履 斯處目嚴飾
天人阿修羅 無能欲心視 一切咸親敬
如母如姊妹 以此清淨業 威儀比聖賢
令王擅名譽 粟散咸歸伏 功德兩相稱
是為菩薩母 更無諸女人 堪為佛母者
威德衆天子 大智諸菩薩 咸歎斯母德
菩薩應降生

法門品第四

尔時佛告諸比丘菩薩如是觀種姓
已彼兜率天宮有一大殿名曰高幢
縱廣正等六十四由旬菩薩尔時昇
此大殿告天衆言汝當盡集聽我取
後所說法門如是法門名為教誡思
惟遷沒方便下生之相是時一切兜
率天子及諸天女聞是語已皆悉雲
集菩薩神力即於此殿化作道場其

量正等如四天下復以種種珍寶而嚴飾之凡所見者莫不歡喜是時欲界色界諸天子等見此道場如是眾麗願已所居如塚墓想菩薩福德自善根力成就勝妙師子之座飾以金銀衆妙珍寶覆以輕軟無價天衣燒衆天香散衆天花其中无量百千珍寶光明照耀以大寶網弥覆其上寶鈴搖動出和雅音無量寶蓋雜色繒綵殊妙幡_經周匝間列无量百千花鬘綺帶而以嚴飾無量百千諸天婁女種種歌舞以為供養是諸天樂演微妙音稱揚菩薩無量功德無量百千四大天王之所擁護無量百千釋提桓因之所圍遶無量百千大梵天王之所讚歎无量百千拘脰那由他菩薩捧師子座復為十方無量百千拘脰那由他諸佛如來之所護念其師子座從於無量百千拘脰那由他劫諸波羅蜜福德資糧之所生起佛告諸比丘菩薩坐此功德成就師子之座告天衆言汝且觀我百千福聚相好嚴身是時大衆瞻仰尊顏目不

暫捨乃見東西南北四維上下周遍
十方超過數量無量率天宮各有取後
身菩薩將欲下生無量諸天恭敬圍
遶皆悉演說將沒之相諸法明門介
時大衆既見如是深生悲喜恭敬稽
首讚言善哉我觀尊者得見如是無
量菩薩皆由尊者神通之力菩薩告
言汝等諦聽如諸菩薩各為大衆說
將沒相諸法明門安慰天人我今亦
當為汝等說諸法明門有一百八何
等名為百八法門信是法門意樂不
斷故淨心是法門除亂濁故喜是法
門安隱心故愛樂是法門心清淨故
身戒是法門除三惡故語戒是法門
離四過故意戒是法門斷三毒故念
佛是法門見佛清淨故念法是法門
說法清淨故念僧是法門證獲聖道
故念捨是法門棄一切事故念戒是
法門諸願滿足故念天是法門起廣
大心故慈是法門起映一切諸福事
業故悲是法門增上不害故喜是法
門離一切憂惱故捨是法門自離五
欲及教他離故無常是法門息諸貪

愛故苦是法門願求永斷故無我是
法門不著我故寂滅是法門不貪
愛增長故慚是法門內清淨故愧是
法門外清淨故諦是法門不誑人天
故實是法門不自欺誑故法行是法
門依於法故三歸是法門起三惡趣
故知所作是法門已立善根不令失
壞故解所作是法門不因他悟故自
知是法門不自矜高故知衆生是法
門不輕毀他故知法是法門隨法修
行故知時是法門無癡暗見故破壞
憍慢是法門智慧滿足故無障導心
是法門防護自他故不恨是法門由
不悔故勝解是法門無疑滯故不淨
觀是法門斷諸欲覺故不瞋是法門
斷恚覺故無癡是法門破壞無智故
求法是法門依止於義故樂法是法
門證契明法故多聞是法門如理觀
察故方便是法門正勤修行故遍知
名色是法門超過一切和合愛著故
拔除因見是法門證得解脫故斷貪
瞋是法門不著癡垢故妙巧是法門
遍知苦故界性平等是法門由永斷

集故不取是法門勤修正道故無生
忍是法門於滅作證故身念住是法
門分指觀身故受念住是法門離一
切受故心念住是法門智出墮證故
四正勤是法門斷一切惡修一切善
故四神足是法門身心輕利故信是
法門非邪所引故精進是法門善思
察故念根是法門善業所作故定根
是法門由心解脫故慧根是法門智
現前證故信力是法門能遍起魔力
故精進力是法門不退轉故念力是
法門不遺忘故定力是法門斷一切
覺故慧力是法門無能損壞故念覺
分是法門如實住法故擇法覺分是
法門圓滿一切法故精進覺分是法
門智決定故喜覺分是法門三昧安
樂故輕安覺分是法門所作成辦故
定覺分是法門平等覺悟一切法故
捨覺分是法門歇離一切受故正見
是法門起證聖道故正思惟是法門
永斷一切分別故正語是法門一切
文字平等覺悟故正業是法門無業
果報故正命是法門離一切希求故

正精進是法門專趣彼岸故正念是法門無念無作無意故正定是法門證得三昧不傾動故菩提心是法門紹三寶種使不斷故大意樂是法門不求下乘故增上意樂是法門緣無上廣大法故方便正行是法門圓滿一切善根故檀波羅蜜是法門成就相好淨佛國土教化衆生除慳悋故尸波羅蜜是法門超過一切惡道難處教化衆生守禁戒故羼提波羅蜜是法門永離憍慢瞋恚等一切煩惱教化衆生斷諸結故毗離耶波羅蜜是法門成就引發一切善法教化衆生除嬾惰故禪波羅蜜是法門出生一切禪定神通教化亂意衆生故般若波羅蜜是法門永斷無明有所得見教化愚癡暗蔽惡慧衆生故方便善巧是法門隨諸衆生種種意解現諸威儀及示一切佛法安立故四攝事是法門攝諸群生今求趣證大菩提法故成熟衆生是法門不著已樂利他無倦故受持正法是法門斷一切衆生雜染故福德資糧是法門饒

益一切衆生故智慧資糧是法門圓
滿十力故奢摩他資糧是法門證得
如來三昧故毗鉢舍那資糧是法門
獲得慧眼故無尋解是法門獲得法
眼故決擇是法門佛眼清淨故陀羅
尼是法門能持一切佛法故辯才是
法門巧說言詞令一切衆生歡喜滿
足故順法忍是法門隨順一切佛法
故無生法忍是法門得授記蒞故不
退轉地是法門圓滿一切佛法故諸
地增進是法門受一切智位故灌頂
是法門從兜率天下生入胎初生出
家苦行詣菩提場降魔成佛轉正法
輪起大神通從忉利天下現入涅槃
故是故菩薩將下生時於天衆中說
如斯法

諸比丘菩薩說是諸法明門之時於
彼會中八万四千天子發阿耨多羅
三藐三菩提心三万二千天子得無
生法忍三万六千那由他天子於諸
法中遠塵離垢得法眼淨兜率諸天
皆散妙花積至于膝諸比丘菩薩又
欲令諸天衆深心歡喜而說頌曰

菩薩將下生 處於兜率宮 誠彼諸天衆
唯當莫放逸 今汝心所樂 微妙寶莊嚴
從於淨業因 致斯衆妙果 是故應思報
無令業消歇 沉淪惡趣中 倍受無邊苦
我所示汝法 應生尊重心 自勵勤修行
當獲無為樂 貪欲皆元常 虛假猶如夢
如幻如陽燄 如電如聚沫 貪欲無厭足
如渴飲鹹水 若得出世智 乃可為知足
天女共相娛 譬如集戲場 同會城邑中
暫聚便離散 有為非常伴 亦非親善友
唯除離垢行 無有恒隨逐 汝應共和合
慈悲利益心 精求諸善法 終當除熱惱
常念佛法僧 勤心莫放逸 施戒多聞忍
一切皆圓滿 如理觀諸法 因緣和合生
無常及苦空 無主亦無我 觀我有神力
辯才智慧等 淨業不放逸 多聞持戒成
我修多聞戒 汝等應隨學 施戒及調伏
慈心莫放逸 依我勿著言 如言而奉行
堅固勤修習 利益諸群生 常宜自知罪
勿復觀他過 不作非自成 彼作非我受
當思過去劫 流轉生死苦 常行邪妄道
生死永涅槃 汝今離衆難 生天遇善友
又聞最勝法 滅除諸貪妄 棄憍慢貢高

調柔行質直 應勤修正道 決定證涅槃
當以智慧燈 銷滅愚癡暗 以勝金剛智
破煩惱隨眠 我得无邊法 當為汝宣說
如是無邊法 汝豈能盡行 我當證菩提
方灑甘露雨 汝心若清淨 我當授勝法
方廣大莊嚴經卷第一

壬寅歲高麗國大藏都監奉
勅彫造

方廣大莊嚴經卷第二

歸

中天竺國沙門地婆訶羅奉詔譯

降生品第五

尔時佛告諸比丘菩薩為諸天人演說正法勸勉開曉令其悅豫告天衆言我當以何形像下閻浮提或有說言為童子形或有說言釋梵之形或有說言神妙天形或有說言阿修羅軀闍婆迦樓羅緊那羅摩睺羅伽等形或有說言日月天形或有說言金翅鳥形說如是等種種形像尔時衆中有一天子名曰勝光昔在閻浮提中為婆羅門於無上菩提心不退轉作如是言園陀論說下生菩薩當作鳥形而入母胎即說偈亡

菩薩降神 應為鳥形 端正姝好
頂上紅色 皎潔鮮淨 如白玻瓈
具足六牙 飾以金勒 無不吉祥
目施先記 三十二相 當下閻浮
佛告諸比丘菩薩於兜率天宮周遍觀察時下生時輪檀王宮先現八種瑞相何等為八一者王宮忽然清淨

不加掃灑無諸穢惡塵土瓦礫蚤蚋

一

蚰蜒百足之類周而布散種種妙花
香氣芬馥二者從雪山中衆鳥來集
異類雜色毛羽光鮮於王宮中樓閣
殿堂棟梁軒牖哀鳴相和遨遊自樂
三者於王宮中草木花葉一時敷榮
四者王宮池沼皆生蓮花大如車輪
有百千葉覆映水上五者王宮珍器
自然而有蘇油石蜜種種美味食而
無盡六者王宮樂器簫笛笙篴琴瑟
之屬非因擊奏皆出種種微妙之音
七者王宮金銀琉璃車馬璫摩尼
珊瑚一切珍藏悉皆盈滿八者王宮
有大光明映蔽日月遇斯光者身心
安樂得未曾有如是名為八種瑞相
是時摩耶聖后澡浴莊飾塗諸天香
著妙衣服衆寶自嚴歡喜悅豫身心
清淨以一万婢女圍遶侍從遊音樂
殿中詣輸檀王於王右邊昇妙寶網
莊嚴之座坐已容貌熙怡開顏微笑
於是頌曰

善哉大王幸哀許 我今欲陳微妙願
從是恒起仁慈心 當持八關清淨戒

不害衆生如愛己

三業十善常修習

遠離嫉妬諂曲心

願王於我莫生染

聞此禁戒非隨喜

恐三長夜嬰苦報

惟願令我得別居

宮殿香花自嚴飾

諸善姝女常圍遶

鼓樂絃歌演法音

凡鄙惡人令離我

姪穢香花皆不御

一切囚徒悉寬宥

要當遣彼囹圄空

七日七夜廣行檀

給濟貧乏令充足

必使正化輕徭役

盡令公道無諍訟

各各慈心互相向

如昇忉利歡喜園

憐愍世間同一子

法教如斯甚安樂

王聞此言大歡悅

如所願者皆相許

即勅諸臣淨宮殿

幡蓋香花悉嚴飾

復以二万勇健軍

操持劍戟令防護

姝女絃歌相娛樂

復以瓔珞莊嚴身

琳琳寶座敷統縱

處在勝殿如天女

佛告諸比丘爾時

四天王釋提桓因

夜摩天兜率陀天

樂變化天他化自

在天娑婆世界主

梵天王梵衆天梵

輔天妙光天少光

天光嚴天淨居天

阿迦尼吒天摩醯

首羅天及餘無量

百千天衆悉皆雲

集互相謂言菩薩

將欲下生我等諸

天不往侍從墮無

反復不知思養誰能堪任侍衛菩薩
下閻浮提從初入胎及以出胎童子
成年遊戲受欲出家苦行詣菩提座
降伏魔軍轉正法輪現大神力下忉
利天入般涅槃常能奉事終不捨離
尔時諸天子等而說頌曰

汝等誰堪任 歡喜隨菩薩 當得福增長
亦獲大名譽 若求忉利宮 勝妙常安樂
姝女衆圍遶 應隨清淨月 若求妙園林
勝處常遊戲 寶地金花飾 應隨離垢光
若求烏馬車 遊處歡喜園 姝女衆圍遶
應隨大丈夫 若求夜摩天 及以兜率宮
所生常見敬 應隨大名稱 若求化樂天
自在諸宮室 遊戲變化樂 應隨功德者
若求作魔王 遠離諸毒心 神變窮邊際
應隨利益者 若求超欲界 住勝妙梵宮
修行四等心 應隨禪定者 若求生人間
受輪王勝報 七寶從心至 應隨離欲尊
若求人王位 長者及居士 財富無怨敵
應隨無上士 若求大富貴 端正及名譽
教令有威德 應隨梵音者 若求人天報
并致三界安 無漏慧及禪 應隨法自在
若求斷貪欲 及去瞋癡等 淡泊志寂然

應隨調心者

若求一切智

緣覺及聲聞

十方師子吼

應隨功德海

若求聞惡趣

開諸甘露門

方昇八正道

應隨遠險路

若求見諸佛

聽受甚深法

及真衆福祐

應隨功德藏

若求出纏縛

生老病死苦

清淨如虛空

應隨離垢人

若求一切敬

相好莊嚴德

及能控自他

應隨可欣樂

若求戒定惠

甚深難可證

智者速解脫

應隨大醫王

若求無量德

究竟皆圓滿

及生涅槃樂

應隨智成就

尔時諸天衆會聞此偈已八万四千

四天王天百千忉利天百千夜摩天

百千兜率天百千化樂天百千他化

自在天六万魔天前世積德六万八

千梵衆天乃至阿迦尼吒天與無央

數百千諸天如是等天先來在會復

有他方東西南北四維上下無量百

千諸天衆等皆志來集時大會中上

首天子而說頌曰

汝等今應聽 我起決定心 捨欲及神通

諸禪三昧樂 隨從取勝者 降生處母胎

不令諸惡侵 常當為擁護 以諸妙音樂

讚誦功德海 今天人歡喜 發無上道心

人天間是已 歡喜消衆患 散以曼陀花
月花勝月等 及熏沉水香 供養淨福者
菩薩處胎中 不為三垢染 越於生老死
得導窮邊際 我等持淨心 隨從智慧者
釋梵天王等 見行七步時 以手捧香水
浴是無垢聖 順世諸所為 人天獲大福
慶欲常無染 踰越棄寶位 我等願隨逐
敷草坐道場 降魔成正覺 勸說微妙法
佛事遍三界 甘露洽羣生 乃至歸涅槃
常隨無暫捨

佛告諸比丘 欲界無量天女見菩薩
身形相微妙 將欲下生 各作是言 何
等女人 應生菩薩 必有勝德 堪懷尊
者 咸皆慕美 懷敬愛心 以已福報 獲
彼神通 得意生身 自彼天宮 於剎那
頃 至迦毗羅城 其迦毗羅城 周匝百
千園林池沼 莊嚴殊勝 如帝釋宮 於
其宮內 有一大殿 名曰持國摩耶聖
后 住在其中 種種莊嚴 敷置綺麗 清
淨無垢 光明威神 聖后身佩瓔珞 被
以天衣 種種妙寶 莊嚴其體 時諸天
女 至此殿已 住在虛空 瞻於聖后 而
有偈言

欲界諸天女 觀菩薩妙身 咸作是思惟
菩薩母何類 競持花鬘等 塗香及末香
歡喜詣王宮 合掌而恭敬 袈服嚴容貌
舒手咸共拍 見坐勝寶床 善心諦觀察
人間斯妙質 天上未曾有 我等常自謂
天女中殊勝 今觀斯人已 自生輕賤心
勝功德莊嚴 顏容甚端正 若非此勝德
誰堪菩薩母 譬如無價珠 置於淨寶器
如是菩薩母 堪懷勝德人 見者生歡喜
其心無厭倦 面目甚端正 身相極光明
如月在虛空 觀之而意淨 如日威暉耀
如真金百鍊 見彼菩薩母 光明亦如是
髮香且柔澤 紺黑類玄蜂 皓齒如空星
目若青蓮葉 支節善隨轉 手足皆平正
天中尚無匹 人間誰與比 如是密觀察
右遶散香花 稱名歎佛母 還返於天上
今時四護世 釋梵及欲天 并餘八部衆
皆來衛佛母 諸天咸已見 菩薩將下生
賣持妙香花 歡喜詣前住 合掌稽首請
下生時已至 辯才師子王 哀愍生世間
佛告諸比丘 菩薩將下生時東方有
無量百千菩薩皆是一生補處來詣
兜率天宮供養菩薩南西北方四維

上下一生補處皆至兜率天宮供養
菩薩十方世界四天王天三十三天
夜摩天兜率陀天樂變化天他化自
在天如是等各與八万四千天女前
後圍遶至兜率宮鼓樂絃歌供養菩
薩尔時菩薩處大樓閣坐於衆德所
生勝嚴師子之座彼諸菩薩及無量
百千万億那由他諸天圍遶供養恭
敬尊重讚歎即於兜率宮勝天宮而
便降生將下生時放未曾有身相光
明遍照三千大千世界世界中間幽
冥之處日月威光所不能照而皆大
明其中衆生各得相見咸作是言云
何此中忽生衆生是時三千大千世
界六種震動有十八相所謂搖動極
擗動遍搖動扣擊極扣擊遍扣擊移
轉極移轉遍移轉涌覆極涌覆遍涌
覆出聲極出聲遍出聲遙涌中沒中
涌邊沒東涌西沒西涌東沒南涌北
沒北涌南沒是時一切衆生歡喜踊
躍愛樂清淨快樂無極稱揚讚美聞
諸聲時無一衆生恐懼驚悸梵釋護
世日月威光皆悉不現一切地獄畜

生餓鬼及諸衆生皆蒙安隱無一衆
生於此時中為貪瞋癡等一切煩惱
之所逼迫互相慈愍起利益心如父
如母如兄如弟人天樂器不鼓自鳴
無量諸天頂戴擎捧是妙樓閣无量
百千天女前後圍遶奏天伎樂其樂
音中出是妙偈歎菩薩曰

尊者長夜積修習 所有淨業皆圓滿
住於真正勝理中 今致天人上供養
往昔無量拘脰劫 能施所愛妻子等
由彼行檀獲勝報 故得諸天妙花香
自割身肉而秤之 慈心救彼垂死鵠
復以行檀獲勝報 能令餓鬼得充足
尊者過去無邊劫 堅持淨戒未嘗毀
由彼尸羅獲勝報 能令惡趣息衆患
尊者過去無邊劫 求菩提故行忍辱
由彼羸提獲勝報 能令人天互慈愍
尊者過去無邊劫 勝修米延無休已
由彼勤劬獲勝報 身相端嚴如須弥
尊者過去無邊劫 為斷結使修諸定
由彼禪那獲勝報 能令今世無煩惱
尊者過去無邊劫 修習智慧斷諸結
由彼般若獲勝報 能使光明甚清淨

寂慈曰：曾除煩惱，證得第一妙喜捨，照以智慧光明炬，三千大千以為主，勝慧神足得諸通，自既得濟能拯物，隨順世法示同凡，一切衆生若聞見，况復聽聞尊妙法，兜率天宮行暗冥，煩惱惛瞢諸群生，迦毗羅城益興盛，諸天寶女奏天樂，佛母妙色以莊嚴，聖子端正甚奇特，其國所有諸衆生，一切慈心相敬順，輸檀王種當興盛，其城所有諸珍藏，夜叉羅刹鳩鵞荼，守護菩薩所居處，悉以迴向菩提道，慶治品第六。

由慈世間今現生，尊獲梵住歸命礼，淨除癡冥諸過失，歸命牟尼大導師，見真實義能示現，歸命船師能渡者，不為世法之所染，獲不思議勝利益，信樂當生廣大善，閻浮提中日將出，尊者皆當今覺悟，无量諸天衆圍遶，周遍王城演妙音，福德威容乘淨業，光明遍照三千界，皆離諍論諸煩惱，志由菩薩之威力，由斯應紹轉輪王，一切衆寶皆盈滿，修羅密跡諸天衆，不久皆當證解脫，願速如尊成正覺。

佛告諸比丘冬節過已於春分中毗舍佉月叢林花葉鮮澤可愛不寒不熱五宿合時三界勝人觀察天下白月圓淨而弗沙星正與月合菩薩是時從兜率天宮沒入於母胎為白鳥形六牙具足其牙金色首有紅光形相諸根悉皆圓滿正念了知於母右脇降神而入聖后是時安隱睡眠即於夢中見如斯事今時世尊欲重宣此義而說偈言

勝人託生為白鳥 皎潔如雪具六牙
鼻足姝妙首紅光 支節相狀皆圓滿
降身右脇如遊戲 佛母曰斯極歡喜
未曾得見及未聞 身心安隱如禪定
今時聖后身心過喜即於座上以衆妙寶莊嚴其身無數姝女恭敬圍遶下於勝殿詣無憂園到彼園已遣信白輸檀王言要欲相見王宜暫來王聞是信心甚歡喜從寶座起與諸臣佐及諸眷屬前後翊從詣無憂園既至園門舉體皆重不能前進而說偈言憶昔赴強敵 身猶不為重 今者忽如是此變當問誰

時淨居天子於虛空中現其半身為
輸檀王而說頌曰

菩薩大威德 下於兜率宮 託在聖后胎
為王之太子 衆行皆圓滿 人天所恭敬
具慈悲福慧 灌頂當受職

時輸檀王聞是偈已合掌稽首作如
是言我今見此希有之事於是入見
聖后自除憍慢前問聖后欲何所求
惟願為說今時聖后以偈答曰

我於睡夢中 見為如白銀 光色超日月
身相甚嚴淨 六牙有感勢 難壞如金剛
支體甚堅好 來入於我腹 尔後多瑞相
願王今善聽 我見三千界 如敞廣嚴飾
喜於寢寐時 諸天來讚我 貪瞋等煩惱
結使皆銷滅 我心寂靜樂 如在禪定中
宜嘆占夢人 明解圓陀論 善閑八耀法
能辨吉凶者 速召彼人來 為我解斯夢
時王聞此語 即召占夢人 而語彼人言
宜占聖后夢 聖后時告彼 已所夢因緣
汝既稱善占 吾今為汝說 我夢象如雪
踰於日月光 威勢有六牙 支體甚嚴好
妙色極光淨 堅密如金剛 來入我腹中
我夢如是事 其人聞聖后 說所夢因緣

皆曰無不利 斯夢甚為吉 種族當興盛
必生勝相子 在家作輪王 威力統所化
出家成佛道 哀愍諸世間 當灑甘露法
為人天所敬

時輪檀王聞婆羅門解夢因緣心甚
歡喜即以上妙衣服種種美食而賜
與之令歸本處佛告諸比丘時輪檀
王於四城門四衢道中為菩薩故設
大施會須食與食須衣與衣乃至香
花卧具田宅騎乘一切所求皆悉給
與王時念言於何宮殿安置聖后令
得無憂歡樂而住時四天王來至王
所作如是言惟願大王善自安隱勿
思此事我與菩薩取妙宮殿時天帝
釋即來王所而說偈言

護世宮為劣 不堪聖后居 忉利有勝殿
持來奉菩薩

時夜摩天子復來王所而說偈言
我有勝妙殿 超過忉利宮 在彼夜摩天
今持奉菩薩

兜率天子復來王所而說偈言
兜率妙天宮 菩薩本居止 是為最殊勝
還持奉菩薩

化樂天子復來王所而說偈言

我有寶宮殿 隨心所化生 莊嚴甚奇妙
願以奉菩薩

他化自在天子復來王所而說偈言

我有妙宮殿 超過諸欲天 衆寶所莊嚴
清淨悅心意 光明甚奇耀 周匝散香花

願以安聖后 持來奉菩薩

佛告諸比丘是時欲界諸天子等為
供養故各各賣彼所有宮殿來至輸
檀王宮其王亦為菩薩造妙宮殿綺
飾精麗人間所無尔時菩薩以大嚴
三昧威神力故令彼一切諸宮殿中
悉現摩耶聖后之身皆有菩薩於母
右脇結加趺坐諸天子等各各自謂
菩薩之母惟住我宮尔時世尊重說
偈言

大嚴三昧 神化難思 諸天悅豫

父王歡喜

說是經時會中有諸天子生如是念
曰天王天閻此人間汙穢不淨況乎
此上三十三天乃至兜率諸大天耶
云何菩薩世間之寶寂勝清淨殊妙
香潔乃捨兜率處在人間於母胎中

經於十月介時阿難承佛威神長跪
合掌而白佛言世尊女人之身多諸欲
惡去何如來為菩薩時乃捨兜率處
於母胎右^脇而住佛告阿難菩薩昔
在母胎不為不淨之所染汙恒處寶
殿嚴淨第一如是寶殿為欲見不當
示於汝阿難白佛言世尊願垂顯示
今諸見者皆生歡喜今時如來即以
神力令娑婆世界主梵天王與六十
百千億梵天下閻浮提來詣佛所恭
敬稽首右遶三匝却住一面今時世
尊知而故問梵天王言我昔為菩薩
時在胎十月所居寶殿今為所在汝
可持來梵天王言今在梵世時娑婆
世界主稽首作禮忽然不現於剎那
頃昇于梵宮告妙梵天子言汝宜次
第下至三十三天高聲唱言今日梵
王欲將如來履胎之時所居寶殿還
至佛所若欲見者宜可速來今時梵
王即持菩薩之殿置梵殿中其梵殿
量縱廣正等三百由旬而與八万四
千拘脰梵天恭敬圍遶從於梵世下
閻浮提是時欲界无量諸天皆悉雲

集於如來所以天妙衣種種伎樂花
場妙香天莊嚴具而為供養時天帝
釋乃至他化自在天不能覩菩薩之
殿雖審觀之亦不能見時四天王問
帝釋言我等作何方便能覩斯殿帝
釋報言當請如來乃得見耳時天帝
釋與四天王稽首請佛是時大梵天
王先與諸梵捧菩薩殿置於佛前其
殿三重周匝瑩飾皆以牛頭栴檀天
香所成其香一分價直三千大千世
界光明照耀以天衆寶而嚴飾之床
座器物皆稱菩薩微妙綺麗人天所
無惟除菩薩旋螺之相大梵天王所
著天眼至菩薩座猶如水漬欽婆羅
衣其三殿內周匝皆有淨妙天花其
殿堅牢不可沮壞凡所觸近皆生妙
樂如迦隣陀衣欲界一切諸天宮殿
悉現菩薩寶殿之中
佛告諸比丘菩薩入胎之夜下從水
際涌出蓮花穿過地輪上至梵世縱
廣正等六十八洛叉由旬如此蓮花
無能見者除諸如來并諸菩薩及大
梵天王於三千大千世界之中所有

清淨殊勝美味猶如甘露現此花中
大梵天王以毗瑠璃器盛此淨妙甘
露之味奉上菩薩菩薩於是受而食
之比丘當知世間衆生無有能食如
是甘露之味惟除十地究竟寂後身
菩薩方能食耳諸比丘菩薩以何善
根而感斯味由昔長夜行菩薩道時
能以醫藥救濟病苦所有欲願皆令
滿足一切恐懼能施無畏又以上妙
花果供養如來及佛塔廟一切聖衆
父母尊長如是施已然後自受由斯
福報感大梵王每持甘露之味而以
奉獻於寶殿內上妙衣服諸莊嚴具
種種器物菩薩本願力故隨意能現
阿難一切菩薩將入胎時於母右脇
先有如是寶莊嚴殿然後從兜率天
宮降神入胎於此殿中結加趺坐阿
難十方世界一切摩耶聖后皆於夢
中見白鳥來釋提桓因及四天王二
十八夜又大將皆悉隨從而衛護之
復有四天女一名鄒佉梨二名佉佉
梨三名幢至四名有光亦與眷屬常
來衛護

尔時菩薩處母胎中身相光明猶如
夜暗於山頂上然大火炬亦如真金
在琉璃中光明洞照普遍世界四大
天王二十八夜又大將與其眷屬
每於晨朝恭敬供養皆見菩薩安慰
問評徐舉右手拍座令坐為其說法
示教利喜得未曾有若欲去時菩薩
徐舉右手使之而去頂礼圓遠辭退
而去釋提桓因與三十三天每於中
時恭敬供養為聽法故皆見菩薩安
慰問評徐舉右手拍座令坐為其說
法示教利喜得未曾有若欲去時菩
薩徐舉右手使之而去頂礼圓遠辭
退而去娑婆世界主大梵天王每於
申時與無量百千梵眾天子恭敬供
養為聽法故皆見菩薩安慰問評徐
舉右手拍座令坐為其說法示教利
喜生歡喜心得未曾有若欲去時菩
薩徐舉右手使之而去頂礼圓遠辭
退而去阿難東西南北四維上下周
遍十方無量百千諸菩薩眾於日入
時恭敬供養為聽法故而來至此尔
時菩薩化作莊嚴師子之座令諸菩

皆各坐其上互相問答辯指上乘此等諸來大菩薩衆惟是同行同乘之所能觀摩耶聖后亦不能見阿難菩薩處胎之時不令聖后身覺沉重及諸苦逼柔軟安怡懌歡暢無有貪欲瞋恚愚癡熱惱之患亦無欲覺恚覺害覺亦無冷熱飢渴惛惑罪垢散亂亦無不可意色及聲香味觸一切惡境亦無惡夢亦無女人貪誑諂曲嫉妬諸煩惱過具足受持清淨禁戒行十善道不於他人而生欲心亦無他人能於聖后而生欲想於迦毗羅城及諸聚落并餘國土所有男女若童男若童女或為鬼神之所著者見菩薩母皆自痊愈或有衆生得種種病風黃痰氣盲聾喑痺牙齒齟齬痛癢瘰癧白癩疳渴癰眩癰癰瘡癰種種諸病見菩薩母舒手摩頂自然銷除設有衆生得如是病不獲親來見菩薩母聖后亦時折草為籌而以賜之縱執籌時所有病苦皆得銷散平復如本聖后若觀菩薩之時見於腹中右脇而住如明鏡中觀諸色像歡喜和

悅身心泰然阿難菩薩處胎之時諸天常奏天樂雨衆天花供養菩薩是時國界寧靜景候調和人民安樂好行恩惠諸釋種子皆悉棄惡修習善事於諸節會遊戲園林受勝妙樂歡娛怡暢時輸檀王隨順法行不樂世榮捐棄國務如苦行者阿難菩薩處母胎中神力現化成就如是

尔時世尊告阿難言汝等當觀佛在胎時所居寶莊嚴殿阿難言唯然世尊願為顯示世尊尔時即為阿難釋提桓因及四護世并餘天人顯亦如來處胎之時寶莊之殿皆大歡喜得未曾有生清淨心作是現已大梵天王還持寶殿歸於梵世佛告諸比丘菩薩處胎之時已能化導三十六鄰由他天人令住三乘尔時世尊欲重宣此義而說偈言

最上勝人初入胎 大地山林皆震動
金色淨光銷惡趣 一切天人咸喜悅
為欲成此大法王 亦現胎中寶嚴殿
導師所居之寶殿 栴檀妙香極嚴飾
此香一分之價直 等彼三千界珍寶

下方涌出大蓮花 其花高至千梵世
花中所承甘露味 梵王持以獻菩薩
世間一切諸羣生 無有能銷一滴味
惟除寂後身菩薩 方能致斯甘露食
積劫所集福威力 服者身心得清淨
帝釋梵王四護世 稽首供養於導師
奉事項札聞妙法 歡喜右遶而辭去
如是十方菩薩衆 亦復因斯樂法來
坐於光明衆寶床 聞大乘法生歡喜
各恣言談兩相顧 无量稱揚還本國
四方男子及女人 為彼鬼魅所纏縛
露首相體心狂亂 若見佛母皆除愈
所有黃痰與癩癩 盲聾瘖瘡種種疾
佛母舒手摩其頂 衆病應時得銷散
或有困篤在遠方 折草作籌而惠之
壽至病者尋平復 世間無不蒙眾祐
由法醫王在腹中 苦惱衆生盡安樂
聖后自觀菩薩體 猶如空中見明月
形相微妙甚端嚴 歡喜悅樂心安住
無復貪瞋癡所擾 亦無愛欲嫉妬害
不為飢渴寒熱侵 身心靜然離衆惱
人天上下更相見 音樂不鼓而自鳴
國土清寧其安隱 眷屬欣豫同無患

龍天由斯降時澤 草木花果盡敷榮
惠施一切之所須 王宮七日雨珍寶
是時無有貧乏者 猶如帝釋歡喜園
王修法行持淨戒 雖處堂殿如林野
由此聖后懷菩薩 每入後宮親慰問
方廣大莊嚴經卷第二

癸卯歲高麗國大藏都監奉
勅彫造

方廣大莊嚴經卷第三

歸

誕生品第七

中天竺國沙門地婆訶羅奉詔譯

今時佛告諸比丘菩薩處胎滿足十月將欲生時輸檀王宮先現三十二種瑞相一者一切大樹舍花將發二者諸池沼中優鉢羅花拘物頭華波頭摩華芬陀利華皆悉含葉三者諸小華叢吐而未舒四者自然而有八行寶樹五者二萬寶藏從地踊出六者於王宮內自生寶牙七者地中復出無量寶璘滿中香油八者從雪山中无量師子之子來遶迦毗羅城歡躍震吼各守城門九者彼諸師子亦不嫉害一切人民十者五百白鳥之子來自雪山至王殿前十一者有無量天諸嬰孩忽然而現婢女懷抱婉轉遊戲十二者有諸龍女出現半身手持微妙諸寶瓔珞於空而住十三者有十千天女各持孔雀羽扇現於空中十四者有十千寶璘盛滿香水之以眾華現於虛空旋遶迦毗羅城

十五者有十千天女各捧寶璚現虛空中十六者有十千天女各執持幢幡寶蓋現虛空中十七者無量天諸姝女持天樂器現虛空中而未擊奏十八者一切香風皆未飄拂藹然而住十九者江河諸水湛而不流二十者日月宮殿及諸星辰皆不運行二十一者弗沙之星將與月合二十二者王宮殿堂自然寶網弥覆其上二十三者一切燈炷皆悉無色二十四者一切樓閣殿堂臺榭之上忽然皆有摩尼珠寶嚴飾垂懸二十五者衆寶庫藏忽然自開二十六者惡禽恠獸皆不出聲二十七者於虛空中演妙音詞唱言善生善生二十八者一切人間所作事業皆悉停息二十九者高下之地悉皆平正三十者所有街衢巷陌遊從道路自然柔軟散花嚴飾三十一者一切孕婦產生無難皆獲安隱三十二者娑羅樹神出現半身合掌恭敬先現如此三十二種瑞相

此時摩耶聖后以菩薩威神力故即

知菩薩將欲誕生於夜初分詣輸檀王而說偈言

大王聽我今所請
於我不懷嫌妬心
大王精勤思惟法
自我懷此清淨人
樹木蒨鬱初榮茂
節物方春甚佳美
衆鳥和鳴似歌頌
惟願大王速垂勅
王聞聖后斯語已
速嚴妙好諸輦輦
又宜駕被二萬鳥
摩尼珠寶耀其體
爲王皆悉六牙僞
又取二萬駿拖馬
勒以金鞍寶鈴網
二萬勝兵皆勇健
各操甲冑及干戈
聖后所乘諸輦輦
又以車載衆珍饌
又部車兵勇健者
又駕無量諸車乘

久思詣彼龍毗園
願得速往暫遊觀
修諸苦行多疲倦
處在宮中亦已久
今時正可翫園林
與諸姝女相娛樂
飛花處處皆盈滿
及時遊彼好園苑
欣然即勅諸臣佐
龍毗園亦莊嚴
色類白雪形似山
真金線網弥其上
兩邊交垂以珍鐸
朱驄白質如銀雪
其馬迅疾如風馳
能伏怨敵堪營衛
并執闔輪將羅索
摩尼雜寶間莊嚴
於上覆之微妙帔
披甲執持諸器仗
載以珍琦衆雜寶

又以無邊諸妙寶

周帀彫瑩龍毗園

又以珠寶并綺繒

技飾園中好林樹

處處皆以名華散

猶如帝釋歡喜園

汝等種種嚴辦訖

即宜速疾來報我

群臣既承王勅已

尋時具物皆營辦

奏言福壽軍勝王

如所教勅皆已集

王聞是事心歡喜

尋便入閤勅內人

若能愛樂隨我者

汝等應當盡嚴飾

香熏繒絲袷衣服

柔軟微妙令心喜

珠珮瓔珞自嚴身

各持百千衆樂器

琴瑟簫笛箏篳等

鼓吹當令出妙音

天人男女若聞者

皆使愛樂生歡喜

聖后所坐寶車輦

元令異人得親近

諸姝女等為執御

一切惡相皆除屏

四兵扞集王門首

隱隱如聞海浪聲

聖后初出宮門已

咸唱吉祥微妙頌

輦輦王宮自彫飾

寶鈴寶鐸振和音

然後百千諸天人

於上安施師子座

車中傍羅四寶樹

枝葉花果皆榮茂

復有瑞鳥聲和雅

續紛翻舞而翔集

幢幡蓋網天衣服

高聳圓遶遍莊嚴

諸天姝女在虛空

以歡喜心而讚歎

聖后是時昇寶乘

三千世界六種動

帝釋淨除於道路 護世四王來御車

大梵天王為前導 而以屏除諸惡相

無量百千諸天眾 恭敬頂礼而瞻仰

見是天眾來營從 父王心生大欣喜

念言聖后所懷妊 必定應是天中天

既為護世四天王 帝釋梵王諸天眾

廣設无邊大供養 由此定當得成佛

無有三界諸眾生 堪受如斯供養者

設令釋梵及諸龍 四護世等受斯供

不堪任故當首碎 或因斯供便命殄

唯有取勝天中天 堪受人天妙供養

佛告諸比丘時有 八万四千為兵馬

兵車兵步兵皆志 端正勇健無敵被

以甲冑種種莊嚴 執持器仗護衛聖

后六万釋種種姝 女翊從圍遶王之眷

屬若長若幼恭敬 衛護又有六万王

之姝女作倡伎樂 種種歌舞又有八

万四千諸天童女 八万四千龍女八

万四千乾闥婆女 八万四千緊那羅

女八万四千阿修 羅女如是等皆以

衆寶而自莊嚴 作衆伎樂歌舞讚詠

翊從佛母往龍 毗尼園以好香水遍

灑其地散以天 花園中草木若時非

時枝葉花果悉皆榮熟莊嚴殊勝猶如帝釋歡喜之園。今時聖后既到園已遊歷詳觀至波又寶樹其樹枝葉翳鬱鮮潤天花人花周匝開敷微風吹動香氣芬馥又以雜彩摩尼珠寶而嚴飾之樹下周遍地平如掌所出衆草其色青紺如孔雀尾能生樂觸如迦隣陀衣過去無量諸佛之母亦皆來坐此寶樹下是時百千淨居天子其心寂靜或垂髮或著寶冠至此樹下圍遶聖后歡喜頂禮奏天伎樂而讚歎之即以菩薩威神其樹枝幹風靡而下於是稽首禮聖后足。今時聖后放身光明如空中電仰觀於樹即以右手攀樹東枝頻申欠呿端嚴而立是時欲界六万百千諸天姝女至聖后所承事供養比丘當知菩薩住胎成就如上種種功德神通變現滿足十月從母右脇安詳而生正念正知而無染著。

佛告諸比丘是時帝釋及娑婆世界主梵天王恭敬尊重曲躬而前一心正念即以兩手覆憍奢耶衣承捧菩

薩其事已畢即將菩薩處胎之時所居寶殿還於梵宮

尔時菩薩既誕生已觀察四方猶如師子及大丈夫安詳瞻顧比丘當知菩薩於多生中積集善根是時即得清淨天眼觀見一切三千大千世界國土城邑及諸衆生所有心行皆悉了知如是知已而復觀察是諸衆生所有戒定智慧及諸善根與我等不乃見十方三千大千世界無一衆生與我等者

尔時菩薩善自思惟稱量正念不假扶持即便自能東行七步所下足處皆生蓮華菩薩是時無有怖畏亦無謬訥作如是言我得一切善法當為衆生說之

又於南方而行七步作如是言我於天人應受供養

又於西方而行七步作如是言我於世間最尊最勝此即是我最後邊身盡生老病死

又於北方而行七步作如是言我當於一切衆生中為無上上

又於下方而行七步作如是言我當
降伏一切魔軍又滅地獄諸猛火等
所有苦具施大法雲雨大法雨當令
衆生盡受安樂

又於上方而行七步作如是言我當
為一切衆生之所瞻仰菩薩說是語
時其聲普聞一切三千大千世界比
丘當知菩薩於多生中積集善根於
寂後生得阿耨多羅三藐三菩提法
尔如是神通變化

比丘當知是時一切衆生歡喜踊躍
大地震動而諸衆生無有恐怖三千
大千世界所有非時藥木皆悉榮茂
於虛空中出妙音聲降微細雨及雨
種種天諸花香真珠瓔珞上妙衣服
繽紛徐墜又扇和暢微妙香風能生
清淨柔軟樂觸無雲無霧無煙無塵
及以暗冥於虛空中而聞清徹和雅
梵音稱歎菩薩諸功德法尔時菩薩
放大光明無量百千種種異色遍滿
三千大千世界一切衆生遇斯光者
身心安隱快樂無極一切日月諸大
梵王帝釋護世及餘天人所有光明

皆悉不現

方廣大華嚴經第三卷 第九張 端

是時一切衆生遠貪恚癡憂悲驚恐
亦離不善諸惡罪障所有病苦衆生
皆得痊除飢渴衆生皆得飽滿顛狂
醉亂皆得惺悟諸根缺減皆得圓滿
貧者得財繫者解脫地獄衆生皆蒙
休息畜生衆生無相害心餓鬼衆生
皆得飽滿

佛告諸比丘菩薩於阿僧祇百千拘
脔那由他劫修諸善行精進力故初
生之時即能十方各行七步一切諸
佛如來威加此地化為金剛菩薩遊
踐得無陷裂是時世界中聞幽冥之
處悉皆大明其中衆生各得相見又
於此時諸天音樂出微妙聲雨衆天
花末香熏香花鬘珍寶諸莊嚴具上
妙衣服如雲而下一切衆生皆得上
妙安隱快樂菩薩出現世間取尊最
勝所有功德入不思議若欲廣說窮
劫不盡余時阿難從座而起偏袒右
肩右膝著地合掌恭敬而白佛言世
尊如來為菩薩時尚能成就如是勝
希有事何況得成阿耨多羅三藐三

菩提

佛告阿難未來世中有諸比丘不能修習身戒心慧愚癡無智憍慢貢高掉舉心亂不遵法律多所貪求不信正法具沙門垢相似沙門如是比丘若聞菩薩清淨入胎不能信受乃復共聚橫生誹謗作如是言菩薩處胎居母右脇雖不為彼膿血所汙何能有此大功德耶如是愚人既不能知菩薩積集功德亦不能知菩薩亦現入胎而有如是殊勝清淨无量功德哀愍衆生出現於世阿難諸佛如來出現於世不於天上而成正覺轉妙法輪但於人間亦現成佛何以故若於天上成阿耨多羅三藐三菩提者人中衆生咸作是念我既非天何能堪任修習佛道便生退屈由是義故但於人間成阿耨多羅三藐三菩提然彼愚癡法賊之輩而於菩薩不思議事不能了知橫生誹謗妄為憶度阿難愚癡之人尚不信佛有無量德何況能信菩薩神通如是比丘耽著利養及以名聞沉溺罪垢阿難白佛

言世尊當來之世若有如是愚癡下劣之人誹謗此經得幾所罪當生何處佛告阿難若未來世有如是等諸惡比丘誹謗此經積集衆罪離沙門法阿難譬如有人滅佛菩提毀呾十方三世諸佛其所獲罪寧為多不阿難言甚多世尊佛告阿難若有衆生誹謗如斯大乘經典其所獲罪與此人等今時阿難聞是語已身毛為豎唱如是言南無佛陀南無佛陀我聞彼人行如是惡身心迷悶佛告阿難若有衆生滅佛菩提其人由此惡行因故當墮阿鼻大地獄中阿難於未來世有比丘比丘尼優婆塞優婆夷誹謗如斯大乘經典其人命終定墮阿鼻大地獄中阿難汝於如來功德不應限量所以者何如來功德甚深廣大難可測故阿難若復有人聞此經典信受愛樂生歡喜心如是等人即得淨命獲大利益其人一生為不唐捐已修善行已得真實離三惡道當成佛子已得深信堪受供養於諸聖賢心生清淨亦當決除一切魔網

而能出於生死曠野拔憂惱箭善知
歸依獲勝妙樂如是等人甚為希有
堪作世間無上福田何以故諸佛之
法甚深難信而能信故阿難當知是
人非少善根而得成就如是之信何
以故諸佛如來曾與彼人於多生中
為善知識阿難若有衆生於佛世尊
雖未得見但聞名字即生信喜或復
有人不聞佛名得見如來便生信喜
或復有人雖得見聞不生信喜或復
有人若聞若見皆生信喜阿難除不
信喜當知是人於多生中皆蒙如來
為善知識其人功德與如來等即為
如來成就度脫而攝受之阿難我昔
修菩薩道時諸有衆生來至我所我
皆攝受施其無畏汝等今者應生淨
信精勤修習汝所應作志已開顯亦
為汝等拔憍慢箭阿難譬如有入文
別親友過百由旬冒遠尋之得與相
見暫解離念尚生歡喜何況曾得值
佛種諸善根今復覲佛得為親友而
不喜耶阿難當知未來諸佛皆作是
念此諸人等已得過去如來為善知

識今復值我我與是人亦為親友心生歡喜辭如有人見親友時心生歡喜見友之友亦生歡喜阿難若有衆生於此經典少分生信我以是人付未來佛彼佛亦當作如是念此等衆生是我親友如其所願當令滿足譬如有人多諸親友唯生一子心甚憐念其人不久病欲命終喚其所親付是愛子其友受付念如已子佛亦是未來諸佛皆是親友以是衆生付未來佛阿難我今開悟於汝汝應於此深生淨信當勤修習

佛告諸比丘菩薩生時無量百千拘軻那由他天諸婁女以天妙花塗香末香花鬘衣服衆莊嚴具散聖后上如雲而下今時世尊說是偈言

將生離垢光 天女有六万 咸出妙歌頌
讚歎菩薩母 皆於聖后前 歡喜作是言
願勿懷憂惱 我等堪供養 尊生出三界
無上大醫王 草木花葉敷 人天盡恭敬
大地六種動 名聞遍十方 如是取勝人
聖后今生彼 虛空諸樂器 不鼓而自鳴
百千淨居天 歸命生歡喜 今者聖人出

為世作津梁 四王釋梵等 及餘諸天衆
曲躬盡圓遶 咸生歡喜心 彼人中師子
當出母右脇 光明極清淨 暉耀如金山
釋梵手承捧 震動百千界 三惡趣衆生
離苦皆安樂 天衣及天花 遍滿於虛空
諸佛精進力 此地為金剛 導師所下足
瑞蓮隨步起 周行七步時 演妙梵音聲
我為大醫王 能除生死病 我於世閒中
為最尊最勝 梵釋諸天等 在於虛空中
以手捧香水 灌灑於菩薩 龍王下二水
冷煖極調和 諸天以香水 洗浴於菩薩
三千大千界 一切皆震動 諸天持白蓋
并執素瓔紉 遍覆於虛空 皆以寶莊嚴
持種種供具 供養人師子 有報輸檀王
王生衆相子 增長於王族 從王種姓生
當作轉輪王 統領四天下 應知釋種中
時生五百子 一切皆勇健 力如那羅延
復有報王言 婢僕各八百 馬生三萬駒
牛生六萬犢 爲子有二萬 四方諸國王
同時皆慶賀 其數亦二萬 諸王咸欵附
稽首而自言 善哉最勝王 我願為僮僕
爲王金網飾 歡躍至王宮 牛有種種色
端正甚可愛 駿馬如珂雪 駘尾皆金色

增顯大王族 王應自往觀 所有衆吉祥
皆因菩薩力 天人見功德 咸生歡喜心
發願求菩提 速登無上果

佛告諸比丘菩薩生已輸檀王倍復
增上而行法行見來求者一切施與
諸族姓中同於是時生二萬女諸女
之中耶輸陀羅而為上首又諸僕使
及青衣等所生男女數各八百於諸
男中車匿為最駿馬生駒其數二萬
於諸馬中軋陟為上生白馬子數亦
二萬四百拘肱類洲之中菩提樹牙
是時初生名阿說他於四洲中生栴
檀林於迦毘羅城四邊自然出現五
百園苑五千寶藏從地踊出如上所
說一切事物所司部錄擬供菩薩是
時輸檀王與諸眷屬聚會作是念言
我子生已一切事物皆悉增長成就
我當與子名薩婆悉達多即以種種
衣服飲食慶賀菩薩此名
佛告諸比丘菩薩生已聖母右脇平
復如故於一井中出三種泉浴菩薩
母又於池中出妙香油聖后塗身有
五百千天諸嫗女各執寶瓶持好香

油至聖后所而慰問言安隱生子願
無上損復有五百千天諸姝女各各
執持上妙塗香塗聖后身而慰問言
安隱生子願無上損復有五百千天
女各各執持上妙天衣為供養菩薩
故問聖后言安隱生子願無上損復
有五百千天諸姝女各各執持寶莊
嚴具為供養菩薩故問聖后言安隱
生子願無上損又有五百千天諸姝
女各各執持上妙音樂鼓吹絃歌為
供養菩薩故問聖后言安隱生子願
無上損此閻浮提一切外道五通神
仙乘空至於輸檀王所而白王言王
生福德之子吉祥無量種族增咸
佛告諸比丘菩薩生已於龍毗尼園
七日七夜人天擊奏種種微妙音樂
而以供養尊重讚歎復以種種上妙
飲食施設一切釋種親族皆悉集會
讚言吉祥志行惠施作諸功德供養
三万二千名聞勝智諸婆羅門隨其
所須皆令滿足梵王帝釋化作端正
摩那婆身於衆會中坐第一座而演
吉祥微妙讚歎

佛告諸比丘菩薩生已摩醯首羅告
淨居天子言菩薩已於百千阿僧祇
拘脛那由他劫修習布施持戒忍辱
精進禪定智慧方便多聞成就大慈
大悲大喜大捨心常希求利益一切
已於過去諸佛深種善根從彼而生
以百福相而自嚴飾勇猛決定習諸
善行降伏魔怨已能成就清淨妙願
名大智幢於三千大千世界中為大
導師天人供養積集福德增長意樂
遠離生老病死能盡邊際能於甘蔗
上族中生不久得阿耨多羅三藐三
菩提覺悟世間我與汝等可共往彼
供養恭敬尊重讚歎及為斷除諸餘
天子憍慢掉舉故今彼諸天於長夜
中獲利益故得安樂故證菩提故又
欲見輪檀王讚歎吉祥慶賀種族宜
說菩薩定當成佛

尔時摩醯首羅天子與十二百千天
衆圍遶光明赫奕照毗羅城詣輪
檀王宮頂礼菩薩遶百千匝恭敬捧
持慶賀輪檀王言大王應大歡喜何
以故王之太子相好莊嚴於一切世

聞天人之中色相光明道德名稱悉皆殊勝大王如是菩薩決定當得阿耨多羅三藐三菩提如是諸比丘摩醯首羅與淨居天子設大供養宣說菩薩定得作佛還歸本處

佛告諸比丘菩薩初生滿七日已摩耶聖后即便命終生三十三天過七日已菩薩還迦毗羅城所有儀式莊嚴殊勝倍過聖后往龍毗尼園百千拘脰有五百千天女皆捧寶餅咸以香水五百千姝女持孔雀羽扇次第而行五百千姝女香水灑地導前而行五百千天女於前執篲掃地而行五百千姝女以種種瓔珞莊嚴其身次第而行五百千天女執寶花鬘次第而行五百千姝女持衆寶具次第而行五百千婆羅門執諸寶鈴詠吉祥音次第而行二萬大鳥種種莊嚴次第而行八萬寶車幢幡幢蓋莊嚴微妙翊從而行四万步兵悉被甲冑皆操儀仗陪列而行又有色界尊勝諸天執持拘脰百千那由他寶幢幡蓋於虛空中供養而行又有欲界諸

天執持拘脰百千那由他寶幢幡蓋
於虛空中供養而行又有欲界諸天
以種種天諸寶具莊嚴菩薩之車又
有二萬諸天婁女為菩薩御是時人
天婁女羅列而行天無所嫌人無所
羨一由菩薩威神力故

佛告諸比丘是時迦毗羅城五百釋
種各詣宮殿合掌恭敬稽首請輸檀
王言善哉善哉一切成利願天中天
幸我宮殿願取上導師幸我宮殿願
歡喜悅樂者幸我宮殿願好名稱幸
我宮殿願普遍眼幸我宮殿願無等
等幸我宮殿願功德光明具相莊嚴
者幸我宮殿由是讚歎成利因緣故
名菩薩為薩婆志達多

於是輸檀王愍諸釋意即將菩薩入
諸釋宮經於四月方得周遍然後乃
將菩薩歸於自宮於自宮中有一大
殿名寶莊嚴菩薩居彼殿已時輸檀
王召諸親族長德耆年凡預國姻皆
志來集而告之言我子嬰孩早喪其
母乳哺之寄今當付誰誰能影護使
得存活誰能慈心為我瞻視誰能養

育令漸長大誰能憐撫如愛已子時
有五百釋氏之婦前白王言我能養
育王之太子諸釋耆舊咸作是言汝
等年少色感心舉不堪依時養育太
子摩訶波闍波提親則姨母有慈有
惠唯此一人堪能養育是諸釋種皆
共和合請摩訶波闍波提為養育主
時輸檀王躬抱菩薩付於姨母而告
之言善來夫人當為其母摩訶波闍
波提奉王勅已命三十二養育之母
八母抱持八母乳哺八母洗浴八母
遊戲養育菩薩譬如白月從初一日
至十五日清淨圓滿亦如尼拘陀樹
植彼膏腴沃壤之地漸漸增長

佛告諸比丘時輸檀王又與釋種共
集議論我此太子為作轉輪聖王為
當出家成佛道也時有五通神仙名
阿斯陀與外族那羅童子居雪山中
見菩薩生時有無量希奇之瑞又聞
虛空諸天讚言佛出於世又見空中
雨種種香花種種衣服人天往來歡
喜踊躍即以天眼周遍觀察見迦毗
羅城輸檀王太子福德光明照耀世

間成就三十二大人相見此事已告
那羅童子言汝應當知閻浮提內迦
毗羅城輸檀王太子福德光明普照
十方世間之中此為大寶三十二相
莊嚴其身若在家者當為轉輪聖王
王四天下成就七寶具足千子統領
大地盡海邊際以法御物不假刀兵
自然降伏若出家者當得成佛不由
他悟為天人師名稱普聞利益一切
我今與汝當往瞻禮時阿耨陀仙與
那羅童子猶如鷹王翔空而至攝其
神足步入王城詣輸檀王宮立於門
下告守門者汝可入通有阿耨陀來
造於王時守門人往到王所而白王
言大王門有仙人名阿耨陀願得親
謁王聞是已掃拭宮殿安施妙座引
仙人入仙人既至呪願王言吉祥尊
貴願增壽命以法為王王於是時以
種種香花供養仙人延其就座仙人
坐已王言大仙恒思頂禮未果所願
不審今者從何而至仙言大王聞有
聖子我欲見之故來此耳王言我子
適睡請待須臾仙言如是正士自性

覺悟本無眠睡比丘當知菩薩是時念仙人故從睡而寤王自抱持授與仙人仙人跪捧周遍觀察見菩薩身具足相好起過梵王釋提桓因護世四王光明照耀踰百千日既見是已即起合掌恭敬頂礼種種稱揚歎未曾有斯大丈夫出現於世右遶三帀捧持菩薩作是思惟今當有佛出興於世自恨衰老不值如來常處長夜恒迷正法於是悲啼懊惱歔噉咽時輸檀王見阿斯陀仙如是哀感不能自勝王及姨母一切眷屬皆悲啼泣白仙人言我子初生之時已召相師占問善否皆大歡喜以為奇特今者大仙悲淚如是我等眷屬非無疑心吉凶之事願為我說時阿斯陀仙捫淚而言惟願大王勿懷憂慮我今哀歎無有異情自傷年老死時將至不聞正法不覩佛興大王當知無量衆生被煩惱火之所燒害佛當能灑甘露法雨為滅除之無量衆生行於邪見曠野之中佛當能示涅槃清淨之道無量衆生繫在煩惱牢獄佛當

能宥使得解脫無量衆生開於生死
不能自出佛當能與開方便門無量
衆生為煩惱箭之所中傷佛當能拔
令免斯苦大王如優曇花時時一現
諸佛如來出興於世亦復如是我今
所恨不見此時自惟失祐是故悲耳
大王若人值佛坐菩提座降伏魔怨
轉于法輪當知是人必獲勝果大王
乃有無量衆生值佛出世奉持正教
得阿羅漢我恨彼時不預斯事是故
悲耳大王如韋陀論中所記王之太
子必定不作轉輪聖王何以故三十
二大人相極明了故王言何等名為
三十二相仙言三十二相者一者頂
有肉髻二者螺髮右旋其色青紺三
者額廣平正四者眉間毫相白如珂
雪五者瞳如牛王六者目紺青色七
者有四十齒齊而光潔八者齒密而
不踈九者齒白如軍齒花十者梵音
聲十一味中得上味十二舌軟薄十
三頰如師子十四兩肩圓滿十五身
量七肘十六前分如師子王臆十七
四牙皎白十八膚體柔軟細滑紫磨

金色十九身體正直二十垂手過膝
二十一身分圓滿如尼拘陀樹二十
二二毛孔皆生一毛二十三身毛
右旋上靡二十四陰藏隱密二十五
髀臙長二十六腓如伊尼鹿王二十
七足跟圓正足指纖長二十八足趺
隆起二十九手足柔軟細滑三十手
足指皆網鞞三十一手足掌中各有
輪相轂輞圓脩千輻具足光明照耀
三十二足下平正周遍案地大王王
之聖子具此三十二大人之相分明
顯著如是之相唯諸佛有非輪王有
大王聖子復有八十種好不合在家
作轉輪王必當出家得成佛道王言
大仙何者名為八十種好仙言八十
種好者一者手足指甲皆悉高起二者
指甲如赤銅三者指甲潤澤四者手
文潤澤五者手文理深六者手文分
明顯著七者手文端細八者手足不
曲九者手指纖長十者手指圓滿十
一者手指端漸細十二手指不曲十
三筋脉不露十四踝不現十五足下
平十六足跟圓正十七脣色赤好如

頻婆果十八聲不虛獲十九舌柔軟
色如赤銅二十聲如雷音清暢和雅
二十一諸根具足二十二臂纖長二
十三身清淨嚴好二十四身體柔軟
二十五身體平正二十六身無缺減
二十七身漸纖直二十八身不動搖
二十九身分相稱三十膝輪圓滿三
十一身輕妙三十二身有光明三十
三身無斜曲三十四齋深三十五齋
不偏三十六齋稱位三十七齋清淨
三十八身端嚴三十九身極淨遍發
光明破諸冥暝四十者行如鳥王四
十一遊步如師子王四十二行如牛
王四十三行如鵝王四十四行順右
四十五腹圓滿四十六腹妙好四十
七腹不偏曲四十八腹相不現四十
九身無黑子五十者牙圓正五十一
齒白齊密五十二四牙均等五十三
鼻高修直五十四兩目明淨五十五
目無垢穢五十六目美妙五十七目
脩廣五十八目端正五十九目如青
蓮六十者眉纖而長六十一見者皆
生喜六十二眉色青紺六十三眉端

漸細六十四兩眉頭微相接連六十
五類相平滿六十六類無缺減六十
七類無過惡六十八身不缺減無所
譏嫌六十九諸根寂然七十者眉間
毫相光白鮮潔七十一額廣平正七
十二頭頂圓滿七十三髮美黑七十
四髮細軟七十五髮不亂七十六髮
香潔七十七髮潤澤七十八髮有五
字七十九髮彩螺旋八十者髮有
難陀越多吉輪奐相大王此是聖子
八十種好若人成就如是八十種好
不應在家必當出家得阿耨多羅三
藐三菩提時輸檀王聞阿耨陀仙如
是語已身心泰然歡喜踊躍從座而
起頂礼菩薩而說偈言

汝為帝釋諸天人一切恭敬稽首礼
及為一切諸神仙皆來恭敬而尊重
為諸世間之塔廟故我頂礼自在王
諸比丘輸檀王為阿耨陀仙及那羅
童子施設種種飲食上妙衣服右遶
頂礼時阿耨陀仙撫那羅童子左肩
乘虛而去是時仙人語童子言不久
有佛出興於世汝當往詣求請出家

於長夜中得大利益

方廣大莊嚴經卷第三

壬寅歲高麗國大藏都監奉

勅彫造

方廣大莊嚴經卷第四

歸

中天竺國沙門地婆訶羅奉詔譯

入天祠品第八

尔時佛告諸比丘菩薩生已諸刹帝
利婆羅門居士長者豪富之家二万
童女皆悉擬為菩薩姝女王及大臣
亦各有二万童女擬為菩薩姝女此
等諸女皆與菩薩同日而生是時釋
種耆舊詣輪檀王所白言大王今者
可將太子謁於天廟以祈終吉王時
許之即遣所司淨諸城郭鄽肆巷陌
所有盲聾瘖瘂諸根不具瓦礫糞穢
諸不吉祥皆悉除屏擊福德鼓扣善
相磬所由之門皆令藻飾又諸福王
長者居士婆羅門等克期同集無量
姝女車徒騎從諸吉祥餅香油香水
悉令盈滿婆羅門子夾於衢路誅吉
祥音諸天祠廟皆悉嚴好如是等事
一切成辦時輪檀王入於後宮告摩
訶波闍波提言欲將太子往於天廟
并勅宮人並須嚴飾摩訶波闍波提
以諸寶服莊嚴菩薩是時菩薩熙怡

微笑而作是言今者見將欲往何處
姨母告言將太子出謁於天廟余時
菩薩而說偈言

自我初生時 震動三千界 日月及護世
梵釋諸天龍 皆悉下閻浮 俱來頂礼我
何有天相及 將吾造其所 我是天中天
於天中取勝 天無與等者 誰復有能過
隨順世俗故 所以來生此 見我威神力
一切皆欣喜 是故應知我 獨為天中天
佛告諸比丘如是集會軍衆吉祥讚
歎莊嚴城闕街衢巷陌鄧肆諸門志
已清淨時輪檀王自將菩薩乘車而
出與諸婆羅門刹利大富長者居士
大臣及諸國王釋氏眷屬前後翊從
燒香散花滿於衢路爲馬車乘軍衆
無量皆悉執持寶幢幡蓋種種鼓樂
歌舞作倡百千諸天御菩薩車无量
百千那由他天子并天姝女於虛空
中散衆天花鼓樂絃歌時輪檀王威
力如是詣於天廟至天廟已王自抱
持菩薩入天廟中足踰門閭所有天
像皆從座起迎逆菩薩恭敬礼拜時
衆會中百千天人皆大歡笑踊躍無

量唱言善哉善哉甚為希有迦毗羅
國六種震動諸天形像各現本身而
說頌曰

芥子並須弥 牛跡方溟海 日月對螢火
豈足以為倫 我今如芥子 而復同牛跡
亦與螢火等 故我應敬彼 菩薩如日月
亦復同溟海 而與須弥等 不宜恭敬我
福慧及威力 礼者獲大利 若人去憍慢
生天證涅槃

佛告諸比丘菩薩亦現入天廟時三
万二千天子及無量衆生發阿耨多
羅三藐三菩提心諸比丘以是因緣
我時忍可入於天廟

寶莊嚴具品第九

佛告諸比丘時有大臣名優陀延其
人善閑星曆與五百眷属月離于軫
角宿合時來至王所而白王言請為
太子造寶莊嚴具時王報言宜令速
造五百釋種大臣亦各奉為菩薩造
莊嚴具所謂指環首飾寶頸耳璫寶
帶瓔珞寶屐寶鈴寶鐸金網如是等
莊嚴之具既成就已而弗沙星正與
月合是時諸釋眷属持此寶具詣於

王所各言大王我等所造莊嚴之具
願上太子王言且待汝等先以種種
供養我今亦為太子造莊嚴具諸釋
眷屬重白王言我等所獻豈異常得
莊嚴太子但許各為七日御用是所
願耳至於明旦摩訶波闍波提往無
垢光明園以諸寶具嚴飾菩薩懷抱
捧接至於園中時有八万四千姝女
迎候菩薩有一万童女觀瞻菩薩有
一万釋種童女敬仰菩薩有五千婆
羅門讚歎菩薩如是等欽望之心皆
無厭倦時有釋種名跋陀羅以諸所
造寶莊嚴具衣著菩薩當尔之時菩
薩身光映奪衆寶所有光彩悉不復
現譬如聚墨對閻浮檀金尔時園中
有神名曰離垢即現其形於輪檀王
及諸釋種前說偈讚曰
假使三千界 滿中盛真金 閻浮金一銖
映之即無色 假使閻浮金 充滿三千界
菩薩一毛光 映之亦無色 光明甚圓滿
百福相莊嚴 如是清淨身 豈資於外好
日月星珠彩 梵釋諸天光 若對菩薩身
皆悉不能現 由先淨業感 衆相自莊嚴

不待下劣人 所奉莊嚴具 應屏汝所獻
莊嚴衆珍寶 汝自以為美 菩薩無所求
非菩薩所須 宜持賜車匿 天神說偈已
忽然而不現 王及諸釋種 深生希有心
踊躍歡喜言 釋氏當興盛
示書品第十

佛告諸比丘菩薩年始七歲是時以
偻百千吉祥威儀之事欲將菩薩往
詣學堂十千童男一万童女圍遶翊
從車一万乘載以珍著并諸寶物於
迦毗羅城四衢道中及諸鄢里處處
散施復有百千音樂同時俱作雨衆
天花復有無量百千姝女衆寶瓔珞
莊嚴其身或在樓閣軒檻或處殿堂
窓牖瞻望菩薩以衆妙花而遥散之
復有百千天諸姝女莊嚴其身各執
寶珩威以香水於前灑道天龍夜叉
乾闥婆阿修羅迦婁羅緊那羅摩睺
羅伽等各於虛空出現半身手執花
鬘瓔珞珠寶垂懸其上一切釋種前
後圍遶隨輸檀王而將菩薩詣於學
堂尔時菩薩將昇學堂博士毗奢蜜
多見菩薩來威德無上自願不任為

菩薩師生大慚懼迷悶躄地時兜率天子名曰妙身扶之令起安置座上身昇虛空而說頌曰

所有世間衆伎藝 於無量劫已修習
為欲成熟諸童子 隨順俗法昇學堂
復欲調伏諸衆生 令入大乘真實法
善解因緣知四諦 能滅諸有得清涼
天中之天為最尊 施甘露者無能勝
一切衆生心行異 於一念中悉能知
寂滅之法猶能悟 況復文字而須學
今時天子說此偈已即以天妙香花
供養菩薩忽然不現時輪檀王勅諸
童子及諸保母瞻侍菩薩王還本宮
菩薩今時手執天書拊檀之簡塗以
天香摩尼明珠以為嚴飾而問師言有
梵祿書 佉盧虱底書 布沙迦羅
書 央伽羅書 摩訶底書 央瞿
書 葉半尼書 婆履迦書 阿波
盧沙書 沓毗羅書 剎羅多書
多瑤那書 郁伽羅書 僧祇書
阿跋牟書 阿奴盧書 達羅陀書
可索書 支那書 護那書 末提
悉利羅書 蜜怛羅書 弗沙書 提婆

書 那伽書 夜叉書 乳闍婆書

摩睺羅書 阿修羅書 迦婁羅書

緊那羅書 密履伽書 摩瑜書

暴磨提婆書 安多力叉提婆書

拘耶尼書 鬱單越書 弗婆提書

跋憍婆書 匿憍波書 般羅憍波

書 婆竭羅書 跋闍羅書 戾佉

鉢羅底鉢書 毗憍波書 安奴鉢

度多書 舍薩多婆書 竭臙那書

鳴老波書 匿老波書 波陀戾佉

書 地烏怛散地書 夜婆達書

鉢陀散地書 末提訶履尼書 薩

婆多增加訶書 婆尸書 比陀阿

奴路摩書 尼師咎多書 平盧支

磨那書 陀羅尼閉瓊書 伽伽那

必利綺那書 薩婆跋憍地你產陀

書 娑竭羅僧伽訶書 薩婆部多

睺婁多書

如上所說六十四書欲以何書而相

教乎是時毗奢蜜多聞所未聞歡喜

踊躍白去貢高而說頌曰

希有清淨勝智人 已自該通一切法
示入學堂從下問 所說書名昔未聞

無見頂相極尊高

面貌威嚴莫能觀

智慧神力最第一

當以善巧教詔我

願已微淺焉能學

徒聽書名實未知

是為最上天中天

於世間中無有二

佛告諸比丘今時有十千童子而與

菩薩俱在師前同學字母唱阿字時

出一切諸行无常聲唱長阿字時出

自利利他聲唱伊字時出諸根本廣

大聲唱伊字時出一切世間衆多病

聲唱烏上聲字時出世間諸惱亂事

聲唱烏字時出諸世間一切衆生智

慧狹劣聲唱賢字時出所希求諸過

患事聲唱愛字時出勝威儀聲唱烏

字時出死曝流到彼岸聲唱懊字時

出皆化生聲唱唵字時出一切物皆

無我我阿聲唱阿字時出一切法皆

滅沒聲唱迦上聲字時出入業果聲唱

佉字時出一切諸法如虛空聲唱伽

字時出甚深法入緣起聲唱伽字

時出除滅一切無明黑暗厚重瞋膜

聲唱哦字時出銷滅衆生十二支聲

唱者字時出觀四諦聲唱車上聲字時

出永斷貪欲聲唱杜字時出度一切

生死彼岸聲唱閻字時出降一切魔
軍衆聲唱壤字時出覺悟一切衆生
聲唱吒^上聲字時出永斷一切道聲唱
吒字時出置答聲唱荼^上聲字時出斷
一切魔惱乱聲唱荼字時出一切境
界皆是不淨聲唱拏^上聲字時出永拔
微細煩惱聲唱多^上聲字時出一切法
真如無別異聲唱他^上聲字時出勢力
無畏聲唱陀^上聲字時出施戒質直聲
唱陀字時出希求七聖財聲唱那^上聲
字時出遍知名色聲唱波^上聲字時出
證第一義諦聲唱頗字時出得果入
現證聲唱婆^上聲字時出解脫一切繫
縛聲唱婆字時出斷一切有聲唱摩
聲字時出銷滅一切憍慢聲唱也字
時出通達一切法聲唱羅字時出歇
離生死欣第一義諦聲唱羅^上聲字時
出斷一切生死枝條聲唱婆^上聲字時
出寂勝乘聲唱捨字時出一切奢摩
他毗鉢舍那聲唱沙^上聲字時出制伏
六處得六神通聲唱娑字時出現證
一切智聲唱呵字時出永害一切業
煩惱聲唱老字時出諸文字不能詮

表一切法聲

方廣大莊嚴經第四卷 第十張 端

佛告諸比丘菩薩與諸童子居學堂時同唱字母演出無量百千法門之聲令三万二千童男三万二千童女皆發阿耨多羅三藐三菩提心以是因緣亦現入於學堂

觀農務品第十一

佛告諸比丘菩薩年漸長大便於一時共諸釋子出城遊觀行至園中見諸農夫勤勞執役菩薩見已起慈悲心哀嘆世間有如斯苦即作是念何處空閑我當於彼思惟離苦乃見園中有閭浮樹枝葉蓊鬱鮮榮可愛菩薩尔時於彼樹下結加趺坐離諸欲惡有覺有觀離生喜樂住初禪內淨一心滅覺觀離生喜樂住二禪離喜受聖說住捨有念有想身證樂住三禪斷除苦樂滅憂喜不苦不樂念清淨住四禪時有外五通仙人乘虛而行從南往北至閭浮樹不能飛過共相謂言我今何為不能飛過此閭浮樹心驚毛豎而說偈言

我等昔能過 須弥及金剛 如是堅固山

去來無罣碍 猶如有大鳥 衝度小林藪
於彼無留難 其事亦如是 又亦曾飛過
諸天龍神宮 皆志不為難 一切無所障
今者是誰力 來制我神通 於此閻浮林
遲迴不能過

尔時林中有神說偈答言

輸頭檀王之太子 圓滿猶如清淨月
身相猶如日初出 面貌猶如蓮花敷
於此閻浮樹陰下 端坐思惟甚深定
積劫已曾修善行 故能除熱得清涼
由是大士之威神 令汝不能於此過
尔時諸仙聞是偈已 遙見菩薩威光
赫然相好無比 各生希有奇特之心
咸作是言 此為何人 威容乃尔 為是
帝釋 為是四王 為是魔王 為是龍王
為是摩醯首羅天 為是毗紐天 為是
轉輪聖王 時諸仙人以偈讚曰

身色超過四護世 釋梵日月自在天
福德相好無能踰 清淨離垢應是佛
尔時林神以偈答仙人曰

釋提桓因及護世 梵王毗紐與自在

若比菩薩之威光 百千万分不及一

尔時諸仙聞是偈已 從空而下至菩

薩前乃見菩薩入深禪定身心不動
以偈讚曰

世間煩惱火 尊是清涼池 當以無上法
令其除熱惱

復有一仙說偈讚曰

世間無明覆 尊為智慧燈 當以勝淨法
為彼除冥暗

復有一仙說偈讚曰

世間憂惱海 尊為大船筏 當以取勝法
濟之登彼岸

復有一仙說偈讚曰

世間老病苦 尊為大醫王 當以微妙法
救之令得愈

佛告諸比丘時諸仙人讚菩薩已頂
札圍遶昇空而去尔時輸檀王於少
時間不見菩薩悵然不樂作如是言
太子今者為在何許即遣群臣處處
求覓有一大臣至閻浮樹乃見菩薩
在彼樹下端坐思惟諸樹光陰逐日
而轉唯閻浮之影湛然不移時彼大
臣見如是事心生希有歸白王言

太子宴坐閻浮樹 其樹經時影不移
種種相好以莊嚴 威德光明超釋梵

尔時輸檀王聞是語已往閻浮樹下見菩薩身相好莊嚴威光赫奕以偈歎曰

譬如山峯夜然炬 亦如明月在虛空
太子安隱入深禪 我今見之喜且懼
現藝品第十二

佛告諸比丘尔時菩薩年既長大復於一時輸檀王共諸釋種長德耆年相與談議時諸釋種白大王言太子年漸長大無量諸仙善占相者皆云太子若得出家必定成佛若在家者當為轉輪聖王王四天下十善御物以法為王成就七寶何謂為七一者輪寶二者為寶三者馬寶四者珠寶五者女寶六者主兵臣寶七者主藏臣寶具足千子端正勇健能伏怨敵大王若令太子不出家者轉輪聖王必有繼嗣諸粟散王咸當歸伏應為求誓今生染著由是自當不出家也時輸檀王告諸釋言誰女有德堪為其妃時有五百大臣各白王言我女有德堪為太子之妃輸檀王言太子之妃固難為選不知誰女能稱其意

宜門太子何等之女可以為妃是諸
釋種往菩薩所各各問言太子娶何
等女而以為妃是時菩薩報諸釋言
却後七日當述斯意菩薩思惟而說
偈言

欲有無邊過 為諸苦惱因 猶如毒樹林
亦如猛火聚 今處深宮內 姝女共相娛
此處甚難居 猶如履霜刃 未若住禪定
獨在於山林

尔時菩薩過七日已起大悲心思惟
方便欲度衆生告諸大臣而說頌曰
蓮花生長淤泥中 不為淤泥之所染
王者德感於衆庶 方為一切之所宗
世間無量諸衆生 當於我所證甘露
是故亦有妻子等 非為五欲之所染
我今隨順過去佛 而不退失諸禪定
暫妙宜應選仇偶 勿娶凡女以為妃
具足相好清淨人 諦語稱心無放逸
我今為書陳所好 汝宜依書善求覓
若有少盛好威儀 不恃麗容而起慢
無憍無慢無嫉妬 無諂無誑無諸病
恒常質直起慈心 憐愍衆生如愛子
好行惠施無諸過 供養沙門婆羅門

乃至夢寐無邪心

未曾懷孕至貞潔

恒為心師不高舉

執意卑慈猶如賤

不貪滋味及欲樂

有慚有耻而無害

未嘗歸依諸外道

恒與真正理相應

身語意業常清淨

惛沉睡眠皆遠離

所作無不善思惟

恒行善行未曾捨

承事舅姑如父母

愛念左右如自身

夫睡方眠復先起

善能解了諸義理

如是之女我方取

豈得凡劣以為妃

佛告諸比丘是時大臣乃傳此書至

輸檀王所王見書已告諸臣言汝宜

齎書於迦毗羅城觀諸族姓若刹帝

利若婆羅門乃至毗舍首陀種族之

中必有令女具斯眾德當娶是女為

太子妃即說偈言

刹利婆羅門

毗舍及首陀

有女具斯德

宜速來報我

太子心所好

以奉法為先

汝今應審觀

無論於種族

佛告諸比丘今時大臣奉王勅已於

迦毗羅城求訪如是令德之女有一

大臣名為執杖其人有女名耶輸陀

羅相好端嚴姝妙第一不長不短不

麁不細非白非黑具足婦容猶如寶

女於是大臣詣執杖家見耶輸陀羅
余時耶輸陀羅拜於大臣而問之言
以何緣故而來至此大臣以菩薩書
授耶輸陀羅而說頌曰

釋氏大王之太子 顏容端正甚可愛
大人之相三十二 八十種好皆圓滿
太子書中述婦德 如是之女可為妃
余時耶輸陀羅見菩薩書取而讀之
怡然微笑報大臣曰

書載德行今悉備 唯應太子為我夫
當以斯意速啓知 無令不肖而共居
余時大臣見是事已歸白王言大王
我於迦毗羅城處處求訪覩一賢女
堪為太子之妃端正姝妙色相第一
不長不短不麤不細非白非黑具足
婦容猶如寶女王曰汝所稱者誰之
女耶白言執杖大臣之女名耶輸陀
羅王自惟念太子相好超過世間德
貌備足方可以充太子妃耳汝所稱
者何必具美我當造無憂寶器隨太
子意來者遺之竊使伺候觀其所好
其所好者即娉為妃乃遣金師多造
無憂之器復以七寶而為嚴飾擊鼓

宣令告迦毗羅城自知女有德貌堪
為太子妃者至第七日捻集王宮七
日滿已諸女皆集菩薩今時處于大
殿據仁賢牀姝女圍遶時輪檀王密
使內人觀察菩薩意之所向當速報
我時迦毗羅城一切美女皆以瓔珞
莊嚴其身至菩薩前暫覩威光不能
仰視今時菩薩以無憂寶器次第付
之皆蒙厚禮位類而去今時耶輸陀
羅侍從圍遶取後而至安容端正色
相無雙諦觀菩薩目不暫捨怡然微
笑而作是言獨不垂賜無憂之寶將
非我身不足採耶菩薩報言我今於
汝誠無所嫌汝自後來寶器盡耳即
脫指環而以與之其環價直百千兩
金耶輸陀羅受指環已復作是言所
賜之物何太少乎我身雖劣止直今
耶是時菩薩盡脫所著衆寶瓔珞而
以贈之耶輸陀羅言我今何為奪於
太子嚴身之寶自當以諸寶飾奉上
太子作是語已不肯受之還歸本處
時王使者具以上事而白王言大王
當知太子意在執杖大臣之女耶輸

陀羅王聞是語即遣國師詣執杖家作如是言聞卿有女堪為太子之妃故遣相求宜知此意今時國師奉王勅已到執杖家具陳是事今時執杖報國師言自我家法積代相承若有伎能過於人者以女妻之太子生長深宮未曾習學文武書筭圖象兵機權擄掇力世間衆藝何為我女適無藝人應會諸釋簡選伎能誰最優長當得是女今時國師聞此語已歸白於王王聞此言愁憂不樂竊作是念我先勅諸釋種親侍太子皆白我言太子不勇執杖此辭或因是也

今時菩薩詣父王所白言大王何以憂愁王時默然乃至三問王遣餘人為說斯意於是菩薩熙怡微笑來白王言世間寧有殊能妙伎與我等者王便歡喜更審問言汝今能與他人捕伎藝耶如是三問菩薩答言大王但當遠召有異術人我能於前現衆伎藝時輸檀王於迦毗羅城外為一試塲遍告天下過七日後若有善於伎術皆集此塲共觀太子現諸伎藝

至第七日五百釋子菩薩為首當共
出城往試場所是時執杖大臣莊飾
其女載以寶車侍從圍遶來觀伎藝
立表号令若有伎藝出於人者以女
妻之時輸檀王遣將取勝白象以迎
菩薩提婆達多先至城門見此勝象
莊嚴第一問是誰象答言大王遣將
此象以迎太子提婆達多聞是語已
生嫉妬心恃力憍慢前執象鼻以手
搏之於是而死難陀續到欲出城門
見彼白象當路而蹙問誰殺乎答言
提婆達多難陀于時以手倒曳致於
路側菩薩尋至問誰殺象御者答言
提婆達多左手執鼻右手搏之其象
介時應手而死菩薩歎曰提婆達多
甚為不善復問御者誰能移之答言
難陀以手倒曳致于路側菩薩歎曰
善哉難陀

介時菩薩坐於寶輅以左足拍持彼
白象徐擲虛空越七重城過一拘盧
舍其象墮處便為大坑介後眾人号
為象坑是時虛空諸天皆大歡喜歎
未曾有而說頌曰

菩薩車中垂左足

以拍擲衆重城外

決定當能以智力

運諸衆生超死城

佛告諸比丘。今時輸檀王與諸釋種。長德耆年國師大臣無量衆會集藝場所。五百釋種童子皆至此場時。諸釋種請毗奢蜜多為試藝師。語毗奢蜜多言。應觀我等諸童子中誰取工書誰學優。瞻而毗奢蜜多先知菩薩解一切書。無能踰者。於是微笑向諸童子而說頌曰。

天上人間

所有文字

太子究之

盡窮其底

吾與汝等

誰能及者

為我說書

靡識其名

適曾校量

人天取勝

今時五百釋種前白王言。我等先知太子通達書藝。無能及者。而於筭術或未過人。時有大臣名頻順。擲極閑筭術。輸檀王語頻順。卿言汝宜觀諸童子於筭數中誰取為優。今時菩薩自與唱數。令諸童子次第下筭。隨菩薩唱計。不能及。一一童子乃至五百皆悉錯亂。菩薩是時語諸童子。汝等唱數我當筭之。諸童子等次第舉數。

菩薩連等唱不能及都無錯謬乃至
五百童子一時俱唱亦不雜亂時頌
順那心生希有以偈讚曰

善哉心智奇敏捷 五百釋種無能及
彼昔皆稱我能算 今知太子不可量
時諸釋種及一切人天同聲唱言善
哉善哉太子於算計中亦復第一皆
從座起合掌頂禮白大王言善哉大
王快得善利今者太子辯才智慧皆
悉第一

時輸檀王告菩薩言頗復能與頌順那
校量算不菩薩言大王此事可耳時
彼算師問菩薩言頗有了知百拘脰
外數名以不菩薩報言我甚知之頌
順那言太子能知請為我說菩薩答
言百拘脰名阿由多百阿由多名尼
由多百尼由多名更割羅百更割羅
名頻婆羅百頻婆羅名阿菟婆百阿
菟婆名毗婆訶百毗婆訶名鬱僧迦
百鬱僧迦名婆呼羅百婆呼羅名那
迦婆羅百那迦婆羅名底致婆羅百
底致婆羅名卑波婆他般若帝百卑
波婆他般若帝名醯毘奚羅百醯毘

奚羅名迦羅頗百迦羅頗名醯都因
陀利百醯都因陀利名僧合怛覽婆
百僧合怛覽婆名伽那伽致百伽
那那伽致名尼羅閼百尼羅閼名目
陀羅婆羅百目陀羅婆羅名薩婆婆
羅百薩婆婆羅名毗僧以若跋致百
毗僧以若跋致名薩婆僧以若百薩
婆僧以若名毗淨登伽摩百毗淨登
伽摩名怛羅絡又若有解此數者即
能算知一須弥山微塵數量過此有
數名度閼阿伽羅摩尼若有解此數
者即能算知恒河沙絡又數量過此
數已有數名度閼阿伽摩尼舍梨若
有解此數者即能算知恒河沙拘脰
過此數已有數名婆訶那婆若尔綖
致過此復有數名伊吒過此復有數
名古盧鼻過此復有數名古吒鼻那
過此復有數名娑婆尼又若有解此
數者能知恒河沙拘脰絡又過此復
有數名阿伽羅婆羅若有解此數者
能知百拘脰恒河沙絡又過此復有
數名隨入極微塵波羅摩訶羅閼至
此數已一切衆生皆不能知唯除如

來及取後身菩薩方能解令頽順部
言太子云何能解極微塵數菩薩答
言凡七極微塵成一阿耨塵七阿耨
塵成一都致塵七都致塵成一牖中
眼所見塵七眼所見塵成一兔毛上
塵七兔毛上塵成一羊毛上塵七羊
毛上塵成一牛毛上塵七牛毛上塵
成一蟻七蟻成一芥子七芥子成一
麥七變成一指節十二指節成一搽手
兩搽手成一时四时成一弓千弓成
一拘盧舍四拘盧舍成一由旬今此
衆中誰能了知一由旬內微塵數量
頽順部曰我聞太子所說猶尚迷悶
何況諸餘淺識寡聞惟願太子為我
宣說一由旬內有幾微塵

菩薩答曰由旬微塵數量盡阿菟婆
一部由多復有三十拘脰部由多百
千復有六万拘脰復有三十二拘脰
復有五絡又復有万二千絡又如足
筭計成一由旬塵數如是南閻浮提
七千由旬西拘耶尼八千由旬東弗
婆提九千由旬北鬱單越十千由旬
如是四天下成一世界百億四天下

成一三千大千世界其中百億四大
海百億須弥山百億鐵圍山百億四
天王天百億忉利天百億夜摩天百
億兜率陀天百億化樂天百億他化
自在天百億梵身天百億梵輔天百
億梵衆天百億大梵天百億少光天
百億無量光天百億遍光天百億少
淨天百億無量淨天百億遍淨天百
億無雲天百億福生天百億廣果天
百億無想衆天百億無煩天百億無
熱天百億善見天百億善現天百億
阿迦尼吒天如是名為三千大千世
界縱廣之量乃至百由旬千由旬百
千由旬拘由旬百拘由旬尼由
多由旬如是次第由旬數量可得知
之微塵之量非諸名數所能及也以
是三千大千世界微塵不可等計是
故名爲阿僧祇耳菩薩說此數時頗
順鄰及諸釋種皆大歡喜生希有心
踊躍無量志解上妙衣服衆寶瓔珞
奉上菩薩讚言善哉善哉頗順鄰即
說偈言

拘脰室哆阿由多

如是復有尼由多

更割羅及毗婆羅

數名極至阿菟婆

而復超過無量數

此等太子皆能知

諸釋汝今志應聽

太子世間無與等

三千大千衆草木

折以為籌作智人

如是不足為校量

况復五百釋童子

佛告諸比丘時有百千天人志唱善

哉善哉虛空諸天以偈讚曰

過現及未來 若干衆生心 上中下品類

一念志皆知 何况此算數 而不能明了

佛告諸比丘菩薩降伏諸釋童子搗

試伎藝踴躍奔走皆志寂勝尔時虛

空諸天復說偈言

菩薩多劫行施戒 忍辱精進慈悲力

感得如是輕身心 周旋揔疾汝當聽

汝見大士常居此 不知一念往十方

遊歷佛國遍親承 未曾知彼有來去

於是釋子得殊勝 此事不足為希有

佛告諸比丘是時五百童子角力相

撲分為三十二朋難陀就前騁其剛

勇菩薩舉手繞觸其身威力所加應

時而倒提婆達多常懷我慢陵侮菩

薩謂已威力與菩薩等挺然出衆巡

彼試場疾走而來欲挫菩薩尔時菩

隱不急不緩亦無瞋念安詳待之右手徐捉飄然擎舉摧其我慢三擲空中以慈悲故使無傷損告諸釋種汝宜盡來與我相撲俱生瞋忿銳意齊奔菩薩指之恚皆顛仆時諸人天同聲唱言善哉善哉虛空諸天雨衆天花以偈讚曰

假使十方諸衆生 皆具大力如那延
取上智人於一念 纔指之時恚顛仆
假使須弥鐵圍山 大士手摩盡為末
何況世間不堅人 而與太子較優劣
當以大慈坐道樹 降伏欲界天魔軍
復以甘露洽群生 定知菩薩無能勝
尔時執杖大臣告諸釋子言我已觀
見種種伎藝今可試射誰最為優於是共射鐵鼓阿難陀曰可置鐵鼓二
拘盧舍提婆達多曰可置鐵鼓四拘
盧舍孫陀羅難陀曰可置鐵鼓六拘
盧舍執杖大臣曰可置鐵鼓八拘盧
舍菩薩言可將鐵鼓置十拘盧舍并
七鐵猪及七鐵多羅樹置十拘盧舍
外尔時阿難陀射及二拘盧舍過二
鐵鼓提婆達多射及四拘盧舍過四

鐵鼓孫陀羅難陀射及六拘盧舍過
六鐵鼓執杖大臣射及八拘盧舍過
八鐵鼓自此為限皆不能越

余時菩薩引弓將射其弓及弦一時
俱斷菩薩顧視更覓良弓時輸檀王
心甚歡喜報菩薩言先王有弓在於
天廟常以香花供養其弓勁強無人
能張菩薩言試遣將來王即遣使取
先王弓箭持授與諸釋種子諸釋
種子皆不能張然後將弓授與菩薩
余時菩薩安隱而坐左手執弓右拍上
絃忽然而張似不加力彈弓之響遍
迦毗羅城城中居人咸皆驚怖各各
相問此為何聲時諸人天同時唱言
善哉善哉虛空諸天說偈讚曰

菩薩張弓時 安然不動搖 意樂當圓滿
降魔成正覺

佛告諸比丘是時菩薩身心安隱進
止閑詳然後控絃射諸鐵鼓悉皆穿
過鐵猪鐵樹無不貫達箭沒於地因
而成井余後衆人号为箭井時諸人
天同聲唱言善哉善哉太子生年未
曾習學乃能具有如斯伎藝虛空諸

天而說偈曰

今觀菩薩射 未足為希有 當坐先佛座
而證大菩提 禪定以為弓 空無我為箭
決除諸見網 射破煩惱怨

佛告諸比丘如是摧捷騰跳竟走越
逸相叔相撲書印算數射御履水騎
乘巧便勇健鈎索皆妙能辦末摩博
戲占相畫工雕鏤管絃歌舞俳譌按
摩變諸珍寶幻術占夢相諸六畜種
種雜藝無不通達善雜吒論尼建耆
論布羅那論伊致訶娑論辜陀論尼
盧致論式叉論尸伽論毗尸伽論阿
他論王論阿毗梨論諸鳥獸論聲明
論因明論人間一切伎能及過人上
諸天伎藝皆悉通達於是執杖大臣
白輪檀王及諸釋種一切衆會言我
今以女為太子妃

佛告諸比丘今時菩薩隨順世法現
處宮中八万四千婬女娛樂而住耶
輸陀羅為第一妃初至宮中不修婦
人淺近儀式俄然露首未曾覆面時
輪檀王及優陀夷竊恠是事後宮婬
女咸共宣言妃今初來應示著耻何

為顯異無有愧容輕慢淺薄乃至如是耶輸陀羅聞此語已為諸宮女而說頌曰

但無瑕疵 何用覆蔽 行住坐卧 皆悉清淨 如摩尼寶 置於高幢 光彩照曜 一切表見 若默若語 常無私匿 以諸功德 而自在嚴 雖衣草衣 故弊之服 無累其體 唯增美麗 若人懷惡 外飾其容 猶如毒餅 塗之以蜜 如是等人 甚可怖畏 譬如毒蛇 不可附近 若復有人 棄惡知識 親於善友 除衆生罪 建立三寶 功不唐捐 身口意業 皆悉清淨 諸大仙人 能知他心 自當明鑒 無假覆蔽 佛告諸比丘今時輸檀王聞耶輸陀羅能有如是智慧辯才心大歡喜即以上妙衣服寶珠瓔珞價直無量賜耶輸陀羅以偈讚曰

太子具衆德 而汝甚相稱 今二清淨者 如蘇及醍醐

方廣大莊嚴經卷第四

癸卯歲高麗國大藏都監奉

勅彫造

方廣大莊嚴經卷第五

歸

中天竺國沙門地婆訶羅奉詔譯

音樂發悟品第十三

尔時佛告諸比丘菩薩處在深宮將欲出家天龍夜叉乾闥婆阿修羅迦婁羅緊那羅摩睺羅伽梵釋四王常以種種供具供養菩薩歡喜讚歎又於異時諸天龍神乾闥婆等各自思惟菩薩長夜成就衆生以四攝法而攝受之是諸衆生根器已熟菩薩何故久處深宮而不出家成道度彼若不及時恐致遷移善心難保後成正覺而無可度作是念已至菩薩前頂礼希望作如是言云何當見菩薩出家學道坐菩提座降伏衆魔成等正覺具足十力四無所畏十八不共佛法三轉十二行無上法輪現大神通隨諸衆生所有意樂皆令滿足佛告諸比丘菩薩長夜不由他悟常自為師了知世間及出世間一切善法所行之行知時非時遊戲神通未嘗退失應衆生根猶如海潮無時錯

課以神通智知諸衆生可攝益時可
摧伏時可度脫時可棄捨時可說法
時可默然時可修智時可誦念時可
思惟時可獨處時可往刹刹衆會可
往婆羅門衆會可往天龍夜叉乾闥
婆阿修羅迦婁羅緊那羅摩睺羅伽
釋梵護世比丘比丘尼優婆塞優婆
夷等衆會之時

佛告諸比丘一切寂後身菩薩將欲
出家法尔有十方無邊阿僧祇世界
諸佛如來神通之力令其宮內鼓樂
絃歌出微妙音勸請菩薩而說偈言
宮中姝女絃歌聲 以欲而惑於菩薩
十方諸佛威神力 變此音聲為法言
尊昔見諸苦衆生 發願與彼為依怙
善哉若記昔諸行 今正是時宜出家
尊憶昔為衆生故 身肉手足而無怪
持戒忍辱及精進 禪定智慧皆修行
為求菩提勝福故 一切世間無能及
是諸衆生瞋恚癡 尊以慈悲皆攝伏
尊於愚癡邪見者 而能廣起大悲心
積集福智已無邊 禪定神通極清淨
身光能至於十方 如月無雲而普照

無數音樂聲微妙 勸請菩薩速出家

佛告諸比丘。爾時菩薩住於寂勝微妙宮中。一切所須皆悉備具。殿堂樓閣。衆寶莊嚴。幢幡寶蓋。處處羅列。寶鈴寶網。而嚴飾之。垂懸無量百千繒綵。衆寶瓔珞。一切橋道。以衆寶板之所合成。處處皆有衆寶香爐。燒衆名香。珠文露帳。張施其上有諸池。沼其水清冷。時非時華。周遍開發。其池之中。鳬鴈鴛鴦。孔雀翡翠。迦陵頻伽。共命之鳥。出和雅音。其地統以瑠璃所成。光明可愛。猶如明鏡。莊嚴綺麗。無以為喻。人天見者。莫不歡喜。復於一時。諸姝女等。樂器之音。由十方佛威神力。故而說頌曰。

尊憶往昔發弘願 愍諸衆生無依怙
若證甘露大菩提 救濟令之離苦惱
如昔諸佛所行行 獨處空山林野間
證得如來一切智 見諸貧乏施財寶
尊昔已行於大施 一切財寶皆能捨
為諸衆生雨法雨 今正是時宜出家
尊於淨戒無缺減 自昔多劫常修習
解脫衆生諸煩惱 今正是時宜出家

尊修百十諸忍辱

世間惡言皆忍受

常以忍辱而調伏

今正是時速出家

尊行精進極堅強

長時修習摧魔衆

滅除一切三惡趣

今正是時宜出家

尊以勝定除諸垢

灑甘露雨洽群生

充滿世間諸渴乏

今正是時宜出家

尊以無邊大智慧

斷除邪見愚癡惑

尊應思惟昔弘願

今正是時速出家

尊昔已行無量億

慈悲喜捨諸勝行

以此一切諸勝行

分布世間諸衆生

娑女絃歌甚微妙

以欲而感於菩薩

十方諸佛威神力

一切皆令為法音

尊憶往昔為國王

有人於前而從乞

與我王位及國土

歡喜捨之無悔恨

尊昔曾為婆羅門

名曰輸迦極精進

慈孝供養於父母

成熟無量婆羅門

及餘衆生歸善道

捨是身已生天上

尊憶往昔作仙人

歌利王瞋斷支節

起大慈心無惱恨

所傷之處皆流乳

昔作奢摩仙子時

父母居山同苦行

王以毒箭誤而中

抱慈無恨歡喜死

尊憶昔為金色鹿

見人渡河而被漂

因起慈心以救之

後反加害无瞋恨

尊憶昔者為仙人 寶珠誤墮於大海
起精進心抒彼海 龍王驚怖還寶珠
尊於昔者為大仙 慈心護彼歸命鵠
有人從尊索是鵠 自割身肉而稱之
與鵠輕重乃齊等 畢至命終為擁護
又尊昔為奢摩仙 人來問樹有幾葉
善知多少而酬答 其人不信天來證
尊昔曾為鸚鵡鳥 釋化為人來詰問
所依之樹既枯折 何為守之而不離
答云依此而成長 帝釋便生希有心
即令枯樹重榮茂 尊是受持功德者
安處世間諸衆生 置佛無邊功德海
如是十方佛威神 讚歎菩薩諸功德
變諸姝女絃歌曲 勸請菩薩速出家
尊昔長劫發弘願 拔諸衆生生死苦
請憶往昔所行行 今正是時宜出家
尊憶往昔無邊劫 以金銀等衆珍寶
頭目王位及妻子 見來求者歡喜施
昔為首髻幢宇王 月燈珠璫及大悲
堅猛妙目諸王等 皆有威力能行施
尊於多劫能持戒 其戒清淨如明珠
堅持守護無纖過 亦如犍牛自愛尾
尊憶曾為大象王 獵師以箭中其身

而起慈心無所報
尊憶多劫修諸忍
請憶昔日為熊身
彼歸路逢畋獵者
尊以精進堅固力
當伏魔王及軍衆
尊憶昔為駿逸馬
於夜叉國濟衆生
如是精進無邊劫
心極調柔坐寂定
尊於昔者為國王
是諸衆生行善故
尊智能知善不善
智慧能入諸理趣
尊愍衆生墮邪見
淨除生死險惡道
如是一切十方佛
皆變姝女絃歌曲
尊昔為王名勝福
及難薩梨干耶若
戒月光明進德光
王仙月形及猛實
善住月光殊勝行
捐彼六牙而守戒
因修忍故受衆苦
見人凍餓而溫養
將來共屠心不恨
為菩提故修諸行
今正是時宜出家
騰空利益諸世間
安置之於無畏處
神通智力除煩惱
以此利益諸衆生
普使衆生行十善
命終皆得生梵世
及了衆生諸根性
今正是時速出家
生老病死苦海中
亦現涅槃真實路
讚歎菩薩諸功德
勸請菩薩速出家
尸利尼弥訖瑟吒
法思光明堅強弓
知恩能捨大威德
增長菩提求妙法
地塵身施諸方主

惠施寶鬘清淨身

作是及餘無量王

皆志能捨於難捨

為諸如來雨法雨

尊音值遇恒沙佛

悉皆承事無空過

為求菩提度衆生

今正是時速出家

初事不空見

值堅固花佛

以一念清淨

見毗盧舍那

又遇栴檀佛

以草炬供養

又佛入城時

以金末散地

逢法自在佛

說法讚善哉

值普光如來

一稱南無佛

見大聚光佛

供養以金花

值光幢如來

奉獻以掬豆

又見智幢佛

無憂花如來

持粥以供養

於彼發弘願

又值寶鬘佛

供養以明燈

見花光如來

供養以良藥

又值無畏佛

施以寶瓔珞

婆伽羅佛

施波頭摩寶

見娑羅王佛

供養以純乳

施名稱如來

奉以師子座

又見真實佛

及高智如來

曾頂札圍遶

又見龍施佛

供養以衣服

見增上行佛

施以栴檀香

又見致沙佛

供養以妙鉢

又見大嚴佛

施優鉢羅花

又值光王佛

以妙寶供養

又見釋迦佛

施以金蓮華

又值宿王佛

讚歎如來德

又見日面佛

施以莊耳花

又值妙意佛

散以真頭花

又見降龍佛

施以摩尼寶

又值增益佛

奉上衆寶

又見藥師佛

奉以勝妙座

值師子幢佛

奉以衆寶網

又見持德佛

以音樂供養

又值迦葉佛

奉以衆末香

又見放光佛

以妙花供養

又值阿鞞佛

奉以妙勝臺

又見世供佛

奉以妙花鬘

又值多伽佛

曾捨天王位

又見難降佛

施以衆妙香

又值大光佛

捨身而供養

又見尚花佛

獻寶莊嚴具

又值法幢佛

散以衆妙華

又見作光佛

奉優鉢羅花

盡心而供養

如是及餘無量佛

一一皆以諸供具

供養承事無空過

願尊憶念過去佛

及憶供養諸如來

衆生苦惱無依怙

請尊憶念速出家

尊憶昔值然燈佛

獲得清淨無生忍

及五神通無退失

從此即能往諸刹

一念遍事諸如來

有為諸法悉無常

五欲王位皆不定

為苦所逼諸衆生

願速出家救濟之

姝女絃歌奏清音

以欲將惑於菩薩

十方諸佛威神力

所出衆聲演法言

三界煩惱

猶如猛火

迷惑不離

恒為所燒

猶如浮雲

須臾而滅

合已還散

如聚戲場

念念不住

如空中電

遷滅迅速

如水瀑流

由愛無明

輪轉五道

循環不已

如陶家輪

洑著五欲

如被網禽

欲如怨賊

甚可怖畏

處五欲者

猶如履刃

著五欲者

如抱毒樹

智者棄欲

猶如糞坑

五欲昏冥

能令失念

常為可怖

諸苦之因

能令生死

枝條增長

由彼漂溺

生死河中

聖人捨之

如棄涕唾

如見狂犬

疾走而避

如蜜塗刀

如毒虵首

如戈戟刃

如糞穢瓶

不能捨離

猶如餓狗

齧其枯骨

五欲不實

妄見而生

如水中月

如谷中響

如燄如幻

如水上泡

從分別生

無有實法

年在盛時

愚癡愛著

謂為常有

不能厭捨

老病死至

壞其少壯

一切惡之

有財寶者

不知遠離

五家散失

便生苦惱

猶如樹木

花果茂盛

衆人愛之

枝葉彫零

棄而不顧

老弱貧病

亦復如是

亦如鷲鳥

世間惡之

如霹靂火

焚燒大樹

亦如朽屋

不久崩壞

有法能離

生老病死

願尊出家

為諸衆生

說如斯法 生老病死 纏縛衆生

如摩婁迦 遠尼拘樹 能奪勢力

損壞諸根 猶如嚴霜 彫諸叢林

盛年妙色 因而變壞 譬如山火

四面俱至 野獸在中 周憊苦惱

處生死者 亦復如是 願速出家

而救脫之 尊觀病苦 損惱衆生

猶如花林 為霜所彫 尊觀死苦

恩愛永絕 眷屬分離 無復重覩

猶如逝川 亦如花落 能害有力

令不自在 獨行無伴 隨業而去

一切壽命 為死所吞 如金翅鳥

能食諸龍 亦如魚王 為師子食

如摩竭魚 能吞一切 亦如猛火

焚燒叢林 願尊憶昔 發弘誓願

今正是時 宜速出家 姝女伎樂

欲惑菩薩 諸佛神力 變為法音

是諸有為 皆當壞滅 如空中電

無暫停息 亦如坏器 如假借物

如腐草牆 亦如砂岸 依止因緣

無有堅實 如風中燈 如水聚沫

如水上泡 猶如芭蕉 中無堅實

如幻如化 猶如空拳 展轉相因

愚人不了

妄生計著

譬如人切

及以麻枲

木輪和合

以成其繩

離是和合

即不成繩

十二因緣

一一分指

過現未來

無有體性

求不可得

亦復如是

譬如種子

能生於牙

牙與種子

不即不離

從於無明

能生諸行

無明與行

亦復如是

不即不離

體性空寂

於因緣中

求不可得

譬如印泥

泥中無印

印中無泥

要因泥印

丈像可觀

依止根境

有眼識生

三事和合

說為能見

境不在識

識不在境

根境識中

本無有見

分別妄計

境界相生

智者觀察

曾無相狀

如幻夢等

譬如鑽火

木鑽人切

三種和合

得有火生

於三法中

本無有火

和合暫有

名曰衆生

第一義中

都不可得

譬如咽喉

及以脣舌

擊動出聲

二一分中

聲不可得

衆緣和合

有此聲耳

智者觀聲

念念相續

無有實法

猶如谷響

聲不可得

譬如箜篌

絃器及手

和合發聲

本無去來 於諸緣中 求聲不得
離緣求聲 亦不可得 內外諸蘊
皆悉空寂 無我無人 無壽命者
尊於往昔 值然燈佛 已證寂勝
真實妙法 願尊於今 為衆生故
雨甘露法 使得充足
佛告諸比丘菩薩聞是偈已專趣菩
提正念不惰何以故菩薩於長夜時
尊重恭敬供養正法及說法師深生
淨信求於正法好樂正法住於正法
隨所聽聞心無厭足開悟衆生於法
施主深生尊重為他演說無所希望
亦不因法而求財寶為衆說法未曾
慳慙勇猛精進一心勤求法為依止
守護法藏住於忍辱修行波若通達
方便

佛告諸比丘菩薩於多劫來遠離世
間五欲之過為成就衆生示現處於
貪欲境界積集增長一切善根殊勝
福德資糧之力示現受用廣大微妙
五欲境界而於其中心得自在菩薩
是時憶念往昔所發誓願由是昔願
思惟佛法皆悉現前而起大悲觀察

世間富貴熾盛會歸磨滅又觀生死
多諸煩惱險惡怖畏欲速除斷入大
涅槃

佛告諸比丘菩薩久已了知生死過
患不取不著樂求如來真實功德依
阿蘭若寂靜之處其心常樂利益自
他於無上道勇猛精進令一切衆生
得安樂故得利益故得寂靜故得涅
槃故常起大慈大悲能以四攝攝諸
衆生無有厭倦觀諸衆生猶如一子
於諸境界心無所著設大施會增長
福德遠離慳貪施不望報於長夜中
勇猛精進善能降伏貪瞋憍慢慳嫉
煩惱未曾暫忘一切智心著大施甲
被精進鎧以大悲心度脫衆生智力
堅強恒無退失等心衆生隨其意樂
皆令滿足知時非時悟法非法迴向
菩提於惠施中三事清淨以金剛智
除斷四魔戒行成就善能守護身語
意業乃至小罪而懷大懼心常清淨
於諸垢濁惡言毀訾輕弄誹謗打辱
繫縛曾無濁亂具足忍辱心性調柔
所作事業常能堅固於一切善心無

退轉念智具足恒修正定獲智慧明
能破諸暗心常觀見苦空無常不淨
之法已善修習四念處四正勤四如
意足五根五力七菩提分八聖道分
又常安住奢摩他毗鉢舍那深入緣
起覺悟真實恒自了知不因他解遊
三脫門了知諸法如幻如夢如影如
水中月如鏡中像如熱時燄如呼
聲響

佛告諸比丘菩薩從多劫來於四威
儀恒住如是智慧如是功德如是精
進如是利益十方諸佛復令宮中婁
女樂器出微妙聲勸發菩薩又欲化
諸宮中婁女即時證得四種法門何
等為四一者方便布施愛語利行同
事而攝取之二者紹三寶種能使不
絕不壞一切智性不退願力三者智
力堅固大慈大悲不捨衆生四者有
殊勝智慧資糧之力分別一切菩提
分法大嚴法門得現前故以此四種
為欲成就宮中諸婁女故即於是時
作大神通令諸婁女解悟樂音所出
言詞百千法門所謂廣大心愍衆生

心求菩提心發起深心而於佛法令
生淨信遠離憍慢尊重正法知善不
善憶念諸佛布施持戒忍辱精進禪
定智慧六神通四攝法四無量四念
處四正勤四如意足五根五力七菩
提分八聖道分二分別奢摩他毗
鉢舍那無常苦空無我不淨無貪寂
滅無生盡智乃至涅槃菩薩神通令
音樂中出如是聲諸婁女等聞是聲
已生希有心歡喜踊躍得未曾有
佛告諸比丘菩薩處王宮時能令八
萬四千諸婁女等發阿耨多羅三藐
三菩提心復有无量百千諸天聞如
是法於阿耨多羅三藐三菩提得不
退轉說微妙偈勸請菩薩速疾出家
感夢品第十四

尔時佛告諸比丘諸天勸發菩薩已
菩薩是時現夢於輪檀王王於夢中
乃見菩薩剷除鬚髮行出宮門無量
諸天圍遶而去時王從夢寤已問內
人言太子今者為在宮耶為出遊觀
內人荅言太子在宮無所遊觀王心
尚疑菩薩已去悵然憂惱如箭入心

作是思惟如我所夢事相既尔定知太子必當出家復作是念從今以往更勿復許太子遊觀令諸婢女誘以五欲生其愛著

時輸檀王為菩薩故造三時殿一者溫煖以御隆冬二者清涼以當炎暑三者適中不寒不熱更造重門使難開閉開閉之時須五百人開閉之聲聞四十里所有善知天文極閑相法及五通仙皆悉窮問遣其先記如是等人皆云太子於吉祥門踰城而出王聞是已轉增憂惱諸比丘後於一時菩薩即便欲出遊觀乃命馭者汝可嚴駕我當暫出馭者奏王今日太子欲出遊觀王聞是已即時遣使掃飾園林復勅所司平除道路香水灑地散衆名花於寶樹間懸繒幡蓋真珠瓔珞次第莊嚴金銀寶鈴慶慶垂下和風搖動出微妙音從城至園周匝瑩飾精麗清淨猶若天宮復使路邊無諸可惡衰老疾病及以死屍齷盲瘡癰六根不具非吉祥事並令驅逐尔時菩薩與諸官属前後導從出

城東門時淨居天化作老人髮白體羸膚色枯槁扶杖偃僂喘息位頭皮骨相連筋肉銷耗牙齒缺落涕唾交流或住或行乍伏乍偃菩薩見已問馭者言此日何人形狀如是時淨居天以神通力令彼馭者報菩薩言此老人也又問何謂為老荅曰凡言老者曾經少年漸至衰朽諸根萎熟氣力綿微飲食不銷形體枯竭無復威勢為人所輕動止苦劇餘命無幾以是因緣故名為老又問此人獨尔一切皆然馭者荅言一切世間皆悉如是菩薩又問如我此身亦當尔耶馭者荅言凡是有生若貴若賤皆有此苦尔時菩薩愁憂不樂謂馭者曰我今何暇詣於園林縱逸遊戲當思方便免離斯苦即便迴駕還入宮中時輸檀王問馭者言今日太子園林遊戲歡樂以不馭者荅言大王當知太子出城行至中路忽於道上有一老人氣力衰微身體困極太子見已即便還宮

時輸檀王作是思惟此是我子出家

之相阿斯陀仙所言殆實於是更增
五欲而娛樂之諸比丘復於一時淨
居諸天既見菩薩還處五欲作是思
惟我今應當更為菩薩示現事相使
得覺悟令速出家

尔時菩薩復召馭者而告之言我今
欲往園林遊觀汝速為我啓奏大王
嚴辦車從我當暫出王聞是已召集
諸臣而告之曰太子前者出城東門
道逢老人中路而反愁憂不樂今復
求出欲詣園林宜應從城至園恁令
清淨懸繒幡蓋燒香散花勿使糞穢
不淨及老病死諸不吉祥在於衢路
所司受勅嚴嚴過前尔時菩薩與諸
官屬前後導從出城南門時淨居天
化作病人困篤萎黃上氣喘息骨肉
枯竭形貌虛羸處於糞穢之中受大
苦惱二人瞻侍在於路側又問馭者
此為何人報菩薩言此病人也又問
何謂為病荅曰所謂病者皆由飲食
不節嗜欲無度四大乖張百一病生
坐卧不安動止危殆氣息綿惛命在
須臾以是因緣故名為病又問此人

獨尔一切當然馭者答言一切世間
皆悉如是又言如我此身亦當尔耶
馭者答言凡是有生若貴若賤皆有
此苦尔時菩薩愁憂不樂謂馭者曰
我今何暇詣於園林縱逸遊戲當思
方便免離斯苦即便迴駕還入宮中
時輸檀王問馭者言今日太子出城
遊觀歡樂以不馭者答言大王當知
太子出城行至中路忽於道側見一
病人氣力綿惛受大苦惱太子見已
即便還宮

時輸檀王作是思惟此是我子出家
之相阿斯陀仙言不虛也於是更增
五欲而娛樂之諸比丘復於一時淨
居諸天既見太子還受五欲作是思
惟我今應當更為菩薩示現事相使
得覺悟令速出家

尔時菩薩復召馭者而告之言我今
欲往園林遊觀汝可嚴駕我當暫出
馭者又奏大王王聞是已謂馭者曰
太子前出東南二門見老病已還來
憂愁今者宜令從西門出我心慮其
還不喜悅宜遣内外莊嚴道路香花

幡蓋倍勝於前勿使老病死等不祥之事在於道側所司受勅嚴飾倍前
今時菩薩與諸官屬前後導從出城西門時淨居天化作死人卧於輿上
香花布散室家號哭而隨送之菩薩見已心懷慘惻問馭者曰此是何人
而以香花莊嚴其上復有衆多眷屬而哀泣之

時淨居天以神通力令彼馭者報菩薩言此死人也又問何謂為死荅曰
夫言死者神識去身命根已謝長與父母兄弟妻子眷屬恩愛別離永無
重覩命殄之後精神獨行歸於異趣恩愛好惡非復相知如此死者誠可悲也
又問唯此人死一切當然報苦薩言凡是有生必歸於死菩薩聞已轉不自安而作是言
世間乃有如此死苦云何於中而行放逸我今何暇詣於園林當思方便求離此苦即便
迴駕還入宮中

時輸檀王問馭者言今日太子出遊園苑歡樂以不馭者荅言大王當知
太子出城忽於路側有一死人卧於

牀上四人舉舉眷屬悲號太子見已
慘然不樂遂於中路即便還宮時輸
檀王作是思惟此是我子出家之相
阿斯陀仙無虛謬也於是更增五欲
而娛樂之諸比丘復於一時淨居諸
天既見太子還於宮內處在五欲作
是思惟我今應為菩薩更現事相令
速出家

尔時菩薩復召馭者而告之言今日
欲往園林遊觀汝可嚴駕我當暫出
馭者又奏父王王聞是已謂馭者曰
太子前出三門見老病死愁憂不樂
今者宜令從北門出嚴飾道路香花
幡蓋使勝於前勿得更老病死等
非吉祥事在於路側所司受勅嚴好
過前尔時太子與諸官屬前後導從
出城北門時淨居天化作比丘著壞
色衣剃除鬚髮手執錫杖視地而行
形貌端嚴威儀庠序太子遙見問是
何人

時淨居天以神通力令彼馭者報菩
薩言如是名為出家人也太子即便
下車作礼因而問之夫出家者何所

利益比丘答言我見在家生老病死一切無常皆是敗壞不安之法故捨親族處於空閑勤求方便得免斯苦我所修習無漏聖道行於正法調伏諸根起大慈悲能施無畏心行平等護念衆生不染世間未得解脫是故名為出家之法於是菩薩深生欣喜讚言善哉善哉天人之中唯此為上我當決定修學此道既見是已登車而還時輸檀王問馭者言太子出遊寧有樂不答言大王當知太子向出至於中路皆悉嚴好無諸不祥忽有一人著壞色衣剃除鬚髮執持應器杖錫而行容止端嚴威儀詳審太子即便下車作禮言語既畢嚴駕而歸竟亦不知何所論說時輸檀王聞此語已心自念言阿斯陀仙言無虛謬於是更增微妙五欲而娛樂之佛告諸比丘時淨居天欲令菩薩速疾出家重與父王作七種夢一者夢見有帝釋幢衆多人昇從迦毗羅城東門而出二者夢見太子乘大香象徒馭侍衛從迦毗羅城南門而出三者夢

見太子乘駟馬車從迦毗羅城西門
而出四者夢見有一寶輪從迦毗羅
城北門而出五者夢見太子在四衢
道中揚桴擊鼓六者夢見迦毗羅城
中有一高樓太子於上四面棄擲種
種珍寶無數衆生競持而去七者夢
見離城不遠忽有六人舉聲號哭時
輸檀王作是夢已心大恐懼忽然而
覺命諸大臣而告之曰我於夜中作如
是夢汝宜為我喚占夢人令解斯事
時淨居天化作一婆羅門著鹿皮衣
立在宮門之外唱如是言我能善解
大王之夢諸臣聞奏召入宮中時輸
檀王具陳所夢語婆羅門如此之夢
是何祥也婆羅門言大王當知所夢
帝幢衆人昇出城東門者此是太子
當為無量百千諸天圍遶出家之像
大王當知所夢太子乘大香爲徒馭
侍衛從城南門出者此是太子既出
家已得阿耨多羅三藐三菩提及以
十力之像

大王當知所夢太子乘駟馬車從城
西門出者此是太子既出家已得阿

耨多羅三藐三菩提及四無畏之像
大王當知所夢寶輪從城北門出者
此是太子既出家已證阿耨多羅三
藐三菩提轉法輪之像大王當知所
夢太子在四衢道中揚擗擊鼓者此
是太子得阿耨多羅三藐三菩提已
諸天傳聞乃至梵世之像

大王當知所夢高樓太子於上棄擲
寶物無數衆生競持而去者此是太
子得阿耨多羅三藐三菩提已於諸
天人八部之中當雨法寶所謂四念
處四正勤四如意足五根五力七覺
分八聖道種種諸法之像

大王當知所夢去城不遠忽有六人
舉聲啼哭者此是太子既出家已當
得阿耨多羅三藐三菩提外道六師
心生憂惱之像

今時化人為輸檀王解彼夢已白言
大王宜應欣慶勿生愁惱所以者何
此夢吉祥獲大果報作是語已忽然
不現時輸檀王聞婆羅門解夢因緣
恐畏太子出家學道於是更增五欲
之具

是時耶輸陀羅亦夢二十種可畏之事忽然覺悟中心驚悸惶怖自失菩薩問言何所恐懼耶輸陀羅啼哭而言太子我向夢見一切大地周遍震動復見一鮮白大蓋常庇蔭者車匿輒來奪我將去復見有帝釋幢崩壞在地復見身上瓔珞為水所漂復見日月星宿悉皆墮墜復見我髮為執寶刀者割截而去復見自身微妙端正忽成醜陋復見自身手足皆折復見形容無故赤露復見所坐之牀陷入於地復見恒時共太子坐卧之牀四足俱折復見一寶山四面高峻為火所燒崩摧在地復見大王宮內有一寶樹被風吹卧復見白日隱蔽天地黑暗復見明月在空衆星環拱於此宮中忽然而沒復見有大明燭出迦毗羅城復見此護城神端正可憐住立門下悲號大哭復見此城變為曠野復見城中林木泉池悉皆枯竭復見壯士手執器仗四方馳走太子我夢如是心甚不安將非我身欲有殒喪將非恩愛與我別離此是何徵

為凶為吉

方廣大莊嚴經卷第五

第三十六張 婦

尔時菩薩聞是語已心自思惟出家
時到表是徵祥乃令此妃見如斯夢
慰喻耶輸陀羅言妃今不應懷此恐
懼所以者何夢想顛倒無有實法設
令夢見帝幢崩倒日月隕落於妃之
身何所傷損車匿持蓋將去既曰夢
奪皆為虛妄但自安寢不假憂愁其
夜菩薩自得五夢一者夢見身席大
地頭枕須弥手擎大海足踐渤澥二
者夢見有草名曰建立從齋而出其
杪上至阿迦膩吒天三者夢見四鳥
從四方來毛羽斑駁承菩薩足化為
白色四者夢見白獸頭皆黑色咸來
屈膝舐太子身五者夢見有一糞山
狀勢高大菩薩身在其上周匝遊踐
不為所汙

方廣大莊嚴經卷第五

壬寅歲高麗國大藏都監奉

勅彫造

方廣大莊嚴經卷第六

歸

中天竺國沙門地婆訶羅奉詔譯

出家品第十五

尔時佛告諸比丘菩薩於靜夜中作是思惟我若不啓父王私自出家有二種過一者違於法教二者不順俗理既思惟已從其所住詣父王宮放大光明一切臺殿樓閣園林倍增嚴飾光明照曜王遇光已尋便覺悟謂侍者曰此為何光夜分未盡豈日光乎侍者答曰非日光也重以倡頌而白於王

臺蓋及樓閣 牆壁與園林 衆影悉不生 故非日出光 駕鵞及翡翠 孔雀迦陵伽 群鳥未翔鳴 故非日出光 此光甚希有 昔所未曾見 能令心喜悅 除熱得清涼 應是勝德人 垂光照於此 時王從卧起 詳觀於十方 乃見菩薩身 威德無有上 深心極尊重 將欲申恭敬 菩薩以神力 固不令王起 長跪而合掌 前白父王言 大王莫愁惱 勿與我為障 今者願出家 唯垂見哀許 王時聞此言 思惟設何計

涕泣向善菩薩而作如是言大位及國財
一切悉能捨除去出家事餘皆無所惜
菩薩以妙音重白父王言竊有四種願
未稱於本心大王若賜者當斷出家望
一願不衰老二願恒少壯三願常無病
四願恒不死王聞是語已而告菩薩言
此事甚為難非我力能辦諸仙雖劫壽
終歸於壞滅誰離生老死獨求常住身
菩薩答王言四願若難得今但求一願
更不受後身王聞菩薩言愛心稍微薄
而作如是說我今亦隨喜利益諸衆生
令汝願滿足雖發如是語心猶懷執猶
余時菩薩聞是語已歡喜而退雖復
往來人無知者既至明旦王召親族
及諸釋種作如是言太子昨於中夜
來請出家我若許之國無繼嗣汝等
今者作何方便令其息心時諸釋種
白大王言我等當共守護太子太子
何力能強出家是時父王勅諸親族
於迦毗羅城東門之外置五百釋種
童子英威勇健制勝無前一一童子
有五百兩鬪戰之車以為嚴衛二
車側五百力士執戟於前南西北門

各有五百如上所說於其城上周匝
分布持刀杖人復有宿舊諸釋大臣
列坐四衢咸志營脩王自簡練五百
壯士探甲持矛皆乘象馬於城四面
晝夜巡警無暫休息是時國大夫人
摩訶波闍波提於王宮內集諸姝女
而說偈言

汝等於今夜 無令著睡眠 當建妙高幢
燭以摩尼寶 四正珠瓔珞 亦發大光明
照曜宮殿中 如日咸覩見 奏彼天伎樂
絃出微妙音 花鬘半月垂 寶鬘師子飾
辟瑤及環珮 種種以嚴身 戶牖設重關
堅牢持管鑄 出入咸親覲 進止悉當知
汝等待奉人 宜應執兵器 闔輪將羅索
矛戟及戈鋌 莫生慢怠心 周衛於階闥
汝等守太子 如人護目眼 勿使棄世間
猶如象王去 寶位絕繼嗣 國土無威光
佛告諸比丘時有二十八夜又大將
般遮迦王而為上首先住在彼毗沙
門宮共相議言菩薩今欲出家我與
汝等作何供養時四天王告夜叉衆
言菩薩將欲出家汝等應當捧承馬
足時釋提桓因告三十三天衆言菩

薩今衣將欲出家汝等宜應營護佐助時彼衆中有一天子名曰靜慧作如是言我當於迦毗羅城所有一切軍士婢女守菩薩者悉令惛睡無所覺知

復有莊嚴遊戲天子作如是言我今當令彼城內外所有象馬及諸雜類寂然無聲

復有嚴慧天子作如是言我當從彼於虛空中化為寶路皆以金銀琉璃碑渠馬瑙真珠玫瑰衆寶廁填散諸名花弥布其上懸繒幡蓋羅列道側復有諸大象王伊鉢羅王而為上首作如是言我於鼻端化為樓閣其中則有天諸婢女鼓舞絃歌而為翊從復有諸大龍王婆婁那王而為上首作如是言我等當吐栴檀香雲及沉水香雲雨栴檀末及沉水末妙香令馥遍滿虛空

復有法行天子作如是言我今當遣宮中所有端正女人形貌變壞不可附近

復有開發天子作如是言我當於中

夜時覺悟菩薩

釋提桓因作如是言我今亦當為彼
菩薩開示道路如是天龍夜叉乾闥
婆阿修羅迦婁那緊陀羅摩睺羅伽
等盡其所應護助菩薩亦時菩薩於
音樂殿中端坐思惟過去諸佛皆發
四種微妙大願何等為四
一者願我未來自證法性於法自在
得為法王以精進智救拔一切牢獄
愛縛苦惱衆生皆令解脫
二者有諸衆生癡此生死黑暗稠林
患彼愚癡無明翳目以空無相無願
為燈為藥破諸暗惑除其重障成就
如是方便智門

三者有諸衆生堅憍慢幢起我我所
心想見倒虛妄執著為說正法令其
解悟

四者見諸衆生處不寂靜三世流轉
如旋火輪亦如團絲自纏自繞為彼
說法令其縛解如是四種廣大誓願
正念現前

亦時法行天子及淨居天衆以神通
力令諸姝女形體姿容悉皆變壞所

處宮殿猶如塚間作是現已於虛空中告善薩言

面貌清淨如蓮華

功德智慧無能比

觀察女人當遠離

去何於此生著心

今時善薩以偈答曰

我今觀此婬欲境

一切變壞如臭屍

願得永出諸愛纏

不復於中生執著

余時善薩見於宮內所有美女形相

變壞或有衣服墜落醜露形體或有

頭髮蓬亂花冠毀裂或有容貌枯槁

瓔珞散壞或有唇口喎斜或有眼目

角昧或哮喘將絕或涕唾交流或致

嗽不止或揮手擲足或有面色青白

恠狀恐人或皮膚坼裂膿血穢汙或有

悲啼或有大笑或復齧齒或復調語

或傍壁倚立或帶牀危坐或枕鼓而

卧或抱箏而寢或有睡含蕭管齧以

作聲或取諸樂器撩亂委擲或覩然

而睡或覆面在地或有張口或有閉

目或失便痢臭氣熾煇或有蓋頭或

有露首顛倒狼藉縱橫而卧先時所

有端正美容天諸神力悉皆變壞見

如是等種種相已靜念思惟女人身

形不淨弊惡凡夫於此妄生貪愛起
大悲心發如是言咄哉世間苦哉世
間甚可怖畏凡夫無知不求解脫此
處虛誑無有可愛猶如盡瓶盛諸穢
毒此處難越不能自出猶如老象溺
彼深泥此處劇苦猶如屠肆能斷諸
命此處不淨猶如群豕在溷廁中此
處無味妄生味想猶如餓狗鬻其空
骨此處自燒猶如飛蛾赴於明燭此
處困竭猶如水族曝於乾地此處窮
迫猶如乏庶為火所害此處可怖猶
如死囚詣於都市此處沉沒猶如涉
海舩舫破壞此處危懼猶如盲人墜
於深谷此處無利猶如蒲博財物都
盡此處無潤猶如大旱草木乾焦此
處能傷猶如利刀塗之以蜜愚人無
智舐而求味此處損耗猶如黑月漸
漸將盡此處滅諸善法無有遺餘猶
如劫火焚燒一切作如是說種種譬
喻審諦籌量次於己身從頭至足循
環觀察亦復如是即說偈言

我愛潤業田 從緣受生死 積集衆不淨
和合成此身 脾腎肝肺心 腸胃生熟藏

皮肉將骨髓 毛髮及爪牙 運動如機關
諸虫之窟穴 糞穢常盈滿 膿血恒流注
生死憂惱侵 老病飢渴逼 智者觀是苦
一切如怨讎 當棄虛妄身 去何生取著
菩薩如是觀自身已繫念現前寂然
久默於虛空中有諸天衆告法行天
子言菩薩將欲出家今者遲迴似生
疑悔所以者何我見菩薩觀視姝女
或熙怡微笑或顙慄不樂將非菩薩
生戀著耶然彼之心猶如大海我等
凡淺不能測量法行天言菩薩於無
量劫捐捨一切頭目髓腦國城妻子
發願求於無上菩提心不退轉何況
今者是寂後身而於樂欲生戀著耶
今時菩薩即從座起褰七寶所成羅
網帷帳安詳徐出合掌而立正念十
方一切諸佛作是念已即見天主釋
提桓因及四大天王日月天子各率
所統東方提頭賴吒天王領乾闥婆
主從東而來將無量百千乾闥婆衆
奏諸伎樂鼓舞絃歌至迦毗羅城圍
遶三匝依空而住合掌低頭向菩薩札
南方毗婁勒叉天王領鳩脰荼主從

南而來將無量百千鳩胝荼衆各執
寶瓶盛滿香水至迦毗羅城圍遶三
匝依空而住合掌佯頭向菩薩礼
西方毗婁博叉天王領諸龍神主從
西而來將無量百千諸大龍衆各各
手持諸雜珍寶真珠瓔珞種種花香
復散香雲花雲及諸寶雲亦動微妙
輕靡香風至迦毗羅城圍遶三匝依
空而住合掌佯頭向菩薩礼
北方毗沙門天王領夜叉主從北而
來將無量百千大夜叉衆手捧寶珠
其光照曜過於世間百千燈炬身著
鎧甲手執弓刀矛戟干戈輪稍叉弩
至迦毗羅城圍遶三匝依空而住合
掌佯頭向菩薩礼

今時天主釋提桓因從三十三天與
其眷屬一切諸天百千万衆持天花
鵝末香塗香末服寶蓋無數幢幡及
以瓔珞至迦毗羅城圍遶三匝依空
而住合掌佯頭向菩薩礼

日月天子左右而至亦齎種種供養
之具依空而住合掌佯頭向菩薩礼
余時菩薩觀見十方仰瞻虛空及諸

星宿并覩護世四大天王軋闍婆鳩
摩荼諸天龍神并夜叉等復見天主
釋提桓因各領百千自部眷屬前後
導從遍滿虛空弗沙之星正與月合
時諸天等發大聲言菩薩欲求勝法
今正是時宜速出家必定當成阿耨
多羅三藐三菩提轉大法輪

佛告諸比丘菩薩作是思惟於今夜
靜出家時到即就車匿而語之言車
匿汝宜為我被軋陟來今時車匿既
聞此言竊自思念今始夜半何用軋
陟白菩薩言內外甚安無有急難好
惡之事不審太子何用軋陟今時菩
薩告於車匿而說偈言

我身已具足 一切吉祥事 當欲出家去
汝今莫違我

於是車匿復聞菩薩如是偈已舉身
戰掉不能自持今時菩薩重語車匿
我今欲為一切衆生降伏煩惱結使
賊故須彼軋陟莫違我意速被將來
車匿是時故發大語望使宮內皆悉
聞知白菩薩言太子恒常無有錯謬
諸所作事必擇其時今者何為而索

軋陟虛空諸天以神通力令彼一切
都不覺知尔時菩薩密以偈頌語車
匿言

車匿汝當知 我今觀此處 一切可怖畏
猶如塚墓間 如共羅刹居 亦似疽蟲穴
又類受胎水 縱橫狼藉眠 我見五欲苦
心意至不安 不願處此宮 於園林遊觀
觀彼老病苦 并見於死屍 我定欲出家
汝速取軋陟

是時車匿白菩薩言太子昔在嬰孩
相師占已而白王曰王之太子相好
具足當作轉輪聖王我又曾聞世間
智人修諸苦行或不剪爪或有倒懸
或衣以樹皮或自拔頭髮或受牛鹿
等禁或五熱炙身修此苦因願求樂
報况復太子當為轉輪聖王統四天
下七寶具足一切世間咸謂太子必
當得此轉輪王位仙人所記應無虛
妄如是寶位去何棄之尔時菩薩語
車匿言昔日仙人但記為轉輪王亦
復有記當成佛道於二記中何者為
定慎勿妄語車匿言昔日阿斯陀仙
合掌而言大王當知王之太子必當

得成阿耨多羅三藐三菩提終不在
家作輪王也何以故佛相明了轉輪
聖王相不明了但諸釋種隱而勿傳
恐畏太子出家學道不謂太子猶憶
斯事菩薩語言車匿我昔從彼兜率
下生之時在胎之時乃至出時所有
諸事志皆不忘况復仙人授我記別
而得忘耶車匿諸天復勸我言菩薩
速疾出家定得阿耨多羅三藐三菩
提當轉法輪是故應知必得成佛車
匿我今寧被割截肢體食雜毒食入
大火聚投彼高巖不能在家受五欲
事如是世間五欲境界皆志無常甚
可怖畏即說偈言

我昔受五欲 今實畏苦因 無始積愛流
猶如海難滿 逐欲轉增渴 虛夢未覺知
坏器不堅牢 感饌和諸毒 浮雲必銷散
泣露無久停 幻事惑彼心 水泡暫起滅
芭蕉不堅實 虛拳誑小兒 蛇首不可親
毒蔓終難觸 智者當遠離 猶如避深坑
佛告諸比丘菩薩說此偈已又告車
匿我亦曾作四天王天乃至六欲諸
天亦曾生彼色究竟天非想非非想

處我憶往昔無量生中愚癡惑亂為
愚癡欲脩受衆苦打罵繫縛損害身
命死入惡道今者於此深生厭離正
使諸天勝妙境界尚無貪染何況耽
此人間五欲生戀著耶轉輪聖王雖
得自在終未免於生死之患我觀世
間煩惱曠野甚可怖畏無有歸依無
所恃怙又常淪沒生死河中憂悲險
溜瞋忿奔浪嗜欲驚洄恚恨旋狀諸
見羅刹常伺候人我於是中繕修六
度以為船筏智為舟楫信作堅牢自
既濟已復當攝取一切衆生令到彼
岸是時車匿白菩薩言太子今者心
決定耶菩薩報於車匿而說偈言
車匿汝當知 我今已決定 自利利他故
起於精進心 不動若須弥 終无能退轉
假使金剛電 刀劍及干戈 電火熱鐵團
墜在我頂上 終不於俗境 而生戀著心
尔時無量百千諸天於虛空中歡喜
踊躍雨衆天華而說頌曰

寂勝清淨如虛空 煙雲塵霧不能染
一切境界無所著 具足善利成菩提
於是靜慧天子及莊嚴遊戲天子於

迦毗羅城令一切人民皆悉惛睡尔時菩薩告車匿言車匿汝今莫令我生憂憤宜應速疾被軋陟來是時車匿白菩薩言今始中夜未是行時一切宮城悉皆防衛誰應於此開諸閤鑰時釋提桓因以神通力令諸門戶皆自然開車匿既覩宮城開已傍徨愁戀轉復悲啼作如是言我無伴侶此城内外所有四兵釋種群臣王及王子耶輸陀羅後宮妹女一切惛聾無有知覺今欲何去當復語誰太子之心決定如是我今懇切啓請莫從自惟無力豈能遮止是諸天衆於虛空中告車匿言車匿速疾嚴被軋陟將來勿令菩薩心生憂惱所以者何汝豈不見無量百千大菩薩衆釋提桓因及四天王諸天龍神軋闍婆等各與其衆恭敬供養光明赫弈遍照虛空車匿聞此語已告軋陟言軋陟太子令者當乘汝出即取最上金勒寶鞍諸莊嚴具用被馬王悲泣流淚持以奉進讚菩薩言伏願太子有所悌求悉皆成滿一切障尋咸得銷除

當今世間獲安隱樂菩薩於此乘馬
王已初舉步時十方大地六種震動
昇虛而行四天大王捧承馬足梵王
帝釋開示寶路尔時菩薩放大光明
照燭一切無邊世界所可度者皆得
度脫有苦衆生皆得離苦

尔時菩薩迴躬俯視迦毗羅城作如
是言若我從今不得盡於生死邊際
終不再見迦毗羅城況復於中行住
坐卧尔後衆人於此起塔諸比丘是
時菩薩既出宮已宮中姝女皆志覺
悟處處求不見不見菩薩耶輸陀羅發
聲大哭婉轉于地自拔頭髮絕身環
珞悲哭而言一何痛哉一何苦哉我
於今者何所依怙太子棄我而去用
復活為悲啼懊惱不能自勝宮女搃
集號叫哀戀如魚失水如樹斷根悲
哭之聲聞於宮外是時宮女奏於父
王今夜睡寤不見太子其當寤臣亦
言今者失彼軋陟王聞此已發聲大
哭作如是言嗚呼嗚呼我之愛子今
何所去作是語已悶絕躄地傍臣即
以冷水灑面良久醒悟即喚所有防

衛之臣而勅之曰汝等諸將已自不謹致失我子汝當為我內外分行速疾求覓若得見者善言誘喻迎將還宮是時群臣奉王勅已展轉相告銜命而行訪覓菩薩諸天神力永不得見

尔時菩薩去迦毗羅城至弥尼國其夜已曉所行道路過六由旬彼諸天龍夜叉乾闥婆等扈從至此所為事畢忽然不現菩薩既行至彼往古仙人苦行林中即便下馬慰喻車匿善哉車匿世間之人或有心從而形不隨或有形隨而心不從汝今心形皆恚隨我世間之人見富貴者競來奉事覩貧賤者棄而遠之我今捨國來至於此唯汝一人獨能隨我善哉車匿甚為希有我今既得至閑曠處汝便可將軋陟俱還即自解髻取摩尼寶以付車匿告言車匿汝持此寶還於宮內奉上大王作如是言太子今者於世間法無復希求不為生天受五欲樂亦非不孝亦無瞋忿嫌恨之心又亦不求財位封祿但見一切衆

生迷於正路沒在生死為欲拔濟故
出家耳唯願大王勿生憂慮大王若
謂我今年少未應出家汝以我言方
便諮啓生老病死豈有定時人雖少
咸誰能獨免往古有諸轉輪聖王捨
國求道詣於山林無有中途還受五
欲我今私心亦復如是若未獲得無
上菩提終不還也內外眷屬皆當於
我有恩愛情可以我意善為開解又
復脫身所著瓔珞以授車匿汝可持
此奉摩訶波闍波提道我為欲斷諸
苦本今故出家求滿此願勿生憂念
又脫諸餘嚴身之具與耶輸陀羅語
言人生於世愛必別離我今為斷此
諸苦故出家學道勿以戀著橫生憂
愁及語宮中諸婁女等并告釋種時
年童子我今欲破無明網故方得智
明所為事畢還當相見是時車匿既
聞菩薩苦切之語悲泣懊惱自投於
地作如是言我既無力能令太子還
於王宮若我從此獨自歸者王及姨
母并諸釋種會當瞋忿笞撻於我詰
責我言汝將太子棄在何處我必無

舜將何酬答菩薩報言車匿勿為此
慮所以者何世間若有持所愛人言
語委曲向彼陳說克蒙眷念或當賞
錫但莫憂也車匿汝疾還宮無令大
王生於愁惱於是車匿從地而起舉
聲大哭軋陟伍頭前屈雙脚舐菩薩
足淚下悲鳴今時菩薩以手摩軋陟
頂而語之言軋陟汝所作已畢莫復
啼失當大報汝

諸比丘菩薩作是思惟若不剃除鬚
髮非出家法乃從車匿取摩尼劍即
自剃髮既剃髮已擲置空中時天帝
釋見希有事心大歡喜即以天衣於
空承取還三十三天礼事供養

今時菩薩剃鬚髮已自觀身上猶著
寶衣即復念言出家之服不當如是
時淨居天化作獵師身著袈裟手持
弓箭於菩薩前默然而住菩薩語獵
師言汝所著者乃是往古諸佛之服
云何著此而為罪耶獵者言我著袈
裟以誘群鹿鹿見此服便來近我我
因此故方得殺之菩薩言汝著袈裟
專為殺害我今若得唯求解脫汝能

與我此袈裟不汝若與我我當與汝
憍奢耶衣汝何惜彼麤弊之服獵師
報言善哉仁者如是弊衣實無所惜
即取袈裟授與菩薩菩薩于時心生
歡喜即便與彼憍奢耶衣時淨居天
以神通力忽復本形飛上虛空如一
念頃還至梵天菩薩見已於此袈裟
倍生殷重余後衆人在此起塔于時
菩薩剃除鬚髮身著袈裟儀容改變
作如是言我今始名真出家也於是
發遣車匿將軋陟還流淚盈目以別
車匿別車匿已安詳徐步經彼跋渠
仙人苦行林中

佛告諸比丘車匿既見菩薩志意不
迴牽彼軋陟悲哀而返余後衆人於
此起塔於是車匿既辭別已遙望菩
薩頭无天冠身无璎珞種種寶服一
切都無舉手推背悲哀啼哭無復冀
望哽咽徘徊軋陟悲鳴驥首局顧瞻
望躑躅淚下交流車匿于時漸到城
已辭如有人入於空宅其域内外苑
園果樹以菩薩去皆悉枯竭城中所
有大小居人不覩菩薩唯見車匿並

隨其後而問之言志達太子今在何處車匿報言太子今者棄捨五欲獨處山林衆人聞已恠未曾有人人各相視流淚共相謂言我等當隨太子而去住彼山林所以者何離聖太子何所存活城闕蕭條无可受樂是時車匿牽彼軋陟并齋瓔珞及無價寶冠諸莊嚴具將入王宮其馬嘶聲聞於宮內是時摩訶波闍波提耶輸陀羅及後宮姊妹皆來集聚共相謂言軋陟之聲今乃不遠將非太子迴還宮耶是時車匿入宮門已姨母及妃并諸姊妹渴瑤欲見爭趣宮門唯覩車匿不見菩薩同時啼哭問於車匿太子今在何處汝獨歸來車匿荅言太子棄捨五欲為求道故在彼山林著壞色衣剃除鬚髮摩訶波闍波提聞是語已悲泣懊惱不能自勝發聲大尖責車匿言我今何負於汝取我聖子送彼山林猛獸毒蟲甚可怖畏而今獨往將何所依車匿言太子付我馬王及諸寶具逼促於我令我遠遠恐畏夫人橫生愁惱是時宮中

諸嫁女等染欲因緣故深於愛著苦
惱身心悲涕哽咽

摩訶波闍波提銜淚而言嗚呼太子
汝身本以梅檀塗拭威德光大今者
去何顛顛山野杳杳喫膚能安斯苦
嗚呼太子在家之時衣以僑奢耶衣
今者云何著麤弊服嗚呼太子在家
之時百品調和香潔之膳今者云何
能噉無味麤澁之食嗚呼太子在家
之時坐卧茵褥無非細軟今者云何
藉履荆棘能忍受之嗚呼太子在家
之時富貴之人盡心事汝猶恐有失
今日云何貧賤之人或能欺汝嗚呼
太子在家之時端正姝女恒常娛樂
恣於五欲今者云何自放山林獨行
獨住摩訶波闍波提種種言詞悲哭
懊惱從地而起重問車匿我子當去
之時向汝何囑我子頭髮今在誰邊
復誰剃也車匿啼哭不能自勝報夫
人言太子囑我汝至宮時再拜我母
懇懃勸請莫生憂念道我不久得阿
耨多羅三藐三菩提還當相見即執
寶劍自剃頭髮擲置虛空諸天接取

將還供養摩訶波闍波提重復悲泣
作如是言嗚呼太子頭髮甚長柔軟
青紺於一毛孔一毛旋生堪冠王冠
受於王位汝今何為割截棄擲嗚呼
太子兩臂膊長蹠不露現行步詳雅
如師子王目如青蓮身真金色言音
隱隱如鼓如雷如此之人何堪修道
審其是地當有聖王此威德人應為
其主即說偈言

若言此地非福處 不應生是勝德人
既現希有功德身 自當為世作聖王
今時耶輸陀羅發聲哀哭責車匿言
車匿太子去時我於彼夜睡眠惛重不
覺不知汝將太子送在何處今去近
遠汝獨歸來車匿汝無利益是我怨
讎損害於我汝作惡業今已脩足不
假虛啼車匿此馬常時嘶聲聞於數
里當今之夜何以寂然今日悲鳴但
增哀感汝與軋陟俱為不善令我無
主城邑空虛由此軋陟及汝車匿於
是車匿悲哀啼哭報耶輸陀羅言妃
今不應瞋罵軋陟亦復不當責及於
我我與軋陟初無過罪所以者何軋

陟去時非無疑難悲鳴躡地前却不
行嘶聲徹半由旬蹄聲聞一拘盧舍
但以諸天神力不令妃悟耳我與軼
陟有何憊過大王先有嚴勅一切左
右善加用心守護太子諸城門禁兵
衛之人咸著睡眠無所覺了太子初
出如日昇天放大光明普照世界行
路之際我取引前初出之時我反贊
助諸城門戶自然而開軼陟是時足
不踐地剝踐擲空貿易衣服種種事
業皆是諸天神力所為余時耶輸陀
羅苦惱逼切忽然躡地流淚而言苦
哉苦哉何故太子棄我而去豈可不
聞事陀論說古昔有王入於深山携
其妃后同修聖行何故今日獨捨我
去車匿太子若為生天修諸苦行求
諸天女然彼天女何必可求乃捨王
位及棄我等車匿我實不願獨自生
天亦不自求人間妙樂願與我主生
生之處恒作夫妻還如向時受勝果
報作此語已悲哀啼哭又言車匿我
主今在何處使我無端遂同孤寡於
今已往不衣好衣不食美食香華瓔

瑤我身永絕雖復居家恒常作於山林之想耶輸陀羅以無數千言責於車匿車匿前進諫言大妃莫生如是酸切懊惱所以者何太子出時諸天翊從東方天王及軋闍婆主南方天王及鳩睺荼主西方天王及大龍主北方天王及夜叉主其身悉被金剛鎧甲或執弓刀或持矛戟或復導前或復隨後梵王帝釋及日月天皆將眷屬欲界天子化作摩那婆身天人寶女無數千億皆大歡喜將天妙華散太子上太子觀見不取不捨不貪不高猶如虛空無所罣碍我今難可一一具說

今時輸檀王遙聞宮內哀哭之聲便從自宮蒼忙而出是時車匿齎菩薩寶冠珠瓔繖蓋牽彼軋陟來至王前二具陳頭面作禮

時輸檀王既見菩薩諸莊嚴具兼聞車匿所說言詞失聲大喚作如是言嗚呼嗚呼我之愛子一旦背我今何所去自絕宛轉號咷而哭是時迦毗羅城所有居人悉皆哀哭聲震天地

諸釋眷屬各各悲戀不能自持相視
流淚咸來諫喻扶王令坐王雖暫蘇
少時還絕良久醒悟責車匿言汝將
我子棄擲何處車匿惶怖白言大王
太子棄捨五欲不染世間慙懃切諫
都無迴意即語我言汝莫諫我我今
不須一切欲樂願捨國位樂此山林
時輸檀王重聞車匿如是語已流淚
懊惱語車匿言我今窮矣無復氣勢
手足志折猶如朽株亦如大樹無有
枝葉敵境或當輕侮於我我今單已
無所能為嗚呼我子寧勝丈夫何故
棄家違離我願嗚呼我子諸相滿足
百福莊嚴一一相中皆悉徧具伺諸
姝女睡眠不覺忽然而出嗚呼我子
善巧多智昔在宮內我無憂愁今捨
我去無復依倚嗚呼我子上族中生
恒為衆人之所尊重棄捨寶位及以
四方一切眷屬單已而去譬如白象
摧折大木我子去時所有以門難開
難閉開閉之時其聲遠徹云何此夜
人皆不聞必是天神令無聲響嗚呼
我子捐捨寶位如棄涕唾我先為汝

造三時殿調適寒暄云何一朝棄之而去娛樂曠野遊處山林甘與禽獸而為伴侶於今已往護城諸神皆志棄捨此城而去嗚呼我子愛念之心徹我骨髓何故棄我入於山林
尔時輸檀王憶念菩薩不捨晝夜欲抑令還復思仙人昔日有記若在家者當為轉輪聖王七寶自然主四天下千子具足端正勇健能伏怨敵若令出家必得阿耨多羅三藐三菩提開化十方定知我子必不肯還普召大臣而告之曰卿等在家皆有子息共相娛樂目前有慰不念吾憂吾有一子奇相聖達當為轉輪聖王主四天下一旦離別入於深山窮谷絕險無人之處飢渴寒熱令誰所患卿等子弟宜擇五人追而侍之若中道還者滅卿五族大臣奉勅即簡五人入山求侍是時五人追不能及心自念言是為逸人行不擇路何道之有我若歸還必滅吾族不如還可住處隨意而住於是五跋陀羅遁於山林乃唐天竺嚴經卷第六

三寅歲高麗國大藏都監奉

初彫造

方廣大華嚴經卷第七

歸

中天竺國沙門地婆訶羅奉詔譯

頻婆娑羅王勸受俗利品第十六

爾時佛告諸比丘車匿奉菩薩教安
慰大王及摩訶波闍波提耶輸陀羅
諸釋種等令離憂惱為欲饒益諸衆
生故剷除鬚髮向獵師邊以憍奢耶
衣貧易袈裟清淨法服於是詣鞞留
梵志苦行女人所時彼女人奉請菩
薩明日設齋既受請已次往波頭摩
梵志苦行女人所時彼女人亦請菩
薩明日設齋既受請已復往利婆陀
梵行仙人所時彼仙人亦請菩薩明
日設齋既受請已復往光明調伏二
仙人所其仙亦請菩薩明日設齋諸
比丘菩薩次第至毗舍離城城傍有
仙名阿羅邏與三百弟子俱常為弟
子說無所有處定時彼仙人遙見菩
薩心生希有告諸弟子汝等應觀是
勝上人諸弟子等白仙人言我見是
人形貌端正昔所未有為從何來比
丘我於爾時問阿羅邏言汝所證法

可得聞乎今欲修行願為我說仙言
瞿曇我所證法甚深微妙若能學者
當為宣說令得修習若有清信善男
子受我教者皆得成就無所有處微
妙之定諸比丘我聞仙人所說作是
念言我今自有精進念定樂欲信慧
獨在一處常勤修習心無放逸必證
彼仙所得之法於是精勤修習心不
厭倦經於少時皆已得證既得定已
往仙人所作如是言大仙汝唯證此
更有餘法仙言瞿曇我唯得此更無
餘法菩薩報言如是之法我已現證
仙言以我所證汝亦能證我之與汝
宜應共住教授弟子諸比丘是時仙
人甚相尊重即以窠上微妙供具供
養於我諸學徒中以我一人為其等
侶比丘我時思惟仙人所說非能盡
苦何法能為離苦之因即於彼時出
毗舍離城漸次遊行往摩伽陀國王
舍大城入靈鷲山獨住一處常為無
量百千諸天之所守護晨旦著衣執
持應器從溫泉門入王舍城次第乞
食行步詳雅諸根寂然觀前五肘心

無散乱城中諸人見菩薩來心生希
有咸作是言此是何人為是山神為
是梵王為是帝釋為是四天王耶余
時世尊而說偈言

菩薩清淨身 光明無有量 威儀志具足
心靜極調柔 處在靈鷲山 自守出家法
於彼晨朝時 著衣持鉢已 調伏身心故
入城而乞食 身如融金聚 相好以莊嚴
路傍若男女 觀者無厭足 城中居民輩
見是勝人來 皆生希有心 奔馳競瞻仰
斯人甚奇特 今從何所來 有諸姝女等
咸昇妙樓閣 於彼窓牖間 闔室不甞捨
街衢盡充滿 閑閑志空虛 棄捨所作業
俱來候菩薩 有人遽往告 頻婆娑羅王
今有梵天來 入城而乞食 復有作是言
或是天帝釋 夜摩兜率天 化樂他化主
四天及日月 或是羅睺等 輒留留多羅
薄離諸天衆 復有白王言 此是靈山神
大王應當知 王今獲大利 時王聞此語
心生大喜悅 自陟高樓上 遙觀菩薩身
相好甚端嚴 辟如真金聚 王因勅左右
奉獻菩薩食 并遣尋所住 隨逐而觀之
使者隨菩薩 見往靈鷲山 歸來白大王

具陳所見事 王聞是事已 益增希有心
於彼晨朝時 嚴駕躬親謁 遙觀巖石中
光相極清淨 威容甚嚴好 不動若須弥
屏除諸侍從 徒步而前進 頂礼菩薩足
種種慰問已 而白菩薩言 大士從何來
鄉邑在何處 父母為是誰 為是婆羅門
為是刹帝利 或是諸仙聖 仁者如實說
菩薩答王言 我父輪檀王 居住雪山下
城名迦毗羅 人民甚安樂 為求無上道
是故今出家 王重稽首言 仁今盛少年
容顏甚端正 應受五欲樂 何為乃行乞
我當捨此國 與汝共治之 今者幸相見
中心甚欣喜 願得作親友 共莅於王位
何為樂獨處 空山林野中 菩薩於是時
以柔軟音句 徐答大王言 我今甚不戀
世間諸榮位 欲求寂滅故 捨之而出家
况乃於王國 而復生貪羨 譬如婆竭龍
大海為宮室 豈復於牛跡 而生愛著心
大王應當知 五欲無邊過 能令墮地獄
餓鬼及畜生 智者當遠之 棄捨如涕唾
欲如果熟已 將墜自不久 又如空中雲
湏臾而變滅 如風駛飄鼓 無時而暫停
若著五欲者 即失解脫樂 誰有智慧士

而未大苦因 若人未得欲 貪火極熾然
若已得之者 轉復無厭足 得已受別離
便生大苦惱 天上微妙樂 人中殊勝果
便使世間人 盡受二種報 心亦未知足
得此更求餘 譬如熱乏人 渴逼飲鹹水
五欲亦如是 怖求無息時 常在生死中
輪轉恒無際 若有智慧者 心淨攝諸根
證無漏聖道 介乃名知足 王今應觀身
無常不堅固 九孔恒流溢 衆苦作機關
我雖受五欲 而不生貪著 為求寂滅樂
是故今出家 頻婆娑羅言 善哉大導師
我本自事汝 汝是帝王子 能棄五欲榮
我今勸俗利 必獲無量罪 唯願大慈悲
哀愍捨我過 當於此境界 證得佛菩提
願使不我遺 我當獲大利 於是從座起
頂禮菩薩足 百千衆圍遶 還返於自宮
菩薩調伏心 為世間依止 隨益而去住
當往尼連河

苦行品第十七

佛告諸比丘王舍城邊有一仙人摩
羅之子名烏特迦與七百弟子俱常
說非想非非想定今時菩薩見彼仙
人於大會中多聞聰慧衆所宗仰作

是思惟我若不至其所同其苦行去
何能顯彼所修行諸定過失我今方
便令彼自知其所修習非為究竟又
欲開顯我之定慧利益一切令彼衆
會生希有心發是念已至仙人所作
如是言仁者誰為汝師汝所修行復
是何法仙人答言我本無師自然而
悟菩薩告言我今故來求汝所證願
為演說我當行之仙言隨意所欲當
為宣說

余時菩薩受彼教已於一靜處專精
修學由昔慣習定慧因緣即得世間
百千三昧隨彼諸定所有差別種種
行相皆現在前是時菩薩復從定起
謂仙人言過此定已更有何法仙言
此寧為勝更無餘法菩薩作是思惟
我有信進念定慧速能證得彼仙之
法其所得者非為正路非狀離法非
沙門法非菩提法非涅槃法

佛告諸比丘菩薩為欲令彼諸仙捨
其邪道說如上事時五跋陀羅先於
彼所修行梵行竊相議言我等久學
尚未能測彼定淺深云何太子於少

時間已能證得大仙之法嫌未究竟更求勝者由斯義故必當證獲無上菩提彼得道時我等五人亦應有分作是念已即捨仙人還從菩薩

亦時菩薩出王舍城與五跋陀羅次第遊歷向尼連河次伽耶山於山頂上在一樹下敷草而坐作是思惟世間若沙門若婆羅門放逸身心住於貪欲隨於熱惱雖行苦行去道甚遠譬如有人為求火故便取濕木置之水中鑽燧索火是人有能求得火不若人住貪欲等雖行苦行不能證得出世勝智亦復如是

復作是念世間若沙門若婆羅門制御於身不行貪欲於境界中心猶愛著雖修苦行去道尚遠譬如有人為求火故猶取濕木置之陸地鑽燧責火是人有能求得火不若復有人起貪愛等心未寂靜雖行苦行不能證得出世勝智亦復如是

復作是念世間若沙門若婆羅門攝衛身心離於貪欲除諸熱惱寂上寂靜修行苦行即能證得出世勝智譬

如有人為求火故取彼燥木置於乾地而鑽燧之當知是人定求得火若復有人不處貪欲身心寂靜勤修苦行即能證得出世勝智亦復如是佛告諸比丘菩薩出伽耶山已次第巡行至優樓頻螺池側東面而視見尼連河其水清冷湍洄皎潔涯岸平正林木扶疎種種花果鮮榮可愛河邊村邑處處豐饒棟宇相接人民殷盛今時菩薩漸至一處寂靜閑曠無有丘墟非近非遠不高不下即作是念今止此地易可安神往古已來修聖行者多於此住

復作是念我今出於五濁惡世見彼下劣衆生諸外道等著我見者修諸苦行無明所覆虛妄推求自苦身心用求解脫所謂或有執器巡乞行而食之或有唯一掬食以濟一日或不乞食任彼來施或有不受來請須自往乞以求解脫或有恒食草木根莖枝葉花果蓮藕獐糞糠汁米泔油滓或有不食沙糖蘇油石蜜淳酒甜酢種種美味以求解脫或有乞一家食

若二若三乃至七家或有一日一食
二日一食乃至半月一月一度而食
以求解脫或有所食漸_頻多少隨月
增減或有日食一掬乃至七掬或有
日食一麥一麻一米或有唯飲淨水
以求解脫或有名稱神所自餓而死
謂隨己意生天人中或有紡績鵝鷄
毛羽以為衣服或著樹皮或著牛羊
皮草糞掃毼毼或著一衣乃至七衣
或黑或赤以為衣服或復露形或手
提三杖或貫髑髏以求解脫或一日
一浴一日二浴乃至七浴或常不浴
或有塗灰或有塗墨或塗糞土或帶
簪花或五熱炙身以煙熏鼻自墜高
巖常翹一足仰觀日月或卧編椽棘
刺灰糞瓦石板杵之上以求解脫或
作唵聲婆娑聲蘇陀聲娑婆訶聲受
持呪術諷誦韋陀以求解脫或依諸
梵王帝釋摩醯首羅突伽那羅延拘
摩羅迦旃延摩致履伽八婆蘇二阿
水那毗沙門婆婁那阿履致旃陀羅
乾闥婆阿修羅迦婁羅摩睺羅伽夜
叉步多鳩睺荼諸天鬼神以求解脫

或有歸依地水火風空山川河池溪
壑大海林樹萑草塚墓四衢養生之
處及堙肆間或事刀劍輪稍一切兵
器以求解脫是諸外道怖生死故勤
求出離修習苦行都無利益非歸依
處而作歸依非吉祥事生吉祥想

佛告諸比丘菩薩今時復作是念我
今為欲摧伏外道現希有事令諸天
人生清淨心又欲令彼壞因緣者知
業果報又欲示現功德智慧有大威
神分折諸定差別之相又欲示現有大
勇猛精進之力便於是處結加趺坐
身口意業靜然不動初攝心時專精
一境制出入息熱氣遍體腋下流汗
額上津出辟如雨滴忍受斯苦不生
疲倦便起勇猛精進之心

佛告諸比丘菩薩今時制出入息於
兩耳中發大音響辟如引風吹鼓鞀
囊受是苦事不生疲倦諸比丘我於
今時耳鼻口中斷出入息內風衝頂
發大音聲辟如壯士揮彼利刃上破
腦骨受是苦事不生疲倦退轉之心
佛告諸比丘菩薩今時諸出入息一

切皆止內風強盛於兩肋間旋迴婉轉發大聲響辟如屠人以刀解牛受是苦事都無懈倦

佛告諸比丘菩薩今時內風動故遍身熱惱辟如有人力弱受制於大火聚舉身被炙受斯苦極更增勇猛精進之心作是念言我今住彼不動三昧身口意業皆得正受入第四禪遠離喜樂遣於分別無有飄動猶如虛空遍於一切無能變異此定名為阿婆婆那菩薩今時修如是等寂極苦行諸比丘菩薩復作是念世間若沙門婆羅門以斷食法而為苦者我今復欲降伏彼故日食一麥比丘當知我昔唯食一麥之時身體羸瘦如阿斯樹肉盡肋現如壞屋椽脊骨連露如節竹節眼目欠陷如井底星頭頂銷枯如暴乾瓠所坐之地如馬蹄跡皮膚皺起如剖胸形舉手拂塵身毛焦落以手摩腹乃觸脊梁又食一米乃至一麻身體羸瘦過前十倍色如聚墨又若死灰四方聚落人來見者咸歎恨言釋種太子寧自苦為端正

美色今何所在

方廣大莊嚴經卷

第五品 婦

七

佛告諸比丘菩薩六年苦行之時於
四威儀曾不失壞盛夏暑熱不就清
涼隆冬嚴寒不求厚煖晝夜啞體亦
不拂除結加趺坐身心不動亦不頻
申亦不洩唾放牧童豎常來觀見戲
以草蓮而刺我鼻或刺我口或刺我
耳我於今時身心不動常為天龍鬼
神之所供養能令十二絡又天人住
三乘路今時世尊欲重宣此義而說
偈言

菩薩於往昔 捨位出家已 為利衆生故
思惟諸方便 我出濁惡世 生此閻浮提
多諸邪見人 破法行異道 愚者求解脫
自苦其身心 雖怖生死因 恒迷出離果
或有赴火聚 自墜於高巖 五熱以炙身
塗灰而自毀 日常一掬食 劣以濟身命
乞食於他門 主喜而方受 顏色少懷慙
終朝而不食 或時聞杵臼 及以狗吠聲
即止不行乞 乃喫亦不受 蘇油及美味
乳酪沙糖等 一切皆不御 唯食麤惡食
糠汁及油滓 狩糞并藕根 草木諸花葉
以求於解脫 或有服淨水 或日食一麻

或止進一米	或有自餓死	以求於解脫
或有著皮草	糞掃及鳥羽	樹皮毛毳等
種種弊衣服	或有著一衣	乃至著七衣
或有常露形	以求於解脫	坐卧編椽上
棘刺灰土中	板杵瓦石間	以求於解脫
或常舉兩手	或有翹一足	散髮及搔髮
逐日而迴轉	以求於解脫	或常礼日月
河海及山川	高原諸樹林	以求於解脫
此諸外道等	勤修無利苦	執著虛妄業
堅受未嘗捨	如是邪見人	死當墮惡趣
我為如是等	昔於六年中	示現摧伏彼
勤修大苦行	有諸無智人	見外道邪苦
竊以為真法	便生隨喜心	亦為成熟彼
勤行大苦行	乃擇空閑地	加趺坐三昧
當是節食時	日食一麻米	履寒不就煖
處熱不求涼	亦不逐蚤蚤	亦不避風雨
童牧來觀看	戲以草蓬刺	通於耳鼻口
以草木瓦石	打擲於我身	亦不能致損
一切皆忍受	身亦不低昂	亦不生疲極
涕唾便痢等	諸穢皆已絕	唯餘皮骨在
血肉盡乾枯	形體極羸瘦	如阿斯迦樹
住阿耨婆定	身心寂不動	亦不味禪樂
而起大悲心	普為諸衆生	修行如是定

以修此定故 速疾得成佛 滅除外道衆
摧伏諸異學 亦以迦葉等 不信有菩提
如是大菩提 无量劫難得 為是諸人等
入阿耨婆定 當坐此定時 有十二洛叉
諸天人衆等 住於三乘路 諸天龍神等
恒於日夜中 供養菩薩身 各自發弘願
願住那婆定 利益諸衆生 其心如虛空
往尼連河品第十八

佛告諸比丘 今時菩薩六年苦行魔
王波旬常隨菩薩伺求其過而不能
得生厭倦心 悵然而退 今時世尊以
偈頌曰

菩薩之所居 林野甚清淨 東望尼連水
西據頻螺池 初起精進心 未求寂靜地
見彼極閑曠 止此除煩惱 時魔王波旬
到於菩薩所 詐以柔軟語 而向菩薩言
世間諸衆生 皆患憂壽命 汝今體枯竭
千死無一全 當修事火法 必獲大果報
無宜徒捨命 為人所憐愍 心性本難伏
煩惱不可斷 菩提誰能證 自苦欲何為
菩薩告波旬 而作如是言 憒醉貪瞋癡
與汝為眷屬 將汝至於此 共汝壞善根
我不求世福 勿以此相擾 我今無所畏

以死為邊際

志願求解脫

決無退轉心

雖有諸痛惱

我心恒寂靜

住斯堅固定

精進樂欲等

我寧守智死

不以無智生

譬如義勇人

寧為決勝沒

非如怯弱者

求活為人制

是故我於今

當摧汝軍衆

第一貪欲軍

第二憂愁軍

第三飢渴軍

第四愛染軍

第五惛睡軍

第六恐怖軍

第七疑悔軍

第八忿覆軍

第九悲惱軍

及自讚毀他

邪稱供養等

如是諸軍衆

是汝之眷屬

能摧伏天人

我今恒住彼

正念正知等

銷滅汝波旬

如水漬坏器

菩薩作是言

魔王便退屈

佛告諸比丘菩薩作是思惟過現未

來所有沙門若婆羅門修苦行時逼

迫身心受痛惱者應知是等但自苦

已都無利益復作是念我今行此寂

極之苦而不能證出世勝智即知苦

行非菩提因亦非知苦斷集證滅修

道必有餘法當得斷除生老病死復

作是念我昔於父王園中閭浮樹下

修得初禪我於今時身心悅樂如是

乃至證得四禪思惟往昔曾證得者

是菩提因必能除滅生老病死菩薩

復作是念我今將此羸瘦之身不堪受道若我即以神力及智慧力令身平復向善提場豈不能辦如是之事即非哀愍一切衆生非是諸佛證菩提法是故我今應受美食令身有力方能往詣菩提之場時有諸天心常愛樂修苦行者已知菩薩欲食美食白菩薩言尊者莫受美食我今方便以神通力令尊氣力平復如本與食無異菩薩思惟我實不食已經多時四輩人民亦皆知我修行苦行若我因彼天神之力而不食者便成妄語時五跋陀羅既聞菩薩欲受美食咸作是念沙門瞿曇如是苦行尚不能得出世勝智况復今者欲食美食受樂而住是無智人退失禪定便捨菩薩詣波羅奈仙人墮處鹿野苑中佛告諸比丘菩薩苦行已來優婁頻螺聚落主名曰斯那鉢底有十童女昔與諸女既知菩薩捨置苦行即作種種飲食奉獻未經多日色相光悅於是衆人復相謂言沙門瞿曇形貌威嚴

有大福德十童女中其最小者名曰
善生昔於菩薩苦行之時恒以飲食
供養八百梵志願因供養梵志之福
資益菩薩今速成就阿耨多羅三藐
三菩提

佛告諸比丘菩薩復作是念六年勤
苦衣服弊壞於屍陀林下見有故破
糞掃之衣將欲取之於時地神告虛
空神作如是言奇哉奇哉釋種太子
捨輪王位拾是所棄糞掃之衣虛空
之神聞此語已告三十三天如是展
轉於一念中乃至傳聞阿迦尼吒天
亦時菩薩手持故衣作如是言何處
有水浣浣是衣時有一天於菩薩前
以手拍地便成一池亦時菩薩復更
思惟何處有石可以洗是糞掃之衣
時釋提桓因即以方石安處池中菩
薩見石持用浣衣亦時帝釋白菩薩
言我當為尊洗此故衣惟願聽許然
菩薩欲使將來諸比丘衆不令他人
浣浣故衣即便自洗不與帝釋浣衣
已訖入池澡浴是時魔王波旬變其
池岸極令高峻池邊有樹名阿斯那

是時樹神按樹令位菩薩攀枝得上
池岸於彼樹下自納故衣時淨居天子名無垢光將沙門應量袈裟供養菩薩

尔時菩薩受袈裟已於晨朝時著僧伽梨入村乞食其聚落神於昨夜中告善生言汝常為彼清淨之人設大施食彼人今者捨苦行已現食美食汝先發願彼人受我食已速得阿耨多羅三藐三菩提今正是時速宜營辦時善生女聞神語已即取千頭牂牛而轂其乳七度煎煮唯取其上極精純者置新器內用香粳米羹以為糜當煮之時於乳糜上現千輻輪波頭摩等吉祥之相時善生女見此相已即自思惟是何瑞應時有仙人語善生言如此乳糜若有食者必當得成無上菩提是時善生煮乳糜已灑掃所居極令清淨安置妙座種種施設告優多羅女言汝宜往請梵志偕來優多羅女既奉命已向東而行唯見菩薩不覩梵志南西北行但覩菩薩不見梵志亦復如是由淨居天隱

梵志身今優多羅女永不得見優多
羅女歸白善生言我所去處唯見沙
門瞿曇不復見有諸餘梵志善生女
言此為取勝我故為彼辦是乳糜汝
宜速往為我延請優多羅女至菩薩
所頭面礼足作如是言善生使我来
請聖者菩薩聞已往詣其所坐殊勝
座時善生女即以金鉢盛滿乳糜持
以奉獻菩薩受已作是思惟食此乳
糜必定得成阿耨多羅三藐三菩提
復告善生我若食已如是金鉢當付
與誰善生女言願以此鉢奉上尊者
隨意所用今時菩薩擎彼乳糜出優
婁頻螺聚落往尼連河置鉢岸上剝
除鬚髮入河而浴

佛告諸比丘菩薩澡浴之時百千諸
天散天香花遍滿河中菩薩浴竟競
取此水將還天宮所剝鬚髮善生得
已起塔供養菩薩既出河岸作是思
惟當以何座食此美味河中龍妃即持
賢座從地涌出敷置淨處請菩薩坐
菩薩坐已食彼乳糜身體相好平復
如本即以金鉢擲置河中是時龍王

生大歡喜取金鉢宮中供養時釋
提桓因即變其形為金翅鳥從彼龍
王奪取金鉢將還本宮起塔供養
時菩薩從座而起龍妃還持所獻賢
座歸於本宮起塔供養諸比丘由菩
薩福慧力故食乳糜已三十二相八
十種好圓光一尋轉增赫奕
尊欲重宣此義而說偈言

六年苦行時 身體極羸瘦 不以天神力
往彼菩提場 為愍眾生故 還依諸佛法
須食於美食 方證大菩提 有女於往昔
行善名善生 為佛六年苦 廣施八百眾
夜半聞天語 晨朝殺乳牛 練彼千牛乳
作糜持奉獻 菩薩著衣已 巡行至其舍
受彼乳糜取 往詣尼連河 菩薩無量劫
廣修諸善行 身心俱寂靜 進止極調柔
至彼連河岸 天龍志圓遠 菩薩入河浴
諸天散香花 將欲昇河岸 神來佐寶樹
善女施金鉢 龍妃奉妙牀 行步如師子
往詣菩提座

方廣大莊嚴經卷第七

壬寅歲高麗國大藏都監奉

勅彫造

方廣大莊嚴經卷第八

歸

中天竺國沙門地婆訶羅奉詔譯

詣菩提場品第十九

尔時佛告諸比丘菩薩澡浴身體復
食乳糜氣力平全方欲往詣十六功
德之地菩提樹下為欲降伏彼魔怨
故以大人相西面而行所謂徐徐安
隱而行客止美好如虹蜺而行雅步
閑詳如須弥山巍巍而行不忿遽行
不遲慢行不沉重行不輕躁行不濁
乱行離垢而行清淨而行無過失行
無愚癡行無涂著行如師子王行如
龍王行如毘羅連行不觸地行千輻
輪相印文而行足指網鞞甲如赤銅
照地而行震動大地而行如山相擊
出大音聲而行坑坎堆阜自然平正
而行足下光明照罪衆生歸於善趣
而行所踐之地皆生蓮花而行隨順
過去諸佛就師子座而行心如金剛
不可沮壞而行閉諸惡趣開諸善門
而行安樂一切衆生而行銷滅魔力
而行摧諸邪論而行除斷無明翳障

而行絕生死翹羽而行映蔽釋梵護
世自在天王而行於三千大千世界
唯我獨尊而行自證聖道不由他悟
而行將證一切智而行念慧相應而
行欲除生老病死而行方趣寂滅離
垢不死無畏向涅槃城而行

尔時菩薩正念向彼菩提之樹直視
行時便有如是無量威儀時有風天
雨天從尼連河至菩提樹周遍掃灑
盡令嚴淨又雨無量殊勝香華適覆
其地於三千大千世界所有大小諸
樹皆悉佞枝向菩提樹三千大千世
界須弥山等大小諸山皆悉佞峯向
菩提樹欲界諸天子等各散種種微
妙香花二妙花縱廣一拘盧舍以
為花臺復現廣路脩遠無際於路左
右七寶欄楯皆悉嚴好其量高下如
七多羅樹泉寶幡蓋處處莊嚴復化
七寶多羅之樹二樹間絡以金繩
於其繩上皆懸瓊鐸明珠琉璃間廁
其中其樹兩間有七寶池於彼池內
金沙遍布香水盈滿優鉢羅花拘勿
頭花波頭摩花芬陀利花如是等花

充滿池中其池四邊七寶階道周匝
莊嚴於其階道則有迦陵頻伽鳬鴈
鴛鴦命命諸鳥出和雅音有八万四
千天諸婁女以衆香水灑於前路復
有八万四千天諸婁女散衆天花一
一樹下復有衆寶妙臺是諸臺上各
有八万四千天諸婁女皆捧寶器盛
妙梅檀沉水之香復有五千天諸婁
女奏天伎樂歌舞頌歎出和雅音
佛告諸比丘菩薩詣菩提樹時其身
普放無量光明又過震動無邊刹土
復有無量百千諸天奏天伎樂於虛
空中雨衆天花又雨無量百千天妙
衣服復有無量爲馬牛等圍繞菩薩
發聲哮吼其音和暢又有無量鸚鵡
舍利拘吒羅鳥迦陵頻伽鳬鴛鴦
孔雀翡翠共命諸鳥翻翔圍繞出和
雅音菩薩往菩提場時有如是等無
量希有吉祥之相

佛告諸比丘菩薩將欲坐菩提座其
夜三千大千世界主大梵天王告諸
梵衆作如是言仁者當知菩薩摩訶
薩被精進甲智慧堅固心不劬勞成

就一切菩薩之行通達一切波羅蜜
門於一切菩薩地得大自在獲諸菩
薩清淨意樂一切衆生諸根利鈍皆
悉了知住於如來秘密之藏超諸魔
境一切善法皆能自覺不由他人而
得覺悟為諸如來大神通力之所護
念當為衆生說解脫道亦為衆生作
大商主摧伏一切諸魔軍衆於三千
大千世界之中唯佛獨尊為大醫王
調和法藥救衆生苦為大法王以智
慧明照於十方建大法幢不為世間
八法所染猶如蓮花不著於水能積
無量真實法寶猶如大海蘊諸奇珍
怨親平等如須弥山安住不動心意
清淨如摩尼珠離諸垢穢於三千大
千世界得大自在菩薩摩訶薩以如
是等無量功德詣菩提場為欲降伏
衆魔怨故成阿耨多羅三藐三菩提
故欲圓滿十力四無所畏十八不共
佛法故轉正法輪故為欲震大師子
吼故施大法雨今諸衆生得滿足故
今諸衆生得清淨法眼故今諸外道
息諍論故欲使本願得圓滿故於一

切法得自在故仁者汝等應當發心
往詣親近供養即說偈言

無量百千劫 具慈悲喜捨 禪定智慧通
於今證涅槃 若欲遠三惡 及離於八難
受天妙樂報 乃至得涅槃 應持上供具
供養於菩薩 六年修苦行 欲詣菩提場
三千世界主 釋梵及日月 一切無與等
見者咸歡悅 降伏諸魔軍 必當成正覺
身相三十二 寂勝自在嚴 梵音甚清徹
心淨離諸過 或有人樂欲 上生於梵世
或有人樂欲 證得聲聞果 或有人樂欲
得成辟支佛 或有人樂欲 當獲無上果
如是諸人等 應供養導師

佛告諸比丘時大梵天王為供養菩
薩故以神通力令三千大千世界皆
悉清淨除諸砂鹵瓦礫荆棘地平如
掌無有丘墟以金銀琉璃磲磬馬瑙
珊瑚虎魄真珠等寶而嚴飾之又遍
三千大千世界生諸瑞草青綠右旋
柔軟可愛如迦陵陀衣又諸巨海變
為平地亦不燒彼魚鼈黿鼉水性之
屬所有十方剎土梵王帝釋護世四
王咸見此間三千大千世界如是嚴

淨各於本土皆志莊嚴遙申供養又
十方無邊剎土一切菩薩為供養故
以超過人天殊勝供具各於本國而
申供養皆見無邊世界如一佛土諸
須彌山鐵圍山間幽冥之處日月威
光所不能及咸見菩薩光明普照

有十六天子守護此菩提之場是諸
天子皆證無生法忍及得阿惟越致
其名曰轉進天子無勝天子施與天
子愛敬天子勇力天子善住天子持
地天子作光天子無垢天子法自在
天子法幢天子所行吉祥天子無障
碍天子大莊嚴天子清淨戒香天子
蓮花光明天子如是等天子各化四
萬八十由旬廣設無量寶莊嚴具其
地四邊皆有七重寶路二寶路皆志
行列寶多羅樹二樹間金繩交絡
垂諸寶鈴覆以寶網間浮檀金以為
蓮花遍滿於地二花上各以七寶
而嚴飾之復炷種種上妙天香十方
世界人天之中所有妙樹志於中現
又十方世界一切水陸勝妙香花志
於中現又十方世界諸佛菩薩各於

本土現無量資糧廣博嚴飾福德智
 慧菩提道場如是種種事業皆悉現
 於此道場中佛告諸比丘十六天子
 見如是等神通瑞相種種莊嚴踊躍
 歡喜天龍夜叉乾闥婆阿修羅迦婁
 羅緊那羅摩睺羅伽等見此道場歎
 未曾有各想自宮猶如塚墓皆有無
 量讚述功德復有四護菩提樹神一
 名毗留薄瞿二名蘇摩那三名烏珠
 鉢底四名帝珠各以神力變菩提樹
 高廣嚴好各長八十多羅之樹根莖
 枝葉花果茂盛端正可愛莊嚴無比
 見者歡喜踰於帝釋歡喜園中波利
 質多羅樹拘鞞羅樹菩薩所生成菩
 提處則三千大千世界之中心也此
 樹下地純以金剛所成不可沮壞
 佛告諸比丘菩薩欲往菩提樹時放
 大光明遍照無邊無量世界地獄衆
 生皆得離苦餓鬼衆生皆得飽滿畜
 生衆生慈心相向諸根不具衆生皆
 得具足病苦衆生皆得痊愈怖畏衆
 生皆得安樂獄囚衆生皆得釋然貧
 窮衆生皆得財寶煩惱衆生皆得解

脫飢渴衆生皆得飲食懷孕衆生皆得免難羸瘦衆生皆得充健而於此時無一衆生為貪患癡之所逼惱人天不死亦不受胎是時一切衆生更相慈愍生利益心如父如母如姉如妹如兄如弟亦時世尊欲重宣此義而說偈言

地獄痛苦逼 一切皆休息 畜生相食噉
各各起慈心 八難皆閉塞 三惡悉空靜
光明所照處 咸受微妙樂 眼耳鼻舌等
諸根不完具 皆悉得具足 煩惱所擾者
便得大安樂 狂亂得正念 貧賤得富貴
病苦得痊除 禁囚得解脫 一切無忿競
展轉起慈心 如父母愛子 菩薩光明網
遍滿於十方 普照恒沙界 映蔽無邊土
鐵圍大鐵圍 及餘諸山等 皆悉不復現
變為一佛剎 以衆寶所成 嚴飾甚微妙
由光照燭故 一切如觀掌 如是等莊嚴
為供養菩薩 護菩提場神 有十六天子
面八十由旬 現種種嚴飾 菩薩大威力
面八十由旬 亦現無邊剎 各各皆嚴淨
天龍八部衆 覩如是事已 還自思本宮
而生採慕想 咸起奇特心 頌歎諸功德

善哉福難思 乃感如斯果 匪唯身語意
起如是莊嚴 以本願力故 一切皆成就
隨諸衆生業 皆悉得滿足 四護菩提神
嚴飾菩提樹 勝過歡喜園 帝釋殊妙林
此神所嚴飾 端正甚可愛 一切天人等
稱讚無窮已

佛告諸比丘 菩薩清淨光明普照世
界滅除一切衆生煩惱遇斯光者皆
生欣喜此光又照迦利龍王宮時彼
龍王遇斯光明於龍衆中而說偈言
過去三佛皆已現 智慧光明真金色
於是還覩無垢光 由斯定有佛興世
其光清淨踰日月 非瑩非燭星電等
亦非梵釋阿修羅 一切威光所能及
我以先業行不善 所處宮殿常昏暗
恒雨熱沙以燒身 自念長時受斯苦
忽遇光明如日照 身心清涼遍歡喜
億劫修行衆行者 今時定坐菩提場
我與汝等諸親眷 衣服香花并伎樂
及以種種莊嚴具 供養利益世間者
佛告諸比丘 龍王今時與其眷屬歡
喜踊躍瞻願四方乃見菩薩身相巍
巍如須弥山梵釋四王龍神八部皆

志圓遠心大歡喜頭面礼足恭敬尊
重即以種種香花衣服瓔珞作衆伎
樂供養菩薩合掌曲躬以偈讚曰
面淨如滿月 世間大導師 我昔值諸佛
瑞相皆如是 今尊破魔已 行當證菩提
曾於過去劫 廣修內外施 持戒及忍辱
精進禪智慧 方便大慈悲 願力喜捨等
以是諸功德 當得成佛道 一切諸叢林
恆枝礼佛樹 有千吉祥瓶 圍遶在虛空
衆鳥吐和音 翻翔競隨逐 身色真金光
遍照於十方 惡趣停苦惱 世間蒙快樂
尊今於三界 定為大導師 梵王及帝釋
欲色諸天子 咸捨微妙樂 皆來申供養
尊今於世間 必為大醫王 凡其所遊踐
蓮華隨步起 尊今於世間 必為應供者
導師坐道場 無量拘脰數 一切魔軍衆
皆當自摧伏 日月可墮落 須弥可崩壞
若未得菩提 終不可移動 願我與眷屬
得捨此龍身 功德自在嚴 當往菩提座
說是偈已其龍王妃名曰金光與無
量龍女恭敬圍遶持衆寶蓋衣服瓔
珞人天妙花復持寶器咸衆名香奏
諸伎樂說是妙偈讚菩薩曰

能斷貪瞋癡 世間諸過患 渡生死海者
故我今頂札 尊為大醫王 善拔煩惱箭
衆生未調伏 而當調伏之 衆生處世間
恒為煩惱覆 尊當以慧智 照之令得除
世間無依怙 今當得依怙 而於虛空中
雨種種衣食 諸天龍神等 皆生歡喜心
辯才大導師 願速坐道場 降伏衆魔怨
當成無上道 似昔諸如來 所證菩提法
無量劫修習 利益諸群生 願速坐道場
證無上菩提

佛告諸比丘菩薩今時作是思惟古
昔諸佛坐於何座證阿耨多羅三藐
三菩提作是念時即知過去諸佛皆
坐淨草而成正覺是時淨居天子知
菩薩心白菩薩言如是如是過去諸
佛欲證菩提皆坐淨草今時菩薩復
自思惟誰能與我如是淨草時釋提
桓因即變其身為刈草人在菩薩右
不遠不遠持草而立其草青紺如孔
雀尾柔軟可愛如迦尸迦衣宛轉右
旋香氣芬馥

今時菩薩既見化人執斯妙草漸向
其所徐而問之汝名字誰其人答曰

我名吉祥菩薩思惟我今欲求自身
吉祥復欲令他而得吉祥人名吉祥
於我前立我今定證阿耨多羅三藐
三菩提

尔時菩薩欲從化人而求淨草出是
語時梵聲微妙所謂真實聲周正聲
清亮聲和潤聲流美聲善導聲不害
聲不誑聲不破聲柔軟聲憐雅聲分
折聲順耳聲合意聲如迦陵頻伽聲
如命命鳥聲如粍雷聲如海波聲如
山崩聲如天讚聲如梵天聲如師子
聲如龍王聲如象王聲不急疾聲不
遲緩聲解脫之聲無染著聲依義之
聲應時之聲宣說八千萬億法門之
聲順一切諸佛法聲菩薩以此美妙
之聲語化人言仁者汝能與我淨草
以不於是頌曰

吉祥汝今時宜速施淨草我當坐是草
降伏彼魔軍若證寂滅法即得無上道
我為菩提故無量劫修行施戒精進忍
禪定智慧力解脫與意樂福德及神通
緣彼諸行故今得圓滿果若施我淨草
獲無量福德因施淨草故必當成導師

吉祥聞此言 心生大歡喜 手持淨妙草
住於菩薩前 即以歡喜心 而白菩薩言
若以施草故 能獲大菩提 幸先授菩提
然後受淨草 菩薩報吉祥 非唯施淨草
即獲大菩提 應修無量德 方蒙諸佛記
吉祥汝應知 菩提不妄授 菩提可妄授
我當以菩提 授一切衆生 吉祥汝應知
我證菩提已 分布諸世間 汝當於我所
聽受甘露法 菩薩受淨草 往詣菩提場
舉足欲行時 其地大震動 諸天龍神等
皆生歡喜心 恭敬合掌言 菩薩於今者
必降伏衆魔 定獲甘露法 證於無上道
佛告諸比丘 菩薩向菩提場時無量
菩薩并諸天衆各各莊飾菩提之樹
其菩提樹有八万四千一一皆願菩
薩坐其樹下得阿耨多羅三藐三菩
提其菩提樹或有高顯殊特百千由
旬純花所成或有菩提樹高顯殊特
二億由旬純香所成或有菩提樹高
顯殊特百千由旬純以栴檀所成或
有菩提樹高顯殊特五億由旬純以
繒綵所成或有菩提樹高顯殊特十
億由旬純以珠寶所成或有菩提樹

高顯殊特百億由旬純以七寶所成
如是八万四千菩提之樹一一樹下
各隨色類敷師子座或有師子之座
以花莊嚴或有師子之座以香莊嚴
或有師子之座以栴檀莊嚴或有師
子之座以珠寶莊嚴或有師子之座
以雜寶莊嚴

佛告諸比丘。爾時菩薩示現取草周
遍敷設如師子王具足勢力精進堅
固無諸過失。貴威自在。智慧覺悟有
大名。稱降伏衆魔。摧諸外道。具足如
是種種功德。將證菩提。而面向東。於
淨草上結加趺坐。端身正念。發大誓
言。我今若不證無上大菩提。寧可碎
是身。終不起此座。爾時菩薩昇菩提
座。即證方廣神通遊戲大嚴之定。得
是定已。現身各各坐彼師子之座。一
身上皆具衆妙相好。莊嚴其餘菩
薩。并諸天人。各各皆謂菩薩獨坐其
座。又由定力。能令地獄餓鬼畜生閻
羅王界及諸人天。皆見菩薩坐菩提座。
嚴菩提場品第二十
佛告諸比丘。爾時菩薩坐菩提場六

欲諸天恐有障難即於東面恭敬而住如是南西北方四維上下皆有無量諸天恭敬而住是時菩薩放大光明其光名為開發菩薩智周遍照耀盡虛空界一切十方諸佛剎土余時東方世界有國名離垢其佛号曰離垢光明彼有菩薩摩訶薩名遊戲莊嚴過斯光已與無央數菩薩圍遶而來詣菩提場為供養故住菩薩前余時菩薩以神通力變現十方盡虛空界一切佛剎成一清淨琉璃道場一切佛剎五道衆生展轉指示各相謂言此是何人神通遊戲莊嚴威德色相乃余是時菩薩於一一衆生前現化菩薩而說頌曰

能斷諸垢濁 貪瞋癡習氣 身照十方剎
映蔽衆光明 福智及三昧 積劫轉增長
一切諸莊嚴 取勝牟尼力

余時南方世界有國名寶莊嚴其佛号曰光明彼有菩薩摩訶薩名現寶蓋遇斯光已與無央數菩薩圍遶而來詣菩提場為供養故住菩薩前余時菩薩以神通力持一寶蓋周遍覆

此菩提之場大梵天王釋提桓因護
世四王更相謂言以何果報而現如
此寶莊嚴蓋於寶蓋中出妙頌曰
在昔億千劫 供養三世佛 慈心行捨施
故得相莊嚴 成就無延力 導師感是報
利益於一切 端坐菩提場

今時西方世界有國名詹波其佛号
曰開敷花王智慧神通彼有菩薩摩
訶薩名曰寶網遇斯光已與無央數
菩薩圍遶而來詣菩提場為供養故
住菩薩前今時菩薩以神通力取一
勝妙寶網弥覆菩提道場十方諸來
天衆龍神八部更相謂言以何因緣
感斯寶網於寶網中出妙頌曰
能為衆寶因 衆寶所依處 三界皆歸趣
名聞遍十方 欲證大菩提 住於清淨法
精進力成佛 能感如斯供
今時北方世界有國名曰轉其佛号
曰掩蔽日月光彼有菩薩摩訶薩名
莊嚴王遇斯光已與無央數菩薩圍
遶而來詣菩提場為供養故住菩薩
前今時菩薩以神通力令十方無邊
剎土功德莊嚴之臺皆現於此菩提

道場諸來衆會心生奇特一切人天
更相謂言以何因緣感此殊勝莊嚴
妙臺於妙臺中出妙頌曰

由昔無邊劫 福智資糧滿 身口意清淨
慙愧及慈悲 無上能仁尊 衆善無不具
今坐菩提座 故獲如斯福

尔時東南方世界有國名德王佛号
功德光明王彼有菩薩摩訶薩名功
德慈遇斯光已與無央數菩薩圍遶
而來詣菩提場為供養故住菩薩前
尔時菩薩以神通力化作無量功德
莊嚴衆寶樓觀諸來天龍夜叉等衆
見未曾有生奇特心更相謂言以何
因緣而有斯瑞於樓觀中而說頌曰
衆德之所生 具足功德者 能成就功德
天龍咸恭敬 德海詣道場 功德香普熏
今坐菩提座 感如斯供養

尔時西南方有國名出寶其佛号寶
幢彼有菩薩摩訶薩名出衆寶遇斯
光已與無央數菩薩圍遶而來詣菩
提場為供養故住菩薩前尔時菩薩
以神通力化作無量阿僧祇衆寶圍
光其中諸天見未曾有生奇特心更

相謂言以何威力而現如是衆寶圓光其圓光中出妙頌曰

以衆寶宮殿 花果與園林 頭目髓腦等身肉及手足 如是種種施 積習諸功德 今現證菩提 感如斯供養

尔時西北方世界有國名雲其佛号曰雲王彼有菩薩摩訶薩名雲雷震聲遇斯光已與無央數菩薩圍遶而來詣菩提場為供養故住菩薩前尔時菩薩以神通力化作沉水香雲及栴檀香雲遍布菩提道場諸天衆會皆生歡喜奇特之心共相謂言以何因緣有斯瑞應其香雲中出妙頌曰法雲覆一切 普雨於法雨 滅衆生煩惱 今得於涅槃 神通定根力 功德為莊嚴 證甘露菩提 故獲如斯供

尔時東北方世界有國名金網其佛号寶蓋光明彼有菩薩摩訶薩名金網莊嚴遇斯光已與無央數菩薩圍遶而來詣菩提場為供養故住菩薩前尔時菩薩以神通力於彼諸來菩薩供養具中化出無量無邊大菩薩衆皆有殊勝三十二相莊嚴其身執

持花鬘曲躬稽首二菩薩以偈頌曰
由昔無邊劫 深信極尊敬 以微妙音聲
讚歎諸如來 今坐菩提座 是故我頂禮
願以讚歎業 當得無上果

尔時下方世界有國名普觀其佛号
曰普見彼有菩薩摩訶薩名曰寶藏
遇斯光已與無央數菩薩圍遶而來
詣菩提場為供養故住菩薩前尔時
菩薩以神通力於一一菩薩前化出
廣大妙金蓮花而於花中皆有婢女
出現半身端正姝妙咸以寶莊嚴具
嚴飾其身手執種種金珠瓔珞曲躬
稽首而諸人天更相謂言以何因緣
感得如是微妙婢女是諸婢女以偈
頌曰

由昔無邊劫 頂禮諸如來 辟支及聲聞
父母并尊者 質直無過患 具一切功德
皆應恭敬禮 普淨戒圓滿

尔時上方世界有國名殊勝功德其
佛号曰王彼有菩薩摩訶薩名虛
空藏遇斯光已與無央數菩薩圍遶
來詣菩提道場為供養故住菩薩前
尔時菩薩以神通力於虛空中普雨

十方世界諸佛剎土皆所不見若所
未聞衆寶花鬘塗香末香燒香繒絲
衣服幢幡寶蓋摩尼衆寶金銀琉璃
車渠馬瑙爲馬車衆寶輦兵衆花樹
果樹童男童女尔時梵釋護世天龍
夜叉乾闥婆阿修羅迦婁羅緊那羅
摩睺羅伽人非人等一切羣生皆悉
得見生歡喜心無有驚怖尔時世尊
欲重宣此義而說偈言

利益一切世間者 欲證無上菩提時
十方無量諸菩薩 皆悉如雲而集會
彼諸菩薩所來事 我今以喻而略說
無量菩薩從空來 猶如密雲震吼聲
各各執持寶瓔珞 明珠垂懸甚嚴飾
無量菩薩從空來 首飾寶冠垂辯髮
擎捧如花妙臺觀 而至菩提道場所
無量菩薩從空來 猶如師子震吼聲
說空無相及無願 而至菩提道場所
無量菩薩從空來 猶如牛王哮吼聲
雨未曾有微妙花 而至菩提道場所
無量菩薩從空來 美聲猶如孔雀王
身光出現千種相 而至菩提道場所
無量菩薩從空來 光明猶如淨滿月

以妙音聲而讚歎

菩薩無量諸功德

無量菩薩從空來

光明照耀猶如日

映蔽一切魔宮殿

而至菩提道場所

無量菩薩從空來

身色美艷如虹蜺

福慧資糧悉圓滿

而至菩提道場所

無量菩薩從空來

手出摩尼衆寶網

并散曼陀蘇曼陀

婆利師花唐波花

及持如是等花鬘

而至菩提道場所

無量菩薩從空來

以神通力震大地

而諸衆生不驚怖

一切靡不歡喜者

無量菩薩從空來

手接須彌大山王

如持花鬘不為重

而至菩提道場所

無量菩薩從空來

頂戴四太香水海

遍灑大地皆嚴淨

而至菩提道場所

無量菩薩從空來

各持殊勝衆寶蓋

令諸菩薩皆覩見

而至菩提道場所

無量菩薩從空來

現為梵王住寂定

一一毛孔演妙法

說大慈悲及喜捨

無量菩薩從空來

亦為帝釋微妙形

一切天人共圍繞

而至菩提道場所

無量菩薩從空來

亦為護世之形像

一切天人共圍繞

各各散以天花香

以緊娜羅乾闥婆

美妙音聲讚菩薩

無量菩薩從空來 各持芬香妙花樹
枝葉花果遍莊嚴 而至菩提道場所
其樹花臺有菩薩 於彼花中出半身
悉皆具相三十二 各各執持諸妙花
拘物頭花波頭摩 優鉢羅花芬陀利
無量菩薩從空來 手持清淨蓮花沿
其身廣大如須弥 變為淨妙諸花鬘
遍覆三千大千界 而至菩提道場所
無量菩薩從空來 各於眼中現劫燒
而復於此示成劫 遍身一一支節中
演出無邊諸佛法 所有衆生皆得聞
聞者悉斷諸貪欲 而至菩提道場所
無量菩薩從空來 其身端正甚可愛
以衆寶具而莊嚴 其聲猶如緊鄰羅
一切天人修羅等 見聞皆悉無厭足
無量菩薩從空來 其身堅固如金剛
震動大地至水際 而至菩提道場所
無量菩薩從空來 光明照耀如日月
滅除衆生煩惱苦 而至菩提道場所
無量菩薩從空來 其身皆是衆寶成
遍於無邊佛剎土 普雨雜寶妙花香
一切衆生悉歡喜 而至菩提道場所
無量菩薩從空來 各能捻持四種藏

其身一一毛孔中

演說無數諸經典

具足辯才大智慧

覺悟惛醉諸群生

無量菩薩從空來

執持天鼓如須弥

擊出美妙大音聲

遍滿拘脰億佛刹

普告一切諸人天

娑婆世界雨甘露

方廣大莊嚴經卷第八

壬寅歲高麗國大藏都監奉

勅彫造

方廣大華嚴經卷第九

歸

中天竺國沙門地婆訶羅奉詔譯

降魔品第二十一

尔時佛告諸比丘言比丘當知菩薩
坐菩提座已作是思惟我於今者當
成正覺魔王波旬居欲界中取尊取
勝應召來此而降伏之復有欲界諸
天及魔波旬所有眷屬久積善業當
得見我師于遊戲發阿耨多羅三藐
三菩提心作是念已放眉間白毫相
光其光名為降伏魔怨遍照三千大
千世界徬耀魔宮魔王波旬於光明
中間如是偈

世有取勝清淨人 經歷多時修行滿
是彼釋種捨王位 今現坐於菩提場
汝身稱有大勇猛 當往樹下共相拔
其人已達於彼岸 既自能度當度他
應滅三惡悉無餘 令彼人天轉充滿
若使得證菩提已 不久空虛汝境界
愚癡黑暗瞋恚伴 悉當銷散盡無餘
彼定廣開甘露門 汝等今者為何計
佛告諸比丘時魔波旬聞是偈已復

於夢中見三十二不祥之相一者見其宮殿悉皆黑暗二者見其宮中沙礫塵土處處飛揚三者見其宮殿破壞而生荆棘糞穢盈滿四者自見驚怖不安東西馳走五者自見寶冠墮落頭髮解散六者見其園中樹木無有花果七者自見頭破腦流於地八者見其自心熱惱九者見其園中樹木枝葉枯落十者見其池井皆竭十一者見其宮中鸚鵡舍利迦陵頻伽共命諸鳥羽翮摧殘十二者見其宮中鍾鼓琴瑟簫笛笙篴種種樂器悉皆斷壞委擲於地十三者見其親族憂惱舉手拍頭悵然而立十四者自見其身墜墮牀下損傷頭面十五者見其諸子有威力者誚菩提場頂礼菩薩十六者見其諸女悲哭懊惱十七者自見其身衣服垢膩十八者自見其身羸瘦顛顛頭全塵土十九者見其樓閣窓牖悉皆崩摧二十者見其軍將鬼神夜叉羅刹鳩睺荼等悉皆刎首狼藉在地二十一者見其珠寶瓔珞為火所燒二十二者見欲界

四大天王釋提桓因乃至他化自在諸天向善薩前住立瞻仰二十三者見其自身對敵鬪戰拔刀不出二十四者見其自身可惡復出惡聲二十五者見其左右及已眷屬皆忿背逆捨之而去二十六者見吉祥瓶皆忿破壞二十七者見那羅天唱不祥音二十八者見歡喜神稱不歡喜二十九者見虛空中黑暗煙霧處處充滿三十者見護宮神舉聲大哭三十一者見自在之處咸不自自在三十二者自見其宮震動不安

佛告諸比丘魔王波旬從夢寤已遍體戰慄心懷恐懼召其大臣而語之曰我聞空中聲言釋種太子出家學道苦行六年坐菩提座當成正覺其道若成必空我境界汝等軍眾宜往其所而摧伏之即說偈言

汝當率領大兵眾 菩提樹下制沙門
諸君如能愛敬我 與彼戰鬪速令去
彼志方空我境界 使為緣覺及聲聞
若不滅之今永斷 世間成佛無休已
余時魔王主兵大臣諫於波旬而說

頌曰

大王所領四天主 及以八部諸龍神
欲色諸天隨梵釋 皆悉頂礼歸依彼
王之諸子勝智者 勇力世間無等倫
王軍滿八十由旬 夜叉羅刹并諸鬼
雖復近王居左右 恒常敬彼無過人
皆悉合掌生尊重 私以香花而奉獻
我觀如斯事相已 定知菩薩勝王軍
王之兵衆所居處 鵲鷄野干為恠讐
菩提樹下甚清淨 善禽瑞獸送和音
如是吉相彼定強 我觀菩薩誰能勝
又王軍衆所住處 常雨沙礫及埃塵
菩提樹下聖所居 天雨香花悉盈積
王軍所處地高下 砂礫瓦石皆充滿
菩提樹下坦然平 復以七寶而嚴飾
若見如斯前相已 有智之者定須還
如是莊嚴悉周遍 菩薩必當成正覺
大王若不從臣諫 如夢所見終不虛
大王不可犯仙人 宜且取兵還本處
古昔有王觸仙故 呪禁一國悉成灰
過去有王名淨德 違忤羅闍大仙意
令彼弥年遭元旱 叢林稼穡咸不登
一豈不聞圓陀論 三十二相必成佛

眉間光明白毫相 普照十方諸佛國
况復如王此軍衆 彼豈不能降伏之
無見頂相過極天 諸天異竟無能覩
行當成彼微妙果 世間未聞今得聞
須弥及以諸山等 皆悉稽首菩提樹
施戒忍進禪定慧 歷劫以來修習成
而能獨坐破王軍 皆是熏修善根力
佛告諸比丘是時波旬聞彼大臣如
是偈已其心悶乱復召千子其五百
子清白之部在魔王右歸依菩薩其
五百子冥黑之部在魔王左贊助魔
王於是波旬告語諸子汝等宜應一
心籌量以何方計能摧伏彼右面魔
子名曰導師於波旬前而說偈言
瞿龍醉為師子王 三獸暴猛猶難觸
况復有斯禪定力 誰能犯彼大牟尼
左面魔子名曰惡慧亦向波旬而說
偈言
我若視人人必破 吾今看樹樹亦摧
怒目所向無全者 如值伺命終難活
右面魔子名曰美音復向波旬而說
偈言

人是不堅何足破 樹穠危脆任能摧

縱汝瞋目須弥崩 何能舉眼瞻菩薩
設使善淨過大海 復能一氣吸滄溟
如是之事自可為 無能懷惡觀菩薩
左面魔子名曰百 僻復向波旬而說
偈言

我今一身有百僻 二皆能放百箭
大王但去不假憂 如此沙門何足害
右面魔子名曰妙 覺復向波旬而說
偈言

縱汝一毛成一僻 二皆能放百箭
汝自以此為殊勝 豈損菩薩之一毛
牟尼定力出世慈 毒火兵刃無能害
執持刀杖啗為惡 散在空中盡成花
雖復天人阿修羅 夜叉羅刹有大力
終為忍辱之所制 能令威勢成羸劣
左面魔子名曰嚴 威復向波旬而說
偈言

我今能入比丘身 為火焚燒盡令滅
譬如山火焚枯木 一切叢林悉無餘
右面魔子名曰善 目復向波旬而說
偈言

世界須弥可燒盡 金剛之慧實難焚
山移海竭大地銷 日月從空皆墮落

利益衆生坐道樹 未證菩提終不移
左面魔子名曰傲慢復向波旬而說
偈言

我今住此以手摩 日月宮殿盡令碎
又能及彼四大海 於中所有皆空竭
當擲沙門於海水 大王勿以此為憂
不假兵衆降伏之 我獨能令彼銷滅
今當摧折菩提樹 并取沙門擲十方
右面魔子名曰有信復向波旬而說
偈言

假使力碎三千界 如是大力滿恒沙
不動菩薩之一毛 何足能傷智慧者
左面魔子名曰可怖復向波旬而說
偈言

如此沙門不足畏 彼無朋黨而獨居
今當恐之走十方 大王兵強何以怖
右面魔子名一緣慧復向波旬而說
偈言

日月師子寧有兵 輪王威勢不假衆
一切菩薩無軍旅 一身一念破魔軍
左面魔子名曰求惡復向波旬而說
偈言

惟願大王莫愁惱 我今不持諸器仗

以鼻卷取彼沙門 於是撲之令碎滅
右面魔子名功德莊嚴復向波旬而
說偈言

其人身力甚堅固 如部羅延不可壞
況持忍辱而為鎧 勤行精進以為刃
以三解脫為所乘 復以智慧為調御
菩薩由斯福德力 必能摧伏我魔軍
左面魔子名曰不退復向波旬而說
偈言

譬如激矢自不歸 山火從風定難止
霹靂金剛必無反 未摧釋子終不還
右面魔子名曰樂法復向波旬而說
偈言

激矢中石不復前 烈火遇水必銷滅
霹靂至地竟何去 若見菩薩當自歸
大王乍可盡虛空 或使衆生心作一
或能將繩繫日月 如此之事皆可為
唯有菩薩坐菩提 大王不可而傾動
左面魔子名不寂靜復向波旬而說
偈言

我眼有毒若使看 須弥崩倒渤澥竭
當知沙門及道樹 繞視之時盡成灰
右面魔子名一切利成復向波旬而

說偈言

假使以彼三千界 其中盡成於猛毒
功德之藏若視之 能令衆毒為無毒
諸毒豈復過三毒 三毒無累其身心
菩薩本自同虛空 大王慎勿輕而往
左面魔子名曰喜著復向波旬而說
偈言

莊飾万億諸天女 鼓奏百千妙絃歌
誘之將入自在宮 恣欲令其永貪著
大王由是得自在 唯願勿以此為憂
右面魔子名曰法慧復向波旬而說
偈言

彼所樂者非非法 唯有解脫及諸禪
為衆生故樂行慈 於尔五欲無貪著
左面魔子名旃陀羅復向波旬而說
偈言

大王不聞諸子言 其聲哮吼皆摧裂
并有勇健並擡力 疾往於彼滅沙門
右面魔子名師子吼復向波旬而說
偈言

野干群鳴大澤中 祇為未聞師子吼
若使一聞師子吼 自當奔馳走十方
如是一切無智魔 未聞人中師子吼

徒自競辯無休止 若使聞已皆銷滅
左面魔子名曰惡思復向波旬而說
偈言

豈可不見吾軍衆 我有惡思能速成
若非世間無智者 何不速起而奔走
右面魔子名曰善思復向波旬而說
偈言

彼非無知之勢力 汝自凡愚闕勝能
汝今未志彼善權 彼當以智降伏汝
我等魔子恒沙衆 如是雄勇遍三千
不動菩薩之一毛 豈獨惡思能致損
無能於彼生惡念 應當尊重起淨心
是即三界為法王 汝宜退還勿戰鬪
佛告諸比丘魔王今時又命諸女作
如是言汝等諸女可共往彼菩提樹
下誘此釋子壞其淨行於是魔女詣
菩提樹在菩薩前綺言姦姿三十二
種媚惑菩薩一者揚眉不語二者褰
裳前進三者佞顏含笑四者更相戲
弄五者如有戀慕六者手相瞻視七
者掩釵脣口八者媚眼斜眄九者娑
嬉細視十者更相調弄十一以衣覆
頭十二遮相拈搗十三側耳佯聽十

四迎前蹀躞十五露現髀膝十六或
現臂臆十七念憶昔時恩愛戲笑眠
寢之事而示欲相十八或如對鏡自
矜姿態十九動轉遺光二十乍喜乍
悲二十一或起或坐二十二或時作
氣似不可干二十三塗香芬烈二十
四手執瓔珞二十五或覆藏項領二
十六示如幽閑二十七前却而行瞻
顧菩薩二十八開目閉目如有所察
二十九迴步直往佯如不見三十嗟
歎欲事三十一美目諦視三十二顧
步流眄有如是等媚惑曰緣復以歌
詠言詞婉鼓菩薩而說頌曰

初春和暖好時節 衆草林木盡敷榮
丈夫為樂宜及時 一棄盛年難可再
仁雖端正美顏色 世間五欲亦難求
對斯勝境可歡娛 何為樂彼菩提法
我等諸女受天報 其身微妙咸可觀
如是天身不可求 仁今果報宜應受
諸仙見我猶生染 况復人能無染心
修彼禪定竟何為 菩提之法甚懸遠
余時菩薩聞彼媛惑之言心生哀愍
即以妙偈化其魔女

我觀五欲多過患

由是煩惱失神通

譬如火坑及毒塗

衆生赴之而不覺

我久已離諸煩惱

自心覺已方覺他

世間五欲燒衆生

猶如猛火焚乾草

亦如談幻無有實

亦如泡沫不久停

如彼嬰孩戲糞中

如彼愚人觸蛇首

一切皆無有實法

是身虛妄從業生

四大五蘊假合成

筋骨相纏而暫有

智者誰應就著此

凡夫迷故生欲心

如是諸幻我已知

是故於中不貪著

欲求畢竟自在樂

今當於此證菩提

我已解脫於世間

如空中風難可繫

今時菩薩身如融金

面如滿月深心

寂定如須弥山安處

不動猶如明珠

無有瑕穢如日初出

照於天下猶如

蓮花不染淤泥心無

所著亦無增損

是時魔女復以柔軟

言詞白菩薩言

仁者道德尊重天人

所敬應有給侍

天遣我來供養仁者

我等年少色如

優鉢羅花願得晨夜

與寢親暱左右

菩薩報言汝昔有福

今得天身不念

無常造斯幻惑形體

雖好而心不端

譬如畫瓶盛諸穢毒

行當自壞何足

可矜汝為不善自忘其本當墮三惡
道中欲脫其難汝等故來亂人善事
草囊盛糞非清淨物而來何為去吾
不喜其諸魔女媚惑菩薩既不能得
即以建尼迦花及摩波花散菩薩上
右遶三匝作札而去歸魔王所告魔
王言大王我等昔來未曾見有如是
之士於欲界中觀我姿容而心不動
我為媚惑能竭人意譬如旱苗見日
焦枯亦如春蘗置於日下自然銷融
今此丈夫何緣乃尔惟願大王莫與
此人共為嫌隙即說偈言

其身猶如蓮花藏 其面猶如清淨月
其光猶如猛火燄 其色猶如紫金山
百千生中修正行 所有誓願皆成就
自度生死能度他 救濟衆生無懈倦
善哉願王莫瞋彼 天上人間最尊勝
眼目清淨如蓮花 熙怡微笑無貪著
須弥崩壞日月落 其人不可而傾動
佛告諸比丘是時白部魔子導師啓
其父言善薩清淨超過三界神通道
力無有能當諸天龍神咸共稱讚必
非大王所能摧屈不煩造惡自招禍

患於是波旬告其子言咄汝愚小智
慧淺劣未曾見我神通道力導師復
言大王我實無知智慧淺劣不願大
王與彼釋子共為怨對也所以者何
若有衆生以惡心來欲害於彼不以
為恨復有衆生以善心來供養於彼
不以為欣慶此二閒心生平等大王
假使有人能盡虛空作衆色像未足
為難手捧須弥而以遊行亦未為難
假使有人淨渡大海亦未為難繫四
方風亦未為難欲令一切衆生同作
一心亦未為難欲害菩薩甚為難也
是時魔王波旬不受子諫誚菩提樹
告菩薩言汝應速起離於此處必定
當得轉輪聖王王四天下為大地主
汝可不憶往昔諸仙記汝當作轉輪
聖王汝若起受轉輪王位作自在主
威德無上如法理國統領一切今此
曠野甚可怖畏獨無伴侶恐害汝身
速當還宮恣受五欲菩提難得徒自
勞形作是語已默然而住

尔時菩薩語波旬言汝今不應作如
此說我意不樂五欲之事故捨四方

及以七寶波旬譬如有人既吐食已
豈復更能取而食之我今已捨如是
果報必定證得無上菩提盡於生老
病死之患波旬我今已坐金剛之座
當證菩提汝宜速去於是波旬瞋目
發憤向菩薩言汝今何故獨坐於此
豈不見我夜叉軍衆即拔利劍來就
菩薩作如是言我當以劍斬截於汝
速疾起去勿復安坐

尔時菩薩語波旬言假使世間一切
衆生盡如汝身悉持刀杖來害於我
我終不起離於此座波旬寧以四大
海水及此大地移於餘處日月星辰
從空墮墜須弥山王可令傾倒而我
是身終不可移

時魔波旬聞是語已惡心轉熾發憤
瞋吼其聲如雷語諸夜叉汝等速宜
擎諸山石將諸弓弩刀劍輪稍干戈
斧鉞矛矟鉤戟種種器仗喚諸毒龍
擬放黑雲雷電霹靂是時夜叉大將
統率自部夜叉羅刹毗舍遮鬼鳩豚
荼等變化其形作種種像復嚴四兵
爲馬車步或似阿修羅迦婁羅摩睺

羅伽無量百千万億種類一身能現
多身或畜頭人身或人頭畜身或後
無頭有身或有半面或有半身或有
二頭一身或有一身三頭或復一身
多頭或復無面有頭或復有面無頭
或復無面而有三頭或復多頭而無
有面或復多面而無有頭或復無眼
或唯一眼二眼三眼乃至多眼或復
無耳或唯一耳二耳三耳乃至多耳
或復無手或唯一手二手三手乃至
多手或復無足或唯一足二足三足
乃至多足或有全身唯現骸骨或頭
現鬻體身肉肥滿或唯頭有肉身是
骸骨或身體長大羸瘦無肚或復纖
長其腹橫大或長脚大膝牙爪鋒利
或大面傍出或頭在臂前或脣垂至
地或上塞覆面或身出黑煙或口吐
猛焰或血肉枯竭皮骨相連或身出
膿血更相飲吮或自截支節撩亂委
擲或眼目角睐或口面喎斜或舌形
廣大或縮如壇石或持人頭或執死
人手足骨肉肝膽腸胃而取食之或
執毒蛇而食或以地纏頸或手擎觸

體或著髑髏之鬚或復面色全赤全
白全青全黃或有半黃半青半白半
赤或作煙熏之色或作死灰之色或
復身毛如針或毛出火燄或張目閉
目或口吐白沫或於身上現百千面
一一面狀甚可怖畏或從眼耳鼻口
出諸黑蛇而取食之或飲融銅或吞
鐵丸或刎手足肘膝而行或身出煙
燄為頭戴山或被髮露形或衣青黃
赤白之服或著師子虎狼蛇豹之皮
或頭上火然瞋目奮怒交橫衝擊遍
滿虛空及在地上形狀變異不可
勝載

是諸天鬼或布黑雲雷電霹靂或雨
沙土瓦石或擎大山或放猛火或吐
毒蛇或有努爪或有揮劍或有彎弓
或有舞稍或有揮鉞或有搖動脣頷
或有張口欲噬或呌或笑或飛或走
或隱或顯哮吼叫呼惡聲震裂如是
兵衆無量無邊百千万億罽塞填咽
菩提樹邊煙燄鬱蒸狂風衝怒震動
山岳蕩覆河海天地掩色星辰無光
魔軍集時其夜正半是時無量淨居

天衆作如是言菩薩今者證大菩提
復有天言魔衆熾盛由此或能損害
菩薩尔時菩薩報彼天言我今不久
當破魔軍悉令退散猶如猛風吹微
細花於是端坐正念不動觀諸魔軍
如童子戲魔益忿怒轉增戰力菩薩
慈悲令舉石者不能勝舉其勝舉者
又不墮落揮刀擲劍停在空中或有
墮地悉皆碎折惡龍吐毒變成香風
沙礫瓦石雨電乱下皆悉化為拘物
頭華所有彎弓射菩薩者其箭著絃
皆不得發或有發者停住空中於其
鏃上皆生蓮花火勢猛熾化為五色
拘物頭花

尔時波旬猶故瞋忿毒心不止仗劍
前趨語菩薩言汝釋比丘若安此坐
不速起者吾自煞汝於是東西馳走
欲近菩薩不能前進是時魔王長子
前抱其父作如是言大王今者會自
不能煞彼沙門徒生惡念必招罪咎
魔不受諫向菩薩走

是時淨居天子在虛空中語波旬言
汝不自量欲害菩薩終不能得猶如

猛風不能傾動須弥山王即向波旬而說偈言

地水火風性可邊堅濕煖 菩薩志牢固
終無退轉時 在昔發引誓 永離諸煩惱
於彼生死病 當作大醫王 人多墮邪路
方開正見眼 衆生處黑暗 將然智慧燈
欲濟生死海 能為作船筏 此是大聖主
方開解脫門 忍辱為柯幹 信進為花葉
生諸大法果 而汝不應毀 汝今有癡縛
彼已得解脫 當破汝煩惱 勿為障身因
莫復於此人 而生于惡念 無量劫習法
今者皆圓滿 還如昔諸佛 於此證菩提
佛告諸比丘 尔時菩提樹神以十六
種言詞毀訾魔王淨居諸天以無量
妙音讚歎菩薩是時魔王瞋猶不解
作如是言今此比丘得度彼岸當教
無量無邊衆生遠離我境更勸魔衆
駭逼菩薩而不能得

尔時菩薩語魔王言魔王波旬汝當諦聽我今於此斷汝怨讎滅汝惡業除汝嫉妬成就阿耨多羅三藐三菩提汝宜迴心生大歡喜復告波旬汝以微善今獲天報我於往昔無量劫

來修習聖行今者當得阿耨多羅二
藐三菩提時魔波旬語菩薩言我昔
修善汝所能知汝之累德誰信汝者
尔時菩薩徐舉右手以指大地而說
偈言

諸物依何得生長 大地能為平等因
此應與我作證明 汝今當觀如實說
尔時地神形體微妙以種種真珠瓔
珞莊嚴其身於菩薩前從地踊出曲
躬恭敬捧七寶瓶盛滿香花以用供
養白菩薩言我為證明菩薩往昔於
無量劫修習聖道今得成佛然我此
地金剛之齊餘方悉轉此地不動作
是語時三千大千世界六種震動出
大音聲有十八相

尔時魔眾皆悉退散憤亂失據顛倒
狼藉縱橫而走先時所變雜類之體
不能復形魔王是時神氣挫惡無復
威勢聞大地聲心生惶怖悶絕頓蹕
時有地神即以冷水灑魔王上而告
之言汝魔波旬速疾起去此處當有
種種兵杖欲來害汝

尔時魔王長子於菩薩前頭面礼足

作如是言大聖願聽我父發露懺悔
凡愚淺劣猶如嬰兒無有智慧將諸
魔衆恐怖大聖我先諮諫不受我語
今乞大聖恕寬我父惟願大聖速證
阿耨多羅三藐三菩提

尔時大梵天王釋提桓因無數天子
毘盧虛空咸見菩薩破魔軍衆皆大
歡喜作天伎樂雨天曼陀羅華摩訶
曼陀羅華曼殊沙花摩訶曼殊沙華
優鉢羅華拘物頭華波頭摩花芬陀
利花以天栴檀細末之香散菩薩上
各以偈頌稱讚菩薩是時魔王波旬
與其眷屬退散而去還其自宮

成正覺品第二十二

佛告諸比丘尔時菩薩降伏魔怨滅
其毒刺建立法幢初離欲惡有覺有
觀離生喜樂入初禪內靜一心滅覺
觀定生喜樂入二禪離喜受聖人說
住於捨有念有想身受樂入第三禪
離喜捨苦樂念清淨入第四禪尔
時菩薩住於正定其心清白光明無
所雜隨煩惱柔軟調和無有搖動至
初夜分得智得明攝持一心獲天眼

通菩薩即以天眼觀察一切衆生死此生彼好色惡色勝劣貴賤隨業而往皆悉了知是諸衆生緣身語意造諸惡業誹謗聖人邪見業故身壞命終便生惡趣菩薩復觀見諸衆生緣身語意造諸善業正見業故身壞命終便生天上於中夜分攝持一心證得憶念過去宿命智通觀過去自他所受生事皆悉了知一生二生乃至十生百生千生万生億生百億生千億生乃至照過無量百千那由他拘脰數生乃至成劫壞劫無量無邊成劫壞劫皆悉憶知二住處若名若姓若色相若飲食若苦樂若受生若死没所有色相住處事業若自若他皆悉了知菩薩作是念言一切衆生住於生老病死險惡趣中不能覺悟云何令彼了知生老病死苦蘊邊際作是思惟此老病死從何而有即時能知因生故有以有生故老病死有如是生者復因何有即時能知因有故有如是者復因何有即時能知因取故有如是取者復因何有即時

能知因愛故有如是愛者復因何有
即時能知因受故有如是受者復因
何有即時能知因觸故有如是觸者
復因何有即時能知因六處有如是
六處復因何有即時能知因名色有
如是名色復因何有即時能知因識
故有如是識者復因何有即時能知
因行故有如是行者復因何有即時
能知因無明有

今時菩薩既知無明因行行因識識
因名色名色因六處六處因觸觸因
受受因愛愛因取取因有有因生生
因老死憂悲苦惱相因而生復更思
惟因何無故老死無因何滅故老死
滅即時能知無明滅故即行滅行滅
故即識滅識滅故即名色滅名色滅
故即六處滅六處滅故即觸滅觸滅
故即受滅受滅故即愛滅愛滅故即
取滅取滅故即有滅有滅故即生滅
生滅故即老死滅老死滅故即憂悲
苦惱滅復更思惟此是無明此是無
明因此是無明滅此是滅無明道更
無有餘此是行此是行因此是行滅

此是滅行道此是識此是識因此是
識滅此是滅識道此是名色此是名
色因此是名色滅此是滅名色道此
是六處此是六處因此是六處滅此
觸滅此是滅觸道此是受此是受因
此是受滅此是滅受道此是愛此是
愛因此是愛滅此是滅愛道此是取
此是取因此是取滅此是滅取道此
是有此是有因此是有滅此是滅有
道此是生此是生因此是生滅此是
滅生道此是老死此是老死因此是
老死滅此是滅老死之道此是憂悲
苦惱如是大苦蘊生乃至滅如是應
知此是苦此是集此是苦集滅此是
滅苦集道應如是知

佛告諸比丘菩薩於後夜分明星出
時佛世尊調御丈夫聖智所應知所
應得所應悟所應見所應證彼一切一
念相應慧證阿耨多羅三藐三菩提
成等正覺具足三明諸比丘是時諸
天衆中無量天子作如是言我等應
散香花供養如來復有天子曾見先

佛成工覺時即作是言汝等未可散
花如來當現瑞相往昔諸佛成正覺
時皆現瑞相諸比丘如來知彼天子
思見瑞相上昇虛空高七多羅樹如
佛所證以偈頌曰

煩惱志已斷 諸漏皆空竭 更不復受生
是名盡苦際

今時彼諸天子心生歡喜以微妙天
花遍散佛上當於是時香花弥布積
至于膝如來遠離無明黑暗及愛見
網竭煩惱河拔除毒刺解諸經縛摧
壞魔幢建立勝幢能善安處諸衆生
界記別衆生觀察根性知其病本施
甘露藥為大醫王令諸衆生皆得度
脫安置涅槃寂靜之樂住如來藏結
解脫綰入智慧城同諸如來清淨
法界

佛告諸比丘一切如來見我成道皆
念讚言善哉善哉咸以寶蓋而覆於
我其諸寶蓋合成一蓋遍覆十方三
千大千世界於寶蓋中出妙光明其
光明網遍照無量無邊世界彼世界
中諸菩薩衆讚佛功德而說偈言

如彼波頭摩 從地而踊出 開敷甚清淨
不為淤泥染 起大慈悲心 如雲遍充滿
當雨大法雨 潤洽於衆生 能令諸善芽
一切皆增長 堪受教法者 成就解脫果
尔時諸天以偈頌曰

人中師子降衆魔 諸定現前證甘露
獲得三明及十力 威神震動遍十方
在昔諸來菩薩衆 為愛法故供養佛
即從坐起礼佛足 讚歎如來作是言
世尊得無疲勞耶 我等親見摧魔衆
善哉丈夫三界尊 當雨無邊大法雨
十方諸佛皆施蓋 復出迦陵微妙音
如我所得淨菩提 仁者所證亦如是
佛告諸比丘欲界諸天女等見於如
來坐菩提座獲一切智大願滿足降
伏魔怨建立勝幢為大醫王善療衆
病如師子王無諸怖畏清淨離垢得
一切智具足二明超越四流持一法
蓋覆護三界稱婆羅門遠離諸垢稱
為比丘除無明蔽稱為沙門離諸不
善稱知足者斷煩惱故稱勇猛者能
壞魔幢稱大力者猶如寶洲一切法
寶充滿其中時諸天女即說偈言

於此菩提樹王下

降伏一切大魔軍

安住不動如須弥

身心堅固無驚畏

尊於多劫修布施

故得一切皆圓滿

尊於多劫修戒行

映蔽釋梵諸天衆

尊於多劫行忍辱

故得身相真金色

尊於多劫勤精進

故能降伏諸魔怨

尊於多劫修禪定

故獲如斯勝供養

尊於歷劫習多聞

速證無上大菩提

尊能降伏於惡魔

死魔煩惱及天魔

一切諸魔皆斷滅

是故今者無憂惱

天中之天為最尊

三界人天所供養

由是有種福田者

所得之福無失壞

眉間毫相極光明

普照十方諸國土

掩蔽世間諸日月

一切衆生蒙饒益

如來身色甚端嚴

相好顏容極清淨

堪為三界應供者

普利一切諸群生

目淨遍觀於十方

普見衆生身業事

耳淨遍聞於一切

天人言音佛法聲

廣長舌相演妙音

求解脫者聞甘露

魔軍興害不驚懼

天人供養無喜愠

摧壞魔怨不加力

但以慈心降伏之

無染無著無諸過

身心安隱不傾動

今有無上天人師

一切衆生蒙善利

逮聞正法當信受 願速如尊成正覺
佛告諸比丘如來於菩提樹下初成
正覺現佛神通遊戲自在不可勝載
若欲說者窮劫不盡尔時世尊略說
偈言

普變一切地 平正猶如掌 涌出妙蓮花
二皆千葉 無量諸天衆 各雨衆妙花
復於世尊前 合掌而瞻仰 世尊初成佛
作種種神通 須弥諸山王 草木叢林等
一切皆稽首 頂礼菩提座 此是佛世尊
現神通遊戲 身放百千種 光明照十方
逮三惡衆生 息苦獲安樂 是時八難處
無有一衆生 懷貪瞋癡等 一切諸煩惱
此是師子王 大神通遊戲 日月摩尼火
電等諸光明 由佛放光明 蔽之皆不現
諸天人世間 无能見佛頂 坐於師子座
作遊戲神通 佛以拍按地 即時六種動
降伏魔軍衆 如制兜羅綿 魔王懷憂惱
以杖而盡地 此是佛世尊 遊戲大神通
方廣大莊嚴經卷第九

壬寅歲高麗國大藏都監奉
勅彫造

方廣大莊嚴經卷第十

歸

中天竺國沙門地婆訶羅奉詔譯

讚歎品第二十三

余時佛告諸比丘時淨居天子以天妙香花遍散佛上如佛世尊真實功德以偈讚曰

衆生煩惱暗 智慧能銷除 如來所以出
為世光明者 降伏諸魔軍 功德皆圓滿
當雨大法雨 以普洽群生 世間寂勝人
智力無踰者 處世无染著 猶如淨蓮華
衆生在長夜 煩惱病纏縛 佛為大醫王
療之令得愈 尊今出於世 八難咸空寂
一切人天等 遇佛蒙安樂 若有覩見此
人中勝丈夫 經於百劫中 不墮諸惡趣
若有得聞佛 微妙甚深法 速除煩惱患
苦蘊亦皆盡 當得殊勝果 解脫涅槃樂
於諸世間中 得為應供者 若有勸供養
亦獲大福利 當得勝妙果 乃至於涅槃
佛告諸比丘淨居天子讚如來已合
掌恭敬於一面立是時遍光天子復
以種種微妙香華塗香末香燒香散
華幢幡寶蓋供養如來圍遶三帀合

掌向佛以偈讚曰

方廣大莊嚴經第十卷

第二張 端

七

牟尼深智聲和美 獲得無上大菩提
於諸聲中第一 是故我等今敬礼
於諸世間起慈故 為作燈明作依止
能拔衆生諸毒箭 復為世間大醫王
尊昔值過然燈佛 發大慈心潤一切
尊如世間淨蓮華 不為三界淤泥染
其心堅固無能沮 高廣難動如須弥
又如金剛不可壞 亦如含秋淨滿月
佛告諸比丘遍光天子讚如來已合
掌恭敬於一面立是時梵衆天子以
无量摩尼莊嚴寶網覆菩提道場供
養世尊頂礼佛足右遶三匝以偈讚曰
世尊能持明智光 及持三十二勝相
念慧功德皆圓滿 離諸結使諸過惡
清淨無垢斷三毒 是故我等今敬礼
名稱普聞證三明 施諸衆生三解脫
清諸濁穢心調伏 起大慈悲利世間
三業寂靜出於世 蠲除三疑無染著
為諸世間行苦行 以四聖諦化衆生
勤修善行超諸行 自得度已當度彼
魔王將諸魔衆來 尊以慈悲悉降伏
已得甘露菩提道 是故我等咸歸命

佛告諸比丘梵衆天子如是種種讚歎佛已退住一面是時右面魔王子清白之部至世尊所以衆妙寶蓋奉上如來以偈讚曰

我自見如來端坐菩提座魔軍極熾盛超然不驚悸而於一念頃降伏悉無餘既有如是德我今稽首礼一切皆圓滿無上大牟尼魔衆如恒沙本不能傾動尊為菩提故无量劫行檀捨施妻子等身肉及手足一切皆無怪故得勝莊嚴尊發廣大願得成無上道當度諸群生定慧為甲冑淨法為舩筏意樂圓滿已方度諸群生我以歡喜心讚佛諸功德願我於來世得成無上道又以此功德降伏衆魔怨速證一切智

佛告諸比丘清白魔子說如是偈讚歎佛已頂礼如來恭敬圍遶却住一面是時復有他化自在天王與無數天子恭敬圍遶來至佛所將妙閻浮檀今天花散如來上以偈讚曰

如來所說皆真實無有覆藏無雜亂遠離癡冥及罪垢證得甘露大菩提光明遍照於十方是故我今稽首礼

世尊慈悲於一切 善別諸根摧外道
智慧殊勝十力者 能顯衆生微妙行
身處虛空現神變 猶如履地無罣碍
見彼生死廣大愛 知惟妄苦而棄之
當隨天人諸意業 教化皆令得解脫
利益十方如日光 復於三界猶如眼
為諸世間作依止 其心曾不生貪著
遊戲神通得自在 而於世間無與等
佛告諸比丘他化自在天王讚歎佛
已與諸天衆頂礼圍繞却住一面是
時化樂天王與諸天衆恭敬圍繞來
至佛所以種種花鬘珍寶繒綵供養
如來以偈讚曰

如來智慧光 滅盡於三垢 煩惱皆已斷
吉祥悉成就 世間諸衆生 執著於邪慢
尊今攝取之 致於甘露道 是故出世間
天人所供養 能除煩惱病 說為大醫王
日月摩尼火 帝釋梵王等 若於世尊前
其光悉不現 智慧所照燭 是處咸吉祥
一切皆希有 故我今頂礼 世尊知實義
亦知虛妄法 於此二法中 無非如實說
言詞甚微妙 心意極調柔 為天人導師
故我今頂礼 尊有大智慧 覺悟諸群生

三明八解脫 能除彼三毒 善識衆生根
堪受不堪受 各隨其意樂 故我今頂礼
佛告諸比丘 化樂天王說是偈已 與
諸天衆頂礼 佛足却住一面 是時樂
率天王與諸天衆恭敬圍遶來詣佛
所以種種天妙衣服珠網寶蓋以覆
佛上說偈讚曰

往昔兜率宮 廣說清淨法 遺教今猶在
諸天咸戀慕 如是功德海 為世作明燈
見者無厭足 故我今頂礼 尊於彼天沒
八難皆銷盡 而坐菩提場 世間獲安樂
佛為衆生故 起大菩提心 今已降魔怨
得成無上道 請速度未度 轉于大法輪
佛告諸比丘 兜率天王說是偈已 頂
礼佛足退坐一面 是時夜摩天王與
諸天衆恭敬圍遶來詣佛 所以種種
香花塗香末香幢幡寶蓋供養於佛
以偈讚曰

佛為無上士 世間誰與等 戒定慧解脫
故我今頂礼 我觀諸天衆 於此菩提場
以妙寶臺閣 供養於尊者 無有餘人天
堪受如斯供 佛為世間出 長時苦行已
降伏魔軍衆 得成無上道 滅除无明暗

智光照十方 與世為法眼 利益於一切
設於无量劫 讚歎佛世尊 一毛孔切德
猶尚不能盡 名聞遍十方 故我今頂礼
佛告諸比丘 夜摩天王讚歎佛已與
諸天衆恭敬圍遶 頂礼佛足却住一
面是時釋提桓因與三十三天及諸
天衆恭敬圍遶來詣佛所以種種寶
幢幡蓋香花衣服供養佛已頂礼如
來以偈讚曰

如來功德甚清淨 身心不動若須弥
智慧光明照十方 名稱普聞於一切
世尊往昔於多劫 供養無量諸如來
故得降魔成正覺 堪受人天勝供養
尊是多聞定慧者 開彼無上智法眼
我今歸依釋勝幢 一切世間大法主
尊為菩提於多劫 廣行无量諸苦行
慈悲喜捨及方便 精進智慧大梵福
已得如是等功德 今復具足十力果
我觀佛坐菩提時 魔王軍衆欲加害
諸天或有憂懼者 如來身心不驚動
世尊以手垂下時 魔軍於是皆退散
在昔諸佛成正覺 尊今得道亦如是
福智一切皆無異 是為人天應供者

佛告諸比丘釋提桓因以如是等偈讚佛已頭面礼足却住一面是時四大天王與諸天婁女皆持唐波花婆利師等種種香花奏天妓樂來詣佛所供養佛已說偈讚曰

如來美音聲 能悅一切意 善行精進戒
心淨常微笑 令衆生愛樂 故我今頂礼
以彼微妙言 除衆生煩惱 能與无量樂
離罪心清淨 獲得無漏智 世間無與比
平等而不動 猶如須弥山 亦現於世間
如蓮華出水

佛告諸比丘四天王讚歎佛已頂礼圍遶却住一面是時虛空諸天亦以種種香花寶蓋幢幡鈴網弥覆虛空又出半身各持種種寶珠瓔珞供養如來以偈讚曰

我常處虛空 善惡悉皆覩 惟有如來身
清淨無諸過 又見菩薩衆 持種種寶臺
過於虛空中 其數無有量 又見菩薩衆
供養於如來 散彼微妙花 積滿大千界
又見菩薩衆 將无量供具 花鬘諸瓔珞
傘蓋及耳璫 花香極盈滿 悉皆無雜乱
如沉澍大海 雲集遍虛空 如來受彼供

佛告諸比丘虛空天衆供養佛已頂
禮圍遶却住一面是時地神供養佛
故淨掃其地灑以香水散以名花遍
菩提場皆悉清淨又以寶帳弥覆其
上即以偈頌讚歎如來

如來坐是大千界

此為堅固金剛座

假使身肉盡乾銷

未得菩提終不起

如來不以神通力

我此所居當碎裂

見此諸來菩薩衆

我等今者咸安隱

世尊此地經行故

三千世界並蒙光

佛光所至皆是塔

何況身居此成道

我所統領諸土地

並願世尊之所用

是諸佛子及聲聞

并所說法之功德

願令一切衆生等

皆證無上佛菩提

佛告諸比丘地神說此偈已頂禮佛

足合掌恭敬却住一面

商人蒙記品第二十四

佛告諸比丘世尊初成正覺無量諸

天皆悉稱讚如來功德今時世尊觀

菩提樹王目不暫捨檀悅為食無餘

食想不起于坐經於七日欲界无量

諸天子等捧十千寶瓶盛滿香水來

詣佛所復有色界無量諸天子亦捧
十千寶瓶盛滿香水來詣佛所澡浴
如來并洗菩提之樹。爾時如來澡浴
竟復有無數天龍夜叉。乾闥婆阿修
羅緊那羅摩睺羅伽等。競取如來澡
浴之水。以自灑身。皆發阿耨多羅三
藐三菩提心。時諸天子浴如來已。俱
還天宮。所將餘水香氣不滅。惟聞佛
香不聞餘香。心生歡喜。得未曾有。皆
於阿耨多羅三藐三菩提得不退轉。
時有天子名曰普花。從座而起。頂礼
佛足。白佛言。世尊。世尊住何三昧。於
七日中結跏趺坐。身心不動。諸比丘
我於彼時告普花。天子言。如來以喜
悅三昧為食。而住。由此定力。於七日
中結跏趺坐。是時普花天子即於佛
前而說頌曰。

世尊足有千輻輪。猶如蓮華甚清淨。
恒為諸天寶冠接。是故我今稽首礼。
今時天子礼佛已。重說伽他而讚揚。
為欲除彼天人疑。歡喜合掌而前問。
如來降生於釋氏。今彼釋種皆歡喜。
能滅三毒一切疑。願解天人之所惑。

何故十力成正覺 於七日中觀樹王
人中師子青蓮時 觀樹跏趺而不動
一切諸佛皆如是 為獨世尊觀樹王
面貌端嚴無二言 齒白齊密口香潔
請為利益天人故 今生歡喜如實說
尔時如來告天子 汝所問者今略說
猶如世法登王位 亦於七日忌遷移
如是諸佛為法王 順俗七日無移動
又如猛將制勝已 便即思惟所降衆
如是諸佛降衆魔 七日跏趺而不起
三毒煩惱及我憊 此等皆能損衆生
一切煩惱有漏因 我於是處皆除斷
無漏智火從斯起 焚燒三毒悉無餘
我於此處以智力 決除生死堅牢網
正知蘊體皆不實 祇由無始妄惑生
我我所執二無明 并及邪見皆銷滅
諸障稠林四顛倒 善根智火咸燒盡
妄覺為場從想生 獲得菩提悉捐棄
六十五種無明險 四十不善三十垢
十六放逸十八界 二十五有悉無餘
一十重塵皆遠離 二十八種世間怖
我於此處以精進 如是一切悉超過
證獲如來五百吼 并得百千圓滿法

九十八使諸隨眠 罪樹枝葉皆根本

我以智慧而為火 於此焚燒 心無餘

愛疑積集如瀑河 諸見之水常盈滿

我於此處以智日 威光曝之使空竭

邪偽諂曲慳嫉等 如是過患煩惱林

我今於此以智火 焚燒一切患令滅

誹謗梵聖生諸罪 根本能令墮惡趣

我以智藥而投之 令彼吐盡無有餘

又我於此處 獲定慧眾德 憂悲苦惱眾

除盡无有餘 又我於此處 獲得真實理

諸結我慢箭 拔之無有餘 又我於此處

以智慧利刀 斷截我我所 生死之根本

亦如彼帝釋 破壞修羅眾 又我於此處

得清淨智眼 而諸眾生等 癡瞢之所覆

我以智慧藥 洗之令得除 又我於此處

以解脫冷水 於彼境界水 滅除貪火煙

又我於此處 以大精進風 除滅煩惱雲

及以分別電 又我於此處 獲得慈三昧

諸大功德藏 降伏眾魔軍 又我於此處

獲得無願定 諸大功德藏 斷一切煩惱

又我於此處 獲得於空定 諸大功德藏

斷一切分別 又我於此處 獲得無相定

諸大功德藏 滅除於戲論 又我於此處

獲得三解脫 神通智慧力 決除生死網
又我永斷彼 無常作常想 於苦作樂想
無我作我想 我以精進力 渡越生死海
蠲壞諸愛網 猶如摩竭魚 我於此覺悟
一切貪瞋等 猶如大火聚 燒焚諸飛蛾
自我於長夜 无量無邊劫 勛勞生死中
流轉無休已 今者得止息 無憂亦无懼
我所覺悟者 外道不能覺 是甘露句義
能除憂惱等 我入無畏城 除諸溫界處
愛等皆滅盡 不復受後身 我為菩提故
於无量億劫 廣行衆善行 施身肉手足
功德皆圓滿 是故於此處 獲得勝甘露
無上大菩提 同詣佛如來 所證真實法
隨諸衆生類 分別而演說 我今亦復然
得如是妙法 能於一剎那 證知諸世間
因緣和合生 空寂無所有 如軋闍婆城
如虛空陽燄 我所得法眼 普見无邊刹
猶如於掌中 視養摩勒果 我所得三昧
一切皆通達 憶思無量劫 如從夢中悟
世間諸天人 為顛倒想燒 我今於此處
如實了能了 我於無量劫 求无上菩提
修行於大慈 緣修慈心故 降伏於魔衆
我於无量劫 修行於大悲 緣修悲心故

滅除諸惱患 我於无量劫 修行於大喜
緣修喜心故 證於無上道 我於无量劫
求無上菩提 修行於大捨 緣修捨心故
證得甘露法 我適於魔前 發如是誓言
若不得佛道 終不解此坐 我以金剛智
滅除無明等 獲得十種力 今故解斯坐
未得今悉得 諸漏皆已盡 魔軍悉破散
今故解斯坐 五蓋門盡破 三愛等悉除
是故於今者 方解跏趺坐 今時勝丈夫
從金剛座起 復坐於寶座 受諸天澡浴
諸天以寶瓶 滿中盛香水 與佛天中天
澡浴身體已 於是諸天衆 并諸姝女等
擊奏天伎樂 以申於供養 汝諸天子等
應當如是知 我故七日中 不起於此座
佛告諸比丘 如來何故初成正覺於
七日中不起于坐為居此處斷除無
始無終生老病死故於七日觀樹不
起至第二七日同匝經行三千大千
世界以為邊際至第三七日觀菩提
場目不暫捨亦為居此斷除生死得
阿耨多羅三藐三菩提至第四七日
如來隨近經行以大海為邊際
今時魔王至世尊所作如是言世尊

無量劫來精勤苦行方得成佛入般
涅槃今正是時惟願如來入於涅槃
惟願善逝入於涅槃佛言波旬我本
發願為欲利益諸衆生故求大菩提
經無量劫勤苦累德一切衆生於我
法中未獲義利云何速令我入於涅
槃又於世間三寶未具衆生未調未
現神通未說妙法無量菩薩未發阿
耨多羅三藐三菩提心云何令我入
於涅槃今時魔王聞是語已退坐一
面以杖盡地作是念言此欲界中於
今已去非我所有心生憂惱是時魔
王三女見父愁苦白其父言

大王何所為 心生極憂苦 今惱大王者
請說是何人 我當以欲牽 如繩制於萬
令其生染著 將歸自在宮

今時魔王說偈報其女言

世間離染人 貪境不能制 以彼起通欲
是故我憂惱

此諸魔女如來為菩薩時已作妓女
擾亂菩薩種種幻惑無能得便女人
貪染煩惱深重於是三女更變其形
一為童女之形一為少婦之形一為

中婦之形來至佛所。爾時世尊以神通力令彼三女皆成老母。於是三女還至其父所而說偈言。

王說離欲人貪境不能染。我復為變化惑亂彼沙門。人有見我者欲威便區區。今現微妙質不動於彼心。仍以大神通化我為老母。願王以威力令得如本形。爾時魔王報諸女言。我不見有若天若人能制佛者。汝可自往懺悔前罪。彼攝神力方令汝等復本形耳。於是魔女至如來所而說偈言。

我等無智慧幻惑於如來。不知田非曰未識善不善。我今極生悔。真得罪銷滅。惟願慈悲力令復於本形。

爾時如來以慈悲故即攝神通令彼魔女還復如本。於第五七日住目真隣陀龍王所居之處。是時寒風霖雨七日不霽。龍王心念恐畏風雨上損。如來出其自宮前詣佛所。以身衛佛。纏繞七匝以頭為蓋。蔽覆佛上。四方復有無量龍王皆來護佛。龍身委積如須弥山。是諸龍等蒙佛威光身心安樂。得未曾有。過七日已風雨止息。

諸龍王等頂禮佛足若遠三匝還其
本宮

尔時世尊於第六七日往尼俱陀樹
下近尼連河是處多諸外道彼外道
衆皆來親覲慰問世尊七日風雨得
無愁惱安樂住耶尔時世尊以偈答曰
寂靜而知足 思惟而證法 饒益諸衆生
慈悲於一切 遠離衆罪垢 不著於世間
永斷我慢心 是最為安樂
尔時世尊於第七日至多演林中
在一樹下結跏趺坐觀察衆生為生
老病死之所逼迫高聲唱言

世間諸衆生 恒為五欲燒 應當息捨愛
愛故便增盛

佛告諸比丘時北天竺國兄弟二人
為衆商之主一名帝履富婆一名婆
履智慧明達極閑世法其性調柔善
能將導興販貿易息利尤多以五百
乘車載其珍寶還歸本國是諸商侶
有二調牛一名善生一号名稱巧識
前路能知安危亦以優鉢羅花不勞
杖捶餘牛不濟方乃用之行至乳林
路甚平正牛足拒地輪轉摧折是時

五百乘車嬰於路傍二牛為導亦不得進加諸杖撻亦不能前時諸商人心懷恐懼共相謂言二牛不行前途必有可怖之事即遣馬騎執持器械前路而巡彼使還已白商主言我行前路無諸險難何為二牛亦不能前時護林神忽現其形語商人言汝諸商人勿懷恐懼汝於長夜流轉生死今得大利所以者何有佛世尊出現於世初成正覺住此林中不食已來四十九日汝等應將種種飲食而以上之時二詞牛便向佛行而諸商人隨牛而往行路不遠遙觀如來三十二相八十種好身光赫然如日初出既見佛已咸生希有恭敬之心皆作是言此為梵王為是帝釋為是四天王為是日月天為是山神為是河神世尊今時微舉袈裟示彼商人商人見已即知如來是出家人心生歡喜各相謂言出家之法非時不食宜應辦諸美味酥蜜甘蔗乳糜之屬及時奉施諸商人等營辦種種飲食美味至如來前右遶三匝却住一面作如

是言世尊哀愍我故受是微供佛告
諸比丘如來今時將欲受彼商人之
食作是思惟過去諸佛皆志持鉢我
今當以何器而受斯食作是念已時
四天王各持金鉢奉上如來作如是
言惟願世尊用我此鉢受商人食憐
愍我故令於長夜獲大安樂今時世
尊告四天王言出家之法不合受汝
如是金鉢乃至展轉奉七寶鉢皆志
不受

是時北方毗沙門天三告餘天王言
我念昔者有青身天將四石鉢與
我等復有一天名曰遍光來白我言
慎勿用此石鉢宜應供養而作塔想
何以故未來有佛出興於世名釋迦
牟尼當以此鉢奉上彼佛

今時毗沙門天王語餘天王言欲施
石鉢今正是時四天王各還自宮與
諸眷屬持彼石鉢咸滿天花以香塗
之奏諸天樂供養石鉢來詣佛所各
各以鉢奉上如來而白佛言世尊惟
願如來哀受我等所獻石鉢受商人
食令我長夜獲大安樂得成法器憐

余時世尊作是念言四大天王以淨信心而施我鉢然我不合受持四鉢若惟受一不受餘三而彼三王必生嫌恨是故我今摠受四王所獻之鉢余時世尊受北方毗沙門天王鉢而說偈言

汝奉善逝鉢 當得上乘器 我今受汝施 令汝具念惠

余時世尊受提頭賴吒天王鉢而說偈言

以鉢施如來 念慧得增長 生生受快樂 速證佛菩提

余時世尊受毗婁博叉天王鉢而說偈言

我以清淨心 受汝清淨鉢 今汝得清淨 人天所供養

余時世尊受毗婁勒叉天王鉢而說偈言

如來戒無瑕 汝施無瑕鉢 汝心無瑕故 得報亦無瑕

余時世尊受四天王鉢已如是次第相重安置右手按之合成一器四際

分明如來今時憶念過去而說偈言
我昔以花盛滿鉢 奉施無量諸如來
是故今者四天王 施我堅牢清淨鉢
佛告諸比丘時彼商衆驅大群牛備
路而行於晨朝時牧人穀乳凡所穀
者化為醍醐心生希有速將醍醐來
白商主今所穀乳不知何故悉為醍
醐為是吉祥為是不祥我今未決商
衆之中有婆羅門懷貪愛故云是不
祥應作大施商主遠祖已生梵世是
時現身作婆羅門於商衆中說是
偈言

汝等往昔發弘誓 如來若證菩提已
我當以食奉獻佛 受我食已轉法輪
今者如來成正覺 汝之所願亦滿足
世尊應受汝美食 當轉無上大法輪
汝今穀乳得醍醐 由此大仙之威力
好辰善宿吉祥兆 是故一切皆吉祥
梵天演說此偈已 還隱其形反天上
佛告諸比丘時諸商人聞此偈已皆
大歡喜即取醍醐還上粳米煮以為
糜和好香蜜盛以栴檀之鉢詣多演
林奉上如來白佛言世尊惟願哀憐

受我此食。爾時世尊受商人食已持彼栴檀之鉢擲置空中。其鉢栴檀一分價直百千珍寶。時有梵天名曰善梵。接栴檀鉢還於梵宮。起塔供養。其塔至今諸天香花供養不絕。爾時世尊呪願商人而說偈言。

汝等所向皆吉祥。一切財寶悉充滿。吉祥遍汝左右手。捻汝身形是吉祥。

所求財寶自然至。以吉祥鵲為首飾。

日月星宿諸天等。帝釋四王皆擁護。

所去之處既吉祥。迴還亦復獲安樂。

以此施食之功德。當來得成無上道。

名為末度三瞠佛。商人蒙記心歡喜。

佛告諸比丘。如來寂初為二商主及諸商人而授記。剎時諸商人聞受記。

已得未曾有。皆悉合掌作如是言。我從今者歸依如來。

大梵天王勸請品第二十五

佛告諸比丘。如來初成正覺。住多演林中。獨坐一處。入深禪定。觀察世間。作是思惟。我證甚深微妙之法。寂極寂靜。難見難悟。非分別思量之所能解。惟有諸佛乃能知之。所謂超過五

遍入第一義無處無行體性清淨不
取不捨不可了知非所顯亦無為無
作遠離六境非心所計非言能說不
可聽聞非可觀見無所望尋離諸攀
緣至究竟處空無所得寂靜涅槃若
以此法為人演說彼等皆患不能了
知唐捐其功無所利益是故我應默
然而住今時世尊而說偈言

我得甘露無為法 甚深寂靜離塵垢
一切衆生無能了 是故靜處默然住

此法遠離於言說 猶如虛空無所染
思惟心意皆不行 若人能知甚希有

此法性離於文字 孰能悟入其義理
於多劫中供養佛 方能得聞生信解

不可說有說非有 非有非無亦復然
我昔无量劫修行 未得究竟無生忍

我於今者得究竟 常觀諸法無生滅
一切諸法本性空 然燈如來授我記

汝於來世成正覺 作佛名号釋迦文
雖於彼時已證法 今我所得方究竟

見諸衆生處生死 不知是法及非法
世間衆生有可度 故起大悲而度之

梵王若來勸請我 或當為轉微妙法

佛告諸比丘如來說說是偈已眉間白
毫放大光明遍照三千大千世界尔
時娑婆世界主螺髻梵王以佛威神
即知如来默然之旨作是思惟我應
往彼勸請如来轉于法輪告諸梵眾
作如是言仁者世間眾生善法損減
惡法增長何以故如来得阿耨多羅
三藐三菩提默然而住不轉法輪我
等宜往勸請如来是時梵王與六十
八拘脰梵眾來詣佛所頂礼佛足右
遶三匝却住一面而白佛言世尊世
間眾生今當損減何以故如来為諸
眾生求無上覺今得成佛默然而住
不轉法輪以是之故眾生損減善哉
世尊善哉善逝願為眾生起哀愍心
而轉法輪世尊多有眾生堪能悟入
甚深之法惟願世尊轉于法輪尔時
大梵天王以偈讚曰
如来勝智 寂極圓滿 放大光明
普照世界 當以慧日 開於人花
何故棄之 默然而止 佛以法財
施諸眾生 於百千劫 已曾攝受
世間親者 寧捨眾生 惟願世尊

吹大法螺

擊大法鼓

然大法燈

雨大法雨

建大法幢

將諸衆生

超生死海

煩惱重病

為療除之

煩惱猛火

令其止息

亦無憂惱

涅槃之路

說真實法

開解脫門

令諸生育

得淨法眼

斷除生老

病死之患

非天非人

亦非帝釋

而能斷除

生死煩惱

我及天衆

勸請如來

轉于法輪

以此勸請

所生功德

同於世尊

轉于法輪

度脫衆生

佛告諸比丘今時世尊默然而住大

梵天王與諸天衆俱以天旃檀香末

及沉水香末共養佛已忽然不現

佛告諸比丘今時如來為令世間尊

重法故為令甚深妙法得開顯故入

深禪定觀察世間作是念言我證甚

深微妙之法寂極寂靜難見難悟非

分別思量之所能解惟有諸佛乃能

知之所謂起過五蘊入第一義無處

無行體性清淨不取不捨不可了知

非所顯示無為無作遠離六境非心

所計非言能說不可聽聞非可觀見

無所罣碍離諸攀緣至究竟處空無所得寂靜涅槃若以此法為人演說彼等皆悉不能了知唐捐其功無所利益是故我應默然而住

今時大梵天王以佛威神復知如來默然之旨往詣釋提桓因所而語之言憍尸迦汝今應知世間衆生處在生死黑暗稠林善法損減惡法增長何以故如來棄之不轉法輪憍尸迦我等當共往詣佛所勸請如來何以故諸佛如來若不勸請皆悉默然是故今者我與汝等往詣佛所勸請如來轉于法輪為令世間敬重法故今時大梵天王及釋提桓因四天王三十三天大摩天兜率陀天樂變化天他化自在天梵衆天梵輔天光音天廣果天遍淨天淨居天乃至阿迦尼吒天光明照耀於夜分中至多演林頂禮佛已右遶三匝却住一面今時釋提桓因合掌向佛即以偈頌而請如來轉于法輪

世尊降伏諸魔怨 其心清淨如滿月
願為衆生從定起 以智慧光照世間

釋提桓因說是偈已如來今時猶故
默然螺髻梵王語釋提桓因言憍尸
迦不應如是而為勸請於是大梵天
王即從座起偏袒右肩右膝著地合
掌向佛以偈請曰

如來今已降魔怨 智慧光明照一切
世間根熟有堪度 惟願世尊從定起
今時世尊告梵天言我證甚深微妙
之法寂極寂靜難見難悟非分別思
惟之所能解惟有諸佛乃能知之所
謂超過五蘊入第一義無處無行體
性清淨不取不捨不可了知非所顯
示無為無作遠離六境非心所計非
言能說不可聽聞非可觀見無所墜
等離諸攀緣至究竟處空無所得寂
靜涅槃若以此法為人演說彼等皆
悉不能了知然我常思念是二偈頌
我證逆流道 甚深難可見 盲者莫能觀
故默而不說 世間諸衆生 著彼五塵境
不能解我法 是故今默然

今時梵王帝釋及諸天衆聞如是偈
心大憂惱即於是處忽然不現
佛告諸比丘復於一時大梵天王觀

摩伽陀國多諸外道等於地水火風
空橫生計度封著邪見以為正道而
彼衆生有應度者而知世尊于今猶
固默然復詣佛所頭面礼足圍遶三
匝右膝著地合掌恭敬以偈請曰
摩伽陀國多諸異道因邪見故
種種籌量惟願牟尼為開甘露
軍清淨法令其得聞佛所證法
清淨離垢至于彼岸無增無減
於三界中超然特尊如須彌山
顯于大海當於衆生起哀愍心
而救濟之云何棄捨如來具足
一切功德力無畏等惟願拔濟
苦惱衆生世間人天為煩惱病
之所逼迫請佛慈悲而救濟之
惟有如來為歸依處自昔天人
隨逐如來此等純善悉求解脫
是若聞法皆能領受惟願如來
為其敷演故我今者請大精進
開示妙法今見正路辟如大雲
雨於一切如來法雨亦復如是
潤洽一切枯槁衆生彼諸人等
邪見毒刺生死稠林無始流轉

未蒙拔濟

盲無慧目

將墮深坑

惟願導師

開於正道

施其甘露

佛難值遇

如優曇花

惟願度脫

無依止者

如來往昔

發弘誓願

自既度已

當度衆生

幸以慧光

除諸冥暗

惟佛大慈

勿捨本願

如師子吼

如天雷震

為衆生故

轉于法輪

今時世尊以佛眼觀見諸衆生上中下根或邪定聚或正定聚或不定聚比丘辟如有人臨清淨池見彼池中所有草木或未出水或与水齊或已出水如是三種分明見之如來觀諸衆生上中下根亦復如是如來今時作是思惟我若說法若不說法邪聚衆生畢竟不知復更思惟我若說法若不說法正聚衆生皆能了知復更思惟我若說法不定衆生亦能了知我不說法即不了知諸比丘如來今時觀不定聚衆生起大悲心作如是言我本欲為此等衆生轉于法輪故出於世又為大梵天王請故即以偈頌告梵王言

我今為汝請 當雨於甘露 一切諸世間
天人龍神等 若有淨信者 聽受如是法
今時大梵天王聞是偈已歡喜踊躍
得未曾有頂礼佛足遶無數匝即於
佛前忽然不現諸比丘今時地神告
虛空神唱如是言如來今受梵王勸
請欲轉法輪哀愍無量諸衆生故利
益無量諸衆生故安樂無量諸衆生
故增長天人損減惡趣故為諸衆生
得涅槃故當轉法輪地神作是語已
於一念頃虛空神聞展轉傳至阿迦
尼吒天
諸比丘今時有四護菩提樹天一名
受法二名光明三名樂法四名法行
是四天子頂礼佛足而白佛言世尊
當於何處轉于法輪今時如來告彼
天言我於波羅奈國仙人墮處鹿野
苑中轉正法輪彼天子言世尊此波
羅奈鹿野苑中文物鮮少林泉非勝
然有無量諸餘城邑土地豐饒人民
殷盛園林池沼清淨可樂何故如來
於鹿野苑中而轉法輪
今時世尊告諸天子言仁者不應作

如是說所以者何我念往昔於此波羅奈城供養六十千億那由他諸佛如來以要言之九万一千拘脰諸佛皆於是處轉正法輪一切甚深微妙之法皆從中出是故此地常為天龍夜叉乾闥婆羅刹等之所守護以是義故如來於彼虛野苑中而轉法輪方廣大莊嚴經卷第十

壬寅歲高麗國大藏都監奉

勅彫造

方廣大莊嚴經卷第十一

五

唐天竺三藏地婆訶羅譯

轉法輪品第三十六之二

尔時佛告諸比丘如來所作已辦棄
捨重擔拔煩惱根淨諸塵垢摧滅外
道降伏魔軍入佛甚深微妙之理已
得知見成就十力四无所畏十八不
共一切佛法無不具足五眼清淨觀
察世間作是思惟誰應寂初堪受我
法根性淳熟易可調柔於所聞義速
能開悟清淨離染薄貪瞋癡於我所
說而无忽忘能令亦教不生劬勞若
有所聞永無退失作是念已觀彼外
道羅摩之子聰明有智雖具煩惱三
垢微薄若聞我法速能證知彼得非
想非非想定常為弟子演說修習今
在何處以佛眼觀見其命終已經七
日時有諸天頂礼我足而自我言世
尊彼人命終經於七日如來為菩薩
時已能先知如來有大智力其人若
不命終堪受正法復告諸比丘彼羅
摩子不聞我法遂便命終若不命終

我當取初為其說法彼若聞已即能
證知

尔時世尊復作是念誰應取初堪受
我法根性淳熟易可調柔於所聞法
速能開悟清淨離染薄貪瞋癡於我
所說而无忽忘能令示教不生劬勞
若有所聞永無退失作是念已觀彼
外道阿羅邏仙人聰明有智雖具煩
惱三垢微薄若聞我法速能證知今
為所在以佛眼觀見其命終已經三
日又於是時虛空諸天作如是言彼
仙命終經於三日如來為菩薩時已
能先知如來有大智力其人若不命
終堪受正法復告諸比丘彼阿羅邏
不聞我法遂便命終若不命終我當
取初為其說法彼若聞已即能證知
尔時世尊復作是念誰應取初堪受
我法根性淳熟易可調柔於所聞法
速能開悟清淨離染薄貪瞋癡於我
所說而无忽忘能令示教不生劬勞
若有所聞永無退失作是念已觀見
五跋陀羅根性已熟易可調柔於所
聞法必能開悟清淨離染三垢微薄

於我所說而无忽忘能令示教不生
劬勞若不於我得聞正法復當退失
我昔苦行之時謹心事我我當寂初
為彼五人轉正法輪彼能了知具足
施戒善法圓滿解脫現前離諸障阜
即以佛眼觀見五跋陀羅在波羅柰
鹿野苑中

佛告諸比丘今時如來作是念已從
菩提樹向迦尸國波羅柰城振動三
十大千世界是時伽耶城傍有一外
道名阿字婆遙見世尊即前問訊在
一面立而白佛言長老瞿曇諸根恬
靜端正可愛身色是輝如闍浮金及
詹波花仁者修何梵行師為是誰從
誰出家進止威儀安隱乃尔今從何
來復何所往

尔時世尊以得答曰

我本无有師 世無與我等 於法自能覺
證清淨无漏

阿字婆言瞿曇汝自謂是阿羅漢耶
尔時世尊重以得答

我為世間 無上導師 當度一切
真阿羅漢

阿字婆言瞿曇汝自謂為佛耶如來
答言我於世間取為殊勝滅除一切
煩惱惡法我為正覺阿字婆言長老
瞿曇汝於今者為何所往世尊答言
我今欲往波羅奈鹿野苑中為諸盲
冥衆生作大光明而說偈言

我往波羅奈 於鹿野苑中 為盲冥衆生
擊甘露法鼓 轉所未曾轉 无上勝法輪
時阿字婆辭佛南行如來北逝經伽
耶城城中有龍名曰善見明日設齋
奉請如來如來食訖往盧醯多婆蘇
都村次復至多羅聚落次復經娑羅
村如是遊歷皆為長者居士奉獻飲
食次第而行至恒河邊是時河水瀑
集平流弥岸世尊欲渡問彼船人答
言與我價直當相濟耳

尔時世尊報船人言我无價直船人
言若無價直終不相濟如來尔時飛
騰虚空達于彼岸船人見佛現是神
通乃自責言我无所識云何不渡如
是聖人心生憂惱悶絕躋地良久乃
蘇詣頻婆娑婆羅王具陳所見王聞是
事即勅船人自今已往沙門求濟勿

受僧直諸比丘如來至波羅奈於晨朝時著衣持鉢入城乞食還至本處飯食訖詣鹿野苑中時五跋陀羅遙見世尊共相謂言沙門瞿曇放逸貪著不能持戒欲斷煩惱尋復退墮便失禪定先修苦行尚无所能何況今日恣受美食安樂而住是懈怠人明非道器我等今者不須敬問敷置坐處給水洗足施設飯食一切莫為隨其自來不應為起彼若欲坐當指卑座令其就坐唯阿若憍陳如不同衆心尔時世尊漸近五人所居之處是時五人皆自不安如鳥在籠為大所逼比丘當知世閒衆生無有覩佛得安坐者是時五人皆違本要不覺忽然俱起迎佛或有敷置坐具或有給水洗足或有撰履或有持衣皆言善來長老瞿曇請坐勝座尔時世尊坐彼座已五人於前礼拜問訊在一面立而白佛言長老瞿曇面目端正諸根寂靜身相光明如閻浮金及摩波花瞿曇今者應證出世聖種智耶尔時世尊語五人言汝等不應稱喚

如來為長老也。今汝長夜无所利益。又語五人。我已證得甘露之法。我今能知向甘露道。我即是佛。具一切智。寂靜無漏。心得自在。汝等須來當示。汝法教授於汝。汝應聽受。如說修行。即於現身得盡諸漏。智慧明了。解脫而住。梵行成就。所作皆辦。不受後有。又告五人。汝昔嫌我。俱作是言。長老瞿曇。耽著世樂。不堅持戒。欲斷煩惱。便即退墮。我適近汝。各自不安。是故當知。不得稱呼如來為長老也。五跋陀羅俱白佛言。世尊。我今願得於佛法中。而為沙門。佛言。善來比丘。鬚髮長短。自落。法服著身。便成沙門。鬚髮長短。如剎經七日。威儀整肅。如百臘比丘。即從座起。頂礼佛足。懺悔先罪。即於如來為大師。想尊重瞻仰。生歡喜心。今時世尊入池澡浴。浴訖復於一處靜坐。思惟過去諸佛。當於何座而轉法輪。作是念時。忽於是處有千寶座。從地涌出。如來今時從本座起。恭敬圍遶初三高座。至第四座。結加趺坐。時五跋陀羅頂礼佛足。坐於佛前。諸

比丘。爾時世尊放大光明。其光遍照三千大千世界。於光明網中而說頌曰。從彼兜率宮。降生龍獸園。梵釋咸承捧。威猛如師子。十方行七步。曾无迷惑心。即以梵音詞。而作如是唱。我今於一切。為最尊最勝。捨轉輪王位。當利益衆生。六年苦行已。即詣菩提座。降伏諸魔軍。疾成无上道。梵釋諸天衆。勸請轉法輪。哀愍諸世間。嘿然而受請。以堅固願力。向於塵死中。仙人所墮處。演說无上法。此法無數劫。修習之所證。汝等樂聞者。速應來聽受。人天身難得。佛出世甚難。聞法起信心。斯人亦復難。汝不生八難。今獲人天身。值佛聞正法。而能有淨信。汝於百千劫。未曾聞正法。今者得值遇。宜應善修習。

佛告諸比丘。光明網中說如是偈。覺悟三千大千世界一切人天等衆。汝可速來。今佛世尊轉于法輪。諸天龍等聞是語已。從其本宮來詣佛所。尔時地神以神通力。令此道場縱廣正等七百由旬。種種莊嚴。周遍清淨。虛空天神復將種種幢幡寶蓋。以為嚴

欲界色界諸天子等將八万四千
寶師子座置道場中各自請言世尊
哀愍我故為坐此座轉正法輪

諸比丘今時東西南北四維上下十
方刹土无量拘脰諸菩薩衆宿植德
本來至佛所頂礼佛足右繞三匝合
掌恭敬勸請如來轉于法輪十方三
千大千世界所有釋梵護世及餘无
量諸天子衆皆志頂礼佛足右繞三
匝合掌向佛勸請如來轉于法輪是
諸衆會咸作是言唯願世尊利益安
樂愍念諸衆生故雨大法雨建大法
幢吹大法螺擊大法鼓佛告諸比丘
尔時衆中有一菩薩名曰轉法持衆
寶輪備有千輻莊嚴綺麗不可稱比
放千光明又以花鬘寶鈴微妙繒綵
无量寶具以為嚴飭由是菩薩先願
力故感此輪生供養如來過去諸佛
皆有此輪然後轉法時彼菩薩持是
輪寶奉獻如來而說偈言

尊憶過去時然燈佛授記當得成正覺

号名曰牟尼我亦於彼時發此弘誓願
導師得成佛當奉此輪寶一切人天等

及諸菩薩衆 其數元有量 皆為轉法輪
各以已神力 齎種種供具 寶雲化蓋等
窮劫說不盡 三千大千界 天人阿修羅
諸龍神衆等 咸志一心請

佛告諸比丘如來於初夜時默然而
過於中夜分安慰大衆令生歡喜至
後夜已嘆五跋陀羅而告之言汝等
應知出家之人有二種障何等為二
一者心著欲境而不能離是下劣人
无識凡愚非聖所行不應道理非解
脫因非離欲因非神通因非成佛因
非涅槃因二者不正思惟自苦其身
而求出離過現未來皆受苦報比丘
汝等當捨如是二邊我今為汝說於
中道汝應諦聽常勤修習何謂中道
正見正思惟正語正業正命正精進
正念正定如是八法名為中道
佛告諸比丘有四聖諦何等為四所
謂苦諦苦集諦苦滅諦證苦滅道諦
比丘何等名為苦聖諦所謂生苦老
苦病苦死苦愛別離苦怨憎會苦求
不得苦五盛蘊苦如是名為苦聖諦
何等名為苦集聖諦所謂愛取有喜

與貪俱怖求勝樂如是名為苦集聖諦何等名為苦滅聖諦所謂愛取有喜與貪俱怖求勝樂盡此一切如是名為苦滅聖諦何等名為證苦滅聖道諦即八聖道所謂正見乃至正定此即名為證苦滅聖道諦

復告比丘如是苦法我先不從他聞由善隨順如理思惟生智生眼生明生遍生慧生光比丘如是苦集法我先不從他聞由善隨順如理思惟生智生眼生明生遍生慧生光比丘如是苦滅證道我先不從他聞由善隨順如理思惟生智生眼生明生遍生慧生光復告比丘苦應知集應斷滅應證道應修如是四法我先不從他聞由善隨順如理思惟生智生眼生明生遍生慧生光復告比丘我已知苦已斷集已證滅已修道如是四法我先不從他聞由善隨順如理思惟生智生眼生明生遍生慧生光

復告比丘我先未見四聖諦未得阿耨多羅三藐三菩提時正智未生我從證見四聖諦法輪已心得解脫慧得解脫不復退失而以正智得阿耨多羅三藐三菩提我生已盡梵行已立所作已辦不受後有

今時世尊出梵音聲如是梵音從无量功德之所成就無量劫來修習真實不假於師自然而悟發是妙聲語憍陳如等言眼是无常苦空無我無人無衆生无壽命猶如腐草雜土為牆危脆不實如眼耳鼻舌身意亦復如是憍陳如一切法從因緣生无有體性離常離斷猶如虛空雖無作者及以受者善惡之法而不敗亡憍陳如色是无常苦空无我受想行識亦復如是由愛為水潤漬因緣衆苦增長若得聖道證見諸法體性皆空即能永滅如是衆苦憍陳如由彼分別不正思惟而生无明更無有餘为无明因而此分別不至無明復由无明而生諸行而此無明不至諸行乃至行緣識識緣名色名色緣六處六處

緣觸觸緣受受緣愛愛緣取取緣有
有緣生生緣老死憂悲苦惱如是等
為世間因更无有餘能為其因雖生
諸法而因不至法竟无我人衆生受
者捨於此身而至彼蘊如理思惟無
所分別即滅无明由無明滅即行滅
行滅即識滅識滅即名色滅名色滅
即六處滅六處滅即觸滅觸滅即受
滅受滅即愛滅愛滅即取滅取滅即
有滅有滅即生滅生滅即老死憂悲
苦惱滅若能如是於蘊界處了悟因
緣今時得成多陀阿伽度阿羅訶三
藐三佛陀如是甚深微妙之法非諸
異道所能了悟

今時世尊為憍陳如三轉十二行法
輪已憍陳如等皆悉了達諸法因緣
漏盡意解成阿羅漢即於是時三寶
出現婆伽婆為佛寶三轉十二行法
輪為法寶五跋陀羅為僧寶佛轉法
輪時六十拘脰欲界諸天八十拘脰
色界諸天八万四千人皆悉遠塵離
垢得法眼淨

佛告諸比丘如來以妙梵之音轉于

法輪其聲遍至十方佛土彼諸如來各聞三轉十二行妙梵之聲咸見世尊住波羅奈鹿野苑中而轉法輪是時十方諸佛皆悉默然而不說法彼土菩薩各從座起而白佛言世尊如來今者何故默然而不說法尔時彼佛告諸菩薩言汝等應知釋迦如來於无量劫勤苦累德勇猛精進行菩薩道超過無量菩薩之行於娑婆世界得阿耨多羅三藐三菩提利益一切起大慈悲轉于法輪其佛梵音遍至十方无邊刹土我今聞彼說法之聲是故默然諸菩薩衆聞佛語已皆發阿耨多羅三藐三菩提心作是誓言願我當來速成佛道以无漏法眼開悟衆生同於彼佛

尔時弥勒菩薩前白佛言世尊無量諸來大菩薩衆願聞如來轉于法輪所有功德唯願世尊略為宣說法輪之性佛告弥勒及諸菩薩言善男子法輪甚深不可取故法輪難見離二邊故法輪難悟離作意及不作意故法輪難知不可以識識不可以智知

故法輪不雜斷除二障方能證故法輪微妙離諸喻故法輪堅固以金對智方能入故法輪難沮無本際故法輪无戲論離攀緣故法輪不盡无退失故法輪普遍如虚空故

弥勒法輪顯示一切諸法本性寂靜不生不滅无有處所非分別非分別到於實相昇于彼岸空無相无願無作體性清淨離諸貪欲會於真如同於法性等于實際不壞不斷無著无碍善入緣起超過二邊不在中間無能傾動契於諸佛无功用行不進不退不出不入而無所得不可言說性唯是一而入諸法是為不二非可安立歸第一義入實相法法界平等超過數量言語路斷心行處滅不可譬喻平等如空不離斷常不壞緣起究竟寂滅無有變易降伏衆魔摧諸外道超過生死入佛境界聖智所行辟支所證菩薩所趣諸佛咨嘆一切如来同有如是无差別法弥勒所轉法輪體性如是若有如是轉法輪者乃名為佛名正遍知名自然悟名法王

名導師名大導師名商主名自在名
法自在名轉法名法施主名大施主
名善行圓滿名意樂滿足名說者名
作者名安慰者名安隱者名勇猛者
名戰勝名作光名破暗名持燈名大
醫王名療世間名拔毒刺名離障智
名普觀見名普觀察名普眼名普賢
名普光名普門名端嚴名无所著如
大地故名為平等如須弥山王故名
不動成就諸功德出過世間故名軍
尊達一切法故名无見頂出過世間
煩惱黑暗故名明燈最極甚深難窮
底故名大海一切菩提分法寶具足
故名寶所无繫無著心解脫故名無
染通達諸法故名不退轉利益衆生
不擇處故名如風焚燒一切煩惱故
名如火滌除一切分別煩惱故名如
水平等法界无中無邊无尋神通慧
所行故名如空除一切法障故名住
无障智超過世間眼所行境故名遍
一切法界身不染世間一切境界故
名最勝人名無量智名演說世間師
名制多名出世間名不染世法名世

間勝名世間自在名世間大名世間
依止名到世間彼岸名世間燈名世
間上名世間尊名利益世間名隨順
世間名一切世間了知名世間主名
世間應供名大福田名最上名无等
等名无比名常正實名一切法平等
住名得道名示道者名說道者名起
過魔境名能摧伏魔名出生死獲得
清涼名離無明黑暗名无疑惑名離
煩惱名離怖求名除諸見惑名解脫
名清淨名離貪名離瞋名離癡名盡
漏名心淨解脫名智淨解脫名宿命
智名大龍名所作已辦名離重擔名
逮得已利名遠離生死結縛名正智
心善解脫名善到一切心自在彼岸
名到施彼岸名到戒彼岸名到忍彼
岸名到精進彼岸名到禪定彼岸名
到智慧彼岸名願成就名住大慈名
任大悲名住大喜名住大捨名精勤
攝衆生名得无碍辯名與世間作大
依止名大智名念慧行覺成就名得
正念正斷正神足通五根五力菩提
分法奢摩他毗鉢舍那名渡生死大海

名住彼岸名住寂靜名得安隱處名
得无畏處名摧伏煩惱魔名丈夫師
子名離毛豎怖畏名無垢名知者名
得三明名度四河持制多故名刹利
遠離一切罪垢故名婆羅門破壞無
明藏故名比丘超過染著故名沙門
盡諸漏故名清淨者持十力故名大
力者修身語意故名婆伽婆是法王
故名王中之王名轉勝法輪名利益
衆生名不變壞說法名受一切智位
名成就七菩提寶名得一切法寶境
界名衆會瞻仰名能調伏未調伏者
名善能與諸菩薩受記名得七淨財
名成辦一切樂名隨一切意志捨名
與一切衆生安樂名持金剛勝智名
普遍眼名見一切法無障碍名普智
作大神通名演大法名一切世間無
有厭足名光大清淨名一切世間親
近者名知衆生器名大嚴名有學无
學圍遶名普照名大幢王名遍光明
名大光普照名无雜對諸問難名無
分別名光明遍照名甚深難知難見
難解般若波羅蜜光明場名大梵名

寂靜威儀名成就一切勝行名持妙
色名見无厭足名諸根寂靜名資糧
圓滿名得調柔名得勝調柔寂靜名
諸根調伏藏名如馴象王名如清淨
池具足三十二相故名永斷一切習
氣障具足隨好莊嚴身故名最上妙
色无上丈夫調御士故名四無畏圓
滿十八不共佛法故名天人師成就
一切事故名身口意業无譏嫌成就
一切相清淨智故名空住善能了悟
諸緣起性平等故名无相住於一切
願求無染著故名无願住捨離一切
境界故名無功用行真如法界虛空
相无相智境界故名如語不虛妄語
不異語觀如幻陽炎所夢水月谷響
鏡像故名捨阿闍若舉足下足調伏
衆生故名行步不空過斷除一切無
明煩惱憂故名法城為涅槃因故名
見聞皆益超過欲界故名出淤泥起
過色界故名摧魔幢超過无色界故
名建智幢是法身智身故名出過
切世間无邊功德寶智花開發成就
解脫果故名大樹難值故名優曇華

隨心願求皆得圓滿故名摩尼珠王
成就諸業行故名手足綯輓於長夜
梵行堅固護持不動故名足下有千
輻輪衆相莊嚴於長夜如法供養衛
護父母尊長及應供者无依怙者為
作依怙不煞命故名手足長於長夜
擔不煞演說不煞功德勸諸衆生不
煞救護諸衆生故名手足柔軟於長
夜供養父母承事尊上應供之人以
蘇油潤身自手塗摩歡喜无懈名手
足綯輓於長夜善能布施愛語利益
同事攝受衆生故名足下安平於長
夜恒常增長勝上法故名身毛右旋
及以上靡於長夜如來塔所自手修
營供養灑掃聞如來法身毛為堅心
生命有復為衆生演說正法諸聞法
者心生希有故名踰如伊尼鹿王於
長夜聽聞正法受持讀誦如說修行
為他解說方便善知甚深句義於老
病死苦惱衆生為作休息演說妙法
不生輕慢故名陰藏隱密於長夜恭
敬沙門婆羅門布施衣服顯梵行德
及顯十善自具慚愧及教他堅固修

行等事故名辟障長於長夜不惱害
衆生身語意業與慈相應故名身如
尼拘陀樹於長夜飲食常自知量不
多不少見病者施種種湯藥於下劣
衆生常生慈愍修理壞塔及營新塔
怖畏衆生施其无畏故名身體柔澤
於長夜供養父母師長及應供者以
蘇油塗身適其溫清澡浴熏香布施
上妙室宅衣服飲食卧具湯藥令得
安隱以香水灑掃如來塔廟又以香
花幢幡寶蓋莊嚴佛塔故名真金色
於長夜不惱害衆生常修慈忍勸諸
衆生修行十善以金造如來形像及
造塔廟或以金彩圖畫如來及以塔
廟或生金末散佛形像及以塔廟或
以幢幡寶蓋莊嚴佛塔及佛形像或
以衣服飲食惠施衆生故名一一毛
孔一一毛生皆悉光澤分明顯現於
長夜常親近智者請問何法是罪何
法非罪何法可修何法不可修何法
為上何法為中何法為下擇其善者
而修行之及掃灑佛塔故名七處高
於長夜父母及應供沙門婆羅門可

遵崇者皆悉供養貧窮下賤有所怖
求皆隨彼意施與衣服飲食卧具湯
藥又修園池林井給彼須者故名身
上分如師子於長夜父母及應供等
常能供養恭敬於貧窮下賤心不輕
欺常生憐愍在如是等願力堅固不
捨棄故名踝骨不現於長夜常省己
過不訟彼短永離鬭諍身語意業恒
常清淨故名兩肩平滿於長夜在沙
門婆羅門生恭敬心迎來送去善解
諸教得元所畏有鬭訟者教令不諍
又教諸王臣佐及一切衆生令修忠
孝修行善業增長佛法故名師子領
於長夜隨諸衆生所有樂欲一切施
與善言安慰皆令歡喜願力堅固名
具四十齒於長夜不兩舌鬭諍有鬭
諍處和其兩邊各令歡喜故名齒不
踈缺於長夜常修善事遠離惡法常
施衆生乳酪及淨衣服以白土為泥
掃拭佛塔以衆白花供養佛塔具如
是等功德故名齒白齊密於長夜所
出語言令諸衆生心生喜樂不求他
過以平等心勸諸衆生演說正法故

名於諸味中得取上味於長夜不惱
衆生有病苦者隨其所應而療除之
所求美味隨意與之心不生恚故名
梵音聲於長夜不妄語不虛獮語不
惡語常住慈悲喜捨四梵佳處以柔
軟音聲為衆生說法皆生歡喜心故
名眼青紺色於長夜在父母師長常
生恭敬觀一切衆生猶如一子有來
求者恒起慈悲勸諸衆生觀於佛像
塔廟故名眼瞋如牛王於長夜心不
下劣意常廣大勸諸衆生修无上法
遠離瞋戚恒常微笑親近善友先言
慰喻故名舌廣大於長夜遠離一切
語過恒常讚歎聲聞辟支菩薩如來
及諸法師受持讀誦書寫經典為人
解說如法修行故名肉髻无能見頂
於長夜頂礼父母諸尊沙門婆羅門
以香油塗其足下及為淨髮一切來
者皆以花鬘繫其頂上故名眉間白
毫右旋清淨光明於長夜恒常開門
大施普請衆生隨意所與亦勸衆生
行如是施親近善友恒不捨棄求法
重師不憚艱劬心無懈怠於聲聞緣

覺菩薩如來父母師長所以種種香
油然燈及造妙好端正如來形像以
妙寶莊嚴又以白寶安置眉間作如
來相好勸諸衆生發菩提心令修无
量諸善行故名得大勢名成就那羅
延力名成就如來無畏願力名說法
不錯乱名覺悟无言說名願力能令
一切衆生隨類各解名無失念名无
異想名如實了知諸衆生心名非擇
滅捨名欲行三昧不斷名精進不退
名念不退名智不退名解脫不退名
解脫知見不退名從智出一切身語
意業隨智慧行名過現未來智障无
碍名得無碍解脫名善入衆生之行
名如應說法名善能超過一切音聲
相彼岸名善對答一切異類音聲名
迦陵頻伽聲名天鼓聲名天樂聲名
地大振動聲名大海王聲名大龍王
聲名大雲聲名隨諸衆生類聲名无
著無碍令諸衆會生歡喜心名梵釋
天王之所供養名阿修羅緊那羅摩
睺羅伽歡喜心瞻仰目不暫捨名聲
聞衆之所承事名菩薩衆之所恭敬

讀歎名無怖求說法名說一字一句
皆不唐捐名說法以時弥勒我今略
說如來功德若廣說者窮劫不盡尔
時世尊欲重宣此義而說偈言

无處無戲論 无生亦無滅 體性空寂靜
轉如是法輪 不出亦不入 无因亦無相
一切法平等 轉如是法輪 如夢幻陽炎
水月及谷響 皆无有自性 轉如是法輪
入諸因緣法 不断亦不常 遠離諸惡見
轉如是法輪 遠離於无有 非法非非法
本自不生滅 轉如是法輪 實際非實際
真如非真如 示諸法體性 轉如是法輪
眼耳鼻舌身 及意皆不實 體性空无思
轉如是法輪 以如是法輪 覺諸未覺者
一切法體性 我自己覺知 不從他覺悟
名曰自然人 得於法自在 故說為法王
知理知非理 故名為導師 隨應演說法
教化諸群生 能到於彼岸 故名為教主
為諸迷路者 演說真實法 度之於彼岸
故名无上師 以四攝及智 普攝諸世間
越生死稠林 故名為商主 於法無罣碍
故名法自在 轉於正法輪 故名為法王
名師名持法 名无上法主 亦名大德王

亦名戒願滿	亦名施無畏	亦名示坦脛
亦名能降伏	亦名能自解	亦名能悟心
智慧大光明	普照於一切	破無明黑暗
為世作醫王	能除煩惱病	善拔諸毒箭
名元上導師	有三十二相	具八十種好
身分皆微妙	隨順於衆生	十力四無畏
十八不共法	大乘勝牟尼	具如是威德
无上正法輪	如來勝功德	若欲廣說者
窮劫不能盡	佛智無有邊	廣大如虛空
方廣大莊嚴經卷第十一		

壬寅歲高麗國大藏都監奉

勅彫造

方廣大莊嚴經卷第十二

王

轉法輪品之二

唐天竺三藏地婆訶羅譯

尔時佛告諸比丘如來化五人竟作是念言優樓頻螺迦葉有大名稱與五百弟子俱國王奉事臣庶宗仰我當詣彼教以正法即往尋之迦葉見佛迎前問訊善安隱不尔時如來報迦葉言無病知足寂滅清信是為安隱迦葉請佛日既將暮惟願少門幸留於此隨意所處佛語迦葉欲寄石室止住一宿迦葉言吾不愛室中有毒龍恐相犯耳乃至三語迦葉報言任於中止

尔時如來洗手足已前入石室敷座而坐龍便瞋怒身中出煙佛亦出煙龍大瞋怒身中出火佛亦出火二火俱熾焚燒石室迦葉夜起見室盡然驚怖歎惜此大沙門端正尊貴不取我語為火所害遽令弟子人持一瓶汲水而救所有瓶水悉變為火即徒益恐皆言龍火煞是沙門如來尔時

以神通力制伏毒龍置於鉢中明旦持鉢威龍而出迦葉大喜恠未曾有今此沙門乃復活耶器中何有見是毒龍佛告迦葉我已伏之今受禁戒迦葉甚慚願謂弟子是大沙門雖有神力不如我得羅漢道也

余時如來移近迦葉所住之處在一樹下於夜分中四天大王皆來聽法光明甚盛如大火炬迦葉夜見謂佛事大明旦白佛言沙門法中亦事火耶佛言不也昨夜四天下來聽法是其光耳於後帝釋下來聽法其光轉盛迦葉明日復問沙門亦事火耶佛言不也此是帝釋來聽法耳於後梵王下來聽法其光益盛迦葉明日復問沙門亦事火耶佛言不也此是梵王來聽法耳

迦葉及五百弟子人事三火旦欲然火火終不著恠以問師師言此是沙門所為故也俱來問佛我所事火然乃不著佛言欲使然耶當令得然火即然矣既然之後迦葉滅火復不可滅五百弟子相助滅之亦不能滅各

自念言復是沙門所為故也共往目
佛火既得然今不可滅佛言欲使滅
耶言今得滅火即滅矣

迦葉白佛言惟願沙門恒住於此共
修梵行我當勅家常使供養每以日
時請佛俱行詣其家食佛言汝可先
去當隨後至迦葉適去佛以神力上
忉利天取彼天果東至弗婆提取菴
摩勒果南至閼浮界取閼浮果西至
拘耶尼取呵梨勒果北至鬱單越取
自然粳米盛置鉢中飛空而還先迦
葉至坐其牀上迦葉後到問佛沙門
從何道來佛語迦葉汝去之後我往
四方及上忉利取是名果及以美飯
汝可食之

時摩伽陀國國王大臣吏人官屬長
者居士婆羅門等當就迦葉為七日
會迦葉念言彼大沙門威德巍巍相
好无上衆人見者必當捨我而奉事
之寧此沙門七日之中不來我所佛
知其念隱而不現七日滿已迦葉念
言節會已訖餘饌甚多彼大沙門今
若來者我當飯之佛知其念忽然而

至迦葉驚喜而問如來七日之中何為見棄佛言汝先起念是以不現今汝相憶故復來耳

余時迦葉五百弟子將欲起火俱共破薪各各舉斧皆不得下懷而告師師言是大沙門所為故耳即往問佛我諸弟子向共破薪各各舉斧皆不得下佛言當下應聲即下既下之後斧皆著薪而不可舉復來問佛佛言可去自當舉耳應時即舉

尼連禪河遄流箭激佛以神力令水涌起過於人上佛行其下步步生塵迦葉遙望恐佛漂溺即與弟子乘船救佛見水涌起佛行其下步步生塵迦葉喚佛沙門欲上船不佛言甚善即於水中從船底入船無穿漏迦葉復言是大沙門神則神矣猶不如我羅漢道也佛語迦葉汝非羅漢何為貢高自稱羅漢於是迦葉心驚毛豎慚懼稽首今此大聖乃知我心惟願大聖攝受於我在聖法中而為沙門佛語迦葉汝既耆舊多有眷屬又為國王臣民之所歸敬今欲學道其可

自輕言與弟子更相詳議迦葉言善
我如聖所教然我內心非不自決且
當還與弟子論耳迦葉還來集諸弟
子我已信解彼沙門法其所得道是
為真正我今歸趣汝意云何弟子答
言我等亦願隨從歸依是時迦葉與
諸弟子釋其衣服取事火具悉棄水
中俱詣佛所稽首佛足而白佛言我
及弟子於聖法中願為沙門佛言善
來比丘鬚髮自落法服著身皆成沙
門迦葉二第一名難提二名伽耶各
有二百五十弟子先住水邊見諸梵
志衣帔什物事火之具隨水下流皆
悉驚愕恐畏其兄及諸門徒為人所
害即與五百弟子泝流而上見兄師
徒皆成沙門恠而問曰兄今耆舊年
百二十智慧深遠國內遵崇我意言
兄已證羅漢今棄淨業數彼沙門其
道勝耶迦葉荅言佛道最優其法无
上我自昔來未曾見有神通道力與
佛等者其法清淨當度无量能以三
事教化衆生一者道力神通變化二
者智慧知他人心三者善知煩惱應

病投藥二弟聞已心生恭敬願謂弟子汝意云何五百弟子同聲發言願從師教即皆稽首求為沙門佛言善來比丘鬚髮自落法服著身皆成沙門尔時如來與千比丘俱往波羅奈國在於林下為諸弟子或時變現或時說法或復說戒觀佛威神莫不欣喜盡成羅漢

尔時世尊從波羅奈國與優婁頻螺迦葉兄弟三人及千羅漢至摩伽陀國時頻婆娑羅王久聞菩薩得成佛道巨身丈六紫磨金色三十二相八十種好十号具足已得知見成就五眼證獲六通梵釋四王皆悉奉事今入我國心甚歡喜吾本共要成佛相度乃不忽遺從我所願即勅國內嚴淨道路王乘寶車大臣百官前後導從千乘萬騎出城迎佛尔時世尊近王舍城在遮越林於大樹下千比丘衆圍遶而坐王遙見佛如星中月如日初出既如帝釋亦似梵王處於天宮儼若金山巍巍超絕王心歡喜下車步進去五威儀稽首礼佛自稱其

号作如是言久服尊德欽渴積時如
來即以梵音慰問王言大王四大常
安隱不統理人務無乃勞耶王曰蒙
祐幸得安隱余時頻婆娑羅王及諸
臣民咸覩迦葉於佛邊坐心自念言
迦葉耆舊耆叅仙之宗豈應棄道作佛
弟子為是佛師為師佛乎佛知其意
即以偈頌問迦葉言

汝常祀山川 歸依水火風 日月衆梵天
夙夜勤精進 事來幾何時 其心无懈廢
汝所奉神祇 寧有致福不
余時迦葉以偈荅曰

自念祠祀來 已經八十載 風水火梵天
山川及日月 夙夜常精進 析心不懈廢
畢竟无所獲 值佛乃得安

說是偈已王及群臣國中人民乃知
迦葉為佛弟子佛告迦葉汝起宜應
現汝羅漢神通迦葉即時承佛教已
踊在虛空身上出火身下出水或身
上出水其身不濡或身下出火其身
不灼飛行虛空七現七隱入地如水
履水如地穿過須弥无所罣碍於佛
前地西沒東現東沒西現南沒北現

北沒南現既變化已還於佛前長跪叉手而白佛言我是弟子佛是我師王及臣民重明迦葉是佛弟子

尔時世尊告頻婆娑婆羅王言大王色是无常苦空無我受想行識亦是无常苦空無我色如聚沫不可撮摩受如水泡不得久立行如芭蕉中无有堅想如所夢為虛妄見識如幻化從顛倒起三界不實一切無常大王有此國來為幾何時王言有此國來七百餘代所領之王盡識以不答曰知吾父耳佛言世間須臾惟道可恃應修來福无為空過大王當知如人生時雖因父母而生其身不由父母招其果報善惡美醜先業所為若造諸善命終之後生天人中十方佛前若造諸惡命終之後生於地獄餓鬼畜生一切諸法緣合即生緣散即滅大王當知无明緣行行緣識識緣名色名色緣六處六處緣觸觸緣受受緣愛愛緣取取緣有有緣生生緣老死憂悲苦恼大王无明滅故則行滅行滅故則識滅識滅故則名色滅名

色滅故則六處滅六處滅故則觸滅
觸滅故則受滅受滅故則愛滅愛滅
故則取滅取滅故則有滅有滅故則
生滅生滅故則老死滅老死滅故則
憂悲苦惱滅大王十二因緣盡坦然
無跡猶如虛空分別空无逮得法忍
說是法時八万四千諸天及人遠塵
離垢得法眼淨无央數衆發阿耨多
羅三藐三菩提心尔時頻婆娑羅王
得法眼淨欣然請佛願受五戒大臣
百官國內人民皆悉歸佛亦受五戒
既受戒已即從座起頂礼佛足而白
佛言世尊乃能棄捨轉輪王位出家
為道我於昔日輒先奉請若得道時
願前見度我於今者宿願成滿幸蒙
佛恩得履道跡國務殷繁比更親奉
王及群臣遠佛三匝辭退而去王至
宮已群臣上賀古昔諸王悉不見佛
惟獨大王得值如來王益欣喜復慰
群臣卿等夙福今幸遇佛出興於世
因勅後宮妃嬪姝女及國內人民長
修齋戒盡令奉法

時摩伽陀國有一長者名迦蘭陀見

佛入國未有精舍以好竹園奉上如
來前白佛言世尊大慈憐愍一切如
父如母能棄世榮今得成佛未有精
舍我以竹園奉上如來佛時咒願而
為受之恒與聖衆遊處其內

彼時摩伽陀國人民殷盛耽著俗樂
喧呼歌舞不捨晝夜佛適入國化以
法言齋戒修心皆捨俗樂佛有弟子
名舍婆耆入城分衛威儀有法行步
安詳路人見之无不欣悅時舍利弗
見此沙門心自念言我學道久頗知
法式未曾見有如是之人必有異聞
威儀乃余試往問之所事何道時舍
利弗即問比丘汝師是誰願聞其志
余時比丘以偈答曰

吾師具相好 三界為最尊 五陰十二緣
不住於空有 我命年尚少 學業猶未深
不可以言辭 說佛諸功德

說是偈已告舍利弗我所事師天上
人中取尊取勝積功累德不可稱載
彼兜率天降生閻浮初生之時能於
十方各行七步舉手唱言天上天下
唯我最尊唯我取勝三界苦惱吾當

度之擇梵四天咸來供事佛之功德
不可具述時舍利弗聞此語已知從
暗中覩日光明語比丘言善哉善哉
吾少好學八歲從師年甫十六靡不
該綜自謂為達今者得值无上正覺
真為我師汝所言佛今在何處比丘
答言今在迦蘭陀竹園精舍時舍利
弗將諸弟子至如來所稽首礼足前
問訊已而白佛言我處長夜恒履愚
迷幸得值佛願開正路得為沙門成
就禁戒佛言善來比丘願駿自落法
服著身便成沙門佛為說法漏盡意
解得阿羅漢前白佛言世尊我與同
學大目犍連要得道時必相開示今
欲往彼願承聖旨佛言宜知是時
時舍利弗入王舍城訪目犍連遙見
目連與諸弟子遊行里巷尔時目連
覩舍利弗形狀變改逆而問之有何
異見答服乃耳答曰學无常師惟道
所在求法積年不遇大聖今者得值
身心適喜故來相求願同法味目連
答曰此非小事宜共籌量舍利弗言
我昔所行與汝從事汝所學者我志

知已請无復言是時目連告舍利弗
言仁者智慧本踰於我今之所教豈
相誤耶作是語已隨舍利弗往詣佛
所稽首佛足白言遠遠大聖沉沒煩
惱今得親奉願為沙門即捨澡瓶鹿
衣杖具佛言善來鬚髮自落法服著
身便成沙門佛為說法漏盡意解得
阿羅漢時舍利弗目捷連及二百五
十弟子皆得出家盡成羅漢

余時輸檀王聞子得道已經六年中
心欣喜欽渴弥積語優陀夷言汝今
可往請佛還國問計起居離別已來
十有二載夙夜悲感不能自已得一
相見還如更生優陀夷受王教已往
詣佛所稽首佛足具述王意乃覩諸
天梵釋咸來歸命而白佛言願為沙
門佛言善來鬚髮自落法服著身便
成沙門得阿羅漢道余時世尊作是
思惟本與父王要誓成佛余乃還國
當度父母今得佛道不違本誓即語
優陀夷比丘言汝宜先往顯汝神足
作十八變知吾道成弟子尚余况佛
威德優陀夷奉佛教已飛行而往還

到本國於迦毗羅城上虛空中現十
八變王及臣民莫不驚懼而優隨夷
說是偈言

如來甚希有	難可得值遇	勤苦无量劫
哀歎諸衆生	本行菩薩道	今得願滿足
坐於菩提樹	降伏大魔怨	破壞生死因
銷滅諸煩惱	已得成正覺	演說无上法
我本奉主教	出國迎太子	說王愁念久
言辭甚可悲	佛願本生地	尋當見親族
我時承佛命	將入迦毗羅	碎佛御神通
忽至大王所	變化若干種	譬如淨蓮花
父王見神變	心生大恐懼	借問為所往
未曾觀是變	太子本棄國	求道度衆生
勤苦無量劫	今乃得成佛	王今勿驚懼
宜應悅豫心	我已度生死	為王太子使
土時聞子問	淚落如雨星	我自十二年
愁念无窮已	忽聞吉祥至	如人死復蘇
我子捨國位	成道名何等	我時答王言
太子經六年	勤苦得成道	号曰天中天
三界最第一	我子在家時	為造諸時殿
刻雕陳續飾	今者何所居	我時答王言
佛得微妙法	所處无不安	常在於樹下
諸天來供養	我子在家時	坐卧敷綖綬

皆以綺飾成

柔軟而光澤

我時答王言

天帝貢衣服

龍妃獻寶林

佛心元美惡

未嘗見喜慍

我子在家時

威饌衆甘美

今所膳御者

施設何等食

我時答王言

持鉢從分衛

福衆無增減

咒願彼施人

世世令安隱

我子在家時

寢卧常使安

絃歌奏清音

亦乃從寐起

我時答王言

禪定非明暗

諸佛无睡眠

帝釋常服膺

梵王來勸助

我子在家時

澡浴以香湯

芬馥滿室中

今用何等香

我時答王言

八解三脫門

澡浴除諸垢

心寂無憂惱

猶如淨虛空

我子在家時

雜香以塗熏

清淨无塵穢

郁烈而香潔

我時答王言

戒定慧解脫

道德以為香

十方八難處

普熏無不至

我子在家時

四種妙寶林

重疊敷茵褥

卧起而安悅

我時答王言

四禪為牀座

等持心自在

不染煩惱泥

清淨如蓮花

我子在家時

兵衛甚嚴肅

出入常擁護

目不見諸惡

我時答王言

千二百羅漢

菩薩元央數

俱為弟子衆

左右而恭侍

我子在家時

象馬牛羊車

周旋往四方

隨意而遊觀

我時答王言

五通為驂駕

飛空無罣碍

洞見一切心

遊踐超生死 我子在家時 旌旗列羽衛
人執諸兵仗 前後為導從 我時答王言
四等為防護 普濟衆厄難 恩慧仁愛敬
以此為嚴衛 我子在家時 鍾鼓導前路
雜以衆伎樂 觀者每盈衢 我時答王言
道樹成正覺 度五跋陀羅 八万四千天
皆已得法眼 九十六種道 摧伏而歸命
鳴於不死鼓 其音徹三千 啓受皆明悟
一切咸欣悅 我子王何國 提封為廣狹
所化幾何人 悉當歸伏不 佛領三千界
化導諸群生 十方不可數 靡不蒙饒益
我子在家時 聽政助吾化 勸導以禮節
奉順莫敢違 佛悟諸法空 捨於四顛倒
无不歸伏者 寂靜無為業 佛法无愛憎
一切皆通達 化及諸衆生 無不蒙饒益
假使有一人 其人无量首 一首無量舌
舌有無窮辯 如以恒沙人 以恒沙劫數
歎佛一切德 猶尚不能盡 况我如燈燭
何能演日光

時輸檀王聞此偈已歎言善哉阿斯
陀仙言无虛妄問優陀夷佛欲來不
優陀夷言却後七日如來當至王聞
是語歡喜踊躍語諸大臣吾當迎佛

導從儀式法轉輪王先勅所司平除
道路香水灑地懸繒幡蓋種種嚴飾
盡其所宜我當出城四十里外奉迎
如來優施夷言奉承佛教來報大王
今請向佛說王之意欽渴積年願覩
如來并及万姓咸希福祐王言善哉
願速見佛時優施夷還至佛所稽首
佛足而白佛言世尊王及國人計日
度時願得見佛我已告王却後七日
世尊當至

今時如來到七日已與諸弟子整持
末鉢威儀詳序向迦毘羅城梵釋四
王聞佛還國皆來導從梵王侍右帝
釋侍左四王諸天前後導從諸天龍
神花香伎樂而以供散寶幢幡蓋羅
列道側天雨香水以灑於地如來欲
行先現瑞相十方世界三千國土六
反震動一切枯樹還生花葉竭涸溪
澗自然流泉王見瑞已勅諸釋種大
臣百官嚴持幡蓋燒香散花作衆伎
樂而以迎佛王遙見佛處於大衆如
星中月如日初出如樹開花巨身丈
六端嚴熾盛既見佛已悲喜交集稽

首作礼而白佛言世尊離別多年今
得相見大臣百官一切人民皆稽首
礼隨佛入城

尔時世尊足踰門閭地為大動天雨
妙花樂器自鳴盲者得視聾者得聽
雙者能行病者得愈瘡者能言狂者
得正偃者得伸毒害自銷禽獸相和
其聲清亮環珮相觸皆悉流響珎藏
自然衆寶出現苞匱異心皆共和合
一切衆生无姪怒癡展轉相覩如父
如母如兄如弟如子如身地獄休息
餓鬼飽滿畜生捨身當生人天父王
覩佛巨身丈六紫磨金色如星中月
亦如金山梵釋四王皆悉奉侍見諸
比丘曾為外道久修苦行形體羸劣
親近侍從猶如黑鳥在紫金山不能
顯發如來之德便勅國內豪貴釋種
顏貌端正選五百人度為沙門侍佛
左右如金翅鳥在須弥山如摩尼珠
置水精器佛弟難陀亦為沙門難陀
所使名優波離前白佛言世尊人身
難得佛法難遇諸尊貴者皆棄世榮
我身卑賤何所貪樂惟佛慈悲願見

救度許為沙門佛言善來比丘鬚髮
自落法服著身便成沙門在比丘中
隨例而坐難陀後至次第作禮到優
波離即止不禮心自念言是我家僕
不當設禮今時世尊告難陀言佛法
如海容納百川四流歸之皆同一味
據戒前後不在貴賤四大合故假名
為身於中空寂本无吾我當思聖法
勿生憍慢今時難陀去自貢高執心
卑下禮優波離於是大地為之震動
時佛入宮坐於殿上王及臣庶日日
供養百種甘饌佛為說法度無數眾
耶輸陀羅年已七歲來至
佛所稽首佛足瞻對問訊而白佛言
久違侍奉曠廢供養諸釋眷屬皆有
疑心太子去國十有二載何從懷孕
生羅睺羅佛告父王及諸群臣耶輸
陀羅守節貞白无瑕疵也若不信者
今當取證今時世尊化諸比丘皆志
如佛相好光明等无老異時耶輸陀
羅即以拍環與羅睺羅而語之言是
汝父者以此與之羅睺羅持取拍環
直前奉佛王及群臣咸皆歡喜歎言

善哉羅睺真是佛子。今時世尊為王說法。即時得道。群臣百姓後宮嫔女咸奉戒法。淨修梵行。是時國內安靜。万邦來賀。

囑累品第二十七

今時世尊告淨居天難陀蘇難陀等言。菩薩始從兜率下生閻浮乃至出家降伏魔怨。轉于法輪。汝等諸天皆悉贊助。今復請我利益世尊。演說如斯大嚴經典。菩薩所行如來境界。自在神通遊戲之事。汝等若能受持讀誦。為他說者。我此法印當得增廣。若菩薩乘人聞說此經。必大歡喜。得未曾有。發起堅固精進之心。求阿耨多羅三藐三菩提。是故汝等福德无量。不可稱計。

若有善男子善女人。得聞是經。合掌信受。其人當獲八種功德。何等為八。一者端正好色。二者力勢強盛。三者心悟通達。四者速得辯才。五者獲諸禪定。六者智慧明了。七者出家殊勝。八者眷屬強盛。

若有善男子善女人。願樂欲聞如是

等經與說法師敷置高座轉身當得八種坐處何等為八一者長者坐處二者居士坐處三者輪王坐處四者護世坐處五者帝釋坐處六者梵王坐處七者菩薩得菩提時所坐之處八者如來轉正法輪所坐之處

若有善男子善女人得聞是經稱揚讚美是人當得八種淨語何等為八一者言行相應無違諍故二者所言伏衆可遵承故三者所言柔軟不虜獷故四者所言和美攝衆生故五者聲如迦陵頻伽悅樂衆生故六者聲如殷雷摧伏外道故七者得梵音聲超過世間故八者得佛音聲應衆生根故

若有善男子善女人書寫此經流通四方其人當有八功德藏何等為八一者念藏无忘失故二者惠藏善能分別諸法相故三者智藏能了諸經義故四者隨羅尼藏所聞皆能持故五者辯藏能發衆生歡喜心故六者得正法藏守護佛法故七者菩提心藏不斷三寶種故八者修行藏得無

生法忍故

若有善男子善女人讀誦此經受持
句義不忘失者其人當得八種圓滿
一者施圓滿元慳恡故二者戒圓滿
得願具足故三者多聞圓滿得無著
智故四者奢摩他圓滿一切三昧現
前故五者毗鉢舍那圓滿具足三明
故六者福德圓滿具足三十二相八
十種好淨佛土故七者妙智圓滿隨
諸衆生所有意樂得具足故八者大
悲圓滿成熟衆生無勞倦故

若有善男子善女人發如是念云何
當令一切衆生入此法門作是念已
為人演說以此善根當得八種廣大
福德何等為八一者轉輪聖王福德
二者護世天王福德三者帝釋福德
四者夜摩天王福德五者兜率天王
福德六者化樂天王福德七者他化
自在天王福德八者大梵天王乃至
如來所有福德

若有善男子善女人聞此經典信心
不逆是人當得八種淨心何等為八
一者得大慈心與衆生樂故二者得

大悲心拔衆生苦故三者得大喜心
滅衆生憂惱故四者得大捨心滅衆
生貪恚故五者得四禪心於欲界中
心自在故六者得四定心於无色界
心自在故七者得五神通往來佛土
故八者能斷諸漏得首楞嚴三昧故
若國土城邑聚落所在之處有此經
卷當知其處離八種畏何等為八一
者離敵國畏二者離賊盜畏三者離
惡獸畏四者離飢饉畏五者離諍訟
畏六者離戰鬪畏七者離夜叉畏八
者離一切怖畏汝等當知正使如來
以戒定慧解脫解脫知見无尋辯才
於一切中日夜常說此經功德亦不
能盡若比丘比丘尼優婆塞優婆夷
受持讀誦書寫解說當知是人所得
功德亦不可盡

尔時世尊告弥勒菩薩摩訶薩及大
迦葉長老阿難言我於無數百千億
劫修習佛道今得成就阿耨多羅三
藐三菩提為欲利益諸衆生故演說
此經如是等經付囑於汝汝等受持
廣宣流布尔時世尊重說偈言

我以佛眼觀 盡見諸衆生 假使諸衆生
皆如舍利弗 有人於億劫 以種種香花
衣服卧具等 供養如是衆 所獲諸功德
不如一日夜 供一辟支佛 假使諸世間
皆如辟支佛 有人於億劫 以種種香花
衣服卧具等 供養如是衆 所獲諸功德
不如以淨心 一掃南无佛 假使諸世間
皆如佛世尊 有人於億劫 以種種香花
衣服卧具等 供養諸如來 所獲諸功德
不如有一人 能於日夜中 讀誦此經典
若人過無數 百千万億劫 以種種香花
衣服卧具等 供養如前說 無數聲聞衆
一切辟支佛 及彼諸如來 所獲諸功德
不如有一人 受持此經典 乃至四句偈
分別為他說 我所說諸經 此經為最勝
一切諸如來 皆從此經出 是經所住處
即為有如來 若有書寫持 處處廣流布
即能演一句 歷劫无窮盡 福惠自在嚴
盈滿如大海 若聞是經者 應當常修習
功德无有量

佛說此經已 弥勒菩薩摩訶薩大迦
葉長老阿難淨居諸天摩醯首羅及
諸天龍夜叉乾闥婆阿修羅迦婁羅

緊那羅摩睺羅伽人非人等皆大歡
喜信受奉行

方廣大莊嚴經卷第十三

壬寅歲高麗國大藏都監奉

勅彫造

佛說普曜經卷第一

一名方等本起

王

西晉月氏三藏竺法護譯

論降神品第一

聞如是一時佛在舍衛國祇樹給孤
獨園與大比丘衆俱比丘萬二千菩
薩三萬二千一切大聖神智以暢一
生補處當成正覺損已布施持戒清
和忍辱調意精進一心智慧善摧所
度無極解一切法如幻野馬影響芭
蕉化夢月影悉无所有有利無利若
譽若謗若苦若樂得名失稱已過世
間諸所有法神通自娛逮致惣持獨
步三界猶如日光及諸菩薩偕恚之
願周族五趣救濟危厄分別辯才定
意无尋皆已由已咸成法忍恚得具
足諸菩薩住無所住處度脫十方
其名曰慈氏菩薩松豪王菩薩師子
英菩薩吉義意菩薩寂意行菩薩分
別辯才菩薩逮无畏菩薩進寂菩薩
大哀菩薩如是上首菩薩三萬二千
尔時世尊遊舍衛城國王大臣豪尊
長者凡庶万民咸共供養衣被飯食

床褥卧具病瘦醫藥一切所安其妙
名稱昔聞十方是為如來至真等正
覺明行成為善逝世間解無上士道
法御天人師為佛世尊敷演道義上
中下善義達微妙所與清徹淨修梵行
於時其夜淨居天子名寂然尊及神
妙天加歡樂天加歡天梅檀天大悅天
熒然天尊寂律天及餘無數淨居
天子威神巍巍各有光明普照祇樹
往詣佛所稽首足下還住一面是諸
天子前白佛言曾聞有經号名普曜
大方等典今別菩薩衆德之本從兜
術天降神母胎在於胎中娛樂開化顯
示殊特復現出生皆為一切諸立法
行在宮姝女愛欲之間顯諸藝術現
行學書計技諸筭醫藥療治射御
手博要摺擲象示現道力超諸群生
具足成就諸菩薩行往來周旋果實
超殊名稱流布以菩薩力而自娛樂
降伏魔場具足如來十力无畏願宣
諸佛無量經典敷演過去如來至真
所講說法

往昔道義猶若世尊蓮華上佛法莫

佛定光佛德英佛法造佛仙天佛諦
英佛習金對佛衆尊佛雪像佛樂清
淨佛出家樂行佛華英佛勝顏佛善
明佛善曜佛仙勲佛勝輪佛欣樂佛天
華佛輪吉祥佛善首佛善喜佛住覺
佛住施佛諦法普稱佛是世善妙佛
辨普佛寶稱佛威強佛梵神佛无畏
善化佛善音佛目悅佛積德佛音雨
佛妙顏佛壽神佛與人遊佛羨求佛
降怨佛供養佛惟衛佛式弄佛隨葉
佛拘留秦佛拘郛含牟尼佛迦葉佛
如來至真等正覺道決所化自昔迄
今善哉世尊愍哀一切今亦頒宣如
是法訓多所哀念多所安隱普護世
間及十方人為諸大乘唯分別之降
伏一切外學衆邪攝伏衆魔宣布菩
薩諸所行義現諸菩薩行大乘者咸
超精進將護正法三寶自在今不斷
絕具足佛身盡現十方

時佛默然可諸天子所啓白意欲令一
切普蒙其恩時諸天子見佛默然聽
啓白意欣然大悅稽首足下繞佛三
匝以天心華供養散佛忽然不現還

歸天上

於是世尊明旦與諸菩薩及諸聲聞眷屬圍遶會迦梨講堂告諸比丘昨夜半時淨居天子及諸眷屬來札我足叉手白言願為一切重演普曜大方等典令諸群生普蒙其恩吾時默然可其所啓

時諸天子歡喜踊躍忽然不現各還天上於是衆會聞此欣悅前白佛言惟天中天重敢斯問

尔時世尊告諸菩薩及諸聲聞諦聽諦聽善思念之當為汝說无極誡誨一切如來所可宣暢普濟衆生

何謂比丘普曜經典大方等法於斯菩薩住兜術天咸見奉敬逮得無餘阿惟顏住百千天人所共咨嗟名徹十方諸願普具曉了一切諸佛法戲清淨無垢聖智道眼意念定智往來周旋聖性堅強耻衆未度其念弘普亘然極遠布施戒忍精進一心智慧淵深大權方便所度无極大慈大哀喜護四等弘暢梵迹無極神通三達无尋示現聖慧永无闕蔽道業純淑意止

意斷神足根力覺意道業寂然止觀
普徧一切諸佛道品達致本際功勳
福祐不可限量成就相好莊嚴其體
在彼久長常得自在仁和無諍言行
相應其心所懷口言无二斯意實直
而無諛諂怨結他念常自謙遜而不
自大等心衆生未曾偏黨供養无數
百千載佛為衆重任恒忍灾患觀見
無量諸菩薩衆觀其根本

釋梵四王大神妙天天龍鬼神閑又
健施羅見莫不悅咨受訓誨分別一
切章句本末已達无為入於有為隨時
方便而開化之心念法器識解一切
諸佛所宣無有憤乱而不迴還逮得
摠持深入法藏乘大法船遊十二海
接度諸流三十有七道品之教合集
法寶深奧智慧為大導師越波四瀆
諸願具足降伏魔怨善救外業諸異
邪徑開化一切所住堅固雖在塵勞
皆來歸命為衆導首強若金對行无盖
哀志性和安積精進力為法優奧善
權方便在於衆中雄如師子定意之
業不可限載猶如蓮華處汙无垢禁

戒博聞而無放逸慈於十方無有加
害心水清澄而无所著遊世八法心
如大寶所度無極福祚聖慧積功累
德道藏解明佛之智慧度闡法城消
衆患難善開寤之以四神足度於彼
岸志三脫門顯其寂觀清淨光曜一
心脫門處在閑室如山曠野遊法聚
樹行具足成十力無畏未曾怯弱以
度生死无復疑難衣毛不堅越於無
數在外異學猶如師子遊於麋鹿捨
諸放逸無吾我意設有所暢為師子
乳人中之雄解脫禪定智慧道場放
大光明照諸闇冥志蒙道明衆邪異
學辟如螢火无益於世愚贛幽昧曜
蔽塞心興大道力精進之業宣功德
行威神巍巍除闇冥品具足清白見
莫不歡諸佛國土無所罣碍諸窮
厄蕩滌垢穢脫門一心覺意清涼曉
了聖明禪思清白以開化之其四部
衆諸天人民行七覺意積累道寶齊
心衆生應病與藥志不懷惡行十善
業以是財富奉持具足不違法王所
行殊勝而轉寶輪轉輪王種成就一

切深遠難限一切法實博聞無厭慧
普元極

尔時所興不可限量無能為喻猶如
江海所持持慧如地水火風其心平
等堅強不動如須弥山消諸結著猶
如日光以耀諸垢心若虚空在大宮
殿安處其中諸床座具二万二千門
戶軒窓講堂棚閣校飭嚴整堅衆幢
盖交露精舍布散衆華青蓮芙蓉諸
玉女衆有億百千俱作伎樂及雜衆
華不可稱限諸寶樹木次第行列其
地清淨平正無邪香勳普流飛鳥鳬
鴈哀鷺異類無數億衆遊戲浴池暢
和雅音現在觀覩聞大法聲消除一
切塵欲之難攝諸疲厭自大貢高其
心歡悅思念弘廣由是成就大無極
法演出訓誨八万四千伎樂妙音是
為菩薩宿世積德自然宣出此微妙偈
積功累德行 宣布具足音 其心普思道
造智慧光明 脩无量勢力 棄捐諸所有
分別使衆疑 諸天之本末 意清淨無垢
无雜衆瑕穢 棄捐于三毒 寂滅瞋恚恨
鮮潔消衆垢 其心如明珠 從往古以來

常喜好布施 音響從種姓 戒寂行調和
精進禪智慧 遵習億載法 音暢無數稱
宣說億載佛 愍傷於衆生 且觀今是時
曉了知終始 生死之塵垢 觀察其本行
天龍諸鬼神 樂百千億劫 聽之無厭倦
善智慧无懈 充飽久飢渴 卿等雖所慕
樂法不好欲 性已無垢穢 愍傷天世人
億那衍載天 聽法心不廢 若慕於歌頌
觀諸地獄難 其目淨无垢 見十方諸佛
已得聞此法 斯經世所尊 宿世種妙德
處兜術天宮 直加天慈哀 愍悅雨天下
已越於欲界 及色界億載 咸共慕樂聖
無上吉祥佛 降伏衆魔業 消化諸異學
佛道如觀掌 且察今是時 世塵勞興盛
宜布諸法雲 精進雨甘露 消滅天世垢
尊賢曉諸種 授藥建療治 應示三脫門
速立元為宅 辟如師子吼 諸小虫怖懼
暢佛師子吼 降伏外異學 手執明指燈
過伏精進力 提持近目前 勝降伏衆魔
四天王遥察 欲貢上尊鉢 億載天帝梵
始生往奉敬 觀觀尊音稱 寶種諸豪姓
見人尊所處 行菩薩之道 其來在三有
明寶在所勝 無垢如摩尼 興雲雨天下

諸伎樂之聲 演出若干音 勸助愍哀意
觀察今是時

於是佛告諸比丘于時菩薩省諸伎
樂宣法音時出大宮殿有大講堂号
演施法昇彼講堂坐師子床其諸天
子學大乘業行等慈者亦復俱昇此
大講堂各從本位次第而坐捨王女
衆及諸天子咸從同學各來集會諸
眷屬衆各六十六億咸共講議當使
菩薩現生何種或有說言此維提種
摩竭國土取為興盛今菩薩者應在
彼土降神母胎或有說言菩薩不應
生彼國土所以然者維提種者母性
真正其父不真種性率暴而不安詳
无可貪樂其種眇德福不具足土地
國邑無好浴池苑囿之觀既處邊境
不宜生彼或有議言拘薩大國其種
弘廣眷屬興盛菩薩應下降神彼國
或有報言菩薩不應所以然者其拘
薩本從摩騰種來生彼國父母宗族
皆不真正下劣小姓非是天師所可
慕樂福祿眇薄卑鄙之土性行不和
無有奇珍殊異之寶餽饌之供可以

奉聖園觀浴池亦復簡少既是邊表
不宜屈尊或復說言和沙大國國王
右性人民熾盛五穀豐登菩薩應當
降神彼國或復報言菩薩不應所以
然者其彼國王雜合小姓非是高德
土無威神受他節度來於此國父母
不真不得自在以是之故不應生彼
或復說言此維耶離無極大城人民
滋茂安隱豐熟快樂无難軒窓門戶
雕文棚閣嚴飭魏魏浴池圍觀男女
周旋遊戲其中人民居宅儼然整齊
菩薩應下降神彼土或復報言不宜
現彼所以然者彼土民衆熹諍不和
无清淨行有外無内不修道法不別
尊卑各自謂尊獨言隻步不能下意
不順法教不服高德以是之故不可
屈尊或復說言山鐵樹國種性豪強
事業無極行衆无首所習第一菩薩
應下降神彼國或復報言是亦不應
所以然者其土凶逆舉動虛妄志性
麤獷剛強難化形笑輕人自大由已
不修事業以是之故不應生彼其諸
菩薩及諸天子各各共議觀察天下

諸大國上諸王大臣豪尊重位皆觀
察之志不可意

尔時會中有一天子名曰幢英行菩
薩道逮不退轉暢達大乘告諸菩薩
及諸天子諸賢者等可共俱往問於
菩薩何所種姓寂後究竟一生補處
應往降神處於胞胎會共叉手詣菩
薩所而前諮問惟願正士究竟菩薩
一生補處所可降神種姓何類功勳
云何菩薩報曰其國種姓有六十德
一生補處乃應降神何謂六十一國
土寬博種姓寂靜二衆所宗仰三不
生雜姓四所生微妙五種姓真正六
應男女行七志操堅強八本業丈夫
九尊習上業十其行堅要一作人快
怕二衆所羨樂三意行勇猛四所在
尊豪五志行无極六女行清白七男
子無限八所生无畏九無有慳嫉二
十智慧明達一有執多術二棄捐惡趣
三飯食恣意四逮得自在五善友興
盛六雖在重獸無所燒害七種姓溫
良八慕修道德九而无貪欲三十無
有瞋恚一不懷愚冥二在樂无贍三

相好引普四所造篤信五好樂布施
六出家堅固七力勢超異八所由殊
勝九人莫不敬四十諸天奉之一鬼
神承事二餓鬼歸仰三無有怨結四
名聞十方五種類第一六性行自在
七其眷屬強八無乱伴黨九群類无
上五十孝順父母一敬沙門梵志二
財業饒富三多寶穀藏四豐於七珍
五象馬熾盛六獨步由已七奴客僮
使甚多無數八利義如意九無能勝
者十仁慈普覆是為六十時諸菩薩
及諸天子聞是六十種姓清淨欣然
大悅乃知殊特前白菩薩何所種姓
功勲巍巍具足如此菩薩報曰今此
種姓熾盛五穀豐熟安隱平賤快樂
無極人民滋茂殖衆德本迦維羅衛
衆人和順上下相承心念又復將護
情態積三帑藏捨衆殃豐棄衆邪見
一切諸釋渴仰一乘奉敬尊長居士
大臣眷屬和穆色像第一其白淨王
性行仁賢夫人曰妙姿性溫良仁慈
博愛容色難倫心無傾移无有子姓
厭於世俗不倦道訓猶天玉女觀莫

不歡無女人態言語至誠初无魚獷
除棄恚恨不傳彼此好樂布施禁戒
無漏敬重夫主知時止足不懷異心
常吉祥定驗紺青色顏貌熙怡言先
意至仁和其性體行質直而无諛諂
常懷慙愧性重不輕三垢薄劣忍辱
第一手足柔軟猶如蓮華護心口意
強如金剛若王女寶德本清淨前五
百世為菩薩母釋種飢虛宿夜望待
應往降神受彼胞胎於是頌曰

清淨人喜法 處法師子座 自然天圍繞
此菩薩快怡 普廣講堂議 何種至賢良
菩薩應降神 父母清真正 普觀於天下
君子三大姓 咸若意思惟 釋種淨无瑕
白淨王取勝 帝主中殊特 熾盛豐無疵
恭恪常行法 一切皆歸仰 志慕釋淳和
嚴講堂圍觀 應降神迦維 咸成大勢力
像力三十二 學術度无極 沒身無有害
白淨捨自大 三千界第一 意樂似諸天
右名曰微妙 端正天玉女 形體寂清淨
諸天人觀之 正觀無厭倦 无瑕如奇珍
質直言柔軟 安隱无危險 面悅顏不變
行法懷慙愧 離慢不輕舉 所聽無諛諂

常慈好布施 淨邪行十善 身口意常諦
以渡女人態 未曾有缺漏 不慕世俗榮
龍宮及天世 無倫可殊者 應宜懷大聖
宿本五百世 恒為菩薩母 白淨應為父
彼應降德神 善見勤修行 所奉當尊法
恒與清白俱 三十二無欲 所在國進止
卧寐及經行 普照其處所 淨光滅眾罪
雖處天神人 无敢有欲心 見無威儀行
視之如母子 妙后發淨業 生長國三宮
既尊无所越 名稱咸普流 如王后應器
尊人曜眾上 應往彼義土 我宜往降神
天下無餘人 能懷尊聖者 惟妙后應德
乃能堪任受 諸天咨大聖 菩薩清淨智
亦歎王后勲 應往生釋種
普曜經說法門品第二

佛告比丘前還菩薩所降神土其兜
術天有大天宮名曰高幢廣長二千
五百六十里菩薩常坐為諸天人敷
演經典於時菩薩適昇斯宮普告諸
天有經典名療治眾結終始之患寂
後究竟上大高座班宣正真令諸法
會聽斯訓誨時諸菩薩及諸玉女咸
曰當聽于時菩薩觀四方城化作高

座如四天下現若干品諸好奇妙莊嚴文飭悅一切心其座嚴好過欲色界所有牀榻皆是菩薩宿德使然并師子座無央數寶而合莊校極妙天衣以敷其上无量香熏而以熏之燒諸雜香散衆名華百千明珠自然奮光嚴交露帳其交露帳出妙音聲斯大光明遍照十方堅諸幢蓋同匝垂布明珠繒綵百千玉女須臾皆集无数牀榻亦自然至億千功勲普亦現矣無數釋梵皆來稽首護衛菩薩從无數劫積累功德億百千載諸度無極功報所致十方諸佛皆遙念之菩薩適坐告諸天人及大會衆諸賢者等觀此東西南北四維上下十方世界諸兜術天一生補處咸欲降神无数百千諸天大衆眷属圍繞而侍從之皆令觀焉僉為莊宣法曜道門菩薩威神之所建立使諸天衆觀於十方遙稽首礼各以香華供養神處臨成佛者五體歸命稱揚大音讚言善哉菩薩之德不可思議令我等身一時目觀无量菩薩於時菩薩告諸天

衆人等善聽何故名曰法曜道門皆
曰不及惟分別之法曜道門有八百
事臨欲降神為諸天說何謂八百至
誠法門性行成就無所破壞妙喜法
門悅非時心欣樂法門成就篤信愛
敬法門心自然淨護身法門淨於三
事護口法門四善不毀護意法門棄
嫉恚癡念佛法門見十方佛念法法
門觀法清淨念衆法門輒入寂滅念
施法門威神普至念戒法門具足所
願念天法門令心清淨慈心法門化
之立德悲心法門第一無害歡然法
門不毀他人其護法門穢厭愛欲非
常法門能越欲色觀苦法門除斷所
願无我法門無所猗著觀音法門消
不直心觀慙法門除滅內行觀耻法
門寂消外行觀誠法門不欺天人觀
實法門不親己身觀行法門道御法
行觀三寶法門淨滅三塗觀了達法門
不失德本觀作法門不輕他人解已法
門不自毀身曉人法門不非他人分
別法門奉行道法知時法門終不虛
妄棄自大法門具足聖慧捨害法門

不慢彼我棄結法門無有猶豫好樂
法門不懷狐疑棄不淨法門棄貪欲想
無諍法門斷闢訟意無虛法門度无
中傷法義法門決了諸義樂法法門
建法光明求聞法門淨觀諸法應正
法門奉行平等斷名色法門度諸罣
罣厭寶法門成立慧解捨著法門不
猗名稱暢陰法門別諸惡行身意法
門其體宴靜念通法門拔諸痛痒心
趣法門觀心如幻意止法門慧照衆
冥意斷法門捨不善本神足法門身
心輕便信根法門不願他人進根法
門善釋慧明意根法門善造道業定
意法門解心諸脫智慧法門現成明
喆信力法門越魔威勢進力法門而
不還迴意力法門未曾忘捨定力法
門滅衆妄想智力法門周旋往來意
覺法門解真諦法覺意法門普曜諸
法進覺法門積行佛道喜覺法門修
平等行信覺法門所作已辦定覺意
法門暢諸法行護覺法門度諸所生正
見法門好樂入寂正念法門棄若干想
正言法門曉了一切諸有音聲猶如呼

響正治法門無報應罪正業法門息諸
罣尋正便法門消衆欲意正意法門入
無志念正定法門逮得三昧无有瞋
恨道心法門不斷三寶教淨性法門
不樂餘乘聖達法門微妙佛法心無
結網應時法門普具諸法施度无趣
法門徧成相好佛土清淨勸化慳嫉
戒度無極法門悉度衆惡八難之處
攝諸犯禁忍度无極法門心和調柔
攝諸恚怒進度無極法門奉衆善德
攝諸懈怠禪度无極法門興顯一切
一心脫門定意神通攝諸乱意智度
無極法門捨衆无明陰蔽窺冥邪見
羅網攝諸惡智善摧法門隨衆所好
而現威儀普攝一切諸佛聖慧四恩
法門攝諸衆生使成佛道正法由已
四等法門慈悲喜護以斯四等攝諸偏
黨化衆法門安已弘誓而不憊倦護
法法門蠲除一切衆生塵勞積德法門
衆生戴仰聖品法門具足十力寂然
法門成如來定其觀法門慧眼訓誨
分別辯法門成就法眼道御法門具
足佛眼摠持法門奉行諸佛之所

頽宣辯才法門所可敷演悅衆生心
順忍法門順化諸法不起法忍法門
輒得更決不退轉地法門備諸佛法
從住至住法門至阿惟顏一切智業
無餘法門處胎出家詣佛樹下惟諸
仁等略說其要是為八百法曜法門
菩薩大士臨降神時為諸天子講說
此法說是法門品時八万四千天子
發無上正真道心三十万二千天子
宿殖德本尋時逮成無從生忍三十
六載諸天子等遠塵離垢諸法眼淨
兜術諸天咸皆欣然皆散天華積至
于膝如是比丘于時菩薩為大天衆
勸助若滋谷粳說偈

其有樂清淨 在天心思妙 皆宿造德本
故致此淨果 是故報前世 造行清淨品
無德歸惡趣 在苦痛不善 從我聞是法
莫起无恭敬 當棄此憍慢 致无量人安
罪福無有常 无恒無堅固 如夢幻野馬
空中電忽然 雖以慕五樂 猶渴飲鹹水
離塵度世聖 遠智能充飽 等諸欲伎樂
一切諸玉女 女人各異心 是時平等業
不見利養伴 友親諸眷属 除餘造善業

不樂諸惡品 是故俱和合 各懷念慈心
奉行真正法 善行自充飽 常思念諸佛
在法无放逸 樂戒博聞施 忍辱仁和要
曉了苦無我 專精觀察法 從因緣合成
轉長勝垢濁 覩見諸辯才 無極之神足
慧功勳自然 造戒聞无逸 修學無極解
博聞无馳騁 施調意智慧 衆生故行慈
常修行愍哀 能成衆善法 大要行為本
言行常相應 勿從他人教 已寂然精進
不以作逮得 無作亦不安 等意觀其本
生死甚勤苦 不以習離欲 捨邪能究竟
是故得閑靜 宣布順慈心 尊敬聽法會
滅欲燒塵勞 棄捐大貢高 執持無諛諂
以時進行道 至滅度无為 消愚衆濁冥
智慧明化之 棄結塵生網 興發所應行
雖有衆法師 汝等修行義 不在於彼見
不違諸法訓 若得佛道時 轉法雨甘露
淨洗其心垢 諮受最法門

普曜經所現象品第三

佛告比丘於時菩薩為大天衆敷演
經法勸助開化咸令悅豫問諸天子
以何形貌降神母胎或有言曰儒童
之形或有言曰釋梵之形或曰大天王之

形或有言曰息意天王形或有言曰阿
須倫捷陀羅迦留羅真陀羅摩休勒形
或曰大神妙天日月王形或曰金翅鳥形
彼有梵天名曰強威本從仙道中來
沒生天上於無上正真之道而不退
轉報諸天子言吾察梵志典籍所載
歎說菩薩應降神母胎又問以何形
往答曰象形第一六牙白象頭首微妙
威神巍巍形像殊好梵典所載其為
然矣緣是顯示三十二相所以者何
世有三獸一兔二馬三白象兔之渡
水趣自渡耳馬雖老猛猶不知水之
深淺也白象之渡盡其源底聲聞緣
覺其猶兔馬雖度生死不達法本菩
薩大乘辟若白象解暢三界十二緣
起了之本無救護一切莫不蒙濟如
是以丘於是菩薩處兜術天普觀天
下意欲降體白淨王宮

此時王宮先現八瑞一者草穢凡石
諸垢不淨悉為消除自然香潔生衆
雜華香氣芬芳二者其雪山邊鳬鴈
鷺鴦鷹鷂赤鸚鵡青雀哀鷺雜鳥
來詣王宮住宮殿上軒牕門戶屏障籠

疏各各暢音柔軟妙雅三者白淨王宮
後園遊觀流泉衆水冬時始春皆生
雜華若干種寶奇雅妙好四者陂水浴
池諸觀屋宅恣自然生青蓮芙蓉大
如車輪其葉百千五者其蘇水器及
麻油器石蜜器食之無減六者其
王宮裏大鼓小鼓箏篪琴瑟箏笛簫
笳不鼓自鳴演悲和音七者其王宮
藏衆寶奇珍明珠七寶衣被瓔珞地
中藏寶自然發出八者宮中光明普
照內外蔽日月光万二千姝女歡喜
悅樂眷屬圍遶來詣王所見王安坐
侍王之右坐交露帳和顏悅色咸共
賀言善哉大王願聽妾言王得大願
衆寶瑞應咸一時至當懷悅豫時節
和適國土太平應八閑齊當抱慈心
不宜瞋喜敬身愛彼素相慳嫉愛欲
邪見消雪自大衆生患厭事无復諸
乱莫不歡喜已入正真無懷恨者不
聽十惡奉行衆善王愍我等建立至
誠去諸塵意莫受譏言兩舌彼此慕
樂戒禁將護宜適念行功德慕樂道義
妾等亦當奉戒順命棄捐愚冥抱歡

豫心常自將護彼樂園遶永得安隱散
華燒香已離諸欲不懷異心宿夜七
日安和無難今我等心不在色聲香
味細滑之法其心戀慕欲聞正音男
女志好猶若天人遊戲樂施不忘王
榮瓔珞之飭床座統經諸好机延之
中思善皆悉踊躍安隱无乱今者大
王宜視衆民猶若一子時王聞言第
一歡喜當如所願不違汝意輒如所
誓於時其王施宮嫒女如意所願皆
為莊嚴交飭清淨解散衆華燒其香
勲懸繒幢蓋召二万人悉使被鎧皆
執兵仗侍衛左右諸眷属俱作諸伎
樂音聲悲和擁護王后諸宮嫒女各
共圍遶諸天王女來洗浴之香勲麥
服衆寶瓔珞僉然俱鼓百千妓樂其
音悲和夫人適坐天女來侍以若干
種衆雜天華金銀床檣細軟統經以
布其上明月珠寶諸天王女各賣香
瓶散華燒香

普曜經卷第一

三寶歲高麗國大藏都監奉

勅彫造

普曜經卷第二

王

西晉月氏三藏竺法護 譯

降神震胎品第四

於是四天王天帝釋炎天子兜術天子無慢天子善化天子魔子導師梵忍跡天梵滿天善梵天光淨天光音天大神妙天淨居天竟往天阿迦膩吒天及餘無數百千天人皆共集會轉相謂言今仁君等假使菩薩獨往降神震於母胎我等諸天不往侍從隨無反復不識恩養誰能堪任侍衛菩薩降神入胎不離其側如影隨形乃至成佛降伏魔官而轉法輪和慈四等至大減度以懷慈心歡喜悅心調和其心而奉事焉未曾遠離不違要擔於是頌曰

今誰能堪任 追侍常悅心 誰得名稱力
自發長往侍 忉利天誰意 捨安不樂天
往在玉女衆 侍離垢月顏 諸微妙最樹
雖貪天室宅 屋宅化金色 當侍離垢威
心念若干品 不慕其諍訟 少欲如妙花
大男子所好 言察兜術天 諸天求大威
所生常見敬 常樂無量稱 慕應化妙本

自在諸天宮 心吉皆奉行 當好是功勳
魔王懷毒心 越度一切尊 及愛此經法
自在度欲尊 亦度於欲界 亦及梵所居
修行四等心 在諸仙中上 遊諸天殊特
如轉輪聖王 室宅常安隱 侍離欲威尊
欲得國君安 大財無極富 眷屬無怨仇
侍送可敬順 致財色豪位 名稱力功勳
見歎及仁君 往侍送梵音 欲得天人樂
及致三界安 處安及法安 當侍大仙安
若除姪怒癡 欲棄衆冥塵 寂然心淡泊
侍從調定意 學不學緣覺 當逮一切智
十力師子吼 當侍從江海 意勝閑惡趣
致安住甘露 得成八正道 侍從降五趣
其欲得見佛 欲聽大哀法 慕致衆福祚
往侍自在聖 盡生老死苦 欲解死轉縛
清淨如虛空 侍清明真人 欲致一切敬
相好殊異德 常欲濟彼已 當侍可愛敬
戒定及智慧 此及無量稱 究竟所生安
當侍彼大聖 欲達深難解 玄絕難逮義
欲得慧自解 當侍大醫王
今時諸天聞 歎此偈其四天王四万
人俱百千忉利天炎天兜術天無憍
樂天化自在天各與百千諸天子俱

六萬魔天前世積德修清淨行梵迦夷天六万八千乃至阿迦膩吒天與無央數百千眷屬又有四方無數百千皆來集會是諸天子各各嘆歎歌頌妙偈

聽我無限言 意審至三乘 棄欲樂安住
所慕此最淨 大聖度降神 衆奉可重敬
守德神仙護 微妙無害意 執樂鼓和音
歎德海功勳 歸命天人尊 聞菩薩上慧
散花供養聖 奉仁名花香 悅心天人尊
離欲安無患 意妙清淨花 善願演光明
迦夷散聚花 芽供福清淨 震胎無垢著
覺^覺悟老病死 悅心侍究竟 志懷奉恭敬
天人獲善利 見舉是七步 釋梵咸稽首
香水洗淨意 屈意隨世俗 天宮慶塵欲
普捨釋尊位 咸悅意侍之 取草坐道場
得佛降衆魔 梵勸轉法輪 衆共奉安住
三界作佛事 甘露億載衆 摧化衆清涼
皆棄渴名稱
於是欲行天人勝室覩見菩薩姿色
殊妙心自念言今此真人清淨殊貌
其妃如類邪尊人所厚咸皆羨之各
執花香抱愛敬心志切福報願立神

足適作是念即時尋沒天人宮殿
在迦維羅衛大園觀中寂然莊饒其
白淨王所可愛樂難及大殿後宮苑
園其處魏魏汗塗香熏清淨無垢光
明福祚威神成就天人瓔珞一時并
至尋從地起見王妙后舉身一拍現
在虛空各各相和而說偈言

天玉女遊行 觀菩薩妙顏 心中發是念
菩薩母何類 手各執衆花 往聞生愛意
既受持花香 又十拍作礼 微妙氣雜香
投身自歸命 吾觀名稱市 善見仁顏色
亦欲覩殊異 玉女色最悅 觀尊見其形
天眼自覩身 是顏第一殊 至德生尊人
明珠著好器 是器天中天 手脚如甘露
來樂勝天人 觀像無厭足 其心益踴悅
威首照虛空 其明耀諸天 離垢衆雜香
身演暉如是 其色如紫金 威神耀諸天
如蜂王成蜜 演淨塗香熏 眼明如真金
光淨耀虛空 所沒至清淨 而等於有無
脾踵猶如魚 其膝微平正 手脚平等淨
玉女歎決疑 如是多所觀 散花右遶之
歎名稱佛母 還入其天宮
今時四天王 天帝炎天及無慢天大

龍獻鬼及害人鬼阿須倫捷陀羅真
陀羅摩休勒咸皆來至歸人中上而
在前導衛護至尊將無惡物害意向
之若世俗人勿造危難詣其王后所
居宇宅皆共清和眷屬圍繞遊行虛
空一切吉祥令無違燒衆共宿衛諸
天子知悉欲往侍悅心敬后執持花
香叉手十指為禮見淨尊人當降神
故師子大哀欲來生故用道法故皆
當勸助護一切故於是菩薩欲遷神
時東方極遠無數菩薩住兜術天皆
共來至於斯佛土供養菩薩南西北
方四維上下十方無限諸佛世界無
數菩薩一生補處住兜術宮皆來詣
此供養菩薩其四天王八萬四千諸
玉女衆切利天炎天兜術天無憍樂
天化自在天各將侍從八万四千玉
女鼓樂絃歌來詣此土供養菩薩於
時菩薩即坐首戴普德等集三昧定
意一切現大棚閣弁諸菩薩億百千
載諸天圍繞動兜術天適震動已從
身放光具足廣普照此三千大千佛
國土靡不周遍曜幽冥靈令覩大明

日月之光所不逮及照於地獄餓鬼畜生八難中人蒙斯尊光普獲安隱所蒙光霽令其衆生消姪怒癡不懷自大無有惱熱亦無貪嫉皆懷慈心相視如子如父如母如兄如弟天人伎樂不鼓自鳴百千億載音聲相和無數天人念善思惟彼大天宮無能毀壞王女百千各鼓琴箏在後侍從以伎樂音唵歎菩薩前世積德而說偈言

前世積功德 長夜來善本 布施得真正 故今致奉敬 尊本無數劫 惠施愛男女 以斯施果報 雨天諸花香 害身肉穢之 用衰慙鳥故 由此布施果 餓鬼蒙食替 尊本無數劫 護戒無所犯 由禁獲果報 消盡惡道難 本無數億劫 志道行忍辱 忍行致此果 慈心愍天人 本無數億劫 上進無怯劣 以是精進果 身好如須弥 本無數億劫 禪思消衆塵 以是一心果 不樂衆塵欲 本無數億劫 行智斷貪欲 以是智慧果 光明最清淨 被鎧善伏塵 普愍念衆生 仁德度彼岸 礼清淨安住 光耀悉普照 皆除衆塵冥 為三千目導

禮最勝現道 曉了神通飛顯示學究竟
化度以種類 稽首善船師 皆學清淨辭
示現沒終始 未曾捨俗法 於俗無所著
其見求博聞 弘利甚無限 沉復聽受法
得信愛樂者 兜術天忽冥 間浮利日出
無思議億姦 樂道消衆塵 安隱快豐盛
無數諸天俱 玉女數音樂 王舍聞悲和
德威普滋茂 觀母最妙顏 子巍巍如此
三界最吉祥 不復失本誓 無有貪恚諍
恭敬普慈心 於人中威神 王國遂增益
成轉輪王種 迦維當豐茂 寶藏又豐滿
鬼閻叉厭鬼 諸天龍鬼神 往護人中尊
不久得解脫 讚佛積功德 愛敬而奉事
悉用勸其道 速疾成導師

佛語諸比丘 于時菩薩過冬威寒至
始春之初修合星宿春末夏初樹木
彫落初始花茂不寒不暑時三界尊
觀察十方適在時宜沸星應下菩薩
便從兜術天上垂降威靈化作白鳥
口有六牙諸根寂定頸首奮耀光色
巍巍眼鼻是是現從日光降神于胎
趣於右脅菩薩所以處於右者所行
不左王后潔妙時晏然寐忽然即覺

見白鳥王光色如此來震于胎其身
安和從始至今未曾見聞身心安隱
猶如逮禪致正受矣於時妙后衣毛
為豎披緘衣服及塗香熏身心欣喜
尋從坐起與姝女俱前後圍繞從後
宮出詣無憂樹即時安坐無憂樹下
便遣侍女以此意白啓白淨王曰天
王自屈來覩所樂王聞踊躍即勅嚴
駕群臣翼從到無憂樹不得入門王
自起想乘高為車思惟須臾即說偈
曰

念曾震為車 身重不如今 光明入吾室
問誰是何變

於時有天在虛空中化現半身為白
淨王說此偈言

德行三界尊 慈哀成福祚 菩薩還兜術
大聖降妙后 當又奉禮足 至神入彼室
妙后觀其意 若干種微妙 今以用是故
而有是變應 示現於宮殿 未曾有虛妄
淨如雪山王 其明超日月 身形甚分明
大為強殊勝 堅固猶金剛 思念行殊特
而降神入胎 是故受我言 觀三界迷冥
億載天歡詠 不厭無瞋怒 心寂等安定

時夫人出為王說偈

天王白梵志 曉了能解夢 為我別此義
於國為吉凶 大王受我言 梵志學經術
當使在我前 聽說所夢意 光踰日月明
形大好六牙 故勇入我胎 當聽此意故
時王請梵志問此意梵志為王說偈
言

梵志聞是言 歡喜無不吉 生子有相好
在家為聖王 假愍世出家 成佛祐三界
甘露普濟俗 為決所疑網 受梵志好教
心中無所畏 以服美飲食 其身永安隱
時白淨王心 自念言何所屋宅安於
妙后使無眾難時四天王詣白淨王
而謂王言大王安意今我等身當為
菩薩造立妙宅時天帝釋炎天兜術
天無憍樂天化自在天往詣王所各
上天宮王后處中兜術天王曰還持
本宮奉上菩薩使處其中化自在天
曰我有宮殿欲界最上光蔽諸天令
如聚黑當令王后身處其中花香伎
樂奇異之饌供養妙后如是比丘一
切欲界天王俱來詣迦維羅衛貢上
宮殿一心自歸供養菩薩

時白淨王亦在其土興立宮宅嚴好
如天於時菩薩承大淨定使其王后
普見宮殿身處其中皆懷菩薩時諸
天王所上宮殿各不相見各自念言
今菩薩母在我宮殿不在餘所時佛
即說偈言

住大淨三昧 所化不可議 普悅諸天意
先現瑞所應

佛語比丘於時菩薩坐於寶淨交露
棚閣微妙后右脅所坐寶淨棚閣殊
妙栴檀而香熏之其香遍熏三千世
界巍巍奇異强若金剛軟如天衣香
氣芬馥徹於十方其菩薩交露宮殿
欲界諸天嚴淨宮殿常皆現在菩薩
宮殿其處菩薩臨降神胎應時其夜
下方水界六百六十由旬生大蓮
花上徹梵天永無見者唯有梵天名
音聞百万諸佛土威神光耀普遍三
千大千世界皆現目前獨見之耳又
其梵天執金剛器百味食飲奉侍菩
薩菩薩食之觀觀十方無能服食是
一沛之供堪任服消者獨有一生補處
菩薩能消化耳又有宿世切福積德道

慧所致諸尊天帝釋梵王咸來瞽首
歸命聽經於是菩薩舉一手拍自然
化現別異來擒釋梵四王各從本位
而坐其上已見坐定為講說法開化
其心咸皆悅豫菩薩觀之欲得還歸
下其右手使不復現釋梵四王尋即
知之菩薩遣證右繞菩薩便即還宮
以是之故菩薩震其右脅東西南北
四維上下十方無數百千菩薩咸來
見之瞽首作禮欲得聽經菩薩見來
演身光明化清淨坐即皆就牀各各
啓問無極大乘廣為分別各不相見
以是之故菩薩演寂光明照諸天人
其菩薩母悉不知之亦無所聞唯覺
已身輕便柔軟安隱無橫無姪怒癡
不想三毒亦無寒熱及諸飢渴不汗
聖躰及餘手指無有不可亦不遇惡
色聲香味細滑之法不見惡夢亦無
惡露迦維羅衛及遠大國天龍鬼神
輒杳杳阿須倫加留羅真陀羅摩休
勒男女大小歡喜踊躍不懷異心若
有諸病風寒熱氣疾眼耳鼻口身心
之疾脣齒咽痛塵勞狂病顛疾金瘡

癰瘡詣菩薩母母舉右手而摩其頭
病皆除愈各還其家於時王后取草
作籌殊妙自然著於地上持與諸病
即得安隱無復所患時菩薩母使衆
疾患住其右邊皆得安隱無復衆病
各歸其處諸可來者觀左右脅悉見
菩薩降神母胎鮮潔清淨猶如明鏡
照其面像歡喜踊躍皆蒙濟度菩薩
在胎自然天樂而相和鳴雨天香花
常以時節春秋冬夏自然降矣幢蓋
繒綵展轉往來國土安隱豐熟熾盛
無有溝坑荊棘之穢有諸幡蓋遍迦
維羅衛城釋種諸姓及與萬民飲食
娛樂鼓儛歌戲好喜布施積功累德
皆共相樂周竟四月其白淨王淨修
梵行棄捨國事不加刑罰行法為本
不慕世榮於是菩薩在胎十月開化
訓誨三十六載諸天人使立聲聞及
諸大乘於是頌曰

菩薩處母胎 墻壁屋室地 自然金色光
天喜成法王 莊嚴大宮殿 見中跏趺坐
道師處名香 其香聞三千大千下方出
大蓮花香淨 乃徹至梵天 取精授菩薩

菩薩能消服餘人不能堪無數劫熟精
服食身心淨釋梵四天王誓首供養佛
奉事聽正法右繞皆還歸樂法菩薩來
妙光淨無礙轉聽尊法樂聞說皆歡喜
四方男女來鬼燒心迷惑見王后心解
意安還歸家得風寒熱毒眼耳鼻口病
及若干疾患后摩頭得安若取一籌涕
與之病皆愈無疾安歸家震胎為墮王
十方諸菩薩目自見王后如日月在空
觀菩薩眷屬無姪怒癡患無貪嫉恚想
其心常歡喜無餓渴寒熱天樂不鼓鳴
天雨淨花香天人非人見未曾懷害心
天人樂飲食無數樂悲和時雨豐賤樂
草藥花菓茂王宮雨七日貧取食布施
安貧苦誓首禮和眾如山白淨王常悅
行法不領國入靜問皇后懷聖身安不
欲生時三十二瑞品第五

佛語比丘滿十月已菩薩臨產之時
先現瑞應三十有二

一者後園樹林自然生果

二者陸地生青蓮華大如車輪

三者陸地枯樹皆生華葉

四者天神牽七寶文露車至

五者地中二万寶藏自然發出

六者名香妙熏遍布遠近

七者雪山中出五百師子羅住城門
無所燒害

八者五百白象子羅住殿前

九者天為四面細雨澤香

十者其王宮中自然泉水百味飲食
給諸虛渴

十一者諸龍玉女在虛空中現半身住
十二者天万玉女把孔雀拂現宮牆上
十三者諸天玉女持万金瓶盛滿甘
露住虛空中

十四者天万玉女手執万瓶皆盛香
水行住虛空

十五者天万玉女手執幢盖而住侍焉
十六者諸天玉女羅列而住鼓百千
伎樂在於虛空自然相和

十七四瀆江河清澄不流

十八日月宮殿停住不進

十九沸宿下侍諸星衛從

二十交露寶帳普覆王宮

二十一明月神珠懸於殿堂光明晃昱

二十二宮中燭火為不復明

二十三篋笥衣被被在架上

二十四奇珍瓔珞一切寶藏自然為現

二十五毒虫隱藏吉鳥翔鳴

二十六地獄皆休毒痛不行

二十七地為大動丘墟皆平

二十八四衢街巷平正散花

二十九諸深坑塹漸皆悉為平

三十魚獺怨惡一時慈心

三十一境內孕婦產者悉男韻盲瘖

瘕瘥殘百疾皆悉除愈

三十二一切樹神半身人現佝首礼侍

是為三十二當此之時壇場左右莫

不雅奇歎未曾有

尔時王后臨產菩薩承道威神即於

初夜起著服飭將諸侍女往詣王所

聽我所言思入圍觀從來久遠假使

大王不以為難不懷瞋妬乃敢往詣

在彼寂然思惟法典

時王荅曰今懷聖人亦可行觀樹木

華實皆以茂盛宜知是時既有宮殿

好妙屋宅若干種樹衆果芬華甚可

樂喜無轉悔心

后聞歡喜王勅嚴駕及諸侍從雲母

寶車姝女圍繞出行遊觀隣輦樹下
車馬人乘皆共同色光耀人目二百
白象前後導從衆寶明珠垂絡諸象
象皆六牙悉象中王盡以紫金雜廁
象身微風吹之嗷嗷相和懸諸繒幡
皆勇戰鬪時世和安無有爭心眷屬
圍繞宿衛王后隣輦樹下

天帝釋梵四王皆共翼從諸天散華
速行案行宮殿屋宅時還反意眷屬
聞之輒即受教案行掃除王后當來
國主當至還報嚴淨聞之歡喜尋入
宮宅是我所喜意中所樂皆悉平正
无有傾邪可坐憚思威光輝曜其香
芬熏清涼甘美音聲柔軟若干奇寶
瓔珞其身莊嚴要妙見者皆歡諸音
樂器笳簫鼓吹若干種品相和而鳴
諸天玉女聞柔和應又見王后處一
好車男女大小色像皆同不異各御
車乘法无殊特欲使王后不聞惡音
象馬乘步若干種兵各各嚴飭住於
門外聞大洪音始出門時百千聲響
皆稱万歲其車嚴飭行止安詳天師
子座作四寶樹枝葉華實皆悉茂盛

鳬鴈孔雀暢悲和音豎幢幡蓋七寶
交露車時諸天人住於虛空將御此
車亦暢和音

余時王后坐師子床六反震動三千
國土諸天散華聖今日生為在隣鞞
樹下為天中天其四天王挽王后車
其天帝釋淨治道路又梵天王列在
前導百千天人頭面稽首父王觀此
心中欣然則自念言是必正真天人
之尊乃使四王天帝釋梵咸來供養
果當成佛未見三界致是恭敬天龍
尊神釋梵四王設遭破首亡失身命
當供養聖終不捨去

余時王后象馬寶車步人從者各八
萬四千衆寶嚴飾兵仗嚴整雄傑勇
猛左右重行前後圍繞六万婢女前
後導從

白淨王親釋種長者有四万人皆來
侍從六万四千國王內伎送菩薩母
天玉女龍王妻捷陀羅真陀羅摩休
勒阿須倫諸妻室各八万四千各各
嚴飾衆寶瓔珞莊校其身鼓若干樂
音聲各異咎唎歌歎菩薩母德皆共

侍送至隣鞞樹修治道路香汁灑地
以散天華一切諸樹皆生華實木蜜
栴檀香流十方是諸樹者諸天所化
尔時王后適上寶車天玉女從樹木
奮光名香好熏供奉王后殊妙衆珠
雜寶以成是樹莖節枝葉華實皆香
若干幡綵嚴飭周遍其地平正廣長
無穢生柔軟草自然布地猶如天衣
承如往古諸佛之法

又諸天人一時咸鼓百千伎樂侍從
王后王后適至於此樹下菩薩威神
樹躬屈枝自歸王后虛空諸天稽首
為礼日月光明清淨无垢諸天王女
喏唵功勲至於樹下樹神歡喜何故
有是感應今我等身堪任供養所
往奉敬從无澤獄上至上界三十三天
無懈廢者消生老病死威光超絕除
衆闇冥今聖人生如樹茂盛華實芬
葩億萬諸天亦遙稽首震動天地至
乎六反皆為大明光明清淨百千伎
樂亦同俱作

離欲諸天深大悅喜今日聖人普慰
一切釋梵四王歡喜作礼其中尊

德超日月在於胎中演金色光光
日月諸天梵釋亦皆覆蔽其百十億
諸佛國土消諸惡趣衆生普安无復
苦患諸天百千咸共散華樂慶金剛
其精進力從下方界自然出生七寶
蓮華

尔時菩薩從右脇生忽然見身住寶
蓮華墮地行七步顯揚梵音无常訓
教我當救度天上天下為天人尊斷
生死苦三界無上使一切衆无為常安
天帝釋梵忽然來下雜名香水洗浴
菩薩九龍在上而下香水洗浴聖尊
洗浴竟已身心清淨所在遊居道超
具足生於大姓如正真實奇相衆好
應轉法輪若轉輪王處在三界以一
道蓋覆於十方其白淨王心中坦然
踊躍無量

尔時五千青衣各各生子皆為力士
現大小等給使白王八百乳母亦各
生子百千象生白馬生駒形色如雪
毛衣滑澤黃羊生羔子即有二万文
露寶車聖經行時亦復稽首今當如
行何所施作德過諸天然大變化不

可限量生業廣大由是之故光明普
曜五千玉女香華自熏各持油香詣
菩薩母志大乘業諸天來賀將无勞
倦五千玉女皆來侍衛各持華香賀
菩薩母衣被屋宅猶若天上諸童子
等請五百席詣菩薩母將無勞倦重
以瓔珞莊嚴其身菩薩无畏必成佛
道佛告比丘菩薩生時其母安隱无
有瘡癰亦無痛痒平復如故應時前
後五千玉女賣天香熏及持油香奉
菩薩母長跪問許將无勞倦

五千玉女奉天醫藥五千玉女賣寶
瓔珞五千玉女賣天被服五千玉女
賣天伎樂奉菩薩母各各問許言將
無勞倦今此天下五通仙人輕舉虛
空忽然來現白淨王前

佛言比丘菩薩生時夙夜七日伎樂
衆供百種飲食隣鞞樹下奉菩薩母
布施持戒忍辱精進興功立德

時三万二千梵志常賣所乏日日供
給充飽所欲天帝梵王化作儒童端
正姝好在梵志衆說吉祥偈

寂滅諸惡趣 使衆生普安 衆生以和安

一切皆无患 如光消衆冥 諸天光照穢
德徹諸光明 令蔽不復現 不見餘業時
亦復不聽聞 佛光適出現 為世之大聖
不遇塵勞病 慈心愍衆生 梵天億百千
來供養无量 如樹華茂盛 安住於平地
衆人皆往歸 一切悉採取 猶如此世間
淤泥生蓮華 世護明如是 將養洽一切
譬如柔軟衣 熏以天名香 若有疾病人
當為療醫王 假使有離欲 在色界和音
叉手為作礼 則為說衆祐 若諸天人民
觀天人柔軟 展轉相訢重 為衆之導師
若如清淨水 普有所茂盛 以是正見故
所居常安隱

佛告比丘於時菩薩生七日後其母
命終於比丘意所趣云何七日命終
菩薩咎也莫作是觀所以者何本命
應然菩薩察之臨母命終因來下生
懷菩薩時諸天供養至見生矣以服
天食不甘世養太福應然去來今佛
皆亦如是母七日終所以者何菩薩
生時母根身具无有缺漏應受忉利
天上忉忉忉服食上忉利天適昇彼天
未生菩薩時諸天所送宮殿屋宅所

可住止講堂處所諸供王后五千諸
瓶所盛香水五千玉女各移床座五
千玉女手持冠幘執澡香水在前灑
地五万梵天各執寶瓶稱歎万歲二
万諸龍寶瓔珞身二万白象珠寶珞
身二万車乘建立幢蓋寶交露車在
後侍從四万步兵勇猛係異菩薩後
行又虛空中无數億載天人忽然興
立紫金牆壁供養菩薩母其夜菩薩
降神之時即夜欲界所可在嚴無極
大殿二万魔妻手執寶縷來侍菩薩母
又二万人瓔珞嚴身應時彼夜兩玉
女間有一姝女非人玉女若觀面色
其欲興隆時菩薩德威神所致此迦
維羅衛大城之中五百長者皆是釋
種各各建立五百屋宅入羅衛城時
為菩薩開其城門身命自歸白菩薩
言一切義言唯屈入此諸天處所是
清淨處普眼降此有大宮殿名護淨
華菩薩應處
諸大梵志豪姓釋種時白淨王隨時
屈意入其舍宅用菩薩故入五百宅
功勲和安修行正真

五百車匿各各發言我等之身奉事
供養新生太子或有說言太子聖明
善制訓教端正殊妙年幼難及

又今太子轉當長大誰能養育令長
大乎皆和共議唯大愛道能育慈心
推燥居濕飲食乳哺使長大耳大惡
道者太子姨母清淨無夫是能堪任
常不遠離

時白淨王與諸釋種和同共往詣大
愛道說是意故太子母終令時姨母
乳哺令長時大愛道則然可之

王會釋種欲試問之今者太子當作
國主若當出家欲決此疑衆釋啓曰
竊聞雪山有仙梵志名阿夷頭耆舊
多識明曉相法王大歡喜因嚴駕白
象欲詣道人諸天龍神現無數變導
從侍衛

時阿夷頭覩諸神變知白淨王生聖
太子威神光曜過天世人心懷欣豫
欲往親覲於是世尊重為衆會而說
頌曰

仙梵阿夷頭 見天飛虛空 形貌紫金色
觀之大歡悅 天須輪金翅 為真隨是佛

聞是要句悅 天眼觀十方 而名稱若干
德如山高峻 猶樹軟華實 所住三界尊
普地平若掌 如天悅不迷 如海王有寶
現法道如是 如滅惡无苦 若天遊虛空
聞天柔軟音 三界現寶瑞 阿夷觀天下
察迦夷白王 見生福相好 觀之歡悅往
住於王宮門 觀無數億衆 視青衣問曰
善哉王所在 欲前覲國王 門吏見仙老
歡悅入啓白 王勅使令前 布座速迎之
阿夷聞悅喜 心中懷飢虛 問尊聖所在
年朽不數現 王告令就坐 問何故自屈
見衆變故來 生子聞第一 身相三十二
欲見普吉義 吾身以故來 善來吾樂之
今適寂淨眠 且待須臾覺 見妙如滿月
於是阿夷心懷愕然以偈報王曰

從無央數劫 精進積德行 覺來以久遠
安得復睡眠 世世行布施 惡傷諸窮厄
所有无所恡 安得復睡眠 奉清淨禁戒
護法無所犯 欲愍濟一切 安得復睡眠
常忍辱仁和 其心不懷恨 執心若如地
安得復睡眠 精進如月初 目前不懈怠
遊見十方佛 安得復睡眠 一心常禪思
未曾有亂想 意定如大山 安得復睡眠

智慧无不達 聖明踰日光 無所不開解
安得復睡眠 常奉四等心 行慈悲喜捨
如梵無放逸 安得復睡眠 遵修四恩行
慧施及仁愛 利人復等利 安得復睡眠
奉三十七品 意止斷根力 神足覺八道
安得復睡眠 常行權方便 隨時而開化
往及度一切 安得復睡眠 其心常寂然
定意不放逸 入此深三昧 安得復睡眠
觀彼我本末 觀見十方佛 解之忘本无
安得復睡眠 常行三脫門 空無相諸願
有無无所著 安得復睡眠 大慈無盖哀
法解遊三界 度脫諸生死 安得復睡眠
道德如虛空 為衆故自下 緣是化三乘
安得復睡眠 虛空尚可度 海水知幾滄
草木悉能計 安得復睡眠 願王聽我言
子德无可喻 慧過衆塵數 安得復睡眠
降神於母胎 所度不可量 非小節所達
安得復睡眠

於是菩薩從寐覺起大愛道白 毘累
抱來詣王所 王賜黃金白銀各一囊
賜道人道人不受

披氎相太子見三十二相 軀體金色
頂有肉髻 其髮紺青 眉間白毛 頂出

日光目睞紺色上下俱眇口四十齒
齒白齊平方頰車廣長舌七合滿師
子膺身方正修臂指長足跟滿安平
正內外握紉縵掌手足輪千輻理陰
馬藏鹿蹄鴈鈞鑠骨毛右旋二孔一
毛生皮毛細軟不受塵水習有所字
阿夷見此乃增歎流淚悲不能言王
及大愛道心懷惶懼拜手而問曰有
不祥乎願告其意舉手荅曰吉無不
利敢賀大王得生此神人昨暮天地
大動其正為此

如我相法曰王者生子而有三十二
大人相者處國當為轉輪聖王自然
七寶千子主四天下治以正法若捨
國出家為自然佛度脫衆生傷我年
已晚暮當就後世不覩佛興不聞其
經故自悲耳

王深知其能相為起宮室作三時殿
各自異處涼時居秋殿暑時居涼殿
寒雪時居溫殿選五百伎女擇取端
正不肥不瘦不長不短不白不黑才
能巧妙各兼數伎皆以白珠名寶瓔
珞其身百人一番迭代宿衛其殿前

列種甘果樹間浴池池中奇華異類
之鳥數千百種嚴飾光明趣悅太子
意欲不令學道宮牆牢固門開閉聲
聞四十里

佛告比丘菩薩生已大神妙天告諸
淨居菩薩大士無數億載積功累德
淨其道場布施博聞禁戒清徹懃修
正行大慈大哀以是悅護一切衆生
使立大安

菩薩精進堅強无傾被大弘捨於過
去佛殖大德本相有百福莊嚴聖體
所作安和與衆超異心意清明所御
無垢以此淨行立成大慧无極法幢
諸有俗力自然為伏三千大導天人
奉事建立大祠所導無導推重道德
斷生死原興顯大乘

適生墮地在於王家緣是衆生被蒙
弘猷覺未覺者宜往稽首零歎功德
奉事供養

為餘天人不解法者貢高自大不識
至真顯示大道無極至業若干菩薩
威聖超絕咸來供養以聞見此增益
國王土地功勲覩說生時聖慧巍巍

觀其真諦莫不發意往到彼還所度
無極於是頌曰

生時德如海 大神妙說是 無數劫難聞
往奉仁中尊 淨天具百千 明珠莊嚴身
志脩威儀往 自投歸至尊 諸天長夜護
住衆德淨門 莊嚴寶瓔珞 色好如月滿
光光不逮聖 聞不及一步 无敢越三界
三界無能當 身演清淨光 言和无能逮
識深修善業 天人莫能踰 過名香衆勳
恭敬而奉養 未曾見太子 承事天中天
阿弼便白王 相師欲求見 威儀德神聖
王聞第一喜 門吏啓王入 人尊以聽之
手執華歡喜 神入聖屋宅 其王以見入
即起叉十指 紫金寶脚床 請仁坐此榻
即坐四見達 王問所以來 生子身德具
行真故來見 聖明相好倫 不知所歸趣
是故煩床坐 唯示嚴相好 此衆圍遶來
家樂上太子 奉敬天示之 出門歎未有
見妙勝導師 紫金覺聖威 即起觀顏貌
稽首離垢光 盡壽見歡喜 威德无見頂
白毛天中時 成佛降衆魔 嗟歎至真德
消除衆塵勞 寶師子來現 當刈生死垢
三世三垢熾 從相起毒垢 法雨療三千

甘露滅塵勞 慈燈見哀勲 梵音聲柔軟
教告三千界 口宣大法響 境外學邪還
衆罪所見縛 因緣不聞空 法勇化小節
滅癡大火烟 淨衆大聖教 見世智慧明
滅衆闇冥識 天人獲善利 及見淨真三
空蓋興天路 人寶无所諍 迦維天雨華
奉札右繞之 歎佛歎國土 昇虛雲還天
普曜經卷第二

癸卯歲高麗國大藏都監奉
勅彫造

普曜經卷第三

王

西晉月氏三藏竺法護譯

入天祠品第六

佛告比丘菩薩適生當尔之時君子
梵志長者二万婦生二親歡悅皆奉
菩薩給使左右

尔時白淨王供給菩薩二万婢女走
使所當諸家親族二万婢女貢上菩
薩大臣百官復有姝女二万奉上菩
薩尊豪諸釋咸共集會來至王所前
啓自言王當知之且將太子至於天
祠王然可之皆勅城內掃除衢路四
徼諸道諸曲里巷莫有不淨不吉之
事凡石溝坑不淨之地病疾盲聵勿
有惡聲散華燒香選吉祥音懸幡繒
蓋莊嚴門戶王還入後宮以告大愛
道擁護太子將詣天祠太子在座即
時微笑面目喜悅頌宣此言吾身和
安何緣相將欲詣天祠太子沐浴重
加大笑即說偈言

初生動三千 釋梵須倫神 日月息天王
來稽頭面礼 何有天過是 將吾到其所

超天天中天 天無比況勝 隨俗來現此
現瑞人歡喜 若干種奉養 過聖天中天
佛告比丘於時嚴飭諸吉祥業長者
梵志諸郡縣邑尊者居士妻息侍從
大臣散王門吏令吏親族知識散華
燒香乘象馬車國王侍臣俱將太子
往入天祠適入天祠因住祠上諸天
形像無有想念日月諸天息意天王
釋梵四王各捨本位尋時來下五體
投地礼菩薩足諸天人民百千之衆
嘿然歎吒稱揚洪音歎未曾有歡喜
踊躍天地大動天雨衆華百千伎樂
不鼓自鳴諸天形像現其本身礼菩
薩足則在前住於是頌曰

須弥比芥子 過天龍王變 日月礼蓋耶
慧德豈礼敬 三千界自歸 芥子比須弥
斗跡比大海 上尊喻日月 若能礼其尊
功德不可計 各各得安隱 德豐元限量
菩薩入天祠時二万二千天子見顯
威德皆發無上正直道意以是之故
將菩薩行入於天祠時有梵志名曰
大炎於是其父與五百眷属圍繞執
七寶蓋貢白淨王口說此言以供太

子王即受之。亡五百釋子五百瓔珞
手脚頭耳解者。瓔珞涕宿即時來詣
王所。而謂王言。宜令太子沐浴澡洗
乃著瓔珞而供養之。王報之曰。我為
太子亦作瓔珞。太子著之。七十七日
吾乃應義過。此夜已。其日月初有一
遊觀名離垢淨菩薩出觀。其大愛道
抱將來出。八万姝女來迎菩薩。稽首
為礼。諸釋一万人奉迎菩薩。五千梵
志亦復奉迎。其諸釋種作衆瓔珞奉
菩薩者。令菩薩著。適被在身。即時闇
冥。菩薩威光。今無有耀。猶如墨聚在
紫金邊。有一長者名曰離垢。服上好
妙英住菩薩前。時白淨王及諸釋種
以偈讚曰。

嚴三千世界 遍布清淨寶 皆為紫磨金
不及此光明 雖有紫磨金 不如一毛光
明耀消諸光 在聖邊如墨 以道德莊嚴
瓔珞奄无耀 日月明珠光 釋梵明不及
宿相好嚴身 寶英安能勝 莊嚴莫如佛
蔽嚴不及度 道嚴淨安明 適生嚴種姓
廣光衆歡喜 長蓋其種於
普曜經現書品第七

佛告比丘。尔時太子。厥年七歲。興顯
無數百千吉祥。一万童子。一万女子。
一万車乘。載若干種饌具。足衆寶至。
迦夷國。置四微里。諸街曲頭。作衆伎
樂。在諸樹間。莊嚴棚閣。軒窓門牖。其
諸姝女。文飭瓔珞。而處其上。散華燒
香。八千姝女。淨治道路。奉迎菩薩。諸
天龍神。及捷沓和。在虛空中。各各異
形。散華燒香。垂珠幢綵。一切衆釋。前
後導從。從白淨王。俱行迎菩薩。菩薩乘
羊車。將詣書師。適入書堂。欲見其師。
師名選友。時見威神光曜。不能堪任。
即僻墮地。兜術天。二有。一天子名曰
清淨。即前牽手。令從地起。置於座上。
在大衆前。說此偈言。

現世釋中生。在俗學伎術。計校及書疏。
無數劫已了。救衆生故現。博學示入師。
度无數童子。慧衆入甘露。度世解四諦。
了報應因緣。有成必滅盡。況今此書堂。
於三世取明。天人第一尊。書堂化若干。
無數劫學斯。衆生心多念。真聖事。知本
是色其无念。立或化貪形。
尔時菩薩。與諸釋童。俱住菩薩手執。

金筆栴檀書釋衆寶明珠成其書狀
侍者送之問師選友今師何書而相
教乎其師答曰以梵佉留而相教耳
無他異書菩薩答曰其異書者有六
十四今師何書正有二種師問其六
十四書皆何所名太子答曰

梵書一佉留書二佛迦羅書三安佉

書四易佉書五安求書六大秦書七

護衆書八取書九半書十久與書十一

疾堅書十二施比羅書十三夷狄塞書十四

施與書十五康居書十六取上書十七施羅

書十八佉沙書十九秦書二十屈奴書二十一中

間字書二十二維耆多書二十三富沙富書二十四

天書二十五龍書二十六捷杳和書二十七真

施羅書二十八摩休勒書二十九阿須倫書三十

迦留羅書三十一鹿輪書三十二言善書三十三天

腹書三十四風書三十五降伏書三十六北方天下

書三十七拘那尼天下書三十八東方天下書

三十九舉書四十下書四十一要書四十二堅固書四十三

施阿書四十四得書書四十五厭舉書四十六无與

書四十七轉數書四十八轉眼書四十九閉句書五十

上書五十一次近書五十二乃至書五十三度親書

五十四中御書五十五志滅音書五十六電世界書

五十七

七 馳又書

辛

八 善寂地書

辛

九 觀空書

辛

一切藥書

辛

善受書

辛

攝取書

辛

皆

經書

辛

太子謂師是六十四書欲以何書而相教乎時師選友歡然悅豫棄捐自大說是偈言

難及真淨尊 在世興悲哀 悉學一切典

現入書教中 咸宣諸書名 吾不知本末

皆達此衆書 故復示入學 不敢觀其頂

惟覩人礼拜 云何令大聖 宣諸書衆數

天中天過天 諸天中取上 至尊无等倫

在世不可喻 以是威神故 嚴淨用善權

誰能及清明 皆度諸世間

時一万童子與菩薩俱在師所學見

菩薩威德建大聖慧分別書字而宣

之曰

其言無者宣於無常苦空非我之音

其言欲者出淫怒癡諸貪求音

其言究者出患本末真淨之音

其言行者出無數劫奉修道音

其言不者出不隨衆離名色之音

其言乱者出除濁源生死淵音

其言施者出布施戒慧明正音

其言縛者出解刑獄考治行音
其言燒者出焦燒罪塵勞欲音
其言信者出信精進定智慧音
其言殊者出超越聖无上道音
其言如者出於如來無所壞音
其言寂者出觀寂然法懷怕音
其言沒者出消瞋厭諍訟之音
其言作者出罪福報從行受音
其言智者出一切智慧无壞音
其言魔者出降魔力及官屬音
其言害者出棄自大邪見之音
其言逝者出於正法無憤亂音
其言止者出世俗力无畏之音
其言生者出度衆苦老病死音
其言意者出意堅強獨步三界音
其言法者以法等御救濟周旋往反
之音

其言歎者出隨所願開化諸音
其言難者出除八難罪殃之音
其言盡者出於盡滅無所生音
其言處者出消處所顛倒之音
其言慧者出智慧聖無罣碍音
其言是考出歸善惡殃福之音

其言有者出諸所行三有之音

其言棄者棄諸所趣吾我諦音

其言已者出已所起善惡業音

其言我者出滅身垢愛欲之音

其言垢者出諸嫉妬等善惡友稱平

等音

其言數者出諸所數調無明音

其言處者出處不處有齊限音

其言若者度若干想衆乱放逸寂布

望音

其言果者證諸果實无所住音

其言除者出不貪已除五蓋音

其言邪者出邪疾患除憂惱音

其言慧者出布施戒博聞之慧無妄

想音

今時菩薩為諸童子一一分別字之

本末演如是像法門諸音在於書堂

漸開化訓誨三万二千童子勸發无

上正真道意是故菩薩往詣書堂示

從師受

普曜經坐樹下觀犁牛品第八

今時太子年遂長大啓其父王與群

臣俱行至村落觀耕犁牛者見地新墾

垂隨土出烏鳥尋啄菩薩知之故復發問問其犁曰此何所設荅曰種穀用稅國王菩薩歎乃以一夫令民憂擾畏官鞭杖加罰之厄心懷恐懼忿忿不安人命甚短憂長无量日月流邁出息不報就於後世天人終始三惡苦患不可稱載五趣生死輪轉無際沉沒不覺毒痛難喻入山成道乃度十方三界起滅危厄之患觀犁者已更入遊觀時菩薩遊獨行无侶經行其地見閻浮樹蔭好茂盛則在彼樹蔭涼下坐一心禪思三昧正定以為第一時有外學五百神仙飛行虛空從南至北欲越萊樹不能得過定住不前遙見菩薩因共歎詠觀身功勲其德巍巍猶如須弥大金剛山如妙明珠安不可動像閻羅王鬼捷沓和耶今坐樹下心如虛空將是定坐為何吉祥儻令我等失神足乎察見愍哀甚大光耀明顯灼灼心自念言為是神祇毗沙門天大財富者若是天子上天帝釋日月之明轉輪聖王也時虛空天即說頌曰

色勝息天王 若是離怨天 若无量金剛
是尊為丈夫 殊過諸天神 其光如月滿
在世為最上 是者不可限 此德不可量
為天捷杳和 功勳明光光 增此億載行
常退還神足 將是世千眼 四方護天王
須倫梵中尊 而執衆吉祥 此者能堪任
能坐如是前 觀之無等倫

尔時五百仙人聞虛空天所可歎詠
即下住地觀見菩薩神思坐定身不
傾動心不邪念即大歡喜察於菩薩
功德巍巍不可限量其德高遠不可
為喻天人之尊未曾見聞宿命餘福
今乃觀耳以為欣慶即說頌曰

世興塵勞火 得道滅衆患 在世如須弥
是能成道法 得勝除衆色 尊行難如海
得道染以慧 靡不得蒙度 解身之繫縛
以達成道法 忘當度脫之 不見魔境界
時王群臣及大衆人各各馳走欲見
太子今為所在遥見諸臣逐之隨後
見閻浮樹下禪思定意

尔時日照樹曲覆菩薩身樹木一切
曲躬向閻浮樹而稽首礼菩薩不移
疾往啓王其光明相樹不可蔽瞋日

照樹傾覆太子身不能蔽相時王聞之往詣其樹即見菩薩威神吉祥巍巍無量時說偈言

如火在山頂 如月在衆星 見身樹下禪
威耀无不照 今復垂稽首 札導師之足
其初生之時 身自坐禪思 其身威神光明
徹普遍照 若見莫不悅 因是得濟度
於是太子啓王我適行來在近遊觀
何以相追王問何故尔行荅曰諸臣
欲除衆塵諸妄思想光明清淨執於
相好坐禪三昧而不動搖降伏諸魔
闇蔽悉除王曰善哉善哉初生瑞應
終不虛妄今皆現矣十方蒙度

普曜經王為太子求妃品第九

佛告比丘時白淨王與其太子及諸
釋種住於彼間時諸力士釋種長者
啓白淨王王欲知之是諸梵志未得
究竟假使太子棄國捐王成為如來
乃得究竟設不出家為轉輪王治以
正法号曰法王然有七寶一日金輪
寶二日紺色馬三日白象四日明月
珠五日玉女婁六日主藏臣七日主
兵臣則有千子端正姝好猛勇傑異

一人當千能伏怨敵若作佛者聖王
種斷唯有散王各各稱号白淨王曰
且當觀之何所王女且應太子妃五
百諸釋各自宣言我當求之應太子
妃其白淨王謂諸釋等今太子妃甚
為難得不知何女而可其意皆共集
會思議此事以語太子今當思惟却
之七日菩薩心念吾不貪欲不冝處
家棄現術來在此人間心無所慕寂
三昧定以摧方便而試當之勤親道
場以無盖袈而勸助之即說偈言

王種興致敬 火生長蓮華 菩薩養有力
億載化甘露 不捨興道味 無畏德真成
我心所慕樂 志无逸清淨 菩薩本在欲
善化悲見妻 不安樂愛欲 棄言學功勲
今時菩薩使上工師立妙金像以書
文字假使女人德義形體面貌若斯
吾乃可之不用凡厖如吾所說乃應
妙耳其色顏貌如紫磨金内外相應
身口不違心淨如空安徐光光不以
放逸希言屢中慈心無言奉敬道義
沙門梵志布施持戒乃為我求不嫉
無厭志性仁賢不失時節質直无諂

專敬夫主不懷他意恒無放恣不在
妊身不卒懷子捐高自大事夫如婢
不嗜酒不貪味不慕聲不愚冥消无
明根知法住真諦不輕舉無有邪術
常懷慙耻不惡口不咒咀常奉行法
身口意淨言行相應心如下使多修
慈愍不拌頭首不在愚競元有恚恨
在衆猶安而不迷惑所作業善敬於
親友視如世尊念彼如已流長名稱
衆善普修常奉恭敬如是妻者今乃
可耳

今時白淨王聞菩薩言告古梵志入迦
夷衛遍周諸家察好玉女誰有是德
君子長者工師細民有如是比功勲
脩乎若可太子乃可迎耳所以者何
太子不好種姓唯樂德耳於是頌曰
君子梵志種工師若細民其有是德者
乃可妙取耳不喜好種姓太子為奇雅
有至誠功勲心乃樂如是

尔時梵志聞是偈教周旋遍行迦維
羅衛家家占之適入一家覩一玉女
端政殊好如天王女容色第一淨猶
蓮華不長不短不自不黑不肥不瘦

正得女容類王女寶於時其女札古
梵志而問之曰梵志何求梵志荅曰
其白淨王生真太子端政無比相三
十二功德威神自手書偈形貌女相
天人第一乃娉之耳於時彼女說此
頌曰

梵志所宣偈 顯意所見色 梵志欲知之
我悉有是德 宜應為我夫 端正取難比
白太子此事 勿與不肖會

梵志聞之還詣王所宣之如是天王
省之將無宜也為太子妃問曰誰女
梵志報曰執杖釋種家生王自念言
太子形貌與世超異面色清淨儻不
可意使自擇之詣無憂堂皆集衆女
使太子身自己察之菩薩自察悅者
眼向

尔時白淨王衆寶奇珍作好講堂皆
召羅衛上好妙女會彼講堂佛語比丘
於時菩薩往到講堂坐仁賢床王遣
使者菩薩所視顧妙悅者即來告我
尔時菩薩會諸姝女時釋家女名曰
俱夷與諸姝女到菩薩所却住一面
諦視菩薩目未曾眴菩薩普察即時

欣笑執持寶英以遺俱夷俱夷報曰
吾不貪慕衆寶璅珞當以功德自莊
嚴身太子還室歎未曾有今此俱夷
解世無常不貪世榮時王使者往詣
王所啓是本末向者太子意趣釋女
俱夷王聞是語遣梵志往媒求此女
為太子妃時執杖釋種言我等本性
有藝術者乃嫁與女太子有術明知
射御手博書數禮樂六藝備悉乃與
女耳梵志即還具啓白王王自念言
王以是法告於菩薩菩薩啓王且止
用是為求王曰何以言止將无藝術
乎論其正法而言且止太子報言所
可應者皆能為耳王問菩薩藝術云
何菩薩曰此間寧有奇異妙術與我
等乎將來觀之王即時笑能現術乎
菩薩曰能請會一切諸釋親族當共
現術王勅侍者遍令國中撞鍾擊鼓
却後七日太子現術諸有藝術皆來
集會諸釋親族七日之中五百人會
藝術勝者以執杖釋女而娉與之戲
射手博取第一者當得是女皆出城
門於是調達手執牽象來入城門見

諸釋集欲現其術即以右手牽象頭
左手持鼻撲捏煞之

于時難陀與諸等類共出城門見於
大象當路而死問誰煞乎答曰調達
害之即時牽移著于路側於時菩薩
尋出城門見此死象因往問曰誰煞
此象侍者答曰調達害之菩薩復問
誰復移之著于路側答曰仁賢難陀也
答曰大佳是象身大如是臭爛普熏
城内即右手接擲置城外去壘極遠
時諸天人元數百千稱揚洪音皆言
使哉使哉虛空諸天而讚頌曰

手執大白象 已死身至重 擲棄於城外
離壘極大遠 此必為至聖 平等離俗身
速成一切智 以聖方常存

尔時五百釋種宗族皆至城門在於
寬處集會欲現伎術時白淨王與諸
大力宗族諸釋至現術處時元數衆
侍從菩薩欲觀其藝斯釋宗族前見
菩薩在於書堂嗟歎宣說六十四種
害其師選友觀之甚恠謂未曾有天
上世間无有是術諸鬼神龍阿湏倫
等無能逮觀其藝術者此真聖人也

以度無極一二解字義理本末无一
疑滯其聞見是德過釋梵日月諸天
我等目覩道術如是誰能過者諸釋
宗族報衆人曰菩薩雖入書堂悉知
書疏計校衆術其見者妙今會大衆
一時來集此中誠勝能為顯雅衆人
觀知為誰勝乎

普曜經試藝品第十

尔時有大臣名曰炎光釋中大臣也
計校算術取為第一所度無極王立
此人汝且觀之何所太子為取勝耶
於時菩薩觀察諸釋及國王子有數
百人一一擲戲不及菩薩菩薩報曰
汝等且待我當擲之時一王子來共
擲戲亦不能及至五百人皆不能逮
時諸會者舉聲歎曰若稱一辭至未
曾有况無數藝所言殊特言辭談論
不可究竟炎光大臣雖能計校言談
算術亦不能及其迹維越樹木藥草
衆水滂數一一可知擣菹六博天文
地理八方異術天崩地動一切諸術
不比菩薩前知无窮却觀無極六通
三達誰能載乎諸天人民虛空天神

舉聲歎曰三界衆生心中所念諸可
思想善惡禍福道俗衆事發意之頃
志知本末無一憤尋歌儻伎樂元事
不博以忍辱慈道力仁和從百千劫
所作輕便獨遊三世猶如日光周旋
四域菩薩如是心無疑網虛空之中
諸天復歎是大丈夫無極至聖汝等
昨見在家所為且聽我言發意之頃
往來十方無數億國皆來供養亦復
奉札十方導師雖現往來亦无周旋
汝等意謂神足何介誰能覩知是無
等倫獨行隻步以是之故咸皆奉敬
菩薩寂勝諸釋教言能解是者色欲
皆淨一切本无於是菩薩一意志見
觀其本末時諸釋族種姓志共集會
欲試手搏調達在世常自貢高自謂
為可不肯折伏常與菩薩共諍威力
一切來者觀之起異右繞稽首歸礼大
聖調達及難陀故欲手搏於時菩薩
安隱詳序愍念之故舉調達身在於
空中三反批旋菩薩大慈無所傷害
徐著地上使身不痛卿等貢高不捨
自大咸皆來集一時與我共行手搏

諸有伎藝志來集會菩薩勢力適以
手觸自然墮地時諸天人無數億千
及虛空神宣揚洪音讚言善哉菩薩
超絕無能及者爾諸天華異口同音
而重讚曰假使十方一切衆生皆為
力士一時伏之何況斯等菩薩忍辱
如須弥山過於鐵圍無能動者若以
手持十方諸山須臾碎之如塵如灰
何況凡夫今顯此力不足為奇是為
俗力未為道力取上第一降伏諸魔
及與官屬必當建成无上正真之道
為取正覺顯是功德菩薩取勝執杖
釋種見於菩薩大德无量擲象手搏
當世少雙

尔時國王及諸釋種更欲試射時調
達豎四十里准難陀准六十里菩薩
百里時調達射中四十里鼓不能得
過難陀六十里亦不得越執杖釋種
亦四十里皆不能過於時持弓授於
菩薩菩薩張弓弓即折破菩薩又問
於是城中寧有異弓任吾用不王即
言有問在何所王曰昔吾祖父名曰
師子所執用弓奇異無雙身沒之後

无能用者著於天祠時菩薩言便可
持來持來授之執杖釋種一切諸釋
无能張者以授菩薩菩薩在坐以手
捺張桴弓之聲志聞城內百千國人
虛空天子舉聲嘆歎而說頌曰
不起于座上 即時張此弓 如是具諸願
必建成天尊

尔時菩薩執弓注箭即時放撥中百
里鼓而穿壞之箭没地中踊泉自出
箭便過去中鐵圍山三千大千刹土
六反震動一切諸釋恠未曾有虛空
諸天咸嘆歎言至未曾有如是妙術
清淨至真諸菩薩中取為殊特於斯
執杖釋種以女俱夷送詣白淨王宮
為菩薩妃隨世習俗現相娛樂嫒女
八万四千俱夷為尊時妃俱夷无增
減心卧常覺寤初不睡眠在於燕室
寂寞思惟將無捨我耶嫒女侍衛恒
圍繞之於是頌曰

數千人侍身 思惟尊在不 以威德至誠
處中猶在大 常思護諸根 其意不樂餘
如日震光明 不用無數問

菩薩在宮嫒女之間開化訓導八万

四千女發無上正真道意速不退轉
今時兜術有天子名曰應出家於无
上正真道意而不退轉三万二千天
眷属圍繞往詣菩薩所止宮殿住虛
空中因說偈言

人師子見生 没来忍名聞 隨俗在中宮
在世多教化 訓無數天人 雖在於世俗
今日正是時 應當出家去 衆縛未得解
不貪人見道 當究所應度 為盲冥現路
俗慕妻子財 榮祿諸所有 見尊學習之
必當放出家 棄四域七寶 娛樂尊豪位
以見出家業 遊行師子座 即知行安隱
不樂諸愛欲 生来以大久 得道為天人
稽首為歸命 猶如山河水 當出家為佳
常興殊勝行 金色雖妙好 端政取第一
興光應捨國 亘益諸天人 不以樂五欲
可致於老特 聖慧能充滿 度世賢聖業
尊意所慕樂 白淨王宮中 澍捨如蓮華
思惟當棄去 塵勞當熾盛 應離諍於獄
仁威為無上 速立解脫道 仁了慧界久
觀衆生疾患 以法為醫藥 建立泥洹安
為消盲冥路 縛礙種邪網 疾化諸天人
施智慧道目 顯示無央數 天龍須倫神

已得成佛道還聞无上法以濟禽獸王
其光照宮殿降伏往稽首及令四天王
普為惟歸伏當欲奉四鉢成佛得所願
梵天行寂然觀慈大愍哀勸助人中尊
喜護於一切轉無上法輪已得至佛道
坐於佛樹下觀察極名稱當觀覺成道
及餘諸菩薩宮中見造議為衆普告首
為衆寂後安已宣柔軟音念定光受決
至誠无虛妄暢取勝音響

普曜經四出觀品第十一

佛告比丘時諸天人勸發菩薩父王
白淨寐夢觀見菩薩出家樂於寂然
諸天圍繞又見剃頭身著袈裟時從
夢覺即遣人問太子在宮不侍者荅
曰太子在耳時白淨王入太子宫今
觀太子必當出家所以者何如我於
今所見變應心自念言太子將无欲
行遊觀當勅四衢嚴治道路學調伎
樂普令清淨却後七日太子當出使
道平正莫令不淨勿使見非諸不可
意即時受教皆當如法嚴治已竟懸
繒幡蓋兵衆圍繞導從前後
尔時菩薩出東城門菩薩威聖之所

建立於時諸天化作老人頭白齒落
目冥耳聾短氣呻吟執杖僂步住於
中路菩薩知之故復發問此為何人
頭白齒落羸瘦乃尔御者答言是名
老人諸貌已盡形變色衰飲食不化
氣力虛微命在西垂餘壽無幾故曰
老矣菩薩即曰是則世法而有此難
一切衆生皆有斯患人命速駛猶山
水流宿夜逝疾難可再還老亦然矣
不亦苦哉一心專精思惟正義御者
答曰不獨此人遇苦患也天下皆尔
俗之常法聖尊父母親里知識皆致
此老咸同是業菩薩時曰不解句義
愚人自大不覺老至自沒塵埃便可
迴還用是五樂不益於事自覩如幻
空中之電還入宮中思惟經典愍念
十方宜以法藥必療治之菩薩後日
復欲出遊王勅外吏嚴治道路去諸
不淨菩薩駕乘出南城門復於中路
見疾病人水腹身羸卧于道側氣息
張口命將欲絕菩薩知之故復發問
告御者曰此為何人御者曰此名病
人已至死地命在頃臾骨節欲解餘

壽如髮菩薩即曰万物元常有身皆苦生皆有此何得免之吾身不久亦當然矣不亦痛乎有身有苦無身乃樂即還入宮復於異日報王遊觀王勅外吏嚴治道路太子乘駕出西城門見一死人著于床上家室圍繞舉之出城涕淚悲哭推胃呼嗟頭面塵垢淚下如雨何為棄我獨逝而去菩薩知之而復問曰此為何人御者荅曰此是死人人生有死猶春有冬身沒神逝宗家別離人物一統无生不終菩薩荅曰夫死痛矣精神懷矣生當有此老病死苦莫不熱中迫而就之不亦苦乎吾見死者形壞體化而神不滅是故聖人以身為患而愚者寶之至死无厭吾不能復以死受生往來五道勞我精神便迴車還思度十方復於異日报王出遊出北城門見一沙門寂靜安徐淨修梵行諸根寂定目不妄視威儀札節不失道法衣服整齊手執法器菩薩問之此為何人御者荅曰此名比丘以棄情欲心意寂然猶如太山不可傾動難汙

如空屈伸任仰不失儀則心如蓮華
悉无所著亦如明珠六通清徹無一
蔽碍慈愍一切欲度十方菩薩即言善
哉唯是為快是吾所樂心意寂靜自
愍度彼善業快利成甘露果佛告比
丘父王白淨觀菩薩行見聞如是不
慕世榮心如虛空而懷怖懷畏之出
家宿夜將護高其牆壁深掘諸塹更
立城門門開閉聲聞四十里立諸宿
衛勇猛之士被鎧執仗於四城門皆
勅衆兵勿有遺漏將無太子捨吾出
家於其宮裏亦宿衛之益衆伎女嫫
女娛樂令太子悅不懷憂感又其菩薩
宿積智德在胎中時威神吉祥夢中
所見切勲大祚十方自然有蓋悉覆
三界還得安隱開化一切滅諸惡趣
於四衢路有四色鳥變為一色見諸
不淨經行其上而不汙足又有大水
汎汎盈溢衆生欲渡而不能越心懷
恐怖即過渡之見無數人皆被疾病
无有醫藥即為療治無央數疾使无
諸痛自見其身坐師子床天人在上
又十稽首見在戟闔降伏怨敵無數

諸天在空中侍真正聖人夢中見此
清淨吉祥行正具足天人聞之心懷
悅豫不久成道為天人尊於是菩薩
即作此念候使我身不見辭王而出
冢者便為不應則時靜夜自出宮室
入王宮殿志觀殿堂而無所畏光明
悉照遠近王覺見光即時遣人觀四
城門將无出去何故大光明照遠近
侍者來白天尚未曉日亦未出自然
光明照諸牆壁樹木飛鳥鳬鴈孔雀
鷺鷥相和而鳴方欲向明是光第一
柔軟安隱清涼和雅牆壁樹木永无
有影至德於是在彼思惟觀於四方
坐見慈牖

余時有諸天人即起欲去不得自在
願省其父知之覺起立啓父王勿懷
愁感勿以遠慮諸天勸助今應出家
唯忍過罪安已護國父母聞之悲泣
垂淚而問之曰何所志願何時能還
與吾要誓普施志願吾以年朽家國
无嗣菩薩即時以柔軟辭而啓王言
欲得四願假使聽我還得自在得是
願後不復出家何謂為四一者欲得

不老二者至竟無病三者不死四者不別神仙五通雖住一切不離於死假使父王與此四願不復出家王聞重悲此四願者古今無獲誰能獨除此四難者子如師子勸助愍哀普度衆生具足如意所願者得於是菩薩自出宮殿一心住立无有覩見往來周旋

尔時父王明且即起朝會諸釋以是告之太子必出捨國學道當何施計諸釋答曰當勤將護所以者何諸釋部黨衆多无極雖復力強何能獨出時白淨王勅五百釋勇多力者有方便計使五百兵普學諸術令大力士住守東城門宿衛菩薩一一釋者從五百兵一一車乘五百人從宿衛菩薩四門俱然諸四街路里巷諸門亦復俱然父王已身與五百釋前後圍繞象馬車乘住已宮門晝夜不眠尔時大愛道自告侍從宿夜然燈燒香勿得眠寐今者離垢不樂在宮必欲出家志共遮護勿得使去作諸伎樂令心樂之堅閉門戶勿令妄開嚴

諸繒幡雕鏤牖林樹果實悉令
目覩似使欲去某樂此供或能不出
佛告比丘是時二十五鬼神將軍及
般闍鬼將軍鬼子母五百子等悉共
集會各各議言今日菩薩棄國捐家
我等咸共侍從供養又四天王一時
普告諸鬼神今日菩薩棄國捐王汝
等悉懃侍從供養其鬼神衆皆從五
兵勢力堅強猶如金剛不可毀壞精
進勇猛將護衆生其身高大如須弥
山將無惡物犯於至德釋梵天兜
術天無慢天化自在天各勅官屬无
數百千前後導從華香伎樂香汁灑
地侍從菩薩釋梵天王侍其左右時
有天子名曰寂意我當將護迦維越
國一切男女大小勸安和之又有天
子名曰光音即自說言我身當化一
切象馬車乘男女所暢音聲沒使不
聞令心寂靜而无所念復有天子名
曰清淨我在虛空立七較輅懸垂一
切日月明珠照耀光光設繒幡蓋散
花燒香嚴治塗路侍從菩薩伊羅末
龍王言我當化作三万八千里交露

之車使諸王女皆坐其上作衆伎樂侍從菩薩而供養之

天帝釋曰吾將眷屬菩薩前導法行菩薩曰吾當興起紫磨金雲雨栴檀香皆遍天下和隣龍王摩那斯龍王散拘龍王阿耨達龍王難頭和難龍王各自說言亦當興起紫磨金雲當雨微妙栴檀名香如是比丘天龍鬼神捷沓和等心常懷願欲得聽省菩薩正道所思惟法慕樂安隱入於宮內思念過去諸佛所行愍傷衆生本行道時不捨四願以至純淑何謂為四本學道時設我成正覺達一切智被弘捨鎧衆生困厄救衆惱患吾當濟脫生老病死三界之縛荷在世俗周旋衆難使至寂然今無思愛是第一願衆生沒在无明窈冥無所知愚癡闇昧生穢濁樹當為顯示如清淨眼內外无限是第二願衆生在世立自大幢常計吾我而意貪身尊己賤彼心存顛倒處諸邪見無常不慕聖道墮於三業皆當開化今入正真是第三願衆生沒在生死之患輪轉无

際滅智慧根迷惑五趣不能自濟當
為說法令得度脫是為四願吾往古
時立是四願今已得之不可違捨以
故出家成就正覺度脫十方

忝時法行天子淨居天子來入宮殿
自現形像娛樂之形無常之變住於
虛空時為菩薩說此偈言

天子在空歎 覺蓮華寂明 云何在五欲
大聖當捨家 受我所勸助 當觀於後宮
觀諸迷惑衆 如在死人間

普曜經卷第三

壬寅歲高麗國大藏都監奉

勅彫造

普曜經卷第四

三

西晉月氏三藏竺法護譯

出家品第十二

尔時菩薩普觀眷屬視衆伎女猶如
木人百節空中辭如芭蕉中無有實乱
頭倚鼓委擔伏琴更相扶枕臂脚委地
鼻涕目淚口中流涎琴瑟箏笛樂器
縱橫鵝鵲鴛鴦驚怖之輩皆志淳眠
而卧菩薩遍觀願視其妻具見形體
髮爪腦髓骨齒髑髏皮膚肌肉筋脉
肪五心肺脾腎肝膽腸胃屎尿涕唾
外是革囊中有臭處無一可奇強熏
以香飭以華綵猶假借當還亦不得
久計百年之命卧消其半又多憂患
其樂无幾淫佚敗德令人愚癡非彼
諸佛緣覺真人所稱譽也故曰貪婬
致老瞋恚致病愚癡致死除此三者
乃可得道一切所有皆如幻化三界
无怙唯道可恃於是頌曰

見彼興慈愍 歎息發大哀 是世毒痛難
何因樂愛欲 懷憂憐愚冥 欲苦反謂安
捨貪樂智慧 不捨不得安

於是菩薩以斯法門察於後宮興發
大哀而為雨淚心甚愍之癡人有三
十二害於衆生愚者迷惑為此所害
生於八難所見惡染猶如盡瓶毒滿
其中愚者不解謂之甘露愚者或中
駃水漂象愚者樂之如飲毒水愚人
處是如犬饒骨愚人墮此如人入烟
愚人貪惡如墨塗衣愚人厄此如鳥
墮網愚人見勉如屠柁畜愚人近此
不見來難愚人沒此如老牛溺泥愚
人投此猶若破船沒於大海愚人墮
此如盲投谷愚人不得限如洲無底
愚人焦此劫燒天地愚人迷此如輪
无際愚宛轉此生盲入山愚馳逸此
若狗縛頭愚人消此冬燒草木愚人
日損如月十五日後愚人服此如諸
小龍遭金翅鳥愚人遭此如摩竭
魚吞於大舟愚人惱此如賈遇賊愚
人懼此如大樹被斫愚人憂此如遇
毒蛇愚人樂此如蜜塗刀與兒舐之
愚人惑此火燒枯樹愚人遇此嬰兒
持矢愚人為此轉如鈎擗象愚盡德
本如博失財切柞消化愚人見棄如

放逸賈墮於婬鬼是為三十二事觀
於後宮察諸姝女不淨之想自罵已
身坐身患害勿復貪身莫念是意入
於空淨心无所著於是頌曰

從頭觀至足 察之無一淨 勿得貪其身
是為罪福田 以故當遠身 淚涕唾惡露
由此莫戀之 行淨如蓮華 棄若干不淨
興平等調定 以知諸毛孔 如重不可慕
其身猶如象 骨髓肉五合 筋脉皮裹之
髮毛諸爪齒 有八万種重 夙夜食其體
若有明智者 終不計有身

佛告比丘菩薩觀身心思若斯諸欲
界天住於虛空皆見菩薩所可思惟
法行天子遙白菩薩唯然大聖何以
稽遲時已到矣於時菩薩察於後宮
見其心意諸根無常知身不久猶如
流水逝而不返俗人所行計有吾我
何有吾我執取深奧无極道眼乃為
第一觀正境界慕樂聖安計吾我者
自謂尊貴心無所倚乃應行道法行
天子又復白言不以是行得成至佛
現在行道所修甚難當察己身等之
山谷是則究竟菩薩大士一生補處

尔時菩薩所作暢達其心堅住覺意
已了思惟心悅咸來奉事捨衆垢塵
永無忤恪其順道訓念念安隱淡若
淨水即從座起心中悅豫觀察前衆
則以右手披寶交露帳上講堂上又
其十指念十方佛而遙礼之觀虛空
中諸天百千皆來圍繞散華燒香雜
香搗香衣服幡綵手執幢蓋諸供養
具曲躬作礼見四天王鬼神羅刹健
沓耆等諸龍王衆皆被鎧甲棄不吉
祥淨諸惡行垂珠瓔珞稽首菩薩曰
月宮殿諸天子等住其左右各執華
香幡綵幢蓋夜已向半

尔時菩薩告車匿曰車匿速起嚴被
白馬今日人尊且吉祥時應當出去
車匿聞之心懷憂感淚下如雨所行
平等光明清淨猶若師子今欲若行
願見告示面色端正如秋月滿顏貌
和悅无有瑕短所覺清淨猶如蓮華
音聲和雅明珠大光衆曜晃煜寶瓔
珞身心如虛空如鹿中王行如鷹王
獨步无難衆皆從之今欲若行於是
菩薩復告車匿欲得白馬宿本所行

當致上尊妻子恩愛財寶重業則是
牢獄古來遠之身所不樂惟欲護戒
奉行忍辱修精進力禪定智慧是心
所樂從無央數億百千劫所可奉行
志慕成道斷生死源智慧巍巍開
化衆生從是已來不樂榮祿惟志大道
尔時車匿聞大聖言初生之時天帝
釋梵上帝自下示現稽首即時决此
王問云何阿夷荅曰今是太子一相
百福威神光明無能逮者若在家者
為轉輪王主四天下若不樂世棄捐
國土作沙門者則成佛道斷生老死
以法教化無有放逸車匿白曰唯如
聖教尔時寧聞五欲樂乎荅曰不也
從天尊意造无量行我生愚冥無所
識知畜養驢騾為身作患增益罪蓋
強忍勤苦菩薩告曰諸天世人皆持
香華現在目前悉來集會立神足力
以用侍吾車匿白曰今此園觀常生
花實若干品鳥相和而鳴其浴池中
青蓮芙蓉蓮華清淨街路平正諸寶
樹木修治莊嚴八行交道寶交露帳
夏月快樂遊戲其中奇巧異樂歌戲

相娛恚奉禁戒所言至誠從太子生
常順其意不越其教年既幼少面色
光澤頭髮正黑能可人意惟當樂此
生世如是何為捨去於是菩薩復告
車匿車匿且止是欲無常不可久保
如是別離猶如川流逝而不返不可
久保是誑惑業猶如空拳欺於嬰孩
羸弱無固猶如泥坏不可持怙如空
中電須臾已滅又此境界无有真實
愚冥之士以此為安而見侵欺如水
上泡適起便滅處在顛倒亦如聚沫
幻化卧夢五樂無足猶海吞流渴飲
鹹水增其疾息欲之無常惟智能覺
愚人不解猶盲投谷車匿當知欲泥
无淨餓鬼畜生由不善行失清白品
增魔境界怨結闇諍憂惱苦患與婬
鬼會覺者捨斷明者遠之達者消之
無習習之如雜毒食諸佛所毀智習
聖教於是頌曰

捨如棄惡瘡 如去糞 見斯故興欲
棄捨常快安

告車匿被馬品第十三

於是車匿白結薩曰雖曉了是不貪

世榮尚可願意慕念瓔珞諸寶文飭
濟脫自在不復觀察名德遠照絲竹
衣樹音聲和雅笙篳篥數千鼓衆伎樂
好施危厄音如哀鷹降如真陀須臾
青蓮及思夷華馨香甘美燒諸名香
雜香塗香甚微妙飲食餽饌蘇蜜
石蜜百味之供云何欲捨五樂之欲
是吾所欲猶如天上常在永安為釋
尊位菩薩告曰從無數劫棄捨此事
愛欲之本色聲香味細滑之法數數
往返天上世間厭樂豪貴為轉輪王
千子七寶遊四天下榮位無常如夢
所見處後宮中姝女之間以用不甘
還上諸天及兜術宮不果吾志故捨
彼來况此弊欲而貪之乎今自察之
住在苦惱生死衆難不淨之中所行
无度而有衆患生老病死酷毒恐怖
積累功德每生自責建立法船布施
持戒忍辱精進一心智慧心如金剛
已成大舟矣以度生老病死四瀆之
難愁念衆生迷於貪欲欲令永安不
與欲貪使无罪害濟諸有漏將護一
切衆邪異見今得慈度救諸下劣使

住彼岸无生老病死

尔時車匿益悲白菩薩言故當住此
決了進退菩薩告曰聽我決了愍傷
衆生欲度脫故其心堅住如須弥山
而不可傾車匿又問正士云何菩薩
答曰強如金剛所行清淨勤修顯曜
假使大棒破壞我頂終不退還慕於
世榮應時諸天在於其宮聞此言教
舉聲歎曰善哉善哉而雨天華第一
最上得勝為衆船師人中之尊心
无所著亦無恐懼消除闇冥塵勞烟
熏無邪境界也其心永安若堅牢船
必度彼岸佛告比丘寂意天子耀
淨天子虛空中住城中男女聞菩薩
文疑如是悉共悅豫歎曰善哉皆自
還去

尔時菩薩見城中人皆悉眠寐察欲
夜半即便起立沸星適現知時可出
即劫車匿起被白馬捷陟菩薩適宣
說此言即時四天王聞菩薩教尋時
便至迦維羅衛大城中庭住供養菩薩
提頭賴吒與無數億百千捷沓和稽首
披甲冑從東方來住東方界稽首菩

薩鼓衆伎樂在於虛空毗留勒叉天王
與無數億百千鳩刀皆被鎧甲從南
方來住南方界稽首菩薩鼓衆伎樂
在於虛空毗留羅叉天王與無數億
百千龍俱各垂寶璽從西方來住西
方界稽首菩薩北方毗沙門天王與
無數億百千閼叉手執焰光明珠威
耀晃晃身被甲冑從北方來住北方
界稽首菩薩天帝釋梵與無數億百
千諸天手執華香雜香搗香華蓋幢
幡來住虛空稽首菩薩

尔時車匿聞菩薩言流涕交面白菩
薩曰惟賢聖子知時識義今夜非時
也菩薩告言今正是時所以者何吾
從久遠長夜求願為諸衆生顯示道
跡今可樂時當度衆生適得閑靜於
時頌曰

天王住虛空 天帝釋亦然 炎天及兜術
無慢化自在 和輪耶斯龍 海龍阿耨達
咸采欲供養 見佛時出家 色界諸天人
修寂常行禪 是等采供養 三界普自歸
開士十方來 等昔以造行 欲見勝出家
隨時而奉事 无極大功德 金剛常住空

被鎧力精進 心堅動海水 日月諸天子
善住其左右 觀寂然出家 又十指為札
勸喻諸天子 其大精進興 察衆苦惱法
當演清和音 諸吉皆諧偶 懃恭時已到
吾亦與豈俱 無旱必善住 沸星已出現
已化微妙體 力勢衆住前 皆欲共侍從
菩薩從座起 則住空中 猶如鴈王城
中男女皆疲極 寐鳬應鶯鶯孔雀赤
臂異類衆鳥亦疲極 寐不見衆色象
馬騎步諸釋族 姓兵仗宿衛諸師寮
屬亦皆熟寐

尔時梵聲其音柔軟響若哀鸞 夜已
至半 重告車匿言 善哉 車匿疾被捷
陟敬奉 吾身勿復稽留 車匿重悲淚
下如雨 今人中尊為欲所至 門闕下
鎗誰能開者 天帝念知 即時開門 車
匿見之心歡悅 豫乍悲乍喜 誰為我
伴 當作何計 復如何行 於時四神即
捧馬足 其四部兵力勢難當 嗚呼大
王太子已去何以不覺 明日俱夷當
復辛苦 吉祥微妙 今不現矣

尔時菩薩思其本宿 謂車匿言 善哉
車匿已被白馬 望後樂器俱時而作

車匿觀空離垢諸天來示央數諸菩薩衆而供養之察天帝釋自然開門觀諸鬼神及阿須倫真陀羅摩休勃自然開門車匿聞諸天語即報天言今見菩薩衣毛為豎猶如師子體紫金色當將功勳等如江海此諸天力禪思未久以見勸許即當出去是其本願所與吉祥施安衆生成已道義亦時其地六反震動面滿如月從空坐起道德名稱解心清淨天帝毗沙門天王而在前導放大淨光明普照天地滅衆惡趣衆生安隱消諸塵欲而雨衆華億百千樂諸天嚙嚙前後導從有天名取上淨在大聖前叉手自歸舉蓮華目而啓談言哀度衆生甚為巍巍本性明冥志以空虛吾无所樂多所哀念眷屬後宮不復重聞吉祥之音其無量音今已逝矣不觀天衆不察取勝不復聞香皆以消愛欲棄塵勞山无復衆垢逮得究竟本無宮殿今無欲想奉行慈心離衆罪盖无復殃疊懷抱精神一切具足不慕衆香今日光光身心平等妙如神

仙言說本來在家聖王令弱耆強顯真
名稱斷是王種而復亡失無極釋姓消
大福祚願今我尊在所至趣離垢无
魔慙慈行哀觀見宮殿妙音已逝不
復還入迦維羅衛無有放逸盡生死
源不復坐起經行國中惟詣佛樹無
老病死至甘露道於是菩薩既出家
去為衆生故又无所行亦無所住不
慕殊女為得大勝是大福田為功祚
地當行慧樂無數億劫積累德行布
施持戒博學廣聞菩薩慈行禁戒清
淨行无所犯不志愛欲忍辱仁和段
段解身不以懷恨慙哀衆生精進无
懈無數億劫積集道業祠祀百千恒
修禪定心意寂然消衆塵垢自伏其
心慧无罣碍而無相念其心解脫濟
脫億載行慈愍哀已度無極奉行清
淨分別喜護是為真正天中之天應
奉事之清淨无垢心如明珠擁護怨難
天眼無極厄者受歸病者為醫在諸
國主為大法王千眼中帝照諸迷惑
身意休息興道威耀捨心怨結勇消
衆塵在衆取勝无能逮者如師子步

而無所畏如龍調心降雨以時導衆
如牛以棄怨結如月盛滿光明遠照
如日始出猶如大炬消滅衆冥喻如
蓮華不著泥水德香微妙不動如山
道衆瞋恨降伏身魔死魔天魔為大
導師迷失路者說入正道不久成佛
斷生老病死度諸閻冥療衆惡瘡老
數正真不可限量顏色光澤建立功
勲所嚔歎德令我如佛於是菩薩稍
進前行覩五道神名曰奔識住五道
頭帶劔執持弓箭見菩薩來釋弓投
箭解劔退住尋時稽首菩薩足下白
菩薩曰梵天之際天王見勅守五道
路不知如之愚不敏達惟告意言菩
薩告曰雖主五道不知所歸源所從
來五戒為人十善生天慳墮餓鬼鯨
突畜生十惡地獄無五趣行便歸人
本不慕五趣以无五陰三毒六衰則
是泥洹不處生死不住泥洹便不退
轉受菩薩決無所從生靡所不生於
諸所生悉无所生卿持俗刀五兵宿
衛吾執智慧無極大劔斷五趣生死
皆至本无無終無始永安无形奔識心

解逮不退轉無限天神皆發道心於
是菩薩勇猛捨家適出城門迦維羅
衛一切群衆知太子去各各共談而
歡悅喜俱夷明日從寐起已遥聞衆
言覺知已去聽大聲響即察求之不
見菩薩宣大音響及馬車匿王心
感絕自投於地舉聲稱怨嗚呼一
子勸化宮中大小歡悅捨無數衆今
為所到永絕我望何所恃怙四域天
下當何所依俱夷從床宛轉在地自
搥頭髮斷身寶璫何以痛哉是我導
師依怙如天而棄我去用復活為恩
愛未久便復別離淚下如雨不能自
勝嗟歎太子顏貌殊妙心淨无垢清
如深淵内外明好莫不敬重訓教真
正靡不吉祥咸同歸命今捨我去為
何所至未曾放逸不為馳騁為天地
主執正真道釋其沐浴莊嚴天服遠
近慕路興立行業不見菩薩无不懷
感國中樹木尋時虧落無諸華實諸
清淨地悉生塵垢无復衆好仁尊所
見衆音伎樂柔軟聲響象馬車乘其
虛空中莊嚴香瓶華香伎樂綵幡

蓋至德已逝志不復現柔軟至誠第一難遇俱喪歎息淚下交集人中之尊宿世積德志違本末欲度衆生生老病死又被大聖修百千德慧不可喻於時車匿夜送菩薩菩薩脫身寶瓔奇珍以付車匿持是還國啓白父王及以舍妻吾身棄國不慕世榮不好天地惟道是本若成正覺當復來還宣是經典以法相度使心寂靜不慕世榮車匿聞之淚下如雨稽首作禮人中聖慧願以告我白馬跪地舐菩薩足車匿白言王及妃問將大功勲為何所至當報云何菩薩答曰是卿所覩復何所問與車匿辭菩薩悅豫與恩愛別辯慧无量遂進前行逢兩獨師心自念之吾已出家不與俗同脫身所服貿鹿皮衣著之而去車匿取衣及寶瓔珞牽白馬還至遊觀園園監見之悲喜交集不覩辯才寂然之故今此車匿取太子衣衆寶瓔珞及白馬還不當復憂其王聞之與諸群臣眷屬圍繞行至園觀亦懷悲喜瞿亮心望菩薩當還不覩行來心疑

不信菩薩當去聞車匿言菩薩啓王
及以舍妻得佛道已乃還相見王觀
寶衣車匿白馬而獨來還不見太子
自投墮地嗚呼阿子明曉經典衆奇
異術無不博達今為所至棄國乃民
車匿說之我子菩薩為何所遊誰為
開門其諸天人供養云何車匿白曰
惟王聽之我在常處晏然卧寐城門
已閉於時菩薩以柔軟音告我言車
匿疾被白馬城中乃民時皆眠寐悉
不聞語我時悲泣被馬牽授天帝開
門其四天王告勅四神捧其馬足諸
天百千天帝釋梵以侍送之嚴治道
路校飭莊嚴演大光明散華燒香諸
天伎樂同時俱作踊在虛空諸天圍
繞以侍送之去是極遠脫衣寶璽及
白馬遣我還國啓王謝妃必至成佛
乃還相見勿令愁憂於是瞿夷聞車
匿言益用悲哀抱白馬頭以哀歎曰
太子乘汝出何以獨來還念前娛樂
百種嗟歎懷感歎言嗚呼痛哉莫不
離別勢力堅強顏貌殊妙在於衆中
如月盛滿相好在莊嚴威神巍巍須臾

相仰便復別去聖无等倫云何相捨
功勲難量名稱普至咸共奉敬聖住
如山伏諸怨敵音聲柔軟猶如哀鸞
過於梵天積功累德无能喻者遠近
嗟歎聖衆神仙莫不悲戀生憐憐樹
為第一上口演甘露音聞十方雖在
衆欲无所染著猶如虛空所施清淨
柔軟如乳白毫天中聖體滑澤淳和
安隱手足柔軟嚴好巍巍猶如金色
以德嚴身莫不奉敬在於中宮伎樂
盈音華香飲食不以為悅心无增減
嗚呼車匿無有仁慈將至所在而獨
來還瞿夷一口獨歎菩薩无數千言
重歎菩薩導化一切云何獨去誰復
將行出此國土何故與諸天俱我獨
辛苦車匿無狀挑我兩目令孤盲冥
車匿當知一切諸佛決報父母尚捨
親近况我賤室妹女樂乎毒哉恩愛
何一速疾不能久在須臾間耳恍惚
不現猶如聚沫思想所縛墮衆見網
雖依人間奄不知處本曾說之現行
不真安須臾間苦多无量所願使果
早成佛道王勸瞿夷人生有終合會

有離四時忽變天地日月皆不常在
太子初生天地為動行至七步口自
宣言天上世間我為最尊當度三界
生老病死今至無為天帝來下稽首
供養四王接身置金机上九龍浴體
未生之時豫現瑞應三十有二阿耨
相之若在家者為轉輪王捨家為佛
所知博達力勢无限三界特尊無不
稽顙必當成佛度脫十方來還不久
且自寬思勿復憂愁王雖說是心中
隔塞悲哀歎言

尔時車匿見王瞿夷所說辛苦益悲
流淚沾襟衣裳諫言善哉瞿夷願聽
我言勿得復悲我於中夜見一城中
男女大小悉淳眠寐百福至聖與我
談語欲使被馬適聞其言心中隔
塞遥視尊妃掘復淳熟眠寐稱揚大
音而舉聲呼速起速起聖尊欲去天
接音聲令沒不聞舉腳踏地拍手過
鼓無聞聲者尔時虚空日月光光无
數億千釋梵四天諸大尊神稽首為
礼又十自歸供養至尊諸鬼神龍闍
叉捷沓和魃魅害鬼其四天王神足

勅鬼奉舉馬足散青蓮華芙蓉莖華
清淨無垢聖百福相威光巍巍雨衆
天華地六反震動華遍佛國但聞天
言促促開門門自然開無數億天前
後圍繞咸共供養不自舉身忽已過
去世護所說兄弟妻子諸天部黨上
及天王志好所趣令歸佛道不念衆
惡默然不言以能咨嗟菩薩大德捷
陟有力施暢音聲天護孺響捷陟負
載世之大聖速疾勿動无有恐怖惡
趣之難世護乘汝一心歡喜捨畜生
身不毀導師導師光明光為一切故
汝必得度勿得展轉復有色處百千
億天宛轉足下見捷陟馬在於虛空
乘負菩薩嚴治塗路極好無限作寶
欄楯若干品事燒天名香捷陟本福
切利諸天圍旋太子在邊天樂自娛
瞿夷勿愁安心欣然觀之不久人中
之上當成佛道諸天圍繞於夜所告
皆應道法今勿復悲百福威曜起絕
群衆察是歡喜不當懷憂夙夜七日
勤其功勲不能究竟尊人出時諸天
共進不可盡極妃今利義不可稱載

曾奉事斯光顯至真聖於是移成无
極道念妃不久亦當復成人中之上
王念菩薩不捨心懷適欲請還念阿
夷相之在家為轉輪聖王七寶自然
主四天下千子勇猛若復出家學道
必成正覺无上大聖以七覺意寶訓
化十方三界愚冥悟諸不覺必不肯
還當遣侍衛供養護人普告大臣諸
明智衆卿等在家長子抱孫共相娛
樂不念吾憂吾有一子奇相聖達十
方超異當居四天下一旦別離入名
山谷絕無人處苦厄寒暑飢渴窮危
无能知者擇取卿等大臣子弟五人
追而侍之若中来還滅汝五族既奉
王教入山求侍之菩薩遂進深入名
山五人追之不能及逮心自念言是
為逸人行不擇路何道之有也若欲
還歸必滅我種不如住此五人所止
甘果美泉悉具滋茂樹木豐盛悉无
所乏者菩薩捨國威聖無限心自念
言欲作沙門志在寂靜威儀札節遊
行至山水邊定止天王知心飛天奉
刀來帝釋受鬚則成沙門肉髻在家

不知菩薩嚴飭衣被第一顯現手執
應器思惟無念入羅闥祇欲行分衛
容色光光猶紫金曜巨身丈六相三
十二万民咸來觀之面像目視无厭
所行周旋衆隨逐之往古以來未曾
見聞如是聖達至真神人光曜普照
天人興念思其本末布施餽饍不知
菩薩不樂居家若干品業衆人惟察
人中之尊與天不異往告瓶沙王大
王欣慶今獲善利梵天自下詣國分
衛或復言曰是天帝釋或復說曰是
焰天王或復說言兜術陀天无憍樂
天或言化自在天王或復說曰是日
月王維摩神三王聞是言歡喜無量
即遣使者觀於菩薩何所至趣无供
養者不得分衛即便出城使者追察
坐山水邊威神吉祥如紫金山使者
尋還啓瓶沙王曰坐山水邊時王聞之
勅外嚴駕與諸群臣詣山水邊遙見
菩薩威神光光喻於日明尋便下車
恭恪叉十稽首礼足觀菩薩形猶如
須弥結加趺坐加敬歸命遜辭下意
而與言談王曰太子生多奇異形相

炳著德喻乾坤當王四天下為轉輪
王四海顥顥真神寶至何棄天位自
放山藪假令太子不樂本國願以鄙
邦貢上處焉訓誨黎庶各得其所五
樂自娛唯當納受不距至懷菩薩答
曰吾久達此一切無常棄天地位无
可慕樂是故出家行作沙門觀諸幼
少皆歸老耄顏色損落面皺皮緩國
土財寶一切如化情欲多難猶如雜
毒墮入地獄餓鬼畜生智者所惡愚
者所貪吾除貪欲如棄涕唾身如樹
果不久則墮亦如浮雲湏臾則滅微
不覺之忽然已過有毀壞憂不得久
安夫人樂欲以自燒身貪欲無厭若
飲鹹水徒致苦患愚人不解自以為
樂明智觀察欲如聚沫聖賢无漏唯
樂法念充於智慧乃厭愛欲貪習俗
者不見本際不了本淨王觀此身無
有堅固所至到處常自迷惑不能分
別身無吾我我身棄捐百千玉女心
无所貪不慕世榮第一思惟欲成佛
道希有好德如好色者唯有聖達規
色如糞察道真實雖有父母君子梵

志長者居士及與妻息身有重疾不能分取令无苦患國土高位金銀七寶何益於已日照天下不益盲者吾觀三界一切无常樂少苦多身非我有世間猶寄難可久居吾見若茲是故出家而為比丘不慕世榮迦維羅衛者邦土第一轉輪王處也風雨順時万民滋茂取和安隱吾不慕樂捨家為道王曰善哉我得善利乃見至聖吾志於俗不識至義因欲相請於無欲人假使得佛惟見愍念以為法主當見度脫我遇十力宿有餘慶得觀大聖投身自歸前礼菩薩足右繞三匝與群臣俱嚴駕還國
普曜經卷第四

壬寅歲高麗國大藏都監奉

勅彫造

普曜經卷第五

三

西晉月氏三藏法師護譯

異學三部品第十四

於是菩薩遊在山間往至尼連水邊
樂於閑居心意寂然慈念十方欲益
天人佛告諸比丘菩薩遙見鬱頭藍
弗為諸弟子所見奉敬遠知圖識算
術天地災變為衆軍師菩薩心念今
者此等自以已身計知算術星宿灾
異為衆人師所見奉事吾往其所問
其所行能知殊勝余乃降伏講有無
法一心脫門三昧正定超其所學以
權方便觀其本才自覩此等所當行
者世俗定意然後為說深奧之定無
為三昧乃歸大道於時菩薩思惟是
已往詣其所問言賢者所事何師誰
為說法而學此業鬱頭藍弗答言吾
無有師自然達之又問今所達者為
何所獲答曰獲有想无想定菩薩報
曰寧可從人得學是定乎答曰善哉
從志所樂時菩薩起在於屏處結加
趺坐菩薩適坐一切羂殊特聖慧無正

宿世所行卓然有異入諸定意一切
正受獨步无侶靡不通達自于定意
一切備矣猶如照鏡而得自在而無
罣碍於時菩薩從三昧起重詣藍弗
所復問寧更有定踰无想乎進至道
耶荅曰無也菩薩自念藍弗无信獨
吾有信藍弗无精進念定意智慧獨
吾有之思惟是已便捨之去詣迦羅
無提所問之曰誰為師主從何受法
荅曰无師自然暢之又問暢之何所
獲乎荅曰獲無用虚空三昧於時菩
薩三昧正受寂為殊特即復說言此
業善哉我所歸趣仁亦趣此俱共在斯
與是衆人而為眷屬菩薩荅曰今此
業者不至滅度不離於欲不達无為不
至寂然無有沙門不至正覺非是泥
洹於時菩薩與彼藍弗及此迦羅反
覆相難知之不及便捨之去轉復前
行見三梵志一曰憂為迦葉次日那
提迦葉次日竭夷迦葉兄弟三人有
千弟子菩薩過候問何所事乎曰奉
事水火及於日月上至梵天菩薩荅
曰是不真正水不常滿火不久熱日

出則移月滿則缺梵天無常雖久必終唯有元為無終元始能無窮極所論適竟因捨之去還歸本處佛告比丘於時菩薩心自念言今吾處在五濁之世值下劣衆外學熾盛各墮異見九十六僣六十二疑貪身愛命蔽塞愚冥染慕情欲懷傷害心不受訓誨不向清淨志慕飲食愛戀土地常行非義不志微妙不樂慧施愛財貪嫉志不存此道品之義我不在無尋馳騁情態住於十惡不離自大不救衆厄放逸不定難可開化殺害恣意飲酒無節唯慕樂之或事水火日月梵天或事山神社神虛空天神海水泉池樹木之神或服果蔬入山服食或一日一食二日三日或至七日一食或日一揣二日三日七日一揣或十五日乃至一月一食淨修梵行四禪四等上仙梵天不逝生死或有裸形或服鹿皮或事鬼神羅刹阿須倫神不免惡趣不能成道謂之自達不可軌則無以開化世俗衆邪異學今我寧可示現清行以用攝取外學之等

顯正真業使捨迷惑所當應行欲界色界不從彼教來入佛道

六年勤苦行品第十五

佛告比丘於時菩薩作是思惟六年之中示大勤苦精進之行以何等故名勤苦行是事難及人所不逮是故名曰勤苦行矣衆生之中若天世人不能修行成辦此業唯有究竟一生補處菩薩乃能行之故曰難辦斯勤苦行因是現行四禪之法數出入息令解其意无想不念無所悵望在所至奉心無所猗不貪是四其像本末宿世所學无學緣覺菩薩所行是則名曰周遍虛空無作非作靡所不作彼則名曰普護一切以等如空行禪定事是亦名曰去无所至於時菩薩欲現世間開化外學若干品業訓誨諸天示其罪福外學異術計死斷絕神無所生或言有常云何罪福為分別說功德之報現身口心當行清淨日服一麻一米六年之中修立難及勤苦之行宿命不債菩薩六年之中結加趺坐威儀札節未曾進退常存露

精亦無覆蓋不避風雨不障頭首摩
土之患不起左右行大小便亦无涕
唾不屈申俯仰亦不傾側身不倚卧
或興雲大雨電雷霹靂春夏秋冬夏
菩薩嘿坐值此衆難未曾舉手以自障
蔽諸根不乱不生恐怖丘聚村落男
女大小牧馬牛羊擔新貨草過邊興
塵不相念之不以為患無所汙難彼時
菩薩衆人恠之羨之所行取其草木
投著耳中耳不痛痒著之鼻中鼻亦不
咄亦不棄去諸天龍神阿湏倫迦留羅真
陀羅摩休勒目自覩見菩薩功勲道
德巍巍來往其邊供養奉事稽首菩
薩尔時菩薩定坐六年現勤苦行教
授開化十二載天人立之三乘以是
之故坐六年耳於是頌曰

菩薩前出家 其功勲真正 厥心常寂然
顯是愍衆生 在五濁之世 由下劣俗故
生此閻浮提 於世現罪福 邪學業熾盛
諸見六十二 故立此精進 過困身畢罪
浴池諸泉源 日月衆光明 樹木巖石山
獸鬼地神礼 自然行精進 建立難及行
修成勤苦業 為衆示現此 身力如金剛

禪思不可動 用若干義故 亦復現緣覺
若諸天人民 異學亂見喜 亦化此等故
示勤苦之行 而結加趺坐 在地无坐具
日進一麻米 示現而服此 示出息不出
亦無還報息 六年甚堅強 禪思不致漏
无念無不念 不念所可行 心猶如虚空
禪思不傾動 不覆蓋身上 亦无所障蔽
不移動如山 禪思不增減 不避其風雨
亦不障頭首 不失威儀節 禪思無進退
村落諸男女 牧牛馬猪羊 擔薪及負草
行邊與塵土 不淨坌其身 若干品諸難
無念不迷惑 禪思无進退 身肉為消盡
唯有皮骨存 腹背表裏現 猶如筵篲形
諸所造天行 須倫龍杳和 目覩搃功勲
皆共咸供養 五體礼受教 令疾得成就
使我得致是 如心懷愍哀 欲降外異學
闍蔽衆邪業 因是現罪福 其身坐口言
是佛道難得 既頭何有道 行無央數劫
六年畢其罪 以是化天人 其數十二載
是故人中尊 坐禪不進退
佛告諸比丘 菩薩修勤苦行竟六年
已心自念言 雖有神通聖明慧力 今
吾以是羸瘦之體 往詣佛樹 將无後

世邊地諸國有饑者乎謂饑得道吾身寧可服柔軟食平復其體使有勢力然後乃往至其樹下能成佛道時有丘聚名曰修舍慢加有長者女日飲食八百梵志見知菩薩造勤修行常願奉供大聖菩薩即夜往樹下坐時長者女始出嫁時有願生男子者必當與作甘美餽饌祠山樹神時長者女生得一男心中歡喜舉千頭牛展轉相飲取其淳乳用作乳糜欲祠樹神即便遣婢先往掃除婢見佛坐不識何神還啓大家掃除已竟樹下有神端正殊好非世所見時女聞喜欲取糜往糜跳出釜高一丈餘不可得取女甚恠之時八百梵志中師見之謂女今此乳糜非凡夫所應服者唯臨成佛服食此飯乃消化耳天於虛空而出聲曰今日女欲興立大祠有大菩薩在於精思勤修苦行已從坐起汝本有願當先飯之食之克滿尔乃達成無上正真之道為取正覺便說此意勿違本願時長者女聞天神言即取乳糜盛滿金鉢手執賓

乳與八百梵志俱往尼連水邊佛言
比丘菩薩知之即以神通慧力還江
水邊忽然而度隨其習俗示現入水
而自洗浴時八万天子各案樹枝供
養菩薩菩薩牽枝出在岸邊其身輕
便清淨無垢菩薩適住時兜術天子
号離垢光尋取天衣袈裟僧迦梨化
沙門形奉上菩薩於時菩薩即取著
之靜然而住時尼連江水中龍妻從
地化出以微妙牀貢進菩薩菩薩即
坐時修舍憍加村落長者女與諸梵
志奉美乳糜詣菩薩所稽首足下右
遶三面以賓乳水灌菩薩手以美乳
糜進奉上之菩薩愍哀女故輒受食
之氣力得充心无所戀持金鉢投之
江水具足千龍即攝取之而供養鉢
於時奉牀龍妻得之用立神寺勤心
供養諸天百千億載悉取香水和泥
起寺其欲供養菩薩鉢者各現宮殿
咸共奉事於時村落長者女等佛與
駿瓜得之起塔供養佛言比丘菩薩
適服此乳糜以成福願身遂充滿容
色光光踰於日月於是頌曰

時世尊精思 勤心自念言 身神通慧力

往詣樹王下 成一切智慧 以逮諸通慧

便行普愍哀 寂後救衆生 我寧可服食

令身得充滿 往到樹王下 成聖一切智

不以少薄福 得致天人安 不得成明眼

還身力甘露 至說宿功德 决斯安隱祠

其心思如是 天聞告村落 金鉢盛乳糜

往詣江水邊 奉上心踊躍 逮得道甘露

所行百千劫 諸根悉寂定 諸天龍神往

大聖至水岸 適施度无極 入水自洗浴

以洗除心垢 愍傷於世俗 億千天歡喜

各齎華搗香 世寂適入水 人中上洗浴

念知是菩薩 建立行无垢 仁賢適洗浴

百千天奉事 其身無垢穢 天子奉袈裟

身即著衣服 著衣服已竟 龍妻尋歡喜

奉之好床座 寂定意便坐 為世之道眼

修舍女奉食 金鉢盛乳糜 稽首礼足下

大通即服之 服此得充滿 投鉢著水中

諸天奉真誠 來供養於佛 如來適飯竟

乳糜極甘美 其身氣力充 行詣佛樹下

適到佛樹下 行身不動搖 強如帝釋步

建立菩薩行

於是菩薩飯食已充愍念十方救濟

危厄欲坐樹下現成佛道度脫衆生
十方諸佛咸示威變顯其瑞應五百
化鳥自然來現徃詣其所遶菩薩身
暢悲哀音歎其宿世所行無量積累
功德為一切故欲化五趣故現五百
令去五陰消除五蓋拔五道行逮五
神通化去五五二十五事所處甚難
存處道場住无所住本無定慧於是
頌曰

從無數劫來 積德行六度 四等心四恩
護三界之將 大慈無蓋哀 欲脫癡瞋盲
今當成大道 具三十二相 隨俗而現身
說苦空非常 使了志本无 入佛三寶藏
俗人罪所蓋 十二因緣障 不達無上真
生死沉沒亡 若解一切空 不犯五陰行
陰裏已消滅 心淨如法王 至真无上慧
莫能限度量 光明踰日月 所濟無有疆
須弥尚可攝 虚空可度量 不及大智慧
大聖无極行

歎此頌時無數天神皆發无上正真
道意也佛告諸比丘菩薩江水邊洗
已飯食乳糜知氣力充徃詣佛樹佛
樹王下修如法行皆無所動堅住如

山不諂蔽行不通短氣造立清淨不動搖行而不相振以不強項性不平暴所行高下自然平等演光明王是晃灼灼至真善行消垢下意法過去佛清淨正行至師子牀不壞性行斷衆惡趣思念永安棄廢刀勢令不堪任度衆邪行受正法業滅冥樹塵生死之本使无部黨釋梵四王行無所處一心勇猛恐伏怨難所遊獨步達一切智心意无雙斷終始滋捨欲諸貪使滅四難無为无畏度於彼岸如是行者菩薩德行功勲皆成詣江水邊至佛樹下欲行天人化其道路弘廣无際又斯道路左右七寶欄楯悉令嚴正高四丈二上有交露行諸臺閣亦衆寶成天蓋幢幡處處瓊瑯七寶樹木高大妙好諸寶樹間琦玕為繩交絡諸樹兩兩樹間有一浴池池底金沙中生青蓮芙蓉瑩華其樹四邊寶為欄楯明月瑠璃雜廁其間鳬鴈鴛鴦遊戲其中八千玉女香汁灑地掃道令淨二万玉女垂諸寶瓔散諸天華其樹間地七寶合成八万玉

女各持供養名香木蜜諸雜奇異執金香瓶著寶塚上一一塚上有五千玉女鼓天之樂佛言如是比丘菩薩欲詣佛樹下時嚴治道路魏魏如是至江水邊諸志大乘亦入此路其夜菩薩當成佛時千梵天王告梵天衆其福功德顯耀清淨皆修道跡慈悲喜護禪定神通從千劫來奉行大道今詣佛樹吾等當共往供養之所修令吉以能歸命無有恐懼終无所畏無八難患生天上人間十方佛前在梵天宮梵天間之六年苦行今詣佛樹皆共善心當懷悅豫供養菩薩大千世界之法主也天帝釋梵日月天王詣江水邊皆往奉迎在億載佛國皆心念之今詣佛樹下當降伏魔无能見頂上至梵天亦無能觀今尊身相甚妙莊嚴其身三十有二言辭柔和清淨無垢音聲雅妙過踰梵天今坐樹下當共供養其忍辱力釋梵知之忽然安隱悉斷一切塵勞結縛若有聞者致甘露跡成緣覺業者速修道普世界衆生皆來供養佛告比丘有一梵

天名曰三千建立觀此三千大千佛國平等如掌悉令照明化於此地生軟青草在其左右猶如天衣如是草比遍大千佛國而於衆生無所妨害莊嚴此國東方釋梵及四天王諸菩薩衆不可稱計諸佛國土諸菩薩衆皆來供養南西北方四維上下諸佛國土無央數衆釋梵四王莊嚴供具皆來貢上一一佛土若干莊嚴鐵圍大鐵圍一切諸山是諸佛國忽然不現悉不知處唯覩一切諸菩薩身普周佛土諸天子等又有十六人侍從菩薩其名曰轉進菩薩無進菩薩施與菩薩愛敬菩薩身力菩薩慧猛菩薩善住菩薩松持菩薩照曜菩薩華鬘菩薩隆法美菩薩吉忍菩薩不害眼菩薩大淨菩薩淨嚴菩薩戒淨菩薩眷屬圍遶是諸天子等悉不退轉逮得法忍供養菩薩莊嚴道場平治其地三千二百里周匝圍遶有好七重欄楯七重行樹七重交露緹縵七重寶樓皆悉紫金諸雜技飭若干種品諸寶蓮華自然化生燒衆名香上虛空中

立一寶蓋覆於十方諸佛國土生諸寶樹諸天人民其樹華果悉現道場其十方界水陸衆華悉現道場十方佛國菩薩道場所可莊嚴不可限量功德聖慧清淨之業亦現道場佛樹如是諸天子等眷屬圍繞莊嚴佛樹極令清淨一切諸天龍鬼神麁香和所可莊嚴宮殿室宅若干品妙悉遙目覩咸共歎曰善哉善哉功德福報應不可思議彼佛樹神有四天俱嚴治道樹一名足跡二名邊豆三名善意四名布精莊嚴佛樹供養菩薩其樹根基枝節諸葉華實皆悉茂盛圍繞佛樹廣長極妙高八十里巍巍無量欄楯樹木交露衆帳亦各七重七寶合成周匝圍繞猶如忉利晝度之樹若有見者而无厭極三千國土國土堅彊猶如金剛不可毀壞自然現彼菩薩坐樹當成佛道佛言比丘是菩薩身演大光明普塞惡趣滅除八難病者得愈恐怖得安繫縛得解瞽盲瘖瘡皆悉解脫貧者大富塵勞熱者悉彼療治飢渴飽滿懷妊得產老耄強健

當尔之時志無欲縛无婬怒癡不想
患厭無有諍訟當尔之時一切衆生
相親如父如母如子如身皆懷慈心於
是頌曰

其至无擇界 現於地獄中 諸有苦惱者
咸得入安隱 畜生自然和 各各相愛念
皆共懷慈心 逮得无所畏 至於餓鬼處
諸飢渴窮厄 皆獲得食飲 因菩薩威神
八難皆閉塞 消滅諸惡趣 衆生悉安隱
快樂如天上 諸有瞽盲者 衆根不具足
應時悉親聽 其身皆備悉 姪怒癡塵勞
衆生被熱惱 諸塵得休息 皆悉念正真
貧者得財富 皆得生天上 病者悉除愈
繫縛得解脫 无厭及瞋恚 無有諍訟者
尔時咸相敬 皆共起慈心 如父母一子
展轉相愛念 衆生等如是 相愛如父子
時菩薩光明 普照曜佛土 猶如江河沙
並遍四方界 不礙諸鐵圍 通過諸黑山
一切諸佛國 悉現如一土 見羅列諸寶
平正如手掌 莊嚴諸佛土 以供養菩薩
十六諸天子 圍遶佛道樹 莊嚴其道場
三千二百里 諸所可莊嚴 不思議億國
菩薩威神故 皆現彼佛樹 諸天龍鬼神

真隨摩休勒 各各起宮殿 遙望悉見之
以見此清淨 諸天人欣喜 善哉福之報
所作今悉見 衆口意所行 所可修平等
諸利義悉善 心所願輒得 如宿世所行
所願悉具足 諸所罪福報 所獲亦如是
莊嚴殊道場 四天子交飭 猶如晝度樹
佛昇忉利天 因緣不自在 悉說諸功勳
菩薩清淨業 如本所作行
迦林龍品第十六

佛告比丘菩薩身光照迦林龍王宮
龍蒙佛光身心悅豫消諸塵勞普獲
安隱面目欣怡今時龍王見斯光明
目即得開與眷屬前而讚歎曰我已
曾見拘留秦佛從來久遠亦見拘那
含牟尼佛并及迦葉光明所照觀諸
法王光明無垢必當有佛相好愍哀
慧明興世故照我宮金色光光不妄
晃昱明踰日月火焰明珠所不能逮
天帝梵光自然遠邊阿須倫明亦不
能及宮殿常冥今忽大明覺了離垢
身得安隱心懷踊躍體无衆患無熱
清涼無數億劫精進不疑詣道樹下
善哉共取華香衣服寶瓔珞琦玕名

香搗香篋篋樂器當往供養執有功德
勲龍后聞之歡喜悅豫出觀四方遙
見菩薩如須弥山威光莊嚴百千億
天而圍繞之釋梵奉敬心中踊躍見
其塗路時龍后喜詣度世所投身作
礼叉手前住於是大悅供養華香衆
雜名香鼓樂而樂歎曰功勲真正見
尊善哉如月盛滿化衆度世觀前至
聖所見瑞應今見亦然等无老別今
必降魔逮得滅度猶賈脫難宿曾布
施如所願得逮致忍辱所求精進樂
於禪思然智慧燈本所行願今悉具
足必成最勝猶如有樹華實茂盛致
佛滅度如千泉源汲水無盡其心歡悅
普悉興雲而雨遍至虚空今必成道
體紫金色光周遍佛土一切惡趣悉
致弘要其三千國諸豪尊位今三世
醫必當詣佛耀於天下猶安明山不
可傾動如明智人觀四大海尚可枯
竭詣樹王下無能蔽障不成佛道佛
告比丘於是菩薩心自念言諸過去
佛為在何坐得成无上正真之道為
正覺乎復更念言過去諸佛坐於卓

摩訶薩成取正覺虛空之中無數百千天
觀菩薩心即時報言如大聖意過去
如是皆坐草蓐成取正覺佛語比丘
於時菩薩見路右邊有一人名曰吉
祥刈生青草柔軟滑澤勸止齋不乱好
若天衣時菩薩見即便越道詣吉祥
所以慈和心與共談語而謂之言敷
演善教而勸助之言辭溫雅无有麤
獷其心安和而無惡意除姪怒癡演
哀響音釋梵八聲甚深難及如師子
吼猶若雷震十方佛國衆生蒙化皆
得安隱有所講說百千法音无能制
止以一法音普入諸聲皆相安和至
於解脫普悅衆會一切諸佛所說應
時與慈仁語吾欲得草吉祥與我今
日欲得當伏邪力成無上覺无数劫來
所施調意棄捨諸想奉行禁戒今應
獲之忍辱精進智慧功力聲名智力
禪定神通脫門道力今當獲之於是
吉祥聞導師說清和之辭歡喜踊躍
身和意悅奉柔軟草興大功祚度於
无極吾成甘露吉祥施座當得佛道
用施草故吾無數億劫修勤苦行奉

若干業智慧功德善摧方便心意堅
強然後得佛必成正覺如我今也若
至道場當教餘人果得所願知吾得
佛分別甘露當來聽法逮取賢聖適
施草座地則大動天在虛空皆共叉
手合掌歎曰今日降魔及官屬力乃逮
甘露無上正真佛語比丘往詣樹時
諸天化作八万佛樹師子之座心自
念言當令菩薩坐此嚴淨成取正覺
又諸佛樹華果茂盛或淳香樹高四十
里或有佛樹七寶琰成高八千里或
四千里或高百千由旬一切佛樹具
足八万若干天衣而布其上或布蓮
華若干種品以為牀座菩薩座上有
三昧名曰淨耀定意正受適以是定
三昧正受一切佛樹皆菩薩坐相好
嚴身一一天子念知菩薩坐我座上
不在餘座淨耀定意威神之故地獄
餓鬼畜生皆得休息諸天人民五道
所生衆生之類皆自目覩菩薩大士坐
我佛樹下不見在餘也其下劣衆大
薄福者見於菩薩身坐草蓐詣菩薩
所右遶七匝尔時菩薩則坐自然師

子之座力勢堅固猛過龍象豪尊自在無能及者名稱普聞布施持戒忍辱精進一心智慧福祚妙達能降魔怨故現坐於草蓐其身直坐心意正定有德之人時見菩薩坐師子牀如月盛滿照於十方菩薩自擔使吾身壞肌骨枯腐其身碎盡不成佛道終不起也從无央數億劫勤為苦行今乃得之終不迴還佛語比丘今時菩薩坐佛樹下有太光明号班宣道場放斯光明普照十方無限佛界遍虛空際照諸佛土今時東方離垢世界無垢光如來佛國有一菩薩名耀嚴光光往勸照與无央數菩薩眷屬往詣道場適詣佛樹南西北方四隅上下十方佛國盡虛空界所有佛土皆見菩薩坐一道場樹下咸悉覩焉如近相見五道衆生展轉相視皆見菩薩如觀手指云何大聖微妙如是彼諸菩薩見其面像說是偈曰

無塵勞瑕疵 拔除衆垢濁 身光照十方
超越諸威曜 其智慧定意 積累无數劫
彼最勝能仁 普遍一切方

於時南方寶焰如來佛國寂淨世界
菩薩名現實寶積蓋光往勸照與无央
數諸菩薩俱眷屬圍遶往詣佛樹供
養菩薩執一寶蓋皆覆道場釋梵四
王展轉相謂獲嚴淨蓋為供養誰時
寶蓋中出是偈言

百千那術載以施无等倫常懷弘慈心
此有殊特相鈎環演光明今至佛道場
力勢難可及故來供養此

於時西方思夷像佛土華嚴神通如
來世界菩薩名无著光明其光勸照
與無央數諸菩薩俱往詣道場寶交
露帳十方天龍鬼神健杳和展轉相
謂此嚴淨光為從何來寶交露帳說
此偈曰

寶車及寶衣高上至三界寶樹樂寶眼
被鎧而精進今當得佛道衆菩薩皆至
致此寶交露供養彼寂勝

於時北方日轉世界蔽日月光如來
佛土菩薩名淨王光往勸照與無央
數諸菩薩俱往詣道場十方世界所
有德淨皆現高座時菩薩衆皆說此
言誰今致此若茲嚴淨其普嚴淨演

是偈言

其身清淨者 無數功德慧 所行口清淨
彼宣斯法目 斯心常清淨 久發慈悲心
今三樹王下 供養釋尊人

於時東南方德王世界德明王如來
佛土菩薩名德音光明其光勸照與
無央數諸菩薩俱往詣道場供養菩
薩持文露臺中有高座其文露臺
演此偈言

其功德德普 須倫鬼休勒 彼德王福稱
以奉上道場

於時西南方樂成世界寶林如來佛
土菩薩名寶光明其光勸照與无央
數諸菩薩俱來詣道場供養菩薩致
無量寶文露之臺中有高座其文露
臺演此偈言

彼善意恭敬 施无数珍寶 講堂及軒窓
捨身及車乘 嚴文露華蓋 微妙好園觀
惠顧及手足 由是坐道場

於時西北方雨氏世界雨香王如來
佛土菩薩名積雷雨音光明其光勸
照與無央數諸菩薩俱來詣道場供
養菩薩致衆香文露臺中有高座雨

衆名香散高座上其兩音演此
偈言

雨法遍三界 具解脫光明 雨離欲甘露
至滅度无為 消一切衆塵 悉斷結縛毒
禪思神足力 造三品華香

於時東北方樂帛交露世界寶蓋起
光如來佛土菩薩名嚴帛帳光明其
光勸照與无央數諸菩薩俱來詣道
場供養菩薩其交露帳以寶為地化
作菩薩相好嚴淨是諸菩薩各各執
持天華香卑身伍頭說此偈言

瞻大衆恭敬 嘆歎億載佛 所說如梵天
稽首詣道場

於是下方普明世界普現如來佛土
菩薩名寶藏光明其光勸照與无央
數諸菩薩俱來詣道場供養菩薩焰
光高座紫金蓮華自然現矣彼蓮華
上化有天像則以右手執寶瓔珞垂
繒幡綵卑身伍頭說此偈言

其身恒恭敬 常礼佛弟子 礼佛捨自大
吾礼德功勲

於是上方虛空世界無限眼王如來
佛土菩薩名虛空藏光明其光勸照

與无央數諸菩薩俱來詣道場供養
菩薩十方佛土如虛空界合集諸華
名香搗香衣服華蓋幢幡金銀衆寶
象馬車乘樹葉花寶男女大小捷香
和真陀羅天龍鬼神釋梵四王時放
大雨使諸衆生想歡喜悅共無恐懼
今無畏難於是頌曰

好談如菩薩 奉敬傷得道 莊嚴淨應度
德踰大威神 或上雨虛空 垂百千寶瓔
或上香寶鬘 現垂軒華香 或地師子吼
演空无相願 或空揚大聲 古未見此華
或在空上界 現已千億寶 遍空故吉祥
歎菩薩福祐 應時放光明 覆蔽魔宮殿
或現寶幢英 寂福詣佛樹 明珠停虛空
光曜月善月 或心化須臾 雨道場佛樹
或頭面稽首 天子念造敬 或可如須弥
虛空手散華 或至四方澤 燒諸好名香
手執持寶杖 遥覩見菩薩 或現寂梵像
澹泊寂然住 毛出柔軟香 等慈悲喜護
或如天帝釋 億載天圍繞 往詣佛道場
叉手散明珠 或至四方域 捷香鬼真陀
雨光果須臾 此諸神歎勇 或受持華香
樹英華香散 佛子現半身 早已散華香

或受分施利 青蓮若干華 住相三十二
歎尊无所著 身大如須弥 在虛空自投
幢幡及華香 見三千佛國 目覩天地燒
悉見諸合散 念入法門行 聞天不與欲
或暢真陀音 顏色妙具足 莊嚴如玉女
觀天人無厭 身如剛无壞 心行棄自大
或來口說義 浴身光去垢 或寶場寶掌
辦百千幢蓋 雨寶華名香 衆生苦立安
出地大寶藏 毛說億載經 辯才令意覺
解衆生迷惑 持無畏如山 化乱第一安
十方億載國 今日覺甘露

佛告比丘菩薩嚴淨如是比像國土
自然去來今佛諸佛國土菩薩道場
所作嚴淨皆以普現交露臺閣菩薩
如是坐此高座其斯欲界諸天之中
計魔波旬取為豪尊今吾應義當成
無上正真之道為取正覺當感致魔
令到於斯緣斯降伏因斯攝化諸欲
界天子具足得本及魔界天見師子
吼降伏一切成取正覺今乃發起三
界衆生

召魔品第十七

佛告比丘於時菩薩有光明名消魔

宮場演斯光明普照三千佛國靡不
周遍曜魔宮殿皆使覆蔽從其光明
使魔波旬聞此像教大清淨土從無
數劫積切累德棄國捐王愍哀正真
欲成甘露在佛樹下已身已度當度
餘人已越三界當脫他人已身已安
當安一切已身寂滅滅度他人處在
閑居護諸惡趣令無有餘為天世人一
切師父神通已達永離諸惡趣令无
有餘為天世人一切師父神通已達
永獲大安以甘露安安於一切當空
沒界加縛卿頸使無勢力失衆眷屬
心中瞞塞不知何計當興法雨潤澤
一切佛語比丘時魔波旬聞是頌教
卧寐夢中見三十二變一見宮殿闇
冥不明二見宮殿汙泥不淨三見宮
殿毀壞破散而生荆棘四見恐怖衣
毛為堅馳逸散走五見迷惑失道入
於邪徑荆棘凡石六見其後園所生
樹木無有華實七見池水枯竭无諸
蓮華八見鳬鴈鴛鴦孔雀哀鷹百鳥
禽獸皆無羽翼九見其大鼓篳篥樂
器破壞斷絕棄捐在地十見捨所愛

敬妻子眷屬別異處寐十一自見已
身狀上墮地破傷頭面十二見諸魔
子威神力強皆來稽首歸命菩薩十
三見魔四女迷失時節化為老母十
四自觀已身衣體汙泥垢塵十五自
見牆壁軒窓臺閣門戶傾危十六自見
軍衆鬼神閼叉獸鬼捷杳和天龍眷
屬一切手脚其身及頭皆墮在地十
七見欲界諸天天帝釋焰天兜術天无
憍樂化自在天各自捨去不從其教
十八見魔宮殿所居止衆累覆頭首
十九見大自在今不由已二十自見
眷屬不為歸伏二十一見頭冠幘珠
璣瓔珞火自然燒二十二見魔宮殿
自然震動二十三見諸樹木而截墮
地二十四見諸可意業都不復現二
十五見其水浸沒壞宮殿二十六見
河水崩頽灌民居舍二十七見一切
天王皆來歸命菩薩瞻其顏色二十
八見身林卧自然出外二十九見其
餘眷屬而捨遠去歸於菩薩三十見
吉祥金甕皆悉毀壞三十一見諸梵
王諸魔官屬宣傳不吉三十二覩見

十方一切衆生歸命菩薩而從受教
佛告比丘魔於夢中見是諸變時從
夢起心中恐怖衣毛為豎召會大臣
及諸兵衆為告說此夢中所見魔有
智臣名師子安王問此大臣及諸會
者我於夢中聞於空中自然出聲釋家
生子身相衆好六年之中修勤苦行詣
佛樹下當成正覺從夢覺已心自念
言今此菩薩度無央數億載人民必
空我界令无有餘當禁制之有德如
是輒成佛道名曰法王普徃歸之以
何方便斷其徑路令不成就以大兵
衆而徃伏之於是頌曰
以將大兵衆 共行害除之 便就其樹下
危然此沙門 將四部之兵 其欲愛敬我
與我共戰鬪 急速徃遣之 緣覺及羅漢
遍滿於天下 滅除我衆兵 使无有力勢
如是當成佛 天地之法王 部黨其熾盛
為佛无斷絕

於是魔子導師為魔波旬說此偈言
大人面何變 顏色不如常 如忉利天人
其身不和調 今何所見聞 疾告今欲知
常觀正本末 療治其疾患 聞天人所言

卧寐見惡夢 若皆衆中說 聞者自投身
魔子導師自詣啓父我會大衆雖宣
音聲令无所勝使無非惡衆度心生
或有所生或無所生如是服響自於
樹下今現瑞應則為吉祥不見輕慢
也我察必安具衆吉祥善與少事令
罪不生我見寂然所可導御不起幻
術不以吾我行成吉祥正真導師導
師復言若有威力而不成力自然羸
弱有生勇士慈行得勝假使螢火滿
三千界有一毫明必能普照十方天
下其心懷穢妄道習惑輕於明智
彼病難治无能動移億佛不療佛告
比丘於是波旬不用導師之言即召
千子其五百子導師之等信樂道德
歸於菩薩住菩薩右其五百子隨魔
教者住菩薩左時魔波旬告諸子言
汝等一心共立建謀以何力勢勝菩
薩乎其右面子名導師者答又波
旬而說偈言

令諸子諍豈為好 自任訟理欲斷根
小垂欲與師子戰 勇如是行豈勝佛
其左面子名曰惡目以偈報答

適觀我身方便傷 如樹墮地拔根枝
於今沙門察我住 以得觀息復欲喘
其右面子名曰軟音以偈報曰
欲興恐懼消大海 所行顛倒求安和
斯觀菩薩之面像 吾不謂又為奇訝
其左面子名曰不淨以偈答曰
自見一已欲得勝 卿作沙門嘿然退
見我兵衆無數千 皆共猛勇害汝形
其右面子名曰善意而說偈言
象大鈎鏃所有力 勇執金剛密健人
建得忍力藏柔軟 使諸剛強永无力
其左面子名曰強威重說偈言
雖菩薩身光消病 我入於彼悉破壞
受持善根如劫燒 我身當害於菩薩
其右面魔子名曰善因以偈報曰
山尚可動空可墮 其大海水尚可盡
虛空盡可行在地 不得甘露不捨樹
其左面魔子名曰所入變復以偈答曰
日月光明猶可蔽 魔宮殿住能隱水
豈取一涕盡江海 將兵迴還勿雷吼
其右面魔子名曰德悅復以偈報曰
日月可滅明 鐵圍可不淨 菩薩之清淨
已一无能當

其左面魔子名曰求便即時頌偈答曰
無兵无黨名純淑 其面妙好無鎧仗
未見無兵欲戰鬪 如我今日必相害
其右面子名曰德嚴以偈報曰
不可從已而獨言 心懷忍力精進強
行三脫門智慧財 德力為兵相降伏
其左面魔子名曰不還以偈答曰
當還害之如燒草 正使吉咒不免前
咒以成者破山還 不令太子住不馳
其右面子名曰法樂以偈報曰
虛空可盡令有形 其衆生界可一同
柔軟風冷尚可獲 菩薩樹下不可移
其左面子名曰澹怕以偈答曰
我又境界供自然 衆人所欲皆有之
皆當破壞害其命 就樹下危乃捨去
其右面子名曰一切吉以偈報曰
假使三千滿中物 皆成為毒不能傷
姪怒癡毒大恐難 皆欲加聖終不能
其左面魔子名曰樂貪以偈答曰
百千玉女自莊嚴 鼓於無數伎樂音
受喜數受樂欲好 從是致安諸所慕
右面魔子名曰法行以偈報曰
以法所樂而自娛 慕敬禪定好甘露

度脫衆生受以慈 誰復有心樂於欲
左面魔子名曰好跂以偈答曰

月行虛空有所至 除去闇冥故清明
我等今日得沙門 毀滅所行諸覺業
其右面子名曰師子吼以偈報曰

無數野狐而鳴呼 不如一勇師子吼
百獸聞音懷恐懼 戰慄驚惶奔四方
今者卿等亦如是 不聞人尊頌宣法
自強廣遠妄所說 聞聖師子吼降伏
其左面子名曰念惡以偈報曰

今來衆會無數變 云何觀此諸頭首
愚人觀是不捨走 言降伏之乃訛言
取要言之一切魔子清白部又黑冥
部各各說偈於時有一將軍名曰賢
天為魔波旬說此偈言

是君之所知 釋四王真陀 阿須倫迦留
又一稽首礼 何況所不惑 梵天及光音
淨居諸天子 普亦自歸命 今所生諸子
從尊受教令 斯等敬菩薩 至此皆稽首
今斯魔軍衆 三千二百里 恭敬悅意觀
心中懷踊躍 覩之面和悅 百千天雨華
無數神供養 諸天下賓王 諸魔衆所作
損亂鼓不鳴 能還者為智 必不得其勝

佛樹為吉祥 鳥鴈皆孔雀 不畏而悲鳴
不勝不如還 魔衆所住處 雨墨及塵土
道場雨衆華 唯聽願迴還 魔衆所住處
溝坑布鐵錐 道場于香熏 智觀當還逝
前所夢見瑞 目覩何不還 為欲柰之何
慶所已破壞 其盤衍化人 瞋於凡大仙
精進極歎頌 雨雷不生草 精進仙人還
應儀能舍偶 不害衆生故 頭首得自在
天王不聞乎 身相光遠照 出國無所異
成佛降魔勞 其身如是淨 仙人奉敬之
當往詣至尊 莫不啓受教 眉間白毫毛
若演其光明 覆蔽億國土 蓋魔宮不現
無能見其頂 極察不能觀 無能堪任觀
成就正真覺 猶須弥鐵圍 日月天帝梵
土地諸道場 樹木山稽首 福力有智力
聖力精進力 忍力禪思力 魔力消无力
猶如坏為器 必當疾毀壞 師子比禽獸
盛火比日月 求比無等倫 師子虺同耶
比察於菩薩 不見有等類

普曜經卷第五

癸卯歲高麗國大藏都監奉

勅彫造

普曜經卷第六

五

降魔品第十八

西晉月氏三藏法師護譯

於是魔波旬心中憤亂恐怖色變強顏不去不欲退還故作訛言我所為是告其兵衆卿等併心皆共和同所可見知諸天鬼神逼迫菩薩莫使縱逸也當共伏之尔乃捨去

尔時波旬告其四女一名欲妃二名悅彼三名快觀四名見從汝詣佛樹惑亂菩薩嗟歎愛欲之德壞其清淨之行女聞魔言即詣佛樹住菩薩前綺言作姿三十有二

一日張眼弄睛 二曰舉衣而進
三日訶訶並笑 四曰展轉相調
五日現相戀慕 六曰更相觀視
七日姿弄脣口 八曰視瞻不端
九曰嫵媚細視 十日牙相札拜
十一以手覆面 十二迭相捻握
十三正住佯聽 十四在前跳踈
十五現其髀脚 十六露其手臂
十七作鳬鴈鶩鴛哀響之聲

十八現若照鏡 十九周旋出光

二十乍喜乍悲 二十一乍起乍坐

二十二意懷踴躍 二十三以香塗身

二十四現持寶瓔 二十五覆藏頂頸

二十六示如閑靜

二十七前却其身遍觀菩薩

二十八開目閉目如有所察

二十九俾頭閉目如不覩瞻

三十嗟歎愛欲 三十一拭目正視

三十二遍觀四面舉頭下頭

菩薩心淨猶明月珠而無瑕疵如日

初出照於天下猶如蓮華在於泥水

而無所著如須弥山不可移動其德

高遠諸根寂定其心澹泊而無增損

尔時魔女善學女幻迷惑之業徃欲

乱道而重言曰仁德至重諸天所敬

應有供養故天遣我我等既好年壯

盛時天女端政優鉢華色莫喻我者

願得晨起夜寐供事左右

菩薩答言汝宿有福受得天身不念

無常而作妖媚形體雖好而心不端

譬如畫瓶中盛臭毒將以自壞有何

等奇福難久居淫惡不善自亡其本

死則當墮三惡道中受鳥獸形欲脫
致難汝輩故來乱人善意非清淨種
革囊盛臭而來何為去吾不用今阿
母等不安天上何為橫來其魔王女
化成老母不能自復即還魔所而說
偈言

禁戒清淨不樂觀 所視恭敬無瞋恨
所察威儀无愚冥 其身微妙審詳序
快說女人之瑕穢 已離愛欲无所戀
天上世間無等倫 不見真行如是者
所在進止覩女像 本淨謹慎妙巍巍
堅一其心无瑕穢 猶如安明不可動
察福威神及功勲 從無數劫護禁戒
清淨梵天无数億 頭面稽首真人足
必當降伏我魔兵 輒成道德如前佛
以故我等不可爭 速得尊業療一切
所觀如空明珠寶 億載菩薩往恭敬
若干雜形如妙華 迦留須倫山樹木
有所思惟无想念 咸來供養於十力
其面眉間切勲光 斯明極曜遍照遠
所行之處無求便 所受根本无所失
無瞋无塵無有所 舉動作事常少欲
於是樹神覩其威神即懷恐懼承佛

威力所言至誠志共和同以十六事
嚧歎菩薩今清淨人極妙巍巍如十
五日月盛滿時其明普照猶如日出
曜於天下如樹華茂無不芬葩奇相
衆好金色從容諸根寂定猶如蓮華
處於浴池所演有威猶師子吼而有
殊特猶念菩薩在林樹間獨步无畏
所造習行人中獨尊辟安明山跼于
大海超絕獨顯平等堅固如鐵圍
山出衆山上尊人功勲普聞遠近若
水具足攝持天地其意恢廓而有殊
特斯心無限猶如虛空其心正住曜
无等倫譬如天地衆生所仰其心清
淨而無穢濁万民悅豫至无有餘其
意清明無能覩者一切衆生所可慕
樂有所度脫而有超異志斷一切諸
所想念尊力無上猶如鈎鑠莫不為
伏所行精進志性堅固諸狐疑者衆
結恙解退降魔衆捐棄于兵令還歸
宮尊人善利致得十力力勢无雙如
是比丘樹神以十六事嚧歎菩薩功
德無侶聞者莫不欣喜

佛告比丘淨居諸天以十八事嚧歎

菩薩毀此魔衆何謂十八

魔以見棄猶如羸老不能得勝一

波旬劣極如朽牆壞二

波旬大聖一已勇猛至願而降伏卿三

波旬無侶如病無養四

波旬无力猶門戶破五

波旬今見遠棄如失娛樂六

波旬今日住於邪徑如賈失路七

波旬疾棄如病不除八

波旬愚癡所在不安九

波旬不孝不知報恩十

波旬馳走如師子吼小獸馳逸十一

波旬見擯如衆斥棄十二

波旬不知時節福盡無餘衆所捨除

如滿器土十三

波旬已見縛束勇猛巧言自憍怕擯

十四

波旬失衆力如失頭駸手足十五

波旬無意如狂失志十六

波旬迷惑不知家處十七

波旬奔馳如狂逸走十八

如是比丘淨居諸天以十八事毀訕

波旬

佛告比丘宿衛佛樹諸天以十六事覆蔽於魔何謂十六

今日菩薩降伏波旬及諸官屬一

今日菩薩捻以大勢力攝取波旬今自然羸二

今日菩薩使魔波旬不知處所若日光明暄於焚火三

今日菩薩以佛大摧過諸天威拔惡根本四

今日菩薩以佛大威神師子之力消伏波旬若小獸縮五

今日菩薩墮魔山谷如有力人斫截樹木六

今日菩薩懊惱波旬如大怨家見逐曠野七

今日菩薩得波旬降猶如大海和於牛跡八

今日波旬妬於菩薩如獄囚得脫故有賊心九

今日菩薩迷惑波旬如豪貴之人牽掬貧匱十

今日菩薩棄捐波旬如非法王失於故土十一

今日菩薩勝於波旬如猛獸士屈伏劣弱十二

今日菩薩令魔憂感如破壞人不知所奏十三

今日菩薩令魔訛言如海船壞十四今日菩薩令魔消除猶如劫盡燒諸

草木十五

今日菩薩毀落波旬猶如大勢壞諸異學十六

如是比丘宿衛佛樹諸天以是十六事覆於魔波旬

於是時弊魔聞諸天人至誠分別決了本末教令還歸魔毒益盛謂菩薩言疾起奔馳我衆兵仗十八億衆皆共併勢如是勢相若斯度已而危仁身是我眷屬衆兵相越我終不言當復相救速疾起走

菩薩答曰如須弥山不可動搖一切十方諸會衆多尚可墮地万物草木皆為衆生無能傾心若有一意尚竭大海不損吾心不得佛道吾終不起魔復說言我生欲界一切四天王天帝諸釋阿須倫健陀羅迦留羅真陀

羅摩休勒在中為主屬我無餘仁亦屬我今者自恣耶

菩薩答曰卿欲界尊自謂威神必非是尊非法尊也逆法尊者乃謂為尊不但欲尊地獄餓鬼畜生於中罪尊非道正真無上聖尊也必當成佛降伏弊魔魔復報曰今日沙門獨在林岨欲得是願致為甚難欲立應行今且壞失何曰得道

菩薩報曰以失義理告何從來不遵禪定神足功德不亡威力能大懃修乃名曰為精進力也不成佛道終不起也魔何所恚在前而住宣麤惡辭或謂止止一已獨身在於曠野猶如一二滅十方閻衆光炬明今與大衆乃在吾前而現顏貌吾當相逼速起出去必相危害已與衆變遇衆苦難見神所在能立郡縣猶是所作能成自在衆形無數天人遍卿

菩薩報曰空尚可盡風尚可握男女大小其月無垢光滅衆冥尚了墮地光亦可冥无能移吾退樹下去要成道德雖興勢力不捨兵衆興麤害心

吾常仁慈柔和為本咄咀小子如斯毀壞不察本變不捨兵衆吾在衆中若紫金山猶大寶藏靡不啗嚙如妙華鬘今日必勝化大乱衆善毀魔兵鬼神龍種靡不歸伏音越梵天聞於十方聲如哀鷹諸神惡鬼此衆伴侶天神來現住在目前遍虛空中皆集勇猛來詣樹下欲得壞卿假使大千滿中諸形若干種變皆執金剛不能動吾雖懷惡心執持五兵吾不畏之魔持刀劍沙門速起盡力馳走今以刀刃段段解截假使三千土地所有境界皆滿中魔各各執劍如須弥山不能搖動吾一毛矣况欲害乎吾心堅強終不傾移神通之曜巍巍无量體紫金色如火中金魔王益惱召四部兵大來集會无極大力當往戰鬪自古迄今未見有此汝等併勢當討滅之

尔時四部十八億衆各各變為師子熊羆虎兕象龍牛馬犬豕猴獼之形不可稱言重頭人軀虺虺之身龜鼉之首一面六目或一項而多頭齒牙

爪距擔山吐火雷電四繞攫戈矛戟
菩薩慈心不驚不怖一毛不動光顏
益好鬼兵不能得近魔王自前與佛
相詰難其辭曰

比丘何求坐樹下 樂於林藪毒獸間
雲起可畏窈冥冥 天鬼圍繞不以驚
古有真道佛所行 澹泊无畏除無明
其成取勝法滿歲 吾求斯坐决魔王
汝當作王轉金輪 七寶自至典四方
所受五欲取无比 斯處無道起入宮
吾覩欲盛吞火銅 棄國如唾无所貪
得王亦有老死憂 去此無利勿妄談
何安坐林而大語 委國財位守空閑
不見我與四部兵 象馬步兵十八億
以見獍猴師子面 虎兇毒虵象鬼形
皆持刀劍攫戈矛 跳躍哮呼滿虛空
設復億姦神武備 為魔如汝來會此
矢刃火攻如風雨 不先得佛終不起
魔有本要令我退 吾亦自誓不虛還
今汝福地何如佛 於是可知誰得勝
吾曾終身快布施 故典六天為魔王
比丘知我宿福行 自稱無量誰為證
昔吾行願從定光 受蒞為佛釋迦文

恐畏想盡故坐斯 意定必解壞汝軍
我所奉事諸佛多 財寶衣食常施人
仁戒積德厚於地 是以脫想无患難
菩薩即以智慧力 伸手案地是知我
應時普地轟大動 魔與官屬顛倒墮
魔王敗績悵失利 惛迷却踞前盡地
其有曉心乃了悟 即時自歸前悔過
吾以不復用兵器 等行慈心却魔怨
世用兵器動人心 而我以等如衆生
若調象馬難以調 然後故能會復生
若得寂調如佛調 以如佛說无不仁
娑天見佛擒魔衆 忍調無想怨自降
諸天歡喜奉華臻 非法王壞法王勝
本從等意智慧力 慧能即時禳不祥
能使怨家為弟子 當札四等道之證
面如滿月色從容 名聞十方德如山
求佛相貌難得比 當稽首斯度世仙
普曜經行道禪思品第十九

佛告比丘菩薩坐佛樹下以降魔怨
成正真覺消荆棘根三毒之源無諸
緣起陰盖衰種永无微瞋衆想以定
淨如虛空勇猛無難豎其大幢顯示
一切招來十方度脫三界默坐樹下

示現四禪為將來學顯道徑路以縛
諸我神通微妙棄欲惡法无復五盖
不受五欲衆惡自滅念計分明思視
無為辟如健人得勝怨家意以清淨
成一禪行心自開解却情欲意无惡
可攻不復計觀寂然恬怕如聖賢行
念思以滅辟如山頂之泉水自在中
出盈流於外溪谷雨潦無緣得入靜
然守一專心不移成二禪行又棄喜
意惟見無欲外諸好惡一不得入內
亦不起心正體安辟如蓮華根在土
中華合未開根莖華葉潤漬水中以
淨見真成三禪行棄苦樂意无憂樂
想心不依善亦不附惡無苦樂志正
在其中如人沐浴潔淨覆以鮮好白
繒中外俱淨表裏无垢喘息自滅寂
然無變成四禪行

辟如陶家和埴調軟中無砂礫在作
何器精進開發无所不能已得定意建
立大慈不捨大悲智慧善摧究暢要
妙通三十七道品之行所謂四意止
四意斷四禪足五根五力七覺八道
終而復始以曉三脫得三達智去來

今事無所罣碍變化現法所欲如意
不復用思身能飛行能分一身作百
作千至億万無數復令為一能徹入
地石壁皆過從一方現俯沒仰出如
出入水能身中出水火履水行虛身
不陷墜坐卧空中如鳥飛翔坐能及
天手捫日月其身平立能至梵天出
沒自在眼能徹視耳能洞聽豫知諸
天人龍鬼神蛟行蠕動之類身行口
言念於所念悉見聞知諸有貪婬无
貪婬者有瞋恚无瞋恚者有愚癡無
愚癡者有愛欲無愛欲者有大志行
无大志行者有内外行無内外行者有
念善无念善者有一心無一心者有解
脫意無解脫意者一切悉知菩薩觀天
上人中地獄畜生鬼神五道先世父母
兄弟妻子中外姓字二分別一世十
世百千億无数世事至于天地成敗
空荒之時還復成時能知一切十劫
至千億劫無數劫中内外姓字衣食
苦樂壽命長短死此生彼展轉所趣
從上頭始諸所更身生長老終形色
好醜賢愚苦樂一切三界皆分別知

見人魂神各自隨行生於五趣中或墮餓鬼或墮畜生或作鬼神或生天上或入人形有生豪貴富樂家者或生卑鄙貧賤家者知衆生惑五陰自蔽色痛想行識皆習五欲眼色耳聲鼻香舌味身受心法為愛欲所牽惑於財色思望安樂

從是生諸惡本從惡致苦能斷愛習不隨婬心大如毛髮受行八道則衆苦滅何謂為八正見正念正言正業正治正方便正意正定譬如无薪無火不然不滅是謂無為度世之道菩薩自知以棄惡本无婬怒癡生死以除種根以斷無餘灾孽所作以成智慧以了明星出時廓然大悟得无上正真道為取正覺

尔時得佛十種神力四无所畏十八之法佛十神力者

佛志見知深微隱遠是處非處有限無限明審如有一力也

佛志明知來今往古所造行地所受報處二力也

佛能現化禪定脫門正受三力也

佛悉分別天人衆生彼彼異念四力也
佛知衆生若干種語及度世語五力
也佛悉了知世間雜種无量情態六
力也佛知欲縛知縛解要在所宜行
七力也佛智如海善言無量追識一
切宿命所更八力也

佛天眼淨見人初死神所出生善惡
殃福隨行受報九力也

佛漏已盡無復縛者神真叡智自知
見證究暢道行所作能作无餘生死
其智明審是為佛十神力也

佛四無所畏者佛神智正无不知見
愚人惑言佛未悉知至諸梵魔衆聖
莫能論佛之智故獨步不懼一無畏也
佛漏盡智悉知愚惑相言佛漏未盡
至于梵魔衆聖莫能論佛之智故獨
步不懼二无畏也

佛說經戒天下誦習愚惑相言佛經
可遍至于梵魔衆聖莫能論毀佛之
正經故獨步不懼三無畏也

佛現道義言真而要能度苦厄愚惑
相言不能度苦至于梵魔衆聖莫能
論佛正真故同行不懼四無畏也

佛十八不共從得佛至于泥洹一無
失道二无空言三無忘志四无不靜
五無若工想六无不省觀七志達無
損八精進無損九定意无損十智慧
無損十一解脫无損十二度知見無
損十三古世之事悉知見十四未來
之事悉知見十五今世之事悉知見
十六攬衆身行化以本際十七攬衆
言行化以本際十八攬衆意行化以
本際是為十八不共之法佛得道意
一切知見坐自念言是實微妙難知
難明甚難得也高而无上廣不可極
淵而無下深不可測大苞天地細入
无間昔錠光佛時萌我為佛名釋迦
文今果得之從無數劫勤苦所求適
今成耳自念宿命諸所施為道德慈
孝仁義礼信忠正守真虚心學聖柔
弱淨意行六度無極布施持戒忍辱
精進一心智慧行四等心慈悲喜護
四思隨時養育衆生如愛赤子承事
諸佛積德無量累劫勤苦功不唐捐
今悉獲之喜自歎曰

今覺佛極尊 棄娼淨无漏 一切能將導

從者必歡豫 天福之報快 妙願皆以成
敏疾得上寂 吾將逝泥洹

普曜經諸天賀佛成道品第二十

於是欲行天王女見如來坐於樹下
神通以達所願具足降魔怨敵堅大
幢幡無極大仁為大醫王療衆疾患
无極師子若於恐懼衣毛不豎調和
心意滅除三垢成三達智越於四瀆
執一道蓋救護三界清淨梵志為棄
衆惡則為比丘除諸愚冥

何謂沙門越於六徑廣學无限名曰
博聞德消塵勞成為勇猛度於彼岸
所謂力者捻十種力具足法實見如
來坐於樹下以偈讚曰

今在佛樹下 降伏魔官屬 難動如須弥
無畏无所捨 從无数億劫 施戒學智慧
合會進道義 亦無數億劫 所行蔽釋梵
本發求佛道 无数劫行忍 堪任衆苦惱
故光紫金色 精進無數劫 超越生死難
以故降伏魔 從无数億劫 行禪神通慧
奉事无数佛 是故衆供養 從無數億劫
至誠博智慧 將護億衆生 是故速得佛
以降於身魔 亦離於死魔 除去欲塵魔

故得无憂患 是為天中天 諸天所奉事
三界所敬養 為无量福田 悉消諸音響
值佛成衆祐 無能望觀者 乃至坐道場
眉間相照耀 無數億佛土 悉瞻日光
使衆逮道明 端正中殊妙 顏色最第一
相好愍念衆 三界所奉事 其眼甚清淨
觀無數諸佛 國土衆生身 心中所懷念
其心甚清淨 聞無數音聲 諸天人民言
佛教法之響 今得廣長舌 知時言柔軟
當聽斯正法 至無為甘露 以見魔兵衆
自悅心不懷 又見諸天人 不歡如須弥
觀魔諸兵衆 不動亦不搖 雖懷其害心
勇力降伏之 在坐不移轉 其身不傾動
不喜亦不瞋 當時无所難 諸天世人民
則為得善利 乃逮聞正法 輒奉行至誠
常立在功勳 蒙寂勝福德 所行輒速成
寂然人中英 人中尊導師 以逮成正覺
震動億娑國 降伏衆魔官 其聲如梵天
亦如哀鸞音 聲香為第一 瞿曇說是言
福報為最安 除一切惱患 所願者必成
其人有功德 疾逮得佛道 便降伏魔衆
輒得歸清涼 以恬怕滅度 是故何福人
興立行有馱 以聞甘露法 誰當有懈倦

處在林藪間 誰當有退意 饒益於万民
當奉行精進 其從菩薩行 為人乃歸命
所行造供養 各成已國土 平如掌明鏡
輒等住其地 百千業蓮華 自然出瞿瞿
百千億諸天 來覩佛道場 皆由已功勳
如海无限量 降伏魔力勢 逮甘露法門
皆稽首作礼 歸命於如來 以若干清淨
各各執香蓋 以覩見師子 佛威神變化
則發菩薩意 所住無能動 所言有名稱
如海不可量 強如須弥山 為諸山中王
十指又為礼 從空出梵聲 人中聖亦然
處於師子座 百千諸樹木 曲躬向道場
其光明百千 震動億國土 盡滅諸惡趣
諸難皆閑靜 无能越度者 病者皆得療
是人中至真 坐於師子牀 佛威神變化
猶如明珠火 自然有光曜 猶如日月明
眉間演大光 當時所奮明 普曜於三界
無能見佛頂 人中勇如是 坐於師子牀
所顯神足變 來者靡不覩 坦然奉敬佛
地六又震動 假使不捨兵 善摧多所感
若不捨兵仗 當致衆毒惱 尊師子如是
在座現感應

於是淨居天梵世迦夷天善梵天及

敬道魔子往詣佛所執大寶蓋以貢
上佛即叉十指以偈讚曰

仁尊現目前精進禪慧力在魔顯大辯
聖以降伏之一切義吉祥無數億魔來
不起身不動稽首普世尊若干如恒沙
不及於至尊無所能動搖猶如恒沙劫
祠若干億千所設為道故无敢毀能人
所行不可逮有曾施妻子男女及僕使
苑園以國邑王位諸莊嚴手足及其頭
身中諸所為用行道之故仁慈不迷惑
如口所可說言辭終不變佛无著大度
當度無數眾億載越汎流禪定神足力
降伏淨正法願具度眾生施世有冥目
普令一切和一心願普智合集歸尊導
其志无限量靡不嘆歎者如是降魔官
覺成一切智

如是魔子嘆歎佛已却住一面

於是化自在天無憍樂天兜術天焰
摩天忉利天及四天王虛空天地神
天供養世尊普患莊嚴一切天地敬
華燒香堅諸幡蓋歸命至尊以偈
讚曰

其化自在天無憍樂兜術焰忉利四王

皆來供養佛 堅固如金剛 住在三千國
志強不可毀 正住佛道場 正使肌皮消
骨髓盡无餘 若不成佛道 終不起于坐
仁師子 辟正 一切三千國 盡捨立威神
草不皆為兵 興大無極哀 來至菩薩所
我領億刹土 坦平无有難 余等地諸神
咸來得善利 及使最尊人 舉足履我上
其在世勇猛 靡所不照明 將護三千界
何況於一身 下方億百千 皆為一品類
普度諸衆生 所可作基業 我等護是地
普及三千土 皆使得上願 隨樂得服食
若有越境界 所在使安隱 其諸佛之子
瞿曇諸聲聞 班宣道法時 若復聽聞者
一切諸德本 皆勸助佛道
梵天化自在 天無憍樂 天兜術天焰
摩天忉利天 四天王虛空 天地神天
供養歎佛已 却住一面
普曜經卷第六

壬寅歲高麗國大藏都監奉
勅彫造

普曜經卷第七

五

西晉月氏三藏竺法護譯

觀樹品第二十一

佛告比丘以成正覺諸天皆來嗟歎
佛已如來正坐一心觀樹目未曾瞬
禪悅為食解慧為樂永安无橫宿夜
七日觀道場樹以報其恩過七日已
欲行天人各共齎持刀甕香水色行
天人俱亦如是往詣佛所香水洗之
若干種香初沐浴佛諸天龍神捷香
想阿須倫迦留羅真陀羅摩休勒所
用香水如來浴身香水溢流皆灑此
等蒙香之恩悉發無上正真道意是
時衆生皆蒙香熏香不離體時諸天
子還入宮殿不聞餘香

佛告比丘有一天子名曰普化投佛
足底起坐叉手前白佛言佛坐樹下
七日之中坐三昧定其定何名世尊
告曰定名悅食清淨如來以是悅食
定意晝夜七日觀樹不瞬時普化天
子以偈讚佛

常奉行諸行 悅寂句威力 使魔失徑路

自投稽首佛 歸命佛足下 以歡悅之心
於時諸天子 說是散諸意 寂定諸天人
若知是種姓 則盡婬怒癡 智慧元有底
消除天人疑 何故有十力 曉了解十方
諸法度無極 愍傷常七日 盡意如虛空
堅坐不動移 觀樹眼不瞬 其師子之尊
何故坐七日 而觀察此樹 所以寂然跡
本造所立願 師子為一切 本願之所致
坐樹不時起 施以世尊心 現在所住安
如是十力尊 奉行諸訓教 知天人本末
前世之所願 聞經典之教 常奉行訓誨
其十力如是 無畏願具足 是故坐七日
而不起于座 勇猛能觀之 悉降伏一切
平等坐道場 滅除衆塵勞 清淨而極遠
以是安衆生 由斯當出家 奉行正真法
得離諸瑕穢 永无所畏懼 是故成聖衆
不造非法行 能忍思愛有 及諸無明行
斷衆結根本 察之如埃土 見於遠時節
以是計吾我 遍處在陰盡 我知斷除盡
吾久積此行 迷惑之業律 究竟諸陰盡
以慧除吾我 其斷欲慈恨 衆生屢愚冥
如水中之月 吾伏今无餘 是行無所乱
意中自解耳 待古以降之 一切悉斷滅

是卿等現在 邪礙墮大獄 佛拔令無餘
不復更歷此 以去諸陰蓋 施與滅蓋本
消滅四顛倒 療除使无餘 此衆相念垢
其知經法本 師父令滅盡 迴轉使無餘
身苦六十五 過有三十垢 現在有四十
道場悉斷此 所生有十六 現處十八教
是則二十五 於道場斷此 賢聖財十二
人畏二十八 吾以越此業 精進力超度
以覺是不還 分別五百事 吾以悲暢達
往古百千法 是諸結永盡 九十八根源
諸可有慶時 衆生所倚受 斷疑諸所習
愚冥邪見網 竭四塵勞河 今不得自在
世尊說法班 宣言教當棄諛諂 吾我
貪故曠然其志 愍傷塵勞以律正教
拔一切貪是諸足下 消除邪行奉行
真正除衆音響 精進滅度得其邊際
今無吾我禪定 功勲懷來定意度四
瀑流憂結自大 放逸之業降伏此事
皆使永盡以真正 故懷來定意制衆
塵勞消諸妄想 猶拔樹根意越彼岸
悉使無餘斷其 屢所便師子吼其力
甚大三界自在 而无有主皆滅境界
以禪明智剖除 怨難猶如天帝使其

羅網衆罪悉盡用三十六精進之行
在於地中智慧兵力斷絕无受是諸
根源塵勞結著究苦毒本以慧明力
欲令永盡以是智眼善治本淨真正
人等明藥威力療其無明癡樹廣遠
令无根源於斯界中行至誠矣用心
毀散瞋恚死蛇心意這異則為怨賊
吾以枯竭十二諸海以滅境界思想
烟火顯耀三達滅衆塵垢然熾之焰
樂於脫門消諸瑕疵是故教訓也慰
勞一切去荊棘想空無音響曉了精
進求於清淨猶如攢木出其火光又
如泉源其心寂然以智兵力劫心塵
垢懷來定意是謂執幢奉持訓誨自
能曉了降伏辦事懷來慈心以是五
欲而知豪富住於衆行棄捐諛諂從
本起塵是為衆結之所罣尋其闢不
和吾志究暢致三昧定悉知內事建
立慙愧有想无想從是得致悉獲是
行究暢所有捐諸思想一切縛結如
是行者棄捐無餘以精進力而降伏
之三達脫門以是之故不以無緣想
於下劣苦樂无常但謂吾我而造想

求六衰之本在佛樹下悉斷除此一切无常是廣大荒穢濁之事以聖明達消諸愛欲過於日月其懷愛欲在於虛空解於三達顏貌无量以度生死濟斷大海精進力故越婬怒癡以微妙行斷於吾我六度无極消億塵勞生死徑苦愍之息意於是慕斷前後而無二坎等於平等所度无極衆邪異學逮得甘露而無有餘盡生死根其无四大亦无諸入求諸智實得無央數道實之明致无所畏是无量佛於内得安少求如化分別根源前世所行是吾曉了所以億載劫審施珍寶無數甘露故暢斯學樂柔軟行聞世億姪諸法言教亦復剖判緣起悉起悉空心發意頃了如野馬此吾清淨其目明好超越十方一切衆生察如手掌如本所殖生樹果實宿世所更得解了斯諸度無極億載劫中悉解念夢若干品覺過去諸天所可諍念顛倒之業有彼如是此亦若茲於時吾往无死藥業所以十力行慈心者愍念衆生故行慈力今是我父處於甘露

所以十力有慈勢力降化一切是以
使吾處甘露間常行護力降伏一切
由是化之入無死地所以行喜普行悅
故以是喜力降伏一切是故建立處
甘露間憶念十力過恒沙劫見過去佛
而供養之以是之故處甘露間吾本
所誓心口所說不降伏魔不化邪見
不從坐起無有放逸度於彼岸壞癡
羅網從無數劫住智金剛以逮十力
得無所著降伏諸漏令无有餘不捨
其力乃從坐起具足洗浴濁垢使淨
於時世護十力自在而度無極三千
世界猶如金剛常修等行億千劫天
供養無量及諸王女不可稱載佛子
如是皆有因緣處賢聖座受大自在
寶璽千枚若干香水流於護世三千
世界由是自在佛子如斯皆有因緣
所以宿夜七日不從座起常觀察樹
彼七晝夜觀於佛樹化七千億人令
發道心思惟寂然地六反震動時佛
乃從師子座起其心和安其身柔軟
所行知時在佛道場觀其道樹猶如
師子而无所畏禪思脫門賢聖之行

普曜經商人奉妙品第三十二

有本云四天
王上妙品

余時提謂波利之等與賈人俱五百
為侶於時樹木華實茂盛演佛之音
七日不動不搖時有梵天厥名識軋
住于梵天見佛新得道快坐七日未
有獻食者我當求人令飯上佛即使
五百賈人皆躡不行識軋先世五百
賈人之知識也欲度之故故使然矣
提謂波利怖還與衆人共議天即時
而讚偈言

如來成佛道 所願已具足 汝等貢上食
因是轉法輪

時五百人詣樹神所梵作樹現光光
像分明言今世有佛在拘留國界尼
連禪木邊未有致食者汝曹幸先能
有善意必獲大福賈人間佛名皆大
喜言佛必獨大尊天神所敬非凡品
也即和麴蜜俱於樹下稽首上佛佛
念先古諸佛哀受人施法皆持鉢不
宜如餘道人手受食也時四天王於
頗那山上得四枚青石之鉢欲於中
食時有天子名曰照明謂天王曰今者
有佛名釋迦文應用斯鉢非仁之器

今當受食可往奉之於是四王即與天子華香伎樂幡蓋并鉢如屈伸臂須俱下詣佛四天王各取所持之鉢共貢上佛佛念取一不使餘人意當悉納之提頭賴王先以獻佛佛即受之而為說偈言

今授世尊器 當獲尊法器 自得寂然鉢 心意无忘失

時毗留勒王次復奉鉢佛尋受之而說偈言

若授如來器 其心未曾妄 四王安護 乃至清涼覺

時毗留羅王次復奉鉢佛尋受之而說偈曰

其施清淨器 淨心授如來 身心常輕便 天龍神所歎

時毗沙門王次復奉鉢佛即受之而說偈曰

佛戒無缺漏 授无穿之器 信施无乱心 使德无缺減

佛受鉢已累左手中以右手按上即合成一令四際現而復歎曰

吾前世施鉢 故有是果報 今獲斯四器

四王神足致

佛歎得已即以其鉢受賈越蜜咒願
賈人言今所布施欲令食者得充氣
力當令施家世世得願得壽得色得力
得瞻得喜安快無病得辯才慧終保年
壽衆邪惡鬼不得燒近以有善意立德
本故諸善鬼神常當擁護開示道地
得利諧偶不使迭蹇無復難患人有
見正以信喜敬淨潔不悔施道德者
福德蓋天所致轉勝吉無不利日月
五星二十八宿天神鬼王常隨護助
四天大王賞別善人東提頭賴南維
昧文西維留勒叉北拘鈎羅當護
汝等令不遭橫能有慧意研精學問
敬佛法衆棄捐衆惡不自放恣終受
吉祥種福得福行道得道已先見佛
一心奉承當為從是致第一福現世
獲祐悅解見諦常受富樂自致泥洹
聞咒願已皆發无上正真道意佛食
畢竟擲鉢虛空有天子名善梵即接
取之無墨尋鉢賣上梵天億千梵天皆
共供養右繞奉事於是世尊无等倫德
歎其功勲以是德本於將來世諸賈客

等當得作佛名曰蜜成如來至真等正覺明行成為善逝世間解无上士道法御天人師為佛世尊於時導師授無限決然後化於無數菩薩受其決者在於佛道而不退轉聞佛授決欣然踊躍時諸兄弟叉手自歸共持身命奉上如來佛告比丘如來具足成正覺已便以神足移坐石室自念本願欲度衆生思惟生死本從十二因緣緣從法起便有生死法滅者生死乃盡以自作是故自得是若不作是是便休息一切衆生意為精神精神窈冥恍惚无形自起識想隨行受身身無常主神无常形神心變化燥濁難清自生自滅未曾休息一念去一念來如流草木若水中泡一這滅尋一復興至于三界欲色无色九神所止皆係於識不得免苦昧昧闇冥然不自覺故謂之癡莫知要道夫道至妙虛寂無念不可以凡世間意知世間道術九十六種各信所事孰知其惑皆樂生求安貪欲嗜味好於聲色故不能樂佛道佛道清淨无所有計身万物

不可得常有設當為說天地無常世間
皆苦身非我所空无所有誰能信者意
欲默然不為世間說法便入定意佛眉
間光上照天帝天帝知佛不欲說經
悲念三界皆為長喪以不得知度世
之道死即當墮三惡道中何時當脫
天下久遠乃有佛耳佛難得見若靈
瑞華今我當為天下人請命求哀於
佛令說經法即將般遮識下到石室
佛這定意教般遮識鼓琴歌佛本願
之德以歎頌曰

聽我歌十力 棄蓋寂定禪 光徹照七天
德香喻栴檀 上帝神妙來 歎仰欲見尊
梵釋賡敬意 稽首欲受聞 佛所本行願
精進百劫懃 四等大布施 十方受弘恩
持戒淨无垢 慈軟護衆生 勇慧入禪智
大悲數度經 苦行積无数 功勲成於今
戒忍定慧力 動地魔以降 德普蓋天地
神智過靈皇 相好特無比 八聲震十方
志高於須弥 清妙莫能倫 永離婬怒癡
无復老死患 惟哀從定覺 愍傷諸天人
為施法藏寶 敷慧甘露环 令從憂畏解
危厄得以安 迷惑見正道 邪疑覩真言

一切皆願樂 欲聽受无厭 當開不死法
垂化於無窮

於是世尊隨世習俗心自念言是法
甚深所入无限成取正覺寂然微妙
難逮難知非心所思非言所暢非是
凡聖所能逮及一切訓誨不可得習
存其本原至滅度矣一切所遇取無
所著乃至清涼无生無極不得處所
恚无所有越度六界無想不願无獲
無言无有音響無有教訓无有無集
寂滅諸行至於无断無為之業

吾設為說斯義本末万物无常有身
皆苦身非為身空無所有衆人不解
唐苦疲勞所有親戚家屬恚非人所
正言似反誰肯信者不如嘿然耶於
時世尊即說偈言

深奧恬怕 曜明无垢 吾已逮是
甘露無為 我今說之 衆人不解
如吾今日 不如嘿然 除去言辭
無思无得 如是自然 猶如虚空
心思法意 神識以脫 無念第一
能知他人 此不可以 文字說之
以入道義 不入專精 過去諸佛

皆為衆生 其斯知識 從其因緣
計於此業 悉无有法 彼亦無有
若有若无 皆從因緣 而興生老
彼亦不念 若有若無 億百千劫
不可稱限 吾前世時 自從諸佛
未曾逮獲 如是法忍 无我無人
亦无壽命 假使以逮 得是法忍
亦無有生 衆生无命 是謂本淨
无吾我法 時定光佛 授我此慧
吾時慙哀 無限衆生 不令衆生
來相勸請 今衆生故 感動梵天
使彼勸我 乃轉法輪 今我如是
清淨正法 梵天來下 以相勸助
轉於離垢 微妙正法 衆生因覺
乃解神識

梵天勸助說法品第二十三

佛告比丘於時如來演眉間相光明
威神又彼光明名照生百万梵王使
發其心斯光普遍三千大千佛國時
識軋梵王承其聖旨如佛心念世尊
默然不肯說法梵天心念今我寧可
往詣佛所勸請如來轉正法輪于時
識軋梵王與六万八千梵天眷屬圍遶

來詣佛所稽首足下退住一面前白
佛言唯然世尊天地无枯今欲毀壞
所以者何如來至真已還無上正真
道為最正覺寂然定意不肯說法眾
苦沉滯沒於三界願轉法輪悉教眾
生於是頌曰

願賢聖財	淨於眾生	誰當勸安
億載黎庶	布施以慧	聽覺蓮華
班宣正觀	除眾逆賊	隨時搥擊
无量法鼓	因其吹此	無極法珂
當建立斯	高顯法幢	誰當興發
大法光曜	必當興雲	降大法雨
願常流布	大聖眾坐	當療治是
大痛處所	惟滅塵勞	眾大之熱
為其示現	寂然之道	安豐无熱
無憂之業	无為之道	導化趣真
常興愍哀	和眾諍訟	必當開通
解脫之門	說至誠義	无恚恨本
為言冥者	閉目視瞻	療治令淨
得上法眼	非是天世	及梵天宮
非兇捷杳	阿須倫災	无能治滅
眾熱之疾	惟有聖尊	人中日月
是故吾今	勸請法三	今立造勝

一切諸天 以是功德 自勸如來
唯當轉講 無上法輪

時佛世尊默然可之識乳梵天見佛
默然愍傷諸天世間人民阿須倫龍
鬼神欲使度脫時梵天王見佛可之
以栴檀雜香而散佛上忽不現時佛
樹神名曰法明又名法樂又名法意
又名法持往到佛所前白佛言今佛世
尊當於何國而轉法輪時佛告曰在
波羅奈仙人之處鹿野之中樹神白
佛波羅奈國仙人之處鹿野之中人
民甚少不可說法佛告樹神勿說此
言所以者何我宿命時在中建立法
祠六万億載在中供養六万億諸佛
世尊及若干種仙人學遊居其中波
羅奈國諸天龍神所共美歎無極大
法稽首歸命千億諸佛悉念本末在
此神仙樹木之間應轉法輪寂然悵
怕不覩無智闇冥之黨以此之故在此
神仙樹木之間而轉法輪佛告比丘
於時世尊所作已辦无復餘患斷衆
星号淨衆塵勞諸垢已盡降伏魔怨
成一切智普見十方獲十種力四無

所畏十八不共諸佛之法慧明聖達
無所罣碍以佛道眼普觀世間今當
為誰第一說法何所有人易化受教
婬怒癡薄為先說法佛即念知瞿曇
藍弗三垢薄妙今為所在佛念即知
物故已來已復七日第二學仙今日
壽終時虛空中天神白佛唯然世尊
如大聖教皆悉壽終佛復念言昔者
父王遣五人俱侍衛我經歷勤苦有
大功夫我今寧可為是先說經法而
開化之佛告比丘於時世尊從樹下
起尋時舉聲告於三千大千世界皆
使知之從次前行至波羅奈神仙人
苑詣五人所於時五人遙見佛來轉
相謂言今者汝等寧復遙見沙門瞿
曇來不迷失無定所志不獲奉行經
戒多所熏修違忘道業假使來者慎
莫為起亦勿迎逆彼時五人遙見佛
到觀察如來威神巍巍不能堪任无
上聖德不安所座各從座起前行奉
迎各口發言善來聖尊有執法衣受
鉢器者前布座者稽首作札取水洗
脚佛時問彼五人曰卿曹持意何不

堅因為我之故長夜不安遭勤苦患
今當報功又卿五人咸當知之吾成
正覺逮一切智觀見十方獲清涼樂
無復諸漏遊得自在於一切法无所
罣累當為說法度生老病死於時五
人稽首佛足悔過自責吾等愚冥不
識正真憍慢无伏恭敬自投甚自尅
責於時世尊放身光焰其明普照三
千大千諸佛世界靡不周遍其光自
然暢此偈言

其兜術天身 來下降母胎 在林微尼樹
墮地行七步 即時師子吼 四天王帝接
其音起梵天 三世為最尊 消滅諸惡趣
出家行學道 造立勤苦行 往詣佛樹下
降伏魔力怨 逮無上正覺 今於仙人處
當轉正法輪 梵天哀勸請 宣无上法典
能仁然可之 愍傷一切故 建立擔堅固
波羅奈鹿野 當轉大法輪 寂上無能勝
欲聽聞法者 宿億載積德 速疾來至彼
以時聽經典 人身甚難得 佛世亦難遇
尊法不可值 捨八惡眾難 今日正是時
開信值佛興 皆棄諸患難 聽受尊法教
億載劫不聞 希可值遇法 今日當得聽

不當放懈怠

普曜經卷第七 第十八張 王 是

佛告比丘地神暢音佛之聖自立大
高座當轉法輪其大聖佛以已口宣
我取為尊十方第一降伏魔兵盡衆
苦源在佛樹下時能仁尊道德寂然
裂壞勞怨所願具足無復餘結百劫
所行欲度衆生所轉法輪无所慕樂
安住光明勸化千億佛上無數百千
諸佛真子威神足力若干諸佛所可
造化現大柔軟如來音聲至真切勲
勸助大哀愍念衆庶觀其威耀察諸
方便於百千劫揚大雷吼為諸衆生
雨八味水滅諸所受根力覺意禪思
脫門定意正受增益道性從無數劫
如所聞法已身立行積累道法分別
諸藥曉衆生業又斯病者當療治安
久遠塵勞皆令無想佛為法醫度脫
衆生因轉法輪所度无極其間神足
從來歷載道品之法普至微妙一切
德行積善法施曉了醫藥充無限願
雖在貧匱无所貪樂隨顛倒財諸佛
導師常轉法輪無有財利金銀思想
樂清淨乘華香雜香搗香宮內愛子

躬身不好不以歡樂棄於天上天下之
欲志求佛道轉於法輪布施救衆戒
無所犯善將護禁而无缺漏百劫之
中常行忍辱精進懃修不懷怯弱無
有增減志存禪定觀于神通智慧興
隆具足所願轉於法輪消于惱熱乃
應道法於是有菩薩名發意轉法輪
歎說此法超諸俗寶一切衆寶道寶
為上甚好魏魏嚴飭清淨其于光明
悉照天下自以要擔華香幢幡俱共
叉手帳紮金色香水滿瓶和擔洗浴
清心衆垢造立吉祥

今時世尊則轉法輪而勸助之復叉
手指供養世尊而偈歎曰

其定光如來 授聖清淨法 當得佛道意
人中師子尊 在彼立所願 行如是色像
以得佛道時 因勸助道法 入若干品業
常以一切故 在衆生之類 濟十方來會
勸助諸種族 宣布道法輪 叉手自奉事
投身稽首礼 其在佛樹下 清淨諸天人
若行清白業 奉供寂能仁 一切皆住立
請說大法輪 具一切人中 歎德不可盡
三千大千界 周遍虛空中 諸天阿須倫

天下皆瞽盲

諸天越音聲

須臾元信者

一切者歡悅

皆觀如來尊

梵天得自在

暢雷雨之音

百千巨億載

咸皆共來會

無數億劫中

善行正真業

時釋迦文佛

與拘倫談論

苦空非我有

說其眼非常

耳鼻不能久

自然為恍惚

頭首亦自然

諸根无常聚

以如是觀者

無我无壽命

是一切諸法

皆從因緣生

若離是諸見

觀之如虛空

無見无有作

亦無觀衆生

若淨不淨緣

亦不得捨離

五陰无所起

起者大苦患

興起忍受澳

其行遂增減

以能等觀者

得正真道義

致究竟盡法

便能覺了盡

從發思想念

不慎行致之

當修明智行

導行如是道

在於因緣行

而无所造立

雖處於神識

不與因緣合

拘隣等品第二十四

佛告比丘今時如來為頌宣諸法說十

二因緣根本所起從無明有行從行

有識從識有名色從名色有六入從

六入有更從更有痛從痛有受從受

有受從受有有從有有生從生致老

病死大苦患合無明以盡行便盡行

已盡識便盡識已盡名色便盡名色

已盡六入便盡六入已盡更便盡更
已盡痛便盡痛已盡愛便盡愛已盡
受便盡受已盡有便盡有已盡生便
盡生已盡老病死皆盡則无五陰大
苦之患從緣則有無緣則无如來解
是六情因緣十二之本是故自在達
皆自然無有根本其外異學不及知
此空法自然如是法者過去諸佛所
可解達為諸衆生分別說之曉了是
法乃得寂然是故敷演十二緣起而
轉法輪拘隣知之拘隣者知本際也
以滅盡者則成三寶佛法聖衆是三
寶名暢布天下音徹梵天如來今日
轉於清淨法輪護世至真興顯三寶
世難可致拘隣之等五人比丘六十
億天得法眼淨復八十億色界天人
得法眼淨无上正真八万世人來會
觀者亦法眼淨皆度衆苦時佛音響
徹聞十方虚空天神聞柔和音是釋
迦文十力世尊仙人之處鹿苑之中
敷演法輪說十二緣咸使知之十方
諸佛聞其音者皆悉默然諸天龍神
阿須倫諸佛侍者各白其佛分別諸

法普聞其音善哉世尊速決其意何故默然先世之時寂然精進以其道力習於道法越无央數百千菩薩自致得佛今此十力勤修得佛轉其三合十二法輪其三合十二法輪者无去來今三世之心也是故一切聞是音聲億百千人興發慧力建立大道各自念言吾等當學彼佛精進威神勢力使疾獲致三世之尊施世道目皆使逮致无上正真之道於是諸天子等悉來集會一名神妙二名天妙三名歡豫四名加歡五名旃檀六名大悅七名寂然八名寂律如是等類八淨居天從千天子悉來集會聽受世尊所轉法輪彼時大聖告大神妙天子今此經名曰普曜大方等法諸菩薩所以娛樂諸佛境界所入普照其身精進自致得佛如來所說是故受持諷誦奉行為衆人說

普曜經卷第七

癸卯歲高麗國大藏都監
勅彫造

普曜經卷第八

王

西晉月氏三藏法師護譯

十八變品第二十五

佛告比丘如來於是轉法輪已化彼五人拘隣之等念此間有優為迦葉等大有名稱國王梨庶咸來奉之與五百弟子俱欲往先開化令解道法然却彼後當次伏焉即往從之迦葉見佛來起迎讚言大道人善來相見自安隱乎佛報曰無病寧利知足寧富有信寧友无為寧安迦葉曰有何勅使佛言欲報一宜願不瞋恚煩借火室一宿之間曰不受也中有毒龍恐相害耳佛言無苦龍不害我重借至三迦葉曰往佛即澡洗前入火室持蓐布地適坐須臾龍即瞋恚身中出烟佛亦出烟龍大瞋怒身皆火出佛亦現神身出火光龍火佛火於是俱盛石室盡然其炎烟出如失火狀迦葉夜起相視星宿見火室盡然咄是大沙門端正可惜不用我言為火所害佛知其意於內以道力降龍龍

氣力盡則自歸伏佛告龍曰汝意伏者當入鉢中龍即入鉢中佛時置于鉢中迦葉惶懷令五百弟子人一瓶水就持滅火如一瓶著更盛一大師徒益恐皆言咄咄然是大沙門了矣明旦佛持鉢盛龍而出之迦葉大喜大道人乃得活耶器中何等佛言然自安隱耳龍是器中所言毒龍為害者也今者降之以受降伏令受戒矣迦葉自以得道願謂弟子是大沙門雖神不如我以得羅漢道也佛復移近迦葉所止坐一樹下夜四天王來下聽經四王光影明如盛火如葉夜起占候見大明旦詣佛所曰亦事火乎佛言不也昨夜四王自下聽經是其光耳佛止樹下時天帝釋復下聽經帝釋光影甚明踰前迦葉占候見光益大心念沙門續事火也明日問曰得无事火乎佛言不也昨天帝釋來下聽經是其光耳後夜梵天復下聽經梵之光明倍於帝釋迦葉占候見光晃晃明日問曰想亦事火也佛言不也昨夜梵天來下聽經是其光也迦葉五百弟

子人事三火合事千五百三火明旦然之火了不然恠而白師師言是大沙門所為也即行問佛我所事火今然不然佛言欲使然乎曰願欲使然佛言當然火即然矣火然之後迦葉欲滅之不可得滅五百弟子共助滅之而不能滅念言是復沙門所為即往問曰火既然矣今不可滅佛言欲使滅不答言願欲得滅佛言當滅應時即滅迦葉白佛願仁留意不須遠行我自給飲食還勅家內供設餽饌日以時至請佛佛言便去今隨後往迦葉適去佛以神足上忉利天取晝度果神足至東弗于逮界上數千万里取閻逼果南至閻浮提界上取呵盞勒果西至拘耶尼界上取阿摩勒果北至鬱單越地取自然粳米各滿鉢還每先迦葉歸坐其床上迦葉白曰從何道來佛言卿每去後吾至四域及上忉利天取此果米香美可食卿可食之也佛明日自到迦葉家受飯而還於屏處食已念欲澡漱帝釋知佛意即下以手拍地水出成池令佛用之迦

葉向暮仿佯村中見水恠之何緣有此佛言吾朝食已意欲澡漱帝釋指地令出此水汝當名此為指地池佛還樹下道見棄弊衣欲取浣之帝釋知意即到頗那山上取成治四方好石上佛浣衣佛欲曬衣帝釋復行取六方石來給曬衣迦葉見於池側有兩好石問佛云何而得此石佛言吾欲浣衣曬之帝釋奉上使吾用之是以然矣佛後入指地池澡浴竟欲上無所攀池上迦和之樹自然屈枝就佛佛牽得出迦葉見樹屈下垂條恠而問佛佛言吾入池浴出无所持是以樹神為我屈之時摩竭國王及諸臣庶以節會持札貺詣迦葉相樂七日迦葉念佛聖達踰我衆人見之必當捨我普往事之使其不現快耶佛知其念即隱不現衆人還已迦葉念曰我有節會餘食甚多得大沙門飯之快耶佛即知之至迦葉所迦葉驚喜來何一快何以不現佛言用念卿故曰何以念我佛言前卿意念是大沙門道德巍巍相好紫金万民見者必當

捨我共奉事之是以不現今卿相念
故復來耳時迦葉五百弟子這俱破
薪各一舉斧皆不得下懷而白師師言
復大沙門所為即往問佛我諸弟子
向共破薪斧皆舉而不下佛言當下
應聲得下既下之後斧皆著薪而不可
舉復行問佛佛言可去自當舉耳即舉
得用時尼連禪水長流激疾佛以神通
斷水令住使水壞起高出人頭令底揚
塵佛行其中迦葉見之畏佛為水所漂
即與弟子俱乘船索佛見水斷中
央揚塵佛行其中迦葉呼言大道人
乃尚在耶佛言然在耳又問佛欲上
船不佛言大善佛念今當現道令子
心伏即從水中貫船底入無有穿迹
如是變化凡十八焉迦葉復念是大
沙門神則神矣然不如我已得羅漢
也佛語迦葉汝非羅漢不知道證胡
為強顏不知為耻虛妄自稱我有道
德於是迦葉心驚毛豎慙愧无顏自
知無道即稽首言今大道人實妙神
聖乃知我意願得從大道人真受經戒
作沙門耶佛言且還報汝弟子共和

益善卿是耆舊國內所敬今敬學道
可獨知乎迦葉受教告諸弟子汝曹
知不我自所見意方信解當除鬚髮
被服法衣受佛禁戒而作沙門汝等意
欲何趣諸弟子曰我等所知皆大師恩
師所尊信必不虛妄願皆隨從得作
沙門於是師從脫衣裘褐及水瓶草
屨諸事火具悉棄水中俱共詣佛稽
首白言今我五百人皆有信意願欲離
家剝除鬚髮作沙門佛言善哉諸沙門
來迦葉五百人鬚髮自墮皆成沙門優
為迦葉有二弟次名耶提幼曰竭夷二
人各有二百五十弟子舊舍水邊見
諸梵志衣被什物事火之具隨水下
流二弟驚愕恐兄五百人為惡人所
害大水所漂即合五百弟子逆流而
上見兄師徒皆作沙門恠問大兄年
百二十智慧高遠國王吏民皆共宗
事我意以兄為是羅漢今反捨梵志
業學沙門法佛豈獨大其道勝乎迦葉
荅言佛道寂尊其法无量我雖世尊
未有得道神智如佛其法清淨我見
慈心度人無極以三事教化一者題

定神足變化自然二者智慧知人本
意三者應病授藥三弟各願語弟子
汝欲何趣五百人俱同聲言願如大
師即皆稽首求作沙門佛言比丘來
二弟及五百弟子願願自墮袈裟著
身即隨佛後成為沙門佛便有千沙
門俱到波羅奈夷縣藥樹下坐諸弟
子皆故梵志佛為弟子現神變化一
者飛行二者說經三者教誡諸弟子
見佛威神變化莫不歡喜悉皆羅漢
佛至摩竭國品第二十六

爾時世尊在波羅奈說經已竟與千
羅漢優為迦葉兄弟三人等悉舊辯
駿神通已達生死已斷行出三界欲
至摩竭流布道訓開化愚冥時摩竭
國瓶沙王聞釋種王子身有奇相三
十有二八十種好巨身丈六體紫金
色棄國捐王行作沙門得自然佛号
名如來至真等正覺明行成為善逝
世間解無上士道法御天人師為佛
衆祐講宣道義上中下善義達微妙
所演具足淨修梵行戒禁具足定慧
成解成度知見成成就五眼肉眼天眼

慧眼法眼佛眼六通三達諸天釋梵
皆奉事焉莫不蒙濟時瓶沙王聞之
欣然大悅吾本共要得佛相度勅令
大臣長者梵志國中吏民嚴治道路
散華燒香持諸幢蓋王乘羽寶之車
大臣百官前後導從千乘万騎長者
梵志万二千人欲出城迎忽大風起
閉其城門王恠所以今行迎佛當有
吉喜快善瑞應時城門神即謂王言
快無不利王往前世與八万四千王
治寺起塔誓於來世一時見佛諮受
道教今有一人閉在刑獄違其本誓
故城門閉當放大赦獄中人出同時
見佛諮受訓誨城門乃開王聞乃達
速勅諸方大赦境土獄囚得出一時
往迎時佛入國有大杜樹名曰遮越
佛與比丘共坐樹下王遙見佛與比
丘衆如星中月猶如日出天下大明
靡不照曜亦如帝釋梵王聖帝處於
本宮如樹華茂見若金山威神特顯
光明巍巍超絕無侶王心踊躍下車
步進去五威儀除蓋履扇冠帽刀仗
前稽首佛足自稱其号我是國王瓶

沙身也久服聖尊飢虛積時如是至三
佛告王曰實如來言是王瓶沙也諸
佛天神皆護王身王曰蒙祐退坐一
面群臣百官稽首還坐一面前者作
札中者佐頭後者叉手皆却坐訖王
及臣民覩優為迦葉在山學仙者舊
來久恠之佛邊心自念言佛是優為
師耶優為是佛師乎佛覩心念即告
優為為說偈言

云何卿優為 本可所事神 祠祀歸水火
日月衆梵天 事來為幾何 夙夜精進學
心中不懈廢 寧盡致神拙

於時迦葉以偈報佛

自念祠祀來 已歷八十年 奉風水火神
日月諸山川 夙夜不懈廢 心中无他念
至竟無所獲 值佛乃安寧

王及群臣國中万民尔乃别知優為迦
葉是佛弟子佛告優為迦葉汝起迦
葉即起長跪叉手佛前佛言現汝羅
漢神通輒受佛教踊在虚空身上出
火身下出水身上出水還雨其身而
身不濕身下出火火無所傷飛行虚
空猶如飛鳥七現七没行於水上猶

如履地不尋牆壁須弥山地若如入水從東方來沒佛前地忽現西方西南現變化已訖還在佛前長跪叉手而白佛言我是佛弟子佛是我師王及臣民亦乃重明優為迦葉是佛弟子佛告王曰天下有眼未必色故也觀色无常痛痒想行識亦復無常无常苦空非身之義非我非彼未有好道如樂色者明士達之色如聚沫痛痒如泡思想如芭蕉行亦如夢識喻如幻三界如化一切無常不可久保佛告王曰造宮殿來為幾何年王白佛言七百餘年為幾幾王王曰更二十餘王佛問王曰悉識諸王不王曰不識唯知吾父耳佛言現地有常人物一切皆歸无常天地雖現常不可久三界無怙唯道可恃絕禍於未萌殖福於未然滅盡五陰衆患之難如消炬火積德日進如月之初佛言王猶如母人懷子在胎相祿各異或豪貴貧賤智明愚冥盲瞶瘖瘂父母豈知子生長後乃別禍福非二親過是

其宿殃所作善惡非父母各也身行
惡業口宣麤言心念毒惡誹謗賢聖
壽終身散塊神墮惡地獄之中身口
心善不犯十惡修行十德壽終生天
十方佛前若在人間豪貴富樂其命
永長佛言雖有是禍福言辭未必純
一所以者何皆從緣起緣合則生緣散
則滅從無明緣則有行從其行緣則有
識從其識緣則有名色從名色緣則
有六入從六入緣則有所更從所更
緣則有痛痒從痛痒緣則有思愛從
思愛緣則有所受從所受緣則有所
有從所有緣則有生矣從所生緣則有
老病死憂悲苦惱大毒患滅衆罪毒患
病死憂愁苦惱大毒患滅衆罪毒患
自然消滅乃至無為无窮之業無三
界神十二緣起之根株坦然無迹猶
如虚空無心意識无所存立與大道
同分別本無逮得法忍獨步无雙度
脫十方衆生蒙恩

佛說此經時八万四千諸天世人万
二千諸塵離垢詣法眼生無央數人

皆發無上正真道意時瓶沙王得法
眼淨心中欣然前受五戒大臣百官
國民皆前歸命亦受五戒受五戒時人
馬車乘咸悉寂然不暢音聲王前白佛
吾國多事欲退比更親奉佛言善哉
勞屈大王群臣民庶王稽首礼遶佛
三匝重礼而去群臣百官人民次礼
而還大臣賀王前時諸王悉不見佛
今獨王見宿福祿厚故乃尔耳王益欣
踊亦賀諸臣卿等本德值是世尊王
還宮中勅夫人嫗女大小及國吏民
歲三月六齋守禁法施戒傳聞王適
歸宮時天帝釋將八万天散華佛上
法眼淨時摩竭國有一長者名迦陵
見佛入國天人所奉而無精舍我有
好竹園欲用上佛往詣佛所稽首足
下前白佛言佛愍一切如視愛子棄
轉輪王不慕世榮今無精舍有一竹
園去城不遠願以奉佛可作精舍佛
受呪願佛及聖衆遊處其中是故名
曰迦陵竹園

化舍利佛目連品第二十七

佛未入摩竭國時國民豐富饒美飲食作樂倡伎常歡不廢夙夜遊戲佛適入國羅閱祇城晝夜寂寞誦聲濟濟齋戒讀經捨世俗樂如棄糞除唯佛是尊聽經行法不捨三寶佛有沙門名曰安陞遣行宣法開化未聞五濁之世人心荒迷不達至真入城分衛衣服整齊威儀札節不失常法行步安詳因是使人見之心悅時舍利弗本字優波替而遙見之心中欣然自心念言我學來久未曾覩此沙門衣服札節安詳齊整不失儀節試往問之所奉何道吾常意疑當有異聞殊妙之道未必齊此往問比丘所事何道誰為師主願聞其志比丘知意即說偈言

吾師三界尊 有三十二相等不存有無
度衆十二門 我年既幼稚 學根近薄劣
豈能宣至真 如來元極業 一切諸法本
從緣悉本無 若能及本源 乃名曰沙門
志根一道業 虛寂無所為 遊神安靜冥
修善與真期

安陞沙門答曰吾所事師從无數劫

奉行六度無極之法四等四恩行無
蓋哀奉无極慈欲度一切積功累德
不可稱載一生補處在兜術天降神
現存寄迦維羅衛國夫人之胎如日
現水生行七步天地大動瑞三十二
稱已聖者三界皆苦吾當度之釋梵
四天王咸來啓受九龍浴身其德無
量粗舉其要非吾螢燭所歎能得究
悉亦非心口之所言思是吾大師天
人之尊於是頌曰

吾師天中天 三界无極尊 相好身丈六
神通猶虛空 化訓去五陰 拔斷十二根
不貪天世位 心開淨法門

時舍利弗欣然大悅如冥覩明口言
善哉昔來抱疑又吾好學八歲從師
至年十六靡不周綜行遍天下十六
大國自謂已達今乃聞異無上正真
得吾本願今佛所在答曰在迦陵竹
園將諸弟子往詣佛所稽首足下問
訊至尊身墮愚冥迷惑歷載不得諮
受今乃奉聖无極大道願聽出家得
為比丘受成就戒佛言善哉呼比丘
來頭髮自墮袈裟著身佛為說經分

別諸法十一根本坦然意達漏盡意
解得無著果前白佛言吾有同學俗字
拘律今名目連少小相順要有至真
以相開示今已蒙濟彼沒塵垢未得
拔出承尊聖旨往開示之佛言善哉
宜知是時勿得稽留時舍利弗稽首
佛足辭出入城求目捷連遙見目連
與諸弟子遊行城裏街曲里巷舍利
弗趣之目連覩見體改服變不與常
同問之所以被服變改有何異見荅
曰學人無常唯從大明吾學積年不
值大聖今乃遇之无上大道欣慶無
量故來相求同其道味累劫无窮目
連荅曰是非小事善共思惟舍利弗
曰無須重言吾猷從事不復欲聞假
喻言之人有珍妙施有得大寶如意
明珠及獲寶英復欲反求帛綯為珠
非身所欲目連荅曰仁智勝我常兄
事卿必不相誤便當同志將吾受誡
稽首至尊時舍利弗與目捷連俱往
詣佛所稽首佛足退坐一面叉手白
佛遵曠侍省沉沒塵垢今乃奉覲願
為沙門啓受法律佛言善哉即除澡

瓶鹿衣杖具佛呼比丘來頭髮自墮
袈裟著身為說正諦漏盡意解所作
已辦成無著果佛言此二人等往占
世時擔供養我待吾道成侍衛左右
今乃相值本有千弟子得舍利弗目
連二百五十人合一千二百五十比
丘一時所度時王遙聞子得佛道已
來六年王念佛已心中悲喜飢虛欲
覩有一梵志名優陀耶聰明智慧本
侍菩薩常得其意王告憂陀往請迎
佛問評別問以來十有二年夙夜愁
感不捨其心思一相見如復更生優
陀耶受教往詣佛所稽首佛足具以
王意白佛憂陀耶見佛諸天釋梵歸礼
一切受命前白佛言願得出家以為
沙門佛言呼比丘來頭髮自墮便成
沙門得羅漢道佛時所度其餘前後
得道不可稱計佛自念曰本與父王
要得佛道今乃還國當度父母今正
應還設若還國无所感動於事不宜
所化甚妙先遣神足弟子比丘優陀
耶往顯示神足知佛欲往乃解道尊
咸共渴仰發起道心所度乃多

優陀耶品第二十八

法華經卷第八

第七張 王

今時世尊告優陀耶佛本出家與父母誓若得佛道還度父母今已得佛道德已成必當還國不違本誓汝以神足經行虛空現其神變乃知吾身已成大道弟子尚今況佛威德巍巍無量今乃信受優陀受教神足飛行經遊虛空往到本國迦維羅衛城上虛空現無數變身上出水身下出火水不濕身火無所傷七現七沒從東沒地出於西方西沒東出南沒北出北沒南出行空如鳥沒地如水履水如地王及臣民莫不欣喜乃知道尊於是頌曰

佛從本所行 生死無數變 常隨諸群類 勤苦無量劫 時坐佛樹下 還致本宿願 歡喜當聽說 難得數見聞 適成佛道時 輒降魔官屬 即壞生死本 消愛欲元餘 佛念本生地 意欲見親族 今聽王頭相 所說甚可悲 比丘名優陀 姿性能悅人 佛遣使令行 尋致消息來 還入父王國 以入宣佛意 今王太子願 意欲還至宮 優陀聞佛教 即聽受奉行 因時於佛前

變化隨地形 其身忽不見 神足來入城
乃至大王殿 父王所坐前 比丘優陀耶
進現悅頭檀 變化若干品 踊出父王殿
淨譬如蓮華 泥土塵不生 父王見恐怖
即問斯何靈 將無是神祇 地出可怖乎
此形姓為誰 本從何得來 願以開吾意
令心疑結解 從生至於今 未曾觀是變
太子本棄國 求道度衆生 恭懃無數劫
於今乃得成 今王莫恐畏 且寬意悅豫
我以壞衆惡 為王太子使 王聞太子問
淚下如雨星 十二年已來 乃承悉達聲
今從吉祥至 思寤如更生 太子捨國位
成道号何名 出國坐六年 精進現成佛
号曰天中天 三界尊第一 本時在我國
為作衆寶殿 刻鏤諸妙饒 於今室何如
優陀耶答曰 佛之真正微 常坐於樹下
諸天來歸趣 吾子在宮時 茵蓐布統縱
皆以錦繡成 柔軟有光澤 龍婁奉寶牀
天帝貢袈裟 不以好衣喜 其心無增損
在國好美食 甘膳滋其味 今所服食者
安身何等類 執鉢行分衛 福衆无底細
悅願布施家 世世今安隱 悉達寐卧時
不敢妄呼忙 鼓琴發歌音 尔乃令寤起

如來三昧定

夙夜无眠覺

釋梵來勸助

皆現稽首受

在家雜香浴

若干種衆聲

香香遍室中

今用何所香

八解三脫門

洗浴除心垢

其心淨如空

普安无惱受

悉達在家時

擣若干雜香

香熏其衣服

清淨無垢障

戒定慧解度

以為道德香

熏于八難處

世世度十方

四品好牀座

以若干寶成

重疊布衆具

以卧起其上

四禪為牀座

意定无憤乱

清淨如蓮花

不著淤泥水

在宮無數兵

諸臣而宿衛

左右常擁護

目不見惡穢

諸弟子衆俱

千二百五十

菩薩无央數

皆來稽首習

本在家未出

有四品好車

象馬牛羊步

游行觀四方

五通為駟駕

徹視洞聽飛

親本見衆心

遊觀度生死

子出行往返

幢旄羽鵬鰐

前後諸導從

各執諸兵仗

四等慈悲護

恩慧仁愛慶

普覆衆厄難

以嚴饒衆生

出時雜伎樂

椎鍾及鳴鼓

觀者悉填路

前後不相容

樹下波羅奈

椎鳴不死鼓

拘隣等得道

八万四千天

九十六道伏

其音聞三千

衆生莫不悅

發受心皆明

所領何國土

人民為多少

所化有幾人

悉為歸伏不

領三千大界

訓化諸群生 十方不可稱 莫不蒙濟度
在國思正法 助吾治万民 勸順礼節訓
莫不承教聞 佛解空本元 捨于四顛倒
靡不歸伏者 神靜無為業 佛興世无讎
博無不倫達 汝言何不返 一切皆自歸
正天下滿人 一人頭若干 一頭若干舌
舌解无数義 合集恒沙人 嘆歎佛功德
恒沙劫不暢 况我螢燭明

王聞益悲喜歎曰善哉善哉阿夷言
不妄說佛當來不何日當至乎優陀報
曰却七日到王大踴躍即勅群臣國
中万民吾往迎佛導從威儀法轉輪
王平治道路掃除令淨香汁灑地懸
繒幡綵豎其幢盖周遍國內其所修
治光飭盡宜千乘万騎出四十里往
奉迎佛稽首歸命優陀耶前報王曰
本受佛教奉命見王宣其意故今還
宣命說王意旨飢虛無量欲見至尊
稽首受法并化万民咸蒙福慶土曰
宜知是時勿復稽留

尔時優陀耶還來詣佛所稽首足下
以申王意世尊及諸弟子自期七日
當還本國王及臣民莫不欣悅別來

積年夙夜相念飲食不甘寢不能寐
飢虛日久計日度時須世尊到已竟
七日於時大聖告諸弟子明日當發
至迦維羅衛見於父王皆嚴整衣服携
持應鉢梵釋四王聞佛還國皆來侍
送天雨香汁散華燒香堅諸幢蓋四
王諸天皆在前導梵天侍右帝釋侍
左諸比丘衆皆隨佛後諸天龍神華
香伎樂追於上侍佛適進路先現瑞
應三千國土六反震動百歲枯樹皆
生華實諸枯竭溪澗自然泉出王見
此瑞知佛已來即勅諸釋種大臣百
官皆行詣佛散華燒香堅諸幢幡鼓
衆伎樂志出迎佛王遙見佛在於大
衆如星中月如日初出照於暘朝如
樹華茂芬葩熾盛巨身丈六相好嚴
身晃如金山王觀悲喜前稽首足下離
別弥時今乃相見大臣百官皆稽首
礼即還入城足蹈門闔地為大動天
雨衆華樂器皆鳴盲者得視聾者得
聽拘躄得行病者得愈癡者得言狂者
得止癯者得申若被毒者為毒不行百
鳥禽獸相和悲鳴婦女珠環相振作聲

當今之時見此變化莫不歡喜室寶藏者自然發出中滿瓊瑤懷異心者皆共和同等心叉手自歸命佛諸畜生類蒙其光潤皆得生天懷妊母人蒙斯光明苦痛微薄皆得在產端正姝好消姪怒癡无復塵勞展轉相視如父如母如兄如弟如子如身地獄休息餓鬼飽滿尋光來至歸命世尊皆發道意王見佛巨身丈六相好光明體紫金色諸根寂定如星中月見如金山天帝梵王四王所奉覩諸梵志久在山中曝露身形日久風飄身體黑瘦在佛邊侍猶如黑象在紫金山不能發起顯佛大德令一切悅便勅國中諸豪族釋端正姝好顏貌殊異選五百人出為沙門侍佛左右猶如鳳凰在須弥山亦如摩尼著水精器時佛弟難陀亦作沙門來下鬚髮時難陀有典監作剃頭師前白佛言人身難得佛世難值明時叵遇今我丈夫及諸尊者識道至高不可限量不慕世榮捨棄尊位行作沙門今我小節下劣靡遠何所貪樂不出為道乎唯佛愍哀清救

三塗沒溺塵埃拔為沙門佛言善哉
佛時便呼比丘來頭髮則墮袈裟在
身即成沙門禮諸沙門因隨次坐
難陀在後作次第禮到此沙門則住
不禮心自念是我家僕不能為禮佛
知告難陀佛法大通舉學前後不
在尊卑猶如大海悉受百川四流
不避汙泥執心如地四大俱等地水
火風內外無異其神空淨所著為名
宜棄自大以法自將乃應先聖無極
道訓時難陀見佛教誨切至事不
得止解了本无棄捐自大下意作禮
天地大動衆會咸歎善哉為道等心
除自貢高而下卑心感於天地為之
大動從是制法先學為長後學為小
法之常宜各无所限無所諍訟時佛
入宮坐於殿上王及臣民日日供養
百種甘饌佛說經法所度无量俱夷
勢羅去來稽首佛足瞻對問許久邊
侍觀曠廢供養時王眷屬皆懷沉疑
太子捐國十有二年何從懷妊生子
羅去佛語父王告諸群寮俱夷守節
貞潔清淨無瑕疵也設王不信今當

現證於時世尊化諸衆僧皆使如佛相
好光明等无差異於時羅云厥年七
歲俱夷即以拍印信環與羅云言是
汝父者以此與焉羅云應時直前詣
佛以印信環而授世尊王及群臣咸
皆欣踊稱言善哉所見無量真佛子
也佛語父王及諸臣曰從今已後无
復懷疑此吾之正子緣吾化生勿各
俱夷也王得道證俱夷受戒淨修梵
行宮人大小咸受戒法月六齋歲三
齋奉持不懈國內清寧風雨以節時
不越叙五穀登賤民安其所万邦黎
庶咸來慶賀道德滋茂如月之初
歎佛品第二十九

於是世尊告神妙天大神妙天歡豫
天加歡天旃檀天大悅天寂然天寂律
天如是等類淨居天子伴黨八人佛
以大會轉於法輪為一切故救濟十
方勿令廢斷開衆生意經布天下乃
報佛恩於時世尊復告大神妙天子
今此經典名普曜大方等典諸菩薩
力所可娛樂遍諸佛世界悉令咸聞
經所入處靡不見昱佛自口宣當速

受之持諷誦讀是佛法目普令流布
若菩薩學聞是經法其心堅強精
進奉行無上正真之道為最正學者
有衆生樂微妙者住大乘法心念无
疑降魔羅網悉諷誦已必獲大聖諸
外異學不得其便勸助學微成大
德本至於大乘若有賢人設聞說是
普耀經典叉手自歸即捨八事懈怠
之本成八功勲何謂為八一得端正
好色二得力勢強盛三得眷屬滋茂
四逮得辯才無量五學疾得出家
六所行清淨七得三昧定八得智慧明
无所不照是為八功德若有人為法師
布座諷誦是經當得八座福何謂為
八一得長者座二得轉輪王座三得
天帝座四得自在天座五得大梵天
座六得菩薩座七得如來座八得轉
法輪度脫一切座是為八座若有法師
班宣是法設有讚歎善哉者當得八
清淨行何謂為八一日言行相應无
所違失二日口言至誠而無虛妄三
日在於衆會真諦无欺四日所言人
信不捨遠之五日所言柔軟初無急

曠六日其聲悲和猶如哀響爲七日身心隨時音聲如梵會中人聞莫不咨受八日音響如佛可衆生心是爲八若有書是普曜經典著於竹帛不恡惜經心不懷妬衆人嗟歎三十四行名德流布若得學是經典得八大藏何謂爲八一得意藏未曾忘捨二曰所得心藏无所不解分別經法三得往來藏普解一切諸佛經法四得持持藏一切所聞皆能識念五日得辯才藏爲諸衆生班宣經典皆歡喜受六曰得法藏將護正法七日得隨意法藏未曾斷絕三寶法教八曰得奉行法藏則輒逮得無所從生之忍是爲八大法藏若有受持是普曜經典諷誦受持得具八業何謂爲八一曰施業無慳妬心二曰戒業具足諸願三曰聞業合集智慧至阿惟頻四曰寂業慙於一切定意正受五日見業悉能具觀三達之智六曰福業具於相好訓誨佛國七曰慧業爲衆說法應病授藥八曰大哀業爲於十方殖衆德本而無懈倦受持是普曜法心自念言使一

切衆生皆逮是法以是德本復得八
大福何謂為八一日轉輪聖王成大
福德觀見無極建立萬信二日得作
四天王三日得作帝釋四日得作炎
天王五日得作兜術天子六日得作
無憍樂天七日得作化自在天八日
得作如來斷諸不善法具足諸善本
是為八若有受此普曜經者若至心
聽耳貫係意得八清淨心何謂為八
一日常行慈心消除瞋恚二日常行
愍哀除衆患三日常行喜悅除諸
不樂四日常行於護除諸結著五日
修四禪行在於欲界而得自在六日
行四無色定而得由己七日得五神
通遊諸佛土除諸罣碍衆蓋之患八
日逮得勇伏定意獨步三界是為八
福累品第三十

今時世尊告賢者大迦葉賢者阿難
弥勒菩薩我從無數劫遵習是法乃
成無上正真之道囑累汝等以手相
付受持諷誦廣為人說於時世尊欲
使此法普悉周布十方說是偈言
佛目所觀衆生類 皆得羅漢如身子

若有供養億千劫 乃復前進如恒沙
加復供養辟支佛 若有一日奉斯經
計此功德超過彼 其阿羅漢不足立
一切衆生成緣覺 若有供養億千劫
飲食衣服牀卧具 搗香雜香及名華
若有一心又十指 等心自歸一如來
口自發言南無佛 是功德福為最上
一切衆生皆成佛 若有百劫供養者
衣被飲食牀卧具 搗香雜香及名華
若有正法欲傾危 棄捐其身自投命
若有一日常晝夜 護是法者必超彼
若有奉事十方佛 及於緣覺諸聲聞
若有堅固此道心 受斯要典諸法王
一切經卷是道諦 若諸如來如恒沙
供養奉事諸如來 若有手得是經卷
其大辯才无等倫 分別一句至億劫
智慧正義無有損 若以是經為人說
諸導師慧无邊底 計無有人與等者
猶如江海不可盡 聞是法者等若茲
佛告賢者迦葉阿難 難弥勒重相囑累
受之持之誦誦學之 令普流布示其
同學及十方人 皆令蒙濟使不斷絕
展轉相教展轉相成 使不稽留二寶

不斷乃報佛恩佛說如是大神妙天子及淨居天子弥勒菩薩賢劫菩薩及大迦葉諸大弟子天龍鬼神捷沓和阿須倫聞佛所說莫不歡喜奉行普曜經卷第八

壬寅歲高麗國大藏都監奉

勅彫造

佛說法華三昧經一卷

時

宋涼州沙門智嚴

譯

佛在羅閱祇耆闍崛山中與諸尊弟子比丘千二百五十菩薩七万二千人諸釋梵不可復計十方飛來无央數皆神通妙達復有他方恒邊沙諸天人及諸菩薩如是等百億千恒沙皆來會在佛前坐時舍利弗須菩提等諸尊菩薩皆有疑心念言何因緣諸上人皆來在是閒會有何異要之瑞應今時諸弟子起疑心念為佛作礼長跪欲問佛佛時已放無數光從口出若干億億稍稍引大遍虛空明遠照恒邊沙剎土地復震動於是盡明即不復見佛身相大衆愕然共議佛二昧為何所之趣各自思之即便還坐三昧求佛至處座前有菩薩名慧相便報言善哉善哉當今賢者思惟了不知所至處須臾羅闍王後宮太子皇女及妹女夫人三万二千人皆從共來詣山中到不見佛復有不想菩薩問王將從何多王名辯通荅言

見佛光明故來耳王女名利行便問
菩薩佛今所在為到何方答曰向已
求佛了不知處女答曰卿是佛第一
神通者應當知處菩薩答曰且坐須
臾頃地即震動從地中出坐自然大
寶蓮華上衆坐上人愕然王女利行
起為佛作礼訖住佛前說偈問佛
向見大光明疑佛有異要故來將大衆
欲問心狐疑及更不見佛意甚有怖驚
願得具為說當令大衆解各發一三昧
推求佛身相了言不知處各共坐作議
更起何三昧畢欲求佛意女來問衆等
佛今為所在純行有至心必欲有所問
願見世尊授令意解狐疑具為現衆等
分別解說之向所三昧處所名在何所
佛語女利行所問甚深當為汝分別
說向所三昧名法華譬如大國中有
一樹有一華覆三千大千剎土其香
熏恒邊沙佛國若有人得聞名字若
知解自然疾得是三昧若諸病痛者
得聞是三昧應時自解人根衆病消
盡女利行問佛何謂華之威德乃有
是慧佛語女利行華者一樹之色人

見莫不愛樂欲得之者法華三昧是生死中之色大光受有形人不知不聞不信是三昧不奉行之未應菩薩不見慧失人之本反隨沫流終已不見明女利行復問佛今欲得是三昧行何法有幾事行得人中願佛引慈恩潤廣開行議令一切聞解皆入三昧中佛言善哉善哉多所度脫永度無極有二事何謂為二一者知法身如幻如化二者知婬怒癡无根無形佛今時說偈言

法身有一切化幻現沉浮婬怒癡无形如水現泡沫觀察人身物如滅無形住離散合自成分別計皆空

佛語女利行復有四事別如行三昧者何謂為四一者行戒無色想二者行檀无受者三者不默無乱者四者行智无愚者是為四佛今時說偈言不犯戒無毀行檀不入智不默无癡乱不愚無智慧不說无行者有行不言向三昧可得入無處无中邊

佛語女利行復有三十六事是為三昧所見事何謂三十六事不見生不

見死不減不增不出不入不在外不在內無住无止無水色无火色無風色无地色無痛无痒無思无想無生无死無識无貪無婬无瞋無恚无愚無癡无慳無施无惡無善无心無意无識行不起上若干事不滅上若干事如一無形像是为三十六事法華所見事佛今時說偈言

不想念无念不行色想要無行法華淨空寂无吾我不處有入中沒滅无形像不觀喜以惡俱皆空自然

佛告女利行法華三昧所見譬亦如是佛說是三十六事品時無數天人及世間大衆人及三所侍從大小合有四十億万皆發无上正真道意女利行及後宮人三万二千婢女夫人逮得無所從生法樂於中立女見衆人皆發道意心甚歡喜起為佛作礼統佛三匝住佛前說偈言

世尊寶神妙演知三世事斷世婬怒垢開化沫流人皆到无為城快樂乃安寧如是天人中地為大動傾今日合大衆億億百万千當來及過去現在得自然

願得大普恩 法華威神力 三界一切人
皆得是三昧 令我值在世 常行法華事
使世元老死 快樂無憂患 三苦自然除
皆如為三昧 空想於願識 自然現相好
教授沫流人 得意慈音行 光光威儀好
等為身如來 合聚於沫生 三昧豫生行
便使於空中 得慧如上首

女利行說偈已作是念今欲教授人
不見法則何事開解人佛即知女心
中念便語女欲持何法教何人法復
何所在人復何所止立女白佛言如
是所說無法无教無人佛語女無法
有八事行无教有六事除無人有七
事散女問佛何謂八事行六事除七
事散佛言一者直見不邪二者直聞
不聽三者直治不曲四者直說不煩
五者直行不迷六者直念不思七者
直意不動八者直受不尋是為八事
行無法何謂无教六事除一者不念
有見无見無二者不念有聲无聲無
三者不念有味无味無四者不念有
香无香無五者不念有觸无觸無六
者不念有意無意无是為六事除何

謂无人七事散無水色无風色無火
色无地色無心色无識色無行色是
為七事散无人可教當作此解佛亦
時說偈言

若有解法華三昧要句品 當念勤精進
曉解得正言七八六已足 計本无形迹
不受自可欲去想安寂然 說法无言教
不見有壽命人本空無寂 不解沫言有
不除不断欲出入無住處 无痛無思想
不生不死滅有念為勞苦 不復著因緣
亦現有色欲已反愛灰塵 觀見有病痛
常意與本并慧見不空念 寂寂安空空
法華三昧現不出不入住 无見不見空
是為疾得如便能行施法 以慧為布施
說慧等如是 諸佛皆稱歎

女聞說是時倍復踊躍歡喜起為佛
作礼踊在空中去地七尺還坐金剛
蓮華上時坐中有比丘心念言是為
真是女為幻人自起為佛作礼長跪
叉手說偈問佛言

本自生愚癡不識道慧義 不知女利行
為是真男女 審是一定人 用法何復問
真是女子身 所問何以深 生來侍佛法

未見如是人所見非凡及智慧何以今
本從何方來而生於王家宿命行何法
逮及幾佛來精進健乃今所問如來報
戒具真有行能問如有說能忍有柔意
但能口說行休心意何如實欲往試之
可應幾法往往對不起意若實有智慧
我欲從解要省視所說法詠廣入道俗
有何異心意獨得是智慧

佛便語比丘言自若干因緣即說偈
報言

女利行本心立德識本處在世來千歲
常習於三昧心解衆色要寂然與禪同
真是女子身不為化來現本從無色世
今來在世界續復如本行已行便立正
無身現說心普念衆慈行念法空為本
不起因緣相比丘自不解何怪是女身
不見無有本反自受縛著禪思欲去色
更反為色亂速苦避三毒已入三毒苦
汝自不解身自謂得常安万物如幻化
入出無形住四色本虛空自然受形著
愛習自拘限懷本起未欲
今時比丘八万四千人聞說偈意解
即發无上正真道意不可計天人散

華名香皆來供養佛時舍利弗心念
女子乃有是辯何不去女作男佛即
知舍利弗心所念便語舍利弗汝自
問女舍利弗即問唯女利行所說非
常事如與如來共對語何不去女作
男女利行答言唯舍利弗道德之要
以慧善見不覩於末四色是地水火風
五情合六入為秉心意識如幻如化
出入无形癡意不盡故與三流對更
出浮沉何足珍雖漏盡結解有不淨
想无色如為惡苦住反為樂舍利弗
問學佛之法應有謗毀言不女問賢
者舍利弗云何為謗毀答言一好一
惡是為謗毀女報言未曉未了大人
所說不以小為小大為大好惡无二
等無異謗身身是色謗意意无形四
色法空無形无造何所受謗毀者舍
利弗答曰卿所說是菩薩大人所行
卿未應菩薩何緣乃說此事女報言
大人為以何立報言普等為言何謂
為普教授十方人速苦得道是為普
唯賢者所說不說普說生死勤苦耳
女語舍利弗謂為普者不見有人无

人有教無教有法無法所念是曰為
普不為見生死苦欲教之令得道是
為普舍利弗无有辯才折荅此言女
尔時說偈歎曰

八用三塵亂輒為六衰著五惡十賊對
三厄墮困窮十二連相續四色拘沒三
不解名顛倒坐受空聚藏无故沒三婬
自因投深洌堅藏畏二三自滅更受生
宛為空所縛恒懷不淨想自呼是常安
為得真自然是輩滿閻浮億億百万千
所行遍十方不益一切人當有隨受行
皆共墮海流可作大法行入海勉欲根
决海令滅盡平故无還流返原盡欲室
令人歸故鄉故鄉名無為号字清淨堂
快樂多紫金入出揚光明恒邊沙劫佛
莫不稱歎說以法空無戲无相不願識
洌流以海水皆復不足說廣意開化人
自然常自安惟念諸賢者乃自反不解
無故自受縛幻化受報應
尔時四万二千羅漢皆正意第七住
八万五千釋梵皆遠无所行從生六
万四千賢女起為佛作礼住佛前說
偈言

今日女利行 為我眾等說 聞說佛深法
令我心開解 實欲知道德 皆從何所來
聚合眾一切 有何神妙德 而致與大眾
莫不驚愕心 伏意往樂從 隨教之所行
願欲求天尊 愍發起濯眾 至心受大慧
如來神化現 應時諸女身 倒願去色欲
便欲作沙門 佛之知我情 畢覺諸審諦
使身如菩薩 宜佛神道教 當復轉化人
諸賢大眾女 俱起在佛前 頭面稽首礼
願得如佛像

佛語諸女所說實至心 今欲求所願
先當報父母 次當復由王得聽可去
耳於是諸女說偈報白言

欲願作沙門 先當報父母 次當復由王
得聽可作道 為道不苦晚 但當勤開心
曉解心意本 一切與同等 便有決大意
心解乃至道 道從解心起 不住於縛著
化達觀眾見 如復心出生 從本知本空
知皆非常苦 心亂便隨流 所見必有對
不生善惡想 亦乃作沙門

諸賢女起往至父母所長跪白父母
及大王今日受王恩德來詣佛所為
尊女利行問佛深妙法欲求无為道

現身及一切佛為女說本末生死苦
痛但為色欲者不知道德本緣是无
常至當就三苦勤願欲作沙門願父
母聽我作沙門當得道還度父母父
母語諸女求自然道各自見便利隨
意所習行汝曹尚去我亦隨汝去汝
自白語王得聽便自去用問我為諸
女稽首大王前淚出而言人在三界
中苦欲坐色想不得自在無常率至
无有代者實欲作沙門并與諸女俱
無為得道者當還度父母王願從本意
王語女利行等早欲使汝去隨行作
沙門以汝三事未足是以不遣汝耳
一者未盡學識諸礼教二者常樂未
有見苦三者口食恣味未有足者以
是故不欲遣汝耳若有至意者便去
勿疑吾亦欲作沙門王即起至佛所
作礼白佛言聞說智慧意甚願樂國
付太子身歸三尊給侍左右并受法
教欲作沙門求道如佛佛即放光若
千種色其明照十方地為六反震動
諸天作樂覆滿於虚空散華名寶覆
三千大千剎土天下丘墟皆平其有

大山化為黃金枯木更生中有不端正者皆得願樹木枯者皆生條葉自然風吹皆歌歎佛功德生華者即自墮落各氣到佛所羅住空中各說偈讚佛功德

今蒙聖神力得救死復生光色還本然復實滋道成生死姪亂色辟於枯木時值佛說音聲還來合本并六色沉著瞋四色合五欲分別法空然解道成法行為得真定智快樂得安寧一切皆歡喜稽首礼佛足

尔時諸六通及羅漢見華有是說女利行即化為男子復為菩薩一女子作是二化變衆生莫不歡喜時一佛剎中無有女人諸六通道者十萬五千人三萬須陀洹皆得阿惟越致八萬六千人及阿那含皆得柔順法忍不可計羅漢更發无上正真道意其有辟支佛行即如弥勒輩王即以國付太子太子名辯積拜跪白大王王為欲施子孫之殃與色身之福施子孫當以法財之利持誅滅之怨大罪與子孫大國之治世世漏没人根不知

大慧滅善之路與子孫當奈何父王
有教不得不從輒便礼拜辭王而去
還國宮殿坐領國普告若不到佛所
求無為道作善孝者罪與三逆等太
子於殿上精進勇慧廣開大道意心
甚過本無量即滅一城之惡地即為
六反震動時人民皆言願太子便得
作佛我曹大衆皆當承弟亦當作佛
佛時笑五色光出照於十方佛刹人
民皆發願令我得道如佛天下飲食
自然在前如忉利天上其國菩薩皆
如阿彌陀國中太子辯積得功德在
宮七日出詣佛所從大衆羣臣大小
人民无央數至佛所為作礼住佛前
說億億万千偈讚曰

佛作三昧決功德甚巍巍光相威神照
感動三千刹施人無上慧德普入衆心
感發開童蒙莫不受福成演誅法華事
改世濯群異降伏曠強者和更受柔順
等尋道場光世人受業長去老逮空寂
不死而復生除病速穢辱色想沒滅勞
陰盖即以除清淨無欲塵思想受欲定
流布還無為空定常寂然不住不然行

不行无法識 示現光相成 本法无增減
常安寂空空 如來現神化 一切得真道
愚癡寂然定 心與无生同 我今聽說法
演出法華慧 心解得發願 一切得如佛
今欲城國土 願便說法華 以何法行得
當有幾事解 疾得是法華 依義說其慧
皆令分別知 一切心得解 曉了諸法事
當從中外得 得之為遠近 便可立得佛
復更於劫數 久從幾佛受 解慧而有要
須更變化成 願以具演說 皆令大衆知
太子及衆人 作礼還復坐

佛語女利行 欲知法華之開解 所示
現也 當來過去現在諸佛 皆從是散
身譬喻品 得道知諦 今時有億百千
天及諸梵 不可計人民 四十八万菩
薩 逮得無所從 生其有聲聞 皆更發
意時 不想菩薩 白佛言 今日大衆聽
聞法華三昧 解說事要 都未受訣
佛告菩薩 今且說法華三昧者 皆以
授訣有劫數 各各自有國土處所 是
故不復說耳 若汝不解 自往皆問之
時 太子及女利行 即白菩薩 心中所
欲問 即各說偈答報言

惟賢上智慧 何以不解要 其有求想報
皆為不受慧 當說有處所 則非法華事
要當須口說 欲聽真高聲 不解其本末
語亦俱不知 指亦道徑法 猶若如盲人
師子之大音 尚復呼小聲 受訣已得佛
不知礼正道 受訣有國土 譬亦如幻化
有對便出應 不復預思想 見附住教授
弥及去來今 神通无不知 不須有言說
受訣在空无 寂然安無為 常定不動轉
私細人不知 開演於未然 寂靜无所為
是為所樂國 清淨為證正 不念有思想
是為快法安 相好示光明 是為勤苦現
弟子有人民 是為入欲濁 不苦不勤念
都盡不起滅
如是說十八万億偈 報菩薩即歡喜
說偈讚曰

我自生愚癡 不解上人語 不知其音法
反呼未受決 如今所說偈 甚深難具陳
願發本時意 與神共參論
時太子白佛言 今諸賢皆尚不解要
以善權方便 開解佛即笑 五色光從
心口出十方 皆明阿難白佛佛不妄笑
笑必有意願 聞其說佛語阿難汝見

大衆不阿難答言見今是如來問皆
具答各各在十方教化度恒沙等天
人民皆使作佛今時自然雨香華七
寶覆三千大千剎土而周匝遍无有
空處佛語太子此法華所解人身之
事如是今時不可計恒沙百千人民
皆發无上正真道意逮無所從生心
無數千聲聞皆逮阿惟越致地阿難
長跪白佛言此名何經云何奉行佛
語阿難名法華三昧女利行所問解
人身散情經要集若有男女書寫諷
誦讀勝行檀八十劫若供養對跪拜
者勝菩薩行慈三千億万劫若當曉
解展轉相教勝供養恒邊沙佛若有
一聞是經者不復更生死勤苦不信
謗者此人以隨末流未復還本佛語
阿難囑累汝法華三昧事千劫尚不
能盡粗說要諦受書持奉行勿得減
一字正書句逗相得太子所從大衆
開解各得道慧皆如上首起為佛作
礼而去

法華三昧經

壬寅歲高麗國大藏都監奉

剎雕造

無量義經德行品第一

鳴

蕭齊天竺三藏曇摩伽陀耶舍

譯

如是我聞一時佛在王舍城耆闍崛山中與大比丘衆萬二千人俱菩薩摩訶薩八万人天龍夜叉乾闥婆阿修羅迦樓羅緊那羅摩睺羅伽諸比丘比丘左優婆塞優婆夷俱大轉輪王小轉輪王金輪銀輪諸轉輪王國王王子國臣國民國士國女國大長者各與眷屬百千萬數而自圍遶來詣佛所頭面礼足遶百千匝燒香散華種種供養供養佛已退一面坐其菩薩名曰文殊師利法王子大威德藏法王子無憂藏法王子大辯藏法王子弥勒菩薩導首菩薩藥王菩薩藥上菩薩花幢菩薩花光幢菩薩陀羅尼自在王菩薩觀世音菩薩大勢至菩薩常精進菩薩寶印王菩薩寶積菩薩寶杖菩薩越三界菩薩毗摩跋羅菩薩香爲菩薩大香爲菩薩師子吼王菩薩師子遊戲世菩薩師子奮迅菩薩師子精進菩薩勇銳力菩薩師子威猛伏菩薩莊嚴菩薩大莊嚴菩薩如

是等菩薩摩訶薩八万人俱是諸菩薩莫不皆是法身大士戒定慧解脫解脫知見之所成就其心禪寂常在三昧恬安惔怕無為无欲顛倒乱想不復得入靜寂清澄志玄虛漠守之不動億百千劫无量法門悉現在前得大智慧通達諸法曉了分別性相真實有元長短明現顯白又能善知諸根性欲以陀羅尼無礙辯才請佛轉法輪隨順能轉微滯先墮以淹欲塵開涅槃門扇解脫風除世熱惱致法清涼次降甚深十二因緣用灑无明老病死等猛盛熾然苦聚日光介乃洪注無上大乘潤漬衆生諸有善根布善種子遍功德田普令一切發菩提萌智慧日月方便時節扶疎增長大乘事業令衆疾成阿耨多羅三藐三菩提常住快樂微妙真實无量大悲救苦衆生是諸衆生真善知識是諸衆生大良福田是諸衆生不請之師是諸衆生安隱樂處救護處大依止處處處為衆作大導師能為生音而作眼目靜劇亞者作耳鼻舌

諸根毀缺能令具足顛狂荒亂作大
正念船師大船師運載羣生渡生死
河置涅槃岸醫王大醫王分別病相
曉了藥性隨病授藥令衆樂服調御
大調御无諸放逸行猶如烏馬師能
調无不調師子勇猛威伏衆獸難可
沮壞遊戲菩薩諸波羅蜜於如來地
堅固不動安住願力廣淨佛國不久
得成阿耨多羅三藐三菩提是諸菩
薩摩訶薩皆有如是不思議功德
其比丘名曰大智舍利弗神通目捷
連慧命須菩提摩訶迦旃延弥多羅
居士富樓那阿若憍陳如等天眼阿
那律持律憂波離侍者阿難佛子羅
云憂波離陀離婆多劫宿那薄拘羅
阿周陀莎伽陀頭陀大迦葉憂樓頻
曇迦葉伽耶迦葉那提迦葉如是等
比丘万二千人皆阿羅漢盡諸結漏
无復縛著真正解脫尔時大莊嚴菩
薩摩訶薩遍觀衆坐各定意已與衆
中八万菩薩摩訶薩俱從坐而起來
詣佛所頭面礼足遶百千匝燒散天
華天香天衣天瓔珞天無價寶從于

空中旋轉來下四面雲集而獻於佛
天厨天鉢器天百味充滿盈溢見色
聞香自然飽足天幢天幡天隱蓋天
妙樂具處處安置作天伎樂娛樂於
佛即前跏趺合掌一心俱共同聲說
偈讚言

大哉大悟大聖主 無垢無染无所著
天人爲馬調御師 道風德香熏一切
智恬情怕慮凝靜 意滅識亡心亦寂
永斷夢妄思想念 无復諸大陰界入
其身非有亦非無 非因非緣非自他
非方非圓非短長 非出非沒非生滅
非造非起非爲作 非坐非卧非行住
非動非轉非閑靜 非進非退非安危
非是非非非得失 非彼非此非去來
非青非黃非赤白 非紅非紫種種色
戒定慧解知見生 三明六通道品發
慈悲十力无畏起 衆生善業因緣出
示爲丈六紫金暉 方壑照曜甚明徹
毫相月旋頂日光 旋髮紺青頂肉髻
淨眼明照上下眇 眉睫紺舒方口頰
脣舌赤好若丹菓 白齒四十猶珂雪
額廣鼻脩面門開 鬘髮表山字師子臆

手足柔軟具千輻
臂脩肘長指直纖
踝膝不現陰馬藏
表裏映徹淨无垢
如是等相三十二
而實无相非相色
无相之相有相身
能令衆生歡喜礼
因是自高我慢除
我等八万之等衆
善滅思想心意識
稽首歸依法色身
稽首歸依妙幢相
梵音雷震嚮八種
四諦六度十二緣
有聞莫不心意開
有聞或得須陀洹
無漏无為緣覺處
或得无量陀羅尼
演說甚深微妙偈
或躍飛騰現神足
如是法輪相如是
我等咸復共稽首

腋掌合縷内外握
皮膚細軟毛右旋
細筋鐫骨鹿膊脇
淨水莫染不受塵
八十種好似可見
一切有相眼對絕
衆生身相相亦然
虔心表敬誠懇懃
成就如是妙色軀
俱共稽首咸歸命
爲馬調御无著聖
戒定慧解知見聚
稽首歸依難思議
微妙清淨甚深遠
隨順衆生心業轉
无量生死衆結斷
斯陀阿那阿羅漢
無生无滅菩薩地
無礙樂說大辯才
遊戲漂浴法清池
出沒水火身自由
清淨无邊難思議
歸依法輪轉以時

稽首歸依梵音聲

稽首歸依緣諦度

世尊往昔无量劫

勤苦修習衆德行

為我人天龍神王

普及一切諸衆生

能捨一切諸難捨

財寶妻子及國城

於法内外无所恡

頭目髓腦悉施人

奉持諸佛清淨戒

乃至失命不毀傷

若人刀杖來加害

惡口罵辱終不瞋

歷劫挫身不倦情

晝夜攝心常在禪

遍學一切衆道法

智慧深入衆生根

是故今得自在力

於法自在為法王

我等咸共俱稽首

歸依能勤懃諸難懃

無量義經說法品第二

今時大莊嚴菩薩摩訶薩與八萬菩

薩摩訶薩說是偈讚佛已俱白佛言

世尊我等八萬菩薩之衆今者欲於

如來法中有所諮問不審世尊垂愍

聽不佛告大莊嚴菩薩及八萬菩薩

言善哉善哉善男子善知是時恣汝

所問如來不久當般涅槃涅槃之後

普令一切无復餘疑欲何所問便可

說也於是大莊嚴菩薩與八萬菩薩

即共同聲白佛言世尊菩薩摩訶薩

欲得疾成阿耨多羅三藐三菩提應

當修行何等法門何等法門能令菩薩摩訶薩疾成阿耨多羅三藐三菩提佛告大莊嚴菩薩及八萬菩薩言善男子有一法門能令菩薩疾得阿耨多羅三藐三菩提若有菩薩學是法門者則能疾得阿耨多羅三藐三菩提世尊是法門者号字何等其義云何菩薩云何修行佛言善男子是一法門名為无量義菩薩欲得修學無量義者應當觀察一切諸法自本來今性相空寂無大无小無生无滅非住非動不進不退猶如虛空無有二法而諸衆生虛妄橫計是此是彼是得是失起不善念造衆惡業輪迴六趣脩諸苦毒無量億劫不能自出菩薩摩訶薩如是諦觀生憐愍心發大慈悲將欲救拔又復深入一切諸法法相如是生如是法法相如是住如是法法相如是異如是法法相如是滅如是法法相如是能生惡法法相如是能生善法住異滅者亦復如是菩薩如是觀察四相始末悉遍知已次復諦觀一切諸法念念不住新新

生滅復觀即時生住異滅如是觀已而入衆生諸根性欲性欲无量故說法無量說法无量義亦无量無量義者從一法生其一法者即无相也如是無相无相不相不相無相名為實相菩薩摩訶薩安住如是真實相已所發慈悲明諦不虛於衆生所真能拔苦苦既拔已復為說法令諸衆生受於快樂善男子菩薩若能如是修一法門无量義者必得疾成阿耨多羅三藐三菩提善男子如是甚深無上大乘无量義經文理真正尊無過上三世諸佛所共守護无有衆魔群道得入不為一切邪見生死之所壞敗是故善男子菩薩摩訶薩若欲疾成无上菩提應當修學如是甚深无上大乘無量義經今時大莊嚴菩薩復白佛言世尊世尊說法不可思議衆生根性亦不可思議法門詔脫亦不可思議我等於佛所說諸法无復疑惑而諸衆生生迷惑心故重諮問世尊自從如來得道已來四十餘年常為衆生演說諸法四相之義苦義空義无常无我無大无小無生

無滅一切无相法性法相本來空寂
不來不去不出不沒若有聞者或得
煖法頂法世第一法須陀洹果斯陀
含果阿那含果阿羅漢果辟支佛道
發菩提心登第一地第二第三至第
十地往日所說諸法之義與今所說
有何等異而言甚深无上大乘無量
義經菩薩修行必得疾成无上菩提是
事云何唯願世尊慈愍一切廣為衆
生而分別之普令現在及未來世有
聞法者无餘疑網於是佛告大莊嚴
菩薩善哉善哉大善男子能問如來
如是甚深無上大乘微妙之義當知
汝能多所利益安樂人天拔苦衆生
真大慈悲信實不虛以是因緣必得
疾成无上菩提亦令一切今世來世
諸有衆生得成無上菩提善男子自
我道場菩提樹下端坐六年得成阿
耨多羅三藐三菩提以佛眼觀一切
諸法不可宣說所以者何以諸衆生
性欲不同性欲不同種種說法種種
說法以方便力四十餘年未曾顯實是
故衆生得道差別不得疾成无上菩

提善男子法譬如水能洗垢穢若井
若池若江若河溪渠大海皆悉能洗
諸有垢穢其法水者亦復如是能洗
衆生諸煩惱垢善男子水性是一江
河井池溪渠大海各各別異其法性
亦復如是洗除塵勞等无差別三法
四果二道不一善男子水雖俱洗而
并非池池非江河溪渠非海而如來
世雄於法自在所說諸法亦復如是
初中後說皆能洗除衆生煩惱而初
非中而中非後初中後說文辭雖一
而義各異善男子我起樹王詣波羅
奈鹿野園中為阿若拘隣等五人轉
四諦法輪時亦說諸法本來空寂代
謝不住念念生滅中間於此及以處
處為諸比丘并衆菩薩辯演宣說十
二因緣六波羅蜜亦說諸法本來空
寂代謝不住念念生滅今復於此演
說大乘无量義經亦說諸法本來空
寂代謝不住念念生滅善男子是故初
說中說今說文辭是一而義差異義
異故衆生解異解異故得法得果得
道亦異善男子初說四諦為求聲聞

人而八億諸天來下聽法發菩提心中
於處處演說甚深十二因緣為求辟
支佛人而无量衆生發菩提心或住聲
聞次說方等十二部經摩訶般若華
嚴海雲演說菩薩歷劫修行而百千
比丘萬億人天無量得須陀洹得
斯陀含得阿那含得阿羅漢住辟支
佛因緣法中善男子以是義故故知
說同而義別異義異故衆生解異解
異故得法得果得道亦異是故善男
子自我得道初起說法至于今日演
說大乘无量義經未曾不說苦空無
常无我非真非假非大非小本來不
然今亦不滅一切無相法相法性不
來不去而衆生四相所遷善男子以
是義故諸佛无有二言能以一音普
應衆聲能以一身示百千萬億那由
他無量無數恒河沙身一一身中又
示若干百千萬億那由他阿僧祇恒
河沙種種種類形一一形中又示若干
百千萬億那由他阿僧祇恒河沙形
善男子是則諸佛不可思議甚深境
界非二乘所知亦非十住菩薩所及

唯佛與佛乃能究了善男子是故我
說微妙甚深无上大乘无量義經文
理真正尊无過上三世諸佛所共守
護無有衆魔外道得入不為一切邪
見生死之所壞敗菩薩摩訶薩若欲疾
成無上菩提應當修學如是甚深无
上大乘無量義經佛說是已於是三
千大千世界六種震動自然空中雨
種種花天憂鉢鉢羅華鉢曇摩華拘物
頭華分陀利華又雨无数種種天香
天衣天瓔珞天無價寶於上空中旋
轉來下供養於佛及諸菩薩聲聞大
衆天厨天鉢器天百味充滿盈溢天
幢天幡天幘盖天妙樂具處處安置
作天伎樂歌歎於佛又復六種震動
東方恒河沙等諸佛世界亦雨天華
天香天衣天瓔珞天無價寶天厨天
鉢器天百味天幢天幡天幘盖天妙
樂具作天伎樂歌歎彼佛及彼菩薩
聲聞大衆南西北方四維上下亦復
如是於是衆中三万二千菩薩摩訶
薩得无量義三昧三万四千菩薩摩
訶薩得无数無量陀羅尼門能轉一

初三世諸佛不退轉法輪其諸比丘
比丘居優婆塞優婆夷天龍夜叉
乾闥婆阿修羅迦樓羅緊那羅摩睺
羅伽大轉輪王小轉輪王銀輪鐵輪
諸轉輪王國王王子國臣國民國士
國女國大長者及諸眷屬百千衆俱
聞佛如來說是經時或得煇法頂
法世間第一法須陀洹果斯陀含果
阿那含果阿羅漢果辟支佛果又得
菩薩无生法忍又得一陀羅尼又得
二陀羅尼又得三陀羅尼又得四陀
羅尼五六七八九十陀羅尼又得百
千万億陀羅尼又得無量无數恒河
沙阿僧祇陀羅尼皆能隨順轉不退
轉法輪无量衆生發阿耨多羅三藐
三菩提心

無量義經十功德品第三

尔時大莊嚴菩薩摩訶薩復白佛言
世尊世尊說是微妙甚深无上大乘
無量義經真實甚深甚深所以者
何於此衆中諸菩薩摩訶薩及諸四衆
天龍鬼神國王臣民諸有衆生聞是
甚深无上大乘無量義經无不獲得

陀羅尼門三法四果菩提之心當知
此經文理真正尊無過上三世諸佛
之所守護无有衆魔羣道得不為
一切邪見生死之所壞敗所以者何
一聞能持一切法故若有衆生得聞
是經則為大利所以者何若能修行
必得疾成阿耨多羅三藐三菩提其
有衆生不得聞者當知是等為失大
利過无量無邊不可思議阿僧祇劫
終不得成阿耨多羅三藐三菩提所
以者何不知菩提大道直故行於險
徑多留難故世尊是經典者不可思
議唯願世尊廣為大衆慈哀敷演是
經甚深不思議事世尊是經典者從
何所來去何所至住何所住乃有如
是无量功德不思議力令衆疾成阿
耨多羅三藐三菩提今時世尊告大
莊嚴菩薩摩訶薩言善哉善哉善男
子如是如是如汝所言善男子我說
是經甚深甚深真實甚深所以者何
令衆疾成阿耨多羅三藐三菩提故
一聞能持一切法故於諸衆生大利
益故行大直道無留難故善男子汝

問是經從何所來去至何所住何所
住者當善諦聽善男子是經本從諸
佛宮宅中來去至一切衆生發菩提
心住諸菩薩所行之處善男子是經
如是來如是去如是住是故此經能
有如是无量功德不思議力令衆疾
成阿耨多羅三藐三菩提善男子汝
寧欲聞是經復有十不思議功德力
不大莊嚴言願樂欲聞佛言善男子
第一是經能令菩薩未發心者發善
提心无慈仁者起於慈心好煞戮者
起大悲心生嫉妬者起隨喜心有愛
著者起能捨心諸慳貪者起布施心
多憍慢者起持戒心瞋恚盛者起忍
辱心生懈怠者起精進心諸散亂者起
禪定心於愚癡者起智慧心未能度彼
者起度彼心行十惡者起十善心樂有
為者志无為心有退心者作不退心為
有漏者起无漏心多煩惱者起除滅心
善男子是名是經第一功德不思議力
善男子第二是經不可思議功德力
者若有衆生得是經者若一轉若一
偈乃至一句則能通達百千億義無

量數却不能演說所受持法所以者
何以其是法義无量故善男子是經
譬如從一種子生百千万百千万中
一一復生百千万數如是展轉乃至
无量是經典者亦復如是從於一法
生百千義百千義中一一復生百千
萬數如是展轉乃至无量無邊之義
是故此經名无量義善男子是名是
經第二功德不思議力

善男子第三是經不可思議功德力
者若有衆生得聞是經若一轉若一
偈乃至一句通達百千萬億義已雖
有煩惱如無煩惱出生入死无怖畏
想於諸衆生生憐愍心於一切法得
勇健想如壯力士能擔能持諸有重
者是持經人亦復如是能荷无上菩
提重寶擔負衆生出生死道未能自
度已能度彼猶如船師身嬰重病四
體不御安止此岸有好堅牢船舶常
辦諸度彼者之具給與而去是持經
者亦復如是雖嬰五道諸有之身百
八重病常恒相纏安止无明老死此
岸而有堅牢此大乘經无量義辦能

度衆生能如說行者得度生死善男子是名是經第三功德不思議力善男子第四是經不可思議功德力者若有衆生得聞是經若一轉若一偈乃至一句得勇健想雖未自度而能度他與諸菩薩以為眷屬諸佛如來常向是人而演說法是人聞已悉能受持隨順不逆轉復為人隨宜廣說善男子是人譬如國王夫人新生王子若一日若二日若至七日若一月若二月若至七月若一歲若二歲若至七歲雖復不能領理國事已為臣民之所宗敬諸大王子以為伴侶王及夫人愛心偏重常與共語所以者何以稚小故善男子是持經者亦復如是諸佛國王是經夫人和合共生是菩薩子若是菩薩得聞是經若一句若一偈若一轉若二轉若十若百若千若万若億万億若恒河沙无量無數轉雖復不能體真理極雖復不能震動三千大千國土雷震梵音轉大法輪已為一切四衆八部之所宗仰諸大菩薩以為眷屬深入諸佛秘

密之法所可演說無違无失常為諸
佛之所護念慈愛偏覆以新學故善
男子是名是經第四功德不思議力
善男子第五是經不可思議功德力
者若善男子善女人若佛在世若滅
度後其有受持讀誦書寫如是甚深
無上大乘无量義經是人雖復具縛
煩惱未能遠離諸凡夫事而能示現
大菩提道延於一日以為百劫百劫
亦能促為一日令彼衆生歡喜信伏
善男子是善男子善女人譬如龍子
始生七日即能興雲亦能降雨善男
子是名是經第五功德不思議力
善男子第六是經不可思議功德力
者若善男子善女人若佛在世若滅度
後受持讀誦是經典者雖具煩惱而
為衆生說法令得遠離煩惱生死斷一
切苦衆生聞已修行得法得果得道
與佛如來等無差別譬如王子雖復
稚小若王遊巡及以疾病委是王子
領理國事王子是時依大王命如法
教令群寮百官宣流正化國土人民
各隨其安如大王治等無有異持經

善男子善女人亦復如是若佛在世
若滅度後是善男子雖未得住初不
動地依佛如是用說教法而敷演之
衆生聞已一心修行斷除煩惱得法
得果乃至得道善男子是名是經第
六功德不思議力

善男子第七是經不可思議功德力
者若善男子善女人於佛在世若滅度
後得聞是經歡喜信樂生希有心受
持讀誦書寫解說如法修行發菩提
心起諸善根興大悲意欲度一切苦
惱衆生雖未修行六波羅蜜六波羅
蜜自然在前即於是身得无生忍生
死煩惱一時斷壞即昇第七地與大
菩薩位譬如健人為王除怨怨既滅
已王大歡喜賞賜半國之封皆悉與
之持經男子女人亦復如是於諸行
人取為勇健六度法寶不求自至生
死怨敵自然散壞證无生忍半佛國
寶封賞安樂善男子是名是經第七
功德不思議力

善男子第八是經不可思議功德力
者若善男子善女人於佛在世若滅

度後有人能得是經典者敬信如視佛身令等無異愛樂是經受持讀誦書寫頂戴如法奉行堅固或忍兼行檀度深發慈悲以此无上大乘無量義經廣為人說若人先来都不信有罪福者以是經示之設種種方便強化令信以經威力故發其人心歆然得迴信心既發勇猛精進故能得是經威德勢力得道得果是故善男子善女人即於是身得無生法忍得至上地與諸菩薩以為眷屬速能成就衆生淨佛國土不久得成無上菩提善男子是名是經第八功德不思議力善男子第九是經不可思議功德力者若善男子善女人若佛在世及滅度後有得是經歡喜踊躍得未曾有受持讀誦書寫供養廣為衆人分別解說經義者即得宿業餘罪重障一時滅盡便得清淨速得大辯次第莊嚴諸波羅蜜獲諸三昧首楞嚴三昧入大捨持門得勤精進力速越上地善能分身散體遍十方國拔濟一切二十五有極苦衆生悉令解脫是

故是經有如此力善男子是名是經
第九功德不思議力

善男子第十是經不可思議功德力
者若善男子善女人若佛在世及滅
度後若得是經發大歡喜生希有心
即自受持讀誦書寫供養如說修行
復能廣勸在家出家人受持讀誦書
寫供養解說如法修行既令餘人修
行是經力故得道得果皆由是善男
子善女人慈心懃化力故是善男子
善女人即於是身便捷無量諸陀羅
尼門於凡夫地自然初時能發無數
阿僧祇弘誓大願深能發救一切衆
生成就大悲廣能救苦厚集善根饒
益一切而演法澤洪潤枯涸以衆法
藥練諸衆生安樂一切漸見超登住
法雲地恩澤普潤慈被无外攝苦衆
生今入道迹是故此人不久得成阿
耨多羅三藐三菩提善男子是名是
經第十功德不思議力

善男子如是無上大乘无量義經極
有大威神之力尊无過上能令諸凡
夫皆成聖果永離生死而得自在是

故此經名无量義也能令一切衆生
於凡夫地生起諸菩薩無量道芽今
功德樹蔚茂扶疎增長是故此經号
十不可思議功德力也

於是大莊嚴菩薩摩訶薩及八万菩
薩摩訶薩同聲白佛言世尊佛所說
甚深微妙無上大乘无量義經文理
真正尊无過上三世諸佛所共守護
無有衆魔群道得入不為一切邪見
生死之所壞敗是故此經乃有如是
十種功德不思議力大饒益无量一切
衆生令一切諸菩薩摩訶薩各得無
量義三昧或得百千陀羅尼門或今
得菩薩諸地諸忍或得緣覺羅漢四
道果證世尊慈愍快為我等說如是
法令我大獲法利甚為奇特未曾有
也世尊慈恩實難可報尔時三千大
千世界六種震動於上空中復雨種
種華天夏鉢羅華鉢曇摩華拘物頭
華分陀利華又雨無數種種天香天
衣天瓔珞天無價寶於上空中旋轉
來下供養於佛及諸菩薩聲聞大衆
天厨天鉢器天百味充滿盈溢見色
聞香自然飽足天幢天幡天繖蓋天

妙樂具處處安置作天伎樂歌歎於
佛又復六種震動東方恒河沙等諸
佛世界亦雨天華天香天衣天瓔珞
天無價寶天厨天鉢器天百味見色
聞香自然飽足天幢天幡天幘蓋天
妙樂具作天伎樂歌歎彼佛及諸菩
薩聲聞大眾南西北方四維上下亦
復如是尔時佛告大莊嚴菩薩摩訶
薩及八萬菩薩摩訶薩言汝等當於
此經應深起敬心如法修行廣化一
切慇心流布常當懇懃晝夜守護普
令衆生各獲法利汝等真是大慈大
悲以立神通願力守護是經勿使疑
滯於當來世必令廣行閻浮提令一
切衆生使得見聞讀誦書寫供養以是
之故亦令汝等速得阿耨多羅三藐
三菩提是時大莊嚴菩薩摩訶薩與
八萬菩薩摩訶薩即從坐起來詣佛
所頭面禮足遶百千匝即前胡跪俱共
同聲白佛言世尊我等快蒙世尊慈
愍為我等說是甚深微妙无上大乘
無量義經敬受佛勅於如來滅後當
廣令流布是經典者普令一切受持

讀誦書寫供養唯願世尊勿垂憂慮
我等當以願力普令一切衆生使得見
聞讀誦書寫供養得是經法威神之力
尔時佛讚言善哉善哉諸善男子汝
等今者真是佛子大慈大悲深能拔
苦救厄者矣一切衆生之良福田廣
為一切作大良導一切衆生大依
止處一切衆生之大施主常以法利
廣施一切尔時大會皆大歡喜為佛
作礼受持而去

無量義經

癸卯歲高麗國大藏都監奉
勅雕造

薩曇分陀利經一卷

鳴

失譯人名今附西晉錄

聞如是佛在羅閱祇耆闍崛山中與
大比丘衆四萬二千人俱三暢陀毘
陀文殊師利菩薩等八萬四千人彌
勒菩薩等拔陀劫中千人釋王等與
忉利諸天不可復計梵王與諸梵不
可復計阿闍世王與閻浮提人王衆
多不可復計佛在四輩弟子比丘比
丘尼優婆塞優婆夷中說薩曇分
陀利法華佛說无央數偈是時七
寶浮靺涌從地出上至梵天浮靺中
央有七寶大講堂懸幢幡華蓋名香
清絜殊好講堂中有金牀牀上有坐
佛字抱休羅蘭漢言大寶數釋迦文佛
言善哉善哉我般泥洹已來過恒
邊沙劫恒邊沙佛剎止於空中恒邊
沙佛以過去我歷念所劫初不還彼
剎我見釋迦文佛精進求佛道用人
民故布施無厭足不惜手不惜眼不
惜頭不惜妻子象馬車乘不惜珍寶
无有貪愛心我故來出欲供養釋迦

文佛并度諸下劣願釋迦文佛坐我金牀更說薩曇分陀利經於是釋迦文佛上講堂就於金牀而坐便說薩曇分陀利經復說无央數偈言

聞樂寶佛 知名字者 不畏生死

不復勤苦 聞藥王佛 知字名者

不得愈病 自識宿命

於是釋迦文佛說无央數阿僧祇劫復說無央數阿僧祇劫我行菩薩道時求索薩曇分陀利經布施與人在所求索飯食衣被七寶妻子初无愛戀心我為有國王時是世極長壽我便立太子為王棄國事搥鼓搖鈴自銜身言誰欲持我作奴者我求索薩曇分陀利經我欲行供養時有一婆羅門語我言與我作奴來我有薩曇分陀利經我便隨婆羅門去一心作奴汲水掃地採花菓飲食婆羅門千歲不懈息佛於是說偈言

搥鼓搖鈴願 自銜言誰欲持我作奴者
我欲行供養 奴心善意行

佛言是時王者我身是也時婆羅門者調達是誰恩令我得滿六波羅蜜

者三十二相八十種好皆是調達福
恩調達是我善師善師恩令我得滿
六波羅蜜三十二相八十種好威神
尊貴度脫十方一切皆是調達恩調
達却後阿僧祇劫當得作佛號名
提和羅耶漢言天王佛當得十種力三
十二相八十種好天王佛國名提和
越漢言天天王佛當為人民說法
盡劫不懈止第一說法當度恒邊
沙人得羅漢道恒邊沙人辟支佛道
恒邊沙人發阿耨多羅三藐三菩提
心今時天王佛壽二十劫乃般泥洹
後法住二十劫天王佛般泥洹後不
散舍利起作一七寶塔廣六十里長
八十里一切閻浮人悉往供養佛舍
利是時无央數人得羅漢道无央數
人發辟支佛心無央數人發阿耨多
羅三藐三菩提心善男子善女人聞
是法華之經信不誹謗除滅過去當
來罪閉三惡道門開三善道門生天
上常第一生人中常第一生十方佛
前自然七寶蓮華中化生
於是下方佛所從菩薩名般若拘自

白其佛早還本土釋迦文佛謂般若
拘我有菩薩字文殊師利可與相見
乃還本土即時文殊師利從沙曷龍
王池中涌出坐大蓮華華如車輪其
華千葉從諸菩薩其數甚多文殊師
利下大蓮華為二佛作禮還與般若
拘菩薩相問訊般若拘問文殊所入
池中度云何數多少文殊答曰其數
甚多无能計者若當口說非心所信
自當有證其池即時涌華從下而出
盡是池中一切所散本發菩薩心者
其華在空中但說摩訶衍事本發聲
聞者其華在空中但說斷生死事文
殊師利見華如是以偈答般若拘菩
薩言以仁者之意自分別其數般若
拘菩薩復問文殊師利說何等法所
度乃令文殊答曰於是池中但說薩
曇分陁利般若拘復問其法甚尊無
能及者為有便可得佛者不文殊答
曰沙曷龍王有女年八歲智慧甚大
意願不輕便可得佛般若拘菩薩謂
文殊師利言我見仁者之師求佛勤
苦積累功德劫數甚多不信此女便

可得佛池中有女即時涌出遶佛三匝叉手而白佛言佛相好端正功德巍巍為諸天所奉為一切龍鬼神人民陸和陸所敬所說法甚尊今我立願便欲得佛舍利弗即謂女雖發是願佛不可得又汝女行積功累行未應菩薩女自持一摩尼珠其價當一大國女疾過與佛佛亦疾受女謂舍利弗及般若拘菩薩我與佛珠為遲疾答曰甚疾女復言佛受我珠為遲疾答曰甚疾女言我與佛珠為遲佛受我珠復遲我今取佛疾於是即時女身變為菩薩衆會皆驚即變為佛身相種好皆具足國土弟子如佛所為一切衆會天龍鬼神無央數人皆發無上正真道意三千大千國土六反震動三萬須陀洹得阿惟越致

陸曇分陀利經一卷

壬寅歲高麗國大藏都監奉
勅雕造

妙法蓮華經卷第一

唱

序品第一

後秦龜茲國三藏法師鳩摩羅什奉詔譯

如是我聞一時佛住王舍城耆闍崛
山中與大比丘衆萬二千人俱皆是
阿羅漢諸漏已盡无復煩惱逮得已
利盡諸有結心得自在其名曰阿若
憍陳如摩訶迦葉優樓頻螺迦葉伽
耶迦葉那提迦葉舍利弗大目犍連
摩訶迦旃延阿菟樓駄劫賓那憍梵
波提離婆多畢陵伽婆蹉薄拘羅摩
訶拘絺羅難陀孫陀羅難陀富樓那
彌多羅尼子須菩提阿難羅睺羅如
是衆所知識大阿羅漢等復有學无
學二千人摩訶波闍波提比丘尼與
眷屬六千人俱羅睺羅母耶輸陀羅
比丘尼亦與眷屬俱菩薩摩訶薩八
万人皆於阿耨多羅三藐三菩提不
退轉皆得陀羅尼樂說辯才轉不退
轉法輪供養无量百千諸佛於諸佛所
殖衆德本常為諸佛之所稱歎以慈
修身善入佛慧通達大智到於彼岸

名稱普聞无量世界能度無數百千
衆生其名曰文殊師利菩薩觀世音
菩薩得大勢菩薩常精進菩薩不休
息菩薩寶掌菩薩藥王菩薩勇施菩
薩寶月菩薩月光菩薩滿月菩薩大
力菩薩无量力菩薩越三界菩薩跋
陀婆羅菩薩弥勒菩薩寶積菩薩導
師菩薩如是等菩薩摩訶薩八万人
俱尔時釋提桓因與其眷属二万天
子俱復有名月天子普香天子寶光
天子四大天王與其眷属万天子俱
自在天子大自在天子與其眷属三
万天子俱娑婆世界主梵天三尸棄
大梵光明大梵等與其眷属万二千
天子俱有八龍王難陀龍王跋難陀
龍三婆伽羅龍王和脩吉龍王德叉
迦龍王阿那婆達多龍王摩那斯龍
王優鉢羅龍王等各與若干百千眷
属俱有四緊那羅王法緊那羅王妙法
緊那羅王大法緊那羅王持法緊那
羅王各與若干百千眷属俱有四軼
闍婆王樂軼闍婆王樂音軼闍婆王
美軼闍婆王義音軼闍婆王各與若

千百千眷屬俱有四阿修羅王婆稚
阿修羅王佉羅騫駄阿修羅王毗摩
質多羅阿修羅王羅睺阿修羅王各
與若干千百千眷屬俱有四迦樓羅王
大威德迦樓羅王大身迦樓羅王大滿
迦樓羅王如意迦樓羅王各與若干
百千眷屬俱奉提希子阿闍世三與
若干百千眷屬俱各禮佛足退坐一面
忖時世尊四眾圍繞供養恭敬尊重
讚歎為諸菩薩說大乘經名无量義
教菩薩法佛所護念佛說此經已結
加趺坐八於無量義處三昧身心不
動是時天雨曼陀羅華摩訶曼陀羅
華曼珠沙華摩訶曼珠沙華而散佛
上及諸大衆普佛世界六種震動尔
時會中比丘比丘尼優婆塞優婆夷
天龍夜叉乾闥婆阿修羅迦樓羅緊
那羅摩睺羅伽人非人及諸小三轉
輪聖三是諸大衆得未曾有歡喜合
掌一心觀佛尔時佛放眉間白毫相
光照東方万八千世界靡不周遍下
至阿鼻地獄上至阿迦尼吒天於此
世界盡見彼土六趣衆生又見彼土

現在諸佛及聞諸佛所說經法并見
彼諸比丘比丘尼優婆塞優婆夷諸
修行得道者復見諸菩薩摩訶薩種
種因緣種種信解種種相貌行菩薩
道復見諸佛般涅槃者復見諸佛般
涅槃後以佛舍利起七寶塔今時彌
勒菩薩作是念今者世尊現神變相
以何因緣而有此瑞今佛世尊入于
三昧是不可思議現希有事當以問
誰誰能答者復作此念是文殊師利
法王之子已曾親近供養過去无量
諸佛必應見此希有之相我今當問
今時比丘比丘尼優婆塞優婆夷及
諸天龍鬼神等咸作此念是佛光明
神通之相今當問誰今時弥勒菩薩
欲自決疑又觀四衆比丘比丘尼優
婆塞優婆夷及諸天龍鬼神等衆會
之心而問文殊師利言以何因緣而
有此瑞神通之相放大光明照于東
方万八千土悉見彼佛國界莊嚴於
是弥勒菩薩欲重宣此義以偈問曰
文殊師利 導師何故 眉間白毫
大光普照 雨曼陀羅 曼珠沙華

栴檀香風 悅可衆心 以是因緣
地皆嚴淨 而此世界 六種震動
時四部衆 咸皆歡喜 身意快然
得未曾有 眉間光明 照于東方
万八千土 皆如金色 從阿鼻獄
上至有頂 諸世界中 六道衆生
生死所趣 善惡業緣 受報好醜
於此悉見 又覩諸佛 聖主師子
演說經典 微妙第一 其聲清淨
出柔軟音 教諸菩薩 無數億万
梵音深妙 令人樂聞 各於世界
講說正法 種種因緣 以無量喻
照明佛法 開悟衆生 若人遭苦
獸老病死 為說涅槃 盡諸苦際
若人有福 曾供養佛 志求勝法
為說緣覺 若有佛子 修種種行
求无上慧 為說淨道 文殊師利
我住於此 見聞若斯 及千億事
如是衆多 今當略說 我見彼土
恒沙菩薩 種種因緣 而求佛道
或有行施 金銀珊瑚 真珠摩尼
車渠馬腦 金鋼諸珍 奴婢車乘
寶飭輦輦 歡喜布施 迴向佛道

願得是乘	三界第一	諸佛所歎
或有菩薩	駟馬寶車	欄楯華蓋
軒輅布施	復見菩薩	身肉手足
及妻子施	求无上道	又見菩薩
頭目身體	欣樂施與	求佛智慧
文殊師利	我見諸王	往詣佛所
問無上道	便捨樂土	宮殿巨妾
剷除鬚鬣	而被法服	或見菩薩
而作比丘	獨處閑靜	樂誦經典
又見菩薩	勇猛精進	入於深山
思惟佛道	又見離欲	常處空閑
深修禪定	得三神通	又見菩薩
安禪合掌	以千万偈	讚諸法王
復見菩薩	智深志固	能問諸佛
聞悉受持	又見佛子	定慧具足
以無量喻	為衆講法	欣樂說法
化諸菩薩	破魔兵衆	而擊法鼓
又見菩薩	寂然宴嘿	天龍恭敬
不以為喜	又見菩薩	處林放光
濟地獄苦	令入佛道	又見佛子
未嘗睡眠	經行林中	慇懃求佛道
又見具戒	威儀無缺	淨如寶珠
以求佛道	又見佛子	住忍辱力

增上慢人	惡罵捶打	皆志能忍
以求佛道	又見菩薩	雖諸戲笑
及癡眷屬	親近智者	一心除亂
攝念山林	億千万歲	以求佛道
或見菩薩	銷饒飲食	百種湯藥
施佛及僧	名衣上服	價直千万
或無價衣	施佛及僧	千万億種
栴檀寶舍	衆妙卧具	施佛及僧
清淨園林	華菓茂盛	流泉浴池
施佛及僧	如是等施	種種微妙
歡喜無厭	求無上道	或有菩薩
說寂滅法	種種教詔	無數衆生
或見菩薩	觀諸法性	無有二相
猶如虛空	又見佛子	心無所著
以此妙慧	求无上道	文殊師利
又有菩薩	佛滅度後	供養舍利
又見佛子	造諸塔廟	無數恒沙
嚴饒國界	寶塔高妙	五千由旬
縱廣正等	二千由旬	一一塔廟
各千幢幡	珠交露幔	寶鈴和鳴
諸天龍神	人及非人	香華伎樂
常以供養	文殊師利	諸佛子等
為供舍利	嚴饒塔廟	國界自然

殊特妙好 如天樹王 其華開敷

佛放一光 我及衆會 見此國界

種種殊妙 諸佛神力 智慧希有

放一淨光 照無量國 我等見此

得未曾有 佛子文殊 願決衆疑

四衆欣仰 瞻仁及我 世尊何故

放斯光明 佛子時答 決疑令喜

何所饒益 演斯光明 佛坐道場

所得妙法 為欲說此 為當授記

示諸佛土 衆寶嚴淨 及見諸佛

此非小緣 文殊當知 四衆龍神

瞻察仁者 為說何等

今時文殊師利語弥勒菩薩摩訶薩

及諸大士善男子等如我惟忖今佛

世尊欲說大法雨大法雨吹大法螺

擊大法鼓演大法義諸善男子我於

過云諸佛曾見此瑞放斯光已即說

大法是故當知今佛現光亦復如是

欲令衆生成得聞知一切世間難信

之法故現斯瑞諸善男子如過去无

量無邊不可思議阿僧祇劫今時有

佛号日月燈明如來應供正遍知明

行足善逝世間解无上士調御丈夫

天人師佛世尊演說正法初善中善後善其義深遠其語巧妙純一無雜具足清白梵行之相為求聲聞者說應四諦法度生老病死究竟涅槃為求辟支佛者說應十二因緣法為諸菩薩說應六波羅蜜令得阿耨多羅三藐三菩提成一切種智次復有佛亦名日月燈明次復有佛亦名日月燈明如是二万佛皆同一字号日月燈明又同一姓姓頗羅墮弥勒當知初佛後佛皆同一字名日月燈明十号具足所可說法初中後善其最後佛未出家時有八王子一名有意二名善意三名無量意四名寶意三名增意六名除疑意七名嚮意八名法意是八三子威德自在各領四天下是諸三子聞父出家得阿耨多羅三藐三菩提悉捨王位亦隨出家發大乘意常修梵行皆為法師已於千万佛所殖諸善本是時日月燈明佛說大乘經名无量義教菩薩法佛所護念說是經已即於大眾中結加趺坐入於無量義處三昧身心不動是時

天雨曼陀羅華摩訶曼陀羅華曼殊
沙華摩訶曼殊沙華而散佛上及諸
大衆普佛世界六種震動今時會中
比丘比丘尼優婆塞優婆夷天龍夜
叉乾闥婆阿修羅迦樓羅緊那羅摩
睺羅伽人非人及諸小王轉輪聖王
等是諸大衆得未曾有歡喜合掌一
心觀佛

今時如來放眉間白毫相光照東方
萬八千佛土靡不周遍如今所見是
諸佛土弥勒當知今時會中有二十
億菩薩樂欲聽法是諸菩薩見此光
明普照佛土得未曾有欲知此光所
為因緣時有菩薩名曰妙光有八百
弟子是時日月燈明佛從三昧起因
妙光菩薩說大乘經名妙法蓮華教
菩薩法佛所護念六十小劫不起于
座時會聽者亦坐一處六十小劫身
心不動聽佛所說謂如食頃是時衆
中元有一人若身若心而生懈倦日
月燈明佛於六十小劫說是經已即
於梵魔沙門婆羅門及天人阿修羅
衆中而宣此言如來於今日中夜當

入无餘涅槃時有菩薩名曰德藏日
月燈明佛即授其記告諸比丘是德
藏菩薩次當作佛号曰淨身多陀阿
伽度阿羅訶三藐三佛陀佛授記已
便於中夜入無餘涅槃佛滅度後妙
光菩薩持妙法蓮華經滿八十小劫
為人演說日月燈明佛八子皆師妙
光妙光教化令其堅固阿耨多羅三
藐三菩提是諸王子供養无量百千
万億佛已皆成佛道其家後成佛者
名曰燃燈八百弟子中有一人号曰
求名貪著利養雖復讀誦衆經而不
通利多所忘失故号求名是人亦以
種種善根因緣故得值无量百千万
億諸佛供養恭敬尊重讚歎勸當
知今時妙光菩薩豈異人乎我身是
也求名菩薩汝身是也今見此瑞與
本無異是故惟忖今日如來當說大
乘經名妙法蓮華教菩薩法佛所護
念今時文殊師利於大衆中欲重宣
此義而說偈言

我念過去世 無量無數劫 有佛人中尊
号日月燈明 世尊演說法 度無量衆生

無數億菩薩令入佛智慧佛未出家時
所生八王子見大聖出家亦隨修梵行
時佛說大乘經名無量義於諸大眾中
而為廣分別佛說此經已即於法座上
加趺坐三昧名無量義處天雨曼陀華
天鼓自然鳴諸天龍鬼神供養人中尊
一切諸佛土即時大震動佛放眉間光
現諸希有事此光照東方萬八千佛土
示一切衆生生死業報處有見諸佛土
以衆寶莊嚴琉璃頗梨色斯由佛光照
及見諸天人龍神夜叉衆乾闥婆羅
各供養其佛又見諸如來自然成佛道
身色如金山端嚴甚微妙如淨琉璃中
內現真金像世尊在大衆敷演深法義
一一諸佛土聲聞衆無數因佛光所照
悉見彼大眾或有諸比丘在於山林中
精進持淨戒猶如護明珠又見諸菩薩
行施忍辱等其數如恒沙斯由佛光照
又見諸菩薩深入諸禪定身心寂不動
以求无上道又見諸菩薩知法寂滅相
各於其國土說法求佛道亦時四部衆
見日月燈佛現大神通力其心皆歡喜
各各自相問是事何因緣天人所奉尊

適從三昧起讚妙光菩薩汝為世間眼
一切所歸信能奉持法藏如我所說法
唯汝能證知世尊既讚歎令妙光歡喜
說是法華經滿六十小劫不起於此座
所說上妙法是妙光法師悉皆能受持
佛說是法華令衆歡喜已尋即於是日
告於天人衆諸法實相義已為汝等說
我今於中夜當入於涅槃汝一心精進
當離於放逸諸佛甚難值億劫時一遇
世尊諸子等聞佛入涅槃各各懷悲惱
佛滅一何速聖主法之王安慰無量衆
我若滅度時汝等勿憂怖是德藏菩薩
於无漏實相心已得通達其次當作佛
号曰為淨身亦度无量衆佛此夜滅度
如薪盡火滅分布諸舍利而起无量塔
比丘比丘尼其數如恒沙倍復加精進
以求無上道是妙光法師奉持佛法藏
八十小劫中廣宣法華經是諸八三子
妙光所開化堅固無上道當見無數佛
供養諸佛已隨順行大道相繼得成佛
轉次而授記最後天中天号曰燃燈佛
諸仙之導師度脫无量衆是妙光法師
時有一弟子心常懷懈怠貪著於名利

求名利无厭 多遊族姓家 棄捨所習誦
廢忘不通利 以是因緣故 号之為求名
亦行衆善業 得見无數佛 供養於諸佛
隨順行大道 具六波羅蜜 今見釋師子
其後當作佛 号名曰弥勒 廣度諸衆生
其數无有量 彼佛滅度後 懈怠者汝是
妙光法師者 今則我身是 我見燈明佛
本光瑞如此 以是知今佛 欲說法華經
今相如本瑞 是諸佛方便 今佛放光明
助發實相義 諸人今當知 合掌一心待
佛當雨法雨 充足求道者 諸求二乘人
若有疑悔者 佛當為除斷 今盡無有餘
妙法蓮華經方便品第二

今時世尊從三昧安詳而起告舍利
弗諸佛智慧甚深无量其智慧門難
解難入一切聲聞辟支佛所不能知
所以者何佛曾親近百千萬億无數
諸佛盡行諸佛無量道法勇猛精進
名稱普聞成就甚深未曾有法隨宜
所說意趣難解舍利弗吾從成佛已
來種種因緣種種譬喻廣演言教无
數方便引導衆生令離諸著所以者
何如來方便知見波羅蜜皆已具足

舍利弗如來知見廣大深遠無量無礙力無所畏禪定解脫三昧深入無際成就一切未曾有法舍利弗如來能種種分別巧說諸法言辭柔軟悅可衆心舍利弗取要言之無量無邊未曾有法佛悉成就止舍利弗不須復說所以者何佛所成就第一希有難解之法唯佛與佛乃能究盡諸法實相所謂諸法如是相如是性如是體如是力如是作如是因如是緣如是果如是報如是本末究竟等今時世尊欲重宣此義而說偈言

世雄不可量諸天及世人一切衆生類元能知佛者佛力無所畏解脫諸三昧及佛諸餘法元能測量者本從元數佛具足行諸道甚深微妙法難見難可了於无量億劫行此諸道已道場得成果我已悉知見如是大果報種種性相義我及十方佛乃能知是事是法不可示言辭相寂滅諸餘衆生類元有能得解除諸菩薩衆信力堅固者諸佛弟子衆曾供養諸佛一切漏已盡住是取後身如是諸人等其力所不堪假使滿世間

皆如舍利弗盡思共度量不能測佛智
正使滿十方皆如舍利弗及餘諸弟子
亦滿十方剎盡思共度量亦復不能知
辟支佛利智无漏取後身亦滿十方界
其數如竹林斯等共一心於億无量劫
欲思佛實智莫能知少分新發意菩薩
供養无數佛了達諸義趣又能善說法
如稻麻竹筭充滿十方剎一心以妙智
於恒河沙劫咸皆共思量不能知佛智
不退諸菩薩其數如恒沙一心共思求
亦復不能知又告舍利弗无漏不思議
甚深微妙法我今已具得唯我知是相
十方佛亦然舍利弗當知諸佛語無異
於佛所說法當生大信力世尊法久後
要當說真實告諸聲聞衆及求緣覺乘
我令脫苦縛速得涅槃者佛以方便力
示以三乘教衆生處處著引之令得出
今時大衆中有諸聲聞漏盡阿羅漢
阿若憍陳如等千二百人及發聲聞
辟支佛心比丘比丘尼優婆塞優婆
夷各作是念今者世尊何故懇懃稱
歎方便而作是言佛所得法甚深難
解有所言說意趣難知一切聲聞辟

支佛所不能及佛說一解脫義我等亦得此法到於涅槃而今不知是義所趣

今時舍利弗知四衆心疑自亦未了而白佛言世尊何因何緣慙懃稱歎諸佛第一方便甚深微妙難解之法我自昔來未曾從佛聞如是說今者四衆咸皆有疑唯願世尊敷演斯事世尊何故慙懃稱歎甚深微妙難解之法今時舍利弗欲重宣此義而說偈言

慧曰大聖尊久乃說是法自說得如是力元畏三昧禪之解脫等不可思議法道場所得法无能發問者我意難可測亦無能問者无問而自說稱歎所行道智慧其微妙諸佛之所得無漏諸羅漢及未涅槃者今皆墮疑網佛何故說是其求緣覺者比丘比丘尼諸天龍鬼神及輒闍婆等相視懷猶豫瞻仰兩足尊是事為云何願佛為解說於諸聲聞衆佛說我第一我今自於智疑惑不能了為是究竟法為是所行道佛口所生子合掌瞻仰待願出微妙音時為如實說

諸天龍神等其數如恒沙求佛諸菩薩
大數有八万又諸万億國轉輪聖王至
合掌以敬心欲聞具足道

尔時佛告舍利弗止止不須復說若
說是事一切世間諸天及人皆當驚
疑舍利弗重白佛言世尊唯願說之
唯願說之所以者何是會無數百千
万億阿僧祇衆生曾見諸佛諸根猛
利智慧明了聞佛所說則能敬信尔
時舍利弗欲重宣此義而說偈言
法三无上尊唯說願勿慮是會無量衆
有能敬信者

佛復止舍利弗若說是事一切世間
天人阿修羅皆當驚疑增上慢比丘
將墜於大坑尔時世尊重說偈言
止止不須說我法妙難思諸增上慢者
聞必不敬信

尔時舍利弗重白佛言世尊唯願說
之唯願說之今此會中如我等比白
千万億世世已曾從佛受化如此人
等必能敬信長夜安隱多所饒益尔
時舍利弗欲重宣此義而說偈言
無上兩足尊願說第一法我為佛長子

唯垂分別說是會无量衆能敬信此法
佛已曾世世教化如是等皆一心合掌
欲聽受佛語我等千二百及餘求佛者
願為此衆故唯垂分別說是等聞此法
則生大歡喜

余時世尊告舍利弗汝已慙慙一請
豈得不說汝今諦聽善思念之吾當
為汝分別解說說此語時會中有比
丘比丘尼優婆塞優婆夷五千人等
即從座起礼佛而退所以者何此輩
罪根深重及增上慢未得謂得不證
謂證有如此失是以不住世尊默然
而不制止

余時佛告舍利弗我今此衆無復枝
葉純有貞實舍利弗如是增上慢人
退亦佳矣汝今善聽當為汝說舍利
弗言唯然世尊願樂欲聞佛告舍利
弗如是妙法諸佛如來時乃說之如
優曇鉢華時一現耳舍利弗汝等當
信佛之所說言不虛妄舍利弗諸佛
隨宜說法意趣難解所以者何我以
無數方便種種因緣譬喻言辭演說
諸法是法非思量分別之所能解唯

有諸佛乃能知之所以者何諸佛世尊唯以一大事因緣故出現於世舍利弗云何名諸佛世尊唯以一大事因緣故出現於世諸佛世尊欲令衆生開佛知見使得清淨故出現於世欲示衆生佛之知見故出現於世欲令衆生悟佛知見故出現於世舍利弗是為諸佛以一大事因緣故出現於世

佛告舍利弗諸佛如來但教化菩薩諸有所作常為一事唯以佛之知見示悟衆生舍利弗如來但以一佛乘故為衆生說法無有餘乘若二若三舍利弗一切十方諸佛法亦如是舍利弗過去諸佛以無量無數方便種種因緣譬喻言辭而為衆生演說諸法是法皆為一佛乘故是諸衆生從諸佛聞法究竟皆得一切種智舍利弗未來諸佛當出於世亦以無量無數方便種種因緣譬喻言辭而為衆生演說諸法是法皆為一佛乘故是諸衆生從佛聞法究竟皆得一切種

智舍利弗現在十方無量百千萬億
佛土中諸佛世尊多所饒益安樂衆
生是諸佛亦以无量無數方便種種
因緣譬喻言辭而為衆生演說諸法
是法皆為一佛乘故是諸衆生從佛
聞法究竟皆得一切種智舍利弗是
諸佛但教化菩薩欲以佛之知見示
衆生故欲以佛之知見悟衆生故欲
令衆生入佛之知見故舍利弗我今
亦復如是知諸衆生有種種欲深心
所著隨其本性以種種因緣譬喻言
辭方便力而為說法舍利弗如此皆
為得一佛乘一切種智故舍利弗十
方世界中尚無二乘何況有三舍利
弗諸佛出於五濁惡世所謂劫濁煩
惱濁衆生濁見濁命濁如是舍利弗
劫濁亂時衆生垢重慳貪嫉妬成就
諸不善根故諸佛以方便力於一佛
乘分別說三舍利弗若我弟子自謂
阿羅漢辟支佛者不聞不知諸佛如
來但教化菩薩事此非佛弟子非阿
羅漢非辟支佛又舍利弗是諸比丘
比丘尼自謂已得阿羅漢是取後身

究竟涅槃便不復志求阿耨多羅三藐三菩提當知此輩皆是增上慢人所以者何若有比丘實得阿羅漢若不信此法无有是處除佛滅度後現前無佛所以者何佛滅度後如是等經受持讀誦解義者是人難得若遇餘佛於此法中便得決了舍利弗汝等當一心信解受持佛語諸佛如來言無虛妄无有餘乘唯一佛乘今時世尊欲重宣此義而說偈言

比丘比丘尼有懷增上慢優婆塞我慢優婆塞不信如是四眾等其數有五千不自見其過於或有缺漏護惜其瑕痼是小智已出眾中之糟糠佛威德故去斯人斯福德不堪受是法此眾无枝葉唯有諸真實舍利弗善聽諸佛所得法无量方便力而為眾生說眾生心所念種種所行道若干諸欲性先世善惡業佛悉知是已以諸緣譬喻言辭方便力令一切歡喜或說修多羅伽陀及本事本生未曾有亦說於因緣譬喻并祇夜優波提舍經鉅根樂小法貪著於生死於諸无量佛不行深妙道眾苦所惱亂

為是說涅槃我設是方便今得入佛慧
未曾說汝等當得成佛道所以未曾說
說時未至故今正是其時決定說大乘
我此九部法隨順衆生說入大乘為本
以故說是經有佛子心淨柔軟亦利根
无量諸佛所而行深妙道為此諸佛子
說是大乘經我記如是人來世成佛道
以深心念佛修持淨戒故此等聞得佛
大喜充遍身佛知彼心行故為說大乘
聲聞若菩薩聞我所說法乃至於一偈
皆成佛無疑十方佛土中唯有一乘法
無二亦無三除佛方便說但以假名字
引導於衆生說佛智慧故諸佛出於世
唯此一事實餘二則非真終不以小乘
濟度於衆生佛自住大乘如其所得法
定慧刀莊嚴以此度衆生自證无二道
大乘平等法若以小乘化乃至於一人
我則墮慳貪此事為不可若人信歸佛
如來不欺誑亦无貪嫉意斷諸法中惡
故佛於十方而獨無所畏我以相嚴身
光明照世間无量衆所尊為說實相印
舍利弗當知我本立誓願欲令一切衆
如我等无異如我昔所願今者已滿足

化一切衆生 皆令入佛道 若我遇衆生
盡教以佛道 無智者錯亂 迷惑不受教
我知此衆生 未曾修善本 堅著於五欲
癡愛故生惱 以諸欲因緣 墜墮三惡道
輪迴六趣中 脩受諸苦毒 受胎之微形
世世常增長 簿德少福人 衆苦所逼迫
入邪見稠林 若有若无等 依止此諸見
具足六十二 深著虛妄法 堅受不可捨
我慢自矜高 諂曲心不實 於千万億劫
不聞佛名字 亦不聞正法 如是人難度
是故舍利弗 我為設方便 說諸盡苦道
示之以涅槃 我雖說涅槃 是亦非真滅
諸法從本來 常自寂滅相 佛子行道已
來世得作佛 我有方便力 開示三乘法
一切諸世尊 皆說一乘道 今此諸大衆
皆應除疑惑 諸佛語無異 唯一元二乘
過去元數劫 無量滅度佛 百千万億種
其數不可量 如是諸世尊 種種緣譬喻
無數方便力 演說諸法相 是諸世尊等
於說一乘法 化元量衆生 令入於佛道
又諸大聖主 知一切世間 天人群生類
深心之所欲 更以異方便 助顯第一義
若有衆生類 值諸過去佛 若聞法布施

或持戒忍辱 精進禪智等 種種修福慧
如是諸人等 皆已成佛道 諸佛滅度已
若人善軟心 如是諸衆生 皆已成佛道
諸佛滅度已 供養舍利者 起萬億種塔
金銀及頗梨 車渠與馬腦 玫瑰琉璃珠
清淨廣嚴饒 莊校於諸塔 或有起石廟
栴檀及沉水 木檀并餘材 埽瓦泥二等
若於曠野中 積土成佛廟 乃至童子戲
聚沙為佛塔 如是諸人等 皆已成佛道
若人為佛故 建立諸形像 剎雕成衆相
皆已成佛道 或以七寶成 鍮石赤白銅
白錫及鉛錫 鐵木及與泥 或以膠漆布
嚴饒作佛像 如是諸人等 皆已成佛道
彩畫作佛像 百福莊嚴相 自作若使人
皆已成佛道 乃至童子戲 若草木及筆
或以指爪甲 而畫作佛像 如是諸人等
漸漸積功德 具足大悲心 皆已成佛道
但化諸菩薩 度脫无量衆 若人於塔廟
寶像及畫像 以華香幡蓋 敬心而供養
若使人作樂 擊鼓吹角貝 簫笛琴箏篪
琵琶鏡銅鈸 如是衆妙音 盡持以供養
或以歡喜心 歌唄頌佛德 乃至一小音
皆已成佛道 若人散亂心 乃至以一華

供養於盡像漸見無數佛 或有人禮拜
或復但合掌乃至舉一手 或復小低頭
以此供養像漸見无量佛 自成無上道
廣度無數衆入無餘涅槃 如薪盡火滅
若人散亂心入於塔廟中 一稱南无佛
皆已成佛道於諸過去佛 在世或滅度
若有聞是法皆已成佛道 未來諸世尊
其數无有量是諸如來等 亦方便說法
一切諸如來以无量方便 度脫諸衆生
入佛无漏智 若有聞法者 無一不成佛
諸佛本誓願我所行佛道 普欲令衆生
亦同得此道 未來世諸佛 雖說百千億
无數諸法門 其實為一乘 諸佛兩足尊
知法常无性 佛種從緣起 是故說一乘
是法住法位 世間相常住 於道場知已
導師方便說 天人所供養 現在一方佛
其數如恒沙 出現於世間 安隱衆生故
亦說如是法 知第一寂滅 以方便力故
雖示種種道 其實為佛乘 知衆生諸行
深心之所念 過去所習業 欲性精進力
及諸根利鈍 以種種因緣 譬喻亦言辭
隨應方便說 今我亦如是 安隱衆生故
以種種法門 宣示於佛道 我以智慧力

知衆生性欲方便說諸法皆令得歡喜
舍利弗當知我以佛眼觀見六道衆生
貧窮无福慧入生死嶮道相續苦不斷
深著於五欲如犂牛愛尾以貪愛自蔽
盲瞋无所見不求大勢佛及與斷苦法
深入諸邪見以苦欲捨苦為是衆生故
而起大悲心我始坐道場觀樹亦經行
於三七日中思惟如是事我所得智慧
微妙寂第一衆生諸根鈍著樂癡所言
如斯之等類云何而可度今時諸梵三
及諸天帝釋護世四天王及大自在天
并餘諸天衆眷屬百千万恭敬合掌礼
請我轉法輪我即自思惟若但讚佛乘
衆生沒在苦不能信是法破法不信故
墜於三惡道我寧不說法疾入於涅槃
尋念過去佛所行方便力我今所得道
亦應說三乘作是思惟時十方佛皆現
梵音慰喻我善哉釋迦文第一之導師
得是元上法隨諸一切佛而用方便力
我等亦皆得寂妙第一法為諸衆生類
分別說三乘少智樂小法不自信作佛
是故以方便分別說諸果雖復說三乘
但為教菩薩舍利弗當知我聞聖師子

深淨微妙音 喜稱南無佛 復作如是念
我出濁惡世 如諸佛所說 我亦隨順行
思惟是事已 即趣波羅奈 諸法寂滅相
不可以言宣 以方便力故 為五比丘說
是名轉法輪 便有涅槃音 及以阿羅漢
法僧差別名 從久遠劫來 讚示涅槃法
生死苦永盡 我常如是說 舍利弗當知
我見佛子等 志求佛道者 无量千万億
咸以恭敬心 皆來至佛所 曾從諸佛聞
方便所說法 我即作是念 如來所以出
為說佛慧故 今正是其時 舍利弗當知
鈍根小智人 著相憍慢者 不能信是法
今我喜无畏 於諸菩薩中 正直捨方便
但說无上道 菩薩聞是法 疑網皆已除
千二百羅漢 悉亦當作佛 如三世諸佛
說法之儀式 我今亦如是 說无分別法
諸佛興出世 懸遠值遇難 正使出二世
說是法復難 无量無數劫 聞是法亦難
能聽是法者 斯人亦復難 譬如優曇花
一切皆愛樂 天人所希有 時時乃一出
聞法歡喜讚 乃至發一言 則為已供養
一切三世佛 是人甚希有 過於優曇花
汝等勿有疑 我為諸法王 普告諸大眾

但以一乘道教化諸菩薩无聲聞弟子
汝等舍利弗聲聞及菩薩當知是妙法
諸佛之秘要以五濁惡世但樂著諸欲
如是等衆生終不求佛道當來世惡人
聞佛說一乘迷惑不信受破法墮惡道
有慙愧清淨志求佛道者當為如是等
廣讚一乘道舍利弗當知諸佛法如是
以方便隨宜而說法其不習學者
不能曉了此汝等既已知諸佛世之師
隨宜方便事无復諸疑惑心生大歡喜
自知當作佛

妙法蓮華經卷第一

壬寅歲高麗國大藏都監奉

勅雕造

妙法蓮華經卷第二

鳴

譬喻品第三

後秦鳩摩羅什譯 法華經疏卷第二 諸經

爾時舍利弗踊躍歡喜即起合掌瞻仰尊顏而白佛言今從世尊聞此法音心懷勇躍得未曾有所以者何我昔從佛聞如是法見諸菩薩授記作佛而我等不豫斯事甚自感傷失於如來無量知見世尊我常獨處山林樹下若坐若行每作是念我等同入法性云何如來以小乘法而見濟度是我等各非世尊也所以者何若我等待說所因成就阿耨多羅三藐三菩提者必以大乘而得度脫然我等不解方便隨宜所說初聞佛法遇便信受思惟取證世尊我從昔來終日竟夜每自剋責而今從佛聞所未聞未曾有法斷諸疑悔身意泰然快得安隱今日乃知真是佛子從佛口生從法化生得佛法分爾時舍利弗欲重宣此義而說偈言

我聞是法音得所未曾有心懷大歡喜

疑網皆已除 昔來蒙佛教 不失於大乘
佛音甚希有 能除衆生惱 我已得漏盡
聞亦除憂惱 我處於山谷 或在林樹下
若坐若經行 常思惟是事 嗚呼深自責
云何而自欺 我等亦佛子 同入无漏法
不能於未來 演說無上道
金色三十二 十力諸解脫 同共一法中
而不得此事 八十種妙好 十八不共法
如是等功德 而我皆已失 我獨經行時
見佛在大衆 名聞滿十方 廣饒益衆生
自惟失此利 我為自欺誑
我常於日夜 每思惟是事 欲以問世尊
為失為不失 我常見世尊 稱讚諸菩薩
以是於日夜 籌量如此事 今聞佛音聲
隨宜而說法 无漏難思議 今衆至道場
我本著邪見 為諸梵志師 世尊知我心
拔邪說涅槃 我悉除邪見 於空法得證
今時心自謂 得至於滅度 而今乃自覺
非是實滅度
若得作佛時 具三十二相 天人夜叉衆
龍神等恭敬 是時乃可謂 永盡滅无餘
佛於大衆中 說我當作佛 聞如是法音
疑悔悉已除 初聞佛所說 心中大驚疑

將非魔作佛 惱亂我心耶 佛以種種緣
譬喻巧言說 其心安如海 我聞疑網斷
佛說過去世 无量滅度佛 安住方便中
亦皆說是法 現在未來佛 其數元有量
亦以諸方便 演說如是法 如今者世尊
從生及出家 得道轉法輪 亦以方便說
世尊說實道 波旬無此事 以是我定知
非是魔作佛 我墮疑網故 謂是魔所為
聞佛柔軟音 深速甚微妙 演暢清淨法
我心大歡喜 疑悔永已盡 安住實智中
我定當作佛 為天人所敬 轉无上法輪
教化諸菩薩

今時佛告舍利弗 吾今於天人沙門
婆羅門等大衆中 說我昔曾於二万
億佛所為無上道 故常教化汝 汝亦
長夜隨我受學 我以方便引導汝 故
生我法中 舍利弗 我昔教汝志願佛
道 汝今忘忘而便自謂 已得滅度 我
今還欲令汝憶念 本願所行道 故為
諸聲聞說是大乘經名 妙法蓮華教
菩薩法 佛所護念 舍利弗 汝於未來
世過无量無邊不可思議劫 供養若
千千万億佛 奉持正法 具足菩薩所

行之道當得作佛号曰華光如来應供正遍知明行足善逝世間解無上士調御丈夫天人師佛世尊國名離垢其土平正清淨嚴飭安隱豐樂天人熾盛琉璃為地有八交道黃金為繩以界其側其傍各有七寶行樹常有華葉華光如来亦以三乘教化衆生舍利弗彼佛出時雖非惡世以本願故說三乘法其劫名大寶莊嚴何故名曰大寶莊嚴其國中以菩薩為大寶故彼諸菩薩無量无边不可思議等數譬喻所不能及非佛智力无能知者若欲行時寶華承足此諸菩薩非初發意皆久殖德本於无量百千万億佛所淨修梵行恒為諸佛之所稱歎常修佛慧具大神通善知一切諸法之門質直無偽志念堅固如是菩薩充滿其國舍利弗華光佛壽十二小劫除為王子未作佛時其國人民壽八小劫華光如来過十二小劫授堅滿菩薩阿耨多羅三藐三菩提記告諸比丘是堅滿菩薩次當作佛号曰華足安行多陀阿伽度阿羅

訶三藐三佛隨其佛國土亦復如是
舍利弗是華光佛滅度之後正法住
世三十二小劫像法住世亦三十一
小劫尔時世尊欲重宣此義而說偈言
舍利弗來世成佛普智尊号名曰華光
當度无量衆供養無數佛具足菩薩行
十力等功德證於無上道過无量劫已
劫名大寶嚴世界名離垢清淨无瑕穢
以琉璃為地金繩界其道七寶雜色樹
常有華菓實彼國諸菩薩志念常堅固
神通波羅蜜皆已悉具足於無數佛所
善學菩薩道如是等大士華光佛所化
佛為王子時棄國捨世榮於取末後身
出家成佛道華光佛住世壽十二小劫
其國人民衆壽命八小劫佛滅度之後
正法住於世三十二小劫廣度諸衆生
正法滅盡已像法三十二舍利廣流布
天人普供養華光佛所為其事皆如是
其兩足聖尊最勝无倫匹彼即是汝身
宜應自欣慶

尔時四部衆比丘比丘尼優婆塞優
婆夷天龍夜叉乾闥婆阿修羅迦樓
羅緊那羅摩睺羅伽等大衆見舍利

弗於佛前受阿耨多羅三藐三菩提
記心大歡喜踊躍无量各各脫身所
著上衣以供養佛釋提桓因梵天王
等與無數天子亦以天妙衣天曼陀
羅華摩訶曼陀羅華等供養於佛所
散天衣住虛空中而自迴轉諸天使
樂百千万種於虛空中一時俱作雨
衆天華而作是言佛昔於波羅捺初
轉法輪今乃復轉無上最大法輪今
時諸天子欲重宣此義而說偈言

昔於波羅捺轉四諦法輪分別說諸法
五衆之生滅今復轉最妙無上大法無
是法甚深奧少有能信者我等從昔來
數聞世尊說未曾聞如是深妙之上法
世尊說是法我等皆隨喜大智舍利弗
今得受尊記我等亦如是必當得作佛
於一切世間最尊无有上佛道叵思議
方便隨宜說我所有福業今世若過世
及見佛功德盡迴向佛道

尔時舍利弗白佛言世尊我今無復
疑悔親於佛前得受阿耨多羅三藐
三菩提記是諸千二百心自在者昔
住學地佛常教化言我法能離生老

病死究竟涅槃是學无學人亦各自以離我見及有無見等謂得涅槃而今於世尊前聞所未聞皆墮疑惑善哉世尊願為四衆說其因緣今離疑惑今時佛告舍利弗我先不言諸佛世尊以種種因緣譬喻言辭方便說法皆為阿耨多羅三藐三菩提耶是諸所說皆為化菩薩故然舍利弗今當復以譬喻更明此義諸有智者以譬喻得解舍利弗若國邑聚落有大長者其年衰邁財富无量多有田宅及諸僮僕其家廣大唯有一門多諸人衆一百二百乃至五百人止住其中堂閣朽故墻壁隕落柱根腐敗梁棟傾危周匝俱時欻然火起焚燒舍宅長者諸子若十二十或至三十在此宅中長者見是大火從四面起即大驚怖而作是念我雖能於此所燒之門安隱得出而諸子等於火宅內樂著嬉戲不覺不知不驚不怖火來逼身苦痛切已心不默患无求出意舍利弗是長者作是思惟我身手有力當以衣被若以机案從舍出之復

更思惟是舍唯有一門而復狹小諸子幼稚未有所識戀著戲處或當墮落為火所燒我當為說怖畏之事此舍已燒宜時疾出無令為火之所燒害作是念已如所思惟具告諸子汝等速出父雖憐愍善言誘喻而諸子等樂著嬉戲不肯信受不驚不畏了无出心亦復不知何者是火何者為舍云何為失但東西走戲視父而已今時長者即作是念此舍已為大火所燒我及諸子若不時出必為所焚我今當設方便令諸子等得免斯害父知諸子先心各有所好種種珍玩奇異之物情必樂著而告之言汝等所可玩好希有難得汝若不取後必憂悔如此種種羊車鹿車牛車今在門外可以遊戲汝等於此火宅宜速出來隨汝所欲皆當與汝今時諸子聞父所說珍玩之物適其願故心各勇銳爭相推排競共馳走爭出火宅是時長者見諸子等安隱得出皆於四衢道中露地而坐無復障碍其心夫大歡喜踴躍時諸子等各白父言

父先所許玩好之具羊車鹿車牛車
願時賜與

舍利弗今時長者各賜諸子等一大
車其車高廣衆寶莊校周匝欄楯四
面懸鈴又於其上張設幪蓋亦以弥
奇雜寶而嚴飾之寶繩絞絡垂諸華
纓重敷統縱安置丹枕駕以白牛膚
色充潔形體姝好有大筋力行步平
正其疾如風又多僕從而侍衛之所
以者何是大長者財富無量種種諸
藏悉皆充溢而作是念我財物无極
不應以下劣小車與諸子等今此幼
童皆是吾子愛无偏黨我有如是七
寶大車其數无量應當等心各各與
之不宜差別所以者何我此物周
給一國猶尚不匱何況諸子是時諸
子各乘大車得未曾有非本所望舍
利弗於汝意云何是長者等與諸子
珍寶大車寧有虛妄不舍利弗言不
也世尊是長者但令諸子得免火難
全其軀命非為虛妄何以故若全身
命便為已得玩好之具况復方便於
彼火宅而救濟之世尊若是長者乃

至不與取小一車猶不虛妄何以故
是長者先作是意我以方便令子得
出以是因緣無虛妄也何況長者自
知財富無量欲饒益諸子等與大車
佛告舍利弗善哉善哉如汝所言舍
利弗如來亦復如是則為一切世間
之父於諸怖畏衰憊憂患無明闇蔽
永盡無餘而悉成就無量知見力無
所畏有大神力及智慧力具足方便
智慧波羅蜜大慈大悲常無懈倦恒
求善事利益一切而生三界朽故火
宅為度衆生生老病死憂悲苦惱愚
癡闇蔽三毒之火教化令得阿耨多
羅三藐三菩提見諸衆生為生老病
死憂悲苦惱之所燒煮亦以五欲財
利故受種種苦又以貪著追求故現
受衆苦後受地獄畜生餓鬼之苦若
生天上及在人間貧窮困苦愛別離
苦怨憎會苦如是等種種諸苦衆生
沒在其中歡喜遊戲不覺不知不驚
不怖亦不生厭不求解脫於此三界
火宅東西馳走雖遭大苦不以為患
舍利弗佛見此已便作是念我為衆

生之父應拔其苦難與无量無邊佛
智慧樂令其遊戲

舍利弗如來復作是念若我但以神
力及智慧力捨於方便為諸衆生讚
如來知見力无所畏者衆生不能以
是得度所以者何是諸衆生未免生
老病死憂悲苦惱而為三界火宅所
燒何由能解佛之智慧舍利弗如彼
長者雖復身手有力而不用之但以
懇懇方便勉濟諸子火宅之難然後
各與珍寶大車如來亦復如是雖有
力无所畏而不用之但以智慧方便
於三界火宅拔濟衆生為說三乘聲
聞辟支佛佛乘而作是言汝等莫得
樂住三界火宅勿貪廠弊色聲香味
觸也若貪著生愛則為所燒汝速出
三界當得三乘聲聞辟支佛佛乘我
今為汝保任此事終不虛也汝等但
當勤修精進如來以是方便誘進衆
生復作是言汝等當知此三乘法皆
是聖所稱歎自在無繫无所依求乘
是三乘以無漏根力覺道禪定解脫
三昧等而自娛樂便得无量安隱快樂

舍利弗若有衆生內有智性從佛世
尊聞法信受懇懃精進欲速出三界
自求涅槃是名聲聞衆如彼諸子為
求羊車出於火宅若有衆生從佛世
尊聞法信受懇懃精進求自然慧樂
獨善寂深知諸法因緣是名辟支佛
衆如彼諸子為求鹿車出於火宅若
有衆生從佛世尊聞法信受勤修精
進求一切智佛智自然智无師智如
來知見力無所畏愍念安樂无量衆
生利益天人度脫一切是名大乘菩
薩求此衆故名為摩訶薩如彼諸子
為求牛車出於火宅舍利弗如彼長
者見諸子等安隱得出火宅到無畏
處自惟財富无量等以大車而賜諸
子如來亦復如是為一切衆生之父
若見无量億千衆生以佛教門出三
界苦怖畏險道得涅槃樂

如來今時便作是念我有无量無邊
智慧力无畏等諸佛法藏是諸衆生
皆是我子等與大乘不令有人獨得
滅度皆以如來滅度而滅度之是諸
衆生脫三界者悉與諸佛禪定解脫

等娛樂之具皆是一相一種聖所稱
歎能生淨妙第一之樂舍利弗如彼
長者初以三車誘引諸子然後但與
大車寶物莊嚴安隱第一然彼長者
无虛妄之咎如來亦復如是無有虛
妄初說三乘引導衆生然後但以大
乘而度脫之何以故如來有無量智
慧力无所畏諸法之藏能與一切衆
生大乘之法但不盡能受舍利弗以
是因緣當知諸佛方便力故於一佛
乘分別說三佛欲重宣此義而說偈言
譬如長者 有一大宅 其它久故
而復頽弊 堂舍高危 柱根摧朽
梁棟傾斜 基陛隤毀 墻壁圯圻
泥塗褻落 覆苫亂墜 椽桷老脫
周障屈曲 雜穢充遍 有五百人
止住其中 鴟鳥鵂鷂 烏鵲鳩鴒
玩馳蝮蠍 蜈蚣蚰蜒 守宮百足
豺狸鼯鼠 諸惡蟲革 交橫馳走
屎尿臭處 不淨流溢 蟻蝨諸蟲
而集其上 狐狼野干 咀嚼踐蹋
齧齧噬死屍 骨肉狼藉 由是群狗
競來搏撮 飢羸憊惶 處處求食

聞諍齟掣	嗙嗙嗙吠	其舍恐怖
變狀如是	處處皆有	魑魅魍魎
夜叉惡鬼	食取人肉	毒蟲之屬
諸惡禽獸	孚乳產生	各自藏護
夜叉競來	爭取食之	食之既飽
惡心轉熾	聞諍之聲	甚可怖畏
鳩鵞荼鬼	蹲踞土埤	或時離地
一天二尺	往返遊行	縱逆嬉戲
捉狗兩足	撲令失聲	以脚加頸
怖狗自樂	復有諸鬼	其身長大
裸形黑瘦	常住其中	發大惡聲
叫呼求食	復有諸鬼	其咽如針
復有諸鬼	首如牛頭	或食人肉
或復敗狗	頭髮蓬亂	殘害凶險
飢渴所逼	叫喚馳走	夜叉餓鬼
諸惡鳥獸	飢急四向	窺看窓牖
如是諸難	恐畏无量	
是朽故宅	属于一人	其人近出
未久之間	於後舍宅	欻然火起
四面一時	其炎俱熾	棟梁椽柱
爆聲震裂		
摧折墮落	墻壁崩倒	諸鬼神等
揚聲大叫	鸛鷺諸鳥	鳩鵞荼等

周章惶怖 不能自出 惡獸毒蟲
藏竄孔穴 毗舍闍鬼 亦住其中
薄福德故 為火所逼 共相殘害
飲血噉肉 野干之屬 並已前死
諸大惡獸 競來食噉 臭烟燧燁
四面充塞 蜈蚣蚰蜒 毒蛇之類
為火所燒 爭走出穴 鳩鵞荼鬼
隨取而食 又諸餓鬼 頭上火燃
飢渴熱惱 周章悶走 其宅如是
甚可怖畏 毒害火災 衆難非一
是時宅主 在門外立 聞有人言
汝諸子等 先因遊戲 來入此宅
稚小無知 歡樂樂著 長者聞已
驚入火宅 方宜救濟 今无燒害
告喻諸子 說衆患難 惡鬼毒蟲
災火蔓延 衆苦次第 相續不絕
毒蛇玩腹 及諸夜叉 鳩鵞荼鬼
野干狐狗 鵬鷲鷄鳥 百足之屬
飢渴惱急 甚可怖畏 此苦難處
况復大火 諸子无知 雖聞父誨
猶故樂著 嬉戲不已 是時長者
而作是念 諸子如此 益我愁惱
今此舍宅 無一可樂 而諸子等

耽湏嬉戲 不受我教 將為火害
即便思惟 設諸方便 告諸子等
我有種種 珍玩之具 妙寶好車
羊車鹿車 大牛之車 今在門外
汝等出來 吾為汝等 造作此車
隨意所樂 可以遊戲 諸子聞說
如此諸車 即時奔競 馳走而出
到於空地 離諸苦難 長者見子
得出火宅 住於四衢 坐師子座
而自慶言 我今快樂 此諸子等
生育甚難 愚小無知 而入險宅
多諸毒蟲 魑魅可畏 大火猛炎
四面俱起 而此諸子 貪樂嬉戲
我已救之 今得脫難 是故諸人
我今快樂 今時諸子 知父安坐
皆詣父所 而白父言 願賜我等
三種寶車 如前所許 諸子出來
當以三車 隨汝所欲 今正是時
唯垂給與 長者大富 庫藏衆多
金銀琉璃 車渠馬腦 以衆寶物
造諸大車 莊校嚴飾 周匝欄楯
四面懸鈴 金繩交絡 真珠羅網
張施其上 金華諸瓔 處處垂下

衆綵雜饒 周匝圍繞 柔軟繒纊 以為茵蓐 鮮白淨潔 以覆其上 有大白牛 肥壯多力 形體殊好 以駕寶車 多諸僮僕 而侍衛之 以是妙車 等賜諸子 諸子是時 歡喜踊躍 乘是寶車 遊於四方 嬉戲快樂 自在无導 告舍利弗 我亦如是 衆聖中尊 世間之父 一切衆生 皆是吾子 深著世樂 无有慧心 三界无安 猶如火宅 衆苦充滿 甚可怖畏 常有生老 病死憂患 如是等大 熾然不息 如來已離 三界火宅 寂然閑居 安處林野 今此三界 皆是我有 其中衆生 悉是吾子 而今此處 多諸患難 唯我一人 能為救護 雖復教詔 而不行之 於諸欲染 貪著深故 以是方便 為說三乘 令諸衆生 知三界苦 開示演說 出世間道 是諸子等 若心決定 具足三明 及六神通 有得緣覺 不退菩薩 汝舍利弗 我為衆生 以此譬喻

說一佛乘
一切皆當
清淨第一
佛所悅可
供養礼拜
禪定智慧
令諸子等
與諸菩薩
直至道場
更无餘乘
汝諸人等
汝等累劫
今出三界
但盡生死
唯佛智慧
若有菩薩
諸佛實法
所化衆生
深著愛欲
衆生心喜
真實无異
深著苦因
方便說道

汝等若能
得成佛道
於諸世間
一切衆生
無量億千
及佛餘法
日夜劫數
及聲聞衆
以是因緣
除佛方便
皆是吾子
衆苦所燒
我雖先說
而實不滅
於是衆中
諸佛世尊
皆是菩薩
為此等故
得未曾有
若有衆生
不能暫捨
諸苦所因
貪欲為本
信受是語
是乘微妙
為无有上
所應稱讚
諸力解脫
得如是乘
常得遊戲
乘此寶乘
十方諦求
告舍利弗
我則是父
我皆濟拔
汝等滅度
今所應作
能一心聽
雖以方便
若人小智
說於苦諦
佛說苦諦
不知苦本
為是等故
諸苦所因

若滅貪欲
名第三諦
離諸苦縛
而得解脫
其實未得
未實滅度
我意不欲
於法自在
汝舍利弗
世間故說
若有聞者
阿鞞跋致
是人已曾
亦聞是法
則為見我
并諸菩薩
淺識聞之
及辟支佛
汝舍利弗
況餘聲聞
隨順此經
憍慢懈怠
凡夫淺識

無所依止
為滅諦故
名得解脫
但離虛妄
一切解脫
斯人未得
今至滅度
安隱衆生
我此法印
在所遊方
隨喜頂受
若有信受
見過去佛
若人有能
亦見於汝
斯法華經
迷惑不解
於此經中
尚於此經
其餘聲聞
非已智分
計我見者
深著五欲
聞不能解
滅盡諸苦
修行於道
是人於何
名為解脫
佛說是人
无上道故
我為法王
故現於世
為欲利益
勿妄宣傳
當知是人
此經法者
恭敬供養
信汝所說
及比丘僧
為深智說
一切聲聞
力所不及
以信得入
信佛語故
又舍利弗
莫說此經
聞不能解

亦勿為說 若人不信 毀謗此經
則斷一切 世間佛種 或復輦威
而懷疑惑 汝當聽說 此人罪報
若佛在世 若滅度後 其有誹謗
如斯經典 見有讀誦 書持經者
輕賤憎嫉 而懷結恨 此人罪報
汝今復聽 其人命終 入阿鼻獄
具足一切 劫盡更生 如是展轉
至無數劫 從地獄出 當墮畜生
若狗野干 其形頹瘦 黧黶疥癩
人所觸燒 又復為人 之所惡賤
常因飢渴 骨肉枯竭 生受楚毒
死被凡石 斷佛種故 受斯罪報
若作駝驢 或生驢中 身常負重
加諸杖捶 但念水草 餘无所知
謗斯經故 獲罪如是 有作野干
來入聚落 身體疥癩 又无一目
為諸童子 之所打擲 受諸苦痛
或時致死 於此死已 更受鱗身
其形長大 五百由旬 輦駝無足
宛轉腹行 為諸小蟲 之所啖食
晝夜受苦 无有休息 謗斯經故
獲罪如是 若得為人 諸根闇鈍

姪陋寧質 盲聾背僂 有所言說
人不信受 口氣常臭 鬼魅所著
貧窮下賤 為人所使 多病瘠瘦
无所依怙 雖親附人 人不在意
若有所得 尋復忘失 若修醫道
順方治病 更增他疾 或復致死
若自有病 無人救療 設服良藥
而復增劇 若他反逆 抄劫竊盜
如是等罪 橫羅其殃 如斯罪人
永不見佛 衆聖之王 說法教化
如斯罪人 常生難處 狂聾心亂
永不聞法 於無數劫 如恒河沙
生輒齧症 諸根不具 常處地獄
如遊園觀 在餘惡道 如己舍宅
馳驢猪狗 是其行處 謗斯經故
獲罪如是 若得為人 聾盲瘡症
貧窮諸苦 以自在嚴 水腫乾疥
疥癩癰疽 如是等病 以為衣服
身常臭處 垢穢不淨 深著我見
增益瞋恚 姪欲熾盛 不擇禽獸
謗斯經故 獲罪如是 告舍利弗
謗斯經者 若說其罪 窮劫不盡
以是因緣 我故語汝 無智人中

莫說此經 若有利根 智慧明了
多聞強識 求佛道者 如是之人
乃可為說 若人曾見 億百千佛
殖諸善本 深心堅固 如是之人
乃可為說 若人精進 常修慈心
不惜身命 乃可為說 若人恭敬
無有異心 離諸凡惑 獨處山澤
如是之人 乃可為說 又舍利弗
若見有人 捨惡知識 親近善友
如是之人 乃可為說 若見佛子
持戒清潔 如淨明珠 求大乘經
如是之人 乃可為說 若人元瞋
質直柔軟 常慈一切 恭敬諸佛
如是之人 乃可為說 復有佛子
於大衆中 以清淨心 種種因緣
譬喻言辭 說法無尋 如是之人
乃可為說 若有比丘 為一切智
四方求法 合掌頂受 但樂受持
大乘經典 乃至不受 餘經一偈
如是之人 乃可為說 如人至心
求佛舍利 如是求經 得已頂受
其人不復 志求餘經 亦未曾念
外道典籍 如是之人 乃可為說

告舍利弗 我說是相 求佛道者
窮劫不盡 如是等人 則能信解
汝當為說 妙法華經

妙法蓮華經信解品第四

尔時慧命須菩提摩訶迦旃延摩訶
迦葉摩訶目犍連從佛所聞未曾有
法世尊授舍利弗阿耨多羅三藐三
菩提記發希有心歡喜踊躍即從座
起整衣服偏袒右肩右膝著地一心
合掌曲躬恭敬瞻仰尊顏而白佛言
我等居僧之首年並朽邁自謂已得
涅槃無所堪任不復進求阿耨多羅
三藐三菩提世尊往昔說法既久我
時在座身體疲懈但念空無相元作
於菩薩法遊戲神通淨佛國土成就
衆生心不喜樂所以者何世尊令我
等出於三界得涅槃證又今我等年
已朽邁於佛教化菩薩阿耨多羅三
藐三菩提不生一念好樂之心我等
今於佛前聞授聲聞阿耨多羅三藐
三菩提記心甚歡喜得未曾有不謂
於今忽然得聞希有之法深自慶幸
獲大善利無量珍寶不求自得

世尊我等今者樂說譬喻以明斯義
譬若有人年既幼稚捨父逝世久住
他國或十二十至五十歲年既長大
加復窮困馳騁四方以求衣食漸漸
遊行遇向本國其父先來求子不得
中止一城其家大富財寶无量金銀
琉璃珊瑚琥珀頗梨珠等其諸倉庫
悉皆盈溢多有僮僕臣佐吏民爲馬
車乘牛羊無數出入息利乃遍他國
商估賈客亦甚衆多時貧窮子遊諸
聚落經歷國邑遂到其父所止之城
父每念子與子離別五十餘年而未
曾向人說如此事但自思惟心懷悔
恨自念老朽多有財物金銀珍寶倉
庫盈溢元有子息一旦終沒財物散
失無所委付是以慙慙每憶其子復
作是念我若得子委付財物坦然快
樂元復憂慮世尊今時窮子傭賃展
轉遇到父舍住立門側遙見其父踞
師子床寶机承足諸婆羅門刹利居
士皆恭敬圍繞以真珠瓔珞價直千
万莊嚴其身吏民僮僕手執白拂侍
立左右覆以寶帳垂諸華幡香水灑

地散衆名華羅列寶物出內取與有如是等種種嚴飭威德特尊窮子見父有大力勢即懷恐怖悔來至此竊作是念此或是王或是王等非我傭力得物之處不如往至貧里肆力有地衣食易得若久住此或見逼迫強使我作作是念已疾走而去時富長者於師子座見子便識心大歡喜即作是念我財物庫藏今有所付我常思念此子无由見之而忽自来甚適我願我雖年朽猶故貪惜即遣傍人急追將還尔時使者疾走往捉窮子驚愕稱怨大喚我不相犯何為見捉使者執之愈急強牽將還于時窮子自念無罪而被囚執此必定死轉更惶怖悶絕躄地父遙見之而語使言不須此人勿強將來以冷水灑面令得醒悟莫復興語所以者何父知其子志意下劣自知豪貴為子所難審知是子而以方便不語他人云是我子使者語之我今放汝隨意所趣窮子歡喜得未曾有從地而起往至貧里以求衣食尔時長者將欲誘引其

子而設方便密遣二人形色憔悴无威德者汝可詣彼徐語窮子此有作處倍與汝直窮子若許將來使作若言欲何所作便可語之雇汝除糞我等二人亦共汝作時二使人即求窮子既已得之具陳上事余時窮子先取其價尋與除糞其父見子愁而悴之又以他日於窓牖中遙見子身羸瘦憔悴糞土塵坐汗穢不淨即脫瓔珞細軟上服嚴飭之具更著麤弊汚賸之衣塵土坐身右手執持除糞之器汝有所畏語諸作人汝等勤作勿得懈怠以方便故得近其子後復告言咄男子汝常此作勿復餘去當加汝價諸有所須充器米麵醬醋之屬莫自疑難亦有老弊使人須者相給好自安意我如汝父勿復憂慮所以者何我年老大而汝少壯汝常作時无有欺怠瞋恨怨言都不見汝有此諸惡如餘作人自今已後如所生子即時長者更與作字名之為兒余時窮子雖欣此遇猶故自謂客作賤人由是之故於二十年中常令除糞過

是已後心相體信入出無難然其所止猶在本處世尊亦時長者有疾自知將死不久語窮子言我今多有金銀珍寶倉庫盈溢其中多少所應取與汝悉知之我心如是當體此意所以者何今我與汝俱為不異宜加用心無令漏失亦時窮子即受教勅領知衆物金銀珍寶及諸庫藏而無怖取一食之意然其所止故在本處下劣之心亦未能捨復經少時父知子意漸已通泰成就大志自鄙先心臨欲終時而命其子并會親族國王大臣利利居士皆悉已集即自宣言諸君當知此是我子我之所生於某城中捨吾逃走伶俜辛苦五十餘年其本字某我名某甲昔在本城懷憂推覓忽於此間遇會得之此實我子我實其父今我所有的一切財物皆是子有先所出內是子所知世尊是時窮子聞父此言即大歡喜得未曾有而作是念我本无心有有所希求今此寶藏自然而至

世尊大富長者則是如來我等皆似

佛子如來常說我等為子世尊我等以三苦故於生死中受諸熱惱迷惑無知樂著小法今日世尊令我等思惟蠲除諸法戲論之冀我等於中勤加精進得至涅槃一日之價既得此已心大歡喜自以為足而便自謂於佛法中勤精進故所得弘多然世尊先知我等心著弊欲樂於小法便見縱捨不為分別汝等當有如來知見寶藏之分世尊以方便力說如來智慧我等從佛得涅槃一日之價以為大得於此大乘無有志求我等又因如來智慧為諸菩薩開示演說而自於此無有志願所以者何佛知我等心樂小法以方便力隨我等說而我等不知真是佛子今我等方知世尊於佛智慧無所恡惜所以者何我等昔來真是佛子而但樂小法若我有樂大之心佛則為我說大乘法於此經中唯說一乘而昔於菩薩前毀訾聲聞樂小法者然佛實以大乘教化是故我等說本无心有恡惜今法王大寶自然而至如佛子所應得

者皆已得之。今時摩訶迦葉欲重宣此義而說偈言。

我等今日	聞佛音教	歡喜踊躍
得未曾有	佛說聲聞	當得作佛
無上寶聚	不求自得	譬如童子
幼稚無識	捨父逃逝	遠到他土
周流諸國	五十餘年	其父憂念
四方推求	求之既疲	頻止一城
造立舍宅	五欲自娛	其家巨富
多諸金銀	車乘馬腦	真珠琉璃
爲馬牛羊	輦轎車乘	田業僮僕
人民衆多	出入息利	乃遍他國
商估賈人	無處不有	千萬億衆
圍繞恭敬	常爲王者	之所愛念
羣臣豪族	皆共宗重	以諸緣故
往來者衆	豪富如是	有大刀勢
而年朽邁	益憂念子	夙夜惟念
死時將至	癡子捨我	五十餘年
庫藏諸物	當如之何	今時窮子
求索衣食	從邑至邑	從國至國
或有所得	或无所得	飢餓羸瘦
體生蒼癬	漸次經歷	到父住城
瀟賃展轉	遂至父舍	今時長者

於其門內 施大寶帳 處師子座
眷屬圍遶 諸人侍衛 或有計筭
金銀寶物 出內財產 注記券疏
窮子見父 豪貴尊嚴 謂是國王
若是王等 驚怖自恠 何故至此
覆自念言 我若久住 或見逼迫
強驅使作 思惟是已 馳走而去
借問貧里 欲往傭作 長者是時
在師子座 遙見其子 默而識之
即勅使者 追捉將來 窮子驚喚
迷悶躡地 是人執我 必當見煞
何用衣食 使我至此 長者知子
愚癡狹劣 不信我言 不信是父
即以方便 更遣餘人 眇目矬陋
无威德者 汝可語之 云當相雇
除諸糞穢 倍與汝價 窮子聞之
歡喜隨來 為除糞穢 淨諸房舍
長者於牖 常見其子 念子愚劣
樂為鄙事 於是長者 著弊垢衣
執除糞器 往到十所 方便附近
語令勤作 井塗足油 飲食充足
既益汝價 如是苦言 汝當勤作
薦席厚煖

又以軟語 若我子 長者有智
漸令入出 經二十年 執作家事
示其金銀 真珠頗梨 諸物出入
皆使令知 猶處門外 止宿草庵
目念貧事 我無此物 父知子心
漸已廣大 欲與財物 即聚親族
國三大臣 剎利居士 於此大衆
說是我子 捨我他行 經五十歲
目見子來 已二十年 昔於某城
而失是子 周行求索 遂來至此
凡我所有 舍宅人民 悉以付之
悉其所用 子念昔貧 志意下劣
今於父所 大獲珍寶 并及舍宅
一切財物 甚大歡喜 得未曾有
佛亦如是 知我樂小 未曾說言
汝等作佛 而說我等 得諸无漏
成就小乘 聲聞弟子 佛勸我等
說最上道 修習此者 當得成佛
我承佛教 為大菩薩 以諸因緣
種種譬喻 若干言辭 說无上道
諸佛子等 從我聞法 日夜思惟
精勤修習 是時諸佛 即授其記
汝於來世 當得作佛 一切諸佛

秘藏之法 但為菩薩 演其實事
而不為我 說斯真要 如彼窮子
得近其父 雖知諸物 心不希取
我等雖說 佛法寶藏 目無志願
亦復如是 我等內滅 自謂為足
唯了此事 更无餘事 我等若聞
淨佛國土 教化衆生 都无欣樂
所以者何 一切諸法 皆悉空寂
无生無滅 无大無小 无漏無為
如是思惟 不生喜樂 我等長夜
於佛智慧 無貪无著 無復志願
而自於法 謂是究竟 我等長夜
修習空法 得脫三界 苦惱之患
住最後身 有餘涅槃 佛所教化
得道不虛 則為已得 報佛之恩
我等雖為 諸佛子等 說菩薩法
以求佛道 而於是法 永无願樂
導師見捨 觀我心故 初不勸進
說有實利 如富長者 知子志劣
以方便力 柔伏其心 然後乃付
一切財物 現希有事 知樂小者
佛亦如是 調伏其心 乃教人智
以方便力

我等今日得未曾有非先所望
而今自得如彼窮子得无量寶
世尊我今得道得果於无漏法
得清淨眼我等長夜持佛淨戒
始於今日得其果報法王法中
久修梵行今得無漏无上大果
我等今者真是聲聞以佛道聲
令一切聞我等今者真阿羅漢
於諸世間天人魔梵普於其中
應受供養世尊大恩以希有事
憐愍教化利益我等無量億劫
誰能報者手足供給頭頂礼敬
一切供養皆不能報若以頂戴
兩肩荷負於恒沙劫盡心恭敬
又以美饌无量寶衣及諸卧具
種種湯藥牛頭栴檀及諸珍寶
以起塔廟寶衣布地如斯等事
以用供養於恒沙劫亦不能報
諸佛希有無量无邊不可思議
大神通力无漏無為諸法之王
能為下劣忍于斯事取相凡夫
隨且為說諸佛於法得取自在
知諸衆生種種欲樂及其志力

隨所堪任 以無量喻 而為說法
隨諸衆生 宿世善根 又知成熟
未成熟者 種種籌量 分別知已
於一乘道 隨宜說三

妙法蓮華經卷第二

王寶高僧國大藏都監奉

勅雕造

妙法蓮華經卷第二 第三十一

妙法蓮華經卷第三

喚

藥草喻品第五

後秦龜茲國三藏法師鳩摩羅什奉 詔譯

今時世尊告摩訶迦葉及諸大弟子
善哉善哉迦葉善說如來真實功德
誠如所言如來復有無量無邊阿僧
祇功德汝等若於無量億劫說不能
盡迦葉當知如來是諸法之王若有
所說皆不虛也於一切法以智方便
而演說之其所說法皆悉到於一切
智地如來觀知一切諸法之所歸趣
亦知一切衆生深心所行通達无二
又於諸法究竟盡明了示諸衆生一切
智慧迦葉譬如三千大千世界山川
谿谷土地所生卉木叢林及諸藥
種類若干名色各異密雲弥布遍覆
三千大千世界一時等樹其澤普洽
卉木叢林及諸藥草小根小莖小枝
小葉中根中莖中枝中葉大根大莖
大枝大葉諸樹大小隨上中下各有
所受一雲所雨稱其種性而得生長
華葉敷實雖一地所生一雨所潤而

諸草木各有差別迦葉當知如來亦復如是出現於世如大雲起以大音聲普遍世界天人阿修羅如彼大雲遍覆三千大千國土於大眾中而唱是言我是如來應供正遍知明行足善逝世間解無上士調御丈夫天人師佛世尊未度者令度未解者令解未安者令安未涅槃者令得涅槃今世後世一切知之我是一切知者一切智者知道者開道者說道者汝等天人阿修羅衆皆應到此為說法故今時無量千萬億種衆生示三佛所而聽法如來子時觀是衆生諸根利鈍精進懈怠隨其所堪而為說法種種無量皆令歡喜快得善利是諸衆生聞是法已現世安隱後生善處以道之樂亦得聞法既聞法已離諸障礙於諸法中任力所能漸得入道如彼大雲雨於一切卉木叢林及諸藥草如其性具足蒙潤各得生長如來說法一相一味所謂解脫相離相滅相究竟至於一切種智其有衆生聞如來法若持讀誦如說修行所得

功德不自覺知所以者何唯有如來
知此衆生種種相體性念何事思何事
修何事云何念云何思云何修以何
法念以何法思以何法修以何法得
何法衆生住於種種之地唯有如來
如實見之明了無疑如彼卉木叢林
諸藥草等而不自知上中下性如來
知是一相一味之法所謂解脫相離
相滅相究竟涅槃常寂滅相終歸於
空佛知是已觀衆生心欲而持護之
是故不即為說一切種智汝等迦葉
甚為希有能知如來隨宜說法能信
能受所以者何諸佛世尊隨宜說法
難解難知亦時世尊欲重宣此義而
說偈言

破有法王 出現世間 隨衆生欲
種種說法 如來尊重 智慧深遠
久默斯要 不務速說 有智若聞
則能信解 無智疑悔 則為永失
是故迦葉 隨力為說 以種種緣
今得正見 迦葉當知 譬如大雲
起於世間 遍覆一切 慧雲含潤
雷光晃曜 雷聲遠震 令衆悅豫

日光掩蔽	地上清涼	飄飄垂布
如可承攬	其雨普等	四方俱下
流澍無量	率土充洽	山川險谷
幽邃所生	卉木藥草	大小諸樹
百穀苗稼	甘蔗蒲萄	雨之所潤
無不豐足	乾地普洽	藥木並茂
其雲所出	一味之水	草木叢林
隨分受潤	一切諸樹	上中下等
稱其大小	各得生長	根莖枝葉
花葉光色	一雨所及	皆得鮮澤
如其體相	性分大小	所謂是一
而各滋茂	佛亦如是	出現於世
譬如大雲	普覆一切	既出于世
為諸衆生	分別演說	諸法之實
大聖世尊	於諸天人	一切衆中
而宣是言	我為如來	兩足之尊
出于世間	猶如大雲	充潤一切
枯槁衆生	皆令離苦	得安隱樂
世間之樂	及涅槃樂	諸天人衆
一心善聽	皆應到此	觀無上尊
我為世尊	无能及者	安隱衆生
故現於世	為大衆說	甘露淨法
其法一味	解脫涅槃	以一妙音

演暢斯義 常為大乘 而作因緣
我觀一切 普皆平等 无有彼此
愛憎之心 我無貪著 亦无限礙
恒為一切 平等說法 如為一人
衆多亦然 常演說法 曾无他事
去來坐立 終不疲厭 充足世間
如雨普潤 貴賤上下 持戒毀戒
威儀具足 及不具足 正見邪見
利根鈍根 等雨法雨 而無懈倦
一切衆生 聞我法者 隨力所受
住於諸地 或處人天 轉輪聖王
釋梵諸王 是小藥草 知無漏法
能得涅槃 起六神通 及得三明
獨處山林 常行禪定 得緣覺證
是中藥草 求世尊處 我當作佛
行精進定 是上藥草 又諸佛子
專心佛道 常行慈悲 自知作佛
決定無疑 是名小樹 安住神通
轉不退輪 度无量億 百千衆生
如是菩薩 名為大樹 佛平等說
如一味雨 隨衆生性 所受不同
如彼草木 所稟各異 佛以此喻
方便開示 種種言辭 演說一法

於佛智慧 如海一滴 我雨法雨
充滿世間 一味之法 隨力修行
如彼叢林 藥草諸樹 隨其大小
漸增茂好 諸佛之法 常以一味
令諸世間 普得具足 漸次修行
皆得道果 聲聞緣覺 處於山林
住寂後身 聞法得果 是名藥草
各得增長 若諸菩薩 智慧堅固
了達三界 求取上乘 是名小樹
而得增長 復有住禪 得神通力
聞諸法空 心大歡喜 放無數光
度諸衆生 是名大樹 而得增長
如是迦葉 佛所說法 譬如大雲
以一味雨 潤於人華 各得成實
迦葉當知 以諸因緣 種種譬喻
開示佛道 是我方便 諸佛亦然
今為汝等 說取實事 諸聲聞衆
皆非滅度 汝等所行 是菩薩道
漸漸修學 悉當成佛
妙法蓮華經授記品第六
今時世尊說是偈已告諸大眾唱如
是言我此弟子摩訶迦葉於未來世
當得奉觀三百万億諸佛世尊供養

恭敬尊重讚歎廣宣諸佛無量
於最後身得成為佛名曰光明如來
應供正遍知明行足善逝世間解无
上士調御丈夫天人師佛世尊國名
光德劫名大莊嚴佛壽十二小劫正
法住世二十小劫像法亦住二十小
劫國界嚴饒無諸穢惡瓦礫荆棘便
刹不淨其土平正无有高下坑坎堆
丘琉璃為地寶樹行列黃金為繩以
二道側散諸寶華周遍清淨其國菩
薩無量千億諸聲聞衆亦復無數無
有魔事雖有魔及魔民皆護佛法余
時世尊欲重宣此義而說偈言

告諸比丘 我以佛眼 見是迦葉
於未來世 過無數劫 當得作佛
而於來世 供養奉觀 三百万億
諸佛世尊 為佛智慧 淨修梵行
供養最上 二足尊已 修習一切
無上之慧 於最後身 得成為佛
其土清淨 琉璃為地 多諸寶樹
行列道側 金繩界道 見者歡喜
常出好香 散衆名華 種種奇妙
以為莊嚴 其地平正 無有丘坑

諸菩薩衆

不可稱計

其心調柔

速大神通

奉持諸佛

大乘經典

諸聲聞衆

無漏後身

法三之子

亦不可計

乃以天眼

不能數知

其佛當壽

十二小劫

正法住世

二十小劫

像法亦住

二十小劫

光明世尊

其事如是

今時大目犍連須菩提摩訶迦旃延等皆悉悚慄一心合掌瞻仰尊顏目不暫捨即共同聲而說偈言

大雄猛世尊諸釋之法王哀愍我等故而賜佛音聲若知我深心見為授記者如以甘露灑除熱得清涼如從飢國來忽遇大王饒心猶懷疑懼未敢即便食若復得王教然後乃敢食我等亦如是每惟小乘過不知當云何得佛無上慧雖聞佛音聲言我等作佛心尚懷疑懼如未敢便食若蒙佛授記今乃快安樂大雄猛世尊常欲安世間願賜我等記如飢須教食

今時世尊知諸大弟子心之所念告諸比丘是須菩提於當來世奉觀三百万億那由他佛供養恭敬尊重讚

歎常修梵行具菩薩道於最後身得
成為佛号曰名相如來應供正遍知
明行足善逝世間解無上士調御丈
夫天人師佛世尊劫名有寶國名寶
生其土平正頗梨為地寶樹莊嚴元
諸丘坑沙磧荆棘便利之穢寶華覆
地周遍清淨其土人民皆處寶臺珍
妙樓閣聲聞弟子無量无邊等數譬
喻所不能知諸菩薩衆無數千万億
那由他佛壽十二小劫正法住世二
十小劫像法亦住二十小劫其佛常
處虚空為衆說法度脫無量菩薩及
聲聞衆今時世尊欲重宣此義而說
偈言

諸比丘衆	今告汝等	皆當一心
聽我所說	我大弟子	須菩提者
當得作佛	号曰名相	當供元數
万億諸佛	隨佛所行	漸具大道
最後身得	三十二相	端正殊妙
猶如寶山	其佛國土	嚴淨第一
衆生見者	無不愛樂	佛於其中
度無量衆	其佛法中	多諸菩薩
皆悉利根	轉不退輪	彼國常以

菩薩莊嚴 諸聲聞衆 不可稱數
皆得三明 具六神通 住八解脫
有大威德 其佛說法 現於无量
神通變化 不可思議 諸大人民
數如恒沙 皆共合掌 聽受佛語
其佛當壽 十二小劫 正法住世
二十小劫 像法亦住 二十小劫
此時世尊復告諸比丘衆我今語汝
是大迦旃延於當來世以諸供具供
養奉事八千億佛恭敬尊重諸佛滅
後各起塔廟高千由旬縱廣正等五
百由旬皆以金銀琉璃車渠馬瑙真珠
玫瑰七寶合成衆華瓔珞塗香末香
燒香繒蓋幢幡供養塔廟過是已後
當復供養二萬億佛亦復如是供養
是諸佛已具菩薩道當得作佛号曰
閻浮那提金光如來應供正遍知明
行足善逝世間解無上士調御丈夫
天人師佛世尊其土平正頗梨為地
寶樹莊嚴黃金為繩以界道側妙華
覆地周遍清淨見者歡喜无四惡道
地獄餓鬼畜生阿修羅道多有天人
諸聲聞衆及諸菩薩無量万億莊嚴

其國佛壽十二小劫正法住世二十
小劫像法亦住二十小劫今時世尊
欲重宣此義而說偈言

諸比丘衆 皆一心聽 如我所說
真實無異 是迦拏延 當以種種
妙好供具 供養諸佛 諸佛滅後
起七寶塔 亦以華香 供養舍利
其寂後身 得佛智慧 成等正覺
國土清淨 度脫无量 万億衆生
皆為十方 之所供養 佛之光明
無能勝者 其佛号曰 閻浮金光
菩薩聲聞 斷一切有 無量元數
莊嚴其國

今時世尊復告大衆我今語汝是大
目犍連當以種種供具供養八千諸
佛恭敬尊重諸佛滅後各起塔廟高
千由旬縱廣正等五百由旬皆以金銀
琉璃車渠馬瑙真珠玫瑰七寶合成
衆華瓔珞塗香末香燒香繒蓋幢幡
以用供養過是已後當復供養二百
万億諸佛亦復如是當得成佛号曰
多摩羅跋拏檀香如來應供正遍知
明行足善逝世間解無上士調御丈

夫天人師佛世尊劫名喜滿國名意樂其土平正頗梨為地寶樹莊嚴散真珠華周遍清淨見者歡喜多諸天人菩薩聲聞其數无量佛壽二十四小劫正法住世四十小劫像法亦住四十小劫余時世尊欲重宣此義而說偈言

我以弟子大目犍連捨是身已得見八千二百萬億諸佛世尊為佛道故供養恭敬於諸佛所常修梵行於無量劫奉持佛法諸佛滅後起七寶塔長表金剎華香伎樂而以供養諸佛塔廟漸漸具足菩薩道已於意樂國而得作佛号多摩羅梅檀之香其佛壽命二十四劫常為天人演說佛道聲聞無量如恒河沙三明六通有大威德菩薩無數志固精進於佛智慧皆不退轉佛滅度後正法當住四十小劫像法亦尔我諸弟子威德具足其數五百皆當授記於未來世咸得成佛

我及汝等 宿世因緣 吾今當說
汝等善聽

妙法蓮華經化城喻品第七

佛告諸比丘乃往過去無量無邊不可思議阿僧祇劫今時有佛名大通智勝如來應供正遍知明行足善逝世間解无上士調御丈夫天人師佛世尊其國名好成劫名大相諸比丘彼佛滅度已來其大久遠譬如三千大千世界所有地種假使有人磨以為墨過於東方千國土乃下一點大如微塵又過千國土復下一點如是展轉盡地種墨於汝等意云何是諸國土若竿師若竿師弟子能得邊際知其數不不也世尊諸比丘是人所經國土若點不點盡末為塵一塵一劫彼佛滅度已來復過是數無量無邊百千萬億阿僧祇劫我以如來知見力故觀彼久遠猶若今日今時世尊欲重宣此義而說偈言

我念過去世無量無邊劫有佛兩足尊
名大通智勝如人以力磨三千大千土
盡此諸地種皆悉以為墨過於千國土

乃下一塵點如是展轉點盡此諸塵墨如是諸國土點與不點等復盡末為塵一塵為一劫此諸微塵數其劫復過是彼佛滅度來如是无量劫如來无礙智知彼佛滅度及聲聞菩薩如見今滅度諸比丘當知佛智淨微妙無漏无所礙通達无量劫

佛告諸比丘大通智勝佛壽五百四十万億那由他劫其佛本坐道場破魔軍已垂得阿耨多羅三藐三菩提而諸佛法不現在前如是一小劫乃至十小劫結加趺坐身心不動而諸佛法猶不在前余時忉利諸天先為彼佛於菩提樹下敷師子座高一由旬佛於此座當得阿耨多羅三藐三菩提適坐此座時諸梵天三雨衆天華面百由旬香風時來吹去萎華更雨新者如是不絕滿十小劫供養於佛乃至滅度常雨此華四王諸天為供養佛常擊天鼓其餘諸天作天伎樂滿十小劫至于滅度亦復如是諸比丘大通智勝佛過十小劫諸佛之法乃現在前成阿耨多羅三藐三菩

提其佛未出家時有十六子其第一者名曰智積諸子各有種種殊異坑好之具聞父得成阿耨多羅三藐三菩提皆捨所珍往詣佛所諸母涕泣而隨送之其相轉輪聖王與一百大臣及餘百千萬億人民皆共圍繞隨至道場咸欲親近大通智勝如來供養恭敬尊重讚歎到已頭面礼足繞佛畢已一心合掌瞻仰世尊以偈頌曰

大威德世尊為度衆生故於无量億劫今乃得成佛諸願已具足善哉吉无上世尊甚希有一坐十小劫身體及手足靜然安不動其心常恬怡未曾有散亂究竟永寂滅安住无漏法今者見世尊安隱成佛道我等得善利稱慶大歡喜衆生常苦惱盲瞋无導師不識苦盡道不知未解脫長夜增惡趣滅損諸天衆從冥入於冥永不聞佛名今佛得最上安隱无漏道我等及天人為得最大利是故咸稽首歸命无上尊

尔時十六王子偈讚佛已勸請世尊轉於法輪咸作是言世尊說法多所

安隱憐愍愍饒益諸天人民重說偈言
世雄元等倫百福自在嚴得无上智慧
願為世間說度脫於我等及諸衆生類
為分別顯示令得是智慧若我等得佛
衆生亦復然世尊知衆生深心之所念
亦知所行道又知智慧力欲樂及修福
宿命所行業世尊悉知已當轉无上輪
佛告諸比丘大通智勝佛得阿耨多
羅三藐三菩提時十方各五百万億
諸佛世界六種震動其國中間幽冥
之處日月威光所不能照而皆大明
其中衆生各得相見咸作是言此中
云何忽生衆生又其國界諸天宮殿
乃至梵宮六種震動大光普照遍滿
世界勝諸天光今時東方五百万億
諸國土中梵天宮殿光明照曜倍於
常明諸梵天王各作是念今者宮殿
光明昔所未有以何因緣而現此相
是時諸梵天王即各相詣共議此事
時彼衆中有一大梵天王名救一切
為諸梵衆而說偈言

我等諸宮殿光明昔未有此是何因緣
宜各共求之為大德天生為佛出世間

而此大光明遍照於十方

今時五百萬億國土諸梵天王與宮殿俱各以衣祴威諸天華共詣西方推尋是相見大通智勝如來處于道場菩提樹下坐師子座諸天龍王乳闍婆緊那羅摩睺羅伽人非人等恭敬圍繞及見十六王子請佛轉法輪即時諸梵天王頭面禮佛繞百千匝即以天華而散佛上其所散華如須彌山并以供養佛菩提樹其菩提樹高十由旬華供養已各以宮殿奉上彼佛而作是言唯見哀愍饒益我等所獻宮殿願垂納受時諸梵天三即於佛前一心同聲以偈頌曰

世尊甚希有難可得值遇具無量功德能救護一切天人之大師哀愍於世間十方諸衆生普皆蒙饒益我等所從來五百萬億國捨深禪定樂為供養佛故我等先世福宮殿甚嚴飭今以奉世尊唯願哀納受

今時諸梵天王偈讚佛已各作是言唯願世尊轉於法輪度脫衆生開涅槃道時諸梵天王一心同聲而說偈言

世雄兩足尊唯願演說法以大慈悲力
度苦惱衆生

尔時大通智勝如來默然許之又諸
比丘東南方五百万億國土諸大梵
王各自見見宮殿光明照耀昔所未有
歡喜踊躍生希有心即各相詣共議
此事時彼衆中有一大梵天王名曰
大悲為諸梵衆而說偈言

是事何因緣而現如此相我等諸宮殿
光明昔未有為大德天生為佛出世間
未曾見此相當共一心求過千万億二
尋光共推之多是佛出世度脫苦衆生
尔時五百万億諸梵天王與宮殿俱
各以衣祴盛諸天華共詣西方推
尋是相見大通智勝如來處于道場
菩提樹下坐師子座諸天龍三乾闥
婆緊那羅摩睺羅伽人非人等恭敬
圍繞及見十六王子請佛轉法輪時
諸梵天王頭面礼佛繞百千匝即以
天華而散佛上所散之華如須弥山
并以供養佛菩提樹華供養已各以
宮殿奉上彼佛而作是言唯見哀愍
饒益我等所獻宮殿願垂納受尔時

諸梵天王即於佛前一心同聲以偈頌曰

聖主天中王迦陵頻伽聲哀愍衆生者我等今敬礼世尊甚希有久遠乃一現一百八十劫空過无有佛三惡道充滿諸天衆減少今佛出於世為衆生之眼世間所歸趣救護於一切為衆生之父哀愍饒益者我等宿福慶今得值世尊今時諸梵天王偈讚佛已各作是言唯願世尊哀愍一切轉於法輪度脫衆生時諸梵天王一心同聲而說偈言大聖轉法輪顯示諸法相度苦惱衆生今得大歡喜衆生聞此法得道若生天諸惡道減少忍善者增益今時大通智勝如來默然許之又諸比丘南方五百万億國土諸大梵王各自見宮殿光明照耀昔所未有歡喜踊躍生希有心即各相詣共議此事以何因緣我等宮殿有此光曜時彼衆中有一大梵天王名曰妙法為諸梵衆而說偈言

我等諸宮殿光明甚威曜此非无因緣是相宜求之過於百千劫未曾見是相

為大德天生 為佛出世間

今時五百万億諸梵天王與宮殿俱
各以衣祴盛諸天華共詣北方推尋
是相見大通智勝如來處于道場菩
提樹下坐師子座諸天龍王輒闍婆
緊那羅摩睺羅伽人非人等恭敬圍
繞及見十六王子請佛轉法輪時諸
梵天王頭面礼佛繞百千匝即以天
華而散佛上所散之華如須弥山并
以供養佛菩提樹華供養已各以宮
殿奉上彼佛而作是言唯見哀愍饒
益我等所獻宮殿願垂納受今時諸
梵天王即於佛前一心同聲以偈頌曰
世尊甚難見 破諸煩惱者過百二十劫
今乃得一見 諸飢渴衆生以法雨充滿
昔所未曾見 无量智慧者如優曇鉢花
今日乃值遇 我等諸宮殿蒙光故嚴飾
世尊大慈悲 唯願垂納受

今時諸梵天王偈讚佛已各作是言
唯願世尊轉於法輪令一切世間諸
天魔梵沙門婆羅門皆獲安隱而得
度脫時諸梵天主一心同聲以偈頌曰
唯願天人尊 轉无上法輪擊于大法鼓

而吹大法螺 普雨大法雨 度无量衆生
我等咸歸請 當演深遠音

今時大通智勝如來默然許之西南
方乃至下方亦復如是今時上方五
百万億國土諸大梵王皆悉自觀所
止宮殿光明威曜昔所未有歡喜踊
躍生希有心即各相詣共議此事以
何因緣我等宮殿有斯光明時彼衆
中有一大梵天王名曰尸棄為諸梵
衆而說偈言

今以何因緣我等諸宮殿 威德光明曜
嚴饒未曾有如是之妙相 昔所未聞見
為大德天生 為佛出世間

今時五百万億諸梵天王與宮殿俱
各以衣祴盛諸天華共詣下方推尋
是相見大通智勝如來處于道場菩
提樹下坐師子座諸天龍王乾闥婆
緊那羅摩睺羅伽人非人等恭敬圍
繞及見十六王子請佛轉法輪時諸
梵天王頭面礼佛繞百千匝即以天
華而散佛上所散之花如須弥山并
以供養佛菩提樹花供養已各以宮
殿奉上彼佛而作是言唯見哀愍饒

益我等所獻宮殿願垂納受時諸梵
天王即於佛前一心同聲以偈頌曰
善哉見諸佛救世之聖尊能於三界獄
勉出諸衆生普智天人尊哀愍群萌類
能開甘露門廣度於一切於昔无量劫
空過無有佛世尊未出時十方常暗冥
三惡道增長阿修羅亦盛諸天衆轉減
死多墮惡道不從佛聞法常行不善事
色力及智慧斯等皆減少罪業因緣故
失樂及樂想住於邪見法不識善儀則
不蒙佛所化常墮於惡道佛為世閒眼
久遠時乃出哀愍諸衆生故現於世閒
超出成正覺我等甚欣慶及餘一切衆
喜歎未曾有我等諸宮殿蒙光故嚴饒
今以奉世尊唯垂哀納受願以此功德
普及於一切我等與衆生皆共成佛道
尔時五百万億諸梵天王偈讚佛已
各白佛言唯願世尊轉於法輪多所
安隱多所度脫時諸梵天王而說偈言
世尊轉法輪擊甘露法鼓度苦惱衆生
開示涅槃道唯願受我請以大微妙音
哀愍而敷演无量劫習法

尔時大通智勝如來受十方諸梵天

王及十六王子請即時三轉十二行法輪若沙門婆羅門若天魔梵及餘世間所不能轉謂是苦是苦集是苦滅是苦滅道及廣說十二因緣法無明緣行行緣識識緣名色名色緣六入六入緣觸觸緣受受緣愛愛緣取取緣有有緣生生緣老死憂悲苦惱無明滅則行滅行滅則識滅識滅則名色滅名色滅則六入滅六入滅則觸滅觸滅則受滅受滅則愛滅愛滅則取滅取滅則有滅有滅則生生滅生滅則老死憂悲苦惱滅佛於天人大眾之中說是法時六百萬億那由他人以不受一切法故而於諸漏心得解脫皆得深妙禪定三明六通具八解脫第二第三第四說法時千萬億恒河沙那由他等眾生亦以不受一切法故而於諸漏心得解脫從是已後諸聲聞眾无量無邊不可稱數今時十六王子皆以童子出家而為沙彌諸根通利智慧明了已曾供養百千萬億諸佛淨修梵行求阿耨多羅三藐三菩提俱白佛言世尊是諸無

量千万億大德聲聞皆已成就世尊
亦當為我等說阿耨多羅三藐三菩
提法我等聞已皆共修學世尊我等
志願如來知見深心所念佛自證知
今時轉輪聖王所將衆中八万億人
見十六王子出家亦求出家三即聽
許今時彼佛受沙彌請過二万劫已
乃於四衆之中說是大乘經名妙法
蓮華教菩薩法佛所護念說是經已
十六沙彌為阿耨多羅三藐三菩提
故皆共受持諷誦通利說是經時十
六菩薩沙彌皆悉信受聲聞衆中亦
有信解其餘衆生千万億種皆生疑
惑佛說是經於八千劫未曾休廢說
此經已即入靜室住於禪定八万四
千劫是時十六菩薩沙彌知佛入室
寂然禪定各昇法座亦於八万四千
劫為四部衆廣說分別妙法華經一
一皆度六百万億那由他恒河沙等
衆生示教利喜令發阿耨多羅三藐
三菩提心大通智勝佛過八万四千
劫已從三昧起徃詣法座安詳而坐
普告大衆是十六菩薩沙彌甚為希

有諸根通利智慧明了已曾供養無
量千万億數諸佛於諸佛所常修梵
行受持佛智開示衆生令入其中汝
等皆當數數親近而供養之所以者
何若聲聞辟支佛及諸菩薩能信是
十六菩薩所說經法受持不毀者是
人皆當得阿耨多羅三藐三菩提如
來之意佛告諸比丘是十六菩薩常
樂說是妙法蓮華經一一菩薩所化
六百万億那由他恒河沙等衆生世
世所生與菩薩俱從其聞法悉皆信
解以此因緣得值四百万億諸佛世尊
于今不盡諸比丘我今語汝彼佛弟
子十六沙弥今皆得阿耨多羅三藐
三菩提於十方國土現在說法有無
量百千万億菩薩聲聞以為眷屬其
二沙弥東方作佛一名阿閼在歡喜
國二名須弥頂東南方二佛一名師
子音二名師子相南方二佛一名虛
空住二名常滅西南方二佛一名帝
相二名梵相西方二佛一名阿弥陀
二名度一切世間苦惱西北方二佛
一名多摩羅跋耨檀香神通二名須

彌相北方二佛一名雲自在二名雲自在王東北方佛名壞一切世間怖畏第十六我釋迦牟尼佛於娑婆國土成阿耨多羅三藐三菩提諸比丘我等為沙彌時各各教化无量百千萬億恒河沙等衆生從我聞法為阿耨多羅三藐三菩提此諸衆生于今有住聲聞地者我常教化阿耨多羅三藐三菩提是諸人等應以是云漸入佛道所以者何如來智慧難信難解今時所化無量恒河沙等衆生者汝等諸比丘及我滅度後未來世中聲聞弟子是也我滅度後復有弟子不聞是經不知不覺菩薩所行自於所得功德生滅度想當入涅槃我於餘國作佛更有異名是人雖生滅度之想入於涅槃而於彼土求佛智慧得聞是經唯以佛乘而得滅度更無餘乘除諸如來方便說法諸比丘若如來自知涅槃時到衆又清淨信解堅固了達空法深入禪定便集諸菩薩及聲聞衆為說是經世間无有二乘而得滅度唯一佛乘得滅度耳比

丘當知如來方便深入衆生之性知其志樂小法深著五欲為是等故說於涅槃是人若聞則便信受譬如五百由旬險難惡道曠絕無人怖畏之處若有多衆欲過此道至珍寶處有一導師聰慧明達善知險道通塞之相將導衆人欲過此難所將人衆中路懈退白導師言我等疲極而復怖畏不能復進前路猶遠今欲退還導師多諸方便而作是念此等可愍云何捨大珍寶而欲退還作是念已以方便力於險道中過三百由旬化作一城告衆人言汝等勿怖莫得退還今此大城可於中止隨意所作若入是城快得安隱若能前至寶所亦可得去是時疲極之衆心大歡喜歎未曾有我等今者免斯惡道快得安隱於是衆人前入化城生已度想生安隱想今時導師知此人衆既得止息无復疲倦即滅化城語衆人言汝等去來寶處在近向者大城我所化作為止息耳諸比丘如來亦復如是今為汝等作大導師知諸生死煩惱惡

道險難長遠應去應度若衆生但門
一佛乘者則不欲見佛不欲親近便
作是念佛道長遠久受勤苦乃可得
成佛知是心性弱下劣以方便力而
於中道為止息故說二涅槃若衆生
住於二地如來今時即便為說汝等
所作未辦汝所住地近於佛慧當觀
察籌量里所得涅槃非真實也但是如
來方便之力於一佛乘分別說三如
彼導師為止息故化作大城既知息
已而告之言寶處在近此城非實我
化作耳今時世尊欲重宣此義而說
偈言

大通智勝佛十劫坐道場佛法不現前
不得成佛道諸天神龍王阿修羅衆等
常雨於天華以供養彼佛諸大擊天鼓
并作衆伎樂香風吹萎華更雨新好者
過十小劫已乃得成佛道諸天及世人
心皆懷踊躍彼佛十六子皆與其眷屬
千万億圍繞俱行至佛所頭面禮佛足
而請轉法輪聖師子法雨充我及一切
世尊甚難值久遠時一現為覺悟群生
震動於一切東方諸世界五百万億國

梵宮殿光曜昔所未曾有諸梵見此相
尋來至佛所散花以供養并奉上宮殿
請佛轉法輪以偈而讚歎佛知時未至
受請默然坐三方及四維上下亦復亦
散花奉宮殿請佛轉法輪世尊甚難值
願以大慈悲廣開甘露門轉无上法輪
無量慧世尊受彼衆人請為宣種種法
四諦十二緣無明至老死皆從生緣有
如是衆過患汝等應當知宣暢是法時
六百萬億姪得盡諸苦際皆成阿羅漢
第二說法時千萬恒沙衆於諸法不受
亦得阿羅漢從是後得道其數元有量
一億劫等數不能得其邊時十六三子
出家作沙彌皆共請彼佛演說大乘法
我等及營徒皆當成佛道願得如世尊
慧眼第一淨佛知童子心宿世之所行
以元量因緣種種諸譬喻說六波羅蜜
及諸神通事分別真實法菩薩所行道
說是法花經如恒河沙偈彼佛說經已
靜室入禪定一心一處坐八萬四千劫
是諸沙彌等知佛禪未出為无量億衆
說佛无上慧各各坐法座說是大乘經
於佛宴寂後宣揚助法化一一沙彌等

所度諸衆生有六百萬億恒河沙等衆
彼佛滅度後是諸聞法者在在諸佛土
常與師俱生是十六沙彌具足行佛道
今現在十方各得成正覺今時聞法者
各在諸佛所其有住聲聞漸教以佛道
我在十六數曾亦為汝說是故以方便
引汝趣佛慧以是本因緣今說法華經
今汝入佛道慎勿懷驚懼譬如險惡道
迥絕多毒獸又復無水草人所怖畏處
無數千万衆欲過此險道其路甚曠遠
經五百由旬時有一導師強識有智慧
明了心決定在險濟衆難衆人皆疲倦
而白導師言我等今頓乏於此欲退還
導師作是念此輩甚可愍如何欲退還
而失大珍寶尋時思方便當設神通力
化作大城郭莊嚴諸舍宅周匝有園林
渠流及浴池重門高樓閣男女皆充滿
即作是化已慰衆言勿懼汝等入此城
各可隨所樂諸人既入城心皆大歡喜
皆生安隱想自謂已得度道師知息已
集衆而告言汝等當前堆此是化城耳
我見汝疲極中路欲退還故以方便力
權化作此城汝等勤精進當共至寶所

我亦復如是為一切導師見諸未道者
中路而懈廢不能度生死煩惱諸險道
故以方便力為息說涅槃言汝等苦滅
所作皆已辦既知到涅槃皆得阿羅漢
尔乃集大眾為說真實法諸佛方便力
分別說三乘唯有一佛乘息處故說二
今為汝說實汝所得非滅為佛一切智
當發大精進汝證一切智十力等佛法
具三十二相乃是真實滅諸佛之導師
為息說涅槃既知是息已引入於佛慧

妙法蓮華經卷第三

癸卯歲高麗國大藏都監奉
勅雕造

妙法蓮華經卷第四

鳴

後秦龜茲國三藏法師鳩摩羅什奉詔譯

五百弟子受記品第八

今時留樓那弥多羅居士從佛聞是智慧方便隨宜說法又聞授諸大弟子阿耨多羅三藐三菩提記復聞宿世因緣之事復聞諸佛有大自然神通之力得未曾有心淨踊躍即從座起到於佛前頭面礼足却住一面瞻仰尊顏目不暫捨而作是念世尊甚奇特所為希有隨順世間若干種性以方便知見而為說法拔出衆生處處貪著我等於佛功德言不能宣唯佛世尊能知我等深心本願今時佛告諸比丘汝等見是留樓那弥多羅居士不我常稱其於說法人中取為第一亦常歎其種種功德精勤護持助宣我法能於四衆亦教利喜具足解釋佛之正法而大饒益同梵行者自捨如來无能盡其言論之辯汝等勿謂留樓那但能護持助宣我法亦於過去九十億諸佛所護持助宣佛

之正法於彼說法人中亦取第一又於諸佛所說空法明了通達得四無礙智常能審諦清淨說法凡有疑惑具足菩薩神通之力隨其壽命常修梵行彼佛世人咸皆謂之實是聲聞而富樓那以斯方便饒益無量百千衆生又化无量阿僧祇人令立阿耨多羅三藐三菩提為淨佛土故常作佛事教化衆生諸比丘富樓那亦於七佛說法人中而得第一今於我所說法人中亦為第一於賢劫中當來諸佛說法人中亦復第一而皆護持助宣佛法亦於未來護持助宣無量無邊諸佛之法教化饒益无量衆生今立阿耨多羅三藐三菩提為淨佛土故常勤精進教化衆生漸漸具足菩薩之道過无量阿僧祇劫當於此土得阿耨多羅三藐三菩提号曰法明如來應供正遍知明行足善逝世間解无上士調御丈夫天人師佛世尊其佛以恒河沙等三千大千世界為一佛土七寶為地地平如掌无有山陵谿澗溝壑七寶臺觀充滿其中

諸天宮殿近處虛空人天交接兩得相見无諸惡道亦无女人一切衆生皆以化生無有婬欲得大神通身出光明飛行自在志念堅固精進智慧普皆金色三十二相而自在莊嚴其國衆生常以二食一者法喜食二者禪悅食有無量阿僧祇千萬億那由他諸菩薩衆得大神通四無礙智善能教化衆生之類其聲聞衆等數按計所不能知皆得具足六通三明及八解脫其佛國土有如是等无量功德莊嚴成就劫名寶明國名善淨其佛壽命無量阿僧祇劫法住甚久佛滅度後起七寶塔遍滿其國尔時世尊欲重宣此義而說偈言

諸比丘諦聽佛子所行道善學方便故不可得思議知衆樂小法而畏於大智是故諸菩薩作聲聞緣覺以无数方便化諸衆生類自說是聲聞去佛道甚遠度脫无量衆皆悉得成就雖小欲懈怠漸當令作佛內秘菩薩行外現是聲聞少欲厭生死實自淨佛土亦衆有三毒又現邪見相我弟子如是方便度衆生

若我具足說種種現化事衆生聞是者
心則懷疑惑今此富樓那於昔千億佛
勤修所行道宣護諸佛法為求无上慧
而於諸佛所現居弟子上多聞有智慧
所說无所畏能令衆歡喜未曾有疲倦
而以助佛事已度大神通具四无礙智
知諸根利鈍常說清淨法演暢如是義
教諸千億衆今住大乘法而自淨佛土
未來亦供養无量無數佛護助宣正法
亦自淨佛土常以諸方便說法无所畏
度不可計衆成就一切智供養諸如來
護持法寶藏其後得成佛号名曰法明
其國名善淨七寶所合成劫名為寶明
善薩衆甚多其數无量億皆度大神通
威德力具足充滿其國土聲聞亦無數
三明八解脫得四无碍智以是等為僧
其國諸衆生姪欲皆已斷純一變化生
具相莊嚴身法喜禪悅食更无餘食想
无有諸女人亦無諸惡道富樓那比丘
功德志成滿當得斯淨土賢聖衆甚多
如是无量事我今但略說

尔時千二百阿羅漢心自在者作是
念我等歡喜得未曾有若世尊各見

授記如餘大弟子者不亦快乎佛知此等心之所念告摩訶迦葉是千二百阿羅漢我今當現前次第與授阿耨多羅三藐三菩提記於此衆中我大弟子憍陳如比丘當供養六万二千億佛然後得成為佛号曰普明如來應供正遍知明行足善逝世間解无上士調御丈夫天人師佛世尊其五百阿羅漢優樓頻伽迦葉伽耶迦葉那提迦葉迦留陀夷優陀夷阿菴樓駄離婆多劫賓那薄拘羅周陀莎伽陀等皆當得阿耨多羅三藐三菩提盡同一号名曰普明今時世尊欲重宣此義而說偈言

憍陳如比丘 當見無量佛 過阿僧祇劫 乃成等正覺 常放大光明 具足諸神通 名聞遍十方 一切之所敬 常說无上道 故号为普明 其國土清淨 菩薩皆勇猛 咸昇妙樓閣 遊諸十方國 以無上供具 奉獻於諸佛 作是供養已 心懷大歡喜 須臾還本國 有如是神力 佛壽六万劫 正法住倍壽 像法復倍是 法滅天人憂 其五百比丘 次第當作佛 同号曰普明

轉次而授記我滅度之後某甲當作佛
其所化世間亦如我今日國土之嚴淨
及諸神通力菩薩聲聞衆正法及像法
壽命劫多少皆如上所說迦葉汝已知
五百自在者餘諸聲聞衆亦當復如是
其不在此會汝當為宣說

今時五百阿羅漢於佛前得受記已
歡喜踊躍即從座起到於佛前頭面
禮足悔過自責世尊我等常作是念
自謂已得究竟滅度今乃知之如無
智者所以者何我等應得如來智慧
而便自以小智為足世尊譬如有人
至親友家醉酒而卧是時親友官事
當行以无價寶珠繫其衣裏與之而
去其人醉卧都不覺知起已遊行到
於他國為衣食故勤力求索甚大艱
難若少有所得便以為足於後親友
會遇見之而作是言咄哉丈夫何為
衣食乃至如是是我昔欲令汝得安樂
五欲自恣於某年日月以无價寶珠
繫汝衣裏今故現在而汝不知勤苦
憂惱以求自活甚為癡也汝今可以
此寶貿易所須常可如意无所乏短

佛亦如是為菩薩時教化我等令發一切智心而尋廢忘不知不覺既得阿羅漢道自謂滅度資生艱難得少為足一切智願猶在不失今者世尊覺悟我等作如是言諸比丘汝等所得非究竟滅我久令汝等種佛善根以方便故示涅槃相而汝謂為實得滅度世尊我今乃知實是菩薩得受阿耨多羅三藐三菩提記以是因緣甚大歡喜得未曾有今時阿若憍陳如等欲重宣此義而說偈言

我等聞无上安隱授記聲歡喜示曾有礼无量智佛今於世尊前自悔諸過各於無量佛寶得少涅槃分如无智愚人便自以為足譬如貧窮人往至親友家其家甚大富具設諸餽饌以无價寶珠繫著內衣裏默與而捨去時卧不覺知是人既已起遊行詣他國求衣食自濟資生甚艱難得少便為足更不願好者不覺內衣裏有無價寶珠與珠之親友後見此貧人苦切責之已示以所繫珠貧人見此珠其心大歡喜富有諸財物五欲而自恣我等亦如是世尊於長夜

常愍見教化令種天上願我等無智故
不覺亦不知得少涅槃分自足不求餘
今佛覺悟我言非實滅度得佛無上慧
尔乃為真滅我今從佛聞投記莊嚴事
及轉次受決身心遍歡喜

妙法蓮華經授學無學人記品第九
尔時阿難羅睺羅而作是念我等每
自思惟設得受記不亦快乎即從座
起到於佛前頭面礼足俱白佛言世
尊我等於此亦應有分唯有如來我
等所歸又我等為一切世間天人阿
修羅所見知識阿難常為侍者護持
法藏羅睺羅是佛之子若佛見授阿
耨多羅三藐三菩提記者我願既滿
衆聖亦足尔時學无學聲聞弟子二
千人皆從座起偏袒右肩到於佛前
一心合掌瞻仰世尊如阿難羅睺羅
所願住立一面尔時佛告阿難汝於
來世當得作佛号山海慧自在通王
如來應供正遍知明行足善逝世間
解无上士調御丈夫天人師佛世尊
當供養六十二億諸佛護持法藏然
後得阿耨多羅三藐三菩提教化二

十千万億恒河沙諸菩薩等令成阿
耨多羅三藐三菩提國名常立勝幡
其土清淨琉璃為地劫名妙音遍滿
其佛壽命无量千万億阿僧祇劫若
人於千万億無量阿僧祇劫中算數
校計不能得知正法住世倍於壽命
像法住世復倍正法阿難是山海慧
自在通王佛為十方无量千万億恒
河沙等諸佛如來所共讚歎稱其功
德今時世尊欲重宣此義而說偈言
我今僧中說阿難持法者當供養諸佛
然後成正覺号曰山海慧自在通三佛
其國土清淨名常立勝幡教化諸菩薩
其數如恒沙佛有大威德名聞滿十方
壽命元有量以愍衆生故正法倍壽命
像法復倍是如恒河沙等無數諸衆生
於此佛法中種佛道因緣

今時會中新發意菩薩八千人咸作
是念我等尚不聞諸大菩薩得如是
記有何因緣而諸聲聞得如是決今
時世尊知諸菩薩心之所念而告之
曰諸善男子我與阿難等於空王佛
所同時發阿耨多羅三藐三菩提心

阿難常樂多聞我常勤精進是故我已得成阿耨多羅三藐三菩提而阿難護持我法亦護將來諸佛法藏教化成就諸菩薩衆其本願如是故獲斯記阿難面於佛前自聞授記及國土莊嚴所願具足心大歡喜得未曾有即時憶念過去无量千万億諸佛法藏通達无礙如今所聞亦識本願今時阿難而說偈言

世尊甚希有令我念過去 无量諸佛法
如今日所聞 我今无復疑 安住於佛道
方便為侍者護持諸佛法

今時佛告羅睺羅汝於來世當得作佛号蹈七寶華如來應供正遍知明行足善逝世閒解無上士調御大天人師佛世尊當供養十世界微塵等數諸佛如來常為諸佛而作長子猶如今也是蹈七寶華佛國土莊嚴壽命劫數所化弟子正法像法亦如山海慧自在通王如來无異亦為此佛而作長子過是已後當得阿耨多羅三藐三菩提今時世尊欲重宣此義而說偈言

我為太子時羅睺為長子我今成佛道
受法為法子於未來世中見無量億佛
皆為其長子一心求佛道羅睺羅密行
唯我能知之現為我長子以示諸衆生
無量億千万功德不可數安住於佛法
以求无上道

尔時世尊見學無學二千人其意柔
軟寂然清淨一心觀佛佛告阿難汝
見是學元學二千人不唯然已見阿
難是諸人等當供養五十世界微塵
數諸佛如來恭敬尊重護持法藏末
後同時於十方國各得成佛皆同一
号名曰寶相如來應供正遍知明行
足善逝世間解无上士調御丈夫天
人師佛世尊壽命一劫國土莊嚴聲
聞菩薩正法像法皆悉同等尔時世
尊欲重宣此義而說偈言

是二千聲聞今於我前住悉皆與授記
未來當成佛所供養諸佛如上說塵數
護持其法藏後當成正覺各於十方國
悉同一名号俱時坐道場以證无上慧
皆名為寶相國土及弟子正法與像法
悉等无有異咸以諸神通度十方衆生

名聞普周遍漸入於涅槃

今時學无學二千人間佛授記歡喜踊躍而說偈言

世尊慧燈明我聞授記音心歡喜充滿如甘露見灌

妙法蓮華經法師品第十

今時世尊因藥王菩薩告八万大士藥王汝見是大衆中无量諸天龍王夜叉乾闥婆阿修羅迦樓羅緊那羅摩睺羅伽人與非人及比丘比丘尼優婆塞優婆夷求聲聞者求辟支佛者求佛道者如是等類咸於佛前聞妙法華經一偈一句乃至一念隨喜者我皆與授記當得阿耨多羅三藐三菩提佛告藥王又如來滅度之後若有人間妙法華經乃至一偈一句一念隨喜者我亦與授阿耨多羅三藐三菩提記若復有人受持讀誦解說書寫妙法華經乃至一偈於此經卷敬視如佛種種供養華香瓔珞末香塗香燒香繒蓋幢幡衣服伎樂乃至合掌恭敬藥王當知是諸人等已曾供養十万億佛於諸佛所成就大

願愍衆生故生此人間藥王若有人
問何等衆生於未來世當得作佛應
示是諸人等於未來世必得作佛何
以故若善男子善女人於法華經乃
至一句受持讀誦解說書寫種種供
養經卷華香瓔珞末香塗香燒香繒
蓋幢幡末服伎樂合掌恭敬是人一
切世間所應瞻奉應以如來供養而
供養之當知此人是菩薩成就阿
耨多羅三藐三菩提良愍衆生願生
此間廣演分別妙法華經何況盡能
受持種種供養者藥王當知是人自
捨清淨業報於我滅度後愍衆生故
生於惡世廣演此經若是善男子善
女人我滅度後能竊為一人說法華
經乃至一句當知是人則如來使如
來所遣行如來事何況於大衆中廣
為人說藥王若有惡人以不善心於
一切中現於佛前常毀罵佛其罪尚
輕若人以一惡言毀此在家出家讀
誦法華經者其罪甚重藥王其有讀
誦法華經者當知是人以佛莊嚴而
自莊嚴則為如來肩所荷擔其所至

方應隨向礼一心合掌恭敬供養尊
重讚歎華香瓔珞末香塗香燒香繒
蓋幢幡衣服繡饌作諸伎樂人中上
供而供養之應持天寶而以散之天
上寶聚應以奉獻所以者何是人歡
喜說法須臾聞之即得究竟阿耨多
羅三藐三菩提故今時世尊欲重宣
此義而說偈言

若欲住佛道成就自然智常當勤供養
受持法華者其有欲疾得一切種智慧
當受持是經并供養持者若有能受持
妙法華經者當知佛所使愍念諸衆生
諸有能受持妙法華經者捨於清淨土
愍衆故生此當知如是人自在所欲生
能於此惡世廣說无上法應以天華香
及天寶衣服天上妙寶聚供養說法者
吾滅後惡世能持是經者當合掌礼敬
如供養世尊上饌衆甘美及種種衣服
供養是佛子莫得須臾間若能於後世
受持是經者我遣在人中行於如來事
若於一切中常懷不善心作色而罵佛
獲无量重罪其有讀誦持是法華經者
須臾加惡言其罪復過彼有人求佛道

而於一劫中合掌在我前以無數偈讚
由是讚佛故得无量功德歎美持經者
其福復過彼於八十億劫以取妙色聲
及與香味觸供養持經者如是供養已
若得須臾聞則應自欣慶我今獲大利
藥王今告汝我所說諸經而於此經中
法華最第一

今時佛復告藥王菩薩摩訶薩我所
說經典無量千萬億已說今說當說
而於其中此法華經最為難信難解
藥王此經是諸佛秘要之藏不可分
布妄授與人諸佛世尊之所守護從
昔已來未曾顯說而此經者如來現
在猶多怨嫉況滅度後藥三當知如
來滅後其能書持讀誦供養為他人
說者如來則為以衣覆之又為他方
現在諸佛之所護念是人有大信力
及志願力諸善根力當知是人與如
來共宿則為如來手摩其頭藥三在
在處處若說若讀若誦若書若經卷
所住處皆應起七寶塔極令高廣嚴
飾不須復安舍利所以者何此中已
有如來全身此塔應以一切華香瓔

瑤繒蓋幢幡伎樂歌頌供養恭敬尊
重讚歎若有人得見此塔礼拜供養
當知是等皆近阿耨多羅三藐三菩
提藥王多有人在家出家行菩薩道
若不能得見聞讀誦書持供養是法
華經者當知是人未善行菩薩道若
有得聞是經典者乃能善行菩薩之
道其有衆生求佛道者若見若聞是
法華經聞已信解受持者當知是人
得近阿耨多羅三藐三菩提藥三譬
如有人渴乏須水於彼高原穿鑿求
之猶見乾土知水尚遠施功不已轉
見濕土遂漸至濕其心決定知水必
近菩薩亦復如是若未聞未解未能
修習是法華經者當知是人去阿耨多
羅三藐三菩提尚遠若得聞解思惟
修習必知得近阿耨多羅三藐三菩
提所以者何一切菩薩阿耨多羅三
藐三菩提皆屬此經此經開方便門
示真實相是法華經藏深固幽遠無
人能到今佛教化成就菩薩而為開
示藥王若有菩薩聞是法華經驚疑
怖畏當知是為新發意菩薩若聲聞

人聞是經驚疑怖畏當知是為增上
慢者藥王若有善男子善女人如來
滅後欲為四眾說是法華經者云何
應說是善男子善女人入如來室著
如來衣坐如來座亦乃應為四眾廣
說斯經如來室者一切眾生中大慈
悲心是如來衣者柔和忍辱心是如
來座者一切法空是安住是中然後
以不懈怠心為諸菩薩及四眾廣說
是法華經藥王我於餘國遣化人為
其集聽法眾亦遣化比丘比丘尼優
婆塞優婆夷聽其說法是諸化人聞
法信受隨順不逆若說法者在空閑
處我時廣遣天龍鬼神乾闥婆阿修
羅等聽其說法我雖在異國時時令
說法者得見我身若於此經忘失句
逗我還為說令得具足今時世尊欲
重宣此義而說偈言

欲捨諸懈怠應當聽此經 是經難得聞
信受者亦難 如人渴須水 穿鑿於高原
猶見乾燥土 知去水尚遠 漸見濕土泥
決定知近水 藥王汝當知 如是諸人等
不聞法華經 去佛智甚遠 若聞是深經

決了聲聞法 是諸經之王 聞已諦思惟
當知此人等 近於佛智慧 若人說此經
應入如來室 著於如來衣 而坐如來座
處眾无所畏 廣為分別說

大慈悲為室 柔和忍辱衣 諸法空為座
處此為說法 若說此經時 有人惡口罵
加刀截凡石 念佛故應忍 我千万億土
現淨堅固身 於無量億劫 為眾生說法
若我滅度後 能說此經者 我遣化四眾
比丘比丘尼 及清信士女 供養於法師
引導諸眾生 集之令聽法 若人欲加惡
刀於人凡石 則遣變化人 為之作衛護
若說法之人 獨在空閑處 寂寞无人聲
誦誦此經典 我今時為現 清淨光明身
若忘失章句 為說令通利 若人具是德
或為四眾說 空處讀誦經 皆得見我身
若人在空閑 我遣天龍王 夜叉鬼神等
為作聽法眾 是人樂說法 分別无罣礙
諸佛護念故 能令大眾喜 若親近法師
速得菩薩道 隨順是師學 得見恒沙佛
妙法蓮華經見寶塔品第十一
今時佛前有七寶塔高五百由旬縱
廣二百五十由旬從地踊出住在空

中種種寶物而在於之五千欄楯龕
室千万無數幢幡以為嚴飭垂寶瓔
珞寶鈴万億而懸其上四面皆出多
摩羅跋栴檀之香充滿世界其諸幡
蓋以金銀琉璃車渠馬腦真珠玫瑰
七寶合成高至四天王宮三十三天
雨天曼陀羅華供養寶塔餘諸天龍
夜叉乾闥婆阿修羅迦樓羅緊那羅
摩睺羅伽人非人等千万億眾以一
切華香瓔珞幡蓋伎樂供養寶塔恭
敬尊重讚歎今時寶塔中出大音聲
歎言善哉善哉釋迦牟尼世尊能以
平等大慧教菩薩法佛所護念妙法
華經為大衆說如是如是釋迦牟尼
世尊如所說者皆是真實今時四衆
見大寶塔住在空中又聞塔中所出
音聲皆得法喜恠未曾有從座而起
恭敬合掌却住一面今時有菩薩摩
訶薩名大樂說知一切世間天人阿
修羅等心之所疑而白佛言世尊以
何因緣有此寶塔從地踊出又於其
中發是音聲今時佛告大樂說菩薩
此寶塔中有如來全身乃往過去東

方无量千万億阿僧祇世界國名寶
淨彼中有佛号曰多寶其佛行菩薩
道時作大誓願若我成佛滅度之後
於十方國土有說法華經處我之塔
廟為聽是經故踊現其前為作證明
讚言善哉彼佛成道已臨滅度時於
天人大眾中告諸比丘我滅度後欲
供養我全身者應起一大塔其佛以
神通願力十方世界在在處處若有
說法華經者彼之寶塔皆踊出其前
全身在於塔中讚言善哉善哉大樂
說今多寶如來塔聞說法華經故從
地踊出讚言善哉善哉是時大樂說
菩薩以如來神力故白佛言世尊我
等願欲見此佛身佛告大樂說菩薩
摩訶薩是多寶佛有深重願若我寶
塔為聽法華經故出於諸佛前時其
有欲以我身示四眾者彼佛分身諸
佛在於十方世界說法盡還集一處
然後我身乃出現耳大樂說我分身
諸佛在於十方世界說法者今應當
集大樂說白佛言世尊我等亦願欲
見世尊分身諸佛禮拜供養今時佛

故白毫一光即見東方五百万億那由他恒河沙等國土諸佛彼諸國土皆以頗梨為地寶樹寶衣以為莊嚴無數千万億菩薩充滿其中遍張寶幔寶網羅上彼國諸佛以大妙音而說諸法及見无量千万億菩薩遍滿諸國為衆說法南西北方四維上下白毫相光所照之處亦復如是今時十方諸佛各告衆菩薩言善男子我今應往娑婆世界釋迦牟尼佛所并供養多寶如來寶塔時娑婆世界即變清淨琉璃為地寶樹莊嚴黃金為繩以界八道无諸聚落村營城邑大海江河山川林藪燒大寶香曼陀羅華遍布其地以寶網幔羅覆其上懸諸寶鈴唯留此會衆移諸天人置於他土是時諸佛各將一大菩薩以為侍者至娑婆世界各到寶樹下一一寶樹高五百由旬枝葉華菓次第莊嚴諸寶樹下皆有師子之座高五由旬亦以大寶而校飭之今時諸佛各於此座結加趺坐如是展轉遍滿三千大千世界而於釋迦牟尼佛一方

所分之身猶故未盡時釋迦牟尼佛
欲容受所分身諸佛故八方各更變
二百万億那由他國皆令清淨無有
地獄餓鬼畜生及阿修羅又移諸天
人置於他土所化之國亦以琉璃為
地寶樹莊嚴樹高五百由旬枝葉華
菓次第嚴饒樹下皆有寶師子座高
五由旬種種諸寶以為莊校亦无大
海江河及目真隣陀山摩訶目真隣
陀山鐵圍山大鐵圍山須弥山等諸
山王通為一佛國土寶地平正寶交
露暢遍覆其上懸諸幡蓋燒大寶香
諸天寶華遍布其地釋迦牟尼佛為
諸佛當來坐故復於八方各更變二
百万億那由他國皆令清淨無有地
獄餓鬼畜生及阿修羅又移諸天人
置於他土所化之國亦以琉璃為地
寶樹莊嚴樹高五百由旬枝葉華菓
次第莊嚴樹下皆有寶師子座高五
由旬亦以大寶而校饒之亦无大海
江河及目真隣陀山摩訶目真隣陀
山鐵圍山大鐵圍山須弥山等諸山
王通為一佛國土寶地平正寶交露
暢

遍覆其上懸諸幡蓋燒大寶香諸天
寶華遍布其地。尔時東方釋迦牟尼
佛所分之身百千万億那由他恒河沙
等國土中諸佛各各說法來集於此。
如是次第十方諸佛皆悉來集坐於
八方。尔時一一方四百万億那由他
國土諸佛如來遍滿其中。是時諸佛
各在寶樹下坐。師子座皆遣侍者問
訊釋迦牟尼佛各賣寶華滿掬而告
之言。善男子。汝往詣耆闍崛山釋迦
牟尼佛所。如我辭曰。少病少惱氣力
安樂。及菩薩聲聞衆悉安隱。不以此
寶華散佛供養而作是言。彼某甲佛
與欲開此寶塔。諸佛遣使亦復如是。
尔時釋迦牟尼佛見所分身佛悉已
來集。各各坐於師子之座。皆聞諸佛
與欲同開寶塔。即從座起住虛空中。
一切四衆起立合掌一心觀佛。於是
釋迦牟尼佛以右拍開七寶塔戶。出
大音聲如却閤鑰。開大城門。即時一
切衆會皆見多寶如來於寶塔中坐。
師子座全身不散。如入禪定。又聞其
言。善哉善哉。釋迦牟尼佛快說是法。

華經我為聽是經故而來至此今時
四衆等見過去无量千万億劫滅度
佛說如是言歎未曾有以天寶華聚
散多寶佛及釋迦牟尼佛上今時多
寶佛於寶塔中分半座與釋迦牟尼
佛而作是言釋迦牟尼佛可就此座
即時釋迦牟尼佛入其塔中坐其半
座結加趺坐今時大眾見二如來在
七寶塔中師子座上結加趺坐各作
是念佛座高遠唯願如來以神通力
令我等輩俱處虛空即時釋迦牟尼
佛以神通力接諸大眾皆在虛空以
大音聲普告四衆誰能於此娑婆國
土廣說妙法華經今正是時如來不
久當入涅槃佛欲以此妙法華經付
囑有在今時世尊欲重宣此義而說
偈言

聖主世尊	雖久滅度	在寶塔中
尚為法來	諸人云何	不勤為法
此佛滅度	无央數劫	處處聽法
以難遇故	彼佛本願	我滅度後
在在所往	常為聽法	又我分身
无量諸佛	如恒沙等	來欲聽法

數如恒沙
若接須弥
亦未為難
速擲他國
為衆演說
若佛滅後
是則為難
而以遊行
若自書持
若以大地
亦未為難
暫讀此經
擔負乾草
我滅度後
是則為難
十二部經
得六神通
於我滅後
是則為難
无量無數
具六神通
於我滅後
是則為難

雖說此等
擲置他方
若以足指
亦未為難
无量餘經
於惡世中
假使有人
亦未為難
若使人書
置足甲上
佛滅度後
是則為難
入中不燒
若持此經
若持八万
為人演說
雖能如是
聽受此經
若人說法
恒沙衆生
雖有是益
若能奉持
我為佛道
於无量土
未足為難
無數佛土
動大千界
若立有頂
亦未為難
能說此經
手把虛空
於我滅後
是則為難
昇於梵天
於惡世中
假使却燒
亦未為難
為一人說
四千法藏
令諸聽者
亦未為難
問其義趣
令千万億
得阿羅漢
亦未為難
如斯經典
於无量土

從始至今

廣說諸經

而於其中

此經第一

若有能持

則持佛身

諸善男子

於我滅後

誰能受持

讀誦此經

今於佛前

自說誓言

此經難持

若暫持者

我則歡喜

諸佛亦然

如是之人

諸佛所歎

是則勇猛

是則精進

是名持戒

行頭陀者

則為疾得

无上佛道

能於來世

讀持此經

是真佛子

住於善地

佛滅度後

能解其義

是諸天人

世間之眼

於恐懼世

能須臾說

一切天人

皆應供養

妙法蓮華經提婆達多品第十二

今時佛告諸菩薩及天人四眾吾於

過去无量劫中求法華經無有懈倦

於多劫中常作國王發願求於无上

菩提心不退轉為欲滿足六波羅蜜

勤行布施心无恡惜象馬七珍國城

妻子奴婢僕從頭目髓腦身肉手足

不惜軀命時世人民壽命无量為於

法故捐捨國位委政太子擊鼓宣令

四方求法誰能為我說大乘者吾當

終身供給走使時有仙人來白王言

我有大乘名妙法華經若不違我當為
宣說王聞仙言歡喜踊躍即隨仙人
供給所須採菓汲水拾薪設食乃至以
身而為床座身心无倦于時奉事經
於千歲為於法故精勤給侍令無所乏
尔時世尊欲重宣此義而說偈言
我念過去劫為求大法故雖作世國王
不會五欲樂捉鍾告四方誰有大法者
若為我解說身當為奴僕時有阿私仙
來白於大王我有微妙法世間所希有
若能修行者吾當為汝說時三聞仙言
心生大喜悅即便隨仙人供給於所須
採薪及菓蔬隨時恭敬與情存妙法故
身心无懈倦普為諸衆生勤求於大法
亦不為己身及以五欲樂故為大國王
勤求獲此法遂致得成佛今故為汝說
佛告諸比丘尔時王者則我身是時
仙人者今提婆達多是由提婆達多
善知識故令我具足六波羅蜜慈悲
喜捨三十二相八十種好紫磨金色
十力四無所畏四攝法十八不共神
通道力成等正覺廣度衆生皆因提
婆達多善知識故告諸四衆提婆達

多却後過无量劫當得成佛号曰天王如來應供正遍知明行足善逝世間解无上士調御丈夫天人師佛世尊世界名天道時天王佛住世二十中劫廣為衆生說於妙法恒河沙衆生得阿羅漢果无量衆生發緣覺心恒河沙衆生發無上道心得无生忍至不退轉時天王佛般涅槃後正法住世二十中劫全身舍利起七寶塔高六十由旬縱廣四十由旬諸天人民悉以雜華末香燒香塗香衣服璅珞幢幡寶蓋伎樂歌頌礼拜供養七寶妙塔无量衆生得阿羅漢果无量衆生悟辟支佛不可思議衆生發菩提心至不退轉佛告諸比丘未來世中若有善男子善女人聞妙法華經提婆達多品淨心信敬不生疑惑者不墮地獄餓鬼畜生生十方佛前所生之處常聞此經若生人天中受勝妙樂若在佛前蓮華化生於時下方多寶世尊所從菩薩名曰智積白多寶佛當還本土釋迦牟尼佛告智積曰善男子且待須臾此有菩薩名文

殊師利可與相見論說妙法可還本土
余時文殊師利坐千葉蓮華大如車
輪俱來菩薩亦坐寶蓮華從於大海
娑竭羅龍宮自然踊出住虛空中詣
靈鷲山從蓮華下至於佛所頭面敬
禮二世尊足修敬已畢往智積所共
相慰問却坐一面智積菩薩問文殊
師利仁往龍宮所化衆生其數幾何
文殊師利言其數无量不可稱計非
口所宣非心所測且待須臾自當有
證所言未竟無數菩薩坐寶蓮華從
海踊出詣靈鷲山住在虛空此諸菩
薩皆是文殊師利之所化度具菩薩
行皆共論說六波羅蜜本聲聞人在
虛空中說聲聞行今皆修行大乘空
義文殊師利謂智積曰於海教化其
事如是余時智積菩薩以偈讚曰
大智德勇健化度无量衆今此諸大會
及我皆已見演暢實相義開闡一乘法
廣導諸衆生今速成菩提
文殊師利言我於海中唯常宣說妙
法華經智積問文殊師利言此經甚
深微妙諸經中寶世所希有頗有衆

生勤加精進修行此經速得佛不文殊師利言有娑竭羅龍王女年始八歲智慧利根善知衆生諸根行業得陀羅尼諸佛所說甚深秘藏悉能受持深入禪定了達諸法於剎那頃發菩提心得不退轉辯才无礙慈念衆生猶如赤子功德具足心念口演微妙廣大慈悲仁讓志意和雅能至菩提智積菩薩言我見釋迦如來於无量劫難行苦行積功累德求菩提道未曾止息觀三千大千世界乃至無有如芥子許非是菩薩捨身命處爲衆生故然後乃得成菩提道不信此女於湏臾頃便成正覺言論未訖時龍王女忽現於前頭面禮敬却住一面以得讚曰

深達罪福相遍照於十方微妙淨法身具相三十二以八十種好用莊嚴法身天人所戴仰龍神咸恭敬一切衆生類无不宗奉者又聞成菩提唯佛當證知我聞大乘教度脫苦衆生

時舍利弗語龍女言汝謂不久得無上道是事難信所以者何女身垢穢

非是法器云何能得无上菩提佛道
懸曠經无量劫勤苦積行具修諸度
然後乃成又女人身猶有五障一者
不得作梵天王二者帝釋三者魔王
四者轉輪聖王五者佛身云何女身
速得成佛今時龍女有一寶珠價直
三千大千世界持以上佛佛即受之
龍女謂智積菩薩尊者舍利弗言我
獻寶珠世尊納受是事疾不答言甚
疾女言以汝神力觀我成佛復速於
此當時衆會皆見龍女忽然之間變
成男子具菩薩行即往南方无垢世
界坐寶蓮華成等正覺三十二相八
十種好普為十方一切衆生演說妙
法今時娑婆世界菩薩聲聞天龍八
部人與非人皆遇見彼龍女成佛普
為時會人天說法心大歡喜志遙敬
札無量衆生聞法解悟得不退轉无
量衆生得受道記无垢世界六反震
動娑婆世界三千衆生住不退地三
千衆生發菩提心而得受記智積菩
薩及舍利弗一切衆會默然信受
妙法蓮華經勸持品第十三

尔時藥王菩薩摩訶薩及大樂說菩薩摩訶薩與二万菩薩眷属俱皆於佛前作是誓言唯願世尊不以為慮我等於佛滅後當奉持讀誦說此經典後惡世衆生善根轉少多增上慢貪利供養增不善根速離解脫雖難可教化我等當起大忍力讀誦此經持說書寫種種供養不惜身命尔時衆中五百阿羅漢得受記者白佛言世尊我等亦自誓願於異國土廣說此經復有學无學八千人得受記者從座而起合掌向佛作是誓言世尊我等亦當於他國土廣說此經所以者何是娑婆國中人多弊惡懷增上慢功德淺薄瞋濁諂曲心不實故尔時佛姨母摩訶波闍波提比丘尼與學无學比丘尼六千人俱從座而起一心合掌瞻仰尊顏目不暫捨於時世尊告憍曇弥何故憂色而視如來汝心將無謂我不說汝名授阿耨多羅三藐三菩提記耶憍曇弥我先捻說一切聲聞皆已授記今汝欲知記者將來之世當於六万八千億諸佛

法中為大法師及六千學无學比丘
尼俱為法師汝如是漸漸具菩薩道
當得作佛号一切衆生喜見如來應
供正遍知明行足善逝世間解無上
士調御丈夫天人師佛世尊憍曇弥
是一切衆生喜見佛及六千菩薩轉
次授記得阿耨多羅三藐三菩提今
時羅睺羅母耶輸陀羅比丘尼作是
念世尊於授記中獨不說我名佛告
耶輸陀羅汝於來世百千万億諸佛
法中修菩薩行為大法師漸具佛道
於善國中當得作佛号具足千万光
相如來應供正遍知明行足善逝世
間解无上士調御丈夫天人師佛世
尊佛壽无量阿僧祇劫今時摩訶波
闍波提比丘尼及耶輸陀羅比丘尼
并其眷属皆大歡喜得未曾有即於
佛前而說偈言

世尊導師 安隱天人 我等聞記
心安具足

諸比丘尼說是偈已白佛言世尊我
等亦能於他方國土廣宣此經今時
世尊視八十万億那由他諸菩薩摩

訶薩是諸菩薩皆是阿惟越致轉不退法輪得諸陀羅尼即從座起至於佛前一心合掌而作是念若世尊告勅我等持說此經者當如佛教廣宣斯法復作是念佛今嘿然不見告勅我當云何時諸菩薩敬順佛意并欲自滿本願便於佛前作師子吼而發誓言世尊我等於如來滅後周旋往返十方世界能令衆生書寫此經受持讀誦解說其義如法修行正憶念皆是佛之威力唯願世尊在於他方遙見守護即時諸菩薩俱同發聲而說偈言

唯願不為慮於佛滅度後恐怖惡世中我等當廣說有諸无智人惡口罵詈等及加刀杖者我等皆當忍惡世中以丘邪智心諂曲未得謂為得我慢心充滿或有阿練若納衣在空閑自謂行真道輕賤人間者貪著利養故與白衣說法為世所恭敬如六通羅漢是人懷惡心常念世俗事假名阿練若好出我等過而作如是言此諸比丘等為貪利養故說外道論議自作此經典誑惑世間人

為求名聞故分別於是經常在大眾中
欲毀我等故向國王大臣婆羅門居士
及餘比丘眾誹謗說我惡謂是邪見人
說外道論議我等敬佛故悉忍是諸惡
為斯所輕言汝等皆是佛如此輕慢言
皆當忍受之濁劫惡世中多有諸恐怖
惡鬼入其身罵詈毀辱我等敬信佛
當著忍辱鎧為說是經故忍此諸難事
我不愛身命但惜無上道我等於來世
護持佛所囑世尊自當知濁世惡比丘
不知佛方便隨宜所說法惡口而慳慳感
數數見擯出遠離於塔寺如是等眾惡
念佛告勅故皆當忍是事諸聚落城邑
其有求法者我皆到其所說佛所囑法
我是世尊使處眾无所畏我當善說法
願佛安隱住我於世尊前諸來十方佛
發如是誓言佛自知我心

妙法蓮華經卷第四

已

癸卯歲高麗國大藏部監奉
勅雕造

妙法蓮華經卷第五

鳴

後秦龜茲國三藏法師鳩摩羅什奉 詔譯

安樂行品第十四

尔時大殊師利法王子菩薩摩訶薩
白佛言世尊是諸菩薩甚為難有欲
順佛故發大誓願於後惡世護持讀
說是法華經世尊菩薩摩訶薩於後
惡世云何能說是經佛告大殊師利
若菩薩摩訶薩於後惡世欲說是經
當安住四法一者安住菩薩行處及親
近處能為衆生演說是經大殊師利
云何名菩薩摩訶薩行處若菩薩摩
訶薩住忍辱地柔和善順而不生暴
心亦不驚又復於法無所行而觀諸
法如實相亦不行不分別是名菩薩
摩訶薩行處云何名菩薩摩訶薩親
近處菩薩摩訶薩不親近國三三子
大臣官長不親近諸外道梵志居士
子等及造世俗文筆讀詠外書及路
伽耶陀逆路伽耶陀者亦不親近諸
有兒戲相杓相撲及鄉羅等種種變
現之戲又不親近旃陀羅及畜猪羊

鷄狗豕獵漁捕諸惡律儀如是人等
或時來者則為說法無所怖望又不
親近求聲聞比丘比丘尼優婆塞優
婆夷亦不問說若於房中若經行處
若在講堂中不共住止或時來者隨
宜說法无所怖求文殊師利又菩薩
摩訶薩不應於女人身取能生欲想
相而為說法亦不樂見若入他家不
與小女處女寡女等共語亦復不近
五種不男之人以為親厚不獨入他
家若有因緣須獨入時但一心念佛
若為女人說法不露齒笑不現臂臆
乃至為法猶不親厚況復餘事不樂
畜年少弟子沙彌小兒亦不樂與同
師常好坐禪在於閑處修攝其心文
殊師利是名初親近處

復次菩薩摩訶薩觀一切法空如實
相不顛倒不動不退不轉如虛空無
所有性一切語言道斷不生不出不
起元名無相實無所有无量無邊无
礙無障但以因緣有從顛倒生故說
常樂觀如是法相是名菩薩摩訶薩
第二親近處今時世尊欲重宣此義

而說偈言

若有菩薩

欲說是經

常離國王

兇險戲者

亦不親近

三藏學者

及比丘尼

求現滅度

若是人等

為聞佛道

不懷怖望

及諸不男

亦莫親近

為利煞害

如是之人

種種嬉戲

莫獨屏處

無得戲笑

若元比丘

行處並處

又復不行

實不實法

於後惡世

應入行處

及國王子

及旃陀羅

增上慢人

破戒比丘

好戲笑者

諸優婆塞

以好心來

菩薩則以

而為說法

皆勿親近

屠兒魁膾

販肉自活

皆勿親近

諸婬女等

為女說法

入里乞食

一心念佛

以此二處

上中下法

亦不分別

無怖畏心

及親近處

大臣官長

外道梵志

貪著小乘

名字羅漢

深著五欲

皆勿親近

到菩薩所

无所畏心

寡女處女

以為親厚

畋獵漁捕

街賣女色

兇險相撲

盡勿親近

若說法時

將一比丘

是則名為

能安樂說

有為无為

是男是女

不得諸法	不知不見	是則名為
菩薩行處	一切諸法	空無所有
无有常住	亦無起滅	是名智者
所親近處	顛倒分別	諸法有無
是實非實	是生非生	在於閑處
修攝其心	安住不動	如須弥山
觀一切法	皆無所有	猶如虚空
无有堅固	不生不出	不動不退
常住一相	是名近處	若有比丘
於我滅後	入是行處	及親近處
說斯經時	無有怯弱	菩薩有時
入於靜室	以正憶念	隨義觀法
從禪定起	為諸國王	王子臣民
婆羅門等	開化演暢	說斯經典
其心安隱	无有怯弱	文殊師利
是名菩薩	安住初法	能於後世
說法華經		

又文殊師利如來滅後於末法中欲
說是經應住安樂行若口宣說若讀
經時不樂說人及經典過亦不輕慢
諸餘法師不說他人好惡長短於聲
聞人亦不稱名說其過惡亦不稱名
讚歎其美又亦不生怨嫌之心善修

如是安樂心故諸有聽者不逆其意
有所難問不以小乘法答但以大乘
而為解說令得一切種智今時世尊
欲重宣此義而說偈言

菩薩常樂	安隱說法	於清淨地
而施床座	以油塗身	澡浴塵穢
著新淨衣	內外俱淨	安處法座
隨問為說	若有比丘	及比丘尼
諸優婆塞	及優婆夷	國王王子
羣臣士民	以微妙義	和顏為說
若有難問	隨義而答	因緣譬喻
敷演分別	以是方便	皆使發心
漸漸增益	入於佛道	除嬾惰意
及懈怠想	離諸憂惱	慈心說法
晝夜常說	无上道教	以諸因緣
无量譬喻	開示衆生	咸令歡喜
衣服卧具	飲食醫藥	而於其中
無所怖望	但一心念	說法因緣
願成佛道	令衆亦令	是則大利
安樂供養		
我滅度後	若有比丘	能演說斯
妙法華經	心无嫉恚	諸惱障礙
亦無憂愁	及罵詈者	又无怖畏

加刀杖等 亦无損出 安住忍故
智者如是 善修其心 能住安樂
如我上說 其人功德 千万億劫
竿數譬喻 說不能盡

又文殊師利菩薩摩訶薩於後末世
法欲滅時受持讀誦斯經典者无懷
嫉妬諂誑之心亦勿輕罵學佛道者
求其長短若比丘比丘尼優婆塞優
婆夷求聲聞者求辟支佛者求菩薩
道者无得惱之令其疑悔語其人言
汝等去道甚遠終不能得一切種智
所以者何汝是放逸之人於道懈怠
故又亦不應戲論諸法有所諍競當
於一切衆生起大悲想於諸如來起
慈父想於諸菩薩起大師想於十方
諸大菩薩常應深心恭敬礼拜於一
切衆生平等說法以順法故不多不
少乃至深愛法者亦不為多說
文殊師利是菩薩摩訶薩於後末世
法欲滅時有成就就是第三安樂行者
說是法時无能惱亂得好同學共讀
誦是經亦得大衆而來聽受聽已能
持持已能誦誦已能說說已能書若

使人書供養經卷恭敬尊重讚歎
時世尊欲重宣此義而說偈言

若欲說是經當捨嫉恚慢諂誑邪偽心
常修實直行不輕蔑於人亦不戲論法
不令他疑悔去汝不得佛是佛子說法
常柔和能忍慈悲於一切不生懈怠心
十方大菩薩愍衆故行道應生恭敬心
是則我大師於諸佛世尊生無上父想
破於憍慢心說法无障碍第三法如是
智者應守護一心安樂行無量衆所敬
又文殊師利菩薩摩訶薩於後末世
法欲滅時有持是法華經者於在家
出家人中生大慈心於非菩薩人中
生大悲心應作是念如是之人則為
大失如來方便隨宜說法不聞不知
不覺不問不信不解其人雖不問不
信不解是經我得阿耨多羅三藐三
菩提時隨在何地以神通力智慧力
引之令得住是法中文殊師利是菩
薩摩訶薩於如來滅後有成就此第
四法者說是法時無有過失常為比
丘比丘尼優婆塞優婆夷國王王子
大臣人民婆羅門居士等供養恭敬

尊重讚歎虛空諸天為聽法故亦常
隨侍若在聚落城邑空閑林中有入
來欲難問者諸天晝夜常為法故而
衛護之能令聽者皆得歡喜所以者
何此經是一切過去未來現在諸佛
神力所護故文殊師利是法華經於
无量國中乃至名字不可得聞何況
得見受持讀誦

文殊師利譬如強力轉輪聖王欲以
威勢降伏諸國而諸小王不順其命
時轉輪王起種種兵而往討罰王見
兵衆戰有功者即大歡喜隨功賞賜
或與田宅聚落城邑或與衣服嚴身
之具或與種種珍寶金銀琉璃車乘
馬腦珊瑚帟珀爲馬車乘奴婢人民
唯歸中明珠不以與之所以者何獨
王頂上有此一珠若以與之王諸眷
屬必大驚恠文殊師利如來亦復如
是以禪定智慧力得法國王王於三
界而諸魔王不肯順伏如來賢聖諸
將與之共戰其有功者心亦歡喜於
四衆中為說諸經令其心悅賜以禪
定解脫無漏根力諸法之財又復賜

與涅槃之城言得滅度引導其心令
皆歡喜而不為說是法華經文殊師
利如轉輪王見諸兵衆有大功者心
甚歡喜以此難信之珠久在髻中不
妄與人而今與之如來亦復如是於
三界中為大法王以法教化一切衆
生見賢聖軍與五陰魔煩惱魔死魔
共戰有大功勲滅三毒出三界破魔
網今時如來亦大歡喜此法華經能
令衆生至一切智一切世間多怨難
信先所未說而今說之文殊師利此
法華經是諸如來第一之說於諸說
中實為甚深末後賜與如彼強力之
王久護明珠今乃與之文殊師利此
法華經諸佛如來秘密之藏於諸經
中實在其上長夜守護不妄宣說始
於今日乃與汝等而敷演之今時世
尊欲重宣此義而說偈言

常行忍辱 哀愍一切 乃能演說
佛所讚經 後末世時 持此經者
於家出家 及非菩薩 應生慈悲
斯等不聞 不信是經 則為大失
我得佛道 以諸方便 為說此法

令住其中 辟如強力 轉輪之王
兵戰有功 賞賜諸物 爲馬車乘
嚴身之具 及諸田宅 聚落城邑
或與衣服 種種珍寶 奴婢財物
歡喜賜與 如有勇健 能爲難事
三斛毳中 明珠賜之 如來亦令
爲諸法王 忍辱大力 智慧寶藏
以大慈悲 如法化世 見一切人
受諸苦惱 欲求解脫 與諸魔戰
爲是衆生 說種種法 以大方便
說此諸經 既知衆生 得其力已
末後乃爲 說是法華 如三斛毳
明珠與之 此經爲尊 衆經中上
我常守護 不妄開示 今正是時
爲沒等說 我滅度後 求佛道者
欲得安隱 演說斯經 應當親近
如是四法 讀是經者 常元憂惱
又無病痛 顏色鮮白 不生貧窮
卑賤醜陋 衆生樂見 如慕賢聖
天諸童子 以爲給使 刀杖不加
毒不能害 若人惡罵 口則閉塞
遊行無畏 如師子王 智慧光明
如日之照 若於夢中 但見妙事

見諸如來 坐師子座 諸比丘衆
圍繞說法 又見龍神 阿修羅等
數如恒沙 恭敬合掌 自見其身
而為說法 又見諸佛 身相金色
放无量光 照於一切 以梵音聲
演說諸法 佛為四衆 說无上法
見身處中 合掌讚佛 聞法歡喜
而為供養 得陀羅尼 證不退智
佛知其心 深入佛道 即為授記
成取正覺 設善男子 當於來世
得无量智 佛之大道 國土嚴淨
廣大無比 亦有四衆 合掌聽法
又見自身 在山林中 修習善法
證諸實相 深入禪定 見十方佛
諸佛身金色 百福相莊嚴 聞法為人說
常有是好夢 又夢作國王 捨宮殿眷屬
及上妙五欲 行詣於道場 在菩提樹下
而處師子座 求道過七日 得諸佛之智
成无上道已 起而轉法輪 為四衆說法
經千万億劫 說无漏妙法 度无量衆生
後當入涅槃 如烟盡燈滅 若後惡世中
說是第一法 是人得大利 如上諸功德
妙法蓮華經從地踊出品第十五

尔時他方國土諸來菩薩摩訶薩過
八恒河沙數於大衆中起立合掌作礼
而白佛言世尊若聽我等於佛滅後
在此娑婆世界懃加精進護持讀誦
書寫供養是經典者當於此土而廣
說之尔時佛告諸菩薩摩訶薩衆止
善男子不須汝等護持此經所以者
何我娑婆世界自有六万恒河沙等
菩薩摩訶薩一一菩薩各有六万恒
河沙眷屬是諸人等能於我滅後護
持讀誦廣說此經佛說是時娑婆世
界三千大千國土地皆震裂而於其
中有无量千万億菩薩摩訶薩同時
踊出是諸菩薩身皆金色三十二相
无量光明先盡在此娑婆世界之下
此界虛空中住是諸菩薩聞釋迦牟
尼佛所說音聲從下發來一一菩薩
皆是大衆唱導之首各將六万恒河
沙眷屬况將五万四万三万二万一
万恒河沙等眷屬者况復乃至一恒
河沙半恒河沙四分之一乃至千万
億那由他分之一况復千万億那由
他眷屬况復億万眷屬况復千万百

万乃至一万况復一千一百乃至一
十况復將五四三二一弟子者况復
單已樂遠離行如是等比无量無邊
等數譬喻所不能知是諸菩薩從地
出已各詣虛空七寶妙塔多寶如來
釋迦牟尼佛所到已向二世尊頭面
礼足及至諸寶樹下師子座上佛所
亦皆作礼右繞三匝合掌恭敬以諸
菩薩種種讚法而以讚歎住在一面
欣樂瞻仰於二世尊是諸菩薩摩訶
薩從初踊出以諸菩薩種種讚法而
讚於佛如是時間經五十小劫是時
釋迦牟尼佛嘿然而坐及諸四眾亦
皆嘿然五十小劫佛神力故令諸大
眾謂如半日今時四眾亦以佛神力
故見諸菩薩遍滿无量百千万億國
土虛空是菩薩眾中有四導師一名
上行二名無邊行三名淨行四名安
立行是四菩薩於其眾中取為上首
唱導之師在大眾前各共合掌觀釋
迦牟尼佛而問訊言世尊少病少惱
安樂行不所應度者受教易不不令
世尊生疲勞耶今時四大菩薩而說

偈言

世尊安樂 少病少惱 教化衆生
得无疲倦 又諸衆生 受化易不
不令世尊 生疲勞耶
今時世尊於菩薩大衆中而作是言
如是如是諸善男子如來安樂少病
少惱諸衆生等易可化度无有疲勞
所以者何是諸衆生世世已來常受
我化亦於過去諸佛供養尊重種諸
善根此諸衆生始見我身聞我所說
即皆信受入如來慧除先修習學小
乘者如是之人我今亦令得聞是經
入於佛慧今時諸大菩薩而說偈言
善哉善哉 大雄世尊 諸衆生等
易可化度 能問諸佛 甚深智慧
聞已信行 我等隨喜

於時世尊讚歎上首諸大菩薩善哉
善哉善男子汝等能於如來發隨喜心
今時弥勒菩薩及八千恒河沙諸善
薩衆皆作是念我等從昔已來不見
不聞如是大菩薩摩訶薩衆從地踊
出住世尊前合掌供養問訊如來時
弥勒菩薩摩訶薩知八千恒河沙諸

菩薩等心之所念并欲自決所疑合掌向佛以偈問曰

無量千萬億大衆諸菩薩昔所未曾見
願兩足尊說是從何所來以何因緣集
巨身大神通智慧叵思議其志念堅固
有大忍辱力衆生所樂見為從何所來
一一諸菩薩所將諸眷屬其數元有量
如恒河沙等或有大菩薩將六万恒沙
如是諸大衆一心求佛道是諸大師等
六万恒河沙俱來供養佛及護持是經
將五万恒沙其數過於四万及二万
二万至一万一千一百等乃至一恒沙
半及三四分億万分之一千万部由他
万億諸弟子乃至於半億其數復過上
百万至一万一千及一百五十與一十
乃至三二一單已无眷屬樂於獨處者
俱來至佛所其數轉過上如是諸大衆
若人行等數過於恒沙劫猶不能盡知
是諸大威德精進菩薩衆誰為其說法
教化而成就從誰初發心稱揚何佛法
受持行誰經修習何佛道如是諸菩薩
神通大智力四方地震裂皆從中踊出
世尊我昔來未曾見是事願說其所從

國土之名号我常遊諸國未曾見是衆
我於此衆中乃不識一人忽然從地出
願說其因緣今此之大會无量百千億
是諸菩薩等皆欲知此事是諸菩薩衆
本末之因緣無量德世尊唯願決衆疑
尔時釋迦牟尼分身諸佛從無量千
万億他方國土來者在於八方諸寶
樹下師子座上結加趺坐其佛侍者
各各見是菩薩大衆於三千大千世
界四方從地踊出住於虛空各白其
佛言世尊此諸无量無邊阿僧祇菩
薩大衆從何所來尔時諸佛各告侍
者諸善男子且待須臾有菩薩摩訶
薩名曰弥勒釋迦牟尼佛之所授記
次後作佛以問斯事佛令答之汝等
自當因是得聞

尔時釋迦牟尼佛告弥勒菩薩善哉
善哉阿逸多乃能問佛如是大事汝
等當共一心被精進鎧發堅固意如
來今欲顯發宣示諸佛智慧諸佛自
在神通之力諸佛師子奮迅之力諸
佛威猛大勢之力尔時世尊欲重宣
此義而說偈言

當精進一心我欲說此事勿得有疑悔
佛智叵思議汝今出信力住於忍善中
昔所未聞法今皆當得聞我今安慰汝
勿得懷疑懼佛无不實語智慧不可量
所得第一法甚深叵分別如是今當說
汝等一心聽

今時世尊說此偈已告弥勒菩薩我
今於此大衆宣告汝等阿逸多是諸
大菩薩摩訶薩无量無數阿僧祇從
地踊出汝等昔所未見者我於是娑
婆世界得阿耨多羅三藐三菩提已
教化示導是諸菩薩調伏其心令發
道意此諸菩薩皆於是娑婆世界之
下此界虛空中住於諸經典讀誦通
利思惟分別正憶念阿逸多是諸善
男子等不樂在衆多有所說常樂靜
處勤行精進未曾休息亦不依止人
天而住常樂深智无有障礙亦常樂
於諸佛之法一心精進求無上慧今
時世尊欲重宣此義而說偈言
阿逸汝當知是諸大菩薩從無數劫來
修習佛智慧悉是我所化今發大道心
此等是我子依止是世界常行頭陀事

志樂於靜處捨大衆憤鬧不樂多所說
如是諸子等學習我道法晝夜常精進
為求佛道故在娑婆世界下方空中住
志念力堅固常勤求智慧說種種妙法
其心無所畏我於伽耶城菩提樹下坐
得成最正覺轉无上法輪今乃教化之
令初發道心今皆住不退悉當得成佛
我今說實語汝等一心信我從久遠來
教化是等衆

今時弥勒菩薩摩訶薩及無數諸菩
薩等心生疑惑怖未曾有而作是念
云何世尊於少時間教化如是无量
无边阿僧祇諸大菩薩今住阿耨多
羅三藐三菩提即白佛言世尊如來
為太子時出於釋宮去伽耶城不遠
坐於道場得成阿耨多羅三藐三菩
提從是已來始過四十餘年世尊云
何於此少時大作佛事以佛勢力以
佛功德教化如是无量大菩薩衆當
成阿耨多羅三藐三菩提世尊此大
菩薩衆假使有人於千万億劫數不
能盡不得其邊斯等久遠已來於无
量无边諸佛所殖諸善根成就菩薩

道常修梵行世尊如此之事世所難
信譬如有人色衰髮黑年二十五拍
百歲人言是我子其百歲人亦指年
少言是我父生育我等是事難信佛
亦如是得道已來其實未久而此大
衆諸菩薩等已於无量千万億劫為
佛道故勤行精進善入出住无量百
千万億三昧得大神通久修梵行善
能次第習諸善法巧於問答人中之
寶一切世間甚為希有今日世尊方
云得佛道時初令發心教化亦導令
向阿耨多羅三藐三菩提世尊得佛
未久乃能作此大功德事我等雖復
信佛隨宜所說佛所出言未曾虛妄
佛所知者皆悉通達然諸新發意菩
薩於佛滅後若聞是語或不信受而
起破法罪業因緣唯然世尊願為解
說除我等疑及未來世諸善男子聞
此事已亦不生疑今時弥勒菩薩欲
重宣此義而說偈言

佛昔從釋種出家近伽耶坐於菩提樹
今來尚未久此諸佛子等其數不可量
久已行佛道住於神通力善學菩薩道

不染世間法如蓮花在水從地而踊出
皆起恭敬心住於世尊前是事難思議
云何而可信佛得道甚近所成就甚多
願為除衆疑如實分別說辭如少壯人
年始二十五亦人百歲子髮白而面皺
是等我所生子亦說是父父少而子老
舉世所不信世尊亦如是得道來甚近
是諸菩薩等志固无怯弱從無量劫來
而行菩薩道巧於難問答其心无所畏
忍辱心決定端正有威德十方佛所讚
善能分別說不樂在人衆常好在禪定
為求佛道故於下空中住我等從佛聞
於此事无疑願佛為未來演說令開解
若有於此經生疑不信者即當隨意道
願今為解說是无量菩薩云何於少時
教化令發心而住不退地

妙法蓮華經如來壽量品第十六

今時佛告諸菩薩及一切大衆諸善
男子汝等當信解如來誠諦之語復
告大衆汝等當信解如來誠諦之語
又復告諸大衆汝等當信解如來誠
諦之語是時菩薩大衆弥勒為首合
掌白佛言世尊唯願說之我等當信

受佛語如是三白已復言唯願說之
我等當信受佛語今時世尊知諸苦
陸三請不止而告之言汝等諦聽如
來秘密神通之力一切世間天人及
阿修羅皆謂今釋迦牟尼佛出釋氏
宮去伽耶城不遠坐於道場得阿耨
多羅三藐三菩提然善男子我實成
佛已來无量無邊百千万億那由他
劫譬如五百千万億那由他阿僧祇
三千大千世界假使有人末為微塵
過於東方五百千万億那由他阿僧
祇國乃下一塵如是東行盡是微塵
諸善男子於意云何是諸世界可得
思惟校計知其數不弥勒菩薩等俱
白佛言世尊是諸世界无量無邊非
算數所知亦非心力所及一切聲聞
辟支佛以無漏智不能思惟知其限
數我等住阿惟越致地於是事中亦
所不達世尊如是諸世界无量無邊
今時佛告大菩薩眾諸善男子今當
分明宣語汝等是諸世界若著微塵
及不著者盡以為塵一塵一劫我成
佛已來復過於此百千万億那由他

阿僧祇劫自從是來我常在此娑婆世界說法教化亦於餘處百千萬億那由他阿僧祇國導利衆生諸善男子於是中間我說燃燈佛等又復言其入於涅槃如是皆以方便分別諸善男子若有衆生未至我所我以佛眼觀其信等諸根利鈍隨所應度處處自說名字不同年紀大小亦復現言當入涅槃又以種種方便說微妙法能令衆生發歡喜心諸善男子如來見諸衆生樂於小法德薄垢重者為是人說我少出家得阿耨多羅三藐三菩提然我實成佛已來久遠若斯但以方便教化衆生令入佛道作如是說諸善男子如來所演經典皆為度脫衆生或說已身或說他身或示已身或示他身或示已事或示他事諸所言說皆實不虛所以者何如來如實知見三界之相无有生死若退若出亦无在世及滅度者非實非虛非如非異不如三界見於三界如斯之事如來明見无有錯謬以諸衆生有種種性種種欲種種行種種憶

想分別故欲令生諸善根以若干因緣譬喻言辭種種說法所作佛事未曾動是廢如是我成佛已來甚大久遠壽命无量阿僧祇劫常住不滅諸善男子我本行菩薩道所成壽命今猶未盡復倍上數然今非實滅度而便唱言當取滅度如來以是方便教化衆生所以者何若佛久住於世薄德之人不種善根貧窮下賤貪著五欲入於憶想妄見網中若見如來常在不滅便起憍恣而懷猷怠不能生難遭之想恭敬之心是故如來以方便說比丘當知諸佛出世難可值遇所以者何諸薄德人過无量百千萬億劫或有見佛或不見者以此事故我作是言諸比丘如來難可得見斯衆生等聞如是語必當生於難遭之想心懷戀慕渴仰於佛便種善根是故如來雖不實滅而言滅度又善男子諸佛如來法皆如是為度衆生皆實不虛譬如良醫智慧聰達明練方藥善治衆病其人多諸子息若十二乃至百數以有事緣遠至

餘臨諸子於後飲他毒藥藥發悶亂
宛轉于地是時其父還來歸家諸子
飲毒或失本心或不失者遇見其父
皆大歡喜拜跪問訊善安隱歸我等
愚癡誤服毒藥願見救療更賜壽命
父見此等苦惱如是依諸經方求好
藥草色香美味皆悉具足持歸和合
與子令服而作是言此大良藥色香
美味皆悉具足汝等可服速除苦惱
无復衆患其諸子中不失心者見此
良藥色香俱好即便服之病盡除愈
餘失心者見其父來雖亦歡喜問訊
求索治病然與其藥而不肯服所以
者何毒氣深入失本心故於此好色
香藥而謂不美又作是念此子可愍
為毒所中心皆顛倒雖見我喜求索
救療如是好藥而不肯服我今當設
方便令服此藥即作是言汝等當知
我今衰老死時已至是好良藥今留
在此汝可取服勿憂不老作是教已
復至他國遣使還告汝父已死是時
諸子聞父背喪心大憂惱而作是念
若父在者慈愍我等能見救護今者

捨我遠喪他國自惟孤露无復恃怙
常懷悲感心遂醒悟乃知此藥色味
香美即取服之毒病皆愈其父聞子
志已得老尋便來歸咸使見之
諸善男子於意云何頗有人能說此
比醫虛妄罪不不也世尊佛言我亦
如是成佛已來無量无边百千万億
那由他阿僧祇劫為衆生故以方便
力言當滅度亦无有能如法說我虛
妄過者今時世尊欲重宣此義而說
偈言

自我得佛來 所經諸劫數 无量百千万
億載阿僧祇 常說法教化 無數億衆生
令入於佛道 今來无量劫 為度衆生故
方便現涅槃 而實不滅度 常住此說法
我常住於此 以諸神通力 令顛倒衆生
雖近而不見 衆見我滅度 廣供養舍利
皆懷戀慕 而生渴仰心 衆生既信伏
實直意柔軟 一心欲見佛 不自惜身命
時我及衆僧 俱出靈鷲山 我時語衆生
常在此不滅 以方便力故 現有滅不滅
餘國有衆生 恭敬信樂者 我復於彼中
為說无上法 汝等不聞此 但謂我滅度

我見諸衆生 沒在於苦惱 故不為現身
令其生渴仰 因其心戀慕 乃出為說法
神通力如是 於阿僧祇劫 常在靈鷲山
及餘諸住處 衆生見劫盡 大火所燒時
我此土安隱 天人常充滿 園林諸堂閣
種種寶莊嚴 寶樹多花菓 衆生所遊樂
諸天擊天鼓 常作衆伎樂 雨曼陀羅花
散佛及大衆 我淨土不毀 而衆見燒盡
憂怖諸苦惱 如是悉充滿 是諸罪衆生
以惡業因緣 過阿僧祇劫 不聞三寶名
諸有修功德 柔和質直者 則皆見我身
在此而說法 或時為此衆 說佛壽元量
久乃見佛者 為說佛難值 我智力如是
慧光照元量 壽命無數劫 久修業所得
汝等有智者 勿於此生疑 當斷今永盡
佛語實不虛 如醫善方便 為治狂子故
實在而言死 无能說虛妄 我亦為世父
救諸苦患者 為凡夫顛倒 實在而言滅
以常見我故 而生憍恣心 放逸著五欲
墮於惡道中 我常知衆生 行道不行道
隨所應可度 為說種種法 每自作是意
以何令衆生 得入無上慧 速成就佛身
妙法蓮華經分別功德品第十七

今時大會聞佛說壽命劫數長遠如是無量無邊阿僧祇衆生得大饒益於時世尊告弥勒菩薩摩訶薩阿逸多我說是如來壽命長遠時六百八十萬億那由他恒河沙衆生得無生法忍復有千倍菩薩摩訶薩得聞持陀羅尼門復有一世界微塵數菩薩摩訶薩得樂說無礙辯才復有一世界微塵數菩薩摩訶薩得百千萬億無量旋陀羅尼復有三千大千世界微塵數菩薩摩訶薩能轉不退法輪復有二千中國土微塵數菩薩摩訶薩能轉清淨法輪復有小千國土微塵數菩薩摩訶薩八生當得阿耨多羅三藐三菩提復有三四天下微塵數菩薩摩訶薩三生當得阿耨多羅三藐三菩提復有二四天下微塵數菩薩摩訶薩二生當得阿耨多羅三藐三菩提復有一四天下微塵數菩薩摩訶薩一生當得阿耨多羅三藐三菩提復有八世界微塵數衆生皆

發阿耨多羅三藐三菩提心佛說是
諸菩薩摩訶薩得大法利時於虛空
中雨曼陀羅華摩訶曼陀羅華以散
無量百千萬億衆寶樹下師子座上諸
佛并散七寶塔中師子座上釋迦牟
尼佛及久滅度多寶如來亦散一切
諸大菩薩及四部衆又雨細末栴檀
沉水香等於虛空中天鼓自鳴妙聲
深遠又雨千種天衣垂諸瓔珞真珠
瓔珞摩尼珠瓔珞如意珠瓔珞遍於
九方衆寶香鑪燒无價香自然周至
供養大會一一佛上有諸菩薩執持
幡蓋次第而上至于梵天是諸菩薩
以妙音聲歌无量頌讚歎諸佛今時
弥勒菩薩從座而起偏袒右肩合掌
向佛而說偈言

佛說希有法昔所未曾聞 世尊有大力
壽命不可量 無數諸佛子 聞世尊分別
說得法利者 歡喜充滿身 或住不退地
或得陀羅尼 或無礙樂說 万億旋撻持
或有大千界 微塵數菩薩 各各皆能轉
不退之法輪 復有中千界 微塵數菩薩
各各皆能轉 清淨之法輪 復有小千界

微塵數菩薩餘各八生在當得成佛道
復有四三二如此四天下微塵諸菩薩
隨數生成佛或一四天下微塵數菩薩
餘有一生在當成一切智如是等衆生
聞佛壽長遠得無量无漏清淨之果報
復有八世界微塵數衆生聞佛說壽命
皆發无上心世尊說无量不可思議法
多有所饒益如虚空無邊雨天曇陀羅
摩訶曇陀羅釋梵如恒沙無數佛土來
雨栴檀沉水繽紛而亂墜如鳥飛空下
供散於諸佛天鼓虚空中自然出妙聲
天衣千万種旋轉而來下衆寶妙香爐
燒无價之香自然悉周遍供養諸世尊
其大菩薩衆執七寶幡蓋高妙万億種
次第至梵天一一諸佛前寶幢懸勝幡
亦以千万偈歌詠諸如來如是種種事
昔所未曾有聞佛壽無量一切皆歡喜
佛名聞十方廣饒益衆生一切具善根
以助無上心

尔時佛告弥勒菩薩摩訶薩阿逸多
其有衆生聞佛壽命長遠如是乃至
能生一念信解所得功德无有限量
若有善男子善女人為阿耨多羅三

藐三菩提故於八十万億那由他劫
行五波羅蜜檀波羅蜜尸羅波羅蜜
羼提波羅蜜毗梨耶波羅蜜禪波羅
蜜除般若波羅蜜以是功德比前功
德百分千分百千万億分不及其一
乃至等數譬喻所不能知若善男子
善女人有如是功德於阿耨多羅三
藐三菩提退者无有是處今時世尊
欲重宣此義而說偈言

若人求佛慧於八十万億那由他劫數
行五波羅蜜於是諸劫中布施供養佛
及緣覺弟子并諸菩薩衆殊異之飲食
上服與卧具栴檀立精舍以園林莊嚴
如是等布施種種皆微妙盡此諸劫數
以迴向佛道若復持禁戒清淨无缺漏
求於无上道諸佛之所歎若復行忍辱
住於調柔地設衆惡來加其心不傾動
諸有得法者懷於增上慢為此所輕惱
如是亦能忍若復勤精進志念常堅固
於无量億劫一心不懈息又於無數劫
住於空閑處若坐若經行除睡常攝心
以是因緣故能生諸禪定八十億万劫
安住心不亂持此一心福願求无上道

我得一切智 盡諸禪定際 是人於百千
萬億劫數中 行此諸功德 如上之所說
有善男女等 聞我說壽命 乃至一念信
其福過於彼 若人志無有一切諸疑悔
深心須臾信 其福為如此 其有諸菩薩
無量劫行道 聞我說壽命 是則能信受
如是諸人等 頂受此經典 願我於未來
長壽度衆生 如今日世尊 諸釋中之王
道場師子吼 說法无所畏 我等未來世
一切所尊敬 坐於道場時 說壽亦如是
若有深心者 清淨而質直 多聞能持持
隨義解佛語 如是諸人等 於此無有疑
又阿逸多 若有聞佛壽命長遠 解其
言趣 是人所得功德 无有限量 能起
如來無上之慧 何況廣聞是經 若教
人聞 若自持 若教人持 若自書 若教
人書 若以華香瓔珞幢幡繒蓋香油
酥燈供養經卷 是人功德 无量無邊
能生一切種智 阿逸多 若善男子 善
女人 聞我說壽命長遠 深心信解 則
為見佛 常在耆闍崛山 共大菩薩諸
聲聞衆 圍繞說法 又見此娑婆世界
其地琉璃坦然 平正 閻浮檀金以界

八道寶樹行列諸臺樓觀皆悉寶成
其菩薩衆咸處其中若有能如是觀
者當知是為深信解相又復如來滅
後若聞是經而不毀訾起隨喜心當
知已為深信解相何況讀誦受持之
者斯人則為頂戴如來阿逸多是善
男子善女人不須為我復起塔寺及
作僧坊以四事供養衆僧所以者何
是善男子善女人受持讀誦是經典
者為已起塔造立僧坊供養衆僧則
為以佛舍利起七寶塔高廣漸小至
于梵天懸諸幡蓋及衆寶鈴華香瓔
珞末香塗香燒香衆鼓伎樂簫笛篳
篥種種俳戲以妙音聲歌唄讚頌則
為於無量千万億劫作是供養已
阿逸多若我滅後聞是經與有能受
持若自書若教人書則為起立僧坊
以赤梅檀作諸殿堂三十有二高八
多羅樹高廣嚴好百千比丘於其中
止園林浴池經行禪窟衣服飲食床
褥湯藥一切樂具充滿其中如是僧
坊堂閣若干百千万億其數无量以
此現前供養於我及比丘僧是故我

說如來滅後若有受持讀誦為他人
說若自書若教人書供養經卷不須
復起塔寺及造僧坊供養衆僧况復
有人能持是經兼行布施持戒忍辱
精進一心智慧其德取勝无量無邊
譬如虛空東西南北四維上下无量
無邊是人功德亦復如是无量無邊
疾至一切種智若人讀誦受持是經
為他人說若自書若教人書復能起
塔及造僧坊供養讚歎聲聞衆僧亦
以百千萬億讚歎之法讚歎菩薩功
德又為他人種種因緣隨義解說此
法華經復能清淨持戒與柔和者而
共同止忍辱無瞋志念堅固常貴坐
禪得諸深定精進勇猛攝諸善法利
根智慧善答問難

阿逸多若我滅後諸善男子善女人
受持讀誦是經典者復有如是諸善
功德當知是人已趣道場近阿耨多
羅三藐三菩提坐道樹下阿逸多是
善男子善女人若坐若立若行處此
中便應起塔一切天人皆應供養如
佛之塔今時世尊欲重宣此義而說

偈言

若我滅度後能奉持此經斯人福无量
如上之所說是則為具足一切諸供養
以舍利起塔七寶而在嚴表刹甚高廣
漸小至梵天寶鈴千万億風動出妙音
又於无量劫而供養此塔華香諸瓔珞
天衣衆伎樂燃香油酥燈周匝常照明
惡世法末時能持是經者則為已如上
具足諸供養若能持此經則如佛現在
以牛頭栴檀起僧坊供養堂有三十二
高八多羅樹上饌妙衣服床卧皆具足
百千衆住處園林諸浴池經行及禪窟
種種皆嚴好若有信解心受持讀誦書
若復教人書及供養經卷散華香末香
以須臾瞻蔔阿提目多加薰油常燃之
如是供養者得无量功德如虛空無邊
其福亦如是况復持此經兼布施持戒
忍辱樂禪定不瞋不惡口恭敬於塔廟
謙下諸比丘速離自高心常思惟智慧
有問難不瞋隨順為解說若能行是行
功德不可量若見此法師成就如是德
應以天華散天衣覆其身頭面接足礼
生心如佛想又應作是念不久詣道樹

得无漏無為廣利諸人天其所住止處
經行若坐卧乃至說一偈是中應起塔
莊嚴令妙好種種以供養佛子住此地
則是佛受用常在於其中經行及坐卧

妙法蓮華經卷第五

癸卯歲高麗國大藏都監奉
勅雕造

妙法蓮華經卷第六

鳴

後秦龜茲國三藏法師鳩摩羅什奉詔譯

隨喜功德品第十八

今時弥勒菩薩摩訶薩白佛言世尊若有善男子善女人聞是法華經隨喜者得幾所福而說偈言

世尊滅度後其有聞是經若能隨喜者為得幾所福

今時佛告弥勒菩薩摩訶薩阿逸多如來滅後若比丘比丘尼優婆塞優婆夷及餘智者若長若幼聞是經隨喜已從法會出至於餘處若在僧坊若空閑地若城邑巷陌聚落田里如其所聞為父母宗親善友知識隨力演說是諸人等聞已隨喜復行轉教餘人聞已亦隨喜轉教如是展轉至第五十阿逸多其第五十善男子善女人隨喜功德我今說之汝當善聽若四百萬億阿僧祇世界六趣四生衆生卵生胎生濕生化生若有形無形有想元想非有想非無想无足二足四足多足如是等在衆生數者有

人求福隨其所欲娛樂之具皆給與之一一衆生與滿閻浮提金銀琉璃車渠馬腦珊瑚琥珀諸妙珍寶及爲馬車乘七寶所成宮殿樓閣等是大施主如是布施滿八十年已而作是念我已施衆生娛樂之具隨意所欲然此衆生皆已衰老年過八十髮白面皺將死不久我當以佛法而訓導之即集此衆生宣布法化示教利喜一時皆得須陀洹道斯陀含道阿羅合道阿羅漢道盡諸有漏於深禪定皆得自在具八解脫於汝意云何是大施主所得功德寧爲多不弥勒白佛言世尊是人功德甚多无量無邊若是施主但施衆生一切樂具功德無量何況今得阿羅漢果佛告弥勒我今分明語汝是人以一切樂具施於四百万億阿僧祇世界六趣衆生又令得阿羅漢果所得功德不如是第五十人問法華經一偈隨喜功德百分千分百千万億分不及其一乃至等數譬喻所不能知阿逸多如是第五十人展轉聞法華經隨喜功德

尚無量无边阿僧祇何況最初於會
中間而隨喜者其福復勝無量无边
阿僧祇不可得比又阿逸多若人為
是經故往詣僧坊若坐若立須臾聽
受緣是功德轉身所生得好上妙烏
馬車乘珍寶輦舉及乘天宮若復有
人於講法處坐更有人來勸令坐聽
若分座令坐是人功德轉身得帝釋
坐處若梵王坐處若轉輪聖王所坐
之處阿逸多若復有人語餘人言有
經名法華可共往聽即受其教乃至
須臾聞聞是人功德轉身得與陀羅
尼菩薩共生一處利根智慧百千万
世終不瘡痂口氣不臭舌常无病口
亦無病齒不垢黑不黃不疎亦不缺
落不老不曲脣不下垂亦不褰縮不
麤澁不瘡脣亦不缺壞亦不喎斜不
厚不大亦不黑黑無諸可惡鼻不匾
匿亦不曲戾面色不黑亦不狹長亦
不窄曲无有一切不可喜相脣舌牙
齒悉皆嚴好鼻脩高直面貌圓滿眉
高而長額廣平正人相具足世世所
生見佛聞法信受教誨阿逸多汝且

觀是勸於一人今往聽法功德如此
何況一心聽說讀誦而於大眾為人
分別如說修行念時世尊欲重宣此
義而說偈言

若人於法會得聞是經典乃至於一偈
隨喜為他說如是展轉教至于第五十
輩後人獲福今當分別之如有大施主
供給无量眾具滿八十歲隨意之所欲
見彼衰老相羸白而面皺齒疎形枯竭
念其死不久我今應當教令得於道果
即為方便說涅槃真實法世皆不牢固
如水沫泡焰汝等咸應當疾生厭離心
諸人間是法皆得阿羅漢具足六神通
三明八解脫寂後第五十聞一偈隨喜
是人福勝彼不可為譬喻如是展轉聞
其福尚無量何況於法會初聞隨喜者
若有勸一人將引聽法華言此經深妙
千万劫難遇即受教往聽乃至須臾聞
斯人之福報今當分別說世世無口患
齒不疎黃黑脣不厚褰缺无有可惡相
舌不乾黑短鼻高脩且直額廣而平正
面目志端嚴為人所喜見口氣无臭穢
優鉢華之香常從其口出若故詣僧坊

欲聽法華經須臾聞歡喜今當說其福
後生天人中得妙為馬車珍寶之羣輩
及衆天宮殿若於講法處勸人坐聽經
是福因緣得釋梵轉輪座何況一心聽
解說其義趣如說而修行其福不可量
妙法蓮華經法師功德品第十九

尔時佛告常精進菩薩摩訶薩若善
男子善女人受持是法華經若讀若
誦若解說若書寫是人當得八百眼
功德千二百耳功德八百鼻功德千
二百舌功德八百身功德千二百意
功德以是功德莊嚴六根皆令清淨
是善男子善女人父母所生清淨肉
眼見於三千大千世界內外所有山
林河海下至阿鼻地獄上至有頂亦
見其中一切衆生及業因緣果報生
處悉見悉知尔時世尊欲重宣此義
而說偈言

若於大衆中以無所畏心說是法華經
汝聽其功德是人得八百功德殊勝眼
以是莊嚴故其目甚清淨父母所生眼
悉見三千界內外弥樓山須弥及鐵圍
并諸餘山林大海江河水下至阿鼻獄

上至有頂處其中諸衆生一切皆悉見
雖未得天眼肉眼力如是

復次常精進若善男子善女人受持
此經若讀若誦若解說若書寫得千
二百耳功德以是清淨耳聞三千大
千世界下至阿鼻地獄上至有頂其
中內外種種語言音聲為聲馬聲牛
聲車聲啼哭聲愁歎聲螺聲鼓聲鐘
聲鈴聲笑聲語聲男聲女聲童子聲
童女聲法聲非法聲苦聲樂聲凡夫聲
聖人聲喜聲不喜聲天聲龍聲夜叉
聲乾闥婆聲阿修羅聲迦樓羅聲緊
那羅聲摩睺羅伽聲火聲水聲風聲
地獄聲畜生聲餓鬼聲比丘聲比丘
尼聲聲聞聲辟支佛聲菩薩聲佛聲
以要言之三千大千世界中一切內
外所有諸聲雖未得天耳以父母所
生清淨常耳皆悉聞知如是分別種
種音聲而不壞耳根今時世尊欲重
宣此義而說偈言

父母所生耳清淨无濁穢以此常耳聞
三千世界聲象馬車牛聲鐘鈴螺鼓聲
琴瑟悠游聲簫笛之音聲清淨好歌聲

聽之而不著 無數種人聲 聞悉能解了
又聞諸天聲 微妙之歌音 及聞男女聲
童子童女聲 山川峻谷中 迦陵頻伽聲
命命等諸鳥 悉聞其音聲 地獄衆苦痛
種種楚毒聲 餓鬼飢渴逼 求索飲食聲
諸阿修羅等 居在大海邊 自共語言
出于大音聲 如是說法者 安住於此間
遙聞是衆聲 而不壞耳根 十方世界中
禽獸鳴相呼 其說法之人 於此悉聞之
其諸梵天上 光音及遍淨 乃至有頂天
言語之音聲 法師住於此 悉皆得聞之
一切比丘衆 及諸比丘尼 若讀誦經典
若爲他人說 法師住於此 悉皆得聞之
復有諸菩薩 讀誦於經法 若爲他人說
撰集解其義 如是諸音聲 悉皆得聞之
諸佛大聖尊 教化衆生者 於諸大會中
演說微妙法 持此法華者 悉皆得聞之
三千大千界 內外諸音聲 下至阿鼻獄
上至有頂天 皆聞其音聲 而不壞耳根
其耳聰利故 悉能分別知 持是法花者
雖未得天耳 但用所生耳 功德已如是
復次常精進 若善男子 善女人 受持
是經若讀若誦若解說若書寫成就

八百鼻功德以是清淨鼻根聞於三千大千世界上下內外種種諸香須曼那華香閼提華香末利華香瞻蔔華香波羅羅華香赤蓮華香青蓮華香白蓮華香華樹香菓樹香栴檀香沉水香多摩羅跋香多伽羅香及十萬種和香若末若丸若塗香持是經者於此間住悉能分別又復別知衆生之香象香馬香牛羊等香男香女香童子香童女香及草木藥材香若近若遠所有諸香悉皆得聞分別不錯持是經者雖住於此亦聞天上諸天之香波利質多羅拘鞞陀羅樹香及曼陀羅華香摩訶曼陀羅華香曼珠沙華香摩訶曼珠沙華香栴檀沉水種種末香諸雜華香如是等天香和合所出之香无不聞知又聞諸天身香釋提桓因在勝殿上五欲娛樂嬉戲時香若在妙法堂上為忉利諸天說法時香若於諸國遊戲時香及餘天等男女身香皆悉遙聞如是展轉乃至梵世上至有頂諸天身香亦皆聞之并聞諸天所燒之香及聲聞

香辟支佛香菩薩香諸佛身香亦皆
遙聞知其所在雖聞此香然於鼻根
不壞不錯若欲分別為他人說憶念
不謬今時世尊欲重宣此義而說偈言
是人鼻清淨於此世界中若香若臭物
種種悉聞知須臾那由提多摩羅栴檀
沉水及桂香種種華葉香及知衆生香
男子女人香說法者遠住聞香知所在
大勢轉輪三小轉輪及子群臣諸宮人
聞香知所在身所著珍寶及地中寶藏
轉輪三寶女聞香知所在諸人嚴身具
衣服及瓔珞種種所塗香聞香知其身
諸天若行坐遊戲及神變持是法華者
聞香悉能知諸樹華葉實及酥油香氣
持經者住此悉知其所在諸山深嶺處
栴檀樹花敷衆生在中者聞香皆能知
鐵圍山大海地中諸衆生持經者聞香
悉知其所在阿修羅男女及其諸眷屬
闍諍遊戲時聞香皆能知曠野嶮隘處
師子象羆狼野牛水牛等聞香知所在
若有懷妊者未辨其男女无根及非人
聞香悉能知以聞香力故知其初懷妊
成就不成就安樂產福子以聞香力故

知男女所念 染欲癡恚心 亦知修善者
地中衆伏藏 金銀諸珍寶 銅器之所盛
聞香悉能知 種種諸瓔珞 无能識其價
聞香知貴賤 出處及所在 天上諸華等
曼陀曼殊沙 波利質多樹 聞香悉能知
天上諸宮殿 上中下差別 衆寶花莊嚴
聞香悉能知 天園林勝殿 諸觀妙法堂
在中而娛樂 聞香悉能知 諸天若聽法
或受五欲時 來往行坐卧 聞香悉能知
天女所著衣 好華香莊嚴 周旋遊戲時
聞香悉能知 如是展轉上 乃至於梵世
入禪出禪者 聞香悉能知 光音遍淨天
乃至三有頂 初生及退沒 聞香悉能知
諸比丘衆等 於法常精進 若坐若經行
及讀誦經法 或在林樹下 專精而坐禪
持經者聞香 悉知其所在 菩薩志堅固
坐禪若讀誦 或為人說法 聞香悉能知
在在方世尊 一切所恭敬 愍衆而說法
聞香悉能知 衆生在佛前 聞經皆歡喜
如法而修行 聞香悉能知 雖未得菩薩
元漏法生鼻 而是持經者 先得此鼻相
復次常精進 若善男子善女人受持
是經若讀若誦若解說若書寫得千

二百舌功德若好若醜若美不美及諸苦澁物在其舌根皆變成上味如天甘露无不美者若以舌根於大衆中有所演說出深妙聲能入其心皆令歡喜快樂又諸天子天女釋梵諸天聞是深妙音聲有所演說言論次第皆志來聽及諸龍龍女夜叉夜叉女乾闥婆乾闥婆女阿修羅阿修羅女迦樓羅迦樓羅女緊那羅緊那羅女摩睺羅伽摩睺羅伽女為聽法故皆來親近恭敬供養及比丘比丘尼優婆塞優婆夷國王王子羣臣眷屬小轉輪三大轉輪王七寶千子內外眷屬乘其宮殿俱來聽法以是菩薩善說法故娑羅門居士國內人民盡其形壽隨侍供養又諸聲聞辟支佛菩薩諸佛常樂見之是人所在方面諸佛皆向其處說法悉能受持一切佛法又能出於深妙法音今時世尊欲重宣此義而說偈言

是人舌根淨終不受惡味其有所食噉悉皆成甘露以深淨妙聲於大衆說法以諸因緣喻引導衆生心聞者皆歡喜

設諸上供養諸天龍夜叉及阿修羅等
皆以恭敬心而共來聽法是說法之人
若欲以妙音遍滿三千界隨意即能至
大小轉輪王及千子眷屬合掌恭敬心
常來聽受法諸天龍夜叉羅刹毗舍闍
亦以歡喜心常樂來供養梵天王魔王
自在大自在如是諸天衆常來至其所
諸佛及弟子聞其說法音常念而守護
或時為現身

復次常精進若善男子善女人受持
是經若讀若誦若解說若書寫得八
百身功德得清淨身如淨琉璃衆生
意見其身淨故三千大千世界衆生
生時死時上下好醜生善處惡處悉於
中現及鐵圍山大鐵圍山彌樓山摩訶
彌樓山等諸山及其中衆生悉於中
現下至阿鼻地獄上至有頂所有及
衆生悉於中現若聲聞辟支佛菩薩
諸佛說法皆於身中現其色像亦時
世尊欲重宣此義而說偈言

若持法花者其身甚清淨如彼淨琉璃
衆生皆意見又如淨明鏡悉見諸色像
菩薩於淨身皆見世所有唯獨自明了

餘人所不見 三千世界中 一切諸群萌
天人阿修羅 地獄鬼畜生 如是諸色像
皆於身中現 諸天等宮殿 乃至於有頂
鐵圍及弥樓 摩訶弥樓山 諸大海水等
皆於身中現 諸佛及聲聞 佛子菩薩等
若獨若在衆 說法悉皆現 雖未得元漏
法性之妙身 以清淨常體 一切於中現
復次常精進 若善男子 善女人 如來
滅後受持 是經若讀 若誦 若解說 若
書寫 得十二百意功德 以是清淨意
根 乃三聞一偈 一句 通達元量無邊
之義 解是義 已能演說 一句 一偈 至
於一月 四月 乃至一歲 諸所說法 隨
其義趣 皆與實相 不相違背 若說俗
間經書 治世語言 資生業等 皆順正
法 三千大千世界 六趣衆生 心之所
行 心所動作 心所戲論 皆悉知之 雖
未得元漏智慧 而其意根 清淨如此
是人有所思惟 籌量言說 皆是佛法
無不真實 亦是先佛經中所說 今時
世尊欲重宣此義 而說偈言

是人意清淨 明利无穢濁 以此妙意根
知上中下法 乃至聞一偈 通達元量義

次第如法說月四月至歲是世界內外一切諸衆生若天龍及人夜叉鬼神等其在六趣中所念若干種持法花之報一時皆悉知十方無數佛百福莊嚴相為衆生說法悉聞能受持思惟無量義說法亦無量終始不忘錯以持法華故悉知諸法相隨義識次第達名字語言如所知演說此人所說皆是先佛法以演此法故於衆无所畏持法花經者意根淨若斯雖未得无漏先有如是相是人持此經安住希有地為一切衆生歡喜而愛敬能以千萬種善巧之語言分別而說法持法花經故

妙法蓮華經常不輕菩薩品第二十
今時佛告得大勢菩薩摩訶薩汝今當知若比丘比丘尼優婆塞優婆夷持法花經者若有惡口罵詈誹謗獲大罪報如前所說其所得功德如向所說眼耳鼻舌身意清淨得大勢乃往古昔過无量無邊不可思議阿僧祇劫有佛名威音王如來應供正遍知明行足善逝世間解無上士調御丈夫天人師佛世尊劫名離婁國名

大成其威音王佛於彼世中為天人
阿修羅說法為求聲聞者說應四諦
法度生老病死究竟涅槃為求辟支
佛者說應十二因緣法為諸菩薩因
阿耨多羅三藐三菩提說應六波羅
蜜法究竟佛慧得大勢是威音三佛
壽四十萬億那由他恒河沙劫正法
住世劫數如一閻浮提微塵像法住
世劫數如四天下微塵其佛饒益衆
生已然後滅度正法像法滅盡之後
於此國土復有佛出亦号威音三如
來應供正遍知明行足善逝世間解
无上士調御丈夫天人師佛世尊如
是次第有二萬億佛皆同一号最初
威音王如來既已滅度正法滅後於
像法中增上慢比丘有大勢力今時
有一菩薩比丘名常不輕得大勢以
何因緣名常不輕是比丘凡有所見
若比丘比丘尼優婆塞優婆夷皆志
禮拜讚歎而作是言我深敬汝等不
敢輕慢所以者何汝等皆行菩薩道
當得作佛而是比丘不專讀誦經典
但行禮拜乃至遠見四衆亦復故往

礼拜讚歎而作是言我不敢輕於汝等汝等皆當作佛四衆之中有生瞋恚心不淨者惡口罵詈言是无智比丘從何所来自言我不輕汝而與我等授記當得作佛我等不用如是虛妄授記如此經歷多年常被罵詈不生瞋恚常作是言汝當作佛說是語時衆人或以杖木凡石而打擲之避走遠位猶高聲唱言我不敢輕於汝等汝等皆當作佛以其常作是語故增上憍比丘比丘優婆塞優婆夷号之為常不輕是比丘臨欲終時於虛空中具聞威音王佛先所說法華經二十千万億偈悉能受持即得如上眼根清淨耳鼻舌身意根清淨得是六根清淨已更增壽命二百万億那由他歲廣為人說是法華經於時增上憍四衆比丘比丘優婆塞優婆夷輕賤是人為作不輕名者見其得大神通力樂說辯力大善寂力聞其所說皆信伏隨從是菩薩復化千万億衆令住阿耨多羅三藐三菩提命終之後得值二十億佛皆号日月燈明

於其法中說是法華經以是因緣復
值三千億佛同号雲自在燈王於此
諸佛法中受持讀誦為諸四眾說此
經典故得是常眼清淨耳鼻舌身意
諸根清淨於四眾中說法心無所畏
得大勢是常不輕菩薩摩訶薩供養
如是若干諸佛恭敬尊重讚歎種諸
善根於後復值千萬億佛亦於諸佛
法中說是經典功德成就當得作佛
得大勢於意云何今時常不輕菩薩
豈異人乎則我身是若我於宿世不
受持讀誦此經為他人說者不能疾
得阿耨多羅三藐三菩提我於先佛
所受持讀誦此經為人說故疾得阿
耨多羅三藐三菩提得大勢彼時四
眾比丘比丘尼優婆塞優婆夷以瞋
恚意輕賤我故二百億劫常不值佛
不聞法不見僧十劫於阿鼻地獄受
大苦惱畢是罪已復遇常不輕菩薩
教化阿耨多羅三藐三菩提得大勢
於汝意云何今時四眾常輕是菩薩
者豈異人乎今此會中跋陀婆羅等
五百菩薩師子月等五百比丘思

佛等五百優婆塞皆於阿耨多羅三藐三菩提不退轉者是得大勢當知是法華經大饒益諸菩薩摩訶薩能令至於阿耨多羅三藐三菩提是故諸菩薩摩訶薩於如來滅後常應受持讀誦解說書寫是經今時世尊欲重宣此義而說偈言

過去有佛 号威音王 神智无量
將導一切 天人龍神 所共供養
是佛滅後 法欲盡時 有一菩薩
名常不輕 時諸四眾 計著於法
不輕菩薩 往到其所 而語之言
我不輕汝 汝等行道 皆當作佛
諸人聞已 輕毀罵詈 不輕菩薩
能忍受之 其罪畢已 臨命終時
得聞此經 六根清淨 神通力故
增益壽命 復為諸人 廣說是經
諸者法眾 皆蒙菩薩 教化成就
令住佛道 不輕命終 值無數佛
說是經故 得無量福 漸具功德
疾成佛道 彼時不輕 則我身是
時四部眾 著法之者 聞不輕言
汝當作佛 以是因緣 值無數佛

此會菩薩 五百之衆 并及四部
清信士女 今於我前 聽法者是
我於前世 勸是諸人 聽受斯經
第一之法 開示教人 令住涅槃
世世受持 如是經典 億億万劫
至不可議 時乃得聞 是法華經
億億万劫 至不可議 諸佛世尊
時說是經 是故行者 於佛滅後
聞如是經 勿生疑惑 應當一心
廣說此經 世世值佛 疾成佛道
妙法蓮華經如來神力品第二十一
余時十世界微塵等菩薩摩訶薩從
地踊出者皆於佛前一心合掌瞻仰
尊顏而白佛言世尊我等於佛滅後
世尊分身所在國土滅度之處當廣
說此經所以者何我等亦自欲得是
真淨大法受持讀誦解說書寫而供
養之今時世尊於文殊師利等无量
百千万億舊住娑婆世界菩薩摩訶
薩及諸比丘比丘尼優婆塞優婆夷
天龍夜叉乾闥婆阿修羅迦樓羅緊
那羅摩睺羅伽人非人等 切衆前
現大神力出廣長舌上至梵世一切

毛孔放於無量無數色光皆悉遍照
十方世界衆寶樹下師子座上諸佛
亦復如是出廣長舌放無量光釋迦
牟尼佛及寶樹下諸佛現神力時滿
百千歲然後還攝舌相一時聲效俱
共彈指是二音聲遍至十方諸佛世
界地皆六種震動其中衆生天龍夜
叉乾闥婆阿修羅迦樓羅緊那羅摩
睺羅伽人非人等以佛神力故皆見
此娑婆世界無量無邊百千万億衆
寶樹下師子座上諸佛及見釋迦牟
尼佛共多寶如來在寶塔中坐師子
座又見無量無邊百千万億菩薩摩
訶薩及諸四衆恭敬圍繞釋迦牟尼
佛既見是已皆大歡喜得未曾有即
時諸天於虛空中高聲唱言過此無
量無邊百千万億阿僧祇世界有國
名娑婆是中有佛名釋迦牟尼今爲
諸菩薩摩訶薩說大乘經名妙法蓮
華教菩薩法佛所護念汝等當深心
隨喜亦當礼拜供養釋迦牟尼佛彼
諸衆生聞虛空中聲已合掌向娑婆
世界作如是言南無釋迦牟尼佛南

无釋迦牟尼佛以種種華香瓔珞幡
蓋及諸嚴身之具珍寶妙物皆共遙
散娑婆世界所散諸物從十方來譬
如雲集變成寶帳遍覆此間諸佛之
上于時十方世界通達無礙如一佛
土今時佛告上行等菩薩大衆諸佛
神力如是无量無邊不可思議若我
以是神力於無量无边百千万億阿
僧祇劫為囑累故說此經功德猶不
能盡以要言之如來一切所有之法
如來一切自在神力如來一切秘要
之藏如來一切甚深之事皆於此經
宣示顯說是故汝等於如來滅後應
一心受持讀誦解說書寫如說修行
所在國土若有受持讀誦解說書寫
如說修行若經卷所住之處若於園
中若於林中若於樹下若於僧坊若
白衣舍若在殿堂若山谷曠野是中
皆應起塔供養所以者何當知是處
即是道場諸佛於此得阿耨多羅三
藐三菩提諸佛於此轉于法輪諸佛
於此而般涅槃今時世尊欲重宣此
義而說偈言

諸佛救世者住於大神通為悅衆生故
現無量神力舌相至梵天身放無數光
為求佛道者現此希有事諸佛聲效聲
及彈指之聲周聞十方國地皆六種動
以佛滅度後能持是經故諸佛皆歡喜
現無量神力囑累是經故讚美受持者
於無量劫中猶故不能盡是人之功德
無邊元有窮如十方虛空不可得邊際
能持是經者則為已見我亦見多寶佛
及諸分身者又見我今日教化諸菩薩
能持是經者令我及分身滅度多寶佛
一切皆歡喜十方現在佛并過去未來
亦見亦供養亦令得歡喜諸佛坐道場
所得秘要法能持是經者不久亦當得
能持是經者於諸法之義名字及言辭
樂說無窮盡如風於空中一切無障礙
於如來滅後知佛所說經因緣及次第
隨義如實說如日月光明能除諸幽冥
斯人行世間能滅衆生闇教無量菩薩
畢竟住一乘是故有智者聞此功德利
於我滅度後應受持斯經是人於佛道
決定無有疑

妙法蓮華經囑累品第二十二

尔時釋迦牟尼佛從法座起現大神
力以右手摩無量菩薩摩訶薩頂而
作是言我於无量百千万億阿僧祇
劫修習是難得阿耨多羅三藐三菩
提法今以付囑汝等汝等應當一心
流布此法廣令增益如是三摩諸菩
薩摩訶薩頂而作是言我於无量百
千万億阿僧祇劫修習是難得阿耨
多羅三藐三菩提法今以付囑汝等
汝等當受持讀誦廣宣此法令一切
衆生普得聞知所以者何如來有大
慈悲无諸慳吝亦無所畏能與衆生
佛之智慧如來智慧自然智慧如來
是一切衆生之大施主汝等亦應隨
學如來之法勿生慳吝於未來世若
有善男子善女人信如來智慧者當
為演說此法華經使得聞知為令其
人得佛慧故若有衆生不信受者當
於如來餘深法中示教利喜汝等
若能如是則為已報諸佛之恩時諸
菩薩摩訶薩聞佛作是說已皆大歡
喜遍滿其身益加恭敬曲躬低頭合
掌向佛俱發聲言如世尊勅當具奉

行唯然世尊願不有慮諸菩薩摩訶
薩衆如是三反俱發聲言如世尊勅
當具奉行唯然世尊願不有慮今時
釋迦牟尼佛令十方來諸分身佛各
還本土而作是言諸佛各隨所安多
寶佛塔還可如故說是語時十方無
量分身諸佛坐寶樹下師子座上者
及多寶佛并上行等无邊阿僧祇菩
薩大衆舍利弗等聲聞四衆及一切
世間天人阿修羅等聞佛所說皆大
歡喜

妙法蓮華經藥王菩薩本事品第三

今時宿王華菩薩白佛言世尊藥王
菩薩云何遊於娑婆世界世尊是藥
王菩薩有若干百千萬億那由他難
行苦行善哉世尊願少解說諸天龍
神夜叉乾闥婆阿修羅迦樓羅緊那
羅摩睺羅伽人非人等又他國土諸
來菩薩及此聲聞衆聞皆歡喜今時
佛告宿王華菩薩乃往過去无量恒
河沙劫有佛号日月淨明德如來應
供正遍知明行足善逝世間解无上
士調御丈夫天人師佛世尊其佛有

八十億大菩薩摩訶薩七十二恒河沙大聲聞衆佛壽四万二千劫菩薩壽命亦等彼國无有女人地獄餓鬼畜生阿修羅等及以諸難地平如掌琉璃所成寶樹莊嚴寶帳覆上垂寶華幡寶瓶香爐周遍國界七寶為臺一樹一臺其樹去臺盡一箭道此諸寶樹皆有菩薩聲聞而坐其下諸寶臺上各有百億諸天作天伎樂歌歎於佛以為供養今時彼佛為一切衆生意見菩薩及衆菩薩諸聲聞衆說法華經是一切衆生意見菩薩樂習苦行於日月淨明德佛法中精進經行一心求佛滿万二十歲已得現一切色身三昧得此三昧已心大歡喜即作念言我得現一切色身三昧皆是得聞法華經力我今當供養日月淨明德佛及法華經即時入是三昧於虛空中雨曼陀羅華摩訶曼陀羅華細末堅黑栴檀滿虛空中如雲而下又雨海山栴檀之香此香六銖價直娑婆世界以供養佛作是供養已從三昧起而自念言我雖以神力

供養於佛不如以身供養即服諸香
栴檀薰陸兜樓婆畢力迦沉水膠香
又飲瞻蔔諸華香油滿千二百歲已
香油塗身於日月淨明德佛前以天
寶衣而自纏身灌諸香油以神通力
願而自然身光明遍照八十億恒河
沙世界其中諸佛同時讚言善哉善
哉善男子是真精進是名真法供養
如來若以華香瓔珞燒香末香塗香
天繒幡蓋及海山栴檀之香如是
等種種諸物供養所不能及假使國
城妻子布施亦所不及善男子是名
第一之施於諸施中取尊取上以法
供養諸如來故作是語已而各嘿然
其身火燃千二百歲過是已後其身
乃盡一切衆生喜見菩薩作如是法
供養已命終之後復生日月淨明德
佛國中於淨德王家結加趺坐忽然
化生即為其父而說偈言

大王今當知我經行彼處即時得一切
現諸身三昧勤行大精進捨所愛之身
供養於世尊為求無上慧

說是偈已而白父言日月淨明德佛
今故現在我先供養佛已得解一切

衆生語言陀羅尼復聞是法華經八
百千万億那由他甄迦羅頻婆羅阿
閼婆等偈大王我今當還供養此佛
白已即坐七寶之臺上昇虛空高七
多羅樹徃到佛所頭面礼足合十指
爪以偈讚佛

各願甚奇妙光明照十方我適曾供養
今復還親觀

尔時一切衆生意見菩薩說是偈已
而白佛言世尊世尊猶故在世尔時
日月淨明德佛告一切衆生意見菩
薩善男子我涅槃時到滅盡時至汝
可安施林座我於今夜當般涅槃又
勅一切衆生意見菩薩善男子我以
佛法囑累於汝及諸菩薩大弟子并
阿耨多羅三藐三菩提法亦以三千
大千七寶世界諸寶樹寶臺及給侍
諸天悉付於汝我滅度後所有舍利
亦付囑汝當今流布廣設供養應起
若干千塔如是日月淨明德佛勅一
切衆生意見菩薩已於夜後分入於
涅槃尔時一切衆生意見菩薩見佛
滅度悲感懊惱纏慕於佛即以海此

岸栴檀為積供養佛身而以燒之火
滅已後收取舍利作八万四千寶瓶
以起八万四千塔高三世界表刹在
嚴垂諸幡蓋懸眾寶鈴尔時一切眾
生意見菩薩復自念言我雖作是供
養心猶未足我今當更供養舍利便
語諸菩薩大弟子及天龍夜叉等一
切大眾汝等當一心念我今供養日
月淨明德佛舍利作是語已即於八
万四千塔前燃百福莊嚴辟七万二
千歲而以供養今無數求聲聞眾無
量阿僧祇人發阿耨多羅三藐三菩
提心皆使得住現一切色身三昧尔
時諸菩薩天人阿修羅等見其无辟
憂惱悲哀而作是言此一切眾生意
見菩薩是我等師教化我者而今燒
辟身不具足于時一切眾生意見菩
薩於大眾中立此誓言我捨兩臂必
當得佛金色之身若實不虛令我兩
臂還復如故作是誓已自然還復由
斯菩薩福德智慧淳厚所致當尔之
時三千大千世界六種震動天雨寶
華一切人天得未曾有佛告宿王華

菩薩於汝意云何一切衆生意見菩薩豈異人乎今藥王菩薩是也其所捨身布施如是无量百千万億那由他數宿王華若有發心欲得阿耨多羅三藐三菩提者能燃手指乃至足一指供養佛塔勝以國城妻子及三千大千國土山林河池諸珍寶物而供養者若復有人以七寶滿三千大千世界供養於佛及大菩薩辟支佛阿羅漢是人所得功德不如受持此法華經乃至一四句偈其福最多宿王華譬如一切川流江河諸水之中海為第一此法華經亦復如是於諸如來所說經中取為深大又如土山黑山小鐵圍山大鐵圍山及十寶山衆山之中須弥山為第一此法華經亦復如是於諸經中取為其上又如衆星之中月天子取為第一此法華經亦復如是於千万億種諸經法中取為照明又如日天子能除諸闇此經亦復如是能破一切不善之闇又如諸小王中轉輪聖王取為第一此經亦復如是於衆經中取為其尊又

如帝釋於三十三天中王此經亦復如是諸經中王又如大梵天王一切衆生之父此經亦復如是一切賢聖學无學及發菩提心者之父又如一切凡夫人中須陀洹斯陀含阿那含阿羅漢辟支佛為第一此經亦復如是一切如來所說若菩薩所說若聲聞所說諸經法中竅為第一有能受持是經典者亦復如是於一切衆生中亦為第一一切聲聞辟支佛中菩薩為第一此經亦復如是於一切諸經法中竅為第一如佛為諸法王此經亦復如是諸經中王宿王華此經能救一切衆生者此經能令一切衆生離諸苦惱此經能大饒益一切衆生充滿其願如清涼池能滿一切諸渴乏者如寒者得火如裸者得衣如商人得主如子得母如渡得船如病得醫如暗得燈如貧得寶如民得王如賈客得海如炬除暗此法華經亦復如是能令衆生離一切苦一切病痛能解一切生死之縛若人得聞此法華經若自書若使人書所得功德

以佛智慧籌量多少不得其邊若書
是經卷華香瓔珞燒香末香塗香幡
蓋衣服種種之燈酥燈油燈諸香油
燈瞻蔔油燈須臾那油燈波羅羅油
燈婆利師迦油燈那婆摩利油燈供
養所得功德亦復无量宿王華若有
人聞是藥王菩薩本事品者亦得無
量无边功德若有女人聞是藥王菩
薩本事品能受持者盡是女身後不
復受若如來滅後後五百歲中若有
女人聞是經典如說修行於此命終
即往安樂世界阿彌陀佛大菩薩衆
圍繞住處生蓮華中寶座之上不復
為貪欲所惱亦復不為瞋恚愚癡所
惱亦復不為憍慢嫉妬諸垢所惱得
菩薩神通无生法忍得是忍已眼根
清淨以是清淨眼根見七百萬二十
億那由他恒河沙等諸佛如來是時
諸佛遙共讚言善哉善哉善男子汝
能於釋迦牟尼佛法中受持讀誦思
惟是經為他人說所得福德无量無
邊火不能燒水不能漂汝之功德千
佛共說不能令盡汝今已能破諸魔

賊壞生死軍諸餘怨敵皆悉摧滅善男子百千諸佛以神通力共守護汝於一切世間天人之中无如汝者唯除如來其諸聲聞辟支佛乃至菩薩智慧禪定无有與汝等者宿王華此菩薩成就如是功德智慧之力若有入聞是藥王菩薩本事品能隨喜讚善者是人現世口中常出青蓮華香身毛孔中常出牛頭栴檀之香所得功德如上所說是故宿王華以此藥王菩薩本事品囑累於汝我滅度後後五百歲中廣宣流布於閻浮提无令斷絕惡魔魔民諸天龍夜叉鳩睺荼等得其便也宿王華汝當以神通之力守護是經所以者何此經則為閻浮提人病之良藥若人有病得聞是經病即消滅不老不死宿王華汝若見有受持是經者應以青蓮花盛滿末香供散其上散已作是念言此人不久必當取草坐於道場破諸魔軍當吹法螺擊大法鼓度脫一切衆生若病死海是故求佛道者見有受持是經典人應當如是生恭敬心說

是樂王菩薩本事品時八萬四千菩薩得解一切衆生語言陀羅尼多寶如來於寶塔中讚宿王華菩薩言善哉善哉宿王華汝成就不可思議功德乃能問釋迦牟尼佛如此之事利益無量一切衆生

妙法蓮華經卷第六

癸卯歲高麗國大藏都監奉
勅雕造

後秦龜茲國三藏法師鳩摩羅什奉 詔譯

妙音菩薩品第二十四

尔時釋迦牟尼佛放大人相肉髻光
明及放眉間白毫相光遍照東方百
八万億那由他恒河沙等諸佛世界
過是數已有世界名淨光在嚴其國
有佛号淨華宿王智如來應供正遍
知明行足善逝世間解無上士調御
丈夫天人師佛世尊為無量无边菩
薩大衆恭敬圍繞而為說法釋迦牟
尼佛白毫光明遍照其國尔時一切
淨光在嚴國中有一菩薩名曰妙音
久已殖衆德本供養親近无量百千
万億諸佛而悉成就甚深智慧得妙
幢相三昧法華三昧淨德三昧宿王
威三昧無緣三昧智印三昧解一切
衆生語言三昧集一切功德三昧清
淨三昧神通遊戲三昧慧炬三昧莊
嚴王三昧淨光明三昧淨藏三昧不
共三昧日旋三昧得如是等百千万億
恒河沙等諸大三昧釋迦牟尼佛光

照其身即白淨華宿王智佛言世尊
我當往詣娑婆世界礼拜親近供養
釋迦牟尼佛及見文殊師利法王子
菩薩藥王菩薩勇施菩薩宿王華喜
薩上行意菩薩莊嚴王菩薩藥上菩
薩今時淨華宿王智佛告妙音菩薩
汝莫輕彼國生下劣想善男子彼娑
婆世界高下不平土石諸山穢惡充
滿佛身卑小諸菩薩眾其形亦小而
汝身四万二千由旬我身六百八十
万由旬汝身第一端正百千万福光
明殊妙是故汝往莫輕彼國若佛菩
薩及國土生下劣想妙音菩薩白其
佛言世尊我今詣娑婆世界皆是如
來之力如來神通遊戲如來功德智
慧莊嚴於是妙音菩薩不起于座身
不動搖而入三昧以三昧力於耆闍
崛山去法座不遠化作八万四千衆
寶蓮華閻浮檀金為莖白銀為葉金
剛為鬚甄特迦寶以為其臺今時文
殊師利法王子見是蓮華而白佛言
世尊是何因緣先現此瑞有若干千
万蓮華閻浮檀金為莖白銀為葉金

剛為續甄於迦寶以為其臺今時釋迦牟尼佛告文殊師利是妙音菩薩摩訶薩欲從淨華宿王智佛國與八万四千菩薩圍繞而來至此娑婆世界供養親近禮拜於我亦欲供養聽法華經文殊師利白佛言世尊是菩薩種何善本修何功德而能有是大神通力行何三昧願為我等說是三昧名字我等亦欲勤修行之行此三昧乃能見是菩薩色相大小威儀進止唯願世尊以神通力彼菩薩來令我得見今時釋迦牟尼佛告文殊師利此久滅度多寶如來當為汝等而現其相時多寶佛告彼菩薩善男子來文殊師利法王子欲見汝身于時妙音菩薩於彼國沒與八万四千菩薩俱共發來所經諸國六種震動皆悉雨於七寶蓮華百千天樂不鼓自鳴是菩薩目如廣大青蓮華葉正使和合百千万月其面貌端正復過於此身真金色無量百千功德莊嚴威德熾盛光明照耀諸相具足如那羅延堅固之身入七寶臺上昇虛空去

地七多羅樹諸菩薩衆恭敬圍繞而
來詣此娑婆世界耆闍崛山到已下
七寶臺以價直百千瓔珞持至釋迦
牟尼佛所頭面礼足奉上瓔珞而白
佛言世尊淨華宿王智佛問訊世尊
少病少惱起居輕利安樂行不四大
調和不世事可忍不衆生易度不無
多貪欲瞋恚愚癡嫉妬慳慢不無不
孝父母不敬沙門邪見不善心不攝
五情不世尊衆生能降伏諸魔怨不
久減度多寶寶如來在七寶塔中來聽
法又不問訊多寶寶如來安隱少惱堪
忍久住不世尊我今欲見多寶佛身
唯願世尊示我令見尔時釋迦牟尼
佛語多寶佛是妙音菩薩欲得相見
時多寶佛告妙音言善哉善哉汝能
為供養釋迦牟尼佛及聽法華經并
見文殊師利等故來至此
今時華德菩薩白佛言世尊是妙音
菩薩種何善根修何功德有是神力
佛告華德菩薩過去有佛名雲雷音
王多陀阿伽度阿羅訶三藐三佛陀
國名現一切世間劫名意見妙音菩

薩於萬二千歲以十萬種伎樂供養
雲雷音王佛并奉上八萬四千七寶
鉢以是因緣果報今生淨華宿王智
佛國有是神力華德於汝意云何尔
時雲雷音王佛所妙音菩薩伎樂供
養奉上寶器者豈異人乎今此妙音
菩薩摩訶薩是華德是妙音菩薩已
曾供養親近無量諸佛久殖德本又
值恒河沙等百千萬億那由他佛華
德汝但見妙音菩薩其身在此而是
菩薩現種種身處處為諸衆生說是
經典或現梵王身或現帝釋身或現
自在天身或現大自在天身或現天
大將軍身或現毗沙門天三身或現
轉輪聖王身或現諸小王身或現長
者身或現居士身或現宰官身或現
婆羅門身或現比丘比丘尼優婆塞
優婆夷身或現長者居士婦女身或
現宰官婦女身或現婆羅門婦女身
或現童男童女身或現天龍夜叉乾
闥婆阿修羅迦樓羅緊那羅摩睺羅
伽人非人等身而說是經諸有地獄
餓鬼畜生及衆難處皆能救濟乃至

於王後宮變為女身而說是經華德
是妙音菩薩能救護娑婆世界諸衆
生者是妙音菩薩如是種種變化現
身在此娑婆國土為諸衆生說是經
典於神通變化智慧無所損減是菩
薩以若干智慧明照娑婆世界令一
切衆生各得所知於十方恒河沙世
界中亦復如是若應以聲聞形得度
者現聲聞形而為說法應以辟支佛
形得度者現辟支佛形而為說法應
以菩薩形得度者現菩薩形而為說
法應以佛形得度者即現佛形而為
說法如是種種隨所應度而為現形
乃至應以滅度而得度者示現滅度
華德妙音菩薩摩訶薩成就大神通
智慧之力其事如是

今時華德菩薩白佛言世尊是妙音
菩薩深種善根世尊是菩薩住何三
昧而能如是在所變現度脫衆生佛
告華德菩薩善男子其三昧名現一
切色身妙音菩薩住是三昧中能如
是饒益無量衆生說是妙音菩薩品
時與妙音菩薩俱來者八万四千人

皆得現一切色身三昧此娑婆世界
無量菩薩亦得是三昧及陀羅尼
時妙音菩薩摩訶薩供養釋迦牟尼
佛及多寶佛塔已還歸本土所經諸
國六種震動雨寶蓮華作百千萬億
種種伎樂既到本國與八万四千菩
薩圍繞至淨華宿王智佛所白佛言
世尊我到娑婆世界饒益衆生見釋
迦牟尼佛及見多寶佛塔礼拜供養
又見文殊師利法王子菩薩及見藥
王菩薩得勤精進力菩薩勇施菩薩
等亦令是八万四千菩薩得現一切
色身三昧說是妙音菩薩來往品時
四万二千天子得無生法忍華德菩
薩得法華三昧

妙法蓮華經觀世音菩薩普門品第二十五
今時無盡意菩薩即從座起偏袒右
肩合掌向佛而作是言世尊觀世音
菩薩以何因緣名觀世音佛告無盡
意菩薩善男子若有無量百千萬億
衆生受諸苦惱聞是觀世音菩薩一
心稱名觀世音菩薩即時觀其音聲
皆得解脫若有持是觀世音菩薩名

者設入大火火不能燒由是菩薩威
神力故若為大水所漂稱其名号即
得淺處若有百千万億衆生為求金
銀琉璃車璫馬瑙珊瑚琥珀真珠等
寶入於大海假使黑風吹其舩舫飄
墮羅刹鬼國其中若有乃至一人稱
觀世音菩薩名者是諸人等皆得解
脫羅刹之難以是因緣名觀世音若
復有人臨當被害稱觀世音菩薩名
者彼所執刀杖尋段段壞而得解脫
若三千大千國土滿中夜叉羅刹欲
來惱人聞其稱觀世音菩薩名者是
諸惡鬼尚不能以惡眼視之况復加
害設復有人若有罪若無罪枉被枷
鎖檢繫其身稱觀世音菩薩名者皆
志斷壞即得解脫若三千大千國土
滿中怨賊有一商主將諸商人賣持
重寶經過峻路其中一人作是唱言
諸善男子勿得恐怖汝等應當一心
稱觀世音菩薩名号是菩薩能以元
畏施於衆生汝等若稱名者於此怨
賊當得解脫衆商人聞俱發聲言南
无觀世音菩薩稱其名故即得解脫

無盡意觀世音菩薩摩訶薩威神之力巍巍如是若有衆生多於煙欲常念恭敬觀世音菩薩便得離欲若多瞋恚常念恭敬觀世音菩薩便得離瞋若多愚癡常念恭敬觀世音菩薩便得離癡無盡意觀世音菩薩有如是等大威神力多所饒益是故衆生常應心念若有女人設欲求男禮拜供養觀世音菩薩便生福德智慧之男設欲求女便生端正有相之女宿殖德本衆人愛敬無盡意觀世音菩薩有如是力若有衆生恭敬禮拜觀世音菩薩福不唐捐是故衆生皆應受持觀世音菩薩名号無盡意若有入受持六十二億恒河沙菩薩名字復盡形供養飲食衣服卧具醫藥於汝意云何是善男子善女人功德多不元盡意言甚多世尊佛言若復有人受持觀世音菩薩名号乃至一時禮拜供養是二人福正等无異於百千萬億劫不可窮盡无盡意受持觀世音菩薩名号得如是無量无边福德之利

無盡意菩薩白佛言世尊觀世音菩薩云何遊此娑婆世界云何而為衆生說法方便之力其事云何佛告无盡意菩薩善男子若有國土衆生應以佛身得度者觀世音菩薩即現佛身而為說法應以辟支佛身得度者即現辟支佛身而為說法應以聲聞身得度者即現聲聞身而為說法應以梵王身得度者即現梵王身而為說法應以帝釋身得度者即現帝釋身而為說法應以自在天身得度者即現自在天身而為說法應以自在天身得度者即現自在天身而為說法應以天大將軍身得度者即現天大將軍身而為說法應以毗沙門身得度者即現毗沙門身而為說法應以小王身得度者即現小王身而為說法應以長者身得度者即現長者身而為說法應以居士身得度者即現居士身而為說法應以宰官身得度者即現宰官身而為說法應以婆羅門身得度者即現婆羅門身而為說法應以比丘比丘尼優婆塞

優婆夷身得度者即現比丘比丘尼
優婆塞優婆夷身而為說法應以長
者居士宰官婆羅門婦女身得度者
即現婦女身而為說法應以童男童
女身得度者即現童男童女身而為
說法應以天龍夜叉乾闥婆阿修羅
迦樓羅緊那羅摩睺羅伽人非人等
身得度者即皆現之而為說法應以
執金剛身得度者即現執金剛身而
為說法無盡意是觀世音菩薩成就
如是功德以種種形遊諸國土度脫
衆生是故汝等應當一心供養觀世
音菩薩是觀世音菩薩摩訶薩於怖
畏急難之中能施无畏是故此娑婆
世界皆号之為施无畏者無盡意菩
薩白佛言世尊我今當供養觀世音
菩薩即解頸衆寶珠瓔珞價直百千
兩金而以與之作是言仁者受此法
施珍寶瓔珞時觀世音菩薩不肯受
之无盡意復白觀世音菩薩言仁者
愍我等故受此瓔珞

尔時佛告觀世音菩薩當愍此无盡
意菩薩及四衆天龍夜叉乾闥婆阿

修羅迦樓羅緊那羅摩睺羅伽人非
人等故受是瓔珞即時觀世音菩薩
愍諸四衆及於天龍人非人等受其
瓔珞分作二分一分奉釋迦牟尼佛
一分奉多寶佛塔無盡意觀世音菩
薩有如是自在神力遊於娑婆世界
今時無盡意菩薩以偈問曰

世尊妙相具我今重問彼佛子何因緣
名為觀世音具足妙相尊偈答元盡意
汝聽觀音行善應諸方所弘誓深如海
歷劫不思議侍多十億佛發大清淨願
我為汝略說聞名及見身心念不空過
能滅諸有苦假使興害意推落大火坑
念彼觀音力火坑變成池或漂流巨海
龍魚諸鬼難念彼觀音力波浪不能沒
或在須弥峯為人所推墮念彼觀音力
如日虛空住或被惡人逐墮落金剛山
念彼觀音力不能損一毛或值怨賊統
各執刀加害念彼觀音力咸即起慈心
或遭王難苦臨刑欲壽終念彼觀音力
刀尋段段壞或因禁枷鎖手足被杻械
念彼觀音力釋然得解脫呪詛諸毒藥
所欲害身者念彼觀音力還著於本人

或遇惡羅刹毒龍諸鬼等念彼觀音力
時忘不敢害若惡獸圍遶利牙爪可怖
念彼觀音力疾走無邊方旣馳及腹歟
氣毒煙火燃念彼觀音力尋聲自迴去
雲雷鼓掣電降雹澍大雨念彼觀音力
應時得消散衆生被困厄无量苦逼身
觀音妙智力能救世間苦具足神通力
廣修智方便十方諸國土無刹不現身
種種諸惡趣地獄鬼畜生生老病死苦
以漸忘令滅真觀清淨觀廣大智慧觀
悲觀及慈觀常願常瞻仰无垢清淨光
慧日破諸闇能伏災風火普明照世間
悲體或雷震慈意妙大雲澍甘露法雨
滅除煩惱焰諍訟經官處怖畏軍陣中
念彼觀音力衆怨悉退散妙音觀世音
梵音海潮音勝彼世間音是故須常念
念念勿生疑觀世音淨聖於苦惱死厄
能為作依怙具一切功德慈眼視衆生
福聚海无量是故應頂禮

今時持地菩薩即從座起前白佛言
世尊若有衆生聞是觀世音菩薩品
自在之業普門示現神通力者當知
是人功德不少佛說是普門品時衆

中八万四千衆生皆發无等等阿耨
多羅三藐三菩提心

妙法蓮華經陀羅尼品第二十六

尔時藥王菩薩即從座起偏袒右肩
合掌向佛而白佛言世尊若善男子
善女人有能受持法華經者若讀誦
通利若書寫經卷得幾所福佛告藥
王若有善男子善女人供養八百万
億那由他恒河沙等諸佛於汝意云
何其所得福寧為多不甚多世尊佛
言若善男子善女人能於是經乃至
受持一四句偈讀誦解義如說修行
功德甚多尔時藥王菩薩白佛言世
尊我今當與說法者陀羅尼呪以守
護之即說呪曰

安尔一曼尔二摩祢三摩摩祢四

毖三遮梨第六餘咩羊鳴音七餘履因難音

瑠八檀輪干反帝九目帝音十日多履音十一娑

履音十二阿瑠娑履音十三來履音十四娑履音十五又

粟音十六阿又商衣音十七阿耆臆音十八帝音十九餘履

十陀羅尼音二十阿盧伽婆娑音二十一數音二十二薩

毗又臆音二十三祢毗剌音二十四阿便哆音二十五都餓邏

祢履剌音二十六阿亶哆波餘輸地音二十七遍

究隸^{二十}年究隸^{二十}阿羅隸^{二十}波羅隸^{二十}

九首迦差^{初九反}阿三磨三履^{三十}佛馱

毗吉利表帝^{三十}達磨波利老^{猜離帝}

三僧伽涅瞿沙祢^{三十}婆舍婆舍輸地

五曼哆邏^{三十}曼哆邏又夜多^{三十}郵

樓哆^{三十}郵樓哆憍舍略^{來加反}惡又邏

四惡又治多治^{四十}阿婆盧^{四十}阿摩若^在

又那多夜^{三十}世尊是陀羅尼神呪六十二億恒河

沙等諸佛所說若有侵毀此法師者

則為侵毀是諸佛已時釋迦牟尼佛

讚藥王菩薩言善哉善哉藥王汝愍

念擁護此法師故說是陀羅尼於諸

衆生多所饒益

今時勇施菩薩白佛言世尊我亦為

擁護讀誦受持法華經者說陀羅尼

若此法師得是陀羅尼若夜叉若羅

刹若富單那若吉遮若鳩槃荼若餓

鬼等向求其短无能得便即於佛前

而說呪曰

座^{普羅}隸^{摩訶}座隸^{二郁}枳^{三目}枳^四

阿隸^五阿羅婆第^六涅隸^{第七}涅隸多

婆第^八伊緻^{猪履}梔^{女氏反}卓緻梔^十

盲綴拈^一涅隸墀拈^二涅梨墀婆底^三
世尊是陀羅尼神呪恒河沙等諸佛
所說亦皆隨喜若有侵毀此法師者
則為侵毀是諸佛已

今時毗沙門天王護世者白佛言世
尊我亦為愍念衆生擁護此法師故
說是陀羅尼即說呪曰

阿梨^一那梨^二兜那梨^三阿那盧^四那
履^五拘那履^六

世尊以是神呪擁護法師我亦自當
擁護持是經者令百由旬內无諸衰患
今時持國天王在此會中與千万億
那由他乾闥婆衆恭敬圍繞前詣佛
所合掌白佛言世尊我亦以陀羅尼
神呪擁護持法華經者即說呪曰
何伽祢^一伽祢^二瞿利^三乾陀利^四旃陀
利^五摩蹉耆^六常末利^七浮樓莎拈^八
頻底^九

世尊是陀羅尼神呪四十二億諸佛
所說若有侵毀此法師者則為侵毀
是諸佛已

今時有羅刹女等一名藍婆二名毗
藍婆三名曲齒四名華齒五名黑齒

六名多疑七名无厭足八名持瓔珞
九名畢帝十名棄一切衆生精氣是
十羅刹女與鬼子母并其子及眷屬
俱詣佛所同聲白佛言世尊我等亦
欲擁護讀誦受持法華經者除其衰
患若有伺求法師短者令不得便即
於佛前而說呪曰

伊提履一伊提汲二伊提履三阿提履四

伊提履五泥履六泥履七泥履八泥履九

泥履十樓醢十一樓醢十二樓醢十三樓醢十四

多醢十五多醢十六多醢十七堯醢十八堯醢十九

寧上我頭上莫惱於法師若夜叉若

羅刹若餓鬼若富單那若吉遮若毗

陀羅若捷獸若烏摩勒伽若阿跋摩

羅若夜叉吉遮若人吉遮若熱病若

一日若二日若三日若四日乃至七

日若常熱病若男形若女形若童男

形若童女形乃至夢中亦復莫惱即

於佛前而說偈言

若不順我呪惱亂說法者頭破作七分

如阿梨樹枝如煞父母罪亦如墮油殃

斗秤欺誑人調達破僧罪犯此法師者

當獲如是殃

諸羅刹女說此偈已白佛言世尊我等亦當身自擁護受持讀誦修行是經者令得安隱離諸衰患消眾毒藥佛告諸羅刹女善哉善哉汝等但能擁護受持法華名者福不可量何況擁護具足受持供養經卷華香瓔珞末香塗香燒香幡蓋伎樂燃種種燈酥燈油燈諸香油燈蘇摩那華油燈瞻蔔華油燈婆娑師迦華油燈優鉢羅華油燈如是等百千種供養者罽帝汝等及眷屬應當擁護如是法師說是陀羅尼品時六万八千人得無生法忍

妙法蓮華經妙莊嚴王本事品第二十七
余時佛告諸大眾乃往古世過無量无边不可思議阿僧祇劫有佛名雲雷音宿王華智多陀阿伽度阿羅訶三藐三佛陀國名光明莊嚴劫名慧見彼佛法中有王名妙莊嚴其王夫人名曰淨德有二子一名淨藏二名淨眼是二子有大神力福德智慧久修菩薩所行之道所謂檀波羅蜜尸羅波羅蜜羼提波羅蜜毗梨耶波羅

密在波羅密成於波羅密方便波羅
密慈悲喜捨乃至三十七品助道法
皆悉明了通達又得菩薩淨三昧日
星宿三昧淨光三昧淨色三昧淨照
明三昧長莊嚴三昧大威德藏三昧
於此三昧亦悉通達今時彼佛欲引
導妙莊嚴王及愍念衆生故說是法
華經時淨藏淨眼二子到其母所合
十指爪掌白言願母徃詣雲雷音宿
王華智佛所我等亦當侍從親近供
養禮拜所以者何此佛於一切天人
衆中說法華經宜應聽受母告子言
汝父信受外道深著婆羅門法汝等
應徃白父與共俱去淨藏淨眼合十
指爪掌白母我等是法王子而生此
邪見家母告子言汝等當憂念汝父
為現神變若得見者心必清淨或聽
我等徃至佛所於是二子念其父故
踊在虛空高七多羅樹現種種神變
於虛空中行住坐卧身上出水身下
出火身下出水身上出火或現大身
滿虛空中而復現小小復現大於空
中滅忽然在地入地如水履水如地

現如是等種種神變令其父王心淨
信解時父見子神力如是心大歡喜
得未曾有合掌向子言汝等師為是
誰誰之弟子二子白言大王彼雲雷
音宿王華智佛今在七寶菩提樹下
法座上坐於一切世間天人衆中廣
說法華經是我等師我是弟子父語
子言我今亦欲見汝等師可共俱往
於是二子從空中下到其母所合掌
白母父三今已信解堪任發阿耨多
羅三藐三菩提心我等為父已作佛
事願母見聽於彼佛所出家修道今
時二子欲重宣其意以偈白母

願母放我等出家作沙門諸佛甚難值
我等隨佛學如優曇鉢羅值佛復難是
脫諸難亦難願聽我出家

母即告言聽汝出家所以者何佛難
值故於是二子白父母言善哉父母
願時往詣雲雷音宿王華智佛所親
近供養所以者何佛難得值如優曇
鉢羅華又如一眼之龜值浮木孔而
我等宿福深厚生值佛法是故父母
當聽我等令得出家所以者何諸佛

難值時亦難遇彼時妙莊嚴王後宮
八万四千人皆悉堪任受持是法華
經淨眼菩薩於法華三昧久已通達
淨藏菩薩已於无量百千万億劫通
達離諸惡趣三昧欲令一切衆生離
諸惡趣故其王夫人得諸佛集三昧
能知諸佛秘密之藏二子如是以方
便力善化其父令心信解好樂佛法
於是妙莊嚴王與羣臣眷屬俱淨德
夫人與後宮姊妹眷屬俱其王二子
與四万二千人俱一時共詣佛所到
已頭面礼足繞佛三匝却住一面
尔時彼佛為王說法亦教利喜三大
歡悅尔時妙莊嚴王及其夫人解頸
真珠璽珞價直百千以散佛上於虛
空中化成四柱寶臺臺中有大寶牀
敷百千万天衣其上有佛結加趺坐
放大光明尔時妙莊嚴王作是念佛
身希有端嚴殊特成就第一微妙之
色時雲雷音宿王華智佛告四衆言
汝等見是妙莊嚴王於我前合掌立
不此王於我法中作比丘精勤修習
助佛道法當得作佛号娑羅樹王國

名大光劫名大高王其娑羅樹王佛
有無量菩薩衆及無量聲聞其國平
正功德如是其王即時以國付弟與
夫人二子并諸眷屬於佛法中出家
修道王出家已於八万四千歲常勤
精進修行妙法華經過是已後得一
切淨功德莊嚴三昧即昇虛空高七
多羅樹而白佛言世尊此我二子已
作佛事以神通變化轉我邪心令得
安住於佛法中得見世尊此二子者
是我善知識為欲發起宿世善根饒
益我故來生我家

尔時雲雷音宿王華智佛告妙莊嚴
三言如是如是如汝所言若善男子
善女人種善根故世世得善知識其
善知識能作佛事亦教利喜令入阿
耨多羅三藐三菩提大王當知善知
識者是大因緣所謂化導令得見佛
發阿耨多羅三藐三菩提心大王汝
見此二子不此二子已曾供養六十
五百千万億那由他恒河沙諸佛親
近恭敬於諸佛所受持法華經愍念
邇見衆生令住正見妙莊嚴王即從

虛空中下而白佛言世尊如來甚希
有以功德智慧故頂上肉髻光明顯
照其眼長廣而紺青色眉間毫相白
如珂月齒白齊密常有光明脣色赤
好如頻婆果今時妙莊嚴王讚歎佛
如是等无量百千萬億功德已於如
來前一心合掌復白佛言世尊未曾
有也如來之法具足成就不可思議
微妙功德教誡所行安隱快善我從
今日不復自隨心行不生邪見憍慢
瞋恚諸惡之心說是語已禮佛而出
佛告大衆於意云何妙莊嚴三昧異
人乎今華德菩薩是其淨德夫人今
佛前光照莊嚴相菩薩是哀愍妙莊
嚴王及諸眷屬故於彼中生其二子
者今藥王菩薩藥上菩薩是是藥王
藥上菩薩成就如此諸大功德已於
无量百千萬億諸佛所殖衆德本成
就不可思議諸善功德若有人識是
二菩薩名字者一切世間諸天人民
亦應禮拜佛說是妙莊嚴王本事品
時八万四千人速塵離垢於諸法中
得法眼淨

妙法蓮華經普賢菩薩勸發品第二十八
余時普賢菩薩以自在神通力威德
名聞與大菩薩無量無邊不可稱數
從東方來所經諸國普皆震動雨寶
蓮華作无量百千万億種種伎樂又
與无數諸天龍夜叉乾闥婆阿修羅
迦樓羅緊那羅摩睺羅伽人非人等
大衆圍繞各現威德神通之力到娑
婆世界耆闍崛山中頭面礼釋迦今
居佛右繞七匝白佛言世尊我於寶
威德上王佛國遙聞此娑婆世界說
法華經與无量無邊百千万億諸菩
薩衆共來聽受唯願世尊當為說之
若善男子善女人於如來滅後云何
能得是法華經佛告普賢菩薩若善
男子善女人成就四法於如來滅後
當得是法華經一者為諸佛護念二
者殖衆德本三者入正定聚四者發
救一切衆生之心善男子善女人如
是成就四法於如來滅後必得是經
尔時普賢菩薩白佛言世尊於後王
百歲濁惡世中其有受持是經典者
我當守護除其衰患令得安隱使无

何求得其便者若魔若魔子若魔女
若魔民若為魔所著者若夜叉若羅
刹若鳩鵂茶若毗舍闍若吉遮若富
單那若韋陀羅等諸惱人者皆不得
便是人若行若立讀誦此經我今時
乘六牙白馬王與大菩薩衆俱詣其
所而自現身供養守護安慰其心亦
為供養法華經故是人若坐思惟此
經今時我復乘白馬王現其人前其
人若於法華經有所忘失一句一偈
我當教之與共讀誦還令通利今時
受持讀誦法華經者得見我身甚大
歡喜轉復精進以見我故即得三昧
及陀羅尼名為旋陀羅尼百千萬億
旋陀羅尼法音方便陀羅尼得如是
等陀羅尼世尊若後世後五百歲濁
惡世中比丘比丘尼優婆塞優婆夷
求索者受持者讀誦者書寫者欲修
習是法華經於三七日中應一心精
進滿三七日已我當乘六牙白馬與
元量菩薩而自圍繞以一切衆生所
喜見身現其人前而為說法示教利
喜亦復與其陀羅尼呪得是陀羅尼

故无有非人能破壞者亦不為女人之所惑亂我身亦自常護是人唯願世尊聽我說此陀羅尼呪即於佛前而說呪曰

阿檀地

反一

檀陀婆地二檀陀婆帝

三檀陀鳩舍

反四

檀陀修陀餘五修陀

餘六修陀羅婆底

反七

佛默波檀祇八薩

婆陀羅尼

反九

薩婆婆沙阿

婆多尼

反十

修阿婆多尼十一僧伽婆履又

尼十二僧伽涅加陀

反十三

阿僧祇十四僧伽

波伽地

反十五

帝餘阿情僧伽梵略十六盧遮阿

羅帝婆羅帝

反十七

薩婆僧伽三摩地伽

蘭地

反十八

薩婆達磨修波利刹帝

婆薩瑤樓默憍舍

反十九

略阿堯伽地二十辛

阿毗吉利地

反二十一

世尊若有菩薩得聞是陀羅尼者當

知普賢神通之力若法華經行闍浮

提有受持者應作此念皆是普賢威

神之力若有受持讀誦正憶念解其

義趣如說修行當知是人行普賢行

於无量無邊諸佛所深種善根為諸

如來手摩其頭若但書寫是人命終

當生忉利天上是時八万四千天女

作衆伎樂而來迎之其人即著七寶冠於姝女中娛樂快樂何況受持讀誦正憶念解其義趣如說修行若有人受持讀誦解其義趣是人命終爲千佛授手令不恐怖不墮惡趣即往兜率天上弥勒菩薩所弥勒菩薩有三十二相大菩薩衆所共圍繞有百千萬億天女眷屬而於中生有如是等功德利益是故智者應當一心自書若使人書受持讀誦正憶念如說修行世尊我今以神通力故守護是經於如來滅後閻浮提內廣令流布使不斷絕今時釋迦牟尼佛讚言善哉善哉普賢汝能護助是經今多所衆生安樂利益汝已成就不可思議功德深大慈悲從久遠來發阿耨多羅三藐三菩提意而能作是神通之願守護是經我當以神通力守護能受持普賢菩薩名者普賢若有受持讀誦正憶念修習書寫是法華經者當知是人則見釋迦牟尼佛如從佛口聞此經典當知是人供養釋迦牟尼佛當知是人佛讚善哉當知是人

為釋迦牟尼佛手摩其頭當知是人
為釋迦牟尼佛衣之所覆如是之人
不復貪著世樂不好外道經書手筆
亦復不喜親近其人及諸惡者若屠
兒若畜猪羊鷄狗若獵師若街賣女
色是人心意質直有正憶念有福德
力是人為三毒所惱亦復不為嫉妬
我慢邪慢增上慢所惱是人少欲知
足能修普賢之行普賢若如來滅後
後五百歲若有人見受持讀誦法華
經者應作是念此人不久當詣道場
破諸魔眾得阿耨多羅三藐三菩提
轉法輪擊法鼓吹法螺雨法雨當坐
天人大眾中師子法座上普賢若於
後世受持讀誦是經典者是人復
貪著衣服卧具飲食資生之物所願
不虛亦於現世得其福報若有人輕
毀之言汝狂人耳空作是行終無所
獲如是罪報當世世无眼若有供養
讚歎之者當於今世得現果報若復
見受持是經者出其過惡若實若不
實此人現世得白癩病若有輕笑之
者當世世牙齒疎缺醜瘡平鼻手脚

繚戾眼目角昧身體臭穢惡瘡膿血
水腹短氣諸惡重病是故普賢若見
受持是經典者當起速迎當如敬佛
說是普賢勸發品時恒河沙等无量
無邊菩薩得百千万億旋陀羅尼三
千大千世界微塵等諸菩薩具普賢
道佛說是經時普賢等諸菩薩舍利
弗等諸聲聞及諸天龍人非人等一
切大會皆大歡喜受持佛語作禮雲

妙法蓮華經卷第七

漢印嚴高麗國大藏都監奉
勅雕造

正法華經卷第一

鳳

光瑞品第一

西晉月氏國三藏竺法護譯

聞如是一時佛遊王舍城靈鷲山與
大比丘衆俱比丘千二百一切無著
諸漏已盡無復欲塵已得自在逮得
已利生死已索衆結即斷一切由已
獲度無極已脫於慧心解得度名曰
賢者知本際賢者大迦葉上時迦葉
象迦葉江迦葉舍利弗大目犍連迦
旃延阿部律劫有鳧牛伺離越辟利
斯薄拘盧拘締難陀善意滿願子須
菩提阿難羅云菩薩八万皆不退轉
堅住無上正真之道逮摠持法得大
辯才常讚歎不退轉法輪供養無數
百千諸佛於无量佛殖衆德本諸佛
世尊所見咨嗟身常行慈入如來慧
善權普至大知度無極從無數劫多
所博聞名達十方救護无量百千衆
生遊於三界猶如日明解一切法如
幻如化野馬影響悉無所有住无所
住雖見終始亦無去來既見色像本

無形貌現諸所生永无起滅導利群梨不著三處分別空慧無想无願起三脫門至三達智無去來今現在之想開化梨底使了本無

其名曰薄首菩薩光世音菩薩大勢至菩薩常精進菩薩不置遠菩薩寶掌菩薩印手菩薩樂王菩薩妙勇菩薩寶月菩薩月光菩薩月滿菩薩大度菩薩超無量菩薩越世菩薩解縛菩薩寶事菩薩恩施菩薩雄施菩薩水天菩薩帝天菩薩大導師菩薩妙意菩薩慈氏菩薩如是大士八万上首尔時天帝釋與二万天子俱日天子與無數眷屬俱月天子以寶光明普有所照寶光天子光耀天子俱四大天王與万天子俱燦明大梵自在天子與三万天子俱梵忍跡天子與三万二千天子俱飾乾大梵與無數天子又梵名燦光與無數大衆俱來詣佛所稽首畢退坐一面有八龍王與無央數千諸龍眷屬俱四真陀羅王慎法真陀羅王大法真陀羅王仁和真陀羅王持法真陀羅王香音神各

與營從來詣佛所稽首畢退住一面
淨身四天子柔軟天子和音天子美
軟天子悅響天子俱來詣佛所前稽
首畢退坐一面四阿須倫王寂勝阿
須倫欲錦阿須倫燕居阿須倫吸氣
阿須倫與無央數百千阿須倫人民
俱來詣佛所前稽首畢退坐一面四
金翅鳥王大身王大具足王得神足
王不可動王俱來詣佛所稽首畢退
住一面摩竭國王阿闍世與十子并
諸營從來詣佛所稽首畢退坐一面
諸天龍神世人莫不歸命奉敬侍坐
今時世尊與四部衆眷屬圍繞而為
說經講演菩薩方等大頌一切諸佛
嚴淨之業說斯經已昇于自然師子
之牀加趺而坐三昧正受定意名曰
立無量頌尋應所宜不見身貌不得
心意所坐立處則有瑞應天雨意華
大意華柔軟音華大柔軟音華散世尊
上及於大會四部之衆普佛國土六
反震動時大衆會比丘比丘尼清信
士清信女天龍神鬼捷沓起阿須倫
迦留羅真陀羅摩休勒人與非人國

王君主大力轉輪聖王各與營從咸
志一心瞻戴世尊意皆愕然恠未曾
有於時佛放面口結光明普炤東方
萬八千佛土其大光明照諸佛國靡
不周遍至於無擇大地獄中上徹三
十三天彼此世界六趣周旋所有蒸
民一切皆現其界諸佛現在所由此
土衆會悉遙見之彼土觀斯亦復如
是十方諸佛所說經法普遍聞焉諸
比丘比丘尼清信士清信女修行獨
處者逮得德果一切表露又諸菩薩
意寂解脫其出家者求報應行皆亦
悉現諸佛世界滅度衆聖所建寶廟
自然為現於是弥勒菩薩心自念言
今者世尊如來至真等正覺三昧正
受現大威變多所降伏觀未曾有天
上世間諸佛廟寺恢闊彰顯將何所
興而有此瑞從昔暨今未曾見也欲
問其歸孰堪發遣解斯誼乎尋改思
曰今者大士溥首童真所作已辦靡
所不達供養過去無數諸佛曾當瞻
觀如來至真等正覺如此瑞應欲請
問之時四部衆比丘比丘尼清信士

清信女諸天龍神捷智起阿須倫迦
留羅真陀羅摩休勒志懷猶豫得未
曾有見斯大聖無極威曜神足變化
各各發意欲問世尊決散疑網慈氏
大士見衆會心便問溥首曰仁者惟
說今何因緣有此瑞應大聖神足放
大光明照于東方萬八千土諸佛世
界自然為現所說經法皆遙聞之於
是慈氏以頌而問溥首曰

文殊師利	今何以故	導利衆庶
放演光明	甚大威曜	出于面門
神變遍照	十方燿然	天雨衆華
紛紛如降	意華大意	柔軟音華
種種若干	其色殊妙	梅檀馨香
悅可衆心	嚴淨巍巍	皆悉周遍
今日四輩	欣然踊躍	於此佛土
十方世界	六反震動	莫不傾搖
于彼光明	則照東方	萬八千土
其暉普徹	諸佛境土	紫磨金色
煌煌灼灼	煥無不接	國邑群萌
莫不蒙賴	達盡上界	入無擇獄
衆庶受生	用無明故	滅沒墮落
歸此諸趣	斯等黎民	覩見因緣

若干之趣 今現嚴淨 賢明不肖
中間品類 吾於此住 皆遙見之
又觀諸佛 而師子吼 演說經典
開闡法門 消除衆生 無數之穢
歌頌聖教 出柔軟音 其響深妙
令人欣踊 各各自捨 境界所有
講說譬喻 億載報應 分別敷演
於此佛法 一切衆生 所造苦患
以無巧便 治老病死 猶斯等類
說寂滅度 比丘當知 貧劇困惱
衆人則處 安雅快樂 積累功德
乃見聖尊 又得逮至 緣一覺乘
一切令入 於此道業 見佛殊異
諸所經籍 或有志求 無上之慧
一切世間 見若干形 斯等衆類
歌詠佛德 仁者導首 彼所言說
我立住此 今悉見聞 及餘無數
諸億千衆 在此遊居 吾悉覩所
又見佛土 不可計數 諸菩薩等
如江河沙 億百千數 而不減少
建志精進 興發道意 或有放捨
諸所財業 而行布施 金銀珍寶
明月真珠 車乘馬腦 奴婢車乘

狀卧机擒

諸所珍異

環珮瓔珞

於是具足

皆用惠賜

悉以勸助

上尊佛道

今我等類

聞斯音聲

安住所歎

正覺大乘

遊於三界

而無所倚

其人速逮

得獲斯願

或以諸乘

則而施與

諸華伎樂

攔楯莊嚴

簫成鼓吹

音節所娛

四事如應

惠與奉授

以此布施

心不恡惜

妻妾子孫

所重輦輦

或慮非常

手足與人

志不矜愛

皆用惠施

欲以慕求

此尊佛道

復有捨身

給諸所有

頭眼支體

無所遺愛

所以布施

用成佛道

志願逮獲

如來聖慧

溥首童真

吾瞻國王

與眷屬俱

而出遊立

中宮后妃

姝女貴人

族姓娛樂

俱礼佛身

衆庶朋黨

悉詣導師

而於法王

啓問經典

則除俗服

下其鬚髮

而被袈裟

以為法式

我覩若干

諸菩薩衆

比丘知友

頃止山巖

獨處閑居

解暢空無

或有受經

而讀誦讚

吾復瞻見

開士之黨

英雄儔正

出入山谷

專精思惟	塵察衆相	分別講說
演諸佛乘	捐棄愛欲	永使無餘
常自纂修	惔仰正行	安住諸子
不離閑居	則便逮得	成五神通
高妙之士	志平等句	向諸導師
恭敬叉手	心懷踊躍	歌詠佛德
以數千偈	歎人中王	覩無所畏
志踊調和	曉了分別	出家之業
咨稟經典	於兩足尊	所聞頻數
尋即執翫	安住衆子	先自修已
我又遙見	諸佛孫息	為無數億
人民講法	而現報應	北載難計
志懷欣喜	自歸正法	勸助開化
無數菩薩	降伏衆魔	秉勢官屬
而雷擊扣	於此法鼓	善逝典誥
我又覽塵	諸天人神	所共宗奉
安住諸子	不以奇雅	益用寂然
履行定隱	無所荷著	猶如師子
開化度衆	今發道意	衆生在居
手執所供	心懷悅豫	僉然俱詣
又諸佛子	立於精進	棄捐欲塵
常得自在	建志經行	遊諸樹間
心願勤修	根求佛道	而護身口

常行清淨

禁戒安隱

不畏生死

於彼秉心

具足諸行

以斯禁戒

寤諸不覺

寂勝之于

據忍辱力

為諸貢高

卑下謙順

輕毀罵詈

若撾捶者

其求佛道

默然不校

吾或復觀

菩薩之衆

一切棄離

調戲伎樂

與諸力勢

親友等俱

其心堅固

平如虛空

蠲除諸穢

憤亂之意

建立一心

消滅陰蓋

禪思思惟

億百千歲

布施立意

求尊佛道

或自割損

多所惠潤

刈除貪嫉

閑不懷懷

飲食供具

所當得者

及無數人

諸病醫藥

又復施與

衣被服飾

檀已濟裸

無所藏積

與營從俱

面見寂勝

在上化立

億百千供

所造珍寶

及栴檀香

多有牀座

明珠諸藏

現在目前

奉上安住

其實之價

直億百千

所覩園觀

樹葉華實

具足鮮淨

悅可人意

夙夜修行

兼加進獻

上人正士

諸聲聞等

所可慧益

品列如斯

雜種若干

歡喜齊之

深自欣慶

而建道行

以此所施

願求尊覺

或有得人

寂然法誼

察諸報應

衆億地載

發起民庶

使其悔過

今捨億寶

志願佛道

曉了觀察

不秘怯法

滅除三事

寂等如空

安住之子

悉無所著

斯等智慧

求尊佛道

溥柔軟音

吾復覩見

諸滅度佛

安住開化

諸所現在

大菩薩衆

咸共奉敬

寂勝舍利

吾覲佛廟

億千之數

凡難限計

如江河沙

在于億土

常見尊戴

諸所化現

寂勝由已

七寶自然

清淨而現

具足里數

二十五万

諸蓋幢幡

各有數千

廣長周匝

各二千里

其蓋妙好

殊異嚴淨

所在衆香

珍寶自然

諸果芬馥

伎樂和雅

鬼神羅刹

肅恭人尊

安住諸子

所興感動

以用供養

舍利若斯

今此佛所

豈鏘璫麗

普布香華

如畫度樹

於斯人衆

無數億千

志遙覩見

煒曄燁爛

衣毛為豎

眷屬馳造

欲見寂勝

顯發光明

人中之上

演大光耀

妙哉明哲

離垢無漏

乃能闡現

如斯弘暉

示諸佛土

無央數千

見此瑞應

得未曾有

如是疇類

諸大變化

唯願溥首

具說斯誼

吾今欽羨

及諸佛子

於四部衆

心懷悅豫

渴仰仁者

兼見瞻察

今日安住

何所因由

奮大光明

而從口出

解散狐疑

勸發欣躍

何故佛現

無極大光

如斯所變

當有所感

安住之子

願用時說

大聖所成

此微妙法

在于道場

正士敷演

世雄導師

所由方面

願為分別

此諸菩薩

欲見佛土

無央數千

群生倫品

衆寶嚴淨

諸佛自現

無量明目

凡新學者

得無猶豫

諸最勝子

普共啓問

悅諸人民

天神羅刹

四部之衆

一切戴仰

今者溥首

惟具分別

於是溥首告慈氏諸大士衆會者族

姓子女吾心惟忖今者如來當敷大

法演無極典散大法雨擊大法鼓吹

大法盪講无量法又自追憶乃從過

去諸佛世尊見斯像瑞彼如來等所

放光明亦復若茲猶斯識察知講
大法諸如來至真等正覺欲令衆生
聽無極典故現斯應所以者何世尊
欲令群生洗除俗穢聞服佛法現弘
大變光明神化又念往故無央數劫
不可思議無能度量時有如來號曰
月燈明至真等正覺明行成為善逝
世間解無上士道法御天人師為佛
世尊演說經典初語亦善中語亦善
竟語亦善分別其誼微妙具足究竟
清淨修梵行為聲聞乘講陳聖諦則
令衆庶度生老死憂惱衆患入近無
為為諸菩薩大士之衆顯揚部分分別
六度無極无上正真又族姓子其日
月燈明如來滅度之後次復有佛亦
號日月燈明滅度之後次復有佛亦
號日月燈明滅度之後復次有佛亦
同一號日月燈明如是等倫八十如來皆
比二万如來佛語莫能勝彼二万如
來寂前興者號日月燈明寂後起者
故復名曰日月燈明如來至真等正
覺其佛說經初語中語竟語皆善分

別其誼微妙具足淨修梵行為諸聲聞講說四諦十二因緣生老病死愁感諸患皆令滅度究竟無為為諸菩薩講六度無極使逮无上正真道至諸通慧其日月燈明如來未出家時有八子一名有志二日善意三日加勸四日實志五日持意六日除慢七日響意八日法意是八太子則如來子神足引普時一一子各各典主四域天下其土豐殖治以正法無所侵枉而見世尊棄國修道逮寂正覺適聞得佛尋皆離俗不顧重位詣世尊所悉為沙門皆志無上正真之道盡為法師常修梵行於無央數百千諸佛殖衆德本又曰阿逸時日月燈明佛殖衆德本又曰阿逸時日月燈明勸發菩薩護諸佛法而為衆會講演大頌方等正經時彼世尊於座寂然以無量頌三昧正受即不復現無身元意都不可得心無所立世尊適三昧已天雨意華大意華柔軟音華大軟音華而散佛上及於大會四部之衆應時其地六反震動國中人民各取天華復散佛上四部弟子諸天世人

愕然疑恠其佛三昧未久威神德本
面出一光其光普照東方万八千佛
土靡不周遍諸佛國土所可造作悉
自然現亦如今日諸佛土現彼時世
尊與二十億諸菩薩俱於衆會中講
說經法諸菩薩大士覩大光明普照
世間而其佛世有菩薩名曰超光侍
者十八人有一菩薩而獨勞懈名曰
名聞佛三昧正受從三昧起為超光
菩薩講正法華方等之業諸菩薩行
皆說佛法一處安坐具足六十劫說
斯經典衆會亦然身不傾動心無因
緣又彼世尊六十中劫因為諸會說
法聽者一無疲厭心不勞擾日月燈
明六十劫中為諸菩薩講演法華
方等正經便自說言當般泥洹告
天世人諸梵魔衆沙門梵志阿須
倫鬼神諸比丘等察於其時如來
夜半至無餘界當般泥洹授其菩薩
首截之決告諸比丘吾滅度後首截
開士當逮無上正真道成寧正覺号
離垢體如來至真等正覺佛授決已
尋於夜半而取滅度彼世尊子等類

八人皆歸超光菩薩大士而順教勅
咸志無上正真之道見無央數億載
諸佛供養奉侍悉逮正覺寂後興者
号曰法事十八人中有一菩薩於利
無節慙懃求供尊已貪穢多於三病
分別句誼中而忽忘便得於閑不復
懷務時族姓子得名聞定以斯德本
從不可計億百千佛求願得見悉奉
衆聖溥首謂莫能勝欲知今時比丘
法師号超光者則吾是也其名聞菩
薩大士而懈怠者則莫能勝是是故
當知見此世尊所見瑞應放其光明
吾觀察之今日大聖當為我等講正
法華方等典籍於是溥首菩薩欲重
現誼說此頌曰

吾自憶念 往古過去 不可思議
無央數劫 寂勝造誼 智慧無上
其号名曰 日月燈明 彼講說法
聖達無極 開化衆生 不可計億
勸助發起 無數菩薩 不可思議
億百千人 於時如來 尊者諸子
皆為幼童 見佛導師 則從所尊
悉作沙門 棄捐愛欲 一切所有

導利世者

為講說法

所演經典

名無量頌

而号最上

嚴誼如此

開化黎庶

億千之數

大聖適說

斯經典已

能仁至尊

處於法牀

加跌而坐

尋有瑞應

三昧正受

名無量頌

於時即雨

大意音華

又現電煥

大雷音聲

諸天鬼神

住於虛空

一心奉敬

人中之尊

尋則感動

諸佛國土

從其眉間

顯出妙燄

放斯光明

無量難限

不可計人

恠未曾有

其明遍照

東方佛土

周万八千

億數世界

常以應時

多所分別

示于衆生

終始根原

或有佛土

立諸寶蓋

光如琉璃

及若水精

以導師光

威神之曜

現若干種

瓊異雅麗

諸天人民

并鬼神龍

捷杳起等

驚喜希有

其有專精

奉事安住

彼諸世界

皆自然現

又見諸佛

各各自由

端正殊妙

紫磨金色

如琉璃中

而有衆寶

在於會中

為雨法教

其諸聲聞

不可稱計

嗟歎無量

安住弟子

一切導師

一一世界	又光明曜	皆悉魏魏
常行精進	戒無所犯	忍辱之力
猶明月珠	世尊諸子	現無央數
遊於閑居	山林曠野	一切禪定
不起因緣	若有加害	不興瞋恨
諸菩薩衆	如恒沙數	安住光明
感動若斯	心念無常	不為放逸
忍辱樂禪	不捨一心	有安住子
普志來現	自伏其志	慕尊佛道
立審諦住	其心寂然	各以緣便
多所開化	無數佛界	廣說經法
世尊所為	感應如此	又觀大聖
猶如船師	所出光明	蔽日月暉
一切衆生	所立歡喜	各各問言
此何感變	天人所奉	從三昧起
未久之頃	導師便坐	其菩薩者
名曰超光	而作法師	佛為解說
世間之眼	燭除衆趣	唯安悅我
示諸種大	為我分別	於斯經法
吾愍衆生	以是教化	建立勸助
諸菩薩衆	聞佛教詔	欣然嚔歎
於時世尊	說大經法	所演具足
六十中劫	於一牀上	結加趺坐

導師化世

說殊特教

彼諸佛等

皆已滅度

其法師者

超光仁人

寂勝所演

講說經典

無央數人

皆悉歡喜

惟願大聖

分別解之

在諸天上

及與世間

講說經典

自然之誼

顯示衆庶

此正法華

告諸比丘

吾已時到

當於夜半

而取滅度

修無放逸

堅固其心

吾已解說

諸經法教

大聖神通

難得值遇

於無央數

億那由劫

常當供養

無量佛子

憂惱諸患

甚亦苦劇

時聞世尊

所現章句

觀於無為

採習言教

值觀人尊

所見安慰

會無數人

不可思憶

比丘莫懼

吾當泥曰

我去然後

已不復現

第二菩薩

号曰首藏

無有諸漏

無所不入

當究竟逮

尊上佛道

所号名曰

離垢之體

即尋於此

夜半之時

便取滅度

盡執光耀

其佛舍利

而廣分布

即起塔廟

無量億載

諸比丘等

及比丘尼

志志慕求

上尊佛道

不可稱限

如江河沙

常修精進

尊安住教

今時比丘

為法師者

超光大人

執持經典

一坐之頃

演說尊法

則具足滿

八十中劫

彼時侍從

有十八人

教化度之

皆蒙安隱

此等值見

無數億佛

至心供養

諸大聖尊

常尊奉教

柔順之法

於諸世界

皆各成佛

尊得自在

受持無量

各各授決

使逮正覺

於時諸佛

皆悉究竟

定光世尊

最後得佛

大仙日月

開化聖衆

導師所化

巨億百千

安住所興

諸大威化

法師超光

則吾身是

今時侍從

志懈怠者

求索利養

親屬交友

志所願求

但慕名聞

周旋行來

詣諸族姓

捨置所學

不誦誦讀

彼時不肯

分別而說

以故其人

唐載此名

於佛法教

欲使稱譽

其人由此

所造德本

在住世尊

而有瑕疵

值見諸佛

億千之數

積累功德

廣普大聖

專修正行

得蒙順忍

又觀世尊

於斯能行

然於將來

最後世時

當得無上

尊佛正道

成至世尊

号曰慈氏

教化衆生

無數億千

逮得勇猛

所在自由

安住滅度

仁順其教

於彼世時

比像如是

我身今時

則為法師

是以之故

行哀如此

過世覩見

如是之類

安住之仁

變動若茲

本第一察

如斯瑞應

彼時世尊

無量明日

諸釋中王

現第一誼

今者欲說

正法華典

吾過世時

所聞道業

今日變化

而得具足

諸導師尊

行權方便

大釋師子

建立興發

講說經法

自然之教

諸懷道意

悉叉手歸

導利世者

今者分別

當雨法雨

柔軟法教

普潤飽滿

履道意者

其有諸天

入於無為

志懷狐疑

而有猶豫

若有菩薩

求斯道意

今當蠲除

吾我之想

正法華經善權品第二

於是世尊從三昧覺告賢者舍利弗
佛道甚深如來至真等正覺所入之
慧難曉難了不可及知雖聲聞緣覺
從本億載所事歸命無央數劫造立

德本奉遵佛法懇懃勞苦精進修行
尚不能了道品之化又舍利弗如來
觀察人所緣起善權方便隨誼順導
猗靡現慧各為分別而散法誼用度
群生以大智慧力無所畏一心脫門
三昧正受不可限量所說經典不可
及逮而如來尊較略說耳大聖所說
得未曾有巍巍難量如來皆了諸法
所由從何所來諸法自然分別法貌
衆相根本知法自然於時世尊欲重
解誼更說頌曰

世雄不可量 諸天世間人 一切衆生類
焉能知導師 離垢解脫門 寂然無所畏
如諸佛法貌 莫有逮及者 本從億諸佛
依因而造行 入於深妙誼 所現不可及
於無央數劫 而學佛道業 果應至道場
猶如行慈愍 使我獲斯慧 如十方諸佛
諸相普具足 衆好亦如是 其身不可見
亦無有言說 察諸群衆類 世間無與等
若說經法時 有能分別解 其惟有菩薩
常履懷信樂

假使諸佛 弟子之衆 所作已辦
如安住教 盡除疾病 執御其心

不能達彼	若干種慧	設令於斯
佛之境界	皆以七寶	充滿其中
以獻安住	神明至尊	欲解此慧
終無能了	正使十方	諸佛剎土
諸明喆者	悉滿其中	及吾現在
諸聲聞衆	一切具足	亦復如是
一時普會	共思惟之	計安住慧
無能及知	佛之智慧	無量若斯
欲知其限	莫能逮者	諸緣一覺
無有衆漏	諸根通達	摠攝其心
假使十方	悉滿中人	譬如甘蔗
若竹蘆葦	悉俱合會	而共思惟
欲察知佛	所說解法	於億那由
劫載計念	未曾能知	及法利誼
新學發意	諸菩薩等	假使供養
無數億佛	講說經法	分別其誼
復令是等	周滿十方	其數譬如
稻麻藁林	在諸世界	滋茂不損
悉俱合會	而共思惟	世尊所明
觀諸法本	不可思議	無數億劫
如江河沙	不可限量	心無變異
超越智慧	欲得知者	非其境界
無數菩薩	皆不退轉	無崖底劫

如恒邊沙

一心專精

悲共思惟

此之等類

亦不堪任

諸佛聖明

不可及逮

一切漏盡

非心所念

獨佛世尊

能解了知

分別十方

諸佛世界

告舍利弗

安住所說

唯佛具足

解達知彼

軍勝導利

悉暢了識

說無上誼

以來久遠

佛今日告

諸聲聞衆

緣覺之衆

如所立處

捨置已逝

入泥日者

所可開化

各各得度

佛有尊法

善權方便

猶以講說

法化世間

常如獨步

多所度脫

以斯示現

真諦經法

今時大衆會中一切聲聞阿羅漢等

諸漏已盡知本際黨千二百衆及弟

子學比丘比丘尼清信士清信女諸

聲聞衆各各興心念世尊何故慙慙

咨嗟善權方便宣暢如來深妙經業

致取正覺慧不可及聲聞緣覺莫能

知者如今世尊乃演斯教於是佛法

無逮泥洹雖說此經吾等不解誼之

所趣賢者舍利弗見四部衆心懷猶

豫欲為發問決其疑網冀并被蒙前

白佛言唯然世尊今日如來何故獨
宣善權方便以深妙法逮寔正覺道
德巍巍不可稱限時舍利弗以偈頌曰
樂慧聖大尊久宣如是教力脫門禪定
所奉無央數讚揚佛道場無敢發問者
獨咨嗟真法無能啓微妙顯現大聖法
自歎譽其行智慧不可限欲分別深法
今鄙等懷疑說道諸漏盡其未無為者
皆聞佛所讚其未緣覺者比丘比丘尼
諸天龍鬼神捷奢摩休勒及餘諸等類
心各懷猶豫請問兩足尊大德願解說
一切諸聲聞安住所教化大聖見歎譽
我獨度無極鄙意在沉吟不能自決了
究竟至泥洹今復聞此說唯願演分別
雷震音現說如今所發教猶若師子吼
寔勝諸子等歸命皆叉手欲聞正是時
願為分別說

諸天龍衆鬼神真陀無數百千
如江河沙而悉僉曰供養世尊
咸欲發問於尊佛道國主帝王
轉輪聖王悉共同心億百千姪
一切恭敬叉手而立德何因盛
衆行具足

今時世尊告舍利弗且止且止用問
此誼所以者何諸天世人聞斯說者
悉當恐怖時舍利弗復重啓曰唯願
大聖如是誼者加哀說之所以者何
於此衆會有無央數億百千載蚊行
喘息蝓蟬蠕動群生之類曾見過佛
知殖衆德聞佛所說悉當信樂受持
奉行時舍利弗以偈頌曰

願人中王 哀恣意說 此出家者
衆庶億千 恭肅安住 欽信慧誼
斯之等類 必皆欣樂

於時世尊歎舍利弗如是至三告曰
勿重諸天世人恚懷慢恣比丘比丘
足墜大艱難世尊以偈告舍利弗

且止且止 用此為問 斯慧微妙
衆所不了 假使吾說 易得之誼

愚癡闇塞 至懷慢恣

賢者舍利弗復白佛言唯願大聖以
時哀說無央數衆昔過世時曾受佛
教以故今者思聞聖音聞者則信多
所安隱莫不疑慢時舍利弗以偈頌曰
我佛長子 今故啓勸 願兩足尊
哀為解說 今有衆生 無數億千

悉當信樂 聖尊所詔 會致本德

決諸疑網 往古長夜 曾被訓誨

是等叉手 恭肅側立 必當欽樂

於斯法誼 我之等類 千二百人

及餘衆黨 求尊佛道 假令見聞

安住言教 尋當歡喜 興發大意

于時世尊見舍利弗三反勸助而告

之曰今懃懃所啓至三安得不說

諦聽諦聽善思念之吾當解說世尊

適發此言比丘比丘尼清信士清信

女五千人等至懷其慍即從坐起稽首

佛足捨衆而退所以者何慍無巧便

未得想得未成謂成收屏蓋藏衣服

卧具摩何而去世尊默然亦不制止

又舍利弗衆會辟易有竊去者離廣

大誼聲味所拘又舍利弗斯其慍者

退亦佳矣如來云何說此法乎辟靈

瑞華時時可見佛歎斯法久久希有

今等當信如來誠諦所說深經誼甚

微妙言輒無虛若干音聲現諸章句

各各殊別人所不念本所未思如來

悉知所以者何正覺所興世嚔歎一

事為大示現皆出一原以用衆生望

想果應勸助此類出現于世梨元望
想希求佛慧出現于世蒸庶望想如
來實決出現于世以如來慧覺群生
想出現于世示寤民庶八正由路使
除望想出現于世以故當知正覺所
興志為一誼以無極慧而造大業猶
一空慧以無蓋哀興出于世如佛所
行所化利誼亦復如是而為說法教
諸菩薩現真諦慧以佛聖明而分別
之轉使增進唯大覺乘無有二乘况
三乘乎十方世界諸佛世尊去來現
在亦復如是以權方便若干種教各
各異音開化一切而為說法皆興大
乘佛正覺乘諸通慧乘又舍利弗斯
衆生等悉更供養諸過去佛亦曾聞
法隨其本行獲示現誼吾見群生本
行不同佛觀其心所樂若干善權方
便造立報應而講法誼皆為平等正
覺大乘至諸通慧道德一定無有二
也十方世界等無老特安得三乘又
舍利弗設如來說衆生取穢一切不
竟今吾興出於五濁世一日塵勞二
日凶暴三日邪見四日壽命短五日

劫穢濁為此之黨本德淺薄慳貪多
垢故以善權現三乘教勸化聲聞及
緣覺者若說佛乘終不聽受不入不
解無謂如來法有聲聞及緣覺道深
遠諸難若比丘比丘尼已得羅漢自
已達足而不肯受無上正真道教定
為誹謗於佛乘矣雖有是意佛平等
訓然後至于般泥洹時諸甚慢者乃
知之耳所以者何又諸比丘為羅漢
者無所志求諸漏已盡聞斯經典而
不信樂若滅度時如來面現諸聲聞
前大聖滅度不以斯行令受持說方
等頌經尋於異佛至真等正覺決其
狐疑然後於彼乃當為信如來言誠
正有一乘無有二也世尊頌曰

比丘比丘尼心懷甚慢恣諸清信士女
五千人不信不自見瑕穢奉誠有缺漏
多獲傾危事而起愚駭意反行求雜糅
志無巧方便諸佛取勝禪緣此得聞法
供養清淨慧衆會儼然住一切受恩教
建志立見要舍利弗聽此佛為人中上
諦覺了諸法為說若干教
善權方便億百千娛隨人心行

而為說法 罪福之事 若干不同

從其宿世 各得報應 此諸衆生

心各各異 所造衆多 纏綿結縛

因緣諸見 億百千妖 一切品類

瑕穢如是 如來大聖 說此經典

所言至誠 終無虛欺 從始引喻

若干無數 如有所說 尋為分別

其有不樂 正覺明者 於無數佛

不造立行 愚癡生死 甚多苦患

故為斯等 現說泥洹 大聖所興

行權方便 因勸化之 使入佛慧

如佛道教 興顯于世 吾始未曾

為若等現 何故愚冥 覩於導師

見自患厭 乃為分別 今乃得聞

演于平等 以故得說 佛所決了

於我法教 諸新學者 佛以聖慧

行權方便 所可分別 為衆生故

欲開化之 故示此誼 欲知佛道

常調清淨 仁樂聖典 實為要妙

在諸佛所 所作已辦 故為斯類

說方等經 志性和順 行能具足

是等勇猛 親近聖教 則為彼說

德寂和衍 於當來世 慈愍哀傷

一切聞之

欣然咨嗟

我等成佛

亦當如是

緣是行故

世世端正

而當翫習

是方等經

其有逮聞

無極聖教

斯等乃為

佛之弟子

假使得聽

佛一偈者

皆成正覺

終無有疑

佛道有一

未曾有二

何況一世

而當有三

除人中上

行擢方便

以用乘故

開化說法

欲得講說

佛之深慧

善權方便

導師光明

唯有一乘

豈寧有二

下劣乘者

當求殊特

諸佛所覺

常皆如應

至尊所在

莫敢能當

其力一心

若順脫門

皆立衆生

於此道教

諸佛寂勝

無有瑕疵

尊無等倫

現平等覺

如是示以

衆生善法

世尊因而

勸立是乘

所在安和

誘進稽首

諸境界名

於此當行

斷除一切

諸見暴法

是故號佛

則大勇猛

今已造立

若干種相

眷屬圍繞

演出法光

無數衆生

億百千姪

為講說法

自然之印

告舍利弗

我見如是

今當奈此

群生類何

三十二相

顏容殊妙 猶得自在 無所拘尋
而吾所觀 若所思念 如往古時
有可志願 皆具足成 深微妙事
分別講說 得至佛位 語舍利弗
佛言至誠 以何等事 寤覺衆生
假使為說 不能解了 不肯啓受
善言至誠 即時心念 如是之誼
前往古世 行不可議 今日乃逮
得本所願 已斷愛欲 除大陰雨
衆庶坐欲 墜于惡趣 安住穢猒
衆諸穢垢 黑冥之法 數數增長
薄德之夫 患苦所惱 為諸邪見
之所繫繫 有此無異 不有不無
具足依倚 六十二見 當住於斯
根著所有 勢力薄少 而懷恐懼
未曾得聞 佛之音聲 恒當墮落
不離三處 億百千生 不能解法
佛了善權 卓然難及 為說勤苦
斷其根原 衆生之類 諸見所惱
佛故導示 便至泥洹 吾所以故
常解滅度 令一切法 皆至寂然
又復過去 諸佛之子 當來之世
得成寂勝 今我如是 行權方便

各令休息 說三乘教 其乘有一
亦不非一 大聖世尊 故復說一
諸有蒸民 興發沉吟 意慮憤亂
狐疑猶豫 如來所說 終無有異
慧乘有一 未曾有二 其有往古
世雄導師 億百千佛 諸滅度者
或有過去 無央數劫 計其限量
不可稱度 謂此一切 人中之上
講說經法 無數清淨 所可作為
報應譬喻 行權方便 億百千殃
普為衆生 示現一乘 是故說道
度未度者 常為人說 平等道慧
開化衆庶 億百千殃 又復見異
若干大聖 為講分別 是大尊法
本性清淨 乃信解之 若在空中
世間亦然 其有聞經 若聽省者
彼諸衆生 所獲安隱 常行布施
其戒具足 忍辱無乏 斯行平等
精進一心 修善勇猛 於此經典
遵奉智慧 或有建立 若干種德
斯等皆當 成得佛道 其有滅度
諸所如來 彼時所有 一切衆生
忍辱調意 得至大安 斯等皆當

成得佛道

假使供養

諸佛舍利

大聖寂勝

及滅度者

興立佛廟

衆億百千

黃金白銀

水精琉璃

若以馬瑙

造作塔寺

車渠異寶

及明月珠

若以墜泥

立作形像

斯等皆當

成得佛道

假使以石

用作佛廟

或以栴檀

若木蜜香

設令塔寺

立天尊像

材木刻鏤

彩畫衆飾

或有奉戒

口言至誠

若復堅立

寂勝廟寺

在於居室

諷誦經典

處于曠野

深谷中立

為數億人

而師子吼

現有十方

諸佛廟寺

中有舍利

童子對舞

斯等皆當

成得佛道

若為如來

作寶摸像

三十二相

執持殊寂

假使復有

誦經說誼

斯等皆當

成得佛道

設為安住

興立彩像

後致七寶

覺意道路

其光遍照

通徹衆行

斯等皆當

成得佛道

若復以銅

刻鏤碧玉

為大聖尊

立殊特形

設以經字

載妙素帛

斯等皆當

成得佛道

若繕壞寺

修立形像

功德志性

有百福相

出家學法

書佛經卷

斯等皆當

成得佛道

設使各各

作奇異行

除棄一切

所樂調戲

正士童子

聰達解誼

而不誦誥

言不虛誕

悉亦自致

為大慈哀

一切皆當

逮得佛道

即使得度

億千群萌

無數菩薩

神通三昧

設為是等

安住舍利

興立塔寺

彩畫形像

塗治璽飭

書經著辭

供上華香

勲散塔像

假令伎樂

歌誦佛德

蕭成鼓舞

節奏哀和

讚美嬉笑

又加肅敬

以若干事

遵修供奉

彈琴琵琶

鏡鏡應弦

箏笛吹笙

激發妙音

皆以一心

不為衆吏

緣是志致

寂然沈豫

若以挹灑

淨掃塔寺

用柔軟水

蜜漿飲施

雜香璽塗

理作樂器

歸命安住

供養取勝

以若干物

供上舍利

如來滅度

少多肅敬

假使一反

鼓伎拊拊

一切皆當

得成佛道

誤令得見

安住畫像

執持一華

進上靈撲

以恭敬意

薦信無疑

當稍稍見

無數億佛

其有人衆

又手佛廟 具足一及 繞旋自歸
禮拜大聖 嚙歎稽首 所行如是
身無垢染 當漸漸覲 無數億佛
於諸導師 多造利誼 假使有持
舍利供養 口宣音言 南模佛尊
其亂心者 若說此言 斯等皆當
逮尊佛道 滅度因緣 盡除毒火
此等皆當 逮成佛道 於衆會中
建立信者 今時安住 當濟此倫
假使有人 聞此法名 斯等皆當
逮成佛道 若復當來 無數億佛
不可思議 無能限量 是等上勝
世雄導師 當為講說 善摧慧事
是等大人 行權方便 當得成佛
導世聖雄 所以開化 億數衆生
禪定智慧 以消諸漏 得聞此法
未有一人 群萌品類 豈引了覺
諸大聖法 皆本所願 行佛道時
寂後究竟 無量法門 億千姪數
當來寂勝 之所講說 諸如來尊
常宣布法 是則得見 諸佛正教
諸佛本淨 常行自然 此諸誼者
佛所開化 如兩足尊 乃分別道

故暢斯教	一乘之誼	諸法定意
志懷律防	常處于世	演斯讚頌
每同讚說	善摧方便	諸寂勝尊
志意弘大	其有供養	天人所歸
今現在佛	如江河沙	欲利安隱
一切群黎	斯等正覺	亦說佛尊
所可演說	善摧方便	以若干教
開化令入	皆共咨嗟	是一乘道
寂然之地	無有二上	欲知衆生
本際之行	從其過去	志性所倚
料簡精進	而觀本原	諸未脫者
為分別說	衆導師力	若干因緣
攀喻引辟	而為示現	探觀群生
種種所樂	若干部音	而開化之
今我如是	為人中王	興發梨底
安隱利誼	種種音聲	億百千妖
故為示現	斯佛大道	吾所說法
若干種變	知諸萌類	心所好樂
若干色像	尋今悅豫	緣其智慧
訓以道力	吾為法王	而遍觀見
諸愚冥者	離智慧德	崩墜生死
坑塢險谷	不得解脫	來世艱難
愛欲所繫	馳如流沙	諸塵勞垢

今日自在

大聖威神

覺無所來

諸法未曾

致衆患苦

羣萌之類

默在六塵

堅住邪見

不可動轉

在於苦惱

處危嶮徑

吾發大哀

愍此愚癡

安隱求至

處于道場

具足七日

坐於草蓐

即思惟誼

當何所興

尋時即斷

彼世慢恣

觀察尊樹

日未曾眴

吾又經行

於斯樹下

因奇特慧

得未曾有

衆生輪轉

於大無明

於時梵天

則知佛意

帝釋四天

諸護世者

大神妙天

及善天子

無數億千

皆共覺知

一切叉手

儼然恭肅

我時自念

當奈之何

假令吾歎

佛之道德

羣黎品類

莫肯受化

諸闇冥者

便當謗毀

適毀此已

趣非法地

吾初未曾

說奇妙法

常樂餘事

當何興立

等觀往古

諸佛所為

彼時聖衆

行權方便

吾今寧可

以此佛道

分為三乘

而開化之

初成佛時

作此思惟

又有十方

諸佛世尊

其大聖衆

悉各自現

音讚善哉

我等欣豫

快我能仁

世雄導師

斯為正法

執御當然

乃能思惟

善權方便

諸大聖典

亦學救世

吾等為佛

履上跡時

分為三乘

而開化之

下劣不肖

志懷羸弱

觀諸佛興

卒不肯信

吾等猶此

興立攝濟

以權方便

而為示現

嗟歎稱美

獲果之證

又復勸助

無數菩薩

今時佛身

聽諸尊歎

尋則解了

諸大聖音

引妙之士

心欣悅豫

今大神通

分別名色

於時余等

當遵其行

如諸導師

之所言說

我時比丘

亦持斯法

出生於人

梨庶之間

告舍利弗

吾聽省彼

尋時往詣

波羅奈國

便即合集

諸比丘眾

身子欲知

佛善權法

大聖應時

便轉法輪

興發宣暢

滅度寂然

歎羅漢音

聖眾之德

讚譽法聲

於是歌頌

一切皆來

其間寂勝

說彼經典

恭肅而住

歸於世尊

僉共叉手

恭肅而住

善權方便

為若干種

今時世尊

復更思惟

吾說尊法

今正是時

我所以故 於世最勝 應當講說
斯尊佛道 志懷愚癡 起於妄想
誤吾說法 少有信者 憍慢自大
不肯啓受 如斯法者 菩薩乃聽
佛時悅豫 秉修勇猛 應時解斷
一切諸結 今日當說 最勝自由
或以勸助 使人佛道 諸佛之子
得觀觀此 因從獲信 順行法律
時千二百 諸漏盡者 皆當於世
成為佛道 亦如往古 諸佛大聖
亦如當來 最勝之法 吾復如是
燭棄衆想 然後余乃 講天尊法
久久時時 世間有佛 大仙慧士
興發聖道 無極明日 既現於世
選擇希有 時講斯法 於億百千
無量劫數 乃得值遇 如此像法
假使菩薩 獲斯比經 若復逮聞
是尊佛道 若靈瑞華 時時可見
欲見慕值 莫能覩者 最勝容貌
和悅難遭 天上世間 無上聖賢
今此大尊 乃謂琦珍 假使有人
而說斯經 一及舉聲 歡喜勸助
則為供養 一切佛已 其去亂心

不懷狐疑

吾為法王

悉普告勅

吾之法中

一切聲聞

則便勸助

以尊佛道

卿舍利弗

及諸聲聞

今現在者

且皆默然

其諸菩薩

意勇智慧

密持斯法

勿得忘宣

何故說世

而有五事

或有衆生

懷毒求短

貪欲愚瞋

而好誹謗

如是倫品

不尚至道

若當來人

而說此法

聽察如來

一乘之教

設復覩見

諸寂勝名

誹謗斯經

便墮地獄

假使有人

慚愧清淨

發心志願

求尊佛道

聞大覺乘

無量之德

諸佛聖明

則現目前

衆猛尊導

講法如是

善權方便

億百千娖

分別無數

無復想念

其不學者

不能曉了

由是之故

了正真言

正覺出世

順修明拉

斷諸狐疑

獨除猶豫

能仁欣勇

咸至佛道

正法華經卷第一

三寅歲高麗國大藏都監奉

勅彫造

正法華經卷第二

鳳

應時品第三

西晉月氏國三藏法師護譯

於是賢者舍利弗聞佛說此欣然踊躍即起又手白衆枯曰今聞大聖講斯法要心加歡喜得未曾有所以者何常從佛聞法說化導諸菩薩衆見餘開士聽承佛音得至真覺甚自悼感獨不豫及心用灼惕所示現議所不紹建我已永失如來之慧假使往返山林巖藪曠野樹下閑居獨處若在譙室謹勅自守一身經行益用愁毒深自惟言法師等入世尊為我現若干教而志小乘自我等各非如來也所講演法大聖等心為開士歎思奉尊者為受第一如來訓典堪至無上正真之道我等所順而被衣服所建立願不以頻數唯然世尊鄙當余時用自尅責晝夜寢念雖從法生不得自在偏蒙聖恩得離惡趣今乃逮聞時舍利弗以頌讚曰
得聞佛乘一句之業 超出本望

恠未曾有 所當受獲 非心口言
觀大尊雄 益懷喜歡 假使有人
能造行者 聞安住音 以為奇雅
諸塵勞垢 鄙已蠲盡 音聲之信
亦悉永除 我本晝日 設經行時
若在樹下 端坐一心 設在林藪
山巖之中 心自思惟 如此行誼
嗚呼自責 弊惡之意 因平等法
而得無漏 不由三界 頓尊法居
追悔過事 以誠將來 紫磨金容
相三十二 我已違遠 失不自嚴
衆相八十 具足殊特 種種積累
不以瓔珞 根力脫門 八部之音
於平等法 而自危削 諸佛之法
有十八事 如是之誼 我已永失
音聲所聞 達於十方 吾以得見
愍世俗者 一身獨已 晝日經行
又自剋責 而內思惟 我每夙夜
深自料計 反側婉轉 忖度已身
當問世尊 如是之誼 鄙何所失
當復所失 現在眼前 於聖明日
夙夜過去 逝不休息 見餘菩薩
而不可計 世雄尊師 之所開化

彼等悉聞此佛音教為諸羣萌
講演法力其法無想諸漏已盡
普悉曉暢致微妙慧觀若干種
諸所祠祀塵外異學諸邪偽術
由是之故解佛言教觀見脫門
即說滅度一切得解諸所見行
尋時開了空無之法由是自謂
已得滅度今乃自知非至泥洹
得覲諸佛天中之天時人中上
衆會圍繞三十二相光色巍巍
因斯覺了至度無餘我適聞說
除於衆熱不以音聲而得無為
如我所知正覺師子諸天世人
之所奉事則以力勢恒住如斯
第一初聞大聖之教波旬時化
變為佛形無得為魔之所燒害
如因緣行而引說喻無央數億
顯現姦限善立彼岸至道意海
得聞彼法除諸狐疑有百千佛
及姦之數悉得覲見衆滅度脫
如斯諸佛所說經典善摧方便
隨順御之假使有見現究竟行
當來諸佛衆億百千善摧方便

導御是黨 為講說經 誘進泥洹
隨其體像 化以慧行 志而分別
次第所有 諸佛之法 所當教誨
尋即承聖 受轉經輪 世雄導師
現真雅訓 吾亦如是 依蒙其像
彼諸魔眾 而不敢當 心未常懷
邪疑之尋 普興柔軟 深妙之道
以佛音聲 而得歡欣 今日所有
諸志猶預 以棄沉吟 住於聖慧
我成如來 無眾結網 諸天世人
以為眷屬 今日得覩 佛之道眼
當勸助化 於眾菩薩

佛告賢者舍利弗今吾班告天上世
間沙門梵志諸天人民阿須倫佛如
舍利弗曾以供奉三十二千億佛而
為諸佛之所教化當成無上正真道
吾身長夜亦開導汝以菩薩誼尔緣
此故興在吾法如來威神之下建立
亦本願行念菩薩教未得滅度自謂
滅度舍利弗汝因本行欲得識念无
央數佛則當受斯正法華經一切佛
護普為聲聞分別說之佛語舍利弗
汝於來世無量无数不可計劫供養

億百千佛受正法教奉敬修行此方
等經具足衆行當得佛道號蓮華光
如來至真等正覺明行成為善逝世
間解無上士道法御天人師其世界
名離垢平等快樂威曜巍巍諸行清
淨所立安隱米穀豐賤人民繁熾男
女衆多具足周備琉璃黃金以為長
繩連綿路傍一切路邊有七寶樹八
重交道行樹枝葉華實常茂蓮華光
正覺亦當承續說三乘法而佛說法
具足一切所可演經亦奇特願劫名
大寶嚴所以名曰大寶嚴者謂彼佛
國諸菩薩衆諸菩薩衆有無央數不
可思議无能限量唯有如來乃能知
數菩薩大士在其佛土為覺意實行
如蓮華無有新學久殖德本淨修梵
行而無年限親近如來常應佛慧具
大神通志存法要勇猛志強諸菩薩
衆具足如是無有缺減是故其劫名
大寶嚴蓮華光佛當壽十二中劫不
可計童子時也其國人民當壽八劫
蓮華光如來過十二劫有菩薩名堅
滿當授其決告諸比丘言此堅滿大

士吾滅度後當得無上正真道号度蓮華界如来正覺蓮華光佛滅度之後正法像法住二十中劫其佛世界如前佛土等無老特度蓮華界如来亦壽二十二中劫今乃滅度佛滅度後其佛正法及像法住二十二中劫今時世尊以偈頌曰

卿舍利弗於當來世得成為佛顯如来尊号蓮華光普平等目教授開化衆庶億千奉事無數諸佛億載於彼修力多所興立所在勸化得為十力便當成就上尊佛道不可思議無央數劫劫當号名大寶嚴莊世界名曰為離諸垢其蓮華光國土清淨以紺琉璃遍敷為地紫磨金繩連綿為飾若干種樹皆七寶成其樹華實悉以黃金彼諸菩薩意皆堅強所造言行聖詰聰明善學佛道億百千劫是等來現寂勝法教佛寂後時無有陰蓋為童子時無所慕樂棄離愛欲即出家去便得成就上尊佛道

斯寂勝尊則得自在其命當壽
十二中劫法教當立盡于八劫
彼命限量劫數如是若大聖佛
滅度之後當具足滿廿二中劫
今時法住若干之數愍哀天上
及世間人其佛正法滅盡之後
像法當住廿二中劫彼大聖明
舍利流布男神女鬼供養寂勝
其世尊德亦當如是告舍利弗
且當自慶仁者國土嚴飾如是
兩足之尊自然無倫

今時四部衆比丘比丘尼清信士清
信女天龍鬼神捷沓起阿須倫迦留
羅真陀羅摩休勒聞佛世尊授舍利
弗次當成無上正真之道心懷欣豫
歡喜踊躍不能自勝各自脫身衣以
覆佛上時天帝釋梵忍跡天及餘無
數億千天子各各取衣供養世尊以
天華香意華大意華散于佛上諸天
衣物悉在虛空羅列而住天上伎樂
自然而鳴天上大聲自然雷震普雨
天華咸共舉聲而皆歎曰今所聞法
自昔未有前波羅奈鹿菟之中始轉

法輪蓋不足言今佛世尊則復講說
無上法輪時諸天子讚頌曰

於世無雙比 今者轉法輪為男女講說
陰襄所從起 彼第一暢說十二展轉事
今導師演說 少能信樂者從世雄大聖
面聞無數法 往始至于茲未聆如斯典
大導師所說 我今代勸助勇猛舍利弗
而乃得授決 為歎本發意所供養佛數
我當蒙及逮 得佛世寂上已所造淨行
頻數若干種 奉過去諸佛願獲佛道誼
於是舍利弗白世尊曰我今無結狐
疑已除現在佛前得授予決為無上
正真道又曰大聖斯千二百得自在
者昔來豈不伴學地乎當來如是此
佛教耶斯諸比丘頓止行門遵尚法
律度老病死咨嘆泥洹是諸比丘無
央數千供養世尊學諸所學畏吾我
懼三世毀諸見眾邪行立滅度已懷
此想得至道場初未曾聞如是像法
心每猶豫善哉世尊願說要誼使此以
丘疑網志除今四部眾意咸悵悵當
令坦然無餘結悵佛告舍利弗向者
吾不說斯法耶以若干種善摧方便

隨其因緣而示現之如來至真等正覺所分別演旨為無上正真道故我所咨嗟皆當知之為菩薩也又舍利弗今吾引喻重解斯誼有明慧者當了此譬喻如郡國縣邑有大長者其年朽邁坐起苦難富樂無極財寶無量有大屋宅周匝寬博垣牆高廣其舍久故數百千人而在其內唯有一門及監守者堂屋傾危梁柱腐敗軒窓既多多積薪草時失大火從一面起普燒屋宅長者有子若十若二十欲出諸子諸子放逸嬉戲飲食卒見火起各各馳走周憶詰屈不知所出父而念曰今遭火變屋皆然熾以何方便免救吾子時父知子各所好意即為陳設為馬車乘遊觀之具開示門閤使出于外鼓作倡伎絕妙之樂戲笑相娛令濟火厄當賜眾乘為車馬車羊車伎車吾以嚴辦停在門外速疾走出出避火災自恣所欲從意所樂諸子聞父所勅所賜為馬車乘音樂之屬各共精進廣設方計土塗水澆奔走得出長者見子安隱而出四

面露坐心各踊躍不復恐懼各各白
言願父賜我諸所見許若干種伎相
娛樂具爲馬車乘又舍利弗彼大長
者等賜諸子七寶大車珠文露慢車
甚高廣諸珍嚴莊所未曾有清淨香
華瓔珞校飾敷以繒褥毼氍毹衣
被鮮白鏤如電光冠幘履屐世所希
有若干童子各各手持一種一色皆
悉同等用賜諸子所以者何今此幼
童皆是吾子寵敬等愛意無偏黨以
故賜與平等大乘又舍利弗吾亦如
是爲衆生父停儲庫藏滿無空缺如
斯色像教化誘進得亦大乘諸子則
尋獲斯大乘以爲奇珍得未曾有而
乘遊行於意云何長者賜子珍寶大
乘將無虛妄乎舍利弗不也安
住不也世尊其人至誠所以者何彼
大長者救濟諸子而不欲令遇斯火
害隨其所樂許而賜之適出之後各
與大乘以故長者不爲虛妄究竟諸
子志操所趣故以方便令免患禍况
復貯蓄無量寶藏以一色類平等大
乘賜子不虛偽言善哉舍利弗誠如

所云如來至真等正覺超越十方光
照衆冥解脫憂恐拔斷根牙拔業華
實如來慧現法王神力為世之父善
權方便攝持恩議行乎大悲道心無
盡愍哀三界大火熾然黎庶不解故
現世間救濟衆生生老病死諸不可
意結縛之惱裂壞所著旣姪怒癡誘
導三乘漸漸勸示無上正真之道適
興于世觀諸群萌妄想財業愛惜無
厭因從情欲致無數苦於今現在貪
求汲汲後難救護便墮地獄餓鬼畜
生燒炙脯煮飢渴貧重痛不可言正
使生天及在人間與不可會恩愛別
離憂惱難量一時離苦歌舞戲笑不
知恐懼無所忌難不自覺了不肯思
惟計其本末不求救護復見燒然三
界衆生勤苦之患吾當施立無極大
安無數百千不可思議諸佛正慧其
有盈逸迷惑欲樂如來誘立道慧神
足善權方便化現佛慧聞使佛力
無所畏衆生難寤不肯尋受因緣所
縛未脫生老病死憂患未始得度三
界燒炙不了所歸何謂解佛慧者譬

如長者立強身猛多力諸士救彼諸子使離火患方便誘之適出在外然後乃賜微妙奇特衆寶車乘如是舍利弗如來正覺以力無畏建立衆德善權方便修勇猛慧觀見三界然熾之宅欲以救濟衆生諸難故現聲聞緣覺菩薩之道以是三乘開化驅馳使棄愛欲教諸萌類滅三界火煙怒癡縛色聲香味細滑之法三處五欲五欲燒人不猗三界便得三乘勤精三乘則超三界進三乘者諸佛所訓也梨底則至無央數集世尊現戲行為娛樂修此根力覺意禪定脫門三昧正受然於後世致大法樂安隱欣豫無所罣尋又舍利弗其有衆生未興起者如來出世有信樂者樂佛法教精進奉行寂後竟時欲取滅度謂聲聞乘遵求羅漢乎出三界譬如長者免濟子難許以羊車若復有人天有師法自從意出求至寂然欲獨滅度覺諸因緣於如來法而行精進謂緣覺乘出之火宅許以馬車假使有人求諸通慧諸佛道慧自在聖慧自

從心出無師主慧多所哀念多所安
隱諸天人民欲利天上世間人民滅
度梨庶於如來法奉修精進欲求大
聖普見之慧力無所畏謂如來道苦
隆大士所履乘也譬如長者勸誘其
子免火患難許以爲車驅出火宅父
見子安濟難無懼自察家中財寶無
量等賜諸子高大殊妙七寶大乘如
來正覺亦復如是觀無數衆億百千
娑使度三難慙苦怖懼從其所願開
生死門遂令脫出難嶮恐患使滅度
安又舍利弗如來今時從終始宅以
無數慧力無所畏觀衆羅厄矜哀喻
子普勸進使歸於佛乘不令各各從
意而滅度也如來悉誘以佛滅度而
滅度之假使衆生得度三界以如來
慧脫門定意賢聖度門安慰歡娛施
樂法誼惠以一貌佛之大道如彼長
者本許諸子以三品乘適見免難各
賜一類平等大乘誠諦不虛各得踊
躍無有悞恨如來如是本現三乘然
後皆化使入大乘不為虛妄所以者
何當知如來等覺有無央數倉庫帑

藏以得自在為諸梨底現大法化諸
通慧慧當作是知當解此誼如來等
正覺善權方便以慧行音唯說一乘
謂佛乘也世尊頌曰

譬如長者而有大宅極甚朽故
腐敗傾危有大殿舍而欲損壞
梁柱榱棟皆復摧折多有軒闥
及諸窓牖又有倉庫以泥塗木
高峻垣牆壁障崩墮薄所覆苦
弥久彫落時有諸人五百之衆
皆共止頓於彼舍宅有無央數
草木積聚所當用者滿畜無量
一切門戶時皆閉塞有諸樓閣
及諸蓮華億千衆香而有芬氣
若干種鳥眷屬圍繞種種虺蛇
蝮螫道竄在在處處有諸惡虫
有若干種豺狸鼯鼠其字各異
嗚呼啾啞其地處處而有匿藏
溷廁屎溺汙穢流溢虫明刺棘
充滿其中師子狐狼各各嚙吠
悉共咀嚼死人屍體何人聞見
而不怖懼無數狗犬蹲伏窠窟
各各圍繞皆共齧掣假使此等

飢餓之時

昔嘗諍食疲瘦羸劣

聞相齟齬

音聲暢逸其舍恐畏

變狀如是

有諸鬼神志懷毒害

繩蚤辟虱

亦甚衆多百足種種

及諸魍魎

四面周匝產生乎乳

各取分食

羯犍羖羊不得奔走

歸其處所

雖諸鬼神夾擁護之

不能濟脫

今不被害彼諸鬼神

亦食衆生

雖得飽滿心續懷惡

群品不同

種姓別異若有死者

皆埋冢塋

彼志出外而遊所處

鳩桓香音

志存暴弊舒展兩臂

往來經行

無有呪術可以辟除

於時諸犬

取其兩足撲令仰卧

而就擊之

捉其兩脚絞加頸項

坐自放恣

心意盪逸諸黑象衆

厥狀高大

體力強盛拔扈自在

旬日飢餓

行求飲食遙見莖蒿

奔走趣之

有鍼螫虫及鐵喙鳥

在上塋間

見人死屍惡鬼兇嶮

放長叫呼

諸魍魎湊滿貪欲慢翰

窓牖顯明

視瞻四顧於斯闕者

不可得常

諸邪妖魅及衆餓鬼

鵬鷺鴟鳥

悉行求食

其宅恐難

如是品類

有大園觀

牆壁墮落

室宅門戶

圯裂破折

唯一男子

而守護之

其人在裏

止頓居時

余時失火

尋燒屋宇

周迴四面

而皆燔燒

無數千人

驚怖啼哭

於今火盛

焚我子息

又彼尊者

舉聲稱怨

堂柱摧滅

垣屏碎散

神諸餓鬼

揚聲喜喚

鵬鷺數百

飛欲避火

無數鳩鵲

柱攘懷懷

百千媛魅

憶遑馳走

親自目見

火所燔燒

無量群萌

烏殭灰蘆

諸薄枯者

為火所災

各各懊惱

而見焚燒

炙燎焦爛

涕血流離

於時此宅

強猛之衆

一一鬼魅

悉共噉食

臭烟燄勃

稱讚香美

一切奔驚

周旋詰屈

蜈蚣蝮蛇

鉗蛆並出

厭魅勇逸

多所齟齬

頭上火然

遊行嬉怡

悉飢食噉

火所燒者

其屋宅中

怖遑若茲

百千人衆

燒喪狼藉

於時宅主

大勢長者

見之如斯

急急乎務

聞此灾禍

愍念諸子

建立伎樂

寶乘誘出有諸愚癡不能解知
於彼戲笑放逸自恣長者聽察
尋入館內駭夫不覺無解脫想
今我諸子闇蔽閉塞一切盲瞶
無有耳目以戲樂故而自繫縛
種姓孫息甚難得值凡品衆庶
若干等倫遭大灾火各各痛惱
鬼神地虺心中懷毒無數蚩魅
歡喜踊躍諸狼狐狗亦不可計
飢渴欲求飲食之具我子衆多
皆没于此設無火災亦不可樂
狐疑衆結酷苦若是何况周匝
普見熾然執愚意者於斯自恣
諸子貪戲而相娛樂永不思惟
父所言教心不自念速置方計
尔時長者意自忖度吾生此子
勤苦養育得無為火而見燒燬
於何救子而脫孫息即自思議
立造權計今我諸子耽婬音伎
禍害乘至非戲樂時痛哉愚憤
不覩酷苦諸童瑕猥不識此難
今吾心怖子樂逸盪要從精進
免濟大牆即尋設計於舍之外

施張伎樂 遊戲之具 子所好慕
吾皆辦之 調隱音節 一時俱作
諸子聞賜 貪愛樂音 各各速疾
盡力勸勵 驅逐一切 迸出灾屋
得脫苦惱 集子一處 安隱歡然
無復恐懼 於是長者 見諸子出
心中寬泰 意得自由 廣設眾具
師子之座 吾身今日 則獲無為
彼諸苦患 已永盡除 斯諸童子
修精進力 迷在灾宅 而自放恣
前者曾更 无限眠寐 火熾然熾
人遭此難 陰蓋所覆 心不開解
今日一切 皆得解脫 已致自然
志之所願 父見諸子 志在安隱
於時諸子 往詣長者 唯願天父
各各賜我 如前所許 若干種乘
本居遇火 迷冥不寤 大人勅教
一切奉承 當賜諸子 三品之乘
今正是時 願垂給與 於時長者
勅侍闍闍 紫磨天金 明月珠寶
上妙珍異 世所希有 極好奇特
弘雅之車 最尊難及 莊校嚴飾
周匝欄楯 珠璣瓔珞 幢幡繒綵

而為光觀金銀交露覆蓋其上
燁燁殖立珍寶諸華四面周匝
而皆下垂車上重疊敷諸坐具
天繒白縵而不可計又復加旒
柔軟茵褥無量統經參席于車
計所校飾車價億千奇異珍寶
無量兆載其為多力鮮白如華
為身高大儀體擾馴調駕寶車
以為大乘於時長者嚴車以辨
各以賜與諸正士疇皆是我子
一切等給是時諸子歡喜踊躍
各各慶慶欣慶相娛告舍利弗
大仙如是為諸群生救護父母
一切衆庶皆是我子為三界欲
所見纏縛計惟三處如彼火宅
勤苦患惱具足百千此則所謂
普然無餘生老病死憂哭之痛
佛為三界救度無餘遊在閑居
若坐林樹則常應時將護三處
彼見燒炙皆斯吾子寤諸梨庶
令得自歸由此意故示現于彼
一切梨元愚不受教坐著愛欲
而自繫繼善權方便為大良藥

分別三乘 以示衆生 適聞三界
無量瓊瑤 則以隨時 驅勸令出
其諸菩薩 來依倚佛 六通三達
成大聖慧 或有得成 為緣覺乘
速不退轉 致佛尊道 現在諸子
因佛自由 以是譬喻 無有瞋恨
緣是得近 於佛道乘 受斯一切
得為取勝 於是恢闡 平等之信
降伏棄離 一切世色 諸正覺慧
殊異道德 稽首歸命 於聖中尊
根力脫門 一心如是 三昧之定
億數千妖 諸佛之子 常所宗重
斯則名曰 尊妙大乘 晝則誓願
志存降魔 夜每專精 欽慕不勌
於一年數 若歷劫數 度脫衆生
無數千妖 所喻寶乘 則謂于斯
以是遊至 於佛道場 無數佛子
以為娛樂 其有聽者 安住弟子
告舍利弗 卿當知是 計有一乘
則無有二 住至十方 一切求索
知人中上 普行善權 稍稍誘進
從微至大 先現聲聞 緣覺之證
適德三界 欲捨之去 然後便示

菩薩大道 佛恩普潤 辟如良田
隨其所種 各得其類 種者所殖
非地增減 佛亦如是 一切普等
常示大道 取者增減 佛則於彼
諸人者父 我常觀者 衆庶苦惱
無數億劫 而見燒煮 三界之中
忍畏之難 佛為唱導 使得滅度
諸賢無為 今日乃知 棄捐生死
耽勤苦患 其有菩薩 住於是者
至誠之決 取譬若斯 一切普聞
佛之明日 諸大導師 行權方便
所當勸助 如諸菩薩 瑕穢愛欲
亦可惡厭 心間塞者 而見汙染
是故導師 為說勤苦 現四聖諦
當分別此 假使衆人 不解衆惱
根著冥塵 不肯捨離 故為是等
而示其路 因從所習 而致諸苦
愛欲已斷 常無所著 已得滅度
於斯三品 了無有異 則得解脫
若修八路 便得超度 告舍利弗
何所為度 受無所有 則為解脫
彼亦不為 一切解脫 無所滅度
便見導師 佛何以故 而說解脫

無所逮者乃成佛道當得如我
為聖法王以安隱誼現出于世
告舍利弗是吾法印是佛最後
微妙善說愍傷諸天及於世間
在所遊處常能獨行假使有人
講說是典若有勸助代歡喜者
聞其妙法當奉持之為悉供養
過去諸佛奉持此法至不退轉
假使有人信樂斯經往古已見
過去導師亦悉奉順諸聖至尊
加得逮聞如是典摸皆得曾見
吾之儀容又亦觀察我比丘眾
常觀勤視今現菩薩信斯典者
德亦如是一切皆瞻是諸菩薩
其信此經則亦如是頑駭闍夫
不肯篤信若說此經諸得神通
諸聲聞黨非其所逮緣覺之衆
亦不能了今我所有諸聲聞等
舍利弗身堅固信之仁輩如是
信大法典現在盡悉不著因緣
假使不應斯經卷者則為謗訕
佛天中天闍冥輩類常懷愛欲
不曾解了無所生法又其毀謗

善權方便

世間所有

佛常明

日

其聞佛說

講此罪福

志不歡樂

顏色為變

我今現在

及滅度後

若有誹謗

如是典比

不使比丘

書寫斯經

佛說罪緣

皆誑普聽

沒失人身

墮無擇獄

處於其中

具足一劫

又無央數

過是之限

若罪竟已

常在癡冥

假令得出

於地獄中

便當墮于

禽獸畜生

為狗蠱狐

其形憔悴

當入人宅

或復見害

設有憎惡

佛經典者

其色變異

黯黯如墨

罪之所為

顏常若漆

身體羸瘦

而無潤澤

為諸品類

所見賤穢

凡石打擲

啼哭淚出

其人常被

搗捶撈笞

飢渴虛乏

軀形瘦燥

當墜畜生

駱駝驢騾

常負重擔

而得捶杖

心中懊懣

厄求芻草

謗佛斯經

獲罪若此

雖得為人

身疽癰瘡

狀貌瘞陋

肌色傷爛

假使行人

縣邑聚落

童子輕易

戲弄捉踰

其愚騃子

若後壽終

即當墮生

邊夷狄處

當為含血

蠕動之類

或為韻症不得自在假使誹謗
此經獲罪常多疾病體生疽重
無數之命啖食其軀心常憂疾
疾不離已告舍利弗不信此經
彼男子者無黠無明所在慳貪
性常嚙听生盲無目人所棄拍
人坐不信於佛大道口中常臭
惡氣外薰鬼神厭魅詳觸燒之
普世俗人無用言者假使不樂
斯道地者所在窮乏常當貧匱
身未常得著好被服財業雖豐
不敢飲食有所造作當所為者
假使欲求安隱之具設有所得
尋復亡失興發惡行果報如此
假使呼醫合諸方藥善知方便
而療治之有不除差及轉增劇
恒被疾病不得所便設復發意
興立餘事則遭擾擾閤諍之業
又見毀辱而被楚撻彼犯律者
常遇此惡若有誹謗斯經之罪
未曾得見世雄導師人中帝王
佛之法教卒暴隄鬼阿須倫神
恒當罹殃耳聾閉塞愚癡駭瞶

不得聞經設有誹謗斯經典者
然於後世永無所見假使毀咎
斯經罪果殃無數億百千之計
若干爇劫如江河沙常當瘖瘂
口不能言佛所立道常師子吼
毀者地獄以為遊觀勤苦忘趣
用作居宅已所犯罪致殃如斯
人多疾患自速瘖瘂若在世間
當獲此各坐在衆會兩舌欺言
命欲盡時舉賈生息其身恒遭
若干苦痛無央數億百千衆患
顏貌常黑人所不喜殃暴疽癰
常有臭氣自見吾我顏色黧黧
瞋恚懷毒怒害滋甚情欲熾盛
無有節限有所好忤若如畜生
告舍利弗今日世尊具足一切
說其人罪若有誹謗斯佛經者
欲計殃限不可究竟見是誼已
當觀察之今我故為舍利弗說
不為愚騃不解道者分別論講
如斯像法其有聰明廣博多聞
秉志堅強常修憶辨若有勸發
遵尚佛道亦乃聽受未曾有法

則以覩見億百千佛殞無央數
如意功德其人志性猛如月光
尔乃聽受如是典籍若有精進
志常懷慈常於夙夜炤耀悲哀
朽棄軀體不惜壽命尔乃聽受
於斯經卷常行恭敬無他想習
其心專一不立惡願恒處曠野
若隱巖居彼等人仁尔乃聽受
結親善友常相待怙棄捐遠離
諸惡知識當得逮見如是佛子
乃能值遇若斯言教不犯禁戒
如寶明珠志習奉受方等諸經
當見如兹佛聖子孫常專精此
一品經卷設有罵詈毀辱經者
恒以愍哀向于衆生常志恭敬
承安住教今故為之說是經法
其在衆會誦斯經者心常如應
得無合會引無央數億載譬喻
故為是倫而見斯典又佛今日
講解道品所至到處踊躍而步
假使比丘欲求善說若見此經
當欣頂受其有奉持方等經者
心常專精不樂餘業執持一頌

志不改易乃得聽受如是引摸
假使有人慕求斯經當崇敬之
如如來身若人思僥欲學此法
設令得者當稽首受其人不當
念索餘經亦未曾想世之群籍
而行佛道志在根力悉捨離之
講專斯經告舍利弗佛滿一切
舉喻億千分別解脫設有願發
上尊佛道當以斯經宣暢布散
正法華經卷第二

壬寅歲高麗國大藏都監奉
勅彫造

正法華經卷第三

風

西晉月氏國三藏竺法護譯

信樂品第四

於是賢者須菩提迦旃延大迦葉大目犍連等聽演大法得未曾有本所未聞而見世尊授舍利弗決當得無二正真之道驚喜踊躍咸從坐起進詣佛前偏袒右肩札畢叉手瞻順尊顏內自思省心體熙怡支節和懌悲喜並集白世尊曰唯大聖通我等朽邁年在老耄於衆耆長僉老羸劣歸命衆祐真得滅度志存無上正真之道進力尠少無所堪任如來所講我等靖聽次第坐定諸來大衆不敢危疲無所患厭前者如來為鄙說法已得於空无相無願至于佛典國土所有於一切法無所造作其諸菩薩所可娛樂如來勸發多所率化鄙於三界而見催逐常自惟忖謂獲滅度今至疲憊尔乃誨我以奇特誼樂於等一則發大意於無上正真道而今大聖授聲聞決當成正覺心用愕然恠

未曾有余得大利各當奉事乃獲逮
聞如是品經從過去佛常聞斯法故
初值遇則我祿厚喻獲妙寶無央數
妙意所至願現在於色而無所畏珍
琦鼓樂自然為鳴而燃大燈炷耀弥
廣栴檀菓林芬蒨而香唯然世尊我
豈堪任而說之乎告曰可也時諸聲
聞共白佛言昔有一士離父流宕倚
亭他土二三十年馳騁四至求救衣
食恒守貧窮困無產業父詣異城獲
無央數金銀珍寶水精琉璃車乘馬
珊瑚琉璃帔帑藏盈滿侍使僮僕烏
馬車乘不可稱計眷屬無數七寶豐
溢出內錢財耕種賈作子厄求食周
行國邑城營村落造富長者適值秋
節入處城內循行帑藏與子別久忽
然思見不知所在自念一夫財富元
量橫濟遠近竊惟我老朽耄耋至假
使終沒室藏駭散願得見子恣所服
食則獲無為不復憂感其子僥會至
長者家遙見門前梵志君子大眾聚
會眷屬圍繞金銀雜廁為師子座交
露珠璫為大寶帳父坐其中分部言

教諸解脫華遍布其地億百千金以
為飲食子覲長者色像威嚴怖不自
寧謂是帝王若大君主進退猶豫不
敢自前乎便馳走父遙見子心用歡
喜遣傍侍者追呼令還遑懷蹕地謂
追者曰我不相犯何為見捉侍者執
之俱詣長者長者告曰勿恐勿懼吾
為子勤廣修產業帑藏充實與子別
久數思相見年高力弊父子情重將
入家內在於衆輩不與共語所以者
何父知窮子志存下劣不識福父久
久意悟色和知名又見琦珍長者言
曰是吾子也以摧告子今且恣汝隨
意所奉窮子恠之得未曾有則從坐
起行詣貧里求衣索食父知子緣方
便與語汝便自去與小衆俱子未至
此而垂致印日至此宅有所調飭父
付為馬即令粗習假有問者答亦如
之當調車馬嚴治寶物恣意賜與父
求窮子所可賑給具足如斯時子於
厩調習車馬繕治珍寶轉復教化家
內小大父於窓牖遙見其子所為超絕
脫故所著沐浴其身右手洗之以寶

瓔珞香華被服光曜其體皆令清淨
而告之曰今從本來何所興立何所
繫屬捨吾他行勤苦飢寒吾以耄矣
以情相告便時納娶嬉遊飲食以康
祚胤吾所造業不可訾計衆寶具足
子知之乎求汝積年而戀惡友今乃
來歸宜除瑕垢吾有妙寶夜光明珠
琦珍瓊異皆為汝施僮僕侍使男女
大小恣意所欲一以相付吾愛念汝
猶如國王幸其太子諸尊聲聞共白
佛言彼時窮子播盪流離二三十年
至長者家乃得申叙追惟前後遊觀
所更心恙念之時大長者寢疾于牀
知壽欲終自命其子而告之曰吾今
困劣宜承洪軌居業寶藏若志受之
周濟窮乏從意所施輒脩奉教喜不
自勝所行至誠不失本誓父知子志
身行謹勅先貧後富益加欣慶宗敬
親屬礼拜耆長父於國王君主大臣
衆會前曰各且明聽斯是吾子則吾
所生名字為某捨我流逆二三十年
今乃相得斯則吾子吾則是父所有財
寶皆屬我子子聞宣令大衆之音心

益欣然而自念言余何宿福得領室
藏諸聲聞等又白佛言大富長者則
辟如來諸學士者則謂佛子勉濟吾
等三界勤苦如富長者還執其子度
脫生死於是世尊有無央數聖衆之
寶以五神通除五陰蓋常修精進在
彼道教志于滅度謂為妙印慙慙慕
求初不休懈欲得無為意中默然熟
自思惟所獲無量於如來所承順法
行遵修禪定而常信樂謂觀我等懈
廢下劣而不分別不能志願此如來
法珍寶之藏於今世尊以摧方便觀
于本際慧寶帑藏蠲除飢餉授大妙
印唯然大聖於今耆年斯大迦葉從
如來所朝旦印當至無為又世尊
為我等示現菩薩大士慧誼余黨奉
行為衆說法當顯如來聖明大德咸
使暢入隨時之誼所以者何世雄大
通善權方便知我志操不解深法為
現聲聞畏三界法及生老死色聲香
味細滑之事趣欲自濟不救一切離
大慈悲智慧善權禪定三昧乃知人
心不覩一切衆生根原譬如窮士求

衣索食而父須待欲使安樂子不覺
察佛以方便隨時示現我等不悟今
乃自知成佛真子無上孫息為佛所
矜施以大慧所以者何雖為佛子下
賤怯弱假使如來觀心信樂喜菩薩
乘然後乃說方等大法又世尊興為
二事為諸菩薩現甘露法為諸下劣
志願小者轉復勸進入微妙誼譬如
彼子與父別久行道遙見不識何人
呼而怖懼後稍稍示威儀法則乃知
是父佛亦如是吾等不解菩薩大士
雖從法生為如來子但求滅度不志
道場坐於樹下降魔官屬度脫一切
我輩自謂已得解脫以是之故今日
覩聞未為成就不為出家不成沙門
今如來尊現諸通慧我等以獲大聖
珍寶佛則為父我則為子父子同體
焉得差別猶如長者臨壽終時於大
衆前宣令帝王梵志長者君子今諸
所有庫藏珍寶用賜其子子聞歡喜
得未曾有佛亦如是先現小乘一時
悅我然今寂後普令四輩比丘比丘
尼清信士清信女天上世間一切人

民顯示本宜佛權方便說三乘耳尚
無有二豈當有三是諸聲聞皆當成
佛我等悅豫不能自勝時大迦葉則
說頌曰

我等今日	逮聞斯音	恠之愕然
得未曾有	由是之故	心用悲喜
又省導師	柔軟音聲	尊妙珍寶
為大積聚	一處合集	以賜我等
未曾思念	亦不有求	還聞弘教
心懷踊躍	譬如長者	而有一子
興起如愚	亦不闇冥	自捨其父
行詣他國	志于殊域	仁賢百千
於時長者	愁憂念之	然後而聞
即自迸走	遊于十方	意常悵感
父子隔別	二三十年	與人戀訟
欲得其子	便詣異土	入于大城
則於彼止	立於屋宅	具足嚴辦
五樂之欲	無數紫金	及諸珍寶
奇異財業	明珠碧玉	為馬車乘
甚為衆多	牛畜睹鼻	鷄鶩羖羊
出內產息	買作耕種	奴僕僮使
不可計數	嚴辦衆事	億千百類
又得王意	威若國主	一城民庶

妄敬自歸 諸郡種人

遠皆戴仰

若干種業 因從求索

興造既多

不可計限 勢富如是

啼哭淚出

吾既朽老 志力衰變

心誨思想

欲得見子 夙夜追念

情不去懷

聞子之問 意增煩惋

捨我別來

二三十年 吾之所有

財業廣大

假當壽終 無所委付

計彼長者

其子愚濁 貧窮困厄

常求衣食

遊諸郡縣 恒多思想

周旋汲汲

慕係畜口 征營馳邁

裁自供活

或時有獲 或無所得

纏滯他鄉

亦懷悵憾 志性褊促

荆棘瞿身

展轉周旋 行不休息

漸漸自致

到父所居 槩桓入出

復求衣食

稍稍得進 至于家君

遙見勢富

極大長者 在於門前

坐師子牀

無數侍衛 眷屬圍繞

出入財產

及所施與 若干人衆

營從立侍

或有計校 金銀珍寶

或合簿書

部別分蒞 紀別入出

料量多少

于時窮子 見之如此

倚住路側

觀所云為 自惟我身

何為至此

斯將帝王

若王太子

得無為之

所牽逼迫

不如捨去

修已所務

思慮是已

尋欲迷逝

世無敬貧

喜窮士者

是時長者

處師子座

遙見其子

心密踊躍

尋遣侍者

追而止之

呼彼窮子

使還相見

侍者受教

追及宣告

錄召令還

即怖僻地

心竊自惟

得無被害

曷為見執

何所求索

大富長者

見之起強

憐傷斯子

為下劣極

亦不覩信

彼是我父

又復懷疑

不審財寶

其人慰喻

具解語之

有紫磨金

積聚於此

當以供仁

為飲食具

典攝眾計

役業侍使

吾有眾寶

溢積腐敗

安在糞壤

不見飭用

子便多取

以為質本

福財穀廣

無散用者

其人聞告

如是教勅

則尋往詣

奉宣施行

受長者教

不敢違命

即入家中

止頓正領

亦時長者

遙從天窓

詳觀察之

知何所為

雖是吾子

下劣底極

唯曉計竿

調御車耳

即從樓觀

來下到地

便還去衣

垢汙之服	則便往詣	到其子所
勅之促起	修所當為	則當與卿
劇難得者	以德施人	案摩手脚
醎醢滋美	以食相給	及牀卧具
騎乘所乏	於時復為	娉索妻婦
教點長者	以此漸教	子汝當應
分部之業	吾愛子故	心無所疑
漸漸稍令	入在家中	賈作治生
所入難計	所空缺處	皆使盈溢
步步所行	鞭杖加人	珍琦異寶
明珠流離	都皆收檢	內于帑藏
一切所有	能悉計校	普悉思惟
財產利誼	為愚騃子	別作小庫
與父不同	在於外處	于時窮士
心自念言	人無有此	如我庫者
時父即知	志性所念	其人自謂
得無極勢	即便召之	而親視之
欲得許付	所有財賄	而告之曰
今我一切	無數財寶	生活資貨
聚會大眾	在國王前	長者梵志
君子等類	使人告令	遠近大小
今是我子	捨我迸走	在於他國
梁昌求食	窮厄困極	今乃來歸

與之別離

二三十年

今至此國

乃得相見

在於其城

而亡失之

於此求索

自然來至

我之財物

无所乏少

今悉現在

於斯完具

一切皆以

持用相與

卿當執御

父之基業

其人尋歡

得未曾有

我本貧窮

所在不詎

父時知余

為下劣極

得諸帑藏

今日乃安

大雄導師

教化我等

覩見下劣

樂喜小乘

度脫我輩

使得安隱

便復授決

當成佛道

於今安住

多所遣行

無數菩薩

慧力無量

分別示現

无上大道

攀緣稱讚

億姪辟喻

余等得聞

寂勝諸子

則便奉行

尊上大道

所當起立

視衆眼目

當於世間

得成佛道

而為聖尊

造業如斯

將養擁護

於此佛法

講說分別

寂勝慧誼

則為感動

一切衆生

我等志願

貧心思念

假使得聞

于斯佛誨

不肯發起

如來之慧

覩見寂勝

宣暢道誼

意中自想

盡得滅度

不願志求

如此比慧

又聞大聖

諸佛國土

未曾有意

發歡喜者

寂然在法

一切无漏

棄捐所興

減度之事

由此思想

不成佛道

常當修行

晝夜除慢

諸佛道誼

寂无有上

未曾勸助

志存于彼

今乃究竟

具足寂勝

得無為限

當捨陰盖

長夜精進

修理空誼

解脫三界

勤苦之惱

佛興教戒

則以具嚴

如是計之

无所乏少

寂勝所演

經身之慧

假使有人

願等佛道

為是等故

加賜法事

由緣致斯

余徒欽樂

有大導師

周旋世間

普患觀察

如此輩相

諸恐懼者

今得利誼

求索勸助

令我信樂

善權方便

猶若如父

譬如長者

遭時大富

其子而復

窮劣下極

則以財寶

而施與之

大聖導師

所興希有

分別宣暢

善權方便

諸子之黨

志樂下劣

修行調定

而以法施

我等今日

致得百千

未曾有法

如貧得財

於佛教化

獲道得寶

第一清淨

无復諸漏

長夜所習

戒禁定意

執誼將護

世雄唱導

今日有獲

佛之大道

眷屬圍繞

修行無闕

其有長夜

清淨梵行

依倚法王

深遠之慧

而為具足

此尊德果

日成微妙

無有諸漏

我等今日

乃為聲聞

還得聽省

上尊佛道

當復見揚

聖覺音聲

以故獲聽

超度恐懼

今日乃為

致無所著

以無著誼

為諸天說

世人魔王

及與梵天

為親一切

衆生之類

何所名色

造立寂然

蠲除衆生

無億數劫

於是所造

甚難得值

計於世間

希有及者

今日無著

燒罪度岸

修行為業

踊躍歡喜

吾等歸聖

以頂受之

所願具足

如江河沙

飲食衣服

若干巨億

諸牀卧具

離垢無穢

用梅檀香

以為屋室

柔軟坐具

以敷其上

若疾病者

無所藥療

今日供養

安住廣度

所施劫數

如江河沙

所造立者

無能棄還

高遠之法

無量无限

其大神足

建立法力

佛為大王

無漏最勝

堪任堅強

常修牢固

安慰勸進

恒以時節

未曾修設

望想福行

於一切世

諸法中尊

皆為大神

寂勝如來

然大燈明

亦無央衆

知諸梨庶

筋力所在

若干種種

所喜樂願

因緣百千

而順開化

如來皆覩

衆人性行

他人心念

一切羣萌

以若干法

而致墮落

以法示現

此尊佛道

正法華經藥草品第五

今時世尊告大迦葉及諸耆年聲聞

善哉所歎如寶審如所言如來之德

如向所喻復倍無數不可思議無能

計量劫之殃底一一計數大聖所應

如來之慧無能限者不有法想道地

處所莫能盡原世尊普入一切諸誼

察于世間見衆庶心所度無極一切

分別皆使決了摧慧之事勸立一切

度於彼岸皆現普智入諸通慧譬如

三千大千世界其中所有諸藥草木

竹蘆藁林諸樹小大根本莖節枝葉

華實其色若干種類各異悉生于地

若在高山巖石之間丘陵墮阜嶠谷

塊坎時大澍雨潤澤普洽隨其種類
各各茂盛曰我任仰莫不得所雨水
一品周遍佛土各各生長地等無二
如來正覺講說深法猶如大雨大聖
出現興在世者則為一切諸天人民
阿須倫鬼神龍顯示威曜咸尋來至
皆現在前為暢大音分別慧誼大師
子吼班宣景摸吾為如來使天上天
下諸天世人未度者度未脫者脫未
安者安未滅度者令得滅度於是世
及後世所知而審為諸通慧皆能普
見度諸度脫諸脫安諸安未滅度者
皆令滅度悉來詣我於時諸天人民
阿須倫捷香和迦留羅真陀羅摩睺
勒一切雲集吾於講法現其道誼佛
為道父分別道慧佛語迦葉于時梨
庶無數億姪皆來聽經如來通見一
切根本大精進力如應說法分別散
告無量言教不失本心咸令歡喜安
隱无患或得度世終生善處恣其所
好各自然生或習愛欲便為說經或
聽受法離諸貪惑轉稍以漸遵諸通
慧因從本力如其能量堅固成就平

等法身猶如大雨普佛世界滋育養
生等無老特如來演法一品如是至
解脫味離欲寂滅入諸通慧若聽受
持諷誦奉者不自識省无所觀念所
以者何羣生根本形所像類如所想
念已念當念所可施行以行當行所
當行者諸所因緣所當獲致所當說
者唯如來目悉知見之在所現處住
于其地如雨等潤藥草藁林白黑青
赤上中下樹世尊如之見一味已入
解脫味志于滅度度諸未度究竟滅
度令至一土一同法味到无恐懼使
得解脫化於衆生使得信樂苞育將
護志令普至於諸通慧讚詠分別逮
賢聖法亦如向者迦葉所說世尊欲
重解誼所趣以偈頌曰

吾興於世間 仁和為法王 為衆生說法
隨其所信樂 意勇建大業 久立分別說
羣萌多受持 慈悲無所言 法王慧難解
闇冥設聞者 衆入懷狐疑 則棄所住處
隨其境界說 如本力所任 又示餘利誼
則為現正法 辭如純黑雲 踊出升虛空
普雨佛世界 遍覆於土地 又放大電燄

周匝有水氣而復震雷聲人民皆歡喜
陰蔽於日月除熱令陰涼欲放雨水故
時布現在上彼時普等雨水下無偏黨
滂流於佛土澤洽衆壠域應時而降雨
激灌一切地旱涸枯谿澗一切得浸漬
惠澤无不到衆源皆涌溢深谷諸廣野
林麓樛幽藪萌葉用青倉藥草無數生
栳木諸叢林滋長大小樹衆藥咸茂殖
莖幹華實繁隨其本境界皆令得蒙恩
諸天樹木結根坱圠陟隘迄處
而生其中如諸邪道一切愚癡
長益繫縛如烏著絆草荆棘樹
蘆葦稠稠莖節枝葉及諸華實
華實茂盛多所饒益蒙之恩雨
藥草滋長從其種類因本境界
各各得服飢渴飽滿如其所種
各得其類然其天雨皆為一味
告迦葉曰佛亦如是出興於世
譬如天雨這現天下為衆說法
以是誠行亦於衆生大仙以斯
使人間經皆於諸天人民前現
佛為如來聖中之尊善權方便
猶如天雨吾當飽滿一切羣萌

愚駭之黨

身形枯燥

除諸苦患

得立大安

燒盡愛欲

獲至滅度

諸天人民

皆聽我言

普悉當來

詣佛大聖

吾為如來

世尊無倫

有所導御

故出於世

為一切人

分別說經

化無數千

衆生之類

又復示現

若干種誼

於彼若此

常行平等

得至解脫

滅度無為

或在門前

而說經典

則為造立

道德之藏

諸等不等

皆令平等

無有所憎

愛欲永除

未曾講說

無益之語

未常增惟

諸放逸緣

以一切法

為衆生說

假使衆底

多不可計

為講大典

不詭因緣

行步所由

若復住立

在於座上

而續三昧

譬如大龍

雨多所潤

普浸潤斯

一切世間

尋興慧雲

而降法雨

暢發微妙

應病與藥

常為衆生

說賢聖誼

皆令奉戒

如天陰涼

衆人失言

及違諸行

欲使近法

轉漸調柔

使住疑者

捨諸邪見

勸化導利

令淨所覩

捨置下劣

遠衆懈廢

隨其所趣

而令入法 應時為說 如其心本
令皆棄捐 順師子行 世尊等演
經法之雨 悉使得至 大尊佛道
任其力耐 而令聽受 若干道慧
而化立之 從諸天人 志性所樂
天帝釋梵 轉輪聖王 猶如於此
諸小世間 諸藥品類 各各異種
碎小段段 諸所良藥 迦葉且聽
吾悉當說 以能識慧 无漏之法
便得無為 所在遊行 神通三達
亦復如是 斯雨定意 三昧諸藥
或有遊詣 在於山巖 其人便得
緣一覺乘 於彼修禪 清淨之行
是則名曰 為中品藥 假使志願
上士美德 我當於世 逮成導師
常精進行 志依一心 是則名曰
為上尊藥 設使欲為 安住之子
恃怙慈心 而行寂然 疾得成道
為人中尊 所謂樹者 則喻於斯
是等能轉 不退轉輪 建立神足
根力之行 緣是長養 醫藥除病
英雄度脫 無數億人 隨時亦現
於斯佛道 是則名曰 為大林樹

吾之所順

善權方便

一切大聖

亦復如是

寂勝講法

則為平等

猶如慶雲

普一放雨

神通無尋

如此比像

若如衆樂

在於地上

以見如是

微妙之誼

如來所建

善權方便

假使分別

一善法事

亦如天雨

至若干形

佛以法雨

多所安隱

普潤天下

有所成就

觀察其人

堪任所趣

佛之法誨

景則一等

譬如放雨

墮草山巖

及至中間

无有不遍

灌諸樹木

若大叢林

密雲四集

天下豐美

設使世間

行慈愍法

常以經典

飽滿天下

以現世間

令普安隱

天雨藥草

華實茂盛

其藥樹木

稍漸長大

是為羅漢

諸漏盡者

諸緣覺品

處于林藪

我所說法

無有塵垢

无数菩薩

志開總智

周旋三界

一切普行

於衆會中

演此大道

猶如樹木

日日滋長

修進神足

專達四禪

若聞空慧

心則解達

放出光明

无数億千

是為大樹

而復滋茂

若諸聲聞

不至滅度 斯為世尊 第一取說

若此分別 乃為講法 猶如興雲

而澍甘雨 漸漸長育 衆藥草木

人天華 不可稱量 一時之間

說因緣法 而為衆人 現於佛道

善權方便 佛謂言教 一切導師

亦復如是 斯諸說法 為取究暢

諸聲聞等 皆當承是 緣斯之行

當得佛行 此諸羅漢 如是无異

世尊演誼 盡極於斯 化諸小乘

皆得佛道

佛復告大迦葉如來所教等化无偏

譬如日明廣照天下光無所擇照與

不照高下深淺好惡香臭等无差特

佛亦如是以智慧光普照一切五道

生死菩薩緣覺聲聞慧无增減隨心

所解各得其所本無三乘緣行致之

迦葉白佛設无三乘何故得有菩薩

緣覺聲聞佛言譬如陶家埏埴作器

或盛甘露蜜或盛酪蘘麻油或盛醲

飲食泥本一等作器別異所受不同

本際亦尔一等无異各隨所行成上

中下迦葉又問縱使別異究竟合不

告曰當合明者解之譬若有人從生
而盲不見日月五色十方則謂天下
無日月五色八方上下有對說者其
人不信若有良醫觀人本病何故无
日本罪所種離明眼冥體癯重病何
謂重病風寒熱癰是則四病便心念
言斯人之疾凡藥療之終不能愈雪
山有藥能療四病一曰顯二曰良三
曰明四曰安是藥四名於時良醫慰
傷病人為設方便即入雪山採四品
藥吹咀搗合以療其盲目便見明又
加針灸消息補寫斯人目睛內外通
徹觀日月光五色十方亦乃取信尋
自尅責我之盲冥无所見聞自以為
達今眼得視乃自知本愚蔽之甚也
今觀遠近高下無喻我者時有五通
閑居仙人洞視徹聽身能飛行心能
知人所念自知所從來生死本末而
具語曰卿莫矜高自以為達仁在屋
裏自閑不出不知外事人念卿善惡
尚不能見十里五里語言之音或二
十里擊鼓之音聲猶不能聞近一二
里自不踏步亦不能至自觀未生胚

胎所憶亦不能識有何通達稱无不

見乎今吾察卿身冥中為明明中為

冥其人問曰作何方術得斯聖通願

垂慧誨仙人荅曰當入深山閑居獨

處除諸情欲今乃有獲即遵所訓捨

家巖燕一心專精无所慕樂則得神

通今乃自覺察本所見不足言名今

得五通无所罣碍南自知本所見蔽

闇佛言如是當解此喻人在生死五

道陰盖不了本無則名曰癡從癡致

行從行致識從識致名色從名色致

六入從六入致更從更致痛從痛致

愛從愛致受從受致有從有致生從

生致老病死憂惱苦患罪應集會故

謂盲冥是以世尊愍傷其人升降三

界輪轉无際不能自拔觀於衆生心

之根原病有輕重垢有厚薄解有難

易觀見遠近便見三乘發菩薩心至

不退轉無所從生但得至佛猶如有

目得為神仙其良醫者謂如來也不

發大意謂生盲也貪瞋瞋志愚癡六

十二見謂四病也空無想無願向泥

洹門謂四藥也藥行病愈則无有癡

名色六入所更痛受受有生老病死
憂惱苦患皆悉除矣志不作善亦不
在惡如生盲者還得兩目謂聲聞緣
覺生死已斷度於三界省練五道自
以通暢莫能喻者臨欲滅度佛在前
住誨以要法發菩薩意不在生死不
住滅度解三界空十方一切如化如
幻如夢野馬深山之響悉无所有無
所希望无取無捨無冥无明尔乃深
觀无所不達見無所見見知一切契
庶萌兆於是頌曰

譬如日光曜 遍照於天下 其明无增減
亦不擇好醜 如来猶若兹 慧等殊日月
普化於十方 亦不有增減 若如彼陶家
埏埴作凡器 或盛甘露蜜 或受蘊油食
計泥本一等 為器各別異 所受又不同
因盛而立名 人本亦如是 无三界五道
隨行而隨生 展轉不自覺 解空号菩薩
中住則緣覺 倚空不解慧 則名為聲聞
譬如人生盲 不見日月光 五色及十方
謂天下无此 良醫探本端 見四病陰蓋
悲哀憐愍之 入山為求藥 所採藥奇妙
名顯良明安 吹咀而搗合 以療生盲者

消息加針灸 病愈目覩明 見日月五色
乃知本淳愚 人不了無本 坐墮生死徑
十二緣所縛 不解終始病 世尊現於世
觀察三界原 因疾而隨本 各各開化之
了空則菩薩 意劣為緣覺 畏厭生死苦
故墜于聲聞 自謂道德高 无能有踰者
所觀極究練 無所憂幹尋 猶如五通者
号名曰仙人 愍而告之曰 卿故有弊尋
不能引深奧 於愚則為明 在內不見外
雖明故為愚 數十里有聲 耳則不得聞
若人欲危言 不知彼所念 欲至外數里
不踏步不到 若生長大時 不識胎中事
五事乘裏徹 今乃為患達 何以忍貢高
自謂無等倫 欲得五通者 當處於閑居
精思專念道 今能曉了此 即尋奉所誨
捨家入深山 一心无穢慮 便得成神仙
若得至聲聞 及獲緣覺乘 自謂慧具足
與佛等泥洹 臨欲滅度時 佛即住其前
為現菩薩法 三達无罣碍 智慧度無極
進善摧方便 度空无想願 菩薩由是生
四等心四恩 用開化黎庶 解一切如化
幻夢野馬影 深山響芭蕉 三界無所有
不執亦不捨 无愚亦無明 不生死泥洹

悉等如虛空 無見无不見 乃觀一切本
當尔時所見 不造三界觀 一切普平等
所濟无有量

正法華經授聲聞決品第六

於是世尊說斯頌時一切普告諸比
丘衆 吾盡宣告此聲聞比丘大迦葉
者曾已供養三千億佛 方當供養如
此 前數奉敬承順諸佛 世尊重受正
法奉持宣行 竟斯數已 當得作佛 世
界曰還明劫名彌大佛号時 大光明
如來至真等正覺 明行成為善逝 世
間解 无上士道法 御天人師 為佛衆
祐壽十二中劫 佛滅度後 正法住二
十劫 其像法者 亦二十劫 其佛國土
甚為清淨 无有礫石 荆棘穢濁之瑕
山陵谿澗 普大快樂 紺琉璃地 衆寶
為樹 黃金為繩 連綿諸樹 有八交道
諸寶樹木 常有華實 悉皆茂盛 其土
菩薩無央數 億百千 妓諸聲聞等 亦
不可量 億百千 妓 其土无有魔事 及
諸官属 諸魔營從 皆護佛法 常行精
進 無所違失 尔時世尊欲重解誼 即
說頌曰

我觀比丘

以佛明日

迦葉住此

當成為佛

於將來世

无央數劫

供養諸佛

聖中之尊

具足志滿

三千億佛

斯大迦葉

諸漏得盡

便當越度

三品之行

當得佛道

親近法施

供養諸佛

天人之尊

合集得至

無上大道

寂於來世

尊無上倫

為大聖道

无極神仙

其佛國土

寂勝第一

清淨離垢

若干顯明

隨意所欲

常可至心

紫磨金色

珍寶莊嚴

復以珍寶

成為樹木

有諸道徑

嚴八交路

天人放香

自然流馨

彼時國土

所有如是

若干種華

而為校飾

一切諸華

紫磨金色

出光音聲

以為法則

普常微妙

莫不見者

諸菩薩衆

億千之數

忘性調定

逮大神通

諸聖詰等

奉方等經

不可計數

億百千姣

无有諸漏

奉持志強

所有聲聞

彼佛法勝

假使天眼

欲計劫限

弟子之數

不可稱筭

其佛當壽

十二中劫

正法當住

二十中劫

像法亦立

二十中劫

正法華經卷第三

第三

大光明佛

德當如是

凡

於是賢者大目捷連賢者須菩提賢者摩訶迦旃延等同心側立頂戴瞻順光顏目未曾眴稽首足下戰戰兢兢應時各各說斯之頌而咨嘆曰大雄無所著釋王元極人乃愍傷我等讚揚宣佛音今以知余等愍授我疇剋以甘露見灌沐浴衆祐決辟如飢饉時丈夫得美饌虛乏叫喚求有人手授食吾等咸歡喜本為下劣乘違時捨衆人虛乏不得決設至平等覺大聖不拜授於今處世倫則不復飲食世尊見勸勵聞尊上音聲唯垂見授決今能獲大安大哀願散疑愍傷多所矜撫恤貧匱意甘露誘示子

於是世尊見諸耆舊心志所念即復重告諸比丘衆比丘當知此大聲聞耆年須菩提當復奉侍供養八千三十億百千娑佛在諸佛所常修梵行積累功德具足究竟後世時當得作佛号稱欽如來至真等正覺明行成為善逝世間解无上士道法御天人師為佛衆祐世界名寶成劫日寶

音普佛之土周而悉遍有諸寶樹自然莊嚴無沙礫石山陵谿澗其樹音聲哀和柔雅衆庶產業不可稱數人所居踣舘宇若干重閣交露有无央數聲聞之衆欲計筭者無能限量悉識宿命彼土菩薩亦不可計億那術百千其佛當壽十二中劫滅度之後正法當住二十中劫像法亦立二十中劫則坐虛空為一切人講說經法開化無數百千菩薩今時世尊而說頌曰
今吾普告 諸比丘衆 悉且明聽
佛所班宣 尊湏菩提 是吾弟子
當來之世 得成為佛 大聖所見
至誠无虛 具足三十 那術姦千
當於世間 遵修道行 常志求斯
佛之要道 於彼來世 究竟行已
顏色殊妙 相三十二 威曜巍巍
紫磨金容 處世清淨 多所愍哀
國土快樂 所在顯現 無數人見
踊躍可意 悉當遊行 詣諸世尊
度脫羣生 億百千姦 諸菩薩衆
不可計量 而常廣說 不退轉輪
在取勝教 諸根通利 皆當恭順

彼佛國土

諸聲聞事

不可計量

風

欲有限竿

无能盡極

六通三達

獲大神足

脫門无碍

而處安隱

計神足力

不可思議

我假使說

諸佛尊道

諸天人民

如江河沙

常當叉手

自歸聖尊

其佛當壽

十二中劫

正法當住

二十中劫

像法亦立

二十中劫

世雄導師

劫數如是

尔時世尊重復宣告諸比丘衆比丘

欲知堅固取要分別平等是我聲聞

大迦旃延後當供養奉侍八千億佛

佛滅度後各起塔廟高四万里廣長

各二万里皆七寶成金銀琉璃水精

車渠馬瑙珊瑚碧玉香華雜香搗香

繒綵幢幡供廟如是過斯數已當復

供養二十億佛然後來世當得作佛

号曰還已紫磨金色如來至真等正

覺明行成為善逝世間解无上士道

法御天人師為佛衆祐國土嚴淨平

等无邪名聞顯現琉璃為地若干種

樹衆寶校飭紫磨黃金為繩連綿諸

樹華實茂盛華遍佛土無有地獄餓

鬼畜生但有諸天人民衆多具足充滿又諸聲聞無數百千那由之衆諸菩薩等無數百千莊嚴國土其佛當壽十小劫滅度之後正法當住二十中劫像法亦住二十中劫於時世尊即說頌曰

諸比丘衆	皆聽吾教	其佛音聲
當美柔軟	尊迦旃延	為佛弟子
當供養佛	若干導師	奉教承順
恭恪无量	無數世人	不能稱計
若滅度後	當起廟寺	當以華香
而供養之	然於後世	使得作佛
國土清淨	无有瑕穢	講說發起
億千衆生	具足開導	一切人民
世界莊嚴	光照十方	當得作佛
多所超喻	号紫金色	其德巍巍
究竟羣衆	億百千姪	無數菩薩
及諸聲聞	滿其佛國	無量難計
常行精進	於佛法教	除斷諸難
滅終始患		

於是世尊復告四部衆會曰今佛大聖宣告尔等是我聲聞尊大目犍連當悉供養奉侍於八十佛承順世尊

一七元量諸佛滅度當起塔廟七寶
校成金銀琉璃水精車渠馬瑙珊瑚
真珠高四万里廣長二万里若干殊
好衆寶之物供養塔廟及與香華雜
香搗香繒絲華蓋幢幡伎樂之娛過
是數已當復奉敬二百万億佛供養
承順寂後世時當得作佛号還已金
華栴檀香如來至真等正覺明行成
為善逝世間解无上士道法御天人
師為佛衆祐國土名意樂劫日樂滿
其佛世界快樂安隱清淨鮮潔紺色
琉璃以為其地諸樹華實七寶合成
普以真珠衆華莊校平等端嚴衆寶
具足諸大仙聖有億百千寂然而坐
所謂无量皆諸菩薩廣說經法其佛
當壽二十中劫滅度之後正法當住
四十中劫并計像法尔時世尊則說

頌曰

大目犍連 是吾弟子 棄捐仁行
猶得自在 二百萬億 諸劫之數
悉當供養 此諸佛教 普於諸佛
常修梵行 而當志願 斯諸佛道
悉當奉侍 諸佛世尊 具以承事

導師之衆 皆當廣普 執持聖教
若干億劫 百千之數 慇懃承順
不違大命 諸安住等 滅度之後
以衆七寶 興立塔廟 為諸最勝
建修上業 用栴檀香 以為柱梁
衆香伎樂 而供養之 然於後世
事究竟已 言談斐粲 人所宗仰
多所慰哀 所為如此 當得作佛
号金栴檀 其佛當壽 二十中劫
安住所更 行德如是 當為菩薩
講說經法 於是劫數 分別雅誼
最勝聲聞 有無數千 億百千數
如江河沙 六通三達 得大神足
於安住世 獲致妙通 無數菩薩
志不退轉 精進勇猛 有志智慧
修行如應 順斯佛教 不可計量
若干千數 佛滅度後 弟子多學
正法當住 流布十方 正法像法
四十中劫 正法沒盡 像法乃出
是佛聲聞 得大神足 佛皆勸立
在大尊道 依倚大聖 不違真法
於當來世 成佛自在
正法華經卷第三

正法華經卷第四

鳳

往古品第七

西晉月氏國三藏法師護譯

佛告諸比丘乃去往古久遠世時不可計會無央數劫有佛号大通衆慧如來至真等正覺明行成為善逝世間解無上士道法御天人師為佛衆祐世界曰大殖稼劫名所在形色其佛說經不可稱限譬如於是三千大千世界所有土地有一士夫皆悉破碎此一佛國悉令如塵則取一塵過東方如千佛界中塵之數國乃著一塵如是比類復取一塵越東如前佛界塵數乃著一塵悉使塵盡三千大千世界中塵今無有餘遍於東方如是比類无量佛國於意云何寧可稱限得諸佛界邊際不乎比丘荅曰不也世尊不也安住佛言比丘如是等倫佛土諸數悠邈猶如有人一一取塵著諸佛土若干之限諸佛國塵不可稱量億百千劫兆載諸劫欲知其佛滅度以來劫數長久不可思議无

量難測大通衆慧道力示現滅度以
後法住劫數亦復如是世尊頌曰
我念過去 無數億劫 時有如來
兩足之尊 名大通慧 无極慈仁
於時世尊 梨廐之上 比如皆取
此佛世界 悉破碎之 盡令如塵
假使有人 一一取塵 過千佛界
乃著一塵 如是次第 聖尊國土
其人著塵 皆令悉遍 若干之數
悉令周普 世界衆限 有不可數
一切所有 大聖國土 諸所有塵
不可限量 皆悉破碎 令無有餘
大聖至尊 逝來如斯 其佛安住
滅度已竟 劫數如是 無量億千
若欲料限 无能思議 滅度已來
若干劫數 彼時導師 過久乃今
諸弟子衆 及菩薩行 如來之慧
巍巍如斯 今佛悉念 聖滅度來
比丘欲知 佛之智慧 聖明普達
等无有異 佛皆覺了 過無數劫
不計微妙 無漏之誼
佛告諸比丘其大通衆慧如來正覺
壽四十四億百千劫以無上正真道

初昇道場坐于樹下一劫默然至于
二劫不得正覺乃至十劫而不興起
身不動搖體不傾倚亦不自念都无
思想而向諸法遂坐佛樹降魔官属
當成正覺初利諸天子化作大師子
座面四十里佛坐其上世尊坐定諸
梵天子普雨天華周四千里自然風
起吹放衆華散于佛上佛在樹下滿
十中劫天華紛紛盡劫不絕又四天
王及諸天子作衆伎樂音如雷震常
以華香伎樂供養大聖未曾休懈佛
告比丘時世尊大通衆慧乃至十劫
逮成無上正真之道為軍正覺至于
滅度供養不懈其佛在家未捨國去
為太子時有十六子端正殊好智慧
難及色像第一儒雅仁和時十六國
王子者各各自有若干種樂所居遊
觀快不可言種種顯現琴瑟伎樂亦
不可量見佛世尊成軍正覺時有自
然大法音聲尋則棄國捨轉輪王位
万民伎樂諸欲之娛眷属圍繞及諸
聖賢大衆音帝王百千之數并不可計
億百千妓群萌之類營從集會往詣

世尊所處道場欲得稽首奉受佛教
群從僉然雍雍肅肅稽首佛足繞佛
三匝却住一面以偈頌曰

大通衆慧	極尊無上	積累平等
無量億數	以上妙誼	慰傷一切
所願具足	於是賢聖	修勤苦行
竟十中劫	專精一心	處在一座
其身清淨	而不動搖	燒諸苦患
如拔樹根	分別于心	而志湛泊
未曾進退	亦不傾倚	無有增減
默然而應	究竟寂定	无有諸漏
現在吉祥	常獲大安	無想著故
得尊佛道	我等見之	增智无畏
如是比類	長益德義	不計身命
皆斷苦患	積累忍辱	不貪安樂
分別道慧	不處惱痛	号在閑居
興發精進	其不爲信	諸佛音聲
長夜增益	惡道之罪	則失人身
墮落惡趣	爲一切世	所見謗毀
今以逮見	世之聖父	其道寂上
无有衆漏	於此世間	而見救護
及諸過去	大聖導師	
佛告比丘	斯諸帝王及諸太子太子	

兄弟年既幼少嗟歎稱譽大通衆慧
如來至尊等正覺以此雅頌宣揚已
竟啓勸世尊願說經法安住分別多
所安隱多所慰傷饒益衆生安諸天
人復以此偈而讚頌曰

惟願大聖 讚說經典 開化衆生
發起衆庶 三界群萌 悉共渴仰
使建道意 皆令蒙度
諸佛普大聖 百福法莊嚴 無極仙逮獲
慧則最尊妙 為諸天講法 及世間人民
度脫我等類 普及諸群萌 應時彰現露
如來之慧誼 猶如今於此 顯導上尊導
令諸群品類 予等獲此法 悉解於一切
諸行慧本末 皆為分別說 前世所行德
普見知衆庶 心本所好樂 則為轉法輪
寂勝無等倫 勉脫衆生厄 志令至大道
佛告諸比丘於時世尊大通衆慧如
來變化十方世界各各五百億百千
佛土六反震動光明普照无所不周
皆於一切諸佛境界虛空大神若干
種明日月光耀遠照无極尊無等倫
諸天宮殿館宇之明梵天往返自然
威曜其佛變現瑞應光明皆覆蔽之

悉令不現天上世間晃昱輝曜衆生
品類若生彼界皆相見如各自說言
此間今日卒有人生時於天上震動
所現靡不周遍

尔時東方佛三邊無限億百千梵大
宮殿自然為明威曜巍巍諸梵自念
無數之宮宮殿館宇燿明无所不接
有以瑞應而現斯變於時五百世界
諸億百千大梵天衆各從宮殿雲集
而會時於衆中有大梵天号護群生
為諸梵天而歎頌曰

今日我等 宮殿室宅 諸賢當知
此大光明 諸天取勝 志所樂喜
以何因緣 現此瑞應 善哉當往
趣求斯誼 時諸天子 今日自興
承何聖旨 現神如是 今所覩見
本未曾有 親近諸天 為人中王
將無大聖 興出于世 寂妙光明
照于十方 所變感動 乃如是乎
佛告諸比丘時五百世界億百千娑
梵天悉共相和從東方來遙見西方
大通衆慧如來正覺處於道場在菩
提樹下坐師子牀諸天龍神阿須倫

迦留羅真陀羅摩休勒人與非人及
十六子眷屬圍繞適觀是已悉共啓
勸欲令說經即詣如來稽首于地繞
佛無數而執其蓮華如大須弥及散
佛樹樹高四十里普已本土梵天宮
殿奉進世尊惟願哀愍納受宮殿華
土之供以偈頌讚曰

見佛無量 得未曾有 多所愍傷
興出于世 世尊所演 如師子吼
則已將護 十方黎庶 我等經歷
所從來處 去此五百 億百千界
計諸世界 若干之類 皆棄宮殿
咸詣聖尊 一切皆是 宿命淨德
若干麗妙 諸寶宮殿 惟加臨盼
而居其中 願發大哀 愍傷受之
佛告諸比丘時大梵天衆面讚歎佛
五百人俱白世尊曰願轉法輪演大
聖典勉濟群黎使獲滅度時五百梵天
億百千衆合一音聲而歎頌曰

世尊願說經 兩足上分別 當現慈心力
度衆勤苦患

佛告諸比丘于時世尊見諸梵天所
上宮殿然然受之

尔時東南方去是五百億百千世界
諸梵天衆各各自從宮殿皆見光明
晃晃鏘鏘無不周接恠未曾有悉俱
集會於衆會中有大梵天号寔慈哀
為諸梵天而歎頌曰

諸大天當知此則本瑞應 宮殿悉感動
寔有大名聞有德諸天子 人人雲集此
則是其威神 今宮殿巍巍 今佛興于世
兩足之中尊 所以令諸宇 現光明如是
吾等當往賀斯事不可妄從昔至于今
觀瑞无若兹 四方有光明 至于億國土
今有定至誠 佛當成於世

佛告諸比丘時五百億百千梵天各
從宮殿駱驛四出以諸天華如須弥
山詣西北角遙見如来大通聖慈威
于道塲於佛樹下坐師子座諸天龍
神阿須倫迦留羅真陀羅摩休勒眷
属圍繞而為說經法遙見佛已尋時
即往稽首于地繞无數匝手執大華
而散佛上時大梵天及諸眷属以頌
讚曰

礼無等倫 則為大仙 天中之天
聲如哀鸞 唱導音讚 諸天人民

願稽首礼

愍傷世俗

得未曾有

在在難值

久思光顏

今日乃見

本於百劫

積德解空

八十億佛

壽如塵劫

又人中尊

分別空慧

而常講說

善權方便

諸天群臣

人民得覲

具足億姪

八十之數

其眼徹見

在所救濟

多所擁護

於佛道法

故出于世

愍傷衆庶

我等福會

甚難值遇

佛告諸比丘無數億千梵天之衆勸

發世尊願轉法輪演出典誼散告群

生救脫三界今獲安隱

尔時諸梵天悉俱等心同聲讚曰

寂上大人

願轉法輪

惟講經典

為十方人

度脫群萌

苦惱之患

令一切人

喜踊亘然

其有聞者

得成佛道

諸天人民

咸蒙安隱

阿湏倫身

當復減損

施于忍辱

安隱之事

佛告諸比丘大通衆慧如來默然可

之南方西方億百千娑諸佛世界諸

大梵天宮殿館宇悉為普明冉冉煌

煌靡不周達時諸梵天自見宮殿威

變煜燿恠未曾有悉俱集會各白念
言我等宮殿何乃如之於其衆中有
大梵天名曰善法獨歎頌曰

大聖而興 所舉不妄 一切宮殿
威光重照 有此瑞應 現于世間
善哉行求 如斯奧誼 過去無數
億千諸劫 未曾覩見 如是感動
將以如來 出現于世 令諸天子
自然來會

佛告諸比丘時五百百千億諸梵天
人從其所處遙見大華如須彌山各
手執持衆供養具行詣北方瞻覲如
來大通衆慧佛處于道場坐樹下師
子座上與无央數諸天龍神阿須倫
迦留羅真陀羅摩休勒眷屬圍繞講
說經法即詣佛所稽首于地繞無數
匝手執大華如須彌山供養散佛尋
以宮殿奉上世尊惟願慰傷受而慶
之時諸梵天等心同聲而歎頌曰

諸佛現世 甚難得值 久不瞻覲
今日乃覲 僥倖來至 燭除愛欲
具足充滿 於三千剎 諸大導師
飽滿飢虛

古來至今

未曾見聞

如靈瑞華

豈可遭值

道慧難遇

時時乃有

我等宮殿

雅麗無量

承佛威神

而得獲此

唯垂大哀

納受所進

願處其中

顯現道因

時諸梵天勸請世尊惟轉法輪分別

經典令諸天神沙門梵志多所慰傷

普安一切天上世間悉當蒙恩於是

梵天與群侍俱等心同聲而歎頌曰

倖願世尊

廣演經典

加哀當轉

大聖法輪

講若干法

聲若雷震

惟願慰傷

吹大法螺

以大經典

雨於世界

分別善教

微妙之誨

我等勸助

願講道慧

開度衆生

億百千姓

西南方西北方東北方各各如是无

數梵天不可計限上方下方各各如

是自在宮殿覩見光明靡不同接恠

之未有各從斯去五百億百千世界

諸梵天衆各捨宮殿來詣佛所有大

梵天名曰妙識即歎偈曰

善哉願諸佛世吼獲聖明為三界衆生

開示正覺乘普為世間眼達見於十方

開通甘露門 度脫無數人 乃昔往占世
人中身變現 空無思想念 使現於十方
長益樂地獄 好意畜生處 後生墮餓鬼
億數難思議 亡失於天身 壽終墮惡趣
若得聽佛法 進獲平等道 志行趣佛慧
將護衆梨底 皆得歸安隱 不失快樂想
常不行佛道 不處於正法 違无量聖教
即墮於惡趣 覩見世光明 以善故來至
發一切衆生 而行於慈哀 逮見於世尊
解空慧無漏 諸天及世間 于斯悉勸助
宮殿妙无量 猶如威神德 普施明月珠
大導師願受 人尊願受供 愍傷羣宮殿
令此群品類 逮得无上道
佛告諸比丘 於時五百百千億大梵
天衆讚歎佛已 啓勸令佛轉大法輪
闍戾十方安隱 世人復歎頌曰
思願講說 無上法輪 惟雷法鼓
尊妙法音 度脫衆生 勤苦之患
加哀示現 無為大道 我等勸助
唯聖說法 救護餘類 及世間人
音聲柔軟 敷揚美響 億百千劫
積累德行

佛告諸比丘 大通衆慧如來 尔時見

十方無央數百千億衆生勸請說法
及十六子國王太子轉大法輪三轉
十二事開化發起沙門梵志諸天龍
神衆魔梵天及世人民為說苦本是
為苦諦盡道由是盡苦苦盡至道
十二緣起具足分別從癡致行從行
致識從識致名色從名色致六入從
六入致習從習致痛從痛致愛從愛
致受從受致有從有致生從生致老
病死憂苦大患又告比丘大通衆慧
如來三說經法須臾之頃分別此誼
令十六億百千姦衆漏盡意解速得
六通三達之智无央數人皆得度脫
如是至三第四說經江河沙等億百千
姦群生聽經一一皆獲漏盡意解諸
聲聞衆不可稱計

尔時十六國王太子以家之信出家
為道皆為沙弥聰明智慧多有方便
以曾供養億百千佛造立衆行求元
上正真道俱白佛言今大會衆聞衆
無央數億百十人有大神足已具成
就惟我我等講演無上正真道訖願
即慧見指示其處當從如來學大聖教

以共勸進觀察其本於時世尊悉見
幼童國王太子心之所念則為國王
及諸眷屬講說經法八十億百千娼
人皆作沙門於時彼佛觀諸沙門心
之本原為二万劫說正法華方等經
與菩薩所行一切佛護皆已周遍四部
衆會普等无異十六幼童沙弥兄弟
聞佛所說悉共受持諷誦講讚其佛
授次當得無上正真之道說是經已
聲聞歡喜十六沙弥無數億百千娼
諸菩薩衆皆得本志彼佛說是於八
万劫未曾休懈說斯經已即入靜室
精思閑定四十万劫三昧正受

尔時十六王子為沙弥者行菩薩道
本是佛子親見世尊獨處閑居各各豫
嚴法座欲用敷演廣被法誼於時都
會八万四千劫分別說經一一菩薩化
度六十万江河沙億百千娼處於無
上正真道皆立大乘其大通衆慧如
來八十四万劫乃從三昧興就法座
普告一切諸比丘衆十六王子所建
功德難及無量至未曾有智慧巍巍
則以供養無數億百千諸佛衆行具

足普受聖慧入于道明合集佛智諸
比丘衆皆當稽首恭敬自歸十六仁
賢數數莫懈其志聲聞緣覺乘已得
聲聞緣覺之路若行菩薩及成就者
其新發意皆當付此諸族姓子聽所
說經不拒逆者皆當逮得無上正真
之道成佛聖慧諸族姓子順世尊教
以是正法數數分別為一切說其十
六子具菩薩乘一一開化六十江河
沙等人所生之處常共俱會亦復普
說聽正法誼各各值見四十億百千
諸佛世尊或當復更見諸佛者今我
班宣四輩

佛言欲知今時十六國王子乎答曰
不及也佛言今皆成無上正真之道今悉
現在處于十方說法救護無數億百
千娑非載聲聞衆不可稱計菩薩東
方現在其樂世界有二佛号無怒山
崗如來至真等正覺東南方現在二
佛号師子響師子幢如來南方現在
二佛号一住常滅度如來西南方現
在二佛号帝幢梵幢如來西方現在
二佛号無量壽起度因緣如來西北

方現在二佛号栴檀神通山藏念如
来北方現在二佛号樂雨雨音王如
来東北方現在二佛号除世懼今吾
能仁於忍世界得成如来至真等正
覺合十六尊

又告比丘吾等十六為沙弥時在彼
佛世講說經法衆生聽受一一菩薩
開化無量諸江河沙億百千姪發無
上正真道者今得成就為菩薩道住
聲聞地者漸當誘進無上大道稍稍
當成最正覺所以者何如来之慧難
限難計不可逮及為若此也又告比
丘何所是乎吾為菩薩時開化無量
億百千姪江河沙等聽聞諮受諸通
慧者當来末世或有發意學弟子乘
成為聲聞後不肯聽受菩薩之教不
解佛慧不行菩薩一切志在無為之
想謂當滅度甫當往至他佛世界順
殊異行生異佛國當求道慧志聽啓
受尔乃解知如来之法有一滅度无
有二乘也皆是如来善權方便說三
乘耳如来正覺滅度之時若有供養
以清淨行信樂妙言趣于經典一心

定意為大禪思當知念時觀於如來
皆普合會諸菩薩眾會諸聲聞聽受
此法亦乃覩見世間佛道无二滅度
也如來正覺善權說耳其樂下劣小
乘行者則自亡失遠乎人種不解人本
為欲所縛如來滅度時若有聞說歡
喜信者佛恩所護

假喻曠野五百里路迥絕無人亦无
國君有一導師聰慧明達方策密謀
隱知遠近將眾賈人欲度懸迥皆俱
疲怠不能自前各思戀曰子等安處
聖興之土本國平雅有君長師父今
來遠涉極不任進寧可共還免難苦
難導師慰之發來求寶中路而悔設
權方便於大曠野度四千里若八千
里以神足力化作大城告眾商人无
懷廢退大國已至可住休息隨意所
欲飯食自恣欲得大寶於此索之又
告比丘商人見城人民興盛快樂無
極恠未曾有離苦獲安喜用自慰无
復憂恐飢乏之患自謂無為如得滅
度停止有日隱知欲厭即没化城令
無處所告眾賈曰速當轉進到大寶

地吾見汝等行疲心懼故現此城

又告比丘如來如是為人等倫唱道
經誼觀見生死長久艱難虛乏之患
現于三乘禪定一心使得滅度又佛
從本說有一乘聞佛講法不受道慧
若患厭者謂當積行甚為勤苦如來
悉見其心所念志疲懈想為現聲聞
緣覺易得猶如無導化作大城人民
饒裕商者晏息視如厭翫沒之不現
為衆商人說幻化城其導師者謂如
來也大曠野者謂五道生死衆商賈
人謂諸學者將行求寶謂說道慧菩
薩行法中路厭翫不肯進者謂佛難
得累劫積功不可卒成誘以聲聞緣
覺易轉化作滅者謂羅漢泥洹沒城
不現謂臨滅度佛在前立勸發无上
正真道意其羅漢事限導非真不至
大道若至他方與佛相見得不退轉
無所從生乃為大寶究竟之事

佛語諸比丘如來說法尔等聞之謂
悉脩足不知所作尚未成辦又如來
慧音見世間一切人心亦現泥洹如
來至真等正覺善權方便說有三乘

今時世尊欲重解誼說斯頌曰

昔有大通

衆慧導師

適坐道場

於佛樹下

其佛定處

具十中劫

尚未得成

究竟道誼

諸天龍神

阿須倫等

普發精進

供養軍勝

雨諸天華

紛紛如降

用散等覺

人中之導

於虛空中

暢發雷震

而以進貢

上尊大聖

軍勝在彼

行甚勤苦

所行久長

成無上道

專精思惟

於十中劫

乃成正覺

大通衆慧

諸天人衆

億百千族

一切衆生

歡喜踊躍

彼佛本有

諸子十六

皆順稟受

人中道化

衆庶之類

億百千族

眷屬圍繞

造雨足尊

前稽首禮

師長聖尊

慇懃啓諫

願說經典

勇猛師子

講未聞者

飽滿我等

及世人民

十六荒域

及此世界

久遠空虛

大聖乃興

梵天宮殿

亘然大明

現衆瑞應

悉分別說

東方世界

億百千族

五百國土

自然震動

彼有大梵

自慶其宮

威神功德

體觀取上

於時觀見

此大瑞應

尋即造詣	愍傷俗者	則以天華
供散大仁	皆用宮殿	奉上世尊
鼓樂絃歌	讚佛功德	勸諫正導
令轉法輪	時人中尊	默然受之
尋為如應	解說經法	南方西方
北方世界	上方下方	四隅境域
億千娑衆	梵天悉來	各獻所珍
以為供養	又復下方	諸界梵天
普亦如是	等无有異	皆以宮殿
奉上大聖	嗟歎如來	悉共勸助
願轉法輪	光闡心目	無數億劫
難得值遇	惟垂示現	往古根力
加哀開闔	甘露法門	普等法眼
分別慧誼	宣揚群典	若干品類
時佛為說	遍示四諦	一切具解
十二因緣	為顯無點	令得眼目
講說生死	憂苦空患	一切世間
悉從生有	當知因是	致于終沒
如來適說	是法欲竟	若干種類
無央數人	八十億娑	衆生之傳
於時聽者	住聲聞乘	何況餘方
立第一地	彼時取勝	所說經法
如江河沙	梨庶清淨	都盧志干

聲聞之行	導師聖衆	計數若茲
一切共策	不能稱限	衆等品類
一一如是	皆悉若斯	立大上慧
於時至尊	十六聖子	等俱學者
齊共同心	一切出家	咸為沙彌
而悉分別	佛方等經	吾等當成
世之明父	汝黨如是	皆得上慧
斯諸衆生	悉令如此	
又如世尊	為法之眼	寂勝至誠
見人心本	幼少為童	常行平等
而為衆生	說上尊道	億百千姪
無底譬喻	示現因緣	尋獲報應
分別所興	諸通敏慧	如諸菩薩
所當造行	於時大聖	為現真諦
顯揚宣布	斯正法華	普雨講說
大方等經	若干千頌	不可思念
無能限量	如江河沙	於時適說
斯之經典	則入靜室	三昧等觀
八十四万	劫中澹然	世雄尊師
定意如斯	時諸沙彌	覲瞻大聖
在於靜室	而不出遊	開化人民
無數億千	覺了禪定	清淨无漏
第一始設	於大法座	宣揚說此

仁賢經典

於安住教

流布佛化

如是比像

所造弘廣

於江河沙

不可稱限

億百千數

皆聽啓受

安住之子

一一開導

竿諸黎庶

無能限量

於時軍勝

滅度之後

悉得覲于

四十億佛

彼諸學士

適聞斯名

便即供養

兩足之尊

有四事行

離垢為貴

悉得佛道

現在十方

斯十六童

皆是佛子

普在八方

敷弘道誼

於彼所說

及聽受者

是諸聲聞

悉佛弟子

步步各各

若干色像

今當親近

發大道意

吾身今時

寤不覺者

皆令一切

咸得聽受

亦諸賢者

号聲聞子

善權方便

示諸人道

吾前世時

報應如斯

應所說法

是其因緣

假使不忍

修尊佛道

比丘當知

魔所嬖因

隨其本性

兇弊縱恣

志不奉行

不樂空慧

無數百世

渴不值水

又當愚騃

常處恐懼

無數丈夫

百千之衆

發跡而行

欲度曠野

又覩曠野

殊迫艱難

其里計數

五百踰旬

有一大人

賢聖明詰

導師開化

心無所畏

為彼賈人

導示徑路

曠野懸邈

多有艱恐

無數億人

創尋羸億

各對導師

而自訴訟

吾等疲弊

不能進前

徒類今日

欲退還歸

導師聰明

為方便父

諄諄宣喻

誘誨委曲

矜憐闇塞

欲棄寶退

壞敗本計

中路規還

吾今寧可

設神足力

化造立作

廣大城郭

嚴莊若干

億千人民

而立房室

令微妙好

又當復化

大江流河

苑園浴池

華實滋茂

臺館殿宇

牆垣綺嬪

男女若干

巨億百千

誘恤勉勵

使不恐懼

各自僥慶

歡喜悅豫

今日得至

於此大城

入市所娛

所欲之具

心懷忻然

如得滅度

余等及吾

諸難以除

以親親故

歡悅所安

今日一切

恣所施為

從已所樂

同遍觀採

與卿同心

故鄭重說

恚來聚集

聽聞所說

吾以神足

化作大城

吾時觀察

枯燥荊棘

每懼仁等

創楚悔還

即設善權

化現衆諸 且宜精志 順路進前
佛告比丘 吾亦如是 見無央數
億千衆生 患厭勤苦 周旋迷惑
以方便教 而開導之 故佛念斯
如是利誼 厭於佛道 不得滅度
一切道父 而覺了之 賢等事辦
今得羅漢 故勸助立 住斯德報
偶察諸賢 得至羅漢 汝等一切
皆棄衆苦 一切衆會 乃演斯法
諸佛大聖 善權方便 講說佛教
大仙救護 其乘有一 未曾有二
休息亦等 故分別說 由是教化
此諸比丘 當興精進 第一英妙
諸仁當志 一切敏慧 菩薩典法
无有滅度 我常發求 成諸通慧
得達十方 寂勝之法 顏貌殊妙
相三十二 當得佛道 乃應滅度
諸大道師 說法如是 且今休息
自謂滅度 適得休息 言獲無為
緣是之故 暢諸通慧

正法華經卷第四

壬寅歲高麗國大藏都監奉

勅彫造

止法華經卷第五

鳳

西晉月氏國三藏竺法護譯

授五百弟子決品第八

於是賢者邠釋文陀尼子聞佛世尊
敷闡善權亦現方便授聲聞決當成
佛道追省往古所興立行又瞻如來
諸佛境界得未曾有歡喜踊躍無衣
食想支體解懌不能自勝於大正法
或悲或喜即從坐起稽首佛足尋發
心言甚難及也世尊未曾有也安住
如來至真等正覺所設方謀甚深甚
深非口所宜此諸世界有若干品以
無數權隨現慧誼順化群生分別了
法為此衆人說其本原方便度脫世
尊聖慧悉知我等行跡志性之所歸
趣乃復舉喻說古世事及始發意時
滿願子稽首佛足却住一面歸命世
尊瞻戴光顏目未曾眴
佛言善哉誠如所云如來通見一切
本際推其深淺因行授與如亦聲聞
卑下小乘淫怒垢除令得休息乃導
菩薩無極之慧猶如昔者有一導師

行慈多哀憐愍貧厄衣食不充求乞無獲窮无資賄乃為擊鼓普令國境誰欲入海採珍寶者人民皆會復循令言誰不受身不嫁父母不顧妻子者當共入海採求珍寶人民聞令退還者多又諸貧乞欲規採寶無衣覆體無資自濟前却猶豫不能自決導師知之悲告曰設欲入海相給衣糧不使空乏諸貧歡喜即奉教命一時上船望風舉帆遊入大海不逢大魚不觸山崖弊鬼羅刹亦不敢燒得至龍宮便從龍王求如意寶俗人貧厄不自諧活願見惠施以救遠近龍王即與隨所僥願若欲得者悉令來取導師還令行取者少不取者多所以者何心懷恐怯到龍王所懼沒不還於時導師告諸賈人各恣所欲賈人悉採金銀琉璃水精虎珀車渠馬瑙各取滿船導師嚴勅還闔浮利衆人從命歸到本土家室親里飲食伎樂車馬乘從悉來迎送共相娛樂七日七夜乃歸家居各各相問得何等寶少智貧乞但得七寶導師慧侶獲如意

珠師昇高樓手執寶珠周向四方四隅上下斯珠之德令雨七寶尋如所言則雨七寶普遍其國無所不滿其餘慧侶分布諸國四出周行亦雨七寶少智貧士乃更呼嗟我俱入海恨不值此導師告曰吾勅令卿卿不往取今何所望衆人棄寶更相合會共還採寶詣海龍王求如意珠即志得之還闔浮利亦雨七寶

佛言發无上正真道意欲度一切譬如導師行入大海愍諸貧匱令入海者謂為一切講說經道望風舉帆入大海者謂學權智海三難者謂空無想无願海謂生死得如意珠謂獲如來無極法身衆又隨從取如意珠謂聞菩薩道而發大意得無從生貧劣下人採取七寶各自滿船謂得七寶意還歸鄉里家室迎者謂十方人來受道教昇樓執珠向八方上下謂得佛道度脫十方謂諸慧士等分至諸國雨七寶者謂各詣他方成取正覺衆貧悔還相命入海謂諸聲聞聞有一乘無二道也亦乃更發无上正真

道意後當成佛各有名号於是頌曰
比丘當聽 解喻說之 如有導師
愍傷國人 多貧匱乏 常苦汲汲
擊鼓巡令 誰欲入海 衆人集會
更告之曰 不惜身命 不嫁父母
不顧妻子 當共入海 海中有難
無得變悔 時諸貧乞 亦欲有意
恐不自致 沉吟不決 導師寬恕
給其衣食 時入大海 各求七寶
於是導師 詣龍王宮 并告所領
求如意珠 等侶受教 獲如意珠
還歸鄉里 大小悉迎 於時導師
昇高樓上 向於八方 遍雨珍寶
朋黨分行 在於異國 亦雨七寶
莫不蒙恩 採七寶者 乃自悔恨
俱行入海 怨不值是 導師告曰
前相勅令 自不肯取 是若等過
何所怨責 即還入海 求如意珠
尋則得之 發意菩薩 得正真道
畏歎生死 便隨聲聞 奉行空事
無想无願 得度三界 至泥洹門
見佛世尊 降魔官屬 至於無上
正真之道 開化一切 出万億音

十方群生

莫不受教

天龍鬼神

皆來稽首

發菩薩意

至無從生

或為聲聞

斷三垢毒

覩見十方

无所罣碍

諸羅漢等

乃自各悔

俱行學道

何為得斯

坐起行步

懊惱自責

如來然後

現于三乘

善權方便

隨順誘導

道無有二

况乃三乎

諸聲聞等

今乃踊躍

其心燿如

雲除日出

佛皆授決

當至大道

國土處所

各有名号

佛告諸比丘字見聲聞滿願子乎於

比丘衆為法都講光揚咨嘆諸佛之德

敷陳正典精進勸助聞佛說法諷受

奉宣散示未聞而無懈廢闡弘誼趣

解暢脍結應答四部不以猒倦顯諸

梵行悉令歡喜捨除如來菩薩大士

辯才質疑未曾有如滿願子者於比

丘衆所取云何其滿願子豈獨為吾

作聲聞衆而受法典也勿造斯觀曾

已歷侍九十億佛從諸世尊啓受正

要所在衆會常為法講宣散經誼分

別空慧志無所著若說經時無有猶

豫靡不通達未常弊尋普恒盡心諸

佛世尊菩薩神通畢其形壽壽令修梵
行於聲聞衆信意想之以斯善權利
益救濟於無央數億百千妓群生之
類開化无量阿僧祇人令發無上正
真道意其所遊至皆為黎庶顯暢大
道令得佛住一切所修常為已身淨
諸佛土所行如應開化衆生於諸正
覺普現供侍今於吾世為尊法講每
受正典論議難及賢劫之中興顯千
佛又當供養將來世尊亦皆為尊法
之都講常為无量無極品類光益訓
誨勸化一切無限羣民今發無上正
真道意具足滿進菩薩道行却无数
劫當成為佛号法照曜如来至真等
正覺明行成為善逝世間解无上士
道法御天人師當於此土而為大聖
今時江河沙等三千大千世界為一
佛土七寶為地地平如掌无有山陵
丘墟谿谷荆棘礫石重閣精舍同而
普滿而用七寶猶如諸天宮殿云展妙
遙相瞻見天上視世間世間得見天
上天人世人往来交接其土无有九
十六種六十二見憍慢羅網一切化

威德鳳以

生不由女人淨修梵行各有威德以大神足飛行虛空常志精進所作備具智慧普達紫磨金容三十二表大人之相是時人民常有二食一日法食二日樂禪悅豫是為二食有元央數億百千娑諸菩薩衆悉得神通周旋分別墳籍誼理其聲聞等皆逮聖行行八脫門威曜方便名德奇雅得度無極劫名寶明世界曰善淨佛土無量劫滅度之後法住其久起七寶塔遍是世界十方諸佛皆共歌歎斯土功德佛說如是欲重解義即而頌曰諸比丘聽於此誼旨如吾所語諸天世人行權方便究竟善學若當導崇修佛道行此諸衆生脆劣懈廢故當演說微妙寂靜示現聲聞緣覺之乘而常住立菩薩大道善權方便若干億千以用開化無數菩薩斯聲聞衆故復說言上尊佛道甚為難獲億數群生被蒙淳化已得修學如是之行下劣懈廢恣尚懈怠而當漸漬皆成佛道身口及心

常遵所行	如是聲聞	力勢薄少
畏馱一切	終始之患	而復嚴治
淨已佛土	或復示現	已在愛欲
怒害瞋恚	及闇癡冥	覩諸衆生
迷惑邪見	壞裂蠲除	疑網弊結
吾聲聞衆	行亦如是	應時隨宜
化此萌類	以權方便	發起一切
恚為衆人	順而廣說	告諸比丘
我聲聞偻	所行具足	於億千佛
以欲救護	斯佛正法	覺了禪思
而求於度	所在自處	為尊弟子
博聞多智	講法勇猛	當悅衆生
心不馱倦	而興佛事	建立于道
獲大神通	安住普達	具足導利
則是燈明	察知衆生	常見根原
為說經典	使至清淨	誘導群萌
億百千姪	分別宣示	尊上正法
慶此大乘	無上正真	自見國土
英妙清淨	將來之世	億百千佛
應時供侍	奉敬如是	恒當將護
於尊正法	又復嚴淨	已之佛土
講說經典	億百千姪	善權方便
常遵勇猛	當復開化	無數衆生

悉在道慧	無有諸漏	彼每事敬
諸大聖雄	常當執持	此佛尊法
當得佛道	自在導師	名法光曜
照聞十方	其佛國土	寂尊快樂
七寶之地	普志清淨	時却當名
為寶之明	世界号曰	善淨嚴飭
無數億千	諸菩薩衆	如是等類
得大神通	時佛世界	衆所嚙歎
神通恢大	善妙清淨	又諸聲聞
億千之數	皆為大聖	賢猛之衆
神足極上	行八脫門	分別解散
靡不開達	其佛國土	一切衆生
皆行清淨	常修梵行	具足辯慧
衆德無乏	庶人賢興	威嚴甚多
諸賢人等	人民繁熾	但樂經典
餘無所慕	其土亦无	女人之衆
无有惡趣	勤苦之患	紫磨金色
自然在身	三十二相	而自莊嚴
而佛國土	无衣食想	在所欲得
當說於斯		

今時千二百由已行者各心念言恠未曾有莫不喜踊世尊加哀餘皆得決必慰余等使蒙其例於是世尊知

諸聲聞心之所念告賢者大迦葉今
應具衆千二百人現在目下除阿難
羅去又是聲聞知本際等當供養六
十二億佛過斯數已五百弟子皆當
作佛号普光如來至真等正覺明行
成為善逝世間解無上士道法御天
人師為佛衆祐優為迦葉像迦葉江
迦葉海迦葉黑曜優陀阿難律離越
劫賓冤薄拘盧淳冤善等五百羅漢
皆當逮成無上正真道為寂正覺志
同一号於是世尊而歎頌曰

佛尊弟子	姓曰本際	當成如來
世之導師	將來之世	无央數劫
當化衆庶	無數億千	得為寂勝
号曰普光	彼佛國土	名曰清淨
當來之世	无央數劫	常見諸佛
不可計量	光音神足	大力明父
音聲暢聞	十方世界	億千衆生
周匝圍繞	唯但講說	尊上佛道
諸菩薩等	常修正行	所乘端嚴
尊妙宮殿	所遊行處	无所想念
得聽受法	於兩足尊	常往周旋
他方佛國	諸佛大聖	如是比像

已復供養

廣普至尊

心中欣然

多所悅可

其諸國土

皆一等類

衆大聖雄

无有異名

人中之上

悉号普光

如是儔類

精進力行

安住之壽

極長難限

劫數具足

六万二千

滅度之後

正法當住

聖所遺典

存劫三倍

又以像法

當復住立

過於正法

轉復三倍

假使正法

滅盡之後

男女衆多

遭大苦患

是諸寂勝

大聖倫等

名号普光

大士之上

具足當為

五百導師

各各悉等

皆成佛道

其名普聞

十方佛土

神足大力

及其境界

正法功德

正類如是

悉當遵修

宣此雅典

一切所得

皆當若茲

現於天上

及在世間

如我往古

施于清淨

廣普光明

人中之上

所建立行

悉耐從已

各已受決

多所愍哀

无央數事

成一平等

如佛今者

於世正真

尊故興發

為迦葉說

卿當念持

五百佛名

諸聲聞衆

及餘一切

是故弟子

猶得自在

今時五百無著目見耳聞如來授決
歡喜踊躍往詣佛所自投于地稽首
作札悔過自責鄙之徒等每憶前者
自謂已得泥洹滅度无有巧便不能
識練了別正歸棄背明捨志疲厭想
今乃得逮如來之慧當成正覺唯然
世尊譬如士夫入慈室藏以明月珠
置于結中醉酒卧寐不自惟省寤忘
明珠不知所在起之他國无有資用
飢乏求食計窮無獲思設方計周旋
往反乃得供饍心懷悅豫於時乃念
前寢室藏明珠繫結將無墮彼馳還
求索尋即往見慈室長者慈室長者
而謂之曰卿何以故而自勞煩行求
飯食思想不息子欲知乎今時吾身
嚴整衣服遊行採殺敬利所誑行至
於此見明月珠繫于子結今珠在體
豈不省耶以何因緣來至吾計設何
方便而盡力行子今求財寶所以難致
者以不自察可否之事且便疾去以
明珠寶持詣大龍而貿易之由得諸
寶所有之藏恣意所施昔者世尊本
始造行為菩薩時發諸通惠我等不

解亦不覺了於今悉住羅漢之地而
謂滅度處嶮難業常如虛乏今日如
此乃能志願於諸通慧當以斯法開
化餘人以如來慧分別道意比丘今
等勿以此誼謂泥洹也卿諸賢者又
當親殖衆德之本昔者如來以摧方
便開導若等今亦是重說經法若
之徒類自取滅度今者世尊授以无
上正真道決於是五百聲聞知本際
等而歎頌曰

我等聞斯 乃知前失 已得受決
是上佛道 稽首世尊 无量明日
唯愍講斯 所演光耀 猶如愚冥
不能分別 所以一一 而獲滅度
今日歡然 安住所化 志願廣普
諸通慧事 如有一子 行來求索
即時遊入 于慈室堂 於彼覩見
多財富者 於時富士 廣設飲食
其人一寐 而不飲食 明月珠寶
而繫在結 因此卧寐 從寐而起
坐慈藏室 而歡喜悅 彼愚駭子
而越利誼 尋時起去 遠行入城
求服飲食 甚不能獲 行索供饌

財自繫活 從人得食 謂獲無為
明珠約結 而自念言 今此珍寶
為在不乎 續在佩身 求不知處
故復覩見 慈室長者 所可施與
丈夫之事 即為亦說 善哉快言
暢現妙寶 教化今度 其人適見
第一安隱 蒙寶之恩 獲致於斯
有無極財 藏滿豐盈 又以五欲
而自娛樂 如是世尊 說譬若茲
吾等前世 俱發志願 非是如來
之所興為 於往古時 長夜精進
世尊我等 下劣心弊 不能覺了
如來教化 心無志願 不肯進前
而以泥洹 歡喜自慶 如佛聖教
所覺關度 如是計之 無得滅度
人中之上 慙發慧誼 乃為滅度
第一無為 此結明珠 離垢上珍
今日我等 所聞無限 因從化導
普顯怡懌 各各逮得 別授殊決
正法華經授阿難羅去決品第九

於是賢者阿難自念言我寧可蒙受
決例乎心念此已發願乙密即從坐
起稽首佛足賢者羅去復前自投世

尊足下俱共白言唯為我等演甘露
味大聖是父靡不明徹無歸得歸无
救得救无護得護於諸天人阿須倫與
立莊嚴若干種變阿難羅云則是佛
子亦是侍者持聖法藏惟願世尊乎
今我等所願具足授无上正真又餘
聲聞合二千人與塵勞俱皆從坐起
偏袒右肩一心叉手瞻戴尊顏我等
逮見佛告阿難汝於來世當得作佛
号海持覺娛樂神通如來至真等正
覺明行成為善逝世間解無上士道
法御天人師為佛衆祐先當供養六
十二億佛恭順奉侍執持正法將護
經典然後究竟成取正覺於是開化
二十百千江河沙等天人使發无上正
真道意其佛國土清淨無瑕地紺瑤
璃堅諸幢幡自然莊嚴世界平正无
沙礫石山陵谿谷地皆柔軟如天統
綖劫名柔和无有雷震時佛壽命不
可計數億百千娑無可為喻難得崖
底諸弟子衆受道教者不可計會億
百千娑無能限量阿難成佛為大聖
時所以名曰海持覺娛樂神通其土

人民多神變周旋如來滅度後法住
過倍像法存立復倍正法十方無量
江河沙等億百千佛悉當歎頌彼佛
功德於時世尊而讚歎頌曰

今佛頌宣	諸比丘衆	仁者阿難
摠持吾法	於當來世	成為最勝
供養諸佛	六十二億	名曰海持
覺乘神通	於此博聞	彼成大道
其土清淨	顯現微妙	自然踰立
無數幢幡	諸菩薩衆	如江河沙
皆是如來	之所建發	悉如最勝
無極神足	其德名聞	流遍十方
欲計壽命	無量難限	教化世間
多所慰傷	假使其佛	滅度之後
正法當住	過倍其數	像法存立
轉復過倍	最勝宣發	教化若茲
又此衆生	如江河沙	興報應心
立以佛道		

今時新發意八萬菩薩各自念言恠
未曾聞古來未有吾等焉用菩薩誼
為諸聲聞類煩囂之傳乃復授決當
獲大道何因若茲世尊即知其心所
念便告之曰諸族姓子及比丘聽佛

法平等族姓子這發无上正真道意
前於起空如來至真等正覺所而現
在博聽衆經常修精進來至吾所欲
建愍憫由是緣故速得無上正真道
成取正覺仁賢阿難為佛世尊奉持
法藏修菩薩行出家之緣意履雅願
以諸族姓子用相託付今時阿難自
親從佛聞已無量空无之誼當得成
佛授國土次聞本行願歡喜悅豫尋
即憶念無央數億百千之娖諸正覺
典又觀本行所履之跡前後劫數即
歎頌曰

我本聞有無量諸佛悉念為余
說經典時諸有滅度寂勝大聖
余皆憶識如所聞說得立佛道
心不懷疑如是比者善權方便
而為安住立侍者地以大道故
奉持正法

於是世尊告賢者羅去羅去思之汝當
來世當得作佛号度七寶蓮華如來至
真等正覺明行成為善逝世間解無
上士道法御天人師為佛衆祐則當
供事如十世界塵數如來當為諸佛

現作尊子亦復如今為吾息也其度
七寶蓮華如來國土壽命教化衆生
所有莊嚴亦如海持覺娛樂神通世
界清淨羅云當為其佛尊子過是已
後當得無上正真道成取正覺時
佛頌曰

羅云是我	尊上長子	幼少精童
柔和殊妙	斯佛之子	當得大道
常以法施	多所悅喜	無數億佛
所見哀念	欲得竿計	無能限量
普為最勝	諸佛之子	當成大道
衆比丘像	又此羅云	所行溫雅
興立殊願	奉吾正戒	咨嗟宣揚
世雄導師	言我今是	如來之子
諸德无量	億殃之數	設有思念
莫能限量	其羅云者	佛之長子
今所通履	住佛道故	

今時阿難羅云俱白佛言今我等見
二千聲聞學弟子戒心懷忻然瞻戴
尊顏道法正典不可思議願及是時
佛告阿難羅云寧見二千聲聞學弟
子法戒者乎阿難白佛言唯然見之佛
告阿難斯黨同行等學大乘當供養

五百世界塵數如來執持正典然於
後世一時同集布於十方各各異土
逮成無上正真道為寂正覺号寶英
如來至真等正覺明行成為善逝世
間解無上士道法御天人師為佛眾
祐其壽一切覺慧平等諸聲聞同多
少無老諸菩薩眾亦復如是滅度之
後正法住立數亦无異時佛頌曰
此諸聲聞 二千朋黨 今悉住立
於世尊前 斯等聖智 佛皆授次
將來之世 便當成佛 而顯示現
無量譬喻 覩見諸佛 悉當供養
便當逮獲 無上尊道 住於道行
猶得自在 其名行異 遊處十方
悉當忍辱 須臾不變 當復獨處
坐聚樹下 當得佛道 成就慧誼
皆當成覺 号同一等 名曰寶英
流聞世界 其佛國土 平等殊特
諸聲聞眾 等亦如是 神足光明
皆遍世間 周流一切 十方國土
分別經法 有所依倚 正法存立
等无有異
於是諸學聞佛授次歡喜踊躍不能

目勝以頌讚佛

聞佛授我決 世光見飽滿 如甘露見灌
已獲無極安

正法華經卷第五

壬寅歲高麗國大藏都監奉

初彫造

正法花經卷第六

鳳

西晉月氏國三藏竺法護譯

正法花經藥王如來品第十

佛告諸比丘道法一等無有二乘謂無上正真道往古來今無有兩正猶如衆流四瀆歸海合為一味如日所照靡不周遍未曾增減若族姓子欲至正覺解無三途去來今者當學受持正法花經分別空慧無六度想不以花香伎樂供養為供養也當了三脫至三達智無極之慧乃為供養所以者何乃昔久遠劫難稱限尔時有佛号藥王如來至真等正覺明行成為善逝世間解無上士道法御天人師為佛衆祐世界名大淨劫日淨除藥王如來壽二十中劫諸聲聞衆三十六億菩薩大士有十二億時轉輪王名曰寶蓋典主四域王有千子端政勇猛有七寶聖臣降伏怨敵其王供養藥王如來具足五中劫與眷屬俱一切施安奉敬藥王過五劫已告其千子吾已供侍如來若等亦當順遵前緒於時千子聞父王教復以五

劫供養藥王如來進以上妙不違所
安彼一太子名曰善蓋閑居獨處靜
然思念我等今者供養如來寧有殊
特超彼者乎承佛威神虛空有天而
語之日今族姓子豈欲知耶有法供
養最尊無極又問曰何謂法之供養
天曰尔當往問藥王如來普當為若
分別說之善蓋即起詣藥王如來所
誓首于地白藥王如來曰法之供養
奉順典者為何謂乎世尊告曰法之
供養者順若如來所說經典深妙優
奧開化一切世間人民難受難見出
家捨利志求菩薩諸法之藏曠邈處
中以捻持印而印之精進力行不退
轉輪現於六度無極之慧慧懃攬攝
佛之道品不起法忍開入正典於諸
群生設大慈哀降伏魔兵離諸法見
覺了演暢十二因緣無我無人非壽
非命志空無願無提之法不由衆行
處于道場而轉法輪勸諸天龍捷音
和等莫不樂仰開闡法藏護諸賢聖
宣揚顯布諸菩薩行究竟衆苦無我
非身群生違禁立以所便衆魔異道

墮顛倒見貪猗有為常懷怖懷而為
 咨嗟諸佛之德使滅生死慰除所患
 而見安隱無為之事去來今佛所
 歎如是而割判了微妙色像捻持崖
 底諸法法忍開道宣布闡發諸器權
 便所義持養正法是為法之供養設
 於諸經志在法忍敷陳典藉而順反
 復演訓其要無諸邪見無所從生不
 起法忍無我無人入諸因緣無瞋不
 諍無所訟訴無我無壽循執句義而
 無識著慧無放逸將御心識住無所
 住識理指趣因導非義泐汰通流諸
 所猗法不造見人恃怙真諦如法所
 歸無著無入斷諸猗著滅諸無黠生
 老病死患為除屏觀十二緣而不可
 盡覩諸住見不隨顛倒是為族姓子
 法之供養王子善蓋從藥王佛聞法
 供養應時逮得柔順法忍即脫身衣
 以覆佛上白世尊曰唯加聖恩建立
 我志如來滅後願護正法興法供養
 降魔怨敵將迎後法時佛知心然其
 末世當護法城佛告比丘王子善蓋
 因佛現在以家之信出家為道常精

進學興諸德本不久成就立五神通
總持辯才無能斷截佛滅度後神通
總持力無所畏即皆具足於十中劫
藥王如來所說經法為轉法輪善蓋
比丘護正法故於一世中化千億人
悉發無上正真道意而不退轉十四
載人立聲聞緣覺地不可計人得生
天上比丘欲知時王寶蓋豈將異乎
今現在佛寶殿如來至真等正覺是
其王千子此賢劫中千佛興者是拘
樓秦如來為始最後成者名曰欣樂
太子善蓋今我身是是故當知一切
所供無過法養去來今佛皆從是出
若族姓子族姓女欲得供養十方諸
佛即當受持正法花經持誦讀宣
示一切分別一乘無有三乘道時佛
頌曰

假使有一欲解大法開化一切
皆至正覺當乎受持斯法華經
宣示遠近諸未聞者譬如泉流
皆歸于海合為一味無有若干
聲聞緣覺及菩薩道一切皆歸
無上正真譬如日月照於天下

百穀藥木 及諸荊棘 斯典如是
以無極慧 照耀三界 皆入一義
曩昔如來 名曰藥王 時有聖王
名曰寶蓋 五劫供養 彼藥王佛
一切施安 無所乏少 告諸千子
使供養佛 千子受教 踊躍等心
供養如來 亦俱五劫 飲食床卧
幡蓋伎樂 善蓋太子 閑居自惟
寧有供養 踰於此乎 空中天言
法供養勝 即自問言 何謂法養
天便告曰 當行問佛 太子即問
佛為具說 難解之句 深妙法藏
空無想願 乃入正慧 大慈大悲
降伏衆魔 六十二見 自然為除
無常苦空 非身之事 無我無人
無壽無命 順至將持 不起法忍
轉不退輪 法法相照 十二因緣
展轉相生 已解本無 無有終始
於是善蓋 得柔順忍 佛滅度後
守護法城 精進不懈 得五神通
總持辯才 開化一切 時千億人
皆立大道 十四載人 聲聞緣覺
無央數人 得生天上 以故歎稱

法供為最 假使有人 欲供養者
當受持此 正法華經 分別如來
善權方便 無有二乘 皆歸一道
今時世尊告八萬菩薩因藥王開士
緣諸菩薩等寧奈斯四部眾無央數
億天龍鬼神阿須倫迦留羅真陀羅
捷奢耆摩休勒人與非人比丘比丘
尼清信士清信女聲聞緣覺菩薩現
在目覩欲聞如來說斯經典一切眾會
聞一頌一偈一發意頌歡喜勸助佛皆
授斯四部之次當得無上正真道意
佛告藥王假使如來滅度之後聞斯
經典一頌四句發意之頌代勸助者
佛皆授決當得無上正真之道前已奉
侍億百千佛從億百千佛發意立願
是等儔類愍傷眾人故來生耳從是
經典受持一頌諷誦書寫載於竹帛
銘著心懷念而不忘若聽頌音恭敬
察之方如如來聖尊上句若以華香
繒綵幢幡發意供養是經卷者又手
向之稽首作札則當謂之世間自歸
又告藥王若族姓子族姓女假使能
持一頌勸助歡喜聞經卷名若得聞

名則當覺是將來世尊展轉相謂族
姓子族姓女來世便為如來至真等
正覺所以者何其受是經持讀誦寫
觀聽供養幡華繒絲雜香芬薰則當
謂斯族姓子女成無上正真道得滅
度已若覲如來則普慰傷諸天世人
從其所願而得自恣常生人間欲演
斯經其人本已造微妙行因所作行
則當生於嚴淨佛土常自觀緣欲講
法故當知斯黨愍傷群生佛滅度故
故來生此則有反復如來所使其族
姓子則謂彼人行如來事世尊所遣
其有講說如來所宣斯法訓者若復
不暢其身續蒙假使有人志姓凶嶮
常懷毒害發意之頃為其人說不可
之事其殃難測若一切中誹謗如來
毀斯人者罪等无異是皆志為如
世尊種若族姓子講斯典時有小童
子受是經卷白衣沙門若以言語惡
事向之所不可意加於其人使聞惡
言至誠虛妄宣揚怨聲則在殃罪猶
如害意向於如來族姓子女受斯經
典持誦誦讀而不遊行不為人說當

獲豐咎若受持經當以衣被甘饌飯
食香華燈火瓊珍殊妙供養奉散斯
族姓子斯族姓女則為大寶當為作
礼所以者何乃能一又聞斯經典若
有聽者以所供養志願无上正真道
故時佛頌曰

若欲住佛道 志慕已功德 當供養彼人
持斯經典者 若樂諸通慧 恣意有所說
則當受斯典 并供養侍者 說此經法者
慙傷於衆生 世吼之所遣 來化群生類
假使持是典 所生常精進 強勇而自來
矜哀於衆庶 自在所欲生 寂後於末世
從彼得觀遇 斯經為尊上 所當供奉養
諸天人香華 衣服諸覆蓋 常供給法師
恭敬彼人 常當如佛 尋叉手礼
自然聖道 若寂後時 逢值斯經
佛滅度已 受持經卷 常當供養
如奉寂勝 飯食之屬 諸味具饌
房室牀卧 衣被億數 一及聞之
崇進如是 如來則授 其人之決
佛遣彼士 來在人間 若有寂勝
值遇斯典 設使聞者 書寫執持
於今佛在 見於目前 誹謗如來

具足一切 心中懷恨 面色改常
其人即獲 無數殃疊 設有受持
是經卷者 而分別說 為他人解
若有誹謗 此等倫者 其罪過彼
不可計數 假使有人 面現讚佛
而又十指 具足一切 清淨志求
斯尊佛道 億百千劫 咨嘯讚頌
稱詠法師 發心悅豫 其人獲福
不可限量 用宣譽是 明智者德
彼士獲福 復超於斯 而有人來
供養學者 若於十八 億十諸劫
其人供進 珍饌衆味 諸天香華
細柔精妙 計劫之數 十八千億
和聲悅顏 崎嶇以獻 若有一反
聞是經者 得諸利慶 无極難比
佛告藥王菩薩吾每散告前後所宣
經品無量甫當說者經号甚多比擬
世間一切諸法今此典頌名祚顯綽
寂尊第一普天率土所不信樂如
來正覺无所毀敗於內燕居密從法
師受斯典者則為如來威力所護无
能破壞乃前世時曾得聞之如來現
在有聞斯典多有誹謗何況如來滅

度之後難得值遇所欲志願而見覆
蓋觀族姓子女為如此也他方世界現
在如來志觀見之在所存立已身還
聞諸信力也善本力志願力在如來
室等頌一處斯之倫黨德如是也求
如來水志存佛掌是乃前世願行所
致佛滅度後若有信此正法典者受
持書寫供養奉順為他人說德乃若
斯佛告藥王菩薩若有能說斯經訓
者書寫見者則於其人起佛神寺以
大寶立高廣長大不當復著佛舍利
也所以者何則為全著如來舍利其
有說此經法之處誦誦歌詠書寫書
寫已竟竹帛經卷當供養事如佛塔
寺歸命作禮一切香華雜香芬薰琴
瑟笙篳篥幢蓋繒幡若有衆生欲得佛
教又告藥王多有菩薩出家為道及
凡白衣行菩薩法不能得致如是像
經及見讀誦書寫供養其有菩薩行
菩薩行曉了權宜假使得聞是佛景
摸菩薩所行共行法者聽者信樂來
入其中解達分明即受供養於一座

上應近無上正真之道若有見者如是士夫入於斯誼德不可計佛告藥王譬如男子渴極求水捨於平地穿鑿高原日日興功但見燥土積有時節其泉玄邃而不得水復於異時掘土甚多乃見泥水濁不可飲當奈之何其人不憚稍進得水於時男子觀本瑞應釋除狐疑無復猶豫吾興功夫積有日月今者乃能值得水耳如是藥王設有菩薩聞是經典而不受持諷誦學者去於無上正真之道為甚遠矣是景摸者諸菩薩業假使聞此正法華經諷誦精修懷抱在心而奉行之今乃疾成取正覺矣佛語藥王一切菩薩其有不肯受諷行者不能得至無上正真道取正覺也所以者何吾前已說斑宣此言假使有人不樂斯經則為違遠於諸如來此經典者道法之首眾慧之元成就菩薩若有菩薩聞此經典恐怖畏懼而不愛樂則當知之新學棄者若不忍怖則是久修菩薩之行若聲聞遇是經法或恐或怖心懷畏懼為憍慢恣

佛語樂王如來滅度之後若有菩薩
及大士等欲以是經為四部說者如
來衣坐於世尊師子之座然後亦乃
為四部衆宣傳此經何謂著衣於如
來被服謂人忍辱柔和安雅是則名
為如來被服其族姓子當修此衣何
謂世尊師子之座解一切法皆悉空
寂處無想願是為世尊師子之座又
族姓子當作是住所坐若茲以此經
法為比丘比丘尼清信士女天龍鬼
神廣分別說其心踊躍不懷怯弱志
於大道開道四輩其族姓子若復處
於他方世界化作化人及與眷屬比
丘比丘尼清信士女頒宣此法
設使有聞而不樂者吾起令樂必使
愛喜若在閑居墳野之中有天龍神
捷沓起阿須倫迦留羅真陀羅摩休
勒吾遣化人為說經法雖復迴在異
方刹土普當自現今衆人見若受此
典不識句義失其次緒使諷學者蒙
其威神令達義次今時世尊即說偈曰
皆相棄怯亂 而當聽此經 是法難得遇
信者亦難值 如人欲求水 穿掘於高原

數數積功夫但觀燥乾土彼觀自思惟
其水為甚遠所掘深乃尔續見乾燥土
然後轉漸觀濕土稍稍現尔乃心決疑
今已得近水其不聞是經不數修行者
其人離道遠去佛慧若此斯經深巍巍
決諸聲聞事還聞此經王聽之思惟義
則得近大道智者成聖慧猶如見濕土
尔乃知得水當入於佛室被服如来衣
則處吾聖座明者乃說此慈心入吾室
忍柔和被服解空師子座而說無所畏
設刀凡石打為人見罵詈故為說此法
吾悲忍斯音遊在億千土吾身當堅固
無思議嫉妬為衆生分別佛滅度之後
為衆去怨結多遣諸化人而說此經典
比丘比丘尼清信士女等當供養此輩
及諸來會者石打杖撻罵懷結而惡口
若有設此咒化人恚呵教假使獨自行
而諷誦翫習不被無惡聲質直遊閑居
其人在彼行晝夜一已身吾遣與共俱
為伴說此典

其人辯才無所罣碍多能明了

隨順之法可悅人民億百千姪
猶如佛聖之所建立假使有人

不依此法 則為名目 諸菩薩遊
學于者遊行 及有所坐 得見諸佛
如江河沙

正法華經七寶塔品第十一

今時佛前七寶之塔從地踊出二萬
里適現繞佛起在虛空自然而立其
塔殊好色若干變五種之華而雨其
上紛紛如雪莊嚴校飭塔寺講堂以
無數寶因共合成百千欄楯窓牖軒
戶不可稱計懸衆幡蓋垂寶瓔珞諸
明月珠羅列虛空猶如衆星香鑪寶
瓶滿中名香栴檀芬馨一切普勲三
千大千佛之國土金銀琉璃水精珊
瑚帝靄車渠馬瑙以為寶蓋其蓋高
顯至第一天忉利諸天及四天王皆
散意華供養七寶塔其塔寺中自然
發聲歎言善哉善哉世尊安住審如
所言道德玄妙起絕无侶慧平等一
猶如虛空實無有異時四部衆見七
寶塔在於虛空高大微妙巍巍無量
光耀煒曄靡所不照頌宣善哉歡喜
踊躍叉手而立瞻戴無厭時有菩薩
名曰大辯見諸天人心懷猶豫乍悲

乍喜欲得知此何所瑞應故前問佛
唯然世尊今者何故七寶塔寺現大
聖前高廣無極莫不見者而寶塔寺
自然出聲讚曰善哉何所感動而有
此瑞世尊則告大辯菩薩此寶塔寺
有如來身完具一定而无缺減東方
去此不可計會諸佛世界有佛号名
多寶如來國曰寶淨本行道時而自
發願吾會當以此正法華經當自修
成使諸菩薩皆得聽聞然後乃坐於
佛樹下還成無上正真之道其佛所
念果如所言為諸十方讚說經法開化
一切皆令得道於時其佛臨欲滅度
普告諸天世間人民及諸比丘吾滅
度後奉如來身全取其體一等完具
興大塔寺若見塔者悉得其所功德
難限于時其佛建立如是無極聖化
十方世界其有講說此法華經吾七
寶塔踊現諸佛所說經處其舍利身
在七寶塔讚言善哉佛告大辯是七
寶塔在于東方而處於下去是无量
江河沙佛土在於虛空未曾出現今
見能仁如來正覺本行學道為菩薩

時用衆生故不恡身命精進不懈行
權方便布施持戒忍辱精進一心智
慧求頭與頭求眼與眼求鼻與鼻求
耳與耳手足支體妻子侍從七寶車
乘爲馬衣裘國邑墟聚恣人所未無
所愛惜自致得佛今故來現致敬能
仁欲令能仁佛坐我所有師子金牀
講正法華開化一切使蒙其恩能仁
如來尋如所勸則升講堂師子之座
分別敷演正法華經而說頌曰

設聞多寶佛知其名号者未曾畏終始
不復遭苦患若聞藥三師假記名号者
衆病自然愈尋則識宿命一切所供養
奉法為最上分別空無慧自致得佛道
宣暢法華經以示諸不及解本無三乘
順一無上真

佛告大辯今者多寶如來至真在斯
塔寺遙聞說此正法華典是以踊出
讚言善哉大辯菩薩復白佛言唯然
世尊今我等類諸來會者欲得覩見
多寶佛形願垂恩慈加以威神使諸
來者各得其所開發大道佛告大辯
菩薩多寶如來本亦自指我之塔寺

所在方面聽此經典設諸如來及四
部衆欲觀吾身隨其十方之所欲願
皆當得見咸共供養於此化像大辯
欲知我身亦當感是十方諸佛一切
世界所化如來講說法者皆令詣此
時大辯菩薩復白佛言唯然世尊垂
加大恩普現一切十方國土諸佛聖
德佛默然可即時演放眉間衆毛微
妙光明普照十方各各五百江河沙
等億百千數諸佛國土一切世尊各
各普現止其國土坐於樹下奇妙莊
嚴師子之座與無央數百千菩薩在
寶交露布好坐具珍琦殊異懸繒幡
蓋垂於四面諸佛坐上為諸衆生講
說經法音聲柔和靡不解達百千菩
薩啓受所聞東西南北四隅上下无
數百千億姦難量江河沙等諸佛世
界皆亦如是靡不見者時十方佛各
各自告諸菩薩等諸族姓子汝輩當
往詣忍世界見能仁佛如來至真并當
瞻戴多寶世尊形像塔寺彼時於此
忍界所有功勳善德殊雅威神自然
而現七寶諸樹周帀而生其地悉變

為紺琉璃以紫磨金而為長繩連綿
莊嚴八交路道其地平正除諸郡國
縣邑村落大海江河川流泉源皆不
復現但見自然諸天香鑪燒衆名香
普雨天華於此佛土應時移徙諸天
人民在他佛國時諸衆會現在七寶諸
交露帳諸交露帳莊嚴殊妙不可稱
量遍此佛土時彼十方一切諸佛各
有侍者亦復皆來詣此忍界各各至
於衆寶樹下此諸寶樹高二万二千
里枝葉華實各各茂盛斯寶樹下有
師子牀高二万里皆以奇寶衆珎為
座如來座上如是比像於此三千大
千世界但見諸佛靡不周遍非是釋
迦文如來至真等正覺之所變現也
各從十方諸佛剎土而來到此顯示
大道無極之德今時世尊釋迦文尼
變諸如來所化形像在於八方各二
万億所有國土皆無地獄餓鬼畜生
移徙諸天及阿須倫在於他方諸佛
世界令二万億諸佛國土地紺琉璃
皆以七寶變成樹木其諸寶樹高二
万二千里枝葉華實各各茂盛諸師

子座高二万里此諸佛土而皆平正
無有河海衆流泉源亦无諸山目隣
大目隣須弥山王鐵圍大鐵圍一一
佛土其地平等七寶合成各各莊嚴
諸寶文露快樂難量遍布諸華燒衆
名香諸寶樹下各有如來坐師子牀
如是比類復更別有二万世界能仁
如來各為諸方而特莊嚴顯現清淨
皆為諸佛作其處所此諸佛土亦無
地獄餓鬼畜生諸龍鬼神及阿須倫
亦復移徙諸天人民在他佛土此諸
佛土地紺琉璃以紫磨金而為寶繩
連綿諸樹八重交道又彼諸樹高大
妙好亦復如前師子之牀莊嚴交錯
其地平正無有山河江海之事香華
衆寶珍琦文露垂明月珠亦復如前
行來進止道徑由路等无老特余時
釋迦文佛所化如來在於東方恒沙
等刹莊嚴道教皆復來至十方世界
各三千億諸佛正覺皆來詣此如來
悉坐於師子寶牀各取寶華授諸侍
者諸族姓子汝等往詣耆闍崛山能
仁佛所致吾名字敬問無量聖體康

強力勢如常所遊安耶以此衆華供
散彼佛及諸菩薩衆弟子上宣我所
言多所開化於是釋迦文如來至真
見諸所化各各坐於師子之座及諸
侍者皆來集會寶華供養即從坐起
住於虛空四部之衆悉亦各起叉手
而立佛以手拍開七寶寺講堂之戶
亘然通徹晃若日出辟如開於大國
城門而以管籥去其閑軸內外無尋
釋迦文佛以手兩拍闢七寶寺講堂
之戶現其威德不可稱限亦復若茲
如來這開七寶寺戶多寶如來至真
等正覺身即現矣坐師子牀肌色如
故亦不枯燥威光端正相好如畫口
重宣言善哉善哉釋迦文佛說此經
典何其快乎吾以欲聞此經法故故
自出現時四部衆見多寶如來至真
等正覺聞其滅度去世以來不可稱
計億百千劫聽言善哉甚大驚恠初
未曾有即以天華供養散於釋迦文
佛多寶如來時多寶佛則以半座與
釋迦文七寶寺中有聲出曰釋迦文
佛願坐此牀釋迦文佛輒如其言時

二如來共同一處在於虛空七寶交
露坐師子牀時四部衆各心念言諸
佛至真道德高遠而不可逮魏魏難
量不可稱限惟願如來垂意見念加
威神恩令我等輩俱處虛空佛知所
念現神足力使四部衆自然超上處
於虛空時釋迦文佛告四部衆諸比
丘等於此忍界誰能堪任說是經典
今是其時亦是大節如來現在若滅
度後當受此法持誦讀誦今如來身
幸欲滅度比丘當捨如來所供養供
事之誼奉順恭敬於此經典於時說
頌曰

無極大聖 來至於斯 導師因現
琦妙塔寺 比丘欲知 聽法故舉
何人省是 不興精進 滅度以來
無央數劫 今日乃能 欲聽經典
以故發來 因緣宣教 得度無極
法之善利 於往故世 自興此誓
導師所願 正由此道 滅度以來
久遠乃今 於今復見 十方世界
自在去此 悠悠極迥 億百千數
如江河沙 因經典故 而發詣此

減度聖將	而自現矣	各各由在
於諸國土	一切志樂	聲聞之行
皆欲將護	於正法故	何緣當令
經典久存	因由依附	諸佛之道
在無央數	諸佛世界	取合衆生
來至於斯	修治嚴淨	神足之力
各各自說	如是廣誼	何因得說
於茲法眼	諸佛住此	不可稱計
在於樹下	而處道場	其身真諦
魏魏億姪	諸導師衆	坐師子牀
清淨常正	明顯如日	若如火光
除於陰冥	柔軟美香	薰於十方
供養達至	愍傷世者	其有度脫
一切衆生	恩德流布	常通於此
吾減度之後	其持此經典	速逮得受決
目見世導師	佛減度之後	其多寶仁賢
聞見師子座	塔寺所在處	我身次在是
億千來至此	寂勝子所由	堪說斯經典
若聞此法	能受究竟	則為奉事
歸令我身	并及多寶	如來之尊
奉順現在	十方諸佛	復及今來
諸導師衆	莊校聖體	殊妙難量
悉為供養	具足無限	用尊修受

此經典故

以曾見吾

聞所講說

亦復更觀

寺中世尊

并餘無數

諸導師衆

從百千億

國土至此

慧命族姓子

慰傷於衆生此處難可值

諸導師所樂

諸無數經卷猶如江河沙

佛雖說彼經

不足為奇特其度須彌山

則以手舉持

跏趺著億千國不足以為難

設有分別說

奇句述百千聞億千佛國

不足以為難

若住極上界為天人講法

宣暢無量經

不足以為奇佛滅度之後

末世能堪受

斑宣此經典今乃為殊特

若以一手捲

捉盡於虛空至於無所至

不足以為難

我滅度之後若歸如是像

來世書此經

今乃為奇特設取十方地

舉著於爪上

擎行恣所遊升置于梵天

此者不為遠

精進無奇異不如於來世

須臾讀此經

假使劫燒時人踐火中行

及擔草不燒

不足以為奇我滅度之後

若持此經典

為一人說者今乃為殊特

假使有受持

八万諸法藏頌宣如所說

以示億千人

比丘於彼世開化諸聲聞

住於神通者

不足為奇異若持此經典

信喜而愛樂

數數咨稱者今乃為殊異

若無數億千興立無著塔六通極大聖
猶如恒邊沙佛滅度之後設持此經典
其人得功報過是難限量百千諸世界
說法不可計今我亦宣暢佛慧所分別
計是經典者一切經中尊其奉持此典
則侍諸佛身族姓子講說現在如來前
後世持是經賢聖乃堪任須臾持此經
則為奉敬佛一切諸導師是經難值遇
一切十方佛為現所咨嗟勇猛有威神
神通為以達名德遠流布諸佛所愛樂
用持此經故逮得寂定地導師滅度後
則為天世人顯示作眼目宣布此經故
於當來之世須臾說此典其一切衆生
稽首礼明者

諸本此中一有念品
名合為三十八品古

時能仁佛告諸衆會吾往無數難稱
限劫求法華經未曾懈倦時作國王
遵修大法六度無極布施金銀水精
琉璃琥珀珊瑚珠玉車渠馬瑙頭目
肌肉手足支體妻子男女爲馬車乘
不惜軀命時人壽長不可計會吾用
法故捐棄國位委正太子行求大典
擊鼓振鐸宣令華裔有能為吾演大
典者吾當為僕供給走使時有梵志

而報之曰我有大興正法華經若能
為僕吾當慧報佛告比丘吾聞其言
歡喜從命奉侍梵志給所當得水漿
飲食掃灑應對超走採果儲蓄資糧
未曾懈廢奉侍千歲使無僥渴佛時
頌曰

擊鼓振鐸	宣令遠近	欲求大興
正法華經	若見賜者	吾當為僕
超走役使	給所當得	甘心樂聞
不敢疲倦	所當供養	不惜身力
趣欲聞受	正法華經	願及十方
不適為已	其王精進	未曾休懈
衣食供命	不求甘奇	愍念衆生
諸未度者	尋時即獲	正法華經
佛告諸比丘時國王則吾身也梵志		
者調達是今吾具足六度無極大慈		
大悲成四等心三十二相八十種好		
紫磨金色十種力四無所畏四事不		
護十八不共威神尊重度脫十方皆由		
調達恩德之力調達却後无央數劫		
當得作佛号曰天王如來至真等正覺		
明行成為善逝世間解無上士道法		
御天人師為佛衆祐世界名天衢時		

天王佛廣說經法如江河沙衆生得
無著證無數不可計人志在緣覺如江
河沙无量慈民皆發無上正真道意
至不退轉其佛當壽二十中劫滅度
之後正法當住二十中劫不散身骨
合舍利起七寶塔高六十里周八
十里普天下人悉往供養香華伎樂
歌頌功德繞塔作禮不可計人得无
著證無央數人志緣覺衆不可思議
无量天人發無上正真道意志不退
轉若族姓子族姓女逮得聞是正法
華經心中燿然而無狐疑杜塞三趣
不墮地獄餓鬼畜生便當得生十方
佛前諮受正法若在大上世間豪
貴若在佛前自然化生七寶蓮華
於時下方多寶世尊所從菩薩号曰
智積自啓其佛當還本土時能仁佛
告智積曰吾有菩薩名溥首童真且
待斯須可與相見宜叙闊別諮講經
典乃還本土於是溥首坐七寶蓮華
有千葉大如車輪與諸菩薩俱坐蓮
華從龍王宮踊出大海溥首童真皆
退下華礼二佛已與智積菩薩對相

問說智積菩薩問溥首曰所詣海剎
化度幾何答曰其數無量不可稱限
非口所宣非心所計如今不久自當
有應所說未竟尋有蓮華從海踊出
在虛空中無數菩薩皆坐其上此皆
溥首在海之所化悉發大意其志無
上正真道者普在空中講大乘事本
發聲聞意者在於虛空說弟子行解
知大乘溥首前謂智積曰在海所化
其現若茲智積菩薩以頌問曰
至仁慧無量化海衆寶數唯為露聖旨
分別說其意

溥首答曰在於海中惟但敷演正法華
經智積又問其法甚深尊妙難及能
有尋時得佛者乎溥首答曰龍王有
女厥年八歲聰明智慧與衆超異發
大道意志願弘廣性行和雅而不奢
卒便可成佛智積又問我覩能仁是
仁大師本求佛道為菩薩時積功累
德精進不懈歷劫難計乃得佛道不
信此女便成正覺言語未竟女忽然
現稽首作禮繞佛三匝却住讚曰
功祚殊妙達現相三十二諸天所敬侍

神龍皆戴仰一切衆生類莫不宗奉者
今我欲成佛說法救群生

時舍利弗即謂女言汝雖發意有無
極慧佛不可得又如女身累劫精進
功積顯著尚不得佛所以者何以女
人身未階五位一日天帝二日梵天
三日天魔四日轉輪聖王五日大士
其女即以一如意珠價當是世時乎
供上佛佛輒受之女謂舍利弗及智
積曰吾以此珠供上世尊佛授疾不
答曰俱疾女曰今我取無上正真道
成寂正覺速疾於斯於斯變成男子
菩薩尋即成佛相三十二衆好具足
國土名号衆會皆見恠未曾有无央
數人天龍鬼神皆發無上正真道意
三千世界六反震動三万道迹得不
退轉皆當逮成無上正真道舍利弗
智積菩薩默然無言

正法華經勸說品第十二

今時有菩薩名曰藥王復有菩薩名
曰大辯與二万菩薩俱於世尊前面
自啓白惟願大聖自安宣教勿以為
慮如來至真滅度之後我等當共分

布此經講說亦人假使有人僥戾自用性不修調薄德無福心懷自大著供養利不脩善本離於解脫難可成就我等世尊與忍辱力在於彼世受此經典書持誦說供養奉事懷佩在身除於吾我斑宣斯經報安住思今時會中五百比丘學不學者前白佛言唯然世尊吾等堪任宣布此經又復大聖他方世界如來聲聞諸學不學佛悉授決當成無上正真之道一切叉手而礼世尊八千比丘復白佛言大聖自安勿以為慮滅度之後當廣解說傳此經道亦當宣布他方世界所以者何此忍世界人多憍慢本德薄少心常懷乱如火毒然迷惑三界不能自安今時大敬達比丘尼與六千比丘尼俱瞻戴尊顏不以為厭啓白佛言道德至尊巍巍無量超絕虛空無能及者佛即告曰汝輩瞿曇弥勿懷悵悵而為愁感悲顏觀佛恨言如米而不斑宣獨不見蒙授無上至真正覺之決一切衆會等共扣同余乃演布授衆人決當至無上正真

之道皆一等味味無有異從是已往
沒當遭值三萬八千億諸佛之衆供
養奉事當為菩薩常為法師此學不
學六千比丘尼為諸衆生菩薩法師
次第具足菩薩行已當成為佛号曰
一切衆生咸敬如來至真等正覺成
佛以後開化人民各各展轉共相授
決當成為佛度脫無數不可計人於
是羅去母比丘尼及持名聞各心念
言今佛世尊而不愍念獨見遺棄於
是大聖告名聞比丘尼今我斑宣告
語遠近當於十萬億佛修道常為法
師奉菩薩行所遵具足當得作佛号
具足百千光幢幡如來至真等正覺明
行成為善逝世間解無上士道法御
天人師為佛衆祐其世界名仁賢余
時其佛光明威神無數百千壽不可
限時大敬遠及羅去母比丘尼等得
未曾有驚喜悅豫即說是偈而嘆歎佛
世尊所開示為衆之導師開化於世界
并及於天人天人所奉事今者見慰撫
以為人導師充滿悅我意

比丘尼說此頌已白世尊曰唯然大

聖我等信樂是佛法訓堪任誦讀又
及餘人他方世界於時世尊願眄八
十億娑百千逮諸搃持開士講不退
轉法輪時諸菩薩見佛照臨尋叉手
啓白唯願大聖以斯經典付授我等
講說宣布得此經卷專惟佛德諸族
姓子欣仰世尊俯察已身前世所行
平等之願則於佛前而師子吼如來
滅度後若此經法在於十方我等書
寫受持諷誦思惟其誼分別布路顯
化餘人亦令如斯承佛聖旨我之朋
黨慶殊異土大聖加恩將接我等使
得成立今時諸菩薩大士同心等意
佛前而說頌曰

唯然世尊 默然安聖 佛滅度後
光闡影訓 然後末世 恐有患難
當普班宣 分別說之

若過捶罵詈 以石打擲者 大聖往來世
鄙當忍此愚 語言難可了 諛諂癡憍慢

然後處山巖 無獲謂有得 无便於智慧

當何以報答 獨行順心志 懷惡為無忍

在居貪惡聲 當為說經法 所講言次除

猶若此六通 殞暴秉毒心 處寂行斯想

入燕而獨住 不慕罵詈對 是我等無忍
猗著於利養 則是外道人 所說為已施
於經自精進 猶以供養利 於衆會中說
宣吾等名譽 若至國王宮 大臣及寮屬
并梵志長者 若餘比丘 所謗毀說我惡
所行如邪道 吾當悉忍 此當奉侍大聖
今時離憂感 若使能忍辱 以斯佛所說
悉當呵教之 劫乱比丘 諍訟暴大恐懼
悉罵詈我等 諸比丘如鬼 在世行恭敬
皆令忍苦患 以順柔軟性 故當說此經
吾等不貪身 亦不惜壽命 當堪奉持此
志願於佛道 世尊具知之 如死惡比丘
然後來末世 當分別開解 顏色常不悅
數數犯不當 遊行不以時 衣服多不政
假使今世雄 滅度後末世 在衆會勇猛
分別說是經 若行求入城 儻有所慕索
所在當施與 佛知不令墮 用愛樂世原
興修仁善心 少欲行節限 遠善寂滅度
一切世光曜 十方悉來會 我當言至誠
悉見心不虛

正法華經卷第六

壬寅歲高麗國大藏都監奉

勅彫造

西晉月氏國三藏竺法護譯

安行品第十三

於是薄首大士白佛唯大聖此諸菩薩恭敬世尊所當勸悅難及難及時應當為一切衆說斯經典佛語薄首曰菩薩先處二法乃應講經一曰威儀二曰禮節何謂菩薩解知威儀假使持心忍辱調柔將護其意畏不自立其志如地不見有人不見有人而行法者觀自然相諸法本無此諸法者衆行之式亦无想念是謂威儀何謂禮節設令菩薩不與王者太子大臣吏民從事不與外道異學交啓不尚世典讚叙音韶合偶習俗不貪下學不與屠鯨魚鴛弋射雞鶩羅網賊害從事不與歌樂遊戲衆會同處不與聲聞比丘比丘尼清信士清信女從事亦不親近行禮問訊不共止頻不與同志經行燒香散華然燈除其往至講經會時唯與講會而共從事縱有所說亦無所著是為禮節

又語溥首菩薩大士不嫁家居宗室
親屬不慙慙思見內人女弱獨說經
法亦不頻數詣群從幼童男女及餘
異人而說軟語所不當講不為定意
自賴說經不與住立亦不同願亦不
與一比丘尼獨入房室除念如來精進
為行縱為女人有說經緣不於是中
汙染法味不令受取而廣誼理不與
沙弥比丘童子童女共在一處常
好燕坐綢繆好習辟屏閑居是為禮
節又語溥首菩薩大士觀一切法皆
為空無如所住立已墮顛倒所立正
諦常住如法專秉身心不動不搖不
退不轉蠲捨滅盡不生不有無有自
然無為無數無所可有逮无所有除
諸言辭不佞無為无想不想得伏諸
想假使菩薩乙密觀察斯一切法款
款修此所當行者常住威儀禮節二
事世尊重解現此誼而歎頌曰

若菩薩好樂說此經典者於後當來世
勇猛无怯劣順威儀禮節善明清白行
國王及太子大臣寮屬吏外道若異學
屠獍惡害品抑制交啓習不與通往近

比丘放羅漢除立於法律不與自大俱
復遠犯禁者比丘比丘尼調譏譏話談
捨離清信女不與無益言現在欲獲法
常當止息非好住滅度地是謂為威儀
假使不肯往諮問於道法為斯持法說
不怯無所著衆生有癩病若親屬宗室
母人諸細色悉當捨離去不與是等俱
而積殖德本當棄販賣業諸慢不恭敬
棄捐諸住立不為已身害若干種重疊
不習食噉肉蠲捨諸非法喜瞋恚恨者
所行乃如是亦不與談語不與強顏俱
及餘自用性作行如是者皆當屏除之
明者設有緣為女人說經而不獨遊行
不住於調戲設入出聚落數數行求食
將一比丘伴常志念於佛佛故先示現
此威儀禮節其奉持斯典則當勤行之
上中下劣人若不行法者無无常供養
一切皆至誠丈夫無想念堅固行勇猛
不知一切法亦不見滅盡一切諸菩薩
是謂為威儀如常行禮節且當聽察之
斯當講說無為之法一切不興
亦无所生建志常立觀採空誼
此為明者所行禮節有所念者

患顛倒想

正法華經卷第七 第四頌

以無為有

用虛作實

風

雖有所起

諸法无生

因想踐踏

而生諸有

心常專一

善修三昧

建立於行

若須弥頂

所住如此

普觀諸法

是一切法

猶如虛空

譬若虛無

等无堅固

不念取勝

無所棄捐

諸法所處

无有常名

是為明者

所行礼節

我滅度後

若有比丘

敢能守護

如是法則

無所怯軟

心不起想

為无數人

說此經典

其明詒者

所念以時

若入屋室

所行若茲

觀察諸法

一切普淨

宴然說誼

而不動搖

國主帝王

及與太子

欲聽聞法

皆供養之

并餘長者

及諸梵志

立諸眷屬

皆無所欲

又語溥首如來滅度之後欲說此經

住于安隱已立安隱不懷諛諂無眩

惑心乃說經法藏厭身懷或載竹帛

為他人說亦不多辭亦無所生亦不

輕慢諸餘比丘為法師者亦不歌歎

亦不毀訾異心比丘為聲聞者未曾

舉名說其瑕穢亦不誹謗亦不仇怨

意相待之未曾毀此居家行者無所
志願不建彼行亦無所想行來安住
而立誼要往來周旋若詣法會自護
已身行无有失而說經法若有請問
心無所猗離聲聞乘有所發遣覺了
佛慧佛時頌曰

智者常安	住於佛道	先隱定坐
乃說經	若當敷座	務令柔軟
若干種具	所置綺爍	體常觀者
淨潔被服	於七七日	而習經行
猶如黑雲	在於虛空	合集積累
引雅功德	所處之座	具足篋藏
牀足堅固	平坦顯赫	無數坐具
毼蓐統縱	儼然正首	尊其視瞻
安詳升據	高廣法座	而普等心
為一切人	國主帝王	太子大臣
及諸比丘	比丘尼衆	清信高士
及清信女	應所樂聞	為講无量
明智無限	次第剖判	為演種種
微妙之誼	追逐侍後	請求問誼
斯叡詰者	復為解說	而入神足
柔順之忍	其有聽聞	悉得佛道
斯智慧士	皆為一切	進却棄除

懈怠疲厭

常以慈心

為衆說法

未曾起于

勞廢之想

晝夜歌誦

詠尊法訓

分別演說

億千姦喻

普能勸悅

諸會者心

無敢生念

欲危害者

若得供養

飲食之具

牀卧所安

衣服被枕

病瘦醫藥

而無僥冀

不從衆人

有所請求

除其瞻勞

住廟精舍

欲令衆庶

悉解佛道

若一切人

來聽經法

我乃嘉豫

如獲大安

佛滅度後

若有比丘

宣揚經法

无所怖望

無所妨廢

不遭苦患

常察精進

離於疾病

無能為彼

造恐怖事

不被杖痛

無誹謗想

身无疲厭

不有所患

其人任忍

得力如是

其明智者

所處安隱

有所存立

如佛言詔

若已咨咤

億百功德

一切稱譽

不能究竟

又語溥首如來滅度後若有菩薩於

是經卷懷疑不了若說教化聞不堅

固性不調和見餘菩薩求大乘者為

造虛妄而誹謗之見聲聞緣覺比丘

比丘尼清信士清信女若值菩薩心

為躊躇不即往見其族姓子則遠無
上正真之道而不得近佛天中天所
在行處假使究竟不蒙福力不成取
正覺菩薩行三乘猶如師子在於林
樹若有猶豫自然遠離不樂所樂亦
不不樂若於衆生修行慈力至於如
來興大父想見諸菩薩念如世尊及
諸處家未離塵穢寬弘等敬禮節恭
肅淨諸法誼无疑無結嚴一切法謹
慎安諦欽順平等不著經法極有所
樂亦無所至所在晝夜敬護斯典溥
首是為三法之行菩薩觀時然後乃
說造安隱行不被煩惱亦不燒害說
是經法者與同學者等心道友若講
若聞信樂斯典誦持書寫載之竹帛
供養奉事德不可量說以安住則乃
頌曰

若有嫉妬 懷難億數 其法師慈
當遠憎惡 有明智者 不造貪著
若欲讀斯 正典摸者 未曾誹謗
說人之惡 亦不墮非 諸疑邪見
心常燿然 無有沉吟 以愍傷故
得了此定 安住之子 亦能忍辱

其人常屏 貢高自大 數數講誦
佛之典誥 未曾以此 持作懈倦
其有菩薩 在十方者 愍傷衆生
於世興行 順造恭敬 學聖慧者
皆當念之 是我世尊 思念諸仰
兩足之上 視諸菩薩 如想父母
設有求道 无有情欲 棄捐吾我
自大之想 假使聽省 如是像法
其明士等 當自慎護 所行安隱
常得調定 將御佛道 救億衆生
又語溥首如來滅度後若菩薩大士
奉行斯典常以時節其是比丘當行
慈愍向諸白衣出家寂志一切群生
行菩薩道者常念過去世行大乘者
善權方便演真諦誼若聽聞者不知
不了不悅不信不省不綜反自歎說
我當逮得無上正真道成最正覺威
神足力而欲得飛溥首當知吾見斯
等佛滅度後菩薩有四事說法而不
諍怒何等為四為諸比丘比丘尼清
信士清信女所見奉敬帝王太子大
臣群寮郡國人民所見供養長者梵
志皆共承順虛空神明無數天子聽所

說經天龍鬼神侍衛其後皆營護之
是為四若入縣邑還歸室宇晝夜悉
來諮問經法若為解說分別所歸莫
不歡喜所以者何薄首欲知皆佛所
建立加此經恩去來今佛盡從斯生
亦護是典若於忍界聞正法華品服
名聽聲者甚難值遇薄首譬有大力
轉輪聖王威德弘茂順化所領諸餘
敵國未率伏者不敢闕闕若轉輪王
興舉軍兵當有所討不賓之臣欲距
大邦雄猛將士奮武剋捷莫不稽顙
王用歡悅斷功定賞封城食邑賜之
土田七寶珍奇為馬車乘男女奴婢
元首効績勲殊特者王解髻中明珠
賜之所以者何臣當國強華裔乃康
如來正覺亦復如是為大法王無極
道諦自伏其心以法教化以德消害
以慧戰鬪降諸法王無數之衆无量
經典百千要誼咸施群生無所秘蔽
詔平等城其見身魔能與魔戰以賢
聖法攻姪怒癡降魔官屬盡三界患
至於滅度所作剋捷則大勇猛於後
無壞亦元有實因由諸虛致斯世間

如處色像一切因緣普諸世界古今
以來無有信此正法華經未曾暢說
所以說者由諸通慧大慈所致如大
聖帝髻中明珠以為世尊第一法要
緣是趣行如來使聞深妙之典往古
來今諸行班宣斯經為眾消除一切
緣起之患猶如聖帝珍重愛護髻中
明珠久乃解出以賜元功如來如是
夙夜寶護眾妙無瑕從是來久立諸
法頂今日加哀乃演散耳世尊欲重
顯現要誼而歎頌曰

今如來現 慈心之力 常愍眾生
群萌之界 安住咨嘆 最尊經卷
故分別說 如斯典誥 最後世時
志菩薩法 若使出學 及居家者
若聞此經 慈心戰慄 一切普現
不得誹謗 吾本初始 得佛道時
如今如來 現在之時 設能建聞
於是尊經 則便建立 億權方便
猶如勢强 轉輪聖帝 戰鬪降伏
外異國王 得賜為馬 車乘匿藏
又加封邑 城郭郡土 或有得賜
手足寶釧 微妙之色 紫磨金珍

真珠夜光

車渠碧玉

種種殊別

奇財妙異

若干諸物

各用賜之

使一切衆

踊躍驚喜

覩所立功

惟未曾有

最後解驂

明月寶施

佛亦如是

今為法王

忍辱之力

無極慧音

常行慈愍

興發哀護

以法等化

一切世間

觀諸衆庶

憂惱之患

講說經法

億千之數

曉知衆生

所應方便

今日衆生

以為盡原

於時法王

無極大聖

分別經卷

億百千娑

以知衆庶

志力猛慧

便說此經

如慧明珠

最後世時

正典所處

一切諸法

皆無及者

欽仰是經

未曾輕講

識練幽微

慧明者聞

吾以演現

如是像法

佛滅度後

當恃怙之

其有志求

斯尊道者

普當受決

如佛所言

彼人未曾

有疵瑕欲

無有疾病

衆患之難

則於末後

將來之世

便即速成

無上真慧

殊勝耆特

普當具足

諸四部衆

亦復順遇

若有聞者

除身諸漏

惟其无為

悉又手歸

已身景曜

所照光光	其奉行是	所獲若此
得成正覺	而轉法輪	則觀引摸
及見最勝	夢中聞見	百福德相
紫磨金色	佛所說經	設得聞已
為衆會說	及諸親族	皆悉具足
又復所護	一切除棄	若使卧寤
所見如是	悉捨遠離	而行出家
皆得往至	於佛道場	便即處於
師子之座	是為求道	所獲利誼
所謂七寶	悉歸於斯	備此則奉
最勝如來	已得佛道	存立惠施
即轉法輪	無有諸漏	為諸四輩
而說經法	不可思議	億千劫數
分別講說	無漏之法	教化無數
億娑衆生	夢中所見	如斯色像
滅度因緣	悉無生死	溥首當知
常志道者	多所教化	不可限量
最後末世	求斯尊法	分別廣說
安住所演		

正法華經菩薩從地踊出品第十四

於是他方世界八江河沙等菩薩大
士各異形服來詣佛所稽首于地長
跪叉手白世尊曰鄙之徒類來造忍

界欲聞斯典受持諷寫精進供養奉
行如法惟願大聖垂心於我如來滅
度後以正法華經加哀見付世尊告
曰止族姓子仁等無乃建發是計今
此忍界自有八江河沙等大士一一
大士各有眷屬如六十億江河沙等
菩薩大士後末世時皆當受持分布
莊宣時此佛界同普無數億百千娑
諸菩薩衆自然雲集顏貌殊妙紫磨
金色三十二相嚴莊其身在於地下
攝護土界人民道行倚斯忍界聞佛
顯揚法華音聲從地踊出一一菩薩
與六十億江河沙等諸菩薩俱營從
相隨一心一行無有差別或半江河
沙百千菩薩來者或四十分江河沙
或五十分江河沙或百分江河沙或
五百分江河沙或千分江河沙或百
千分或億百千分江河沙等菩薩各
各朋黨相隨來或復無央數億百千
菩薩眷屬而來至者或有二百人同
行修菩薩道或有百千各有眷屬或
有千眷屬或五百眷屬或四百眷屬
或三百眷屬或二百眷屬或百眷屬

或五十眷屬或四十眷屬或三十眷屬或二十眷屬或十眷屬或五眷屬或四眷屬或三眷屬或二眷屬或一眷屬或獨而至不可稱限其數難喻從地踊出或從上下或四方來至忍世界悉住空中見于滅度多寶世尊能仁大聖各處七寶樹下坐師子牀尋稽首礼二如來至真等正覺右繞三匝却住一面或有菩薩以若干品奇妙之誼咨嗟二尊讚詠諸佛從始已來假使具足五十中却不能究暢能仁世尊為勤苦行與佛別來亦復如是四部衆會等无老特亦復默然今時世尊即如色像現其神足令四部衆悉得普見又使念知此忍世界諸菩薩衆於虛空中各各攝護百千佛土諸菩薩衆皆滿具足百千佛土又此大衆有四菩薩以為元首其名曰種種行菩薩無量行菩薩清淨行菩薩建立行菩薩是為四於無限无量塵數雲集大會菩薩之上寂也於是四菩薩大士各與大衆不可思議部部位立於世尊前叉手白曰大聖

體尊起居康強蠲除衆疾所行安耶
群生各各善順律行處于清涼無衆
患乎此類將無興墜嶮谷時四菩薩
大士以偈讚曰

世雄闡光曜 所行康強耶 救脫現在者
衆行無患難 衆生善因室 決受諦清淨
得無起疲厭 寧受世吼命

今時世尊告衆大會諸菩薩曰諸族
姓子佛所行安無疾無患衆庶各各
悉受律行善學道教不敢興厭欲至
嚴淨所以者何斯之品類乃於往古
諸平等覺各各作行是諸聲聞信樂
吾教入于佛慧又各各異三乘學者
住聲聞乘我悉立志入佛大慧時諸
菩薩而歎頌曰

善哉快世尊 我等悉勸助 乃令衆生一
善化微妙律 欲得聞大聖 教命詢深要
聽之歡喜信 乃入法供養

於是世尊讚大會菩薩曰善哉善哉
諸族姓子誠如所云如來所詔各隨
權宜不違本旨時弥勒大士及餘八
億恒沙菩薩俱舉聲而歎頌曰從古
以來未曾見聞乃有今所菩薩之衆

從地踊出住世尊前供奉歸命是等
儔類從何來乎弥勒即知八億恒沙
菩薩心之所念尋時叉手以頌問曰
無央數百千於竿巨億載不可稱限量
未曾見菩薩來詣兩足尊曷因是何等
大通所從來其像巨億長一切志強勇
猛雄為大聖端正可欽敬今為所從來
世尊一一見慧雅諸菩薩眷屬無央數
猶如江河沙其數超江河具足度佛法
諸菩薩眷屬皆建正覺道如是群英倫
集會札大聖具足滿六十百千江河沙
其數過於彼眷屬無思想五百江河沙
或四或三百或二百江河諸營從如是
其限復殊此或五或復十一一諸眷屬
世尊大聖子斯衆緣何來至于導師所
或四三或二或一江河沙恒沙數各來
伴侶志善學甚多不可限除住空中者
於億百十劫不可卒合聚半江或三分
或十或二十具足衆立行明捨衆菩薩
俱住於空中其限不可量現別無彼此
億劫行清淨又無量異部眷屬不可議
億億復超億或有半億者或十或二十
五四三或二諸雄從眷屬无能壽量者

身各自修行寂寞樂等遵恬怕如虛空
別來者無限猶如江河劫莫能有計者
在精舍寂室各從其方來一切天神聖
皆用尊故至諸菩薩雄猛何從忽見此
誰為彼說經誰立於佛道為顯何佛教
建立何佛行細微各可敬昔從四方來
因明目神足大慧忽然現於羸曠世界
能仁令充脩仁賢諸菩薩倫黨自然至
從生出已來未見如斯變願說其國土
大聖哀盡名十方所從來各懷十八法
吾未曾得見如斯等菩薩我為寂勝子
未曾見聞此今斯若干衆能仁願說行
菩薩無數千百妖難可限諸億千无量
本為何所處諸菩薩勇猛志性不可量
如是之等類大雄願說之
尔時他方世界無央數億百千妖諸
如來至真等正覺普從十方詣能仁
如來勸說法者各各坐于七寶樹下
師子之牀是諸如來侍者各各見諸
菩薩無量大會部部變化從地踊出
各各住立自問其佛此諸菩薩大士
之等從何所來不可計量無有邊際
時彼諸佛各各告其侍者曰諸族姓

子目待須臾有菩薩名弥勒不能仁
如来所授决當逮無上正真道成寂
正覺自問能仁如余所恠佛為一二
分別誼歸志靜一心而俱聽之今時
佛告弥勒大士善哉阿逸仁者所問
極大微妙優奧難量且聽且聽今吾
說之一切菩薩及諸會者普當堅固
強猛力勢於無上意當知如来慧見
無底諸大聖立境界无量禪定智慧
所樂自恣莫能宣暢而剖判說方便
興化不可限量時佛頌曰

諸族姓子 皆聽佛道 今吾所說
慧柔和悅 若明達者 以為美香
如来之慧 不可思議 皆當強意
普存堅固 各建立志 一心平等
大聖難值 愍哀世間 今當聽受
未曾有法 佛當建立 仁者諸黨
一切无得 生狐疑心 導師所詔
令無有異 其慧平等 安隱無特
安住所療 法甚深奧 非心所思
不可限量 今當講說 無極因緣
普共聽之 義何所趣
世尊歎已告弥勒曰班宣一切阿逸

欲知此諸菩薩大士衆會无量不可
思議各各從地而踊出者昔所不見
皆集忍界吾始逮無上正真道成取
正覺時勸悅斯等立不退轉使成大
道教授化立族姓開士大士之衆處
于下方而於其中有所救護讚經諷
誦思惟禪定專察其歸欣然悅豫樂
無為行諸族姓子志于恬惓不存遠
近天上人間常應專修轉於法輪無
為無會好深神通法樂為樂志願精
進求于佛慧於時世尊而歎頌曰
今此無數諸菩薩衆不可思議
無能限量造行億數不可限劫
殖積神足博聞智慧吾悉勸誘
於大聖道今佛一切皆授其決
斯諸菩薩悉佛衆子皆為住止
於吾國土悉捨棄離諸所習地
一切皆處閑居得度斯諸佛子
所行無為精修學習奉道上道
斯聰詰者在于下方今日故來
攝護國土晝夜精進無有逸慢
積累德行分別佛道常行勤修
立於慧力一切意堅而無限量

志常勇猛 思惟法典 普志是吾

達清淨子 吾初逮成 為佛道時

在於城巾 若樹無著 則便講演

無上法輪 勸立其志 於尊佛道

今佛所說 至誠无漏 聞佛歎詠

皆當信之 開化發起 此諸群英

從久曩來 立尊正道

尔時弥勒大士聞佛說彼菩薩之衆

億百千姦數難計會心用愕如恠未

曾有白世尊曰云何大聖處迦維羅

衛釋氏王宮為太子時委國重位衆

女之娛出適道場坐于樹下得無上

正真道成寂正覺從來近近甫四十

年而所教化所度无量乃復爰發諸

佛境界多所勸益所建摧慧而不可

議今是菩薩大會之衆悉皆如來之

所開導部黨部黨衆多無量久修梵

行殖衆德本供養無數百千諸佛假

使欲計成就已來劫數無限弥勒又

啓欲引微喻譬如士夫年二十五首

髮美黑姿體鮮澤被服璫麗端嚴殊

妙常懷恐懼見百歲子其父謂言族

姓子來尔則我子其百歲子謂二十

五歲人是我之父父則察知口自說

言是我之子如是世尊世俗之人所不信者而令得信佛亦如是成佛未久今有若干億百千數久修梵行長夜遵倚在於道慧勸進現在無量之衆曉了坐定起立方便成大神通聰明智慧住于佛地習佛慧誼於世希有建大聖力世尊往古亦復教化于斯品類誘導建立於菩薩地當成無上正真之道致諸正覺悉行方便所作已辦今我以受信誓誠諦探暢既往斷析此誼其唯如來新學菩薩心懷猶豫所不及知如來滅後聞是經典終不信也以有猶豫不遵此法亦不勸樂當獲罪墮善哉世尊現說此誼其有狐疑於斯典者當來末世諸學大乘設使聞者令不沉吟於是弥勒大士於世尊前歎斯頌曰

辟如有人 現生老子 能仁至聖

棄國捐王 生於城中 而得佛道

導師近舍 布屬勤少 今此諸樂

不退轉子 無數億劫 行救大衆

神足之力 住不可動 學智慧福

靡所不入	今來至斯	在所開通
如水蓮華	悉無所著	威神尊重
志超於世	住立恭肅	一切叉手
諸菩薩衆	如是色像	為如之何
誰當信此	惟願大聖	加哀亦現
剖判分別	如審諦誼	譬如有人
而為士夫	年既幼少	矮美且黑
其人年歲	二十有五	而能產生
百歲之男	養育澡洗	隨時衣食
是我等父	而為軍勝	一切世間
无有信者	幼稚年少	而生斯子
如是世尊	我等無失	無數菩薩
如來集會	心强智慧	又無所畏
無數億劫	所學審諦	志懷明括
其目通達	威神巍巍	顯現端正
而勇意猛	曉了法律	為雄導師
所見咨嘆	而竄山巖	靜行無為
如虛空界	悉無所著	禪定精進
為安住子	而心志求	於此佛道
而何所人	當信此言	若於導師
滅度之後	吾等於此	而無狐疑
佛前目覩	則聞菩薩	於是之處
初學因然	將無菩薩	歸於惡道

云何勸發 化斯等倫 惟願世尊
觀縷解決

正法華經如來現壽品第十五

尔時世尊普告菩薩大衆三舉聲詔
諸族姓子悉當信佛誠諦至教勿得
猶豫時會菩薩弥勒大士具餘之衆
咸皆叉手白世尊曰惟願大聖分別
說之我等悉信如來所詔諸菩薩白
佛而亦至三於是世尊見諸菩薩三
稱勸助欲令佛說佛告諸菩薩曰諦
聽諦聽善思念之僉曰受教佛言族
姓子如來建立如是色像無極之力
諸天龍神阿須倫世間人各自知之
各自念言能仁世尊從釋氏土棄國
捐王行至江邊就于道場坐於樹下
逮得無上正真道成取正覺又吾在
昔從無數億百千那術娑劫以來已
成至真等正覺矣譬有無數五百千
億佛世界所有土地滿其中塵若有
士夫舉取一塵過于東方不可計會
億百千娑諸佛國土乃著一塵如是
次取越尔所國土復著一塵如斯比
類取無數五百千億佛界所有土地

一切之塵一一取布著諸佛國悉令
塵盡於諸族姓子意中云何有能計
數此諸佛國思惟籌筭寧知者乎彌
勒大會諸菩薩衆悉白佛言無能計
者天中天所以者何諸佛世界其多
無量不可思議非心所及假使一切
聲聞緣覺處賢聖慧不能思惟知其
數者唯有世尊大聖之慧乃能知耳
餘無能及正使我等不退轉地諸菩
薩尚不能知此諸佛世界不可限量
難得邊際於時世尊告大衆曰今吾
宣布詔諸族姓子如彼士夫取無數
五百千億佛界中塵舉一塵過于東
方不可計會億百千族諸佛國土乃
著一塵如是次取越尔所國土復著
一塵如斯比類取無央數五百千億
佛界所有土地一切之塵一一取布
著諸佛國悉令塵盡吾逮無上正真
道成取正覺已來其劫之限過於尔
所塵數之劫諸族姓子等見吾於此
忍界講法復在他方億百千族諸佛
世界而亦現皆悉稱吾為如來至真
等正覺錠光如來以諸伴黨若干之

數而現滅度諸族姓子吾以善權方便演說經典現無央數種種瑞應又如來悉知一切群萌往來進止諸原根本悉觀其心而隨亦現各為名号亦不滅度而說泥洹順諸衆生瑕穢善惡則為解演若干種法諸族姓子見無數品心性各異所行不同德本淺薄多所壞破而不信樂故為說言告諸比丘這度終始方今出家成平等覺從來未久甫乃逮得無上正真道成取正覺又如來成佛已來甚久故佛說言得佛未久所以者何欲化衆生故諸可說經皆已度脫所可講詔自現其身為一切故建亦所行皆為天人喜造罪福以故如來諸所講演皆實至誠非是虛妄如來皆見一切三界隨其化現亦無所行亦復不生亦不周旋亦不滅度不實不有亦不本無不知不尔亦无虛實亦不三界如來所行不見三處如來普觀一切諸法在於某處不失諸法一切所說至誠不虛衆生苦惱不可稱限行若干種志性各異思想諸念各各老

別欲令衆生殖衆德本故為分別說
若干法又如來所當作者皆悉作之
現這得佛成平等覺已來大久壽命
無量常住不滅度又如來不必初始
所說前過去世時行菩薩法以為成
就壽命限也又如來得佛已來復
倍前喻億百千劫然後乃於泥洹而
般泥曰所以者何為衆生故而教化
之故而示現行來久遠為無德類離
於福祚為貧窶行著於愛欲纏諸見
細而自覆蓋驅馳不定如來故為現
發恍恍疾獲之想不起懈怠難得之
慮如來善權告諸比丘勤苦作行乃
得佛道誠諦不虛以諸衆生從无央
數億百千劫乃見如來以其忿忿所
作不當故慍汲慍汲無寧息故言法
難值如來難遇聞見是已慍之難及
興難遭想悲喜孜孜知佛希有便多
發意樂在閑居而行精進這不見佛
而懷渴仰見如來已歡喜稽首造衆
德本其不滅度者教令滅度開化黎
庶緣是如來出現說經而宣斯言誠
諦不虛

譬如士夫而為醫術聰明智慧工巧
難及曉練方藥知病輕重藥所應療
多有兒子若十至百其醫遠行諸子
皆在不解誼理不別醫藥不識毒
草被病困薦皆服毒藥毒藥發作悶
惱反覆父從遠來子在城中腦發邪
想父見諸子被病起想這見父來悉
皆喜悅白言父來安隱甚善我等自
為食任信他言而服毒藥惟願大人救
濟我命時父見子遭苦惱患婉轉在
地尋勅從人持大藥來藥色甚好味
美且香和合衆藥與諸兒子而告之
曰速服上藥甘香芬馥假使諸子時
服此藥其毒消滅病得瘳除身體安
隱氣力康強諸子不隨顛倒懽快想
者見藥嗅香嘗知其味尋便服之病
即得愈毒藥消滅子性快者不肯服
之毒藥除者皆白父母與我等藥病
悉瘳愈而蒙安隱其邪想者不肯
服也得見藥色不喜香味父醫念言
今我此子愚冥不解志性顛倒不肯
服藥病不除愈或恐死亡寧可以權
飲諸子藥則設方便欲令速服便告

諸子今我年老羸穢無力如是當死
汝輩乎起若吾命盡可以此藥多所
療治服藥節度汝等當學假使厭病
欲得安隱宜服斯藥教諸子已捨詣他
國猶如終沒諸子聞父潛逝發哀啼
哭悲哀不能自勝我等之父智慧聰
明愾不服藥今者薨殯兄弟孤露思
慕慙慙乃自剋責存不順教甫便遵
崇父之餘業諦觀衆藥形色香味自
當攻療不可輕戲尋便服藥深自消
息病即除愈時父見子服藥病愈便
復還現佛語諸族姓子如是醫者善
權方便令子病愈寧可誹謗彼醫所
處為不審乎諸菩薩白佛言不也世
尊不也安住佛言吾從無數不可計
限億百千劫發無上正真道意慙苦
無量每行權便示現教化發起群生
其父醫者謂如來也諸兒子者謂五
道生死人也父他行而不在者謂如
來未出於世諸子入城服毒藥婉轉
者謂在三界三毒所縛婉轉五道不
能自濟父聞來還謂佛如來行大悲
哀見三界人或流五趣不能自出故

現世間廣說經法開化黎庶服藥病
愈謂發無上正真道意立不退轉無
所從生或得聲聞緣覺乘不至究竟
視藥形色香味不肯服者謂六十二
見諸墮邪者見父年老留藥教子捨
之去者謂諸黎庶疑受道教故現滅
度留諸經法以教後世四輩弟子諷
誦學問思佛功德發大道意或得羅
漢或得緣覺佛見如是復還出世一
切衆生皆是吾子諸族姓子如來行
權非徒虛妄於是世尊欲重解誼顯
揚其事而歎頌曰

不可思議 億百千劫 欲得限量
莫能知數 得佛已來 至尊大道
常講說經 未曾休懈 勸助發起
無數菩薩 皆建立之 於佛道慧
無數億劫 開道衆生 億千族數
不可思議 而為亦現 立于滅度
以教化誼 導利衆生 用權方便
而現滅度 故為衆人 演斯法典
吾已自立 一切黎庶 分別群萌
於彼之誼 其心顛倒 而不覺了
欲立是等 佛宣暢說 設見於佛

滅度之後	以若干物	而用供養
又覩吾沒	愁悵憂感	若復見佛
歡喜踊躍	假使質直	說至誠言
衆生之類	朽棄身體	然後如來
合集衆音	能自示現	顯大佛道
而於後世	分別此語	吾在于斯
不為滅度	比丘欲知	佛權方便
數數堪忍	現壽於世	及與異人
眷屬圍繞	因而宣揚	於尊佛道
諸賢得聞	佛出世間	又復導師
餘國滅度	觀察衆生	愁憂懊惱
倉卒不見	其身相好	望想飢虛
欲得見佛	然後乃為	分別經典
不可思議	億百千劫	吾常建立
如此像誼	佛來至於	靈鷲之山
自然牀座	無量娑數	設使衆生
見是世界	水火災變	劫燒天地
當斯之時	吾此佛土	具足微妙
柔軟安雅	歌舞戲笑	無量安隱
講堂精舍	樓閣室宅	校飭莊嚴
皆以七寶	藥草樹木	華實茂好
自然雨華	心華衆色	以散於佛
及弟子上	諸人皆坐	諸室雷震

或復好樂發道意者 吾之國土
建立常然 餘人有見 劫如燒盡
覩其世界 火甚可畏 本以權便
示現斯變 如來咨嗟 無央數億
佛之法尊 其為若茲 衆生品類
不肯聽聞 然而慧造 殃墮之罪
假使人民 柔軟中和 其時佛興
出于人間 已見世尊 經法所詔
則為顯揚 清淨誼理 佛來為人
分別誠誨 說斯所造 往返之事
假使如來 久久而現 然後乃為
講是經典 吾智慧力 聖達光明
如是所見 不為薄少 前世所行
無量劫數 慈心之品 平坦無求
智慧明者 無得狐疑 棄捐猶豫
勿懷結滯 所當列露 未曾班宣
佛今散告 無復餘誼 如醫所建
善權方便 開闡分別 示子方術
現衰老死 其身續存 神變音聲
不終不始 受諸等友 而自由用
世吼療治 衆生之病 開導癡騃
令離愚冥 而現泥洹 亦不減度
何故慙懃 欲得現已 人常闇弊

使意信樂 以放逸故 墜墮三處
其心踊躍 欲令覺了 如來所詔
常以知時 為其衆生 而行智慧
以何方便 而受道法 何因令獲
從佛經教

世尊說是如來壽限時則無央數不
可思議衆生皆獲利誼解脫至道
正法華經卷第七

三寶歲高麗國大藏都監奉
勅彫造

二法華經卷第八

八

御福事品第十六

西曆月民國三十五年三月

尔時世尊告弥勒大士阿逸欲知今
佛說此如來壽限經典之時六十八
億那術百千江河沙等諸菩薩逮不
起法忍二千江河沙菩薩大士皆得
搃持如一佛世界塵數菩薩大士逮
得無尋辯才搃持復有如千佛世界
塵數億百千娑菩薩得不退轉搃持
復有如千佛世界塵數菩薩大士聞
是經典轉不退轉法輪復有如中千
佛世界塵數菩薩逮得無垢大聖分
別而轉法輪復有如佛小千世界塵數
菩薩聞斯經典逮得八生住當成無上
正真道復有如四天下塵數菩薩大
士聞斯法已得一生補處當成正覺
復有如八佛世界塵數梨麻聞是
經典志發無上正真之道佛這說
斯諸菩薩大士尋則建立應時虛
空雨諸天華意華及大意華紛紛如
雪以散無數百千世界億百千娑諸

佛世尊故來垂恩坐師子牀七寶樹
下及能仁大聖上其无央數不可稱
限諸滅度佛并多寶佛身地即大動
及雨一切諸菩薩上又雨四種栴檀
雜香蜜香一切諸香從虛空墮虛空
之中發大雷音深柔軟音自然妙響
千万瓔珞若干琦珍明月珠寶如意
之珠諸珠瓔珞皆於空中垂下如幡
無數香爐在於空中自然香出復有
無數百千寶蓋自然來至二寶蓋各
各普覆一一佛上上至梵天諸菩薩衆
在於空中執蓋而侍億百千妓諸如來
左右於是弥勒而讚頌曰

安住令聞 未曾有法 本來未嘗
見此明光 廣大極遠 不可限量
如向所覩 無能思議 今日我已
所聞經典 面觀安住 現分別說
建立衆生 億百千數 大聖導師
於世殊特 不退轉輪 住於佛道
或有得立 執攬微密 或有得處
無限之誼 億百千數 總持之要
欲有限量 及思惟者 有所建立
并越度生 或有二住 及八住者

當得佛道

所度無量

或有學者

超越千四

或有至三

或於二位

緣從導師

聞是經典

當得佛道

顯第一誼

或有建立

一生補處

成諸通慧

遊於諸有

聽省於斯

大聖所說

有成果證

無有諸漏

猶如八佛

國土諸塵

其欲數者

限量如此

若有梨麻

億數聽經

聞是皆發

殊勝道意

無極大仙

造德若斯

分別演說

立真諦地

無量諸身

不得稱限

譬如虛空

無有邊際

諸天所雨

無數億華

不可計量

天子億千

帝釋梵天

如江河沙

其來至此

無數億千

雜香妙香

供養安住

壺香上香

而已散佛

尊已作行

猶如飛鳥

普來供散

安住如來

上虛空中

自然雷震

柔軟音聲

暢深妙法

億百千天

俱共歌頌

明月珠寶

自然下降

自然諸香

而為芬薰

七寶寶瓶

億百千妓

羅列虛空

如鴈飛行

供養大聖

威神之尊

諸蓋億妓

不可限量

廣大周帀

七寶嚴飾 聰明智慧 諸菩薩執

身形高長 上至梵天 微妙殊好

威光巍巍 幢幡綺麗 供養上佛

咨嗟衆聖 億千讚誦 心懷踊躍

敬安住名 所在向方 尊未曾有

見若干種 諸異導師 而普亦現

壽命之限 今此衆生 悉觀喜悅

其誼廣普 至于十方 導師音聲

靡不達至 飽滿衆生 億百千數

曉了道意 具足莊嚴

尔時世尊告弥勒曰其聞如來所現

壽命所說經法發意須生快心焉信

者所得功德不可稱量譬如族姓子

族姓女欲得無上正真道奉行布施

持戒忍辱精進一心五度無極八億

百千劫不如族姓子族姓女聞斯如

來壽命之限發意之頃歡喜信樂而

不狐疑若干種行歸一道者欲知功

德勝于八億百千劫行五度無極百

倍千倍万倍億億倍巨億万倍福不

可譬無以為喻佛言阿逸族姓子族

姓女聞斯經法一發意須歡喜信者

則為堅住無上正真道成寂正覺佛

時頌曰

正法華經卷第八

第五品

風 云

若一切遵修行五度無極志慕求斯慧
意存佛上道設於億千劫具足八前劫
而布施諸佛數數及聲聞供養諸緣覺
菩薩億千劫奉進諸飲食衣服牀卧具
檟蓆及屋室皆以栴檀香園觀平等足
為施經行處如是布施已若干種無數
於億百劫中用求尊佛道又復護禁戒
信喜稽首佛明立無所犯猶得佛慧故
復次順忍辱住於調定地志尊無所限
忍無數罵詈設觀卒暴者住慢而自大
志能忍彼等以求佛道故常慇懃精進
寬弘心堅固意念餘思想遊至億佛土
若處於閑居欲棄于睡眠其人億劫行
常習于經行欲比無等倫億千劫禪定
加復八十億而行專一心志願上佛道
欲得諸通慧具足定無極一切禪寂然
諸所造福德合會而聚集億百千劫中
如前所咨嘆若男子女人其聞佛壽限
一時歡喜信此德為最上當棄捐猶豫
諸著思想事信樂大法誼其福為若斯
若菩薩求道尊奉億劫載是問不為聞
聽佛壽無量當已頂稽首如是像類人

然後將來世度脫億數人如能仁世尊
釋師子大人坐於佛樹下而演師子吼
吾今所以來衆生所供敬處於佛道塢
說壽亦當然志性悉具足其人博聞持
所說誦化人則無有狐疑

佛復告阿逸其有聞說如來壽經者
入中受持分別曉了其得福德不可
稱限即過於彼若干億劫奉五度無
極上至于佛慧所當示現所當奉行
復次其聞是經即持書寫已載於竹
帛供養奉事散華燒香搗香雜香繒
綵幢幡麻油燈香油燈醍醐燈其福
過彼甚多無數當致如來慧見之事
猶如阿逸彼族姓子設得聞斯如來
壽限經其心質直歡喜信者以是情
性當觀此相即當知之以見如來在
靈鷲山說是經時與諸菩薩眷屬圍
繞聲聞之衆於斯佛土三千大千世
界之中平等忍辱地為紺琉璃紫磨
金色八種交道七寶行樹若干種億
屋宅居室諸菩薩衆於其中止阿逸
欲知彼其人心常而質直安愜信者
以是色像知其相行曾見佛會又如

來尊志見彼人心所信樂如來滅度
後族姓子女聞此經卷亦不誹謗歡
樂受持則為如來所見擁護其族姓
子超於興起為佛塔廟起於建立精
舍講堂超於瞻視比丘疾病而給醫
藥供養之具所以者何是等族姓子
以為具足興立塔廟起七寶寺上至
梵天志為供養一切舍利其佛塔寺
周迴無限普盡地際懸衆寶鈴無上
之藏諸舍利廟供養華香雜香搗香
寶蓋幢幡伎樂歌頌若干種香天上
世間所有瓊琦天華天香及天伎樂
空中雷震暢發洪音鍾磬大鼓箏篪
樂器簫成琴瑟鏡鏡若干柔軟哀聲
歌舞節奏調合剋諧無數億百千劫
供養奉侍諸度無極皆志充徧佛滅
度後其有得聞此經典者持讀書寫
若分別說福勝無量修慈愍哀廣普
受持講堂精舍牀檣錦繡敷具令比
丘衆頃止其中園觀華實明月珠寶
經行諸坐飲食供養病給醫藥一切
施安悉令具足其牀檣脚若干種寶
微妙顯好上至梵天幡蓋拔飾勸助

福故稍稍轉具而滅除罪靡不榮麗
五體精進而在閑居積累功德無數
巨億百千劫中稱揚其名一切莊嚴
威神巍巍皆悉彌普於是世尊而歎
頌曰

若起七寶寺上至于梵天華香及伎樂
幡蓋悉供養諸牀卧之具飲食細供饌
病瘦給醫藥寶牀若干品入微妙莊嚴
上至于梵天普授飾佛土勸助兼備足
五事勸閑居咸興變億數一切人所樂
微妙施寂勝供事悉具足鮮潔華幢幡
以此為衣服數數如雷震衆伎柔軟悲
以供養舍利香油為然燈分布圍周而
其有持此經於亂講說法以為具足辯
斯若干供養無數億屋室皆以栴檀作
講堂三十二極高無有極悉敷諸座具
隨所欲飲食如是億百千供珍妙餽饌
園觀及經行華布遍其地覆蓋具無量
來畫若干像用供養衆僧其持是經法
目前辨斯已如來滅度後若讀誦寫經
歡喜如信樂其得福無量超餘福之上
其有人書寫淨潔令安諦當供養經卷
華香普芬薰常當然燈火香油為錠鐙

所生輒歡喜 數上思夷華 其人奉經卷
供養當如是 得福甚衆多 其限不可量
譬如虛空界 其限不可得 十方之無量
其福比如是 何況能復加 常施於安隱
奉戒行禪思 而在燕坐行 無瞋不惡口
恭敬立思惟 比丘尼常當 謙恪不自大
智慧如明月 問智者不恐 次第順分別
意懷愍得佛 假使如是像 持殊勝經者
其人功德品 不可得限量 設使人見此
如是像法師 當持此經卷 奉敬加供養
假使有人 以天華香 用天寶蓋
而以覆陰 當以首頂 礼其人足
常想念之 如來寂勝 今時見者
作是思惟 而當求索 樹王之下
當覺成佛 所在供養 為饒利益
諸天世間 假使住立 若處安坐
所在經行 其德如是 卧在牀檣
若著衣服 而常講演 斯如來經
於時士夫 於此經卷 興若干種
顯諦微妙 世尊導師 所說至誠
以無數珍 而供養者 如吾所歎
所有土地 則為佛身 於彼經行
佛聖於中 如坐座上 覺了所在

遊居之處

正法華經卷第八

第十張 鳳

正法華經勸助品第十七

尔時弥勒大士白佛言其有聞是所說經典得何福祐以偈頌曰

大雄若滅度其有聞是經省之即勸助為得何福祐

於是世尊告弥勒曰如來滅度後其有聞是所說經者若比丘比丘尼清信士清信女男子女人大小眷屬聞已勸助於衆會中宣轉為人說若在屋宅若在露處若在閑居郡國縣邑所當作為如所聞經如所受得住彼力勢為人解說若為父母宗室歎詠聞大士言亦讀代喜所可聞知展轉相傳不見法師威容色貌若轉學者代之勸助以是因緣所興方便使五道人有五蓋者通得相見各以所聞轉相勸化聽我所說勸助之福所聞法師經法功德族姓子女無所千載四域天下六趣群生未盡羅網有色無色有想無想不有想不無想有足無足兩足四足多足諸天人民或有一人欲求功德隨此衆生所欲樂喜已

所愛重極上微妙供養之具滿閻浮
利為二人廣大布施隨其所欲屋宅
金銀水精琉璃珊瑚帟魄車渠馬瑙
為馬車牛衆寶合成無央數歲恣所
求索應意備足供養飲食無所乏少
中自念言年朽力弊心用疲殆豈可化
入如來法律以佛所詔用誨衆生尋
如所念以律檢非導之典教梨庶一
時俱履道跡往來不還無著得證諸
漏以盡禪定具足威神巍巍得八解
門一心不乱於阿逸意云何彼時士
夫所建福施有能思惟限量者乎弥
勒荅曰甚多不可贊計乃能安慰无
量衆生供足所乏加復立志於無著
證佛告阿逸今故語仁宣布四遠如
彼士夫興大布施供給無數四域群生
立無著證佛言其聞是經一句一偈勸
助代喜福過彼人所布施上一句一頌
勸助功德不可稱限百倍千倍万倍億
倍巨億万倍億百千劫不可計量無
以為喻何況目見於此經典耳聽代
喜德難計會假使有人欲聞斯經若
入精舍所至到處若入縣邑若住若

坐一時得聞此經法者若再反聞所
在專精現在生處所獲福祐常得自
然無數珍寶宮殿精舍牀檣坐具為
馬車乘安雅無量說經進止若住若
坐息心天王就擁護之不遭罪患釋
梵四天翼佐營衛轉輪聖王近師子
座設族姓子唱言有經名正法華真
可奉敬宜共聽受更相請命若辭泥
雨設懈不行若得斯須暫聽聞者則
解罪福善惡報應便得德本當獲松
持與諸菩薩世世相隨在在所生聰
明智慧億百千世體常香潔不墮惡
趣不與賊害兵刃共會無有邪心面
色光潤生賢善家見者歡喜無憎惡
者不言不語鼻不偏戾亦不塞鼻不瘡
不疵不禿不跛不癩不癬不愚癡不
短不長不柔不剛不白不黑面不瘰
黃身體完具姿顏端正色如桃花人
所愛敬心性仁賢口言辯慧疾逮禪
定如來法教欲覲諸佛如願即見世
尊正覺當學此經佛語阿逸且觀其
德若有一人一反聞名勸助代喜乃
獲此福何況有人專精聽受供養思

惟而復具足為人說者今時世尊而歎頌曰

寂後若有	值是經卷	假使逮得
一頌之說	聽采其誼	心喜勸助
其人功德	不可限量	設令有人
獨能施與	常給眾生	億千娑數
如佛向者	所現譬喻	令無數劫
皆得飽滿	於時丈夫	覩面色變
頭白齒落	年老朽耄	斯群生類
將無終沒	我欲教化	使入道法
其人寂後	以法教喻	為分別演
無為之地	一切五道	猶如芭蕉
速令逮及	於滅度事	一切眾庶
皆聽受經	而從士夫	親近諮請
制伏其心	皆使無漏	一時之頃
得無著證	若聞一偈	代是勸助
所得功德	出彼無量	各各所施
一一分別	一頌之德	難計難限
倉卒得聞	講一頌者	莫能限量
動無崖底	其人得福	無數如是
何況現在	面自啓受	假使有人
來至眾會	一及聞經	歡喜踊躍
從億百千	諸娑劫數	是法難值

亦難曉了

若今有人

還及彼土

須臾得聞

於斯經卷

且當聽是

所獲果報

在在所由

無有大病

世世所生

舌無有患

牙齒堅固

未曾墮落

初不咽害

除諸危殆

及邪反戾

父母賢良

所立巧便

壽命常長

未曾生盲

目亦不冥

鼻耳殊好

無有缺減

脣口雅妙

面常鮮潔

常為衆人

所見愛敬

口氣芬馥

無有臭穢

形體常香

如青蓮華

其薰流布

无所不周

若居堂室

行至精舍

所到之處

有聽斯經

須臾之間

還知聞者

熙怡喜踊

在邊受

其人儀體

獲致安隱

殊妙車馬

則用躬迎

若復乘于

賢善爲車

所在遊得

若干種寶

常復獲逮

上妙瓔珞

數百千人

悉共發意

住造其所

所說法果

則為講斯

清淨教誨

清淨法故

所建鮮明

得為天帝

梵天牀座

速疾逮致

轉輪聖王

長慶衆會

敷演經誼

正法華經歎法師品第十八

今時世尊告常應時菩薩大士若族
姓子族姓女受是經典持讀書寫當
得十眼功德之本八百名稱千二百
耳根千二百鼻根千二百舌根千二
百身行千二百意淨是為無數百千
品德則能嚴淨六根功祚彼人若令
眼根清淨而以肉眼觀諸所有滿三
千大千世界諸味石蜜藥樹下至無
可大地獄中上至三十三天一切普
見悉能攝取故曰肉眼若有衆庶生
其中者皆悉見之咸曉了知罪福所
趣於時世尊而歎頌曰

其執此經卷勇猛處衆會所說不怯弱
且聽斯名德八百諸名稱清淨目明朗
若已離諸垢其目所覺普彼則以肉眼
而從父母生觀諸佛世界普見超神仙
諸山須弥山又觀于鐵圍并諸陵丘阜
而復察大海默正住一處普瞻靡不達
下至無可獄肉眼為若此尚未獲天眼
亦不曉了知肉眼之境界根且覺輕便
佛復告常應時菩薩若族姓子族姓
女說是經典若為異類聲聞乘說者
則便逮得千二百耳名稱聞三千大

千世界周匝下至無可大地獄上至
三十三天起外神仙所謂聞者爲聲
馬聲牛聲伎樂聲車聲啼哭聲愁歎
聲鼓聲鍾聲歌聲舞聲戲笑聲男聲
女聲幼僮聲僮女聲風聲奇妙聲正
法聲非法聲樂聲苦聲力聲志性聲
柔聲麤聲天聲龍聲鬼神捷沓和阿
湏倫迦留羅真陀羅摩佉勒聲火聲
水聲地中聲比丘聲聲聞聲菩薩聲
如來聲三千大千世界所有音聲內
外通徹一切清淨以肉耳根悉聞衆
生所說聲尚未得天耳而悉普聞曉
了萌類諸聲亦不思惟觀察梨底本
末所由又耳悉聞亦不求索一切音
聲又而順聞魏魏如是常應時菩薩
大士未得天耳而耳所聽乃如斯也
佛說此已欲重解誼從後頌曰
鮮潔撝攝 若干品類 清淨之耳
千有二百 於是世界 以是聽省
聞其音聲 無有遺餘 有六情者
則而聽聞 車牛諸乘 爲馬音聲
拍手擊鼓 悲好音聲 饒鉢梢拂
亦復如是 伎樂柔和 其音殊好

雖在於彼 無所染著 聞無數人
諸可講說 彼人等倫 所喜分別
皆聞諸天 天耳所聽 常而降伏
甘美柔和 男子女人 諸啼哭聲
童男童女 所可作為 哀慟之音
及赤隼鵄 鳩鵲鴛鴦 及與鸚鵡
其有棲持 於山林者 悉得聽聞
斯類音聲 地獄之中 勤苦毒痛
悲哀嘆呼 所酷苦響 思想飢食
所至求索 興作發起 所出音聲
諸阿須倫 居在於海 諸響暢逸
而各各異 於時法師 停住於此
有語言者 尋則普聞 畜生餓鬼
勞飢渴聲 各各講說 或鳴或吼
彼時法師 默如立斯 則得聽聞
若干音聲 其梵天上 所居諸天
光音天上 善究竟天 及餘奇特
各各異聲 法師普得 悉聞此響
在安住世 而出捨家 諸比丘衆
諷誦所行 分別現說 他人志性
法師志聞 是等說經 諸菩薩衆
處斯境界 所可諷誦 為他人說
可集結誼 以為經典 悉得普聞

若干種音 其佛世尊 為人御法
而為衆生 說無數經 獨在樹下
志得聽聞 因其菩薩 能持此經
一切三千 是佛國土 無數衆生
音聲暢逸 若在室中 或復處外
所言麁細 志普聆搽 志聞一切
群萌音響 於諸音聲 亦無所著
處處志知 他人表裏 其耳清淨
聰徹如是 斯人常未 得天耳光
適覩因緣 尋能即聽 於時法師
功德如是 學斯經卷 名稱若茲
佛復告常應時菩薩若族姓子族姓
女有持是經卷分別說者若復諷讀
書著竹帛得八百功德諸根堅固鼻
根清淨以是鼻根三千大千世界所
有諸香皆得普聞柔軟香須臾香生
香傳飭鬚香思夷華香青蓮紅蓮黃
蓮白蓮若干樹木果實薰陸香蘼合
香華香栴檀香木檻香青木檻香種
種衆香百千殊品處處生者諸質朴
香人所嗅香男子女人童男童女香
皆自聞御已身之香爲馬六畜飛禽
走狩香諸樹木香諸樹木開含血品

類香諸妖魅香至誠香天上香比陀
美香晝度樹香意香大意香柔軟香
諸天香天宮香帝釋身香知所生處
於講堂上鼓樂弦歌所當修設諸大
法則為忉利天諸天說法從地踊出
自然生者歌戲利誼天玉女香童男
童女香以是因緣假生梵天諸天子
等諸大天人大梵身香其香各各從
身流出諸天雜香無數百千其名各
異聲聞緣覺菩薩大士如來遊居所
開化育其法師者於此間住所去殊
遠不到其前亦不近邊不往就嗅悉
聞彼香不愛不求亦不思念亦不乍
香而嗅知氣以一心住在於衆會悉
分別說如是諸香心亦不著無所慕
求於是世尊而歎頌曰
其人鼻根清淨如是若干種香
所聞甚多於是世界一切所有
諸所可生香香甚好又有諸形
華殖之香栴檀諸香種種異品
其諸香寶各各異類微妙好薰
眾木楹香男子女人童子女類
其心頗處各各異品人間所生

諸香叅老	在在茲殖	青蒼雜運
又知大國	轉輪聖王	所據柔仁
自由力强	於彼所有	難縷字名
衆衆異香	皆分別之	財物珍寶
若干甚多	藏去著之	於何所地
有三女寶	及餘珍異	時彼菩薩
悉曉了香	是等體著	所有瓔珞
珠環莊嚴	衣被端正	或時在座
若復牀卧	以香塗身	菩薩悉知
歌戲娛樂	一切神足	明喆知者
鼻力悉聞	若有奉持	此經善訓
以快妙香	及麻油香	若干種類
及華實香	所在安住	又嗅悉知
其於某處	有此衆香	悉能分別
若干種香	而於山巖	中間所有
無央數種	栴檀華香	又復人民
諸所有香	居住于彼	一切了知
若轉輪王	所可愛喜	或有潛處
在于海中	若於地內	所生虫蛾
明者皆練	此輩衆香	知阿須倫
妃后子女	并及臣民	皆分別識
阿須倫王	歌舞戲笑	其鼻悉嗅
如是果報	若於曠野	四繳道中

多有師子 虎狼龍鳥 水牛眷屬
諸所種類 特牛牝牛 悉能知之
若有女人 隨其喜樂 假使童子
及童女衆 若有懷軀 身體疲極
以香分別 腹中男女 復自識知
身所從來 又亦曉了 誑法科律
採覩其人 安隱苦樂 童男力勢
福應所獲 男子所願 衆多悉知
而覩嗅別 諸所願香 已自可意
如是無盡 又復嗅別 身寂然香
其自處在 地中諸藏 財物珍寶
金銀雜色 柔軟瓊玕 形如紫金
所止頓處 悉嗅知之 諸貫瓔珞
明月珠寶 世間載有 人所不及
用鼻悉嗅 知其好醜 行來進止
別其善惡 諸天在上 虛空之中
意華諸華 柔軟音華 衆會之中
所有諸華 以鼻勢力 住此悉聞
其諸天人 所有宮殿 上妙下極
及中間宮 種種之品 如斯色像
於是住立 鼻力嗅之 又復分別
遊觀之園 諸天之法 衆明寂然
亦復曉了 尊妙宮殿 諸天子等

所遊戲處	於是建立	悉嗅天香
以香分別	諸天子黨	住於何法
興何等行	所在遊居	悉聞其香
諸天王女	所畜華果	諸寶瓔珞
周旋娛樂	於時菩薩	悉識其香
三十二天	至第一天	諸天大梵
所遊宮殿	彼以鼻嗅	悉能知之
住已不住	皆能曉了	諸所遠近
無不開達	終沒若生	前世宿命
以鼻嗅之	知斯本末	其有菩薩
持是經卷	若有比丘	順安住教
常修精進	靜住經行	若已至誠
諷誦解說	其彼菩薩	皆悉知之
亦別聲聞	取勝之子	常在樹下
一身獨處	其明喆者	承嗅悉觀
有某比丘	處於某處	悉能分別
所在之處	其有菩薩	意堅禪定
常自娛樂	諷誦講說	復為他人
講演解法	於時菩薩	以香覺了
安住大人	遊所在方	愍哀行慈
分別說法	在其座中	弟子圍繞
以香識了	法王所在	假使衆生
得聞經法	以得稟受	心懷踊躍

時菩薩住

於此志見

安住衆會

一切所在

菩薩力勢

如是色像

尚未逮得

天人之鼻

自然得是

本之瑞應

諸天之鼻

无有諸漏

佛復告族姓子其有持是經與讀誦

書寫當獲奇異舌根千二百功德舌

根具足分別諸味若得甘美變為天

上自然飲食設服酢澁鹹苦化成天

饌滋味無量若入衆會講授法要蒸

底欣載欽仰典則若入諍怒德音柔

軟談誼辯慧清白知節慈愍通徹衆

人歡和感味餘響其從聞經言論美

妙天人往造釋梵四王清淨天身諸

天王女思僥往見天子龍神妃后阿

須倫阿須倫妃后迦留羅迦留羅妃

后真陀羅真陀羅妃摩休勒摩休勒

妃捷沓耆捷沓耆妃閼叉鬼神婦女比

耶叉足鬼神婦女志欲往觀稽首作礼

聽受經戒問評誼歸比丘比丘尼清信

士清信女國王太子大臣群僚大力豪

勢轉輪聖帝尊重巍巍七寶具足太子

眷屬玉女采女又異梵志君子居士州

城郡國縣邑營從志欲往觀思盡形壽

稽首歸命供養奉侍聽受經法言誨
和淑猶如世尊如來所歎面見思察
逮佛明慧深妙之要曉了如此自然
而聞又知世尊所向方面坐說法時
於是世尊而歎頌曰

其人舌根	則悉柔軟	分別諸味
簡練好醜	自然甘美	如天飲食
若干種味	次第而生	音聲殊妙
語言和雅	聽受奇異	意歡喜悅
在衆會者	莫不欽敬	又當演出
深奧音響	其有聽聞	所說經法
觀察報應	清淨億千	即生歡喜
曉了尊上	供養經卷	不可計量
諸天龍神	蛟阿須倫	常懷欽敬
欲得見之	謙肅恭遜	諮問經典
其人名德	獲致如是	於是世界
發意之頃	皆以音聞	能遍告之
其響柔軟	微妙殊特	深邃偏雅
而有限節	諸天豪尊	轉輪聖帝
欲得供養	普徃至所	皇后玉女
悉俱叉手	而常元元	聽宣經典
諸所鬼神	善共宗重	天捷沓起
及諸營從	反足女鬼	及諸男女

普悉恭敬

皆造奉侍

自在尊豪

梵天之王

大神妙天

及諸天子

天帝梵尊

天子枝黨

無數玉女

悉詣其所

世間有佛

聖明導師

聲聞弟子

悉聽妙響

見所在處

僉然護之

察所講法

悉用欣然

佛復告族姓子菩薩大士若聞是經

持讀誦寫者逮得身行八百功德肌

色澤光猛勇響餽猶如琉璃淨妙無

垢所當作為人民欽效容止可宗進

退致益彼已無易三千大千世界衆

生稽首為礼普佛國土群萌好醜鮮色

惡色生趣善惡鐵圍大鐵圍小山大

山人所居處下至無可大地獄中上

至三十三天自以威德普悉見之於此

世界聲聞緣覺菩薩如來所可遊居

講說經法以已威光都皆觀之所以者

何身行清淨之所致也於時世尊而

歎頌曰

彼人已身

所行清淨

譬如琉璃

而無瑕疵

為一切人

所見愛敬

其有持此

微妙經卷

猶如明鏡

見其面像

見世形類

亦復如是

自覩本末 及見他人 其身清淨
如須彌山 於斯世界 所有衆生
諸天人民 絞阿須倫 地獄餓鬼
及諸畜生 悉見身體 及面顏容
諸天所有 宮殿館室 土山石山
及諸鐵圍 雪山須彌 及諸大山
悉得覩見 其所在處 以大威聖
瞻見諸佛 一切聲聞 及佛弟子
若有菩薩 獨在屏處 所說經法
悉能知之 其身清淨 亦復如是
悉覩見于 一切世間 以俗之身
覺了如茲 斯人尚未 獲成聖道
佛復告族姓子菩薩大士如來滅度
後若持斯經諷讀解說得千二百意
根清淨德其人則以清淨意根靡不
貫暢聞一頌者所究彌廣多所達了
以引覺了便能一月講說經法四月
一年綜練所歷憶念不忘凡俗所為
販賣賈作語言音聲以法皆覩次第
分別不失其緒三千大千世界諸六
趣生皆知其心所念善惡如應不應
中為沙門聖非聖者普見不應意志
清淨不復思惟自然分別說法誼趣

言皆至誠有至講者皆亦承說如來
所詔一切剖拊往古取勝經卷於時
世尊而歎頌曰

其人意根	清淨瞭潔	光徹鮮明
見心所念	由是之故	曉若干品
瑕穢卑賤	好惡中間	若聞一頌
能奉持者	解無央數	明詰誼理
一月四月	若至一年	所說善惡
不違至誠	於斯世界	中間所苞
若有群萌	種種品類	諸天人民
及阿須倫	枝神異類	及諸畜生
六道之中	所有衆元	是等思想
若干種念	持是經者	各各異意
一時之間	悉覩知之	諸佛大聖
百福德相	一切悉為	世間說法
登時所講	普等聽聞	所說清淨
即能受誦	前世更歷	所學經卷
長夜所講	當綜解之	有常所演
經典之要	得衆會中	無所畏憚
其有持經	部分光揚	卒未遭值
衆想之患	枝黨群從	悉為賢良
意根明達	亦復如是	菩薩所住
未曾有地	普為衆生	分別說經

其能受持 安住正法 巧便意宜
則知所應

正法華經卷第八

壬寅歲高麗國大藏都監表

勅彫造

正法華經卷第九

凡

常被輕慢品第十九

西晉月氏國三藏竺法護譯

於是佛告德大勢菩薩是故當知其有比丘比丘尼清信士清信女持斯經典假使四部罵詈誹謗出麤獷辭訶制止之罪不可限設復有人聞是經卷受持諷誦為他人說廣解其誼獲上妙福如斯疇類佛所咨嗟眼耳鼻口身意清淨而無弊尋又告德大勢乃去往古久遠世時不可稱限廣遠无量不可議却有佛号寂趣音王如來至真等正覺明行成為善逝世間解無上士道法御天人師為佛衆祐劫名離大財世界曰大柱佛語德大勢寂趣音王如來普為諸天自境界人講經化導與聲聞垂演四聖諦度老病死使近泥洹解十二緣所由從起為諸菩薩講六度無極使至无上正真之道現如來慧所行常連佛壽四江河沙億百千娑劫佛滅度後正法住立如一閻浮提億百千娑塵

數劫其像法立如四天下億百千姪
塵數劫又語德大勢其佛滅度後像
法沒盡次復有佛續号寂趣音王展
轉相承二十億千如來至真等正覺
明行成為善逝世間解無上士道法
御天人師時此諸佛次第滅度正法
沒已像法次盡彼世比丘憍慢自大
越背法詔有一比丘名曰常被輕慢
為菩薩學何故名之常被輕慢其開
士見比丘比丘尼清信士清信女每
謂之曰諸賢無得憍慢自高所以者
何諸賢志趣當尚菩薩如來至真等
正覺以是方便慎所緣誼為諸比丘
講菩薩行不受所誨不肯諷誦遙見
四部仍謂之曰我身終不輕慢諸賢
人普當學菩薩高行得至如來至真
等正覺佛語德大勢今時四部得聞
此言咸興恚怒毀訾罵詈此一比丘
不問吾等不見人心反自貢高云見
人心授我等決當成无上至真等正
覺人所不欲非常之事而為人說又
語德大勢若一比丘行值大雨蒙佛
威神如被覆蓋身不漬溺雖見罵詈

心不恚恨面色不變若聞其言憎不
意者以凡石擲續遙舉聲而教之曰
勿行輕慢修忍辱心發菩薩意所以
者何今時比丘比丘尼清信士清信
女貢高自大數數聞見大士教曰吾
心常謙不輕諸賢雖見罵辱心不增
減彼等四輩因共名之常被輕慢斯
一大士臨欲壽終得聞寂趣音王如
來講正法華經二十頌本深妙之誼
億百千事大士臨終踊在虛空唱揚
大音歎斯經典而告之曰仁當受經
亦當逮得如前淨眼耳鼻口身意亦
清淨已獲斯淨更即增益二十億娑
壽逮得定意復為衆人講是經典前
時四部聞其所說而毀訾之名此大
士為常被輕慢逮自大者見此大士
微妙神力辯才慧力善權道力皆來
歸伏敬宗為友聽聞經法是等輩類
餘不可計無數億人便立无上正真
道意時彼大士壽沒之後便值二十
百千億如來正真此諸世尊皆為講
說正法華經稍稍進前以是德本復
更值見二十億百千如來皆同一号

号雷鳴音王皆從得聞如斯經典復更值遇二十億百千如來皆復同号名雷音王亦復從聞正法華經受持誦誦為四輩說在所生處常自然獲眼淨耳淨鼻淨口淨身淨意淨視聽洞徹鼻通口辯身能輕舉意觀衆生心普為四輩演斯經典分別其誼佛語德大勢常被輕慢大士供養奉事若干億百千數如來已復更值无数億百千如來亦復從受正法華經以是德本自致元上正真之道成寂正覺德大勢菩薩欲知大士常被輕慢於寂趣音王如來之世為四部人說經法者不乎則我身是也假使今時設不受是正法華經不持誦誦為人說者不能疾逮无上正真道成寂正覺倍從過去諸佛世尊聞此經典受持誦誦廣為人說致寂正覺今時比丘比丘尼清信士清信女其一大士為說經言我行恭敬不輕諸賢仁等當逮如來正覺道德之慧又諸四部輕彼大士罵詈形笑不自改者二十億千劫所生之處常不值佛不聞

法聲又万劫中墮无可大地獄拷掠
燒炙痛不可言罪已畢竟從地獄出
以彼大士教化之故令發無上正真
道意皆得神通慧无罣碍今悉現在
佛語得大勢欲知今時四部毀此形
笑恚罵大士者不今此會中毘陀和
等五百菩薩師子月等五百比丘比
丘尼今在佛前五百清信士五百清
信女等皆不退轉當成無上正真之
道佛告德大勢此正法華經其誼廣
大威神无量一切无慶諸菩薩大士
所當欽尚如來滅後其受斯經持誦
誦讀得福如是逮成无上正真道於
是世尊而歎頌曰

今我識念 往古過事 佛名寂趣
音聲之王 威神無量 天人所敬
為諸衆生 人民講法 其佛寂勝
滅度之後 然其正法 寂末世時
有一比丘 為菩薩行 因時号名
常被輕慢 即時往至 於比丘衆
及比丘尼 所覩顛倒 但勸化之
志行佛道 自宣我心 不懷憍恣
罵詈輕毀 每見形笑 彼時常為

使聞此言

假使得聞

此經法時

若復住立

設有所作

時明慧者

臨欲壽終

用分別說

此正法華

尋時報應

增益壽命

變現其身

而得自在

處在虛空

講說經典

教化一切

悉發道慧

於時大士

壽終沒後

逮見諸佛

億百千姪

稍稍漸漸

開化入法

為分別說

於斯經卷

諸寂勝子

得成為佛

則我身是

能仁如來

其諸比丘

口喜誹謗

衆比丘尼

及清信士

彼時所有

諸清信女

被蒙開化

聞經解慧

常當覩見

無數億佛

則毘陀和

五百人是

諸比丘衆

及比丘尼

清信士女

今見佛前

吾今時悉

令聞尊法

皆開化之

使得曉了

於今佛身

滅度之後

數數當受

奉斯經卷

無數億億

而當思惟

未曾得聞

如是之法

假使有佛

億百千數

希聞講說

如斯等經

是故以聞

如是像典

自在聖尊

稱讚經典

我滅度後

若有說此

頻數當忍

受正法華

正法華經如來神足行品第二十

今時于彼三千世界塵數億百千娑
諸菩薩等從地踊出者一切皆悉住
世尊前僉然叉手白大聖曰如來滅
後布露經典遍諸佛國及世尊土滅
度之處於彼所在講說斯經多所利
益若有受持此妙典要講讀書寫為
人說者德不可量於時溥首慶於忍
界諸菩薩無數億百千娑受比丘比
丘尼清信士清信女諸天龍神健眷
想阿須倫迦留羅真陀羅摩休勒及
人非人如來皆為神足變化如來至
真等正覺為現瑞應悉得柔順法忍
皆令書寫正法華經化異世界億百
千數諸菩薩等各各坐于諸寶樹下
師子座上

今時能仁世尊及此一切如來正覺
現其神足具足充滿百千歲中有所
興立應時百千歲中功德自然而大
光明滅除陰雲彈指之頃自然有聲
靡不通達十方佛國一切世界六反
震動諸天龍神阿須倫迦留羅真陀
羅摩休勒承佛威神各隨所住無央

數千諸佛世界普悉覩見斯忍佛土
又諸如來十方無數億百千娑各各
自坐諸寶樹下師子座上能仁如來
多寶世尊於彼七寶廟寺講堂自然
嚴淨師子之座威曜顯赫無數无限
不可計會億百千娑菩薩大士及四
部衆見斯變化心中愕然驚喜无量
得未曾有則聞空中音聲而歌頌曰
仁者欲知過是无限不可思議億百
千娑諸佛世界有佛世界名曰忍土
於彼有佛号能仁如來為諸菩薩大
士講正法華經方等典詔一切諸佛
普護斯經用救菩薩大士以故諸賢
心當質直清淨稽首歸命勸讚奉侍
供養彼能仁正覺於時衆生聞空中
自然之音有佛世尊号曰能仁這聞
名稱應時叉手以若干種華香衣服
幢幡雜香舉手各散忍世界瓔珞珠
璣諸貫真珠如意寶珠而供養之其
華香幡蓋瓔珞珠璣明月寶珠自然
來入於忍世界尋時合會為寶華蓋
在於虛空悉覆諸佛及菩薩上時彼
世尊告諸異行及佛前住諸菩薩衆

如來正覺功德威神不可思議諸族
姓子於無數億那術百千姪劫說此
經誼不可究竟雖無央數若干種經
所不能及不可限盡欲度彼岸難得
邊際諸族姓子舉要言之假令有人
欲了斯經要悉佛威神普諸佛法諸
世尊界諸佛精進諸佛閑居諸佛妙
力示現是經故族姓子佛滅度後當
以慇懃求此經典受持書寫精進奉
行供養承事為他人說設使有人賣
此經行講讚書寫思惟奉宣著於竹
帛若在精舍齋堂室宅大林樹下若
在水邊當起塔廟所以者何則為如
來所處之地觀是道場佛所坐樹則
當察之一切如來正覺所遊群聖世
雄轉法輪處十方諸佛在中滅度等
無差特於斯世尊而歎頌曰

世愍哀法 不可思議 而常建立
神通之慧 亦復亦現 普等明目
衆生一切 悉得歡喜 其舌神根
暢音梵天 演奮光明 億百千姪
諸群萌類 覩見神足 恠未曾有
皆入大道 又聖導師 興一大光

彈指之頃	宣洪音聲	即時普告
一切佛土	周遍十方	諸佛世界
如此變化	及餘感動	大聖所現
瑞應如是	如來今時	皆令歡喜
佛滅度後	奉是經卷	安住宣暢
功德之法	无央數劫	不可思議
持是經卷	福祚之限	導師咨嗟
若干无量	欲盡其限	不可邊崖
猶如虛空	不可窮極	名稱至德
無能思惟	持是經者	淨德常然
則為見佛	大聖導師	及吾於世
滅度大通	則此一切	諸菩薩衆
并復觀此	四部之會	其有值遇
斯經典者	則為遭見	今日之會
佛滅度後	亦復在此	及彼十方
諸佛世界	其有能持	此經卷者
則為觀觀	諸過去佛	及於十方
今現在佛	目自面見	供養奉持
悉當悅意	向人中上	在於道場
所可思惟	當速受持	於此經典
自然辯才	無所罣碍	設本種命
不能長者	當分別曉	於斯經誼
便當受持	於此世尊	曉了諸經

次第所歸

大聖世尊

滅度之後

假使有人

至誠說者

分別此經

議理所趣

則講審諦

諸經卷誼

其人光明

分別所覺

譬如日月

普照遠近

遊於天下

在所至到

勸化發起

無數菩薩

是故智慧

諸菩薩衆

聞如是像

經无等倫

我滅度後

奉此經典

其人不疑

於佛大道

正法華經藥王菩薩品第二十一

於是宿王華菩薩前白佛言藥王菩

薩以何等故遊忍世界堪任无數勤

苦之難善哉天尊願為十方諸佛世

界菩薩聲聞雲集於斯若有聞佛珽

宣藥王初發道心宿行功勲為今衆

會及後來世普聞受持追學究竟天

人龍鬼諸尊神王僉皆悅豫發大道

意自致正覺度脫一切於時世尊見

宿王華發心至誠為一切諸佛讚曰

善哉乃為將來諸菩薩施勸進後學

令入道智諦聽諦聽善思念之唯然

世尊願樂欲聞佛言乃往過去江河

沙劫今時有佛号離垢曰月光首如

來至真等正覺出現於世其土壽命
四萬二千歲教化衆生濟度危厄於
時十方菩薩大會有八十億諸聲聞
衆七十二江河沙等又其佛土而無
女人三惡之趣無阿須倫八難之患
其地平正紺琉璃色衆寶校成莊嚴
清淨生衆寶樹周圍圍遶玲瓏瑤
周帀覆蓋堅諸幢幡寶瓶香鑪燒衆
名香一切樹下設寶牀槍坐具嚴飾
不可稱載諸坐具上有五千億諸天
之座鼓諸音樂歌佛功德以為供養
於時其佛為諸菩薩及聲聞衆分別
講說正法華經時有菩薩名衆生喜
見聞佛敷演散解義要即奉佛法遵
習苦行夙夜精進萬二千歲經行不
坐竟萬二千歲即便逮得普現三昧
逮此定已輒復思惟吾以逮是普現
三昧便能致此正法華經因逮定意
踊躍歡喜心自念言我當供養離垢
日月光首如來至真奉正法華經即
如其像三昧正受處在虛空雨心天
華雜香梅檀用供養佛應時所雨衆
華雜香普熏十方諸佛世界其聞香

者悉得法忍衆生之類和心相向衆
生意見菩薩從定意起重自思惟雖
用雜物供養於佛不能暢盡至真之
德以身供養今乃无上尋如所念斷
絕五穀專食衆香衆香華汁而以飲
之日使身中内外皆香如是服香竟
十二年復和衆香以塗其體香油潤
衣而立誓願以身為燈為一切故即
然其身供養諸佛以精誠故其光遍
照八十江河沙諸佛世界應時諸佛
同聲讚曰善哉善哉族姓子精進乃
今世之希有斯真供養如來經典乃
為衆生忍苦不勞超踰天人一切所
行國財妻子施所不及供養之中為
尊為上為最為長為无疇疋以身施
者乃成法施諸佛世尊歎是德已則
便默然於時菩薩自然其身千二百
歲火故不滅用一心故無有苦患於
是之後火焰乃息勤修精進供養法
故於是終歿還生其世更復值見離
垢日月光首如來至真之士生離垢
施國王宮内自然化生結加趺坐而
為父母說此頌曰

尊王識念我本行 堅強勤修大精進
所重愛身以用施 建立住此遠三昧
說此偈已啓其父母離垢日月光首
如來至真今故現在吾往昔時至心
供養因是逮致了一切音捻持法要
是正法華無上經典學中要者經卷
本有八十娑百千億那由他偈當一
心思何所造作立佛像摸而常心中
無瞋恚怒此正法華菩薩所行吾本
宿世習若干千億百千娑從彼如
來而聞受之離垢施王讚其子曰善
哉善哉當共俱往躬身當覲供養聖
尊說此言已與父王俱踊在空中去
地七升經行虛空足不蹈地其身正
坐七寶琰珞瓊琦帳中往詣佛所叉
手礼佛以頌讚曰

人中之尊 顏姿離垢 其光巍巍
照於十方 吾本供養 聖尊元極
今復自親 故來奉面

今時衆生喜見菩薩大士說此偈已
前白離垢日月光首如來至真世尊
垂恩愍哀十方故復現在訓誨一切
度脫衆生无不蒙賴時離垢日月光

首如來告衆生喜見菩薩今時已至
吾欲滅度以此法教而相囑累佛因
其時至所教周悉亂世欲到吾捨去
矣為佛施座今取滅度又告之曰以
斯經典重相囑累普令流布等潤十
方咸使一切皆蒙福慶衆生喜見則
日受教其佛夜半便取滅度於時菩
薩衆生喜見見佛滅度以栴檀香琦
異妙香麝維佛身取其舍利香汁洗
之咸慕哀泣淚下如雨修造寶瓶八
万四千立七寶塔高至梵天莊嚴幢
蓋懸衆寶鈴心自念言吾已供養世
尊舍利當復更事超過於前告諸菩
薩及大聲聞諸天龍神一切人民諸
族姓子咸共思念世尊舍利普共供
養於是佛告宿王華菩薩當今世時
衆生喜見菩薩勸率衆人供奉舍利
八万四千塔於塔寺前建立形像百
福德相然無數燈燒香散華光顯道
法供養奉事七万二千歲供養訖竟
在其衆會化無數千諸聲聞衆開諸
菩薩皆令逮得普現三昧見衆菩薩
建立定已自現其身諸根缺漏諸菩

薩衆及諸弟子天龍鬼神舉聲號咷
淚下如雨是族姓子衆生意見菩薩
大士是我等師開化我黨今現缺減
諸根不具是故悲酸不能自勝於時
衆生意見謂諸菩薩及大弟子諸天
龍神吾建要誓至誠之願如我所言
隨順不虛我此手臂成紫金身令我
手臂平復如故地當大動於虛空中
雨衆華香所言適竟地即大動天雨
衆華尋時手臂平復如故衆生意見
欲度一切因示現此慧力所行福德
功勲勢力所致佛告宿王華菩薩欲
知今時衆生意見菩薩大士今樂王菩
薩是又族姓子菩薩勤苦不可稱計
捐身棄命無有限量常建大乘志无
上道興發大功無極之德於如來前
然一足指功德難喻况然其身以為
供養勝施國土妻子血肉設以珍寶
滿佛世界布施供養諸佛聖衆福德
雖多不及於彼所以者何福報有盡
无益衆生若族姓子族姓女受正法
華一四句頌分別奉行為人解說比
其福施万不如一猶如巨海万川皆

歸此經如是一切諸法取為元首猶
若須弥衆山中高如月盛滿星中取
明大慧光明照耀三界為諸法首无
上道王猶如日出普照天下消衆幽
冥此經如是蠲除一切愚癡闇蔽皆
入道明猶天帝釋忉利天上諸天中
王此經如是一切諸法衆經典主攬
持十方度脫一切猶梵天王處第七
宮制御諸天莫不奉命此經如是普
濟衆生學與不學教導三乘行君父
業猶如四道及至緣覺皆超一切諸
凡夫學正法華經亦復如斯皆超一
切上中下乘處衆生之原化諸不逮
猶如菩薩所行高遠過諸聲聞緣覺
之業覆護三世此經如是調御諸法
悉令成就無上正真猶如世尊三界
法王轍道服飾三十二相誘衆愚弊
此經如是從菩薩學乃至如來開導
聲聞諸緣覺等皆使成就无上正真
猶族姓子斯經典者為三界護度脫
衆生危厄之難飽滿飢虛衆情之患
寒者溫燠熱者清涼有裸露者皆得
衣被開導衆生悉令入道猶如導師

將護衆賈菩薩如是養育衆生若如
慈母譬如船師渡人往反菩薩如是
周旋三界度脫一切滅衆閻冥猶如
炬火滅衆闇冥化生老死猶轉輪王
制御四域此經如是以聖道明照耀
三界猶如大明消天下冥此經如是
致不退轉無從生忍至成佛道

佛告宿王華菩薩斯經典者度脫一
切衆苦之患拔斷諸垢三毒疥疾救
濟生死諸繫牢獄若聞此經尋即解
了能書寫者其功德福无能稱計何
况聞持懷抱誦說華香供養雜香澤
香然燈幢幡若有聞持藥王菩薩往
古學品受持思念之其福過彼衆物
供養不可稱載若有女人聞此經法
尋即受持便於此世畢女形壽後得
男子若有女人於五濁世取後末俗
聞是經法能奉行者於是壽終生安
養國見無量壽佛與諸菩薩眷屬圍
繞生寶蓮華坐師子座無姪怒癡除
去衆結亦無貪嫉未曾懷恨適生其
國得五神通逮不退轉不起法忍已
逮法忍輒得覩見七十二億地載江

河沙諸如來衆適見諸佛眼根清淨
眼根已淨所見一切十方諸佛遙讚
歎之善哉善哉族姓子汝乃值是能
仁佛世間佛所說正法華經受持諷
誦為他人說此功德福火不能燒水
不能漂盜賊怨家縣官不侵千佛嘆
歎不能究竟所獲功德不可限量魏
巍如是緣斯功德降伏衆魔棄諸恚
敵渡生死難周旋諸患又族姓子以
是經法伏衆惡逆為諸千佛所見建
立擁護汝身天上世間而無儔匹自
捨如來未有聲聞及諸菩薩功德福
祐智慧定意无有等侶

佛告宿王華菩薩若有學人受是經
者所逮聖明勢力威德超越若斯是
故仁者若有講說此藥王品有讚善
者後生為人口中自然優鉢華香身
栴檀香若聞此經讚歎善者其人現
在功德遠聞佛已豫歎其人功德佛
告宿王華吾以是經囑累汝等衆生
意見往古法品寂後末俗五濁之世
流布天下閭浮利内無能中壞其魔
波旬不能得便及魔官屬邪神鬼魅

無能害者天龍羅剎鳩洹厭鬼無敢
當者又宿王華是藥王品威德所立
所流布處若有疾病聞是經法病則
消除元有衆患因是功德後致正真
无老病死若有比丘取後末世手執
青蓮華滿盛雜香供散法師心自念
言假使有人求菩薩乘至此道場吾
授斯華以為草座敷佛樹下降伏衆
魔具足法鼓吹大法螺緣此濟度生
死之海若大乘學見諸比丘持是經
卷當觀其人功德如是佛說是藥王
菩薩往古品時八万四千菩薩即皆
逮得曉一切音方便總持於時衆寶
如來讚言善哉善哉宿王華菩薩卿
能咨啓不可思議經典行業如來講
說何以快哉

正法華經妙吼菩薩品第三十二

於是世尊能仁如來即從眉頂大人
之相演百千光照於東方千八百万
億江河沙諸佛國土靡不周遍過是
諸佛土有世界名莊嚴照明其土有
佛号離垢紫金宿華三如來至真等
正覺與元央數諸菩薩衆眷屬圍遶

宣布導化能仁如來所演光明遍照
彼土又其佛土有一菩薩名曰妙音
從過去佛殖衆德今供養無數百千
兆姓諸佛正覺每見諸佛諮受經典
逮成聖慧以得尊重三昧定法華三
昧施離垢三昧樂宿王三昧无著光
三昧慧印三昧普曉諸音三昧等集
衆德三昧喜信淨三昧神足戲樂三
昧慧光三昧嚴淨王三昧離垢光三
昧離垢藏三昧无緣三昧日轉三昧
取要言之普悉逮得億百千姓江河
沙數諸三昧定其佛光明普遍周至
照妙音菩薩妙音菩薩蒙佛聖光因
詣佛所白世尊曰我欲往詣至忍世
界見能仁佛稽首作禮諮受經典及
欲致敬文殊師利藥王菩薩妙勇菩薩
宿王華菩薩尊意行菩薩淨王菩薩
超樂菩薩諮講經義受諸不及令一切
聞悉發道意其佛告曰往族姓子雖到
彼土莫發異想而念其土懈廢下賤
所以者何又族姓子彼忍世界其大
陸地黑山雜糅衆垢石沙穢惡充滿
谿澗山谷不與凡同其土佛身卑小

丈六諸菩薩身長七八尺又卿本體
高四萬二千踰旬而我現身八萬四
千踰旬端正姝好色像第一威曜殊妙
相好顏容難可比喻積百千德觀莫
不歡又卿往至見彼土人慎莫心念
起不可想如來菩薩佛土不如所以
者何佛土本空衆生罪福現有不同
妙音菩薩復白佛言承佛威神如來
聖力道德巍巍以自娛樂往詣忍界
如來道慧清淨之業輒當如法無所
違失不敢起想

於是時妙音菩薩心自念言不起于
坐即如其像三昧正受到忍世界至
靈鷲山當在如來法座中間化作八
萬四千億衆寶蓮華紫金莖白銀葉
嚴飾淨好光明巍巍照諸會者輒如
所念即時辦足文殊師利問能仁佛
唯然世尊今化現此八萬四千衆寶
蓮華紫金莖白銀葉清淨嚴好此誰
瑞應而現此變佛告文殊有菩薩名曰
妙音從紫金離垢宿華王位上而來
與八萬四千菩薩俱進至此忍界欲
見吾身稽首諮問欲得聽聞正法華

經故先見瑞文殊師利復問佛言其人宿本積何功德造殊妙行而今致此奇特洪勲住何三昧本造立行願欲聞之所行三昧神足變化吾等聞之當受奉行見諸菩薩顏貌色像為何等類舉動進止何所饒益甚哉世尊唯現瑞應使諸菩薩來至於此衆會欲見之佛語文殊卿當啓白衆寶如來令現瑞應使諸菩薩咸來至此各現身相一切衆會皆欲見之文殊師利即受其教輒啓滅度衆寶如來尋現瑞應

於時妙音菩薩而於本土忽然不現與八万四千菩薩俱動諸佛土雨寶蓮華同時發作百千億伎樂諸來菩薩各自現形其眼明好猶如紺色顏貌充滿如月盛明體紫金光元央數億百千功德莊嚴其身威神巍巍智慧光光奇相衆好文飾光顏身力无極其身處在七寶交絡於虛空中去地四丈九尺與諸菩薩眷屬圍遶到忍世界至靈鷲山下寶交路手執寶瑱其價百千詣能仁佛稽首足下以

持貢上能仁如來復白佛言紫金離
垢宿王華如來致問無量起居輕利
遊步康強又問世尊說法如常乎衆
生一切受者增進耶蠲除狐疑順法
律不也將無多懷姪怒癡行憎嫉饕
餮不能恭敬孝順父母聽受道法如
法奉行不隨邪見愛惜財寶諸根不
定為降諸魔衆官屬乎又諸衆生聽
受滅度衆寶如來所說法耶今諸菩
薩故來詣此本土如來之所發遣欲
得奉見七寶塔寺滅度衆寶如來問
評啓受聖體康寧說法如何衆生普
受行如法不衆寶如來現住久如我
等故來欲得覩見衆寶如來形像所
類願佛現之時能仁佛語衆寶如來
今妙音菩薩及諸眷屬欲見世尊聖
體形像衆寶如來尋時讚曰善哉善
哉族姓子卿能故來見能仁佛稽首
諮受正法華經及復欲覩文殊師利
啓諸不逮時蓮華首菩薩問佛妙音
菩薩徃宿命時積何德本乃致斯變
無極神聖時能仁佛告蓮華首菩薩
曰乃徃過去久遠世時有佛号雲雷

音王如來至真等正覺講說經道六
度无極菩薩法藏天上天下靡不蒙
安時妙音菩薩聞其所說欣然意解
鼓百千音樂娛樂其佛八万四千衆
寶妙器貢上至尊如是精進供養如
來万二千歲又族姓子妙音菩薩往
宿命時從雲雷音王如來之世修無
上法種此功德未曾懈廢傳如來言
化諸愚冥不識至真悉令信樂欲知
尔時妙音菩薩今妙音菩薩是也用
彼世時布施寶器衆伎樂音又復供
養無數諸佛億千佛所殖衆德奉修
治衆行前世值遇億百千娑江河沙
等諸佛世尊

今蓮華首為現妙音菩薩所行不可
限量變元數形為諸衆生宣布講化
正法華經或現梵天形色貌而誘立
之或現天帝形或尊豪形或將軍形
化導衆兵或息意天王轉輪聖王諸
散小王尊者長者諸令長形沙門梵
志形像色貌說正法華經或現比丘
比丘尼清信士清信女形宮人嫁女
長者夫人諸貧賤女形男女大小而

誘立之說正法華經或阿須倫形迦
留羅真陀羅摩休勒人非人形像色
貌而誘立之說正法華經或入地獄
餓鬼畜生及諸八難所在擁護而救
濟之上中下士前後進退隨其形體
男女之像而開化之說正法華經或
入中宮化皇后形度衆貴人蓮華首
當知妙音菩薩將護忍界一切衆生
又族姓子妙音菩薩以若干變無數
方便誘忍佛土演正法華經神足威
德未曾損耗而復增益也聖慧道智
亦復如是又族姓子妙音菩薩光明
功勲智慧巍巍周旋十方隨時開化
輪轉无際皆使入律上中下願各令
得所逮遊忍界復至他方江河沙佛
土現菩薩身而為說法又現聲聞緣
覺色像而開化亦本行所學聞之巨
然各成所志不違本誓若有衆生奉
如來律以佛色像隨其道律亦現形
貌顯授大道無上正真欲導慕泥洹
現已滅度因而亦儀開化道慧妙音
菩薩勢力聖智不可惻度超絕巍巍
功德殆斯无以為喻於是蓮華首菩

薩前白佛言妙音菩薩積功累德堂
堂乃今唯然世尊住何三昧開化衆
生不可限量能仁如來告蓮華首菩
薩曰族姓子聽有三昧名現入衆像
妙音菩薩住斯定意利益開化無限
衆生使入道議佛說是妙音菩薩章
句品時其諸菩薩與妙音開士俱發
來者尋時皆逮現入衆像三昧正定
其行殊勝於是忍界超越菩薩所修
定意諸有限數若有逮致現入衆像
三昧便得於持攬持三世無不蒙濟
時妙音菩薩供養能仁如來至真具
足奉事衆寶如來塔寺舍利欲還本
土前稽首能仁如來自歸而退與衆
會別動震諸國雨衆蓮華同時和鼓
百千億姣雅頌伎樂與八万四千諸
菩薩衆俱歸本土前稽首禮妙紫金
離垢宿華王如來以誼忍界導利衆
生又覩衆寶如來寶寺舍利及文殊
師利藥王菩薩所逮精進無極道力
見妙勇菩薩今是八萬四千菩薩皆
得正行現入衆像三昧往到彼間俱
共進行四万二千天子聞正法華經

皆悉逮得無所從生法忍蓮華首菩
薩逮正法華定

正法華經卷第九

癸卯歲高麗國大藏都監奉
勅彫造

正法華經卷第十

風

西晉月氏國三藏法師法護譯

光世音普門品第二十三

於是無盡意菩薩即從座起偏露右
臂長跪叉手前白佛言唯然世尊所
以名之光世音乎義何所趣耶佛告
無盡意曰此族姓子若有衆生遭億
百千殃困厄患難苦毒無量適聞光
世音菩薩名者輒得解脫無有衆惱
故名光世音若有持名執在心懷設
遇大火然其山野燒百草木藁林屋
宅身墮火中得聞光世音名火即尋滅
若入大水江河駛流心中恐怖稱光
世音菩薩一心自歸則威神護令不
見溺使出安隱若入大海百千億娑
衆生豪賤處海深淵無底之源採致
金銀雜珠明月如意寶珠水精琉璃
車乘馬珊瑚珊瑚虎魄載滿船寶假使
風吹其船流墮黑山迴波若經鬼界
值魔竭魚衆中一人竊獨心念光世
音菩薩功德威神而稱名号皆得解
脫一切衆患及其伴侶衆得濟渡不

遇諸魔邪鬼之厄故名光世音佛言
族姓子若見怨賊欲來危害即稱光
世音菩薩名号而自歸命賊所持刀
杖尋段段壞手不得舉自然慈心設
族姓子此三千大千世界滿中諸鬼
神衆邪逆魅欲來燒人一心稱呼光
世音名自然為伏不能妄犯惡心不
生不得邪觀若人犯罪若无有罪若
為惡人縣官所錄縛束其身桎械在
體若枷鎖之閉在牢獄拷治苦毒一
心自歸稱光世音名号疾得解脫開
獄門出无能拘制故名光世音佛言
如是族姓子光世音境界威神功德
難可限量光光若斯故名光世音佛
告無盡意假使族姓子此三千大千
世界滿中衆逆盜賊怨害執持兵杖
刀刃矛戟欲煞万民一部賈客獨自
經過在於其路賣持重寶導師恐怖
心自念言此間多賊將无危我劫奪
財寶當設權計脫此衆難不見危害
謂衆賈人不宜恐畏等共一心俱同
發聲稱光世音菩薩威神輒來擁護
今无恐懼普心自歸便脫衆難不遇

賊害衆賈人聞悉共受教咸俱同聲
稱光世音身命自歸願脫此畏難適
稱其名賊便退却不敢觸犯衆賈解
脫永無恐怖光世音菩薩威德境界
巍巍如是故曰光世音佛復告無盡
意菩薩若有學人姪怒癡盛稽首歸
命光世音菩薩姪怒癡休觀於无常
苦空非身一心得定若有女人無有子
姓求男求女歸光世音輒得男女一心
精進自歸命者世世端正顏貌無比
見莫不歡所生子姓而有威相衆人
所愛願樂欲見殖衆德本不為罪業
其光世音威神功德智慧境界巍巍
如是其聞名者所至到處終不虛妄
不遇邪害致得無上道德果實常遇
諸佛真人菩薩高德正士不與逆人
無反復會若聞名執持懷抱功德無
量不可稱載若有供養六十二億江
河沙諸菩薩等是諸菩薩皆使現在
等行慈心若族姓子女盡其形壽供
養衣被飯食牀卧具病瘦醫藥一切
所安福寧多不無盡意曰多矣世尊
不可限量所以者何是諸菩薩无央

數億不可譬喻佛言雖供養此無限菩薩不如一歸光世音稽首作礼執持名号福過於彼况復供養雖復供養六十二億江河沙數諸菩薩等執持名号計此二福億百千劫不可盡極終不相比是故名曰光世音於是无盡意菩薩前白佛言光世音以何因緣遊忍世界云何說法何謂志願所行至法善權方便境界云何佛言族姓子光世音菩薩所遊世界或現佛身而班宣法或現菩薩形像色貌說經開化或現緣覺或現聲聞或現梵天帝像而說經道或捷杳和像欲度鬼神現鬼神像欲度豪尊現豪尊像或復亦現大神妙天像或轉輪聖王化四域像或殊特像或復反足羅刹形像或將軍像或現沙門梵志之像或金剛神隱士獨處仙人僮僮像光世音菩薩遊諸佛土而普亦現若干種形在所變化開度一切是故族姓子一切衆生咸當供養光世音其族姓子所可周旋有恐懼者令无所畏已致無畏使普安隱各自欣慶故

遊忍界於是無盡意菩薩即解已身
百千寶瓔以用貢上於光世音惟願
正士受此法供已身所有殊異寶瓔
而不肯受時無盡意復謂光世音唯
見愍念以時納受願勿拒逆時光世
音心自計念不用是寶無盡意言唯
復垂愍諸天龍神捷杳和阿須倫迦
留羅真陀羅摩睺勒人及非人受其
寶瓔輒作兩分一分奉上能仁如來
一分供養衆寶如來至真等正覺貢
上寶寺其族姓子普為一切以是之
故神足變化遊忍世界無所不濟於
是持地菩薩即從座起前白佛言假
使有人聞光世音所行德本終不虛
妄世世安隱至無極慧其光世音神
足變化普至道門所顯威神而無窮
極佛說是普門道品彼時會中八萬
四千人至無等倫尋發無上正真道意
正法華經持品第二十四

於是藥王菩薩即從座起長跪叉手
前白佛言若族姓子及族姓女聞是
正法華經典受持懷抱書寫經卷獲
福如何佛言族姓子女受持是經誦

在懷抱書寫經卷福不可量無以為
喻若族姓子供養八十億百千娑江
河沙諸如來衆若復受持懷抱書寫
是正法華經講說供養何所福多於
意云何寧當一心奉持經典若以衣
食供養諸佛藥王菩薩白佛言若族
姓子及族姓女受正法華經典之要
執持書寫一四句頌講說諷誦若復
奉行具足成就其福最多勝於供養
若干江沙諸佛世尊佛言甚哉法之
供養取為第一藥王菩薩復白佛言
我當擁護如是等輩諸族姓子及族
姓女受此經者斯法師等以義宿衛
長使無患誦持句又尋呪曰

奇異所思意念無意永久所行奉修
寂然澹泊志默解脫濟渡平等無邪
安和普平滅盡無盡莫勝玄默澹然
摠持觀察光耀有所依倚恃怙於內
究竟清淨無有坑坎亦無高下無有
迴旋所周旋處其目清淨等無所等
覺已越度而察於法合衆無音所說
鮮明而懷止足盡除節限宣暢音響
曉了衆聲而了文字無有窮盡永無

力勢無所思念

王法華經卷第十

第七張 風

藥王菩薩白曰唯然世尊是捻持句六十二江河沙諸佛所說假使有犯此呪言者若復違毀此等法師為失諸佛世尊道教佛歎藥王菩薩大士善哉善哉若族姓子說捻持句為衆生故愍念擁護多所安隱

於時妙勇菩薩前白佛言唯然世尊我身亦為衆生之故欲令永安若有奉持此經典者授捻持句將護如此諸法師等令無伺求得其使者鬼神諸魅溷廁衆鬼突鬼厭鬼餓鬼不足雖欲來燒無能得便妙勇菩薩專心思惟說此捻持句晃耀大明炎光演暉順來富章悅喜欣然住此立制永作無合無集是捻持句江河沙等諸佛所說咸共勸助若違如來如是比像諸法師教還自危亡時毗沙門天王前白佛言我亦當演此捻持句加以慈心為衆生故擁護法師富有調戲无戲無量无富何富以是故擁護諸法師等百由旬内無敢犯觸宿衛將順諸族姓子如是比像至學法師乃能

受持以是擁護常獲吉利時順然天王在彼會坐與諸香音億百千妖鬼眷屬圍遶往詣佛所前白佛言唯然世尊我亦當宣此持持句無數有數曜黑持香殂呪大體于器順述暴言至有

唯然世尊此持持句四千二百億諸佛所說以此持持擁護供養諸學經者令無伺求得其便者時有一魅名有結縛復名離結復名施積復名施華復名施黑復名被駮復名無著復名持華復名何所復名取一切精往詣佛所鬼子母與諸子俱異口同音前白佛言我等世尊常當擁護如是比像諸法師等加施吉祥令無伺求得法師短于時諸魅同共舉聲宣此持持將順法師於是於斯於介於氏極甚無我無吾无身無所俱同已興已生已成而住而立亦住嗟歎亦非消頭大疾無得加害是等之類是我眷屬令無所犯擁護法師消除鬼神諸魅餓鬼溷神突鬼蠱道符呪癡狂顛鬼化是像來若鬼神形及非人像二日

三日若至四日若常熱病若復夜卧
值惡夢者若現男女大小諸像我等
擁護令無伺求得其便者於時諸魅
共於佛前說此頌曰

犯頭破七分 猶如華菜剖 當致煞母罪
亦得害父殃 其有犯法師 皆當獲此疊
世世不得安 不與諸佛會 破壞佛寺罪
闕亂聖衆殃 如合衆麻油 麻油聚一處
放火皆焦然 消盡無有餘 其有犯法師
當獲此罪殃 猶如耨載峻 罪垢之所聚
其有犯法師 當獲此重疊

諸鬼神軍頭等說此頌已前白佛言
我等咸護如是比像諸法師等使常
安隱除去怨敵周帀宿衛令無傷害
若有行毒毒為不行時佛咤歎諸魅
所呪善哉善哉汝等乃欲護諸法師
若聞此經宣持名号德不可量何況
具足隨時持說書在經卷若以供養
華香幢蓋雜香搗香然燈懸繒思夷
合歡青蓮紅蓮黃蓮白蓮稍著油蘓
以用然燈供養此經勤修不懈百千
倍福不可限汝等當護如是比像
進學者佛說是捉持品時六万八

正法華經卷第十 第十張 風 義
千人逮得無所從生法忍

正法華經淨復淨王品第二十五

佛告族姓子乃往過去無央數劫不可思議長遠難量今時有佛号捻水雷音宿華慧王如來至真等正覺明行成為善逝世間解無上士道法御天人師為佛世尊世界曰照明嚴飾劫曰愛見又族姓子於其佛世有王名淨復淨今時其王有一正后名曰離垢施其后有二子一名離垢藏二名離垢目又其二子皆得神足輕舉能飛智慧具足功德備悉聖達巍巍行菩薩業夙夜精進未曾懈怠勤心專精六度無極善摧四等所濟無限量宿日光三昧離垢顯耀三昧淨莊嚴三昧大威藏三昧皆得通達此三昧定而度無極時佛集會與諸四輩釋梵四天王諸天人民班宣分別正法華經時佛愍念一切衆生哀傷國土皆欲化之使入大道又族姓子其二太子往詣母所叉手白言惟願屈意

見念加慈專精身心欲往到佛奉見
如來身亦自欲稽首自歸所以者何
今日如來為天上天下一切衆生廣
宣要典正法華經故當奉觀聽正法
華離垢施后告二太子汝等父王志
存外邪信樂梵志常懷瞋恨以是之
故不可得往時二太子同心叉手復
白其母我等薄相所生邪見無義之
家又我等身本是法王子當以經道
化于濁俗反偽向真今乃佛子也於
是離垢施后告二太子善哉行矣汝
真孝子為其父母修大慈愍各顯神
足觀之欣然心中開解便聽子等俱
詣佛所稽首受業時二太子輒受母
教其身踊住在虛空中去地七仞愍
念其親各現威變在於虛空二人俱
時坐卧經行身上出火身下出水身
上出水身下出火演大光明照耀遠
近現身長大復還為小從虛空下入
于地中若人入水從地踊出處在虛
空猶如履地其二太子現若干變而
顯神足以用開化於其父母于時父
王觀其二子神足變化威德若斯欣

然踊躍善心生焉躬身叉手向二子
日汝等師主所受誰乎時二太子自
啓父王大王欲知我等師主捻水雷
音宿華慧王如來至真是我等師主
今現在遊於寶樹下處于法座為四
部衆諸天人民廣演宣布正法華經
其佛世尊是我師主也王告二子吾
欲往詣卿等師主奉覲親受大聖正
真無上言教於時二子從虛空下行
至母所自白其母而又手言阿母威
德則化父王以造立心無上正真因
成道教聖尊之業惟垂愍念聽我詣
佛出家為道得作沙門時二太子為
母說偈曰

唯母聽我等 出家為沙門 如來甚難遇
曷時當精學 所亡難得值 猶如靈瑞華
難遇復越彼 閑靜不可得
於時王后離垢施以頌告曰
吾以聽汝等 善哉子輒去 至聖甚難遭
我亦出家俱

尔時二太子歎是法頌報父母已重
復白父王及所生母惟願二親同時
一心俱往詣捻水雷音宿華慧王佛

所屈意一時發見彼世尊稽首歸命
所以者何二親當知佛興難值猶靈
瑞華亦如如意取上明珠佛亦復然
不可再遇是故我等來生此土心念
出家功德第一由是之故不宜有難
便可相許報言善哉得出家學棄捐
愛欲捨其俗業所以者何若覩如來
福慶無量人命難得佛世難值難於
八難得閑靜難猶死更生父王皇后
報太子言諾宜知是時佛言族姓子
尔時淨復淨王宮內八万四千宮人
姝女宿命德本應得啓受是正法華
經典本是道器離垢目太子宿命本
修行積功累德從來無限離垢藏太
子無央數億百千姪劫往昔宿命曾
以奉行棄於衆生一切惡趣三昧正
定何謂棄於衆生一切惡趣三昧正
定其王正后二太子母離垢施者曉
十方佛一切道同諸佛要集諸佛與
藏無極聖慧以摧方便現于女身耳
佛告族姓子時淨復淨王見二太子
所見神足化入如來至真之法以得
超越展轉相成多所度脫一切盲冥

咸入道明便自發意與其眷屬四万
二十離垢施后與諸群黨隨二太子
中宮姝女群臣百官一時和同往詣
佛所稽首足下退各就坐從本常位
時佛見淨復淨王與大眷屬自投歸
命因其本行觀宿所緣而為說法應
病與藥各得開解欣然踊躍善心生
焉更立國王與其正后離垢施及二
太子宫人姝女一切官屬棄國捐王
行作沙門已作沙門八万四千歲奉
修道業思惟觀察是正法華經典之
要調誦奉行如佛所教無所違失
於是淨復淨王遵奉勤修正法華經
與其眷屬竟八万四千歲逮眾德本
嚴淨三昧正定適逮斯定其身即時
踊在虛空去地四丈九尺住於虛空
遙白搃水雷音宿華慧王如來至真
唯然世尊其二子者則是聖師化導
吾家蒙其恩德獲現神足顯揚變化
而緣是見所化神變心得開解退俗
入道奉佛法訓度眾穢厄順從法律
堅住無極得奉如來啓受經法乃為
至聖無盖善師是二子者亦現子像

生我家耳皆是宿世明識本德承佛
仁慈非是凡庶之可思論佛告王曰
如是如是大王如大王所言是二太
子宿殖德故乃能示現因欲開王及
諸眷屬一切衆生佛言大王若族姓
子及族姓女學是經典所生之處周
旋終始易得善師顯世尊教得立無
上正真之道開化導亦度脫一切是
為微妙無極之業展轉相教展
轉相成得至聖諦無極之處值佛
道法王因遇善師得見如來啓受經
法由勸助恩王今寧見此二太子是
諸族姓子前世已曾供養奉事六十
五億百千兆族江河沙等如來至真
而復授持是正法華經愍傷衆生沒
在邪冥九十六種不能自濟故開化
之令住正見修行精進求佛大道
於是佛語族姓子曰其淨復淨王於
彼世時歎衆功德從虛空下即又十
指前白其佛唯佛宣布如來至真本
宿命時行何功德聖慧巍巍眉間之
相演大暉曜照無限國而目明好徼
覩十方其眉間相白如珂雪柔軟細

好魏魏光澤平政無斜無所不照世
尊面像充滿如日安住道目猶如月
初一切觀之而無厭極於時國王說
此頌曰

其殊異功勳巨億百千娖虛空尚可喻
其慧不可限

佛以頌答曰

前世行中正加施人平等故使眉間相
所照無有限和視施燈慧目明踰日月
其眼如月初徹觀十方國

時王嘆歎已叉手白佛至未曾有如
來至真之教弘慈無極不可思議功
德具足敷演道義施設法禁令無罪
豈長塗之難皆得無患唯然世尊如
吾今日心不放逸由得自在不隨邪
徑棄捐自大不從虛偽亦無瞋恨不
興惡心無益之業我國多事欲出家
學不還中宮重欲自歸所有供養佛
言大佳時王即起稽首佛足其王正
后離垢施者解身百千所著寶璫以
散佛上佛之威神化成七寶交露之
帳以為交露琦異妙帳自然有牀布以
無數琦異坐具如來坐上於時國王

心自念言至未曾有天尊至德交露
帳中所見如來甚大端正威神巍巍
光色第一顏貌充滿淨好無比願令
一切皆蒙此福於時世尊告四部衆
汝等寧見淨復淨王一心叉手而住
佛前皆日已見佛言比丘是王於今
是我學世現比丘像於將來世當得
作佛名曰種帝王如來至真等正覺
明行成為善逝世間解無上士道法
御天人師為佛世尊其佛土曰廣普
劫曰超王於時其佛諸菩薩衆不可
稱限諸聲聞衆亦無央數其佛世界
平等如掌無有傾斜無沙礫石得作
佛時威神巍巍廣大無極光光如是
能仁如來告族姓子欲知今時淨復
淨王發道意者豈是異人莫造此觀
所以者何則是今現蓮華首菩薩是
欲知今時離垢皇后者今光照嚴飾
菩薩是常念諸菩薩愍傷衆生故生
彼國開化度之欲知今時二太子者
則今藥王菩薩超藥菩薩身是又族
姓子藥王菩薩超藥菩薩功德巍巍
無限若斯在無央數億百千娖諸如

來所殖衆德本是二正士道德脩志
不可思議若有聞此二正士名執持
懷抱一切衆人皆當恭敬如是學士
天上世間皆歸仰之佛說是往古宿
世本所行時八万四千人遠塵離垢
諸法眼淨

正法華經樂普賢品第二十六

於時普賢菩薩過東方江河沙諸佛
國土諸菩薩來者動諸佛國雨衆蓮
華鼓億百千妓伎樂歌歎如來功德
承其開士其大神足無極變化大菩
薩身威神巍巍聖旨玄妙普照十方
與諸天龍神捷陀羅阿湏倫迦留羅
真陀羅摩休勒人及非人俱各各將
諸眷屬各顯神足不可思議至靈
鷲山往詣佛所稽首足下繞佛七匝
前白佛言我從寶超威王如來佛土
來承今世尊演正法華經故至忍界
欲得聽受與諸菩薩無數百千亦樂
聽聞所宣道議善哉世尊唯加垂哀
以時頌宣正法華經寧有女人何所
修行得奉執經卷佛時即告普賢菩
薩族姓子女人有四事法得是經卷

何謂為四一日常為諸佛所見建議
二日積功累德不以慙廢三日能分
別化究暢衆要諸所聚處四日普護
衆生發未發者是為四逮是經卷
時普賢菩薩前白佛言寂後末俗五
濁之世若有比丘受是經典長擁護
之令得吉祥除衆狂橫毒亦不行令
無伺求得其便者有受是經咸共宿
衛令魔波旬不能燒乱及諸官屬諸
鬼神龍溝邊溷鬼蠱道符咒令不得
行躬身自往常以一心擁護法師常
使安隱若有比丘學此經典坐起經
行精進修業象馬車乘往到其所護
此經典與諸菩薩眷屬圍遶俱當往
詣法師比丘受是經者思惟行者令
不忘失正法華經一句之義乘駕往
詣此學士矚目自奉見為是經舉見
我歡喜普更勤學當護法師逮得三
昧若復獲致迴轉捨持又當逮成若
千百千億周旋捨持曉了一切諸音
捨持惟願世尊若於寂後餘殘末俗
五濁之世餘五十歲中比丘比丘尼
清信士清信女受是經典宜亦同學

持書慕求為他人說寂後末俗餘五
十歲若能受是正法華經心存解義
精進不廢致二十一日諸行稍倍已
致諸行二十一日勤心存於法自現
可敬巍巍之德乘六通馳與諸眷屬
大小相隨往詣法師勸助法師二
十一日專修此法使心開解懷致捨
持若使法師不化衆生若不勸助不
能開化非人得便猶是法師不得擁
護不致安隱是故學者常行精進承
佛威神宿衛法師若有法師持佛正
法便勤精進願聽捨持其辭呪曰

無我除我因我方便賓仁和除甚柔
軟柔弱句見諸佛因諸捨持行衆諸
說蓋迴轉盡集會除衆趣無央數計
諸句三世數等越有為舉諸法曉衆
生音師子娛樂

唯然世尊是則名曰是捨持句若有
菩薩耳根聽聞此捨持句入耳中者
即當知之普賢菩薩之所建立是正
法華經若布天下閭閻淨利內值是經
者心當思念普賢菩薩威神所致令
我等輩致是經卷普賢菩薩所行神

化令此衆人致此妙典斯等衆生無數佛所積衆德本如來至真手摩其頭若有書寫執持在手則奉佛身敬愛道法敬書是經書是經已欲解中義於此壽終生忉利天適生天上八万四千天人玉女往就供養鼓琴歌頌已作天子坐玉女中而相娛樂若族姓子但書是經功德如是何況誦說思惟中義是故世尊一心勤修正法華經書持經卷常當思惟一切不忘當礼此人用書寫此經至德所致而為千佛所見授辭臨壽終時面見千佛遊在吉安不墮惡趣壽終之後生兜術天適生天上八萬四千諸玉女衆往詣其所鼓諸伎樂而歌頌德在諸玉女以法相樂是族姓子書此經者功德如斯何況誦說思惟其義是故勤修書寫宣傳正法華經思惟奉行皆令具足專精一心志未曾亂千佛授辭臨壽終時面見千佛不墮惡趣於是壽終生兜術天在弥勒佛所成菩薩身三十二相莊嚴其體億千玉女眷屬圍遶是故智者常當勤修

書是經典敷演思惟唯唯然世尊若有
書此經卷思惟誦說功祚無量不可
稱限巍巍如是是故智者書持是經
當得還致若干功德吾以是故建立
是經用五引意勤念道法流布天下
間浮利內

於是能仁如來至真告普賢曰善哉
善哉汝乃發心多所哀念精進勤護
將來菩薩勸道於斯無思誼法其心
懷抱無極大哀發心之頃攝無量行
各執經卷建立擁護若有受持普賢
菩薩宣其名者則當知之見能仁佛
前已曾聞如是像法供養奉事見能
仁佛斑宣經道講讚善哉如來摩頭
則當謂之是普賢也佛之威神之所
建立佛以衣服而覆護之受如來教
不樂俗業不喜調戲合偶譌謔不好
歌舞不遊在外不入屠沽養脂鷄鶩
不與女人無益從事若聞是經書寫
聽受持誦誦說樂如是像自然之法
思惟奉行緣內精專自興福力一切
衆生若有覩見靡不受敬若有比丘
受持此經不為婬怒愚癡所縛不為

貪嫉自大

正法華經卷第十 第三張

強自用

彊梁邪見已利止足若有法師普修
至賢寂後末俗世餘五十歲五濁之
俗若有比丘受持是經當作是知思
惟解念是等族姓子必至道場降伏
魔宮而轉法輪擊於法鼓吹大法螺
演時法雨於師子座而處法座寂後
末俗世受持是經功德如是又是比
丘不猗利養不貪衣鉢是等法師志
性質直而無諛諂不墮癡冥其人現
在自然如是若有比丘受持是經世
世不忘所生聰明黠慧未曾瞶盲現
在獲安無有衆患若毀此經訶學持
者而復誹謗其人現在身致癩病見
害是經非之不可而共調戲所生之
處其身缺漏為火所燒常遇諍訟鼻
面生醜手足了戾口目不正其身臭
穢體生瘡痍醫藥不治困苦難言若
說是經有聞見者宣之不可增惡不
喜所說不誠言不真實用是犯惡衆
罪之故得殃無量在所不安佛言是
故普賢若見比丘受持是經遙起遠
迎恭敬承事如奉如來今佛現在摩

不歸命歸彼法師如是無異乃應佛
教佛說是樂普賢品時如江河沙億
百千姪諸菩薩衆皆逮捨持

正法華經囑累品第二十七

於是世尊能仁從法座起合諸菩薩
如其色像亦現神足都舉大會著其
右掌而讚歎曰諸族姓子佛從無數
不可計會億百千劫積累造行乃成
無上正真之道得度無極故取諸賢
安措右掌舉手下之以為念識當受
斯經持誦誦讀當為衆會分別說之
令諸群生普得見聞又族姓子心無
所著勿得秘惜此正法華經志無所
畏則施佛慧如來之慧自在之慧則
為無上無極法施當學佛行無得矜
惜慳嫉愛重宜廣示現斯如來慧當
使通聞至於不至往所不往當勤聽
受此要經典其不信者當令信樂當
勸群生入于尊法諸族姓子能如是
者則知如來之所建立時諸菩薩為
能仁世尊所見咨嗟悉踊躍加敬領
身側體位頭叉手稽首自歸向能仁
佛同聲啓白唯如世尊所勅不敢違

教請奉行之具足順從如佛所宣願
勿為慮諸菩薩三啓如是所至到處
周旋十方頌宣聖旨

尔時能仁正覺一切發遣十方世界
諸來世尊各隨便宜從其所安時十
方佛皆亦報曰如來亦當從宜所安
諸如來正覺多寶世尊七寶講堂佛
之塔廟即復故處又諸如來皆從所
安佛說是經時十方無量異佛世界
諸來大聖坐佛樹下處師子座多寶
如來及大士等諸餘學行現佛前者
不可計會無數无量并從地中踊出
菩薩諸大聲聞四部之衆諸天龍神
阿湏倫捷沓起世間人民聞佛所說
莫不歡喜

正法華經卷第十

壬寅歲高麗國大藏都監奉

勅彫造

添品妙法蓮華經序

在

隋仁壽元年岨多笈多三法師添品

妙法蓮華經者破二明一之指歸也
降神五濁弘道三乘權智不思大悲
難極先設化城之迹後示繫珠之本
車雖有異兩實無差記以正覺之名
許以真子之位同入法性歸之於此
昔煥煌沙門竺法護於晉武之世譯
正法華後秦姚興更請羅什譯妙法
蓮華考驗二譯定非一本護似多羅
之葉什似龜茲之文余檢經藏偻見
二本多羅則與正法符會龜茲則共
妙法允同護所闕者普門品偈也什所
闕者藥草喻品之半富樓那及法師
等二品之初提婆達多品普門品偈
也什又移囑累在藥王之前二本隨
羅尼並置普門之後其間異同言不
能極竊見提婆達多及普門品偈先
賢續出補闕流行余景仰遺風憲章
成範大隋仁壽元年辛酉之歲因普
曜寺沙門上行所請遂共三藏岨多

及多二法師於大興善寺重勘天竺
多羅素本富樓那及法師等二品之
初勘本猶闕藥草喻品更益其半提
婆達多通入塔品陀羅尼次神力之
後囑累還結其終字句差殊頗亦改
正儻有披尋幸勿疑惑雖千萬億偈
妙義難盡而二十七品本文且具所
願四辯梵詞遍神州之域一乘秘教
悟象運之機聊記翻譯序之去介
添品妙法蓮華經卷第一

隋天竺三藏闍那崛多共及多譯

妙法蓮華經序品第一

如是我聞一時佛住王舍城耆闍崛
山中與大比丘衆萬二千人俱皆是
阿羅漢諸漏已盡無復煩惱逮得已
利盡諸有結心得自在其名曰阿若
憍陳如摩訶迦葉優樓頻螺迦葉伽
耶迦葉那提迦葉舍利弗大目犍連
摩訶迦旃延阿菟樓駄劫賓那憍梵
波提離婆多畢陵伽婆蹉薄拘羅摩
訶拘絺羅難陀孫陀羅難陀富樓那
彌多羅尼子須菩提阿難羅睺羅如
是衆所知識大阿羅漢等復有學無

學二千人摩訶波闍波提比丘尼與眷屬六千人俱羅睺羅母耶輸陀羅比丘尼亦與眷屬俱菩薩摩訶薩八萬人皆於阿耨多羅三藐三菩提不退轉皆得陀羅尼樂說辯才轉不退轉法輪供養無量百千諸佛於諸佛所殖衆德本常為諸佛之所稱歎以慈修身善入佛慧通達大智到於彼岸名稱普聞無量世界能度無數百千衆生

其名曰文殊師利菩薩觀世音菩薩得大勢菩薩常精進菩薩不休息菩薩寶掌菩薩藥王菩薩勇施菩薩寶月菩薩月光菩薩滿月菩薩大力菩薩無量力菩薩越三界菩薩跋陀婆羅菩薩弥勒菩薩寶積菩薩導師菩薩如是等菩薩摩訶薩八萬人俱

尔時釋提桓因與其眷屬二萬天子俱復有名月天子普香天子寶光天子四大天王與其眷屬萬天子俱自在天子大自在天子與其眷屬三萬天子俱娑婆世界主梵天王尸棄大梵光明大梵等與其眷屬萬二千天

子俱有八龍王難陀龍王跋難陀龍
王娑伽羅龍王和脩吉龍王德叉迦
龍王阿那婆達多龍王摩那斯龍王
溫鉢羅龍王等各與若干百千眷屬
俱有四緊那羅王法緊那羅王妙法
緊那羅王大法緊那羅王持法緊那
羅王各與若干百千眷屬俱有四乳
闍婆王樂乳闍婆王樂音乳闍婆王
美乳闍婆王美音乳闍婆王各與若
千百千眷屬俱有四阿脩羅王婆稚
阿脩羅王佉羅騫駄阿脩羅王毗摩
質多羅阿脩羅王羅睺阿脩羅王各
與若干百千眷屬俱有四迦樓羅王
大威德迦樓羅王大身迦樓羅王大
滿迦樓羅王如意迦樓羅王各與若
千百千眷屬俱奉提希子阿闍世王
與若干百千眷屬俱各禮佛足退坐
一面

尔時世尊四眾圍遶供養恭敬尊重
讚歎為諸菩薩說大乘經名無量義
教菩薩法佛所護念佛說此經已結
加趺坐入於無量義處三昧身心不
動是時天雨曼陀羅華摩訶曼陀羅

華身殊沙華摩訶曼殊沙華而散佛
上及諸大衆普佛世界六種振動今
時會中比丘比丘尼優婆塞優婆夷
天龍夜叉乾闥婆阿脩羅迦樓羅緊
那羅摩睺羅伽人非人等及諸小王
轉輪聖王是諸大衆得未曾有歡喜
合掌一心觀佛今時佛放眉間白毫
相光照東方萬八千世界靡不周遍
下至阿鼻地獄上至阿迦膩吒天於
此世界盡見彼土六趣衆生又見彼
土現在諸佛及聞諸佛所說經法并
見彼諸比丘比丘尼優婆塞優婆夷
諸修行得道者復見諸菩薩摩訶薩
種種因緣種種信解種種相貌行菩
薩道復見諸佛般涅槃者復見諸佛
般涅槃後以佛舍利起七寶塔今時
彌勒菩薩作是念今者世尊現神變
相以何因緣而有此瑞今佛世尊入
于三昧是不可思議現希有事當以
問誰誰能答者復作此念是文殊師
利法王之子已曾親近供養過去無
量諸佛必應見此希有之相我今當
問今時比丘比丘尼優婆塞優婆夷

及諸天龍鬼神等咸作此念是佛光
明神通之相今當問誰今時弥勒菩
薩欲自決疑又觀四衆比丘比丘尼
優婆塞優婆夷及諸天龍鬼神等衆
會之心而問文殊師利言以何因緣
而有此瑞神通之相放大光明照於
東方萬八千土悉見彼佛國界莊嚴
於是弥勒菩薩欲重宣此義以偈
問曰

文殊師利導師何故眉間白毫
大光普照兩鼻施羅鼻殊沙華
旃檀香風悅可衆心以是因緣
地皆嚴淨而此世界六種震動
時四部衆咸皆歡喜身意快然
得未曾有眉間光明照于東方
萬八千土皆如金色從阿鼻獄
上至有頂諸世界中六道衆生
生死所趣善惡業緣受報好醜
於此悉見又觀諸佛聖主師子
演說經典微妙第一其聲清淨
出柔軟音教諸菩薩無數億萬
梵音深妙今人樂聞各於世界
講說正法種種因緣以無量喻

照明佛法 開悟衆生 若人遭苦
獸老病死 為說涅槃 盡諸苦際
若人有福 曾供養佛 志求勝法
為說緣覺 若有佛子 修種種行
求無上慧 為說淨道 文殊師利
我住於此 見聞若斯 及千億事
如是衆多 今當略說 我見彼土
恒沙菩薩 種種因緣 而求佛道
或有行施 金銀珊瑚 真珠摩尼
車渠馬瑙 金剛諸珍 奴婢車乘
寶飾輦輿 歡喜布施 迴向佛道
願得是乘 三界第一 諸佛所歎
或有菩薩 駟馬寶車 欄楯華蓋
軒飾布施 復見菩薩 身肉手足
及妻子施 求無上道 又見菩薩
頭目身體 欣樂施與 求佛智慧
文殊師利 我見諸王 往詣佛所
問無上道 便捨樂土 宮殿臣妾
剷除鬚髮 而被法服 或見菩薩
而作比丘 獨處閑靜 樂誦經典
又見菩薩 勇猛精進 入於深山
思惟佛道 又見離欲 常處空閑
深修禪定 得五神通 又見菩薩

安禪合掌

以千萬偈

讚諸法王

復見菩薩

智深志固

能問諸佛

聞悉受持

又見佛子

定慧具足

以無量喻

為衆講法

欣樂說法

化諸菩薩

破魔兵衆

而擊法鼓

又見菩薩

寂然宴默

天龍恭敬

不以為喜

又見菩薩

處林放光

濟地獄苦

令入佛道

又見佛子

未嘗睡眠

經行林中

勤求佛道

又見具戒

威儀無缺

淨如寶珠

以求佛道

又見佛子

住忍辱力

增上慢人

惡罵捶打

皆悉能忍

以求佛道

又見菩薩

離諸戲笑

及癡眷屬

親近智者

一心除亂

攝念山林

億千萬歲

以求佛道

或見菩薩

餽饌飲食

百種湯藥

施佛及僧

名衣上服

價直千萬

或無價衣

施佛及僧

千萬億種

栴檀寶舍

衆妙卧具

施佛及僧

清淨園林

華果茂盛

流泉浴池

施佛及僧

如是等施

種種微妙

歡喜無厭

求無上道

或有菩薩

說寂滅法

種種教詔

無數衆生

又見菩薩

觀諸法性

無有一相

猶如虛空

又見佛子

心無所著

以此妙慧

求無上道

文殊師利

又有菩薩

佛滅度後

供養舍利

又見佛子

造諸塔廟

無數恒沙

嚴飾國界

寶塔高妙

五千由旬

縱廣正等

二千由旬

一一塔廟

各千幢幡

珠交露縵

寶鈴和鳴

諸天龍神

人及非人

香華伎樂

常以供養

文殊師利

諸佛子等

為供舍利

嚴飾塔廟

國界自然

殊特妙好

如天樹王

其華開敷

佛放一光

我及衆會

見此國界

種種殊妙

諸佛神力

智慧希有

放一淨光

照無量國

我等見此

得未曾有

佛子文殊

願決衆疑

四衆欣仰

瞻仁及我

世尊何故

放斯光明

佛子時答

決疑令喜

何所饒益

演斯光明

佛坐道場

所得妙法

為欲說此

為當授記

示諸佛土

衆寶嚴淨

及見諸佛

此非小緣

文殊當知

四衆龍神

瞻察仁者

為說何等

是時文殊師利語弥勒菩薩摩訶薩
及諸大士善男子等如我惟忖今佛
世尊欲說大法雨大法雨吹大法螺
擊大法鼓演大法義諸善男子我於
過去諸佛曾見此瑞放斯光已即說
大法是故當知今佛現光亦復如是
欲令衆生咸得聞知一切世間難信
之法故現斯瑞諸善男子如過去無
量無邊不可思議阿僧祇劫今時有
佛号日月燈明如來應供正遍知明
行足善逝世間解無上士調御丈夫
天人師佛世尊演說正法初善中善
後善其義深遠其語巧妙純一無雜
具足清白梵行之相為求聲聞者說
應四諦法度生老病死究竟涅槃為
求辟支佛者說應十二因緣法為諸
菩薩說應六波羅蜜令得阿耨多羅
三藐三菩提成一切種智次復有佛
亦名日月燈明次復有佛亦名日月
燈明如是二萬佛皆同一字号日月
燈明又同一姓氏頗羅墮弥勒當知
初佛後佛皆同一字名日月燈明十
号具足所可說法初中後善其寂後

佛未出家時有八王子一名有意三名善意三名無量意四名寶意五名增意六名除疑意七名響意八名法是諸王子聞父出家得阿耨多羅三藐三菩提志捨王位亦隨出家發大乘意常修梵行皆為法師已於千萬佛所殖諸善本是時日月燈明佛說大乘經名無量義教菩薩法佛所護念說是經已即於大眾中結加趺坐入於無量義處三昧身心不動是時天雨曼陀羅華摩訶曼陀羅華曼殊沙華摩訶曼殊沙華而散佛上及諸大眾普佛世界六種震動今時會中比丘比丘尼優婆塞優婆夷天龍夜叉乾闥婆阿脩羅迦樓羅緊那羅摩睺羅伽人非人等及諸小王轉輪聖王等是諸大眾得未曾有歡喜合掌一心觀佛今時如來放眉間白毫相光照東方萬八千佛土靡不周遍如今所見是諸佛土弥勒當知今時會中有二十億菩薩樂欲聽法是諸菩薩見此光明普照佛土得未曾有欲

知此光所為因緣時有菩薩名曰妙光有八百弟子是時日月燈明佛從三昧起因妙光菩薩說大乘經名妙法蓮華教菩薩法佛所護念六十小劫不起于座時會聽者亦坐一處六十小劫身心不動聽佛所說謂如食須是時衆中無有一人若身若心而生懈倦日月燈明佛於六十小劫說是經已即於梵魔沙門婆羅門及天人阿脩羅衆中而宣此言如來於今日中夜當入無餘涅槃時有菩薩名曰德藏日月燈明佛即授其記告諸比丘是德藏菩薩次當作佛号曰淨身多陀阿伽度阿羅訶三藐三佛陀佛授記已便於中夜入無餘涅槃佛滅度後妙光菩薩持妙法蓮華經滿八十小劫為人演說日月燈明佛八子皆師妙光妙光教化令其堅固阿耨多羅三藐三菩提是諸王子供養無量百千萬億佛已皆成佛道其取後成佛者名曰然燈八百弟子中有一人号曰求名貪著利養雖復讀誦衆經而不通利多所忘失故号求名

是人亦以種諸善根因緣故得值無
量百千萬億諸佛供養恭敬尊重讚
歎弥勒當知今時妙光菩薩豈異人
乎我身是也亦名菩薩沒身是也今
見此瑞與本無異是故惟忖今日如
來嘗說大乘經名妙法蓮華教菩薩
法佛所護念今時文殊師利於大衆
中欲重宣此義而說偈言

我念過去世無量無數劫有佛人中尊
号日月燈明世尊演說法度無量衆生
無數億菩薩今入佛智慧佛未出家時
所生八王子見大聖出家亦隨修梵行
時佛說大乘經名無量義於諸大衆中
而為廣分別佛說此經已即於法座上
加趺坐三昧名無量義處天雨曼陀華
天鼓自然鳴諸天龍鬼神供養人中尊
一切諸佛土即時大震動佛放眉間光
現諸希有事此光照東方萬八千佛土
示一切衆生生死業報處又見諸佛土
以衆寶莊嚴琉璃頗梨色斯由佛光照
及見諸天人龍神夜叉衆乾闥緊那羅
各供養其佛又見諸如來自然成佛道
身色如金山端嚴甚微妙如淨琉璃中

內現真金像世尊在大衆敷演深法義
一一諸佛土聲聞衆無數因佛光所照
悉見彼大衆或有諸比丘在於山林中
精進持淨戒猶如護明珠又見諸菩薩
行施忍辱等其數如恒沙斯由佛光照
又見諸菩薩深入諸禪定身心寂不動
以求無上道又見諸菩薩知法寂滅相
各於其國土說法求佛道今時四部衆
見日月燈佛現大神通力其心皆歡喜
各各自相問是事何因緣天人所奉尊
適從三昧起讚妙光菩薩汝為世間眼
一切所歸信能奉持法藏如我所說法
惟汝能證知世尊既讚歎今妙光歡喜
說是法花經滿六十小劫不起於此座
所說上妙法是妙光法師悉皆能受持
佛說是法華今衆歡喜已尋即於是日
告於天人衆諸法實相義已為汝等說
我今於中夜當入於涅槃汝一心精進
當離於放逸諸佛甚難值億劫時一遇
世尊諸子等聞佛入涅槃各各懷悲惱
佛滅一何速聖主法之王安慰無量衆
我若滅度時汝等勿憂怖是德藏菩薩
於無漏實相心已得通達其次當作佛

号曰為淨身亦度無量眾佛此夜滅度
如新盡火滅分布諸舍利而起無量塔
比丘比丘尼其數如恒沙倍復加精進
以求無上道是妙光法師奉持佛法藏
八十小劫中廣宣法華經是諸八王子
妙光所開化堅固無上道當見無數佛
供養諸佛已隨順行大道相繼得成佛
轉次而授記寂後天中天号曰然燈佛
諸仙之導師度脫無量眾是妙光法師
時有一弟子心常懷懈怠貪著於名利
求名利無厭多遊族姓家棄捨所習誦
廢忘不通利以是因緣故号之為求名
亦行眾善業得見無數佛供養於諸佛
隨順行大道具六波羅蜜今見釋師子
其後當作佛号名曰弥勒廣度諸眾生
其數無有量彼佛滅度後懈怠者汝是
妙光法師者今則我身是我見燈明佛
奉光瑞如此以是知今佛欲說法華經
今相如本瑞是諸佛方便今佛放光明
助發實相義諸人今當知合掌一心待
佛當雨法雨充足求道者諸求三乘人
若有疑悔者佛當為除斷令盡無有餘
妙法蓮華經方便品第二

今時世尊從三昧安詳而起告舍利弗諸佛智慧甚深無量其智慧門難解難入一切聲聞辟支佛所不能知所以者何佛曾親近百千萬億無數諸佛盡行諸佛無量道法勇猛精進名稱普聞成就甚深未曾有法隨宜所說意趣難解舍利弗吾從成佛已來種種因緣種種譬喻廣演言教無數方便引導衆生令離諸著所以者何如來方便知見波羅蜜皆已具足舍利弗如來知見廣大深遠無量無尋力無所畏禪定解脫三昧深入無際成就一切未曾有法舍利弗如來能種種分別巧說諸法言辭柔軟悅可衆心舍利弗取要言之無量無邊未曾有法佛悉成就止舍利弗不須復說所以者何佛所成就第一希有難解之法惟佛與佛乃能究盡諸法實相所謂諸法如是相如是性如是體如是力如是作如是因如是緣如是果如是報如是本末究竟等今時世尊欲重宣此義而說偈言

世雄不可量諸天及世人一切衆生類

無能知佛者佛力無所畏解脫諸三昧
及佛諸餘法無能測量者本從無數佛
具足行諸道甚深微妙法難見難可了
於無量億劫行此諸道已道場得成果
我已悉知見如是大果報種種性相義
我及十方佛乃能知是事是法不可示
言辭相寂滅諸餘衆生類無有能得解
除諸菩薩衆信力堅固者諸佛弟子衆
曾供養諸佛一切漏已盡住是取後身
如是諸人等其力所不堪假使滿世間
皆如舍利弗盡思共度量不能測佛智
正使滿十方皆如舍利弗及餘諸弟子
亦滿十方刹盡思共度量亦復不能知
辟支佛利智無漏取後身亦滿十方界
其數如竹林斯等共一心於億無量劫
欲思佛實智莫能知少分新發意菩薩
供養無數佛了達諸義趣又能善說法
如稻麻竹筴充滿十方刹一心以妙智
於恒河沙劫咸皆共思量不能知佛智
不退諸菩薩其數如恒沙一心共思求
亦復不能知又告舍利弗無漏不思議
甚深微妙法我今已具得惟我知是相
十方佛亦然舍利弗當知諸佛語無異

於佛所說法當生大信力世尊法久後
要當說真實告諸聲聞衆及求緣覺乘
我令脫苦縛逮得涅槃者佛以方便力
示以三乘教衆生處處著引之令得出
今時大衆中有諸聲聞漏盡阿羅漢
阿若憍陳如等千二百人及發聲聞
辟支佛心比丘比丘尼優婆塞優婆
夷各作是念今者世尊何故慇懃稱
歎方便而作是言佛所得法甚深難
解有所言說意趣難知一切聲聞辟
支佛所不能及佛說一解脫義我等
亦得此法到於涅槃而今不知是義
所趣今時舍利弗知四衆心疑自亦
未了而白佛言世尊何因何緣慇懃
稱歎諸佛第一方便甚深微妙難解
之法我自昔來未曾從佛聞如是說
今者四衆咸皆有疑惟願世尊敷演
斯事世尊何故慇懃稱歎甚深微妙
難解之法今時舍利弗欲重宣此義
而說偈言

慧日大聖尊久乃說是法自說得如是
力無畏三昧禪定解脫等不可思議法
道場所得法無能發問者我意難可測

亦無能問者無問而自說稱歎所行道
智慧甚微妙諸佛之所得無漏諸羅漢
及求涅槃者今皆墮疑網佛何故說是
其求緣覺者比丘比丘尼諸天龍鬼神
及乾闥婆等相視懷猶豫瞻仰兩足尊
是事為云何願佛為解說於諸聲聞衆
佛說我第一我今自於智疑惑不能了
為是究竟法為是所行道佛口所生子
合掌瞻仰待願出微妙音時為如實說
諸天龍神等其數如恒沙求佛諸菩薩
大數有八萬又諸萬億國轉輪聖王至
合掌以敬心欲聞具足道

尔時佛告舍利弗止止不須復說若
說是事一切世間諸天及人皆當驚
疑舍利弗重白佛言世尊惟願說之
惟願說之所以者何是會無數百千
萬億阿僧祇衆生曾見諸佛諸根猛
利智慧明了聞佛所說則能敬信尔
時舍利弗欲重宣此義而說偈言
法王無上尊惟說願勿慮是會無量衆
有能敬信者

佛復止舍利弗若說是事一切世間
天人阿脩羅皆當驚疑增上慢比丘

將墜於大坑。今時世尊重說偈言。

止止不須說。我法妙難思。諸增上慢者。聞必不敬信。

今時舍利弗。重白佛言。世尊。惟願說之。惟願說之。今此會中。如我等比。百千萬億。世世已曾從佛受化。如此人等。必能敬信。長夜安隱。多所饒益。今時舍利弗。欲重宣此義。而說偈言。

無上兩足尊。願說第一法。我為佛長子。惟垂分別說。是會無量眾。能敬信此法。佛已曾世世教化。如是等皆一心合掌。欲聽受佛語。我等土二百及餘求佛者。願為此眾。故惟垂分別說。是等聞此法。則生大歡喜。

今時世尊告舍利弗。汝已懇懃三請。豈得不說。汝今諦聽。善思念之。吾當為汝分別解說。說此語時。會中有比丘。比丘尼。優婆塞。優婆夷。五千人等。即從座起。禮佛而退。所以者何。此輩罪根深重。及增上慢。未得謂得。未證謂證。有如此失。是以不住世尊默然。而不制止。今時佛告舍利弗。我今此眾。無復枝葉。純有真實。舍利弗如是。

增上慢人退亦佳矣汝今善聽當為
汝說舍利弗言唯然世尊願樂欲聞
佛告舍利弗如是妙法諸佛如來時
乃說之如優曇鉢華時一現耳舍利
弗汝等當信佛之所說言不虛妄舍
利弗諸佛隨宜說法意趣難解所以
者何我以無數方便種種因緣譬喻
言辭演說諸法是法非思量分別之
所能解惟有諸佛乃能知之所以者
何諸佛世尊惟以一大事因緣故出
現於世舍利弗云何名諸佛世尊惟
以一大事因緣故出現於世諸佛世
尊欲令衆生開佛知見使得清淨故
出現於世欲示衆生佛知見故出現
於世欲令衆生悟佛知見故出現於
世欲令衆生入佛知見道故出現於
世舍利弗是為諸佛以一大事因緣
故出現於世佛告舍利弗諸佛如來
但教化菩薩諸有所作常為一事惟
以佛之知見亦悟衆生舍利弗如來
但以一佛乘故為衆生說法無有餘
乘若二若三舍利弗一切十方諸佛
法亦如是舍利弗過去諸佛以無量

無數方便種種因緣譬喻言辭而為
衆生演說諸法是法皆為一佛乘故
是諸衆生從諸佛聞法究竟皆得一
切種智舍利弗未來諸佛當出於世
亦以無量無數方便種種因緣譬喻
言辭而為衆生演說諸法是法皆為
一佛乘故是諸衆生從佛聞法究竟
皆得一切種智舍利弗現在十方無
量百千萬億佛土中諸佛世尊多所
饒益安樂衆生是諸佛亦以無量無
數方便種種因緣譬喻言辭而為衆
生演說諸法是法皆為一佛乘故是
諸衆生從佛聞法究竟皆得一切種
智舍利弗是諸佛但教化菩薩欲以
佛之知見示衆生故欲以佛之知見
悟衆生故欲令衆生入佛知見道故
舍利弗我今亦復如是知諸衆生有
種種欲深心所著隨其本性以種種
因緣譬喻言辭方便力故而為說法
舍利弗如此皆為得一佛乘一切種
智故舍利弗十方世界中尚無二乘
何況有三舍利弗諸佛出於五濁惡
世所謂劫濁煩惱濁衆生濁見濁命

濁如是舍利弗劫濁亂時衆生垢重
慳貪嫉妬成就諸不善根故諸佛以
方便力於一佛乘分別說三舍利弗
若我弟子自謂阿羅漢辟支佛者不
聞不知諸佛如來但教化菩薩事此
非佛弟子非阿羅漢非辟支佛又舍
利弗是諸比丘比丘尼自謂已得阿
羅漢是寂後身究竟涅槃便不復志
求阿耨多羅三藐三菩提當知此輩
皆是增上慢人所以者何若有比丘
實得阿羅漢若不信此法無有是處
除佛滅度後現前無佛所以者何佛
滅度後如是等經受持讀誦解其義
者是人難得若遇餘佛於此法中便
得決了舍利弗汝等當一心信解受
持佛語諸佛如來言無虛妄無有餘
乘惟一佛乘今時世尊欲重宣此義
而說偈言

比丘比丘尼有懷增上慢優婆塞我慢
優婆夷不信如是四衆等其數有五千
不自見其過於戒有缺漏護惜其瑕疵
是小智已出衆中之糟糠佛威德故去
斯人甚福德不堪受是法此衆無枝葉

惟有諸貞實舍利弗善聽諸佛所得法
無量方便力而為衆生說衆生心所念
種種所行道若干諸欲性先世善惡業
佛悉知是已以諸緣譬喻言辭方便力
令一切歡喜或說脩多羅伽陀及本事
今生未曾有亦說於因緣譬喻并杌夜
優波提舍經鉅根樂小法貪著於生死
於諸無量佛不行深妙道衆苦所惱亂
為是說涅槃我設是方便令得入佛慧
未曾說汝等當得成佛道所以未曾說
說時未至故今正是其時史定說大乘
我此九部法隨順衆生說入大乘為本
以故說是經有佛子心淨柔軟亦利根
無量諸佛所而行深妙道為此諸佛子
說是大乘經我記如是人來世成佛道
以深心念佛修持淨戒故此等聞得佛
大喜充遍身佛知彼心行故為說大乘
聲聞若菩薩聞我所說法乃至於一偈
皆成佛無疑十方佛土中惟有一乘法
無二亦無三除佛方便說但以假名字
引導於衆生說佛智慧故諸佛出於世
惟此一事實餘二則非真終不以小乘
濟度於衆生佛自住大乘如其所得法

定慧力莊嚴以此度衆生自證無上道
大乘平等法若以小乘化乃至於一人
我則墮慳貪此事為不可若人信歸佛
如來不欺誑亦無貪嫉意斷諸法中惡
故佛於十方而獨無所畏我以相嚴身
光明照世間無量衆所尊為說實相印
舍利弗當知我本立誓願欲令一切衆
如我等無異如我昔所願今者已滿足
化一切衆生皆令入佛道若我遇衆生
盡教以佛道無智者錯亂迷惑不受教
我知此衆生未曾修善本堅著於五欲
癡愛故生惱以諸欲因緣墜墮三惡道
輪迴六趣中備受諸苦毒受胎之微形
世世常增長薄德少福人衆苦所逼迫
入邪見稠林若有若無等依止此諸見
具足六十二深著虛妄法堅受不可捨
我慢自矜高諂曲心不實於千萬億劫
不聞佛名字亦不聞正法如是人難度
是故舍利弗我為設方便說諸盡苦道
示之以涅槃我雖說涅槃是亦非真滅
諸法從本來常自寂滅相佛子行道已
來世得作佛我有方便力開示三乘法
一切諸世尊皆說一乘道今此諸大衆

皆應除疑惑諸佛語無異惟一無二乘
過去無數劫無量滅度佛百千萬億種
其數不可量如是諸世尊種種緣譬喻
無數方便力演說諸法相是諸世尊等
皆說一乘法化無量衆生令入於佛道
又諸大聖主知一切世間天人群生類
深心之所欲更以異方便助顯第一義
若有衆生類值諸過去佛若聞法布施
或持戒忍辱精進禪智等種種修福慧
如是諸人等皆已成佛道諸佛滅度已
若人善軟心如是諸衆生皆已成佛道
諸佛滅度已供養舍利者起萬億種塔
金銀及頗梨車渠與馬瑙玫瑰瑠璃珠
清淨廣嚴飾莊校於諸塔或有起石廟
栴檀及沉水木檣并餘材埽瓦泥土等
若於曠野中積土成佛廟乃至童子戲
聚沙為佛塔如是諸人等皆已成佛道
若人為佛故建立諸形像刻雕成衆相
皆已成佛道或以七寶成鍮石赤白銅
白鐵及鈇錫鐵木及與泥或以膠漆布
嚴飾作佛像如是諸人等皆已成佛道
彩畫作佛像百福莊嚴相自作若使人
皆已成佛道乃至童子戲若草木及筆

或以指爪甲而畫作佛像如是諸人等
漸漸積功德具足大悲心皆已成佛道
但化諸菩薩度脫無量衆若人於塔廟
寶像及畫像以華香幡蓋敬心而供養
若使人作樂鑾鼓吹角貝簫笛琴箏篪
琵琶鏡銅鈸如是衆妙音盡持以供養
或以歡喜心歌頌頌佛德乃至一小音
皆已成佛道若人散乱心乃至以一華
供養於畫像漸見無數佛或有人礼拜
或復但合掌乃至舉一手或復小低頭
以此供養像漸見無量佛自成無上道
廣度無數衆入無餘涅槃如薪盡火滅
若人散乱心入於塔廟中一稱南無佛
皆已成佛道於諸過去佛現在或滅度
若有聞是法皆已成佛道未來諸世尊
其數無有量是諸如來等亦方便說法
一切諸如來以無量方便度脫諸衆生
入佛無漏智若有聞法者無一不成佛
諸佛本誓願我所行佛道普欲令衆生
亦同得此道未來世諸佛雖說百千億
無數諸法門其實為一乘諸佛兩足尊
知法常無性佛種從緣起是故說一乘
是法住法位世間相常住於道場知已

道師方便說天人所供養現在十方佛
其數如恒沙出現於世間安隱衆生故
亦說如是法知第一寂滅以方便力故
雖示種種道其實為佛垂知衆生諸行
深心之所念過去所集業欲性猜進力
及諸根利鈍以種種因緣譬喻亦言辭
隨應方便說我今亦如是安隱衆生故
以種種法門宣示於佛道我以智慧力
知衆生性欲方便說諸法皆令得歡喜
舍利弗當知我以佛眼觀見六道衆生
貧窮無福慧入生死險道相續苦不斷
深著於五欲如犍牛愛尾以貪愛自蔽
盲冥無所見不求大勢佛及與斷苦法
深入諸邪見以苦欲捨苦為是衆生故
而起大悲心我始坐道場觀樹亦經行
於三七日中思惟如是事我所得智慧
微妙最第一衆生諸根鈍著樂癡所盲
如斯之等類云何而可度今時諸梵王
及諸天帝釋護世四天王及大自在天
并餘諸天衆眷屬百千萬恭敬合掌礼
請我轉法輪我即自思惟若但讚佛乘
衆生沒在苦不能信是法破法不信故
墜於三惡道我寧不說法疾入於涅槃

尋念過去佛所行方便力我今所得道
亦應說三乘作是思惟時十方佛皆現
梵音慰喻我善哉釋迦文第一之導師
得是無上法隨諸一切佛而用方便力
我等亦皆得寂妙第一法為諸衆生類
分別說三乘少智樂小法不自信作佛
是故以方便分別說諸果雖復說三乘
但為教菩薩舍利弗當知我聞聖師子
深淨微妙音稱南無諸佛復作如是念
我出濁惡世如諸佛所說我亦隨順行
思惟是事已即趣波羅奈諸法寂滅相
不可以言宣以方便力故為五比丘說
是名轉法輪便有涅槃音及以阿羅漢
法僧耆別名從久遠劫來讚示涅槃法
生死苦永盡我常如是說舍利弗當知
我見佛子等志求佛道者無量千萬億
咸以恭敬心皆來至佛所曾從諸佛聞
方便所說法我即作是念如來所以出
為說佛慧故今正是其時舍利弗當知
鈍根小智人著相憍慢者不能信是法
今我喜無畏於諸菩薩中正直捨方便
但說無上道菩薩聞是法疑網皆已除
千二百羅漢悉亦當作佛如三世諸佛

說法之儀式我今亦如是說無分別法
諸佛興出世懸遠值遇難正使出于世
說是法復難無量無數劫聞是法亦難
能聽是法者斯人亦復難譬如優曇華
一切皆愛樂天人所希有時時乃一出
聞法歡喜讚乃至發一言則為已供養
一切三世佛是人甚希有過於優曇華
汝等勿有疑我為諸法王普告諸大眾
但以一乘道教化諸菩薩無聲聞弟子
汝等舍利弗聲聞及菩薩當知是妙法
諸佛之秘要以五濁惡世但樂著諸欲
如是等衆生終不求佛道當來世惡人
聞佛說一乘迷惑不信受破法墮惡道
有慚愧清淨志求佛道者當為如是等
廣讚一乘道舍利弗當知諸佛法如是
以萬億方便隨宜而說法其不習學者
不能曉了此汝等既已知諸佛世之師
隨宜方便事無復諸疑惑心生大歡喜
自知當作佛
添品妙法蓮華經卷第一

癸卯歲高麗國大藏都監奉
勅彫造

法華經卷第二

六

隋天竺三藏闍那崛多共笈多譯

譬喻品第三

余時舍利弗踊躍歡喜即起合掌瞻仰尊顏而白佛言今從世尊聞此法音心懷踊躍得未曾有所以者何我昔從佛聞如是法見諸菩薩受記作佛而我等不預斯事甚自感傷失於如來無量知見世尊我嘗獨處山林樹下若坐若行每作是念我等同入法性云何如來以小乘法而見濟度是我等各非世尊也所以者何若我等待說所因成就阿耨多羅三藐三菩提者必以大乘而得度脫然我等不解方便隨宜所說初聞佛法遇便信受思惟取證世尊我從昔來終日竟夜每自剋責而今從佛聞所未聞未曾有法斷諸疑悔身意泰然使得安隱今日乃知真是佛子從佛口生從法化生得佛法分余時舍利弗欲重宣此義而說偈言

我聞是法音得所未曾有 心懷大歡喜

疑網皆已除 昔來蒙佛教 不失於大乘
佛音甚希有 能除衆生惱 我已得漏盡
聞亦除憂惱 我處於山谷 或在林樹下
若坐若經行 常思惟是事 嗚呼深自責
云何而自欺 我等亦佛子 同入無漏法
不能於未來 演說無上道 金色三十二
十力諸解脫 同共一法中 而不得此事
八十種妙好 十八不共法 如是等功德
而我皆已失 我獨經行時 見佛在大衆
名聞滿十方 廣饒益衆生 自惟失此利
我為自欺誑 我常於日夜 每思惟是事
欲以問世尊 為失為不失 我常見世尊
稱讚諸菩薩 以是於日夜 籌量如此事
今聞佛音聲 隨宜而說法 無漏難思議
令衆至道場 我本著邪見 為諸梵志師
世尊知我心 拔邪說淫脰 我悉除邪見
於空法得證 今時心自謂 得至於滅度
而今乃自覺 非是實滅度 若得作佛時
具三十二相 天人夜叉衆 龍神等恭敬
是時乃可謂 永盡滅無餘 佛於大衆中
說我當作佛 聞如是法音 疑悔悉已除
初聞佛所說 心中大驚疑 將非魔作佛
惱亂我心耶 佛以種種緣 譬喻巧言說

其心安如海我聞疑網斷佛說過去世
無量滅度佛安住方便中亦皆說是法
現在未來佛其數無有量亦以諸方便
演說如是法如今者世尊從生及出家
得道轉法輪亦以方便說世尊說實道
波旬無此事以是我定知非是魔作佛
我墮疑網故謂是魔所為聞佛柔軟音
深遠甚微妙演暢清淨法我心大歡喜
疑悔永已盡安住實智中我定當作佛
為天人所敬轉無上法輪教化諸菩薩
今時佛告舍利弗吾今於天人沙門
婆羅門等大衆中說我昔曾於二万
億佛所為無上道故常教化汝汝亦
長夜隨我受學我以方便引導汝故
生我法中舍利弗我昔教汝志願佛
道汝今悉忘而便自謂已得滅度我
今還欲令汝憶念本願所行道故為
諸聲聞說是大乘經名妙法蓮華教
菩薩法佛所護念舍利弗汝於未來
世過無量無邊不可思議劫供養若
千千万萬億佛奉持正法具足菩薩所
行之道當得作佛号曰華光如來應
供正遍知明行足善逝世間解無上

士調御丈夫天人師佛世尊國名離垢其土平正清淨嚴飾安隱豐樂天人熾盛琉璃為地有八交道黃金為繩以界其側其傍各有七寶行樹常有華果華光如來亦以三乘教化眾生舍利弗彼佛出時雖非惡世以本願故說三乘法其劫名大寶莊嚴何故名曰大寶莊嚴其國中以菩薩為大寶故彼諸菩薩無量無邊不可思議竿數譬喻所不能及非佛智力無能知者若欲行時寶華承足此諸菩薩非初發意皆久殖德本於無量百千萬億佛所淨修梵行恒為諸佛之所稱嘆常修佛慧具大神通善知一切諸法之門質直無偽志念堅固如是菩薩充滿其國舍利弗華光佛壽十二小劫除為王子未作佛時其國人民壽八小劫華光如來過十二小劫授堅滿菩薩阿耨多羅三藐三菩提記告諸比丘是堅滿菩薩次當作佛号曰華足安行多陀阿伽度阿羅訶三藐三佛隨其佛國土亦復如是舍利弗是華光佛滅度之後正法住

世三十二小劫像法住世亦三十二小劫今時世尊欲重宣此義而說偈言

舍利弗來世成佛普智尊 号名曰華光
當度無量衆 供養無數佛 具足菩薩行
十力等功德 證於無上道 過無量劫已
劫名大寶嚴 世界名離垢 清淨無瑕穢
以琉璃為地 金繩界其道 七寶雜色樹
常有花果實 彼國諸菩薩 志念常堅固
神通波羅蜜 皆已悉具足 於無數佛所
善學菩薩道 如是等大士 華光佛所化
佛為王子時 棄國捨世榮 於取末後身
出家成佛道 華光佛住世 壽十二小劫
其國人民衆 壽命八小劫 佛滅度之後
正法住於世 三十二小劫 廣度諸衆生
正法滅盡已 像法三十二 舍利廣流布
天人普供養 華光佛所為 其事皆如是
其兩足聖尊 取勝無倫匹 彼即是汝身
宜應自欣慶

今時四部衆 比丘比丘尼 優婆塞優
婆夷天龍夜叉 乾闥婆阿脩羅迦樓
羅緊那羅摩睺羅伽等 大衆見舍利
弗於佛前得受阿耨多羅三藐三菩提

記心大歡喜踊躍無量各各脫身所著上衣以供養佛釋提桓因梵天王等與無數天子亦以天妙衣天曼陀羅華摩訶曼陀羅華等供養於佛所散天衣住虛空中而自迴轉諸天伎樂百千萬種於虛空中一時俱作雨衆天華而作是言佛昔於波羅柰初轉法輪今乃復轉無上最大法輪今時諸天子欲重宣此義而說偈言

昔於波羅柰轉四諦法輪分別說諸法五衆之生滅今復轉最妙無上大法輪是法甚深奧少有能信者我等從昔來數聞世尊說未曾聞如是深妙之上法世尊說是法我等皆隨喜大智舍利弗今得受尊記我等亦如是必當得作佛於一切世間最尊無有上佛道叵思議方便隨宜說我所有福業今世若過世及見佛功德盡迴向佛道

尔時舍利弗白佛言世尊我今無復疑悔親於佛前得受阿耨多羅三藐三菩提記是諸千二百心自在者昔住學地佛常教化言我法能離生老病死究竟涅槃是學無學人亦各自

以離我見及有無見等謂得涅槃而
今於世尊前聞所未聞皆墮疑惑善
哉世尊願為四眾說其因緣令離疑
悔今時佛告舍利弗我先不言諸佛
世尊以種種因緣譬喻言辭方便說
法皆為阿耨多羅三藐三菩提耶是
諸所說皆為化菩薩故然舍利弗今
當復以譬喻更明此義諸有智者以
譬喻得解舍利弗若國邑聚落有大
長者其年衰邁財富無量多有田宅
人眾一百二百乃至五百人止住其
中堂閣朽故牆壁頽落柱根腐敗梁
棟傾危周巾俱時欻然火起焚燒舍
宅長者諸子若十二十或至三十在
此宅中長者見是大火從四面起即
大驚怖而作是念我雖能於此所燒
之門安隱得出而諸子等於火宅內
樂著嬉戲不覺不知不驚不怖火來
逼身苦痛切已心不厭患無求出意
舍利弗是長者作是思惟我身手有
力當以衣械若以机案從舍出之復
更思惟是舍唯有一門而復陞小諸

子幼稚未有所識聽著戲處或當墮落為火所燒我當為說怖畏之事此舍已燒宜時疾出無令為火之所燒言作是念已如所思惟具告諸子汝等速出父雖憐愍善言誘喻而諸子等樂著嬉戲不肯信受不驚不畏了無出心亦復不知何者是火何者為舍云何為失但東西走戲視父而已尔時長者即作是念此舍已為大火所燒我及諸子若不時出必為所焚我今當設方便令諸子等得免斯害父知諸子先心各有所好種種玩弄奇異之物情必樂著而告之言汝等所可玩好希有難得汝若不取後必憂悔如此種種羊車鹿車牛車今在門外可以遊戲汝等於此火宅宜速出來隨汝所欲皆當與汝尔時諸子聞父所說玩弄之物適其願故心各勇銳互相推排競共馳走爭出火宅是時長者見諸子等安隱得出皆於四衢道中露地而坐無復障罣其心泰然歡喜踊躍時諸子等各白父言父先所許玩好之具羊車鹿車牛車

願時賜與舍利弗。今時長者各賜諸子等一大車。其車高廣。衆寶莊校。周帀攔楯。四面懸鈴。又於其上張設。億蓋。亦以珍奇雜寶而嚴飾之。寶繩交絡。垂諸華纓。重敷綖。綖安置丹枕。駕以白牛。膚色充潔。形體殊好。有大筋力。行步平正。其疾如風。又多僕從而侍衛之。所以者何。是大長者財富無量。種種諸藏。悉皆充溢。而作是念。我財物無極。不應以下劣小車與諸子等。今此幼童。皆是吾子。愛無偏黨。我有如是七寶大車。其數無量。應當等心。各各與之。不宜差別。所以者何。以我此物。周給一國。猶尚不匱。何況諸子是時。諸子各乘大車。得未曾有。非本所望。舍利弗。於汝意云何。是長者等與諸子珍寶大車。寧有虛妄。不舍利。弗言不也。世尊。是長者。但令諸子得免火難。全其軀命。非為虛妄。何以故。若全身命。便為已得。玩好之具。况復方便於彼火宅。而拔濟之。世尊。若是長者。乃至不與取小一車。猶不虛妄。何以故。是長者先作是意。我以方

便令子得出以是因緣無虛妄也何況長者自知財富無量欲饒益諸子等與大車佛告舍利弗善哉善哉如汝所言舍利弗如來亦復如是則為一切世間之父於諸怖畏衰惱憂患無明闇蔽永盡無餘而悉成就無量知見力無所畏有大神力及智慧力具足方便智慧波羅蜜大慈大悲常無解倦恒求善事利益一切而生三界朽故火宅為度衆生生老病死憂悲苦惱愚癡闇蔽三毒之火教化令得阿耨多羅三藐三菩提見諸衆生為生老病死憂悲苦惱之所燒煮亦以五欲財利故受種種苦又以貪著追求故現受衆苦後受地獄畜生餓鬼之苦若生天上及在人間貧窮困苦愛別離苦怨憎會苦如是等種種諸苦衆生沒在其中歡喜遊戲不覺不知不驚不怖亦不生厭不求解脫於此三界火宅東西馳走雖遭大苦不以為患舍利弗佛見此已便作是念我為衆生之父應拔其苦難與無量無邊佛智慧樂令其遊戲舍利弗

如來復作是念若我但以神力及智慧力捨於方便為諸衆生讚如來知見力無所畏者衆生不能以是得度所以者何是諸衆生未免生老病死憂悲苦惱而為三界火宅所燒何由能解佛之智慧舍利弗如彼長者雖復身手有力而不用之但以懇懃方便免濟諸子火宅之難然後各與珍寶大車如來亦復如是雖有力無所畏而不用之但以智慧方便於三界火宅拔濟衆生為說三乘聲聞辟支佛佛乘而作是言汝等莫得樂住三界火宅勿貪畜弊色聲香味觸也若貪著生愛則為所燒汝等速出三界當得三乘聲聞辟支佛佛乘我今為汝保任此事終不虛也汝等但當勤修精進如來以是方便誘進衆生復作是言汝等當知此三乘法皆是聖所稱嘆自在無繫無所依求乘是三乘以無漏根力覺道禪定解脫三昧等而自娛樂便得無量安隱快樂舍利弗若有衆生內有智性從佛世尊聞法信受懇懃精進欲速出三界自

求涅槃是名聲聞乘如彼諸子為求
羊車出於火宅若有衆生從佛世尊
聞法信受懇懃精進求自然慧樂獨
善寂深知諸法因緣是名辟支佛乘
如彼諸子為求鹿車出於火宅若有
衆生從佛世尊聞法信受勤修精進
求一切智佛智自然智無師智如來
知見力無所畏慙念安樂無量衆生
利益天人度脫一切是名大乘菩薩
求此乘故名為摩訶薩如彼諸子為
求牛車出於火宅舍利弗如彼長者
見諸子等安隱得出火宅到無畏處
自惟財富無量等以大車而賜諸子
如來亦復如是為一切衆生之父若
見無量億千衆生以佛教門出三界
苦怖畏險道得涅槃樂如來亦時便
作是念我有無量無邊智慧力無畏
等諸佛法藏是諸衆生皆是我子等
與大乘不令有人獨得滅度皆以如
來滅度而滅度之是諸衆生脫三界
者悉與諸佛禪定解脫等娛樂之具
皆是一相一種聖所稱歎能生淨妙
第一之樂舍利弗如彼長者初以三

車誘引諸子然後但與大車寶物莊嚴安隱第一然彼長者無虛妄之各如來亦復如是無有虛妄初說三乘引導衆生然後但以大乘而度脫之何以故如來有無量智慧力無所畏諸法之藏能與一切衆生大乘之法但不盡能受舍利弗以是因緣當知諸佛方便力故於一佛乘分別說三佛欲重宣此義而說偈言

譬如長者有一大宅 其宅久故而復頽弊 堂舍高危 柱根摧朽 梁棟傾斜 基陛頽毀 牆壁圯圻 泥塗掃落 覆苫亂墜 椽桷老脫 周障屈曲 雜穢充遍 有五百人止住其中 鷄梟鵲鷲 烏鵲鳩鵠 魍魎蝮蝎 蜈蚣蚰蜒 守宮百足 狎狸鼯鼠 諸惡蟲輩 交橫馳走 屎尿臭處 不淨流溢 蠅虻諸虫而集其上 狐狼野干 咀齧踐蹋 齧齧死屍 骨肉狼藉 由是群狗競來搏掇 飢羸惴惶 處處求食 聞爭齧掣 嗥吠嗥吠 其舍恐怖 變狀如是 處處皆有 魑魅魍魎

夜叉惡鬼 食散人肉 毒虫之屬
諸惡禽獸 乎乳產生 各自藏護
夜叉竟來 爭取食之 食之既飽
惡心轉熾 鬪爭之聲 甚可怖畏
鳩胝荼鬼 蹲踞土埵 或時離地
一尺二尺 往返遊行 縱逸嬉戲
捉狗兩足 撲令失聲 以脚加頸
怖狗自樂 復有諸鬼 其身長大
裸形黑瘦 常住其中 發大惡聲
叫呼求食 復有諸鬼 其咽如針
復有諸鬼 首如牛頭 或食人肉
或復敢狗 頭髮蓬亂 殘害兇險
飢渴所逼 叫喚馳走 夜叉餓鬼
諸惡鳥獸 飢急四向 窺看窓牖
如是諸難 恐懼無量 是朽故宅
屬于一人 其人近出 未久之間
於後舍宅 焮然火起 四面一時
其焰俱熾 掠掠椽柱 爆聲震裂
摧折墮落 牆壁崩倒 諸鬼神等
揚聲大叫 鷗鷺諸鳥 鳩胝荼等
周憚惶怖 不能自出 惡獸毒虫
藏竄孔穴 毗舍闍鬼 亦住其中
薄福德故 為火所逼 共相殘害

飲血取肉

野干之屬

並已前死

諸大惡獸

竟來食取

臭烟燧燔

四面充塞

蜈蚣蚰蜒

毒蛇之類

為火所燒

爭走出穴

鳩豚茶鬼

隨取而食

又諸餓鬼

頭上火燃

飢渴熱惱

周憊悶走

其宅如是

甚可怖畏

毒害火災

眾難非一

是時宅主

在門外立

聞有人言

汝諸子等

先因遊戲

來入此宅

稚小無知

歡娛樂著

長者聞已

驚入火宅

方宜救濟

今無燒害

告畜諸子

說眾患難

惡鬼毒虫

災火蔓延

眾苦次第

相續不絕

毒蛇虺蝮

及諸夜叉

鳩豚茶鬼

野干狐狗

鵩鷲鴟梟

百足之屬

飢渴惱急

甚可怖畏

此苦難處

况復大火

諸子無知

雖聞父誨

猶故樂著

嬉戲不已

是時長者

而作是念

諸子如此

益我愁惱

今此舍宅

無一可樂

而諸子等

耽湎嬉戲

不受我教

將為火害

即便思惟

設諸方便

告諸子等

我有種種

珍玩之具

妙寶好車

羊車鹿車大牛之車今在門外
汝等出來吾為汝等造作此車
隨意所樂可以遊戲諸子聞說
如此諸車即時奔競馳走而出
到於空地離諸苦難長者見子
得出火宅住於四衢坐師子座
而自慶言我今快樂此諸子等
生育甚難愚小無知而入險宅
多諸毒虫魑魅可畏大火猛焰
四面俱起而此諸子貪樂嬉戲
我已救之今得脫難是故諸人
我今快樂今時諸子知父安坐
皆詣父所而白父言願賜我等
三種寶車如前所許諸子出來
當以三車隨汝所欲今正是時
惟垂給與長者大富庫藏衆多
金銀琉璃碑渠碼碯以衆寶物
造諸大車莊校嚴飾周帀欄楯
四面懸鈴金繩交絡真珠羅網
張施其上金華諸纓處處垂下
衆彩雜飾周帀圍繞柔軟繒纈
以為茵蓐上妙細氎價直千億
鮮白淨潔以覆其上有大白牛

肥壯多力 形體姝好 以駕寶車
多諸僂從 而侍衛之 以是妙車
等賜諸子 諸子是時 歡喜踊躍
乘是寶車 遊於四方 嬉戲快樂
自在無導 告舍利弗 我亦如是
衆聖中尊 世間之父 一切衆生
皆是吾子 深著世樂 無有慧心
三界無安 猶如火宅 衆苦充滿
甚可怖畏 常有生老 病死憂患
如是等火 熾燃不息 如來已離
三界火宅 寂然閑居 安處林野
今此三界 皆是我有 其中衆生
悉是吾子 而今此處 多諸患難
唯我一人 能為救護 雖復教詔
而不信受 於諸欲染 貪著深故
是以方便 為說三乘 令諸衆生
知三界苦 開示演說 出世間道
是諸子等 若心決定 具足三明
及六神通 有得緣覺 不退菩薩
汝舍利弗 我為衆生 以此譬喻
說一佛乘 汝等若能 信受是語
一切皆當 成得佛道 是乘微妙
清淨第一 於諸世間 為無有上

佛所悅可 一切衆生 所應稱讚
供養礼拜 無量億千 諸力解脫
禪定智慧 及佛餘法 得如是乘
令諸子等 日夜劫數 常得遊戲
與諸菩薩 及聲聞衆 乘此寶乘
直至道場 以是因緣 十方諦求
更無餘乘 除佛方便 告舍利弗
汝諸人等 皆是吾子 我則是父
汝等累劫 衆苦所燒 我皆濟拔
令出三界 我雖先說 汝等滅度
但盡生死 而實不滅 今所應作
唯佛智慧 若有菩薩 於是衆中
能一心聽 諸佛寶法 諸佛世尊
雖以方便 所化衆生 皆是菩薩
若人小智 深著愛欲 為此等故
說於苦諦 衆生心喜 得未曾有
佛說苦諦 真實無異 若有衆生
不知苦本 深著苦因 不能暫捨
為是等故 方便說道 諸苦所因
貪欲為本 若滅貪欲 無所依止
滅盡諸苦 名第三諦 為滅諦故
修行於道 離諸苦縛 名得解脫
是人於何 而得解脫 但離虛妄

名為解脫 其實未得 一切解脫
佛說是人 未實滅度 斯人未得
無上道故 我意不欲 令至滅度
我為法王 於法自在 安隱衆生
故現於世 汝舍利弗 我此法印
為欲利益 世間故說 在所遊方
勿妄宣傳 若有聞者 隨喜頂受
當知是人 阿惟越致 若有信受
此經法者 是人已曾 見過去佛
恭敬供養 亦聞是法 若人有能
信汝所說 則為見我 亦見於汝
及比丘僧 并諸菩薩 斯法華經
為深智說 淺識聞之 迷惑不解
一切聲聞 及辟支佛 於此經中
力所不及 汝舍利弗 尚於此經
以信得入 況餘聲聞 其餘聲聞
信佛語故 隨順此經 非已智分
又舍利弗 憍憍懈怠 計我見者
莫說此經 凡夫淺識 深著五欲
聞不能解 亦勿為說 若人不信
毀謗此經 則斷一切 世間佛種
或復顛蹙 而懷疑惑 汝當聽說
此人罪報 若佛在世 若滅度後

其有誹謗如斯經典見有讀誦
書持經者輕賤憎嫉而懷結恨
此人罪報汝今復聽其人命終
入阿鼻獄具足一劫劫盡更生
如是展轉至無數劫從地獄出
當墮畜生若猶野干其形頽瘦
黧黑疥癩人所觸燒又復為人
之所惡賤常困飢渴骨肉枯竭
生受楚毒死被瓦石斷佛種故
受斯罪報若作駱駝或生驢中
身常負重加諸杖撻但念水草
餘無所知謗斯經故獲罪如是
有作野干來入聚落身體疥癩
又無一目為諸童子之所打擲
受諸苦痛或時致死於此死已
更受鱗身其形長大五百由旬
韻駘無足宛轉腹行為諸小虫
之所啖食晝夜受苦無有休息
謗斯經故獲罪如是若得為人
諸根闇鈍矬陋孱癯盲聾背偻
有所言說人不信受口氣常臭
鬼魅所著貧窮下賤為人所使
多病瘠瘦無所依怙雖親附人

人不在意 若有所得 尋復忘失
若修醫道 順方治病 更增他疾
或復致死 若自有病 無人救療
設服良藥 而復增劇 若他反逆
抄劫竊盜 如是等罪 橫羅其殃
如斯罪人 永不見佛 衆聖之王
說法教化 如斯罪人 常生難處
狂瞋心亂 永不聞法 於無數劫
如恒河沙 生輒瞋症 諸根不具
常處地獄 如遊園觀 在餘惡道
如己舍宅 馳驅猪狗 是其行處
謗斯經故 獲罪如是 若得為人
瞋盲瘡症 貧窮諸衰 以自莊嚴
水腫乾疥 疥癩癰疽 如是等病
以為衣服 身常臭處 垢穢不淨
深著我見 增益瞋恚 姪欲熾盛
不擇禽獸 謗斯經故 獲罪如是
告舍利弗 謗斯經者 若說其罪
窮劫不盡 以是因緣 我故語汝
無智人中 莫說此經 若有利根
智慧明了 多聞強識 求佛道者
如是之人 乃可為說 若人曾見
億百千佛 殖諸善本 深心堅固

如是之人

乃可為說

若人精進

常修慈心

不惜身命

乃可為說

若人恭敬

無有異心

離諸凡愚

獨處山澤

如是之人

乃可為說

又舍利弗

若見有人

捨惡知識

親近善友

如是之人

乃可為說

若見佛子

持戒清潔

如淨明珠

求大乘經

如是之人

乃可為說

若人無瞋

質直柔軟

常愍一切

恭敬諸佛

如是之人

乃可為說

復有佛子

於大眾中

以清淨心

種種因緣

譬喻言辭

說法無尋

如是之人

乃可為說

若有比丘

為一切智

四方求法

合掌頂受

但樂受持

大乘經典

乃至不受

餘經一偈

如是之人

乃可為說

如人至心

求佛舍利

如是求經

得已頂受

其人不復

志求餘經

亦未曾念

外道典籍

如是之人

乃可為說

告舍利弗

我說是相

求佛道者

窮劫不盡

如是等人

則能信解

汝當為說

妙法華經

添品妙法蓮華經第二 第三十三張 本
添品妙法蓮華經信解品第四

今時慧命須菩提摩訶迦旃延摩訶
迦葉摩訶目犍連從佛所聞未曾有
法世尊授舍利弗阿耨多羅三藐三
菩提記發希有心歡喜踊躍即從座
起整衣服偏袒右肩右膝著地一心
合掌曲躬恭敬瞻仰尊顏而白佛言
我等居僧之首年並朽邁自謂已得
涅槃無所堪任不復追求阿耨多羅
三藐三菩提世尊往昔說法既久我
時在座身體疲憊但念空無相無作
於菩薩法遊戲神通淨佛國土成就
衆生心不喜樂所以者何世尊今我
等出於三界得涅槃證又今我等年
已朽邁於佛教化菩薩阿耨多羅三
藐三菩提不生一念好樂之心我等
今於佛前聞授聲聞阿耨多羅三藐
三菩提記心甚歡喜得未曾有不謂
於今忽然得聞希有之法深自慶幸
獲大善利無量珍寶不求自得世尊
我等今者樂說辭喻以明斯義譬若
有人年既幼稚捨父逝世久住他國
或十二至五十歲年既長大加復

窮困馳騁四方以求衣食漸漸遊行
遇向本國其父先來求子不得中止
一城其家大富財寶無量金銀琉璃
珊瑚琥珀頗梨珠等其諸倉庫悉皆
盈溢多有僮僕臣佐吏民爲馬車乘
牛羊無數出入息利乃遍他國商估
賈客亦甚衆多時貧窮子遊諸聚落
經塵國邑遂到其父所止之城父每
念子與子離別五十餘年而未曾向
人說如此事但自思惟心懷悔恨自
念老朽多有財物金銀珍寶倉庫盈
溢無有子息一旦終沒財物散失無所
委付是以慙慙每憶其子復作是念
我若得子委付財物坦然快樂無復
憂慮世尊今時窮子備賃展轉遇到
父舍住立門側遙見其父踞師子床
寶机承足諸婆羅門刹利居士皆恭敬
圍繞以真珠纓絡價直千万莊嚴其
身吏民僮僕手執白拂侍立左右覆
以寶帳垂諸華幡香水灑地散衆名
華羅列寶物出內取與有如是等種
種嚴飾威德特尊窮子見父有大力
勢即懷恐怖悔來至此竊作是念此

或是王或是王等非我傭力得物之
處不如往至貧里肆力有地衣食易
得若久住此或見逼迫強使我作作
是念已疾走而去時富長者於師子
座見子便識心大歡喜即作是念我
財物庫藏今有所付我常思念此子
無由見之而忽自來甚適我願我雖
年朽猶故貪惜即遣傍人急追將還
今時使者疾走往捉窮子驚愕孺然
大喚我不相犯何為見捉使者執之
逾急強牽將還于時窮子自念無罪
而被囚執此必定死轉更惶怖悶絕
躡地父遙見之而語使言不須此人勿
強將來以冷水灑面令得醒悟莫復
與語所以者何父知其子志意下劣
自知豪貴為子所難審知是子而以
方便不語他人云是我子使者語之
我今放汝隨意所趣窮子歡喜得未
曾有從地而起往至貧里以求衣食
今時長者將欲誘引其子而設方便
密遣二人形色顛顚無威德者汝可
詣彼徐語窮子此有作處倍與汝直
窮子若許將來使作若言欲何所作

便可語之雇汝除糞我等二人亦共
汝作時二使人即求窮子既已得之
具陳上事尔時窮子先取其價尋與
除糞其父見子慙而恠之又以他日
於窓牖中遥見子身羸瘦顚顚糞土
塵坌汙穢不淨即脫纓絡細軟上服
嚴飾之具更著塵弊垢膩之衣塵土
坌身右手執持除糞之器狀有所畏
語諸作人汝等勤作勿得懈怠以方
便故得近其子又復告言咄男子汝
常此作勿復餘去當加汝價諸有所
須貧器米麵鹽酢之屬莫自疑難亦
有老弊使人須者相給好自安意我
如汝父勿復憂慮所以者何我年老
大而汝少壯汝常作時無有欺怠瞋
恨怨言都不見汝有此諸惡如餘作
人自今已後如所生子即時長者更
與作字名之為兒尔時窮子雖欣此
遇猶故自謂客作賤人由是之故於
二十年中常令除糞過是已後心相
體信入出無難然其所止猶在本處
世尊尔時長者有疾自知將死不久
語窮子言我今多有金銀珍寶倉庫

盈溢其中多少所應取與汝悉知之
我心如是當體此意所以者何今我
與汝便為不異宜加用心無令漏失
尔時窮子即受教勅領知衆物金銀
珍寶及諸庫藏而無怖取一食之意
然其所止故在本處下劣之心亦未
能捨復經少時父知子意漸以通泰
成就大志自鄙先心臨欲終時而命
其子并會親族國王大臣剎利居士
皆悉已集即自宣言諸君當知此是
我子我之所生於某城中捨吾逃走
伶仃辛苦五十餘年其本字某我名
某甲昔在本城懷憂推覓忽於此間
遇會得之此實我子我實其父今我
所有一切財物皆是子有先所出内
是子所知世尊是時窮子聞父此言
即大歡喜得未曾有而作是念我本
無心有所怖永今此寶藏自然而至
世尊大富長者則是如來我等皆似
佛子如來常說我等為子世尊我等
以三苦故於生死中受諸熱惱迷惑
無知樂著小法今日世尊令我等思
惟蠲除諸法戲論之糞我等於中勤

加精進得至涅槃一日之價既得此
已心大歡喜自以為足而使自謂於
佛法中勤精進故所得弘多然世尊
先知我等心著弊欲樂於小法便見
縱捨不為分別汝等當有如來知見
寶藏之分世尊以方便力說如來智
慧我等從佛得涅槃一日之價以為
大得於此大乘無有志求我等又因
如來智慧為諸菩薩開示演說而自
於此無有志願所以者何佛知我等
心樂小法以方便力隨我等說而我
等不知真是佛子今我等方知世尊
於佛智慧無所怯惜所以者何我等
昔來真是佛子而但樂小法若我等
有樂大之心佛則為我說大乘法於
此經中唯說一乘而昔於菩薩前毀
此聲聞樂小法者然佛實以大乘教
化是故我等說本無心有所怖求今
法王大寶自然而至如佛子所應得
者皆已得之今時摩訶迦葉欲重宣
此義而說偈言

我等今日 聞佛音教 歡喜踊躍
得未曾有 佛說聲聞 當得作佛

無上寶聚 不求自得 辟如童子
幼稚無識 捨父逃逝 遠到他土
周流諸國 五十餘年 其父憂念
四方推求 求之既疲 頓止一城
造立舍宅 五欲自娛 其家巨富
多諸金銀 車渠馬瑙 真珠琉璃
爲馬牛羊 輦輦車乘 田業僮僕
人民衆多 出入息利 乃遍他國
商估賈人 無處不有 千万億衆
圍繞恭敬 常為王者 之所愛念
群臣豪族 皆共宗重 以諸緣故
往來者衆 豪富如是 有大力勢
而年朽邁 益憂念子 夙夜惟念
死時將至 癡子捨我 五十餘年
庫藏諸物 當如之何 從邑至邑
亦時窮子 求索衣食 從邑至邑
從國至國 或有所得 或無所得
飢餓羸瘦 體生瘡癬 漸次經歷
到父住城 傭賃展轉 遂至父舍
亦時長者 於其門內 施大寶帳
慶師子座 眷屬圍繞 諸人侍衛
或有計策 金銀寶物 出內財產
注記券疏 窮子見父 豪貴尊嚴

謂是國王 若是王等 驚怖自恠
何故二此 復自念言 我若久住
或見逼迫 強駭使作 思惟是已
馳走而去 借問貧里 欲往傭作
長者是時 在師子座 遙見其子
默而識之 即勅使者 追捉將來
窮子驚笑 迷悶躡地 是人孰我
必當見煞 何用衣食 使我至此
長者知子 愚癡狹劣 不信我言
不信是父 即以方便 更遣餘人
眇目矧陋 無威德者 汝可語之
云當相雇 除諸糞穢 倍與汝價
窮子聞之 歡喜隨來 為除糞穢
淨諸房舍 長者於隔 帶見其子
念子愚劣 樂為鄙事 於是長者
著弊垢衣 執除糞器 往到子所
方便附近 語令勤作 既益汝價
并塗足油 飲食充足 薦席厚暖
如是苦言 汝當勤作 又以軟語
若如我子 長者有智 漸令入出
經二十年 執作家事 亦其金銀
真珠頗梨 諸物出入 皆使令知
猶處門外 止宿草庵 自念貧事

我無此物 父知子心 漸已曠大
欲與財物 即聚親族 國王大臣
剎利居士 於此大衆 說是我子
捨我他行 經五十年 自見子來
已二十年 昔於某城 而失是子
周行求索 遂來至此 凡我所有
舍宅人民 悉以付之 悉其所用
子念昔貧 志意下劣 今於父所
大獲珍寶 并及舍宅 一切財物
甚大歡喜 得未曾有 佛亦如是
知我樂小 未曾說言 汝等作佛
而說我等 得諸無漏 成就小乘
聲聞弟子 佛勅我等 說取上道
修習此者 當得成佛 我承佛教
為大菩薩 以諸因緣 種種譬喻
若干言辭 說無上道
諸佛子等 從我聞法 日夜思惟
精勤修習 是時諸佛 即授其記
汝於來世 當得作佛 一切諸佛
秘藏之法 但為菩薩 演其實事
而不為我 說斯真要 如彼窮子
得近其父 雖知諸物 心不怖取
我等雖說 佛法寶藏 自無志願

亦復如是。我等內滅，自謂為足。唯了此事，更無餘事。我等若聞淨佛國土，教化衆生，都無欣樂。所以者何？一切諸法，皆悉空寂。無生無滅，無大無小，無漏無為。如是思惟，不生喜樂。我等長夜於佛智慧，無貪無著，無復志願。而自於法，謂是究竟。我等長夜修習空法，得脫三界，苦惱之患。住寂後身，有餘涅槃。佛所教化，得道不虛。則為已得。報佛之恩。我等雖為諸佛子等，說菩薩法，以求佛道。而於是法，永無願樂。導師見捨，觀我心故。初不勸進。說有實利。如富長者，知子志劣，以方便力，柔伏其心。然後乃付一切財寶。佛亦如是。現希有事。知樂小者，以方便力，調伏其心。乃教大智。我等今日，得未曾有。非先所望。而今自得。如彼窮子，得無量寶。世尊我今，得道得果。於無漏法，得清淨眼。我等長夜，持佛淨戒。始於今日，得其果報。

法王法中 久修梵行 今得無漏
無上大果 我等今者 真是聲聞
以佛道聲 令一切聞 我等今者
真阿羅漢 於諸世間 天人魔梵
普於其中 應受供養 世尊大恩
以希有事 憐愍教化 利益我等
無量億劫 誰能報者 手足供給
頭頂札敬 一切供養 皆不能報
若以頂戴 兩肩荷負 於恒沙劫
盡心恭敬 又以美膳 無量寶衣
及諸卧具 種種湯藥 牛頭栴檀
及諸珍寶 以起塔廟 寶衣布地
如斯等事 以用供養 於恒沙劫
亦不能報 諸佛希有 無量無邊
不可思議 大神通力 無漏無為
諸法之王 能為下劣 忍于斯事
取相凡夫 隨宜而說 諸佛於法
得取自在 知諸衆生 種種欲樂
及其志力 隨所堪任 以無量喻
而為說法 隨諸衆生 宿世善根
又知成熟 未成熟者 種種等量
分別知已 於一乘道 隨宜說三
添品妙法蓮華經卷第二

法品妙法蓮華經卷第三

六

隋天台三藏閣那竭多共等多譯

藥草喻品第五

尔時世尊告摩訶迦葉及諸大弟子
善哉善哉迦葉善說如來真實功德
誠如所言如來復有無量無邊阿僧
祇功德汝等若於無量億劫說不能
盡迦葉當知如來是諸法之王若有
所說皆不虛也於一切法以智方便
而演說之其所說法皆悉到於一切
智地如來觀知一切諸法之所歸趣
亦知一切衆生深心所行通達無碍
又於諸法究盡明了示諸衆生一切
智慧迦葉譬如三千大千世界山川
谿谷土地所生卉木叢林及諸藥草
種類若干名色各異密雲弥布遍覆
三千大千世界一時等樹其澤普洽
卉木叢林及諸藥草小根小莖小枝
小葉中根中莖中枝中葉大根大莖
大枝大葉諸樹大小隨上中下各有
所受一雲所雨稱其種性而得生長
華葉敷實雖一地所生一雨所潤而

諸草木各有差別迦葉當知如來亦復如是出現於世如大雲起以大音聲普遍世界天人阿脩羅如彼大雲遍覆三千大千國土於大眾中而唱是言我是如來應供正遍知明行足善逝世間解無上士調御丈夫天人師佛世尊未度者令度未解者令解未安者令安未涅槃者令得涅槃今世後世如實知之我是一切知者一切見者知道者開道者說道者汝等天人阿脩羅衆皆應到此為聽法故今時無數千万億種衆生來至佛所而聽法如來于時觀是衆生諸根利鈍精進懈怠隨其所堪而為說法種種無量皆令歡喜快得善利是諸衆生聞是法已現世安隱後生善處以道受樂亦得聞法既聞法已離諸障碍於諸法中任力所能漸得入道如彼大雲雨於一切卉木叢林及諸藥草如其種性具足蒙潤各得生長也來說法一相一味所謂解脫相離相滅相究竟至於一切種智其有衆生聞如來法若持讀誦如說修行所得

功德不自覺知所以者何唯有如來
知此衆生種種相體性念何事思何事
修何事云何念云何思云何修以何
法念以何法思以何法修以何法得
何法衆生住於種種之地唯有如來
如實見之明了無尋如彼卉木叢林
諸藥草等而不自知上中下性如來
知是一相一味之法所謂解脫相離
相滅相究竟涅槃常寂滅相終歸於
空佛知是已觀衆生心欲而將護之
是故不即為說一切種智汝等迦葉
甚為希有能知如來隨宜說法能信
能受所以者何諸佛世尊隨宜說法
難解難知今時世尊欲重宣此義而
說偈言

破有法王 出現世間 隨衆生欲
種種說法 如來尊重 智慧深遠
久默斯要 不務速說 有智若聞
則能信解 無智疑悔 則為永失
是故迦葉 隨力為說 以種種緣
令得正見 迦葉當知 譬如大雲
起於世間 遍覆一切 惠雲含潤
電光晃曜 雷聲遠震 令衆悅豫

日光掩蔽 地上清涼 雲霓垂布
如可承攬 其雨普等 四方俱下
流澍無量 率土充洽 山川嶮谷
幽邃所生 卉木藥草 大小諸樹
百穀苗稼 甘蔗蒲桃 雨之所潤
無不豐足 乾地普洽 藥木並茂
其雲所出 一味之水 草木叢林
隨分受潤 一切諸樹 上中下等
稱其大小 各得生長 根莖枝葉
華果光色 一雨所及 皆得鮮澤
如其體相 性分大小 所潤是一
而各滋茂 佛亦如是 出現於世
譬如大雲 普覆一切 既出于世
為諸衆生 分別演說 諸法之實
大聖世尊 於諸天人 一切衆中
而宣是言 我為如來 兩足之尊
出于世間 猶如大雲 充潤一切
枯槁衆生 皆令離苦 得安隱樂
世間之樂 及涅槃樂 諸天人衆
一心善聽 皆應到此 覲無上尊
我為世尊 無能及者 安隱衆生
故現於世 為大衆說 甘露淨法
其法一味 解脫涅槃 以一妙音

演暢斯義 常為大乘 而作因緣
我觀一切 普皆平等 無有彼此
愛憎之心 我無貪著 亦無限導
恒為一切 平等說法 如為一人
衆多亦然 常演說法 曾無他事
去來坐立 終不疲厭 充足世間
如雨所潤 貴賤上下 持戒毀戒
威儀具足 及不具足 正見邪見
利根鈍根 等雨法雨 而無懈倦
一切衆生 聞我法者 隨力所受
住於諸地 或處人天 轉輪聖王
釋梵諸天 是小藥草 知無漏法
能得涅槃 起六神通 及得三昧
獨處山林 常行禪定 得緣覺證
是中藥草 求世尊處 我當作佛
行精進定 是上藥草 又諸佛子
專心佛道 常行慈悲 自知作佛
決定無疑 是名小樹 安住神通
轉不退輪 度無量億 百千衆生
如是菩薩 名為大樹 佛平等說
如一味雨 隨衆生性 所受不同
如彼草木 所稟各異 佛以此喻
方便開示 種種言辭 演說一法

於佛智慧 如海一滴 我雨法雨
充滿世間 一味之法 隨力修行
如彼聚林 藥草諸樹 隨其大小
漸增茂好 諸佛之法 常以一味
令諸世間 普得具足 漸次修行
皆得道果 聲聞緣覺 處於山林
住寂後身 聞法得果 是名藥草
各得增長 若諸菩薩 智慧堅固
了達三界 求寂上乘 是名小樹
而得增長 復有住禪 得神通力
聞諸法空 心大歡喜 放無數光
度諸衆生 是名大樹 而得增長
如是迦葉 佛所說法 譬如大雲
以一味雨 潤於人華 各得成實
迦葉當知 以諸因緣 種種譬喻
開示佛道 是我方便 諸佛亦然
今為汝等 說寂實事 諸聲聞衆
皆非滅度 汝等所行 是菩薩道
漸漸修學 悉當成佛
復次迦葉 如來於諸衆生 調伏平等
迦葉譬如 日月光明 照於世間 若作
善若作不善 若高處住 若下處住 若
香若臭 諸處平等 光照無偏 如是迦

葉如來應正遍知一切種智心之光
明於諸五趣衆生受生之中如其信
解大乘緣覺乘聲聞乘中為說正法
平等而轉如來智慧亦無增減如其
福智聚集而生迦葉無有三乘唯彼
衆生別異行故施設三乘慧命摩訶
迦葉白佛言世尊若無三乘何故現
世施設聲聞緣覺菩薩佛告慧命摩
訶迦葉譬如作瓦器者等和土涅而
用作器彼中或有盛沙糖器或盛酥
器或盛乳酪器或盛惡臭穢器涅亦
無有種種別異而物著中隨所受量
器則種種別異施設如是迦葉此唯
一乘所謂大乘無有二乘及以三乘
慧命摩訶迦葉白佛言世尊彼諸衆
生種種信解若出三界彼等為一涅
照為當二三佛告慧命摩訶迦葉若
覺諸法體等涅照彼亦唯一無有三
迦葉以彼義故我當為汝作喻以此
喻故有智丈夫則當解我所說之義
迦葉譬如生盲丈夫作如是言無有
好惡等色亦無好惡等色可見無有
日月星宿等亦無星宿等可見有異

丈夫於彼生盲者前說如是言有好惡等色亦有好惡等色可見有日月星宿等亦有星宿等可見生盲丈夫雖聞其說而不信受時有良醫能知諸病見彼生盲丈夫如是念言其彼丈夫先有惡業今有病生若其病生則有四種所謂風黃與癰及以等分時彼良醫為欲滅其病故又復方便如是思惟所有藥物世所行者彼等不能療治此病唯雪山王有四種藥何等為四所謂初名順入諸色味處二名解脫諸病三名破壞諸毒四名隨所住處施與安樂是為四種時彼良醫於生盲所發生悲愍興起如是方便思惟以彼方便詣雪山王到已上頂或下入或傍行周遍觀察既觀察已得四種藥於中或以齒等咀齧作已與之或以石磨或復和別藥物煮熟與之或復和生藥物作已與之或針刺身與作孔穴或有與火灸燒或以別異藥物相和乃至飲食和而與之時彼生盲以方便相應故即時得眼彼得眼已內外遠近日月光明

星宿諸色皆悉得見說如是言嗚呼
我甚愚癡我聞先說本不信受我今
此時皆悉得見我盲已脫亦已得眼
無勝我者彼時復有五通仙人天眼
天耳了知他心憶念宿住善證智通
語丈夫言丈夫汝唯得眼餘無一知
汝今何故已生憍慢汝亦未有智慧
善巧彼復作如是言丈夫汝入室坐
外有別色不見不知汝亦不知衆生
善心惡心五踰闍那邊住所有言說
鼓貝等聲汝亦不聞不知拘盧舍邊
不舉兩足不能往到及生長已母胎
作業汝亦不念去何汝有巧智去何
作如是言我悉得見又汝丈夫闍作
明知明作闇知時彼丈夫語仙人言
以何方便又作何等清淨業已當得
是智及於汝等淨信力故我亦當得
如此功德時彼仙人語丈夫言若欲
如是汝應當住空閑山窟坐思念法
及斷煩惱當得神通具足功德時彼
丈夫受其義已即行出家住空閑處
專守一心斷世渴愛得五神通既得
五神通已思惟我先作於別業以彼

因故無一功德可以證知我念此時
隨所思念即能得去我於昔時少智
少慧有盲而住迦葉作此譬喻欲令
知義於此義中復應當見迦葉其生
盲者即是六趣流轉中住所有衆生
若於正法未有知覺煩惱盲闇則當
增長及彼無明闇冥以無明闇冥故
行業聚集以行業為緣故名色乃至
唯有大苦之聚積集當生如是無明
闇冥衆生流轉中住唯有如來超出
三界發生悲愍亦如慈父愛念一子
發悲愍已下入三界見彼衆生於流
轉輪中行不如實知出離流轉佛以
佛眼而觀見之見已了知此等衆生
先世作善少瞋厚欲少欲厚瞋或有
少智或有巧慧或有成熟清淨或有
邪見彼等衆生佛為方便巧說三乘
如彼仙人五通淨眼者即是菩薩菩
提心生得無生忍證覺無上正真之
覺如彼大醫即是如來當如是見如
彼生盲即是癡闇衆生當如是見如
彼風黃癰等即是欲瞋及癡六十二
見當如是見如四種藥即是空無相

無願涅槃門當如是見隨所服藥其
病隨滅即是空無相無願解脫門正
修念已無明當滅無明滅故行滅乃
至唯有大苦聚滅如是思惟不住善
中亦不惡中如盲得眼即是聲聞緣
覺乘當如是見割斷流轉煩惱繫縛
解脫煩惱解脫六趣及以三界以彼
義故聲聞乘者如是念言無有別法
更須證覺我今已得到於涅槃今時
如來為彼說法若於諸法未能悉到
何處彼有究竟涅槃彼等佛以菩提
教化發菩提心不住流轉不到涅槃
彼悟三界十方空寂皆如化夢及以
焰響觀見諸法不生不滅不縛不解
不闇不明如是見甚深法彼見亦無
所見而亦恒見滿諸三界別異衆生
心之信解今時世尊欲重宣此義而
說偈言

譬如日月光平等照三千於善及於惡
而光無增減如來智慧光平等如日月
教化諸衆生無增亦無減如及師作器
平等和土涅於中器或盛沙糖乳酥水
或有盛不淨或有盛於酪彼唯取一涅

及師用為器若物墮其內因彼知器名
如衆生無餘如來隨別欲雖說乘差別
決定唯佛乘無智故輪轉而不知寂滅
若人能知空遠離於法我彼知佛世尊
所得正真覺安置處中智說名緣覺者
空智教化已顯名為聲聞若能覺諸法
說名正遍知如有生盲者不見日月星
被便如是言無有諸色類大醫於生盲
為其入慈慈往詣雪山已上下及傍行
求得於良藥順入色味處如是等四種
和合而療治或有用齒齧或有以石磨
或以針入身療治生盲者彼既得眼已
即見日月光復作如是念昔時無智說
是流轉衆生生盲大無智緣生輪所運
無智受苦道無智癡世中如是一切智
如來大良醫出生悲愍體彼以善方便
演說寂正法無上佛覺智演說寂勝乘
廣說處中際中智導師者怖畏於流轉
為讚異菩提出離三界已聲聞自知住
如是念我得涅槃無垢安當得諸法覺
涅槃甘露處大仙於彼故為其入悲愍
告言汝愚癡莫念我是智若有於倉舍
汝住彼中時外有則不知汝是小智者

若住彼中時知外作未作彼亦未是知
况汝小智者五踰閭那量若有音聲出
汝不能聞彼何況別遠住他人於汝所
若愛若惡心汝不能知彼如何生普慢
欲向俱盧舍不步不能往汝胎所有事
汝亦忘彼時若得五神通乃名一切智
汝癡無一智而說是智者汝欲一切智
出生於神通若住空閑處神通則可出
思惟清淨法則當得神通受教詣空閑
思惟入靜室得五神通已不久具功德
如是諸聲聞念得涅槃想諸佛說彼時
小息非涅槃是諸佛方便為說如此道
若離一切智無有發涅槃三世智無邊
六度行清淨空寂及無相作願亦除捨
及以菩提心別法向涅槃及四種梵行
四攝亦讚說為教化衆生勝仙而說此
若復知諸法自性如幻夢不實似芭蕉
亦與音響等及知彼自性三界無餘殘
不縛亦不解不知於滅度諸法平等空
無有異體者此亦無所見不觀於一法
彼見大智者法身無餘殘無有於三乘
一乘此中有諸法皆平等平等常等等
知如是智已涅槃甘露安

添品法華經卷第三 第四張 在 勤
添品妙法蓮華經授記品第六

今時世尊說是偈已告諸大眾唱如是言我此弟子摩訶迦葉於未來世當得奉覲二百萬億諸佛世尊供養恭敬尊重讚嘆廣宣諸佛無量大法於寂後身得成為佛名曰光明如來應供正遍知明行足善逝世間解無上士調御丈夫天人師佛世尊國名光德劫名大莊嚴佛壽十二小劫正法住世二十小劫像法亦住二十小劫國界嚴飾無諸穢惡瓦礫荆棘便利不淨其土平正無有高下坑坎埤埤琉璃為地寶樹行列黃金為繩以界道側散諸寶華周遍清淨其國菩薩無量千億諸聲聞眾亦復無數無有魔事雖有魔及魔民皆護佛法今時世尊欲重宣此義而說偈言

告諸比丘 我以佛眼 見是迦葉
於未來世 過無數劫 當得作佛
而於來世 供養奉覲 三百萬億
諸佛世尊 為佛智慧 淨修梵行
供養寂上 兩足尊已 修集一切
無上之慧 於寂後身 得成為佛

其土清淨 琉璃為地 多諸寶樹
行列道側 金繩界道 見者歡喜
常出好香 散衆名華 種種奇妙
以為莊嚴 其地平正 無有丘坑
諸菩薩衆 不可稱計 其心調柔
逮大神通 奉持諸佛 大乘經典
諸聲聞衆 無漏後身 法王之子
亦不可計 乃以天眼 不能數知
其佛當壽 十二小劫 正法住世
二十小劫 像法亦住 二十小劫
光明世尊 其事如是
尔時大目犍連須菩提摩訶迦旃延
等皆悉悚慄一心合掌瞻仰世尊目
不暫捨即共同聲而說偈言

大雄猛世尊 諸釋之法王 哀愍我等故
而賜佛音聲 若知我深心 見為授記者
如以甘露灑 除熱得清涼 如從飢國來
忽遇大王饌 心猶懷疑懼 未敢即便食
若復得王教 然後乃敢食 我等亦如是
每惟小乘過 不知當云何 得佛無上慧
雖聞佛音聲 言我等作佛 心尚懷憂懼
如未敢便食 若蒙佛授記 尔乃快安樂
大雄猛世尊 常欲安世間 願賜我等記

如飢須教食

今時世尊知諸大弟子心之所念告諸比丘是須菩提於當來世奉覲三百万億那由他佛供養恭敬尊重讚嘆常修梵行具菩薩道於取後身得成為佛号曰名相如來應供正遍知明行足善逝世間解無上士調御丈夫天人師佛世尊劫名有寶國名寶生其土平正頗梨為地寶樹莊嚴無諸丘坑沙礫荆棘便利之穢寶華覆地周遍清淨其土人民皆處寶臺環妙樓閣聲聞弟子無量無邊等數譬喻所不能知諸菩薩衆無數千万億那由他佛壽十二小劫正法住世二十小劫像法亦住二十小劫其佛常處虛空為衆說法度脫無量菩薩及聲聞衆今時世尊欲重宣此義而說偈言

諸比丘衆 今告汝等 皆當一心聽我所說 我大弟子 須菩提者當得作佛 号曰名相 當供無數万億諸佛 隨佛所作 漸具大道取後身得 三十二相 端正殊妙

猶如寶山 其佛國土 嚴淨第一
衆生見者 無不受樂 佛於其中
度無量衆 其佛法中 多諸菩薩
皆悉利根 轉不退輪 彼國常以
菩薩莊嚴 諸聲聞衆 不可稱數
皆得三昧 具六神通 住八解脫
有大威德 其佛說法 現於無量
神通變化 不可思議 諸天人民
數如恒沙 皆共合掌 聽受佛語
其佛當壽 十二小劫 正法住世
二十小劫 像法亦住 二十小劫
今時世尊復告諸比丘衆我今語汝
是大迦旃延於當來世以諸供具供
養奉事八千億佛恭敬尊重諸佛滅
後各起塔廟高千由旬縱廣正等五
百由旬以金銀琉璃車渠馬瑙真珠
玫瑰七寶合成衆華瓔珞塗香末香
燒香繒蓋幢幡供養塔廟過是已後
當復供養二萬億佛亦復如是供養
是諸佛已具菩薩道當得作佛号曰
閻浮那提金光如來應供正遍知明
行足善逝世間解無上士調御丈夫
天人師佛世尊其土平正頗梨為地

寶樹莊嚴黃金為繩以界道側妙華
覆地周遍清淨見者歡喜無四惡道
地獄餓鬼畜生阿修羅道多有天人
諸聲聞衆及諸菩薩無量萬億莊嚴
其國佛壽十二小劫正法住世二十
小劫像法亦住二十小劫今時世尊
欲重宣此義而說偈言

諸比丘衆 皆一心聽 如我所說
真實無異 是迦旃延 當以種種
妙好供具 供養諸佛 諸佛滅後
起七寶塔 亦以華香 供養舍利
其寂後身 得佛智慧 成等正覺
國土清淨 度脫無量 萬億衆生
皆為十方 之所供養 佛之光明
無能勝者 其佛号曰 閻浮金光
菩薩聲聞 斷一切有 無量無數
莊嚴其國

今時世尊復告大衆我今語汝是大
目犍連當以種種供具供養八千諸
佛恭敬尊重諸佛滅後各起塔廟高
千由旬縱廣正等五百由旬以金銀
琉璃車渠馬瑙真珠玫瑰七寶合成
衆華纓絡塗香末香燒香繒蓋幢幡

以用供養過是已後當復供養二百
萬億諸佛亦復如是當得成佛號曰
多摩羅跋旃檀香如來應供正遍知
明行足善逝世間解無上士調御丈
夫天人師佛世尊劫名喜滿國名意
樂其土平正頗梨為地寶樹莊嚴散
真珠華周遍清淨見者歡喜多諸天
人菩薩聲聞其數無量佛壽二十四
小劫正法住世四十小劫像法亦住
四十小劫今時世尊欲重宣此義而
說偈言

我此弟子大目犍連捨是身已
得見八千二百萬億諸佛世尊
為佛道故供養恭敬於諸佛所
常修梵行於無量劫奉持佛法
諸佛滅度起七寶塔長表金剎
花香伎樂而以供養諸佛塔廟
漸漸具足菩薩道已於意樂國
而得作佛号多摩羅拏檀之香
其佛壽命二十四劫常為天人
演說佛道聲聞無量如恒河沙
三明六通有大威德菩薩無數
志固精進於佛智慧皆不退轉

佛滅度後

正法當住

四十小劫

像法亦尔

我諸弟子

威德具足

其數五百

皆當授記

於未來世

咸得成佛

我及汝等

宿世因緣

吾今當說

汝等善聽

添品妙法蓮華經化城喻品第七

佛告諸比丘乃徃過去無量無邊不可思議阿僧祇劫今時有佛名大通智勝如來應供正遍知明行足善逝世間解無上士調御丈夫天人師佛世尊其國名好成劫名大相諸比丘彼佛滅度已來甚大久遠譬如三千大千世界所有地種假使有人磨以為墨過於東方千國土乃下一點大如微塵又過千國土復下一點如是展轉盡地種墨於汝等意云何是諸國土若竿師若竿師弟子能得邊際知其數不不也世尊諸比丘是人所經國土若點不點盡末為塵一塵一劫彼佛滅度已來復過是數無量無邊百千萬億阿僧祇劫我以如來知見力故觀彼久遠猶若今日今時世尊欲重宣此義而說偈言

我念過去世無量無邊劫有佛兩足尊
名大通智勝如人以力磨三千大千土
盡此諸地種皆悉以為墨過於千國土
乃下一塵點如是展轉點盡此諸塵墨
如是諸國土點與不點等復盡末為塵
一塵為一切此諸微塵數其劫復過是
彼佛滅度來如是無量劫如來無等智
知彼佛滅度及聲聞菩薩如見今滅度
諸比丘當知佛智淨微妙無漏無所導
通達無量劫

佛告諸比丘大通智勝佛壽五百四
十萬億那由他劫其佛本坐道場破
魔軍已垂得阿耨多羅三藐三菩提
而諸佛法不現在前如是一小劫乃
至十小劫結跏趺坐身心不動而諸
佛法猶不在前今時切利諸天先為
彼佛於菩提樹下敷師子座高一由
旬佛於此坐當得阿耨多羅三藐三
菩提適坐此座時諸梵天王雨眾天
華面百由旬香風時來吹去萎華更
雨新者如是不絕滿十小劫供養於
佛乃至滅度常雨此華四王諸天為
供養佛常擊天鼓其餘諸天作天伎

樂滿十小劫至於滅度亦復如是諸比丘大通智勝佛過十小劫諸佛之法乃現在前成阿耨多羅三藐三菩提其佛未出家時有十六子其第一者名曰智積諸子各有種種珍異玩好之具聞父得成阿耨多羅三藐三菩提皆捨所珍往詣佛所諸母涕泣而隨送之其祖轉輪聖王與一百大臣及餘百千萬億人民皆共圍繞隨至道場咸欲親近大通智勝如來供養恭敬尊重讚嘆到已頭面礼足繞佛畢已一心合掌瞻仰尊顏以偈頌曰大威德世尊為度衆生故於無量億歲今乃得成佛諸願已具足善哉吉無上世尊甚希有一坐十小劫身體及手足靜然安不動其心常快怡未曾有散亂究竟永寂滅安住無漏法今者見世尊安隱成佛道我等得善利稱慶大歡喜衆生常苦惱盲冥無導即不識苦盡道不知求解脫長夜增惡趣咸損諸天衆從真入於冥永不聞佛名今佛得寂上安隱無漏道我等及天人為得寂大利是故咸稽首歸命無上尊

今時十六王子偈讚佛已勸請世尊轉於法輪咸作是言世尊說法多所安隱憐愍饒益諸天人民重說偈言世雄無等倫百福自在嚴得無上智慧願為世間說度脫於我等及諸衆生類為分別顯示令得是智慧若我等得佛衆生亦復然世尊知衆生深心之所念亦知所行道又知智慧力欲樂及修福宿命所行業世尊悉知已當轉無上輪佛告諸比丘大通智勝佛得阿耨多羅三藐三菩提時十方各五百万億諸佛世界六種震動其國中間幽冥之處日月盛光所不能照而皆大明其中衆生各得相見咸作是言此中云何忽生衆生又其國界諸天宮殿乃至梵宮六種震動大光普照遍滿世界勝諸天光今時東方五百万億諸國土中梵天宮殿光明照曜倍於常明諸梵天王各作是念今者宮殿光明昔所未有以何因緣而現此相是時諸梵天王即各相詣共議此事時彼衆中有一大梵天王名救一切為諸梵衆而說偈言

我等諸宮殿光明昔未有此是何因緣
且可共求之為大德天生為佛出世間
而此大光明遍照於十方

今時五百萬億國土諸梵天王與宮
殿俱各以衣祴盛諸天華共詣西方
推尋是相見大通智勝如來處于道
場菩提樹下坐師子座諸天龍王乳
闍婆緊那羅摩睺羅伽人非人等恭
敬圍繞及見十六王子請佛轉法輪
即時諸梵天王頭面礼佛繞百千匝
即以天華而散佛上其所散華如須
弥山并以供養佛菩提樹其菩提樹
高十由旬華供養已各以宮殿奉上
彼佛而作是言唯見哀愍饒益我等
所獻宮殿願垂納受今時諸梵天王
即於佛前一心同聲以偈頌曰

世尊甚希有難可得值遇具無量功德
能救護一切天人之大師哀愍於世間
十方諸衆生普皆蒙饒益我等所從來
五百萬億國捨深禪定樂為供養佛故
我等先世福宮殿甚嚴飾今以奉世尊
唯願哀納受

今時諸梵天王偈讚佛已各作是言

唯願世尊轉於法輪度脫衆生開涅槃道時諸梵天王一心同聲而說偈言
世雄兩足尊唯願演說法以大慈悲力
度苦惱衆生

尔時大通智勝如來默然許之又諸
比丘東南方五百萬億國土諸大梵
王各自見宮殿光明照耀昔所未有
歡喜踊躍生希有心即各相詣共議
此事時彼衆中有一大梵天主名曰
大悲為諸梵衆而說偈言

是事何因緣而現如此相我等諸宮殿
光明昔未有為大德天生為佛出世間
未曾見此相當共一心求過千万億土
尋光共推之多是佛出世度脫苦衆生
尔時五百萬億諸梵天王與宮殿俱
各以衣祴盛諸天華共詣西北方推
尋是相見大通智勝如來處于道場
菩提樹下坐師子座諸天龍王乾闥
婆緊那羅摩睺羅伽人非人等恭敬
圍繞及見十六王子請佛轉法輪時
諸梵天王頭面礼佛繞百千匝即以
天華而散佛上所散之華如須弥山
并以供養佛菩提樹華供養已各以

宮殿奉上彼佛而作是言唯見哀愍
饒益我等所獻宮殿願垂納受今時
諸梵天王即於佛前一心同聲以偈
頌曰

聖主天中王迦陵頻伽聲哀愍衆生者
我等今敬礼世尊其希有久遠乃一現
一百八十劫空過無有佛三惡道充滿
諸天衆減少今佛出於世為衆生作眼
世間所歸趣救護於一切為衆生之父
哀愍饒益者我等宿福慶今得值世尊
今時諸梵天王偈讚佛已各作是言
唯願世尊哀愍一切轉於法輪度脫
衆生時諸梵天王一心同聲而說偈言
大聖轉法輪顯示諸法相度苦惱衆生
今得大歡喜衆生聞是法得道若生天
諸惡道減少忍善者增益
今時大通智勝如來默然許之又諸
比丘南方五百萬億國土諸大梵天
各自見宮殿光明照耀昔所未有歡
喜踊躍生希有心即各相詣共議此
事以何因緣我等宮殿有此光明時
彼衆中有一大梵天王名曰妙法為
諸梵衆而說偈言

我等諸宮殿光明甚盛曜此非無因緣
是相宜求之過於百千劫未曾見是相
為大德天生為佛出世間

余時五百萬億諸梵天王與宮殿俱
各以衣祴盛諸天華共詣北方推尋
是相見大通智勝如來處于道場菩
提樹下坐師子座諸天龍王乳闍婆
緊那羅摩睺羅伽人非人等恭敬圍
繞及見十六王子請佛轉法輪時諸
梵天王頭面礼佛繞百千帀即以天
華而散佛上所散之華如須弥山并
以供養佛菩提樹華供養已各以宮
殿奉上彼佛而作是言唯見哀愍饒
益我等所獻宮殿願垂納處余時諸
梵天王即於佛前一心同聲以偈
頌曰

世尊甚難見破諸煩惱者過百三十劫
今乃得一見諸飢渴衆生以法雨充滿
昔所未曾覩無量智慧者如優曇鉢羅
今日乃值遇我等諸宮殿蒙光故嚴飾
甚尊大慈愍唯願垂納受

余時諸梵天王偈讚佛已各作是言
唯願世尊轉於法輪令一切世間諸

天魔梵沙門婆羅門皆獲安隱而得度脫時諸梵天王一心同聲而說偈言

惟願天人尊轉無上法輪擊于大法鼓而吹大法蠶普雨大法雨度無量衆生我等咸歸請當演深遠音

今時大通智勝如來默然許之西南方乃至下方亦復如是

今時上方五百万億國土諸梵天王皆悉自觀所止宮殿光明威曜昔所未有歡喜踊躍生希有心即各相詣共議此事以何因緣我等宮殿有斯光明時彼衆中有一大梵天王名曰尸棄為諸梵衆而說偈言

今以何因緣我等諸宮殿威德光明曜嚴飾未曾有如是之妙相昔所不聞見為大德天生為佛出世間

今時五百万億諸梵天王與宮殿俱各以衣祴盛諸天華共詣下方推尋此相見大通智勝如來處于道場菩提樹下坐師子座諸天龍王乳闍婆緊那羅摩睺羅伽人非人等恭敬圍繞及見十六王子請佛轉法輪時諸

梵天王頭面礼佛繞百千匝即以天華而散佛上所散之華如須弥山并以供養佛菩提樹華供養已各以宮殿奉上彼佛而作是言唯見哀愍饒益我等所獻宮殿願垂納慶尔時諸梵天王即於佛前一心同聲以偈頌曰

善哉見諸佛救世之聖尊能於三界獄
免出諸衆生普智天人尊哀愍群萌類
能開甘露門廣度於一切於昔無量劫
空過無有佛世尊未出時十方常闇冥
三惡道增長阿脩羅亦盛諸天衆轉成
死多墮惡道不從佛聞法常行不善事
色力及智慧斯等皆減少罪業因緣故
失樂及樂想住於邪見法不識善儀則
不蒙佛所化常墮於惡道佛為世間眼
久遠時乃出哀愍諸衆生故現於世間
超出成正覺我等甚欣慶及餘一切衆
喜嘆未曾有我等諸宮殿蒙光故嚴飾
今以奉世尊唯垂哀納受願以此功德
普及於一切我等與衆生皆共成佛道
尔時五百萬億諸梵天王偈讚佛已
各白佛言唯願世尊轉於法輪多所

安隱多所度脫時諸梵天王一心同聲而說偈言

世尊轉法輪擊甘露法鼓度苦惱衆生
開示涅槃道唯願受我請以大微妙音
哀愍而敷演無量劫集法

尔時大通智勝如來受十方諸梵天
王及十六王子請即時三轉十二行
法輪若沙門婆羅門若天魔梵及餘
世間所不能轉謂是苦是苦集是苦
滅是苦滅道及廣說十二因緣法無
明緣行行緣識識緣名色名色緣六
入六入緣觸觸緣受受緣愛愛緣取
取緣有有緣生生緣老死憂悲苦惱
無明滅則行滅行滅則識滅識滅則
名色滅名色滅則六入滅六入滅則
觸滅觸滅則受滅受滅則愛滅愛滅
則取滅取滅則有滅有滅則生滅生
滅則老死憂悲苦惱滅佛於天人大
衆之中說是法時六百萬億那由他
人以不受一切法故而於諸漏心得
解脫皆得深妙禪定三明六通具八
解脫第二第三第四說法時千萬億
恒河沙那由他等衆生亦以不受一

切法故而於諸漏心得解脫從是已
後諸聲聞衆無量無邊不可稱數
時十六王子皆以童子出家而為沙
彌諸根通利智慧明了已曾供養百
千萬億諸佛淨修梵行求阿耨多羅
三藐三菩提俱白佛言世尊是諸無
量千萬億大德聲聞皆已成就世尊
亦當為我等說阿耨多羅三藐三菩
提法我等聞已皆共修學世尊我等
悉願如來知見深心所念佛自證知
今時轉輪聖王所將衆中八萬億人
見十六王子出家亦求出家王即聽
許今時彼佛受沙彌請過二万劫已
乃於四衆之中說是大乘經名妙法
蓮華教菩薩法佛所護念說是經已
十六沙彌為阿耨多羅三藐三菩提
故皆共受持諷誦通利說是經時十
六菩薩沙彌皆悉信受聲聞衆中亦
有信解其餘衆生千萬億種皆生疑
惑佛說是經於八千劫未曾休廢說
此經已即入靜室住於禪定八万四
千劫是時十六菩薩沙彌知佛入室
寂然禪定各昇法座亦於八万四千

劫為四部衆廣說分別妙法華經一
一皆度六百萬億那由他恒河沙等
衆生亦教利喜令發阿耨多羅三藐
三菩提心大通智勝佛過八万四千
劫已從三昧起往詣法座安詳而坐
普告大衆是十六菩薩沙弥甚為希有
諸根通利智慧明了已曾供養無量
千万億數諸佛於諸佛所常修梵行
受持佛智開示衆生令入其中汝等
皆當數數親近而供養之所以者何
若聲聞辟支佛及諸菩薩能信是十
六菩薩所說經法受持不毀者是人
皆當得阿耨多羅三藐三菩提如來
之慧佛告諸比丘是十六菩薩常樂
說是妙法華經一一菩薩所化六百
萬億那由他恒河沙等衆生世世所
生與菩薩俱從其聞法悉皆信解以
此因緣得值四万億諸佛世尊于今
不盡諸比丘我今語汝彼佛弟子十
六沙弥今皆得阿耨多羅三藐三菩
提於十方國土現在說法有無量百
千萬億菩薩聲聞以為眷屬其二沙
弥東方作佛一名阿閼在歡喜國二

名須彌頂東南方二佛一名師子音
二名師子相南方二佛一名虛空住
二名常滅西南方二佛一名帝相二
名梵相西方二佛一名阿彌陀二名
度一切世間苦惱西北方二佛一名
多摩羅跋旃檀香神通二名須彌相
北方二佛一名雲自在二名雲自在
王東北方佛名壞一切世間怖畏第
十六我釋迦牟尼佛於娑婆國土成
阿耨多羅三藐三菩提諸比丘我等
為沙彌時各各教化無量百千萬億
恒河沙等衆生從我聞法為阿耨多
羅三藐三菩提此諸衆生于今有住
聲聞地者我常教化阿耨多羅三藐
三菩提是諸人等應以是法漸入佛
道所以者何如來智慧難信難解今
時所化無量恒河沙等衆生者汝等
諸比丘及我滅度後未來世中聲聞
弟子是也我滅度後復有弟子不聞
是經不知不覺菩薩所行自於所得
功德生滅度想當入涅槃我於餘國
作佛更有異名是人雖生滅度之想
入於涅槃而於彼土求佛智慧得聞

是經唯以佛乘而得滅度更無餘乘
除諸如來方便說法諸比丘若如來
自知涅槃時到衆又清淨信解堅固
了達空法深入禪定便集諸菩薩及
聲聞衆為說是經世間無有二乘而
得滅度唯一佛乘得滅度耳比丘當
知如來方便深入衆生之性知其志
樂小法深著五慾為是等故說於涅
槃是人若聞則便信受譬如五百由
旬險難惡道曠絕無人怖畏之處若
有多衆欲過此道至珍寶處有一導
師聰慧明達善知險道通塞之相將
導衆人欲過此難所將人衆中路懈
退白導師言我等疲極而復怖畏不
能復進前路猶遠今欲退還導師多
諸方便而作是念此等可愍云何捨
大珍寶而欲退還作是念已以方便
力於險道中過三百由旬化作一城
告衆人言汝等勿怖莫得退還今此
大城可於中止隨意所作若入是城
便得安隱若能前至寶所亦可得去
是時疲極之衆心大歡喜歎未曾有
我等今者免斯惡道快得安隱於是

衆人前入化城生已度想生安隱想
尔時導師知此人衆既得止息無復
疲倦即滅化城語衆人言汝等去來
實處在近向者大城我所化作為止
息耳諸比丘如來亦復如是今為汝
等作大導師知諸生死煩惱惡道險
難長遠應去應度若衆生但聞一佛
乘者則不欲見佛不欲親近便是
念佛道長遠久受勤苦乃可得成佛
知是心怯弱下劣以方便力而於中
道為止息故說二涅槃若衆生住於
二地如來尔時即便為說汝等所作
未辦汝所住地近於佛慧當觀察籌
量所得涅槃非真實也但是如來方
便之力於一佛乘分別說三如彼導
師為止息故化作大城既知息已而
告之言實處在近此城非實我化作
耳尔時世尊欲重宣此義而說偈言
大通智勝佛十劫坐道場佛法不現前
不得成佛道諸天神龍王阿脩羅衆等
常雨於天花以供養彼佛諸天擊天鼓
并作衆伎樂香風吹萎花更雨新好者
過十小劫已乃得成佛道諸天及世人

心皆懷踊躍被佛十六子皆與其眷屬
千万億圍繞俱行至佛所頭面礼佛足
而請轉法輪聖師子法雨充我及一切
世尊甚難值久遠時一現為覺悟群生
振動於一切東方諸世界五百万億國
梵宮殿光曜昔所未曾有諸梵見此相
尋來至佛所散花以供養并奉上宮殿
請佛轉法輪以偈而讚歎佛知時未至
受請默然坐三方及四維上下亦復亦
散華奉宮殿請佛轉法輪世尊甚難值
願以大慈悲廣開甘露門轉無上法輪
無量慧世尊受彼衆人請為宣種種法
四諦十二緣無明至老死皆從生緣有
如是衆過患汝等應當知宣暢是法時
六百万億娑得盡諸苦際皆成阿羅漢
第二說法時千万恒沙衆於諸法不受
亦得阿羅漢從是後得道其數無有量
万億劫等數不能得其邊時十六王子
出家作沙弥皆共請彼佛演說大乘法
我等及營從皆當成佛道願得如世尊
慧眼第一淨佛知童子心宿世之所行
以無量因緣種種諸譬喻說六波羅蜜
及諸神通事分別真實法菩薩所行道

說是法華經如恒河沙偈彼佛說經已
靜室入禪定一心一處坐八万四千劫
是諸沙彌等知佛禪未出為無量億眾
說佛無上慧各各坐法座說是大乘經
於佛宴寂後宣揚助法化一一沙彌等
所度諸眾生有六百万億恒河沙等眾
彼佛滅度後是諸聞法者在在諸佛土
常與師俱生是十六沙彌具足行佛道
今現在十方各得成正覺今時聞法者
各在諸佛所其有住聲聞漸教以佛道
我在十六數曾亦為汝說是故以方便
引汝趣佛慧以是本因緣今說法華經
令汝入佛道慎勿懷驚懼譬如險惡道
迫絕多毒歟又復無水草人所怖畏處
無數千万眾欲過此險道其路甚曠遠
經五百由旬時有一導師強識有智慧
明了心決定在險濟眾難眾人皆疲倦
而白導師言我等今頑乏於此欲退還
導師作是念此輩甚可愍如何欲退還
化作大城郭莊嚴諸舍宅周帀有園林
流渠及浴池重門高樓閣男女皆充滿
即作是化已慰眾言勿懼汝等入此城

各可隨所樂 諸人既入城 心皆大歡喜
皆生安隱想 自謂已得度 導師知已息
集眾而告言 汝等當前進 此是化城耳
我見汝疲極 中道欲退還 故以方便力
權化作此城 汝今勤精進 當共至寶所
我亦復如是 為一切導師 見諸末道者
中路而懈廢 不能度生死 煩惱諸險道
故以方便力 為息說涅槃 言汝等苦滅
所作皆已辦 既知到涅槃 皆得阿羅漢
今乃集大眾 為說真實法 諸佛方便力
分別說三乘 唯有一佛乘 息處故說二
今為汝說實 汝所得非滅 為佛一切智
當發大精進 汝證一切智 十力等佛法
具三十二相 乃是真實滅 諸佛之導師
為息說涅槃 既知是息已 引入於佛慧
添品妙法蓮華經卷第三

壬寅歲高麗國大藏經奉
勅彫造

添品妙法蓮華經卷第四

在

隋天竺三藏闍那崛多共笈多譯

五百弟子授記品第八

尔時富樓那弥多羅尼子從佛聞是智慧方便隨宜說法又聞授諸大弟子阿耨多羅三藐三菩提記復聞宿世因緣之事復聞諸佛有大自然神通之力得未曾有心淨踊躍即從座起到於佛前頭面礼足却住一面瞻仰尊顏目不暫捨而作是念世尊甚奇特所為希有隨順世間若干種性以方便知見而為說法拔出衆生處處貪著我等於佛功德言不能宣唯佛世尊能知我等深心本願尔時佛告諸比丘汝等見是富樓那弥多羅尼子不我常稱其於說法人中取為第一亦常歎其種種功德精勤護持助宣我法能於四衆示教利喜具足解釋佛之正法而大饒益同梵行者自捨如來無能盡其言論之辯汝等勿謂富樓那但能護持助宣我法亦於過去九十億諸佛所護持助宣佛

之正法於彼說法人中亦取第一又於諸佛所說空法明了通達得四無尋智常能審諦清淨說法無有疑惑具足菩薩神通之力隨其壽命常修梵行彼佛世人咸皆謂之實是聲聞而富樓那以斯方便饒益無量百千衆生又化無量阿僧祇人令立阿耨多羅三藐三菩提為淨佛土故常作佛事教化衆生諸比丘富樓那亦於七佛說法人中而得第一今於我所說法人中亦為第一於賢劫中當來助宣佛法亦於未來護持助宣無量無邊諸佛之法教化饒益無量衆生令立阿耨多羅三藐三菩提為淨佛土故常勤精進教化衆生漸漸具足菩薩之道過無量阿僧祇劫當於此土得阿耨多羅三藐三菩提号曰法明如來應供正遍知明行足善逝世間解無上士調御丈夫天人師佛世尊其佛以恒河沙等三千大千世界為一佛土七寶為地地平如掌無有山陵谿澗溝壑七寶臺觀充滿其中

諸天宮殿近處虛空人天交接兩得相見無諸惡道亦無女人一切衆生皆以化生無有姪欲得大神通身出光明飛行自在志念堅固精進智慧普皆金色三十二相而自在莊嚴其國衆生常以二食一者法喜食二者禪悅食有無量阿僧祇千萬億那由他諸菩薩衆得大神通四無所智善能教化衆生之類其聲聞衆算數技計所不能知皆得具足六通三明及八解脫其佛國土有如是等無量功德莊嚴成就劫名寶明國名善淨其佛壽命無量阿僧祇劫法住甚久佛滅度後起七寶塔遍滿其國今時世尊欲重宣此義而說偈言

諸比丘諦聽佛子所行道善學方便故不可得思議知衆樂小法而畏於大智是故諸菩薩作聲聞緣覺以無數方便化諸衆生類自說是聲聞去佛道甚遠度脫無量衆皆悉得成就雖小欲懈怠漸當令作佛內秘菩薩行外現是聲聞少欲厭生死實自淨佛土示衆有三毒又現邪見相我弟子如是方便度衆生

若我具足說種種現化事 衆生聞是者
心則懷疑惑今此富樓那於昔千億佛
勤修所行道宣護諸佛法為求無上慧
而於諸佛所現居弟子上多聞有智慧
所說無所畏能令衆歡喜未曾有疲倦
而以助佛事已度大神通具四無所慧
知衆根利鈍常說清淨法演暢如是義
教諸千億衆今住大乘法而自淨佛土
未來亦供養無量無數佛護助宣正法
亦自淨佛土常以諸方便說法無所畏
度不可計衆成就一切智供養諸如來
護持法寶藏其後得成佛号名曰法明
其國名善淨七寶所合成劫名為寶明
菩薩衆甚多其數無有量皆度大神通
威德力具足充滿其國土聲聞亦無數
三明八解脫得四無所智以是等為僧
其國諸衆生姪欲皆已斷純一變化生
具相莊嚴身法喜禪悅食更無餘食想
無有諸女人亦無諸惡道富樓那比丘
功德悉成滿當得斯淨土賢聖衆甚多
如是無量事我今但略說

尔時千二百阿羅漢心自在者作是
念我等歡喜得未曾有若世尊各見

授記如餘大弟子者不亦使乎佛知
此等心之所念告摩訶迦葉是千二
百阿羅漢我今當現前次第與授阿
耨多羅三藐三菩提記於此衆中我
大弟子憍陳如比丘當供養六萬二
千億佛然後得成為佛号曰普明如
來應供正遍知明行足善逝世間解
無上士調御丈夫天人師佛世尊其
五百阿羅漢遍樓頻螺迦葉伽耶迦
葉都提迦葉迦留陀夷優陀夷阿菟
樓駄離波多劫賓都薄拘羅周陀莎
伽陀等皆當得阿耨多羅三藐三菩
提盡同一号名曰普明今時世尊欲
重宣此義而說偈言

憍陳如比丘當見無量佛過阿僧祇劫
乃成等正覺常放大光明具足諸神通
名聞遍十方一切之所敬常說無上道
故号為普明其國土清淨菩薩皆勇猛
咸昇妙樓閣遊諸十方國以無上供具
奉獻於諸佛作是供養已心懷大歡喜
須臾還本國有如是神力佛壽六万劫
正法住倍壽像法復倍是法滅天人憂
其五百比丘次第當作佛同号曰普明

轉次而授記我滅度之後某甲當作佛
其所化世間亦如我今日國土之嚴淨
及諸神通力菩薩聲聞衆正法及像法
壽命劫多少皆如上所說迦葉汝已知
五百自在者餘諸聲聞衆亦當復如是
其不在此會汝當為宣說

尔時五百阿羅漢於佛前得授記已
歡喜踊躍即從座起到於佛前頭面
礼足悔過自責世尊我等常作是念
自謂已得究竟滅度今乃知之如無
智者所以者何我等應得如來智慧
而便自以小智為足世尊譬如有人
至親友家醉酒而卧是時親友官事
當行以無價寶珠繫其衣裏與之而
去其人醉卧都不覺知起已遊行到
於他國為衣食故勤力求索甚大艱
難若少有所得便以為足於後親友
會遇見之而作是言咄哉丈夫何為
衣食乃至如是我昔欲令汝得安樂
五欲自恣於某年日月以無價寶珠
繫汝衣裏今故現在而汝不知勤苦
憂惱以求目活甚為癡也汝今可以
此寶貨易所須常可如意無所乏短

佛亦如是為菩薩時教化我等令發一切智心而尋廢忘不知不覺既得阿羅漢道自謂滅度資生艱難得少為足一切智願猶在不失今者世尊覺悟我等作如是言諸比丘汝等所得非究竟滅我久令汝等種佛善根以方便故示涅槃相而汝謂為實得滅度世尊我今乃知實是菩薩得授阿耨多羅三藐三菩提記以是因緣甚大歡喜得未曾有今時阿若憍陳如等欲重宣此義而說偈言

我等聞無上安隱授記聲歡喜未曾有
礼無量智佛今於世尊前自悔諸過咎
於無量佛寶得少涅槃分如無智愚人
便自以為足譬如貧窮人往至親友家
其家甚大富具設諸餽饌以無價寶珠
繫著內衣裏默與而捨去時卧不覺知
是人既已起遊行詣他國求衣食自濟
資生甚艱難得少便為足更不願好者
不覺內衣裏有無價寶珠與珠之親友
後見此貧人苦切責之已示以所繫珠
貧人見此珠其心大歡喜富有諸財物
五欲而自恣我等亦如是世尊於長夜

常愍見教化令種無上願我等無智故
不覺亦不知得少涅槃分自足不求餘
今佛覺悟我言非實滅度得佛無上慧
余乃為真滅我今從佛聞授記莊嚴事
及轉次受決身心通歡喜

添品妙法蓮華經授學無學人記品第九
余時阿難羅睺羅而作是念我等每
自思惟設得授記不亦快乎即從座
起到於佛前頭面礼足俱白佛言世
尊我等於此亦應有分唯有如來我
等所歸又我等為一切世間天人阿
脩羅所見知識阿難常為侍者護持
法藏羅睺羅是佛之子若佛見授阿
耨多羅三藐三菩提記者我願既滿
眾望亦足余時學無學聲聞弟子二
千人皆從座起偏袒右肩到於佛前
一心合掌瞻仰世尊如阿難羅睺羅
所願住立一面余時佛告阿難汝於
來世當得作佛号山海慧自在通王
如來應供正遍知明行足善逝世間
解無上士調御丈夫天人師佛世尊
當供養六十二億諸佛護持法藏然
後得阿耨多羅三藐三菩提教化二

十千万億恒河沙諸菩薩等令成阿耨多羅三藐三菩提國名常立勝幡其土清淨琉璃為地劫名妙音遍滿其佛壽命無量千万億阿僧祇劫若人於千万億無量阿僧祇劫中算數校計不能得知正法住世倍於壽命像法住世復倍正法阿難是山海慧自在通王佛為十方無量千万億恒河沙等諸佛如來所共讚歎稱其功德余時世尊欲重宣此義而說偈言我今僧中說阿難持法者當供養諸佛然後成正覺号曰山海慧自在通王佛其國土清淨名常立勝幡教化諸菩薩其數如恒沙佛有大威德名聞滿十方壽命無有量以愍衆生故正法倍壽命像法復倍是如恒河沙等無數諸衆生於此佛法中種佛道因緣余時會中新發意菩薩八千人咸作是念我等尚不聞諸大菩薩得如是記有何因緣而諸聲聞得如是決余時世尊知諸菩薩心之所念而告之曰諸善男子我與阿難等於空王佛所同時發阿耨多羅三藐三菩提心

阿難常樂多聞我常勤精進是故我已得成阿耨多羅三藐三菩提而阿難護持我法亦護將來諸佛法藏教化成就諸菩薩衆其本願如是故獲斯記阿難面於佛前自聞授記及國土莊嚴所願具足心大歡喜得未曾有即時憶念過去無量千萬億諸佛法藏通達無碍如今所聞亦識本願
今時阿難而說偈言

世尊甚希有令我念過去無量諸佛法
如今日所聞我今無復疑安住於佛道
方便為侍者護持諸佛法

今時佛告羅睺羅汝於來世當得作
佛号蹈七寶華如來應供正遍知明
行足善逝世間解無上士調御丈夫
天人師佛世尊當供養十世界微塵
等數諸佛如來常為諸佛而作長子
猶如今也是蹈七寶華佛國土莊嚴
壽命劫數所化弟子正法像法亦如
山海慧自在通王如來無異亦為此
佛而作長子過是已後當得阿耨多
羅三藐三菩提今時世尊欲重宣此
義而說偈言

我為太子時 羅睺為長子 我今成佛道
受法為法子 於未來世中 見無量億佛
皆為其長子 一心求佛道 羅睺羅密行
惟我能知之 現為我長子 以示諸眾生
無量億千万 功德不可數 安住於佛法
以求無上道

尔時世尊見學無學二千人其意柔
軟寂然清淨一心觀佛佛告阿難汝
見是學無學二千人不唯然已見阿
難是諸人等當供養五十世界微塵
數諸佛如來恭敬尊重護持法藏末
後同時於十方國各得成佛皆同一
号名曰寶相如來應供正遍知明行
足善逝世間解無上士調御丈夫天
人師佛世尊壽命一切國土莊嚴聲
聞菩薩正法像法皆悉同等尔時世
尊欲重宣此義而說偈言

是二千聲聞 今於我前住 悉皆與授記
未來當成佛 所供養諸佛 如上說塵數
護持其法藏 後當成正覺 各於十方國
悉同一名号 俱時坐道場 以證無上慧
皆名為寶相 國土及弟子 正法與像法
悉等無有異 咸以諸神通 度十方衆生

今時學無學二千人聞佛授記歡喜
踊躍而說偈言

世尊慧燈明我聞授記音心歡喜充滿
如甘露見灌

添品妙法蓮華經法師品第十

今時世尊因藥王菩薩告八万大士
藥王汝見是大衆中無量諸天龍王
夜叉乾闥婆阿脩羅迦樓羅緊那羅
摩睺羅伽人非人等及比丘比丘尼
優婆塞優婆夷求聲聞者求辟支
佛者求佛道者如是等類咸於佛前
聞妙法華經一偈一句乃至一念隨
喜者我皆與授記當得阿耨多羅三
藐三菩提佛告藥王又如來滅度之
後若有人聞妙法華經乃至一偈一
句一念隨喜者我亦與授阿耨多羅
三藐三菩提記若復有人受持讀誦
解說書寫妙法華經乃至一偈於此
經卷敬視如佛種種供養華香瓔珞
末香塗香燒香繒蓋幢幡衣服伎樂
乃至合掌恭敬藥王當知是諸人等
已曾供養十万億佛於諸佛所成就

大願愍衆生故生此人間藥王若有
人問何等衆生於未來世當得作
佛應亦是諸人等於未來世必得作
佛何以故若善男子善女人於法華
經乃至一句受持讀誦解說書寫種
種供養經卷華香瓔珞末香塗香燒
香繒蓋幢幡衣服伎樂合掌恭敬是
人一切世間所應瞻奉應以如來供
養而供養之當知此人是菩薩成
就阿耨多羅三藐三菩提哀愍衆生
願生此間廣演分別妙法花經何況
盡能受持種種供養者藥王當知是
人自捨清淨業報於我滅度後愍衆
生故生於惡世廣演此經若是善男
子善女人我滅度後能竊為一人說
法華經乃至一句當知是人則如來
使如來所遣行如來事何況於大衆
中廣為人說藥王若有惡人以不善
心於一劫中現於佛前常毀罵佛其
罪尚輕若人以一惡言毀訾在家出
家讀誦法華經者其罪甚重藥王其
有讀誦法華經者當知是人以佛莊
嚴而自在嚴則為如來有所荷擔其

所至方應隨向札一心合掌恭敬供養尊重讚歎華香瓔珞末香塗香燒香繒蓋幢幡衣服銷饌作諸伎樂人中上供而供養之應持天寶而以散之天上寶聚應以奉獻所以者何是人歡喜說法須臾聞之即得究竟阿耨多羅三藐三菩提故今時世尊欲重宣此義而說偈言

若欲住佛道成就自然智常當勤供養受持法花者其有欲疾得一切種智慧當受持是經并供養持者若有能受持妙法華經者當知佛所使愍念諸衆生諸有能受持妙法華經者捨於清淨土愍衆故生此當知如是人自在所欲生能於此惡世廣說無上法應以天華香及天寶衣服天上妙寶聚供養說法者吾滅後惡世能持是經者當合掌札敬如供養世尊上饌衆甘美及種種衣服供養是佛子真得須臾聞若能於後世受持是經者我遣在人中行於如來事若於一劫中常懷不善心作色而罵佛獲無量重罪其有讀誦持是法華經者須臾加惡言其罪復過彼有人求佛道

而於一切中合掌在我前以無數偈讚由是讚佛故得無量功德歎美持經者其福復過彼於八十億劫以取妙色聲及與香味觸供養持經者如是供養已若得須臾聞則應自欣慶我今獲大利藥王今告汝我所說諸經而於此經中法華軍第一

今時佛復告藥王菩薩摩訶薩我所說經典無量千萬億已說今說當說而於其中此法華經最為難信難解藥王此經是諸佛秘要之藏不可分布妄授與人諸佛世尊之所守護從昔已來未曾顯說如此經者如來現在猶多怨嫉況滅度後藥王當知如來滅後其能書持讀誦供養為他人說者如來則為以衣覆之又為他方現在諸佛之所護念是人有大信力及志願力諸善根力當知是人與如來共宿則為如來手摩其頭藥王在在處處若說若讀若誦若書若經卷所住處皆應起七寶塔極令高廣嚴飾不須復安舍利所以者何此中已有如來全身此塔應以一切華香瓔珞

細蓋幢幡伎樂歌頌供養恭敬尊重讚歎若有人得見此塔禮拜供養當知是等皆近阿耨多羅三藐三菩提藥王多有人在家出家行菩薩道若不能得見聞讀誦書持供養是法華經者當知是人未善行菩薩道若有得聞是經典者乃能善行菩薩之道其有衆生求佛道者若見若聞是法華經聞已信解受持者當知是人得近阿耨多羅三藐三菩提藥王譬如有人渴乏須水於彼高原穿鑿求之猶見乾土知水尚遠施功不已轉見濕土遂漸至泥其心決定知水必近菩薩亦復如是若未聞未解未能修習是法華經當知是人去阿耨多羅三藐三菩提尚遠若得聞解思惟修習必知得近阿耨多羅三藐三菩提所以者何一切菩薩阿耨多羅三藐三菩提皆屬此經此經開方便門示真實相是法華經藏深固幽遠無人能到今佛教化成就菩薩而為開示藥王若有菩薩聞是法華經驚疑怖畏當知是為新發意菩薩若聲聞人聞

是經驚疑怖畏當知是為增上慢者
藥王若有善男子善女人如來滅後
欲為四眾說是法華經者云何應說
是善男子善女人入如來室著如來
衣坐如來座亦乃應為四眾廣說斯
經如來室者一切眾生中大慈悲心
是如來衣者柔和忍辱心是如來座
者一切法空是安住是中然後以不
懈怠心為諸菩薩及四眾廣說是法
華經藥王我於餘國遣化人為其集
聽法眾亦遣化比丘比丘尼優婆塞
優婆夷聽其說法是諸化人間法信
受隨順不逆若說法者在空閑處我
時廣遣天龍鬼神輒闍婆阿修羅等
聽其說法我雖在異國時時令說法
者得見我身若於此經忘失句逗我
還為說令得具足今時世尊欲重宣
此義而說偈言

欲捨諸懈怠應當聽是經此經難得聞
信受者亦難如人渴須水穿鑿於高原
猶見乾燥土知去水尚遠漸見濕土泥
決定知近水藥王汝當知如是諸人等
不聞法華經去佛智甚遠若聞是深經

決了聲聞法是諸經之王聞已諦思惟
當知此人等近於佛智慧若人說此經
應入如來室著於如來衣而坐如來座
處衆無所畏廣為分別說大慈悲為室
柔和忍辱衣諸法空為座處此為說法
若說此經時有人惡口罵加刀杖瓦石
念佛故應忍我千萬億土現淨堅固身
於無量億劫為衆生說法若我滅度後
能說此經者我遣化四衆比丘比丘尼
及清信士女供養於法師引導諸衆生
集之令聽法若人欲加惡刀杖及瓦石
則遣變化人為之作衛護若說法之人
獨在空閑處寂寞無人聲讀誦此經典
我今時為現清淨光明身若忘失章句
為說今通利若人具是德或為四衆說
空處讀誦經皆得見我身若人在空閑
我遣天龍王夜叉鬼神等為作聽法衆
是人樂說法分別無罣碍諸佛護念故
能令大衆喜若親近法師速得菩薩道
隨順是師學得見恒沙佛

添品妙法蓮華經見寶塔品第十一

今時佛前有七寶塔高五百由旬縱
廣二百五十由旬從地踊出住在空

中種種寶物而莊校之五千攔楯龕室千万無數幢幡以為嚴飾垂寶瓔珞寶鈴萬億而懸其上四面皆出多摩羅跋拏檀之香充滿世界其諸幡蓋以金銀琉璃碑礫馬瑙真珠玫瑰七寶合成高至四天王宮三十三天雨天曼陀羅華供養寶塔餘諸天龍夜叉乾闥婆阿修羅迦樓羅緊那羅摩睺羅伽人非人等千萬億眾以一切華香瓔珞幡蓋伎樂供養寶塔恭敬尊重讚歎今時寶塔中出大音聲歎言善哉善哉釋迦牟尼世尊能以平等大慧教菩薩法佛所護念妙法華經為大眾說如是如是釋迦牟尼世尊如所說者皆是真實今時四眾見大寶塔住在空中又聞塔中所出音聲皆得法喜恠未曾有從座而起恭敬合掌却住一面今時有菩薩摩訶薩名大樂說知一切世間天人阿修羅等心之所疑而白佛言世尊以何因緣有此寶塔從地踊出又於其中發是音聲今時佛告大樂說菩薩此寶塔中有如來全身乃往過去東

方無量千万億阿僧祇世界國名寶
淨彼中有佛号曰多寶其佛本行善
薩道時作大誓願若我成佛滅度之
後於十方國土有說法華經處我之
塔廟為聽是經故踊現其前為作證
明讚言善哉彼佛成道已臨滅度時
於天人大衆中告諸比丘我滅度後
欲供養我全身者應起一大塔其佛
以神通願力十方世界在在處處若
有說法華經者彼之寶塔皆踊出其
前全身在於塔中讚言善哉善哉大
樂說今多寶如來塔聞說法華經故
從地踊出讚言善哉善哉是時大樂
說菩薩以如來神力故白佛言世尊
我等願欲見此佛身佛告大樂說菩
薩摩訶薩是多寶佛有深重願若我
寶塔為聽法華經故出於諸佛前時
其有欲以我身示四衆者彼佛分身
諸佛在於十方世界說法盡還集一
處然後我身乃出現耳大樂說我分
身諸佛在於十方世界說法者今應
當集大樂說白佛言世尊我等亦願
欲見世尊分身諸佛礼拜供養今時

佛放白毫一光即見東方五百万億
那由他恒河沙等國土諸佛彼諸國
土皆以頗梨為地寶樹寶衣以為莊
嚴無數千万億菩薩充滿其中遍張
寶帳寶網羅上彼國諸佛以大妙音
而說諸法及見無量千万億菩薩遍
滿諸國為衆說法南西北方四維上
下白毫相光所照之處亦復如是尔
時十方諸佛各告衆菩薩言善男子
我今應往娑婆世界釋迦牟尼佛所
并供養多寶如來寶塔時娑婆世界
即變清淨琉璃為地寶樹莊嚴黃金
為繩以界八道無諸聚落村營城邑
大海江河山川林藪燒大寶香曼陀
羅華遍布其地以寶網幔羅覆其上
懸諸寶鈴唯留此會衆移諸天人置
於他土是時諸佛各將一大菩薩以
為侍者至娑婆世界各到寶樹下一
一寶樹高五百由旬枝葉華果次第
莊嚴諸寶樹下皆有師子之座高五
由旬亦以大寶而校飾之尔時諸佛
各於此座結加趺坐如是展轉遍滿
三千大千世界而於釋迦牟尼佛一

方所分之身猶故未盡時釋迦牟尼
佛欲容受所分身諸佛故八方各更
變二百万億那由他國皆令清淨無
有地獄餓鬼畜生及阿脩羅又移諸
天人置於他土所化之國亦以琉璃
為地寶樹莊嚴樹高五百由旬枝葉
華果次第嚴飾樹下皆有寶師子座
高五由旬種種諸寶以為莊嚴亦無
大海江河及目真隣陀山摩訶目真
隣陀山鐵圍山大鐵圍山須彌山等
諸山王通為一佛國土寶地平正寶
交露幔遍覆其上懸諸幡蓋燒大寶
香諸天寶華遍布其地釋迦牟尼佛
為諸佛當來坐故復於八方各更變二
百万億那由他國皆令清淨無有地
獄餓鬼畜生及阿脩羅又移諸天人
置於他土所化之國亦以琉璃為地
寶樹莊嚴樹高五百由旬枝葉花果
次第莊嚴樹下皆有寶師子座高五
由旬亦以大寶而校飾之亦無大海
江河及目真隣陀山摩訶目真隣陀
山鐵圍山大鐵圍山須彌山等諸山
王通為一佛國土寶地平正寶交露

暢遍覆其上懸諸幡蓋燒大寶香諸
天寶華遍布其地尔時東方釋迦牟尼
所分之身百千万億那由他恒河
沙等國土中諸佛各各說法來集於
此如是次第十方諸佛皆悉來集坐
於八方尔時一一方四百万億那由
他國土諸佛如來遍滿其中是時諸
佛各在寶樹下坐師子座皆遣侍者
問訊釋迦牟尼佛各賡寶華滿掬而
告之言善男子汝往詣耆闍崛山釋
迦牟尼佛所如我辭曰少病少惱氣
力安樂及菩薩聲聞眾悉安隱不以
此寶華散佛供養而作是言彼某甲
佛與欲開此寶塔諸佛遣使亦復如
是尔時釋迦牟尼佛見所分身佛悉
已來集各各坐於師子之座皆聞諸
佛與欲同開寶塔即從座起住虛空
中一切四眾起立合掌一心觀佛於
是釋迦牟尼佛以右指開七寶塔戶
出大音聲如却開闢開大城門即時
一切眾會皆見多寶如來於寶塔中
坐師子座全身不散如入禪定又聞
其言善哉善哉釋迦牟尼佛快說是

法華經我為聽是經故而來至此
時四眾等見過去無量千萬億劫滅
度佛說如是言歎未曾有以天寶華
聚散多寶佛及釋迦牟尼佛上
多寶佛於寶塔中分半座與釋迦
牟尼佛而作是言釋迦牟尼佛可就此
座即時釋迦牟尼佛入其塔中坐其
半座結加趺坐
爾時大眾見二如來
在七寶塔中師子座上結加趺坐各
作是念佛座高遠惟願如來以神通
力令我等輩俱處虛空即時釋迦
牟尼佛以神通力接諸大眾皆在虛空
以大音聲普告四眾誰能於此娑婆
國土廣說妙法華經今正是時如來
不久當入涅槃佛欲以此妙法華經
付囑有在
爾時世尊欲重宣此義而
說偈言

聖主世尊 雖久滅度 在寶塔中
尚為法來 諸人云何 不勤為法
此佛滅度 無央數劫 處處聽法
以難遇故 彼佛本願 我滅度後
在在所往 常為聽法 又我分身
無量諸佛 如恒沙等 來欲聽法

及見滅度 多寶如來 各捨妙土
及弟子衆 天人龍神 諸供養事
令法久住 故來至此 為坐諸佛
以神通力 移無量衆 令國清淨
諸佛各各 詣寶樹下 如清涼池
蓮花莊嚴 其實樹下 諸師子座
佛坐其上 光明嚴飾 如夜闇中
然大炬火 身出妙香 遍十方國
衆生蒙薰 喜不自勝 譬如大風
吹小樹枝 以是方便 令法久住
告諸大衆 我滅度後 誰能護持
讀說此經 今於佛前 自說誓言
其多寶佛 雖久滅度 以大誓願
而師子吼 多寶如來 及與我身
所集化佛 當知此意 諸佛子等
誰能護法 當發大願 令得久住
其有能護 此經法者 則為供養
我及多寶 此多寶佛 處於寶塔
常遊十方 為是經故 亦復供養
諸來化佛 莊嚴光飾 諸世界者
若說此經 則為見我 多寶如來
及諸化佛 諸善男子 各諦思惟
此為難事 宜發大願 諸餘經典

數如恒沙	雖說此等	未足為難
若接須弥	擲置他方	無數佛土
亦未為難	若以足拍	動大千界
遠擲他國	亦未為難	若立有頂
為衆演說	無量餘經	亦未為難
若佛滅後	於惡世中	能說此經
是則為難	假使有人	手把虛空
而以遊行	亦未為難	於我滅後
若自書持	若使人書	是則為難
若以大地	置足甲上	昇於梵天
亦未為難	佛滅度後	於惡世中
暫讀此經	是則為難	假使劫燒
擔負乾草	入中不燒	亦未為難
我滅度後	若持此經	為一人說
是則為難	若持八万	四千法藏
十二部經	為人演說	令諸聽者
得六神通	雖能如是	亦未為難
於我滅後	聽受此經	問其義趣
是則為難	若人說法	令千万億
無量無數	恒沙衆生	得阿羅漢
具六神通	雖有是益	亦未為難
於我滅後	若能奉持	如斯經典
是則為難	我為佛道	於無量土

從始至今 廣說諸經 而於其中
此經第一 若有能持 則持佛身
諸善男子 於我滅後 誰能受持
讀誦此經 今於佛前 自說誓言
此經難持 若暫持者 我則歡喜
諸佛亦然 如是之人 諸佛所歎
是則勇猛 是則精進 是名持戒
行頭陀者 則為疾得 無上佛道
能於來世 讀持此經 是真佛子
住純善地 佛滅度後 能解其義
是諸天人 世間之眼 於恐懼世
能須臾說 一切天人 皆應供養
今時佛告諸菩薩及天人四眾吾於
過去無量劫中求法華經無有懈倦
於多劫中常作國王發願求於無上
菩提心不退轉為欲滿足六波羅蜜
勤行布施心無吝惜為馬七珍國城
妻子奴婢僕從頭目髓腦身肉手足
不惜軀命時世人民壽命無量為於
法故捐捨國位委政太子擊鼓宣令
四方求法誰能為我說大乘者吾當
終身供給走使時有仙人來白王言
我有大乘名妙法蓮華若不違我當

為演說王聞其言歡喜踊躍即隨仙人
供給所須採果汲水拾薪設食乃至
以身而為牀座身心無倦于時奉事
經於千歲為於法故精勤給使令無
所乏尔時世尊欲重宣此義而說偈言
我念過去劫為求大法故雖作世國王
不貪五欲樂提鍾告四方誰有大法者
若為我解說身當為奴僕尔時有仙人
來白大王言我有微妙法世間所希有
若能修行者吾當為汝說時玉聞仙言
心生大歡喜即便隨仙人供給於所欲
採薪及果菜隨時恭敬興情存妙法故
身心無懈倦普為諸衆生勤求於大法
亦不為己身及以五欲樂故為大國王
勤求獲此法遂致得成佛今故為汝說
佛告諸比丘尔時王者則我身是時
仙人者今提婆達多是由提婆達多
善知識故令我具足六波羅蜜慈悲
喜捨三十二相八十種好紫磨金色
十力四無所畏四攝法十八不共神
通道力成等正覺廣度衆生皆因提
婆達多善知識故告諸四衆提婆達
多却後過無量劫當得成佛号曰天

王如來應供正遍知明行足善逝世
間解無上士調御丈夫天人師佛世
尊世界名天道時天王佛住世二十
中劫廣為衆生說於妙法恒河沙衆
生得阿羅漢果無量衆生發緣覺心
恒河沙衆生發無上菩提心得無生
忍至不退轉時天王佛般涅槃後正
法住世二十中劫全身舍利起七寶
塔高六十由旬縱廣四十由旬諸天
人民悉以雜華塗香末香燒香衣服
瓔珞幢幡寶蓋伎樂歌頌禮拜供養
七寶妙塔無量衆生得阿羅漢無量
衆生悟辟支佛不可思議衆生發菩
提心至不退轉佛告諸比丘未來世
中若有善男子善女人聞此妙法蓮
華經品聞已淨心信敬不生疑惑者
不墮地獄餓鬼畜生生十方佛前所
生之處常聞此經若生天人中受勝
妙樂若在佛前蓮華化生於時下方
多寶世尊所從菩薩名曰智積白多
寶佛當還本土釋迦牟尼佛告智積
曰善男子且待須臾此有菩薩名文
殊師利可與相見論說妙義可還本

土尔時文殊師利坐千葉蓮華大如車輪俱來菩薩亦坐寶華從於大海娑竭羅龍宮自然踊出住虛空中詣靈鷲山從蓮華下至於佛所頭面敬礼二世尊足修敬已畢往智積所共相慰問却坐一面智積菩薩問文殊師利仁者往詣龍宮所化衆生其數幾何文殊師利言其數無量不可稱計非口所宣非心所測且待須臾自當有證所言未竟無數菩薩坐寶蓮華從海踊出詣靈鷲山住在虛空此諸菩薩皆是文殊師利之所化度具菩薩道行皆共論說六波羅蜜本聲聞人在虛空中說聲聞行今皆修行大乘空義文殊師利謂智積曰於海所化其事如此尔時智積菩薩以偈讚曰

大智德勇健 化度無量衆 今此諸大會 及我皆已見 演暢寶相義 開闡一乘法 廣度諸群生 令速成菩提

文殊師利言我於海中唯常宣說妙法華經智積問文殊師利言此經甚深微妙諸經中寶世所希有頗有衆

生勤加精進修行此經速得佛不文殊師利言有娑竭羅龍王女年始八歲智慧利根善知衆生諸根行業得陀羅尼諸佛所說甚深秘藏悉能受持深入禪定了達諸法於剎那頃發菩提心得不退轉辯才無尋慈念衆生猶如赤子功德具足心念口演微妙廣大慈悲仁讓志意和雅能至菩提智積菩薩言我見釋迦如來於無量劫難行苦行積功累德求菩提道未曾止息觀三千大千世界乃至無有如芥子許非是菩薩捨身命處爲衆生故然後乃得成菩提道不信此女於須臾頃便成正覺言論未訖時龍王女忽現於前頭面礼敬却住一面以偈讚曰

深達罪福相 遍照於十方 微妙淨法身 具相三十二 以八十種好 用莊嚴法身 天人所戴仰 龍神咸恭敬 一切衆生類 無不宗奉者 有聞成菩提 唯佛當證知 我聞大乘教 度脫苦衆生

余時舍利弗語龍王女言汝謂不久得無上道是事難信所以者何女身

垢穢非是法器云何能得無上菩提
佛道玄曠經無量劫勤苦積行具修
諸度然後乃成又女人身猶有五障
一者不得作梵天王二者不得作帝
釋三者魔王四者轉輪聖王五者佛
身云何女身速得成佛

尔時龍王女有一寶珠價直三千大
千世界持以上佛佛即受之龍女謂
智積菩薩尊者舍利弗言我獻此寶
珠世尊納受是事疾不答言甚疾女
言以汝神通力觀我成佛復速於此
當時衆會皆見龍女忽然之間變成
男子具菩薩行即往南方無垢世界
坐寶蓮花成等正覺三十二相八十
種好普為十方一切衆生演說妙法
尔時娑婆世界菩薩聲聞天龍八部
人與非人皆遙見彼龍女成佛普為
時會人天說法心大歡喜悉遙敬礼
無量衆生聞法解悟得不退轉無量
衆生得授道記無垢世界六種振動
娑婆世界三千衆生住不退地三千
衆生發菩提心而得授記智積菩薩
及舍利弗一切大會默然信受

尔時藥王菩薩摩訶薩及大樂說菩薩摩訶薩與二萬菩薩眷屬俱皆於佛前作是誓言唯願世尊不以為慮我等於佛滅後當奉持讀誦說此經典後惡世衆生善根轉少多增上慢貪利供養增不善根遠離解脫雖難可教化我等當起大忍力讀誦此經持說書寫種種供養不惜身命尔時衆中五百阿羅漢得授記者白佛言世尊我等亦自誓願於異國土廣說此經復有學無學八千人得授記者從座而起合掌向佛作是誓言世尊我等亦當於他國土廣說此經所以者何是娑婆國中人多弊惡懷增上慢功德淺薄瞋濁諂曲心不實故尔時佛姨母摩訶波闍波提比丘尼與學無學比丘尼六千人俱從座而起一心合掌瞻仰尊顏目不暫捨於時世尊告憍曇弥何故憂色而視如來汝心將無謂我不說汝名授阿耨多羅三藐三菩提記耶憍曇弥我先惣說一切聲聞皆已授記今汝欲知記

者將來之世當於六萬八千億諸佛法中為大法師及六千學無學比丘尼俱為法師如是漸漸具菩薩道當得作佛号一切衆生意見如來應供正遍知明行足善逝世間解無上士調御丈夫天人師佛世尊憍曇彌是一切衆生意見佛及六千菩薩轉次授記得阿耨多羅三藐三菩提

尔時羅睺羅母耶輸陀羅比丘尼作是念世尊於授記中獨不說我名佛告耶輸陀羅汝於來世百千萬億諸佛法中修菩薩行為大法師漸具佛道於善國中當得作佛号具足千萬光相如來應供正遍知明行足善逝世間解無上士調御丈夫天人師佛世尊佛壽無量阿僧祇劫尔時摩訶波闍波提比丘尼及耶輸陀羅比丘尼并其眷屬皆大歡喜得未曾有即於佛前而說偈言

世尊導師 安隱天人 我等聞記 心安具足

諸比丘尼說是偈已白佛言世尊我等亦於他方國土廣說斯經

尔時世尊視八十萬億那由他諸菩薩摩訶薩是諸菩薩皆是阿鞞跋致轉不退法輪得諸陀羅尼即從座起至於佛前一心合掌而作是念若世尊告勅我等持說此經者當如佛教廣宣斯法復作是念佛今默然不見告勅我當云何時諸菩薩敬順佛意并欲自滿本願便於佛前作師子吼而發誓言世尊我等於如來滅後周旋往返十方世界能令衆生書寫此經受持讀誦解說其義如法修行正憶念皆是佛之威力唯願世尊在於他方遙見守護即時諸菩薩俱同發聲而說偈言

唯願不為慮於佛滅度後恐怖惡世中我等當廣說有諸無智人惡口罵詈等及加刀杖者我等皆當忍惡世中比丘邪智心諂曲未得謂為得我慢心充滿或有阿練若納衣在空閑自謂行真道輕賤人間者貪著利養故與白衣說法為世所恭敬如六通羅漢是人懷惡心常念世俗事假名阿練若好出我等過而作如是言此諸比丘等為貪利養故

說外道論義自作此經典誑惑世間人
為求名聞故分別於是經常在大眾中
欲毀我等故向國王大臣婆羅門居士
及餘比丘眾誹謗說我惡謂是邪見人
說外道論義我等敬佛故悲忍是諸惡
為斯所輕言汝等皆是佛如此輕慢言
皆當忍受之濁劫惡世中多有諸恐怖
惡鬼入其身罵詈毀辱我我等敬信佛
當著忍辱鎧為說是經故忍此諸難事
我不愛身命但惜無上道我等於來世
護持佛所囑世尊自當知濁世惡比丘
不知佛方便隨宜所說法惡口而頻感
數數見擯出遠離於塔寺如是等眾惡
念佛告勅故皆當忍是事諸聚落城邑
其有求法者我皆到其所說佛所囑法
我是世尊使處眾無所畏我當善說法
願佛安隱住我於世尊前諸來十方佛
發如是誓言佛悉知我心

添品妙法蓮華經卷第四

壬寅歲高麗國大藏都監奉

勅彫造

添品妙法蓮華經卷第五

在

隋天竺三藏闍那崛多共笈多譯

安樂行品第十三

今時文殊師利法王子菩薩摩訶薩
白佛言世尊是諸菩薩甚為難有敬
順佛故發大誓願於後惡世護持讀
誦說是法華經世尊菩薩摩訶薩於
後惡世云何能說是經佛告文殊師
利若菩薩摩訶薩於後惡世欲說是
經當安住四法一者安住菩薩行處
親近處能為衆生演說是經文殊師
利云何名菩薩摩訶薩行處若菩薩
摩訶薩住忍辱地柔和善順而不平
暴心亦不驚又復於法無所行而觀
諸法如實相亦不行不分別是名菩
薩摩訶薩行處云何名菩薩摩訶薩
親近處菩薩摩訶薩不親近國王王
子大臣官長不親近諸外道梵志尼
軋子等及造世俗文筆讚詠外書及
路伽耶陀逆路伽耶陀者亦不親近
諸有凶戲相忤相撲及毘羅等種
種變現之戲又不親近旃陀羅及畜

猪羊雞狗畋獵漁捕諸惡律儀如是
人等或時來者則為說法無所怖望
又不親近求聲聞比丘比丘尼優婆
塞優婆夷亦不問評若於房中若經
行處若在講堂中不共住止或時來
者隨宜說法無所怖求文殊師利又
菩薩摩訶薩不應於女人身取能
生欲想相而為說法亦不樂見若入
他家不與小女處女寡女等共語亦復
不近五種不男之人以為親厚不獨
入他家若有因緣須獨入時但一心
念佛若為女人說法不露齒笑不現
曾臆乃至為法猶不親厚况復餘事
不樂畜年少弟子沙弥小兒亦不樂
與同師常好坐禪在於閑處修攝其
心文殊師利是名初親近處復次菩
薩摩訶薩觀一切法空如實相不顛
倒不動不退不轉如虛空無所有性
一切語言道斷不生不出不起無名
無相實無所有無量無邊無尋無障
但以因緣有從顛倒生故說常樂觀
如是法相是名菩薩摩訶薩第二親
近處尔時世尊欲重宣此義而說偈言

若有菩薩 於後惡世 無怖畏心
欲說是經 應入行處 及親近處
常離國王 及國王子 大臣官長
凶險戲者 及旃陀羅 外道梵志
亦不親近 增上慢人 貪著小乘
三藏學者 破戒比丘 名字羅漢
及比丘尼 好戲笑者 深著五欲
求現滅度 諸優婆夷 皆勿親近
若是人等 以好心來 到菩薩所
為聞佛道 菩薩則以 無所畏心
不懷怖望 而為說法 寡女處女
及諸不男 皆勿親近 以為親厚
亦莫親近 屠兒魁膾 田獵漁捕
為利煞害 販肉自治 街賣女色
如是之人 皆勿親近 凶險相撲
種種嬉戲 諸婬女等 盡勿親近
莫獨屏處 為女說法 若說法時
無得戲笑 入里乞食 將一比丘
若無比丘 一心念佛 是則名為
行處近處 以此二處 能安樂說
又復不行 上中下法 有為無為
實不實法 亦不分別 是男是女
不得諸法 不知不見 是則名為

菩薩行處一切諸法空無所有
無有常住亦無起滅是名智者
所親近處顛倒分別諸法有無
是實非實是生非生在於閑處
修攝其心安住不動如須弥山
觀一切法皆無所有猶如虛空
無有堅固不生不出不動不退
常住一相是名近處若有比丘
於我滅後入是行處及親近處
說斯經時無有怯弱菩薩有時
入於靜室以正憶念隨義觀法
從禪定起為諸國王王子臣民
婆羅門等開化演暢說斯經典
其心安隱無有怯弱文殊師利
是名菩薩安住初法能於後世
說法華經

又文殊師利如來滅後於末法中欲
說是經應住安樂行若口宣說若讀
經時不樂說人及經典過亦不輕慢
諸餘法師不說他人好惡長短於聲
聞人亦不稱名說其過惡亦不稱名
讚歎其美又亦不生怨嫌之心善修
如是安樂心故諸有聽者不逆其意

有所難問不以小乘法答但以大乘而為解說今得一切種智亦時世尊欲重宣此義而說偈言

菩薩常樂	安隱說法	不	清淨地
而施牀座	以油塗身	澡	浴塵穢
著新淨衣	內外俱淨	安	處法座
隨問為說	若有比丘	及	比丘尼
諸優婆塞	及優婆夷	國	王王子
群臣士民	以微妙義	和	顏為說
若有難問	隨義而答	因	緣譬喻
敷演分別	以是方便	皆	使發心
漸漸增益	入於佛道	除	嬾墮意
及懈怠想	離諸憂惱	慈	心說法
晝夜常說	無上道教	以	諸因緣
無量譬喻	開示眾生	咸	令歡喜
衣服卧具	飲食醫藥	而	於其中
無所希望	但一心念	說	法因緣
願成佛道	令眾亦尔	是	則大利
安樂供養	我滅度後	若	有比丘
能演說斯	妙法華經	心	無嫉恚
諸惱障身	亦無憂愁	及	罵詈者
又無怖畏	加刀杖等	亦	無擯出
安住忍故	智者如是	善	修其心

能住安樂 如我上說 其人功德
千億萬劫 算數譬喻 說不能盡
又文殊師利菩薩摩訶薩於後末世
法欲滅時受持讀誦斯經典者無懷
嫉妬諂誑之心亦勿輕罵學佛道者
求其長短若比丘比丘尼優婆塞優
婆夷求聲聞者求辟支佛者求菩薩
道者無得惱之令其疑悔語其人言
汝等去道甚遠終不能得一切種智
所以者何汝是放逸之人於道懈怠
故又亦不應戲論諸法有所諍竟當
於一切衆生起大悲想於諸如來起
慈父想於諸菩薩起大師想於十方
諸大菩薩常應深心恭敬禮拜於一
切衆生平等說法以順法故不多不
少乃至深愛法者亦不為多說文殊
師利是菩薩摩訶薩於後末世法欲
滅時有成就第三安樂行者說是
法時無能惱亂得好同學共讀誦是
經亦得大衆而來聽受聽已能持持
已能誦誦已能說說已能書若使人
書供養經卷恭敬尊重讚歎今時世
尊欲重宣此義而說偈言

若欲說是經當捨嫉恚慢諂誑邪偽心
常修質直行不輕蔑於人亦不戲論法
不令他疑悔去汝不得佛是佛子說法
常柔和能忍慈悲於一切不生懈怠心
十方大菩薩愍衆故行道應生恭敬心
是則我大師於諸佛世尊生無上父想
破於憍慢心說法無障尋第三法如是
智者應守護一心安樂行無量衆所敬
又文殊師利菩薩摩訶薩於後末世
法欲滅時有持是法華經者於在家
出家人中生大慈心於非菩薩人中
生大悲心應作是念如是之人則為
大失如來方便隨宜說法不聞不知
不覺不問不信不解其人雖不問不
信不解是經我得阿耨多羅三藐三
菩提時隨在何地以神通力智慧力
引之令得住是法中文殊師利是菩
薩摩訶薩於如來滅後有成就此第
四法者說是法時無有過失常為比
丘比丘尼優婆塞優婆夷國王王子
大臣人民婆羅門居士等供養恭敬
尊重讚歎虛空諸天為聽法故亦常
隨侍若在聚落城邑空閑林中有人

來欲難問者諸天晝夜常為法故而
衛護之能令聽者皆得歡喜所以者
何此經是一切過去未來現在諸佛
神力所護故文殊師利是法華經於
無量國中乃至名字不可得聞何況
得見受持讀誦文殊師利譬如強力
轉輪聖王欲以威勢降伏諸國而諸
小王不順其命時轉輪王起種種兵
而往討伐王見兵衆戰有功者即大
歡喜隨功賞賜或與田宅聚落城邑
或與衣服嚴身之具或與種種珍寶
金銀琉璃車乘馬珊瑚琥珀爲馬
車乘奴婢人民唯醫中明珠不以與
之所以者何獨王頂上有此一珠若
以與之王諸眷屬必大驚恠文殊師
利如來亦復如是以禪定智慧力得
法國土王於三界而諸魔王不肯順
伏如來賢聖諸將與之共戰其有功
者心亦歡喜於四衆中為說諸經令
其心悅賜以禪定解脫無漏根力諸
法之財又復賜與涅槃之城言得滅
度引導其心今皆歡喜而不為說是
法華經文殊師利如轉輪王見諸兵

衆有大功者心甚歡喜以此難信之
珠久在璚中不妄與人而今與之如
來亦復如是於三界中為大法王以
法教化一切衆生見賢聖軍與五陰
魔煩惱魔死魔共戰有大功勲滅三
毒出三界破魔網今時如來亦大歡
喜此法華經能令衆生至一切智一
切世間多怨難信先所未說而今說
之文殊師利此法華經是諸如來第
一之說於諸說中取為甚深末後賜
與如彼強力之王久護明珠今乃與
之文殊師利此法華經諸佛如來秘
密之藏於諸經中取在其上長夜守
護不妄宣說始於今日乃與汝等而
敷演之今時世尊欲重宣此義而說
偈言

常行忍辱 哀愍一切 乃能演說
佛所讚經 後末世時 持此經者
於家出家 及非菩薩 應生慈悲
斯等不聞 不信是經 則為大失
我得佛道 以諸方便 為說此法
令住其中 譬如強力 轉輪之王
兵戰有功 賞賜諸物 為馬車乘

嚴身之具 及諸田宅 聚落城邑
或與衣服 種種珍寶 奴婢財物
歡喜賜與 如有勇健 能為難事
王解髻中 明珠與之 如來亦介
為諸法王 忍辱大力 智慧寶藏
以大慈悲 如法化世 見一切人
受諸苦惱 欲求解脫 與諸魔戰
為是衆生 說種種法 以大方便
說此諸經 既知衆生 得其力已
末後乃為 說是法華 如王解髻
明珠與之 此經為尊 衆經中上
我常守護 不妄開示 今正是時
為汝等說 我滅度後 求佛道者
欲得安隱 演說斯經 應當親近
如是四法 讀是經者 常無憂惱
又無病痛 顏色鮮白 不生貧窮
卑賤醜陋 衆生樂見 如慕賢聖
天諸童子 以為給使 刀杖不加
毒不能害 若人惡罵 口則閉塞
遊行無畏 如師子王 智慧光明
如日之照 若於夢中 但見妙事
見諸如來 坐師子座 諸比丘衆
圍遶說法 又見龍神 阿脩羅等

數如恒沙

恭敬合掌

自見其身

而為說法

又見諸佛

身相金色

放無量光

照於一切

以梵音聲

演說諸法

佛為四衆

說無上法

見身處中

合掌讚佛

聞法歡喜

而為供養

得陀羅尼

證不退智

佛知其心

深入佛道

即為授記

成最正覺

汝善男子

當於來世

得無量智

佛之大道

國土嚴淨

廣大無比

亦有四衆

合掌聽法

又見自身

在山林中

修習善法

證諸實相

深入禪定

見十方佛

諸佛身金色

百福相莊嚴

聞法為人說

常有是好夢

又夢作國王

捨宮殿眷屬

及上妙五欲

行詣於道場

在菩提樹下

而處師子座

求道過七日

得諸佛之智

成無上道已

起而轉法輪

為四衆說法

經千萬億劫

說無漏妙法

度無量衆生

後當入涅槃

如烟盡燈滅

若後惡世中

說是第一法

是人得大利

如上諸功德

添品妙法蓮華經從地踊出品第十四

爾時他方國土諸來菩薩摩訶薩過

八恒河沙數於大衆中起合掌作

札而白佛言世尊若聽我等於佛滅後在此娑婆世界勤加精進護持讀誦書寫供養是經典者當於此土而廣說之今時佛告諸菩薩摩訶薩衆止善男子不須汝等護持此經所以者何我娑婆世界自有六萬恒河沙等菩薩摩訶薩一一菩薩各有六萬恒河沙眷屬是諸人等能於我滅後護持讀誦廣說此經佛說是時娑婆世界三千大千國土地皆震裂而於其中有無量千万億菩薩摩訶薩同時踊出是諸菩薩身皆金色三十二相無量光明先盡在此娑婆世界之下此界虛空中住是諸菩薩聞釋迦牟尼佛所說音聲從下發來一一菩薩皆是大衆唱導之首各將六万恒河沙眷屬况將五萬四萬三萬二萬一萬恒河沙等眷屬者况復乃至一恒河沙半恒河沙四分之一乃至千萬億那由他分之一况復千萬億那由他眷屬况復億万眷屬况復千萬百萬乃至一萬况復一千一百乃至一十况復將五四三二一弟子者况

復單已樂遠離行如是等比無量無
邊筭數譬喻所不能知是諸菩薩從
地出已各詣虛空七寶妙塔多寶如
來釋迦牟尼佛所到已向二世尊頭
面礼足及至諸寶樹下師子座上佛
所亦皆作礼右遶三匝合掌恭敬以
諸菩薩種種讚法而以讚歎住在一
面欣樂瞻仰於二世尊是諸菩薩摩
訶薩從初踊出以諸菩薩種種讚法
而讚於佛如是時間經五十小劫是
時釋迦牟尼佛默然而坐及諸四眾
亦皆默然五十小劫佛神力故令諸
大眾謂如半日今時四眾亦以佛神
力故見諸菩薩遍滿無量百千萬億
國土虛空是菩薩眾中有四導師一
名上行二名無邊行三名淨行四名
安立行是四菩薩於其眾中寂為上
首唱導之師在大眾前各共合掌觀
釋迦牟尼佛而問評言世尊少病少
惱安樂行不所應度者受教易不不
令世尊生疲勞耶今時四大菩薩而
說偈言

世尊安樂 少病少惱 教化眾生

得無疲倦 又諸衆生 受化易不
不令世尊 生疲勞耶

余時世尊於菩薩大衆中而作是言
如是如是諸善男子如來安樂少病
少惱諸衆生等易可化度無有疲勞
所以者何是諸衆生世世已來常受
我化亦於過去諸佛供養尊重種諸
善根此諸衆生始見我身聞我所說
即皆信受入如來慧除先修習學小
乘者如是之人我今亦令得聞是經
入於佛慧今時諸大菩薩而說偈言
善哉善哉 大雄世尊 諸衆生等
易可化度 能問諸佛 甚深智慧
聞已信行 我等隨喜
於時世尊讚歎上首諸大菩薩善哉
善哉善男子汝等能於如來發隨喜心
今時弥勒菩薩及八千恒河沙諸菩
薩衆皆作是念我等從昔已來不見
不聞如是大菩薩摩訶薩衆從地踊
出住世尊前合掌供養問訊如來時
弥勒菩薩摩訶薩知八千恒河沙諸
菩薩等心之所念并欲自決所疑合
掌向佛以偈問言

無量千万億大衆諸菩薩昔所未曾見
願兩足尊說是從何所來以何因緣集
巨身大神通智慧叵思議其志甚堅固
有大忍辱力衆生所樂見為從何所來
一一諸菩薩所將諸眷屬其數無有量
如恒河沙等或有大菩薩將六万恒沙
如是諸大衆一心求佛道是諸大師等
六万恒河沙俱來供養佛及護持是經
將五万恒沙其數過於是四万及三萬
二万至一萬一千一百等乃至一恒沙
半及三四分億萬分之一千萬那由他
萬億諸弟子乃至於半億其數復過上
百萬至一萬一千及一百五十與一十
乃至三二一單已無眷屬樂於獨處者
俱來至佛所其數轉過上如是諸大衆
若人行籌數過於恒沙劫猶不能盡知
是諸大威德精進菩薩衆誰為其說法
教化而成就從誰初發心稱揚何佛法
受持行誰經修習何佛道如是諸菩薩
神通大智力四方地震裂表皆從中踊出
世尊我昔來未曾見是事願說其所從
國土之名号我常遊諸國未曾見是衆
我於此衆中乃不識一人忽然從地出

願說其因緣今此之大會無量百千億
是諸菩薩等皆欲知此事是諸菩薩衆
本末之因緣無量德世尊唯願決衆疑
今時釋迦牟尼佛分身諸佛從無量
千萬億他方國土來者在於八方諸
寶樹下師子座上結加趺坐其佛侍
者各各見是菩薩大衆於三千大千
世界四方從地踊出住於虛空各白
其佛言世尊此諸無量無邊阿僧祇
菩薩大衆從何所來今時諸佛各告
侍者諸善男子且待須臾有菩薩摩
訶薩名曰弥勒釋迦牟尼佛之所授
記次後作佛已問斯事佛今答之汝
等自當因是得聞今時釋迦牟尼佛
告弥勒菩薩善哉善哉阿逸多乃能
問佛如是大事汝等當共一心被精
進鎧發堅固意如來今欲顯發宣示
諸佛智慧諸佛自在神通之力諸佛
師子奮迅之力諸佛威猛大勢之力
今時世尊欲重宣此義而說偈言
當精進一心我欲說此事勿得有疑悔
佛智叵思議汝今出信力住於忍善中
昔所未聞法今皆當得聞我今安慰汝

勿得懷疑懼佛無不實語智慧不可量
所得第一法甚深叵分別如是今當說
汝等一心聽

尔時世尊說此偈已告弥勒菩薩我
今於此大衆宣告汝等阿逸多是諸
大菩薩摩訶薩無量無數阿僧祇從
地踊出汝等昔所未見者我於是娑
婆世界得阿耨多羅三藐三菩提已
教化示導是諸菩薩調伏其心令發
道意此諸菩薩皆於是娑婆世界之
下此界虛空中住於諸經典讀誦通
利思惟分別正憶念阿逸多是諸善
男子等不樂在衆多有所說常樂靜
處勤行精進未曾休息亦不依止人
天而住常樂深智無有障碍亦常樂
於諸佛之法一心精進求無上慧尔
時世尊欲重宣此義而說偈言
阿逸汝當知是諸大菩薩從無數劫來
修習佛智慧志是我所化令發大道心
此等是我子依止是世界常行頭陀事
志樂於靜處捨大衆憒鬧不樂多所說
如是諸子等學習我道法晝夜常精進
為求佛道故在娑婆世界下方空中住

志念力堅固常勤求智慧說種種妙法
其心無所畏我於伽耶城菩提樹下坐
得成寂正覺轉無上法輪今乃教化之
令初發道心今皆住不退悉當得成佛
我今說實語汝等一心信我從久遠來
教化是等衆

尔時弥勒菩薩摩訶薩及無數諸菩
薩等心生疑惑恠未曾有而作是念
云何世尊於少時間教化如是無量
無邊阿僧祇諸大菩薩令住阿耨多
羅三藐三菩提即白佛言世尊如來
為太子時出於釋宮去伽耶城不遠
坐於道場得成阿耨多羅三藐三菩提
從是已來始過四十餘年世尊云何
於此少時大作佛事以佛勢力以佛
功德教化如是無量大菩薩衆當成
阿耨多羅三藐三菩提世尊此大菩
薩衆假使有人於千萬億劫數不能
盡不得其邊斯等久遠已來於無量
無邊諸佛所殖諸善根成就菩薩道
常修梵行世尊如此之事世所難信
譬如有人色美駿黑年二十五指百
歲人言是我子其百歲人亦指年少

言是我父生育我等是事難信佛亦如是得道已來其實未久如此大衆諸菩薩等已於無量千萬億劫為佛道故勤行精進善入出住無量百千萬億三昧得大神通久修梵行善能次第集諸善法巧於問答人中之寶一切世間甚為希有今日世尊方去得佛道時初令發心教化示導令向阿耨多羅三藐三菩提世尊得佛未久乃能作此大功德事我等雖復信佛隨宜所說佛所出言未曾虛妄佛所知者皆悉通達然諸新發意菩薩於佛滅後若聞是語或不信受而起破法罪業因緣唯然世尊願為解說除我等疑及未來世諸善男子聞此事已亦不生疑今時弥勒菩薩欲重宣此義而說偈言

佛昔從釋種出家近伽耶坐於菩提樹
今來尚未久此諸佛子等其數不可量
久已行佛道住神通智力善學菩薩道
不染世間法如蓮華在水從地而踊出
皆起恭敬心住於世尊前是事難思議
云何而可信佛得道甚近所成就甚多

願為除衆疑如實分別說辟如少壯人
年始二十五示人百歲子賤白而面皺
是等我所生子亦說是父父少而子老
舉世所不信世尊亦如是得道來甚近
是諸菩薩等志固無怯弱從無量劫來
而行菩薩道巧於難問答其心無所畏
忍辱心決定端正有威德十方佛所讚
善能分別說不樂在人衆常好在禪定
為求佛道故於下空中住我等從佛聞
於此事無疑願佛為未來演說令開解
若有於此經生疑不信者即當墮惡道
願今為解說は無量菩薩云何於少時
教化令發心而住不退地

添品妙法蓮華經如來壽量品第十五

尔時佛告諸菩薩及一切大衆諸善
男子汝等當信解如來誠諦之語復
告大衆汝等當信解如來誠諦之語
又復告諸大衆汝等當信解如來誠
諦之語是時菩薩大衆弥勒為首合
掌白佛言世尊惟願說之我等當信
受佛語如是三白已復言惟願說之
我等當信受佛語尔時世尊知諸菩
薩三請不止而告之言汝等諦聽如

來秘密神通之力一切世間天人及
阿修羅皆謂今釋迦牟尼佛出釋氏
宮去伽耶城不遠坐於道場得阿耨
多羅三藐三菩提然善男子我實成
佛已來無量無邊百千萬億那由他
劫譬如五百千萬億那由他阿僧祇
三千大千世界假使有人末為微塵
過於東方五百千萬億那由他阿僧
祇國乃下一塵如從東行盡是微塵
諸善男子於汝意云何是諸世界可
得思惟校計知其數不弥勒菩薩等
俱白佛言世尊是諸世界無量無邊
罪筭數所知亦非心力所及一切聲
聞辟支佛以無漏智不能思惟知其
限數我等住阿惟越致地於是事中
亦所不達世尊如是諸世界無量無
邊今時佛告大菩薩衆諸善男子今
當分明宣語汝等是諸世界若著微
塵及不著者盡以為塵一塵一劫我
成佛已來復過於此百千萬億那由
他阿僧祇劫自從是來我常在此娑
婆世界說法教化亦於餘處百千萬
億那由他阿僧祇國導利衆生諸善

男子於是中間我說然燈佛等又復言其入於涅槃如是皆以方便分別諸善男子若有衆生來至我所我以佛眼觀其信等諸根利鈍隨所應度處處自說名字不同年紀大小亦復現言當入涅槃又以種種方便說微妙法能令衆生發歡喜心諸善男子如來見諸衆生樂於小法德薄垢重者為是人說我少出家得阿耨多羅三藐三菩提然我實成佛已來久遠若斯但以方便教化衆生令入佛道作如是說諸善男子如來所演經典皆為度脫衆生或說已身或說他身或亦已身或亦他身或示他事諸所言說皆實不虛所以者何如來如實知見三界之相無有生死若退若出亦無在世及滅度者非實非虛非如非異不如三界見於三界如斯之事如來明見無有錯謬以諸衆生有種種性種種欲種種行種種憶想分別故欲令生諸善根以若干因緣譬喻言辭種種說法所作佛事未曾暫廢如是我成佛已來甚大久遠

壽命無量阿僧祇劫常住不滅諸善男子我本行菩薩道所成壽命今猶未盡復倍上數然今非實滅度而便唱言當取滅度如來以是方便教化衆生所以者何若佛久住於世薄德之人不種善根貧窮下賤貪著五欲入於憶想妄見網中若見如來常在不滅便起憍恣而懷厭怠不能生難遭之想恭敬之心是故如來以方便說比丘當知諸佛出世難可值遇所以者何諸薄德人過無量百千萬億劫或有見佛或不見者以此事故我作是言諸比丘如來難可得見斯衆生等聞如是語必當生於難遭之想心懷戀慕渴仰於佛便種善根是故如來雖不實滅而言滅度又善男子諸佛如來法皆如是為度衆生皆實不虛辭如良醫智慧聰達明練方藥善治衆病其人多諸子息若二十乃至百數以有事緣遠至餘國諸子於後飲他毒藥藥發悶亂宛轉于地是時其父還來歸家諸子飲毒或失本心或不失者遙見其父皆大歡喜

拜跪問評善安隱歸我等愚癡誤服
毒藥願見救療更賜壽命父見子等
苦惱如是依諸經方求好藥草色香
美味皆悉具足搏筴和合與子令服
而作是言此大良藥色香美味皆悉
具足汝等可服速除苦惱無復衆患
其諸子中不失心者見此良藥色香
俱好即便服之病盡除愈餘失心者
見其父來雖亦歡喜問評求索治病
然與其藥而不肯服所以者何毒氣
深入失本心故於此好色香藥而謂
不美父作是念此子可愍為毒所中
心皆顛倒雖見我喜求索救療如是好
藥而不肯服我今當設方便令服此
藥即作是言汝等當知我今衰老死
時已至是好良藥今留在此汝可取
服勿憂不老作是教已復至他國遣
使還告汝父已死是時諸子聞父背
喪心大憂惱而作是念若父在者慈
愍我等能見救護今者捨我遠喪他
國自惟孤露無復恃怙常懷悲感心
遂醒悟乃知此藥色香味美即取服
之毒病皆愈其父聞子悉已得老尋

便來歸咸使見之諸善男子於意云何頗有人能說此良醫虛妄罪不也世尊佛言我亦如是成佛已來無量無邊百千萬億那由他阿僧祇劫為衆生故以方便力言當滅度亦無有能如法說我虛妄過者今時世尊欲重宣此義而說偈言

目我得佛來所經諸劫數無量百千萬億載阿僧祇常說法教化無數億衆生今入於佛道今來無量劫為度衆生故方便現涅槃而實不滅度常住此說法我常住於此以諸神通力令顛倒衆生雖近而不見衆見我滅度廣供養舍利咸皆懷戀慕而生渴仰心衆生既信伏質直意柔軟一心欲見佛不自惜身命時我及衆僧俱出靈鷲山我時語衆生常在此不滅以方便力故現有滅不滅餘國有衆生恭敬信樂者我復於彼中為說無上法汝等不聞此但謂我滅度我見諸衆生沒在於苦惱故不為現身今其生渴仰因其心戀慕乃出為說法神通力如是於阿僧祇劫常在靈鷲山及餘諸住處衆生見劫盡大火所燒時

我此土安隱 天人常充滿 園林諸堂閣
種種寶莊嚴 寶樹多花果 衆生所遊樂
諸天擊天鼓 常作衆伎樂 雨曼陀羅華
散佛及大衆 我淨土不毀 而衆見燒盡
憂怖諸苦惱 如是悉充滿 是諸罪衆生
以惡業因緣 過阿僧祇劫 不聞三寶名
諸有修功德 柔和質直者 則皆見我身
在此而說法 或時為此衆 說佛壽無量
久乃見佛者 為說佛難值 我智力如是
慧光照無量 壽命無數劫 久修業所得
汝等有智者 勿於此生疑 當斷令永盡
佛語實不虛 如醫善方便 為治狂子故
實在而言死 無能訛虛妄 我亦為世父
救諸苦患者 為凡夫顛倒 實在而言滅
以常見我故 而生憍恣心 放逸著五欲
墮於惡道中 我常知衆生 行道不行道
隨應所可度 為說種種法 每自作是意
以何令衆生 得入無上道 速成就佛身
添品妙法蓮華經分別功德品第十六

尔時大會聞佛說壽命劫數長遠如
是無量無邊阿僧祇衆生得大饒益
於時世尊告弥勒菩薩摩訶薩阿逸
多我說是如來壽命長遠時六百八

十萬億那由他恒河沙衆生得無生
法忍復有千倍菩薩摩訶薩得聞持
陀羅尼門復有一世界微塵數菩薩
摩訶薩得樂說無尋辯才復有一世
界微塵數菩薩摩訶薩得百千万億
無量旋陀羅尼復有三千大千世界
微塵數菩薩摩訶薩能轉不退法輪
復有二千中國土微塵數菩薩摩訶
薩能轉清淨法輪復有小千國土微
塵數菩薩摩訶薩八生當得阿耨多
羅三藐三菩提復有四天下微塵數
菩薩摩訶薩四生當得阿耨多羅三
藐三菩提復有三四天下微塵數菩
薩摩訶薩三生當得阿耨多羅三藐
三菩提復有二四天下微塵數菩薩
摩訶薩二生當得阿耨多羅三藐三
菩提復有一四天下微塵數菩薩摩
訶薩一生當得阿耨多羅三藐三菩
提復有八世界微塵數衆生皆發阿
耨多羅三藐三菩提心佛說是諸菩
薩摩訶薩得大法利時於虛空中雨
曼陀羅華摩訶曼陀羅華以散無量
百千万億衆寶樹下師子座上諸佛并

散七寶塔中師子座上釋迦牟尼佛
及久滅度多寶如來亦散一切諸大
菩薩及四部衆又雨細末栴檀沉水
香等於虛空中天鼓自鳴妙聲深遠
又雨千種天衣垂諸瓔珞真珠瓔珞
摩尼珠瓔珞如意珠瓔珞遍於九方
衆寶香爐燒無價香自然周至供養
大會一一佛上有諸菩薩執持幡蓋
次第而上至于梵天是諸菩薩以妙
音聲歌無量頌讚歎諸佛今時弥勒
菩薩從座而起偏袒右肩合掌向佛
而說偈言

佛說希有法昔所未曾聞世尊有大力
壽命不可量無數諸佛子聞世尊分別
說得法利者歡喜充滿身或住不退地
或得陀羅尼或無尋樂說万億旋捻持
或有大千界微塵數菩薩各各皆能轉
不退之法輪復有中千界微塵數菩薩
各各皆能轉清淨之法輪復有小千界
微塵數菩薩餘各八生在當得成佛道
復有四三二如此四天下微塵諸菩薩
隨數生成佛或一四天下微塵數菩薩
餘有一生在當成一切智如是等衆生

聞佛壽長遠得無量無漏清淨之果報
復有八世界微塵數衆生聞佛說壽命
皆發無上心世尊說無量不可思議法
多有所饒益如虛空無邊雨天曇陀羅
摩訶曇陀羅釋梵如恒沙無數佛土來
雨栴檀沉水繽紛而亂墜如鳥飛空下
供散於諸佛天鼓虛空中自然出妙聲
天衣千萬種旋轉而來下衆寶妙香爐
燒無價之香自然悉周遍供養諸世尊
其大菩薩衆執七寶幢蓋高妙萬億種
次第至梵天一一諸佛前寶幢懸勝幢
亦以千萬偈歌詠諸如來如是種種事
昔所未曾有聞佛壽無量一切皆歡喜
佛名聞十方廣饒益衆生一切具善根
以助無上心

今時佛告弥勒菩薩摩訶薩阿逸多
其有衆生聞佛壽命長遠如是乃至
能生一念信解所得功德無有限量
若有善男子善女人為阿耨多羅三
藐三菩提故於八十万億那由他劫
行五波羅蜜檀波羅蜜尸羅波羅蜜
羼提波羅蜜毗梨耶波羅蜜禪波羅
蜜除般若波羅蜜以是功德比前功

德百分千分百千万億分不及其一
乃至算數譬喻所不能知若善男子
有如是功德於阿耨多羅三藐三菩
提退者無有是處今時世尊欲重宣
此義而說偈言

若人求佛慧於八十万億那由他劫數
行五波羅蜜於是諸劫中布施供養佛
及緣覺弟子并諸菩薩眾珍異之飲食
上服與卧具栴檀立精舍以園林莊嚴
如是等布施種種皆微妙盡此諸劫數
以迴向佛道若復持禁戒清淨無缺漏
求於無上道諸佛之所歎若復行忍辱
住於調柔地設衆惡來加其心不傾動
諸有得法者懷於增上慢為此所輕惱
如是亦能忍若復勤精進志念常堅固
於無量億劫一心不懈怠又於無數劫
住於空閑處若坐若經行除睡常攝心
以是因緣故能生諸禪定八十億万劫
安住心不乱持此一心攝願求無上道
我得一切智盡諸禪定際是人於百千
万億劫數中行此諸功德如上之所說
有善男女等聞我說壽命乃至一念信
其福過於彼若人悉無有一切諸疑悔

深心須臾信其福為如此其有諸菩薩
無量劫行道聞我說壽命是則能信受
如是諸人等頂受此經典願我於未來
長壽度衆生如今日世尊諸釋中之王
道場師子吼說法無所畏我等未來世
一切所尊敬坐於道場時說壽亦如是
若有深心者清淨而質直多聞能持持
隨義解佛語如是之人等於此無有疑
又阿逸多若有聞佛壽命長遠解其
言趣是人所得功德無有限量能起
如來無上之慧何況廣聞是經若教
人聞若自持若教人持若自書若教
人書若以華香瓔珞幢幡繒蓋香油
酥燈供養經卷是人功德無量無邊
能生一切種智阿逸多若善男子善
女人聞我說壽命長遠深心信解則
為見佛常在耆闍崛山共大菩薩諸
聲聞衆圍遶說法又見此娑婆世界
其地琉璃坦然平正閻浮檀金以界
八道寶樹行列諸臺樓觀皆悉寶成
其菩薩衆咸覩其中若有能如是觀
者當知是為深信解相又復如來滅
後若聞是經而不毀訾起隨喜心當

知已為深信解相何況讀誦受持之者斯人則為頂戴如來阿逸多是善男子善女人不須為我復起塔寺及作僧坊以四事供養眾僧所以者何是善男子善女人受持讀誦是經典者為已起塔造立僧坊供養眾僧則為以佛舍利起七寶塔高廣漸小至于梵天懸諸幡蓋及眾寶鈴華香瓔珞末香塗香燒香眾鼓伎樂簫笛篳篥種種舞戲以妙音聲歌唄讚誦則為已於無量千萬億劫作是供養已阿逸多若我滅後聞是經典有能受持者自書若教人書則為起立僧坊以赤梅檀作諸殿堂三十有二高八多羅樹高廣嚴好百千比丘於其中止園林浴池經行禪窟衣服飲食床褥湯藥一切樂具充滿其中如是僧坊堂閣若干百千萬億其數無量以此現前供養於我及比丘僧是故我說如來滅後若有受持讀誦為他人說若自書若教人書供養經卷不須復起塔寺及造僧坊供養眾僧況復有人能持是經兼行布施持戒忍辱

精進一心智慧其德取勝無量無邊
譬如虛空東西南北四維上下無量
無邊是人功德亦復如是無量無邊
疾至一切種智若人讀誦受持是經
為他人說若自書若教人書復能起
塔及造僧坊供養讚歎聲聞衆僧亦
以百千万億讚歎之法讚歎菩薩功
德又為他人種種因緣隨義解說此
法華經復能清淨持戒與柔和者而
共同止忍辱無瞋志念堅固常貴坐
禪得諸深定精進勇猛攝諸善法利
根智慧善答問難阿逸多若我滅後
諸善男子善女人受持讀誦是經典
者復有如是諸善功德當知是人已
趣道場近阿耨多羅三藐三菩提坐
道樹下阿逸多是善男子若坐若立
若經行處是中便應起塔一切天人
皆應供養如佛之塔今時世尊欲重
宣此義而說偈言

若我滅度後能奉持此經斯人福無量
如上之所說是則為具足一切諸供養
以舍利起塔七寶而莊嚴表刹甚高廣
漸小至梵天寶鈴千万億風動出妙聲

又於無量劫而供養此塔華香諸瓔珞
天衣衆伎樂然香油酥燈周帀常照明
惡世法末時能持是經者則為已如上
具足諸供養若能持此經則如佛現在
以牛頭栴檀起僧坊供養堂有三十二
高八多羅樹上饌妙衣服牀卧皆具足
百千衆住處園林諸涼池經行及禪窟
種種皆嚴好若有信解心受持讀誦書
若復教人書及供養經卷散華香末香
以須臾瞻蔔阿提目多加熏油常然之
如是供養者得無量功德如虛空無邊
其福亦如是况復持此經兼布施持戒
忍辱樂禪定不瞋不惡口恭敬於塔廟
護下諸比丘遠離自高心常思惟智慧
有問難不瞋隨順為解說若能行是行
功德不可量若見此法師成就如是德
應以天華散天衣覆其身頭面接足礼
生心如佛想又應作是念不久詣道樹
得無漏無為廣利諸人天其所住止處
經行若坐卧乃至說一偈是中應起塔
莊嚴令妙好種種以供養佛子住此地
則是佛受用常在於其中經行及坐卧
添品妙法蓮華經卷第五

添品妙法蓮華經卷第六

在

隋天竺三藏闍那崛多共笈多譯

隨喜功德品第十七

尔時弥勒菩薩摩訶薩白佛言世尊
若有善男子善女人聞是法華經隨
喜者得幾所福而說偈言

世尊滅度後其有聞是經若能隨喜者
為得幾所福

尔時佛告弥勒菩薩摩訶薩阿逸多
如來滅後若比丘比丘尼優婆塞優
婆夷及餘智者若長若幼聞是經隨
喜已從法會出至於餘處若在僧坊
若空閑地若城邑巷陌聚落田里如
其所聞為父母宗親善友知識隨力
演說是諸人等聞已隨喜復行轉教
餘人聞已亦隨喜轉教如是展轉至
第五十阿逸多其第五十善男子善
女人隨喜功德我今說之汝當善聽
若四百万億阿僧祇世界六趣四生
衆生卵生胎生濕生化生若有形無
形有想無想非有想非無想無足二
足四足多足如是等在衆生數者有

人求福隨其所欲娛樂之具皆給與之一一衆生與滿閻浮提金銀琉璃車乘馬瑤珊瑚琥珀諸妙珍寶及象馬車乘七寶所成宮殿樓閣等是大施主如是布施滿八十年已而作是念我已施衆生娛樂之具隨意所欲然此衆生皆已衰老年過八十髮白面皺將死不久我當以佛法而訓導之即集此衆生宣布法化亦教利喜一時皆得須陀洹道斯陀舍道阿那含道阿羅漢道盡諸有漏於深禪定皆得自在具八解脫於汝意云何是大施主所得功德寧為多不彌勒白佛言世尊是人功德甚多無量無邊若是施主但施衆生一切樂具功德無量何況令得阿羅漢果佛告彌勒現今分明語汝是人以一切樂具施於四百万億阿僧祇世界六趣衆生又令得阿羅漢果所得功德不如是第五十人聞法華經一偈隨喜功德百分千分百千万分不及其一乃至算數譬喻所不能知阿逸多如是第五十人展轉聞法華經隨喜功德尚

無量無邊阿僧祇何況軍初於會中
聞而隨喜者其福復勝無量無邊阿
僧祇不可得比又阿逸多若人為是
經故往詣僧坊若坐若立須臾聽受
緣是功德轉身所生得好上妙烏馬
車乘珍寶輦輿及乘天宮若復有人
於講法處坐更有人來勸令坐聽若
分座令坐是人功德轉身得帝釋坐
處若梵王坐處若轉輪聖王所坐之
處阿逸多若復有人語餘人言有經
名法華可共往聽即受其教乃至須
臾間聞是人功德轉身得與陀羅尼
菩薩共生一處利根智慧百千萬世
終不瘡痂口氣不臭舌常無病口亦
無病齒不垢黑不黃不疎亦不缺落
不差曲脣不下垂亦不褰縮不癢
澁不瘡脣亦不缺壞亦不喎斜不厚
不大亦不驚黑無諸可惡鼻不扁腴
亦不曲戾面色不黑亦不狹長亦不
窵曲無有一切不可意相脣舌牙齒
悉皆嚴好鼻脩高直面貌圓滿眉高
而長額廣平正人相具足世世所生
見佛聞法信受教誨阿逸多汝且觀

是勸於一人令往聽法功德如此何況一心聽說讀誦而於大衆為人分別如說修行今時世尊欲重宣此義而說偈言

若人於法會得聞是經典乃至於一偈隨喜為他說如是展轉教至于第五十輩後人獲福今當分別之如有大施主供給無量衆具滿八十歲隨意之所欲見彼衰老相鬢白而面皺齒疎形枯竭念其死不久我今應當教令得於道果即為方便說涅槃真實法世皆不牢固如水沫泡焰汝等咸應當疾生厭離心諸人聞是法皆得阿羅漢具足六神通三明八解脫輩後第五十聞一偈隨喜是人福勝彼不可為譬喻如是展轉聞其福尚無量何況於法會初聞隨喜者若有勸一人將引聽法華言此經深妙千万劫難遇即受教往聽乃至須臾聞斯人之福報今當分別說世世無口患齒不疎黃黑脣不厚褰缺無有可惡相舌不乾黑短鼻高脩且直額廣而平正面目慈端嚴為人所喜見口氣無臭穢優鉢華之香常從其口出若故誚僧坊

欲聽法華經須更聞歡喜今當說其福
後生天人中得妙鳥馬車珍寶之輦與
及乘天宮殿若於講法處勸人坐聽經
是福因緣得釋梵轉輪座何況一心聽
解說其義趣如說而修行其福不可限
添品妙法蓮華經法師功德品第十八

余時佛告常精進菩薩摩訶薩若善
男子善女人受持是法華經若讀若
誦若解說若書寫是人當得八百眼
功德千二百耳功德八百鼻功德千
二百舌功德八百身功德千二百意
功德以是功德莊嚴六根皆令清淨
是善男子善女人父母所生清淨肉
眼見於三千大千世界內外所有山
林河海下至阿鼻地獄上至有頂亦
見其中一切衆生及業因緣果報生
處悉見悉知爾時世尊欲重宣此義
而說偈言

若於大衆中以無所畏心說是法華經
汝聽其功德是人得八百功德殊勝眼
以是莊嚴故其目甚清淨父母所生眼
悉見三千界內外彌樓山須彌及鐵圍
并諸餘山林大海江河水下至阿鼻獄

上至有頂處其中諸衆生一切皆悉見
雖未得天眼肉眼力如是

復次常精進若善男子善女人受持
此經若讀若誦若解說若書寫得千
二百耳功德以是清淨耳聞三千大
千世界下至阿鼻地獄上至有頂其
中內外種種所有語言音聲鳥聲馬
聲牛聲車聲啼哭聲愁歎聲鼙聲鼓聲
鐘聲鈴聲笑聲語聲男聲女聲童子
聲童女聲法聲非法聲苦聲樂聲凡
夫聲聖人聲喜聲不喜聲天聲龍聲
夜叉聲乾闥婆聲阿修羅聲迦樓羅
聲緊那羅聲摩睺羅伽聲火聲水聲
風聲地獄聲畜生聲餓鬼聲比丘聲
比丘尼聲聲聞聲辟支佛聲菩薩聲
佛聲以要言之三千大千世界中一
切內外所有諸聲雖未得天耳以父
母所生清淨常耳皆悉聞知如是分
別種種音聲而不壞耳根今時世尊
欲重宣此義而說偈言

父母所生耳清淨無濁穢以此常耳聞
三千世界聲鳥馬車牛聲鐘鈴鼙鼓聲
琴瑟笙簧聲簫笛之音聲清淨好歌聲

聽之而不著無數種人聲聞悉能解了
又聞諸天聲微妙之歌音及聞男女聲
童子童女聲山川險谷中迦陵頻伽聲
命命等諸鳥悉聞其音聲地獄衆苦痛
種種楚毒聲餓鬼飢渴逼求索飲食聲
諸阿修羅等居在大海邊自共言語時
出於大音聲如是說法者安住於此間
遙聞是衆聲而不壞耳根十方世界中
禽獸鳴相呼其說法之人於此悉聞之
其諸梵天上光音及遍淨乃至有頂天
言語之音聲法師住於此悉皆得聞之
一切比丘衆及諸比丘尼若讀誦經典
若爲他人說法師住於此悉皆得聞之
復有諸菩薩讀誦於經法若爲他人說
撰集解其義如是諸音聲悉皆得聞之
諸佛大聖尊教化衆生者於諸大會中
演說微妙法持此法華者悉皆得聞之
三千大千界內外諸音聲下至阿鼻獄
上至有頂天皆聞其音聲而不壞耳根
其耳聰利故悉能分別知持是法華者
雖未得天耳但用所生耳功德已如是
復次常精進若善男子善女人受持
是經若讀若誦若解說若書寫成就

八百鼻功德以是清淨鼻根聞於三千大千世界上下內外種種諸香須臾那華香閼提華香末利華香瞻蔔華香波羅羅華香赤蓮華香青蓮華香白蓮華香華樹香果樹香栴檀香沉水香多摩羅跋香多加羅香及千萬種和香若末若丸若塗香持是經者於此間住志能分別又復別知衆生之香爲香馬香牛羊等香男香女香童子香童女香及草木藥林香若近若遠所有諸香志皆得聞分別不錯持是經者雖住於此亦聞天上諸天之香波利質多羅拘鞞陀羅樹香及曼陀羅華香摩訶曼陀羅華香曼殊沙華香摩訶曼殊沙華香栴檀沉水種種末香諸雜華香如是等天香和合所出之香無不聞知又聞諸天身香釋提桓因在勝殿上五欲娛樂嬉戲時香若在妙法堂上爲忉利諸天說法時香若於諸園遊戲時香及餘天等男女身香皆悉遙聞如是展轉乃至梵天上至有頂諸天身香亦皆聞之并聞諸天所燒之香及聲聞

香辟支佛香菩薩香諸佛身香亦皆
遙聞知其所在雖聞此香然於鼻根
不壞不錯若欲分別為他人說憶念
不謬今時世尊欲重宣此義而說
偈言

是人鼻清淨於此世界中若香若臭物
種種悉聞知須臾鄰闍提多摩羅栴檀
沉水及桂香種種華果香及知衆生香
男子女人香說法者遠住聞香知所在
大勢轉輪王小轉輪及子群臣諸宮人
聞香知所在身所著瓊寶及地中寶藏
轉輪王寶女聞香知所在諸人嚴身具
衣服及瓔珞種種所塗香聞則知其身
諸天若行坐遊戲及神變持是法華者
聞香悉能知諸樹華果實及鉢油香氣
持經者住此悉知其所在諸山深險處
栴檀樹華敷衆生在中者聞香悉能知
鐵圍山大海地中諸衆生持經者聞香
悉知其所在阿脩羅男女及其諸眷屬
聞諍遊戲時聞香皆能知曠野險隘處
師子烏犀狼野牛水牛等聞香知所在
若有懷妊者未辨其男女無根及非人
聞香悉能知以聞香力故知其初懷妊

成就不成就安樂產福子以聞香力故
知男女所念深欲癡恚心亦知修善者
地中衆伏藏金銀諸珍寶銅器之所盛
聞香悉能知種種諸璆珞無能識其價
聞香知貴賤出處及所在天上諸華等
身陀身殊沙波利質多樹聞香悉能知
天上諸宮殿上中下差別衆寶華莊嚴
在中而娛樂聞香悉能知諸天若聽法
或受五欲時來往行坐卧聞香悉能知
天女所著衣好華香莊嚴周旋遊戲時
聞香悉能知如是展轉上乃至於梵天
入禪出禪者聞香悉能知光音遍淨天
乃至於有頂初生及退沒聞香悉能知
諸比丘衆等於法常精進若坐若經行
及讀誦經法或在林樹下專精而坐禪
持經者聞香悉知其所在菩薩志堅固
坐禪若讀經或為人說法聞香悉能知
在在方世尊一切所恭敬愍衆而說法
聞香悉能知衆生在佛前聞經皆歡喜
如法而修行聞香悉能知雖未得菩薩
無漏法生鼻而是持經者先得此鼻相
復次常精進若善男子善女人受持

是經若讀若誦若解說若書寫得千二百舌功德若好若醜若美不美及諸苦澁物在其舌根皆變成上味如天甘露無不美者若以舌根於大眾中有所演說出深妙聲能入其心皆令歡喜快樂又諸天子天女釋梵諸天聞是深妙音聲有所演說言論次第皆悉來聽及諸龍龍女夜叉夜叉女乾闥婆乾闥婆女阿修羅阿修羅女迦樓羅迦樓羅女緊那羅緊那羅女摩睺羅伽摩睺羅伽女為聽法故皆來親近恭敬供養及比丘比丘尼優婆塞優婆夷國王王子群臣眷屬小轉輪王大轉輪王七寶千子內外眷屬乘其宮殿俱來聽法以是菩薩善說法故婆羅門居士國內人民盡其形壽隨侍供養又諸聲聞辟支佛菩薩諸佛常樂見之是人所在方面諸佛皆向其處說法悉能受持一切佛法又能出於深妙法音今時世尊欲重宣此義而說偈言

是人舌根淨終不受惡味其有所食敢悉皆成甘露以深淨妙聲於大眾說法

以諸因緣喻引導衆生心聞者皆歡喜
設諸上供養諸天龍夜叉及阿修羅等
皆以恭敬心而共來聽法是說法之人
若欲以妙音遍滿三千界隨意即能至
大小轉輪王及千子眷屬合掌恭敬心
常來聽受法諸天龍夜叉羅刹毗舍闍
亦以歡喜心常樂來供養梵天王魔王
自在大自在如是諸天衆常來至其所
諸佛及弟子聞其說法音常念而守護
或時為現身

復次常精進若善男子善女人受持
是經若讀若誦若解說若書寫得八
百身功德得清淨身如淨琉璃衆生
喜見其身淨故三千大千世界衆生
生時死時上下好醜生善處惡處悉
於中現及鐵圍山大鐵圍山彌樓山摩
訶彌樓山等諸山及其中衆生悉於中
現下至阿鼻地獄上至有頂所有及
衆生悉於中現若聲聞辟支佛菩薩
諸佛說法皆於身中現其色像尔時
世尊欲重宣此義而說偈言

若持法華者其身甚清淨如彼淨琉璃
衆生皆喜見又如淨明鏡悉見諸色像

菩薩於淨身皆見世所有唯獨自明了
餘人所不見三千世界中一切諸群萌
天人阿修羅地獄鬼畜生如是諸色像
皆於身中現諸天等宮殿乃至於有頂
鐵圍及彌樓摩訶彌樓山諸大海水等
皆於身中現諸佛及聲聞佛子菩薩等
若獨若在衆說法悉皆現雖未得無漏
法性之妙身以清淨常體一切於中現
復次常精進若善男子善女人如來
滅後受持是經若讀若誦若解說若
書寫得千二百意功德以是清淨意
根乃至聞一偈一句通達無量無邊
之義解是義已能演說一句一偈至
於一月四月乃至一歲諸所說法隨
其義趣皆與實相不相違背若說俗
間經書治世語言資生業等皆順正
法三千大千世界六趣衆生心之所
行心所動作心所戲論皆悉知之雖
未得無漏智慧而其意根清淨如此
是人有所思惟籌量言說皆是佛法
無不真實亦是先佛經中所說余時
世尊欲重宣此義而說偈言
是人意清淨明利無穢濁以此妙意根

知上中下法乃至聞一偈通達無量義次第如法說月四月至歲是世界內外一切諸衆生若天龍及人夜叉鬼神等其在六趣中所念若干種持法華之報一時皆悉知十方無數佛百福莊嚴相為衆生說法悉聞能受持思惟無量義說法亦無量終始不忘錯以持法華故悉知諸法相隨義識次第達名字語言如所知演說此人有所說皆是先佛法以演此法故於衆無所畏持法華經者意根淨若斯雖未得無漏先有如是相是人持此經安住希有地為一切衆生歡喜而愛敬能以千萬種善巧之語言分別而說法持法華經故

添品妙法蓮華經常不輕菩薩品第十九
今時佛告得大勢菩薩摩訶薩汝今當知若比丘比丘尼優婆塞優婆夷持法華經者若有惡口罵詈誹謗獲大罪報如前所說其所得功德如向所說眼耳鼻舌身意清淨得大勢乃往古昔過無量無邊不可思議阿僧祇劫有佛名威音王如來應供正遍知明行足善逝世間解無上士調御

丈夫天人師佛世尊劫名離衰國名大成其威音王佛於彼世中為天人阿脩羅說法為求聲聞者說應四諦法度生老病死究竟涅槃為求辟支佛者說應十二因緣法為諸菩薩因阿耨多羅三藐三菩提說應六波羅蜜法究竟佛慧得大勢是威音王佛壽四十萬億那由他恒河沙劫正法住世劫數如一閻浮提微塵像法住世劫數如四天下微塵其佛饒益衆生已然後滅度正法像法滅盡之後於此國土復有佛出亦号威音王如来應供正遍知明行足善逝世間解無上士調御丈夫天人師佛世尊如是次第有二萬億佛皆同一号寂初威音王如来既已滅度正法滅後於像法中增上慢比丘有大勢力尔時有一菩薩比丘名常不輕得大勢以何因緣名常不輕是比丘凡有所見若比丘比丘尼優婆塞優婆夷皆悉禮拜讚歎而作是言我深敬汝等不敢輕慢所以者何汝等皆行菩薩道當得作佛而是比丘不專讀誦經典

但行礼拜乃至遠見四衆亦復故往
礼拜讚歎而作是言我不敢輕於汝
等汝等皆當作佛四衆之中有生瞋
恚心不淨者惡口罵詈言是無智比
丘從何所来自言我不輕汝而與我
等授記當得作佛我等不用如是虛
妄授記如此經歷多年常被罵詈不
生瞋恚常作是言汝當作佛說是語
時衆人或以杖木瓦石而打擲之避
走遠住猶高聲唱言我不敢輕汝汝
等皆當作佛以其常作是語故增上
慢比丘比丘尼優婆塞優婆夷号之
為常不輕是比丘臨欲終時於虛空
中具聞威音王佛先所說法華經二
十千万億偈悉能受持即得如上眼
根清淨耳鼻舌身意根清淨得是六
他歲廣為人說是法華經於時增上
慢四衆比丘比丘尼優婆塞優婆夷
輕賤是人為作不輕名者見其得大
神通力樂說辯力大善寂力聞其所
說皆信伏隨從是菩薩復化千万億
衆令住阿耨多羅三藐三菩提命終

之後得值二千億佛皆号日月燈明
於其法中說是法華經以是因緣復
值二千億佛皆同号雲自在燈王
於此諸佛法中受持讀誦為諸四眾
說此經典故得是常眼清淨耳鼻舌
身意諸根清淨於四眾中說法心無
所畏得大勢是常不輕菩薩摩訶薩
供養如是若干諸佛恭敬尊重讚歎
種諸善根於後復值千萬億佛亦於
諸佛法中說是經典功德成就當得
作佛得大勢於意云何今時常不輕
菩薩豈異人乎則我身是若我於宿
世不受持讀誦此經為他人說者不
能疾得阿耨多羅三藐三菩提我於
先佛所受持讀誦此經為他人說故
疾得阿耨多羅三藐三菩提得大勢
彼時四眾比丘比丘尼優婆塞優婆
夷以瞋恚意輕賤我故二百億劫常
不值佛不聞法不見僧于劫於阿鼻
地獄受大苦惱畢是罪已復遇常不
輕菩薩教化阿耨多羅三藐三菩提
得大勢於汝意云何今時四眾常輕
是菩薩者豈異人乎今此會中跋陀

婆羅等五百菩薩師子月等五百比丘尼思佛等五百優婆塞皆於阿耨多羅三藐三菩提不退轉者是得大勢當知是法華經大饒益諸菩薩摩訶薩能令至於阿耨多羅三藐三菩提是故諸菩薩摩訶薩於如來滅後常應受持讀誦解說書寫是經今時世尊欲重宣此義而說偈言

過去有佛 號威音王 神智無量
將導一切 天人龍神 所共供養
是佛滅後 法欲盡時 有一菩薩
名常不輕 時諸四眾 計著於法
不輕菩薩 往到其所 而語之言
我不輕汝 汝等行道 皆當作佛
諸人聞已 輕毀罵詈 不輕菩薩
能忍受之 其罪畢已 臨命終時
得聞此經 六根清淨 神通力故
增益壽命 復為諸人 廣說是經
諸著法眾 皆蒙菩薩 教化成就
今住佛道 不輕命終 值無數佛
說是經故 得無量福 漸具功德
疾成佛道 彼時不輕 則我身是
時四部眾 著法之者 聞不輕言

汝當作佛 以是因緣 值無數佛
此會菩薩 五百之衆 并及四部
清信士女 今於我前 聽法者是
我於前世 勸是諸人 聽受斯經
第一之法 開示教人 令住涅槃
世世受持 如是經典 億億萬劫
至不可議 時乃得聞 是法華經
億億萬劫 至不可議 諸佛世尊
時說是經 是故行者 於佛滅後
聞如是經 勿生疑惑 應當一心
廣說此經 世世值佛 疾成佛道
添品妙法蓮華經如來神力品第二十
余時千世界微塵等菩薩摩訶薩從
地踊出者皆於佛前一心合掌瞻仰
尊顏而白佛言世尊我等於佛滅後
世尊分身所在國土滅度之處當廣
說此經所以者何我等亦自欲得是
真淨大法受持讀誦解說書寫而供
養之今時世尊於文殊師利等無量
百千萬億舊住娑婆世界菩薩摩訶
薩及諸比丘比丘尼優婆塞優婆夷
天龍夜叉乾闥婆阿修羅迦樓羅緊
那羅摩睺羅伽人非人等一切衆前

現大神力出廣長舌上至梵世一切
毛孔放於無量無數色光皆悉遍照
十方世界衆寶樹下師子座上諸佛
亦復如是出廣長舌放無量光輝迦
牟尼佛及寶樹下諸佛現神力時滿
百千歲然後還攝舌相一時聲歎俱
共彈指是二音聲遍至十方諸佛世
界地皆六種震動其中衆生天龍夜
叉乾闥婆阿脩羅迦樓羅緊那羅摩
睺羅伽人非人等以佛神力故皆見
此娑婆世界無量無邊百千万億衆
寶樹下師子座上諸佛及見釋迦牟
尼佛共多寶如來在寶塔中坐師子
座又見無量無邊百千万億菩薩摩
訶薩及諸四衆恭敬圍遶釋迦牟尼
佛既見是已皆大歡喜得未曾有即
時諸天於虛空中高聲唱言過此無
量無邊百千万億阿僧祇世界有國
名娑婆是中有佛名釋迦牟尼今為
諸菩薩摩訶薩說大乘經名妙法蓮
華教菩薩法佛所護念汝等當深心
隨喜亦當禮拜供養釋迦牟尼佛彼
諸衆生聞虛空中聲已合掌向娑婆

世界作如是言南無釋迦牟尼佛南
無釋迦牟尼佛以種種華香瓔珞幡
蓋及諸嚴身之具珍寶妙物皆共遙
散娑婆世界所散諸物徃十方來譬
如雲集變成寶帳遍覆此間諸佛之
上于時十方世界通達無碍如一佛土
亦時佛告上行等菩薩大衆諸佛神
力如是無量無邊不可思議若我以
是神力於無量無邊百千萬億阿僧
祇劫為囑累故說此經功德猶不能
盡以要言之如來一切所有之法如來
一切自在神力如來一切秘要之藏
如來一切甚深之事皆於此經宣示
顯說是故汝等於如來滅後應一心
受持讀誦解說書寫如說修行所在
國土若有受持讀誦解說書寫如說
修行若經卷所住之處若於園中若
於林中若於樹下若於僧坊若白衣
舍若在殿堂若山谷曠野是中皆應
起塔供養所以者何當知是處即是
道場諸佛於此得阿耨多羅三藐三
菩提諸佛於此轉于法輪諸佛於此
而般涅槃亦時世尊欲重宣此義而

說偈言

諸佛救世者住於大神通為悅衆生故
現無量神力舌相至梵天身放無數光
為求佛道者現此希有事諸佛聲歎聲
及彈指之聲周聞十方國地皆六種動
以佛滅度後能持是經故諸佛皆歡喜
現無量神力囑累是經故讚美受持者
於無量劫中猶故不能盡是人之功德
無邊無有窮如十方虛空不可得邊際
能持是經者則為已見我亦見多寶佛
及諸分身者又見我今日教化諸菩薩
能持是經者令我及分身滅度多寶佛
一切皆歡喜十方現在佛并過去未來
亦見亦供養亦令得歡喜諸佛坐道場
所得秘要法能持是經者不久亦當得
能持是經者於諸法之義名字及言辭
樂說無窮盡如風於空中一切無郭尋
於如來滅後如佛所說經因緣及次第
隨義如實說如日月光明能除諸幽冥
斯人行世間能滅衆生闇教無量菩薩
畢竟住一乘是故有智者聞此功德利
於我滅度後應受持斯經是人於佛道
決定無有疑

添品法華經卷第六 第二十二 在 三

尔時藥王菩薩即從座起偏袒右有
合掌向佛而白佛言世尊若善男子
善女人有能受持法華經者若讀誦
通利若有書寫經卷得幾所福佛告
藥王若有善男子善女人供養八百
萬億那由他恒河沙等諸佛於汝意
云何其所得福寧為多不甚多世尊
佛言若善男子善女人能於是經乃
至受持一四句偈讀誦解義如說修
行功德甚多尔時藥王菩薩白佛言
世尊我今當與說法者陀羅尼呪以
守護之即說呪曰

怛都姪他都姪他一安涅槃安涅槃易莫涅槃易莫涅槃三未泥

磨磨磨磨磨磨泥泥五質粒五質粒六折六折訶訶訶訶拘拘攝攝迷迷

攝攝寐寐多鼻多鼻九奢九奢安安拘拘目目訖訖拘拘目目訖訖

跢都箇擔都箇擔迷迷糝糝迷迷二穠二穠合合鼻鼻鉢鉢迷迷

糝磨糝磨糝迷糝迷十杜十杜時夜時夜顛顛余余粒粒憩憩憂憂顛顛十惡

憩顛憩顛十惡十惡敬敬妳妳十八奢十八奢安安拘拘攝攝寐寐九九陀羅

膩膩阿阿盧盧迦迦婆婆栖栖一鉢一鉢囉囉誡誡夜夜都都朝

刹刹膩膩鼻鼻鼻鼻略略三穠三穠便便延延哆哆邏邏你你

鼻鼻瑟瑟磨磨齒齒都都皆皆頰頰鳥鳥顛顛跢跢波波唎唎林林出出帝帝

郁郁究究犁犁目目究究犁犁頰頰邏邏第第屠屠皆皆二

鉢邏第

九

怨

注

迦歌

三

頻

三

勃地鼻盧吉拘

三

達磨鉢離器拘

三

僧伽涅瞿殺妳

四

跋耶

余

跋夜

余

泥

三

易室都結

掣

六

易怛邏憩夜拘

三

護路跢憍

照

舍

利顛

八

惡义夜

九

惡义

三

跋索

多

夜

跋

世尊是陀羅尼神呪

六十二億恒河

沙等諸佛所說若有侵毀此法師者

則為侵毀是諸佛已時釋迦牟尼佛

讚藥王菩薩言善哉善哉藥王汝愍

念擁護此法師故說是陀羅尼於諸

衆生多所饒益

今時勇施菩薩白佛言世尊我亦為

擁護讀誦受持法華經者說陀羅尼

若此法師得是陀羅尼若夜义若羅

刹若富單邨若吉蔗若鳩脍荼若餓

鬼等伺求其短無能得便即於佛前

而說呪曰

怛姪他

一

涉瞞

犁

二

莫訶涉瞞

犁

雞

四

雞

五

頻

第

六

頻

荼

層

瞞

底

都棄

涅

七

唎致

寄

頤

八

涅唎致耶跋

成

九

壹

邨

都

筆

你

十

比

必

邨

你

十一

質

邨

你

十二

涅唎拈

都

八

你

十三

哩

唎

吒

都

家

跋

你

十四

你

十五

哩

唎

吒

都

家

跋

你

十六

你

十七

哩

唎

吒

都

家

跋

你

十七

你

十八

哩

唎

吒

都

家

跋

你

十八

你

十九

哩

唎

吒

都

家

跋

你

十九

你

二十

哩

唎

吒

都

家

跋

你

二十

你

二十一

哩

唎

吒

都

家

跋

你

二十一

你

二十二

哩

唎

吒

都

家

跋

你

二十二

你

二十三

哩

唎

吒

都

家

跋

你

二十三

你

二十四

哩

唎

吒

都

家

跋

你

二十四

你

二十五

哩

唎

吒

都

家

跋

你

二十五

你

二十六

哩

唎

吒

都

家

跋

你

二十六

你

二十七

哩

唎

吒

都

家

跋

你

二十七

你

二十八

哩

唎

吒

都

家

跋

你

二十八

你

二十九

哩

唎

吒

都

家

跋

你

二十九

世尊是陀羅尼神呪恒河沙等諸佛
所說亦皆隨喜若有侵毀此法師者
則為侵毀是諸佛已

尔時毗沙門天王護世者白佛言世
尊我亦為愍念衆生擁護此法師故
說是陀羅尼即說呪曰

怛姪他一頰鉢鉢二都皆捺三訥鉢四案捺五厨六那七雅八拏九雅十

世尊以是神呪擁護法師我亦自當

擁護持是經者令百由旬內無諸衰患

尔時持國天王在此會中與千万億

那由他乾闥婆衆恭敬圍遶前詣佛

所合掌白佛言世尊我亦以陀羅尼

神呪擁護持法華經者即說呪曰

怛姪他一惡揭二其三羯四妳五揭六妳七瞿八剎九三

羯四陀五剎六旗七茶八利九摩十登十一祇十二棄十三比

羯肆七僧八句九犁十八部留薩利九

世尊是陀羅尼神呪四十二億諸佛

所說若有侵毀此法師者則為侵毀

是諸佛已

尔時有羅刹女等一名藍婆二名毗

藍婆三名曲齒四名華齒五名黑齒

六名多髮七名無獸足八名持瓔珞

九名宰帝十名奪一切衆生精氣是
十羅刹女與鬼子母并其子及眷屬
俱詣佛所同聲白佛言世尊我亦欲
擁護讀誦受持法華經者除其衰患
若有伺求法師短者令不得便即於
佛前而說呪曰

怛姪他壹底

都棄迷

此句五

你

都棄迷

迷亦護

路醯

呼莊亦

陸路

都箇

醯

亦五

迷亦護

寧上我頭上莫惱於法師若夜叉若
羅刹若餓鬼若富單那若吉蔗若毗
陀羅若軋駄若烏摩勒伽若阿跋摩
羅若夜叉吉蔗若人吉蔗若熱病若
一日若二日若三日若四日乃至七
日若常熱病若男形若女形若童男
形若童女形乃至夢中亦復莫惱即
於佛前而說偈言

若不順我呪 惱亂說法者 頭破作七分
如摩利闍迦 如煞父母罪 亦如壓油殃
斗秤欺誑人 調達破僧罪 犯此法師者
當獲如是殃

諸羅刹女說此偈已白佛言世尊我
等亦當身自擁護受持讀誦修行是
經者令得安隱離諸衰患消衆毒藥

佛告諸羅刹女善哉善哉汝等但能擁護受持法華名者福不可量何況擁護具足受持供養經卷華香瓔珞末香塗香燒香幡蓋伎樂然種種燈鉢燈油燈諸香油燈鉢摩那華油燈瞻蔔華油燈娑師迦華油燈優波羅華油燈如是等百千種供養者畢諦汝等及眷屬應當擁護如是法師說此陀羅尼咒品時六万八千人得無生法忍

妙法蓮華經藥王菩薩本事品第二十二
尔時宿王花菩薩白佛言世尊藥王菩薩云何遊於娑婆世界世尊是藥王菩薩有若干百千万億那由他難行苦行善哉世尊願少解說諸天龍神夜叉乾闥婆阿修羅迦樓羅緊那羅摩睺羅伽人非人等又他國土諸來菩薩及此聲聞衆聞皆歡喜尔時佛告宿王花菩薩乃徃過去無量恒河沙劫有佛号日月淨明德如來應供正遍知明行足善逝世間解無上士調御丈夫天人師佛世尊其佛有八十億大菩薩摩訶薩七十二恒河

沙大聲聞衆佛壽四万二千劫菩薩
壽命亦等彼國無有女人地獄餓鬼
畜生阿修羅等及以諸難地平如掌
琉璃所成寶樹莊嚴寶帳覆上垂寶
花幡寶瓶香鑪周遍國界七寶為臺
一樹一臺其樹去臺盡一箭道此諸
寶樹皆有菩薩聲聞而坐其下諸寶
臺上各有百億諸天作天伎樂歌歎
於佛以為供養

尔時彼佛為一切衆生意見菩薩及
衆菩薩諸聲聞衆說法華經是一切
衆生意見菩薩樂習苦行於日月淨
明德佛法中精進經行一心求佛滿
万二千歲已得現一切色身三昧得
此三昧已心大歡喜即作念言我得
現一切色身三昧皆是得聞法華經
力我今當供養日月淨明德佛及法
華經即時入是三昧於虛空中雨曼
陀羅華摩訶曼陀羅華細糝堅黑栴
檀滿虛空中如雲而下又雨海此岸
栴檀之香此香六銖價直娑婆世界
以供養佛作是供養已從三昧起而
自念言我雖以神力供養於佛不如

以身供養即服諸香栴檀薰陸兜樓
婆畢力迦沉水膠香又飲瞻蔔諸華
香油滿千二百歲已香油塗身於日
月淨明德佛前以天寶衣而自纏身
灌諸香油以神通力願而自然身光
明遍照八十億恒河沙世界其中諸
佛同時讚言善哉善哉善男子是真
精進是名真法供養如來若以華香
瓔珞燒香抹香塗香天繒幡蓋及海
山岸栴檀之香如是等種種諸物供
養所不能及假使國城妻子布施亦
所不及善男子是名第一之施於諸
施中寧尊寧上以法供養諸如來故
作是語已而各嘿然其身火然千二
百歲過是已後其身乃盡一切衆生
意見菩薩作如是法供養已命終之
後復生日月淨明德佛國中於淨德
王家結加趺坐忽然化生即為其父
而說偈言

大王今當知我經行彼處即時得一切
現諸身三昧勤行大精進捨所愛之身
說是偈已而白父言日月淨明德佛
今故現在我先供養佛已得解一切

衆生語言陀羅尼復聞是法華經八
百千万億那由他甄迦羅頻婆羅阿
閼婆等偈大王我今當還供養此佛
白已即坐七寶之臺上昇虛空高七
多羅樹往到佛所頭面礼足合十指
爪以偈讚佛

容顏甚奇妙光明照十方我適曾供養
今復還親覲

尔時一切衆生喜見菩薩說是偈已
而白佛言世尊世尊猶故在世尔時
日月淨明德佛告一切衆生意見菩
薩善男子我涅槃時到滅盡時至汝
可安施牀座我於今夜當般涅槃又
勅一切衆生喜見菩薩善男子我以
佛法囑累於汝及諸菩薩大弟子并
阿耨多羅三藐三菩提法亦以三千
大千七寶世界諸寶樹寶臺及給侍
諸天悉付於汝我滅度後所有舍利
亦付囑汝當令流布廣設供養應起
若干千塔如是日月淨明德佛勅一
切衆生意見菩薩已於夜後分入於
涅槃尔時一切衆生意見菩薩見佛
滅度悲感懊惱戀慕於佛即以海山

岸栴檀為積供養佛身而以燒之火
滅已後收取舍利作八万四千寶瓶
以起八万四千塔高三世界表刹在
嚴垂諸幡蓋懸衆寶鈴今時一切衆
生意見菩薩復自念言我雖作是供
養心猶未足我今當更供養舍利便
語諸菩薩大弟子及天龍夜叉等一
切大衆汝等當一心念我今供養日
月淨明德佛舍利作是語已即於八
万四千塔前然百福莊嚴辭七万二
千歲而以供養令無數求聲聞衆無
量阿僧祇人發阿耨多羅三藐三菩
提心皆使得住現一切色身三昧今
時諸菩薩天人阿修羅等見其無辭
憂惱悲哀而作是言此一切衆生意
見菩薩是我等師教化我者而今燒
辭身不具足于時一切衆生意見菩
薩於大衆中立此誓言我捨兩辭必
當得佛金色之身若實不虛令我兩
辭還復好故作是誓已自然還復由
斯菩薩福德智慧淳厚所致當余之
時三千大千世界六種震動天雨寶
華一切人天得未曾有佛告宿王華

菩薩於汝意云何一切衆生意見菩薩豈異人乎今藥王菩薩是也其所捨身布施如是無量百千万億那由他數

宿王華若有發心欲得阿耨多羅三藐三菩提者能燃手指乃至足一指供養佛塔勝以國城妻子及三千大千國土山林河池諸珍寶物而供養者若復有人以七寶滿三千大千世界供養於佛及大菩薩辟支佛阿羅漢是人所得功德不如受持此法華經乃至一四句偈其福寧多宿王華譬如一切川流江河諸水之中海為第一此法華經亦復如是於諸如來所說經中寧為深大又如土山黑山小鐵圍山大鐵圍山及十寶山衆山之中須弥山為第一此法華經亦復如是於諸經中寧為其上又如衆星之中月天子寧為第一此法華經亦復如是於千万億種諸經法中寧為照明又如日天子能除諸闇此經亦復如是能破一切不善之闇又如諸小王中轉輪聖王寧為第一此經亦

復如是於衆經中取為其尊又如帝
釋於三十三天中王此經亦復如是
諸經中王又如大梵天王一切衆生
之父此經亦復如是一切賢聖學無
學及發菩薩心者之父又如一切凡
夫人中須陀洹斯陀含阿那含阿羅
漢辟支佛為第一此經亦復如是一
切如來所說若菩薩所說若聲聞所
說諸經法中取為第一有能受持是
經典者亦復如是於一切衆生中亦
為第一一切聲聞辟支佛中菩薩為
第一此經亦復如是於一切諸經法
中取為第一如佛為諸法王此經亦
復如是諸經中王宿王華此經能救
一切衆生者此經能令一切衆生離
諸苦惱此經能大饒益一切衆生充
滿其願如清涼池能滿一切諸渴乏
者如寒者得火如裸者得衣如商人
得主如子得母如渡得船如病得醫
如闇得燈如貧得寶如民得王如賈
客得海如炬除闇此法華經亦復如
是能令衆生離一切苦一切病痛能
解一切生死之縛若人得聞此法華

經若自書若使人書所得功德以佛智慧籌量多少不得其邊若書是經卷華香瓔珞燒香抹香塗香幡蓋衣服種種之燈鉢燈油燈諸香油燈瞻蔔油燈須臾那油燈波羅羅油燈婆利師迦油燈那婆摩利油燈供養所得功德亦復無量宿王華若有人聞是藥王菩薩本事品者亦得無量無邊功德若有女人聞是藥王菩薩本事品能受持者盡是女身後不復受若如來滅後後五百歲中若有女人聞是經典如說修行於此命終即往安樂世界阿彌陀佛大菩薩衆圍繞住處生蓮花中寶座之上不復為貪欲所惱亦復不為瞋恚愚癡所惱亦復不為憍慢嫉妬諸垢所惱得菩薩神通無生法忍得是忍已眼根清淨以是清淨眼根見七百万二千億那由他恒河沙等諸佛如來是時諸佛遙共讚言善哉善哉善男子汝能於釋迦牟尼佛法中受持讀誦思惟是經為他人說所得福德無量無邊火不能焚水不能漂汝之功德千佛共

說不能令盡汝今已能破諸魔賊壞
生死軍諸餘怨敵皆悉摧滅善男子
百千諸佛以神通力共守護汝於一切
世間天人之中無如汝者唯除如來
其諸聲聞辟支佛乃至菩薩智慧禪
定無有與汝等者宿王華此菩薩成
就如是功德智慧之力若有人聞是
藥王菩薩本事品能隨喜讚善者是
人現世口中常出青蓮華香身毛孔
中常出牛頭栴檀之香所得功德如
上所說是故宿王華以此藥王菩薩
本事品囑累於汝我滅度後後五百
歲中廣宣流布於閻浮提無令斷絕
惡魔魔民諸天龍夜叉鳩脰荼等得
其便也宿王華汝當以神通之力守
護是經所以者何此經則為閻浮提
人病之良藥若人有病得聞是經病
即消滅不老不死宿王華汝若見有
受持是經者應以青蓮華臙滿鉢香
供散其上散已作是念言此人不久
必當取草坐於道場破諸魔軍當次
法螺擊大法鼓度脫一切衆生老病
死海是故求佛道者見有受持是經

與人應當如是生恭敬心說是藥王
菩薩本事品時八万四千菩薩得解
一切衆生語言陀羅尼多寶如來於
寶塔中讚宿王華菩薩言善哉善哉
宿王華汝成就不可思議功德乃能
問釋迦牟尼佛如此之事利益無量
一切衆生

添品妙法蓮華經卷第六

癸卯歲高麗國大藏都監奉
勅彫造

添品妙法蓮華經卷第七

在

隋天竺三藏闍那崛多共笈多譯

妙音菩薩品第二十三

尔時釋迦牟尼佛放大人相肉髻光明及放眉間白毫相光遍照東方百八万億那由他恒河沙等諸佛世界過是數已有世界名淨光莊嚴其國有佛号淨華宿王智如來應供正遍知明行足善逝世間解無上士調御丈夫天人師佛世尊為無量無邊菩薩大衆恭敬圍繞而為說法釋迦牟尼佛白毫光明遍照其國尔時一切淨光莊嚴國中有一菩薩名曰妙音久已殖衆德本供養親近無量百千万億諸佛而忘成就甚深智慧得妙幢相三昧法華三昧淨德三昧宿王戲三昧無緣三昧智印三昧解一切衆生語言三昧集一切功德三昧清淨三昧神通遊戲三昧慧炬三昧莊嚴王三昧淨光明三昧淨藏三昧不共三昧日旋三昧得如是等百千万億恒河沙等諸大三昧釋迦牟尼佛光

照其身即白淨華宿王智佛言世尊
我當往詣娑婆世界礼拜親近供養
釋迦牟尼佛及見文殊師利法王子
菩薩藥王菩薩勇施菩薩宿王華菩
薩上行意菩薩莊嚴王菩薩樂上菩
薩今時淨華宿王智佛告妙音菩薩
汝往莫輕彼國生下劣想善男子彼
娑婆世界高下不平土石諸山穢惡
充滿佛身界小諸菩薩眾其形亦小
而汝身四万二千由旬我身六百八
十万由旬汝身第一端正百千万福
光明殊妙是故汝往莫輕彼國若佛
菩薩及國土生下劣想妙音菩薩白
其佛言世尊我今詣娑婆世界皆是
如來之力如來神通遊戲如來功德
智慧莊嚴於是妙音菩薩不起于座
身不動搖而入三昧以三昧力於耆
闍崛山去法座不遠化作八万四千
眾寶蓮華閻浮檀金為莖白銀為葉
金剛為鬚甄叔迦寶以為其臺尔時
文殊師利法王子見是蓮華而白佛
言世尊是何因緣先現此瑞有若干
千万蓮華閻浮檀金為莖白銀為葉

金剛為鬚鬚叔迦寶以為其基今時
釋迦牟尼佛告文殊師利是妙音菩
薩摩訶薩欲從淨華宿王智佛國與
八万四千菩薩圍遶而來至此娑婆
世界供養親近禮拜於我亦欲供養
聽法華經文殊師利白佛言世尊是
菩薩種何善本修何功德而能有是
大神通力行何三昧願為我等說是
三昧名字我等亦欲勤修行之行此
三昧乃能見是菩薩色相大小威儀
進止惟願世尊以神通力彼菩薩來
令我得見今時釋迦牟尼佛告文殊
師利此久滅度多寶如來當為汝等
而現其相時多寶佛告彼菩薩善男
子來文殊師利法王子欲見汝身于
時妙音菩薩於彼國沒與八万四千
菩薩俱共發來所經諸國六種震動
皆悉雨於七寶蓮華百千天樂不鼓
自鳴是菩薩目如廣大青蓮華葉正
使和合百千万月其面貌端正復過於
此身真金色無量百千功德莊嚴威
德熾盛光明照曜諸相具足如那羅
延堅固之身入七寶臺上昇虛空去

地七多羅樹諸菩薩衆恭敬圍繞而
來詣此娑婆世界耆闍崛山到已下
七寶臺以價直百千瓔珞持至釋迦
牟尼佛所頭面礼足奉上瓔珞而白
佛言世尊淨華宿王智佛問評世尊
少病少惱起居輕利安樂行不四大
調和不世事可忍不衆生易度不無
多貪欲瞋恚愚癡嫉妬慳慢不無不
孝父母不敬沙門不無邪見不無不
善心不攝五情不世尊衆生能降伏
諸魔怨不久滅度多寶如來在七寶
塔中來聽法不又問評多寶如來安
隱少惱堪忍久住不世尊我今欲見
多寶佛身惟願世尊示我令見尔時
釋迦牟尼佛語多寶佛是妙音菩薩
欲得相見時多寶佛告妙音言善哉
善哉汝能為供養釋迦牟尼佛及聽
法華經并見文殊師利等故來至此
尔時華德菩薩白佛言世尊是妙音
菩薩種何善根修何功德有是神力
佛告華德菩薩過去有佛名雲雷音
王多陀阿伽度阿羅呵三藐三佛陀
國名現一切世間劫名喜見妙音菩

薩於方二千歲以十萬種伎樂供養
雲雷音王佛并奉上八万四千七寶
鉢以是因緣果報今生淨華宿王智
佛所有是神力華德於汝意云何今
時雲雷音王佛所妙音菩薩伎樂供
養奉上寶器者豈異人乎今此妙音
菩薩摩訶薩是華德是妙音菩薩已
曾供養親近無量諸佛久殖德本又
值恒河沙等百千万億那由他佛華
德汝但見妙音菩薩其身在此而是
菩薩現種種身處處為諸衆生說是
經典或現梵王身或現帝釋身或現
自在天身或現大自在天身或現天
大將軍身或現毗沙門天王身或現
轉輪王身或現諸小王身或現長者
身或現居士身或現宰官身或現婆
羅門身或現比丘比丘尼優婆塞優
婆夷身或現長者居士婦女身或現
宰官婦女身或現婆羅門婦女身或
現童男童女身或現天龍夜叉乾闥
婆阿脩羅迦樓羅緊那羅摩睺羅伽
人非人等身而說是經諸有地獄餓
鬼畜生及衆難處皆能救濟乃至於

王後宮變為女身而說是經華德是

妙音菩薩能救護娑婆世界諸衆生

者是妙音菩薩如是種種變化現身

在此娑婆國土為諸衆生說是經典

於神通變化智慧無所損減是菩薩

以若干智慧明照娑婆世界令一切

衆生各得所知於十方恒河沙世界

中亦復如是若應以聲聞形得度者

現聲聞形而為說法應以辟支佛形

得度者現辟支佛形而為說法應以

菩薩形得度者現菩薩形而為說法

應以佛形得度者即現佛形而為說

法如是種種隨所應度者而為現形

乃至應以滅度而得度者示現滅度

華德妙音菩薩摩訶薩成就大神通

智慧之力其事如是今時華德菩薩

白佛言世尊是妙音菩薩深種善根

世尊是菩薩住何三昧而能如是在

所變現度脫衆生佛告華德菩薩善

男子其三昧名現一切色身妙音菩

薩住是三昧中能如是饒益無量衆

生說是妙音菩薩品時與妙音菩薩

俱來者八万四千人皆得現一切色

身三昧此娑婆世界無量菩薩亦得是三昧及陀羅尼。今時妙音菩薩摩訶薩供養釋迦牟尼佛及多寶佛塔已還歸本土所經諸國六種震動雨寶蓮華作百千万億種種伎樂。既到本國與八万四千菩薩圍遶至淨華宿王智佛所。白佛言世尊我到娑婆世界饒益衆生見釋迦牟尼佛及見多寶佛塔禮拜供養。又見文殊師利法王子及見藥王菩薩得勤精進力菩薩勇施菩薩等。亦令是八万四千菩薩得現一切色身三昧。說是妙音菩薩來往品時四万二千天子得無生法忍。華德菩薩得法華三昧。

當妙法蓮華經觀世音菩薩普門品第二十四。今時無盡意菩薩即從座起偏袒右肩合掌向佛而作是言世尊觀世音菩薩以何因緣名觀世音。佛告無盡意菩薩善男子若有無量百千万億衆生受諸苦惱聞是觀世音菩薩一心稱名觀世音菩薩即時觀其音聲皆得解脫。

若有持是觀世音菩薩名者設入大

火火不能燒由是菩薩威神力故若
為大水所漂稱其名号即得淺處若
有百千万億衆生為求金銀琉璃車
乘馬珊瑚琥珀真珠等寶入於大
海假使黑風吹其舩舫飄墮羅刹鬼
國其中若有乃至一人稱觀世音菩
薩名者是諸人等皆得解脫羅刹之
難以是因緣名觀世音

若復有人臨當被害稱觀世音菩薩
名者彼所執刀杖尋段段壞而得解
脫若三千大千國土滿中夜叉羅刹
欲來惱人聞其稱觀世音菩薩名者
是諸惡鬼尚不能以惡眼視之况復
加害

設復有人若有罪若無罪枷械枷鎖
檢繫其身稱觀世音菩薩名者皆悉
斷壞即得解脫若三千大千國土滿
中怨賊有一商主將諸商人賣持重
寶經過險路其中一人作是唱言諸
善男子勿得恐怖汝等應當一心稱
觀世音菩薩名号是菩薩能以無畏
施於衆生汝等若稱名者於此怨賊
當得解脫衆商人聞俱發聲言南無

觀世音菩薩稱其名故即得解脫無盡意觀世音菩薩摩訶薩威神之力魏魏如是若有衆生多於姪欲常念恭敬觀世音菩薩便得離欲若多瞋恚常念恭敬觀世音菩薩便得離瞋若多愚癡常念恭敬觀世音菩薩便得離癡無盡意觀世音菩薩有如是等大威神力多所饒益是故衆生常應心念若有女人設欲求男禮拜恭敬觀世音菩薩便生福德智慧之男設欲求女便生端正有相之女宿殖德本衆人愛敬無盡意觀世音菩薩有如是力若有衆生恭敬禮拜觀世音菩薩福不唐捐是故衆生皆應受持觀世音菩薩名号無盡意若有人受持六十二億恒河沙菩薩名字復盡形供養飲食衣服卧具醫藥於汝意云何是善男子善女人功德多不無盡意言甚多世尊佛言若復有人受持觀世音菩薩名号乃至一時禮拜供養是二人福正等無異於百千萬億劫不可窮盡無盡意受持觀世音菩薩名号得如是無量無邊福德之利

無盡意菩薩白佛言世尊觀世音菩薩云何遊此娑婆世界云何而為衆生說法方便之力其事云何佛告無盡意菩薩善男子若有國土衆生應以佛身得度者觀世音菩薩即現佛身而為說法應以辟支佛身得度者即現辟支佛身而為說法應以聲聞身得度者即現聲聞身而為說法應以梵王身得度者即現梵王身而為說法應以帝釋身得度者即現帝釋身而為說法應以自在天身得度者即現自在天身而為說法應以大自在天身得度者即現大自在天身而為說法應以天大將軍身得度者即現天大將軍身而為說法應以毗沙門身得度者即現毗沙門身而為說法應以小王身得度者即現小王身而為說法應以長者身得度者即現長者身而為說法應以居士身得度者即現居士身而為說法應以宰官身得度者即現宰官身而為說法應以婆羅門身得度者即現婆羅門身而為說法應以比丘比丘尼優婆塞

優婆夷身得度者即現比丘比丘尼
優婆塞優婆夷身而為說法應以長
者居士宰官婆羅門婦女身得度者
即現婦女身而為說法應以童男童
女身得度者即現童男童女身而為
說法應以天龍夜叉乾闥婆阿修羅
迦樓羅緊那羅摩睺羅伽人非人等
身得度者即皆現之而為說法應以
執金剛神得度者即現執金剛神而
為說法無盡意觀世音菩薩成就如
是功德以種種形遊諸國土度脫眾
生是故汝等應當一心供養觀世音
菩薩是觀世音菩薩摩訶薩於怖畏
急難之中能施無畏是故此娑婆世
界皆号之為施無畏者無盡意菩薩
白佛言世尊我今當供養觀世音菩
薩即解頸眾寶珠瓔珞價直百千兩
金而以與之作是言仁者受此法施
珍寶瓔珞時觀世音菩薩不肯受之
無盡意復白觀世音菩薩言仁者愍
我等故受此瓔珞尔時佛告觀世音
菩薩當愍此無盡意菩薩及四眾天
龍夜叉乾闥婆阿修羅迦樓羅緊那

羅摩睺羅伽人非人等故受是瓔珞
即時觀世音菩薩愍諸四衆及於天
龍人非人等故受其瓔珞分作二分
一分奉釋迦牟尼佛一分奉多寶佛
塔無盡意觀世音菩薩有如是自在
神力遊於娑婆世界

今時在嚴幢菩薩問無盡意菩薩言
佛子以何因緣名觀世音無盡意菩
薩即便遍觀觀世音菩薩過去願海
告莊嚴幢菩薩言佛子諦聽觀世音
菩薩所行之行今時無盡意菩薩即
說偈言

世尊妙相具我今重問彼佛子何因緣
名為觀世音具足妙相尊偈答無盡意
汝聽觀音行善應諸方所引誓深如海
歷劫不思議侍多千億佛發大清淨願
我為汝略說聞名及見身心念不空過
能滅諸有苦假使興害意推落大火坑
念彼觀音力火坑變成池或漂流巨海
魚龍諸鬼難念彼觀音力波浪不能沒
或在須彌峯為人所推墮念彼觀音力
如日虛空住或被惡人逐墮落金剛山
念彼觀音力不能損一毛或值怨賊繞

各執刀加害念彼觀音力咸即起慈心
或遭王難苦臨刑欲壽終念彼觀音力
刀尋段段壞或囚禁枷鎖手足被杻械
念彼觀音力釋然得解脫咒咀諸毒藥
所欲害身者念彼觀音力彼即轉迴去
或遇惡羅刹毒龍諸鬼等念彼觀音力
時志不敢害若惡獸圍遶利牙爪可怖
念彼觀音力蹊走無邊方旣虵及蝮蠍
氣毒烟火燃念彼觀音力尋聲自迴去
雲雷鼓掣電降雹澍大雨念彼觀音力
應時得消散衆生被因厄無量苦逼身
觀音妙智力能救世間苦具足神通力
廣修智方便十方諸國土無刹不現身
種種諸惡趣地獄鬼畜生生老病死苦
以漸悉令滅真觀清淨觀廣大智慧觀
悲觀及慈觀常願常瞻仰無垢清淨光
慧日破諸闇能伏災風火普明照世間
悲體戒雷震慈意妙大雲澍甘露法雨
滅除煩惱焰諍訟經官處怖畏軍陣中
念彼觀音力衆怨悉退散妙音觀世音
梵音海潮音勝彼世間音是故須常念
念念勿生疑觀世音淨聖於苦惱死厄
能為作依怙具一切功德慈眼視衆生

今時持地菩薩即從座起前白佛言
世尊若有衆生聞是觀世音菩薩品
自在之業普門示現神通力者當知
是人功德不少佛說是普門品時衆
中八万四千衆生皆發無等等阿耨
多羅三藐三菩提心

添品妙法蓮華經妙莊嚴王本事品第二十五
今時佛告諸大衆乃往古世過無量
无邊不可思議阿僧祇劫有佛名雲
雷音宿王華智多陀阿伽度阿羅訶
三藐三佛陀國名光明莊嚴劫名喜
見彼佛法中有王名妙莊嚴其王夫
人名曰淨德有二子一名淨藏二名
淨眼是二子有大神力福德智慧久
修菩薩所行之道所謂檀波羅蜜尸
羅波羅蜜羼提波羅蜜毗梨耶波羅
蜜揵波羅蜜般若波羅蜜方便波羅
蜜慈悲喜捨乃至三十七助道法皆
悉明了通達又得菩薩淨三昧日星
宿三昧淨光三昧淨色三昧淨照明
三昧長莊嚴三昧大威德藏三昧於
此三昧亦悉通達今時彼佛欲引導

妙莊嚴王及愍念衆生故說是法華
經時淨藏淨眼二子到其母所合十
指爪掌白言願母往詣雲雷音宿王
華智佛所我等亦當侍從親覲供養
禮拜所以者何此佛於一切天人衆
中說法華經宜應聽受母告子言汝
父信受外道深著婆羅門法汝等應
往白父與共俱去淨藏淨眼合十指
爪掌白母我等是法王子而生此邪
見家母告子言汝等當憂念汝父為
現神變若得見者心必清淨或聽我
等往至佛所於是二子念其父故踊
在虛空高七多羅樹現種種神變於
虛空中行住坐卧身上出水身下出
火身下出水身上出火或現大身滿
虛空中而復現小小復現大於空中
滅忽然在地入地如水履水如地現
如是等種種神變令其父王心淨信
解時父見子神力如是心大歡喜得
未曾有合掌向子言汝等師為是誰
誰之弟子二子白言大王彼雲雷音
宿王華智佛今在七寶菩提樹下法
座上坐於一切世間天人衆中廣說

法華經是我等師我是弟子父語子
言我今亦欲見汝等師可共俱往於
是二子從空中下到其母所合掌白
母父王今已信解堪任發阿耨多羅
三藐三菩提心我等為父已作佛事
願母見聽於彼佛所出家修道令時
二子欲重宣其意以偈白母

願母放我等 出家作沙門 諸佛甚難值
我等隨佛學 如優曇波羅 值佛復難是
脫諸難亦難 願聽我出家

母即告言聽汝出家所以者何佛難
值故於是二子白父母言善哉父母
願時往詣雲雷音宿王華智佛所親
覲供養所以者何佛難得值如優曇
波羅華又如一眼之龜值浮木孔而
我等宿福深厚生值佛法是故父母
當聽我等今得出家所以者何諸佛
難值時亦難遇彼時妙莊嚴王後宮
八万四千人志皆堪任受持是法華
經淨眼菩薩於法華三昧久已通達
淨藏菩薩已於無量百千万億劫通
達離諸惡趣三昧欲令一切衆生離
諸惡趣故其王夫人得諸佛集三昧

能知諸佛秘密之藏二子如是以方便力善化其父令心信解好樂佛法於是妙莊嚴王與群臣眷屬俱淨德夫人與後宮姊妹眷屬俱其王二子與四万二千人俱一時共詣佛所到已頭面礼足繞佛三匝却住一面尔時彼佛為王說法示教利喜王大歡悅尔時妙莊嚴王及其夫人解頸真珠瓔珞價直百千以散佛上於虛空中化成四柱寶臺臺中有大寶牀敷百千万天衣其上有佛結跏趺坐放大光明

尔時妙莊嚴王作是念佛身希有端嚴殊特成就第一微妙之色時雲雷音宿王華智佛告四眾言汝等見是妙莊嚴王於我前合掌立不此王於我法中作比丘精勤修習助佛道法當得作佛号娑羅樹王國名大光劫名大高王其娑羅樹王佛有無量菩薩眾及無量聲聞其國平正功德如是其王即時以國付弟與夫人二子并諸眷屬於佛法中出家修道王出家已於八万四千歲常勤精進修行

妙法華經過是已後得一切淨功德
莊嚴三昧即昇虛空高七多羅樹而
白佛言世尊此我二子已作佛事以
神通變化轉我邪心令得安住於佛
法中得見世尊此二子者是我善知
識為欲發起宿世善根饒益我故來
生我家今時雲雷音宿王華智佛告
妙莊嚴王言如是如是如汝所言若
善男子善女人種善根故世世得善
知識其善知識能作佛事示教利喜
令入阿耨多羅三藐三菩提大王當
知善知識者是大因緣所謂化導令
得見佛發阿耨多羅三藐三菩提心
大王汝見此二子不此二子已曾供
養六十五百千万億那由他恒河沙諸
佛親見恭敬於諸佛所受持法華經
愍念邪見衆生令住正見妙莊嚴王
即從虛空中下而白佛言世尊如來
甚希有以功德智慧故頂上肉髻光
明顯照其眼長廣而紺青色眉間毫
相白如珂月齒白齊密常有光明脣
色赤好如頻婆果今時妙莊嚴王讚
歎佛如是等無量百千万億功德已

於如來前一心合掌復白佛言世尊
未曾有也如來之法具足成就不可
思議微妙功德教戒所行安隱快善
我從今日不復自隨心行不生邪見
憍慢瞋恚諸惡之心說是語已礼佛
而出佛告大衆於意云何妙莊嚴王
豈異人乎今華德菩薩是其淨德夫
人今佛前光照莊嚴相菩薩是哀愍
妙莊嚴王及諸眷屬故於彼中生其
二子者今藥王菩薩藥上菩薩是是
藥王藥上菩薩成就如此諸大功德
已於無量百千万億諸佛所殖衆德
本成就不可思議諸善功德若有人
識是二菩薩名字者一切世間諸天
人民亦應礼拜佛說是妙莊嚴王本
事品時八万四千人遠塵離垢於諸
法中得法眼淨

添品妙法蓮華經普賢菩薩勸發品第二十六
尔時普賢菩薩以自在神通威德名
聞與大菩薩無量无边不可稱數從
東方來所經諸國普皆震動雨寶蓮
華作無量百千万億種種伎樂又與
無數諸天龍夜叉乾闥婆阿修羅

迦樓羅緊那羅摩睺羅伽人非人等
大衆圍遶各現威德神通之力到娑
婆世界耆闍崛山中頭面札釋迦牟尼佛右繞七匝白佛言世尊我於寶
威德上王佛國遇聞此娑婆世界說法華經與無量無邊百千萬億諸菩薩衆共來聽受唯願世尊當為說之
若善男子善女人於如來滅後云何
能得是法華經佛告普賢菩薩若善
男子善女人成就四法於如來滅後
當得是法華經一者為諸佛護念二
者殖諸德本三者入正定聚四者發
救一切衆生之心善男子善女人如
是成就四法於如來滅後必得是經
今時普賢菩薩白佛言世尊於後五
百歲濁惡世中其有受持是經典者
我當守護除其衰患令得安隱使無
伺求得其便者若魔若魔子若魔女
若魔民若為魔所著者若夜叉若羅
刹若鳩呌荼若毗舍闍若吉遮若富
單那若聿陀羅等諸惱人者皆不得
便是人若行若立讀誦此經我今時
乘六牙白鳥王與大菩薩衆俱詣其

所而自現身供養守護安慰其心亦
為供養法華經故是人若坐思惟此
經念時我復乘白象王現其人前其
人若於此法華經有所忘失一句一
偈我當教之與共讀誦還令通利念
時受持讀誦法華經者得見我身甚
大歡喜轉復精進以見我故即得三
昧及陀羅尼名為旋陀羅尼百千万
億旋陀羅尼法音方便陀羅尼得如
是等陀羅尼世尊若後世後五百歲
濁惡世中比丘比丘尼優婆塞優婆
夷求索者受持者讀誦者書寫者欲
修習是法華經者於三七日中應一
心精進滿三七日已我當乘六牙白
象與無量菩薩而自圍遶以一切眾
生所喜見身現其人前而為說法示
教利喜亦復與其陀羅尼咒得是陀
羅尼故無有非人能破壞者亦不為
女人之所惑亂我身亦自常護是人
惟願世尊聽我說此陀羅尼即於佛
前而說呪曰

多^上姪他阿壇茶^{徒皆}壇茶^{直下}鉢底壇
茶跋囉^上多^上你壇茶^上矩舍^{始迦}犁壇^{上反}

茶鉢

上

陀唎

上

鉢

上

陀囉

上

跋底

勃馱鉢

上

陀囉

上

尼

反

阿跋囉

上

恒你阿囉

上

恒你僧伽

上

跋囉

上

綺羯

上

伽

你伽多

上

泥達囉

上

磨

上

跋囉

上

綺羯

囉

上

婆

上

婆

上

戶嚕

多

上

舍

反

羅耶阿

上

努伽

上

羼

上

鼻

扣

上

羼

世尊

上

若有菩薩

上

得聞

上

是陀囉

上

居者當

知普賢

上

神通之力

上

若法華

上

經行闍浮

上

提有受持者

應作是念

上

皆是普賢

上

威神

上

之力

上

若有受持

讀誦

上

正憶念

上

解其義

上

趣如說

上

修行當知

是人行

上

普賢

上

行於

上

無量無邊

上

諸佛所深

種善根

上

為諸如

上

來手摩

上

其頭若但

上

書寫是人

命終當

上

生忉利天

上

是時八万

上

四千天女

上

作

衆伎樂而

上

來迎之其

上

人即著七

上

寶冠

上

於姝女中

娛樂快樂

上

何況受持

上

讀誦

上

正憶念

上

解其義趣

如說修行

上

若有人

上

受持讀誦

上

解其義趣

上

是人命終

為千

上

佛授手令

上

不恐怖不

上

墮惡趣即

上

往兜

率天上

上

彌勒菩薩

上

所彌勒

上

菩薩有

上

三

十二相

上

大菩薩

上

衆所共圍

上

遶有百

上

千

萬億天女

上

眷屬而於

上

中生有

上

如是等

上

等

萬億天女

上

眷屬而於

上

中生有

上

如是等

上

等

功德利益是故智者應當一心自書
若使人書受持讀誦正憶念如說修
行世尊我今以神通力守護是經於
如來滅後閻浮提內廣令流布使不
斷絕今時釋迦牟尼佛讚言善哉善
哉普賢汝能護助是經今多所衆生
安樂利益汝已成就不可思議功德
深大慈悲從久遠來發阿耨多羅三
藐三菩提意而能作是神通之願守護
是經我當以神通力守護能受普
賢菩薩名者普賢若有受持讀誦正
憶念修習書寫是法華經者當知是
人則見釋迦牟尼佛如從佛口聞此
經典當知是人供養釋迦牟尼佛當
知是人佛讚善哉當知是人為釋迦
牟尼佛手摩其頭當知是人為釋迦
牟尼佛衣之所覆如是之人不復貪
著世樂不好外道經書字筆亦復不
意親近其人及諸惡者若屠兒若畜
猪羊鷄狗若獵師若街賣女色是人
心意質直有正憶念有福德力是人
不為三毒所惱亦不為嫉妬我慢邪
慢增上慢所惱是人少欲知足能修

普賢之行普賢若如來滅後後五百

歲若有人見受持讀誦法華經者應

作是念此人不久當詣道場破諸魔

衆得阿耨多羅三藐三菩提轉法輪

擊法鼓吹法鬘雨法雨當坐天人大

衆中師子法座上普賢若於後世受

持讀誦是經典者是人不得貪著衣

服卧具飲食資生之物所願不虛亦

於現世得其福報若有人輕毀之言

汝狂人耳空作是行終無所獲如是

罪報當世世無眼若有供養讚歎之

者當於今世得現果報若復見受持

是經者出其過惡若實若不實此人

現世得白癩病若有輕笑之者當世

世牙齒疎缺醜屑平鼻手脚繚戾眼

目角眯身體臭穢惡瘡膿血水腹短

氣諸惡重病是故普賢若見受持是

經者當起遠迎當如敬佛說是普賢

勸發品時恒河沙等無量無邊菩薩

得百千億旋陀羅尼三千大千世界

微塵等諸菩薩具普賢道

添品妙法蓮華經囑累品第二十七

尔時釋迦牟尼佛從座而起現大神

力以右手摩無量菩薩摩訶薩頂而作是言我於無量百千萬億阿僧祇劫修集是難得阿耨多羅三藐三菩提法今以付囑汝等汝等應當一心流布此法廣令增益如是三摩諸菩薩摩訶薩頂而作是言我於無量百千萬億阿僧祇劫修集是難得阿耨多羅三藐三菩提法今以付囑汝等汝當受持讀誦廣宣此法令一切衆生普得聞知所以者何如來有大慈悲無諸慳慓亦無所畏能與衆生佛之智慧如來智慧自然智慧如來是一切衆生之大施主汝等亦應隨學如來之法勿生慳慓於未來世若有善男子善女人信如來智慧者當為演說此法華經使得聞知為令其人得佛慧故若有衆生不信受者當於如來餘深法中亦教利喜汝等若能如是則為已報諸佛之恩時諸菩薩摩訶薩聞佛作是說已皆大歡喜遍滿其身益加恭敬曲躬低頭合掌向佛俱發聲言如世尊勅當具奉行唯然世尊願不有慮諸菩薩摩訶薩衆

如是三反俱發聲言如世尊勅當具
奉行唯然世尊願不有慮今時釋迦
牟尼佛令十方來諸分身佛各還本
土而作是言諸佛各隨所安多寶佛
塔還可如故說是語時十方無量分
身諸佛坐寶樹下師子座上者及多
寶佛并上行等無邊阿僧祇菩薩大
衆舍利弗等聲聞四衆及一切世間
天人阿脩羅等聞佛所說皆大歡喜
添品妙法蓮華經卷第七

壬寅歲高麗國大藏都監奉
勅彫造

維摩詰所說經 一名不可思議解脫名經 在

佛國品第一

姚秦三藏鳩摩羅什譯

如是我聞一時佛在毗耶離菴羅樹園與大比丘衆八千人俱菩薩三萬二千衆所知識大智本行皆悉成就諸佛威神之所建立為護法城受持正法能師子吼名聞十方衆人不請友而安之紹隆三寶能使不絕降伏魔怨制諸外道悉已清淨永離蓋纏心常安住無尋解脫念定穩持辯才不斷布施持戒忍辱精進禪定智慧及方便力無不具足逮無所得不起法忍已能隨順轉不退輪善解法相知衆生根蓋諸大衆得無所畏功德智慧以修其心相好嚴身色像第一捨諸世間所有飾好名稱高遠踰於須彌深信堅固猶若金剛法寶普照而雨甘露於衆言音微妙第一深入緣起斷諸邪見有無二邊無復餘習演法無畏猶師子吼其所講說乃如雷震無有量已過量集衆法實如海導

師了達諸法深妙之義善知衆生往來所趣及心所行近無等等佛自在慧十力無畏十八不共關閉一切諸惡趣門而生五道以現其身為大醫王善療衆病應病與藥今得服行無量功德皆成就無量佛土皆嚴淨其見聞者無不蒙益諸有所作亦不唐捐如是一切功德皆悉具足

其名曰等觀菩薩不等觀菩薩等不等觀菩薩定自在王菩薩法自在王菩薩法相菩薩光相菩薩光嚴菩薩大嚴菩薩寶積菩薩辯積菩薩寶手菩薩寶印手菩薩常舉手菩薩常下手菩薩常慘菩薩喜根菩薩喜王菩薩辯音菩薩虛空藏菩薩執寶炬菩薩寶勇菩薩寶見菩薩帝網菩薩明網菩薩無緣觀菩薩慧積菩薩寶勝菩薩天王菩薩壞魔菩薩電德菩薩自在王菩薩功德相嚴菩薩師子吼菩薩雷音菩薩山相擊音菩薩香鳥菩薩白香鳥菩薩常精進菩薩不休息菩薩妙生菩薩華嚴菩薩觀世音菩薩得大勢菩薩梵網菩薩寶杖菩

薩無勝菩薩嚴土菩薩金髻菩薩珠
髻菩薩弥勒菩薩文殊師利法王子
菩薩如是等三萬二千人

復有万梵天王尸棄等從餘四天下
來詣佛所而聽法復有萬二千天帝
亦從餘四天下來在會坐并餘大威
力諸天龍神夜叉軋闍婆阿脩羅迦
樓羅緊那羅摩睺羅伽等悉來會坐
諸比丘比丘尼優婆塞優婆夷俱來
會坐彼時佛與無量百千之衆恭敬
圍繞而為說法辟如須弥山王顯于
大海安處衆寶師子之座蔽於一切
諸來大衆

尔時毗耶離城有長者子名曰寶積
與五百長者子俱持七寶蓋來詣佛
所頭面礼足各以其蓋共供養佛佛
之威神令諸寶蓋合成一蓋遍覆三
千大千世界而此世界廣長之相悉
於中現又此三千大千世界諸須弥
山雪山目真隣陀山摩訶目真隣陀
山香山寶山金山黑山鐵圍山大鐵
圍山大海江河川流泉源及日月星
辰天宮龍宮諸尊神宮悉現於寶蓋

中又十方諸佛諸佛說法亦現於寶
蓋中。介時一切大衆覩佛神力歎未
曾有合掌禮佛瞻仰尊顏目不暫捨。
於是長者子寶積即於佛前以偈頌曰
目淨脩廣如青蓮 心淨已度諸禪定
久積淨業稱無量 導衆以寂故稽首
既見大聖以神變 普現十方無量土
其中諸佛演說法 於是一切悉見聞
法王法力超群生 常以法財施一切
能善分別諸法相 於第一義而不動
已於諸法得自在 是故稽首此法王
說法不有亦不無 以因緣故諸法生
無我無造無受者 善惡之業亦不亡
始在佛樹力降魔 得甘露滅覺道成
已無心意無受行 而悉摧伏諸外道
三轉法輪於大千 其輪本來常清淨
天人得道此為證 三寶於是現世間
以斯妙法濟群生 一受不退常寂然
度老病死大醫王 當礼法海德無邊
毀譽不動如須弥 於善不善等以慈
心行平等如虚空 孰聞人實不敬承
今奉世尊此微蓋 於中現我三千界
諸天龍神所居宮 乾闥婆等及夜叉

患見世間諸所有

十力哀現是化變

衆觀希有皆歎佛

今我稽首三界尊

大聖法王衆所歸

淨心觀佛靡不欣

各見世尊在其前

斯則神力不共法

佛以一音演說法

衆生隨類各得解

皆謂世尊同其語

斯則神力不共法

佛以一音演說法

衆生各各隨所解

普得受行獲其利

斯則神力不共法

佛以一音演說法

或有恐畏或歡喜

或生厭離或斷疑

斯則神力不共法

稽首十力大精進

稽首已得無所畏

稽首住於不共法

稽首一切大導師

稽首能斷衆結縛

稽首已到於彼岸

稽首能度諸世間

稽首永離生死道

悉知衆生來去相

善於諸法得解脫

不著世間如蓮華

常善入於空寂行

達諸法相無罣碍

稽首如空無所依

今時長者子寶積說此偈已白佛言

世尊是五百長者子皆已發阿耨多

羅三藐三菩提心願聞得佛國土清

淨唯願世尊說諸菩薩淨土之行佛

言善哉寶積乃能為諸菩薩問於如

來淨土之行諦聽諦聽善思念之當

為汝說於是寶積及五百長者子受教而聽佛言寶積衆生之類是菩薩佛土所以者何菩薩隨所化衆生而取佛土隨所調伏衆生而取佛土隨諸衆生應以何國入佛智慧而取佛土隨諸衆生應以何國起菩薩根而取佛土所以者何菩薩取於淨國皆為饒益諸衆生故譬如有人欲於空地造立宮室隨意無碍若於虛空終不能成菩薩如是為成就衆生故願取佛國願取佛國者非於空也寶積當知直心是菩薩淨土菩薩成佛時不諂衆生來生其國深心是菩薩淨土菩薩成佛時具足功德衆生來生其國菩提心是菩薩淨土菩薩成佛時大乘衆生來生其國布施是菩薩淨土菩薩成佛時一切能捨衆生來生其國持戒是菩薩淨土菩薩成佛時行十善道滿願衆生來生其國忍辱是菩薩淨土菩薩成佛時三十二相莊嚴衆生來生其國精進是菩薩淨土菩薩成佛時勤修一切功德衆生來生其國禪定是菩薩淨土菩薩

成佛時攝心不乱衆生來生其國智慧是菩薩淨土菩薩成佛時正定衆生來生其國四無量心是菩薩淨土菩薩成佛時成就慈悲喜捨衆生來生其國四攝法是菩薩淨土菩薩成佛時解脫所攝衆生來生其國方便是菩薩淨土菩薩成佛時於一切法方便無碍衆生來生其國三十七道品是菩薩淨土菩薩成佛時念處正勤神足根力覺道衆生來生其國迴向心是菩薩淨土菩薩成佛時得一切具足功德國土說除八難是菩薩淨土菩薩成佛時國土無有三惡八難自守戒行不譏彼闕是菩薩淨土菩薩成佛時國土無有犯禁之名十善是菩薩淨土菩薩成佛時命不中天大富梵行所言誠諦常以軟語眷屬不離善和諍訟言必饒益不嫉不恚正見衆生來生其國如是寶積菩薩隨其直心則能發行隨其發行則得深心隨其深心則意調伏隨意調伏則如說行隨如說行則能迴向隨其迴向則有方便隨其方便則成就

衆生隨成就衆生則佛土淨隨佛土淨則說法淨隨說法淨則智慧淨隨智慧淨則其心淨隨其心淨則一切功德淨是故寶積若菩薩欲得淨土當淨其心隨其心淨則佛土淨

尔時舍利弗承佛威神作是念若菩薩心淨則佛土淨者我世尊本為菩薩時意豈不淨而是佛土不淨若此佛知其念即告之言於意云何日月豈不淨耶而盲者不見對曰不也世尊是盲者過非日月各舍利弗衆生罪故不見如來佛土嚴淨非如來各舍利弗我此土淨而汝不見尔時螺髻梵王語舍利弗勿作是意謂此佛土以為不淨所以者何我見釋迦牟尼佛土清淨譬如自在天宮舍利弗言我見此土丘陵坑坎荆棘沙礫土石諸山穢惡充滿螺髻梵言仁者心有高下不依佛慧故見此土為不淨耳舍利弗菩薩於一切衆生悉皆平等深心清淨依佛智慧則能見此佛土清淨於是佛以足拍按地即時三千大千世界若干百千珍寶嚴飾辟

如寶莊嚴佛無量功德寶莊嚴土一切大衆歎未曾有而皆自見坐寶蓮華佛告舍利弗汝且觀是佛土嚴淨舍利弗言唯然世尊本所不見本所不聞今佛國土嚴淨悉現佛語舍利弗我佛國土常淨若此為欲度斯下劣人故示是衆惡不淨土耳譬如諸天共寶器食隨其福德飯色有異如是舍利弗若人心淨便見此土功德莊嚴當佛現此國土嚴淨之時寶積所將五百長者子皆得無生法忍八萬四千人皆發阿耨多羅三藐三菩提心佛攝神足於是世界還復如故求聲聞乘三萬二千天及人知有為法皆悉無常遠塵離垢得法眼淨八千比丘不受諸法漏盡意解

維摩詰所說經方便品第二

尔時毗耶離大城中有長者名維摩詰已曾供養無量諸佛深植善本得無生忍辯才無尋遊戲神通逮諸捨持獲無所畏降魔勞怨入深法門善於智度通達方便大願成就明了衆生心之所趣又能分別諸根利鈍久於

佛道心已純淑決定大乘諸有所作
能善思量住佛威儀心大如海諸佛
咨嗟弟子釋梵世主所敬欲度人故
以善方便居毗耶離資財無量攝諸
貧民奉戒清淨攝諸毀禁以忍調行
攝諸恚怒以大精進攝諸懈怠一心
禪寂攝諸亂意以決定慧攝諸無智
雖為白衣奉持沙門清淨律行雖處
居家不著三界亦有妻子常修梵行
現有眷屬常樂遠離雖服寶飾而以
相好嚴身雖復飲食而以禪悅為味
若至博奕戲處輒以度人受諸異道
不毀正信雖明世典常樂佛法一切
見敬為供養中軍執持正法攝諸長
幼一切治生諸偶雖獲俗利不以喜
悅遊諸四衢饒益衆生入治政法救
護一切入講論處導以大乘入諸學
堂誘開童蒙入諸婬舍示欲之過入
諸酒肆能立其志若在長者長者中
尊為說勝法若在居士居士中尊斷
其貪著若在刹利刹利中尊教以忍
辱若在婆羅門婆羅門中尊除其我
慢若在大臣大臣中尊教以正法若在

王子王子中尊亦以忠孝若在内官
内官中尊化政宮女若在庶民庶民
中尊令興福力若在梵天梵天中尊
誨以勝慧若在帝釋帝釋中尊亦現
無常若在護世護世中尊護諸衆生
長者維摩詰以如是等無量方便饒
益衆生其以方便現身有疾以其疾
故國王大臣長者居士婆羅門等及
諸王子并餘官屬無數千人皆往問
疾其往者維摩詰因以身疾廣為說
法諸仁者是身無常無強無力無堅
速朽之法不可信也為苦為惱衆病
所集諸仁者如此身明智者所不怙
是身如聚沫不可按摩是身如泡不
得久立是身如炎從渴愛生是身如
芭蕉中無有堅是身如幻從顛倒起
是身如夢為虛妄見是身如影從業
緣現是身如響屬諸因緣是身如浮
雲須臾變滅是身如電念念不住是
身無主為如地是身無我為如火是
身無壽為如風是身無人為如水是
身不實四大為家是身為空離我我
所是身無知如草木瓦礫是身無作

風力所轉是身不淨穢惡充滿是身
為虛偽雖假以澡浴衣食必歸磨滅
是身為災百一病惱是身如丘井為
老所逼是身無定為要當死是身如
毒蛇如怨賊如空聚陰界諸入所共
合成諸仁者此可患歎當樂佛身所
以者何佛身者即法身也從無量功
德智慧生從戒定慧解脫解脫知見
生從慈悲喜捨生從布施持戒忍辱
柔和勤行精進禪定解脫三昧多聞智
慧諸波羅蜜生從方便生從六通生
從三明生從三十七道品生從止觀生
從十力四無所畏十八不共法生從
斷一切不善法集一切善法生從真
實生從不放逸生從如是無量清淨
法生如來身諸仁者欲得佛身斷一
切衆生病者當發阿耨多羅三藐三
菩提心如是長者維摩詰為諸問疾
者如應說法令無數千人皆發阿耨
多羅三藐三菩提心

維摩詰所說經弟子品第三

尔時長者維摩詰自念寢疾于床世
尊大慈寧不垂憖佛知其意即告舍

利弗汝行詣維摩詰問疾舍利弗白
佛言世尊我不堪任詣彼問疾所以
者何憶念我昔曾於林中宴坐樹下
時維摩詰來謂我言唯舍利弗不必
是坐為宴坐也夫宴坐者不於三界
現身意是為宴坐不起滅定而現諸
威儀是為宴坐不捨道法而現凡夫
事是為宴坐心不住內亦不在外是
為宴坐於諸見不動而修行三十七
品是為宴坐不斷煩惱而入涅槃是
為宴坐若能如是坐者佛所印可時
我世尊聞說是語嘿然而止不能加
報故我不任詣彼問疾

佛告大目犍連汝行詣維摩詰問疾
目連白佛言世尊我不堪任詣彼問
疾所以者何憶念我昔入毗耶離大
城於里巷中為諸居士說法時維摩
詰來謂我言唯大目連為白衣居士
說法不當如仁者所說夫說法者當
如法說法無衆生離衆生垢故法無
有我離我垢故法無壽命離生死故
法無有人前後際斷故法常寂然滅
諸相故法離於相無所緣故法無名

字言語斷故法無有說離覺觀故法
無形相如虛空故法無戲論畢竟空
故法無我所離我所故法無分別離
諸識故法無有比無相待故法不屬
因不在緣故法同法性入諸法故法
隨於如無所隨故法住實際諸邊不
動故法無動搖不依六塵故法無去
來常不住故法順空隨無相應無作
法離好醜法無增損法無生滅法無
所歸法過眼耳鼻舌身心法無高下
法常住不動法離一切觀行唯大目
連法相如是豈可說乎夫說法者無
說無示其聽法者無聞無得譬如幻
士為幻人說法當建是意而為說法
當了衆生根有利鈍善於知見無所
罣碍以大悲心讚于大乘念報佛恩
不斷三寶然後說法維摩詰說是法
時八百居士發阿耨多羅三藐三菩
提心我無此辯是故不任詣彼問疾
佛告大迦葉汝行詣維摩詰問疾迦
葉白佛言世尊我不堪任詣彼問疾
所以者何憶念我昔於貧里而行乞
時維摩詰來謂我言唯大迦葉有慈

悲心而不能普捨豪富從貧乞迦葉
住平等法應次行乞食為不食故應
行乞食為壞和合相故應取揣食為
不受故應受彼食以空聚想入於聚
落所見色與盲等所聞聲與聾等所
嗅香與風等所食味不分別受諸觸
如智證知諸法如幻相無自性無他
性本自不然今則無滅迦葉若能不
捨八邪入八解脫以邪相入正法以
一食施一切供養諸佛及衆賢聖然
後可食如是食者非有煩惱非離煩
惱非入定意非起定意非住世間非
住涅槃其有施者無大福無小福不
為益不為損是為正入佛道不依聲
聞迦葉若如是食為不空食人之施
也時我世尊聞說是語得未曾有即
於一切菩薩深起敬心復作是念斯
有家名辯才智慧乃能如是其誰
聞此不發阿耨多羅三藐三菩提心
我從是來不復勸人以聲聞辟支佛
行是故不任詣彼問疾

佛告須菩提汝行詣維摩詰問疾須
菩提白佛言世尊我不堪任詣彼問

疾所以者何憶念我昔入其舍從乞
食時維摩詰取我鉢盛滿飯謂我言
唯須菩提若能於食等者諸法亦等
諸法等者於食亦等如是行乞乃可
取食若須菩提不斷婬怒癡亦不與
俱不壞於身而隨一相不滅癡愛起
於明脫以五逆相而得解脫亦不解不
縛不見四諦非不見諦非得果非不得
果非凡夫非離凡夫法非聖人非不聖
人雖成就一切法而離諸法相乃可取
食若須菩提不見佛不聞法彼外道
六師富蘭那迦葉末伽梨拘蹉梨子
刪闍夜毗羅胝子阿耆多翅舍欽婆
羅迦羅鳩駄迦旃延尼犍陀若提子
等是汝之師因其出家彼師所墮汝
亦隨墮乃可取食若須菩提入諸邪
見不到彼岸住於八難不得無難同
於煩惱離清淨法汝得無諍三昧一
切衆生亦得是定其施汝者不名福
田供養汝者墮三惡道為與衆魔共
一乎作諸勞侶汝與衆魔及諸塵勞
等無有異於一切衆生而有怨心謗
諸佛毀於法不入衆數終不得滅度

汝若如是乃可取食時我世尊聞此語
茫然不識是何言不知以何答便置
鉢欲出其舍維摩詰言唯須菩提取
鉢勿懼於意云何如來所作化人若
以是事詰寧有懼不我言不也維摩
詰言一切諸法如幻化相汝今不應
有所懼也所以者何一切言說不離
是相至於智者不著文字故無所懼
何以故文字性離無有文字是則解
脫解脫相者則諸法也維摩詰說是
法時二白天子得法眼淨故我不任
詣彼問疾

佛告富樓那彌多羅尼子汝行詣維
摩詰問疾富樓那白佛言世尊我不
堪任詣彼問疾所以者何憶念我昔
於大林中在一樹下為諸新學比丘
說法時維摩詰來謂我言唯富樓那
先當入定觀此人心然後說法無以
穢食置於寶器當知是比丘心之所
念無以琉璃同彼水精汝不能知衆
生根源無得發起以小乘法彼自無
瘡勿傷之也欲行大道莫示小徑無
以大海內於牛跡無以日光等彼螢

火富樓那此比丘久發大乘心中忘此意如何以小乘法而教導之我觀小乘智慧微淺猶如盲人不能分別一切眾生根之利鈍時維摩詰即入三昧令此比丘自識宿命曾於五百佛所植衆德本迴向阿耨多羅三藐三菩提即時豁然還得本心於是諸比丘稽首禮維摩詰足時維摩詰因為說法於阿耨多羅三藐三菩提不復退轉我念聲聞不觀人根不應說法是故不任詣彼問疾

佛告摩訶迦旃延汝行詣維摩詰問疾迦旃延白佛言世尊我不堪任詣彼問疾所以者何憶念昔者佛為諸比丘略說法要我即於後敷演其義謂無常義苦義空義無我義寂滅義時維摩詰來謂我言唯迦旃延無以生滅心行說實相法迦旃延諸法畢竟不生不滅是無常義五受陰洞達空無所起是苦義諸法究竟無所有是空義於我無我而二是不二是我義法本不然今則無滅是寂滅義說是法時彼諸比丘心得解脫故我不任

詣彼問疾

佛告阿那律汝行詣維摩詰問疾阿
那律白佛言世尊我不堪任詣彼問
疾所以者何憶念我昔於一處經行
時有梵王名曰嚴淨與万梵俱放淨
光明來詣我所稽首作禮問我言幾
何阿那律天眼所見我即荅言仁者
吾見此釋迦牟尼佛土三千大千世
界如觀掌中菴摩勒果時維摩詰來
謂我言唯阿那律天眼所見為作相
耶無作相耶假使作相則與外道五
通等若無作相即是無為不應有見
世尊我時嘿然彼諸梵聞其言得未
曾有即為作禮而問曰世孰有真天
眼者維摩詰言有佛世尊得真天眼
常在三昧悉見諸佛國不以二相於
是嚴淨梵王及其眷屬五百梵天皆
發阿耨多羅三藐三菩提心禮維摩
詰足已忽然不現故我不任詣彼問疾
佛告優波離汝行詣維摩詰問疾優
波離白佛言世尊我不堪任詣彼問
疾所以者何憶念昔者有二比丘犯
律行以為耻不敢問佛來問我言唯

優波離我等犯律誠以為耻不敢問
佛願解疑悔得免斯咎我即為其如
法解說時維摩詰來謂我言唯優波
離無重增此二比丘罪當直除滅勿
擾其心所以者何彼罪性不在內不
在外不在中間如佛所說心垢故衆
生垢心淨故衆生淨心亦不在內不
在外不在中間如其心然罪垢亦然
諸法亦然不出於如如優波離以心
相得解脫時寧有垢不我言不也維
摩詰言一切衆生心相無垢亦復如
是唯優波離妄想是垢無妄想是淨
顛倒是垢無顛倒是淨取我是垢不
如幻如電諸法不相待乃至一念不
住諸法皆妄見如夢如炎如水中月
如鏡中像以妄想生其知此者是名
奉律其知此者是名善解於是二比
丘言上智哉是優波離所不能及持律
之上而不能說我即答言自捨如來未
有聲聞及菩薩能制其樂說之辯其
智慧明達為若此也時二比丘疑悔
即除發阿耨多羅三藐三菩提心作

是願言今一切衆生皆得是辯故我不任詣彼問疾

佛告羅睺羅汝行詣維摩詰問疾羅睺羅白佛言世尊我不堪任詣彼問疾所以者何憶念昔時毗耶離諸長者子來詣我所稽首作禮問我言唯羅睺羅汝佛之子捨轉輪王位出家為道其出家者有何等利我即如法為說出家功德之利時維摩詰來謂我言唯羅睺羅不應說出家功德之利所以者何無利無功德是為出家有為法者可說有利有功德夫出家者為無為法無為法中無利無功德羅睺羅出家者無彼無此亦無中間離六十二見處於涅槃智者所受聖所行處降伏衆魔度五道淨五眼得五力立五根不惱於彼離衆雜惡摧諸外道超越假名出淤泥無繫著無我所無所受無擾亂內懷喜護彼意隨禪定離衆過若能如是是真出家於是維摩詰語諸長者子汝等於正法中宜共出家所以者何佛世難值諸長者子言居士我聞佛言父母不

聽不得出家維摩詰言然汝等便發
阿耨多羅三藐三菩提心是即出家
是即具足今時三十二長者子皆發
阿耨多羅三藐三菩提心故我不任
詣彼問疾

佛告阿難汝行詣維摩詰問疾阿難
白佛言世尊我不堪任詣彼問疾所
以者何憶念昔時世尊身小有疾當
用牛乳我即持鉢詣大婆羅門家門
下立時維摩詰來謂我言唯阿難何
為晨朝持鉢住此我言居士世尊身
小有疾當用牛乳故來至此維摩詰
言止止阿難莫作是語如來身者金
剛之體諸惡已斷眾善普會當有何
疾當有何惱嘿往阿難勿謗如來莫
使異人聞此虛言無令大威德諸天
及他方淨土諸來菩薩得聞斯語阿
難轉輪聖王以少福故尚得無病豈
況如來無量福會普勝者哉行矣阿
難勿使我等受斯耻也外道梵志若
聞此語當作是念何名為師自疾不
能救而能救諸疾仁可密速去勿使
人聞當知阿難諸如來身即是法身

非思欲身佛為世尊過於三界佛身
無漏諸漏已盡佛身無為不墮諸數如
此之身當有何疾當有何惱時我世尊
實懷慙愧得無近佛而謬聽耶即聞空
中聲曰阿難如居士言但為佛出五濁
惡世現行斯法度脫衆生行矣阿難
取乳勿慚世尊維摩詰智慧辯才為
若此也是故不任詣彼問疾如是五
百大弟子各各向佛說其本緣稱述
維摩詰所言皆曰不任詣彼問疾
維摩詰所說經菩薩品第四

於是佛告弥勒菩薩汝行詣維摩詰
問疾弥勒白佛言世尊我不堪任詣
彼問疾所以者何憶念我昔為兜率
天王及其眷屬說不退轉地之行時
維摩詰來謂我言弥勒世尊授仁者記
一生當得阿耨多羅三藐三菩提為
用何生得受記乎過去耶未來耶現
在耶若過去生過去生已滅若未來
生未來生未至若現在生現在生無
住如佛所說比丘汝今即時亦生亦
老亦滅若以無生得受記者無生即
是正位於正位中亦無受記亦無得

阿耨多羅三藐三菩提云何弥勒受
一生記乎為從如生得受記耶為從
如滅得受記耶若以如生得受記者
如無有生若以如滅得受記者如無
有滅一切衆生皆如也一切法亦如
也衆聖賢亦如也至於弥勒亦如也
若弥勒得受記者一切衆生亦應受
記所以者何夫如者不二不異若弥
勒得阿耨多羅三藐三菩提者一切
衆生皆亦應得所以者何一切衆生
即菩提相若弥勒得滅度者一切衆
生亦應滅度所以者何諸佛知一切
衆生畢竟寂滅即涅槃相不復更滅
是故弥勒無以此法誘諸天子實無
發阿耨多羅三藐三菩提心者亦無
退者弥勒當令此諸天子捨於分別
菩提之見所以者何菩提者不可以
身得不可以心得寂滅是菩提滅諸
相故不觀是菩提離諸緣故不行是
菩提無憶念故斷是菩提捨諸見故
離是菩提離諸妄想故障是菩提障
諸願故不入是菩提無貪著故順是
菩提順於如故住是菩提住法性故

至是菩提至實際故不二是菩提離
意法故等是菩提等虛空故無為是
菩提無生住滅故知是菩提了衆生
心行故不會是菩提諸入不會故不
合是菩提離煩惱習故無處是菩提
無形色故假名是菩提名字空故如
化是菩提無取捨故無乱是菩提常
自靜故善寂是菩提性清淨故無取
是菩提離攀緣故無異是菩提諸法
等故無比是菩提無可喻故微妙是
菩提諸法難知故世尊維摩詰說是
法時二白天子得無生法忍故我不
任詣彼問疾

佛告光嚴童子汝行詣維摩詰問疾
光嚴白佛言世尊我不堪任詣彼問
疾所以者何憶念我昔出毗耶離大
城時維摩詰方入城我即為作礼而
問言居士從何所來答我言吾從道
場來我問道場者何所是答曰直心
是道場無虛假故發行是道場能辦
事故深心是道場增益功德故菩提
心是道場無錯謬故布施是道場不
望報故持戒是道場得願具故忍辱

是道場於諸衆生心無碍故精進是道
場不懈退故禪定是道場心調柔故
智慧是道場現見諸法故慈是道場
等衆生故悲是道場忍疲苦故喜是
道場悅樂法故捨是道場憎愛斷故
神通是道場成就六通故解脫是道
場能背捨故方便是道場教化衆生
故四攝是道場攝衆生故多聞是道
場如聞行故伏心是道場正觀諸法
故三十七品是道場捨有為法故諦
是道場不誑世間故緣起是道場無
明乃至老死皆無盡故諸煩惱是道
場知如實故衆生是道場知無我故
一切法是道場知諸法空故降魔是
道場不傾動故三界是道場無所趣
故師子吼是道場無所畏故力無畏
不共法是道場無諸過故三明是道
場無餘碍故一念知一切法是道場
成就一切智故如是善男子菩薩若
應諸波羅蜜教化衆生諸有所作舉
足下足當知皆從道場來住於佛法
矣說是法時五百天人皆發阿耨多
羅三藐三菩提心故我不任誼彼問疾

佛告持世菩薩汝行詣維摩詰問疾
持世白佛言世尊我不堪任詣彼問
疾所以者何憶念我昔住於靜室時
魔波旬從萬二千天女狀如帝釋鼓
樂絃歌來詣我所與其眷屬稽首我
足合掌恭敬於一面立我意謂是帝
釋而語之言善來憍尸迦雖福應有
不當自恣當觀五欲無常以求善本
於身命財而修堅法即語我言正士
受是萬二千天女可徧掃灑我言憍
尸迦無以此非法之物要我沙門釋
子此非我宜所言未訖時維摩詰來
謂我言非帝釋也是為魔來燒因汝
耳即語魔言是諸女等可以與我如
我應受魔即驚懼念維摩詰將無惱
我欲隱形去而不能隱盡其神力亦
不得去即聞空中聲曰波旬以女與
之乃可得去魔以畏故俛仰而與余
時維摩詰語諸女言魔以汝等與我
今汝皆當發阿耨多羅三藐三菩提
心即隨所應而為說法令發道意復
言汝等已發道意有法樂可以自娛
不應復樂五欲樂也天女即問何謂

法樂答言樂常信佛樂欲聽法樂供
養眾樂離五欲樂觀五陰如怨賊樂
觀四大如毒蛇樂觀內入如空聚樂
隨護道意樂饒益眾生樂敬養師樂
廣行施樂堅持戒樂忍辱柔和樂勤
集善根樂禪定不乱樂離垢明慧樂
廣菩提心樂降伏眾魔樂斷諸煩惱
樂淨佛國土樂成就相好故修諸功
德樂嚴道場樂聞深法不畏樂三脫
門不樂非時樂近同學樂於非同學
中心無恚尋樂將護惡知識樂親近善
知識樂心喜清淨樂修無量道品之
法是為菩薩法樂於是波旬告諸女
言我欲與汝俱還天宮諸女言以我
等與山居士有法樂我等甚樂不復
樂五欲樂也魔言居士可捨此女一
切所有施於彼者是為菩薩維摩詰
言我已捨矣汝便將去令一切眾生
得法願具足於是諸女問維摩詰我
等云何止於魔宮維摩詰言諸姊有
法門名無盡燈汝等當學無盡燈者
譬如一燈然百千燈冥者皆明明終
不盡如是諸姊夫一菩薩開導百千

衆生令發阿耨多羅三藐三菩提心
於其道意亦不減盡隨所說法而自
增益一切善法是名無盡燈也汝等
雖住魔宮以是無盡燈令無數天子
天女發阿耨多羅三藐三菩提心者
為報佛恩亦大饒益一切衆生今時
天女頭面礼維摩詰足隨魔還宮忽
然不現世尊維摩詰有如是自在神
力智慧辯才故我不任詣彼問疾
佛告長者子善德汝行詣維摩詰問
疾善德白佛言世尊我不堪任詣彼
問疾所以者何憶念我昔自於父舍
設大施會供養一切沙門婆羅門及
諸外道貧窮下賤孤獨乞人期滿七
日時維摩詰來入會中謂我言長者
子夫大施會不當如汝所設當為法
施之會何用是財施會為我言居士
何謂法施之會答曰法施會者無前無
後一時供養一切衆生是名法施之會
曰何謂也謂以菩提起於慈心以救衆
生起大悲心以持正法起於喜心以
攝智慧行於捨心以攝慳貪起檀波
羅蜜以化犯戒起尸羅波羅蜜以無

我法起羣提波羅蜜以離身心相起
毗梨耶波羅蜜以菩提相起禪波羅
蜜以一切智起般若波羅蜜教化衆
生而起於空不捨有為法而起無相
示現受生而起無作護持正法起方
便力以度衆生起四攝法以敬事一
切起除慢法於身命財起三堅法於
六念中起思念法於六和敬起質直
心正行善法起於淨命心淨歡喜起
近賢聖不憎惡人起調伏心以出家
法起於深心以如說行起於多聞以
無諍法起空閑處趣向佛慧起於宴
坐解衆生縛起修行地以具相好及
淨佛土起福德業知一切衆生心念
如應說法起於智業知一切法不取
不捨入一相門起於慧業斷一切煩
惱一切障尋一切不善法起一切善
業以得一切智慧一切善法起於一
切助佛道法如是善男子是為法施
之會若菩薩住是法施會者為大施
主亦為一切世間福田世尊維摩詰
說是法時婆羅門衆中二百人皆發
阿耨多羅三藐三菩提心我時心得

清淨歎未曾有稽首礼維摩詰足即
解瓔珞價直百千以上之不肯取我
言居士願必納受隨意所與維摩詰
乃受瓔珞分作二分持一分施此會
中一軍下乞人持一分奉彼難勝如
來一切衆會皆見光明國土難勝如
來又見珠瓔在彼佛上變成四柱寶
臺四面嚴飾不相障蔽時維摩詰
現神變已作是言若施主等心施一
軍下乞人猶如如來福田之相無所
分別等于大悲不求果報是則名曰
具足法施城中一軍下乞人見是神
力聞其所說皆發阿耨多羅三藐三
菩提心故我不任誚彼問疾如是諸
菩薩各各向佛說其本緣稱述維摩
詰所言皆曰不任誚彼問疾

維摩詰經卷上

壬寅歲高麗國大藏都監奉
勅彫造

維摩詰所說經卷中

在

齋

姚秦三藏鳩摩羅什譯

文殊師利問疾品第五

尔時佛告文殊師利汝行詣維摩詰問疾文殊師利白佛言世尊彼上人者難為訓對深達實相善說法要辯才無滯智慧無碍一切菩薩法式悉知諸佛秘藏無不得入降伏衆魔遊戲神通其慧方便皆已得度雖然當承佛聖旨詣彼問疾於是衆中諸菩薩大弟子釋梵四天王等咸作是念今二大士文殊師利維摩詰共談必說妙法即時八千菩薩五百聲聞百千天人皆欲隨從於是文殊師利與諸菩薩大弟子衆及諸天人恭敬圍繞入毗耶離大城尔時長者維摩詰心念今文殊師利與大衆俱來即以神力空其室內除去所有及諸侍者唯置一牀以疾而卧文殊師利既入其舍見其室空無諸所有獨寢一牀時維摩詰言善來文殊師利不來相而來不見相而見文殊師利言如是居

士若來已更不來若去已更不去所以者何來者無所從來去者無所至所可見者更不可見且置是事居士是疾寧可忍不療治有損不至增乎世尊慙懃致問無量居士是疾何所因起其生久如當云何滅維摩詰言從癡有愛則我病生以一切衆生病是故我病若一切衆生病滅則我病滅所以者何菩薩為衆生故入生死有生死則有病若衆生得離病者則菩薩無復病譬如長者唯有一子其子得病父母亦病若子病愈父母亦愈菩薩如是於諸衆生愛之若子衆生病則菩薩病衆生病愈菩薩亦愈又言是疾何所因起菩薩病者以大悲起文殊師利言居士此室何以空無侍者維摩詰言諸佛國土亦復皆空又問以何為空答曰以空空又問空何用空答曰以無分別空故空又問問空可分別耶答曰分別亦空又問空當於何求答曰當於六十二見中求又問六十二見當於何求答曰當於諸佛解脫中求又問諸佛解脫當

於何求答曰當於一切衆生心術中求又仁所問何無侍者一切衆魔及諸外道皆吾侍也所以者何衆魔者樂生死菩薩於生死而不捨外道者樂諸見菩薩於諸見而不動文殊師利言居士所疾為何等相維摩詰言我病無形不可見又問此病身合耶心合耶答曰非身合身相離故亦非心合心如幻故又問地大水大火大風大於此四大何大之病答曰是病非地大亦不離地大水火風大亦復如是而衆生病從四大起以其有病是故我病今時文殊師利問維摩詰言菩薩應去何慰喻有疾菩薩維摩詰言說身無常不說厭離於身說身有苦不說樂於涅槃說身無我而說教導衆生說身空寂不說畢竟寂滅說悔先罪而不說入於過去以已之疾慰於彼疾當識宿世無數劫苦當念饒益一切衆生憶所修福念於淨命勿生憂惱常起精進當作醫王療治衆病菩薩應如是慰喻有疾菩薩令其歡喜文殊師利言居士有疾苦

薩云何調伏其心維摩詰言有疾菩薩應作是念今我此病皆從前世妄想顛倒諸煩惱生無有實法誰受病者所以者何四大合故假名為身四大無主身亦無我又此病起皆由著我是故於我不應生著既知病本即除我想及衆生想當起法想應作是念但以衆法合成此身起唯法起滅唯法滅又此法者各不相知起時不言我起滅時不言我滅彼有疾菩薩為滅法想當作是念此法想者亦是顛倒顛倒者是即大患我應離之云何為離離我我所云何離我我所謂離二法云何離二法謂不念內外諸法行於平等云何平等謂我等涅槃等所以者何我及涅槃此二皆空以何為空但以名字故空如此二法無決定性得是平等無有餘病唯有空病空病亦空是有疾菩薩以無所受而受諸受未具佛法亦不滅受而取證也設身有苦念惡趣衆生起大悲心我既調伏亦當調伏一切衆生但除其病而不除法為斷病本而教導

之何謂病本謂有攀緣從有攀緣則為病本何所攀緣謂之三界云何斷攀緣以無所得若無所得則無攀緣何謂無所得謂離二見何謂二見謂內見外見是無所得文殊師利是為有疾菩薩調伏其心為斷老病死苦是菩薩菩提若不如是已所修治為無慧利譬如勝怨乃可為勇如是兼除老病死者菩薩之謂也彼有疾菩薩應復作是念如我此病非真非有衆生病亦非真非有作是觀時於諸衆生若起愛見大悲即應捨離所以者何菩薩斷除客塵煩惱而起大悲愛見悲者則於生死有疲厭心若能離此無有疲厭在在所生不為愛見之所覆也所生無縛能為衆生說法解縛如佛所說若自有縛能解彼縛無有是處若自無縛能解彼縛斯有是處是故菩薩不應起縛何謂縛何謂解貪著禪味是菩薩縛以方便生是菩薩解又無方便慧縛有方便慧解無慧方便縛有慧方便解何謂無方便慧縛謂菩薩以愛見心莊嚴佛

土成就衆生於空無相無作法中而
自調伏是名無方便慧縛何謂有方
便慧解謂不以愛見心莊嚴佛土成
就衆生於空無相無作法中以自調
伏而不疲厭是名有方便慧解何謂
無慧方便縛謂菩薩住貪欲瞋恚邪
見等諸煩惱而植衆德本是名無慧
方便縛何謂有慧方便解謂離諸貪
欲瞋恚邪見等諸煩惱而植衆德本
廻向阿耨多羅三藐三菩提是名有
慧方便解文殊師利彼有疾菩薩應
如是觀諸法又復觀身無常苦空非
我是名為慧雖身有疾常在生死饒
益一切而不厭倦是名方便又復觀
身身不離病病不離身是病是身非
新非故是名為慧設身有疾而不永
滅是名方便文殊師利有疾菩薩應
如是調伏其心不住其中亦復不住
不調伏心所以者何若住不調伏心
是愚人法若住調伏心是聲聞法是
故菩薩不當住於調伏不調伏心離
此二法是菩薩行在於生死不為汙
行住於涅槃不永滅度是菩薩行非

凡夫行非賢聖行是菩薩行非垢行
非淨行是菩薩行雖過魔行而現降
衆魔是菩薩行求一切智無非時求
是菩薩行雖觀諸法不生而不入正
位是菩薩行雖觀十二緣起而入諸
邪見是菩薩行雖攝一切衆生而不
愛著是菩薩行雖樂遠離而不依身
心盡是菩薩行雖行三界而不壞法
性是菩薩行雖行於空而植衆德本
是菩薩行雖行無相而度衆生是菩
薩行雖行無作而現受身是菩薩行
雖行無起而起一切善行是菩薩行
雖行六波羅蜜而遍知衆生心心數
法是菩薩行雖行六通而不盡漏是
菩薩行雖行四無量心而不貪著生
於梵世是菩薩行雖行禪定解脫三
昧而不隨禪生是菩薩行雖行四念
處而不永離身受心法是菩薩行雖
行四正勤而不捨身心精進是菩薩
行雖行四如意足而得自在神通是
菩薩行雖行五根而分別衆生諸根
利鈍是菩薩行雖行五力而樂求佛
十力是菩薩行雖行七覺分而分別

佛之智慧是菩薩行雖行八聖道而樂行無量佛道是菩薩行雖行止觀助道之法而不畢竟墮於寂滅是菩薩行雖行諸法不生不滅而以相好莊嚴其身是菩薩行雖現聲聞辟支佛威儀而不捨佛法是菩薩行雖隨諸法究竟淨相而隨所應為現其身是菩薩行雖觀諸佛國土永寂如空而現種種清淨佛土是菩薩行雖得佛道轉于法輪入於涅槃而不捨於菩薩之道是菩薩行說是語時文殊師利所將大眾其中八千天子皆發阿耨多羅三藐三菩提心

維摩詰所說經不思議品第六

今時舍利弗見此室中無有牀座作是念斯諸菩薩大弟子衆當於何坐長者維摩詰知其意語舍利弗言云何仁者為法來耶求牀座耶舍利弗言我為法來非為牀座維摩詰言唯舍利弗夫求法者不貪軀命何況牀座夫求法者非有色受想行識之求非有界入之求非有欲色無色之求唯舍利弗夫求法者不著佛求不著

法求不著衆求夫求法者無見苦求
無斷集求無造盡證修道之求所以
者何法無戲論若言我當見苦斷集
證滅修道是則戲論非求法也唯舍
利弗法名寂滅若行生滅是求生滅
非求法也法名無染若染於法乃至
涅槃是則染著非求法也法無行處
若行於法是則行處非求法也法無
取捨若取捨法是則取捨非求法也
法無處所若著處所是則著處非求
法也法名無相若隨相識是則求相
非求法也法不可住若住於法是則
住法非求法也法不可見聞覺知若
行見聞覺知是則見聞覺知非求法
也法名無為若行有為是求有為非
求法也是故舍利弗若求法者於一
切法應無所求說是語時五百天子
於諸法中得法眼淨

尔時長者維摩詰問文殊師利仁者
遊於無量千万億阿僧祇國何等佛
土有好上妙功德成就師子之座文
殊師利言居士東方度三十六恒河
沙國有世界名須弥相其佛号須弥

燈王今現在彼佛身長八万四千由旬其師子座高八万四千由旬嚴飾第一於是長者維摩詰現神通力即時彼佛遣三万二千師子座高廣嚴淨來入維摩詰室諸菩薩大弟子釋梵四天王等昔所未見其室廣博悉皆包容三万二千師子座無所妨碍於毗耶離城及閻浮提四天下亦不迫迫悉見如故

余時維摩詰語文殊師利就師子座與諸菩薩上人俱坐當自立身如彼座像其得神通菩薩即自變形為四万二千由旬坐師子座諸新發意菩薩及大弟子皆不能昇今時維摩詰語舍利弗就師子座舍利弗言居士此座高廣吾不能昇維摩詰言唯舍利弗為須弥燈王如來作礼乃可得坐於是新發意菩薩及大弟子即為須弥燈王如來作礼便得坐師子座舍利弗言居士未曾有也如是小室乃容受此高廣之座於毗耶離城無所妨碍又於閻浮提聚落城邑及四天下諸天龍王鬼神宮殿亦不迫迫

維摩詰言唯舍利弗諸佛菩薩有解脫名不可思議若菩薩住是解脫者以須弥之高廣内芥子中無所增減須弥山王本相如故而四天王忉利諸天不覺不知已之所入唯應度者乃見須弥入芥子中是名住不思議解脫法門又以四海水入一毛孔不燒魚鼈黿鼉水性之屬而彼大海本相如故諸龍鬼神阿修羅等不覺不知已之所入於此衆生亦無所燒又舍利弗住不可思議解脫菩薩斷取三千大千世界如陶家輪著右掌中擲過恒河沙世界之外其中衆生不覺不知已之所往又復還置本處都不使人有往來想而此世界本相如故又舍利弗或有衆生樂久住世而可度者菩薩即延七日以為一劫令彼衆生謂之一劫或有衆生不樂久住而可度者菩薩即促一劫以為七日令彼衆生謂之七日又舍利弗住不可思議解脫菩薩以一切佛土嚴飾之事集在一國示於衆生又菩薩以一佛上衆生置之右掌飛到十

方遍示一切而不動本處又舍利弗
十方衆生供養諸佛之具菩薩於一
毛孔皆令得見又十方國土所有日
月星宿於一毛孔普使見之又舍利
弗十方世界所有諸風菩薩悉能吸
著口中而身無損外諸樹木亦不摧
折又十方世界劫盡燒時以一切火
內於腹中火事如故而不為害又於
下方過恒河沙等諸佛世界取一佛
土舉著上方過恒河沙無數世界如
持鍼鋒舉一棗葉而無所燒又舍利
弗住不可思議解脫菩薩能以神通
現作佛身或現辟支佛身或現聲聞
身或現帝釋身或現梵王身或現世
主身或現轉輪王身又十方世界所
有衆聲上中下音皆能變之令作佛
聲演出無常苦空無我之音及十方
諸佛所說種種之法皆於其中普令
得聞舍利弗我今略說菩薩不可思
議解脫之力若廣說者窮劫不盡是
時大迦葉聞說菩薩不可思議解脫
法門歎未曾有謂舍利弗辟如有人
於盲者前現衆色像非彼所見一切

聲聞聞是不可思議解脫法門不能
解了為若此也智者聞是其誰不發
阿耨多羅三藐三菩提心我等何為
永絕其根於此大乘已如敗種一切
聲聞聞是不可思議解脫法門皆應
號泣聲震三千大千世界一切菩薩
應大欣慶頂受此法若有菩薩信解
不可思議解脫法門者一切魔眾無
如之何大迦葉說是語時三萬二千
天子皆發阿耨多羅三藐三菩提心
尔時維摩詰語大迦葉仁者十方無
量阿僧祇世界中作魔王者多是住
不可思議解脫菩薩以方便力教化
眾生現作魔王又迦葉十方無量菩
薩或有人從乞手足耳鼻頭目髓腦
血肉皮骨聚落城邑妻子奴婢烏馬
車乘金銀琉璃車渠馬瑠璃琥珀
真珠珂貝衣服飲食如此乞者多是
住不可思議解脫菩薩以方便力而
往誡之令其堅固所以者何住不可
思議解脫菩薩有威德力故現行逼
迫示諸眾生如是難事凡夫下劣無
有力勢不能如是逼迫菩薩譬如龍

爲是躡非驢所堪是名住不可思議
解脫菩薩智慧方便之門

維摩詰所說經觀衆生品第七

尔時文殊師利問維摩詰言菩薩云
何觀於衆生維摩詰言譬如幻師見
所幻人菩薩觀衆生為若此如智者
見水中月如鏡中見其面像如熱時
燄如呼聲響如空中雲如水聚沫如
水上泡如芭蕉堅如電久住如第五
大如第六陰如第七情如十三入如
十九界菩薩觀衆生為若此如無色
界色如焦穀牙如須陀洹身見如阿
那含入胎如阿羅漢三毒如得忍菩
薩貪恚毀禁如佛煩惱習如盲者見
色如入滅盡定出入息如空中鳥跡如
石女兒如化人起煩惱如夢所見已寤
如滅度者受身如無烟之火菩薩觀
衆生為若此

文殊師利言若菩薩作是觀者云何
行慈維摩詰言菩薩作是觀已自念
我當為衆生說如斯法是即真實慈
也行寂滅慈無所生故行不熱慈無
煩惱故行等之慈等三世故行無諍

慈無所起故行不二慈內外不合故
行不壞慈畢竟盡故行堅固慈心無
毀故行清淨慈諸法性淨故行無邊
慈如虛空故行阿羅漢慈破結賊故
行菩薩慈安衆生故行如來慈得安
相故行佛之慈覺衆生故行自然慈
無因得故行菩提慈等一味故行無
等慈斷諸愛故行大悲慈導以大乘
故行無厭慈觀空無我故行法施慈
無遺惜故行持戒慈化毀禁故行忍
辱慈護彼我故行精進慈荷負衆生
故行禪定慈不受味故行智慧慈無
不知時故行方便慈一切示現故行
無隱慈直心清淨故行深心慈無雜
行故行無誑慈不虛假故行安樂慈
令得佛樂故菩薩之慈為若此也
文殊師利又問何謂為悲答曰菩薩
所作功德皆與一切衆生共之何謂
為喜答曰有所饒益歡喜無悔何謂
為捨答曰所作福祐無所怖望文殊
師利又問生死有畏菩薩當何所依
維摩詰言菩薩於生死畏中當依如
來功德之力文殊師利又問菩薩欲

依如來功德之力當於何住答曰菩薩欲依如來功德力者當住度脫一切衆生又問欲度衆生當何所除答曰欲度衆生除其煩惱又問欲除煩惱當何所行答曰當行正念又問云何行於正念答曰當行不生不滅又問何法不生何法不滅答曰不善不生善法不滅又問善不善孰為本答曰身為本又問身孰為本答曰欲貪為本又問欲貪孰為本答曰虛妄分別為本又問虛妄分別孰為本答曰顛倒想為本又問顛倒想孰為本答曰無住為本又問無住孰為本答曰無住則無本文殊師利從無住本立一切法

時維摩詰室有一天女見諸大人聞所說法便現其身即以天華散諸菩薩大弟子上華至諸菩薩即皆墮落至大弟子便著不墮一切弟子神力去華不能令去尔時天女問舍利弗何故去華答曰此華不如法是以去之天曰勿謂此華為不如法所以者何是華無所分別仁者自生分別想耳

若於佛法出家有所有分別為不如法
若無所分別是則如法觀諸菩薩華
不著者已斷一切分別想故譬如人
畏時非人得其便如是弟子畏生死
故色聲香味觸得其便也已離畏者一
切五欲無能為也結習未盡華著身
耳結習盡者華不著也舍利弗言天
止此室其已久如答曰我止此室如
耆年解脫舍利弗言止此久耶天曰
耆年解脫亦何如久舍利弗默然不
答天曰如何耆舊大智而默答曰解
脫者無所言說故吾於是不知所去
天曰言說文字皆解脫相所以者何
解脫者不內不外不在兩間文字亦
不內不外不在兩間是故舍利弗無
離文字說解脫也所以者何一切諸
法是解脫相舍利弗言不復以離婬
怒癡為解脫乎天曰佛為增上慢人
說離婬怒癡為解脫耳若無增上慢
者佛說婬怒癡性即是解脫舍利弗
言善哉善哉天女汝何所得以何為
證辯乃如是天曰我無得無證故辯
如是所以者何若有得有證者即於

佛法為增上慢

法華經卷中 第十八 在

舍利弗問天汝於三乘為何志求天
曰以聲聞法化衆生故我為聲聞以
因緣法化衆生故我為辟支佛以大
悲法化衆生故我為大乘舍利弗如
人入瞻蔔林唯嗅瞻蔔不嗅餘香如
是若入此室但聞佛功德之香不樂
聞聲聞辟支佛功德香也舍利弗其
有釋梵四天王諸天龍鬼神等入此
室者聞斯上人講說正法皆樂佛功
德之香發心而出舍利弗吾止此室
十有二年初不聞說聲聞辟支佛法
但聞菩薩大慈大悲不可思議諸佛
之法舍利弗此室常現八未曾有難
得之法何等為八此室常以金色光
照晝夜無異不以日月所照為明是
為一未曾有難得之法此室入者不
為諸垢之所惱也是為二未曾有難
得之法此室常有釋梵四天王他方
菩薩來會不絕是為三未曾有難得
之法此室常說六波羅蜜不退轉法
是為四未曾有難得之法此室常作
天人第一之樂絃出無量法化之聲

是為五未曾有難得之法此室有四
大藏衆寶積滿調窮濟乏求得元盡
是為六未曾有難得之法此室釋迦
牟尼佛阿彌陀佛阿閼佛寶德寶炎
寶月寶嚴難勝師子響一切利成如
是等十方無量諸佛是上人念時即
皆為來廣說諸佛秘要法藏說已還
去是為七未曾有難得之法此室一
切諸天嚴飾宮殿諸佛淨土皆於中
現是為八未曾有難得之法舍利弗
此室常現八未曾有難得之法誰有
見斯不思議事而復樂於聲聞法乎
舍利弗言汝何以不轉女身天曰我
從十二年來求女人相了不可得當
何所轉譬如幻師化作幻女若有人
問何以不轉女身是人為正問不舍利
弗言不也幻無定相當何所轉天
曰一切諸法亦復如是無有定相云
何乃問不轉女身即時天女以神通
力變舍利弗令如天女天自化身如
舍利弗而問言何以不轉女身舍利
弗以天女像而答言我今不知何轉
而變為女身天曰舍利弗若能轉此

女身則一切女人亦當能轉如舍利
弗非女而現女身一切女人亦復如
是雖現女身而非女也是故佛說一
切諸法非男非女即時天女還攝押
力舍利弗身還復如故天問舍利弗
女身色相今何所在舍利弗言女身
色相無在無不在天曰一切諸法亦
復如是無在無不在夫無在無不在
者佛所說也舍利弗問天汝於此沒
當生何所天曰佛化所生吾如彼生
曰佛化所生非沒生也天曰衆生猶
然無沒生也舍利弗問天汝又如當
得阿耨多羅三藐三菩提天曰如舍
利弗還為凡夫我乃當成阿耨多羅
三藐三菩提舍利弗言我作凡夫無
有是處天曰我得阿耨多羅三藐三
菩提亦無是處所以者何菩提無性
處是故無有得者舍利弗言今諸佛
得阿耨多羅三藐三菩提已得當得
如恒河沙皆謂何乎天曰皆以世俗
文字數故說有三世非謂菩提有去
來今天曰舍利弗汝得阿羅漢道耶
曰無所得故而得天曰諸佛菩薩亦

復如是無所得故而得今時維摩詰
語舍利弗是天女已曾供養九十二
億佛已能遊戲菩薩神通所願具足
得無生忍住不退轉以本願故隨意
能現教化衆生

維摩詰所說經佛道品第八

尔時文殊師利問維摩詰言菩薩云
何通達佛道維摩詰言若菩薩行於
非道是為通達佛道又問云何菩薩
行於非道答曰若菩薩行五無間而
無惱恚至于地獄無諸罪垢至于畜
生無有無明憍慢等過至于餓鬼而
具足功德行色無色界道不以為勝
示行貪欲離諸染著示行瞋恚於諸
衆生無有恚闕示行愚癡而以智慧
調伏其心示行慳貪而捨内外所有
不惜身命示行毀禁而安住淨戒乃
至小罪猶懷大懼示行瞋恚而常慈
忍示行懈怠而勤修功德示行乱意
而常念定示行愚癡而通達世間出
世間慧示行諂偽而善方便隨諸經
義示行憍慢而於衆生猶如槁朶示
行諸煩惱而心常清淨示入於魔而

順佛智慧不隨他教示入聲聞而為
衆生說未聞法示入辟支佛而成就
大悲教化衆生示入貧窮而有寶手
功德無盡示入刑殘而具諸相好以
自在嚴示入下賤而生佛種姓中具
諸功德示入羸劣醜陋而得鄒羅延
身一切衆生之所樂見示入老病而
永斷病根超越死畏示有資生而恒
觀無常寶無所貪示有妻妾采女而
常遠離五欲淤泥現於訥訥而成就辯
才惣持無失示入邪濟而以正濟度
諸衆生現遍入諸道而斷其因緣現
於涅槃而不斷生死文殊師利菩薩
能如是行於非道是為通達佛道於
是維摩詰問文殊師利何等為如來
種文殊師利言有身為種無明有愛
為種貪恚癡為種四顛倒為種五蓋
為種六入為種七識處為種八邪法
為種九惱處為種十不善道為種以
要言之六十二見及一切煩惱皆是
佛種曰何謂也答曰若見無為人正
位者不能復發阿耨多羅三藐三菩
提心辭如高原陸地不生蓮華卑濕

淤泥乃生此華如是見無為法入正位者終不復能生於佛法煩惱泥中乃有衆生起佛法耳又如殖種於空終不得生糞壤之地乃能滋茂如是入無為正位者不生佛法起於我見如須弥山猶能發于阿耨多羅三藐三菩提心生佛法矣是故當知一切煩惱為如來種譬如不下巨海不能得無價寶珠如是不入煩惱大海則不能得一切智寶余時大迦葉歎言善哉善哉文殊師利快說此語誠如所言塵勞之疇為如來種我等今者不復堪任發阿耨多羅三藐三菩提心乃至五無間罪猶能發意生於佛法而今我等永不能發譬如根敗之士其於五欲不能復利如是聲聞諸結斷者於佛法中無所復益永不忘願是故文殊師利凡夫於佛法有返復而聲聞無也所以者何凡夫聞佛法能起無上道心不斷三寶正使聲聞終身聞佛法力無畏等永不能發無上道意

余時會中有菩薩名普現色身問維

摩詰言居士父母妻子親戚眷屬吏民知識悉為是誰奴婢僮僕為馬車乘皆何所在於是維摩詰以偈荅曰
智度菩薩母 方便以為父 一切衆導師
無不由是生 法喜以為妻 慈悲心為女
善心誠實男 畢竟空寂舍 弟子衆塵勞
隨意之所轉 道品善知識 由是成正覺
諸度法等侶 四攝為伎女 歌詠誦法言
以此為音樂 摠持之園苑 無漏法林樹
覺意淨妙華 解脫智慧果 八解之浴池
定水湛然滿 布以七淨華 浴此無垢人
為馬五通馳 大乘以為車 調御以一心
遊於八正路 相具以嚴容 衆好飾其姿
慚愧之上服 深心為華鬘 富有七財寶
教授以滋息 如所說修行 迴向為大利
四禪為牀座 從於淨命生 多聞增智慧
以為自覺音 甘露法之食 解脫味為漿
淨心以澡浴 戒品為塗香 摧滅煩惱賊
勇健無能踰 降伏四種魔 勝幢建道場
雖知無起滅 示彼故有生 悉現諸國土
如日無不見 供養於十方 無量億如來
諸佛及已身 無有分別想 雖知諸佛國
及與衆生空 而常修淨土 教化於群生

諸有衆生類形聲及威儀無畏力菩薩
一時能盡現覺知衆魔事而示隨其行
以善方便智隨意皆能現或示老病死
成就諸群生了知如幻化通達無有尋
或現劫盡燒天地皆洞然衆人有常想
照令知無常無數億衆生俱來請菩薩
一時到其舍化令向佛道經書禁呪術
工巧諸伎藝盡現行此事饒益諸群生
世間衆道法悉於中出家因以解人惑
而不墮邪見或作日月天梵王世界主
或時作地水或復作風火劫中有疾疫
現作諸藥草若有服之者除病消衆毒
劫中有飢饉現身作飲食先救彼飢渴
却以法語人劫中有刀兵為之起慈心
化彼諸衆生令住無諍地若有大戰陣
立之以等力菩薩現威勢降伏使和安
一切國土中諸有地獄處取往到于彼
勉濟其苦惱一切國土中畜生相食聚
皆現生於彼為之作利益示受於五欲
亦復現行憚令魔心憤亂不能得其便
火中生蓮華是可謂希有在欲而行憚
希有亦如是或現作婬女引諸好色者
先以欲鉤牽後令入佛道或為邑中主

或作商人導國師及大臣以祐利衆生
諸有貧窮者現作無盡藏因以勸導之
令發菩提心我心憍慢者為現大力士
消伏諸貢高令住無上道其有恐懼衆
居前而慙安先施以無畏後令發道心
或現離婬欲為五通仙人開導諸群生
令住戒忍慈見須供事者現為作僮僕
既悅可其意乃發以道心隨彼之所須
得入於佛道以善方便力皆能給足之
如是道無量所行無有涯智慧無邊際
度脫無數衆假令一切佛於無量億劫
讚歎其功德猶尚不能盡誰聞如是法
不發菩提心除彼不肖人癡冥無智者
維摩詰所說經入不二法門品第九
尔時維摩詰謂衆菩薩言諸仁者云
何菩薩入不二法門各隨所樂說之
會中有菩薩名法自在說言諸仁者
生滅為二法本不生今則無滅得此
無生法忍是為入不二法門

德守菩薩曰我我所為二因有我故
便有所若無有我則無我所是為
入不二法門

不睹菩薩曰受不受為二若法不受

則不可得以不可得故無取無捨無作無行是為入不二法門

德頂菩薩曰垢淨為二見垢實性則無淨相順於滅相是為入不二法門
善宿菩薩曰是動是念為二不動則無念無念則無分別通達此者是為入不二法門

善眼菩薩曰一相無相為二若知一相即是無相亦不取無相入於平等是為入不二法門

妙臂菩薩曰菩薩心聲聞心為二觀心相空如幻化者無菩薩心無聲聞心是為入不二法門

弗沙菩薩曰善不善為二若不起善不善入無相際而通達者是為入不二法門

師子菩薩曰罪福為二若達罪性則與福無異以金剛慧決了此相無縛無解者是為入不二法門

師子意菩薩曰有漏無漏為二若得諸法等則不起漏不漏想不著於相亦不住無相是為入不二法門

淨解菩薩曰有為無為為二若離一

切數則心如虛空以清淨慧無所尋
者是為入不二法門

那羅延菩薩曰世間出世間為二世
間性空即是出世間於其中不入不
出不溢不散是為入不二法門

善意菩薩曰生死涅槃為二若見生
死性則無生死無縛無解不生不滅
如是解者是為入不二法門

現見菩薩曰盡不盡為二法若究竟
盡若不盡皆是無盡相無盡相即是
空空則無有盡不盡相如是入者是
為入不二法門

普守菩薩曰我無我為二我尚不可
得非我何可得見我實性者不復起
二是為入不二法門

電天菩薩曰明無明為二無明實性
即是明明亦不可取離一切數於其
中平等無二者是為入不二法門

喜見菩薩曰色色空為二色即是空
非色滅空色性自空如是受想行識
識空為二識即是空非識滅空識性
自空於其中而通達者是為入不二
法門

明相菩薩曰四種異空種異為二四種性即是空種性如前際後際空故中際亦空若能如是知諸種性者是為入不二法門

妙意菩薩曰眼色為二若知眼性於色不貪不恚不癡是名寂滅如是耳聲鼻香舌味身觸意法為二若知意性於法不貪不恚不癡是名寂滅安住其中是為入不二法門

無盡意菩薩曰布施迴向一切智為二布施性即是迴向一切智性如是持戒忍辱精進禪定智慧迴向一切智為二智慧性即是迴向一切智性於其中入一相者是為入不二法門

深慧菩薩曰是空是無相是無作為二空即無相無相即無作若空無相無作則無心意識於一解脫門即是三解脫門者是為入不二法門

寂根菩薩曰佛法衆為二佛即是法法即是衆是三寶皆無為相與虛空等一切法亦亦能隨此行者是為入不二法門

心無尋菩薩曰身身滅為二身即是

身滅所以者何見身實相者不起見
身及見滅身身與滅身無二無分別
於其中不驚不懼者是為入不二法門
上善菩薩曰身口意善為二是三業
皆無作相身無作相即口無作相口
無作相即意無作相是三業無作相
即一切法無作相能如是隨無作慧
者是為入不二法門

福田菩薩曰福行罪行不動行為二
三行實性即是空空則無福行無罪
行無不動行於此三行而不起者是
為入不二法門

華嚴菩薩曰從我起二為二見我實
相者不起二法若不住二法則無有
識無所識者是為入不二法門

德藏菩薩曰有所得相為二若無所
得則無取捨無取捨者是為入不二
法門

月上菩薩曰闇與明為二無闇無明
則無有二所以者何如入滅受想定
無闇無明一切法相亦復如是於其
中平等入者是為入不二法門

寶印手菩薩曰樂涅槃不樂世間為

二若不樂涅槃不厭世間則無有二
所以者何若有縛則有解若本無縛
其誰求解無縛無解則無樂厭是為
入不二法門

珠頂王菩薩曰正道邪道為二住正
道者則不分別是邪是正離此二者
是為入不二法門

樂實菩薩曰實不實為二實見者尚
不見實何況非實所以者何非肉眼
所見慧眼乃能見而此慧眼無見無
不見是為入不二法門

如是諸菩薩各各說已問文殊師利
何等是菩薩入不二法門

文殊師利曰如我意者於一切法無言
無說無示無識離諸問答是為入不
二法門

於是文殊師利問維摩詰我等各自
說已仁者當說何等是菩薩入不二
法門

時維摩詰默然無言文殊師利歎曰
善哉善哉乃至無有文字語言是真
入不二法門

說是入不二法門品時於此象中五

于菩薩皆入不二法門得無生法忍

維摩詰所說經卷中

癸卯歲高麗國大藏都監奉
勅彫告

維摩詰所說經卷下

在

姚秦三藏鳩摩羅什譯

香積佛品第十

於是舍利弗心念日時欲至此諸菩薩當於何食時維摩詰知其意而語言佛說八解脫仁者受行豈難欲食而聞法乎若欲食者且待須臾當令汝得未曾有食時維摩詰即入三昧以神通力示諸大眾上方界分過四十二恒河沙佛土有國名衆香佛号香積今現在其國香氣比於十方諸佛世界人天之香寂為第一彼土無有聲聞辟支佛名唯有清淨大菩薩衆佛為說法其界一切皆以香作樓閣經行香地苑園皆香其食香氣周流十方無量世界時彼佛與諸菩薩方共坐食有諸天子皆号香嚴悉發阿耨多羅三藐三菩提心供養彼佛及諸菩薩此諸大眾莫不目見時維摩詰問衆菩薩言諸仁者誰能致彼佛飯以文殊師利威神力故咸皆默然維摩詰言仁此大眾無乃可耻文

殊師利曰如佛所言勿輕未學於是
維摩詰不起于座居衆會前化作菩
薩相好光明威德殊勝蔽於衆會而
告之曰汝往上方界分度如四十二恒
河沙佛土有國名衆香佛号香積與
諸菩薩方共坐食汝往到彼如我辭
曰維摩詰稽首世尊足下致敬無量
問評起居少病少惱氣力安不願得
世尊所食之餘當於娑婆世界施作
佛事令此樂小法者得弘大道亦使
如來名聲普聞時化菩薩即於會前
昇于上方舉衆皆見其去到衆香界
礼彼佛足又聞其言維摩詰稽首世
尊足下致敬無量問評起居少病少
惱氣力安不願得世尊所食之餘欲
於娑婆世界施作佛事使此樂小法
者得弘大道亦使如來名聲普聞彼
諸大士見化菩薩歎未曾有今此上
人從何所來娑婆世界為在何許云
何名為樂小法者即以問佛佛告之
曰下方度如四十二恒河沙佛土有
世界名娑婆佛号釋迦牟尼今現在
於五濁惡世為樂小法衆生敷演道

教彼有菩薩名維摩詰住不可思議
解脫為諸菩薩說法故遣化來稱揚
我名并讚此土令彼菩薩增益功德
彼菩薩言其人何如乃作是化德力
無畏神足若斯佛言甚大一切十方
皆遣化往施作佛事饒益衆生於是
香積如來以衆香鉢盛滿香飯與化
菩薩時彼九百万菩薩俱發聲言我
欲詣娑婆世界供養釋迦牟尼佛并
欲見維摩詰等諸菩薩衆佛言可往
攝汝身香無令彼諸衆生起惑著心
又當捨汝本形勿使彼國未菩薩者
而自鄙耻又汝於彼莫懷輕賤而作
尋想所以者何十方國土皆如虛空
又諸佛為欲化諸樂小法者不盡現
其清淨土耳時化菩薩既受鉢飯與
彼九百万菩薩俱承佛威神及維摩
詰力於彼世界忽然不現須臾之間
至維摩詰舍時維摩詰即化作九百
万師子之座嚴好如前諸菩薩皆坐
其上是化菩薩以滿鉢香飯與維摩詰
飯香普熏毗耶離城及三千大千世
界時毗耶離婆羅門居士等聞是香氣

身意快然歎未曾有於是長者主月
蓋從八万四千人來入維摩詰舍見
其室中菩薩甚多諸師子座高廣嚴
好皆大歡喜礼衆菩薩及大弟子却
住一面諸地神虛空神及欲色界諸
天聞此香氣亦皆來入維摩詰舍時
維摩詰語舍利弗等諸大聲聞仁者
可食如來甘露味飯大悲所熏無以
限意食之使不消也有異聲聞念是
飯少而此大衆人人當食化菩薩曰
勿以聲聞小德小智稱量如來無量
福慧四海有竭此飯無盡使一切人
食揣若須弥乃至一切猶不能盡所
以者何無盡戒定智慧解脫解脫知
見功德具足者所食之餘終不可盡
於是鉢飯悉飽衆會猶故不斲其諸
菩薩聲聞天人食此飯者身安快樂
譬如一切樂莊嚴國諸菩薩也又諸
毛孔皆出妙香亦如衆香國土諸樹
之香尔時維摩詰問衆香菩薩香積
如來以何說法彼菩薩曰我土如來
無文字說但以衆香令諸天人得入
律行菩薩各各坐香樹下聞斯妙香

即獲一切德藏三昧得是三昧者菩薩所有功德皆悉具足彼諸菩薩問維摩詰今世尊釋迦牟尼以何說法維摩詰言此土衆生剛強難化故佛為說剛強之語以調伏之言是地獄是畜生是餓鬼是諸難處是愚人生處是身邪行是身邪行報是口邪行是口邪行報是意邪行是意邪行報是煞生是煞生報是不與取是不與取報是邪婬是邪婬報是妄語是妄語報是兩舌是兩舌報是惡口是惡口報是無義語是無義語報是貪嫉是貪嫉報是瞋惱是瞋惱報是邪見是邪見報是慳慳是慳慳報是毀戒是毀戒報是瞋恚是瞋恚報是懈怠是懈怠報是亂意是亂意報是愚癡是愚癡報是結戒是持戒是犯戒是應作是不應作是障罣是不障罣是得罪是離罪是淨是垢是有漏是無漏是邪道是正道是有為是無為是世間是涅槃以難化之人心如猿猴故以若干種法制御其心乃可調伏辭如烏馬慵懶不調加諸楚毒乃至

徹骨然後調伏如是剛強難化衆生
故以一切苦切之言乃可入律彼諸
菩薩聞說是已皆曰未曾有也如世
尊釋迦牟尼佛隱其無量自在之力
乃以貧所樂法度脫衆生斯諸菩薩
亦能勞謙以無量大悲生是佛土維
摩詰言此土菩薩於諸衆生大悲堅
固誠如所言然其一世饒益衆生多
於彼國百千劫行所以者何此娑婆
世界有十事善法諸餘淨土之所無
有何等為十以布施攝貧窮以淨戒
攝毀禁以忍辱攝瞋恚以精進攝懈
怠以禪定攝亂意以智慧攝愚癡說
除難法度八難者以大乘法度樂小
乘者以諸善根濟無德者常以四攝
成就衆生是為十彼菩薩曰菩薩成
就幾法於此世界行無瘡疣生于淨
土維摩詰言菩薩成就八法於此世
界行無瘡疣生于淨土何等為八饒
益衆生而不望報代一切衆生受諸
苦惱所作功德盡以施之等心衆生
護下無尊於諸菩薩觀之如佛所未
聞經聞之不疑不與聲聞而相違背

不嫉彼供不高己利而於其中調伏其心常省己過不訟彼短恒以一心求諸功德是為八法維摩詰文殊師利於大衆中說是法時百千天人皆發阿耨多羅三藐三菩提心十千菩薩得無生法忍

維摩詰所說經菩薩行品第十一

是時佛說法於菴羅樹園其地忽然廣博嚴事一切衆會皆作金色阿難白佛言世尊以何因緣有此瑞應是處忽然廣博嚴事一切衆會皆作金色佛告阿難是維摩詰文殊師利與諸大衆恭敬圍繞發意欲來故先為此瑞應於是維摩詰語文殊師利可共見佛與諸菩薩礼事供養文殊師利言善哉行矣今正是時維摩詰即以神力持諸大衆并師子座置於右掌往詣佛所到已著地稽首佛足右繞七匝一心合掌在一面立其諸菩薩即皆避座稽首佛足亦繞七匝於一面立諸大弟子釋梵四天王等亦皆避座稽首佛足在一面立於是世尊如法慰問諸菩薩已各令復坐即

皆受教衆坐已定佛語舍利弗汝見
菩薩大士自在神力之所為乎唯然
已見於汝意云何世尊我觀其為不
可思議非意所圖非度所測今時阿
難白佛言世尊今所聞香自昔未有
是為何香佛告阿難是彼菩薩毛孔
之香於是舍利弗語阿難言我等毛
孔亦出是香阿難言此所從來曰是
長者維摩詰從衆香國取佛餘飯於
舍食者一切毛孔皆香若此阿難問
維摩詰是香氣住當久如維摩詰言
至此飯消曰此飯久如當消曰此飯
勢力至于七日然後乃消又阿難若
聲聞人未入正位食此飯者得入正
位然後乃消已入正位食此飯者得
心解脫然後乃消若未發大乘意食
此飯者至發意乃消已發意食此飯
者得無生忍然後乃消已得無生忍
食此飯者至一生補處然後乃消辟
如有藥名曰上味其有服者身諸毒
滅然後乃消此飯如是滅除一切諸
煩惱毒然後乃消阿難白佛言未曾
有也世尊如此香飯能作佛事佛言

如是如是阿難或有佛土以佛光明而作佛事有以諸菩薩而作佛事有以佛所化人而作佛事有以菩提樹而作佛事有以佛衣服卧具而作佛事有以飯食而作佛事有以園林臺觀而作佛事有以三十二相八十隨形好而作佛事有以佛身而作佛事有以虛空而作佛事衆生應以此緣得入律行有以夢幻影響鏡中像水中月熱時炎如是等喻而作佛事有以音聲語言文字而作佛事或有清淨佛土寂寞無言無說無示無識無作無為而作佛事如是阿難諸佛威儀進止諸所施為無非佛事阿難有此四魔八万四千諸煩惱門而諸衆生為之疲勞諸佛即以此法而作佛事是名入一切諸佛法門菩薩入此門者若見一切淨好佛土不以為喜不貪不高若見一切不淨佛土不以為憂不尋不沒但於諸佛生清淨心歡喜恭敬未曾有也諸佛如來功德平等為化衆生故而現佛土不同阿難汝見諸佛國土地有若干而虛空

無若干也如是見諸佛色身有若干

耳其無尋慧無若干也阿難諸佛色

身威相種性戒定智慧解脫解脫知

見力無所畏不共之法大慈大悲威

儀所行及其壽命說法教化成就衆

生淨佛國土具諸佛法悉皆同等是

故名為三藐三佛陀名為多陀阿伽

度名為佛陀阿難若我廣說此三句

義汝以劫壽不能盡受正使三千大

千世界滿中衆生皆如阿難多聞第

一得念惣持此諸人等以劫之壽亦

不能受如是阿難諸佛阿耨多羅三

藐三菩提無有限量智慧辯才不可

思議阿難白佛言我從今已往不敢

自謂以為多聞佛告阿難勿起退意

所以者何我說汝於聲聞中為最多

聞非謂菩薩且止阿難其有智者不

應限度諸菩薩也一切海淵尚可測

量菩薩禪定智慧惣持辯才一切功

德不可量也阿難汝等捨置菩薩所

行是維摩詰一時所現神通之力一

切聲聞辟支佛於百千劫盡力變化

所不能作今時衆香世界菩薩來者

合掌白佛言世尊我等初見此土生下劣想今自悔責捨離是心所以者何諸佛方便不可思議為度衆生故隨其所應現佛國異唯然世尊願賜少法還於彼土當念如來佛告諸菩薩有盡無盡解脫法門汝等當學何謂為盡謂有為法何謂無盡謂無為法如菩薩者不盡有為不住無為何謂不盡有為謂不離大慈不捨大悲深發一切智心而不忽忘教化衆生終不厭倦於四攝法常念順行護持正法不惜軀命種諸善根無有疲厭志常安住方便迴向求法不懈說法無怯勤供諸佛故入生死而無所畏於諸榮辱心無憂喜不輕未學敬學如佛墮煩惱者令發正念於遠離樂不以為貴不著已樂慶於彼樂在諸禪定如地獄想於生死中如園觀想見來來者為善師想捨諸所有具一切智想見毀戒人起救護想諸波羅蜜為父母想道品之法為眷屬想發行善根無有齊限以諸淨國嚴飾之事成已佛土行無限施具足相好

除一切惡淨身口意生死無數劫意
而有勇聞佛無量德志而不倦以智
慧劍破煩惱賊出陰界入荷負衆生
永使解脫以大精進摧伏魔軍常求
無念實相智慧行於世間法少欲知
足於出世間求之無厭而不捨世間
法不壞威儀法而能隨俗起神通慧
引導衆生得念摠持所聞不忘善別
諸根斷衆生疑以樂說辯演法無尋
淨十善道受天人福修四無量開梵
天道勸請說法隨喜讚善得佛音聲
身口意善得佛威儀深修善法所行
轉勝以大乘教成菩薩僧心無放逸
不失衆善行如此法是名菩薩不盡
有為何謂菩薩不住無為謂修學空
不以空為證修學無相無作不以無
相無作為證修學無起不以無起為
證觀於無常而不厭善本觀世間苦
而不惡生死觀於無我而誨人不倦
觀於寂滅而不永滅觀於遠離而身
心修善觀無所歸而歸趣善法觀於
無生而以生法荷負一切觀於無漏
而不斷諸漏觀無所行而以行法教

化衆生觀於空無而不捨大悲觀正
法位而不隨小乘觀諸法虛妄無宰
無人無主無相本願未滿而不虛福
德禪定智慧修如此法是名菩薩不
住無為又具福德故不住無為具智
慧故不盡有為大慈悲故不住無為
滿本願故不盡有為集法藥故不住
無為隨授藥故不盡有為知衆生病
故不住無為滅衆生病故不盡有為
諸正士菩薩以修此法不盡有為不
住無為是名盡無盡解脫法門汝等
當學尔時彼諸菩薩聞說是法皆大
歡喜以衆妙華若干種色若干種香
散遍三千大千世界供養於佛及此
經法并諸菩薩已稽首佛足歎未曾
有言釋迦牟尼佛乃能於此善行方
便言已忽然不現還到彼國

維摩詰所說經見阿閼佛品第十二
尔時世尊問維摩詰汝欲見如來為
以何等觀如來乎維摩詰言如自觀
身實相觀佛亦然我觀如來前際不
來後際不去今則不住不觀色不觀
色如不觀色性不觀受想行識不觀

識如不觀識性非四大起同於虛空
六入無積眼耳鼻舌身心已過不在
三界三垢已離順三脫門具足三明與
無明等不一相不異相不自相不他相
非無相非取相不此岸不彼岸不中
流而化衆生觀於寂滅亦不永滅不
此不彼不以此不以此不可以智知
不可以識識無晦無明無名無相無
強無弱非淨非穢不在方不離方非
有為非無為無示無說不施不慳不
戒不犯不忍不患不進不怠不定不
亂不智不愚不誠不欺不來不去不
出不入一切言語道斷非福田非不
福田非應供養非不應供養非取非
捨非有相非無相同真際等法性不
可稱不可量過諸稱量非大非小非
見非聞非覺非知離衆結縛等諸智
同衆生於諸法無分別一切無失無
濁無惱無作無起無生無滅無畏無
憂無喜無厭無著無已有無當有無
今有不可以一切言說分別顯示世
尊如來身為若此作如是觀以斯觀
者名為正觀若他觀者名為邪觀

今時舍利弗問維摩詰汝於何沒而
來生此維摩詰言汝所得法有沒生
乎舍利弗言無沒生也若諸法無沒
生相云何問言汝於何沒而來生此
於意云何辟如幻師幻作男女寧沒
生耶舍利弗言無沒生也汝豈不聞
佛說諸法如幻相乎荅曰如是若一
切法如幻相者云何問言汝於何沒
而來生此舍利弗沒者為虛誑法敗
壞之相生者為虛誑法相續之相苦
薩雖沒不盡善本雖生不長諸惡是
時佛告舍利弗有國名妙喜佛号無
動是維摩詰於彼國沒而來生此舍
利弗言未曾有也世尊是人乃能捨
清淨土而來樂此多愆害處維摩詰
語舍利弗於意云何日光出時與冥
合乎荅曰不也日光出時即無衆冥
維摩詰言夫日何故行闇浮提荅曰
欲以明照為之除冥維摩詰言菩薩
如是雖生不淨佛土為化衆生故不與
愚闇而共合也但滅衆生煩惱闇耳
是時大衆渴仰欲見妙喜世界無動
如來及其菩薩聲聞之衆佛知一切

衆會所念告維摩詰言善男子為此衆會現妙喜國無動如來及諸菩薩聲聞之衆衆皆欲見於是維摩詰心念吾當不起于座接妙喜國鐵圍山川溪谷江河大海衆源湏弥諸山及日月星宿天龍鬼神梵天等宮并諸菩薩聲聞之衆城邑聚落男女大小乃至無動如來及菩提樹諸妙蓮華能於十方作佛事者三道寶塔從閻浮提至忉利天以此寶塔諸天來下悉為禮敬無動如來聽受經法閻浮提人亦登其塔上昇忉利見彼諸天妙喜世界成就如是無量功德上至阿迦曠吒天下至水際以右手斷取如陶家輪入此世界猶持華鬘示一切衆作是念已入於三昧現神通力以其右手斷取妙喜世界置於此土彼得神通菩薩及聲聞衆并餘天人俱發聲言唯然世尊誰取我去願見救護無動佛言非我所為是維摩詰神力所作其餘未得神通者不覺不知已之所往妙喜世界雖入此土而不增減於是世界亦不迫隘如本

無異

今時釋迦牟尼佛告諸大衆汝等且觀妙喜世界無動如來其國嚴飾菩薩行淨弟子清白皆曰唯然已見佛言若菩薩欲得如是清淨佛土當學無動如來所行之道現此妙喜國時娑婆世界十四那由他人發阿耨多羅三藐三菩提心皆願生於妙喜佛土釋迦牟尼佛即記之曰當生彼國時妙喜世界於此國土所應饒益其事訖已還復本處舉衆皆見佛告舍利弗汝見此妙喜世界及無動佛不唯然已見世尊願使一切衆生得清淨土如無動佛獲神通力如維摩詰世尊我等快得善利得見是人親近供養其諸衆生若今現在若佛滅後聞此經者亦得善利况復聞已信解受持讀誦解說如法修行若有手得是經典者便為已得法寶之藏若有讀誦解釋其義如說修行即為諸佛之所護念其有供養如是人者當知即為供養於佛其有書持此經卷者當知其室即有如來若聞是經能隨

喜者斯人即為取一切智若能信解此經乃至一四句偈為他說者當知此人即是受阿耨多羅三藐三菩提記

維摩詰所說經法供養品第十三

尔時釋提桓因於大眾中白佛言世尊我雖從佛及文殊師利聞百千經未曾聞此不可思議自在神通決定實相經典如我解佛所說義趣若有衆生聞是經法信解受持讀誦之者必得是法不疑何況如說修行斯人即為閉衆惡趣開諸善門常為諸佛之所護念降伏外學摧滅魔怨修治菩提安處道場履踐如來所行之跡世尊若有受持讀誦如說修行者我當與諸眷屬供養給事所在聚落城邑山林曠野有是經處我亦與諸眷屬聽受法故共到其所其未信者當令生信其已信者當為作護佛言善哉善哉天帝如汝所說吾助尔喜此經廣說過去未來現在諸佛不可思議阿耨多羅三藐三菩提是故天帝若善男子善女人受持讀誦供養是

經者即為供養去來今佛天帝正使
三千大千世界如來滿中譬如甘蔗
竹筴稻麻藁林若有善男子善女人
或一劫或減一劫恭敬尊重讚歎供
養奉諸所安至諸佛滅後以一一全
身舍利起七寶塔縱廣一四天下高
至梵天表剎莊嚴以一切華香瓔珞
幢幡伎樂微妙第一若一劫若減一
劫而供養之於天帝意云何其人植
福寧為多不釋提桓因言多矣世尊
彼之福德若以百千億劫說不能盡
佛告天帝當知是善男子善女人聞
是不可思議解脫經典信解受持讀
誦修行福多於彼所以者何諸佛菩
提皆從是生菩提之相不可限量以
是因緣福不可量

佛告天帝過去無量阿僧祇劫時世
有佛号曰藥王如來應供正遍知明
行足善逝世間解無上士調御丈夫
天人師佛世尊世界名大莊嚴劫曰
莊嚴佛壽二十小劫其聲聞僧三十
六億那由他菩薩僧有十二億天帝
是時有轉輪聖王名曰寶蓋七寶具

足主四天下王有千子端正勇健能
伏怨敵今時寶蓋與其眷屬供養藥
王如來施諸所安至滿五劫過五劫
已告其千子汝等亦當如我以深心
供養於佛於是千子受父王命供養
藥王如來復滿五劫一切施安其王
一子名曰月蓋獨坐思惟寧有供養
殊過此者以佛神力空中有天曰善
男子法之供養勝諸供養即問何謂
法之供養天曰汝可往問藥王如來
當廣為汝說法之供養即時月蓋王
子行詣藥王如來稽首佛足却住一
面白佛言世尊諸供養中法供養勝
云何為法供養佛言善男子法供養
者諸佛所說深經一切世間難信難
受微妙難見清淨無染非但分別思
惟之所能得菩薩法藏所攝陀羅尼
印印之至不退轉成就六度善分別
義順菩提法衆經之上八大慈悲離
衆魔事及諸邪見順因緣法無我無
人無衆生無壽命空無相無作無起
能令衆生坐於道場而轉法輪諸天
龍神乾闥婆等所共歎譽能令衆生

入佛法藏攝諸賢聖一切智慧說衆
菩薩所行之道依於諸法實相之義
明宣無常苦空無我寂滅之法能救
一切毀禁衆生諸魔外道及貪著者
能使怖畏諸佛賢聖所共稱歎皆生
死苦示涅槃樂十方三世諸佛所說
若聞如是等經信解受持讀誦以方
便力為諸衆生分別解說顯示分明
守護法故是名法之供養又於諸法
如說修行隨順十二因緣離諸邪見
得無生忍決定無我無有衆生而於
因緣果報無違無諍離諸我所依於
義不依語依於智不依識依了義經
不依不了義經依於法不依人隨順
法相無所入無所歸無明畢竟滅故
諸行亦畢竟滅乃至生畢竟滅故老
死亦畢竟滅作如是觀十二因緣無
有盡相不復起見是名取上法之
供養

佛告天帝王子月蓋從藥王佛聞如
是法得柔順忍即解寶衣嚴身之具
以供養佛白佛言世尊如來滅後我
當行法供養守護正法願以威神加

哀建立令我得降魔怨修菩薩行佛
知其深心所念而記之曰汝於末後
守護法城天帝時王子月蓋見法清
淨聞佛授記以信出家修集善法精
進不久得五神通逮菩薩道得陀羅
尼無斷辯才於佛滅後以其所得神
通總持辯才之力滿十小劫藥王如
來所轉法輪隨而分布月蓋比丘以
守護法勤行精進即於此身化百萬
億人於阿耨多羅三藐三菩提立不
退轉十四那由他人深發聲聞辟支
佛心無量衆生得生天上天帝時王
寶蓋豈異人乎今現得佛号寶炎如
來其王千子即賢劫中千佛是也從
迦羅鳩孫馱為始得佛寂後如來号
曰樓至月蓋比丘即我身是如是天
帝當知此要以法供養於諸供養為
上為寂第一無比是故天帝當以法
之供養供養於佛

維摩詰所說經囑累品第十四

於是佛告弥勒菩薩言弥勒我今以
是無量億阿僧祇劫所集阿耨多羅
三藐三菩提法付囑於汝如是輩經

於佛滅後末世之中汝等當以神力
廣宣流布於閻浮提無令斷絕所以
者何未來世中當有善男子善女人
及天龍鬼神乾闥婆羅刹等發阿耨
多羅三藐三菩提心樂于大法若使
不聞如是等經則失善利如此輩人
聞是等經必多信樂發希有心當以
頂受隨諸衆生所應得利而為廣說
弥勒當知菩薩有二相何謂為二一
者好於雜句文飾之事二者不畏深
義如實能入若好雜句文飾事者當
知是為新學菩薩若於如是無染無
著甚深經典無有恐懼能入其中間
已心淨受持讀誦如說修行當知是
為久修道行弥勒復有二法名新學
者不能決定於甚深法何等為二一
者所未聞深經聞之驚怖生疑不能
隨順毀謗不信而作是言我初不聞
從何所來二者若有護持解說如是
深經者不肯親近供養恭敬或時於
中說其過惡有此二法當知是為新學
菩薩為自毀傷不能於深法中調伏
其心弥勒復有二法菩薩雖信解深

法猶自毀傷而不能得無生法忍何等為二者輕慢新學菩薩而不教誨二者雖解深法而取相分別是為二法

彌勒菩薩聞說是已白佛言世尊未曾有也如佛所說我當遠離如斯之惡奉持如來無數阿僧祇劫所集阿耨多羅三藐三菩提法若未來世善男子善女人求大乘者當令手得如是等經與其念力使受持讀誦為他廣說世尊若後末世有能受持讀誦為他說者當知皆是彌勒神力之所建立佛言善哉善哉彌勒如汝所說佛助尔喜

於是一切菩薩合掌白佛我等亦於如來滅後十方國土廣宣流布阿耨多羅三藐三菩提法復當開導諸說法者令得是經

尔時四天王白佛言世尊在在處處城邑聚落山林曠野有是經卷讀誦解說者我當率諸官屬為聽法故往詣其所擁護其人面百由旬令無伺求得其便者是時佛告阿難受持是

經廣宣流布阿難言唯然我已受持要
者世尊當何名斯經佛言阿難是經
名為維摩詰所說亦名不可思議解
脫法門如是受持佛說是經已長者
維摩詰文殊師利舍利弗阿難等及
諸天人阿修羅一切大眾聞佛所說
皆大歡喜
維摩詰經卷下

癸卯歲高麗國大歲都監奉
勅彫造

佛說維摩詰經卷上

維摩詰所說不思議決門之稱
一名佛說法普入道門三昧經

樹

佛國品第一

吳月氏優婆塞支謙譯

聞如是一時佛遊於維耶離奈氏樹園與大比丘衆俱比丘八千菩薩三萬二千皆神通菩薩一切大聖能隨俗化佛所住者皆已得住為法城塹護持正法為師子吼十方聞聲衆人不請枯而安之興隆三寶能使不絕皆以降棄魔行仇怨一切所化莫不信解皆度死地脫無星尋不失辯才其念及定捨持諸寶悉成其所布施調意自損戒忍精進一心智慧善權已下得無所著不起法忍阿惟越致法輪已轉隨衆人相為現慧德在諸衆為正導以無畏而不動已成福祐慧之分部已得相好能自嚴飾色像第一捨世間財志行高妙名稱普至有金剛志得佛聖性以法感人為雨甘露曉衆言音所說如流其聲清淨入微妙法見生死本衆厄已斷度諸恐畏為師子吼不以多言其講說法

乃如雷震無有量已過量以道寶之
智導為大師以知足之行現遠佛聲
及法功德博入諸道順化衆生說無
比正佛之智慧以十力无畏佛十八
法往度惡道諸墮墮者其生五道為
大醫王以慧以善救衆生病應病與
藥令得服行無量善事皆悉得无量
佛國皆嚴淨无量佛慧皆修學明智
之講皆聽聞明者之迹皆履行慧之
德本隨次興深法之要皆已入三昧
无量能悉成佛力無畏一切具足
其名曰正觀菩薩見正邪菩薩定化
王菩薩法自在菩薩法造菩薩光造
菩薩光淨菩薩大淨菩薩辯積菩薩
寶積菩薩寶掌菩薩寶印手菩薩常
舉手菩薩常下手菩薩常憐菩薩常
笑菩薩喜根菩薩喜王菩薩正願至
菩薩虛空藏菩薩寶其持菩薩寶首
菩薩寶池菩薩寶水菩薩水光菩薩
捨無業菩薩智積菩薩燈王菩薩制
魔菩薩造化菩薩明施菩薩上審菩
薩相積嚴菩薩師子雷音菩薩石磨
王菩薩衆香手菩薩衆手菩薩常應

菩薩不置遠菩薩善意諫菩薩蓮華
淨菩薩大勢至菩薩闍音菩薩梵水
菩薩滴水菩薩寶幢菩薩勝邪菩薩
嚴土菩薩金結菩薩珠結菩薩慈氏
菩薩濡首菩薩其三万二千菩薩皆
如此上首者也

復有万婆羅門皆如綿跋等從四方
境界來詣佛所而聽法一切諸天各
與其衆俱來會聚此彼天帝万二千
釋從四方來與他大尊神妙之天及
諸龍神捷杳和阿須倫迦留羅甄陀
羅摩睺勒等并其衆皆來會諸比丘
比丘尼優婆塞優婆夷并其衆會坐
彼時佛與若干百千之衆眷屬圍遶
而為說經其從須弥方外來者四面
雲集一切衆會皆坐自然師子之座
於是維耶離國有長者子名羅鄰那
竭漢言曰寶事與五百長者子俱皆
有決於无上正真之道持七寶蓋來
詣佛所稽首佛足以其寶蓋共覆佛
上佛之威神令一寶蓋覆此三千大
千佛國於是世界諸來大衆皆見寶
蓋覆此三千世界諸須弥目鄰大目

鄰山雪山寶山黑山鐵圍山大鐵圍
山悉現於寶蓋中此三千世界大海
江河川流泉源及上日月星辰天宮
龍宮諸尊神宮悉現於寶蓋中十方
諸佛佛國嚴淨及十方佛在所說法
皆現於寶蓋中悉還見聞一切魔衆
得未曾有禮佛而立國界若干莫不
目見童子實事即於佛前以偈讚曰
清淨金華眼明好 淨教滅意度无極
淨除欲疑穢無量 願礼沙門寂然迹
既見大聖三界將 現我佛國特清明
說寂法言次衆疑 虚空神天得聞聽
經道講授諸法王 以法布施解說人
法鼓導善現上義 稽首法王此極尊
說名不有亦不無 以因緣故諸法生
非我不造彼不知 如佛清淨无惡形
始在佛樹力降魔 得甘露滅覺道成
以無心意而現行 一切異學伏其名
三轉法輪於大千 受者修正質行清
天人得見從解法 為現三寶於世間
佛所說法開化人 終已无求常寂然
上智愍度老死畏 當礼法海德無邊
供養事者如須弥 无誠與誠等以慈

所演如空念普行

孰聞佛名不敬承

今奉能仁此慈蓋

於中現我三千世

諸天龍神所居宮

捷沓和等及闕叉

以知世間諸所有

十力哀現是變化

衆覩希有皆歎佛

稽首極尊大智現

童子寶事說此偈讚佛已以恭肅敬

意長跪叉手白佛言此五百童子皆

有決於無上正真之道願聞得佛國

土清淨佛惟解說如來佛國清淨之

行於是佛告寶事曰童子諦聽善思

念之吾當為汝解說如來菩薩佛國

清淨於是寶事與諸大衆受教而聽

佛言童子蚊行喘息人物之土則是

菩薩佛國所以者何菩薩欲教化衆

生是故攝取佛國欲使佛國人民盡

奉法律故取佛國欲使佛國人民入

佛上智故取佛國欲使佛國人民見

聖典之事而以發意故取佛國所以

者何欲導利一切人民令生佛國譬

如有人欲度空中造立宮室終不能

成如是童子菩薩欲度人民故願取

佛國願取佛國者非於空也童子當

知菩薩以無求於國故於佛國得道

以不言我教照人民生于佛土菩薩
以善性於國故於佛國得道能成衆
善為人重任生于佛土菩薩弘其道
意故於佛國得道恒以大乘正立人
民得有佛土菩薩布施為國故於佛
國得道一切布施施諸人民生于佛
土菩薩持戒為國故於佛國得道周
滿所願以十善行合聚人民生于佛
土菩薩忍辱為國故於佛國得道有
三十二相而自嚴飾以其忍行調正
人民生于佛土菩薩精進為國故於
佛國得道以諸德本善修勤力合聚
人民生于佛土菩薩禪思為國故於
佛國得道已知所念正安人民生于
佛土菩薩智慧為國故於佛國得道
能以正導成就人民生于佛土菩薩
行四等心為國故於佛國得道慈悲
喜護護諸人民生于佛土菩薩行四
恩為國故於佛國得道惠施仁愛利
人等利一切救濟合聚人民生于佛
土菩薩行善權方便故於佛國得道
一切行權攝人為善生于佛土菩薩
行三十七道品之法故於佛國得道

以根力覺意勉進人民生于佛土菩薩分流法化故於佛國得道一切示現賢善之行得見佛土菩薩說除八難故於佛國得道一切為斷惡道衆難而有佛土菩薩自覺不譏彼受故於佛國得道斷諸邪受而有佛土菩薩淨修十善之行故於佛國得道而不離偶大財梵行誠諦之語免于惡道言以柔軟不別眷屬恒與善俱無有嫉慢除忿怒意以正見誨人生于佛土如是童子菩薩以應此行便有名譽已有名譽便生善處已生善處便受其福已受其福便能分德已能分德便行善權已行善權則佛國淨已佛國淨則人物淨已人物淨則有淨智已有淨智則有淨教已有淨教則受清淨如是童子菩薩欲使佛國清淨當以淨意作如應行所以者何菩薩以意淨故得佛國淨

賢者舍利弗承佛威神心念是語以意淨故得佛國淨我世尊本為菩薩時意豈不淨而是佛國不淨若此佛知其意即報言云何舍利弗我日月

淨不見色者豈日月過耶對曰不也
非日月過佛言此舍利弗各在衆人
無有智慧不見如來佛國嚴淨非如
來各此舍利弗我佛國淨汝又未見
編髮梵志謂舍利弗言惟賢者莫呼
是佛國以為不淨我見釋迦文佛國
嚴淨譬如彼清明天宮舍利弗言我
見此中亦有雜糅其大陸地則有黑
山石沙穢惡充滿編髮荅曰賢者以
聞雜惡之意不猗淨慧視佛國耳當
如菩薩等意清淨倚佛智慧是以見
佛國皆清淨於是佛即以足指按地
此三千大千世界皆為震動若干百
千珍寶積嚴處處校飾譬如衆寶羅
列淨好如來境界無量嚴淨於是志
現一切魔衆歎未曾有而皆自見坐
寶蓮華佛告舍利弗汝且觀此佛國
嚴淨對曰唯然本所不見本所不聞
今佛國土好淨悉現然舍利弗我佛
國如是為當度不肖人故如來隨此
多愆害者現佛國異譬如諸天同金
鉢食其福多者舉手自淨如是舍利
弗若人意清淨者便自見諸佛佛國

清淨當佛現此佛土嚴淨之時八万
四千人發無上正真道意長者子寶
事并五百童子皆得柔順法忍佛現
神足於是國土莫不欣然各得其所
弟子行者天與人三万二千遠塵離
垢諸法法眼生其八千人漏盡意解
維摩詰所說經善權品第二

是時維耶離大城中有長者名曰維
摩詰

漢言無垢稱

在先佛已造行修

善本得法忍已得辯才神通不感得
无所畏降魔勞然深入微妙出於智
度無極善權方便博入諸道令得所
願人根名德生而具足造成大道所
作事勝佛聖善行皆已得立覺意如
海而皆已入諸佛咨嘆弟子釋梵世
主所敬欲度人故居維耶離矜行權
道資財無量救攝貧民以善方便攝
諸惡戒以忍調行攝諸恚怒白衣精進
攝懈怠者憚定正受攝迷惑意得智
慧律攝諸邪智雖為白衣奉持沙門
至賢之行居家為行不止無色有妻
子婦自隨所樂常修梵行雖有家屬
常如閑居現視嚴身被服飲食內常

如禪若在博奕戲樂輒以度人受諸
異道導以佛教不離聖典因諸世間
俗教善語以法樂而樂之一切見敬
為供養中冢所有者耆舊能喜世間一
切治生諧偶雖獲俗利不以喜悅遊
諸四衢普持法律入于王歲諸講法
衆輒身往視不樂小道諸好學者輒
身往勸誘開童蒙入諸娼種除其欲
怒入諸酒會能立其志入長者種正
長者意能使樂法入居士種正居士
意能除其貪入君子種正君子意能
使忍和入梵志種正梵志意使行高
遠入人臣中正群臣意為作端首使
入正道入帝王子能正其意以孝寬
仁率化薄俗入貴人中能為雅樂化
正宮女入庶人中軟意愍傷為興福
力入帝釋中正帝釋意為自在者示
現無常入梵天中正梵天意能現梵
殊勝之慧入四天王正天王意能使
擁護一切天下

如是長者維摩詰不可稱說善權方
便无所不入其以權道現身有疾以
其疾故國王大臣長者居士群臣太

子并餘衆輩從而問疾者無數千人
其往者維摩詰輒為說是四大身為
死亡法言諸仁者是身無常為无强
為無力為无堅為苦為老為病為多
痛畏諸仁者如此身明智者所不怙
是身如聚沫澡浴强忍是身如泡不
得久立是身如野馬渴愛疲勞是身
如芭蕉中無有堅是身如幻轉受報
應是身如夢其現恍惚是身如影行
照而現是身如響因緣變失是身如
霧意無靜相是身如電為分散法是
身无主為如地是身非身為如火是
身非命為如風是身非人為如水是
身非有四大為家是身為空無我无
性無命无人是身無我我者轉離是
身如束薪薪經如立是身非真但巧
風合是身為荒不淨腐積是身為虛
為覆速朽為磨滅法是身為灾一增
百病是身老為怨以老苦極是身為
窮道為要當死諸仁者此可患厭當
發清淨不婬之行如佛法身吾等當
學佛法身者從福祐生佛身者從智
生從戒品定品慧品解品度知見品

生從慈悲喜護生從布施調意自損
生從忍辱仁愛柔和生從強行精進
功德生從禪解定意正受生從智度
無極聞德生從善權方便智謀生從
一切諸度無極生從三十七道品生
從神通生從止觀生從十力生從四
无所畏生從佛十八法生從斷一切
惡法生從一切善法合會生從諦生
從誠生不可計清淨行為成如來身
如是仁者當自勗勉欲除一切病者
當發行大道如是維摩詰為諸問疾
者如應說法令無數千人發无上正
真道意

維摩詰所說經弟子品第三

於是長者維摩詰自念寢疾于牀念
佛在心佛亦悅可是長者便告賢者
舍利弗汝行詣維摩詰問疾舍利弗
白佛言我不堪任詣彼問疾所以者
何憶念我昔常宴坐他樹下時維摩
詰來謂我言唯舍利弗不必是坐為
宴坐也賢者坐當如法不於三界現
身意是為宴坐不於內意有所住亦
不於外作二觀是為宴坐立於禪以

滅意現諸身是為宴坐於六十二見而不動於三十七品而觀行於生死勞垢而不造在禪行如泥洹若賢者如是坐如是立是為明曉如來坐法時我世尊聞是法默而止不能加報故我不任詣彼問疾

佛告賢者大目犍連汝行詣維摩詰問疾目犍連白佛言我不堪任詣彼問疾所以者何憶念我昔為諸少年居士說法時維摩詰來謂我言賢者莫為居家白衣說法如賢者所說欲說法者當為如法如法者離人垢以不我為離染塵不有命為離生死不處人為本末斷如滅相不以姪為無罣尋至不老為諸作斷以隨食為離諸損而一切救如空等為无適莫以無吾為除吾作以无識心為離識心以无倫為無有比以因緣相為入无等以法情正學正諸情以如事入應无所入意識信而皆為立終始不動不動則六無猗不墜於衆人當来无住空為正止无相為惟行無願為離測不自舉不自客為離起分而无家

眼耳鼻口身心已過無所住亦不无
心住已得無知為離衆行法賢者為
如此何說為說法法說者為等句聞
者當等聞說不如等句者彼為非說
為非聞為未譬若幻士為幻人說法
當建是意以為說法隨人本德所應
當善見為現智以大悲不癡妄為成
大乘於佛有反復內性清淨不斷三
寶樂以是說法說說是語時世尊八
百居士發無上正真道意我无此辯
是故不任詣彼問疾

佛告賢者大迦葉汝行詣維摩詰問
疾迦葉白佛言我不堪任詣彼問疾
所以者何憶念我昔於貧聚而行乞
時維摩詰來謂我言如賢者有大哀
捨大姓從貧乞當知已等法施普施
於所行已能不食哀故從乞如不以
言若住空聚所入聚中欲度男女所
入城邑知其種姓輒詣劣家所行乞
於諸法無所受若見色如盲等如聞
聲如響等所嗅香如風等所食味不
以識得細滑無更樂於識法如幻如
今耆年已過八邪八解正受以正定

越邪定以是所乞敬一切人亦已奉
敬諸佛賢聖然後自食如是食者為
非衆勞亦非無勞不有定意亦无所
立不在生死不住滅度如賢者食所
乞與者為非無福亦非大福為非耗
減亦非長益是為正依佛道不依弟
子之道賢者如是為不以癡妄食國
中施時我世尊聞其說是至未曾有
一切菩薩當為作礼斯有家名乃以
此辯勸發道意吾從是來希復立人
為弟子緣一覺行每事勸人學无上
正真之道故我不任詣彼問疾
佛告長老須菩提汝行詣維摩詰問
疾須菩提白佛言我不堪任詣彼問
疾所以者何憶念我昔入其舍欲乞
食時維摩詰取我鉢盛滿飯謂我言
設使賢者於食等者諸法得等諸法
等者得衆施等如是行乞為可取彼
若賢者不絕癡怒癡亦不與俱一切
常若不知已身已得一行為非不明
非趣有愛非得明度亦非極罪止解
已解不解不縛不四諦見非不見諦
不得道不凡人不凡法語不為真非

不真一切無法行離法之想不見佛
不聞法是亦有師不聞迦葉摩訶離
瞿耶婁阿夷耑基耶今離波休迦旃
先比盧特尼捷子等又賢者彼師說
猗為道從是師者為住諸見為墮邊
際不及佛處為歸八難為在眾勞不
信之垢不得離生死之道然其於眾
人亦為他人想若賢者為他人想如
彼者則非祐除也其施賢者為還眾
魔共一手作眾勞侶於一切人若影
想者其住如謗諸佛毀諸經不依眾
經不得滅度矣當以如是行取乞耶
時我世尊得此因然不識是何言當
何說便置鉢出其舍維摩詰言唯須
菩提取鉢勿懼云何賢者如來以想
而言說乎何為以懼我言不也維摩
詰言想為幻而自然賢者不曰一切
法一切人皆自然乎至於智者不以
明著故無所懼患捨文字於字為解
脫解脫相者則諸法也當其世尊說
是語時二百天人得法眼淨故我不
任詣彼問疾

佛告鄒繇文陀尼子汝行詣維摩詰

問疾邠釋白佛言我不堪任詣彼問疾所以者何憶念我昔在他方大樹下為阿夷行比丘說死畏之法時維摩詰來謂我言欲何置此人何以教此比丘無乃反及此摩尼之心是已為下正行又不當以不視人根而說其意也當取使無瘡莫便內坏於竈在大生死可使入迹莫專導以自守之又此賢者諸比丘在大道已有次如何忘其道意而發起以弟子行乎是時維摩詰即如其像三昧正受念是比丘宿命已於五百佛立德本在无上正真道已分布因其道意而為解說即時諸比丘稽首札維摩詰足已為說如是法皆得不退轉自從是來我念弟子未觀察人者不可為說法所以者何不能常定意根原知本德如佛世尊故我不任詣彼問疾佛告長老迦旃延汝行詣維摩詰問疾迦旃延白佛言我不堪任詣彼問疾所以者何憶念昔者佛為兩比丘粗現軌迹已便入室吾於後為其說經中要言無常之義苦義空義非身

之義時維摩詰來謂我言惟迦旃延
無以待行有起之義為說法也若賢
者都不生不增生不起不減是為無
常義五陰空无所起以知是是苦義
於我不我而二是非身義不然不
滅為都滅終始滅是為空義彼說是
時其比丘本漏意解故我不任詣彼
問疾

佛告長老阿那律汝行詣維摩詰問
疾阿那律白佛言我不堪任詣彼問
疾所以者何憶念我昔於他處經行
見有梵天名淨復淨與千梵俱來詣
我稽首作禮問我言幾何阿那律天
眼所見我答言仁者吾於是三千大
千佛國如於掌中觀寶冠耳時維摩
詰來謂我言云何賢者眼為受身相
耶无受相耶假使有受身相則與外
五通等若無受相无受相者無計數
則不有見我時默然彼諸梵聞其言
至未曾有即為作禮而問言世孰復
有天眼維摩詰言有佛世尊常在三
昧禪志不戲恚見諸佛國不自稱說
於是衆中五百梵具足發無上正真

道意已皆忽然不現故我不任詣彼問疾

佛告長老優波離汝行詣維摩詰問疾優波離白佛言我不堪任詣彼問疾所以者何憶念昔者有兩比丘未踐迹以為耻將詣如來過問我言吾賢者未踐迹誠以為耻欲往見佛願賢者解其意吾則為之現說法語時維摩詰來謂我言唯優波離莫釋以所誨而詭其行也又賢者未踐迹者不內住不外計亦不從兩間得所以者何此本為如來意欲為勞人執勞惡意已解意得依者亦不內不外不從兩間得如其意然未迹亦然諸法亦然轉者亦然如優波離意之淨以意淨意為解寧可復汙復使淨耶我言不也維摩詰言如性淨與未迹一切諸法一切人意從思有垢以淨觀垢無倒與淨亦我垢等穢濁與淨性淨性與起分一無所住又一切法可知見者如水月形一切諸法從意生形其知此者是為奉律其知此者是為善解於是兩比丘言上智哉是優

波離不及也持佛上律而不能說我
答言自捨如來未有弟子及菩薩辯
才折疑如此聰明者也兩比丘疑解
便發無上正真道意復言曰令一切
人得辯才之利皆如是故我不任詣
彼問疾

佛告賢者羅云汝行詣維摩詰問疾
羅云白佛言我不堪任詣彼問疾所
以者何憶念昔時諸長者子來禮我
足問我言羅云汝佛之子捨轉輪王
出家為道其出家者有何榮貴我即
為如事說沙門之榮貴時維摩詰來
謂我言羅云說沙門之榮貴不當如
賢者所說所以者何匪榮匪貴故為
沙門為道者羅云離此彼中迹於泥
洹受諸明智招諸聖賢降伏衆魔入
五道淨五眼受五力立五根度彼岸
化異學為正導極淤泥為無我无彼
受無起隨順絕諸念乱降已志護彼
意滅種姓開大學為是故作沙門當
教是諸童子此自然法佛興難值諸
童子言居士我聞佛不教人違親為
道維摩詰言然當觀清淨發菩薩意

已應行者可得去家堅固之志即時
三十二長者子皆發無上正真道意
故我不任詣彼問疾

佛告賢者阿難汝行詣維摩詰問疾
阿難白佛言我不堪任詣彼問疾所
以者何憶念昔時世尊身小中風當
用牛漣我時晨朝入維耶離至大姓
梵志門下住時維摩詰來謂我言賢
者阿難何為晨朝持鉢住此我言居
士佛身小中風當用牛漣故我到此
維摩詰言止止唯阿難莫作是語如
來身者金剛之數眾惡已斷諸善普
會當有何病默往阿難勿謗如來慎莫
復語無使大尊神妙之天得聞此也
他方佛國諸會菩薩且得聞焉且夫
阿難轉輪聖王用本德故尚得自在
豈況一切施德於人而為如來至真
等正覺無量福會普勝者哉行矣阿
難勿為著恥莫使外道異學聞此應
言何聞我師自疾不能救安能救諸
疾人所欲疾行莫復宣言當知阿難
如來法身非思欲身佛為世尊過諸
世間佛身無漏諸漏已盡佛身無數

衆行已除其病有以時我世尊大自
慙懼得無近佛而過聽即聞空中聲
曰是阿難如居士之所言但為佛興
於五濁之世故以是像開解一切貪
貪之行便行阿難取漣莫慙故我不
任誦彼問疾如是上首五百弟子皆
說本所作一切向佛稱述維摩詰之
美言

維摩詰所說經菩薩品第四

於是佛告弥勒菩薩汝行詣維摩詰
問疾弥勒白佛言我不堪任詣彼問
疾所以者何憶念我昔於兜術天上
為諸天人講法語說菩薩大人不退
轉地之行時維摩詰來謂我言卿弥
勒在一生補處世尊所剎无上正真
道者為用何生得弥勒决用過去耶
當來耶現在耶去者生盡未來無對
現在无住如佛說冥生比丘曰是生
是老是病是死是終是始及未生與
當生此兩者非無生耶由是論之不
從无生得寂正覺然則何用記弥勒
决從如起耶從如滅耶夫如者不起
不滅一切人皆如也一切法亦如也

衆聖賢亦如也。至於弥勒亦如也。所
記勃無上正真道者。則一切人爲得
決矣。所以者何。如者不稱爲已。亦无
他稱。說如弥勒成寂正覺者。一切人
民亦當從覺。所以者何。一切人民當
從覺道。故如弥勒滅度者。一切人民
亦當滅度。所以者何。如來者不捨衆
人。獨滅度也。必當滅度諸凡夫。故卿
弥勒與天人談。莫爲非時。佛者無往
亦無還。反若弥勒此諸天人念欲見
道。則爲穿行道。不從身。不從正覺。亦
不從意也。都滅哉。佛一切如化。無比
哉。佛一切造業无爲哉。佛一切不惑
以斷哉。佛一切遠離無欲哉。佛於諸
受盛不雜哉。佛都以一智。兼樂哉。佛
衆所思樂。无言哉。佛諸著不著住哉。
佛以法情住。普入哉。佛自然如也。不
二哉。佛二法已離立哉。佛積誠信等
哉。佛如空等。无数哉。佛離起分處。知
彼哉。佛衆意行。知上哉。佛諸入不貪
不會哉。佛近獄勞。斷聖師哉。佛以無
比化將導一切。非現名哉。佛已諦見
无色哉。佛淨穢已離順哉。佛本性已

清明哉佛自然已淨無受哉佛衆網
已裂不多哉佛諸法等覺无喻哉佛
色好已捨妙哉佛所覺甚遠當其世
尊說是法時彼諸天衆二百天人皆
得不起法忍故我不任詣彼問疾
佛告光淨童子汝行詣維摩詰問疾
光淨白佛言我不堪任詣彼問疾所
以者何憶念我昔出維耶離大城時
維摩詰方入城我即為作礼而問言
居士所從來答我言吾從道場來我
問道場者何所是言道場者無生之
心是檢一惡意故凜冽之心是習增
上故聖賢之心是往殊勝故道意之
心是不忘捨故布施之心是不望報
故持戒之心是得願具故忍辱之心
是不乱衆人故精進之心是無退意
故禪思之心是意行出故智慧之心
是慧眼見故慈心則是為等意故悲
心則是為忍苦故喜心則是以法樂
樂人故護心則是為隨導捨著故神
通之心是得六通故惟務之心是无
恚怒故滅心則是度人民故四思之
心是合聚人故多聞之心是從受成

故不生之心是如自然觀故道品法
心是不著數不墮故諦心則是諸世
間報已不積故緣起之心是以不明
不可盡至於老死皆無盡故衆勞之
靜是佛從是寂正覺故衆生之心是
以人物自然故諸法之心是從空寂
正覺故伏諸魔心是以不傾動故三
界之場是雖處不墮欲故師子座場
是善勝無畏故力无畏場是一切無
難故三達之智是無餘罣碍故一意
覺場是一切智普具故如是仁者菩
薩若應諸度無極如應化人如應受
法已得本祠護不墮欲者是為一切
從佛心來立於一切佛法矣當其世
尊說是語時有五百天與人發无上
正真道意故我不任詣彼問疾
佛告持人菩薩汝行詣維摩詰問疾
持人白佛言我不堪任詣彼問疾所
以者何憶念我昔自於室住天魔波
旬從玉女万二千狀如帝釋鼓樂弦
歌來詣我室稽首我足與其眷屬共
供養我已於一面住我意謂是天帝釋
讚言善來拘翼雖福應有不當自恣

一切欲樂當觀非常無强多失當修德本魔言正士受是取此万二千女可備掃灑我言拘翼無以此妖蠱之物要我釋迦弟子此非我宜時維摩詰來謂我言族姓子莫於是起汙意是為魔來燒固汝耳非帝釋也維摩詰言波旬以此與我如我應受莫與釋迦弟子魔即恐懼念維摩詰必不助我欲隱形去而不能隱盡現其神了不得去而聞空中聲曰波旬以玉女與之乃可得去魔以畏故强與玉女維摩詰言魔以女與我今汝當發無上正真道意諸玉女言其已如是從道之教發大道意者當何以自娛樂答言汝等便發无上正真道意有樂法之樂可以自娛汝等得之不復樂欲樂也即問何謂法樂維摩詰言樂於喜不離佛樂於諦聞法樂常供養衆樂不倚三界樂於三界不嫉樂知欲無常樂觀種為毒鉗樂隨護道意樂安諸人物樂以礼敬人樂施諸所有樂奉真人戒樂忍調不忍樂精進力知行德本樂禪善行樂智慧洲

樂廣宣佛樂抑制魔樂化塵勞樂佛
國淨樂以相好合會教化樂嚴道場
樂三昧門樂泥洹道樂入深法不樂
非時樂習自然人不樂怒不諦樂習
善友樂遠惡友樂於好喜樂无有量
道品之法是為菩薩樂法之樂而以
自娛於是波旬謂諸玉女我欲與汝
俱還天上曰以我等與此居士樂法
之樂我等甚樂非復樂欲樂也波旬
言可捨居士此諸玉女已其所有施
於彼者是為菩薩維摩詰言我已捨
矣汝便將去使一切人遵承法行所
願皆得諸玉女即作礼而問言我當
云何止於魔天維摩詰言諸姊有天
名曰無盡常開法門當從彼受何謂
无盡開法門者譬如一燈燃百千燈
冥者皆明明終不盡如是諸姊夫一
菩薩以道開導百千菩薩其道意者
終不盡耗而復增益於是功德不以
導彼彼故而有盡耗是故名曰無盡
常開法門汝等當從其受魔界无数
天子玉女未有可此道意如汝等者
於如來為有反復法為一切人說已

魔眷屬皆去維摩詰所感動如是世尊故我不任詣彼問疾

佛告長者子善見汝行詣維摩詰問疾善見白佛言我不堪任詣彼問疾所以者何憶念我昔在諸父舍盛祀大祀至于七日時維摩詰來入祠壇謂我言長者子不當祀祠如衆人祠當祀法祠何用是思欲祠爲我問何如爲法之祠祀維摩詰言其爲祠者無本行故敬待衆人是則法祠爲之奈何謂爲佛事不斷慈爲人事不斷悲爲法事不斷喜爲慧力不斷護爲布施不斷檀戒化人不斷律知非我不斷忍身意行不斷精進惟道事不斷禪思爲博聞不斷智慧若无施不斷惟空行俗數中不斷無想在所墮生不斷无願護持正法不斷力行以恩會人不斷壽命知人如如不斷謙敬聖其德本不斷命財爲六思念不斷其念行六堅法不斷學意修正受不斷淨命行好喜不斷習真斷意不生不斷愚人爲沙門不斷正性善諷受不斷聞德山澤受法不斷閑居念

生佛慧不斷宴坐為一切勞不斷賢者行地嚴飾相及佛國不斷分部福行隨衆人行而為說法不斷分部智慧斷衆勞厄諸不善法不斷分部一切德本一切智覺一切善法具足不斷以道品正法懷來一切是為法之祠祀菩薩立法祠者為得祠祀寧偶之福為世間上當其世尊說是法時梵志衆中二百婆羅門發无上正真道意我時甚自雅竒得與正士高行者會便解頸百千珠璣以上之不肯取我言取是而有所悅自可念昔者維摩詰乃取珠璣分作兩分仍如祠舍持一分與諸下劣國中貧者又持一分奉彼頭波變如來至真等正覺并見其衆及國土頭波變

摩訶目受

其國名炎氣皆見珠璣懸彼國上變成彼佛珠交露棚既見是化又聞其言如是仁人施者得近如來而上達觀不以想施貧亦等無若干念有大悲意不望其報惠此法祠為具足已國中貧人見此變化聞彼佛語皆發無上正真道意故我不任誦彼

問疾如是一切菩薩各稱其所說不
任詣彼

維摩詰所說經諸法言品第五

佛復告文殊師利白汝詣維摩詰問
疾文殊師利白佛言世尊彼維摩
詰雖優婆塞入深法要其德至溥
以辯才立智不可稱一切菩薩法
式悉聞諸佛藏處無不得入進御
衆魔降之以德務行摧慧非徒戲食
然猶復求依佛住者欲於其中開度
十方於是衆菩薩大弟子釋梵四天
王皆念今得文殊師利與維摩詰二
人共談不亦具足大道說哉即時八
千菩薩五百弟子百千天人同意欲
行於是文殊師利與諸菩薩大弟子
及諸天人眷屬圍遶俱入維耶離大
城長者維摩詰心念今文殊師利與
大衆俱來吾將立空室合座為一座
以疾而卧文殊師利既入其舍見其
室空除去所有更寢一牀維摩詰言
勞乎文殊師利不面在昔辱來相見
文殊師利言如何居士忍斯種作疾
寧有損不至增乎世尊慙歎致問無

量興起輕利遊步強耶居士是病何
所正立其生久如當何時滅維摩詰
言是生久矣從癡有愛則我病生用
一切人病是故我病若一切人得不
病者則我病滅所以者何欲建立衆
人故菩薩入生死為之病使一切人
皆得離病則菩薩無復病譬如長者
有一子得疾以其病故父母諸父為
之生疾其子病愈父母亦愈菩薩如
是於一切人愛之若子彼人病我則
病彼不病則不病又言菩薩病何所
立菩薩病者以大悲立文殊師利言
何以空无供養維摩詰言諸佛土與
此舍皆空如空又問何謂為空答曰
空於空又問解一為空答曰空無與
之為空空又問空復誰為答曰思想
者也彼亦為空又問空者當於何求
答曰空者當於六十二見中求又問
六十二見當於何求答曰當於如來
解脫中求又問如來解脫者當於何
求答曰當於衆人意行中求又仁所
問何無供養一切衆魔皆是吾養彼
諸轉者亦吾養也所以者何魔行者

受生死生死者則菩薩養彼轉者受諸見菩薩於諸見不傾動文殊師利言居士所疾為何等類答曰仁者我病不現不可見又問云何是病與身合意合乎答曰我病身合者身為地意合者意為幻法又問四種地種水種火種風種何等種病答曰是種者一切人所習也云何文殊師利菩薩觀諸疾意又以何習於有疾菩薩文殊師利言於非常身不以泥洹常現不婬在身有苦不以泥洹安而喜之現於非身為衆人導身之空寂不以永寂為現本作恒悲彼疾不自計疾以識宿命導利人物而無所惑念善本修淨命不望彼常精進為醫王滅衆病是為菩薩能與疾者相習文殊師利又問何謂菩薩有疾其意不亂維摩詰言菩薩疾者意知是前未近之罪住欲處故是病皆為不誠之思在衆勞故又問疾者自於其法都不可得所以者何如是病者但倚四大又此諸大為都无主是所倚亦無我是病無我專著兩无專著得病本者

必知精進無我人想為起法相身為法數法起則起法滅則滅法轉轉不相念不相知起者不言我起滅者不言我滅知法想者將養其意而无所住若以法想受報大止已離病者我不為是何謂斷病謂我作非我作恙斷何謂是我作非我作斷謂已自無欲何謂已自无欲謂内無習行何謂内无習行謂等不動不可動何謂為等謂我等泥洹等所以者何此二皆空何名為空所言為空二者如是凡聖道成皆從平等病亦不異何謂所受亦空謂已曉了不覺諸痛不盡於痛以取證際如是二者為諸痛長一切惡道已竟近一切人興大悲哀吾為衆人作自省法觀以除其病而不除法亦不除其本病所生知其根本而為說法何謂為本謂始末然未熾然者則病之本何謂不然於三界而不然其不然何用知謂止心止心者以不得也非不然也何以不得二見不得謂内見外見是无所待此文殊師利為疾菩薩其意不乱雖有老死

菩薩覺之若不如是已所修治為無
惠利群如勝然乃可為勇如是兼除
老死苦者菩薩之謂也菩薩若病當
作是觀如我此病非真非有亦是眾
人所共真非有已觀如是不墮妄見以
要之悲彼必來者為斷其勞以合道
意為彼大悲所以者何菩薩墮妄見
其大悲者有數出生不墮妄見大悲
菩薩不以數生彼生為脫為脫所墮
為脫出生為脫受身能為彼人說佛
說法是其捨也如佛言曰其自安
不解欲縛不得是處而自安身又解
彼縛斯得是處故曰已脫菩薩其行
不縛何謂縛何謂解菩薩禪定以縛
諸我以道縛我縛者菩薩以善權生
五道解彼受菩薩无權執智縛行權
執智解智不執權縛智而執權解彼
何謂无權執智縛謂以空無相不願
之法生不治相及佛國以化人是无
權執智之縛也何謂行權執智解謂
修相及佛國開化人而曉空無相不
願之法生是行權執智之解也何謂
智下執權縛謂以見行勞望受立修

行一切德善之本是智不執權之縛也何謂智而執權解謂斷諸見行勞望之受以殖衆德之本而分布此道是智而執權之解也彼有疾菩薩已如是下此法設身有病觀其无常為苦為空為非身是為智慧又身所受不以斷惡生死善利人民心合乎道是為權行又若身病知異同意彼過非新則觀其故是為智慧假使身病不以都滅所當起者是為權行是文殊師利為疾菩薩其意不乱亦不高住所以者何若高住者是愚人法以卑住者是弟子法故菩薩住不高不卑於其中无所處是菩薩行不凡夫行不賢夫行是菩薩行在生死行不為汙行是菩薩行觀泥洹行不依泥洹是菩薩行行於四魔過諸魔行是菩薩行博學慧行無不知時之行是菩薩行於四諦行不以諦知行是菩薩行觀无生行不謂難至是菩薩行在緣起行於諸見而無欲是菩薩行在諸人衆无勞望行是菩薩行在閑居行不盡身意是菩薩行於三界行

不壞法情是菩薩行為空無行一切
衆事清德皆行是菩薩行行六度无
極為衆人意行而度無極是菩薩行
行六神通不盡漏行是菩薩行受道
之行不興小道是菩薩行以止觀知
魔行不滅迹行是菩薩行於弟子緣一
覺所不應不現行不為毀佛法行是
菩薩行說是語時八千人發無上
正真道意文殊師利童子甚悅賢者
舍利弗心念無牀座是菩薩大弟子
當於何坐維摩詰知其意即謂言云
何賢者為法來耶求牀座也舍利弗
言居士我為法來非利所安維摩詰
言唯賢者其利法者不貪軀命何況
牀座唯舍利弗夫利法者非有色痛
想行識求非有陰種諸入之求非有
欲色無色之求唯舍利弗夫求法者
不著佛求不著法求不著衆求又舍
利弗夫求法者無知苦求无斷習求
无造盡證惟道之求所以者何法無
放逸有放逸法當知苦習當為盡證
以惟致道斯求法者无放逸之求也
法舍利弗無有塵離塵其染汙者

即為在邊斯求法者無婬樂之求也
法舍利弗无有壇界在壇界者則有
分數斯求法者無壇界之求也法无
不淨在不淨者於法有取有放斯求
法者無取放之求也法无巢窟有法
者則為有窟斯求法者無窟倚之求
也法無有想在占想者則為堅識斯
求法者无占想之求也法無有漏在
流法者為一切近斯求法者无一切
之求也法無見聞无念無知於法有
見聞念知者則為已別斯求法者為
无見聞之求也是故舍利弗求法者
一切法唯無求也說是語時五百天
人諸法眼生

維摩詰所說經不思議品第六

於是維摩詰問文殊師利仁者遊於
無量無數佛國億百那術何等佛土
為一切持一切有好師子之座文殊
師利言有族姓子東方去此佛國度
如三十六恒沙等剎其世界名須弥
幢其佛號須弥燈王如來至真等正
覺今現在其佛身八万四千由延佛
師子座六万八千由延其菩薩身四

万二千由延須弥幡國有八百四十
万師子之座彼國如來為一切持其
師子座為一切嚴於是維摩詰則如
其像三昧正受現神足應時彼佛須
弥燈王如來遣三万二千師子座高
廣淨好昔所希見一切弟子菩薩諸
天釋梵四天王來入維摩詰舍見其
室極廣大悉苞容三万二千師子座
所立處不迫迮於維耶離城無所罣
碍於佛所止及四天處无所罣碍悉
見如故若前不減維摩詰言文殊師
利就師子座與諸菩薩上人俱坐當
自主身如彼座像其得神通菩薩即
自變形為四万二千由延坐師子座
其邊菩薩大弟子皆不能昇維摩詰
言唯舍利弗就師子座舍利弗言族
姓子此座為高廣吾不能昇維摩詰
言賢者為須弥燈王如來作礼然後
可坐於是邊菩薩大弟子即為須弥
燈王如來作礼便得坐師子座舍利
弗言未曾有也族姓子如是小室乃
容受此高廣之座於維耶離城無所
罣碍於佛所止及四天處无所罣碍

於諸國邑天龍神宮亦無罣碍維摩詰言唯然舍利弗諸如來諸菩薩有八不思議門得知此門者以須弥之高廣入芥子中无所增減因現儀式使四天王與忉利天不知誰内我著此而異人者見須弥入芥子是為入不思議壇界之門也又舍利弗立不思議門菩薩者以四大海水入一毛孔不燒魚鱉龍龜水性之屬不使龍鬼神阿須倫迦留羅知我何入因喻儀式其於衆生無所燒害又舍利弗於是三千世界如佛所斷以右掌排置恒沙佛國而人不知誰安我往又引還復故處都不使人有往來想因而現儀又舍利弗有無量人生死奉律立不思議門菩薩者為奉律人現七夜為劫壽人信知謂劫過不知是七夜也又舍利弗立不思議門菩薩者現諸刹好以為一刹立一切人置其右掌順化其意與遊諸刹令如日現不震一國從是礼事十方諸佛又令一切從一毛孔見十方諸日月星像十方陰冥皆隨入門既無所害又

使佛國所有不減一切曠然各得修行又能蹶取下方恒沙等剎舉置殊異無數佛土若接頻坎安措地又立不思議門菩薩者為一切人故如佛像色貌立以立之如緣一覺像色貌立以立之如弟子像色貌立以立之或如釋如梵如轉輪王像色貌立以立之隨十方語言音聲上中下之所願一切以佛柔軟音響而誘立之為出佛語無常苦空非身之聲以如事說諸佛法言出是輩聲於是耆年大迦葉聞說菩薩不思議門謂舍利弗言譬如賢者於凡人前現衆名香非彼所見則不能知為若此也今諸弟子聞是語者可一時見不思議作其誰聞此不思議門不發无上正真道者於此賢者吾等何為永絕其根於此大乘已如敗種一切弟子聞是說者當以悲泣曉喻一切三千世界其諸菩薩可悅預喜如是說當頂受若曉了不思議門者一切魔衆無如之何大迦葉說是語時三万二千天人皆發无上正真道意維摩詰報大迦

葉言唯然賢者十方無量无央數魔
魔恠賢者恚行恐怖立不思議門菩
薩者常解度人魔之所為十方无量
或從菩薩求索手足耳鼻頭眼髓腦
血肉肌體妻子男女眷屬及求國城
墟聚莊穀金銀明月珠玉珊瑚珍寶
衣裘飲食一切所有皆從求索立不
思議門菩薩者能以善權為諸菩薩
方便示現堅固其性所以者何菩薩
者當上及不可使凡民逼迫之也譬
如迦葉龍為蹴踏非驢所堪為若此
也其餘菩薩莫能為菩薩忍逼猶如
此立不思議門菩薩入權慧力者也
維摩詰經卷上

癸卯歲高麗國大藏都監表
勅彫造

維摩詰經卷下

樹

吳月氏優婆塞支謙譯

觀人物品第七

於是文殊師利問維摩詰言菩薩何以觀察人物答曰譬如幻者見幻事相菩薩觀人物為若此譬如達士見水中月菩薩觀人物為若此譬如明鏡見其面像菩薩觀人物為若此取要言之如熱時之焰如呼聲之響如空中之霧如地水火風空如諸情同等如無像之像如真人斲三垢如漢港見自身如如來諸所有如所見諸色像如得盡定無身不身如空中之鳥無跡如虫蚤之根自然如夢所見已寤如未生塵如真人現菩薩觀人物為若此也

文殊師利曰如是觀者何以行慈答曰如是觀人人物為幻知法亦然而為說法以慈修止止而慈者為無所起行不燒慈以無瑕穢行等之慈等于是三塗行無諍慈无所止處行不二慈内外无習行不怒慈為都成就行

牢強慈強若金剛莫能沮壞行清白
慈內性已淨行平等慈平若虛空行
如來慈如本隨覺行佛之慈覺諸凡
人行自然慈以自覺正行道之慈同
其所味行無比慈能却衆惡行大悲
慈導以大乘行不視慈其視如空行
布施慈無所遺忘行戒以慈與惡戒
眼行忍以慈彼我皆護行精進慈荷
負衆人行一心慈思所當念行智慧
慈而以知時行善權慈一切現聞行
不誑慈意淨無求行不飾慈心無所
著行不執慈无復惡意行安慰慈至
于得佛為立大安菩薩之慈為若此也
文殊師利又問何謂為悲曰所造德
本修辯為人何謂為喜曰所以施衆
而無悔何謂為護曰兼利之又問生
死為畏菩薩何以御之曰生死畏者
菩薩以聖大之意為之作御又問欲
建聖大當何所立曰建聖大者必等
一切而度衆生又問欲度衆生當何
除解曰度衆生者解其勞塵又問既
解勞塵當復何應曰已解勞塵當應
自然又問何所施行而應自然曰不

起不滅是應自然又問何等不起何等不滅曰不善不起善者不滅又問善不善孰為本曰善不善身為本又問身為本曰欲貪為本又問欲貪孰為本曰不誠之雜為本又問不誠之雜孰為本曰不住為本如是仁者不住之本無所為本從不住本立一切法

於是有天在其室止聞上人言現其天身即以天華散諸菩薩大弟子上華至諸菩薩即如應若持至大弟子即著不墮一切弟子神足舉華便不墮落天問舍利弗何故舉華曰不如應是以舉之天曰不然此華如應何為賢者謂之不應又如此華无應不應賢者自為應不應耳觀諸大人華不著身者以一切棄應不應也譬如丈夫畏時非人得其便弟子畏生死故色聲香味細滑得其便已離畏者一切五樂無能為也止處未斷華著身耳止處斷者華不著也舍利弗言天止此室其已久如曰至於此久如耆年解脫又問止此久耶曰耆年解

脫亦何如久舍利弗默而不答天曰
如何耆舊大智而默曰真解者無所
言取故吾於是不知所云天曰耆
年案文言之則一切如文解相何則
解脫者不內不外不從兩間得而文
字亦無內外兩間之得是故賢者无
以文字說解脫也所以者何一切諸
法皆從等解曰不復以不欲婬怒癡
而解乎天曰甚慢者不用是說解如
不樂慢婬怒癡者乃以是解舍利弗
言善哉善哉天女奚得以何為證辯
乃如是曰不我得不得為證故辯如是
若有得有證則於自然法律為甚慢矣
舍利弗問天汝於三乘為何志求天
曰弟子行者乘弟子法緣一覺行眼
見道意求大乘者自行大悲如入梅
檀林者唯嗅梅檀不嗅他香如是賢
者在佛德香之室者不樂弟子緣一
覺香若天龍神釋梵四天王得入此
室聞斯正士講說法者皆樂佛美德
香終不起欲樂香也昔者菩薩發意
出家十有二年吾止此室不聞弟子
緣一覺之雜言但聞殊異菩薩雜語

大慈大悲不可思議佛法積要又舍利弗此室有八未曾有自然之法以現正化何謂八此室晝夜照以智慧觀佛金光不以日月所照為樂是為一未曾有此室入者在中而止一切無復姪怒癡垢是為二未曾有此室恒有釋梵四天王異刹菩薩來會不休是為三未曾有此室常聞講說道化六度無極不退之輪法語不廢是為四未曾有此室天人恒歌正樂絃出無量法化之聲是為五未曾有此室其中有一大藏衆寶積滿周窮濟乏求得無盡是為六未曾有此室釋迦文阿閼佛寶首樂忻寶月寶淨無量固受師子響慧作斯彼諸如來等是正士念時說時彼佛即為來來說佛行無不悅懌是為七未曾有此室清淨常見諸天名好宮室及一切佛嚴淨之土是為八未曾有自然之法如是賢者此常見正誰已見此當復捨學弟子法乎

舍利弗問天汝何以不轉女人身天曰滿十二歲始以女人形求而得之

夫女人相猶幻事也故女人為幻觀
世如類而去何以轉女人身舍利弗
言觀諸有身皆無所成如是賢者一
切諸法亦無所成奚為復問何轉女
身於是其天即以神足立舍利弗令
如天像天自化身如舍利弗既現化
而問曰去何賢者轉為此女像舍利
弗以天女像而答曰不識吾何以轉
成此女像也天曰賢者若能轉此女
像則衆女人身可轉若其不女于女
身亦不見者則衆女人雖女身為非
女非見也又如佛言一切諸法非女
非男即時舍利弗身復如故天曰賢
者何緣作此女相曰吾不作非不作
天曰如是賢者諸法亦非作非不作
夫不作非不作者佛所說也
舍利弗問天汝沒此當於何生天曰
佛化所生吾如彼生日如佛化生非
沒生也天曰衆生猶然亦不見其沒
生者也曰天久如能成無上正真道
寧正覺乎曰久猶凡民之普得法乃
吾成寧正覺曰去何凡民之普得法者
無乃非處乎天曰其為無上寧正覺

者非有處也所以者何佛無所立故
日無所於寂正覺者舍利弗言今諸
佛寂正覺及其已正覺與當正覺者
如江河沙皆謂何乎曰此以文數為
讀者耳非謂道有去來今也夫三塗
等且如賢者得道云何曰所得者為
不惑耳天曰如是賢者吾成佛者亦
以為彼未正覺故今時維摩詰謂賢
者舍利弗言是天已奉事九十二億
佛神通之智已解了所願普具法忍
已得已不退轉願行如言所欲能現
維摩詰經如來種品第八

文殊師利問曰何謂族姓子菩薩所
至到處興有佛法維摩詰言其來往
周旋有智慧興有佛法菩薩來往為
之奈何其至五無間處能使无諍怒
至地獄處能使除冥塵至於畜生處
則為除闇昧能使無慢求入餓鬼道
一切以福隨次合會至无智處不與
同歸能使知道在怒害處為現仁意
不害衆生在憍處為現橋梁合聚度
人在塵勞處為現都淨無有勞穢如
在魔道則能使其覺知所緣在弟子

道所未聞法令人得聞在緣一覺道能行大悲坐而化人入貧窶中則為施以無盡之財入鄙陋中為以威相嚴其種姓入異學中則使世間一切依附遍入諸道一切能為解說正要至泥洹道度脫生死如無絕已是為菩薩來往周旋所入諸道能有佛法於是維摩詰又問文殊師利何等為如來種答曰有身為種无明與思愛為種婬怒癡為種四顛倒為種五蓋為種六入為種七識住為種八邪道為種九惱為種十惡為種是為佛種曰何謂也文殊師利言夫虛無无數不能出現住發無上正真道意在塵勞事未見諦者乃能發斯大道意耳譬如族姓子高原陸土不生青蓮芙蓉蘅華卑濕汙田乃生此華如是不從虛無无數出生佛法塵勞之中乃得衆生而起道意以有道意則生佛法從自見身積若須弥乃能兼見而起道意故生佛法依如是要可知一切塵勞之疇為如來種又譬如人不入塵勞下巨海能舉夜光寶耶如是不入塵勞

事者豈其能發一切智意

賢者大迦葉言善哉善哉文殊師利
快說此言誠如之意塵勞之疇為如
來種奚但身見能發無上正真道乎
雖以五無間具猶能發斯大道意而
具佛法矣已得羅漢為應真者終不
能復起道意而具佛法也如根敗之
士其於五樂不能復利如是弟子雜
行已斷其於佛法不樂不利無復志
願是以凡夫於佛法為有反復如弟
子無有所以者何凡夫聞佛法能起
大道不斷三寶使夫弟子終身聞佛
法力無所畏非復有意起大道也於
是衆中有坐菩薩字衆像見問維摩
詰言居士父母妻子奴客執事安在
朋友親戚徒隸為誰羣從所有爲馬
車乘皆何所在今時長者維摩詰答
衆像見而說頌曰

母智度無極 父為權方便 菩薩由是生
得佛一切見 樂法以為妻 悲慈為男女
奉諦以降調 居則思空義 學知一切塵
其生隨所欲 上道為親友 覺意而不著
我徒勇而果 羣從度無極 四恩當女事

樂以歌道德 摠持為苑囿 覺華甚奇快
厭實度知見 彼樹法林大 八解之浴池
正水滿其洲 淨葉衆如殖 浴此無垢塵
衆駕五通馳 大乘難過踰 調御以道意
八道坦忘憂 相具以嚴容 衆好飾其姿
慙愧免行成 華鬘謂不疑 七寶貨之大
求者兼與法 得報利弘多 隨布分斯道
守如禪解教 無患清淨道 以是依諸佛
常勇志不搖 是食甘露者 以解味為漿
不慢不疑淨 戒品為塗香 在彼衆塵埃
勇健莫能勝 降伏一切魔 咸使至道場
其於所墮生 都已無惑根 為現諸刹土
將護度衆塵 供養億如來 奉諸三界將
不我則為佛 生轉務成養 修治佛土淨
訓化諸群生 由是得寂刹 無人人所行
一切民萌類 瞽聵及衆變 一時能盡現
菩薩樂精進 邪行為順現 隨欲牽致來
方便度無極 一切示軌儀 為現勝言教
示身終如死 祐化諸人物 於幻法不殆
現劫盡乾燒 更始生地形 衆人有常想
照令知無常 正使或億千 出之一邑里
能悉為空舍 安諸施以道 如有禁呪語
嶮谷若干輩 皆為到彼度 菩薩無所畏

世間衆道術一切從而學非以隨疑見
因之解人惑或作日月天或為梵中尊
為地主以德為風神亦然劫中有疾疫
為之設醫藥勤恤護養安除病消諸毒
劫中設飢饉則施食與漿前救彼飢渴
却以法語人劫中若兵起已為作慈利
化之以不諍兆民得休濟若於大戰中
則我得巨衆恒協用和安菩薩力勢強
至於有獄刑佛土不可勝轉至到于彼
趣使衆庶寧所往方教化五道遍分明
一切生索現此為菩薩生在欲示饒有
現捨而行憚能禁制魔首莫知孰執焉
火中生蓮荷是可謂希有無比為大炬
其在欲能令有民衆所聚則為興農利
導以無貪欲立之以佛智求為世間將
宗長若帝師輔上而懷下以此安羣黎
周惠諸貧民資財無有極因嚴所布施
勸勵起道德在於憍慢中示現作力士
消伏諸貢高使立佛正道見人有危懼
居前而慰安既施使無畏乃化以道真
為五通仙人修治梵行事立衆以淨戒
及忍和損意以敬養衆民見者樂精進
所有僮僕奴教學立其信隨如方便隨

令人得樂法欲現一切取善權必深學
無際行謂此是以遊无疆合會無邊慧
說法无有量

維摩詰經不二入品第九

於是維摩詰問衆菩薩曰諸正士所
樂菩薩不二入法門者為何謂也座
中有名法作菩薩答曰族姓子起分
為二不起不生則無有二得不起法
忍者是不二入

首闍菩薩曰吾我為二如不有二不
同像則無吾我以无吾我無所同像
者是不二入

不响菩薩曰有受為二如不受則無
得无得者不作泐以無作无馳騁者
是不二入

首立菩薩曰勞生為二為勞乘者其
於生也弗知弗樂以過衆知而受色
欲者是不二入

善宿菩薩曰慮知為二當以不慮不
知於諸法念作而行不念作者是不
二入

善多菩薩曰菩薩意弟子意為二如
我以等意於所更樂無菩薩意无弟

子意與無意同相者是不二入

善眼菩薩曰一相不相為二若都不
視不熟視不暫視不作一相亦不暫
相於視不視以等視者是不二入
奉養菩薩曰善不善為二於善不善
如無所興是謂無想以无想立者而
不為二都於其中而無度者是不二入
師子意菩薩曰一切不受為二當如
金剛而無覺知不為愚行亦不解者
是不二入

勇意菩薩曰漏不漏為二如得正法
則其意等已得等者終不為漏不漏
想亦不以無想而得不以想受而住
者是不二入

淨解菩薩曰此有數此无数為二若
離一切數則道與空等意都已解無
所著者是不二入

人乘菩薩曰是世間是世尊為二若
世間意空於其中不捨不念不依尊
上者是不二入

目見菩薩曰盡不盡為二盡者都盡
都盡者不可盡是謂无盡無所盡故
曰盡曰盡者無有盡如斯入者是不

二入

普問菩薩曰我非我為二如我之不得非我何可得於我自然而不作者是不二入

明天菩薩曰明不明為二不明滋多是故有明若是不用不計以作等計於其中而平等不以二得要者是不二入

愛觀菩薩曰世間空耳作之為二色空不色敗空色之性空如是痛想行識空而作之為二識空不識敗空識之性空彼於五陰知其性者是不二入光造菩薩曰四種異空種異為二空種自然四大亦尔本空自然末空自然知此種者是不二入

善意菩薩曰眼色為二其知眼者見色不染不怒不癡是謂清淨如是耳聲鼻香舌味身更心法為二其知心者於法不染不怒不癡是謂清淨如此住者是不二入

无盡意菩薩曰布施一切智而分布為二布施而自然一切智亦尔一切智自然布施亦尔如是持戒忍辱精

進一心智慧一切智而分布為二智
慧而自然一切智亦尔一切智自然
智慧亦尔於其中而一入者是不二入
深妙菩薩曰空異无相異無願異為
二如空則無相无相則無願无願者
不意不心不識不行其以一向行衆
解門者是不二入

寂根菩薩曰佛法衆為二佛性則法
法性則衆一切是三寶無有數无数
則扑扑則正諸法樂隨此者是不二入
不毀根菩薩曰有身與有身盡為二
有身則有盡何則從身生見從見有
身是故有身有毀滅雜彼以無雜自
然如滅而不迷不惑者是不二入
善斷菩薩曰身口心為二所以者何
是身則無為之相也如身之無為口
相亦无為如口之無為心相亦无為
如其心之無為一切法亦无為其以
無二无三事者是不二入
福土菩薩曰福與不福為與不知為
為二於福不福如不知為如不有為
是則無二其於罪福不以知為如自
然相以空知者不是福不非福亦不

無知覺如此者是不二入

首懷菩薩曰攀緣稱說為二若其不攀緣則無所不善无非善也如無不善无非善者是不二入

月盛菩薩曰闇與明為二不闇不明乃無有二何則如滅定者无闇無明如諸法相而等入者是不二入

寶印手菩薩曰其樂涅槃不樂生死為二如不樂涅槃不惡生死乃無有二何則在生死縛彼乃求解若都无縛其誰求解如無縛无解無樂无不樂者是不二入

心珠立菩薩曰大道小道為二依大道者不樂小道亦不習塵無大道相無小道相如如想之士无以行道者是不二入

誠樂即菩薩曰誠不誠為二誠見者不見誠奚欺為之能見何則非肉眼所見也以慧見乃而見其以如見無見無不見者是不二入

如是諸菩薩各各說已又問文殊師利何謂菩薩不二入法門者文殊師利曰如彼所言皆各建行於一切法

如無所取无度無得无思無知无見
无聞是謂不二入

維摩詰經香積佛品第十

於是賢者舍利弗心念日時欲過此
諸大人當於何食維摩詰知其意而
應曰唯然賢者若如來說八解之行
豈雜欲食而聞法乎要聞法者當為
先食是時維摩詰即如其像正受三
昧上方界分去此剎度如四十二江
河沙佛土有佛名香積如來至真等
正覺世界曰衆香一切弟子及諸菩
薩皆見其國香氣普薰十方佛國諸
天人民比諸佛土其香最勝而彼世
界無有弟子緣一覺名彼如來不為
菩薩說法其界一切皆以香作樓閣
經行香地苑園皆香菩薩飲食則皆
衆香其香周流無量世界時彼佛諸
菩薩方坐食有天子學大乘字香淨
住而侍焉一切大衆皆見香積如來
與諸菩薩坐食維摩詰問衆菩薩言
諸族姓子誰能致彼佛飯皆曰不能
即復問文殊師利卿此衆中未悉了
乎答曰如佛所言未知當學於是維

摩詰不起于座居衆會前化作菩薩
光像分明而告之曰汝行從此佛土
度如四十二江河沙世界到衆香刹
香積佛所往必見食則礼佛足如我
辭曰維摩詰言願得世尊所食之餘
欲於忍界施作佛事今此懈廢之人
得弘大意亦使如來名聲普聞即化
菩薩居衆會前上昇上方忽然不現
舉衆皆見其去而化菩薩到衆香界
礼彼佛足言維摩詰菩薩稽首世尊
足下敬問無量興居輕利遊步康強
少承福慶願得世尊所食之餘欲於
忍界施作佛事今此懈廢之人得弘
大意亦使如來名聲普聞彼諸菩薩
皆愕然曰此人奚來何等世界有懈
廢人即以問佛香積報曰下方去此
度如四十二江河沙刹得忍世界有
佛名釋迦文漢言能仁如來至真等
正覺於五濁刹以法解說懈廢之人
彼有菩薩名維摩詰說上法語今遣
化來稱揚我名彼菩薩曰其人何如
乃作是化德力無畏神足若斯佛言
甚大一切世界皆遣化往化作佛事

於是香積如來以滿鉢香飯一切香
具與化菩薩時彼九万菩薩俱發聲
言我等欲詣忍土見釋迦文彼佛報
言往族姓子賣尔忍香入彼世界無
以仁故有放逸意自持汝所樂行勿
念彼國菩薩不如無得於彼生廢退
意而有勞想所以者何佛土虛空諸
佛世尊欲度人故為現其刹耳化菩
薩既受飯與諸大人俱承佛聖旨及維
摩詰化湏臾從彼已來在維摩詰舍維
摩詰即化為九万師子林嚴好如前諸
菩薩皆坐訖化菩薩奉佛具足之飯
與維摩詰飯香一切薰維耶離及三
千大千世界皆有美香時維耶離諸
梵志居士尊者月蓋等聞是香氣皆得
未曾有自然之法身意快然具足八万
四千人入維摩詰舍觀其室中菩薩
甚多觀師子座高大嚴好見皆大喜
悉礼菩薩諸大弟子却住一面諸香
地天人色行天人皆來詣舍維摩詰
謂耆年舍利弗諸大弟子言賢者可
食如來之飯惟大悲味無有限行以

縛意也有異弟子念此飯少而此大衆人人當食化菩薩曰四海有竭此飯無盡使衆人食搏若須弥猶不能盡是不可盡所以者何无有盡戒至于定慧解度知見如來之飯終不可盡於是鉢飯悉飽衆會飯故不盡諸菩薩大弟子天與人食此飯已氣走安身辟如一切安養國中諸菩薩也其香所薰毛孔皆安亦如衆香之國香徹八難

於是維摩詰問衆香菩薩言諸族姓子香積如來云何說法彼菩薩曰我上如來無文字說但以其香而諸菩薩自入律行菩薩各各坐香樹下其香皆薰一切同等悉得一切香德之定堪任得定菩薩一切行無所著彼諸菩薩問維摩詰今世尊釋迦文云何現法維摩詰曰此土人民剛強難化故佛為說剛強之語是趣地獄是趣畜生鬼神之道是為由身由言由意惡行之報至于不善惡行滋多故為之說若干法要以化其麤獷之意辟如爲馬憊快不調著之羈絆加諸

杖痛然後調良如是難化譎張之人
為以一切苦諫之言乃得入律彼菩
薩曰未曾有如世尊釋迦文乃忍以
聖大之意解貧貪之人及其菩薩亦
能勞謙止斯佛土甚可奇也維摩詰
曰如卿等言此土菩薩於五罰世以
大悲利人民多於彼國百千劫行所
以者何諸族姓子此忍世界有十德
之法為清淨彼土无有何等十以布
施攝貧窮以敬戒攝無礼以忍辱攝
強暴以精進攝懈怠以一心攝乱意
以智慧攝惡智以悔過度八難以大
乘樂通行以種德本濟無德者以合
聚度人民是為十德而以發意取彼
彼菩薩曰為以幾法行無瘡痛從此
忍界到他佛土維摩詰曰有八法行
菩薩為無瘡痛從此忍界到他佛土
何等八為衆設耻避乱著望為一切
人任苦忍諍為諸善本以救衆生為
不距衆人而愛敬菩薩所未聞經諮
聽不乱不嫉彼供不謀自利常省已
過不訟彼短自檢第一以學衆經是
為八當此維摩詰與衆會及文殊師

利說法時滿百千人發無上正真道
意十千菩薩逮得法忍

維摩詰經菩薩行品第十一

是時佛說法於奈氏之園其場忽然
廣博嚴事一切衆會皆見金色賢者
阿難問佛言世尊是為誰先瑞應而
此場地廣博嚴事一切衆會皆見金
色佛告阿難是維摩詰文殊師利大
衆欲來故先為此瑞應於是維摩詰
報文殊師利吾欲詣如來此諸大人
可共見佛礼事供養文殊師利言善
哉行矣宜知是時是時維摩詰即如
其為而為神足使一切衆立其右掌
并諸師子座共行詣佛既到諸菩薩
皆避坐而下稽首佛足却住一面諸
大弟子釋梵四天王稽首佛足皆住
一面於是世尊問諸菩薩使各復
坐即悉受教衆坐已定佛語賢者舍
利弗言汝已見菩薩大士之所為乎
對曰唯然已見佛言以何等相而知
其轉對曰其轉不可念知非意所圖
非度所測我觀其為不可思議阿難
問佛今所聞香自昔未有是為何香

佛言是彼菩薩身毛孔之香也舍利弗告賢者阿難我等一切諸毛孔亦得是香阿難言此所從出曰是維摩詰從香積佛取飯於舍食者一切毛孔皆香若此阿難問曰是香氣轉能久如維摩詰答言至此飯消曰此飯者幾時而消答曰此飯住止至七日七夜後乃消化而隨所語若弟子行者服食此飯不得道終不消其食此飯而中止者則不消也新行大道而服食此飯不得法忍則亦不消若得法忍而食此飯至一生補處其飯乃消譬如阿難阿昏陀藥其香遍一室皆作蜜香氣悉消衆毒藥氣乃歇此飯如是未乎即消至諸垢毒一切除盡飯氣乃消阿難曰彼以佛事作此飯耶佛言如是如是阿難或有佛土以光明作佛事或有佛土以菩薩作佛事有以如來色相名號現作佛事有以衣食菴園棚閣而作佛事有以示現神足變化而作佛事有以虛靜空無寂寞為作佛事而使達士得入律行有以影響夢幻水月野馬曉喻文

說而作佛事有以清淨無身无得無言無取而為衆人作佛事若此阿難不有是義及諸所有亦不為人作佛事也以此四魔八十四垢百千種人為之疲勞是故諸佛為作佛事故此阿難名為佛法隨所行入之法門菩薩得入此門者若得一切好大佛土不以喜悅得不好土而亦不避其近如來即益起敬妙哉一切佛法以等度人而佛土不同譬如有佛土有地若干道所覆蓋不若干也如是阿難有諸如來為若干像其無尋慧不若干也正等阿難如來身色威相性大戒定慧解度知見事力無所畏及佛法慈悲護安受行壽量說法度人是故名為等正覺名為如來名為佛此三句者其義甚廣使吾以劫之壽未能周竟三千大千申暢其義以知衆生之意上智多聞得念提持為一切人說此三句之義窮劫未能竟此為等正覺為如來為佛者也是故阿難佛道無量如來智辯不可思議阿難白佛願今已後无稱我為上智多聞

佛言阿難汝起疲厭之意於弟子中
為最多聞比諸菩薩未有見焉菩薩
志願所作弥多一切海洲尚可測量
菩薩智慧諸持定念種種所得不可
稱度阿難汝且觀菩薩行是維摩詰
一時所現德善之本彼諸弟子緣一
覺者一切變化於百千劫不能現也
於是衆香世界菩薩來者皆叉手言
如來名等吾甚思念無有遺忘於此
佛土終不起想又如世尊諸佛權道
不可思議以度人故為隨所欲而現
佛土之好願佛贈我以佛之法遺遷
於彼土當念如來佛告諸菩薩言有
盡不盡門汝等當學何謂為盡謂其
有數何謂不盡謂為無數如菩薩者
不盡於數不住無數以何於數而不
動者謂之大慈不動大悲不捨性以
和樂意而不荒見人而悅奉事聖衆
惠施軀命以受正法種善無厭分德
不住學法不懈說教不忘供事佛勸
所生不恐具受不慢不輕未學不為
塵埃守真化生欣樂受決安身以力
安彼以悅禪定為學行想生死為善

權想來求為賢友想悉知為具足想
所有為布施想惡戒為依受想不忍
為忍默想懈怠為精進想亂意為知
念想惡智為行智想度無極為父母
想道品法為群從想欲行衆善而无
厭足以諸刹好成已佛土生死無數
劫意而有勇聞佛無量德志而不倦
勞者為作歸貪者為福導為衆重任
曉陰入種降魔兵不以謀為法洲慧
有餘以少求而知足諸世間已畢竟
於衆俗不漸漬得世際感聖賢現諸
儀式起神通行博聞能諷慧力持念
斷衆人疑知本本根無尋无住為致
辯才順化天人十善為淨梵迹為立
行四無量致佛音聲為法都講導至
善行得佛仙路捐身口意行欲殊勝
意在衆經取菩薩衆以大乘化德行
不敗善法不惑如是諸族姓子以應
此法者不盡數也何謂菩薩不住无
數謂求為空不以空為證求為無相
无数無願不以无相無數无願隨至
為證觀於無常不厭善本觀世間苦
以誠信生觀於非身誨人不倦觀寂

然法寂而不轉觀退轉者身意不隨
觀無處所為住生死以度斯漏觀無
所行為行導人觀於无我以大悲乘
而成濟之觀無所生不隨弟子緣一
覺律觀于惶荒不荒福德觀夫虚无
不虛正智觀於言語不默智慧觀無
有主應自然智觀无適莫義合則行
是為諸族姓子菩薩不住無數

又復不盡數者為合會福不住无數
者為合會慧不盡數者為行大慈不
住無數者為有大悲不盡數者為道
人民不住无數者為求佛法不盡數
者為具佛身相不住無數者為具一
切智不盡數者為行善權不住无數
者為出智慧不盡數者為淨佛土不
住無數者為佛立故不盡數者利誘
進人不住无數者現人利故不盡數
者計會善本不住無數者施善力故
不盡數者為具所願不住无數者為
本願故不盡數者為具滿性不住無
數者為性淨故不盡數者為五通不邪
不住无數者知佛六通故不盡數者
行度無極不住无數者無滿時故不

盡數者求諸佛寶不住無數者不求
無寶處故不盡數者習行衆藥不住
無數者知彼衆病故不盡數者生死
自然不住無數者泥洹自然故於是
彼諸菩薩聞此喜悅皆生善心諸是
三千大千世界一切好華積至于膝
以供養佛稽首佛足右遶三匝以次
合聚於是佛土忽然不現須臾之間
已還彼國近香積佛

維摩詰經見阿闍佛品第十二

於是世尊問維摩詰汝族姓子欲見
如來為以何等觀如來乎維摩詰曰
始不以生終不以數今則不住空種
是同入無所積眼耳鼻口身心以離
三界不疲懈三脫門得三達智為無
所至至一切法得无尋立積於誠信
如無所住如慧无雜不生因緣不為
相不熟相不暫相不一相不非相不
无視不為視不熟視不暫視不此岸
不度汎不中流不以此不以此不以
異不解慧不住識無晦无明無顯无
名無弱无强無教无不教無淨无不
淨无数無不數无言無不言不施不

受不戒不犯不忍不諍不進不怠不
禪不乱不智不愚不誠不欺不出不
入不往不反斷諸雜聲非有土非无
土非有餘非盡殫非摸非想非著捨
著平等正法非量非稱非過非逝非
作非見非聞非意非識度諸所生正
至諸慧等諸人物說一切法無所生
無所有无罣碍一切受無不樂作无
刺无擊無滅无敗無固无畏無憂无
喜無聲一切滅說无語如是世尊如
來身為若此為如是觀如是觀者名
為正觀以他觀者猶為邪觀

賢者舍利弗承佛聖旨而問佛言是
人何没來生此土佛言汝自以是問
維摩詰舍利弗言族姓子汝於何没
而來生此維摩詰言如卿賢者以法
為證没當何生日安有斯法没而生
者維摩詰曰若無没來何有諸法曷
云如是汝於何没而來生此幻土造
化為男為女寧有没來舍利弗言化
者無没生也維摩詰曰如來不云一
切法化自然答曰如是曰化自然相
非諸法耶曷云如是汝於何没而來

生此沒者舍利弗為行盡斷生者為
行長善菩薩沒者不盡善本生不長
惡佛告舍利弗是族姓子本從阿閼
佛阿維羅提世界來阿閼者漢言無
怒阿維羅提者妙樂也舍利弗言希
有世尊是族姓子乃從清淨佛土而
來樂此多怒之處維摩詰言云何賢
者夫日一切周行冥中為樂冥耶答
曰不然日不休者其明堪任行衆冥
故也曰夫日奚故行闇淨利上答曰
欲以明照為之除冥曰如是賢者菩
薩若生不淨佛土則淨其人不俱為
汙一切所近輒為除冥

是時大衆渴仰欲見妙樂世界阿閼
如來及其大人佛知一切衆會所念
即請維摩詰言族姓子現此衆中妙
樂世界阿閼如來及其菩薩諸弟子
衆衆皆欲見於是維摩詰菩薩自念
吾當止此師子座不起為現妙樂世
界鐵圍山川溪谷江湖河海州域湏
弥衆山明冥日月星宿龍神天宮梵
宮及衆菩薩弟子具足國邑墟聚人
民君王阿閼如來及其道樹所坐蓮

花其於十方施作佛事及其三重寶
階從閻浮利至忉利宮其階忉利諸
天所以下閻浮利礼佛拜謁供事聞
法聞淨利人亦緣其階上忉利宮天
人相見如是無數德好之樂從妙樂
世界上至第二十四阿迦膩吒天又
斷取來供養入此忍界使一切衆兩
得相見維摩詰念欲喜衆會即如其
像正受三昧而為神足居諸衆前於
師子座以右掌接妙樂世界來入忍
土彼得神通菩薩天人弟子見接舉
來皆起稱曰唯然世尊哀取我惟世
尊安立我阿閼佛以方便受衆人而
解之曰非我所為是維摩詰所接也
其餘天人不知為誰取我如往而妙
樂世界入此忍土不增不減又此土
不迫隘而彼土亦不損也

於是世尊釋迦文告諸衆曰汝等觀
是妙樂世界阿閼如來其土嚴好菩
薩行淨弟子清白皆曰唯然已見願
受如是淨好佛土諸菩薩皆欲追學
阿閼如來菩薩所行其於是見彼阿
閼如來佛土者十四嬖人起無上正

真道意皆願生妙樂世界佛即記說
是輩皆當生妙樂土又當來化我此
忍世界一切化已當復還彼佛問舍
利弗汝已見妙樂世界阿閼如來如
是世尊見彼土人一切淨好皆得神
足如維摩詰我等世尊快得善利得
與是輩從之正士相見與事在在人人
聞是法者快得善利誰聞是語而不
好信如有手執翫習諷讀是為得佛
行念如有諷起是經法者為受正法
為捨衆道為如來到其舍若究暢書
隨是法說而敬事者是為得佛福施
得大法智其以是經四句頌教為同
學說是為已得記莚為得法樂已甚
解矣

維摩詰經法供養品第十三

於是天帝釋白佛言多福哉世尊得
近如來文殊師利者雖百千聞未有
若此純法化者也以宿曾聞是法不
疑故使其人得此法乘能受持誦况
我面值應心與合諸愛此者吾無所
違若一切見軌跡不離諸佛者於諸
彼轉其已得勝為降衆魔而來體道

道意佛念其人必得持是法者吾與
官屬當助安之在所墟聚國邑有以
是法教勸說者吾與官屬共詣其所
其未樂之天人吾當起其樂必以喜
樂而營護法佛言善哉善哉天帝吾
代汝喜是諸去來現在佛得道者皆
說是法若是天帝欲得供養去來現
在諸佛世尊當受是法持誦自清宣
示同學正使天帝三千世界如來滿
中譬如甘蔗竹蘆稻麻藁林甚多無
數皆為如來有賢者子賢者女於一
劫若百劫敬之事之奉之養之一切
施安進諸所樂至諸佛般泥日一一
等意穿地藏骨立七寶塔周於四方
彌滿佛界高至梵天施設蓋幡為諸
佛別造塔皆於一劫若百劫供養衆
華衆香衆蓋幢幡伎樂云何天帝此
人殖福能增多不曰多矣世尊彼之
福祐不可稱說億百千劫佛告天帝
當以知是賢者子賢者女受此不思
議門所說法要奉持說者福多於彼
所以者何法生佛道法出諸佛其能
供養此正法者非思欲施輩當以知此

佛告天帝有昔過去無央數劫不可

漢言藥王

稱計時世有佛名毘沙闍羅耶
如來至真等正覺明行成為善逝世
間解無上士道法御天人師號佛世
尊其世界名太清劫曰淨除彼時天
帝藥王如來壽三十劫其弟子衆凡
三十六億娑菩薩十二億是時有轉
輪聖王名曰寶蓋王有七寶主四天
下五劫奉事藥王如來率其官屬施
諸所安至五劫中聖王寶蓋王其千
子而告之曰汝等已見如來當共奉
事施以所安於是千子聞父王命皆
以安和復至五劫供養藥王如來并
其官屬一切施安第一太子名曰善
宿獨坐自念寧有供養殊過此者空
中有天承佛聖旨應曰正士法之供
養勝諸供養即問何謂法之供養天
曰何不行問藥王如來佛當為汝解
說法之供養於是太子善宿即起行
詣藥王如來稽首佛足而問法之供
養為法見者是何謂也藥王佛言法
供養者如佛所說衆經奧藏深邃之
言諸世所歸非為難受難見之輩以

無憍慢微妙无像其義夷易菩薩匿
藏修至諸持經印所封非無道理其
輪清淨入六度无極可善取學道品
法淨入正之事為下大悲建于大慈
離諸大見覩大緣起非人非命非女
非男如空無相无願無為道地之行
法輪之際天人百千所共歎譽法藏
多度會受衆人明宣諸佛菩薩道行
為入有義法之正要下於无常苦空
非身戒無所犯一切彼轉見為怖畏
師仰諸佛觀夫生死而不與同現滅
度安習如是像衆經微言分別惟觀
而以受法是為法之供養又族姓子
法供養者為聞法生法法轉成緣起隨
順離諸際見為如不生不起法忍非身
非人為上因緣無違无受如無所諍以
捨我作而依於義不以嚴好以隨聖
典而依於慧不為文飾處處入義而
依於經不習非義以所懷戢而依於
法不用人所見得諸法無受入无處
所滅於不明滅於行滅於識名色六
入更樂痛愛受有生老死苦一切以
滅如是滅如是觀十二因緣起以不

可盡而受微妙人所視見而以不視是族姓子名為無上法之供養

如是天帝太子善宿從藥王佛聞法供養便得順忍即解寶衣以覆佛上而言曰余以堪任於如來滅後奉受正法作法供養擁護是道惟願如來加哀堅立令我得降魔怨取佛正法彼佛知其內性即說曰末後汝當守護法城於時善宿從見世尊以家之信捨家受道勤修德本精進不久即立善法起五神通得入諸道之持不斷辯才遂於世尊般涅槃後以智慧力至滿十劫藥王如來所轉法施隨而分布於時善宿比丘化十億人使立大道十四亿人解弟子乘餘无量人得生天上如是天帝在昔異時王寶蓋者於今得佛名寶成如來其太子善宿者則吾是也其餘諸子於是賢劫皆得如來至真等正覺此賢劫中千佛興者是也從鵝留先為始作佛至樓由如來為最後得如是天帝當知此要昔者我身於諸如來行法供養得為上化為長化為願化為無

上无比之化是故天帝當以知此法之供養供養於佛

維摩詰經囑累弥勒品第十四

彼時佛語弥勒菩薩言弥勒是名為無數億劫習佛道品汝隨分布受是像經佛所建立如來滅後廣博此道所以者何後世得者族姓子族姓女天龍神犍沓和當下德本其於前勝已作无上正真道行而未得聞受此法者聞是輩經必甚愛樂當頂受此佛之要道又汝弥勒當利是輩諸族姓子於是當為布現是經文菩薩有二印何謂二有慧雜句嚴飾之印有入深法妙化之印彼若好慧雜句飾者當知是為阿夷恬菩薩輩也若得是深經書受廣行不以數數有畏聞之能傳當知是菩薩為久修梵行復有四事阿夷恬用空耗何謂四所未聞經聞之驚疑不作勸助專增為乱吾未曾聞此從何來若族姓子甚解深法樂說微妙不從受習雖近不敬專於中作毀行是為四阿夷恬為空耗不得至深法忍又弥勒有二行菩

薩雖解深法猶以空耗何謂二習在
邊方不恒其行檀智幾人不受不誦
亦不追求自有甚解學深法者則以
輕慢貪濁懷嫉不能納人亦不法施
是為二雖解深法猶以空耗不能疾
近不起法忍

於是弥勒菩薩白佛言未曾有唯然
世尊至於如來之善言吾當遠離如
此之惡以護如來無數億劫道品之
習若賢者子心入是輩經者當令手
得恣所念取若念受持如是輩經傳
示同學廣說分明其時世尊得如是
經樂喜相傳者當知此輩菩薩為弥
勒所建立也佛言善哉善哉弥勒如
來代喜善說是言於是一切菩薩等
俱共同出聲言如來滅後我等在所
佛土當來於此分布佛道示諸同學
以其所樂今時四天王白佛言在所
世尊墟聚國邑有行如是深經法者
吾當率諸官屬詣講法所為護講法
百由延內當令一切聞見講法令無
伺求得其便者彼時佛告賢者阿難
受是經法奉持誦說以布現人阿難

言唯當受是經布現衆人要者世尊
當何名斯經亦當以何奉持之佛告
阿難是名為維摩詰所說亦名為不
可思議法門之稱當奉持之佛說是
已莫不勸受尊者維摩詰文殊師利
為上首衆菩薩大弟子一切魔衆聞
佛所說皆大歡喜
維摩詰經卷下

壬寅歲高麗國大藏都監奉
勅彫造

大唐三藏聖教序

御製

蓋聞二儀有象顯覆載以含生四時
無形潛寒暑以化物是以窺天鑑地
庸愚皆識其端明陰洞陽賢哲罕窮
其數然而天地苞乎陰陽而易識者
以其有象也陰陽處乎天地而難窮
者以其無形也故知象顯可徵雖愚
不惑形潛莫覩在智猶迷况乎佛道
崇虛乘幽控寂弘濟万品典御十方
舉威靈而无上抑神力而無下大之
則弥於宇宙細之則攝於毫釐无滅
無生歷千劫而不古若隱若顯運百
福而長今妙道疑玄遵之莫知其際
法流湛寂挹之莫測其源故知蠢蠢
凡愚區區庸鄙投其盲趣能无疑惑
者哉然則大教之興基乎西土騰漢
庭而蛟夢照東域而流慈昔者分形
分迹之時言未馳而成化當常現常
之世民仰德而知遵及乎晦影歸真
遷儀越世金容掩色不鏡三十之光
麗象開晷空端四八之相於是微言
廣被極含類於三塗遺訓遐宣導群

生於十地然而真教難仰莫能一其
言歸曲學易遵邪正於焉紛紜所以
空有之論或習俗而是非大小之乘
乍以時而隆替有玄奘法師者法門
之領袖也幼懷貞敏早悟三空之心
長契神情先苞四忍之行松風水月
未足比其清華仙露明珠詐能方其
朗潤故以智通無累神測未形超六
塵而迥出隻千古而无對疑心內境
悲正法之陵遲拙慮玄門慨深文之
訛謬思欲分條析理廣彼前闕截爲
續真開茲後學是以翹心淨土往遊
西域乘危遠邁杖策孤征積雪晨飛
途間失地驚砂夕起空外迷天万里
山川撥煙霞而進影百重寒暑躡霜
雨而前蹤誠重勞輕求深願達周遊
西宇十有七年窮歷道邦詢求正教
雙林八水味道飡風庶幾驚峯瞻竒
仰異承至言於先聖受真教於上賢
探蹟妙門精窮奧業一乘五律之道
馳驟於心田八藏三篋之文波濤於
口海爰自所歷之國撝將三藏要文
凡六百五十七部譯布中夏宣揚勝

業引慈雲於西極注法雨於東垂聖
教缺而復全蒼生罪而還福濕火宅
之乾焰共拔迷途朗愛水之昏波同
臻彼岸是知惡因業墜善以緣昇昇
墜之端惟人所託譬夫挂生高嶺雲
露方得滋其華蓮出淥波飛塵不能
汙其葉非蓮性自潔而桂質本貞良
由所附者高則微物不能累所憑者
淨則濁類不能沾夫以卉木元知猶
資善而成善况乎人倫有識不緣慶
而求慶方冀茲經流施將日月而無
窮斯福遐敷與乾坤而永大

皇太子臣治述

聖記

夫顯揚正教非智無以廣其文崇闡
微言非賢莫能定其旨蓋真如聖教
者諸法之玄宗衆經之軌躅也綜括
宏遠奧旨遐深極空有之精微體生
滅之機要詞茂道曠尋之者不究其
源文顯義幽履之者莫測其際故知
聖慈所被業無善而不臻妙化所敷
緣无惡而不剪開法網之綱紀弘六
度之正教拯群有之塗炭啓三藏之
秘局是以名無翼而長飛道无根而

永固道名流慶歷遠古而鎮常赴感
應身經塵劫而不朽晨鍾夕梵交二
音於鷲峯慧日法流轉雙輪於鹿苑
排空寶蓋接翔雲而共飛莊野春林
與天花而合彩伏惟

皇帝陛下 上玄資福垂拱而治八
荒德被黔黎燬衽而朝万国恩加朽
骨石室歸貝葉之文澤及昆蟲金櫃
流梵說之偈遂使阿耨達水通神甸
之八川耆闍崛山接嵩華之翠嶺竊
以法性凝寂靡歸心而不通智地玄
與感懇誠而遂顯豈謂重昏之夜燭
慧炬之光火宅之朝降法雨之澤於
是百川異流同會於海万區分義摠
成乎實豈與湯武校其優劣堯舜比
其聖德者哉玄奘法師者夙懷聰令
立志夷簡神清齒齒之年體拔浮華
之世凝情定室匿迹幽巖栖息三禪
巡遊十地超六塵之境獨步迦維會
一乘之旨隨機化物以中華之无質
尋印度之真文遠涉恒河終期滿字
頻登靈嶺更獲半珠問道往還十有
七載備通釋典利物為心以貞觀十

九年二月六日奉勅於弘福寺翻譯
聖教要文凡六百五十七部引大海
之法流洗塵勞而不竭傳智燈之長
焰皎幽闇而恒明自非久植勝緣何
以顯揚斯旨所謂法相常住齊三光
之明我皇福臻同二儀之固伏見
御製衆經論序照古騰今理會金石
之聲文抱風雲之潤治輒以輕塵足
齋墜露添流略舉大綱以為斯記
說無垢稱經卷第一

大唐三藏法師玄奘奉 詔譯

序品第一

如是我聞一時薄伽梵住廣嚴城菴
羅衛林與大苾芻衆八千人俱菩薩
摩訶薩三万二千皆為一切衆望所
識大神通業修已成辦諸佛威德常
所加持善護法城能攝正法以大師
子吼聲敷演美音遐振周遍十方為
諸衆生不請善友紹三寶種能使不
絕降伏魔怨制諸外道永離一切障
及蓋纏念定摠持无不圓滿建立無
障解脫智門逮得一切無斷殊勝念
慧等持陀羅尼辯皆獲第一布施調

伏寂靜尸羅安忍正勤靜慮般若方便善巧妙願力智波羅蜜多成无所得不起法忍已能隨轉不退法輪咸得無相妙印所印善知有情諸根勝劣一切大衆所不能伏而能調御得無所畏已積无盡福智資糧相好嚴身色像第一捨諸世間所有飾好名稱高遠踰於帝釋意樂堅固猶若金剛於諸佛法得不壞信流法寶光澍甘露雨於衆言音微妙第一於深法義廣大緣起已斷二邊見習相續演法无畏猶師子吼其所講說乃如雷震不可稱量過稱量境集法寶慧為大導師正直審諦柔和微密妙達諸法難見難知甚深實義隨入一切有趣无趣意樂所歸獲無等等佛智灌頂近力無畏不共佛法已除所有怖畏惡趣復超一切險穢深坑永棄緣起金剛刀仗常思示現諸有趣生為大醫王善知方術應病與藥愈疾施安無量功德皆成就无量佛土皆嚴淨其見聞者無不蒙益諸有所作亦不唐捐設經无量百千俱胝那庖多劫讚其功德亦不能盡

其名曰等觀菩薩不等觀菩薩等不
等觀菩薩定神變王菩薩法自在菩
薩法幢菩薩光幢菩薩光嚴菩薩大
嚴菩薩寶峯菩薩辯峯菩薩寶手菩
薩寶印手菩薩常舉手菩薩常下手
菩薩常延頸菩薩常喜根菩薩常喜
王菩薩無屈辯菩薩虛空藏菩薩執
寶炬菩薩寶吉祥菩薩寶施菩薩帝
網菩薩光網菩薩無障靜慮菩薩慧
峯菩薩天王菩薩壞魔菩薩電天菩
薩現神變王菩薩峯相等嚴菩薩師
子吼菩薩雲雷音菩薩山相擊王菩
薩香烏菩薩大香烏菩薩常精進菩
薩不捨善轆菩薩妙慧菩薩妙生菩
薩蓮花勝藏菩薩三摩地王菩薩蓮
花嚴菩薩觀自在菩薩得大勢菩薩
梵網菩薩寶杖菩薩無勝菩薩勝魔
菩薩嚴土菩薩金髻菩薩珠髻菩薩
慈氏菩薩妙吉祥菩薩珠寶蓋菩薩
如是等上首菩薩摩訶薩三万二千
復有万梵持髻梵王而為上首從本
无憂四大洲界為欲瞻礼供養世尊
及聽法故來在會坐復有万二千天

帝各從餘方四大洲界亦為瞻礼供養世尊及聽法故來在會坐并餘大威力諸天龍藥叉健達縛阿素洛羯路荼緊捺洛莫呼洛伽釋梵護世等悉來會坐及諸四眾苾芻苾芻尼鄔波索迦鄔波斯迦俱來會坐

尔時世尊無量百千諸來大眾恭敬圍繞而為說法譬如大寶妙高山王處于大海巍然迥出踞大師子勝藏之座顯耀威光蔽諸大眾時廣嚴城有一菩薩離咄咄種名曰寶性與離咄咄五百童子各持一蓋七寶莊嚴往菴羅林詣如來所各以其蓋奉上世尊奉已頂礼世尊雙足右繞七匝却住一面佛之威神令諸寶蓋合成一蓋遍覆三千大千世界而此世界廣長之相悉於中現又此三千大千世界所有大寶妙高山王一切雪山目真隣陀山摩訶目真隣陀山香山寶山金山黑山輪圍山大輪圍山大海江河陂泉池沼及百俱脰四大洲渚日月星辰天宮龍宮諸尊神宮并諸國邑王都聚落如是皆現此寶蓋

中又十方界諸佛如來所說正法皆如響應於此蓋內無不見聞

時諸大衆覩佛神力歡喜踊躍歎未曾有合掌禮佛瞻仰尊顏目不暫捨默然而住

尔時寶性即於佛前右膝著地合掌恭敬以妙伽他而讚佛曰

目淨脩廣妙端嚴皎如青紺蓮花葉

已證第一淨意樂勝奢摩陀到彼岸

久積无邊清淨業獲得廣大勝名聞

故我稽首大沙門開導希夷寂路者

既見大聖以神變普現十方無量土

其中諸佛演說法於是一切悉見聞

法王法力超群生常以法財施一切

能善分別諸法相觀第一義摧怨敵

已於諸法得自在是故稽首此法王

說法不有亦不無一切皆得因緣立

无我無造无受者善惡之業亦不亡

始在佛樹降魔力得甘露滅勝菩提

此中非心意受行外道群邪所不測

三轉法輪於大千其輪能寂本性寂

希有法智天人證三寶於是現世間

以斯妙法濟群生无思無怖常安寂

度生老死大醫王

稽首無邊功德海

八法不動如山王

於善不善俱慈愍

心行如空平等住

孰不承敬此能仁

以斯微蓋奉世尊

於中普現三千界

諸天龍神宮殿等

故礼智見功德身

十力神變示世間

一切皆如光影等

衆觀驚歎未曾有

故礼十力大智見

衆會瞻仰大牟尼

靡不心生清淨信

各見世尊在其前

斯則如來不共相

佛以一音演說法

衆生隨類各得解

皆謂世尊同其語

斯則如來不共相

佛以一音演說法

衆生各各隨所解

普得受行獲其利

斯則如來不共相

佛以一音演說法

或有恐懼或歡喜

或生厭離或斷疑

斯則如來不共相

稽首十力諦勇猛

稽首已得無怖畏

稽首至定不共法

稽首一切大導師

稽首能斷衆結縛

稽首已住於彼岸

稽首普濟苦群生

稽首不依生死趣

已到有情平等趣

善於諸趣心解脫

牟尼如是善修空

猶如蓮花不著水

一切相遣无所遣

一切願滿无所願

大威神力不思議

稽首如空無所住

尔時寶性說此伽他讚世尊已復白
佛言如是五百童子菩薩皆已發趣
阿耨多羅三藐三菩提彼咸問我嚴
淨佛土唯願如來哀愍為說淨佛土
相云何菩薩修淨佛土作是語已佛
言寶性善哉善哉汝今乃能為諸菩
薩請問如來淨佛土相及問菩薩修
淨佛土汝今諦聽善思念之當為汝
等分別解說於是寶性及諸菩薩咸
作是言善哉世尊唯願為說我等今
者皆希聽受

尔時世尊告衆菩薩諸有情土是為
菩薩嚴淨佛土所以者何諸善男子
一切菩薩隨諸有情增長饒益即便
攝受嚴淨佛土隨諸有情發起種種
清淨功德即便攝受嚴淨佛土隨諸
有情應以如是嚴淨佛土而得調伏
即便攝受如是佛土隨諸有情應以
如是嚴淨佛土悟入佛智即便攝受
如是佛土隨諸有情應以如是嚴淨
佛土起聖根行即便攝受如是佛土
所以者何諸善男子菩薩攝受嚴淨
佛土皆為有情增長饒益發起種種

清淨功德諸善男子。譬如有人欲於空地造立宮室。或復莊嚴。隨意无碍。若於虛空終不能成。菩薩如是。知一切法皆如虛空。唯為有情增長饒益。生淨功德。即便攝受。如是佛土攝受。如是淨佛土者。非於空也。

復次。寶性汝等當知。發起無上菩提心土。是為菩薩嚴淨佛土。菩薩證得大菩提時。一切發起。大乘有情來生其國。純意樂土。是為菩薩嚴淨佛土。菩薩證得大菩提時。所有不誑不誑有情來生其國。善加行土。是為菩薩嚴淨佛土。菩薩證得大菩提時。發起嚴淨佛土。菩薩證得大菩提時。發起住持妙善加行。一切有情來生其國。上意樂土。是為菩薩嚴淨佛土。菩薩證得大菩提時。具足成就善法有情來生其國。修布施土。是為菩薩嚴淨佛土。菩薩證得大菩提時。一切能捨財法有情來生其國。修淨戒土。是為菩薩嚴淨佛土。菩薩證得大菩提時。圓滿成就十善業道。意樂有情來生其國。修安忍土。是為菩薩嚴淨佛土。菩薩證得大菩提時。三十二相莊嚴。

其身堪忍心柔和寂靜有情來生其國
修精進土是為菩薩嚴淨佛土菩薩
證得大菩提時諸善勇猛精進有情
來生其國修靜慮土是為菩薩嚴淨
佛土菩薩證得大菩提時具足成就
正念正知正定有情來生其國修般
若土是為菩薩嚴淨佛土菩薩證得
大菩提時一切已入正定有情來生
其國四無量土是為菩薩嚴淨佛土
菩薩證得大菩提時常住慈悲喜捨
有情來生其國四攝事土是為菩薩
嚴淨佛土菩薩證得大菩提時諸有
解脫所攝有情來生其國巧方便土
是為菩薩嚴淨佛土菩薩證得大菩
提時善巧觀察諸法有情來生其國
修三十七菩提分土是為菩薩嚴淨
佛土菩薩證得大菩提時通達一切
念住正斷神足根力覺支道支圓滿
有情來生其國修迴向土是為菩薩
嚴淨佛土菩薩證得大菩提時其國
具足衆德莊嚴善說息除八無暇土
是為菩薩嚴淨佛土菩薩證得大菩
提時其國永離惡趣无暇自守戒行

不譏彼土是為菩薩嚴淨佛土菩薩
證得大菩提時其國無有犯禁之名
十善業道極清淨土是為菩薩嚴淨
佛土菩薩證得大菩提時壽量決定
大富梵行所言誠諦常以軟語眷屬
不離善宣密意離諸貪欲心無瞋恚
正見有情來生其國

諸善男子如是菩薩隨發菩提心則
有純淨意樂隨其純淨意樂則有妙
善加行隨其妙善加行則有增上意
樂隨其增上意樂則有止息隨其止
息則有發起隨其發起則有迴向隨
其迴向則有寂靜隨其寂靜則有清
淨有情隨其清淨有情則有嚴淨佛
土隨其嚴淨佛土則有清淨法教隨
其清淨法教即有清淨妙福隨其清
淨妙福則有清淨妙慧隨其清淨妙
慧則有清淨妙智隨其清淨妙智則
有清淨妙行隨其清淨妙行則有清
淨自心隨其清淨自心則有清淨諸
妙功德

諸善男子是故菩薩若欲勤修嚴淨
佛土先應方便嚴淨自心所以者何

隨諸菩薩自心嚴淨即得如是嚴淨
佛土

尔時舍利子承佛威神作如是念若
諸菩薩心嚴淨故佛土嚴淨而我世
尊行菩薩時心不嚴淨故是佛土雜
穢若此佛知其念即告之言於意云
何世間日月豈不淨耶而盲不見對
曰不也是盲者過非日月各佛言如
是衆生罪故不見世尊佛土嚴淨非
如來各舍利子我土嚴淨而汝不見
尔時持髻梵王語舍利子勿作是意
謂此佛土為不嚴淨所以者何如是
佛土寂極嚴淨舍利子言大梵天王
今此佛土嚴淨云何持髻梵言唯舍
利子譬如他化自在天宮有無量寶
功德莊嚴我見世尊釋迦牟尼佛土
嚴淨有無量寶功德莊嚴亦復如是
舍利子言大梵天王我見此土其地
高下丘陵坑坎毒刺沙礫土石諸山
穢惡充滿持髻梵言唯大尊者心有
高下不嚴淨故謂佛智慧意樂亦尔
故見佛土為不嚴淨若諸菩薩於諸
有情其心平等功德嚴淨謂佛智慧

意樂亦尔便見佛土寂極嚴淨尔時
世尊知諸大衆心懷猶豫便以足指
按此大地即時三千大千世界无量
百千妙寶莊嚴譬如功德寶莊嚴佛
無量功德寶莊嚴土一切大衆歎未
曾有而皆自見坐寶蓮花

尔時世尊告舍利子汝見如是衆德
莊嚴淨佛土不舍利子言唯然世尊
本所不見本所不聞今此佛土嚴淨
悉現告舍利子我佛國土常淨若此
為欲成熟下劣有情是故示現無量
過失雜穢土耳舍利子譬如三十三
天共寶器食隨業所招其食有異如
是舍利子无量有情生一佛土隨心
淨穢所見有異若人心淨便見此土
無量功德妙寶莊嚴當佛現此嚴淨
土時寶性所將五百童子一切皆得
無生法忍八万四千諸有情類皆發
无上正等覺心時佛世尊即擯神足
於是世界還復如故求聲聞乘三万
二千諸天及人知有為法皆悉無常
遠塵離垢得法眼淨八千苾芻永離
諸漏心善解脫

說無垢稱經顯不思議方便善巧品第二

尔時廣嚴城中有大菩薩離咄咄種
名無垢稱已曾供養无量諸佛於諸
佛所深殖善根得妙辯才具無生忍
逮諸揔持遊戲神通獲无所畏摧魔
怨力入深法門善於智度通達方便
大願成滿明了有情意樂及行善知
有情諸根勝劣智度成辦說法淳熟
於大乘中決定修習於所作業能善
思量住佛威儀入心慧海諸佛咨嗟
稱揚顯說釋梵護世常所礼敬為欲
成熟諸有情故以善方便居廣嚴城
具無盡財攝益貧窮無依无怙具清
淨戒攝益一切有犯有越以調順忍
攝益瞋恨暴嫉楚毒以大精進攝益
一切懈怠懶墮安住靜慮正念解脫
等持等至攝益一切諸有乱心以正
决擇攝益一切妄見惡慧雖為白衣
而具沙門威儀功德雖處居家不著
三界示有妻子常修梵行現有眷屬
常樂遠離雖服寶飾而以相好莊嚴
其身雖現受食而以靜慮等至為味
雖同樂著博奕嬉戲而實恒為成熟

有情雖稟一切外道軌儀而於佛法
意樂不壞雖明一切世間書論而於
內苑賞玩法樂雖現一切邑會衆中
而恒為取說法上首為隨世教於尊
卑等所作事業示無與爭雖不希求
世間財寶然於俗利示有所習為益
含識遊諸市衢為護群生理諸王務
入講論處導以大乘入諸學堂誘開
童蒙入諸姓舍示欲之過為令建立
正念正知遊諸伎樂若在長者長者
中尊為說勝法若在居士居士中尊
斷其貪著若在刹帝利刹帝利中尊
教以忍辱若在婆羅門婆羅門中尊
除其我慢若在大臣大臣中尊教以
正法若在王子王子中尊示以忠孝
若在内官内官中尊化正宮女若在
庶人庶人中尊修相似福殊勝意樂
若在梵天梵天中尊示諸梵衆靜慮
差別若在世釋帝釋中尊示現自在
悉皆無常若在護世護世中尊守護
一切利益安樂是无垢稱以如是等
不可思議無量善巧方便慧門饒益
有情其以方便現身有疾以其疾故

國王大臣長者居士婆羅門等及諸王子并餘官屬無數千人皆往問疾時無垢稱因以身疾廣為說法言諸仁者是四大種所合成身無常无強無堅无力朽故迅速不可保信為苦為惱衆病之器多諸過患變壞之法諸仁者如此之身其聰慧者所不為粘是身如聚沫不可揅摩是身如浮泡不得久立是身如陽焰從諸煩惱渴愛所生是身如芭蕉都無有實是身如幻從顛倒起是身如夢為虛妄見是身如影從業緣現是身如響屬諸因緣是身如雲湏臾變滅是身如電念念不住是身無主為如地是身无我為如水是身无有情為如火是身無命者為如風是身无有補特伽羅與虚空等是身不實四大為家是身為空離我我所是身無知如草木等是身无作風力所轉是身不淨穢惡充滿是身虛偽雖假覆蔽飲食將養必歸磨滅是身多患四百四病之所集成是身易壞如水階級常為朽老之所逼迫是身无定為要當死是

身如怨害周遍毒蛇之所充滿是身
如空聚諸蘊界處所共合成諸仁者
於如是身應生厭離於如來身應起
欣樂所以者何如來身者無量善法
共所集成從修无量殊勝福德智慧
所生從修無量勝戒定慧解脫解脫
智見所生從修慈悲喜捨所生從修
布施調伏寂靜戒忍精進靜慮解脫
等持等至般若方便願力智生從修
一切到彼岸生修六通生修三明生
修三十七菩提分生修止觀生從修
十力四無畏生從修十八不共法生
從斷一切不善法集一切善法生從
修諦實不放逸生從修无量清淨業
生諸仁者如來之身功德如是汝等
皆應發心求證汝等欲得如是之身
息除一切有情病者當發阿耨多羅
三藐三菩提心是無垢稱為諸集會
來問疾者如應說法令無數千人皆
發阿耨多羅三藐三菩提心

說無垢稱經卷第一

壬寅歲高麗國大藏都監奉

勅彫造

說無垢稱經卷第二

樹

大唐三藏法師玄奘譯

聲聞品第三

時無垢稱作是思惟我嬰斯疾寢頓
于牀世尊大悲寧不垂慰而不遣人
來問我疾尔時世尊知其所念哀愍
彼故告舍利子汝應往詣無垢稱所
問安其疾時舍利子白言世尊我不
堪任詣彼問疾所以者何憶念我昔
於一時間在大林中宴坐樹下時无
垢稱來到彼所稽首我足而作是言
唯舍利子不必是坐為宴坐也夫宴
坐者不於三界而現身心是為宴坐
不起滅定而現諸威儀是為宴坐不
捨一切所證得相而現一切異生諸
法是為宴坐心不住內亦不行外是
為宴坐住三十七菩提分法而不離
於一切見趣是為宴坐不捨生死而
無煩惱雖證涅槃而无所住是為宴
坐若能如是而宴坐者佛所印可時
我世尊聞是語已默然而住不能加
報故我不任詣彼問疾

今時世尊告大目連汝應往詣無垢
稱所問安其疾時大目連白言世尊
我不堪任詣彼問疾所以者何憶念
我昔於一時間入廣嚴城在四衢道
為諸居士演說法要時無垢稱來到
彼所稽首我足而作是言唯大目連
為諸白衣居士說法不當應如尊者
所說夫說法者應如法說時我問言
云何名為如法說耶彼即答言法無
有我離我垢故法无有情離情塵故
法無命者離生死故法無補特伽羅
前後際斷故法常寂然滅諸相故法
離貪著無所緣故法无文字言語斷
故法無譬說遠離一切波浪思故法
遍一切如虛空故法無有顯无相無
形遠離一切行動事故法無我所離
我所故法無了別離心識故法无有
比無相待故法不屬因不在緣故法
同法界等入一切真法界故法隨於
如無所隨故法住實際畢竟不動故
法无動搖不依六境故法無去來无
所住故法順空隨無相應无願遠離
一切增減思故法无取捨離生滅故

法無執藏起過一切眼耳鼻舌身意
道故法無高下常住不動故法離一
切分別所行一切戲論畢竟斷故唯
大目連法相如是豈可說乎夫說法
者一切皆是增益損減其聽法者亦
復皆是增益損減若於是處无增無
減即於是處都無可說亦無可聞无
所了別尊者目連辟如幻士為幻化
者宣說諸法住如是心乃可說法應
善了知一切有情根性差別妙慧觀
見無所罣碍大悲現前讚說大乘念
報佛恩意樂清淨法詞善巧為三寶
種永不斷絕乃應說法世尊彼大居士
說此法時於彼眾中八百居士皆發
無上正等覺心時我世尊默無能辯
故我不任詣彼問疾

今時世尊告迦葉波汝應往詣無垢
稱所問安其疾大迦葉波自言世尊
我不堪任詣彼問疾所以者何憶念
我昔於一時間入廣嚴城遊貧陋巷
而巡乞食時無垢稱來到彼所稽首
我足而作是言唯大迦葉雖有慈悲
而不能普捨豪富從貧乞尊者迦葉

住平等法應次行乞食為下食故應
行乞食為欲壞彼於食執故應行乞
食為欲受他所施食故應行乞食以
空聚想入於聚落為欲成熟男女大
小入諸城邑趣佛家想詣乞食家為
不受故應受彼食所見色與盲等所
聞聲與瞽等所嗅香與風等所食味
不分別受諸觸如智證知諸法如幻
相無自性无他性無熾然無寂滅尊
者迦葉若能不捨八邪入八解脫以
邪平等入正平等以一搏食施于一
切供養諸佛及眾賢聖然後可食如
是食者非有雜染非離雜染非入靜
定非出靜定非住生死非住涅槃今
乃可食諸有施於尊者之食無小果
無大果无損減無增益趣入佛趣不
趣聲聞尊者迦葉若能如是而食於
食為不空食他所施食時我世尊聞
說是語得未曾有即於一切諸菩薩
等深起敬心甚奇世尊斯有家士辯
才智慧乃能如是誰有智者得聞斯
說而不發於阿耨多羅三藐三菩提
心我從是來不勸有情求請聲聞獨

覺等乘唯教發心趣求無上正等菩
提故我不任詣彼問疾

尔時世尊告大善現汝應往詣无垢
稱所問安其疾時大善現白言世尊
我不堪任詣彼問疾所以者何憶念
我昔於一時間入廣嚴城而行乞食
次入其舍時無垢稱為我作礼取我手
鉢盛滿美食而謂我言尊者善現若
能於食以平等性而入一切法平等
性以一切法平等之性入于一切佛
平等性其能如是乃可取食尊者善
現若能不斷貪恚愚癡亦不與俱不
壞薩迦耶見入一趣道不滅無明并
諸有愛而起慧明及以解脫能以无
間平等法性而入解脫平等法性無
脫无縛不見四諦非不見諦非得果
非異生非離異生法非聖非不聖雖
成就一切法而離諸法想乃可取食
若尊者善現不見佛不聞法不事僧
彼外道六師滿迦葉波末薩羯離瞿
舍離子想吠多子無勝駿羯犍迦行
那離繫親子是尊者師依之出家彼
六師墮尊者亦墮乃可取食若尊者

善現墮諸見趣而不至中邊入八無
暇不得有暇同諸雜染離於清淨若
諸有情所得無諍尊者亦得而不名
為清淨福田諸有布施尊者之食墮
諸惡趣而以尊者為與衆魔共連一
手將諸煩惱作其伴侶一切煩惱自
性即是尊者自性於諸有情起怨害
想謗于諸佛毀一切法不預僧數畢
竟無有般涅槃時若如是者乃可取
食時我世尊得聞斯語猶拘重闇迷
失諸方不識是何言不知以何答便
捨自鋒欲出其舍時無垢稱即謂我
言尊者善現取鋒勿懼於意云何若
諸如來所作化者以是事詰寧有懼
不我言不也無垢稱言諸法性相皆
如幻化一切有情及諸言說性相亦
尔諸有智者於文字中不應執著亦
無怖畏所以者何一切言說皆離性
相何以故一切文字性相亦離都非
文字是則解脫解脫相者即一切法
世尊彼大居士說是法時一万天子
遠塵離垢於諸法中得法眼淨五百
天子得順法忍時我默然頽喪言辯

不能加對故我不任詣彼問疾

今時世尊告滿慈子汝應往詣無垢
稱所問安其疾時滿慈子白言世尊
我不堪任詣彼問疾所以者何憶念
我昔於一時間在大林中為諸新學
苾芻說法時無垢稱來到彼所稽首
我足而作是言唯滿慈子先當入定
觀苾芻心然後乃應為其說法無以
穢食置於寶器應先了知是諸苾芻
有何意樂勿以无價吠琉璃寶同諸
危脆賤水精珠尊者滿慈勿不觀察
諸有情類根性差別授以少分根所
受法彼自無瘡勿傷之也欲行大道
莫示小徑无以日光等彼螢火無以
大海內於牛跡無以妙高山王內於
芥子無以大師子吼同野干鳴尊者
滿慈子是諸苾芻皆於往昔發趣大乘
心祈菩提中忘是意如何示以聲聞
乘法我觀聲聞智慧微淺過於生盲
无有大乘觀諸有情根性妙智不能
分別一切有情根之利鈍時無垢稱
便以如是勝三摩地令諸苾芻隨憶
无量宿住差別曾於過去五百佛所

種諸善根積習无量殊勝功德迴向
無上正等覺心隨憶如是宿住事已
求菩提心還現在前即便稽首彼大
士足時無垢稱因為說法令於无上
正等菩提不復退轉時我世尊作如
是念諸聲聞人不知有情根性差別
不白如來不應輒念為他說法所以
者何諸聲聞人不知有情諸根勝劣
非常不定如佛世尊故我不任詣彼
問疾

余時世尊告彼摩訶迦多行那汝應
往詣無垢稱所問安其疾迦多行那
白言世尊我不堪任詣彼問疾所以
者何憶念我昔於一時聞佛為苾芻
略說法已便入靜住我即於後分別
決擇契經句義謂無常義苦義空義
无我義寂滅義时无垢稱來到彼所
稽首我足而作是言唯大尊者迦多
行那無以生滅分別心行說實相法
所以者何諸法畢竟非已生非今生
非當生非已滅非今滅非當滅義是
無常義洞達五蘊畢竟性空无所由
起是苦義諸法究竟无所所有是空義

知我無我无有二是無我義无有自性亦无他性本無熾然今无息滅無有寂靜畢竟寂靜究竟寂靜是寂滅義說是法時彼諸苾芻諸漏未盡心得解脫時我世尊默然無辯故我不任詣彼問疾

今時世尊告大無滅汝應往詣无垢稱所問安其疾時大無滅白言世尊我不堪任詣彼問疾所以者何憶念我昔於一時間在大林中一處經行時有梵王名曰嚴淨與万梵俱放大光明來詣我所稽首作礼而問我言尊者無滅所得天眼能見幾何時我答言大仙當知我能見此釋迦牟尼三千大千佛之世界如觀掌中阿摩洛果時無垢稱來到彼所稽首我足而作是言尊者無滅所得天眼為有行相為無行相若有行相即與外道五神通等若无行相即是無為不應有見云何尊者所得天眼能有見耶時我世尊默無能對然彼諸梵聞其所說得未曾有即為作礼而問彼言世孰有得真天眼者無垢稱言有佛

世尊得真天眼不捨寂定見諸佛國
不作二相及種種相時彼梵王五百
眷屬皆發無上正等覺心礼无垢稱
欬然不現故我不任詣彼問疾
尔時世尊告優波離汝應往詣无垢
稱所問安其疾時優波離自言世尊
我不堪任詣彼問疾所以者何憶念
我昔於一時間有二苾芻犯所受戒
深懷愧恥不敢詣佛來至我所稽首
我足而謂我言唯優波離今我二人
違越律行誠以為恥不敢詣佛願解
憂悔得免斯咎我即為其如法解說
令除憂悔得清所犯示現勸導讚勵
慶慰時無垢稱來到彼所稽首我足
而作是言唯優波離无重增此二苾
芻罪當直除滅憂悔所犯勿擾其心
所以者何彼罪性不住内不出外不
在兩間如佛所說心雜染故有情雜
染心清淨故有情清淨如是心者亦
不住内亦不出外不在兩間如其心
然罪垢亦然如罪垢然諸法亦然不
出於如唯優波離汝心本淨得解脫
時此本淨心曾有染不我言不也無

垢稱言一切有情心性本淨曾无有
染亦復如是唯優波離若有分別有
異分別即有煩惱若無分別无異分
別即性清淨若有顛倒即有煩惱若
无顛倒即性清淨若有取我即成雜
染若不取我即性清淨唯優波離一
切法性生滅不住如幻如化如電如
雲一切法性不相顧待乃至一念亦
不暫住一切法性皆虛妄見如夢如
焰如健達婆城一切法性皆分別心
所起影像如水中月如鏡中像如是
知者名善持律如是知者名善調伏
時二苾芻聞說是已得未曾有咸作
是言奇哉居士乃有如是殊勝慧辯
是優波離所不能及佛說持律寂為
其上而不能說我即告言汝勿於彼
起居士想所以者何唯除如來未有
聲聞及餘菩薩而能制此大士慧辯
其慧辯明殊勝如是時二苾芻憂悔
即除皆發无上正等覺心便為作礼
而發願言當今有情皆得如是殊勝
慧辯時我默然不能加對故我不任
詣彼問疾

今時世尊告羅怛羅汝應往詣无垢
稱所問安其疾時羅怛羅自言世尊
我不堪任詣彼問疾所以者何憶念
我昔於一時間有諸童子難咄毗種
來詣我所稽首作礼而問我言唯羅
怛羅汝佛之子捨輪王位出家為道
其出家者為有何等功德勝利我即
如法為說出家功德勝利时无垢稱
來到彼所稽首我足而作是言唯羅
怛羅不應如是宣說出家功德勝利
所以者何無有功德无有勝利是為
出家唯羅怛羅有為法中可得說有
功德勝利夫出家者為無為法无為
法中不可說有功德勝利唯羅怛羅
夫出家者無彼无此亦無中間遠離
諸見無色非色是涅槃路智者稱讚
聖所攝受降伏衆魔超越五趣淨修
五眼安立五根證獲五力不惱於彼
離諸惡法摧衆外道超越假名出欲
淤泥無所繫著无所攝受離我所
无有諸取已斷諸取无有擾乱已斷
擾乱善調自心善護他心隨順寂止
勤修勝觀離一切惡修一切善若能

如是名真出家時無垢稱告諸童子
汝等今者於善說法毗奈耶中宜共
出家所以者何佛出世難離无暇難
得人身難具足有暇第一軍難諸童
子言唯大居士我聞佛說父母不聽
不得出家無垢稱言汝等童子但發
無上正等覺心勤修正行是即出家
是即受具成苾芻性時三十二離咄
童子皆發无上正等覺心誓修正行
時我默然不能加辯故我不任詣彼
問疾

尔時世尊告阿難陀汝應往詣无垢
稱所問安其疾時阿難陀白言世尊
我不堪任詣彼問疾所以者何憶念
我昔於一時間世尊身現少有所疾
當用牛乳我於晨朝整理常服執持
衣鉢詣廣嚴城婆羅門家竝立門下
從乞牛乳時無垢稱來到彼所稽首
我足而作是言唯阿難陀何為晨朝
持鉢在此我言居士為世尊身少有
所疾當用牛乳故來至此時無垢稱
而謂我言止止尊者莫作是語勿謗
世尊無以虛事誹謗如來所以者何

如來身者金剛合成一切惡法并習
永斷一切善法圓滿成就當有何疾
當有何惱唯阿難陀默還所止莫使
異人聞此虛言無令大威德諸天及
餘佛土諸來菩薩得聞斯語唯阿難
陀轉輪聖王成就少分所集善根尚
得无病豈况如來無量善根福智圓
滿而當有疾定无是處唯阿難陀可
速默往勿使我等受斯鄙耻若諸外
道婆羅門等聞此虛言當作是念何
名為師自身有病尚不能救云何能
救諸有疾乎可密速去勿使人聞又
阿難陀如來身者即是法身非雜穢
身是出世身世法不染是无漏身離
一切漏是无為身離諸有為出過衆
數諸數永寂如此佛身當有何疾時
我世尊聞是語已實懷慙愧得無近
佛而謬聽耶即聞空中聲曰汝阿難陀
如居士言世尊真身實无有病但以如
來出五濁世為欲化導貧窮苦惱惡
行有情示現斯事行矣阿難陀取乳勿
慙時我世尊聞彼大士辯說如是不
知所去默無酬對故我不任詣彼問疾

如是世尊一一別告五百聲聞諸大弟子汝應往詣無垢稱所問安其疾是諸聲聞各各向佛說其本緣讚述大士無垢稱言皆曰不任詣彼問疾說無垢稱經菩薩品第四

今時世尊告慈氏菩薩摩訶薩言汝應往詣无垢稱所問安其疾慈氏菩薩白言世尊我不堪任詣彼問疾所以者何憶念我昔於一時間為觀史多天王及其眷屬說諸菩薩摩訶薩等不退轉地所有法要時無垢稱來到彼所稽首我足而作是言尊者慈氏唯佛世尊授仁者記一生所繫當得無上正等菩提為用何生得授記乎過去耶未來耶現在耶若過去生過去生已滅若未來生未來生未至若現在生現在生無住如世尊說汝等苾芻剎那剎那具生老死即沒即生若以無生得授記者无生即是所入正性於此无生所入性中無有授記亦無證得正等菩提去何慈氏得授記耶為依如生得授記耶為依如滅得授記耶若依如生得授記者如

无有生若依如滅得授記者如無有
滅無生无滅真如理中無有授記一
切有情皆如也一切法亦如也一切
聖賢亦如也至於慈氏亦如也若尊
者慈氏得授記者一切有情亦應如
是而得授記所以者何夫真如者非
二所顯亦非種種異性所顯若尊者
慈氏當證无上正等菩提一切有情
亦應如是當有所證所以者何夫菩
提者一切有情等所隨覺若尊者慈
氏當般涅槃一切有情亦應如是當
有涅槃所以者何非一切有情不般
涅槃佛說真如為般涅槃以佛觀見
一切有情本性寂滅即涅槃相故說
真如為般涅槃是故慈氏勿以此法
誘諸天子勿以此法滯諸天子夫菩
提者無有趣求亦无退轉尊者慈氏
當令此諸天子捨於分別菩提之見
所以者何夫菩提者非身能證非心
能證寂滅是菩提一切有情一切法
相皆寂滅故不增是菩提一切所緣
不增益故不行是菩提一切戲論一
切作意皆不行故永斷是菩提一切

見趣皆永斷故捨離是菩提一切取
著皆捨離故離繫是菩提永離一切
動亂法故寂靜是菩提一切分別永
寂靜故廣大是菩提一切弘願不測
量故不諍是菩提一切執著一切諍
論皆遠離故安住是菩提住法界故
隨至是菩提隨真如故不二是菩提
老別法性皆遠離故建立是菩提實
際所立故平等是菩提一切眼色乃
至意法皆悉平等如虛空故无為是
菩提生住異滅畢竟離故遍知是菩
提一切有情所有心行皆遍知故无
間是菩提內六處等所不雜故無雜
是菩提一切煩惱相續習氣永遠離
故無處是菩提於真如中一切方處
所遠離故无住是菩提於一切處不
可見故唯名是菩提此菩提名无作
用故無浪是菩提一切取捨永遠離
故无亂是菩提常白靜故善寂是菩
提本性淨故明顯是菩提自性無雜
故無取是菩提離攀緣故无異是菩
提隨覺諸法平等性故无喻是菩提
一切比况永遠離故微妙是菩提極

難覺故通行是菩提自性周遍如虛
空故至頂是菩提至一切法軍上首
故無染是菩提一切世法不能染故
如是菩提非身能證非心能證世尊
彼大居士說此法時於天衆中二百
天子得無生法忍時我默然不能加
辯故我不任詣彼問疾

今時世尊告光嚴童子汝應往詣无
垢稱所問安其疾光嚴童子白言世
尊我不堪任詣彼問疾所以者何憶
念我昔於一時間出廣嚴城時無垢
稱方入彼城我為作礼問言居士從
何所來彼答我言從妙菩提來我問
居士妙菩提者為何所是即答我言
淳直意樂是妙菩提由此意樂不虛
假故發起加行是妙菩提諸所施為
能成辦故增上意樂是妙菩提究竟
證會殊勝法故大菩提心是妙菩提
於一切法無忘失故清淨布施是妙
菩提不怖世間異熟果故固守淨戒
是妙菩提諸所願求皆圓滿故忍辱
柔和是妙菩提於諸有情心无恚故
勇猛精進是妙菩提熾然勤修無懈

退故寂止靜慮是妙菩提其心調順
有堪能故殊勝般若是妙菩提現見
一切法性相故慈是妙菩提於諸有
情心平等故悲是妙菩提於諸疲苦
能忍受故喜是妙菩提恒常領受法
苑樂故捨是妙菩提永斷一切愛恚
等故神通是妙菩提具六神通故解
脫是妙菩提離分別動故方便是妙
菩提成熟有情故攝事是妙菩提攝
諸有情故多聞是妙菩提起真實行
故調伏是妙菩提如理觀察故三十
七種菩提分法是妙菩提棄捨一切
有為法故一切諦實是妙菩提於諸
有情不虛誑故十二緣起是妙菩提
無明不盡乃至老死憂苦熱惱皆不
盡故息諸煩惱是妙菩提如實現證
真法性故一切有情是妙菩提皆用
無我為自性故一切諸法是妙菩提
隨覺一切皆性空故降伏魔怨是妙
菩提一切魔怨不傾動故不離三界
是妙菩提遠離一切發趣事故大師
子吼是妙菩提能善決擇無所畏故
諸力無畏不共佛法是妙菩提普於

一切無訶厭故三明鑒照是妙菩提
離諸煩惱獲得究竟无餘智故一剎
那心覺一切法究竟無餘是妙菩提
一切智智圓滿證故如是善男子若
諸菩薩真實發起具足相應波羅蜜
多具足相應成熟有情具足相應一
切善根具足相應攝受正法具足相
應供養如來具足相應諸有所作往
來進止舉足下足一切皆從妙菩提
來一切皆從諸佛法來安住一切諸
佛妙法世尊彼大居士說是法時五
百天子皆發无上正等覺心時我默
然不能加辯故我不任詣彼問疾
今時世尊告持世菩薩汝應往詣無
垢稱所問安其疾持世菩薩白言世
尊我不堪任詣彼問疾所以者何憶
念我昔於一時間在自住處時惡魔
怨從万二千諸天女等狀如帝釋鼓
樂絃歌來到我所與其眷屬稽首我
足作諸天樂供養於我合掌恭敬在
一面立我時意謂真是帝釋而語之
言善來憍尸迦雖福應有不當自恣
當勤觀察諸欲戲樂皆悉無常於身

命財當勤修習證堅實法即語我言
唯大正士可受此女以備供侍我即
答言止憍尸迦無以如是非法之物
而要施我沙門釋子此非我宜所言
未訖時無垢稱來到彼所稽首我足
而謂我言非帝釋也是惡魔怨嬈汝
故耳時無垢稱語惡魔言汝今可以
此諸天女迴施於我是我在家白衣
所宜非諸沙門釋子應受時惡魔怨
即便驚怖念无垢稱將無惱我欲隱
形去為無垢稱神力所持而不能隱
盡其神力種種方便亦不能去即聞
空中聲曰汝惡魔怨應以天女施此
居士乃可得還自所天宮是惡魔怨
以怖畏故俛仰而與時無垢稱語諸
女言是惡魔怨以汝施我今諸姉等
當發無上正等覺心即隨所應為說
種種隨順成熟妙菩提法令其趣向
正等菩提復言姉等已發无上正等
覺心有大法苑樂可以自娛不應復
樂五欲樂也諸天女言唯大居士云
何名為大法苑樂無垢稱言法苑樂
者謂於諸佛不壞淨樂於正法中常

聽聞樂於和合衆中敬事樂於其三
界永出離樂於諸所緣无依住樂於
諸蘊中觀察無常如怨言樂於諸界
中无到觀察如毒蛇樂於諸處中無
倒觀察如空聚樂於菩提心堅守護
樂於諸有情饒益事樂於諸師長勤
供侍樂於惠施中離慳貪樂於淨戒
中無慢緩樂於忍辱中堪調順樂於
精進中習善根樂於靜處中知無乱
樂於般若中離惑明樂於菩提中廣
大妙樂於衆魔怨能摧伏樂於諸煩
惱能遍知樂於諸佛土遍修治樂於
相隨好莊嚴身中極圓滿樂於其福
智二種資糧正修習樂於妙菩提具
莊嚴樂於甚深法無驚怖樂於三脫
門正觀察樂於般涅槃正攀緣樂不
於非時而觀察樂於同類生見其功
德常親近樂於異類生不見過失無
憎恚樂於諸善友樂親近樂於諸惡
友樂將護樂於巧方便善攝受樂於
諸法中歡喜信樂於不放逸修習一
切菩提分法取上妙樂如是諸師是
為菩薩大法苑樂此法苑樂諸大菩

薩常住其中汝等當樂勿樂欲樂時
惡魔怨告天女曰汝等可來今欲與
汝俱還天宮諸女荅言惡魔汝去我
等不復與汝俱還所以者何汝以我
等施此居士云何更得與汝等還我
等今者樂法苑樂不樂欲樂汝可獨
還時惡魔怨白無垢稱唯大居士可
捨此女一切所有心不耽著而惠施
者是為菩薩摩訶薩也无垢稱言吾
以捨矣汝可將去當令汝等一切有
情法願滿足時諸天女礼无垢稱而
問之言唯大居士我等諸女還至魔
宮云何修行无垢稱言諸姊當知有
妙法門名無盡燈汝等當學天女復
問云何名為无盡燈耶荅言諸姊譬
如一燈然百千燈暝者皆明明終不
盡亦無退減如是諸姊夫一菩薩勸
發建立百千俱胝那庾多衆趣求无
上正等菩提而此菩薩菩提之心終
无有盡亦無退減轉更增益如是為
他方便善巧宣說正法於諸善法轉
更增長終無有盡亦无退減諸姊當
知此妙法門名無盡燈汝等當學雖

住魔宮當勸無量天子天女發菩提心汝等即名知如來恩真實酬報亦是饒益一切有情是諸天女恭敬頂禮無垢稱足時无垢稱捨先制持惡魔神力令惡魔怨與諸眷屬忽然不現還於本宮世尊是無垢稱有如是等自在神力智慧辯才變現說法故我不任詣彼問疾

尔時世尊告長者子蘇達多言汝應往詣無垢稱所問安其疾時蘇達多白言世尊我不堪任詣彼問疾所以者何憶念我昔自於父舍七日七夜作大祠會供養一切沙門婆羅門及諸外道貧窮下賤孤獨乞人而此大祠期滿七日時無垢稱來入會中而謂我言唯長者子夫祠會者不應如汝今此所設汝今應設法施祠會何用如是財施祠為我言居士何等名為法施祠會彼答我言法施祠者無前无後一時供養一切有情是名圓滿法施祠會其事云何謂以無上菩提行相引發大慈以諸有情解脫行相引發大悲以諸有情隨喜行相引

發大喜以攝正法攝智行相引發大捨以善寂靜調伏行相引發布施波羅蜜多以化犯禁有情行相引發淨戒波羅蜜多以一切法無我行相引發堪忍波羅蜜多以善遠離身心行相引發精進波羅蜜多以其取勝覺支行相引發靜慮波羅蜜多以聞一切智智行相引發般若波羅蜜多以化一切衆生行相引發修空以治一切有為行相引修无相以故作意受生行相引修無願以善攝受正法行相引發大力以善修習攝事行相引發命根以如一切有情僕隸敬事行相引發無慢以不堅實貿易一切堅實行相引發證得堅身命財以其六種隨念行相引發正念以修淨妙諸法行相引發意樂以勤修習正行行相引發淨命以淨歡喜親近行相引發親近承事聖賢以不憎恚非聖行相引調伏心以善清淨出家行相引發清淨增上意樂以常修習中道行相引發方便善巧多聞以無諍法通達行相引發常居阿練若處以正趣

求佛智行相引發宴坐以正息除一切有情煩惱行相引發善修瑜伽師地以具相好成熟有情莊嚴清淨佛土行相引發廣大妙福資糧以知一切有情心行隨其所應說法行相引發廣大妙智資糧以於諸法無取無捨一正理門悟入行相引發廣大妙慧資糧以斷一切煩惱習氣諸不善法障身行相引發證得一切善法以隨覺悟一切智智一切善法資糧行相引發證行一切所修菩提分法汝善男子如是名為法施祠會若諸菩薩安住如是法施祠會名大施主普為世間天人供養世尊彼大居士說此法時梵志衆中二百梵志皆發无上正等覺心我於余時歎未曾有得淨歡喜恭敬頂禮彼大士足解寶瓔珞價直百千顰慙奉施彼不肯取我言大士哀愍我故願必納受若自不湏心所信處隨意施與時無垢稱乃受瓔珞分作二分一分施此大祠會中寂可厭毀貧賤乞人一分奉彼難勝如來以神通力令諸大衆皆見他

方陽焰世界難勝如來又見所施一分珠璣在彼佛上成妙寶臺四方四臺等分間飾種種莊嚴甚可愛樂現如是等神變事已復作是言若有施主以平等心施此會中取下乞人猶如如來福田之想無所分別其心平等大慈大悲普施一切不求果報是名圓滿法施祠祀時此乞人見彼神變聞其所說得不退轉增上意樂便發無上正等覺心世尊彼大居士具如是等自在神變無尋辯才故我不任詣彼問疾

如是世尊一一別告諸大菩薩令往居士無垢稱所問安其疾是諸菩薩各各向佛說其本緣讚述大士無垢稱言皆曰不任詣彼問疾
說無垢稱經卷第二

癸卯歲高麗國大藏都監奉
勅彫造

說無垢稱經卷第三

樹

大唐三藏法師玄奘譯

問疾品第五

今時佛告妙吉祥言汝今應詣無垢
稱所慰問其疾時妙吉祥自言世尊
彼大士者難為酬對深入法門善能
辯說住妙辯才覺慧無尋一切菩薩
所為事業皆已成辦諸大菩薩及諸
如來秘密之處悉能隨入善攝衆魔
巧便無尋已到寂勝無二元雜法界
所行究竟彼岸能於一相莊嚴法界
說無邊相莊嚴法門了達一切有情
根行善能遊戲寂勝神通到大智慧
巧方便趣已得一切問答決擇無畏
自在非諸下劣言辯詞鋒所能抗對
雖然我當承佛威神詣彼問疾若當
至彼隨已力能與其談論於是衆中
有諸菩薩及大弟子釋梵護世諸天
子等咸作是念今二菩薩皆具甚深
廣大勝解若相抗論決定宣說微妙
法教我等今者為聞法故亦應相率
隨從詣彼是時衆中八千菩薩五百

聲聞無量百千釋梵護世諸天子等
為聞法故皆請隨往時妙吉祥與諸
菩薩大弟子衆釋梵護世及諸天子
咸起恭敬頂礼世尊前後圍繞出菴
羅林詣廣嚴城至无垢稱所欲問其疾
時無垢稱心作是念今妙吉祥與諸
大衆俱來問疾我今應以已之神力
空其室内除去一切牀座資具及諸
侍者衛門人等唯置一牀現疾而卧
時無垢稱作是念已應時即以大神
通力令其室空除諸所有唯置一牀
現疾而卧

時妙吉祥與諸大衆俱入其舍但見
室空無諸資具門人侍者唯無垢稱
獨寢一牀時无垢稱見妙吉祥唱言
善來不來而來不見而見不聞而聞
妙吉祥言如是居士若已來者不可
復來若已去者不可復去所以者何
非已來者可施設來非已去者可施
設去其已見者不可復見其已聞者
不可復聞且置是事居士所苦寧可
忍不命可濟不界可調不病可療不
可令是疾不至增乎世尊慇懃致問

無量居士此病少得痊不動止氣力
稍得安不今此病源從何而起其生
久如當云何滅無垢稱言如諸有情
無明有愛生來既久我今此病生亦
復尔遠從前際生死以來有情既病
我即隨病有情若愈我亦隨愈所以
者何一切菩薩依諸有情久流生死
由依生死便即有病若諸有情得離
疾苦則諸菩薩无復有病譬如世間
長者居士唯有一子心極憐愛見常
歡喜無時暫捨其子若病父母亦病
若子病愈父母亦愈菩薩如是愍諸
有情猶如一子有情若病菩薩亦病
有情病愈菩薩亦愈又言是病何所
因起菩薩疾者從大悲起妙吉祥言
居士此室何以都空復無侍者无垢
稱言一切佛土亦復皆空問何以空
答以空空又問此空為是誰空答曰
此空無分別空又問空性可分別耶
答曰此能分別亦空所以者何空性
不可分別為空又問此空當於何求
答曰此空當於六十二見中求又問
六十二見當於何求答曰當於諸佛

解脫中求又問諸佛解脫當於何求
答曰當於一切有情心行中求又仁
所問何無侍者一切魔怨及諸外道
皆吾侍也所以者何一切魔怨欣讚
生死一切外道欣讚諸見菩薩於中
皆不厭棄是故魔怨及諸外道皆吾
侍者妙吉祥言居士此病為何等相
答曰我病都無色相亦不可見又問
此病為身相應為心相應答曰我病
非身相應身相離故亦身相應如影
像故非心相應心相離故亦心相應
如幻化故

又問地界水火風界於此四界何界
之病答曰諸有情身皆四大起以彼
有病是故我病然此之病非即四界
界性離故

無垢稱言菩薩應云何慰喻有疾菩
薩令其歡喜妙吉祥言示身无常而
不勸厭離於身示身有苦而不勸樂
於涅槃示身無我而勸成熟有情示
身空寂而不勸修畢竟寂滅示悔先
罪而不說罪有移轉勸以已疾愍諸
有情令除彼疾勸念前際所受衆苦

饒益有情勸憶所修無量善本今修
淨命勸勿驚怖精勤堅勇勸發弘願
作大醫王療諸有情身心衆病令永
寂滅菩薩應如是慰喻有疾菩薩令
其歡喜

妙吉祥言有疾菩薩云何調伏其心
無垢稱言有疾菩薩應作是念今我
此病皆從前際虛妄顛倒分別煩惱
所起業生身中都無一法真實是誰
可得而受此病所以者何四大和合
假名為身大中無主身亦无我此病
若起要由執我是中不應妄生我執
當了此執是病根本由此因緣應除
一切有情我想安住法想應作是念
衆法和合共成此身生滅流轉生唯
法生滅唯法滅如是諸法展轉相續
生不相知竟無思念生時不言我生
滅時不言我滅有疾菩薩應正了知
如是法想我此法想即是顛倒夫法
想者即是大患我應除滅亦當除滅
一切有情如是大患云何能除如是大
患謂當除滅我我所執云何能除
我我所執謂離二法云何離二法謂

內法外法畢竟不行云何二法畢竟不行謂觀平等無動无搖無所觀察云何平等謂我涅槃二俱平等所以者何二性空故此二既無誰復為空但以名字假說為空此二不實平等見已無有餘病唯有空病應觀如是空病亦空所以者何如是空病畢竟空故有疾菩薩應无所受而受諸受若於佛法未得圓滿不應滅受而有所證應離能受所受諸法若苦觸身應慙險趣一切有情發起大悲除彼衆苦有疾菩薩應作是念既除已疾亦當除去有情諸疾如是除去自他疾時無有少法而可除者應正觀察疾起因緣速令除滅為說正法何等名為疾之因緣謂有緣慮諸有緣慮皆是疾因有緣慮者皆有疾故何所緣慮謂緣三界云何應知如是緣慮謂正了達此有緣慮都無所得若元所得則無緣慮云何絕緣慮謂不緣二見何等二見謂內見外見若無二見則無所得既无所得緣慮都絕緣慮絕故則無有疾若自无疾則能斷

又妙吉祥有疾菩薩應如是調伏其
心唯菩薩菩提能斷一切老病死苦
若不如是已所勤修即為虛棄所以
者何譬如有人能勝怨敵乃名勇健
若能如是永斷一切老病死苦乃名
菩薩

又妙吉祥有疾菩薩應自觀察如我
此病非真非有一切有情所有諸病
亦非真非有如是觀時不應以此愛
見纏心於諸有情發起大悲唯應為
斷客塵煩惱於諸有情發起大悲所
以者何菩薩若以愛見纏心於諸有
情發起大悲即於生死而有疲厭若
為斷除客塵煩惱於諸有情發起大
悲即於生死無有疲厭菩薩如是為
諸有情處在生死能無疲厭不為愛
見纏繞其心以無愛見纏繞心故即
於生死元有繫縛以於生死無繫縛
故即得解脫以於生死得解脫故即
便有力宣說妙法令諸有情遠離繫
縛證得解脫世尊依此密意說言若
自有縛能解他縛元有是處若自解

縛能解他縛斯有是處是故菩薩應求解脫離諸繫縛

又妙吉祥何等名為菩薩繫縛何等名為菩薩解脫若諸菩薩味著所修靜慮解脫等持等至是則名為菩薩繫縛若諸菩薩以巧方便攝諸有生無所貪著是則名為菩薩解脫若無方便善攝妙慧是名繫縛若有方便善攝妙慧是名解脫云何菩薩无有方便善攝妙慧名為繫縛謂諸菩薩以空無相无願之法而自調伏不以相好瑩飾其身莊嚴佛土成熟有情此諸菩薩無有方便善攝妙慧名為繫縛云何菩薩有巧方便善攝妙慧名為解脫謂諸菩薩以空無相无願之法調伏其心觀察諸法有相無相修習作證復以相好瑩飾其身莊嚴佛土成熟有情此諸菩薩有巧方便善攝妙慧名為解脫云何菩薩無有方便善攝妙慧名為繫縛謂諸菩薩安住諸見一切煩惱纏縛隨眠修諸善本而不迴向正等菩提深生執著此諸菩薩無巧方便善攝妙慧名為

繫縛云何菩薩有巧方便善攝妙慧
名為解脫謂諸菩薩遠離諸見一切
煩惱纏縛隨眠修諸善本而能迴向
正等菩提不生執著此諸菩薩有巧
方便善攝妙慧名為解脫

又妙吉祥有疾菩薩應觀諸法身之
與疾恙皆無常苦空无我是名為慧
雖身有疾常在生死饒益有情曾無
厭倦是名方便又觀身心及與諸疾
展轉相依無始流轉生滅无間非新
非故是名為慧不求身心及與諸疾
畢竟寂滅是名方便

又妙吉祥有疾菩薩應如是調伏其
心不應安住調伏不調伏心所以者
何若住不調伏心是凡愚法若住調
伏心是聲聞法是故菩薩於此二邊
俱不安住是則名為菩薩所行若於
是處非凡所行非聖所行是則名為
菩薩所行若處觀察生死所行而無
一切煩惱所行是則名為菩薩所行
若處觀察涅槃所行而不畢竟寂滅
所行是則名為菩薩所行若處示現
四魔所行而越一切魔事所行是則

名為菩薩所行若求一切智智所行而不非時證智所行是則名為菩薩所行若求四諦妙智所行而不非時證諦所行是則名為菩薩所行若正觀察內證所行而故攝受生死所行是則名為菩薩所行若行一切緣起所行而能遠離見趣所行是則名為菩薩所行若行一切有情諸法相離所行而無煩惱隨眠所行是則名為菩薩所行若正觀察无生所行而不墮聲聞正性所行是則名為菩薩所行若攝一切有情所行而無煩惱隨眠所行是則名為菩薩所行若正欣樂遠離所行而不求身心盡滅所行是則名為菩薩所行若樂觀察三界所行而不壞亂法界所行是則名為菩薩所行若樂觀察空性所行而求一切功德所行是則名為菩薩所行若樂觀察無相所行而求度脫有情所行是則名為菩薩所行若樂觀察無願所行而能示現有趣所行是則名為菩薩所行若樂遊履无作所行而常起作一切善根無替所行是則

名為菩薩所行若樂遊履六度所行而不趣向一切有情心行妙智彼岸所行是則名為菩薩所行若樂觀觀察慈悲喜捨無量所行而不求生梵世所行是則名為菩薩所行若樂遊履六通所行而不趣證漏盡所行是則名為菩薩所行若樂建立諸法所行而不攀緣邪道所行是則名為菩薩所行若樂觀觀察六念所行而不隨生諸漏所行是則名為菩薩所行若樂觀觀察非障所行而不希求雜染所行是則名為菩薩所行若樂觀觀察靜慮解脫等持等至諸定所行而能不隨諸定勢力受生所行是則名為菩薩所行若樂遊履念住所行而不樂求身受心法遠離所行是則名為菩薩所行若樂遊履正斷所行而不見善及與不善二種所行是則名為菩薩所行若樂遊履神足所行而無功用變現自在神足所行是則名為菩薩所行若樂遊履五根所行而不分別一切有情諸根勝劣妙智所行是則名為菩薩所行若樂安立五力所行

而求如來十力所行是則名為菩薩
所行若樂安立七等覺支圓滿所行
不求佛法差別妙智善巧所行是則
名為菩薩所行若樂安立八聖道支
圓滿所行而不厭背邪道所行是則
名為菩薩所行若求止觀資糧所行
不墮畢竟寂滅所行是則名為菩薩
所行若樂觀察無生滅相諸法所行
而以相好莊嚴其身成滿種種佛事
所行是則名為菩薩所行若樂示現
聲聞獨覺威儀所行而不棄捨一切
佛法緣慮所行是則名為菩薩所行
若隨諸法究竟清淨本性常寂妙定
所行非不隨順一切有情種種所樂
威儀所行是則名為菩薩所行若樂
觀察一切佛土其性空寂無成无壞
如空所行非不示現種種功德莊嚴
佛土饒益一切有情所行是則名為
菩薩所行若樂示現一切佛法轉於
法輪入大涅槃佛事所行非不修行
諸菩薩行差別所行是則名為菩薩
所行說是一切菩薩所行希有事時
是妙吉祥所將衆中八億天子聞所

說法皆於無上正等菩提發心趣向
說無垢稱經不思議品第六

時舍利子見此室中無有牀座竊作
是念此諸菩薩及大聲聞當於何坐
時無垢稱知舍利子心之所念便即
語言唯舍利子為法來耶求牀坐耶
舍利子言我為法來非為牀座無垢
稱言唯舍利子諸求法者不顧身命
何況牀座又舍利子諸求法者不求
色蘊乃至識蘊諸求法者不求眼界
乃至意識界諸求法者不求眼處乃
至法處諸求法者不求欲界色無色
界又舍利子諸求法者不求佛執及
法僧執諸求法者不求知苦斷集證
滅及與修道所以者何法无戲論若
謂我當知苦斷集證滅修道即是戲
論非謂求法又舍利子諸求法者不
求於生不求於滅所以者何法名寂
靜及近寂靜若行生滅是求生滅非
謂求法非求遠離諸求法者不求貪
染所以者何法無貪染離諸貪染若
於諸法乃至涅槃少有貪染是求貪
染非謂求法又舍利子諸求法者不

求境界所以者何法非境界若數一切境界所行是求境界非謂求法又舍利子諸求法者不求取捨所以者何法無取捨若取捨法是求取捨非謂求法又舍利子諸求法者不求攝藏所以者何法无攝藏若樂攝藏是求攝藏非謂求法又舍利子諸求法者不求法相所以者何法名無相若者不求法相所以者何法名無相若隨相識即是求相非謂求法又舍利子諸求法者不共法住所以者何法無所住若與法住即是求住非謂求法又舍利子諸求法者不求見聞及與覺知所以者何法不可見聞覺知若行見聞覺知是求見聞覺知非謂求法又舍利子諸求法者不求有為所以者何法名無為離有為性若行有為是求有為非謂求法是故舍利子若欲求法於一切法應無所求說是法時五百天子遠塵離垢於諸法中得法眼淨

時無垢稱問妙吉祥仁者曾遊十方世界無量無數百千俱胝諸佛國土何等佛土有好上妙具足功德大師

子座妙吉祥言東方去此過三十六
苑伽沙等諸佛國土有佛世界名曰
山幢彼土如來号山燈王今正現在
安隱住持其佛身長八十四億踰膳
那量其師子座高六十八億踰膳那
量彼菩薩身長四十二億踰膳那量
其師子座高三十四億踰膳那量居
士當知彼土如來師子之座最為殊
妙具諸功德

時無垢稱攝念入定發起如是自在
神通即時東方山幢世界山燈王佛
遣三十二億大師子座高廣嚴淨甚
可愛樂乘空來入無垢稱室此諸菩
薩及大聲聞釋梵護世諸天子等昔
所未見先亦未聞其室欵然廣博嚴
淨悉能包容三十二億師子之座不
相妨碍廣嚴大城及瞻部洲四大洲
等諸世界中城邑聚落國土王都天
龍藥叉阿素洛等所住宮殿亦不迫
迫悉見如本前後無異

時無垢稱語妙吉祥就師子座與諸
菩薩及大聲聞如所敷設俱可就座
當自變身稱師子座其得神通諸大

菩薩各自變身為四十二億踰膳那量昇師子座端嚴而坐其新學菩薩皆不能昇師子之座時無垢稱為說法要令彼一切得五神通即以神力各自變身為四十二億踰膳那量昇師子座端嚴而坐其中復有諸大聲聞皆不能昇師子之座時無垢稱語言舍利子仁者云何不昇此座舍利子舍利子宜應禮敬山燈王佛請加神力方可得坐時大聲聞咸即禮敬山燈王佛請加神力便能昇師子之座端嚴而坐舍利子言甚奇居士如此小室乃能容受尔所百千高廣嚴淨師子之座不相妨碍廣嚴大城及瞻部洲四大洲等諸世界中城邑聚落國土王都天龍藥叉阿素洛等所有宮殿亦不迫迮悉見如本前後無異無垢稱言唯舍利子諸佛如來應正等覺及不退菩薩有解脫名不可思議若住如是不可思議解脫菩薩妙高山王高廣如是能以神力內芥子中而令芥子形量不增妙高山王形

量不減雖現如是神通作用而不令
彼四大天王三十三天知見我等何
往何入唯令所餘覩神通力調伏之
者知見妙高入乎芥子如是安住不
可思議解脫菩薩方便善巧智力所
入不可思議解脫境界非諸聲聞獨
覺所測又舍利子若住如是不可思
議解脫菩薩四大海水深廣如是能
以神力內一毛孔而令毛孔形量不
增四大海水形量不減雖現如是神
通作用而不令彼諸龍藥叉阿素洛
等知見我等何往何入亦不令彼魚
鼈黿鼉及餘種種水族生類諸龍神
等一切有情憂怖惱害唯令所餘覩神
通力調伏之者知見如是四大海水
入於毛孔如是安住不可思議解脫
菩薩方便善巧智力所入不可思議
解脫境界非諸聲聞獨覺所測又舍
利子若住如是不可思議解脫菩薩
如是三千大千世界形量廣大能以
神力方便斷取置右掌中如陶家輪
速疾旋轉擲置他方殍伽沙等世界
之外又復持來還置本處而令世界

無所增減雖現如是神通作用而不
令彼居住有情知見我等何去何還
都不令其生往來想亦无惱害唯令
所餘觀神通力調伏之者知見世界
有去有來如是安住不可思議解脫
菩薩方便善巧智力所入不可思議
解脫境界非諸聲聞獨覺所測又舍
利子若住如是不可思議解脫菩薩
或諸有情宜見生死多時相續而今
調伏或諸有情宜見生死少時相續
而今調伏能以神力隨彼所宜或延
七日以為一切令彼有情謂經一切
或促一切以為七日令彼有情謂經
七日各隨所見而今調伏雖現如是
神通作用而不令彼所化有情覺知
如是時分延促唯令所餘觀神通力
調伏之者覺知延促如是安住不可
思議解脫菩薩方便善巧智力所入
不可思議解脫境界非諸聲聞獨覺
所測又舍利子若住如是不可思議
解脫菩薩能以神力集一切佛功德
莊嚴清淨世界置一佛土示諸有情
又以神力取一佛土一切有情置之

右掌垂意勢通遍到十方普示一切諸佛國土雖到十方一切佛土住一佛國而不移轉又以神力從一毛孔現出一切上妙供具遍歷十方一切世界供養諸佛菩薩聲聞又以神力於一毛孔普現十方一切世界所有日月星辰色像又以神力乃至十方一切世界大風輪等吸置口中而身無損一切世界草木叢林雖遇此風竟無搖動又以神力十方世界所有佛土劫盡燒時捻一切火內置腹中雖此火勢熾焰不息而於其身都无損害又以神力過於下方無量俱胝殑伽沙等諸佛世界舉一佛土擲置上方過於俱胝殑伽沙等諸佛世界一佛土中如以針鋒舉小葉葉擲置餘方都無所損雖現如是神通作用而無緣者不見不知於諸有情竟無惱害唯令一切覩神通力調伏之者便見是事如是安住不可思議解脫菩薩方便善巧智力所入不可思議解脫境界非諸聲聞獨覺所測又舍利子若住如是不可思議解脫菩薩

能以神力現作佛身種種色像或現獨覺及諸聲聞種種色像或現菩薩種種色像諸相隨好具足莊嚴或復現作梵王帝釋四大天王轉輪王等一切有情種種色像或以神力變諸有情令作佛身及諸菩薩聲聞獨覺釋梵護世轉輪王等種種色像或以神力轉變十方一切有情上中下品音聲差別皆作佛聲第一微妙從此佛聲演出無常苦空无我究竟涅槃寂靜義等言詞差別乃至一切諸佛菩薩聲聞獨覺說法音聲皆於中出乃至十方諸佛說法所有一切名句文身音聲差別皆從如是佛聲中出普令一切有情得聞隨乘差別悉皆調伏或以神力普於十方隨諸有情言音差別如其所應出種種聲演說妙法今諸有情各得利益唯舍利子我今略說安住如是不可思議解脫菩薩方便善巧智力所入不可思議解脫境界若我廣說或經一劫或一劫餘或復過此智慧辯才終不可盡如我智慧辯才無盡安住如是不可

思議解脫菩薩方便善巧智力所入
不可思議解脫境界亦不可盡以无
量故尔時尊者大迦葉波聞說安住
不可思議解脫菩薩不可思議解脫
神力歎未曾有便語尊者舍利子言
譬如有人對生盲者雖現種種差別
色像而彼盲者都不能見如是一切
聲聞獨覺皆若生盲無殊勝眼聞說
安住不可思議解脫菩薩所現難思
解脫神力乃至一事亦不能了誰有
智者男子女人聞說如是不可思議
解脫神力不發無上正等覺心我等
今者於此大乘如焦敗種永絕其根
復何所作我等一切聲聞獨覺聞說
如是不思議解脫神力皆應號泣聲
震三千大千世界一切菩薩聞說如
是不可思議解脫神力皆應欣慶頂
戴受持如王太子受灌頂位生長堅
固信解勢力若有菩薩聞說如是不
可思議解脫神力堅固信解一切魔
王及諸魔衆於此菩薩無所能為當
於尊者大迦葉波說是語時衆中三
万二千天子皆發无上正等覺心

時無垢稱即語尊者迦葉波言十方
无量無數世界作魔王者多是安住
不可思議解脫菩薩方便善巧現作
魔王為欲成熟諸有情故大迦葉波
十方無量無數世界一切菩薩諸有
來求手足耳鼻頭目髓腦血肉筋骨
一切支體妻妾男女奴婢親屬村城
聚落國邑王都四大洲等種種王位
財穀珍寶金銀真珠珊瑚螺貝吠琉
璃等諸莊嚴具房舍牀座衣服飲食
湯藥資產為馬輦輦大小諸船器仗
軍衆如是一切逼迫菩薩而求乞者
多是安住不可思議解脫菩薩以巧
方便現為斯事試驗菩薩令其了知
意樂堅固所以者何增上勇猛諸大
菩薩為欲饒益諸有情故示現如是
難為大事凡夫下劣無復勢力不能
如是逼迫菩薩為此乞求大迦葉波
譬如螢火終無威力映蔽日輪如是
凡夫及下劣位无復勢力逼迫菩薩
為此乞求大迦葉波譬如龍為現威
闔戰非驢所堪唯有龍為能與龍為
為斯戰諍如是凡夫及下劣位無有

勢力逼迫菩薩唯有菩薩能與菩薩
共相逼迫是名安住不可思議解脫
菩薩方便善巧智力所入不可思議
解脫境界說此法時八千菩薩得入
菩薩方便善巧智力所入不可思議
解脫境界

說无垢稱經卷第三

壬寅歲高麗國大藏都監奉
勅彫造

說無垢稱經卷第四

樹

大唐三藏法師玄奘譯

觀有情品第七

時妙吉祥問無垢稱云何菩薩觀諸有情无垢稱言譬如幻師觀所幻事如是菩薩應正觀察一切有情又妙吉祥如有智人觀水中月觀鏡中像觀陽焰水觀呼聲響觀虛空中雲城臺閣觀水聚沫所有前際觀水浮泡或起或滅觀芭蕉心所有堅實觀第五大觀第六蘊觀第七根觀十三處觀十九界觀無色界界色影像觀焦敗種所出牙莖觀龜毛等所作衣服觀天没者受欲戲樂觀預流果所起分別薩迦耶見觀一來果受第三有觀不還果入母胎藏觀阿羅漢貪瞋癡毒觀得忍菩薩慳慳犯戒害害等心觀諸如來習氣相續觀生盲者觀見衆色觀住滅定有出入息觀虛空中所有鳥跡觀半擇迦根有勢用觀石女兒所有作業觀佛所化起諸結縛觀諸畢竟不生煩惱觀夢悟已夢

中所見觀不生火有所焚燒觀阿羅漢後有相續如是菩薩應正觀察一切有情所以者何諸法本空真實無我无有情故

妙吉祥言若諸菩薩如是觀察一切有情云何於彼修於大慈無垢稱言菩薩如是觀有情已自念我當為諸有情說如斯法令其解了是名真實修於大慈與諸有情究竟安樂如是菩薩修寂滅慈無諸取故修无熱慈離煩惱故修如實慈三世等故修不違慈无等起故修無二慈離内外故修無壞慈畢竟住故修堅固慈增上意樂如金剛故修清淨慈本性淨故修平等慈等虛空故修阿羅漢慈永害結賊故修獨覺慈不待師資故修菩薩慈成熟有情無休息故修如來慈隨覺諸法真如性故修佛之慈覺悟睡夢諸有情故修自然慈任運等覺諸法性故修菩提慈等一味故修無偏慈愛憎斷故修大悲慈顯大乘故修無諍慈觀无我故修無厭慈觀性空故修法施慈離師撻故修淨戒

慈成熟犯戒諸有情故修堪忍慈隨
護自他令無損故修精進慈荷負有
情利樂事故修靜慮慈無愛味故修
般若慈於一切時現知法故修方便
慈於一切門普示現故修妙願慈无
量大願所引發故修大力慈能辦一
切廣大事故修若鄰慈了知一切法
性相故修神通慈不壞一切法性相
故修攝事慈方便攝益諸有情故修
無著慈无尋染故修無詐慈意樂淨
故修無諂慈加行淨故修无誑慈不
虛假故修深心慈離瑕穢故修安樂
慈建立諸佛安樂事故唯妙吉祥是
名菩薩修於大慈妙吉祥言云何菩
薩修於大悲無垢稱言所有造作增
長善根悉皆棄捨施諸有情一切無
悵是名菩薩修於大悲妙吉祥言云
何菩薩修於大喜無垢稱言於諸有
情作饒益事歡喜无悔是名菩薩修
於大喜妙吉祥言云何菩薩修於大
捨無垢稱言平等饒益不望果報是
名菩薩修於大捨
妙吉祥言若諸菩薩怖畏生死當何

所依無垢稱言若諸菩薩怖畏生死
常正依住諸佛大我又問菩薩欲住
大我當云何住曰欲住大我當於一
切有情平等解脫中住又問欲令一
切有情解脫當何所除曰欲令一切
有情解脫除其煩惱又問欲除一切
有情煩惱當修如理觀察作意又問欲
修如理觀察作意當云何修曰欲修
如理觀察作意當修諸法不生不滅
又問何法不生何法不滅曰不善不
生善法不滅又問善不善法孰為本
曰以身為本又問身孰為本曰欲貪
為本又問欲貪孰為本曰虛妄分別
為本又問虛妄分別孰為本曰倒想
為本又問倒想孰為本曰無住為本
妙吉祥言如是无住孰為其本無垢
稱言斯問非理所以者何夫无住者
即無其本亦無所住由无其本無所
住故即能建立一切諸法時無垢稱
室中有一本住天文見諸大人聞所
說法得未曾有踴躍歡喜便現其身
即以天花散諸菩薩大聲聞眾時彼

天花至菩薩身即便墮落至大聲聞
便著不墮時聲聞衆各欲去華盡其
神力皆不能去尔時天女即問尊者
舍利子言何故去華舍利子言華不
如法我故去之天女言止勿謂此華
為不如法所以者何是華如法惟尊
者等自不如法所以者何華無分別
无異分別惟尊者等自有分別有異
分別於善說法毗柰耶中諸出家者
若有分別有異分別則不如法若無
分別无異分別是則如法惟舍利子
觀諸菩薩華不著者皆由永斷一切
分別及異分別觀諸聲聞華著身者
皆由未斷一切分別及異分別惟舍
利子如人有畏時非人得其便若無
所畏一切非人不得其便若畏生死
業煩惱者即為色聲香味觸等而得
其便不畏生死業煩惱者世間色聲
香味觸等不得其便又舍利子若煩
惱習未永斷者華著其身若煩惱習
已永斷者華不著也舍利子言天止
此室經今幾何天女荅言我止此室
如舍利子所住解脫舍利子言天止

此室如是久耶天女復言所住解脫亦何如久時舍利子默然不答天曰尊者是大聲聞具大慧辯得此小問默不見答舍利子言夫解脫者離諸名言吾今於此竟知何說天曰所說文字皆解脫相所以者何如此解脫非內非外非離二種中間可得文字亦亦非內非外非離二種中間可得是故無離文字說於解脫所以者何以其解脫與一切法其性平等舍利子言豈不以離貪瞋癡等為解脫耶天曰佛為諸增上慢者說離一切貪瞋癡等以為解脫若為遠離增上慢者即說一切貪瞋癡等本性解脫舍利子言善哉天女汝何得證慧辯若斯天曰我今無得无證慧辯如是若言我今有得有證即於善說法毗柰耶為增上慢舍利子言汝於三乘為何發趣天女答言我於三乘並皆發趣舍利子言汝何密意作如是說天曰我常宣說大乘令他聞故我為聲聞自然現覺真法性故我為獨覺常不捨離大慈悲故我為大乘又舍利子

我為化度求聲聞乘諸有情故我為
聲聞我為化度求獨覺乘諸有情故
我為獨覺我為化度求無上乘諸有
情故我為大乘又舍利子譬如有人
入瞻博迦林一切惟嗅瞻博迦香終
無樂嗅草麻香等如是若有止此室
者惟樂大乘功德之香終不樂於聲
聞獨覺功德香等由此室中一切佛
法功德妙香常所薰故又舍利子諸
有釋梵四大天王那伽藥叉及阿素
洛廣說乃至人非人等入此室者皆
為瞻仰如是大士及為親近禮敬供
養聽聞大法一切皆發大菩提心皆
持一切佛法功德妙香而出又舍利
子吾止此室十有二年曾不聞說聲
聞獨覺相應言論惟聞大乘諸菩薩
行大慈大悲不可思議諸佛妙法相
應言論又舍利子此室常現八未曾
有殊勝之法何等為八謂舍利子此
室常有金色光明周遍照耀晝夜无
異不假日月所照為明是為一未曾
有殊勝之法又舍利子此室常有一
切世間人非人等入此室已不為一

切煩惱所害是為二未曾有殊勝之法又舍利子此室常有一切釋梵四天王等及餘世界諸大菩薩集會不空是為三未曾有殊勝之法又舍利子此室常聞菩薩六種波羅蜜多不退法輪相應言論是為四未曾有殊勝之法又舍利子此室常作天人伎樂於諸樂中演出無量百千法音是為五未曾有殊勝之法又舍利子此室常有四大寶藏衆珠盈溢恒無有盡給施一切貧窮鰥寡孤獨无依乞求之者皆令稱遂終不窮盡是為六未曾有殊勝之法又舍利子此室常有釋迦牟尼如來無量壽如來難勝如來不動如來寶勝如來寶焰如來寶月如來寶嚴如來寶音聲如來師子吼如來一切義成如來如是等十方無量如來若此大士發心祈請應時即來廣為宣說一切如來秘要法門說已還去是為七未曾有殊勝之法又舍利子此室常現一切佛土功德莊嚴諸天宮殿衆妙綺飾是為八未曾有殊勝之法唯舍利子此室

常現八未曾有殊勝之法誰有見斯
不思議事而復發心樂求聲聞獨覺
法乎

時舍利子問天女言汝今何不轉此
女身天女答言我居此室十有二年
求女人性了不可得當何所轉惟舍
利子譬如幻師化作幻女若有問言
汝今何不轉此女身為正問不舍利
子言不也天女幻既非實當何所轉
天曰如是諸法性相皆非真實猶如
幻化云何乃問不轉女身即時天女
以神通力變舍利子令如天女自變
其身如舍利子而問之言尊者云何
不轉女身時舍利子以天女像而答
之言我今不知轉滅男身轉生女像
天女復言尊者若能轉此女身一切
女身亦當能轉如舍利子實非是女
而現女身一切女身亦復如是雖現
女身而實非女世尊依此密意說言
一切諸法非男非女今時天女作是
語已還攝神力各復本形問舍利子
尊者女身今何所在舍利子言今我
女身無在无變天曰尊者善哉善哉

一切諸法亦復如是無在无變說一切法無在无變是真佛語

時舍利子問天女言汝於此沒當生何所天女答言如來所化當所生處我當生彼舍利子言如來所化無没無生云何而言當所生處天曰尊者諸法有情應知亦尔無没无生云何問我當生何所

時舍利子問天女言汝當久如證得無上正等菩提天女答言如舍利子還成異生具異生法我證無上正等菩提久近亦尔舍利子言无處無位我當如是還成異生具異生法天曰尊者我亦如是無處无位當證無上正等菩提所以者何無上菩提无有住處是故亦無證菩提者舍利子言若尔云何佛說諸佛如苑伽沙現證無上正等菩提已證當證

天曰尊者皆是文字俗數語言說有三世諸佛證得非謂菩提有去來今所以者何無上菩提超過三世又舍利子汝已證得阿羅漢耶舍利子言不得而得得無所得天曰尊者菩提

亦亦不證而證證無所證時无垢稱
即語尊者舍利子言如是天女已曾
供養親近承事九十有二百千俱胝
那庾多佛已能遊戲神通智慧所願
滿足得無生忍已於无上正等菩提
永不退轉乘本願力如其所欲隨所
宜處成熟有情

說無垢稱經菩提分品第八

時妙吉祥問無垢稱云何菩薩於諸
佛法到究竟趣无垢稱言若諸菩薩
行於非趣乃於佛法到究竟趣妙吉
祥言云何菩薩行於非趣無垢稱言
若諸菩薩雖復行於五无間趣而無
恚惱忿害毒心雖復行於鄰洛迦趣
而離一切煩惱塵垢雖復行於諸傍
生趣而離一切黑暗無明雖復行於
阿素洛趣而離一切傲慢憍逸雖復
行於琰魔王趣而集廣大福慧資糧
雖復行於無色定趣而能於彼不樂
趣向雖復示行貪欲行趣而於一切
所受欲中離諸染著雖復示行瞋恚
行趣而於一切有情境界離諸瞋恚
無損言心雖復示行愚癡行趣而於

諸法遠離一切黑暗無明以智慧明而自調伏雖復示行慳貪行趣而能棄捨諸内外事不顧身命雖復示行犯戒行趣而能安立一切尸羅杜多切德少欲知足於小罪中見大怖畏雖復示行瞋忿行趣而能究竟安住慈悲心無恙惱雖復示行懈怠行趣而能勤習一切善根精進無替雖復示行根亂行趣而常恬默安止靜慮雖復示行惡慧行趣而善通達一切世間出世間信至究竟慧波羅蜜多雖復示行諂詐行趣而能成辦方便善巧雖復示行密語方便憍慢行趣而為成立濟度槁梁雖復示行一切世間煩惱行趣而性清淨究竟無染雖復示行衆魔行趣而於一切佛法覺慧而自證知不隨他緣雖復示行聲聞行趣而為有情說未聞法雖復示行獨覺行趣而為成辦大慈大悲成熟有情雖復現處諸貧窮趣而得寶手珍財無盡雖復現處諸缺根趣而具相好妙色嚴身雖復現處卑賤生趣而生佛家種姓尊貴積集殊勝

福慧資糧雖復現處羸劣醜陋衆所憎趣而得勝妙那羅延身一切有情常所樂見雖復現處諸老病趣而能畢竟除老病根起諸死畏雖復現處求財位趣而多修習觀無常想息諸怖求雖復現處宮室妓女諸戲樂趣而常超出諸欲淤泥修習畢竟遠離之行雖復現處諸煩囂趣而具種種才辯莊嚴得陀羅尼念慧無失雖復現處諸邪道趣而以正道度諸世間雖復現處一切生趣而實永斷一切趣生雖復現處般涅槃趣而常不捨生死相續雖復示現得妙菩提轉大法輪入涅槃趣而復勤修諸菩薩行相續無斷唯妙吉祥菩薩如是行於非趣乃得名為於諸佛法到究竟趣時無垢稱問妙吉祥何等名為如來種性願為略說妙吉祥言所謂一切為身種性是如來種性一切無明有愛種性是如來種性貪欲瞋恚愚癡種性是如來種性四種虛妄顛倒種性是如來種性如是所有五蓋種性六處種性七識住種性八邪種性九

惱事種性十種不善業道種性是如
來種性以要言之六十二見一切煩
惱惡不善法所有種性是如來種性
無垢稱言依何密意作如是說妙吉
祥言非見無為已入正性離生位者
能發無上正等覺心要住有為煩惱
諸行未見諦者能發无上正等覺心
譬如高原陸地不生殭鉢羅花鉢特
摩花拘母陀花奔荼利花要於卑濕
穢淤泥中乃得生長此四種花如是
聲聞獨覺種性已見無為已入正性
離生位者終不能發一切智心要於
煩惱諸行卑濕穢淤泥中方能發起
一切智心於中生長諸佛法故又善
男子譬如植種置於空中終不生長
要植卑濕糞壤之地乃得生長如是
聲聞獨覺種性已見無為已入正性
離生位者不能生長一切佛法雖起
身見如妙高山而能發起大菩提願
於中生長諸佛法故又善男子譬如
有人不入大海終不能得吠琉璃等
無價珍寶不入生死煩惱大海終不
能發无價珍寶一切智心是故當知

一切生死煩惱種性是如來種性

今時尊者大迦葉波歎妙吉祥善哉
善哉極為善說實語如語誠無異言
一切生死煩惱種性是如來種性所
以者何我等今者心相續中生死種
子悉已焦敗終不能發正等覺心寧
可成就五無間業不作我等諸阿羅
漢究竟解脫所以者何成就五種無
間業者猶能有力盡元間業發於无
上正等覺心漸能成辦一切佛法我
等漏盡諸阿羅漢永無此能如缺根
土於妙五欲無所能為如是漏盡諸
阿羅漢諸結永斷即於佛法无所能
為不復志求諸佛妙法是故異生能
報佛恩聲聞獨覺終不能報所以者
何異生聞佛法僧功德為三寶種終
無斷絕能發無上正等覺心漸能成
辦一切佛法聲聞獨覺假使終身聞
說如來力無畏等乃至所有不共佛
法一切功德終不能發正等覺心
今時衆中有一菩薩名曰普現一切
色身問無垢稱言居士父母妻子奴
婢僕使親友眷屬一切侍衛爲馬車

乘御人等類悉為是誰皆何所在
時無垢稱以妙伽他而答之曰

慧度菩薩母 善方便為父 世間真導師
無不由此生 妙法樂為妻 大慈悲為女
真實諦法男 思空勝義舍 煩惱為賤隸
僕使隨意轉 覺分成親友 由此證菩提
六度為眷屬 四攝為妓女 結集正法言
以為妙音樂 捻持作園苑 大法成林樹
覺品花莊嚴 解脫智慧果 八解之妙池
定水湛然滿 七淨花弥布 洗除諸垢穢
神通為鳥馬 大乘以為車 調御菩提心
遊八道支路 妙相具莊嚴 衆好而綺闌
慙愧為衣服 勝意樂為鬘 具正法珍財
曉示為方便 無倒行勝利 迴向大菩提
四靜慮為床 淨命為茵褥 念智常覺悟
无不在定心 既食不死法 還飲解脫味
沐浴妙淨心 塗香上品戒 弥滅煩惱賊
勇健無能勝 摧伏四魔怨 建妙菩提幢
雖實无起滅 而故思受生 悉現諸佛土
如日光普照 盡持上妙供 奉獻諸如來
於佛及自身 一切無分別 雖知諸佛國
及與有情空 而常修淨土 利物無休倦
一切有情類 色聲及威儀 無畏力菩薩

刹那能盡現雖覺諸魔業而示隨所轉
至究竟方便有表事皆成或示現自身
有諸老病死成熟諸有情如遊戲幻法
或現劫火起天地皆熾然有情執常相
照令知速滅千俱胝有情率土咸來請
同時受彼供皆令趣菩提於諸禁呪術
書論衆伎藝皆知至究竟利樂諸有情
世間諸道法遍於中出家隨方便利生
而不墮諸見或作日月天梵王世界主
地水及火風饒益有情類能於疾疫劫
現作諸良藥蠲除諸疾苦令趣大菩提
能於飢饉劫現作諸飲食先除彼飢渴
說法令安泰能於刀兵劫修慈悲靜慮
令無量有情欣然无患害能於大戰陣
示現力朋黨往復令和好勸發菩提心
諸佛土無量地獄亦无邊悉往其方所
拔苦令安樂諸有傍生趣殘害相食獸
皆現生於彼利樂名本生示受於諸欲
而常修靜慮惑亂諸惡魔令不得其便
如火中生華說為甚希有修定而行欲
希有復過此或現作姪女引諸好色者
先以欲相招後令修佛智或為城邑宰
商主及國師臣僚輔相尊利樂諸含識

為諸匱乏者現作無盡藏給施除貧苦
令趣大菩提於諸憍慢者現作大力士
摧伏彼貢高令住菩提願於諸恐怖者
方便善安慰除彼驚悸已令發菩提心
現作五通仙清淨修梵行皆令善安住
戒忍慈善中或見諸有情現前須給侍
乃為作僮僕弟子而事之隨彼彼方便
令愛樂正法於諸方便中皆能善修學
如是無邊行及无邊所行無邊智圓滿
度脫无邊衆假令一切佛住百千劫中
讚述其功德猶尚不能盡誰聞如是法
不願大菩提除下劣有情都无有慧者
說無垢稱經不二法門品第九

時無垢稱普問衆中諸菩薩曰云何
菩薩善能悟入不二法門仁者皆應
任已辯才各隨樂說時衆會中有諸
菩薩各隨所樂次第而說

時有菩薩名法自在作如是言生滅
為二若諸菩薩了知諸法本來无生
亦無有滅證得如是无生法忍是為
悟入不二法門

復有菩薩名曰勝密作如是言我及
我所分別為二因計我故便計我所

若了無我亦无我所是為悟入不二法門

復有菩薩名曰無瞬作如是言有取無取分別為二若諸菩薩了知无取則無所得无所得故則無增減无作無息於一切法无所執著是為悟入不二法門

復有菩薩名曰勝峯作如是言雜染清淨分別為二若諸菩薩了知雜染清淨無二則无分別永斷分別趣寂滅跡是為悟入不二法門

復有菩薩名曰妙星作如是言散動思惟分別為二若諸菩薩了知一切無有散動无所思惟則無作意住无散動无所思惟無有作意是為悟入不二法門

復有菩薩名曰妙眼作如是言一相無相分別為二若諸菩薩了知諸法无有一相無有異相亦无無相則知如是一相異相無相平等是為悟入不二法門

復有菩薩名曰妙臂作如是言菩薩聲聞二心為二若諸菩薩了知二心

性空如幻無菩薩心无聲聞心如是
二心其相平等皆同幻化是為悟入
不二法門

復有菩薩名曰育養作如是言善及
不善分別為二若諸菩薩了知善性
及不善性無所發起相與无相二句
平等无取无捨是為悟入不二法門
復有菩薩名曰師子作如是言有罪
無罪分別為二若諸菩薩了知有罪
及與無罪二皆平等以金剛慧通達
諸法无縛無解是為悟入不二法門
復有菩薩名師子慧作如是言有漏
無漏分別為二若諸菩薩知一切法
性皆平等於漏无漏不起二想不著
有想不著無想是為悟入不二法門
復有菩薩名淨勝解作如是言有為
無為分別為二若諸菩薩了知二法
性皆平等遠離諸行覺慧如空智善
清淨無執无遣是為悟入不二法門
復有菩薩名那羅延作如是言世出
世間分別為二若諸菩薩了知世間
本性空寂無入无出無流无散亦不
執著是為悟入不二法門

復有菩薩名調順慧作如是言生死
涅槃分別為二若諸菩薩了知生死
其性本空無有流轉亦无寂滅是為
悟入不二法門

復有菩薩名曰現見作如是言有盡
無盡分別為二若諸菩薩了知都无
有盡无盡要究竟盡乃名為盡若究
竟盡不復當盡則名無盡又有盡者
謂一剎那一剎那中定无有盡則是
無盡有盡无故無盡亦無了知有盡
无盡性空是為悟入不二法門

復有菩薩名曰普密作如是言有我
無我分別為二若諸菩薩了知有我
尚不可得何況無我見我无我其性
无二是為悟入不二法門

復有菩薩名曰電天作如是言明與
無明分別為二若諸菩薩了知无明
本性是明明與無明俱不可得不可
筭計起筭計路於中現觀平等无二
是為悟入不二法門

復有菩薩名曰慧見作如是言色受
想行及識與空分別為二若知取蘊
性本空即是色空非色滅空乃至

識蘊亦復如是是為悟入不二法門
復有菩薩名曰光幢作如是言四界
與空分別為二若諸菩薩了知四界
即虛空性前中後際四界與空性皆
无倒悟入諸界是為悟入不二法門
復有菩薩名曰妙慧作如是言眼色
耳聲鼻香舌味身觸意法分別為二
若諸菩薩了知一切其性皆空見眼
自性於色無貪无瞋無癡如是乃至
見意自性於法無貪无瞋無癡此則
為空如是見已寂靜安住是為悟入
不二法門

復有菩薩名無盡慧作如是言布施
迴向一切智性各別為二如是分別
戒忍精進靜慮般若及與迴向一切
智性各別為二若了布施即所迴向
一切智性此所迴向一切智性即是
布施如是乃至般若自性即所迴向
一切智性此所迴向一切智性即是
般若了此一理是為悟入不二法門
復有菩薩名甚深覺作如是言空無
相無願分別為二若諸菩薩了知空中
都無有相此无相中亦無有願此无

願中無心无意無識可轉如是即於
一解脫門具攝一切三解脫門若此
通達是為悟入不二法門

復有菩薩名寂靜根作如是言佛法
僧寶分別為二若諸菩薩了知佛性
即是法性法即僧性如是三寶皆無
為相與虛空等諸法亦尔若此通達
是為悟入不二法門

復有菩薩名無尋眼作如是言是薩
迦耶及薩迦耶滅分別為二若諸菩
薩知薩迦耶即薩迦耶滅如是了知
畢竟不起薩迦耶見於薩迦耶薩迦
耶滅即無分別无異分別證得此二
究竟滅性无所猜疑無驚无懼是為
悟入不二法門

復有菩薩名善調順作如是言是身
語意三種律儀分別為二若諸菩薩
了知如是三種律儀皆無作相其相
無二所以者何此三業道皆无作相身
无作相即語無作相語无作相即意
無作相意无作相即一切法俱無作
相若能隨入無造作相是為悟入不
二法門

復有菩薩名曰福田作如是言罪行
福行及不動行分別為二若諸菩薩
了知罪行福及不動皆無作相其相
無二所以者何罪福不動如是不行
性相皆空空空中無有罪福不動三行
差別如是通達是為悟入不二法門
復有菩薩名曰花嚴作如是言一切
二法皆從我起若諸菩薩知我實性
即不起二不起二故即無了別元了
別故無所了別是為悟入不二法門
復有菩薩名曰勝藏作如是言一切
二法有所得起若諸菩薩了知諸法
都無所得則无取捨既無取捨是為
悟入不二法門

復有菩薩名曰月上作如是言明之
與暗分別為二若諸菩薩了知實相
無暗无明其性無二所以者何譬如
苾芻入滅盡定无暗無明一切諸法
其相亦尔如是妙契諸法平等是
為悟入不二法門

復有菩薩名寶印手作如是言欣厭
涅槃生死為二若諸菩薩了知涅槃
及與生死不生欣厭則無有二所以

者何若為生死之所繫縛則求解脫
若知畢竟無生死縛何為更求涅槃
解脫如是通達无縛無解不欣涅槃
不厭生死是為悟入不二法門

復有菩薩名珠璣王作如是言正道
邪道分別為二若諸菩薩善能安住
正道邪道究竟不行以不行故則無
正道邪道二相除二相故则无二覺
若無二覺是為悟入不二法門

復有菩薩名曰諦實作如是言虛之
與實分別為二若諸菩薩觀諦實性
尚不見實何況見虛所以者何此性
非是肉眼所見慧眼乃見如是見時
於一切法無見无不見是為悟入不
二法門

如是會中有諸菩薩隨所了知名別
說已同時發問妙吉祥言云何菩薩名
為悟入不二法門

時妙吉祥告諸菩薩汝等所言雖皆
是善如我意者汝等此說猶名為二
若諸菩薩於一切法無言无說無表
無示離諸戲論絕於分別是為悟入
不二法門

時妙吉祥復問菩薩無垢稱言我等
隨意各別說已仁者當說云何菩薩
名為悟入不二法門

時無垢稱默然无說妙吉祥言善哉
善哉如是菩薩是真悟入不二法門
於中都無一切文字言說分別此諸
菩薩說是法時於衆會中五千菩薩
皆得悟入不二法門俱時證會無生
法忍

說無垢稱經卷第四

癸卯歲高麗國大藏都監奉
勅彫造

說無垢稱經卷第五

樹

大唐三藏法師玄奘譯

香臺佛品第十

時舍利子作是思惟食時將至此摩訶薩說法未起我等聲聞及諸菩薩當於何食時无垢稱知彼思惟便告之曰大德如來為諸聲聞說八解脫仁者已住勿以財食染汙其心而聞正法若欲食者且待須臾當令皆得未曾有食

時無垢稱便入如是微妙寂定發起如是殊勝神通示諸菩薩大聲聞衆上方界分去此佛土過四十二殑伽沙等諸佛世界有佛世界名一切妙香其中有佛号取上香臺今現在彼安隱住持彼世界中有妙香氣比餘十方一切佛土人天之香取為第一彼有諸樹皆出妙香普薰方域一切周滿彼中無有二乘之名唯有清淨大菩薩衆而彼如來為其說法彼世界一切臺觀宮殿經行園林衣服皆是種種妙香所成彼佛世尊及菩

薩衆所食香氣微妙第一普薰十方
無量佛土時彼如來與諸菩薩方共
坐食彼有天子名曰香嚴已於大乘
深心發趣供養承事彼土如來及諸
菩薩時此大衆一切皆覩彼界如來
與諸菩薩方共坐食如是等事

時无垢稱遍告一切菩薩衆言汝等
大士誰能往彼取妙香食以妙吉祥
威神力故諸菩薩衆咸皆默然時無
垢稱告妙吉祥汝今云何於此大衆
而不加護令其乃今妙吉祥言居士
汝今不應輕毀諸菩薩衆如佛所言
勿輕未學

時無垢稱不起于牀居衆會前化作
菩薩身真金色相好莊嚴威德光明
蔽於衆會而告之曰汝善男子宜往
上方去此佛土過四十二殑伽沙等
諸佛世界有佛世界名一切妙香其
中有佛号最上香臺與諸菩薩方共
坐食汝往到彼頂礼佛足應作是言
於此下方有無垢稱稽首雙足敬問
世尊少病少惱起居輕利氣力康和
安樂住不遙心右繞多百千匝頂礼

雙足作如是言願得世尊所食之餘當於下方堪忍世界施作佛事令此下劣欲樂有情當欣大慧亦使如來無量功德名稱普聞

時化菩薩於衆會前上昇虛空舉衆皆見神通迅疾經須臾頃便到一切妙香世界頂礼取上香臺佛足又聞其言下方菩薩名無垢稱稽首雙足敬問世尊少病少惱起居輕利氣力康和安樂住不還心右繞多百千匝頂礼雙足作如是言願得世尊所食之餘當於下方堪忍世界施作佛事令此下劣欲樂有情當欣大慧亦使如來無量功德名稱普聞時彼上方菩薩衆會見化菩薩相好莊嚴威德光明微妙殊勝歎未曾有今此大士從何處來堪忍世界為在何所云何名為下劣欲樂尋問寂上香臺如來唯願世尊為說斯事佛告之曰諸善男子於彼下方去此佛土過四十二殑伽沙等諸佛世界有佛世界名曰堪忍其中佛号釋迦牟尼如來應正等覺今現在彼安隱住持居五濁世

為諸下劣欲樂有情宣揚正法彼有
菩薩名無垢稱已得安住不可思議
解脫法門為諸菩薩開示妙法遣化
菩薩來至此間稱揚我身功德名号
并讚此土衆德莊嚴令彼菩薩善根
增進彼菩薩衆咸作是言其德何如
乃作是化大神通力無畏若斯彼佛
告言諸善男子是大菩薩成就殊勝
大功德法一剎那頃化作无量無邊
菩薩遍於十方一切國土皆遣其往
施作佛事利益安樂無量有情

於是寂上香臺如來以能流出衆妙
香器盛諸妙香所薰之食授无垢稱
化菩薩手時彼佛土有九百万大菩
薩僧同時舉聲請於彼佛我等欲與
此化菩薩俱往下方堪忍世界瞻仰
釋迦牟尼如來礼敬供事聽聞正法
并欲瞻仰礼敬供事彼無垢稱及諸
菩薩唯願世尊加護聽許彼佛告曰
諸善男子汝便可往今正是時汝等
皆應自攝身香入堪忍界勿令彼諸
有情醉悶放逸汝等皆應自隱色相
入堪忍界勿令彼諸菩薩心生愧恥

汝等於彼堪忍世界勿生劣想而作障尋所以者何諸善男子一切國土皆如虛空諸佛世尊為欲成熟諸有情故隨諸有情所樂示現種種佛土或染或淨無決定相而諸佛土實皆清淨无有差別

時化菩薩受滿食器與九百萬諸菩薩僧承彼佛威神及無垢稱力於彼界沒經須臾頃至於此土无垢稱室歎然而現時無垢稱化九百萬師子之座微妙莊嚴與前所坐諸師子座都無有異令諸菩薩皆坐其上時化菩薩以滿食器授無垢稱如是食器妙香普薰廣嚴大城及此三千大千世界無量无邊妙香薰故一切世界香氣芬馥廣嚴大城諸婆羅門長者居士人非人等聞是香氣得未曾有驚歎无量身心踊悅

時此城中離咄咄王名為月蓋與八万四千離咄咄種種莊嚴悉來入于無垢稱室見此室中諸菩薩眾其數甚多諸師子座高廣嚴飾生大歡喜歎未曾有禮諸菩薩及大聲聞却住

一面時諸地神及虛空神并欲色界諸天子衆聞是妙香各與眷屬无量百千悉來入于無垢稱室時无垢稱便語尊者舍利子等諸大聲聞尊者可食如來所施甘露味食如是食者大悲所薰勿以少分下劣心行而食此食若如是食定不能消

時衆會中有劣聲聞作如是念此食甚少云何充足如是大衆時化菩薩便告之言勿以汝等自少福慧測量如來無量福慧所以者何四大海水乍可有竭是妙香食終無有盡假使無量大千世界一切有情一一搏食其食搏量等妙高山如是搏食或經一劫或一百劫猶不能盡所以者何如是食者是無盡戒定慧解脫解脫知見所生如來所食之餘无量三千大千世界一切有情經百千劫食此香食終不能盡於是大衆皆食此食悉得充滿而尚有餘時諸聲聞及諸菩薩并人天等一切衆會食此食已其身安樂譬如一切安樂莊嚴世界菩薩一切安樂之所住持身諸毛孔

皆出妙香譬如一切妙香世界衆妙香樹常出無量種種妙香

時無垢稱問彼上方諸來菩薩汝等知不彼土如來於其世界為諸菩薩云何說法彼諸菩薩咸共荅言我土如來不為菩薩文詞說法但以妙香令諸菩薩皆悉調伏彼諸菩薩各各安坐妙香樹下諸妙香樹各各流出種種香氣彼諸菩薩聞斯妙香便獲一切德莊嚴定獲此定已即具一切菩薩功德

時彼上方諸來菩薩問無垢稱此土如來釋迦牟尼為諸有情云何說法無垢稱曰此土有情一切剛強極難調化如來還以種種能伏剛強語言而調化之云何名為種種能伏剛強語言謂為宣說此是地獄趣此是傍生趣此是餓鬼趣此是無暇生此是諸根缺此是身惡行是身惡行果此是語惡行是語惡行果此是意惡行是意惡行果此是斷生命是斷生命果此是不與取是不與取果此是欲邪行是欲邪行果此是虛誑語是虛

誑語果此是離間語是離間語果此
是麁惡語是麁惡語果此是雜穢語
是雜穢語果此是貪欲是貪欲果此
是瞋恚是瞋恚果此是邪見是邪見
果此是慳吝是慳吝果此是毀戒是
毀戒果此是瞋恨是瞋恨果此是懈
怠是懈怠果此是心亂是心亂果此
是愚癡是愚癡果此受所學此越所
學此持別解脫此犯別解脫此是應
作此非應作此是瑜伽此非瑜伽此
是永斷此非永斷此是障身此非障
身此是犯罪此是出罪此是雜染此
是清淨此是正道此是邪道此是善
此是惡此是世間此出世間此是有
罪此是無罪此是有漏此是无漏此
是有為此是無為此是功德此是過
失此是有苦此是无苦此是有樂此
是無樂此可厭離此可欣樂此可棄
捨此可修習此是生死此是涅槃如
是等法有無量門此土有情其心剛
強如來說此種種法門安住其心令
其調伏譬如為馬憒憒不調加諸楚
毒乃至徹骨然後調伏如是此土剛

強有情極難調化如來方便以如是等苦切言詞慇懃誨喻然後調伏趣入正法

時彼上方諸來菩薩聞是說已得未曾有皆作是言甚奇世尊釋迦牟尼能為難事隱覆无量尊貴功德示現如是調伏方便成熟下劣貧匱有情以種種門調伏攝益是諸菩薩居此佛土亦能堪忍種種勞倦成就寂勝希有堅牢不可思議大悲精進助揚如來無上正法利樂如是難化有情无垢稱言如是大士誠如所說釋迦如來能為難事隱覆無量尊貴功德不憚劬勞方便調伏如是剛強難化有情諸菩薩衆生此佛土亦能堪忍種種勞倦成就寂勝希有堅牢不可思議大悲精進助揚如來無上正法利樂如是无量有情大士當知堪忍世界行菩薩行饒益有情經於一生所得功德多於一切妙香世界百千大劫行菩薩行饒益有情所得功德所以者何堪忍世界略有十種修集善法餘十方界清淨佛土之所無有

何等為十一以惠施攝諸貧窮二以淨戒攝諸毀禁三以忍辱攝諸瞋恚四以精進攝諸懈怠五以靜慮攝諸亂意六以勝慧攝諸愚癡七以說除八無暇法普攝一切无暇有情八以宣說大乘正法普攝一切樂小法有九以種種殊勝善根普攝未種諸善根者十以無上四種攝法恒常成熟一切有情是為十種修集善法此堪忍界悉皆具足餘十方界清淨佛土之所無有時彼佛土諸來菩薩復作是言堪忍世界諸菩薩眾成就幾法無毀无傷從此命終生餘淨土無垢稱言堪忍世界諸菩薩眾成就八法无毀無傷從此命終生餘淨土何等為八一者菩薩如是思惟我於有情應作善事不應於彼希望善報二者菩薩如是思惟我應代彼一切有情受諸苦惱我之所有一切善根悉迴施與三者菩薩如是思惟我應於彼一切有情其心平等心無罣碍四者菩薩如是思惟我應於彼一切有情摧伏憍慢敬愛如佛五者菩薩信解

增上於未聽受甚深經典暫得聽聞
無疑无謗六者菩薩於他利養無嫉
妬心於己利養不生憍慢七者菩薩
調伏自心常省己過不譏他犯八者
菩薩恒無放逸於諸善法常樂尋求
精進修行菩提分法堪忍世界諸苦
薩衆若具成就如是八法無毀无傷
從此命終生餘淨土

其無垢稱與妙吉祥諸菩薩等於大
衆中宣說種種微妙法時百千衆生
同發無上正等覺心十千菩薩悉皆
證得无生法忍

說无垢稱經菩薩行品第十一

佛時猶在菴羅衛林為衆說法於衆
會處其地欬然廣博嚴淨一切大衆
皆現金色時阿難陀即便白佛世尊
此是誰之前相於衆會中欬然如是
廣博嚴淨一切大衆皆現金色佛告
具壽阿難陀曰是无垢稱與妙吉祥
將諸大衆恭敬圍繞發意欲來赴斯
衆會現此相時无垢稱語妙吉祥
我等今應與諸大士詣如來所頂禮
供事瞻仰世尊聽受妙法妙吉祥曰

今正是時可同行矣時無垢稱現神通力令諸大衆不起本處并師子座住右掌中往詣佛所到已置地恭敬頂礼世尊雙足右繞七匝却住一面向佛合掌儼然而立諸大菩薩下師子座恭敬頂礼世尊雙足右繞三匝却住一面向佛合掌儼然而立諸大聲聞釋梵護世四天王等亦皆避座恭敬頂礼世尊雙足却住一面向佛合掌儼然而立於是世尊如法慰問諸菩薩等一切大衆作是告言汝等大士隨其所應各復本座時諸大衆蒙佛教勅各還本座恭敬而坐

尔時世尊告舍利子汝見取勝菩薩大士自在神力之所為乎舍利子言唯然已見世尊復問汝起何想舍利子言起難思想我見大士不可思議於其作用神力功德不能算數不能思惟不能稱量不能述歎時阿難陀即便白佛今所聞香昔來未有如是香者為是誰香佛告之言是諸菩薩毛孔所出時舍利子語阿難陀我等毛孔亦出是香阿難陀曰如是妙香

仁等身內何緣而有舍利子言是元
垢稱自在神力遣化菩薩往至上
方寂上香臺如來佛土請得彼佛所食
之餘來至室中供諸大眾其間所有
食此食者一切毛孔皆出是香時阿
難陀問無垢稱是妙香氣當住久如
無垢稱言乃至此食未皆消盡其香
猶住阿難陀曰如是所食其經久如
當皆消盡元垢稱言此食勢分七日
七夜住在身中過是已後乃可漸消
雖久未消而不為患具壽當知諸聲
聞乘未入正性離生位者若食此食
要入正性離生位已然後乃消未離
欲者若食此食要得離欲然後乃消
未解脫者若食此食要心解脫然後
乃消諸有大乘菩薩種性未發无上
菩提心者若食此食要發无上菩提
心已然後乃消已發无上菩提心者
若食此食要當證得无生法忍然後
乃消其已證得無生忍者若食此食要
當安住不退轉位然後乃消其已安
住不退位者若食此食要當安住一
生繫位然後乃消具壽當知譬如世

間有大藥王名取上味若有衆生遇
遭諸毒遍滿身者與令服之乃至諸
毒未皆除滅是大藥王猶未消盡諸
毒滅已然後乃消食此食者亦復如
是乃至一切煩惱諸毒未皆除滅如
是所食猶未消盡煩惱滅已然後乃
消阿難陀言不可思議如是大士所
致香食能為衆生作諸佛事佛即告
言如是如是如汝所說不可思議此
無垢稱所致香食能為衆生作諸佛事
今時佛復告阿難陀如無垢稱所致
香食能為衆生作諸佛事如是於餘
十方世界或有佛土以諸光明而作
佛事或有佛土以菩提樹而作佛事
或有佛土以諸菩薩而作佛事或有
佛土以見如來色身相好而作佛事
或有佛土以諸化人而作佛事或有
佛土以諸衣服而作佛事或有佛土
以諸卧具而作佛事或有佛土以諸
飲食而作佛事或有佛土以諸園林
而作佛事或有佛土以諸臺觀而作
佛事或有佛土以其虛空而作佛事
所以者何由諸有情因此方便而得

調伏或有佛土為諸有情種種文詞
宣說幻夢光影水月響聲陽燄鏡像
浮雲健達縛城帝網等喻而作佛事
或有佛土以其音聲語言文字宣說
種種諸法性相而作佛事或有佛土
清淨寂寞無言无說無訶无讚無所
推求無有戲論無表无示所化有情
因斯寂寞自然證入諸法性相而作
佛事如是當知十方世界諸佛國土
其數無邊所作佛事亦无數量以要
言之諸佛所有威儀進止受用施為
皆令所化有情調伏是故一切皆名
佛事又諸世間所有四魔八万四千
諸煩惱門有情之類為其所惱一切
如來即以此法為諸衆生而作佛事
汝今當知如是法門名為悟入一切
佛法若諸菩薩入此法門雖見一切
成就無量廣大功德嚴淨佛土不生
喜貪雖見一切无諸功德雜穢佛土
不生憂恚於諸佛所發生上品信樂
恭敬歎未曾有諸佛世尊一切功德
平等圓滿得一切法究竟真實平等
性故為欲成熟老別有情示現種種

美別佛土汝今當知如諸佛土雖所依地勝劣不同而上虛空都無美別如是當知諸佛世尊為欲成熟諸有情故雖現種種色身不同而無障碍福德智慧究竟圓滿都无美別

汝今當知一切如來悉皆平等所謂最上周圓無極形色威光諸相隨好族姓尊貴清淨尸羅定慧解脫解脫知見諸力無畏不共佛法大慈大悲大喜大捨利益安樂威儀所行正行壽量說法度脫成熟有情清淨佛土悉皆平等以諸如來一切佛法悉皆平等最上周圓究竟無盡是故皆同名正等覺名為如來名為佛陀汝今當知設令我欲分別廣說此三句義汝經劫住無間聽受窮其壽量亦不能盡假使三千大千世界有情之類皆如阿難得念捻持多聞第一咸經劫住無間聽受窮其壽量亦不能盡此正等覺如來佛陀三句妙義无能究竟宣揚決擇唯除諸佛如是當知諸佛菩提功德無量无滯妙辯不可思議說是語已時阿難陀自言世尊

我從今去不敢自稱得念。捨持多聞。第一佛便告曰。汝今不應心生退屈。所以者何。我自昔來。但說汝於聲聞。衆中得念。捨持多聞。第一。非於菩薩。汝今且止。其有智者。不應測量諸菩薩事。汝今當知一切大海源底深淺。猶可測量菩薩智慧。念定。捨持辯才。大海無能測者。汝等聲聞。置諸菩薩所行境界。不應思惟。於一食頃。是元垢穢。示現變化所作神通。一切聲聞及諸獨覺。百千大劫。示現變化神力所作。亦不能及。

時彼上方諸來菩薩。皆起禮拜。釋迦牟尼合掌恭敬。白言。世尊。我等初來見此佛土。種種雜穢。生下劣想。今皆悔愧。捨離是心。所以者何。諸佛境界。方便善巧。不可思議。為欲成熟諸有情。故如如有情所樂。老別如是如是。示現佛土。唯然世尊。願賜少法。當還一切妙香世界。由此法故。常念如來說。是語已。世尊告彼諸來菩薩。言善男子。有諸菩薩。解脫法門。名有盡元。盡汝今敬受。當勤修學。云何名為有

盡無盡言有盡者即是有為有生滅
法言无盡者即是無為无生滅法菩
薩不應盡其有為亦復不應住於無為
云何菩薩不盡有為謂諸菩薩不棄
大慈不捨大悲曾所生起增上意樂
一切智心繫念寶重而不暫忘成熟
有情常無厭倦於四攝事恒不棄捨
護持正法不惜身命求習諸善終無
厭足常樂安立迴向善巧詢求正法
曾無懈怠敷演法教不作師倦常欣
瞻仰供事諸佛故受生死而無怖畏
雖遇興衰而无欣感於諸未學終不
輕陵於已學者敬愛如佛於煩惱雜
能如理思於遠離樂能不耽染於已
樂事曾無味著於他樂事深心隨喜
於所修習靜慮解脫等持等至如地
獄想而不味著於所遊歷界趣生死
如宮苑想而不厭離於乞求者生善
友想捨諸所有皆無顧悵於一切智
起迴向想於諸毀禁起救護想於波
羅蜜多如父母想速令圓滿於菩提
分法如翼從想不令究竟於諸善法
常勤修習於諸佛土恒樂莊嚴於他

佛土深心欣讚於自佛土能速成就
為諸相好圓滿莊嚴修行清淨无罣
大施為身語心嚴飾清淨遠離一切
犯戒惡法為令身心堅固堪忍遠
離一切忿恨煩惱為令所修速得究
竟經劫無數生死流轉為令自心勇
猛堅住聽佛无量功德不倦為欲永
害煩惱怨敵方便修治般若刀杖為
欲荷諸有情重擔於蘊界處求遍了
知為欲摧伏一切魔軍熾然精進曾
無懈怠為欲護持无上正法離慢勤
求善巧化智為諸世間愛重受化常
樂習行少欲知足於諸世法恒無雜
染而能隨順一切世間於諸威儀恒
无毀壞而能示現一切所作發生種
種神通妙慧利益安樂一切有情受
持一切所聞正法為起妙智正念摠
持發生諸根勝劣妙智為斷一切有
情疑惑證得種種無罣辯才敷演正
法常無擁滯為受人天殊勝喜樂勤
修清淨十善業道為正開發梵天道
路勤進修行四無量智為得諸佛上
妙音聲勸請說法隨喜讚善為得諸

佛上妙威儀常修殊勝寂靜三業為
令所修念念增勝於一切法心無染
滯為善調御諸菩薩僧常以大乘勸
衆生學為不失壞所有功德於一切
時常無放逸為諸善根展轉增進常
樂修治種種大願為欲莊嚴一切佛
土常勤修習廣大善根為令所修究
竟無盡常修迴向善巧方便諸善男
子修行此法是名菩薩不盡有為
云何菩薩不住無為謂諸菩薩雖行
於空而於其空不樂作證雖行无相
而於無相不樂作證雖行無願而於
无願不樂作證雖行無作而於无作
不樂作證雖觀諸行皆悉無常而於
善根心無厭足雖觀世間一切皆苦
而於生死故意受生雖樂觀察内无
有我而不畢竟厭捨自身雖樂觀察
外無有情而常化導心無厭倦雖觀
涅槃畢竟寂靜而不畢竟墮於寂滅
雖觀遠離究竟安樂而不究竟厭患
身心雖樂觀察無阿賴耶而不棄捨
清白法藏雖觀諸法畢竟无生而常
荷負利衆生事雖觀無漏而於生死

流轉不絕雖觀无行而行成熟諸有情事雖觀無我而於有情不捨大悲雖觀無生而於二乘不墮正位雖觀諸法畢竟空寂而不空寂所修福德雖觀諸法畢竟遠離而不遠離所修智慧雖觀諸法畢竟无實而常安住圓滿思惟雖觀諸法畢竟無主而常精勤求自然智雖觀諸法永无慊懣而於了義安立佛種諸善男子修行此法是名善薩不住無為

又善男子以諸菩薩常勤修集福資糧故不住無為常勤修集智資糧故不盡有為成就大慈无缺減故不住无為成就大悲無缺減故不盡有為利益安樂諸有情故不住无為究竟圓滿諸佛法故不盡有為成滿一切相好莊嚴佛色身故不住无為證得一切力無畏等佛智身故不盡有為方便善巧化衆生故不住无為微妙智慧善觀察故不盡有為修治佛土究竟滿故不住無為佛身安住常无盡故不盡有為常作饒益衆生事故不住無為領受法義无休廢故不盡

有為積集善根常無盡故不住无為
善根力持不斷壞故不盡有為為欲成
滿本所願故不住無為於永寂滅不
希求故不盡有為圓滿意樂善清淨
故不住無為增上意樂善清淨故不
盡有為恒常遊戲五神通故不住無
為佛智六通善圓滿故不盡有為波
羅蜜多資糧滿故不住無為本所思
惟未圓滿故不盡有為集法財寶常
無貳故不住无為不樂希求少分法
故不盡有為堅牢誓願常无退故不
住無為能令誓願究竟滿故不盡有
為積集一切妙法藥故不住無為隨
其所應授法藥故不盡有為遍知衆
生煩惱病故不住無為息除衆生煩
惱病故不盡有為諸善男子菩薩如
是不盡有為不住无為是名安住有
盡無盡解脫法門汝等皆當精勤修學
尔時一切妙香世界最上香臺如來
佛土諸來菩薩聞說如是有盡无盡
解脫門已法教開發勸勵其心皆大
歡喜身心踊躍以無量種上妙香花
諸莊嚴具供養世尊及諸菩薩并此

所說有盡無盡解脫法門復以種種
上妙香花散遍三千大千世界香花
覆地深沒於膝時諸菩薩恭敬頂禮
世尊雙足右繞三匝稱揚讚頌釋迦
牟尼及諸菩薩并所說法於此佛土
欽然不現經須臾間便往彼國

說无垢稱經卷第五

壬寅歲高麗國大藏都監奉

勅彫造

說無垢稱經卷第六

樹

觀如來品第十二

大唐三藏法師玄奘譯

余時世尊問無垢稱言善男子汝先欲觀如來身故而來至此汝當云何觀如來乎無垢稱言我觀如來都无所見如是而觀何以故我觀如來非前際來非往後際現在不住所以者何我觀如來色真如性其性非色受真如性其性非受想真如性其性非想行真如性其性非行識真如性其性非識不住四界同虛空界非六處起超六根路不離三界遠離三垢順三解脫隨至三明非明而明非至而至至一切法無障尋際實際非際真如非如於真如境常无所住於真如智恒不相應真如境智其性俱離非因所生非緣所起非有相非無相非自相非他相非一相非異相非即所相非離所相非同所相非異所相非即能相非離能相非同能相非異能相非此岸非彼岸非中流非在此非

在彼非中間非內非外非俱不俱非
已去非當去非今去非已來非當來
非今來非智非境非能識非所識非
隱非顯非闇非明無住无去無名无
相無羶无弱不住方分不離方分非
難染非清淨非有為非無為非永寂
滅非不寂滅無少事可示无少義可
說無施无慳無戒无犯無忍无恚無
勤无怠無定无乱無慧无愚無諦无
妄無出无入無去无來一切語言施
為斷滅非福田非不福田非應供非
不應供非能執非所執非能取非所
取非相非不相非為非不為無數離
諸數無尋離諸尋無增无減平等平
等同真實際等法界性非能稱非所
稱超諸稱性非能量非所量超諸量
性無向无背超諸向背無勇无怯超
諸勇怯非大非小非廣非狹無見无
聞无覺無知離諸繫縛蕭然解脫證
會一切智智平等獲得一切有情無
二逮於諸法無差別性周遍一切无
罪無僣无濁無穢无所尋著離諸分
別无作無生无虛無實无起無盡无

曾無當无怖無染无憂無喜无厭無
欣一切分別所不能緣一切名言所
不能說世尊如來身相如是應如是
觀不應異觀如是觀者名為正觀若
異觀者名為邪觀

尔時舍利子白佛言世尊此無垢稱
從何命終而來生此堪忍世界世尊
告曰汝應問彼時舍利子問無垢稱
汝從何沒來生此土無垢稱言唯舍
利子汝於諸法遍知作證頗有少法
可沒生乎舍利子言唯無垢稱无有
少法可沒生也無垢稱言若一切法
遍知作證無沒生者云何問言汝從
何沒來生此土又舍利子於意云何
諸有幻化所作男女從何處沒而來
生此舍利子言幻化男女不可施設
有沒生也無垢稱言如來豈不說一
切法如幻化耶舍利子言如是如是
無垢稱言若一切法自性自相如幻
如化云何仁者歟尔問言汝從何沒
來生此土又舍利子沒者即是諸行
斷相生者即是諸行續相菩薩雖沒
不斷一切善法行相菩薩雖生不續

一切惡法行相

尔時世尊告舍利子有佛世界名曰妙喜其中如來号為無動是無垢稱為度衆生從彼土没來生此界舍利子言甚奇世尊如此大士未曾有也乃能捨彼清淨佛土而來樂此多雜穢處無垢稱曰唯舍利子於意云何日光豈與世間闇冥樂相雜住舍利子言不也居士曰輪纔舉衆冥都息無垢稱曰日輪何故行瞻部洲舍利子言為除闇冥作照明故無垢稱曰菩薩如是為度有情生穢佛土不與一切煩惱雜居滅諸衆生煩惱闇耳尔時大衆咸生渴仰欲見妙喜功德莊嚴清淨佛土無動如來及諸菩薩聲聞等衆汝可為現今所願滿

垢稱言善男子今此會中諸神仙等一切大衆咸生渴仰欲見妙喜功德莊嚴清淨佛土無動如來及諸菩薩聲聞等衆汝可為現今所願滿時無垢稱作是思惟吾當於此不起于座以神通力速疾移取妙喜世界及輪圍山園林池沼泉源谿谷大海

江河諸蘇迷廬圍繞峯壑日月星宿
天龍鬼神帝釋梵王宮殿衆會并諸
菩薩聲聞衆等村城聚落國邑王都
在所居家男女大小乃至廣說无動
如來應正等覺大菩提樹聽法安坐
海會大衆諸寶蓮華徃十方界為諸
有情作佛事者三道寶階自然涌出
從贍部洲至蘇迷頂三十三天為欲
瞻仰礼敬供養不動如來及聞法故
從此寶階每時來下贍部洲人為欲
觀見三十三天園林宮室每亦從此
寶階而上如是清淨妙喜世界無量
功德所共合成下從水際輪上至色
究竟悉皆断取置右掌中如陶家輪
若花鳥貫入此世界示諸大衆

其無垢稱既作是思不起于牀入三
摩地發起如是殊勝神通速疾断取
妙喜世界置于右掌入此界中彼土
聲聞及諸菩薩人天大衆得天眼者
咸生恐怖俱發聲言誰將我去誰將
我去唯願世尊救護我等唯願善逝
救護我等時無動佛為化衆生方便
告言諸喜男子汝等勿怖汝等勿怖

是無垢稱神力所引非我所能彼土
初學人天等衆未得殊勝天眼通者
皆悉安然不知不見聞是語已咸相
驚問我等於今當何所往妙喜國土
雖入此界然其衆相無減无增堪忍
世間亦不迫迫雖復彼此二界相雜
各見所居與本無異

尔時世尊釋迦牟尼告諸大衆汝等
神仙普皆觀見妙喜世界無動如來
莊嚴佛土及諸菩薩聲聞等耶一切
咸言世尊已見時無垢稱即以神力
化作種種上妙天花及餘末香與諸
大衆令散供養釋迦牟尼无動如來
諸菩薩等於是世尊復告大衆汝等
神仙欲得成辦如是功德莊嚴佛土
為菩薩者皆當隨學無動如來本所
修行諸菩薩行

其無垢稱以神通力示現如是妙喜
界時堪忍土中有八十四那庾多數
諸人天等同發無上正等覺心悉願
當生妙喜世界世尊咸記皆當往生
無動如來所居佛土

時无垢稱以神通力移取如是妙喜

世界無動如來諸菩薩等為欲饒益此界有情其事畢已還置本處彼此分離兩衆皆見

今時世尊告舍利子汝已觀見妙喜世界無動如來菩薩等不舍利子言世尊已見願諸有情皆住如是莊嚴佛土願諸有情成就如是福德智慧圓滿功德一切皆似無動如來願諸有情皆當獲得自在神通如無垢稱世尊我等善獲勝利瞻仰親近如是大士其諸有情若但聞此殊勝法門當知猶名善獲勝利何況聞已信解受持讀誦通利廣為他說況復方便精進修行若諸有情手得如是殊勝法門便為獲得法珍寶藏若諸有情信解如是殊勝法門便為紹繼諸佛相續若諸有情讀誦如是殊勝法門便成菩薩與佛為伴若諸有情受持如是殊勝法門便為攝受無上正法若有供養學此法者當知其室即有如來若有書寫供養如是殊勝法門便為攝受一切福德一切智智若有隨喜如是法門便為施設大法祠祀

若以如是殊勝法門一四句頌為他
演說便為已逮不退轉位若善男子
或善女人能於如是殊勝法門信解
忍受愛樂觀察即於無上正等菩提
已得授記

說無垢稱經法供養品第十三

尔時天帝釋白佛言世尊我雖從佛
及妙吉祥聞多百千法門差別而未
曾聞如是所說不可思議自在神變
解脫法門如我解佛所說義趣若諸
有情聽聞如是所說法門信解受持
讀誦通利廣為他說尚為法器決定
無疑何況精勤如理修習如有有情
關閉一切惡趣險徑開闢一切善趣
夷塗常見一切諸佛菩薩降伏一切
外道他論摧滅一切暴惡魔軍淨菩
提道安立妙覺履踐如來所行之路
復言世尊若諸有情聽聞如是所說
法門信解受持乃至精勤如理修習
我當與其一切眷屬恭敬供養是善
男子善女人等世尊若有村城聚落
國邑王都受持讀誦開解流通此法
門處我亦與其一切眷屬為聞法故

共詣其所諸未信者當令其信諸已信者如法護持令無障難

尔時世尊告天帝釋善哉善哉如汝所說汝今乃能隨喜如來所說如是微妙法門天帝當知過去未來現在諸佛所有無上正等菩提皆於如是所說法門略說開示是故若有諸善男子或善女人聽聞如是所說法門信解受持讀誦通利廣為他說書寫供養即為供養過去未來現在諸佛又天帝釋假使三千大千世界滿中如來譬如甘蔗及竹葦麻稻山林等若善男子或善女人經於一劫或一劫餘恭敬尊重讚歎承事以諸天人一切上妙安樂供具一切上妙安樂所居奉施供養於諸如來般涅槃後供養一一全身舍利以七珍寶起窰堵波縱廣量等四洲世界其形高峻上至梵天表柱輪盤香花幡蓋眾珍伎樂嚴飾第一如是建立一一如來七寶莊嚴窰堵波已經於一劫或一劫餘以諸天人一切上妙花鬘燒香塗香末香衣服幡蓋寶幢燈輪眾珍

伎樂種種供具恭敬尊重讚歎供養
於意云何是善男子或善女人由此
因緣獲福多不天帝釋言甚多世尊
難思善逝百千俱那庾多劫亦不
能說其福聚量佛告天帝如是如是
吾今復以誠言語汝若善男子或善
女人聽聞如是不可思議自在神變
解脫法門信解受持讀誦宣說所獲
福聚甚多於彼所以者何諸佛無上
正等菩提從此生故唯法供養乃能
供養如是法門非以財物天帝當知
無上菩提功德多故供養此法其福
甚多

尔時世尊告天帝釋乃往過去不可
思議不可稱量無數大劫有佛出世
名曰藥王如來應正等覺明行圓滿
善逝世間解无上丈夫調御士天人
師佛世尊彼佛世界名曰大嚴劫名
嚴淨藥王如來壽量住世二十中劫
其聲聞僧有三十六俱那庾多數
其菩薩衆十二俱那時有輪王名曰
寶蓋成就七寶主四大洲具足千子
端嚴勇健能伏他軍時王寶蓋與其

眷屬滿五中劫恭敬尊重讚歎承事
藥王如來以諸天人一切上妙安樂
供具一切上妙安樂所居奉施供養
過五劫已時寶蓋王告其千子汝等
當知我已供養藥王如來汝等今者
亦當如我奉施供養於是千子聞父
王教歡喜敬受皆曰善哉一切協同
滿五中劫與其眷屬恭敬尊重讚歎
承事藥王如來以諸人天一切上妙
安樂供具一切上妙安樂所居奉施
供養

時一王子名為月蓋獨處閑寂作是
思惟我等於今如是愍重恭敬供養
藥王如來頗有其餘恭敬供養最上
最勝過於此不以佛神力於上空中
有天發聲告王子曰月蓋當知諸供
養中其法供養最為殊勝即問云何
名法供養天答月蓋汝可往問藥王
如來世尊云何名法供養佛當為汝
廣說開示王子月蓋聞天語已即便
往詣藥王如來恭敬懇懃頂禮雙足
右繞三匝却住一面白言世尊我聞
一切諸供養中其法供養最為殊勝

此法供養其相云何

藥王如來告王子曰月蓋當知法供養者謂於諸佛所說經典微妙甚深似甚深相一切世間極難信受難度難見幽玄細密無染了義非分別知菩薩藏攝持經王佛印所印分別開示不退法輪六到彼岸由斯而起善攝一切所應攝受善提分法正所隨行七等覺支親能導發辯說開示大慈大悲拔濟引安諸有情類遠離一切見趣魔怨分別闡揚甚深緣起辯內無我外无有情於二中間無壽命者无養育者畢竟無有補特伽羅性空無相无願無作无起相應能引妙覺能轉法輪天龍藥叉健達縛等咸共尊重稱歎供養引導衆生大法供養圓滿衆生大法祠祀一切聖賢悉皆攝受開發一切菩薩妙行真實法義之所歸依寂勝無尋由斯而起詳說諸法無常有若无我寂靜發生四種法盟陀南遣除一切慳貪毀禁瞋恨懈怠妄念惡慧驚怖一切外道邪論惡見執著開發一切有情善法

增上勢力摧伏一切惡魔軍衆諸佛
聖賢共所稱歎能除一切生死大苦
能示一切涅槃大樂三世十方諸佛
共說於是經典若樂聽聞信解受持
讀誦通利思惟觀察甚深義趣今其
顯著施設安立分別開示明了現前復
廣為他宣揚辯說方便善巧攝護正
法如是一切名法供養

復次月蓋法供養者謂於諸法如法
調伏及於諸法如法修行隨順緣起
離諸邪見修習無生不起法忍悟入
无我及無有情於諸因緣无違無諍
不起異議離我我所无所攝受依趣
於義不依於文依趣於智不依於識
依趣了義所說契經終不依於不了
義說世俗經典而生執著依趣法性
終不依於補特伽羅見有所得如其
性相悟解諸法入無藏攝滅阿賴耶
息除無明乃至老死息除愁歎憂苦
熱惱觀察如是十二緣起無盡引發
常所引發願諸有情捨諸見趣如是名
為上法供養

佛告天帝王子月蓋從樂王佛聞說

如是上法供養得順法忍即脫寶衣
諸莊嚴具奉施供養藥王如來白言
世尊我願於佛般涅槃後攝受正法
作法供養護持正法唯願如來以神
通力哀愍加威令得無難降伏魔怨
護持正法修菩薩行藥王如來既知
月蓋增上意樂便記之曰汝於如來
般涅槃後能護法城時彼王子得聞
授記歡喜踊躍即於藥王如來住世
聖法教中以清淨信棄捨家法趣於
非家既出家已勇猛精進修諸善法
勤修善故出家未久獲五神通至極
究竟得陀羅尼無斷妙辯藥王如來般
涅槃後以其所得神通智力經十中
劫隨轉如來所轉法輪月蓋苾芻滿
十中劫隨轉法輪護持正法勇猛精
進安立百千俱胝有情令於無上正
等菩提得不退轉教化十四那由多
生令於聲聞獨一覺乘心善調順方
便引導無量有情今生天上

佛告天帝彼時寶蓋轉輪王者豈異
人乎勿生疑惑莫作異觀所以者何
應知即是寶焰如來其王千子即賢

劫中有千菩薩次第成佛。初成佛名迦洛迦孫。默如來。取後成佛名曰盧至。四已出世。餘在當來。彼時護法月蓋王子。豈異人乎。即我身是天帝。當知我說一切於諸佛所。設供養中。其法供養。取尊。取勝。取上。取妙。取為無上。是故天帝欲於佛所。設供養者。當法供養。无以財物。

說無垢稱經囑累品第十四

今時佛告慈氏菩薩。吾今以是無量無數百千俱胝那庾多劫。所集无上正等菩提。所流大法。付囑於汝。如是經典。佛威神力之所住持。佛威神力之所加護。汝於如來般涅槃後。五濁惡世。亦以神力住持。攝受於瞻部洲。廣令流布。無使隱滅。所以者何。於未來世。有善男子。或善女人。天龍藥叉。健達縛等。已種無量殊勝善根。已於無上正等菩提。心生趣向。勝解廣大。若不得聞。如是經典。即當退失。无量勝利。若彼得聞。如是經典。必當信樂。發希有心。歡喜頂受。我今以彼諸善男子。善女人等。付囑於汝。汝當護念。

今無障難於是經典聽聞修學亦令如是所說法門廣宣流布慈氏當知略有二種菩薩相印何等為二一者信樂種種綺飾文詞相印二者不懼甚深法門如其性相悟入相印若諸菩薩尊重信樂綺飾文詞當知是為初學菩薩若諸菩薩於是甚深无染無著不可思議自在神變解脫法門微妙經典無有恐懼聞已信解受持讀誦令其通利廣為他說如實悟入精進修行得出世間清淨信樂當知是為久學菩薩慈氏當知略由四緣初學菩薩為自毀傷不能獲得甚深法忍何等為四一者初聞昔所未聞甚深經典驚怖疑惑不生隨喜二者聞已誹謗輕毀言是經典我昔未聞從何而至三者見有受持演說此深法門善男子等不樂親近恭敬禮拜四者後時輕慢憎嫉毀辱誹謗由是四緣初學菩薩為自毀傷不能獲得甚深法忍

慈氏當知略由四緣信解甚深法門菩薩為自毀傷不能速證無生法忍

何等為四一者輕蔑發趣大乘未久
修行初學菩薩二者不樂攝受誨示
教授教誡三者甚深廣大學處不深
敬重四者樂以世間財施攝諸有情
不樂出世清淨法施由是四緣信解
甚深法門菩薩為自毀傷不能速證
無生法忍

慈氏菩薩聞佛語已歡喜踊躍而白
佛言世尊所說甚為希有如來所言
甚為微妙如佛所示菩薩過失我當悉
皆究竟遠離如來所有無量無數百
千俱胝鄰庾多劫所集无上正等菩
提所流大法我當護持今不隱滅若
未來世諸善男子或善女人求學大
乘是真法器我當令其手得如是甚
深經典與其念力令於此經受持讀
誦究竟通利書寫供養無倒修行廣
為他說世尊後世於是經典若有聽
聞信解受持讀誦通利无倒修行廣
為他說當知皆是我威神力住持加
護世尊告曰善哉善哉汝為極善乃
能隨喜如來善說攝受護持如是正法
尔時會中所有此界及與他方諸來

菩薩一切合掌俱發聲言世尊我等亦於如來般涅槃後各從他方諸別世界皆來至此護持如來所得無上正等菩提所流大法令不隱滅廣宣流布若善男子或善女人能於是經聽聞信解受持讀誦究竟通利無倒修行廣為他說我當護持與其念力令無障難

時此衆中四大天王亦皆合掌同聲白佛世尊若有村城聚落國邑王都如是法門所流行處我等皆當與其眷屬并大力將率諸軍衆為聞法故往詣其所護持如是所說法門及能宣說受持讀誦此法門者於四方面百踰繕那皆令安隱無諸障難无有伺求得其便者

今時世尊復告具壽阿難陀曰汝應受持如是法門廣為他說令其流布阿難陀曰我已受持如是法門世尊如是所說法門其名何等我云何持世尊告曰如是名為說無垢稱不可思議自在神變解脫法門應如是持時薄伽梵說是經已無垢稱菩薩妙

說元垢稱經第六卷 第九張 樹

吉祥善薩具壽阿難陀及餘菩薩大
聲聞衆并諸天人阿素洛等聞佛所
說皆大歡喜信受奉行

說無垢稱經卷第六

王宣歲高麗國大藏部監奉

勅彫造

佛說大方等頂王經

一名維摩詰經

對

西晉月氏三藏竺法護經

聞如是一時佛遊於維耶離奈氏樹
園與大比丘衆俱比丘八百菩薩一
万一切大聖神通以達悉得摠持辯
才無尋攝三世慧至三達智空无相
願不中取證行於大慈奉無盖哀不
計吾我以度彼岸通于三世无去來
今曉一切法如幻化夢影響野馬芭
蕉水泡聚沫解于三處本無所有從
緣對生有利无利若譽若謗得名失
譽若苦若樂以過世間之所有法因
權方便周旋三塗以超欲界色界無
色界解暢道義救度一切諸天來侍
詔受深法開發愚心悉入道明
尔時世尊明旦著衣持鉢入維耶離
城分衛至維摩詰舍時維摩詰有子
名曰善思明旦沐浴以香塗身體著
新衣手執蓮華與妻室俱上樓閣觀
作妓相娛宿命德本之所感應遙見
佛來與聖衆俱入城分衛現大瑞變
以偈語妻所說雅頌歌佛功德

聞斯和雅音 同時今俱作 衆妓在其處
速徹樓閣上 大雄來不疑 護世演光輝
必以足右指 蹈於城門闔 百鳥諸禽獸
發哀悲和聲 從古未曾聞 如是諸妙嚮
大雄來不疑 欲導利衆生 今舉右足指
以安著門闔 我今日觀佛 猶寶璣珞身
衆妓不鼓鳴 微妙可悅心 三千聖無疑
威德淨莊嚴 必以右足指 蹈於城門闔
譬如有大鉢 著池河水至 則聞調和音
周遍其土地 人中天無疑 大聖演尊光
佛開導世間 定來入城門 神通化衆生
猶樹華茂盛 若干色芬葩 流布極美香
大龍无所疑 誓願建立本 今以右足指
安於城門闔 普照于虛空 周遍於天地
日明為以蔽 永不復現光 一切尊無疑
現威大晃耀 今以右足指 安於城門闔
猶如諸天人 住於虛空中 衆庶佛後從
如天侍梵王 愍傷世无疑 尊人聖導師
今以右足指 安於城門闔 今已觀城人
各慈向不恨 展轉相示談 如父母子孫
德光無沉吟 福威自在嚴 今以右足指
安於城門闔 察男女大小 各執若干花
叉手而自歸 歡悅遇散花 大導无猶豫

德花嚴飾身 今以右足指 安於城門閭
諸天人間華 遍布于虛空 散華而燒香
其香可意悅 大勇無疑結 欲入維耶離
因化悅大衆 取勝故到此

今時善思妻室聞說是言心中抱恐
衣毛為豎身內和涼住於蘭邊心自
念言是何等神為天龍鬼魅反足手
真陀羅摩休勒人非人耶口宣人語
在其處所不動不搖不敢移轉時佛
往詣善思童子所居里中在於舍邊
立在門前善思童子見佛世尊即欲
下樓閣往自奉迎心中喜悅不能自
勝已投樓下承佛聖旨住於虛空以
偈歎佛

聖慧尊且住 人中雄愍待 用哀衆生故
唯受斯水漿

於是世尊為善思說偈言

以往真本際 世俗所不達 彼際無所有
是為本際相

善思童子以偈問佛

為何住本際 真本際化導 無明之猗際
何謂立虛元

時佛復以偈告善思曰

其際真本際 是際則如來 如審住本際
了了住如是 如際真本際 斯則如來際
猶了真本際 童子住亦然 善思童子復以偈白佛言

無際際何際 何所是際相 以何權方便
名曰為本際

於是世尊覩見善思心欲暢了解道
無處告於善思童子以偈報曰

无際不可待 乃曰真本際 其際相虚空
虚空亦無相

善思為佛說偈問言

甚哉真正處 其處玄無上 使一切衆生
住如今導師

時善思童子前白佛言世尊垂慈受
斯蓮華佛便受之善思童子口身發
言以是功德致無上正真之道成最
正覺為諸衆生班宣經典令不得至
凡夫之法不至道法今時賢者舍利
弗亦在會中謂善思童子於善思心
所趣云何所成正覺法何所像欲為
衆生而班宣之善思以誦答說偈言
佛志無所得 諸聲聞亦然 當成斯正覺
為衆生班宣 彼无所向說 亦復無所致

大智當解斯本淨明如是過去諸正覺
護世無上尊亦不得諸法導世因滅度
計求无法界亦無衆生界是則為本際
世俗所不暢假号曰世界人猗相名号
亦無諸所想更元有異業

今時邠耨文陀尼子為善思童子說
是偈言

童子卿六何而欲學斯法是處深難逮
明者所迷惑仁生來久如智慧獨勇猛
與聲聞談語本對慧无畏處處能分別
所住像紫金立王路巍巍猶虛空月盛
時善思童子以偈答言

唯仁問所生所生無所生諸法无所起
誰當復生者其法无所生自然無所有
是日本清淨無法無所得諸法本清淨
未曾能得是以斯无明慢佛故說是法
在於仙人野第一轉此輪多存聲聞業
係志在虛空宣暢法音嚮為衆多辯才
以權來聖慧宣說如審諦有生乃終沒
斯愚之行無處在顛倒業如邠耨所說
以生有老死是為方俗言其法無言辭
託假造言教

今時賢者邠耨文陀尼子前白佛言

至未曾有世尊今是善思童子深入
智慧巍巍乃尔所宜獨步衆所不逮
佛言如是如是如邠釋言而無有異
也時佛告菩薩善思童子卿以何故
欲逮無上正真之道為最正覺乎善
思答曰聖尊所明故復相問用最大
聖故被引誓大聖至仁因宣是語我
身寂然不有所為以被引誓悲無罣
碍无所開化尔乃名曰斯深上句衆
生無人亦然其不或斯是等能度至
賢詳序深妙上句曉了斯本真際本
末其以無數无有若干解達深妙無
上章句以用法故化此衆生其行各
異誨無衆生設无衆生彼一切空無
智智慧衆生本淨以達本淨无有各
異以解斯義是世明智唯然聖尊我
蒙解斯自成正覺為衆說法

賢者阿難前白佛言至未曾有是善
思童子辯才乃深入如是乎乃能宣
斯應頌妙章無所著句天上世間凡
庶衆人阿須輪聞必當恐怖不肯受
學誰當信樂此深妙法往昔宿世曾
聞學是深遠之行尔乃信受於時阿

難以偈歎曰

猶如須彌頂 遠現微妙好 今此善思德
在衆妙如是 若如衆山王 堅住於大海
今處斯衆中 快宣此妙句 善思所咨嗟
說名不有無 亦光於本際 世俗所不觀
其辭无所畏 莫不敬歎者 唯善思說之
云何知本末

善思以偈報曰

吾以棄身命 被無罣尋鎧 志不貪正覺
尔乃曰博聞 猗欲故墮落 合集極殃禍
誰不墮定者 唯見世導師 是諸佛境界
護世所持濟 其身無所厄 住於佛尊道
虛空及人身 二俱不可得 如法不可得
法懷无所畏 曉虛空佛身 真實无處所
若成是忍辱 永恚無所畏 其虛空至地
自然无所有 是自然善思 達恚無處所
其虛空至地 善思不可得 無生无自然
虛寂無所有 虛空无有高 亦復無有下
以解了是法 彼恚無所畏

尔時佛告善思童子 仁者體性無所
畏乎 白佛不也 世尊佛復重問 卿審
不畏乎 白曰不也 佛言善哉善哉 仁
乃無畏不懷恐懼 時佛頌曰

從有而生畏 假現無所有 若能解是忍
介乃近佛道 因人想有畏 衆生本永無
若能解如是 於斯无所住 其不得正覺
無覺亦如斯 若餘無所獲 此儻无所畏
若能曉了斯 不住有无際 善思解如是
是為由佛道

佛告善思 若有菩薩疾欲永安逮無
上正真之道 為寂正覺者 便當消除
有常想 安想 苦想 衆生之想 人壽命
想 分別解了 無所著行 悉无所猗作
是慕業 逮成无上正真之道也 佛往
宿世行菩薩業時 作是行道 以便懷
來慧 無能得法 乃曰 佛道時 佛頌曰
解常想 猶幻計 常致生死 常无常虛無
求業 無所有 衆生有安想 了不安自然
是想 為顛倒 用想有人故 若解了法者
無有各各異 則不懷望想 無命无有人
道明 不得由無道 亦復然 是乃日本淨
法 无所由故 若有明達者 曉有悉本淨
善思 當解斯 是為道正道 不行于道乘
佛乘所救濟 若有人諍斯 便不暢道法
不行於慧業 不為道所護 用不順此行
佛法深難解 諸法無所法 本悉無形貌

所有亦虛無 三界永不安 計諸樂衆苦
猶如行虛空 若能思是行 斯乃心解脫
有身去吾我 彼法亦虛無 其不有吾我
所知無所有 斯等不想命 不得究本末
虛无想真實 少明為迷惑 吾我及壽命
本淨无所有 愚冥之所行 計本淨而有
佛道無思議 不念是所有 若聞深妙法
不能受奉持 未曾有班宣 如是經法者
法不可逮得 所說亦無獲 坐於佛樹下
因是成道慧 若不致道慧 則亦無所知
佛道及慧場 亦无有言說 凡夫懷望想
慕佛所演法 斯則真實教 佛所宣深妙
其意覺甚深 是為魔所行 若有得聞是
佛所說經典 不解經義味 諸法所救護
菩薩甚勤苦 不求道安隱 於斯無道覺
是二事无像 意當倚慕斯 有是佛所說
是何此云何 著於顛倒業 若有過苦惱
甚著於深妙 各稱舉大音 快佛無思議
佛復告善思 學是法者當習深典 勿
得志存雜句 多辭無益之義 不成正
真無極大慧 深遠之法 乃曰優奧 是
乃應法 斯曰无得 衆生墮邪 不能行
斯不用三昧 可解利義 慧無境界 无

慧亦然當了斯際非智所行佛往宿
世間是深法以解寂淨心無所著若
聞斯典得悅豫喜曾於無數佛所造
行立功勲德受著心懷諷誦奉行以
化他人宣布十方

佛復告善思童子菩薩當修如是弘
誓世人所在常抱恐畏勤學至真不
當懷懼也畏難退却當作是解宣布
奉行乃入道慧善思前白佛言唯然
信樂也世俗所不信獨篤无窮志曠
如空永無所慕佛復語善思若菩薩
大士志深妙法斯諸正士以是方便
順如佛教則於道法無所諍訟以不
諍訟一切諸法則无恐怖皆不可斷
一切諸法了之本無志无所慕便入
道慧若有聞說一切法有不以為怖
若說言無不以為懼於有無法不以
增損聞諸法應諸法不應諸法精進
諸法懈怠解是一切十方諸法慧所
歸趣若無所趣若復不解諸法有念
諸法無念不以恐怖諸法有為諸法
无為諸法有界諸法無界諸法忻喜
諸法無喜不以恐怖一切諸法亦不

有為亦不无為一切諸法本有所有
本無所有諸法寂然諸法憤亂不以
恐怖諸法顛倒无有顛倒諸法虛無
真實无為不以恐怖諸法一切有戒
無戒有明无明有名無名有興无興
有畏无畏有生無生有死无死不以
恐怖諸法有道諸法無道諸法有度
若不滅度諸法是非不以恐怖所以
者何諸法皆空虛无不真猶如幻化
泡沫芭蕉影嚮野馬夢中所見本無
從來去無所至猶如虛空忽現雲霧
塵烟灰等託現塵空不能為垢忽然便
滅虛空自然亦無所淨有道无道世
俗慧明普解自然乃无所著了無所
了乃應道慧無上正真无所恐懼心
不懷懷佛於是頌曰

諸法無所有 自然虛不真 其自然虛无
是相便滅度 諸法無所諍 斯亦无所有
以了諸法无 達不有自然 所諍訟諸法
是亦無所有 以曉法虛無 則解不諍訟
諸法无所有 本淨永无形 本淨不可得
亦無所忘失 斷一切諸法 故曰為明智
斯謂永毀壞 亦現無所壞 諸法无所滅

計亦無起立 亦多无所壞 法亦不可得
諸法本虛無 亦不可得見 設使无所得
方便現所有 諸法無所有 因緣從對生
所有無所有 斑宣於經典 諸法能相應
示現无所諍 不諍為自然 究竟无有形
諸法無所應 无作不滅度 如是不可得
常離于諸數 諸法不可得 亦無有過去
甚哉永无實 乃曰本真際 諸法皆悅豫
亦不可悅喜 若法不可得 彼亦無言說
諸法無放逸 二俱无所有 自然无可取
是為深妙相 諸法不可知 無我而自然
以解無志求 至於自然号 无為無所樂
彼亦无所有 用有無明業 因号曰无為
若念於諸法 究竟不可見 此則真實言
故名曰意念 不念於諸法 無住无所歸
了斯無衆生 是号法中法 一切法猶幻
其幻无所有 以法無明故 因宣說生死
諸法無形貌 是其自然義 若无有諸法
解脫无解脫 假号曰境界 自然無境界
愚冥所倚著 故名曰部界

佛復告善思 色痛想行識 空本無所
有眼耳鼻口身心空 本无所有 地水火風空 本亦無形 因緣合成 猶如五

事成其屋宅何謂為五一曰材木二
曰瓦草三曰土塹四曰人功五曰泥
水以是五事乃成為屋本各別時都
无屋名因緣合成身亦如是五陰緣
對便有四大因名曰身地水火風各
緣來合猶屋四柱四壁皆因緣會合
成散壞皆無處所猶如夢中見屋宅
城郭樹木華實流水田地犁牛諸種
下其五穀各隨時生人主用意獲之
自給心神無明不達一切三界皆空
因倚望求便生意識十二牽連往來
周旋輪轉無際勞於神識沉迷五趣
无懈怠時不解本空如夢所見覺不
知處何所歸趣至成正覺乃了五趣
本無處所獨步无畏佛於是頌曰

色痛想識空 眼耳鼻口意 本寂无所有
地水風火異 了界得自在 斑宣無部章
所言上佛土 其境滅度想 諸法各有形
本亦無合會 不曉知空寂 其本无有身
无得不可逮 從緣對合成 無獲不可致
又現望得生 在彼不修戒 亦復不犯禁
无行無有戒 是為諸法相 諸法无所有
因無明而生 以有无明法 便造明達智

諸法假有名 是名無所有 假号元有法
乃名曰滅度 所起无所生 因現有五陰
其陰無所見 因号有所現 所有無處所
因變示有法 法離生死業 長无生死難
如幻師化形 愚冥謂有人 所有無所有
明者不為迷 法生無所生 慧者无是計
諸法皆悉空 愚者不解此 法適有所生
便當有終沒 其生及病死 捨是無所畏
諸法一切空 法亦無所歸 善思當了斯
是佛所演法 正覺无所作 則為不可逮
若不得道處 乃見三界事 若望想佛道
則不求正覺 若行志存道 永不造無想
諸生死自然 不觀自然法 自然无所有
是為無為想 究竟无所生 所說不可得
以行无明業 因示無為法 以懷來衆義
諸法則自然 彼悉无所生 便無諍訟事
彼無不奉行 所宣深妙法 用一切起生
菩薩行愍哀

今時善思以偈答世尊曰

佛興出現世 皆用愍我等 身以為疑網
宣布是法義 佛出無思議 為具足興變
以壞魔羅網 說除六十二 以絕生死元
因坐佛樹下 永無有沉吟 宣消衆想著

解暢虛偽業 能仁滅諸見 勇猛為世俗
斷我衆狐疑

今時世尊告善思童子菩薩所行未
曾虛妄多所救護以恩加濟無有諍
訟除去衆瑕一切無穢愍傷衆生行
深遠義不懷望想世无堅固消去貪
欲以無貪欲蠲毒衆結常行等心加於
衆生志不虛妄大慈之行法不可得
修大義吼不捨精進心行至真不失
勤業無有燒害奉行忍辱而不諍訟
无所覩見夙夜尊行善思一心棄于
懈怠成就道行定意正受其心寂靜
修於善慧一切諸法永無所得行无
所畏心不怯羸顯發道心行無罣碍
成就如來十種之力當以何行至殊
特業尊其至慧奉无等倫遊於十方
諸佛世界行無罣碍度脫一切時佛
頌曰

行無虛妄業 是諸菩薩辭以奉於脫門
不畏諸罣碍 无行謂正行 是菩薩之業
若能解是行則無所貪求以法救攝之
諸菩薩所宣其无所得義是行為無上
言吾行道法則住於顛倒以住顛倒業

便得有所畏 假使有諍訟 不見諍所在

明者作是達 行於無上乘 是乘无所畏

大乘寂無極 畏與无所畏 是亦無放逸

一切無所有 衆行中寂勝 設了悉虛靜

彼行无上道 斯行甚微妙 救護一切法

所濟亦深遠 消除衆望想 所行趣玄妙

二俱無處所 若能知本際 不倚念於法

法永无衆垢 亦不離垢去 是法本清淨

及宣捨於欲 而示現邪迷 愛欲不堅固

不轉文字業 斯句為無上 不著猶如幻

此則無言教 以棄及倒行 便無諍訟意

一切衆生行 是實不可得 若能曉了斯

此行乃善教 衆生以無明 故曰名黎庶

衆生法亦尔 是道則无上 其念及衆生

是永不可得 此為第一慈 歎慈乃無極

是日世大施 斯乃為大士 常慕樂放捨

乃曰慧道心 正使不得法 諸法虛无實

玄菩薩明達 是日好布施 解法不可得

便無所恐懼 无尊是之法 乃曰為布施

法貌不可獲 佛法不可思 是戒无所犯

諸法無所著 佛土不可議 此不見諸界

於戒不望想 諸菩薩所歎 能忍諸衆生

一切不可得 佛所教訓誨 是法第一忍

佛復告善思色空不可得痛想行識空亦不可得所謂空者色則為空无復異空痛想行識空無復異空四大五陰十八諸種三界本空十二因緣無則為空无復異空現世度世有為无為四大皆空無復異空色如聚沫痛痒如泡思想如芭蕉生死如夢識如幻三界猶化五趣如影所以如影從緣對生三界本末欲界色界及无色界心意所為猶如畫師治素壁板因緣合成猶如飛鳥飛行空中菩薩如是行無妄想旋到十方猶日宮殿行於虛空不汙衆冥菩薩如是獨步三界心無所著去婬怒癡三毒窈冥猶如蓮華生於泥中不與其合菩薩如是在於生死成寂正覺心淨如空永无所著度脫一切佛時頌曰

其心不可得 則無有諍訟 若不得衆生 是為第一忍 菩薩離懈怠 其志無所行 永無所勤修 乃曰寂精進 其身及心意 所遣直无邪 菩薩无所說 是第一精進 若有懈怠者 菩薩化立之 無心无所行 住第一精進 其心不可得 内外無所著

若心不可逮是則為定意心常自勤修自然無所有无思無正受乃曰逮三昧所以言定意以能作是行安住名自然是第一定意不知慧所在何所自然法自然及與慧二俱無所有是法不可得斯識行正法不以識知法自然无所有若有了此行菩薩意堅強行第一之義世所無所趣衆會无等倫為衆而宣法斯等雖遊居無衆生堅想

佛復告善思一切諸法猶如幻化幻化本空患無所有迷惑愚俗自計己身及與他人患有所有故沉五趣敢能曉了是患無所畏諸法本末无有内外以了如是心不怯弱不難三界三界悉空若有菩薩曉是本無獨步三世而無所難達於生死猶如虛空無形本亦无名一切諸法亦復如是无形无名用无明故馳逸三界轉輪無際猶如五事住於虛空不能為垢自然之故心本清淨權未即解便有非三毒五陰六衰客塵所蔽雖有是非不汙本淨心亘開達暢三世空便入大道佛時頌曰

衆生猶如幻其幻無所有 所宣如是者
永无所復畏 已身與他人 二俱虛無寂
以能曉了是 則永无所畏 其內及外法
不計有所在 無以怯弱心 不難於世俗
諸法无所尋 猶如旋虛空 所至如虛空
是法為自然 若能曉了斯 菩薩无所畏
分別一切法 解了衆生行 彼不得衆生
其法皆如是 以剖判諸界 其界无所
是日入道行 斯曰無上道 以致此至業
知衆生心行 諸界及衆生 二俱無所有
以念彼如是 皆了一切法 其內及外事
无合會望想 以為不除法 乃曰真本際
斯法無思議 乃曰為佛法 此悉无所
悉亦无所成 所行能如是 計數無有人
以無為之慧 乃曰為佛慧 是棄為大乘
普安於一切 永不畏此世 世亦無所有
其在於世界 普世一切界 菩薩无所行
求於无上慧 是法為深遠 佛法不可思
若法無可獲 是則近佛道 其佛及經法
此一切悉无 若行如是者 則得近佛道
以行如是者 俗人無與侶 其心无所著
彼乃近佛道

佛復告善思 若有菩薩大士 聞是深

經若讀持諷誦心不恐怖善被引擡
心如金剛疾近佛樹坐於道場近佛
境界得親至真無尋脫門觀于無為
無合會處到於十方諸佛世界建習
大慈無蓋道哀成十八不共諸佛之
法三世最尊慧喻日月德無等侶慧
過虛空道明巍巍不可為喻逮無邊
聖無見頂相若有聞是無限雅典以
斯深卷為人莊宣而信樂者往過去
世曾見諸佛亦不可計又不輕慢戲
笑之者佛以豫見觀其人本早信此
經如來久觀若不信樂習斯經典聞
之調戲則外異學諸魔官屬放逸之
人也信是法者是佛弟子佛則是師
為親成就下其驢駘而作沙門其不
信者則外邪業九十六種及逆道法
佛時頌曰

見佛坐樹下 行於真道場其不信佛道
是慧不可得 其無聖導法 究竟不可得
了法無處所 是曰為解脫 意入於聖慧
一切法之王 諸法及道慧 非佛之所宣
有為及無為 愚所發妄想 諸菩薩無想
諸佛大聖明 普觀於斯世 世悉不可得

所用曉了世是亦無處所佛聖及衆生
於是无望想其無思想者善哉慈無上
假使衆生界法界亦復然是乃名之曰
菩薩無所著以觀於悲哀其哀无形貌
其哀以无貌非愚所了行五事在虛空
不有無處所一切俗如是是乃无上哀
其无上正法乃曰為佛法此無所貪世
是為自然法護世之所照其色无所有
以是无色法乃曰無見頂虛空無有邊
普平不可獲是為佛正法名曰无能觀
其慧不可逮是无上大道慧以不可得
斯無有堅固此際及彼岸所見若不見
深解不行斯是非妄想求念是智慧法
斯法則平等違此佛教法則非善親友
無勤若勤度乃曰到虛妄其不行平等
則非善親友以發興斯法若復滅斯法
此等諸比丘不善思佛教以能斷衆苦
本淨無所有如是說法者則班宣佛教
佛復告善思若說諸行皆從習致用
三界習故修道習有計吾我故行大
慈修無盖哀倚於三界行三脫門慕
四大故行无常苦空非身以生老病
死求四無畏用十二因緣了十二部

經以十八種行十八不共諸佛之法
用十方衆犯十~~惡~~故行十善求十種
力用三弊故致三達智著六情故行
六度無極六通獨步應病與藥使
濟危厄佛猶良醫經法如藥用疾病
故而有醫藥无病則無藥一切本空
無形无名亦無假号心等如空无比
无侶忽然无際尔乃應道佛時頌曰
其無所住法 於中習所行 班宣修消除
去佛法大遠 若於斯寂法 造虛妄思想
以虛妄之法 不親近滅度 其宣於諍訟
斯為之滅度 善思當了是 斯无正見行
若有修行道 宣布反逆事 朋友乱顛倒
是為學者業 佛所演講說 菩薩大名稱
當來諸就學 故勸化行道 若有奉持是
佛所化深妙 用一切衆上 以為供養佛
若有明智者 受持是真法 斯等將來世
用正法存立 其不行是法 心立存思想
自謂則應慧 不用餘致道
佛說是經時善思童子尋時逮得無
所從生法忍忻然大悅湧在虛空去
地四丈九尺時佛忻笑五色光明巍
巍甚妙青黃赤白紅紫之色從佛口

出照於十方無量佛土還繞佛三匝
從頂上入六反振動是三千大千世
界上虛空中天雨細栴檀香木蜜
衆香雨天好華晃耀人目莖葉樂器
不鼓自鳴莊嚴虛空周匝十方靡不
校飾此三千大千世界羅列諸寶交
露瑤琦妙帳高閣樹木流水浴池五
音俱發和雅悲哀聞見此變莫不悅
豫得未曾有賢者阿難即從坐起偏
露右臂更整衣服長跪叉手前白佛
言以何緣笑既笑當有意以偈歎佛
聖尊未曾妄大明不虛忻 慈愍世雄說
何緣而忻笑 天處虛空中 供養人中上
各口而歌詠 快哉宣經典 如高燈電光
若干色微妙 斯耀亦如斯 光光照遠近
如諸佛之法 授與正道決 還繞身三匝
忽沒於頂上 聖尊笑輝耀 若干種光色
出佛口入頂 唯說此瑞意

尔時世尊為賢者阿難說頌曰

善思族姓子 造立德无量 當成如來覺
逮致天人尊

佛語阿難是善思童子當值不可計
會億姣兆佛世世隨侍未曾遠之常

用至心供養諸佛衣被飯食牀榻卧具
病瘦醫藥佛滅度後供養舍利興衆
寶塔高四万里以持舍利者衆寶塔
奉事供養以好名香衆華衣服衆妙
若干種寶伎樂幢幡栴檀雜香以解
脫華及衆繒絲以用供事諸如來至
真等正覺寂後末世當得佛道号無
垢光如來至真等正覺明行成為善
逝世間解无上士道法御天人師佛
世尊今時大聖即說頌曰

若以衆雜寶充滿十方界以用施諸佛
護世衆如來若聞是經典德多過彼施
住力講說法護世照三界

今時舍利弗聞佛所說歡喜心悅得
未曾有念佛至聖德踰須弥慧超三
世道不可比如空無侶探古知今所
覩無限智明曠然无以為喻救厄通
明猶空無際一切蒙慈時舍利弗念
佛恩德恭恪說偈而歎頌曰

是經甚微妙護世之所宣不說其名号
云何知其稱古來未曾聞班宣於斯法
彼不得住處甚哉說法快假使有漏法
及與無漏法計亦无所得甚哉快說法

若令有為界及與無為界斯二无所積
是經歸如斯護世宣妙法道行正真教
觀不得處所此經義如是所說諸佛法
於斯無所歎吾我不可得甚哉快說經
設使十方世自然無所有護世之所宣
未及此經趣唯愍世宣之人中寂願演
玆宣是經名今所未稱号

佛告舍利弗是經名頂王當共傳号
大智當了所以名頂王如須弥頂皆
見四天下解是經慧得四無畏无上
大道無生老病死度三界厄若世人
好喜是法十方靡不蒙濟故名頂王
常奉持斯若有持此佛所宣經當為
世護諸天人民百万億眾與無數德
無上正真不為緣覺及與聲聞若宣
是法必得成就無極世護以得聞法
深難究暢處處演義解了是法深奧無
上當得成佛以能奉持於一切法无
復狐疑若受斯經所宣至化所喻頂
王不但當得第一法忍第二第三具
三忍法其法不可得道無處所无所
光顯乃布大道於一切法此人無欲
現在無求若持是經佛所玆宣頂王

言辯諷誦化人福不可量若有女人
受持斯經以行智慧疾得殊勝捨女
惡態知一切一以知衆一便持是法
班宣斯經入諸行業明了一切諸所
歸趣以入此法說多所照知若干品
所行精進無數衆人悉受道教本空
无法所可班宣皆無處所悉不可得
所以者何本末空故從古以來義不
可逮一切法然奉持是門法無可得
則不有无是本淨法乃名執持其慕
斯光無量普明當以隨時講是頂王
廣求法界志斯光目不得境界乃曰
執持諸法甚深法不可得若不可得
則不有無辯才具足志存佛道覺亦
若斯以暢經義無卷无形如龍化生
先興其雲然後乃雨心無從來因緣
合成斯慧无形是无思議若欲宣布
无央數法當學斯經解一切空無所
著法思惟經典不知從來所說甚善
斯法無生如經所傳其光玄照猶如
日明光无從來去無所至經典如是
照諸所有令無所有若有比丘執持
辯才清淨无断當以至心學是頂王

因法光明所耀無量諸廣布法疾得
遠入無尋辯才以學頂王饒益世俗
其不學此不知法味无玄妙典頂王
無上若不奉是遠佛法教

諸比丘衆若比丘尼若不從是法典
訓誨不歸義趣其不求是不至正真
若有比丘比丘尼求歸是法為一切
世而作法曰一切諸法悉不可喻猶
如有人住忉利天處天宮殿悉見天
下學斯經者普超衆生濟度一切若
住須彌頂在於其上觀察天下斯經
如是解暢諸法觀一切無開導衆生
猶如有人執大炬火入于冥室消除
窈冥斯經如是以法光明普照諸法
習持是典未曾遭冥猶如日光出照
天下靡不周遍斯經如是以道法明
咸耀三界一切衆生示以道慧猶如
月殿遊行虛空而不休廢斯經如是
照十方界一切蒙荷是則法印印一
切法建立此印為諸菩薩又計其印
猶如虛空悉無所有不可令有虛空
及印是二元望佛與正法亦復如是
班宣是經亦無所說猶如國王所愛

敬子欲立太子任以國財

王告大臣以是洪業付其太子又斯
聖財天下國土一切万民委任係後
諸臣奉命今斯經法亦復如是善思
童子從佛啓受當以授與無數菩薩
使入上法佛以建立是經法要諸菩
薩故也熾盛德本若以手執福不可量
其持是經所宣頂王不當疑是不成
正覺欲建辯才於一切法而無所著
當學斯經所宣頂王所去世法是則
正道所以者何俗人信道若入此經
或復不信用聞經思會久成道若受
是經廣為人說皆謂至賢普世諸人
莫能虛欺解諸佛法饒益衆生世護
無上若說是經諸天億千住於虛空
而喟歎言善哉正覺所宣其哉難及
難及乃說妙典是舉道英慧英所益
不可思議若四句誦為人誦說若復
精學无央數經以是深法不可思議
廣為人說其人蒙慈為與佛談愛樂
聖典以為宣傳斯頂王法訓誨經典
无上道要是乃名曰不可思議
佛告阿難若有奉受如是像法純冰

經卷持誦誦讀若有比丘比丘尼清
信士清信女能從啓受持誦誦讀其
德無量功不可限莫能稱載得崖底
者猶如虛空不可得際如是阿難若
受是經雖不能多受四句頌誦宣
布為他人說福不可計德無崖底无
邊無際不可為喻佛今時頌曰

虛空尚可度 衆想可窮說 斯功德福祐
不可竟盡極 奉十方世界 諸無上護世
若有受持是 為供斯諸佛 若觀諸神通
舉十方世界 不如聞此經 普奉是諸佛
其於十方世 棄捨第十業 以斯奉事佛
聞不如供養 若供諸滅度 及當來正覺
於今十方土 現在天人尊 一切有為業
歸大仁師子 若持是經卷 正覺所宣說
若以衣食養 斯非精智慧 其有持是業
此慧供無上 一切十方世 滿中衆珍寶
以施諸正覺 是福不殊特 其有學是經
頂王所班宣 斯供養諸佛 是所宣第一
我所宣經典 不著諸佛道 其心倚於是
欲供養如來 其不倚世俗 是第一奉事
都無舉无下 是乃曰供養 其佛正覺法
一切不可得 如來所班宣 是第一礼敬

其定光諸佛所供養奉事見諸菩薩法
是第一供養是供養第一如奉佛世尊
從其授決已當得致正覺欲住於佛道
正覺衆生尊習是清淨法則供養導師
以如是供養得道無所至愍衆生奉法
皆趣一切慧十方諸佛法護世所敷演
是皆歸趣正是第一供養已得入佛界
佛慧不可議便能師子吼亦如我今日
因其師子吼在諸法勇猛濟脫億載衆
減度無有漏

佛復告善思受斯經典宣布十方一
切受持奉行正法無極大慧開亦同
學令得習行六度无極救於三界若
族姓子及族姓女受是經典為他人
說德不可量猶如虛空不可限度佛
說如是善思童子一切聖衆諸天龍
神諸阿須倫世間人民聞佛所說莫
不歡喜作禮而去
佛說大方等頂王經

癸卯歲高麗國大藏都監奉
勅彫造

大乘頂王經

樹

歸命大智海圓滿淨覺尊

梁優禪尼國王子月婆首那譯

如是我聞一時佛在毗舍離菴羅樹
園與大比丘僧八百人俱菩薩摩訶
薩十千人俱及諸天龍八部鬼神亦
時世尊食時著衣持鉢入毗舍離大
城乞食於其城中次第遊於淨穢里
巷亦時淨穢里巷有一童子名善思
惟乳母抱持在於高樓重閣之上手
執蓮華娛樂受樂以宿善根即向乳
母而說偈言

如是音樂聲 世所未曾有 母今速放我
我欲至閣下 必是大精進 世尊大光明
我欲投右足 因陀羅邊 微妙甚可樂
衆鳥悉圍繞 此聲音未聞 亦生未曾觀
必是大精進 憐愍衆生故 以右足而蹈
因陀羅邊 如母著瓔珞 貫之嚴其身
未觸出妙聲 令人意所樂 必是天中尊
功德光莊嚴 放右足而下 因陀羅邊
如人擊銅鼓 出於大音聲 於其一切處
皆得聞此音 必是人中日 大千尼光明

入此大城中 利益諸衆生 如樹生花時
種種花莊嚴 隨意出妙音 令衆生貪著
必是大龍王 善住天中尊 我欲右足蹈
因陀羅邊 如空淨無垢 周遍无塵翳
光焰如金色 令日光不現 必是樂見者
具足光明尊 放右足而下 因陀羅邊
如此諸天衆 住在於空中 歡喜而讚歎
旋轉在空中 必是利世者 最勝天中尊
放右足而下 因陀羅邊 如此城衆生
悉生於慈心 各各意相謂 如母子相親
必是功德聚 功德花莊嚴 放右足而下
因陀羅邊 如男子女人 持種種妙花
滿掬而侍立 歡喜相瞻視 必是人中龍
功德花莊嚴 右足下而蹈 因陀羅邊
天花及人花 滿於虛空中 散以繽紛香
令人心愛樂 必是大精進 欲請毗舍離
无上尊入城 利益諸衆生

尔時乳母聞子語已驚怖毛豎即將
童子至於樓下而作是念向所言者
為是誰作為是天也若龍夜叉羅刹
鬼神緊那羅摩睺羅伽為是人也還
住本處而不移動

尔時世尊至其門已時彼童子見佛

世尊在其閣下瞻仰如來以佛神力
在虛空中即向世尊而說偈言

世尊住大智 安住無上人 憐愍諸衆生
願受此蓮花

尔時世尊以偈答童子言

我住於實際 非世間境界 其際无有際
此是實際相

尔時善思惟童子以偈問曰

云何住於際 實際中導師 其際无有際
若無云何住

尔時世尊以偈答言

若際是實際 即際是如來 如住於實際
導師如是住 若際是實際 即際是如來
如住於實際 童子我住然

尔時善思惟童子以偈問言

非際際為際 其際有何相 以何方便故
名之為實際

尔時世尊以偈答言

无取際非際 故名為實際 虛空是際相
其空無空相

尔時善思惟童子而說偈言

妙處是實處 處處无有上 願一切衆生
住此如導師

尔時善思惟童子白佛言世尊唯願
世尊憐愍我故受此蓮花尔時世尊
即便受彼所施蓮華如來受已時彼
童子而作是言世尊以此善根願我
得成阿耨多羅三藐三菩提為諸眾
生分別解說無凡夫法无聲聞法尔
時慧命舍利弗在大眾中語善思惟
童子言汝覺何法為眾生說尔時善
思惟童子以偈答言

諸佛及聲聞一切無得者 我覺如是法
為諸眾生說 其法世界无 亦無有言說
智者應當知其法性如是 過去正遍知
天人無上尊 无得此法者 導師入涅槃
彼處无法界 亦無眾生界 此是无上際
非世間境界 法界但是名 名字而分別
无分別分別 分別畢竟无
尔時富樓那弥多羅尼子以偈問善
思惟童子言

云何於此法 童子而修學 甚深難知處
智者於此惑 汝生來未久 智慧甚通達
與聲聞談論 智慧无輕尊 處處巧明淨
如成鍊真金 如王在大眾 如月在於空
尔時善思惟童子以偈答慧命富樓

那曰

汝今知己問 彼處无有生 諸法未曾生
誰受於生者 无一法生者 自性不可得
此是諸法性 求法不可得 法及於法性
二俱不可得 二俱未曾有 而佛說妙法
此是第一輪 應說中所說 如捲把於空
以覺諸聲聞 法音遍一切 救度諸衆生
以得方便智 如實而演說 生者及與死
是凡夫境界 富樓那汝有 顛倒未除盡
生者及死者 此世間言說 無言說法中
言說是密語

尔時富樓那弥多羅尼子白佛言希
有世尊善思惟童子於此甚深法中
智慧通達佛告富樓那如是如是如
汝所說佛問善思惟童子汝以何義
求阿耨多羅三藐三菩提尔時善思
惟童子而說偈言

天人無上尊 知己而故問 如牟尼所說
誰當有所求 我今无所求 而求無滯法
甚深无上句 清淨離諸漏 衆生不可得
非衆生亦然 於此不迷沒 能住於世間
若能如是知 甚深无上句 一者及異者
如上實際說 覺悟諸衆生 衆生不可得

以無衆生故亦无覺知者智慧及衆生自性不可得若能如是知是名為智者世尊我如是自然能覺知為一切衆生而說无上法

尔時阿難白佛言希有世尊善思惟童子以此甚深辯才於無證无得法中而能解說一切世間天人阿修羅於此法中皆生驚怖世尊誰於此法而不修學於此深法應先修學尔時慧命阿難而說偈言

善思惟童子在於大衆中如須弥寶山觀者皆愛樂譬如須弥山安處於大海如是善說法世間所愛樂非有名無名童子之所說所說實際法非世間境界如是言說時不生驚怖心汝今為我說云何如是知

尔時童子而說偈言

我不顧身命求法無所著如是求菩提多聞應當知因欲墮憤鬧世間受諸苦我已不貪著見世導師故此諸佛境界救護世間者今在於佛前身无有諸過虛空及我身二俱不可得若無法可得於法有何怖虛空及與佛二俱不可得

若能如是忍 於法無所畏 虛空及與地
自性不可得 善思此自性 於法無所畏
善思虛空地 本無當亦无 無自性无生
畏者無自性 虛空无高下 畢竟不可得
如是知法者 於法無所畏
尔時世尊問善思惟童子言汝不畏
也不也世尊汝不驚也不也世尊佛
告童子善哉善哉汝能於此甚深法
中不驚不怖尔時世尊而說偈言
若於體生畏 其體不可得 若如是常忍
其人求菩提 說於衆生想 衆生不可得
若能如是知 安住於此乘 若不得菩提
不得非菩提 更无有所得 彼則無所畏
若能如是知 不住有無中 如是汝應知
此道是菩提

是故善思惟菩薩欲速得阿耨多羅
三藐三菩提欲覺知者常想樂想淨
想衆生想人想應當修學此道能向
阿耨多羅三藐三菩提我本行菩薩
道時亦常修學如是之行我得如此
无上道已不得一法名得菩提尔時
世尊而說偈言

我說於常想 常體不可得 常無常无故

求之不可得 樂想衆生者 不知於樂想
此是顛倒想 分別生於人 是故彼有想
命者及以人 若有知法者 彼此不可得
非道得菩提 非道亦不得 此是諸法性
求法不可得 性及於實事 智者不分別
汝應如是知 此道是菩提 不行此妙乘
佛乘无上乘 於此生分別 是人不知法
不行此妙乘 佛乘無上乘 若不修此行
甚深定難證 諸法无實事 實事不可得
若无實事者 云何得有樂 若樂若苦等
猶如空中迹 智者如說知 其心得解脫
我說有我者 其法无實事 以無有我故
无有能知者 無有知者故 是智慧境界
是以說命想 畢竟不可得 若我若命等
自性无實事 大智能解知 少智則迷惑
性及於實事 此凡夫境界 不知此乘中
佛乘不思議 甚深修多羅 不聞不受持
於此法門中 无法可演說 我不得一法
亦無法可說 我坐道場時 不證一智慧
无智亦如是 菩提無得故 菩提及道場
說時不可得 凡夫起分別 稱言佛說法
此是微密言 甚深佛所說 若不聞此法
寂勝之所說 甚深及與佛 此是魔境界

其人不知味 守護一切法 諸菩薩衆等
无不了此法 諸佛及菩提 二俱不可得
如是妄言說 稱云佛說法 如此云何有
依止於可求 若有智慧者 分別甚深法
如是信讚歎 諸佛不思議 是故善思惟
當修學深法 其法義甚深 甚深智能覺
如是言說此 言說亦無得 衆生見顛倒
此非其境界 非唯三昧故 能知於此義
三昧非三昧 於空中亦无 此非智境界
亦非非智境 應覺知此際 非是智慧境
我昔聞此法 行於甚深處 衆生所樂具
信受者希有 若不信此經 寂勝之所說
多佛種善根 是人乃能信
今時世尊復告善思惟言童子是故
菩薩應如是自在嚴於世間驚怖處
不生驚怖應如是莊嚴童子言世尊
我於今者信樂受行愚癡之人所不
能信佛告童子菩薩摩訶薩甚深之
行當為汝說諸法無諍聞已不驚一
切法斷聞已不驚諸法不斷聞已不
驚一切法有一切法無聞已不驚一切
法分別一切法無分別聞已不驚諸法
有為諸法無為聞已不驚一切法有境

界一切法無境界聞已不驚一切法歡
喜一切法無歡喜聞已不驚一切法
差別一切法无差別聞已不驚一切
法有求一切法無求聞已不驚一切
法清涼一切法无清涼聞已不驚一
切法明一切法無明聞已不驚一切
法有名一切法无名聞已不驚一切
法生一切法無生聞已不驚一切法
有畏一切法无畏聞已不驚一切法
生一切法滅一切法無滅聞已不驚
一切法是道一切法非道聞已不驚
一切法般涅槃一切法不般涅槃聞
已不驚說此法時不生驚怖念時世
尊而說偈言

於一切法中自性不可得以無自性故
應觀其相滅一切法无滅其中亦無心
一切法無故自性不可得一切法中諍
其心不可得若法不可得亦无有諍者
一切法无故其性無有實若性无實者
其法亦無滅一切諸法斷智者解不二
此稱為斷者非顯示於斷一切法不斷
微塵不可得微塵及多塵法中不可得
一切法无故言說中而現如彼不可得

實有而不現一切法無故方便而有見

若言无實者此則皆戲論一切法和合

無諍故宣說求諍之自性畢竟无有實

一切法无合無作亦无滅如是不可得

遠離於諸法一切法無得求始不可得

以其無始故名之為實際一切法歡喜

喜悅不可得若法不可得亦無有言說

一切法無喜以法无二故自性中無實

此是甚深相一性法不動自性中无我

以自性無故求動不可得无動是涅槃

求法不可得以无有法故名之為涅槃

一切法无常而說第一義此衆生言說

名之為分別諸法無分別无常無住故

衆生不可得此是法中法一切法如幻

其幻不可得以法不可得依行故言說

一切法无為此是其自體以法不可得

是故名無邊所說之境界自體无境界

凡夫虛妄取稱言有境界自在說境界

亦說无境界以其說境界應知無境界

一切法是實其數不可得若身不可得

是故無有異以其无得故則知有所得

以有所得故則知無所得其中无清涼

亦無不清涼无法無清涼此是諸法實

諸法不可得不可得說此以諸法無故
則知諸法有一切法唯名名亦不可得
若法不可得則知有涅槃受及與非受
於受中而說此中無有說名之以為說
非有名為有於有中而說以起分別故
恒墮有元中凡夫見幻人取之謂為實
有無法平等智者聞不惑法生及無生
二俱不可得以下劣凡夫故說有生法
法若有生者是則應有滅生法及滅法
此二不可得一切法悉空無法而可得
汝應如是知我所說深法菩提无言說
亦無有作者若得菩提時於三有明了
若分別菩提不名求菩提行及於菩提
元有分別相一切物無生求自性亦无
以自性無故此是涅槃相畢竟元有生
求之不可得以自性無故非滅非非滅
若知此義者一切法自性彼無有生故
則無有違諍聞說甚深法不生驚怖者
應知彼衆生佛說為菩薩
今時善思惟童子以偈白佛

世尊無上師為我故出世於此法中說
異相求唯名牟尼出於世佛生不思議
永斷諸魔網而現正法網我斷生死盡

不久至道場若無異想者以相故演說
世尊說可求見已入涅槃度脫諸世間
斷絕諸疑惑

今時世尊告善思惟童子言無疑惑
行是菩薩行護念之行是菩薩行无
分別行離一切過以甚深行憐愍一
切諸衆生等是菩薩行善思惟相行
虛妄行是欲相捨於欲行離諸瞋恨
於一切衆生其心平等以心不可得
故行大慈行以求法故行大施行以
不捨故行無疑行以不見他故行无
憫熱行以清涼故行精進行無疲倦
故行三昧行心无邊故行於智行知
一切法相故行無畏行无怯弱故行
無鄣行成就如來影像勝行故觀察
十方一切世界以無滯行故今時世
尊而說偈言

說諸菩薩行遠離諸疑惑行及於愚癡
二俱不可得非行以為行是諸菩薩行
若知此行者斯人行無尋說諸菩薩等
護念於諸法以求无所得此是無上行
若說我修行則住於顛倒以住顛倒故
不能得无畏此是言說行言說不可得

若能如是知行於無上乘大乘元上乘
此乘元驚怖驚怖及不驚一切皆戲論
我說一切行一切行皆無若一切行无
是為無上行此行是甚深護念一切法
護念及甚深此一切分別甚深及以行
此中一俱无若知於此際不分別諸法
無法可取者无法不可著此是諸法性
无性而演說無堅无欲等以求故顯說
文字不可得此是無上句我以方便說
聞者勿生怖以求不可得亦无破壞相
此諸衆生行理實不可得若能如是知
是名善修學一切衆生無故我說衆生
而衆生法亦此道是无上若心若衆生
畢竟不可得此是第一義而大慈故說
菩薩摩訶薩世間大施主以修常施故
故名為施主若法不可得一切法皆無
是時修施者菩薩无智故若法不可得
於高下法中以不驚怖故名為真施主
若佛不可得法則不思議此名真持戒
諸法无所依佛境不思議為諸菩薩說
愚者不覺知禁戒不清淨於衆生起忍
衆生不可得此是無上忍於此法中說
若心不可得亦无有分別此是無上忍

以法不可得。若起疲倦時。菩薩應遠離。如是上精進。以名字故說。身心直精進。不倚於諸法。此是上精進。為諸菩薩說。菩薩於法中。若不起疲倦。無切而精進。勤精進。无上於内外法中。心性不可得。其心善調柔。以心無得故。攀緣及以心。自性无所有。無心三摩提。是故名三昧。善逝為我說。此三摩跋提。若不離此法。我說善調伏。不以智慧知。法有少自性。自性及以法。此二畢竟無。不得一切法。心識之境界。不以智知法。自性畢竟无。若能如是知。是菩薩念力。行於第一義。非世間境界。一切眾無實。而為說正說。於彼大眾中。不起眾生想。彼眾生如幻。其幻畢竟无。聞如是說時。不生於尋想。若自他等法。此二畢竟無。聞說如是法。不生於尋想。内外等二法。智者之所行。心無高下故。一切世間等。一切法无尋。猶如空中迹。法自性亦尔。如彼空中迹。菩薩如是知。名為善通達。明了一切法。知眾生所行。眾生不可得。求法亦復然。智明了諸界。其界畢竟无。我說入此門。行於无上道。得如是道已。知諸眾生行。

界及於衆生此二俱无實如是第一智
知於一切法於内外法中智慧無所著
遠離无著法是名為實際此法不思議
名為諸佛法彼法無所有无亦畢竟無
如是修行時不著於此世此智名無滯
名為諸佛智諸法不思議於法理无實
以其法无故佛法名覺者諸佛及佛法
一切皆不著不著於菩提是名諸佛智
此乘是大乘攝一切法門度脫諸世間
世間不可得一切諸世界所有諸衆生
菩薩為求法皆親近恭敬深觀此諸法
佛法不思議以不得諸法是人得菩提
菩提及以法一切皆無相如是觀察者
能盡於佛法如是觀察時於世間不著
以心不著故能盡於菩提

復次善思惟諸菩薩摩訶薩未具莊
嚴者我今當說若有得聞如是法門
不生驚怖當知是人已近道場近佛
境界住无鄣碍解脫之道觀察十方
心無所著則為諸佛以大慈大悲不
共佛法不觀頂相之所覆護聞說如
是甚深法門生信樂者則為如來志
見悉知於此經中不信樂者如來志

知若於此經生信樂者是佛弟子我是其師今時世尊而說偈言

我已坐道場 道場畢竟空 以不得菩提
安住於智中 其法無罣碍 法體畢竟无
若法畢竟无 解脫時乃知 於一切法中
智慧能到佛 一切法及智 此是佛所說
凡夫妄分別 說言有无者 諸佛不分別
菩薩及智者 觀察諸世間 世間畢竟无
世間空寂故 觀智亦如是 衆生及以佛
無有分別相 以无分別故 名為無上慈
盡諸衆生界 雖為悲所觸 其悲无實事
悲及於實事 此凡夫境界 如虛空尺寸
本无當亦無 世間亦如是 是名无上悲
此是無上法 名為諸佛法 求之不可得
善逝之所說 導師无上尊 求色不可得
如是法無色 隨世間故說 虛空无有邊
處處不可取 諸佛法如是 隨世間故說
此無上智慧 智慧不可得 以智不可得
彼智亦无實 此岸若彼岸 以相形故說
以彼取相故 不行甚深法 當知此法中
一切皆平等 若以相說者 則非善知識
自衆若他衆 若說有求者 以取相說故
彼非善知識 若謂法為有 除遣得無法

童子我此法不作如是說我以知苦故
性中无苦惱若如是說者不入於此法
諸法本無集名之以為集若說斷於集
則遠離此法若於此定法本無而分別
於本无法中本來無有滅若以分別說
本無今何滅童子汝當知此見非正見
修習於道者以求故演說付囑於求者
於道中修學我說諸菩薩大智大名稱
於當來世中能解此深義若有持此經
取勝之所說多種諸善根為諸衆生故
善說修多羅智者能受持是人當來世
能護我正法說於此法者住如無分別
如此是菩提菩提不可得

說此法時善思惟童子得無生法忍
踊躍歡喜得未曾有諸佛法常為諸
菩薩授記剎時現希有事尔時世尊
從其面門放諸光明青黃赤白紫頗
梨色此光出已遍照无量一切世界
上至梵世照世界已還至佛所遶佛
三匝從佛頂入是時大地六種震動
尔時空中有諸天衆雨衆天華沉水
末香於虛空中作天伎樂出妙音聲
尔時三千大千世界清淨莊嚴如薈

單越。尔時阿難從坐而起，整理衣服，恭敬合掌，白佛言：世尊，何因緣故，如来現此希有之事？若無因緣，如来則不現此瑞相。尔時阿難而說偈言：

無上導師人中尊，

无緣則不現奇變。

唯願世尊為衆說，

今此瑞相何因緣。

諸天在於虛空中，

供養最勝无上尊。

歡喜踊躍而讚歎，

善說微妙勝法門。

譬如北方鬱單越，

種種妙華而莊嚴。

此諸光明亦如是，

照此世界皆嚴淨。

一切諸佛法如是，

為諸菩薩授記別。

放此妙色大光明，

遍照十方從頂入。

無上精進牟尼尊，

現此光明希有事。

如来何緣放斯光，

唯願大悲為我說。

尔時世尊即為阿難而說偈言：

善思惟童子，

於諸如来所廣種諸善根，

當作人中尊。

佛告阿難：此善思惟童子，於當來世

當得供養無數億佛，於諸佛所信樂

恭敬，以諸供具、飲食、衣服、卧具、湯藥

供養彼佛。彼諸如来般涅槃已，取佛

舍利起大寶塔，高百千由旬。一切衆

寶以為嚴飾，以一切華香、寶幢、幡蓋

拈檀沉水種種末香伎樂歌頌供養
讚歎彼諸如來當得作佛号淨月如
來應正遍知明行足善逝世間解無
上士調御丈夫天人師佛世尊今時
世尊而說偈言

十方諸世界 珍寶滿其中 以此珍寶聚
奉施諸如來 世間無上師 世尊之所說
若聞能受持 功德多於彼
今時慧命舍利弗以偈白佛

甚深勝法門 寂勝之所說 云何名此經
我等頂受持 於此法門中 不說一法無
有亦不可得 勝法門所說 一切有漏法
及以無漏法 於此不可得 微妙經所說
一切有為法 及以无為界 二俱不可得
於此經中說 世尊無上師 說於一切行
一切不可得 於此經中說 佛之所說法
於此亦不說 所說甚微妙 求我不可得
十方諸世界 世尊之所說 世界無自體
於此經中說 導師无上尊 唯願為我說
云何名此經 我等當受持 聞如是語已
佛告舍利弗 此經名頂王 其頂畢竟无
大智汝當知 應如是受持 若能受持此
寂勝之所說 彼人能覺知 諸天及世人

佛說此法時 衆中百萬人 諸善根增長
悉發菩提心 以得聞此經 甚深無上法
此衆必當得 世間无至尊 於甚深法中
皆悉明了知 此衆畢當作 受持此章句
若能受持此 所說頂王經 於一切法中
不生憍望心 此中無一忍 亦无第二忍
若法不可得 亦无法可說 若有能受持
頂王修多羅 以觀此法故 能生於辯才
若有智女人 能受持此經 能速轉女身
成就丈夫法 以一知一切 以此一切知
諸法陀羅尼 於此經中說 言說一切法
容受於一切 如是說此分 法光靡不遍
彼彼諸世間 種種名應知 於處處說者
其法不可得 法不可攀緣 求之不可得
一切法如是 忽持者安樂 若法不可得
法中無有无 此是諸法性 名之為總持
若有能持此 所說頂王經 持法之光明
遍照一切處 一切法甚深 其法不可得
若法不可得 亦無所有无 若人具智慧
辯才無所尋 乃能知此義 畢竟无有實
如阿耨達龍 處空注大雨 水非從外來
不思議力介 若欲知諸法 分別無所尋
學此修多羅 不依一切法 於此法門中

法無所從來一切法无生於此經中說
譬如日光明光無所不至此經亦如是
遍照一切法若辯才比丘應受持此經
學此修多羅微妙頂王經速疾能得成
不思議辯才修學此經已能利益世間
若肯於此經能信生隨喜摠持者難得
以不知味故比丘比丘尼若不修行此
行餘虛妄行去我法甚遠於我弟子中
若能修行此能為世間眼一切無與等
如忉利天王能覆護世間此經亦如是
能為世間舍如住須弥頂見一切世間
如是住此經觀察一切法如夜火星流
一切皆悉見持經者光明一切法中勝
譬如日光明遍照一切處此經亦如是
能滅一切闇如月在空中照已而不住
此經亦如是能照十方界此印是法印
一切印所印此印住世間為諸菩薩故
如虛空中印本無當亦无虛空及與印
二俱是分別如是諸佛法於此經中說
諸佛不可說法亦復如是如王命將終
國嗣付長子勅告群臣衆悉以付我子
如是聖法財賢聖所守護付阿難比丘
為諸菩薩說守護持此經為諸菩薩故

成就善根者此經入其手若有能受持
演說此經者是人必得佛決定無有疑
若人求辯才於法无依止應受持演說
頂王勝法門說於世間法即名為菩提
如是無差別通達於此經於一切世間
此人无疑惑能受持此經亦為他人說
聞如是經已覺知諸佛法以此甚深法
利益諸衆生佛說此經時諸佛皆稱讚
善哉無上尊所說甚微妙建此大法幢
法幢不思議能以四句偈為衆生解說
此不思議經若為他解說能觀无量法
法觀不思議諸佛無上尊永斷一切法
皆同說此經不思議法門

尔時世尊說此偈已告阿難言若有
比丘比丘尼優婆塞優婆夷聞是法
已受持讀誦為他解說所得功德甚多
無量不可窮盡譬如虚空不可窮盡
如是阿難若人於此甚深法門受持
讀誦一四句偈為他解說其人功德
亦復如是說不可盡尔時世尊而說
偈言

無邊甚深法此經說大義受持解說者
應善護此經若以分別說虚空尚可窮

於此經功德說之不可盡 若受持此經
則為已供養十方世界中一切諸世尊
十方世界中所在大牟尼受持此經者
則禮拜供養十方世界中十号具足尊
若有聞此經則為已供養過去諸世尊
及以當來佛十方世界中現在人中尊
若有受持此如來所說經皆悉已供養
師子牟尼尊以資生供養此是世間智
受持此經者無上智慧供若人以珍寶
充滿十方界持以施諸佛其福德甚多
若復於此經善學為人說 此人所供養
佛說為第一 我所說法中求佛不可得
於此不驚怖即是供養佛 此第一供養
世間所不及 若不毀此者亦名為供養
諸佛及以法求之不可得 此第一供養
寂勝之所說 然燈正遍知 以此法供養
此第一供養 為諸菩薩說 我於彼世尊
以此供養已 然後得授記 當來世作佛
若欲求佛道 為衆生上首 淨修行此道
而供養導師 如是供養已 得菩提不久
應修此供養 通達一切法 此第一供養
一切諸佛法 諸導師世尊 一切悉皆得
得入佛境界 佛智不思議 能作師子吼

我應受世供作師子吼已一切法無畏

度无量衆生入無漏涅槃

佛說此經已善思惟童子及諸比丘
僧一切世間天人阿修羅乾闥婆等

聞佛所說皆大歡喜信受奉行

大乘頂王經

壬寅歲高麗國大藏都監奉

勅彫造

善思童子經卷上

白

隋天竺三藏闍那崛多譯

如是我聞一時婆伽婆住毗耶離城在菴婆羅波梨園內與諸聲聞八千比丘一万菩薩如是大衆一切悉皆變化形服作諸天身尔時世尊於晨朝時著衣持鉢將此化衆前後圍遶入毗耶離大城之中次第乞食漸漸行至毗摩羅詰離車之家當於是時毗摩羅詰離車家內有一童子名曰善思是時善思在於自家重閣之上姊妹抱持時彼童子手中素執一莖蓮華翫弄嬉戲而彼童子以其宿植衆善所熏又佛世尊神通力故令此童子忽然以偈白其姊妹作如是言今有響微妙駢諸音樂聲願姊妹放我身捨置於樓上而此光明照决是大丈夫右足跨於闔欲入此城門微妙令意喜諸鳥鳴喚聲我耳未曾聞諸鳥如是唱决定是調御為利益世間右足跨於闔欲入此城門如服諸瓔珞遍體震鳴聲其響妙鏗鏘聞者皆歡喜决定千輪足

威神莊嚴身 右足跨於闍 欲入此城門
猶彼大地震 亦如打銅鍾 諸如是等聲
無有不聞者 決定彼人曰 大聖之身光
欲入此大城 令衆生无畏 如諸林樹木
種種華莊嚴 各聞微妙音 衆生隨所樂
決定善安住 與願大龍王 右足跨於闍
欲入此城門 如虛空光照 大地普皆明
日彩曜不彰 此世尊金色 決定喜觀察
大威放焰光 右足跨於闍 欲入此城門
可妳今觀此 天衆在虛空 歡喜歌嘯聲
弄諸衣服等 決定利益世 寂勝諸衆生
右足跨於闍 欲入此城門 今此大城内
相向起慈心 各各共喜歡 如父母愛子
決定大福聚 衆德莊嚴身 右足跨於闍
欲入此城門 又男夫婦女 將種種香花
滿掬四面飄 心生大歡喜 決定大自在
福德華莊嚴 右足跨於闍 欲入此城門
天人華所散 悉遍滿虛空 處處雨衆香
微妙甚可意 決定世善逝 大福慧入城
為利益衆生 所以今來到
尔時善思懷抱妳母聞其童子自口
所說如此偈已 心生恐怖身毛悉豎
支節戰掉不能自持 安彼童子於樓

閣上置已即作如是思惟此子何也
為天為龍為是夜叉為是羅刹為鳩
槃荼為毗舍遮為緊陀羅或復為是
摩睺羅伽如此之言非是世間嬰孩
所說時彼姊妹即一定住不敢動移
亦不起行不敢大語細喘低頭默然
察聽

今時世尊漸漸行近善思離車童子
之家入彼街巷至於其家門前止住
而是善思離車童子遙見世尊在於
閣下見已即便從高樓上投身向佛
空中巖然而住即以偈頌而白佛言
世尊住智中 取勝者住此 利諸衆生故
願受我蓮花

今時世尊即還以偈報於善思離車
童子作如是言

我所住實際 非衆生境界 彼際無所有
是際如實相

今時世尊說是語已離車童子復更
以偈而白佛言

世尊云何住 於此真實際 此際既無有
無有何所住

今時善思離車童子說是語已佛復以偈而更報言

如際實際者 彼際是如來 如彼實際住
我住彼亦然 如實際諸佛 其體一無殊
如彼真實際 我作如是住

今時世尊說是語已善思童子復更以偈重白佛言

非際際非際 此際有何相 作何等方便
得名為實際

今時善思離車童子說是語已佛復以偈而更報言

不可執際際 故言為實際 彼際如虛空
虛空亦無相

今時世尊說是語已善思童子還更以偈白於佛言

希有真實處 住處最上住 願衆生住此
如諸佛所住

今時善思離車童子說此偈已一心合掌而白佛言惟願世尊慈愍我故受此蓮華今時世尊為欲憐愍善思離車孩童子故受彼蓮華佛受華已
是時善思離車童子歡喜踊躍發是願言藉此善根我於來世若當證得

阿耨多羅三藐三菩提已如今世尊
為於一切衆生說法然其法中諸凡
夫法及阿羅漢一切聖法皆不可得
尔時長老舍利弗同在集會聞是語
已於大衆中即問善思離車童子作
如是言離車童子汝向所言我當證
彼如是法已為諸衆生說於彼法云
何說法彼法云何尔時善思離車童
子即以偈答舍利弗言

彼法無有佛 及諸聲聞得 我當證是法
為諸衆生說 彼法無處所 亦復无去來
智者如是知 法之本體性 過去一切佛
現在無上尊 无不如是知 入無餘寂滅
彼中無法界 衆生界亦无 如是之邊際
世間無入者 法界惟名字 字從分別生
分別無分別 究竟不可得

尔時長老富婁那弥多羅居士即於
衆中還以偈問善思童子作如是言
童子汝云何 能學解此法 甚深無譬喻
諸智者所述 汝今身未行 已作如是辯
能對衆第一 智慧大聲聞 汝體如真金
遍皆巧知解 顯赫此城巷 如月處虚空
尔時善思離車童子即還以偈答於

長老富婁那彌多羅居士作如是言
尊者今言生此生無有處諸法无生故
當生此是何諸法既無生何者名真體
此我說本性一切諸法無法及法本性
二俱不可得二既不可得此法諸佛說
是名取上輪鹿苑中前轉虛空搨拳已
今覺多聲聞唯鳴於法聲衆生多誑惑
乘方便及智當說如真實言生及死者
是名凡夫境此之顛倒見富婁那未盡
生死及彼此世間人言語無言語法中
假以語言說

尔時長老富婁那彌多羅居士聞此
偈已歡喜稱讚即便白佛作如是言
希有婆伽婆希有修伽陀此之善思
離車童子乃有如是甚深智慧難可
度量是時佛告富婁那言如是如是
汝富婁那如汝所說

尔時世尊問於善思離車童子作如
是言善思童子汝今欲為何誰證於
阿耨多羅三藐三菩提是時善思離
車童子即以偈頌而答佛言

佛寂勝世尊知而故問我欲為誰著鎧
今當真實宣我無所為人亦无著鎧者

甚深上法中 無受化衆生 衆生非衆生
一切皆無有 此處不迷惑 彼名為世尊
如是生解法 如實際常處 非一非无異
此甚深寂上 我當令覺衆 彼衆生亦無
衆生體既無 彼中何有智 智慧及衆生
性畢竟非有 若能如是解 彼名世智人
尔時善思離車童子說是偈已而白
佛言大聖世尊我若當来自覺了知
如是法已為諸衆生作如是說是時
長老阿難比丘於大衆中即從座起
而白佛言世尊希有婆伽婆希有修
伽陀此之善思離車童子乃能如是
宣說甚深微妙法句不染著句無倚
著句此深法中天人世間恐怖迷沒
世尊如是實性甚深法中誰不欲行
惟有昔於甚深法中有因緣者乃能
生信尔時阿難欲重宣此義而說偈言
猶如聚真金 遙觀妙顯赫 此善思童子
處在大衆中 辭如須弥山 安住於海內
如是善說法 弥覆此世間 無有及非无
善思童子說 如是彼實際 實際亦空无
汝今說此時 不曾生恐怖 善思汝如是
我去何得知

尔時善思離車童子聞是語已即還以偈報阿難言

我已捨捨身著此無為鎧無望故求道
多聞如是知為五欲所述墮於可畏獄
今見無上尊我云何不喜世尊大慈愍
化度諸衆生我身不墜傷今在佛前住
虛空及我體此二悉是無身及空既无
云何當畏壞佛身及空體真實不可分
能有此忍心彼中无怖畏虛空及大地
真如中忘无我今真實知是故無恐怖
虛空遍大地畢竟不可得無真無生故
真實无驚畏虛空無有高下處亦无有
如是法知者彼无虛可驚

尔時善思離車童子說是偈已佛即
問言善思童子汝不畏耶是時善思
即答佛言善哉世尊我實無畏佛復
更問善思童子汝不恐耶善思答言
善哉世尊我實無恐佛復問言善思
童子汝不怖耶善思答言善哉世尊
我實不怖

尔時世尊讚善思言善哉善哉善思
離車真實善哉汝今乃能如是不畏
不恐不怖佛因此事即為善思而說

有有故怖生 彼有不可得 能定此忍者
彼即近菩提 取相言衆生 而衆生無有
能如是了達 彼即住真乘 菩提无得人
不得得不得 離此得不得 恐怖心則無
若能如是知 有無皆不住 善思汝當識
此路趣菩提

尔時世尊說此偈已復告善思作如
是言善思童子是故菩薩摩訶薩等
若欲速疾安樂得成阿耨多羅三藐
三菩提者當應須念常相樂相我相
淨相及衆生相壽命養育福伽羅相
此相即是阿耨多羅三藐三菩提真
正直路善思童子我於往昔發心行
於菩薩行時常念此路以是義故我
乘此路得至菩提然其此路無有一
法而可得者此即是我無上菩提
尔時世尊欲重宣此義而說偈言

我雖說常相 其常非是有 既知无有常
即無有諍覓 有著樂相者 樂亦无真實
此是顛倒見 分別福伽羅 若知諸法真
各各無集處 彼等不作相 命及福伽羅
路非是菩提 非路亦復尔 我說此本性

諸法無處所 本性及衆物 智者不分別
善思汝當知 此路向菩提 若著如是路
彼佛非行道 若著有相者 彼不知諸法
亦不能來來 諸佛所憐愍 無有人能行
此寂甚深處 一切處無物 彼物不可物
既無有物故 彼樂无處生 諸樂及諸苦
此路如虛空 能得如是覺 彼心得解脫
我雖說我相 此法亦無有 既无有所
亦復無有智 既无有智知 此即智境界
壽命分別有 其相畢竟空 無有言知者
小智即迷惑 我相及壽命 本性非是有
本性及諸物 此愚癡境界 彼等不能近
不思議佛乘 不聞深經典 復不讀誦持
此經典不說 无有諸法相 我不得諸法
說處亦復無 我昔坐道場 無一智可證
此智我如是 菩提不可得 菩提及道場
此二元證者 凡夫輩分別 諸佛說諸法
此是假名字 諸佛甚深處 甚深及諸佛
此是魔境界 不聞此經典 佛世尊所說
彼等不知味 諸法利益處 菩薩行苦行
其行無知故 言佛及菩提 此二不可見
如是思惟已 妄言諸佛說 稱有諸境界
倚之而生著 既有染著處 彼等不見我

若有諸衆生成就甚深智彼等大唱說
諸佛不思議是故汝善思欲知甚深法
精勤當用心即知法真實彼法實无礙
故名為甚深如是說之時名為不可得
衆生顛倒見此非彼境界非以禪定求
可知真實義三昧非三昧空中不可得
此非智境界無智亦復然雖令覺彼際
亦非智境界此法從緣有甚深即能入
若有樂寂靜則无有彼此若心能信樂
正說此經處彼非一佛邊昔種諸善根
於多諸佛所乃能受持此

余時世尊說此偈已復告善思離車
童子作如是言善思童子以是義故
諸大菩薩摩訶薩等一切應當著如
是鎧於世間中所有恐怖驚畏之處
應於彼中不生驚畏恐怖之意發於
此心如是著鎧是時善思即白佛言
大聖世尊我信如是而世間中所不
信處

余時世尊復告善思童子有諸菩薩
摩訶薩等行於甚深有如是相有如
是瑞有如是形彼等一切諸善丈夫
觀於世間无有諸法可優劣者既見

一切諸法平等無有優劣如是知己而心不畏不怖不驚

斷一切諸法如是知己而不驚不斷一切諸法如是知己而不怖

有一切諸法如是知己而不驚无一切諸法如是知己而不畏

聚一切諸法如是知己而不驚散一切諸法如是知己而不畏

和合一切諸法如是知己而不驚不和合一切諸法如是知己而不畏

嫌一切諸法如是知己而不驚不嫌一切諸法如是知己而不畏

思念一切諸法如是知己而不驚不思念一切諸法如是知己而不畏

造作一切諸法如是知己而不驚不造作一切諸法如是知己而不畏

境界一切諸法如是知己而不驚非境界一切諸法如是知己而不畏

歡喜一切諸法如是知己而不驚非歡喜一切諸法如是知己而不畏

世諦一切諸法如是知己而不驚非世諦一切諸法如是知己而不畏

寂靜一切諸法如是知己而不驚非寂靜一切諸法如是知己而不畏

寂靜一切諸法如是知已而不畏

解一切諸法如是知已而不驚不解

一切諸法如是知已而不畏

持戒一切諸法如是知已而不驚破

戒一切諸法如是知已而不畏

明一切諸法如是知已而不驚无明

一切諸法如是知已而不畏

有名一切諸法如是知已而不驚无

名一切諸法如是知已而不畏

一切法出如是知已而不驚一切法

不出如是知已而不畏

一切法怖如是知已而不驚一切法

不怖如是知已而不畏

一切法生如是知已而不驚一切法

不生如是知已而不畏

一切法死如是知已而不驚一切法

不死如是知已而不畏

一切法菩提如是知已而不驚一切

法非菩提如是知已而不畏

一切法涅槃如是知已而不驚一切

法非涅槃如是知已而不畏能作如

是說法之時是名菩薩不畏不驚不

恐不怖

余時世尊說是語已欲為善思重宣
此義而說偈言

一切法無有 真如不迷惑 諸法无有故
彼相即寂滅 諸法無優劣 此彼悉皆無
一切法無故 真實亦復无 諸法有優劣
此彼亦各無 諸法既悉空 則无有諍竟
一切法既無 本性何有性 其性無有故
云何有壞滅 諸法有断耶 智者無此念
但假有断名 求断處不得 欲断一切法
微細求竟无 毫末及衆多 諸法皆无有
諸法無有者 此亦是言說 彼中如是無
但有中亦現 一切法无形 但有相中現
有有及無有 一切皆假名 一切法有合
亦現不合者 真如無合故 畢竟无有物
諸法无和合 無作無滅者 如是亦不得
諸法各各無 諸法不可得 彼等前際无
本際既無故 故名為實際 一切法歡喜
歡喜不可得 既无有諸法 彼亦不可說
諸法無歡喜 彼等二皆无 真如中無物
此是甚深相 一切法無嫌 真如中無我
真如无有故 彼無有嫌處 涅槃无讚歎
彼法不可得 諸法無有故 故名為涅槃
諸法无明者 真如中亦現 此是假名說

是故名爲思 諸法無思者 此法无定處
是故無衆生 此是諸法體 一切法如幻
彼幻不可得 諸法不得故 說有爲諸行
諸法既无爲 此彼真如體 無有諸法處
故言無有邊 雖言有境界 境界實无有
而凡夫所說 故名爲境界 諸境界虛妄
故說無境界 說无有境界 是境界真相
言一切法體 彼等無有數 彼等既无有
寂定汝等知 無得言有得 亦現有得處
得无得之處 亦現故有得 彼處無持戒
及破戒亦无 無行及无戒 如是諸法相
一切法悉无 故名爲无明 無有諸法故
汝當知是明 諸法名字者 彼名實无有
既無有法名 當知是涅槃 說有受名者
以受故亦現 是處无有受 故言受亦現
無有爲有相 亦現名爲有 諸法中離有
故言常无有 如見幻華已 愚癡言有相
有有無有知 是處智无惑 法生處不知
此二不可得 愚癡人故言 說此爲生處
諸法若有生 應說當有死 生處及死處
此二不可得 一切法皆空 諸法不可得
善思汝當知 我說如是法 菩提不可作
是處作者无 若當得菩提 應即見三界

若分別菩提 彼不行菩提 行行及菩提
彼等無分別 一切有真實 真實无有處
真實無得故 此是涅槃相 畢竟无出者
彼無處可得 无有諸物故 不滅復不滅
若能知此義 諸法無真實 彼等无可生
即不相諍竟 說此甚深法 若無恐怖時
汝應知彼人 真實是菩薩

尔時世尊說此語已善思童子復更
以偈重白佛言

世尊利益我 出現於世間 說此法相時
我無有疑惑 今者具足滿 佛出不思議
教諸見網薄 今得脫魔網 我已斷生死
已住道場內 如來說相時 斷除我疑結
為我說得處 摧滅諸見等 无畏益世間
善去我心垢
善思童子經卷上

癸卯歲高麗國大藏都監奉
勅彫造

善思童子經卷下

白

隋天竺三藏闍那崛多譯

今時世尊復告善思離車童子作如
是言善思童子此菩薩行無虛妄行
善思童子此菩薩行是哀愍行善思
童子此菩薩行是无患行能斷一切
諸過患故慈悲一切諸衆生故善思
童子此菩薩行甚深微妙無有相行
善思童子此菩薩行真實能離一切
欲相善思童子此無欲行无愛憎故
善思童子此菩薩行一切衆生平等
心行其心畢竟無所得故善思童子
此菩薩行大慈悲行於一切法無有
得故善思童子此菩薩行大布施行
無有施故善思童子此菩薩行不虛
誑行不受一切後身報故善思童子
此菩薩行无惱忍行現無諍故善思
童子此菩薩行發捨願行捨嬾惰故
善思童子此菩薩行是三昧行以寂
靜故善思童子此菩薩行是智慧行
於一切法無有得故善思童子此菩
薩行是无畏行心无恐故善思童子

此菩薩行是無尋行成就如來諸智力故善思童子此菩薩行是增益行入智慧門無有著故善思童子此菩薩行觀十方行无染著故

今時世尊欲為善思重宣此義而說偈言

無疑惑行者 為諸菩薩說 疑惑及諸行 此二不可得 為諸菩薩說 有行無行處 若知此行處 彼等無諍竟 攝受一切法 為諸菩薩說 无所有得處 此行寂為上 我行此行處 彼則顛倒行 既住顛倒行 彼无有畏處 此雖名諍行 彼諍不可得 若能如是知 彼行寂上乘 此乘無有驚 佛乘寂為上 驚及无驚怖 一切法假名 雖說諸行處 一切不可得 一切既不得 彼行寂為上 此行甚深行 愍於一切法 愍及甚深行 皆從分別生 甚深及諸行 是處二俱無 若知此際者 彼於法無沒 諸法無可染 非法亦復然 此諸法本性 當說無染處 无牢及無固 此但是有現 无有名字處 此句寂為上 我雖說有愛 彼處無恐怖 以無有物故 彼處不生竟 此諸衆生行 此處无有真 若有知此者

彼為善說行此處無衆生故我說衆生
衆生法一等此路寂為上心及有衆生
畢竟不可得此名為寂慈我前說大慈
世間大施主亦名大衆生常樂行布施
故名大施主法尚不可得况復當有邊
大智菩薩輩故名為施主佛既不可得
法亦不思議此戒不缺犯諸法無倚處
彼等不思議佛戒不思議不分別戒行
為諸菩薩說忍向衆生輩衆生畢竟无
此是寂勝忍我法行中說心不可得故
諍竟無處生此是寂上忍諸法不可得
菩薩無懈怠不被他毀辱此名寂精進
名為不捨取身心善實直能辦於此行
是名寂精進為諸菩薩說菩薩能嬾墮
不發諸行等能不捨不取彼住寂精進
心界不可得若外若在内故名寂定心
其心無有處攀緣及心行真如中无有
不思彼三昧亦現如是定我說此三昧
自在修伽陀能行此行者我說彼得定
不以智能知有諸真如法真如及智慧
此二邊無有此法不可得此是識境界
法不以識知真體此處寂能知如是者
彼等名真念菩薩真如行世所不能行

彼勝一切衆 為衆生說法 彼無衆生相
況復有徒衆 衆生如幻化 幻化亦无有
如是能說者 彼無有恐怖 若我若他身
此二俱無有 能有此智者 彼无有驚懼
諸內及與外 有相畢竟无 心无怯弱處
即勝一切世 諸法無有尋 猶如虛空行
既如虛空行 法真如亦然 若能知此智
菩薩无所畏 巧解一切法 彼知衆生行
既知无衆生 一切法亦然 界智巧解知
彼界不可得 若入是法門 此路寂為勝
有能從此道 即知衆生行 境界及衆生
此二無有物 欲識諸法門 須知此勝智
若內若有外 智慧無集處 无尋諸法中
故名為實際 諸法不思議 故名為佛法
彼無所有處 其處亦復無 若能如是行
世間無障尋 智既無有尋 故名為佛智
諸法不思議 彼輩無真正 諸法既无體
是覺諸佛法 佛及諸佛法 此二俱无有
菩提無有故 是名為佛道 乘此大乘者
到法安樂處 此世寂為勝 人世不可得
凡世間所有 一切處衆生 彼菩薩為勝
行此勝智者 能求此諸法 佛法不思議
能得此諸法 彼即近菩提 菩提及諸法

此二畢竟無能作如是行即近諸佛法
能行此行者不染諸世間既无有染心
彼去菩提近

尔時世尊說此偈已復更重告善思
離車童子作是言復次善思我今宣說
若有菩薩摩訶薩等善著鎧者能於
如是甚深經典能善說者取妙微密
善說之時聞已其人能不驚怖不悔
不沒如是菩薩摩訶薩等即得住於
菩提道場即得入於諸佛境界即證
無尋即住无為解脫法門又能巧住
無得之行即能觀察一切十方即能
證得大慈大悲即得諸佛十八不共
法即得无上取大灌頂說此甚深微
妙法時能有信行能有思惟如是法
者諸佛已觀彼等菩薩一切諸佛已
護持彼若菩薩能信此行者或有不
信於此行者亦為一切諸佛所知若
有能入此法門者諸佛已知若能信
行此法門者我當為於彼等作師彼
等則為隨我出家
尔時世尊欲為善思重宣此義而說
偈言

彼等證道場 道場者即空 若不取菩提
彼等即住智 諸法無有尋 畢竟不可得
法既不可得 解脫亦復然 諸佛智行者
一切諸法處 及於諸法行 世尊如是說
有尋無尋處 愚癡作是心 佛及大菩薩
不如是分別 雖觀世間法 世間畢竟空
智能觀世間 彼智亦無有 衆生及諸佛
一種無分別 既无分別處 彼慈寂為勝
法界廣大性 衆生界亦然 大智諸菩薩
不如是思惟 雖復欲起慈 彼慈實无體
慈體及無性 非衆生境界 若五指量空
先無今亦無 諸世間亦然 此慈寂為勝
諸法无上者 名為諸佛法 彼等無得處
此即是真體 世尊大慈悲 无有形與色
如是無色法 是行名世間 虚空无有邊
境界不可執 諸佛如是法 智者行此順
是即无上智 而智不可得 智既无得處
彼處實無有 此岸及彼岸 若思惟若見
彼等无此行 甚深是名相 若知此等法
一切處平等 於我法行中 不假求知識
若作取捨心 分別二見處 此事言有者
彼非善知識 有言此法成 或言此法滅
善思此比丘 非是我弟子 言證苦滅者

畢竟不可得如是說法師彼非說我法
諸法無起處何言諸法集無起處說滅
彼等遠我法如是寂法中無有分別處
諸法既无有滅處亦復無若有諍竟心
豈名說寂滅善思汝知此彼不名真實
說道及與法此是亦現有既亦現有處
彼假現有路我說諸菩薩未來世大智
能作如是行彼依此境界能行此行者
諸佛說甚深彼已供養我利益諸含識
能持此經典諸大智菩薩彼於未來世
住持諸法故我所說諸法常住无分別
此即是菩提離此無別道

今時世尊說是法已是時善思離車
童子於諸法中即便證得無生順忍
既得證彼無生忍已遠離一切世間
憂喜得大歡樂即更飛騰上虛空中離
地高於七多羅樹

今時世尊當於彼時即便微笑而諸
世尊有如是法微笑之時從其面門
出種種光其光雜色所謂青黃赤白
紅縹綠紺頗梨彼之光明如是遍照
無量无边諸佛世界乃至有頂大梵
天宮照已還迴至於佛所圍繞三匝

遠已從於佛頂而入當入之時此之
大地具足六種十八相動動遍動等
遍動踊遍踊等遍踊沒遍沒等遍沒
震遍震等遍震吼遍吼等遍吼覺遍
覺等遍覺

尔時上界虛空之中天雨種種細梅
檀末沉水末香及天華雨天諸種種
微妙音聲自然而作此之三千大千
世界清淨莊嚴猶如北方鬱單越國
莊嚴華嚴一種無殊此之三千大千
世界亦尔无異

尔時長老阿難比丘從座而起整理
衣服偏袒右肩右膝著地合掌向佛
而白佛言希有世尊未審如來有何
因緣微笑放光諸佛世尊非無因緣
而放光明作是語已即便以偈而白
佛言

諸佛世間寂勝尊 微笑放光必有以
利益之慶願尊說 有此瑞相何因緣
虛空天雨華 供養世尊故 歡喜皆歌頌
稱讚說此經 三千世界中 種種莊嚴淨
猶如鬱單越 光普照十方 如昔諸世尊
其中授記者 佛出光照訖 迴入佛頂中

世尊所放光其光種種色從佛面門出
為我說此因

尔時世尊即以偈告長老阿難作如
是言

此童子善思宿植善根厚當於未來世
成佛兩足尊

尔時世尊說此偈已告阿難言阿難
此之善思離車童子從今已去供養
恭敬億那由他阿僧祇劫諸佛如來
承奉不違彼諸佛教又復供養彼諸
世尊衣服湯藥房舍卧具四事皆足
彼諸如來滅度之後供養舍利以種
種寶而用作塔其一塔各各皆高
百千由旬於彼一切諸寶塔中安置
舍利以諸名香供養彼塔復將一切
華鬘校飾一切諸寶一切諸幡種種
妙華及栴檀末沆水末等而以散上
復將取妙種種音聲以供養之供養
彼諸多陀阿伽度阿羅呵三藐三佛
陀已捨最後身而得作佛名為淨月
多陀阿伽度阿羅呵三藐三佛陀出
現於世善逝世間解無上士調御丈
夫天人師佛世尊

尔時世尊欲為阿難及諸大眾重宣此義而說偈言

若滿十方界 諸寶妙珍奇 布施佛世尊
及諸菩薩眾 得聞此法相 如大聖所宣
校量財施功 此福多於彼

尔時長老舍利弗聞佛世尊說此校量功德語已即更以偈而白佛言

世尊說此經 甚深取微妙 而不說名字
我等云何持 此經典所明 諸法皆平等
無有得不得 希有佛善說 有漏及有為
無漏无為法 此經不分別 世尊善巧說
世間出世間 世諦第一義 二界無有異
此經如是說 佛所說諸行 方便為眾生
真理皆悉无 世尊金口說 諸佛及諸法
彼等一切无 能所乘並空 希有佛善說
十方諸世尊 所說諸法相 彼等无真體
此經如是行 善哉大聖尊 善哉寂勝智
此經名云何 為我等解說 智慧此語已
今日決諸疑 八功德相圓 音聲告於彼
欲知此經者 名為灌頂王 雖言灌頂王
灌頂亦無有 能持此經者 諸佛說彼人
於天人世間 當為如寶塔 我說是經處
聽眾有八千 多種諸善根 發无上道意

彼等於來世決作無上尊得聞此妙經
難思議福德止住安隱處甚深善根中
彼乃如是能受持此經典係念專讀誦
此之灌頂王彼等人輩於諸法無疑惑
此不說初忍第二忍亦无諸法相既空
云何有說處若人受持此灌頂王經典
彼作如是等諸法乘辯才若有智女人
受持此經典速捨女雜穢罪業不淨身
一智一切知一切智一知此是持諸法
此經中具說此經所說法入處如虛空
我說此入道作諸法光明即知種種名
處處有多種雖復說諸法彼法不可得
所有無言體其相畢竟无知是諸法門
是名受持法言无諸法者彼處有無無
此是法體相名為陀羅尼若人欲無邊
一切光明照當持此經典善說灌頂王
欲求法界邊此中已說訖彼界不可得
故名陀羅尼一切法甚深法者無得處
既无法得處彼處无常無若成就辯才
智深遠無尋乃能知此義是經无所著
如阿耨達龍於空中降雨彼無有心想
名不可思議若欲廣多宣種種辯才說
依此經中學无倚一切法彼法無來處

善說如此經 諸法無有生 如此經所說
如日光明照 彼光無處來 此經如是明
法光常充滿 來世善男子 欲無盡辯才
當學灌頂王 善說此法本 速得無尋辯
甚深不思議 若學灌頂王 世多作利益
若不修此法 無上灌頂王 彼人不受持
如是無譬喻 彼等四部衆 遠我法行中
不解此義人 无義可能義 若有四部衆
能行此行時 无上諸法中 即為世間眼
如忉利宮殿 顯現高巍巍 此經典亦然
世間取為家 如立須弥頂 觀見世間人
如是住此經 觀見一切法 如人暗夜中
棄高大火炬 彼人所行處 終無諸黑闇
此經光所照 明見一切法 能持此經者
彼无諸闇黑 譬如日光焰 一切處志明
此經典亦然 能出多種法 又如虛空月
放光明流轉 如是此經典 遍照十方界
此印諸法印 一切印中印 故遣住此印
為諸菩薩輩 如欲印虛空 本无亦不住
虛空及與印 此二是分別 如是佛及法
此經中所說 諸佛不可說 諸法亦復然
如王捨命時 懇懃善囑授 勅諸大臣等
財付我諸子 如是聖法身 我昔修習得

阿難汝來世付囑諸菩薩我以說此經
為諸菩薩輩能持是經者此人福甚多
能信受此經依灌頂王說彼人若致疑
我當不作佛人欲自在辯於諸法无碍
應當學此經我善說灌頂世間說諸法
彼是菩提道知己莫應怠此經當讀誦
彼等正信人於世間无惑既讀誦此經
復能為他說此是諸佛法為諸菩薩說
得聞此經已甚深難思議當說此經時
十方一切佛微笑放光明各言善說此
堅立大勝幢法幢不思議此經四句偈
為大衆演說巧行多方便不思議法中
能持此經者兼復為他說彼人共佛語
證法无上尊能持此經者不思議灌頂
今時世尊說此偈報舍利弗已復更
重告長老阿難作如是言阿難若有
比丘或比丘尼諸優婆塞及優婆夷
於當來世有能信心聽此經典受持
讀誦彼人當得最大福德其福德聚
不可稱量無有邊際譬如空界无有
人能量知邊際如是如是長老阿難
此法本中有能受持一四句偈或自
讀誦或為他說彼人所得功德善根

亦不可量亦不可說無有邊際

今時世尊欲為阿難及諸大眾重宣此義而說偈言

若能讀誦此无邊方便身利益多衆生
灌頂王憐愍假使我今說虚空可度量
世中无上尊若受持此經悉皆供養彼
十方一切佛斷生死法王能持此經人
名已供養彼十方諸世界除斷十惡根
聞此經典人能供彼諸聖我未來諸佛
及過去如來現在十方中兩足尊无上
能作師子吼彼悉供養之能受持此經
諸佛所宣說持資財供養此非正智人
若能持此經供養中為最一切十方界
滿七寶行檀以供諸世尊劣持此經福
若學此經典一如灌頂王此敬諸如來
真實如中顯我所說諸法諸佛不可得
彼聞不驚怖即是供世尊此供養甚深
世間无解者不取及不捨此供養最勝
諸佛及諸法一切不取捨此供養最勝
諸佛世尊歎往昔定光佛我供養此法
此供取為勝為諸菩薩說於時彼佛邊
我持此供養彼佛授我記汝當得作佛

若當欲作佛復為衆生取應成就此路
是名供養佛我如是供養今得成佛道
洞達一切法堪受天人供所有諸佛法
世間无上尊乘此寂勝供諸供養中寂
證於佛境界智慧不思議能作師子吼
如我今無畏作師子吼已得諸法自在
解脫衆生輩入无漏涅槃

尔時世尊說此經已善思童子及毗
耶離一切大衆天龍夜叉乾闥婆阿
修羅人非人等聞佛所說皆悉信受
歡喜奉行

善思童子經卷下

癸卯歲高麗國大藏都監奉
勅彫造

大乘悲分陀利經卷第一

白

轉法輪品第一

失三歲名今附秦錄

如是我聞一時佛住王舍城耆闍崛
山中與大比丘衆六万二千人俱皆
是阿羅漢諸漏已盡盡諸有結皆得
自在心善解脫慧善解脫如調爲王
所作已辦脫於重擔逮得已利往來
已盡得正智已心得自在到於彼岸
唯除一人長老阿難菩薩摩訶薩衆
八十四百千人俱弥勒爲首皆得陀羅尼
忍辱三昧樂居空靜皆不退轉婆訶
世界主梵天與無量百千梵天俱他
化天子與八十百千他化天子俱化
自在天子與七十百千化自在天子
俱珊兜率天子與六十百千兜率天
子俱須夜摩天子與七十二百千須
夜摩天子俱釋提桓因與八十百千
三十三天俱毗沙門天王與其眷屬
百千夜叉俱毗留勒伽與其眷屬千
鳩睺荼俱毗留波叉與其眷屬千龍
俱提陀羅吒各與其眷屬千龍王俱

今時世尊與如是等上首皆求大乘
行六波羅蜜圍遶捨四顛倒法明慧
光照因四諦說法令諸菩薩摩訶薩
得種種三昧以是三昧過聲聞辟支
佛地以是三昧令得堅固阿耨多羅
三藐三菩提今時弥勒菩薩摩訶薩
無尋見菩薩水天菩薩師子意菩薩
照明菩薩摩訶薩如是等十千菩薩
俱從座起整衣服面東南向右膝著
地叉手合掌喜踊意視作如是言南
無南无蓮華上多陀阿伽度阿羅訶
三藐三佛陀成佛未久現大神通勸發
無數億那由他百千衆生善根成就
得不退轉阿耨多羅三藐三菩提今
時寶照明菩薩即從座起整衣服右
膝著地叉手合掌白佛言世尊以何
因緣弥勒菩薩無尋見菩薩水天
菩薩師子意菩薩照明菩薩摩訶薩
如是等十千菩薩俱捨世尊所說法
從座起整衣服面東南向右膝著地叉
手合掌喜踊意視作如是言南无南
無蓮華上多陀阿伽度阿羅訶三藐
三佛陀甚為希有成佛未久現大神

通瑞應勸發無數億那由他百千衆
生善根成就蓮華上如來應供正遍
知去此遠近成阿耨多羅三藐三菩
提來幾時蓮華上如來世界何名彼
土嚴飾云何莊嚴以何蓮華上如來
應供正遍知現大神通以何因緣有
菩薩見於十方無數他方世界現在
諸佛世尊又見彼諸佛所現神通我
等不見尔時世尊告寶照明菩薩言
善哉善哉善男子機辯甚善所問賢
快汝善男子乃問如來如是之義為
無量億那由他百千衆生善根成就
故乃問蓮華上如來所現神通佛土
莊嚴汝善男子諦聽諦聽善思念之
當為汝說唯然世尊寶照明菩薩聽
佛所說尔時世尊告寶照明菩薩言
善男子東南方去此佛土過億百千
佛刹有世界名蓮華諸妙莊嚴散衆
名華種種妙香充滿世界寶樹莊嚴
多諸寶山地紺琉璃菩薩遍滿法音
不絕彼琉璃地柔軟妙好猶若天衣
若以足蹈則下四寸舉足還復多諸
蓮花七寶行樹高七由旬其寶樹上

垂諸天衣天作音樂柔軟妙好樹上
衆鳥演出根力覺道法化之聲諸寶
樹葉牙相揅觸所出音聲勝天五樂
一一寶樹所出妙香遍千由旬諸寶
樹上垂天瓔珞一一樹間有七寶臺
高五百由旬廣百由旬其臺四邊有
諸窓牖遠臺周匝自然池水長八十
由旬廣五十由旬池水四邊七寶梯
階芙蓉青蓮華遍覆水上一一蓮華
廣一由旬衆華臺上生諸菩薩摩訶
薩於初夜時華臺上生結加趺坐受
解脫樂歡喜竟夜天欲明時四方微
風柔軟香好吹華開敷彼諸菩薩從
臺於七寶座結加趺坐而聽受法諸
樹寶臺周匝四面紫磨寶山高二十
由旬廣三由旬其諸山上有無數百
千日明月明王紺大紺明月寶珠處
處皆現蓮華上佛光明山珠佛光珠
明普照蓮華世界妙光常遍晝夜无
異無日月光不覺有夜蓮華合時衆
鳥聲止以是知夜彼諸山上有紺琉
璃寶臺高六十由旬廣二十由旬寶

臺周匝七寶窓牖其寶臺中有七寶座一生補處菩薩坐上聽法善男子蓮華世界菩提之樹名因陀羅高三千五百由旬枝葉分布五千由旬彼菩提樹下有蓮花高五百由旬琉璃為莖黃金為葉有億百千長五百由旬七寶為臺焉瑤為璣高十由旬廣七由旬蓮華上如來應供正遍知於彼華上昨夜成阿耨多羅三藐三菩提於其道場周匝華座皆有菩薩而坐其上觀蓮莖上如來現大神通是時寶照明菩薩白佛言世尊蓮華上如來云何現大神通尔時佛告寶照明菩薩言蓮華上如來於昨後夜成阿耨多羅三藐三菩提即夜向明現是神通變化身至梵天頂上肉髻放六十億那由他百千光明照於上方過一佛世界微塵數諸佛國土是時上方諸菩薩觀見下方大鐵圍山小鐵圍山黑山無能障碍諸世界中太菩薩得授記者有得三昧有得摠持有得忍辱有得過地有得一生補處菩薩摩訶薩皆見光明叉手合掌觀蓮華上如來身見

三十二大人之相八十種好以自莊嚴并見菩薩摩訶薩衆蓮華世界佛土莊嚴見已歡喜皆發善心過一佛土微塵數世界菩薩摩訶薩各各捨已國土以神足力至蓮華世界供養恭敬親近蓮華上如來應供正遍知善男子蓮華上如來見大衆集現廣長舌相遍覆大衆及四天下行住坐立於此座上菩薩皆從三昧起一切大衆供養蓮華上如來善男子蓮華上如來還攝舌相神通復放一一身諸毛孔各六十億那由他百千光明遍照十方各一佛世界微塵數國土於諸刹中菩薩摩訶薩有授記者得三昧者略說彼諸菩薩摩訶薩各各捨已佛刹以神足力到蓮華世界供養恭敬親近蓮華上如來善男子尔時蓮華上如來還攝神通為一切菩薩大衆轉不退轉正法之輪多所饒益愍念世間為饒益安樂諸天世人成就大乘故

大乘悲分陀利經入陀羅尼門品第二

尔時寶照明菩薩白佛言世尊蓮華

世界云何分別晝夜聞何等聲彼諸
衆生身相云何佛告寶照明菩薩言
善男子彼蓮華世界蓮華合衆鳥聲
止佛及菩薩遊戲三昧受解脫喜樂
以是為夜風吹華敷衆鳥和鳴雨衆
名華四方軟風極妙音觸佛諸菩薩
從三昧起蓮華上佛為諸菩薩摩訶
薩說過聲聞辟支佛菩薩法藏以是
為晝善男子其中菩薩摩訶薩常聞
佛聲法聲僧聲滅聲无為聲波羅蜜
聲力聲無畏聲通聲无行聲無生聲
无滅聲寂聲靜聲快怕聲大慈聲大
悲聲無生聲法聲得授職聲純菩薩
聲彼諸菩薩聞如是等聲未常斷絕
復次善男子蓮華世界菩薩摩訶薩
已生當生皆具三十二相光一由旬
乃至成佛不墮惡趣彼一切菩薩慈
潤心不濁心調心靜心忍心定心清
心無尋心淨心无塵心善心法喜心
除一切衆生結心如地心不樂世間
語心樂過世間語心求一切善法心
滅心除老病死心真實心燒一切結
心滅一切受心不輕一切法心意力

強作力強因緣力強願力強業行力
強斷力強善根力強捨力強聞力強
戒力強施力強忍力強進力強定力
強慧力強止力強觀力強通力強念
力強菩提力強破一切魔力強降伏
一切外論同法力強破一切結力強
彼蓮華世界諸菩薩摩訶薩已生當
生已曾親近無量百千諸佛殖諸善
根又蓮華世界已生當生菩薩禪悅
為食法食香食猶若梵天無有搗食
其中無有一切不善之名無諸女人
亦無其聲天有一切苦聲及愛憎聲
乃至亦無結使聲无有為聲亦無闇
冥無諸臭穢身心无疲無有地獄餓
鬼畜生之聲亦无假名無諸荆棘坑
坎瓦礫亦无燈火日月星宿亦無大
海須弥山鐵圍山大鐵圍山障山黑
山及諸土山無雲雨聲无惡風聲無
有一切諸惡趣聲无諸難聲彼蓮華
世界佛光菩薩光摩尼珠光寶光妙
光普照於彼有鳥名娑訶羅各各自
出根力覺道軟澤之聲今時寶照明
菩薩白佛言世尊彼蓮華世界大小

云何蓮華上如來昨夜成阿耨多羅三藐三菩提幾時住世說法教化般涅槃後正法住世幾時彼蓮花世界菩薩已生當生幾時住世彼諸菩薩為何見佛及與聞法供養僧耶為不久乎蓮花世界先有何名先佛去世為經幾時蓮華上如來次後成阿耨多羅三藐三菩提以何因緣有見十方餘世界中諸佛世尊所現神通變化有不見者佛言善男子須彌山王高六十八千由旬廣八十四千由旬假使有人有勇健力以三昧力碎須彌山令如芥子無能數者唯除如來一切種智以一芥子為一四天下盡此芥子為蓮華世界如是世界菩薩滿中譬如安樂國土菩薩充遍善男子蓮華上如來應供正遍知壽三十小劫住世說法教化衆生善男子蓮華上如來般涅槃後正法住世十小劫於蓮華世界菩薩摩訶薩已生當生皆壽四十小劫善男子蓮華世界先名梅檀國土莊嚴衆生清淨皆不如今善男子彼時梅檀世界有佛名

月上如來應供正遍知明行足善逝
乃至佛世尊彼佛亦三十小劫住世
說法欲般涅槃時有菩薩以本願故
至他方佛國餘者各作是念於今中
夜月上如來當入涅槃世尊般涅槃
後我等於十小劫當持正法誰當正
法滅後次成阿耨多羅三藐三菩提
時有菩薩摩訶薩名虛空印以本願
故月上如來即授其阿耨多羅三藐
三菩提記諸善男子吾般涅槃後正
法住世十小劫中初夜正法滅盡即
於後夜是菩薩成阿耨多羅三藐三
菩提名蓮華上如來應供正遍知明
行足善逝乃至佛世尊是時彼諸菩
薩摩訶薩詣月上如來所彼一切菩
薩以擔願力種種菩薩神通至心供
養月上如來遶佛三匝前白佛言世
尊我等欲於十小劫中入滅心無諍
三昧善男子今時月上如來告虛空
印菩薩摩訶薩作如是言汝善男子
受是入一切悲陀羅尼門一切過去
如來應供正遍知皆為授職法王子
菩薩摩訶薩說於今現在十方一切

世界諸佛世尊現在住世說法教化
彼諸佛世尊亦為授職法王子菩薩
摩訶薩說於當來諸佛世尊亦為授
職法王子菩薩摩訶薩說是入一切
悲陀羅尼門即說呪曰

闍梨尼 摩訶闍梨尼 域翅厲復厲
三鉢陀 摩訶三鉢陀 提楚頰帝

遮致吒翅 咤厲 咤翅阿肆摩迦

肆尸梨弥 梨帝梨 樓樓翅 摩訶

樓翅闍 稟突樓闍稟闍耶摩帝輸

輪干帝餘斯漏涅伽多祇阿半隸半羅

波利瞋祇 摩羅拙 若比哆 羅婆

祇目帝 多波利輸地 阿毗帝婆

夜暮遮祇 婆羅憂呵 羅祇檀哆毗

滯 毗滯婆樓多咩 拏伽羅呵

婆埵南 達磨婆埵那僧伽羅呵勒

又達磨婆埵南此是四念處解現句

佛馱波羅迦餘稟阿摩摩美 摩

磨阿支 至頰剎 頰咤祇 羅祇盧迦

緻目那帝陀馱波利婆祇婆此是四

聖種解現句婆沙剎婆祇馱餘陀羅

波帝舅尋帝牧脩牧婆波羅脩米帝

餘修摩婆帝 羣帝拏帝 加樓奈鬱

埵叉囊畢履帝憂銀叉 三般祢 阿

勒翅婆羅盞佉我末群佉佉今阿牟隸牟

羅輸祢此是四無畏解現句怛頗羅

阿伽羅頗羅阿眠頗羅眠羅頗三目

哆阿目哆涅目哆 阿罷薄毗薄寮毗

目帝婆祢毗羅頗羅阿延大伊毗雉

帝毗雉 鬱嶺度 臭羅兜嵐阿興虎

三摩伊弟多婆頗帝婆多帝婆薩婆

路迦鳩地阿唎迦隸樓阿迦隸 頗大

阿浮婆隸 唎陀昧帝 毗隸伽 羅婆

帝 頗頗邏迦頗羅此是四擁護解

現句 闍唎多阿尼尸 羅婆婆多步屏

伊曇頗隸拏耶 磨頗嵐三其陀那夜毗

浮舍 波施蘇 磨斯阿耨磨妬阿鳩

磨妬 侈他婆帝昧多羅他倫大 陀舍

婆邏毗波羅婆他 伊舍締哆須拏佉

磨胛差初都磨帝 阿虛句阿竭

兜瑟南達第磨帝波羅囉都波奈佛

馱 弗樓婆婆羅呵隸此是四正斷解

現句 安个摩个摩祢摩祢 旨隸

旨隸帝隸咩隸咩多鼻嚩帝 目帝

郁多毖擲三毖三三毖三磨三毖又

囊惡又囊 頗耆勝拏檀帝 隸美瑟

帝分陀利經卷第一 第十三陀羅祢阿盧伽婆細白曷羅多那

婆羅帝曷羅濕彌婆帝閼那婆帝

祢樓婆帝彌樓婆帝又夜𦣻阿梨

餘祢盧迦波羅埵波𦣻達梨餘𦣻此

是四辯解現句遮湊又重阿婆沙𦣻

阿梨餘祢閼那虛迦妬妬波羅婆婆

帝薩復寅埵利耶浮磨帝迦蘭帝

娑婆婆婆婆摩薩憊波羅他𦣻又

囊伽餘瞿迦𦣻婆陀祢盧迦覓陀利

舍那𦣻復此是四神足解現句阿遮

隸浮地陀馱波遮隸婆祢𦣻栗那恚

地𦣻又𦣻埵尼稚三筆智波利迦肆

利蘇祢旃地施陀遮遮阿遮遮隸阿

波隸𦣻至婆隸脰波隸波羅遮遮隸

波羅波隸阿那夜阿便旁連細迦迦羅

祢波羅婆𦣻祢加羅祢尼遮細伽邏

迦羅祢那由帝此是根力現解句沸

師薛蘇沸師薛杜摩波利呵隸阿婆

囊郵樓脂隸支迦邏勒差阿𦣻摩恚

妬帝帝隸磨磨隸股遮失尸隸盧迦

寫𦣻若祢那夜𦣻其利尼帝遮鹽帝

沙失耨地那此是七覺意解現句遮

迦羅婆視婆帝遮翅隸遮迦羅陀

隸陀隸遮翅隸陀隸目隸醯隸醢隸
陀隸阿留斯波地休休隸耶他視多
伽頻婆隸耶他伽毗耶他波隣遮埜
埜利舍夜他婆夜侯利履舍諦旨闍
留柘毗利精進音周隸道音戒音定
音慧音解脫音解脫知見音星宿音
月音日音如是等句如來所說頌浮
哆弥羅浮軌三佛曇阿浮曇伊呵
浮曇怛多羅浮曇毗酣_反甘伽摩目
隸阿羅頗陀羅頗曇荼隸曷唎祢
怛多羅嵐多樓曷_反半_反伽羅賦半
綴賦三波羅半綴賦伽奈波揚伽
廣覽_反尼樓婆那隸祢那隸婆陀毗
鷄鷄帝鷄鷄頭摩余婆逸_反誼澄
伽磨婆隸磨隸呵多寔婆_反寔婆
隸頻地頻隸頻隸郁沙隸隸羅祢
陀羅寔波羅婆帝婆嵐那唎夷
毗頭頭磨婆羅丘曷婆羅呵磨遮梨
那因陀羅婆毗提提羅毗磨醢尸
波羅邏羅毗婆磨嚩咩阿羅尼弥
伊伽侯勒又侯利師遮毗遮羅頗旨
耨阿羅修隸薩婆脩嵐阿婆嵐不
那伽埜擔般埜多阿夷那捷埜闍婆

細迦捷陀餘陀餘阿多羅余呵昵磨
伽羅頻盧呵昵肆曇曇帝毗盧伽
磨帝佛駄埵師締帝陀羅尼目企
此是十力解現句

大乘悲分施利經入初種智行陀羅尼品第三

尔時世尊欲說是入一切種智行陀
羅尼門句時於此三千大千世界大
地六種震動極大動搖發大音聲峇
峨踊沒現如是光令十方過數恒河
沙世界妙光普遍於時須弥鐵圍大
鐵圍不障碍眼十方無數世界現平
如掌十方無數世界於中止住菩薩
摩訶薩有得三昧陀羅尼忍辱者乘
如來力各於其土忽然不現來此娑
訶世界詣耆闍崛山至世尊所頭面
礼足以種種無量菩薩神通供養世
尊各坐一面為聽是入一切種智行
陀羅尼門無數欲界色界无色界諸
天來詣佛所為聽是入一切種智行
陀羅尼門無數龍夜叉阿修羅鳩槃
荼毗舍遮詣耆闍崛山至世尊所為
聽是入一切種智行陀羅尼門菩薩摩
訶薩於此集者普見蓮華世界蓮華

上如來應供正遍知與大菩薩衆圍
遶俱於是世尊始說是入一切種智
行陀羅尼門七十二恒河沙數菩薩
摩訶薩得是陀羅尼見十方無數世
界諸佛世尊并見彼諸佛世界莊嚴
得未曾有以菩薩誓力神通供養佛
已佛言善男子若菩薩摩訶薩修是
入一切種智行陀羅尼門得八万四
千陀羅尼門得七万二千三昧門得
六万法門菩薩得是陀羅尼已得大
慈大悲得是陀羅尼已菩薩摩訶薩
覺三十七助菩提法得一切種智是
中具攝一切佛法諸佛世尊實覺是
陀羅尼為衆生說法不疾入涅槃善
男子應當知是入一切種智行陀羅
尼門威德令大地震動妙光顯照普
遍無量無數諸佛世界緣是妙光照
无量無邊諸佛世界令無量無邊菩
薩摩訶薩來會此土為聽是入一切
種智行陀羅尼門於此一切娑訶世
界無量無邊欲界色界無色界天龍
夜叉阿修羅人非人為聽是入一切
種智行陀羅尼門菩薩適聞是入一

切種智行陀羅尼門得不退阿耨多
羅三藐三菩提若書寫者常得見佛
聞法供養衆僧乃至無上般涅槃若
菩薩讀誦是入一切種智行陀羅尼
門一切重罪滅盡無餘轉生得登初
地菩薩摩訶薩修是入一切種智行
陀羅尼門是菩薩若先有五无间罪
皆悉除滅轉生亦登初地若无无间罪
現身餘罪悉皆滅盡轉得登初地設
不能修不能誦讀若不得聞法以繒
絲為鬘供養法師是人恒河沙數他
方世界現在住世諸佛世尊皆讚善
哉彼諸佛世尊亦授其阿耨多羅三
藐三菩提記是菩薩施繒絲故不久
當得法王子位一生補處成阿耨多
羅三藐三菩提如是香供養不久當
得无上三昧之香以華供養不久當
得三十七助菩提寶善男子是入一
切種智行陀羅尼門有如是饒益諸
菩薩摩訶薩何以故是中純說菩薩
法藏故緣是入一切種智行陀羅尼
門菩薩得不可計辯得四妙法善男

子尔時月上如來以是入一切種智
行陀羅尼門教受虛空印菩薩即時
亦復地大震動大光顯現十方无量
無邊諸佛世界妙光普遍地平如掌
於中菩薩集者見彼十方无量無邊
世界諸佛世尊如是十方无量佛國
無數菩薩來至栴檀世界供養恭敬
親近月上如來為聽是入一切種智
行陀羅尼門善男子時月上如來應
供正遍知告諸菩薩摩訶薩言善男
子等有菩薩摩訶薩一生補處者我
聽十小劫中入是滅心三昧其餘菩
薩摩訶薩從虛空印菩薩摩訶薩十
小劫聽是入一切種智行陀羅尼門
菩薩法藏於此十小劫中見彼十方
無數諸佛國土現在住世諸佛如來
彼從發清淨心善根成就彼諸菩薩
以種種若干菩薩神通供養月上如
來已白佛言世尊是虛空印菩薩摩
訶薩竟十小劫時轉於無上正法輪
耶佛言如是如是善男子是十小劫
盡時是虛空印菩薩摩訶薩當成阿
耨多羅三藐三菩提所成佛夜即於

夜為諸菩薩轉正法輪其有菩薩於
十小劫中從其聞入一切種智行陀
羅尼門善根成就虛空印菩薩成阿
耨多羅三藐三菩提時即於是夜轉
正法輪不退轉輪取上輪令無數億
那由他百千菩薩住不退轉其諸菩
薩於十小劫從其聞說入一切種智
行陀羅尼法門者尔時皆得一生補
處其諸菩薩有小聞法是時皆得登
住地不退轉阿耨多羅三藐三菩提
尔時皆具得是陀羅尼時月上如來
應供正遍知為諸菩薩摩訶薩現佛
種種神通變化已為虛空印菩薩現
三昧名那羅延令受金剛身現在嚴
光三昧今未轉法輪十小劫中為諸
菩薩說是入一切種智行陀羅尼法
門諸佛世界皆見其現佛身相好光
明現金剛輪三昧今坐菩提座未轉
法輪為諸菩薩說種種法現輪暗三
昧今轉法輪時無數億那由他百千
衆生得不退轉地虛空印菩薩既知轉
法輪與無數菩薩衆供養世尊已各
還上寶臺即於是夜彼月上如來應

供正遍知入无餘涅槃彼諸菩薩所
應供養世尊舍利供養已竟各各還
昇寶臺其餘菩薩各還本土於中一
生補處菩薩入滅心三昧十小劫中
寂然而住時虛空印菩薩尋即為諸
菩薩摩訶薩十小劫中具說諸法令
衆菩薩種諸善根彼於昨夜得成阿
耨多羅三藐三菩提即於是夜便轉
法輪現大神通令無數億那由他百
千衆生住不退轉阿耨多羅三藐三
菩提是時復說入一切種智行陀羅
尼門八十那由他百千菩薩得无生
法忍九十二億衆生得不退轉阿耨
多羅三藐三菩提七十二那由他百
千菩薩得是入一切種智行陀羅尼
門無數諸天世人發阿耨多羅三藐
三菩提心尔時解怨菩薩白佛言世
尊菩薩具足何法得是陀羅尼佛言
菩薩具足四法得是陀羅尼何謂為
四菩薩住四聖種隨所得衣以為喜
足隨所得食以為喜足隨得房舍卧
具以為喜足隨所得藥以為喜足菩
薩具足是四法得修是陀羅尼菩薩

摩訶薩復具五法得修入一切種智
行施羅尼門何謂為五自持戒波羅
提木叉以自防制威儀具足乃至小
罪生大怖畏應如是學不持戒者勸
令持戒使住其中无正見者勸令正
見使住其中无威儀者勸正威儀使
住其中邪意衆生正意勸之令住其
中學聲聞辟支佛者以阿耨多羅三
藐三菩提勸之令住其中菩薩摩訶
薩具是五法得入一切種智行施羅
尼門菩薩復具足六法得是施羅尼
何謂為六已積多聞見少聞者勸使
多聞令住其中自不慳悋悋悋衆生
勸使布施令住其中不惱衆生施以
無畏救恐畏者令得解脫不誑誑偽
常樂空靜菩薩具是六法得入一切
種智行施羅尼門菩薩具如是法略
備一切於七年中住空閑處是呪章句
晝夜六時叉手專意而讀誦之起時
普修念十方現在諸佛彼菩薩摩訶
薩竟七年已得是入一切種智行施
羅尼門得如是施羅尼已得如是聖
明慧眼見於十方恒河沙數世界中

現在住世諸佛現大光明見彼諸佛
神通已得八万四千陀羅尼門得七
万二千三昧門得六万法門菩薩摩
訶薩得是入一切種智行陀羅尼門
得陀羅尼已得大慈悲若得是陀羅
尼菩薩摩訶薩設有五無間罪捨是
身已即得除滅轉至三身无復餘習
得登十地設菩薩無無間罪其餘諸
罪皆悉除盡轉身得登十地不久得
三十七助菩提法成一切種智善男
子是入一切種智行陀羅尼門如是
大饒益菩薩摩訶薩堅衆菩薩摩訶
薩見佛世尊所現神通得如是聖法
喜如是神通備足以是供養恒河沙
世界諸佛世尊已於諸佛所聞種種
法得三昧忍辱陀羅尼已還來此土
善男子是入一切種智行陀羅尼門
如是饒益菩薩摩訶薩除諸業障善
根增長復有菩薩作如是言世尊我
等於過去九恒河沙數現在住世諸
佛世尊所聞得是陀羅尼復有菩薩
作如是言二恒河沙數聞復有三復
有四復有五復有六復有七復有八

復有九作如是言世尊我等於過去
九恒河沙數現在住世諸世尊所聞
得是入一切種智行陀羅尼門弥勒
菩薩摩訶薩作如是言過去十恒河
沙數劫大劫名刪提蘭是佛國土名
一切瓔珞嚴飾尔時有佛名娑隣陀
羅闍明行足善逝世間解無上士調
御丈夫天人師佛世尊無數億那由
他百千比丘僧圍遶如是無數菩薩
圍遶說是入一切種智行陀羅尼門
我從彼聞是陀羅尼修行滿足如是
無數劫復過無數阿僧祇過去諸佛
世尊現在住世無數阿僧祇菩薩神
通供養彼諸佛世尊已一一佛所種
无量阿僧祇無稱无邊諸善根福德
以是善根多千諸佛授我記我待時
本願故久住世間不先成阿耨多羅
三藐三菩提今日世尊授我法王子
位解脫繫結阿耨多羅三藐三菩提
尔時世尊告弥勒菩薩如是如是弥
勒阿逸多如汝所言於娑隣陀羅闍
如來應供正遍知所聞得是入一切
種智行陀羅尼門汝弥勒欲成阿耨

多羅三藐三菩提者於十大劫中便
可滿足如來意汝弥勒如是速疾以
無上般涅槃入無餘涅槃汝弥勒乃
能樂久住世以本願待時故弥勒汝
今於我所授法王子職今時世尊普
觀大衆菩薩摩訶薩比丘比丘尼優
婆塞優婆夷天龍阿修羅夜叉羅刹
乾闥婆人非人等觀已即於是時說
是呪句曰

怛哆羅浮弥 檀哆浮弥 曇摩陀浮
弥 加帝浮弥 悉弥 離帝浮弥 波
羅若浮弥 鞞舍伽羅滯_{降若}浮弥 波
羅帝三毗 大浮弥 阿惱釵波浮弥
吉略波羅伯 廢浮弥 三摩哆波利差
慕俾 又浮弥闍帝 又那浮弥 三手
闍毗牟闍 波羅牟闍毗 舍伽羅達
舍婆帝毗舍吒 帝羅那 伽伽羅伽
羅婆母賒 婆多毗摩帝 愈波醯羅
煙羅伽置_闍 闍賴吒日邏婆尸僧伽
羅磨 伊帝朱羅婆帝 弥企文陀邏
陀呵羅婆帝 波羅若浮哆呵 大迦
囉弥哆 沙度沙槃 哆伊羅夜尼羅夜
阿瞿婆吒 阿陀羅置阿 梨他 婆帝

求留婆帝帝醯那提汎譯云阿迦那婆

帝婆迦那帝沙弥帝毗沙婆煙唎吒

婆邏頗吒邏恒哆邏鳩留師席梵留

師磨邏留師磨邏留他他留緹薩

婆多薩婆多薩婆多柘阿尼樓

駄地呵他多醯頗邏婆瞿頗邏薩

哆頗邏失吒婆帝

世尊為諸天說是十二因緣解脫句

六十那由他諸天得見聖諦恒頗嵐

耆伽邏頗嵐羅羅頗阿羅頗尼

羅呼邏婆婆哆驪伊曇嵐振地磨

頗嵐那母駄炎毗得伽波羅耆遮迦

阿耨毗梨帝遮迦闍眠遮迦羅

以是解脫句十億那由他天發阿耨

多羅三藐三菩提心即得不退轉波

施蘇摩妬阿奴摩妬阿鳩摩妬尸駄

婆句磨多邏邏他阿舍羅毗波羅婆

他伊舍締哆修尼磨胸差磨帝

阿盧駒頗規覺師那以是解脫句

六万四千龍發阿耨多羅三藐三菩

提心即得不退轉修婆叉修婆婆

婆羅摩他那阿羅住婆伽羅住伽婆

羅住伽羅耀又志大磨帝婆曼哆又句

惡叉婆隸 侯吒迦盧 摩訶婆隸鳴
闍阿盧陀羅那 侯伽勒叉鳩陀叉毗
留斯毗留斯目佉 隸帝呵志多隸帝
婆隸 阿脩路 毗那修路 波羅磨地
以是解脫句十二億夜叉發阿耨多
羅三藐三菩提心皆不退轉 頰利刺
毘梨隸毗綴刺珊綴刺 伽綴審 那迦
昧 阿羅儂 阿駄昧 磨帝昧 珊毗呵
首隸 陀羅尼夜阿鞞尸多薩因陀羅
薩提婆 薩那伽 薩夜阿脩邏提婆
那伽毗留帝 波利婆羅毗留帝 羅毗
志眠留帝 波羅若波利波邏磨伽
帝直力 帝羅毗弗婆只憊 視祇憊
薩遮利多槃哆 阿毗帝 那槃哆
首羅槃哆 拍利那 毗梨地槃妬毗
馱槃帝毗三婆祇末伽文陀羅達舍波
利 羯摩毗叉 波羅嚩十烏呵羅奴
提羅波娑頭 修羅文陀 羅那伽文陀羅
夜叉文陀羅 枯邏 又肆文阿羅 憊
題弥 多薛多多薛 鬱率祇 那弥婆
羅佉滯那那帝陀羅尼夜阿卑隸哆
提舍輪陀祇婆柁_{請若反} 輪地捨破輪陀
祇婆拍波利羯磨 波羅若 浮地志勿

帝磨帝

伽帝直力帝

伽那波

羅帝

薩羅那洋闍地耶遮吉利 首若哆
遮吉利 婆耶 以是解脫句五万
六千阿修羅發阿耨多羅三藐三菩
提心不退轉於阿耨多羅三藐三菩
提心

尔時世尊告無畏地菩薩甚難善男
子諸佛如來出現於世戒定慧解脫
解脫知見修習呪句是亦為難以饒
益衆生成就菩薩功德故也善男子
如來本行菩薩行時布施調善忍辱
精進禪定智慧滿足親近億那由他
百千多佛或行布施或持戒或行梵
行或修習或精進忍辱修成就定親
近學慧多種種種若干善業滿足以是
我今得無上智善男子如來本行菩
薩道時於億百千那由他多劫口無
四過不妄言不綺語不麤辭不兩舌
緣是得成廣長舌相善男子如來所
說終無虛妄尔時世尊即於座上欲
現神通入于三昧名集一切福德出
廣長舌相以自覆面於其舌相放十
億光是諸妙光普照三千大千世界

地獄餓鬼畜生人天無不周遍地獄
衆生遭焚燒者以斯光故有涼風起
暫得安樂於地獄中一人前化如
來身皆三十二大人之相八十種好
以自在嚴彼地獄人以見佛故快樂
充足心生此念蒙斯大士我等今得
歡喜快樂於如來所心變生喜恭敬
如來告彼咄汝衆生作如是說南無
佛南無法南無僧能令汝得長夜安
隱聞佛語已彼地獄人叉手合掌作如
是言南無佛南無法南無僧彼地獄
衆生緣是善根即捨地獄或生天上
或生人中若有寒冰地獄衆生熱風
來吹乃至得生人中如是餓鬼飢渴
身然光明照已飢渴火滅得受快樂
一一餓鬼化佛現前三十二大人
之相八十種好以莊嚴身彼見佛已
喜樂充足於世尊所心生喜愛恭敬
佛隨其語而教化之緣是善根於中
捨身有生天上有生人中如是化畜
生乃至人天是時無數諸天世人詣
如來所各坐一面而聽受法即於尔
時無數諸天世人發阿耨多羅三藐

三菩提心於中無數菩薩得三昧忍

辱陀羅尼

大乘悲分陀利經卷第一

癸卯歲高懸國大藏都監奉
勅彫造

大乘悲分陀利經卷第二

白

失三藏名今附秦錄

勸施品第四

尔時寂意菩薩摩訶薩承佛威神白
佛言世尊以何因何緣其餘諸佛國
土清淨無諸穢惡亦无五濁種種奇
妙莊嚴佛土彼諸菩薩摩訶薩種種
威德而皆悉備種種歡樂而皆滿足
亦無聲聞辟支佛名何況其餘世尊
以何因緣於此穢惡命濁劫濁衆生
濁見濁煩惱濁世成阿耨多羅三藐
三菩提而有四衆三乘說法世尊何
故不取清淨佛土無五濁者佛言善
男子以本願故菩薩取淨佛土亦以
本願故取不淨土善男子有菩薩摩
訶薩大悲具足取不淨佛土所以者
何以本願故令我於此惡世成佛汝
一心善聽當為汝說時寂意菩薩聽
佛所說佛言善男子乃往古昔過一
恒河沙數阿僧祇劫於此佛刹尔時
有大劫名持是大劫中在此佛刹是
四天下時轉輪王名曰離諍主四天

下離諍王時有國大師婆羅門名
日海濟生一子有三十二相八十種
好百福莊嚴皆悉具足身有圓光如
若瞿盧樹紫磨金色當生之時百千
諸天來供養已即為立字名曰海藏
彼於餘時出家學道剃除鬚髮而被
法服得成阿耨多羅三藐三菩提号
曰寶藏彼佛轉法輪時令多億那由
他百千衆生有得天道及解脫果彼
於餘時與多億那由他百千聲聞衆
圍遶侍從村城聚落王舍遊行漸漸
至安誑羅城離諍轉輪王所治之處
去城不遠有閻披羅園寶藏如來應
供正遍知與多億那由他百千聲聞
衆俱於中止住時離諍王聞寶藏如
來應供正遍知與無數億那由他百
千聲聞衆俱入其街里住閻披羅園
王即生念今我應至如來應供養恭敬
尊重讚歎時離諍王以大神德無量
王威咸與無數億百千臣民前後圍
遶導從出城詣閻披羅園以其所乘
盡所乘地下乘步進向寶藏如來所
至已頭面礼足遶佛三匝却坐一面

善男子。尔時寶藏如來應供正遍知。見離諍王正法喜悅。要語勸化離諍王。令踊躍歡喜。以無數言辭。正法喜悅。要語勸化。令踊躍已。默而住。時離諍王。叉手合掌。白寶藏如來。應供正遍知。言唯願世尊。與比丘僧受我三月。請供養衣服飲食牀褥卧具。病瘦醫藥。隨其所須。善男子。寶藏如來默然受請。彼離諍王。知佛受請。礼畢。遶佛三匝而去。時離諍王。還告諸小王群臣。人民。作如是言。汝等當知。我請寶藏如來。應供正遍知。及比丘僧三月。供養一切所須。我有財寶。供養之具。所可愛重。盡迴施佛及比丘僧。汝等所有已物。供養之具。盡迴施佛及比丘僧。彼諸人等。皆亦迴施。時主藏寶目。盡以金為閭。披羅園地。尋時以竟。即為世尊造七寶臺。周匝四邊。七寶為戶。遍於園中。置七寶樹。彼諸樹上。種種衣服。而以莊嚴。種種幡蓋。種種真珠瓔珞。種種房舍。種種嚴飾。種種寶器。種種雜香。種種七寶華果。以莊嚴散種種華。種種繒絲。種種茵褥。種種

種襪毳毼種種衣服以用敷座又
置寶輪在於臺外當世尊前去地一
仞虛空中住光燦甚明純白為寶七
支平滿住世尊後擎持寶樹覆世尊
上彼樹莊嚴以七寶瓔珞種種莊嚴
以七寶瓔珞種種嚴具種種鬘飾種
種繒綵種種妙衣種種房舍樹上有
蓋七寶莊嚴離諍王第一正后在佛
前住以海此岸牛頭栴檀末香以散
佛上離諍王親自執持摩尼寶珠光
耀極明置如來前彼輪光珠光照於
園中其明充滿其佛光照三千大千
世界微妙普遍一一聲聞以牛頭栴
檀為座亦以為机而承其足諸聲聞
後皆有白鳥擎持寶樹嚴飾嚴妙如
前所說以覆其上諸聲聞前皆有姝
女眾寶瓔珞以為嚴飾皆以海此岸
牛頭栴檀末香用散佛上其一一聲
聞前置琉璃瓊珠種種音樂周遍園中
聖道寶目將四種兵列住園外周匝
侍衛善男子今時離諍王於晨朝時
出城詣佛乘其所乘盡所乘地下乘
步進向世尊所至已頭面礼寶藏如

來足及禮衆僧遶三匝已王親以水

灌如來手躬自斟酌百味飲食種種

餚饍皆悉備足王知食訖收鉢手執

寶拂敬拂如來其王千子及八万四

千諸小國王如是供養聲聞僧已皆

各執拂而拂大衆飯訖少時無數億

那由他百千衆生皆來入園為聽法

故無數億那由他百千諸天於虛空

中雨衆天華作諸伎樂種種天繒幡

蓋柔軟衣服及諸瓔珞懸虛空中四

万青夜叉於栴檀林中常取海此岸

牛頭栴檀為薪為佛比丘僧供設飯

食時離諍王即是夜於佛大衆前然

多億那由他百千燈明善男子時離

諍王夜分於世尊前頂上兩肩手膝

兩足竟夜擎燈佛威神故形無疲懈

其身受樂辟如比丘入第三禪身不

傾倚心無勞倦如是供養終竟三月

如是千子八万四千諸小國王并餘

多億那由他百千衆生以王供養一

一聲聞終於三月如離諍王供養寶藏

如來等無有異時王正后於三月中

華香供養餘多億那由他百千姝女

於三月中以華香供養諸聲聞衆亦復如是善男子。今時離諍王。竟三月已。以八万四千紫磨寶臺。迴施世尊。八万四千金輪輪寶。為首亦用施佛。八万四千白鳥為寶。為首八万四千馬馬寶。為首八万四千日明珠珠寶。為首盡以施佛。八万四千諸小國王。主藏寶。為首迴施世尊。供給所須八万四千小王聖導寶。為首迴施世尊。給侍左右八万四千城安訓羅城。為首施佛及僧。隨意所用八万四千七寶行樹八万四千衆寶華聚八万四千七寶蓋八万四千王妙衣服八万四千雜寶鬘飾。略說車乘牀座及乘足机卧具。展器頭服冠幘。瓔珞金瓔真珠瓔珞伎樂鍾鈴螺鼓幢麾及拂。鐙鑪澡盥園林鳥獸。皆是衆寶。并及妙味各八万四千盡迴施寶藏如來。應供正遍知已。而白佛言。我國事殷并懺悔。世尊唯願如來樂住此園。比更奉覲。彼離諍王千子於佛前住。一王子請佛及僧三月供養一切所須。世尊默然受。王子請。今時離諍王。

知佛受諸子請已頭面礼足及比丘
僧右繞三匝辭退還宮彼時諸王子
中第一王子名曰不眴於三月中供
養世尊及比丘僧如離諍王王子間
日一來奉覲世尊及比丘僧聽微妙
法善男子時國大師婆羅門是寶藏
如來父名曰海濟遍閻浮提男女大
小而從乞求未便即受先令施主受
三歸依住阿耨多羅三藐三菩提然
後受施閻浮提內一切老少有智海
濟婆羅門無不受其施勸以三歸令
住阿耨多羅三藐三菩提者如是勸
多億那由他百千衆生令修三福地
住阿耨多羅三藐三菩提不眴王子
於三月中如是供養世尊及比丘僧
如離諍王竟三月已唯除城郭自
然輪自然鳥自然馬自然摩尼寶玉
女寶主藏寶聖道寶除是已以八万
四千金輪八万四千鳥八万四千馬
盡迴施佛略說日明珠婢女童子如
意之樹華聚衣蓋瓔珞車乘牀座及
承足机卧具屣器頭服冠幘真珠瓔
珞伎樂鍾鈴螺鼓幢麾及拂鐙鑪澡

盜園林鳥獸皆是衆寶并及妙味各
八万四千盡迴施已懺悔世尊及比
丘僧尼摸王子亦以如是供養之具
於三月中供養世尊并比丘僧如不
暇供養已如是寶物施與達嚩亦如
不暇帝衆王子於三月中供養世尊
并比丘僧達嚩亦然今當略說彼衆
王子無畏王子虛空王子支爲王子
民陀羅王子蜜蘇王子魔陀步王子
土衆王子知義王子童子王子解愚
王子解人王子阿羅步王子遣使王
子安佉慕王子義語王子阿隣度路
王子將願王子將爲王子月將王子
日將王子主將王子金剛將王子忍
將王子處將王子疾將王子賀邏尼
慕王子瞋障王子障力王子障雜王
子樂雜王子王財王子欲悶王子賀
邏陀附王子擁護王子王稱王子鹽
摩野披羅步王子野闍路王子野度
披樹王子野頗奴王子野烏奴王子
礼月王子不退王子乃至離諍王千
子一一亦皆如是以一切所須供養
寶藏如來應供正遍知及無量比丘

僧衣被飲食卧具隨病醫藥并餘所
須各於三月如王太子不眴一一以
八万四千金輪乃至八万四千味皆
迴施佛及比丘僧以是大施有求天
帝有求梵王有求魔王有求轉輪聖
王有求大富有求聲聞乃無一人求
辟支佛乘况求大乘尔時離諍王以
此大施還求轉輪聖王如是滿二百
五十歲皆亦各各懺悔世尊并比丘
僧尔時國大師海濟婆羅門詣寶藏
如來比丘僧所請供七年以一切所
須衣被飲食卧具隨病醫藥并餘所
須尔時世尊默然受之國大師請是
時海濟婆羅門以一切所須供養寶
藏如來如王離諍亦无有異善男子
海濟婆羅門於餘時心生念我已勸
多億那由他百千衆生令發阿耨多
羅三藐三菩提心不知是離諍王所
可志願為求天王為求人王為求聲
聞乘為求辟支佛乘為求阿耨多羅
三藐三菩提設我當得成阿耨多羅
三藐三菩提未度衆生令皆得度未
得解衆生令皆得解諸老病死憂悲

苦惱衆生令得解脫未涅槃者令得涅槃若寵若夜叉若佛若聲聞若梵王願示我夢是王為求天福為求人福為求聲聞辟支佛地為求阿耨多羅三藐三菩提耶善男子尔時國王大師海濟婆羅門即於夢中見如是光明見十方恒河沙數世界諸佛如來彼諸佛世尊皆遺蓮華與婆羅門白銀為莖黃金為葉馬瑙為臺琉璃為鬚一一華上皆有日現彼諸日上有七寶蓋二日出六十億光彼一切光皆入婆羅門口自見已身高千由旬清淨如鏡自見身中六十億那由他百千菩薩皆於蓮華臺上結加趺座入於三昧見彼諸日遶身周匝又見諸蓋虛空中住乃至梵天彼諸蓮華遶身住者聞出柔軟之音過天五樂於中見離諍王猪頭人身以血自塗東西馳走多諸雜虫覓來食之於卑賤伊蘭樹下坐多諸雜虫覓共食之乃至白骨已數數還復猪頭人身以血自塗多諸雜虫覓來食之於卑賤伊蘭樹下坐多諸雜虫覓來食之乃至白骨

於中見諸王子有猪頭者有爲頭者
有水牛頭者有狼頭者有豺頭者有
狗頭者有獠猴頭者以血塗身多諸
雜虫覓來食之皆依卑賤伊蘭樹下
坐多諸雜虫覓來食之乃至白骨其
身還復虫尋食之復見餘王子乘水
牛車須臾那華以自莊嚴隨不正道
而南遊行梵王帝釋并及護世來語
之言咄婆羅門汝尚蓮華周匝住者
於中先以一華持與國王其諸王子
各與一華然後與諸小王自與汝子
并及餘人時婆羅門聞彼諸天使分
布已即分諸華眠覺起坐憶所見夢
於坐生念是轉輪王願樂下賤生死
怖望安樂而願卑賤諸王子等亦復
如是又我所見王子乘水牛車須臾
那華以自莊嚴而南遊行是求聲聞
乘者又我所見光明於十方諸佛世
尊緣我遍至閻浮提勸化多億那由
他百千衆生以三福地使得成就令
住其中以是故我夢見大光明見於
十方諸佛世尊以我遍至閻浮提勸
化過數衆生令住阿耨多羅三藐三

菩提又我今請如來應供正遍知及比丘僧於七年中以一切所須以是十方諸餘世界諸佛世尊今遣此華而來與我令發阿耨多羅三藐三菩提願以是諸佛世尊為我遣華我所見華上日有諸光明入我口中見已身極為高廣見日周身自見身中有六十億那由他百千菩薩蓮華臺上結加趺坐入於三昧如是諸夢我所不解又見梵釋護世勸我分布諸華尋時自見分此華如是諸夢唯佛明焉我以何因緣見此大夢我今應至佛所問此夢意今時海濟婆羅門即於夜時具辦饍饍明至佛所自行澡水佛及比丘從上至下行水畢已手自斟酌種種饍饍隨意所須飯佛及僧食訖收鉢還坐說法今時離諍王與其千子無數百千大眾俱圍遶侍從往詣佛所乘其所乘盡所乘地下乘恭肅步進入園至如來所頭面礼足及比丘僧坐於佛所聽說妙法今時海濟婆羅門如前所見夢前問佛已世尊告大婆羅門汝所見大光明

見於十方恒河沙數世界諸佛世尊
彼為汝遣華上見日皆放光明彼諸
光明盡入汝口以汝婆羅門於二百
五十歲遍行閻浮提勸化過數衆生以
三福地令住其中又勸化過數衆生以
阿耨多羅三藐三菩提令住其中以
是大施故婆羅門彼諸佛世尊皆授汝
阿耨多羅三藐三菩提記於十方恒
河沙數世界中現在住世說法諸佛
遣華與汝以白銀為莖黃金為葉馬
瑙為臺琉璃為鬘一切華上所可見
日婆羅門彼所現夢是先瑞應汝婆
羅門夢見十方恒河沙數世界中諸
佛世尊現在住世說法彼諸佛世尊
為汝遣七寶蓋彼諸寶蓋於空中住
乃至梵天婆羅門汝可成阿耨多羅
三藐三菩提夜時即是夜名稱流布
聞於十方恒河沙數世界乃至梵天
無其過上見汝頂者婆羅門彼所現
夢是先瑞應婆羅門汝夢見已身極
自高廣乃至梵天日周身住婆羅門
汝所可勸化過數衆生發菩提心是
汝成菩提時一佛世界微塵數十方國

土彼亦成阿耨多羅三藐三菩提是
汝本所勸化於菩提者彼皆稱譽汝
而作是言彼如來應供正遍知初勸
化我等於阿耨多羅三藐三菩提是
故我今得成阿耨多羅三藐三菩提彼
是我等善知識彼諸佛皆遣菩薩恭
敬供養讚歎於汝彼諸菩薩摩訶薩
各捨已佛土而來皆以種種菩薩神
通供養於汝而聽法已得種種若干
三昧忍辱陀羅尼門彼諸菩薩摩訶
薩各還本土稱譽讚歎汝之名稱婆
羅門彼所現夢是先瑞應婆羅門汝
自見身中多億菩薩於蓮華上結加
趺坐入於三昧者婆羅門汝成菩提
時勸化多億那由他百千衆生得不
退轉住阿耨多羅三藐三菩提婆羅
門汝以無上般涅槃般涅槃已於後
一佛世界微塵數大劫中十方國土
諸佛世尊以正法王治皆讚歎稱譽
汝如過無量無邊阿僧祇劫有如來
應供正遍知名号如是彼如來應供
正遍知勸化我等令住阿耨多羅三
藐三菩提以是故我等今得成阿耨

多羅三藐三菩提得正法王位婆羅門彼所現夢是先瑞應婆羅門汝夢見餘人猪頭人身魚頭乃至狗頭以血塗身多諸雜虫竟來食之卑賤伊蘭樹下坐多諸雜虫竟來食之乃至白骨其身還復猪頭人身乃至狗頭以血自塗多諸雜虫竟來食之是彼愚癡男子住三福地布施持戒修定者有求魔界苦樂求天上福盡命終之苦人中老病死苦怨憎會苦愛別離苦餓鬼中飢渴苦畜生中癡冥屠割苦樂在地獄中受種種苦住三福地者求天上天王求人中一天下王求二天下王求三天下王求四天下王彼愚癡男子食一切衆生一切衆生亦食彼愚癡男子如是經久沉溺生死婆羅門彼所現夢是先瑞應婆羅門汝夢見餘人以須臾那華而自莊嚴乘水牛車隨不正道而南遊行若婆羅門彼善男子亦住三福地布施持戒修定為自度故是求聲聞乘者彼所現夢求聲聞乘人是先瑞應大乘悲心施利經勸發品第五

善男子。今時國大師海濟婆羅門語
離諍王作如是言。大王。人身難得。閑
靜時難。如來應供正遍知出世甚難。
譬如優曇鉢華。時一現耳。樂求善根
難。正願亦難。大王。王位衆苦之本。人
中一天下。王位二天下。王位三天下。
王位四天下。王位皆苦之本。大王。此
是久受生死苦器。大王。人天福報。譬
如疾風。無有住時。如水。中月。凡夫五
欲無足。醉於境界。樂求人天福報。凡
夫人數受地獄苦。畜生苦。餓鬼苦。人
中愛別離苦。天上退還苦。數數入胎
苦。更相殘害苦。凡夫如是展轉受苦。
所以者何。無善知識。不發正願。故亦
不能求。未及謂及。未得謂得。未證謂
證。如是無明。凡夫不知。猷足不肯發
菩提心。所可滅衆苦。於生死中不猷。
不憂。於中數數受苦。大王。思惟生死
苦器。是故大王。汝今於佛法中。已種
善根。作諸福德。於三寶中。已得信喜。
施與世尊。大富果報。奉持戒者。生天
果報。有所聞法。大智慧果報。大王。汝
設邪見。若已竟。汝今可發阿耨多羅

三藐三菩提心王曰止婆羅門我不
求菩提樂住生死婆羅門我已布施
持戒聽法婆羅門阿耨多羅三藐三
菩提甚為難得海濟婆羅門復作是
言大王菩提道淨應至意發願淨心
滿足是道清淨故意淨故是道正直
以不諂故是道極淨諸結盡故是道
寬博无障导故是道等度以等心故
是道无畏以不作諸惡故是道大富
以檀波羅蜜故是道寂尊以尸波羅
蜜故是道無辱以羣提波羅蜜故是
道无住以毗梨耶波羅蜜故是道閑
靜以禪波羅蜜故是道善釋以般若
波羅蜜故是道得實智以大慈故是
道得不退轉以大悲故是道得踊躍
以大喜故是道堅固以大捨故是道
無坑坎荆棘無喜欲誑想故是道至
安隱心无壞故是道無劫奪善解色
聲香味觸故是道除魔怨敵善解陰
界入故是道無魔滅諸結故是道得
妙心無聲聞辟支佛念故是道興盛
受諸佛力故是道至大寶應一切種
智寶故是道一切露現阿僧祇智明

故是道明導歸所行不離善知識故
是道無高下無憎愛故是道无塵穢
不喜瞋濁故是道善逝無諸不善故
大王彼菩提道趣安隱盡涅槃際大
王可發菩提心王曰婆羅門是八万
歲世人中如來出現猶尚不能滅諸
惡趣其有衆生善根熟者彼衆生皆
住於果有得三昧陀羅尼忍辱者菩
薩善根純熟彼授菩提記有少種善
根者彼受人天福衆生各各輪轉隨
善惡行有處佛說若一切衆生不種
善根苦不滅唯佛身是福田然不能
度脫未種善根者我當發菩提心我
行菩薩行時以大智入不可思議陀
羅尼法門度衆生佛事然不以此不
淨土迴向菩提心設我得如意佛土
我當發菩提心乃至證阿耨多羅三
藐三菩提時我念所時行菩薩行滅
佛土中一切衆生苦善男子念時寶
藏如來應供正遍知入見莊嚴三昧
現如是神通寶藏如來入現莊嚴三
昧已應時現如是光明於十方各千
佛土微塵數世界現一切莊嚴有諸

佛世尊已入涅槃有欲入涅槃有菩薩摩訶薩菩提樹下坐降魔官屬有成佛未久而轉法輪有久成佛說法有純菩薩充滿佛土有國土乃至無聲聞辟支佛名有處有聲聞辟支佛有國土空無佛菩薩亦無聲聞辟支佛有不淨佛土五濁出時有淨佛土无有五濁有尊有卑有長壽有短壽有佛土火災起有水災起有風災起有處已壞有處始成妙光照彼一切悉現今時大眾普見彼諸佛土國界莊嚴今時海濱婆羅門語王言汝今但觀佛土莊嚴大王可發阿耨多羅三藐三菩提心大王可取隨意佛土善男子今時離諍王向寶藏如來叉手合掌而白佛唯世尊菩薩摩訶薩以何行業取淨佛土以何不淨意衆生以何取長壽佛言大王菩薩摩訶薩以願取淨佛土無五濁亦以願取不淨王曰唯世尊我還入城一處靜坐思惟所願如我所應佛土無有五濁淨行迴向佛言大王今正是時善男子今時離諍王頂礼世尊足并比丘僧遶佛三匝而去還來入

城至其宮殿獨坐一處三昧思惟佛
土莊嚴捨願善男子今時海濟婆羅
門語太子不昉言善男子汝亦可發
阿耨多羅三藐三菩提心汝所有三
福地布施持戒修定所修善行一切
迴向菩提彼日我亦還家獨坐一處
思惟莊嚴佛土願我若發菩提心更
來如來所迴向菩提心取莊嚴佛土
時彼王子頂禮佛足并比丘僧遶佛
三匝還於已舍獨坐一處如是思惟
莊嚴佛土願善男子今時國大師海
濟婆羅門語第二子屈摸作如是言
汝童子亦可發菩提心乃至王諸子
勸發菩提八万四千諸小王并餘九
十二億人勸發菩提心彼一切皆作
是言我等亦各各歸家獨坐一處思惟
莊嚴佛土願彼一切如是七年中各
坐三昧无惱乱心思惟莊嚴佛土願
善男子海濟婆羅門於餘時心生是
念我勸多億那由他百千衆生於阿
耨多羅三藐三菩提又我請佛及無
量比丘僧七年供養一切所須設我
阿耨多羅三藐三菩提意滿如願必

成我當勸化天阿修羅軋闍婆龍夜
叉羅刹鳩槃荼等以大施會善男子
尔時國大師海濟婆羅門思見毗沙
門大王善男子尔時毗沙門大王與
多百千夜叉圍遶侍從俱夜詣海濟
婆羅門所於其前住作如是言婆羅
門何故思我耶婆羅門言汝為是誰
彼曰婆羅門汝不聞乎有夜叉主
名毗沙門我身是也婆羅門欲使我
作何等婆羅門曰大王汝亦應助是
大王汝以我語勸諸夜叉令發阿耨
多羅三藐三菩提又化汝等夜叉樂
求福德者樂求菩提者可日日往海
彼岸取此岸牛頭栴檀香來復取種
種塗香種種雜華日日給我供養世
尊唯然婆羅門毗沙門大王聞婆羅
門語已還本住處擊鼓集諸夜叉羅
刹作如是言汝等當知是閻浮提有
婆羅門名曰海濟是離諍王國之大
師彼請寶藏如來應供正遍知及比
丘僧俱七年供養一切所須汝等於
彼善根隨喜以是善根發阿耨多羅

三藐三菩提心即於今時多億那由他百千夜又羅刹叉手合掌作如是言如海濟婆羅門福德善業請寶藏如來應供正遍知及無量比丘僧七
年供養一切所須如是彼福德業我等隨喜以是善根願我成阿耨多羅三藐三菩提毗沙門大王曰諸賢善聽汝等樂求菩提者樂求福德者日
日可往海彼岸取海此岸牛頭栴檀香來給海濟婆羅門為如來設食并
比丘僧九万二千夜又同聲唱言我等大士於此七年當取海此岸牛頭
栴檀香來以給海濟婆羅門為如來設供并比丘僧四万六千夜又作如
是言我等取種種香來五万二千夜又作如是言我取種種華來二万夜
又作如是言我等當取種種諸味之精來著如來比丘僧衆食飲之中七
万夜又作如是言我等大士為世尊造作飲食并比丘僧善男子今時海
濟婆羅門思念欲見毗留勒迦大王即時毗留勒迦大王詣海濟婆羅門
所乃至多億那由他百千鳩槃荼勤

勸發阿耨多羅三藐三菩提心如是
毗留波叉提陁羅吒與多億那由他
百千龍輒闍婆勸發阿耨多羅三藐
三菩提心善男子今時海濟婆羅門
思念二四天下護世彼以佛威神至
婆羅門所婆羅門亦以如是勸化已
各還本處勸其眷屬以阿耨多羅三
藐三菩提乃至一切三千大千佛土
百億毗沙門與其眷屬勸化阿耨多
羅三藐三菩提百億毗留勒迦百億
毗留波叉百億提陁羅吒與其眷
屬俱勸以阿耨多羅三藐三菩提善
男子今時海濟婆羅門心生是念若
我阿耨多羅三藐三菩提意必成所
願心果我當分此大耶若福與彼欲
界諸天勸以阿耨多羅三藐三菩提
我以是善根審得阿耨多羅三藐三
菩提者天帝釋今應來現須夜摩天
子刪毘率陀天子化樂天子他化自
在天子志應來現善男子海濟婆羅
門適發念已釋提桓因來現在前及
須夜摩天子刪毘率陀天子化樂天
子他化自在天子來現在前婆羅門

問曰汝等是誰彼五天王各各自說名字已作如是言汝婆羅門欲使我等何所施作欲使我等於此大施何所供給婆羅門曰汝等天上所有最妙寶臺寶樹若劫波樹若香樹若華樹若果樹天衣天座天衆敷具天諸寶器天莊校天蓋幢幡瓔珞伎樂如是等一切盡為佛及僧嚴飾此閻披羅園唯然大士彼五天王從婆羅門所聞是語已各還天上告鞞宅居天子曠野天子畢天子居藍披天子難陀天子作如是言汝等大士至閻浮提閻披羅園以如是莊校以如是嚴飾以如是瓔珞以如是座以如是敷具以為莊嚴如天嚴飾等無有異又為世尊造立寶臺如衆寶嚴臺對曰唯然彼五天子於五天王所聞已至閻浮提竟夜如是一切莊嚴閻披羅園從寶樹乃至幢幡以為莊嚴又為世尊造立寶臺如釋提桓因衆寶嚴臺一切莊校閻披羅園如天莊嚴作已還至天上白諸天王大士當知如此天上莊校閻浮提閻披羅園莊校

一切瓔珞亦如是又為世尊造立寶
臺如釋提桓因衆寶嚴臺天上閼浮
提閻拔羅園等无有異彼時五天王
帝釋須夜摩刪毘率陀化樂他化天
王來至閼浮提語海濟婆羅門言為
世尊及比丘僧莊校園已復何所為
尔時海濟婆羅門語諸天王作如是
言汝等天王所主領處普集天衆以我
語而告之言閼浮提有婆羅門名海
濟彼請寶藏如來應供正遍知并无
量比丘僧七年供養一切所須汝等
於彼福業應當隨喜發阿耨多羅三
藐三菩提心汝應下閼浮提奉觀世
尊恭敬親近并比丘僧於世尊所聽
微妙法彼五天王聞婆羅門語已各
還本處時釋提桓因集三十三天以
海濟婆羅門語勸化而告之言汝等
大士當知閼浮提離諍王有大師婆
羅門名曰海濟請寶藏如來及无量
比丘僧七年供養一切所須我等為
佛僧莊校園已汝等於彼善根應當
隨喜發阿耨多羅三藐三菩提心即
於尔時多億那由他百千三十三天

叉手合掌而說是言我等於福業隨喜以隨喜福業盡迴向阿耨多羅三藐三菩提如是須夜摩天子集須夜天略說刪毘率陀化自在他化自在天子集他化自在天乃至多無數億那由他百千天子叉手合掌而說是言我等於彼善根隨喜以是善根我等得阿耨多羅三藐三菩提是故汝等大士應下閻浮提奉覲世尊恭敬親近聽受妙法并比丘僧時五天王即夜一一天王與天子天女及童男女多億那由他百千圍遶俱下閻浮提頭面禮世尊足并比丘僧於世尊所聽受法晝則空中雨衆天華優鉢羅鉢曇摩俱物頭分陀利伽須摩那波利師迦阿提目多伽瞻蔔伽華曼陀羅華摩訶曼陀羅華并作天樂復次善男子海濟婆羅門心生是念若我阿耨多羅三藐三菩提意滿所願必成我當以菩提勸阿修羅善男子適發心已五阿修羅王來詣海濟婆羅門所乃至多億那由他百千阿修羅男女大小以婆羅門語勸令發阿耨

多羅三藐三菩提心來至佛所而聽
受法略說婆羅門如是思念魔王即
時魔王名佛樓那來至婆羅門所乃
至無數億那由他百千魔子魔女大
小勸發阿耨多羅三藐三菩提心乃
至聽法善男子今時海濟婆羅門思
念螺髻大梵螺髻大梵亦來至婆羅
門所聞已還梵天上乃至多億那由
他百千梵天勸發阿耨多羅三藐三
菩提心從上來下至世尊所恭敬親
近比丘僧而聽受法善男子今時海
濟婆羅門思念二四天下帝釋思念
須夜摩刪兜率陀化樂他化天子彼
五天王亦以佛威神來至婆羅門所
婆羅門如是約勅彼各還去以婆羅
門語勸眷屬以菩提如是多億那由
他百千三十三天子天女勸發阿耨多
羅三藐三菩提心及帝釋來此四天
下恭敬親近世尊并比丘僧而聽受
法如是須夜摩刪兜率陀化自在
如是他化天子勸發他化自在天以
菩提多億那由他百千他化自在天
子天女大小勸發阿耨多羅三藐三

菩提心來此四天下恭敬親近世尊
并比丘僧而聽受法如是二四天下
阿修羅魔及大梵如是三四天下如
是四四天下如是五四天下帝釋須
夜摩刪毘率陀他化阿修羅魔及大
梵以佛威神故與眷屬俱來此四天
下而聽受法乃至三千大千佛土百
億帝釋百億須夜摩百億刪毘率陀
百億他化自在百億他化自在天子百
億阿修羅王百億魔百億大梵一一
大梵勸無數億那由他百千梵天發
阿耨多羅三藐三菩提心彼以世尊
威神一切來此四天下恭敬親近世
尊并比丘僧而聽受法今時三千大
千世界地无如毫髮空不周者善男
子今時海濱婆羅門而生是念若我
阿耨多羅三藐三菩提意得滿者如
百億毗沙門乃至百億大梵悉皆隨
我者應現如是大神通令遍三千大
千世界人及畜生餓鬼地獄一切苦
受得息樂受得生一一衆生化佛在
前勸發阿耨多羅三藐三菩提善男
子今時寶藏如來應供正遍知海濱

婆羅門心所念即入三昧名鉢羅名婆入
已二毛孔放過數光明照此三千
大千世界妙光普遍其光明至地獄
者令寒地獄衆生煖風來吹有衆生
舉身火然冷風來吹彼諸地獄衆生飢
渴困乏苦受即滅極得樂受一一地
獄衆生化佛在前具三十二大人之
相八十種好莊嚴其身彼地獄衆生
受喜樂已而生是念以何因緣我等
苦滅樂受得生彼見世尊三十二大
人之相八十種好莊嚴其身見已作
是言蒙是具足大悲之恩得受樂受
倍極歡喜善心生焉瞻仰世尊世尊告
曰咄汝衆生當作是言南無佛隨發
阿耨多羅三藐三菩提心汝等衆生
更不受苦常得受樂彼作是言南无
佛隨我等發阿耨多羅三藐三菩提
心以是善根願罪業永滅於中有命
終者生此人間於地獄衆生火所燒
者光明至已冷風來吹彼一切飢渴
困乏苦痛即滅乃至於中命終來生
人間畜生餓鬼及人亦如是說彼光
還來繞佛三匝從頂上入過數天人

夜叉羅刹龍阿修羅得不退轉住阿耨多羅三藐三菩提於彼過數衆生得三昧忍辱陀羅尼於此閻浮提人間安誑羅城王之住處閻拔羅園諸天為佛及僧以天莊嚴已彼生是念我等宜應往觀奉覲寶藏如來應供正遍知敬瞻聖衆於如來所聽受正法當於今時無數億鄉由他百千男女長幼日往見世尊恭敬親近并比丘僧周遍觀園彼園有二万七寶門一一門側敷五百寶牀五百童子各坐其上入園者彼諸童子誨以三歸依佛法聖衆勸發阿耨多羅三藐三菩提心令住其中然後乃聽入園見佛及僧恭敬親近周遍觀園善男子今時國大師海濟婆羅門於七年中勸過數諸天發阿耨多羅三藐三菩提令住其中過數龍阿修羅夜叉羅刹鳩脰荼軋闍婆飢鬼毗舍遮及地獄過數人盡勸發阿耨多羅三藐三菩提令住其中過數衆生勸發阿耨多羅三藐三菩提令住其中彼七年將欲盡時海濟婆羅門具八万四

千金輪除自然輪寶八万四千爲技
以七寶除自然爲寶乃至八万四千
味欲以迴向於彼七年離諍王曾无
欲想瞋恚愚癡及吾我想恚皆無有
又无王想無施想无妻息想無食飲
想无香花衣服想无車乘想無睡眠
想无樂想無彼我想於七年中未曾
倚卧无晝夜想無有色聲香味觸
想於七年中未曾疲懈常觀見十方
各千佛土微塵數世界佛土在嚴諸
須弥山不障於眼其餘諸山鐵圍大
鐵圍山障日月障天宮殿恚無障尋
如彼所見莊嚴佛土彼思惟莊嚴淨
佛土願如離諍王以如是德樂住七
年如是見莊嚴佛土彼坐思惟莊嚴
淨佛土願王子不眴屈換因陀羅伽
盧乃至彼王千子八万四千諸小國
王并餘九十二億衆生亦復如是彼
一切於七年中獨坐一處而入三昧
見十方各千佛土微塵數世界彼亦
於七年中不生欲想无瞋恚想乃至
無疲懈處常普見十方各千佛土微
塵數佛國莊嚴彼須弥山不障於

八龍利經卷第二 第三十二張 白
眼其餘諸山鐵圍大鐵圍山障

日月天諸宮殿悉無所尋如彼所見
莊嚴佛土思惟莊嚴淨佛土願彼一
切以如是功德悅樂於七年住有思
惟莊嚴淨佛土願有取不淨佛土
時海濟婆羅門知七年竟欲以七寶
迴施寶藏如來應供正遍知叉手合
掌白言世尊我勸離諍王於阿耨多
羅三藐三菩提彼自還家獨坐一處
而入三昧無敢入者无人能覺如是
彼王千子我勸以阿耨多羅三藐三
菩提彼亦如是各各還家獨在一處
而入三昧無敢入者无人能覺我亦
如是勸八万四千諸小國王并餘九
十二億衆生已發阿耨多羅三藐三
菩提於彼一切各各還家皆在一處
而入三昧無能入者唯願世尊覺離
諍王令三昧起來至於此彼一切我
所勸化菩提者皆亦使來彼獨坐三
昧者一切使來取阿耨多羅三藐三
菩提意不動於世尊所得受名号國土
之記善男子尔時寶藏如來應供正
遍知入於三昧名涅槃邏訶邏波帝口

出青黃赤白紅紫色光於彼住三昧者一切化婆羅門在前立作是言起大士往見世尊并比丘僧恭敬親近大士海濟婆羅門脰遮于色已竟七年世尊復欲遊諸聚落彼聞婆羅門語已一切皆起離諍王聞是語即從座起天於空中提鍾擊鼓作天伎樂時離諍王躬自乘車與千子俱及八万四千諸小國王餘九十二億衆生俱圍遶出城詣世尊所至已頭面礼足并比丘僧却坐一面離諍王與无数億衆生俱時海濟婆羅門語離諍王曰大王於此達觀應發隨喜大王汝於三月供養世尊以一切所須及無數比丘僧種種雜寶迴施及八万四千城迴施已以此隨喜福業是一切可迴向阿耨多羅三藐三菩提亦如是勸王千子八万四千諸小國王并餘多億衆生以此隨喜福業勸於阿耨多羅三藐三菩提今住其中是達觀應隨喜應迴向而說偈言

我以是施不求釋 亦復不求梵天果
危脆不堅如疾風 况求世間人王福

心得自在妙菩提 度諸衆生无有量
此施果報極寬廣 我所願求畢令獲
大乘悲分陀利經卷第二

壬寅歲高麗國大藏都監奉
勅彫造

大乘悲分陀利經卷第三

白

失三藏名今附秦錄

離諍王授記品第六

善男子。今時寶藏如來應供正遍知。而作是念。彼勸多億衆生。以阿耨多羅三藐三菩提住不退轉地。我今應授其記。亦現佛剎。今時世尊入于三昧。名為不忘菩提心。即現微笑笑口。妙光普照無量無邊佛土。亦離諍王并餘多億衆生。佛剎莊嚴。今時十方過數佛土中。菩薩摩訶薩見光明已。承佛威神來此世界。奉覲世尊恭敬親近。并比丘僧以種種菩薩神通供養世尊。頭面禮足。禮足已於世尊前各一面坐。為聽授菩薩願記。善男子。今時國大師海濟婆羅門語離諍王曰。大王。汝可先取莊嚴佛土善男子。今時離諍王向寶藏如來叉手合掌。白佛言。世尊。我樂求菩提。我於三月以一切所須供養世尊。并無數比丘僧。我以是善根迴向阿耨多羅三藐三菩提。唯不在此穢濁佛土。世尊。我

於此七年思惟莊嚴佛土已世尊其中无有地獄餓鬼畜生如是處我成阿耨多羅三藐三菩提願令其中有命終者不墮惡趣令其一切普皆金色人天無異願其中衆生皆自識過去億那由他百千劫宿命願其中一切衆生具是天眼見億那由他百千餘世界中現在住世說法諸佛使中一切衆生具是天耳聞億那由他百千住世諸佛所說之法使其中一切衆生善具他心智如是知多億那由他百千佛土衆生心念所行令其中一切善具神足如是一念頃過億那由他百千佛土令其中衆生無我我所无所作乃至已身願其中一切衆生得不退轉阿耨多羅三藐三菩提願其中衆生悉皆化生使其中无有女人亦使其中衆生壽命無量除隨願者令其中衆生無不善之名其佛國中令無臭穢香氣遍滿過踰天香願其中一切衆生具三十二大人之相願其中一切衆生得一生補處除隨願者使其中一切衆生以小食頃承

佛威神過無數佛土親近住世無數諸佛令得成就隨其所欲菩薩神變以供養諸佛以是食頃還歸本國使其中一切衆生皆說佛藏令其一切衆生具那羅延力令無量衆生能盡知其佛土中莊嚴色像亦非天眼之所能知願其中衆生悉遠无尋阿僧祇辯願令一一菩提樹高千由旬願佛土明淨周匝過數莊嚴佛土於其中現願使衆生來生中者乃至菩提際常具梵行令其中一切衆生為諸无難人之所礼敬乃至菩提際無有諸根不具足者令其中衆生生已得聖喜樂過於諸天願其中一切諸善根集願其中一切衆生生時自然袈裟著身而生使其中衆生生已得善分別諸三昧以是三昧至過數佛土親近諸佛世尊乃至菩薩菩提際未嘗不見令其菩薩來生其中隨其所欲佛土莊嚴轉如所念佛土莊嚴寶樹中現使其中衆生生已得普至三昧以是三昧普見十方過數佛土現在諸佛乃至菩提際未嘗不見令來生者

得如是衣服宮殿莊校瓔珞形色如他化自在天令其國中無土石黑山亦無鐵圍大鐵圍須弥大海願其中无有障碍結使之聲願其中普无地獄畜生餓鬼之聲無諸難聲无有苦聲非樂非苦聲我今欲求如是佛土世尊我為菩薩時行如是等難行我以如是嚴淨佛土世尊是我大夫行然後乃逮阿耨多羅三藐三菩提願我菩提樹高十千由旬我坐其下發心念頃證阿耨多羅三藐三菩提使我光明無量照億那由他百千佛土使我壽命无數億那由他百千劫無能數者除薩婆若智令我菩薩僧衆无數聲聞緣覺無能數者除薩婆若智今我等得成佛時餘无量阿僧祇佛土諸佛土諸佛世尊稱譽讚嘆令我成菩提時餘無數阿僧祇佛土中有衆生聞我名者所作善根迴向我國命終之後得生我國除無間罪謗毀賢聖非正法者令我得菩提時餘無數佛土中衆生發菩提心願生我國善根迴向彼欲終時我與無數衆圍遶而現其前

彼見我已令於我所得大歡喜除諸障尋命終已後得生我國其中菩薩隨其所樂所未聞法隨意得聞使我得菩提時過數佛土中菩薩聞我名者得不退轉阿耨多羅三藐三菩提得第一第二第三忍隨其所欲三昧忍陀羅尼隨意即得令我般涅槃後過數劫過數佛土中菩薩聞我名者得極歡喜敬禮於我得未曾有稱譽讚歎彼為菩薩時作佛事已然後成阿耨多羅三藐三菩提彼極歡喜已得菩薩第一第二第三忍隨其所欲三昧忍陀羅尼隨意即得乃至菩提際未常斷絕令我逮菩提時於過數佛土中有女人聞我名者得極歡喜發阿耨多羅三藐三菩提心乃至菩提際不受女身願我般涅槃後於過數佛土中女人聞我名者得極歡樂迴向阿耨多羅三藐三菩提心乃至菩提際不受女身惟願世尊我求如是佛土如是淨意衆生如是佛土中我當逮阿耨多羅三藐三菩提善男子今時寶藏如來應供正遍知告離

諍王曰善哉善哉大王所願甚深大王取淨佛土淨意衆生汝觀大王西方過億百千佛土有世界名帝无塵其佛号帝明自在王如来應供正遍知現在住世純為菩薩說一乘法其佛國土無有聲聞及辟支佛亦无其名不說聲聞純說大乘其中衆生一切化生於中乃無女人名字其佛土中有是一切德猶如大王所願取无量莊嚴佛土攝度无量淨意衆生是故大王字汝為無量淨彼帝明自在王如来應供正遍知竟一小劫當入涅槃帝明自在王如来應供正遍知正法住世十小劫正法滅後過六十小劫彼世界當名弥樓光其佛号不可思議意德王如来應供正遍知如帝明自在王如来帝无塵世界佛土莊嚴彼不可思議意德王如来弥樓光世界佛土莊嚴如是无異彼不可思議意德王如来壽六十小劫不可思議意德王如来般涅槃後正法住世十六小劫正法滅後過十小劫世界名无樂其佛号寶光明如来應供

正遍知略說壽命等世界亦等如是
正法住世正法滅後彼世界當名娑
羅其佛名寶幢自在鳴如來應供正
遍知出現於世佛土莊嚴等佛住世
說法三十五小劫彼佛般涅槃後正法
住世七小劫正法滅後略說我見於
彼世界無量無數諸佛世尊成佛而
入涅槃彼世界未曾成敗汝無量淨
於當來世過一恒河沙數阿僧祇始
入二恒河沙數阿僧祇彼世界當名
安樂汝無量淨於中當成阿耨多羅
三藐三菩提名阿彌陀如來應供正
遍知時王白言唯世尊彼諸菩薩摩
訶薩其佛土中先前我成阿耨多羅
三藐三菩提者今在何處佛言無量
淨此菩薩摩訶薩於無量阿僧祇无
稱無數十方餘世界中來奉覲恭敬
親近於我坐聽法者是過去諸佛皆
授其阿耨多羅三藐三菩提記現在
諸佛世尊亦授此諸善男子阿耨多
羅三藐三菩提記其佛土中先成阿
耨多羅三藐三菩提者無量淨彼一
一菩薩摩訶薩於無數多億那由他

百千佛所殖諸善根修行智慧无量
淨彼善男子先於其佛土中當得成
佛王曰惟世尊此海濟婆羅門勸我
及與眷屬於阿耨多羅三藐三菩提
彼幾時當證菩提佛言是大婆羅門
大悲具足汝大王自當聞其師子吼
時王曰如世尊授我記我所願必成
若我五體礼世尊足時令恒河沙數
世界震動於彼諸佛土中諸佛世尊
現在住世願授我記善男子尔時無
量淨王五體礼寶藏如来足頭面著
地時恒河沙數佛土即震動踊沒恒
河沙數諸佛世尊即授其記於刪提
蘭佛土劫名陀羅尼八万歲世人中
佛名寶藏如来應供正遍知四天下
轉輪王名無量淨於寶藏如来所積
殖德本彼王當來過恒河沙數阿僧
祇始入二恒河沙數阿僧祇世界當
名安樂彼无量淨王於中當得成佛
名阿弥陀如来應供正遍知光明遍
照十方恒河沙數世界諸佛告言
妙智明士今可起 諸十力已授汝記
恒沙山地普震動 當為人尊上調御

善男子今時無量淨王得喜踊躍起
一面坐而聽法

大乘悲分陀利經三王子授記品第七

善男子今時海濟婆羅門告无量淨
王第一太子不眴曰略說我已觀惡
趣於中衆生受苦痛切又觀天上於
中衆生心垢濁故數墮惡趣我已觀
一切衆生離善知識住貧窮法處於
冥中盡諸善根為邪見覆障困於邪
道唯世尊我當以高聲告彼衆生以
諸善根迴向阿耨多羅三藐三菩提
我行菩薩行時若有衆生苦痛逼切
有諸恐懼貧窮於法處在闇中無所
依怙无燈無救无歸無趣令使念我
稱我名字我以天耳聞其音聲天眼
見之若不脫彼衆生因厄我終不成
阿耨多羅三藐三菩提世尊如我為
衆生願故久行菩薩行是意得滿如
今大王過一恒河沙阿僧祇始入二
恒河沙阿僧祇於安樂世界嘗成阿
耨多羅三藐三菩提名阿彌陀如來
淨佛土淨意衆生而作佛事乃至阿
彌陀如來於无量劫作佛事已入無

餘涅槃隨其正法住世幾時於余所
時我當行菩薩行我為菩薩當作佛
事盡阿彌陀如來正法初夜滅即是
後夜我當成阿耨多羅三藐三菩提
唯願世尊授我阿耨多羅三藐三菩
提記如是十方恒河沙數世界中諸佛
世尊現在住世我亦以音聲白彼諸
佛彼諸佛亦當授我阿耨多羅三藐
三菩提記善男子寶藏如來即授其
記如汝善男子已觀惡趣又觀天上
觀衆生若能生悲心為脫一切衆生
苦故除結使故令得樂故是故汝善
男子字汝為觀世音汝觀世音當度
脫多億那由他百千衆生苦汝善男
子為菩薩時當作佛事阿彌陀如來
般涅槃後二恒河沙阿僧祇之餘初
夜阿彌陀如來正法滅已即於後夜
安樂十界中一切寶集彼土莊嚴
無量信敬勝於安樂即於後夜汝
善男子當坐寶莊嚴菩提樹下坐金
剛座 出持多羅三藐三菩提名光
明普照十寶德王如來悉領王通知
壽九十億阿僧祇劫汝後涅槃

睽後正法住世六十二億劫觀世音
言世尊若我如是意滿我礼世尊足
時於十方恒沙數世界中現在住世
諸佛世尊皆授我記恒河沙數世界
地皆震動一切山川石壁樹木藁林
出五樂音一切衆生心得離欲觀世
音菩薩適五體礼寶藏如來如是恒
河沙數佛土地皆震動彼諸佛如來
皆授其記略說一切山川石壁樹木
藁林出五樂音一切衆生心得離欲
佛言

起悲福德歡喜音 十方諸佛授汝記
地及世界六種動 汝當作佛度世仙
善男子尔時海濟婆羅門國大師語
第二王子左摸言善男子於此大施
應當隨喜又汝所作善業為一切衆
生故發阿耨多羅三藐三菩提心迴
向薩婆若善男子尔時左摸王子即
於佛前作是言我以一切所須供養
世尊并無數比丘僧又以是隨喜福
業又先身口意善業一切迴向阿耨
多羅三藐三菩提然終不於此微濁
佛土證於菩提觀世童子所可一切

寶集世界無量寶莊嚴菩提樹下坐
成阿耨多羅三藐三菩提名光明普
至尊積德王我先請說法隨彼如來
幾時住世演法以今所時我行菩薩
行彼如來滅後正法滅已我次當成
阿耨多羅三藐三菩提令我佛土莊
嚴亦復如是我亦是施作佛事我
般涅槃後正法住世久近亦令
得如是一切莊嚴如光明普至尊積
德王如來佛言善男子汝取大處汝
當逮是處如汝所取汝善男子於彼
佛土當成阿耨多羅三藐三菩提名
善安隱摩尼積德王如來以汝善男
子取大處故字汝名大勢至彼白世尊
若我如是意得滿者我五體礼世尊
足時於十方恒河沙數諸佛世尊皆
授我記爾須臾那花善男子如大勢
至善男子五體礼寶藏如來足時於
恒河沙數十方世界中恒河沙數諸
佛世尊皆授其記大地六種震動雨
須臾那華佛言

起堅固勢疾福德 十方世尊已授記
地已震動雨須臾 於天世人汝為梵

善男子。今時海濱婆羅門。告第三王。子帝。衆略說。彼又手合掌。白寶藏。如來言。我已一切所須。供養世尊。及比丘僧。又我身口意善行。及此隨喜福業。盡以迴向阿耨多羅三藐三菩提。終不於穢濁佛土。逮阿耨多羅三藐三菩提。亦不速成。我如是逮菩提行。菩薩行時。見十方無量無邊餘世界。中諸佛世尊。是我先所勸化。菩提我勸發。菩提心。我使住。菩提心。我勸以波羅蜜。令住其中者。我行菩薩行時。以天眼見。二一方恒河沙數佛刹微塵數佛土。中彼說法諸佛世尊。是我所勸化。菩提者。我當如是行菩薩行。而作佛事。我今所時行菩薩行。如是淨衆生身。意於我佛土生者。如梵世天子。佛土嚴淨。亦如梵世。我一佛土。令如恒河沙數三千世界。令其佛土周匝牆障。無量百千衆寶合成。間錯嚴飾。高至有頂。令其佛土。純以琉璃。周遍為地。柔軟細滑。令無塵土。凡礫衆穢。令其中无有女人之名。其中衆生。皆令化生。其中衆生。令无揣食。

其中衆生皆以法食歡喜食三昧
食令其佛土無有聲聞辟支佛名
令其佛土純諸菩薩充滿其中无
煩惱乱淨修梵行願令其中一切
菩薩沙門形服與身俱生適生中已
令思念食無量味飯充滿寶鉢在於
右手適得是已令生斯念我等不冝
食此揣食應以此食至餘世界供養
現在住世諸佛并諸聲聞及貧窮者
餓鬼困乏飢渴身然亦至其所以食
濟之我等冝應住歡喜食彼諸菩薩
適發心已令得不可思議威儀三昧
以是三昧無所染著去至十方无量
阿僧祇餘諸佛土現在住世諸佛世
尊以此供養并諸聲聞及餘衆生亦
施餓鬼為說法已以小食頃還來本
土如是衣寶以小食頃歸本土已更
相施衣乃至其佛土中彼諸菩薩所
有供養具令以此一切供養諸佛并
諸聲聞及餘衆生今乃自用令其佛
土無有八難及不善聲亦无苦聲又
无受戒犯悔之聲令其佛土無量百
千衆寶嚴飾无量百千衆寶間錯令

如摩尼現衆色像其中摩尼寶十方
來見未曾見聞未曾聞如是摩尼寶世
所希有說其衆寶名号億歲不盡有
菩薩欲見佛土金即時見金欲見銀
即時見銀金不壞略說其要有欲見
水精琉璃瑪瑙赤真珠車渠令見如
是種種衆寶佛土沉水木檀多摩羅
跋海此岸栴檀有菩薩欲見牛頭栴
檀佛土即時令見隨其所欲皆令見
之彼此願見各不相覩令彼一切所
願悉滿令其佛土無有日月令菩薩
生時身有光明隨所欲照放如是光
乃照至億那由他百千佛土令其佛
剎無晝夜名惟以華合令其佛土无
有寒熱疾病老死惟有菩薩欲成菩
提者至他世界兜率天上盡命成菩
提令其佛土無有死者令以無上般涅
槃於上虛空中如來般涅槃其中菩
薩隨其所欲供具悉皆得之令其一
切佛土虛空中作億那由他百千音
樂其音樂中不出愛欲之聲惟有波
羅塞聲佛聲法聲僧聲菩薩法戲聲
令聞如是隨菩薩所樂音聲世尊我

行善提行時乃至无量無邊阿僧祇
佛土中見多億那由他百千佛刹莊
嚴彼諸莊嚴瓔珞彼相貌彼瑞應彼
處彼行彼願令彼一切皆在我佛土
中惟除聲聞緣覺五濁佛土令其彼
土無地獄畜生餓鬼之名又無須彌
鐵圍大鐵圍土石諸山亦无大海令
其中無餘樹木惟有種種寶樹過天
所有在其佛土行列周遍又令其中
无有餘華唯有天曼陀羅華無諸臭
穢但有種種妙香充滿佛土令其中
生者皆是一生補處菩薩令無一衆
生退生餘處惟兜率陀天其中退已
成阿耨多羅三藐三菩提世尊我當
今所時為菩薩行我乃成就如是大
丈夫行令安立如是莊嚴佛土如是
淨意一生紹位菩薩充滿其國令其
中無一菩薩非我所化於菩提无不
令住波羅蜜者令彼諸菩薩來生其
中亦是我先所勸化菩提住波羅蜜
者今此佛土令入其中此一切苦皆
當滅之惟世尊我為菩薩時成就如
是大丈夫行然後於其佛土成阿耨

多羅三藐三菩提願我菩提樹莖圍
十千四天下枝葉周匝各十三千名
善現衆寶彼菩提樹光明香氣於其
佛土一切充遍其下我金剛座衆寶
間錯縱廣正等五四天下高八万四
千由旬名普放無盡光善解智香我
於彼菩提樹下金剛座上結加趺坐
於彼少時成阿耨多羅三藐三菩提
乃至涅槃不改此座亦復不捨我坐
菩提樹下金剛座上不起遣化佛菩
薩至過數佛土一一化佛以一小食
頃為衆生說法即以小食頃勸過數
衆生以阿耨多羅三藐三菩提使住
其中得不退轉令化菩薩亦復如是
願我逮菩提時十方過數餘世界我
身普現若有衆生見我身相莊嚴者
令彼一切衆生堅固阿耨多羅三藐
三菩提乃至無上菩提般涅槃彼諸
衆生未嘗不見諸佛世尊令其中无
有諸根不具足者其中菩薩樂見我
者彼所往處隨身迴轉經行坐立彼
諸菩薩適心念佛令見我坐菩提樹
下見已隨所疑法忽然開解不說法

句令知其義令我壽命無量无能數
者除薩婆若智使其菩薩壽亦无量
我欲於其佛土成阿耨多羅三藐三
菩提時今有如是瑞應相現謂其佛
土一切菩薩其首文嗟袈裟在身乃
至般涅槃其佛土中無有一人飾髮
俗服令其一切住沙門像而无有異
佛言善哉善哉善丈夫汝亦聰達解
慧所願甚善志意極大威德特尊智
慧甚妙善男子汝能為一切衆生故
自作如是妙勝大意取妙莊嚴佛土
是故善男子字汝為勇如尸利勇如
尸利汝於來世過二恒河沙數阿僧
祇始入第三恒河沙數阿僧祇於南
方有世界名淨無塵積此娑訶世界
亦在其內如是莊嚴佛土嚴淨汝勇
如尸利當於其中成阿耨多羅三藐
三菩提号普現如來應供正遍知如
是菩薩衆汝淨一切願志當成就如
汝所願汝為菩薩時於多億佛所殖
諸善根汝勇如尸利為衆生良藥除
意患滅衆結增長善根時勇如尸利
白佛言世尊若我如是意滿如我所

願於十方無量阿僧祇世界中現在
住世說法諸佛世尊願授我記令无
量阿僧祇佛土皆悉震動令一切衆
生得如是快樂滿足猶如菩薩遊戲
第二禪三昧亦令無量阿僧祇佛土
雨天身陀羅華令彼身陀羅華出如
是等聲所謂佛聲法聲僧聲波羅蜜
聲力無畏聲若我五體礼世尊足時
如是瑞應皆悉令現如身如尸利童
真礼世尊足時於无量阿僧祇佛土
地皆震動雨天身陀羅一切衆生皆
得如是快樂充滿如是所願其中菩
薩摩訶薩於諸佛所聽法者彼皆問
諸佛世尊以何因何緣現是瑞應彼
諸佛世尊皆授身如尸利阿耨多羅
三藐三菩提記佛說偈言

起寂上意智慧廣 十方濟世授汝記
地動雨華衆生樂 汝當作佛出現世
大乘悲分陀利經四王子授記品第八

善男子今時海濱婆羅門告第四王
子支衆略說如身如尸利所願無異
世尊讚言善哉善哉善男子汝為菩
薩時當破无量阿僧祇衆生結使金

剛之山而作佛事然後當成阿耨多
羅三藐三菩提善男子是故字汝為
壞金剛慧明照尸利汝壞金剛慧明
照於當來世過一恒河沙數阿僧祇
始入二恒河沙數阿僧祇東方過十
恒河沙數佛土微塵數世界有國名
阿尼彌沙善男子汝於其中當成阿
耨多羅三藐三菩提号普賢如來應
供正遍知明行足乃至佛婆伽婆其
佛土無量莊嚴亦復如是如汝所願
善男子寶藏如來適授壞金剛慧明
照菩薩摩訶薩阿耨多羅三藐三菩
提記於虛空中無量億那由他百千
諸天皆讚善哉南海此岸牛頭沆水
木檀栴香彼白佛言唯世尊若我如
是意滿如我五體禮佛足時令恒河
沙數世界踰天妙香充滿其中於中
地獄畜生餓鬼人天彼衆生得聞是
香身心苦患乃至訖我頭面著地於
余所時得休息善男子余時壞金剛
慧明照菩薩五體禮寶藏如來足應
時恒河沙數世界踰天妙香充滿其
中於中一切衆生身心苦患盡皆休

息佛言

金剛經卷第三

第三分

三

起能壞金剛 香色充滿剎 喜樂多衆生
汝為世間解

善男子 今時海濱婆羅門告第五王
子无畏略說世尊我惟不取斯穢濁
佛土當知是處成三藐三菩提其中
無有地獄畜生餓鬼絀琉璃地等如
蓮華世界莊嚴說无畏王子以蓮華
置寶藏如來前白佛言唯世尊若我
如是意滿當承佛威神令我得現莊
嚴三昧如我在世尊前於十方恒河
沙數世界微塵數佛土當雨蓮華大
如車輪令我等見適發斯言蒙佛威
神得現莊嚴三昧十方恒河沙數世
界微塵數佛土皆雨蓮華大如車輪
无畏王子見已極大歡喜佛言善男
子汝所願甚善取妙佛土以至誠語
疾得三昧雨於蓮華彼白佛言若我
得滿阿耨多羅三藐三菩提意者令
此蓮華懸於虛空應時即住虛空佛
言善男子汝所為甚疾以蓮華印於
虛空善男子是故字汝為虛空印汝
虛空印於當來世過一恒河沙數阿

僧祇始入二恒河沙數阿僧祇於東南方過億百千恒河沙數佛土有世界名蓮華汝當於中成阿耨多羅三藐三菩提号蓮華上如來應供正遍知明行足乃至佛婆伽婆純菩薩僧其數無量壽亦无量必得是一切威德如汝所願虛空即菩薩即時五體投地礼寶藏如來足佛言

汝當饒益世 除滅結穢濁 持刹微塵德 逮覺如前勝

善男子余時海清婆羅門語第六王子虛空略說唯不於此穢濁佛土略說如虛空即菩薩所願世尊若我如是意滿令於十方恒河沙數世界虛空中有七寶蓋白珠羅網以覆其上懸衆寶鈴以嚴其蓋寶鈴網中出如是聲所謂佛聲法聲僧聲波羅蜜聲力聲通聲及無畏聲其中一切衆生使聞是聲令發阿耨多羅三藐三菩提心其有先發菩提心者令不退轉阿耨多羅三藐三菩提適發是言於十方恒河沙數世界一切虛空中略說出如是聲蒙佛威神皆悉自見復

白佛言唯世尊若是意滿如我所願
令我於世尊前得智顯明三昧以是
增長善法得是三昧已然後世尊授
我菩提記蒙佛威神即得智顯明三
昧佛言善哉善男子所願甚妙以汝
福業於十方恒河沙數佛土虛空中
覆以寶蓋出柔軟聲覺悟多億那由
他百千衆生善男子是故字汝為虛
空顯明汝虛空顯明於當來世過一
恒河沙數阿僧祇始入二恒河沙阿
僧祇於東方過二恒河沙數佛土有
世界名日月汝當於中成三藐三菩
提号法自在富王如來應供正遍知
明行足乃至佛世尊時虛空顯明菩
薩以五體禮寶藏如來足佛言

起善習意調伏心 能發大悲於衆生
當度群品苦海岸 覺智無上正菩提
善男子尔時海濱婆羅門語第七王
子文像略說唯不於此濁佛土中我
如是處成菩提於中無有地獄畜生
鐵鬼之名亦无女人其中衆生不由
胞胎無須弥鐵圍大鐵圍土石諸山
无有泉源瓦礫荆棘高下惡風樹木

大海亦無日月星宿晝夜闇冥其中
衆生无有穢氣屎尿涕唾形無汙臭
身心無寄令其中不以土石為地純馬
瑠成無量百千衆寶莊嚴令其佛土
無有餘草唯易陀羅摩訶易陀羅令
其佛土以種種寶樹莊嚴其寶樹上
種種寶蓋莊校有種種寶房舍種種
寶衣種種寶鬘種種寶璫種種寶嚴
具種種音樂種種寶器種種華以莊
校樹令衆華合音樂聲止以是知夜
衆華合時菩薩受生適生其中便坐
定意令得現莊嚴三昧以是三昧見
十方佛土微塵數世界中現在諸佛
令於今時得淨天耳聞於佛土微塵
數十方餘世界中現在住世說法說
法諸佛令其中衆生生已皆自識宿
命憶念佛土微塵數劫中生事令其
生已得淨天眼普見十方佛微塵數
佛國莊嚴令其生已善具知他心智
以一念頃知佛土微塵佛剎中一切
衆生心念所行乃至菩提般涅槃不
失是三昧夜欲明時四方香風微妙
柔軟觸身生喜來吹華敷令諸菩薩

從三昧覺於華臺起令得如是神通
一心念頃至一二方佛土微塵數佛
剎親近現在諸佛世尊已還來本土
於毘陀羅摩訶毘陀羅花臺上結加
趺坐思惟法門瞻仰如來如所坐處
隨其迴轉於一切方悉令見我其中
菩薩於法或想若生疑者令觀我身
見即亘然彼諸菩薩隨欲聞法適觀
我已皆悉令知其中菩薩令無我所
无所為作乃至身命其中菩薩皆得
不退轉其中令無不善之名令其佛
土亦無受戒之名无犯悔語令其中
一切衆生具三十二大人之相具那
羅延力令其中無有一人諸根不具
乃至菩提般涅槃令其中一切衆生
其首文嚩袈裟著身一時俱生令得
善分別三昧乃至菩提際未曾中失
令其中衆生普集善根令其中衆生
無老病苦有菩薩於中壽欲終時結
加趺坐而般涅槃身中出火以自闍
維香風來吹彼舍利置於他方無佛
土中令成如意珠寶如轉輪王明淨
摩尼之寶其中衆生有見彼摩尼寶

光者有見摩尼寶者有復觸者令彼一切不受地獄餓鬼畜生之苦乃至菩提般涅槃未曾受痛於中命終其有諸佛現在住其世為衆生說法生如是處彼得生已於諸佛所聞說妙法發菩提心適發心已令得不退轉阿耨多羅三藐三菩提我佛土中无有一人不入三昧而命終者亦無苦痛无相戀者別離命終於中終已令不生難處無佛國土中至菩提際未嘗不見佛未嘗不聞法未嘗不供養僧令其中一切衆生無穢濁瞋恚愛憎慳嫉無明吾我於中生也其佛土中令无聲聞及辟支佛純諸菩薩潤心軟心無忍心不濁心寂心定心如 是菩薩充滿其中令我佛土莊嚴明淨現於十方佛刹微塵數餘世界中香亦遍至使其衆生常樂充滿令其佛土不聞苦聲我當尔所時行菩薩行為菩薩時先立如是淨莊嚴佛土安置如是淨意衆充滿佛刹然後我於其中成阿耨多羅三藐三菩提我逮菩提時令光明無量又我身相莊

嚴令於十方千佛土微塵數餘佛剎中皆悉遍現於中衆生有見我者令彼衆生滅除貪欲瞋恚愚癡慳嫉吾我嫌恨結使悉皆令滅發菩提心隨其所欲三昧陀羅尼忍辱以見我故悉皆令得其有衆生生寒水地獄者見我已受暖暖樂受得是快樂譬如比丘入第三禪彼見我已令其身意極樂充滿皆發阿耨多羅三藐三菩提心於中命終來生我國得不退轉阿耨多羅三藐三菩提若衆生生餓鬼中得見我已略說令不退轉阿耨多羅三藐三菩提畜生亦如是說如是我光倍照諸天令我壽命無量无能數者除薩婆若智我逮菩提時於十方無量阿僧祇无稱無邊餘世界中諸佛世尊讚歎稱譽我令其中衆生聞名者於彼所作善根迴向我剎彼命終已來生我國除無間罪非毀正法謗賢聖者我逮菩提時於无量阿僧祇餘佛剎中衆生聞我名号求生我國命欲終時我與無量大眾圍遶入无瞋三昧而現其前如是善說令彼

衆生心得歡喜一切苦滅以是歡喜
悟畢定三昧令其心得法忍之樂彼
命終已得生我國又餘佛土之七財
者不樂求三乘亦不樂求人天之福
又不樂求三善福地樂著非法慳貪
嫉妬樂近邪法衆生之類以墮无墮
三昧彼諸衆生命欲終時現住其前
與無量衆圍遶而為說法以已佛土
示彼衆生勸以菩提令彼衆生於我
所得樂喜踊躍發菩提心令彼一切
苦痛除滅得日燈三昧令捨愚癡命
終之後得生我國佛言善哉善哉善
男子所願甚善彼白佛言世尊若我
如是意滿於佛刹微塵數十方餘佛
土中令雨奇妙海此岸栴檀之末於
中衆生聞是香者令彼一切發菩提
心令我於今得如願三昧已而自得
見善男子彼適願已得如願三昧自
見佛土微塵數十方餘世界中雨奇
妙海此岸栴檀之末見於十方各過
數衆生叉手合掌發菩提心佛言善
男子雨香甚速勸過數衆生於菩提
善男子是故字汝為師子香於當來

世過一恒河沙數阿僧祇始入二恒
河沙數阿僧祇於上方去此佛土過
四十二恒河沙數佛剎微塵數佛土
有世界名紺香光明無塵汝師子香
於中當成阿耨多羅三藐三菩提号
光明無塵上身香月自在王如來應
供正遍知乃至佛世尊善男子尔時
師子香菩薩五體礼如來足寶藏如
來言

起人修羅天所敬 當為世尊濟衆生
汝斷三界苦結縛 汝當得妙無上士
大衆悲分陀利經第八王子授記品第九
善男子尔時海濟婆羅門語第八王
子阿模貝略說世尊我當尔所時於
濁佛剎為菩薩菩提行菩提行我先
淨十千濁佛剎立如是淨如紺香光
明無塵佛土无異安置如是種善根
清淨意求大衆諸菩薩充滿其剎然
後我當於中成阿耨多羅三藐三菩
提唯世尊我當如是行菩提行非餘
菩薩之所能行世尊我於此七年中
一處靜坐思惟淨佛功德佛剎莊嚴
淨佛土功德我於中發起現莊嚴三

昧等一万八千菩薩三昧而得修習
世尊是我以菩薩菩提行菩提行我
以目婆闍伽枳由邏三昧常見十方
無量无边餘世界中現在住世諸佛
世尊饒益衆生而為說法又過三世
者見彼諸佛滿一切刹世尊我以旋
三昧微塵等心見彼諸佛世尊菩薩
聲聞大衆圍遶我以無依三昧力佛
土微塵數身礼一一身以无上雜寶
華無上雜香塗末鬘飾及與音樂以
此一切无上嚴飾供養諸佛一一佛
土如大海劫行我以一切修身三昧於
一念頃知一切佛土中微塵數佛行
世尊我以功德三昧佛土微塵數无
上妙讚一一佛世尊我以不眴三昧
一塵等心見佛充滿一切佛土世尊
我以無諍三昧一念頃見一切佛土
中過去當來現在佛刹莊嚴世尊我
以首楞嚴三昧入地獄中化作其身
而為說法勸以菩提令彼發心於中
命終得生為人值現在世說法諸佛
令彼衆生從佛聞法得不退轉地如
是畜生餓鬼夜叉羅刹阿修羅龍緊

那羅摩睺羅伽中及與天上如是毗
舍闍富單那迦吒富單中如是人梅陀
羅賈客姪女中如是世尊隨衆生處
而受其形順彼衆生業行因緣受若
苦樂若有種種工巧伎術隨類而入
現說所行巧言方便得衆生心然後
誨之正法勸以阿耨多羅三藐三菩
提令住不退轉無上正遍知唯世尊
我當令所時行菩提行淨除十千佛
土於中一切衆生行業結使滅如是
毒乃至一衆生所令無四魔道我當
如是淨立十千佛土如光明无塵上
身香月自在王如來紺香無塵世界
佛刹莊嚴我當自淨佛土及以眷屬
如師子香菩薩摩訶薩所願唯世尊
若如是意滿令十千佛土中一切衆
生衆苦除滅令得一切軟心隨作心
令彼各各自四天下見於諸佛彼諸衆
生種種衆寶種種華香末香塗香雜
衣頭舍幢麾幡蓋令自然在手令彼
衆生用供養諸佛發阿耨多羅三藐
三菩提心我以現莊嚴三昧力令已
目見適發是語如其所願志自得見

佛言善哉善哉善男子如汝普自立
淨佛土周匝淨十千佛土淨无量阿
僧祇衆生身意如是無量阿僧祇諸
佛世尊以如是無量阿僧祇供具而
供養之善男子是故字汝為普賢汝
普賢於當來世過一恒河沙數阿僧
祇二恒河沙阿僧祇餘少分在於北
方去此佛土過六十恒河沙數佛刹
有世界名智水淨德汝普賢當於其
中成阿耨多羅三藐三菩提号師子
奮迅金剛智如來應供正遍知乃至
佛世尊善男子今時普賢菩薩摩訶
薩五體礼如來足寶藏如來言
起善智樂調伏心於衆生所善堅擔
於結深河度衆生汝知炬妙世作佛
大乘悲分陀利經卷第三

癸卯歲高麗國大藏都監奉
勅彫造

大乘悲分陀利經卷第四

白

失三歲名今附奉錄

十千人授記品第十

善男子於今時十千懈怠者同發聲
言唯世尊我等欲於淨佛土中成如
來應供正遍知所謂世界普賢菩薩
行菩薩行所修淨處如是我等行六
波羅蜜滿於佛土遠成正覺善男子
寶藏如來亦復如是授彼十千懈怠
者記如普賢菩薩成阿耨多羅三藐
三菩提時汝等亦於周匝世界成阿
耨多羅三藐三菩提有千人同号智
熾鍾自在聲如來復有千人同号攝
自在師子音如來復有千人同号無
垢聲自在王如來復有千人同号除
恐懼音自在王如來復有千人同号
善无垢聲光曜自在王如來復有五
百人同号日明如來復有五百人同
号日藏自在王如來復七号龍雷如
來八号無畏稱王无垢光如來十号
無光音如來十一号稱自在聲開法
稱音如來九号德法稱王如來二十

号不可思議意王如來三号寶幢月

目録

自在照牟尼智自在墻微無味王不
可思議意智藏如來十五号智高幢
如來五十号智海王如來二号大精
進音自在王高德劫如來八十号智
無塵疾如來九十号自在種如來一
百号智善无垢雷自在如來八十号
非食德海王智集力王如來四十号
勝菩提自在王如來牟尼積疾華如
來積德智意如來金剛師子戒光音
如來賢上如來無量光明如來三師
子喜如來无盡智積寶光如來智無
垢如來智珊瑚如來二師子穠如來
通德王如來法華雨如來光踊高如
來法踊王无垢如來香自在如來無
来自智福德力如來智衣如來自在
如來阿僧祇饒益如來智積如來六
高如來力藏如來德沉如來枝華幢
如來照衆如來無癡德王如來金剛
上如來法勝如來聲帝王如來自執
金剛持寶如來自在踊幢止劫如來
樂雲法用婆羅王如來普德海王如

來智積如來智焰華如來衆世主自
在如來優曇鉢華金幢如來法幢雷
王如來栴檀善安隱起起勢如來幢寂
燈如來智起起勢如來堅幢滅如來法攝
如來降魔德焰如來闍那波羅沙睺
如來智燈如來安隱王如來智音如
來幢集如來金剛如來金剛曜如來
莊嚴王如來闍夜僧棄如來善安意
如來月王如來起吼王如來婆羅王
如來八十師子步如來五十那羅延
勝藏如來七十寶積德如來三十月
藏如來二十星宿稱如來三十德力
婆羅王如來九十軟音如來梵上堅
固如來復有十号香華勝稱王如來
七十光明圓月照王如來三十香華
上如來無量德海如來智上如來閻
浮影如來一百二德山幢如來師子
寂如來百一龍吼華曜王如來善香
種無我如來无量德曜王劫如來復
有千人同号捨法智龍王解脫覺世海
眼止如來應供正遍知汝等各於異
國一日同時當成阿耨多羅三藐三
菩提當壽十小劫汝等亦當同日入

無上涅槃後佛土正法七日皆滅彼
十千人五體稽首禮寶藏如來足寶
藏如來言

起汝等妙堅龍吼 當求習寂積善財
勤修六度莫懈怠 當為天人作導師

大乘悲分陀利經第九王子授記品第十一
善男子今時海濟婆羅門語第九王
子阿彌具略說彼白佛言我當如是
行菩薩行令十方恒河沙數世界中
恒河沙數現在住世諸佛世尊證我
行菩薩菩提行唯世尊如我今於佛
前發菩提心乃至成阿耨多羅三藐
三菩提於其中間行菩提行莫令心
悔乃至菩提際誓願堅固如說修行
不惱他心令我不生聲聞辟支佛心
令我心意不生愛欲不與眠睡傲慢
輕排誑惱疑惑共俱不與殺生偷盜
及非梵行妄語兩舌惡言綺語無明
掉動邪見嫉妬等俱无不敬法心亦
無離心我行菩薩行時乃至菩提際
莫令心有如是等法願我乃至菩提
際舉足下足心常念佛乃至菩提際
未曾不見佛不聞法不供養僧在所

生處常得出家常糞掃衣但三衣樹
下止常坐空閑處常乞食少欲知足
常說法言無染著語令我具足无量
辯才常不犯根罪不雜妄語非毀他
論常念於空為女說法常思惟空於
女人前不露齒笑不染相動手為人
說法我常於大乘菩薩有師事供養
之心我若從他聞法故意如師我常
恭敬沙門婆羅門尊重供養唯如來
前我不觀應與不應與而為布施我
於法施不生嫉妬心我以身命濟應
死者自以精進辦及衆物救厄衆生
我不說在家出家是非長短我常觀
察利養稱譽如火如毒如怨心常遠
避世尊若我乃至菩提際成就如世
尊前所立誓願者令我兩手中自然
輪寶千輻輞聲明焰具足阿彌具王
子適發言已如其所願輪即在手復
白佛言世尊若我乃至菩提際如是
意滿者令此輪寶往至五濁空佛土
中出是大聲如難陀跋難陀龍王之
聲一切佛土聲唱是言菩薩受記入
不妄念智唱修空不動境界法藏一

切衆生生其中者此法藏聲入彼耳
根適入耳已令彼衆生欲愛即滅瞋
恚愚癡吾我慳嫉皆滅令得思念佛
境界智發阿耨多羅三藐三菩提心
善男子阿彌具王子遣彼二輪其輪
甚速譬如諸佛如來神通如是往至
十方無量阿僧祇五濁空佛土中至
已為衆生唱菩薩受記入不妄念智
修空不動意界法藏其中一切衆生
此法藏音入耳根已一切欲愛乃至
心意嫉妬滅皆恚思念如佛境界智
發阿耨多羅三藐三菩提心須臾之
頃彼輪還來王子前往善男子余時
寶藏如來歎阿彌具王子言善哉善
哉善男子如汝行菩薩行所願甚善
遣此自然輪寶至彼五濁空佛土中
令多阿僧祇億那由他百千衆生住
無濁心无惱心勸以菩提善男子是
故字汝為無惱汝无惱當為世導汝
可取莊嚴佛土隨汝所欲阿彌具白
佛言世尊我求如是莊嚴佛土所謂
一切黃金為地平正如掌饒諸天寶
周遍其中令無瓦礫土石諸山地柔

軟觸猶劫波育足下則下舉足還復
其中令無地獄畜生餓鬼之名我佛
土无諸臭穢勝天妙香充滿其國令
天曼陀羅華周遍佛土令其中衆生
無有老病无相畏者無相惱亂令其
中衆生无有橫死死無悔恨无不入
三昧而命終者令其中衆生思惟念
佛而取命終終已不墮惡趣不生五
濁空佛土中乃至菩提般涅槃未常
不見佛不聞法不供養僧令其中衆
生少於愛欲瞋恚愚癡令其中一切
衆生修十善業令其佛土衆生无受
戒無犯悔名令其中衆生魔不得便
令其中衆生无諸醜陋使其其中衆生
無有貴賤分別使其其中衆生无我所
無所作令其中聲聞菩薩乃至夢中
無失不淨令其中一切衆生愛法求
法令其佛土无有一人異學倒見令
其中衆生身无疲懈心無勞倦使其
中一切衆生皆得五通使其其中衆生
无飢渴患隨所欲食充滿寶器而在
其前如欲界天令其中衆生無有屎
尿涕唾目淚身汗令其中无有寒熱

令其中香風軟觸以動人天隨意所欲有求涼風有求暖風有求優鉢羅香風有求木樞香風有求海此岸香有求多加羅香有求沉水香有求一切香風隨心所念悉皆令得令無如是五濁世界令其國中有七寶臺於彼臺中有七寶座重敷茵褥安置丹枕觸甚柔軟如劫波育人所住處令其寶臺周匝有池八功德水充滿其中彼諸衆生以此為用使其中諸樹行列須臾那莊嚴以種種華種種果種種香種種衣種種蓋種種瓔珞種種嚴具以莊嚴樹其中衆生隨所樂衣於如意樹上取而著之如是華乃至嚴具隨取服之我菩提樹令七寶成高千由旬其莖徑一由旬枝葉分布一千由旬微風來吹枝葉相鼓令出柔軟過天妙音謂波羅蜜神通根力覺道之聲其有聞者心得離欲令其佛土女人具諸功德譬如兜率天女又其中女人無諸臭穢不兩舌慳嫉妬使其男子不與女人觸身行欲彼生欲心往觀女人須臾之頃欲心

即滅生大慚愧而去令得淨無塵三昧以是三昧常離魔所終不更生欲心彼女人以欲心視男子已令即有胎適視已欲心俱滅如是男女處胎身心受樂譬如三十三天歡喜愛樂使其佛土男女處胎七日七夜如是受樂女人懷姙亦受是樂譬如比丘入第二禪彼處胎者不為不淨胎垢所汙於七日旦極香甚樂而得出生令彼女人不受苦痛俱入池浴令彼女人心即離欲得淨無塵三昧以是三昧令離魔事常入三昧先身所作業行因緣應多億劫受女人身令以是三昧得盡除却一切女身乃至菩提般涅槃更不復受又有衆生所作業行應過數劫常受胎苦我逮菩提時間我名号心生喜樂者於彼命終即來我國受胎衆生其中一切所作業行盡彼除滅乃至菩提際更不受胎生有衆生善根熟者令彼華中化生有少福德未種善根令彼胎生盡諸業行我國土中若為女人若復人胎令彼衆生一向受樂充滿令微風

吹須臾那多羅披帝樹出如是喜樂
之聲苦空無常无我之聲以是音聲
令其中人得然明三昧以是三昧令
彼衆生覺明深空令其佛土不出樂
欲之聲世尊我坐菩提樹下願須臾
之頃逮阿耨多羅三藐三菩提逮菩
提已令其佛土無日月光亦無有夜
惟以華合我當放如是光明遍照三
千大千佛土无不周至以是光照令
彼衆生得如是大明見十方無量阿
僧祇餘世界中現在住世諸佛世尊
我逮菩提時當以如是聲說法遍滿
三千大千佛土令其中衆生得念佛
心隨所住處經行坐卧及與迴轉令
彼一切常得見我隨所疑法適觀我
已疑惑盡除我逮菩提時於十方無
量阿僧祇佛土衆生若求聲聞乘若
求大乘者從我聞法令得深三昧忍
辱陀羅尼即住不退轉阿耨多羅三
藐三菩提令我聲聞僧衆無量无能
數者唯除如來我逮菩提時在所遊
行投足之處令有千葉金色蓮華我
遣彼華至空佛土彼華至已稱讚於

我彼諸衆生聞我名者即生喜樂令
彼衆生所有善根盡皆迴向求生我
國於彼命終皆得來生令我聲聞僧
無沙門垢无詬曲為令一切衆皆悉
如是令我眷屬貴重於法不貪財物
不重榮利樂於無常苦空无我勤修
精進敬佛樂法重比丘僧令其中不
退菩薩得入空意隨所生處常說般
若波羅蜜乃至菩提際令不忘失我
逮菩提時令住世十千大劫般涅槃
後正法住世千劫佛言善哉善哉大
夫取淨佛土汝阿閼於當來世過一
恒河沙數阿僧祇始入二恒河沙於
東方去此千佛土有世界名樂喜莊
嚴成就如汝所願汝當於中成阿耨
多羅三藐三菩提即名阿閼如來乃
至佛世尊阿閼白佛言世尊若我如
是意滿者於一切世界中衆生成陰
界入有形之類在衆生數者令彼一
切皆得慈心無怨心无濁心令彼身
意受樂譬如住十地菩薩入蓮華三
昧捨身得淨使一切衆生身意受樂
亦復如是如我五體礼世尊足時今

一切地皆作金色善男子彼阿閼菩
薩五體札寶藏如來足即時一切衆
生受如是樂如其所願彼一切地皆
作金色寶藏如來言

起住妙意無惱心 寶輪寂妙在汝手
多億衆生得悲心 汝當淨意為世尊
大乘悲分陀利經諸王子投記品第十三

善男子尔時海濟婆羅門語第十王
子尼摩尼略說王子尼摩尼其所立
願亦如阿閼唯世尊若我如是意滿
令一切衆生得念佛心令其手中皆
有海山岸栴檀之香令彼一切以是
妙香供養佛像佛言善哉善哉善男
子所願極妙汝能使一切衆生手中
皆有海山岸栴檀妙香發念佛心善
男子是故字汝為香手汝香手於當
來世過一恒河沙數阿僧祇二恒河
沙阿僧祇之餘阿閼如來般涅槃正
法滅已於後七日汝香手於彼世界
成阿耨多羅三藐三菩提号金華如
來應供正遍知乃至佛世尊香手白
佛言世尊若我如是意滿我五體礼
世尊足時令此園中周遍雨瞻蔔華

善男子。今時香手菩薩五體。禮寶藏如來。足時。尋遍園中。雨瞻蔔華。寶藏如來言。

起極妙德。意善香。雨瞻蔔華。周遍園。

汝當顯示。淨妙道。度多衆生。无畏岸。

善男子。今時海濟婆羅門。語第十一王子名師子。略說。即以寶幢上寶藏如來。如香手菩薩所願。無異寶藏如來言。善哉。善哉。善男子。是故。字汝為寶勝。於當來世。過一恒河沙數阿僧祇。二恒河沙數阿僧祇之餘。金華如來。般涅槃已。正法滅後。竟三劫樂喜世界。當名妙樂。汝當於中。成阿耨多羅三藐三菩提。号自在龍雷音如來。乃至佛世尊國土。莊嚴如阿閼佛土。無異寶勝。白佛言。世尊。若我如是。意滿者。禮佛足時。令一切衆生。得如是心。如菩薩住平等悲。三昧為饒益一切衆生。求菩提者。令不退轉。善男子。寶勝菩薩五體。禮寶藏如來。足時。一切衆生。得如是。意。謂諸衆生。得住悲心。善男子。今時寶藏如來。告寶勝菩薩言。

起勇善善意大丈夫 能因衆生立堅擔
安立多衆無塵心 於天世人當作佛
略說摩闍披等五百王子立如是願
取莊嚴佛土如虛空印菩薩所願取
淨佛土寶藏如來盡皆授阿耨多
羅三藐三菩提記汝等同時各異世
界當證阿耨多羅三藐三菩提復有
四百王子立如是願取莊嚴佛土如
斷金剛慧照明菩薩寶藏如來亦皆
授其阿耨多羅三藐三菩提記各異
世界復有八十九王子立如是願取
莊嚴佛土如普賢菩薩又彼八万四
千諸小國王皆立淨願各取莊嚴淨
佛國土寶藏如來悉皆受其阿耨多
羅三藐三菩提記各異世界俱逮菩
提如是九十二億衆生皆各立願所
修淨土寶藏如來亦盡授阿耨多羅
三藐三菩提記汝等同時各異世界
當逮阿耨多羅三藐三菩提
大乘悲分陀利經八十子受記品第十三
善男子時海濟婆羅門有八十子皆
是寶藏如來之弟其第一者名海自
在童真善男子尔時海濟婆羅門告

海自在曰今汝童真可取清淨莊嚴
佛土海自在言大師應先作師子吼
大師告言我所思願後乃說之彼即
白言我為取淨土取不淨耶大師告
言其有菩薩具大悲者取不淨土度
諸濁意倒見衆生汝童真自可知之
善男子時海自在童真至寶藏如來
前白佛言世尊我求阿耨多羅三藐
三菩提亦於如是八萬歲世人中證
妙菩提如今世尊願令衆生少於貪
欲瞋恚愚癡等畏能於生死以身為
患令於我所而得出家我亦當以三
乘為衆說法世尊若我如是意滿者
唯願世尊當授我阿耨多羅三藐三
菩提記寶藏佛言汝於來世過一恒
河沙數阿僧祇始入二恒河沙數阿
僧祇於散華劫時此佛土四天下當
名妙勝於八萬歲人中當遠菩提号
寶積如來乃至佛世尊白佛言世尊
若我如是意滿者令遍此園雨赤真
珠一切樹上出五樂音善男子海自
在童真五體札寶藏如來足時遍於
園中雨赤真珠一切樹上出五樂音

寶藏如來言

起大勢力無盡慧 慈心衆庶愍傷仙
所求當滿淨衆生 為群黎故世成佛
婆羅門第二子名曰成就彼作是言
如海自在所可立願我亦如是略說
寶藏佛言汝童真亦於散華劫妙勝
佛土中四天下於八万歲世人中汝
當成佛号照明華如來乃至佛世尊
略告第三言汝於二千歲人中當逮
菩提号月持王如來乃至佛世尊略
說授記湏摩那如來山王如來割眼
如來梵上如來閻浮影如來滿如來
高如來寶山如來海藏如來那羅延
如來尸軀那牟居如來牟居主如來
憍陳如如來師子步如來智幢如來
佛聲如來寂勝如來開化如來饒益
如來慧明如來帝主如來寂慧如來
作喜如來無怒王如來金銀如來摩
醯覩如來日喜如來寶鬘如來善明
如來背摩如來善喜如來梵征如來
吼如來法月如來現議如來稱喜如
來稱上如來端正香如來四妙根如
來須臾閻覩如來適遠如來善意如

來妙乘慧如來金幢如來善目如來
天淨如來淨道如來善現如來乘幢
如來毗樓波叉如來梵音如來德聚
如來德無塵如來摩尼光如來焰氣
如來釋迦牟尼如來音自在如來
成如來軍尊如來華成如來等華如
來無惱如來日藏如來樂自在如來
月如來龍齒如來金剛照如來稱王
如來常光如來勝光如來薩泥耆如
來智成如來香自在如來婆羅主如
來那羅延藏如來月藏如來善男子
其大師軍後幼子名無恐畏彼白寶
藏如來言世尊授此七十九童真記
於散華劫成阿耨多羅三藐三菩提
世尊我當發阿耨多羅三藐三菩提
心盡散華劫世尊令我軍後證妙菩
提如彼七十九佛壽命令我逮菩提
時授獨與等如彼所度願我亦等彼
三乘化我亦當說三乘之法如彼所
有聲聞僧數我得佛時聲聞亦等如
彼七十九佛出世於散華劫所有衆
生得受人形半劫盡時我逮阿耨多
羅三藐三菩提我當使彼一切衆生

住於三乘世尊若我如是意滿者
佛當授我阿耨多羅三藐三菩提記
善男子尔時寶藏如來讚无恐懼言
善哉善哉善男子汝能為過數衆生
大悲饒益汝於來世過一恒河沙數
阿僧祇入二恒河沙數阿僧祇散華
劫半盡時汝當寂後成阿耨多羅三
藐三菩提号無上勇王如來乃至佛
世尊如彼七十九佛共壽半劫汝當
獨壽半劫乃至如汝所願志皆當成
彼白佛言世尊若我如意滿者五體
礼世尊足時令此佛土普雨青蓮華
極妙甚香其有衆生聞是香氣四大
調和衆病皆愈善男子如無恐懼童
真五體礼寶藏如來足應時一切佛
土雨青蓮華衆生聞香彼一切四大
調和衆病皆愈寶藏如來言

起習大悲善調心 多妙世尊皆敬汝
諂結慳結如能斷 當得淨妙智慧藏
大乘非舍陀利經三億少童子受記品第十四

善男子時海濟婆羅門三億弟子謂
在園門坐有人來為我三歸勸以善
提者善男子尔時海濟婆羅門告諸

弟子言汝等童子可發阿耨多羅三
藐三菩提心各隨所欲而取佛土在
如來前隨意發願其弟子中有一童
子名日月忍彼白師言是道云何當
積何德修何行作何念而得菩提大
師告曰童子菩薩具四無量藏得逮
菩提何謂為四具無盡福藏具無盡
智藏具無盡慧藏具無盡一切佛法
藏是名具足四無盡藏善男子如來
說如是菩提道名總集淨德度生死
法門菩薩具足行施為度衆生故菩
薩具足持戒為滿願故菩薩具足忍
辱成相好故菩薩具足精進以辦衆
事故菩薩具足禪以調心故菩薩具
足慧以滅諸結故菩薩具足聞為阿
僧祇辯才故菩薩具足功德潤益一
切衆生故菩薩具足智為阿僧祇智
故菩薩具足止隨心作故菩薩具足
觀為除疑惑故菩薩具足慈為心無
尋故菩薩具足悲為度化无疲厭故
菩薩具足喜為樂法喜故菩薩具足
捨為除愛憎故菩薩具足摩沙門為
除障導故菩薩具足出家為捨一切

有為故菩薩具足閑居為滅不善業
修益善業故菩薩具足念為得持故
菩薩具足意為覺深解故菩薩具足
強志為覺義故菩薩具足念處為觀
身受心法故菩薩具足正捨為捨一
切不善法修滿一切善故菩薩具足
神通為輕身心故菩薩具足根為滿
攝根故菩薩具足力為伏一切結使
故菩薩具足覺分為覺實法故菩薩具
足六和敬法為淨應度者心故童子
是名捨具足淨度生死法門彼白師
言聞世尊說布施得大富饒益諸眷
屬持戒得生天多聞得大慧世尊說修
淨為度生死故大師告曰童子有樂
生死施者如汝所說童子善男子善
女人信菩提道施者為調伏心故持
戒為滅心故求聞為除心濁故修悲
為大悲心故餘法以智慧方便具足
集行童子此是菩提道具足集如是
德如是修如是念乃逮菩提諸童子
菩提道行如是諸童子可求菩提諸
童子菩提道淨應至意立願必當得
滿諸童子菩提道淨以意淨故諸童

子善提道直淨除諸結無諂偽故諸童子善提道乃至安隱無上涅槃際故是故汝等今可立願隨取嚴淨不淨佛土善男子尔時月忍童子至寶藏如來前右膝著地叉手合掌而白佛言世尊我今欲發阿耨多羅三藐三菩提心於此濁佛土中衆生少於貪欲瞋恚愚癡无忘失無濁心无怨心無慳嫉心无邪見心住正見心無不善心常求善心无三惡趣心求人天心集三福地善根心求三乘心我當於是中成阿耨多羅三藐三菩提世尊若我如意滿者令我兩手有自然龍爲適發言已蒙佛神力於兩手中自有自然龍爲其身純白七支具足躬自目見而告之曰汝二龍爲上昇虛空周遍此土降極香妙八功德雨覺此佛土一切衆生令此雨沛觸衆生身有聞香者令除五蓋謂愛瞋掉悔疑適發是言彼二龍爲即昇虛空如是健速如大力士放箭甚疾彼二龍爲如向所說事訖而還在其前立善男子尔時月忍童子極大歡喜時

寶藏如來告彼言汝善男子於當來
世過一恒河沙數阿僧祇始入二恒
河沙阿僧祇於照明劫明集佛土此
四天下汝當成佛号寶蓋勇光如來
乃至佛世尊善男子尔時月忍菩薩
五體札寶藏如來足寶藏言

起汝无塵心甚淨 汝授多億衆生記
淨治菩提軍妙道 汝當得仙導衆生
略說千人不滿三億童子於此佛土
立阿耨多羅三藐三菩提願寶藏如
來皆授彼記其軍後者名毗波尸如
來式棄如來鞞尸羅披如來是授童
子記也

大乘悲分陀利經千童子受記品第十五

彼千童子皆通四鞞陀其軍大者師
而事之名披由毗師紐彼言我欲於
彼五濁佛土證阿耨多羅三藐三菩
提為極重貪欲瞋恚愚癡諸結衆生
而說法月鵲童子白大師言此披由
毗師紐見何等事乃能立願於五濁
佛土大師告曰童子有大悲菩薩彼
於五濁佛土而逮菩提無救无趣困
於諸結邪見之厄為此衆生作救趣

饒益故於生死海度斯等類令住正見以涅槃甘露之味充滿衆生此現菩薩大悲立願於五濁佛土者時寶藏如來言汝披由毗師紐於當來世過一恒河沙數阿僧祇二恒河沙數阿僧祇之餘於東方過佛土微塵數佛刹有世界名結使幢汝善丈夫於中當成阿耨多羅三藐三菩提号主山王如來乃至佛世尊披由毗師紐白佛言礼世尊足時唯願世尊當以百福莊嚴兩手摩我頂上善男子如披由毗師紐童子頭面礼世尊足時寶藏如來即以兩手摩披由毗師紐菩薩頂而告之曰

起大悲意深智慧 汝為菩提修妙行
結縛甚堅強力斷 汝當成佛饒益世
善男子尔時月勝童子向寶藏如來
右膝著地而白佛言世尊我欲發阿
耨多羅三藐三菩提心於此佛土貪
欲瞋恚愚癡等分心衆生不住諸善
惡心衆生於四万歲世人中我當成
阿耨多羅三藐三菩提寶藏佛言汝
於來世過一恒河沙數阿僧祇二恒

河沙之餘有世界當名娑訶何故名
娑訶其中衆生忍樂貪欲瞋恚愚癡
一切結縛皆恚忍故以是因緣名曰
娑訶時有大劫名賢何故名賢於此
劫行貪欲瞋恚愚癡吾我衆生中當
有千大悲佛婆伽婆於中出故汝善
丈夫始入賢劫於四万歲世人中當
先成阿耨多羅三藐三菩提号迦羅
迦孫默如來乃至佛世尊當以三乘
說法有過數衆生為生老病死駛河
所漂汝當度著涅槃彼岸善男子尔
時月嬋菩薩五體礼寶藏如來足却
坐一面善男子尔時第二童子名曰
欽婆羅前白寶藏如來言世尊我欲
次迦羅迦孫默如來後於三万歲世
人中當成佛寶藏佛言汝童子於當
來世過一恒河沙數阿僧祇二恒河
沙阿僧祇之餘於娑訶國土適入賢
劫次迦羅迦孫默如來後於三万歲
世人中當得成佛号迦那迦牟尼如
來應供正遍知乃至佛世尊名禰流
布彼於世尊所聞授記已頭面礼足
起遶三匝於寶藏如來前以華散佛

又手合掌以偈讚曰

分臨判經卷第四

第三十五張

白素

善集和合巧次第

無失濁亂淨妙稱

意極高廣諸仙尊

說菩提道如大燠

興人德自百福滿

施寂樂道繞結山

牟尼所為無過者

授多衆生菩提記

善男子今時童子名厚攝以七寶牀

著寶藏如來前價直百千兩金敷以

所宜置之金鉢盛滿七寶以金澡盥

并七寶牀施佛及僧而白佛言世尊

我欲於來世過一恒河沙數阿僧祇

二恒河沙數之餘於彼賢劫成如來

應供正遍知衆善成時惡世瑞現衆

生住重貪欲瞋恚愚癡慳嫉依惡知

識邪見衆生常樂親近不善根心離

善根心無正見心邪命亂心迦那迦

牟尼如來般涅槃已正法滅後衆生

盲冥世無導師二萬歲世人中我當

成阿耨多羅三藐三菩提善男子時

寶藏如來告厚攝曰善哉善哉婆羅

門汝善丈夫具大明智惡世人中瑞

應出時乃至二萬歲世人中盲无導

師於中立願是故善丈夫字汝為明

智悲意汝明智悲意於當來世過一

恒河沙數阿僧祇二恒河沙之餘即
於此娑訶世界在賢劫二万歲世人
中當得成佛号迦葉如來乃至佛世
尊善男子尔時明智悲意菩薩五體
礼寶藏如來足於一面立以華鬘香
末散寶藏如來以偈讚曰

人尊多聞蓋 皆生喜樂意 以巧妙善語
善智慶人天 授多衆生記 於十方作佛
神通智意等 佛法無稱量 尊現菩提行
故我稽首礼

善男子尔時海濟婆羅門覺悟第四
童子名無垢意善男子尔時无垢意
童子前白寶藏如來言我欲如是於
此土賢劫中求菩提以不如是惡世
迦葉如來般涅槃後正法滅已於万
歲世人中衆生布施持戒修定心意
轉之於七財敬惡知識以之為師心
不樂求於三福地亦不樂修三善之
業反樂為三不善惡業以諸結使闇
亂心故不欲樂求三乘之道於當尔
時尚無能辦菩提行者况復千歲世
人乃至百歲尔時衆生無有善名况
行善者是五濁世壽命轉減乃至十

歲刀兵劫起即於此時我當從天上
下拔濟衆生使捨不善為說善法令
彼衆生住十善業以諸善業除衆生
結亦除五濁乃至世人壽八万歲我
乃於中成阿耨多羅三藐三菩提為
少貪欲瞋恚愚癡無明怪嫉衆生說
法令住三乘世尊若我如是意滿者
世尊應授我阿耨多羅三藐三菩提
記世尊設我不得如是授記我當求
聲聞地若辟支佛速脫生死寶藏如
來言婆羅門菩薩有四懈怠地若有
菩薩具此懈怠者久樂生死為見所
誤受生死苦不速逮阿耨多羅三藐
三菩提何謂為四或有菩薩卑賤威
儀卑賤同學卑賤分施卑賤立願何
謂菩薩卑賤威儀或有菩薩破身口
意或不攝威儀與學聲聞緣覺者俱
不一切施不一切處施求人天福樂
施不至意立願莊嚴佛土為度衆生
具四法懈怠菩薩久受生死之苦不
速逮阿耨多羅三藐三菩提有菩薩
具四法速成阿耨多羅三藐三菩提
何謂為四護持身口意或常親近大

衆學人一切施一切處施為脫一切
衆生苦故發悲心施至意立願莊嚴
佛土為度衆生故是為四法菩薩行
是速成阿耨多羅三藐三菩提復有
四法菩薩具足攝菩提道何謂為四
勤行波羅蜜施攝衆生修辦諸禪遊
戲神通是為四復有四無厭法菩薩
應具施無厭聞法無厭攝衆生無厭
願無厭是為四復有四無盡藏菩薩
應滿信無盡藏菩薩應滿說法無盡
藏菩薩應滿迴向無盡藏菩薩應滿
濟窮厄衆生無盡藏菩薩應滿是為
四復有四淨菩薩應具無我戒淨无
衆生三昧淨無命慧淨无入解脫知
見淨是為四法菩薩應具菩薩以是
速成阿耨多羅三藐三菩提轉虛空
輪不可思議輪無稱量无我輪無言
說輪假現輪厭患輪轉未曾輪汝无
垢意於當來世過一恒河沙數阿僧
祇於二恒河沙阿僧祇餘入賢劫未
久五濁以除其壽轉增至八万歲人
中汝當得逮阿耨多羅三藐三菩提
号弥勒如来乃至佛世尊時無垢意

婆羅門五體札寶藏如來足已於一面
住以華鬘秣香供養世尊以偈讚曰
尊面如滿月 白毫相如雪 身淨如金山
誰不願牟尼 雄猛如獸王 無量德照世
光明普周遍 今授我佛記

大師海濟婆羅門勸彼一千人少一
童子通四韋陀得發菩提所謂迦羅迦
孫默迦那迦牟尼迦葉弥勒子照等
千人少二童子通四韋陀彼一切立
阿耨多羅三藐三菩提願於此賢劫
寶藏如來彼一切阿耨多羅三藐三
菩提記於賢劫中其寂小者大師覺
之咄持大力何以久觀汝摩訶薩捨
餘意想為衆生故可發大悲以偈
告曰

衆生老病死 沒於愛流河 處在三界畏
受胎之微形 飲結毒相害 曠野苦燒煮
癡盲失善道 為生死所逼 三界苦熾然
皆住於邪見 一切在五道 譬如車輪轉
衆生愚法眼 念無救衆生 修慧除疑惑
今可求菩提 為世渴愛河 作衆生橋梁
解世結縛故 心迴向菩提 除癡開法眼
施以無上道 生死三界然 充之以法味

速可詣饒益頂礼半足可立寂堅願
為佛世導師慰喻諸群生曠野濟衆庶
施妙解脫道根力及覺分為求雨法雨
以滅衆生苦

善男子時持大力童子白言大師我不樂生死樂求尊德又復不求聲聞
辟支佛乘欲求無上乘我觀所化處
待時立願大師是故我住思惟至今
師待須臾聽我師子吼時善男子尔
時海濟婆羅門捨彼而還告其弟子
五婆羅門常給侍者汝諸童子可發
阿耨多羅三藐三菩提心彼白師言
我等無財寶物可供養佛及比丘僧
我等云何未種善根發菩提心善男
子尔時國大師告其弟子一名迦羅
浮殊即與七寶耳璫二名他羅浮殊
亦與七寶耳璫第三名闍羅浮殊與
七寶牀第四名佉伽浮殊與七寶杖
第五名婆羅浮殊與純金澡盥而告
之曰汝等可以此物供養佛及比丘
僧發阿耨多羅三藐三菩提心時五
給侍進詣世尊各以所賣施佛及僧
已而白佛言唯願世尊授我等阿耨

多羅三藐三菩提記於彼賢劫我等
於中當成无上正真之道略說善男
子時寶藏如來即與迦羅浮殊童子
授菩提記於賢劫中當名堅音如來
次後他羅浮殊當名樂相意如來次
後闍羅浮殊當名商導如來次後佉
伽浮殊當名愛清如來次後娑羅浮
殊童子當名清業王如來佛適授
彼五童子記於賢劫已時大師重告
持大力言汝持大力於世尊所今可
立願取莊嚴佛土隨意所欲以法味
謂一切衆生堅固精進行菩薩行莫
復久觀自執其僻將至佛所善男子
彼時持大力童子住世尊前而白佛
言世尊於當來世後賢劫中當有幾
牟尼曰出現於世寶藏如來言童子
於半賢劫當有千四牟尼曰出現於
世童子白佛言世尊於彼賢劫乃至
千三牟尼曰般涅槃已其寂後娑羅
浮殊童子當成阿耨多羅三藐三菩
提名青葉王如來我當於今所時
行菩提行難行苦行布施持戒修定
多聞精進忍辱隨福德智慧我當具

滿於彼賢劫一切成佛未久我先施
供養彼般涅槃後如舍利法供養舍
利護持正法之戒衆生勸令持戒使
住其中少見困厄衆生勸令正見使
住其中少意衆生勸住正意无威儀
者令住威儀當為衆生示現種種若
于善行彼諸佛世尊涅槃未久我當
復正法眼正法攝正法興正法燈熾
然於世刀兵劫時我當勸化衆生使
住不殺乃至正見以十善業於邪逕
路拔出衆生著善道中除彼惡行闇
冥開示善行法劫濁乃至命見結衆
生獨世我當滅除飢饉劫時我當勸
化衆生行檀波羅蜜令住其中我以
六波羅蜜除滅一切飢饉之劫濁亂
闇諍及與怨嫉於衆生所除滅結垢
疾疫劫時我當以六和敬四攝法勸化
衆生令住其中除滅衆生疾疫闇冥
乃至滅結一切娑呵佛土半賢劫中
如是救濟衆生困厄千四世尊出現
涅槃彼一切正法滅已於賢劫中然
後我當成阿耨多羅三藐三菩提如
彼賢劫千四諸佛壽命限量我逮善

提已壽命與等如彼所有聲聞僧數
我聲聞衆亦當與等如彼半劫千四
如來所度衆生獨我與等彼諸佛世
尊學聲聞者設違失戒墜邪見林不
敬諸佛多憎嫉心惡心害心伺求法
僧失心過心誹謗賢聖非毀正法作
無間業者願我逮菩提時於生死中
拔彼一切安置无畏涅槃城中乃至
我般涅槃隨正法幾時滅賢劫俱盡
我正法滅賢劫盡已當令我齒及身
舍利變成無量阿僧祇化佛具足三
十二大人之相以莊嚴身令一一相
八十種好而自莊嚴令諸化佛往至
十方無量阿僧祇无佛之國令一一化
佛勸彼無量阿僧祇衆生使住三乘
其有佛土為灾劫所壞令彼化佛往
至其中救濟衆生如前所說然後令
成如意摩居於諸佛土若有衆生乏
无珍寶到彼諸國如意雨寶示現伏
藏又餘佛土衆生慙諸善業為病所
困亦到於彼令南海此岸牛頭栴檀
香令彼香雨滅除衆生結病身患及
興見困令彼衆生勤三福地得生天

上世尊我行菩薩行時欲以如是濟
度衆生我逮菩提時如是作佛事我
般涅槃後亦令如是無量無邊諸佛
土中救濟衆生世尊若我如是不
滿不為衆生能作良藥而救濟者令
我礼佛已不見十方無量無邊世界
中現在住世說法諸佛今日世尊不
授我阿耨多羅三藐三菩提記又今
世尊所授多億衆生阿耨多羅三藐
三菩提記令我亦不見彼諸佛世尊
不聞菩提聲若如是意不滿者令我
流轉生死不聞佛聲法聲僧聲不聞
善業聲令此諸聲不經我耳令我常
在阿鼻地獄寶藏如來告持大力童
子言善哉善哉善丈夫汝當為衆生
作善良藥脫諸苦難善丈夫是故字
汝為无垢明藥王汝無垢明藥王於
當來世過一恒河沙數阿僧祇二恒
河沙數阿僧祇之餘於賢劫中千四
如來成佛未久汝先供養乃至如汝
立願青葉轉王如來般涅槃已正法
滅後汝當成阿耨多羅三藐三菩提
号曰樓至如來乃至佛世尊壽命半

劫如彼賢劫千四諸佛聲聞僧數汝
聲聞衆獨與彼等所度衆生亦復與
等般涅槃後正法滅時賢劫俱盡如
是汝齒及以舍利成諸化佛如是乃
至無佛國中雨栴檀香除彼結病見
困身患安置衆生著三福地皆得生
天善男子尔時無垢明藥王菩薩白
佛言世尊若我如是意得滿者唯願
世尊以百福莊嚴相足著我頂上善
男子時寶藏如來即以百福莊嚴相
足以摩其頂善男子時無垢明藥王
菩薩心大歡喜意甚踊躍五體投地
礼寶藏如來足已却住一面時海濟
婆羅門以天劫波育衣與之讚言善
哉善哉丈夫所願甚善自今已後勿
為我使隨意所欲

大乘悲分陀利經卷第四

壬寅歲高麗國大藏都監奉

勅彫造

大乘悲分陀利經卷第五

白

失三藏名今附秦錄

大師立願品第十六

善男子今時海濱婆羅門心生是念
我已勸化多億那由他百千衆生於
阿耨多羅三藐三菩提今此大衆無
不是者此諸摩訶薩各立妙願取淨
佛土唯除披由毗師紐賢劫中者彼
亦避惡世我念應惡世中以法味諸
衆生我應堅固勇猛應以如是作師
子吼令此一切菩薩大衆得未曾有
又令一切大衆天龍夜叉乾闥婆阿
修羅及世人皆合掌禮恭敬於我令
佛世尊讚我善哉并授我記又於十
方無量无邊阿僧祇世界中現在住
世為衆生說法諸佛世尊我師子吼
時令彼諸佛讚我善哉亦授我阿耨
多羅三藐三菩提記今彼遣使慰喻
於我令此大衆聞見彼使我當於中
為後世具大悲菩薩安立願眼令後時
乃至我逮菩提聞我願者令彼亦得
極未曾有復於後時菩薩具大悲者

令彼如是於濁佛刹大惡世時願取
菩提妙法闇冥結病漂者令救濟之
而作佛事為衆生說法乃至我般涅槃
後過不可思議不可稱量無邊佛
刹中諸佛世尊皆於菩薩衆前稱譽
讚歎我為諸菩薩說我願眼令彼菩
薩受大悲力聞我願者得未曾有亦
於衆生發起大悲令彼如是取菩提
願如我今日取願無異彼亦如是濁
刹中成三菩提於四漂浪濟脫羣萌
以三乘法化度衆生乃至著涅槃道
善男子今時國大師海濟婆羅門具
修如是大悲願已整衣服偏袒右肩
詣寶藏如來所即於今時多億那由
他百千諸天於虛空中作億天樂雨
衆天花同聲讚言善哉善哉丈夫至
世尊所今取妙願以智慧水滅世界
衆生煩惱苦結一切大衆合掌向之
同聲讚言善哉善哉妙達智慧饒益
我等妙意堅願我等欲聞時大師至
世尊所右膝著地時三千大千耐提
蘭佛刹六種震動極大震動悉極傾
搖岨峨踊沒鐘鈴鼗鼓自然而鳴禽

獸衆鳥出柔軟音世界枯樹皆生花
業於此三千大千世界地住鬼神有
勸善提有未勸者除地獄餓鬼種
種畜生彼一切得饒益心善心無怨
嫉心無濁心慈心未曾有心皆得充
滿有衆因空住者彼於虛空意得歡
喜以諸雜花鬘香音雜寶幡蓋及以
幢麾衣被頭舍以柔軟聲為聞婆羅
門願故以用供養乃至阿迦尼吒際
諸天盡下閻浮提住虛空中持諸天
香乃至頭舍為聽婆羅門願故以用
供養今時婆羅門又手合掌以偈讚
歎寶藏如來言

尊遊三昧如梵王 顏色從容猶帝釋
施與錢財如國主 持取妙寶若仙尊
德濡吼音如師子 堅固不動喻須弥
無有怒恚如大海 含忍好惡等如地
除一切垢如大水 燒諸結林如仙火
無所染著猶疾風 開現真實如大天
牟尼澍法如龍雨 充濟世間猶時澤
降伏外道如論師 仙放德香如妙花
妙聲柔軟如梵王 治世脫苦如良醫
心住平等如慈母 常攝衆生喻如父

破諸堅忍如金剛

斷恩愛枝如神劍

濟度衆生如船師

施人智慧如牟尼

施涼光如牟尼月

開敷人花猶如日

施四上果如妙樹

仙衆圍繞如鳥王

尊意甚廣如大海

等心於世猶草木

觀諸法性如空捲

尊等隨世譬如水

佛授多衆菩提記

持寂妙相善大悲

我化衆生多无量

願今授我菩提記

於濁結怨世成佛

安置衆生靜寂道

善男子國大師海濟婆羅門以是偶

讚寶藏如來已即時一切大衆天龍

夜叉乾闥婆世人歎言善哉時國大

師白佛言世尊我勸化多億那由他

百千衆生於阿耨多羅三藐三菩提

彼各各觀已而受妙土取清淨意種

諸善根易化衆生此千四月歸等通

四鞞陀羅如來所可授賢劫中記者

彼諸丈夫亦以三乘教化貪欲瞋恚

愚癡吾我衆生彼等亦捨重結煩惱

惡世棄無間業誹謗正法非毀賢聖

住於邪見之聖七財不知父母不識

沙門不別婆羅門不知作恩不知福

德不畏後世不求三善天人之德造

三不善之十惡業為一切善知識所棄為一切慧人所譏為三界煩惱駛水所漂沒在生死灰河燒煮癡冥所弊離諸善業棄彼衆生置無佛國離諸善根集不善根困於邪道處大曠野當今之時娑訶世界賢劫中人轉壽千歲為此智慧諸善丈夫之所棄捨當於今時為三界生死因緣所逼無投无趣無所歸依苦器所困捨此衆生各取妙土易化淨意種諸善根精進不懈以曾親近供養多佛而濟化之世尊如是不耶寶藏如來而告之言如是如是婆羅門隨彼衆生立願所取佛土莊嚴我亦如是授彼等記婆羅門白言世尊我心振搖如芭蕉葉意甚憂慮舉身嗒然世尊是一切大菩薩皆發大悲然棄彼時惡世熾盛衆生處在闇昧之中皆之所棄世尊我亦於當來世過一恒河沙數阿僧祇二恒河沙阿僧祇三恒河沙阿僧祇之餘於賢劫中待世人壽千歲時我能於今所時處在生死行菩提行我能不以願力取度衆生當行

六波羅蜜而取化度曾從佛聞能捨
物施是檀波羅蜜我當如是行檀波
羅蜜在所生處有來求者我當如是
施之所謂飲食法闍補闍螺夜梨舍
衣服卧具園林房舍璫飾塗香隨病
與藥幢幡麾蓋錢財爲馬車乘金銀
雜寶摩尼真珠琉璃環及車渠馬瑙
珊瑚琥珀玫瑰并及餘寶悲念衆生
以歡喜施如是等物度衆生故不望
果報爲攝度衆生故具足施興復有
衆生求極難捨我當與之所謂奴婢
聚落城邑宮殿王位妻妾男女及與
手足眼耳鼻舌皮膚血肉骨髓身命
乃至求頭悲念衆生以極歡喜如是
施與不求果報爲攝度故我當如是
行檀波羅蜜先未曾有菩薩行阿耨
多羅三藐三菩提行能如是行檀波
羅蜜者後亦無有菩薩行阿耨多羅
三藐三菩提行能如是大施如我在
所生處無量阿僧祇億那由他百千
劫中行阿耨多羅三藐三菩提行行
檀波羅蜜我當爲後具大悲菩薩安
立施眼功德光思惟諸結是尸羅波

羅蜜我當如是行阿耨多羅三藐三
菩提行種種持戒我行无上難行苦
行如前所說於境界不墮落觀我無
我故是羣提波羅蜜我當如是修行
羣提如前所說又獸患諸有為一切
無為靜寂行无上而不退是毗梨耶
波羅蜜於一切作捨行空等是禪那
波羅蜜如性无生法忍是般若波羅
蜜我當如是堅固勇力無量阿僧祇
億那由他百千劫中行般若波羅蜜
先無菩薩行阿耨多羅三藐三菩提
行有能如是堅固勇力行般若波羅
蜜者後亦无菩薩行阿耨多羅三藐
三菩提行有能如是堅固勇力行般
若波羅蜜如我所行為後時具大悲
諸菩薩安立慧功德眼我初發心為
後菩薩示現大悲乃至无上般涅槃
彼諸菩薩得未曾有是故我不輕行
施戒無依忍无想進無住禪无著慧
无二我不求果報衆生之聖七財捨
棄彼一切衆置无佛土中作無間業
謗正法毀賢聖盡皆邪見集不善根
墜在曠野為此邪道所困衆生故我

以極勇猛力行波羅塞一一衆生所
為置善根種故於十大劫能受阿鼻
地獄苦痛如是畜生餓鬼夜叉貧窮
人中貧窮能忍斯苦如一切衆生所
置善根種我當如是攝度空倦心意
焦枯衆生乃至賢劫之際我不求人
天榮利之福唯除一生補處在兜率
天待成菩提時我於今所時生死中
親近佛土微塵數諸佛以佛土微塵
數種種供具供養一一諸佛於一一
佛所得佛土微塵數功德佛土微塵
數衆生勸以菩提辟支佛乘聲聞乘
亦如是隨其所欲我以如是而勸化
之若世無佛我作仙人以諸善業化
彼衆生令住神通因於邪見奉事摩
醯首羅天者即現摩醯首羅天勸以
善業現那羅延日月乃至現梵天形
勸以善法或現迦樓羅勸迦樓羅鳥
修諸善行乃至現為兔形飢渴衆生
以身肉血而充濟之以已身命救彼
一切急厄衆生世尊我當於今所時
以極勇力修諸難行為心意焦枯乏
善根者我於今時所為衆生故受於生

死種種苦切乃至過一恒河沙數阿僧祇二恒河沙阿僧祇之餘始入賢劫中如月鵝童子成阿耨多羅三藐三菩提号迦羅迦孫陀如来令我今時以聖慧眼見於十方各千佛土微塵數世界中已轉法輪現在住世諸佛世尊是我先所勸化心意焦枯集不善根乏聖七財為一切所棄在空佛土作无間業誹謗正法非毀賢聖乃至邪道所因處大曠野者我先為彼衆生讚歎阿耨多羅三藐三菩提勸以阿耨多羅三藐三菩提令住其中者彼衆生是我先所勸化住檀波羅蜜乃至般若波羅蜜者彼衆生是我置无上涅槃善根種者拔出惡趣者使立具智慧福德將至現在住世諸佛世尊所得授阿耨多羅三藐三菩提記者得三昧陀羅尼忍辱者得登地者彼衆生是我先所勸化教使立願取莊嚴佛土隨彼所欲取莊嚴佛土者我今時始入賢劫迦羅迦孫陀聖日出時令我見於十方各千佛土微塵數世界中現在住世為衆生說

法諸佛世尊迦羅迦孫陀如來應供
正遍知成佛未久我當往詣其所以
種種供具而供養之諮請問難出家
修戒多聞三昧說法第一唯除如來
於彼時心意焦枯衆生集不善根沒
邪見道作无間業乃至邪道所困曠
野衆生我當攝度而為說法聖日沒
後我當具作佛事如是迦那迦牟尼
迦葉成佛未久往至其所乃至具作
佛事展轉乃至千歲世人以三福地
安立衆生過是已往上生天上為天
說法而攝度之乃至衆生百二十歲
極甚愚癡憍傲恃色自倚種族昏濁
无識多懷嫉恚處在五濁闇冥是諸
衆生貪欲瞋恚愚癡甚重憍慢嫉妬
染著非法非法自治邪見倒見之聖
七財非母非父非沙門非婆羅門不
知作恩不作福德不畏後世不修三
福地不求三乘不修三善業修三惡
業不修十善業樂修十不善為四顛
倒所困住四迴轉隨順四魔四病河
所漂常隨五蓋六情昏愚沒在八邪
曠野恒起諸使不求天人福德為倒

見邪道所困作无間業誹謗正法誹
毀賢聖離諸善根剛強麤獷不知恩
分若有所作尋即忘失見修善者惡
心譏謗淺慧少聞多忘諸根不具羸瘦
少力衣服乏短親惡知識胎中妄念
衆病所困顔色醜惡不顧前後無有
慚愧更想恐怖一小食頃身口意行
多作惡業以是為貴衆生常見斷見
著五陰心貪五欲心喜心掉心怨心
欺心濁心慮心恚心不調心不執心
不柔伏心著非法心無住心相求心
散亂心更相害心離法心無報心計
有法心滅善心不生善心不求涅槃
靜心不知應供養心集一切使縛心
老病死无因緣心受諸煩惱心執一
切障導心毀法幢心豎見幢心更相
訾毀心共相食取心自貴心困他心
嫉妬熾盛心共相煞心貪欲無厭心
嫉他一切所有心无恩分心盜竊心
邪淫心欺調心無願心是時衆生无不
爾者於中展轉相從聞如是聲所謂
地獄聲畜生聲餓鬼聲病聲老聲死
聲害聲難聲陰使他國聲枷鎖杻械

繫閉聲拷楚聲說是非聲罵詈聲穿
鑿聲壞衆聲竊盜聲軍馬聲飢饉聲
貪欲邪淫聲妄語聲癡狂聲綺語聲
惡口聲兩舌聲嫉妬聲出內積聚聲
鬭諍聲吾我聲愛憎聲愛不愛聲愛
別離怨憎會聲販賣聲迭相鬻賣聲
處胎聲臭穢聲寒聲熱聲飢聲渴聲
疲乏聲疾痛聲種種聲憂種種業聲
種種苦逼聲種種疾疫聲衆生展轉
相從聞如是聲有四十五如是之無
善根甚善知識惡心衆生今時充滿
娑訶世界諸衆生為一切薩婆若所
棄處無佛刹謂无布施持戒修定無
善業集諸不善法我當以八分聖道
度生死海置無畏城今時衆生緣惡
業重故娑訶佛刹當極弊惡為諸福
德種善根者所見棄捨處處地生鹹
鹵瓦礫土石諸山高下不平多諸毒
虫蚊虻惡蛇鳥獸今時充滿非時風
起惡濁魚鼈非時暴雨雜毒鹹苦霜
雹災降地生如是惡種草木枝葉花
果諸穀種種味衆生服食養身之具非
時惡濁雜毒魚鼈彼諸衆生食之皆

當增長。魚惡殺害。欺誑傳說是非。不相恭敬。生怖畏心。相憎嫉心。欲相害心。飲血食肉。衣之以皮。好執兵器。傷煞殘害。恃色族富貴。算數外書。跨馬鳴弦。人衆鬪戰。嫉妬傲慢。勤修種種如斯鄙賤。是苦難世。今時我當從兜率天下。為度衆生。熟善根故。於寂妙轉輪王種。第一夫人腹中受胎。而住我當。今時放淨光明。遍照娑訶佛土。上至阿迦尼吒天下。至金輪際妙光周遍。今時衆生生娑訶佛刹者。或在地獄。或為畜生。或為餓鬼。或生天上。或生人中。在色界。无色界。想無想非想。非非想處。令彼一切見斯光明。覺觸其身。令彼一切獸生死苦樂求涅槃。乃至住滅結心。是初種涅槃道。種我當受一切法。決定三昧。受一意法。門三昧心。十月住母腹中。又我得佛衆生。獸離生死。我所應度者。令彼衆生於十月中。見我在胎結加趺坐。心入三昧。如摩尼現滿。十月生時。以集一切福德。三昧六種震動。一切娑訶佛土。上至阿迦尼吒天下。至金輪際。

皆悉震動彼時衆生生娑訶佛土者
或在地獄乃至人中悉覺悟之我當
從母右脅而出又以妙光普照娑訶
佛刹無不周遍今時亦復覺悟娑訶
佛土一切衆生於未種善根衆生所
著涅脰種於已種涅脰種衆生生擔願
到若我足蹈地時令此娑訶佛土六
種震動峽峨涌沒乃至金輪際今時
衆生有依水依地依空依四生處依
止五趣我當覺之有衆生未生擔願
牙者當今生已生擔願牙者令住三
乘得不退轉令我生時娑訶佛土大
梵魔王帝釋日月護世諸天龍王阿
修羅化生大威德夜叉羅刹龍修羅
令彼一切來供養我令我適生即行
七步我以集一切福德三昧如是說
法令彼大衆得住三乘其大衆中求
聲聞乘者令住寂後身我當度之其
有衆生求辟支佛乘者令彼一切得
顯明花忍其有衆生求无上大乘者
令彼一切得金剛持海不動三昧以
是三昧得登三地我欲浴時令其中
寂勝龍王彼來浴我其有衆生見我

浴者令彼一切於三乘獲如是德如
前所說其有衆生見我乘者略說為
童子遊戲乃種種業示教衆生在宮
姝女遊戲五欲心生厭患中夜捨出
除去瓔珞嚴身之具為伏諸異學凡
軋陀遮羅迦彼利波羅闍迦離彼路
多衣求應法服詣菩提樹有衆生見
我詣菩提樹者我當以集一切福德
三昧為彼衆生說如是法令彼一切
勤求三乘其有衆生殖聲聞種令彼
衆生一切結熟住寂後身從我得度
其有衆生求辟支佛乘者令彼一切
得顯明花忍有殖大乘種者令彼一
切得金剛持海不動三昧以是三昧
得登三地我當于自執草菩提樹下
敷金剛座於彼座上結加趺坐端身
正意我當如是入不動禪滅出入息
日日一從禪起食半胡麻半以施人
我當余所時行是苦行今乃至阿迦
尼吒際依娑訶佛土一切諸天來供
養我令彼一切證我苦行其有求聲
聞乘者世尊令彼諸結皆悉除滅任
寂後身從我得度有求辟支佛乘者

乃至如前所說如是龍夜叉乾闥婆
阿修羅迦樓羅緊那羅摩睺羅伽餓
鬼毗舍遮鳩鵒茶五通仙人如是等
來供養我令彼一切證我苦行其有
求聲聞乘者乃至如前所說於此四
天下異學行愚弊苦行者令天非人
唱告彼言汝等苦行無大果報復非
未曾有於如是處住寂後身菩薩所
行苦行入是禪捨心行縛離於身行
滅口行喘息日日一從禪起食半胡
麻行是苦行彼果甚大彼大寬廣不
久當成阿耨多羅三藐三菩提汝等
不信可自往觀令彼一切捨難苦行
盡來見我苦行者有殖聲聞乘種者
乃至如前所說若有人王群臣百官
及餘庶民在家事家業者令彼一切
來至我所見我苦行有求聲聞乘者
如前所說若有女人來見我者令是
寂後女身更不復受有求聲聞乘者
如前所說若有禽獸見我坐修苦行
者令寂後畜身更不復受有禽獸殖
聲聞乘種者令更一生從我得度有
求辟支佛乘者如前所說種種畜生

作如是說餓鬼亦如是說我當於余
所時行如是苦行一結加趺坐令多
億那由他百千衆生證我苦行得未
曾有於彼所種无量阿僧祇解脫種
我當如是修行苦行先無衆生數異
學聲聞乘辟支佛乘无上大乘能行
如是苦行者後亦無有衆生數異學
乃至大乘能行如是苦行如我所行
我未逮阿耨多羅三藐三菩提作丈
夫行降魔官屬留餘業報破結使魔
成阿耨多羅三藐三菩提於其中我
當令一衆生得阿羅漢如是為二法
得阿羅漢如是第三第四說法得阿
羅漢我當為二衆生故現百千神通
令住正見說多千法文義具足隨所
住果衆生結山猶如金剛我要當以
金剛慧杵而破壞之說三乘法為一
一衆生故步步多由旬而為說法
置无畏道令我法出家無有遮尋羸
瘦少力荒忘狂心剛強傲慢无慧多
結煩惱亂心及與女人令我法出家
得受具足令我有四衆比丘比丘尼
優婆塞優婆夷令我法中有多耶若

今天見諦夜叉龍阿修羅具八聖分
齊乃至畜生令修梵行世尊我逮菩
提已有衆生於我惡心害心若刀火
石若以種種器仗來至我所虜言罵
辱又於十方誹謗揚惡雜毒飲食而
用施我我當如是留殘業果成阿耨
多羅三藐三菩提我逮菩提已衆生
於我先有怨嫌執持煞具種種器仗
虜言罵辱雜毒飲食來至我所出我
身血我以大悲梵柔軟音猶如鍾鼓
雷震之聲為彼衆生說如是法戒聞
三昧及與淨心令彼衆生得住於善
改悔惡業逮具淨戒令彼衆生无天
解脫果離欲漏盡障導業報我於是
盡所留業果世尊我逮菩提已隨身
毛孔之數日現今所化佛皆具三十
二大人之相八十種好我嘗遭彼化
佛至空佛刹又遭至不空處亦復遭
至五濁佛刹彼諸國中衆生造無間
業謗正法毀賢聖乃至集不善根其
中有求聲聞衆者求緣覺衆者求大
乘者於戒缺漏威儀不具犯於根罪
心意焦枯違失善道墜生死曠野為

邪道所困沒在曠野令一一化佛日
為如是億那由他百千衆生隨所說
法有衆生奉事摩醯首羅天者隨現
摩醯首羅天形而為說法稱我婆訶
佛土勸彼衆生迴向捨願彼諸衆生
聞我名者令彼衆生願生我國世尊
若彼衆生命欲終時我不現前不為
說法不生善心者令我莫證阿耨多
羅三藐三菩提彼衆生命終已若墮
惡趣不生我國得受人身者使我忘
失一切正法不現在前令我不能具
成辦作佛事有衆生奉事鄰羅延者
乃至衆生命終已後若墮惡趣乃至
令我不具成辦作佛事也我逮菩提
已於一切佛土有造无間者乃至邪
道所困墜曠野者令彼終已生我國
中彼身相兒猶如土色面若毗舍遮念
忘多失破戒臭穢多病短命乏衆供
具彼諸衆生壽命短促我時為彼諸
衆生故於娑訶世界隨幾四天下我
當於彼一切四天下從兜率天降神
母胎示現出生略說童子遊戲種種
伎藝告行降魔成三菩提轉正法輪

於一切四天下示現具足作佛事已而般涅槃乃至現分舍利我逮菩提已說一種句法有衆生求聲聞乘者令彼得解聲聞法藏說有衆生求緣覺乘者令彼得解因緣法說有衆生求無上大乘者令彼純解摩訶衍說有衆生未具功德欲求菩提者令彼得解布施法說有衆生之无福德求生天樂者令得解戒說有衆生更相怖畏濁心惡者令彼得解慈法說喜煞生者令彼得解悲法說慳貪嫉心者令彼得解善法說恃色倚強欲心昏濁者令彼得解捨法說耽著愛欲心者令彼得解不淨法說有大乘衆生憍慢亂心者令彼得解阿耨波羅念法說少慧求燈明者令彼得解因緣法說有少聞學者令彼得解不忘失聞持法說廢邪見曠野者令彼得解空法說多想困者令彼得解无想法說不淨願困者令彼得解無願法說身意不淨者令彼得解身意柔和法說亂行所困者令彼得解不忘菩提心法說懷於瞋欲造困者令彼得

解無怨法說滅至意因者今彼得解
无法說惱心者令彼得解無妬法說
略說忘善者解照明說作魔業者解
淨說沒他論者解勇出說種種結因
心者解去難說沒偏道者解旋法說
大乘悌望心者解不退說獸生死者
解菩薩樂說未得善地智者解增長
說不想喜善根者解惱悔談心不等
者解无尋光說沒惡業者解濟度說
衆中畏者解師子勝說四魔陵心者
解勇健說意不明佛刹者解莊嚴光
說憎愛者解脫捨說佛法明不覺者
解第一幢翅由邏說之大急者解是
明說愚闇因者解日燈說不寸无盡
弊者解作得說如沫求我者解無邏
延說意傾動者解堅住說觀頂者解
高幢說捨先擔者解堅固說退通者
解金剛意說求道場者解金剛場說
一切法不辱者解如金剛說欲知他
心所念者解行處說欲知他根者解
慧道說言不相干者解入辯說未得
法身者解修一切身說希見如來者
解不眴說具念一切作者解无諍說

求轉法輪者解無垢輪說无因邪求者解明順因緣說一佛土常見者解善作語說未種相好因者解莊嚴說不能分別言音者解辯道說求一切種智者解法性不隱說於法退轉者解堅固說不達法性者解通說捨捨者解不退說道隱者解無貌說求等虛空智者解无所有說未滿波羅蜜者解淨住說未滿攝物者解善攝說未住梵行者解等作說未滿助菩提寶者解不住行說忘失善說智心者解海印說怖望无生法忍心者解決定說如所聞法廣分布心者解不忘失說更相善說無歇足者解无障說未得敬信三寶者解集福德說法門兩不知足者解法雲說三寶斷見者解寶莊嚴說不作智業者解無生說一切煩惱縛者解空門說於一切法輕心者解智印說未滿如來德者解世諦現門說於先佛所未積德者解必變化說未說一法門究竟念者解一切法性說一切經未了者解法實等說離六和敬法者解一切法相

說不為思惟解脫者遊戲神通說欲入如來秘密者解不求他說不勤修菩薩行者解得智說不現生者解至一切處說行菩薩行有殘者解受職說如來十力未滿者解取勝說未得四無畏者解勇進說未得不共法者解阿僧祇意說無愚聞見者解願道說不能現前覺一切佛法者解白淨無垢印說有餘薩婆若智者解善覺意說未逮如來一切作者解无邊盡法說有無量阿僧祇求大乘菩薩不諂曲不幻偽端直者令彼菩薩以一句音得八万四千法門八万四千三昧七万五千陀羅尼以是功德諸菩薩摩訶薩以大莊嚴而自莊嚴令勇發不可思議妙願令菩薩不可思議知見功德以自莊嚴謂身莊嚴以相好口莊嚴以如意善說令衆歡喜心莊嚴以三昧不退念莊嚴以持不失意莊嚴以強識至莊嚴以至覺義志莊嚴以堅擔作莊嚴以辯擔志極莊嚴以過地非地施莊嚴以捨一切物戒莊嚴以白淨無垢意忍莊嚴於一

切衆生無高下心進莊嚴以一切事
辦禪莊嚴以一切三昧遊戲神通慧
莊嚴以知結使因由慈莊嚴以至一
切衆生處悲莊嚴以不捨一切衆生
喜莊嚴以一切法得無疑惑捨莊嚴
以毀譽无二通莊嚴以遊戲一切通
福莊嚴以得寶手無盡藏智莊嚴以
解一切衆生心念所行覺莊嚴以善
法覺一切衆生明莊嚴以得慧眼明
辯莊嚴以得義法辯應辯勇悍莊嚴
以伏衆魔及諸異論德莊嚴以逮佛
无上德法莊嚴以阿僧祇辯令普為
衆生說法明莊嚴以照一切佛法光
莊嚴以照諸佛剎變化說莊嚴以所
記不錯變化教授莊嚴以隨所應教誠
神變莊嚴以到四神足彼岸一切受
如來莊嚴以入如來秘密法自在莊
嚴以智不從他得敬順一切善法莊
嚴以如說修行一切處无能退者無
量阿僧祇求大衆衆生我以一向音
淨除多不善以充足之令彼諸菩薩
摩訶薩於一切法不因他得智具大
法明速成阿耨多羅三藐三菩提世

尊又餘世界中衆生造無間者乃至
犯根罪心意焦枯有求聲聞乘有求
辟支佛乘有求无上大乘者以隨願
故生我佛土集不善根魚獢樂惡剛
強倒見不攝意志我當為彼八万四
千心行亂意衆生廣說八万四干部
法其中衆生求無上大乘者我當為
彼廣說六波羅蜜法廣說檀波羅蜜
乃至廣說般若波羅蜜其中衆生有
求聲聞辟支佛乘未種善根求度世
者我當令彼住三歸依後乃令住波
羅蜜喜煞生者令住不煞貪重者令
住不盜染著非法者令住不邪婬妄
語相說者令住不妄語樂昏濁者令
住不飲酒其有衆生有此五病者我
當令彼斷是五患住優婆塞戒有衆
生不樂善法者我當令彼一日一夜
住聖八分戒其有少樂善根者我當
令彼來近我法出家十戒得住梵行
其有衆生樂求善法者我當令彼於
善法中得受具足盡住梵行我當為
如是造无間業乃至不攝意志衆生
故以多種種若干句義文字變化而

為說法示現陰界入無常苦空无我
令住善安隱妙寂無畏城我當為四
眾比丘比丘尼優婆塞優婆夷說如
是法其有喜樂論者我當為彼現諸
論法乃至求解脫者我當為彼現於
空論其有不樂善法者我當為彼說
勸化業樂者我當為說誦習一向禪
空解脫我為一一眾生故步涉多百
千由旬多種種若干句義文字方便
變化忍此疲倦終至置於涅槃乃至
以擔力我當五分壽減一欲般涅槃
時我當碎身舍利如半芥子為悲眾
生故然後當入涅槃令我涅槃後正
法住世千歲像法住世復五百歲
大乘悲分陀利經立願舍利神變品第七

我般涅槃後其有眾生以眾寶物供
養舍利乃至一稱南无佛一礼一旋
一合掌業一花供養者令彼一切隨
於三乘得不退轉我般涅槃後其有
眾生於我法中能受一戒如說奉持
乃至讚誦一四句偈為他人說其有
聞者能發好心供養法師能以一花
或設一礼令彼一切隨於三乘得不

退轉乃至正法盡法燈永滅法幡倒
已令我舍利乃至入地金輪上住隨
其幾時娑訶世界窮乏珍寶令成琉
璃珠現如火色名曰勝意令從彼上
乃至阿迦左吒際住雨種種花曼陀
羅花摩訶曼陀羅花波利質多羅伽
花曼殊沙花摩訶曼殊沙花蘆遮摩
那花陀羅花摩訶阿陀羅花無垢輪
花百葉花千葉花百千葉花普光花
普香花善樂花蓮哆花蘆遮那花樂
限月光花明月花無量色花無量香花
無量光花令雨如是等大花雨令彼
諸花出種種柔軟聲所謂佛聲法聲
僧聲三歸依聲優婆塞戒聲聖八分
戒聲出家十戒聲施聲戒聲具足梵
行聲勸化聲誦聲習聲禪定思惟九
觀聲不淨聲阿那波那念聲非想處
聲無所有處聲無量識處聲無量空
處聲勝處聲一切處聲止觀聲空無
相聲緣起聲令出具足聲聞藏聲令
出具足辟支佛乘藏聲具說大乘六
波羅蜜令彼諸花出如是聲令色界
諸天聞如是聲各自識念先造善根

令彼於一切善法摩訶薩不嫌令從
彼下為娑訶世界一切人說十善業
令住其中令欲界諸天亦如是聞令
彼一切捨受使遊戲樂著心意令彼
一切各自識念先作善根令彼從天
來下為娑訶世界一切人說十善
業勸令住中令彼諸花於虛空中變
成雜寶世尊所謂金銀摩尼真珠琉
璃車渠馬瑙及螺珊瑚琥珀玫瑰右
旋一切娑訶佛土令雨如是等寶除
滅娑訶佛土瞋諍言訟飢饉疾疫及
他軍馬惡風雜毒一切除盡令安隱
康健無諸閭諍言訟繫閉娑訶佛土
一切豐樂其有衆生見寶觸寶隨作
供具者令彼一切於三乘法得不退
轉令彼逮下乃至金輪上住世尊如
是乃兵劫時令彼舍利復更變成紺
王摩尼上至阿迦尼吒際住降種種
花雨所謂曼陀羅華摩訶曼陀羅花
波利質多羅花乃至無量光花令彼
諸花出種種妙聲所謂佛聲乃至如
前所說令彼舍利乃至金輪上住如
是飢饉劫時復令舍利上昇虛空乃

至阿迦尼吒際住降大花雨乃至如
前所說如是疾疫劫時亦如前所說
如賢劫中我般涅槃後舍利當作佛
事勸化過數衆生於三衆住不退轉
如是五佛土微塵數大劫中我舍利
化衆生於三衆住不退後過千恒河
沙數阿僧祇於十方無量阿僧祇餘
世界中諸佛世尊於彼出者是我為
菩薩時行阿耨多羅三藐三菩提行
先所勸化於阿耨多羅三藐三菩提
令住其中者亦是我勸以波羅蜜得
住中者亦是我逮菩提已勸化衆生
以阿耨多羅三藐三菩提令住中者
又我般涅槃後衆生以我舍利神變
發阿耨多羅三藐三菩提心者彼亦
於後過千恒河沙數阿僧祇時令彼
菩薩於十方無量阿僧祇餘世界中
成阿耨多羅三藐三菩提已稱譽讚
歎說我名号過去久遠今時有劫名
賢於彼賢劫始第四聖日名号如是
彼先勸化我等以阿耨多羅三藐三
菩提於焦枯意集不善根造無間業
乃至邪見令我等得往六波羅蜜緣

是我等令得轉入一切種智行正法輪轉深妙輪令多億那由他百千衆生生天住解脫果其有衆生求菩提者彼如來所聞稱譽我令以如是問彼如來唯世尊彼如來見何義趣於彼重結五濁惡世成阿耨多羅三藐三菩提令彼諸如來為求菩提善男子善女人說我是具大悲是初發心佛土莊嚴立願本事令彼求菩提善男子善女人得未曾有信樂大法令彼亦於一切衆生發如是大悲立如是願攝度重結五濁惡土造無間業乃至集不善根者令彼諸佛如來亦以是授彼具大悲求菩提善男子善女人記隨善男子善女人意重結五濁惡世立願復餘諸佛世尊以我舍利神變為求菩提善男子善女人廣說本事過去久遠時有聖日名号如是般涅槃後舍利於尔所時為如是苦切衆生現如是種種若干神變以彼舍利神變我等初悟阿耨多羅三藐三菩提集諸善根廣修波羅蜜乃至如前所說

善男子。今時國大師海濟婆羅門住
寶藏如來前。紮闍婆世人前。立如是
具大悲五百願。而白佛言。世尊。若我
如是意不滿。不於來世賢劫五濁重
結散亂惡世。冥時盲無導師。无引導
師。為見所困。長處冥世。造无間者。乃
至如前所說。若我不能具成。如是佛
事。如我立願者。我當還捨菩提願。非
餘刹中善根。迴向世尊。是我所欲。我
亦不欲。此善根。迴向阿耨多羅三藐
三菩提。不求辟支佛。乘亦不求聲聞
乘。亦不求人天王位。亦不求五欲供
具。生天之樂。又亦不求。紮闍婆阿修
羅。夜叉羅刹龍迦樓羅。亦不求人中
生。我不於如是等處。善根迴向世尊。
雖說施得大富。持戒生天。多聞大慧。
修行无異世尊。又說福德生善根。迴
向隨意。皆告世尊。我所作施戒聞修
福德。若我如是立願意。不滿者。我以
是一切善根。迴向地獄衆生。其有衆
生在阿鼻地獄。受諸苦切者。以是善
根。令彼得脫於此。佛土得生。為人值

如來法令得羅漢而入涅槃若彼衆
生業果不盡令我今命終生阿鼻大
地獄中令我一形分為佛土微塵數
身令此一身大如須彌山王令一
身覺如是苦痛如我一身覺苦痛
甚令我一身受佛土微塵數地獄
苦切又令現在佛土微塵數十方餘
世界中衆生造無間業乃至造作入
阿鼻業又復於後乃至過佛土微塵
數大劫中於十方佛土微塵數餘佛
國中及此佛土衆造無間業者我當
為彼一切衆生故住阿鼻獄受彼罪
業令彼衆生不墮地獄永與苦別值
遇諸佛得度生死入涅槃城我當於
今所久遠住阿鼻獄度脫衆生乃至
如是於十方佛土微塵數餘佛剎中
衆生有造如是業應生燒炙地獄者
乃至如前所說如是大燒炙啼哭大
啼哭刀劍黑繩還活等種種畜生中
作如是說餓鬼中亦作是說夜叉貧
窮中亦作是說如是鳩槃荼毗舍遮
阿修羅伽樓羅亦作是說於佛土微
塵數十方餘世界中衆生造起如是

業應生人中翳盲瘖瘵殘百病手足不具心意散亂應食不淨略如前說我當復還生阿鼻大地獄中乃至隨幾所時衆生於生死中受陰界入我當於今所時久速受如是種種地獄畜生餓鬼夜叉阿修羅羅刹乃至人苦如是諸苦我當受之如前所說我若如是阿耨多羅三藐三菩提意不滿設復我如是阿耨多羅三藐三菩提意滿者乃至如前所說令十方無量阿僧祇餘世界中現在住世說法諸佛世尊證我是事唯願世尊授我阿耨多羅三藐三菩提記於彼賢劫百二十歲世人中我為如來應供正遍知明行足善逝乃至佛世尊我能成辦如是佛事如我所立誓願余時一切大衆天龍夜叉乾闥婆阿修羅及諸世人在於虛空及住地者唯除如來彼一切無不墮淚皆以五體礼婆羅門足同聲讚言善哉善哉大悲得深妙念於衆生發深大悲立深大願如仁立願以至意大悲覆一切衆生又能攝度造無間業乃至集不

善根以是願故知仁是初發心於阿
耨多羅三藐三菩提為衆生良藥安
濟歸趣為脫衆生苦故立願仁如是
意必當得滿如來正令授仁者阿耨
多羅三藐三菩提記今時無量淨王
啼泣雨淚五體禮婆羅門足叉手合
掌以偈讚曰

奇哉甚深妙 乃至不著樂 愍傷衆生
為我等現實

略說時觀世音菩薩以偈讚曰

自無所著著衆生 縱根逸馬已調伏
仁於諸根得自在 仁當持持智慧藏
時大勢至菩薩以偈讚曰

是多億衆生 為善故來集 聞仁悲墮淚
異哉甚難事

時毘殊師利菩薩以偈讚曰

精進擔堅固 妙慧甚明了 仁亦應受供
塗香及花鬘

時虛空印菩薩以偈讚曰

仁如是行施 大哀愍衆生 渴時仁為濟
具三十二相

斷金剛慧照明菩薩以偈讚曰

如虛空無邊 仁哀亦如是 為衆生津梁

今現菩提行

虛空照明菩薩以偈讚曰

更無慙眾生 唯除諸如來 仁者功德具
妙慧心甚明

師子香菩薩以偈讚曰

妙士於來世 亂結賢劫中 當得大稱譽
度脫眾生苦

普賢菩薩以偈讚曰

勤劬生死嶮 處於邪曠野 能取焦枯意
食肉飲血者

阿閼菩薩以偈讚曰

墜於無明闇 沒在結使洲 能取焦枯意
造無間業者

香手菩薩以偈讚曰

仁見來世畏 如照鏡觀像 能取焦枯意
誹謗正法者

寶積菩薩以偈讚曰

智戒二俱等 愍哀曰瓔珞 能取焦枯意
謗毀賢聖者

無恐畏菩薩以偈讚曰

仁見苦眾生 於來世三界 能取焦枯意
依邪志失者

花手菩薩以偈讚曰

愍哀智精進 於此衆為最 能取焦枯意
生老病逼者

智稱菩薩以偈讚曰

多病之所逼 使風塵充遍 掩以智慧水
降伏衆魔兵

持印菩薩以偈讚曰

我等進不堅 能解脫濁結 如大德梵師
降伏諸結力

花月菩薩以偈讚曰

精進力堅固 如德哀愍意 名稱遍三界
當割生死縛

無垢王菩薩以偈讚曰

仁今說大悲 現示菩薩行 我等今礼仁
哀愍无過者

持大力菩薩以偈讚曰

結病惡世中 仁修菩提行 當斷諸結根
仁願甚堅固

月鵝菩薩以偈讚曰

智藏稱讚等 立願淨無垢 仁行菩提行
為衆生良藥

現力菩薩摩訶薩悲泣墮淚五體礼
婆羅門足已叉手合掌以偈讚曰

妙哉智明士 除諸結病穢 積德行如海

脫斯衆生苦

大集悲分陀利經卷第五

癸卯歲高麗國大藏都監奉
勅彫造

大無量壽分陀利經卷第六

白

感應品第十九

失三歲名今附秦錄

善男子時大衆天軋闍婆及世人五
體礼婆羅門足叉手合掌種種句義
偈讚歎已善男子時海濤婆羅門於
寶藏如來前右膝著地應時大地震
動周匝十方佛剎微塵數佛土普極
震動峽峨踊沒悉極傾搖復現大光
明雨種種華雨所謂曇陀羅摩訶曇
陀羅乃至無量光降如是華雨於十
方佛土微塵數世界中所有諸佛世
尊現在住世淨佛剎中及不淨剎為
衆生說法其諸菩薩摩訶薩於諸佛
所坐聽法者彼諸菩薩摩訶薩見地
大動雨大華雨令彼諸菩薩摩訶薩
問彼諸佛世尊何因何緣世地大動
降天華雨於時東方去此佛土過一
恒河沙數佛剎有世界名寶集佛号
寶月如來應供正遍知乃至佛世尊
現在住世無量阿僧祇諸菩薩共圍
遶演法純說大乘彼佛國有菩薩摩訶

訶薩一名寶勝二名月勝彼二菩薩
摩訶薩向寶月如來叉手合掌白寶
月如來言唯世尊何因何緣世地大
動降大華雨寶月如來告善男子西
方去此佛土過一恒河沙數世界有
佛土名耐提蘭佛号寶藏如來乃至
佛世尊現在住世授多億菩薩阿耨
多羅三藐三菩提記說菩薩境界現
刹願莊嚴三昧境界陀羅尼門无難
法其有一大悲菩薩摩訶薩立如是
願具說大悲為授菩薩摩訶薩阿耨
多羅三藐三菩提記現如是願眼令
多億衆生立菩薩願取莊嚴佛土攝
度衆生於彼一切是大菩薩具足大
悲彼諸大衆无能及者能取五濁乱
結惡土一切無間乃至集不善根心
意焦枯而攝度之彼諸大衆天龍乾
闥婆阿修羅世人供養寶藏如來盡
皆供養取後大悲五體礼訖叉手合
掌衆妙偈讚彼摩訶薩坐如來前而
聽授記如彼摩訶薩於如來前右膝
著地時彼如來應時微笑令十方佛
刹微塵數世界地極震動降大華雨

為悟彼刹一切菩薩摩訶薩故為現

大悲菩薩願行故為集十方佛刹微

塵數世界中菩薩摩訶薩故為說菩

薩

薩摩訶薩誓願行無畏法門故彼如
來現是神通善男子彼二菩薩問寶
月如來世尊彼大悲菩薩摩訶薩發
心幾時彼摩訶薩修菩薩行幾時能
取五濁重結亂世造無間業乃至集
不善根心意焦枯而取度之寶月如
來告言善男子彼大悲適始初發阿
耨多羅三藐三菩提心善男子汝等
可往耐提蘭佛刹奉覲恭敬親近寶
藏如來應供正遍知聽說誓願行元
畏法門又以吾言致問於彼大悲菩
薩摩訶薩如我辭曰善丈夫寶月如
來致問於汝以是月樂无垢華與汝
為信又言善哉汝善丈夫如是初發
心汝大悲音聲充遍十方佛刹微塵
數餘世界中得大悲名是故善哉於
汝又汝善丈夫為將來具大悲菩薩
摩訶薩立大悲音願眼幢是故善哉
於汝又汝善丈夫當來佛土微塵數
河僧祇劫名稱流布十方佛土微塵

數世界中又汝勸化多億那由他百千衆生於阿耨多羅三藐三菩提皆住其中將詣佛所住不退轉阿耨多羅三藐三菩提其中願有取佛土莊嚴攝度有當得授記是汝所勸化菩提者彼一切於後乃至佛土微塵數阿僧祇劫佛剎微塵數十方餘世界中彼逮菩提轉正法輪已當稱譽讚歎汝善丈夫以是三事故善哉於汝今時九十二億菩薩同聲白言世尊我等欲往耐提蘭佛土奉見恭敬親近彼寶藏如來應供正遍知并見彼善丈夫所可如來以三事善哉又以此月樂無垢華與善男子時寶月如來告言往善男子今正是時汝等至彼寶藏如來所聽說誓願行無畏法門時彼寶勝月勝菩薩摩訶薩從寶月如來所受月樂无垢華與九十二億菩薩俱發寶集世界譬如電頃如是彼菩薩衆於寶集世界忽然不現至此耐提蘭佛土閻婆羅園到寶藏如來所至心頭面禮寶藏如來足以種種菩薩神通供養已見婆羅門在

寶藏如來前一切大衆又手合掌稱
譽讚歎彼諸菩薩生如是念是彼具
大悲者所可寶月如來與此月樂無
垢華者彼二菩薩摩訶薩於世尊所
迴向婆羅門以華與之而作是言汝
善丈夫彼寶月如來以此月樂無垢
華又以善哉乃至如前所說略說東
方無量阿僧祇諸世界中菩薩摩訶
薩來至耐提蘭佛土與月樂無垢華
俱彼現在世諸佛世尊皆為婆羅門
以華為信又以三事善哉如前所說
南方去此佛剎過九十七億那由他
百千佛土有世界中佛号師子奮迅
勝自在王如來應供正遍知現在住
世純為菩薩摩訶薩說大乘法時彼
衆中有二菩薩摩訶薩一名智金剛
勝二名師子金剛勝彼二菩薩摩訶
薩問師子奮迅勝自在王如來世尊
何因何緣世地大動降大華雨乃至
如前所說略說南方無量阿僧祇餘
佛土中無量阿僧祇億那由他百千
菩薩來此耐提蘭佛土乃至如前所
說今時西方去此佛土過八十九億

郝由他百千佛刹有世界名上勝其
佛号降伏根廣長明如来現在住世
為四衆說三乘法時衆中有二菩薩
一名賢顯明菩薩摩訶薩二名師子
奮迅身菩薩摩訶薩彼二善男子問
降伏根廣長明如来此義世尊何因
何緣世地大動降大華雨乃至如前所
說尔時北方去此佛土過九十億那
由他百千佛刹有世界名紫磨其佛
号世自在王如来應供正遍知乃至
佛世尊純為求大乘菩薩說摩訶衍
法衆中有二菩薩摩訶薩一名不動
度二名慧財彼二菩薩問世自在王
如来世尊何因何緣世地大動降大
華雨乃至如前所說尔時下方去此
佛土過九十八那由他佛刹有世界
名无闍冥其佛号無畏近處音如来
現在住世普為四衆說三乘法彼佛
土中有二菩薩摩訶薩一名潤疾顯
明二名空疾顯明乃至如前所說尔
時上方去此佛土過二百千佛刹有
世界名等華其佛号華敷照明如来
乃至佛世尊現在住世普為四衆說

三乘法彼佛土中有二菩薩摩訶薩
時在坐中一名自執境界無怒二名
悅持无怒彼二善男子問華敷照明
如來世尊何因何緣世地大動降大
華雨華敷照明如來告言善男子下
方去此佛土過二百千佛刹有世界
名耐提蘭其佛号寶藏如來乃至佛
世尊現在住世說法授多億衆生阿
耨多羅三藐三菩提記說菩薩境界
現刹願境界莊嚴三昧境界陀羅尼
門無難法衆中有一大悲菩薩摩訶
薩立如是願具說大悲行授菩薩摩
訶薩阿耨多羅三藐三菩提記現如
是願眼令多億菩薩立願取佛土莊
嚴攝度衆生彼具大悲菩薩於一切
衆中无能及者取彼五濁亂結惡世
造無間業乃至集不善根心意焦枯
而攝度之彼一切大衆天龍鬼神婆阿
修羅世人捨供養寶藏如來盡以供
養於彼大悲五體礼已合掌而住稱
譽讚彼摩訶薩坐寶藏如來前而聽
授記如彼摩訶薩於如來前右膝著
地應時世尊而現微笑令十方佛土

微塵數世界中大地六種震動降大
華雨為覺悟彼諸佛土中菩薩摩訶
薩故為現大悲菩薩願行故為集十
方佛土微塵數餘世界中菩薩摩訶
薩故為說菩薩摩訶薩誓願行門無
畏法故是故彼如來現如是神通善
男子彼二菩薩摩訶薩執自境界無
怒悅持无怒問彼華敷照明如來世
尊彼大悲菩薩摩訶薩發菩提心幾
時彼大悲菩薩行菩薩行來幾時乃
能取五濁惡世亂結重時造無間者
乃至集不善根心意焦枯而攝度之
華敷照明如來告言善男子彼大悲
適始初發阿耨多羅三藐三菩提心
善男子汝等可至耐提蘭世界奉見
恭敬親近寶藏如來應供正遍知聽
指願行門無畏法以吾言致問於彼
具大悲善菩薩摩訶薩作如是言善男
子華敷照明如來致問於汝遣此月
樂無垢華為信又與汝善哉汝善丈
夫如是初發心大悲名聲流布十方
佛土微塵數餘世界中得大悲名是
故善丈夫歎汝善哉又汝善丈夫乃

衆為後具大悲求菩薩摩訶薩汝以
大悲之意立願眼幢是故善丈夫歎
汝善哉又汝善丈夫於當來世佛土
微塵數阿僧祇劫名稱周遍佛土微
塵數十方餘世界中又汝善丈夫勸
化多阿僧祇億那由他百千衆生於
阿耨多羅三藐三菩提皆住其中將
至世尊所得不退轉阿耨多羅三藐
三菩提其中有從世尊所願取莊嚴
佛土以大悲光遍覆所度衆生而攝
取之是汝所化阿耨多羅三藐三菩
提衆生未得授記者彼亦於後當得
授記彼一切於後乃至佛土微塵數
阿僧祇劫於十方佛土微塵數餘世
界中當得成佛轉正法輪已當讚歎
稱譽以是三事故汝善丈夫甚為
善哉尔時多億菩薩同聲白言世尊
我等亦欲至彼耐提蘭佛土奉見恭
敬親近寶藏如來應供正遍知及見
彼善丈夫所可如來以三事善哉以
此月樂無垢華為信者善男子時彼
華敷照明如來告言往善男子宜知
是時善男子汝等於彼寶藏如來所

聽說指願行門無畏法善男子今時
彼二菩薩自執境界无怒悅持无怒
從彼華敷照明如來所取月樂无垢
花與多億菩薩俱發彼等華佛土忽
然不現一念之頃至此耐提蘭佛刹
閻婆羅園詣寶藏如來所今時一切
耐提蘭佛土充滿如是大乘菩薩求
辟支佛乘求聲聞乘善男子等天乃
至摩睺勒辟如甘蔗竹筍稻麻藁林
成熟充滿如是於今時此耐提蘭佛
土取大乘善男子乃至摩睺勒充滿
其中彼諸菩薩頭面礼寶藏如來足
以種種指力菩薩神通供養已彼諸
菩薩亦寶藏如來前見婆羅門又見
一切大衆合掌而住稱譽讚歎彼諸
菩薩生如是念是彼大悲摩訶薩所
可華敷照明如來與此月樂无垢華
者彼諸菩薩從寶藏如來所迴向婆
羅門以願樂無垢華與之而作是言
善丈夫華敷照明如來以是願月樂
无垢華與汝為信善丈夫與汝善哉
乃至如前所說以三事善哉又諸華
雨雨空佛土中以種種善聲充滿彼諸

空佛刹中謂佛聲法聲信聲滅聲無為
聲波羅蜜聲根力聲无畏聲通聲无
行聲無生聲无滅聲寂靜聲快怕聲
大慈聲大悲聲無生法聲授職聲登
地聲純說摩訶行聲彼種種華雨以
是善聲遍滿彼諸空佛土中又於彼
空佛土中有大神通及威德於深法得
自在諸菩薩隨本願為度衆生故在
其中者彼聞是聲已承佛威神隨本
願以為擔力於彼發神通速疾猶若
壯士伸臂之頃如是彼諸菩薩發空
佛刹至此耐提蘭佛土彼諸菩薩以
種種善莊神通供養寶藏如來訖
并供養彼諸大衆已隨所得處各坐
聽法

大乘悲分陀利經大師授記品第三

善男子今時海濱婆羅門國大師以
彼願樂無垢華供養寶藏如來已白
佛言唯願世尊授我阿耨多羅三藐
三菩提記善男子時寶藏如來即入
三昧名曰電燈以是三昧令一切耐
提蘭佛刹變成七寶一切山林樹木
瓦礫及地盡現七寶隨彼衆生所可

助善思惟坐聽法者隨應現身其中

第五段白

有身現青有黃有綠有紫有赤有黑
身自有身現如風有現如火有現如
空有現如野馬有現如冰有現如沫
有現如山有現如梵有現如釋有現
如華有現如伽樓羅有現如龍有現
如師子有現如日有現如月有現如
星有現身白骨隨所助善思惟衆生
坐聽法者彼如是見自身善男子其
中衆生如見自身見寶藏如來身亦
復如是善男子時彼大衆見婆羅門
國大師於寶藏如來前七寶千葉華
臺上坐善男子其中衆生有於地坐
山空中者彼一一衆生如是見寶藏
如來在我前坐盡意視我為我說法
善男子今時寶藏如來應供正遍知
讚海清婆羅門言善哉善哉大悲大
婆羅門汝亦大悲為饒益照世過數
衆生故出現婆羅門譬如成好華剎
種種色種種香種種觸種種業種種
莖種種根種種德志是良藥其中有
華香色照徹百由旬中有二百由旬
有三百由旬略說於中有華香色乃

至照徹四天下世界其中衆生聞彼華香盲者得視聾者得聽乃至諸根不具悉得成就其有衆生四百四病之所困者彼聞香已身病即除其中衆生有狂顛錯亂失志者彼聞華香逮得本心是華刹中有一分陀利出是堅固金剛琉璃為莖而有百曲黃金為葉馬瑙為鬚莖赤真珠高八十四百千由旬縱廣正等百千由旬是分陀利香色光徹照遍十方佛刹微塵數世界中婆羅門於彼十方佛刹微塵數世界中衆生四大不和身病所困諸情不具狂顛錯亂失志心者彼諸衆生見分陀利光聞其香已一切患除逮得本心其有衆生久死骨節未離分陀利光照彼骸骨香熱觸已彼諸骸骨尋皆得活平復還起見諸親屬與彼俱遊入園嬉戲五欲自娛聚會中止從彼終已皆生梵處於中久住壽命無量彼間終已不生餘處婆羅門如彼成華刹如此大衆如日初出諸華敷舒香色顯現有高百由旬乃至有高千由旬為多衆生除

種種病如是。以善丈夫我為女來慧
日出世辟如日出光照諸華皆悉敷
舒光色明淨除滅衆生種種病惱善
丈夫吾今出生亦復如是。以悲光明
遍覆衆生啓發衆生先造善根又以
三種地立衆生汝亦勸化无量阿僧
祇衆生於阿耨多羅三藐三菩提令
住其中將至我所彼諸衆生皆於我
前各各立願隨取佛土有取淨土有
取不淨我亦隨授彼記善丈夫彼有
菩薩在於我所取淨佛土淨意易化
已種善根衆生而攝度之是名菩薩
摩訶薩彼无大丈夫行於心意中亦
無大悲彼諸菩薩不為悲一切衆生
故求阿耨多羅三藐三菩提所可取
淨佛土捨棄困厄有菩薩求聲聞辟
支佛乘衆生佛土彼諸菩薩意无善
智有立如是願我等當於無聲聞辟
支佛無集不善根无女人無地獄畜
生餓鬼佛土中得成阿耨多羅三藐
三菩提聲聞辟支佛但為求大乘菩
薩純說摩訶衍法求我逮菩提已得
長壽命久住多劫為淨意易化諸善

根衆說法是故彼諸菩薩意无善智
是故不名摩訶薩也善男子時寶藏
如來申辭於五指端種種无量色無
量百千色光彼諸光明照於東方無
量阿僧祇佛土於彼有世界名鵞崛
陀其世界中人壽三十歲顏色醜惡
無慚无愧集不善根身長三肘其中
佛号月明如來應供正遍知現在住
世為諸四衆說三乘法善男子此諸
大衆見彼佛土如來及諸衆生寶藏
如來普告大衆言彼月明如來過去
無量阿僧祇劫於寶蓋照踊如來前
初發阿耨多羅三藐三菩提心亦勸
化多億那由他衆生於阿耨多羅三
藐三菩提令住其中隨彼衆生於寶
蓋照踊如來前立願取佛土莊嚴有
取淨土有取不淨五濁於中彼摩訶
薩初勸我阿耨多羅三藐三菩提我
於彼寶蓋照踊如來前立阿耨多羅
三藐三菩提願取此五濁佛土莊嚴
時彼如來歎我善哉授我阿耨多羅
三藐三菩提記善丈夫時善知識勸
我菩提者彼自立願取極重結五濁

惡土造無間業乃至集不善根心意
焦枯墜在生死曠野衆生取而攝度
尔時於彼十方无量阿僧祇餘世界
中現在住世諸佛世尊為彼遣使亦
致善哉即為立字名善大悲照明彼
大悲照明菩薩摩訶薩是我善知識
饒益於我成佛未久今在鰲崛吒世
界三十歲世人中轉正法輪彼亦逮
菩提已於十方無量阿僧祇世界中
現在住世諸佛世尊遣使供養是彼
先初勸化阿耨多羅三藐三菩提令
住其中者是彼先所勸化檀波羅蜜
乃至般若波羅蜜令住其中者彼諸
佛世尊知念先恩遣信與彼如來婆
羅門汝觀彼諸佛世尊於佛土長壽
淨意易化衆生而作佛事彼月明如
來於如是五濁國成佛為無間業乃
至集不善根衆生如是短命中極多
作佛事不捨棄聲聞辟支佛而說法
為如是汝善丈夫此一切菩薩衆无
能及者立願寂妙取五濁惡剎造无
間業乃至集不善根而攝度之又彼
諸菩薩取淨佛土除地獄畜生餓鬼

捨棄聲聞辟支佛取度淨意易化已
種善根者是諸菩薩名曰如花非摩
訶薩非分陀利有於易化善根熟中
作佛事者婆羅門菩薩有四懈怠何
謂為四一者立願於淨佛土二者願
淨意衆生中而作佛事三者願逮菩
提已不說聲聞辟支佛乘四者願逮
菩提已長壽作佛是為菩薩四懈怠地
是故彼諸菩薩名曰如華非分陀利
非摩訶薩婆羅門此大菩薩衆其辟
如是除彼由毗師細取不淨佛土攝
度亂結衆生於賢劫中亦復少有善
男子菩薩摩訶薩有四精進何謂為
四一者願不淨佛刹二者願不淨意
衆生中作佛事三者願逮菩提已說
聲聞辟支佛乘四者願逮菩提已壽
命處中不長不短是為菩薩摩訶薩
四精進是故彼諸菩薩謂如分陀利
不似如華是故彼謂菩薩摩訶薩婆
羅門譬如汝今日於無量阿僧祇菩
薩衆中善拔刺記於如來前大悲分
陀利出汝妙願攝度無間業乃至集
不善根及重五濁佛土善丈夫以汝

大悲音故十方佛剎微塵數諸佛世尊遣使稱汝善哉為汝立大悲名又此一切大衆事供養汝汝大悲於當來世過一恒河沙數阿僧祇於二恒河沙阿僧祇少餘於彼婆訶佛剎於賢大劫百二十歲世人老病所困盲冥之中世無導師集不善根因於邪道曠野衆生造無間業誹謗賢聖非毀正法犯根罪中乃至如前所說充滿於世汝為如來明行足乃至佛世尊轉正法輪降自在魔伏諸結魔名稱流布十方無量無邊佛土汝當有大聲聞衆一千二百五十比丘當於四十五年中如是漸漸具作佛事如所立願於今時是大王無量淨當名阿彌陀於無量劫中具作佛事如是汝大悲於婆訶佛剎賢大劫百二十歲世人中於四十五年如是成滿大具佛事汝善丈夫當以無上般涅槃後正法住世過千歲正法滅後善丈夫汝色身舍利亦如是作佛事如汝願於今所時化度衆生如前所說

大乘悲分陀利經大師持品第三

善男子。今時有梵名螺髻。彼言汝善丈夫。於無量阿僧祇劫中行菩薩行。時在所生處。我常為汝給使隨順供奉。猶如僮僕。於最後身。願為汝父。善丈夫。汝逮菩提已。為汝第一檀越。汝當授我阿耨多羅三藐三菩提。記時有女海神。名曰調意。彼言在所生處。乃至最後身。我為汝母。生育於汝。汝大慈逮菩提已。亦授我阿耨多羅三藐三菩提。記時有女地神。名曰水儀。彼言在所生處。乃至最後身。我為汝母。汝逮菩提已。授我阿耨多羅三藐三菩提。記時有二釋。一名親近。二名雪恩。念彼二俱。言汝大悲。在所生處。乃至逮菩提已。我等為汝神足。智慧上首。聲聞復有一釋。名曰善現。手彼言大悲。在所生處。乃至最後身。我為汝子。時有女山神。名曰日壹。彼言大悲。汝在生處。乃至最後身。我為汝妻。善丈夫。汝逮菩提已。授我阿耨多羅三藐三菩提。記時有阿修羅。名曰劍行。彼言大

悲汝在所生處於無量阿僧祇劫中
善丈夫汝行菩提行時我當與汝作
親族善友如奴僕使汝最後身我當
供給善丈夫汝逮菩提已轉正法輪
初說法時我先證果服法味得甘露
乃至除諸結使成阿羅漢略說今時
恒河沙數天龍阿修羅世人隨順大
悲立願受度時有一邪命名曰壞想
彼言大婆羅門我為汝友助成衆事
我當所在生處无量阿僧祇劫中為
汝同師友及作親屬又常至汝所為
乞衣服卧具烏馬車乘輦輦聚落城
郭男女妻妾及諸眷屬皮肉骨血手
足耳目鼻舌及頭盡求索故大婆羅
門我為汝友助成汝檀波羅蜜乃至
助成般若波羅蜜大婆羅門汝行菩
提行時我當如是助成六波羅蜜乃
至汝逮菩提令我得聲聞處受持八
万部法真為法師汝當授我阿耨多
羅三藐三菩提記善男子大悲婆羅
門聞彼語訖五體禮實感如來足已
語彼壞想邪命言善哉善哉善丈夫
汝為我無上行友汝乃能為我於无

量阿僧祇那由他百千衆生處從乞衣服乃至頭目故我當歡喜淨心施與令汝永無罪分善男子時彼大悲菩薩摩訶薩復白寶藏如來言世尊若我在所生處於無量阿僧祇億那由他百千劫中行阿耨多羅三藐三菩提行時其有住我前從我求食或以軟言或以麁言或輕調言或正直言從我求索世尊若我於求者所一念之頃若生瞋恚不受敬心施求果報如是施者令我永已不見十方无量阿僧祇餘世界中現在住世說法諸佛令我不成阿耨多羅三藐三菩提世尊我以淨心施與乞士若受施者於信施墮障等善法乃至指毛億分一者令我永已不見諸佛世尊受施者乃至毛億分之一障善法者令我墮阿鼻地獄中如施飲食衣服亦余乃至乞者從我求頭或以軟語或以麁語或輕弄語或以正直語從我索頭世尊若我於求者所有一念頃若生瞋恚不受敬心願求果者令我永已不見諸佛世尊乃至令我入阿

鼻地獄如我行施戒亦如是乃至惠
乃至捨亦如是說善男子今時寶藏
如來讚大悲菩薩摩訶薩言善哉善
哉汝善丈夫以大悲意立是妙願善
男子時一切大衆天龍闍婆阿修羅
世人合掌而住讚言善哉善哉仁善
丈夫以大悲意立是妙願善勝堅固
仁亦以六和敬法滿足衆生善男子
如壞想邪命立願受菩薩施八万四
千衆生亦立願善男子時大悲菩薩
摩訶薩聞八万四千衆生立如是如
壞想所立生大歡喜起叉手立觀一
切大衆已悲喜交集而言甚奇未曾
有我當於彼窮法困弊大結散乱五
濁惡世為導師商主為照為燈無力
无覺悟者我為亦導我乃能於初發
心得此如是無上菩提行及在所生
處能受我頭眼耳鼻舌手足血肉皮
骨乃至受我飲食善男子時彼大悲
菩薩摩訶薩還坐寶藏如來前白佛
言世尊我在所生處无量阿僧祇那
由他百千劫中其有求索來至我所
從我受施若食若飲乃至受頭從我

手中受施乃至折毛億分之一者乃至菩提際若我逮菩提已從生死中不脫彼衆生不授彼聲聞乘辟支佛乘大乘記者令我永已不見現在十方諸佛世尊令我不逮阿耨多羅三藐三菩提善男子寶藏如來復歎彼大悲菩薩摩訶薩言善哉善哉善丈夫汝菩提行願如是如持彌樓山如來先勸發心於世自在明如來前立如是菩提行願如是行菩提行立願已來過恒河沙數大劫彼大丈夫於東方億百千佛土取在邊持熾然世界百歲世人中成阿耨多羅三藐三菩提号智華無塵上勝菩提自在如來應供正遍知乃至佛世尊四十五年具作佛事已入無餘涅槃大悲時彼智華无塵上勝菩提自在如來般涅槃後正法眼住千歲正法滅後像法亦住千歲大悲又彼智華無塵上勝菩提自在如來般涅槃後正法眼時復於像法比丘比丘尼破戒惡法邪行非行無慚无愧毀供養法無有慚愧斷截四方僧及現前僧衣服飲

食則具湯藥種種供具而自入若自
食若與俗人大悲時彼智華无塵上
勝菩提自在如來先授彼一切三乘
記大悲其有衆生於彼如來法中著
染袈裟者先授彼一切三乘不退轉
記其有犯根罪比丘比丘尼優婆塞
優婆夷先於彼如來有師事者善根
故亦授三乘不退轉記善男子大悲
菩薩摩訶薩重白寶藏如來言世尊
我如是立願乃至隨我幾數時行無
上菩提行無上菩提行所勸化衆生
於檀波羅蜜以善勸化衆生乃至毛
億分之一修行乃至菩提際不令彼
衆生住三乘地不退轉乃遺一人者
今我永已不見十方無量阿僧祇世
界中現在住世說法諸佛令我不成
阿耨多羅三藐三菩提世尊我得无
上智己其有衆生於我法中著染袈
裟者若犯根罪若因諸見於三寶失
犯衆過罪比丘比丘尼優婆塞優婆
夷有於我所能一念頃發師事想生
恭敬心著於法僧起恭敬意者世尊
我若不授彼衆生三乘不退轉記遺

一人者令我永已不見諸佛世尊乃
至不成阿耨多羅三藐三菩提世尊
我違善提已令涂服袈裟為天世人
之所尊重恭敬供養其有衆生得見
袈裟者令於三乘得不退轉其有衆
生飢渴所逼之無飲食若夜又貧窮
若人貧窮若於餓鬼其餓鬼衆生得
涂袈裟乃至四指令彼一切所求飲
食隨意充滿其有衆生不相和順多
饒怨嫉共相鬪戰若天若夜又若羅
刹龍阿修羅迦樓羅緊那羅摩睺羅
伽鳩那荼毗舍遮及餘世人文陣鬪
時能念袈裟者令彼衆生得悲心軟
心無怨心淨心隨用作心衆生若於
鬪戰若於諍訟為護身故尊重恭敬
供養袈裟常持自隨者令彼衆生所
在常勝無能陵者從鬪戰諍訟安隱
解脫世尊若我袈裟不具此五聖德
者令我永已不見十方諸佛世尊乃
至今我不能具作佛事令我諸法悉
皆忘失今我不能降伏異學善男子
今時寶藏如來申右臂以手摩大悲
菩薩頂告言善哉善哉善丈夫所願

甚善辯才妙勝善丈夫如是汝速等
提已染服袈裟有此五聖德饒益衆
生善男子時大悲菩薩彼以受記善
哉善哉歡喜踊躍以如來百福莊嚴
柔軟右手綉網長指觸之還成童子
如年二十善男子今時一切大衆天
乳闍婆阿修羅世人還叉手住敬事
供養大悲菩薩摩訶薩以華香乃至
音樂供養大悲菩薩摩訶薩以妙偈
讚已就坐

大乘悲分陀利經卷第六

癸卯歲高麗國大藏都監奉

勅彫造

大乘悲分陀利經卷第七

白

失三藏名今附秦錄

莊嚴品第三十二

善男子今時大悲菩薩摩訶薩五體
乳寶藏如來足已還坐如來前問寶
藏如來言世尊說菩薩道決定三昧
門淨資用法門世尊云何得滿三昧
門淨資用法門世尊善男子善女人
具何資用得住堅固以何決定三昧
門而自在莊嚴善男子彼時寶藏如來
應供正遍知告大悲菩薩言善哉善
哉大悲所問甚善辯才極妙又汝大
悲能為饒益多無量阿僧祇菩薩摩
訶薩故出現又汝大悲乃能問於如
來如斯之義是故汝大悲善聽吾當
為汝分別說之大悲求大乘善男子
有三昧名首楞嚴菩薩住是三昧者
能入諸三昧有三昧名寶印能印諸
三昧有三昧名師子遊戲能遊戲諸
三昧妙月三昧能照諸三昧如淨月
幢勝三昧能持諸三昧幢諸法勇出
三昧能踊出諸三昧觀頂三昧能觀

諸三昧頂菩薩住畢法性三昧能決定諸法性畢幢勝三昧能持諸三昧幢金剛三昧能破諸三昧入法印三昧能印諸法三昧王善住三昧能住諸三昧如王住放光三昧能放諸三昧光力進諸三昧能進諸三昧力踊出三昧能踊出諸三昧必入言辭三昧能辯說諸三昧釋名字三昧能辯諸三昧名号觀方三昧能觀諸三昧方破諸法三昧能破諸法持印三昧能持諸三昧印諸法閑靜三昧得入諸三昧閑靜不忘失三昧能不忘失諸三昧法不動三昧能住諸三昧不動諸法等說海印三昧能攝諸三昧如大海水不輕諸法三昧能至諸三昧不輕生滅遍覆諸三昧如虛空諸法無斷三昧能持諸三昧無斷金剛輪三昧能持諸三昧輪諸法一味三昧能持諸三昧一味捨寶三昧能捨諸三昧煩惱垢諸法无生三昧能現諸法無生滅顯明三昧能以光明顯照諸三昧諸法無滅三昧能破諸三昧无是非三昧能終不是非諸三昧

法無住相三昧能見諸三昧法中
无住相虚空相三昧能見諸三昧如
虚空無堅實元心三昧能捨諸三昧
中心心數法色無邊三昧能照諸三
昧中色无垢燈三昧能諸三昧中作
燈諸法无邊三昧能諸三昧中現無
邊智無邊明三昧能明現諸三昧中
无邊智作諸光三昧能現諸三昧門
光性無邊三昧能現諸三昧无邊通
三昧淨堅三昧能逮空三昧佉弥樓
雜三昧能現諸法空無垢光三昧能
除諸三昧中垢諸法無畏三昧能於
諸三昧現无著作樂三昧能得諸三
昧中樂諸法實遊戲三昧能得現諸
三昧中色散明三昧能現諸三昧中
難諸法無垢著三昧能現諸三昧垢
智光盡相三昧能現諸三昧中无盡
不盡諸法不可思議淨三昧能現諸
法如影火相三昧能然諸三昧中智
無盡相三昧能現諸三昧中无盡相
無想三昧能於諸法中無想无受無
掉增長三昧能見諸三昧中增長日
燈三昧能於諸三昧門放光日月无垢

三昧能於諸三昧作明淨影三昧能於諸三昧得四正解作不作三昧能於諸法見作不作智相如金剛二昧能於諸法作歇亦不見歇者心住三昧能於諸法心不動不覺不照不惱不生是念此是心也普明三昧能普見諸三昧明安住三昧能諸三昧中得安住不動寶聚三昧能見諸三昧中如寶聚妙法印三昧能印諸三昧法等三昧能見諸法无離等者捨喜樂三昧能捨諸法中喜樂法炬三昧能除諸法中闇冥散相三昧能散諸法破諸法中著字相三昧能諸法中得字相無字相三昧能諸法中不得一字斷作三昧能斷諸法中作无作三昧能諸法中得無作性淨三昧能諸法中得无思無相行三昧能諸法中不得相行無矇昧三昧能不見諸三昧行過等不等除集諸功德三昧能捨諸法中集住無心三昧能諸法中不得心覺分三昧能覺諸法無量辯三昧能諸法中得阿僧祇辯智淨相三昧能得諸法中無等等智勝三

昧能度一切三界斷智三昧能見諸
法斷分別諸法三昧能建分別諸法
無住三昧能見諸法元所依一莊嚴
三昧能不見二法作相三昧能諸法
中不見作相一切作一切處散三昧
能入一切法作相智所可入无所受
等相辭入三昧能入諸辭等相中音
聲字解脫三昧能見諸法中字解脫
智炬相三昧能以光明照諸三昧妙
智相奮迅三昧能現諸法淨相破相
三昧能見諸法破相諸作妙相三昧
能得諸法三昧中諸妙作相捨諸苦
樂三昧能見諸法無所依无盡相三
昧能不見諸法中盡陀羅尼句三昧
能持諸三昧諸法不見邪正除逆順
三昧能諸法中不見逆順無垢光三
昧能諸三昧中不見有為垢必堅三
昧能諸法中得無不堅滿月淨三昧
能滿諸三昧功德大莊嚴三昧能於
諸三昧具大莊嚴一切世光三昧能
以智照諸法三昧等明三昧能諸三
昧中得第一淨无諍三昧能諸法中
得無諍无住處樂三昧能諸法中不

得仁處如住無心三昧能諸法中如
住不退除身穢三昧能諸法中不得
身菩薩得除語穢虛空相三昧能諸
法中不得語業菩薩住虛空无染著
三昧能逮諸法虛空无数是名求大
乘菩薩決定三昧門何謂菩薩摩訶
薩資用法門善男子菩薩摩訶薩有
施資用得勸進菩薩戒資用得滿願
菩薩忍資用得調心菩薩慧資用得
知諸結使菩薩聞資用得阿僧祇辯
菩薩福資用得饒益衆生菩薩智資
用得阿僧祇智菩薩止資用得成作
心菩薩觀資用得無是非菩薩慈資
用得无尋心菩薩悲資用得化衆生
無厭菩薩喜資用得樂法喜菩薩捨
資用得捨愛憎菩薩聽法資用得捨
盖障菩薩出家資用得捨一切有為
菩薩閑居資用得不失作業菩薩念
資用得陀羅尼菩薩意資用以得意
解菩薩至資用得覺至議菩薩念處
資用得覺身受心法菩薩正於資用
得捨諸不善法修諸善法菩薩神足
資用得輕身心菩薩根資用得滿一

切衆生根菩薩力資用得伏一切結
便菩薩覺分資用得覺法寶菩薩得
生天上菩薩正解資用得釋一切衆
生疑菩薩无依資用得自然智菩薩
善知識資用得一切功德門菩薩志
資用得不斷一切世菩薩作資用得
辯諸作菩薩至志資用得至殊勝菩
薩思惟資用得具修如所聞法菩薩
攝物資用得勸進衆生菩薩攝正法
資用得不斷三寶種菩薩解方便迴
向資用得佛土淨菩薩方便資用得
滿薩婆若智善男子是名菩薩摩訶
薩淨資用法門復次善男子時寶藏
如來又觀菩薩大衆已告大悲菩薩
摩訶薩言大悲於中以何無畏莊嚴
菩薩摩訶薩得莊嚴滿忍觀第一義
菩薩摩訶薩得無尋作一切三界无
為心於諸衆生心亦无為是無畏三
昧沙門法其有一切法中心如虛空
平如掌者大悲是名菩薩摩訶薩无
畏莊嚴又何謂滿忍彼如是者於中
不見得法可覺可知解無報法所謂
說慈無我悲无衆生喜無命捨无入

放謂調心戒靜心忍善心進勤心禪
滅心慧無行心念處無念思惟心正
捨无生滅心神足無量心信无数心
念自然心三昧无三昧心慧根無根
心力無伏心覺分破意心道无修心
止滅心觀無失心修聖諦永断修心
思念佛无量相心思念法法性等心
思念僧无住心化衆生極淨心攝正
法法性无破心淨佛土等虛空心滿
相無相心得忍无得心無退轉地无
退不退心莊嚴道場心三界場心於
一切衆生降魔心攝一切衆生心苦
提一切法等無覺心轉法輪一切法
無轉心現大般涅槃生死實等心說
是法時六十四百千菩薩於十方來
詣耆闍崛山釋迦牟尼如來所為聽
本事決定三昧門淨資用法門故彼
皆得無生法忍時釋迦牟尼如來告
大衆言諸善男子寶藏如來應供正
遍知說是法時四十八恒河沙數菩
薩摩訶薩得无生法忍四天下微塵
數菩薩摩訶薩得不退轉地恒河沙
數菩薩摩訶薩得具滿足決定三昧

門淨資用法門清淨智慧善男子時
大悲菩薩摩訶薩以彼歡喜變成童
子如年二十從寶藏如來後如影隨
形善男子彼時無量淨王與其千子
八万四千諸小國王及餘九十億衆
生俱出家為道奉持禁戒學問修禪
善男子尔時大悲菩薩摩訶薩漸漸
從寶藏如來所誦八万四千部說聲
聞乘法誦九万部說辟支佛乘法誦
百千部說無上大乘百千身念處百
千受念處百千心念處百千法念處
百千部界百千部入百千部捨貪欲
使百千部捨瞋恚使百千部捨愚癡
因緣生百千部三昧解脫百千部力
無畏佛不共法乃至寶藏如來所受
百万部法而誦讀之乃至異時彼寶
藏如來應供正遍知入無餘涅槃善
男子彼時大悲菩薩摩訶薩以種種
若干无量阿僧祇音樂華鬘末香塗
香幢蓋幡麾及餘雜寶而供養之以
種種闍維訖以舍利起七寶塔高五
由旬縱廣半由旬於七日中以無量
阿僧祇音樂華鬘末香塗香幢蓋幡

麾及餘雜寶供養已又即於彼化無
量阿僧祇衆生令住三乘彼竟七日
後與八万四千人俱共出家剃除鬚
髮而被法服正法堅固皆如法已寶
藏如來般涅槃後護持正法興顯道
化滿十千歲其中勸化无量阿僧祇
衆生令住三乘有住三歸依有住優
婆塞戒有住沙彌戒有具修比丘梵
行令住其中彼令多億那由他百千
衆生得善神通修住梵行令知陰如
怨入如空聚又令得知因緣生諸有
為知見現一切法无我如影野馬如
水中月現無生无滅無續永滅靜寂
惛怕極妙滅盡真實涅槃令其知之
住八聖道已時彼大悲大沙門即便
命終已衆生雲集如是供養舍利猶
如供養轉輪聖王舍利也尔時如是
供養大悲大沙門舍利已其命終日
寶藏如來正法亦滅彼諸菩薩摩訶
薩各隨本願生他方界有隨願生兜
率陀天有生人中有生龍中有生夜
叉中有生阿修羅中有隨願受種種
畜生

善男子時大悲大沙門命終已以本願故生於南方去此佛土過十千佛剎有世界名集穢其中世人壽八十歲集不善根凶害手血樂作衆惡於諸衆生無有憐愍元父無母乃至不畏後世其大沙門以本願故生集穢刹旃陀羅家巨身甚長有極大力所為迅速念力極大才辯難折衆行恚脩彼以強力疾攝衆生而告之言咄汝衆生能斷竊盜邪婬乃至能斷邪見者我當賜汝等命及養身具若不止者我當斷汝等命斷已更至餘處彼時衆生叉手合掌同聲白言若濟我命當隨汝教盡斷殺盜乃至邪見彼時強力旃陀羅往語王及王子群臣百官言我須養命之具若飲若食若佉闍蒲闍若薜夜梨舍衣服卧具種種塗香金銀摩尼真珠琉璃車渠馬瑙珊瑚琥珀具及玫瑰我用與此衆生時王群臣多與養命之具彼時強力旃陀羅又令王及眷屬盡形壽住九善業已人壽轉增至五百歲時彼國

王忽然崩亡群臣百官拜彼強力旃
陀羅為王拜已即為立号号曰福力
善男子尔時福力王未久教化一國
已如是堅進復化二國福力王不久
乃至作一切閻浮提強力轉輪王時
福力王自知攝一切閻浮提為大王
已然後勸人不奪他命住不殺生如
是調施乃至斷邪見教化衆生令住
正見隨衆生意勸以三乘令住其中
時福力王普勸閻浮提衆生修十善
業得住三乘已遍令閻浮提言其有
求索飲食乃至雜寶彼一切來詣我
所我志與之於餘時閻浮提諸求索
者皆來詣福力王隨其所求種種給
與時有邪命名曰土鳴來立王前白
言汝大王能種種極大施與為求阿
耨多羅三藐三菩提故大王汝能滿
我意者必當於世為燈明尊王曰欲
求何等土鳴邪命言大王我是呪師
欲成降伏天呪故來白汝我今欲得
生人肉眼善男子時福力王思惟念
言吾已得為強力轉輪王又復勸化
過數衆生住十善業隨住三乘无量

施已此是我善知識能勸我危脆身
令為堅固王曰汝且歡喜我當與汝
此凡肉眼令我得無上慧眼以歡喜
心與汝身皮令我得佛无上菩提善
男子時福力王以右手自挑兩眼以
與邪命血遍流面而作是言

聽我此多天夜又緊那修羅諸善神
若於虛空住地人明我是施為菩薩
願逮寂勝妙寂道於四暴流度衆生
遷置涅槃到彼岸

復作是言若我得逮阿耨多羅三藐
三菩提令我命根於今所日不絕意
念不亂不生悔心盡彼邪命呪術得
成告言善男子可取我皮時土鳴邪
命手執利刀剥取王皮於七日中得
成呪已時王福力亦於七日命根不
絕意念不動受如是苦無一念頃而
生悔心善男子彼時大悲寶藏如來
父豈異人乎莫造斯觀我身是也是
我先初發阿耨多羅三藐三菩提我
於初發心勸過數衆生於阿耨多羅
三藐三菩提是我初勇健行我隨願
故從彼終已生集穢佛土旃陀羅家

是我二勇健行能於旃陀羅種中勸
衆生住善已以日進力乃至得為強
力轉輪王滅除一切閻浮提閻諍怨
嫉及諸穢濁又壽命轉增是我初自
施眼及皮從彼命終還生集穢刹二
天下中以本願故復生旃陀羅家略
說於中用是堅進以善法勸衆生乃
至得為強力轉輪王滅除其中閻諍
怨嫉種種穢濁增其壽命於中亦自
施舌及耳乃至一切三千大千集穢
佛土二方中作如是丈夫行以本願
堅進勇猛相續以本願故於恒河沙
數五濁佛刹中作如是大丈夫行勸
衆生今住善業於三乘中又復滅除
閻諍怨嫉種種穢惡善男子是故餘
諸佛世尊佛土清淨以彼諸佛世尊
先行無上菩提行時不說他非不虛
言加人不現恐怖不以聲聞辟支佛
乘化衆生是故彼諸佛世尊隨意盡
滿得淨佛土其佛土中無受戒犯名
又不聞麤言不善之聲無諸惡音唯
以法聲充滿佛土其中衆生隨意所
欲无聲聞辟支佛名不如我於恒河

沙數大劫在恒河沙數五濁空佛剎
中以恐逼虛言勸衆行善隨衆生意
令住三乘以彼殘業令我今此佛土
穢濁多諸不善惡聲充塞集不善根
衆生遍滿我以三乘說法如我先所
立願而取佛土隨所化衆生如是以
勤修進力行菩提行如本所種得如
是佛土如我先所立願善男子我今
略說所行檀波羅蜜如我行菩提行
時極盡施與先無有菩薩能如是行
施者後亦无有菩薩行菩提行時能
行如是施者如我行菩提行時施與
除八大丈夫名持與菩薩於南方一
切護世界中成阿耨多羅三藐三菩
提号除穢明如來百歲世人中說法
彼却後七日當入涅槃如是菩薩名
進覺於東方阿閼跋提世界成阿耨
多羅三藐三菩提二千歲世人中作
佛事彼舍提如來以無上般涅槃而
般涅槃已過恒河沙數大劫彼大悲
舍利今猶在五濁空佛剎中作佛事
道是堅華菩薩以進擔力施行菩薩
行彼却後於來世過十恒河沙數大

劫後於北方有五濁佛剎當名因耨
彼大丈夫於中當成阿耨多羅三藐
三菩提号因除愛王如來應供正遍
知乃至佛世尊菩薩名慧明無畏喜
彼善丈夫過一大劫當於西方五濁
世界名三毗羅婆帝百歲世人中當
成阿耨多羅三藐三菩提号名日藏
明無后主王如來應供正遍知乃至
佛世尊又今是二等樂喜辭當竟過
數大劫後於上方有世界名灰集曲
五濁極惡劫名大亂彼等樂以本願
故於灰集曲世界五十歲世人中當
成阿耨多羅三藐三菩提号不可思
議樂如來乃至佛世尊彼以本願當
十年中具作佛事已而般涅槃即於
是日正法亦滅時彼佛土當十年空
又彼喜辭菩薩以本願故於灰集曲
佛土三十歲世人中當成阿耨多羅
三藐三菩提号照明伏如來乃至佛
世尊於十年中具作佛事已當入無
餘涅槃界以本願故般涅槃後正法
住世滿七十歲彼二丈夫得前授記
得善哉得受阿耨多羅三藐三菩提

記彼二丈夫頭面礼世尊足已以是
歡喜上昇虚空去地七仞叉手合掌
同聲以此偈讚世尊

佛照世間譬如日 上智勇出於此時
目淨無塵世導師 明能降伏諸異學
於多劫中修无相 為求微妙上菩提
供養諸佛如恒沙 過去導師未記我
心善解脫无貪欲 能使盲世修善行
為失道者說妙法 於生死河度衆生
我於自然法出家 世尊所說解脫戒
我等已學及三昧 隨從世尊猶如影
樂法自活无所依 聞法生心如尊想
我今現前得躋地 佛授我等菩提記
佛言其二未發菩提心善男子此等
樂喜譬彼四持與進覺道是堅華慧
明無畏喜此六丈夫我初化於菩提
者汝等善聽我今當說

大乘悲分陞利經身施品第二十四

善男子往昔古世過無量阿僧祇大
劫尔時此土名无塵弥樓獸彼大劫
百歲世人蓮華香如來像法中善男
子我時為閻浮提強力轉輪王名無
勝有千子我皆勸於阿耨多羅三藐

三菩提彼亦於餘時出家於蓮花香

如來法中具修梵行彼亦與顯蓮花

香如來法唯我六子不欲出家不欲

發菩提心我數教語汝等何求不發

菩提心不肯出家耶彼言我不能出

家所以者何於像法弊惡時有出家

者不能具持戒身彼當乏七財恒處

生死淵彼當復失人天功德有不具

持佛禁戒者長在三塗是故我等不

能出家我復問言汝等何故不發菩

提心彼言若能以一切閻浮提與我

等者當發阿耨多羅三藐三菩提心

善男子我聞語已甚大歡喜而自思

惟我已令一切閻浮提人住三歸依

勸八聖分齊又勸三乘我今應分此

閻浮提為六分持與六子勸以菩提

我宜出家具修梵行尋如所思分一

切閻浮提而作六分與諸子等我即

出家具修梵行彼閻浮提六王不相

和順鬪諍怨嫉疫氣流行興兵交戰

各不自寧普令閻浮提極大飢饉天

不降雨五穀不成樹木不生華葉果

實及諸草藥亦復不生人民鳥獸飢

渴身然苦逼難堪我即思惟今正是
時應以身施自身血肉充足衆生捨
牀而去往詣中國上障水山上立誓
願言

如我今者捨身命 但因悲念不為天
為利世人及諸天 令成肉山給衆生
如我捨身受妙色 不求釋梵及魔王
為益世人及諸天 令我肉血成彌樓
聽我人天龍夜叉 有在於此山樹神
我因衆生起憐愍 以身血肉濟群臣
我立願時阿湏羅宮皆悉大動地極
肅震弥樓傾搖海水波踊天及諸神
皆悉悲泣我時即從障水山上便自
投下以本願故即成肉山高一由旬
縱廣正等亦一由旬人民鳥獸來食
血肉以本願故晝夜生長漸漸乃至
高千由旬縱廣正等亦千由旬周匝
四邊皆有人頭悉具髮爪眼耳鼻舌口
齒悉備彼諸人頭高聲唱言咄汝衆
生各隨所欲恣意取之食肉飲血若
眼耳鼻舌口齒髮隨汝所欲身得充
滿從意所求若發阿耨多羅三藐三
菩提心若聲聞乘若辟支佛乘此是

汝等養身之具卒未便盡不與汝等

作信施罪又令汝等命不速盡其解

脫慧衆生有發聲聞乘心有發辟支

佛乘有發阿耨多羅三藐三菩提心

有求人天福心食肉飲血有取眼者

有取耳有取鼻有取脣有取齒有取

舌者以本願故尋即還復不盡不減

乃至十千年以身肉血充滿一切閻

浮提人夜叉及諸鳥獸於十千年中

施眼如恒河沙施血猶四大海施已

身肉若干須弥以舌施人如鐵圍山

以身施與中弥樓等施鼻猶若大弥

樓山我以齒施如耆闍崛山我身肉施

遍娑訶刹善男子觀我於十千年中

以一身命如是無量无邊阿僧祇施

以是充滿無量無邊阿僧祇衆生无

一念頃而生悔心我即於彼立如是

願若我得成阿耨多羅三藐三菩提

意如是滿者如我於此一天下中自

身血肉充足一切令我如是於恒

河沙數十年中於此無塵弥樓獸佛

刹一切方中我以如是身於二方滿

十千年以身血肉皮膚眼耳鼻舌脣

齒及髮充滿衆生勸以三乘若人夜
叉羅刹及諸畜生有四大者噉肉飲
血乃至餓鬼我當充足於彼一切如
我一佛刹中以身血肉濟諸衆生如
是普於十方恒河沙數五濁佛土中
以身血肉眼乃至舌充彼衆生以如
是身恒河沙數大劫之中以已身命
充足於彼諸佛土中一切衆生若我
是願意不滿者令我永已不見十方
餘世界中已轉法輪現在住世說法
諸佛世尊我不成阿耨多羅三藐三
菩提使我於生死中不聞佛聲法聲
僧聲波羅蜜聲力聲無畏聲使我於
生死中乃至不聞善聲若我自身施
與充足一切衆生如是願不滿者使
我常處阿鼻地獄若我求願如是
得滿如我於此一佛刹土一方中
以已肉血如是充足一切衆生亦於
十方恒河沙數餘佛土中以身肉血
充足衆生善男子觀如來所行身施
檀波羅蜜相續眼施積滿閻浮提至
三十三天際善男子此如來略說身
施檀波羅蜜

復次善男子從彼已後憶無量劫時
此佛刹名月明亦復五濁我於此閻
浮提為強力轉輸王名燈明以如是
善勸化閻浮提一切衆生如前所說
我時出遊觀園見有一人反縛兩臂
極為急物即問諸王此人何罪諸王
答言此犯王法敢是天民歲由常課
六分稅一此人違命又居王境種殖
自濟賦稅不順是以繫身即告諸王
速放斯人儲糧蘇油勿苦索之臣答
王言終無有人能以善心輸王諸物
所可日日給王夫人及諸眷屬厨供
所須皆從民出自非王力終不可得
未有一人好心與者我時愁憂却自
思惟此一切閻浮提王位今當付誰
時我有子五百人皆勸以菩提我即
分此閻浮提為五百分用與諸子即
捨詣林求仙梵行南近大海憂曇波
羅林中坐禪食果草根用濟身命漸
漸不久得具五通今時閻浮提有五
百商人入海採寶獲衆寶聚其中商
主名宿王以福力故得如意摩尼從

彼寶洲多取衆珍寶及與摩尼始發引時海水波涌諸龍惱亂海神啼泣中有龍仙名馬藏實是菩薩以本願故生於其中彼摩訶薩擁護商客安隱度海自還所住隨彼商客有惡羅刹恒逐於後伺求其便彼於晝日放暴風雨使諸商人迷失逕路不知所趣極甚恐怖發大音聲啼哭悲泣求諸天神風神水神乃至稱喚父母所愛兒息今時我以天耳聞彼音聲即往慰喻汝等商人勿得恐怖我當示導汝等逕路令汝安隱至閻浮提我即以繒而自纏手內著油中以火然之發至誠言我於林中三十六年遊四梵處為益衆生故食衆果實及諸草根既化八万四千龍夜叉令住不退轉阿耨多羅三藐三菩提以是善根業報令我手然使此商人得道安隱至閻浮提如是手然經七日七夜彼諸商人安隱還到於閻浮提我於彼時即自立願如此閻浮提之諸珍寶若我得成阿耨多羅三藐三菩提是意滿者令我得為商主採如意珠

於一一方七返雨種種衆寶之雨於
此佛土一切方中如是於十方恒河
沙數五濁空佛土中如前所說我如
是意皆已得滿於恒河沙數大劫中
為無上商主於恒河沙數五濁空佛
土中雨於衆寶一一方中七返雨種
種衆寶之雨以如是隨意充足无量
阿僧祇衆生今住三乘善男子汝觀
如來寶施善根相好果報

大乘悲分陀利經譬方施器第二十六

復次善男子竟無量劫時此佛土名
日矇昧劫名喜悅亦復五濁五万歲
世人中我以本願故於此閻浮提為
婆羅門名曰塲香通四鞞陀今時衆
生常見極重樂慙嫉好鬭諍我以勇
猛力為衆生說法亦陰如怨入如空
聚因緣相續生滅現阿那波那念思
惟勸發阿耨多羅三藐三菩提心善
根迴向皆悉住中我自得五通今時
無量阿僧祇衆生以我教授亦得五
通如是无量阿僧祇衆生捨諸怨嫉
種種鬭諍往詣園林食衆果實及諸
草根坐禪思惟遊四梵處日夜无諍

劫欲盡時堪受供人滿閻浮提以是
滅除鬪諍怨嫉非時風雨地生五穀
皆悉香美食增氣力以劫惡故衆生
種種諸病所因我即思惟若我不能
除此衆生諸疾病者令我不逮阿耨
多羅三藐三菩提不能得除衆生結
病我當以何方便除衆生病復生是
念我宜集釋梵護世諸餘天仙龍仙
夜叉仙人仙為饒益衆生故造現方
藥我即以神足往告釋梵護世天仙
龍仙夜叉仙人仙有山名億迦毗羅
鉢帝來集其上頂石鞞陀遮羅迦大
醫之處於中造說治風水火諸大病
方令無量阿僧祇衆生病盡除滅我
於其中立願如是我今以此慧照明
無量阿僧祇衆生令住三乘閑惡趣
門置天道中滅除衆病如是為無量
阿僧祇衆生而作慧明置安隱樂以
是善根業報願我是意得滿如此一
方閑無量阿僧祇衆生惡趣門置天
道中為疾病故集諸天衆仙衆夜叉
衆龍衆為衆生故集鞞陀遮羅迦山
頂衆醫集處說除衆病平健方藥如

是矇昧佛土一切方中作如是丈夫
行安置衆生於天道中如是集天龍
夜叉人仙為衆生故造說種種呪術
如此矇昧佛土當於十方恒河沙數
五濁空佛土中作如是丈夫行令衆
生得住三乘安置天道現諸種種呪
術於世除衆疾病善男子我以如是
滿無上意又復於此矇昧佛土一切
方中作如是丈夫行如所立願亦以
無上於十方恒河沙數五濁空佛土
一一佛刹一切方中作如是丈夫行
如我本所立願善男子觀如來勝慧
行菩提行是如來三善護持善根種

大乘悲分陀利經現伏藏施品第二十七

又於好時過阿僧祇劫時此佛土名
曰除穢於饒益大劫亦復五濁於東
方第五十四天下閻浮提名曰啼例
我為度衆生故於其中生為四天下
轉輪聖王名曰虛空我於彼中以十
善業教化衆生勸以三乘令住其中又
一切施一切處施有來求索種種珍
寶金銀琉璃玉紺大紺明月水精隨
其施與珍寶轉增我問諸目從何所

因得此衆寶諸日答言諸大龍王開
示伏藏伏藏現故世饒珍寶彼雖現
伏藏不及從王求寶者多我即立願
若我於彼五濁惡世結使極重百歲
人中得成阿耨多羅三藐三菩提是
意滿者令我於此佛土得為龍王名
現伏藏於除穢佛土一切方中各七
返受龍身於一一身亦現億那由他
百千伏藏滿中衆寶金銀乃至玉紺
大紺明月水精持用施與一一伏藏
縱廣千由旬如是衆寶充滿其中開
發施與一切衆生如此佛土立勇健
事如是十方恒河沙數五濁空世界
中於諸刹土一切方中各七返受身
如前所說善男子如我立是願應時億
那由他百千諸天於虛空中雨衆妙
華讚言善哉善哉一切施如前立願
意必得滿時諸大衆普聞是聲天於
空中為王改号名一切施諸人間已
即生是念我等應從求其難捨彼若
與者名一切施若不與者非一切施
彼諸衆生即來從王乞宮人正后男
子時虛空王以歡喜心皆悉施與彼

諸人等復生是念妻子施與猶未為難我等今應從乞王位及以支節若能與者名一切施若不與者非一切施時有人敬持雞戒名為月光至虛空王前白言大王若一切施者此一切閻浮提可以施我王聞語已欣然大悅即浴以香湯著王者之服立為一切閻浮提王尋即立願如我今日捨此閻浮提王位為滿阿耨多羅三藐三菩提意故今立王願令一切悉皆伏從增壽无窮究竟得為大轉輪王如我今日王位與之願成阿耨多羅三藐三菩提時受其次後阿耨多羅三藐三菩提補處職記復有婆羅門名曰虛遮來乞雨足我以好心手執利刀自截兩足持用施之尋立大願令我得成無上戒足復有婆羅門名陀吒披來乞雨眼自挑與之尋即立願今以是施令我得无上五眼復有婆羅門名曰堅紅來乞雨耳自割與之即便立願我以是施得無上智耳復有一邪命名曰逸林來乞男形自截與之我尋即立願今以是施令得无上陰

藏之相復有來乞肉血我即與之尋
即立願以是施報得金色相復有
波利婆羅闍迦名曰日味來乞兩手
我自截左手令人截右手而與之尋
即立願願得果成無上信手如我截
身支節流血塗體即復立願我以是
施得滿阿耨多羅三藐三菩提意者
令我必得付此身處時彼無有聖智
群臣諸小國王不識重恩衆共議言
王甚愚癡无小慧分傷損支節不顧
王位辟如肉聚何用斯為今應放棄
即便攝我擲置城外丘壙之處捨已還
歸我於彼中虫蠅蚊蚋豺狼鳥鷲來
食者我以好心尋即立願如今捨此一
切王位支節施與一心念頃不生根想
亦無悔心令是意滿願我此身變成
肉山其有衆生食肉血者令彼盡來服
吾血肉彼既來食以本願故令吾此
身日得生長漸漸轉增高千由旬縱
廣正等五百由旬於千年中以身血
肉充足衆生於中施吉禽獸來食以
本願故尋即還復但舌施與如耆闍
崛山即立願言令我常得无上廣長

古相於中命終以本願故還生帝例
閻浮提龍中名現伏藏龍王所可生夜
即現億那由他百千伏藏現衆寶積
滿所謂金銀乃至水精咄汝衆生應
修十善業發阿耨多羅三藐三菩提
心若聲聞若發辟支佛乘心隨意所
欲可往取寶於彼帝例閻浮提七返
為龍經七十七億那由他百千歲中
現無量阿僧祇伏藏施與衆生其中
如是勸无量阿僧祇衆生令住三乘
修十善業以種種衆寶充足衆生尋
即立願令得无上三十二相如是於
二天下七返為龍立是丈夫行如是
三天下乃至遍餘穢世界一切方中
立是丈夫行如是於十方恒河沙數
五濁空佛刹中於此諸刹一切方中
皆各如是七返為龍經七十七億那
由他百千歲中以無量阿僧祇伏藏
施與衆生如前所說善男子觀如來
極精進力為具三十二相行菩提行
非先菩薩能如此極力行菩提行今
亦無有後來亦无菩薩能如斯極力
行阿耨多羅三藐三菩提行除彼八

人我先說者過阿僧祇劫於餘好時
此佛土名珊瑚井亦空五濁蓮花大
劫中時我為是四天下釋名曰等照
我見斯閻浮提衆生不求戒行見已
即自變形為惡夜叉甚可怖畏下此
閻浮提人前住彼見我已甚大怖畏
而問我言欲求何等我言須食不用
餘物便速辦之彼言欲得何食我言
唯食人肉不用異物若盡形壽能斷
殺生乃至邪見發阿耨多羅三藐三
菩提心若辟支佛乘若聲聞乘心能
作是行者吾不食也現作化人而取食
之彼衆生見已極生恐怖彼盡形壽
斷殺偷盜乃至邪見有發阿耨多羅
三藐三菩提心有發辟支佛乘心有發
聲聞乘心令此一切四天下衆生修十
善業修住三乘我於中立願若我阿
耨多羅三藐三菩提意得滿是願得
滿者如使此四天下衆生得住善道
如是於此佛刹一切四天下現如是
恐怖令修十善道業安置三乘復於
十方五濁空佛土中乃至令修十善
業安置三乘善男子我如是意願盡

滿如此遍珊瑚井世界中以夜叉形
調伏世人置善法中如是十方恒河
沙數五濁空佛剎中以夜叉形調伏
世人置善道行以我恐逼衆生住善
行故以是殘業令我欲成菩提坐金
剛座菩提樹下魔王波旬將大兵衆
來恐怖我作菩薩尋善男子此是我
略說檀波羅蜜行菩提行未得深忍
深陀羅尼深三昧除先二身得世
五通如是立大丈夫行如是勸化無
量阿僧祇衆生令住阿耨多羅三藐
三菩提勸化無量阿僧祇衆生得住
辟支佛衆勸化无量阿僧祇衆生得
住聲聞乘除我行菩提行時親近佛
剎微塵數諸佛一一佛所得如海水
滂沱功德我供養過數辟支佛供養過
數如來聲聞如是供養父母五通仙
人如我先行菩薩行憐愍衆生以身
肉血而充足之彼時憐愍今阿羅漢
所无有也

大乘悲分陀利經卷第七

癸卯歲高麗國大藏都監奉

勅彫造

大乘悲分陀利經卷第八

白

失三藏名今附秦錄

菩薩集品第三十八

善男子如我以佛眼觀見十方佛刹
微塵數諸佛世尊已般涅槃彼皆是
我勸化阿耨多羅三藐三菩提令住
中者亦是我初勸檀波羅蜜乃至般
若波羅蜜令住中者乃至當來亦如
是說又見東方現在住世無量阿僧
祇諸佛世尊轉正法輪為衆說法亦
是我初勸發阿耨多羅三藐三菩提
心令住中者乃至六波羅蜜亦如是
說南西北方及與上下亦如是說善
男子我見東方去此佛土過八十九
百千佛刹有世界名華敷佛名無垢
德明王如來現在住世為衆說法彼
世尊是我初勸發阿耨多羅三藐三
菩提心亦是初勸檀波羅蜜乃至般
若波羅蜜令住中者略說東方有樂
喜刹佛名阿閼有紫摩刹佛名日藏
有樂自在刹佛名樂自在月明有日
沒刹佛名智日有勝息刹佛名龍雷

有等林剎佛名金剛稱有自王剎佛
名虎光有無樂剎佛名日藏有照怨
剎佛名稱自在有彌樓光剎佛名不
思議王有衆護剎佛名月德藏有華
光剎佛名音勝光有安上剎佛名現
安自在彌樓有持王剎佛名智像有
雜華剎佛名無垢眼善男子我以佛
眼觀見東方如是等無量阿僧祇諸
佛世尊現在說法彼未發菩提心我
初勸於阿耨多羅三藐三菩提令住
其中是我初勸檀波羅蜜乃至令住
般若波羅蜜是我先所將至現在住
世諸佛世尊所初得授阿耨多羅三
藐三菩提記者說是語時華敷世界
無垢德明王如來座動其中菩薩見
無垢德明王如來座動即白佛言唯
世尊何因何緣如來座動我等初未
曾見彼佛告言善男子等西方去此
佛剎過八十九百千佛土有世界名
娑訶其佛号釋迦牟尼如來今現在
為四衆說本事法彼如來先為菩薩
行菩提行時初勸化我於阿耨多羅
三藐三菩提令我初發阿耨多羅三

藐三菩提心彼如來先為菩薩行菩提行時初勸我行檀波羅蜜乃至般若波羅蜜得住其中又彼如來先為菩薩行菩提行時初將我至諸佛世尊所令得授阿耨多羅三藐三菩提記彼釋迦牟尼如來是我善知識現在娑訶世界為四眾說是本事法以彼如來威德力故使我座動諸善男子汝等誰能詣彼娑訶佛土如我辭曰敬問釋迦牟尼如來少病少惱安樂住不彼諸菩薩白無垢德明王如來言世尊此華敷剎中菩薩摩訶薩神通具足皆度諸菩薩功德岸於今食時見大光明此諸瑞應從異剎來地數大動雨眾妙華彼諸菩薩摩訶薩復白佛言世尊我等欲往彼娑訶世界奉見恭敬親近釋迦牟尼如來又欲聽入一切種智行陀羅尼門彼多百千菩薩以自神力欲發彼土我等不知娑訶世界釋迦牟尼如來佛土為在何處時彼無垢德明王如來尋即申辭從五指端出種種光彼諸光明徹照八十九千佛土乃至照此娑

訶世界彼諸菩薩普見此娑訶世界
菩薩充滿天龍夜叉阿修羅遍滿虛
空見已彼諸菩薩重白無垢德明王
如來言世尊我等見娑訶佛土一切
菩薩充滿其中无有少地可容杖屨
又見彼釋迦牟尼如來惟視我等為
我說法時彼無垢德明王如來告諸
菩薩言善男子等彼釋迦牟尼如來
所視普等善男子於娑訶世界住地
衆生在虛空者彼一一皆如是知釋
迦牟尼如來惟獨視我為我說法善
男子彼釋迦牟尼如來以其一身現
一切形而為說法彼佛土中其有衆
生事梵天者彼見釋迦牟尼如來梵
天形聞大梵音而為說法乃至事魔
事釋事日事月事沙門事毗留勒伽
事毗留婆叉事提陀羅尼吒有事摩
醯首羅天者彼見釋迦牟尼如來魔
醯首羅形聞魔醯首音而為說法乃
至其中衆生有事八万四千種處者
彼如所事見釋迦牟尼如來聞法亦
余彼大衆中有二菩薩一名羅潘魚
二名月光照彼無垢德明王如來告

二菩薩言汝等善男子可至娑訶世界如我辭曰敬問釋迦牟尼如來少病少惱安樂住不彼菩薩白佛言世尊我等見彼一切娑訶佛土地上虛空皆悉充塞乃至無有容一人處我等何住時無垢德明王如來答言善男子等莫作是說娑訶佛土無有住處彼釋迦牟尼如來處所極廣具不可思議佛之功德彼如來以本願故憐愍儀法所容甚廣說三歸依三乘說種種戒現三脫門於三惡趣拔濟衆生為度衆生於中石山帝眼夜叉宮住婆羅窟一結跏趺坐七日無諍受解脫喜樂其如來身滿娑羅窟乃無四指空處如來之身所不遍者竟七日時於十方有十二那由他菩薩摩訶薩至彼娑訶世界住彼山前咸欲奉見恭敬親近釋迦牟尼如來又欲聽法善男子時釋迦牟尼如來為彼大衆即現神通令娑羅窟極大寬博彼十二那由他菩薩入娑羅窟中猶見寬博彼一一菩薩以種種菩薩神通供養如來已為善男子彼釋迦

牟尼如來住處所容廣博如是彼諸
菩薩從釋迦牟尼佛所聞說已頭面
禮足右遶三匝各還本土彼諸菩薩
發去未久彼娑羅窟還復如故其中
有四天下釋名憍尸迦觀命將終應
墮畜生極大恐怖與八萬四千三十
三天俱詣娑羅窟向世尊所近帝眼
夜叉宮娑羅窟前住承佛威神即生
是念我今應請般遮師軋闍婆子以
彼妙音歌歎世尊可令世尊從三昧
起時彼帝釋往請般遮師軋闍婆子
時般遮師執琴而來承佛威神以柔
軟音五百偈讚彈琴歌詠歎於世尊
善男子如般遮師讚歎世尊應時彼
釋迦牟尼如來入无聲勝明三昧令
此一切娑訶世界諸大威德夜叉羅
刹阿修羅迦樓羅緊那羅軋闍婆欲
界色界一切諸天皆志來集其中樂
音詠者彼聞詠音生大歡喜樂讚誦
者彼聞讚辭於世尊所生希有心歡
喜恭敬樂琴音者彼聞琴音亦大歡
喜時彼釋迦牟尼如來從三昧起現
娑羅窟戶帝釋即前問世尊言我坐

何處彼釋迦牟尼如來告言汝等夜
又所共來者今可入此娑羅窟坐時
窟寬博十二恒河沙數大衆入彼窟
坐時釋迦牟尼如來為彼大衆說如
是法衆中有求聲聞乘者彼解說聲
聞乘九十億衆生於中得須陀洹果
有求辟支佛乘者彼得解說辟支佛
乘有求无上佛乘者彼純解說無上
大乘般遮飾乳闍婆子等十八那由
他衆生得住不退轉阿耨多羅三藐
三菩提其中未起三乘心者有發阿
耨多羅三藐三菩提心有發辟支佛
乘有發聲聞乘心彼憍尸釋即離恐
怖增壽千年得須陀洹果善男子彼
釋迦牟尼如來所容寬博如是彼如來音
輪亦復寬博无有人能筭數如來音
輪邊際彼如來方便廣博勸導衆生
無有人能知彼如來方便邊際善男
子彼如來身甚為高廣无能見頂知
身際者如今於彼娑訶佛刹衆生雲
集若彼一切入釋迦牟尼如來腹中
皆悉容受彼如來腹亦不增減彼諸
衆生不能得彼如來腹之邊際又彼

衆生同時和合入彼如來一毛孔中
又復不還出亦不增減欲尋如來一
毛孔際無能得者乃至天眼所不能
知彼釋迦牟尼如來身所容受如是
寬博復次善男子彼釋迦牟尼如來
佛土甚大寬博善男子又於十方恒
河沙數諸佛剎中衆生充滿如今娑
訶佛剎若彼衆生今盡來入娑訶佛
土者皆悉容受所以者何以彼如來
先初發阿耨多羅三藐三菩提心立
是願故善男子置此一恒河沙數世
界乃至十方千恒河沙數諸佛土中
衆生如是充滿如今娑訶佛土衆生
充塞若彼一切今入娑訶世界皆悉
容受是彼如來先初發心求無上智
立如是願善男子彼釋迦牟尼如來
佛土所知如是寬博以是四法故彼
釋迦牟尼如來勝諸如來善男子汝
等此月樂無垢華如已所見往至西
方娑訶佛剎如我辭曰敬問釋迦牟
尼如來少病少惱安樂住不時彼無
垢德明王如來以月樂无垢華與羅
潘爲菩薩月光菩薩與已告言汝善

男子我彼神力詣娑訶世界彼中二
万衆生同聲白佛言唯世尊我等亦
承如來神力詣娑訶世界奉見恭敬
親近釋迦牟尼如來時彼無垢德明
王如來告言善男子等隨意可往彼
二菩薩羅潘爲月光與二万菩薩俱
承彼无垢德明王如來神力發華敷
世界如一念頃至此娑訶佛刹詣耆
闍崛山叉手合掌白釋迦牟尼如來
言世尊東方去此過八十九百千佛
刹有世界名華敷其佛号无垢德明
王如來彼佛於菩薩大衆中稱譽如
來功德作如是言娑訶刹中有佛号
釋迦牟尼如來今現在彼如來先爲
菩薩行菩提行時初發化我於阿耨
多羅三藐三菩提令住其中我隨彼
語發阿耨多羅三藐三菩提心彼如
來先爲菩薩時初發勸我住檀波羅
蜜乃至如前所說彼釋迦牟尼如來
以是四法勝諸如來彼如來遣此月
樂無垢華致問少病少惱安樂住不
如是樂喜刹中阿閼如來座動其諸
菩薩在會中者見阿閼如來座動尋

即發遣問略如前說於一切處亦如是
說尔時東方無量阿僧祇如來使菩
薩各持月樂無垢華至此娑訶佛刹
奉見致問釋迦牟尼如來供養恭敬
親近聽法尔時世尊適徧東方世界
名字諸佛号已又復欲徧南方而作
是言善男子我見南方去此佛土過
一恒河沙數佛刹有世界名除一切
憂惱其佛号無惱德如來現在說法
我先行菩薩行時初勸彼佛於阿耨
多羅三藐三菩提乃至如前所說閻
浮提光刹中法自在雷佛彌樓安刹
中至自在堅帝佛德莊嚴帝刹中師
子奮迅王佛珠冠莊嚴刹中毘羅延
伏藏佛放光遍覆刹中寶集功德奮
迅佛天樂刹中明藏佛栴檀根刹中
星宿稱佛香聞刹中福力娑羅王佛
善解刹中柔軟雷音聲佛閑居刹中
娑羅稱帝王佛雷是刹中自在明照
佛雲雷刹中柔夏音聲佛分寶刹中寶
掌龍佛波羅摩寶樹刹中法雲月明
自在佛略如前說南方如是無量阿
僧祇諸佛座動彼諸佛世尊皆稱譽

讚歎釋迦牟尼如來。今時南方乃至
無量阿僧祇如來。遣菩薩持月樂无
垢華至此娑訶佛刹。敬問釋迦牟尼
如來。乃至聽法。今時世尊復作是言。
善男子。我見西方去此國土過九十
七那由他百千佛刹。有世界名寂靜。
其佛号寶山如來。今現住世。為衆說
法。我本行菩薩行時。初勸彼佛於阿耨
多羅三藐三菩提。乃至如前說。略說
佛号其名曰妙光藏。佛音智藏。佛廣
稱佛普藏。伏佛梵華。佛掌超越佛法。
燈明佛无等。舜佛樂高音。佛流布王。
佛梵帝聲。佛皆如前說。如是西方無
量阿僧祇諸佛世尊。所可釋迦牟尼
如來。稱其名者。彼座皆動。今時西方
无量阿僧祇佛。遣菩薩持月樂无垢
華至此娑訶佛刹。至已各坐聽法。略
說如是。北方上下東南西南西北皆
亦如上說。時釋迦牟尼如來又欲說
東北方而作是言。善男子。我見東北
方去此佛國過九十八億那由他百
千佛土。有世界名無塵。其佛号除憂
惱踊上廣聞娑羅王如來。我本為菩

謹行菩提行時初勸彼如來於阿耨
多羅三藐三菩提今住六波羅蜜我
初將彼至諸佛所令彼得授阿耨多
羅三藐三菩提記如所稱名彼座皆
動乃至說衆生八万四千種度隨事
聞音見輝迦牟尼如來聞如是法彼
衆中有二菩薩一名山蜜二名等樂
趣時彼除憂惱踊上廣聞娑羅王如
來告彼二菩薩言汝等善男子往彼
娑訶世界以我辭曰敬問釋迦牟尼
如來少病少惱安樂住不彼白佛言
世尊我等見彼娑訶佛刹地及虛空
志皆充滿乃至无有容一人處我等
何住彼如來言善男子莫作是說娑
訶佛土無可住處善男子彼釋迦牟
尼佛如來容受寬博具不可思議佛
功德彼如來以本願故憐愍儀法所
容甚廣說三歸依三乘說法說三種
戒現三脫門於三惡趣拔濟衆生置三
善道善男子彼釋迦牟尼如來成佛
未久於時為衆生於中石山帝眼夜
叉宮娑羅窟一結加趺坐七日無諍
受解脫喜樂彼如來身滿娑羅窟其

窟中無四指空處如來之身所不滿者竟七日時於十方十二那由他菩薩摩訶薩至彼娑訶世界住彼山前奉見恭敬釋迦牟尼如來乃至以此四法彼釋迦牟尼佛勝諸如來善男子汝等持此月樂無垢華如已所見往西南方娑訶佛剎敬問釋迦牟尼如來少病少惱安樂住不尔時除憂惱踊上廣聞娑羅王如來以月樂无垢華與山蜜樂等趣菩薩告言善男子承我神力至娑訶剎時有二万人同聲白言我等亦承如來神力詣娑訶佛土奉見恭敬親近釋迦牟尼如來彼如來言諸善男子隨意可往彼二菩薩與二万菩薩俱承如來神力發無塵刹以一念頃至此娑訶佛剎耆闍崛山中叉手合掌白釋迦牟尼如來言世尊東北方有佛乃至如前所說彼佛遣此月樂無垢華敬問世尊少病少惱安樂住不如是降魔官如來座動於中等薩集者見彼降魔官如來座動即問如來所由因緣如前所說如是娑羅帝王佛大力光

佛連華上佛栴檀弥樓王佛海此岸
明佛智力佛尔時東北方是等无量
阿僧祇如来各遣二菩薩持月樂無
垢華至此娑訶佛土奉見敬問釋迦
牟尼如来供養恭敬親近聽法

大乘悲分陀利經入三昧門品第二十九

尔時一切衆生集此娑訶佛刹者釋
迦牟尼如来以神通力令一一衆生
大如芥子如是衆生遍滿側塞娑訶
佛刹地及虚空衆生充滿乃至无容
毫髮之處彼諸衆生各不相見惟觀
虚空又諸石山須弥鐵圍大鐵圍山
障山上至諸天宮下至金輪悉无障
蔽衆生之眼唯見釋迦牟尼如来入
遍虚空法無断滅三昧尔時如来内
一切月樂無垢華諸毛孔中是諸衆
生集娑訶世界者皆悉得見彼諸衆
生捨思惟觀佛色身心皆觀如来毛
孔見毛孔中諸有围池種種寶樹種
種華果枝葉茂盛種種頭舍種種衣
服種種幡盖幢麾枳由羅真珠瓔珞
以莊嚴樹譬如安樂世界園林茂盛
時諸衆生皆作是念我今宜往觀於

園林時集此娑訶世界一切衆生從
如來身毛孔入而坐其中惟除在地
獄餓鬼畜生及無色天今時世尊還
執神通其諸衆生各得相見即相問
言釋迦牟尼如來今在何處時弥勒
菩薩普告大衆言咄汝衆生皆當應
知我等今者盡皆集如來腹中彼皆
各各見其如來身相內外然後乃至
知集在如來腹中彼皆生念我等云
何入如來腹誰持我等置如來腹中
今時弥勒菩薩即以高聲告大衆汝
等當聽此非餘力是如來神通變化
為饒益我等故世尊今當說法汝等
一心諦聽善思念之時諸大衆叉手
合掌瞻仰世尊今時如來即說一切
法門行經何謂一切法門行經謂度
生死洲入八聖道滿足一切種智自
然智中有十事一者至意發心迴向
解脫二者於一切衆生發大悲心三
者以饒益心攝一切衆生四者未度者
度如大船師五者未解者解諸顛倒
六者大師子吼驚動一切衆生使觀
無我法七者遊諸世界覺一切法如

幻華。八者莊嚴光飾一切世界淨戒身力九者成辦如來十力滿一切波羅蜜十者為具四無畏如說修行為得十八不共法无餘菩薩如所聞法皆悉修行除世愚惑是名十事一切法門行經知至無相行門思惟一切法无我心無生滅是不退不轉不斷不常无捨無證說是法時八十億恒河沙數衆生即於如來腹中得不還轉阿耨多羅三藐三菩提於中過數菩薩摩訶薩得種種三昧陀羅尼忍辱時彼一切還從如來身毛孔出於如來所得未曾有頂禮如來足已各還十方至其本土東方菩薩誠欲推尋釋迦牟尼如來音輪身相彼東方菩薩轉轉乃至東方過無量阿僧祇佛土猶故不盡釋迦牟尼佛如來音輪之聲於彼聞如是音文字句義皆悉徧足猶如釋迦牟尼如來前坐聽法無異於彼一切亦不能知釋迦牟尼如來身之増減彼在所至處見釋迦牟尼如來身現在前又見无量阿僧祇菩薩聲聞在釋迦牟尼如來

身一毛孔中出入無算一一毛孔亦如是乃至見一切毛孔中衆生出入亦復如是於十方亦如是說。爾時大衆在如來腹者皆從如來毛孔出已頭面禮世尊足。遶佛三匝住如來前以衆妙偈句義備足。同時讚歎稱譽如來。爾時欲色界諸天於虛空中雨衆妙華。華鬘塗香。作天伎樂。懸諸天繒幡蓋。幢麾衣服。頭舍真珠瓔珞供養如來。

大乘悲分陀利經囑累品第三十

爾時有菩薩名無畏等。持叉手合掌。前白佛言。世尊。此大授記當名何經。云何受持。佛言。一名入一切種智行。陀羅尼門。二名諸佛之藏。三名多集四名授菩薩記。五名入無畏道。六名入諸三昧。七名現諸佛土。八名如大海。九名過數十名。大悲分陀利。重白佛言。唯世尊。若善男子。善女人。受持讀誦此經。為他人說。乃至一四句偈。得幾所福。佛言。此經功德。吾先已說。今當為汝略說。若有善男子。善女人。受持是經。讀誦書寫。為他人說。乃至

一四句偈是人得福過於菩薩十大劫中具行六波羅蜜者所以者何此經能滅除諸天世人梵魔沙門婆羅門衆夜叉羅刹龍虬閼婆鳩槃荼餓鬼毗舍遮緊那羅阿修羅等諸惡心故又能除滅一切諸病開諍怨嫉又能除滅非時惡風霜雹暴雨又能除人強健集會歡喜不相順者能令和合有恐怖者施无畏樂能滅結使增長善根能令三惡趣脫諸苦際又能示現三乘妙道能令人得三昧陀羅尼忍辱能饒益一切衆生能坐金剛座能破四魔能覺助菩提法轉法輪之聖七財衆生能以菩薩法令得富足我欲令多衆生入無畏城故演說是法今我是法當付囑誰誰能於後惡世之中宣布是法令於諸方不退轉菩薩皆得聞知令除衆生涂著非法貪著榮利處邪見法無果報心皆悉除滅尔時一切大衆知如來心衆坐有一夜叉仙名那弥樓弗沙時弥勒菩薩摩訶薩手攝那弥樓弗沙臂

將至世尊所佛言汝大仙受持是法乃
至於後惡世之時廣宣流布令諸方
不退轉菩薩皆悉聞知有得聞者住
不退轉心彼白佛言唯然世尊我以
本願為夜叉仙過八万四千大劫於
行菩提行我以勸過數衆生遊四梵
處住不退轉地世尊其有衆生於後
惡世能受持書寫讀誦此經乃至為
他人說一四句偈我當身自擁護令
彼法師無能惱者佛說是經已時諸
大衆天龍乾闥婆阿修羅世人聞經
歡喜作禮而去

大樂悲分陀利經卷第八

壬寅歲高麗國大藏都監奉

勅彫造

悲華經卷第一

駒

北京天竺三藏曇無讖譯

轉法輪品第一

如是我聞一時佛在王舍城耆闍崛山與大比丘僧六萬二千人俱皆阿羅漢諸漏已盡無復煩惱一切自在心得解脫慧得解脫辟如善調摩訶鄒伽所作已辦捨於重擔逮得已利盡諸有結正智得解心得自在於一切心得度彼岸唯除阿難菩薩摩訶薩四百四十萬人弥勒菩薩寂為上首皆得陀羅尼忍辱禪定深解諸法空無定想如是大士皆不退轉是時復有大梵天王與無量百千諸梵天子俱他化自在天王與其眷屬四百萬人俱化樂天王亦與眷屬三百五十萬人俱兜率天王亦與眷屬三百萬人俱夜摩天王亦與眷屬三百五十萬人俱忉利天王釋提桓因亦與眷屬四百萬人俱毗沙門天王亦與鬼神眷屬十萬人俱毗樓勒天王亦與拘辨荼眷屬一千俱毗樓勒叉天王

亦與諸龍眷屬一千俱提頭賴吒天
王與乾闥婆眷屬一千俱難陀龍王
婆難陀龍王亦各與一千眷屬俱如
是等衆皆已發心趣於大乘已行六
波羅蜜

尔時世尊眷屬圍繞為諸大衆說微
妙法除四顛倒生善法明得智慧光
了四聖諦欲令來世諸菩薩等得入
三昧入三昧已過於聲聞辟支佛地
於阿耨多羅三藐三菩提無有退轉
尔時弥勒菩薩无癡見菩薩水天菩
薩師子意菩薩日光菩薩如是等上
首菩薩摩訶薩十千人俱即從座起
偏袒右肩右膝著地叉手合掌向東
南方一心歡喜恭敬瞻仰而作是言南
無蓮華尊多陀阿伽度阿羅呵三藐
三佛陀南无蓮華尊多陀阿伽度阿
羅呵三藐三佛陀希有世尊成阿耨
多羅三藐三菩提未久而能示現種
種无量神足變化令無量无边百千
億那由他衆生得種善根不退轉於
阿耨多羅三藐三菩提尔時會中有
菩薩摩訶薩名寶日光明即從座起

偏袒右肩右膝著地合掌向佛而白
佛言弥勒菩薩无礙見菩薩水天菩
薩師子意菩薩日光菩薩如是等上
首菩薩摩訶薩十千人等以何緣故
捨於聽法而從座起偏袒右肩右膝
著地叉手合掌向東南方一心歡喜
而作是言南無蓮華尊多陀阿伽度
阿羅呵三藐三佛陀南無蓮華尊多
陀阿伽度阿羅呵三藐三佛陀希有
世尊成阿耨多羅三藐三菩提未久
而能示現種種無量神足變化令無
量无邊百千億那由他衆生得種善
根世尊是蓮華尊佛去此遠近彼佛
成道已來幾時國土何名以何莊嚴
蓮華尊佛何故示現種種變化於十
方世界所有諸佛示現種種无量變
化或有菩薩而得瞻見我獨不覩
尔時佛告寶日光明菩薩善男子善
哉善哉汝所問者即是珍寶即是賢
善即是善辯即是善問汝善男子能
問如來如是妙義欲得教化無量萬
億那由他衆生令種善根欲得顯現
蓮華尊界種種莊嚴善男子我今當

說諦聽諦聽善思念之善受攝持實
日光明菩薩一心歡喜受教而聽
時世尊告實日光明善男子東南方
去此一億百千佛土有佛世界名曰
蓮華以種種莊嚴而校飾之散諸名
華香氣遍熏寶樹莊嚴種種寶山紺
琉璃地無量菩薩充滿其國善法妙
音周遍而聞其地柔軟辟如天衣行
時足下蹈入四寸舉足還復自然而
生種種蓮華其七寶樹高七由旬其
枝自然懸天絮絮其佛世界常聞諸
天伎樂音聲彼諸衆鳥聲中常出根
力覺意妙法之音諸樹枝葉相振作
聲過諸天人五樂之音一樹根所出
香淚過諸天香香氣遍滿過千由旬
其樹中間懸天瓔珞有七寶樓觀高
五百由旬縱廣正等一百由旬周匝
欄楯七寶所成其樓四邊有大池水
長八十由旬廣五十由旬其池四方
有妙階道純以七寶其池水中有優
鉢羅華拘物頭華波頭摩華芬陀利
華一一蓮華縱廣正等滿一由旬於
夜初分有諸菩薩於華臺中生結加

趺坐受於解脫喜悅之樂過夜分已
四方有風柔軟香潔觸菩薩身其風
能令合華開敷吹散布地是時菩薩
從三昧起復受解脫喜悅之樂下蓮
華臺昇於高樓於七寶座處結加趺
坐聽受妙法其園觀外周匝四邊有
閻浮檀紫磨金山高二十由旬縱廣
正等滿三由旬山有無量百千珍寶
紺琉璃珠火珠之明間錯其間

尔時蓮華尊佛以大光明并諸寶明
和合顯照其佛世界其土光明微妙
第一更無日月亦无晝夜以華合鳥
栖而知時節其實山上有紺琉璃妙
好之臺高六十由旬縱廣二十由旬
其臺四邊周匝欄楯七寶所成其臺
中央有七寶牀其牀各有一生菩薩
坐聽受法善男子其佛世界有菩提
樹名因陀羅高三千由旬樹莖縱廣
五百由旬枝葉縱廣一千由旬下有
蓮華琉璃為莖高五百由旬一一諸華
各有一億百千金葉高五由旬馬瑙
為鞞七寶為鬚高十由旬縱廣正等
滿七由旬尔時蓮華尊佛坐此華上

即於昨夜成阿耨多羅三藐三菩提
其菩提華座周匝復有種種蓮華有
諸菩薩各坐其上見蓮華尊佛種種
變化

今時世尊釋迦牟尼說是事已實曰
光明菩薩摩訶薩白佛言世尊蓮華
尊佛以何相貌作諸變化惟願說之
佛告實曰光明善男子蓮華尊佛於
昨夜分成阿耨多羅三藐三菩提其
佛過夜分已示現種種神足變化其
身變現乃至梵天頂肉髻相放六十億
那由他百千光明照於上方微塵數
等諸佛世界今時上方菩薩不觀下
方眼所緣色所謂大小鐵圍及諸小
山但觀佛光所及世界於諸世界有
諸菩薩得授記若得陀羅尼忍辱
三昧或得上位一生補處是菩薩等
所有光明以佛光故悉不復現如是
等衆叉手向於蓮華尊佛瞻仰尊顏
今時惟見三十二相瓔珞其身八十
種好次第莊嚴見蓮華尊佛及其世
界種種莊嚴如是見已心得歡喜今
時如微塵數等諸佛世界中諸菩薩

摩訶薩見蓮華尊佛光明變化及其
世界已各捨本土以自神足悉共發
來詣彼佛所禮拜圍繞供養恭敬尊
重讚歎善男子今時彼佛見諸菩薩
出其舌相悉皆遍覆諸四天下行住
坐等一切衆生或有菩薩入於禪定
從禪定起在大衆中禮拜圍繞供養
恭敬尊重讚歎蓮花尊佛善男子彼
佛亦時示現如是廣長古相作變化
已即還攝之善男子蓮華尊佛復放
身毛孔光一一毛孔出六十億那由
他百千光明其光微妙普遍十方一
方面各各過於微塵數等諸佛世
界彼世界中在在處處所有菩薩得
授記已得陀羅尼三昧忍辱或得上
位一生補處見是光已各各自捨其
佛世界乘神通力皆共發來至彼佛
所禮拜圍繞供養恭敬尊重讚歎善
男子今時彼佛作此變化即復還攝
為諸菩薩及諸大衆講說正法轉不
退輪欲令無量無邊衆生得大利益
得大快樂憐愍世間為人天故欲令
具足無上大乘

悲華經陀羅尼品第二

尔時寶日光明菩薩白佛言世尊彼佛世界云何得知晝夜差別所聞音聲為何相貌彼諸菩薩云何而得成就一心行何異行佛告寶日光明菩薩善男子彼佛世界常有佛光以為照明以華合鳥栖如來菩薩入諸禪定師子遊戲其心歡喜受解脫樂尔時便知即是夜分若有風吹諸華散地諸鳥相和作微妙聲雨種種華四方風起香氣微妙柔軟細滑佛及菩薩從禪定起是時彼佛為諸大眾說菩薩法藏欲令出過聲聞緣覺是故得知即是晝分善男子彼佛世界諸菩薩眾常聞佛音法音僧音寂滅之音無所有音六波羅蜜音力無畏音六神通音无所作音無生滅音微妙寂靜音因寂靜音緣寂靜音大慈大悲無生法忍授記之音終諸菩薩清淨妙音常不遠離聞如是音善男子所聞音聲相貌如是善男子彼界菩薩若已生若當生皆悉成就三十二相常身光明照一由旬乃至成阿耨多

羅三藐三菩提終不墮於三惡道中
彼諸菩薩皆悉成就大慈心大悲心
柔軟心無愛濁心調伏心寂靜心忍
辱心禪定心清淨心無障罣心无垢
心無汙心真實心喜法心欲令衆生
斷煩惱心如地心離一切世俗言語
心愛樂聖法心求善法心離我心離
生老病死寂滅心燒諸煩惱心解一
切縛寂滅心於一切法得不動心善
男子彼諸菩薩得專心力得發起力
得緣力得願力得無諍力得觀一切
法力得諸善根力得諸三昧力得多
聞力得持戒力得大捨力得忍辱力
得精進力得禪定力得智慧力得寂
靜力得思惟力得諸通力得念力得
菩提力得壞一切魔力得摧伏一切
外道力得壞一切諸煩惱力如是菩
薩於彼佛土已生當生者即是真實
菩薩已得供養无量百千諸佛世尊
於諸佛所種諸善根彼諸菩薩以禪
味為食法食香食猶如梵天無有揣
食亦無名字无有不善亦无女人苦
受愛憎諸餘煩惱及我我所身心苦

惱三惡道等皆悉無有是諸名字亦無黑闇臭處不淨荊棘穢惡山陵堆阜土沙礫石及日月星宿然火之明須弥大海大小鐵圍二山中間幽冥之處亦无有雨濁乱惡風及八難處悉亦無有此諸名字善男子彼佛世界常以佛光菩薩寶光而為照明其光微妙清淨第一遍滿其國其中有鳥名曰善果聲中常出根力覺道微妙之音尔時寶日光明菩薩復白佛言世尊彼佛世界縱廣幾何住世壽命說法幾時昨夜始成阿耨多羅三藐三菩提滅度之後法住久近諸菩薩衆在世幾時生彼世界諸菩薩等頗有遠於見佛聞法供養衆僧不蓮華世界佛未出時名字何等彼界先昔佛曰世尊滅度已來為經幾時滅度之後中間幾時蓮華尊佛而得成道以何因緣於十方世界在在處處所有諸佛入於師子遊戲三昧示現種種神足變化諸菩薩等或有見者或不見者

尔時佛告寶日光明菩薩善男子如

須弥山王高十六萬八千由旬縱廣
八萬四千由旬或時有人勤行精進
或幻化力或禪定力碎破須弥猶如
芥子過諸山數除佛世尊一切智者
餘無能知如一芥子為一四天下是
蓮華世界所有四天下數盡此芥子
有諸菩薩充滿其中猶如西方安樂
世界諸菩薩等善男子彼蓮華尊佛
壽命說法三十中劫滅度已後正法
住世滿十中劫善男子彼諸菩薩已
生當生者壽命四十中劫善男子彼
佛世界本名栴檀清淨好妙不如今
也今時世界亦無如是清淨菩薩善
男子栴檀世界過去先佛出於世間
号日月尊如来應正遍知明行足善
逝世間解无上士調御丈夫天人師
佛世尊壽命說法三十中劫臨滅
度時或有菩薩以願力故至餘佛土
其餘在者作如是念今夜中分日月
尊如来當取涅槃是佛滅已我等當
於十中劫中護持正法誰能於此正
法滅已次第得成阿耨多羅三藐三
菩提時有菩薩名虛空印以本願故

日月尊如來即與授記善男子我滅
度已正法住世滿十中劫過十中劫
於夜初分正法滅盡汝於是時即當
成阿耨多羅三藐三菩提号曰蓮華
尊如來應正遍知明行足善逝世間
解無上士調御丈夫天人師佛世尊
今時諸菩薩摩訶薩至日月尊佛所
至佛所已諸菩薩等以禪定力種種
自在師子遊戲供養日月尊如來作
供養已右繞三匝作如是言世尊我
等願欲於此十中劫中入滅盡定善
男子今時日月尊如來告虛空印菩
薩摩訶薩善男子受持此解了一切
陀羅尼門過去諸多陀阿伽度阿羅
呵三藐三佛陀已為受佛職位諸菩
薩說如今現在十方諸佛亦為受佛
職位諸菩薩說未來諸佛世尊亦當
為受佛職位諸菩薩說所謂解了一
切陀羅尼門即說章句

闍梨闍連尼摩訶闍連休翅休
翅三鉢提摩訶三鉢提提陀阿吒
醯多遮吒迦吒陀羅卓迦阿斯摩
迦斯醯隸弥隸帝隸流流翅摩

訶流流翅 閻移頭閻移 閻移末圻
羶垣 舍多祢伽陀祢阿茂隸茂羅
波隸閻尼摩羅斯祢毗羅婆祢
目帝目帝波隸輸題 阿毗垣波夜
無郅祢波羅烏呵羅祢檀陀毗闍
比闍婆留鬱耽祢

如是章句破壞外道一切論議攝正
法輪復能擁護說正法者開示分別
四念處解脫法門今時世尊復說
章句

佛陀波加舍移 阿摩摩祢摩摩呵
底帝頗緹頻緹涅帝羅祢路迦提
目帝刪提陀隸婆末尼

如是章句開示分別四種聖解脫法
門今時世尊復說章句

波沙緹波沙祢陀隸陀羅波垣
掬垣守毗守婆波垣 祢垣須摩跋
垣羶提翅垣迦留都鬱提叉移比垣
憂比叉三鉢祢阿羅翅婆羅地佉
岐佉岐竭移 阿茂隸牧羅輸檀丘
如是章句開示分別四無所畏解脫
法門今時世尊復說章句
咀頗羅 阿伽頗羅 阿涅頗羅 涅羅

頗羅三目多阿延陀伊毗持坵毗持
烏頭都羅兜藍阿興三乘伊提
多婆阿塢多塢薩婆路伽阿茶伽
隸頻陀阿浮薩隸陀陀易坵毗舍伽
跋提阿頗邏迦頗藍

如是章句開示分別守護三乘法門
今時世尊復說章句

門陀多安祢醯羅婆波多驃伊
曇頗隸尼炎頗隸三茂檀都延
毗浮舍波拖蘇摩兜阿免摩五
阿鳩摩都拖陀跋帝達舍婆羅毗
波拖他悉舍涕多何丘飲摩底拏
摩坵阿路俱阿提闍拏薩坵末坵
如是章句現在諸佛本所修習開示
分別四正勤法門今時世尊復說
章句

安祢摩祢摩祢摩祢遮隸至
利帝隸履餘履多毗
多履三履尼三履三摩三履又襲阿
又襲阿闍地醯帝餘蜜致陀羅
尼阿跋伽婆娑斯賴都婆提賴
魔波提闍都婆提彌留婆提又襲
尼陀舍尼路伽婆提波祢陀舍尼

如是章句開示分別四無閑辯解脫
法門今時世尊復說是章句

研閱阿婆婆祢陀舍尼禪那路伽陀
兜波婆散尼薩婆因提浮摩埵千垣
薩婆薩婆婆摩薩婆波地婆叉夜
迦隸懼迦隸婆闍尼路伽光達舍那
比婆

如是章句開示分別四如意足解脫
法門

今時世尊復說章句

阿遮隸佛提陀陀波遮隸那尼軋
拏斯提菩頻提尼屑提三筆知波
隸伽薩隸蘇弥戰提戰提阿遮隸
阿遮遮隸阿波隸頻枝婆離祢婆
離婆遮遮離波波離阿那夜
阿那夜阿俾斯鈎鈎娑婆毗祢迦
祢祢闍斯伽伽弥那由禰

如是章句開示分別一切根力解脫
法門今時世尊復說章句

富罷帝富罷度摩波隸呵隸
阿婆移鬱支隸支迦勒老阿夜
末兜帝帝隸摩摩隸手遮尸隸
路伽寫尼闍那夜叉岐醯帝那遮夜

帝沙梅提那

悲花經第一卷 第十四張 勸

如是章句開示分別七菩提分解脫
法門尔時世尊復說章句

遮迦婆闍隸 婆帝遮迦隸 遮加陀
隸陀羅遮迦隸陀隸 茂隸醯醯隸
隸陀離阿樓婆跋提 休休 夜他甚
婆餓頻婆隸夜陀祈尼 夜他波蘭
遮離提奢夜他婆耶離離純薩遮
左隸呵羅 闍留遮毗離毗梨左離
呵羅未離未伽左隸呵羅左囉左
隸呵羅 三摩提左隸呵羅 般若左
隸呵羅比目帝左隸呵羅比目帝
闍都陀隸舍都左隸呵羅都叉帝左
隸呵羅梅陀左隸呵羅 修利左
隸呵羅波陀舍夜六就多陀阿伽度
阿浮陀左羅浮曇三佛陀陀佛陀
伊呵浮陀咀哆浮陀 左呵我摩茂
隸阿羅頗陀陀羅頗半茶隸 曷
陀隸咀哆隸多留摩伽伽憐左茂祖
擎三半茂祖擎 恒伽崩伽摩菟左
留婆都舍左都舍睪檀左 叱叱帝
叱叱覩摩由婆醯燈伽摩婆隸摩
隸呵咀左 婆隸摩隸頻提毗離毗

離憂沙離舍羅尼陀羅尼 娑婆
垢婆藍那羅易毗頭摩婆羅齒摩
梵摩遮隸那因提婆尸提提耶羅尼
摩醯首羅羅尼三摩宿弥阿藍念
弥伊迦勒叉利師遮尼遮羅阿支
耨陀羅修利薩婆修羅阿婆藍富
那伽緻耽半持多 阿夜那度稚閭
波斯迦伽陀隸阿羅陀呵尼 摩伽
羅毗路呵尼 志曇曇啼 毗路迦
曇啼

是陀羅尼門諸佛世尊之所受持開
示分別如來十力解脫法門

爾時世尊釋迦牟尼說是解了一切
陀羅尼法門時三千大千世界六種
震動亘我踊沒爾時有大微妙光明
遍於十方過如恒河沙等世界其中
所有須弥山王大小鐵圍不與眼對
但見世界地平如掌十方世界所在
之處有諸菩薩其數无量得諸禪定
摠持忍辱如是等衆以佛神力於已
刹沒忽然來至娑婆世界耆闍崛山
到如來所頭面礼足以諸菩薩所得
種種自在神足供養於佛作供養已

各各次第於一面坐欲聽解了一切
陀羅尼門不可稱計欲色界諸天來
至佛所頭面礼足亦各次第坐於一
面聽受解了一切陀羅尼門如是大
衆悉皆得見蓮華佛刹亦見彼佛與
大菩薩圍繞集會尔時世尊釋迦平
尼說此解了一切陀羅尼門有七十
二恒河沙等諸菩薩摩訶薩得此陀
羅尼門即時得見不可稱計十方世
界諸佛世尊及見諸佛淨妙世界諸
菩薩等恠未曾有是諸菩薩以禪定
力師子遊戲得自在故作種種供具
以供養佛

尔時佛告諸菩薩等善男子若菩薩
修是解了一切陀羅尼門者即得八
萬四千陀羅尼門七萬二千三昧門
六萬法聚門即得大慈大悲解三十
七助道之法得一切智無有障闕是
陀羅尼門攝一切佛法諸佛了此陀
羅尼已為諸衆生說無上法久久在
世不入涅槃善男子汝今所見當知
即是解了一切陀羅尼門威神力故
令此大地六種震動及有微妙清淨

光明遍照十方過恒河沙等諸佛世
界光所及處无量世界諸菩薩等來
至此會聽受解了一切陀羅尼門并
及此界所有无量欲色界天和合聚
集復有諸龍夜叉阿修羅人非人等
皆來欲聽解了一切陀羅尼門若菩
薩聞解了一切陀羅尼門已即於阿
耨多羅三藐三菩提而不退轉若有
書寫其人乃至無上涅槃常得不離
見佛聞法供養衆僧若能讀誦諸惡
業等永盡无餘轉身受生即過初地
得第二住菩薩摩訶薩若能修行解
了一切陀羅尼門所作五逆重惡之
罪悉得除滅第二轉生即過初地得
第二住若無五逆即於此身所有重
業永盡无餘轉身即得過於初地得
第二住若其不能讀誦修行於聽法
時以諸繒綵奉上法師者亦時如恒
河沙等現在諸佛各於世界稱揚讚
歎善哉善哉即與授其阿耨多羅三
藐三菩提記是菩薩以供養因緣故
不久當得受佛職位一生成就阿耨
多羅三藐三菩提若香供養不久當

得無上定香若華供養不久當得无
上智華若以珍寶供養法師不久當
得三十七助道法之寶善男子若有
菩薩能解了是陀羅尼者得大利益
何以故此陀羅尼門能開示分別一
切菩薩諸法寶藏以是持故令諸菩
薩得無閼辯四適意法善男子日月
尊如來為虛空印菩薩說陀羅尼門已
今時大地亦六種震動亦有無量微
妙光明遍照十方無量无邊諸佛世
界見諸佛刹地平如掌

尔時會中亦有無量菩薩摩訶薩悉
見十方不可稱計諸佛世尊是時十
方無量无邊諸菩薩等各各自於已
世界沒忽然來至栴檀世界見日月
尊佛礼拜圍繞供養恭敬尊重讚歎
皆欲聽受是陀羅尼門善男子尔時
彼佛告諸菩薩善男子我今已聽汝
等若是一生補處於十中劫聽入滅
定其餘菩薩應十中劫從虛空印菩
薩摩訶薩受此陀羅尼門菩薩法藏
隨受持法得見十方無量世界所有
諸佛因見佛故心生歡喜得種善根

尔時會中有諸菩薩得種種自在師
子遊戲者以種種供具供養彼佛作
供養已白佛言世尊是虛空印菩薩
摩訶薩過十中劫成阿耨多羅三藐
三菩提當得轉於無上法輪時佛告
曰諸善男子如汝所說是虛空印菩
薩摩訶薩過十中劫得成阿耨多羅
三藐三菩提即過其夜便轉法輪尔
時虛空印菩薩摩訶薩成阿耨多羅
三藐三菩提已即過其夜轉正法輪
不退法輪無上法輪尔時會中无量
無邊百千億那由他菩薩先從虛空
印菩薩於十中劫受是陀羅尼門者
得不退轉有一生補處當得阿耨多
羅三藐三菩提善男子若有菩薩不
多修學是陀羅尼者於當來世得過
初地上二住位不退轉於阿耨多羅
三藐三菩提決定得是陀羅尼門如
是說已日月尊如來為諸菩薩示現
種種神足變化示現是已為虛空印
菩薩摩訶薩示現那羅延三昧汝得
是定便當得受金剛之身復為示現
一切莊嚴三昧光明善男子汝雖未

轉是正法輪夢為諸菩薩說此陀羅尼
門汝於今時便為已得如來身分三
十二相八十種好亦當放此一切莊
嚴三昧光明遍照无量一切世界復
於光中得見無量无边諸佛復為示
現金剛場三昧以三昧力故雖未坐
道場菩提樹下未轉法輪已能為諸
菩薩說微妙法復為示現輪鬚三昧
以三昧力故尋轉法輪轉法輪時有
無量无边百千億那由他菩薩當得
畢定今時虚空印菩薩摩訶薩聞說
是已尋即自知當轉法輪歡喜踊躍
與無量菩薩共供養佛作供養已各
各自入諸樓觀中今時彼佛即於其
夜入無餘涅槃時諸菩薩過其夜已
供養舍利既供養已各各還入寶樓
觀中他方菩薩各各自還本佛世界
一生菩薩於十中劫入滅盡定其餘
菩薩因虚空印說妙法故滿十中劫
得種善根是虚空印菩薩摩訶薩始
於昨夜成阿耨多羅三藐三菩提即
於今日轉正法輪示現種種神足變
化今百千億那由他無量衆生於阿

釋多羅三藐三菩提不退轉我今於
此說是陀羅尼門時亦有八十那由
他百千菩薩得無生忍七十二億眾
生於阿耨多羅三藐三菩提不退轉
七十二那由他百千菩薩得是解了
一切陀羅尼門無量無邊天與人發
阿耨多羅三藐三菩提心今時會中
有菩薩名解脫然憍白佛言世尊菩
薩摩訶薩成就幾法能修集是解了
一切陀羅尼門佛告解脫然憍菩薩言
善男子菩薩成就四法則能修是陀
羅尼門何等為四菩薩住是四聖種
中於鹿衣食卧具醫藥常得知足菩
薩成就如是四法則能修是陀羅尼
門復次善男子菩薩摩訶薩成就五
法則能修是陀羅尼門何等為五自
持禁戒所謂愛護解脫戒成就威儀
行防護戒法心生怖畏如小金剛受
持修學一切諸戒見破戒者勸令持
戒見邪見者勸令正見破威儀者勸
住威儀見散心者勸令一心見有好
樂於二乘者勸令安住阿耨多羅三
藐三菩提菩薩成就如是五法則能

修是陀羅尼門復次善男子菩薩成就六法則能修是陀羅尼門何等為六自修多聞通達無閼見索聞者勸令多聞自不慳慳見慳慳者勸令安住不慳慳法自不嫉妬見嫉妬者勸令安住不嫉妬法自不怖他施以無畏見怖畏者為作擁護善言誘喻使得安隱心不諛諂无有奸詐行空三昧菩薩成就如是六法則能修是陀羅尼門菩薩摩訶薩成就如是相貌法已於七歲中捻略一切陀毗梨章句晝夜六時頭面恭敬一心思惟緣身念處行空三昧讀誦如是陀毗梨章句即於起時遍念十方一切世界無量諸佛是菩薩摩訶薩過七歲已即便得是解了一切陀羅尼門菩薩得是陀羅尼門已便得如是聖清淨眼得是眼已見於十方如恒河沙等世界中有在在處處諸佛世尊不取涅槃亦見示現種種無量神足變化是菩薩亦時悉見一切无量諸佛無有遺餘以見佛故即得八萬四千陀羅尼門七萬二千三昧門六萬法門菩

薩摩訶薩得是解了一切陀羅尼門
已復於衆生得大慈悲復有菩薩摩
訶薩得是法門已所有五逆重惡罪等
轉身便得永盡無餘第三生已盡一
切業得第十住若无五逆其餘諸業
即於此身永盡無餘過一生已得第
十住不久便得三十七品及一切智
善男子是解了一切陀羅尼門能大
利益諸菩薩摩訶薩若菩薩常念諸
佛法身故得見種種神足變化見是
化已即得如是無漏歡喜因歡喜故
便成如是神足變化以神足力則能
供養如恒河沙等世界諸佛得供養
已於諸佛所亦聽受妙法聽受法故
即得陀羅尼三昧忍辱便還來至此
佛世界善男子是陀羅尼門能作如
是大利益事損滅惡業增諸善根今
時有諸菩薩白佛言世尊我等於過
去如一恒河沙等諸佛所聞是陀羅
尼門聞已即得復有菩薩作如是言
我等已於二恒河沙等諸佛所聞是
陀羅尼門聞已即得復有菩薩作如
是言我等已於三恒河沙等諸佛所

聞是陀羅尼門聞已即得復有菩薩
作如是言我等已於四恒河沙等諸
佛所聞是陀羅尼門聞已即得復有
菩薩作如是言我等已於五恒河沙
等諸佛所聞是陀羅尼門聞已即得
復有菩薩作如是言我等已於六恒
河沙等諸佛所聞是陀羅尼門聞已
即得復有菩薩作如是言我等已於
七恒河沙等諸佛世尊聞是陀羅尼
門聞已即得復有菩薩作如是言我
等已於八恒河沙等諸佛所聞是陀
羅尼門聞已即得復有菩薩作如是
言我等已於九恒河沙等諸佛所聞
是陀羅尼門聞已即得

今時弥勒菩薩摩訶薩白佛言世尊
我於往世過十恒河沙等劫時有大
劫名善普遍於此劫中是娑婆世界
微妙清淨一切莊嚴今時有佛出現
於世号娑羅王如來應正遍知明行
足善逝世間解無上士調御丈夫天
人師佛世尊有无量百千億那由他
比丘僧復有不可計諸菩薩摩訶薩
恭敬圍繞今時娑羅王佛為諸大眾

說是解了一切陀羅尼門我於今時
從彼佛所得聞是法聞已修學學已
即得增廣具足如是無量无邊劫中
有不可計阿僧祇佛我於今時隨其
壽命以諸菩薩所得種種師子遊戲
自在三昧供養如是無量諸佛我於
今時便得於此一一佛所種無量無
邊不可稱計阿僧祇善根種善根已
即得無量大功德聚以是善根故無
量諸佛與我授記以本願故久在生
死以待時故不成阿耨多羅三藐三
菩提世尊惟願如來於今與我受佛
職位令得阿耨多羅三藐三菩提
今時佛告弥勒菩薩摩訶薩如是如
是如汝所說娑羅王佛現在世時汝
已得是解了一切陀羅尼法門弥勒
汝於過去十大劫中若欲願成阿耨
多羅三藐三菩提者汝於今時尋應
具足速疾成就阿耨多羅三藐三菩
提入無餘涅槃弥勒汝久住生死以
本願故所以不成以待時故弥勒我
今為汝受佛職位今時世尊觀諸大
衆及諸菩薩比丘比丘尼優婆塞優

婆夷天龍夜叉阿修羅羅剎乾闥婆
人非人等作是觀已說是章句

帶哆浮弥 檀陀浮弥 曇摩陀浮弥
伽帝浮弥 蜜帝浮弥 般若浮弥 毗
舍羅闍浮弥 鉢帝三毗多浮弥 阿耨
耆婆浮弥 阿婆耆浮弥 三摩多博耆
摩博耆浮弥 闍帝又裏浮弥 三叔
闍毗叔闍 波羅叔闍 毗舍伽達舍婆
帝 毗舍陀帝羅邨 羅伽伽 三叔舍
婆多 毗摩帝掄波醯羅羅伽摩
阿叱叔羅 婆舍僧伽摩 伊帝朱羅
失帝弥文陀羅 陀呵羅跋帝般若
浮多 阿陀伽弥多婆喼沙脍多

伊羅耶 左羅耶 阿呼薩叱 阿牧陀
牧 阿他婆帝伽樓婆帝 帝醯邨
提婆 阿迦邨摩帝 婆迦邨摩帝
三弥帝 毗婆婆地 裨陀婆羅裨陀
婆羅阿羅多羅 拘留沙 兜樓沙
賴摩羅留他多留他 薩婆他 薩
婆他遮 左留他提呵多多多醯頗羅
婆睺頗羅 薩婆頗羅 世叱婆提
說是雜十二因緣解脫章句時有六
十邨由他諸天見四聖諦今時世尊

復說章句

帶頗嵐 阿伽頗嵐 羅羅頗嵐 阿
羅頗嵐 左羅呼羅 娑婆多驃
伊曇頗嵐 左監頗嵐 南無陀鹽
毗浮蛾 般若遮伽 阿菟毗地遮迦
闍左遮迦

說是解脫章句時有一億諸天發阿
耨多羅三藐三菩提心皆得不退轉
尔時世尊復說章句

波拖蘇摩都 阿菟摩都 阿拘摩
都 鷄陀婆拘 摩哆他陀舍羅 毗毖
跋他伊呵世鐵多蘇祢摩 蘇帝廁
拏帝 利惠 阿路拘 光明 阿提闍拏 大默然

說是解脫章句時六萬四千諸龍發
阿耨多羅三藐三菩提心皆得不退
轉尔時世尊復說章句

阿叉修跋叉 修婆沙波舅陀都 阿
羅住婆伽羅厨 迦羅茶叉 悉曇
摩帝三舅多 多阿叉婆耒 醯吒
迦路摩訶婆耒 烏闍陀路陀羅左
醯伽羅叉拘陀叉 拘婆叉 鞞路布
毗留波目佉 勢帝嚩哆 勢帝婆
耒 阿修路比都 修路波摩提

說是解脫章句時十二億夜又發阿
耨多羅三藐三菩提心皆得不退轉
今時世尊復說章句

阿梯卑 梨離 尸帝梯 珊帝梯

伽帝拏 那迦弥 阿藍弥 波嵐弥

阿陀弥 摩陀弥 摩帝弥 珊尸阿

守隸 陀羅尸 阿毗舍多 薩陀

薩提婆 薩那伽 薩夜叉 薩阿修

羅提婆 那伽 尸六帝 隸婆羅

尸六帝 羅毗塞帝 般若般梨跋多

末帝婆利羅毗 伽帝提 帝波利波

羅伽帝提 帝羅毗 弗婆翅毗 闍祢毗

薩遮利畔多 阿毗陀那畔多 首羅

畔陀到羅毗梨耶毗陀毗多毗畔埵

毗婆婆祢 末伽文陀毗舍鉢利劍摩

祢叉波羅呼 烏呵羅路提羅波都

阿修羅文陀那伽叉文陀 夜叉文陀

羅利文陀 鞞提 鞞提弥多卑 多

多卑 烏拏那畔 婆佉提 陀羅尸

阿毗舍多提舍首陀尸 波翅輸提

耆婆輸陀尸 波翅波利羯磨 帝

摩帝伽帝跋帝 伽那波帝 婆羅

那拂提闍耶 遮加輸若陀遮迦

卑夜

說是解脫章句已五萬六千阿修羅
發阿耨多羅三藐三菩提心皆得不
退轉

尔時世尊告無所畏平等地菩薩摩
訶薩言善男子諸佛世尊出世甚難演
布是法乃復倍難是法乃是戒定慧
解脫解脫知見之所熏修善男子如
是章句能令菩薩威德成就善男子
如來本行菩薩道時以布施持戒忍
辱精進禪定智慧攝是章句供養恭
敬無量无邊百千萬億諸佛世尊於
諸佛所或行布施或修梵行清淨持
戒或勤精進或修忍辱或入三昧或
修習慧種種修集純善淨業是故我
今得無上智善男子我昔於无量阿
僧祇億那由他劫修菩薩道時身常
遠離妄語兩舌惡口綺語是故我今
得是古相善男子以是因緣故諸佛
世尊所說真實無有虛妄

尔時世尊示現種種神足變化作變
化已入遍一切功德三昧入是三昧
已出廣長舌遍覆面門從其舌根放

六十億光明其光微妙遍照三千大千世界地獄餓鬼畜生天人皆蒙其光地獄衆生身熾然者以蒙光故於須臾間得清涼樂是諸衆生即於其前各有化佛三十二相八十種好莊嚴其身今時衆生以見佛故皆得快樂各作是念蒙是人恩令我得樂於化佛所心得歡喜叉手恭敬

今時佛告彼諸衆生汝今稱南無佛南無法南無僧以是緣故常得快樂是諸衆生長跪叉手前受佛教而作是言南無佛南無法南無僧是諸衆生以是善根因緣故於此命終或生天上或生人中若有衆生在寒凍地獄是時尋有柔軟暖風來觸其身乃至生天人中亦復如是餓鬼衆生為飢渴所逼蒙佛光故除飢渴惱受於快樂亦各於前有一化佛三十二相八十種好莊嚴其身以見佛故皆得快樂各作是念蒙是人恩令我得樂於化佛所心得歡喜叉手恭敬今時世尊令彼衆生得見宿命罪業因緣尋自悔責以是善根於中命終生天人

中畜生衆生亦復如是。爾時世尊為諸天人亦宿世因緣故有無量無邊衆生來至佛所。頭面作禮却坐一面。聽受妙法。爾時有不可計諸天及人發阿耨多羅三藐三菩提心。無數菩薩摩訶薩得陀羅尼三昧忍辱悲華經卷第一

癸卯歲高麗國大藏都監奉
勅彫造

悲華經卷第二

駒

北凉天竺三藏曇無讖譯

大施品第三之一

尔時會中有菩薩摩訶薩名曰寂意
瞻觀如來種種神化已白佛言世尊
何因緣故其餘諸佛所有世界清淨
微妙種種莊嚴離於五濁無諸穢惡
其中純有諸大菩薩成就種種無量
功德受諸快樂其土乃至無有聲聞
辟支佛名何況當有二乘之實今我
世尊何因何緣處斯穢惡不淨世界
命濁劫濁衆生濁見濁煩惱濁於是
五濁惡世之中成阿耨多羅三藐三
菩提在四衆中說三乘法以何緣故
不取如是清淨世界而不遠離五濁
惡世佛告寂意菩薩善男子菩薩摩
訶薩以本願故取淨妙國亦以願故
取不淨土何以故善男子菩薩摩訶
薩成就大悲故取斯穢惡不淨土耳
是故吾以本願處此不淨穢惡世界
成阿耨多羅三藐三菩提善男子汝
今諦聽善思念之善受善持吾今當

說時諸菩薩受教而聽佛告寂意菩薩善男子我於往昔過恒河沙等阿僧祇劫此佛世界名刪提嵐是時大劫名曰善持於彼劫中有轉輪聖王名無諍念主四天下有一大臣名曰寶海是梵志種善知占相時生一子有三十二相瓔珞其身八十種好次第莊嚴以百福德成就一相常光一尋其身圓足如屈拘盧樹諦觀一相無有厭足當其生時有百千諸天來共供養因為作字號曰寶藏其後長大剃除鬚髮法服出家咸阿耨多羅三藐三菩提還號寶藏如來應供正遍知明行足善逝世間解無上士調御丈夫天人師佛世尊即轉法輪令百千無量億那由他諸衆生等得生人天或得解脫如是利益諸天人已與百千億那由他聲聞大衆恭敬圍繞次第遊行城邑聚落漸到一城名安周羅即是聖王所治之處去城不遠有一園林名曰閻浮忒時如來與百千無量億那由他聲聞大衆止頻此林時轉輪王聞寶藏佛與百千无

量億那由他大聲聞眾次第遊行至閻浮林。爾時聖王便作是念：我今當往。至於佛所，禮拜圍遶，供養恭敬，尊重讚歎，作是念已，即便自以聖王神力，與無量大眾前後圍遶，出安周羅城，向閻浮林。既至林外，如法下車，步至佛所，到佛所已，頭面禮足，右遶三匝，却坐一面。善男子，爾時寶藏多陀阿伽度阿羅呵三藐三佛，隨即為聖王說於正法，以種種方便，示教利喜。說是法已，默然而止。時轉輪王便從坐起，長跪叉手，前白佛言：唯願如來及諸聖眾，於三月中，受我供養衣被、飲食、卧具、湯藥。善男子，彼時如來默然許之。時王即知佛已許可，頭面作禮，遶佛三匝，歡喜而去。時轉輪王告諸小王、大臣、人民及其眷屬，作如是言：汝等知不？我今已請寶藏如來及其大眾，終竟三月，奉諸所安。自我所用愛重之物，諸供養具，僮使僕從，從我今悉捨以奉施佛及諸聖眾。汝等今者亦當如是捨所重物，諸供養具，僮使僕從，以奉施佛及諸聖眾。諸人間已。

即便受教歡喜奉行時主寶臣於閻浮林中以純金為地於其地上作七寶樓其樓四門七寶所成七寶行樹其樹皆懸寶衣瓔珞種種真珠妙好寶蓋及諸寶器以用莊嚴復有諸香妙寶華果以莊校樹散種種華統統繒纈以為敷具懸諸繒幡聖王金輪於樓觀前懸處虛空去地七尺令白為寶在如來後持七寶樹其樹復有真珠繒帛種種瓔珞以用莊校其上復有七寶妙蓋使玉女寶於如來前磨牛頭栴檀及黑沉水用散佛上以摩尼珠寶置於佛前寶珠金輪二光微妙常明遍滿閻浮檀林晝夜元異寶藏如來常身光明微妙清淨遍滿三千大千世界以牛頭栴檀為一一聲聞作諸牀槍一一牀邊牛頭栴檀以為机座一一座後有白鳥寶持七寶樹種種莊嚴亦如如來一一座前有玉女寶磨牛頭栴檀及黑沉水散以供養於一一聲聞座前各各安置摩尼寶珠其園林中作種種伎樂其園外邊有四兵寶周帀圍遶善男子

時轉輪王清旦出城向於佛所既至
林外如法下車步至佛所至佛所已
頭面礼足右遶三帀自行澡水手自
斟酌上妙餚饌佛及大眾飲食以訖
捨鉢漱口時轉輪王手執寶扇以扇
如來及一一聲聞時王千子及八万
四千諸小王等悉皆供養一一聲聞
如轉輪王供養世尊尋於食後有百
千無量億那由他衆生入閻浮林於
如來所聽受正法尔時虛空中有百
千無量億那由他諸天散諸天華作
天伎樂以供養佛是時虛空中有天
衣瓔珞種種寶蓋而自迴轉復有四
万青衣夜叉於栴檀林取牛頭栴檀
為佛大眾然火熟食時轉輪王其夜
於佛及大眾前然百千無量億那由
他燈善男子時轉輪王頂戴一燈肩
荷二燈左右手中執持四燈其二膝
上各置一燈兩足趺坐亦各一燈如
是竟夜供養如來佛神力故身心快
樂無有疲極辟如比丘入第三禪轉
輪聖王所受快樂亦復如是如是供
養終竟三月時王千子及八万四千

諸小王等百千無量億那由他衆亦以妙食供養一一諸聲聞等亦如聖王所食餽饌亦滿三月其王女寶亦以種種華香供養如轉輪王供養於佛等無差別其餘衆生華香供養亦如玉女供養聲聞無有異也善男子時轉輪王過三月已以主藏寶臣貢上如來閻浮檀金作龍頭璣八万四千上金輪寶白烏紺馬摩尼珠寶妙好火珠主藏臣寶主四兵寶諸小王等安周羅城諸小城邑七寶衣樹妙寶華聚種種寶蓋轉輪聖王所著妙衣種種華鬘上妙璣珞七寶妙車種種寶牀七寶頭目校絡寶網閻浮金鑲寶真珠貫上妙履屣統綖茵蓐微妙机隆七寶器物鐘鼓伎樂寶鈴珂貝園林幢幡寶灌燈燭七寶鳥獸雜廁妙扇種種諸藥如是等物各八万四千以用奉施佛及聖衆作是施已白佛言世尊我國多事有諸不及今我悔過唯願如來久住此園復當令我數得往來禮拜圍遶恭敬供養尊重讚歎彼王諸子在佛前坐一一王子

復各請佛及比丘僧終竟三月奉諸
所安唯願許可此時如來默然許之
時轉輪王已知如來受諸子請頭面
禮佛及比丘僧右遶三匝歡喜而去
善男子時王千子第一太子名曰不
眇終竟三月供養如來及比丘僧奉
諸所安一如聖王時轉輪王曰至佛
所瞻觀尊顏及比丘僧聽受妙法善
男子此時大臣寶海梵志周遍到於
閻浮提內男子女人童男童女一切
人所乞求所湏此時梵志先要施主
汝今若能歸依三寶發阿耨多羅三
藐三菩提心者然後乃當受汝所施
時閻浮提一切衆生其中乃至無有
一人不從梵志受三歸依發阿耨多
羅三藐三菩提心者既令諸人受教
誡已即便受其所施之物

此時梵志令百千億無量衆生住三
福處及發阿耨多羅三藐三菩提心
太子不眇供養如來及比丘僧竟三
月已所奉啖親八万四千金龍頭瓔
唯無聖王金輪白鳥紺馬玉女藏臣
主兵摩尼寶珠其餘所有金輪鳥馬

妙好火珠童男童女七寶衣樹七寶
華聚種種寶蓋微妙衣服種種華鬘
上好瓔珞七寶妙車種種寶牀七寶
頭目校絡寶網間浮金鏤寶真珠貫
上妙履屣統縹茵蓐微妙机隆七寶
器物鐘鼓伎樂寶鈴珂貝園林幢幡
寶灌燈燭七寶鳥獸雜廁妙扇種種
諸藥如是等物各八万四千以奉獻
佛及比丘僧作是施已白佛言世尊
所有不及今日悔過時第二王子名
曰尸摩終竟三月供養如來及比丘
僧如不眴太子所奉瞻覲如上所說
第三王子名曰王衆第四王子名能
加羅第五王子名無所畏第六王子
名曰虛空第七王子名曰善辟第八
王子名曰泯菴第九王子名曰蜜蘇
第十王子名曰濡心十一王子名瞿
伽奴十二王子名摩耆滿十三王子
名摩奴摸十四王子名摩唎麗滿十
五王子名摩闍奴十六王子名曰无
垢十七王子名阿闍滿十八王子名
曰無缺十九王子名曰義雲二十王
子名曰因陀羅二十一名尸婆盧二

十二名居伽珠二十三名日月念二
十四名日日念二十五名曰王念二
十六名金剛念二十七名忍辱念二
十八名曰住念二十九名曰遠念三
十名曰寶念三十一名羅睺三十二
名羅睺力三十三名羅睺質多羅三
十四名羅摩質多羅三十五名曰國
財三十六名曰欲轉三十七名蘭陀
滿三十八名羅刹盧蘇三十九名羅
耶輸四十名炎摩四十一名夜婆滿
四十二名夜闇盧四十三名夜磨區
四十四名夜墮珠四十五名夜頗奴
四十六名夜娑奴四十七名南摩珠
帝四十八名阿藍遮奴如是等聖王
千子各各三月供養如來及比丘僧
一切所須衣服飲食卧具醫藥亦復
皆如第一太子所奉嚔嚔種種之物
亦復各各八万四千因其所施各各
發心或願忉利天王或求梵王或求
魔王或求轉輪聖王或願大富或求
聲聞是諸王子其中乃至尚無一人
求於緣覺況求大乘時轉輪王因布
施故而復還求轉輪王位是時聖王及

其千子如是供養滿二百五十歲各
各向佛及比丘僧悔諸不及善男子
時寶海梵志尋往佛所而白佛言唯
願如來及比丘僧滿七歲中受我供養
衣服飲食卧具醫藥今時如來默然
許可受梵志請善男子今時梵志供
養如來及比丘僧所湏之物亦如聖
王之所供養善男子寶海梵志復於
後時作如是念我今已令百千億那
由他衆生發阿耨多羅三藐三菩提
心然我不知轉輪聖王所願何等為
願人王天王聲聞緣覺為求阿耨多
羅三藐三菩提若我來世必成阿耨
多羅三藐三菩提度未度者解未解
者未離生老病死憂悲苦惱悉令得
離未滅度者令得滅度定如是者我
於夜卧當有諸天魔梵諸龍及夜叉
等諸佛世尊聲聞沙門婆羅門等為
我現夢說此聖王之所志求為求人
王為求天王為求聲聞辟支佛乘阿
耨多羅三藐三菩提耶善男子時寶
海梵志於睡眠中見有光明因此光
故即見十方如恒河沙等諸世界中

在在處處諸佛世尊彼諸世尊各各
遙以微妙好華與此梵志其華臺中
見日輪像於日輪上各各悉有七寶
妙蓋一一日輪各各皆出六十億光
是諸光明皆悉來入梵志口中自見
其身滿千由旬淨无垢穢辟如明鏡
見其腹內有六十億那由他百千菩
薩在蓮華上結加趺坐三昧正受復
見日鬘圍遶其身於諸華中出諸伎
樂踰於天樂善男子尔時梵志又見
其王血汙其身四方馳走面首似猪
噉種種虫既噉虫已坐伊蘭樹下有
無量衆生來食其身唯有骨鏹捨骨
鏹已數數受身亦復如是於是復見
諸王子等或作猪面或作鳥面或水
牛面或師子面或狐狼豹面或猕猴
面以血汙身亦各皆噉無量衆生坐
伊蘭樹下復有無量衆生來食其身
乃至骨鏹離骨鏹已數數受身亦復
如是或見王子須臾那華以作瓔珞
載小弊車駕以水牛從不正道南向
馳走復見四天大王釋提桓因大梵
天王來至其所告梵志言汝今四邊

所有蓮華應先取一華與轉輪王
一王子各與一華其餘諸華與諸小
王次與汝子并及餘人梵志得聞如
是語已即如其言悉取賦之如是夢
已忽然而寤從卧起坐憶念夢中所
見諸事尋時得知轉輪聖王所願卑
下愛樂生死貪著世樂我今復知諸
王子中或有所願卑小下劣以諸王
子有發心求聲聞乘者故我夢見
須臾那華以作瓔珞載水牛車於不
正道南向馳走我何緣故昨夜夢中
見大光明及見十方無量世界在在
處處諸佛世尊以我先教閻浮提
內無量衆生悉令安住三福處故是
故於夢得見光明及見十方無量世
界在在處處諸佛世尊以我教勅閻
浮提內一切衆生發阿耨多羅三藐
三菩提心請寶藏佛及比丘僧足滿
七歲奉諸所安是以夢中見十方諸
佛與我蓮華以我發阿耨多羅三藐
三菩提心故是以夢見十方諸佛與
我寶蓋如我所見蓮華臺中見日輪
像有無量光明入我口中及見大身

滿千由旬七寶蓋上以日為飾及見
腹中有六十億百千菩薩在蓮華上
結加趺坐三昧正受時梵天王所可
教勅賦諸蓮華如是等夢非我所解
唯有如來乃能解之我今當往至世
尊所問其所以何因緣故見是諸事
善男子尔時寶海梵志過夜清旦即
至佛所飲食以辦自行澡水手自斟
酌上妙餽饌食已行水收舉鉢訖即
於一面坐卑小牀欲聽妙法尔時聖
王及其千子無量无邊百千大眾出
安周羅城恭敬圍遶向閻浮園到園
外已如法下車步至佛所頭面礼佛
及比丘僧在佛前坐為欲聽法尔時
梵志如夢中所見具向佛說佛告梵
志汝夢所見有大光明十方無量如
恒河沙等諸世界中在在處處諸佛
世尊與汝蓮華於華臺中有日輪像
大光入口以汝先於二百五十年中
教閻浮提內無量眾生令住三福處
復令無量眾生發阿耨多羅三藐三
菩提心於今復作如是大施供養如
來及比丘僧以是故十方諸佛授汝

阿耨多羅三藐三菩提記十方如恒
河沙等諸佛世尊現在說法與汝蓮
華銀莖金葉琉璃為鬘馬瑙為鞞蓮
之受記相貌梵志汝夢所見十方如
恒河沙等諸世界中在在處處諸佛
世尊現在說法彼諸世尊所可與汝
七寶妙蓋蓋上莊飾至梵天者汝於
來世當於夜分成阿耨多羅三藐三
菩提即於其夜有大名稱遍滿十方
如恒河沙等諸世界中上至梵天當
得無見頂相无能過者即是汝之成
道初相汝夢見大身又見日輪而自
圍遶者汝於來世成阿耨多羅三藐
三菩提已汝先所可於閻浮提內教
無量衆生令發阿耨多羅三藐三菩
提心者亦當同時於十方如微塵等
世界之中成阿耨多羅三藐三菩提
亦皆各各發此讚言我於往昔為寶
海梵志之所勸化發阿耨多羅三藐
三菩提心是故我等今日悉成阿耨
多羅三藐三菩提某甲世尊即是我
之真善知識今時諸佛各各自遣諸

大菩薩為供養汝故諸菩薩等以先
所得已佛世界種種自在師子遊戲
神足變化而以供養今時諸菩薩種
種供養已於彼聽法得陀羅尼三昧
忍辱是諸菩薩聽受法已各還本土
向佛世尊稱說汝國所有諸事梵志
如是夢事皆是汝之成道相貌梵志
汝所夢見於其腹內有無量億諸大
菩薩在蓮華上結加趺坐三昧正受
者汝於來世成阿耨多羅三藐三菩
提已復當勸化無量億萬百千衆生
令不退於阿耨多羅三藐三菩提汝
入無上般涅槃已其後未來之世當
有十方世界無量諸佛法王世尊亦
當稱汝名字作如是言過去微塵數
等大劫有其甲佛是佛世尊勸化我
等安住於阿耨多羅三藐三菩提今
不退轉是故我等今成阿耨多羅三
藐三菩提作正法王梵志如是等夢
皆是汝之成道相貌梵志汝夢所見
人形猪面乃至獼猴面以血汙身散
種種重已坐伊蘭樹下無量衆生啖
食其身乃至骨殖離骨殖已數數受身

者有諸癡人住三福處所謂布施調
伏善攝身口如是人等當生魔天有
退沒苦若生人中受生老病死憂悲
苦惱受別離苦怨憎會苦所求不得
苦生餓鬼中受飢渴苦生畜生中無
明黑闇有斷頭苦生地獄中受種種
苦欲得不離如是諸苦是故安住修
三福處願求天王轉輪聖王或欲主
領一四天下乃至主領四四天下如
是癡人食一切衆生是衆生等復當
還食如是癡人如是展轉行於生死
不可得量梵志如是夢者即是久受
生死之相貌也梵志汝夢所見有諸
人等須臾都華以作瓔珞載小弊車
駕以水牛於不正道南向馳走梵志
即是安住於三福事能自調伏今得
寂靜向聲聞乘者之相貌也善男子
尔時寶海梵志白轉輪王言大王當
知人身難得王今已得成就無難諸
佛世尊出世甚難過優曇華調善欲
心及作善願乃復甚難大王今者若
願天人即是苦本若欲得主一四天
下及二三四亦是苦本輪轉生死大

王若生人天皆是無常无決定相猶如疾風其人貪著樂於五欲心不厭足猶如小兒見水中月若有願求在天人中受放逸樂其人數數墮於地獄受無量苦若生人中受愛別離苦怨憎會苦若生天上有退沒苦當復數數有受胎苦復有種種手相食噉奪命之苦癡如嬰兒心不知厭何以故離善知識故不作善願故不行精進故應得者不得故應解者不解故應證者不證故癡如嬰兒無所識別唯菩提心能離諸苦無有遺餘而反生厭世間生死數數受苦而更甘樂遂令諸苦轉復增長大王今當思惟生死有如是等種種諸苦大王今者已供養佛已種善根是故於三寶中應生深信大王當知先所供養佛世尊者即是來世大富之因愛護禁戒即是來世人天中因今者聽法即是來世智慧因也大王今者已得成就如是等事應發阿耨多羅三藐三菩提心時王答言梵志我今不用如是菩提我心今者愛樂生死

以是緣故布施持戒聽受妙法梵志
無上菩提甚深難得是時梵志復白
大王是道清淨應當一心具足願求
是道無濁心清淨故是道正直无諂
曲故是道鮮白離煩惱故是道廣大
無障闕故是道含受多思惟故是道
无畏不行諸惡故是道大富行檀波
羅蜜故是道清淨行尸羅波羅蜜故
是道無我行羈提波羅蜜故是道不
住行毗梨耶波羅蜜故是道不乱行
禪波羅蜜故是道善擇行般若波羅
蜜故是道乃是真實智慧之所至處
行大慈故是道不退行大悲故是道
歡喜行大喜故是道堅牢行大捨故
是道無荆棘常遠離欲恚惱覺故是
道安隱心無障闕故是道無賊分別
色聲香味觸故是道壞魔善分別陰
入界故是道離魔斷諸結故是道妙勝
離聲聞緣覺所思惟故是道遍滿一
切諸佛所受持故是道珍寶一切智
慧故是道明淨智慧光明無障闕故
是道善說為善知識之所護故是道
平等斷愛憎故是道無塵離恚穢念

怒故是道善趣離一切不善故大王
是道如是能到安樂之處乃至涅槃
是故應發阿耨多羅三藐三菩提心
今時轉輪聖王荅大臣言梵志今者
如來出現於世壽八万歲其命有限
不能悉與一切衆生斷諸惡業令種
善根種善根已安置聖果或得陀羅
尼三昧忍辱或得菩薩勝妙善根諸
佛授記得阿耨多羅三藐三菩提或
少善根於天人中受諸快樂是諸衆
生各各自受善不善報梵志於衆生
中乃至一人無善根者如來不能
說斷苦法如來世尊雖為福田若無
善根不能令斷諸苦惱法梵志我今
發阿耨多羅三藐三菩提心我行菩
薩道時修集大乘入於不可思議法
門教化衆生而作佛事終不願於五
濁之世微惡國土發菩提心我今行
菩薩道願成阿耨多羅三藐三菩提
時世界衆生無諸苦惱若我得如是
佛刹者今乃當成阿耨多羅三藐三
菩提善男子今時寶藏多陀阿伽度
阿羅呵三藐三佛陀即入三昧其三

昧名見種種莊嚴入三昧已作神足
變化放大光明以三昧力故現十方
世界一一方面各千佛剎微塵數等
諸佛世界種種莊嚴或有世界佛已
涅槃或有世界佛始涅槃或有世界
其中菩薩始坐道場菩提樹下降伏
魔怨或有世界佛始成道便轉法輪
或有世界佛久成道方轉法輪或有
世界純諸菩薩摩訶薩等遍滿其國
無有聲聞緣覺之名或有世界佛說
聲聞辟支佛乘或有世界無佛菩薩
聲聞緣覺或有世界五濁弊惡或有
世界清淨微妙無諸濁惡或有世界
卑陋不淨或有世界嚴淨妙好或有
世界壽命無量或有世界壽命短促
或有世界有大火災或有世界有大
水災或有世界有大風寒或有世界
劫始欲成或有世界成就以竟有如
是等無量世界微妙光明悉皆遍照
令得顯現

尔時大衆悉見如是等無量清淨諸
佛世界種種莊嚴時寶海梵志白轉
輪王大王今者已得見此諸佛世界

種種莊嚴是故今應發阿耨多羅三藐三菩提心隨意欲求何等佛土善男子時轉輪王向佛叉手而白佛言世尊諸菩薩等以何業故取清淨世界以何業故取不淨世界以何業故壽命無量以何業故壽命短促佛告聖王大王當知諸菩薩等以願力故取清淨土離五濁惡復有菩薩以願力故求五濁惡今時聖王前白佛言世尊我今還城於閑靜處專心思惟當作誓願如我所見佛土相貌離五濁惡願求清淨莊嚴世界佛告聖王宜知是時善男子時轉輪王頭面禮佛及比丘僧右遶三匝即退而去便還入城到所住處自宮殿中在一屏處一心端坐思惟修集種種莊嚴已佛世界善男子時寶海梵志次白太子不眴善男子汝今亦當發於阿耨多羅三藐三菩提心如汝所行三福處者所謂布施調伏善攝身口及餘所行清淨善業盡應和合迴向阿耨多羅三藐三菩提今時太子作如是言我今先應還至宮殿在一屏處端坐

思惟若我必能發阿耨多羅三藐三
菩提心者我當還來至於佛所當於
佛前畢定發心願取種種淨妙佛土
尔時太子頭面礼佛及比丘僧右遶
三匝即還而去至本宮殿在一屏處
一心端坐思惟修集種種莊嚴已佛
世界善男子尔時梵志復白第二王
子作如是言善男子汝今當發阿耨
多羅三藐三菩提心如是聖王千子
皆悉教化令發阿耨多羅三藐三菩
提心尔時梵志復教化八万四千諸
小王等及餘九万二千億衆生令發
阿耨多羅三藐三菩提心一切大衆
皆作是言梵志我等今當各各還至
所住之處在一靜處一心端坐思惟
修集種種莊嚴已佛世界如是大
衆一心寂靜於七歲中各各於已本
所住處一心端坐思惟修集種種莊
嚴已佛世界善男子寶海梵志復於
後時作如是念今我教化無量百千
億那由他衆生令發阿耨多羅三藐三
菩提心我今已請佛及大衆於七歲
中奉諸所安若我當來必成阿耨多

羅三藐三菩提所願成就者我當勸
喻天龍鬼神阿修羅乾闥婆緊那羅
摩睺羅伽夜叉羅刹拘辦荼等令其
供養如是大衆善男子今時梵志即
念毗沙門天王善男子今時天王即
知梵志心之所念與百千億無量夜
叉恭敬圍遶至梵志所尋於其夜在
梵志前作如是言梵志欲何教勅梵
志問言汝是誰耶毗沙門言梵志汝
頗曾聞毗沙門王不即我身是欲何
所勅時梵志言善來大王我今供養
如是大衆汝可助我共供養之毗沙
門王言敬如所勅隨意所須梵志復
言大王若能隨我意者今諸夜叉發
阿耨多羅三藐三菩提心復當宣告
諸夜叉等欲得福者欲得阿耨多羅
三藐三菩提者可度大海日日往取
牛頭栴檀及以沉水并諸餘香種種
諸華持來至此亦當如我日日供養
佛及衆僧今時天王聞是語已還至
住處擊鼓集會夜叉羅刹唱如是言
卿等知不此閻浮提有轉輪聖王名
無諍念有梵志名曰寶海即是聖王

之大臣也終竟七歲請佛及僧奉諸
所安卿等於此福德應生隨喜生隨
喜已以是善根發心迴向阿耨多羅
三藐三菩提善男子尔時有百千無
量億那由他夜叉等叉手合掌作如
是言若寶海梵志於七歲中供養如
來及比丘僧奉諸所安善根福報我
等隨喜以是隨喜善根故令我等成
阿耨多羅三藐三菩提尔時天王復
作是言卿等諦聽欲得福德及善根
者便可日日渡於大海為彼梵志取
牛頭栴檀及以沉水熟食飯佛及比
丘僧時有九万二千夜叉同時發言
天王我等今者於七歲中常當取是
牛頭栴檀及以沉水與彼梵志熟食
飯佛及比丘僧復有四万六千夜叉
亦同聲言我等當取微妙諸香與彼
梵志供養如來及比丘僧復有五万
二千諸夜叉等亦各同聲作如是言
我等當取種種妙華與彼梵志供養
如來及比丘僧復有二万諸夜叉等
亦同聲言我等當取諸味之精與彼
梵志調和飲食以供養佛及比丘僧

今時復有七万夜又亦同聲言我等當
往與作飲食供養如來及比丘僧善
男子今時梵志復作是念次當勸喻
毗樓勒又天王毗樓羅又天王提頭賴
吒天王作是念已今時三王即知其
念往梵志所乃至還所住處毗樓勒
又與百千億那由他拘辦荼等毗樓羅
又天王與百千無量億那由他諸龍
提頭賴吒與百千無量億那由他諸
闍婆乃至發阿耨多羅三藐三菩提
心亦如是善男子今時梵志即復念
於第二天下四天大王彼四天王以
佛力故至梵志所作如是言梵志今
者欲何所勅梵志答言我今勸汝與
諸眷屬發阿耨多羅三藐三菩提心
四天王言敬如所勅即各還至所住
之處與諸眷屬悉共發於阿耨多羅
三藐三菩提心如是乃至三千大千
世界百億毗沙門王發阿耨多羅三
藐三菩提心百億毗樓勒又天王百
億毗樓羅又百億提頭賴吒各各自
與所有眷屬亦復如是發阿耨多羅
三藐三菩提心善男子今時梵志復

作是念若我未來必成阿耨多羅三藐三菩提所願成就得已利者當令一切諸天皆使得此福德之分亦勸使發阿耨多羅三藐三菩提心若我來世以是善根必成阿耨多羅三藐三菩提者初利天王當來至此與我相見夜摩天子兜術天子化樂天子他化自在天子亦當來此與我相見善男子今時梵志作是念已初利天王夜摩天王兜術天王化樂天王他化自在天王悉皆來此與梵志相見作如是言梵志今者欲何所勅梵志答言汝是誰也時五天王各稱姓名復言梵志欲何所勅不須在此大會使耶梵志答言天王當知汝等天上所有妙寶臺殿樓閣有諸寶樹及諸衣樹香樹華樹果樹之樹天衣天座統綖茵蓐上妙寶器及以瓔珞天幢天蓋諸繒幡等種種莊嚴諸天所有種種伎樂汝等可以如此之物種種莊嚴此閻浮園供養於佛及比丘僧時五天王作如是言敬如所勅時諸天王各各還至所住之處初利天王

告毗樓勒天子夜摩天王告阿茶滿
天子梵術天王告路醯天子化樂天
王告拘陀羅天子他化自在天王告
難陀天子各作是言卿今當下閻浮
提界以此所有種種莊嚴彼閻浮園
懸諸瓔珞敷種種座如諸天王種種
莊嚴為如來故作寶高樓當使如此
切利天上所有寶樓是諸天子聞是
教已即下來至閻浮提中尋於其夜
種種莊嚴是閻浮園以諸寶樹乃至
天幡而莊校之為如來故作七寶樓
如切利天所有寶樓是五天子持諸
寶物種種莊嚴閻浮提園已尋還天
上各白其王大王當知我等已往莊
校彼園所有之物如此無異為如來
故作七寶樓如切利天所有寶樓等
無差別善男子時切利天王夜摩天
王梵術天王化樂天王他化自在天
王即便來至閻浮提中到梵志所作
如是言梵志我今已為佛及衆僧莊
校此園更何所勅願便說之梵志答
言汝等各各自於境界有自在力可
集諸天汝持我言閻浮提內有大梵

志名曰寶海於七歲中請佛世尊及無量僧奉諸所安卿等今者於此福德應生隨喜生隨喜已發心迴向阿耨多羅三藐三菩提是故應往佛所見佛世尊及比丘僧供養所須聽受妙法時五天王從梵志所聞是言已各各自還至所住處尔時忉利天王釋提桓因即集諸天而告之曰卿等當知閻浮提内有轉輪聖王名無諍念有大梵志名曰寶海即其聖王之大臣也請佛世尊及無量億僧終竟七歲奉諸所安我已先為佛比丘僧取諸寶物種種莊嚴彼閻浮園卿等以是善根因緣生隨喜心生隨喜已發心迴向阿耨多羅三藐三菩提亦令梵志得如所願善男子尔時百千無量億那由他忉利天子恭敬叉手作如是言我等今者於是善根生隨喜心以是隨喜故令我等一切得成阿耨多羅三藐三菩提夜摩天王兜術天王化樂天王他化自在天王如是等各集諸天而告之曰卿等當知閻浮提内有轉輪聖王名無諍念有

大梵志名曰寶海即其聖王之大臣也請佛世尊及無量億僧終竟七歲奉諸所安我已先為佛比丘僧取諸寶物種種莊校彼閻浮園卿等以是善根因緣故應生隨喜生隨喜已發心迴向阿耨多羅三藐三菩提當令梵志得如所願善男子今時四天各有百千無量億那由他天子恭敬叉手作如是言我等今者於是善根生隨喜心以是隨喜故令我等一切皆得成阿耨多羅三藐三菩提今時五王各各告言卿等今當至閻浮提見寶藏佛及比丘僧禮拜圍遶恭敬供養尊重讚歎善男子時五天王各各於夜一一將諸天子天女童男童女及餘眷屬百千億那由他衆前後圍遶來至佛所頂禮佛足及比丘僧從佛聽法至明清旦遷住虛空以種種天華優鉢羅華鉢頭摩華拘物頭華分陀利華須臾那華婆尸師華阿提目多伽占婆伽華曇陀羅華摩訶曇陀羅華以散大會如雨而下并鼓天樂而以供養善男子今時寶海梵志

復作是念若我當來必成阿耨多羅
三藐三菩提所願成就得已利者復
當教化諸阿修羅悉令發於阿耨多
羅三藐三菩提心善男子今時梵志作
是念已有五阿修羅王到梵志所乃
至百千無量億那由他阿修羅男子
女人童男童女如梵志教發阿耨多
羅三藐三菩提心至於佛所聽受妙
法善男子今時寶海梵志復作是念
若我當來必成阿耨多羅三藐三菩
提所願成就得已利者復當教化天
魔波旬令發阿耨多羅三藐三菩提
心善男子時魔波旬即知梵志心之
所念尋與百千無量億那由他男子
女人童男童女至梵志所敬如教勅
發阿耨多羅三藐三菩提心乃至聽
法亦復如是

悲華經卷第二

癸卯歲高麗國大藏都監奉
勅彫造

悲華經卷第三

駒

北凉天竺三藏曇無讖譯

大施品第三之二

佛復告寂意善男子。今時梵志復作是念。若我當來成阿耨多羅三藐三菩提。所願成就得已。利者次當教化。大梵天王發阿耨多羅三藐三菩提心時。梵天王即知梵志心之所念。到梵志所作如是言。欲何所勸。梵志問言。汝是誰也。梵王報言。我是大梵天王。梵志荅言。善來天王。可還天上集會諸天。汝持我言。閻浮提內有大梵志。名曰寶海。於七歲中。請佛世尊及無量僧奉諸所安。卿等今者於此福德。應生隨喜。生隨喜已。發心迴向阿耨多羅三藐三菩提。今時梵王聞是教已。尋還天上。聚集諸梵而告之言。卿等當知。閻浮提內有轉輪聖王。名無諍念。有大梵志。名曰寶海。即其聖王之大臣也。請佛世尊及無量僧。終竟七歲。奉諸所安。卿等以是善根。應生隨喜。生隨喜已。發心迴向阿耨多

羅三藐三菩提當今寶海得如所願
善男子今時百千無量億那由他諸
梵天子恭敬叉手作如是言我等今
者於是善根生隨喜心以是隨喜故
悲今我等一切皆得成阿耨多羅三
藐三菩提復更告言卿等今當至閻
浮提見寶藏佛及比丘僧禮拜園遶
恭敬供養尊重讚歎善男子時梵天
王與百千無量億那由他諸梵天子
前後圍遶來至佛所頭面禮佛足及
比丘僧聽受妙法善男子今時梵志
復作是念復當教化第一天下忉利
天王夜摩天王兜術天王化樂天王
他化自在天王以佛力故即各來至
是梵志所各作是言欲何所勅梵志
問言汝是誰也各各荅言我是其餘
忉利天王乃至他化自在天王梵志
報言汝等各還至所住處汝持我言
閻浮提內有轉輪王名無諍念有大
梵志名曰寶海即其聖王之大臣也
終竟七歲供養如來及比丘僧卿等
以是善相應生隨喜生隨喜已發心
迴向阿耨多羅三藐三菩提忉利天

王乃至他化自在天王聞是語已各
各還至所住之處即集會諸天而告
之言卿等當知閻浮提內有轉輪聖
王名無諍念有大梵志名曰寶海即
其聖王之大臣也終竟七歲供養如
來及比丘僧卿等以是善根因緣故
應生隨喜生隨喜已發心迴向阿耨
多羅三藐三菩提善男子時諸天眾
恭敬叉手作如是言我等今者於是
善根生隨喜心以隨喜故悉令我等
一切皆得成阿耨多羅三藐三菩提
復更告言卿等今者當至佛所見佛
世尊及比丘僧禮拜圍遶恭敬供養
尊重讚歎善男子今時忉利天王乃
至他化自在天王各各悉與百千無
量億那由他天子天女童男童女及
餘眷屬前後圍遶來至佛所頂禮佛
足及比丘僧聽受妙法第二天五
阿修羅王天魔波旬大梵天王亦復
如是第三第四第五乃至三千大千
佛之世界百億忉利天百億夜摩天
百億兜率天百億化樂天百億他化
自在天百億五阿修羅王百億魔波

旬百億大梵天王及無量億百千那由他眷屬悉發阿耨多羅三藐三菩提心以佛力故皆共來到此四天下至於佛所頭面禮佛及比丘僧聽受妙法今時大眾悉皆遍滿此間三千大千世界無空缺處善男子今時寶海梵志復作是念我今已得教化百億毗沙門天王乃至百億大梵天王而我今者所有誓願已得自在復作是念若我來世必成阿耨多羅三藐三菩提逮得已利所願成就者願佛世尊為諸大眾示現種種神足變化以神力故今此三千大千世界所有畜生餓鬼地獄及世人等悉皆得離一切苦惱純受諸樂各於一一衆生之前有一化佛勸彼衆生今發阿耨多羅三藐三菩提心善男子今時寶藏如來尋知寶海心之所念即時入於無熱三昧今時世尊入是三昧已示現如是神足變化一一毛孔放於無量无邊光明其光微妙遍照三千大千世界及照地獄冰凍衆生遇之則溫熱惱衆生遇之則涼飢渴衆生

遇之則飽受寂妙樂一一衆生各於
其前有一化佛三十二相瓔珞其身
八十種好次第莊嚴彼諸衆生受快
樂已作如是思惟我等何緣得離苦
惱受是妙樂今時衆生見於化佛三
十二相而自瓔珞八十種好次第莊
嚴見如是已各作是言蒙是成就大
悲者恩令我得離一切苦惱受於妙
樂今時衆生以歡喜心瞻仰尊顏今
時化佛告諸衆生汝等皆應稱南無
佛發阿耨多羅三藐三菩提心從是
已後更不受苦常受第一寂妙快樂
彼諸衆生尋作是言南無世尊發阿
耨多羅三藐三菩提心以此善根斷
一切惡而於其中尋得命終轉生人
中熱惱衆生以蒙光故尋得清涼離
飢渴苦受諸妙樂乃至生於人中如
地獄畜生餓鬼人亦如是其光遍照
諸世界已還遶佛身滿三匝已從頂
上入是時即有無量无边人天夜叉
阿修羅乾闥婆諸龍羅刹得不退轉
於阿耨多羅三藐三菩提復有不了
計衆生得陀羅尼三昧忍辱今時閻

淨人間無量諸天為佛世尊及比丘僧自以天上種種所有莊校嚴饒安周城外閭淨之園如天莊嚴等無老別是人復作是念我等今者當往觀之并見如來及比丘僧因聽受法善男子尔時日日常有百千無量億那由他男子女人童男童女來至佛所頭面禮佛及比丘僧右遶三匝恭敬供養尊重讚歎并欲見此閭淨之園其園門戶具足二万純七寶成一二門前後敷五百七寶之牀有五百梵志各坐其上若有衆生欲入是園此諸梵志輒便勸化令其畢定歸依三寶發阿耨多羅三藐三菩提心然後乃聽入此園中見於世尊及比丘僧禮拜圍遶恭敬供養尊重讚歎善男子尔時梵志於七歲中教化不可計天令其畢定住於阿耨多羅三藐三菩提復令不可計龍阿修羅乾闥婆羅刹拘睺茶毗舍遮餓鬼畜生地獄及人畢定住於阿耨多羅三藐三菩提善男子尔時梵志過七歲已以八万四千金輪惟除天輪八万四千白

爲七寶莊嚴惟除魚寶乃至八万四千種種諸樂如是等物欲以奉獻佛及衆僧

今時轉輪聖王於七歲中心無欲欲無瞋恚欲无愚癡欲無憍慢欲無國土欲無兒息欲無玉女欲無食飲欲无衣服欲無華香欲無車乘欲無睡眠欲無想樂欲無有我欲無有他欲如是七歲乃至無有一欲之心常坐不卧無晝夜想无疲極想亦復無聲香味觸想而於其中常見十方一一方面如万佛土微塵數等諸佛世界清淨莊嚴不見須弥及諸小山大小鐵圍二山中間幽冥之處日月星辰諸天宮殿其所見者惟見清淨莊嚴佛土見是事已隨願取之如轉輪聖王於七歲中得受快樂見於清淨種種莊嚴諸佛世界願取上妙清淨佛土轉輪聖王太子不瞬乃至千子八万四千諸小王等及九万二千億衆生等各七歲中心無欲欲乃至無有香味觸想各於靜處入定思惟亦得見於十方世界一一方面如万佛土微塵數

等諸佛世界所有莊嚴不見須弥及諸小山大小鐵圍二山中間幽冥之處日月星辰諸天宮殿其所見者惟見清淨莊嚴佛土如其所見隨而取之如是一切諸大衆等於七歲中各得修行種種法門或願清淨佛土或願不淨佛土善男子尔時梵志過七歲已持諸七寶奉獻於佛及比丘僧向佛合掌前白佛言世尊我已勸化轉輪聖王發阿耨多羅三藐三菩提心還至住處靜坐思惟乃至不聽一人令入我復勸化其王千子發阿耨多羅三藐三菩提心是諸王子亦各還至所住之處靜坐思惟乃至不聽一人令入八万四千小王九万二千億衆生等亦發阿耨多羅三藐三菩提心各在靜處端坐思惟乃至不聽一人令入世尊今當令是轉輪王等從三昧起来至佛所及我先所教化令發阿耨多羅三藐三菩提心者悉令集此佛世尊所一心端坐受於清淨佛之世界不退轉於阿耨多羅三藐三菩提從佛授記已當取國土及

名姓字善男子。尔時寶藏如來即入三昧。王三昧入是三昧。已於其口中出種種色光。青黃赤白紫如轉輪。王在定中者。各於其前有化梵王。作如是言。汝等今者可從定起。至於佛所見佛世尊。及比丘僧。礼拜團遶恭敬。供養尊重讚歎。汝等當知。寶海梵志於七歲中作法會。竟今佛世尊復當遊行諸餘國土。時轉輪王等聞是言已。尋從定起。尔時諸天在虛空中。作諸伎樂。是時聖王即便嚴駕。與其千子八万四千諸小王等。九万二千億人前後導從。出安周羅城。向閼浮園。既到園外。如法下車。步至佛所。頭面礼佛。及比丘僧。却坐一面。善男子。尔時梵志白聖王言。惟願大王持此寶物。并及大王先於三月供養如來。及比丘僧。種種珍寶八万四千安周羅城。如是福德。今應迴向阿耨多羅三藐三菩提。其王千子八万四千諸小王等。九万二千億人。皆悉教令迴向阿耨多羅三藐三菩提。復作是言。大王當知。以此布施不應求於忉利天。

王大梵天王何以故王今福報所有
珍寶皆是無常无決定相猶如疾風
是故應當以此布施所得果報令心
自在速成阿耨多羅三藐三菩提度
脫無量无邊衆生令入涅槃

悲華經諸菩薩本授記品第四之一

尔時寶藏如來復作是念如是等無
量衆生已不退轉於阿耨多羅三藐
三菩提我今當與各各授記并為示
現種種佛土尔時世尊即入三昧其
三昧名不失菩提心以三昧力故放
大光明遍照無量无邊世界皆悉令
是轉輪聖王及無量衆生等見無邊
諸佛世界尔時十方無量无邊諸餘
世界其中各各有大菩薩蒙佛光故
以佛力故各各悉來至於佛所以已
所得神足變化供養於佛及比丘僧
頭面礼足右遶三匝坐於佛前欲聽
如來為諸菩薩受佛記蒞善男子尔
時寶海梵志復白聖王大王今可先
發誓願取妙佛土善男子尔時聖王
聞是語已即起合掌長跪向佛前白
佛言世尊我今真實欲得菩提如我

先於三月之中以諸所須供養於佛
及比丘僧如是善根我今迴向阿耨
多羅三藐三菩提終不願取不淨佛
土世尊我先已於七歲之中端坐思
惟種種莊嚴清淨佛土世尊我今發
願令我得成阿耨多羅三藐三菩提時
世界之中無有地獄畜生餓鬼一切
衆生命終之後令不墮於三惡道中
世界衆生皆作金色人天無別皆得
六通以宿命通乃至得知百千万億
那由他劫宿世之事以清淨天眼悉
見百千億那由他十方世界亦見其
中在在處處現在諸佛說微妙法以
清淨天耳悉聞百千億那由他十方
世界現在諸佛說法之聲以他心智
故知無量无邊億那由他十方世界
衆生之心以如意通故於一念中遍
於百千億那由他諸佛世界周旋往
返今是衆生悉解無我及無我所皆
得不退於阿耨多羅三藐三菩提願
我世界無有女人及其名字一切衆
生等一化生壽命無量除其誓願無
有一切不善之名世界清淨無有臭

穢常有諸天微妙之香皆悉充滿一切衆生皆悉成就三十二相而各瓔珞所有菩薩皆是一生除其誓願願我世界所有衆生於一食頃以佛力故遍至無量无邊世界見現在佛禮拜圍遶以其所得神足變化供養於佛即於食頃還至本土而常講說佛之法藏身得大力如鄒羅延世界所有莊嚴之事乃至得天眼者不能盡說所有衆生皆得四辯一一菩薩所坐之樹枝葉遍滿一万由旬世界常有淨妙光明悉令他方無量佛土種種莊嚴而於中現所有衆生乃至成阿耨多羅三藐三菩提不行不淨常為其餘一切諸天人及非人之所恭敬供養尊重乃至成阿耨多羅三藐三菩提而於其中常得六根清淨即於生時得無漏喜受於快樂自然成就一切善根尋於生時著新袈裟便得三昧其三昧名善分別以三昧力遍至無量諸佛世界見現在佛禮拜圍遶恭敬供養尊重讚歎乃至成阿耨多羅三藐三菩提於此三昧無有

退失所有菩薩如其所願各自莊嚴
修淨妙土於七寶樹中悉皆遙見諸
佛世界一切衆生尋於生時得遍至
三昧以三昧力故常見十方無量元
邊諸世界中現在諸佛乃至成阿耨
多羅三藐三菩提終不退失願令我
界所有衆生皆得宮殿衣服瓔珞種
種莊嚴猶如第六化自在天世界無
有山陵埳阜大小鐵圍須弥大海亦
無陰蓋及諸障閼煩惱之聲無三惡
道八難之名無有受苦之名及不苦
不樂名世尊我今所願如是欲得如
是嚴淨佛土世尊我於來世便當久
久行菩薩道要得成就如是清淨佛
土世尊我於來世作是希有事已然
後乃成阿耨多羅三藐三菩提世尊
我成阿耨多羅三藐三菩提時菩提樹
縱廣正等一萬由旬於此樹下坐道場
時於一念中成阿耨多羅三藐三菩
提成阿耨多羅三藐三菩提已光明
照於無量無邊百千億那由他諸佛
世界令我壽命無量無邊百千億那
由他劫無能知者除一切智令我世

界無有聲聞辟支佛乘所有大衆純
諸菩薩無量无邊無能數者除一切
智願我成阿耨多羅三藐三菩提已
令十方諸佛稱揚讚歎我之名字願
我成阿耨多羅三藐三菩提已無量
無邊阿僧祇餘佛世界所有衆生聞
我名者修諸善本欲生我界願其捨
命之後必定得生惟除五逆誹謗聖
人廢壞正法願我成阿耨多羅三藐
三菩提已其餘無量无邊阿僧祇諸
佛世界所有衆生若發阿耨多羅三
藐三菩提修諸善提欲生我界者臨
終之時我時當與大衆圍遶現其人
前其人見我即於我所得心歡喜以
見我故離諸障閼即便捨身來生我
界願我成阿耨多羅三藐三菩提已
諸菩薩摩訶薩所未聞法欲從我聞
者如其所願悉今得聞願我成阿耨多
羅三藐三菩提已其餘無量无邊阿僧
祇世界在在處處諸菩薩等聞我名者
即得不退轉於阿耨多羅三藐三菩
提得第一忍第二第三有願欲得陀
羅尼及諸三昧者如其所願必定得

之乃至成阿耨多羅三藐三菩提無有
退失我滅度後過諸竿數劫已有無
量無邊阿僧祇世界其中菩薩聞我
名字心得淨信第一歡喜悉禮拜我
歎未曾有是佛世尊為菩薩時已作
佛事久久乃成阿耨多羅三藐三菩
提彼諸菩薩得第一信心歡喜已
必定當得第一初忍第二第三有願
欲得陀羅尼門及諸三昧者如其所
願悉皆得之乃至成阿耨多羅三藐
三菩提無有退失我成阿耨多羅三
藐三菩提已其餘無量無邊阿僧祇
世界有諸女人聞我名者即得第一
信心歡喜發阿耨多羅三藐三菩提
心乃至成佛終不復受女人之身願
我滅度已雖經無量無邊阿僧祇劫
有無量無邊阿僧祇佛剎其中女人
聞我名者即得第一信心歡喜發阿
耨多羅三藐三菩提心乃至成佛終
不復受女人之身世尊我之所願如
是佛土如是衆生世尊若世界清淨
衆生如是者然後乃成阿耨多羅三
藐三菩提善男子今時寶藏如來語

轉輪王言善哉善哉大王今者所願甚深已取淨土是中衆生其心亦淨大王汝見西方過百千萬億佛土有世界名尊善無垢彼界有佛名尊音王如來應供正遍知明行足善逝世間解無上士調御丈夫天人師佛世尊今現在為諸菩薩說於正法彼界無有聲聞辟支佛名亦無有說小乘法者純一大乘清淨無雜其中衆生等一化生亦無女人及其名字彼佛世界所有功德清淨莊嚴悉如大王所願無量種種莊嚴佛之世界等無老別悉已攝取無量无邊調伏衆生今改汝字為無量清淨

尔時世尊便告無量清淨彼尊音王佛過一中劫當般涅槃般涅槃已正法住世滿十中劫正法滅已過六十中劫彼土轉名彌樓光明當有如來出現於世号不可思議功德王如來應供正遍知明行足善逝世間解無上士調御丈夫天人師佛世尊是佛猶如尊音王如來世界莊嚴如尊善無垢等無有異其佛壽命六十中劫

佛滅度已正法住世六十中劫正法
滅已過千中劫是時世界故名尊善
無垢復有佛出号寶光明如來應供
正遍知明行足善逝世間解無上士
調御丈夫天人師佛世尊世界所有
壽命多少正法住世亦如不可思議
功德王佛等無有異正法滅已時
世界轉名善堅復有佛出号寶尊音
王如來應供正遍知明行足善逝世
間解無上士調御丈夫天人師佛世
尊世界莊嚴如前無異佛壽三十五
中劫佛滅度後正法住世滿七中劫
正法滅已復有無量无邊諸佛次第
出世所有世界壽命正法志亦如是
我今皆見如是諸佛始初成道及其
滅度是時世界常住不異無有成敗
大王如是諸佛志滅度已復過一恒
河沙等阿僧祇劫入第二恒河沙等
阿僧祇劫是時世界轉名安樂汝於
是時當得作佛号無量壽如來應供
正遍知明行足善逝世間解無上士
調御丈夫天人師佛世尊是時聖王
聞是語已前白佛言世尊如是等輩

當成佛者為在何處

佛告大王如是菩薩今在此會其數
無量不可稱計悉從十方餘佛世界
而來集此供養於我聽受妙法是諸
菩薩已從過去諸佛授阿耨多羅三
藐三菩提記復從現在十方諸佛授
阿耨多羅三藐三菩提記是故先成
阿耨多羅三藐三菩提大王是諸菩
薩已曾供養無量無邊百千萬億那
由他佛種諸善根修集智慧大王以
是之故是諸菩薩在於汝前成阿耨
多羅三藐三菩提時轉輪王復白佛
言世尊是寶海梵志乃能勸我及諸
眷屬發阿耨多羅三藐三菩提心是
梵志於未來世為經幾時當成阿耨
多羅三藐三菩提佛告大王是梵志
成就大悲故於未來世師子吼時汝
自知之時轉輪王復白佛言世尊若
我所願成就如佛所記者我今頭面
礼佛當令十方如恒河沙等世界六
種震動其中諸佛亦當為我授阿耨
多羅三藐三菩提記善男子今時無
量淨王作是語已尋於佛前頭面著

地小時十方如恒河沙等諸佛世界
六種震動是中諸佛即與授記作如
是言刪提嵐界善持劫中人壽八
万歲有佛出世号曰寶藏有轉輪聖
王名無量淨王四天下三月供養寶
藏如來及比丘僧以是善根故過一
恒河沙等阿僧祇劫已始入第二恒
河沙阿僧祇劫當得作佛号無量壽
世界名安樂常身光照縱廣周匝十
方各如恒河沙等諸佛世界今時寶
藏如來即為大王說此偈言

十方世界 震動大地 及餘山林
如恒沙等 汝今可起 已得授記
為天人尊 勝法調御

善男子今時轉輪聖王聞是偈已心
生歡喜即起合掌前礼佛足去佛不
遠復坐聽法善男子今時寶海梵志
復白聖王第一太子言善男子持此
寶物并及先所於三月中供養如來
及比丘僧種種珍寶如是福德和合
集聚迴向阿耨多羅三藐三菩提復
作是言善男子以此所施不應求於
忉利天王大梵天王何以故今者所

有福報之物皆是無常无決定相猶如疾風是故應當以是布施所得果報令心自在速成阿耨多羅三藐三菩提度脫無量无邊衆生令入涅槃是時太子聞是語已答梵志言我今觀於地獄衆生多諸苦惱人天之中或有垢心以垢心故數數墮於三惡道中復作是念是諸衆生以坐親近惡知識故退失正法墮大闇處盡諸善根攝取種種諸邪見等以覆其心行於邪道世尊今我以大音聲告諸衆生我之所有一切善根盡迴向阿耨多羅三藐三菩提願我行菩薩道時若有衆生受諸苦惱恐怖等事退失正法墮大闇處憂愁孤窮无有救護無依无舍若能念我稱我名字若其為我天耳所聞天眼所見是衆生等若不得免斯苦惱者我終不成阿耨多羅三藐三菩提復白佛言世尊我今復當為衆生故發上勝願世尊我今若能逮得已利者願令轉輪聖王過第一恒沙等阿僧祇劫已始入第二恒沙等阿僧祇劫是時世界名

曰安樂大王成佛号無量壽世界莊嚴衆生清淨作正法王是佛世尊於無量劫作佛事已所作已辦入無餘涅槃乃至正法住時我於其中修菩薩道即於是時能作佛事是佛正法於初夜滅即其後夜成阿耨多羅三藐三菩提復白佛言惟願世尊為我授記今我一心請於十方如恒河沙等現在諸佛惟願各各為我授記善男子今時寶藏佛尋為授記善男子汝觀天人及三惡道一切衆生生大悲心欲斷衆生諸苦惱故欲斷衆生諸煩惱故欲令衆生住安樂故善男子今當字汝為觀世音善男子汝行菩薩道時已有百千無量億那由他衆生得離苦惱汝為菩薩時已能大作佛事善男子無量壽佛般涅槃已第二恒河沙等阿僧祇劫後分初夜分中正法滅盡夜後分中彼土轉名一切珍寶所成就世界所有種種莊嚴無量無邊安樂世界所不及也善男子汝於後夜種種莊嚴在菩提樹下坐金剛座於一念中間成阿耨多

羅三藐三菩提号

遍出一切

光明

功

德山王如來應供正遍知明行足善逝世間解無上士調御丈夫天人師佛世尊其佛壽命九十六億那由他百千劫般涅槃已正法住世六十三億劫

尔時觀世音前白佛言若我所願得成就者我今頭面敬礼佛時當令十方如恒河沙等諸世界中現在諸佛亦復各各為我授記亦令十方如恒河沙等世界大地及諸山河六種震動出種種音樂一切衆生心得離欲善男子尔時觀世音菩薩尋礼寶藏如來頭面著地尔時十方如恒河沙等世界六種震動一切山林悉出種種無量音樂衆生聞已即得離欲其中諸佛皆與授記作如是言散提嵐界善持劫中人壽八万歲時有佛出世号曰寶藏有轉輪聖王名無量淨主四天下其王太子名觀世音三月供養寶藏如來及比丘僧以是善根故於第二恒河沙等阿僧祇劫後分之中當得作佛号遍出一切光明功德

山王如來世界名曰一切珍寶所成
就也。今時寶藏如來為觀世音而說
偈言

大悲功德。今應還起。地六種動。
及諸佛界。十方諸佛。已授汝記。
當成為佛。故應歡喜。

善男子。今時太子觀世音聞是偈已。
心生歡喜。即起合掌前禮佛足。去佛
不遠。復坐聽法。善男子。今時寶海梵
志復白第二王子尼摩言。善男子。汝
今所作福德清淨之業。為一切衆生
得一切智。故應迴向阿耨多羅三藐
三菩提。善男子。今時王子在佛前坐。
叉手白佛言。世尊。如我先於三月之
中。供養如來及比丘僧。并我所有身
口意業清淨之行。如此福德。我今盡
以迴向阿耨多羅三藐三菩提。不願
不淨穢惡世界。令我國土及菩提樹
如觀世音所有世界種種莊嚴寶菩
提樹及成阿耨多羅三藐三菩提。復
願遍出功德光明。佛始初成道。我當
先請轉於法輪。隨其說法。所經時節
於其中間行菩薩道。是佛涅槃後。正

法滅已我於其後次第成於阿耨多
羅三藐三菩提我成佛時所作佛事
世界所有種種莊嚴般涅槃後正法
住世如是等事悉如彼佛等無有異
尔時佛告第二王子善男子汝今所
願最大世界汝於來世當得如是大
世界處如汝所願善男子汝於來世
當於如是最大世界成阿耨多羅三
藐三菩提号曰善住珍寶山王如來
應供正遍知明行足善逝世間解無
上士調御丈夫天人師佛世尊善男
子由汝願取大世界故因字汝為得
大勢尔時得大勢前白佛言世尊若
我所願成就得已利者我今敬礼於
佛當令十方如恒河沙等諸佛世界
六種震動雨須臾那華其中現在諸
佛各授我記善男子尔時得大勢在
於佛前頭面著地尋時十方如恒河
沙等世界六種震動天雨須臾那華
其中現在諸佛世尊各與授記尔時
寶藏如來為得大勢而說偈言

堅力功德 今可還起 大地震動
雨須臾那華 十方諸佛 已授汝記

善男子尔時得大勢聞是偈已心生
歡喜即起合掌前礼佛足去佛不遠
復坐聽法善男子尔時寶海梵志復
白第三王子王衆言善男子今汝所
作福德之聚清淨之業應為一切衆
生得一切智故迴向阿耨多羅三藐
三菩提善男子尔時第三王子在佛
前坐叉手白佛言世尊如我先於三
月之中供養如來及比丘僧并我所
有身口意業清淨之行如是福德今
我盡以迴向阿耨多羅三藐三菩提
我今所願不能於是不淨世界成阿
耨多羅三藐三菩提亦復不願速成
阿耨多羅三藐三菩提我行菩薩道
時願令我所化十方無量无邊諸佛
世界所有衆生發阿耨多羅三藐三
菩提心安止於阿耨多羅三藐三菩
提心勸化安止於六波羅蜜者願令
先我悉於十方二一方面如恒河沙
佛刹微塵數等諸佛世界成佛說法
令我尔時以清淨天眼悉遍見之願
我為菩薩時能作如是無量佛事我

於來世行菩薩道無有齊限我所教化諸衆生等令其心淨猶如梵天如是衆生生我界者亦乃當成阿耨多羅三藐三菩提以是等清淨莊嚴佛刹願令三千大千世界恒河沙等十方佛土為一佛刹周匝世界有大寶牆七寶填廁其牆高大至無色界真紺琉璃以為其地無諸塵土石沙穢惡荊棘之屬又無惡觸亦無女人及其名字一切衆生皆悉化生不食揣食等以法喜三昧為食無有聲聞辟支佛乘純諸菩薩離於貪欲瞋恚愚癡皆修梵行悉滿其國當其生已鬚髮自落服三法衣即於生已便欲得食尋有寶器在右手中自然而有上妙百味具足在鉢時諸菩薩作是思惟我等不應噉是揣食我今當持至於十方供養諸佛及聲聞衆并貧窮者有諸餓鬼受飢渴苦其身熾然當至其所而給足之我等自應修行法喜三昧之食作是念已得菩薩三昧其三昧名不可思議行得是三昧已即得無閼神力到於無量无邊世界

現在佛所供養諸佛及比丘僧給施
貧窮下至餓鬼作是施已因為說法
尋於食時周旋往返還歸本土衣服
珍寶及所須物供養諸佛下至餓鬼
亦復如是然後自用願令我世界無
有八難不善苦惱亦無受戒毀戒懺
悔及其名字願我世界常有無量種
種珍寶以為廟填珍寶衣樹十方世
界所未曾有未曾見聞乃至億歲說
其名字猶不能盡願我世界諸菩薩
等欲見金色隨意得見欲見銀色亦
隨意見當見銀時不失金相當見金
時不失銀相頗梨琉璃車渠馬瑙及
赤真珠種種珍寶隨意得見亦復如
是欲見阿竭琉香多伽琉香多摩羅
跋梅檀沉水及赤梅檀牛頭梅檀欲
見純梅檀者隨意得見欲見沉水者
亦隨意見當見沉水不失梅檀當見
梅檀不失沉水餘亦如是種種所願
皆得成就願我世界無有日月諸菩
薩等有大光明如本所求自然而出
乃至能照百千万億那由他世界以
元明故無有晝夜衆華開敷即知晝

分衆華合時便知夜分世界調適無有寒熱及老病死若有一生菩薩於餘方成阿耨多羅三藐三菩提者即以此身處於他方梵術天宮命終作佛若我成阿耨多羅三藐三菩提已不於其界取般涅槃若般涅槃時處在虛空諸菩薩等所欲得者自然而有其世界邊同而常有百千億那由他自然音樂此音樂中不出欲想之聲常出六波羅蜜聲佛聲法聲比丘僧聲菩薩藏聲甚深義聲而諸菩薩於諸音聲隨其所解世尊我行菩薩道時如我所見百千億那由他阿僧祇諸佛世界種種莊嚴種種瓔珞種種相貌種種住處種種所願令我世界悉皆成就如是等事所有莊嚴惟除聲聞辟支佛等亦復無有五濁之世三惡道等須弥諸山大小鐵圍土沙礫石大海林木純有寶樹過天所有更無餘華惟有天上曼陀羅華摩訶曼陀羅華無諸臭穢純有妙香遍滿其國諸菩薩等皆是一生無有一人生於餘處惟除他方當成佛者處

術天命終成阿耨多羅三藐三菩提
世尊我行菩薩道時無有齊限要當成
是微妙果報清淨佛土一生菩薩充
滿其中是諸菩薩無有一人非我所
教初發阿耨多羅三藐三菩提心安
止六波羅蜜者如是菩薩皆是我初教
發心安止六波羅蜜此散提嵐界若
入我界一切苦惱皆悉休息世尊我
行菩薩道時要當成就如是等輩希
有之事然後於未來世乃成阿耨多
羅三藐三菩提願菩提樹名曰選擇
見善珍寶縱廣正等万四天下香氣
光明遍於一十三大千世界菩提
樹下以種種珍寶為金剛座縱廣正
等五四天下其座名曰善擇寂滅智
香等近高万四千由旬我於此座結
加趺坐於一念中成阿耨多羅三藐
三菩提乃至般涅槃常於道場菩提
樹下坐金剛座不解不壞復當化作
無量諸佛及菩薩衆遣在其餘諸佛
世界教化衆生一一化佛於一食頃
為諸衆生說微妙法即於食頃令無
量无边衆生悉發阿耨多羅三藐三

菩提心尋發心已即不退轉阿耨多
羅三藐三菩提如是化佛及菩薩衆
常作如是希有之事我成阿耨多羅
三藐三菩提已願諸餘世界其中衆
生悉見我身若有衆生眼見我身三
十二相八十種好悉令必定於阿耨
多羅三藐三菩提乃至涅槃不離見
佛願令我界所有衆生六情完具無
所缺少若諸菩薩欲見我者隨其所
住行來坐卧悉得見之是諸菩薩尋
發心已即時見我坐於道場菩提樹
下當見我時先來所有於諸法相疑
滯之處我未為說便得除斷亦得深
解法相之義願我當來壽命無量元
能數者除一切智菩薩壽命亦復如
是我一念中成阿耨多羅三藐三菩
提已即一念中有無量菩薩鬚髮自
落服三法衣乃至涅槃於其中間無
有一人長其鬚髮著俗衣裳一切皆
著沙門之服

尔時佛告第三王子善男子善哉善
哉汝是純善大丈夫也聰敏善解能
作如是甚難大願所作功德甚深甚

深難可思議微妙智慧之所為也汝
善男子為衆生故自發如是尊重之
願取妙國土以是故今号汝為文殊
師利於未來世過二恒河沙等無量
无邊阿僧祇劫入第三無量无邊阿
僧祇劫於此南方有佛世界名曰清
淨無垢寶實此散提嵐界亦入其中
彼世界中有種種莊嚴汝於此中當
成阿耨多羅三藐三菩提号普現如
來應正遍知明行足善逝世間解無
上士調御丈夫天人師佛世尊諸菩
薩衆皆悉清淨汝之所願具足成就
如說而得善男子汝行菩薩道時於
無量億諸如來所種諸善根是故一
切衆生以汝為藥汝心清淨能破煩
惱增諸善根尔時文殊師利前白佛
言世尊若我所願成就得已利者惟
願十方無量无邊阿僧祇世界六種
震動其中諸佛現在說法與我受記
亦願一切衆生受歡喜樂譬如菩薩
入第二禪自在遊戲天雨曼陀羅華
遍滿世界華中常出佛聲法聲比丘
僧聲六波羅蜜力無所畏如是等聲

願我敬礼寶藏佛時即出如是諸相
貌等作是語已尋時礼佛頭面著地
即於是時十方無量无邊阿僧祇世
界六種震動天於空中雨曼陀羅華
一切衆生受於喜樂譬如菩薩入第
二禪自在遊戲諸菩薩等是時惟聞
佛聲法聲比丘僧聲六波羅蜜十力
無畏如是等聲是時他方諸菩薩等見
聞是事恠未曾有各自其佛言何因緣
故有是瑞應諸佛各告諸菩薩言十
方諸佛各各廣為文殊師利授阿耨
多羅三藐三菩提記故是其瑞應尔
時寶藏如來為文殊師利而說偈言
勝意曠大 今可還起 十方諸佛
已授汝記 當於來世 成尊勝道
世界大地 六種震動 衆生滿足
受於快樂

善男子今時文殊師利聞是偈已心
生歡喜即起合掌前礼佛足去佛不
遠復坐聽法
悲華經卷第三

癸卯歲高麗國大藏都監奉

勅彫造

悲華經卷第四

駒

北凉天竺三歲曇無讖譯

諸菩薩本授記品第四之二

善男子。尔時寶海梵志白第四王子。
能伽奴言。乃至發願。亦復如是。尔時
佛告阿伽那言。善哉。善哉。善男子。汝
行菩薩道時。以金剛慧。破無量无边
衆生諸煩惱。山大作佛事。然後乃成
阿耨多羅三藐三菩提。善男子。是故
号汝為金剛智慧光明功德。尔時佛
告金剛智慧光明功德菩薩善男子。
汝於來世。過一恒河沙等阿僧祇劫。
入第二恒河沙等阿僧祇劫。於此東
方。過十恒河沙等世界中。微塵數等
世界。有世界名曰不眴。善男子。汝於
是中。當得作佛。号曰普賢如來。應供
正遍知。明行足。善逝。世間解。無上士
調御丈夫。天人師。佛世尊。其佛世界
所有莊嚴。如汝所願。悉皆具足。善男
子。寶藏如來。授金剛智慧光明功德
菩薩摩訶薩。阿耨多羅三藐三菩提。
記時。虛空中有無量无边百千億那

由他天而讚歎言善哉善哉雨牛頭
栴檀阿伽流香多伽流香多摩羅跋
并及末香而以供養尔時金剛智慧光
明功德菩薩白佛言世尊若我所願成
就得已利者我今敬礼諸佛世尊惟
願十方如恒河沙等世界滿中諸天
微妙好香衆生之類或在地獄畜生
餓鬼天上人中若聞是香所有身心
苦惱之疾悉得遠離如是頭面到地善
男子尔時金剛智慧光明功德菩薩
作是言已即頭面礼佛尔時十方如
恒河沙等世界周遍悉有微妙之香
衆生聞者皆得遠離身心苦惱尔時
寶藏如來即為金剛智慧光明功德
菩薩而說偈言

金剛慧能破汝今可還起十方佛世界
周遍有妙香與無量衆生安樂及歡喜
當來得成佛無上世間解

善男子尔時金剛智慧光明功德菩
薩聞是偈已其心歡喜即起合掌前
礼佛足去佛不遠復坐聽法善男子
尔時寶海梵志復白第五王子無所
畏言乃至發心亦復如是尔時王子

答梵志言我今所願不欲於此不淨
世界成阿耨多羅三藐三菩提願成
佛時世界之中無有地獄畜生餓鬼
其地純以紺琉璃寶廣說皆如蓮華
世界所有莊嚴今時無畏王子手持
蓮華上寶藏佛作如是言世尊若我
所願成就得已利者以佛力故今在
佛前願我當得悉見種種莊嚴三昧
復願天雨種種蓮華大如車輪遍滿
十方如恒河沙世界微塵數等諸佛
國土亦令我等皆遙見之善男子無
畏王子說是言已以佛力故尋時即
得悉見種種莊嚴三昧天雨種種无
量蓮花大如車輪遍滿十方如恒河
沙等世界微塵等諸佛國土一切大
衆皆得遙見見是事已得歡喜樂今
時佛告無畏王子善男子乃能作是
甚深微妙之大願也取嚴淨佛土復
能疾得悉見種種莊嚴三昧願不虛
故天雨如是無量蓮華世尊若我所
願成就得已利者願此諸華悉住於
空不復墮落時寶藏佛告無畏王子
言善男子汝今速疾以諸蓮華印於

虛空是故号汝為虛空印。尔時佛告
虛空印菩薩善男子。汝於來世過一
恒河沙等阿僧祇劫。於東南方去此佛土百
千万億恒河沙等世界。彼有世界名
曰蓮華。汝於是中當成阿耨多羅三
藐三菩提。号蓮華尊。如來應正遍知
明行足。善逝世間解。無上士。調御丈
夫。天人師。佛世尊。所有大衆。純諸菩
薩。摩訶薩等。其數無量。不可稱計。其
佛壽命無量。无邊。所願具足。悉皆成
就。尔時虛空印菩薩摩訶薩。頭面礼
於寶藏如來。即起合掌。去佛不遠。復
坐聽法。尔時世尊為虛空印而說
偈言。

善男子。當知有人作已利。能斷煩惱結。
常令得寂靜。所受持功德。數如恒河沙。
世界微塵等。成就而不失。汝於當來世。
成就無上道。亦如過去佛等。無有老別。
善男子。虛空印菩薩聞是偈已。心生
歡喜。善男子。尔時寶海梵志白第六
王子。虛空言。乃至發心。亦復如是。尔
時王子菴婆羅白佛言。世尊。我今所

願不欲於此不淨世界成阿耨多羅三藐三菩提略說如虛空印所願世尊若我所願成就得已利者願令十方如恒河沙等世界之中自然而有七寶妙蓋在上虛空羅列而坐純金為網以覆其上七寶為鈴垂以莊嚴其蓋寶鈴常出佛聲法聲比丘僧聲六波羅蜜及六神通十力無畏如是等聲世界衆生聞者尋發阿耨多羅三藐三菩提心已發心者即得不退轉寶鈴所出佛法僧聲乃至無所畏聲悉聞十方世界虛空以佛力故乃得自聞世尊若我所願成就得已利者願我今者得知日三昧以三昧力故增益一切諸善根本得三昧已惟願諸佛與我授阿耨多羅三藐三菩提記是時王子說是語已以佛力故即得知日三昧今時世尊讚王子言善哉善哉善男子汝所願者甚深甚深以甚深功德因緣故尋時十方如恒河沙諸世界中自然而有七寶妙蓋於上虛空羅列而坐純金為網以覆其上七寶為鈴悉以莊嚴其鈴常出佛法僧

聲乃至無所畏聲。今時有百千億那由他衆生聞是聲已，尋發阿耨多羅三藐三菩提心。是故号汝為虛空日光。明。今時佛告虛空日光明菩薩摩訶薩：汝於來世當成阿耨多羅三藐三菩提。過一恒河沙阿僧祇劫，入第二恒河沙等阿僧祇劫，東方去此二恒河沙等佛刹，有世界名曰日月。汝於是中當成阿耨多羅三藐三菩提，号法自在。豐王如來應正遍知，明行足，善逝世間解，無上士調御丈夫、天人師、佛世尊。今時虛空日光明菩薩聞是記已，即礼佛足。今時世尊為虛空日光明而說偈言：

善男子，今起善哉！自調御以淳淋大悲於一切衆生，度脫令斷苦，畢竟往彼岸。智慧善分別，令到無上道。

善男子，今時虛空日光明菩薩聞是偈已，其心歡喜，即起合掌前礼佛足，去佛不遠，復坐聽法。

今時寶海梵志復白：第七王子善辭言，乃至發心亦復如是。今時王子白佛言：我今所願不欲於此不淨世界。

成阿耨多羅三藐三菩提願我來世
所有世界無有地獄畜生餓鬼女人
名字及以胎生須彌諸山大小鐵圍
山陵埳阜石沙穢惡荆棘惡風木樹
叢林大海江河日月晝夜闇冥臭處
衆生等類無有便利涕唾汙垢身心
不受諸不樂事馬瑙為地無諸塵土
純有百千無量珍寶而莊嚴之无有
諸草唯有好妙曼陀羅華種種寶樹
以為校飭其實樹下有妙寶蓋復有
種種寶衣華鬘諸寶瓔珞香華伎樂
諸寶器物諸寶妙花以如是等校飭
其樹世界之中無有晝夜以華開合
而知時節諸菩薩等在金華中自然
出生既得生已皆得悉見種種莊嚴
三昧以三昧力故得見十方如微塵
等諸世界中現在諸佛於此三昧一
念之頃具足六通以天耳故悉聞十
方如微塵等世界現在諸佛說法音
聲以宿命智知過去世如一佛土微
塵等劫宿世之事以天眼故悉見十
方諸佛世界種種莊嚴以他心智故
於一念中得知如一佛世界微塵數

等世界衆生心之所念乃至成阿耨多羅三藐三菩提終不失是三昧清旦之時四方有風柔軟清淨吹微妙香及散諸華以風力故諸菩薩等從三昧起三昧起已即得如是如意通力以是力故於一念頃能到十方一方面如一佛土微塵數等諸佛世界供養現在諸佛世尊請受妙法即一念中還至本土無有罣闕諸菩薩等在毘陀羅華摩訶毘陀羅華臺之中結加趺坐思惟法門所謂欲得見我所在方面隨身所向悉令得見若於深法有疑滯者以見我故尋得除滅若有問義欲聽法者以見我故即得深解無有狐疑所有菩薩深解無我及無我所是故能捨身根命根一切必定不退於阿耨多羅三藐三菩提世界無有一切不善之名亦無受戒破戒之名毀戒悔過一切衆生其身皆有三十二相得無羅延力乃至成阿耨多羅三藐三菩提無有一人六根毀缺不完具者所有衆生即於生已鬚髮自落服三法衣得善分別

三昧乃至阿耨多羅三藐三菩提終
不中失諸衆生等悉得和合一切善
根無有一人為老病所苦若諸菩薩
命終之時結加趺坐入於火定自燒
其身燒其身已四方清風來吹其身
舍利散在諸方無佛世界尋時變作
摩尼寶珠如轉輪聖王所有寶珠若
有衆生見觸之者悉令不墮三惡道
中乃至涅槃不受諸苦即得捨身生
於他方現在佛所諮受妙法發阿耨
多羅三藐三菩提心便不退轉所有
衆生若命終時其心在定無有散亂
不受諸苦愛別離等命終之後不墮
八難無佛之世乃至成阿耨多羅三
藐三菩提常得見佛諮受妙法供養
衆僧一切衆生離於貪欲瞋恚愚癡
恩愛嫉妬無明憍慢世界無有聲聞
緣覺所有大衆純諸菩薩摩訶薩等
充滿其國其心柔軟無有愛濁堅固
不退於阿耨多羅三藐三菩提得諸
三昧世界純有清淨光明十方如微
塵等諸佛世界悉皆得聞我之世界我
界所有微妙之香悉遍十方如微塵等

諸佛世界我界衆生常得快樂未曾
聞有受苦之聲世尊我行菩薩道時
不作齊限我今要當莊嚴如是清淨
佛土衆生之類皆使清淨遍滿其國
然後乃成阿耨多羅三藐三菩提世
尊我成阿耨多羅三藐三菩提當出
無量无邊光明照於十方如千佛刹
微塵數等諸佛世界令彼衆生悉遙
見我三十二相即時得斷貪欲瞋恚
愚癡嫉妬無明憍慢一切煩惱發阿
耨多羅三藐三菩提心如其所求得
陀羅尼三昧忍辱以見我故寒氷地
獄所有衆生悉得煖樂譬如菩薩入
第二禪以見我故身心受於第一妙
樂發阿耨多羅三藐三菩提心若其
命終要當生我佛之世界生已即得
不退轉於阿耨多羅三藐三菩提熱
地獄等畜生餓鬼亦復如是諸天所
見光明一倍令我壽命無量无邊無
能數者除一切智世尊我成阿耨多
羅三藐三菩提已令十方無量无邊
阿僧祇世界現在諸佛稱讚於我其
餘衆生若得聞是稱讚我聲願作善

根速生我國命終之後必生我國唯
除五逆毀壞正法誹謗聖人世尊我
成阿耨多羅三藐三菩提已十方無
量無邊阿僧祇世界中所有衆生若
聞我聲發願欲生我世界者是諸衆
生臨命終時悉令見我與諸大衆前
後圍遶我於今時入無翳三昧以
三昧力故現在其前而為說法以聞
法故尋得斷除一切苦惱心大歡喜
其心喜故得寶實三昧以三昧力故
令心得念及無生忍命終之後必生
我界若餘世界諸衆生等無有七財
不欲修集行於三乘不欲生於人天
中者亦不修行一切善根及三福處
非法行汙愛著惡欲專行邪見如是
衆生願我入於無焦惱三昧以三昧
力故彼諸衆生若命終時我與大衆
而住其前為說妙法復為示現佛土
所有又勸令發阿耨多羅三藐三菩
提心衆生聞已即於我所心生深信
歡喜安樂尋發阿耨多羅三藐三菩
提心令彼衆生得斷苦惱斷苦惱已
使得日燈光明三昧斷於癡闇命終

之後尋生我界。尔時寶藏如來讚言：善哉善哉！汝今乃能作微妙之大願也。世尊，若我所願成就，得已刹者願令十方如微塵等諸佛世界悉雨憂陀羅婆羅香，并栴檀香、牛頭栴檀香、種種末香。若有衆生在在處處聞是香者，悉發阿耨多羅三藐三菩提心。令我今者得金剛願三昧，以三昧力故，悉得遙見諸世界中所雨諸香。善男子，尔時王子說是言已，尋得三昧。自見十方如微塵數等諸佛世界，所有諸香：憂陀羅婆羅香、牛頭栴檀、種種末香，及見一一方面有不可計諸衆生等恭敬叉手發阿耨多羅三藐三菩提心。寶藏如來告王子言：善男子，汝之所願已得成就。天雨種種諸微妙香，已有不可計衆生恭敬叉手發阿耨多羅三藐三菩提心。是故号汝為師子香。汝於來世過一恒河沙等阿僧祇劫，入第二恒河沙等阿僧祇劫，上方去此四十二恒河沙世界微塵數等諸佛世界，有世界名青香光明無垢。汝於彼土當得成阿耨多羅三

藐三菩提号光明無垢堅香豐王如
來應供正遍知明行足善逝世間解
無上士調御丈夫天人師佛世尊善
男子尔時師子香菩薩礼寶藏如來
頭面著地尔時如來為師子香菩薩
而說偈言

天人師起 受諸供養 度脫生死
令離苦惱 斷諸結縛 及諸煩惱
來世當作 天人之尊

善男子尔時師子香菩薩聞是偈已
心大歡喜即起合掌去佛不遠復坐
聽法

善男子尔時寶海梵志復白第八王
子泯面言乃至發心亦復如是尔時
王子前白佛言世尊我今所願要當
於是不淨世界修菩薩道復當修治
莊嚴十千不淨世界令其嚴淨如青
香光明無垢世界亦當教化無量菩
薩令心清淨无有垢穢皆趣大乘悉
使充滿我之世界然後我當成阿耨
多羅三藐三菩提世尊願我修行菩
薩道時要當勝於餘諸菩薩世尊我
已於七歲之中端坐思惟諸佛菩薩

清淨功德及種種莊嚴佛土功德是
時即得悉見種種莊嚴三昧等乃一
千菩薩三昧增進修行世尊若未來
諸菩薩等行菩薩道時亦願悉得如
是三昧世尊願我得出離三世勝幢
三昧以三昧力故悉見十方無量元
邊諸佛世界在在處處現在諸佛出
離三世為諸衆生說於正法世尊願我
得不退三昧以三昧力故於一念中
悉見如微塵等諸佛菩薩及諸聲聞
恭敬圍遶願我於此一一佛所得無
依止三昧以三昧力故作變化身一
時遍至如一佛界微塵數等諸如來
所供養禮拜願我一身以種種無
上珍寶花香塗香末香妙勝伎樂種
種莊嚴供養一一諸佛世尊願我一
身於一一佛所如大海水滂等劫
行菩薩道願我得一切身變化三昧
以三昧力故於一念中在一一佛前
知如一佛土微塵數等諸佛世界世
尊願我得功德力三昧以三昧力故
於一一佛前遍到如一佛土微塵數
等諸世尊所以微妙讚歎諸佛

世尊願我得不眴三昧以三昧力故

得

於一念中悉見諸佛遍滿十方無量
无邊世界之中世尊願我得無諍三
昧以三昧力故於一念中悉見過去
未來現在諸佛所有淨妙世界世尊
願我得首楞嚴三昧以三昧力故化
作地獄之身入地獄中與地獄衆生
說微妙法勸令發阿耨多羅三藐三
菩提心彼諸衆生聞是法已尋發无
上菩提之心即便命終生於人中隨
所生處常得值佛隨所值佛而得聽
法聽受法已即得住於不退轉地乳
闍婆阿修羅迦樓羅緊那羅摩睺羅
伽人非人等天龍鬼神夜叉羅刹毗
舍遮富單那伽吒富單那屠然魁臚
商賈婬女畜生餓鬼如是等衆亦復
如是皆令發阿耨多羅三藐三菩提
心有諸衆生隨所生處得諸色像我
分之身如業所作隨受苦樂及諸工
巧願我變化作如是身隨其所作而
教化之世尊若有衆生各各異音願
我隨其種種音聲而為說法各令歡
喜因其歡喜勸發安止令其不退於

阿耨多羅三藐三菩提世尊我要當
教十千佛土所有衆生令心清淨無
有行業煩惱諸毒乃至不令一人屬
於四魔何況多也若我莊嚴十千佛
土如是清淨如光明無垢尊香王佛
青香光明無垢世界所有種種微妙
莊嚴然後我身及諸眷屬乃當如彼
師子香菩薩之所願也世尊若我所
願成就得已利者當令十千諸佛世
界所有衆生斷諸苦惱得柔軟心得
調伏心各各自於四天下界見佛世
尊現在說法一切衆生自然而得種
種珍寶華香末香及以塗香種種衣
服種種幢幡各各以用供養於佛供
養佛已悉發無上菩提之心世尊我
等今者以悉得見種種莊嚴三昧力
故皆得遙見如是諸事作是語已尋
如所願悉得見之今時世尊讚阿彌
具言善哉善哉善男子汝今世界周
匝四面一萬佛土清淨莊嚴於未來
世復當教化無量衆生令心清淨復
當供養無量无邊諸佛世尊善男子
以是緣故今改汝字名為普賢於未

來世過一恒河沙等阿僧祇劫入第二恒河沙等阿僧祇劫末後分中於北方界去此世界過六十恒河沙等佛土有世界名知水善淨功德汝當於中成阿耨多羅三藐三菩提号智剛吼自在相王如來應正遍知明行足善逝世間解無上士調御丈夫天人師佛世尊善男子尔時普賢菩薩摩訶薩頭面著地礼寶藏佛尔時如來即為普賢菩薩而說偈言

汝起善導師已得如所願 善能調衆生
皆令得一心度於煩惱河及脫諸惡法
來世作燈明 諸天世人師

善男子尔時會中有十千人心生慙
息異口同音作如是言世尊我等來
世即於如是嚴淨佛土成阿耨多羅
三藐三菩提所謂普賢菩薩所修清
淨諸世界也世尊我等要當具足修
六波羅蜜以具足六波羅蜜故各各於
諸佛土成阿耨多羅三藐三菩提善
男子尔時寶藏如來即便為是十千
人等授阿耨多羅三藐三菩提記善
男子普賢菩薩成阿耨多羅三藐三

菩提時汝等當於普賢菩薩所修清
淨万佛土中一時成阿耨多羅三藐
三菩提有一千佛同号智熾尊音王
如來應供正遍知明行足善逝世間
解無上士調御丈夫天人師佛世尊
復有千佛同号增相尊音王復有千
佛同号善無垢尊音王復有千佛同
号離怖畏尊音王復有千佛同号善無
垢光尊音王復有千五百佛同号日音
王復有五百佛同号日寶藏尊王復有
五佛同号樂音尊王復有二佛同号
日光明復有四佛同号龍自在復有
八佛同号離恐怖稱王光明復有十
佛同号離音光明復有八佛同号音
聲稱復有十一佛同号顯露法音復
有九佛同号功德法稱王復有二上
佛同号不可思議王復有四十佛同
号寶幢光明尊王復有一佛号覺知
尊想王復有七佛同号不可思議音
復有三佛同号智藏復有十五佛同
号智山幢復有五十佛同号智海
王復有三十佛同号大力尊音王
復有二佛同号山功德劫復有八

十佛同号清淨智勤復有九十佛
同号尊相種王復有百佛同号善智
無垢雷音尊王復有八十佛同号勝
尊大海功德智山力王復有四十佛
同号無上菩提尊王復有二佛同号
智覺山華王復有二佛同号功德山
智覺復有三佛同号金剛師子復有
二佛同号持戒光明復有二佛同号
亦現增益復有一佛號無量光明復
有三佛同号師子遊戲復有二佛同
號無盡智山復有二佛同号寶光明
復有二佛同号無垢智慧復有九佛
同号智慧光明復有二佛同号師子
稱復有二佛同号功德通王復有二
佛同号雨法華復有一佛號造光明
復有一佛號增益山王復有一佛號
出法無垢王復有一佛號香尊王復
有一佛號無垢目復有一佛號太寶
藏復有一佛號力無障闕王復有一
佛號自知功德力復有一佛號衣服
知足復有一佛號得自在復有一佛
號無障闕利益復有一佛號智慧藏
復有一佛號大山王復有一佛號曰

力截復有一佛号求功德復有一佛
号華幢枝復有一佛号衆光明復有
一佛号無礙功德王復有一佛号金
剛上復有一佛号曰法相復有一佛
号尊音王復有一佛号堅持金剛復
有一佛号珍寶自在王復有一佛号
堅自然幢復有一佛号山劫復有一
佛号雨娛樂復有一佛号增益善法
復有一佛号娑羅王復有二佛同号
功德遍滿大海功德王復有一佛号
智慧和合復有一佛号智熾復有一
佛号華衆復有一佛号世間尊復有
一佛号優曇鉢華幢復有一佛号法
幢自在王復有一佛号栴檀王復有
一佛号善住復有一佛号精進力復
有一佛号幢等光明復有一佛号曰
智步復有一佛号曰海幢復有一佛
号滅法攝復有一佛号壞魔王復有
一佛号衆光明復有一佛号出智光
明復有一佛号曰慧燈復有一佛号
安隱王復有一佛号曰智音復有一
佛号幢攝取復有一佛号天金剛復
有一佛号種種莊嚴王復有一佛号

無勝智復有一佛号善住意復有一
佛号月王復有一佛号無勝步自在
王復有一佛号娑憐随王復有八十
佛同号師子步王復有五十佛同号
那羅延無勝藏復有七十佛同号聚
集珍寶功德復有三十佛同号光明
藏復有二一佛同号分別星宿稱王
復有二佛同号功德力娑羅王復有九
十佛同号微妙音復有一佛号曰梵
增復有一佛号提頭賴吒王復有千
佛同号蓮華香擇稱尊王復有六十佛
同号光明熾渚王復有三十佛同号
蓮華香力增復有二佛同号無量功德
大海智增復有一佛号閻浮陰復有
一百二佛同号功德山幢復有一佛
号師子相復有一百一佛同号龍雷
尊花光明王復有一佛号善趣種無
我甘露功德王劫復有千佛同号離
法智龍王解脫覺世界海眼山王皆
有十号如來應正遍知明行足善逝
世間解無上士調御丈夫天人師佛
世尊如是等佛同共一日一時各各
於諸世界成阿耨多羅三藐三菩提

壽命各十中劫卿等涅槃亦同一日
般涅槃已所有正法七日即滅善男
子尔時十千人向寶藏佛頭面作礼
尔時世尊為十千人而說偈言

龍王汝起 堅固自在 無上善願

清淨和合 卿等用意 疾如猛風

精勤修學 六波羅蜜 來世必成

天人之尊

善男子尔時十千人聞是偈已心生
歡喜即起合掌前礼佛足去佛不遠
復坐聽法善男子尔時寶海梵志復
白第九王子蜜蘇言乃至發心亦復
如是尔時王子前白佛言世尊我行
菩薩道時願十方如恒河沙等世界
所有現在諸佛為我作證今於佛前
發阿耨多羅三藐三菩提心世尊願
我行菩薩道時乃至成佛於其中間
不生悔心乃至成佛常住一心無有
退轉如說而行如行而說乃至无有
一人來惱我心更不求於聲聞緣覺
不起婬欲惡想之心其心不與睡眠憍
慢疑悔等共亦復不生貪婬煞盜妄言
兩舌惡口綺語貪恚邪見嫉妬慢法

欺誑之心我修菩薩道乃至成阿耨
多羅三藐三菩提中間不生如是等
法乃至成阿耨多羅三藐三菩提行
時步步心心數法常念諸佛得見諸
佛諮受妙法供養衆僧於諸生處常
願出家當出家時即得成就糞掃三
衣常在樹下獨坐思惟住阿蘭若常
行乞食不求利養行於知足常講說
法成就無量无障闍辯不犯大罪不
以我相為女人說法若說法時恒以
空相其心常念空無之法拱手端坐
亦不露齒若有學習大乘之人而於
其所起世尊想恭敬供養所聞法要
亦起佛想於諸沙門婆羅門中故生
恭敬供養尊重除佛世尊於諸衆中
不生分別此是福田此非福田而行
布施願我不於法施人所生嫉妬心
若有衆生應被刑戮願我捨命以救
護之若有衆生犯於諸罪願我以力
言說錢財而拔濟之令得解脫若有
在家出家之人有諸罪過願不發露
顯現於人於諸利養名譽等中而常
遠離如避火坑刀劍毒樹世尊若我

此願乃至成阿耨多羅三藐三菩提
已悉得成就如今佛前之所願者令
我兩手自然而有千輻天輪所得光
明如火猛焰善男子是時王子說是
語已其兩手中即尋各有一千輻輪
如說而得世尊若我所願成就逮得
已利成阿耨多羅三藐三菩提者我
今遣此千輻天輪至於無佛五濁世
界是輪當作如是大聲遍滿佛土
如難陀龍王優波難陀龍王作大
音聲遍滿世界其輪音聲亦復如是
所謂菩薩受記音聲不失專念智慧
之聲修學空法諸佛所有法藏之聲
若有衆生在在處處聞是法聲即時
得斷貪欲瞋恚愚癡憍慢慳怯嫉妬
而得寂靜思惟諸佛甚深智慧發阿
耨多羅三藐三菩提心善男子今時
王子即遣二輪譬如諸佛神足捷疾
其輪去疾亦復如是遍至十方無佛
惡世為諸衆生出諸菩薩受記音聲
不失專念智慧之聲修學空法諸佛
所有法藏之聲在在處處諸衆生等
聞是法音即便得斷貪欲瞋恚愚癡

憍慢慳慳嫉妬而得寂靜思惟諸佛
甚深智慧心發阿耨多羅三藐三菩提
心其輪須臾還來在此王子前住善
男子今時寶藏如來讚王子言善哉
善哉善男子汝行菩薩道所發善願
無上寂妙遣此天輪至於無佛五濁
之世令無量無邊阿僧祇億百千衆
生安止住於無穢濁心心無惱害勸
化發於阿耨多羅三藐三菩提以是
故今改汝名為阿閼於未來世當為
世尊汝今當於佛前如心所喜願取
種種莊嚴佛土

今時阿閼白佛言世尊我今所願如
是種種莊嚴佛土令我世界純金為
地地平如掌多有種種諸天妙寶遍
滿其國無有山陵埳阜土沙礫石荆
棘之屬其地柔軟辟如天衣行時足
下蹈入四寸舉足還復無有地獄畜
生餓鬼不淨臭穢純有諸天微妙上
香及曼陀羅摩訶曼陀羅華遍滿其
國所有衆生無有老病各各自在不
相畏怖常不惱他命不中歿臨捨命
時心無悔恨其心決定無有錯亂繫

念思惟諸佛如來若命終已不墮惡
道不生無佛五濁惡世乃至成阿耨
多羅三藐三菩提常得見佛諮受妙
法供養衆僧所有衆生薄婬怒癡皆
行十善世界無有種種工巧無有犯
罪及犯罪名亦无天魔諸留難事衆
生受形無有惡色亦不分別尊卑高
下一切衆生深解無我及無我所聲
聞菩薩乃至夢中不失不淨衆生常
樂求法聽法無有一人生於倒見亦
無外道衆生无有身心疲極皆得五
通無有飢渴諸苦惱事隨所喜樂種
種食飲即有寶器自然在手有種種
食猶如欲界所有諸天無有涕唾便
利之患痰癢汗淚亦無寒熱常有柔
軟香風觸身此風香氣微妙具足薰
諸天人不須餘香如是香風隨諸天
人所求冷溫皆使滿足又復有求優
鉢羅華香風又復有求優陀娑羅香
風有求沉水香風有求多伽羅香風
有求阿伽羅香風有求種種香風如
所希望於發心時皆得成就除五濁
世願我國土有七寶樓其實寶樓中敷

七寶牀茵蓐丹枕細滑柔軟猶如天
衣衆生處此寶樓牀檣皆悉歡樂其
樓四邊有好池水其水具足有八功
德衆生隨意而取用之其國多有金
多羅樹種種華果妙香具足上妙寶
衣種種寶蓋真珠瓔珞而以莊嚴諸
衆生等隨意所喜妙寶衣服即於樹
上自恣取著華果香等亦復如是世
尊願我菩提之樹純是七寶高千由
旬樹莖周匝滿一由旬枝葉縱廣滿
千由旬常有微風吹菩提樹其樹則
出六波羅蜜根力覺道微妙之聲若
有衆生聞此妙聲一切皆得離於欲
心所有女人成就一切諸妙功德猶
如兜術天上天女無有婦人諸不淨
事兩舌慳慳嫉妬覆心不與男子漏
心交通若諸男子發婬欲心至女人
所以愛心視須臾之間便離欲心自
生厭離即便還去尋得清淨無垢三
昧以三昧力故於諸魔縛而得解脫
更不復生惡欲之心如是女人若見
男子有愛欲心便得妊身亦得離於
婬欲之想當妊身時若懷男女身心

無有諸苦惱事常受快樂如忉利天
人身心所受上妙快樂女人懷妊七
日七夜所受快樂亦復如是亦如比
丘入第二禪處胎男女不為一切不
淨所汙滿足七日即便出生當其生
時受諸快樂有微妙音女人產時亦
無諸苦如是母子俱共入水洗浴其
身是時女人得如是念以念力故尋
得離欲清淨三昧以三昧力故其心
常定於諸魔縛而得解脫若有衆生
宿業成就應無量世作女人身以定
力故得離女身乃至涅槃一切女業
永滅無餘更不復受或有衆生宿業
成就於無量億劫應處胞胎受苦惱
者願我成阿耨多羅三藐三菩提已
聞我名字即生歡喜生歡喜已尋便
命終處胎即生我之世界尋於生已
所受胎分永盡无餘乃至成阿耨多
羅三藐三菩提更不受胎或有衆生
多善根者尋便得來至我世界蓮華
中生或有衆生少善根者要當處胎
或受女人而生我界然後乃得永盡
胎分所有衆生一向純受微妙快樂

微風吹此金多羅樹出微妙聲所謂
苦空無我无常等聲聞是聲者皆得
光明三昧以三昧力故得諸空定甚
深三昧世界無有煙欲相聲世尊我
坐菩提樹下於一念中成阿耨多羅
三藐三菩提已願我世界無有日月
光明晝夜差別除華開合我成阿耨
多羅三藐三菩提已當以光明遍照
三千大千世界以光明力故令諸衆
生悉得天眼以天眼故得見十方無
量無邊諸佛世界在在處處諸佛世
尊現在說法世尊我成阿耨多羅三
藐三菩提已說於正法令此音聲遍
滿三千大千世界衆生聞者得念佛
三昧衆生或有行住迴轉隨所方面
常得見我若於諸法有疑滯處以見
我故即得斷疑世尊我成阿耨多羅
三藐三菩提已十方無量無邊阿僧
祇諸佛世界在在處處所有衆生若
學聲聞若學緣覺若學大乘聞我名
者命終要來生我世界若聲聞人聞
我法者得八解脫阿羅漢果學大乘
人聞我法者得深法忍陀羅尼門及

諸三昧不退轉於阿耨多羅三藐三
菩提得無量聲聞以為眷屬其數無
邊無能數者唯除諸佛世尊我成阿
耨多羅三藐三菩提隨所至方舉下
足處即有千葉金蓮華生其華微妙
有大光明我當遣至無佛之處稱讚
我名若有衆生於此華中得聞稱讚
我名字者尋生歡喜種諸善根欲生
我國願命終時悉皆來生我諸大衆
出家之人遠離諂曲妬嫉訶欺沙門
之垢尊重於法於諸所湏名稱利養
心不貴重常樂苦空无常無我常勤
精進尊法依僧若諸菩薩得不退者
皆悉令得就兩三昧以三昧力故為
衆生說般若波羅蜜令離生死乃至
成佛於其中間所可說法不忘不失
世尊我成佛已壽命住世十千大劫
般涅槃後正法住世滿一千劫尔時
如來讚阿閼言善哉善哉善男子汝
今已取清淨世界汝於來世過一恒
河沙等阿僧祇劫入第二恒河沙等
阿僧祇劫東方去此十佛世界彼有
世界名曰妙樂所有莊嚴如汝所願

皆悉具足汝於是中當成阿耨多羅
三藐三菩提猶号阿閼如來應正遍
知明行足善逝世間解無上士調御
丈夫天人師佛世尊今時阿閼菩薩
白佛言世尊若我所願成就得已利
者一切世間陰界諸入所攝衆生皆得
慈心無怨賊想及諸穢濁身心快樂猶
如十住諸菩薩等處蓮華上結加趺
坐三昧正受以三昧力令心無垢是
諸衆生身心快樂亦復如是我今頭
面敬礼於佛唯願此地有金色光
善男子今時阿閼菩薩以頭面敬礼
佛足是時一切無量衆生身心即得
受大快樂其地亦有金色光明今時
寶藏如來為阿閼菩薩而說偈言
尊意且起 汝今以令 一切衆心
心無忿怒 復於衆生 生大悲心
兩手各得 天千輻輪 淨意當來
為天人尊
善男子今時阿閼菩薩聞是偈已心
大歡喜即起合掌前礼佛足去佛不
遠復坐聽法

悲華經卷第四

癸卯歲高麗國大藏部寫
勅彫造

悲華經卷第五

馬

北凉天竺三藏曇無讖譯

諸菩薩本授記品第四之三

佛告寂意菩薩善男子。今時寶海梵志復白。第十王子軟心言。乃至發心亦復如是。王子所願皆如阿閼菩薩所願。白佛言。世尊。若我所願成就得已。利者令一切衆生悉得思惟諸佛境界。手中自然生栴檀香。優陀婆羅香。以此諸香供養諸佛。

今時寶藏如來讚王子言。善哉善哉。善男子。汝所願者甚奇特。汝願衆生手中自然有栴檀香。優陀婆羅香。悉得思惟諸佛境界。繫念清淨。以是故。今改汝字號為香手佛。告香手善男子。未來之世。過一恒河沙等阿僧祇劫。入第二恒河沙等阿僧祇劫。後分之中。阿閼如來般涅槃後。正法滅盡。過七日已。汝於是時當成阿耨多羅三藐三菩提。其佛世界故名妙樂佛。名金華如來。應正遍知。明行足。善逝。世間解。無上士。調御丈夫。天人師。佛。

世尊。尔時香手菩薩復作是言。世尊。若我所願成就。得已利者。今我礼佛。此閻浮國。周匝當雨。諸落葡萄華。善男子。尔時香手菩薩於寶藏佛前。頭面著地。是時閻浮國中。如其所言。周匝遍雨。諸落葡萄華。尔時寶藏如來。為香手菩薩而說偈言。

尊妙功德。善趣汝起。如心所願。雨落葡萄華。度脫無量。一切衆生。亦諸善道。令至无畏。

善男子。尔時香手菩薩聞是偈已。心大歡喜。即起合掌。前礼佛足。去佛不遠。復坐聽法。

善男子。尔時寶海梵志復白。第十一。王子。瞿伽奴言。乃至發心。亦復如是。王子所願。亦如香手菩薩所願。尔時師子王子。以珍寶幢。供養寶藏如來。時佛即讚師子王子言。善哉。善哉。善男子。汝今以此寶幢。供養是故。号汝名為寶相佛。告寶相未來之世。過一恒河沙等阿僧祇劫。入第二恒河沙等阿僧祇劫。後分之中。妙樂世界。金華如來。般涅槃後。正法滅已。過三中。

劫妙樂世界轉名月勝汝於是中當
成阿耨多羅三藐三菩提号龍自在
尊音王如來應正遍知明行足善逝
世間解無上士調御丈夫天人師佛
界等無差別今時寶相菩薩前白佛
言世尊若我所願成就得已利者我
今頭面礼於佛足令一切衆生得如
是念猶如菩薩住無諂三昧一切
衆生得大利益生於大悲發菩提心
善男子今時寶相菩薩在寶藏佛前
頭面著地一切衆生悉得如是無諂
三昧得大利益生於大悲發菩提心
今時寶藏如來為寶相菩薩而說
偈言

善意勤起 已於我前 為諸衆生
善作大誓 能大利益 無量衆生
令心無垢 是故來世 得成為佛
天人之尊

善男子今時寶相菩薩聞是偈已心
大歡喜即起合掌前礼佛足去佛不
遠復坐聽法

今時摩闍婆王子等五百王子作如

是願願得如是種種莊嚴功德佛土
皆如虛空印菩薩摩訶薩所修淨土
亦時寶藏如來皆為一一授阿耨多
羅三藐三菩提記同共一時各於餘
國成無上道如虛空印菩薩摩訶薩
復次四百王子作是誓願願取莊嚴
淨妙佛土皆如金剛智慧光明菩薩
摩訶薩亦時寶藏如來亦為一一授
阿耨多羅三藐三菩提記同共一時
各於異國成無上道如金剛智慧光
明菩薩摩訶薩復次八十九王子又
作是願願取如是莊嚴佛土如普賢
菩薩摩訶薩所修佛土等無差別
亦時八萬四千小王各各別異作殊
勝願人人自取種種莊嚴上妙佛土
亦時寶藏如來各各與授阿耨多羅
三藐三菩提記當來之世各在餘國
同共一時成無上道亦時九十二億
衆生亦各發願取種種莊嚴勝妙佛
土時寶藏如來一切皆與授阿耨多
羅三藐三菩提記汝等來世於餘國
土同共一時成無上道善男子亦時
寶海梵志有八十子即是寶藏如來

之兄弟也其家長子名海地尊善男子
子今時寶海梵志告其長子言汝今
可取微妙清淨莊嚴佛土其子答言惟
願尊者先師子吼其父告言我之所
願當寂後說其子復言我今所願當
取清淨不清淨耶父復答言若有善
薩成就大悲今乃取於不清淨世界
何以故欲善調伏衆生垢故如是之
事汝自知之善男子今時海地尊至
寶藏如來所在於佛前白佛言世尊
我願阿耨多羅三藐三菩提若人有
壽八萬歲時如今佛世今乃成阿耨
多羅三藐三菩提我今又願令我國
土所有衆生薄婬恚癡厭離身心怖
畏生死見其過患來至我所出家學
道我於今時為諸衆生說三乘法世
尊若我所願成就得已利者惟願世
尊授我阿耨多羅三藐三菩提記今
時寶藏如來告海地尊言善男子未
來之世過一恒河沙等阿僧祇劫入
第二恒河沙等阿僧祇劫是時有劫
名曰遍敷優鉢羅華此佛世界當名
願愛是時人民壽八萬歲汝於是中

成阿耨多羅三藐三菩提号曰寶山

如來應正遍知明行足善逝世間解
無上士調御丈夫天人師佛世尊尔
時海地尊復作是言世尊若我所願
成就得已利者此閻浮園周匝當雨
赤色真珠一切樹木自然皆出微妙
技樂善男子時海地尊在寶藏佛前
頭面作礼當尔之時其園周匝雨赤
真珠一切樹木皆出種種微妙伎樂
尔時寶藏如來即為摩納而說偈言
大力汝起 無量智藏 慈悲衆生
作大利益 所願清淨 今得成就
當為衆生 作天人師

善男子尔時海地尊聞是偈已心大
歡喜即起合掌前礼佛足去佛不遠
復坐聽法梵志第二子名曰三婆娑
白佛言世尊我今所願如海地尊之
所願也尔時寶藏如來便告三婆娑
言未來之世優鉢羅華劫中願受世
界人壽轉多八十億歲汝當於中得
成阿耨多羅三藐三菩提号曰日華
如來應正遍知明行足善逝世間解
無上士調御丈夫天人師佛世尊第

三子所得世界亦復如是人壽二千
歲時成阿耨多羅三藐三菩提號火
音王如來乃至天人師佛世尊第四
成佛號須臾那第五成佛號持戒王
第六成佛號善持目第七成佛號梵
增益第八成佛號閻浮影第九成佛
號富樓那第十成佛號曰勝妙十一
成佛號曰寶山十二成佛號曰海藏
十三成佛號那羅延十四成佛號曰
尸棄十五成佛號南無屈十六成佛
號曰覺尊十七成佛號憍陳如十八
成佛號師子力十九成佛號曰智幢
二十成佛號音聲二十一成佛號尊
勝佛二十二成佛號離世尊佛二十
三號利益佛二十四號智光明佛二
十五號師子尊佛二十六號寂靜智
佛二十七號難陀佛二十八號屈拘
羅王佛二十九號金色目佛三十號
得自在佛三十一號曰樂佛三十二
號寶勝佛三十三號善目佛三十四
號梵善樂佛三十五號梵仙佛三十
六號梵音佛三十七號法月佛三十
八號示現義佛三十九號稱樂佛四

十号增益佛四十一号端嚴佛四十
二号善香佛四十三号眼勝佛四十
四号善觀佛四十五号攝取義佛四
十六号善意願佛四十七号勝慧佛
四十八号金幢佛四十九号善目佛
五十号天明佛五十一号淨飯佛五
十二号善見佛五十三号毗琉璃幢
佛五十四号毗樓博叉佛五十五号
梵音佛五十六号功德成就佛五十
七号有功德淨佛五十八号寶光明
佛五十九号摩尼珠佛六十号釋迦
文居佛六十一号音尊王佛六十二
号智和合佛六十三号勝尊佛六十
四号成華佛六十五号善華佛六十
六号無怒佛六十七号日藏佛六十
八号尊樂佛六十九号日明佛七十
号龍得佛七十一号金剛光明佛七
十二号稱王佛七十三号常光明佛
七十四号相光明佛七十五号刪尼
輸佛七十六号智成就佛七十七
号音王佛七十八号婆羅王那羅延
藏佛七十九号火藏佛善男子尔時
梵志其家小子名離怖惱在佛前住

白佛言世尊是七十九人佛今已為
現前授記於遍敷優鉢羅華劫願愛
世界人壽轉多時成阿耨多羅三藐
三菩提世尊我今佛前發阿耨多羅
三藐三菩提心優鉢羅華劫後分之中
成阿耨多羅三藐三菩提時如七十
九佛所得壽命願我壽命亦復如是
如七十九佛所度衆生我所度衆生
亦復如是如七十九佛三乘法我
亦如是說三乘法如七十九佛聲聞
弟子衆數多少我之所得衆數多少
亦復如是是七十九佛於優鉢羅華
劫所可教化無量衆生使受人身未
得度者我於末劫成阿耨多羅三藐
三菩提已志當教化令住三乘世尊
若我所願成就得已利者惟願世尊
授我阿耨多羅三藐三菩提記善男
子尔時寶藏佛即讚離怖惱言善哉
善哉善男子汝今乃為無量衆生生
大悲心善男子未來之世過一恒河
沙等阿僧祇劫入第二恒河沙等阿
僧祇劫是中有劫名優鉢羅華後分
之中汝當成阿耨多羅三藐三菩提

号無垢燈出王如來應正遍知明行
足善逝世間解無上士調御丈夫天
人師佛世尊七十九佛所得壽命都
合半劫汝之壽命亦得半劫如前所
願悉得成就尔時離怖惱菩薩復作
是言世尊若我所願成就得已利者
我今頭面敬礼於佛令此世界周匝
遍雨優鉢羅華微妙之香若有衆生
聞此香者身諸四大清淨無穢調適
和順一切病苦悉得除愈善男子尔
時離怖惱菩薩說是言已尋以頭面
敬礼佛足尔時此佛世界尋時遍雨
優鉢羅華微妙之香衆生聞者身諸
四大清淨無穢調適和順一切病苦
悉得除愈寶藏如來為是菩薩而說
偈言

善心慈悲 導師可起 諸佛世尊

咸稱讚汝 能斷堅牢 諸煩惱結

當來成善 淨智慧藏

善男子尔時離怖惱菩薩聞是偈已
心大歡喜即起合掌前礼佛足去佛
不遠復坐聽法

善男子尔時寶海梵志有三億弟子

在園門外一處而坐教餘衆生受三
歸依今發阿耨多羅三藐三菩提心者
善男子尔時梵志勸諸弟子作如是
言汝等今者應發阿耨多羅三藐三
菩提心取佛世界今於佛前如心所
求便可說之是三億人中有一人名
曰樹提作如是言尊者云何菩提云
何助菩提法云何菩薩修行菩提云
何繫念得於菩提尔時其師報言摩
訶如汝所問菩提者即是菩薩之所
修集四無盡藏何等為四所謂无盡
福德藏无盡智藏无盡慧藏无盡佛
法和合藏善男子是名菩提摩訶如
佛所說助菩提法所謂攝取助清淨
度生死法門善男子捨財即是助菩
提法以調伏衆生故持戒即是助菩
提法隨其所願得成就故忍辱即是
助菩提法三十二相八十種隨形好
具足故精進即是助菩提法具足一
切諸事故禪定即是助菩提法其心
當得善調伏故智慧即是助菩提法
以知一切諸煩惱故多聞即是助菩
提法得無閼辯故福德即是助菩提

法一切衆生之所須故智即是助善
提法成就無閼智故寂滅即是助善
提法柔軟善心得成就故思惟即是
助善提法成就斷疑故慈心即是助
善提法成就無閼心故悲心即是助
善提法教化衆生无厭足故喜心即
是助善提法於正法中生愛樂故捨
心即是助善提法成就斷於愛憎法
故聽法即是助善提法成就滅五蓋
故出世即是助善提法成就捨除一
切世間故阿蘭若是助善提法所作
不善滅使不生所有善根多增長故
念是助善提法成就護持故意是助
善提法成就分別諸法故持是助善
提法成就思議寤醒故念處即是助
善提法分別身受心法成就故正勤
即是助善提法以離一切不善法修
行一切善法增廣故如意足是助善
提法成就身心輕利故諸根即是助
善提法攝取諸根成就故諸力即是
助善提法摧滅一切煩惱故覺是助
善提法覺知實法故六和即是助善
提法調伏衆生令清淨故摩納是名

攝取助清淨度生死法門樹提復言
尊者如佛所說布施果報即是大富得
大眷屬護持禁戒得生天上廣博多
聞得大智慧又如佛說思惟之法得
度生死師復報言摩訶若樂生死故行
布施是故大富摩訶若善男子善女人
心向善提為心調伏故行布施為心
寂靜故持禁戒為心清淨無有愛濁
故求多聞為大悲故思惟修道其餘
諸法智慧方便成就助求摩訶是名
助善提法如是修行即是繫念得善
提也摩訶如是善提今應生欲是道
清淨應專心作願是道無濁心清淨
故是道正直無有諂曲斷煩惱故是
道安隱乃至能到涅槃城故汝等今
應作大善願取莊嚴佛土隨意所求
淨及不淨善男子尔時樹提摩訶在
寶藏佛前右膝著地長跪叉手前白
佛言世尊我今發阿耨多羅三藐三
菩提心此不淨世界所有衆生少於貪
婬瞋恚愚癡不犯非法心無愛濁无
怨賊想捨離慳怯嫉妬之心離邪見
心安住正見離不善心求諸善法離

三惡心求三善道於三福處成就善
根於三乘法精勤修集尔時我當成
無上道世尊若我所願成就得已利
者令我兩手自然而出白色龍鳥作
是言已佛神力故其兩手中即出龍
鳥其色純白七處到地見是事已告
言龍鳥汝等今者可至虛空去此不
遠遍雨此界八德香水覺悟此界一
切衆生若有衆生得遇一涕聞其香
氣悉斷五蓋所謂姪欲瞋恚眠睡掉
悔疑蓋作是語已尔時龍鳥在虛空
中周旋速疾猶如力士善射放箭是
二龍鳥所作諸事悉成就已復還來
至摩納前住尔時樹提見是事已心
大歡喜善男子尔時寶藏如來即告
摩納善男子未來之世過一恒河沙
等阿僧祇劫入第二恒河沙阿僧祇
劫是時有劫名音光明此佛世界轉
名和合音光明汝於是中成阿耨多
羅三藐三菩提号寶蓋增光明如來
應正遍知明行足善逝世間解無上
士調御丈夫天人師佛世尊善男子
尔時樹提頭面著地礼於佛足寶藏

如來即為樹提而說偈言

其心離垢 清淨且起 今已授記

能令無量 億數衆生 淨第一道

於當來世 調御天人

善男子今時樹提聞是偈已生大歡
喜即起合掌前禮佛足去佛不遠復
坐聽法三億弟子除一千人其餘咸
共同聲發願於此世界成阿耨多羅
三藐三菩提今時寶藏如來皆為一
一授其阿耨多羅三藐三菩提記乃
至毗婆尸尸棄毗尸沙婆家後成阿
耨多羅三藐三菩提其餘千人悉皆
讀誦毗陀外典其中軍大所宗仰者
名婆由比細白佛言世尊我今所願
當於五濁惡世成阿耨多羅三藐三
菩提為此厚重貪欲瞋恚愚癡多惱
衆生說於正法時千人中復有一人
字曰火鬍作如是言尊者婆由比細
向見何義願於五濁惡世之中成阿
耨多羅三藐三菩提其師報言是菩
薩大悲成就故於五濁世成阿耨多
羅三藐三菩提今時衆生無有救護
無諸善念其心常為煩惱所亂諸見

所侵於中成阿耨多羅三藐三菩提
乃能大益無量衆生善能為作擁護
依止舍宅燈明兼復度脫於生死大
海教令安住於正見中使處涅槃眼
甘露水是菩薩摩訶薩欲示現大悲
故願取如是五濁惡世善男子今時
寶藏如來告婆由比紐言善男子當
來之世過一恒河沙等阿僧祇劫入
第二恒河沙等阿僧祇劫後分之中東
方去此一佛世界微塵數等佛土有
世界名袈裟幢汝於是中當成阿耨
多羅三藐三菩提号金山王如來應
正遍知明行足善逝世間解無上士
調御丈夫天人師佛世尊今時婆由
比紐復白佛言世尊若我所願成就
得已利者我今頭面敬礼佛足惟願
如來以百福莊嚴佛之兩足置我頂
上善男子今時婆由比紐說是語已
尋時敬礼寶藏佛足即時如來百福
之足在其頭上復以此偈而讚歎言
大悲心者 今可還起 智慧明利
行菩提道 為菩提故 斷除堅牢
諸煩惱縛 當來成佛 能大利益

無量衆生

善男子。今時婆由比細聞。是偈已心大歡喜。即起合掌。前禮佛足。去佛不遠。復坐聽法。善男子。今時火鷄摩納在寶藏佛前。右膝著地。長跪叉手。前白佛言。我今所願於此世界。發阿耨多羅三藐三菩提心。若有衆生。三毒等分。不能專心。住於善法。其心不善。壽四万歲。今時我當成阿耨多羅三藐三菩提。今時寶藏如來。告火鷄言。善男子。未來之世。過一恒河沙等阿僧祇劫。入第二恒河沙等阿僧祇劫。後分之中。此佛世界。當名娑婆。何因緣。故名曰娑婆。是諸衆生。忍受三毒。及諸煩惱。是故彼界。名曰忍土。時有大劫。名曰善賢。何因緣。故劫名善賢。是大劫中。多有貪欲。瞋恚。愚癡。憍慢。衆生有千世尊。成就大悲。出現於世。善男子。賢劫之初。人壽四万歲。於千佛中。最初成阿耨多羅三藐三菩提。号拘留孫。如來應正遍知。明行足。善逝。世間解。無上士。調御丈夫。天人師。佛世尊。為諸衆生說三乘法。今無量

衆生在生死者悉得解脫住於涅槃
善男子尔時火鬍摩納前礼佛足却
在一面復坐聽法善男子尔時第三摩納
字虛空在佛前坐白佛言世尊我於
來世次拘留孫如來之處人壽三萬
歲我當成阿耨多羅三藐三菩提尔
時世尊告虛空摩納言善男子當來
之世過一恒河沙等阿僧祇劫入第
二恒河沙等阿僧祇劫後分入賢劫
中娑婆世界次拘留孫佛後人壽三
萬歲汝當於中成阿耨多羅三藐三
菩提号伽那迦牟尼如來應正遍知
明行足善逝世間解無上士調御大
夫天人師佛世尊有大名稱遍聞世
間尔時虛空聞受記已頭面礼佛右
繞三匝在佛前住以種種華散佛身
上叉手恭敬礼以偈讚佛

攝護身心 善入禪定 以微妙音
善能教誡 其心清淨 無有濁乱
雖化衆生 不壞世法 名稱光明
及念撝持 百福功德 無不增廣
為諸衆生 示現善道 豎仙勝幡
積功德山 持以利益 無量衆生

悉令一切 功德滿足 又與衆生
善寂滅道 所燒煩惱 如須弥山
於三有中 生大悲心 而與無量
衆生受記

善男子 尔時第三摩訶字毗舍闍多
在於佛前 以七寶牀 牀上所敷 統絁
茵蓐 價直千万兩金 於其牀上 置真
金器 盛滿七寶 純金 澡灌 七寶妙杖
供養世尊 及比丘僧 作是施已 白佛
言 世尊 我未來世 過一恒河沙等阿
僧祇劫 第二恒河沙等阿僧祇劫 後
分入賢劫 中願我成阿耨多羅三藐
三菩提 尔時人民壽命 損減 初入五
濁 所有衆生 厚重貪婬 瞋恚愚癡 慳
恠嫉妬 行於邪見 隨惡知識 諸不善
根 以覆其心 於諸善根 心沒退失 遠
離正見 邪命自活 伽那迦牟尼般涅
槃後 正法滅已 一切衆生 盲無慧眼
無所師宗 人壽二万歲 尔時我當成
阿耨多羅三藐三菩提 善男子 尔時
寶藏如來 讚毗舍闍多言 善哉 善哉
善男子 汝今成就 無上智慧 汝當初
入五濁惡世 時人壽命 滿二万歲 盲

無慧眼無所師宗汝於是中成阿耨
多羅三藐三菩提今當号汝為大悲
智慧佛告大悲智慧菩薩善男子汝
於來世過一恒河沙等阿僧祇劫入
第二恒河沙等阿僧祇劫後分入賢劫
中人壽二万歲汝於今時得成阿耨
多羅三藐三菩提号迦葉如來應正
遍知明行足善逝世間解無上士調
御丈夫天人師佛世尊善男子今時
大悲智慧菩薩尋以頭面礼於佛足
却住一面以種種華香末香塗香供
養世尊以偈讚佛

人中之尊 利益衆生 悉能令彼
生愛樂心 念定法門 心得專一
我聞妙音 心大歡喜 智慧方便
無不具足 是故能行 世間教化
又與無量 無邊衆生 授於無上
菩提道記 緣是得見 十方諸佛
智慧神足 皆悉平等 諸佛所有
微妙功德 并及示現 修菩薩道
授諸衆生 無上道記 若欲稱讚
不可得盡 是故我今 稽首敬礼
尔時寶海梵志復告第四摩納毗舍

耶無垢言善男子汝今可發阿耨多
羅三藐三菩提心善男子尔時毗舍
耶無垢在佛前住白佛言世尊我願
於此世界賢劫中求阿耨多羅三藐
三菩提非於五濁惡世之中如迦葉
佛所有國土迦葉如來般涅槃後正
法滅已人壽轉少至十千歲所有布
施調伏持戒悉皆滅盡是諸衆生善
心轉滅遠離七財於惡知識起世尊
想於三福事永無學心離三善行勤
行三惡以諸煩惱覆智慧心令無所
見於三乘法不欲修學是衆生中若
我欲成阿耨多羅三藐三菩提尚無
有人能作遮闕何況人壽一千歲也
乃至人壽百歲是時衆生乃至无有
善法名字何況有行善根之者五濁
惡世人民壽命稍稍減少乃至十歲
乃劫復起我於尔時當從天來擁護
衆生為現善法令離不善法乃至安
住十善法中離於十惡煩惱諸結悉
令清淨滅五濁世衆生乃至人壽八万
歲尔時我當成阿耨多羅三藐三菩提
是時衆生少於貪婬瞋恚愚癡無明慳

怯嫉妬我於今時為諸衆生說三乘法
令得安住世尊若我所願成就得已
利者惟願如來授我阿耨多羅三藐
三菩提記世尊若我不得如是受記
我於今者當求聲聞或求緣覺如其
乘力疾得解脫度於生死時寶藏佛
告毗舍耶無垢言善男子菩薩有四
懈怠若菩薩成就如是四法者貪著
生死於生死獄受諸苦惱不能疾成
阿耨多羅三藐三菩提何等四下行
下伴下施下願云何菩薩下行或有
菩薩破身口戒不能善護是名下行
云何下伴親近聲聞及辟支佛與共
從事是名菩薩下伴云何下施不能
一切捨諸所有於受者中心生分別
為得天上受快樂故而行布施是名
菩薩下施云何下願不能一心願取
諸佛淨妙世界所作誓願不為調伏
一切衆生是名菩薩之下願也菩薩
成是四懈怠法久處生死受諸苦惱
不能疾成阿耨多羅三藐三菩提善
男子復有四法菩薩成就則能疾成
阿耨多羅三藐三菩提何等四一能

持禁戒淨身口意護持法行二親近
修學大乘之人與法同事三所有之物
能一切捨以大悲心施於一切四一
心願取種種莊嚴諸佛世界亦為調
伏一切衆生是名四法菩薩成就則
能疾成阿耨多羅三藐三菩提復有
四法菩薩成就就能持無上菩提之道
何等四精勤行於諸波羅蜜攝取一
切無量衆生心常不離四無量行遊
戲諸通是名四法菩薩成就就能持无
上菩提之道復有四法令心無厭何等
為四一者行施二聽法三修行四攝
取衆生如是四法令心無厭菩薩應學
復有四无盡藏是諸菩薩所應成就
何等四一者信根二者說法三善根
願四者攝取貧窮衆生是為菩薩四
無盡藏具足修滿

復有四清淨法菩薩成就何等四持戒
清淨以無我故三昧清淨無衆生故
智慧清淨无壽命故解脫知見清淨
以無人故是為四清淨法菩薩成就以
是故疾成阿耨多羅三藐三菩提轉
虛空法輪轉不可思議法輪轉不可

量法輪轉無我法輪轉無言說法輪
轉出世法輪轉通達法輪轉諸天人
所不能轉微妙之輪善男子未來之
世過一恒河沙等阿僧祇劫入第二
恒河沙等阿僧祇劫後分初入賢劫
五濁滅已壽命增益至八萬歲汝於
是中成阿耨多羅三藐三菩提号曰
弥勒如来應正遍知明行足善逝世
間解無上士調御丈夫天人師佛世
尊余時毗舍耶摩納在於佛前頭面
礼足却住一面以種種華香末香塗
香供養於佛及比丘僧以偈讚佛
世尊無垢 如真金山 眉間毫相
曰如珂雪 應時為我 說微妙法
記我来世 作天人師 誰有見聞
而當不取 仙聖大覺 世燈功德
善男子余時寶海梵志一千摩納惟
除一人悉共讀誦毘陀外典皆已勸
化於阿耨多羅三藐三菩提如拘留
孫迦那伽牟尼迦葉弥勒其第五者
名師子光明亦如是其千人中惟除
一人其餘皆願於賢劫中成阿耨多
羅三藐三菩提於其衆中寂下小者

名持力捷疾寶海梵志復教令發阿
耨多羅三藐三菩提心善男子汝今
莫觀久遠當離心覺為諸衆生起大
悲心今時梵志即為持力捷疾而說
偈言

陰界諸入	所攝衆生	畏老病死
墮於愛海	閉在三有	可畏獄中
飲煩惱毒	互相侵害	長夜墮在
苦惱海中	癡盲無目	失於正道
久處生死	機關所覆	三有衆生
諸苦熾然	以離正見	安住邪見
周迴生死	五道之中	不得休息
譬如車輪	有諸衆生	失於法眼
盲無所覩	又無救護	汝應修集
無量智慧	令離癡惑	使發菩提
應與衆生	作善知識	為燒愛結
解煩惱縛	應為是等	發菩提心
失法眼者	為癡所覆	為離癡故
應與勝道	生死有獄	大火熾然
與法甘露	令其充足	汝今速往
至於佛所	頭頂礼足	作大利益
當於佛所	發妙勝願	所願勝妙
善持念之	汝當來世	調御天人

亦當願施 眾生无畏 拔濟一切

悉令解脫 亦令具足 根力覺道

雨大法雨 施智慧水 滅諸眾生

苦惱之火

善男子。今時持力捷疾。作如是言。尊者。我今所願。不求生死果報。不求聲聞辟支佛乘。我今惟求无上大乘。待時待處。待調伏眾生。待發善願。我今思惟如是等事。尊者。且待須臾。聽我師子吼時。善男子。今時寶海梵志。漸却行。有侍者五人。一名手龍。二名陸龍。三名水龍。四名虛空龍。五名妙音龍。而告之曰。汝等今者可發阿耨多羅三藐三菩提心。五人報曰。尊者。我等空無所有。无以供養佛及眾僧。未種善根。云何得發阿耨多羅三藐三菩提心。善男子。今時梵志。以左耳中所著寶環。持與右耳寶環。持與陸龍所坐寶牀。持與水龍所用寶杖。與虛空龍。純金澡罐。與妙音龍。如是與已。復作是言。童子。汝今可持此物。供養佛及眾僧。發阿耨多羅三藐三菩提心。

悲華經卷第五

癸卯歲高麗國大藏都監奉
勅彫造

悲華經卷第六

四

諸菩薩本授記品第四之四

北凉天生三藏曇無讖譯

尔時五人即至佛所以所得物供養
世尊及比丘僧供養已復白佛言世
尊惟願如來授我阿耨多羅三藐三
菩提記今於賢劫成阿耨多羅三藐
三菩提善男子尔時寶藏如來即與
五人授阿耨多羅三藐三菩提記手
龍汝於來世賢劫之中當得成佛号堅
音如來十号具足堅音如來般涅槃
後陸龍次當作佛号快樂尊如來十
号具足快樂尊佛般涅槃後水龍次
當成佛号導師如來十号具足導師
佛般涅槃後虛空龍次當成佛号愛
清淨如來十号具足愛清淨佛般涅槃
後妙音龍次當作佛号那羅延勝
葉如來十号具足善男子寶藏如來
記是五人賢劫成佛已寶海梵志復
告持力捷疾善男子汝今可取種種
莊嚴淨妙世界如心所意便可發願
與一切衆生甘露法味專心精勤行

菩薩道慎莫思惟劫數長遠善男子
今時梵志捉持力捷疾辟將至佛所
至佛所已坐於佛前白佛言世尊未
來之世於賢劫中有幾佛向如來出
世今時佛告持力捷疾言善男子半
賢劫中有千四佛出現於世持力捷
疾言世尊彼賢劫中諸佛世尊般涅
槃已寂後妙音龍成阿耨多羅三藐
三菩提号都羅延勝樂世尊我願於
今時修菩薩道修諸苦行持戒布施
多聞精進忍辱愛語福德智慧種種
助道悉令具足賢劫諸佛垂成佛時
願我在初奉施飲食般涅槃後收取
舍利起塔供養護持正法見毀戒者
勸化安止令住持戒遠離正見墮諸
見者勸化安止令住正見散亂心者
勸化安止令住定心無威儀者勸化
安止住聖威儀若有衆生欲行善根
我當為其開示善根彼諸世尊般涅
槃後正法垂滅我於今時當護持之
令不斷絕於世界中然正法燈刀兵
劫時我當教化一切衆生持不煞戒
乃至正見於十惡中拔出衆生安止

今住十善道中滅諸瞋冥開示善法

我當滅此劫濁命濁衆生濁煩惱濁

見濁令無有餘於飢饉劫我當勸化

一切衆生安止住於檀波羅蜜乃至

般若波羅蜜亦如是我勸衆生住六

波羅蜜時衆生所有一切飢饉黑闇

穢濁怨賊鬭諍及諸煩惱悉令寂靜

於疾疫劫我當教化一切衆生悉令

住於六和法中亦令安止住四攝法

衆生所有疾疫黑闇當令滅盡於半

賢劫斷滅衆生如是苦惱一千四佛

於半劫中出世涅槃正法滅已然後

我當成阿耨多羅三藐三菩提如千

四佛所得壽命聲聞弟子我之壽命

聲聞弟子亦復如是等無老別如千

四佛於半劫中調伏衆生願我亦於

半賢劫之中調伏衆生是半劫中諸

佛所有聲聞弟子毀於禁戒墮在諸

見於諸佛所無有恭敬生於瞋恚惱

害之心破法壞僧誹謗賢聖毀壞正

法作惡逆罪世尊我成阿耨多羅三

藐三菩提時悉當拔出於生死汙泥

令入無畏涅槃城中我般涅槃後正

法賢劫一時滅盡若我涅槃正法賢
劫俱滅盡已我之齒骨并及舍利志
當變化作佛形像三十二相瓔珞其
身一一相中有八十種好次第莊嚴
遍至十方无量無邊无佛世界一一
化佛以三乘法教化無量无邊衆生
志令不退若彼世界病劫起时无有
佛法是化佛像亦當至中教化衆生
如前所說若諸世界无珍寶者願作
如意摩尼寶珠雨諸珍寶自然發出
純金之藏若諸世界所有衆生離諸
善根諸苦纏身我當於中雨憂陀婆
香栴檀沉水種種諸香令諸衆生斷
煩惱病諸邪見病身四大病於三福
處勤心修行令命終時生天人中世
尊我行菩薩道時當作如是利益衆
生我成阿耨多羅三藐三菩提已當
作如是佛事般涅槃後舍利復至無
量世界如是利益衆生世尊若我所
願不成不得已利不能與諸衆生作
大醫王不能利益者我今便為欺誑
十方無量世界在在處處現在諸佛
如來今者亦復不應與我授阿耨多

羅三藐三菩提記者我亦不得見如是人亦
不聞佛音聲法僧之聲行善法聲常
墮阿鼻地獄中世尊若我所願成就
得已利者如來今者當稱讚我時佛
即讚持力捷疾善哉善哉善男子汝
於來世作大醫王令諸衆生離諸苦
惱是故字汝為火淨藥王

佛告火淨藥王汝於來世過一恒河
沙等阿僧祇劫入第二恒河沙阿僧
祇劫後分賢劫中一千四佛垂成阿
釋多羅三藐三菩提汝當志得奉施
飲食乃至如上汝之所願都羅延勝
葉般涅槃後正法滅已汝當成於阿釋
多羅三藐三菩提号樓至如來應正
遍知明行足善逝世間解無上士調
御丈夫天人師佛世尊壽命半劫汝
之所得聲聞弟子如千四佛所有弟
子等無差別所化衆生般涅槃後正
法滅已賢劫俱盡齒骨舍利悉化作
佛乃至生天人中亦復如是今時火
淨藥王菩薩復白佛言世尊若我所

願成就得已利者惟願如來以百福
莊嚴金色之手摩我頂上善男子
時寶藏如來即以百福莊嚴之手摩
火淨藥王頂上善男子
時火淨藥王菩薩見是事已心生歡喜即以頭
面禮於佛足却住一面
今時寶海梵志以天妙衣與火淨藥王菩薩而讚
之曰善哉善哉善男子汝之所願甚
奇甚特從今已往更不須汝與我策
使常得自在修安樂行
今時佛告寂意菩薩善男子時寶海梵志作是思
惟我今已勸無量无邊百千億那由
他衆生令住阿耨多羅三藐三菩提
我今見是諸大菩薩各各發願取淨
佛土唯除一人婆由毗紐此賢劫中
其餘菩薩亦離五濁我今當於是末
世中以真法味與諸衆生我今當自
堅牢莊嚴作諸善願如師子吼悉令一
切菩薩聞已心生疑恠歎未曾有復
令一切大衆天龍鬼神乾闥婆阿修
羅迦樓羅緊那羅摩睺羅伽人及非
人叉手恭敬供養於我
今佛世尊稱讚於我并授記勅令十方無量无邊

在在處處現在諸佛為諸衆生講說正法彼諸如來聞我師子吼者悉讚歎授我阿耨多羅三藐三菩提記亦遣使來令諸大衆悉得見之我今取後發大誓願成就菩薩所有大悲乃至成阿耨多羅三藐三菩提已若有衆生聞我大悲名者悉令生於希有之心若於後時有諸菩薩成就大悲者亦當願取如是世界是世界中所有衆生飢虛於法盲無慧眼具足四流是諸菩薩當作救護而為說法我乃至般涅槃已十方無量無邊百千億諸世界中在在處處現在諸佛於諸菩薩大衆之中稱讚我名亦復宣說我之善願令彼菩薩以大悲勤心皆專心聽聞是事已心大驚怖歎未曾有先所得悲皆更增廣如我所願取不淨土是諸菩薩皆如我於不淨世界成阿耨多羅三藐三菩提拔出四流衆生安止令住於三乘中乃至涅槃善男子今時寶海梵志思惟如是大悲願已偏袒右肩至於佛所今時復有無量百千萬億諸天在虛空中

作天伎樂雨種種華各各同聲而讚
歎言善哉善哉善哉善哉善哉善哉
發奇特願欲以智水滅於世間衆生
煩惱今時一切大衆合掌恭敬在梵
志前同聲禮敬而讚歎言善哉善哉
尊大智慧我等今者得大利益能作
牢堅諸善願也我等今者願聞尊意
所發善願今時梵志在於佛前右膝
著地今時三千大千世界六種震動
種種伎樂不鼓自鳴飛鳥走獸相和
作聲一切諸樹生非時華三千大千
世界之中因地衆生於阿耨多羅三
藐三菩提若已發心若未發心惟除
地獄餓鬼下劣畜生其餘衆生皆悉
生於大利益心純善之心無怨賊心
無穢濁心慈希有心飛行衆生尋住
於空心生歡喜散種種華末香塗香
種種伎樂幢幡衣服而以供養柔更
妙音讚詠梵志皆悉一心欲聞梵志
所發善願乃至阿迦貳吒天天上諸
天亦下閻浮提在虛空中散種種華
末香塗香種種伎樂幢幡衣服而以
供養柔濡妙音讚詠梵志精勤一心

欲聞梵志所發善願今時寶海梵志
叉手恭敬以偈讚佛

遊戲禪定 如大梵王 光明端嚴

如天帝釋 捨財布施 如轉輪王

持妙珍寶 如主藏臣 功德自在

如師子王 不可傾動 如須弥山

心不波蕩 如大海水 於罪不罪

其心如地 除諸煩惱 如清淨水

燒諸結使 如火猛焰 無諸障閼

猶如大風 示現實法 如四天王

所雨法雨 如大龍王 充足一切

猶如時雨 破諸外道 如大論師

功德妙音 如須臾華 說法妙音

猶如梵天 除諸苦惱 如大醫王

等心一切 如母愛子 攝取衆生

猶如慈父 身不可壞 如金剛山

能斷愛枝 猶如利刀 廣度生死

猶如船師 以智濟人 猶如舟船

光明清涼 如月盛滿 開衆生華

如日初出 能與衆生 沙門四果

猶如秋樹 生諸果實 仙聖圍遶

猶如鳳凰 其意深廣 猶如大海

等心衆生 猶如草木 知諸法相

如觀空拳 等心行世 平如水相
成就妙相 善於大悲 能與元量
衆生授記 我今調伏 無量衆生
惟願如來 與我授記 於未來世
成就勝道 微妙智慧 大仙世尊
願以妙音 真實說之 我於惡世
要修諸忍 與諸結使 煩惱賊闢
拔出元量 一切衆生 安止住於
寂滅道中

善男子寶海梵志說此偈讚佛已是
時一切大衆皆讚歎言善哉善哉大
丈夫善能讚歎如來法王今時梵志
復白佛言世尊我已教化無量億衆
發阿耨多羅三藐三菩提心是諸衆
生已各願取淨妙世界離不淨土以
清淨心種諸善根善攝衆生而調伏
之火鬪摩納等一千四人皆悉讀誦
毗陀外典如來已為是諸人等授其
記莳於賢劫中當成為佛有諸衆生
多行貪婬瞋癡憍慢惡當調伏於三
乘中是一千四佛所放捨者所謂衆
生厚重煩惱五濁惡世能作五逆毀
壞正法誹謗聖人行於邪見離聖七

財不孝父母於諸沙門婆羅門所心
無恭敬作不應作應作不作不行福
事不畏後世於三福處無心欲行不
求天上人中果報勤行十惡趣三不
善離善知識不知親近真實智慧入
於三有生死獄中隨四流流沒在灰
河為癡所盲離諸善業專行惡業如
是衆生諸佛世界所不容受是故擯
來集此世界以離善業行不善業行
於邪道重惡之罪積如大山今時婆
婆世界賢劫中人壽命千歲是一千
四佛大悲不成不取如是弊惡之世
令諸衆生流轉生死猶如機關无有
救護無所依止無舍无燈受諸苦惱
而反捨放各各願取淨妙世界淨土
衆生已自善調其心清淨已種善
根勤行精進已得供養無量諸佛而
更攝取世尊是諸人等為實尔不尔
時世尊即告梵志實如所言善男子
是諸人等如其所意各取種種嚴淨
世界我隨其心已與授記

今時梵志復白佛言世尊我今心動
如緊花樹葉心大憂愁身皆憔悴此

諸菩薩雖生大悲不能取此五濁惡世今彼諸衆生墮癡黑闇世尊乃至來世過一恒河沙等阿僧祇劫入第二恒河沙等阿僧祇劫後分賢劫中入壽千歲我當今時行菩薩道久在生死忍受諸苦以諸菩薩三昧力故要當不捨如是衆生世尊我今自行六波羅蜜調伏衆生如佛言曰以財物施名檀波羅蜜世尊我行檀波羅蜜時若有衆生世世從我乞求所須向其所求要當給足飲食醫藥衣服卧具舍宅聚落華香瓔珞塗身之香供給病者醫藥侍使幢幡寶蓋錢財穀帛爲馬車乘金銀錢貨真珠琉璃頗梨珂貝璧玉珊瑚真寶偽寶天冠拂飭如是等物我於衆生乃至貧窮生大悲心悉以施與雖作是施不求天上人中果報但爲調伏攝衆生故以是因緣捨諸所有若有衆生乞求過量所謂奴婢聚落城邑妻子男女手脚鼻舌頭目皮血骨肉身命乞求如是過量之物今時我當生大悲心以此諸物持用布施不求果報但爲

調伏攝衆生故世尊我行檀波羅蜜
時過去菩薩行檀波羅蜜者所不能
及未來菩薩當發阿耨多羅三藐三
菩提心行檀波羅蜜者亦不能及世
尊我於來世為行菩薩道故於百千
億劫當行如是檀波羅蜜世尊未來
之世若有欲行菩薩道者我當為是
行檀波羅蜜令不斷絕我初入尸羅
波羅蜜時為阿耨多羅三藐三菩提
故持種種戒修諸苦行如檀中說觀我
無我故五情不為五塵所傷此羣提
波羅蜜我如是行羣提波羅蜜亦如
上說觀有為法離諸過惡見无為法
微妙寂滅精勤修集於無上道不生
退轉此毗梨耶波羅蜜我亦是行
毗梨耶波羅蜜若一切處修行空相得
寂滅法是名禪波羅蜜若解諸法本
無生性今則无滅是名般若波羅蜜
我於無量百千億阿僧祇劫堅固精
勤修集般若波羅蜜何以故或有菩
薩於過去世不為阿耨多羅三藐三
菩提行菩薩道堅固精勤修集般若
波羅蜜未來之世或有菩薩未為阿

釋多羅三藐三菩提行菩薩道堅固精勤修集般若波羅蜜是故我今當於來世發阿耨多羅三藐三菩提心修菩薩道令諸善法無有斷絕世尊我初發心已為未來諸菩薩等開示大悲乃至涅槃有得聞我大悲名者心生驚恠歎未曾有是故我於布施不自稱讚不依持戒不念忍辱不猗精進不味諸禪所有智慧不著三世雖行如是六波羅蜜不求果報有諸衆生離聖七財諸佛世界之所損棄作五逆罪毀壞正法誹謗賢聖行於邪見重惡之罪猶如大山常為邪道之所覆蔽是故我今為是衆生專心莊嚴精勤修集六波羅蜜我為一衆生種善根故於十劫中入阿鼻地獄受無量苦畜生餓鬼及貧窮鬼神卑賤人中亦復如是若有衆生空無善根失念憊心我悉攝取而調伏之今種善根乃至賢劫於其中間終不願在天上人中受諸快樂惟除一生處兜術天待時成佛世尊我應如是久處生死如一佛世界微塵等劫

以諸所須供養諸佛為一衆生種善
根故以一佛世界微塵數等諸供養
具供養十方無量无边一一諸佛亦
於十方無量无边一一佛所得如一
佛世界微塵數等諸善功德於一一
佛前復得教化如一佛世界微塵數
等衆生令住無上菩提之道緣覺聲
聞亦復如是隨諸衆生所願而教若
有世界佛未出世願作仙人教諸衆
生令住十善五神通中遠離諸見若
有衆生事摩醯首羅天我願化身如
摩醯首羅而教化之令住善法事八
辟者亦願化為八辟天身而教化之
令住善法事日月梵天亦願化為日月
梵身而教化之令住善法有事金翅鳥
乃至事兔願化為兔身隨而教化令住
善法若見飢餓衆生我當以身血肉
與之令其飽滿若有衆生犯於諸罪
當以身命代其受罪為作救護世尊
未來世中有諸衆生離諸善根燒滅
善心我於今時為是衆生當勤精進
行菩薩道在生死中受諸苦惱乃至
過一恒河沙等阿僧祇劫入第二恒河

沙等阿僧祇劫後分初入賢劫火燒
摩納成阿耨多羅三藐三菩提字拘
留孫如來時我所教化離諸善業行
不善業燒燋善心離聖七財作五逆
罪毀壞正法誹謗聖人行於邪見重
惡之罪猶如大山常為邪道之所覆
蔽無佛世界所棄捐者令發阿耨多
羅三藐三菩提心行檀波羅蜜乃至
行般若波羅蜜安止住於不退轉地
皆令成佛在於十方如一佛土微塵
數等諸佛世界轉正法輪令諸衆生於
阿耨多羅三藐三菩提種諸善根出
離惡道安止得住功德智慧助菩提
法者願我今時悉得見之世尊若有
諸佛在在處處遣諸衆生至於佛所
受阿耨多羅三藐三菩提記令得陀
羅尼三昧忍辱即得次第上菩薩位
得於種種莊嚴世界各各悉得隨意
所求取淨佛土如是衆生悉是我之
所勸化者入賢劫中拘留孫佛出世
之時如是等衆亦於十方如微塵等
諸佛世界成阿耨多羅三藐三菩提
在在處處住世說法亦令我見世尊

拘留孫佛成佛之時我至其所以諸
供具而供養之種種諮問出家之法
持清淨戒廣學多聞專修三昧勤行
精進說微妙法唯除如來餘無能勝
是時或有鉗根衆生無諸善根墮在
邪見行不正道作五逆罪毀壞正法
誹謗聖賢重惡之罪猶如大山我時
當為如是衆生說於正法攝取調伏
佛日沒已我於其後自然當作無量
佛事伽那迦牟尼迦葉佛等住世說
法乃至自然作於佛事亦復如是乃
至人壽千歲我於今時勸諸衆生於
三福處過千歲已上生天上為諸天
人講說正法令得調伏乃至人壽百
二十歲今時衆生愚癡自在自恃端
正種姓豪族有諸放逸慳慳嫉妬墮
在黑闇五濁惡世厚重貪欲瞋恚愚
癡憍慢慳慳嫉妬非法行欲非法求
財行邪倒見離聖七財不孝父母於
諸沙門婆羅門所不生恭敬應作不
作作不應作不行福事不畏後世不
勤修集於三福處不樂三乘於三善
根不能修行專為三惡不修十善勤

行十惡其心常為四倒所覆安止住
於四破戒中令四魔王常得自在溺
在四流五蓋蓋心當來世中如是衆
生六根放逸行八邪法入大罪山起
諸結縛不求天上人中果報邪倒諸
見趣於邪道行於五逆毀壞正法誹
謗聖人離諸善根貧窮下賤無所畏
忌不識恩義失於正念輕蔑善法无
有智慧不能學問破戒諛諂以嫉妬
心於所得物不與他分牙相輕慢無
有恭敬懶惰慳慳怠諸根缺漏身體羸
劣乏於衣服親近惡友處胎失念以
受種種苦惱故惡色憔悴其眼手視
無慚无愧牙相怖畏於一食傾身口
意業所作諸惡無量无边以能為惡
故得稱歎今時衆生專共修集斷常
二見堅著五陰危脆之身於五欲中
深生貪著常起忿恚怨賊之心欲害
衆生心常瞋惱穢濁麁朴未得調伏
慳恡貪著不捨非法無有決定牙相
畏怖起於諍競以穢濁心共相煞害
遠離善法起無善心作諸惡業於善
不善不信果報於諸善法起違背心

於滅善法生歡喜心於不善法起專
作心於寂滅涅槃起不救心於持戒
沙門婆羅門所生不敬心於諸縛結
起怖求心於老病死起深信心於諸
煩惱起受持心於五蓋法起攝取心
於正法幢起遠離心於諸見幢起堅
立心常起相違輕毀之心共起鬭諍
相食噉心各各相違共相侵陵攝取
怨恨惱亂之心於諸欲惡起無厭心
於他財物起嫉妬心於受恩中起不
報心於諸衆生起賊盜心於他婦女
起侵惱心是時衆生一切心中無有
善願是故常聞地獄聲畜生聲餓鬼
聲疾病聲老死聲惱害聲八難聲閻
繫聲枉械枷鎖縛束聲奪他財物侵
惱聲瞋恚輕毀呵責聲破壞衆人和
合聲他方國賊兵甲聲飢餓聲穀貴
偷盜聲邪婬妄語狂癡聲兩舌惡言
綺語聲慳貪嫉妬攝取聲若我我所
鬭諍聲憎愛適意不適意聲恩愛別
離憂悲聲怨憎集聚苦惱聲各各相
畏僮僕聲處胎臭穢不淨聲寒熱飢
渴疲極聲耕犁種植忿務聲種種工

巧疲獸聲疾病患苦羸損聲是時衆生各各常聞如是等聲如是衆生斷諸善根離善知識常懷瞋恚皆恚充滿娑婆世界恚是他方諸佛世界之所損棄以重業故於賢劫中壽百二十歲如是衆生業因緣故於娑婆世界受其卑陋成就一切諸善根者之所遠離娑婆世界其地多有鹹苦鹽鹵土沙礫石山陵埳阜谿谷溝壑致毒蟲蛇諸惡鳥獸充滿其中麤澁惡風非時而起當於非時惡雹雨水其雨水味毒酢鹹苦以是雨故生諸藥草樹木莖節枝葉華果百穀諸味皆悉雜毒如是非時麤澁惡濁雜毒之物衆生食已增益瞋恚顏色憔悴無有潤澤於諸衆生心無慈愍誹謗聖人各各無有恭敬之心常懷恐怖共相殘害生惱亂心取肉飲血剥皮而衣執持刀杖勤作殺害自恃豪族色相端正讀誦外典便習鞍馬善用刀稍弓箭射御於自眷屬生嫉妬心若諸衆生修習邪法受種種苦世尊願我今時從兜術天下生寂勝轉輪王

家若自在王家處在第一大夫人胎
為諸衆生調伏其心修善根故尋入
胎時放大光明其光微妙遍照娑婆
世界從金剛際上至阿迦尼吒天令
彼所有諸衆生等若在地獄若畜
生若在餓鬼若天上若在人中若
有色若无色若有想若无想若非有
想若非無想悉願見我微妙光明若
光觸身亦願得知以見知光故悉得
分別生死過患勤求無上寂滅涅槃
乃至一念斷諸煩惱是名令諸衆生
初種涅槃之根栽也願我處胎於十
月中得選擇一切法入一切法門所
謂無生空三昧門於未來世無量劫
中說此三昧善決定心不可得盡若
我出胎成阿耨多羅三藐三菩提已
彼諸衆生我當拔出令離生死如是
等衆悉令見我雖處母胎滿足十月
然其實是在住珍寶三昧結加趺坐正
受思惟十月滿已從右脅出以一切
功德成就三昧力故令娑婆世界從
金剛際上至阿迦尼吒天六種震動
其中衆生或處地獄畜生餓鬼天上

人中悉得惺悟今時復有以微妙光明遍照娑婆世界亦得惺悟無量衆生若有衆生未種善根我當安止令種善根於涅槃中種善根已令諸衆生生三昧芽我出右脅足蹈地時復願娑婆世界從金剛際上至阿迦尼吒天六種震動所有衆生依水依地依於虛空胎生卵生濕生化生在五道者悉得惺悟若有衆生未得三昧願皆得之得三昧已安止令住三乘法中不退轉地我既生已於娑婆世界所有諸天梵王魔天忉利諸天及日月天四天王諸大龍王乾闥婆阿修羅迦樓羅緊那羅摩睺羅伽化生神仙夜叉羅刹悉令盡來共供養我令我生已尋行七步行七步已以選擇功德三昧力故說於正法令諸大衆心生歡喜住於三乘於此衆中若有衆生學聲聞者願盡此生便得調伏若有習學緣覺乘者一切皆得日華忍辱有學大乘者皆得執持金剛愛護大海三昧以三昧力故超過三住我於今時怖求洗浴願有最勝大

龍王來洗浴我身衆生見者即住三
乘所得功德如上所說我為童子乘
羊車時所可示現種種伎術為悟一
切諸衆生故處在宮殿妻子綵女五
欲之中共相娛樂見其過患夜半出
城除諸瓔珞嚴身之具為欲破壞尼
捷子等諸外道師恭敬衣服故我著
袈裟至菩提樹下衆生見我處於菩
提樹下皆悉發願欲令我速以一切
功德成就三昧力說三乘法聞是法
已於三乘中生深重欲勤行精進若
有已發聲聞乘者令脫煩惱要一生
在當於我所而得調伏若有已發緣
覺乘者皆悉令得日華忍辱若有已
發大乘之者皆得執持金剛愛護大
海三昧以三昧力故超過四地我自
受草於菩提樹下敷金剛座處結加
趺坐身心正直繫念在於阿頗三昧
以三昧力故令入出息停住寂靜於
此定中一日一夜日食半麻半米以
其餘半持施他人我如是久遠修集
苦行娑婆世界上至阿迦尼吒聞我
名者皆到我所供養於我我如是苦

行如是等衆悉當為我而作證明若
有衆生於聲聞乘種善根者世尊願
令是等於諸煩惱心得寂靜若餘一
生要至我所我當調伏緣覺大乘亦
復如是若有諸龍鬼神乾闥婆阿修
羅迦樓羅緊那羅摩睺羅伽餓鬼毗
舍遮五通神仙來至我所供養於我
我如是苦行是等衆生皆為證明若
有已學聲聞緣覺及大乘者亦復如
是若有四天下衆生修於外道麤食
苦行有諸非人往至其所說如是言
卿等不能悉行諸苦亦復不得大果
報也非是希有如我地分有一生菩
薩行於苦行復入如是微妙禪定身
口意業皆悉寂靜滅出入息一日一
夜日食半麻半米如是苦行大得果
報得大利益多所開化是苦行人不
久當成阿耨多羅三藐三菩提卿若
不信我所言者自可往至其所觀其
所作世尊願是諸人捨其所修悉來
我所觀我苦行或有衆生已學聲聞
乃至大乘亦復如是若有諸王大臣
人民在家出家一切見我行是苦行

來至我所供養於我或有已學聲聞緣覺大乘亦復如是若有女人見我苦行來至我所供養於我是諸女人所受身分即是後身若有已學聲聞緣覺大乘亦復如是若有諸禽獸見我苦行亦至我所是諸禽獸於此命終更不復受畜生之身若有已發聲聞乘者餘一生在要至我所而得調伏若有已發緣覺心者亦復如是乃至微細小虫餓鬼亦如是我是久遠苦行一結加趺坐時有百千億那由他等無量衆生為我證明如是衆生已於无量無邊阿僧祇劫種解脫于世尊我如是苦行過去衆生未曾有能作如是行及餘外道聲聞緣覺大乘之人亦無有能作如是苦行世尊我如是苦行未來衆生亦無能作及餘外道聲聞緣覺大乘之人亦無能作如是苦行我未成阿耨多羅三藐三菩提時已能作大事所謂破壞魔王及其眷屬我願破煩惱魔成阿耨多羅三藐三菩提已為一衆生安住阿羅漢勝妙果中隨念所時現

受殘業報身如是第二衆生安住阿
羅漢第三第四亦復如是我為一一
衆生故示現百千無量神足欲令安
住正見之中為一一衆生故說百千無
量法門義隨其所堪令住聖果以金
剛智慧破一切衆生諸煩惱山為諸
衆生說三乘法為一一衆生故過百
二由旬不乘神力往至其所而為說
法令得安住無所畏中或有諸人於
我法中欲出家者願元障闕所謂羸
劣失念狂亂憍慢無有畏懼癡无智
慧多諸結使其心散亂若有女人欲
於我法出家學道受大戒者成就大
願我諸四衆比丘比丘尼優婆塞優
婆夷悉得供養願諸天人及諸鬼神得
四聖諦諸龍阿修羅及餘畜生受持
八戒修淨梵行世尊我成阿耨多羅
三藐三菩提已若有衆生於我生瞋
或以刀杖火坑及餘種種欲殘害我
或以惡言誹謗罵詈遍十方界而作
輕毀若持毒食以用飯我如是殘業
我悉受之成阿耨多羅三藐三菩提
往昔所有怨賊衆生起於害心種種

惡言以雜毒食出我身血如是等人
悉以惡心來至我所我當以戒多聞
三昧大悲薰心梵音妙聲而為說法
令彼聞已心生清淨住於善法所作
惡業尋便懺悔更不復作悉令得生
天上人中無有障閼生天人中得妙
解脫安住勝果離諸欲惡永斷諸流
障閼業盡若諸衆生有殘業者皆悉
得盡無有遺餘世尊我成阿耨多羅
三藐三菩提已一切所有身諸毛孔
日日常有諸化佛出三十二相瓔珞
其身八十種好次第莊嚴我當遭至
無佛世界有佛世界及五濁界若彼
世界有五逆人毀壞正法誹謗聖人
乃至斷諸善根有學聲聞緣覺大乘
毀破諸戒墮於大罪燒滅善心滅失
善道墮在生死空曠澤中行諸邪道
登涉罪山如是衆生百千万億一一
化佛一日之中遍為說法或有奉事
魔醯首羅隨作其形而為說法亦於
今時稱我名字而讚歎之願是衆生
聞讚歎我心生歡喜種諸善根生我
世界世尊是諸衆生若臨終時我不

在其前為演說法令心淨者我於未來終不成阿耨多羅三藐三菩提若彼衆生命終之後墮三惡道不生我國受人身者我之所知無量正法悉當滅失所有佛事皆不成就事鄒羅延者亦復如是世尊我成阿耨多羅三藐三菩提已願令他方世界所有五逆之人乃至行諸邪道登陟罪山如是衆生臨命終時悉來集聚生我世界隨其本相所受身色_色艾_艾百無潤面目醜陋如毗舍遮失念破戒臭穢短命以此諸惡損減其身資生所須常不供足為是衆生故於娑婆世界諸四天下一時之中從兜術下現處母胎乃至童子學諸伎藝出家苦行破壞諸魔成無上道轉正法輪般涅槃後流布舍利如是示現種種佛事悉皆遍滿如是百億諸四天下

悲華經卷第六

癸卯歲高麗國大藏都監奉
勅彫造

悲華經卷第七

駒

北凉天生三藏曇無讖譯

諸菩薩本授記品第四之五

世尊我成阿耨多羅三藐三菩提已
一音說法或有衆生學聲聞乘聞佛
說法即得知聲聞法藏或有修學辟
支佛乘聞佛說法便得解於辟支佛
法或有修學無上大乘聞佛說法便
得解了大乘之法純一無雜若有修
集助菩提法欲得菩提聞佛說法即
得捨財行於布施若有衆生離諸功
德怖求天上人中快樂聞佛說法即
得持戒若有衆生手相怖畏有愛瞋
心聞佛說法即得相於生親厚心若
有衆生憙為煞業聞佛說法即得悲
心若有衆生常為慳慳嫉妬覆心聞
佛說法即修喜心若有衆生端正無
病貪著於色心生放逸聞佛說法即
得捨心若有衆生婬欲熾盛其心放
逸聞佛說法即觀不淨若有衆生學
大乘者為掉蓋所覆聞佛說法即得
身念處法若有衆生常自稱讚能大

論議其智慧明猶如拙電聞佛說法
即解甚深十二因緣若有衆生寡聞
少見自稱能論聞佛說法即得不奪
不失諸陀羅尼若有衆生入邪見山
聞佛說法即解諸法甚深空門若有
衆生諸覺覆心聞佛說法即得深解
無相法門若有衆生諸不淨願覆蔽
其心聞佛說法即得深解無作法門
若有衆生心不清淨聞佛說法心得
清淨若有衆生以多緣覆心聞佛說
法得解不失菩提心法若有衆生瞋恚
覆心聞佛說法解真實相得受記莳
若有衆生依倚覆心聞佛說法深解
諸法無所依倚若有衆生愛染覆心
聞佛說法疾解諸法無垢清淨若有
衆生忘失善心聞佛說法深解日光
三昧若有衆生行諸魔業聞佛說法
速得解了清淨之法若有衆生邪論
覆心聞佛說法即得深解增益正法
若有衆生煩惱覆心聞佛說法即得
解了離煩惱法若有衆生行諸惡道
聞佛說法即得迴反若有衆生於大
乘法讚說邪法以為吉妙聞佛說法

即於邪法生退轉心而得正解若有
菩薩厭於生死聞佛說法即於生死
心生愛樂若有衆生不知善地聞佛
說法即得覺了善地之法若有衆生
見他為善不生好樂生於妬嫉聞佛
說法即得心喜若有衆生其心各各
共相違反聞佛說法即得無閔光明
若有衆生行諸惡業聞佛說法深解
惡業所得果報若有衆生怖畏大衆
聞佛說法深得解了師子相三昧若
有衆生四魔覆心聞佛說法疾得首楞
嚴三昧若有衆生不見諸佛國土光
明聞佛說法即得深解種種莊嚴光
明三昧若有衆生有憎愛心聞佛說
法即得捨心若有衆生未得佛法光
明聞佛說法即得法幢三昧若有衆
生離大智慧聞佛說法即得法炬三
昧若有衆生癡闇覆心聞佛說法即
得日燈光明三昧若有衆生口無辯
才聞佛說法即得種種功德應辯若
有衆生觀色和合無有堅固猶如水
沫聞佛說法即得那羅延三昧若有
衆生心亂不定聞佛說法即得堅牢

決定三昧若有衆生欲觀佛頂聞佛說法即得須彌幢三昧若有衆生放捨本願聞佛說法即得堅牢三昧若有衆生退失諸通聞佛說法即得金剛三昧若有衆生於菩提場而生疑惑聞佛說法即得了達金剛道場若有衆生一切法中無厭離心聞佛說法即得金剛三昧若有衆生不知他心聞佛說法即知他心若有衆生於諸根中不知利鈍聞佛說法即知利鈍若有衆生各各種類不相解語聞佛說法即得解了音聲三昧若有衆生未得法身聞佛說法即得解了分別諸身若有衆生不見佛身聞佛說法即得不眴三昧若有衆生分別諸緣聞佛說法即得無諍三昧若有衆生於轉法輪心生疑惑聞佛說法於轉法輪得心清淨若有衆生起無因邪行聞佛說法即得法明隨順因緣若有衆生於一佛世界起於常見聞佛說法即得善別無量佛土若有衆生未種諸相善根聞佛說法即得種種莊嚴三昧若有衆生不能善別一

切言語聞佛說法即得解了分別種種言音三昧若有衆生專心求於一切智慧聞佛說法即得無所分別法界三昧若有衆生退轉於法聞佛說法即得堅固三昧若有衆生不知法界聞佛說法即得大智慧若有衆生離本誓願聞佛說法即得不失三昧若有衆生分別諸道聞佛說法即得一道無所分別若有衆生推求智慧欲同虛空聞佛說法即得無所有三昧若有衆生未得具足諸波羅蜜聞佛說法即得住於淨波羅蜜若有衆生未得具足四攝之法聞佛說法即得妙善攝取三昧若有衆生分別四無量心聞佛說法即得平等勤心精進若有衆生未得具足三十七助菩提法聞佛說法即得住不出世三昧若有衆生其心失念及善智慧聞佛說法即得大海智即三昧若有衆生說法即得大海智即三昧若有衆生其心疑惑未生法忍聞佛說法即得諸法決定三昧以一法相故若有衆生忘所聞法聞佛說法即得不失念三昧若有衆生各各說法不相憊樂

聞佛說法即得清淨慧眼無有疑網

若有衆生於三寶中不生信心聞佛

說法即得功德增長三昧若有衆生

渴乏法雨聞佛說法即得法雨三昧

若有衆生於三寶中起斷滅見聞佛

說法即得諸寶莊嚴三昧若有衆生

不作智業不勤精進聞佛說法即得

金剛智慧三昧若有衆生為諸煩惱

之所繫縛聞佛說法即得虛空印三

昧若有衆生計我我所聞佛說法即

得智印三昧若有衆生不知如來具

足功德聞佛說法即得世間解脫三

昧若有衆生於過去世未供養佛聞

佛說法即得種種神足變化若有衆

生一法界門於未來世無量劫中未

得說之聞佛說法即得解說一切諸

法同一法界若有衆生於諸一切修

多羅中未得選擇聞佛說法即得諸

法平等實相三昧若有衆生離六和

法聞佛說法即得解了諸法三昧若

有衆生於不可思議解脫法門不勤

精進聞佛說法於諸通中即得師子

遊戲三昧若有衆生欲分別入於如

來藏聞佛說法更不從他聞即得分
別入如來藏若有衆生於菩薩道不
勤精進聞佛說法即得智慧勤行精
進若有衆生未曾得見本生經聞佛
說法即得一切在在處處三昧若有
衆生行道未竟聞佛說法即得受記
三昧若有衆生未得具足如來十力
聞佛說法即得無壞三昧若有衆生
未得具足四無所畏聞佛說法即得
無盡意三昧若有衆生未得具足佛
不共法聞佛說法即得不共法三昧
若有衆生未得具足無愚癡見聞佛
說法即得願句三昧若有衆生未覺
一切佛法之門聞佛說法即得鮮白
無垢淨印三昧若有衆生未得具足
一切智者聞佛說法即得善了三昧
若有衆生未得成就一切佛事聞佛
說法即得無量不盡意三昧如是等
衆生於佛法中各得信解有諸菩薩
其心質直無有諂曲聞佛說法即得
八万四千諸法門八万四千諸三昧
門七万五千陀羅尼門有无量無邊
阿僧祇菩薩摩訶薩修集大乘者聞

是說法亦得如是無量功德安止住
於不退轉地是故諸菩薩摩訶薩欲
得種種莊嚴堅牢故發不可思議願
增益不可思議知見以自莊嚴以三
十二相莊嚴故得八十隨形好以妙
音莊嚴故隨諸衆生所喜說法令聞
法者滿足知見以心莊嚴故得諸三昧
不生退轉以念莊嚴故不失一切諸
陀羅尼以心莊嚴故得分別諸法以
念莊嚴故得解微塵等義以善心莊
嚴故得堅固誓願牢堅精進如其所
願到於彼岸以專心莊嚴故次第過
住以布施莊嚴故於諸所須悉能放
捨以持戒莊嚴故令心善白清淨無
垢以忍辱莊嚴故於諸衆生心无障
闕以精進莊嚴故一切佐助悉得成
就以禪定莊嚴故於一切三昧中得
師子遊戲以智慧莊嚴故知諸煩惱
習以慈莊嚴故專心念於一切衆生
以悲莊嚴故悉能拔出衆生之苦以
喜莊嚴故於一切法心無疑惑以捨
莊嚴故得離憍慢心心无高下以諸
通莊嚴故於一切法得師子遊戲以

功德莊嚴故得不可盡藏寶手以智
莊嚴故知諸衆生所有諸心以意莊
嚴故方便惺悟一切衆生以光明莊
嚴故得智慧眼明以諸辯莊嚴故令
衆生得法義應辭以無畏莊嚴故一
切諸魔不能留難以功德莊嚴故得
諸佛世尊所有功德以法莊嚴故得
無閼辯常為衆生演說妙法以光明
莊嚴故得一切佛法光明以照明莊
嚴故能遍照於諸佛世界以他心莊
嚴故得正智無亂以教誡莊嚴故得
如所說護持禁戒以神足莊嚴故得
如意足到於彼岸以受持一切諸如
來莊嚴故得入如來無量法藏以尊
法莊嚴故得不隨他智慧以隨行一
切善法莊嚴故得如說而行欲令如
是衆生悉得如是等功德利益若有
無量無邊阿僧祇善薩摩訶薩修集
大乘以我說一句法故悉具如是白
淨善法皆使充足以是故諸菩薩摩
訶薩於諸法中所得智慧不從他聞
得成就大法光明成阿耨多羅三藐
三菩提世尊若衆生於他方世界作

五逆罪乃至犯四重禁燒滅善法若
學聲聞緣覺大乘以願力故欲來生
我世界既來生已復取一切諸不善
業麤朴弊惡其心意求強梁難調專
以四倒貪著慳怯如是等衆生八万
四千異性亂心我當為其各各異性
廣說八万四千法聚世尊若有衆生
學無上大乘我當為其具足廣說六
波羅蜜所謂檀波羅蜜乃至般若波
羅蜜若有衆生學聲聞乘未種善根
願求諸佛以為其師我當安止於三
歸依然後勸令住六波羅蜜若有衆
生憙為煞害我當安止於不煞中若
有衆生專行惡貪我當安住於不盜
中若有衆生非法邪婬我當安止不
邪婬中若有衆生各各故作誹謗妄
語我當安止不妄語中若有衆生樂
為狂癡我當安止不飲酒中若有衆
生犯此五事我當令受優婆塞五戒
若有衆生於諸善法不生憙樂我當
令其一日一夜受持八戒若有衆生
少於善根於善根中心生愛樂我當
令其於未來世在佛法中出家學道

安止令住梵淨十戒若有衆生怖心
求於諸善根法我當安止善根法中
令得成就梵行具足大戒如是等衆
生作五逆罪乃至慳怯為是衆生以
種種門示現神足說諸句義開示陰
界諸入苦空無常无我令住善妙安
隱寂滅無畏涅槃為如是四衆比丘
比丘尼優婆塞優婆夷說法若有衆
生求聞論議我當說正法論乃至有
求解脫之者我當為說空无之論若
有衆生其心不樂於正善法我當為
說營作衆事若有衆生於正善法其
心愛樂我當為說空三昧定示正解
脫世尊我為如是一一衆生要當過
於百千由旬不以神足而以開示無
量无邊種種方便為解句義示現神
足乃至涅槃心不生厭世尊我以三
昧力故捨第五分所得壽命而般涅
槃我於是時自分其身如半亭麗子
為憐愍衆生故求般涅槃般涅槃後
所有正法住世千歲像法住世滿五
百歲我涅槃後若有衆生以珍寶伎
樂供養舍利乃至禮拜右繞一巾合

掌稱歎一莖華散以是因緣隨其志願於三乘中各不退轉世尊我般涅槃後若有衆生於我法中乃至一戒如我所說能堅持之乃至讀誦一句偈為他人說令彼聽者心生歡喜供養法師乃至一華一札以是因緣隨其志願於三乘中各不退轉乃至法炬滅法幢倒正法滅已我之舍利尋沒於地至金剛際余時娑婆世界空無瓊寶我之舍利變為意想琉璃寶珠其明焰盛從金剛際出於世間上至阿迦尼吒天雨種種華鬘陀羅華摩訶鬘陀羅華波利質多華鬘殊沙華摩訶鬘殊沙華有淨光明大如車輪百葉千葉或百千葉或百千華其光遍照復有好香微妙常敷觀者無厭其明焰盛不可稱計微妙之香无量無邊純雨如是無量諸華當其雨時復出種種微妙音聲佛聲法聲比丘僧聲三歸依聲優婆塞戒聲成就八戒聲出家十戒聲布施聲持戒聲清淨梵行具大成聲佐助衆事聲讀經聲禪思惟聲觀不淨聲念出入息

聲非想非非想聲有想無想聲識處
聲空處聲八勝處聲十一初入聲定慧
聲空聲無相聲无作聲十二因緣聲
具足聲聞藏聲學緣覺聲具足大乘
六波羅蜜聲於其華中出如是等聲
色界諸天皆悉聞之本昔所作諸善
根本各自憶念所有不善尋自悔責
即便來下娑婆世界教化世間无量
衆生悉令得住於十善中欲界諸天
亦得聞受所有愛結貪恚五欲諸心
數法悉得寂靜本昔所作諸善根本
各自憶念所有不善尋自悔責即便
來下娑婆世界教化世間無量衆生
悉令得住於十善中世尊如是諸華
於虛空中復當作種種珍寶金銀
摩尼真珠琉璃珂貝璧玉真寶偽寶
馬瑙珊瑚天冠寶飾如雨而下一切
遍滿娑婆世界今時人民其心和悅
無諸鬭諍飢餓疾病他方怨賊惡口
諸毒一切消滅皆得寂靜今時世界
有如是樂若有衆生見諸珍寶若觸
若用於三乘中無有退轉是諸珍寶
作是利益作利益已還沒於地至本

住處金剛際上世尊娑婆世界兵劫起時我身舍利復當化作紺琉璃珠從地而出上至阿迦尼吒天雨種種華鬘陀羅華摩訶鬘陀羅華波利質多華乃至還沒於地至本住處金剛際亦復如是世尊如刀兵劫飢餓疾疫亦復如是世尊如是大賢劫中我般涅槃後是諸舍利作如是佛事調伏無量無邊衆生於三乘中得不退轉如是當於五佛世界微塵數等大劫之中調伏無量無邊衆生令於三乘得不退轉世尊若後滿千恒沙等阿僧祇劫於十方無量無邊阿僧祇餘世界成佛出世者悉是我修阿耨多羅三藐三菩提時所教化初發阿耨多羅三藐三菩提心安止令住六波羅蜜者世尊我成阿耨多羅三藐三菩提已所可勸化令發阿耨多羅三藐三菩提心安止令住六波羅蜜及涅槃後舍利變化所化衆生令發阿耨多羅三藐三菩提心者是諸衆生過千恒河沙等阿僧祇劫於十方無量無邊阿僧祇世界成佛出世皆

當稱我名字而說讚歎過去久遠有
劫名賢初八劫時第四世尊名曰某
甲彼佛世尊勸化我等初發阿耨多
羅三藐三菩提心我等今時燒滅善
心集不善根作五逆罪乃至邪見彼
佛今時勸化我等今得安住六波羅
蜜因是即得解了一切陀羅尼門轉
正法輪離生死縛令無量無邊百千
衆生安住勝果復令無量百千衆生
安止天人乃至解脫果若有衆生求
菩提道聞讚歎我已各問於佛彼佛
世尊見何義利於重五濁惡世之中
成阿耨多羅三藐三菩提是諸世尊
即便向是求菩提道善男子善女人
說我往昔所成大悲初發阿耨多羅
三藐三菩提心莊嚴世界及妙善願
本起因緣是人聞已其心驚愕歎未
曾有尋發妙願於諸衆生生大悲心
如我無異作是願言其有如是重五
濁世其中衆生作五逆罪乃至成就
諸不善根我當於中而調伏之彼諸
世尊以是諸人成就大悲於五濁世
發諸善願隨其所求而與授記世尊

彼佛世尊復為修學大乘諸人說我
舍利所作變化本起因緣過去久遠
有佛世尊号字某甲般涅槃後刀兵
疾病飢餓劫起我等今時於其劫中
受諸苦惱是佛舍利為我等故作種
種神足師子遊戲是故我等即得發
阿耨多羅三藐三菩提心種諸善根
精勤修集於六波羅蜜如上廣說佛
告寂意菩薩善男子今時寶海梵志
在寶藏佛所諸天大眾人非人前尋
得成就大悲之心廣大無量作五百
誓願已復白佛言世尊若我所願不
成不得已利者我則不於未來賢劫
重五濁惡牙共鬭諍末世盲癡無所
師諮无有教誡墮於諸見大黑闇中
作五逆惡如上說中成就所願作於
佛事我今則捨菩提之心亦不願於
他方佛土殖諸善根世尊我今如是
專心不以是善根成阿耨多羅三藐
三菩提亦不願求辟支佛乘亦復不
願作聲聞乘天王人王貪樂五欲生
天人中不求軋闍婆阿修羅迦樓羅
緊那羅摩睺羅伽夜叉羅刹諸龍王

等以是善根不求如是諸處世尊若得大富以施為因若得生天以戒為因若得大智以廣學為因若斷煩惱以思惟為因如佛言曰如是等事皆是已利功德之人則能隨其所求皆志得之世尊若我善根成就得已利者我之所有布施持戒多聞思惟志當成就以是果報皆為地獄一切衆生若有衆生墮阿鼻地獄以是善根當拔濟之令生人中聞佛說法即得開解成阿羅漢速入涅槃是諸衆生若業報未盡我當捨壽入阿鼻獄代受苦惱願令我身數如一佛世界微塵一一身如須弥山等是一一身覺諸苦樂如我今身所覺苦樂一一身受如一佛世界微塵數等種種重惡苦惱之報如今一佛世界微塵等十方諸佛世界所有衆生作五逆惡起不善業乃至當墮阿鼻地獄若後過如一佛世界微塵等大劫十方諸佛世界微塵數等所有衆生作五逆惡起不善業當墮阿鼻地獄者我當為是一切衆生於阿鼻地獄代受諸苦令

不墮地獄值遇諸佛諮受妙法出於
生死入涅槃城我今要當代是衆生
久久常處阿鼻地獄復次如一佛世
界微塵數等十方世界所有衆生惡
業成就當必受果墮火炙地獄如阿
鼻地獄所說炙地獄摩訶盧菟地獄
逼迫地獄黑繩地獄想地獄及種種
畜生餓鬼貧窮夜叉拘脤茶毗舍遮
阿修羅迦樓羅等皆亦如是世尊若
有如一佛世界微塵數等十方世界
所有衆生成就惡業必當受報生於
人中瞖盲瘖瘂无手無脚心乱失念
食噉不淨我亦當代如是衆生受於
諸罪如上所說復次若有衆生墮阿
鼻地獄受諸苦惱我當久久代是衆
生受諸苦惱如生死衆生所受陰界
諸入畜生餓鬼貧窮夜叉拘脤茶毗
舍遮阿修羅迦樓羅等皆亦如是世
尊若我所願成就速得已利成阿耨
多羅三藐三菩提如上所願者十方
無量无边阿僧祇世界在在處處現
在諸佛為衆生說法悉當為我作證
亦是諸佛之所知見世尊惟願今者

與我阿耨多羅三藐三菩提記於賢
劫中人壽百二十歲時成佛出世如
來應供正遍知乃至天人師佛世尊
世尊若我必能成就如是佛事如我
願者令此大衆及諸天龍阿修羅等
若處地虛空唯除如來其餘一切皆
當涕泣悉於我前頭面作禮讚言善
哉善哉大悲成就無能及也得念甚
深為諸衆生生是深悲發堅固誓願
汝今所作不由他教以專心大悲覆
護一切攝取五逆諸不善人汝之善
願我今悉知汝初發阿耨多羅三藐
三菩提心時已為衆生作大良藥為
作歸依擁護舍宅為令衆生得解脫
故作是誓願汝今所願得已利者如
來為汝授阿耨多羅三藐三菩提記
說是語已時轉輪聖王無量清淨尋
從座起悲泣淚出叉手合掌向是梵
志頭面敬礼而說偈言

汝今所願 堅固甚深 放捨已樂
為諸衆生 起大悲心 為我等現
諸法真實 妙勝之相
今時觀世音菩薩說偈讚言

衆生多所著汝今無所著於上下諸根
久已得自在故能隨衆生根願具足與
未來世當得陀羅尼智藏

尔時得大勢菩薩說偈讚言

無量億衆生為善故集聚見知汝大悲
一切皆啼泣所作諸苦行昔來未曾有
尔時文殊師利菩薩復說偈讚言

精進三昧甚堅牢固妙勝智慧
善能分別若以華香供養汝者
汝於今日則能堪受

尔時虛空印菩薩復說偈讚言

汝為衆生成就大悲捨財布施
於濁惡世嚴持諸相微妙第一
為諸天人作調御師

尔時金剛智慧光明菩薩復說偈
讚言

汝今大悲心廣大如虛空欲為衆生親
故現行菩提

尔時虛空日菩薩復說偈讚言

汝所成就大悲功德勝妙智慧
善別法相除佛世尊餘無能及
尔時師子香菩薩復說偈讚言

汝未來世於賢劫中多煩惱處

得大名稱 復令無量 諸衆生等
斷除苦惱 得妙解脫

今時普賢菩薩復說偈讚言

一切衆生 勤心修集 生死飢餓
涉邪見山 牙相食噉 無有善心
汝以大悲 故能攝取

今時阿閼菩薩復說偈讚言

燒滅善心 專作逆惡 墮大無明
黑闇之中 無由得出 煩惱淤泥
汝已攝取 如是衆生

今時香手菩薩復說偈讚言

汝今審見 未來之世 多諸恐怖
如觀鏡像 其中衆生 毀壞正法
皆悉燒滅 一切善心

今時寶相菩薩復說偈讚言

汝今純以 智慧持戒 三昧慈悲
莊嚴其心 故能攝取 燒滅善法
誹謗聖人 如是衆生

今時離恐怖莊嚴菩薩復說偈讚言

汝今所修 無量苦行 皆為攝取
當來衆生 燒滅善心 依邪見者
今時華手菩薩復說偈讚言

汝今大悲 智慧精進 於此大衆

無能及者 是故攝取 邪見諸心
為老病死 之所逼者

今時智稱菩薩復說偈讚言

無量衆生 多諸病苦 常為煩惱
惡風所吹 汝今能以 大智慧水
消滅諸魔 破其力勢

今時地印菩薩復說偈讚言

汝今已得 堅固精進 能盡煩惱
而得解脫 我等志薄 不能及是
今時月華菩薩復說偈讚言

堅固修習 精進用意 依止功德
生憐愍心 是故來世 能為衆生
斷於三世 三有結縛

今時無垢月菩薩復說偈讚言

菩薩所行道 大悲為最上 所說非相立
是故我稽首

今時持力菩薩復說偈讚言

五濁惡世 多煩惱病 汝依菩提
發堅固願 為諸衆生 斷煩惱根
今時火鬘菩薩復說偈讚言

汝之智慧 猶如寶藏 所發誓願

清淨無垢 所可修行 無上菩提

但為衆生 作大醫王

今時現力菩薩悲泣涕淚在梵志前
頭面作礼合掌叉手說偈讚言

汝今以此 大智慧炬 為諸衆生
斷煩惱病 亦為貧窮 窮乏衆生
斷除一切 無量諸苦

善男子今時一切大衆天龍鬼神乾
闥婆人及非人在梵志前頭面作礼
礼已起立合掌恭敬以種種讚法而
讚歎之

佛告寂意菩薩善男子今時寶海梵
志於如來前右膝著地是時大地六
種震動一切十方如一佛世界微塵
數等諸佛世界亦六種震動有大光
明遍照世間兩種種華毘陀羅華摩
訶毘陀羅華波利質多華毘殊沙華
摩訶毘殊沙華乃至有無量光明遍
照十方如一佛世界微塵等若淨不
淨諸世界中在在處處現在諸佛為
諸衆生說於正法是諸佛所各有菩
薩坐而聽法是諸菩薩見此大地六
種震動放大光明兩種種華見是事
已前白佛言世尊何因緣故而此大
地六種震動有大光明兩種種華今

時東方去此一恒河沙等有佛世界
名選擇珍寶是中有佛号寶月如來
應正遍知明行足善逝世間解無上
士調御丈夫天人師佛世尊今現在
與無量无边阿僧祇等諸大菩薩恭
敬圍繞說大乘法有二菩薩一名寶
相二名月相向寶月佛合掌恭敬而
白佛言世尊何因緣故六種震動有
大光明兩種種種華今時彼佛告二菩
薩善男子西方去此如一恒河沙等
彼有世界名刪提嵐有佛世尊号曰
寶藏如來乃至佛世尊今現在與無
量无边諸菩薩等授阿耨多羅三藐
三菩提記說諸國土開示諸佛所有
世界莊嚴善願三昧境界陀羅尼門
如是等經彼大會中有一大悲菩薩
摩訶薩作如是願我今當以大悲薰
心授阿耨多羅三藐三菩提記為諸
菩薩摩訶薩故示現善願是以先令
無量无边諸菩薩等發大誓願取於
種種莊嚴世界調伏衆生是菩薩所
成大悲於諸大衆無能及者於五濁
世調伏弊惡多煩惱者攝取一切五

逆之人乃至集聚諸不善根燒滅善
心彼諸大衆天龍鬼神人及非人不
供養佛悉共供養取後成就大悲菩
薩頭面礼已起立恭敬合掌說偈讚
歎是時大悲菩薩在於佛前右膝著
地聽佛授記彼佛世尊即便微笑以
是因緣令此十方如一佛刹微塵數
等諸世界地六種震動放大光明雨
種種華惺悟一切諸菩薩等亦復示
現諸菩薩道彼佛世尊悉令十方如
一佛刹微塵數等諸菩薩皆共集會
為如是等諸大菩薩說諸三昧陀羅
尼門無畏法門是故彼佛示現如是
種種變化善男子時二菩薩聞是事
已即白佛言世尊是大悲菩薩發心
已來為經幾時行菩薩道復齊幾時
何時當於五濁惡世調伏攝取厚重
煩惱乎共闢諍多作五逆成就一切
諸不善根燒滅善心如是衆生今時
彼佛告二菩薩善男子是大悲菩薩
今日初發阿耨多羅三藐三菩提心
善男子汝今可往見寶藏佛恭敬供
養礼拜圍繞聽說三昧陀羅尼門無

畏法門如是等經并見大悲菩薩摩訶薩汝以我聲作如是言寶月如來致意問訊以此月光淨華作信與汝又讚汝言善哉善哉善男子汝初發心已能成就如是大悲汝今已有無量名稱遍滿十方如一佛剎微塵數等諸佛世界皆言大悲菩薩汝初發心已能成就如是大悲是故善男子我今讚汝善哉善哉復次善男子汝為當來諸菩薩等成就大悲故說是大悲不斷善願堅立法幢是故復讚善哉善哉復次善男子汝之名稱未來世住當如一佛剎微塵數等阿僧祇劫教百千億無量無邊阿僧祇衆生安止令住阿耨多羅三藐三菩提至於佛所得不退轉或發善願或取淨土攝取衆生隨而調伏復令未來得受阿耨多羅三藐三菩提記如是衆生於未來世過如一佛剎微塵數劫當於十方如一佛剎微塵數等諸佛世界得成阿耨多羅三藐三菩提轉正法輪復當讚歎大悲菩薩是故以此

三讚歎法讚歎於汝善哉善哉善哉善哉
子今時彼土有九十二億諸菩薩摩訶
訶薩異口同聲作如是言世尊我等
欲往刪提嵐界見寶藏佛禮拜供養
恭敬圍遶聽諸三昧陀羅尼門无畏
法門如是等經并欲見於大悲菩薩
今時彼佛以此三讚歎法及月光淨
華與二菩薩而告之曰宜知是時今
時寶相菩薩月相菩薩於彼佛所取
月光淨華并與九十二億菩薩摩訶
薩發彼世界如電光發沒彼即到刪
提嵐剎閻浮國中寶藏佛所到佛
所已頭面礼足以諸菩薩所得種種
師子遊戲供養佛已見寶海梵志為
此大衆所共恭敬合掌讚歎見是事
已即便思惟今此大士或當即是大
悲菩薩是故能令寶月如來送此寶
華是二菩薩尋於佛前旋向梵志即
以華與作如是言寶月如來以此妙
華與汝為信并三讚法如上所說如
是東方無量无邊阿僧祇諸佛世界
亦遣無量菩薩摩訶薩至刪提嵐界
皆以月光淨華三讚歎法餘如上說

善男子。今時南方去此七万七千百千億佛世界有佛世界名寶樓師子。吼有佛号師子相尊王。如來應正遍知。明行足。善逝。世間解。無上士。調御丈夫。天人師。佛世尊。今現在為諸菩薩說大乘法。有二菩薩摩訶薩。一名金剛智相。二名師子金剛相。是二菩薩。白佛言。世尊。何因緣故。地六種動。有大光明。雨種種華。皆如東方諸菩薩。比復次南方無量无边諸佛。遣無量菩薩。至刪提嵐界。亦如是。今時西方去此八万九千百千億世界有世界名安樂。有佛号攝諸根淨目如來。今現在為四部眾說三乘法。有二菩薩。一名賢日光明。二名師子吼身。是二菩薩。白佛言。世尊。何因緣故。地六種動。有大光明。雨種種華。餘如上說。如是西方無量世界亦復如是。今時北方過九万百千億世界。彼有世界名勝真實。有佛号世間尊王。如來。今現在為諸菩薩說大乘法。有二菩薩。一名不動住。二名得智慧世間尊王。是二菩薩。白佛言。世尊。何因緣故。地

六種動餘如上說北方無量世界亦如是
是忉時下方過九万八千百千億那由
他世界有世界名離闇霧有佛号離
恐怖圍遶音今現在為四部衆說三
乘法有二菩薩一名日尊二名虛空
日是二菩薩白佛言世尊何因緣故
地六種動餘如上說下方世界亦復
如是

悲華經卷第七

癸卯歲高麗國大藏都監奉
勅彫造

悲華經卷第八

上

北凉天竺三藏曇無讖譯

諸菩薩本授記品第四之六

今時上方過二十万百千世界有世界名妙華是中有佛号華敷日王如来今現在為四部衆說三乘法有一菩薩一名選擇自法攝取國土二名陀羅尼妙音是二菩薩俱白佛言世尊何因緣故而此大地六種震動有大光明雨種種華今時彼佛告二菩薩善男子下方過二十万百千世界有世界名刪提嵐有佛世尊号曰寶藏如来乃至佛世尊今現在與無量無邊諸菩薩等授阿耨多羅三藐三菩提記說諸國土開示諸佛所有世界莊嚴善願三昧境界陀羅尼門如是等經彼大會中有一大悲菩薩摩訶薩作如是願我今當以大悲熏心授阿耨多羅三藐三菩提記為諸菩薩摩訶薩故示現善願是以先令無量无邊諸菩薩等發大誓願取於種種莊嚴世界調伏衆生是菩薩所成

大悲於諸大衆無能及者於五濁世
調伏弊惡多煩惱者攝取一切五逆
之人乃至集聚諸不善根燒滅善心
彼諸大衆天龍鬼神人及非人不供
養佛悉共供養寂後成就大悲菩薩
頭四作礼礼已起立恭敬合掌說偈
讚歎是大悲菩薩在於佛前右膝著
地聽佛授記彼佛世尊即便微笑以
是因緣今此十方如一佛剎微塵等
世界地六種動放大光明雨種種華
惺悟一切諸菩薩等亦復示現諸菩
薩道彼佛世尊悉令十方如一佛剎
微塵數等諸菩薩衆皆共集會為如
是等諸大菩薩說諸三昧陀羅尼門
無畏法門是故彼佛示現如是種種
變化善男子時二菩薩聞是事已即
白佛言世尊是大悲菩薩發心已來
為經幾時行菩薩道復齊幾時何時
當於五濁惡世調伏攝取厚重煩惱
衆共鬪諍多作五逆成就一切諸不
善根燒滅善心如是衆生今時彼佛
告二菩薩善男子是大悲菩薩今日
初發阿耨多羅三藐三菩提心善男

子汝今可往見寶藏佛供養恭敬禮拜圍繞聽說三昧陀羅尼門無畏法門如是等經并見大悲菩薩摩訶薩汝以我聲作如是言華敷日王佛致意問評以此月光淨華作信與汝又讚汝言善哉善哉善男子汝初發心已能成就如是大悲汝今已有無量名稱遍滿十方如一佛剎微塵數等諸佛世界皆言大悲菩薩始初發心已能成就如是大悲是故善男子我今讚汝善哉善哉復次善男子汝為當來諸菩薩等成就大悲故說是大悲不斷善願堅立法幢是故復讚言善哉善哉復次善男子汝之名稱未來世住當如一佛剎微塵數等阿僧祇劫教百十億無量無邊阿僧祇衆生安止令住阿耨多羅三藐三菩提至於佛所得不退轉或發善願或取淨土攝取衆生隨願而調伏復令未來得受阿耨多羅三藐三菩提記如是衆生於未來世過如一佛剎微塵數等劫當於十方如一佛剎微塵數等諸世界中得成阿耨多羅三藐三

菩提轉正法輪復當讚汝是故以此
三讚歎法讚歎於汝善哉善哉善男
子尔時彼土有無量億菩薩異口同
聲作如是言世尊我等欲往刪提嵐
界見寶藏佛礼拜供養恭敬圍繞聽
諸三昧陀羅尼門無畏法門并欲見
於大悲菩薩尔時彼佛以此三讚歎
法及月光淨華與二菩薩而告之曰
宜知是時時二菩薩於彼佛所取此
寶華并與無量億菩薩衆如一念頃
沒彼世界忽然來到刪提嵐界閻浮
國中見寶藏佛頭面作礼尔時世界
諸大菩薩修習大乘及發緣覺聲聞
乘者天龍鬼神摩睺羅伽如是等類
其數無量不可稱計譬如甘蔗竹筴
稻麻藁林遍滿其國以諸菩薩所得
種種師子遊戲供養於佛供養佛已
見寶海梵志為此大衆所共恭敬合
掌讚歎見是事已即便思惟今此大
士或當即是大悲菩薩是故能令華
敷日王如來送此寶華是二菩薩復
於佛前旋向梵志即以華與作如是
言華敷日王如來以此妙華與汝為

信并三讚法如上所說善男子尔時
所雨種種諸華亦到無佛世界復出
種種妙善音聲其聲遍滿所謂佛聲
法聲比丘僧聲滅盡聲无所有聲諸
波羅蜜聲力無所畏聲六神通聲無
所作聲無生滅聲寂靜聲大慈聲大
悲聲無生忍聲授記聲說大乘聲彼
有菩薩以本願故有大神力修習深
法而得自在為衆生故住彼世界聞
是聲已以佛力故以願力故以三昧
力於彼世界乘神通力如大力士屈
申辟傾至刪提嵐界閭浮園中寶藏
佛所頭面礼足以諸菩薩所得種種
師子遊戲供養於佛及諸大衆次第
而坐聽受妙法善男子尔時寶海梵
志取此月光淨華供養寶藏如来已
白佛言世尊惟願如来與我授阿耨
多羅三藐三菩提記善男子尔時寶
藏如来即入三昧其三昧名電燈以
三昧力故令刪提嵐界一切山樹草
木土地變為七寶令諸大衆悉得自
見皆於佛前聽受妙法隨所思惟或
自見身青色黃色白色紫色赤色黑

色或見似風或見似火或見似空或見似熱時之炎或見似水或似水沫或似大山或似梵天或似帝釋或見似華或似迦樓羅或見似龍或似師子或似日月或似星宿或見似鳥或似野狐在佛前坐聽受妙法隨時思惟各自見身如是相貌善男子如是衆生隨所思惟復見自身同寶藏佛身等無差別是諸大衆在於佛前尋見梵志坐於千葉七寶蓮華一切大衆處地虛空若坐若立一一衆生各自見見寶藏如來獨坐其前獨為說法惟我獨見善男子今時寶藏如來讚寶海梵志言善哉善哉大悲淨行汝為無量元邊衆生起此大悲能大利益於世間中作大光明梵志辟如成就華田有種種色種種香種種觸種種葉種種莖種種根種種功德諸藥所須皆悉成就或有蓮華滿百千由旬光明妙香亦與華等或有縱廣一百或有縱廣二百或有縱廣三百由旬光明妙香亦與華等有華乃至如一天下光明妙香亦等無差別衆生之類或有盲

者聞此華香即得見色韻者聞聲乃至一切諸根不具即得具足若有衆生四百四病或動發時聞此華香病即除愈若有顛狂放逸狂癡睡眠心乱失念聞此華香皆得一心是華田中亦生分陀利華其華堅牢猶如金剛琉璃為莖臺有百子純金為葉馬瑙為鞞赤真珠為鬘華高八十四億由旬周匝縱廣十萬由旬是華所有色香觸等遍滿十方如一佛刹微塵數等諸佛世界其中衆生或有四大不調適者疾病困篤諸根羸損顛狂放逸狂癡睡眠心乱失念見華光明及聞其香一切所患各各除愈皆得一心若彼衆生適命終已及身未壞光明來觸香氣來熏尋得命根還起如本與諸親屬共遊園觀以所五欲共相娛樂若必命終不生餘處生於梵天在彼久住壽命无量梵志是蓮華田者即是此會之大衆也譬如日出衆華開敷如佛日出增益長養妙香光明為諸衆生斷除諸苦善男子我今如日出現於世令諸衆生善根華敷有

微妙香光明遍照能除衆生種種諸病即是如來出現於世以大悲光明遍覆一切令諸衆生善根開敷增益安住於三福處也汝善男子所化無量無邊阿僧祇衆生令住阿耨多羅三藐三菩提至我所者是諸衆生各自自發種種善願取佛世界或淨不淨我已隨其所願授記善男子若有菩薩在於我前願取淨土以清淨心善自調伏種諸善根攝取衆生者雖謂菩薩猶非猛健大丈夫也非是菩薩深重大悲為衆生故求阿耨多羅三藐三菩提若有取於淨佛土者即是菩薩捨離大悲又復不願離二乘者如是菩薩無巧便慧善平等心若有菩薩作是誓願令我世界遠離聲聞辟支佛乘滅不善根无諸女人及三惡道成阿耨多羅三藐三菩提已純以菩薩摩訶薩等為大眷屬純說無上大乘之法壽命無量久住於世經無數劫純為善心調伏白淨成善根者說微妙法如是之人雖謂菩薩非大士也何以故以無巧便平等智

故善男子。今時寶藏如來。申金色臂。其五指頭放大光明。其光明有種種無量百千諸色。遍照西方過無量无边。阿僧祇世界。有世界名曰大拍。彼土人民壽三十歲。面色醜陋。形貌可惡。成就一切諸不善根。身長六尺。彼中有佛号大光明如來。應正遍知。明行足。善逝。世間解。無上士。調御丈夫。天人師。佛世尊。今現在為四部衆說三乘法。善男子。今時大衆悉得遙見彼佛世尊。及諸大衆。時寶藏佛告諸大衆。彼大光明佛於過去無量无边阿僧祇劫。實蓋光明佛所初發阿耨多羅三藐三菩提心。今時亦勸無量无边億那由他衆生安止住於无上道中。隨心所願。取於種種莊嚴世界。或淨不淨。取五濁惡世。是大光明佛亦勸我發心安止。住於阿耨多羅三藐三菩提。今時我於寶蓋光明佛所勸發莊嚴願於此五濁惡世。成阿耨多羅三藐三菩提。今時彼佛讚我善哉。善哉。即便授我阿耨多羅三藐三菩提記。我於今時有是善知識。故勸我。

阿耨多羅三藐三菩提彼善知識勝妙丈夫取此重惡五濁之世多諸煩惱不淨國土所有衆生行於惡逆乃至成就諸不善根燒滅善心宛轉生死空曠澤中所願調伏如是衆生介時是善丈夫十方無量無邊諸佛世界所有諸佛各各遣使至是人所稱揚讚歎即為作号名為大悲日月光明彼大悲日月光明即是我之善知識也作大利益於大指世界成佛未久為此短命諸惡人等轉正法輪彼佛初成阿耨多羅三藐三菩提時十方無量無邊諸佛各各遣使至彼佛所為供養恭敬尊重讚歎故是諸世尊皆是往昔大光明佛之所勸化初令安住檀波羅蜜乃至般若波羅蜜是諸世尊以知恩故遣諸菩薩致是供養梵志汝今見不是諸世尊各各處於清淨世界壽命無量終為善心調伏白淨成善根者作於佛事是大光明佛處斯穢惡不淨世界五濁惡世成阿耨多羅三藐三菩提所有衆生多作逆罪乃至成就諸不善根壽命

短促能於是中增益長壽無量佛事
不捨聲聞辟支佛乘為諸衆生說三
乘法汝是丈夫一切大衆所不及也
所作勝妙甚難誓願取不淨土五濁
惡世人多作逆乃至成就諸不善根
調伏攝取如是衆生善男子若有菩
薩取清淨佛世界離三惡道及聲聞緣
覺攝取調伏善心白淨成就善根如
是衆生是名菩薩譬如餘華也非謂
大菩薩如分陀利華以於善心調伏
衆生種諸善根作佛事故梵志今聽
菩薩四法懈怠何等四一者願取清
淨世界二者願於善心調伏白淨衆
中施作佛事三者願成佛已不說聲
聞辟支佛法四者願成佛已壽命無
量是名菩薩四法懈怠是謂菩薩譬
喻餘華非謂菩薩如分陀利梵志於
此大衆惟除一人婆由比細取不淨
世界調伏攝護多煩惱者於賢劫中
或有菩薩取不淨土梵志菩薩有四
法精進何等四一者願取不淨世界
二者於不淨人中施作佛事三者成
佛已三乘說法四者成佛已得中壽

命不長不短是名菩薩四法精進是
謂菩薩如分施利非如餘華是名菩
薩摩訶薩梵志汝今於此無量無邊
阿僧祇菩薩大衆華田之中發願授
記汝於佛前已生大悲分施利故攝
取多逆成就一切諸不善根五濁惡
世而於是中隨調伏之汝以大悲音
聲故能令十方如一佛刹微塵等諸
佛世尊還信稱讚稱讚已号汝為成
就大悲復令此大衆供養於汝又汝
大悲於未來世過一恒河沙等阿僧
祇劫入第二恒河沙等阿僧祇劫後
分娑婆世界賢劫中人壽百二十歲
為老病死之所經縛黑闇世中无所
師諮聚集一切諸不善根行於邪道
入煩惱河專作五逆毀壞正法誹謗
聖人犯四重禁餘如上說於如是等
煩惱亂世當成為佛如來應正遍知
明行足善逝世間解無上士調御丈
夫天人師佛世尊離生死輪轉正法
輪破壞四魔尔時有大名聲十方遍
滿無量無邊諸佛世界有聲聞大衆
千二百五十次第於四十五歲中成

就如是無量佛事如汝所願具足無缺是无量淨王成佛時壽命无量雖於無量无边劫中亦能成就如是佛事等无老别汝善丈夫般涅槃後正法住世滿一千歲正法滅已汝諸舍利如汝所願作於佛事久久在世利益衆生如上所說善男子尔時會中有一梵志名相具足作如是言善大丈夫若於來世無量无边阿僧祇劫為菩薩時在在生處我當為汝常作侍使恒以慈心奉給所須至一生時復當作父汝成佛已作大檀越亦當授我無上道記時有海神名曰調意復作是言善大丈夫從今已往在在之處乃至一生願我常當為汝作母汝成佛已亦當授我無上道記有二帝釋一名善念二名寶念復作是言善大丈夫汝成佛已我等當作智慧神足聲聞弟子復有帝釋名善見足作如是言大悲從今已往在在之處乃至一生常為汝子有須弥

山神名善樂華復作是言大悲汝乃至一生常為汝婦成佛道已亦當授我無上道記復有阿修羅王名胷臆行復作是言大悲於無量無邊阿僧祇劫為菩薩時乃至一生於其中間我當為汝僮僕給使奉諸所安汝成阿耨多羅三藐三菩提已轉正法輪我初解法得於實果服甘露味乃至得斷一切煩惱成阿羅漢尔時復有一恒河沙等天龍鬼神阿修羅迦樓羅人非人等向大悲菩薩作是誓願善大丈夫要當調伏教化我等尔時有一裸形梵志名乱想可畏復作是言善大丈夫汝於無量無邊阿僧祇劫行菩薩道時我當從汝求索所須常至汝所乞求衣服牀榻卧具房舍屋宅為馬車乘國城妻子頭目髓腦皮肉手脚耳鼻舌身善大丈夫我當為汝作佐助因令汝滿足檀波羅蜜乃至般若波羅蜜大悲梵志如是等行菩薩道時我當勸汝令得具足六波羅蜜汝成佛已願作弟子當從汝聞八万法聚聞已即能辯說法相說

法相已汝當授我無上道記善男子
爾時梵志聞是事已即礼佛足便告
裸形梵志言善哉善哉汝真是我無
上道伴汝於無量无邊百千万億阿
僧祇劫常至我所乞索所須所謂衣
服乃至舌身我於尔時以清淨心捨
諸所有布施於汝汝於是時亦無罪
分善男子尔時大悲菩薩摩訶薩復
作是言世尊我於無量无邊百千万
億阿僧祇劫在在生處為菩薩時有
諸乞士在我前住若求飲食或以軟
語或以惡言或輕毀訾或真實言世
尊我於尔時乃至不生一念惡心若
生瞋恚如彈拍頃以施因緣求將來
報者我即欺誑十方世界無量无邊
阿僧祇現在諸佛於未來世亦當必
定不成阿耨多羅三藐三菩提世尊
我今當以歡喜之心施於乞者願令
受者無諸損益於諸善根亦無留難
乃至一毫若我令彼受者有一毫損
益善根留難者則為欺誑十方世界
無量无邊阿僧祇等現在諸佛若誑
諸佛者則當必墮阿鼻地獄不能歡

喜施與衣服飲食若彼乞者或以軟語或麁惡言或輕毀訾或真實言求索如是頭目髓腦世尊若我是時心不歡喜乃至生於一念瞋恚以此施緣求果報者則為欺誑十方世界无量無邊現在諸佛以是因緣必定墮於阿鼻地獄如檀波羅蜜說乃至般若波羅蜜亦如是善男子尔時寶藏如來即便讚歎寶海梵志善哉善哉善能安止大悲心故作是誓願善男子尔時一切大衆諸天龍鬼神人及非人合掌讚言善哉善哉善能安止大悲心故作是誓願得大名稱堅固行於六和之法充足利益一切衆生善男子如裸形梵志作誓願時復有八万四千人亦同梵志所發誓願善男子尔時大悲菩薩摩訶薩復共如是八万四千人同作誓願心生歡喜合掌四顧遍觀大衆作如是言未曾有也未來之世正法滅時多諸煩惱五濁惡世我於是中放大光明作調御師於黑闇世然正法燈若諸衆生無有救護无有勢力無佛示導我今

初發菩提心時已得如是等無上道
伴是等諸人願令世世從我受此頭
目髓腦皮肉骨血手足耳鼻舌身乃
至衣服飲食善男子今時寶海梵志
白佛言世尊若未來之世無量无邊
百千万億阿僧祇劫如是衆生來至
我所受我所施頭目髓腦乃至飲食
如一毛分已我成阿耨多羅三藐三
菩提已若不脫生死不得授記於三
乘者我則欺誑十方世界無量无邊
現在諸佛必定不成阿耨多羅三藐
三菩提善男子今時寶藏如來復重
讚歎大悲菩薩善哉善哉善大丈夫
汝能如是行菩薩道譬如往昔須弥
山寶菩薩在世間光明佛前初發如
是菩提之心作是誓願亦行如是菩
薩之道過一恒河沙等阿僧祇劫東
方去此百千億佛世界彼有世界名
光明智熾人壽百歲於中成佛号智
華无垢堅菩提尊王如來應正遍知
明行足善逝世間解無上士調御丈
夫天人師佛世尊住世說法四十五
年作於佛事今時佛告大悲菩薩彼

佛般涅槃後正法住世滿一千歲正
法滅已像法住世亦一千歲大悲彼
佛世尊若在世若涅槃正法像法於此
中間有諸比丘及比丘尼非法毀戒
行於邪道斷法供養無慚无愧或斷
招提僧物斷現前僧衣服飲食卧具
醫藥取衆僧物以為己有自用與人
及與在家者善男子如是等人彼佛
世尊皆與授記於三乘中大悲彼如
來所若有出家著袈裟者皆得授記
不退三乘若有比丘比丘尼優婆塞
優婆夷犯四重禁彼佛於此起世尊
想種諸善根亦與授記不退三乘善
男子今時大悲菩薩摩訶薩復作是
言世尊我今所願行菩薩道時若有
衆生我要勸化令安止住檀波羅蜜
乃至般若波羅蜜乃至勸化令住如
一毛端善根乃至成阿耨多羅三藐
三菩提若不安止乃至一衆生於三
乘中今退轉者則為欺誑十方世界
無量无邊阿僧祇等現在諸佛必定
不成阿耨多羅三藐三菩提世尊我
成佛已若有衆生入我法中出家著

袈裟者或犯重戒或行邪見若於三寶輕毀不信集諸重罪比丘比丘尼優婆塞優婆夷若於一念中生恭敬心尊重世尊或於法僧世尊如是衆生乃至一人不於三乘得授記剎而退轉者則為欺誑十方世界無量无边阿僧祇等現在諸佛必定不成阿耨多羅三藐三菩提世尊我成佛已諸天龍鬼神人及非人若能於此著袈裟者恭敬供養尊重讚歎其人若得見此袈裟少分即得不退於三乘中若有衆生為飢渴所逼若貧窮鬼神下賤諸人乃至餓鬼衆生若得袈裟少分乃至四寸其人即得飲食充足隨其所願疾得成就若有衆生共相違反起怨賊想展轉鬭諍若諸天龍鬼神龍鬼神阿修羅迦樓羅緊那羅摩睺羅伽拘辦荼毗舍遮人及非人共鬭諍時念此袈裟尋生悲心柔軟之心無怨賊心寂滅之心調伏善心有人若在兵甲鬭訟斷事之中持此袈裟少分至此輩中為自護故供養恭敬尊重是諸人等无能侵毀觸

燒輕弄常得勝他過此諸難世尊若
我袈裟不能成就如是五事聖功德
者則為欺誑十方世界無量無邊阿
僧祇等現在諸佛未來不應成阿耨
多羅三藐三菩提作佛事也沒失善
法必定不能破壞外道善男子今時
寶藏如來伸金色右臂摩大悲菩薩
頂讚言善哉善哉大丈夫汝所言者
是大珍寶是大賢善汝成阿耨多羅
三藐三菩提已是袈裟衣服能成就
此五聖功德作大利益善男子今時
大悲菩薩摩訶薩聞佛稱讚已心生
歡喜踊躍無量因佛伸此金色之臂
長指合縵其手柔軟猶如天衣摩其
頭已其身即變狀如童子二十歲人
善男子彼會大眾天龍鬼神輒闍婆
人及非人叉手恭敬向大悲菩薩供
養散種種華乃至技樂而供養之復
種種讚歎讚歎已默然而住
悲華經檀波羅蜜品第五之一

善男子今時大悲菩薩頭面禮敬寶
藏如來禮佛足已在於佛前白佛言
世尊所言諸三昧門助菩提法清淨

門經齊幾名為諸三昧門助菩提法
清淨門經云何菩薩無畏莊嚴具足
於忍善男子今時彼佛讚大悲菩薩
言善哉善哉大悲汝今所問甚奇甚
特即是珍寶能大利益無量無邊諸
菩薩等何以故大悲汝能問佛如是
大事大悲汝今諦聽諦聽若有善男
子善女人修行大乘有首楞嚴三昧
入是三昧能入一切諸三昧中有寶
印三昧入是三昧能印諸三昧有師
子遊戲三昧入是三昧於諸三昧能
照諸三昧有幢相三昧入是三昧能
持諸三昧幢有出一切法性三昧入
是三昧能出一切三昧有觀印三昧
入是三昧能觀一切三昧頂有離法
界三昧入是三昧能分別諸三昧有
離幢相三昧入是三昧能持一切諸
三昧幢有金剛三昧入是三昧能令
一切三昧不可破壞有諸法印三昧
入是三昧能印一切法有三昧王善
住三昧入是三昧於諸三昧安住如
王有放光三昧入是三昧能放光明

照諸三昧有力進三昧入是三昧於
諸三昧增進自在有正出三昧入是
三昧能正出諸三昧有辯辯三昧入
是三昧悉解一切無量音聲有語言
三昧入是三昧能入一切諸語言中
有觀方三昧入是三昧悉能遍觀諸
三昧方有一切法三昧入是三昧能
破一切法有持印三昧入是三昧持
諸三昧印有入一切法寂靜三昧入
是三昧令一切三昧入於寂靜有不
失三昧入是三昧不忘一切三昧有
一切法不動三昧入是三昧令一切
三昧不動有親近一切法海印三昧
入是三昧攝取親近一切三昧有一
切無我三昧入是三昧令諸三昧无
有生滅有遍覆虛空三昧入是三昧
遍覆一切三昧有不斷一切法三昧
入是三昧持諸三昧令不斷絕有金
剛場三昧入是三昧能治一切諸三
昧場有一切法一味三昧入是三昧
能持一切法一味有離樂愛三昧入
是三昧離一切煩惱及助煩惱有一
切法無生三昧入是三昧示一切三

昧無生元滅有光明三昧入是三昧
能照一切三昧令其熾明有不滅一
切法三昧入是三昧不求一分別一
切三昧有不求三昧入是三昧不求
一切諸法有不住三昧入是三昧於
諸法中不住法界有虛空憶想三昧
入是三昧令諸三昧皆是虛空見其
真實有無心三昧入是三昧能於一
切諸三昧中滅心心數法有色無邊
三昧入是三昧於一切三昧中色無
邊光明有淨燈三昧入是三昧於一
切三昧中能作燈明有一切法元邊
三昧入是三昧於諸三昧悉能示現
無量智慧有電無邊三昧入是三昧
於諸三昧示現智慧有一切光明三
昧入是三昧於諸三昧示現三昧門
光明有諸界無邊三昧入是三昧於
諸三昧示現元量無邊智慧有白淨
堅固三昧入是三昧於諸三昧得空
定有須弥山空三昧入是三昧於諸
三昧示現虛空有无垢光明三昧入
是三昧於諸三昧除諸垢穢有一切
法中無畏三昧入是三昧於諸三昧

示現无畏有樂樂三昧入是三昧於
諸三昧悉得樂樂有一切法正遊戲
三昧入是三昧於諸三昧示現无有
一切諸色有放電光三昧入是三昧
於諸三昧示現放光有一切法安止
無垢三昧入是三昧於諸三昧示現
无垢智慧有無盡三昧入是三昧於
諸三昧示現非盡非不盡有一切法
不可思議清淨三昧入是三昧於諸
三昧示現如鏡中像等不可思議有
大光三昧入是三昧於諸三昧令智
慧熾然有離盡三昧入是三昧於諸
三昧示現不盡有不動三昧入是三
昧於諸法中不動不受無有輕戲有
增益三昧入是三昧於諸三昧悉見
增益有日燈三昧入是三昧於諸三
昧放光明門有月无垢三昧入是三
昧於諸三昧作月光明有白淨光明
三昧入是三昧於諸三昧得四種辯
有作不作三昧入是三昧於諸三昧
作與不作示現智相有金剛三昧入
是三昧悉得通達一切諸法乃至不
見如微塵等障碍有住心三昧入是

三昧其心不動不受苦樂不見光明
無有瞋恚於此心中亦復不見此是
心想有遍照三昧入是三昧於諸三
昧見一切明有善住三昧入是三昧
於諸三昧善能得住有寶山三昧入
是三昧見諸三昧猶如寶山有勝法
印三昧入是三昧能印諸三昧有順
法性三昧入是三昧見一切法悉皆
隨順有離樂三昧入是三昧於一切
法得離樂著有法炬三昧入是三昧
除諸法闇有法雨三昧入是三昧於
諸三昧能雨法雨破壞著有等言
語三昧入是三昧於諸法中悉得眼
目有離語言三昧入是三昧於諸法
中乃至無有一言有斷緣三昧入是
三昧斷諸法緣有不作三昧入是三
昧於諸法中不見作者有淨性三昧
入是三昧見一切法自性清淨有無
障碍三昧入是三昧於諸法中无有
障碍有離網三昧入是三昧見諸三
昧足離於高下有集聚一切功德三
昧入是三昧離一切法集有正住三
昧入是三昧於諸法中不見有心及

心數法有覺三昧入是三昧即能覺
悟一切諸法有念分別三昧入是三
昧於諸法中得無量辯有淨智覺三
昧入是三昧於一切法得等非等有
智相三昧入是三昧能出三界有智
斷三昧入是三昧見諸法斷有智雨
三昧入是三昧得一切法雨有無依
三昧入是三昧於諸法中不見依止
有大莊嚴三昧入是三昧於諸法中
不見法幢有行三昧入是三昧能見
諸法志寂靜行有一切行離一切有
三昧入是三昧於諸法中通達解了
有俗言三昧入是三昧能解俗言有
辯語言無字三昧入是三昧於諸法
中悉得解了無有語言有智炬三昧
入是三昧於諸法中能作照明有智
勝相吼三昧入是三昧於諸法中示
現淨相有通智相三昧入是三昧於
諸法中悉見智相有成就一切行三
昧入是三昧於諸法中成就一切行
有離苦樂三昧入是三昧於諸法中
無所依止有无盡行三昧入是三昧
見諸法無盡有陀羅尼三昧入是三

悲光經第八卷第三十七張
昧於諸三昧能持法相不見邪正有

無憎愛三昧入是三昧於諸法中不
見憎愛有淨光三昧入是三昧於有
為法不見是垢有堅牢三昧入是三
昧不見諸法有不堅牢有滿月淨光
三昧入是三昧志能具足成就功德
有大莊嚴三昧入是三昧於諸三昧
悉見成就無量莊嚴有一切世光明
三昧入是三昧於諸三昧以智照明
有一切等照三昧入是三昧於諸三
昧悉得一心有淨无淨三昧入是三
昧於諸三昧不見淨不淨有元宅三
昧入是三昧不見諸三昧舍宅有如
舍三昧入是三昧於諸法中不見作
與不作有無身三昧入是三昧於諸
法中不見有身諸菩薩得如是等諸
三昧門口業清淨如虛空於諸法中
不見口業猶如虛空无有障碍大悲
是名修學大乘菩薩摩訶薩諸三
昧門

悲華經卷第八

壬寅歲高麗國大藏都監奉

勅彫造

悲華經卷第九

駒

北凉天竺三藏曇無讖譯

檀波羅蜜品第五之二

善男子云何菩薩摩訶薩助菩提法
清淨之門善男子布施即是助菩提
法化衆生故持戒即是助菩提法具
足善願故忍辱即是助菩提法具足
三十二相八十隨形好故精進即是
助菩提法於諸衆生勤教化故禪定
即是助菩提法令心具足得調伏故
智慧即是助菩提法具足能知諸煩
惱故多聞即是助菩提法於諸法中
具無尋故一切功德即是助菩提法一
切衆生得具足故智業即是助菩提
法得具足無尋智故修定即是助菩
提法悉得成就柔順心故慧業即是
助菩提法遠離一切諸疑惑故慈心
即是助菩提法於諸衆生心无尋故
悲心即是助菩提法拔出衆生諸苦
故喜心即是助菩提法受樂法故捨
心即是助菩提法斷憎愛故聽法即
是助菩提法斷五蓋故出世即是助

菩提法捨諸所有故阿蘭若即是助
菩提法離諸念務故專念即是助菩
提法得陀羅尼故正憶即是助菩提
法分別意識故思惟即是助菩提法
於諸法中得成就義故念處即是助
菩提法身受心法覺分別故正勤即
是助菩提法斷不善法修善法故如
意足即是助菩提法身心輕利故諸
根即是助菩提法得一切衆生根具
足故諸力即是助菩提法具足能壞
諸煩惱故諸覺即是助菩提法於諸
法中具足覺知實法相故正道即是
助菩提法遠離一切諸邪道故聖諦
即是助菩提法斷滅一切諸煩惱故
四辯即是助菩提法得斷衆生諸疑
惑故緣念即是助菩提法不從他聞
得智慧故善友即是助菩提法一切
功德特成就故發心即是助菩提法
成就不誑諸衆生故用意即是助菩
提法出一切法故專心即是助菩提
法增益善法故思惟善法即是助菩
提法隨所聞法得成就故攝取即是
助菩提法成就教化諸衆生故護持

正法即是助菩提法令三寶種不斷
絕故善願即是助菩提法成就嚴淨
佛世界故方便即是助菩提法速得
成就一切智故善男子是名菩薩摩
訶薩助菩提法清淨門經善男子今
時寶藏如來四顧遍觀菩薩大衆告
大悲言大悲云何菩薩以無所畏莊
嚴瓔珞具足於忍善男子若菩薩見
第一義得无癡精進不著三界若不
著三界是謂三昧无畏沙門之法如
空中動手志無所著又觀諸法不見
相貌大悲是名菩薩摩訶薩以無所
畏莊嚴瓔珞善男子云何菩薩具足
於忍如是菩薩住於法時不見諸法
如微塵相貌逆順觀行於諸法中解
无果報於所習慈了無有我於所習
悲了無衆生於所習喜了无有命於
所習捨了無有人雖行布施不見施
物雖行持戒不見淨心雖行忍辱不
見衆生雖行精進無離欲心雖行禪
定無除惡心雖行智慧心无所行雖
行念處不見思惟雖行正勤不見心
之生滅雖行如意足不見無量心雖

行於信不見無障尋心雖行於念不見心得自在雖行於定不見入定心雖行於慧不見慧根雖行諸力无所破壞雖行諸覺心無分別雖行正道不見諸法雖行定業不見心之寂靜雖行慧業不見心之所行雖行聖諦不見通達法相雖修念佛不見无量行心雖修念法心等法界雖修念僧心無所住教化衆生心得清淨雖持正法於諸法界心不分別雖修淨土其心平等猶如虛空雖修相好心無諸相雖得忍辱心無所有雖住不退常自不見退與不退雖行道場解了三界無有異相雖壞諸魔乃是利益无量衆生雖行菩提觀諸法空無菩提心雖轉法輪於一切法無轉无還雖復亦現大般涅槃於生死中心等無異是名菩薩具足於忍說是法時有六十四億菩薩摩訶薩從十方來至耆闍崛山釋迦牟尼佛所聽此本緣三昧助菩提法清淨門經聞是法已得無生忍今時釋迦牟尼佛告諸大衆汝今當知寶藏如來於往古世說

是法時有四十八恒河沙等菩薩摩訶薩得無生忍四天下微塵數等菩薩摩訶薩住不退轉地一恒河沙等菩薩摩訶薩得此本緣三昧助菩提法清淨門經善男子今時大悲菩薩聞是法已心生歡喜即得變身其狀猶如年二十人追隨如來猶影隨形善男子今時轉輪聖王及其千子八万四千小王九十二億人悉共出家奉持禁戒修學多聞忍辱三昧勤行精進善男子今時大悲菩薩摩訶薩漸漸從佛誥受聲聞所有八万四千法聚緣覺所有九万法聚受持諷誦悉令通利大乘法藏身念處中十万法聚受念處中十万法聚心念處中十万法聚法念處中十万法聚悉皆受持讀誦通利十八界中十万法聚十二入中十万法聚斷除貪欲十万法聚斷除瞋恚十万法聚斷除愚癡十万法聚三昧解脫十万法聚諸力無畏不共之法十万法聚如是等十億法聚皆悉受持讀誦通利善男子其後彼佛入般涅槃今時大悲菩薩

摩訶薩以無量无邊種種諸華末香
塗香寶幢幡蓋瓊寶妓樂而以供養
以種種香積以為積闍維其身收取
舍利起七寶塔高五由旬縱廣正等
滿一由旬於七日中復以種種無量
无邊華香妓樂寶幢幡蓋而供養之
尔時復令無量无邊衆生安止住於
三乘法中善男子大悲菩薩過七日
已與八万四千人俱共出家剃除鬚
髮著漆袈裟於寶藏佛般涅槃後隨
順等心熾然正法滿十千歲復令無
量无邊阿僧祇衆生安止住於三乘
法中及三歸依五戒八齋沙弥十戒
次第具足大僧淨行復更勸化無量
百千万億衆生安止住於神通方便
四無量行令觀五陰猶如怨賊觀於
諸入如空聚落觀有為法從因緣生
勸化衆生令得知見觀一切法如鏡
中像如熱時炎如水中月於諸法中
皆知無我无生無滅第一寂靜微妙
涅槃復令無量无邊衆生安止住於
八聖道中作如是等大利益已即便
命終尋時復有無量无邊百千諸人

以種種供養供養大悲比丘舍利其
所供養悉如轉輪聖王之法如是大
衆種種供養大悲舍利亦復如是大
悲比丘命終之日寶藏如來所有正
法即於其日滅盡無餘彼諸菩薩以
本願故生諸佛土或生兜術人中龍
中或夜叉中或阿修羅生於種種畜
生之中善男子大悲比丘命終之後
以本願故南方去此十千佛土有佛
世界名曰歡喜彼中人民壽八十歲
集聚一切諸不善根意為殺害安住
諸惡於諸衆生無慈悲心不孝父母
乃至不畏未來之世大悲比丘以本
願故生彼世界旃陀羅家所受身體
長大端正力勢剛強威猛勇健專念
問答辯才捷疾如是諸事悉勝於人
以強力勢逼捉諸人作如是言汝今
若能受不盜戒乃至遠離種種邪見
行正見者當施汝命給汝所須資產
之物令無所乏若不受者我今要當
斷汝命根然後乃去尔時諸人長跪
叉手作如是言仁者今已為我調御
如仁所勅我今授持盡其壽命不復

偷盜乃至正見亦復如是。今時強力
旃陀羅往至王所，或大臣所作如是。
言：「我今困乏，資產之具，所謂飲食醫
藥衣服，卧具香華，金銀錢貨，真珠玩
璃珂貝，璧玉珊瑚，虎珀，真寶，偽寶，若
我得此種種物，已持施衆生。」今時國
王大臣，即與種種所須之物，令其充
足。時旃陀羅因其施，故安止。此王及
其大臣，住九善中。今時人民，增益壽
命，滿五百歲。其王命終，諸大臣等，以
旃陀羅紹繼王位。因為作字號，功德
力善男子。今時功德力王，不久王一
國土，復以力故，王二國土。如是不久，
乃至得作轉輪聖王。王閻浮提，然後
教化一切衆生，安止。令住不殺生戒，
乃至正見，亦復如是。隨諸衆生心所
志樂，勸化，令住於三乘中。今時功德
力王教化閻浮提內無量衆生，於十
善道及三乘中，已於閻浮提內大聲
唱言：「若有乞求欲須，食飲乃至欲得
種種珍寶，悉來至此。我當給施。」是時
閻浮提內一切乞士聞是唱，已悉來
集會。時功德力王種種隨意給施，所

須皆令滿足。今時有一丘軋子名曰
灰音。往至王所而作是言。王今所作
種種大施。以求無上正真之道。我今
所須。王當與我。令得滿足。王於來世
當熾然法燈時。王問言。卿何所須。彼
人答言。我誦持呪術。欲得與彼阿修
羅鬪。怖其破壞。自得勝利。是故白王。
如是事耳。所可須者。未死之人皮之
與眼。今時大王聞是語已。如是思惟。
我今得是無量勢力。轉輪聖王已得
安止。無量衆生住於十善。及三乘中。
復作无量無邊大施。此善知識欲令
我以不堅牢身。賀堅牢身。今時大王
便作是言。汝今可生歡喜之心。我今
以此凡夫肉眼。布施於汝。以是緣故。
令我来世得清淨慧眼。以歡喜心。剝
皮施汝。復以是緣。令我成阿耨多羅
三藐三菩提。已得金色身。善男子。今
時功德力。王以其右手。挑取二目。施
丘軋子。血流汙面而作是言。諸天龍
神。乾闥婆。阿修羅。迦樓羅。緊那羅。摩
睺羅伽。人非人等。若在虛空。若在地
者。悉聽我言。我今所施。皆為無上善。

提之道白淨涅脛度諸衆生於四流

水令得安止住於涅脛復作是言若

我必定成阿耨多羅三藐三菩提者

雖作是事所有命根不應斷壞不失

正命不應生悔令屈軋子所作呪術

便得成就復作是言汝今可來剝取

我皮善男子時屈軋子即持利刀剝

取王皮却後七日所作呪術悉得成

就尔時大王於七日中其命未終不

失正念雖受是苦乃至一念不生悔

心善男子汝今當知尔時大悲菩薩

者豈異人乎莫作是觀則我身是於

過去世實歲佛所初發阿耨多羅三

藐三菩提心初發心已勸化無量无

邊衆生於阿耨多羅三藐三菩提善

男子是我軍初勇健精進尔時我以

本願力故命終生於歡樂世界旃陀

羅家是我第二勇健精進我生旃陀

羅家教化衆生於善法中以自力勢

乃至得作轉輪聖王滅閻浮提闔諍

穢濁令得寂靜增長壽命是我初始

捨於身皮及以眼目善男子我以願

故於彼命終復還來生歡喜世界旃

陀羅家乃至得作轉輪聖王以大勢力安止衆生於善法中於彼世界復得除滅怨賊鬪諍穢濁之事令諸衆生增益壽命我於今時始捨舌耳於彼三千大千世界一一天下作如是等大利益已以願力故精進堅牢如是次第復於如是一恒河沙等五濁惡世作大利益安止衆生住於善法及三乘中滅除怨賊鬪諍穢濁善男子其餘他方清淨世界所有諸佛本行阿耨多羅三藐三菩提時不說他過不爲他人說麤惡言不以力勢示現恐怖不勸衆生於聲聞乘辟支佛乘是故諸佛具滿成就阿耨多羅三藐三菩提已得此清淨妙好世界無諸罪名无有受戒耳終不聞麤惡之言無不善聲常聞法聲離於一切不適意聲於諸衆生而得自在无有聲聞辟支佛名善男子我於恒河沙等大劫如恒河沙等無佛國土五濁之世以麤惡言斷命因緣恐怖衆生然後勸令安住善法及三乘中是餘業故今得如是弊惡世界以不善音唱

滿世界是故今得不善衆生充滿世界說三乘法如我本願取佛世界調伏衆生其事如是我已如說精勤修集行菩提道是故今得種子相似佛之世界如我本願今得如是善男子今我略說往昔所行檀波羅蜜我行檀波羅蜜時過去諸菩薩行菩薩道時亦无有能行如是行未來之世行菩薩道亦無有能行如是行我為菩薩行檀波羅蜜時唯除過去八善丈夫第一菩薩名曰一地得在此南方一切過患國成阿耨多羅三藐三菩提号破煩惱光明如來應正遍知明行足善逝世間解無上士調御丈夫天人師佛世尊人壽百歲於中說法七日之後入般涅槃第二菩薩名精進清淨在此東方炎熾國土成阿耨多羅三藐三菩提号曰功德如來應正遍知明行足善逝世間解無上士調御丈夫天人師佛世尊人壽百歲於中說法作佛事已彼佛過一恒河沙等大劫已入無上涅槃其佛舍利乃至今日在無佛國作於佛事如我無

異第三菩薩名堅固華於諸三昧勤行精進以大力勢行於布施於當來世過十恒河沙等大劫在此北方歡樂世界成阿耨多羅三藐三菩提号断愛王如來應正遍知明行足善逝世間解無上士調御丈夫天人師佛世尊第四菩薩名曰慧熾攝取歡喜過一大劫在此西方可畏世界人壽百歲於中成阿耨多羅三藐三菩提号日藏光明無垢尊王如來應正遍知明行足善逝世間解無上士調御丈夫天人師佛世尊於今我前有二菩薩一名日光二名喜辟未來之世過於無量无边大劫在此上方灰霧國土劫名大乱五濁惡世多諸煩惱人壽五十歲日光菩薩以本願故於中成阿耨多羅三藐三菩提号不思議日光明如來應正遍知明行足善逝世間解無上士調御丈夫天人師佛世尊滿十歲中具足佛事而般涅槃即涅槃日正法亦滅其後十歲空過無佛人壽轉減至三十歲喜辟菩薩以本願故於中得成阿耨多羅三藐

三菩提号勝日光明如來應正遍知
明行足善逝世間解無上士調御文
夫天人師佛世尊彼佛世尊亦十歲
中具足佛事而般涅槃般涅槃已以
本願故正法住世滿七十歲時二菩
薩在於我前始得授阿耨多羅三藐
三菩提記以聞記故心生歡喜頭面
敬礼以歡喜故上昇虛空高七多羅
樹叉手向佛異口同音而說偈言

如來光明 殊於日月 能於惡世
演大智慧 調御自淨 無有垢穢
以妙論議 摧伏外道 我無量劫
修无相定 以求無上 勝妙菩提
供養諸佛 數如恒沙 而過去佛
不授我記 世尊離欲 心得解脫
於黑闇世 善為佛事 為諸失道
衆生說法 悉令得出 生死漂流
我今所願 於此自在 清淨佛法
出家修道 解脫淨戒 如說而行
定心觀佛 如影隨行 不為利養
但求正法 得聞法已 服甘露味
是故世尊 與我授記 於未來世
得無上道

善男子其餘二人故未發心已發心者一名日光二名喜辟先有四人一名地得二名精進淨三名堅固華四名慧熾攝取歡喜含有八人是六菩薩我初勸其令發阿耨多羅三藐三菩提心善男子汝今諦聽往昔因緣過去无量阿僧祇劫今時此界名無垢須弥人壽百歲有佛出世号香蓮華般涅槃後像法之中我於今時作大強力轉輪聖王号難沮壞王閻浮提千子具足我悉勸化令發阿耨多羅三藐三菩提心其後尋於香蓮華佛像法之中出家修道熾然增益佛之遺法唯除六子不肯出家發菩提心我於今時數數告言（娑）等今者欲何所求何以不發無上道心出家修道是時六子作如是言不應出家所以者何若於末世像法出家不能成就護持戒聚離聖七財以不護戒沒於生死汙泥之中墮三惡道不能得生天上人中以是因緣我等不能出家修道善男子我復重問（娑）等何以不發無上道心六子答言若能與我

閻浮提者然後我當發阿耨多羅三藐三菩提心善男子我聞是已心生歡喜作是思惟我今已化閻浮提人安置三歸受八戒齋住於三乘我今當分此閻浮提以為六分與此六子令其得發無上道心然後我當出家修道思惟是已如其所念分閻浮提即為六分賜與諸子尋便出家今時六王各相違戾不相承順互相抄掠攻伐鬪諍縛束枷鎖今時一切閻浮提內苗稼不登人民飢餓水雨不時諸樹枯悴不生華實藥草不生人民禽獸及諸飛鳥悉皆飢餓其身熾然猶如火聚我於今時復自思惟我今應當自捨已身肌體血肉以施衆生令其飽滿作是念已從其所住阿蘭若處至於人間中路有山名水愛護住是山上復作是願而說偈言
如我自捨 所有身命 為大悲心
不求果報 但為利益 諸天及人
願作肉山 給施衆生 我今所捨
妙色端嚴 不求帝釋 天魔梵王
但為利益 未來人天 以此血肉

施諸衆生 諸天龍神 人及非人

住山林者 今聽我言 為諸衆生

我起大悲 自以血肉 而給施之

善男子我於今時作是願已諸天搔

撓大地諸山須弥大海皆六種動人

天大衆發聲悲號今時我於水愛護

山自投其身以願力故即成肉山高

一由旬縱廣正等亦一由旬是時人

民飛鳥禽獸始於是時噉肉飲血以

本願故於夜中分增益廣大其身乃

至高千由旬縱廣正等亦千由旬其

邊自然而生人頭髮毛眼耳鼻口脣

舌具足而有彼諸頭中各各有聲而

唱是言諸衆生等各各自恣隨意取

用飲血噉肉取頭目耳鼻脣舌齒等

皆令滿足然後悉發阿耨多羅三藐

三菩提心或發聲聞辟支佛心卿等

當知如是之物悉不可盡食之易消

不夭壽命有明智者食肉飲血取其

頭目耳鼻舌者或發聲聞辟支佛乘

或發阿耨多羅三藐三菩提心或求

天上人中富樂以本願故身无損咸

乃至万歲閻浮提內人及鬼神飛鳥

禽獸皆悉充足於萬歲中所施目如一恒河沙所施血如四大海水所捨肉如千須彌山所捨舌如大鐵圍山所捨耳如純陀羅山所捨鼻如毗富羅山所捨齒如耆闍崛山所捨身皮猶如三千大千世界所有地等善男子汝今當知我於往昔萬歲之中所捨無量無邊阿僧祇身一壽命中自以血肉給施如是無量無邊阿僧祇衆生悉令飽足乃至一念不生悔心我於今時復作是言若我必定成阿耨多羅三藐三菩提所願成就得已利者我今於此一閻浮提萬歲之中自以血肉給施一切無量衆生如是一恒河沙等萬歲遍滿於此無垢須彌三千大千世界作血肉山一一天下於萬歲中自以血肉頭目耳等給施衆生所謂天龍鬼神人及非人一切畜生若在虛空及因地者乃至餓鬼悉令滿足然後勸化安置住於三乘法中若遍於此一佛世界滿足衆生已復至十方如一恒河沙等五濁惡世復給血肉頭目耳等給施衆生悉

今充足如是如一恒河沙等大劫之中為衆生故自捨身命以施衆生若我所願不成不得已利者即便欺誑十方世界無量无边諸佛世尊為諸衆生轉法輪者必定不成阿耨多羅三藐三菩提住於生死畢竟不聞佛聲法聲比丘僧聲波羅蜜聲力元畏聲乃至一切諸善根聲若我不能成就捨身布施充足諸衆生者常墮阿鼻地獄善男子我於往昔如是所願皆悉成就於一天下捨身血肉給施衆生悉令飽滿如是次第遍滿十方如恒河沙等諸佛世界捨身血肉給施衆生悉令滿足善男子汝今當知我於今時為檀波羅蜜捨身布施如是次第施於眼目其聚滿此閻浮提內高至忉利天善男子是名如來略說捨身檀波羅蜜復次善男子如是復過無量无边阿僧祇劫今時此界轉名月電亦五濁世我於今時作轉輪聖王王閻浮提号燈光明亦教無量无边阿僧祇人安止住於諸善法中亦如上說作是事已遊在園林

觀看土地見有一人身被束縛我即問言此何所犯大臣白言諸有田作所得穀麥應為六分一分入官是人
不順王法不肯輸送是故被縛我於
尔時即勅令放從今已後不須強取
大臣答言是人民中乃至無有一人
生歡喜心以義送之今諸王子後宮
眷屬貴人姝女諸所資用飲食之具
一切皆從他邊強取無有一人清淨
心與我聞是已心大憂愁即自思惟
此閻浮提當持與誰尔時我有五百
諸子先已令發無上道心當分此地
為五百分等與諸子我當出家至阿
蘭若處修諸仙法學梵淨行思惟是
已尋分此地為五百分等與諸子即
便出家至南海邊鬱頭摩樹大林之
中食諸果子漸漸修學得五神通善
男子時閻浮提有五百商人入於大
海欲採珍寶有一商主名曰滿月此
人先世福德緣故得如所願至於寶
渚多取種種諸珍寶已即欲發引還
閻浮提尔時海神高聲涕哭多有諸
龍心懷瞋恚欲害商人有一龍王名

曰馬堅是大菩薩以本願故生於龍
中起發悲心救護諸商令得安隱過
於大海至彼岸邊龍王然後還本住
處尔時復有大惡羅刹隨逐商人如
影隨形欲為虐害是惡羅刹即於其
日放大惡風時諸商人迷悶失道生
大怖畏失聲號哭稱喚諸天摩醯首
羅水神地神火神風神復稱父母妻
子眷屬願救濟我善男子我於尔時
以淨天耳聞其音聲尋往其所以柔
熨音而慰撫之莫生怖畏當示汝道
令汝安隱還閻浮提善男子我於尔
時白疊縛辟以油灌之然以為炬發
真實言我先以於鬱頭摩林三十年中
專精修行四無量心為諸衆生食噉
果子勸化八万四千諸龍夜叉神等
不退轉於阿耨多羅三藐三菩提以
是善根因緣今然此辟為示道故今是
諸商安隱得還閻浮提中然辟乃至
七日七夜此諸商人尋便安隱還閻
浮提善男子我於尔時復作善願若
閻浮提無諸珍寶若我必成阿耨多
羅三藐三菩提得已利者當作商主

於一一天下七返雨寶復入大寶庫
如意珠於一一天下復雨種種雜廁
寶物如是次第遍此世界乃至十方
無量無邊阿僧祇諸世界中亦復如
是善男子我於往昔諸所發願皆悉
成就如恒河沙等大劫中常作無上
薩薄之主於恒河沙等五濁惡世雨
種種珍寶一日之中七返雨之如是
利益無量衆生悉令珍寶得滿足已
然後勸化安止令住於三乘中善男
子汝今當知即是如來捨諸珍寶為
得諸相善根因緣復次善男子如是
復過無量無邊阿僧祇劫此佛世界
轉名為網劫名知具足其世五濁人
民壽命滿五萬歲以本願故生閻浮
提婆羅門家字日須香讀誦外典闡
陀章句尔時衆生多著常見爭共鬪
諍起怨賊想我於尔時以強力勢為
諸衆生說五受陰猶如怨家說十二
入如空聚落說十二緣其性生滅開
示分別阿耨婆那令其修學復作是
言仁等今者可發無上菩提之心所
作善相應生迴向我於是時自然而

得五通神仙。尔時復有無量无边阿
僧。祇人受我教。故悉得五通。復有无
量无边衆生。遠離閻諍。滅除恚憎。出
家入山。食果。蘇子。晝夜修集。四无量
心。是劫欲盡。是諸人等各各分散。遊
閻浮提。教化衆生。令離閻諍。除滅恚
憎。悉使寂靜。或有水旱暴風。惡雨。皆
令除滅。其地禾粟五穀成熟。食噉滋
味。以劫欲盡。衆生復為種種病苦之
所纏惱。善男子。我於尔時尋復思惟。
若我不能除衆生病。我則不成阿耨
多羅三藐三菩提。為諸衆生。斷除煩
惱。我今當以何等方便。除衆生病。唯
有聚集一切大衆。釋天梵天。四天王
等。及諸天仙。龍仙人。仙。問諸醫方。合
集諸草。種種呪術。以療衆病。思惟是
已。即以神力。至釋天梵天。四天大王
及諸天神。龍人仙。所作如是言。有毗
陀山。願諸仁等。皆共來集。尔時大衆
聞是言已。皆悉集聚。既集。聚已。皆共
誦持毗陀呪術。以是力故。能却一切
諸惡鬼神。擁護衆生。復修醫方。能治
疾癰風寒。冷熱。以是因緣。令無量无
邊阿僧祇人。離諸苦惱。善男子。我於

尔時復更作願若我已為此一天下
無量衆生作智慧光安止住於三乘
法中閉三惡門通天人路除諸痛苦
令得歡喜復次第為無量无边阿僧
祇人作智慧光乃至歡樂以是善根
因緣果報故令我所願皆得成就逮
得已利如我已為此一天下無量无
邊阿僧祇人閉三惡道通天人路為
諸病者請諸天龍神仙之人集毗羅
山修毗陀呪今無量无边阿僧祇人
悉得離病受於快樂如是遍滿此網
世界利益一切在在處處无量衆生
安住三乘閉三惡道通天人路復為
如是世界病者請諸天龍神仙之人
集毗羅山修毗陀呪今此世界無量
无边阿僧祇人悉得離病受於快樂
如此世界乃至十方如恒河沙五濁
惡世亦復如是善男子我於尔時在
網世界乃至十方如恒河沙五濁惡
世諸所作願皆得成就善男子汝今
當知即是如來為菩薩時增益智慧
修菩薩道是名如來愛護三業善根
種子

癸卯歲高麗國大藏都監奉
勅彫造

悲華經卷第十

駒

北涼天竺三藏曇無讖譯

檀波羅蜜品第五之三

佛告寂意菩薩善男子其後復過無量無邊阿僧祇劫此界轉名選擇諸惡尔時大劫名善等蓋世亦五濁東方去此五十四天下彼間淨提名盧婆羅以願力故生於彼中作轉輪聖王主四天下号虛空淨教諸衆生安住十善及三乘中我於尔時布施一切無所分別是時多有無量乞兒來從我乞種種珍寶金銀琉璃頗梨錢貨青琉璃珠大青琉璃火珠摩尼所有珍寶少不足言乞者無量我於是時即問大臣如是珍寶從何處生大臣答言是諸龍王之所示現雖有此寶惟供聖王不能廣及如是乞者我於尔時作大誓願若我未來於五濁中厚重煩惱人壽百歲必定成阿耨多羅三藐三菩提所願成就得已利者作大龍王示現種種珍寶之藏於此選擇諸惡世界在在處處四天下

中於一一天下七返受身一一身中
示現無量百千万億那由他等珍寶
之藏一一寶藏縱廣正等一千由旬
各各充滿種種珍寶如上所說給施
衆生如我在此一世界中精勤用意
如是次第遍十方如恒河沙等五濁
惡世無佛國土於一一佛土一天
下七返受身乃至如上所說善男子
我作如是善願尔時天人有百千億
在虛空中雨種種華而讚我言善哉
善哉一切布施汝今已得如心所願
善男子尔時大衆聞虛空淨王諸天
作字号一切施聞是事已各各相謂
我等今者應往乞求難捨之物若能
捨者可得名為一切布施如其不能
何得稱為一切施也是時諸人各各
從王乞索後宮夫人嫫女及兒息等
時轉輪王聞是事已心大歡喜隨其
所索悉皆與之是時諸人復更相謂
如是妻子皆是易捨非難事也今當
從王乞身支節若能捨者真可得名
能捨一切尔時諸人往大王所於是
衆中有乞兒字青光明受持狗戒向

轉輪王作如是言大王若是一切施者唯願施我此閻浮提我時聞已心大歡喜尋以香水洗浴其人令著柔軟上妙衣服以水灌頂紹聖王位持閻浮提即以施之復作是願如我以此閻浮提施是因緣故成阿耨多羅三藐三菩提所願成就得已利者是閻浮提所有人民皆當承順奉敬此人以為王者復令此人壽命無量作轉輪王我成阿耨多羅三藐三菩提已當與授記一生當得補佛之處有婆羅門名曰盧志復來從我乞其兩足我聞是已心生歡喜即持利刀自斷二足持以施之施已發願願我來世具足當得無上戒足有婆羅門名曰牙復來從我乞索二目我聞是已心生歡喜即挑二目持以與之施已發願願我來世當得具足無上五眼未久之間有婆羅門名淨堅牢復來從我乞索二耳我聞是已心生歡喜尋自割耳持以施之施已發願願我來世當得具足無上智耳未久之間有居士名想復來從我乞索男根

我聞是已心生歡喜尋即自割持以施之施已發願願我來世成阿耨多羅三藐三菩提得馬藏相未久之間復有人來從我乞索其身血肉我聞是已心生歡喜即便施之施已發願願我來世具足無上金色之相未久之間有婆羅門名曰蜜味復來從我求索二手我聞是已心生歡喜右手持刀尋斷左手作如是言今此右手不能自割卿自取之作是施已復發願言願我來世具足當得無上信手善男子我截如是諸支節已其身血流復作願言因此施故必定成阿耨多羅三藐三菩提所願成就得已利者其餘身分重得受者今時非聖不知思義諸小王等及諸大臣皆作是言咄哉愚人如何自割身體支節令諸自在一旦衰滅其餘肉搏復何所直是時大臣即持我身送著城外曠野^社間各還所止時有無量蚊蠅蠅等啖食我血狐狼野干鵲鷲之屬悉來噉肉我於今時命未斷間心生歡喜復作願言如我捨於一切自在及

諸支節乃至一念不生瞋恚及悔恨
心若我所願成就得已利者當令此
身作大肉山有諸飲血獸肉衆生恚
來至此隨意飲噉作是願已尋有衆
生恚來食噉奉願力故其身轉大高
千由旬縱廣正等五百由旬滿千歲
中以此血肉給施衆生我於尔時所
捨舌根令諸虎狼鷄梟鵠鷲食之飽
足以願力故復生如本假當聚集如
耆闍崛山作是施已復作是願願我
來世具足得成廣長舌相善男子我
時命終在閻浮提以本願故生於龍
中作大龍王名示現實藏即於生夜
示現百千億那由他種種寶藏自宣
令言今是分中多有寶藏其中具足
諸珍異物金銀乃至摩尼寶珠是諸
衆生聞是唱已各各自恣取諸寶物
隨意所用用已具足行十善道發阿
耨多羅三藐三菩提心或發聲聞辟
支佛心我於尔時在龍王中七返受
身壽命七万七千億那由他百千歲
示現無量无邊阿僧祇寶藏與諸衆
生尔時安住無量无邊阿僧祇人於

三乘中勸令具足行十善道以種種無量珍寶滿衆生已復發願言願我來世具足當得三十二相如是第二天亦復七生作大龍王乃至遍滿選擇世界在在處處諸四天下悉作如是無量利益乃至十方無量无邊無佛世界一一佛界一一天下亦復七生作大龍王壽命七万七千億那由他百千歲示現如是無量无邊阿僧祇寶藏亦復如是善男子汝今當知是謂如來為菩薩時深重精進求三十二相之因緣也善男子如來為菩薩時所行精進除上八人過去世中更無能及若過去無者當知未來諸菩薩等亦復不能如是勤行深重精進如我所行善男子復過無量无边阿僧祇劫此界轉名珊瑚池劫名華手是時無佛其世五濁我於是中作釋提桓因名善日光明觀閻浮提見諸衆生轉行惡法我時即化為夜叉像其形可畏下閻浮提住諸人前諸人見我皆生怖畏而問我言欲何所須願速說之我時答言唯須飲食

更無所須其人復問欲食何等我復
答言唯然於人噉其血肉汝等若能
盡其形壽持不煞戒乃至正見發阿
耨多羅三藐三菩提心若發聲聞緣
覺心者我即不復食噉汝等善男子
我於今時常作化人以供食飲今
時衆生見我如是倍生怖畏悉皆盡
形受不煞戒乃至正見或發阿耨多
羅三藐三菩提心或發聲聞辟支佛
心我勸如是閻浮提內一切衆生修
行十善住三乘已復作誓願若我必
成阿耨多羅三藐三菩提所願成就
得已利者復當勸此四天下人令行
十善道乃至遍滿此之世界在在處
處四天下中以如是相貌令諸衆生
行十善道勸化發於三乘之心如是
遍滿一世界已乃至十方無量無邊
阿僧祇等五濁惡世無佛國土亦復
如是善男子我於今時發是願已一
切成就於珊瑚池世界化作可畏夜
叉之像調伏衆生令住十善及三乘
中如是遍於十方無量無邊阿僧祇
等五濁惡世無佛國土作夜叉像調

伏衆生令行十善住三乘中我於往
昔恐怖衆生令行十善住三乘中以
是業因緣故今得坐於菩提樹下欲
成阿耨多羅三藐三菩提時天魔波
旬與諸大衆來至我所欲得壞亂我
菩提道善男子略說我為菩薩之時
檀波羅蜜善男子諸大菩薩甚深法
忍微妙摠持解脫三昧我於尔時悉
未得之唯除二身有漏五通我於尔
時作此大事令無量无边阿僧祇人
安止住於阿耨多羅三藐三菩提無
量无边阿僧祇人安止住於辟支佛
乘無量无边阿僧祇人安止住於聲
聞乘中况復兼得供養諸佛如一佛
世界微塵數等一一佛邊所得功德
數如大海諸水滂等供養無量聲聞
緣覺師長父母五通神仙亦復如是
如我昔者為菩薩時自以血肉供給
衆生如是大悲今諸羅漢悉無是心
悲華經入定三昧門品第六

尔時佛告寂意菩薩摩訶薩言善男
子如我今者以佛眼見十方世界如
一佛土微塵等諸佛世尊般涅槃者

皆悉是我昔所勸化初發阿耨多羅三藐三菩提心行檀波羅蜜乃至般若波羅蜜者未來之世亦復如是善男子我今見此東方世界無量無邊阿僧祇等諸佛世尊今現在世轉正法輪亦是我昔初勸令發阿耨多羅三藐三菩提心行六波羅蜜者南西北方四維上下亦復如是善男子東方去此八十九億諸佛世界彼有世界名曰善華是中有佛号無垢功德光明王如來應正遍知明行足善逝世間解無上士調御丈夫天人師佛世尊今現在為衆生說法彼佛亦是我昔所勸初發阿耨多羅三藐三菩提心令行檀波羅蜜乃至般若波羅蜜東方復有妙樂世界是中有佛号阿閼如來復有閼浮世界是中有佛号日藏如來復有世界名樂自在是中有佛号樂自在音光明如來復有世界名曰安樂是中有佛号智日如來復有世界名勝功德是中有佛号龍自在如來復有世界名善相是中有佛号金剛稱如來復有世界名江海

王是中有佛号光明如来復有世界
名不愛樂是中有佛号日藏如来復
有世界名離垢光明是中有佛号自在
攝如来復有世界名山光明是中有佛
号不可思議王如来復有世界名聚集
是中有佛号大功德藏如来復有世界
名華光明是中有佛号光明意相如来
復有世界名和熾盛是中有佛号安和
自在見山王如来復有世界名善地是
中有佛号知像如来復有世界名曰華
晝是中有佛号眼淨無垢如来善男
子如是東方無量无邊阿僧祇等現
在諸佛為諸衆生轉法輪者未發無
上菩提心時我初勸其令發阿耨多
羅三藐三菩提心又復引導將至十
方在在處處佛世尊所隨所至處處修
行安止檀波羅蜜乃至般若波羅蜜
使得授阿耨多羅三藐三菩提記尔
時東方善華世界无垢功德光明王
佛師子之座及其大地六種震動有
大光明雨於種種妙寶蓮花彼諸菩
薩見是事已心生驚疑恠未曾有即
白佛言世尊何因緣故如来之座如

是震動我等昔來未曾見是其佛即
告諸菩薩言善男子西方去此八十
九億諸佛世界彼有國土名曰娑婆
是中有一佛名釋迦牟尼如來今現在
為四部眾說本緣法彼佛世尊為菩
薩時初勸化我發阿耨多羅三藐三
菩提心復引導我至諸佛所初令我
行檀波羅蜜乃至般若波羅蜜我於
今時隨所至處即得初受阿耨多羅
三藐三菩提記彼佛世尊釋迦牟尼
即是我之真音知識今在西方處在
大眾為諸四部說本緣經是彼如來
神足力故今我所坐師子座動善男
子汝等今者誰能至彼娑婆世界問
評彼佛起居輕利時諸菩薩各白佛
言世尊此善華世界諸菩薩等皆得
神通於諸菩薩功德自在今日清旦
見是大光其光悉從諸佛世界來至
於此大地時時六種震動而種種華
見是事已有無量百千萬億諸菩薩
等欲以神力往娑婆世界見釋迦牟
尼佛供養恭敬尊重讚歎并欲諮受
解了一切陀羅尼門然各不知娑婆

世界釋迦牟尼所在方面彼佛尋伺
金色右臂於五指頭放於種種微妙
光明其光即照八十九億諸佛國土
至娑婆世界時諸菩薩因光得見娑
婆世界有諸菩薩摩訶薩等充滿側
塞復有諸天龍神輒闍婆阿修羅迦
樓羅緊那羅摩睺羅伽等滿虛空中
見是事已白佛言世尊我今已得見
彼世界知其方面并見菩薩諸天大
衆充滿其土間無空處釋迦如來不
觀我等說微妙法彼佛告諸菩薩大
士善男子釋迦如來恒以清淨無上
佛眼遍觀一切無不見者善男子娑
婆世界所有衆生在地處空一一皆
言釋迦如來獨觀我心為我說法善
男子彼釋迦如來以一音聲為諸種
種異類說法衆生各各隨類得解非以
異音為多人說彼土衆生或事梵天
見如來身為梵天像而得聞法若事
魔天釋天日月毗沙門天毗樓羅又
毗樓博叉提頭賴吒摩醯首羅如是
種類八万四千隨其所事各見其像
而得聞法生獨為想是時會中有二

菩薩一名羅睺電二名火光光明。今時无垢功德光明王佛告二菩薩善男子。汝今可往娑婆世界。汝持我聲問訊釋迦牟尼世尊。起居輕利氣力安不。時二菩薩即白佛言。世尊。我見彼佛一切世界大衆雲集在地虛空充滿側塞。其間無有空缺之處。若我等往當住何處。時佛告言。諸善男子。莫作是語言。彼世界无止住處。所以者何。彼所住處寬博無邊。彼佛所有无量功德不可思議。以本願故。悲心廣大。乃令無量諸衆生類入於佛法。受三歸。依然後為說三乘之法。復說三戒。示三脫門。復拔無量无边衆生於三惡道。安止令住三善道中。善男子。又一時中釋迦如來成無上道未久之間。為欲調伏諸衆生。故在毗陀山因臺娑婆羅窟。七日七夜結加趺坐三昧正受。入解脫樂。佛身今時遍滿是窟間。無空處。乃至四寸過七日已。十方世界有十二那由他菩薩摩訶薩。至娑婆世界住其山邊。欲見釋迦牟尼如來供養恭敬尊重讚歎。啓受妙法。

善男子。尔時如來於所住處。以大神足。令其窟舍寬博無量。悉得容受。十二那由他菩薩摩訶薩。諸菩薩等。既得入已。見其窟舍廣博嚴事。有諸菩薩。以師子遊戲自在。神足供養於佛。一一菩薩於化寶座而坐。聽法。善男子。彼佛神力其事如是。是諸菩薩得聞法已。尋從坐起。頭面禮佛。右遶三匝。各各還歸本佛世界。其去未久。窟還如故。彼四天下第二天主。釋提桓因。名憍尸迦。其命將終。必定當墮畜生道中。以是事故。心生恐懼。與八万四千諸忉利天俱共來下。詣因婆羅窟。欲見如來時。有夜。又名曰王眠。即其窟神在外而住。尔時帝釋以佛力故作是思惟。令我當使耆闍婆子般遮旬先至佛所。以妙音聲讚詠如來。當令世尊從三昧起。善男子。釋提桓因思惟是已。即令耆闍婆子般遮旬彈琉璃琴。以微妙音。其音別異。有五。百種。以讚如來。善男子。是般遮旬當讚佛時。尔時如來即復轉入相三昧中。以三昧力。故於此世界作大神力。令

諸夜叉羅刹乾闥婆阿修羅迦樓羅
緊那羅摩睺羅伽欲色界天悉來聚
集其中若有慧聞妙音隨意得聞心
大歡喜或有慧聞讚歎佛者聞讚歎
已心生歡喜於如來所轉生尊重恭
敬之心或有衆生慧聞樂音即得聞
之聞已歡喜尔時釋迦牟尼如來尋
從定起示諸大衆娑羅窟門釋提桓
因尋至佛所頭面礼足却住一面白
佛言世尊我於今者當坐何處時佛
報曰憍尸迦汝之眷屬但入聚集我
今當拓此娑羅窟令極寬博悉使容
受此十二恒河沙等大衆眷屬皆令
得坐尔時釋迦牟尼如來於大衆中
以一妙音敷演正法令八万四千諸
根衆生隨所樂聞衆中或有學聲聞
者聞聲聞法即有九十九億衆生得
須陀洹果若有修學緣覺乘者即便
得聞緣覺之法若有修學大乘法者
純聞大乘乾闥婆子般遮旬等上首
之衆十八那由他得不退轉於阿耨
多羅三藐三菩提未發心者或發無
上菩提之心或發緣覺或發聲聞尔

時釋提桓因恐怖即除增壽千歲得須陀洹果善男子釋迦如來以神力故能作如是廣博无邊說法音聲亦復如是亦無一人能尋彼佛音聲齊限彼佛方便無量无邊所化衆生無有能知如是方便善男子彼佛色身亦無量无邊無有人能得其身量見其頂者善男子如是大衆若欲得入彼佛腹中志亦容受既入腹已復有欲得其腹邊者無有是處然如來腹亦不增減若衆生類皆共和合欲往來者於一毛中悉無罣闕乃至天眼亦無能得一毛孔邊其毛孔亦不增不減彼佛世尊其身如是無量无邊善男子彼佛世界亦無量无邊善男子假使十方如一恒河沙等世界所有衆生入彼世界亦得容受何以故彼佛初發菩提心時所作誓願無量无边善男子置是一恒河沙等世界衆生乃至十方千恒河沙等世界衆生入彼世界亦得容受如其本相不增不減善男子釋迦如來初發無上菩提心時欲得具足一切智故發大誓願

是故今者所得世界無量无邊善男子釋迦牟尼以是四法諸佛世尊所不能及善男子汝今持此月光明無垢淨華往於西方如目所見娑婆世界并持我聲問訊彼佛起居輕利氣力安不尔時無垢功德光明王佛取月光無垢淨華與二菩薩而告之曰汝今垂我大神通力往彼世界尔時會中有二万菩薩白佛言世尊如是如是我等今當乘佛神力往彼世界見釋迦如來供養恭敬尊重讚歎彼佛告曰善男子汝等宜知是時時二菩薩與二万大士乘佛神力發善華界一念之頃忽然來到娑婆世界耆闍崛山在如來前長跪叉手前白佛言世尊東方去此八十九億佛之世界彼有世界名曰善華是中有佛号無垢功德光明王佛今現在與諸菩薩摩訶薩等大眾圍繞讚歎世尊無量功德作如是言娑婆世界有釋迦牟尼如來今現在為諸大眾轉正法輪彼佛世尊為菩薩時初勸化我發菩提心以是因緣我於尔時尋得發

於無上道心我發心已復勸修集六
波羅蜜乃至如來以是四法諸佛世
尊所不能及是故彼佛以此月光明
無垢淨華供養世尊問訊如來起居
輕利氣力安不善男子東方妙樂世
界阿閼如來所坐之處師子之座亦
六種動亦有無量諸大菩薩見是事
已白佛言世尊何因緣故如來所坐
師子座處如是震動如上所說一切
東方亦復如是尔時東方無量无邊
阿僧祇等諸大菩薩皆來到此娑婆
世界悉持月光明無垢淨華見佛供
養恭敬尊重讚歎善男子如是東方
無量諸佛皆遣諸菩薩稱讚於我善
男子我今見此南方去此世界過一
恒河沙等諸佛國土彼有世界名離
諸憂是中有佛号无憂功德如來今
現在說法復有世界名閻浮光明是
中有佛号法自在師子遊戲如來彼
有世界名安湏弥是中有佛号遊自
在娑羅王如來復有世界名功德護
王是中有佛号師子吼王如來復有
世界名珍寶莊嚴是中有佛号

勝雷如來復有世界名真珠光明遍
照是中有佛号珍寶藏功德吼如來
復有世界名天月是中有佛号火藏
如來復有世界名梅檀根是中有佛
号星宿稱如來復有世界名曰稱香
是中有佛号功德力娑羅王如來復
有世界名曰善釋是中有佛号妙音
自在如來復有世界名頭蘭若是中
有佛号娑羅勝毗婆王如來復有世
界名月自在是中有佛号光明自在
如來復有世界名善雷音是中有佛
号妙音自在如來復有世界名寶和
合是中有佛号寶掌龍王如來復有
世界名垂寶樹是中有佛号雨音自
在法月光明如來如是南方無量无
邊阿僧祇等現在諸佛志是我昔為
菩薩時初可勸發善提心者是諸世尊
然于摩訶亦皆震動彼諸佛等亦各
讚歎我之功德亦遣無量无邊阿僧
祇等諸大菩薩持月光明無垢淨華
來供養我此娑婆世界耆闍崛山見佛
供養恭敬尊重讚歎却坐一面
此善男子我今復見西方去

此七万七千百千由旬佛之世界彼
有世界名寂靜是中有佛号曰寶山
今現在為諸四眾說微妙法復有勝
光無憂佛音智藏佛稱廣佛遍藏佛
梵華勢進佛法燈勇佛勝音山佛稱
音王佛梵音王佛如是西方無量无
邊阿僧祇等諸佛世尊亦是我昔為
菩薩時初可勸發菩提心者是諸世
尊師子之座亦皆震動彼諸佛等亦
各讚歎我之功德亦遣無量无邊阿
僧祇等諸大菩薩持月光明無垢寶
華志來至此娑婆世界耆闍崛山見
佛礼拜供養恭敬尊重讚歎却坐一
面次第聽法東北去此百千那由他
佛世界彼有世界名無垢是中有佛
号離熱惱增毗沙門娑羅王如來有
二菩薩一名寶山二名光明觀復有
壞諸魔佛娑羅王佛大力光明佛蓮
華增佛栴檀佛彌樓王佛堅沉水佛
大智大力佛如是無量諸佛如來乃
至北方四維上下皆亦如是尔時釋
迦牟尼如來以大神力為欲容受如
是眾故即一一變來會者身極令微

細如亭歷子娑婆世界虛空及地滿側塞間無空處乃至一毛時諸衆生各不相見亦復不見大小諸山須彌山王大小鐵圍二國中間幽室之處及上諸天所有宮殿下至不見金剛地際唯除一人佛世尊也今時釋迦牟尼如來復入遍虛空斷諸決定意三昧令此無量月光淨華悉入一切身諸毛孔一切大衆悉皆自見今時衆生都不憶念佛色身相唯見毛孔有妙園觀其園觀中有諸寶樹其樹復有種種莖葉華果茂盛種種寶衣天幡幢蓋天冠寶飾真珠瓔珞所有莊嚴辟如西方安樂世界是諸大衆見是事已復作思惟今我當往遊觀彼園今時唯除三惡衆生及無色天其餘所有一切大衆皆從毛孔入如來身處園而坐今時如來還捨神足時諸大衆各各還得如本相見各相謂言如來今者為在何處今時彌勒菩薩告諸大衆汝等當知我今與汝等志在如來身分之中今時大衆即見如來身之内外尋自覺知與無

大眾集聚共處如來身中復相謂

我等為從何處得入誰將導我令

入是中弥勒菩薩復告之曰諦聽諦

聽如來今者現大神通變化之力復

為利益我等大眾將欲說法仁等今

當一心專念尔時大眾聞是語已長

跪合掌受教而聽尔時世尊以一切

行門而演說法何等名為一切行門

出生死淤泥入八聖道具足成就得

一切智善男子有十專心發於菩提

能入是門何等為十一者欲令眾生

悉得解脫迴向隨喜故二者發大悲

心攝眾生故三者欲度未度精勤修

治無上法船故四者欲解未解者莊

嚴觀脫於虛妄顛倒故五者欲師子吼

無所畏怖莊嚴觀於諸法性无我故

六者欲隨所到一切世界心無分別

善學諸法同十喻故七者欲得光明

莊嚴世界修治戒聚令清淨故八者

成就莊嚴如來十力具足一切波羅

蜜故九者成就莊嚴四無所畏如說

而作故十者莊嚴十八不共之法隨

所聞法悉得無餘不放逸故名十

法專心發於无上菩提則能入是一
切行門即得不退無上菩提無相行
門智道行門一切法無我心無思惟
不生不滅是名菩薩不退轉地以是
故非退非不退非斷非常非定非亂
說是法時如來腹內八十億恒河沙
等菩薩摩訶薩得不退轉於阿耨多
羅三藐三菩提不可數菩薩摩訶薩
得諸三昧甚深法忍悉從如來身毛
孔出心大驚怖歎未曾有即於佛前
頭面著地為佛作礼起已忽然各還
十方本佛世界復聞釋迦牟尼如來
所演音聲過十方無量无边阿僧祇
等諸佛世界無諸障閼是諸菩薩雖
還彼界續聞如來所演音教章句義
味無所减少如在佛前近聽无異身
亦如是遍諸十方無量世界亦有無
量无边阿僧祇菩薩聲聞亦見毛孔
出入無尋如是第二乃至一切一一
毛孔出入無尋十方世界亦如是尔
時大衆從釋迦如來毛孔中出頭面
礼佛右繞三匝住於佛前以種種音
聲而讚歎佛尔時欲界色界諸天兩

種種華塗香末香幢幡瓔珞微妙技
樂供養如來。尔時會中有一菩薩名
無畏等地長跪叉手前白佛言。世尊
如是大經當名何等。云何奉持佛告
無畏等地菩薩。是經當名解了一切
陀羅尼門。亦名無量佛。亦名大衆亦
名授菩薩記。亦名四無所畏。出現於
世。亦名一切諸三昧門。亦名示現諸
佛世界。亦名猶如大海。亦名無量亦
名大悲蓮華。無畏等地菩薩摩訶薩
復白佛言。世尊。若有善男子善女人
受持是經。讀誦通利。為他人說。乃至
一偈。得幾所福。佛告無畏等地菩薩
我已先說所得福德。今當為汝更略
說之。善男子。善女人若有受持是經
讀誦通利。為他人說。乃至一偈。於後
五十歲中。乃至有能書寫一偈。所得功
德。勝諸菩薩十大劫中行六波羅蜜
何以故。諸天魔梵沙門婆羅門。夜叉
羅刹龍鬼閼婆阿修羅。迦樓羅緊那
羅摩睺羅伽拘辦荼餓鬼毗舍遮人
及非人。有瞋恚心者。聞是經已。即得
清淨柔軟歡喜。而離諸病。忿怒怨賊。

種種鬪諍消滅一切暴風惡雨病者
得愈飢渴者得飽滿受諸快樂和合
相順瞋恚之者能令忍辱怖畏者无
所畏怖受諸歡樂有煩惱者令離煩惱
能令善根一切增長能拔惡道所有
衆生能示三乘出要之路能得甚深
法忍三昧陀羅尼門能與衆生作大
利益能坐道場金剛之座能破四魔
能示一切助菩提法能轉法輪无聖
財者能令具足能令無量无边衆生
入無畏城以是因緣能持此經讀誦
通利爲他人說乃至一偈若後末世
五十歲中乃至有能書寫一偈得如
是等無量无边福德之聚是故我今
說如是經如是大經當付囑誰誰能
於後五十歲中護持是法誰能與諸
在在處處不退菩薩宣說令聞誰復
能爲行非法欲惡貪邪見不信善惡
有果報者演布是教令時大衆皆知
佛心於時有一大仙夜叉名無怨沸
宿坐於衆中令時弥勒菩薩摩訶薩
即從坐起將是夜叉至於佛所是時
如來告是夜叉大仙汝今當受是經

乃至末後五十歲中為不退菩薩乃
至不信善惡報者演布是教尔時夜
叉即白佛言我於過去八十四大劫
中以本願故作仙夜叉修行阿耨多羅
三藐三菩提尔時教化無量无边阿
僧祇人安止於四無量心復令無量
无边衆生不退轉於阿耨多羅三藐
三菩提世尊我今當為未來之世一
切衆生作擁護故於後末世五十歲
中受持是經乃至從他聞四句偈要
當讀誦悉令通利流布與人令不斷
絕佛說是經已寂意菩薩諸天大衆
乳闍婆等人及非人皆大歡喜頭面
作礼退坐而去

悲華經卷第十

壬寅歲高麗國大藏都監奉

勅彫造

大唐中興三藏聖教序

卷一

御製

蓋聞蒼蒼者天列星辰而著象茫茫者地奠川岳以成形仰觀天文既如彼也俯循地理又若斯焉夫以妙旨幽微名言之路攸絕真如湛寂性相之義都捐然則發啓心聳資法雷之激響獎導迷衆俟覺首以司方故知假名不壞於常名樂說乃詮於无說至若象外之象獨稱三界之尊天中之天爰著六通之聖法王利見孕育於七十二君梵帝乘時牢籠於萬八千歲周星閔彩言符降誕之徵漢日流祥載叶通神之夢故能威揚沙劫化被塵區玉毫舒耀而除昏金口弘宣而遣滯破煩惱之賊詐藉干戈壞生死之軍惟憑慧力闢圓明之界廣納於無邊開常樂之門普詠於有識縱使浮天欲浪境風息而俄澄漲日情塵法雨露而便廓歸依者銷殃而致福迴向者去危而獲安可謂巍巍乎其有成功蕩蕩乎而無能名者矣

但四生蠢蠢未悟无常六趣悠悠俱
纏有結詎知空花不實水月非堅馳
逐於五陰之中播遷於三界之域納
諸品彙終俟法門自白馬西來玄言
東被

世尊則隨類敷演衆生乃逐性開迷
馬鳴擅美於瓊編龍樹騰芳於寶偈
於是遙通震旦遠布閭浮半滿之教
區分大小之乘並驚澄安俊德接武
於勝場琳遠高人駢蹤於法宇遂使
微言著範歷千古而暢英聲至蹟流
規周十方而騰茂實頃屬後周膺運
大扇魔風遂使天下招提咸從毀廢
寰中法侶並混編氓嗟乎閨寂禪居
空留宴坐之處荒涼慧苑无復經行
之蹤爰洎開皇重將修建旋逢大業
又遇分崩鬼哭神吟山鳴海沸既遭
塗炭寧有伽藍正法消淪邪見增長
於是人迷覺路還迴於苦集之區俗
蔽真宗羈絆於蓋纏之內

我大唐之有天下也上凌巢燧俯視羲
軒三聖重光萬邦一統威加有截澤
被无垠掩坤絡以還淳旦軋維而獻款

并懸佛日重補梵天龍宮將八柱齊
安鷲嶺共五峯爭峻大弘釋教諒屬
皇朝者焉大福先寺翻經三藏法師
義淨者范陽人也俗姓張氏五代相
韓之後三台仕晉之前朱紫分輝貂
蟬合彩高祖為東齊郡守仁風逐扇
甘雨隨車化闡六條政行十部爰祖
及父俱厭俗榮放曠一丘逍遙三徑
含和體素養性恬神摘芝秀於東山
挹清流於南澗可謂幽尋丹嶠棲偃
白雲皐鶴於是吞聲場駒以之繫影
法師幼挺明晤夙彰聰敏纔踰髫髻
之歲心樂出家甫過遊洛之年志尋
西國業該經史學洞古今惣三藏之
本極明一乘之奧義既而閑居習靜
息慮安禪託彼山林遠茲塵累三十
有七方遂雅懷以咸亨二年行至廣
府發蹤結契數乃十人鼓棹昇航惟
存一已巡南溟以遐逝指西域以長
駘歷巖岫之千重凌波濤之万里漸
屆天竺次至王城

佛說法華靈峯尚在如來成道聖躅
仍留吠舍城中獻蓋之蹤不泯給孤

園內布金之地猶存三道寶階居然目覩八大靈塔邈矣親觀所經三十餘國凡歷二十餘載菩提樹下屢攀折以淹留阿耨池邊幾濯纓而澡鑒法師慈悲作室忍辱為衣長齋則一食自資長坐則六時無倦又古來翻譯之者莫不先出梵文後資漢譯蹠詞方憑於學者銓義別稟於僧徒今茲法師不如是矣既閑五天竺語又詳二諦幽宗譯義綴文咸由於已出指詞定理匪假於傍求超漢代之摩騰跨秦年之羅什所將梵本經僅四百部合五十萬頌金剛座真容一鋪舍利三百粒以證聖元年夏五月方屆都焉

則天大聖皇帝出震膺期乘軋握紀紹隆為務弘濟為心爰命百寮兼整四衆虹幡慧日鳳吹遏雲香散六銖花飄五色鏘鏘濟濟煒煒煌煌迎于上東之門置于授記之寺共于闡三藏及大福先寺寺主沙門復禮西崇福寺主法藏等翻華嚴經後至大福先寺與天竺三藏寶思末多及授記

寺主惠表沙門勝莊慈訓等譯根本
部律其大德等莫不四禪凝慮六度
冥懷懸法鑄於心臺朗戒珠於性海詞
林挺秀將覺樹而連芳慧炬揚輝澄
桂輪而合影渾金璞玉諒屬其人誠
梵宇之棟梁寔法門之龍象已翻諸雜
經律二百餘卷繕寫云畢尋並進內
其餘戒律諸論方俟後詮五篇之教
具明八法之因偕曉鵝珠尚護蟲命
無傷浮囊必取於不虧油鉢終期於靡
覆崇聖教之綱紀啓含生之耳目伏
願上資先聖長隆七廟之基下逮微躬
恒佐九天之命遵懷生於壽域致薄
俗於淳源歲稔時和遠安迺肅願以
萬機務愬四海事殷爰憑乙夜之餘
式贊弥天之德課虛扣寂聊題序云
金光明最勝王經卷第一

大唐三藏沙門義淨奉 制譯

序品第一

如是我聞一時薄伽梵在王舍城鷲
峯山頂於寂清淨甚深法界諸佛之
境如來所居與大苾芻衆九萬八千
人皆是阿羅漢能善調伏如大象王

諸漏已除無復煩惱心善解脫慧善
解脫所作已畢捨諸重擔逮得已利
盡諸有結得大自在住清淨戒善巧
方便智慧莊嚴證八解脫已到彼岸
其名曰具壽阿若憍陳如具壽阿說
侍多具壽婆濕波具壽摩訶那摩具
壽婆帝利迦大迦攝波優樓頻螺迦
攝伽耶迦攝那提迦攝舍利子大自
軋連惟阿難陀住於學地如是等諸
大聲聞各於晡時從定而起往詣佛
所頂禮佛足右遶三匝退坐一面
復有菩薩摩訶薩百千萬億人俱有
大威德如大龍王名稱普聞衆所知
識施戒清淨常樂奉持忍行精勤經
无量劫超諸靜慮繫念現前開闡慧
門善修方便自在遊戲微妙神通逮
得揔持辯才無盡斷諸煩惱累染皆
亡不久當成一切種智降魔軍衆而
擊法鼓制諸外道令起淨心轉妙法
輪度人天衆十方佛土悉已莊嚴六
趣有情无不蒙益成就大智具足大
忍住大慈悲心有大堅固力歷事諸
佛不般涅槃發弘誓心盡未來際廣

於佛所深種淨因於三世法悟無生
忍逾於二乘所行境界以大善巧化導
世間於大師教悉能敷演秘密之法甚
深空性皆已了知無復疑惑其名曰
无障昇轉法輪菩薩常發心轉法輪
菩薩常精進菩薩不休息菩薩慈氏
菩薩妙吉祥菩薩觀自在菩薩捻持
自在王菩薩大辯莊嚴王菩薩妙高
山王菩薩大海深王菩薩寶幢菩薩
大寶幢菩薩地藏菩薩虛空藏菩薩
寶手自在菩薩金剛手菩薩歡喜力
菩薩大法力菩薩大莊嚴光菩薩大
金光莊嚴菩薩淨戒菩薩常定菩薩
極清淨慧菩薩堅固精進菩薩心如
虛空菩薩不斷大願菩薩施藥菩薩
療諸煩惱病菩薩醫王菩薩歡喜高
王菩薩得上授記菩薩大雲淨光菩
薩大雲持法菩薩大雲名稱喜樂菩
薩大雲現無邊稱菩薩大雲師子吼
菩薩大雲牛王吼菩薩大雲吉祥菩
薩大雲寶德菩薩大雲日藏菩薩大
雲月藏菩薩大雲星光菩薩大雲火
光菩薩大雲電光菩薩大雲雷音菩

薩大雲慧雨充遍菩薩大雲清淨雨
王菩薩大雲花樹王菩薩大雲青蓮
花香菩薩大雲寶栴檀香清涼身菩
薩大雲除闇菩薩大雲破翳菩薩如
是等无量太菩薩衆各於晡時從定
而起往詣佛所頂禮佛足右遶三帀
退坐一面復有梨車毗童子五億八
千其名曰師子光童子師子慧童子
法授童子因陀羅授童子大光童子
大猛童子佛護童子法護童子僧護
童子金剛護童子虛空護童子虛空
吼童子寶藏童子吉祥妙藏童子如
是等人而為上首悉皆安住無上菩
提於大乘中深信歡喜各於晡時往
詣佛所頂禮佛足右遶三帀退坐一面
復有四万二千天子其名曰喜見天
子喜悅天子日光天子月騷天子明
慧天子虛空淨慧天子除煩惱天子
吉祥天子如是等天子而為上首皆發
弘願護持大乘紹隆正法能使不絕
各於晡時往詣佛所頂禮佛足右遶
三帀退坐一面

復有二万八千龍王蓮華龍王警羅

藥龍王大力龍王大吼龍王小波龍王持駛水龍王金面龍王如意龍王如是等龍王而為上首於大乘法常樂受持發深信心稱揚擁護各於晡時往詣佛所頂禮佛足右遶三匝退坐一面

復有三万六千諸藥又眾毗沙門天王而為上首其名曰菴婆藥又持菴婆藥又蓮花光藏藥又蓮花面藥又藥藥又現大怖藥又動地藥又吞食藥又是等藥又悉皆愛樂如來正法深心護持不生疲懈各於晡時往詣佛所頂禮佛足右遶三匝退坐一面復有四万九千揭路荼王香象勢力王而為上首及餘健闍婆阿蘇羅緊那羅莫呼洛伽等山林河海一切神仙并諸大國所有王眾中宮后妃淨信男女人天大眾悉皆雲集成願擁護無上大乘讀誦受持書寫流布各於晡時往詣佛所頂禮佛足右遶三匝退坐一面如是等聲聞菩薩人天大眾龍神八部既雲集已各各至心合掌恭敬瞻仰尊容目未曾捨願樂

欲聞殊勝妙法。爾時薄伽梵於日晡時從定而起。觀察大眾而說頌曰。金光明妙法。宣勝諸經王。甚深難得聞。諸佛之境界。我當為大眾宣說如是經。并四方四佛威神共加護。東方阿閼鞞南方寶相佛。西方无量壽。北方天鼓音。我復演妙法。吉祥懺中勝。能滅一切罪。淨除諸惡業。及消眾苦患。常與无量樂。一切智根本。諸功德莊嚴。眾生身不具。壽命將損減。諸惡相現前。天神皆捨離。親友懷瞋恨。眷屬悉分離。彼此共乖違。珍財皆散失。惡星為變恠。或被邪靈侵。若復多憂愁。眾苦之所逼。睡眠見惡夢。因此生煩惱。是人當澡浴。應著鮮潔衣。於此妙經王。甚深佛所讚。專注心无亂。讀誦聽受持。由此經威力。能離諸灾橫。及餘眾苦難。无不皆除滅。護世四王眾。及大臣眷屬。無量諸藥叉。一心皆擁衛。大辯才天女。尼連河水神。訶利底母神。堅牢地神眾。梵王帝釋主。龍王緊那羅。及金翅鳥王。阿蘇羅天眾。如是天神等。并將其眷屬。皆來護是人。晝夜常不離。我當說是經。甚深佛行處。諸佛秘密教。

千万劫難逢 若有聞是經 能為他演說
若心生隨喜 或設於供養 如是諸人等
當於无量劫 常為諸天人 龍神所恭敬
此福聚無量 數過於恒沙 讀誦是經者
當獲斯功德 亦為十方尊 深行諸菩薩
擁護持經者 令離諸苦難 供養是經者
如前澡浴身 飲食及香花 恒起慈悲意
若欲聽是經 令心淨无垢 常生歡喜念
能長諸功德 若以尊重心 聽聞是經者
善生於人趣 遠離諸苦難 彼人善根熟
諸佛之所讚 方得聞是經 及以懺悔法
金光明勝王經如來壽量品第二

尔時王舍大城有一菩薩摩訶薩名
曰妙幢已於過去無量俱胝那由多
百千佛所承事供養殖諸善根是時
妙幢菩薩獨於靜處作是思惟以何
因緣釋迦牟尼如來壽命短促惟八
十年復作是念如佛所說有二因緣
得壽命長云何為二一者不害生命
二者施他飲食然釋迦牟尼如來曾
於無量百千万億無數大劫不害生
命行十善道常以飲食惠施一切飢
餓衆生乃至已身血肉骨髓亦持施

與令得飽滿况餘飲食時彼菩薩於

世尊所作是念時以佛威力其室忽

然廣博嚴淨帝青琉璃種種衆寶雜

彩間飾如佛淨土有妙香氣過諸天

香芬馥充滿於其四面各有上妙師

子之座四寶所成以天寶衣而敷其

上復於此座有妙蓮花種種珍寶以

為嚴飾量等如来自然顯現於蓮花

上有四如來東方不動南方寶相西

方無量壽北方天鼓音是四如來各

於其座加趺而坐放大光明周遍照

耀王舍大城及此三千大千世界乃

至十方恒河沙等諸佛國土雨諸天

花奏諸天樂尔時於此瞻部洲中及

三千大千世界所有衆生以佛威力

受勝妙樂无有乏少若身不具皆蒙

具足盲者能視聾者得聞瘡者能言

愚者得智若心乱者得本心若無衣

者得衣服被惡賤者人所敬有垢穢

者身清潔於此世間所有利益未曾

有事悉皆顯現

尔時妙幢菩薩見四如來及希有事

歡喜踊躍合掌一心瞻仰諸佛殊勝

歡喜踊躍合掌一心瞻仰諸佛殊勝

之相亦復思惟釋迦牟尼如來無量
功德惟於壽命生疑惑心云何如來
功德無量壽命短促唯八十年尔時
四佛告妙幢菩薩言善男子汝今不
應思忖如來壽命長短何以故善男
子我等不見諸天世間梵魔沙門婆
羅門等人及非人有能算知佛之壽
量知其齊限惟除无上正遍知者時
四如來欲說釋迦牟尼佛所有壽量
以佛威力欲色界天諸龍鬼神健闍
婆阿蘇羅揭路荼緊都羅莫呼洛伽
及無量百千億那由多菩薩摩訶薩
悉來集會入妙幢菩薩淨妙室中尔
時四佛於大眾中欲顯釋迦牟尼如
來所有壽量而說頌曰

一切諸海水可知其滄數 無有能數知
釋迦之壽量 析諸妙高山 如芥可知數
无有能數知 釋迦之壽量 一切大地土
可知其塵數 無有能數知 釋迦之壽量
假使量虛空 可得盡邊際 無有能度知
釋迦之壽量 若人住億劫 盡力常算數
亦復不能知 世尊之壽量 不害眾生命
及施於飲食 由斯二種因 得壽命長遠

是故大覺尊 壽命難知數 如劫无邊際
壽量亦如是 妙幢汝當知 不應起疑惑
寂勝壽无量 莫能知數者

尔時妙幢菩薩聞四如來說釋迦牟尼佛壽量無限白言世尊云何如來示現如是短促壽量時四世尊告妙幢菩薩言善男子彼釋迦牟尼佛於五濁世出現之時人壽百年稟性下劣善根微薄復無信解此諸衆生多有我見人見衆生壽者養育邪見我所見斷常見等為欲利益此諸異生及衆外道如是等類令生正解速得成就無上菩提是故釋迦牟尼如來亦現如是短促壽命善男子然彼如來欲令衆生見涅槃已生難遭想憂苦等想於佛世尊所說經教速當受持讀誦通利為人解說不生謗毀是故如來現斯短壽何以故彼諸衆生若見如來不般涅槃不生恭敬難遭之想如來所說甚深經典亦不受持讀誦通利為人宣說所以者何以常見佛不尊重故善男子譬如有人見其父母多有財產珍寶豐盈便於

財物不生希有難遭之想所以者何
於父財物生常想故善男子彼諸衆
生亦復如是若見如來不入涅槃不
生希有難遭之想所以者何由常見
故善男子譬如有人父母貧窮資財
乏少然彼貧人或詣王家或大臣舍
見其倉庫種種珍寶悉皆盈滿生希
有心難遭之想時彼貧人為欲求財
廣設方便策勤无怠所以者何為捨
貧窮受安樂故善男子彼諸衆生亦
復如是若見如來入於涅槃生難遭
想乃至憂苦等想復作是念於无量
劫諸佛如來出現於世如烏曇跋花
時乃一現彼諸衆生發希有心起難
遭想若遇如來心生敬信聞說正法
生實語想所有經典悉皆受持不生
毀謗善男子以是因緣彼佛世尊不
久住世速入涅槃善男子是諸如來
以如是等善巧方便成就衆生今時
四佛說是語已忽然不現

今時妙幢菩薩摩訶薩與无量百千
菩薩及無量億那由多百千衆生俱
共往詣鷲峯山中釋迦牟尼如來正

遍知所頂禮佛足在一面立時妙幢
菩薩以如上事具白世尊時四如來
亦詣驚羣至釋迦牟尼佛所各隨本
方就座而坐告侍者菩薩言善男子
汝今可詣釋迦牟尼佛所為我致問
少病少惱起居輕利安樂行不復作
是言善哉善哉釋迦牟尼如來今可
演說金光明經甚深法要為欲饒益
一切衆生除去飢饉令得安樂我當
隨喜時彼侍者各詣釋迦牟尼佛所
頂禮雙足却住一面俱白佛言彼天
人師致問無量少病少惱起居輕利
安樂行不復作是言善哉善哉釋迦
牟尼如來今可演說金光明經甚深
法要為欲利益一切衆生除去飢饉
令得安樂今時釋迦牟尼如來應正
等覺告彼侍者諸菩薩言善哉善哉
彼四如來乃能為諸衆生饒益安樂
勸請於我宣揚正法今時世尊而說
頌曰

我常在鷲山宣說此經寶成就衆生故
示現般涅槃九夫起邪見不信我所說
為成就彼故示現般涅槃

時大會中有婆羅門姓憍陳如名曰
法師授記與無量百千婆羅門衆供
養佛已聞世尊說入般涅槃涕淚交
流前礼佛足白言世尊若實如來於
諸衆生有大慈悲憐愍利益令得安
樂猶如父母餘無等者能與世間作
歸依處如淨滿月以大智慧能為照
明如日初出普觀衆生愛无偏黨如
羅怛羅惟願世尊施我一願尔時世
尊默然而止佛威力故於此衆中有
梨車毗童子名一切衆生意見語婆
羅門憍陳如言大婆羅門汝今從佛
欲乞何願我能與汝婆羅門言童子
我欲供養無上世尊今從如來求請
舍利如芥子許何以故我曾聞說若
善男子善女人得佛舍利如芥子許
恭敬供養是人當生三十三天而為
帝釋是時童子語婆羅門曰若欲願
生三十三天受勝報者應當至心聽
是金光明最勝王經於諸經中實為
殊勝難解難入聲聞獨覺所不能知
此經能生無量无边福德果報乃至
成辦无上菩提我今為汝略說其事

婆羅門言善哉童子此金光明甚深
寂上難解難入聲聞獨覺尚不能知
何況我等邊鄙之人智慧微淺而能
解了是故我今求佛舍利如芥子許
持還本處置寶函中恭敬供養命終
之後得為帝釋常受安樂云何汝今
不能為我從明行足求斯一願作是
語已尔時童子即為婆羅門而說頌曰
恒河駛流水可生白蓮花黃鳥作白形
黑鳥變為赤假使瞻部樹可生多羅果
竭樹羅枝中能出菴羅葉斯等希有物
或容可轉變世尊之舍利畢竟不可得
假使用龜毛織成上妙服寒時可被著
方求佛舍利假使蚊蚋足可使成樓觀
堅固不搖動方求佛舍利假使水蛭蟲
口中生白齒長大利如鋒方求佛舍利
假使持兔角用成於梯蹬可昇上天宮
方求佛舍利鼠緣此梯上除去阿蘇羅
能障空中月方求佛舍利若蠅飲酒醉
周行村邑中廣造於舍宅方求佛舍利
若使驢屑色赤如頻婆果善作於歌舞
方求佛舍利烏與鵝鷓鴣鳥同共一處遊
彼此相順從方求佛舍利假使波羅葉

可成於傘蓋能遮於大雨方求佛舍利
假令大船舶咸滿諸財寶能令陸地行
方求佛舍利假使鷦鷯鳥以鬻銜香山
隨處任遊行方求佛舍利

尔時法師授記婆羅門問此頌已亦
以伽他答一切衆生意見童子曰

善哉大童子此衆中吉祥善巧方便心
得佛无上記如來大威德能救護世間
仁可至心聽我今次第說諸佛境難思
世間無與等法身性常住修行无老別
諸佛體皆同所說法亦尔諸佛無作者
亦復本无生世尊金剛體摧現於化身
是故佛舍利无如芥子許佛非血肉身
云何有舍利方便留身骨為益諸衆生
法身是正覺法界即如來此是佛真身
亦說如是法

尔時會中三万二千天子聞說如來
壽命長遠皆發阿耨多羅三藐三菩
提心歡喜踊躍得未曾有異口同音
而說頌曰

佛不般涅槃正法亦不滅為利衆生故
示現有滅盡世尊不思議妙體無異相
為利衆生故現種種莊嚴

尔時妙幢菩薩親於佛前及四如來并二大士諸天子所聞說釋迦牟尼如來壽量事已復從座起合掌恭敬白佛言世尊若實如是諸佛如來不般涅槃無舍利者云何經中說有涅槃及佛舍利令諸人天恭敬供養過去諸佛現有身骨流布於世人天供養得福无邊今復言無致生疑惑惟願世尊哀愍我等廣為分別

尔時佛告妙幢菩薩及諸大眾汝等當知云般涅槃有舍利者是密意說如是之義當一心聽善男子菩薩摩訶薩如是應知有其十法能解如來應正等覺真實理趣說有究竟大般涅槃云何為十一者諸佛如來究竟斷盡諸煩惱障所知障故名為涅槃二者諸佛如來善能解了有情无性及法無性故名為涅槃三者能轉身依及法依故名為涅槃四者於諸有情任運休息化因緣故名為涅槃五者證得真實无差別相等法身故名為涅槃六者了知生死及以涅槃無二性故名為涅槃七者於一切法

了其根本證清淨故名為涅槃八者於一切法無生无滅善世行故名為涅槃九者真如法界實際平等得正智故名為涅槃十者於諸法性及涅槃性得無差別故名為涅槃是謂十法說有涅槃

復次善男子菩薩摩訶薩如是應知復有十法能解如來應正等覺真實理趣說有究竟大般涅槃云何為十一者一切煩惱以樂欲為本從樂欲生諸佛世尊斷樂欲故名為涅槃二者以諸如來斷諸樂欲不取一法以不取故無去无來無所取故名為涅槃三者以无去來及無所取是則法身不生不滅无生滅故名為涅槃四者此無生滅非言所宣言語斷故名為涅槃五者无有我人惟法生滅得轉依故名為涅槃六者煩惱隨惑皆是客塵法性是主無来无去佛了知故名為涅槃七者真如是實餘皆虛妄實性體者即是真如真如性者即是如來名為涅槃八者實際之性无有戲論惟獨如來證實際法戲論永

斷名為涅槃九者無生是實生是虛妄愚癡之人漂溺生死如來體實無有虛妄名為涅槃十者不實之法是從緣生真實之法不從緣起如來法身體是真實名為涅槃善男子是謂十法說有涅槃

復次善男子菩薩摩訶薩如是應知復有十法能解如來應正等覺真實理趣說有究竟大般涅槃云何為十一者如來善知施及施果無我我所此施及果不正分別永除滅故名為涅槃二者如來善知戒及戒果無我我所此戒及果不正分別永除滅故名為涅槃三者如來善知忍及忍果無我我所此忍及果不正分別永除滅故名為涅槃四者如來善知勤及勤果無我我所此勤及果不正分別永除滅故名為涅槃五者如來善知定及定果無我我所此定及果不正分別永除滅故名為涅槃六者如來善知慧及慧果無我我所此慧及果不正分別永除滅故名為涅槃七者諸佛如來善能了知一切有情非有

情一切諸法皆無性不正分別永除滅故名為涅槃八者若自愛者便起追求由追求故受衆苦惱諸佛如來除自愛故永絕追求無追求故名為涅槃九者有為之法皆有數量无為法者數量皆除佛離有為證無為法无數量故名為涅槃十者如來了知有情及法體性皆空離空非有空性即是真法身故名為涅槃善男子是謂十法說有涅槃

復次善男子豈惟如來不般涅槃是為希有復有十種希有之法是如來行云何為十一者生死過失涅槃寂靜由於生死及以涅槃證平等故不處流轉不住涅槃於諸有情不生厭背是如來行二者佛於衆生不作是念此諸愚夫行顛倒見為諸煩惱之所纏迫我今開悟令其解脫然由往昔慈善根力於彼有情隨其根性意樂勝解不起分別任運濟度示教利喜盡未來際無有窮盡是如來行三者佛无是念我今演說十二分教利益有情然由往昔慈善根力為彼有

情廣說乃至盡未來際无有窮盡是
如來行四者佛無是念我今往彼城
邑聚落王及大臣婆羅門刹帝利辟
舍戍達羅等舍從其乞食然由往昔
身語意行慣習力故任運詣彼為利
益事而行乞食是如來行五者如來
之身无有飢渴亦無便利羸憊之相
雖行乞取而无所食亦無分別然為
任運利益有情示有食相是如來行
六者佛无是念此諸衆生有上中下
隨彼機性而為說法然佛世尊無有
分別隨其器量善應機緣為彼說法
是如來行七者佛無是念此類有情
不恭敬我常於我所出呵罵言不能
與彼共為言論彼類有情恭敬於我
常於我所共相讚歎我當與彼共為
言說然而如來起慈悲心平等无二
是如來行八者諸佛如來無有愛憎
憍慢貪惜及諸煩惱然而如來常樂
寂靜讚歎少欲離諸誼鬧是如來行
九者如來無有一法不知不善通達
於一切處鏡智現前无有分別然而
如來見彼有情所作事業隨彼意轉

方便誘引令得出離是如來行十者
如來若見一分有情得富盛時不生
歡喜見其衰損不起憂感然而如來
見彼有情修習正行無尋大慈自然
救攝若見有情修習邪行无尋大悲
自然救攝是如來行善男子如是當
知如來應正等覺說有如是無邊正
行汝等當知是謂涅槃真實之相或
時見有般涅槃者是權方便及留舍
利令諸有情恭敬供養皆是如來慈
善根力若供養者於未來世遠離八
難逢值諸佛遇善知識不失善心福
報無邊速當出離不為生死之所纏
縛如是妙行汝等勤修勿為放逸
尔時妙幢菩薩聞佛親說不般涅槃
及甚深行合掌恭敬白言我今始知
如來大師不般涅槃及留舍利普
益衆生身心踊悅歎未曾有說是如
來壽量品時无量無數無邊衆生皆
發无等等阿耨多羅三藐三菩提心
時四如來忽然不現妙幢菩薩礼佛
足已從座而起還其本處

金光明經卷第一

第三十六頌

食

金光明經卷第一

癸卯歲高麗國大藏都監奉
勅彫造

金光明最勝王經卷第二

食

大唐三藏沙門義淨奉 制譯

分別三身品第三

尔時虛空藏菩薩摩訶薩在大衆中
從座而起偏袒右肩右膝著地合掌
恭敬頂礼佛足以上微妙金寶之花
寶幢幡蓋而為供養白佛言世尊云
何菩薩摩訶薩於諸如來甚深秘密
如法修行佛言善男子諦聽諦聽善
思念之吾當為汝分別解說

善男子一切如來有三種身云何為
三一者化身二者應身三者法身如
是三身具足攝受阿耨多羅三藐三
菩提若正了知速出生死云何菩薩
了知化身善男子如來昔在修行地
中為一切衆生修種種法如是修習
至修行滿修行力故得大自在自在
力故隨衆生意隨衆生行隨衆生界
悉皆了別不待時不過時處相應時
相應行相應說法相應現種種身是
名化身善男子云何菩薩了知應身
謂諸如來為諸菩薩得通達故說於

真諦為令解了生死涅槃是一味故
為除身見衆生怖畏歡喜故為無邊
佛法而作本故如實相應如如如
智本願力故是身得現具三十二相
八十種好項背圓光是名應身善男
子云何菩薩摩訶薩了知法身為除
諸煩惱等障為具諸善法故唯有如
如如智是名法身前二種身是假
名有此第三身是真實有為前二身
而作根本何以故離法如如離無分
別智一切諸佛无有別法一切諸佛
智慧具足一切煩惱究竟滅盡得清
淨佛地是故法如如如智攝一切
佛法

復次善男子一切諸佛利益自他至
於究竟自利益者是法如如利益他
者是如如智能於自他利益之事而
得自在成就種種無邊用故是故分
別一切佛法有无量無邊種種差別
善男子譬如依止妄想思惟說種種
煩惱說種種業用說種種果報如是依
法如如依如如智說種種佛法說種種
獨覺法說種種聲聞法依法如如依

如如智一切佛法自在成就是為第一不可思議譬如畫空作莊嚴具是難思議如是依法如如依如如智成就佛法亦難思議善男子云何法如如如智二無分別而得自在事業成就善男子譬如如來入於涅槃願自在故種種事業皆得成就法如如如如智自在事成亦復如是

復次菩薩摩訶薩入無心定依前願力從禪定起作衆事業如是二法无有分別自在事成善男子譬如日月無有分別亦如水鏡无有分別光明亦無分別三種和合得有影生如是法如如如智亦無分別以願自在故衆生有感現應化身如日月影和合出現

復次善男子譬如无量無邊水鏡依於光故空影得現種種異相空者即是无相善男子如是受化諸弟子等是法身影以願力故於二種身現種種相於法身地無有異相善男子依此二身一切諸佛說有餘涅槃依此法身說无餘涅槃何以故一切餘

法究竟盡故依此三身一切諸佛說
无住處涅槃為二身故不住涅槃離
於法身無有別佛何故二身不住
涅槃二身假名不實念念生滅不定
住故數數出現以不定故法身不尔
是故二身不住涅槃法身不二是故
不住涅槃故依三身說無住涅槃
善男子一切凡夫為三相故有縛有
障遠離三身不至三身何者為三一
者遍計所執相二者依他起相三者
成就相如是諸相不能解故不能滅
故不能淨故是故不得至於三身如
是三相能解能滅能淨故是故諸佛
具足三身善男子諸凡夫人未能除
遣此三心故遠離三身不能得至何
者為三一者起事心二者依根本心
三者根本心依諸伏道起事心盡依
法斷道依根本心盡依寂勝道根本
心盡起事心滅故得現化身依根本
心滅故得顯應身根本心滅故得至
法身是故一切如來具足三身
善男子一切諸佛於第一身與諸佛
同事於第二身與諸佛同意於第三

身與諸佛同體善男子是初佛身隨衆生意有多種故現種種相是故說多第二佛身弟子一意故現一相是故說一第三佛身過一切種相非執相境界是故說名不一不二善男子是第一身依於應身得顯現故是第二身依於法身得顯現故是法身者於無常化身者恒轉法輪處處隨緣方便相續不斷絕故是故說常非是本故具足大用不顯現故說為無常應身者從無始來相續不斷一切諸佛不共之法能攝持故衆生無盡用亦無盡是故說常非是本故以具足用不顯現故說為無常法身者非是行法無有異相是根本故猶如虛空是故說常善男子離无分別智更無勝智離法如如無勝境界是法如如是慧如如是二種如如如不一不異是故法身慧清淨故滅清淨故是二清淨是故法身具足清淨復次善男子分別三身有四種異有

化身非應身有應身非化身有化身
亦應身有非化身亦非應身何者化
身非應身謂諸如來般涅槃後以願
自在故隨緣利益是名化身何者應
身非化身是地前身何者化身亦應
身謂住有餘涅槃之身何者非化身
非應身謂是法身善男子是法身者
二無所有所顯現故何者名為二無
所有於此法身相及相處二皆是無
非有非无非一非異非數非非數非
明非闇如是如如智不見相及相處
不見非有非無不見非一非異不見
非數非非數不見非明非闇是故當
知境界清淨智慧清淨不可分別无
有中間為滅道本故於此法身能顯
如來種種事業

善男子是身因緣境界處所果依於
本難思議故若了此義是身即是大
乘是如來性是如來藏依於此身得
發初心修行地心而得顯現不退地
心亦皆得現一生補處心金剛之心
如來之心而悉顯現无量無邊如來
妙法皆悉顯現依此法身不可思議

摩訶三昧而得顯現依此法身得現
一切大智是故二身依於三昧依於
智慧而得顯現如此法身依於自體
說常說我依大三昧故說於樂依於
大智故說清淨是故如來常住自在
安樂清淨依大三昧一切禪定首楞
嚴等一切念處大法念等大慈大悲
一切陀羅尼一切神通一切自在一
切法平等攝受如是佛法悉皆出現
依此大智十力四無所畏四无尋辯
一百八十不共之法一切希有不可
思議法悉皆顯現譬如依如意寶珠
無量无边種種珍寶悉皆得現如是
依大三昧寶依大智慧寶能出種種
無量无边諸佛妙法善男子如是法
身三昧智慧過一切相不著於相不
可分別非常非断是名中道雖有分
別體无分別雖有三數而無三體不
增不减猶如夢幻亦无所執亦無能
執法體如如是解脫處過死王境越
生死關一切衆生不能修行所不能
至一切諸佛菩薩之所住處善男子
譬如有人願欲得金處處求覓遂得

金礦既得礦已即便碎之擇取精者
爐中銷鍊得清淨金隨意迴轉作諸
銀釧種種嚴具雖有諸用金性不改
復次善男子若善男子善女人求勝
解脫修行世善得見如來及弟子衆
得親近已白佛言世尊何者為善何
者不善何者正修得清淨行諸佛如
來及弟子衆見彼問時如是思惟是
善男子善女人欲求清淨欲聽正法
即便為說今其開悟彼既聞已正念
憶持發心修行得精進力除懶惰障
滅一切罪於諸學處離不尊重息掉
悔心入於初地依初地心除利有情
障得入二地於此地中除不逼惱障
入於三地於此地中除心軟淨障入
於四地於此地中除善方便障入於
五地於此地中除見真俗障入於六
地於此地中除見行相障入於七地
於此地中除不見滅相障入於八地
於此地中除不見生相障入於九地
於此地中除六通障入於十地於此
地中除所知障除根本心入如來地
如來地者由三淨故名極清淨云何

為三一者煩惱淨二者苦淨三者相
淨譬如真金鎔銷冶鍊既燒打已無
復塵垢為顯金性本清淨故金體清
淨非謂無金譬如濁水澄淨清淨无
復滓穢為顯水性本清淨故非謂無
水如是法身與煩惱離苦集除已无
復餘習為顯佛性本清淨故非謂無
體譬如虛空烟雲塵霧之所障蔽若
除屏已空界淨非謂无空如是法
身一切衆苦悉皆盡故說為清淨非
謂無體譬如有人於睡夢中見大河
水漂泛其身運手動足截流而渡得
至彼岸由彼身心不懈退故從夢覺
已不見有水彼此岸別非謂無心生
死妄想既滅盡已覺清淨非謂无
覺如是法界一切妄想不復生故說
為清淨非是諸佛无其實體

復次善男子是法身者惑障清淨能
現應身業障清淨能現化身智障清
淨能現法身譬如依空出電依電出
光如是依法身故能現應身依應身
故能現化身由性淨故能現法身智
慧清淨能現應身三昧清淨能現化

身此三清淨是法如如不異如如一味如如解脫如如究竟如如是故諸佛體无有異善男子若有善男子善女人說於如來是我大師若作如是決定信者此人即應深心解了如來之身無有別異善男子以是義故於諸境界不正思惟悉皆除斷即知彼法无有二相亦無分別聖所修行如如於彼無有二相正修行故如是如是一切諸障悉皆除滅如如一切障滅如是如是法如如智得寧清淨如如法界正智清淨如是如是一切自在具足攝受皆得成就一切諸障悉皆除滅一切諸障得清淨故是名真如正智真實之相如是見者是名聖見是則名為真實見佛何以故如實得見法真如故是故諸佛志能普見一切如來何以故聲聞獨覺已出三界求真實境不能知見如是聖人所不知見一切凡夫皆生疑惑顛倒分別不能得度如兔浮海必不能過所以者何力微劣故凡夫之人亦復如是不能通達法如如故然諸如

來无分別心於一切法得大自在具足清淨深智慧故是自境界不共他故是故諸佛如來於无量無邊阿僧祇劫不惜身命難行苦行方得此身取上无比不可思議過言說境是妙寂靜離諸怖畏

善男子如是知見法真如者無生老死壽命无限無有睡眠亦无飢渴心常在定無有散動若於如來起諍論心是則不能見於如來諸佛所說皆能利益有聽聞者无不解脫諸惡禽獸惡人惡鬼不相逢值由聞法故果報无盡然諸如來无無記事一切境界無欲知心生死涅槃无有異想如來所記无不決定諸佛如來四威儀中無非智攝一切諸法无有不為慈悲所攝无有不為利益安樂諸衆生者善男子若有善男子善女人於此金光明經聽聞信解不墮地獄餓鬼傍生阿蘇羅道常處人天不生下賤恒得親近諸佛如來聽受正法常生諸佛清淨國土所以者何由得聞此甚深法故是善男子善女人則為如

來已知已記當得不退阿耨多羅三藐三菩提若善男子善女人於此甚深微妙之法一經耳者當知是人謗如來不毀正法不輕聖衆一切衆生未種善根令得種故已種善根令增長成熟故一切世界所有衆生皆勸修行六波羅蜜多

今時虛空藏菩薩梵釋四王諸天衆等即從座起偏袒右肩合掌恭敬頂禮佛足白佛言世尊若所在處講說如是金光明王微妙經典於其國土有四種利益何者為四一者國王軍衆強盛无諸怨敵離於疾病壽命延長吉祥安樂正法興顯二者中宮妃后王子諸臣和悅無諍離於諂佞王所愛重三者沙門婆羅門及諸國人修行正法无病安樂無枉死者於諸福田悉皆修立四者於三時中四大調適當為諸天增加守護慈悲平等無傷害心令諸衆生歸敬三寶皆願修習菩提之行是為四種利益之事世尊我等亦常為弘經故隨逐如是持經之人所在住處為作利益佛言

善哉善哉善男子如是如是汝等應
當勤心流布此妙經王則令正法久
住於世

金光明勝王經夢見金鼓懺悔品第四

尔時妙幢菩薩親於佛前聞妙法已
歡喜踊躍一心思惟還至本處於夜
夢中見大金鼓光明晃耀猶如日輪
於此光中得見十方无量諸佛於寶
樹下坐琉璃座無量百千大眾圍遶
而為說法見一婆羅門持擊金鼓出
大音聲聲中演說微妙伽他明懺悔
法妙幢聞已皆悉憶持繫念而住至
天曉已與無量百千大眾圍遶將諸
供具出王舍城詣鷲峯山至世尊所
禮佛足已布設香花右遶三匝退坐
一面合掌恭敬瞻仰尊顏白佛言世
尊我於夢中見婆羅門以手執桴擊
妙金鼓出大音聲聲中演說微妙伽
他明懺悔法我皆憶持惟願世尊降
大慈悲聽我所說即於佛前而說頌曰
我於昨夜中 夢見大金鼓 其形極殊妙
周遍有金光 猶如盛日輪 光明皆普耀
充滿十方界 咸見於諸佛 在於寶樹下

各處琉璃座 无量百千眾 恭敬而圍繞
有一婆羅門 以持擊金鼓 於其鼓聲內
說此妙伽他

金光明鼓出妙聲 遍至三千大千界
能滅三塗極重罪 及以人中諸苦厄
由此金鼓聲威力 永滅一切煩惱障
斷除怖畏令安隱 譬如自在牟尼尊
佛於生死大海中 積行修成一切智
能令眾生意品具 究竟咸歸功德海
由此金鼓出妙聲 普令聞者獲梵響
證得无上菩提果 常轉清淨妙法輪
住壽不可思議劫 隨機說法利羣生
能斷煩惱眾苦流 貪瞋癡等皆除滅
若有眾生意趣 大火猛焰周遍身
若得聞是妙鼓音 即能離苦歸依佛
皆得成就宿命智 能憶過去百千生
志皆正念牟尼尊 得聞如來甚深教
由聞金鼓勝妙音 常得親近於諸佛
志能捨離諸惡業 純修清淨諸善品
一切天人有情類 彰重至誠祈願者
得聞金鼓妙音聲 能令所求皆滿足
眾生墮在無間獄 猛火炎熾苦焚身
无有救護處輪迴 聞者能令苦除滅

人天餓鬼傍生中 所有現受諸苦難
得聞金鼓發妙響 皆蒙離苦得解脫
現在十方界 常住兩足尊 願以大悲心
哀愍憶念我 衆生无歸依 亦無有救護
為如是等類 能作大歸依 我先所作罪
極重諸惡業 今對十方前 至心皆懺悔
我不信諸佛 亦不敬尊親 不務修衆善
常造諸惡業 或自恃尊高 種姓及財位
感年行放逸 常造諸惡業 心恒起邪念
口陳於惡言 不見於過罪 常造諸惡業
恒作愚夫行 无明闇覆心 隨順不善友
常造諸惡業 或因諸戲樂 或復懷憂惱
為貪瞋所纏 故我造諸惡 親近不善人
及由慳嫉意 貧窮行諂誑 故我造諸惡
雖不樂衆過 由有怖畏故 及不得自在
故我造諸惡 或為躁動心 或因瞋恚恨
及以飢渴惱 故我造諸惡 由飲食衣服
及貪愛女人 煩惱火所燒 故我造諸惡
於佛法僧衆 不生恭敬心 作如是衆罪
我今悉懺悔 於獨覺菩薩 亦無恭敬心
作如是衆罪 我今悉懺悔 无知謗正法
不孝於父母 作如是衆罪 我今悉懺悔
由愚癡憍慢 及以貪瞋力 作如是衆罪

我今悲懺悔 我於十方界 供養無數佛
當願拔衆生 令離諸苦難 願一切有情
皆令住十地 福智圓滿已 成佛導群迷
我為諸衆生 苦行百千劫 以大智慧力
皆令出苦海 我為諸含識 演說甚深經
軍勝金光明 能除諸惡業 若人百千劫
造諸極重罪 暫時能發露 衆惡盡消除
依此金光明 作如是懺悔 由斯能速盡
一切諸苦業 勝定百千種 不思議惣持
根力覺道支 修習常無倦 我當至十地
具足珍寶處 圓滿佛功德 濟渡生死流
我於諸佛海 甚深功德藏 妙智難思議
皆令得具足 唯願十方佛 觀察護念我
皆以大悲心 哀受我懺悔 我於多劫中
所造諸惡業 由斯生苦惱 哀愍願消除
我造諸惡業 常生憂怖心 於四威儀中
曾无歡樂想 諸佛具大悲 能除衆生怖
願受我懺悔 令得離憂苦 我有煩惱障
及以諸報業 願以大悲水 洗濯令清淨
我先作諸罪 及現造惡業 至心皆發露
咸願得蠲除 未來諸惡業 防護令不起
設令有違者 終不敢覆藏 身三語四種
意業復有三 繫縛諸有情 无始恒相續

由斯三種行 造作十惡業 如是衆多罪

我今皆懺悔 我造諸惡業 苦報當自受

今於諸佛前 至誠皆懺悔 於此瞻部洲

及他方世界 所有諸善業 今我皆隨喜

願離十惡業 修行十善道 安住十地中

常見十方佛 我以身語意 所修福智業

願以此善根 速成無上慧

我今親對十力前 發露衆多苦難事

凡愚迷惑三有難 恒造極重惡業難

我所積集欲邪難 常起貪愛流轉難

於此世間耽著難 一切愚夫煩惱難

狂心散動顛倒難 及以親近惡友難

於生死中貪染難 瞋癡闇鈍造罪難

生八無暇惡處難 未曾積集功德難

我今皆於寔勝前 懺悔无邊罪惡業

我今歸依諸善逝 我礼德海無上尊

如大金山照十方 唯願慈悲哀攝受

身色金光淨无垢 目如清淨紺琉璃

吉祥威德名稱尊 大悲慧日除衆闇

佛日光明常普遍 善淨无垢離諸塵

牟尼月照極清涼 能除衆生煩惱熱

三十二相遍莊嚴 八十隨好皆圓滿

福德難思無與等 如日流光照世門

色如琉璃淨无垢 猶如滿月處虚空
妙頗梨網映金軀 種種光明以嚴飾
於生死苦瀑流内 老病憂愁水所漂
如是苦海難堪忍 佛日舒光令永竭
我今稽首一切智 三千世界希有尊
光明晃耀紫金身 種種妙好皆嚴飾
如大海水量難知 大地微塵不可數
如妙高山巨稱量 亦如虚空無有際
諸佛功德亦如是 一切有情不能知
於無量劫諦思惟 无有能知德海岸
盡此大地諸山岳 拊如微塵能筭知
毛端滌海尚可量 佛之功德无能數
一切有情皆共讚 世尊名稱諸功德
清淨相好妙莊嚴 不可稱量知分齊
我之所有衆善業 願得速成无上尊
廣說正法利群生 志令解脫於衆苦
降伏大力魔軍衆 當轉無上正法輪
久住劫數難思議 充足衆生甘露味
猶如過去諸寂勝 六波羅蜜皆圓滿
滅諸貪欲及瞋癡 降伏煩惱除衆苦
願我常得宿命智 能憶過去百千生
亦常憶念牟尼尊 得聞諸佛甚深法
願我以斯諸善業 奉事无邊寂勝尊

遠離一切不善因 恒得修行真妙法

一切世界諸衆生 悉皆離苦得安樂

所有諸根不具足 令彼身相皆圓滿

若有衆生遭病苦 身形羸瘦无所依

咸令病苦得消除 諸根色力皆充滿

若犯王法當刑戮 衆苦逼迫生憂惱

彼受如斯極苦時 無有歸依能救護

若受鞭杖枷鎖繫 種種苦具切其身

無量百千憂惱時 逼迫身心无暫樂

皆令得免於繫縛 及以鞭杖苦楚事

將臨刑者得命全 衆苦皆令永除盡

若有衆生飢渴逼 令得種種殊勝味

盲者得視聾者聞 跛者能行瘡能語

貧窮衆生獲寶藏 倉庫盈溢无所乏

皆令得受上妙樂 無一衆生受苦惱

一切人天皆樂見 容儀溫雅甚端嚴

悉皆現受无量樂 受用豐饒福德具

隨彼衆生念伎樂 衆妙音聲皆現前

念水即現清涼池 金色蓮花沆其上

隨彼衆生心所念 飲食衣服及牀敷

金銀珍寶妙琉璃 瓔珞莊嚴皆具足

勿令衆生聞惡響 亦復不見有相違

所受容貌悉端嚴 各各慈心相愛樂

世間資生諸樂具 隨心念時皆滿足
所得珍財无恡惜 分布施與諸衆生
燒香末香及塗香 衆妙雜花非一色
每日三時從樹墮 隨心受用生歡喜
普願衆生成供養 十方一切取勝尊
三乘清淨妙法門 菩薩獨覺聲聞衆
常願勿處於卑賤 不墮無暇八難中
生在有暇人中尊 恒得親承十方佛
願得常生富貴家 財寶倉庫皆盈滿
顏貌名稱无與等 壽命延長經劫數
悉願女人變為男 勇健聰明多智慧
一切常行菩薩道 勤修六度到彼岸
常見十方無量佛 寶王樹下而安處
處妙琉璃師子座 恒得親承轉法輪
若於過去及現在 輪迴三有造諸業
能招可厭不善趣 願得消滅永无餘
一切衆生於有海 生死羅網堅牢縛
願以智劍為斷除 離苦速證菩提處
衆生於此瞻部內 或於他方世界中
所作種種勝福田 我今皆悉生隨喜
以此隨喜福德事 及身語意造衆善
願此勝業常增長 速證無上大菩提
所有礼讚佛功德 深心清淨无瑕穢

迴向發願福無邊 當起惡趣六十劫
若有男子及女人 婆羅門等諸勝族
合掌一心讚歎佛 生生常憶宿世事
諸根清淨身圓滿 殊勝功德皆成就
願於未來所生處 常得人天共瞻仰
非於一佛十佛所 修諸善根今得聞
百千佛所種善根 方得聞斯懺悔法
今時世尊聞此說已讚妙幢菩薩言
善哉善哉善男子如汝所夢金鼓出
聲讚歎如來真實功德并懺悔法若
有聞者獲福甚多廣利有情滅除罪
障汝今應知此之勝業皆是過去讚
歎發願宿習因緣及由諸佛威力加
護此之因緣當為汝說時諸大眾聞
是法已咸皆歡喜信受奉行

金光明最勝王經卷第三

癸卯歲高麗國大藏都監奉
勅彫造

金光明宣勝王經卷第三

食

大唐三藏沙門義淨奉 制譯

滅業障品第五

尔時世尊住正分別入於甚深微妙
靜慮從身毛孔放大光明無量百千
種種諸色諸佛刹土悉現光中十方
恒河沙校量譬喻所不能及五濁惡
世為光所照是諸衆生作十惡業五
無間罪誹謗三寶不孝尊親輕慢師
長婆羅門衆應墮地獄餓鬼傍生彼
各蒙光至所住處是諸有情見斯光
已因光力故皆得安樂端正殊妙色
相具足福智莊嚴得見諸佛是時帝
釋一切天衆及恒河女神并諸大衆
蒙光希有皆至佛所右遶三匝退坐
一面
尔時天帝釋承佛威力即從座起偏
袒右肩右膝著地合掌向佛而白佛
言世尊云何善男子善女人願求阿
耨多羅三藐三菩提修行大乘攝受
一切邪倒有情曾所造作業障罪者
云何懺悔當得除滅

佛告天帝釋善哉善哉善男子汝今
修行欲為無量无边衆生令得清淨
解脫安樂哀愍世間福利一切若有
衆生由業障故造諸罪者應當策勵
晝夜六時偏袒右肩右膝著地合掌
恭敬一心專念口自說言歸命頂礼
現在十方一切諸佛已得阿耨多羅
三藐三菩提者轉妙法輪持照法輪
雨大法雨擊大法鼓吹大法螺建大
法幢秉大法炬為欲利益安樂諸衆
生故常行法施誘進群迷令得大果
證常樂故如是等諸佛世尊以身語
意稽首歸誠至心礼敬彼諸世尊以
真實慧以真實眼真實證明真實平
等悉知悉見一切衆生善惡之業我
從無始生死以來隨惡流轉共諸衆
生造業障罪為貪瞋癡之所纏縛未
識佛時未識法時未識僧時未識善
惡由身語意造无間罪惡心出佛身
血誹謗正法破和合僧殺阿羅漢殺
害父母身三語四意三種行造十惡
業自作教他見作隨喜於諸善人橫
生毀謗斗秤欺誑以為為真不淨飲

食施與一切於六道中所有父母更相惱害或盜奪堵波物四方僧物現前僧物自在而用世尊法律不樂奉行師長教示不相隨順見行聲聞獨覺大乘行者喜生罵辱令諸行人心生悔惱見有勝已便懷嫉妬法施財施常生慳惜無明所覆邪見惑心不修善因令惡增長於諸佛所而起誹謗法說非法非法說法如是衆罪佛以真實慧真實眼真實證明真實平等悉知悉見我今歸命對諸佛前皆悉發露不敢覆藏未作之罪更不復作已作之罪今皆懺悔所作業障應墮惡道地獄傍生餓鬼之中阿蘇羅衆及八難處願我此生所有業障皆得消滅所有惡報未來不受亦如過去諸大菩薩修菩提行所有業障悉已懺悔我之業障今亦懺悔皆悉發露不敢覆藏已作之罪願得除滅未來之惡更不敢造亦如未來諸大菩薩修菩提行所有業障悉皆懺悔我之業障今亦懺悔皆悉發露不敢覆藏已作之罪願得除滅未來之惡更

不敢造亦如現在十方世界諸大菩薩修菩提行所有業障悉已懺悔我之業障今亦懺悔皆悉發露不敢覆藏已作之罪願得除滅未來之惡更不敢造

善男子以是因緣若有造罪一剎那中不得覆藏何況一日一夜乃至多時若有犯罪欲求清淨心懷愧耻信於未來必有惡報生大恐怖應如是懺如人被火燒頭燒衣救令速滅火若未滅心不得安若人犯罪亦復如是即應懺悔令速除滅若有願生富樂之家多饒財寶復欲發意修習大乘亦應懺悔滅除業障欲生豪貴婆羅門種刹帝利家及轉輪王七寶具足生四天王衆天三十三天夜摩天覩史多天樂變化天他化自在天亦應懺悔滅除業障若欲生梵衆梵輔大梵天少光無量光極光淨天少淨無量淨遍淨天无雲福生廣果天無煩无熱善現善見色究竟天亦應懺悔滅除業障若欲求預流果一來果不還

果阿羅漢果亦應懺悔滅除業障若
欲願求三明六通聲聞獨覺自在菩
提至究竟地求一切智智淨智不思
議智不動智三藐三菩提正遍智者
亦應懺悔滅除業障何以故善男子
一切諸法從因緣生如來所說異相
生異相滅因緣異故如是過去諸法
皆已滅盡所有業障无復遺餘是諸
行法未得現生而今得生未來業障
更不復起何以故善男子一切法空
如來所說无有我人衆生壽者亦無
生滅亦無行法善男子一切諸法皆
依於本亦不可說何以故過一切相
故若有善男子善女人如是入於微
妙真理生信敬心是名無衆生而有
於本以是義故說於懺悔滅除業障
善男子若人成就四法能除業障永
得清淨云何為四一者不起邪心正
念成就二者於甚深理不生誹謗三
者於初行菩薩起一切智心四者於
諸衆生起慈无量是謂為四尔時世
尊而說頌言

專心護三業不誹謗深法作一切智想

慈心淨業障

善男子有四業障難可滅除云何為
四一者於菩薩律儀犯極重惡二者
於大乘經心生誹謗三者於自善根
不能增長四者貪著三有無出離心
復有四種對治業障云何為四一者
於十方世界一切如來至心親近說
一切罪二者為一切衆生勸請諸佛
說深妙法三者隨喜一切衆生所有
功德四者所有一切功德善根悉皆
迴向阿耨多羅三藐三菩提爾時天
帝釋白佛言世尊世間所有男子女
人於大乘行有能行者有不行者云
何能得隨喜一切衆生功德善根佛
言善男子若有衆生雖於大乘未能
修習然於晝夜六時偏袒右肩右膝
著地合掌恭敬一心專念作隨喜時
得福无量應作是言十方世界一切
衆生現在修行施戒心慧我今皆悉
深生隨喜由作如是隨喜福故必當
獲得尊重殊勝无上無等最妙之果
如是過去未來一切衆生所有善根
皆悉隨喜又於現在初行菩薩發菩

提心所有功德過百大劫行菩薩行
有大功德獲無生忍至不退轉一生
補處如是一切功德之蘊皆悉至心
隨喜讚歎過去未來一切菩薩所有
功德隨喜讚歎亦復如是復於現在
十方世界一切諸佛應正遍知證妙
菩提為度無邊諸衆生故轉無上法
輪行無尋法施擊法鼓吹法螺建法
幢雨法雨哀愍勸化一切衆生咸令
信受皆蒙法施悉得充足無盡安樂
又復所有菩薩聲聞獨覺功德積集
善根若有衆生未具如是諸功德者
悉令具足我皆隨喜如是過去未來
諸佛菩薩聲聞獨覺所有功德亦皆
至心隨喜讚歎善男子如是隨喜當
得無量功德之聚如恒河沙三千大
千世界所有衆生皆斷煩惱成阿羅
漢若有善男子善女人盡其形壽常
以上妙衣服飲食卧具醫藥而為供
養如是功德不及如前隨喜功德千
分之一何以故供養功德有數有量
不攝一切諸功德故隨喜功德無量
無數能攝三世一切功德是故若人

欲求增長勝善根者應修如是隨喜功德若有女人願轉女身為男子者亦應修習隨喜功德必得隨心現成男子今時天帝釋白佛言世尊已知隨喜功德勸請功德惟願為說欲令未來一切菩薩當轉法輪現在菩薩正修行故佛告帝釋若有善男子善女人願求阿耨多羅三藐三菩提者應當修行聲聞獨覺大乘之道是人當於晝夜六時如前威儀一心專念作如是言我今歸依十方一切諸佛世尊已得阿耨多羅三藐三菩提未轉無上法輪欲捨報身入涅槃者我皆至誠頂禮勸請轉大法輪雨大法雨然大法燈照明理趣施无碍法莫般涅槃久住於世度脫安樂一切衆生如前所說乃至無盡安樂我今以此勸請功德迴向阿耨多羅三藐三菩提如過去未來現在諸大菩薩勸請功德迴向菩提我亦是勸請功德迴向無上正等菩提善男子假使有人以三千大千世界滿中七寶供養如來若復有人勸請如來轉大法

輪所得功德其福勝彼何以故彼是財施此是法施善男子且置三千大千世界七寶布施若人以滿恒河沙數大千世界七寶供養一切諸佛勸請功德亦勝於彼由其法施有五勝利云何為五一者法施兼利自他財施不尔二者法施能令衆生出於三界財施之福不出欲界三者法施能淨法身財施但唯增長於色四者法施無窮財施有盡五者法施能斷无明財施唯伏貪愛是故善男子勸請功德無量无边難可譬喻如我昔行菩薩道時勸請諸佛轉大法輪由彼善根是故今日一切帝釋諸梵王等勸請於我轉大法輪善男子請轉法輪為欲度脫安樂諸衆生故我於往昔為菩提行勸請如來久住於世莫般涅槃依此善根我得十力四無所畏四無尋辯大慈大悲證得無數不共之法我當入於無餘涅槃我之正法久住於世我法身者清淨无比種種妙相無量智慧无量自在無量功德難可思議一切衆生皆蒙利益百

千万劫說不能盡法身攝藏一切諸法一切諸法不攝法身法身常住不墮常見雖復斷滅亦非斷見能破衆生種種異見能生衆生種種真見能解一切衆生之縛無縛可解能植衆生諸善根本未成熟者令成熟已成熟者令解脫无作無動遠離闇隔寂靜無為自在安樂過於三世能現三世出於聲聞獨覺之境諸大菩薩之所修行一切如來體無有異此等皆由勸請功德善根力故如是法身我今已得是故若有欲得阿耨多羅三藐三菩提者於諸經中一句一頌為人解說功德善根尚无限量何況勸請如來轉大法輪久住於世莫般涅槃時天帝釋復白佛言世尊若善男子善女人為求阿耨多羅三藐三菩提故修三乘道所有善根云何迴向一切智智佛告天帝善男子若有衆生欲求菩提修三乘道所有善根願迴向者當於晝夜六時殷重至心作如是說我從無始生死以來於三寶所修行成就所有善根乃至施與傍生

一搏之食或以善言和解諍訟或受
三歸及諸學處或復懺悔勸請隨喜
所有善根我今作意悉皆攝取迴施
一切衆生无悔怯心是解脫分善根
所攝如佛世尊之所知見不可稱量
無尋清淨如是所有功德善根悉以
迴施一切衆生不住相心不捨相心
我亦如是功德善根悉以迴施一切
衆生願皆獲得如意之手撫空出寶
滿衆生願富樂无盡智慧無窮妙法
辯才悉皆无滯共諸衆生同證阿耨
多羅三藐三菩提得一切智因此善
根更復出生無量善法亦皆迴向無
上菩提又如過去諸大菩薩修行之
時功德善根悉皆迴向一切種智現
在未來亦復如是然我所有功德善
根亦皆迴向阿耨多羅三藐三菩提
是諸善根願共一切衆生俱成正覺
如餘諸佛坐於道場菩提樹下不可
思議無尋清淨住於无盡法藏陀羅
尼首楞嚴定破魔波旬無量共衆應
見覺知應可通達如是一切一剎那
中悉皆照了於後夜中獲甘露法證

甘露義我及衆生願皆同證如是妙覺猶如

無量壽佛勝光佛妙光佛
阿閼佛功德善光佛師子光明佛
百光明佛網光明佛寶相佛
寶焰佛焰明佛焰威光明佛
吉祥上王佛微妙聲佛妙莊嚴佛
法幢佛上勝身佛可愛色身佛
光明遍照佛梵淨王佛上性佛
如是等如來應正遍知過去未來及
以現在亦現應化得阿耨多羅三藐
三菩提轉无上法輪為度衆生我亦
如是廣說如上

善男子若有淨信男子女人於此金
光明藏勝王經滅業障品受持讀誦
憶念不忘為他廣說得无量無邊大
功德聚譬如三千大千世界所有衆
生一時皆得成就人身得人身已成
獨覺道若有善男子善女人盡其形
壽恭敬尊重四事供養一一獨覺各
施七寶如須弥山此諸獨覺入涅槃
後皆以珍寶起塔供養其塔高廣十
二瑜繕那以諸花香寶幢幡蓋常為

供養善男子於意云何是人所獲功德寧為多不天帝釋言甚多世尊善男子若復有人於此金光明微妙經典衆經之王滅業障品受持讀誦憶念不忘為他廣說所獲功德於前所說供養功德百分不及一百千万億分乃至校量譬喻所不能及何以故是善男子善女人住正行中勸請十方一切諸佛轉無上法輪皆為諸佛歡喜讚歎善男子如我所說一切施中法施為勝是故善男子於三寶所設諸供養不可為比勸受三歸持一切戒無有毀犯三業不空不可為比一切世界一切衆生隨力隨能隨所願樂於三乘中勸發菩提心不可為比於三世中一切世界所有衆生皆得無尋速令成就无量功德不可為比三世刹土一切衆生令無障尋得三菩提不可為比三世刹土一切衆生勸令速出四惡道苦不可為比三世刹土一切衆生勸令除滅極重惡業不可為比一切苦惱勸令解脫不可為比一切怖畏苦惱逼切皆令得

脫不可為比三世佛前一切衆生所
有功德勸令隨喜發菩提願不可為
比勸除惡行罵辱之業一切功德皆
願成就所在生中勸請供養尊重讚
歎一切三寶勸請衆生淨修福行成
滿菩提不可為比是故當知勸請一
切世界三世三寶勸請滿足六波羅
蜜勸請轉於無上法輪勸請住世經
无量劫演說無量甚深妙法功德甚
深无能比者

今時天帝釋及恒河女神無量梵王
四大天衆從座而起偏袒右肩右膝
著地合掌頂禮白佛言世尊我等皆
得聞是金光明寂勝王經今悉受持
讀誦通利為他廣說依此法住何以
故世尊我等欲求阿耨多羅三藐三
菩提隨順此義種種勝相如法行故
今時梵王及天帝釋等於說法處皆
以種種曼陀羅花而散佛上三千大
千世界地皆大動一切天鼓及諸音
樂不鼓自鳴放金色光遍滿世界出
妙音聲時天帝釋白佛言世尊此等
皆是金光明威神之力慈悲普救

種種利益種種增長菩薩善根滅諸業障佛言如是如是如汝所說何以故善男子我念往昔過无量百千阿僧祇劫有佛名寶王大光照如來應正遍知出現於世住世六百八十億劫今時寶王大光照如來為欲度脫人天釋梵沙門婆羅門一切衆生令安樂故當出現時初會說法度百千億億萬衆皆得阿羅漢果諸漏已盡三明六通自在無尋於第二會復度九十千億億萬衆皆得阿羅漢果諸漏已盡三明六通自在無尋於第三會復度九十八千億億萬衆皆得阿羅漢果圓滿如上

善男子我於今時作女人身名福寶光明於第三會親近世尊受持讀誦是金光明經為他廣說求阿耨多羅三藐三菩提故時彼世尊為我授記此福寶光明女於未來世當得作佛号釋迦牟尼如來應供正遍知明行足善逝世間解無上士調御丈夫天人師佛世尊捨女身後從是以來越四惡道生人天中受上妙樂八十四

百千生作轉輪王至于今日得成正覺名稱普聞遍滿世界時會大眾忽然皆見寶王大光照如來轉無上法輪說微妙法善男子去此索訶世界東方過百千恒河沙數佛土有世界名寶莊嚴其實王大光照如來今現在彼末般涅槃說微妙法廣化羣生汝等見者即是彼佛

善男子若有善男子善女人聞是寶王大光照如來名号者於菩薩地得不退轉至大涅槃若有女人聞是佛名者臨命終時得見彼佛來至其所既見佛已究竟不復更受女身善男子是金光明微妙經典種種利益種種增長菩薩善根滅諸業障善男子若有苾芻苾芻尼鄔波索迦鄔波斯迦隨在何處為人講說是金光明微妙經典於其國土皆獲四種福利善根云何為四一者國王無病離諸灾厄二者壽命長遠无有障罣三者無諸怨敵兵衆勇健四者安隱豐樂正法流通何以故如是人王常為釋梵四王藥叉之衆共守護故

今時世尊告天衆曰善男子是事實
不是時无量釋梵四王及藥叉衆俱
時同聲答世尊言如是如是若有國
土講宣讀誦此妙經王是諸國主我
等四王常來擁護行住共俱其王若
有一切災障及諸怨敵我等四王皆
使消殞憂愁疾疫亦令除差增益壽
命感應禎祥所願遂心恒生歡喜我
等亦能令其國中所有軍兵悉皆勇
健佛言善哉善哉善男子如汝所說
汝當修行何以故是諸國主如法行
時一切人民隨王修習如法行者汝
等皆蒙色力勝利宮殿光明眷屬强
盛時釋梵等白佛言如是世尊佛言
若有講讀此妙經典流通之處於其
國中大臣輔相有四種益云何為四
一者更相親穆尊重愛念二者常為
人王心所愛重亦為沙門婆羅門大
國小國之所尊敬三者輕財重法不
求世利嘉名普暨衆所欽仰四者壽
命延長安隱快樂是名四種利益若
有國土宣說是經沙門婆羅門得四
種勝利云何為四一者衣服飲食卧

具醫藥无所乏少二者皆得安心思惟讀誦三者依於山林得安樂住四者隨心所願皆得滿足是名四種勝利若有國土宣說是經一切人民皆得豐樂无諸疾疫商估往還多獲寶貨具足勝福是名種種功德利益介時梵釋四天王及諸大衆白佛言世尊如是經典甚深之義若現在者當知如來三十七種助菩提法住世未滅若是經典滅盡之時正法亦滅佛言如是如是善男子是故汝等於此金光明經一句一頌一品一部皆當一心正讀誦正聞持正思惟正修習為諸衆生廣宣流布長夜安樂福利無邊時諸大衆聞佛說已咸蒙勝益歡喜受持

金光明寂勝王經卷第三

三寅歲高麗國大藏部監表
刊印

金光明最勝王經卷第四

食

大迦三歲沙門義淨奉 制譯

軍淨地陀羅尼品第六

尔時師子相無身光焰菩薩與无量
億衆從座而起偏袒右肩右膝著地
合掌恭敬頂礼佛足以種種花香寶
幢幡盖而供養已白佛言世尊以幾
因緣得菩提心何者是菩提心世尊
即於菩提現在心不可得未來心不
可得過去心不可得離於菩提菩提
心亦不可得菩提者不可言說心亦
無色无相無有事業非可造作衆生
亦不可得亦不可知世尊云何諸法
甚深之義而可得知

佛言善男子如是如是菩提微妙事
業造作皆不可得若離菩提菩提心
亦不可得菩提者不可說心亦不可
說无色相無事業一切衆生亦不可
得何以故菩提及心同真如故能證
所證皆平等故非无諸法而可了知
善男子菩薩摩訶薩如是知者乃得
名為通達諸法善說菩提及菩提心

菩提心者非過去非未來非現在心
亦如是衆生亦如是於中二相實不
可得何以故以一切法皆無生故菩
提不可得菩提名亦不可得衆生衆
生名不可得聲聞聲聞名不可得獨
覺獨覺名不可得菩薩菩薩名不可
得佛佛名不可得行非行不可得行
非行名不可得以不可得故於一切
寂靜法中而得安住此依一切功德
善根而得生起

善男子譬如寶湏弥山王饒益一切
此菩提心利衆生故是名第一布施
波羅蜜因善男子譬如大地持衆物
故是名第二持戒波羅蜜因譬如師
子有大威力獨步无畏離驚恐故是
名第三忍辱波羅蜜因譬如風輪那
羅延力勇壯速疾心不退故是名第
四勤策波羅蜜因譬如七寶樓觀有
樂靜慮法藏求滿足故是名第五靜
慮波羅蜜因譬如日輪光耀熾盛此
心速能破滅生死無明闇故是名第
六智慧波羅蜜因譬如商主能令一

切心願滿足此心能度生死險道獲
功德寶故是名第七方便勝智波羅
蜜因譬如淨月圓滿無翳此心能於
一切境界清淨具足故是名第八願
波羅蜜因譬如轉輪聖王主兵寶臣
隨意自在在此心善能莊嚴淨佛國土
無量功德廣利群生故是名第九力
波羅蜜因譬如虛空及轉輪聖王此
心能於一切境界無有障礙於一切
處皆得自在至灌頂位故是名第十
智波羅蜜因善男子是名菩薩摩訶
薩十種菩提心因如是十因汝當修學
善男子依五種法菩薩摩訶薩成就
布施波羅蜜云何為五一者信根二
者慈悲三者無求欲心四者攝受一
切衆生五者願求一切智智善男子
是名菩薩摩訶薩成就布施波羅蜜
善男子復依五法菩薩摩訶薩成就
持戒波羅蜜云何為五一者三業清
淨二者不為一切衆生作煩惱因緣
三者閉諸惡道開善趣門四者過於
聲聞獨覺之地五者一切功德皆悉
滿足善男子是名菩薩摩訶薩成就

持戒波羅蜜善男子復依五法菩薩
摩訶薩成就忍辱波羅蜜云何為五
一者能伏貪瞋煩惱二者不惜身命
不求安樂止息之想三者思惟往業
遭苦能忍四者發慈悲心成就衆生
諸善根故五者為得甚深无生法忍
善男子是名菩薩摩訶薩成就忍辱
波羅蜜善男子復依五法菩薩摩訶
薩成就勤策波羅蜜云何為五一者
與諸煩惱不樂共住二者福德未具
不受安樂三者於諸難行苦行之事
不生厭心四者以大慈悲攝受利益
方便成熟一切衆生五者願求不退
轉地善男子是名菩薩摩訶薩成就
勤策波羅蜜善男子復依五法菩薩
摩訶薩成就靜慮波羅蜜云何為五
一者於諸善法攝令不散故二者常
願解脫不着二邊故三者願得神通
成就衆生諸善根故四者為淨法界
蠲除心垢故五者為斷衆生煩惱根
本故善男子是名菩薩摩訶薩成就
靜慮波羅蜜善男子復依五法菩薩
摩訶薩成就智慧波羅蜜云何為五

一者常於一切諸佛菩薩及明智者
供養親近不生厭背二者諸佛如來
說甚深法心常樂聞無有厭足三者
真俗勝智樂善分別四者見修煩惱
咸速斷除五者世間伎術五明之法
皆悉通達善男子是名菩薩摩訶薩
成就智慧波羅蜜善男子復依五法
菩薩摩訶薩成就方便波羅蜜云何
為五一者於一切衆生意樂煩惱心
行差別悉皆通達二者無量諸法對
治之門心皆曉了三者大悲悲定出
入自在四者於諸波羅蜜多皆願修
行成就滿足五者一切佛法皆願了
達攝受无遺善男子是名菩薩摩訶
薩成就方便勝智波羅蜜善男子復
依五法菩薩摩訶薩成就願波羅蜜
云何為五一者於一切法從本以來
不生不滅非有非無心得安住二者
觀一切法寂妙理趣離垢清淨心得
安住三者過一切想是本真如无作
無行不異不動心得安住四者為欲
利益諸衆生事於俗諦中心得安住
五者於奢摩他毗鉢舍那同時運行

心得安住善男子是名菩薩摩訶薩
成就願波羅蜜善男子復依五法菩
薩摩訶薩成就力波羅蜜云何為五
一者以正智力能了一切衆生心行
善惡二者能令一切衆生入於甚深
微妙之法三者一切衆生輪迴生死
隨其緣業如實了知四者於諸衆生
三種根性以正智力能分別知五者
於諸衆生如理為說令種善根成熟
度脫皆是智力故善男子是名菩薩
摩訶薩成就力波羅蜜善男子復依
五法菩薩摩訶薩成就智波羅蜜云
何為五一者能於諸法分別善惡二
者於黑白法遠離攝受三者能於生
死涅槃不厭不喜四者具福智行至
究竟處五者受勝灌頂能得諸佛不
共法等及一切智智善男子是名菩
薩摩訶薩成就智波羅蜜善男子何
者是波羅蜜義所謂修習勝利是波
羅蜜蜜義滿足无量甚深智是波羅
蜜義行非行法心不執著是波羅蜜
義生死過失涅槃功德正覺正觀是
波羅蜜蜜義愚人智人皆悉攝受是波

羅蜜義能現種種珍妙法寶是波羅蜜
蜜義無尋解脫智慧滿足是波羅蜜
義法界衆生界正分別知是波羅蜜
義施等及智能令至不退轉是波羅蜜
蜜義無生法忍能令滿足是波羅蜜
義一切衆生功德善根能令成熟是
波羅蜜蜜義能於菩提成佛十力四無
所畏不共法等皆悉成就是波羅蜜
義生死涅槃了無二相是波羅蜜蜜義
濟度一切是波羅蜜蜜義一切外道來
相詰難善能解釋令其降伏是波羅蜜
蜜義能轉十二妙行法輪是波羅蜜
義无所著無所見无患累是波羅蜜
多義

善男子初地菩薩是相先現三千大
千世界無量无邊種種寶藏無不盈
滿菩薩悉見善男子二地菩薩是相
先現三千大千世界地平如掌無量
无邊種種妙色清淨珍寶莊嚴之具
菩薩悉見善男子三地菩薩是相先
現自身勇健甲仗莊嚴一切怨賊皆
能摧伏菩薩悉見善男子四地菩薩
是相先現四方風輪種種妙花悉皆

散灑充布地上菩薩悉見善男子五
地菩薩是相先現有妙寶女衆寶瓔
珞周遍嚴身首冠名花以為其飾菩
薩悉見善男子六地菩薩是相先現
七寶花池有四階道金沙遍布清淨
無穢八功德水皆悉盈滿璽鉢羅花
拘物頭花分陀利花隨處莊嚴於花
池所遊戲快樂清涼无比菩薩悉見
善男子七地菩薩是相先現於菩薩
前有諸衆生應墮地獄以菩薩力便
得不墮無有損傷亦无恐怖菩薩悉
見善男子八地菩薩是相先現於身
兩邊有師子王以為衛護一切衆獸
悉皆怖畏菩薩悉見善男子九地菩
薩是相先現轉輪聖王无量億衆圍
遶供養頂上白蓋无量衆寶之所莊
嚴菩薩悉見善男子十地菩薩是相
先現如來之身金色是耀無量淨光
皆悉圓滿有无量億梵王圍遶恭敬
供養轉於無上微妙法輪菩薩悉見
善男子云何初地名為歡喜謂初證
得出世之心昔所未得而今始得於
大事用如其所願悉皆成就生極喜

樂是故取初名為歡喜諸微細垢犯
戒過失皆得清淨是故二地名為无
垢無量智慧三昧光明不可傾動無
三地名為明地以智慧火燒諸煩惱
增長光明修行覺品是故四地名為
焰地修行方便勝智自在極難得故
見修煩惱難伏能伏是故五地名為
難勝行法相續了了顯現无相思惟
皆志現前是故六地名為現前無漏
无間無相思惟解脫三昧遠修行故
是地清淨无有障罣是故七地名為
遠行無相思惟修得自在諸煩惱行
不能令動是故八地名為不動說一
切法種種差別皆得自在无患無累
增長智慧自在无罣是故九地名為
善慧法身如虛空智慧如大雲皆能
遍滿覆一切故是故第十名為法雲
善男子執著有相我法无明怖畏生
死惡趣無明此二無明障於初地微
細學處誤犯无明發起種種業行無
明此二无明障於二地未得今得愛
著無明能障殊勝惣持无明此二無

明障於三地味著等至喜悅无明微
妙淨法愛樂無明此二无明障於四
地欲背生死无明希趣涅槃無明此
二无明障於五地觀行流轉無明
相現前无明此二無明障於六地微
細諸相現行无明作意欣樂無相无
明此二無明障於七地於无相觀切
用无明執相自在無明此二无明障
於八地於所說義及名句文此二無
礙未善巧无明於詞辯才不隨意无
明此二無明障於九地於大神通未
得自在變現无明微細秘密未能悟
解事業無明此二无明障於十地於
一切境微細所知障寻无明極細煩
惱處重無明此二无明障於佛地
善男子菩薩摩訶薩於初地中行施
波羅蜜於第二地行戒波羅蜜於第
三地行忍波羅蜜於第四地行勤波
羅蜜於第五地行定波羅蜜於第六
地行慧波羅蜜於第七地行方便勝
智波羅蜜於第八地行願波羅蜜於
第九地行力波羅蜜於第十地行智
波羅蜜善男子菩薩摩訶薩初發

心攝受能生妙寶三摩地第二發心
攝受能生可愛樂三摩地第三發心
攝受能生難動三摩地第四發心攝
受能生不退轉三摩地第五發心攝
受能生寶光三摩地第六發心攝受
能生日圓光焰三摩地第七發心攝
受能生一切願如意成就三摩地第
八發心攝受能生現前證住三摩地
第九發心攝受能生智藏三摩地第
十發心攝受能生勇進三摩地善男
子是名菩薩摩訶薩十種發心善男
子菩薩摩訶薩於此初地得陀羅尼
名依功德力今時世尊即說呪曰
怛姪他哺唵你舅奴唎剌獨虎獨
虎獨虎耶跋蘇利瑜阿婆婆薩底
丁里反下皆同耶跋旃達囉調怛底多跋達
略又湯憚荼鉢唎訶藍矩嚕訶
善男子此陀羅尼是過一恒河沙數
諸佛所說為護初地菩薩摩訶薩故
若有誦持此陀羅尼呪者得脫一切
怖畏所謂虎狼師子惡獸之類一切
惡鬼人非人等怨賊災橫及諸苦惱
解脫五障不忘念初地

善男子菩薩摩訶薩於第二地得陀
羅尼名善安樂住

怛姪他唄篋

入聲哩

質哩質哩唄篋羅篋

羅引喃繕覩繕覩唄篋哩虎嚕虎嚕莎訶

善男子此陀羅尼是過二恒河沙數
諸佛所說為護二地菩薩摩訶薩故
若有誦持此陀羅尼呪者脫諸怖畏
惡獸惡鬼人非人等怨賊灾橫及諸
苦惱解脫五障不忘念二地

善男子菩薩摩訶薩於第三地得陀
羅尼名難勝力

怛姪他憚宅枳般宅枳鵝唎掇高
唎掇雞由哩憚掇哩莎訶

善男子此陀羅尼是過三恒河沙數
諸佛所說為護三地菩薩摩訶薩故
若有誦持此陀羅尼呪者脫諸怖畏
惡獸惡鬼人非人等怨賊灾橫及諸
苦惱解脫五障不忘念三地

善男子菩薩摩訶薩於第四地得陀
羅尼名大利益

怛姪他室唎室唎陀弭你陀弭你陀
哩陀哩你室唎室唎你毗舍羅波世
波始娜畔陀弭帝莎訶

善男子此陀羅尼是過四恒河沙數
諸佛所說為護四地菩薩摩訶薩故
若有誦持此陀羅尼呪者脫諸怖畏
惡獸惡鬼人非人等怨賊灾橫及諸
苦惱解脫五障不忘念四地

善男子菩薩摩訶薩於第五地得陀
羅尼名種種功德莊嚴

怛姪他訶哩訶哩你遮哩遮哩你羯
唎摩_引你僧羯唎摩_引你三婆山你
瞻跋你悉耽婆你謨漢你碎閭步陞
莎訶

善男子此陀羅尼是過五恒河沙數
諸佛所說為護五地菩薩摩訶薩故
若有誦持此陀羅尼呪者脫諸怖畏
惡獸惡鬼人非人等怨賊灾橫及諸
苦惱解脫五障不忘念五地

善男子菩薩摩訶薩於第六地得陀
羅尼名圓滿智

怛姪他毗徒哩毗徒哩摩哩你迦哩
迦哩毗度漢底嚕嚕嚕嚕主嚕主嚕
杜嚕婆杜嚕婆捨捨設者婆哩濕莎
入悉底薩婆薩埵喃悉南覩曷怛囉
鉢陀你莎訶

諸佛所說為護八地菩薩摩訶薩故
若有誦持此陀羅尼呪者脫諸怖畏
惡獸惡鬼人非人等怨賊灾橫及諸
苦惱解脫五障不忘念八地

善男子菩薩摩訶薩於第九地得陀
羅尼名無量門

怛姪他訶哩旃荼哩枳俱藍婆喇體

天里都刺死跋叱跋叱死室唎室唎

迦室哩迦必室唎莎蘇活悉底薩婆

薩埵喃莎訶

善男子此陀羅尼是過九恒河沙數
諸佛所說為護九地菩薩摩訶薩故
若有誦持此陀羅尼呪者脫諸怖畏
惡獸惡鬼人非人等怨賊灾橫及諸
苦惱解脫五障不忘念九地

善男子菩薩摩訶薩於第十地得陀
羅尼名破金剛山

怛姪他悉提蘇悉提謨折你木察

你毗木底菴末麗毗末麗涅末麗忙

揭麗唎囉若揭鞞曷喇怛娜揭鞞三

曷多跋姪麗薩婆頻他娑憚你摩

捺斯莫訶摩捺斯頻步底頻室步

底阿嚩誓毗喇誓頻主底菴蜜嚩底

阿嚩誓毗喇誓

跋嚩謎

跋囉咄

含麼

莎入嚩哺喇你哺喇娜 曼奴喇剎莎訶

善男子此陀羅尼灌頂吉祥句是過
十恒河沙數諸佛所說為護十地菩
薩摩訶薩故若有誦持此陀羅尼呪
者脫諸怖畏惡獸惡鬼人非人等怨
賊災橫一切毒害皆悉除滅解脫五
障不忘念十地

今時師子相无尋光焰菩薩聞佛說
此不可思議陀羅尼已即從座起偏
袒右肩右膝著地合掌恭敬頂礼佛
足以頌讚佛

敬礼無譬喻

其深无相法

眾生失正知

唯佛能濟度

如來明慧眼

不見一法相

復以正法眼

普照不思議

不生於一法

亦不滅一法

由斯平等見

得至无上處

不壞於生死

亦不住涅槃

不著於二邊

是故證圓寂

於淨不淨品

世尊知一味

由不分別法

獲得最清淨

世尊无邊身

不說於一字

令諸弟子眾

法雨皆充滿

佛觀眾生相

一切種皆無

然於苦惱者

常興於救護

苦樂常无常

有我無我等

不一亦不異

不生亦不滅

如是眾多義

隨說有差別 譬如空谷響 唯佛能了知
法界无分別 是故無異乘 為度衆生故
分別說有三

今時大自在梵天王亦從座起偏袒
右肩右膝著地合掌恭敬頂礼佛足
而白佛言世尊此金光明軍勝王經
希有難量初中後善文義究竟皆能
成就一切佛法若受持者是人則為
報諸佛恩佛言善男子如是如是如
汝所說善男子若得聽聞是經典者
皆不退於阿耨多羅三藐三菩提何
以故善男子是能成熟不退地菩薩
殊勝善根是第一法印是衆經王故
應聽聞受持讀誦何以故善男子若
一切衆生未種善根未成熟善根未
親近諸佛者不能聽聞是微妙法若
善男子善女人能聽受者一切罪障
皆悉除滅得最清淨常得見佛不離
諸佛及善知識勝行之人恒聞妙法
住不退地獲得如是勝陀羅尼門無
盡无減所謂海印出妙功德陀羅尼
无盡無減通達衆生意行言語陀羅
尼無盡无減日圓無垢相光陀羅尼

无盡無減滿月相光陀羅尼無盡无
減能伏諸惑演功德流陀羅尼無盡
无減破金剛山陀羅尼無盡无減說
不可說義因緣藏陀羅尼无盡無減
通達實語法則音聲陀羅尼無盡无
減虛空无垢心行印陀羅尼無盡无
減無邊佛身皆能顯現陀羅尼无盡
无減

善男子如是等無盡无減諸陀羅尼
門得成就故是菩薩摩訶薩能於十
方一切佛土化作佛身演說無上種
種正法於法真如不動不住不來不
去善能成熟一切衆生善根亦不見
一衆生可成熟者雖說種種諸法於
言辭中不動不住不去不來能於生
滅證無生滅以何因緣說諸行法无
有去來由一切法體無異故說是法
時三万億菩薩摩訶薩得无生法忍
無量諸菩薩不退菩提心無量无邊
苾芻苾芻尼得法眼淨无量衆生發
菩薩心今時世尊而說頌曰
勝法能逆生死流 甚深微妙難得見
有情盲冥貪欲覆 由不見故受衆苦

爾時大衆俱從座起頂禮佛足而白
佛言世尊若所在處講宣讀誦此金
光明最勝王經我等大衆皆志往彼
為作聽衆是說法師令得利益安樂
无障身意泰然我等皆當盡心供養
亦令聽衆安隱快樂所住國土無諸
怨賊恐怖厄難飢饉之苦人民熾盛
此說法處道場之地一切諸天人非
人等一切衆生不應履踐及以汙穢
何以故說法之處即是制底當以香
花繒綵幡蓋而為供養我等常為守
護令離衰損佛告大衆善男子汝等
應當精勤修習此妙經典是則正法
久住於世

金光明最勝王經卷第四

王寅歲高麗國大藏都監奉

勅彫造

金光明最勝王經卷第五

命

大唐三藏沙門義淨奉 制

蓮華喻讚品第七

尔時佛告菩提樹神善女天汝今應
知妙幢夜夢見妙金鼓出大音聲讚
佛功德并懺悔法此之因緣我為汝
等廣說其事應當諦聽善思念之過
去有王名金龍主常以蓮華喻讚稱
歎十方三世諸佛即為大衆說其讚曰
過去未來現在佛 安住十方世界中
我今至誠稽首礼 一心讚歎諸最勝
無上清淨牟尼尊 身光照耀如金色
一切聲中寂為上 如大梵響震雷音
駿彩喻若黑蜂王 宛轉旋文紺青色
齒白齊密如珂雪 平正顯現有光明
目淨无垢妙端嚴 猶如廣大青蓮葉
舌相廣長極柔軟 譬如紅蓮出水中
眉間常有白毫光 右旋宛轉頗梨色
眉細纖長類初月 其色晃耀比蜂王
鼻高脩直如金鋌 淨妙光潤相无虧
一切世間殊妙香 聞時悉知其在
世尊最勝身金色 二毛端相不殊

紺青柔軟右旋文 微妙光彩難為喻
初誕生有妙光明 普照一切十方界
能滅三有衆生苦 令彼悉蒙安隱樂
地獄傍生鬼道中 阿蘇羅天及人趣
令彼除滅於衆苦 常受自然安隱樂
身色光明常普照 譬如鎔金妙無比
面貌圓明如滿月 脣色赤好喻頻婆
行步威儀類師子 身光朗耀同初日
臂肘纖長立過膝 狀等垂下娑羅枝
圓光一尋照無邊 赫弈猶如百千日
悉能遍至諸佛刹 隨緣所在覺群迷
淨光明網無倫比 流耀遍滿百千界
普照十方无障碍 一切冥闇悉皆除
善逝慈光能與樂 妙色映徹等金山
流光悉至百千土 衆生遇者皆出離
佛身成就无量福 一切功德共莊嚴
超過三界獨稱尊 世間殊勝無與等
所有過去一切佛 數同大地諸微塵
未來現在十方尊 亦如大地微塵衆
我以至誠身語意 稽首歸依三世佛
讚歎無邊功德海 種種香花皆供養
設我口中有千舌 經無量劫讚如來
世尊功德不思議 寂勝甚深難可說

假令我舌有百千讚歎一佛一切德
於中少分尚難知況諸佛德无邊際
假使大地及諸天乃至有頂為海水
可以毛端滴知數佛一切德甚難量
我以至誠身語意礼讚諸佛德无邊
所有勝福果難思迴施衆生速成佛
彼王讚歎如來已倍復深心發弘願
願我當於未來世生在無量无数劫
夢中常見大金鼓得聞顯說懺悔音
讚佛功德喻蓮華願證無生成正覺
諸佛出世時一現於百千劫甚難逢
夜夢常聞妙鼓音晝則隨應而懺悔
我當圓滿修六度拔濟衆生出苦海
然後得成无上覺佛土清淨不思議
以妙金鼓奉如來并讚諸佛實功德
因斯當見釋迦佛記我當紹人中尊
金龍金光是我子過去曾為善知識
世世願生於我家共授無上菩提記
若有衆生无救護長夜輪迴受衆苦
我於來世作歸依令彼常得安隱樂
三有衆苦願除滅悉得隨心安樂處
於未來世修菩提皆如過去成佛者
願此金光懺悔福永竭苦海罪消除

業障煩惱悉皆亡 令我速招清淨果
福智大海量無邊 清淨離垢深無底
願我獲斯功德海 速成無上大菩提
以此金光懺悔力 當獲福德淨光明
既得清淨妙光明 常以智光照一切
願我身光等諸佛 福德智慧亦復然
一切世界獨稱尊 威力自在無倫疋
有漏苦海願超越 無為樂海願常遊
現在福海願恒盈 當來智海願圓滿
願我刹土超三界 殊勝功德量無邊
諸有緣者悉同生 皆得速成清淨智
妙幢汝當知 國王金龍主 曾發如是願
彼即是汝身 往時有二子 金龍及金光
即銀相銀光 當授我所記 大眾聞是說
皆發菩提心 願現在未來 常依此懺悔
金光明最勝王經金勝陀羅尼品第八

尔時世尊復於衆中告善住菩薩摩訶薩
善男子有陀羅尼名曰金勝若有善男子
善女人欲求親見過去未來現在諸佛
恭敬供養者應當受持此陀羅尼何以故
此陀羅尼乃是過現未來諸佛之母是故
當知持此陀羅尼者具大福德已於過去
無量佛

所殖諸善本今得受持於戒清淨不
毀不缺无有障碍必定能入甚深法
門世尊即為說持呪法先稱諸佛及
菩薩名至心札敬然後誦呪

南無十方一切諸佛

南无諸大菩薩摩訶薩

南謨聲聞緣覺一切賢聖

南謨釋迦牟尼佛 南謨東方不動佛

南謨南方寶幢佛 南謨西方阿彌陀佛

南謨北方天鼓音王佛

南謨上方廣衆德佛 南謨下方明德佛

南謨寶藏佛 南謨普光佛

南謨普明佛 南謨香積王佛

南謨蓮花勝佛 南謨平等見佛

南謨寶髻佛 南謨寶上佛

南謨寶光佛 南謨無垢光明佛

南謨辯才莊嚴思惟佛

南謨淨月光稱相王佛

南謨華嚴光佛 南謨光明王佛

南謨善光無垢稱王佛

南謨觀察无畏自在王佛

南謨無畏名稱佛 南謨最勝王佛

南謨觀自在菩薩摩訶薩

南謨地藏菩薩摩訶薩

南謨虛空藏菩薩摩訶薩

南謨妙吉祥菩薩摩訶薩

南謨金剛手菩薩摩訶薩

南謨普賢菩薩摩訶薩

南謨無盡意菩薩摩訶薩

南謨大勢至菩薩摩訶薩

南謨慈氏菩薩摩訶薩

南謨善慧菩薩摩訶薩

陀羅尼曰

南謨喝嚧怛娜怛唎夜也 怛姪他 君
睇 君睇 矩折嚧矩折嚧 壹室哩室
室哩 莎訶

佛告善住菩薩此陀羅尼是三世佛
母若有善男子善女人持此呪者能
生無量无边福德之聚即是供養恭
敬尊重讚歎無數諸佛如是諸佛皆
與此人授阿耨多羅三藐三菩提記
善住若有人能持此呪者隨其所欲
衣食財寶多聞聰慧无病長壽獲福
甚多隨所願求無不遂意善住持是
呪者乃至未證无上菩提常與金城
山菩薩慈氏菩薩大海菩薩觀自在

菩薩妙吉祥菩薩大永伽羅菩薩等
而共居止為諸菩薩之所攝護善住
當知持此呪時作如是法先應誦持
滿一万八遍為前方便次於閤室莊
嚴道場黑月一日清淨洗浴著鮮潔
衣燒香散花種種供養并諸飲食入
道場中先當稱禮如前所說諸佛菩
薩至心殷重悔先罪已右膝著地可
誦前呪滿一千八遍端坐思惟念其
所願日未出時於道場中食淨黑食
日唯一食至十五日方出道場能令
此人福德威力不可思議隨所願求
無不圓滿若不遂意重入道場既稱
心已常持莫忘

金光明寂勝王經重顯空性品第九

尔時世尊說此呪已為欲利益菩薩
摩訶薩人天大眾令得悟解甚深真
實第一義故重明空性而說頌曰
我已於餘甚深經 廣說真空微妙法
今復於此經王內 略說空法不思議
於諸廣大甚深法 有情无智不能解
故我於斯重敷演 令於空法得開悟
大悲哀愍有情故 以善方便勝因緣

我今於此大眾中

演說令彼明空義

當知此身如空聚

六賊依止不相知

六塵諸賊別依根

各不相知亦如是

眼根常觀於色處

耳根聽聲不斷絕

鼻根恒嗅於香境

舌根鎮嘗於美味

身根受於輕軟觸

意根了法不知厭

此等六根隨事起

各於自境生分別

識如幻化非真實

依止根處妄貪求

如人奔走空聚中

六識依根亦如是

心遍馳求隨處轉

託根緣境了諸事

常愛色聲香味觸

於法尋思無暫停

隨緣遍行於六根

如鳥飛空无障碍

藉此諸根作依處

方能了別於外境

此身無知无作者

體不堅固託緣成

皆從虛妄分別生

譬如機關由業轉

地水火風共成身

隨彼因緣招異果

同在一處相違害

如四毒蛇居一篋

此四大蛇性各異

雖居一處有昇沉

或上或下遍於身

斯等終歸於滅法

於此四種毒蛇中

地水二蛇多沉下

風火二蛇性輕舉

由此乖違衆病生

心識依止於此身

造作種種善惡業

當往人天三惡趣

隨其業力受身形

遭諸疾病身死後 大小便利悉盈流
膿爛蟲蛆不可樂 棄在屍林如朽木
汝等當觀法如是 云何執有我衆生
一切諸法盡無常 悉從无明緣力起
彼諸大種咸虛妄 本非實有體無生
故說大種性皆空 知此浮虛非實有
无明自性本是無 藉衆緣力和合有
於一切時失正慧 故我說彼为无明
行識为緣有名色 六處及觸受隨生
愛取有緣生老死 憂悲苦惱恒隨逐
衆苦惡業常纏迫 生死輪迴無息時
本来非有體是空 由不如理生分別
我斷一切諸煩惱 常以正智現前行
了五蘊宅悉皆空 求證菩提真實處
我開甘露大城門 亦現甘露微妙器
既得甘露真實味 常以甘露施羣生
我擊寂勝大法鼓 我吹寂勝大法螺
我然寂勝大明燈 我降寂勝大法雨
降伏煩惱諸怨結 建立無上大法幢
於生死海濟羣迷 我當關閉三惡趣
煩惱熾火燒衆生 无有救護无依止
清涼甘露充足彼 身心熱惱並皆除
由是我於無量劫 恭敬供養諸如來

堅持禁戒趣菩提 求證法身安樂處
施他眼耳及手足 妻子僮僕心無恡
財寶七珍莊嚴具 隨來求者咸供給
忍等諸度皆遍修 十地圓滿成正覺
故我得稱一切智 无有衆生度量者
假使三千大千界 盡此土地生長物
所有叢林諸樹木 稻麻竹筴及枝條
此等諸物皆伐取 並悉細末作微塵
隨處積集量難知 乃至充滿虛空界
一切十方諸刹土 所有三千大千界
地上皆悉末為塵 此微塵量不可數
假使一切衆生智 以此智慧與一人
如是智者量无邊 容可知彼微塵數
牟尼世尊一念智 令彼智人共度量
於多俱胝劫數中 不能算知其少分
時諸大衆聞佛說此甚深空性有无
量衆生悉能了達四大五蘊體性俱
空六根六境妄生繫縛願捨輪迴正
修出離深心慶喜如說奉持

金光明勝王經依空滿願品第十

尔時如意寶光耀天女於大衆中間
說深法歡喜踊躍從座而起偏袒右
肩右膝著地合掌恭敬而白佛言世

尊惟願為說於甚深理修行之法而說頌言

我問照世界 兩足最勝尊 菩薩正行法 惟願慈聽許 佛言善女天 若有疑惑者 隨汝意所問 吾當分別說

是時天女請世尊曰

云何諸菩薩 行菩提正行 離生死涅槃 饒益自他故

佛告善女天 依於法界行菩提法修 平等行云何 依於法界行菩提法修 平等行謂於五蘊能現法界法界即 是五蘊五蘊不可說非五蘊亦不可 說何以故 若法界是五蘊即是斷見 若離五蘊即是常見 離於二相不著 二邊不可見 過所見無名无相是則 名為說於法界 善女天 云何五蘊能 現法界如是五蘊不從因緣生何以 故 若從因緣生者為已生 故生為未 生 故生若已生生者何用因緣 若未 生生者不可得生 何以故 未生諸法 即是非有無名无相 非按量譬喻之 所能及 非是因緣之所生 故善女天 譬如鼓聲依木依皮及捥手等故得

出聲如是鼓聲過去亦空未來亦空
現在亦空何以故是鼓音聲不從木
生不從皮生及捋手生不於三世生
是則不生若不可生則不可滅若不
可滅無所從來若无所從來亦无所
去若無所去則非常非斷若非常非
斷則不一不異何以故此若是一則
不異法界若如是者凡夫之人應見
真諦得於无上安樂涅槃既不如是
故知不一若言異者一切諸佛菩薩
行相即是執著未得解脫煩惱繫縛
即不證於阿耨多羅三藐三菩提何
以故一切聖人於行非行同真實性
是故不異故知五蘊非有非無不從
因緣生非无因緣生是聖所知非餘
境故亦非言說之所能及無名无相
無因无緣亦無譬喻始終寂靜本來
自空是故五蘊能現法界善女天若
善男子善女人欲求阿耨多羅三藐
三菩提異真異俗難可思量於凡聖
境體非一異不捨於俗不離於真依
於法界行菩提行亦時世尊作是語
已時善女天踊躍歡喜即從座起偏

祖右肩右膝著地合掌恭敬一心頂
禮而白佛言世尊如上所說菩提正
行我今當學是時索訶世界主大梵
天王於大眾中問如意寶光耀善女
天曰此菩提行難可修行汝今云何
於菩提行而得自在今時善女天答
梵王曰大梵王如佛所說實是甚深
一切異生不解其義是聖境界微妙
難知若使我今依於此法得安樂住
是實語者願令一切五濁惡世無量
無數無邊衆生皆得金色三十二相
非男非女坐寶蓮花受无量樂雨天
妙花諸天音樂不鼓自鳴一切供養
皆悉具足時善女天說是語已一切
五濁惡世所有衆生皆悉金色具大
人相非男非女坐寶蓮花受无量樂
猶如他化自在天宮無諸惡道寶樹
行列七寶蓮花遍滿世界又雨七寶
上妙天花作天伎樂如意寶光耀善
女天即轉女身作梵天身時大梵王
問如意寶光耀菩薩言仁者如何行
菩提行答言梵王若水中月行菩提
行我亦行菩提行若夢中行菩提行

我亦行菩提行若陽焰行菩提行我亦行菩提行若谷響行菩提行我亦行菩提行時大梵王聞此說已白菩薩言仁依何義而說此語荅言梵王無有一法是實相者但由因緣而得成故梵王言若如是者諸凡夫人皆悉應得阿耨多羅三藐三菩提荅言仁以何意而作是說愚癡人異智慧人異菩提異非菩提異解脫異非解脫異梵王如是諸法平等無異於此法界真如不一不異无有中間而可執著无增無減梵王譬如幻師及幻弟子善解幻術於四衢道取諸沙土草木菜等聚在一處作諸幻術使人覩見象衆馬衆車兵等衆七寶之聚種種倉庫若有衆生愚癡無智不能思惟不知幻本若見若聞作是思惟我所見聞象馬等衆此是實有餘皆虛妄於後更不審察思惟有智之人則不如是了於幻本若見若聞作如是念如我所見象馬等衆非是真實唯有幻事惑人眼目妄謂象等及諸倉庫有名無實如我見聞不執為實後時

思惟知其虛妄是故智者了一切法皆无實體但隨世俗如見如聞表宣其事思惟諦理則不如是復由假說顯實義故梵王愚癡異生未得出世聖慧之眼未知一切諸法真如不可說故是諸凡愚若見若聞行非行法如是思惟便生執著謂以為實於第一義不能了知諸法真如是不可說是諸聖人若見若聞行非行法隨其力能不生執著以為實有了知一切無實行法无實非行法但妄思量行非行相唯有名字無有實體是諸聖人隨世俗說為欲令他知真實義如是梵王是諸聖人以聖智見了法真如不可說故行非行法亦復如是令他證知故說種種世俗名言時大梵王問如意寶光耀菩薩言有幾衆生能解如是甚深正法答言梵王有衆幻人心心數法能解如是甚深正法梵王曰此幻化人體是非有此之心數從何而生答曰若知法界不有無如是衆生能解深義今時梵王白佛言世尊是如意寶光耀菩薩不可

思議通達如是甚深之義佛言如是如是梵王如汝所言此如意寶光耀已教汝等發心修學无生忍法是時大梵天王與諸梵衆從座而起偏袒右肩合掌恭敬頂礼如意寶光耀菩薩足作如是言希有希有我等今日幸遇大士得聞正法

尔時世尊告梵王言是如意寶光耀於未來世當得作佛号寶焰吉祥藏如來應正遍知明行圓滿善逝世間解無上士調御丈夫天人師佛世尊說是品時有三千億菩薩於阿耨多羅三藐三菩提得不退轉八千億天子无量無數國王臣民遠塵離垢得法眼淨尔時會中有五十億苾芻行菩薩行欲退菩提心聞如意寶光耀菩薩說是法時皆得堅固不可思議滿足上願更復發起菩提之心各自脫衣供養菩薩重發無上勝進之心作如是願願令我等功德善根悉皆不退迴向阿耨多羅三藐三菩提梵王是諸苾芻依此功德如說修行過九十大劫當得解悟出離生死尔時

世尊即為授記汝諸苾芻過三十阿僧祇劫當得作佛劫名難勝光王國名無垢光同時皆得阿耨多羅三藐三菩提皆同一号名願莊嚴間飾王十号具足梵王是金光明微妙經典若正聞持有大威力假使有人於百千大劫行六波羅蜜無有方便若有善男子善女人書寫如是金光明經半月半月專心讀誦是功德聚於前功德百分不及一乃至等譬喻所不能及梵王是故我今令汝修學憶念受持為他廣說何以故我於往昔行菩薩道時猶如勇士入於戰陣不惜身命流通如是微妙經王受持讀誦為他解說梵王譬如轉輪聖王若王在世七寶不滅王若命終所有七寶自然滅盡梵王是金光明微妙經王若現在世無上法寶志皆不滅若无是經隨處隱沒是故應當於此經王專心聽聞受持讀誦為他解說勸令書寫行精進波羅蜜不惜身命不憚疲勞功德中勝我諸弟子應當如是精勤修學

尔時大梵天王與無量梵眾帝釋四王及諸藥叉俱從座起偏袒右肩右膝著地合掌恭敬而白佛言世尊我等皆願守護流通是金光明微妙經典及說法師若有諸難我當除遣令具眾善色力充足辯才无尋身意泰然時會聽者皆受安樂所在國土若有飢饉怨賊非人為惱害者我等天眾皆為擁護使其人民安隱豐樂无諸枉橫皆是我等天眾之力若有供養是經典者我等亦當恭敬供養如佛不異

尔時佛告大梵天王及諸梵眾乃至四王諸藥叉等善哉善哉汝等得聞甚深妙法復能於此微妙經王發心擁護及持經者當獲无边殊勝之福速成無上正等菩提時梵王等聞佛語已歡喜頂受

金光明最勝王經四天王觀察人天品第十一

尔時多聞天王持國天王增長天王廣目天王俱從座起偏袒右肩右膝著地合掌向佛礼佛足已白言世尊是金光明最勝王經一切諸佛常念

觀察一切菩薩之所恭敬一切天龍
常所供養及諸天衆常生歡喜一切
護世稱揚讚歎聲聞獨覺皆共受持
悉能明照諸天宮殿能與一切衆生
殊勝安樂止息地獄餓鬼傍生諸趣
苦惱一切怖畏悉能除殫所有怨敵
尋即退散飢饉惡時能令豐稔疾疫
病苦皆令蠲愈一切災變百千苦惱
咸悉消滅世尊是金光明藏勝王經
能為如是安隱利樂饒益我等惟願
世尊於大衆中廣為宣說我等四王
并諸眷屬聞此甘露無上法味氣力
充實增益威光精進勇猛神通倍勝
世尊我等四王修行正法常說正法
以法化世我等令彼天龍藥叉健闍
婆阿蘇羅揭路荼俱槃荼緊那羅莫
呼羅伽及諸人王常以正法而化於
世遮去諸惡所有鬼神吸人精氣無
慈悲者悉令遠去世尊我等四王與
二十八部藥叉大將并與無量百千
藥叉以淨天眼過於世人觀察擁護
此瞻部洲世尊以此因緣我等諸王
名護世者又復於此洲中若有國王

被他怨賊常來侵擾及多飢饉疾疫
流行无量百千灾厄之事世尊我等
四王於此金光明軍勝王經恭敬供
養若有苾芻法師受持讀誦我等四
王共往覺悟勸請其人時彼法師由
我神通覺悟力故往彼國界廣宣流
布是金光明微妙經典由經力故令
彼無量百千衰惱灾厄之事悉皆除
遣世尊若諸人王於其國內有持是
經苾芻法師至彼國時當知此經亦
至其國世尊時彼國王應往法師處
聽其所說聞已歡喜於彼法師恭敬
供養深心擁護令無憂惱演說此經
利益一切世尊以是經故我等四王
皆共一心護是人王及國人民令離
灾患常得安隱世尊若有苾芻苾芻
尼鄔波索迦鄔波斯迦持是經者時
彼人王隨其所須供給供養令無乏
少我等四王令彼國主及以國人悉
皆安隱遠離灾患世尊若有受持讀
誦是經典者人王於此供養恭敬尊
重讚歎我等當令彼王於諸王中恭
敬尊重取為第一諸餘國王共所稱

金光明勝王經第五卷 佛子受持
歎大衆聞已歡喜受持

金光明勝王經卷第五

壬寅歲高麗國大藏都監奉

勅彫造

金光明最勝王經卷第六

金

大唐三藏法師玄奘譯

四天王護國品第十二

尔時世尊聞四天王恭敬供養金光明經及能擁護諸持經者讚言善哉善哉汝等四王已於過去無量百千萬億佛所恭敬供養尊重讚歎植諸善根修行正法常說正法以法化世汝等長夜於諸衆生常思利益起大慈心願與安樂以是因緣能令汝等現受勝報若有人王恭敬供養此金光明最勝經典汝等應當勤加守護令得安隱汝諸四王及餘眷屬无量無數百千藥叉護是經者即是護持去來現在諸佛正法汝等四王及餘天衆并諸藥叉與阿蘇羅共鬪戰時常得勝利汝等若能護持是經由經力故能除衆苦恚賊飢饉及諸疾疫是故汝等若見四衆受持讀誦此經王者亦應勤心共加守護為除衰惱施與安樂

尔時四天王即從座起偏袒右肩右

勝著地合掌恭敬白佛言世尊此金
光明最勝經王於未來世若有國土
城邑聚落山林曠野隨所至處流布
之時若彼國王於此經典至心聽受
稱歎供養并復供給受持是經四部
之衆深心擁護令離衰惱以是因緣
我護彼王及諸人衆皆令安隱遠離
憂苦增益壽命威德具足世尊若彼
國王見於四衆受持經者恭敬守護
猶如父母一切所須悉皆供給我等
四王常為守護令諸有情无不尊敬
是故我等并與無量藥叉諸神隨此
經王所流布處潛身擁護令无留難
亦當護念聽是經人諸國王等除其
衰患悉令安隱他方怨賊皆使退散
若有人王聽是經時隣國怨敵興如
是念當具四兵壞彼國土世尊以是
經王威神力故是時隣敵更有異怨
而來侵擾於其境界多諸災變疫疔
流行時王見已即嚴四兵發向彼國
欲為討罰我等今時當與眷屬无量
無邊藥叉諸神各自隱形為作護助
令彼怨敵自然降伏尚不敢來至其

國界豈復得有兵戈相罰

尔時佛告四天王善哉善哉汝等四王乃能擁護如是經典我於過去百千俱胝那由多劫修諸苦行得阿耨多羅三藐三菩提證一切智今說是法若有人王受持是經恭敬供養者為消衰患令其安隱亦復擁護城邑聚落乃至怨賊悉令退散亦令一切瞻部洲內所有諸王永無衰惱闢諍之事四王當知此瞻部洲八万四千城邑聚落八万四千諸人王等各於其國受諸快樂皆得自在所有財寶豐足受用不相侵奪隨彼宿因而受其報不起惡念貪求他國咸生少欲利樂之心無有鬪戰繫縛等苦其主人民自生愛樂上下和穆猶如水乳情相愛重歡喜遊戲慈悲謙讓增長善根以是因緣此瞻部洲安隱豐樂人民熾盛大地沃壤寒暑調和時不乖序日月星宿常度无虧風雨隨時離諸灾橫資產財寶皆悉豐盈心無慳鄙常行慧施具十善業若人命終多生天上增益天衆大王若未來世

有諸人王聽受是經恭敬供養并
持是經四部之衆尊重稱讚復欲安
樂饒益汝等及諸眷屬无量百千諸
衆又衆是故彼王常當聽受是妙經
王由得聞此正法之水甘露上味增
益汝等身心勢力精進勇猛福德威
光悉令充滿是諸人王若能至心聽
受是經則為廣大希有供養供養於
我釋迦牟尼應正等覺若供養我則
是供養過去未來現在百千俱胝那
庾多佛若能供養三世諸佛則得無
量不可思議功德之衆以是因緣汝
等應當擁護彼王后妃眷屬令無衰
惱及宮宅神常受安樂功德難思是
諸國土所有人民亦受種種五欲之
樂一切惡事皆令消殞

尔時四天王白佛言世尊於未來世
若有人王樂聽如是金光明經為欲
擁護自身后妃王子乃至內宮諸姝
女等城邑宮殿皆得第一不可思議
寂上歡喜寂靜安樂於現世中王位
尊高自在昌熾常得增長復欲攝受
无量無邊難思福聚於自國土令無

怨敵及諸憂惱災厄事者世尊如是
人王不應放逸令心散亂當生恭敬
至誠殷重聽受如是軍勝經王欲聽
之時先當莊嚴窠上宮室王所愛重
顯敞之處香水灑地散衆名花安置
師子殊勝法座以諸珍寶而為挾飾
張施種種寶蓋幢幡燒無價香奏諸
音樂其王今時當淨澡浴以香塗身
著新淨衣及諸瓔珞坐小卑座不生
高舉捨自在位離諸憍慢端心正念
聽是經王於法師所起大師想復於
宮內后妃王子姝女眷屬生慈愍心
喜悅相親和顏軟語於自身心大喜
充遍作如是念我今獲得難思殊勝
廣大利益於此經王威興供養既敷
設已見法師至當起虔敬渴仰之心
今時佛告四天王不應如是不迎法
師時彼人王應著純淨鮮潔之衣種
種瓔珞以為嚴飾自持白蓋及以香
花備整軍儀盛陳音樂步出城闕迎
彼法師運想虔恭為吉祥事四王以
何因緣令彼人王親作如是恭敬供
養由彼人王舉足下足步步即是恭

敬供養承事尊重百千万億那庾多諸佛世尊復得超越如是劫數生死之苦復於來世如是劫數當受輪王殊勝尊位隨其步步亦於現世福德增長自在為王感應難思衆所欽重當於无量百千億劫人天受用七寶宮殿所在生處常得為王增益壽命言詞辯了人天信受無所畏懼有大名稱咸共瞻仰天上人中受勝妙樂獲大力勢有大威德身相奇妙端嚴無比值天人師遇善知識成就具足无量福聚四王當知彼諸人王見如是等種種無量功德利益故應自往奉迎法師若一踰繕那乃至百千踰繕那於說法師應生佛想還至城已作如是念今日釋迦牟尼如來應正等覺入我宮中受我供養為我說法我聞法已即於阿耨多羅三藐三菩提不復退轉即是值遇百千万億那庾多諸佛世尊我於今日即是種種廣大殊勝上妙樂具供養過去未來現在諸佛我於今日即是永拔琰摩王界地獄餓鬼傍生之苦便為已種

無量百千万億轉輪聖王釋梵天主
善根種子當令无量百千万億衆生
出生死苦得涅槃樂積集無量无边
不可思議福德之聚後宮眷屬及諸
人民皆蒙安隱國土清泰無諸灾厄
毒害惡人他方怨敵不來侵擾遠離
憂患四王當知時彼人王應作如是
尊重正法亦於受持是妙經典苾芻
苾芻尸鄔波索迦鄔波斯迦供養恭
敬尊重讚歎所獲善根先以勝福施
與汝等及諸眷屬彼之人王有大福
德善業因緣於現世中得大自在增
益威光吉祥妙相皆悉莊嚴一切怨
敵能以正法而摧伏之

尔時四天王白佛言世尊若有人王
能作如是恭敬正法聽此經王并於
四衆持經之人恭敬供養尊重讚歎
時彼人王欲為我等生歡喜故當在
一邊近於法座香水灑地散衆名花
安置處所設四王座我與彼王共聽
正法其王所有自利善根亦以福分
施及我等世尊時彼人王請說法者
昇座之時便為我等燒衆名香供養

是經世尊時彼香煙於一念頃上昇
虛空即至我等諸天宮殿於虛空中
變成香蓋我等天衆聞彼妙香香有
金光照曜我等所居宮殿乃至梵宮
及以帝釋大辯才天大吉祥天堅牢
地神正了知大將二十八部諸藥叉
神大自在天金剛密主寶賢大將訶
利底母五百眷屬无熱惱池龍王大
海龍王所居之處世尊如是等衆於
自宮殿見彼香煙一剎那頃變成香
蓋聞香芬馥觀色光明遍至一切諸
天神宮佛告四天王是香光明非但
至此宮殿變成香蓋放大光明由彼
人王手擎香鑪燒衆名香供養經時
其香煙氣於一念頃遍至三千大千
世界百億日月百億妙高山王百億
四洲於此三千大千世界一切天龍
藥叉健闥婆阿蘇羅揭路荼緊那羅
莫呼洛伽宮殿之所於虛空中充滿
而住種種香煙變成雲蓋其蓋金色
普照天宮如是三千大千世界所有
種種香雲香蓋皆是金光明寂勝王
經威神之力是諸人王手持香鑪供

養經時種種香氣非但遍此三千大千世界於一念頃亦遍十方無量无边恒河沙等百千万億諸佛國土於諸佛上虛空之中變成香蓋金色普照亦復如是時彼諸佛聞此妙香觀斯雲蓋及以金色於十方界恒河沙等諸佛世尊現神變已彼諸世尊悉共觀察異口同音讚法師曰善哉善哉汝大丈夫能廣流布如是甚深微妙經典則為成就无量無邊不可思議福德之聚若有聽聞如是經者所獲功德其量甚多何況書寫受持讀誦為他敷演如說修行何以故善男子若有衆生聞此金光明最勝王經者即於阿耨多羅三藐三菩提不復退轉

今時十方有百千俱胝那由多無量无数恒河沙等諸佛剎土彼諸剎土一切如來異口同音於法座上讚彼法師言善哉善哉善男子汝於來世以精勤力當修無量百千苦行具足資糧超諸聖衆出過三界為安勝尊當坐菩提樹王之下殊勝莊嚴能救

三千大千世界有緣衆生善能摧伏
可畏形儀諸魔軍衆覺了諸法寂勝
清淨甚深無上正等菩提善男子汝
當坐於金剛之座轉於無上諸佛所
讚十二妙行甚深法輪能擊無上寂
大法鼓能吹無上極妙法螺能建无
上殊勝法幢能然无上極明法炬能
降無上甘露法雨能斷無量煩惱怨
結能令无量百千万億那由多有情
渡於無涯可畏大海解脫生死无際
輪迴值遇無量百千万億那由多佛
今時四天王復白佛言世尊是金光
明寂勝王經能於未來現在成就如
是無量功德是故人王若得聞是微
妙經典即是已於百千万億无量佛
所種諸善根於彼人王我當護念復
見無量福德利故我等四王及餘眷
屬无量百千万億諸神於自宮殿見
是種種香煙雲蓋神變之時我當隱
蔽不現其身為聽法故當至是王清
淨嚴飾所止宮殿講法之處如是乃
至梵宮帝釋大辯才天大吉祥天堅
牢地神正了知神大將二十八部諸

藥叉神大自在天金剛密主寶賢大將訶利底母五百眷屬无熱惱地龍王大海龍王無量百千万億那由多諸天藥叉如是等衆為聽法故皆不現身至彼人王殊勝宮殿莊嚴高座說法之所世尊我等四王及餘眷屬藥叉諸神皆當一心共彼人王為善知識因是无上大法施主以甘露味充足於我是故我等擁護是王除其衰患令得安隱及其宮殿城邑國土諸惡災變悉令消滅尔時四天王俱共合掌白佛言世尊若有人王於其國土雖有此經未常流布心生捨離不樂聽聞亦不供養尊重讚歎見四部衆持經之人亦復不能尊重供養遂令我等及餘眷屬无量諸天不得聞此甚深妙法背甘露味失正法流無有威光及以勢力增長惡趣損减人天墜生死河乖涅槃路世尊我等四王并諸眷屬及藥叉等見如斯事捨其國土無擁護心非但我等捨棄是王亦有无量守護國土諸大善神悉皆捨去既捨離已其國當有種種

灾禍喪失國位一切人衆皆无善心
惟有繫縛煞害瞋諍互相讒諂枉及
無辜疾疫流行彗星數出兩日並現
博蝕无恒黑白二虹表不祥相星流
地動井内發聲暴雨惡風不依時節
常遭飢饉苗實不成多有他方怨賊
侵掠國內人民受諸苦惱土地無有
可樂之處世尊我等四王及無量
百千天神并護國土諸舊善神遠離
去時生如是等無量百千灾恠惡事
世尊若有人王欲護國土常受快樂
欲令衆生成蒙安隱欲得摧伏一切
外敵於自國境永得昌盛欲令正教
流布世間苦惱惡法皆除滅者世尊
是諸國主必當聽受是妙經王亦應
恭敬供養讀誦受持經者我等及餘
無量天衆以是聽法善根威力得暇
无上甘露法味增益我等所有眷屬
并餘天神皆得勝利何以故以是人
王至心聽受是經典故世尊如大梵
天於諸有情常為宣說世出世論帝
釋復說種種諸論五通神仙亦說諸
論世尊梵天帝釋五通仙人雖有百

千俱胝那庾多无量諸論然佛世尊慈悲哀愍為人天衆說金光明微妙經典比前所說勝彼百千俱胝那庾多倍不可為喻何以故由此能令諸贍部洲所有王等正法化世能與衆生安樂之事為護自身及諸眷屬令無苦惱又无他方怨賊侵害所有諸惡悉皆遠去亦令國土灾厄屏除化以正法无有諍訟是故人王各於國土當然法炬明照無邊增益天衆并諸眷屬世尊我等四王無量天神藥叉之衆贍部洲内所有天神以是因緣得服無上甘露法味獲大威德勢力光明無不具足一切衆生皆得安隱復於來世无量百千不可思議那庾多劫常受快樂復得值遇无量諸佛種諸善根然後證得阿耨多羅三藐三菩提如是無量无边勝利皆是如來應正等覺以大慈悲過諸梵衆以大智慧逾於帝釋修諸苦行勝五通仙百千万億那庾多倍不可稱計為諸衆生演說如是微妙經典令贍部洲一切國主及諸人衆明了世間所有

法式治國化人勸導之事由此經王流通力故普得安樂此等福利皆是釋迦大師於此經典廣為流通慈悲力故世尊以是因緣諸人王等皆應受持供養恭敬尊重讚歎此妙經王何以故以如是等不可思議殊勝功德利益一切是故名曰寂勝經王

今時世尊復告四天王汝等四王及餘眷屬无量百千俱胝那庾多諸天大衆見彼人王若能至心聽是經典供養恭敬尊重讚歎者應當擁護除其衰患能令汝等亦受安樂若四部衆能廣流布是經王者於人天中廣作佛事普能利益无量衆生如是之人汝等四王常當擁護如是四衆勿使他緣共相侵擾令彼身心寂靜安樂於此經王廣宣流布令不斷絕利益有情盡未來際

今時多聞天王從座而起白佛言世尊我有如意寶珠陀羅尼法若有衆生樂受持者功德無量我常擁護令彼衆生離苦得樂能成福智二種資糧欲受持者先當誦此護身之呪即

說呪曰

金光明經卷第三

第三

金

南謨薛室囉末拏也莫訶曷囉闍也

怛姪他囉囉囉囉矩怒矩怒區怒區

怒婁怒婁怒颯嘽颯嘽羯囉囉莫

訶毗羯唎麼莫訶毗羯唎麼莫訶曷

囉社曷咯叉曷咯叉覩漫自無名薩婆

薩埵難者莎訶

世尊誦此呪者當以白線呪之七遍

一遍一結繫之時後其事必成應取

諸香所謂安息栴檀龍腦蘇合多揭

羅熏陸皆須等分和合一處手執香

爐燒香供養清淨澡浴著鮮潔衣於

一靜室可誦神呪

請我薛室囉末拏天王即說呪曰

南謨薛室囉末拏引也南謨檀那馱也

檀泥說囉引也阿揭捨阿鉢嚩弭哆

檀泥說囉鉢囉麼迦留尼迦薩婆薩

埵唎振哆麼麼已名檀那末奴鉢唎

拽捨碎閼摩揭捨莎訶

此呪誦滿一七遍已次誦本呪欲誦

呪時先當稱名敬礼三寶及薛室羅

末拏天王能施財物令諸衆生所求

願滿悉能成就與其安樂如是礼已

次誦薛室羅末拏天王如意末尼寶心
神呪能施衆生隨意安樂今時多聞
天王即於佛前說如意末尼寶心呪曰
南謨曷唎怛娜怛唎夜野引南謨薛室
羅末拏引也莫訶囉闍引也怛姪他
四弭四弭蘇母蘇母拏茶拏茶折囉
折囉薩囉薩囉羯囉羯囉枳哩枳哩
矩嚕矩嚕母嚕母嚕主嚕主嚕娑大
也頰貪我名某田呢店頰他達達觀
莎訶南謨薛室羅末拏也莎訶檀那
馱也莎訶曷奴唎他鉢唎脯唎迦引
也莎訶

受持呪時先誦十遍然後於淨室中
瞿摩塗地作小壇場隨時飲食一心
供養常然妙香令煙不絕誦前心呪
晝夜繫心惟自耳聞勿令他解時有
薛室羅末拏王子名禪膩師現童子
形來至其所問言何故須喚我父即
可報言我為供養三寶事須財物願
當施與時禪膩師聞是語已即還父
所白其父言今有善人發至誠心供
養三寶少乏財物為斯請召其父報
曰汝可速去日日與彼一百迦利沙

波拏

此是根本梵音。此是貝齒。或是金銀鋼鐵等錢。然摩揭陀現今通用一迦利沙波拏。有一千六百貝齒。按

數可以准知。若准物直。隨處不定。若人持呪得成就。摩揭陀之時。自知其數。有本云。每日與一百。即羅即金錢也。乃至盡形。日日常得。西方求者多有神驗。陰不妄心也。

其持呪者見是相。已知事得成。當須獨處淨室。燒香而卧。可於牀邊置一香篋。每至天曉。觀其篋中。獲所求物。每得物時。當日即須供養三寶。香花飲食。兼施貧乏。皆令罄盡。不得停留。於諸有情。起慈悲念。勿生瞋誑。諂害之心。若起瞋者。即失神驗。常可護心。勿令瞋恚。又持此呪者。於每日中。憶我多聞天王及男女眷屬。稱揚讚歎。恒以十善共相資助。令彼天等福力增明。眾善普臻。證菩提處。彼諸天眾見是事已。皆大歡喜。共來擁衛持呪之人。又持呪者壽命長遠。經無量歲。永離三塗。常无灾厄。亦令獲得如意寶珠。及以伏藏神通自在。所願皆成。若求官禁。無不稱意。亦解一切禽獸之語。

世尊若持呪時。欲得見我自身現者。可於月八日。或十五日。於白疊上。畫

佛形像當用木膠雜彩莊飾其畫像
人為受八戒於佛左邊作吉祥天女
像於佛右邊作我多聞天像并畫男
女眷屬之類安置座處咸令如法布
列花彩燒衆名香然燈續明晝夜无
歇上妙飲食種種珍奇發殷重心隨
時供養受持神呪不得輕心請召我
時應誦此呪

南謨室利健那也勃陀_引也南謨薛

室囉末拏也藥叉囉闍_引也莫訶囉

闍阿地囉闍也南麼室唎耶裟莫訶

提契_引裟怛姪他怛囉怛囉咄嚕咄嚕

末囉末囉率率吐率率吐漢娜漢娜

末尼羯諾迦跋折囉薛琉璃也目底

迦楞訖唎哆設唎囉裟蒲_引薩婆薩

埵四哆迦摩薛室囉末拏室唎夜提

鼻跋臘婆也醫_四醫_四磨毗藍婆囉

唎拏瞿唎拏祿_房唎娑祿唎娑達馱

四麼麼阿目迦那末寫_{自稱}達哩設那

迦末寫達哩設南麼麼末那鉢唎曷

囉大也莎訶

世尊我若見此誦呪之人復見如是
盛興供養即生慈愛歡喜之心我即

變身作小兒形或作老人苾芻之像
手持如意末尼寶珠并持金囊入道
場內身現恭敬口稱佛名語持呪者
曰隨汝所求皆令如願或隱林藪或
造寶珠或欲衆人愛寵或求金銀等
物欲持諸呪皆令有驗或欲神通壽
命長遠及勝妙樂無不稱心我今且
說如是之事若更求餘皆隨所願悉
得成就寶藏無盡功德無窮假使日
月墜墮于地或可大地有時移轉我
此實語終不虛然常得安隱隨心快
樂世尊若有人能受持讀誦是經三
者誦此呪時不假疲勞法速成就世
尊我今為彼貧窮困厄苦惱衆生說
此神呪令獲大利皆得富樂自在無
患乃至盡形我當擁護隨逐是人為
除災厄亦復令此持金光明寧勝三
經流通之者及持呪人於百步內光
明照燭我之所有千藥又神亦常侍
衛隨欲馳使無不遂心我說實語無
有虛誑惟佛證知時多聞天王說此
呪已佛言善哉天王汝能破裂一切
衆生貧窮苦網令得富樂說是神呪

復令此經廣行於世時四天王俱從座起偏袒一肩頂禮雙足右膝著地合掌恭敬以妙伽他讚佛功德

佛面猶如淨滿月 亦如千日放光明
目淨脩廣若青蓮 齒白齊密猶珂雪
佛德無邊如大海 無限妙寶積其中
智慧德水鎮恒盈 百千勝定咸充滿
足下輪相皆嚴飾 較輞千輻悉齊平
手足鞞網遍莊嚴 猶如鵝王相具足
佛身光曜等金山 清淨殊特无倫匹
亦如妙高功德滿 故我稽首佛山王
相好如空不可測 逾於千月放光明
皆如焰幻不思議 故我稽首心無著
尔時四天王讚歎佛已世尊亦以伽他而答之曰

此金光明寧勝經 無上十力之所說
汝等四王常擁護 應生勇猛不退心
此妙經寶極甚深 能與一切有情樂
由彼有情安樂故 常得流通瞻部洲
於此大千世界中 所有一切有情類
餓鬼傍生及地獄 如是苦趣悉皆除
住此南洲諸國王 及餘一切有情類
由經威力常歡喜 皆蒙擁護得安寧

亦使此中諸有情 除眾病苦無賊盜
賴此國土弘經故 安隱豐樂无違惱
若人聽受此經王 欲求尊貴及財利
國土豐樂无違諍 隨心所願悉皆從
能令他方賊退散 於自國界常安隱
由此軍勝經王力 離諸苦惱无憂怖
如寶樹王在宅內 能生一切諸樂具
軍勝經王亦復然 能與人王勝功德
譬如澄潔清冷水 能除飢渴諸熱惱
軍勝經王亦復然 令樂福者心滿足
如人室有妙寶篋 隨所受用悉從心
軍勝經王亦復然 福德隨心無所乏
汝等天主及天眾 應當供養此經王
若能依教奉持經 智慧威神皆具足
現在十方一切佛 咸共護念此經王
見有讀誦及受持 稱歎善哉甚希有
若有人能聽此經 身心踊躍生歡喜
常有百千藥叉眾 隨所住處護斯人
於此世界諸天眾 其數无量不思議
悉共聽受此經王 歡喜護持无退轉
若人聽受此經王 威德勇猛常自在
增益一切人天眾 令離衰惱益光明
余時四天王聞是頌已歡喜踊躍白

佛言世尊我從昔來未曾得聞如是甚深微妙之法心生悲喜涕淚交流舉身戰動證不思議希有之事以天曼陀羅花摩訶曼陀羅花而散佛上作是殊勝供養佛已白佛言世尊我等四王各有五百藥叉眷屬常當處處擁護是經及說法師以智光明而為助衛若於此經所有句義忘失之處我皆令彼憶念不忘并與陀羅尼殊勝法門令得具足復欲令此最勝經王所在之處為諸衆生廣宣流布不速隱沒今時世尊於大衆中說法時无量衆生皆得大智聰睿辯才攝受無量福德之聚離諸憂惱發喜樂心善明衆論登出離道不復退轉速證菩提

金光明最勝王經卷第六

壬寅歲高麗國大藏都監奉

勅彫造

金光明最勝王經卷第七

食

大唐三藏沙門義淨奉 制譯

無染著陀羅尼品第十三

今時世尊告具壽舍利子今有法門
名無染著陀羅尼是諸菩薩所修行
法過去菩薩之所受持是菩薩母說
是語已具壽舍利子白佛言世尊陀
羅尼者是何句義世尊陀羅尼者非
方處非非方處作是語已佛告舍利
子善哉善哉舍利子汝於大乘已能
發起信解大乘尊重大乘如汝所說
陀羅尼者非方處非非方處非法非
非法非過去非未來非現在非事非
非事非緣非非緣非行非非行無有
法生亦无法滅然為利益諸菩薩故
作如是說於此陀羅尼功用正道理
趣勢力安立即是諸佛功德諸佛禁
戒諸佛所學諸佛秘意諸佛生處故
名無染著陀羅尼最妙法門作是語
已舍利子白佛言世尊惟願善逝為
我說此陀羅尼法若諸菩薩能安住
者於无上菩提不復退轉成就正願

得無所依自性辯才獲希有事安住
聖道皆由得此陀羅尼故佛告舍利
子善哉善哉如是如是如汝所說若
有菩薩得此陀羅尼者應知是人與
佛無異若有供養尊重承事供給此
菩薩者應知即是供養於佛舍利子
若有餘人聞此陀羅尼受持讀誦生
信解者亦應如是恭敬供養與佛無
異以是因緣獲无上果尔時世尊即
為演說陀羅尼曰

怛姪他 刪陀喇你 唄多喇你 蘇三鉢
囉底瑟耻哆 蘇那麼 蘇鉢喇底瑟
耻哆 鼻逝也 跋羅薩底也 鉢喇底慎
若 蘇阿 噓訶 慎若 那末底 唄波彈你
阿伐那末底 阿毗師彈你 阿婢毗耶訶
囉 輸婆 伐底 蘇尼室剎多 引薄虎那
杜引 阿毗婆馱 引莎訶

佛告舍利子此無染著陀羅尼句若
有菩薩能善安住能正受持者當知
是人若於一劫若百劫若干劫若百
千劫所發正願無有窮盡身亦不被
刀杖毒藥水火猛獸之所損害何以
故舍利子此无染著陀羅尼是過去

諸佛母未來諸佛母現在諸佛母舍利子若復有人以十阿僧企耶三千大千世界滿中七寶奉施諸佛及以上妙衣服飲食種種供養經無數劫若復有人於此陀羅尼乃至一句能受持者所生之福倍多於彼何以故舍利子此無染著陀羅尼甚深法門是諸佛母故時具壽舍利子及諸大眾聞是法已皆大歡喜咸願受持金光明最勝王經如意寶珠品第十四

今時世尊於大眾中告阿難陀曰汝等當知有陀羅尼名如意寶珠遠離一切災厄亦能遮止諸惡雷電過去如來應正等覺所共宣說我於今時於此經中亦為汝等大眾宣說能於人天為大利益哀愍世間擁護一切令得安樂時諸大眾及阿難陀聞佛語已各各至誠瞻仰世尊聽受神呪佛言汝等諦聽於此東方有光明電王名阿揭多南方有光明電王名設鞞嚕西方有光明電王名主多光北方有光明電王名蘇多末尼若有善男子善女人得聞如是電王名字及

知方處者此人即便遠離一切怖畏之事及諸灾橫悉皆消弭若於住處書此四方電王名者於所住處無雷電怖亦无灾厄及諸障惱非時枉死悉皆遠離今時世尊即說呪曰

怛姪他你彌你彌你彌尼民達哩室哩盧迦盧羯你室哩輸擺波你 曷略叉曷略叉

我某甲及此住處一切恐怖所有苦惱雷電霹靂乃至枉死悉皆遠離莎訶今時觀自在菩薩摩訶薩在大衆中即從座起偏袒右肩合掌恭敬白佛言世尊我今亦於佛前略說如意寶珠神呪於諸人天為大利益哀愍世間擁護一切令得安樂有大威力所求如意即說呪曰

怛姪他喝帝毗喝帝你喝帝鉢喇室

體雞鉢喇底_{丁履反}蜜室嚧戍提目羈毗

末嚧鉢喇婆莎_{蘇活反}嚧安茶_{入聲}嚧般茶

嚧稅_{平聲}帝般茶囉婆死你喝嚧羯茶

嚧劫畢嚧冰揭羅惡綺達地目企

曷略叉曷略叉

我某甲及此住處一切恐怖所有苦

惱乃至枉死恚皆遠離願我莫見罪
惡之事常蒙聖觀自在菩薩大悲威
光之所護念莎訶

尔時執金剛秘密主菩薩即從座起
合掌恭敬白佛言世尊我今亦說陀
羅尼呪名曰無勝於諸人天為大利
益哀愍世間擁護一切有大威力所
求如願即說呪曰

怛姪他母你母你母尼嚧末底末底
蘇末底莫訶末底呵呵呵磨婆以鄰
恚底帝引波跛跛折擇波你惡甜火舍反

姪嚧茶上莎訶

世尊我此神呪名曰無勝擁護若有
男女一心受持書寫讀誦憶念不忘
我於晝夜常護是人於一切恐怖乃
至枉死恚皆遠離

尔時索訶世界主梵天王即從座起
合掌恭敬白佛言世尊我亦有陀羅
尼微妙法門於諸人天為大利益哀
愍世間擁護一切有大威力所求如
願即說呪曰

怛姪他醯哩彌哩地哩莎訶跋囉甜魔
布嚧跋囉甜麼末泥跋囉甜麼揭鞞

金光藏勝王經第六卷 第六張 食 量
補跏跛僧悉怛囉沙訶

世尊我此神呪名曰梵治悉能擁護
持是呪者令離憂惱及諸罪業乃至
枉死悉皆遠離

尔時帝釋天主即從座起合掌恭敬
白佛言世尊我亦有陀羅尼名跋折
羅扇你是大明呪能除一切恐怖厄
難乃至枉死悉皆遠離拔苦與樂利
益人天即說呪曰

怛姪他毗你婆喇你 畔陀麼彈滯磨
膩你捺 尔瞿哩 健陀哩 旃荼哩 摩登
耆^上 卜羯死 薩囉跋賴^去 嚩耨末佉

荅麼唄多喇你 莫呼喇你達喇你計
斫羯囉婆枳 捨伐哩奢伐哩沙訶

尔時多聞天王持國天王增長天王
廣目天王俱從座起合掌恭敬白佛
言世尊我今亦有神呪名施一切衆
生無畏於諸苦惱常為擁護令得安
樂增益壽命无諸患苦乃至枉死悉
皆遠離即說呪曰

怛姪他補迦閉 蘇補迦閉 度麼鉢喇
呵嚩 阿嚩耶鉢喇設悉帝 扇帝濕目
帝 忙揭伺率覩帝 悉哆鼻帝 莎訶

尔時復有諸大龍王所謂末那斯龍
王電光龍王無熱池龍王電舌龍王
妙光龍王俱從座起合掌恭敬白佛
言世尊我亦有如意寶珠陀羅尼能
遮惡電除諸恐怖能於人天為大利
益哀愍世間擁護一切有大威力所
求如願乃至枉死悉皆遠離一切毒
藥皆令止息一切造作盡道呪術不
吉祥事悉令除滅我今以此神呪奉
獻世尊惟願哀愍慈悲納受當令我
等離此龍趣永捨慳貪何以故由此
慳貪於生死中受諸苦惱我等願斷
慳貪種子即說呪曰

怛姪他阿折囉 阿末囉阿蜜栗諦 惡
叉栗阿弊栗 奔尼鉢唎耶栗諦 薩婆
波跋 鉢唎苦摩尼栗莎訶 阿離栗般
旦蘇波尼栗莎訶

世尊若有善男子善女人口中說此
陀羅尼明呪或書經卷受持讀誦恭
敬供養者終无雷電霹靂及諸恐怖
苦惱憂患乃至枉死悉皆遠離所有
毒藥盡魅厭禱害人虎狼師子毒蛇
之類乃至蚊蟲悉不為害

尔時世尊普告大眾善哉善哉此等神呪皆有大力能隨衆生心所求事悉令圓滿為大利益除不至心汝等勿疑時諸大眾聞佛語已歡喜信受

金光明勝王經大辯才天女品第十五之一

尔時大辯才天女於大眾中即從座起頂礼佛足白佛言世尊若有法師說是金光明軍勝王經者我當益其智慧具足莊嚴言說之辯若彼法師於此經中文字句義所有忘失皆令憶持能善開悟復與陀羅尼持持無碍又此金光明軍勝王經為彼有情已於百千佛所種諸善根常受持者於瞻部洲廣行流布不速隱沒復令無量有情聞是經典皆得不可思議捷利辯才无盡大慧善解衆論及諸伎術能出生死速趣無上正等菩提於現世中增益壽命資身之具悉令圓滿世尊我當為彼持經法師及餘有情於此經典樂聽聞者說其呪藥洗浴之法彼人所有惡星灾變與初生時星屬相連疫病之苦鬪諍戰陣惡夢鬼神蠱毒厭魅呪術起屍如是

諸惡為障難者志令除滅諸有智者

應作如是洗浴之法當取香藥三十

二味所謂

菖蒲跋者

牛黃折娜

苜蓿香墨畢

麝香莫訶

雄黃木捺

合昏樹尸利

白及因達囉

芎藭聞莫

狗杞根苦頭

松脂室利薛

桂皮咄者

香附子目牢

沉香惡揭

栴檀栴檀

零陵香多揭

丁子索羅

鬱金茶知

婆律膏易羅

葶香持刺

竹黃鴉路

細豆蔻蘇泣

甘松苦河

藿香鉢怛

茅根香囉尸

吐脂薩洛

艾納世黎

安息香寶具

芥子薩利

馬芹葉婆

龍花鬚難

白膠薩折

青木矩瑟

皆等分

以布灑星日一處擣篩取其香末當

以此呪呪一百八遍呪曰

怛姪他 蘇訖栗帝訖栗帝訖栗帝劫

摩怛里 繕怒羯囉滯 郝羯喇滯 因達

囉闍利賦 鑠羯囉滯 鉢設姪囉 阿伐

底羯細計 娜矩覩矩覩 脚迦鼻囉 劫

鼻囉劫鼻囉劫毗囉末底丁里尸羅末

底那底度囉末底哩 波伐雉畔雅囉

室囉室囉 薩底志體經莎訶

若樂如法洗浴時 應作壇場方八肘
可於寂靜安隱處 念所求事不離心
應塗牛糞作其壇 於上普散諸花彩
當以淨潔金銀器 盛滿美味并乳蜜
於彼壇場四門所 四人守護法如常
令四童子好嚴身 各於一角持瓶水
於此常燒安息香 五音之樂聲不絕
幡蓋莊嚴懸繒絲 安在壇場之四邊
復於場內置明鏡 利刀兼箭各四枚
於壇中心埋大盆 應以漏版安其上
用前香末以和湯 亦復安在於壇內
既作如斯布置已 然後誦呪結其壇
結界呪曰

怛姪他 頰喇計 娜也泥 去 囉 彌 囉
祇 嚩 企 企 嚩 莎 訶

如是結界已 方入於壇內 呪水三七遍
散灑於四方 次可呪香湯滿一百八遍
四邊安幔障 然後洗浴身

呪水呪湯呪曰

怛姪他 一索揭智 貞勵反下同 毗揭智 三 毗揭

荼伐底 四 莎訶 五

若洗浴訖其洗浴湯及壇場中供養
飲食棄河池內餘皆收攝如是浴已

方著淨衣既出壇場入淨室內呪師
教其發弘誓願永斷衆惡常修諸善
於諸有情興大悲心以是因緣當獲
無量隨心福報復說頌曰

若有病苦諸衆生 種種方藥治不老
若依如是洗浴法 并復讀誦斯經典
常於日夜念不散 專想懃懃生信心
所有患苦盡消除 解脫貧窮足財寶
四方星辰及日月 威神擁護得延年
吉祥安隱福德增 災變厄難皆除遣
次誦護身呪三七遍呪曰

怛姪他三謎毗三謎莎訶 索揭滯 毗

揭滯 莎訶毗揭荼_{亭耶反}伐底莎訶娑

揭囉 三步多也莎訶 塞建陀 摩多也

莎訶尼擺建佗也莎訶 阿鉢囉市哆

毗嚩耶也莎訶 四摩槃哆 三步多也

莎訶阿你蜜擺薄怛囉也莎訶 南謨

薄伽伐都 跋囉甜摩寫莎訶 南謨薩

囉酸_{蘇底} 莫訶提鼻囊莎訶 悉句覩

湧_{此去成就我某甲} 曼怛囉鉢拖莎訶 怛唎覩

什姪哆 跋囉甜摩奴末覩莎訶

今時大辯才天女說洗浴法壇場呪

已前礼佛足白佛言世尊若有苾芻

苾芻尼鄔波索迦鄔波斯迦受持讀誦書寫流布是妙經王如說行者若在城邑聚落曠野山林僧尼住處我為是人將諸眷屬作天伎樂來詣其所而為擁護除諸病苦流星變恠疫疾闔諍王法所拘惡夢惡神為障尋者盡道厭術悉皆除滅饒益是等持經之人苾芻等衆及諸聽者皆令速渡生死大海不退菩提

尔時世尊聞是說已讚辯才天女言善哉善哉天女汝能安樂利益无量無邊有情說此神呪及以香水壇場法式果報難思汝當擁護寂勝經王勿令隱沒常得流通尔時大辯才天女礼佛足已還復本座

尔時法師授記憍陳如婆羅門承佛威力於大衆前讚請辯才天女曰聰明勇進辯才天人天供養悉應受名聞世間遍充滿能與一切衆生願依高山頂勝住處背茅茷為室在中居恒結軟草以為衣在處常翹於一足諸天大衆皆來集咸同一心申讚請惟願智慧辯才天以妙言詞施一切

余時辯才天女即便受請為說呪曰

怛姪他慕嚧只嚧阿伐帝貞阿伐吒伐

底丁里下同聲遇唵名具唵名具羅伐底

鴛具師末唎只三末底毗三末底惡

近入唎莫近唎怛囉只怛囉者伐底

質質哩室里蜜里末難地曇去末唎

只八囉拏畢唎裏盧迦逝瑟跢丑世反

盧迦失嚧瑟耻盧迦畢唎裏悉馱跢

唎帝毗麼目企輕利反輸只折唎阿鉢唎

底喝帝阿鉢唎底喝哆勃地南母只

南母只莫訶提鼻鉢唎底近唎昏

毖拏上南摩塞迦囉我某甲勃地達

哩奢咽勃地阿鉢唎底喝哆婆上跋覲

弔婆謎毗輸姪覲含悉怛囉輸路迦

舅怛囉畢得迦迦婢耶地數怛姪他

莫訶鉢唎婆鼻咽里蜜里咽里蜜里

毗折唎覲謎勃地我某甲勃地輸提

薄伽伐點提毗焰蘇活薩羅酸丁始反

羯囉魯家滯雞由嚧雞由囉末底咽里

蜜里咽里蜜里阿婆訶耶弔莫訶提

鼻勃陀薩帝娜達摩薩帝娜僧伽

薩帝娜因達囉薩帝娜跋嚩拏薩

帝娜裏盧雞薩底婆地娜引薩

帝娜 薩底伐者泥娜阿婆訶耶弭莫
訶提鼻 唎蜜哩唎蜜哩 毗折唎覲
我某甲勃地南謨薄伽伐底_{丁利}莫訶
提鼻薩囉酸底 志旬覲曼怛囉鉢陀
彌莎訶

今時辯才天女說是呪已告婆羅門
言善哉大士能為衆生求妙辯才及
諸珍寶神通智慧廣利一切速證菩
提如是應知受持法式即說頌曰

先可誦此陀羅尼 令使純熟无謬失
歸敬三寶諸天衆 請求加護願隨心
敬禮諸佛及法寶 菩薩獨覺聲聞衆
次禮梵王并帝釋 及護世者四天王
一切常修梵行人 志可至誠殷重敬
可於寂靜蘭若處 大聲誦前呪讚法
應在佛像天龍前 隨其所有修供養
於彼一切衆生類 發起慈悲哀愍心
世尊妙相紫金身 繫想正念心無亂
世尊護念說教法 隨彼根機令習定
於其句義善思惟 復依空性而修習
應在世尊形像前 一心正念而安坐
即得妙智三摩地 并獲軍勝陀羅尼
如來金口演說法 妙響調伏諸人天

舌相隨緣現希有 廣長能覆三千界
如是諸佛妙音聲 至誠憶念心無畏
諸佛皆由發弘願 得此舌相不思議
宣說諸法皆非有 譬如虛空无所著
諸佛音聲及舌相 繫念思量願圓滿
若見供養辯才天 或見弟子隨師教
授此秘法令修學 尊重隨心皆得成
若人欲得軍上智 應當一心持此法
增長福智諸功德 必定成就勿生疑
若求財者得多財 求名稱者獲名稱
求出離者得解脫 必定成就勿生疑
无量無邊諸功德 隨其內心之所願
若能如是依行者 必得成就勿生疑
當於淨處著淨衣 應作壇場隨大小
以四淨瓶盛美味 香花供養可隨時
懸諸繒綵并幡蓋 塗香末香遍嚴飾
供養佛及辯才天 求見天身皆遂願
應三七日誦前呪 可對大辯天神前
若其不見此天神 應更用心經九日
於後夜中猶不見 更求清淨勝妙處
如法應盡辯才天 供養誦持心無捨
晝夜不生於懈怠 自利利他无穷盡
所獲果報施群生 於所求願皆成就

若不遂意經三月 六月九月或一年
懇懃求請心不移 天眼他心皆悉得
尔時橋陳如婆羅門聞是說已歡喜
踊躍歎未曾有告諸大眾作如是言
汝等人天一切大眾如是當知皆一
心聽我今更欲依世諦法讚彼勝妙
辯才天女即說頌曰

敬礼天女都羅延 於世界中得自在
我今讚歎彼尊者 皆如往昔仙人說
吉祥成就心安隱 聰明懃愧有名聞
為母能生於世間 勇猛常行大精進
於軍陣處戰恒勝 長養調伏心慈忍
現為閻羅之長姊 常著青色野蠶衣
好醜容儀皆具有 眼目能令見者怖
无量勝行超世間 歸信之人咸攝受
或在山巖深險處 或居坎窟及河邊
或在大樹諸叢林 天女多依此中住
假使山林野人輩 亦常供養於天女
以孔雀羽作幡旗 於一切時常護世
師子虎狼恒圍遶 牛羊雞等亦相依
振大鈴鐸出音聲 頻陀山眾皆聞響
或執三戟頭圓髻 左右恒持日月旗
黑月九日十一日 於此時中當供養

或現婆蘇大天女 見有闘戰心常惑
觀察一切有情中 天女寔勝無過者
摧現牧牛歡喜女 興天戰時常得勝
能久安住於世間 亦為和忍及暴惡
大婆羅門四明法 幻化呪等悉皆通
於天仙中得自在 能為種子及大地
諸天女等集會時 如大海潮必來應
於諸龍神藥叉衆 咸為上首能調伏
於諸女中寔梵行 出言猶如世間主
於王住處如蓮華 芳在河津喻橋栊
面貌猶如威滿月 具足多聞作依處
辯才勝出若高峯 念者皆與為洲渚
阿蘇羅等諸天衆 咸共稱讚其功德
乃至千眼帝釋主 以殷重心而觀察
衆生若有怖求事 悉能令彼速得成
亦令聰辯具聞持 於大地中為第一
於此十方世界中 如大燈明常普照
乃至神鬼諸禽獸 咸皆遂彼所求心
於諸女中若山峯 同昔仙人久住世
如少女天常離欲 實語猶如大世主
普見世間老別類 乃至欲界諸天宮
唯有天女獨稱尊 不見有情能勝者
若於戰陣恐怖處 或見墮在火坑中

河津險難賊盜時 悉能令彼除怖畏
或被王法所拘縛 或為怨讎行殺害
若能專注心不移 決定解脫諸憂苦
於善惡人皆擁護 慈悲愍念常現前
是故我以至誠心 稽首歸依大天女
尔時婆羅門復以呪讚天女曰

敬礼敬礼世間尊 於諸母中取為勝
三種世間咸供養 面貌容儀人樂觀
種種妙德以嚴身 日如脩廣青蓮葉
福智光明名稱滿 譬如無價末尼珠
我今讚歎寂勝者 悉能成辦所求心
真實功德妙吉祥 譬如蓮花極清淨
身色端嚴皆樂見 衆相希有不思議
能放無垢智光明 於諸念中為寂勝
猶如師子獸中上 常以八臂自在嚴
各持弓箭刀稍斧 長杵鐵輪并網索
端正樂見如滿月 言詞無滯出和音
若有衆生心願求 善事隨念令圓滿
帝釋諸天咸供養 皆共稱讚可歸依
衆德能生不思議 一切時中起恭敬
莎訶

此上呪讚是呪亦是讚
若持呪時必先誦之

若欲祈請辯才天 依此呪讚言詞句
晨朝清淨至誠誦 於所求事悉隨心

尔時佛告婆羅門善哉善哉汝能如
是利益衆生施與安樂讚彼天女請
求加護獲福无边

此品既法有略有廣或
關或合前後不同梵本

既多但依一譯
後勘者知之

金光明勝王經卷第十

壬寅歲高麗國大藏都監奉

勅彫造

金光明寂勝王經卷第八

食

大唐三藏沙門義淨奉 制譯

大辯才天女品第十五之三

尔時憍陳如婆羅門說上讚歎及呪
讚法讚辯才天女已告諸大眾仁等
若欲請辯才天女哀愍加護於現世
中得無尋辯聰明大智巧妙言詞博
綜竒才論議文飾隨意成就无疑滯
者應當如是至誠殷重而請召言
南謨佛陀也南謨達摩也南謨僧伽
也南謨諸菩薩衆獨覺聲聞一切賢
聖過去現在十方諸佛志皆已習真
實之語能隨順說當機實語无虛誑
語已於無量俱胝大劫常說實語有
實語者悉皆隨喜以不妄語故出廣
長舌能覆於面覆瞻部洲及四天下
能覆一千二千三千世界普覆十方
世界圓滿周遍不可思議能除一切
煩惱炎熱敬礼敬礼一切諸佛如是
舌相願我某甲皆得成就微妙辯才
至心歸命
敬礼諸佛妙辯才 諸大菩薩妙辯才

獨覺聖者妙辯才 四向四果妙辯才

四聖諦語妙辯才 正行正見妙辯才

梵衆諸仙妙辯才 大天爲摩妙辯才

塞建陀天妙辯才 摩郁斯王妙辯才

聰明夜天妙辯才 四大天王妙辯才

善住天子妙辯才 金剛密主妙辯才

吠率怒天妙辯才 毗摩天女妙辯才

侍數天神妙辯才 室唎天女妙辯才

室唎末多妙辯才 醯哩言詞妙辯才

諸母大母妙辯才 訶哩底母妙辯才

諸藥叉神妙辯才 十方諸王妙辯才

所有勝業資助我 令得無窮妙辯才

敬札无欺誑 敬札解脫者 敬札離欲人

敬札捨纏蓋 敬札心清淨 敬札光明者

敬札真實語 敬札無塵習 敬札住勝義

敬札大衆主 敬札辯才天 令我詞无尋

願我所求事 皆悉速成就 無病常安隱

壽命得延長 善解諸明呪 勤修菩提道

廣饒益羣生 求心願早遂 我說真實語

我說无誑語 天女妙辯才 令我得成就

惟願天女來 令我語無滯 速入身口內

聰明足辯才 願令我舌根 當得如來辯

由彼語威力 調伏諸衆生 我所出語持

隨事皆成就 聞者生恭敬 所作不唐捐
若我求辯才 事不成就者 天女之實語
皆悉成虛妄 有作无聞罪 佛語令調伏
及以阿羅漢 所有報恩語 舍利子目連
世尊衆第一 斯等真實語 願我皆成就
我今皆召請 佛之聲聞衆 皆願速來至
成就我求心 所求真實語 皆願无虛誑
上從色究竟 及以淨居天 大梵及梵輔
一切梵王衆 乃至遍三千 索訶世界主
并及諸眷屬 我今皆請召 惟願降慈悲
哀憐同攝受 他化自在天 及以樂變化
觀史多天衆 慈氏當成佛 夜摩諸天衆
及三十三天 四大王衆天 一切諸天衆
地水火風神 依妙高山住 七海山神衆
所有諸眷屬 滿財及五頂 日月諸星辰
如是諸天衆 令世間安隱 斯等諸天神
不樂作罪業 敬礼鬼子母 及 smallest 愛兒
天龍藥叉衆 軋闍阿蘇羅 及以緊那羅
莫呼洛伽等 我以世尊力 悉皆申請召
願降慈悲心 與我无尋辯 一切人天衆
能了他心者 皆願加神力 與我妙辯才
乃至盡虛空 周遍於法界 所有含生類
與我妙辯才

尔時辯才天女聞是請已告婆羅門
言善哉大士若有男子女人能依如
是呪及呪讚如前所說受持法式歸
敬三寶虔心正念於所求事皆不唐
捐蕪復受持讀誦此金光明微妙經
典所願求者無不果遂速得成就除
不至心時婆羅門深心歡喜合掌頂受
尔時佛告辯才天女善哉善哉善女
天汝能流布是妙經王擁護所有受
持經者及能利益一切衆生令得安
樂說如是法施與辯才不可思議得
福無量諸發心者速趣菩提

金光明最勝王經大吉祥天女品第十六

尔時大吉祥天女即從座起前礼佛
足合掌恭敬白佛言世尊我若見有
苾芻苾芻尼鄔波索迦鄔波斯迦受
持讀誦為人解說是金光明最勝王
經者我當專心恭敬供養此等法師
所謂飲食衣服卧具醫藥及餘一切
所須資具皆令圓滿無有乏少若晝
若夜於此經王所有句義觀察思量
安樂而住令此經典於瞻部洲廣行
流布為彼有情已於无量百千佛所

種善根者常使得聞不速隱沒復於
無量百千億劫當受人天種種勝樂
常得豐稔永除飢饉一切有情恒受
安樂亦得值遇諸佛世尊於未來世
速證無上大菩提果永絕三塗輪迴
苦難世尊我念過去有琉璃金山寶
花光照吉祥功德海如來應正等覺
十号具足我於彼所種諸善根由彼
如來慈悲愍念威神力故令我今日
隨所念處隨所觀方隨所至國能令
无量百千万億衆生受諸快樂乃至
所湏衣服飲食資生之具金銀琉璃
車乘馬瑙珊瑚虎珀真珠等寶悉令
充足若復有人至心讀誦是金光明
寂勝王經亦當日日燒衆名香及諸
妙花為我供養彼琉璃金山寶花光
照吉祥功德海如來應正等覺復當
每日於三時中稱念我名別以香花
及諸美食供養於我亦常聽受此妙
經王得如是福而說頌曰

由能如是持經故 自身眷屬離諸衰
所湏衣食無乏時 威光壽命難窮盡
能令地味常增長 諸天降雨隨時節

令諸天衆咸歡悅 及以園林穀果神
藥林果樹並滋榮 所有苗稼咸成就
欲求珍財皆滿願 隨所念者遂其心
佛告大吉祥天女善哉善哉汝能如
是憶念昔因報恩供養利益安樂無
邊衆生流布是經功德無盡

金光明勝經大吉祥天女增長財物品第七

尔時大吉祥天女復白佛言世尊北
方薜室羅末拏天王城名有財去城
不遠有園名曰妙華福光中有勝殿
七寶所成世尊我常住彼若復有人
欲求五穀日日增多倉庫盈溢者應
當發起敬信之心淨治一室瞿摩塗
地應畫我像種種瓔珞周帀莊嚴當
洗浴身著淨衣服塗以名香入淨室
內發心為我每日三時稱彼佛名及
此經名号而申礼敬南謨琉璃金山
寶花光照吉祥功德海如來持諸香
花及以種種甘美飲食至心奉獻亦
以香花及諸飲食供養我像復持飲
食散擲餘方施諸神等實言邀請大
吉祥天發所求願若如所言是不虛
者於我所請勿令空尔于時吉祥天

女知是事已便生慙念令其宅中財穀增長即當誦呪請召於我先稱佛名及菩薩名字一心敬礼

南謨一切十方三世諸佛

南謨寶髻佛

南謨無垢光明寶幢佛

南謨金幢光佛

南謨百金光藏佛

南謨金蓋寶積佛

南謨金花光幢佛

南謨大燈光佛

南謨大寶幢佛

南謨東方不動佛

南謨南方寶幢佛

南謨西方無量壽佛

南謨北方天鼓音王佛

南謨妙幢菩薩

南謨金光菩薩

南謨金藏菩薩

南謨常啼菩薩

南謨法上菩薩

南謨善安菩薩

敬礼如是佛菩薩已次當誦呪請召

我大吉祥天女由此呪力所求之事

皆得成就即說呪曰

南謨室唎莫訶天女怛姪他鉢唎瞞

唎拏折囉

三曼頌

達唎設泥

去聲下皆同尔

莫訶毗訶囉揭諦三曼哆毗曇末泥

莫訶迦哩也鉢唎底瑟佉鉢泥

薩婆

頌他娑彈泥

蘇鉢唎底瞞囉

商耶娜

達摩多

莫訶毗俱比諦 莫訶迷咄嚕

鄒波僧呬羭 莫訶頡唎使 蘇僧近

入聲

哩呬羭 三男多頡他 阿奴波喇泥莎訶

世尊若人誦持如是神呪請召我時

我聞請已即至其所令願得遂世尊

是灌頂法句定成就句真實之句无

虛誑句是平等行於諸衆生是正善

根若有受持讀誦呪者應七日七夜

受八支戒於晨朝時先嚼齒木淨澡

漱已及於晡後香花供養一切諸佛

自陳其罪當為己身及諸舍識迴向

發願令所怖求速得成就淨治一室

或在空閑阿蘭若處瞿摩為壇燒栴

檀香而為供養置一勝座幡蓋莊嚴

以諸名花布列壇內應當至心誦持

前呪悌望我至我於今時即便護念

觀察是人來入其室就座而坐受其

供養從是以後當令彼人於睡夢中

得見於我隨所求事以實告知若聚

落空澤及僧住處隨所求者皆令圓

滿金銀財寶牛羊穀麥飲食衣服皆

得隨心受諸快樂既得如是勝妙果

報當以上分供養三寶及施於我廣

修法會設諸飲食布列香花既供養
已所有供養貨之取直復為供養
我當終身常住於此擁護是人令
無關之隨所怖求悉皆稱意亦當時
時給濟貧乏不應慳惜獨為己身常
讀是經供養不絕當以此福普施一
切迴向善提願出生死速得解脫
尔時世尊讚言善哉吉祥天女汝能
如是流布此經不可思議自他俱益
金光明勝王經堅牢地神品第六

尔時堅牢地神即於衆中從座而起
合掌恭敬而白佛言世尊是金光明
軍勝王經若現在世若未來世若在
城邑聚落王宮樓觀及阿蘭若山澤
空林有此經王流布之處世尊我當
徃詣其所供養恭敬擁護流通若有
方處為說法師敷置高座演說經者
我以神力不現本身在於座所頂戴
其足我得聞法深心歡喜得食法味
增益威光慶悅无量自身既得如是
利益亦令大地深十六萬八千踰繕
那至金剛輪際令其地味悉皆增益
乃至四海所有土地亦使肥濃田疇

沃壤倍勝常日亦復令此瞻部洲中
江河池沼所有諸樹藥草叢林種種
花果根莖枝葉及諸苗稼形相可愛
衆所樂觀色香具足皆堪受用若諸
有情受用如是勝飲食已長命色力
諸根安隱增益光輝無諸痛惱心慧
勇健无不堪能又此大地凡有所須
百千事業悉皆周備世尊以是因緣
諸瞻部洲安隱豐樂人民熾盛无諸
衰惱所有衆生皆受安樂既受如是
身心快樂於此經王深加愛敬所在
之處皆願受持供養恭敬尊重讚歎
又復於彼說法大師法座之處悉皆
徃彼為諸衆生勸請說是寔勝經王
何以故世尊由說此經我之自身并
諸眷屬咸蒙利益光輝氣力勇猛威
勢顏容端正倍勝於常世尊我堅牢
地神蒙法味已令瞻部洲縱廣七十
踰繕耆地皆悉沃壤乃至如前所有
衆生皆受安樂是故世尊時彼衆生
為報我恩應作是念我當必定聽受
是經恭敬供養尊重讚歎作是念已
即從住處城邑聚落舍宅空地詣法

會所頂礼法師聽受是經既聽受已
各還本處心生慶喜共作是言我等
今者得聞甚深无上妙法即是攝受
不可思議功德之聚由經力故我等
當值無量无边百千俱胝那由多佛
承事供養永離三塗極苦之處復於
來世百千生中常生天上及在人間
受諸勝樂時彼諸人各還本處為諸
人衆說是經王若一喻一品一偈因緣
一如來名一菩薩名一四句頌或復
一句為諸衆生說是經典乃至首題
名字世尊隨諸衆生所住之處其地
悉皆沃壤肥濃過於餘處九是土地
所生之物悉得增長滋茂廣大令諸
衆生受才使樂多饒珍財好行惠施
心常堅固深信三寶作是語已尔時
世尊告堅牢地神曰若有衆生聞是
金光明最勝經王乃至一句命終之
後當得往生三十三天及餘天處若
有衆生為欲供養是經王故莊嚴宅
宇乃至張一傘蓋懸一繒幡由是因
緣六天之上如念受生七寶妙宮隨
意受用各各自然有七千天女共相

娛樂日夜常受不可思議殊勝之樂
作是語已。爾時堅牢地神白佛言。世
尊。以是因緣。若有四衆昇於法座。說
是法時。我當晝夜擁護。是人自隱其
身。在於座所。頂戴其足。世尊如是經
典。為彼衆生。已於百千佛所種善根。
者。於瞻部洲。流布不滅。是諸衆生。聽
斯經者。於未來世。無量百千俱那
庾多劫。天上人中。常受勝樂。得遇諸
佛。速成阿耨多羅三藐三菩提。不歷
三塗生死之苦。

爾時堅牢地神白佛言。世尊。我有心
咒。能利人天安樂。一切若有男子女
人。及諸四衆。欲得親見我真身者。應
當至心持此陀羅尼。隨其所願。皆悉
遂心。所謂資財珍寶。伏藏及求神通。
長年妙藥。并療衆病。降伏怨敵。制諸
異論。當於淨室。安置道場。洗浴身已。
著鮮潔衣。踞草座上。於有舍利尊像
之前。或有舍利制底之所。燒香散花。
飲食供養。於白月八日。布灑星合。即
可誦此請召之咒。

怛姪他。只哩只哩。主嚕主嚕。句嚕句嚕。

拘柱拘柱觀柱觀柱 縛訶^上縛訶 伐

捨伐捨 莎訶

世尊此之神呪若有四衆誦一百八遍請召於我我為是人即來赴請又復世尊若有衆生欲得見我現身共語者亦應如前安置法式誦此神呪怛姪他頽折泥^去頽力剎泥室尼達理訶訶^四區嚩 伐嚩莎訶

世尊若人持此呪時應誦一百八遍并誦前呪我必現身隨其所願悉得成就終不虛然若欲誦此呪時先誦護身呪曰

怛姪他你室里末捨羯擻捺擻矩擻^上勃地^上嚩底擻婢擻矩句擻佉婆^上只里莎訶世尊誦此呪時取五色線誦呪二十一遍作二十一結繫在左臂肘後即便護身無有所懼若有至心誦此呪者所求必遂我不妄語我以佛法僧寶而為要契證知是寶

尔時世尊告地神曰善哉善哉汝能以是實語神呪護此經王及說法者以是因緣令汝獲得无量福報

金光明寶勝王經僧慎尔耶藥叉大將第五

尔時值慎尔耶藥又大將并與二十
八部藥又諸神於大眾中皆從座起
偏袒右肩右膝著地合掌向佛白言
世尊此金光明寂勝經王若現在世
及未來世所在宣揚流布之處若於
城邑聚落山澤空林或王宮殿或僧
住處世尊我值慎尔耶藥又大將并
與二十八部藥又諸神俱詣其所各
自隱形隨處擁護彼說法師令離衰
惱常受安樂及聽法者若男若女童
男童女於此經中乃至受持一四句
頌或持一句或此經王首題名号及
此經中一如來名一菩薩名發心稱
念恭敬供養者我當救護攝受令无
灾橫離苦得樂世尊何故我名正了
知此之因緣是佛親證我知諸法我
曉一切法隨所有一切法如所有一
切法諸法種類體性差別世尊如是
諸法我能了知我有難思智光我有
難思智炬我有難思智行我有難思
智聚我於難思智境而能通達世尊
如我於一切法正知正曉正覺能正
觀察世尊以是因緣我藥又大將名

正了知以是義故我能令彼說法之
師言詞辯了具足莊嚴亦令精氣從
毛孔入身力充足威神勇健難思智
光皆得成就得正憶念無有退屈增
益彼身令無衰減諸根安樂常生歡
喜以是因緣為彼有情已於百千佛
所植諸善根修福業者於瞻部洲廣
宣流布不速隱沒彼諸有情聞是經
已得不可思議大智光明及以無量
福智之聚於未來世當受无量俱胝
那度多劫不可思量人天勝樂常與
諸佛共相值遇速證無上正等菩提
閻羅之界三塗極苦不復經過

今時正了知藥叉大將白佛言世尊
我有陀羅尼今對佛前親自陳說為
欲饒益憐愍諸有情故即說呪曰

南謨佛陀引也南謨達摩引也南謨僧

伽引也南謨跋囉咤火舍摩也南謨因

達囉也南謨折咄喃莫喝囉闍喃怛

姪他呬哩呬哩弭哩弭哩瞿哩莫訶

瞿哩健陀哩莫訶健陀哩達羅弭維

莫訶達羅弭維單荼曲勸駝問第去

訶訶訶訶呬呬呬呬呼呼呼呼呼

漢魯墨誑瞿墨誑者者者只只只

只主主主主拊茶攝

之涉

鉢

尸揭

囉

上

尸揭囉

唄底瑟咤

薄伽梵僧

慎尔耶莎訶

若復有人於此明呪能受持者我當
給與資生樂具飲食衣服花果珍異
或求男女童男童女金銀珍寶諸瓔
珞具我皆供給隨所願求令無闕乏
此之明呪有大威力若誦呪時我當
速至其所令无障尋隨意成就若持
此呪時應知其法先畫一鋪僧慎尔
耶藥叉形像高四五尺手執鉢鐺於
此像前作四方壇安四滿瓶蜜水或
沙糖水塗香料香燒香及諸花鬘又
於壇前作地火爐中安炭火以蘇摩
芥子燒於爐中口誦前呪一百八遍
一遍一燒乃至我藥叉大將自來現
身問呪人曰尔何所須意所求者即
以事答我即隨言於所求事皆令滿
足或須金銀及諸伏藏或欲神仙乘
空而去或求天眼通或知他心事於
一切有情隨意自在令斷煩惱速得
解脫皆得成就

尔時世尊告正了知樂又大將曰善哉善哉汝能如是利益一切衆生說此神呪擁護正法福利無邊

金光明勝王經王法正論品第三

尔時此大地神女名曰堅牢於大衆中從座而起頂礼佛足合掌恭敬白佛言世尊於諸國中為人王者若無正法不能治國安養衆生及以自身長居勝位惟願世尊慈悲哀愍當為我說王法正論治國之要令諸人王得聞法已如說修行正化於世能令勝位永保安寧國內人民咸蒙利益尔時世尊於大衆中告堅牢地神曰汝當諦聽過去有王名力尊幢其王有子名曰妙幢受灌頂位未久之頃尔時父王告妙幢言有王法正論名天主教法我於昔時受灌頂位而為國主我之父王名智力尊幢為我說王法正論我依此論於二萬歲善治國土我不曾憶起一念心行於非法汝於今日亦應如是勿以非法而治於國云何名為王法正論汝今善聽當為汝說尔時力尊幢王即為其

子以妙伽他說正論曰

我說王法論利安諸有情為斷世間疑
滅除衆過失一切諸天主及以人中王
當生歡喜心合掌聽我說往昔諸天衆
集在金剛山四王從座起請問於大梵
梵主軍勝尊天中大自然在願哀愍我等
為斷諸疑惑云何處人世而得名為天
復以何因緣号名曰天子云何生人間
獨得為人主云何在天上復得作天王
如是護世間問彼梵王已尔時梵天主
即便為彼說護世汝當知為利有情故
問我治國法我說應善聽由先善業力
生天得作王若在於人中統領為人主
諸天共加護然後入母胎既至母胎中
諸天復守護雖生在人世尊勝故名天
由諸天護持亦得名天子三十三天主
分力助人王及一切諸天亦資自在力
除滅諸非法惡業令不生教有情修善
使得生天上人及蘇羅衆并捷闍婆等
羅刹梅荼羅悉皆資半力父母資半力
令捨惡修善諸天共護持亦其諸善報
若造諸惡業令於現世中諸天不護持
亦其諸惡報國人造惡業王捨不禁制

斯非順正理 治損當如法 若見惡不遮
非法便滋長 遂令王國內 姦詐日增多
王見國中人 造惡不遮止 三十三天衆
咸生忿怒心 因此損國政 諂爲行世間
被他怨敵侵 破壞其國土 居家及資具
積財皆散失 種種諂誑生 更互相侵奪
由正法得王 而不行其法 國人皆破散
如象踏蓮池 惡風起无恒 暴雨非時下
妖星多變恠 日月蝕無光 五穀衆花果
果實皆不成 國土遭飢饉 由王捨正法
若王捨正法 以惡法化人 諸天處本宮
見已生憂惱 彼諸天王衆 共作如是言
此王作非法 惡黨相親附 王位不久安
諸天皆忿恨 由彼懷忿故 其國當敗亡
以非法教人 流行於國內 鬭諍多姦爲
疾疫生衆苦 天主不護念 餘天咸捨棄
國土當滅亡 王身受苦厄 父母及妻子
兄弟并姊妹 俱遭受別離 乃至身亡歿
變恠流星墮 二日俱時出 他方怨賊來
國人遭喪亂 國所重大臣 枉橫而身死
所愛象馬等 亦復皆散失 處處有兵戈
人多非法死 惡鬼來入國 疾疫遍流行
國中取大臣 及以諸輔相 其心懷諂佞

並恚行非法 見行非法者 而生於愛敬
於行善法人 苦楚而治罰 由愛敬惡人
治罰善人故 星宿及風雨 皆不以時行
有三種過生 正法當隱沒 衆生無光色
地肥皆下沉 由敬惡輕善 復有三種過
非時降霜雹 飢疫苦流行 穀稼諸果實
滋味皆損減 於其國土中 衆生多疾病
國中諸樹木 先生甘美果 由斯皆損減
苦澀无滋味 先有妙園林 可愛遊戲處
忽然皆枯悴 見者生憂惱 稻麥諸果實
美味漸消亡 食時心不喜 何能長諸大
衆生光色減 勢力盡衰微 食飲雖復多
不能令飽足 於其國界中 所有衆生類
少力无勇勢 所作不堪能 國人多疾患
衆苦逼其身 鬼魅遍流行 隨處生羅刹
若王作非法 親近於惡人 令三種世間
因斯受衰損 如是无邊過 出在於國中
皆由見惡人 棄捨不治損 由諸天加護
得作於國王 而不以正法 守護於國界
若人修善行 當得生天上 若造惡業者
死必墮三塗 若王見國人 縱其造過失
三十三天衆 皆生熱惱心 不順諸天教
及以父母言 此是非法人 非王非孝子

若於自國中見行非法者如法當治罰
不應生捨棄是故諸天衆皆護持此王
以滅諸惡法能修善根故王於此世中
必招於現報由於善惡業行捨勸衆生
為示善惡報故得作人王諸天共護持
一切咸隨喜由自利利他治國以正法
見有諂佞者應當如法治假使失王位
及以害命緣終不行惡法見惡而捨棄
害中極重者無過失國位皆因諂佞人
為此當治罰若有諂誑人當失於國位
由斯損王政如象入花園天主皆瞋恨
阿蘇羅亦然以彼為人王不以法治國
是故應如法治罰於惡人以善化衆生
不順於非法寧捨於身命不隨非法友
於親及非親平等觀一切若為正法王
國內無偏黨法王有名稱普聞三界中
三十三天衆歡喜作是言瞻部洲法王
彼即是我子以善化衆生正法治於國
勸行於正法當令生我宮天及諸天子
及以蘇羅衆因王正法化常得心歡喜
天衆皆歡喜共護於人王衆星依位行
日月无乖度和風常應節甘雨順時行
苗實皆善成人無飢饉者一切諸天衆

充滿於自宮是故汝人王亡身弘正法
應尊重法寶由斯衆安樂常當親正法
功德自在嚴眷屬常歡喜能遠離諸惡
以法化衆生恒令得安隱令彼一切人
修行於十善率土常豐樂國土得安寧
王以法化人善調於惡行常得好名稱
安樂諸衆生

今時大地一切人王及諸大衆聞佛
說此古昔人王治國要法得未曾有
皆大歡喜信受奉行

金光明勝王經卷第

壬寅歲高麗國大藏都監奉

勅彫造

金光明最勝王經卷第九

食

大唐三藏沙門義淨奉 制譯

善生王品第三十一

尔時世尊為諸大眾說王法正論已
復告大眾汝等應聽我今為汝說其
往昔奉法因緣即於是時說伽他曰
我昔曾為轉輪王 捨此大地并大海
四洲珍寶皆充滿 持以供養諸如來
我於往昔無量劫 為求清淨真法身
所愛之物皆悉捨 乃至身命心無慍
又於過去難思劫 有正遍知名寶髻
於彼如來涅槃後 有王出世名善生
為轉輪王化四洲 盡大海際咸歸伏
有城名曰妙音聲 時彼輪王於此住
夜夢聞說佛福智 見有法師名寶積
處座端嚴如日輪 演說金光微妙典
尔時彼王從夢覺 生大歡喜充遍身
至天曉已出王宮 往詣苾芻僧伽處
恭敬供養聖衆已 即便問彼諸大眾
頗有法師名寶積 功德成就化衆生
尔時寶積大法師 在一室中而住止
正念誦斯微妙典 端然不動身心樂

時有苾芻引導王 至彼寶積所居處
見在室中端身坐 光明妙相遍其身
白王此即是寶積 能持甚深佛行處
所謂微妙金光明 諸經中王軍第一
時王即便礼寶積 恭敬合掌而致請
唯願滿月面端嚴 為說金光微妙法
寶積法師受王請 許為說此金光明
周遍三千世界中 諸天大衆咸歡喜
王於廣博清淨處 奇妙珍寶而嚴飾
上妙香水灑遊塵 種種雜花皆散布
即於勝處敷高座 懸繒幡蓋以莊嚴
種種鉢香及塗香 香氣芬馥皆周遍
天龍修羅緊那羅 莫呼洛伽及藥叉
諸天悉雨曼陀花 咸來供養彼高座
復有千乃億諸天 樂聞正法俱來集
法師初從本座起 咸悉供養以天花
是時寶積大法師 淨洗浴已著鮮服
詣彼大衆法座所 合掌虔心而礼敬
天主天衆及天女 悉皆共散曼陀花
百千天樂難思議 住在空中出妙響
亦時寶積大法師 即昇高座加趺坐
念彼十方諸刹土 百千万億大慈尊
遍及一切苦衆生 皆起平等慈悲念

為彼請主善生故 演說微妙金光明
王既得聞如是法 合掌一心唱隨喜
聞法希有淚交流 身心大喜皆充遍
于時國主善生王 為欲供養此經故
手持如意末尼寶 發願咸為諸衆生
今可於斯瞻部洲 普雨七寶瓔珞具
所有匱乏資財者 皆得隨心受安樂
即便遍雨於七寶 悉皆充足四洲中
瓔珞嚴身隨所須 衣服飲食皆无乏
余時國主善生王 見此四洲雨珍寶
咸持供養寶鬘佛 所有遺教悉勸僧
應知過去善生王 即我釋迦牟尼是
為於昔時捨大地 及諸珍寶滿四洲
昔時寶積大法師 為彼善生說妙法
因彼開演經王故 東方現成不動佛
以我曾聽此經王 合掌一言稱隨喜
及施七寶諸功德 獲此寂勝金剛身
金光百福相莊嚴 所有見者皆歡喜
一切有情無不愛 俱旺天衆亦同然
過去曾經九十九 俱脰億劫作輪王
亦於小國為人王 復經无量百千劫
於無量劫為帝釋 亦復曾為大梵王
供養十力大慈尊 彼之數量難窮盡

我昔聞經隨喜善 所有福聚量難知
由斯福故證菩提 獲得法身真妙智
尔時大衆聞是說已歎未曾有皆願
奉持金光明經流通不絕

金光寶勝王經諸天藥叉護持品第三十

尔時世尊告大吉祥天女曰若有淨
信善男子善女人欲於過去未來現
在諸佛以不可思議廣大微妙供養
之具而為奉獻及欲解了三世諸佛
甚深行處是人應當決定至心隨是
經王所在之處城邑聚落或山澤中
廣為衆生敷演流布其聽法者應除
乱想攝耳用心於時世尊即為彼天
及諸大衆說伽他曰

若欲於諸佛 不思議供養 復了諸如來
甚深境界者 若見演說此 寶勝金光明
應親詣彼方 至其所住處 此經難思議
能生諸功德 无邊大苦海 解脫諸有情
我觀此經王 初中後皆善 甚深不可測
譬喻無能比 假使恒河沙 大地塵海水
虛空諸山石 無能喻少分 欲入深法界
應先聽是經 法性之制底 甚深善安住
於新制底內 見我牟尼尊 悅意妙音聲

演說斯經典 由此俱旺劫 數量難思議
生在人天中 常受勝妙樂 若聽是經者
應作如是心 我得不思議 無邊功德蘊
假使大火聚 滿百踰繕那 為聽此經王
直過無辭苦 既至彼住處 得聞如是經
能滅於罪業 及除諸惡夢 惡星諸變恠
盡道邪魅等 得聞是經時 諸惡皆捨離
應嚴勝高座 淨妙若蓮花 法師處其上
猶如大龍坐 於斯安坐已 說此甚深經
書寫及誦持 并為解其義 法師捨此座
往詣餘方所 於此高座中 神通非一相
或見法師像 猶在高座上 或時見世尊
及以諸菩薩 或作普賢像 或如妙吉祥
或見慈氏尊 身處於高座 或見希奇相
及以諸天像 暫得覩容儀 忽然還不現
成就諸吉祥 所作皆隨意 功德悉圓滿
世尊如是說 寂勝有名稱 能滅諸煩惱
他國賊皆除 戰時常得勝 惡夢悉皆无
及消諸毒害 所作三業罪 經力能除滅
於此瞻部洲 名稱咸充滿 所有諸怨結
悉皆相捨離 設有怨敵至 聞名便退散
不假動兵戈 雨陣生歡喜 梵王帝釋主
護世四天王 及金剛藥叉 正了知大將

無熱池龍王及以娑揭羅緊部羅樂神
蘇羅金翅王大辯才天女并大吉祥天
斯等上首天各領諸天衆常供養諸佛
法寶不思議恒生歡喜心於經起恭敬
斯等諸天衆皆悉共思惟遍觀修福者
共作如是說應觀此有情咸是大福德
善根精進力當來生我天為聽其深經
敬心來至此供養法制底尊重正法故
憐愍於衆生而作大饒益於此深經典
能為法寶器入此法門者能入於法性
於此金光明至心應聽受是人曾供養
無量百千佛由彼諸善根得聞此經典
如是諸天主天女大辯才并彼吉祥天
及以四王衆無數藥叉衆勇猛有神通
各於其四方常來相擁護日月天帝釋
風水火諸神吠率怒大肩閼羅轉才等
一切諸護世勇猛具威神擁護持經者
晝夜常不離大力藥叉王部羅延自在
正了知為首二十八藥叉餘藥叉百千
神通有大力恒於恐怖處常來護此人
金剛藥叉王并五百眷屬諸大菩薩衆
常來護此人寶王藥叉王及以滿賢王
曠野金毗羅賓度羅黃色山等藥叉王

各五百眷屬見聽此經者皆來共擁護
彩軍捷闍婆軍王常戰勝珠頸及青頸
并勃里沙王大取勝大黑蘇跋拏鷄舍
半之迦羊足及以大婆伽小渠并護法
及以獼猴王針毛及日支寶鬚皆來護
大渠諾拘羅栴檀欲中勝舍羅及雪山
及以娑多山皆有大神通雄猛具大力
見持此經者皆來相擁護阿那婆荅多
及以娑揭羅目真瞿羅葉難陀小難陀
於百千龍中神通具威德共護持經人
晝夜常不離婆稚羅睺羅毗摩質多羅
母盲苦跋羅大肩及歡喜及餘蘇羅王
并無數天衆大力有勇健皆來護是人
訶利底母神五百藥叉衆於彼人睡覺
常來相擁護旃荼旃荼利藥叉旃稚女
昆帝拘吒齒吸衆生精氣如是諸神衆
大力有神通常護持經者晝夜恆不離
上首辯才天无量諸天女吉祥天為首
并餘諸眷屬此大地神女果實因林神
樹神江河神制底諸神等如是諸天神
心生大歡喜彼皆來擁護讀誦此經人
見有持經者增壽命色力威光及福德
妙相以莊嚴星宿現災變困厄當此人

夢見惡徵祥 皆悉令除滅 此大地神女
堅固有威勢 由此經力故 法味常充足
地肥若流下 過百踰繕那 地神令味上
滋潤於大地 此地厚六十 八億踰繕那
乃至金剛際 地味皆令上 由聽此經王
獲大功德蘊 能使諸天衆 悉蒙其利益
復令諸天衆 威力有光明 歡喜常安樂
捨離於衰相 於此南洲內 林果苗稼神
由此經威力 心常得歡喜 苗實皆成就
處處有妙花 果實並滋繁 充滿於大地
所有諸果樹 及以衆園林 悉皆生妙花
香氣常芬馥 衆草諸樹木 咸出微妙花
及生甘美果 隨處皆充遍 於此瞻部洲
无量諸龍女 心生大歡喜 皆共入池中
種植鉢頭摩 及以分陀利 青白二蓮花
池中皆遍滿 由此經威力 虛空淨無翳
雲霧皆除遣 暝闇悉光明 日出放千光
無垢焰清淨 由此經王力 流暉遶四天
此經威德力 資助於天子 皆用瞻部金
而作於宮殿 日天子初出 見此洲歡喜
常以大光明 周遍皆照耀 於斯大地內
所有蓮花池 日光照及時 无不盡開發
於此瞻部洲 田疇諸果藥 悉皆令善熟

充滿於大地由此經威力日月所照處
星辰不失度風雨皆順時遍此瞻部洲
國土咸豐樂隨有此經處殊勝倍餘方
若此金光明經典流布處有能講誦者
悉得如上福

尔時大吉祥天女及諸天等聞佛所
說皆大歡喜於此經王及受持者一
心擁護令無憂惱常得安樂

金光明最勝王經授記品第三十三

尔時如來於大眾中廣說法已欲為
妙幢菩薩及其二子銀幢銀光授阿
耨多羅三藐三菩提記時有十千天
子甯勝光明而為上首俱從三十三
天來至佛所頂礼佛足却坐一面聽
佛說法尔時佛告妙幢菩薩言汝於
來世過無量無數百千万億那由多
劫已於金光明世界當成阿耨多羅
三藐三菩提号金寶山王如來應正
遍知明行足善逝世間解無上士調
御丈夫天人師佛世尊出現於世時
此如來般涅槃後所有教法亦皆滅
盡時彼長子名曰銀幢即於此界次
補佛處世界尔時轉名淨幢當得作

佛名曰金幢光如來應正遍知明行
足善逝世間解无上士調御丈夫天
人師佛世尊時此如來般涅槃後所
有教法亦皆滅盡次子銀光即補佛
處還於此界當得作佛号曰金光明
如來應正遍知明行足善逝世間解
無上士調御丈夫天人師佛世尊是
時十千天子聞三大士得授記已復
聞如是寂勝王經心生歡喜清淨無
垢猶如虚空尔時如來知是十千天
子善根成熟即便與授大菩提記汝
等天子於當來世過無量元數百千
万億那由多劫於寂勝因陀羅高幢
世界得成阿耨多羅三藐三菩提同
一種姓又同一名号曰面目清淨優
鉢羅香山十号具足如是次第十千
諸佛出現於世尔時菩提樹神白佛
言世尊是十千天子從三十三天為
聽法故來詣佛所云何如來便與授
記當得成佛世尊我未曾聞是諸天
子具足修習六波羅蜜多難行苦行
捨於手足頭目髓腦眷屬妻子象馬
車乘奴婢僕使宮殿園林金銀琉璃

車渠馬瑙珊瑚虎珀璧玉珂貝飲食
衣服外具醫藥如餘无量百千菩薩
以諸供具供養過去無數百千万億
那庾多佛如是菩薩各經无量無邊
劫數然後方得受菩提記世尊是諸
天子以何因緣修何勝行種何善根
從彼天來暫時聞法便得授記惟願
世尊為我解說斷除疑網佛告樹神
善女天如汝所說皆從勝妙善根因
緣勤苦修已方得授記此諸天子於
妙天宮捨五欲樂故來聽是金光明
經既聞法已於是經中心生殷重如
淨琉璃无諸瑕穢復得聞此三大菩
薩授記之事亦由過去久修正行誓
願因緣是故我今皆與授記於未來
世當成阿耨多羅三藐三菩提時彼
樹神聞佛說已歡喜信受

金光明最勝王經除病品第二十四

佛告菩提樹神善女天諦聽諦聽善
思念之是十千天子本願因緣今為
汝說善女天過去无量不可思議阿
僧企耶劫今時有佛出現於世名曰
寶髻如來應正遍知明行足善逝世

聞解无上士調御丈夫天人師佛世尊善女天時彼世尊般涅槃後正法滅已於像法中有王名曰天自在光常以正法化於人民猶如父母是王國中有一長者名曰持水善解醫明妙通八術衆生病苦四大不調咸能救療善女天今時持水長者唯有一子名曰流水顏容端正人所樂觀受性聰敏妙閑諸論書畫筭印无不通達時王國內有無量百千諸衆生類皆遇疫疾衆苦所逼乃至无有歡樂之心善女天今時長者子流水見は無量百千衆生受諸病苦起大悲心作如是念無量衆生為諸極苦之所逼迫我父長者雖善醫方妙通八術能療衆病四大增損然已衰邁老耄虛羸要假扶策方能進步不復能往城邑聚落救諸病苦今有无量百千衆生皆遇重病無能救者我今當至大醫父所諮問治病醫方秘法若得解已當往城邑聚落之所救諸衆生種種疾病令於長夜得受安樂時長者子作是念已即詣父所稽首礼足

合掌恭敬却住一面即以伽他請其
父曰

慈父當哀愍 我欲救衆生 今請諸醫方
幸願為我說 云何身衰壞 諸大有增損
復在何時中 能生諸疾病 云何噉飲食
得受於安樂 能使內身中 火熱不衰損
衆生有四病 風黃熱痰癰 及以捻集病
云何而療治 何時風病起 何時熱病發
何時動痰癰 何時捻集生
時彼長者聞子請已復以伽他而答
之曰

我今依古仙 所有療病法 次第為汝說
善聽救衆生 三月是春時 三月名為夏
三月名秋分 三月謂冬時 此據一年中
三三而別說 二二為一節 便成歲六時
初二是花時 三四名熱際 五六名雨際
七八謂秋時 九十是寒時 後二名冰雪
既知如是別 授藥勿令老 當隨此時中
調息於飲食 入腹令消散 衆病則不生
節氣若變改 四大有推移 此時無藥資
必生於病苦 醫人解四時 復知其六節
明閑身七界 食藥使无老 謂味界血肉
骨及髓腦 病入此中時 知其可療不

病有四種別 謂風熱痰癰 及以摠集病
應知發動時 春中痰癰動 夏內風病生
秋時黃熱增 冬節三俱起 春食溢熱辛
夏臍熱鹹醋 秋時冷甜膩 冬酸滋膩甜
於此四時中 服藥及飲食 若依如是味
衆病无由生 食後病由癰 食消時由熱
消後起由風 准時須識病 既識病源已
隨病而設藥 假令患狀殊 先須療其本
風病服油膩 患熱利為良 癰病應變吐
摠集須三藥 風熱癰俱有 是名為摠集
雖知病起時 應觀其本性 如是觀知已
順時而授藥 飲食藥无老 斯名善醫者
復應知八術 摠攝諸醫方 於此若明閑
可療衆生病 謂針刺傷破 身疾并鬼神
惡毒及孩童 延年增氣力 先觀彼形色
語言及性行 然後問其夢 知風熱癰殊
乾瘦少頭髮 其心無定住 多語夢飛行
斯人是風性 少年生白髮 多汗及多瞋
聰明夢見火 斯人是熱性 心定身平整
慮審頭津膩 夢見水白物 是癰性應知
摠集性俱有 或二或具三 隨有一偏增
應知是其性 既知本性已 准病而授藥
驗其無死相 方名可救人 諸根倒取境

尊醫人起慢 親友生瞋恚 是死相應知
左眼白色變 舌黑鼻梁欹 耳輪與舊殊
下脣垂向下 訶梨勒一種 具足有六味
能除一切病 無忌藥中王 又三果三辛
諸藥中易得 沙糖蜜蘇乳 此能療衆病
自餘諸藥物 隨病可增加 先起慈愍心
莫覘於財利 我已為汝說 療疾中要事
以此救衆生 當獲無邊果

善女天今時長者子流水親問其父
八術之要四大增損時節不同餌藥
方法既善了知自忖堪能救療衆病
即便遍至城邑聚落所在之處隨有
百千万億病苦衆生皆至其所善言
慰喻作如是語我是醫人我是醫人
善知方藥今為汝等療治衆病恚令
除愈善女天今時衆人聞長者子善
言慰喻許為治病時有無量百千衆
生遇極重病聞是語已身心踊躍得
未曾有以此因緣所有病苦悉得蠲
除氣力充實平復如本善女天今時
復有無量百千衆生病苦深重難療
治者即共往詣長者子所重請醫療
時長者子即以妙藥令服皆蒙除老

善女天是長者子於此國內治百千萬億衆生病苦悉得除老

金光明最勝王經長者子流水品第三十五

尔時佛告菩提樹神善女天尔時長者子流水於往昔時在天自在光王國內療諸衆生所有病苦令得平復受安隱樂時諸衆生以病除故多修福業廣行惠施以自歡娛即共往詣長者子所咸生尊敬作如是言善哉善哉大長者子善能滋長福德之事增益我等安隱壽命仁今實是大力醫王慈悲菩薩妙開醫藥善療衆生无量病苦如是稱歎因遍城邑善女天時長者子妻名水肩截有其二子一名水滿二名水藏是時流水將其二子漸次遊行城邑聚落過空澤中深險之處見諸禽獸豺狼狐獾鷗鷺之屬食血肉者皆悉奔飛一向而去時長者子作如是念此諸禽獸何因緣故一向飛走我當隨後暫往觀之即便隨去見有大池名曰野生其水將盡於此池中多有衆魚流水見已生大悲心時有樹神示現半身作如

是語善哉善哉善哉男子汝有實義名
流水者可愍此魚應與其水有二因
緣名為流水一能流水二能與水汝
今應當隨名而作是時流水問樹神
言此魚頭數為有幾何樹神答曰數
滿十千善女天時長者子聞是數已
停益悲心時此大池為日所曝餘水
無幾是十千魚將入死門旋身婉轉
見是長者心有所怖隨逐瞻覩目未
曾捨時長者子見是事已馳趣四方
欲覓於水竟不能得復望一邊見有
大樹即便昇上折取枝葉為作蔭涼
復更推求池水從何處來尋覓
不已見一大河名曰水生時此河邊
有諸漁人為取魚故於河上流懸險
之處決棄其水不令下過於所決處
卒難修補便作是念此崖深峻設百
千人時經三月亦未能斷况我一身
而堪濟辦時長者子速還本城至大
王所頭面礼足却住一面合掌恭敬
作如是言我為大王國土人民治種
種病患今安隱漸次遊行至其空澤
見有一池名曰野生其水欲涸有十

千魚為日所曝將死不久惟願大王慈悲愍念與二十大象暫往負水濟彼魚命如我與諸病人壽命今時大三即勅大臣速疾與此醫王大象時彼大臣奉王勅已白長者子善哉大士仁今自可至象廐中隨意選取二十大象利益衆生令得安樂是時流水及其二子將二十大象又從酒家多借皮囊往決水處以囊盛水象負至池渴置池中水即充滿還復如故善女天時長者子於池四邊周旋而視時彼衆魚亦復隨逐循岸而行時長者子復作是念衆魚何故隨我而行必為飢火之所惱逼復欲從我求索於食我今當與今時長者子流水告其子言汝取一象取大力者速至家中啓父長者家中所有可食之物乃至父母食取之分及以妻子奴婢之分悉皆收取即可持來今時二子受父教已乘輿大象迺往家中至祖父所說如上事收取家中可食之物置於象上疾還父所至彼池邊是時流水見其子來身心喜躍遂取餅食

遍散池中魚得食已悉皆飽足便作
是念我今施食令魚得命願於來世
當施法食充濟无邊復更思惟我先
曾於空閑林處見一苾芻讀大乘經
說十二緣生甚深法要又經中說若
有衆生臨命終時得聞寶髻如來名
者即生天上我今當為是十千魚演
說甚深十二緣起亦當稱說寶髻佛
名然瞻部洲有二種人一者深信大
乘二者不信毀訾亦當為彼增長信
心時長者子作如是念我入池中可
為衆魚說深妙法作是念已即便入
水唱言南謨過去寶髻如來應正遍
知明行足善逝世間解无上士調御
丈夫天人師佛世尊此佛往昔修菩
薩行時作是誓願於十方界所有衆
生臨命終時聞我名者命終之後得
生三十三天尔時流水復為池魚演
說如是甚深妙法此有故彼有此生
故彼生所謂無明緣行行緣識識緣
名色名色緣六處六處緣觸觸緣受
受緣愛愛緣取取緣有有緣生生緣
老死憂悲苦惱此滅故彼滅所謂无

明滅則行滅行滅則識滅識滅則名
色滅名色滅則六處滅六處滅則觸
滅觸滅則受滅受滅則愛滅愛滅則
取滅取滅則有滅有滅則生滅生滅
則老死滅老死滅則憂悲苦惱滅如
是純極苦蘊悉皆除滅說是法已復
為宣說十二緣起相應陀羅尼曰
怛姪他毗折你毗折你毗折你僧塞
枳你僧塞枳你僧塞枳你毗你毗
你毗你莎訶怛姪他都彌你都
彌你都彌你殺雉你殺雉你殺雉你
蠟鉢哩設你蠟鉢哩設你蠟鉢哩設
你莎訶怛姪他薛達你薛達你薛達
你室里瑟你你室里瑟你你室里瑟
你你鄒波地你鄒波地你鄒波地你
莎訶怛姪他婆毗你婆毗你婆毗你
閻底你閻底你閻底你閻摩你你
閻摩你你閻摩你你莎訶
今時世尊為諸大眾說長者子昔緣
之時諸人天衆歎未曾有時四大天
王各於其處異口同音作如是說
善哉釋迦尊說妙法明呪生福除災患
十二支相應我等亦說呪擁護如是法

若有生違逆 不善隨順者 頭破作七分
猶如蘭香梢 我等於佛前共說其呪曰
怛姪他 唎里謎揭睇健陀哩 旃荼哩地
嚧 驤伐嚧石 唎伐嚧 補囉布嚧 矩矩
末底 崎囉末底 達地目契 窣嚧婆
母嚧婆 具荼母嚧健提 杜嚧拉嚧毗
嚧 嚧泥悉悉泥 沓徒洽 娑達沓 娑
怛哩 烏率吒囉伐底 頰刺娑伐底 鉢
杜摩伐底 俱蘇摩伐底 莎訶

佛告善女 天今時長者子流水及其
二子為彼池魚施水施食并說法已
俱共還家是長者子流水復於後時
因有聚會設衆伎樂醉酒而卧時十
千魚同時命過生三十三天起如是
念我等以何善業因緣生此天中便
相謂曰我等先於瞻部洲內墮傍生
中共受魚身長者子流水施我等水
及以餅食復為我等說甚深法十二
緣起及陀羅尼復稱寶髻如來名号
以是因緣能令我等得生此天是故
我今咸應詣彼長者子所報恩供養
今時十千天子即於天沒至瞻部洲
大醫王所時長者子在高樓上安隱

而睡時十千天子共以十千真珠瓔珞置其面邊復以十千置其足處復以十千置於右脅復以十千置左脅邊雨曼陀羅花摩訶曼陀羅花積至于膝光明普照種種天樂出妙音聲令瞻部洲有睡眠者皆悉覺悟長者子流水亦從睡寤是時十千天子為供養已即於空中飛騰而去於天自在光王國內處處皆雨天妙蓮花是諸天子復至忉利空澤池中雨衆天花便於此沒還天宮殿隨意自在受五欲樂天自在光王至天曉已問諸大臣昨夜何緣忽現如是希有瑞相放大光明大臣答言大王當知有諸天衆於長者子流水家中雨四十千真珠瓔珞及天曼陀羅花積至于膝王告臣曰詣長者家喚取其子大臣受勅即至其家奉宣王命喚長者子時長者子即至王所王曰何緣昨夜亦現如是希有瑞相長者子言如我思惟定應是彼池內衆魚如經所說命終之後得生三十三天彼來報恩故現如是希奇之相王曰何以得知

流水答言王可遣使并我二子往彼池所驗其虛實彼十千魚為死為活王聞是語即便遣使及子向彼池邊見其池中多有曇陀羅花積成大聚諸魚並死見已馳還為王廣說王聞是已心生歡喜歎未曾有今時佛告菩提樹神善女天汝今當知昔時長者子流水者即我身是持水長者即妙幢是彼之二子長子水滿即銀幢是次子水藏即銀光是彼天自在光王者即汝菩提樹神是十千魚者即十千天子是因我往昔以水濟魚與食令飽為說甚深十二緣起并此相應陀羅尼呪又為稱彼寶髻佛名因此善根得生天上今來我所歡喜聽法我皆當為授於阿耨多羅三藐三菩提記說其名号善女天如我往昔於生死中輪迴諸有廣為利益今無量衆生悉令次第成无上覺與其授記汝等皆應勤求出離勿為放逸今時大衆聞說是已悉皆悟解由大慈悲救護一切勤修苦行方能證獲無上菩提咸發深心信受歡喜

金光明最勝王經卷第九

癸卯歲高麗國大藏都監奉
勅彫造

金光明寂勝王經卷第十

八

大唐三藏沙門義淨奉 制譯

捨身品第三十六

余時世尊已為大衆說此十千天子
往昔因緣復告菩提樹神及諸六衆
我於過去行菩薩道非但施水及食
濟彼魚命乃至亦捨所愛之身如是
因緣可共觀察余時如來應正等覺
天上天下寂勝寂尊百千光明照十
方界具一切智功德圓滿將諸苾芻
及於大衆至般遮羅聚落詣一林中
其地平正無諸荊棘名花軟草遍布
其處佛告具壽阿難陀汝可於此樹
下為我敷座時阿難陀受教敷已白
言世尊其座敷訖唯聖知時余時世
尊即於座上加趺而坐端身正念告
諸苾芻汝等樂欲見彼往昔苦行菩
薩本舍利不諸苾芻言我等樂見世
尊即以百福莊嚴相好之手而按其
地于時大地六種震動即便開裂七
寶制底忽然踊出衆寶羅網莊嚴其
上大衆見已生希有心余時世尊即

從座起作礼右遶還就本座告阿難

陀汝可開此剎底之戶時阿難陀即

開其戶見七寶函奇珍間飾白言世

尊有七寶函衆寶莊校佛言汝可開

函時阿難陀奉教開已見有舍利白

如珂雪拘物頭花即白佛言函有舍

利色妙異常佛言阿難陀汝可持此

大士骨來時阿難陀即取其骨奉授

世尊世尊受已告諸苾芻汝等應觀

苦行菩薩遺身舍利而說頌曰

菩薩勝德相應慧勇猛精勤六度圓

常修不息為菩提不捨堅固心無倦

汝等苾芻咸應礼敬菩薩本身此之

舍利乃是無量戒定慧香之所熏馥

衆上福田極難逢遇時諸苾芻及諸

大衆咸皆至心合掌恭敬頂礼舍利

歎未曾有時阿難陀前礼佛足白言

世尊如來大師出過一切為諸有情

之所恭敬何因緣故礼此身骨佛告

阿難陀我因此骨速得元上正等菩

提為報往恩我今致礼復告阿難陀

吾今為汝及諸大衆斷除疑惑說是

舍利往昔因緣汝等善思當一心聽

阿難陀曰我等樂聞願為開闡阿難
陀過去世時有一國王名曰大車巨
富多財庫藏盈滿軍兵武勇衆所欽
伏常以正法施化黔黎人民熾盛無
有怨敵國大夫人誕生三子顏容端
正人所樂觀太子名曰摩訶波羅次
子名曰摩訶提婆幼子名曰摩訶薩
埵是時大王為欲遊觀縱賞山林其
三王子亦皆隨從為求花果捨父周
旋至大竹林於中憩息第一王子作
如是言我於今日心甚驚惶於此林
中將無猛獸損害於我第二王子復
作是言我於自身初無恡惜恐於所
愛有別離苦第三王子白二兄曰
此是神仙所居處我無恐怖別離憂
身心充遍生歡喜當獲殊勝諸功德
時諸王子各說本心所念之事次復
前行見有一虎產生七子纔經七日
諸子圍遶飢渴所逼身形羸瘦將死
不久第一王子作如是言哀哉此虎
產來七日七子圍遶无暇求食飢渴
所逼必還取子薩埵王子問言此虎
每常所食何物第一王子答曰

虎豹豺師子 唯敢熱血肉 更無餘飲食
可濟此虛羸

第二王子聞此語已作如是言此虎羸瘦飢渴所逼餘命無幾我等何能為求如是難得飲食誰復為斯自捨身命濟其飢苦第一王子言一切難捨無過已身薩埵王子言我等今者於自己身各生愛戀復無智慧不能於他而興利益然有上士懷大悲心常為利他亡身濟物復作是念我今此身於百千生虛棄爛壞曾無所益去何今日而不能捨以濟飢苦如捐涕唾時諸王子作是議已各起慈心悽傷愍念共觀羸虎目不暫移徘徊久之俱捨而去尔時薩埵王子便作是念我捨身命今正是時何以故我從久來持此身 臭穢膿流不可愛供給敷具并衣食 象馬車乘及珍財變壞之法體無常 恒求難滿難保守雖常供養懷怨害 終歸棄我不知恩後次此身不堅於我無益可畏如賊不淨如糞我於今日當使此身修廣大業於生死海作大舟航棄捨輪迴

令得出離復作是念若捨此身則捨無量癰疽惡疾百千怖畏是身唯有大小便利不堅如泡諸虫所集血脉筋骨共相連持甚可厭患是故我今應當棄捨以求无上究竟涅槃永離憂患無常苦惱生死休息斷諸塵累以定慧力圓滿熏修百福莊嚴成一切智諸佛所讚微妙法身既證得已施諸衆生無量法樂是時王子興大勇猛發弘誓願以大悲念增益其心慮彼二兄情懷怖懼共為留難不果所祈即便白言二兄前去我且於後

爾時王子摩訶薩埵還入林中至其虎所脫去衣服置於竹上作是誓言我為法界諸衆生志求無上菩提處起大悲心不傾動當捨凡夫所愛身菩提無患无熱惱諸有智者之所樂三界苦海諸衆生我今拔濟令安樂是時王子作是言已於餓虎前委身而卧由此菩薩慈悲威勢虎无能為菩薩見已即上高山投身于地時諸神仙捧接王子曾無傷損復作是念虎今羸瘦不能食我即起求刀竟不

能得即以乾竹刺頸出血漸近虎邊
是時大地六種震動如風激水涌沒
不安日無精明如羅睺障諸方闇蔽
无復光輝天雨名華及妙香末繽紛
亂墜遍滿林中尔時虛空有諸天衆
見是事已生隨喜心歎未曾有咸共
讚言善哉大士即說頌曰

大士救護運悲心 等視衆生如一子
勇猛歡喜情無怯 捨身濟苦福難思
定至真常勝妙處 永離生死諸纏縛
不久當獲菩提果 寂靜安樂證无生
是時餓虎既見菩薩頸下血流即便
舐血啖肉皆盡唯留餘骨尔時第一
王子見地動已告其弟曰

大地山河皆震動 諸方闇蔽日無光
天花亂墜遍空中 定是我弟捨身相
第二王子聞兄語已說伽他曰

我聞薩埵慈悲語 見彼餓虎身羸瘦

飢苦所纏恐食子 我今疑弟捨其身

時二王子生大愁苦啼泣悲歎即共

相隨還至虎所見弟衣服在竹枝上

骸骨及髮在處縱橫血流成泥露汙其

地見已悶絕不能自持投身骨上久

乃得蘇即起舉手哀號大哭俱時歎曰
我弟貌端嚴父母偏愛念云何俱共出
捨身而不歸父母若問時我等如何答
寧可同捐命豈復自存身

時二王子悲泣懊惱漸捨而去時小
王子所將侍從牙相謂曰王子何在
宜共推求

亦時國大夫人寢高樓上便於夢中
見不祥相被剖兩乳牙齒墮落得三
鵠鵠一為鷹奪二被驚怖地動之時
夫人遂覺心大愁惱作如是言

何故今時大地動江河林樹皆搖震
日無精光如覆蔽目瞞乳動異常時
如箭射心憂苦逼遍身戰慄不安隱
我之所夢不祥徵必有非常災變事
夫人兩乳忽然流出念此必有變怖
之事時有侍女聞外人言求覓王子
今猶未得心大驚怖即入宮中白夫
人曰大家知不外聞諸人散覓王子
遍求不得時彼夫人聞是語已生大
憂惱悲淚盈目至大王所白言大王
我聞外人作如是語失我最小所愛
之子王聞語已驚惶失所悲哽而言

苦哉今日失我愛子即便拭淚慰喻夫人告言賢首汝勿憂感吾今共出求覓愛子王與大臣及諸人衆即共出城各各分散隨處求覓未久之頃有一大臣前白王曰聞王子在願勿憂愁其軍小者今猶未見王聞是語悲歎而言苦哉苦哉失我愛子

初有子時歡喜少後失子時憂苦多若使我兒重壽命縱我身亡不為苦夫人聞已憂惱纏懷如被箭中而喪歎曰

我之三子并侍從俱往林中共遊賞軍小愛子獨不還定有乖離灾厄事次第二臣來至王所王問臣曰愛子何在第二大臣懊惱啼泣喉舌乾燥口不能言竟無辭答夫人問曰

速報小子今何在我身熱惱遍燒然悶亂荒迷失本心勿使我曾今破裂時第二臣即以王子捨身之事具白王知王及夫人聞其事已不勝悲噎望捨身處驟駕前行詣竹林所至彼菩薩捨身之地見其骸骨隨處交橫俱時投地悶絕將死猶如猛風吹倒

大樹心迷失緒都無所知時大臣等
以水遍灑王及夫人良久乃蘇舉手
而哭咨嗟歎曰

禍哉愛子端嚴相 因何死苦先來逼
若我得在汝前亡 豈見如斯大苦事
今時夫人迷悶稍止頭髮蓬亂兩手
椎胸宛轉于地如魚處陸若牛失子
悲泣而言

我子誰屠割 餘骨散于地 失我所愛子
憂悲不自勝 苦哉誰殺子 致斯憂惱事
我心非金剛 云何而不破 我夢中所見
兩乳皆被割 牙齒悉墮落 今遭大苦痛
又夢三鵠鵠 一被鷹擒去 今失所愛子
惡相表非虛

今時大王及於夫人并二王子盡哀
號哭環珞不御與諸人衆共收菩薩
遺身舍利為於供養置罽堵波中阿
難陀汝等應知此即是彼菩薩舍利
復告阿難陀我於昔時雖具煩惱貪
瞋癡等能於地獄餓鬼傍生五趣之
中隨緣救濟今得出離何況今時煩
惱都盡無復餘習号天人師具一切
智而不能為二衆生經於多劫在

地獄中及於餘處代受衆苦令出生
死煩惱輪迴今時世尊欲重宣此義
而說頌曰

我念過去世 無量無數劫 或時作國王
或復為王子 常行於大施 及捨所愛身
願出離生死 至妙菩提處 昔時有大國
國主名大車 王子名勇猛 常施心無怯
三子有二兄 号大渠大天 三人同出遊
漸至山林所 見虎飢所逼 便生如是心
此虎飢火燒 更無餘可食 大士觀如斯
恐其將食子 捨身无所顧 救子不令傷
大地及諸山 一時皆震動 江海皆騰躍
驚波水逆流 天地失光明 昏冥无所見
林野諸禽獸 飛奔喪所依 二兄恠不還
憂感生悲苦 即與諸侍從 林藪遍尋求
兄弟共籌議 復往深山處 四顧無所有
見虎處空林 其母并七子 口皆有血汙
殘骨并餘骸 縱橫在地上 復見有流血
散在樹林所 二兄既見已 心生大恐怖
悶絕俱躋地 荒迷不覺知 塵土至其身
六情皆失念 王子諸侍從 啼泣心憂惱
以水灑令蘇 舉手號咷哭 菩薩捨身時
慈母在宮內 五百諸姝女 共受於妙樂

夫人之兩乳

忽然自流出

遍體如針刺

苦痛不能安

歎生失子想

憂箭苦傷心

即白大王知

陳斯苦惱事

悲泣不堪忍

哀聲向王說

大王今當知

我生大苦惱

兩乳忽流出

禁止不隨心

如針遍刺身

煩冤曾欲破

我先夢惡徵

必當失愛子

願王濟我命

知兒存與亡

夢見三鵠鵠

小者是愛子

忽被鷹奪去

悲愁難具陳

我今沒憂海

趣死將不久

恐子命不全

願為速求覓

又聞外人語

小子求不得

我今意不安

願王哀愍我

夫人白王已

舉身而躄地

悲痛心悶絕

荒迷不覺知

姝女見夫人

悶絕在於地

舉聲皆大哭

憂惶失所依

王聞如是語

懷憂不自勝

因命諸羣臣

尋求所愛子

皆共出城外

各隨處追覓

涕泣問諸人

王子今何在

今者為存亡

誰知所去處

云何令我見

解我憂悲心

諸人悉共傳

咸言王子死

聞者皆傷悼

悲歎苦難裁

此時大車王

悲號從座起

即就夫人處

以水灑其身

夫人蒙水灑

久乃得醒悟

悲啼以問王

我兒今在不

王告夫人曰

我已使諸人

四向求王子

尚未有消息

王又告夫人

汝莫生煩惱 且當自安慰 可共出追尋
王即與夫人 嚴駕而前進 蹄動聲淒感
憂心若火然 士庶百千万 亦隨王出城
各欲求王子 悲啼聲不絕 王求愛子故
目視於四方 見有一人來 披髮身塗血
遍體蒙塵土 悲哭逆前來 王見是惡相
倍復生憂惱 王便舉兩手 哀啼不自裁
初有一大臣 忿忙至王所 進白大王曰
幸願勿悲哀 王之所愛子 今雖求未獲
不久當來至 以釋大王憂 王復更前行
見次大臣至 其臣詣王所 流淚白王言
二子今現在 被憂火所逼 其第三王子
已被无常吞 見餓虎初生 將欲食其子
彼薩埵王子 見此起悲心 願求無上道
當度一切衆 繫想妙菩提 廣大深如海
即上高山頂 投身餓虎前 虎羸不能食
以竹自傷頸 遂噉王子身 唯有餘骸骨
時王及夫人 聞已俱悶絕 心沒於憂海
煩惱火燒然 臣以梅檀水 灑王及夫人
俱起大悲彌 舉手推曾臆 第三大臣來
白王如是語 我見二王子 悶絕在林中
臣以冷水灑 余乃整蘇息 顧覩於四方
如猛火周遍 暫起而還伏 悲啼不自勝

舉手以哀言 稱歎弟希有 王問如是說
倍增憂火煎 夫人大號咷 高聲作是語
我之小子偏重愛 已為無常羅刹吞
餘有二子今現在 復被憂火所燒逼
我今速可之山下 安慰令其保餘命
即便馳駕望前路 一心詣彼捨身崖
路逢二子行啼泣 推習懊惱失容儀
父母見已抱憂悲 俱往山林捨身處
既至菩薩捨身地 共乘悲號生大苦
脫去瓔珞盡哀心 收取菩薩身餘骨
與諸人衆同供養 共造七寶窰堵波
以彼舍利置函中 勅駕懷憂趣城邑
復告阿難陀 往時薩埵者 即我牟尼是
勿生於異念 王是父淨飯 后是母摩耶
太子謂慈氏 次舅殊室利 虎是大世主
五兒五苾芻 一是大目連 一是舍利弗
我為汝等說 往昔利他緣 如是菩薩行
成佛因當學 菩薩捨身時 發如是弘誓
願我身餘骨 來世益衆生 此是捨身處
七寶窰堵波 以經无量時 遂沉於厚地
由昔本願力 隨緣興濟渡 為利於人天
從地而涌出

今時世尊說是往昔因緣之時無量

阿僧企耶人天大眾皆大悲喜歎未曾有悲發阿耨多羅三藐三菩提心復告樹神我為報恩故致札敬佛攝神力其窄堵波還没于地

金光明勝王經十方菩薩讚歎品第三

余時釋迦牟尼如來說經時於十方世界有無量百千萬億諸菩薩衆各從本土詣鷲峯山至世尊所五輪著地礼世尊已一心合掌異口同音而讚歎曰

佛身微妙真金色 其光普照等金山
清淨柔軟若蓮華 无量妙彩而嚴飾
三十二相遍莊嚴 八十種好皆圓備
光明炳著無與等 離垢猶如淨滿月
其聲清徹甚微妙 如師子吼震雷音
八種微妙應群機 超勝迦陵頻伽等
百福妙相以嚴容 光明具足淨无垢
智慧澄明如大海 功德廣大若虛空
圓光遍滿十方界 隨緣普濟諸有情
煩惱愛染習皆除 法炬恒然不休息
哀愍利益諸衆生 現在未來能與樂
常為宣說第一義 令證涅槃真寂靜
佛說甘露殊勝法 能與甘露微妙義

引入甘露涅槃城 今受甘露无為樂
常於生死大海中 解脫一切衆生苦
令彼能任安隱路 恒與難思如意樂
如來德海甚深廣 非諸譬喻所能知
於衆常起大悲心 方便精勤恒不息
如來智海無邊際 一切人天共測量
假使千万億劫中 不能得知其少分
我今略讚佛功德 於德海中唯一滯
迴斯福聚施羣生 皆願速證菩提果
尔時世尊告諸菩薩言善哉善哉汝
等善能如是讚佛功德利益有情廣
興佛事能滅諸罪生無量福

金光明經勝王經妙幢菩薩讚歎品第三十八

尔時妙幢菩薩即從座起偏袒右肩
右膝著地合掌向佛而說讚曰

牟尼百福相圓滿 无量功德以嚴身
廣大清淨人樂觀 猶如千日光明照
焰彩无边光熾盛 如妙寶聚相端嚴
如日初出映虚空 紅白分明間金色
亦如金山光普照 悉能周遍百千土
能滅衆生無量苦 皆與无边勝妙樂
諸相具足悉嚴淨 衆生樂觀無厭足
頭髮柔軟紺青色 猶如黑蜂集妙華

六喜大捨淨莊嚴 大慈大悲皆具足
衆妙相好為嚴飾 菩提分法之所成
如來能施衆福利 令彼常獲大安樂
種種妙德共莊嚴 光明普照千萬土
如來光相極圓滿 猶如赫日遍空中
佛如須弥功德具 亦現能周於十方
如來金口妙端嚴 齒白齊密如珂雪
如來面貌無倫匹 眉間毫相常右旋
光潤鮮白等頗梨 猶如滿月居空界
佛告妙幢菩薩汝能如是讚佛功德
不可思議利益一切令未知者隨順
修學

金光明勝王經菩提樹神讚歎品第三十

尔時菩提樹神亦以伽他讚世尊曰
敬礼如來清淨慧 敬礼常求正法慧
敬礼能離非法慧 敬礼恒無分別慧
希有世尊无邊行 希有難見比優曇
希有如海鎮山王 希有善逝光无量
希有調御弘慈願 希有釋種明逾日
能說如是經中寶 哀愍利益諸羣生
牟尼寂靜諸根定 能入寂靜涅槃城
能住寂靜等持門 能知寂靜深境界
兩足中尊住空寂 聲聞弟子身亦空

一切法體性皆無一切衆生悉空寂
我常憶念於諸佛我常樂見諸世尊
我常發起懇重心常得值遇如來日
我常頂禮於世尊願常渴仰心不捨
悲泣流淚情无間常得奉事不知厭
惟願世尊起悲心和顏常得令我見
佛及聲聞衆清淨願常普濟於人天
佛身本淨若虛空亦如幻焰及水月
願說涅槃甘露法能生一切功德聚
世尊所有淨境界慈悲正行不思議
聲聞獨覺非所量大仙菩薩不能測
惟願如來哀愍我常常令覩見大悲身
三業無倦奉慈尊速出生死歸真際
尔時世尊聞是讚已以梵音聲告樹
神曰善哉善哉善女天汝能於我真
實无妄清淨法身自利利他宣揚妙
相以此功德令汝速證寂上菩提一
切有情同所修習若得聞者皆入甘露
無生法門

金光明勝王經大辯才天女讚歎品第三

尔時大辯才天女即從座起合掌恭敬
以直言詞讚世尊曰

南無釋迦牟尼如來應正等覺身真

金色咽如螺貝面如滿月目類青蓮
脣口赤好如頰梨色鼻高脩直如截
金鋌齒白齊密如拘物頭華身光普
照如百千日光彩映徹如瞻部金其
所言說無有錯謬亦三解脫門開三
菩提路心常清淨意樂亦然佛所住
處及所行境亦常清淨離非威儀進
止無課六年苦行三轉法輪度苦衆
生令歸彼岸身相圓滿如拘陀樹六
度熏修三業无失具一切智自他利
滿所有宣說常為衆生言不虛設於
釋種中為大師子堅固勇猛具八解
脫我今隨力稱讚如來少分功德猶
如蚊子飲大海水願以此福廣及有
情永離生死成無上道

尔時世尊告大辯才天曰善哉善哉汝
之修習具大辯才今復於我廣陳讚
歎令汝速證无上法門相好圓明普
利一切

金光明勝王經付囑品第三

尔時世尊普告無量菩薩及諸人天
一切大衆汝等當知我於無量無數
大劫勤修苦行獲甚深法菩提正因

已為汝說汝等誰能發勇猛心恭敬
守護我涅槃後於此法門廣宣流布
能令正法久住世間余時衆中有六
十俱脰諸大菩薩六十俱脰諸天大
衆異口同音作如是語世尊我等咸
有欣樂之心於佛世尊無量大劫勤
修苦行所獲甚深微妙之法菩提正
因恭敬護持不惜身命佛涅槃後於
此法門廣宣流布當令正法久住世
間余時諸大菩薩即於佛前說伽他曰
世尊真實語 安住於實法 由彼真實故
護持於此經 大悲為甲冑 安住於大慈
由彼慈悲力 護持於此經 福資糧圓滿
生起智資糧 由資糧滿故 護持於此經
降伏一切魔 破滅諸邪論 斷除惡見故
護持於此經 護世并釋梵 乃至阿蘇羅
龍神藥叉等 護持於此經 地上及虛空
久住於斯者 奉持佛教故 護持於此經
四梵住相應 四聖諦嚴飾 降伏四魔故
護持於此經 虛空成質身 質身成虛空
諸佛所護持 无能傾動者
余時四大天王聞佛說此護持妙法
各生隨喜護正法心一時同聲說伽

他曰

我今於此經 及男女眷屬 皆一心擁護
令得廣流通 若有持經者 能作菩提因
我常於四方 擁護而承事

尔時天帝釋合掌恭敬說伽他曰

諸佛證此法 為欲報恩故 饒益菩薩衆
出世演斯經 我於彼諸佛 報恩常供養
護持如是經 及以持經者

尔時觀史多天子合掌恭敬說伽他曰

佛說如是經 若有能持者 當住菩提位
來生親史天 世尊我慶悅 捨天殊勝報
住於瞻部洲 宣揚是經典

尔時索訶世界主梵天王合掌恭敬
說伽他曰

諸靜慮無量 諸乘及解脫 皆從此經出
是故演斯經 若說是經處 我捨梵天樂
為聽如是經 亦常為擁護

尔時魔王子名曰商主合掌恭敬說
伽他曰

若有受持此 正義相應經 不隨魔所行
淨除魔惡業 我等於此經 亦當勤守護
發大精進意 隨處廣流通

尔時魔王合掌恭敬說伽他曰

若有持此經能伏諸煩惱如是衆生類
擁護令安樂若有說是經諸魔不得便
由佛威神故我當擁護彼

尔時妙吉祥天子亦於佛前說伽他曰
諸佛妙菩提於此經中說若持此經者
是供養如來我當持此經為俱胝天說
恭敬聽聞者勸至菩提處

尔時慈氏菩薩合掌恭敬說伽他曰
若見住菩提與為不請友乃至捨身命
為護此經王我聞如是法當往觀史天
由世尊加護廣為人天說

尔時上座大迦葉波合掌恭敬說伽
他曰

佛於聲聞衆說我鮮智慧我今隨自力
護持如是經若有持此經我當攝受彼
授其詞辯力常隨讚善哉

尔時具壽阿難陀合掌向佛說伽他曰
我親從佛聞无量衆經典未曾聞如是
深妙法中王我今聞是經親於佛前受
諸樂菩提者當為廣宣通

尔時世尊見諸菩薩人天大衆各各
發心於此經典流通擁護勸進菩薩
廣利衆生讚言善哉善哉汝等能於

如是微妙經王皮誠流布乃至於我
般涅槃後不令散滅即是無上菩提
正因所獲功德於恒沙劫說不能盡
若有苾芻苾芻尼鄔波索迦鄔波斯
迦及餘善男子善女人等供養恭敬
書寫流通為人解說所獲功德亦復
如是是故汝等應勤修習亦時無量
无邊恒沙大衆聞佛說已皆大歡喜
信受奉行

金光明勝王經卷第十

癸卯歲高麗國大藏都監奉
勅彫造

合部金光明經序

場

金光明經者教窮滿字金鼓擊於夢
中理極真空寶塔踊於地上三身果
備酬昔報之無虧十地因圓顯曩修
之具足所以經王之号得稱於斯將
知能引贊人其位難量者也夫興善
寺沙門釋寶貴者即近周世道安神
足伏膺明近寔曰良才翫閱群經未
嘗釋手可謂瞿曇身子孔氏顏淵者
焉然貴觀昔晉朝沙門支敏度合兩
支兩竺一白五家首楞嚴五本為一
部作八卷又合一支兩竺三家維摩
三本為一部作五卷今沙門僧就又
合二識羅什耶舍四家大集四本為
一部作六十卷非止收消添海亦是
聚米培山諸此合經文義宛具斯既
先詰遺蹤貴遂依承以為規矩而金
光明見有三本初在涼世有曇无讖
譯為四卷止十八品其次周世閼那
崛多譯為五卷成二十品後逮梁世
真諦三藏於建康譯三身分別業障
滅隨羅尼取淨地依空滿願等四品

足前出沒為二十二品其序果云曇
无識法師稱金光明經篇品闕漏每
尋文揣義謂此說有徵而辭按无指
永懷寤寐寶貴每歎此經秘奧後分
云何竟无囑累舊雖三譯本疑未周
長想梵文願言逢遇大隋馭寓新經
即來 帝勅所司相續翻譯至開皇十七
年法席小間因勸請北天竺捷陀羅
國三藏法師此云志德重尋後本果
有囑累品復得銀主陀羅尼品故知
法典源散派別條分承注末流理難
全具賴三藏法師慧性冲明學業優
遠内外經論多所博通在京大興善
寺即為翻譯并前先出合二十四品
寫為八卷學士成都費長房筆受通
梵沙門日嚴寺釋彦琮校練寶珠既
足欣躍載深願此法燈傳之永劫
合部金光明經序品第一

隋沙門釋寶貴合 北涼三藏曇無讖譯

如是我聞一時佛在王舍大城耆闍
崛山是時如來遊於无量甚深法性
諸佛行處過諸菩薩所行清淨是金
光明諸經之王若有聞者則能思惟

无上微妙甚深之義如是經典常為
四方四佛世尊之所護持

東方阿閼 南方寶相 西无量壽
北微妙聲

我今當說懺悔等法所生功德為无
有上能壞諸苦盡不善業

一切種智 而為根本 无量功德
之所莊嚴 滅除諸苦 與无量樂

諸根不具 壽命損減 貧窮困苦
諸天捨離 親厚鬭訟 王法所加

各各忿諍 財物損耗 愁憂恐怖
惡星灾異 衆邪蠱道 變怪相續

卧見惡夢 晝則愁惱 當淨洗浴
聽是經典 至心清淨 著淨潔衣

專聽是經 甚深行處 是經威德
能悉消除 如是諸惡 令其寂滅

護世四王 將諸官屬 并及无量
夜叉之衆 悉來擁護 是持經典

大辯天神 尼連河神 鬼子母神
地神堅牢 大梵尊天 三十三天

大神龍王 緊那羅王 迦樓羅王
阿修羅王 與其眷屬 悉共至彼

擁護是人 晝夜不離 我今所說

諸佛世尊 甚深秘密 微妙行處
億百千劫 甚難得值 若得聞經
若為他說 若心隨喜 若設供養
如是之人 於无量劫 常為諸天
八部所敬 如是修行 生功德者
得不思議 無量福聚 亦為十方
諸佛世尊 深行菩薩 之所護持
著淨衣服 以上妙香 慈心供養
常不遠離 身意清淨 无有垢穢
歡喜悅豫 深樂是典 若得聽聞
當知善得 人身人道 及以正命
若聞懺悔 執持在心 是上善根
諸佛所讚

金光明經壽量品第二

尔時王舍城中有菩薩摩訶薩名曰
信相已曾供養過去无量億那由他
百千諸佛種諸善根是信相菩薩作
是思惟何因何緣釋迦如來壽命短
促方八十年復更念言如佛所說有
二因緣壽命得長何等為二一者不
煞二者施食而我世尊於无量百千
億那由他阿僧祇劫修不煞戒具足
十善飲食惠施不可限量乃至已身

骨髓血肉充足飽滿飢餓衆生况餘
飲食大士如是至心念佛思是義時
其室自然廣博嚴事天紺琉璃種種
衆寶雜廁間錯以成其地猶如如來
所居淨土有妙香氣過諸天香烟雲
垂布遍滿其室其室四面各有四寶
上妙高座自然而出純以天衣而為
敷具是妙座上各有諸佛所受用華
衆寶合成於蓮華上有四如來
東方名阿閼南方名寶相西方无量壽
北方微妙聲

是四如来自然而坐師子座上放大
光明照王舍城及此三千大千世界
乃至十方恒河沙等諸佛世界雨諸
天華作天伎樂尔時三千大千世界
所有衆生以佛神力受天快樂諸根
不具即得具足舉要言之一切世間
所有利益未曾有事悉具出現
尔時信相菩薩見是諸佛及希有事
歡喜踊躍恭敬合掌向諸世尊至心
念佛作是思惟釋迦如來無量功德
唯壽命中心生疑惑云何如來壽命
如是方八十年

尔時四佛以正遍知告信相菩薩善男子汝今不應思量如來壽命短促何以故善男子我等不見諸天世人魔衆梵衆沙門婆羅門人及非人有能思算如來壽量知其齊限惟除如來時四如來將欲宣暢釋迦文佛所得壽命欲色界天諸龍鬼神乾闥婆阿修羅迦樓羅緊那羅摩睺羅伽及无量百千億那由他菩薩摩訶薩以佛神力志來聚集信相菩薩摩訶薩室尔時四佛於大衆中略以偈喻說釋迦如來所得壽量而作頌曰

一切諸水 可知幾滄 无有能數
釋尊壽命 諸湏弥山 可知斤兩
无有能量 釋尊壽命 一切大地
可知塵數 无有能算 釋尊壽命
虚空分界 尚可盡邊 无有能計
釋尊壽命 不可計劫 億百千万
佛壽如是 無量无边 以是因緣
故說二緣 不害物命 施食无量
是故大士 壽不可計 无量无边
亦无齊限 是故汝今 不應於佛
無量壽命 而生疑惑

尔時信相菩薩摩訶薩聞是四佛宣說如來壽命无量深心信解歡喜踊躍說是如來壽命品時无量無邊阿僧祇衆生發阿耨多羅三藐三菩提心時四如來忽然不現

下囉多譯補

尔時信相菩薩彼諸佛邊聞說釋迦牟尼世尊壽量已白彼諸佛言諸世尊云何彼釋迦牟尼如來顯示如是短少壽量如是語已彼諸世尊告信相菩薩言然彼釋迦牟尼如來五濁世時出現於世壽百歲生中於下信解衆生少善根衆生我見衆生見命見養育富伽羅見邪見我我所執著等中為利益諸凡夫衆生及外道尼乾陀波梨婆闍迦等故世尊釋迦牟尼如來顯示如是短少壽量成熟衆生善男子然彼釋迦牟尼如來顯示如是短少壽量彼等衆生若知如來入涅槃已發生苦想希有想未曾有想憂愁想速當受如是等修多羅當持讀誦當不毀謗是故如來顯示如是短少壽量彼等衆生若見如來不入涅槃不生希有想憂愁想未曾有想彼

當不受如來所說諸修多羅亦當不
持讀誦所以者何謂常見故善男子
譬如有一丈夫父母多有錢財果報
然彼丈夫諸子知財聚已不生希有
想未曾有想所以者何謂多果報故
善男子如是如是彼等衆生若知如
來不入涅槃已不生希有想未曾有
想難得想所以者何謂常見故善男
子譬如有一丈夫父母貧窮少有果
報彼等或詣王及王大臣家中彼於
彼處見滿倉庫種種衆寶彼於彼處
得希有行得未曾有想當生難得想
亦為彼財聚故勤劬發精進意欲得
彼財聚故所以者何謂少果報故善
男子如是如是彼等衆生若見如來
已入涅槃當得希有得未曾有當生
苦想於无量時諸佛世尊乃出於世
譬如優曇婆羅華於无量時乃出於
世如是如是諸佛世尊於無量時乃
當出世彼等衆生得希有行得未曾
有當得踊躍彼等見如來已則當信
向若聞如來實語言時當受如是等
修多羅當不違覺善男子以是義故

如來不久住世速當涅槃善男子諸佛世尊如是方便善巧成熟衆生今時彼等諸佛世尊隱沒不現

今時信相菩薩與無量百千菩薩及無量俱致部由多百千衆生詣耆闍崛山釋迦牟尼如來正遍知所到已頂禮佛足却住一面住一面已信相菩薩摩訶薩白佛如上所說諸事乃至彼等諸佛世尊詣耆闍崛山釋迦牟尼如來所到已各各隨方各各於座而坐今時彼等諸佛世尊各各告侍者菩薩言汝善男子去詣釋迦牟尼如來所到已為我等問訊少病輕起氣力安樂行不復作是言善哉釋迦牟尼如來今欲說金光明法本我等當隨喜

今時彼等諸菩薩摩訶薩詣釋迦牟尼如來所到已頂禮釋迦牟尼如來足禮已却住一面住一面已彼等諸菩薩摩訶薩白佛言世尊四方四佛世尊問訊世尊少病輕起氣力安樂行不復作是言善哉世尊願說金光明修多羅法本為諸衆生利益安樂

故乃至除滅飢餓等故

尔時世尊釋迦牟尼如來讚諸菩薩
衆言善哉善哉善男子汝等乃能為
諸衆生勸請如來尔時世尊而說偈言
我不離此山 常說此經實成熟衆生故
示現般涅槃 凡夫染著見不信我所說
彼等成熟故 我現般涅槃

是時大會有婆羅門姓憍陳如名曰
聖記在於衆中諦心安坐无量百千
婆羅門衆前後圍遶而共恭敬供養
如來聞佛世尊壽命八十應般涅槃
涕淚悲泣與於百千婆羅門衆俱徒
坐起頂礼佛足白言世尊若佛如來
憐愍利益一切衆生大慈大悲欲令
皆患得大安樂為衆生作真實父母
取上无等及無等等為世間作歸依
覆護令諸衆生快樂清涼如淨滿月
作大光明如日照於優陀延山若佛
世尊等觀衆生如羅睺羅願佛為我
施一恩德是時如來嘿然不答於此
會中有栗車毗國王童子名曰一切
衆生喜見在大衆中具足辯辯善能
問答是時王子承佛神力語婆羅門

憍陳如言大婆羅門汝於世尊求何
恩德我能為汝施如意恩婆羅門言
善哉王子我等願欲恭敬供養世尊
之身是故欲得如來舍利如芥子許
所以者何如我所聞若善男子及善
女人恭敬供養如來舍利六天帝主
富貴安樂必得无窮是時王子即便
答言大婆羅門汝一心聽若欲願求
无量功德及六天報此金光明諸經
之王難思難解福報無窮聲聞緣覺
所不能知此經攝持如是功德无邊
福報不可思議我今為汝略說之耳
婆羅門言善哉王子如是金光明微妙
經典功德无邊難解難覺乃至如此
不可思議我等邊國婆羅門等作如
此說若善男子及善女人得佛舍利
如芥子許置小塔中暫時礼拜恭敬
供養功德无邊是人命終作六天主
受上妙樂不可窮盡汝今云何而不
願樂供養舍利求此報耶如是王子
以是因緣我今從佛欲求一恩
是時王子即以偈答婆羅門言
設河駛流中可生拘物等世尊身舍利

畢竟不可有假使烏赤色拘攢羅白形
世尊真實身不可成舍利設使閻浮樹
能生多羅果佉受羅樹等轉生菴羅實
如來身无滅不可生舍利設使龜毛等
可以為衣裳佛身非虛妄終无有舍利
假令蚊蚋脚可以作城樓如來寂靜身
无有舍利事假令水蛭虫口中生白齒
如來解脫身終无繫縛色兔角為梯橙
從地得昇天邪思惟舍利功德无是處
鼠登兔角梯皓月除修羅依舍利盡惑
解脫無是處如蠅大醉酒不能造窠穴
於佛无正行不能至三乘如驢但飽食
終無有伎能歌舞令他樂凡夫二乘等
能說及能行自他无是處假使烏與鷄
同時一樹栖和合相愛念如來真實體
舍利虛妄身俱有无是處如波羅奈葉
不能遮風雨於佛起虛妄生死終不滅
如海大船舶具足諸財寶新生女人力
執持无是處法身无邊際不淨地煩惱
不能攝如來其義亦如是譬如諸鳥雀
不能銜香山煩惱依法身不為煩惱動
如是如來身甚深難思量若不如法觀
所願不成就

時婆羅門聞此義已即便說偈答王子言

善哉善哉	汝真佛子	大吉祥人
善巧方便	於理不動	已獲正記
王子聽我	今次第說	度世依處
佛德難思	如來境界	元能知者
一切諸佛	不與他共	一切諸佛
本來寂靜	一切諸佛	所修行同
一切諸佛	後際常住	一切諸佛
同共一體	如是等義	是如來法
如來真身	非所造作	所以者何
諸佛无生	金剛不毀	内外无身
示現身相	隨化衆生	如來大仙
無有色像	如是身者	非於五肉
云何而得	有於舍利	為化衆生
方便示現	一切正覺	真法為身
法界清淨	是名如來	王子當知
佛身如是	如如來說	如是之義
我已聞知	為請如來	廣演分別
真實之義	故求舍利	開方便門
是時會中	三万二千天子	聞說如來
如是甚深	壽量義已	一切皆於无上
菩提發堅	固心歡喜	踊躍異口同音

說偈讚言

一切如來 不般涅槃 一切諸佛
身无破壞 但為成熟 諸衆生故
方便勝智 示現涅槃 前際如來
不可思議 後際如來 常无破壞
中際如來 種種莊嚴 衆生法界
皆為利他

是時信相菩薩從諸如來及二大士
聞說釋迦壽命義已得滿所願心无
疑惑踴躍歡喜身心快樂内外遍滿
尔時復有无量阿僧祇等諸衆生類
聞說是義於無上道皆得發心時四
如來忽然不現是大會中惟釋迦在
金光明經三身分別品第三 梁武帝真諦譯

尔時虛空藏菩薩摩訶薩在大衆中
從座而起偏袒右肩右膝著地合掌
恭敬頂礼佛足以上微妙金寶之華
寶幢幡蓋悉以供養而白佛言世尊
云何菩薩摩訶薩於諸如來如法正
修行

佛言善男子諦聽諦聽善思念之吾
當為汝分別解說善男子菩薩摩訶
薩一切如來有三種身菩薩摩訶薩

皆應當知何者為三一者化身二者應身三者法身如是三身攝受阿耨多羅三藐三菩提

云何菩薩了別化身善男子如來者在修行地中為一切衆生修種種法是諸修法至修行滿修行力故而得自在自在力故隨衆生心隨衆生行隨衆生界多種了別不待時不過時處所相應時相應行相應說法相應現種種身是名化身

善男子是諸佛如來為諸菩薩得通達故說於真諦為通達生死涅槃一味故身見衆生怖畏歡喜故為無邊佛法而作本故如來相應如如如智願力故是身得現具足三十二相八十種好項背圓光是名應身

善男子云何菩薩摩訶薩了別法身為欲滅除一切諸煩惱等障為欲具足一切諸善法故惟有如如如智是名法身前二種身是假名有是第三身名為真有為前二身而作本故何以故離法如如離无分別智一切諸佛无有別法何以故一切諸佛智

慧具足故一切煩惱究竟滅盡故得清淨佛地故是故法如如如智攝一切佛法故復次善男子一切諸佛利益自他至於究竟自利益者是法如如利益他者是如如智於自他利益處而得自在種種无邊用故是故分別佛法無量无邊種種故善男子譬如依妄想思惟說種種煩惱說種種業說種種果報修如是法如如如智說種種佛法說種種緣覺法說種種聲聞法依法如如依如如智一切佛法得自在成就是為第一不可思議譬如畫空作莊嚴具亦難思議如是於法如如如智攝成佛法亦難思議善男子云何法如如如智二種无分別而得自在事善男子譬如如來已般涅槃願自在故種種事未盡故如是法如如如智而得自在事復次菩薩摩訶薩入無心定依前願力從禪定起事如是二法无有分別得自在事故善男子譬如日月無有分別亦如水鏡无有分別光明亦无分別三種和合故得有影如是法如如

如如智亦無分別以願自在故衆生有感故應化二身如日月影和合出生復次善男子譬如无量無邊水鏡依於光故空影得現種種異相空者即是无相

善男子如是受化之衆諸弟子等是法身影以願力故應於二身現種種相類於法身地无有異相善男子依此二身一切諸佛說有餘涅槃依法身者說無餘涅槃何以故一切餘究竟盡故依此三身一切諸佛說无住處涅槃何以故為二身故不住涅槃離於法身無有別佛何故二身不住涅槃二身假名不實念念滅不住故數數出現以不定故法身不尔是故二身不住涅槃法身者不二是故下住於般涅槃依三身故說无住涅槃善男子一切凡夫為三相故有縛有障遠離三身不至三身何者為三者思惟分別相二者依他起相三者成就相如是諸相不能解故不能滅故不能淨故是故不得至於三身如是三相能解能滅能淨是故諸佛具

足三身善男子諸凡夫人未能拔除
於三心故遠離三身不能至故何者
為三一者起事心二者依根本心三
者根本心依諸伏道起事心盡依法
斷道依根本心盡依勝拔道根本心
盡起事心滅故得顯化身依根本心
滅故得顯應身根本心滅故得至法
身是故一切如來具足三身善男子
一切諸佛於第一身與諸佛同事於
第二身與諸佛同意於第三身與諸
佛同體善男子是初佛身隨衆生意
有多種故現種種相是故說名第二
佛身弟子一意故現一相是故說一
第三佛身過一切種相非執相境界
是故說名不一不二善男子是第一
身依於應身是故得顯是諸應身依
於法身故得顯現是法身者是真實
有无依處故善男子如是三身以有
義故而說於常以有義故說於无常
化身者恒轉法輪處處如如方便相
續不斷故是故說常非是本故具足
之用不顯現故故說无常應身者從
无始生死相續不斷一切諸佛不共

之法能攝持故衆生未盡用亦不盡
故是故說常非是本故以具足用不
顯現故故說无常法身者非是行法
無有異異是自本故猶如虛空是故
說常善男子離无分別智更无勝智
離法如如無勝境界是法如如如如
智是二種如如如如不一不異是故
法身慧清淨故滅清淨故是二清淨
是故法身具足清淨復次善男子分
別有四種身有化身非應身有應身
非化身有化身亦應身有非化身亦
非應身何者化身非應身如來已般
涅槃以願自在故如是之身即是化
身何者應身非化身是地前身何者
化身亦應身住有餘涅槃如來之身
何者非化身非應身是如來法身善男
子是法身者二無所有顯現故何者名
為二无所有於此法身相及相處二皆
是無非有非无非一非二非數非非
數非明非闇如是如如智不見相及
相處不見非有非无不見非一非異
不見非數非非數不見非明非闇是
故境界清淨智慧清淨不可分別无

有中聞為滅道本故於此法身顯現
 如來善男子是身因緣境界處所果
 依於本難思量故若了義說是身即
 是大乘是如來性是如來藏依於此
 身得發初心修行中心而得顯現不
 退地心亦皆得現一生補處心金剛
 之心如來之心而悉顯現无量無邊
 如來妙法皆悉顯現依此法身不可
 思議摩訶三昧而得顯現依此法身
 得現一切大智是故二身依於三昧
 依於智慧而得顯現如此法身依於
 自體說常說實依大三昧故說於樂
 依於大智故說清淨是故如來常住
 自在安樂清淨依大三昧一切禪定
 首楞嚴等一切念處大法念等大慈
 大悲一切陀羅尼一切六神通一切
 自在一切法平等攝受如是佛法皆悉
 出現依此大智佛大十力四无所畏四
 無所懼一百八十不共之法一切希
 有不可思議法皆悉顯現譬如依如
 意寶珠出無量无边種種諸寶悉皆
 得現如是依大三昧寶依大智慧寶
 出種種無量无边諸佛妙法之寶善

男子如是法身三昧智慧過一切相
不著於相不可分別非常非斷是名
中道雖有分別無體分別雖有三數
而无三體不增不减猶如夢幻亦无
所執亦無能執法體如如是解脫處
過死王境界越生死關一切衆生不
能修行所不能至一切諸佛菩薩之
所住處善男子譬如有人願欲得金
處處求覓即見金鑛既得見已即便
破鑛選擇取金以內爐中加以銷冶
得清淨金隨意迴轉作諸鏤釧種種
嚴具雖復諸用金性不改若善男子善
女人求勝解脫修行世善得見如來
及弟子衆得親近已而白佛言世尊
何者為善何者不善何者正修行而
得清淨離於不淨諸佛如來及弟子
衆如是思惟是善男子善女人欲求
清淨欲聽正法如是知已即說正法
是善男子善女人已聞正法正念憶
持發心修行得精進力破懶墮障破
懶墮障已滅除一切罪障破罪障已
於菩薩學處破无尊重障破无尊重
障已破掉悔心破掉悔心已入於初

地依於初地拔利益障拔利益障已
得入二地依於二地破不逼惱困苦
障破此障已入於三地依此三地破
心軟淨障破心軟淨障已入於四地
依此四地破善方便障破善方便障
已入於五地依此五地破見真俗障
破見真俗障已入於六地依此六地
破見行相障破見行相障已入於七
地依此七地破不見滅相障破不見
滅相障已入於八地依此八地破不
見生相障破不見生相障已入於九
地依此九地破六通障破六通障已
入於十地依此十地破一切所知障
破一切所知障已拔除本心入如來
地如來地者為三種淨故得極清淨
何者為三一者煩惱淨二者苦淨三
者相淨譬如有金鎔銷鍊治既燒打
已无復塵垢為顯金體本清淨故是
金清淨不為无金譬如水界澄淨清
淨無復穢濁為顯水性清淨不為无
水如是法身煩惱本起悉皆清淨是
法身清淨不為无體譬如空中烟雲
塵霧皆悉已淨是空清淨不為无空

如是法身一切諸苦悉皆滅盡故說
清淨不為无體譬如有人於卧寐中
夢見大水流泛其身運手動足逆流
而上以其心力不懈退故從於此岸
得至彼岸夢既覺已不見有水彼此
之岸生死妄想既滅盡已是覺清淨
不為無覺如是法界一切妄想不復
更生故說清淨不為无體說於清淨
復次善男子是法身者煩惱障清淨
故能現應身業障清淨故能現化身
智障清淨故能現法身譬如依空出
電依電出光如是依於法身故出應
身依於應身故出化身是故性極清
淨攝受法身智慧清淨攝受應身三
昧清淨攝受化身是三清淨是法如
如是不異如如一味如如解脫如如
究竟如如是故諸佛體一不異善男
子若有善男子善女人說於如來是
我大師當知是善男子善女人悉知悉
見如來之身无有別身善男子是故於
一切境界不正思惟悉除斷故而於
此法無有二相无有分別聖所修行
於如如无二相法中以修行故如是

如是一切種障悉皆除滅如如一切
障滅如是如是法如如如智寂得
清淨如如法界智慧清淨如是如是
一切自在具足攝受故得一切自在
者一切諸障悉滅除故一切種清淨
故是如如智相如是見者是名聖見
是則名為真實見佛何以故如如得
見如如故是故如來見一切如來何
以故聲聞緣覺已出三界見於真境不
能知見如是聖人所不知見一切凡夫
皆生疑惑顛倒分別不能得度譬如兔
子欲度大海何以故不能通達法如如
故復次善男子一切如來無分別心於
一切法得大自在無身清淨智慧見
故是自境界不共他故是故於无量無
邊阿僧祇劫不惜身命難行能行為
得此身如此之身取上无比是處寂
勝不可思議過言說界是方寂靜過
一切怖畏善男子如是知見如如不
生不老不死壽命无限無有寢卧无
有食身心常在定无有散動若於如
來起諍訟心則不能得見於如來如
來所說皆能利益有聽聞者皆蒙解

脫若有惡人惡鳥惡禽獸等不相逢
值於佛起業果報无邊一切如來無
元記事一切境界無欲知心生死涅
槃無有異心如來所記无不決定諸
佛如來四威儀中无非智攝一切諸
法无有不為慈悲所攝無有不為利
益一切諸衆生者善男子若有善男
子善女人於此金光明經聽聞信解
不墮地獄餓鬼畜生阿修羅道常生
人天不為下劣恒得親近諸佛如來
聽受正法常生諸佛清淨國土何以
故是甚深法得入於耳是善男子如
來已見已記當得不退阿耨多羅三
藐三菩提是善男子如是甚深之法
得經於耳當知是人不得謗如來不謗
正法不謗聖僧一切衆生未種善根
今得種故已種善根今增長成熟故
一切世界所有衆生皆悉能行六波
羅蜜

是時虛空藏菩薩梵釋四王諸天衆
等即從坐起偏袒右肩合掌恭敬頂
禮佛足而白佛言世尊若有處處國
土講說是金光明微妙經典於其國

土四種利益何者為四一者國王軍
衆強盛元諸怨敵離於疾疫壽命修
長吉祥安樂正法興隆二者輔相大
臣和悅無諍王所敬愛三者沙門婆
羅門及國邑人民修行正法多所利
益年命長遠富逸安樂於諸福田悉
得修立四者三時之中四大調適是
諸人天增加守護慈悲平等心无傷
害令一切衆生誠心歸仰皆悉修行菩
提之行如是四種利益功德我等皆
當處處為作利益佛言善哉善哉善
男子如是如是汝等應當如是修行
如此經典則法久住於世

合部金光明經卷第一

癸卯歲高麗國大藏都監奉
勅彫造

合部金光明經卷第二

塲

懺悔品第四

隋大興善寺沙門釋寶貴合
北涼天竺三藏曇無讖譯

尔時信相菩薩即於其夜夢見金鼓
其狀殊大其明普照喻如日光復於
光中得見十方无量無邊諸佛世尊
衆寶樹下坐琉璃座與无量百千眷
屬圍遶而為說法見有一人似婆羅
門以桴擊鼓出大音聲其聲演說懺
悔偈頌時信相菩薩從夢寤已至心
憶念夢中所聞懺悔偈頌過夜至旦
出王舍城尔時亦有无量無邊百千
衆生與菩薩俱往耆闍崛山至於佛
所至佛所已頂礼佛足右遶三匝却
坐一面敬心合掌瞻仰尊顏以其夢
中所見金鼓及懺悔偈向如來說
昨夜所夢 至心憶持 夢見金鼓
妙色晃耀 其光大盛 明踰於日
遍照十方 恒沙世界 又因此光
得見諸佛 衆寶樹下 坐琉璃座
无量大衆 圍遶說法 見婆羅門
擊是金鼓 其鼓音中 說如是偈

是大金鼓	所出妙音	悉能滅除
三世諸苦	地獄餓鬼	畜生等苦
貧窮困厄	及諸有苦	是鼓所出
微妙之音	能除衆生	諸惱所逼
斷衆怖畏	令得无懼	猶如諸佛
得无所畏	諸佛聖人	所成功德
離於生死	到大智岸	如是衆生
所得功德	定及助道	猶如大海
是鼓所出	如是妙音	令衆生得
梵音深遠	證佛无上	菩提勝果
轉无上輪	微妙清淨	住壽无量
不思議劫	演說正法	利益衆生
能令煩惱	消除諸苦	貪瞋癡等
悉令寂滅	若有衆生	處在地獄
大火熾然	燒炙其身	若聞金鼓
微妙音聲	所出言教	即尋礼佛
亦令衆生	得知宿命	百生千生
千万億生	令心正念	諸佛世尊
亦聞无上	微妙之言	是金鼓中
所出妙音	復令衆生	值遇諸佛
遠離一切	諸惡業等	善修无量
白淨之業	諸天世人	及餘衆生
隨其所思	諸所願求	如是金鼓

所出之音	皆悉能令	成就具足
若有衆生	墮大地獄	猛火炎熾
焚燒其身	无有救護	流轉諸難
當令是等	悉滅諸苦	若有衆生
諸苦所切	三惡道報	及以人中
如是金鼓	所出之音	悉能滅除
一切諸苦	无依無歸	无有救護
我為是等	作歸依處	是諸世尊
今當證知	久已於我	生大悲心
在在處處	十方諸佛	現在世雄
兩足之尊	我本所作	惡不善業
今者懺悔	諸十力前	不識諸佛
及父母恩	不解善法	造作衆惡
自恃種姓	及諸財寶	盛年放逸
作諸惡行	心念不善	口作惡業
隨心所作	不見其過	凡夫愚行
无知闇覆	親近惡友	煩惱亂心
五欲因緣	心生念恚	不知厭足
故作衆惡	親近非聖	因生慳嫉
貧窮因緣	奸諂作惡	繫屬於他
常有怖畏	不得自在	而造諸惡
貪欲恚癡	擾動其心	渴愛所逼
造作衆惡	依因衣食	及以女色

諸結惱熱 造作衆惡 身口意惡

所集三業 如是衆罪 今悉懺悔

或不恭敬 佛法聖衆 如是諸罪

今悉懺悔 或不恭敬 緣覺菩薩

如是衆罪 今悉懺悔 以无智故

誹謗正法 不知恭敬 父母尊長

如是衆罪 今悉懺悔 愚惑所覆

憍慢放逸 因貪恚癡 造作諸惡

如是衆罪 今悉懺悔 我今供養

无量無邊 三千大千 世界諸佛

我當拔濟 十方一切 无量衆生

所有諸苦 我當安止 不可思議

阿僧祇衆 令住十地 已得安止

住十地者 悉令具足 如來正覺

為一衆生 億劫修行 使无量衆

今度苦海 我當為是 諸衆生等

演說微妙 甚深悔法 所謂金光

滅除諸惡 千劫所作 極重惡業

若能至心 一懺悔者 如是衆罪

悉皆滅盡 我今已說 懺悔之法

是金光明 清淨微妙 速能滅除

一切業障 我當安止 住於十地

十種珍寶 以為脚足 成佛无上

功德光明

令諸衆生

度三有海

諸佛所有

甚深法藏

不可思議

无量功德

一切種智

願悉具足

百千禪定

根力覺道

不可思議

諸陀羅尼

十力世尊

我當成就

諸佛世尊

有大慈悲

當證微誠

哀受我悔

若我百劫

所作衆惡

以是因緣

生大憂苦

貧窮困乏

愁恐驚懼

怖畏惡業

心常怯劣

在在處處

暫无歡樂

十方現在

大悲世尊

能除衆生

一切怖畏

願當受我

誠心懺悔

令我恐懼

悉得消除

我之所有

煩惱業垢

唯願現在

諸佛世尊

以大悲水

洗除令淨

過去諸惡

今悉悔過

現所作罪

誠心發露

所未作者

更不敢作

已作之業

不敢覆藏

身業三種

口業有四

意三業行

今悉懺悔

身口所作

及以意思

十種惡業

一切懺悔

遠離十惡

修行十善

安止十住

逮十力尊

所造惡業

應受惡報

今於佛前

誠心懺悔

若此國土

及餘世界

所有善法

志以迴向

我所修行

身口意善

願於來世

證无上道

若在諸有

六趣輪難

愚癡无智

造作諸惡

今於佛前

皆志懺悔

世間所有

生死輪難

種種姪欲

愚煩惱難

如是諸難

我今懺悔

心輕躁難

近惡友難

三有輪難

及三毒難

遇无難難

值好時難

修功德難

值佛亦難

如是諸難

今志懺悔

諸佛世尊

我所依止

是故我今

敬札佛海

金色晃耀

猶如須弥

是故我今

頂札取勝

其色无上

猶如真金

眼目清淨

如紺琉璃

功德威神

名稱顯著

佛日大悲

滅一切闇

善淨无垢

離諸塵翳

无上佛日

大光普照

煩惱火熾

令心焦熱

唯佛能除

如月清涼

三十二相

八十種好

莊嚴其身

視之无厭

功德巍巍

明網顯耀

安住三界

如日照世

猶如琉璃

淨無瑕穢

妙色廣大

種種各異

其色紅赤

如日初出

頗梨白銀

投餉光網

如是種種

莊嚴佛日	三有之中	生死大海
潦水波蕩	惱亂我心	其味苦毒
取為魚噉	如來網明	能令枯涸
妙身端嚴	相好殊特	金色光明
遍照一切	智慧大海	彌滿三界
是故我今	稽首敬礼	如大海水
其量難知	大地微塵	不可稱計
諸湏弥山	難可度量	虛空邊際
亦不可得	諸佛亦尔	功德无量
一切有心	无能知者	於无量劫
極心思惟	不能得知	佛功德邊
大地諸山	尚可知量	毛滂海水
亦可知數	諸佛功德	无能知者
相好莊嚴	名稱讚歎	如是功德
令衆皆得	我以善業	諸因緣故
來世不久	成於佛道	講宣妙法
利益衆生	度脫一切	无量諸苦
摧伏諸魔	及其眷屬	轉於无上
清淨法輪	住壽无量	不思議劫
充足衆生	甘露法味	我當具足
六波羅蜜	猶如過佛	之所成就
斷諸煩惱	除一切苦	志滅貪欲
及恚癡等	我當憶念	宿命之事

百生千生

百千億生

常當至心

正念諸佛

聞說微妙

无上之法

我因善業

常值諸佛

遠離諸惡

修諸善業

一切世界

所有衆生

无量苦惱

我當悉滅

若有衆生

諸根毀壞

不具足者

悉令具足

十方世界

所有病苦

羸瘦頓乏

无救護者

悉令解脫

如是諸苦

還得勢力

平復如本

若犯王法

臨當刑戮

无量怖畏

愁憂苦惱

如是之人

悉令解脫

若受鞭撻

繫縛枷鎖

種種苦事

逼切其身

无量百千

愁憂驚畏

種種恐懼

擾亂其心

如是无量

諸苦惱等

願使一切

悉得解脫

若有衆生

飢渴所惱

令得種種

甘美飲食

盲者得視

聾者得聽

啞者能言

裸者得衣

貧窮之者

即得寶藏

倉庫盈溢

无所乏少

一切皆受

安隱快樂

乃至无有

一人受苦

衆生相視

和顏悅色

形貌端嚴

人所喜見

心常思念

他人善事

飲食飽滿

功德具足

隨諸衆生

之所思念	皆願令得	種種伎樂
璽篋箏笛	琴瑟鼓吹	如是種種
微妙音聲	江河池沼	流泉諸水
金華遍布	及優鉢羅	隨諸衆生
之所思念	即得種種	衣服飲食
錢財珍寶	金銀琉璃	真珠璧玉
雜廁瓔珞	願諸衆生	不聞惡聲
乃至无有	可惡見者	願諸衆生
色貌微妙	各各相於	共相愛念
世間所有	資生之具	隨其所念
悉令具足	願諸衆生	諸所求索
如其所須	應念即得	香華諸樹
常於三時	雨細末香	及塗身香
衆生受者	歡喜快樂	願諸衆生
常得供養	不可思議	十方諸佛
无上妙法	清淨无垢	及諸菩薩
聲聞大衆	願諸衆生	常得遠離
三惡八難	值无難處	覲覩諸佛
无上之王	願諸衆生	常生尊貴
多饒財寶	安隱豐樂	上妙色像
莊嚴其身	一德成就	有大名稱
願諸女人	皆成男子	具足智慧
精勤不懈	一切皆行	菩薩之道

懃心修集

六波羅蜜

常見十方

无量諸佛

坐寶樹下

琉璃座上

安住禪定

自在快樂

演說正法

衆所樂聞

若我現在

及過去世

所作惡業

諸有驗難

應得惡果

不適意者

願悉盡滅

今无有餘

若諸衆生

三有繫縛

生死羅網

弥密牢固

願以智力

剖斷破裂

除諸苦惱

早成菩提

若此閻浮

及餘他方

无量世界

所有衆生

所作種種

善妙功德

我今深心

隨其歡喜

我今以此

隨喜功德

及身口意

所作善業

願於來世

成无上道

得淨无垢

吉祥果報

若有敬礼

讚嘆十力

信心清淨

无諸疑網

能作如是

所說懺悔

便得超越

六十劫罪

諸善男子

及善女人

諸王刹利

婆羅門等

若有恭敬

合掌向佛

稱嘆如來

并讚此偈

在在生處

常識宿命

諸根具足

清淨端嚴

種種功德

悉皆成就

在在處處

常為國王

輔相大臣

之所恭敬

非於一佛

五佛十佛

種諸功德

聞是懺悔

若於无量

百千万億

諸佛如來

種諸善根

然後乃得

聞是懺悔

金光明經業障滅品第五

梁三藏真諦譯

是時世尊善正分別入於深法妙有
名禪從於毛孔放種種光无量百千
種色皆從身出因此光內一切諸佛
剎土悉現光中於十方恒河沙譬喻
算數所不能及五濁惡世為光所照
是諸衆生所作十惡五无間業誹謗
三寶不孝父母及沙門婆羅門輕慢
尊長應墮地獄餓鬼畜生各各蒙光
至所住處是諸衆生見斯光已應念
安樂因光力故是諸衆生端正微妙
色相具足福德莊嚴皆得親近諸佛
世尊

是時大衆與天帝釋及恒水女神皆
來會所却坐一面

於是天帝釋承佛神力即從坐起偏
袒右肩右膝著地合掌向佛而白佛
言世尊云何善男子善女人願求阿
耨多羅三藐三菩提修行大乘攝受一切
衆生是諸業障云何懺悔而得解脫

佛言善哉善哉善男子汝今修行欲
為无量無數无边衆生令得清淨解
脫安樂哀愍世間善男子一切衆生
為業障故墮多種罪應當日夜六時
偏袒右肩右膝著地合掌恭敬一心
一意口自說言歸命頂礼一切諸佛
世尊現在十方世界已得阿耨多羅
三藐三菩提者轉法輪照法輪持法
輪雨大法雨擊大法鼓吹大法螺出
微妙聲豎大法幢秉大法炬為欲利
益安樂衆生故行法施誘接荷負一
切衆生為令无量無數衆生得清淨
故得安樂故欲令大衆得大果故為
諸天人得清淨故如是世尊故應礼
敬以身口意頂礼歸誠是諸世尊以
真實慧以真實眼真實證明真實平
等悉知悉見一切衆生善惡之業我
從无始隨生死流與一切衆生已造
業障貪瞋癡等之所纏縛未識佛時
未識法時未識僧時未識善惡為身
口意得无量罪以惡心故出佛身而
誹謗正法破和合僧煞阿羅漢煞害
父母十不善法自作教他見作隨喜

身三口四意三業行於諸衆生橫生
毀咎斗秤欺誑以偽為真不淨飲食
以施衆生於生死六道所有父母更
相觸惱塔物僧物四方僧物心生偷
奪自在而用如佛所說言教法律過
分課學師長教示不相隨從有行聲
聞者行緣覺者行大乘者憚生罵辱
令諸行人心退愁恨見有勝已便懷
嫉妬法施財施而生障尋无明所覆
邪見疑惑使惡增長於諸佛所而起
惡言法說非法非法說法如是衆罪
齊如諸佛真實慧真實眼真實證明
真實平等志知惡見奉對懺悔皆志
發露不敢覆藏未作之罪不敢復作
已作之罪今志懺悔所作業障應墮
惡道地獄畜生餓鬼阿修羅生十二
難處願我此生所有業障皆志滅盡
未來不受猶如過去諸大菩薩之所
修行三菩提道所有業障志已懺悔
如我業障今亦懺悔皆志發露不敢
覆藏已作之罪願得除滅未來之惡
更不敢作亦如未來諸大菩薩修三
菩提行所有業障志已懺悔如我業

障今亦懺悔皆悉發露不敢覆藏已
作之罪願得除滅未來之惡不敢復
作亦如現在十方世界菩薩摩訶薩
修三菩提行所有業障悉已懺悔如
我業障今亦懺悔皆悉發露不敢覆
藏已作之罪願得除滅未來之惡不
敢復作亦如過去未來現在三世諸
菩薩摩訶薩如是業障皆悉懺悔我
亦如是所有業障今亦懺悔皆悉發
露不敢覆藏已作之罪願得除滅未
來之惡不敢復作是故善男子若有
罪過一剎那中不得覆藏何況一日
一夜善男子若有犯罪願得清淨而
懷著愧信於未來必有果報生大恐
怖如是修行譬如男女如火燒頭如
火燒衣救令速滅火若不滅心不得
安是善男子若已犯罪亦復如是即
應懺悔使令滅除於一切法欲求清
淨无諸障罣如是懺悔未來之罪不
敢復作若欲生富樂之家金銀穀米
倉庫盈滿發大乘行亦應懺悔滅除
業障若欲生豪貴婆羅門家七寶具
足亦應懺悔滅除業障若欲生剎利

大貴之家及轉輪聖王亦應懺悔滅除業障若欲生四天王天亦應懺悔滅除業障若欲生三十三天夜摩天兜率陀天化樂天他化自在天亦應懺悔滅除業障若欲生梵輔梵淨大梵天亦應懺悔滅除業障若欲生少光无量光淨光天亦應懺悔滅除業障若欲生少淨無量淨遍淨天亦應懺悔滅除業障若欲生无欲天無熱天善現天善見天阿迦尼吒天亦應懺悔滅除業障若欲求須陀洹果斯陀含果阿那含果阿羅漢果亦應懺悔滅除業障若欲願求三明六通菩提自在聲聞力究竟聲聞大自在辟支佛菩提自在在地亦應懺悔滅除業障若欲願求一切智智淨智不思議智不動智三藐三菩提正遍智亦應懺悔滅除業障何以故善男子一切諸法從因緣生如來所說異相生異相滅以異因緣故是時過去諸法已滅已盡已轉如是業障无復遺餘是諸行法未得現生而今得生未來業障更不復起何以故善男子一切法空如

來所說亦無衆生亦無壽者亦无我人亦无生滅亦无行法善男子一切諸法皆依於本是本不可說何以故過一切相故若有善男子善女人如是入於真理生於信敬是名无衆生而有於本以是義故說於懺悔除滅業障善男子有四種法成就善男子善女人滅除業障永得清淨何者為四一者正心成就二者念於甚深經義不生誹謗三者於初發心菩薩起一切智心四者於一切衆生起无量慈心若能成就如是四種之法懺悔業障未得除滅尔時世尊而說偈言
專心護三業不誹謗深經作一切智心
慈心淨業障

善男子復有四種大業障難可清淨何者為四一者於菩薩律儀犯極重惡二者於大乘十二部經心生誹謗三者於自身中不能增長一切善根四者貪著有心又有四種對治滅業障法何者為四一者於十方世界一切如來至心親近懺悔一切罪二者為十方一切衆生勸請諸佛說諸

妙法三者隨喜十方一切衆生所有
成就功德四者所有一切功德善根
悉以迴向阿耨多羅三藐三菩提是
時天帝釋白佛言世尊云何善男子
善女人於大乘行其有行者有不行
者云何而得隨喜一切衆生功德善根
佛言善男子若有善男子善女人日
夜六時偏袒右肩右膝著地合掌恭
敬一心一意口自說言十方世界一
切衆生修施修戒修定我今皆悉隨
喜以如前隨喜故尊勝可愛无上無
等並皆隨喜如是過去未來所有善
根皆悉隨喜於現在世中初發心菩
薩所有發菩提心功德過百大劫行
菩薩行所有大功德聚得无生法忍
得不退地功德之聚得一生補處如
是一切功德悉以隨喜讚嘆皆如上
說過去未來一切菩薩功德隨喜讚
嘆亦復如是現在十方世界一切諸
佛如來應供正遍知已具三菩提道
為度脫一切衆生轉无上法輪行无碍
法施然大法炬擊大法鼓吹大法蚤
出微妙聲堅大法幢一切衆生皆蒙

法施志得飽滿勸化衆生皆令信受
為欲安樂一切衆生哀念一切衆生二
切人天皆蒙安樂聲聞辟支佛菩薩
功德善根皆已修立若有衆生未具
如此諸功德者志令具足我皆隨喜
而讚嘆之如是所說亦如三世諸佛菩
薩聲聞之衆所有功德皆生隨喜而
讚嘆之如是善男子隨喜无量無數
功德之聚譬如三千大千及恒河沙等
世界所有一切衆生悉成阿羅漢滅
一切諸漏是善男子善女人盡形壽
以衣服飲食卧具醫藥四事供養如
是功德不及隨喜修功德者何以故
是前功德有數有量不攝一切諸功
德故是隨喜功德无量無數能攝三
世一切功德故是故善男子若有善男
子善女人欲增長自善根者應如是
隨喜修功德者若有女人欲轉女身
以為男身應當隨喜如是修功德者
是時帝釋白佛言世尊願為更說勸
請功德為令未來菩薩得大光明現
在菩薩願修行故

佛言善男子若有善男子善女人願

求阿耨多羅三藐三菩提者應當修行
聲聞緣覺大乘之道若有衆生未得
修行日夜六時偏袒右肩右膝著地
合掌恭敬一心一意口自說言頂礼
十方一切諸佛世尊現已得阿耨多
羅三藐三菩提能轉无上法輪者我
今皆悉頂礼勸請轉無上法輪然大
法燈持法道理无碍法施秉大法炬
雨大法雨擊大法鼓吹大法蚤出微
妙聲豎大法幢為度脫一切衆生故
悉如上說乃至人天皆蒙安樂

復次善男子若有善男子善女人欲
得阿耨多羅三藐三菩提者應修聲
聞緣覺大乘之行其有未修行者曰
夜六時偏袒右肩右膝著地合掌恭
敬一心一意口自說言頂礼十方世
界一切諸佛世尊欲捨應身入涅槃
者我今稽請莫般涅槃久住於世度
脫安樂一切衆生如前所說乃至人天
皆蒙安樂我今以此勸請善根功德悉
以迴向阿耨多羅三藐三菩提亦如
過去未來現在諸大菩薩所有功德
皆悉迴向阿耨多羅三藐三菩提我

亦如是所有勸請一切功德皆悉迴
向阿耨多羅三藐三菩提善男子譬
如善男子善女人以三千大千世界滿
中七寶供養如來若有善男子善女
人勸請如來轉大法輪勸請功德其
福勝彼何以故是上善根即是財施
勸請功德即是法施善男子且置三
千大千世界七寶如是恒河沙數世
界若有善男子善女人以七寶滿恒
河沙數世界而用供養一切諸佛若
善男子善女人勸請如來轉大法輪
其福勝彼何以故其法施者有五種
事何者為五一者法施彼我兼利財
施不兼二者法施能令衆生出於三
界財施不出欲界三者法施利益法身
財施之者增長色身四者法施增長无
窮財施必皆有竭五者法施能斷無
明財施止伏貪心是故善男子勸請
功德无量無數難可譬喻如我昔行
菩薩行時如前諸佛世尊勸請轉大
法輪是善根故一切帝釋及大梵王
勸請於我轉大法輪世尊請轉法輪
為度脫安樂一切衆生及諸人天我

於往昔為菩提行勸請如來久住於
世莫般涅槃依諸功德是故我得十力
四无所畏四无尋辯大慈大悲得无量
無數不共之法我已入於无餘涅槃
而我正法久住於世我法身者无比
清淨種種相貌无量智慧无量自在
難可思議无量福德一切衆生深蒙
慈潤百千万億劫說不可盡是故法
身能攝藏一切之法一切之法不能攝藏
法身法身常住不墮常見雖復斷滅
不墮斷見破一切衆生種種之見能生
一切種種真見能解一切衆生之縛
與縛不異能種一切衆生諸善根本
能成熟一切衆生善根已成熟者能令
解脫无作無動无為寂靜安樂自在
遠離憤鬧過於三世能見三世過於
聲聞緣覺境界大地菩薩之所修行
一切如來皆无異體勸請功德善根
力故如是法身我今已得是故善男
子若有善男子善女人為得阿耨多
羅三藐三菩提一句一偈以持勸化
為人解說功德善根難可限量何況
勸請如來轉大法輪久住於世莫般

是時帝釋白佛言世尊云何善男子
善女人為得阿耨多羅三藐三菩提
修行聲聞緣覺大乘之道若有衆生
未得修行功德善根云何悉以迴向
為一切智智

佛言善男子若有善男子善女人欲
求阿耨多羅三藐三菩提修行聲聞
緣覺大乘之道若有衆生未得修行
一日一夜一心一意口自說言我從无
始生死以來所有善根皆已成就於
三寶所若於他所乃至畜生人非人
等乃至升擲以施一切兼以善言和
解闢諍三歸學戒一切功德善根皆
由懺悔而得皆由隨喜而得皆由勸
請而得是諸善根安置一處攝受同
時合集稱量皆以迴施一切衆生永
已捨施更无奪心解脫不攝由如諸
佛世尊知者見者不可思量无有無
垢佛智慧故如是一切功德善根悉
以迴施一切衆生不住相心不捨相
心我亦如是功德善根悉以迴施一
切衆生願一切衆生皆得寶手破空

出寶滿衆生願富樂無盡福德無盡
妙法無盡自在無盡四辯無盡為得
阿耨多羅三藐三菩提故為得一切
智智故我今施與一切衆生功德善根
從此善根復更獲無量一切善根合
集稱量悉以迴向阿耨多羅三藐三
菩提是善根故悉與衆生共至阿耨
多羅三藐三菩提得一切智智如昔
菩薩摩訶薩修行菩提之道功德善
根悉皆迴向為一切種智我亦如是
功德善根悉皆迴向阿耨多羅三藐
三菩提是善根故亦與衆生共之同
共一時得阿耨多羅三藐三菩提為
得一切智智故猶如未來菩薩摩訶
薩功德善根亦應迴向共一切衆生
得阿耨多羅三藐三菩提我亦如是
所有功德善根亦以迴向如上廣說
猶如現在菩薩摩訶薩功德善根迴
向阿耨多羅三藐三菩提與一切衆
生共得阿耨多羅三藐三菩提我亦
如是所有功德善根亦與衆生共之
如上廣說如餘諸佛坐於道場菩提
樹下不可思議无垢清淨住於无盡

法藏陀羅尼首楞嚴三昧破魔波旬
无量兵衆應見應知應覺應可通達
如是一切一剎那中皆悉照了於後
夜中證甘露道得甘露法我亦如是
與一切衆生同共善根是善根故俱
得阿耨多羅三藐三菩提道同得一
切智智猶如

无量壽佛勝光 佛妙光 佛
呵闍 佛功德善光佛 師子光明佛
百光明佛 網光明佛 寶相佛
寶炎佛 佛炎光明佛 炎光明佛
安吉上王佛 微妙聲佛 妙莊嚴佛
法 幢 佛上勝身佛 遍可愛色佛
光明遍照佛 梵淨王佛 上性 佛
如是諸如來應供正遍知過去未來
現在皆悉示現應化得阿耨多羅三
藐三菩提轉无上法輪為欲度脫安
樂一切衆生廣說如上我亦如是同
共衆生得阿耨多羅三藐三菩提轉
大法輪廣說如上若善男子善女人
是金光明衆經之王業障滅品汝當
受持讀誦憶念不忘為他廣說无量
無數廣大功德之聚猶如三千大千

世界所有一切衆生无有前後皆得成就人身得人身已得緣覺道若有善男子善女人盡形壽恭敬礼拜四事供養一一緣覺各各供給七寶如須弥山以用供養如是一一緣覺皆入涅槃起七寶塔是一一塔皆悉七寶何者為七金銀琉璃頗梨馬瑙車乘青黃寶等其塔高廣十二由旬於此塔處以諸華香寶幢幡蓋一一供具皆以供養善男子於意云何是善男子善女人得福多不甚多世尊佛言善男子是金光明微妙經典衆經之王業障滅品汝當受持讀誦憶念不忘為他廣說如前功德善根於後所得功德聚百分不及一百千万億分筭數譬喻所不能及何以故是善男子善女人住正行中勸請十方佛土正覺世尊轉无上法輪皆令如來歡喜讚嘆善男子如我所說一切施中法施為勝是故善男子於三寶所設供養不可為比受持三歸一切諸戒不可為比三寶不空不可為比一切世界三世三寶勸請久住不可

為比三世一切世界於无量劫勸請
如來說深正法不可為比一切世界
一切衆生隨力隨能隨心於三乘中
勸發菩提心不可為比三世一切世
界衆生皆令无導速得成就功德滿
足不可為比三世一切世界所有衆
生勸令无導得三菩提不可為比三
世一切世界衆生勸令出四惡道不
可為比三世一切世界衆生勸令滅
深惡業不可為比一切苦惱勸令得
解脫不可為比一切怖畏困苦逼切
勸令得解脫不可為比三世佛前一
切衆生所有功德善根勸令皆以隨
喜三世自發菩提願不可為比惡行
罵辱惡業道除一切功德善根皆願
攝持生生世世勸請恭敬供養一切
三寶勸請普皆清淨福行成滿三菩
提道勸請滿足具六波羅蜜勸請轉
无上法輪勸請住无量劫說无量甚
深妙法不可為比是時帝釋恒水女
神无量諸梵王及四天王從坐而起
各偏袒右肩右膝著地合掌頂礼而
白佛言世尊我等一切得聞是金光

明衆經之王今當受持讀誦為他廣說應當依此法住何以故世尊我等欲求阿耨多羅三藐三菩提隨此義故種種之相正法行故

是時梵王及天帝釋等皆悉雲集於說法之處以種種身陀羅華而散佛上三千大千世界地皆大動一切天鼓及諸音樂不鼓自鳴放金色光遍滿世界所出言音是金光明微妙經典慈恩普被種種利益種種增長菩薩善根滅諸業障

佛言如是如是如汝所說何以故善男子我憶往昔至于此生於百千阿僧祇劫寶王大炎照如來應供正遍知出現於世六百八十億劫住於世界初集會所百千億億萬衆皆得阿羅漢諸漏已盡具六神通自在无碍第三集會九十千億億萬衆得阿羅漢皆悉漏盡三明六通皆得自在第三大會九十八千億億萬衆皆得阿羅漢三明六通自在无碍是時寶王大炎照如來與諸天人梵王沙門婆羅門及諸人民為欲度脫安樂一切故出

現於世善男子我於今時作女人身
名福寶光明第三集會於會坐所親
近世尊受持讀誦是金光明經為他
廣說為得阿耨多羅三藐三菩提故
是故世尊為我授記是福寶光明女
人於未來世當得作佛号釋迦牟尼
如來應供正遍知明行足善逝世間
解无上士調御丈夫天人師佛世尊
捨女身後從是以來度四惡道生天
人中受上妙之樂八十四百千反作
轉輪王至于今日得作於佛名稱普
聞遍滿世界

時會乃見寶王大炎照如來轉无上
法輪說微妙法從此娑婆去彼東方
過百千恒河沙數佛土有世界名寶
莊嚴今猶現在末般涅槃說微妙法
廣化衆生

復次若有善男子善女人聞是寶王
大炎照如來名号得不退轉於菩薩
地至般涅槃若有女人聞是寶王大
炎照如來名号臨命終時得見世尊
來至其所得見佛已究竟不復更受
女身善男子是金光明微妙經典種

種利益種種增長菩薩善根滅諸業障善男子若有比丘比丘尼優婆塞優婆夷在在處處為人講說是金光明微妙經與在所國土皆獲四種功德善根何等為四一者國王无諸疾惱一切灾厄二者壽命長遠无有障導三者无諸怨敵兵衆勇健無能勝者四者安隱使樂妙法常興何以故如是人王釋梵四王夜叉之衆常來守護善男子有如是事不此諸无量釋梵四王及夜叉衆俱時同聲答世尊言如是如是若在所國土講說此經是諸國王我等四王常來擁護行住共俱其王若有一切灾障怨敵我等四王皆能攘却若有疾惱諸不適意悉使除愈增長壽命於吉祥法於愛敬法我力能令生歡喜心我等亦能使其兵衆皆志勇健

佛言善哉善哉善男子如汝所說汝當修行何以故是諸國王如法修行一切人民隨王修習若有人民能如法修行汝等皆蒙色力勝利宮殿光華眷屬强盛諸釋梵等白佛言如

是世尊

佛言於此國土處處講說是金光明
微妙經典於諸國土大臣宰相蒙四
種之恩一者更相親睦尊重愛念安
忍二者常為人王心所敬重亦為沙
門婆羅門大國小國之所愛護三者
讚仰四者壽命脩長安隱快樂如是
四種恩德若有國土宣說是經沙門
婆羅門等得四種功德何者為四一者衣
服飲食卧具醫藥二者皆得安心坐
禪讀誦三者依於山林得安樂住四
者依心皆得如意滿足是名四種功
德若有國土講宣是經一切人民皆
得豐樂无諸疾疫商估往還多獲寶
貨具足四福是名種種功德利益
是時釋梵四王及此會大眾白佛言
世尊如是經典甚深之義若現在世
如來三十七助道品等住世未滅若
是經典滅盡之時正法亦滅

佛言是故善男子如是相貌是金
光明經一句一偈一品一部一心正聞
一心正持一心正思惟一心正讀誦一

心為他廣說長夜安樂

合部金光明經卷第二

癸卯歲高麗國大藏都監奉

勅彫造

合部金光明經卷第三

場

施羅尼寂淨地品第六

梁三藏真諦譯

隋大興善寺沙門釋寶貴合

是時師子相無尋光皎菩薩與无量
億衆從座俱起偏袒右肩右膝著地
合掌恭敬頂札佛足以種種華香寶
幢幡蓋以為供養而作是言以幾因
緣得菩提心何者是菩提心世尊於
菩提者現在心不可得未來心不可
得過去心不可得離菩提者菩提心
亦不可得菩提者不可言說心者亦
无色無相无事无業非可造作衆生者
亦不可得亦不可知世尊云何諸法
甚深之義而可得知

佛言善男子菩提秘密事業造作不
可得知離菩提菩提心亦不可得菩
提者不可言說心亦无相衆生亦不
可得知何以故如意心亦是如心
菩提亦是如心如菩提衆生亦如
是如衆生一切三世法亦是如是
佛言善男子如是菩薩摩訶薩得名
是心通一切法是說菩提菩提心菩

提非過去非未來非現在心亦如是
衆生亦如是於此中亦不可得何
以故一切法无生故菩提不可得菩
提名不可得衆生衆生名不可得聲
聞聲聞名不可得緣覺緣覺名不可
得菩薩菩薩名不可得佛佛名不可
得行非行不可得行非行名不可得
於一切寂靜法中而得安住依一切
功德善根而得發出是名初發菩提
心譬如寶須弥山王是名檀波羅蜜因
第二發心譬如大地持一一法事故
是名尸波羅蜜因譬如師子臆長毫
歟王有大神力獨步无畏無有戰怖
如是第三心說摩提波羅蜜因譬如
風輪卍羅延力勇壯速疾如是第四
心不退轉是名毗梨耶波羅蜜因譬
如七寶樓觀有四階道清涼之風來
吹四門如是第五心上種種功德法
藏猶未滿足是名禪波羅蜜因譬如
日輪光耀炎盛如是第六心能破滅
生死大闇故是名般若波羅蜜因譬
如大富商主能令一切心願滿足如
是第七心能令得度生死險惡道故

能令得多功德寶故是名方便勝智波
羅蜜因譬如月淨圓滿如是第八心
一切境界清淨具足故是名願波羅蜜
因譬如轉輪聖王主兵寶臣如意處
分如是第九心善能莊嚴清淨佛土
功德普洽廣利一切故是名力波羅蜜
因譬如虛空及轉輪聖王如是第十
心於一切境界皆悉通達故於一切
法自在至灌頂位故是名智波羅蜜因
佛言善男子如是十種菩薩摩訶薩
菩提心因

佛言善男子依五種法成就菩薩摩
訶薩檀波羅蜜何者為五一者信根
二者慈悲三者无求欲心四者攝受
一切衆生五者願求一切智智是善
男子依是五法檀波羅蜜能得成就
佛言善男子依是五法菩薩摩訶薩
成就尸波羅蜜何者為五一者三業
清淨二者不為一切衆生作煩惱因
緣三者斷諸惡道開善道門四者過
於聲聞緣覺之地五者一切功德願
滿足故善男子依是五法尸波羅蜜
能得成就

佛言善男子支依五法菩薩摩訶薩成就羼提波羅蜜何者為五一者伏貪瞋煩惱二者不惜身命不生安樂止息之觀三者思惟往業四者為欲成熟一切衆生功德善根發慈悲心五者為得甚深无生法忍善男子是名菩薩摩訶薩成就羼提波羅蜜

佛言善男子又依五法菩薩摩訶薩成就毗梨耶波羅蜜何等為五一者與諸煩惱不得共住二者福德未具不得安樂三者一切難行不生厭心四者為欲利益一切衆生成就大慈悲攝受五者願求不退轉地善男子是名菩薩摩訶薩成就毗梨耶波羅蜜佛言善男子又依五法成就菩薩摩訶薩羼提波羅蜜何等為五一者一切善法攝持不散二者解脫生死二處不著三者願得神通為成就衆生善根故四者發心洗浣法界為清淨心故五者為斷衆生一切煩惱根故善男子是名菩薩摩訶薩成就羼提波羅蜜

佛言善男子又有五法菩薩摩訶薩

成就般若波羅蜜六何為五一者一切諸佛菩薩聰慧大智供養親近心无厭足二者諸佛如來說甚深法心常樂聞无有厭足三者真俗勝智四者見思煩惱如是勝智能分別斷五者於世間五明之法皆悉通達善男子是名菩薩摩訶薩成就般若波羅蜜佛言善男子又依五法菩薩摩訶薩成就方便勝智波羅蜜何者為五一者於一切衆生意欲煩惱行心悉通達二者无量對治諸法之門心皆曉了三者大慈大悲入出自在四者於摩訶波羅蜜多能修行成熟滿足悉皆願求五者一切佛法了達攝受皆悉願求善男子是名菩薩摩訶薩成就方便勝智波羅蜜

佛言善男子又有五法菩薩摩訶薩成就願波羅蜜何者為五一者於一切法本來不生不滅不有无心安樂住二者觀一切諸法寂妙一切垢清淨心得安住三者過一切相心如无作无行不異不動安心於如四者為利益衆生事於俗諦中得安心

住五者於奢摩他毗鉢舍那同時能
住善男子是名菩薩摩訶薩成就願
波羅蜜

佛言善男子依此五法菩薩摩訶薩
成就力波羅蜜何者為五一者一切
衆生心行險惡智力能解二者能令
一切衆生入於甚深之法三者一切
衆生往還生死隨其因緣如是見知
四者於一切衆生三聚智力能分別
知五者如理為種為熟為脫如是說
法皆是智力故善男子是名菩薩摩訶薩
成就力波羅蜜

佛言善男子復有五法菩薩摩訶薩
修行成就智波羅蜜何等為五一者
於一切法分別善惡具足智能二者
於黑白法遠離攝受具足智能三者
於生死涅槃不厭不喜具足智能四
者大福德行大智慧行得度究竟具
足智能五者一切諸佛不共法等及
一切智智具足灌頂智能善男子是
名菩薩摩訶薩成就智波羅蜜佛言
善男子何者波羅蜜義我行道勝利是
波羅蜜義大甚深智滿足是波羅蜜

義行非行法心不執著是波羅蜜義
生死過失涅槃功德正覺正觀是波
羅蜜義愚人智人皆悉攝受是波羅
蜜義能現種種殊妙法寶是波羅蜜
義无導解脫智滿足是波羅蜜義法
界衆生界正分別知是波羅蜜義檀
等及智能令至不退轉地是波羅蜜
義能令滿足无生法忍是波羅蜜義
一切衆生功德善根能令成熟是波羅
蜜義於菩提清涼道場佛慧十力四无
畏不共法等成就是波羅蜜義生死
涅槃皆是妄見能度无餘是波羅蜜
義濟度一切是波羅蜜義一切外人
來相詰難善能解釋令其降伏是波
羅蜜義能轉十二行法輪是波羅蜜
義无所著无所見無患累无異思惟
是波羅蜜義

善男子初菩薩地是相前現三千大
千世界无量無邊種種寶物等藏皆
悉盈滿菩薩悉見

善男子菩薩二地是相前現三千大
千世界地平如掌无量無數種種妙
色清淨之寶莊嚴之具菩薩悉見

善男子菩薩三地是相前現自身勇
健鎧仗莊嚴一切怨賊皆能摧伏菩
薩志見

善男子菩薩四地是相前現四方風
輪種種妙華志皆散灑圓滿地上菩
薩志見

善男子菩薩五地是相前現如寶女
人一切莊嚴其身頂上散多那華妙
寶瓔珞貫飾身首菩薩志見

善男子菩薩六地是相前現七寶華
池有四階道金沙遍滿清淨无穢八
功德水皆志盈滿鬱波羅花拘物頭
華分陀利華莊嚴其池於華池所自身
遊戲快樂清淨清涼无比菩薩志見
善男子菩薩七地是相前現左邊右
邊應墮地獄以菩薩力故還得不墮
无有損傷无有痛惱菩薩志見

善男子菩薩八地是相前現左邊右
邊師子臆長毫猊王一切衆獸志皆
怖畏菩薩志見善男子菩薩九地是
相前現轉輪聖王无量億衆圍繞供
養頂上白盖无量衆寶之所莊嚴以
覆於上菩薩志見

善男子菩薩十地是相前現如來之
身金色晃耀无量淨光悉皆圓滿无
量億梵王圍遶恭敬供養轉於无上
微妙法輪菩薩悉見

善男子云何初地而名歡喜得出世
心昔所未得而今始得大事大用如
意所願志皆成就大歡喜慶樂故是
故初地名為歡喜地一切微細之罪
破戒過失皆清淨故是故二地說名
无垢地

無量智慧光明三昧不可傾動无能
摧伏聞持陀羅尼為作本故是故三
地說名明地

能燒煩惱以智慧火增長光明是修
行道品依處所故是故四地說名焰地
是修行方便勝智自在難得故見思煩
惱不可伏故是故五地說名難勝地
行法相續了了顯現无相多思惟現
前故是故六地說名現前地

無漏无間无相思惟解脫三昧速修
行故是地清淨无障無碍是故七地
說名遠行地

无相正思惟修得自在諸煩惱行不

能令動是故八地說名不動地

說一切種種法而得自在无患累故
增長智慧自在無尋故是故九地說
名善慧地

法身如虛空智慧如大雲能令遍滿
覆一切故是故第十名法雲地
初地欲行有相道是无明障導生死
怖畏是元明依二種塵心是初地障
微細罪過因无明種種業行相因无
明依二種塵心是二地障

昔所未得勝利得故動涌因无明不
具聞持陀羅尼因无明依二種塵心
是三地障

味禪定樂生愛著心因无明微妙淨
法愛因无明依二種塵心是四地障
一意欲入涅槃思惟一意欲入生死
思惟是涅槃思惟是生死思惟无明
為因生死涅槃不平等思惟无明為
因依二種塵心是五地障

行法相續了了顯現无明為因法相
數數行至於心无明為因依二種塵心
是六地障

微細諸相或現不現无明一味熟思

惟欲斷未得方便无明依二種場參廉心是七地障

於无相法多用功力無明執相自在難可得度无明依二種廉心是八地障說法无量名味句無量智慧分別无量未能攝持无明四无寻辯未得自在无明依二種場參廉心是九地障

寂大神通未得如意无明微妙秘密之藏修行未足无明依二種廉心是十地障

一切境界微細智寻無明為因未來是寻不更生未得不更生智无明為因是如来地障是善男子於初菩薩地行向檀波羅蜜

於二地行向尸波羅蜜

於三地行向羣提波羅蜜

四地行向毗梨耶波羅蜜

五地行向禪那波羅蜜

六地行向般若波羅蜜

七地行向方便勝智波羅蜜

八地行向願波羅蜜

九地行向力波羅蜜

十地行向智波羅蜜

善男子菩薩摩訶薩初發心名妙寶起三摩提攝受得生

第二發心可愛住三摩提攝受得生

第三發心難動三摩提攝受得生

第四發心不退轉三昧攝受得生

第五發心寶華三昧攝受得生

第六發心日圓光皎三昧攝受得生

第七發心一切願如意成就三昧攝受得生

第八發心現在佛現前證住三昧攝受得生

第九發心智藏三昧攝受得生

第十發心首楞嚴摩伽三昧攝受得生

善男子是名諸菩薩摩訶薩十種發心

善男子菩薩摩訶薩於此初地依功

德力名陀羅尼得生今時世尊而說

呪曰

怛姪他

天可切後九聲怛他字悉同此音其一

富樓尼

念履切後九聲台尼字悉

同此音

那羅弟

吳音乎弟其二

頭吼頭吼頭吼

其音

那

銘我切

跋修履愈

其五

烏婆娑底

六聲切其六

那

移我切

跋旃杜魯

其七

弟

吳音乎弟

愈多底

吳音乎底其八

多跋鐸洛祇

霜黠切其九

但地

吳音切

波履

訶嵐

里舍切其十

苟留

良吼切其十一

鎖訶

楚可切後九聲未訶字悉同此

音美
十二

善男子是陀羅尼名過一恒河沙數
諸佛爲救護初地菩薩誦持此陀羅
尼呪得度脫一切怖畏一切惡獸一
切惡鬼人非人等災橫諸惱解脫五
障不忘念初地

善男子諸菩薩摩訶薩於此二地善
安樂住名陀羅尼得生

但姪他

其一

鬱坐

殊果

離

良哉切

脂履脂

履

其三

鬱堅羅

留我切

堅羅

留我切

南

底

吼柳

切其

禪斗

禪斗

鬱坐

殊果

離

良哉切

吼柳

良哉切

吼柳

良哉切

吼柳

其七

鎖訶

虎可切

其八

善男子是陀羅尼名過二恒河沙數
諸佛爲救護二地菩薩誦持此陀羅
尼呪得度脫一切怖畏一切惡獸一
切惡鬼人非人等怨賊災橫諸惱解
脫五障不忘念二地

善男子菩薩摩訶薩於此三地難勝
大力名陀羅尼得生

怛姪他

其一

但地

番買切

枳

其三

般

方反

地

圖買切

枳

其二

柯羅智

知命切

高懶

烏懶切

智

知命切

智

知命切

智

切其

枳由離

良哉切

但底

良哉切

離

良哉切

鎖訶

良哉切

鎖訶

良哉切

善男子是陀羅尼名過三恒河沙諸

佛爲救護三地菩薩誦持陀羅尼呪
得度脫一切怖畏一切惡獸虎狼師
子一切惡鬼人非人等怨賊灾橫諸有
惱害解脫五障不忘念三地

善男子菩薩摩訶薩於此四地大利益
難壞名陀羅尼得生

担姪他其一尸履尸履其二陀弥尼陀弥

尼其三陀履陀履尼其四尸履尸履尼

瑟毖其五捨其六羅其七婆細其八波豕

那其九盤陀訶其十寐其十一底其十二鎖訶

其十三

善男子是陀羅尼名過四恒河沙諸
佛爲救護四地菩薩誦持陀羅尼得
度一切怖畏一切惡獸虎狼師子一
切惡鬼人非人等怨賊灾橫及諸毒
害解脫五障不忘念四地

善男子菩薩摩訶薩於此五地種種
功德莊嚴名陀羅尼得生

担姪他其一訶里訶里尼其二遮履遮履

尼其三柯羅其四摩尼其五僧柯羅其六

摩尼其七三婆訶沙尼其八剌其九婆訶

尼其十悉其十一耽婆訶尼其十二謨訶尼

其十三莎琰部吼陞其十四鎖訶其十五

善男子是陀羅尼名過五恒河沙諸
佛爲救護五地菩薩誦持陀羅尼得
度一切怖畏一切毒害虎狼師子一
切惡鬼人非人等怨賊灾橫諸有惱
害解脫五障不忘念五地

善男子是菩薩摩訶薩於此六地圓
智等名陀羅尼得生

怛姪他其二毗頭離良然切毗頭離同二音

摩履尼其三柯履柯履苦口切苾頭

誘訶底其五留留留三字同周柳

周柳其七杜魯婆杜魯婆其八捨捨

捨而字同者其九婆栗沙使下切薩相脫切

活急轉音呼私底其十一薩婆薩婆其十二南

悉遲直梨切遐香家切斗其十三舅無斤切多羅

波地其十四鎖訶虎可切

善男子是陀羅尼名過六恒河沙諸
佛爲救護六地菩薩誦持陀羅尼得
度一切怖畏一切毒害虎狼師子一
切惡鬼人非人等怨賊灾橫諸有惱
害解脫五障不忘念六地

善男子菩薩摩訶薩於此七地法勝
行名陀羅尼得生

怛姪他其二閼訶閼訶漏其三閼訶閼

訶閣訶漏

合部金光明經卷第二
同前音

鞞柳枳鞞柳

場上公
其四

阿蜜多羅

留我口切

訶尼 婆力灑尼

其六 鞞柳耻枳

其七 婆柳婆底

其八 鞞提喜

訶履切 枳

其九 頻

防佛切 陀鞞履尼 蜜栗怛

底

知履切

枳 蒲呼第西蒲呼第西

鎖訶

鹿可切
其十三

善男子是陀羅尼名過七恒河沙諸

佛爲救護七地菩薩誦持陀羅尼呪

得度一切怖畏一切惡獸虎狼師子一

切惡鬼人非人等怨賊毒害災橫解

脫五障不忘念七地

善男子菩薩摩訶薩於此八地無盡

藏名陀羅尼得生

怛姪他

其二 矢履

急特音字
此兩字

矢履

尸履
小緩音

其三 寐

無死切

底寐

同上音

底

其四 柯履柯履

訶履訶履

其六 醯柳醯柳

其七 周柳周

柳 美盤陀訶寐

無死切
其九

鎖訶

其十

善男子是陀羅尼名過八恒河沙諸

佛爲救護八地菩薩誦持陀羅尼得

度一切怖畏一切惡獸虎狼師子一

切惡鬼人非人等怨賊毒害災橫解

脫五障不忘念八地

善男子菩薩摩訶薩於此九地無量

門名陀羅尼得生

怛姪他其訶履旃地履枳其三俱嵐婆

羅留我切梯吳音呼弟他斗羅同前死其拔吒

拔吒死其五矢履矢履其六柯尸履其七

柯比尸履其八相脫切活私底知履切薩婆

薩埵南寧甘切鎖訶虎可切

善男子是陀羅尼名過九恒河沙諸

佛為救護九地菩薩誦持陀羅尼得

度一切怖畏一切惡獸虎狼師子一

切惡鬼人非人等怨賊毒害災橫解

脫五障不忘念九地

善男子菩薩摩訶薩於此十地破壞

堅固金剛山名陀羅尼得生

怛姪他其二悉提吳音呼弟醯吳音呼弟

修悉提同前醯訶弟切姥者祢吳音呼弟

字悉提此音其四姥差雙解切祢其五毗目底吳音呼弟

耆同此音其六阿摩訶吳音呼弟瞿吳音呼弟

若如也切竭奇連切刺留連切刺陞吳音呼弟

何刺那竭奇連切刺陞吳音呼弟婆曷

多跋渴喜連切弟吳音呼弟瞿其十薩婆賴他

訶虎可切娑陀訶其十摩那死其十摩

訶摩那死其十頰部吼底其十頰哲部吼

底

其十

婆羅弟

同前音

毗

羅是

其十一

頹周

底

其十二

阿美里底

其十三

阿羅是

其十四

毗羅

其十五

是

其十六

婆藍

其十七

訶米

其十八

富樓

其十九

那摩

其二十

怒羅

體

其二十一

富樓

其二十二

訶米

其二十三

富樓

其二十四

那摩

其二十五

怒羅

其二十六

體

富樓

其二十七

那摩

其二十八

怒羅

其二十九

體

其三十

富樓

其三十一

那摩

其三十二

怒羅

體

其三十三

富樓

其三十四

訶米

其三十五

富樓

其三十六

那摩

其三十七

怒羅

其三十八

體

善男子

其三十九

是

其四十

毗羅

其四十一

是

其四十二

毗羅

其四十三

是

其四十四

毗羅

是

其四十五

毗羅

其四十六

是

其四十七

毗羅

其四十八

是

其四十九

毗羅

其五十

是

毗羅

其五十一

是

其五十二

毗羅

其五十三

是

其五十四

毗羅

其五十五

是

其五十六

毗羅

是

其五十七

毗羅

其五十八

是

其五十九

毗羅

其六十

是

其六十一

毗羅

其六十二

是

毗羅

其六十三

是

其六十四

毗羅

其六十五

是

其六十六

毗羅

其六十七

是

其六十八

毗羅

是

其六十九

毗羅

其七十

是

其七十一

毗羅

其七十二

是

其七十三

毗羅

其七十四

是

毗羅

其七十五

是

其七十六

毗羅

其七十七

是

其七十八

毗羅

其七十九

是

其八十

毗羅

是

其八十一

毗羅

其八十二

是

其八十三

毗羅

其八十四

是

其八十五

毗羅

其八十六

是

毗羅

其八十七

是

其八十八

毗羅

其八十九

是

其九十

毗羅

其九十一

是

其九十二

毗羅

是

其九十三

毗羅

其九十四

是

其九十五

毗羅

其九十六

是

其九十七

毗羅

其九十八

是

毗羅

其九十九

是

其一百

毗羅

其一百一

是

其一百二

毗羅

其一百三

是

其一百四

毗羅

是

其一百五

毗羅

其一百六

是

其一百七

毗羅

其一百八

是

其一百九

毗羅

其一百十

是

毗羅

其一百一十一

是

其一百一十二

毗羅

其一百一十三

是

其一百一十四

毗羅

其一百一十五

是

其一百一十六

毗羅

是

其一百一十七

毗羅

其一百一十八

是

其一百一十九

毗羅

其一百二十

是

其一百二十一

毗羅

其一百二十二

是

毗羅

其一百二十三

是

其一百二十四

毗羅

其一百二十五

是

其一百二十六

毗羅

其一百二十七

是

其一百二十八

毗羅

是

其一百二十九

毗羅

其一百三十

是

其一百三十一

毗羅

其一百三十二

是

其一百三十三

毗羅

其一百三十四

是

毗羅

其一百三十五

是

其一百三十六

毗羅

其一百三十七

是

其一百三十八

毗羅

其一百三十九

是

其一百四十

毗羅

是

其一百四十一

毗羅

其一百四十二

是

其一百四十三

毗羅

其一百四十四

是

其一百四十五

毗羅

其一百四十六

是

世尊普救濟苦樂常無常有我無我等如是衆多義世尊慧无著世間不一異辟如空谷響不度亦不滅唯佛能了知法界无分別是故無異乘為度衆生故分別說三乘

是時大自在梵王於大會中從坐而起偏袒右肩右膝著地合掌恭敬頂礼佛足而白佛言世尊希有難量是金光明經微妙之義究竟滿足皆能成就一切佛法一切佛恩

佛言如是如是善男子如汝所說善男子若得聽聞是金光明經一切菩薩不退阿耨多羅三藐三菩提何以故善男子是不退地菩薩成熟善根是第一印是金光明微妙經典衆經之王故得聽聞受持讀誦何以故善男子若一切衆生未種善根未成熟善根未親近諸佛不得聽聞是金光明經善男子是金光明經以聽聞受持故是善男子善女人一切罪障悉能除滅得極清淨常得見佛不離世尊常聞妙法常聽正法生不退地師子勝人而得親近不相遠離无盡無

減海印出妙功德陀羅尼无盡无減
衆生意行言語通達陀羅尼無盡无
減日圓無垢相光陀羅尼无盡無減
滿月相光陀羅尼无盡無減能伏一
切惑事功德流陀羅尼无盡無減破
壞堅固金剛山陀羅尼無盡无減說
不可說義因緣藏陀羅尼无盡無減
真實語言法則音聲通達陀羅尼无
盡无減虚空无垢心行印陀羅尼無
盡無減无邊佛身能顯現陀羅尼善
男子如是諸陀羅尼等得成就故菩
薩摩訶薩於十方一切佛土諸化佛
身說无上種種正法於法如如不動
不去不來善能成熟一切衆生善根
亦不見一切衆生可成熟者說種種
諸法於諸言辭不動不去不住不來
能現生滅向无生滅說諸行法无所
去來一切法無異故說是金光明經
已三萬億菩薩摩訶薩得无生法忍
无量諸菩薩不退菩提心無量无邊
比丘得法眼淨无量衆生發菩薩心
是時世尊而說偈言

逆生死流道甚深微難見貪欲覆衆生

愚冥暗不見

是時大會之衆從座而起偏袒右肩
右膝著地合掌恭敬頂禮佛足而曰
佛言若有處處講宣此金光明經是
會大衆皆悉往彼為作聽衆是說法
師種種利益安樂无障身心泰然我
等皆當盡心供養令諸聽衆安隱快
樂是所國土无諸怨賊恐怖之難无
飢饉畏无非人畏人民興盛是說法
處一切諸天人非人等及諸衆生不
得從上而過汙漫說法之處何以故
說法之處即是其塔善男子善女人
應當以諸香華繒綵幡蓋供養是說
法處我等為作救護利益消除一切
障導隨其所須如意供給悉令具足
佛言善男子如是汝等應當精勤修
行如此經典則法久住於世

合部金光明經卷第三

壬寅歲高麗國大藏都監奉

勅彫造

合部金光明經卷第四

場

隋大興善寺沙門釋寶貴合

北涼天竺三藏曇無讖譯

讚歎品第七

尔時佛告地神堅牢善女天過去有
王名金龍尊常以讚歎讚歎去來現
在諸佛

我今尊重	敬札讚歎	去來現在
十方諸佛	諸佛清淨	微妙寂滅
色中上色	金光照曜	於諸聲中
佛聲寂上	猶如大梵	深遠雷音
其髮紺黑	光螺焰起	蜂羣孔雀
色不得喻	其齒鮮白	猶如珂雪
顯發金顏	分齊分明	其目脩廣
清淨无垢	如青蓮華	映水開敷
舌相廣長	形色紅暉	光明照耀
如華初生	眉間毫相	白如珂月
右旋潤澤	如淨琉璃	眉細脩揚
形如月初	其色黑曜	過於蜂王
鼻高圓直	如鑄金錠	微妙柔軟
當于面門	如來勝相	次第寂上
得味真正	無與等者	一一毛孔
一毛旋生	軟細紺青	猶孔雀項

即於生時 身放大光 普照十方

无量國土 滅盡三界 一切諸苦

令諸衆生 悉受快樂 地獄畜生

及以餓鬼 諸人天等 安隱无患

悉滅一切 无量惡趣 身色微妙

如鎔金聚 面貌清淨 如月盛滿

佛身明曜 如日初出 進止威儀

猶如師子 脩辭下垂 立過于昧

猶如風動 娑羅樹枝 圓光一尋

能照无量 猶如聚集 百千日月

佛身淨妙 无諸垢穢 其明普照

一切佛刹 佛光魏魏 明焰火盛

悉能隱蔽 无量日月 佛日燈炬

照無量界 皆令衆生 尋光見佛

本所修集 百千行業 聚集功德

莊嚴佛身 辭瞻纖圓 如烏王鼻

手足淨軟 敬愛无厭 去來諸佛

數如微塵 現在諸佛 亦復如是

如是如來 我今悉礼 身口清淨

意亦如是 以好華香 供養奉獻

百千功德 讚詠歌歎 設以百舌

於千劫中 歎佛功德 不能得盡

如來所有 現世功德 種種深固

微妙第一

設復千舌

欲讚

一佛

尚不能盡

功德少分

況欲歎美

諸佛功德

大地及天

以為大海

乃至有頂

滿其中水

尚可以毛

知其滂數

无有能知

佛一功德

我今已礼

讚歎諸佛

身口意業

悉皆清淨

一切所修

无量善業

與諸衆生

證无上道

如是人王

讚歎佛已

復作如是

無量誓願

若我來世

无量無邊

阿僧祇劫

在在生處

常於夢中

見妙金鼓

得聞懺悔

深奧之聲

今所讚歎

面貌清淨

願我來世

亦得如是

諸佛功德

不可思議

於百千劫

甚難得值

願於當來

无量之世

夜則夢見

晝如實說

我當具足

修行六度

濟拔衆生

越於苦海

然後我身

成無上道

令我世界

无與等者

奉貢金鼓

讚佛因緣

以此果報

當來之世

值釋迦佛

得授記莢

并令二子

金龍金光

常生我家

同共授記

若有衆生

無救護者

衆苦逼切

无所依止

我於當來 為是等輩 作大救護
及依止處 能除衆苦 悉令滅盡
施與衆生 諸善安樂 我未來世
行菩提道 不計劫數 如盡本際
以此金光 懺悔因緣 使我惡海
及以業海 煩惱大海 悉竭无餘
我功德海 願悉成就 智慧大海
清淨具足 无量功德 助菩提道
猶如大海 珍寶具足 以此金光
懺悔力故 菩提功德 光明无碍
慧光無垢 照徹清淨 我當來世
身光普照 功德威神 光明焰盛
於三界中 寂勝殊特 諸功德力
无所减少 當度衆生 越於苦海
并復安置 功德大海 來世多劫
行菩提道 如昔諸佛 行菩提道
三世諸佛 淨妙國土 諸佛至尊
无量功德 令我來世 得此殊異
功德淨土 如佛世尊 信相當知
尔時國王 金龍尊者 則汝身是
尔時二子 金龍金光 今汝二子
銀相等是

元量餘經已廣說空是故此中
略而解說衆生根鈍虧於智慧
不能廣知元量空義故此尊經
略而說之異妙方便種種因緣
為鈍根故起大悲心今我演說
此妙經典如我所解知衆生意
是身虛偽猶如空聚六入村落
結賊所止一切自住各不相知
眼根受色耳分別聲鼻嗅諸香
舌嘗於味所有身根貪受諸觸
意根分別一切諸法六情諸根
各各自緣諸塵境界不行他緣
心如幻化馳騁六情而常妄想
分別諸法猶如世人馳走空聚
六賊所害愚不知避心常依止
六根境界各各自知所伺之處
隨行色聲香味觸法心處六情
如鳥投網其心在在常處諸根
隨逐諸塵无有輒捨身空虛偽
不可長養無有諍訟亦无正主
從諸因緣和合而有无有堅實
妄想故起業力機關假偽空聚
地水火風合集成立隨時增減

共相殘害	猶如四蛇	同處一篋
四大旣蛇	其性各異	二上二下
諸方亦二	如是蛇大	悉滅无餘
地水二蛇	其性沉下	風火二蛇
性輕上昇	心識二性	躁動不停
隨業受報	天人諸趣	隨所作業
而墮三有	水火風種	散滅壞時
大小不淨	盈流於外	體生諸虫
无可愛樂	捐棄塚間	如朽敗木
善女當觀	諸法如是	何處有人
及以衆生	本性空寂	无明故有
如是諸大	一一不實	本自不生
性无和合	以是因緣	我說諸大
從本不實	和合而有	无明體性
本自不有	妄想因緣	和合而生
無所有故	假名无明	是故我說
名曰无明	行識名色	六入觸受
愛取有生	老死憂惱	衆苦行業
不可思議	生死无際	輪轉不息
本无有生	亦無和合	不善思惟
心行所造	我断一切	諸見纏等
以智慧刀	裂煩惱網	五陰舍宅
覩悉空寂	證无上道	微妙功德

開甘露門 示甘露器 入甘露城
處甘露室 令諸衆生 食甘露味
吹大法螺 擊大法鼓 然大法燈
雨勝法雨 我今摧伏 一切怨結
堅立第一 微妙法幢 度諸衆生
於生死海 永斷三惡 无量苦惱
煩惱熾然 燒諸衆生 無有救護
無所依止 我以甘露 清涼美味
充足是輩 令離焦熱 於无量劫
遵修諸行 供養恭敬 諸佛世尊
堅固修集 菩提之道 求於如來
真實法身 捨諸所重 **肢節**手足
頭目髓腦 所愛男女 錢財珍寶
真珠瓔珞 金銀琉璃 種種異物
三千大千世界中 所有樹木折為籌
三千大地碎微塵 是等微塵遍虛空
一切衆生有智慧 以此智慧與一人
如是人等如微塵 等此微塵可知數
如來智慧不可數 如來一念有智慧
不可數劫等不盡

金光明經依空滿願品第九

梁三藏真諦譯

是時如意寶光耀善女天於大眾中
從座而起偏袒右肩右膝著地合掌

恭敬以偈白佛

我問照世界 兩足最勝尊 菩薩正行法
惟願垂聽許 佛言善女天 汝若有疑者
隨汝意所問 吾當分別說 云何諸菩薩
行菩提正行 離生死涅槃 利益自他故
佛言善女天 依於法界行菩提法修
平等行善女天 云何依於法界行菩
提法修平等行善女天 五陰能現法
界法界是五陰 五陰亦不可說非五
陰亦不可說 何以故 若五陰是法界
則是斷見 若離五陰即是常見 離於
二邊不著 二邊不可見 過所見元名
無相是則名為說於法界 善女天 云
何五陰能現法界 善女天 如是五陰
不從因緣生 何以故 若從因緣生已
生故得生 未生故得生 若已得生何
因緣生 若已生不從因緣生 若未生
時不可得生 何以故 來生諸法則是
不有元名無相非算數譬喻之所能
知 非因緣所生 善女天 譬如鼓聲依
木依皮 依摶依人工等 故得出聲 是鼓
聲空過去亦空 未來亦空 現在亦空
何以故 是鼓音聲不從木生 不從皮

生不從將生不從人工生是聲不於
三世生是則不生若不可得則不可滅
若不可滅无所從來若無所從來亦
無處去若元處去不常不斷若不常
不斷則不一不異何以故若一不
異法界若今者凡夫人則見真諦得
於无上安樂涅槃是義不然是故不
一若言其異者一切諸佛菩薩行相
即是執著未得解脫煩惱繫縛則不
能得阿耨多羅三藐三菩提何以故
一切聖人於行非行法中同智慧行
是故不異是故五陰非有不從因緣
生非不有五陰不過聖境界故非言
語之所能及无名無相无因無緣无
有境界無有譬喻始終寂靜本来自
空是故五陰能現法界善女人若善
男子善女人欲求阿耨多羅三藐三
菩提真異俗異如是難可思量於聖
凡境界不異思惟不捨於俗不捨於
真依於法界行菩提行

今時世尊作是語已時善女人踊躍
歡喜即從坐起偏袒右肩右膝著地
合掌恭敬一心頂礼而白佛言世尊

如上所說菩提正行我今當學

是時娑婆世界主大梵天王於大眾中問如意寶光耀善女天此菩提行難可修行汝心云何於此菩提行而得自在

時善女天答梵王言大梵王若佛所說是真甚深一切凡夫不得其味是聖境界微妙難知若使我心依於此法得安樂住是真實語者願令一切五濁惡世无量無邊衆生皆得金色三十二相非男非女坐寶蓮華受无量快樂雨天妙華天諸音樂不鼓自鳴一切供養皆悉具足是時善女天說是語已一切五濁惡世所有衆生皆悉金色具足三十二相非男非女坐寶蓮華受无量快樂猶如他化自在天宮無諸惡道寶樹行列七寶蓮華遍滿世界雨衆七寶上妙天華作天伎樂如意寶光耀善女天即轉女形作梵天身

時大梵天王問如意寶光耀菩薩言汝昔以何行菩提行菩薩答言梵王若水中月能行菩提行者我亦已行

菩提之行若夢見行菩提行我亦行
菩提行若焰露行菩提行我亦行菩
提行若聲響行菩提行我亦行菩提
行時大梵王聞此說已語菩薩言汝
依何等而說此語答言梵王无有一
法而有實相因果相成故梵王又白
菩薩言若如此者諸凡夫人皆悉應
得阿耨多羅三藐三菩提

菩薩答言以何思惟而作是說梵王
愚癡人異智慧人異菩提異非菩提
異解脫異非解脫異梵王如是諸法
平等无異於此法界如如不異无有
中間而可執持无增無減梵王譬如
幻師善巧幻術及幻弟子於四衢道
取諸土沙草木葉等聚在一處作種
種幻術使人覩見爲衆馬衆車衆軍
衆七寶之聚種種倉庫若有衆生愚
癡无智不能思惟不知幻本若見若
聞作是思惟如我所見爲馬衆等謂
是真實如見如聞隨能隨力各執所
見自言是實於他非真後不重思惟
有智之人則能思惟了於幻本若見
若聞作是思惟如我所見爲馬等衆

非是真實惟有幻事惑人眼目是處
說名爲馬等衆及諸庫倉惟有名字
無有實體如我所見如我所聞隨能
隨力不執所見自言是實於他非真
後不重思惟是諸智人隨說世語皆
欲令他知實義故如見如聞思惟則不
如是如是梵王若有衆生愚癡凡夫未
得出世聖智慧故未知一切諸法如
如不可言說是諸凡愚若見若聞行
非行法作是思惟實有如是諸法如
我所見如我所聞是諸凡夫人如見如
聞隨能隨力執著所見自言是實於
他非真後不重思惟若有衆生非凡
夫人已見第一義諦得出世聖慧知一
切法如如不可言說是諸聖人若見
若聞行法非行法隨能隨力不執著
所見自言是實於他非真後不重思
惟无實行法無實非行法如我所見
如我所聞惟妄思惟行非行相或人
智慧是處說名行非行法惟有名字
无有實體如我所見如我所聞隨能
隨力不執所見自言是實於他非真
後不重思惟是諸聖人如世語言隨

順其說為欲令他知真實義如是梵王是諸聖人聖智見故不可言法如如攝行非行法是法如如為他證知故說種種名

時大梵王問如意寶光耀菩薩言有幾衆生能解能通如是微妙甚深正法菩薩答言梵王凡是若干衆幻化人心數若下衆生能解能通是甚深法梵王又言此幻化人即是不有如是心數從何而得

菩薩答言梵王如是法界不有不無如是衆生能解能通是甚深義

是時梵王白佛言世尊是如意寶光耀菩薩不可思議通達如是甚深之義佛言如是如是梵王如汝所言何以故是如意寶光耀菩薩已教梵王學觀無生忍法於是大梵天王與諸梵衆從坐而起偏袒右肩右膝著地合掌恭敬頂禮如意寶光耀菩薩足說如是言希有希有我等今日得見大師得聞正法

尔時世尊於一切法通達无碍告梵王言是如意寶光耀菩薩於未來世

當得作佛号曰德寶焰吉上藏如來
應供正遍知說是金光明微妙經典
三千億菩薩得不退阿耨多羅三藐
三菩提八千億天子得无垢淨於法
成就清淨法眼无量無數國王臣民
得法眼淨五十億比丘行菩提行欲
退菩提心聞如意寶光耀菩薩說法
得堅固不可思議滿足之願更復還發
菩提之心各自脫衣供養菩薩重發
无上勝進心發無上勝進心已願令
我等功德善根悉皆不退迴向阿耨
多羅三藐三菩提如是比丘依此功
德修行過九十大劫當得成就是諸
比丘出於生死佛為授記過三十阿
僧祇劫當得作佛号難勝光王其國
名曰无垢光同時皆得阿耨多羅三
藐三菩提皆同一号名曰願莊嚴間
廁王佛

尔時佛告梵王是金光明經正聞正
聽有大神力梵王百千大劫行六波
羅蜜無有方便若有善男子善女人
已得聽聞是金光明經書寫半月半
月一過轉讀是善功德聚於前功德

百千分不及一分乃至算數譬喻所不能及梵王是故我今當令修學受持為他廣說何以故如是甚深微妙經典我行菩薩道時如於戰陣不惜身命得通此經受持讀誦為他解說梵王譬如轉輪聖王若王在世七寶不滅王若過世一切七寶自然而盡梵王是金光明微妙經典若現在世大正法寶皆志不滅是故當依金光明經聽聞讀誦受持為他解說令他書寫於功德中行精進波羅蜜不惜壽命不憚疲勞我諸弟子應當如是精勤修學

是時天主大梵天王與无量梵眾帝釋四王及夜叉眾俱從坐起偏袒右肩右膝著地合掌恭敬而白佛言我等一切為守護流通是金光明微妙經典說法法師若有諸難我當除却令具諸善色味滿足辯才无碍身心開泰時會之眾皆令快樂是處國土若飢饉怨賊非人之畏我等懷却使其人民豐盛歡逸皆是我等四王恩力若有供養是經卷者我亦當為作

合部金光明經卷第四 第六張 塲音
大擁護如佛不異

合部金光明經卷第四

壬寅歲高麗國大藏都監奉

勅彫造

合部金光明經卷第五

場

隋大興善寺沙門釋寶貴合

四天王品第十

北涼天竺三藏曇摩無識譯

尔時毗沙門天王提頭賴吒天王毗留勒叉天王毗留博叉天王俱從坐起偏袒右肩右膝著地胡跪合掌白佛言世尊是金光明微妙經典衆經之王諸佛世尊之所護念莊嚴菩薩深妙功德常為諸天之所恭敬能令天王心生歡喜亦為護世之所讚嘆此經能照諸天宮殿是經能與衆生快樂是經能令地獄餓鬼畜生諸河焦乾枯竭是經能除一切怖畏是經能却他方怨賊是經能除穀貴飢饉是經能愈一切疫病是經能滅惡星變異是經能去一切憂惱舉要言之是經能滅一切衆生无量无边百千苦惱世尊是金光明微妙經典若在大衆廣宣說時我等四王及餘眷屬聞此甘露无上法味增益身力心進勇銳具諸威德世尊我等四王能說正法修行正法為世法王以法治世世尊

我等四王及天龍鬼神。乳閼婆。阿修羅。迦樓羅。緊那羅。摩睺羅伽。以去。治世。遮諸惡鬼。噉精氣者。世尊。我等四王二十八部諸鬼神等。及元量百千鬼神。以淨天眼。過於人眼。常觀擁護此閻浮提。世尊。是故我等名護世王。若此國土有諸衰耗。怨賊侵境。飢饉疾疫。種種艱難。若有比丘受持是經。我等四王當共勸請。令是比丘以我力。故疾往彼所國邑郡縣。廣宣流布。是金光明微妙經典。令如是等種種百千衰耗之事。悉皆滅盡。世尊。如諸國王所有土境。是持經者。若至其國。是王應當往。是人所聽受。如是微妙經典。聞已歡喜。復當護念恭敬。是人世尊。我等四王復當勤心擁護。是王及國人民。為除衰患。令得安隱。世尊。若有比丘比丘尼。優婆塞。優婆夷。受持是經。若諸人王。有能供給施其所安。我等四王亦當令是王及國人。一切安隱。具足无患。世尊。若有四衆受持讀誦。是妙經典。若諸人王。有能供養恭敬。尊重讚嘆。我等四王亦復當

令如是人王於諸王中常得第一供養恭敬尊重讚嘆亦令餘王欽尚羨慕稱嘆其善

尔時世尊讚嘆護世四天王等善哉善哉汝等四王過去以曾供養恭敬尊重讚嘆无量百千万億諸佛於諸佛所種諸善根說於正法修行正法以法治世為人天王汝等今日長夜利益於諸衆生行大悲心施與衆生一切樂具能遠諸惡勤與諸善以是義故若有人王能供養恭敬此金光明微妙經典汝等正應如是護念滅其苦惱與其安樂汝等四王及諸眷屬无量無邊百千鬼神若能護念如是經典者即是護持去來現在諸佛正法汝等四王及餘天衆百千鬼神與阿修羅共戰鬪時汝等諸天常得勝利汝等若能護念是經恚能消伏一切諸苦所謂恚賊飢饉疾疫若四部衆有能受持讀誦此經汝等亦應勤心守護為除衰惱施與安樂尔時四王復白佛言世尊是金光明微妙經典於未來世在所流布若國土城邑郡

縣村落隨所至處若諸國王以天律
治世復能恭敬至心聽受是妙經典
并復尊重供養供給持是經典四部
之衆以是因緣我等時時得聞如是
微妙經典聞已即得增益身力心進
勇銳具諸威德是故我等及元量鬼
神常當隱形隨是妙典所流布處而
作擁護令無留難亦當護念聽是經
典諸國王等及其人民除其患難志
令安隱他方怨賊亦使退散若有人
王聽是經時隣國怨敵興如是念嘗
具四兵壞彼國土世尊以是經典威
神力故今時隣敵更有異怨為作
留難於其境界起諸衰惱災異疫病
今時怨敵起如是等諸惡事已備具
四兵發向是國規往討罰我等今時
當與眷屬无量無邊百千鬼神隱蔽
其形為作護助令彼怨敵自然退散
起諸怖懼種種留難彼國兵衆尚不
能到况復當能有所破壞

今時佛讚四天王等善哉善哉汝等
四王乃能擁護我百千億那由他劫
所可修習阿耨多羅三藐三菩提及

諸人王受持是經恭敬供養者為消
衰患令其安樂復能擁護宮殿舍宅
城邑村落國土邊壇乃至怨賊恚令
退散滅其衰惱令得安隱亦令一切
閻浮提內所有諸王无諸凶衰闢訟
之事四王當知此閻浮提八万四千
城邑聚落八万四千諸人王等各於
其國娛樂快樂各各於國而得自在
於自所有錢財珍寶各各自足不相
侵奪如其宿世所修習業隨業受報
不生惡心貪求他國各各自生利益
之心生於慈心安樂之心不諍訟心
不破壞心无繫縛心无楚撻心各於
其上自生歡樂上下和穆猶如水乳
心相愛念增諸善根以是因緣故此
閻浮提安隱豐樂人民熾盛大地法
壤陰陽調和時不越序日月星宿不
失常度風雨隨時无諸灾橫人民豐
溢自足於財心无貪恡亦无嫉妬等
行十善其人壽終多生天上天宮充
滿增益天衆若未來世有諸人王聽
是經典及供養恭敬受持是經四部
之衆是三則為安樂利益汝等四王

及餘眷屬无量百千諸鬼神等何以故汝等四王若得時時聞是經其則為已得正法之水服甘露味增益身力心進勇銳具諸威德是諸人王若能至心聽受是典則為已能供養於我若供養我則是供養過去未來現在諸佛若能供養過去未來現在諸佛則得无量不可思議功德之聚以是因緣是諸人王應得擁護及后妃嫔女中宮眷屬諸王子等亦應得護衰惱消滅快樂熾盛宮殿堂宇安隱清淨無諸災變護宅之神增長威德亦受无量歡悅快樂是諸國土所有人民悉受種種五欲之樂一切惡事悉皆消滅

尔時四天王白佛言世尊未來之世若有人王欲得護身及后妃嫔女諸王子等宮殿屋宅得第一護身所王領軍悉殊勝具不可思議王者功德欲得攝取无量福聚國土無有他方怨賊无諸憂惱及諸苦事世尊如是人王不應放逸散乱其心應生恭敬謙下之心應當莊嚴第一微妙寂勝

宮宅種種香汁持用灑地散種種華
敷大法座師子之座薦以无量珍琦
異物而為紋飾張施種種無數微妙
幢幡寶蓋當淨洗浴以香塗身著好
淨衣瓔珞自嚴坐小卑座不自高大
除去自在離諸放逸謙下自卑除去
憍慢正念聽受如是妙典於說法者
生世尊想復於宮內后妃王子嫫女
眷屬生慈哀心和顏與語勸以種種
供養之具供養法師是王今時既勸
化已即生无量歡喜快樂心懷悅豫
倍復自勵不生疲倦多作利益於說
法者倍生恭敬

今時佛告四天大王今時人王應著
白淨鮮潔之衣種種瓔珞齊整莊嚴
執持素帛微妙上蓋服飾容儀不失
常則躬出奉迎說法之人何以故是
王如是隨其舉足步步之中即是供
養值遇百千億那由他諸佛世尊復
得超越如是等劫生死之難復於來
世今所劫中常得封受轉輪王位隨
其步步亦得如是現世功德不可思
議自在之力常得取勝極妙七寶人

天宮殿在在生處增益壽命言語辯
了人所信用无所畏忌有大名稱常
為人天之所恭敬天上人中受上妙
樂得大勢力具足威德身色微妙端
嚴第一常值諸佛遇善知識成就具
足无量福聚汝等四天王如是人主
見如是等種種无量功德利益是故
此王應當躬出奉迎法師若一由旬
至百千由旬於說法師應生佛想應
作是念今日釋迦如來正智入於我
宮受我供養為我說法我聞是法即
不退轉於阿耨多羅三藐三菩提已
為得值百千万億那由他佛為已供
養過去未來現在諸佛已得畢竟三
惡道苦我今已種百千无量轉輪聖
王釋梵之因已種无边善根種子已
今無量百千万億諸衆生等度於生
死已集无量无边福聚後宮眷屬已
得擁護宮宅諸衰患以消滅國土无
有怨賊棘刺他方怨敵不能侵凌汝
等四王如是人王應作如是供養正
法清淨聽受是妙經典及恭敬供養
尊重讚嘆持是經典四部之衆亦當

迴此所得取勝功德之分施與汝等
及餘眷屬諸天鬼神聚集如是諸善
功德現世常得無量无边不可思議
自在之利威德勢力成就具足能以
正法摧伏諸惡

尔時四王白佛言世尊若未來世有
諸人王作如是等恭敬正法至心聽
受是妙經典及恭敬供養尊重讚嘆
持是經典四部之衆嚴治舍宅香汁
灑地專心正念聽說法時我等四王
亦當在中共聽此法願諸人王為自
利故以己所得功德少分施與我等
世尊是諸人王於說法者所坐之處
為我等故燒種種香供養是經是妙
香氣於一念頃即至我等諸天宮殿
其香即時變成香蓋其香微妙金色
晃耀照我等宮釋宮梵宮大辯神天
功德神天堅牢地神散脂鬼神軍大
將軍二十八部鬼神大將摩醯首羅
金剛密迹摩尼跋陀鬼神大將鬼子
母與五百兒子周匝圍遶阿耨達龍
王娑竭羅龍王如是等衆自於宮殿
各各得聞是妙香氣及見香蓋光明

普照是香蓋光明亦照一切諸天宮
殿佛告四王是香蓋光明非但至汝四
王宮殿何以故是諸人王手擎香鑪
供養經時其香遍布於一念頃遍至
三千大千世界百億日月百億大海
百億須弥山百億大鐵圍山小鐵圍
山及諸山王百億四天下百億四天
王百億三十三天乃至百億非想非
非想天於此三千大千世界百億三
十三天一切龍鬼輶闍婆阿修羅迦
樓羅緊那羅摩睺羅伽宮殿虛空悉
滿種種香烟雲蓋其蓋金光亦照宮
殿如是三千大千世界所有種種香
烟雲蓋皆是此經威神力故是諸人
王手擎香鑪供養經時種種香氣不
但遍此三千大千世界於一念頃亦
遍十方无量無邊恒河沙等百千万
億諸佛世界於諸佛上虛空之中亦
成香蓋金色普照亦復如是諸佛世
尊間是妙香見是香蓋及金色光於
十方界恒河沙等諸佛世尊作如是
等神力變化已異口同音於說法者
稱讚善哉善哉大士汝能廣宣流布

如是甚深微妙經典則為成就无量
無邊不可思議功德之聚若有聞是
甚深經典所得功德則為不少況持
讀誦為他衆生開示分別演說其義
何以故善男子此金光明微妙經典
無量无边億那由他諸菩薩等若得
聞者即不退轉於阿耨多羅三藐三
菩提今時十方无量無邊恒河沙等
諸佛世界現在諸佛異口同聲作如
是言善男子汝於來世畢定當得坐
於道場菩提樹下於三界中取尊
勝出過一切衆生之上勤修力故受諸
苦行善能莊嚴菩提道場能壞三千
大千世界外道邪論摧伏諸魔然賊
異形覺了諸法第一寂滅清淨无垢
甚深无上菩提之道善男子汝已能
坐金剛座處轉於无上諸佛所讚十
二種行甚深法輪能擊無上取大法
鼓能吹无上極妙法盞能豎无上取
勝法幢能然無上極明法炬能雨无
上甘露法雨能斷无量煩惱然結能
令無量百千万億那由他衆度於无
涯可畏大海能脫生死无際輪轉復

遇無量百千萬億那由他佛

尔時四天王復白佛言世尊是金光
明微妙經典能得未來現在種種无
量功德是故人王若得聞是微妙經
典則為已於百千萬億无量佛所種
諸善根我以敬念是人王故復見无
量福德利故我等四王及餘眷属无
量百千万億鬼神於自宮殿見是種
種香烟雲盖瑞應之時我當隱蔽不
現其身為聽法故當至是王所止宮
殿講法之處大梵天王釋提桓因大
辯天神功德天神堅牢地神散脂鬼
神大將軍等二十八部鬼神大將摩
醯首羅金剛密迹摩尼跋陀鬼神大
將鬼子母及五百鬼子周匝圍繞阿
耨達龍王娑竭羅龍王无量百千万
億那由他鬼神諸天如是等衆為聽
法故悉自隱蔽不現其身至是人王
所止宮殿講法之處世尊我等四王
及餘眷属无量鬼神悉當同心以是
人王為善知識同共一行善相應行
能為無上大法施主以甘露味充足
我等我等應當擁護是王除其衰患

令得安隱及其宮宅國土城邑諸惡
災患悉令消滅世尊若有人王於此
經典心生捨離不樂聽聞其心不欲
恭敬供養尊重讚嘆若四部衆有受
持讀誦讚說之者亦復不能恭敬供
養尊重讚嘆我等四王及餘眷屬无
量鬼神即便不得聞此正法背甘露
味失大法利無有勢力及以威德減
損天衆增長惡趣世尊我等四王及
无量鬼神捨其國土不但我等亦有
無量守護國土諸舊善神皆悉捨去
我等諸天及諸鬼神既捨離已其國
當有種種災異一切人民失其善心
唯有繫縛瞋恚鬪諍手相破壞多諸
疾疫彗星現恠流星崩落五星諸宿
違失常度兩日並現日月薄蝕白黑
惡虹數數出現大地震動發大音聲
惡風惡雨无日不有穀米勇貴飢饉
凍餓多有他方怨賊侵掠其國人民
多受苦惱其地无有可愛樂處世尊
我等四王及諸無量百千鬼神并守
國土諸舊善神遠離去時生如是等
无量惡事世尊若有人王欲得自護

及王國土多受安樂欲令國土一切衆生悉皆成就具足快樂欲得摧伏一切外敵欲得擁護一切國土欲以正法正治國土欲得除滅衆生怖畏世尊是人王等應當畢定聽是經典及恭敬供養讀誦受持是經典者我等四王及无量鬼神以是法食善根因緣得服甘露无上法味增長身力心進勇銳增益諸天何以故以是人王至心聽受是經典故如諸梵天說出欲論釋提桓因種種善論五通之人神仙之論世尊梵天釋提桓因五神通人雖有百千億那由他无量勝論是金光明於中取勝所以者何如來說說是金光明經為衆生故為令一切閻浮提內諸人王等以正法治為與一切衆生安樂為欲愛護一切衆生欲令衆生无諸苦惱無有他方怨賊棘刺所有諸惡背而不向欲令國土無有憂惱以正法教无有諍訟是故人王各於國土應然法炬熾然正法增益天衆我等四王及無量鬼神閻浮提內諸天善神以是因緣得服

甘露法味充足得大威德進力具足
閻浮提內安隱豐樂人民熾盛安樂
其處復於來世无量百千不可思議
那由他劫常受微妙第一快樂復得
值遇无量諸佛種諸善根然後證成
阿耨多羅三藐三菩提如是等无量
功德悉是如來正遍知說如來過於
百千億那由他諸梵天等以大悲力
故亦過無量百千億那由他釋提桓
因以苦行力故是故如來為諸衆生
演說如是金光明經若閻浮提一切
衆生及諸人王世間出世間所作國
事所造世論皆因此經欲令衆生得
安樂故釋迦如來示現是經廣宣流
布世尊以是因緣故是諸人王應當
畢定聽受供養恭敬尊重讚嘆是經
今時佛復告四天王汝等四王及餘
眷屬无量百千那由他鬼神是諸人
王若能至心聽是經典供養恭敬尊
重讚嘆汝等四王正應擁護滅其衰
患而與安樂若有人能廣宣流布如
是妙典於人天中大作佛事能大利
益无量衆生如是之人汝等四王必

當擁護莫令他緣而得擾亂令心澹
靜受於快樂續復當得實宜是經介
時四王即從坐起偏袒右肩右膝著
地長跪合掌於世尊前以偈讚曰

佛月清淨 滿足莊嚴 佛日暉曜
放千光明 如來面目 寂上明淨
齒白无垢 如蓮花根 功德無量
猶如大海 智淵无邊 法水具足
百千三昧 無有缺減 足下平滿
千輻相現 足指綢繆 猶如羯王
光明晃曜 如寶山王 微妙清淨
如鍊真金 所有福德 不可思議
佛功德山 我今敬禮 佛真法身
猶如虛空 應物現形 如水中月
無有障導 如焰如化 是故我今
稽首佛月

尔時世尊以偈答曰

此金光明 諸經之王 甚深寂勝
為元有上 十力世尊 之所宜說
汝等四王 應當勤護 以是因緣
是深妙典 能與衆生 无量快樂
為諸衆生 安樂利益 故久流布
於閻浮提 能滅三千 大千世界

所有惡趣

无量諸苦

閻浮提內

諸人王等

心生慈愍

正法治世

若能流布

此妙經典

則令其土

安隱豐熟

所有衆生

悉受快樂

若有人王

欲愛己身

及其國土

欲令豐盛

應當至心

淨潔洗浴

徃法會所

聽受是典

是經能作

所有善事

摧伏一切

內外怨賊

復能除滅

無量怖畏

是諸經王

能與一切

无量衆生

安隱快樂

譬如寶樹

在人家中

悉能出生

一切珍寶

是妙經典

亦復如是

悉能出生

諸王功德

如清冷水

能除渴乏

是妙經典

亦復如是

能除諸王

功德渴乏

譬如珍寶

異物篋器

志在于手

隨意所用

是金光明

亦復如是

隨意能與

諸王法寶

是金光明

微妙經典

常為諸天

恭敬供養

亦為護世

四大天王

威神勢力

之所護持

十方諸佛

常念是經

若有演說

稱讚善哉

亦有百千

无量鬼神

從十方來

擁護是人

若有得聞

是妙經典

心生歡喜

踊躍

无量

國淨提內

无量大眾

皆悉歡喜

集聽是法

聽是經故

具諸威德

增益天眾

精氣身力

尔時四王聞是偈已白佛言世尊我
從昔來未曾得聞如是微妙寂滅之
法我聞是已心生悲喜涕淚橫流舉
身戰動支體嬉怡復得无量不可思
議具足妙樂以天男陀羅華摩訶男
陀羅華供養奉散於如來上作如是
等供養佛已復白佛言世尊我等四
王各各自有五百鬼神常當隨逐是
說法者而為守護

合部金光明經卷第五

壬寅歲高麗國大藏都監奉

勅彫造

合部金光明經卷第六

場

隋大興善寺沙門釋寶貴合

銀主陀羅尼品第十一

隋闍那城多譯

尔時世尊告命者奢利弗言奢利弗此諸菩薩熏修諸法所謂諸菩薩母菩薩昔行菩薩攝受有法本名不染著陀羅尼如是語已命者奢利弗白佛言世尊言陀羅尼陀羅尼者此何句義為陀羅尼非陀羅尼世尊為方處非方處如是語已佛告命者奢利弗言甚善甚善奢利弗如汝發行大乘信解大乘增力大乘如汝所說其陀羅尼非方處非不方處非法非不法非過去非未來非現在非事物非不事物非緣非不緣非行非不行無有法生亦無有滅但為利益菩薩故如是說是陀羅尼所作道合力住所謂佛諸功德佛或佛學佛密意佛出生所謂法本名不染著陀羅尼如是語已命者奢利弗白佛言世尊願為演說修伽多願為演說此陀羅尼法本菩薩於中住已當成不退轉於阿耨多羅三藐三菩提當成正願不依止法自性辯才當得希有自安住道所謂得陀羅尼故如是語已佛告命者奢利弗言甚善甚善奢利弗如

是如是奢利弗得陀羅尼菩薩應言如佛

奢利弗得陀羅尼菩薩若有供養尊重承事

供給者當如供養於佛奢利弗若當有聞

此陀羅尼若持若信解彼等還應如是供

養不離菩提心如佛無異奢利弗此是陀羅尼

多囉他^一刪陀囉尼^二鬱多囉尼^三三鉢囉帝^四馱

癡^五多^六修那摩^七修鉢囉帝沙吒^八鼻闍夜

婆羅^九薩帝耶鉢囉帝闍若^十修阿廬訶^{十一}闍

那摩帝^{十二}鬱多波馱泥^{十三}阿婆那摩泥^{十四}阿鼻

師馱泥^{十五}阿鼻婢耶訶囉^{十六}首婆婆帝^{十七}修泥

尸利多^{十八}婆睺窮婆^{十九}阿鼻婆陀^{二十}娑婆訶

奢利弗此是陀羅尼句名不染著正住正受

作已若菩薩持者彼若一劫若百劫若干

劫若百千劫不捨諸願彼身當能降伏刀

仗毒藥惡獸皆能降伏何以故奢利弗此

不染著陀羅尼過去諸佛母未來諸佛母

現在諸佛母所謂法本名不染著陀羅尼

奢利弗若有十阿僧祇三千大千世界七

寶滿中作已施與諸佛世尊及以上勝衣

服飲食當持供養彼等諸佛阿僧祇劫若

於此不染著陀羅尼法本當持一句此生

福德過多於彼何以故奢利弗此不染著

陀羅尼法本是諸佛母故

大辯天品第十二

合部金光明經卷第六 第三張 場
北涼三藏量無識譯

尔時大辯天神白佛言世尊是說法者我當益其樂說辯力令其說法莊嚴次第善得大智若是經中有失文字句義違錯我能令是說法比丘次第還得能與提持令不忘失若有衆生於百千佛所種諸善根是說法者為是等故於閻浮提廣說流布是妙經典令不斷絕復令无量无邊衆生得聞是經當令是等悉得猛利不可思議大智慧聚不可稱量福德之報善解无量種種方便善能辯暢一切諸論善知世間種種伎術能出生死得不退轉必定疾得阿耨多羅三藐三菩提

此下闕邪崛多續譯補之

我今復欲說其呪藥洗浴法若有比丘受持此經復有衆生深樂聽聞是經典者為是人等能除一切惡星灾恠除其疫氣疾病生死之苦惡口闕諍縣官口舌夜卧惡夢惡神障難禱

盡呪咀一切惡障悉得除滅是諸衆
生若有聽受是經法者應當誦持此
呪呪藥作湯洗浴其身是故我說呪
藥之法取好菖蒲雄黃苜蓿香尸利
沙白荳蔻白香奢弥苾芻草藿香蒿草
沉香桂皮丁香風香白膠香安息香
阿羅娑煎香零陵香艾納香栴檀香
石雄黃青木香鬱金香附子芥子縮
師蜜鬱金根那羅陀草龍華如是等
藥各等分採之用鬼星日和合搗之
搗訖以此呪呪之一百八遍而說呪曰
哆姪吽鉢吒羯利吒迦摩哆寫闍瑟
迦囉池呵怒迦囉池因陀羅闍離
奢迦提離波奢提離阿跋哆迦斯
該那拘都俱迦毗羅迦毗羅末吒尸
羅末吒珊題頭頭摩跋吒尸梨尸梨薩帝
耶薩啞帝娑波呵

以牛糞塗地縱廣七肘以為道場以
華散著道場中遍覆其地懸繒幡蓋
用金碗銀碗盛石蜜漿葡萄漿蜜漿乳
汁置於道場外四角頭各置一人身
帶鍱鉀手持戎仗隱身而立復須四
童女子各著淨衣奉持華瓶亦於道

場四角而立燒膠香供養不得斷絕
復作五色神幡四角安寶幢五種音
聲伎樂以新淨器盛其香湯置道場
中於先結界然後洗浴說此結界呪曰
多姪吽 追邏羈 卍耶吽 醯梨尸
梨企企梨 娑波呵
以呪呪水二十一遍散著四方復說
呪湯呪身呪先呪身一百八遍復呪
湯一百八遍以此湯洗浴其身

多姪吽 娑伽邏 毗伽邏 毗伽荼跋
帝娑波呵

誦呪洗浴訖行者為其人發弘誓
願願四方神星覆護身命常令休吉
无諸障難惡星灾恠恙无所畏四大
安吉无諸疾患一切怖畏恙得除愈
復說呪身呪願呪

娑泐毗娑泐 娑波呵 娑伽邏 毗伽
遲娑波呵 娑伽囉 三浮哆耶 娑波呵
軋陀摩陀耶 娑波呵 尼羅捷吽耶
娑波呵 阿波羅耆哆 毗梨地耶 娑波
呵 醯摩婆 三浮哆耶 娑波呵 阿尼
彌邏薄迦 哆邏耶 娑波呵 南无婆伽
婆帝 跋藍摩祢 卍摩娑羅薩 跋帝

摩訶提鞞四填妬 蔓哆羅般陀擔婆
羅熊摩阿奴蔓若都娑波呵

於是大辯天神白佛言世尊若有比丘比丘尼優婆塞優婆夷受持讀誦書寫流通如法行者若城邑聚落曠野露地塔寺僧房俗人住處我為是諸人等將諸眷屬作天伎樂來詣道場除一切病一切惡星灾恠除其一切疫病生死之苦除一切惡口闕諍縣官口舌除一切夜卧惡夢除一切惡神障難除一切穢蠱呪咀除一切惡障若有比丘比丘尼優婆塞優婆夷受持讀誦此經速度煩惱入阿毗跋致地向阿耨多羅三藐三菩提以此功德速成阿耨多羅三藐三菩提今時世尊讚大辯天神言善哉善哉大辯天神能為一切衆生思惟善事能令一切衆生施其无畏為諸衆生說此呪藥功能利益一切衆生於是大辯天神礼佛三拜還復故座今時娑羅門憍陳如以呪力故當請大辯天神
亦當恭敬 大辯天神 一切世間

名悉遍到 恒在山中 天龍鬼神
一切悉敬 常披草衣 一脚而立
一切諸天 悉來到彼 欲請天神
願施一切 衆生智慧 言語辯了
能以善言

多姪咤 茂梨毗梨 阿婆耆阿婆闍
跋帝興渠梨 弥渠梨 賓伽羅跋帝
鶩渠灑末利脂穌摩帝 題耆摩帝
阿祇利 摩祇利多羅遮跋帝 脂脂
利尸利弥利 摩脂利波羅移祢
盧迦折師帝 盧迦施離師帝 盧伽
畢利易膝陀跋羅帝 毗摩目企
首脂遮利阿波羅帝 呵帝阿波羅帝
河多浮地 南牟指南牟脂 摩呵題
脾波羅帝伽利迄那 那摩娑迦藍摩
摩浮地阿波羅帝 呵多婆娑娑妬
奢薩多羅 奢盧羈單多 羅卑吒迦
迦毗耶地踈多姪咤 摩呵波羅婆毗
醯利弥利 醯利弥利毗遮羅妬 摩
摩浮地伊梵那摩寫婆伽婆帝
毗耶題娑羅娑跋帝 迦羅遲只由
離醯利弥利醯利弥利 阿婆呵咩弥
摩呵題 毗佛陀薩知那 達摩薩知

那僧伽薩知那因陀羅薩知那婆
婁那薩知那移盧只薩知那婆題
那知爽薩知那薩知那婆支祢那
阿婆呵咩彌摩呵題毗哆啞咆醯
利彌利醯利醯利毗遮邏都字題
摩摩南无婆伽婆帝摩呵題毗娑
邏娑波帝膝填妬男多羅波陀
娑波呵

尔時憍陳如婆羅門以偈讚大辯天神
一切諸鬼神今當至心聽我今欲讚嘆
大聖辯天神一切諸女中辯天取為尊
諸天修羅等乳閼及夜叉世間諸聖中
一切取為尊種種諸功德以用在嚴身
眼如優波羅智慧功德相譬如七寶珠
世間甚難見我今欲讚嘆甚深寂勝語
決定施與一切眾寂勝寂高无過者
相好端嚴潤眾生形貌清淨如蓮華
眼目脩楊勝一切身體端正視无厭
種種莊嚴諸相好光明清淨如月光
智慧悉能遍一切強記不忘能揔持
乘師子上現人形體有八臂莊嚴身
眾生見者如滿月語言辯了聲微妙
智慧甚深難思議以此智慧恒圓滿

能施衆生一切願 於一切衆取為尊

帝釋修羅諸天等 乾闥婆等及夜叉

一切大衆恒讚嘆 我某甲等當恭敬

供養清淨懇重心 以此願故皆吉祥

於怖畏處恒防護 若復有人於晨朝

清淨誦此七言偈 我今是人悉滿願

須者給與无所乏

說是偈已令一切衆悉發阿耨多羅

三藐三菩提心

金光明經功德天品第十三 北涼三藏異譯

尔時功德天白佛言世尊是說法者

我當隨其所須之物衣服飲食卧具

醫藥及餘資產供給是人无所乏少

令心安住晝夜歡樂正念思惟是經

章句分別深義若有衆生於百千佛

所種諸善根是說法者為是等故於

閻浮提廣宣流布是妙經典令不斷

絕是諸衆生聽是經已於未來世无

量百千那由他劫常在天上人中受

樂值遇諸佛速成阿耨多羅三藐三

菩提三惡道苦悉畢无餘世尊我已

於過去寶華功德海琉璃金山照明

如來應正遍知明行足善逝世間解

無上土調御丈夫天人師佛世尊所
種諸善根是故我今隨所念方隨所
視方隨所至方令无量百千衆生受
諸快樂若衣服飲食資生之具金銀
七寶真珠琉璃珊瑚琥珀璧玉珂貝
悉无所乏若有人能稱金光明微妙
經典為我供養諸佛世尊三稱我名
燒香供養供養佛已別以華香種種
美味供施於我灑散諸方當知是人
即能集聚資財寶物以是因緣增長
地味地神諸天悉得歡喜所種穀米
牙莖枝葉果實茲茂樹神歡喜出生
无量種種諸物我時慈念諸衆生故
多與資生所須之物世尊於此北方
毗沙門王有城名曰阿尼耆陀其城
有園名功德華光於是園中有最勝園
名曰金幢七寶極妙此即是我常止
住處若有欲得財寶增長是人當於
自所住處應淨掃灑洗浴其身著鮮
白衣妙香塗身為我至心三稱彼佛
寶華琉璃世尊名号礼拜供養燒香
散華亦當三稱金光明經至誠發願
別以香華種種美味供施於我散灑

諸方尔時當說如是章句

婆梨富樓那遮利 三男陀達舍尼

摩訶毗呵羅伽帝 三男陀毗那伽帝

摩訶伽梨波帝 波娑弥

陸婆哆三男陀 修鉢梨富隸

阿夜那達摩帝 摩訶毗鼓畢帝

摩訶弥勒皴僧祇帝

醯帝徒三博祇憐帝

三男陀阿 他 阿 菟娑羅尼

此下呪八行新錄出還是功德天說與舊呪不同不知何者是是非故並寫出之

南无一切三世佛 南无一切諸菩薩

南无弥勒菩薩等 我今當欲說神呪

哆姪他 波梨富樓那遮利

三男陀達舍尼 摩訶毗呵羅伽帝

三男陀毗陀那伽帝 摩訶迦葉梨

耶波利波羅波祇薩婆利陀三男多

修鉢利帝 富隸那阿夜那達摩多

摩訶俱畢帝 摩訶弥勒帝盧皴僧

祇帝帝醯帝徒僧祇睇帝 三男陀

遏他何羌波羅尼 莎波呵

是灌頂章句畢定吉祥真實不虛等

行衆生及中善根應當受持讀誦通

利七日七夜受持八戒朝暮淨心香

華供養十方諸佛常為己身及諸衆
生迴向具足阿耨多羅三藐三菩提
作是誓願令我所求皆得吉祥自於
所居房舍屋宅淨潔掃除若自住處
若阿蘭若處以香泥塗地燒微妙香
敷淨好座以種種華香布散其地以
待於我我於今時如一念頃入其室
宅即坐其座從此日夜令此居家若
村邑若僧坊若露處无所乏少若錢
若金銀若珍寶若牛羊若穀米一切
所須即得具足悉受快樂若能以已
所作善根取勝之分迴與我者我當
終身不遠其人於所住處至心護念
隨其所求令得成就應當至心礼如
是等諸佛世尊其名曰寶勝如来无
垢熾寶光明王相如来金焰光明如
来金百光明照藏如来金山寶盖如
来金華焰光相如来大炬如来寶相
如来亦應敬礼信相菩薩金光明菩
薩金藏菩薩常悲菩薩法上菩薩亦
應礼敬東方阿閼如来南方寶相如
来西方无量壽佛北方微妙聲佛
坐光明經堅牢地神品第十四

尔時地神堅牢白佛言世尊是金光明經若現在世若未來世在在處處若城邑聚落若山澤空處若王宮宅世尊隨是經典所流布處是地分中敷師子座令說法者坐其座上廣演宣說是妙經典我當在中常作宿衛隱蔽其身於法座下頂戴其足我聞法已得服甘露无上法味增益氣力而此大地深十六万八千由旬從金剛際至海地上悉得衆味增長具足豐壤肥濃過於今日以是之故閻浮提內藥草樹木根莖枝葉華果滋茂美色香味皆悉具足衆生食已增長壽命色力辯安六情諸根具足通利威德顏貌端嚴殊特成就如是種種等已所作事業多得成辦有大勢力精勤勇猛是故世尊閻浮提內安隱豐樂人民熾盛一切衆生多受快樂應心適意隨其所樂是諸衆生得是威德大勢力已能供養是金光明經及恭敬供養受持經者四部之衆我於尔時當往其所為諸衆生受快樂故請說法者廣令宣布如是妙典何

以故世尊是金光明若廣說時我及眷屬所得威德倍過於常增長身力心進勇銳世尊我服甘露无上味已閻浮提地縱廣七千由旬豐壤倍常世尊如此大地衆生所依恁能增長一切所須之物增長一切所須物已今諸衆生隨意所用受於快樂種種飲食衣服卧具宮殿屋宅樹木林苑河池泉井如是等物因依於地恁皆具足是故世尊是諸衆生為知我恩應作是念我當畢定聽受是經供養恭敬尊重讚嘆作是念已即徙住處若城邑聚落舍宅空地往法會所聽受是經既聽受已還其所止各應相慶作如是言我等今者聞此甚深无上妙法已為攝取不可思議功德之衆值遇无量無邊諸佛三惡道報已得解脫於未來世常生天上人中受樂是諸衆生各於住處若為他人演說是經若說一喻一品一緣若復稱嘆一佛菩薩一四句偈乃至一句及稱是經首題名字世尊隨是衆生所住之處其地具足豐壤肥濃過於餘

地凡是因地所生之物志得增長滋茂廣大令諸衆生受於快樂多饒財寶好行惠施心常堅固深信三寶。爾時佛告地神堅牢若有衆生乃至聞是金光明經一句之義人中命終隨意往生三十三天地神若有衆生為欲供養是經典故莊嚴屋宅乃至張懸一幡一蓋或以一衣欲界六天已有自然七寶宮殿是人命終即往生彼地神於諸七寶宮殿之中各各自然有七天女共相娛樂日夜常受不可思議微妙快樂。

爾時地神白佛言世尊以是因緣說法比丘坐法座時我常晝夜衛護不離隱蔽其形在法座下頂戴其足世尊若有衆生於百千佛所種諸善根是說法者為是等故於閻浮提廣宣流布是妙經典令不斷絕是諸衆生聽是經已未來之世无量百千那由他劫於天上人中常受快樂值遇諸佛疾成阿耨多羅三藐三菩提三惡道苦患斷无餘。

金光明經散脂鬼神品第十五

北凉三藏
無識譯

今時散脂鬼神大將軍及二十八部
諸鬼神等即從坐起偏袒右肩右膝
著地白佛言世尊是金光明微妙經
典若現在世及未來世在在處處若
城邑聚落若山澤空處若王宮宅隨
是經典所流布處我當與此二十八
部大鬼神等往至彼所隱蔽其形隨
逐擁護是說法者消滅諸惡令得安
隱及聽法衆若男若女童男童女於
是經中乃至得聞一如來名一菩薩
名及此經典首題名字受持讀誦我
當隨侍宿衛擁護悉滅其惡令得安
隱及國邑城郭若王宮殿舍宅空處
皆亦如是世尊何因緣故我名散脂
鬼神大將唯然世尊自當證知世尊
我知一切法一切緣法了一切法知
法分齊如法安住一切法如性於一
切法含受一切法世尊我現見不可
思議智光不可思議智炬不可思議
智行不可思議智聚不可思議智境
世尊我於諸法正解正觀得正分別
正解於緣正能覺了世尊以是故名
散脂大將世尊我散脂大將今說法者

莊嚴言辭辯不斷絕衆味精氣從毛孔入充益身力心進勇銳成就不可思議智慧入正憶念如是等事志令具足心无疲厭身受諸樂心得歡喜以是之故能為衆生廣說是經若諸衆生於百千佛所種諸善根說法之人為是衆生閻浮提內廣宣流布是妙經典令不斷絕无量衆生聞是經已當得不可思議智聚攝取不可思議功德之聚於未來世无量百千劫人天之中常受快樂於未來世值遇諸佛疾得證成阿耨多羅三藐三菩提一切衆苦三惡趣分永滅无餘南無寶華功德海琉璃金山光照如來應正遍知南无無量百千億那由他莊嚴其身釋迦如來正遍知熾然如是微妙法炬南无第一威德成就衆事大功德天南無不可思量智慧功德成就大辯天

金光明經正論品第十六

北凉三藏法師玄奘譯

今時佛告地神堅牢過去有王名力尊相其王有子名曰信相不久當受灌頂之位統領國土今時父王告其

太子信相世有正論善治國土我於
昔時曾為太子不久亦當紹父王位
尔時父王持是正論亦為我說我以
是論於二萬歲善治國土未曾一念
以非法行於自眷屬情无愛着何等
名為治世正論地神尔時力尊相王
為信相太子說是偈言

我今當說 諸王正論 為利衆生
斷諸疑惑 一切人王 諸天天王
應當歡喜 合掌諦聽 諸王和合
集金剛山 護世四鎮 起問梵王
大師梵尊 天中自在 能除疑惑
當為我斷 云何是人 得名為天
云何人王 復名天子 生在人中
處王宮殿 正法治世 而名為天
護世四王 問是事已 時梵尊師
即說偈言 汝今雖以 此義問我
我要當為 一切衆生 敷揚宣說
第一勝論 因集業故 生於人中
王領國土 故稱人王 處在胎中
諸天守護 或先守護 然後入胎
雖在人中 生為人王 以天護故
復稱天子 三十三天 各以已德

分與是人	故稱天子	神力所加
故得自在	遠離惡法	遮令不起
安住善法	修令增廣	能令衆生
多生天上	半名人王	亦名執樂
羅刹魁膾	能遮諸惡	亦名父母
教誨修善	示現果報	諸天所護
善惡諸業	現在未來	現受果報
諸天所護	若有惡事	縱而不問
不治其罪	不以正教	捨遠善法
增長惡聚	故使國中	多諸奸闖
三十三天	各生瞋恨	由其國王
縱惡不治	壞國惡法	奸詐熾盛
他方怨敵	覓來侵掠	自家所有
錢財珍寶	諸惡盜賊	共相劫奪
如法治世	不行是事	若行是者
其國殒滅	辟如狂鳥	踰蓮華池
暴風卒起	屢降惡雨	惡星數出
日月无光	五穀果實	咸不滋茂
由王捨政	使國飢饉	天於宮殿
恚懷愁惱	由王暴虐	不修善事
是時天王	各相謂言	是王行惡
與惡為伴	以造惡故	速得天瞋
以天瞋故	不久國敗	非法兵仗

奸詐鬪訟

疾疫惡病

集其國土

諸天即便

捨離是王

令其國敗

生大愁惱

兄弟姊妹

眷屬妻子

孤迸流離

身亦滅亡

流星數墮

二日並現

他方惡賊

侵掠其土

人民飢饉

多諸疾疫

所重大臣

捨離薨亡

爲馬車乘

一念喪滅

諸家財產

國土所有

手相劫奪

刀兵而死

五星諸宿

違失常度

諸惡疾疫

流遍其國

諸受寵祿

所任大臣

及諸羣僚

專行非法

如是行惡

偏受恩遇

修善法者

日日衰減

於行惡者

而生恭敬

見修善者

心不顧錄

故使世間

三異並起

星宿失度

降暴風雨

破壞甘露

无上正法

衆生等類

及以地肥

恭敬弊惡

毀諸善人

故天降雹

飢饉疫死

穀米果實

滋味衰減

多病衆生

充滿其國

甘美盛果

日日損減

苦澁惡味

隨時增長

本所遊戲

可愛之處

悉皆枯悴

无可樂者

衆生所食

精妙上味

漸漸損減

食无肌膚

顏貌醜陋

氣力衰微

凡所食噉

不知厭足

力精勇猛

志滅无有

懶墮懈怠

充滿其國

多有疾苦

逼切其身

惡星變動

羅刹亂行

若有人王

行於非法

增長惡伴

損人天道

於三有中

多受苦惱

起如是等

无量惡事

皆由人王

愛著眷屬

縱之造惡

捨而不治

若為諸天

所護生者

如是人王

終不為是

有行善者

得生天中

行不善者

墮在三塗

三十三天

皆生熾熱

由王縱惡

捨而不理

違逆諸天

及父母勅

不能正治

則非孝子

起諸奸惡

壞國土者

不應縱捨

當正治罪

是故諸天

護持是王

以滅惡法

修集善根

現世正治

得增王位

應各為說

善不善業

能示因果

故得為王

諸天護持

隣王佐助

為自為他

修正治國

有壞國者

應當正教

為命及國

修行正法

不應行惡

惡不應縱

所有餘事

不應壞國

要因多奸

然後傾敗

若起多奸

壞於國土	辟如大鳥	壞蓮華池
怨恨諸天	故天生惱	起諸惡事
彌滿其國	是故應隨	正法治惡
以善化國	不順非法	寧捨身命
不愛眷屬	於親非親	心常平等
視親非親	和合為一	正行名稱
流布三界	正法治國	人多行善
常以善心	仰瞻國王	能令天衆
具足充滿	是故正治	名為人王
一切諸天	愛護人王	猶如父母
擁護其子	故令日月	五星諸宿
隨其分齊	不失常度	風雨隨時
無諸災禍	令國豐實	安樂熾盛
增益人民	諸天之衆	以是因緣
諸人王等	寧捨身命	不應為惡
不應捨離	正法珍寶	由正法寶
世人愛樂	常當親近	修正法者
聚集功德	莊嚴其身	於自眷屬
常知止足	當遠惡人	修治正法
安止衆生	於諸善法	教勅防護
令離不善	是故國土	安隱豐樂
是王亦得	威德具足	隨諸人民
所行惡法	應當調伏	如法教詔

是王當得 好名善譽 善能攝護
安樂衆生

合部金光明經卷第六

癸卯歲高麗國大藏部監奉
勅彫造

合部金光明經卷第七

場

隋大興善寺沙門釋寶覺

善集品第十七

北涼三藏曇無讖譯

於是如來復為地神說往因緣而作偈言

我昔曾為轉輪聖王捨四大地
及以大海又於是時以四天下
滿中珍寶奉上諸佛凡所布施
皆捨所重不見可愛而不捨者
於過去世無數劫中求正法故
常捨身命又過去世不可議劫
有佛世尊名曰寶勝其佛世尊
般涅槃後時有聖王名曰善集
於四天下而得自在治正之勢
盡大海際其王有城名水音尊
於其城中止住治化夜睡夢中
聞佛功德及見比丘名曰寶冥
善能宣暢如來正法所謂金光
微妙經典明如日中悉能遍照
是轉輪王夢是事已即尋覺悟
心喜遍身即出宮殿至僧坊所
供養恭敬諸大聖眾問諸大德

是大衆中	頗有比丘	名曰寶冥
成就一切	諸功德不	尔時寶冥
在一窟中	安坐不動	思惟正念
讀誦如是	金光明經	時有比丘
即將是王	至其所止	到寶冥所
時此寶冥	故在窟中	形貌殊特
威德熾然	即示王言	是窟中者
即是所問	寶冥比丘	能持甚深
諸佛所行	名金光明	諸經之王
時善集王	即尋礼敬	寶冥比丘
作如是言	面如滿月	威德照然
唯願為我	敷演宣暢	是金光明
諸經之王	時寶冥尊	即受王請
許為宣說	是金光明	三千大千
世界諸天	知當說法	悉生歡喜
於淨微妙	鮮潔之處	種種珍寶
廁填其地	上妙香水	持用灑之
散諸好華	遍滿其處	王於是時
自敷法座	懸繒幡盖	寶飾校絡
種種微妙	殊特末香	悉以奉散
大法高座	一切諸天	龍及鬼神
摩睺羅伽	緊那羅等	即雨天上
毋陀羅華	遍散法座	滿其處所

不可思議 百千万億 那由他等

無量諸天 一時俱來 集說法所

是時寶冥 尋從窟出 諸天即時

以娑羅華 供養奉散 寶冥比丘

是時寶冥 淨洗身體 著淨妙衣

至法座所 合掌敬礼 是法高座

一切天王 及諸天人 雨身陀羅

大身陀華 无量百千 種種伎樂

於虛空中 不鼓自鳴 寶冥比丘

能說法者 尋上高座 結加趺坐

即念十方 不可思議 无量千億

諸佛世尊 於諸衆生 興大悲心

及善集王 所得王領 盡一日月

所照之處 時說法者 即尋為王

敷暢宣說 是妙經典 是時大王

為聞法故 於比丘前 合掌而立

聞於正法 讚言善哉 其心悲悼

涕淚交流 尋復踊悅 心意熈怡

為欲供養 此經典故 今時即捉

如意珠王 為諸衆生 發大誓願

願於今日 此閻浮提 悉雨无量

種種珍異 瓔珞七寶 及妙瓔珞

以是因緣 悉令无量 一切衆生

皆受快樂	即於今時	尋雨七寶
及諸寶飾	天冠耳璫	種種瓔珞
甘饌寶座	悉皆充滿	遍四天下
時善集王	即持如是	滿四天下
無量七寶	於寶勝佛	遺法之中
以用布施	供養三寶	今時為王
說法比丘	於今現在	阿闍佛是
時善集王	聽受法者	今則我身
釋迦文是	我於今時	捨此大地
滿四天下	珍寶布施	得聞如是
金光明經	聞是經已	一稱善哉
以此善根	業因緣故	身得金色
百福莊嚴	常為無量	百千万億
衆生等類	之所樂見	既得見已
无有厭足	過去九十	九億千劫
常得作於	轉輪聖王	亦於无量
百千劫中	常得王領	諸小國王
不可思議	劫中常作	釋提桓因
及淨梵王	復得值遇	十力世尊
其數无量	不可稱計	所得功德
无量無邊	皆由聞經	及稱善哉
如我所願	成就菩提	正法之身
我今已得		

金光明經鬼神品第十八

金光明經卷第七
第五張
場
北涼三藏曇無讖譯

佛告功德天若有善男子善女人欲以不可思議妙供養具供養過去未來現在諸佛世尊及欲得知三世諸佛甚深行處是人應當畢定至心隨有是經流布之處若城邑村落舍宅空處正念不乱至心聽是微妙經典今時世尊欲重宣此義而說偈言
若欲供養一切諸佛欲知三世諸佛行處應當往彼城邑聚落有是經處至心聽受是妙經典不可思議功德大海无量无边能令一切衆生解脫度无量苦諸有大海是經甚深初中後善不可得說譬喻為比假使恒河大地微塵大海諸水一切諸山如是等物不得為喻若入是經即入法性如深法性安住其中即於是典金光明中而得見我釋迦牟尼不可思議阿僧祇劫生天人中常受快樂以能信解總是經故如是无量不可思議功德福聚悉已得之隨所至處

若百由旬

滿中盛火

應從中過

若至聚落

阿蘭若處

到法會所

至心聽受

聽是經故

惡夢盡道

五星諸宿

變異災禍

一切惡事

消滅无餘

於說法處

蓮華座上

說是經典

書寫讀誦

是說法者

若下法座

亦時大衆

猶見座處

故有說者

或佛世尊

或見佛像

菩薩色像

普賢菩薩

文殊師利

弥勒大士

及諸形色

見如是等

種種事已

尋復滅盡

如前无異

成就如是

諸功德已

而為諸佛

之所讚嘆

威德相貌

無量无边

有大名稱

能却怨家

他方賊盜

能令退散

勇捍多力

能破强敵

惡夢惱心

无量惡業

如是惡事

皆悉寂滅

若入軍陣

常能勝他

名聞流布

遍閻浮提

亦能摧伏

一切怨敵

遠離諸惡

修集諸善

入陣得勝

心常歡喜

大梵天王

三十三天

護世四王

金剛密迹

鬼神諸王

散脂大將

禪那英鬼

及緊那羅

阿耨達龍

娑竭羅王

阿修羅王	迦樓羅王	大辯天神	及大功德	如是上首	諸天神等	常當供養	是聽法者	生不思議	法塔之想	衆生見者	恭敬歡喜	諸天王等	亦各思惟	而相謂言	今是衆生	无量威德	皆悉成就	若能來至	是法會所	如是之人	成上善根	若有聽是	甚深經典	故嚴出往	法會之處	心生不可	思議正信	供養恭敬	无上法塔	如是大悲	利益衆生	即是无量	深法寶器	能入甚深	無上法性	由以淨心	聽是經典	如是之人	志以供養	過去无量	百千諸佛	以是善根	无量因緣	應當聽受	是金光明	如是衆生	常為无量	諸天神王	之所愛護	大辯功德	護世四王	無量鬼神	及諸力士	晝夜精勤	擁護四方	釋提桓因	及日月天	閻摩羅王	風水諸神	遶馱天神	及毗紐天	大辯天神	及自在天	火神等神	大力勇猛	常護世間	晝夜不離	大力鬼神
------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------

那羅延等

摩醯首羅

二十八部

諸鬼神等

散脂為首

百千鬼神

神足大力

擁護是等

今不怖畏

金剛密迹

大鬼神王

及其眷屬

五百徒黨

一切皆是

大菩薩等

亦悉擁護

聽是法者

摩尼跋陀

大鬼神王

富那跋陀

及金毗羅

阿羅婆帝

賓頭盧伽

黃頭大神

一一諸神

各有五百

眷屬鬼神

亦常擁護

聽是經者

質多斯那

阿修羅王

及軋闍婆

那羅羅闍

祁那沙婆

摩尼軋陀

及尼軋陀

主雨大神

大飲食神

摩呵伽吒

金色跋神

半祁鬼神

及半支羅

車鉢羅婆

有大威德

婆那利神

曇摩跋羅

摩竭婆羅

針跋鬼神

繡利蜜多

勒那翅奢

摩呵波那

及軍陀遮

劍摩舍帝

復有大神

奢羅蜜帝

醯摩跋陀

薩多琦梨

如是等神

皆有无量

神足大力

常勤擁護

聽受如是

微妙典者

阿耨達王

娑伽羅王

目真隣王

伊羅鉢王

難陀龍王

跋難陀王

有如是等

百千龍王

以大神力

常來擁護

聽是經者

晝夜不離

波利羅睺

阿修羅王

毗摩質多

及以茂脂

睽摩梨子

波呵梨子

佉羅騫陀

及以捷陀

是等皆是

阿修羅王

有大神力

常來擁護

聽是經者

晝夜不離

呵梨帝南

鬼子母等

及五百神

常來擁護

聽是經者

若睡若寤

旃陀旃陀利

大鬼神女等

鳩羅鳩羅提

嗽人精氣

如是等神

皆有大力

常勤擁護

十方世界

受持經者

大辯天等

无量天女

功德天等

各與眷屬

地神堅牢

種植園林

果實大神

如是諸神

心生歡喜

悉來擁護

愛樂親近

是經典者

於諸衆生

增命色力

功德威貌

莊嚴倍常

五星諸宿

變異灾怪

皆悉能滅

无有遺餘

夜卧惡夢

寤則憂悴

如是惡事

皆悉消滅

地神大力

勢力甚深

是經力故

能變其味

如是大地

至金剛際

厚十六万

八千由旬

其中氣味

无不遍有

志令勇出	潤益衆生	是經力故
能令地味	忠出地上	厚百由旬
亦令諸天	大得精味	充益身力
歡喜快樂	閻浮提內	所有諸神
心生歡喜	受樂无量	是經力故
諸天歡喜	百穀果實	皆忠滋茂
園苑叢林	其華開敷	香氣 _翻 鬱
充溢彌滿	百草樹木	生長端直
其體柔軟	无有邪戾	閻浮提內
所有龍女	其數無量	不可思議
心生歡喜	踊躍无量	在在處處
莊嚴華池	於其池中	生種種華
優鉢羅華	波頭摩華	拘物頭華
分陀利華	於自宮殿	除諸雲霧
令虛空中	無有塵翳	諸方清澈
淨潔明了	日王赫炎	放千光明
歡喜踊躍	照諸閻蔽	閻浮檀金
以為宮殿	止住其中	威德无量
日之天子	及以月天	聞是經故
精氣充實	是日天子	出閻浮提
心生歡喜	放於无量	光明明網
遍照諸方	即於出時	放大網光
開敷種種	諸池蓮華	閻浮提內

无量果實 隨時成熟 飽諸衆生
是時日月 所照殊勝 星宿正行
不失度數 風雨隨時 豐實熾盛
多饒財寶 无所乏少 是金光明
微妙經典 隨所流布 講誦之處
其國土境 即得增益 如上所說
无量功德

金光明經授記品第十九

北涼三藏無識譯

尔時如來將欲為是信相菩薩及其
二子銀相銀光授阿耨多羅三藐三
菩提記是時即有十千天子威德熾
王而為上首俱從忉利來至佛所頂
礼佛足却坐一面

尔時佛告信相菩薩汝於來世過无
量無邊百千万億不可稱計那由他
劫金照世界當成阿耨多羅三藐三
菩提号金寶盖山王如來應供正遍
知明行足善逝世間解無上士調御
丈夫天人師佛世尊乃至是佛般涅
槃後正法像法皆滅盡已長子銀相
當於是界次補佛處世界尔時轉名
淨幢佛名閻浮檀金幢光照明如來
應供正遍知明行足善逝世間解无上

士調御丈夫天人師佛世尊乃至是
佛般涅槃後正法像法忘滅盡已次
子銀光復於是後次補佛處世界名
字如本不異佛号曰金光照如來應供
正遍知明行足善逝世間解無上士
調御丈夫天人師佛世尊是十千天
子聞三大士得受記別復聞如是金
光明經聞已歡喜生慙重心心无垢
累如淨琉璃清淨无碍猶如虛空尔
時如來知是十千天子善根成熟即
便與授菩提道記汝等天子於當來
世過阿僧祇百千万億那由他劫於
是世界當成阿耨多羅三藐三菩提
同共一家一姓一名号曰青目優鉢
羅華香山如來應供正遍知明行足
善逝世間解無上士調御丈夫天人
師佛世尊如是次第出現於世凡一
万佛

尔時道場菩提樹神名等增益白佛
言世尊是十千天子於忉利宮為聽
法故故來集此云何如來便與授記
世尊我未曾聞是諸天子修行具足
六波羅蜜亦未曾聞捨於手足頭目

髓腦所愛妻子財寶穀帛金銀琉璃
車渠馬瑙真珠珊瑚珂貝璧玉甘饌
飲食衣服牀卧病瘦醫藥爲馬車乘
殿堂屋宅園林泉池奴婢僕使如餘
无量百千菩薩以種種資生供養之
具恭敬供養過去无量百千万億那
由他等諸佛世尊如是菩薩於未來
世亦捨无量所重之物頭目髓腦所
愛妻子財寶穀帛乃至僕使次第修
行成就具足六波羅蜜成就是已脩
修苦行動經无量無邊劫數然後方
得授菩提記世尊是天子等何因何
緣修行何等勝妙善根從彼天來暫
得聞法便得授記唯願世尊爲我解
說斷我疑網

尔時佛告樹神善女天皆有因緣有
妙善根已隨相修何以故以是天子
於所住處捨五欲樂故來聽是金光
明經既聞法已於是經中淨心懇重
如說修行復得聞此三大菩薩授於
記剎亦以過去本昔發心捨願因緣
是故我今皆與授記於未來世當成
阿耨多羅三藐三菩提

金光明經除病品第二十

北涼三藏曇無讖譯

佛告道場菩提樹神善女天諦聽諦聽善持憶念我當為汝演說往昔捨願因緣過去无量不可思議阿僧祇劫尔時有佛出現於世名曰寶勝如来應供正遍知明行足善逝世間解无上士調御丈夫天人師佛世尊善女天尔時是佛般涅槃後正法滅已於像法中有王名曰天自在光修行正法如法治世人民和順孝養父母是王國中有一長者名曰持水善知醫方救諸病苦方便巧知四大增損善女天尔時持水大長者家中後生一子名曰流水體貌殊勝端正第一形色微妙威德具足受性聰敏善解諸論種種伎藝書疏算計无不通達是時國內天降疫病有無量百千諸衆生等皆无免者為諸苦惱之所逼切善女天尔時流水長者子見是无量百千衆生受諸苦惱故為是衆生生大悲心作是思惟如是无量百千衆生受諸苦惱我父長者雖善解醫方能救諸苦方便巧知四大增損乎已

衰邁老耄枯悴皮緩面皺羸瘦戰掉
行來往反要因机杖困頓疲乏不能
至彼城邑聚落而是无量百千衆生
復遇重病无能救者我今當至大醫
父所諮問治病醫方秘法諮稟知已
當往城邑聚落村舍治諸衆生種種
重病悉令得脫无量諸苦時長者子
思惟是已即至父所頭面著地為父
作礼叉手却住以四大增損而問於
父即說偈言

云何當知 四大諸根 衰損代謝
而得諸病 云何當知 飲食時節
若食食已 身火不滅 云何當知
治風及熱 水過肺病 及以等分
何時動風 何時動熱 何時動水
以害衆生 時父長者 即以偈頌
解說醫方 而答其子 三月是夏
三月是秋 三月是冬 三月是春
是十二月 三三而說 從如是數
一歲四時 若二二說 足滿六時
三三本攝 二二現時 隨是時節
消息飲食 是能益身 醫方所說
隨時歲中 諸根四大 代謝增損

令身得病

有善醫師

隨順四時

三月將養

調和六大

隨病飲食

及以湯藥

多風病者

夏則發動

其熱病者

秋則發動

等分病者

冬則發動

其肺病者

春則增劇

有風病者

夏則應服

肥膩醃酢

及以熱食

有熱病者

秋服冷甜

等分冬服

甜酢肥膩

肺病春服

肥膩辛熱

飽食然後

則發肺病

於食消時

則發熱病

食消已後

則發風病

如是四大

隨三時發

風病羸損

補以蘇膩

熱病下藥

服呵梨勒

等病應服

三種妙藥

所謂甜辛

及以蘇膩

肺病應服

隨時吐藥

若風熱病

肺病等分

違時而發

應當任師

籌量隨病

飲食湯藥

善女天今時流水長者子問其父醫

四大增損因是得了一切醫方時長

者子知醫方已遍至國內城邑聚落

在在處處隨有衆生病苦者所軟言

慰喻作如是言我是醫師我是醫師

善知方藥今當為汝療治救濟悉令

除愈善女天。尔時衆生聞長者子軟語慰喻。許為治病。心生歡喜。踊躍无量。時有百千无量衆生。遇極重病。得聞是言。心歡喜。故種種所患。即得除差。平復如本。氣力充實。善女天復有无量百千衆生病苦深重。難除老者。即共來至長者子所。時長者子即以妙藥授之。令服服已。除老亦得平復。善女天是長者子。於是國內治諸衆生所有病苦。悉得除老。

金光明經流水長者子品第二十一

北涼曇無讖譯

佛告樹神。尔時流水長者子。於天自在。光王國內。治一切衆生无量苦患。已令其身體平復。如本受諸快樂。以病除。故多設福業。修行布施。尊重恭敬。是長者子。作如是言。善哉。長者能大增長福德之事。能益衆生无量壽命。汝今真是大醫之王。善治衆生无量重病。必是菩薩善解方藥。善女天。時長者子有妻。名曰水空。龍藏而生二子。一名水空。二名水藏。時長者子將是二子。次第遊行城邑聚落。寧後到一大空澤中。多有虎狼狗犬鳥獸。

多食肉面志皆一向馳奔而去時長者子作是念言是諸禽獸何因緣故一向馳走我當隨後逐而觀之時長者子迹便隨逐見有一池其水枯涸於其池中多有諸魚時長者子見是魚已生大悲心時有樹神示現半身作如是言善哉善哉大善男子此魚可憐汝可與水是故号汝名為流水復有二緣名為流水一能流水二能與水汝今應當隨名定實時長者子問樹神言此魚頭數為有幾所樹神荅言其數具足足滿十千善女天尔時流水聞是數已倍復增益生大悲心善女天時此空池為日所曝唯少水在是十千魚將入死門四向婉轉見是長者心生恃賴隨是長者所至方面隨逐瞻視目未曾捨是時長者馳趣四方推求索水了不能得便四顧望見有大樹尋取枝葉還到池上與作陰涼作陰涼已復更推求是池中水本從何來即出四向周遍求索莫知水處復更疾走遠至餘處見一大河名曰水生尔時復有諸餘惡人

為捕此魚故於上流懸罾之處決棄其水不令下過然其決處懸罾難捕計當修治經九十日百千人功猶不能成况我一身時長者子速疾還反至大王所頭面礼拜却坐一面合掌向王說其因緣作如是言我為大王國土人民治種種病漸漸遊行至彼空澤見有一池其水枯涸有十千魚為日所曝今日困厄將死不久惟願大王借一十大魚令得負水濟彼魚命如我與諸病人壽命尔時大王即勅大臣速疾供給尔時大臣奉王告勅語是長者善哉大士汝今自可至魚窟中隨意選取利益衆生令得快樂是時流水及其二子將二十大魚從治城人借索皮囊疾至彼河上流決處盛水為負馳疾奔還至空澤池從魚背上下其囊水寫置池中水遂充滿還復如本時長者子於池四邊徬徬而行是魚尔時亦復隨逐循岸而行時長者子復作是念是魚何緣隨我而行是魚必為飢火所惱復欲從我求索飲食我今當與善女天尔

時流水長者子告其子言汝取一魚
取大力者速至家中啓父長者家中
所有可食之物乃至父母飲噉之分
及以妻子奴婢之分一切聚集悉載
爲上急速來還今時二子如父教勅
乘大魚往至家中白其祖父說如
上事今時二子取取家中可食之物
載爲背上疾還父所至空澤池時長
者子見其子還心生歡喜踊躍无量
從子邊取飲食之物散著池中與魚
食已即自思惟我今已能與此魚食
令其飽滿未來之世當施法食復更
思惟曾聞過去空閑之處有一比丘
讀誦大乘方等經典其經中說若有
衆生臨命終時得聞寶勝如來名号
即生天上我今當爲是十千魚解說
甚深十二因緣亦當稱說寶勝佛名
時閻浮提中有二種人一者深信大
乘方等二者毀訾不生信樂時長者
子作是思惟我今當入池水之中爲
是諸魚說深妙法思惟是已即便入
水作如是言南无過去寶勝如來應供
正遍知明行足善逝世間解无上士

訓御丈夫天人師佛世尊寶勝如來
本往昔時行菩薩道作是誓願若有
衆生於十方界臨命終時聞我名者
當令是輩即命終已尋得上生三十
三天今時流水復為是魚解說如是
甚深妙法所謂元明緣行行緣識識
緣名色名色緣六入六入緣觸觸緣
受受緣愛愛緣取取緣有有緣生生
緣老死憂悲苦聚善女天今時流水
長者子及其二子說是法已即共還
家是長者子復於後時賓客聚會醉
酒而卧今時其地卒大震動時十千
魚同日命終即命終已生忉利天既
生天已作是思惟我等以何善業因
緣得生於此忉利天中復相謂言我
等先於閻浮提內墮畜生中受於魚
身流水長者子與我等水及以飲食復
為我等解說甚深十二因緣并稱寶
勝如來名号以是因緣今我等輩得
生此天是故我等今當往至長者子
所報恩供養今時十千天子從忉利
天下閻浮提至流水長者子大醫王
家時長者子在樓屋上露卧眠睡是

十千天子以十千真珠天妙瓔珞置其頭邊復以十千置其足邊復以十千置右脅邊復以十千置左脅邊雨曼陀羅華摩訶曼陀羅華積至于膝種種天樂出妙音聲閻浮提中有睡眠者皆悉覺寤流水長者子亦從睡寤是十千天子於上空中飛騰遊行於天自在光王國內處處皆雨天妙蓮華是諸天子復至本處空澤池所自在受天五欲時閻浮提過是夜已天自在光王問諸大臣昨夜何緣示現如是淨妙瑞相有大光明大臣答言大王當知忉利諸天於流水長者子家雨四十千真珠瓔珞及不可計曼陀羅華王即告臣卿可往至彼長者家善言誘喻喚令使來六臣受勅即至其家宣王教令喚是長者是時長者即至王所王問長者何緣示現如是瑞相長者子言我必定知是十千魚其命已終時大王言今可遣人審實是事尔時流水尋遣其子至彼池所看是諸魚死活定實尔時其子

聞是語已向於彼池既至池已見其池中多有摩訶曼陀羅花積聚成積其中諸魚悉皆命終見已即還白其父言彼諸魚等悉已命終尔時流水知是事已復往王所作如是言是十千魚悉皆命終王聞是已心生歡喜尔時世尊告道場菩提樹神善女天欲知尔時流水長者子今我身是長子水空今羅睺羅是次子水藏今阿難是時十千魚者今十千天子是是故我今為其授阿耨多羅三藐三菩提記尔時樹神現半身者今汝身是合部金光明經卷第七

癸卯歲高麗國大藏都監奉
勅彫造

合部金光明經卷第八

場

捨身品第二十二

隋大興善寺沙門釋寶貴合
北涼天竺三藏曇無讖譯

今時道場菩提樹神復白佛言世尊
我聞世尊過去修行菩薩道時具受
無量百千苦行捐捨身命肉血骨髓
惟願世尊少說往昔苦行因緣為利
衆生受諸快樂今時世尊即現神足
神足力故令此大地六種震動於大
講堂衆會之中有七寶塔從地踊出
衆寶羅網弥覆其上今時大衆見是
事已生希有心

今時世尊即從座起礼拜此塔恭敬
圍遶還就本座今時道場菩提樹神
白佛言世尊如來世雄出現於世常
為一切之所恭敬於諸衆生寂勝寂
尊何因緣故礼拜是塔佛言善女天
我本修行菩薩道時我身舍利安止
是塔因由是身令我早成阿耨多羅
三藐三菩提今時佛告尊者阿難汝
可開塔取中舍利示此大衆是舍利
者乃是无量六波羅蜜功德所薰今

時阿難聞佛教勅即往塔所礼拜供養開其塔戶見其塔中有七寶函以手開函見其舍利色妙紅白而白佛言世尊是中舍利其色紅白佛告阿難汝可持來此是大士真身舍利今時阿難即舉寶函還至佛所持以上佛今時佛告一切大眾汝等今可礼是舍利此舍利者是戒定慧之所熏修甚難可得取上福田今時大眾聞是語已心懷歡喜即從坐起合掌恭敬頂礼菩薩大士舍利今時世尊欲為大眾斷疑網故說是舍利往昔因緣阿難過去之世有王名曰摩訶羅陀修行善法善治國土无有怨敵時有三子端正微妙形色殊特威德第一第一太子名摩訶波那羅次子名曰摩訶提婆小子名曰摩訶薩埵是三王子於諸園林遊戲觀看次第漸到一大竹林憇駕止息第一王子作如是言我於今日心甚怖懼於是林中將无衰損第二王子復作是言我於今日不自惜身但離所愛心憂愁耳第三王子復作是言我於今日獨无

怖懷亦无愁惱山中空寂神仙所讚
是處閑靜能令行人安隱受樂時諸
王子說是語已轉復前行見有一帛
適產七日而有七子圍遶因匝飢餓
窮悴身體羸損命欲將絕第一王子
見是帛已作如是言恠哉此帛產來
七日七子圍遶不得求食若為飢逼
必還取子第三王子言此帛經常所
食何物第一王子言此帛唯食新熟
肉五第三王子言君等誰能與此帛
食第二王子言此帛飢餓身體羸瘦
窮困損之餘命无幾不容餘處為其
求食設餘求者命必不濟誰能為此
不惜身命第一王子言一切難捨不
過已身第三王子言我等今者以貪
惜故於此身命不能放捨智慧薄少
故於是事而生驚怖若諸大士欲利
益他生大悲心為衆生者捨此身命
不足為難時諸王子心大愁憂久住
視之曰未曾捨作是觀已尋便離去
余時第三王子作是念言我今捨身
時已到矣何以故我從昔來多棄是
身都无所為亦常愛護處之屋宅又

復供給衣服飲食卧具醫藥為馬車
無隨時將養令无所乏而不知思反
生怨害然復不免無常敗壞復次是
身不堅无所利益可惡如賊猶若行
廁我於今日當使此身作无上業於
生死海中作大槁梁復次若捨此身
則捨无量癰疽癰疾百千怖畏是身
唯有大小便利是身不堅如水上沫
是身不淨多諸虫戶是身不淨筋纏
血塗皮骨髓腦共相連持如是觀察
甚可患厭是故我今應當捨離以求
寂滅无上涅槃永離憂患無常變異
生死休息无諸塵累无量禪定智慧
功德具足成就微妙法身百福莊嚴
諸佛所讚證成如是无上法身與諸
衆生无量法樂是時王子勇猛堪任
作是大願以上大悲薰修其心慮其
二兄心懷怖懼或恐固遮為作留難
即便語言兄等今者可與眷屬還其
所止今時王子摩訶薩埵還至席所
脫身衣裳置竹枝上作是誓言我今
為利諸衆生故證於寂勝无上道故
大悲不動捨難捨故為求菩提智所

讚故欲度三有諸衆生故滅生死怖
衆惱熱故是時王子作是誓已即自
放身卧餓席前是時王子以大悲力
故席無能為王子復作如是念言席
今羸瘦身无勢力不能得我身血肉
食即起求刀周遍求之了不能得即
以乾竹刺頸出血於高山上投身席
前是時大地六種震動曰无精光如
羅睺羅阿修羅王捉持障蔽又雨雜
華種種妙香時虛空中有諸餘天見
是事已心生歡喜歎未曾有讚言善
哉善哉大士汝今真是行大悲者為
衆生故難捨能捨於諸學人第一勇
健汝已為得諸佛所讚常樂住處不
久當證无惱無熱清淨涅槃是席尔
時見血流出汗王子身即便流血嗽
食其肉唯留餘骨尔時第一王子見
地大動為第二王子而說偈言

震動大地 及以大海 曰无精光
如有覆蔽 於上虛空 雨諸華香
必是我弟 捨所愛身 第二王子
復說偈言

彼席產來 已經七日 七子圍遶

窮元飲食

氣力羸損

命不遠

小弟大悲

知其窮悴

懼不堪忍

還食其子

恐定捨身

以救彼命

時二王子心大愁怖涕泣悲歎容顏
憔悴復共相將還至席所見弟所著
被服衣裳皆悉在一竹枝之上骸骨
駭爪布散狼籍流血處處遍汙其地
見已悶絕不自勝持投身骨上良久
乃悟即起舉手呼天而哭我弟幼稚
才能過人特為父母之所愛念奄忽
捨身以飼餓席我今還宮父母設問
當云何荅我寧在此併命一處不忍
見是骸骨駭爪何心捨離還見父母
妻子眷屬朋友知識時二王子悲號
懊惱漸捨而去時小王子所將侍從
各散諸方互相謂言今者我天為何
所在今時王妃於暗中夢夢乳被割
牙齒墮落得三鵠鵠一為鷹食今時
王妃大地動時即便驚寤心大愁怖
而說偈言

今日何故 大地大水 一切皆動

物不安所 日無精光 如有覆蔽

我心憂苦 目睜瞋動 如我今者

所見瑞相 必有災異 不祥苦惱
於是王妃說是偈已時有青衣在外
已聞王子消息心驚惶怖尋即入內
啓白王妃作如是言向者在外聞諸
侍從推覓王子不知所存王妃聞已
生大憂惱涕泣滿目至大王所我於
向者傳聞外人失我寡小所愛之子
大王聞已而復悶絕悲哽苦惱投淚
而言如何今日失我心中所愛重者
今時世尊欲重宣此義而說偈言

我於往昔 无量劫中 捨所重身
以求菩提 若為國王 及作王子
常捨難捨 以求菩提 我念宿命
有大國王 其王名曰 摩訶羅陀
是王有子 能大布施 其子名曰
摩訶薩埵 復有二兄 長者名曰
大波那羅 次名大天 三人同遊
至一空山 見新產牖 餓窮无食
時勝大士 生大悲心 我今當捨
所重之身 此牖或為 飢餓所逼
儻能還食 自所生子 即上高山
自投牖前 為令牖子 得全性命
是時大地 及諸大山 皆悉震動

驚諸虫獸

虎狼師子

四散馳走

世間皆闇

无有光明

是時二兄

故在竹林

心懷憂惱

愁苦涕泣

漸漸推求

遂至虎所

見虎虎子

五汙其口

又見骸骨

鬚毛爪齒

處處造五

狼藉在地

時二王子

見是事已

心更悶絕

自躄於地

以灰塵土

自塗全身

忘失正念

生狂癡心

所將侍從

覩見是事

亦生悲慟

失聲啼哭

牙以冷水

共相噴灑

然後蘇息

而復得起

是時王子

當捨身時

正值後宮

妃后嫔女

眷屬五百

共相娛樂

王妃是時

兩乳汁出

一切支節

痛如針刺

心生愁惱

以喪愛子

於是王妃

疾至王所

其聲微細

悲泣而言

大王今當

諦聽諦聽

憂愁盛火

今來燒我

我今二乳

俱時汁出

身體苦切

如被針刺

我見如是

不祥瑞相

恐更不復

見所愛子

今以身命

奉王大王

願速遣人

求覓我子

夢三鵠鵠

在我懷抱

其取小者

可適我心

有鷹飛來 奪我而去 夢是事已
即生憂惱 我今愁怖 恐命不濟
願速遣人 推求我子 是時王妃
說是語已 即時悶絕 而復蹕地
王聞是語 復生憂惱 以不得見
所愛子故 其王大臣 及諸眷屬
悉皆聚集 在王左右 哀哭悲號
聲動天地 余時城內 所有人民
聞是聲已 驚愕而出 各相謂言
今是王子 為活來耶 為已死亡
如是大士 常出軟語 為眾所愛
今難可見 已有諸人 入林推求
不久自當 得定消息 諸人余時
悻惶如是 而復悲號 哀動神祇
余時大王 即從坐起 以水灑妃
良久乃蘇 還得正念 微聲問王
我子今者 為死活耶 余時王妃
念其子故 倍復懊惱 心无暫捨
可惜我子 形色端正 如何一旦
捨我終亡 云何我身 不先薨沒
而見如是 諸苦惱事 善子妙色
猶淨蓮華 誰壞汝身 使令分離
將非是我 昔日怨讎 俠李葉綠

而煞汝耶

我子面目

淨如滿月

不啻一旦

遇斯禍對

寧使我身

破碎如塵

不令我子

墮失身命

我所見夢

已為得報

值我無情

能堪是苦

如我所夢

牙齒墮落

二乳一時

汁自流出

必定是我

失所愛子

夢三鵠鵠

鷹奪一去

三子之中

必定失一

余時大王

即告其妃

我今當遣

大臣使者

周遍東西

推求覓子

汝今且可

莫大憂愁

大王如是

慰喻妃已

即便嚴駕

出其宮殿

心生愁惱

憂苦所切

雖在大眾

顏貌憔悴

即出其城

覓所愛子

余時亦有

无量諸人

哀號動地

尋從王後

既出城已

四向願望

是時大王

煩惋心乱

靡知所在

求覓其子

有一信來

頭蒙塵土

寂後遙見

灰糞塗身

悲號而至

余時大王

摩訶羅陀

見是使已

信生懊惱

舉手號叫

仰天而哭

先所遣臣

尋復來至

既至王所

作如是言

願王莫愁

諸子猶在

不久當至

令王得見

須臾之頃

復有臣來

見王愁苦

顏顏憔悴

身所著衣

垢膩塵汙

大王當知

一子已終

二子雖存

哀悴無賴

第三王子

見虜新產

飢窮七日

恐還食子

見是虜已

深生悲心

發大擔願

當度衆生

於未來世

證成菩提

即上高處

投身餓虜

虜飢所逼

便起噉食

一切血肉

已為都盡

唯有骸骨

狼藉在地

是時大王

聞臣語已

轉復悶絕

失念躒地

憂愁盛火

熾然其身

諸臣眷屬

亦復如是

以水灑王

良久乃蘇

復起舉手

號天而哭

復有臣來

而白王言

向於林中

見二王子

愁憂苦毒

悲號涕哭

迷悶失志

自投於地

臣即求水

灑其身上

良久之頃

乃還蘇息

望見四方

大火熾然

扶持暫起

尋復躒地

舉手悲哀

號天而哭

乍復讚嘆

其弟功德

是時大王

以離愛子

其心迷沒

氣力憊然

憂惱涕泣 並復思惟 是取小子

我所愛重 无常大鬼 奄便吞食

其餘二子 今雖存在 而為憂火

之所焚燒 或能為是 喪失命根

我宜速往 至彼林中 迎載諸子

急還宮殿 其母在後 憂苦逼切

心肝分裂 或能失命 若見二子

慰喻其心 可使終保 餘年壽命

今時大王 駕乘名馬 與諸侍從

欲至彼林 即於中路 見其二子

號天扣地 稱弟名字 時王即前

抱持二子 悲號涕泣 隨路還宮

速令二子 覲見其母 佛告樹神

汝今當知 今時王子 摩訶薩埵

捨身飼虎 今我身是 今時大王

摩訶羅陀 於今父王 輸頭檀是

今時王妃 今摩耶是 第一王子

今彌勒是 第二王子 今調達是

今時席者 今瞿夷是 時席七子

今五比丘 及舍利弗 目捷連是

今時大王 摩訶羅陀及其妃后悲號

涕泣悉皆脫身御服瓔珞與諸大眾

往竹林中收其舍利即於此處起七

寶塔是時王子摩訶薩埵臨捨命時
作是擔願願我舍利於未來世過等
數劫常為衆生而作佛事說是經時
无量阿僧祇天及人發阿耨多羅三
藐三菩提心樹神是名札塔往昔因
緣今時佛神力故是七寶塔即沒不現
金光明經讚佛品第二十三

北凉三藏曇無讖譯

尔時无量百千万億諸菩薩衆從此
世界至金寶蓋山王如來國土到彼
土已五體投地為佛作札却一面立
向佛合掌異口同音而讚歎曰
如來之身 金色微妙 其明照曜
如金山王 身淨柔軟 如金蓮花
无量妙相 以自在嚴 隨形之好
光飾其體 淨潔无比 如紫金山
圓足无垢 如淨滿月 其音清徹
妙如梵聲 師子吼聲 大雷震聲
六種清淨 微妙音聲 迦陵頻伽
孔雀之聲 清淨无垢 威德具足
百福相好 莊嚴其身 光明遠照
无有齊限 智慧寂滅 無諸愛習
世尊成就 无量功德 譬如大海
須弥寶山 為諸衆生 生憐愍心

於未來世

能與快樂

如來所說

第一深義

能令衆生

寂滅安隱

能與衆生

无量快樂

能演无上

甘露妙法

能開無上

甘露法門

能入一切

無患窟宅

能令衆生

悉得解脫

度於三有

无量苦海

安住正道

无諸憂苦

如來世尊

功德智慧

大慈悲力

精進方便

如是無量

不可稱計

我等今者

不能說喻

諸天世人

於無量劫

盡思度量

不能得知

如來所有

功德智慧

无量大海

一滯少分

我今略讚

如來功德

百千億分

不能宣一

若我功德

得聚集者

迴與衆生

證无上道

今時信相菩薩即於此會從坐而起

偏袒右肩右膝著地合掌向佛而說

讚言

世尊百福

相好微妙

功德千數

莊嚴其身

色淨遠照

視之无厭

如日千光

弥滿虚空

光明熾盛

无量無邊

猶如無數

珍寶大聚

其明五色

青紅赤白

琉璃頗梨

如融真金

光明赫弈

通徹諸山

悉能遠照

无量佛土

能滅衆生

無量苦惱

又與衆生

上妙快樂

諸根清淨

微妙第一

衆生見者

無有厭足

駿紺柔軟

猶孔雀項

如諸蜂王

集在蓮華

清淨大悲

功德莊嚴

无量三昧

及以大慈

如是功德

悉以聚集

相好妙色

嚴飾其身

種種功德

助成菩提

如來悉能

調伏衆生

令心柔軟

受諸快樂

種種深妙

功德莊嚴

亦為十方

諸佛所讚

其光遠照

遍於諸方

猶如日月

充滿虛空

功德成就

如須弥山

在在示現

於諸世界

齒白齊整

猶如珂雪

其德如日

處空明顯

眉間毫相

右旋宛轉

光明流出

如琉璃珠

其色微妙

如日處空

今時道場菩提樹神復說讚曰

南無清淨

无上正覺

甚深妙法

隨願覺了

遠離一切

非法非道

獨拔而出

成佛正覺

知有非有

本性清淨

希有希有

如來功德

希有希有

如來大海

希有希有

如須彌山

希有希有

佛無邊行

希有希有

佛出於世

如優曇華

時一現耳

希有希有

無量大悲

釋迦牟尼

為人中曰

為欲利益

諸眾生故

宣說如是

妙寶經典

善哉如來

諸根寂滅

而復遊入

善寂大城

无垢清淨

甚深三昧

入於諸佛

所行之處

一切聲聞

身皆空寂

兩足世尊

行處亦空

如是一切

無量諸法

推本性相

亦皆空寂

一切衆生

性相亦空

狂愚心故

不能覺知

我常念佛

樂見世尊

常作擔願

不離佛日

我常於地

長跪合掌

其心戀慕

欲見於佛

我常修行

取上大悲

哀泣雨淚

欲見於佛

我常渴仰

欲見於佛

為是事故

憂火熾然

唯願世尊

賜我慈悲

清冷法水

以滅是火

世尊慈愍

悲心无量

願使我身

常得見佛

世尊常護

一切人天

是故我今

渴仰欲見

聲聞之身

猶如虛空 焰幻響化 如水 中月
衆生之性 如夢所見 如來行處
淨如琉璃 入於无上 甘露法處
能與衆生 無量快樂 如來行處
微妙甚深 一切衆生 无能知者
五通神仙 及諸聲聞 一切緣覺
亦不能知 我今不疑 佛所行處
唯願慈悲 為我現身 今時世尊
從三昧起 以微妙音 而讚嘆言
善哉善哉 樹神善女 汝於今日
快說是言

金光明經付囑品第二十四

隋國那維多譯

今時世尊告彼大菩薩衆言汝等善
丈夫輩誰能守護此諸如來阿僧祇
劫集成菩提於我滅後以此法本當
作廣現今正法久住故今時彼菩薩
衆中有六十俱致菩薩及六十俱致
天女同以一咽喉聲說如是言世尊
我等堪能守護此諸如來阿僧祇劫
集成菩提於彼後時當作廣現今時
世尊說此伽陀

諸佛是實語 安住於實法 彼等實住故
此經增住持 大悲為鎧甲 大慈為安住

彼等慈力故此經增住持 福聚為鎧甲

智聚所出生 諸聚和合故 此經增住持

降伏諸摩羅 諸論亦破散 已斷於諸見

此經增住持 護世天帝等 諸梵及修羅

天龍乾闥婆 住持此已作 地住及虛空

所有諸天女 諸佛住持故 已說此行法

梵行相應故 四實已莊嚴 盡四摩羅故

此經增住持 虛空若作色 或色作非色

諸佛所住持 無有能令動

今時四大天王同以一咽喉聲說此

伽陀

我等於此經 守護當如是 及子諸眷屬

亦善作守護 若當持此者 菩提已作緣

我當近彼等 四方作守護

今時天帝向佛說此伽陀

我知諸佛恩 導師亦已證於此勝經典

已說佛出生 我於彼諸佛 報恩當作護

當護如是經 及彼持經者

今時婆訶世界主大梵天王向佛說

此伽陀

諸定及无量 諸乘及解脫 皆由此經出

已說佛出生 我捨梵慶樂 此經所在處

至彼聽聞故 守護當如是

尔時刪兜率多天子向佛說此伽陀
若住於菩提彼當住兜率此經佛已說
閻浮洲內住當說此行法

尔時商主摩羅子向佛說此伽陀

清淨摩羅業彼不隨摩羅若當能持此
修多羅正義我等於此經守護當如是
我發精進欲如是今廣現

尔時摩羅波卑摩向佛說此伽陀

我於彼衆生當不作障尋若當持此者
煩惱皆折伏摩羅不得便故說於此經
以佛住持故我當護彼等

尔時善德天子向佛說此伽陀

若諸佛菩提彼於此經說若持此經典
彼即供諸尊我當持此經為俱致天說
教化向善提當聽及敬重

尔時慈氏菩薩向佛說此伽陀

不請之朋友若彼住菩提守護諸法故
能捨於自體故我至兜率如是修多羅
以佛住持故我當作廣顯

尔時上座摩訶迦葉波向佛說此伽陀
我等少智慧聲聞衆已說隨能隨勢力
教師法當持若有持此經我當攝受彼

尔時命者阿難陀向佛說此伽陀

諸經多千數 我聞教師口 如是等經典

我先未曾聞 我值遇此經 對面已受取

我當作廣顯 欲求於菩提

佛說此時菩提高樹善寂天女及彼
大辯天女等功德天女等諸天女及
諸天衆釋梵鞞沙門等爲首諸天王
及彼諸大天衆輒闍婆阿修羅等世
間於佛所說皆大歡喜

尔時釋迦牟尼佛從三昧起現大神力
以右手摩諸大菩薩摩訶薩頂與諸
天王及龍王二十八部散脂鬼神大將
軍等而作是言我於無量百千萬億
恒河沙劫修習是金光明微妙經典汝
等當受持讀誦廣宣此法復於閻浮
提內無令斷絕若有善男子善女人
於未來世中有受持讀誦此經典者
汝等諸天常當擁護當知是人於未
來世無量百千人天之中常受快樂
於未來世值遇諸佛疾得證成阿耨
多羅三藐三菩提

尔時諸大菩薩及天龍王二十八部散

昭大將等即從座起到於佛前五體投地俱發聲言如世尊勅當具奉行如是三白如世尊勅當具奉行於是散昭大將軍而白佛言世尊若後未來世中有受持是經若自書若使人書我當與此二十八部諸鬼神等常當隨侍擁衛隱蔽其形是說法者皆悉消滅諸惡令得安隱願不有慮

尔時釋迦牟尼佛現大神力十方無量世界皆六種震動是時諸佛皆大歡喜囑累是經故讚美持法者現無量神力於是無量無邊阿僧祇菩薩摩訶薩大衆及信相菩薩金光金藏常悲法上等及四天王十千天子與道場菩提樹神地神堅牢等及一切世間天人阿脩羅等聞佛所說皆發無上菩提之心踊躍歡喜作礼而去合部金光明經卷第八

壬寅歲高麗國大藏都監奉
勅彫造

佛說化真陀羅所問如來三昧經卷上

七

後漢月氏三藏支婁迦識譯

聞如是一時佛在羅閱祇耆闍崛山中與六万比丘俱菩薩七万三千人一一尊復各從十方佛剎來到是間悉得陀隣尼法其欲无所罣碍其心所念善慙多所忍而行從是而得成其心如金剛無能斷截者諸佛法一切習諸佛法欲具足其意所作而欲甚尊其意不離菩薩心令他人亦尔施與伏意而不乱所愛而无所惜其淨戒莊嚴鎋身口意其忍辱柔軟是則為力是則僧邨阿僧祇劫憶邨術百千所作精進而不懈怠禪惟務三昧三摩越其心知他人意以是自娛樂其慧功德无所不解其心譬若須弥无能譬者其心如地水火風亦无所愛亦无所憎常有慈心其身光明无所罣碍其哀是行為一切人而作傷心已法等心已是为樂其護者不墮一道有利無利若譽若謗若有名无名若苦若樂過世間之所有法一切

諸會不已為會却諸外道降伏衆魔
是者難值若優曇鉢花時時可得一
切人而無情者而為作情故名曰厚
其厚者乃致至沮洳已无極上僧那
僧涅已深法猛若如師子已怛薩阿
竭印而印之所受決而无所尋其作
如所言已諦法而審其光明照於日
月十方莫不聞名者一切諸佛无不救
護不令離法恙皆守名深法滅不斷
三寶其心功德通無央數剎土其心
淨潔習其處而往還到佛所无所失
常教道一切人已入般若波羅蜜溫
起拘舍羅則是頭隨人心所喜以法
教照各令得所索知諸人相所行隨
所樂喜不失其意而作醫王之德療
於老病死已供養過去无央數佛其
功德而致相諸種好已過空无相无
願之法諸法无所有如幻野馬如夢
如水中影山中之響恙知一切之音
聲通入諸法各各能答已成持諸所欲
以智慧曉了道事已稍近尊十種力
肉眼慧眼道眼法眼佛眼過度衆冥
盡入諸功德行曉知菩薩之藏其聞

是法不復轉移便得相印三昧金剛
行三昧其法在所作三昧寶明持三
昧不捨一切人三昧悉知一切心三昧
已得佛智慧如佛所作為一切作本
已具足諸好有菩薩名曰樂作一復
有菩薩名曰樂等有二復有菩薩名
曰寶手三復有菩薩名曰明華四復
有菩薩名曰寶炎五復有菩薩名曰
喜見六復有菩薩名曰意喜七復有
菩薩名曰喜以眼見八復有菩薩名
曰持地九復有菩薩名曰歡喜作十
復有菩薩名曰大處廢一復有菩薩
名曰大利二復有菩薩名曰辟魔三
復有菩薩名曰意樂香四復有菩薩
名曰人中之天五復有菩薩名曰諦
願六復有菩薩名曰等視七復有菩
薩名曰盡見等不等八復有菩薩名
曰執御九復有菩薩名曰一切无倩而
作倩之厚十復有菩薩名曰弥勒一
復有菩薩名曰雨音二復有菩薩名
曰雨若山半三復有菩薩名曰兩山
鼎四復有菩薩名曰慈行五復有菩
薩名曰光英六復有菩薩名曰光聲

陽^七復有菩薩名曰鑒明王^八復有

菩薩名曰如當眼所見^九復有菩薩

名曰光等知^十復有菩薩名曰尊官

一復有菩薩名曰天官^二復有菩薩

名曰天眼^三復有菩薩名曰視處悉

吉^四復有菩薩名曰快辭^五復有菩

薩名曰諦議意^六復有菩薩名曰安

處意^六復有菩薩名曰安處度^八復

有菩薩名曰无所動而度^九復有菩

薩名曰金剛行度^十復有菩薩名曰

三世行度^一復有菩薩名曰諦如事

不異^二復有菩薩名曰持嚴欲好^三

復有菩薩名曰不盡欲^四復有菩薩

名曰不捨留欲^五復有菩薩名曰意

音^六復有菩薩名曰淨音^七復有菩

薩名曰飽滿一切音^八復有菩薩名

曰文殊尸利^九

如是等菩薩會者七万三千人於三

千大千刹土釋梵護持世者一一豪

尊諸天龍閼叉捷陀羅阿湏倫迦留

羅真陀羅摩睺勒人非人盡來會悉

欲聞佛所說經提无離菩薩從坐起

整衣服叉手長跪而讚歎佛說俗者

不及道之明為世間而作本已過度
於衆冥今自歸度於世者以布施
撝持十種力已自伏意并化餘人是
則為度一切莫不供事者今自歸於
三界無能與等者一以相无所不饒
益其光二赤色若於金其音中和色
甚殊好无能與等者今自歸莫不供
事者三以度而度以降伏衆外道其
智甚尊在於衆黠之上莫能有轉動
者盡知一切之行其功德甚尊今自
歸无極之大哀四諸所欲於欲无所
得衆魔已索莫能當者其淨戒無所
不安於諸天一切則為天中天其意
無所復著今自歸莫能當者五其聞
德莫不歡喜形像若寶其見者无不
愛樂於施與已離婬怒癡今自歸其
德若天無所不覆六以四諦過於四
寶以無眼者悉得視占所說法无涯
庠於三世行為一切作本今自歸其
足而有輪七其身者為諸天一切人
之所供事无男無女皆得而依衆魔
而不敢當則是天上天下之所特尊
八以衆諦政法持於一切其心等慈

無所不適為一切作導其法而等住
今已自歸其德无及者九其音柔軟
清淨其聞者莫不悅心其聲如梵无
所不至一切諸音皆悉具足今自歸
於尊諦十已度空无相無願其智甚
深不可得根已入衆脫是為功德今
自歸已得脫者十一悉知因緣而所生
有之功德其見无内无外用等故其
知所說別於如作今已自歸過度諸
所可見十二亦无所從來无所從去觀
諸法悉脫若幻野馬今自歸於法功
德十三所生无所生俱无生其有已滅
无有盡時所住如法如恒薩所入十四
審如所說若法如恒薩无所動轉
其德若大山身者若人剛今自歸安
則若山十五身心意而適等其名流於
三世莫不聞者一切所問皆能報答
惟不以煩而肯說者願欲所問十六讀
歎佛已僞肯說者而欲問之佛言在
所問提无離言何謂菩薩以法自在
說而莊飾身一何謂菩薩快深法无
所不入十七何謂菩薩知一切人心十八何
謂菩薩隨所喜而化十九何謂菩薩心

行而入

五

何謂菩薩知因緣有所作

六

何謂菩薩而施與為莊嚴持戒忍辱

精進一心智慧

七

何謂菩薩得在梵

天何謂菩薩其智甚尊

九

何謂菩

薩而常得勝

十

何謂菩薩從是得度

何謂菩薩於聲聞辟支佛一切人

而示現法不入其中

二十

何謂菩薩離

於生死而不泥洹

三十

何謂菩薩知一

切人界不離法身

四十

何謂菩薩不離

本於離本而示現

五十

何謂菩薩而得

尊貴其福若帑歲

六十

何謂菩薩隨欲

而得入道

七十

何謂菩薩盡知諸法

何謂菩薩所作常安諦

九十

何謂菩薩

於世間而行无所著

一百

何謂菩薩而

自在法端正莫能當者

一百一十

何謂菩薩

常不離佛

一百二十

何謂菩薩安諦而學

何謂菩薩意與法无所取无所捨

何謂菩薩而護一切

一百三十

何謂菩薩至

法輪轉

一百四十

何謂菩薩乃至阿惟顏

佛言善哉善哉提元離菩薩所問乃

尔令一切得所其在會者若當來悉

為作導是摩訶衍而得久住佛言諦

聽諦聽今我所說則言願樂欲聞佛

言菩薩用四事而自在何謂四其光明為一切无所罣碍一所有名實其有索者不為愛惜二若明經者說法而不中斷於邊勸助三若有倩令說法而不以難承怛薩阿竭不可議踊躍而說之於菩薩事无所怖望以法而施與四其名曰四事復有四事深入諸法其慧所作不離功德何謂四於十二因緣而真知之一如自惜身亦惜於人與身无異二於生死亦不念有所從來有所從去三一切諸法以空現空四是為四事復有四事悉知一切人心其功德增減何謂四事以入法身而无瑕穢一諸種好恚以現二以四事而觀三其心无破壞便得三昧四是為四事復有四事隨一切所行而教化之何謂四事其慧而等一悉化一切人二觀知諸法三其心已淨潔悉淨一切人心四是為四事復有四事知一切人心化之所行何謂四事其智无所不入一其慧无所罣碍二其心无有二三睡卧諸盖已不復著四是為四事復有四事

所作罪福不忘何謂四事一切无所
斷一亦無所著二而知因緣所作隨
其示現以法持法三亦不念有我亦
不念有人隨是教者不失道法四
是為四事復有四事以布施而莊嚴何
謂四事以相莊嚴一隨人所喜示現
其好二其色甚尊好三所作而不可
盡四是為四事復有四事用淨戒而
為莊嚴便為遮迦越羅不忘菩薩心
一得作釋提桓因以菩薩心而自莊嚴
二而作梵天其心以菩薩而為莊嚴
三離一切惡道但生天上世間作人
以菩薩心而為莊嚴四是為四事復
有四事忍辱莊嚴何謂四事其音如
梵聲聞者各得所一其聲軟好譬如迦
陵二一切莫不受樂三常於功德而
堅固四是為四事復有四事以精進
莊嚴何謂四事其身若金剛諸邪不
能得其便一為一切而作厚二所作
事具足辦而不中悔學問无厭極三
其心所求而悉具足四是為四事復
有四事以禪自莊嚴何謂四事所作
不拉突一而不調戲二不為弊惡三

自知而元異意。是為四事復有四
事以智慧而莊嚴何謂四事不自念
有我亦不念有人亦不念有壽亦不
念有命亦不著亦不斷一所作甚尊
一切所有无所不入一切諸法无
所復畏。是為四事復有四事其慧
自致梵天何謂四事以空慈念一切一
教一切人而以加哀。總攬諸法而已
護故。等於一切亦不捨佛。是為四
事復有四事不離於智何謂四事以
四禪而住不動轉於菩薩。以四事
三昧三摩越用漚沲拘舍羅故不生
无色中。自在心所說不離法。遍
至十方盡見諸佛。是為四事復有
四事而自在何謂四事於內而自滅
於外亦自滅。悉曉了諸法如幻。二
以慧為力。不自貢高而得度。是
為四事復有四事深入慧何謂四事
知欲而不斷欲不中道取證。知生死
以漚沲拘舍羅而在中。所見悉知
其政道非政道亦不捨所見。知无
照而親近十二因緣。是為四事復
有四事於羅漢辟支佛一切人以法

而示現不於中有所怖望何謂四事
視諸三昧知若如幻一曉了諸法而
嚴飭二以旬自娛樂所作審諦其心
自知譬若如幻三是為四事復有四
事離生死亦不般泥洹何謂四事念
諸佛故一其心而等哀用溫恕拘
舍羅故二不忘本發心之願是為
四事復有四事而知一切人不離於
法身何謂四事視一切人皆自然諸
人入法身亦自然知一切人而自然
人自然慧自然而不疑一人自然泥
洹自然而得忍四是為四事復有四
事亦不離本於無本而見何謂四事
常念泥洹欲具足佛法其意而遍知
以身現遶迦越羅梵釋於其中現切
德令會者因是法二以身現不肖令
劣者得作功德三其有所來者則施
與以身於尊貴現於極豪而往率化四
是為四事復有四事持想入无想何
謂四事生死无常其心淨一從本已
苦今已慧得二視一切諸法无我三泥
洹寂四是為四事復有四事離諸見
法何謂四事清淨一於慧眼无所不

見二佛眼者悉在前立^三已度諸法
印阿惟顏^四是為四事復有四事自
在次諸疑何謂四事所欲无覆蔽入
諸諦慧^二無所不覆^三不離諸陀隣
尼^四是為四事復有四事而隨習俗
元所著何謂四事盡知世事^一便能
度一切人^二已離憎愛^三以淨於本
無所沾汙^四是為四事復有四事而住
法何謂四事其心自在^一其慧亦自
在^二其智亦自在^三遍恕拘舍羅而
自在^四是為四事復有四事何謂四
事不離怛薩阿竭^一為一切讚歎佛
形容^二教照人令發心為菩薩^三常
念於佛^四是為四事復有四事寂而
知諸法何謂四事以道盡知俗事^一
一切曉了諸慧^二於所聞无有疑而
得法忍^三不念有是无是不隨俗人
有所作為^四是為四事復有四事而
為師无所貪何謂四事為一切人作
因緣^一其心質朴而无諛諂^二捨身
之安而憂他人^三所求慧不用身故
但為一切^四是為四事復有四事為
一切作護何謂四事自捨身而憂他

人一悉捨諸樂以法自樂^二所聞不以
為解^三以法而自長養^四是為四事
復有四事當成輪轉何謂四事速得
施隣尼速得自恣所欲^一而无盡滅^二
自入其心於內曉了諸法^三盡解他
人^四是為四事復有四事乃至阿惟
顏何謂四事已度於生死不離於菩
薩一便得無所從生法樂忍故受生
死用不離法故^二已得阿惟致印^三
已今得怛薩阿竭印^四今到十道地以
到十道地從次第悉曉了是為四事
佛說菩薩四事經時三千大千刹土
六反震動其光明无所不明諸天飛
在其上以億百千種妓樂而娛樂供
養佛雨於天華皆言善哉善哉佛從
無數劫所行今皆聞之其在會者其
聞是法從本已作功德聞已便諷誦
持復為一切人廣說其心未曾忘菩
薩如是輩人所作亦當如佛吾等已
得是利所以者何速聞是法今時諸
天及人八万四千皆發阿耨多羅三
耶三菩提心万二千菩薩皆得无所
從生法樂忍提無離菩薩問佛從怛

薩阿竭般泥洹已後其有聞是經者
諷誦讚供事當得幾法功德佛言當
得八法功德其信无有異於菩薩而
堅住一其身施人於功德而令增益
於一切人其心無所恨住於无極
大哀教照一切以法故學問不厭
足若海不厭衆流欲護諸法以
法功德而自長養雖身而死後還倍
好入諸福功德具足本願為諸佛
所擁護降伏衆魔以離恐懼八菩
薩以是八事佛般泥洹已後便逮得
功德法尔時三千大千刹土地為六
反震動悉平如掌諸山陵海水陂渠
溝坑悉見如地其在水中謂為如故
以百歲枯木諸樹皆生若干種菜其
菜者在佛方面皆傾枝向之其餘好
樹亦復如是地為生道華大如車輪
其色无数其光明悉開辟三千大千
之刹土從下視上了无所見但聞妓
樂其音甚好尔時從冰山香山其香
到是無所不遍其華從是山出乃來
雨佛上遍其地没人踝佛所坐樹其
樹亦出華亦聞妓樂音若如天樂其

佛上便有三十万里珍寶華蓋而覆
蓋座蓋間而有珍寶鈴罔巾其邊悉皆
垂珠從其垂珠間其音聲悉遍三千
大千之刹土舍利弗前長跪問佛是
何本之瑞應乃有是現佛謂舍利弗
有王名曰佉真陀羅從名香山與諸
佉真陀羅无央數千與犍陀羅无央
數千與諸天無央數千而俱來說是
瑞應言適未竟便見佉真陀羅與八
万四千伎人俱來及无央數人其華
從上墮辟若天雨從上悉下與諸俱
來者頭面著地為佛作礼遠佛三而
皆在前住佉真陀羅王便以手持瓊
瑤之琴所以者何是本之願面面各
四万二千伎樂佉真陀羅在其中央
同時鼓琴其聲悉遍三千大千之刹
土諸欲天子所有伎樂應時其音不
與是聲而等所以者何其音悉覆即
令不如諸欲天子諸色天子皆悉到
佛所鼓是音時三千大千之刹土應
時諸樹名大山冰山王摩訶目鄰皆
悉矍矍搖辟若如舞一切佉昂皆向
佛辟若如人之作礼比丘比丘尼優

婆塞優婆塞諸一尊比丘及新發
意菩薩其在會者諸天龍鬼神一切
自於坐皆踊躍崛峨其身而欲起舞
提无離菩薩問尊聲聞已離諸欲恚
得八惟務憚盡見四諦何緣復舞諸
尊聲聞答言吾等不得自在用是琴
聲於坐不能忍其音亦不能制其心
今堅住提无離菩薩問摩訶迦葉言
仁者年尊而知厭足自守如戒為諸
天及人之所敬愛云何不能自制身
舞若如小兒摩訶迦葉言譬若隨藍
風一起時諸樹名大樹而不能自制
所以者何其身不堪化真陀羅王琴
聲譬若如隨藍風起時以是故吾等
而不能自制今乃知上人之所作其
功德不可當諸聲聞之所有今恚為
是音而覆蔽提无離菩薩復謂摩訶
迦葉觀諸阿惟越致所作為聞是琴
聲而无動者其有智人聞是奈何而
不發阿耨多羅三藐三菩提心諸聲
聞之所有威神之力皆恚為琴聲而
所覆蔽是音不能動搖諸摩訶衍
化真陀羅王所有伎樂八万四千音

聲皆悉佛威神之所接亦佻真陀羅
本願福之所致諸所音樂聲莫不聞
其聲皆言諸法等而悉脫下中上悉
淨而亦空無有異一切諸人計无有
人已過去當來今現在亦尔但聞其
音了無所有其法者一切人聲亦復
如是一切剎等剎所已故等而无剎
故二其明無所有等而稱其剎者无
有生者亦无長大者是故空无有識
而自然諸所有无所有是自然三亦
不可得外行亦不可得內行其慧而
本異法而字法亦无所有其名亦尔四
其知名色无所有其行無著已過去
安无有極五已從聞法本盡壞无所
有亦无所至亦无所住六其所計但
有字但字盡知字法而等不校別七
心所持等持故无所有其本轉而不
相知心所思亦無所生其知是慧便
入法八其根根已等斷前與後法這
等其知等於三世其慧便入无央數九
凡人為色名之所繫是者凡之所作
從本至本從生至老无有已已知因
緣不復滅其言有我是與本而

反^十我所住等无所住諸法亦无所住其知住无所住是為歡喜聞信^{十一}辟若雨而有電是上之自然一切諸法我故曰自然^{十二}我與人自然空已知是者便入陀隣尼印諸所脫門戶而悉知相等相故^{十三}無有相法者无有空故無怖望用字故故與法別便有上中下^{十四}其字者不自知而別用不可見故其心已本來故而有本者續故已知諸法无所有已為斷本際故^{十五}已斷本際為一切而有行已知本際等是則為慈哀^{十六}已淨於慈便等於苦樂亦不喜亦不憂所已者是為上人已入本故法學者寂而寂若說若不說无所增減法者所以故寂而无怖望^{十七}空中之聲而不可獲但可聞無所說若所說若所聞皆不誠聞是音時八千菩薩悉得无所從生法樂忍提无離菩薩問佛是歎聲從所出佛語若問他真陀羅王悉自為若說之應時受言便問他真陀羅是歎聲所從出則答言從一切人聲從彼出復問一切人聲從所出從空出提无離

菩薩則言他真陀羅一切人聲不從
意出他真陀羅復問提无離菩薩是
聲當從身出為從心出提無離言亦
不從身出亦不從心出何以故其身
不常住故譬若草不常生若牆壁不
常而住會有僻時其心无有形亦不
可見亦不可聞亦不可聽譬若如幻
化真陀羅復問提无離若无身无
心是聲何從得出則答言一切從念
自然而有聲如仁說聲從念便有今
我歎聲因空而出所以故諸聲不離
空故他真陀羅則言如仁欲知聲者
皆因空自然有聲但聞音而不可見
即時滅其滅者亦空故曰自然諸法
所以等者如空等故其有所說无所
說亦等所以者空等故一切諸法但
可聞不可見其所聞法於聞不見其
法如法聲不見是聲亦於法不現諸
法不可覺所以聞者已遍想拘舍羅故
而可聞則亦无所聞已遍想拘舍羅知
便於法無所怖望无所怖望者是固
要是固力不復羸便堅彊无有能斷
无有能斷者无有生无有生者无所

屬無所屬者便已輕已輕者便淨潔已
淨者便無垢已无法甚明甚朗甚明
者是心本心本者為過其過者知過
已已過者便无有想已過諸想其處
轉上轉上者是菩薩忍已得忍者无
所不忍亦忍空亦忍人何以故空亦
不離人何所是空人則空忍於无想
忍於有想所以故想者自然而无想
亦忍無願亦忍有願所以故其願想
自然无有願本諸法泥洹亦復忍於
生死所以故生死者譬若如夢菩薩
得忍者不疑有無持一計而盡知一
切人用得忍故知一切諸法亦无所
至亦无所來知諸法悉住已住於法
者知一切人亦住已入是法者是為
無所從生法樂忍但有音聲其法忍
者亦无所語無可說其本者亦復不可
說佛者甚尊不可說法而令人得了
提無離菩薩白佛快哉化真陀羅所
說微妙曉了知深法而得忍能有一
一尊所有所入忍而甚深問佛是王
所作功德已更幾佛其所欲自恣乃
尔佛語提无離菩薩可知洹河邊沙

一沙為一佛土盡索滿中星宿是數
可知化真陀羅所供事佛其數不可
計提无離菩薩問化真陀羅所供事
佛甚多乃尔合會功德甚大魏魏何
緣不疾成佛化真陀羅則言菩薩用
十事无有厭足何謂為十供事恒薩
阿竭而無厭足一所作功德亦无厭
足二學問法亦不厭足三四禪五旬
知亦不厭足四視諸法亦不厭足五
欲廣說法亦不厭足六欲教一切人
亦不厭足七常欲護法亦不厭足八
欲具足諸波羅蜜亦不厭足九欲感
動化道勸助亦不厭足十是菩薩十不
厭足化真陀羅問佛問菩薩摩訶薩
有三昧名曰寶如來其得是三昧者
悉具足諸寶其問者所說法而自在
佛言諦聽所說化真陀羅言受教惟
願聞之佛言菩薩不盡佛及法比丘
僧用是三事發心便有八十法寶何
謂八十其心不忘薩芸若是則為寶
其心不捨信是則為寶其心習諸
功德不憊是則為寶其心堅其願
不捨是則為寶其心所有施與无

所愛惜而復增益是則為寶^五其心

所作但念菩薩是則為寶^六其心莊

嚴身不犯身三事是則為寶^七其心

淨者其語无惡是則為寶^八其心莊

嚴心不念惡是則為寶^九其心已戒

莊嚴加身不欲不念人惡是則為寶^十

其心無所罣碍等一切人是則為寶^{十一}

其心已忍辱為莊嚴忍一切諸惡是

則為寶^{十二}其心不愛惜身壽命用菩

薩故是則為寶^{十三}其心無所憎愛亦

不搖動是則為寶^{十四}其心堅固精進

而不懈怠是則為寶^{十五}其心所作皆

欲成是則為寶^{十六}其心所念意行直

所作不忘欲具足菩薩事是則為寶^{十七}

其心禪三昧三摩越已發是所作

便自在是則為寶^{十八}其心求法欲合

會諸智是則為寶^{十九}其心所聞法而

習誦便有精進是則為寶^{二十}其心所

說法无所怖望度諸求故是則為寶^{二十一}

其心於法无有虛偽是則為寶^{二十二}其

心念正道所作如事是則為寶^{二十三}其

心所聞所作如所聞用審故是則為

寶^{二十四}其心具足智慧已不隨他人教

是則為實^五其心已元極忘而自護
是則為實^六其心為無極哀謂等一
切故是則為實^六其心元極護已法
自娛樂是則為實^八其心已元極等
觀視諸法是則為實^九其心於生死
不以為勤苦已入功德故是則為實
^三其心欲教一切人多念於人不
自念是則為實^一其心不乏已法分
與人令得而學是則為實^二其心以
大智无所不曉有神足无所不感動
是則為實^三其心而親近迦羅蜜元
所聞而學問是則為實^四其心遠離
惡師而習功德是則為實^五其心等
一切因是習元有二心是則為實^六
其心知生死是則為病便入一切人
意是則為實^七其心為一切作藥而
愈諸病是則為實^八其心不輕易无
智者用法尊故是則為實^九其心不
自貢高而忍一切是則為實^十其心
不諛諂是則為實^一其心所聞法不
忘於法住故是則為實^二其心盡護
諸法用念報諸佛恩故是則為實^三其
心欲報恩用堅固厚故是則為實^四

其心若有侵者而不念報是則為寶

其心樂於山間欲守法淨故是則為

寶其心常欲捨家欲作沙門至於

正道故是則為寶其心於道而自

趣足自制而護惡是則為寶其心

知足令人各歡喜是則為寶其心

於世事知足者是為不厭足於法是

則為寶其心自護不與衆鬬從事

是則為寶其心不厭足諸功德用

諸相具諸種好是則為寶其心不

厭足於智慧欲決一切人疑故是則

為寶其心常念佛不離佛故是則為

寶其心常念法所說不離法故是

則為寶其心常念僧便至阿惟越

致僧故是則為寶其心常念戒不

動離苦惱是則為寶其心常念施

不貪身故是則為寶其心常念天

上便入一生補處是則為寶其心盡

知本宗曉諸所有是則為寶其心

知法不壞法身故是則為寶其心

所作知如事盡知一切人之所語是

則為寶其心知自在飽滿一切人

是則為寶其心得陀隣尼所聞法

無所忘是則為寶^四其心知本法諸
所有自然悉曉了是則為寶^五其心
護慧知其識如幻是則為寶^六其心
學審諦從是而得脫不壞所作是則
為寶^七其心護法欲知人自然是則
為寶^八其心知无常苦生死於三界
無所著是則為寶^九其心視諸法无
有我用无人故是則為寶^十其心入
泥洹從本本寂復寂是則為寶^{十一}其
心知空无相无願已度於脫近泥洹
門是則為寶^{十二}其心无有生无有生
無所壞无所滅其脫是者得忍是則
為寶^{十三}其心知若幻如夢如野馬如
山中響如水中影已堅固无所怖望
是則為寶^{十四}其心喜知十二因緣已
去著斷之事是則為寶^{十五}其心所見
悉曉而不求不墮二是則為寶^{十六}其
心不入二事以一事悉知法是則為
寶^{十七}其心具足諸行而不轉還度於
諸色名是則為寶^{十八}其心稍近已具
法故是則為寶^{十九}其心合聚三十七品
用度諸法故是則為寶^{二十}佛語化真
隨羅已習是八十事而具足便得寶

如來三昧已逮是三昧者於道寶於
欲寶无所住何謂欲寶何謂道寶欲
寶者諸天及人人中之尊釋梵四天
王遮迦越羅若尊者諸侯其一豪
姓者於天上天下各自有尊已得者
則不如驕自於是中悅心為菩薩而
欲得之是名曰欲寶道寶者以法度
俗何所法而度俗者則道法何以故
欲之所作皆因慧慧者則象道之法
譬如衆流皆歸於大海須弥者諸山
中尊月者衆星中大明日者明於衆
實若師子諸獸中之猛如王於衆而
為上如釋於刹利而為尊梵者於衆
梵而獨高以是慧尊於諸法故曰智
慧王所以其欲度者因是而得度用
安隱道故若冥持炬火而得明其作
甚猛降伏衆魔作醫王調和諸藥作
師曉知諸事若持弓弭箭在所射其
箭無所不入若力士持兵有所擊應
時无有金命者持是智慧擊於愚冥
无有不盡者所以者何用去垢故其
心而等無有異亦不與入有所諍亦
無有能害者與人无有恨所作有究

竟故其慧而忠實故能有所成作至誠是為止意一切平等是為斷因緣是神足合會諸功德是則為根所作
在後是則為力於元智而為智是則為覺觀人道徑者是則為道已寂而寂向觀而觀於冥欲作明冥去是則為明是明之自然故元有垢故能淨
餘脫於欲故能脫餘欲不可見已度諸界故元有諸界內已寂已過諸空
用入空故已離諸所見是則元想无所求寂是則無願想已度三界已相
無有相是為相其相與空等故所以者何以无求故是則為布施已度是
我所非我所无希望是則為戒我无所住是則為忍無所持无所捨是則
為精進无所增減是則為禪不可知處所是則為慧其所入一切皆慧之
所入與漚沤相舍羅而相得故譬若如夢已無我為莊嚴所作皆功德已
離无所住佛語化真陀羅是則慧寶菩薩已具足是者便速寶如來三昧譬
若大海悉含受眾流及寶其名寶悉從中生若菩薩得是三昧者便含受一切

人是為合集諸法故是者衆寶之明
是者衆寶之本以是故三寶衆不知
盡提無離菩薩問佛化真陀羅王已
逮得是三昧不佛言自從化真陀羅
而問為而發遣提无離則問仁者已
得是三昧化真陀羅報言是三昧不
作是住念當得我者不得我者是三
昧無有能得者是三昧亦无有色而
不可知痛痒思想生死識亦不可知是
三昧不可已色見亦不可聽聞亦无
所生相亦无所盡相亦无所有相而
可相相亦不可觀亦不可視其言
我能視我能觀不為三昧何以故有因
緣想故三昧者無有因緣想三昧者
等諸法故已等諸法我亦如是一切
人等人何以故等一切空故三昧者
空相一切人無有想无有想是三昧
相一切人無有願无有願是三昧相
一切人悉淨悉淨是三昧相一切人
无有我無有我是三昧相亦不可得
身亦不可得細滑亦不可得心其有
說我知法我見法是皆不可得所以故
不可從怖望得提无離菩薩白佛見

化真陀羅所被服從姝女及妓樂謂
已姪妹不知所入法甚深微妙所說
自恣如法佛言菩薩已入深慧曉了
遍想拘舍羅其道地如是无所不作
化真陀羅所持琴而鼓之其音莫不
而聞故七十億真陀羅三十億捷陀
羅自隨者八万四千夫人悉發阿耨多
羅三藐三菩提心菩薩以是慧遍想
拘舍羅便致名及美人而在尊位用
不可數人故為作本如人作火不益
薪知令滅不久菩薩而獨住者不能
為人作本以與人共乃能益人其欲
作大火者當益其薪故能大明菩薩
以人為薪乃能成大之光明佛言菩
薩所受人多各各得本提无離問佛
化真陀羅何以故能持伎樂音而令
人發阿耨多羅三藐三菩提心佛言
化真陀羅捷陀羅者生樂於伎樂便
以伎樂而樂之各得歡喜知得歡喜
便令聞佛音聞法音聞僧音讚歎菩
薩快其德極尊當以心習薩若若但
聞布施持戒忍辱精進一心智慧音
悲哀護等意止意斷神足根力覺道
向觀禪惟務三昧三摩越皆聞是音

無常苦无我寂亦復聞是音空无想
不願无生無所生無生死亦聞是音
復聞菩薩藏陀隣尼金剛行三昧淨
水諸法王印海印三昧入一切諸法
自恣諸法三昧莊嚴三昧寶如來三
昧寶自然三昧知禪三昧歡喜三昧
令地悉作蓮華三昧蓮華尊三昧无所
不遍入三昧法池三昧其意若特三
昧大雷明三昧師子明三昧日明三
昧无央數因三昧已入本三昧金剛
署三昧金剛幢幡三昧若金剛三昧
金剛濟三昧如地三昧若須弥三昧
若須弥住三昧明華三昧其心自恣三
昧知一切人三昧一切所行其地因
是三昧甚深全三昧無央數說法三
昧闇冥三昧知一切人心行三昧所
樂三昧生句三昧降伏魔三昧現諸
色三昧各入其音三昧悉知一切人
身三昧法行三昧慧地首三昧地首
三昧見諦所有三昧解諸縛三昧悉
入諸因緣三昧
佛說化直陀羅經卷上

癸卯歲高麗國大藏都監奉
勅彫造

佛說化真陀羅所問如來三昧經卷中 塲音

後漢月氏三歲支婁迦識譯

佛言其化真陀羅妓樂音聲如是用
是音故令人發菩薩心是者其德甚
厚佛說化真陀羅功德尔時其在會
者衣械上皆化自有華皆起持是華
散化真陀羅上則時化真陀羅以右
肩悉受華其華不墮地便持是華供
養散佛上其華於佛上便化作珍寶
華蓋覆蔽千佛刹其華蓋者一一處
懸億百千珠寶其一珠光明出億百
光明一一明者有一蓮華其色若干
其香甚香其一蓮華上有坐佛如
釋迦文皆言善哉善哉仁者化真陀
羅所化人甚多皆發阿耨多羅三藐
三菩提心是菩薩之所作已度界已
界亦現過於生死復見如故住於泥
洹三界而行用一切人故化真陀羅
念諸坐佛欲持寶華蓋遍覆其上應
時坐三昧其三昧名嚴蓋則時諸坐
佛上皆有華蓋及諸菩薩比丘僧其
會者各各有華蓋以手擁蓋扞諸菩

薩比丘僧會者皆持華蓋供養上諸佛
化真陀羅復念欲請佛及諸化佛及
菩薩比丘僧到香山自是其所居處
欲令宮室及諸天神一切聞說法時
皆得安隱令悉見供養佛可已為本
因是便可得福化真陀羅便從坐起
已頭面著地為佛作禮白佛惟怛薩
阿竭及菩薩諸比丘僧到香山就其
請處欲以飲食供養七日令一切人
得增益功德佛即時默聲已受請故
化真陀羅則時歡喜使已所從中宮
八万四千人皆鼓琴作伎樂供養佛
作札而去還歸香山莊嚴宮舍縱廣
三万里令受佛及俱來者其地牆壁
紺琉璃色以天金分布其間无央數寶以
雜廁其中悉具諸牀座其足者悉名寶
以天繒為統綖為佛作座而高二千
三百里相持珍寶而莊嚴之周匝欄
楯皆以衆寶皆懸繒幡蓋燒名殊香
上有帳幔悉覆其上以天華散遍其
地近佛座處而有四樹皆寶化真陀
羅自呼官屬及中宮便言佛者難值
譬若華優曇鉢今已得之當好供養

各棄諛諂嫉妬及貪其乱者當正心
當至心供事皆當具華名殊絕好當
以奉上名香及栴檀於香山而熏之
今所當事是一切之尊所作效樂調
和其音當令悲好其他真陀羅所樂
者當作是供人中之人華蓋繒幡及天
衣殊好軟者其色無數當用是而奉
上佛者難值其供事佛者後生天上
作四天釋梵其作是者便至此得其
色端正命則長壽所生甚尊便得自
在其貌無葷所聞則得其供佛者便
得此德若天上世間常得安隱其
欲得是身常得休息是皆供佛所致
其欲得辟支佛聲聞菩薩道為作是
者便能降伏衆魔化真陀羅為諸官
屬中宮說是受其教具諸華香調作
百味之食便住香山之南與諸妓樂
俱皆令而作鼓諸琴瑟所作已辦願
及用時其音皆雅悅心一切欲令安
隱莫不歡喜其貌常淨笑對一切其
尊无盖諸天阿須倫莫不供事惟願
用時屈神到是一搃持十種力其力
常勝莫能當者降伏外道蓋於一切其

意已淨棄於衆垢惟願用時勞於尊神^二其身不受一切之塵其功德不可勝數其意甚尊无有極所生甚豪行步莫能與及逮之者三道之惡已永無有所行无行已忘捨行其有見者莫不歡樂^三其明過於日月星辰及釋梵之明而不敢當其明過於三界之上其明見者若在冥中見於燈火莫不歡喜諸所有明皆忘為蔽其明无所不明諸天龍所有效樂不從其樂而可得脫日益垢濁其聞佛音莫不得脫其垢便除十方諸醫不能除人心之垢佛則是醫所語聞者心垢則除便得安隱佛者實尊尊中之尊莫能與等者所語忘淨无有異諸所有惡莫不為伏惟願用時勞其尊神本已布施而行今已住於布施當以法而施與本已行淨戒自致得安隱伏意而忍辱得成惟願用時勞於尊神住於精進已禪旬而自娛樂其心意已住以智慧光明而見心常而歡悅惟願用時勞屈尊神其心慈哀等於一切已受過諸限其功德過於梵已

佛故而得住惟願用時勞屈尊神則

時佛告諸比丘僧各令護鉢當就其

請盡七日及護寺者提无離菩薩自

念欲作交露車縱廣四百里其中悉

有蓮華欲令佛及諸菩薩比丘僧各

各坐一一蓮華之上到香山則時三

昧應時便有如所念自佛今有交露車

願就之佛便坐蓮華上其座高四大

九尺諸菩薩及比丘僧各各坐蓮華

之上如所言所以者何惟加哀我各

坐已竟則時以右手自以神足而擎

舉之諸欲天子諸色天子見提无離

菩薩所作威神變化乃余各以其妓

樂華香而供養隨到香山化真陀羅

遙見佛在交露中坐來見已便令八

万四千真陀羅捷陀羅皆持華香而

鼓琴瑟作其唱樂而趣前迎佛便相

將入宮到其處所佛就其座諸菩薩

比丘僧各各悉坐化真陀羅語釋梵

四天王今具已辦各各布之中宮一

切各持飲食而悉供養飲食已竟行

澡水訖化真陀羅以机坐佛前聽佛

說經

佛語提無離菩薩菩薩奉行檀波羅
蜜凡有三十二事清淨行之何謂三
十二事一者菩薩布施欲求佛發心
為本二者菩薩布施當離羅漢辟支
佛道三者菩薩布施念欲度脫十方
人民四者菩薩布施與人心不悔五
者菩薩布施與人視之如佛六者菩
薩布施與人心无慳貪七者菩薩布
施與人心不乱歡喜與之八者菩薩
布施與人手自斟酌九者菩薩布施
與人意廣不殆十者菩薩布施與人
不求欲有所生十一者菩薩布施與
人不從中有所怖望十二者菩薩布
施與人有所置隨佛經教十三者
菩薩布施與人樂佛經故十四者菩
薩布施與人欲求佛道故十五者菩
薩布施與人不貢高十六者菩薩
布施與人欲勸勉教人故十七者菩
薩布施與人欲度脫人民十八者菩
薩布施與人欲持經法教人民故十
九者菩薩布施與人隨佛教故二十
者菩薩布施與人欲降伏魔官属故
二十一者菩薩布施與人欲求成就

得佛故二十二者菩薩布施與人欲
求為人中雄猛故二十三者菩薩布
施與人欲開塞餓鬼道故二十四者
菩薩布施與人欲使後世習布施故
二十五者菩薩布施與人後世欲得
豪貴富樂故二十六者菩薩布施與
人世世得菩薩道故二十七者菩薩
布施與人常欲與善師相隨故二十
八者菩薩布施與人欲使世世和顏
向十方人故二十九者菩薩布施與
人欲成佛道之本故三十者菩薩布
施與人欲成就菩薩故三十一者
菩薩布施與人欲得三十二相八十
種好故三十二者菩薩布施與人欲
成境界莊嚴欲向佛入諸經法故是
為菩薩清淨布施三十二事菩薩行
檀波羅蜜如是

菩薩清淨行尸波羅蜜凡有三十二
事何謂三十二一者菩薩身所行常
清淨是為持戒二者菩薩離慳貪瞋
恚愚癡口所言淨潔是為持戒三者
菩薩心作明慧不欺於佛是為持戒
四者菩薩不隨外道奉行十事是為

持戒五者菩薩生天上世間常不離
佛道是為持戒六者菩薩離羅漢辟
支佛心去調戲是為持戒七者菩薩
遠離諛諂入佛智慧是為持戒八者
菩薩多學智慧心為第一是為持戒
九者菩薩極大慈哀向於十方是為
持戒十者菩薩遍護十方人悉具足
是為持戒十一者菩薩未嘗犯禁離
於慙愧是為持戒十二者菩薩不毀
毀所行身常畏慎是為持戒十三者
菩薩不中道犯行違戾本心是為持
戒十四者菩薩自守不犯衆惡是為
持戒十五者菩薩隨明人之教度脫
惡道是為持戒十六者菩薩持戒生
天之本是為持戒十七者菩薩悉欲
具足隨佛智慧是為持戒十八者菩
薩常堅持戒不犯佛教是為持戒十
九者菩薩不自貢高輕侮他人常自制
止是為持戒少十九法諸嚴並闕二十者菩薩能自制
心不隨愛欲是為持戒二十一者菩薩
持戒不失得佛諸經是為持戒二十
二者菩薩持戒有信勸助樂不欺是
為持戒二十三

者菩薩不犯慳貪是為

持戒二十四者菩薩持戒堅住隨法
教化是為持戒二十五者菩薩棄捐
財富常欲作沙門是為持戒二十六
者菩薩習樂於空閑之處樂於經法
是為持戒二十七者菩薩不貪飲食
衣被欲入道故是為持戒二十八者
菩薩斷截諸惡成諸功德是為持戒
二十九者菩薩暴露專精遠離姓
族守功行德是為持戒三十者菩薩
入深法行无所附著是為持戒三十
一者菩薩隨次第法行十二因緣是
為持戒三十二者菩薩不隨諸外道
遠離四顛倒是為持戒是為菩薩清
淨持戒三十二事菩薩行尸波羅蜜
如是

菩薩清淨行羼提波羅蜜凡有三十
二事何謂三十二事一者菩薩不貪
身是為忍辱二者菩薩不惜壽命是
為忍辱三者菩薩不持瞋恚意向人
是為忍辱四者菩薩人有罵詈毀辱
恚受是為忍辱五者菩薩若見疲病
羸劣當哀傷之是為忍辱六者菩薩
不輕易元教之人是為忍辱七者菩

薩雖自豪尊為人所易是為忍辱八
者菩薩為人所剝割不瞋不忍是為
忍辱九者菩薩無瞋恚恨意於人是
為忍辱十者菩薩為人所敗令就小
道心不迴轉是為忍辱十一者菩薩
樂信佛道其心不慙是為忍辱十二
者菩薩心不動亂清淨而住是為忍
辱十三者菩薩未嘗持瞋恚向人是
為忍辱十四者菩薩護他人令不
得起是為忍辱十五者菩薩常以柔
軟之心向人是為忍辱十六者菩薩
常持慈哀之心向人是為忍辱十七
者菩薩不恃自貢高之心向人是為
忍辱十八者菩薩為十方天下人下
屈是為忍辱十九者菩薩不持忿行
向人是為忍辱二十者菩薩自守无
所犯負是為忍辱二十一者菩薩常
自割心令意不起是為忍辱二十二
者菩薩自有過失能自悔責是為忍
辱二十三者菩薩不持他人長短是
為忍辱二十四者菩薩常樂念佛道
是為忍辱二十五者菩薩常樂解於
經法是為忍辱二十六者菩薩常愛

樂十方人民是為忍辱二十七者菩薩常欲施與十方人民是為忍辱二十八者菩薩常持和心向人是為忍辱二十九者菩薩常憇勞來於人是為忍辱三十者菩薩常隨經法不中斷絕是為忍辱三十一者菩薩聞有三治不恐不怖是為忍辱三十二者菩薩無所從生樂喜智慧是為忍辱是為菩薩清淨忍辱三十二事菩薩行羣提波羅蜜如是

菩薩清淨行精進波羅蜜凡有三十
二事何謂三十二事一者不斷佛道
是為精進二者不斷經法是為精進
三者不斷比丘僧是為精進四者度
不可計人是為精進五者受不可復
計死生心不殆是為精進六者當供
養无央數佛無厭極是為精進七者
當作不可復計功德是為精進八者
當學不可復計經卷是為精進九者
悉當教十方天下人是為精進十者成
就十方天下人皆使得佛道是為精
進十一者當為十方天下人給所當
得悉當從與之是為精進十二者自

身所有好物持施與人是為精進十
三者諸禁戒恚當護持是為精進十
四者忍辱之力恚當柔弱是為精進
十五者諸禪三昧恚當具足是為精
進十六者諸智慧恚令具足是為精
進十七者諸佛境界所行功德自莊
嚴作佛時境界是為精進十八者欲
求極大力是為精進十九者恚降諸
魔及官屬是為精進二十者持佛經
法恚降伏餘外道是為精進二十一
者十種力四无所畏諸佛經法恚欲
得具足是為精進二十二者莊嚴身
口心是為精進二十三未嘗懈怠
休倦是為精進二十四者所作為事
恚當究竟是為精進二十五者心常
當猛健是為精進二十六者恚棄捐
諸愛欲是為精進二十七者諸未度
者恚當度之諸未聞經者恚當使聞
之諸未般泥洹者皆令當得般泥洹
是為精進二十八者一一相者輒有
百福功德恚當具足是為精進二十
九者諸佛經法恚當護之是為精進
三十者不可復計諸佛境界我恚常

知是為精進三十一者世世常當見
無央數佛是為精進三十二者遠離
從精進出生遠離身心无形亦無所
住亦無所出亦无所入亦無所生是
為无所生樂住是為菩薩清淨行精
進波羅蜜如是

菩薩清淨行禪波羅蜜凡有三十二
事何謂三十二事一者所念无所犯
是為淨二者所持不缺是為淨三者
所分別不忘是為淨四者去離調戲
是為淨五者自守知足是為淨六者
心不邪念是為淨七者勸人作功德
持用索佛是為淨八者不犯六事是
為淨九者適无所著是為淨十者自
觀内外是為淨十一者志具五句是
為淨十二者心常柔軟是為淨十三
者不著於身是為淨十四者內行定
是為淨十五者向入佛道是為淨十
六者遠離於惡人是為淨十七者智
慧明所入是為淨十八者志入所因
功德是為淨十九者志令經法本樂
是為淨二十者隨次第入行是為淨
二十一者智慧恩不轉是為淨二十

二者溫想拘舍羅所成就是為淨二十三者志欲具足佛事是為淨二十四者志哀苦人是為淨二十五者不與羅漢辟支佛從事是為淨二十六者稍稍樂入深智慧具足是為淨二十七者所作功德不厭是為淨二十八者一切人本无有人信是事是為淨二十九者志得佛三昧不乱是為淨三十者志入十方天下人所念事悉見是為淨三十一者志知十方天下人身事是為淨三十二者辟如醫王志愈人病菩薩持經法志愈十方天下人生死老病是為淨菩薩行禪波羅蜜清淨如是

菩薩行般若波羅蜜凡有三十二事何謂三十二事一者欲得佛諸經法无厭時是為高明二者隨次念諸經法是為高明三者智慧解點是為高明四者所因法不滅智慧是為高明五者入點守解五陰是為高明六者以點慧承經法解於本端是為高明七者阿伊檀拘舍羅持智慧解是為高明八者十二因緣拘舍羅稍稍覺知是為高明九者

四諦拘舍羅志知是滅是為高明十
者稍稍入慧拘舍羅制不隨泥洹是
為高明十一者內觀皆志曉知是為
高明十二者故受化生死當志曉知是
為高明十三者諸經法无所從生志
當曉知是為高明十四者一切人本
端無形本自淨隨世間習俗而入度
十方人是為高明十五者一切法為
一法耳本端者泥洹也是為高明十
六者一切境界為一境界耳何以故
本自空故是為高明十七者一切佛
為一佛耳何以故法身所入不可計
故是為高明十八者一切事不志見
說何以故各各有字拘舍羅志當知
是為高明十九者无所罣尋護智慧
不可計十方天下人來問志能報是
為高明二十者志得諸經法未嘗有
忘用得陀隣尼故是為高明二十一
者志覺諸魔事覺者當即遠離是為
高明二十二者一切法如幻譬如人
假著籠軀須臾脫去一切无所亦
如是是為高明二十三如夢中所
見及水中影深山音響一切法皆如

是是為高明二十四者一切法皆空
本无所從來故是為高明二十五者
十方天下人心所念智慧志至志知
其本是為高明二十六者持漚沲拘
舍羅威神之力入泥洹後復來出現
生死是為高明二十七者空無想
无願一切法隨教志見度脫是為高
明二十八者本端定無定无所見一
切法志了其本何以故一切法無所持
无所著是為高明二十九者志得明
無有癡冥志得智慧光焰為十方天
下人說經法志度脫是為高明三十
者一切生死本无所從來去亦無所
至志曉知隨習俗入而為十方人說
法更生更死亦現如是是為高明三
十一者四事不護智慧志至遍皆志
知是為高明三十二者為十方人說
經法從次第隨人所喜樂為說之當
自制心自護智慧志具足成就諸佛
志遙見是高才為菩薩持佛威神為
志擁護是般若波羅蜜三十二事清
淨如是

菩薩漚沲拘舍羅所行有三十二事

何謂三十二事一者教十方天下人
自護身二者福多者亦不於中住福
少者亦不於中住三者教十方天下
人民索菩薩道者當教不索菩薩道
者不教念視如師无異四者常欲多
珍寶財物施與衆人五者常樂求羅
耶多教於人六者示現母人身欲多
教母人七者示現年少教化小兒八
者示現若干種人用哀世間人故九
者世間有狂亂者亦現狂身安隱度
之十者若有亂心煩憤隨其煩憤為
說經道十一者隨十方人所喜持法
往度之十二者持禁戒百歲若干歲
若有人所欲喜捨戒往教度之十三
者隨人所好喜被服諸音伎樂持施
與之人得莫不歡喜因持經法往教
之十四者頭隨沙門各異志行隨其
法行往教之十五者尼捷波和及餘
外道隨其種類而入教之引著佛道
由十六者於諸姪女人中示現端正化
姪女人獨尊悉教諸姪女人令不姪
及復化作男子稍稍內佛道中十七
者若大會作諸音樂時有觀者聽音

樂之聲一切人大歡喜持諸音樂聲
說經法其有聞者莫不得度十八者
世間工師伎道化身悉入其中教化
令為佛道十九者示現般遮旬世間
有貧窮羸劣者指示地中伏藏財物
施與貧窮人竟為說經法皆令發意
二十者世間有死喪號哭愁毒者亦
復化現威神亦復愁毒化教愁毒人
令為經道二十一者世間亡財物苦
薩化示伏藏財物教令為道二十二
者若有隼王若有傍臣若有迦羅越
儻有元子愁毒者便化入腹中作
子各為父母家室說經令得度脫二
十三者於賈人中取尊貴中道資糧
乏絕便現威神給與伴人漿水飲食
令飽滿以為說經道二十四者若有
人墮地生盲若百人若千人若萬人
亦復持威神現盲人悉復給示與衣
被飲食所當得悉使盲人得眼視莫
不歡喜如是稍稍為說經法皆使發
意求佛道二十五者於大城中若有
見囚徒拘繫牢獄亦復化現作囚徒
亦復各各在其中持威神之力悉使

繫者得洗沐衣被飲食志為說經皆令發意索佛二十六者若有死罪將詣城外菩薩便持威神之力隨其人數以化人補其處將人持去其人得脫大歡大喜便飲食令飽與衣被為說經道其人得脫喜樂皆發意求佛道二十七者若有聞諍變訟若諍錢財若諍田宅菩薩於中央兩分和解若有不足持錢財義為和解給足與却後為說經道令發意索佛道二十八者遍起拘舍羅菩薩常端正示現於人作醜惡二十九者現身作可憐沙門教人轉復作白衣行教人三十者菩薩行遍起拘舍羅遠離在外餘道隨其披服言語於其衆中誹謗佛誹謗法誹謗比丘僧稍稍持經法教化引著佛道中三十一者稍稍教人般泥洹亦復隨之般泥洹即復化出異方現三十二者行遍起拘舍羅菩薩自在所喜而化現若化出作羅漢若復化出作辟支佛若復現作菩薩若復化現作佛是為遍起拘舍羅三十二事清淨如是佛說般若波羅蜜時化真陀羅及

眷屬及諸天龍閼叉捷陀羅九万三千人志發阿耨多羅三藐三菩提心與佛俱來者八千菩薩志得无所從生法樂忍化真陀羅王得明慧三昧聞佛所說歡喜踊躍則以天繒貢上於佛是間不能平其價數則時化真陀羅宮室八千人以千葉華蓋以貢上佛佛以威神令華蓋志在虛空置佛頭上合為一華蓋縱廣四千里化真陀羅子及諸夫人見是威神變化志發阿耨多羅三藐三菩提心皆對佛惟但薩阿竭教照吾等令成阿耨多羅三藐三菩提作是言時佛則離地百四十丈坐於虛空從身放光明照三千大千之刹土化真陀羅摩休勒諸所有眷屬及諸欲天子諸色天子所有唱伎樂不鼓而自鳴於香華之山諸華果樹志作琴聲其音甚好佛舉身毛一一毛皆放光明有蓮華一一蓮華有菩薩坐皆有三十二相用佛威神故諸伎樂聲但聞說經皆作難經之音如人所疑諸蓮華上坐菩薩皆發遣難經之問決諸狐疑

諸音而作聲云何發菩薩心行而下
忘自致坐於佛樹一菩薩報言其心
歡於一切便有无極大慈以是之故
不忘二其音復作問其意云何所因
云何云何已無極大慈而生三菩薩
報言其意不諂所因如慧无極大慈
者致於泥洹四其音復問所施與云
何已與云何從而不悔所作云何不
求有所生云何作菩薩願五菩薩報
言所有物而不愛惜既與便无有悔
意常念菩薩道故不求有所生處六
其音復問所作淨戒云何於戒而不
自貢高云何教失戒者何從自致至
摩訶衍七菩薩報言其有善心便有
淨戒知一切法空故不貢高作无極大
慈故能教失戒者八其音復問若有
罵詈搗搗欲煞者當云何有忍辱其
意云何不起而有悅九菩薩報言當
念我作佛時為一切人作醫王其病
者我當愈之以是故能忍辱其有罵
詈搗搗欲煞者其意不起而有悅十
其音復問精進云何而有究云何不
治成菩薩行十一菩薩報言精進者用

法故欲護一切故而有究曉了空事
故不殆^{十二}諸音復問其意當云何而
令備足其心如深入云何於禪而自
知無所希望^{十三}菩薩報言其心不迷故
能備足其心不誚故如深入用遍^{十四}
拘舍羅故能禪以是故无所希望^{十五}
諸音復問云何得智慧所見而直行
云何具法慧業當云何而決疑^{十六}菩
薩報言意學問者增於智慧曉知十
二因緣故能直行意以法施與拔決
諸疑曉知其本^{十七}諸音復問云何而
多智能自致是以聞云何而教人而
自致得尊^{十八}菩薩報言常謙損故多
智所聞如作乃能致是以法施无所
怖望故能至尊^{十九}諸音復問其慈言
而云何乃至无極之大哀云何具護
等云何得至梵天^{二十}菩薩報言其等
心是則慈不厭極是則護因是其心
歡喜悅故能至梵天^{二十一}諸音復問云
何菩薩能見佛見已云何而歡喜云何
聞法而不疑^{二十二}菩薩報言其心常念
佛故能致得見聞法其心而淨潔故
能无疑^{二十三}諸音復問云何功德而可

集云何其慧而可合云何向觀而可

知如是之事云何求三菩薩報言於

功德無厭足是故集學問无有厭故

能致其慧其心不乱无所念是故為

向觀四諸音復問臧者云何其處云

何其行云何所緣五菩薩報言臧者

空无所有其處者波羅塞四禪是其

行所緣度一切六諸音復問何謂魔

事何謂佛事云何所作至菩薩七菩

薩報言无有膽而怯弱是故為魔事

隨摩訶衍心是故佛事忘捨衆惡故

致菩薩八諸音復問云何當親近於

迦羅塞漢云善友云何離於惡師云何而等

住云何而捨九菩薩報言其教導菩

薩道是則為迦羅塞令離菩薩心是

則為惡師所作而自知是故為等住

捨外道諸邪是則為政十諸音復問

云何可護諸法云何可教一切人云何

為遍恕拘舍羅令成菩薩道十一菩薩

報言精進故能護法遍恕拘舍羅故

能教人隨人有无若道若俗而為開

導故成至菩薩道十二諸音復問云何

所作而用慧云何是魔事云何而謹

所作而用慧云何是魔事云何而謹

勅不失時

三

菩薩報言所作令无罪

是故慧所作而非法是為魔事常隨

其教是則為謹勅常有譙損為人之

所敬

四

諸音復問其道者云何非道

者大何云何造人令入道

五

菩薩報言六

波羅蜜是故道其意者是聲聞辟支

佛事是故非菩薩道曉了般若波羅

蜜遍起拘舍羅故能造人令入道

六

諸音復問何謂為利云何是鎮云何

能令勤苦人而令得歡喜

七

菩薩報

言其得者七覺意其法者是則利其

鎮者是則隨隣尼所教已法无飢渴

是則為歡喜

八

其音復問何所是菩

薩父母何所是親屬何所是眷屬何

所而有好

九

菩薩報言慧則為母法

則為父

三十七

品是親屬其功德是則

為眷屬

十

故能於一切而有好

音復問何從可知元我何從可知慈

十一

而念一切無我與慈云何等今如釋

菩薩報言曉了空事乃知無我是則

十二

為大慈知一切人皆空故

十三

一切生

死无有生死法令然其知是者亦復

生死

十四

其諦者亦无有往無有還者

生死

十五

其諦者亦无有往無有還者

亦無有住其作是者便能至道五空
無有相无有願已去求則為一相已
知者曉了五陰空故无有想無有想
故無願一相而无數六事五陰則空
已知觀故五陰亦知觀一切人志空
亦不有亦不无十智慧則為護空遍
想拘舍羅護一切人已无極大慈而
教人已故可至涅槃八諸音復問无
有生故無所有一切諸法如是九何
所生知微妙而生死五菩薩報言无
所生故无所有是故慧之滅用遍想
拘舍羅微妙故有生死一諸音復
問何謂而得決何謂不復還去何
而得忍去何而無疑二菩薩報言等
住而得決已入法身不復還已得无
所從生法樂忍便無疑三諸音復問
何謂佛樹何謂菩薩相何緣佛名為
佛何謂名為怛薩阿竭四菩薩報言
佛樹者普若天无所不覆習諸法是
菩薩相是故名曰佛以智故於心无
所希望其身亦尔故名怛薩阿竭五
佛說化真施羅所問如來三昧經卷中

癸卯歲高麗國大藏都監

勅印造

佛說化真陀羅所問如來三昧經卷下

場

後漢月氏三藏支婁迦識譯

化真陀羅諸子聞是法得歡喜信忍
各各解身上珍寶以供養上佛各各說
言今用吾等故以是所有上佛今還得
聞諸法各各白佛甚可奇是伎樂之
音乃作是問諸坐化菩薩志決其難
其在會者皆無狐疑為我等開无央
數冥而令得明是者誰之所致令諸
伎樂音乃作是難問諸坐化菩薩而
皆發遣志為解之佛言皆怛薩阿竭
之所致若我欲令空而作音聲常可
致何況伎樂及諸樹以是故怛薩阿
竭所作不可計化真陀羅諸子皆言
令一切人皆如怛薩阿竭及化真陀
羅八万四千夫人各各持天珠而奉
上佛則時散佛頭上便化作八万四
千交露帳其中悉有牀具足皆珍寶
皆布天繒以為統綖諸交露帳中悉
有坐佛其佛皆三十二相諸種好悉具
八万四千夫人見是變化莫不歡喜
皆發阿耨多羅三耶三菩提心皆踊躍

合作一音而嘆恒薩阿竭已自淨復淨
他人悉去諸垢无所著無所汙其明
甚好其眼如優鉢華今自歸明若如
月一其歡者莫若如見佛佛為一切莫
不斷其罪所語其聞者莫不歡悅常
愛樂於廬野以衆寶而合成志覽持
法寶藏今自歸無所不度者二若度
水以到岸却外道伏諸邪其淨於蓮
華以空率化以諦教道今自歸歡喜
者三度四寶已四諦而率人於世間
行與人眼足下輪有千好今自歸音
安好四其身過於人為一切而說之
其有力無與佛等今自歸十種力五
而斷欲有所得而不喜无所得不已
憂於世間開盲者如冥中然燈火六
已伏心致十種力而施與自娛樂身
已伏寂而度今自歸而無何七其相
者而甚尊在於一切為之上為一切
示現莫不得其本其忍及慈已自娛
樂今自歸為尊所敬八若船師无所
不度佛者是即尊燒三毒壞絕衆冥
一切愚闇皆蒙其恩莫不來供今自
歸寂諸惡已盡九光而七尺色若如

金其音甚大聲而清淨於人之上是
則為尊今自歸為一切而作本者^十
貢高諸實已忘除去度於一切自守
如道為衆作導所語忘諦而无有異
今自歸於冥而作明^{十一}其祠祀而甚大
故名字而忘聞其法說如所言其所
聞莫不遍今自歸歡喜^{十二}大已住其
處降伏貢高自用者於一切而无所
著故知而極尊今自歸脫人之欲者^{十三}
其聲甚好音聞梵天忘知罪福去人
之垢曉知五陰所作得重莫能等者
今自歸去諸穢垢^{十四}其心忘等將護
一切已率其意其知无所不曉已住
於道所作忘正所教皆諦莫不得脫
今自歸所知而時^{十五}為人示導其德
軟好其聞音者莫不解釋衆魔甚多
莫不而伏一切忘過自用諸所貢高
今自歸已去衆惡^{十六}諸有附者莫不
隨教皆而來敬莫不供者其佛難值
所入微妙其來問者莫不喜悅今自
歸其德無輩^{十七}其意已力无所不曉
於好於醜其心適等已堅住其處莫
能動者今自歸已忘諸力^{十八}其手足

而有網足下有輪脫諸生老死常勝一

十則

時化真陀羅夫人讚嘆已竟各各復問

雖發阿耨多羅三藐三菩提心難以

母人自致阿耨多羅三藐三菩提

佛言以一事離於母人疾得男子至

阿耨多羅三藐三菩提何謂一事以

發薩芸若作無央數功德而不忘是

為一事復有二事母人疾得男子自

致阿耨多羅三藐三菩提何謂二事所作如所語

不事諸天但歸於佛所作如正不信

於邪是為二事復有三事母人疾得

男子自致阿耨多羅三藐三菩提何謂三事護身

三事而淨護口四事護意三事是為

三事復有四事母人疾得男子自致

阿耨多羅三藐三菩提何謂四事所施與不諛諂

於戒而不諛諂常自守護亦不諛諂

聽聞其法亦不諛諂是為四事復有

五事母人疾得男子自致阿耨多羅

三藐三菩提何謂五事用法故所作如法聞法而

直住不樂於母人常念作男子是為

五事復有六事母人疾得男子自致

阿耨多羅三藐三菩提何謂六事不懈怠所作不

忘其心柔軟質朴而不諛諂亦无姿態所作至誠是為六事復有七事母人疾得男子自致阿耨多羅何謂七事常念佛得法身常念法得佛慧常念僧欲令來属常念戒欲淨之所求常念施與去諸垢常念天上欲令如菩薩心常念人欲度生死故是為七事復有八事母人疾得男子自致阿耨多羅何謂八事不以飲食而自樂亦不華亦不香亦不衆好雜色亦不至戲觀之廬亦不倡伎而為樂亦不歌舞是為八事復有九事母人疾得男子自致阿耨多羅何謂為九亦无所斷亦無所著亦不念有我亦不念有人亦不念有壽亦不念有命亦不念有所生亦不念無所生而信因緣是為九事復有十事母人疾得男子自致阿耨多羅何謂為十為一切而有慈不貪利一切物亦不念他男子身命盡而不欺衆不兩舌而意罵亦不妄語其有作倡伎樂其心不以為樂亦不起意亦無所恨而正住不以邪罪福事而索知是為十事母人可

得為男子疾得阿耨多羅三藐三菩
提母人有施心有法心視諸色若水
中之聚沫自於色不貢高於安於苦
視若雨中之泡若得安不以為愛若
得痛而不怒於安隱亦不喜於痛亦
不憂視而知思想若野馬其心亦不
在男亦不在女生死譬如芭蕉知生
死無有可於生死亦不念有亦不念
無其識譬如幻視其心意若幻無
有異於諸法無有著以四大地水火
風而知一切若舍以三事而得成有
草有土有木人者亦無吾無我无命
所作如所為無崖閼是則本眼已自
然而有所視眼者如水中泡但怙以
肉而裏空本空而淨耳鼻口身意亦
亦視其身若如影其聲者譬若嚮知
其心如幻其作是者疾離母人而得
男子自致阿耨多羅三藐三菩提佛
說是時諸夫人皆歡喜已頭面著佛
足應時佛笑無央數色光明而從口
出遍十方還繞身三帀還從頂入阿
難從坐起正衣服長跪已讚嘆而問
面明如月其光甚尊其色如火中之

金今笑願聞其緣今欲所問一持持尊
慧為一切志作本其因地之者莫不
供事屬之所笑會有歡者今欲而問
二已法施自樂已清淨之戒忍辱之
力屈之所笑是誰之本今欲所問三
精進而根得成之力以禪惟務以自
娛樂其慧若天無所不遍屬之所笑
而為誰本今欲所問四常有慈加之
於哀護壽適平而无奇特屬之所笑
誰當得本今欲所問五已斷三毒而有
三眼所語法辟若甘露屬之所笑誰
當值本今欲所問六降伏衆魔却於外
道已四諦而教屬之所笑誰當致本
今欲所問七尊於十力決斷衆疑其德
無數屬之所笑誰當得本今欲所問八
佛語阿難乃見化真陀羅諸夫人春
屬為我作礼者不阿難自言已見佛
謂阿難諸夫人因是歡喜為我作礼
而自發心合會功德壽終已後離於
世人當得男子便生兜術天上當與
弥勒相見講議菩薩之事弥勒佛時
皆當供養是波羅劫其當作佛者皆
志來而供養稍稍於是劫中當成菩

薩行化真陀羅自致至成佛是諸夫
人皆當生彼佛刹志作菩薩道

化真陀羅白佛今吾等所作已若如
佛生死已盡但住於天及人已住於
於功德已現於諦道已說漚起拘舍
羅已造菩薩心開決衆法說所說而
得依歡喜而聞法時衆會及諸菩薩
各各有念化真陀羅能至久如而成
佛號字云何及其刹土有衆菩薩及
其所有佛應時志知諸菩薩所念便
呼阿難謂化真陀羅王却後七万四
千八百劫當為佛號字群那羅耶波
披沙漢曰德王明 其刹土名栴陀惟

摩羅漢言日月明 其劫名羅陀部三

披漢言寶等有其地平等坐白琉璃

其地之明辟若如日其地其淨无有
塵垢在於虛空而有交露之帳皆志
衆寶諸菩薩志坐其中所行徑處諸
菩薩各見佛見已便念我之所見着
如是化諸菩薩所疑所見佛則當開
解其疑皆當得無所從生法樂忍尔
時刹土無有城郭丘聚縣邑王者之

土一切人皆在交靈帳中不見母人
亦不聞母人其往生者皆志而化在
蓮華師子之座衆菩薩以禪為樂以
法歡喜為食亦无異道不聞異道一
切但有衆菩薩志摩訶衍無有邪道
不信佛者亦無衆魔亦无魔民亦无
求者亦無苦者以好之歲以空印而
封彼聞諸天及人等無異但有名字
其佛壽十小劫當以無央數衆菩薩
以為僧志當得不可議惟務是佛欲
般泥洹時先當授菩薩決其菩薩名
曰遍多惟授後當作佛号字摩訶惟
授漢言大嚴

是劫羅陀羅三

披於佛於法於僧無有盡時故名曰
羅陀邨三披化真陀羅於佛前受決
即時歡喜踊躍飛上去地百四十丈
而住欲令一切在會者而歡喜自用
功德因佛威神而說嘆諸法本淨若
空自然無有自然故无垢其知是者
則佛之上子一若夢之所見不可得
故不可持若如虛空其知諸法如夢
不以死生為勤苦二如幻師有所現
於其中無所得其五陰若如幻三其

色本若水中之沫痛痒者若水中之
泡而自然思想者若野馬如芭蕉无
所得生死無所得^四心意所知但有
字佛言若如幻知五陰本如空於生
死不已等已四大等如稱所已等如
毒故^五六衰者如空野已如法持佛
威神^六自伏者乃施與為是者即之
安其已淨是即戒想已盡則忍辱能
自制而寂為精進^七所作而无異是
則之為禪如所緣無所尋故慧持是
學則波羅蜜^八無我无人則善慈清
淨者是為哀其寂者若護等作是行
上梵天^九以四事雜施與受佛忍以
不怒貪已無過所有^十无我壽命亦尔
六衰空而忘寂冥知者則菩薩^{十一}菩
薩者不希望不想有人無人亦不想
有我無我其心不二故无所著^{十二}
法無所有而無所依去元所至来无
所從住法身无所閼怛薩者與佛等
^{十三}亦不有亦不無因法緣所因便有
若電現則滅心者亦尔^{十四}於生死而
有行其心不可見心者如風无所著
其心者為本淨已知心本淨於生死

無所沾汙

^十五

若垣壁牆因土草木而

得成其身无知辟若石本之淨身者

無所希望

^十六

若風不可得其聲亦尔

若山中有妓樂之響其知是聲之亦

淨於是響亦不作欲

^十七

若虛空而不

墮无所住無有處盡知諸法若虛空

無所住无所止如是知者已為等住

^十八若有大火不能焦燒其虛空其知

諸法淨若空若異方剎土而有大火

往到彼間其火亦不能害已知是法

不已須弥遮迦和山之為尋其知是

者能遍諸剎土其四大地水火風悉

平等用空故其知是者能到億億剎

土

^十九

於三界而有聲上中下於百億

劫而有聲無有竟本自然故

^十二

佛色

心等如稱而微妙用淨故諸佛平等

若稱

^十一

菩薩行已合會無央數之功

德已知善心諸法悉平等後能便受

^十二

其決

淨其知是者後乃受決

^十三

於色不想

於想亦不想於痛痒思想生死識亦

不想以法故而受決受決者不以陰

四大故空者盡平若稱已知是者為

無所從生後乃受決四盡者不能自
知不盡者不能知盡已向盡者諸法
忍後乃受決无想者若直之道有想
者若入邪道於諸法無所著已過三
世其知是者乃得決五自知我而自
然諸法悉自然無我而自然用空故
而自然空者自然無所有其知三蓋
心等而空是故曰自然其知受決者
不當作是知為有希望故其知不心
不意受決者是則為受決六化真陀
羅謂諸會者若等悉住在地而我在
虛空其知在地於虛空心適等遍於
三世而無所著七化真陀羅讚歎說
是從虛空來下前到佛所而白曰今
佛者用我故於世而有佛盡為我說
吾之願已從无央數阿僧祇劫而行
菩薩道不忘功德今悉得聞時會諸
菩薩各有是念化真陀羅已從本何
過去佛而發心佛則知諸菩薩所念
欲決其疑故喚提無離菩薩言過去
不可勝數阿僧祇劫

尔時有佛号字羅陀那呌頭漢言為

寶英其刹土名曰首呵首呵者漢言

曰為淨貌

其劫名波羅林

波羅林者

清淨貌

今時怛薩阿竭有十二億菩

薩皆精進悉得忍皆阿惟越致其佛
壽六十億歲其剎土莊嚴元所不辦
其地悉琉璃無種諸穀者其有飢渴
名美飲食盡悉在前其土者无有異
道皆悉摩訶衍今時之世有遮迦越
羅名曰尼弥陀羅而主四方是遮迦
越羅供養佛六十億菩薩至千億萬
歲所作功德而無央數及夫人八萬
四千及子千人及官屬八萬四千人
與俱發阿耨多羅三耶三菩提心發
心復供事佛至億萬歲却後以太子
名曰和陀波利林代而立為王棄國
行作沙門其太子立為王者亦供養
佛如前數已復立其子而為王便棄
國行作沙門如是展轉相傳如前法
乃至盡于佛壽其佛般泥洹已寂後
末王而制持法佛語提無離菩薩汝乃
知時遮迦越羅尼弥陀羅不今現化
真陀羅是提無離則言善哉善哉佛
之智以不可計盡久遠悉知而說之
佛言是智不足言所以故能知一切

人已過去當來今現在心所行有所
因無所因有功德无功德是故怛薩
阿竭智無所罣尋佛說無所罣尋時
八万四千人悉發阿耨多羅三耶三
菩提心化真陀羅與宮室眷屬供養
佛七日已便持所有國土悉奉上佛
是者皆怛薩阿竭所有時時枉尊來
到是間當用哀一切故化真陀羅太
子名曰遺摩羅涅以摩尼珠交露以
奉上佛白言今吾化真陀羅者於伎
樂而有欲唯願佛以法教照吾等
令於伎樂而無欲心佛言從今已去
我為若心作護有伎樂之音時令若
聞六十四法聲當所向何謂六十四
法但聞无常聲苦聲空聲無我聲寂聲
清淨聲無生死聲本淨聲无所從生
聲如其本聲本際聲本无聲法身聲
怛薩阿竭聲無人聲無壽聲無命聲
无來聲無當來聲無過去聲无現在
聲無處所聲無所得聲无所上聲布
施聲淨戒聲忍辱聲精進聲一心聲
智慧聲慈聲哀聲護聲等聲佛聲法
聲僧聲不忘菩薩聲意止聲意斷聲

神足聲根聲力聲覺意聲道所入聲
響聲觀聲遍起拘舍羅聲四事雜布
施聲教一切聲護法聲降伏魔聲幻
聲夢所見聲若日明聲若響聲若水
中影聲不壞法身聲十種力聲四无所
畏聲十八法不共聲阿耨多羅三耶
三菩提聲阿惟越致聲莊嚴國土聲是
為六十四事諸所伎樂以佛威神但
聞法聲已入是者便得三十七品時
會者莫不歡喜皆以頭面著地各各
悉言菩薩甚尊已住法者皆為佛所
護佛語諸會者如若之言菩薩已住
法者皆為佛所護所以者何以護菩
薩者為護一切人所以者何菩薩發
心用一切故所以為僧鄒將護愚冥
脫於生死皆至泥洹佛言其知護菩
薩者是人已為護一切人以其有以
鉢震衣被所當得者而與菩薩已
為施與一切已所以者何菩薩出息
入息而得生活辟若如人有出息
入息因是而得住足欲饒益一切
故一切衆會諸欲天子諸色天子清
淨天子真陀羅捷陀羅摩休勒皆讚

歎勸助佛之所言皆持衆華而散佛
上化真陀羅自念諸比丘菩薩上至
佛皆當還去欲令因化真陀羅神足
而還便化作交露車縱廣三百里皆
悉衆寶無央數寶以為諸樹為怛薩
阿竭作師子座高四丈九尺以天繒
无央數色有統紵布其諸座令諸比
丘菩薩各各就坐為諸帝釋四梵天王
作座如天座則已成辦白佛已加哀
當就之佛與比丘僧諸菩薩悉就化
真陀羅車則時因化真陀羅神足去
地百四十丈其車行於虛空八千天子
其諸化真陀羅捷陀羅皆共隨從化
真陀羅以金為繩與眷屬俱挽交露
車適當向道佛放光明悉照三千大
千刹土王阿閼世及諸群臣比丘比
丘尼優婆塞優婆夷見光明知佛當
來悉持繒蓋幡花香出羅闍城皆出
而行迎化真陀羅八万四千伎樂皆
作倡伎鼓琴瑟而行其音先聞化真
陀羅與子及眷屬挽車送佛至耆闍
崛山中已到佛從車已下自就其座
諸比丘菩薩皆在前而坐阿閼貴王

比丘比丘尼優婆塞優婆夷諸一一尊者及散王屬阿闍貴者皆持繒蓋華香志以供養佛作礼各各問言怛薩阿竭提無離菩薩問佛化真陀羅與諸眷屬以車送佛到是當得何功德佛言化真陀羅及眷屬其發阿耨多羅三耶三菩心者因是功德皆當得五旬乃至成佛而不忘從一剎到一剎供養諸佛聞其法亦供視諸比丘僧皆當知宿命志當成无極之大哀常當護法常當教化一切人王阿闍貴語化真陀羅善哉仁者為佛所譽阿闍貴復報語化真陀羅仁所作功德願分我少所令我得其功德化真陀羅則答言若可意者持是功德而相與及一切人何以故菩薩諸所作功德皆為一切故不於中有所貪諸所作功德不念獨是我所作一切人許菩薩有所作為一切當蒙其福祐何以故菩薩者是一切之因緣稍而自習故能益於人化真陀羅謂阿闍貴善哉仁者而得二加羅蜜一者是佛二者是文殊尸利蒙是恩所作非法

其狐疑志得解除阿闍世王言菩薩所作甚善已意作法器諸所聞法其心不疑亦不念亦不忘提無離菩薩問佛何謂菩薩能作法器佛言以三十二事為法器何謂三十二事菩薩堅住為佛所護是為法器一其意不諂所語无異於功德有信是為法器二以習菩薩事是為法器三所聞用意是為法器四已入意稍欲至道是為法器五入知諸本是為法器六布施得尊是為法器七淨戒具足所願是為法器八忍辱者致三十二相是為法器九精進者一切諸佛法是為法器十一心者療治其病是為法器十一智慧者無所罣碍是為法器十二慈者為一切人而等是為法器十三其哀者護一切貧窮是為法器十四其護者為哀一切人是為法器十五等心者為一切其心無有異是為法器十六為人作迦羅蜜是為一切功德之法器十七所聞不厭足是為般若波羅蜜法器十八作沙門雖離父母親屬其心不已為勤苦是為法器十九樂在山間而自獨處其

心專一是為法器二能忍空閑可得

禪旬是為法器一其元者已所有而

與之便教道人是為法器二護諸法

使盲冥而得明是則為法器三知陀

隣尼曉了其事能開導人是為法器

四在所欲為一切人能決其疑是為

法器五其念佛者疾得見佛是為法

器六其无瞋怒其心不恨

其功德不知盡是為法器已知空事

不慕所有是為法器曉了十二因緣過

著斷上而去是為法器九已得法忍者

是為法器十今受決不久是為法器十一

於阿惟越致前其力故不動轉是為法

器十二是為三十二事菩薩法器說是時

万人皆發阿耨多羅三耶三菩心皆

舉言令一切悉得是法器令吾等逮

得如佛所說法器佛謂化真陀羅可

還處所勿令人勤勞化真陀羅言其

心念勞者是非菩薩其不念勞者是

為菩薩化真陀羅復問佛何所菩薩

念勞何所菩薩而不念勞佛言菩薩

以四事可知有勞何謂四事可知有

勞聞無央數人其心恐怖是為一勞

聞不可度生死其心恐怖是為二勞
聞不可限諸佛智其心恐怖是為三
勞聞無央數功德而成一相其心恐怖
是為四事知而有勞菩薩以四事知
而不勞何謂四事欲度一切人皆令
至泥洹是為一事不以為勞欲自護
无央數生死蓋欲作功德其心不恐
是則不為勞聞無央數佛智欲悉具
足其心不恐是則不難聞无央數功德
而成一相其心不恐續作功德不以為
難是為四事知菩薩而不為勤勞復
有四事知而計勤勞何謂四事中間
中間愛樂聲聞之事而往附覲中間
中間樂辟支佛法而往親近諸法欲
盡時而不用意亦無有護亦不教人
發菩薩心是為四事知菩薩而計勤
勞復有四事不可計有勞何謂四事
不於羅漢辟支佛法而自娛樂聽亡
身命不離其法若聞有好人可發菩
薩心故往教不避大遠是為四事知
菩薩而不為勞復有四事可知有勞
何謂四事若沙門婆羅門貧窮乞食
者如有所求輒瞋怒向之但憂食飲

卧起得安而不念餘人不念學問我當多知時時所聞慧急去而不欲教人向是為四事知菩薩而計有勞復有四事知而不計勞何謂四事其乞自者有所求則而施與視之如迦羅蜜其心柔軟好顏向一切不自念身安但欲安他人於學不以厭足如所聞教化一切人無所希望是為四事知菩薩不計有勞復有四事菩薩計而有勞何謂四事不求波羅蜜道不以四事而有所施於一切人不精進而欲教其趣可所聞念已為足不念菩薩道是為四事知計有勞復有四事可知菩薩不計有勞何謂四事若身被火不已為劇求諸波羅蜜亦如是不以懈怠以四事施與常以偕足不逆求者以精進欲於人歡喜欲具諸功德知而不厭是為四事菩薩知不計勞佛謂阿闍貫聞菩薩而不計勞則答言已聞佛言已聞者從今已去其有行菩薩者所作勿厭極而計勞王阿闍貫問佛何謂菩薩行佛則於化真陀羅捷陀羅諸會中而言各各得

所其阿闍貲聞佛所說菩薩行如所
行聞法則作行於菩薩不計勤苦而
行於一切等心行堅固行諦行其意
所作而淨行於菩薩法而不諂行布
施行與行所有無所惜行其作菩薩
行不作有所依淨戒行寂行身口意
淨行菩薩已心常念而行忍辱行棄
捨衆恨而行其作菩薩行者不起其
意精進行有所致行於生死不以勤
劇而行其作菩薩行其心不怯弱憚
行知行安身心而行其作菩薩行心
而不亂菩薩者以智慧行當如法行
其行菩薩不計有所得慈行柔心行
常作哀行菩薩所作行无有恚行空
行以意行無有想清淨行其菩薩行
无所願菩薩行是當行具足意智慧
行菩薩所行無所尋信行精進行用
意安三昧行其菩薩行无所断神足
行惟務行以五旬行菩薩所作而不
罪行平實行乘法行欲教一切而
行其如菩薩行所作而不藉因緣行
如作行断絕衆冥行於菩薩所作而
不錯淨行清淨行脫衆垢行菩薩其

作是行無有悔安行護一切令无畏
行菩薩其作是行為志具足所欲如
日行如月行如蓮花不汙行菩薩作
是行為諸天一切之所敬如釋行如
梵行具足道行菩薩其作是行衆魔
悉恐持行尊行盡姪怒癡行菩薩作
是行者無央數諸天皆讚歎之所行
久長行智慧眼清淨行菩薩作是行
者無所希望寂行肅行於名色无所
著行菩薩其作是行无有罪菩薩所
作如是行為諸天所歎所語柔軟行如
平等行捨邪道行菩薩之所行以慧
為本行勇猛行動衆魔行會當坐佛
樹无有異行得陀隣尼行者菩薩在
所作而不厭行山間行能忍行常愛
樂欲作沙門行菩薩所行如所因欲
脫行而心行於一切而尊行菩薩所
緣所而不失辨行漚起拘舍羅行於
禪旬而不希望行其作菩薩无所法
行於俗行非俗行欲色無色行菩薩
作是行無所畏一切無所不行盡知
一切人行菩薩所行譬若如天无所
不覆_三佛說菩薩行時五百菩薩皆

得無所從生法樂忍於衆會八千人
皆發阿耨多羅三耶三菩心悉對佛
言吾等悉嘗奉行菩薩行如所行佛
作瑞應欲令化真施羅還歸其處時
化真施羅宮室眷屬遶佛三匝前長
跪而辭放身光明皆作伎樂鼓於琴
瑟地六反為震動而雨天華便還處
所歸其宮室釋提桓因白佛言今化真
施羅供養佛及法比丘僧諸菩薩其
功德已出我上佛語釋提桓因不獨
過若上其德已過三千大千刹土諸
釋梵四天王諸聲聞辟支佛上所以
過者何菩薩一發心過諸聲聞辟支佛
一切人當因其法得度脫故菩薩勝
於一切莫能有勝於佛者故知无能
勝菩薩者所以者何佛因菩薩心而
自致成諸聲聞悉因佛法而得成佛
說是語釋提桓因則自泣淚出白佛
令我有損本不發菩薩心時座中有
天子名曰懼或謂釋提桓因佛法而
普天莫不發菩薩心今若之悔當復
何益所以者何焦燒菩薩種故已不
在菩薩法器懼或說是語時五百仞

利天子皆發阿耨多羅三耶三菩心
懼或天子白佛我見佛從本行菩薩
從提和竭佛受決得无所從生法忍
時今怛薩阿竭如所得法樂忍惟願
說之今吾等聞佛佛言无功德菩薩
不能得聞無所從生法樂忍佛語懼
或菩薩以四事得无所從生法忍何
謂四事等知諸佛以過去當來今現
在無有^一於諸法等无有異^二等諸
刹土^三等一切人^四是為四事復有
四事何謂四事樂空而知四禪^一以
无極哀樂於三活^二以遍想拘舍羅
樂六波羅蜜^三以智慧樂於五旬^四
是為四事復有四事何謂四事於五
陰求菩薩道菩薩知五陰而自然^一
於四大求菩薩以自然^二信四大於
六衰求菩薩視六衰而自然^三於諸
法求菩薩於諸法自然而不疑^四是
為四事復有四事何謂四事以住於
本際而知諸法^一已住怛薩阿竭於
法無所不入於三世而等^二入於法
身悉知諸法其相若空不可壞^三視
諸法悉等无有異^四是為四事菩薩

得無所從。生法樂。忍說是時五百菩薩。悉得无。所從。生法樂。懼或天子得法。忍不疑。說是欲竟時。佛呼阿難。若得甚善。是法快哉。无。比甚深微妙。如本所說。以是而知。本曉了諸法。阿難。白佛。如本所聞。法今聞。是者可。悉曉了。今我聲聞。聞是。悉曉了。是法何况菩薩。其智无。極。其心若海。無所不受。其智甚廣。無所不。苞。於諸法。無所不。摠。於衆寶。而為大器。於一切无。情者。而為作。倩。若。視厚其慧。不可度。阿難復問。佛其後。聞是者。當得。向法明。佛言。今。但。薩阿竭。一。毛。光明。悉。覆三千大千。日月之明。如。但。薩阿竭。舉身。毛。光明。不如。得是法明。其决。无。所。不過。所以者。何。諸明者。皆。因智慧。而得法明者。而知一切人。故尊。而。无。盖者。一。其後。聞是者。皆得。慧明。便持。諷誦。讀教人。為其法。智不離。菩薩用一切。故於无。極哀。以為。摩呵。僧。那。僧。涅。以慈。而為。鎧。以降。伏衆魔。稍近。佛樹下。阿難。白言。今我承。佛威神。而持。是法。其。諷誦。讀。

為一切人廣說其福云何佛言若有
人以七寶滿三千大千剎土施與須
陀洹斯陀舍阿那舍阿羅漢辟支佛
上至佛所作功德至千歲佛問阿難
其德甚多不阿難白言甚少甚多天
中天佛言不如男子女人奉行菩薩
事而晝夜各三誦誦讀若為人說是
法中事其德出彼上何況說如是法
者何以故菩薩以經中四事為人說
解中義是故為法施衆施中之尊於
是為極上之恩法施者是為極上之
護何以故其法施者聞聽心垢則除
便得脫其所有物而施與但長養於
生死甘欲度於生死者當以法而施
與是為隨佛教法施者一切人因是
中而得德菩薩法施時得三十二事
何謂三十二事用意安一所作安二
於行安三於愛欲少四於怒瞋五癡
亦尔六自就脫復脫人度生死七為
人所愛八為諸天所歎九為龍闍叉
捷陀羅所護十因所作而分越十一便
得衣鉢震越牀卧具病瘦醫藥十二名
聲遠近莫不聞者終不為邪之所得

十為諸佛之所讚便能行護法十因

是而得法身不畏於惡道十於諸天

及人不以為難六所生不離諸佛法

十所生便知宿命八所生愛九身而

不缺減二便逮得三十二相二十得陀隣

尼所破壞欲二而知諸因緣以禪自養

三以大慧治道路四於冥疾明五其

心不邪念六俗事之所施與而過上七

於法藏不可盡在所欲八四法諸本皆闕是

為三十二釋提桓因白佛我奉行持

是法若佛般泥洹以後其有人應法

器者我當擁護令得聞是法所以者

何如是經中所說功德用功德歡喜

故佛言善哉善哉釋提桓因於我前

而勇猛若師子說後當護是法用是

功德故若阿須倫欲以兵而來不敢

當若所以者何是法要无能得者而

若欲護之其有所畏者所見不邪故

於法無所希望是故為護梵天白佛

其有郡國縣邑聚落其說是法吾等

自當捨其處所當往擁護所以故聲

聞辟支佛釋梵因是法而得自成致四

天王白佛吾等是佛弟子皆當奉行

是法當擁護之令得久住其吾等所部主不信佛法者若龍闕叉捷陀羅真陀羅摩休勒其有不信者我當令信則皆言隨其習俗說呪日多鐸啞鐸阿羯鐸婆少羯鐸休曼摩休曼伊曼牽曼阿和嚩椎越嚩波利吒陀耶尼蚊眇波架散耶伊和伊和惟利頰脂姐脂姐摩羅伊陀悉當令信向佛法其有邪意者皆令正心其有闕又自用者皆不自貢高皆當令讚歎佛而擁護法是要佛之所說四天王呪是言其有求人短者皆得不勝佛語弥勒提无離菩薩我從阿僧祇劫而行菩薩道今以法而相屬累令得久住弥勒菩薩謂提无離菩薩佛般泥洹已後吾等當護是法當教告人廣說其事後世若有菩薩有功德者當遠得是經卷我等當勸助而擁護之若後世其遠得是經者有書諷誦讀皆得安隱當知弥勒提无離菩薩之所擁護時於會中魔來而白佛佛為聲聞說法時我不恐懼亦无所憂佛今所說菩薩印住怛隍阿竭稍近菩薩道為一

切作護我今聞是愁憂辟若如老今
以羸極若欲躋地惟怛薩阿竭加哀
而哀所以者何聞是甚愁甚憂從今
已去莫復說是佛謂魔莫復啼哭亦
勿致愁今若伴者亦甚衆多其有不
聞是法者悉是其伴信樂者少少耳佛
以取土著爪甲上其有信向是法其
數若爪上之土其有不信者之數譬
若地之土如地土之數不信者悉若
之侶也用是故且自歡喜無央數一切
人界說是法時悉發阿耨多羅三耶
三菩提心九万二千菩薩皆得无所
從生法忍八万四千人皆得須陀洹
道八千比丘皆得阿羅漢尔時三千
大千剎土而為六反震動其光明無
所不照普雨於天華其琴瑟倡伎樂
不鼓而自鳴諸天无央數輦在虛空中
皆言善哉善哉吾等於閻浮利垂見
法輪而轉如怛薩阿竭於波羅那界
轉於法輪多得安隱不如今之所說復
增加轉倍其有持誦誦讀是經者所
說以為助法輪轉弥勒提无離菩薩及
阿難問佛是法為何等當云何行佛

言是名化真陀羅所問諸波羅蜜解
諸法寶品佛說是經弥勒提无離菩
薩比丘僧諸天人犍陀羅鬼神龍莫
不歡喜前為佛作礼而去

佛說化真陀羅經卷下

癸卯歲高麗國大藏都監奉
勅彫造